



D. IV. 2 (a-b)







Fr. Jo. n. 1656



A

P
E

I

Rdo.

Rdo.

Ap

P
L

V I T A
A B R A H Æ,
E T
P O L I T I C V S C O E L I,
Ex mysticis actionibus & moribus
Sacrorum Patriarcharum
I S A A C & I A C O B
E X S C V L P T V S.

A V T O R E

R^mo. D^{no}. P. DIDACO NISSENO ORDINIS SAN-
CTI BASILII MAGNI ABBATE.

Tomus Tertius.

INTERPRETE LATINO

R^{do}. P. F. IOANNE FREYLINCK REIMBACENSI,
ORD. PRÆD. SS. THEOL. MAGISTRO.

Cum Indice copioso.

Opus Verbi Dei Concionatoribus percommodum.

Cum Priuilegio S. R. M. Pol. & Suet.

C R A C O V I Æ,
Apud LVCAM KVPISZ S. R. M. Typographum,
Anno Iubilæi Magni, M. DC. L.

*Paulus Amaloulenſis. Eremi Wygreſ Insula emptâ à conventu ſacrorum
P. P. Redicatorum 1687 & ſubſcriptâ inſcriptâ huius Eremi 1688*

Blank page with faint, illegible text impressions and a large water stain.

Fragment of text from the adjacent page, including a large initial 'D' and some illegible characters.



Illustrissimo & Reuerendissimo Domino

D. GEORGIO
TYSZKIEWICZ

Dei & Sedis Apostolicæ gratiâ
EPISCOPO VILNENSI,

Regni Poloniae
AMPLISSIMO SENATORI,

Felicitatem Perennem.



Eorum generosos animos auro fusos esse, diuinus alicubi Plato edisserit, Illustrissime & Reuerendissime PRÆSVL. Num forsan? quòd, vt auri; sic optimi in orbe Herois, summa raritas. Rarum enim & portento simile inter mortales semper fuit, hominem & genere & bonitate alijs antecellere: cum in summa fortuna licentiæ ventis non abripi, haud humanum. Et profectò si Deum, quia summè bonum necesse est esse; non nisi vnicum esse posse, euincit ratio. Sic inter eos, qui vt natalitiorum splendore, ita potestate diuinitati proximi habentur: rarissimi omninò, qui simul optimi. Non aberrabo (vt opinor) si ad

P R Æ F A T I O.

magna natum Tuæ Celsitudinis animum, ex purissimo auro elaboratum dixero. Quem antiquissimâ Prosapiâ ortum, & Religio & virtus, pulchrius; quàm: solis radij, terræ mineralia expoliuere. Quæ enim pulchra & præclara in alijs sparsa ac diuisa esse videntur, ea in Te vno, felici completionem natura copulauit. Non igitur in conspectum Illustrissimæ Celsitudinis Tuæ, licuit quidpiam nisi aureum proferre: (si fides magno Stagyrîtæ) Simile simili optimè conuenire. Quòd si rectè fabulantur Poëtæ, aurum cum sapientia cæpisse simul: cùm enim Minerua Dea Sapientiæ nasceretur de capite Iouis, tunc imbrem aureis guttis, in terram stillasse ferunt, ex eiusdem cerebro. Dùm ego Tertium Opus DIDACI NISSENI, Illustrissimæ Tuæ dexteræ porrigo, aureum credo recognoscet: quia, profundissimâ cultum sapientiâ. Ea verò me causa impulit, vt Opus hoc ad splendorem & augmentum Ecclesiæ pertinens, Tuæ Celsitudini dicarem, quòd suâ sollicitudine & vigilantia, Græcam fidem, magna ex parte ad veram religionem resuscitam esse sciam. Proinde NISSENVNVM afferro, iure Taumaturgum nostri sæculi, qui cùm innumera fecisset miracula, seipso nihil mirabilius facere potuit, quàm, vt mortuus corpore, calamo inter viuentes perennaret. Aut certè vnum è numero septem Græciæ Sapientum, qui dignus factis visus, cuius erudito stylo, tota in orbe loquatur Ecclesia. Quo nemo arcana scripturæ altius penetrauit: nemo sacri dogmata Euangelij sanctiùs habuit: nemo abditos Doctorum Ecclesiæ sensus, & implicatos conceptus, subtiliùs euoluit, luculentiùs expressit. Cùm in id & sacris & prophanis thesauris ex æquo diues esset NISSENVS. Quid enim ipsi imper-

P R Æ F A T I O.

imperium? secreta Principum obsidet, fana & profana in-
 scet. Haud ab aureo Chrysosthomo, aut facundo Hierony-
 mo, aut mellifluo Bernardo, aut arguto Basilio, degener fi-
 lius. Verum si Mercurius Iouis mandato, scientias in terram
 deferens, non omnibus promiscuas fecit, sed præcipuis, &
 optimæ indolis viris. Profectò & tam nobile Opus, & me
 partiri haud decuit, quàm inter Summos Ecclesiæ Sanctæ
 Præsules, & Regni Senatores. Sic enim magna magnos, di-
 uina sacros, erudita Sapientes decent. Cuius Tertius Tomus,
 Tuam Celsitudinem sibi Patronum quærit, qui religione &
 in Deum pietate, plurimum apud omnes vales. Quis enim
 non videt præclaras Tuas dotes, non solum in nostra regio-
 ne, sed tota ferè in Europa, veluti lumen quoddam elucere.
 Nec quenquam esse, qui religiosior; qui bonis Ecclesiæ ad-
 ministrandis & optimè collocandis sanctior; qui in tanto di-
 gnitatis fastigio, demissior; qui in summa sapientia profun-
 dior; qui deniq; vigilantior existat. Vt omnes Te, ceu vni-
 cum Religionis & Sapientiæ Phœnicem suspiciant, & admi-
 rentur. Velim hic insignem aliquem, scribendi adesse artifi-
 cem, qui rem pro sui merito tractaret: & quæ à Te in hac pri-
 maria dignitate, multa cum laude, summaq; admiratione
 geruntur, veluti in tabula, coloribus suis depingeret. Sed
 cum ad tam præclara facinora exæquanda, mei animi facul-
 tates sint impares, ego imitabor Timantem, quodq; calamo
 exprimere non possum, velo obtegam. Non tamen hic si-
 lentio dissimulandum, quod obscurari non potest, sed ine-
 rudito etiam sermone explicandum. Quod Sanctissimus in
 terris Christi Vicarius V R B A N V S VIII. Pontifex Maxi-
 mus, videns Te in Ecclesia Dei ciuem esse meritissimum, vo-
 luerit

P R Æ F A T I O.

Iuerit in Senatum suorum Cardinalium adscribere, nisi summa Tua modestia tantum honorem vltro refugisset. Nouerat hoc alter orbis vniuersi terror, & ipso maior Alexandro Magno, inuictissimus VLADISLAVS IV. Regni nostri fortunatissimus REX, & clementissimus subditorum Parens, dùm Tuam Celsitudinem Torrunensi Colloquio, cum dissidentibus à fide, præfici curauerit. Vbi vel prouisis prudenter, vel actis constanter, vel responsis cauta illa Tui animi virtus, & recondita doctrina explorata, omnes in sui admirationem ita rapuit, vt & clarissimâ, & vnâ omnium voce, vbi cunq; gentium prædicata sit. Spem igitur mihi non mediocrem facit, magna Tuæ humanitatis, religionis, & sapientiæ opinio, quæ iam per omnium ora percrebuit; non ingratum fore munus hoc Tuæ Celsitudini. Nam quid magis congruè potuit fieri, quàm dùm Abbas ad Præsulem, Concionator ad Antistitem, Sacri Ordinis Diui Basilij Magni propagator, ad Pastorem vigilantissimum, quo inuigilante magna pars Græci ritus, ad Christi ouile redijt, Doctor ad eruditum Evangelicæ veritatis, scriptor, ad doctrinæ Patronum & Christianæ libertatis defensorem, venit. Quem vbi Illustrissima Celsitudo Tua innatâ humanitate receperit, facilè in aliorum obtutus prodibit, & cum Illustrissimo Nomine Patroni sui, in recenti semper posterorum memoria perennabit.

*Illustrissima & Reuerendissima
Celsitudinis Tuæ*

humillimus seruus

LVCAS KVPISZ
S. R. M. Typographus.

STV.

STVDIOSO, ET AMICO LECTORI

Interpres S. P.

NISSENI Tomum Tertium, & postremum eorum, quos
videre hactenus licuit, tandem aliquando fero. Fortè
Conciones de Sanctis expectabas. Vita magni ABRAHÆ est,
& POLITICVS COELORVM, quod nunc dono. Nec ta-
men tua te omninò fefellit opinio. Si enim hæc assidue, attentèq;
perlegeris, & relegeris, plurima passim inuenies, à quibus dilau-
dare Sanctos possis. Nihil est in tota vita ABRAHÆ, quod ad
commendationem posterorum illius Sanctorum verti non possit,
nihil in utraq; parte POLITICI COELORVM ad similitu-
dinem morum ISAAC, & IACOB effigiati, ex quo difficile sit
encomia Sanctorum texere. Sola temporis penuria fecit, ut ego
non facerem Indicem Sermonum de Sanctis, quod alioquin non
magno labore potuissem. Nam quæ hic Tomus versat, sunt ple-
raq; fragmenta argumentorum, quæ alij anteriores tractarunt,
adeo promptum mihi fuisset transferre hæc ad laudes Beatorum,
sicut priora transtuli. Tuæ ergo hoc industrie relinquo interim,
donec mihi per occupationes alias liceat non solum ex his NISSE-
NI Tomis, verum etiam ex varijs aliorum tam Hispanis, quam
Italæ Autoribus, meis item nonnullis manuscriptis Latinis, &
Germanicis Concionibus copiosum Indicem, & iussum volumen
adornare. Nolo autem hæc quantulocunq; viliora putes cæteris,
quòd fragmenta dixi eorum, quæ alibi tractata. Nam quod hæc
NISSENVS in Tomis superioribus omisit, studio breuitatis fecit,
non quia rei jcula arbitratus fuerit, quæ de subtilitate, & utilita-
te cer-

P R Æ F A T I O.

Iuerit in Senatum suorum Cardinalium adscribere, nisi summa Tua modestia, tantum honorem vltro refugisset. Nouerat hoc alter orbis vniuersi terror, & ipso maior Alexandro Magno, inuictissimus VLADISLAVS IV. Regni nostri fortunatissimus REX, & clementissimus subditorum Parens, dum Tuam Celsitudinem Torrunensi Colloquio, cum diffidentibus à fide, præfici curauerit. Vbi vel prouisis prudenter, vel actis constanter, vel responsis cauta illa Tui animi virtus, & recondita doctrina explorata, omnes in sui admirationem ita rapuit, vt & clarissimâ, & vnâ omnium voce, vbi cunq; gentium prædicata sit. Spem igitur mihi non mediocrem facit, magna Tuæ humanitatis, religionis, & sapientiæ opinio, quæ iam per omnium ora percrebuit; non ingratum fore munus hoc Tuæ Celsitudini. Nam quid magis congruè potuit fieri, quàm dum Abbas ad Præsulem, Concionator ad Antistitem, Sacri Ordinis Diui Basilij Magni propagator, ad Pastorem vigilantissimum, quo inuigilante magna pars Græci ritus, ad Christi ouile redijt, Doctor ad eruditum Evangelicæ veritatis, scriptor, ad doctrinæ Patronum & Christianæ libertatis defensorem, venit. Quem vbi Illustrissima Celsitudo Tua innatâ humanitate receperit, facilè in aliorum obtutus prodibit, & cum Illustrissimo Nomine Patroni sui, in recenti semper posterorum memoria perennabit.

*Illustrissima & Reuerendissima
Celsitudinis Tuæ*

humillimus seruus

LVCAS KVPISZ
S. R. M. Typographus.

STV.

STVDIOSO. ET AMICO LECTORI

Interpres S. P.

NISSENI Tomum Tertium, & postremum eorum, quos
videre hactenus licuit, tandem aliquando fero. Fortè
Conciones de Sanctis expectabas. Vita magni ABRAHÆ est,
& POLITICVS COELORVM, quod nunc dono. Nec ta-
men tua te omninò fefellit opinio. Si enim hæc assidue, attenteq;
perlegeris, & relegeris, plurima passim inuenies, à quibus dilau-
dare Sanctos possis. Nihil est in tota vita ABRAHÆ, quod ad
commendationem posterorum illius Sanctorum verti non possit,
nihil in utraq; parte POLITICI COELORVM ad similitu-
dinem morum ISAAC, & IACOB effigiati, ex quo difficile sit
encomia Sanctorum texere. Sola temporis penuria fecit, ut ego
non facerem Indicem Sermonum de Sanctis, quod alioquin non
magno labore potuisssem. Nam quæ hic Tomus versat, sunt ple-
raq; fragmenta argumentorum, quæ alij anteriores tractârunt,
adeò promptum mihi fuisset transferre hæc ad laudes Beatorum,
sicut priora transuli. Tuæ ergo hoc industriæ relinquo interim,
donec mihi per occupationes alias liceat non solum ex his NISSE-
NI Tomis, verum etiam ex varijs aliorum tam Hispanis, quàm
Italæ Autoribus, meis item nonnullis manuscriptis Latinis, &
Germanicis Concionibus copiosum Indicem, & iustum volumen
adornare. Nolo autem hæc quantulocunq; viliora putes cæteris,
quòd fragmenta dixi eorum, quæ alibi tractata. Nam quod hæc
NISSENVS in Tomis superioribus omisit, studio breuitatis fecit,
non quia rei scula arbitratus fuerit, quæ de subtilitate, & utilita-

te certare cum anterioribus possunt. Fragmenta erant, quæ Christo à saturatis quinq; millibus hominum reliqua, & panibus tamē ipsis, quibus superfuerunt, oppidò plura, tantum abest, ut minus aliquid habuerint illa, vel habeant hæc NISSENI, ex eo, quod fuerint, aut sint fragmenta. Deniq; beatus ille, qui potest colligere, quæ etiam doctis supersint, inquit S. Ambrosius lib. 6. in cap. 9. Lucae. Annotavi ad calces singulorum fere Capitum, quæ de simili, vel eodem argumento in prioribus Tomis tractantur, ut è plurimis conceptibus eos, quos tibi magis aptos, gratosq; putaueris, possis deligere, & de re una copiosè disserere. Stylo usus sum, quo in prioribus, neq; squalido, aut putido, neq; affectatè politulo, ampuloso, fucato. Sensum auctoris, quantum ingenio, & calamo assequi potui, exprimere studio, quod si minus, quam volui, effeci, corripì, & corrigi, & castigari non defugio. De verbis singulis ex Hispano in Latinum transferendis non laboravi, non solum quia rusticum est (quod habet S. Hieronymus in mea ad Tomum primum Præfatione) verbum ex verbo reddere, verum etiã quia non pauca sparsim phrasi Poeticâ velut comicè describuntur, quæ ego neq; criminari, neq; imitari, & simili verborum formulâ reponere Latine volui, eò quod sermo Dei, & prædicatio Apostolica non in persuasibilibus humanæ sapientiæ verbis, sed in virtute Dei, & ostensione spiritus sint posita, ut fere aiebat S. Paulus 1. Corinth. 2. 4. Vale amice Lector, & filius Abrahe, Politicusq; cælorum esse stude.

FR. IOANNES FREYLINCK.
Ord. Præd.

LIBER

LIBER PRIMVS VITÆ ABRAHAM.

Interpres Lectori S. P.

Abraha vitam, & pleraq; ab illo domi, forisque, publicè, ac priuati-
tim gesta, duodecim Libris Nissenus exequitur. Librum unum-
quemlibet epitome claudit, in qua partem historia, que per ali-
quot capita prolixius tractata fuit, compendiariò perstringit.
Hæc ego breuiaria meditatio prætermisi. Primum, quia Author
ipse tantundem fecit in utraq; parte Politici cælorum, qui vi-
tam Isaaci, & Iacobi similis stylo explicat. Tum quia passim in
manibus sunt & Interpretes, & Annalium Scriptores, Torriellus, Sallianus, & alij,
tum veteres, tum recentiores, ex quibus huiusmodi summaria excerpere quisq; pos-
sit. Deniq; importuna eorum vota, qui Tertium hunc Tomum diu, ac vehementer
expetiuerunt, & angustia temporis cœgerunt breuiare laborem, & præterire, qua
neg; operi præcipuo quidquam ornamenti, neg; emolumenti aliquid tibi detrahunt.
Ita vale, & hunc moralem Abrahamica vitæ tractatum in vsum morum, ac vitæ
tuæ studiosè conuerte.

C A P V T I.

Nulla felicior iactura, quam quæ pro Deo to-
leratur, & fortunatissimum damnum est, quod pro
illo sustinemus, qui omnia multò & meliora, & am-
pliora, cumulatoraq; reddit.

Vam sunt felicia pro Deo tolerata
dispendia! Quam fortunatus, & bea-
tus ille homo, quisquis fidenti, & ge-
neroso animo pro honore, & gloria
Domini contemnere caduca, & fluxa
huius mortalis vitæ bona nouit! Hæc enim religio-
sâ solertiâ, & nobili technâ profectum animæ suæ,
rerumque omnium incrementum certò, ac securè,
magnoque compendio curat.

Tom. III.

Apostolus, & prædicator Gentium longum te-
xens catalogum rerum ab illis antiquæ legis veteri-
bus Patribus præclarè gestarum, cum scribendo ad
insignia ab inelyto, & inuicto Israelitici populi duce
edita facinora deuolutus esset, hæc de illo aiebat:
*Fide Moyses grandis factus negauit se esse filium filia
Pharaonis, magis eligens affligi cum populo Dei, quam
temporalis peccati habere incunditatem, maiores di-
uitias estimans thesauro Ægyptiorum, improprium
Christi; Heb. 11. 24. 25. 26.*

Habemus hic Moysen tam magnanimum, & ge-
nerosum, vt pro gloria Domini vniuersas Ægypti
contemnat pompas, & omnem pro Deo mundanam
fastoso calcet vestigio maiestatem, & renuntiet solio
regio, & omnem fictitiâ aspernetur consanguini-
tatem, maueitque esse verus, & humilis Christi ser-
uus, quam rex, seu filix regis putatius filius. Quid
iam

iam faciet Deus, ut istam remuneret humilitatem, & tantam exaltet submissionem? Quâ mercede compensabit istam excelsitatem animi, quâ Moyses maluit pro Deo cum suis haberi despicibilis, quam apud profanos Aegyptios in alto throno sub caduceo sedere sublimis? Fortean regem faciet, qui pro illo rex esse recusavit? Parum id videtur ad morem Dei solennem, quo permagnificè non magna etiam remunerare consuevit officia sibi exhibita, neque satis dignum esset tam heroici facti præmium, inquit serè Sacer Mediolanensium Archiepiscopus Ambrosius. Quenam ergo par erit illi operi merces? Ea, ut Moyses fiat deus, qui pro Deo rex esse renuit, atque hinc mundus intelligat, quàm felix sit, quàm fortunatus, & prudens, qui ex amore Dei parua dispendia lubens, gaudensque patitur, quia hoc faciens magna lucratur. *Fugiendo potentiam potentior factus est, factus est enim in Deum regi Pharaonis. Rex erat Pharaon, sed deus non erat, Moyses factus est illi Deus, inquit ille Oson. 8. in Psal. 118. v. 1.* Quàm benè locauit sua Moyses, quando coronam regiam ipseuit! deitatis enim quæstum eâ ratione fecit, cui Deus ipse dixit: *Ecce constitui te Deum Pharaonis; Exod. 7. 1.* Videretur namque Deus nō satisfacere suæ indolis generositati, & liberalitati peccatoris, nisi in deitatis sublimitatem extolleret eum, qui ipsius ergo eod se demiserat, ut repudiato regno humilem inter humiles tribules suos viuere vitam, quàm imperare inter superbos Aegyptios mallet.

Abibat à charis Discipulis suis Christus remigrans in cœlum, & Patris sui æterni dexteram repetens. Atque illi omnes erant perseverantes *Unanimiter in oratione cum mulieribus, & Maria Matre Iesu, & fratribus eius; Act. 1. 14.* quorum pertinacem, sed piam, & sacram expectandi constantiam ex eo etiam arbitrari licet, quod erant omnes pariter in eodem loco, ibid. c. 2. v. 2. quando Spiritus Sanctus descendebat in forma ignis, imminebatque singulorum caputibus, & replebat eos tantâ gratiâ, ut vario idiomate loqui inciperent, prout ille volebat, qui tam insignito linguarum dono eos ornabat: *Et apparuerunt illis dispersæ lingue, tanquam ignis, sed utque supra singulos eorum; ibid. v. 3.*

Primus Venetorum Patriarcha Sanctus Laurentius Iustinianus lib. de discipl. & perfect. monasticæ conversationis c. 15. ait: *Postquam in silentio orationis vacare ceperunt, Spiritus Sanctus super illos descendit abunde, omniumque linguarum scientiam ipsis tribuere dignatus est. In his Sanctissimi Patriarchæ*

verbis illud diligenter considerandum, quod ait: *Postquam in silentio orationis vacare ceperunt.* Quid ex illo vix incepto silentio, & linguæ vix tantisper suspenso secutum fuit? Quid? Illud, quod Spiritus Sanctus omnium linguarum scientiam ipsis tribuere dignatus est. Et quoniam ob ipsius amorem ad breue tempus loqui suâ linguâ intermiserunt, omnium linguarum peritiam illis inuicem dedit, ut omnium nationum idiomate pro concione videntes in admirationem, & stuporem adducerent auditores. Quis vidit silentium prolixius remuneratum? Quis taciturnitatem cumulatior gloriâ coronatam? Felix ergo, qui vel pauca pro Deo relinquit, quandoquidem ingens illi de paruo nascitur fructus.

Postquam superus Opifex excitauit e terræ puluere fictilem illam è luto effigiem, eamque spiritu suo animauit, & ad imaginem, ac similitudinem suam formauit, cogitare cepit, non esse bonum, quod absque socia vitæ vitam duceret solitariam inter voluptuosos iucundæ illius mansionis amenitates, in quas ex campo Damasceno suæ primæ conditionis loco translatus fuit. Itaque ex ipsius latere sumere decreuit consortem, quæ illi adesset, uxorem, quæ illum laurè haberet, & indulgenter, amanterque oblectaret. Quamobrem tulit *vinam de costis eius, & repleuit carnem pro ea, & edificauit Dominus Deus costam, quam tulerat de Adam, in mulierem; Genes. 2. 21. 22.* Iacebat Adam alto somno demersus, vidensque Dominus esse illam peropportunitatem suo proposito occasionem, exemit è dormientis latere costam, atque in eius vicem reposuit carnem, & ex tali costâ sumptuosissimum ædificium, mulierem dico, fabricauit.

Sanctus Petrus Damianus in Serm. de Sanctæ Columba Virg. & Martyr. qui est 66. obseruauit, sacrum historicum perattentum fuisse in huius rei commemoratione, in cuius narratione minus studiij, & curæ ponere potuisse videtur. Obseruatio Cardinalis sic habet: *Scriptura cum dixit, Tulit vinam de costis eius, mox addidit, Et repleuit carnem pro ea.* Notandum, quod huc præcipue ibat animus diuini scriptoris, ut mulieris formationem, locumque illius natalem recenseret. Is erat latus mariti. Quæ cum ita sint, cur præcipuo relicto accessarium statim describere cepit, & mox addidit, *Et repleuit carnem pro ea?* Duo in re vna notare iubet Eminentissimus Cardinalis, nempe quod & extemplo soluit Deus accepta, & acceptis meliora reposuit, durum os molli carne compensans: *Os tulit, & carnem reddidit; inquit ille.* Hinc æstimare possumus Dei in

reparare.

remunerando largitatem, quæ tanta est, ut Moyses, cum describere creationem Eux institueret, auocaret calumum ab ea narratione, quæ principalis erat, & hoc ante commemorare debuerit, quod quæ ad constructionem primæ mulieris è viri latere accepta fuerunt, illa cumulare, & magno cum fœnore sint reposita: *Mox addidit, Et repleuit carnem pro ea.* Quàm feliciter ergo sua reponunt, qui ea pro Deo relinquunt! Quàm fortunati, qui Domino illi operam, remque suam omnem locant, cuius ea est prolixitas, & munificentia, ut pro offe sibi dato carnem reddat, viliæque officiola remuneratione copiosâ compenset!

Huc procul dubio respexit Propheta Evangelicus, quando ex ore illius magni Domini ait: *Scies quia ego Dominus solvens te, & redemptor tuus foris, pro are afferam aurum, & pro ferro afferam argentum, & pro lignis æs, & pro lapidibus ferrum;* Isa. 60. 17. tanquam dixisset: Eslo animosus, mi homo, & ingenij mei liberalitatem tandem agnosce. De me hoc tibi persuade, quod sum tuus Deus, & sospitator, pro cuius obsequantia si respueris æs, ferrum, lignum, lapides, ego tibi pro are aurum, argentum pro ferro, pro lignis æs, ferrum pro lapidibus reponam. Quænam maiora incrementa & emolumenta velis?

Sed quid alia procul inde accersimus causæ nostræ suffragia, qui locupletissimum testem domi habemus nostrum Patriarcham: Pro felicibus suæ erga illum benevolentia auspicijs, & amoris singularis ostensione præcepit ei Dominus, ut se voluntario, ac perpetuo à patria, domo, cognatis exilio accingeret, inquit: *Egredere de terra tua, & de cognatione tua, & de domo patris tui;* Genes. 12. 1. Ecce hic Patriarcham nostrum supero decreto, & Dei iussione constrictum, ut patrium solum cum ignota terra commutet, & ab omnibus suis quacunque necessitudine coniunctis aliò commigret. Videamus nunc remunerationem, examinemus mercedem. Audite illam quàm promptam, & subitam! *Faciámq; te in gentem magnam, & benedicam tibi, & magnificabo nomen tuum, in te benedicentur universæ cognationes terre;* ibid. v. 2. 3.

Sancti Ioannes Chrysostomus, & Ambrosius, Hugo Cardinalis, Oleaster, Férierius, & alij plures notant hîc magnam Dei liberalitatem, qui Abrahamum pro vna domo, quàm relinquit, donat innumeris domibus, & pro vno patre, cui renuntiat, facit tot filiorum gloriosum patrem, & pro vna patria, à qua exulat, dominum amplissimarum regionum

constituit. Sanctus Ambrosius lib. 2. de Abraham c. 3. ait: *Quia propter Deum contempsit omnia, recepit à Deo multiplicata omnia.* Et doctissimus Pererius v. 2. in c. 12. Genes: *Compara, quæ Abraham Des iussu dereliquit, cum ijs, quæ daturum se illi promissit, & videbis, quàm liberaliter, & quàm cumulatè remuneratus sit eum Dominus.* Et eruditus Oleaster: *Expende hic, quid lucri sit, aut perdere, aut periculo aliquid propter Deum exponere.* Hæc ille in annot. mor. in c. 12. Gen. Hinc omnes agnoscant, quàm liberalem, & prolixum Dominum habeant, quàm promptum, & expeditum ad referendas mutuas vices, qui tam diuite mercede compensat, quantumcunque sit, quod pro illo quis erogat.

Vide Periocham V. Dominica II. in Aduentu To. 2. pag. 346. c. 2. o. & finem illius Periocha.

CAPUT II.

Tamen si Deus perdatur, ut res alia qualibet, vix tamen reperiri potest ibi, vbi perditus fuit.

Præcipiebat Deus Abraham, ut natale solum suum verteret, inquit: *Egredere de terra tua;* Genes. 12. 1. At quid incommodare illi sua patria poterat, quò minus Deo seruiret, & placeret, ut tam severè ab ea emigrare iussus fuerit? Respondent magnus Pater, & Doctor Sanctus Basilius, Philo Iudæus, Procopius Scyab, & alij, causam tam grauis iussione eam fuisse, quòd terra Chaldaeorum (in qua tunc suum Sanctus Patriarcha noster habebat domicilium) idololatrarum patria, multis erroribus cæcata, & fœdis superstitionibus contaminata, denique talis esset, in qua excidere à Deo, illumque perdere, facillè erat. Ut ergo Deum absque tanto perdingi eius periculo reperiret, præcepit illi emigrare ab ea terra, ut nos tali exemplo instrueret, quomodo Deum, quem perdidimus, inuenire debeamus, ac doceret, contra illum, ac res alias perditas reperiri debere. Perdidit illa de Evangelio drachmam, nec alibi, quàm domi suæ requiritur, quæ alibi non fuisse sciebat. Ita res aliæ ibi reperiri solent, vbi fuerunt amissæ. Cum Deo aliter res habet. Nam si illum per nostram infelicitatem perdidimus, non vbi perdidimus, sed contrario in loco requirere debemus.

Fugit Ionas à Deo, putansque euadere posse præceptum, quo iussus fuerat supremum excidium denuntiare vrbi Niniuitanæ, vitijs magis, quàm hominibus, confertæ, inscendit nauem, deditq; vela ventis. Vix à terra mouerat, & in altum prouectus fue-

rat, quando sæuissima tempestas oriri cœpit. Cùmque omnes exploratum haberent, ipsius culpâ istos irati maris fluctus concitatos, abiectus in mare immanis piscis ventre fugitiuus Propheta hospes insolens exceptus, ex nouo diuersorio lararium fecit: *Et orauit Ionas ad Dominum Deum suum, de Septe pisci;* Ionæ 2. 2.

Quis non hic animaduertit, quàm contumax, & refractarius Ionas in terra erat, quàm obsequens & humilis in mari? Cùm esset in terra, *surrexit, et fugerit in Tharsis à facie Domini*, Ionæ 1. 3. suâque repugnantia, & iniunctæ prædicationis deuota one offendit Regem supremum. Reiectus ex vtero ceti in terram, iterumque in Ninuen ire iussus, humiliter obtemperans *surrexit, & abiit in Ninuen iuxta Verbum Domini;* ibid. c. 3. v. 3. dictoque obediens promptè morem gessit præcepto.

S. Ambrosius lib. 5. Hexæm. c. 11. ait: *Emendauit aqua, quem terrena deflexerant, psallebat in Sero ceti, qui marebat in terra.* Notandum id, quod Ionæ accidit, ex quo & moribus nostris documentum, & propositz sententiæ fulcimentum mutuari possumus. Perdidit Ionas Deum in terra, in qua pericax fuit, & fugam, obtemperare recusans, iniit. Quid remedi? Relinquendusne in terra erat, vt perditum Dominum reperiret? Nequaquam. Descendat potius in mare, ibi Deum inuenturus, cum quo contra euenit, ac cum rebus alijs: Tamen enim hæ maiorem partem ibi reperiantur, vbi fuerunt amissæ, Deus tamen vix ibi reperietur, vbi perditur, quem Ionas in mari inuenit, cùm perdidisset in terra: *Emendauit aqua, quem terrena deflexerant, psallebat in Sero ceti, qui marebat in terra.*

Multi consulunt, ac suadent, vt qui vinum quod acescere incipit, curare velit, aliò transferat. De hac re sic habet Cass. Dion. Vricensis lib. 7. de agricult. c. 12. *Quidam Vina, que permutantur, in Vasa recens picata transfundunt, & in aliam domum transferunt;* qui enim non in aliam cellam traducit, non aufert illius vitium, sed auget. Itaque quod in vno loco deprauatur, & corrumpitur, hic in altero quærenda curatur: *Si enim à caliditate laesa sunt, in refrigerantes locos deponunt; si vero ab humiditate, & frigidityte in calidos, & siccis locos transferunt.* Hæc ille iterum. Possumus hæc transferre in rem nostram. Vini corrupti curatio posita est in mutatione loci, sic vt omninò pereat, nisi in cellam transferatur meliorem: Ita cùm homo alicubi Deum perdidit, quia ibi in morbum lethalem incidit, constanscetur, aut erit medicina illi curando salutaris,

si in eodem loco, in quo mortaliter laborare cœpit, Deumque perdidit, relinquatur? Minimè omnium, sed qui illam animam saluam cupiunt, *in aliam domum transferunt.* Non est medicina magis præstantea, nec remedium efficacius, quàm mutare locum, & procul inde discedere, vbi te inuaserit ægrotudo, vbi languor occupauerit, sic enim habebit infirmus spem recuperandæ bonæ valetudinis, & rependi Dei certam. Qui enim ibi rursum inuenire putat, vbi perdidit, is consilij inopiâ laborat, & nimium perdidit.

Perdiderat Sponsa charum suum Sponsum, cùmque illius acerbè ferret absentiam, impatiens doloris, & sollicita de tam pretiosi thesauri amissione, indagare illum cœpit, inquit: *In lectulo meo per noctes quæsi, quem diligit anima mea;* Cant. 3. 1. Obtinuitne illius diligentia? Aut feliciter illi suum studium cecidit? Non profectò. Tamen testes alios nullo huc accersas, Sponsa ipsa fateatur, vano labore illum quæsisse, dicens: *Quæsi illum & non inueni;* ibid.

Quærere possumus, quamobrem Sponsa reperire non potuerit Sponsum, quem tam cupidè, & anxie requisit, cùm Deus facile apparere soleat ijs, à quibus sollicitè indagatur. Si Hugonem Cardinalem, Petrum Berchorium, Hieronymum Laurentum, Antonium Ricciardum, & Pierium Valerianum interroges, quid in sacris literis sibi velit lectus, qui est locus requietis, & somni, statim occurret, quid superiori quæsto respondeas. De lecto autem aiunt illi, quod in scripturis *Voluptatis, & delictarum est symbolum.* Quod ergo Sponsa quæsisse Sponsum in lecto, sed non reperisse dixit, hoc fecit, vt nos suo malo sapere, & esse cautiore doceret. Perditur Deus in otio, & vsu intemperante præsentium delictarum, & studio corporum voluptatum, si in eodem lecto, & otio illum requiras, non facis, quo reperias, sed quò magis, magisque amittas, qui enim Deum perditum requirit, non ibi inuenit, vbi perdidit. Quàm benè hoc dixit Ioannes Cluniacensis To. 2. serm. 64. cùm ait: *In lecto quæris Sponsa dilectum, sed non inuenit; quia si perditur in lecto Voluptatis, inueniendus est in asperitate doloris.* Nam vt S. Ambrosius in Psal. 118. Octon. 11. habet: *Nunquam malum malo corrigitur, neque Vlnus curatur Vlnere, sed exasperatur.* Vulnèratur, vt sanes, nullus sanæ medicinz aphorismus docet, neque curari, sed ægrius habere vult, qui sauciat, vt sauciata membra curet. Inaniter ergo inter delicta Deus quæritur, inter quas perditus fuit.

Piz hospiti Elize sublatu morte filius fuit, quem illa tenerè amabat. Cum in domum eius diuertisset Propheta, expostulabat cum illo afflicta mulier, inquiens: *Quid mihi, & tibi, vir Dei? Ingressus es ad me, & rememorarentur iniquitates meae. & interficeres filium meum?* 3. Reg. 17. 18. Cum ille hos tam amarus ciulatus mortis viduæ audinisset, petijt ab illa defunctum filium, *sulsq; cum de sinu eius, & portauit in conaculum, & ibi ipse manebat, & posuit supra lectum suum;* ibid. v. 19. vbi cum nonnulla, quæ sacer textus non dissimulat, fecisset, obtinuit à Deo vitæ auctore, vt in vitam defunctus rediret, & reuerfa est anima pueri intra eum, & reu-
xit, ibid. v. 22.

Quis non expendat mysticas Prophetæ actiones, quas adhibuit, vt mortuo vita rediret? Quid sibi velit, quod è blando matris sinu sublatus puer, & duro Prophetæ lecto impositus fuit, cum omnipotens Dei brachium, vt illud operaretur miraculum, talibus cæremonijs obstructum non esset? Quid nos ergo tali re docere diuinus spiritus voluit?

Respondet insignis interpres Gaspar Sanctius in 3. Reg. 17. v. 19. num. 39. *Mortuus sanè puer in materno sinu, inter delicias nimirum, quas maternus comparat affectus; & plus iusto indulgentia profusus, excitatur autem in duro lectulo, quod non voluptatis blanda, sed penitentis durus rigor intravit. Quod consilium in spirituali suscitacione seruandum, & quod in molliori vitæ genere mortem incurrit anima, idem vitam à seueriore viuendi ratione penitendo quarat, neque enim vitæ eo in loco inuenitur, ubi mors regnat. Si ergo Deus in iustis, ganeis, popinis amissus fuit, brutus error est putare, quod ibi reperitur. Si in domo lusus perditus fuit, stultum est arbitrari, quod ibi rursùm occurreret querenti. Deus enim non est similis rerum aliarum, quæ ibi plerumque inveniuntur, vbi exciderunt, illè verò contrario modo, ac perditus fuit, requiri debet.*

C A P V T III.

Qui vult satisfacere officio suo, debet attendere non quid alij agant, sed quid ipse facere teneatur.

Præcipiebat Dominus magno Patriarchæ nostro, vt è patria, omnique vitæ suauitatis agendæ communitate demigraret; inquiens: *Egredere de terra tua, & de cognatione tua; & de domo patris tui;* Genes. 12. 1. quod ex interpretatione Guilielmi Papi- nij, & Hameri, & Petri Blesensis, & Iohannis Land- spergij tale fuit, ac si dixisset: *Egredere tu, & nihil*

cures de alijs, vide tu non quid alij faciant, sed quid te agere oporteat, tu obtempera, & tace & relinque alios, non enim ad te spectat cura emigrationis aliorum, sed studium, & sollicitudo bene perficiendæ tuæ. Hoc enim quisq; agere debet, vt quæ illi ex officio non incumbunt, non curet, vt curet sua, neque moueatur factis aliorum, quod minùs suo muneri faciat satis.

Totum mundum vna obscena libido, & fœda Venus olim obtinuerat. Offensus scelerum turpitudine Dominus decreuit illum vnâ etiam aquarum inundatione extinguere, solam autem Noe, filiosque eius, & vxores conseruandæ, & propagandæ posteritati sospitare. Quare mysticam, & amplissimam nauem adornare iubebat, in qua homines, brutæ animantes, & aues, tanquam in portatili domo, quælibet pro suæ conditionis necessitate degerent, & iram illius effugerent. Inssio Domini talis erat: *Fecisti tibi arcam de lignis leuigatis;* Genes. 6. 14.

Aquila Doctorum Sanctus Augustinus q. 5. in Genes. To. 4. percunctatur, vtrum à Noe, filijsq; illius tribus intra centum annos perfici potuerit arca illud tam vastum ædificium, quod eo consilio construebatur, vt tam frequentium, ac variorum hospitem esset diuersorium? Respondet autem, si fortè ipse cum suis tantum opus intra sæculum proximum absolute non potuerit, & prodigiosa socios fabros adhibuerit. At verò ij nonne riserint Noe, & magni illius Patriarchæ filios talis operis fabricatione occupatos? Occurrit huic quæstioni iterùm, dicens: *Operis sui mercede accepta non curauerunt strum eam Noe sapienter, an serò inaniter fabricaret.* Quærebat Noe operis sui fabros, qui constitutum nauis ædificium construerent, ijsque suum manu pretium, & laboris mercedem pro tempore dependebat, qui sui domini consilium, prudensne, an vanum, atque inane esset, non discutiebant: Ad operarios namque, quibus suum stipendium dinumeratur, spectat perficere, non examinare opus, quod curare debent, vt illi proinde tanquam cordati studuerint absoluendo, non expendendo suo labori. Sic quisquis amat sapiens videri, debet suum officium, exequi, in actus aliorum, obligationesque non inquirere.

Imperatorum, & inertium proprium est attendere quid alij agant, atque illorum factis sua inumbrare. Sic enim dicitur Eccles. 32. 21. *Peccator homo vitabit correptionem; & secundum voluntatem suam inueniet comparationem;* velut dixisset: Proteruus peccator

peccator fugiet obiurgationem, atque ut prorsum effugiat, pertinaciamque suam prosequatur, mille aliunde conquiret exempla, quibus se excuset, & plurimos casus, quibus defendat. Verum hæc illi parum proderunt. Nam ut S. Hieronymus apud Henric. Culenf. in sententijs Hieron. ex epist. 36. ait, *culpam numerus peccantium non minuit, & in personis, non rebus est accusatio.* Non me aliorum culpæ inculpatum, neque innoxium noxæ plurimorum faciunt, neque reatum meum reorum multitudo leuat, non enim in rebus, sed in personis malum positum est, neque homines ab aliorum factis sibi accersere excusationem, sed proprii officij munus attendere debent.

In illa tam trita, quam mystica talentorum parabola inveniemus huius veritatis comprobationem. Habet ea parabola, quod Domino quidam, cuius negotiationi vnum talentum traditum fuerat, dixit: *Domine, scio, quia homo durus es, metis tibi non seminaisti, & congregas, tibi non sparsisti, & timens abis, & abscondi talentum tuum in terra, ecce habes quod tuum est;* Matth. 25. 24. 25.

Quid piger ille, & oscitabundus famulus primis suis verbis dicere voluit, quibus Dominum nimis erga domesticos austeritatis infirmavit? S. Bruno serm. 6. de Confessor. To. 3. ait, quod ille voluit, id eiusmodi esse, ac si dixisset: *Cogitavi tecum in corde meo abscondere eloquia tua, ne si in sanum pecuniam tuam expenderem, & verba tua non obedientibus nuntiarem, mihi quidem labor solummodo esset, alij vero maior inde pena fuisset, quod tam & terius excusationem habere non possent, & ipse illi, qui & scirent, & intelligerent voluntatem Domini sui.* Causa ergo, ob quam ille talentum suum abscondit, hoc est, pro ingenij sui facultate prædicare noluit, ea fuit, quod se nequicquam daturum voces, id est, duo mala secutura vidit, quorum primum esset labor illius frustraneus, alterum auscultatio auditorum instructuosa, quibus Domini voluntatem proinde non indicavit, ne si illi non obtemperarent (quod futurum timebat) gravius luerent, & purgare suam negligentiam omnino non possent. Fuitne verò admitta illa excusatio? Fuitne in libris rationum ratio ista probata? Minime omnium. Tamen enim verum fuit, quod socors ille, & iners famulus affirmabat, non propterea tamen prædicationis officium intermittere debuit, quod alij attendere nolent, quibus enim rem suam curare debet, & non quid alij faciuri sint, attendere. Nam ut S. Ioannes Chrysostomus homil. 29. ad Pop. Antioch. aiebat,

aquarumvena, etiamsi nullus veniat aquatum, manent tamen, & fontes, quamvis hauriat nemo, scatebras emittunt. Aliud est aquarum scarurigo, & effluxus, aliud earundem è fontibus hauritus. Fontes ergo, quod sui muneris est, fundunt libenter, ac liberaliter aquam, neque cogitant utrum alij eas in suum usum transferant, necne. Sic omnes viri cordati, & prudentes debent officium suum explere, & relinquere alios, qui Deo rationem dabunt, si muneris sui partes prætermittant.

Propheta regius cum se pertinacibus, crudelibusque hostibus circumdatum, & suarum virium imbecillitatem, per quam euadere difficile posset, cogitaret, inuictam Domini dextram humiliter imploravit, reuerenterque illum adorans, ita cum lachrymis precabatur: *Domine Deus meus in te speravi, saluum me fac ex omnibus persequentibus me, & libera me;* Psalm. 7. 2.

Sanctus Ioannes Chrysostomus in huius tam demissæ obsecrationis commentatione positus monebat animaduvertere, quod illa non ab humili tantum, verum etiam prudente precatore facta est. *Vide David sapientiam,* inquit ille, *cum dixisset, Domine Deus meus in te speravi, non dixit, Funi hostem, tolle de medio inimicum, sed quod suum est, tantum querit, & dicit, Saluum me fac, hoc est, ne permittat ut male passiar ab omnibus persequentibus me, & libera me.* Quid ergo Sanctus David egit? *Quod suum est, tantum querit,* suum negotium curare studuit, ut lux vitæ sospitatem impetraret, laboravit, hostium suorum causis non se ingessit. At si Chrysostomus dicit, *Vide sapientiam,* ego aio, *Imitare sapientiam tanti magistri, & discere ab illo, non curare quid alij facere debeant, neque esse curiosus, aut maliciosus, sed officio tuo studiosè vacare, & esse, qui debes.*

Vide To. 2. pag. 202. c. 1. o. Periocham V. Domnica XIII. post Pentecosten, tibi hoc argumentum pluribus tractatur.

C A P V T IV.

Cum Deus præcipit, quæ ipsi sunt grata, id facit, quia nobis sunt commoda, ille namque tam absolutus est Dominus, ut nunquam mandet, quod famulus nostro egeat, sed quod nos amet.

Versamur hucusque in egressa Abraham, tanquam egredi ab illo non possimus. Sed multorum arrogantium institutioni necessarium est huius Capituli antidorum, ut superborum caput sit pro cinere, quo illorum tumor curetur. Dicebat Domi-

nus

nus nostro Patriarchæ, *Egredere*. Notandum ex Lyrano, Abulensi, Caietano, Oleastro, Honcala, quod illa Domini iussio ex originali lingua Hebræa, sic verti potest: *Vade tibi de terra tua*; in quæ Lyra, & Caietanus: *Significatur quod ad ipsius Abrahæ desideratorem precipitur egressus de terra sua*. Nihil Domini rebus ex egressione Abrahæ accedebat, nihil ad iubentis magnificentiam, aut amplitudinem maiorem faciebat Patriarchæ emigratio. Ipse ex se omnipotens, inmensus, vnicus, & absolutus rerum omnium Dominus est. *Nihil Deus subest, quod sibi proficiat, sed illi, cui subest, ideo seruus est Dominus, qui seruo non indiget, & quo seruus indiget*, inquit Sanctus Augustinus lib. sentent. ex illo excerptarum num. 39. To. 3. Demittat vela quisquis ille inflatus, deponat cornua omnis superbus, & notet, quod cum ponat quidam mandat, tota præcepti utilitas ad eum, Deus aliquid mandat, tota præcepti utilitas ad eum, cui mandatur, redundat, ut propterea sit *Seruus Dominus, qui seruo non indiget, & quo seruus indiget*.

Felix huius Capituli auspicijs præbeat nobis, qui & obsignauit præteritum, Propheta regius. Is cum de ijs ageret, qui bono ingenio sibi à Deo concessio recte uti norunt, aiebat: *Intellectus bonus omnibus facientibus eum*; Psal. 110. 10. quæ ex Euthymij, Hugonis Cardinalis, & Incogniti expositione talem habent sensum, ac si dictum fuisset: Bonitas intellectus non in eo solum posita est, quod quis intelligit leges, & præcepta Dei (quanquam & illud non sit exiguum misericordiæ beneficium); verum etiam opere seruat, quæ animo cognouit seruanda. Cui nam verò utilitatem adfert custodia legum, quas custodiendas intelligimus? *Omnibus facientibus*, qui speculationi praxin coniungunt. Nihilne verò inde commodi obuenit Deo? Prorsum nihil. Mox enim subdit Propheta, inquit: *Laudatio eius manet in seculum seculi*, ac si dixisset: Tamen homo non utatur ad laudem Dei intellectu, quem ab ipso accepit, tamen ex rustica ingratitudine debiti cultus tributa illi pendere negligat; an propterea ille magnus Dominus, & Supremus Monarcha esse desinet? Nequaquam, quia *laudatio eius manet in seculum seculi*, illeque & sibi sufficit, & sua sibi gloria est, ac magnitudo. Dicat nobis hæc Theodoretus: *Congruenter & hoc appositum, Laudatio eius manet in seculum seculi, edocens virtutis studiosum fructum hinc reportare, quandoquidem Deus, licet nemo ipsum laudibus proficiat, semper, sempiternum, & perennem habet hymnum*.

In horto agebat Christus inter mortales angores (quos Sacri illius Historici referunt) comitatus tri-

bus Discipulorum charissimis, quorum somnolentiam siue ex negligentia, siue ex tristitia natam cum semel, & iterum amanter increpasset, demum illis quietem indulgere visus aiebat: *Dormite iam, & requiescite*; Matth. 26. 45.

Quare tunc denique illis somnum, & quietem capere non solum permittebat, sed & suadebat? An ideo forsitan, quod hostes à sanguinario proposito suo iam destitissent, ut propterea in aurem, quod aiunt, veramque securi dormire potuerint Apostoli? Non sanè, quia Dominus ipse ibidem aiebat: *Ecce appropinquauit hora; & Filius hominis tradetur in manus peccatorum*; tanquam dixisset: Liberas nunc somno habenas permitte, quando perfidiosus præforibus est discipulus ductor sceleratorum satellitum, qui cum vario armorum apparatu veniunt, ut tumultuariè per vim hinc abripiant, & victum, velut infamis latro sim, ad tribunal pertrahant. Ergone tunc dormirent Discipuli, quando illorum opitulatione magis indigebat Magister? Tunc somno se traderent, quando vigiles hostes arma capiebant? Cur tunc illos dormire iusserit? Respondet Theophylactus: *Offendens, quod opus non habeat illorum subsidio, quando traditur, dicit illis, Dormite nunc, & requiescite*. Indicare ergo voluit, quàm magnus Dominus, & Monarcha esset, quàm inuidio brachio, quàm nihil indigus auxilio alieno, propterea ijs, quos in extremis angustiis habebat præsentem, dicebat, ut dormirent, & conquiescerent, ex quo intelligerent, nihil illi ope cuiusquam opus esse, ut se aduersus omnia pericula defenderet.

Ad fastigium eduxit cœlestis architectus admirabile hoc mundi ædificium, & post absolutam vastæ, sumptuosæque huius structuræ fabricam, *requiescit die septimo ab omni opere, quod patrârat*, ut ait Sacer Scriptor Genes. 2. 2.

Non me fugit, quantum lucubrationis attulerit exigua hæc sententiola Doctissimis Interpretibus, quorum hæc est communis quaestio, quomodo rectè intelligi queat, quod Deus feriari ab opere dicatur, cuius prouida vigilantia semper in opere versatur earum rerum, quas necessitas creaturarum requirit, neque studium ijs benefaciendi vnquam intermittebat.

Prætereo hic varias aliorum doctas quidem, sed præsentī causæ minus commodas expositiones, Salomon Hispaniarum Alphonsus Tostatus aptè in rem nostram interpretatus, acurè monet, quod Moyses non dixit, *Requiescit in opere suo*, sed *Requiescit ab opere suo*, & sic exponit: *Requiescit ab opere suo, id est, requiescit in seipso, non indigens suo opere*.

VITÆ ABRAHAM

cum sit in se perfecte beatus, & perfecte delectabilis, & ut ait Aristoteles: & ideo dicitur, Requieuit ab opere suo, id est, licet ista opera magna, & mirabilia Deus creasset, tamen non habuit gaudium suum in eis, id est, prater ea, vel sine eis in seipso requieuit. Non enim est magis beatus, vel perfectus Deus, postquam mundum creauit, quam antequam creasset. Ab opere ergo, non in opere suo quieuisse Dominus fertur, quamuis enim admirabile sit huius tam amplæ structuræ artificium, nihil tamen inde voluptatis haurit, qui in seipso habet omnem beatitudinem; & quidquid oblectare potest, estque in seipso perfectissimus, & gloriosissimus, & à nulla re alia dependens sustentat omnia, in se perfecte beatus, & perfecte delectabilis, domi suæ ita omnibus abundans, ut rem quampiam aliunde mutuari opus non habeat.

Coronemus hoc argumentum verbis Prophetæ regij, quæ de formosissimo hominum hominis & Dei Filio, cum decentissimam illius formam, & venustissimam totius corporis structuram considerasset, dixit, inquit: *Speciosus forma præ filiis hominum, diffusa est gratia in labijs tuis, propterea benedixit te Deus in æternum*; Psal. 44. 3. velut dixisset: Quanta in vultu elegantia, quanta in membrorum compositione concinnitas! quanta in verbis suauitas! Faciunt hæc, ut nihil mirer, quod diuinus Pater tuus tantâ benedictionum copiâ te cumulauit. Age ergo, & accingere gladio tuo super femur, suum potenteris, ibid. v. 4.

Multa ponderatu digna sunt in his paucis verbis *Accingere gladio tuo*, quibus David venturum Messiam rogabat, ut ipse gladio se cingeret. At nonné satis fuisse, ac honorificentius, seruis demandare hanc operam, ut ipsi, immensum suum Dominum gladio accingerent, & armis alijs vestirent? Quid ergo Rex Prophetæ rogat, ut ipse suo se gladio accingat? Mysterium subest: Quod ut intelligas, nota quod Prophetæ videntur ad veterem alluisse consuetudinem, quâ cingere gladium Imperatores, Reges, Principes, Duces, & alij militaris ordinis viri solebant, de qua P. Martinus de Roa To. 2. singular. lib. 3. c. 13. Xiphilius, Cassiodorus lib. 8. epist. 13. Petrus Gregor. lib. 43. syntagm. c. 14. Lipsius, Faber, Plinius iunior, & alij agunt. Olim ergo Imperator, cum regni administrationem susceperet, ipse se cingebat gladio, ut eâ ceremoniâ indicaret, se esse absolutum regem, & dominum, qui alios cingeret, ex quo intelligerent, quod ab ipso dependerent. Propterea Deus apud Isaiam de superbo Rege Cyro querebatur, inquit: *Accinsi te gladio,*

& non cognouisti me; Isa. 45. 5. velut dixisset: Cogitare debueras, rex arrogans, quod à me gladio cinctus es, ut debitam mihi obseruantiam, & subiectionem deferres, & testatum faceres, quod ego Dominus, & extra me non est Deus. Itaque quod quis seipsum cingit gladio, id indicio est, illum esse absolutum dominum. Quare & Hispani Nostri Reges superioribus sæculis seipso cingebant gladijs, ut significarent, quod ab alio terreno rege nullo dependerent, ut refert Ambrosius de Morales To. 3. lib. 12. c. 2. Et R. P. Didacus de Murillo tract. 2. de præstantia vrbs Cæsareugustanæ c. 4. ex vetustis Regum Aragoniæ iuribus hæc producit: *Que por entender, que nun gun otro. Rei terrenal no aya poder sobre el, cinnase el mismo su espada, que es assemblante de cruz*; hoc est: Ut omnes intelligant, quod nullus alius rex terrenus habeat potestatem in illum superiorem, ipse se cingat gladio, qui est similis cruci. Quod ergo David Verbo æterno æterni Patris Filio dicebat, ut se gladio suo accingeret, hoc tale fuit, ac si dixisset, ipsum non indigere cingi ab alio, sedque in illo maiestatem, imperiumque omne agnoscere, ut omnes doceretur, ipsum esse Regem regum, & Imperatorem imperatorum, qui & seipsum cingeret, & alios tanquam inferiores, & subditos suos, quorum omnis vita ab ipsius auxiliaribus manibus penderet. Accipiat hinc sapiens, colligat opulentus, intelligat rex, animaduertant omnes, quod omnes sunt subiecti, magno illi Domino, ut qui est fons omnis gratiæ, immensum mare, inexhaustus oceanus omnis boni, cum ceteri homines sint exigui riuuli, ac minutulæ guttulæ.

Tilietus hoc argumentum tractat 1. p. Politici cælorum lib. 7. c. 4. & To. 1. Periachâ 2. Sabbati post Dominicam 2. Quadrage. pag. 206. o.

CAPVT V.

Ut aliquem consummatum, & perfectum pronunties, satis est quod obedientem esse scias, ubi enim obedientia regnat, nulla abesse virtus potest.

VIX imposuerat Dominus Abraham præceptum egrediendi de terra sua, quando ille opere, quod iussus fuerat, expleuit, de quo Sanctus Moyses ista: *Egressus est Abraham, sicut præceperat ei Dominus*; Genes. 12. Magna obedientia! Ab hac magni huius Patriarchæ laudes exorsus est Sanctus Paulus, inquit: *Fide, qui vocatur Abraham, obediuit in locum exire, quem accepturus erat in hereditatem*; Heb. 11. 8. Ut ergo facilem inueniret fidem, cum virtutes

virtutes Abrahæ reliquas prædicaret, ab obedientia illum commendandum ante omnia putauit, cui enim obedientiæ promptæ opinionem conciliamus, eidem virtutum omnium existimationem simul conflamus. Quid enim virtutis ab obediente non expectes? quid gratiæ non speres?

Duodennis Filius Dei postquam in templo à Parentibus inuentus fuit, descendit cum eis, & venit Nazareth, & erat subditus illis; Lucæ 2. 51. Abiit ergo cum vera Matre sua MARTA, & putatiuo patre Ioseph Redemptor mundi, omnique illius occupatio erat viuere ex illorum voluntate, & arbitrio, Et erat subditus illis.

Beatissimus Papa Sanctus Gregorius in catenæ. Doctoris Angelici in illa Euangelistæ verba sic distinxit: *Totam intermediam Christi vitam, quæ est inter ostensionem ætatis, & tempus baptismatus, velut immunem alicuius famosi, & publici miraculi, & doctrina Euangelistæ sub vno verbo colligit, dicens, Et erat subditus illis.* Cum vero Dominus interea plurima egerit digna memoratu, cur Sacer Historicus eorum narrationem prætermisit? Non omnino prætermisit, sed mystico compendio vsus, plurima paruis complexus est, cum ait: *Et erat subditus illis*; quod perinde fuit, ac si dixisset: *Sub vno verbo omnia*, quæcunque de nostro Redemptore dici possunt, collegi, eum subditum fuisse affirmavi: Nam qui alium à prompta, perfectaque obedientia commendauit, omnia dixit, quæcunque dici possunt, vt omnibus alijs affluere virtutibus credatur.

Venit quondam fugitiuus Dauid in Nobe ad Abimelech sacerdotem, qui simul ac illum vidit, admirandus ait: Quid ego te ita solum, incommittatūque video? Respondit Dauid: *Rex precepit mihi sermonem*, 1. Reg. 21. 2. negotiumque commisit, quod vt admodum graue, ita vult esse secretum, & secretum. Illud verò rescire velim, quod valde famelicus huc venio, quare si vel quinque panes, vel aliud quidpiam esculentorum in promptu habes, necessitati meæ fac subuenias. Respondit sacerdos, nihil ad manum habere, nisi panes sanctos quos dare non possit, nisi eorum, qui sumpturi illum erant, puritatem ante examinasset. Itaque aiebat: *Si mundi sunt pueri, maxime à mulieribus?* ibidem v. 4.

Abulensis sciscitatur, quamobrem Abimelech sacerdos dedit Dauid panes propositionis sanctos, cum facile posset illum aliò mittere, vbi profanos ad leuandam suam esuriam, perficiendamque reliquam viam acciperet panes?

Tom. III.

Respondet q. 8. in 1. Regum c. 21. *Vidit eius magnam velocitatem ex mandato regis, ideo non misit ad aliam domum pro pane, sed credidit obseruationem præcepti regalis sufficientem esse causam ad hoc, quod posset dare Dauid de cibis sanctificatis.* Quod ergo tam obtemperantem præcepto regis, tamque expedite, & celeriter iussu eius exequi vidit, id satis arbitratus fuit, vt ei sacros panes statim offerret, quos alioquin profanus nemo contingere poterat. Qui enim perfecte obediens est, adeoque virtutibus omnibus esse ex cultus creditur, illi nullus est panis vitæ, nullas prohibus cibus, sed omnibus vberi licitum est, quantum is ipsi Deo sint consecrata, & deputata. Et notandum hic, quod sacerdos Abimelech de sola militum Davidicorum puritate inquisiuit, dicens: *Si mundi sunt pueri?* De ipso autem Dauide nihil tale interrogauit. Quare hoc? Nonne de eisdem panibus comesturus erat Dauid, neque priuilegium aliud quod habebat, ob quod posset absque cordis munditia ex ijs sumere? Vidit Abimelech percelerem Davidis obedientiam, ideoque illum non examinauit, sciens non posse non valde esse sanctum, qui tam promptè esset obediens, ac propterea absque ulteriori indagine statim illi dedit panem sanctum, nam in vna perfecta obedientia omnes aliæ virtutes velut in compendio inclusæ videntur: *Credidit obseruationem præcepti regalis sufficientem causam esse ad hoc, quod posset dare Dauid de cibis sanctificatis.*

Graui edicto Redemptor mundi apud Matthæum diuites mundanos perculit, dicens, facilius posse camelum transire per foramen acus, quam opulentos intrare in regnum cælorum. Audierunt hæc cum stupore Discipuli, conterritique dixerunt: *Quis ergo poterit saluus esse?* Matth. 19. 25. Respondit Dominus, apud homines hoc impossibile esse, apud Deum autem omnia possibilia. Tunc dixit Simon Petrus ad illum: *Ecce nos reliquimus omnia, & secuti sumus te, quid ergo erit nobis?* ibid. v. 27.

S. Hieronymus in commentatione horum beati Petri verborum positus exclamabat: *Grandis fiducia!* Quando cæteris Apostolis erigit comas, mentumque & cor, & omnes artus tremor concutit natus de terribili sententia, quam Christus contra diuites pronuntiavit, ita vt dicerent: *Quis ergo poterit saluus esse?* Solus Simon Petrus audacter, animosèque, & intrepidè ait ad Christum, non solum de se bene sisus, sed etiam de alijs securus, sibi videri edictum illud ad se, collegasque suos non pertinere, eo quod pauperes essent, & omnibus renuntiascent, adeoque certam sperarent saluationem. Qui factum, quod

B

quod cum alij Apostoli contemiscebant, solus Petrus fidenter Christo loquebatur, dicebatque, certam sibi, socijsque suis promittere beatitudinem?

Respondet S. Petrus Damianus, monetque animaduvertere, quis ille sit, qui loquitur. *Dixit, Simon Petrus.* Simon ex interpretatione S. Hieronymi, venerabilis Bedæ, Nicolai, Lyrani, & Santis Pagnini idem est, quod *obediens*. At si obediens loquebatur, quid mirum, quod confidenter præsumebat, & humiliter gloriabatur, quando alijangebantur animis, & trepidabant? Qui enim perfectè obediens est: Ille rudo cum Iesu, siue Salvatore loqui potest, nemo enim certius, quam verus obediens, posse sperare salutem videtur.

Audiamus S. Petrum Damianum, cuius hæc sunt ex serm. de S. Benedicto, qui est 9. *Dixit Simon Petrus ad Iesum, Amica prorsus confabulatio Simonis ad Iesum, & sermo omni oratorio flore generosior, dignusq; Simon, qui cum Salvatore plenius proloquatur.* Simon namq; obediens, Iesus Saluator. Loquitur ergo obediencia cæm salute, quia solis obediensibus aeterna salus hereditario iure debetur. Quosnam maiores expectare ab obediencia fructus possis, quæ sola suauiter, & amanter, & confidenter, cum salute, & saluatore, quantum alius nemo, confabulatur? Neminem æquè confectū virtutibus, ac perfectum obediētem existimare possumus, in quo omnes cumulari videntur.

Videns celestis Præcursor propius ad se accedere Solem, cuius ipse aurora erat, plenus gaudio, & læticiâ succelsabat: *Eccè agnus Dei, ecce qui tollis peccatum mundi;* Ioan. 1. 29.

Non exiguam difficultatem habet statuere, de quo peccato S. Ioannes loquatur. Nam cum in mundo tot sint peccata, qui auferri debeant, tot maculæ, quæ postulent eradi, rursus parè de agno Dei locutus Ioannes videtur, cum de illo ait, quod *tollit peccatum mundi*, in quo efficientissima est scelerum coluuius, quæ exstirpári, petat, & aboleri. Sed quoniam de vno tantum per agnum Dei auferendo peccato loquitur, qualenam illud esse dicemus?

Magnus Bulgarorum Archiepiscopus Theophylactus in c. 1. Ioannis de hac re sic ait: *Fortassis autem quia inobediens fuit homo Deo, & in variis affectionibus incidit, peccatum mundi inobediencia fuit, quam è medio abstulit Dominus, factus obediens & usque ad mortem, & contrarium contrario sanans.* Nonne videtis vnam inobediencia à S. Ioanne vocari peccatum mundi? Tale autem hoc videtur, quale si dixisset, præter inobediencia nullum esse vitium in

mundo, nec virtutem aliquam præter obedientiam. Cum quis est inobediens, illum omnibus contaminatum esse flagitijs præsumere possumus. In solo inobediencia peccato peccata omnia videntur inclusa, vnde & Ioannes, cum indicare vellet, quod Christus auferret omnia peccata, ait, tollere inobediencia: *Eccè qui tollit peccatum mundi.* Ergo è contrario de illo, qui est verè obediens, affirmare, vt videtur, possumus, omnibus ornatum esse gratijs, & virtutibus: De obediencia namque omnia bona credere, & cogitare, quidquid de integerrimo, & sanctissimo possumus.

De obediencia virtute, vide To. 1. Indicem rerum verbo, Obediencia.

CAPVT VI.

Solent homines plerumq; feruenter ingredi viam virtutis, & facile in teperescere animis, & ceptum deferere iter.

DVæ personæ primariæ, & illustres comitatz sunt Obediencia Patriarcham, nempe Sara illius uxor, & Loth confobrinus: *Iuxta cum eo Loth;* Gen. 12. 4. Abraham, Loth, & Saram tulit Thare pater Abrahæ de Vr Chaldæorum, vt irent in terram Chanaan, vt habes Genes. 11. v. 31. verum Thare, cum venisset vsque Haran, habitauit ibi, & vsque in Chanaan Abrahamum persecutus non fuit: feruenter exire cepit, sed mox fractus laboribus itineris in via substitit, & sedem fixit. S. Thomas ad finem sui commentarij in c. 11. Gen. ait, tametsi non satis exploratum sit, quamobrem Thare, qui petere terram Chanaan ceperit, per viam in Haran conqueuit, mysticè tamen factum, vt significaretur aliquid, quod multis accidit, *qui per viam religionis, aut penitentia de terra sua exeunt, sed ad terminum viam non perueniunt, immò in via remanent, quæ in termino finali essent.* Hoc malo omnes plerumque laboramus, vt strenuè incipiamus, & statim deficiamus. Fortunatissima verò essent, nostra studia, & felicissimi conatus, si tanto studio persequeremur viam sanctitatis, quanto eam ordimur, & inchoamus.

Cum celestis Magister celebrem illam pro concione narraret parabolam, impigri agricolæ, qui in quatuor diuersis partibus seminauit semen suum, aiebat, quod vna sola illius labori, & expectationi responderit, inquit: *Dum seminat, alia ceciderunt in terram bonam, & dabant fructum, aliud centesimum, aliud sexagesimum, aliud trigésimum;* Matthæi 13. 8.

miles, eorumque fragrantia, de quibus Theophrastus de causis plantar. lib. 6. cap. 25. sic ait: *Odores plurimi sinceriores manesunt, die crescente minus, meridie minime.* Sic multos videas primulò susceptæ bonæ operationis diluculo vehementer ardere, paulatim verò intepestere, demùm etiam prorsus conglariare, & male dimittere, quod benè cœperant.

Hoc Propheta regius de Hebræis dixit, inquiens: *Quemadmodum Patres eorum conuersi sunt in arcum prauum, Psal. 77. 57. hoc est, non degenerarunt improbi illi, & perfidi à maioribus suis, sed pro eorum more, & prauis arcus solenni ad malitiam sunt conuersi. Quid voluit ijs verbis indicare Propheta?*

S. Bruno sic exponit illum versum Davidicum: *Arcus prauus cum prius intenditur, aliquantulum efficit, postea verò paulatim remittendo ex toto deficit. Sic & ipse prius in preceptis Dei valde intensus, & aliquantulum operatus, paulatim remittendo ex toto defecerunt.* Vitiosus arcus cum iaculum vnum, alterum eiecit, prorsus dissoluitur, ut nullus sit illius deinceps ad explosionem usus: Sic & Hebræi olim, & hodie Christiani plurimi sunt, fueruntque arcus prauis, qui cum initio essent firmi, & validi, postea fiunt laxi, & ignaui, & oscitabundi, ac remissi. Quanta sæpè asperitate macerant aliqui carnes suas inter prima virtutis rudimenta! quam acriter mortificant suas passiones! quam crebrò adeunt Sacramenta! quam sunt obseruantes silentij! quam amantes latebrarum, & recessus! At quam citò hæc omnia intercidunt! quam facillè desistant! Communis hæc mulorum est infelicitas: *Prius in preceptis Dei valde intensus, & aliquantulum operatus, paulatim remittendo ex toto deficiunt.*

Cohæret cum his Periocha V. Dominica in Sexagesimâ Ro. 2. pag. 499. a. o.

CAPVT VII.

Perpetuæ quietis, & immortalis beatitudinis laurus non est fortiter incipientibus cursum virtutis, sed constanter, & strenuè absoluentibus pensum bonæ operationis constituta.

Volo intelligant multi stum errorem & animaduertant, parum vtilitatis illis allaturum, quod cœperint benè viuere, & agere, nisi inchoata perfectuantur, & absoluant virtutum studia. Corona enim gloriæ non datur incipientibus (si enim id fieret, fieret saluus penè omnis Christianus) sed his, qui bonæ vitæ curriculum feliciter absoluunt. Ac

propterea solius Saræ & Loth sit peculiaris mentio, quia non solum inchoarunt iter, quod ferebat in Chanaan, sicut Thare, & alij quidam, verum etiam perfecterunt, ut nos docerent, perseverare constantes in operum bonorum exercitatione, & famulatu Dei debere eos, qui æterna præmia expectant.

Dilaudat cœlestis Magister fidum quendam & officio suo probè functum œconomum, inquiens: *Quis putat est fidelis dispensator, & prudens, quem constituit Dominus super familiam suam, & det illis in tempore tritici mensuram?* Lucæ 12. 24. Prou. & integri dispensatoris partes in multis hæc sunt, ut domesticis annonam, & quæcunque victus requirit humanus, tempestiuè ministret: Subdit autem statim Diuinus Magister: *Beatus ille seruus quem cum venerit Dominus eius, inuenerit ita facientem;* ibid. v. 43.

Notauit in modo loquendi Christi Cardinalis Caietanus, quod non eum, quem sic aliquando fecisse, sed quem ita facere tunc inuenerit, cum Dominus illius venerit, beatum fore affirmavit. *Beatus ille seruus, inquit, quem inuenerit sic facientem, non quod ita fecerit, sed quod ita perseveret faciendo.* Beatus non quia in bonis actibus diu vixit, sed quia his immortalis fuit. Itaque parum proderit homini Christiano, quod tanquam strenuus miles in palæstra virtutum contra passiones suas fortiter dimicare cœpit, bellumque sanguinolentum omnibus animæ suæ hostibus indixit, si mox ut ignauus cedat, & tanquam meticulosus fugiat. Perseuerare constanter, pugnare pertinaciter debet, ut labor illius fructuosus, & defatigatio suam obtineat coronam.

Dubitatio quædam circa ea, quæ de S. Petro paulò superius diximus, dissoluenda nobis reliqua est, & mysterium, quod enudemus. Audistis, quam fidenter Christum Petrus & adierit, & his verbis appellauerit: *Ecce nos reliquimus omnia, & secuti sumus te: quid ergo eris nobis?* Matth. 19. 27. Audistis, verborum illorum talem esse sensum: Si tam difficilè in cœlum peruenient, qui mundanis opibus abundant, nobis securum, certumque promittere possumus in beatitudinem ingressum, qui pro tuo amore, & debita in te obseruantia abdicauimus à nobis & quæ habeamus, & quæ habere poteramus. At videamus, quis hoc dicat. Quis? *Simon Petrus ad Iesum, obedientia ad salutem, hoc enim Simon, hoc Iesus significat. Loquitur ergo obedientia cum saluto, quia solum obedientibus æterna salus hereditario iure debetur,* inquit sanctus Petrus Damianus serm. 9. qui est de S. Benedicto. Hæc omnia iam dicta sunt supra c. 5. Sed hic iam alia nobis quæstio nascitur, ea nimirum.

zum, quid mysterij habeat, quod Simoni Petrus adiungitur, quando obedientia cum salute, hoc est, Simon cum Iesu locutus fertur? Non satis erat dixisse. Dixit Simon ad Iesum? Non erat satis, inquit praeclare S. Petrus Damianus. Tamen si enim Simoni, hoc est, obedienti iure sit debita salus aeterna, debet tamen comitem habere Petrum, qui significat petram, ut sit nobis documento, quod ille solum obediens lauro in caelis immortaliter coronabitur, cuius obedientia pro basi habet petram, siue rupem, sic ut neque nutet, neque vacillet, sed religiosa cum pertinacia, & gloriosa contumacia in finem usque pergit. Verba, quibus sanctissimus Cardinalis ea expressit, sic habent: *Solis obedientibus aeterna salus hereditario iure debetur, si tamen ibi sit Petrus, id est, si obedientia non vacillet, aut titubet, sed fundata sit supra firmam petram.*

Benè congruit cum his, quod sacrum oraculum memorat de his, quae Moyses in circuitu arae posuit, quam ad pedem montis erexit, *Mane confurgens adificauit altare ad radices montis, & duodecim titulos per duodecim tribus Israel;* Exod. 24. 4. Per hos titulos debent intelligi petrae, quare & Oleaster sic transfert ex Hebraeo: *Et duodecim statuas iuxta duodecim tribus Israel.* Duodecim ergo lapideas statuas erexit, ut quilibet earum unam Israelitarum tribum repraesentaret. Sed quo mysterio tunc, cum populus ad audiendum promulgationem diuinarum legum confluxit, erecta sunt saxa, quae repraesentarent eos, qui leges illas obseruaturi, & opere expleaturi erant?

Respondet S. Cyrillus Alexandrinus hom. 2. de festo Paschalibus, inquit: *Ut intelligamus, debere nos Deo semper affixos esse.* Mystica ergo illa caeremonia significatum fuit, debere eos tanquam firmos lapides, & duras cautes, & insuperabiles scopulos, & inuicta, immobiliaque saxa esse, qui optatum fructum, quem diuinorum mandatorum obseruantia parere solet, consequi volunt. Qui namque ut petra perdurat, & ut scopulus firmiter persistit, ille solus laurum quietis aeternae, & felicitatis perpetuae coronam obtinet: *Ut intelligamus, debere nos Deo semper affixos esse.*

Ut de verbis nostris quisque arbitrari posset, quis nos magister influiisset, quis pater aduocasset, & exaudiisset, iubebat non alia ad affirmandum, negandumque aliquid loquendi formulam, quam ut diceremus, hoc ira habere, hoc secus habere. *Sit sermo Vester, Est, est, Non, non, quod autem his abundantius est, & mala est,* dicebat Matth. 5. 37. Habet enim, ne-

scio quid illud veritas, ut neque testium approbatione ad sui commendationem, neque verborum ambitu, aut apparatu rationum egeat. Luculenta est, nuda, & aperta est, non requirens exaggerationes, quibus obscuratur, non hyperboles vestitum, quo tegitur, & oculis eripitur.

Mellissimus Bernardus ait: *Accipite me, auditores, aliam doctrinam vobis traditurum, quae videatur superiori doctrinae Magistri caelestis repugnare, Nonne ille dixit, sermonem nostrum non debere esse alium, quam ut dicamus, hoc ita esse, vel non esse, quod affirmare volumus, vel negare? Sit sermo Vester, est, est, non, non.* Ego verò producam quendam, in quibus hoc agere non debeamus, si volumus talis magistri reapse esse discipuli, & talis Patris gloriam consequi. Quibus ergo in rebus, dic nobis facer Doctor, non debemus committere, ut sermo noster sit, *est, est, non, non?* In operibus. Nam si, quod in verbis obseruari debet, obseruetur in operibus, non consequemur beatitudinem filiorum Dei. In verbis nonnunquam conuenit dicere, *Est*, aliquando refert dicere, *Non*, ut huic rei nulla certa, firma, & stabilis praesentibus regula possit. Potestne verò in exercitatione virtutum, in usu, & studio bonorum operum esse, *Est, est, Non, non?* Non potest sane, inquit Bernardus, semper autem esse debet, *Est, est*, semper enim benè agere debemus nunquam auocandae ab opere bono manus, si laurum beatitudinis aeternae consequi volumus. Corona enim perfectueranti promissa, non constituta incipienti.

Audiamus dulcem Abbatem suis verbis haec dicentem: *Studeo perseverantia, qua sola virtutum coronatur. Non inuocatur apud eos: Est, & Non, & sit filij Patris Vesteri, qui in caelis est, apud quem non est transmutatio, nec vicissitudinis obumbratio. Vos quoque in eandem imaginem transformamini à claritate in claritatem, curantes omni vigilantiā, & ipsi non inueniri leues, instabiles, fluctuantes. Qui dicit semel, Est, & posthac Non, errat, qui nunc iacet, nunc exurgit, & nunquam in eodem permanet; nunquam etiam perueniet in gloriam.*

Ex his intelligemus aliquod S. Petri Damiani acutè dictum. Suadet Eminentissimus Cardinalis, ut firmiter, animosèque perduremus in itinere virtutum, ut perennis quietis palmam consequamur, & concludit exhortationem his verbis: *Vita modum, quem semel arripueris, perseveranter tene, constanter exequere, ne scienca, quod absit, à temetipso vertigine videaris discrepare.* Hæc ille To. 3. Opusc. 15. c. 27. Difficilia verba! Quid autem voluit sibi vir sanctus,

cum ait, *Ne scenicā à temetipso vertigine videaris discrepare?* Quid est vertigo scenica? Ego dicam. Prodit in scenam histrio, ut personam amantis, Principis, Capitanei, Imperatoris referat. Repræsentat ille amantis blanditias, Principis potentiam, Capitanei fortitudinem, Imperatoris maiestatem. Et quid posthæc? Statim à scena ad suum hominis vulgaris statum redit. Facile est cernere, hunc neque Capitaneum esse, neque Principem, neque Imperatorem, quia regijs tam subito depositis insignibus non alia, quam quilibet è vulgo, veste utitur. Dicit nunc Damianus: Per hæc firmus, & animosus in felici virtutum via, quam semel tenere cœpisti, *ne scenicā à temetipso videaris vertigine discrepare*, ne videaris velut in scena repræsentare aliquamdiu personam hominis pij, pœnitentis, humilis, religiosi, liberalis in egenos, continentis, & casti, denique verò ex eas, quā intrāras, virtutisque, & pœnitentiæ, & religiositatis, & liberalitatis, & continentię, & castitatis vestitum abijcias. Nihil feceris, si ita feceris, neque optatum laborum tuorum fructum consequeris. Ut obtineas, quod exoptas, non debes esse histrionicus Christianus, sed in vno sanctæ vitæ proposito vsque ad extremum vitæ spiritum constanter perdurare.

Fortè aliud quid voluit magnus Cardinalis, quod cum Bernardi sententia superiori admodum congruat, cum iubet curare, ne scenicā quis videatur à temetipso vertigine discrepare. Quid agitur in comœdia, quid in scena, siue theatro? Nullus locus crebriores habet vicissitudines, & mutationes, nullus tam varias larvas, quam contabulatio scenica. Qui pridie sanctum referebat, is postridie latronem viarum repræsentat, qui heri personatus erat amasius, ille hodie pastorem agit. Quilibet dies habet suas speciales figuras. Dicit nunc S. Petrus Damianus: Si vis consequi, mi frater, beatitudinem, si Deo æternū frui, *vita modum, quem semel arripueris, perseveranter tene, constanter exequere*, vnam tantum boni, & religiosi hominis personam repræsentat, vnum semper bonum, & impigrum Dei servum ferre flude, cuius vnicum, perpetuumq; studium sit, colere virtutem, & mandata Dominica observare, & hisce operibus vsq; ad supremam vitæ periodum immorari.

Hunc in finem creavit Deus hominem, & posuit illum in theatro huius mundi, ut repræsentationi det operam. At quemnam repræsentabit? Deum ipsum. Hoc Dominus affirmasse videtur, quando de homine creando deliberans aiebat: *Faciamus hominem ad imaginem, & similitudinem nostram*; Gen. 1. 26.

Qui Imperatorem repræsentat, ille imaginem, similitudinem, figuram illius referre dicitur. Idem dicit supremus conditor, & benefactor, cum ait: *Faciamus hominem ad imaginem, & similitudinem nostram*, ut imaginem, & similitudinem nostram repræsentet. At quomodo id rectè, ac decenter perficiet?

S. Ambrosius hoc dicet, qui Deuteronomium addere iubet, illudque legere, quod ibi dicitur: *Audi Israel, Dominus Deus noster Dominus unus est*; Deut. 6. 4. Quid voluit Dominus ijs verbis indicare? Respondet sacer Doctor, id voluisse, ut velut ipse semper unus est, ita semper vnus sit, qui illum sic vult repræsentare in terris, ut comprehendere, & consequi possit in cœlis. Quare sic concludit: *Ad similitudinem Domini unus est, atq; idem, non hodie sobrius, cras ebriosus, hodie pacificus, crastinā die litigiosus*. Hæc ille Epist. 1. To. 5. Qui hodiernum diem incus transmittit, cras tibi se infarcit superfluis: Qui hodie est pœnitens, cras laxus: Qui heri modestus, hodie dissolutus, ille imaginem Dei non repræsentat. Verum qui in colenda castitate, in observantia temperantiæ, in studio virtutum semper vnus est, ille benè refert similitudinem eius, ad cuius imaginem est factus, eoq; æternū fruatur. Soli enim perseverantiæ decreta est palma, & constituta laurus. Quare testè dicebat Bernardus: *Stude perseverantia, quæ sola virtutum coronatur, non inveniatur apud eos Est, & Non, & sit filius Patris & Filii*.

Huc ibant regis Prophetæ oculi, quando aiebat: Benedices coronæ anni benignitatis tuæ; Ps. 64. 12.

Beatissimus Papa S. Gregorius Mag. lib. 4. Moral. cap. 18. de his verbis sic habet: *Quasi corona anni benedicetur, cum finito laboris tempore, virtutum remuneratio confertur, dies verò huius anni sunt singulaeque virtutes*. Sed quid est, quod mensibus, non hebdomadibus, non diebus, non horis, sed anno tantum benedicetur? Benedices corona anni. Cùm annum hunc dies virtutum faciant (*Dies verò huius anni sunt singulaeque virtutes*) cur non eisdem præmium additur, sed soli anno corona promittitur? Causa ea est, quod tametsi singula virtutes suam habebunt remunerationem, eam tamen absq; perseverantia consequi non possumus, idcirco anno promittuntur benedictiones, quia ille est finis pugnæ, terminus laboris, exitus vigiliarum, clausula defatigationum: Nam fuisse pium, & virtutis studiosum vno mense, fuisse vnā hebdomade sanctum, vnā horā castum, humilem, probum, parum proderit, nisi in finem vsque vitæ versemur in illis. Itaq; an-

aus, & finis benedictionem habebit, non mensis, non hebdomas, non dies, non hora, quia solus ille saluus erit, qui in finem anni, seu vitæ perseuerauerit.

Inter eas aues, quarum esus Iudæis olim vetitus erat, fuit etiam miluus. De qua re sic habes Leuit. 11. v. 13. 14. *Hæ sunt, quæ de auiibus comedere non debetis, & vitanda sunt vobis, aquilam, & gryphem, miluum, &ulturam.* Neque hic solum, verum etiam Deut. 14. ab eodem miluo abstinere sunt iussi. Ex quo videre licet, quanta sit huius prohibitionis grauitas.

Quæri potest, quam ob causam Dominus hanc à sua domo abiecerit auem, & quænam sint illius proprietates exorsæ Deo, quas euitare debeamus, vt nos gratos habeat.

Dicit hoc Petrus Berchorius, qui in suo reductorio morali lib. 7. cap. 48. n. 10. sic habet: *Secundum Aristotelem est quoddam genus milus, quod in iuuentute volat ad aliquas aues, sed tandem in medio vitæ dimittit volatum, & circa cadauera intendit, sed tandem senescit, non nisi vermes comedit, & finaliter fame moritur.* Et paulò superius dixerat: *Quanto plius vixerit, tanto magis degenerem se ostendit.* Miluus spurio, & ignauo animo auis, cum tenerioribus annis prædam audacter, ferociterque agat, adultiore, & robustiore ætate ita remittit spiritus, vt vix mortua vnguibus, & rostro appetere animalia ausit, & senex pusillulus penè timeat vermiculos, demùm verò etiam præ socordia, & conquirendi cibi negligentia etiam mortem sibi ex inedia accersere, tantam oscitantia, & inertia cum annis apud illum augetur, qui *quanto plius vixerit, tanto magis degenerem se ostendit*, quantumque crescit eius vita, tantum minuitur animus. Quæ tam ignaua, metulosa, & pusillanimitas est auis, quæ quò plius viuît, plius degenerat, quæ minuitur spiritus, cum incrementa facit auctum, non ea inferatur domui Dei, hæc vitanda sunt vobis, tanquam & illi plurimum exorsæ, & nobis valde noxia. Debemus enim ingenium habere indoli huius auis contrarium, sic vt paribus profectibus, vita, & annis augetur, & meritis, & processioris ætatis sit etiam proeuectior spiritus: & consummationis sanctitatis termino tunc simus propinquiore, cum mortis, quæ est vitæ clausula, viciniore. Parùm enim referet ardentem cœpisse, si non animosè cursum perficiat.

Propheta regius aiebat: *Custodini sis Domini, nec impie gessi à Deo meo.* Psal. 17. 22. Putauitne hoc satis esse, quòd præceptorum dominicorum diligens obseruator fuerat, nec improbè ab illo defi-

uerat? Nequaquam, sic enim statim subdit: *Ero immaculatus cum eo, & obseruabo me ab iniquitate mea;* ibid. v. 24. Incognito hoc tale est, quasi dicat: *Dixi superius, quòd de præterito custodiui, nunc autem dico, quòd perseuerabo, quia ero immaculatus cum eo.* Nam in domo, & aula huius magni regis non satis est seruiisse, sed vsque in momentū vitæ supremum seruire necessum est, corona enim illi, qui vsque in finem pugauerit, seruat.

Habet nonnullam cum his affinitatem c. 5. Politic. part. 2. lib. 1. cuius calcem vide.

CAP. VIII.

Vt amoris febrem expleat, arteriam memoriæ tentat.

Quamprimùm inclutus Patriarcha noster aduenit in Sichem, excitauit Domino aram, cultumque illum, & reuerentiam debitam obtulit. Inde in Bethel profectus edificauit quoque ibi altare Domino; Gen. 12. 8. tanquam supremo benefactori, & communi vniuersitatis Domino.

Notarunt hic sancti Ioannes Chrysostomus, Ambrosius, Augustinus, Hugo Cardinalis, Nicolaus Lyranus, & alij Interpretes singularem diligentiam faceri Patriarchæ, & ingens illius studium excitandi altaria Domini, vbiueque sua tentoria fixisset. Quòd tam frequentem habeat Dei memoriam, id indicio erat, quàm ardentem illum amaret, vt proinde crebra recordatio alicuius sit argumentum enixioris erga ipsum amoris. Ardor certè amoris, vehementiaque illius non aliunde melius, quàm de memoria æstimari potest, & crebra recordatio ardentem indicat dilectionem.

Discesserat Sponsus à dilecta sua Sponsa. Inquirebat hæc illum sollicitè, & anxie. Et quoniam ij, qui cupide aliquid indagant, & reperire auidè optant, in omnibus, quæ interim obuia habent, spem boni successus sibi imaginantur, aiebat illa mulieribus Ierosolymitanis: *Adiuuro vos, filia Ierusalem, si inueneritis dilectum meum, & nuntiatis ei, quia amore languens;* Cant. 5. 8. Aperit Sponsa suam infirmitatem, detegit ægritudinem, amore languere, laborare febri dilectionis faretur. Quid verò egerunt illæ Ierosolymorum filia, vt ægritudinem eius certò intelligerent? Quod medici apud infirmos solent, memoriæque arteriam pertentant, vt inde periclitarentur febrem amoris. Itaque sic eam appellabant: *Qualis est dilectus tuus?* ibid. v. 9. lineamenta

amenta nobis describi illius, quem sic demoreris, unde illum arbitrari possumus.

Importuna videtur hæc interrogatio. Dixerat Sponsa filiabus Ierosolymitis, ut Sponsus, si forte illum inciderent, nuntia sui erga illum vehementissimi amoris ferrent: Itaque tanquam vrbana, & comes dicere debuerunt, velle gratificari, & iussa eius studiosè perficere. Quid ergo fuit, quod de vultu, & habitu, & lineamentis Sponsi eam examinarent?

Respondet Hugo Cardinalis, filias Ierosolymitanas potissimum voluisse explorare amorem Sponsæ, & quod interrogarent, id ferè huiusmodi fuisse: *Discis te amore languere, nunc ut comperiamus si verè langueas, dic nobis, qualis ex dilecto est tibi dilectus?* Nonne ipsa fateris, quod Sponsum tuum efficit diligas, ac depereas? Nos dicti tui nunc periculum faciemus. Os, oculos, vultum, formam corporis, morumque illius qualitates nobis recense, quasi si memoriâ tenere videberis, facies ut illius amore languere, quod aiebas, credamus. Nimirum de memoriâ pulsu febrem amoris arbitrari debemus.

Scribebat Apostolus Philippenfibus, utque illorum captaret benevolentiam, his verbis suam ordiebat epistolam: *Gratias ago Deo meo in omni memoria vestra, semper in cunctis orationibus meis pro omnibus vobis;* Philipp. 1. 3. 4.

Primasus Vicensis in expositione horum verborum ait, Apostolo hic propositum fuisse, Philippenfibus suum erga illos amorem singularem indicare, & quam illos penitissimo cordi affixos haberet, significare. Unde verò colligitur, voluisse id hoc loco sanctum Paulum, ubi charitatis mentionem nullam facit? Quo argumento ergo Pauli erga Philippenfes charitatem euinceremus? Vide quid dicat Apostolus, inquit Primasus, & ex verbis illius arbitrari amorem, quem diximus, facile arbitraberis. Quid enim ait Paulus? *Gratias ago Deo meo in omni memoria vestra*, inquit. Iugem habebat eorum memoriam, nulla unquam erat illorum apud Paulum obliuio, quod magno inditio est, plurimum eos amasse. Multum enim recordatur, qui multum amat. Duobus verbis hoc expressit Primasus; *Gratias ago Deo meo in omni memoria vestra, semper in cunctis orationibus meis. Ostendit circa eos dilectionem suam, pro quibus semper exorat.*

Cum de memoria ago, occurrit memoriæ quædam Magni Basilij observatio. Inuitabat Propheta regius homines ad laudandum immensam supremi, & pietissimi Domini nostri maiestatem, iustisque, qui præcepta illius sacra observabant, aiebat: *Psal-*

lite Domino sancti eius, & confitemini memoria sanctitatis eius; Psal. 29. 5.

Sancti Basilij in hæc verba annotatio sic habet: *Non dicit, Confitemini sanctitatis eius, sed memoria sanctitatis eius.* S. Paulus 1. ad Theff. 4. v. 3. ait, sanctificationem hominis nasci ex voluntate Dei, inquit: *Hæc est voluntas Dei, sanctificatio vestra.* Vult ergo nos sanctos, & illâ eius voluntate effici mur sancti. Quomodo ergo Propheta tribuit memoriæ, quod Apostolus voluntati? Causa ea est, quod memoria ex voluntate nascitur, recordarique aliquem, & amare in amoris Philosophia idem est. Itaque Propheta, ut diceret, Deum habuisse voluntatem sanctificandi iustos, ait, habuisse memoriam illorum, ac proinde iubet confiteri memoriæ, gratiasque agere memoriæ, per quam in cognitionem propensæ voluntatis Dei venire poterant, ut intellexerent, non parum amari ab eo, qui multam illorum habebat memoriam. Vbi non est voluntas, ibi otiosa est memoria, ubi autem viget pulsus memoriæ, ibi ardet charitas, & flagrat febris amoris voluntas.

In parabola satoris Evangelici habemus, ex quatuor partibus seminis tres periisse, vnus verò iacturam ex eo profectam esse, quod iuxta viam proiectum, & vel à prætereuntibus protritum, vel deuoratum ab auibus fuerit. Hæc de re B. Lucas 8. 5. Sic ait: *Dum seminat, aliud cecidit secus gram, & conculcaturum est, & volucres celi comederunt illud.* Hanc parabolæ partem Magister cœlestis sic exposuit: *Qui autem secus gram, hi sunt, qui audiunt, deinde Genes diabolum, & tollit verbum de corde eorum, ne credentes salui fiant;* ibid. v. 12. Quod infelices illi damnationem incurrunt, id fit non solum studio dæmonis, sed etiam permissione Dei, quæ inscrutabilitati iudiciorum eius est reſeruata. Ut verò permissio illa suum sortiatur effectum, etiam illud facit, quod *Volucres celi comederunt illud.* Quid sibi vult ista seminis in cor auditorum delapsi, & ab auibus comesti narratio?

Glossa Angelica sic exponit: *Comederunt illud, & nec in memoria mens teneat, quod opere exercere neglexit.* Quod ergo permittente Deo de cordibus auditorum dæmon iustulisse fertur, id eiusmodi est, ac si diceretur, ademisse illis memoriam eorum, quæ ex ore prædicatorum acceperant, & moribus exprimere prætermiserant. Hoccine verò est magnum supplicium? Grauiusne illa ira Dei? Grauius, & quâ terribilior cogitari alia nulla possit: *Ut nec in memoria mens teneat.* Nam perfundere animam obliuione,

bluione, est saluationem illius desperare. Quomodo enim potest ea amare, quæ nunquam recordatur? Quomodo potest obseruare Dei præcepta, & concionatorum pia monita, cui nulla est eorum memoria? Facile diligit, qui bene meminit: At cui nulla memoria, illi bona voluntas esse non potest.

Hanc doctrinam confirmat humilis quædam, ac demissa penitentiæ, & lachrymabundi Cantoris confessio, quando finem facturus prolixi cum Deo colloquij, Psalmum 118. his verbis obsignat: *Erraui sicut ovis, quæ peristi, quare seruum tuum*; v. 176. Alij transferunt: *Vinifica seruum tuum*, qui tametsi peccando mortaliter, lethalius laborare cœperit, spem tamen recuperandæ sanitatis habet. Quid verò illud erigebat animum Dauidi, vt conspescere posse fideret? Respondet ille: Certam habeo valetudinis per te recuperandæ expectationem, *quia mandata tua non sum oblitus*, viuit sana apud me infirmum tuorum præceptorum recordatio, quod beato Ambrosio perinde fuit, ac si dixisset: *Veni ergo Domine, quia celsi erraui, tamen mandata tua non sum oblitus, spem medicina referuo*, esse malâ voluntate erga illum non potero, cuius bonam habeo memoriam. Nam qui recordatur, is vel amat, vel optat diligere. At vbi memoria esse definit, bona voluntas diu superesse non potest: quantum enim recordatur homo, tantum diligit, paribusque defectibus memoria, & amor imminuuntur.

Quapropter S. Gregorius Nazianzenus, vt explicaret quanto amore erga Magnum Basilium flagraret, hæc ad illum suauissima verba epist. 9. aerem scribebat: *Egredere ipse te magis, quam spiro, idque solum vivo, quod tecum sum vel coram, vel absens per animi simulacrum*; velut pluribus dixisset: Noli putare, mi Basili, quod animo meo eripiaris, cum subtraheris oculis, & si velis scire, quàm sit propensa mea in te voluntas, ex memoria, quam tui crebram habeo, amorém meum æstimare potes: nam vt aere corpora viuunt, sic me recordatio tui pascit, quin te magis, quam aere spiro, mihi quæ omnis vita in eo posita est, quod præsentem te audis oculis vsurpo, vel memoriâ tui internos animi obtutus oblecto: vbi enim memoria regnat, bona etiam voluntas imperat.

Euangelicus Propheta vidit Dominum in folio excelso, & eleuato, supraque illud par Seraphinorum, qui alternis vocibus laudes illius decantabant.

Quærent Expositores, quinam illi diuinarum laudum concentores Seraphim fuerint? S. Bernardus de verbis, & B. Petrus Damian. serm. 52. aiunt, Se-

Tom. III.

raphinorum altero fuisse Angelorum, altero naturam humanam adumbratam. Cardinalis Damiani verba sic habent: *Duo Seraphim Angelum, & hominem accipe, qui incendentes, vel ar dentes dicuntur. Nec errabis, si hominem Seraphini nomine dones: Nam si Seraphim idem est, quod ardens, siue inflammatus, qui quis Dei amore accensus flagrat, meritò Seraphim vocari potest.*

At videamus, quomodo duo Seraphim, homo, inquam, & Angelus flagrent. S. Petrus Damianus ait: Ille ardet præsentia, hic memoriâ. Angelus illius formosi Solis radijs semper infunditur, atque inde illius in Deum amor exardescit. At quomodo homo inflammatur? Memoriâ Dei. *Hic ardet memoriâ.* Verùm aberrasse à verò S. Damianus, & sic dicere debuisset videtur: *Hic ardet voluntate*, quam inuadere amoris flamma solet. Cur ergo memoriæ adscribit, quod tribuere voluntati debuit? Causa est, quod ambo in idem recidunt. Nam si ex frequenti memoria euincitur inflammatio voluntatis, cum ait, ardere memoriâ, idem est ac flagrare voluntate dicar.

Hinc potest intelligere seruus Dei, vtrum illum amet, mimirum si frequenter illum cogitet, quem enim frequenter recordatur, illum seruenter diligit anima, & crebra Domini recordatio signum est flagrantis erga illum charitatis.

CAPVT IX.

Non debemus ab omni, quod fortuito accidere potest, timere periculum, magna enim cordis ignauia, & pusilli animi inertia est censere in periculo, quidquid putatur periculosum.

Multa in periculis pusillanimitas, & vana imaginatio nostra numerat, quæ nulla sunt. Conuenit multum cum hyperbole imaginatio nostra in eo, quod ex pygmæis gigantes, & ex gutta mare facit. Vt ergo in periculis, quæ verè talia sunt, recenseas, non ad timoris trutinam, sed ad veritatis libram ea expendas, necessum est.

Tale quidpiam consulebat Marchioni Rainerio S. Petrus Damianus. lib. 7. epist. 17. inquit: *Noli tibi, dilectissime, quæ fingi, vel excogitari possunt, aduersa proponere, noli diuersorum casuum muliebriter infortunia formidare. Quàm bene dictum illud, Noli diuersorum casuum muliebriter infortunia formidare! Quàm est meticulosa, quàm pauida mulier! Quàm pauculo ex terreri potest! Vmbra, & si quid forte per quietem nocturnam occurrit, formidinem*

C

illi

illi adfert, tam est tenero sensu, tam exiguo, & imbecillo animo sexus. Monet ergo suum Marchionem Rainerium S. Petrus Damianus, non agere muliebriter, non metuere omnia, non credere cuius imaginationi, non omni cogitatione frangi: Vt enim temerarium est in pericula certa, & notoria se conijcere; sic ignauia est commentitia discrimina timere.

Inuenit quondam David Saulem, exercitumque eius somno alto sopitum, & arrepta occasione clam propius accedens, tulit hastam infensi regis, & scyphum aquæ, qui erat ad caput eius. Cumque transisset David ex aduerso, & steteret in vertice montis de longe, & esset grande intervallum inter eos, clamavit David ad populum, & ad Abner; 1. Reg. 26. 13. 24. oscitantiamque illorum, & incuriam increpauit, qui regis sui tam negligentes custodes fuissent.

Abulensis q. 16. in hoc cap. ait: *Quæret aliquis, an peccauerit David dicendo hac?* Ratio enim aliqua esse videtur, ob quam peccauerit. Nam cum illas dedit voces, periculum capitiuitatis sibi excitauit, & cum nulla esset causa hoc faciendi, Deum tentasse videtur. Certe securior fuisset, longiusque ab omni discrimine abfuisset, si à clamore abstinuisset, silentioque abijisset.

Satisfacit huic argumento Mag. Doctor ad hunc modum. *Discendum, quod verum est, tamen non est, euitandum omne periculum, nisi quod verisimile est, alia enim quanquam possibilia sunt, pericula non vocantur.* David autem posuerat se in tali loco, in quo verisimiliter non poterat periclitari, ideo quanquam esset possibile aliquod malum ei euenire propter clamorem illum, tamen periculum non vocatur. Si in periculis recensendum esset, quidquid sinistrum accidere forsitan potest, perpetuo in metu vivere necessum esset. Hoc ergo solum timendum, quod prudentia formidandum consulit.

Propterea iure meritissimo obiurgat mellissius Bernardus multos delicatulos, qui cum nullum vnamquam ex ieiunio damnū acceperint, aiunt tamen, ieiunare non posse, ne stomacho, & capiti abstinentia nocumentum adferat, & somnum adimat, & valetudini incommodet: *Delicata nimis medicina, prius alligari, quam vulnerari, emplastrum adhibere, & ubi caesura non est.* Si quis pharmacopola domum præteriens pereret si i daret, quæcunque plagæ curandæ sunt necessaria, eò quòd ad conficiendum pergeret, & instructus ab omnibus esse vellet, quæ improvisus casus forte exigere posset, palam est quod eiusmodi hominem pharmacopola rideret, & illis S. Bernar-

di verbis exagigaret, *delicata nimis medicina*, muliebris mollities, & ignaua teneritudo est, & superuacanea anticipatio remedium querere vulnere, quòd nondum acceperis, curam ægritudini, quam solum timeas. Illud tantum formidare decet malum, quòd recta ratio metuere suadet.

Cum S. Ioannes narrare institueret curationem, quam omnipotens Magister adhibuerat illi per annos triginta & octo paralytico, qui tam longo tempore iuxta piscinam expectarat suæ molestæ, & pertinacis infirmitatis leuamen, prodigiosam prius virtutem memorat, quam Deus illius piscinæ aquis communicauerat, quæ talis erat, vt qui prior descendisset in piscinam post motionem aquæ, sanus fieret, à quacunque detinebatur infirmitate; Ioannis 5. 4. Erat ibi multitudo magna languentium, aridorum, cæcorum, claudorum, ex quibus ille solus confescebat ab omni sua quacunque ægritudine, qui primus omnium in piscinæ Probaticæ aquam ab Angelo concitram incidebat.

Hæris Cardinalis Caietanus in eo, quod Euangelista dicit: *A quacunque detinebatur infirmitate, curabatur, qui primus in aquas descendebat.* Non à debitate, sed à morbo describitur sanatio. Si quod leue malum alicui accidisset, si exiguum quampiam offensumculam valetudo illius passa esset, si non nihil languere stomacho cœpisset, & mori ex tantilla infirmitatula timuisset, statimè apud istam piscinam suo quasi quali malo curationem expetebat. Negat Caietanus, eò quod illæ ab Angelo motæ aquæ (vt Euangelista monet) non mollicellorum quibusque debilitatiunculis, sed grauium, & diuturnorum morborum sanationi dedicatæ fuerint. Non à debitate, sed à morbo describitur sanatio. Si quis fortè ob leuem iniuriolam alteri irrogatam in iudicium pertrahatur, non proinde mortem timere debet, qui nihil morte piandum egit.

Ingressus Christus quandam Iudæorum synagogam, inuenit hominem, qui habebat manum aridam, interrogaturque à præsentibus Iudæis fuit, vtrum sabbatis curare liceret. Percunctatio autem illa eò ibat, vt profanatorum dierum à Deo consecratorum reum pronuntiarent, si illis diebus licitè curari ægrum posse affirmaret.

Magnus Tortatus (qui nullam dissimulat difficultatem, quam non diluat, nullam præterit periodum, quam non excutiat) permotus istorum Iudæorum interrogatione querit, an illi populo fas fuerit curare homines Sabbatis, quibus diebus ex præscripto legis ab omni seruii opere vacabant. Respondet verò

§. 37. in c. 12. Matth. in hunc modum: *Sciendum quod curatio medicorum aut est ad conservandam salutem, vel ad curandam aegritudinem. Ad conservandam sanitatem non licebat sabbato aliquid agere, quia talis diligentia non est omnino necessaria, eo quod si aliquando omittatur, non peribit homo illico, nec ad pereundum disponitur, & ideo potest omitti. Nimis magna est illius ignavia, qui certam statim ex dubia valetudine mortem timet, adeo medicum inelamat, inconditisque & tumultuarijs vociferationibus domum implet, & familiam omnem perturbat. Verum timere periculum, quod mortem minatur, & ad prudentiæ regulas moderari metum, & discrimini evitando studere, laude dignum est, & consultum.*

Secundum hæc excusari debet noster Patriarcha, quod terram, in qua habitabat, propter ingentem famis necessitatem, reliquit, & in Ægyptum abiit. *Fasta est fames in terra, descenditq; Abram in Ægyptum, prauauerat enim fames in terra, Gen. 12. 10. Non statim ac sensit plagam famis discessionem parauit, sed cum res ita exulcerata iam essent, ut nisi tentaret Deum vellet, manere diutius non possit.*

Ita moment plerumque hoc loco Interpretes, ex quibus Ludouicus Itella hæc dixit, quæ dissimulare noluit: *Prauauerat enim fames in terra. Non igitur quacunque calorū penuria motus, sed urgentissima, cum magnam famem haberet, ita ut secundum re-ctum iudicium ipsum compelleret inde recedere, & ad proximorem regionem, in qua esset vicius commodior occasio, pertransire, Unde in Hebræo CHEBET, H A R A B, id est, multum grandis, potensque fames significatur.*

Hæc doctrina illis commoda est, qui penitentiae opera suscipiunt, aut vitæ religiosæ iter ingrediuntur. Non debent ij, quouis statim malo frangi, non cadere animo ob quancumque infirmitatem, aut difficultatem, non mortem, non morbum grauiorem leuiter timere, hos enim metus dæmon nobis iniicere, aut ignauia nostra incutere solet.

CAPVT X.

Nisi voluntas suauiter operetur, actionum illius bonus euentus expectari non potest.

Perelegans erat Sara, vidensq; Abraham, quod Ægyptij statim illius appetituri essent venustatem cum suæ vitæ manifesto periculo. Ut hoc præuenteret discrimen, rogabat uxorem, ut sororem se diceret, si forte ab Ægyptijs, quænam esset, interrogaretur, videbatur enim, ne vitam sibi adime-

rent, si coniugem esse intelligerent, ut frui illâ liberius possent. Inter barbaros enim illos, ut notant Lyranus, Abulensis, Homala, Istella, Pererius, & alij, adulterium homicidio grauius habebatur. Verba Abraham, quibus Saram rogabat, sic habent: *Dic obsecro te, quod soror mea sis; Gen. 12. 13. Moment hic Expositores annotare comitatem, & vrbanitatem, quâ cum vxori suæ locutus est Abraham, non imperans ei, sed rogans: Obsecro te. Factum prudenter, quod illam blandis verbis suauiter adducere voluit, ut beneuolenter, & magnâ voluntate faceret, quod ille humaniter obsecrabat. Quamdiu enim quis non sponte, ac voluntate agit, passim impingit, & titulet, offensiculaq; ubique inuenit. E contra cum hilariter, lætanterq; & cum voluptate facit, omnia illi videntur facilia & neq; mons est, quem non exæquet, neq; difficultas, quam non conculcet, ac proterat.*

Permotus Dominus acerbis Israelitarum gemiti- bus, voluit eos ab iniqua oppressione, quam sub tyrannica superbi Pharaonis potestate patiebantur, liberare. Quamobrem aduocans Moysen inquebat: *Veni, & mittam te ad Pharaonem, & educau populum meum filios Israel de Ægypto. Exod. 3. 10. Quam difficile fuerit hoc munus, quàm ardua provincia, id ex eo conijcere licet, quod Moyses statim impedimenta obiecit, seque oneri tanto imparem protestabatur, dicens: Quis sum ego, & quidam ad Pharaonem, & educau filios Israel de Ægypto? ibid. v. 11.*

Vidit Itaias Dominum in sublimi throno, audiuitq; dicentem: *Quem mittam? & quis ibit nobis? Isa. 6. 8. Quis nostrâ ad populum legatione fungetur? Vix ea verba Propheta euangelicis auribus hauserat, quando promptè, alacriterq;, & audacter respondit: Ecce ego, mitte me, paratum ire, quocunq; tua iussa destinauerint.*

Magnus Pater Basilius miratur, quamobrem Dominus Moyse præcipiendum putauerit, ut oratoris officium susciperet, Itaiæ verò liberum reliquerit, an concionandi onus admittere vellet, cum ait: *Quem mittam, aut quis ibit nobis?* Cum ibi coram adesset Itaias, poterat ei Deus imperare, ut prædicandi prouinciam acceptaret. Quid ergo illius voluntatem ante explorare voluit? Aut cur Moysen magis, quàm Itaiam præcepto cogere ad officium voluit?

Respondet Sanctus Basilius in c. 6. Itaiæ: *Moyse ministerium proponitur ad nuntiandum res parum amandas, immo permolestas, quo circa illi quidem man-*

datum præscribitur, huic autem famulatus obeunda legationis in potestate relinquitur, propterea quod nos homines sic naturâ comparati sumus, ut quæ semel volentes exequenda propofita elegerimus, quamlibet moleſta fuerint, tamen eam operofam moleſtiam denotamus, ac perpetimur. Pernouerat Dominus ingenium Moysis, quod tale eſſet, vt munia publica, odioſa in primis, & oneroſa, plurimum deſugeret, & quiduis prætexeret, quod deuitare illa poſſet. Quare neceſſarium fuit, ſerid, ac grauiter illi mandare, vt legationis periculoſæ difficili oneri humeros accommodaret. Videns autem quod Iſaias prædicandi cupidus eſſet, omnemq; animoſe, ac facile ſuperaret difficultatem, ſuperuacaneum putauit hoc illi præcipere, ſatis eſſe, ſi tantum communiter proponeret, ipſuſq; arbitratui rem hanc permitteret, habet enim hoc indoles noſtra, vt promptè proſiliamus ad ea, quæ nobis placent, quæq; volentes, ac lubentes agimus.

Multum ſatis habent illa in Magni Baſilij verbis extrema: *Operoſam moleſtiam deuoramus, ac perpetimur.* Quando quis auidè comedit, tamenſi cibibus non ſit lautus, quod ſapit palato? Quando æger quiſpiam eſt cupidus bonæ valetudinis, quod hilariter ſumit potionem quantumuis amaram, & inſipidam! Tanquam neſcit haurit pharmacum, quod abſq; naſea ſaltidoſi ſtomachi alius vix cogitare poſſit. Hoc ipſum fit in omnibus negotijs, quæcunq; homo ſuſcipit. Nam ſi voluptati eſt opus, quod aggreditur, omnia, quæ obſeſſe cæptis poſſunt, conculcat, & facile ſuperat, perficendiq; illius & modum & tempus, & opportunitatem inuenit.

Ex his accepit argumentum Parens eloquentiæ, quo filium ſuum Marcum ad finem ſuorum librorum officijs exhortabatur, ne difficultatem prætexeret in his, quæ illi faciendæ præſcripſerat, ſed hoc ſibi perſuaſum haberet, quod exiguo negotio perficere omnia poſſet, ſi promptè modò obtemperare benè monenti vellet. lib. 3. offic. ſect. 124. de hac re ſic habet: *Quoniam his voluminibus ad te profeſſa vox mea eſt, tribues his temporibus quantum poteris, poteris autem quantum voles.* Quam benè dictū illud, *Poteris quantum voles!* Nam reuerſa vt homo diſſilimum quoduis poſſit, illud ſolū faciet, quod velit: ſi enim velit, nihil eſt, quod non poſſit.

Prædicandi verbi diuini officium, vt ex quo animarum ſalus plurimum dependeret, dilectiſſimo diſcipulo ſuo Timotheo Sanctus Paulus vehementer

commendabat, inquiens: *Prædica Verbum, inſta opportune, importune;* 2. Timoth. 4.2.

Quodnam illud opportunum, & importunum, quod ad prædicandum vti iuſſus fuit Timotheus? Reſpondet Primasius Vtiſſis in eiſdem loci commentario: *Opportunum eſt libenter audienti, importunum inuito.* Quid tam conſuetum, quàm quod non oblectet orator ſacer, qui non libenter auditur, tamenſi exquisitiſſima diſcretiſſimè dicat? At ſi quis ſemel auditoribus placere cœpit Eccleſiaſtes, quanto cum plaſu verba eiſ excipiuntur! quàm magnificè celebrantur quæcunq; dicit! Omnia hæc naſcuntur ex propenſa, vel repugnante voluntate, quæ auditores vel audis, vel ſatidiſis auribus hauriunt verba prædicantium, & vel ſuauius combibunt, vel moroſe reſpuunt, quod ab Eccleſiaſte dicitur, eſtq; *opportunum libenter audienti, importunum inuito.* Tandem fit in omni re alia.

Sanctus Ambroſius quærit, quid cauſæ ſit, cur græſ, cū e regione vna in aliam demigrant, & per noctem conquieſcere neceſſum habent, tam ſolicitam exactamq; exercent cuſtodiam, vt nulla vnquam, cui excubandi munus demandatum, obdormiſſe per oſcitantiam viſa fuerit, ex quo & factum, vt iſæ aues perpetuæ vigilantia, iſtluſtre hieroglyphicum ſe meruerint? Tam perugiles in catris non inuenias homines, qui cū per ingentia ſæpè pericula, & certas capitis pœnaſeſſe inſomnes debeant, per inertiam condormiſſeunt.

Reſpondet autem Sanctiſſimus Doctor: *Ideo nulla deſertio, quia deuotio naturalis, ideo tuta cuſtodia, quia voluntas libera.* Hæc ille lib. 5. Hexam. c. 15. Cauſa ergo, quod græſ, quæ excubias agit, non deſerit ſuam ſtationem, nec diſcedit à ſpecula, cū alia dormiunt, quanquam facile poſſet diſſurgere, ea eſt, quia lubentes vigilant, volentibus autem omnia ſunt facilia: *Ideoq; nulla deſertio, quia deuotio naturalis, ideo tuta cuſtodia, quia voluntas libera.* Quod autem homines ſæpè dormiunt, etiam cū ſomnolentiæ atrocía ſunt conſtituta ſupplicia, id fit, quia inuiti, & repugnante animo vigiliandi officium ſuſcipiunt. Homo enim vehementer eò propendet, vt pro ſua voluntate quæque agat, & diligenter faciat, quæ facit libenter, vt neque pœnarum comminationibus adduci queat, vt manum alacriter admoveat operi, à quo animus abhorret.

Audite verba Ambroſij: *Proponatur pœna deſidia, & tamen plerumq; obrepit incuria, non ſeruantur excubia. Neceſſitas enim, quæ inuito imponit obsequium,*

quum, affert plerumq; fastidium. Nihil est enim tam facile, quin habeat difficultatem, quod facias inuitus. Nulla tam levis sarcina est, nulla tam exigua difficultas, nullum tam paruum pondus, quod non turris, rupes, mons videatur ei, qui repugnanter tolerat, ut e contra nullus est scopulus, nullum tam ingens saxum, quod non aristâ, vel plumâ leuius reputet, qui volens portat: *Nihil est tam facile, quin habeat difficultatem, quod facias inuitus.*

Ita sentit etiam Magnus Basilius, cuius est istud ex homil. in Psal. 1. *Ita natura comparatum videmus, ut si tantillum durer, quod inuitus didiceris, cum contra id nescio quo pacto memoria infidat, quod cum per amantem quadam oblectatione, & gratiâ irripit, atq; illabitur animo.*

Persuadere autem quis possit inuito! exclamat S. Pacianus Epist. 1. Quis demosthenes Græcus, quis latinus Tullius, quis Chrysostomus Christianus ad credendum adducere queat eum, qui non libenter auscultat? At qui cum voluptate attendit, & vacuas cupide præbet aures, quam leuiter permo- ueri quous finit? quam subito cunincitur! quam facile occupatur! Nam ut paulo ante ex Primasio dixi: *opportunitum est libenter au-*

dienti, importunum inuito. Da mihi hominem facilem, beneuolentem, additum, quam gracè ac promptè ille admittit, quidquid illi dicas! Omnia consule, prudenter, opportunè dicta interpreta- tur. At si morosus sit, aut tetricus, vel certe non illi ardeat, quod facere iubetur, quam toruis oculis præcipientem spectat! quam repugnante animo intempestiuam, ut vocare solet, iussionem excipit! quam stomachosè inconsulta, ut dicere amat, monita fastidit, & aspernatur!

Hinc factum, ut sacer Rauennatum Archiepiscopus Petrus Chrysologus serm. 125. diceret: *Quis est, qui timeat Solens? Quis est, qui amet nolens?* Si quid tuâ sponte enixè velis, à nullo absterri periculo finis, quod minus illud persequaris, nullus te frangit, qui eam in rem collocandus. At qui per vim ad aliquid cogitur, onerosa illi omnia, & intolera- bilia videntur. *Quis est, qui timeat Solens? Quis est, qui amet nolens?* Vbi prompta voluntas, ibi nulla difficultas, ubi inuitus animus, ibi remissa, & languida torpent manus.

Vide Periocham secundam Dominica 3. post Epiphaniam Tom. 2. Pag. 422. a. o. & calcom illius.

LIBER II. VITÆ ABRAHAM.

CAPVT I.

Quando splendor est suspectus, & apparatus magni- entia dubia, non est vana curiositas explorare ea. conuenit enim scire, ex quo quisq; viuat, & splendat.

Redijt sacer Patriarcha ex Ægypto pluri- mum colloquutus, & affluens pretio- sis donis. *Erat dives valde in possessione au- rentis, & argenti,* inquit Sanctus Moyses Gen. 13. 2. Qui tam opulentum Abraham videat, dubitare possit, unde tanta illi auri, & argenti copia. Ut huic occurreretur difficultati, & nemini suspecta esset tam subita opum affluentia, supra monimus, quod Rex Pharaos varijs illum donis cumulauit, gre- gibusq; multis, & familia copiosa donauit, ex qui- bus venditis tantam vim auri, & argenti conflare po- tuit, & ob id forte voluit, quod facilius per viam

ferre poterat pecuniam, quam conducere greges, & familiam. Hinc ergo Abraham illud solum argen- tum, & aurum, ut notârunt Lyræus, Abulen- sis, Istella, Pererius, & alij, ne cui dubia esset ea tam repentina Patriarchæ opulentia. Quando appa- ratus subitus, & insolens magnificentia possunt ge- nerare suspicionem, conuenit examinare illa, tunc enim non erit curiositas vana, si fuerit intentio bona.

Inaudito miraculo dedit Christus visum cæco, qui ab utero matris in tenebris vixerat. Vicini, quique illum compitatum mendicantem viderant, mira- bantur illud tam rarum miraculum, cui tamen nonnulli tam nihil fidei tribuebant, ut alium potius mendiculi illius similem, quam mendiculum ipsum visu donatum crederent, atq; ideo illi, qui cura- ti fuerant, dicerent: *Quomodo aperti sunt tibi oculi?* Ioan. 9. 10. Qui respondit: *Ille homo, qui dicitur IESVS, lutum fecit, & unxit oculos meos; ibid.*

v. n. iussitq; ire ad natatorium Siloe, & lauare, iuique, & laui, & vidi. Quamquam hoc ille tam aperte affirmaret, nihilominus abducus à Phariseis, & varijs modis examinatus fuit.

Ioannes Cluniacensis ser. 62. Tom. 4. quærit, vtrum illa Phariseorum de miraculo dubitantium inquisitio excusari aliquo modo possit. Respondet autem in hunc modum: *Sicuta esset intentio, excusabiles essent, maxime cum à seculo non esset auditum, quia quis aperuit oculos cæcæ nati, cum talibus circumstantijs.* Indagare rei nunquam auditæ veritatem, expendere miracula, quæ multas secum ferant repugnantias, non solum à culpa abest, verum etiam nonnunquam est necessarium. Tantundem affirmare possumus de quibusdam hominum non sanctorum domesticis miraculis. Si quem videas sumptuosæ excitantem ædificia, magnificum ostentare apparatus, multum præferre splendoris, & vide illa proveniant, ignoret, absq; malitiæ nota indagare poteris originem, dum non sit modò sinistra intentio.

Magnus ille rerum naturalium historicus Plinius, cum differere de rebus terræ admirabilibus & miraculis illis quotidianis institueret, aiebat, facere initium ab eo velle, quod sibi mirissimum visum semper fuerit, inquit: *Et quoniam à miraculis verè capimus, sequemur eorum ordinem, in quibus vel maximum est, aliquid nasci, aut vivere sine vlla radice.* Plinio igitur hoc prodigiorum portentosissimum, portentorum prodigiosissimum visum fuit, quod alicui vita constare posset, cui nulla radix: *In miraculo vel maximum est, aliquid nasci, aut vivere sine vlla radice.* Hoc magnum illum philosophum maxime sollicitavit, & obstupefecit. Cur ergo ij, quibus hoc ex officio incumbit, non diligenter inquirent in miracula, quæ fiunt in republica, eorum, qui neq; radices, hoc est, bona stabilia, nec mobilia habent, & epulantur tamen splendidissimis, & vestiunt pretiosissimis, & viuunt profusius ac magnificentius, quàm alij opulentissimi, & maxime locupletes? Ingens hoc miraculum, & quantum ego æstimo, *vel maximum est, aliquid nasci aut vivere sine vlla radice.*

Multis dubitationem attulit sensus verborum, quæ Sanctus Evangelista Matthæus, cum de castissimo Virginis castissimæ sponso loqueretur, dixit, inquit: *Et non cognoscebat eam, donec peperit filium suum primogenitum;* Matth. 1. 25. Prætereamus hic sacrilegi Heluidij, sequaciumq; illius blasphemiam, & inquiramus quid pij, & Catholici sensus talibus verbis substat.

Glossa Ordinaria, & Angelicus Doctor in 4. Sentent. apud Raulinum serm. 6. de Concept. Tom. 1. aiunt, celorum Regina honestum vultum, quo tempore intrā vterum suum Solem iustitiæ habebat, tam multo lumine splendisse, tam magnis radiasse splendoribus, vt Ioseph illum arbitrari oculis non potuerit, donec edita in lucem luce mundi ad naturam formam, pristinamq; venustatem facies rediret, & hoc esse, quod dicitur Ioseph non cognouisse eam, donec peperit Filium suum primogenitum. Verba Glossæ sic habent: *Ita reucebat vultum eius, dum erat à Spiritu Sancto imprægnata, quod non poterat eam Ioseph aspicere.* Lumen ergo, quo venustissima reginæ vultus radiabat, perfringebat oculos Iosephus, vt videre illam, siue vt Evangelista loquitur, cognoscere non posset.

Magnus Parisiensium cancellarius Ioannes Gerfon in suo Ioseph ait: *Quid mirum, si sic vultus eius reucebat, quia in ventre, Solem gerebat?* Facile est huic tam splendidi vultus causam inuenire, neq; mirū quod eius radiabat facies, cuius vterus Sole plenus erat. Verū quod illa reginæ instar fulgeat, cui nullus ager, non census, non prouentus, non aliqua fortunæ bona, id miraculum est, difficile quidem cognitū, dignum tamen indagatone.

Nuntium deorum à summo Ioue Carthaginem, vbi miserè iactatus Aneas tunc commodè morabatur, ablegatum principes Poëtarum describit, vtque eius promptitudinem, celeritatemque delinearet, aiebat:

Solat ille per aëra magnum

Remigio alarum. Aeneid. lib. 1.

Videtur hic calumniam incurere posse Virgilius, tanquam superuacaneis verbis, rem narrarit, cui hoc semper maxime curæ fuit, ne otiosè aliquid diceret. Volare Mercurius per ampla illa aëris spatia sine remigio alarum non potuit. Cum ergo dixerat, volasse per aërem, pleonasmus, & inanis redundantia videtur, quod adiungit, alis ad volatum esse vsum.

Donatus purgat à calumnia Poëtarum maximum, atq; non solum superfluis verbis non onerasse orationem, verum etiam necessariò dicere debuisse, quod Mercurius ad volandum alas adhibuit. Reddo illius verba. *Volat ille per aëra magnum, atq; vt esset fides, Solasse per aëra magnum, addidit, remigio alarum, aliter enim è cali partibus missus ad terras venire non posset, nisi remigio alarum adiutus, non enim per inane aëris pedibus ire potuit.* Quoniam dubium aliquibus esse poterat, quomodo inde è cœli

ecclē fastigio Carthaginem peruenit Mercurius, ut hanc anteuertere obiectiōem, ait alarum vehiculo descendisse. Ita necessarium est praeuenire semper difficultates, quae occurrere possunt. Dicere namq; de aliquo, volare, idq; sine alis, est miraculum, quod difficile tum intelligi, tum persuaderi queat. Videre quempiam, qui in sublimem cathedram absq; alis scientiae euolet, sellamq; doctorem inuadat, quam melius validis humeris quam sufficiente literaturā sustinere possit, miraculum est, quod humani ingenij vires assequi nequeant, quale & illud, quod pedum episcopale saepe inuadunt, qui ne pastorale quidem apud pecudes gerere sunt idonei, & animarum curam suscipiunt, ne animalium quidem curae apti.

Aliud quoddam miraculum vexauit ingenium Theophrasti, de quo ille lib. 6. de causis plantar. c. 15, ita: *Mirum, florum quorundam odorem suauissimum reddere, quorum nulla pars alia bene olet, quod in uolis; risq; paret.* Quam spinosum, & intractabile, & informe lignum carydē rosarum! flos verò ipse quam gratum exhalat odorem! Quis non miretur tam odoriferi floris tam rudia esse virgular? Sic videas mulieres, quarum sic vestitus diues, & plurimus ex gemmis splendor, & odor, qualis magnarum dominarum, ac si truncum, ramos, radices aspicias, pars nulla bene olet, nam parentes sunt teruei, genus obicūrum, & mendicū, cognati egentes, & nullo numero. Perspicuum est, quod haec adferre admirationem debeant. Certē quod tales talibus rebus affluant, quas nec dote à matris, nec iure hereditario à parentibus, nec dono gratuito à consanguineis acceperint, portentum est, & apparatus merito suspectus. Expendere autem eiusmodi miracula, p̄tentia examinare, perscrutari prodigia valde conueniens fuerit. Quando enim magnificentia est suspecta, consultum est diligenter inquirere, quā ex re quicq; splendeat.

Vide Periocham sextam Dominica in Ramis Palmarum Tom. 1. pag. 457. o. quae in simili argumento versatur.

CAP. V. T. II.

Tam mortaliter infensa sibi sunt opulentia & concordia, ut ubi illa imperat, haec viuere non possit.

Mittebat coelestis Magister Discipulos suos ad praedicandum, amplam potestatem illis concedens in spiritus immundos, in omnes aegritudines,

ipsamq; adeo mortis tyrannidem. Addebat autem: *Nolite possidere aurum, neq; argentum, neq; pecuniam in zona vestris;* Matth. 10. 9. nec quicquam eorum, quae humanam, terrenamq; affluentiam, & possessionem oleant. Austeram videtur haec praecceptio. Quid verò incommodi adferre poterat, quod peragratu regiones exteras viaticum sibi ad usum itineris, omnemque euentum, qui varius in longis, ignotiq; peregrinationibus esse solet, pararent? Cur superus Magister tam grauiter omnem Discipulis suis auri, argenti, numorumq; prouisionem interdicit?

Respondet S. Ambrosius lib. de Ioseph. c. 11: *Domine IESVS mittens ad Euangelizandum Discipulos, misit eos sine auro, sine argento, sine pecunia, et inuentualis, et instrumenta eriperet Scleris.* Diuitiae huius vitae, & pax tam sunt mortuo infensa, tamque implacabili odio dissident, ut ne apud viros Apostolicos quidem eosq; in ipsius Iesu Christi schola etiam egentes conciliari possint, ac propterea Dominus necessarium duxerit omne Apostolis adimere aurum, ut pax apud eos constare, & animorum concordia seruari posset: *Misit eos sine auro, sine argento, sine pecunia, et inuentualis, et instrumenta tolles Scleris.*

Magnā exaggeratione ad hanc rem amplificandam magnus Cordubensium Philosophus Seneca usus fuit, qui lib. de tranquill. vitae. c. 8. sic ait de humanis diuitijs: *Transcramus ad patrimonium, maximam eruminatum humanarum materiam. Nam si omnia alia, quibus angimur, compares, mortes, agrotationes, metus, desideria, cum ijs, quae nobis mala pecunia nostra exhibet, haec pars multum praegrabit.* Congere omnes calamitates, quaecumq; aliunde nobis obueniunt, & confer cum ijs, quae à diuitiarum praesentium cupiditate nascuntur, tum tibi certò persuasum habe, quod haec pars multum praegrabit. Vnde enim orta sunt bella, vnde dissidia animorum aeterna, nisi ab illa insatiabili siti habendi, & occupandi possessiones alienas?

Commodè in rem praesentem exponit quidam doctus modernus illud tam celebratum, & tritum Iob. cap. 7. v. 1. *Militia est vita hominis super terram;* tanquam hoc dicere Sanctissimus Patiens voluerit, non ob aliud militare homines, quam ut terras suas alij alijs per vim, & manu armata eripiant. Bellorum certè hodiernorum pars bona inde nascitur, quod hic illud regnum ad se iure pertinere contendit, ille hunc Ducatum, hanc Prouinciā, haec vectigalia ad se spectare, & ab inuafore iniuste detineri

detineri asseuerat: *Militia est Vita hominis super terram*, & multi vitæ partem magnam in armis agunt, quibus vilem terram appetunt, & occupant, si possunt. Itaq; si diuitiarum terrenarum ambitio de terra tolleretur, vix ea bellum aliquid videret.

Præcipiebat Deus patriarchæ nostro Abraham, vt sibi vaccam, capram, arietem, singula trium annorum, turturem præterea, & columbam sacrificio offerret: *Qui tollens & inuisa hac diuisit per medium, aues autem non diuisit*; Gen. 15. 10.

Quid mysterij habere potest, quod Abraham animalia cætera diuisit, *aves autem non diuisit*? Vt in cognitionem veniamus secreti in hoc sacrificio inclusi, notandum, quod animalia terrestria, hoc est, quæ calcant terram, sunt symbolum hominum, qui animos suos addixerunt possessionibus, & diuitijs, nec aliud agunt, quam vt eas lucrifacere, & comparare possint. Sic aiunt Petrus Berchorius, Laurerius, Ricciardus, Ioannes de S. Geminiano: Aues autem sunt hieroglyphica virorum apostolicorum, qui renuntiârunt patrimonijs, & omni mundanæ opulentia. Quare & cœlestis Magister noster, vt bonorum huius vitæ cupiditatem nobis adimeret, ad aues nos remisit, iussitq; ab eis discere, non anxie quærere sæculares opum facultates, inquiens: *Respicite volatilia cæli, quoniam non serunt, neque metunt, neque congregant in horrea, & Pater Vester cœlestis pascit ea*; Matth. 6. 26.

Accedamus nunc ad mysterium. Vaccam, capram, arietem, animalia terræ, symbola hominum, opum terrenarum copijs inhaerentium, *diuisit Abraham per medium*; *aves autem*, quæ non sunt sollicitæ metere, & congregare in horrea, & adumbrant viros apostolicos, *non diuisit*, vt significaret, diuisiones, discordias, rixas, contentiones, pugnas apud eos semper gliscere, & vigere, qui volunt opulescere, & velut brutæ pecudes quædam omnem ex rebus terrenis captant voluptatem. Aues non fuerunt diuisæ, quoniam qui rerum terrenarum ponderibus decussis nudi vt nubes volant, & mundo superiores mundana omnia contemnunt, apud eos viuit pax, concordia, vnanimitas.

Omnia hæc sunt Hugonis, qui in cap. 15. Gen. sic habet: *Animalia diuiduntur, quia inter malos semper sunt rixas, & discordia, quia vbi quilibet querit quod suum est, non potest esse vnitas, aues autem non diuiduntur, quia boni semper seruant vnitatem in vinculo pacis.*

Vos quidam emulsi, qui Christum dicentem audiebant, conuenit illum, dixitque: *Magister,*

dic fratri meo, & diuidat mecum hereditatem; Luc. 12. 13.

S. Petrus Chrysologus in horum verborum pertractatione positus ait, non esse mirum, quod rerum temporalium facultates iam obtentæ generent mille controuersias, lites, corrixationes, cum etiam nondum acquisitæ varias excitent similitates, & adferant molestias, vt qui opulescere cupit, ante sit ærumnarum, quàm opum copijs diues. Ecce hic nondum marcupio intulerat pecuniam, nondum adierat hæreditatem, nondum possidere cœperat, quæ à parentibus relicta, & iam vigeat diuisionem, litemq; intentabat: *Diuidat mecum.*

Verba illius in hanc rem ex serm. 162. sunt ista: *Hereditas mundana ante posterum inferturgia, quàm conferat censum, antequam diuidat facultates, seminat heredes, antequam debitas tradat singulis portiones, successores ipsos desecat, & mittit in partes. Proinde non est hereditas ista, sed pugna, & hac nouerca filiorum est, non facultas. Quid elegantius dici potuit, aut excogitari! At si terrenæ facultates etiam nondum occupatæ adferunt inquietem, & dissidia, non magnum est, quod magnas discordias pariant suis dominis, postquàm in eorum potestatem venerunt.*

S. Patriarcha noster, & consobrinus illius, Loth, simul ac diuites facti sunt, iurare cœperunt. Tanta est huius mali contagio, vt neq; his tam probis viris parcere potuerit. Abundabant gregum copijs, iamq; *non poterat eos capere terra, & habitarent simul, erat quæpè substantiarum multa, & negabant habitare communiter*, Gen. 13. Unde & facta est rixa inter pastores gregum Abraham, & Loth ibid. v. 7. Certum erat, contentiones diu abesse non posse, & dissidia, vbi tanta erat gregum, opumq; copia. Ita notârunt omnes interpretes, Lyranus, Cæteranus, Oleaster, Istella, Cornelius, Honcala. Verum pro omnibus vnus, qui omnium instar sit (ita Chrysostomum subindicaui) loquatur. cuius sunt ista: *Aucta sunt Armenta, multiplicati greges, affluerunt diuitia multa, & statim diffenditur concordia. Antea erat pax, & charitatis vinculum, nunc rixa, & contentio. Vbi enim meum, & tuum, illic omne lutum genus, & contentionis occasio, vbi autem hac non sunt, ibi secuta versatur pax, & concordia.* Consoletur itaq; se paupertas, in quantum in suo centro conquiescit pax, viuit concordia, quæ est patrimoniorum, quæ homines habere possint, opulentiissimum, nam vbi pax abest, quid ibi boni aut voluptatis alienius expectari possit.

CAPVT

CAPVT III.

Litigare tam miserabile est, ut regni iacturam in felicitate numerare quis possit, si per eam fiat, ut non conflictetur iudicijs.

Cum S. Patriarcha hester prauideret lites, quæ secuturae essent, nisi citum malo adferretur medium, aiebat ad consobrinum suum: *Ne quaso sit iurgium inter me, & te, inter pastores meos, & pastores tuos*; Gen. 13. v. 8. dilige potius terræ partem, quam maximè voles, atq; in ea felix viue, ego in ea, quam tu reliqueris, habitabo. Omnes interpretes laudant prudentiam, & discretionem pacifici patriarchæ, qui vt ne incideret in lites, tam facile, ac humaniter cum suo conuenit consobriño. Quia reuerà tam infelix, & molesta res est litigare, vt leuius sit iacturam omnium bonorum, quæcūq; mundus habet, sustinere, quàm conflictari iudicijs.

Christus Redemptor noster ait: *Esso consentiens aduersario tuo citò, dum es in via cum eo*. Loquitur hic Dominus de quodam, qui iudicio contendit cum alio. Quare meritò notes, quàm grauiter commendat, vt cui controuersia est cum altero, eam ante cum illo componat, quàm ad tribunal veniat: *Esso consentiens citò*, nec vilam defuge conditionem, tamen onerosam, dum per eam modò euitare litem possis: Quantumvis enim feliciter tua tibi, post longas concertationes, causa cadat, plus lucraberis, si deserta lite perdas, quàm si diu contendens quæstum aliquem facias. Lucrorum quippè lucrosissimum est, euasisse rædia, fastidia, poenales dubiorum euentuum expectationes, odia, obrectationes, & innumeras animi afflictationes, quibus obnoxij sunt, qui conflictantur iudicijs, nec in bonis numerari merentur bona, quæ per tot mala tardè, & ægrè, & sæpè malè parantur.

In hac consideratione erat Sidonius Apollinaris, eum de Eutropia sancta, & nobili matrona aiebat, illustriorem triumphum putasse, cedere controuersia, & rebus suis, quam pro ijs lite contendere. lib. 6. epist. 2. sic ille habet: *Sancta Eutropia victoriam computat, si vel post damna non litiget*. Itaq; si damna rescicienda sunt contentionibus iudicialijs, facius est illa pati, quàm ad eum modum euitare, & felicius cadere causâ, quàm diu litigare.

Saluator mundi cum de ratione, per quam ducere vitam quietam, & tranquillam possemus, ageret, inquebat: *Ego autem dico vobis non resistere malo. Et qui vult tecum iudicio contendere, & uni-*

cam tuam tollere, dimitte ei & pallium; Matth. 5. 39. 40.

Sancti Augustinus, & Gregorius Magnus, Hugo Cardinalis, & Iansenius aiunt, quod Dominus consulu it non resistere malo, id eiusmodi esse, ac si dixisset: Si iudicio quicquam tecum contendere de tuis fortunæ bonis volet, ne obstitas liti, quin pallium ante etiam offer, quàm auferre tunicam incipiat. Hoc est non resistere, nam resistere & postulatis se opponere, & contrâ allegare, probare dicere.

Sed notandum illud, quod Eutymius ait: *Chrysostomus malum, diabolum intelligit*. Itaq; si ex sententia quorundam malum, cui non resistere Dominus suadet, est lis iudicaria, aut cæcodæmon, vt volunt alij, ex communi vtrorumq; opinione efficitur, vt lis, & diabolus vnum, idemq; sint. Quod non aio, tanquam vel iustas lites damnem, vel negem licitum esse res suas iudicio secundum rectam rationem, & conscientiam persequi, sed quia plerumque lites omnes etiam æquissimæ, tot sunt coniunctæ fastidijs, animi anxietatibus, molestijs, vt nemo sit, qui non fateatur laboriosissimam, & ingratiissimam rem esse litigare.

Nisi ita esset, quamobrem controuersia iudicaria vocaretur *negotium* siue *negans otium*, vt exponit S. Isidorus? Vt enim quis litiget, & quiescat, fieri non potest.

Bosonius ex Stobæo apud Tufum in e. 8. Ecclesiæ. v. 4. refert: Delphis hæc tria consilia literis aureis fuisse descripta: *Nosce teipsum, Ne nimium cupias, Aeris alieni, atq; litis miseriam fac effugas*. Compendiaria, sed commoda vitæ humanæ institutio, quæ iubet litis miseriam effugere, calamitosius enim nihil esse potest quam litigare.

Et nemo miretur, quod litem tot incommodorum, & solitudinum, & miseriarum parentem faciam, nam & sacræ scripturæ idem est lis, quod bellum, pugna, certamen. Quod enim Ecclesiasticus c. 8. v. 1. ait: *Non litiges cum homine potente*, hoc Palacius, & Iansenius transferunt, *Ne pugnes, & Vatablus vertit, Ne concertes*. Et non absq; mysterio communem calami appellationem habent & arma, quibus *Orientis populi bellum conficiunt*, vt est apud Plinium lib. 16. & instrumenta, quibus grammatici, siue scribæ publici causas controuersas conscribunt. Nam vt lites maiorem partem dependent à calamo scribarum, idemq; est lis, quod bellum, sic etiam meritò eodem calami nomine donantur, sagittæ, aliæq; arma, & penarum scriptoriæ, quantam enim

enim stragem militum corporibus arma in pugnis, tantam rebus & facultatibus litigantium adferunt pennæ scribarum in iudicijs.

Congruet cum his, quod S. Damianus ait, qui in serm. de resurrectione loquens de Aduocatis dicit: *Gloriosa socii confissi munimine lapsa erigunt, fatigata reparant, nec minus provident humano generi, quam si chlypeis, & thoracibus sese, patriamq; defendant.*

Nonne animaduertitis in his, quod ait, ab Aduocatis non secus provideri humano generi, ac si chlypeis, thoracibusq; sese, patriamq; defendant? Scuto, loricaq; armatum pingit Aduocatum. Quoniam id genus hominum ire solet? An ad bellum? Nequaquam, sed ad tribunal. Quid ergo armatus vadit? Quia pugnaturus. Tam bellum enim est, quod apud tribunalia agitur, quam quod ruri geritur. Ergo si res ærumnosissima est bellum, & litigare est pugnare, quænam maior miseria esse possit, quam eorum, qui iudicio contendunt? Quæ autem maior felicitas, quam illius calamitatis esse expertem?

Itaq; licet varijs nominibus censet Martialis, & nunc amaram, nunc terream, nunc funestam, aut molestant vocat. Et lib. 10. Epigram. 47. ita seipsum appellat:

*Vitam qua faciunt beatiorum,
Incandescit Martialis, hæc sunt.
Res non parva labore, sed relicta,
Lis nunquam, toga rara, mens quæta.*

Lis nunquam, inquit, nam vnus diei lis sat est perturbandæ integri sæculi quieti, & tranquillitati.

Quidam aliud tam ardentè amant, & appetunt homines, quam regnare? Quid æquè gratum habent, ac imperare? Inuenias nihilominus quempiam, qui regnare nolit, si absq; lite, & dissidijs non possit. David ille est, ad quem irâ inflammatus aduersus Isboeth, qui parti Israelis maiori inperabat, misit Abner legatos cum hoc nuntio: *Eac mecum amicitias, & erit manus mea tecum, & reducam ad te vniuersum Israel;* 2. Reg. 3. 12. Accepit habuit David pactionem, & respondit: *Optime, ego faciam tecum amicitias;* ibid. v. 13.

Quærit Abulensis, cur David hac primum occasione suscepit totius regni gubernationem, cum diu ante Domini iussu vnctus, & rex omnium Israelitarum designatus esset, & ad Isboethi iure non spectaret pars regni, quamcunque ille eatenus obtinuerat?

Respondet, regnum totum ex Dei ordinatione

pridem ad Dauidem fuisse deuolutum, passum tamen Isboeth esse regem, ne repereret regnum per bellum. Necessum autem fuisset primum lite reposcere regnum, dein verò si illa nihil obtineret, armis illud persequi, & inuadere, eò quod populus adhuc nescius esset iuris, quo ad Dauidem spectaret imperium. Litigandum ergo erat, vt vulgò ius illud innotesceret, & post verborum concertationem manibus causâ definienda. Vt his tam grauib; litium, concertationum, & plurimorum tædiorum sumptibus. parceret, reliquit regnum Isboeth. Quanquam enim res sit gratissima, & expectissima regnare, si tamen aliter, quam per amaras, acerbisque lites, illa obtineri nequit, maior felicitas est carere regno; quam contendere iudicare, beatusq; est non imperare, quam litigare.

CAPVT IV.

Bonum est cedere nonnunquam de suo honore, & iure, vt ne pax dissoluatur, & rumpatur concordia.

Quamquam S. Patriarcha noster maior natu patruus esset, ad pacem tamen consobrinum iuniorē inuitauit, cum ratio postulare videretur, vt ab illo potius inuitaretur. *Ne quæso sit iurgium inter me & te,* aiebat Gen. 13. 8. per me tibi, consoberine, licet, quidquid libet, do optionem terræ, sit tua, quæcunq; magis arridebit, tantum vt pax apud nos integra constet. Omnes post Sanctum Ioannem Chrysostomum Expositores notant hic insignem Venerabilis senis comitatem, & urbanitatem, qui vt pacis, & consanguineæ necessitudinis amabilissimum nodum non soluëret, nullam habuit ætatis suæ maioris, nullam canicie, nullam exstimationis rationem. Tali exemplo docentur omnes, quantumuis magni, & elati, cedere iuri suo, & honori, si boni pacis ita procurari, aut cõseruari queat.

Quid durius & fortius ferro? *Ferrum comminuit, & domat omnia,* inquirebat S. Daniel. c. 2. v. 4. Ferro bellum geritur, & omnis pax scinditur. Nihilominus ferrum ferro necitur, & copulatur. At quomodo? Si in ignem coniectum liqueatur, nisi enim nativam suam duritiem demittat, iungi alteri non potest. De hac re sic inquit S. Gregorius Magnus in Pastoral. l. 3. *Nec ferrum ferro coniungitur, si non & triq; ignis adustione liqueatur. Durum molli non adhaeret, nisi prius eius duritia mollescat.* Vt ergo ferrum de sua congenita duritie. remittit, quò coherere alteri possit: Ita de asperitate, & intratabilitate, & exstimatione decedere debet homo, vt coniungi animis, & per pacem coire cum alijs queat.

quæat. Nec ferrum ferro coniungitur, si non strimq;
ignis exustione liqueatur.

Nouit Deus suo honori cedere, quando conuenit,
& auctoritatem suam seponere, vt hominibus gra-
tificetur, eorumque imbecillitati se accommodet.
Cur ergo homo non tantuadem cum hominibus sui
similibus agit?

Quando Deus misit Samuelem in Bethlehem, vt
quendam de filijs Isai vngeret in Regem, respondit
illi dicens: *Quomodo cadam? Audiet enim Saul, &
interficiet me*, 1. Reg. 16. 2. Cui Dominus: In
promptu est remedium, quo malum à te omne pro-
hibeam. *Vitulum de armento tolles in manu tua, &
dices, Ad immolandum Domino Veni*; ibid.

Cum Deus optione nosset, quod Saul nihil mali
esset illaturus Samuëli, cur non absolutè iussit, vt
securi animi esset, nec quidquam metueret, sed illa
simulatione certum illum de sua salute nihil læden-
da reddere voluit?

Respondet Abulenſis in c. 4. Exodi: *Licet Deus
ſeruet, quod Saul non occideret Samuelem, tamen vt
contentaret eum, dedit ei quendam palliatum mo-
dum, ſcilicet vt tolleret Vitulum de armento, & diceret,
ſe veniſſe ad immolandum Domino*. Vtique non
latebat Dominum, quod Samuel à Saule inoffenſus
abiturus eſſet. At neque hoc ignorabat, quod ma-
iore cum ſecuritate ad explendum officium ſuum a-
biturus Prophetæ eſſet, ſi ſpecie immolaturi teſtus
diſcederet. Et quæuis auctoritate ſua vti, & abſo-
lutè imperare poterat, vt vnus iuſſionis tantum ra-
tionem haberet, incunſtanterque & intrepide, quod
deſtinatus fuerat, pergeret: Nihilominus ceſſit de
ſua auctoritate, & velut renuntiavit ſuo iuri, vt in-
validum Samuelis animum accommodatè ad illius
imbecillitatem magis, quàm ad ſuæ maiestatis ma-
gnitudinem confirmaret, *Vt contentaret illum, vt
gratificaretur illi, expeditioremque, & alacriorem
ad iniunctæ operæ executionem eum redderet*. Deum,
qui cum ſit abſolutus Monarcha, de ſua maiest-
tate cedere & exiſtimatione remittere nouit, decet
imitari, quando id res, & neceſſitas aliqua poſtulat.

Ariſtoteles in ſuis problematibus ſect. 25. q. 9.
interrogat, *cur aer, qui luce craſſior eſt, ſolida valeat
permeare, lux ipſa non poſſit*. Mirum certè videtur,
quod ſubtiliori luci non pateat aditus, vbi ſpiſſiori
aeri pater. Quid cauſa ſit? *An quia lux per directum
tantum fertur, & pro ſui ſplendoris dignitate, & ma-
ieſtate neſcit de via cedere, aut torquere iter?* Inde
ſit, vt quod peruenit aer, penetrare lux non poſſit.
At aer impedito nullo arceatur, quoniam quæ

transit, tendere è directo non ſoleat. Aer locum ſæpè
inuenit, vbi luci negatur introitus, & via obſtruitur,
ille quippè nouit ſe flexere, torquere, accommo-
dare, & quæ transit, tendere è directo non ſolet. Sic
qui nouit conqueſcere, curuare ad obſequium cer-
uicem, flexere ad reuerentiam poplites, inclinare
ad gratiam caput, ille in impeditiſſima, & obtura-
tiſſima loca inſinuare ſe poſeſt. Qui de ſuo iure per-
dere, de ſua grauitate remittere, deſcendere de cel-
ſitudine, de exiſtimatione ſcit cedere, ille facile
quacunque ingreditur, & componit omnia. At qui
per directum ſemper, quemadmodum lux, vult ten-
dere, der allezeit / vnd iedesmahls gerad wiſſ durch-
gehen / nec de ſuo honore, ac iure aliquid aliquando
cedere, difficile obtinebit, quod cupit, ægrè perfi-
ciet, quod oprat.

Aeris conditionem imitabatur Apoſtolus, Vt om-
nes lucraretur, & liberum haberet ad omnes in-
troitum omnibus omnia factus ſum, & omnes facerem
ſaluos, aiebat ille 1. Corinth. 9. 22. Provehemen-
tiſſimo deſiderio acquirendi Deo animas ad omnia
ingenia ſe Sanctus Apoſtolus accommodabat. Quam
in rem S. Ioannes Chryſoſtomus homil. 5. de laud.
Pauli ſic habet: *Erat quidem varius ſemper, ac mul-
tiſplex, non ſiquæ diſtinctione mutabilis, ſed facien-
s omnia, quæ prædicationis, ſalutisq; hominum ne-
ceſſitas poſceſſet*. Lucundum erat videre Paulum in
theatro huius mundi varias repræſentantem perſo-
nas, nihil quidem fidei agentem, ſed nihil etiam præ-
termittentem, eorum quæ concionatoriſ officij mu-
nus, & ſalus animarum requirerent. Hoc debet fa-
cere, qui vult feliciter negotiari, vt cum vnus ſit,
multiplicem ſe præſtet, deque ſuo honore cedat, ſi
ita conueniat. Nec magnum eſt, ab alijs fieri, quod
Deus ipſe, Apoſtoluſque illius, quando ex vſu fuit,
fecerunt.

Sanctus Petrus 1. epiſt. c. 2. v. 5. loquens ad Ca-
tholicos, qui ad Chriſtum tanquam ad lapidem vi-
um accedebant, aiebat: *Et ipſi tanquam lapides
ſui ſuperadificamini, domus ſpiritualis, ſacerdotum
ſanctum, offerre ſpirituales hoſtias, acceptabiles Deo
per Ieſum Chriſtum*; velut apertius dixiſſet: Scire
vos volo, quod ſpiritualis, & myſtica domus ex o-
mnibus vobis conſtruenda eſt, in qua ex omni gene-
re homines erunt, diuites, pauperes, magni, parui,
ſacerdotes, & ſæculares. Quàm elegans metha-
phora! quàm commoda rei propoſitæ! *Tanquam
lapides ſui ſuperadificamini, domus ſpiritualis*. Ad
excitandam domum comportantur lapides, vtiq;
ædificium perdurabile fiat, & concinna ſtructura,

non relinquuntur integri lapides, sed cāduntur, poliuntur, & cuilibet aliquid adimitur, sicque apte coherens, diuturna que, & elegans fabrica inde conficitur, & quò maius, eò plus ex illo aufertur, & si quodlibet illorum suam veller seruare integritatē, nunquam ædificium ex ijs exurgeret. Ita Sanctus Petrus ait, vt spiritualis domus Ecclesiæ fabricetur, perpetuaque mystica, & pulchra hæc structura dureret, necessum esse, vt spirituales lapides, qui ad eius fabricam adhibentur, aliquid sibi adimi patiantur, quando res ita postulet. Nam si quisque suam auctoritatem integram manere, & de sua existimatione, & dignitate nihil cedere velit, non educetur ad fastigium structura, nec aptè collocari in domo Dei poterit, qui se non instar lapidis cædi, expoliri, & elaborari sinat.

Huc facit, quod Ælianus lib. 4. de var. histor. c. 4. narrat de duobus amicis adolescentibus, qui ad Leopretium Simonidis patrem venerunt, eumque interrogarunt, *quomodo durare maxime in mutuo amore possent.* Ardentem alterutrum amabant, cupiebantque eam intimæ familiaritatis consuetudinem annis vitæ exæquare, eaque propterea Simonide doceri cupiebant, quomodo id perficere commode possent. Respondit ille, voti certò compotes futuros, *Si alter alterius iræ cederet, neque iracundia iracundè obfistere conaretur;* velut dixisset: Si cum vnus irā fuerit accensus, alter non similiter inflammabitur, si cum vnus furere cœperit, alter dissimulauerit, vt non æquè succenseat, si defectus vestros vicissim toleraueritis, & de honore, & existimatione vestra mutuo cesseritis, nodum amicitia vestra sola mors soluet, necessitudinemque vestram tumultus excipiet, qui corpora. Ad hunc modum conseruantur amicitia, & extinguuntur inimicitia, cum quisque ex sua parte aliquid perdit, & de sua grauitate remittit, & de sua existimatione, cedit.

Affinis sunt his, quæ Perrochæ II. Feria III. post Domin. III. in Quadrag. To. I. pag. 242. o. traduntur.

C A P V T V.

Primordijs mali statim occurrendum est; vt in herba radicitus succidatur, nam si crescere fines, ita inualefcit, vt consuetudo necessitatem pariat.

CV M prudens Patriarcha, secum reputaret malum, quod paulatim glisceret, dicebat consobrinuo suo: *Ne quæso sis iurgium inter me & te;* Genes. 13. 8. opprimamus statim flammam, quæ paulatim

exoritur, extinguamus incendium, antequam eas vires sumat, vt per nostras extingui amplius non possit. In hac consideratione fuerunt plerique; Interpretum, quos mihi videre licuit, præsertim Abulensis, & Sanctus Ioannes Chrysostomus, qui in dicti c. 13. expositione bis hoc ipsum monet. *Ac primò quidem ait: Attende, quomodo statim in initio tentat resinguere incendium, quod erupturum erat.* Et inferius: *Vidisti virtutem iusti excellentem, quomodo radicem malitiæ, ne germinare quidem permisit, sed statim cum iam oriretur, funditus excelsit, & aboleuit?* Eo exemplo nos docuit, simul vt pullulare incipiunt, stirpitis succidenda esse mala, ne si aulescere permittantur, validiora fiant, quàm vt à nobis euelli, vel detruncari queant. Et quanquam hæc generaliter de omnibus malis intelligi possint, cum tamen peccati malum pernitiabilius sit, & eradicari præ omnibus debeat, de illo in hoc Capitulo agemus, ostendemusque & quàm utilis, ac momentosa sit hæc doctrina, & quàm tyrannica potestas culpæ mortalis, quæ semel dominari animæ cœperit.

Disserbat quondam Christus cum inuidis hostibus suis, qui se insolentissimè iactabant de nobilitate, & libertate, quam cum prosapia inde ab Abrahamo patre suo traxissent, detegebatque illis suum errorem, dicens, primariam, ac præcipuam nobilitatem non in successione libertatis hæreditaria positam esse, sed in puritate à sceleribus, & immunitate à culpis, omnemque qui mortaliter peccaret, miserrimum esse, mancipiumque fieri non qualiscunque domini, sed peccati à se perpetrati, quodque ipse fecerit: *Amen, amen, dico vobis, quia omnis, qui facit peccatum, seruus est peccati;* Ioan. 8. 34.

Cardinalis Caietanus interpretatur hunc locum aptissime in rem præsentem, dicens: *Peccatum remanens dominatur in animo, trahendo ad aliud peccatum, tantà, & tali efficacità;* Et oporteat hominem subiectum peccato, nisi poeniteat denuò peccare. Seruus ergo peccati dicitur, qui fuit peccator, nam cum peccatum arcem animæ semel occupauit, inque suam potestatem redegit, tam tyrannicè illam tractat, iactat, raptat, & pro sua libidine vexat, tantaque vi exagitat, vt penè cogat, (arbitrij tamen libertate saluà) redire ad vomitum, nisi flagitia superiora per poenitentiam damnet: *Vt oporteat hominem subiectum peccato, nisi poeniteat, denuò peccare.* Hinc accipimus quanti referat cito remedio tempestiuè occurrere malis, & curare, ne peccatum imperium animæ obtineat, sub cuius tyrannide tamen si liberè peccet, sic tamen ad noua scelera committenda

da vrgetur, & impellitur, vt videatur magis coactè, quàm sponte delinquere.

Agar Patriarchæ nostri ancilla cùm se ex domino suo grauidam cerneret, atque ex tam inclyto viro concepisse cogitaret, coepit animo magis, quàm vtero intumescere, & heram suam Saram arrogans, & superba aspernari. Iniquè accepit illa sui contemptum, dequè iniuria quam ab ancilla materfamilias acceperat, apud maritum expostulauit, qui vt querimonias illius sopiret, eiulatūque siteret, aiebat illi: *Ecce ancilla in manu tua est, & tere eā vt liber*; Genes. 16. 6. velut dixisset: Non corrixemur nos, charissima vxor, heri domestici propter improbam famulam, Agar tibi à seruilibus officijs est, habet illam pro tuo arbitratu, & illius meritis, plecte superbiam, obtunde tumorem, comprime fastum.

Factum post hæc, vt Sara videret Ismaelem ludèntem cum filio suo Isaac, tantamque concepit ex illo pessimo ludo animi indignationem, vt diceret marito suo: *Eijce ancillam, & filium eius*, Genes. 21. 10. nec enim me, ancillamque, & filium eius ferre domus vna hæc amplius potest; perpetuà intra ædes tempestate iactaberis, nec me vnquam pacatam habebis, nisi illos, quos dixi, hinc exturbes, & procul abire iubeas. Audiuit lamenta coniugis Abraham, & *durè accepit hoc pro filio suo*, vt ait sacer textus ibid. v. 11. quod Oleaster vertit: *Malum estum est Verbum Valde*, & acerbam postulationem, quod filium domo exigi, atque in exilium protrudi à patre volebat.

Nonne aduertitis, quod Abraham, quando Sara Agarem ancillam etiamnum prægnantem tam durè afflictauit, vt fugā leuandas putaret molestias, quas ferre diutius non poterat, tacuit, dissimulauit, nec vllum sensum doloris ostendit, sed exilij sententiam patienter tolerauit: Nunc verò expulsionem Ismaelis tam enixè obstitit, & tam durum putauit, illum à se auelli, vt conoquere non posset discessionem? Quid est, quod primà vice tam æquanimiter tulit filij Ismaelis exturbationem, posteriore verò tam *durè accepit*? Cur tibi non difficile comprobauit sententiam exilij, hic appellauit ab expulsionem? Dicam vobis. Primà occasione nondum ganisus fuerat Ismaele, nondum oculis vsurpauerat intra matris aluum adhuc latitantem, nondum paternis amplexibus blandum pignus strinxerat: Iam verò adoleuerat Ismael, iam annos aliquot tenera illius consuetudine vsus, quid caro, & sanguis essent, expertus fuerat, iam in cor patris penitissimum charus filius immigrauerat, propterea *durè accepit*, durum quip-

pè est, euellere amorem, qui profundas radices egerit, auellere à se murum eos, qui diuturnà, & arctâ necessitudine coaluerint, extirpare affectum, qui semel in animi recessus abstrusiores se immerferit, & arcem pectoris obtinuerit.

Ad eundem modum de peccato, & culpa ratiocinari possumus. Quamdiu peccatum recens in anima conceptum etiamnum est tenerum, & paucos dies numerat, facile euellitur, & expellitur. Verùm postquam dominari coepit, & inualescere, si exturbare velis, *durè accipies*, arduum opus erit, illud eradica, moueri hospitio vix vllis viribus sinet. Itaque quando semel per nostram oscitantiam introijt, diutulerari non debet, vt exsecari facilius queat.

Peccauit Protoparens, liberum brachium in vitam arborem iurbanè extendens. Offensus Dominus illà rusticitate, sed misericordix suæ non immemor venit, vt malefacti rationes ab eo exposceret, causamque violatæ obedientiæ, & inconcessæ comestionis acciperet: *Et cùm audisset vocem Domini Deus de ambulantis in paradiso ad auram post meridiem, abscondit se Adam, & vxor eius*; Genes. 3. 8. Dabat lenes voces beneuolus Dominus, vt in semitam reuocaret errabundos, at illi culpæ recens commissæ conscientia subpudescit, & Iudicis offensam veriti in latebras sese abdiderunt.

Sed quonam illa spectat temporis circumstantia, quod *ad auram post meridiem* venisse Dominus describitur? Videretur enim ad rem non multum facere, quod à meridie venit, aut non tanti momenti esse, vt speciatim annotari meruerit? At cùm fateri debeamus, non posse esse otiosam illam temporis designationem, indagemus quid ea sibi velit.

S. Ioannes Chrysostomus vult, magno mysterio factum, quod Dominus statim à prandio venit oburgatum primos transgressores, & increpandum eorum inobedientiam, *Et discas Domini benignitatem*, & misericordiam singularem. Indenè verò arbitrari possumus Domini erga Adam indulgentiam, & lenitatem? Possumus, inquit Chrysostomus homil. 17. in Genes. idque quod ne modicum quidem distulit, sed mox *Et vidit quod factum erat, & glæris magnitudinem*, ad opitulandum festinauit, at ne vlcus grassando fieret incurabile vulnus. Idcirco *Et præueniat, accelerat, & velociter crescenti glæri adest, & pro sua bonitate, neque ad paruum tempus à cura suam illum destitutum reliquit*. Ardentissimè cupiebat Dominus à culpa liberare hominem, quem ad imaginem & similitudinem suam non diu ante effinxerat. Itaque statim ac illum tam miserà prolapsione corruisse,

corruisse, tam lethali vulnere sauciatus vidit, accurrit, ut iacentem erigeret, & recentem plagam sanaret. Hanc ille festinandi, hanc sacer historicus norandi causam habuit, quod secundum meridiem, mox à perpetrato scelere indulgens pater, mox ab accepto vulnere sedulus, & citus medicus adfuit, ut quam Protoplasti vix incurrerant ægritudinem, extemplo curaret, & depelleret, atque hinc tu disceres Domini benignitatem. Fuit ea ingens, & incomparabilis misericordia, tam citò suam opem obtulisse miseris: Nam procrastinare medicationem tam noxium est, ut non solum periculosas, sed etiam incurabiles faciat plagas.

Deploravit hoc in suis lamentationibus Ieremias Propheta, quando loquens de primarijs sui populi viris, sub nomine, & metaphora portarum vrbis Ierosolymitanæ loquens, aiebat: *Omnes porta eius destructa sunt*; Thren. 1. 4. Fueruntne portæ istæ insauratæ? Redieruntne ad studia vitæ sanctioris peccatores in illis portis adumbrati? Non sanè. Infra enim, cum de eisdem sub eadem metaphora loquitur, subdit: *Defixæ sunt in terra portæ eius*; Thren. 2. 9.

Sanctus Paschasius Radbertus lib. 2. in Lament. Ierem. lit. Thet subnotavit statum istorum peccatorum, & causam, ob quam difficile curetur, cuius sanationi non statim studetur. *De quibus iam supra planxerat, quod destructa essent, nunc aliquid magis dolet, quia defixæ sunt in terra, quod enim defixum est, non facile movetur.* Facile reponi potuissent portæ, cum primum deiectæ, at postquam semel ruderibus obrutæ, & intra ruinas sepultæ fuerunt, oppidò laboriosior fuit earum restitutio: Sic promptius exurgit peccator, qui statim à lapsu erigitur; at si cæno altius immergatur, & longiore peccandi vsu infigatur in limi profundo, quanquam fieri possit, ut eruat, impossibile tamen videtur: *Quod enim infixum est, non facile movetur.*

Erat Christus in horto Gethsemani cum suis discipulis Petro, Iacobo, Ioanne, secedensque ad partem paulò retrusior æterno Patri suo preces obtulit, reuersusque ab oratione inuenit eos dormientes, quos suauiter reprehendens his verbis amanter appellauit: *Vigilate, & orate, ut non intretis in tentationem*; Matth. 26. 41. subest his verbis difficultas.

Theophylactus ea sic exponit: *Non iubet nos sine tentatione esse, nam tentationes nos coronant, sed ne à tentatione absorbeamur, & intremus in ventrem eius, quasi bestia cuiusdam.* At si vnius peccati mor-

talis tentationi succumbere, perinde est, ac intrare in ventrem eius, quasi bestia cuiusdam, quid erit pluribus flagitijs dare manus, & à multis sceleribus deuorari sinere? Consultum ergo est imitari nostrum Patriarcham, qui statim in initio tentauit resistere incendio, quod erupturum erat, contentionem sedauit, radicem malitiæ ne germinare quidem permisit, sed statim, cum iam oriretur, funditus exsecuit, & aboleuit.

Vide lib. 1. partu 2. Polit. Cael. c. 5. & Periocham Quartam Domin. V. post Pentecosten To. 2. pag. 131. o. & quæ ad finem eius Periocha adnotant.

CAPUT VI.

Pretiosissima gemma est liberum nostrum arbitrium, quæ tametsi gratuito à Domino donetur, magno tamen nobis constare solet.

UT amputaret Sanctus Patriarcha noster rixas, & succideret pullulantes contentiones, dedit consobrinum suo optionem liberam deligendi sibi terram, quam vellet. Acceptauit ille oblatam gratiam, & elegit sibi regionem circa Iordanem, quam sibi magis commodam fore putauit, inciditque in Sodomam, & habitauit in Sodomis; Genes. 13. 12.

Omnes Expositores monent hic factum aduerte damnum ex proprio arbitrio natum, cuius electionem Loth securus in varias incidit calamitates, captiuusque adductus, & omnibus opum suarum facultatibus nudatus fuit. Auertat Deus, ne arbitrij nostri sententiam leuiter sequamur, quod tametsi pretiosa margarita sit, & nobile naturæ nostræ ornamentum, plerumque magno nobis constare solet. Hoc enim & pleræque, & plurimas nobis ærumnas parit, quod voluntati nostræ nimis procliuiter obtemperamus, aut pertinacius, quam par est, inharremus.

Grauioris momenti, & ponderis maioris legationem nullam vidit mundus eam, quam Iudæi miserunt Ierosolymis ad Ioannem, ut intelligerent, num ipse esset verus Messias. Legationis illius dignitatem etiam inde conijcere licet, quoddam obuiuerunt Sacerdotes, & Leuitæ. Sic enim habes Ioan. 1. 19. *Miserunt Iudæi ab Ierosolymis Sacerdotes, & Leuitas ad eum, ut interrogarent eum, Tu quis es? Magis seria, & grauis, ut dixi, quam hæc nulla esse potest, quæ ad cognitionem veri Dei, & Redemptoris mundi dirigebatur, quia ut Christus ipse apud eundem Ioannem c. 17. v. 3. ad Patrem aiebat, hæc est vita æterna, ut cognoscant, te solum verum Deum, & quem*

miserunt

missi Iesum Christum. Quamquam hæc ita habeant, oratores tamen, qui Iudæorum mandata præferebant, non solum consecuti non sunt, quod primores Ierosolymitani optabant, verum etiam exasperati animis fuerunt adversus Ioannem, nec aliud, quam confusionem, ex sua legatione retulerunt.

Hic iam possumus indagare, quamobrem tam sistrum, insperatumque effectum sortita fuerit commissio, quæ vitam æternam, nec lenius aliquid, conernebat, ut per quam de illius vitæ authore, & mundi reparatore certiores fieri cupiebant. Vnde factum ergo, quod illi tanto in negotio hallucinati fuerunt?

Cardinalis Caietanus ingenij sui acumine hanc nobis submouebit difficultatem. Legati hoc habebant mandatum, ut interrogaret Ioannem, *Tu quis es?* Sciscitabantur illi initio, quod iussi fuerant, cumque Ioannes ad ipsorum gustum non responderet, percunctabantur denud, nisi obiurgasse dicere malis, & inquebant: *Quid ergo baptizas, si tu non es Christus, neque Elias, neque Propheta?* Ioan. 1. 25. Monet Caietanus notare, quod Euangelista, cum narrasset, exposita fuisse Ioanni à Legatis nuntia, quæ habebant, mox subdidit: *Et interrogauerunt eum.* Cur hoc adiiciendum putauit? Respondet: *Addidit hoc Euangelista, ut intelligeremus, quod non ex commissione mittendum, sed ex proprio sensu substantiam interrogationem fecerunt. Commissum enim erat eis, ut interrogarent eum, Tu quis es? non ut arguerent eum de baptismo.* Ecce hic vnam è multis infructuosæ, infelicisque legationis causam, quod non ex eorum voluntate, à quibus missi fuerant, sed ex sua sententia instituerunt inquisitionem, limitesque commissionis, & iurisdictionis sibi concessæ sunt prætergressi, quibus demandatum erat, *ut interrogarent Ioannem, Tu quis es? non ut arguerent eum de baptismo.* Hinc intelligere possumus, quanta intelligere possumus, quanta incommoda oriuntur ex libero arbitrio, si nos ab illo abripi sinamus, sensumque illius leuiter sequamur: Nam Ierosolymitæ in cognitionem veri Messie, ex qua salus eorum æterna pendebat, peruenire non potuerunt, eo quod eorum legati proprium sensum securi, suæ voluntatis consilio nimium tribuerunt, & obtemperarunt.

Richardus de S. Victore obseruaue, quod cum Hebræi haberent duo genera Principum, à quibus gubernabantur, puta Iudices, & Reges, ex his soli Iudices fuerunt appellati eorum saluatores. Iudicum c. 3. v. 9. *clamarunt ad Dominum, qui susceperant eos saluatorem, & liberauit eos.* Richardus ait,

In libro Iudicum, Hebræorum saluatores non reges nominantur, sed iudices. Cur tam inclytum, & gloriosum nomen Saluatorum potius Iudicibus, quam Regibus concessum fuit, quod hoc magis decuisse videtur?

Respondet ille in Psal. 98. To. 2. *Quia regum est pro voluntatis arbitrio, quod placuerit, imperare, Iudicum autem officium est, leges nosse, causas examinare.* Reges quidquid libet constituunt, destituunt, imperant, vetant, ordinant, abrogant, & suam voluntatem plurimum pro lege habent: Iudicibus autem lex regula est voluntatis, atque ex præscripto aliorum, non suo arbitratu, quæ sui officij sunt, faciunt. Hinc videbimus, eam ob causam Iudicibus concessam esse honorificam Saluatorum appellationem, non Regibus, ut documento nobis esset, quod neque se, neque alios, nisi miraculo fiat, saluabit, quæ pro more Regum amat facere suam voluntatē, illum verò & se, & alios saluare posse, qui alienæ faciliè concedit sententiæ, suamque voluntatem iudicio submittit aliorum.

Indicauimus iam supra, quod Loth, quia ex sua sententia elegerat Sodomam, captus in bello fuit, de quo posthac sermo recurret. Intellexit Abraham infelicitatem sui consobrini, collectoque extemplo milite, derepente irruit in hostem, remque omnem tam prosperè confecit, ut & illum liberarit, & res eiusdem omnes, quæcunque ablata fuerant, recuperarit. Celebris fuit victoria, triumphus memorabilis. Redijt Sanctus Patriarcha cum nepote liberos onustus spolijs, & opulentus, ipsque transactis apparuit ei Dominus, inquit: *Noli timere Abram, ego protector tuus sum;* Genes. 15. 1.

Mouet hoc loco omnes Expositores, quam ob causam tunc talia verba ad Abraham dixerit. Nam per id tempus Abraham triumpharat, diuitem prædā egerat, amplissima spolia retulerat, exiguaque trecentorum, & octodecim militum manu, reges plures fudit, aut fugauit. Quid necessum fuit hunc per illos dies erigere, & ne timeret, exhortari? Sed quoniam Deus illum bono esse animo, & nihil metuere iussit, certum est timore laborasse, & in pauore fuisse, quem ille suæ protectionis, & auxilij pollicitatione confirmandum putauit. Vnde verò timor ille nasci potuit?

Paulus Burgenfis in addit. ad c. 15. Genes. de hac questione ita pronuntiat. *Timebat, ne forte excessisset in persecutione illorum regum, & deuastatione eorum. Non enim legitur, quod hoc fecisset ex iussu domino; & ideo timuit, ne forte in illo actu peccasset.*

Sanctum.

CAPVT VII.

Sanctum opus fuit, quod consobrinum suum ab hostium potestate ereptum in libertatem asseruit. Strenuum facinus fuit, quod tam barbaros & infestos Reges repulit, compescuit, & pro meritis magnificauit. Verum quod hæc ex propria sententia fecerat, id illi tam molestum iniecit scrupulum, tamque grauem incussit timorem, & tremorem, ut Deus illi se conspicuum facere, & adimere pauorem, ac dicere debuerit, *Noli timere*. Ita semper nobis suspecta esse debent, & metum asferre, quæcunque nostri arbitratus ductu, & voluntatis propriæ consilio agimus, quanquam bona sint, ac pia.

Non dimitramus Loth liberum, priusquam hoc Capitulum absoluamus, cui aliquid euenisse sacer textus narrat, quo rem istam obſignabimus. Cum Deo constitutum esset, incendio infames illas, & nefandas absumere ciuitates, in quarum vnâ Loth degebat, præcepit illi Angelus, festinanter se proripere ex obscurâ Sodoma, & montem petere, inquit: *In monte saluum te fac*; Genes. 19. 17. Contra ille rogare Angelum cœpit, ut illâ iussione superfederet, facultatemque concederet, ut in parua quandam propius abſitam ciuitatem se recipere posset. Voti compos factus cum illum locum ingressus non se satis tutò ibi degere posse putaret, *ascendit de Segor*. (hoc nomen parua illi ciuitati & mansit in monte, ibid. v. 30.) in quo proprias inceſſauit filias.

Glossa interlinearis ait: *Mansit in monte, in quem prius monente Domino ascendere noluit*, atque ibi tunc illud nunquam aliàs auditum flagitium perpetravit.

Hugo Cardinalis in c. 19. Genes. inquit: *Nota. Consilio Angeli diuertit Loth in Segor, nolens ascendere montem, modo consilio proprio ascendit, & cadit in peccatum*. Hinc accipimus, quod quibus rebus meremur, quando eas ut ex Dei iussu profectas promptè, libenterque facinus, ipsique perniciem nostram operamur, quoties illis ex nostro arbitrari magis, quam Dei imperio vacamus. Loth proprio consilio *ascendit in montem*. Et quid ex tali ascensu secutum? Ut caderet, & caderet in peccatum. Agite ergo, & pro vestræ voluntatis sententia omnia facite, & videte quid vobis eueniet. Utamini ducatu proprii arbitrii, & videbitis quid lucri referatis.

Quam pernitiabilis sit homini propria Voluntas, Scilicet in 1. To. in Indice rerum verbo Voluntas. Habes etiam nonnihil de hac re in 1. parte Polit. Cæl. lib. 7. 6.

Ne proteruus peccator prætendat ignorantiam, Deus submittit illi pia monita, ut omnes intelligant, iustas esse penas, quas ab eo exigit.

Alij affirmant, *Loth habitauit in Sodomis*, id ex appeculari Dei prouidentia factum, quod illum probaret, iustam esse ultionem illam horribilem, & stupendam, quam post hæc de Sodomitis sumpturus erat, nec quisquam aliquid haberet, quo supplicium istud calumniari posset. Sodoma ergo Loth domicilium fixit, ut suis bonæ vitæ exemplis, & sacris monitis conciuēs suos ad morum emendationem prouocaret, qui cum se ab illo permoueri ad frugem meliorem non permiserunt, nihil habuerunt, quo Dei vindictam culparent. In hac cogitatione fuerunt plures Interpretum, ex quorum sententia Cornelius à Lapide in c. 13. Gen. sic ait: *Permisi Deus Loth decipi in sua electione* (quod regionem Iordanis, partemque amoniorum sibi adoptauit) *Et suo bono exemplo, & conuersatione Sodomitas ad odium peccatorum, & virtutis amorem excitaret*, ut si illius exemplo non fierent meliores, de penis post hæc sibi irrogatis queri iuste non possent.

S. Matthæus Euangelista describit cœlestem nostrum Magistrum à solitudine, & diligentia prædicandi Euangelium regni cœlorum, & à pietate, quâ omnium ægritudinum genera curabat, dicens: *Et circumbat Iesus omnes ciuitates, & castella, docens in Synagogis eorum, & prædicans Euangelium regni, & curans omnem languorem, & omnem infirmitatem*; Matth. 9. 35. Cur tam sollicitè, & studiosè prædicabat in omnibus locis? cur omnes, sanabat ægritudines?

Respondet Euthymius: *Circumbat ciuitates omnes, & vicos Iudaorum, ne quis eorum dicere posset, ad nos non venit*. Omnibus viam salutis ostendit, omnibus viam quæ in cœlum fert, monstrauit, omnibus beneficia sanitatis contulit, omnes ægros bonæ valetudini restituit, ut omnes illum verum Messiam de tot, tantisque miraculis arbitrari possent, & si non crederent, suo vitio id adscriberent, & si quâ propter incredulitatem poenâ mulcarentur, iure queri non possent.

Propterea dicit Spiritus sanctus Prou. 1. 20. 21. *Sapientia foris prædicat, in plateis dat vocem suam, in capite turbarum clamat, in foribus portarum urbis profert verba sua*.

S. Paschasius in c. 4. Matth. ait: *In summis, excelsisque*

celisq; verticibus super Etas, in medijs semitis, stans iuxta portas ciuitatis, & ubiq; audiatur, & nullus insipientium de ignorantia excusetur. Si rex sanctiores pragmaticas in solis palatij profundioribus fornicibus promulgari iuberet, impunes essent earum transgressores: Verum vt nemo ignorantiam prætexat, & se dolo circumuentum queratur, proclamari in publicis, & patentibus locis curat, idq; vt ad noticiam omnium perueniant. Ad hunc modum *sapientia clamat in capite turbarum, in foribus portarum ubiq; profert verba sua, & ubiq; audiatur, & nullus insipientium de ignorantia excusetur.* Non clamat sapientia in deserto, & recessa cælorum, quod hominum auditus pertingere non potest, sed in frequente foro, in publicis compitis, in conuentibus hominum copiosioribus edicta sua proclamant, vt nemo se purgare queat de præmissione, aut ignorantia præterdere.

Ad patientissimum Magistrum perfidiosissimus discipulus venit, vt osculum ei scilicet, & proditorie pacis daret, taliq; inditio illum sanguinarijs lupis, Iudæis dico, denotaret, qui innocentem sanguinem illius diu intolerantissime sitierant, & manus illi iniicere violentas pridem inhiantissime cupierant. Executus fuit infamis Iudas sacrilegum suum consilium, & mansuetissimus Magister, cum illum fulmine percutere, & exanimare posset, blandis verbis, quibus emolliretur, sic appellabat: *Iuda osculo Filium hominis tradis!* Lucæ 22. 48. velut dixisset: Habetne hoc bona lex discipuli, vt Magistrum tuum osculo mentitæ pacis prodas, & quod est signum amicitie, id inditium facias perfidiæ? Quod tam suauiter allocutus illum fuit, hoc fecit, vt durum efferauissimorum viscerum eius gelu solueret. Sed cur illum huius rei gratia suo nomine appellauit, dicens: *Iuda, osculo Filium hominis tradis!*

S. Cyrillus Hierosolymitanus catech. 13. respondet: *Hoc ad ipsum dixit, admonens eum per ipsius appellationem, Iudas enim vocatur confessio.* Quamquam Iudas in flagranti crimine versabatur, scelusq; tam atrox, & immane perpetrabat, quod in nullo alio tribunali condonationem obtinuisset, vt tamen videret, nullum esse crimen, quatumuis graue, & enorme, cui negaretur venia in tribunali Dei, dummodò peccasse doleat, malefactaq; sua ipse per confessionem exponat, & damnet, nominis proprii commemoratione illum sceleris sui admonuit, & Iudam, quod est confessio, vocauit, vt confiteretur peccatum suum, aut deinceps nihil haberet, quo istam prætermisæ confessionis oscitantiam inumbrare posset, vt

Tom. III.

cui Dominus ipse, quem prodebat, suggerebat, quomodo illius suæ noxæ gratiam impetrare posset, si respicere vellet.

Mandabat Deus Abraham, & in illo omnibus sectaturis Hebræis, vt circumciderentur, dicens: *Infans octo dierum circumcideretur in Gobiis, eritque pactum meum in carne vestra in fœdus æternum;* Gen. 17. 12. 13. Sed quomodo in fœdus æternum, cum dudum abrogata fuerit circumcisio? Hanc facile soluunt quæstionem Interpretes. Mihi hic interrogare in mentem venit, cur tali signo Dominus notatos voluerit Hebræos, sic vt illo carere nemo posset, nisi qui carere vitâ vellet.

Respondet S. Ioannes Chrysostomus homil. 39. in Genesin: *Cum Deus sciret imperfectas, & prauas eorū mentes futuras, signum circumcisionis quasi frangum quoddam imposuit, ad indomitos eorum animos cohibendos, & ne Gentibus commiserentur. Ideo dato eis perpetuo memoriali iniecit eis circumcisionis signum quasi vinculum quoddam.* Nouerat Deus peruersam illius populi indolem, nouerat quam impotenti libidine turpium carnis voluptatum laborarent Hebræi, nouerat quanto impetu in obscænos inconcessæ Veneris actus, & mulierum extranearum complexus ruerent. Eapropter circumcisionis notam eis imposuit, vt procaci appetitui esset pro fræno, liberis cogitationibus pro compedibus, desidi obliuioni pro monumento, & nihil obtendere possent, quo lubricæ carnis suæ petulantem lasciuiam tegerent, vel excusarent. Tam vigilanter, & sollicitè Dominus suas pœnas hominibus probare, iureque, & certo iudicio factas ostendere solet.

Simile argumentum alibi sapè, ac fusè tractatur. Vide Periocham II. Dominica IX. post Pentecosten To. 2. pag. 160. b. c. & alia loca ad finem illius Periocha subnotata.

C A P V T VIII.

Communis morbus est, vt sua officia curent negligentius, qui diligentius debent.

E Legit Loth terram Sodomæ, quod fertilius esset, & abundantior, irrigabaturque sicut paradisus Domini, vt ait beatus Moyses Gen. 13. 10. *Homines autem Sodomitæ in terra illa optima pessimi erant, & peccatores coram Domino nimis;* ibid. v. 13. Quis cogitare potuisset, quod ibi tam inuerecundè, confederatèque videretur, vbi Deo pro tam frugiferi soli, tamque vberis, & opulentæ terræ concessione plurimæ, & maximæ gratiæ agi debebant? Quis

E

dicis!

dicis! Quicunque peruersum mundi ingenium nouit, & morem agendi illius familiarem, qui hoc habet, vt plerumque magis ingrati sint Deo, qui magis illi obnoxij, & deuincti, & minùs soluat, qui plus debet.

Famâ prodigiosâ, & nullis sæculis auditâ macerationis, & austeritatis inter natos mulierum maximi excitatus Iudæorum populus tanto numero concurrebat, vt hominibus vicos, pagos, oppida, quidem vacuaret, impletet verò eremum, & solitudines ex vrbibus, vrbes ex solitudinibus faceret. Nemo domum redibat, quem non obstupefecisset inimitabili vitæ, quam Ioannes ibi ducebat, & durâ pœnitentiæ, quàm faciebat, aspectus. Compungebantur animis, quotquot illum vsurpabant oculis, & qui curiosi aduenerant, pœnitentes vitæ superioris malæ, & ad saniozem, ac sanctiozem obfirmati discedebant. *Et interrogabant eum turba*; Lucæ 3. 10. homines de vulgo, quid facerent, quàm tenere vitæ rationem deberent. *Venerunt autem & publicani*, ibid. v. 12. homines de nulla re magis, quàm de sordida auaritia, & improbitate noti, quæsiueruntque vulneratis conscientijs suis medicinam. Ipsi aded milites (quod dici maius nihil potest) humiliter, ac submissè tantquam oraculum cœleste sciscitabantur Ioannem, quomodo sui officij partes rectè exequi deberent: *Interrogabant autem eum & milites*; ibid. v. 14. Vide hic faciem Reipublicæ, & sentinam vitiourum! Vide extremos populi, qui suis malis remedium, suis infirmitatibus curationem, non quæsiit à Ioanne quærunt.

Vide nunc etiam, quid præterea dicat Euangelista: *Herodes autem tetrarcha cum corripereetur ab illo de Herodiade vxore fratris sui, & de omnibus malis, quæ fecit Herodes, adiecit & hoc super omnia, & conclusit Ioannem in carcere*, ibid. v. 19. 20. Postquam hæc compendiarid indicasset, S. Lucas, redijt ad cœptam de Ioanne in deserto, & Christo ab illo baptizato historiam.

Quærit Theophylactus, quàm ob causam Lucas huic narrationi interseruit, commemorationem atrocis sceleris Herodiani, qui Ioannem primum carceri, post hæc etiam neci addixerit. Quid sibi vult hoc assumentum, & tam anticipata relatio istius flagitij posterioribus diebus perpetrati?

Respondet Magnus Bulgarorum Archiepiscopus: *Mérito interseruit hoc loco Euangelista de Herode, quæsi in hunc modum dicens. Turba quidem talia de Ioanne sentiebat, Herodes autem cum reprehenderetur ab eo, etiam ad omnia facinora adiecit, & includens eum*

in carcere. Narrat itaq; hæc, miserum illum, & arduum indicans, quandoquidem talia ausu fuerat turbæ tantam opinionem habente de Ioanne. Hæc ille. Interiecit ergo hanc Lucas facinoris Herodiani narrationiculum, velut dixisset. Videte commune mundi vitium! videte officij sui negligentes, qui studiosissimè, & exactissimè accurare debebant! Quando vulgus hominum Ioannem reuerenter obseruat, rex indignè contemnit, quem Publicanus de suæ salutis negotijs consulit, Herodes vincit, stringit, & in carcerem conijcit, quem miles colit, & timet, tetrarcha capitis damnat, & obtruncat.

Ibat seruus domus Abraham senior, vt Isaac vxorem quæreret, instructus ab omnibus, quæ res illa requirebat, & benè doctus, quibus conditionibus pacisci nuptias deberet. Cum iam non procul abesset à ciuitate Nachor (quæ est in Mesopotamia) verbis paucis, sed votis ardentibus Deum ita precatus fuit: *Puella, cui ego dixero, Inclina hydriam tuam, & bibam, & illa responderit, Bibe, quin & camelis tuis dabo potum, ipsa est, quam preparasti seruo tuo. Isaac*; Gen. 24. 14.

S. Ioannes Chrysostomus plurimâ dignam admiratione putauit talem Eliezer serui solertiam, & precationem, qui cum tanti ponderis rem, Sponsam, dico, Domini sui filio indagatum, & procuratum ibat, eam tanto Patriarchâ dignam arbitratus fuerit coniugem, quæ cantharo onerata fontè ad hauriendam aquam peteret. Si domicellam designasset, quæ famulorum turbam post se duceret, cuius ceruicem monilia prægrauarent, cuius è digitis, totoque corpore radiarent gemmæ, cuius splendidus vestitus intuentium oculos perfringeret, aptiorem Isaac vxorem denotasset; aquatix puella parùm decere videtur talem maritum. Immo verò hæc quàm maximè decuit, inquit Os aureum. Nuptiarum enim conciliator, & pronubus morum honestatem, & vitæ integritatem requirebat in puella, quam Sponsam quærebat, cumque hæc plerumque facilius reperiantur apud vulgares, & medioeris fortunæ homines, qui paucioribus nominibus tenentur esse studiosi virtutis, propterea dixerit Eliezer: Citiùs credidero esse virtutem, ac pietatem præditam, quæ hydriam humero baiulat, quàm quæ margaritam in pectore gestat.

Accipite Chrysostomum, qui in hom. de vxoribus ducendis in Append. To. 6. sic habet: *Cui dixero, Præbe hydriam tuam, & bibam. Quid au, bone vir, adeonè Gilem hero tuo quæris coniugem, aquatricem! Etiam, inquit, Missus enim sum, non pecuniam*

sum.

ſe, aut formoſa, ſed moribus ingenuis prædita querere. Multa ſæpe ex iſtis aquatricibus in ſolidâ virtutē poſſident, alia contra in magnificis deſidentes adibus ignauiſſima ſunt, & deterriſſima. O Deus, quantus ſæpè amor, & cultus Dei eſt in culinis, quantum diabolice imitationis in ſtratis, & periſtromatis!

Cæcus quidam iuxta viam ſedebat, per quam tranſibat Redemptor noſter, & Magiſter; cumq; ille famam miraculorum Chriſti ante percepſſet, & nunc tranſire intelligeret, magnis vocibus ſucclamabat: *Ieſu Fili David, miſerere mei*; Lucæ 18. 38. non ſtagnet erga me vnum pietas tua, quæ in omnes redundat. Multa Chriſtum cingebat turba, ex quibus *qui præbant, increpabant eum, & taceret*; ibid. v. 39.

Notandum, quod cum plurimos & à tergo, & ob oculos haberet Dominus comites, ſoli priores obſurgarunt cæcum, & *qui præbant, increpabant eum*. Hi, qui in Chriſti ſocietate poſiti præeunt alijs, adumbrant eos, qui in domo illius alijs officio, & dignitate præſtant, quales ſunt Sacerdotes, & Religioſi, & alijs eiufmodi. Hi ſunt primi, qui alios increpare ſolent, ac dicere: Quod tanta penitentia? Quod tam frequens Sacramentorum uſus? Quod tam crebra exomologeſis, & peccatorum confeſſio? Quod iſta hominum fuga, & vita tam ſolitaria? Quod illud triſte, ac luſtuoſum vitæ genus! & ad hunc modum alia. Itaq; magis algere videmus eos, qui ardentius flagrare debebant, & impedimentum adferri pietati ab eis, à quibus promouenda fuerat. Hæc eſt magni Eccleſiaſtæ Ioannis Oſorij obſervatio, qui in ſerm. Domin. Quinquageſ. ſic dicebat: *Qui præeuntes Chriſtum comitantur, impedirent cæcum clamantem ad Chriſtum, aliquando enim & ipſi Sacerdotes dicunt, & quid tanta Sacramentorum, & orationum frequentia?*

Querit aliquid Theophraſtus, quod videtur otioſum, quarumnam arborum ſit prolixior vita, earumne, quæ incultis in eremis, rudibuſque campis ſunt plantatæ, an verò quæ in hortis poſitæ ſtercorantur, rigantur, magnâque hortulani induſtriâ, & omni ſtudio coluntur. Videor vos audire reſpondentes, quod eius arboris ſit diuturnior duratio, quæ intra hortum conſtituta ſtercoratur crebrius, rigatur crebrius, curatur diligentius, id nemini dubium eſſe poſſe. Theophraſtus autem vos falli, & longæuioreſ domeſticiſ, atque vrbaniſ eſſe Sylveſtres, & agreſtes affirmat. Verba eius ex l. 4. de cauſis plant. c. 1. ſunt hæc: *Culta celerius, quàm inculta ſeneſcunt, & ad ſummum vrbana, quàm ſylveſtria*. Et mox ſub-

iungit: *Quanquàm abſurdum forteſe appareat, ſi qua magis coluntur, celerius occidunt*. Tale quid in mundo communiter accidit, vt nimirum maiora ſcandala ex ſe præbeant, qui ſanctitate præſtare, & excitare ad probitatem alios debeant. Eidem, charitatem, timorem, & reuerentiam Dei maiorem apud homines ruſticos, agreſtes, & ſylveſtres plerumque reperias. Pauperes ſua debita fidelius ſoluunt, ægrius, ac tardiùs magnates, & locupletes, qui ſerè amant eſſe, & mori in ære alieno, neſcio an etiam gloriæ ducant debita multa contrahere, nulla luere. Hi ſunt, qui templa turbare, virginum pudicitiam pertentare, inferre flagitium coniugatis, & ſuâ turpi viuendi licentiâ, & libertate alios plurimum offendere ſoleant. *Quanquàm abſurdum forteſe appareat, ſi qua magis coluntur, celerius occidunt*. Sunt tamen Principes, Magnates, alijsque nobiles, qui ſtudeant gratificari, & ſeruire Deo, & quantum dignitate ſtatus, tantum ſanctitate vitæ antecellere, optimoque exemplo alijs ad pietatem præire.

CAPVT IX.

Omnia bona, & mala ad vnum gratiæ bonum, & culpæ malum reuocantur, præter hæc enim non eſt aliud vel malum, quod timeas, vel bonum, quod expetas.

Adiſtis plurimum commendari patriam Sodomitarum à fertilitate, opulentia, amœnitate, & ab eo, quod *vniuerſa irrigabatur, ſicut paradſus Domini*, tanquàm cum primo illo voluptatis loco certare de iucunditate, & abundantia poſſet. Ac patria quidem talis erat, homines autem Sodomitæ peſſimi erant, & peccatores coram Domino nimis, inquit ſacer Hiſtoricus Genef. 13. 13. tanquàm dixiſſet: Parùm illis proderat vbertas patrij ſoli, & bonorum temporalium incredibilis affluentia, quibus maxima opulentia deerat, Dei ſcilicet gratia. Nam ſi rem bene expendas, inuenies, præter Dei gratiam non eſſe aliud bonum, nec malum aliud præter culpam. Omnibus enim abundat, qui omnibus eſt nudatus, dum ſit modò amicus Dei. Sic inter cæterarum rerum copiam inopiſſimus eſt, qui Deo inuiſus, eiufq; gratiâ deſtitutus.

Nocte cœnæ, cum orationem ad æternum Patrem ſuum pro ſalute Diſcipulorum Chriſtus funderet, ſic ad illum aiebat: Non rogo, vt tollas eos de mundo, ſed vt ſerues eos à malo; Iob. 17. 15.

De hoc malo communiter affirmant omnes, eſſe peccatum. Ita ſancti Auguſtinus, & Chryſoſtomus,

Euthymius, Theophylactus. At si Christus optauit Discipulos suos seruari à peccato, cur hoc perspicuis verbis non perijt? Cur dixit: *Rogo, & serues eos à malo*, cum dicere posset, *rogo, & obserues eos à peccato*? Fecit hoc, vt intelligeremus, nullum esse malum, nisi peccatum, sicut nullum est bonum, nisi gratia.

Ærumnæ, aduersitates, persecutiones, infirmitates, sitis, fames tam non sunt mala ijs, qui sunt in gratia Dei, vt potius sint bona, & occasio incrementi gratiæ. Propterea dicebat S. Ioannes Chrysost. in hom. de Abraham, To. 1. *In rem nostram sunt tentationes. Quantum afflictionum, cruciatuum, calamitatum huius vitæ habet Iustus, tantum habet aurum, argenti, & gloriæ cœlestis, omnia in illius utilitatem, & honorem cedunt. Maiestas autem, & potentia, bona valetudo, venustas, opulencia, & cætera fortunæ bona, coniuncta cum peccato tam non sunt bona, vt etiam maiorem damnationem adferant illi, qui ea habet. Ergo non est aliud bonum, præter gratiam, nec aliud malum, præter peccatum.*

Audiamus hanc in rem etiam Caeteranum, qui in superiora Domini verba sic differit: *Non dicit, vt serues eos à tribulationibus, ab odijs, à persecutionibus, sed à malo, hoc est, & serues eos, ne aliquid promeriat eis in malum, quod est æterna separationis à Deo.*

Postquam tres reges Magi adorauerant maiestatem infantis Dei, cuius thronus erat præsepe, admoniti per quietem fuerunt, ne reuerterentur ad Herodem, de quo S. Matthæus c. 2. v. 12. *Et responsè accepto in somnis, ne redirent ad Herodem, per altam viam reuersi sunt in regionem suam.*

Expendendum hoc mandatum, quod habuerunt sancti Reges. Videretur enim illis aliquid declarari debuisse, quibus vnum prohibitum fuit. Iubebantur non reuerti ad Herodem, mittebantur redire ad sua. Via ergo necessariò ijs demonstranda fuit, per quam redirent, nam illi, vt parum versati in illa patria fuerant, ita rectum iter, quod ad sua se reciperent, tam faciliè reperire non poterant, maximè cum stella præluere viam iam desierat. Qui factum, quod quibus tam sollicitè imperatum, ne redirent ad Herodem, non est consequenter indicata via, per quam declinare illum deberent?

Percontemur, quid rei. Herodes in hoc negotio representauerit. S. Bruno in serm. de Epiph. Dom. To. 3. respondet: *Herodes iste diabolus est, Herodes iste peccatum est. Dæmonium, & peius illo peccatum Herodes referebat. Dictum ergo fuit sanctis Regi-*

bus, non esse necessarium indicare eis viam, dummodò non irent ad Herodem, nec aliud quoduis iter illis incommodum, aut parum felix cadere posse, nec enim aliud est malum iter, quàm quod ad peccandum ducit. Propterea de illo, qui peccat, dicimus. Andamalos passos, malis passibus pergit, nullus enim est sinister passus, nisi quo ad offendendum Deum mouemur, reliqui omnes sunt boni.

S. Bruno istum his verbis absoluit conceptum: *Vna Via prohibetur, cætera bona sunt. Redire ad Herodem malum est, hanc viam fugiamus, hac Via non ducit nos ad patriam. Herodes iste diabolus est, Herodes iste peccatum est, omnis Via, qua ducit ad ipsum, mala est.*

Notandus in his sancti Brunonis verbis ordo, quo disponit res, quas ab Herode representatas affirmat. Vt in scenis vnus duas personas gerere sæpè solet, sic Herodes dæmonem, peccatumq; retulit. Cum ergo dixisset, *Herodes iste diabolus est*, tanquam parum dixisse putasset, statim addidit, *Herodes iste peccatum est*, seu venenum gratiæ. Et benè putauit parum dixisse, quia neque diabolus, neque omnes simul inferorum copiæ, nec quicunq; alij hostes nobis quidquam adferre incommodi possunt, nisi cum illis peccatum in nostram perniciem conspiret.

Propterea S. Paulus omnes creaturas prouocabat, illasque & omnes vitæ huius ærumnas glorianter appellabat, dicens: *Quis nos separabit à charitate Christi? Tribulatio? an angustia? an fames? an nuditas? an periculum? an persecutio? an gladius?* Rom. 8. 35. Nihil horum. Certus sum enim, quia neque mors, neque vita, neque Angeli, neque principatus, neque virtutes, neque instantia, neque futura, neq; fortitudo, neque altitudo, neque profundum, neque creatura alia poterit nos separare à charitate Dei, ibid. v. 38. 39. Ioannes Cluniacensis serm. 67. To. 2. ait: *Omnia prouocant, & de solo peccato tacuit.* Cum pro animi sui magnitudine omnia prouocare Paulus ausus fuerit, solum peccatum lacessere timuit. Alia enim omnia non habent eas vires, vt auellere quemquam ab amicitia Dei queant, vnum, solumq; peccatum obliterare, abolere, extinguere eam momento potest. Itaq; solum etiam peccatum est malum, cætera bona esse possunt, si cum gratia Dei sint coniuncta.

Non intempestiuè huc veniet responsum, quod cœlestis Magister dedit illis miseræ adulteræ in flagranti crimine deprehensæ delatoribus. Christus velut dissimulabat audiuisse accusationem obscœni criminis. Cum verò Scribæ, & Sacerdotes persequi

ream,

ream, & vrgere iusticiam pergerent, respondit pius, & sapiens Dominus: *Qui sine peccato est vestrum, primus in illam lapidem mittat*; Ioann. 8. 7. Cum Moyses, vt vultis, lapidari iusserit mulieres, quæ debant, promissamque maritis non seruauit fidem, si quis ex vobis sceleris est purus, is hanc, quam ream facitis, primus apperat faxis, & in lege promulgatam sententiam exequatur.

Gelasius Papa de cr. de abrogand. Luper calib. apud August. Mann. select. histor. c. 119. obseruauit in his supremi iudicis verbis, quod non ait, *si quis vestrum non similiter adulter est, sed si qui sine peccato est, primus in illam lapidem mittat*. Non ab adulterio tantum, verum & ab omni alio peccato volebat eos mundos, vt nemo cogitaret, solam mœchiã esse, quæ lapidibus plecti, solam libidinem obscœnam, quæ subito castigari, solum turpem concubium, qui deplorari debeat, sed hoc sibi quisque persuasum habeat, quod vnumquodlibet peccatum, qualecunque illud sit, est suprema hominis infelicitas, & deploratissima illius calamitas. Nulla enim aduersitas, miseria nulla, nullus dolor esse, aut excoGITARI potest, quod mali nomen mereatur, si cum peccato componatur.

Nam vt Ecclesia in Quadragesimali quadam oratione canit, *tunc nulla nobis nocebit aduersitas, si nulla domineur iniquitas*. Mala cætera, quæcunque hoc nomine censentur, non habent quidquam contagionis, ærumnæ non habent virus, non habent toxicum dolores, quo inficiant, & interficiant, nisi peccatum illis suum venenum affundat.

In ea epistola, quam Apostolus ad Hebræos dedit, cum docere vellent, vnde accersere nobis solatium inter ærumnas, & robur ad fortiter perferenda aduersa debeamus, iubebat attentis oculis Christum Magistrum, & Ducem nostrum arbitrari, qui omnia cruciatum, & dolorum genera expertus fuerit, atque idcirco non miserari non possit eos, qui rebus affliguntur aduersis. *Non habemus Pontificem, qui non possit compati infirmitatibus nostris, tentatum autem per omnia pro similitudine absque peccato*; Heb. 4. 15.

Hic locus multis dubio procul patitur difficultatibus. Nam quantum verba Apostoli sonant, videtur

ille dicere, quod Christus solum apparenter tentatus fuit: *Tentatum pro similitudine*; quodque illius tormenta fuerunt magis picta, quam vera. Sed cum fidei certum dogma habeat, Apostolusque ipse doceat, quod Christus reapse, non imaginariè, verè, non apparenter passus est, quomodo verba eius rectè accipiemus? Verus illorum sensus facilis est, & obuius. Nonne dicit S. Paulus, Christum fuisse tentatum, vexatum, passum *absque peccato*? Certum est. Quod ergo dicit, tale est: Non aio ego, Christum non fuisse verè tentatum, afflictum, cruciatum, passum, hoc dicere volo, tantam esse peccati malitiam, vt omnes miseræ, cruciatus, dolores, si cum illo conferantur, magis picti, quam veri videantur, vt propterea Christus, quia absque peccato fuit, magis pro similitudine tentatus, quam reapse, & apparenter potius, quam verè passus fuerit, quamuis inexplicabiles cruciatus rulerit. Granditer, & magnificè amplificauit Apostolus malitiam peccati, quæ tanta sit, vt dolorum, & cruciatuum nomen non mereantur quantius illi dolores, & cruciatus, à quibus absit peccatum.

S. Bruno ferm. 8. Natiu. To. 3. ait: *Superflua, & nocua sola peccata sunt*. Grauitè dictum illud, *superflua sola peccata sunt*. Superfluum vocatur id, quod nulli vsui est, ex quo nihil vtile fieri possit. Solum ergo peccatum superfluum est, ex illo enim nihil nisi malum, & noxium hauriri potest. Cætera mala superflua dici nequeunt, nam *diligentibus Deum* (vt S. Paulus Rom. 8. 28. habet) *omnia cooperantur in bonum*, etiam illa, quæ mundus in malis non benè censet. Ingeniosa charitas & alchimia sanctioris perita solerter ex ferro ærumnarum producit aurum ad conficiendam coronam gloriæ, & tanquam sedula apis ex omnibus legit mel, non ex suauis rosmarino solum, verum ex amariore genista etiam. Ex omnibus meritorum lucra facit seruus Dei. Ergo si omnia mala, quæ coniunctam habent gratiam Dei, conuertuntur in bona; nullum aliud malum erit præter peccatum, quod omnia bona sic peruerit, vt conuertat in mala.

Vide in secunda parte Politici lib. 9. cap. 1. *Gbi similem funem torques*.



LIBER III.

VITÆ ABRAHAM.

CAPVT I.

Tam iustum, & sanctum opus est subsidium ferre regibus inter angustias positis, vt ex altari accipere debeas, quo illorum necessitatem leues, si aliud desit, quo opitulari queas.



Vanquàm repugnet meæ professioni, de-
beo, falcem meam in messem mittere a-
lienam, barbari enim quidam, & genti-
les reges cogunt quodammodò vel paucis
breuiter tractare quædam ad politicam gubernatio-
nem pertinentia. Quod subditi suo Regi, & legi-
timo domino subueniant, id tam consentaneum est
rationi, & iustitiæ, vt secundum omnia iura sit illis
succurrendum, quandocunq; illorum necessitas, &
res angustæ opem postulant. Abiq; tali enim subsidio
neque regna conseruari, nec defendi ciuitates
possunt. Sic ait Imperator Iustinianus apud Petrum
Gregor. lib. 3. de Rep. c. 1. *Impossibile est, & sa-
cris tributis non illatis alioquin Respublica conserue-
rur.* Vocat ea tributa Imperator sacra, quia quod
subditi homines Regibus suis suarum facultatum o-
pe subueniant, quando eorum necessitas hoc exi-
gat, id cum sacra lege Dei valde congruit.

Et quid de hominibus dico subditis? Etiam sen-
su destitutæ creaturæ, quantum videtur, tenentur
miserari suum Principem, & Dominum, quando
illum in afflictione, & angustia positum vident, sic vt
commoueantur dolore illius, cuius rebus exulce-
ratis remedium ferre non possunt. Nuntiata fuit
Dauidi infelix mors sui amici Ionathæ, & patris illi-
us Saulis, cæterorumq; Principum & magnatum
Israelitici populi: Acerbo cum mœrore accepit,
tam elegantem florem sanguinario Martis ferro suc-
cisum emarcuisse, iustaq; irâ inflammatus, ad mon-
tes Gelboæ se conuertens ait: *Montes Gelboæ, nec ros,
nec pluuia veniant super vos, nec sint agri primi-
tiarum, quia ibi abiectus est clypeus Saul, quasi non
esset vinctus oleo;* 2. Reg. 1. 21. Peccatio fuit, aut
imprecatio fuit, vt sterilitate damnarentur montes
illi, in quibus tam deploranda strages edita fuerat.
Sed quid peccauerant orbi sensibus montes, vt tam

vehementer eis succenseret, tantumque malum o-
ptaret Propheta Sanctus?

S. Ambrosius lib. 3. de Offic. c. 9. ait, tantam
fuisse illorum verborum energiam, & efficacitatem,
vt ex eo momento montes illi omnibus sui viroris
ornamentis nudari, perpetuoq; squalidi, & horridi,
atq; inculti manserint. *Aruerunt montes,* inquit
ille, *propheta maledicto, & diuina vis sententiam
maledictionis impleuit. Itaq; pro regia nec spectaculo
pœnam elementa soluerunt.* At quid mali ege-
runt montes, vt David quidem maledicto eos ferirer,
Deus verò ariditate, & sterilitate mulceteret, tan-
quàm consortes fuisset necis, quæ Sauli, exercituiq;
illius illata fuit: *Pro regia nec spectaculo pœnam e-
lementa soluerunt.* Spectatores aderant montes,
quando Saul Rex, & Dominus illorum occumbebat,
& quanquàm abiq; sensibus essent, videntur nihi-
lominus sensum aliquem doloris, & miserationis
demonstrare debuisse. Quoniam verò nihil tale fe-
cerunt, meritò emarcuerunt, & in suo virore se-
pulti iustas pœnas pro neglecta debita pietatis of-
ficio soluerunt. Tam arctis enim omnium iurium,
& legum nexibus adstringuntur subditi ad opitu-
landum suis regibus inter angustias laborantibus, vt
ne montes quidem, ac cæteræ abiq; sensibus crea-
turæ liberæ ab hac obligatione videantur.

Quemlibet vel mediocriter prudentem mouebit,
quid causæ sit tam sanguinolentæ occidionis, quâ
Deus occidit suum populum, postquàm Arca ex
terra idololatrarum Philistinorum relata fuit. De
illa nece sic ait sacer historicus 1. Reg. 6. 19. *Percus-
sit de populo septuaginta viros, & quinquaginta mil-
lia plebis.* Horribilis strages, quâ quinquaginta mil-
lia hominum momento vno extincta fuerunt! Qui
factum, quod Dominus irâ defœuijt in populum su-
um tunc, cum pro reddita Arca latari omnes, & e-
xultare gaudio debuissent videntur? Attulit laborem
non qualemcunque ingenij interpretum statuere,
quid causæ fuerit, quod Dominus tantâ cæde ple-
bem Betfamiticam mactauit. Quidquid illi hanc in-
rem dixerunt, id ego veneror. Verùm Theodoret
commentationem hac vice amplector, & sequor,
quæ alibi à nobis commemorata, huc non minùs
aptè,

apre, quàm illic cadit: *Populus fuit castigatus* (inquit ille q. 14. in lib. 1. Reg.) *Et qui noluerit pro arca adire pericula.* Arcam testamenti interceperant Philisthæi. Erat illa dux Israelitarum, quibus ad bella præibat, & in omni ancipiti conflictu subsidium ferebat. Apud illum Deus sua oracula fundebat, & in rebus dubijs responsa dabat. Cum hanc tam venerabilem, & ospitatricem Arcam in potestatem ethnicorum redactam indignè dehonestari, & sacrilegè profanari cernerent, non laborabant, ut eam à captiuitate, & probriis, quæ ab illis propudiosis hominibus accipiebant, vindicarent, cum eâ occasione pro illius libertate, ac redemptione facultates, existimationem, sanguinem, vitam offerre debuissent, nec ulli studio parcere, aut labori. Et quoniam prætermiserunt quod fidorum subditorum & gratorum seruorum erat, otiosam illis vitam iratus Deus ademit: Nam si imperatoris sui milites, si regis sui subditi, si dominus serui contumeliosè haberi, & laborare necessitate videant, neq; fortunas, honore, vitæ adeo, si opus fuerit, pro illius salute discrimini exponant id tam iniquè accipit Deus, ut illam turpitudinis maculam non alio, quàm in officio eorum sanguine diluere possit videatur, qui opitulari Principibus suis neglexerunt. Regibus, & alijs dominis ope indigentibus ita subuenire subditi omnibus suis & viribus, & rebus debent, ut neque vitæ suæ parcant si eam pro illorum ospitatione profundere sit necessum.

Ut hoc testatum demus, necessarium est rememorare hic aliquid, quod & supra attigimus. Dictum ibi, venisse Dauidem in Nobe ad Abimelech sacerdotem, eiq; cum aduentum illius solitarium cum stupore admiratus fuisset, dixisse: *Rex precepit mihi sermonem, & dixit, nemo sciat rem propter quam missus es à me;* 1. Reg. 21. 2. Secretum ex rege habeo tam secretum, ut detegere nemini ausim, & cum graue sit negotium regum, ingens quoq; est necessitas panis, quâ laboro, quare te quæso, ut mihi de annonâ prouideas. Grata erit ipsi etiam regi tua humanitas, & prolixitas, cui non qualecunq; officium præstiteris, si mihi officijs illius occupato remedium famis ministraueris. Respondit Abimelech: *Non habeo laseos panes ad manum, sed tantum panem sanctum,* eumq; aræ, siue mensæ propositionis impositum, ibid. v. 4. *Dedit ergo ei sacerdos sanctificatum panem,* ibid. v. 6. Itanè verò panis sanctus, & Deo sacer ex ipso altari auferri debuit, ut cuiusdam regis nuntio daretur? Debit. Putabat sacerdos Dauidem vera dixisse, & momentosum ne-

gotium regis habere, quod curatum irer. Cum ergo ita existimaret, necessitatemq; nuncijs regij videret, non dubitauit ex ipso altari accipere, quo illi subueniret. Quando enim res ita postulant, & regum causis afflictis aliunde ferri subsidium non potest, ex Aris sacris accipi potest, quo eorum necessitas leuetur. Indicat hoc Abulensis q. 8. in c. 21. lib. 1. Reg. Dicens: *Vidit eius magnam & velocitatem ex mandato regis, ideo non misit ad aliam domum pro pane, sed credidit obseruationem precepti regalis sufficere ad hoc, quod posset dare Dauid de cibis sanctificatis.*

Hanc ob causam arbitrantur quidam Interpretum iustum fuisse bellum quatuor regum contra quinque Sodomæ, Gomorrhæ, Adamæ, Seboim, & Balæ reges. Hi quinque reges *Duodecim annis seruierant Chodorlahomor, & tertio decimo anno recesserunt ab eo,* Gen. 14. 4. multiq; affirmant, ideo defecisse, ne tributa illi penderent, quæ cum iusta essent, iniustum esse bellum non potuit, quo repetebantur. Quando autem iure teneantur subditi suorum regum necessitatibus occurrere, tributisq; & vectigalibus, rebusq; omnibus eos, cum res postulat, iuuare, id satis iam probatum dedimus.

C A P V T II.

Reges debent plurimum attendere conseruationem suorum subditorum, cum in quolibet eorum perdito vitæ partem perdat, deq; salute sua periclitetur, cum regum salus, & vitæ in subditis sit posita.

DE Chodorlahomor, qui potissimum illos quinque reges bello appetebat, solum refert sacer textus apparatus cæterorum regum, quos foederatos habebat, quamquam etiam intelligi debeat de rebus cæteris ad prælium conficiendum necessarijs, ut sunt equi, arma, commeatus, tentoria, & cætera victus humani adminicula. Hominum autem, quos sub signis habebat, sola sit mentio, ut sit documento regibus, quo in prælio habere debeant milites suos stipendiarios, quorum virtute, & pugnandi ardore sua regna stabiliunt, & salua conseruant.

Debent cogitare reges quamquam Deum cœli in terra repræsentant, longè alium esse suum, ac illius principatum, longè alium suum, ac illius imperium, de quo Propheta Isaias ait: *Factus est Principatus super humerum eius;* Isai. 9. 6. Deus athlas est, qui orbem vniuersum, cœlorumq; & terræ imperium suis humeris sustentat. Quid voluit significare Propheta Euangelicus, cum inusitato loquendi more;

uersus ad Philippum dixit: *Vnde ememus panes, & manducant hi?* Ioan. 6. 5. unde victum cateruæ tam copiosæ, annonamque necessariam accersimus?

Omnès Expositores statim inquirunt, cur diuinus Magister vnus Philippi consilium potius, quàm alterius cuiusvis Apostolorum exquisierit. Cur non consuluit Petrum. Cur Ioannem suum dilectissimum præterijt? Cur Iacobum non interrogauit, quem cum prioribus ad consilia secretiora admittere aliquin solebat? Cur de re tantilla cum his non communicauit, quod aliorum factorum suorum grauissimorum conficiis esse voluit?

Multi hic multa dicunt, ad rem autem præsentem S. Cyrillus lib. 3. in Ioan. c. 13. & Theophilactus. Cyrillus inquit: *Vt rudiores rogat.* Et Theophilactus: *Quia maiore indigebat eruditione.* At si consilium Dominus requirebat, cur id à rudiore, & eruditionis magis indigo expetebat? Consultatio cum prudentioribus, cum sapientioribus, cum his, qui magis versati sunt in studio rerum, quæ dubitationem adferunt, instituitur. Quid ergo Christus rudiores rogat?

Fecit hoc, vt indicaret, quidnam inter ipsum, & Reges alios interesset. Cæteri Reges, Principes, Domini, vt rectè agere possint, agendi consilia à sapientioribus, & prudentioribus, & magis expertis postulant. Verùm Dominus multò aliter egit. Nam ille siquidem interrogauit, hoc fecit, vt instrueret, neq; consilium consilio alio petijt, quàm vt daret? Propterea consilium poposcit ab imprudentiore, & consultiuit minus gnarum, *Ipse enim sciebat, quid esset factururus*, quod monet Euangelista ibidem v. 6. Ille sibi est consiliarius, ille ipsissima Sapientia, & potentia, qui alijs vires, scienciam, & prudentiam agendi ministrat.

Reges, & Principes terræ ij sunt, qui egent consilio alieno, & mendicare debent lucem, ad cuius splendorem rectè instituire suam gubernandi rationem possint. Tacita, sed vetus fuit sæpè multorum interrogatio, cur Imperatores, & Reges tam ingentem hominum turbam habeant ab officijs aulicis, quorum alij bello rectè gerendo, paci conciliandæ alij attendant, in quibus Auditores, Quæstores, Prætores, Præsidentes, Archiguberni, Architalassi, Magistri vigiliarum, Metatores castrorum. Capitanei, Vexilliferi, alij sine numero. Cui respondet Rex Alonsus Partida, 12. Tit. 1. apud Salazar de Mendoza delas dignidades seglares lib. 3. c. 23. his exoletis verbis: *Et Enperador, e el Res, maguer quo*

Tom. III.

sean grandes seniores, no pueden facer cada vno dellos mas que enome, por que fue monester, que obiesse en su Corte omes onrados, que los siruiesse, de quien se gouernassén las gentes, e touiesse lugares aqueellas cosas, que ellos ouiesse de ser por mandado dellos; quæ latine sic habent: Imperatores, & Reges quauquam magni sint domini, plus tamen quàm homo vnus, facere illorum nemo potest. Propterea necessum fuit, & in eorum aulis multi essent viri honorati, qui illis obseruarent, & gubernarent subditos, & tempus haberent, excutendi, pensandiq; ea, quæ ex mandato illorum videri debent. In theatro alicuius Imperij Rex vnus, quantumuis sapiens, & potens, plus quàm vnâ personam repræsentare non potest. Nam cùm Imperator, seu Rex homo sic, habet vires valde tenues, potestatemq; perimbecillam. Videant ergo Principes, & domini terræ, quàm sollicitè, & studiosè prouidere debeant suis subditis, à quibus illorum potentia, stabilitas, maiestas, & magnificentia, post Deum, pendet, quibusq; oppressis, aut extinctis, facile fit Principatus, Regna, Imperia subuertere, atq; interire.

Quàm opportunâ metaphorâ hanc ipsam rem Dominus per Ezechielem indicauit! Loquitur apud illum de rege quodam, atq; esse illum vineæ cultæ, fertilisq; similem, dicens: *Ece vinea ista quasi mittens radices suas ad eam, palmes suos extendit ad illam, & irrigaret eam de areolis germenis suis; Ezech. 17. 7. Theodoretus vertit hæc ita: Et ecce vitis, hac implicata ad eam, & radices eius ad ipsam, & ramos suos extendit ei, & putares eam cum gleba à radice plantationis suæ in campum pulchrum. Vineam hoc loco est symbolum istius regis, glebam autem appellauit populum, inquit Theodoretus. Si quis vineam edificare extrâ humum, aut locum terræ omni vacuum vellet, is vel insignem stultitiam suam proderet, vel ingens miraculum expeteret. Omnis enim vineæ viror, vigor, virtusq; ex humo illi venit, ex cuius liberalitate tota eius elegantia, opimitas, venustasq; nascitur. Quod ergo rex viti, populus glebæ, seu terræ comparatur, id eiusmodi est, ac si diceretur, eum Regem, qui se absq; subditis aut conseruari securum, aut dilatare gloriam suam posse putet, vel rem temerariam tentare, vel miraculum expectare. Quanquàm enim verum sit, quod subditis dux, & Imperator, aut Rex opus est, non inde fit, Regem non egere subditis.*

Appositè huc veniet, quod Plato Epist. 1. ad Dionysium tyrannum his verbis scripsit: *Meminisse*

F

aristem

autem te solo, tragicos plurimos, cum tyrannum aliquem percutientem inducunt, huiusmodi illi voces attribuerent, *HEU MISER, PEREO NULLIS EVLTVS AMICIS. Auri* Gerò defectu percutientem. Aliquem nullus unquam finxit Poetarum: Dionysius Siciliæ tyrannus præmodum arrogans, & insolens erat, præfidebatq; plurimum suæ opulentiæ, & affluentia auri, & argenti. Habebat simul subditos quàm oppressos, tam sibi infensos. Scribebat illi Plato, consulebatq; videre quid ageret, & magis rudere amicis quàm diuitijs comparandis, ardentiusque amare subditos, quàm numcos, ac thesauros, vel ob id, quod veteres tragici affirmare solerent, hanc esse demùm regum, ad interitum rebus eorum inclinantis, querimoniam, *Heu miser, pereoo nullis fulsis amicis*, pereoo, nullas habens amicorum subditorumq; columnas, quibus nitar. Abundet quantumvis Rex auro, atq; argento, si destitutus est ab amicis, & subditis, euerti illum, & cadere de statu suo, prorsumq; extinguere necessum est. Interitum regum Poetæ non inopiæ auri, sed amicorum, subditorumq; paucitati adscribebant.

Sic & Spiritus Sanctus ait Proverb. 14. 28. *In multitudine populi dignitas Regis, & in paucitate plebis ignominia Principis.* Magnus Paroemiarum Salomoniarum interpres in ea verba sic differit: *Præceptum istud Regibus tradit Salomon, quibus suadet erga multitudinem beneuolos, beneficos, & benignos esse, nam eorum salus, robur, & imperium in fide subditorum situm est.* Hæc Salazar. Commendat regum sapientissimus regibus alijs suæ vitæ, & salutis curam, quam conservare hac medicinâ possint, si subditorum erga se reuerentiam, & beneuolentiam suâ beneficentiâ, facilitate, prolixitate conferuent, quorum frequentia roboratur eorum imperium, & dignitas seruatur.

Ad hunc sensum locutus est S. Gregorius Nazianzenus orat. 4. vocans milites neruos Romani imperij, quando Iouiniano Imperatori sic scripsit: *Totus in eo erat, ut exercitum seruaret, neruosq; Romanis relinqueret*; in quæ verba Elias Cretensis sic differit: *Romanorum neruos milites intelligit Gregorius, propterea quod & animantibus in neruis, & ossibus, sic etiam Romana Respublica in militibus robur situm esset.* Merito magnus Theologus milites vocat neruos Imperij, ut enim neruis incisus scississimus leo, & ferocissimus taurus remittunt spiritus, roburq; eorum debilitatur, ita populis extenuatis, vel extinctis, Imperatorum, ac Regum potentia simul extenuatur, vel extinguitur.

Cum his congruit, quod de Ptolomæo Epiphane refert S. Hieronymus in c. 9. Danielis. Fuit ille à militibus interfectus, eò quod proditoriè mortem Seleuco machinatus fuerit. Dum hanc illi necem adornaret, interrogareturq; *tantus res molens ubi haberet pecuniam*, respondit sibi amicos esse diuitias, tanquàm eadem illam struere cœperit non opulentia, sed necessariorum, & familiarium suorum fiducia, quorum virtute rem tantam facillè perficere posse putauerit. Et reuerà Regibus grandia molientibus multi sunt magis commodi, & viles, quàm amici, & subditi. Hi sunt veri illorum thesauri, & diuitia inprimis necessariæ. Tametsi enim pecunijs quoq; rerum suarum partem plerumque magnam conficiant, vita tamen eorum, & salus, & potestas in subditis præcipuè est posita.

C A P V T III.

Tributa moderata sunt concessa, quæ idcirco Denetiam miraculo comprobant, prægrandia & nimis grauiastragem Rebuspublicis, ruinam Imperijs, interitum regnis adferunt, suntq; multorum aliorum malorum seminaria.

Alij Expositores hanc ob causam perduelles factos quinq; illos reges volunt, quod Chodorlahomor immoderatis tributis illos prægrauauerit, ideòq; excussisse intolerabile seruitutis iugum, & subtraxisse humeros oneri, quod ferre non possent: *Duodecim annis seruierant Chodorlahomor, & tertio decimo anno recesserunt ab eo*; Gen. 14. 4. Talis defectio, nec aliud quidquam consequi poterat iniquum, & plus æquo graue vestigal. Quod regibus pendantur tributa, id rationi, ac iustitiæ consentaneum esse diximus, & re tamen Principum est, ut talia imponant, quæ solui à subiectis populis queant: Nam cum illorum salus, & vita in subditis sit posita, non debet hos intolerabilibus opprimere portorij, ne se regno subtrahant, sed onerare moderatis, ut perdurare, Principesq; suos conservare queant.

Quando tributa sunt moderata, ea secum ferunt ab æquitate commendationem, ut Deus miraculum voluerit facere, quo illa comprobaret. Petebat Christus Capharnaum cum Discipulis suis, iamque aduenerat ad eam ciuitatem, quando vestigalium exactores adierunt Petrum, & interrogarunt: *Magister Gesser non soluit didrachma?* Matth. 17. 23. Post hæc cum in domum quandam diuersissent, præuenit Dominus Petrum, ostenditq; illi se vestigalem.

galem non esse, aut tributarium, ac dixit nihilominus: *Vade ad mare, & mitte hamum, & cum piscem, qui primus ascenderit, tolle, & aperto ore eius inuenies fratrem, illum sumens, da ei pro me, & te;* ibid. v. 26.

Tributum videtur fuisse, quod illi exposcebant, vt monent sancti Hieronymus, & Augustinus, & alij. Quamuis Christus non esset obnoxius debito huius tributi, quod tamen quia sponte sua pendere voluit, ex suis paratis numerare potuit, nec enim tam inane omne illius ærariolum fuerit, vt vel didrachma vnicum non haberet reliquum. Cur ergo tam patente miraculo potius parare, quam ex suis numerare pecuniam voluit, quæ vectigal, quod non tenebatur, solueret?

Abutenfis q. 81. in c. 17. Marth. respondet: *Christus ante hoc nunquam soluerat didrachma, nunquam dependerat tributum, & quod nunc exigebatur, tam exiguum, moderatumq; erat, vt solum duodecim besties faceret, quo aliud minus vectigal vix esse possit.* Vt ergo omnes intelligerent, æquum esse leuia huiusmodi, raraq; & moderata soluere tributa, miraculo conquirere voluit pecuniam, quo ea non solum solueret, sed etiam comprobaret, alijq; commendaret. Si crebro illi molesti fuissent, si quotidie tributa noua, portoriaq; & subsidia infusa importunè exegissent, cupiditatq; magis fuisset, quam necessitatis, quod postulasent, forè miracula in supplicia vertisset, & flagello, non prodigio erga eos vsus fuisset. Vult enim Dominus (qui omnium incrementa enixè cupit) subditos fidos, & viuos, fidelitas autem, ac vita eorum per noua tributa, & prægrandia vectigalia in periculum adduci, ac perire solent.

Diximus suprâ, agrestes, & syluestres arbores longæuiore esse, quam hortenses, & vrbanas. Hic causam, quam ibi prætermisi, reddam, cur illarum sit prolixior vita, quam harum, cum domesticæ ob crebram, continuamq; culturam debere durabiliores esse videantur.

Theophrastus de caus. plant. lib. 4. c. 1. causam hanc reddit: *Cultura non vires auget, sed partum fructuum, qui arbores necat.* Nimia cura arborum, quas ad manum habemus, facit vt fructus maiore copiâ edant, indeq; extenuentur, & citius exarescant, atq; emoriantur. Syluestres parùm fructuum producant, ob id vitam in annos longiores producant. Quo studio fit, vt arbor aliqua fertilitatem priorem posteriore superet, eodem efficitur, vt non

diu ille vita superet, deceditq; ætati, quod accedit fecunditati.

De quo idem Theophrastus ista: *Quæ plura, quàm soleant, pepereunt, sæpè intereunt.* Quod in animalibus, & plantis, idem in Rebus publicis accidit: Vt enim arbores, quæ nimio studio velut coguntur, vt poma solito plura edant, exhaustis ante tempus viribus exarescunt, succoq; & vitâ destituuntur; sic Respublicæ, à quibus nimia extorquentur tributa, opprimuntur, exhauriuntur, intereunt.

Alexander Magnus in magnam penuriam ex continuis bellis adductus, consuluit suos, vnde remedium petere necessitati, vnde sumptus recuperare posset. Quidam ex his, quos à consilijs habebat, recipiebant se ad illud Medicis tam vsitatum (minue sanguinem, & vacua corpus) suadebantq; e-mungere populos, deglubere subditos, & nouis tributis eos onerare, ex quibus vim pecuniæ ingentem breui accepturus, & egestatis damna facile instauraturus esset. Tunc Rex, vt est apud Erasimum centur. 3. adag. & Simancam l. 9. de Rep. c. 24. n. 8. cum stomacho dixit: *Olitorem odi, qui herbas radicibus excidit;* velut pluribus dixisset: *Apagete cum isto perniciosi, & exitiabili consilio, quale ipse mihi facile comminisci poteram, si perditum meum imperium volebam.* At hortulanus ego sum, hortus regnum, subditi plantæ, non debeo ergo has stirpibus extrahere, quia execror, ac detestor hortulanos, quicunq; hoc faciunt, radicibusq; euellunt arbusta, ex quorum fructibus victum, proventumq; suum omnem expectare, & capere debent. Bonus hortulanus facultatem habet sumendi alimoniam ex fructibus, sed non extirpandi plantam, quæ illos amanter præbet.

S. Bonauentura Doctor Seraphicus de process. religion. ait: *Terra fertilis, si diu inculta fuerit, syluest, si nimis cogitur fructificare, fit macra, si medium teneas, fertilis perseverat.* Itaq; vt non sterile-scat, sed perduret eius fecunditas, consilium est, mediocritatem erga illam seruare, & neque nimium percolare, neque prorsum incuratam, neglectamq; relinquere. Sic Princeps, qui vult seruare suos subditos, eorumq; terras, non debet immodicis prægrauare tributis, alioquin exhauriet, vt nullos ex eis deinceps capere census possit.

Sint pro fulcimento huius doctrinæ verba Regis Theodorici præclara, & memorabilia, quæ apud Cassiodorum lib. 4. epist. 38. sic habent: *Cum omnes Reip. partes æqualiter desideremus augeri, cremen-ta tamen fiscalium tributorum iustissimo sunt pensan-*

da iudicio, quia seruientium imminutio est huius illationis accessio, quantumq; pars illa proficit, tantum se ab aqua firmitate subducit: ac si apertius dixisset: Cùm illud semper ardentissimè cupierimus, vt omnia Reip. nostræ membra iustis profectis augeant, idcirco volumus exactissimam, & æquissimam haberi vectigalium, ac tributorum rationem. Nisi enim ita fiat, sed fisco nostro quidquid auaritiæ cupiditas suggesserit, inferatur, subditos inopes copiæ nostræ facient, immò ad egestatem dilabemur, vnde opulescere putabamus.

Vt persuaderet Theodoricus, quod suadebat, subiunxit dicens: *Ne augmento suo tumens summa deficiat, incipiatq; magis deesse, quia immaniter visa est accrenuisse.* O verba! digna, quæ literis aureis scripta sint, atque exposita oculis omnium regum, qui suos subditos saluos, & regna stabilia esse cupiunt. Verborum illorum hic est sensus: Quàm seriò, ac grauiter possum, veto immoderatas omnes, & enormes tributorum impositiones, ne fraudem patiar sumptuosissimam, & malum damnosissimum experiri: Fiet enim, vt viribus potestatis, & opum copijs extenuer, ac deficiam, quando vtriusque regnum meum auxisse, & amplificasse putabo. Nam cùm diuitiæ meæ non sint aliæ, quàm quas mihi subditi mei tributarij pensant, postquam exhaustero, & vacuauero rebus suis omnibus, quomodo me, imperiumque meum stabile conseruare potero? Animaduertant hic Reges, Regem esse, qui talia scribat, cogitent Principes Principis esse hanc doctrinam, quæ propter suum authorem & minimè suspecta, & maximè venerabilis esse debet. Et palam est, vergere in interitum, & non posse non perire Reges, quicunque iniquis extorsionibus subditos suos exinaniant.

Iraus, & offensus Dominus Assur, has illi minas terribiles, ac stupendas per Isaiam intentat: *Cadet Assur gladio non viri, & gladius non hominis vorabit eum, & fugiet non à facie gladij, & iuvenes eius vestigales erunt*; Isa. 37. 8.

Doctissimus Forerius ait, hæc postrema verba ex Hebræo sic transferri posse: *Iuvenes eius liquefient.* Hæc autem versio mox attulit difficultatem illi erudito interpreti, & dubitationem, quid affinitatis habeant vectigalia, & liquefactiones, vt de quibus Hebræus dixit, quod liquefient, hos Vulgata nostra affirmet futuros vectigales. Occurrit tamen illi, magnum sacræ linguæ mysterium esse, quod eodem vocabulo vectigalia significet, & liquefactionem. Sensum hæc de re summi ita exprimit: *Quare autem tributum liquefactio dicatur, nescio plane, nisi forte*

significauerit author lingua sancta tributis resoluti minorum vires, atque corda liquefieri, seu etiam facultates diminui. Vt ergo regna colliquefiant, diffluant, dissipentur, nulla re citius efficitur, quàm vectigalium enormium impositione, nec pestis aliqua tam est exitiabilis corporibus, quàm pernicio-sa imperijs onera tributorum intolerabilia, quibus prægrauantur, & opprimuntur populi.

Quàm opportuna huc veniet quædam magni Philonis Iudæi doctrina! Propositum illi erat erudire, & bonis præceptionibus bonum instituire regem, aitque illum debere prudentis agricolæ similem esse: Voluit autem etiam gnauum, atque industrium agricolam informare, dicitque debere illum curare, vt prudentem Regem imitetur. Ad Agricolam conuersus, eorum siticulosam cupiditatem his verbis perstringit: *Vos cum ex eodem fundo colligatis ex Vere hordeum, atque triticum, in aestate fructus, arborem duplicem cum tributo grauata opprimitis, fieri non potest quin exhaustus deficiat, quemadmodum athleta, cui respirare non datur, ac vires colligere, & certamen redintegrare.* Hæc ille in lib. de creat. Princip. Auarus agricola, cui eadem tellus per æstatem triticum, siliqum, hordeum, auenam, fructus per autumnum profert, si arbores anno vno bis pomiferas velit, exsuccum hac ratione sterilemque terram efficit, vt non sit post hæc ferendus, non secus ac deficere animo necesse est pugilem, cui obtritas reficiendi vires otium non conceditur, vt ad nouum conflictum sese præparat. Vt ergo fundo suauertitas, sua fecunditas telluri maneat integra, quid factio opus? Illud, vt non plus ab ea exigas, quàm pendere queat; sed hoc tantum illi vectigal imponas, quod commodè solvere possit. Hoc ipsum rex cum suis subditis facere debet, inquit Philo, talemque doctrinam sequi, si vult, illos perdurabiles, & sospites, & saluos, vt non prægrauet tributis, non oneret supra facultatem vires vectigalibus, ac portarijs. Nam si limites excedat, intra paucos dies & regno carebit, & subditis.

Describit Cassiodorus eleganter ardens prodigium Vesunij montis, quem suæ flammæ illustrem, & celebrem Orbi strages fecerunt. Ructat ille perpetuas flammæ, ignisque continuo vomit, nonnunquam ærem fumi sui atrore infuscet, & obscurat, diemque tam dubium reddit, vt nescias an Sol cursu incitatore aufugerit, noctique ante tempus cesserit, sulphureos globos expirandi finem nullum ardentia illius viscera faciunt. Denique velut arcus tensus flammantia spicula in vicinas valles semper ia-

cit,

cit, & qualis fulminaris machina, aut pulueris bellici lebetes pilas ignitas explodit. Quæ cum secum reputaret Cassiodorus lib. 4. epist. 4. aiebat: *Et tot saculus mons habetur, qui erogationibus tantis expenditur; velut dixisset: Quæ antea de Vesuvio dixi, plurimum admiror, sed illud me attonitum reddit, quod hæcenus perduræ, neque iam pridem consumptus est, & exinanitus, qui cineres, ignes, flammæ, incendij globos tantâ copîâ tam longis annis iam profudit: Tot saculus mons habetur, qui erogationibus tantis expenditur.* Admirabile prodigium! Miraculum inauditum, & quo aliud maius, ut videatur, nullum esse possit, montis, qui tam diu, tamq; continuè fundit, neque effunditur, aut euacuatur. Tale miraculum in solo Campaniæ Vesuvio, & Ætnâ Siciliæ videre licet. Nam putare, quod Respublica patriæ regio, quæ erogationibus tantis expenditur, tributæque ex alijs alia soluit, perdurare possit, error est manifestus.

Sic enim habet Philo, ubi supra: *Qui plura tributæ conatur imponere subditis, non facit officium Principis, sed avari, & pugnantis cum natura legibus.* Et reuera contra omnes leges facit, qui subditis grauiora pondera imponit, quàm ferre possit. Et Princeps, qui non vult huic inhærere doctrinæ, ille suum nolens deplorabit dânnitum, & quando perniciem sibi ex avaritia notam curare cupiet, non poterit.

Inter multas leges, quas Dominus populo suo dedit, hæc vna fuit: *Non seres vineam tuam altero semine;* Deut. 22. 9.

Quid causæ fuerit, quod Dominus nulla in vineis plantari arbuta, nec feri alio semine terram voluit, quæ confita vitibus erat, sed vini solos, neque alios proventus ab ea exigi?

Respondet Plarò Alexandrinus, Philo, inquam, Iudeus in eodem lib. de creat. Princip. Dominum hoc præcepisse non tam vinearum causâ, quàm ut Principes, quomodo se erga subditos suos habere deberent, dissimulanter moneret. Qui vult, quod eadem terra vinum, oleum, triticum, poma, aliosq; tales fructus eodem tempore ferat, palam est illum procurare stragem eius terræ, & vastitatem. Quæ enim tam onerosis pensionibus grauiatur, quæ tam intolerabilibus tributis defatigatur, eius vires hebetari, & extenuari, & extinguî necesse est, sic ut deinceps per omnia inutilis efficiatur. Hac ergo lege tacitè moneatur Principes, cæterique Domini, ut si conferuari suos subditos volunt, immoderatis vestigalibus non obruant. Petere autem hodie ali-

quod donatium, cras exigere aliud, & quotidie nouos aliorum tributorum exigendorum titulos comminisci, seu prætextus excogitare, quid hoc aliud est, quàm subditorum stragem, & consequenter regnorum exitium, interitumque moliri?

Cum sacrum Oraculum præclara inuidi Davidis facinora narrare institueret, hoc inter illustriora recenser, quod *tulit David frænum tributis de manu Philisthinum;* 2. Reg. 8. 1. Vestigalem seruientem sub barbara potestate, & arrogante tyrannide idolâtrarum Philisthinorum pariebantur Israëlitzæ annis iam pluribus, Rex autem David cupidus felicitatis suorum subditorum, redemit eos valide ab illa tam probrosa, & terribili oppressione. Sed premamus nomen, quo sacer textus tributa vocat. *Tulit frænum tributis*, inquit. Frænum appellauit immoderata tributa: Nam ut fræno equus regitur, & a sessore retineri, & quamcunq; in partem flecti potest; sic Princeps tributis subigit subditos, cogitque quiduis illud & dare, & facere.

Ita sentit magnus Abulensis q. 3. in c. 8. lib. 2. Reg. ubi sic habet: *Vocatur frænum tributis, quia sicut frænum est, quo tenetur iumentum, & cogitur ad diuersa, ita populus cogitur sub eo, cui tributum præstat?*

Litera originalis Hebræa talis est: *Abfultit stimulum maiorem*, quo fodiebantur miseri Israëlitzæ. Itaque tributa immoderata & frænum sunt, & stimuli, monenturque mysticis illis nominibus Principes videre, quomodo regant suos subditos, quomodo fræno, & stimulo rectè vtantur. Sit licet mansuetissima, & mitigerissima bestia, si tamen nimium corripas habenas, aut validius impressis calcaribus vrgeas, facies ut subsultet, & calcibus feriat, si onere viribus maiore graues, & si immoderatè illam exagites, deijcies eam, & oppresso iumento viam non conficies. Tale quidpiam, & eo plura expectari ex immodica oppressione possunt. Facilis est applicatio. Videant Principes quomodo vtantur stimulo, quomodo moderentur frænum, quæ vestigalia subditis imponant. Si supra vires illos exagitent, plusque ab eis exigant, quàm per suam inopiam pendere queant, forte fiet, ut nimia seruiente grauiate resiliant, aut calces elidant, cum & bestia tantundem faciant, prorsumque succumbant, cum plura, quàm possint, cogentur facere. At bestias quidem opprimat onus, homines verò erigit excitatque, sed ad defectionem, motus, seditiones, perduelliones.

Memorabile illud, quod Regi Roboamo cum suo populo accidit, dissimulare hic non possum. Suc-

cessit ille patri suo Salomoni in regno, cumque imperij gubernationem iam suscipere vellet, populus, qui in Sichem coierat, eum obsecrauit, ut pondera intolerabilium tributorum minueret, quæ patris auaritia miseris illorum cervicibus inieciisset. Visum fuit nouo Regi graue, ac momentosum negotium, ac propterea tridui moras petijt, ut interim maturè causam dispicere posset. Communicauit ergo de re cum patris sui conciliarijs, qui ut erant iudicio, & ætate prouecti, sic quod optimum factum erat, consulebant, sed ille horum saluberrimis monitis postpositis, securus est sententiam, quibuscum inter delicias nutritus fuerat, quæ sic habebat: *Pater meus posuit super vos iugum graue, ego autem addam super iugum vestrum, pater meus cecidit vos flagellis, ego autem cecidam vos scorpionibus*; 3. Reg. 12. 11. Nicolaus Lyranus ait: *Est scorpio genus flagelli durissimum*, quod in summitate habet glandes plumbeas, aut ferreas, quibus carnem cruciabiliter affligat, ut Scorpis causâ extremâ ferit.

Videamus quid arrogans, & insipiens Roboam sanguinariâ illâ suâ grauioris, & intolerabilioris iugi comminatione obtinuit. Nihil certè aliud, quàm quod ex duodecim tribubus decem perdidit. Sic enim dicebant, qui tam inopinatum responsum acceperant: *Quæ nobis pars in David? Vel quæ hereditas in filio Isai? Vade in tabernacula tua Israel, nunc vide domum tuam David*; ibid. v. 16. quod tale fuit, ac si dixissent verbis alijs: Valeat domus David, nos alium nobis Regem, moderatoremque quæremus, Regem, qui tot, tamque enormia tributa minatur, nemo ferre potest, nemo sequi, & iuuare potest. Hic est fructus, qui colligitur ex impositione intolerabilium vectigalium. Nimis enim extenuati, & exinaniti exhausti, & iniquè oppressi subditi quid non facient? quid non tentabunt? quid non machinabuntur?

Inter humiles illas, & dulces querimonias, quas Sanctissimus Iob Domino, & supremo benefactori suo daturus erat, etiam hanc fore aiebat: *Noli me condemnare. Indica mihi cur me ita iudices*; Iob. 10. 2. Translatio horum verborum ex Græcis ita habet: *Noli me docere impium esse*. At quomodo hoc accidere potest? Deus neminem docet esse malum, cumq; sit fons, & origo veritatis, & sanctitatis, viam malitiæ, & perditionis nemini ostendit. Quâ paraphrasi ergo Græci suam in bonum sensum interpretabuntur translationem? Eâ quæ apud Olympiodorum, aliosque talis est: *Ne me despice languore confectum, ne fortè grauiore aliquâ tristitiâ obrutus*

impium aliquam vocem emittam. Insignis huius libri interpres Pineda in c. 10. Iob. 1. v. 2. n. 2. Græcorum illam translationem sic reddidit suâ vernaculâ: *Nome enfeñeiss a ser descomedido con tanto apurarme*, hoc est, vide ne dum me minimam opprimis, licentius quid agere, aut liberius loqui erudias. Reuera enim sic exhauriri patientia hominis longanissimi, sic exagitari eius tolerantia potest, ut in verba erumpat, quæ nunquam alias cogitasset. Potest subditos suos sic affligere Princeps, sic exinanire portorij, grauare tributis, opprimere impostis vectigalibus, ut nisi ad consilia se conuertant, quæ alioquin illis in mentem non venissent. Propterea necessarium est multam hac in re adhibere cautionem, & moderationem, quia periculosissima est, maioreque strages & ruinas minatur.

De illo tributo, quod Publicani apud Matthæum ex Sancto Petro quærentes aiebant, *Magister Vester non soluit didrachma?* Matth. 17. 23. sic dicit Abulenſis q. 81. in c. 17. Matth. *Drachma interdum significat quæſtionem*. Neque caret mysterio, quod quæſtio, & tributum habent commune drachmæ nomen. Nam reuera plurimæ sæpè, ac grauissimæ quæſtiones, controuersæ, tumultuationes, seditiones ex tributis oriri solent. Drachma sex besium, ut diximus, tributum est. Et si tantillum vectigal magnorum motuum causa esse solet, immoderata, & prægrandia, enormiaque tributa quas non secum ferent turbationes?

C A P V T I V.

Qui volunt dimicare ut viri, debent parum habere cum mulieribus commertij, castra enim non castra citò procliuiterq; sequitur interitum, & ruina.

Concurrerunt bello quatuor Reges cum quinque, & hi succubuerunt in prælio. *Iraque Rex Sodomorum, & Gomorrha terga verterunt, cecideruntque ibi*; Genes. 14. 10. De his Regibus nonnulli aiunt, fuisse tum ipsos, tum eorum milites turpi libidini plurimum deditos, idedque aduerso Marte pugnaſſe. Philo Iudæus de his ita habet: *In feminas insaniendo corrumpabant alienos thalamos*. Qui hanc figniftri conflictus causam fuisse putant, simul monent, quantopere curare debeant penes quos est armorum suprema potestas, ut castè, honestèque agant milites. Nullum enim est vitium, quod plus extenuet, ac debilitet vires, quàm obscenum illecebrosæ carnis flagitium. Nam sicut illi apud Oſeã c. 9. v. 10. *facti sunt abominabiles, sicut ea, qua dile-*

xerunt:

verant: Ita viri plerique foeminarum ardentiores amatores effoeminantur, masculusque eorum animus in molliem, ignaviam, inertiamque degenerat muliebrem.

Lucius Florus lib. 2. c. 4. quærit, cur ij, qui Alpes habitant (ij sunt Galli) in primulo conflictu strenuè, ferociterque in hostem inuehuntur, cum autem feruere pugna incipit, remittunt spiritus, & languescunt animis. *Furia Francesa*, siue furor Gallicus proverbio dicitur eorum dimicandi modus, qui initio pugnaciter pugnant, paulò post timidi cedunt, & cadunt. *Experimento deprehensum est*, inquit ille, quod sicut primus impetus eis maior, quam virorum est, ita sequens minor, quam foeminarum. Quid ita?

Respondet: *Alpina corpora humenti celo educata habent quiddam simile cum niuibz suis, quæ mox et caluere pugna, statim in sudorem eunt, & leui motu quasi sole laxantur.* Quod animi ardor facile interpesceat his, qui iuxta Alpes degunt, id fit, quod niuium, inter quas nascuntur, & educantur, qualitates contrahant, simulque, & incallescere dimicando, & solui incipiant, non secus ac niues à quouis calore Solis colliquescent. Sic milites, qui obscenam vitam sectantur, & inconcessæ turpium mulierum libidini se tradunt, earundem conditionem participant, & effoeminantur, & pro illarum imitatione fiunt ignavi, & meticulosi, & pusillanimes.

S. Paulus Apostolus loquens de victorijs, & triumphis strenuorum illorum veteris testamenti Imperatorum, aiebat: *Fortes facti sunt in bello, castra veterunt exterorum*; Heb. 11. 34.

Primasius Vticensis in expositione illorum verborum sic ait: *Castra dicuntur à castrando, eò quòd ibi castratur libido, non est enim mos militaris, ut pergentes in prælum, vires, aut faminus alius secum ducant, quod hæc martiam duritiem emollire, & fortia militum pectora suis blanditijs debilitare soleant.* Subiungit mox Primasius: *Duo quondam Principes terra cum comitatu vxorum perrexerunt in bellum, Darius videlicet, atque Antonius, sed sterque inibi corruit. Darius quidem superatus est ab Alexandro, Antonius vero ab Octauiano Augusto.* Vide quantum infelicitatis adferre castris mulieres soleant, quanquam sint vxores propriæ! Vincere possident Darius, & Antonius, si seipsos ante superare, & coniuges tantisper à se abdicare voluissent. Nunc verò cum tam mulierosi essent, ut habere illas comites etiam ad bellum vellent, facile fuit Alexandro, & Octauiano Augusto effoeminatos homines armis, & animis masculis conficere.

Hoc sine dubio voluit docta significare Antiquitas, quando pinxit Martem, & Venerem Vulcani vxorem fortiuo adulterio turpem operam dantes, quos Vulcanus deprehensos retibus ferreis conclusit, & vinculis illaqueauit, de quo Rausius Textor ex Ouidio, & alij, quos hic commemorare otiosum. Vulcanum fixerunt claudum. Vnde Martianus Capella sic de illo ait: *Quidam etiam faber claudus venit*; & Thomas Radinus: *Vulcanus claudus, citroque discurret claudicans.* Martem bellorum deum comenti sunt, & Venerem improbæ libidinis supremam matrem. Pleni sunt his fabulis libri, atque vti nam prorsus ignoti, vel apud inferos cum suis authoribus sepulti. Quod autem ferocem Martem blandis impudicæ Veneris complexibus vacantem à claudò Vulcano irretitum, & constrictum fixerunt, id fecerunt, ut indicarent, eum, qui Venerem consecetur, non magno labore, vel studio, & exiguis viribus superari posse, quando claudus quidam, & impeditis pedibus Vulcanus Martem alioquin bellipotentem, & impavidum, cum in vagam libidinem effusum vidit, tam facile irretiuit, quam leuiter capere muscam araneus solet.

Cum Pharaon auferere numero populum Hebræorum cerneret, timere sibi de illis cepit, eosque quibus potuit modis vexare, affliccare, opprimere. Eapropter ad palatinos suos aiebat: *Ecce populus filiorum Israel multus, & fortior nobis est*; Exod. 1. 9. quin igitur omnia agimus, ut extinguere eos possimus, à quibus paulò post delebimur, nisi certò malo tempestiuè occurramus.

Dubium est, vnde arbitrari rex Pharaon potuerit, robustiorem, valentiorémque Ægyptijs futurum populum Hebræorum, cum nunquam armis eatenus concurrissent, nec lacertorum, aut virium periculum mutuo fecissent. Quid ergo illud maioris roboris existimationem Israëlitis apud Pharaonem conflauit?

Respondet Abulenſis: *Potest intelligi, quod vires Hebræorum fortiores erant, quam Ægyptij, & hoc, quia Ægyptij sunt valde luxuriosi, quòd corporis magnitudinem tollit, & vires enervat.* Hinc ergo coniectare cepit Pharaon, Hebræos Ægyptijs futuros potentiōres, quod hi Veneris magis quam Martis castra consecrarentur, illi continentiores per id tempus essent: Cum verò salax Venus militum suorum vires obterere, & plurimum extenuare soleat, facile fuit Pharaoni diuinare, quòd casti Hebræi pariter numero, & viribus aufererent, & impuri Ægyptij paulatim ab ijs nò magno negotio subigi possent.

Onosander cūm persequitur partes, quas supremi armorum moderatoris officium requirit, illum felicem exercitus ductorem fore putat, qui sit castus. Sic enim habet in Strateg. c. 1. n. 1. & 2. *Sobrium opto, siue sicum, et in arduis negotijs parandis, purandisq; perurgile.* Gracilis ergo, tenuisque imperator belli, vt quidem habet sententia Onosandri, præstat opimo, homo enim crassus, & pinguis curæ suæ cuticulæ faciliè impeditur, & satis impedit alios. Sobrium tamen, & castum ante omnia optat Onosander. Merito illud. Nam cūm in bono capite salus totius exercitus sit posita, si castrorum supremus Gubernator non sit valde castus, superatu facilis erit, illoq; subactio etiam alij leuiter corrueat.

Ælianus de Atheniensibus affirmat, in ompem carnis vehemēter propendisse lasciuia, corporisq; delicias, ac turpes voluptates percupidè consecratos fuisse. Partem autem illam elogiū sic cōcludit: *Et huiusmodi cūm essent, tamen è prælio Marochomo victores discesserunt.* Vbi Ælianus in raris miraculis, & nunquam auditis prodigijs recensuisse videtur, quod homines tam effusi in Venerem vel semel de hoste aliquo triumpharunt. Faciliè namq; succumbit armis exercitus, qui dat manus lasciuis mulieribus.

CAPVT V.

Si hominis mulierosi tam esset inuictum animi, & corporis robur, quàm est valida, & inexpugnabilis libido, fortior illo nemo esset: sed cūm cætera vitia carceres quidam sint, carnis lasciuia infernus est.

Mirum est, quàm potenter cor humanum obscenæ libidinis nefaria passio subigat, & quàm valide miseram huc, illucq; rapter voluntatem. Videre hoc licuit in Sodomitis, finitimisque populis, & eorum regibus, qui tametsi bello turpiter fusi, dissipatique probroissimè essent, & ab irato Deo tam grauiter mulctati, post accepta damna, & depensas pœnas effeminatum morbum, vt loquitur Philo Iudæus lib. de Abraham, *sibi conciliauerunt insanabilem.* Qui alio quouis morbo vitij alterius laborat, remedium sibi faciliè promittere potest: At qui in hanc turpis lasciuia ægritudinem, eius desperari salus potest, nisi Deus omnipotens specialissimo auxilio illi subueniat.

In Rationali Aaronici Sacerdotis erant duodecim lapides, & in eis insculpta nomina duodecim tribuum. In primo autem *versu erat lapis Sardius*, Exod. 28. 17. inque illo lapide cælatur nomen Ru-

ben. *Lapis Sardius ignis habet speciem*, inquit Plinius lib. 37. c. 7. Doctus Ribera notauit aptè cadere in Ruben hunc lapidem præferentem ignis speciem, eò quòd ille turpis concupiscentiæ ardore inflammatus patris sui concubinæ flagitium intulerit. Verba eruditi auctoris sunt ista: *Conuenit hoc Ruben, qui prius igne libidinis incensus, ad patriæ concubinam accessit.*

De hoc lapide Plinius vbi supra hoc singulare tradit, quod *inter translucentes lapides nullus tardius suffuso humore hebetatur, quàm Sardius.* Aptum ergo hominis libidinosis est hieroglyphicum: Nam vt aliorum vitiorum aciem obtundas, non magno labore effeceris; verum hæc lasciuia passio *tardius hebetatur*, vixque perdit colorem, & calorem huius inordinati appetitus, qui semel illo inflammatus fuerit. Hominis luxuriæ dediti sœda concupiscentia nunquam obtorpescit, & præclarissimum facinus est, eum, qui talis sit, ex passionis suæ inferno eruere.

Sanctus Cyprianus, aut quisquis alius auctor Tractatus de cœna, quam Rex quidam Ioël Cana in Galilæa in regione Orientis apparauerit, ponit multos veteris, ac noui Testamenti fuisse ad illam inuitatos, interq; eos fuisse quoque Redemptorem nostrum Christum, & quemque habuisse id pro sede, quò dignitas illius, felicitasq; maior repræsentata fuerit. Sedit ergo Petrus super cathedram, *Samson super columnam, Zacharus super arborem, IESVS super puteum.* Trophæum Petri est cathedra, ex qua docuit, gloria Samsonis columnæ templi, quas conuellens ingentem Philistinorum multitudinem oppressit, Zachari arbor, ex qua vocatus à Christo fuit, vt illum hospitio exciperet. Ad hunc modum penè omnes noui, ac veteris Testamenti viros, ac mulieres ad cœnam cum suis peculiaribus insignibus Sanctus Cyprianus adducit.

Sed notandus est locus, in quo Christum sedisse affirmat. *IESVS super puteum*, ait, illum scilicet, iuxta quem samaritanam conuertit. At si propriū thronum Christo constituere volebat, quisnam gloriofior esse poterat grabato illius Paralytici, quem ab ægritudine, quâ triginta & octo annis laborarat, curauit, & sic persanauit, vt lectum, à quo tam diu portatus fuerat, portare ipse posset? Aut quid magnificentius sepulchro Lazari, quem in vitam quarto post mortem die reuocauit? Neque hæc tantum, sed etiam alia loca sunt, quæ dextræ Christi infinitam virtutem indicare poterant. Quamobrem ergo Cyprianus sedem puteo illo digniorem non inuenit.

uenit. *IESVS super puteum.* Putauit Sanctus Doctor, conuersione Samaritanæ iuxta puteum nullum magnificentius, nullum illustrius, aut gloriosius Christi facinus commemorare posse. Nam cum nullum vitium profundiores in anima radices agat, quàm luxuria, & Samaritanam hoc lethali malo laborantem Dominus sanauerit, visum est illustri Africano gloriosius fuisse, quòd eo lasciuia incurabili morbo ægrotantem curauit, quàm quòd Paralyticum tam longiturnâ infirmitate leuauit, aut quadriuanum Lazarum redanimauit. Non ergo in grabato Paralytici, non in sepulchro Lazari, non etiam in feretro adolescentis Naimitici, sed in puteo, iuxta quem Samaritanam ab obscenæ vitæ consuetudine abduxit gloriosissimè, & ad grauissimam magnificentia, & omnipotentia suæ contestationem sedere Christus debuit.

Sanctus Ephrem Syrus in exhortat. Spirit. ait: *Quandocunque concupiscentia in animum sese insinuat, mox ipsum cogitatione circumdat, & obsidet, & saluti ingressum praecludit.* Inferno ergo similis est illa turpis lasciuia passio. Nam quem semel tyrannica suæ potestati subiecit, ei spem omnem libertatis adimere videtur, nec modum relinquere, quo tam crudelem dominum, tam potentem tyrannum euadere possit.

Huc sine dubio alludit Sanctus Augustinus apud Salazar Prou. 2. v. 29. n. 165. quando hoc scædum vitium vocat *aterni ignis amulum.* Dicitur autem obscena libido ignis æterni æmula, quia vt ille ignis, quem semel occupauit, adurit, nec exurit, vehementi suo ardore affligit, nec consumit, mortali cruciatu immortaliter torquet, nec effugi vnquam potest: Sic lasciuia flamma, quem semel corripuit, eius intimum pectus, & penitissimas medullas depascitur, videturque inferni quidam ignis esse, absque spe remedij namque relinquit eum, quem semel subegit, ac prostrauit.

Præclare hoc dixit Salonius Viennensis in expositione mystica Prouerborum Salomonis, vbi habet ista: *Qui Verba meretricis libenter audit, & oscula eius delectabiliter suscipit, quasi ianuam pulsat inferni.* Qui mellea blandiloquentiæ lupæ verba audis auribus cum voluptate excipit, suauique admittit, & labra labris hilariter permittit, vae misero illi. Quamobrem verò? Quia quasi ianuam pulsat inferni, inferorumque fores sibi aperiri postulat, qui cum seortis confuescit, aut turpi libidinis vitio se tradit, quod nihilo mitius est inferno: Nam vt nullam habet portam, quâ egrediatur, qui inferno se-

Tom. III.

mel est inclusus; ita qui se Venereæ concupiscentiaë mancipauit, videtur omnis euadendi spes ablata.

Satis perspicue hoc Spiritus Sanctus in Prouerbijs dixit, vbi cum meritoriam mulierem, quæ incautum adolescentem verborum suorum lenocinijs circumuentum ad lasciuum amorem inflammasset, subdebat: *Omnes, qui ingrediuntur ad eam, non reuertentur, nec apprehendent semitas suas;* Prou. 2. 19. Num perperam ageremus, si adamantinæ portæ caliginosi illius inferorum barathri hæc verba inscriberemus: *OMNES, QUI INGREDIUNTUR AD EAM, NON REVERTENTVR?* Minimè erraremus. Nam *in inferno*, vt Ecclesia in Officio Defunctorum ait, *nulla est redemptio.* Nunquam exit, qui eò semel ingreditur, & cum sit velut papyracea porta intranti, exire cupienti adamantina est. Hoc ipsum Spiritus Sanctus dicit de fraudulentæ lupæ domo, cui incautus adolescens suam submisit, & addixit voluntatem: *Omnes, qui ingrediuntur ad eam, non reuertentur.* Infernus quidam est ille spurcæ libidinis affectus, cui si quis semel se tradiderit, velut impossibile est illum euadere, & quasi miraculum sit, si forè ab eo liberetur. Ergo benè diximus, quod cætera vitia carceres quidam sunt, turpis libido verò infernus.

Huc respexit Propheta Oseas quando ad quosdam perditos, & cæcos peccatores ait: *Non dabunt cogitationes suas, & reuertantur ad Deum suum;* Ose. 5. 4. hoc est: Nemo hisce consceleratis hominibus prædicer, nemo vitæ sanioris studia suadeat, quia nihil apud eos efficiet, sed oleum, & operam perdet. At quisnam ille, Propheta Sancte, morbus, quem tam incurabilem nobis describis? *Spiritus fornicationis in medio eorum,* lasciuia carnis laborant, ex lue Venereæ decumbunt. Si ea ex re ægrotant, facile est intelligere, quod dixisti, facile credere, quod ne cogitabunt quidem reuerti ad Deum. Nam luxuriâ disfluere, & mortem oppetere, videntur idè esse: Cum enim cætera peccata spem aliquam desistendi ab illis relinquunt, intemperans libido ita cor illaqueat, ita irretit animam, ita voluntatem capit, & constringit, vt non videatur relinquere portam, quâ euadere possit, nec spem aliquam recuperandæ sanitatis.

Commodum his venit, quod Herodi cum increpatione Baptistæ euenit. Dicebat illi ardens Præcursor: *Non licet tibi habere uxorem fratris tui;* Marci 6. 18. velut pluribus distisset: Vide rex, miram, ac miseram rem, quæ per hos dies agitur. Peccatum tuum tanta scandala generat, tot offendicula parit,

G

vt

vt in remotiore solitudine, in qua ego degebam, nihil aliud commurmurent, quàm quod à te fieri audierunt. Habere turpe cum illa commercium, quæ sit germani fratris tui coniux, quàm sit alienum à persona regia, quàm enorme flagitium, & inauditum scelus, non tu nescis. Profuitne quidquam ista correptio? Efficaxne medicina fuit? Habuitne effectum tam salutaris admonitio? Nihil profuit, nihil effecit obiurgatio. Bruto enim Ioannes loquebatur, aut homini quidem, sed tali, quem lasciuia amoris vinum à mente abduxerat, & in truncum deformarat.

De quo Sanctus Andreas Cretensis apud Lippomanum in vit. SS. To. 1. orat. de decollat. Præcursoris ita: *Et ille quidem à ratione aliena solutarius congressionis obrutus delictis neque se potuit erigere, neque aspexit ad lucem veritatis, sed mansit grauatus crapula libidinis; velut dixisset: Noli mirari, quod monita Sancti Ioannis apud Herodem nihil effecerunt. Nam vt mortuum nemo alloqui, nemo mouere potest, vt surgat, quantisuis vocibus quis eum inclamet, nisi coeli miraculo aliquo singulari fiat, atque vt homini, cui vinum rationis vsum ademit, nemo persuadere sanum aliquid valet: sic cum Herodes esset confectus præferuendo luxuriæ vino, iaceretque in tumultu libidinis sepultus, velut in deserto voces Ioannes tunc dabat, quando illum à turpi, & incesta consuetudine sua dehortabatur. Nam vt est frustraneus labor, velle aliquid persuadere ebrio, & loqui defuncto, sic & vana opera est, quæ ad reuocandum ab obscenis studiis suis libidinosum vertitur. Hinc æstimate, quanta sit vis huius crudelis, & tyrannicæ passionis.*

Sanauit Christus miraculo serum Centurionis, atque vt Dei beneuolentiæ proprium est, gratias priores posterioribus superare (nam diuina beneficia semper gradibus ascendunt, inquit Pelagius Papa epist. 1.) sic Dominus ab illo famulo curato transiit in Naim ad resuscitandum defunctum filium vnicam mœstissimæ matris viduæ. Propterea Lucas, cum serui istius curæ miraculum narrasset, ita subiungit: *Et factum est, demceps ibat in ciuitatem, quæ vocatur Naim; Lucæ 7. 11. velut dixisset: Vt ex more pio prodigæ liberalitatis suæ ageret, à miraculo curati ægri, tanquam à gradu inferiore, perrexit ad gradum altiore, ad prodigium defuncti in vitam reuocati, cui cum dixisset, Adolescens tibi dico, statim resedit, qui erat mortuus; ibid. v. 14. 15. Hic iam videbatur Dominus in supremū miraculorum gradum ascendisse, sed altior reliquis*

erat, in quem subiret, inquit Euangelista. Potestne aliquid magnificentius esse, quàm curare infirmum, redanimare mortuum? Potest. Subiicit enim post hæc: *Et ecce mulier, quæ erat in ciuitate peccatrix; ibid. v. 37. tanquam dixisset: Oppidò grandius miraculum vobis narrabo. Qualenam illud? Conuersionem referam mulieris lasciuæ, quæ contemnens omnem vanum, & malè vtitum ornatum, oblita mundum, eiusque vanitates calcans, animo toto compuncta, & lachrymabunda currit ad sacros Redemptoris nostri pedes. Vbi hoc tacitè insinuare Euangelista videtur, tam ingens miraculum esse conuersionem hominis libidinosi, vt minùs existimari possit, curasse ægrum desperatum, atque in vitam reuocasse mortuum, quàm ad castam mentem reduxisse hominem carnis inquinamenti deditum. Nam & Euangelista, postquam sanatum ægrum, & resuscitatum mortuum recensuisset, demùm narrat conuersionem peccatricis, quæ obscenis corporis flagitijs assueuerat. Hinc arbitrari licet, quàm potenter tyrannica hæc passio pectus expugnet, cuius expulsio sit maius miraculum, quàm curatio moribundi, & resuscitatio defuncti.*

Meliora, & grauiora sunt, quæ in simile argumentum congescit To. 1. Periachâ VII. Fersa VI. post Dominicam III. Quadrage. pag. 280. o.

C A P V T VI.

Hominem se quis probare commodè potest, si miseretur miserum, & patienti compatiatur, quod nisi faciat, irrationalis potius, quàm intellectu præditus homo putabitur.

CVM Rege Sodomorum, & alijs, Loth etiam captus cum omnibus suis fuit. Simulac id intellexit pius eius patruus, numerauit expeditos vernaculos suos trecentos decem, & octo, & persecutus est Esau Dan; Genes. 14. 14. vt consobrinum suum è potestate sanguinariorum hostium vindicaret, non quietis suæ, non sanguinis, non vitæ, nec rei cuiusquam alterius rationem habuit, quam non libenter periculo exponeret, vt liberare cognatum suum posset. Qui fratrem, aut proximum suum inter angustias positum videt, neque iuuat, ille ab homine degenerat, occasionemque præbet, vt obbrutuisse, & plusquam fera putari possit.

Apparuit Deus Moyfi, modumque præscripsit, quo educere populum Israeliticum à proterui, & obstinati Pharaonis tyrannica seruitute deberet. Cum admisisset Moyfes iniunctum officium, rediit ad

ad Iethro socerum suum, ut vale illi diceret. *Dixit autem Dominus ad Moysen in Madian, Vade, & revertere in Ægyptum; Exod. 4. 19.*

Sed cum Moyses discessionem à socero iam pararet, dicens, *Vadam, & reuertar ad fratres meos in Ægyptum*, iamque ab illo talibus verbis dimissus esset, *Vade in pace*, ibid. v. 18. quid est, quod Dominus illum denuò conuenit, & ad reditum tam vehementer vrset, qui per seipsum omnia sollicitè facere videbatur, ut subito redire in Ægyptum posset?

Respondet Abulensis ferè in hunc modum: Cum Moyses secum abdukturus esset uxorem, liberos, omnemque familiam, *Soluit eum Iethro quiescere aliquibus diebus, cum eis celebrando grandia festa, & quando Deus vidit Moysen in his aliquoties morantem, admonuit eum iterum in Ægyptum redire*. Aduersari enim rationi, & repugnare debitis mutue necessitudinis officijs videbatur, quod Moyses vino, & epulis vacaret, quando fratres illius sub duro seruitutis, & captiuitatis iugo ingemiscebant, quod ille inter suauia pocula, & lauta fercula gaudio exultaret, quando cognati ferreis catenis prægrauati suspirabant, & plorabant, quod ille diffunderet risu, quando hi lamentis se conficiebant. Qui videt fratrem suum inter ærumnas, & angustias iacentem, neque statim eum subleuat, cum possit, ille non rationalis homo est, sed fera bestia.

Redijt in vitam Christus, & apparuit Mariæ Magdalene, quæ sacrum illius cadaver sollicita perquirebat. Apparuit autem ei lineamenta præferens hortulani. Postquam personam suam, detractâ larvâ sacræ Poenitentii derexisset, voluit illa diuinos eius pedes affusa in terram deuotis manibus appetere, sed prohibita his verbis fuit: *Noli me tangere, nondum enim ascendi ad Patrem meum, Vade autem ad fratres meos, & dic eis, Ascendo ad Patrem meum, & Patrem vestrum, Deum meum, & Deum vestrum; Ioan. 20. 17.*

Desistit, fateor, horum verborum sensus ingenium sæpè, verum doctissimi Patris Riberæ commentarius me refocillauit, desideriumque meum expleuit, qui illa in rem præsentem commodè, & sic exponit: *Noli me tangere, nondum enim ascendi ad Patrem meum, id est, tempus tibi restabit tangendi, & colloquendi, adhuc enim sum in terra, nec ascendi in celum*. Ideò noli nunc morari, sed gaudio, quo frue-
ris, fac & fruantur Apostoli, nec enim fas est, te in summo gaudio esse, illos in dolore sacere Arbitrabatur Magdalena Christum extemplo rediturum in celum, & ne illam optatissimam occasionem elabi pa-

teretur, volebat sacrosanctorum pedum illius tactu, & suauissimorum verborum auditu, quamdiu per tempus posset, se oblectare. At verò Christus videns illam labantem, & ad pedes vergentem, ait illi: *Fac abstineas manus, nondum enim in celum redeo, itaque tempus tibi reliquum erit, ut quod nunc vis, posthæc possis, cursu autem perge ad fratres meos, & anastasin meam, celebremque de triumphata morte victoriam nuntia, eisque euangelij ex mea nece subtristes reuela, & exhilara*. Vitio enim tibi dabitur, si tu hic omnibus lætitijs incedas, cum illi ibi in luctu, & mœrore squaleant: *Neque enim fas est, te in summo gaudio esse, illos in dolore sacere*. Insigniti enim cuiusdam flagitij genus est, fratri in afflictione posito non succurrere, cum possis.

Æneas ex Poëtarum commentis filius Veneris, frater Cupidinis fuit. Carthaginem ille quondam tempestate iactatus, & naufragus venit, cuius ærumnas miserata diua mater, ut beneuolentiam reginæ Didonis illi conciliaret, Cupidini persuasit, ut aureo spiculo pectus reginæ configeret, ut Æneas amore vulnerata, ipsum humanè exciperet, & magnificè haberet. Ut verò Cupidinem morigerum, & causæ suæ fauentem haberet, sic eum appellabat lib. 1. Æneid.

*Ad te confugio, & supplex tua numina posco,
Frater & Æneas pelago tuus omnia circum
Litora iacteturque odijs Iunonis iniqua*

Nota tibi. Quod hic ait, tale est: Nosti, fili mi, sæuas tempestates, quibus Æneam fratrem tuum per illud concitatum mare implacabile Iunonis odium iactauit. Nosti illius infelicitatem, scis quàm magnis modis miserum illum iniquior fortuna fecit.

Notauit in his Donatus admirabile artificium deæ Veneris, quo Cupidinem, ut sibi, quam cupiebat, operam nauaret, permouere voluit. Quamquam Æneas filius suus esset, id tamen appellacionis astuta mater apud Cupidinem dissimulabat, hoc verò commemorabat, quod frater ipse esset, atque ut vehementius eum vrgeret, etiam hoc narrabat, quod ille probè sciret, quæcunque frater Æneas per summam iniuriam passus esset: *Nota tibi*. Cur verò, ut persuaderet Cupidini, fratris magis, quàm filij nomine apud illum vsa Venus fuit?

Respondet Donatus, inquiens: *Hic noluit filium dicere, sed quod faciebat ad causam, Frater, inquit, tuus. Quod fuit sine dubio honestum, & pius, & frater pro fratre laboraret, & maxime in causa salutis. Hu addidit, Nota tibi. Maximum enim crimen eius esset, si fratri aduersa nesciret*. Ut ergo Cupidinem

obsequentem haberet in causa *Aeneæ*, fratrem ipsius illum nominat, ut fraternitatis commemoratione non solum adduceret, verum etiam quodammodo cogeret patrocinium illius suscipere. Grande namque piaculum est illius, qui fratri necessitate laboranti non fert opem, cum potest. Ut autem aliunde acrius etiam illum exstimularet, addidit, non nescire calamitates, quibus vexatus frater fuerit, atque etiamnum affligeretur, *maximum enim crimen eius esset, si fratris aduersa nesciret.* Quod si ita est, quantum nefas fuerit, non præbere manum auxiliarem fratri, cuius ærumnas & scias, & depellere possis?

Conabatur Pilatus modis omnibus (quibus id fieri posse putabat) mitigare furiosam rabiem, & emollire faxeos animos insensibiliorum hostium Redemptoris nostri. Atque ut atrox illud, interminumque odium Iudeorum placaret, & durum gelu solueret, sanguine, & vulneribus opertum oculis eorum exposuit, dicens: *Ecce homo;* Ioan. 19. 5. qui communem vobiscum habet naturam humanam, & effigiem.

Sandus Laurentius Iustinianus in lib. de triumphali Christi agone c. 15. ait: *Obijciens illi desibilis formam despicabilem, plurimumque deformem, nihil de divinitatis excellentia, nihil de innocentia vitæ, nihil de collatis virtutibus recolens, ait, Ecce homo.* Ut rigentem glaciem contumacium, & truculentorum pectorum illorum solueret, putabat facere posse, si peritaderet modo, ut eum hominem cogitarent. Poterat ad cicurandam eorum ferociam prædicare vitam ab illo innocenter actam, patrata miracula, beneficia insignita plurimis præstita. Hæc omnia tamen præternisit, & hoc solum memoravit, quod homo esset, ut miserarentur illum, quem tam miseris modis consputum, laniatum, dehonestatum videbant. Quis enim homo (nisi fortè deserit esse, quod natus est) videre possit alium hominem, summi naturæ similitudine fratrem, in necessitate, & angustiis positum, ut non compatiatur ei, & succurrat, & ærumnarum pondera adimat? Nam homo hominis, ut adagium habet, *Deus esse debet*, ut velut Dei proprium est subvenire afflictis, ita & homo homini laboranti auxilio sit, & subsidio.

Sedet animo hæsitatio circa Moysen, & quædam Sancti Pauli de illo verba, in quibus non pauca, quæ multam mereantur considerationem. *Fide Moyses grandis factus negavit se esse filium filia Pharaonis, magis eligens affligi cum populo Dei, quam temporalis peccati habere incunditatem;* inquit ille. Heb. 11. 24. 25.

In his illud habet difficultatem, quod Moyses dicitur noluisse, *temporalis peccati habere incunditatem.* Quid enim temporalis peccati ea in re fuit? An quod Moyses filius filia Pharaonis audire toleravit? An quod in palatio vitam egit? Sed nihil hic sceleris vides. Nam Ioseph, Daniel, alijque in aulis Regum barbarorum, & idololatrarum sine flagitij nota & absque subversionis periculo cum Dei auxilio vixerunt. Quale ergo peccatum fuit, quod ut evitaret Moyses, aulam Pharaonis fugiendam putavit?

Respondet Primasius Vticensis: *Peccatum deputavit, si maneret in aula regis lætitiis temporali fruentis, suosque fratres in tribulatione relinqueret, non affligit, inquam, cum alijs peccatum putavit.* In peccatis numerabat, non quod aulicam in aula vitam viveret (id enim sine piaculo fieri poterat) sed quod sibi magno vitio dandum cogitavit, si ipse delitij, epulisque vacaret, cum fratres illius cum tam intolerabili servitute, cum tam acerbis ærumnis, & funestis calamitatibus confingerent: *Non affligit cum alijs peccatum putavit.* Perindignum est homine, non offerre, cum possit, manum fratri, ut eum à miseria, quæ afflictum habet, levet, & non generose illi optulatur.

Vide hanc rem diligentius elaboratam, & elegantius pertractatam Tō. 1. Periocha VI. Fertia VI. post Dominicam I. Quadrage. pag. 124.

CAPUT VII.

Quoniam & nos vel aliquando labimur, vel easui obnoxij sumus, plurimum congruit cum nostræ caducæ fragilitate, ut lapsorum miserorum præ commiseratione moveamur.

Evasit ex conflictu, in quo illi quinque reges stragem acceperant, *Et nuntiavit Abram Hebræo* (Gen. 14. 13.) quod consobrinus eius Loth captus, vinculisque abductus esset. Ruperti Abbatis observatio habet, quod Abraham hic primus *Hebræus* appellatus fuit. *Hebræus* ex notatione sancti Hieronymi, idem est quod *peregrinus*, qui non habet constantem in hac vita sedem. Quid causæ, quod Abraham, quo tempore nuntia victi, & victi cognati accepit, nomen Hebræi, siue peregrini, & inconstantis, & caduci datum fuit? *Nuntiavit Abram Hebræo.* Factum id, ut propriæ fragilitatis admonitus, facilius inficeretur ad compariendum alienæ, utque etiam nos hinc disceremus miserari lapsos, dum recogitamus, quod fortunatissimus quisque, quia caducus, & fra-

& fragilis homo est, vel iam aliquando corrui, vel casui expositus est. Est hæc hominum cordatorum, & prudentium consideratio.

Quam benè hoc dixit S. Ambrosius in Psal. 118. Octon. 18. his verbis: *Qui habet intellectum, ipse est verè pius, intelligit enim humana lubricum fragilitatis, & citò ignoscit errantis. Intelligit commune nobis datum natura, & suique consortium, & ideo pauperibus tanquam debitum soluit, non insistitur tanquam indebitum. Intelligit excesse calamitatum, & ideo tanquam naufragijs mundi istius portu quodam sua humanitatis occurrit. Qui bono intellectu præditus, idem benignus est miserator. Nam qui ingenio valet, ille facile videt & conditionis nostræ commertium, & fortunæ volubilitatem, ac multiplicem vicissitudinem, per quam fiat, ut sepe ad incitas redigatur, qui antehac opulentus erat, cumq; humanarum calamitatum varios casus secum reputat, manu lapsus, ægum, & ærumosum sinu, portu suæ beneficentiæ naufragum exceptat. Qui iacentem videns non condoleat, non miseratur prostratum, ille rationis inopiâ laborat, & abundat stultitiâ. Omnes quippè ruinæ obnoxij sumus, & eisdem, quibus fratres nostri, miserij expositi.*

Insignem Romanij à Gallis victoriam obtinuerunt, ducesque copiarum suarum habuerunt Domitium Oenobardum, & Fabium Maximum. Quid autem voluptatis tam feliciter confecta pugna Romanis attulerit, id Lucius Florus lib. 3. cap. 2. his expressit: *Quantum victoria gaudium fuerit, vel hinc existimari potest, quod & ipsi, quibus dimicauerant, locis saxæas erexere turres, & de super exornata armis hostibus trophæa fixere.* Hocine verò inditium insolentis Romanorum laetitiae fuit? Fuit, inquit Florus, nunquam enim populus Romanus hostibus domitis suam victoriam exprobrauit. Erat magna illius populi prudentia, quæ faciebat, ut subactis bello hostibus non objicerent suam ignominiam, cogitabant nimirum sibi postmodum accidere posse, quod adversarij pridie euenisset.

Imperabat Deus Sauli, ut ferro, ac flammâ vastaret Amalec, & neque regi, neque infimo plebeio, nec homini, neque pecudi parceret, sed vno incendio omnia absumeret, communemque cinerum cumulum ex ijs faceret. Petijt Saul ciuitatem Amalec, cuius rex erat Agag, cumque hunc primò obruncare deberet, fuit hic primus, quem sospitauit, cæteris gladio cæsis: *Et pepercit Saul Agag* 1. Reg. 15. 9.

Multis dubitare in mentem venit, quâ re commotus fuerit Saul, ut solum ex omnibus Agag regem

seruauerit viuum, cum perimendi illius tam graue, arctumque haberet præceptum.

Plurimæ possunt fuisse intermissæ occisionis rationes, aptæ tamen causæ præsentij ea est, quam Abulensis q. 17. in illud caput his verbis tradit: *Saul cum esset rex, videns regem, qui etiam in eadem dignitate erat, in qua Saul, ad tantam venisse calamitatem, compassus est illi, cernens mobilitatem regie felicitatis, & eripuit eum à morte.* Contra iussionem Domini factum malè fuit, quod regem illum seruauit incolumem, cogitatus tamen ille de volubilitate fortunæ, & inconstantia felicitatis regie ex se alioquin bonus fuisset, & ad excitandam miserationem commodus, & efficax. Quando enim rex triumphator pede premit coronas regum, quos subegit, debet cogitare, & animaduertere, posse mutari vicēs, & fieri, ut qui nunc est arrogans victor, posthæc fiat miser compeditus, & captiuus, & ludibrium eius, quem ante ignominiosè, & probrosè habuit.

Præclare in hanc rem dixit Seneca l. de tranquill. vitæ, c. 11. vbi ista: *Quod regnum est, cui non sit parata ruina, & proculcatio, & dominus, & carnifex? Nec magnus ista interualis diuisa, sed horæ momentum interest inter solum, & aliena genita. Scito ergo omnem conditionem versatilem esse, & quidquid in gloriâ incurrit, posse in te quoque incurere.*

In Persis hoc obseruauit, & commendauit sanctus Gregorius Nazianzenus Orat. 4. quod tamen barbari essent, & insolentes, victoriarum tamen gloriâ fuisse elatos non fuisse: *Hoc enim apud eos in more positum est, ut animi moderationem in prosperitate adhibeant.* Quantumvis enim rudis, & barbarus quispiam sit, hoc tamen facile intelligit, quod in alios peruenit, ad se quoque redundare posse. Nam ut Publius tragicus aiebat, *cuius accidere potest, quod cuiquam potest.* Tam communes omnibus sunt infelicitates, & ærumæ, ut illis nullæ alicubi sint clausæ fores, itaque quod vni occurrit, hoc obuenire omnibus potest. Nemo ergo excluditur à numero eorum, qui miserari alios, & lapsis condolefcere debent.

Volo huc adducere lepidum aliquod Cassanei dictum, qui ait neminem obrectare Medicis debere, eò quod nemo non aliqualis medicus sit. Verba illius ex catalogo gloriæ mundi p. 11. considerat, 48. sic habent: *Cum sit ars omnibus communis, illam omnes laudare debent, ne seipsos, illam deprimendo superent.* Maxime qui passi interdum fuerint aliquam infirmitatem, si postmodum conualecant, infirmi a consilia danti. Quis est, qui infinita dolorum tantum mitigando, calculis expellendis, alijsque malis curandis

curandis salutaria nōrit remedia? At si quem à graui semel confanescere ægritudine contigit, Deus bone, quantum ille, quamque variam iactare medicinarum experientiam, & peritiam solet! At si medicina commendari ab omniibus debet, quoniam omnes sunt medici, etiam calamitates debent omnibus esse timori, nec quisquam est, qui non debeat & formidare ærumnas, & miserijs compati alienis, omnes enim eisdem legibus subiecti, eisdem casibus expositi sumus.

Iti etiam, qui stant post lapsum, quanquam ruinæ obnoxij amplius non essent, debent lapsis compati vel hoc nomine, quod ipsi olim quoque ceciderunt.

Propheta regius S. David varicinatur futuros quosdam in Ecclesia Dei, qui serò ad meliorem vitam se recipiant, atque ex his à Domino deligendos multos euangelicæ legis prædicatores: *Conuertentur ad Vesperam*, ait de his Psal. 58. 15. *Et famem salutis alienæ patientur et canes, Et circumbunt ciuitatem, si serò non fuerint saturati*, ibid. v. 16. si viderint apud quosdam tardè operari verbi salutaris medicinam, *murmurabunt*, & dicent, *quoniam quis audiuit?* ibid. v. 8. quænam illa plurimorum inertia, quis languor, & torpor auditorum, qui se tam ægrè ad emendationis vitæ consuetudinem adduci sinunt? Qui hæc, taliaque murmurabant, nonne serò, & ad vesperam sunt conuersi? nonne tardè sapere cœperunt? quid ergo queruntur de alijs, qui seriùs conuertuntur? Cur non compariuntur illis, quorum ipsi errore ante laborarunt?

Respondet S. Augustinus in illius Psalmi enarratione: *Exciderit illis, quod ad Vesperam conuersi sunt*. Quando murmurabant de his, qui tardè conuertebantur, procul dubio prorsum obliti erant, quod ipsi quoque serò respuerunt, nam si se lapsos recordati esset, ea memoria permouisset illos ad miserandum alios, qui in similem culpam ceciderunt.

S. Paulus Apostolus discipulo suo Tito consulit, vt non sit peccatum, quod non corrigat, nec vitium, quod non reprehendat, subditos autem in primis doceat esse dicto obediētes, & modestos, & omnem ostendentes mansuetudinem ad omnem hominem. Tit. 3. 2. Vt eam mansuetudinem Titus quoque inter increpandum obseruaret. subdit Paulus: *Eramus enim aliquando Et nos insipientes, increduli, errantes*. Quam prudens ratiō inquit Primasius, *Quia nos tales fuimus, debemus eorum insipientiam ferre patienter*. Si sunt insipientes, si cœci, si increduli, nos similes eorum fuimus. Itaque benignè, suauiterque obiurgare alios debemus, vt enim lapsorum misera-

tionem moueamur, illud facere potest, ac debet, quod ipsi quoque lapsi sumus.

CAPVT VIII.

Nunquam Dominus in hac vita portam misericordie ita claudit clauē iustitiæ, vt non aliquam misericordie, & pietati rimam relinquat.

Quanquam captus, & abductus fuit Loth, (cui hæc infelicitas accidit, quod inter homines tam contaminatos habitare voluit, vt existimant Oleaster, & Istella) non defuit tamen nuntius, qui patruo captiuitatem consobrini significaret: *Ece vnu, qui euaserat, nuntiauit Abram*; Gen. 14. 13. per quem in libertatem assertus fuit. Ex quo intelligimus immensam Dei benignitatem, & infinitam clementiam, qui quantumuis irascatur, & grauiter succenseat, nunquam clauē iustitiæ ita prorsus occludit fores misericordie, vt non aliquam rimam relinquat misericordie.

Dum Christus redemptor noster Discipulos suos institueret prædicatores Euangelicos, præter multa, quæ ab eis celestis illius, & sacri Ministerij functione obseruari voluit, hoc vnum erat: *In quamcunque ciuitatem intraueritis, & non susceperint vos, exeuntes in plateas eius, dicite, Etiam puluerem, qui adhaesit nobis de ciuitate vestra, extergimus in vos*; Lucæ 10. 10. 11. Iussit nihilominus post illa superiora hoc simul statim addere: *Tamen hoc scitote, quia appropinquauit regnum Dei*, tamque vicinum est, vt illud intrā domorum nostrarum portas habeamus.

Expendendum hęc illud, quod Cardinalis Caietanus subiectis verbis annotauit: *Benignus Dominus non Sult, obstante repulsa, priuare eos necessitate eius, quod repellunt, Sult eis manifestari materiam, quæ erat illis prædicanda, Et vel sic respiciant*. Præcepit quidem dulcis, & mansuetus Dominus, vt Discipuli sancto zelo, & iustā irā inflammati puluerem in oculos incuterent eis, qui prædicationem contumaciter resutarent, nihilominus portam clementiæ non omnino clausit clauē rigoris, sed rimam pietatis reliquit, dicens, appropinquare regnum Dei, vt tam suauibus, & optatis nouis exhilararentur, & emollirentur, & ad amplectendam vitam euangelicam permouerentur. Blanda Domini indoles, & ingenij suauitas hoc apud illum efficit, vt inter maximam iræ, furorisque sui austeritatem semper aliquod nobis suæ pietatis, & clementiæ signum relinquat.

Propheta Daniel narrat, anno tertio regni Ioa-
kim regis Iuda venisse Nabuchodonosorem regem
Babyloniae.

Babylonis Ierosolymam, & obsedisse eam, & traditum ab irato Domino in manus illius regem Ioakim, cum parte vasorum domus Dei, de quibus Dan. 1. v. 2. ista: *Et asportauit ea in terram Sennaar. Et Gasafauit in domum thesauri Dei sui.*

S. Hieronymus habet in consideratione indignationis Domini, quæ tanta fuerit, vt sacra vasa, quibus fideles ad ipsius cultum, reuerentiamque utebantur; ab impio Nabuchodonosore profanari permitteret. Sed velim animaduertatis, inquit Hieronymus, quod *partem Gasorum domus Dei* tantum sustulit, nec tam amplam à Domino potestatem habuit, vt diripere omnia posset. *Animaduertendum, quod rex Babylonis non potuerit vniuersa Dei Gasas transferre, & in idolo, quod sibi finxerat, collocare, sed partem Gasorum domus Dei.* Hæc ille. Hinc possumus accipere, quod tamen iuste iratus Deus non nunquam concedat, vt inimici nostri partem vasorum sacrorum animæ nostræ deprædentur, sed vt omnia depeculentur, non permittit, semper nobis aliqua pignora relinquens, vnde consolationem habuere, & occasionem reuertendi ad gratiam, amicitiamque illius captare possumus. Cum quis ludo dat operam, quamdiu non perdidit omnia, spem habet non solum recuperandi sua, verum etiam lucrandi aliena: Sic quamuis indignabundus Deus permittat, vt aliqua suæ animæ monilia perdat, pius Dominus tamen ex sua misericordia, & clementia facit, vt aliquid spiritualium opum, & ornamentorum maneat reliquum, per quod non amissa solum, verum & plura, quam habuerat, cum auxiliaris gratiæ Dei auxilio lucrifaciat.

Dicebat populo suo Dominus per suum Prophetam Isaiam c. 1. v. 16. 17. *Lauamini, mundi estote, auferite malum cogitationum vestrarum. Discite bene facere, subuenite oppresso, iudicate pupillo, defendite viduam.* Subdit autem Isaias: *Venite, arguite me;* ibid. v. 18. aut sicut S. Ioannes Chrysostomus legit: *Venite, disputemus,* prætor vos ego hic in palæstra, multam habens iurgandi vobiscum cupiditatem.

Obseruauit diuinus Chrysostomus in verbis Domini, quod & prouocauit illos ad disputandum, & modum simul indicauit, quo facere posset, vt non vincerentur ab ipso: *Discite, inquit, bene facere, subuenite oppresso, iudicate pupillo, defendite viduam.* Nam si quis ad supremum Dei tribunal pergat habens & cor muncum, & egenos, quibus opitulatus fuerit, & pupillos, quibus patrocinatus, & viduas, quas tutatus, non habebit Dominus gladium, quo

illum feriat, sed manus, quibus remuneret. Si quis irā vehementer accensus alium ad conflictum euocaret, illique aperiret technas, quibus inter dimicandum vti velleret, is magis illum seruare viuū cuperet, quam interimere, cum enim cogitatum suum illi detegit, modum, quo se defendat, ostendit. Tantundem facit Deus. Dicit ille populo suo: *Venite, disputemus, concertemus.* Non acceptare pugnam non poterant. Argumenta, & arma, quibus Dominus pugnaturus est, sunt oppressiones orphanorum, afflictiones viduarum, vexationes pauperum, & alia id genus peccata. Priusquam verò pugnam ineat, præcipit illis esse pios in viduas, pupillos, pauperes. At quæ hæc, mi Domine, pugnandi ratio? Dimicare instituis, & modum, quem obseruaturus es, tecum pugnaturis declaras! Hic videas, inquit Chrysostomus, qualis sit indignatio irati Dei, qui cum ad certamen prouocat, rationem aduersarij, quā se defendant, indicat. *Venite, disputemus, dicit Dominus* (verba sunt Chrysostomi ex hom. de ieiunio To. 1.) *non enim nos ad disputandum, hoc est, ad iudicium, vbi de causa nostra tractandum, vult nudos venire, Ante enim, quam diceret, Venite, & disputemus, docuit quid loqui, vel agere oporteat, & ita ad iudicium venire.*

Quam admirabilia verba illa, *vbi disputandum est, non vult nos nudos venire.* Quando quis habet hostem, cum quo est dimicaturus, semper studet venire bene armatus, & si intelligeret aduersarium suum venire nudum ab omnibus armis, non posset non plurimum gaudere, propter spem victoriæ de imparato aduersario facilius impetrandæ. Videte nunc, quam parum cupiat Deus vincere, quando iratus cupit pugnare, qui his, cum quibus est conficturus, mandat parare ad certamen galeam, scuta loriceam (quæ sunt opera pietatis, & charitatis) ne sub horam certaminis nudos reperiens feriat inuadat, atque occidat. *Vbi disputandum est, non vult nos nudos venire,* & quando magis iratus nos prouocat ad duelum, simul quomodo defendere debeamus, ostendit. Nunquam ita planè occludit fores misericordiæ, vt aliquam iram ex incuria relinquat apertam, vt per illam ad implorandum illius clementiam nos innuemus.

Cum videret hic Dominus plusquam stultam illorum arrogantissimorum hominum temeritatem, qui vt aduersus omnem illius iram se præmunirent, turrim excitare cœperunt, cuius supremus apex esset proximus in cælum gradus. Horum vanam, & superbam machinationem impediuit confusione linguarum,

guarum, per quam factum est, vt operarij mutuo intelligere non possent, adeo cæptam constructionem intermittere deberent. *Venite igitur, descendamus, & confundamus ibi linguam eorum, & non audiat vnusquisque vocem proximi sui;* aiebat Dominus Gen. 11. 7.

Cardinalis Caietanus ait, quanquàm Dominus arrogantium illorum linguas confuderit, tamen non tam exacto rigore intelligendum esse, non audisse & nunquamque proximum suum, & non relictis fuerint duo communicantes in sermone. Igitur vel duo aliqui mutuo intelligere, & vicissim consolari se potuerunt, auferitas nempe Dei non est tanta, vt non rimulam aliquam, per quam ad misericordiam ipsius sit aditus, relinquat.

Simile argumentum permultis in locis tractat. Vide parte 1. Polit. l. 2. c. 8. & l. 8. c. 3. & parte 2. l. 5. c. 8. & quæ ubique ad finem Capituli adscripta.

CAPVT IX.

Nomen Dei tam est venerabile, & ineffabile, vt qui per illud iurare velit, tantâ præparatione quodammodo egeat, quantâ probatione opus habet, qui eundem Dominum in diuinissimo Altaris sacramento sumpturus.

Ita vt Abraham, vt liberaret suum consobrinum, tamque feliciter pugnavit, vt & ipsum vindicaret, & fortunas illius omnes recuperaret, & plurimis opulentis spolijs onustus rediret. Reuerenti è pugna occurrit rex Salem Melchisedech sacerdos Dei altissimi cum pane, & vino, magnumque in modum benedixit Abraham, qui omnium, quæ referebat è prælio, decimas illi offerebat. Rex autem Sodomorum solum populum suum sibi reddi petebat, cætera vt sibi Abraham haberet, & retineret, rogabat, cui ille respondebat: *Leuo manum meam ad Dominum excessum possessorum cæli, & terra, quod à filo subtegmini, & que ad corrigiam caliga non accipiam ex omnibus, quæ tua sunt;* Gen. 14. 22. 23.

Quod Abraham leuauit manum, cæremonia iurandi fuit, vt monent Abulenſis, Oleaster, Pererius, Cornelius, Honcala, Nauarinus in schediasmat Sacro-profanis lib. 8. cap. 7. Itaque vt fidem inueniret, & serid, & candidè, expectoraliterque loqui crederetur, iuramentum interposuit, vt vult Pererius, cuius sunt ista: Crediderim eum iurasse, vt se id non per iocum, aut per quandam animi vanitatem, & iactantiam, sed verè, serid, sincerè, & ex animo loqui ostenderet. Cum maxima attentione, & non nisi

magnâ fidei sibi conciliandæ necessitate coactus iurauit, vt eâ nos actione doceret, quanta cum reuerentia, & cautione nomen Domini ad iurandum adhibere debeamus. Doctrina hæc præmodum utilis est miseræ huic, & calamitosa, flagitiosaque ætati, quæ leuissimè, & impudentissimè ad iurandum, & perierandū proſilit, cum insigni diuinissimi nominis illius contemptu, quod Angeli reuerentissimè adorant, & dæmones subiectissimè considentur.

Hæc doctrina, vt dixi, sine dubio est summè necessaria. S. Ioannes Chrysostomus enim, cum decem chordas pulsandas, hoc est, decem præcepta Domini exponenda suscepisset, aiebat: *Nos vnam chordam pulsauimus per totam Quadragesimam, dum legem & vobis de iure iurando rectamur.* Hæc ille in hom. de decem millib. debet. Itaque per omnes Quadragesimæ dies hanc vnam ex decem chordis, solamque pleetro linguæ suæ pro concione pulsauit, *Non per iurabis in nomine meo;* Leuit. 19. 12. Videte annon sit utilis, & momentosa, quando S. Ioannes Chrysostomus quadraginta continuis diebus nihil aliud egit, quàm vt auditoribus suis reuerentiam augustissimo Dei nomini debitam inculcarer.

Philo in l. de decalogo propterea vult, vt qui iurare debet, sit cunctator. & procrastinator, si forte differendo posset euitare, ne iuret. Qui debito vult se non exsoluere, sed quouis alio potius modo liberare, ille creditorem verbis pascit, & lactat, dilationemque ex die in diem tam diu petit, ac reposit, donec illum exigendi periculum faciat, seque vel sic exoneret. Hæc industriâ curare debemus, si possumus, vt non iuremus, cunctando nimirum, & procrastinando, quantum fieri potest, vt à petendo desistat, qui iuramentum postulat. Satis ostendit hic Philo, quanta attentio necessaria sit ei, qui per sanctissimum Dei nomen iurare cogitat, vel cogitur.

Sed melius hoc docuit S. Paulus, qui vas electionis à Domino speciali studio elaboratus fuit, vt nomen illius per mundū circumferret, in quo S. Augustinus aliquid obseruauit diligentissimâ consideratione dignum, & sic habet: *Iurauit ipse Apostolus in epistolis suis, & non inuenitur iurasse nisi scribens, ubi consideratio cautior non habet linguam præcipitem.* Hæc ille in lib. de mendac. ad Consent. To. 4. Iege apostolicorum Actorum librum, plurima inuenies à Paulo dicta, iurasse aliquando inter dicendum non reperies. In epistolis autem non vnum tantum illius iuramentum offendes. Quid est, quod scibens iurabat, loquens non iurabat? Considerabat ille, quàm præceps lingua, quàm prona esset ad lapsum, quàm

lubrica,

lubrica, & incitata ad casum, idcirco loquens iurare formidabat, quod scribens non metuebat, quia manus supor, & calami scriptoris tarditas moram adferunt, vt pennā attentius exarari verba, quā linguā promi possint. Si Paulus (de quo Dominus ipse dicebat, *Vas electionis est mihi iste, & portet nomen meum coram Regibus, & Gentibus, & filiis Israel*; Act. 9. 15.) quem cœlum innumeris gratiæ ornamentis excoluerat, non fuit ausus ore suo usurpare nomen Domini, sed quod linguæ timeret præcipitantiā, quis alius hæc audiens non contremiscet, pertimescetq; per sanctissimum illud nomen iurare, quando is, qui huic nomini per orbem ferendo deputatus fuit, ita verebatur iurare, vt lubricā linguā hoc facere omnino vereretur, & vix cunctabundo calamo auderet?

Peropportunitatem veniet, quod eruditissimus Novarinus Veronenfis refert fecisse olim populi Hebræi iudices, quando iuramentum ab aliquo accipiebant. Huic, vt ille ait, in memoriam reuocabant id, quod tunc euenisse, cum illud decalogi, *Non assumes nomen Domini Dei tui in Vanum*, Exodi 20. 7. promulgaretur, tanquā certam traditionem habent. Et quid accidit, cum hoc tam necessarium, & momentosum præceptum propositum fuit? *Totum orbem in illa hora tremuisse* ferunt. Hæc ille in Schediasmat. lib. 8. cap. 6. num. 31. Itaque cum hæc populo Moyses ex legis tabulis legeret: *Non assumes nomen Domini Dei tui in Vanum*; non fuit scopulus, qui non moueretur, & nutaret, non mons, qui non concuteretur, non rupes, quæ non ruinam minaretur, poli, & columnæ orbis terrarum collabascabant, & tota hæc mundi structura in casum propendebat. At si tunc, cum promulgabatur lex, quæ vanè iurare vetabat, totus expauescens contremuit mundus, & gelidus timor creaturas omnes occupauit, quid erit, cum vanè iuratur, perfideque, & sacrilegè blasphematur? Quid mirum, quod Paulus tantoperè deuotarit iuramentum, cui tantum potest subesse periculum?

Discrimen quocum iuramenta coniuncta esse solent, satis indicantur Veteres, a quod quos *iurandum deum Pallidum dictum* Seruius in l. 1. Georgic. Virg. affirmat. Sed cur hoc nomine illud nomen docta donauit antiquitas? Responderille: *Quia iurantes trepidatione pallescent, & toto corpore madent frigore, sudore, quem exprimit consideratio periculi, cui se exponunt, si non vt decet, iurant.* Tam horribile est iurare per sacrosanctum nomen Dei.

Tom. III.

Hæc causa sit, ob quam S. Gregorius Nazianzenus, cum piacularibus salutaris fontis aquis ablutus fuit, perpetuam iurandi abstinentiam sibi ipsi indixit, de quo Gregorius Presbyter in illius vita sic habet: *Primum diuino baptismo tingitur, legemq; sibi indicit, nunquam iurandi, quamdiu in hac vita versaretur, quod etiam ad extremum & que diem seruauit.* O quā bene de iurandi periculo magnus Theologus sentiebat! O quā exactè obseruabat præceptum magistri sui Dei, sciens quanto discrimini se offerret, quisquis indignè, per augustissimum nomen illius iuraret?

In horum consideratione versabatur S. Ioannes Chrysostomus apud Philippum Diez in locis communibus verbo *Iuramentum*, quando aiebat: *Nō ista gemo, & deploro, quospiam in suis iugulatos audiens, sicut gemo, & lachrymis prosequor, & horresco, cum video, quempiam prope mensam, scilicet Altare, Genientem, & manus imponentem, & euangelij iurantem attrahis.* Videbat nimirum sanctissimus Doctor, in quod periculum se conijceret, si quis non ritè iuraret.

Nam vt ritè, decenterque quis iuret, videtur eā præparatione opus habere, quæ apud illos requiritur, qui sanctissimum Altaris sacramentum sunt accepturi. Id cæremoniæ indicasse videntur, quibus olim ad iurandum utebantur. Cornelius Papa apud Gratianum in decreto sic aiebat: *Honestum videtur, & qui in sanctis audent iurare, hoc reuincunt faciat cum omni honestate, & timore Dei, & si pueri ante annos quatuordecim non cogantur iurare.*

Quò spectat illa tam varia, & diligens præparatio, vt qui iurare deberet, inesus esset, atque impotus, & ætate maturus, & singulari cum honestate, ac magno Dei timore accederet?

Respondet Reuerendissimus Episcopus Monopolitanus Ioannes Lopez To. 4. epist. de Sancti in ferm. de Circumcisione: *Vt assumendum nomen Dei docerent eā reuerentiā, quā sacra communio accipitur.* Et magnus quidam Ordinis Seraphici Scriptor, & Ecclesiastes: *Quasi ad sacrosanctum Altaris sacramentum, sic ad iuramentum accedebatur.* Diuinitissimum Eucharistiæ Sacramentum non nisi à ieiunijs, idque pto debitissima reuerentiā, præcipitur, & nec ab ijs quidem, nisi ante se multo cum timore sollicitè probauerint. Ad eundem modum volebant olim eum comparatum, qui iuraturus erat, vt inditio esset, quā timide iurare oporteret, quandoquidem ad iurandum eadem requirebantur, quæ ad communicandum.

H

Non

Non incommodum huc veniet, quod facit textus memorat, quando narrat, quod Abimelech, Ochozath, & Phicol venerunt ad Isaac, ut fœdus cum illo inirent. Instruxit illis Isaac magnificum conuiuium, eumque postmodum diluxisset, *surgentes manè iurauerunt sibi mutuo*, Gen. 26. 31. Cur sub primam dici creperam tam muleò manè iurauerunt? Cur non aliam horam opportuniorem expectauerunt?

Respondent Abulenſis, & Nicolaus Lyranus: *Manè surgentes iurauerunt, scilicet salutem seculi, propter reuerentiam iuramenti*. Etiam rudibus illis sæculis, ubi non erat tanta magnitudinis diuinæ agnitio, tantum habebatur honor iuramento, ut nisi *seculi salutem* iurare non auderent. Erat ergo tunc ea obseruantia ergà iuramentum, quæ nunc ergà Eucharistiæ sacramentum. Nam ore nomen Dei usurpare, videtur idem esse, quod corpus illius è sacra mensa suscipere.

S. Paulus 1. Corinth. 12. v. 3. aiebat: *Nemo potest dicere, Dominus Iesus, nisi in Spiritu sancto*, quod ex interpretatione doctissimi Cardinalis Silicei lib. de nomine IESVS cap. 2. tale est, ac si dixisset: *Solus ille dicere potest IESVS, qui probabiliter cognouerit Spiritum sanctum in se esse*. Dixerat enim alibi idem Apostolus loquens de pane diuino: *Probet autem seipsum homo, & sic de pane illo edat, & de calice bibat*. Hoc autem videtur sentire Paulus, cum ab aliquo sumitur proferendum hoc nomen IESVS, & antequam proferat pro re aliqua impetranda, quæ vires naturæ excedat, probet seipsum, hoc est probabiliter credat se esse in gratia. At si tantâ præparatione opus habet, qui dulcissimum IESV nomen solum est pronuntiaturus, quanto studio se probare, & explorare debet, qui per idem sacrosanctum nomen est iuraturus?

LIBER IV. VITÆ ABRAHAM. CAPVT I.

Qui fauentioris fortunæ beneuolentiâ sublimem felicitatis gradum tenent, ij pluribus & maioribus auxiliorum copijs opus habent, quàm illi, quos grauior calamitas oppressos, & humi afflictos tenet.



Contra communem errore capiti mundi contententiam nunc calamo veraci agere incipiam. Quantum inuidetur homini felici, & fortunato, cui propitiæ fortunæ placidus Zephirus leni spiritu, sublanditur? Quàm paucis inuidiosus est, qui ærumnis deiectus humi iacet! Sed vtrumque malè fieri & veritas sentit, & experientia docet, ad quarum lucem perspicuè videbimus, nihil infelicius esse homine, cui omnia ad voluntatem fluunt, nihil fortunatius eo, quem fortuna iniquior infelicitat, inopemque, & mendicum facit. Nimirum pauper vix habet, quod timeat, qui verò rebus secundis vitur, semper debet metuere.

Concionabatur quondam Toleri S. Ildephonsus illius vrbis Archiepiscopus in die, quo virginum intemperatissima, reginarum maxima, matrum felicissima, & suprema solennissimo plausu festiuissimè celebrari solet. Et quoniam eà gloriosissimorum eius-

modi festorum occasione beneficia gratiarum ampliora facilius impetrari solent, monebat beatus antistes, & pastor suos auditores, secum implorare augustissimam cœlorum Imperatricem, vt quo die regina Angelorum primùm inaugurata esset liberaliore manu, & pleniore sinu, quæcunque & omnibus, & singulis necessaria sciret, inde ex Deo affunderet, à quo thesaurorum omnium cœlestium clauis haberet, & omnipotente prece obtinere omnia posset. Hoc ante in primis *oremus*, aiebat ille serm. 6. de Assumptione, *Et in prosperis sit proteatrix*, validissimoque suo præsidio nos tueatur, cum fortuna nobis arridet, & ex sententia cuncta eueniant.

Videtur non benè monuisse illustrissimus Doctor, sed ita potius dicere debuisse: Obsecremus Angelorum Dominam, vt nobis inter angustias, & aduersitatum necessitates laborantibus subueniat. Quid ergo est, quod magis rogandam illam Cœlestium reginam putauit, vt temporali felicitate affluentibus auxilio esset, atque subsidio? *Oremus, Et in prosperis sit proteatrix*. Fecit hoc vir sanctus, vpotè perspectam habens rerum mundanarum conditionem, quod sciret quibus tempestatibus iactari, quibus concuti fluctibus, quævis obnoxij periculis esse soleant hi, quibuscum prosperè agitur: Sciebat item quâ

quâ serenitate, & tranquillitate frueretur pauper; ac proinde quamvis ad omnem vitæ conditionem necessaria est opiculatio Mariæ, magis tamen eam requirere visum est tempus prosperum, quod illud grauioribus iactationibus, & acrioribus incurfionibus sit expositum. Videte quid secum ferant temporales felicitates, quas continui hostes, & metus varij semper obsident.

In principio mundi, quando creauit Deus cœlum, & terram, *Spiritus Dei* (vt habet sacer Scriptor Gen. 1. v. 2.) *feriebatur super aquas*. S. Basilus magnus, Barcephæ, Oleaster, & Hebraizantes aiunt, posse illa verba sic transferri: *Spiritus Dei incubabat aquis*, ad modum, quo aues ouis insidere, eaque calore suo animare, & excludendi fœtus gratiâ conseruare solent, vt ferè exponunt Interpretes.

At cum eâ occasione mentio fiat duorum elementorum, nimirum aquæ, & terræ, cur non similiter terræ, ac aquis incubasse Spiritus Dei fertur?

Præusquàm huic respondeamus quæstioni, inquirendum est, quidnam typicè duo illa elementa referant. Aquæ, ex sententia Petri Berchorij, Pierij, Valeriani, Antonij, Ricciardi, & Laureti, sunt hieroglyphica diuitiarum mundanarum, & felicitatis terrenæ. Ad stipulatur his Psalmista regius, cum ait: *Diuitiæ si affluant, nolite cor apponere*; Psal. 61. 11. Alio litera habet: *Diuitiæ si fluant, si aquarum more decurrerint, nolite, eas cataractis cordis vestri inclusas tenere*. Terra verò, ex eorundem autorum opinione, est symbolum hominis infimi, & abiecti, unde & filium terræ nuncupare consueuimus, quem extremo è vulgo vnum esse dicere volumus. In principio mundi aqua occupabat omnia, terra autem erat inanis, & vacua, ibid. egens, & squalida. Vt ergo indicaretur nobis, quàm sit periculosus status hominum fortunatorum, quàm securus pauperum, & egenorum ab ipsis mundi primordijs hanc veritatem Dominus indicare voluit, & significare, quòd tametsi omnibus necessarius sit Spiritus sanctus, opulentos tamen in aquis adumbratos, quique omnibus affluunt, cum primis egere illius fomento, & adiumento, vt qui grauioribus casibus, & periculis maioribus sint expositi.

Petrus Berchorius ex autoritate Physiologi memorabile hoc de turturibus narrat in suo Reduct. morali lib. 7. cap. 70. v. 10. *Quando volant versus Aquilonem non habent rectorem: E conuerso Verò si ab Aquilone versus Austrum volauerint, tunc habent rectorem, quem sequuntur*. Mira proprietas! Quid *Auster*, quid *Aquilo* significat? S. Gregorius Nys-

senus, Philo Carpathius, Iustus Orgelesianus, Apollonius in expositione illius Cant. 4. 16. *Surge Aquilo, & Veni Auster*, aiunt, Aquilone propter vehementes illius status, significari aduersitates, Austro verò, propter illius placidum asperitum, denotari sæculi huius prosperitates. Quod ergo turtures tunc vitæ ducem habent, quando Austrum petunt, qui est signum felicitatis, & absque moderatore præuio ad Aquilonem, calamitatum symbolum, pergit, eo naturæ mysterio docemur, quod duce, & direttore plurimum opus habent, quicunque opibus, & omni felicitate abundant, eò quòd varijs, & magnis sint obsessi periculis, eos verò qui ad Aquilonem contendunt, ærumnis, & miserijs laborant, gubernatore non egere, pauper enim absque periculo semper itineratur, egenum nemo vel inuadit, vel persequitur, nec quisquam inuidet infelici, ac mendico.

Audiamus Petrum Berchorium, cuius sunt ista: *Sic illi, qui in Aquilone, id est, in frigore aduersitatis habitant, non egent rectore, quia Sexario dat intellectum. Vnde in illo stare potest homo, & se sufficienter regere per seipsum. Sed illi, qui ad Austrum mundana prosperitatis anhelant, rectore prouiso indigent, qui ipsos regat, & manu teneat*.

Propterea magnus ille Theologus S. Gregorius Nazianzenus Orat. 14. aiebat: *Profecto facilius esse videtur aduersam fortunam ferre, quàm secundam conseruare*.

Baptizatus in Iordane Christus fuit, cumq; è sacris vndis ascenderet, aperti sunt cœli, Spiritus S. in columbæ specie descendit, simulque vox Patris intonuit, *Hic est filius meus dilectus, in quo mihi complacui*; Matth. 3. 17. Erant cum eodem Domino in summo Thabore tres Discipulorum charissimi, perfruebantur inexplicabili animi voluptate natâ ex intuitu illustris gloriæ diuini sui Magistri, quando Petrus extrâ eorum saltare, & imprudenter aliquid loqui cœpit, sed verba illius sonora Patris æterni vox interceptit, quæ de nube iterùm succlamabat, *Hic est filius meus dilectus, in quo mihi bene complacui*; Matth. 17. 5. quàm cum audirent Discipuli, ceciderunt in faciem suam, & timerunt valde; ibid. v. 6.


S. Ioannes Chrysostomus, & Euthymius percutiuntur aliquid, quod apud Euthymium sic habet: *Atqui prius in Iordane vox facta est huiusmodi, & nullus quidquam tale passus est. Quomodo ergo nunc hic prociderunt in faciem suam? Cur magis solo affusi fuerunt, qui eandem vocem in Thabor, quàm qui apud*

apud Iordanem audiuerunt. Ex discrimine loci, in quo vtrique auditores erant, coniecit causam Doctorum, quos dixi. Qui in Thabor Patris æterni verba audiebant, editissimo in loco erant; duxit enim illos Dominus in montem excelsum, Matth. 17. 1. Qui apud Iordanem audiebant, in loco plano, & humili erant. Illi ergo in Thabor timuerunt, inquit Euthymius, quia altitudo magna erat, illi apud Iordanem nihil formidauerunt, quia erant in plano. Qui sublimem gradum tenent, qui in excelso gratiæ, vel dignitatis loco sunt positi, ad omnem vocem tremunt, nunquam securi degunt, nihil mali eis accidit, à quo non deiciantur. At qui humili in loco agit, qui abiectus inter ærumas vivit, hunc nihil perturbat, nihil exterrere, non voces, non tempestates, non tonitrua, non fulmina expauescunt.

In hanc rem S. Anselmus apud Guilielmum Eboracensem, To. 1. verbo *Felicitas* sic ait: *Felicitas sæculi ventus est contrarius.* Elegans dictum! Quando nullus per mare ventus obstitit, quam hilares cursusuum nautæ conficiunt! quam securi dormiunt! At cum ventus exurgit contrarius, maxime validior, quantum pertimescunt, quantum expauescunt animis, quantis curarum fluctibus concutuntur miser, vectores, & nauigantes! Aduersitas est mare tranquillum, pacatum, sedatum. Verum prosperitas, & vitæ huius felicitas *ventus est contrarius*, nam qui gratiæ apud Principes, & opum copiâ in mundo valet, mare cordis illius semper fremit, sævisque contrariisque perturbationum, ac sollicitudinum fluctibus concutitur, omnesque suspectos habet, ac timet.

Habemus huius rei exemplum in nostro Patriarcha, cui à deuictis gloriosè hostibus, & spolijs opulenti reportatis apparuit Dominus, & dixit: *Noli timere Abraham, ego protector tuus sum, & merces tua magna nimis*; Gen. 15. 1. Poteratne verò, cum è prælio triumphator, & spolijs diues reuertebatur, quidquam vereri? Immo verò propterea vel maxime poterat pertimescere, quod à pugna feliciter confecta, & opulentus redibat, inquit Nicolaus Lyranus, Abulensis, & alij. Nullus enim status maioribus est obnoxius periculis, nullus tam crebris subiectus timoribus, quam hominum fortunatorum, quibus omnia ex sententia eueniunt.

Qua parte 2. Politici lib. 7. cap. 1. tractantur, cognata sunt argumento huius capitis. Vide sis.



CAPVT II.

Quod de prosperitate humana dictum, idem de gratia Dei affirmari potest, qui enim beneuolentissimum habet Deum, excidere ex gratia illius potest, vt proinde minus sapiat, qui nimis praesidit.

O mnes iusti, & sancti perpetuo in metu viuunt, dum in hac vita degunt, quando secum reputant, quod gratiæ Dei census est temporarius, non hereditarius, & perpetuus, & quod beneficia Dei sunt bona mobilia, non fixa, & perdurabilia, eaq; propter vt inconstantes timent, vt fragiles tremunt, non desperantes de bonitate Dei, sed de sua imbecillitate meretriciosi.

Prolixum catalogum texit Propheta regius spiritualium ornamentorum hominis iusti, qui Dei voluntati per omnia morem gerere studuerit, eorumque commemoratione exorditur sacros, & dulces hymnos suos, inquit: *Beatus Vir, qui non abiit in consilio impiorum, & in via peccatorum non stetit, & in cathedra pestilentia non sedit*; Psal. 1. 1.

Magnus Basilius ambigit de sensu horum verborum, queritque an forte hæc elogia, quæ laudibus alicuius iusti consecrantur, sint tenebris sermo profundi alicuius honore supremo dictus. Et respondet sanctus Doctor, se in ea esse opinionem, quod ad mortuos magis, quam viuos, verba ea spectent. Vnde id colligit, & probari poterit? Ex nostra fragilitate, & miseria, & ex eo quod Rex musicus ait, *Beatus Vir, qui non abiit*, non permisit abripi perverso improborum consilio. Duobus, vt aiunt, verbis nos monuit, sanctus rex, vt nemo securitatem sibi in hac vita promittat, nec enim quisquam tam est perfectus, & consummatus, qui non sit prolapsionis periculo expositus; *Beatus Vir, qui non abiit*, inquit. Cum alterius vitæ hominibus loquitur, præsentis enim vitæ hominum nullus dici beatus, nec de quoquam affirmari potest, quod non consensit, nemo quippe est, qui non sit casui obnoxius, quamdiu in carne vivit, vt proinde minus sapiens sit, qui nimis est securus.

Audiat Basilius, *Beatus Vir, qui non abiit*, Non dixit, Qui non abiit, sed Non abiit in consilio impiorum, nondum enim ille qui in vita est, beatus est, prædicandus, ob exitum incertum, sed qui scies, sua functionis, & vocationis semel absoluerit, & tamque sine certo clausis, hic iam beatus dici tunc potest.

Habeo locum Scripturæ, qui prout à sancto Ambrosio legitur, & exponitur, conceptum nobis quam acutum,

acutum, tam commodum subministrabit. Dixit

Dominus ad Abraham, Egrede de terra tua, & de cognatione tua, & de domo patris tui, Gen. 12. 1. Egressus est itaque Abraham, sicut preceperat ei Dominus, ibid. v. 3. ubi Ambrosiana versio sic habet: Egressus est Abraham, sicut locutus est ei Dominus. Annotamentum sancti Doctoris in hac illud est, quod aliter loquitur Scriptura, cum iussu exire Abrahamum narrat, aliter cum obtemperasse illum iussioni recenset. Primum sic refert: Dixit Dominus ad Abraham. Dicere significat, ut ille monet, quandam iussionis severitatem, estque verbum forense, cuius energiam Ambrosius, ut peritissimus iuris, pernoherat. Posterius sic memorat: Et abiit, sicut locutus est ei Dominus. Differit nunc in utraque horum lib. 2. de Abraham cap. 2. ita: *supra habes, exi, dixisse Deum, in quo apertum imperium iubentis expressum. Hic habes quem admodum locutus est illi Deus. Quasi quidam confabulationis affectus comprehenditur. Ante factum igitur Deus DICIT quasi obnoxio, post factum LOQUITUR quasi amico. Quid est, quod ante factum loquitur quasi obnoxio, & tanquam non satis fidens, priusquam sua iussa videat expleta? Vide quem comitem habuerit Abraham, inquit Ambrosius, quando ibat expletum iussionem Domini Moyses, ait: Et exiit cum eo Loth, ibidem v. 4. hoc est, declinatio, id enim nominis significat interpretatio. Sic Ambrosius ibid. At si Abrahamum comitabatur Loth, hoc est, declinatio, fragilitas, inconstantia, quid mirum, aut magnum, quod tanquam obnoxio locutus est, priusquam preceptum expleverat, velut non satis fideret expleturum? Quamdiu enim homo in hac vita vivit, circumferens suam fragilitatem, nemo certo sibi quidquam de illo promittere potest, priusquam iniunctum opus perfecerit. Et quamquam Deus facile praeviderit, quid facturus Abraham esset, voluit tamen illi ante absolutum sibi demandatum munus velut obstricto loqui, ut nos securitatem ante expletam iussionem nobis nunquam promitteremus? Ante factum loquitur quasi obnoxio, post factum quasi amico.*

Ieiunavit Christus in deserto quadraginta diebus, totidemque noctibus, & accedens tentator, obtulit ei lapides vertendos in panem, sed nequicquam. Post hoc assumpsit eum diabolus in sanctam civitatem, & statuit eum super pinnaculum templi; Matth. 4. 5. suavitque, sed non persuasit, ut inde se deiceret. Denique adduxit illum in praecellsum montem, ostensisque eo ex loco omnibus mundi regnis, idololatram illi consulere coepit, inquit:

Hec omnia tibi dabo, si cadens adoraveris me; ibidem v. 9.

S. Paschasius ait: Et hoc magis tremendum, quod neque virtus impleta, neque sanctitas approbata, neque locus Domino dedicatus, cohibuit hostem a congressu. Quamquam demon semel, iterumque inaniter tentasset, & succubisset, Christi que sanctitas, & consummatissima, & testatissima esset, & palastra, in qua cum illo pugnaret; Deo sacra, nihil horum tamen efficere potuit, ut ille dubitaret posse obtinere a Christo victoriam. Ut enim videbat, eum carne humanam vestitum, existimavit maiora pondera habituram ipsius infirmitatem ad illum superandum, quam sanctitatem loci ad eum defendendum. Quamdiu carne mortali circumdatus sumus, neque sanctitati nihil tribuere, neque loco fidere debemus, ubique enim sunt pericula, ubique quod metuamus. Non se eremicola in suo recensu, & latebris, non religiosus in suo monasterio, non intra septa monialis securam putet, quando demon existimavit, Christum, quod minus vinci posset, nihil vel ab eremo, vel a virtute, & explorata sanctitate subsidij habiturum: Neque sanctitas approbata, neque locus Domino dedicatus cohibuit hostem a congressu. Quoad fragilitatem nostram laboramus, non est locus, qui defendat, neque asylum, quod tutos praestet, nisi Deus gratiae suae scuto nos protegat.

Admirabiliter in hanc sententiam dixit Faustus Rhegiensis episcopus. 1. Tomo 3. Biblioth. Ver. PP. Homo vivens, & sapiens, & iustus dici potest, vita autem, & iustitia dici non potest, quia ita ijs induitur, & aliquoties exuatur. Quod homini datum est, Deo insitum est. Quod homo habet per participationem, id per naturam habet Deus. Virtus, & sanctitas est homini vestimentum mutuatitium, qui ut indumento utitur, sic & facile nudatur alieno.

Atque ut homo conscius suae fragilitatis non facile sibi promittat securitatem, prosequitur dicta Faustus inquit: Homo, verbi gratia, deauratus est, Deus aurum est, in quo hoc est potentia, & gloria, quod natura. Notoria est differentia inaurati, & auri, inauratum facile obscuratur, & squaler, auro nunquam suis decedit fulgor. Tale quoque est discrimen inter sanctitatem Dei, & hominis Dei sanctitas est purum, putum aurum: sanctitas per essentiam, indefectibilis, aeterna: Verum homo deauratus est, & sanctitas illius deaurata, quae brevis offuscar, vel interire potest. Itaque securum se non putet, sed timeat omnis homo.

Sic fecit noster Patriarcha, quem post obrentam illam tam insignem victoriam consolatus fuit Dominus,

minus, dicens: *Noli timere*. De hoc timore quidam affirmant, cum Abraham domi suæ, in animo suo, atque inde natum, quod vereretur, ne aliqua vana gloria sibi de crebri illa victoria obrepisset. Ut enim homo erat, sic fieri potuisse putauit, quod inanis quædam gloriola incauto animo furtivè sese insinuasset. Ut ergo pacatiore esset animo, iussit illum non metuere, sibi enim non displicere, sed pergrata esse, quæcunque fecisset. Hoc est, quod omnes cordati, & prudentes agere debent, ut non prædiant in hac vita, non promittant sibi securitatem, quamdiu enim hic mortales vivimus, diu abesse à periculo non possumus.

Quàm facile sit excidere gratiâ Dei, vide Tom. I. Periocha V. Feria II. post Domin. V. Quadrag. pag. 392. o. Quàm nihil securitatis nobis in hac vita promittere possimus, vide eodem Tom. I. Periocha I. Feria II. post Dom. IV. Quadragesima, pag. 310. o. Et Periocha V. eiusdem Feriæ, pag. 318. o. Vbi Et habes, cur Deus Abrahamum post obtentam & oblatam consolandum putaverit.

CAP V T III.

Anima, quæ Deum habet, omnia habet.

Postquam Deus cor Abraham ad tranquillitatem depulso metu reducerat, aiebat: *Ego protector tuus sum*; velut dixisset: Si te pauperiorem, egenioremque ob id putas, quod pugne spolia reliquisti alijs, erras, nam cum à tua parte habeas, qui tuus sum tutor, protector, defensor, non habes quod amplius desideres, ego enim sum omne bonum, ego saturitas cordium humanorum, ego expletio omnium desideriorum, & levamen cunctarum anxietatum. Felix proinde anima, quæ Deum habet, ut cum quo omnia habeat.

Postquam contumax ille, & obstinatus Hebræorum populus Deo vero debitum adorationis cultum in vitulum cæco, turpissimo, & indignissimo sacrilegio transfuisset, cum vellet Moyses iustam de tanto scelere sumere vindictam, hæc magno animo aiebat: *Si quis est Domini, iungatur mihi*; Exod. 32. 26. hic de honore Dei summi, probrosissimaque eius iniuria vlciscenda agitur, quicunque sibi honori ducit, honorem Dei sui tutariis mecum paribus armis contumeliam eius vindicatum veniat. Vix ea inaudierant filij Levi, quando magno ausu, & ardore accesserunt ad strenuum ducem suum, ut pervicacium illorum sanguine foedas divinæ existimationi illatas maculas diluerent. Dicebat autem Levitis illis Dominus: *Occidat unusquisque fratrem, & amicum,*

Et proximum suum; ibid. v. 27. sic ut nulli deferant, nemini parcant. *Feceruntque filij Levi iuxta sermonem Moysi*; ibid. v. 28. contrucidaruntque vno die propè viginti tria millia hominum, in quibus erant fratres, amici, proximi.

Quæro hic. Quid sibi vult, quod Deus huic cædæ perficiendæ Levitas potius, quam alios ex reliquis tribubus deligendos putavit? Itaque Levita fundere sanguinem, & neque patri, neque cognato, aut amico parcere debuit! Cur non tribui Iuda tam pugnaci, & robusti, & strenui, ac docti ad bellum hæc strages demandata fuit?

S. Ambrosius Annotat. in Exod. To. 1. ait: *Sanctiora ceteris ad hoc munus eliguntur ministeria Levitarum, quorum portio Deus. Levitæ Deo specialiter consecrati, præter illum aliam non habebant hæreditatem. Hisce imperatum fuit, ut ferro parentes, fratres, cognatos, familiares intimos obtruncarent: Nam cum omnia habeat, qui Deum habet, & Levitæ haberent Deum, propterea non dubitarunt necem inferre parentibus, fratribus, & quibusque coniunctissimis, nam in vno Deo parentes, fratres, amici, & quæcunque desiderari possunt, habentur: Nesciunt suis parcere, quin nihil suum norunt, quoniam sanctis omnia Deus*; inquit rursùm Ambrosius.

Consolabatur Seneca Polibium in quadam calamitate positum, atque ut illum ad fortiter tolerandas suas ærumnas erigeret, hæc ad ipsum, præter alia scribebat: *Adisce nunc, quod cum semper prædicæ, chariorem tibi spiritu tuo Casarem esse, fas tibi non est, salvo Casare, de fortuna queri. Hoc incolumi salus tibi sunt tui, nihil perdidisti, non tantum siccos oculos tuos esse, sed etiam lares oportet. In hoc tibi omnia sunt. Adversus felicitatem tuam parum gratius es tibi quidquam, hoc salvo, flere permittis. Hæc ille in lib. de consolat. ad Polib. cap. 26. ex quibus sua mutuatus B. Ambrosius videtur. Si illo in mortali, & iam dudum defuncto Casare omnia Polibius (ut quidem Seneca affirmabat) habuit, quantò magis, qui verum, cælestemque Casarem in anima habet, dicere potest, ac debet: *In hoc tibi sunt omnia, quoniam sanctis omnia Deus est. Itaque parum refert amittere omnia, dum non pendatur Deus.**

Quàmprimùm mundi lux mundo nata est, ingens beatorum spirituum exercitus in Bethlehem apparuit, & recens nato Salvatore laudes cantare cepit. Atque ut novum ex recens edito Salvatore gaudium amplius diffunderetur, pastoribus custodæ gregis sui inuigilantibus opatissimum iam tunc nati sospitatoris nuntium aperuit, neque hoc tantùm, verùm etiam

etiam quod illum in præsepi positum, & pannis involutum reperturi essent addidit, ut his signis confirmati indubitantiore fide crederent, quæ audierant. Cum illi hæc euangelia audissent, hilares, ac gaudibundi compellabant mutuo: *Transseamus & videamus hoc Verbum, quod factum est, quod Dominus ostendit nobis*; Lucæ 2. 15.

Mellitus Bernardus serm. de Natiuit. Domini verbulo vnico aliquid suo ingenio dignum indicauit, inquit: *Transseamus & videamus hoc Verbum, sed non pertransseamus*. Nam cum in Bethlehem esset Redemptor mundi, qui est verus Deus, nemo pertransire aliud, nemo aliud querere, aut appetere præterea vel poterat, vel dicebat. Qui enim Deum reperit, omnia inuenit, quæcunque desiderari queunt.

Dicit hoc Sille Senecio Simeon, de quo beatus Lucas ait, venisse ad templum, quo tempore beatissima Dei Parens Maria, & sanctissimus illius Sponsus Ioseph æterni Patris, & Virginis Matris Filium adducebant, ut illum secundum legem (quæ tamen illum minime concernebat) offerrent, eumque vnusquisque reuerentissimè excepisset, & Patri æterno æternas pro tam ingenti beneficio egisse gratias, à quo sic felicitatus in hac infelici via esset, ut audissimis brachijs stringere, & ardentissimo pectore suauissimè apprimere mereretur, quo se beatos omnium superiorum sæculorum homines putassent, si tantum oculis procul inde vlturpare, aut libare potuissent.

Decrepius erat, & capulo proximus venerabilis hic Simeon, adeo facile crediderim, baculo nixu venisse, quod hoc sit commune in curæ senectæ, & titubantium, & longæuitate pedum subsidium, & sustentimentum.

Dicit nunc Stephanus Cantuariensis apud Godelfridum Tillmannum in Allegor. Biblior. ad cap. 10. Tobie: *Puto quod cum Simeon spiritu venisset in templum, & hunc baculum, scilicet Christum suscepisset in manibus, baculum sensibus familiarem vel obliuioni tradidit, vel abiectit*. Et meritis illud, tanquam dixisset: Cum omnia habeat, qui habet Deum, quorsum mihi baculus, qui Deum verbo sustentant omnia? *Baculum sensibus familiarem vel obliuioni tradidit, vel abiectit*?

Angelus quidam Eliæ 3. Reg. 19. 11. dicebat: *Egrederere, & sta in monte coram Domino*. Dum ille ibi staret, transiit spiritus grandis, & foris subuertens montes, & conterens petras, & aiebat Elias: *Non in spiritu Dominus*. Validum illum statum secuta est commotio, ex commotione natus ignis, & neque in commotione, neque in igne Dominus. Post

ignem sibilus auræ tenuis audiri cepit; ibid. v. 14. Simul hunc sibilum auribus hausit Elias, & operuit cultum suum pallio; ibid. v. 13. Quid hoc rei dicam, quod Elias inter horribili ventis fremitus, inter fragores commotionis, quæ montium fundamenta concutiebant, inter ignis strepitus stat intrepidus, neque obnubuit faciem, & ad vnum tenuis auræ sibilum tenuis vultum? Quæ causa: Ea, quod in illo auræ tenuis blando sibilo adueniebat Dominus, quem cum vidisset, operuit cultum suum, oculi enim qui viderunt Deum, non habent quod posthac videre, aut appetere possint.

Cum audisset Pilatus, quod Christus ad potestatem Herodis pertineret, remisit eum ad Herodem, ut vel sic iudicium causæ Christi à sese remoueret. Viso Christo plurimum gauisus fuit Herodes, per diu enim illum videre cupierat, propter stupenda miracula, quæ ab illo facta certis, & crebris nuntijs cum accepisset, sperabat signum aliquod videre ab eo fieri; Lucæ 23. 8.

Simon de Cassia insinuat Herodem imprudentiæ, quam plurimum patefecerit, cum signum à Domino petijt. Gaudium certè illius inordinatum fuit, & stulta lætitia. Sed quid insipientiæ habet, quod Herodes à Christo signum aliquod expectauit, aut fieri miraculum videre oprauit?

Responder ille lib. 13. in Euangelia: *Signatum ante se habebat Herodes, ad quod multa signa in vetero testamento fuerunt ante monstrata, in quod si fidei luce aspexisset, vero gaudio fuisset omnino persusus, nec signum videre à Christo tentasset, dumtaxat signata contentus*. Nam cui Deus præsto est, quid illi necessum est plura querere miracula, in quo bona omnia sunt inclusa?

C A P V T IV.

Artificiosa Rhetorices industria est, dissimulare quid res quæpiam sit, ut sit tacita exaggeratione magis amplificetur.

Postquam plurima Dominus Abraham & benedixit, amanterque locutus, & magnificè pollicitus fuerat, demùm promissiones suas talibus verbis obsignat: *Ero merces tua magnanimis*; Gen. 15. 1. Notant hic Interpretes, quod Dominus nullâ comparatione declarauit remunerationem, quam Abraham promittebat, qui tamen facile inuenire potuisset, quo explicatum daret præmiû, quod illi constitutum habebat. Sed monet simul de industria prætermissam à Domino mercedis comparisonem, ut hinc maiorem

maiores illi conflaret admirationem, & amplitudinem. Habet enim ingeniosus quidam Rhetorices canon, ut res quædam nec conferantur cum alijs, nec prorsum explicentur, ut hac ratione maior illis existimatio adferatur. Sanctus Isidorus Pelusiota ait, non esse præstantiorem modum amplificandi aliquid, quam si nos verbis destitui affirmemus, quibus id eloquamur. Si enim dicendo nos illud assequi posse arbitremur, iam de magnitudine illius, existimatione deprimimus: *Si enim dici posset, magnam non esset.* Magnitudinis ergo existimationem hoc illi conciliare potest, si tanquam dici, & verbis explicari possit, tacitum præteratur.

Propheta Daniel cum in expositione cuiusdam mystici somnij esset, aiebat, vidisse quatuor bestias ascendentes e mari diversas inter se, ex quibus prima fuerit quasi leæna, & habuerat alas aquilæ, secunda similis vrsu iussu comedere carnes plurimas, tertia quasi pardus avis instar alata, quarta denique *terribilis, atq; mirabilis, & fortis nimis*, Daniel 7. 7. In his quatuor bestijs præfigurata fuerunt quatuor orbis præcipua, Babiloniorum in leæna, Persarum in vrsu, Macedonum sub Alexandro Magno in pardo, Romanorum in quarta, quod regnum cæteris diuturnius fuit, & sanguinem humanum, maiore copia fudit. Hæc omnia notoria sunt, & indubitata: Sed hoc notatione indiget, quod cum S. Daniel repperit bestias feroces, quibus adumbraret strages, & damna, quæ cæteræ monarchiæ edituræ essent, & post hæc ediderunt, quantum regnum Romanorum sine comparatione reliquit, quod tamen rebus humanis exitium incomparabiliter maius attulit, quam alia priora imperia. Quid est, quod Babilonios cum leæna, cum vrsu Persas, Macedonas cum pardo contulit sacer vates, & aptam Romanis comparationem non inuenit, aut si inuenit, non expressit, cum tamen hæc, ut quæ reliquis truculentior, sanguinolentiorq; fuerit, eam multo amplius requisivisse videatur?

Nova hæc res iam olim etiam sancto Hieronymo accidit, qui in suis commentarijs in Daniele sic habet: *Satis miror, quod cum supra leonem, & vrsu, & pardum in tribus regnis posuerit, Romanum nulli bestia comparavit.* Sed cum Prophetæ deesse comparationes non possent, quare non expressit rem, cui Romanorum conferret imperium?

Respondet Doctor maximus: *Ut formidolosam faceret bestiam, vocabulum tacuit, & quidquid ferocius cogitauerimus in bestijs, hoc Romanos intelligamus.* Quod cæteris regnis certam apposuit com-

parationem, Romanis nullam; hoc fecit, ut Romanorum insatiabilem nocendi cupiditatem magis amplificaret, quam cum nullius feræ atrocitate declarare potuit, omnibus feris ferociores fuisse indicavit. *Ut formidolosam faceret bestiam*, quæcum Romanos comparavit, *vocabulum tacuit*, ut quisq; pro suo arbitratu, quam posset crudelissimam sibi imaginaretur bestiam, in eaque Romanorum agrestem immanitatem, ac diritatem, inspiceret. Sic res, quas non comparamus, altius extollimus, & amplius exaggeramus, cum dicimus, quod edicere eas non possumus.

Quando Aeneas ad inferos (ut Poëtæ fingunt) Sibyllâ comitatus descendit, varia illi tormentorum genera, quibus malefici, sceleratque homines ibi cruciabantur, ostendit. Prolixum esset, ea hic referre. Ut autem compendium laboris faceret, & vetulæ Phœbi sacerdoti verbis paucissimis innumera Orcum flagitia, rûm supplicia indicaret, sic rem absoluit:

*Non mihi si lingua centum sint, oraq; centum,
Ferreæ vox, omnis scelerum comprehendere formas,
Omnia pœnarum percurrere nomina possem.*
Æneid. lib. 6.

Videtur hic Poëtæ parum rethoricè egisse, ut qui cum pro aliorum eruditione potuisset verbis multis percurrere, & sigillatim enumerare pœnas, quas infelices illi, & æternum miseri remiges in illo inferorum, & sulphuris semper ardentis flagro dependunt, ut qui eas legerent, omni sanctæ vitæ studio fugitarent, deuisse videtur prolixioris narrationis molestiam, & viri boni, qui non sibi solum, sed etiam alijs natus est, officium prætermisit, neq; rhetorices tantum iam præcepta suscipere deq; habuit. Sed cum princeps Poëtarum oscitanti egisse in tanta non potuerit, quid illum permoverit, ut scelerum, pœnarumq; tantam partem præteriret?

Occurrit quæsito huic Tiberius Claudius Donatus in suo commentario dicens, meditandæ factum, quod parior in recensendis inferorum flagitijs, & supplicijs Poëta fuit, & plurima dissimulavit, quia amplius supplicia incerta metuentur. Plus enim fecit timere, & minus peccare metuentem, eoque res redit, ut venatur rectius, cum insinuat ponitur. Non inertia ergo, sed industria fuit, quod non omnes istius æternæ carnificinæ pœnas enumerando recensuit, ut formidabiliora essent incerta, certò tamen constituta, & illi loco viciata supplicia. Dubia, & quæ non declarantur, maiorem semper homini metu-

tum

ram iniiciunt, & quæ inexplicata relinquuntur, maiorem inde accipiunt exultationem.

Cupiebat Propheta regius ad amorem Dei omnes accendere, atq; vt nemo esset, quem non sic inflammaret, vt vehementissimè, & ambiciosissimè cuperet Domino seruire, & gratificari, amabilissimam illius suauitatem & consuetudinem, ita describit, vt languentissimum, torpentissimumq; cuiusuis animus ad illius concupiscentiam excitare posset, inquiens: *Quam magna multitudo dulcedinis tua, Domine, quam abscondisti timentibus te!* psal. 30. 20. At quænam illa, Propheta Sancte, tam magna, & multiplex dulcedo Domini? Et si ille cupit ea magnâ multitudine suæ dulcedinis hos perfundere cupit, à quibus timetur, cur abscondit? *Quam abscondisti.* Cur tectam seruat, & non magis aperit, & exponit?

Doctus quidam modernus Didacus Aluares in c. 36. 11aæ respondet: *Ideo absconditur, vt apertius declaretur.* Magnitudo alicuius rei tunc magis amplificatur, quando in silentij sepulchro absconditur. Et propterea quæ sit illa multa magnitudo dulcedinis Domini taceatur, vt ineffabilitas existimationem infinitatis illi conciliet. Ergo non est exiguum artificium rhetorices, tacefe quid sit res aliqua, vt hinc maior æstimetur. Hanc ob causam noluit Dominus comparatione aliquid explicare magnitudinem præmij, quod Abraham pollicebatur, vt absque comparatione maiorem haberet exultationem.

CAPVT V.

Sanctum aliquem pronuntiare propter primum virtutis actum, nimis prapropere pietas est, & eum, qui semel male egerit, perditum peccatorem existimare, præcepti impietas.

Quam facile in sanctis, vel damnatis alios recenset vulgus hominum, leue in vno, impium in altero! Ob vnum virtutis opus in coelum extollit illius authorem, ob vnum peccatum ad inferos damnat, quem illud perpétrasse videt. Sed qui prudenter vult agere, neq; beatum pronuntiare, neq; damnare quenquam tam citò debet.

Nota est rabida sollicitudo perfidiosi discipuli Iudæ in qua erat, cum Magistri sui prodicionem machinabatur, & occasione adornabat, quâ illum in manus hostium suorum traderet, quos cum ob finem in hortum Gethsemani ducebat, de quo Sanctus Ioannes c. 18. 2. *Sciebat autem & Iudas, qui*

Tom. III.

tradebat eum, locum, in quo reperturus esset Christum. Vnde verò compertum habebat, quod in illo Gethsemani orto inuenturus esset Dominum? *Quia frequenter Iesus conuenerat illuc cum Discipulis suis;* inquit Euangelista ibidem. Bonum argumentum habuit, quo illi persuasum fuit, quod ibi reperturus esset Christum. Si semel tantum ibi vidisset, ac propterea inuenturum putasset, non bona fuisset coniectura. Sic nimia præcipitantia est, arbitrari quempiam frequentare Sacramenta, & templa solitum, ob id tantum, quod semel in templo sacro communicantem, & orantem videris.

Hugo Cardinalis in c. 18. Ioannis ait: *Scit diabolus, quod boni properant ad paradisum. Sed unde scit? Ex hoc, quod boni frequenter visitant calum, scit quod caelestes sunt.* At cum vnum aliquod bonum opus à quopiam fieri videt, pronuntiatne ob id sanctum, qui hoc facit? Nequaquam. Quem crebro adire Sacramenta, continuò versari in operibus poenitentiae, quem iugiter nauare operam exercitijs spiritualibus, pertinaciter insistere beatè coepris, perseveranter inhaerere bonis propositis cernit, hunc in coelum tendere exultimar: *Ex hoc, quod boni frequenter visitant calum, scit quod caelestes sunt.* Qui autem semel in hucum parietis inuolare videt, non illicò putat habere ibi suum nidum, si sapiat: Verum si crebro ibi diuertere, frequenterq; per diem ad illum locum recurrere, eundi redeundiq; eò nullum finem facere videas, mox dicis: Auis illa habet ibi suum nidum, perennis illius ad eum locum recursus hoc loquitur. Tantundem facit diabolus. Si quem semel vacantem orationi videat, non propterea statim dicit: Conuersatio illius hominis in coelo est. At si sæpè coelo supplices tendere manus, sæpè ardentia sursum iacere suspiria, Deum semper, nec aliud illum loqui audiat, tum ait: Hic suum in coelo nidum habet. Quia vt Hugo dicebat, *ex hoc, quod boni frequenter visitant calum, scit quod caelestes sunt.* Est ille multificus, cumq; nouerit quanto cum strepitu inchoare pia exercitia, & quam leuiter ea intermittere soleamus, non vult nos æstimare bonos, donec videat perseverantes. Magna quippè leuitas videtur, perfectum statim quenquam pronuntiare, qui ne rudis quidem tyronis nomen meretur.

Postquam Christus prædicauit sublimissimum altaris Sacramentum, quod est dulcissimum nectar, & suauissima animarum ambrosia, offendit plurimos illius sermo, vt S. Ioannes narrat. Vidit hoc Dominus, & cum stomacho interrogauit Discipulos suos,

suos, nūc ipsi vellēt abire, quemadmodum alij scandalizati discesserant. Cui cum humiliter respondisset Petrus, subiecit Dominus: *Nonne ego vos duodecim elegi, & unus ex vobis diabolus est?* Ioan. 6. 71.

Cardinalis Caietanus expendit modum loquendi, quo Christus Iudam in diabolum degenerasse affirmat, idque in illius verbis specialiter observauit, quod non dicit erat, aut fuit, sed est diabolus, & intelligamus crimen præsens non in vno actu, sed in vsu. Calumnias enim, seu delator (hoc est diabolus) non potest propriè dici, qui semel tantum calumniatur, aut desert, sed qui in vsu ducit calumniari, seu deferre. Nota ob vnam criminationem, sed propter diuturnam calumniandi consuetudinem perditus peccator, & ex homine diabolus dictus est Iudas. Contrā omnem enim benè iudicandi rationem est, pessimum æstimare illum, qui semel tantum malè egerit. Si virum, mulieremq; semel familiariter colloquentes videas, indene confirmatam esse inter eos amicitiam conijcies? Minimè. Si etiam crebrius conuersentur, ne hoc quidem satis debet esse, vt turpi consuetudine coaluisse iudices.

In illa apud Sanctum Paulum Apostolum enumeratione illustrium, & magnanimatorum veteris testamenti virorum, quorum inuicta dextra reliquit multa dicenda famæ, scribenda calamo, imitanda robustis, habemus etiam ista: *Fortes facti sunt in bello, castra verterunt exterorum;* Heb. 11. 34.

Primasius Vticensis in expositione horum verborum ait: *Castra verterunt exterorum, id est, in fugam frequenter coegerunt.* Vt Apostolus insuperabilem illorum in bello animum delaudaret, ait: hostiles exercitus fuisse, statimq; aduertit Primasius, hoc ita accipiendum, quod non semel, & iterum, sed crebro hoc fecerint: *In fugam frequenter coegerunt.* Nam robustum præliatorem, strenuum ducem, validum, & præpotentem militem vocare eum, qui vnam solum obtinuerit victoriam, est præproperè plausus excitare, & prudentem proclamare eum, qui semel rectè aliquid egerit, nimis acceleratum iudicium est. Sæpè hic rectè agat, frequenter ille triumphet, & si alter prudentis titulum, appellationem fortis alter merebitur. Præcipitat sententiam, qui ex vna actione aliquem celebrem pronuntiat.

Iussus à Patre Ioseph ibat inuisum suos fratres, & visum quomodo haberent, quid uergerent. Conspexerunt illum procul inde fratres, & mutuo coniurati aiebant: *Ecce somniator venit, venite occidamus eum;* Gen. 37. 19. 20.

Angelicus Doctor inuenit in his verbis inuidiam, & cæcam passionem illorum fratrum, qui dicebant, *Ecce somniator venit.* Cur enim somniatorem illum nominabant, quem bis tantum somniasse, & semel quidem venerabundos manipulos, secundò verò Solem, Lunam, Stellas per quietem vidisse scriptura memorat? *Cum somniator sonet frequentiam, quasi habitum, quomodo ex solis duobus somnijs vocant, ipsum somniatorem?*

Respondet S. Thomas, quod mens inuidia etiam pauca exaggerat quasi multa, & continua. Somniatoris nomen in illum solum aptè cadit, qui diu, ac multum assueuerit somniare. Quòd ergo eodem nomine illi donarunt fratrem suum Iosephem, qui bis tantum somniauerat, inuidiam suam prodiderunt, qui si tunc compotes rationis suæ fuissent, somniatorem propter duo somnia, non appellassent. Annè in malis concionatoribus numerandus, qui bis minùs feliciter concionatus fuit? Nequaquam. Ex primis actibus neq; optimus, neq; pessimus quisquam æstimari debet.

Contrā Innocentiam concilium inierunt ministri malitiæ, cumq; ventilarent incommoda, quæ commodis ipsorum vita illius adferrent, exprobrauit illis suam insecitiam Caiphas, & ait: *Vos nescitis quidquam, nec cogitatis quia expedit vobis, & unus moriatur homo pro populo, & non tota gens pereat;* Ioan. 11. 50. velut dixisset: Faceffite hinc, stulti, & fatui, & parum gnari politices, & materix statuum. Nonne conuenit, vnus interitu omnes reliquos à morte seruari? Hæc vera prophetia fuit. *Hoc autem à semetipso non dixit, sed cum esset Pontifex anni illius, prophetauit, quod IESVS moriturus erat pro gente;* ibid. v. 51.

Cum Euangelista de Caipha aperitè affirmet, quod prophetauit, quæri potest, cur non inferatur numero prophetarum aliorum, vt quemadmodum dicimus, propheta Isaias, propheta Oseas, propheta Daniel, propheta David, propheta Ioel, etiam dicamus, propheta Caiphas?

Satisfacit quæsito Theophilactus, dicens: inter varias causas, ob quas absolute vocari propheta Caiphas non possit, hanc esse, quod semel tantum prophetauit, cæteros verò id nomen promereri, quia & sæpè, & multa sunt vaticinati: *Non autem continuo si quis propheta, propheta dicitur, sicut neq; omnis, qui medicinam parat, medicus, neq; iustus iustum quiddam faciens, inquit ille.* Sic propter vnum opus non statim vel contrā aliquem, vel pro illo pronuntiare debemus.

Rex.

Rex Israel, & rex Iuda Iosaphat foederati voluerunt bello appetere inimicos nominis Dei. Cumque rex Israel conuocasset propè quadringentos Prophetas falsos (tanta est, tamque obuia malorum abundantia!) interrogauit regem Israël, annon Domini propheta quispiam esset, per quem diuinum oraculum de belli euentu exquiri posset. Respondit ille, reliquum esse vnum Michæam, sed hominem tetricum, qui nihil gratum, opatumque vnquam, sed omnia odiosa vaticinetur, *Ego odi eum, inquit, quia non prophetat mihi bonum, sed malum.* 3. Reg. 22. 8. In his verbis illud, *Prophetat*, ex notatione cuiusdam doctissimi moderni, *idem est, ac prophettare solet.* Plurimæ vices fuerint, quibus Michæas regi Israël insperata prophetauit. At si rex fortè non tenuit numeros, ego cum ad calculos vices illas reuocaui, plus vnâ vaticinatum inopinata non inueni. Legat historiam, qui per otium potest, & reperiet, semel tantum prophetaffe Michæam. At si semel tantum, quæ non placebant, regi prædixit, cur dixit Rex, *Non prophetat mihi bonum, sed malum, quod idem est, ac prophettare solet?* Itane vna actio axillimationem cuiquam consilare potest, qualem miltæ? Non est hoc consentaneum rationi. Dicemusne rectè imperitum belli ducem, qui vnâ semel perdidit victoriam? Aut rerum suarum decoctorem, qui semel ludo indulsit? Aut intolerabilem, qui semel proteruiter vociferatus fuit? Aut leuiculam mulierem, quæ semel plusculum deblaterarit? Aut blasphemum, qui semel iurauerit? Aut libidinofum, qui semel liberioribus oculis foeminam aspexerit? Aut alterum Sanctum Onuphrium, qui semel corpus suum flagris verberarit? Aut anachoretam, qui per vnum diem domi se continuerit? Aut Sanctum, qui semel mensam Domini Sacrosancam adiecit? Aut Carthusianum, qui vnâ horam tacens eiegit? Nec tam leuiter hi probari, nec damnari alij tam facile debent, vt enim est deuotio, quæ citò interit, ita sunt passionēs, quæ subito intercidunt.

Vtriusque rei documentum habemus præsens. Promittebat Deus nostro Patriarchæ nobilem posteritatem, quod cum narrasset Moyses, statim adiecit: *Credidit Abraham, & reputatum est illi ad iustitiam;* Gen. 15. 6.

S. Ioannes Chrysostomus, Lyranus, Abulensis, Oleaster, Istella, & alij plures plurimum admirantur, quod sacer historicus nunc affirmat de Abrahamo, fidem habuisse Deo, *Credidit Abraham Deo.* Nonne Deus Abraham sæpè hoc ipsum promiserat, &

Abraham diuinæ pollicitationi crediderat? Res certa est, & indubitata. Quid ergo nunc tam peculiarem facit fidei illius mentionem sacer textus, diuinumque nostrum Patriarcham inelyto credentis titulo condecorare incipit? hoc facit, vt nos docerent ob prima opera bona admirari, & extollere quenquam, cum Patriarcham nostrum non statim à fide commendare Moyses voluit, postquam semel, & iterum credidit, quàm & tunc eam laudem benè promeritus fuerit. Quando integritatem alicuius longo experimento varijs occasionibus perspeximus, tunc de illo magnificè & sentire, & loqui possumus.

Promittebat Dominus Abraham, posterisque eius terram, in qua stabat, inquit: Non poteris eius possessionem statim inire, quia *nequid sunt iniquitates Amorrhæorum usque ad præsens tempus;* Gen. 15. 16. Occupabant regionem illam Amorrhæi, & nationes aliæ, sed flagitia eorum nondum tanta erant, vt meriti essent exturbari hereditate sua, & Hebræi eam inuadere possent. Pius Dominus non statim ethnicos illos homines, fortunæque illorum euertit, sed expectauit, donec merita illorum mala hoc postularent, docere nos volens eo exemplo, vt non præcipitanter contra proximos nostros pronuntiemus, neque in perditè secularis eos facile, ac leuiter numeremus, quos etiam leniter, ac mansuete iudicare debemus, cum multa perpetrasse scimus.

Parte 2. Politicæ l. 2. c. 3. *idem argumentum tractat.*

CAPVT VI.

Cum Princeps debet & amoris esse, & timori, etiam debet facere, ob quæ & ametur, & timeatur.

VT felix sit Reipublicæ gubernatio, debet illa, ex communi Politicæ peritorum sententia, vt stabilis consistat, niti his duobus polis, nempe pietate, & iustitiâ, clementiâ, & rigore, timore, & amore. Proinde vigilans Princeps non tantum debet facere, ob quæ ametur, sed etiam ob quæ timeatur. Austeritas enim sæpè multum facit ad felicem euentum eorum, quæ Principes fieri cupiunt.

Traiecerunt mare Discipuli Domini, oblique sunt panes ad victum necessarios secum ferre. Ab euntibus dicebat Christus: *Inimici, & caueat fermento Pharisæorum, & Sadducæorum;* Matth. 16. 6. Cum hæc illi audirent, cogitare aliud cœperunt,

perunt, ac dicere, *Quid panes non accepimus*, ibid. v. 7. ac si apertius dixissent: Quonam iure ille Magistri nostri de canendo illorum hominum fermento hortatus, nisi ut obliuionem nostram increparet, qui annonam accipere recordari non sumus? Tunc ille indignatus ait: *Quid cogitatis intra hos modica fidei, quid panes non habetis?* ibid. v. 8. tanquam pluribus dixisset: O perpusillæ & fidei, & memoriæ homines! Eistis, panes nullos habeatis, non recordamini miraculi quinq; illorum panum, quibus hominum quinq; millia cum saturassem, tanta fuit reliquorum fragmentorum copia, ut duodecim cophini vix ea caperent, & cuiq; vestrum vnus plenus cophinus obueneret? Tam leuiterne etiam illud alterum prodigium excidit septem panum, quibus quatuor millium hominum famem leuauit, & reliquiarum, quæ superfuerunt? Ut video, non intelligitis, quod de pane materiali locutus non fui, quando à fermento Phariseorum, & Sadduceorum cauere iussi.

Videamus quidnam ista seuerior, & stomachosa obiurgatio profuerit, & quo fructu Dominus Discipulos suos verbis durioribus perstrinxerit. Sanctus Matthæus ait: *Tunc intellexerunt, quia non dixerat cauendum à fermento panum, sed à doctrina Phariseorum, & Sadduceorum*, ibid. v. 12.

Euthymius in commentario illorum verborum inquit: *Vidisti pramissam increpationem? Vide etiam fructum eius. Excitauit enim mentem illorum, qui dormiebat, & intellexerunt.* Actum hic ex more eorum, qui stertentes expergefaceret magnis vocibus solent. Intellectus Discipulorum quodam velut somno sopitus iacebat, cui Dominus asperioris obiurgationis voces dedit, ut euigilaret, qui & acrioris reprehensione experrectus, & sibi redditus, & ænigma fermenti affectus fuit.

Quid hinc accipimus? Illud ex Euthymio, quod non oportet ubiq; mitem esse præceptorem, sed quandoq; asperum fieri. Non semper plus satis blandi, faciles, & indulgentes debent esse Præfides, sed nonnunquam etiam caperatam frontem exhibere, & vultum asseuerare, & verba felle tingere, ut ita sibi timorem, obseruantiamque maiorem concilient: Nam qui merum mel, aut butyrum volunt esse, ij deuorantur à subditis.

Voluit Dominus, ut Elias esset terror regis Achab, & paor totius regni illius. Quo tempore ergo propheta ille populo sui copiam facere, & exhibere se coepit, adiit regem Achab, & sic appellauit: *Vixit Dominus Deus Israël, in cuius conspectu*

sto. seruit annis his res, & pluuia, nisi iuxta oris mei verba; 3. Reg. 17. 1.

Quid est, quod Elias cum se primum oculis vulgi permittit, tam asperum, terribunq; se exhibet, & non tam verba, quam flammæ, aut fulmina ore promittit?

S. Gregorius Nissenus in Orat. de laudibus Magni Basilij ait: *Cum Elias populo exhibitus esset, primum flagello famis Israël ad sanitatem reducit, & deus sententiâ quadam eiusmodi plagâ, atq; panâ insolentiam populi, ac petulantiam incessans.* Elias ergo cum primum in conspectum hominum se dedit, ante omnia populum comminatione famis perculit, perqueterrefecit, ut effusam eius licentiam quodam velut lupato esuriei compesceret, & cicuraret. Homines enim peruicaces durioris flagello coercendi sunt, & in officio continendi. Et ad conciliandum Superiori metum, ac reuerentiam multum sæpe iuuat asperitas, & supercilium, & stomachus.

Exijt quondam Dominus Bechanîa famelicus, cumq; vidisset à longè ficulneam, adiit eam, ut inde acciperet, quod esuriei subueniret, sed præter folia nihil in ea reperiens, ait: *Iam non amplius in æternum ex te fructum quisquam manducet*; Marci 1. 14. Simul hæc dixit, & arefacta est continuo ficulnea; Matth. 21. 19.

Quærunr Expositores, quid mouere Christum potuerit, ut tam acri maledicto ficulneam perstringeret, & miraculo arefaceret.

Vnus è plurimis responder Theophilactus in c. 11. Marci. *Quoniam sæpe Christus miracula fecit, beneficiendo hominibus, non viderant autem Discipuli potentiam eius, si quem vellet affligere, eius gratiâ hic vult ostendere Discipulis, quod & affligere, & se crucifixuros in dno momento perdere potuisset, si voluisset, idcirco in arbore insensata ostendit virtutem suam.* Viderant Discipuli à Christo sanatos ægros, redanimatos mortuos, pastos famelicos, & his similia edita miracula, quæ clementiam illius, benignitatemq; demonstrabant. Conueniebat autem ut & alia viderent illius prodigia, quibus terribilitatem suam, seueritatemq; proderet, ut intelligerent, posse etiam adimere vitam, & momento si vellet, extinguere omnes, quotquot illi manus violentas, necemq; allaturi essent. Idcirco potentie suæ ostentationem in ficulnea fecit. Necessarium enim quandoq; est, ut austeriorem Principem subditi videant, ut timeant, expediteque mandatis eius obtemperarent.

Et si vultis scire, quanti referat, nonnunquam regidiusculè

gid' uſculè agere, & aſperius appellare ſubditos, nota-
te quæ dicam. Proximus mortui autor vitæ cū ſpi-
ritum ſuum æterno ſuo Patri tradere vellet, ani-
mam ſimul, & magnam vocem edidit, de quo ſan-
ctus Matthæus. c. 27. v. 50. ſic habet: *Ieſus autem
iterum clamans voce magnâ emiſit ſpiritum.* Quid
autem magnam illam vociferationem eſt confecu-
tum? *Et ecce velum templi ſciſſum eſt in duas partes
à ſummo & ſq; deorſum, & terra mota eſt, & petra ſciſ-
ſa ſunt, & monumenta aperta ſunt, & multa corpora
ſanctorum qui dormierant, ſurrexerunt; ibid.*

51. 52.

Nonne videris, quanti interſit Superioris, dare
voces, & horribilibus perſonare, ac detonare cla-
moribus! inquit Origènes: *Magna facta ſunt ex eo,
quod magnâ voce clamauerit Ieſus;* inquit ille apud
Sanctum Thomam in cat. aur. in c. 27. Matth. Sub
expirantem vitam elatiore voce ſucclamauit Domi-
nus, & velum ſciſſum eſt, & ſaxa diſſilierunt, &
terra contremuit, & ſepulchra hiare, & prodire tu-
mulis viui, qui mortui fuerant cœperunt. Quando
ſubditus velut mortuus eſt, quando durus vt ſaxum,
immobilis vt terra ad officia ſui regis, faciat rex quod
Chriſtus rex regum, det magnam vocem, oſtendat
animum, & blem, & adducat ſupercilium, & con-
tractâ fronte ſeueritadinem indicet, & videbit ma-
gna fieri, mortuos ſcilicet animari, terras moueri,
& volare ſaxa: *Magna facta ſunt ex eo, quod magnâ
voce clamauit Ieſus.*

Ariſtoteles in Problemâtib; ſect. 11. n. 94. quæ-
rit, *quomobrem lux, qua tenuior, ac ſeſciolor, &
deductior eſt, corpora penetrare denſa non poteſt, ſtre-
pitus autem poteſt.*

Reſpondet Philoſophorum princeps, cauſam
eam eſſe, quod lux (vt diximus iam ſuperius lib.
2. c. 4.) in directum tendit, neq; torquet viam, ſtre-
pitus autem ſectere iter, atq; ita ubique ſentiri po-
teſt. Tantundem ſcitari poſſemus, ac quærere,
vnde fiat, quod multi Principes, quia pro condi-
tione, & aſſimilatione lucis ſunt blandi, ſuaues,
& nimis faciles erga ſuos ſubditos, tam parum boni
apud eos efficiant, cū e contra alij, qui perſtre-
punt minacijs, & terrent verbis aſperioribus, plu-
rimum promoueant? Hoc ſit, quid homines magis
ducant timore, quàm amore, faciliuſq; ad ani-
mos eorum penetrat ſtrepitus indignationis, quàm
lux ſuauiſ dilectionis. Plurimum ergo vult eſt
Principi, nonnunquàm irasce, & ſeuerius aliquid
ſtaueri in ſubditos.

Quâ gratiâ nobis iram iuſtam, & ſanctam natura

inoleuit, & inferuit, ſi eam exerere nunquàm licet?
inquit S. Ioannes Chryſoſt. homil. 3. de laud. Pauli
Tom. 3. vbi habet iſta: *Quod ſi omnino huiſmodi gra-
tia non oportet affectu, etiam cū tempus expeſcit, fru-
ſtra nobis videtur ingenuus. Sed profecto non fruſtra,
quem certe prouidus nobis creator inferuit, & dormi-
entes animas, atq; reſolutas ab inertia, ac deſidia ſu-
ſcitaret.*

Addit autem ſtatim aliquid S. Doctor percom-
modum rei præſenti, inquiens: *Quaſi gladio aciem,
ita mente noſtra ira acumen impoſuit. Et eo, cū oportet,
& amur.* Quàm vtilis Principibus, & omnibus
Superioribus doctrina! Quàm bonum Confellarijs
monitum! Vt cū ad pedes eorum accidit pecca-
tor obſcenus & contumax, durus, & reluctabun-
dus, validum pectus, & intrepidum, zeloq; accen-
ſum animum illi oſtendat, quiſquis enim ad pedes
Coſellariorum in genua ſe ſubmittit, quantumuis
alioquin ſublimis ſic, illis inferior eſt, vt proinde
contra illum audacter nudare ferrum, & pro-
ſtringere gladium, animoſiſque agere debeant,
ut hoc peruicaciæ, & obſtinatioris magnitudo
requirer.

Quando Chriſtus venit, vt filium viduæ à mor-
tuis ſuſcitaret, aiebat ad illum: *Adoleſcens tibi diſco
ſurge;* Lucæ 7. 14. At quando redanimare Laza-
rum voluit, *voce magnâ clamauit, Lazare ſeniſor;*
Ioan. 11. 43. Cū ad vitam reuocat adoleſcentem,
nullas dediſſe voces legitur: Verùm cū Lazarum
à ſomno excitat, alium ſucclamauit ſeſcitetur. Quomo-
brem iſtud? Adoleſcens recens è viujs exceſſerat,
Ecce enim *defunctus efferebatur;* Lucæ 7. 12. non-
dum poſſeſſionem tumuli acceperat, & ſic illius re-
ſuſcitationem, vt ad modum noſtrum ea de re lo-
quar, parum requirebatur. At Lazarus tam diu
iam in ſepulchro iacuerat, vt putorem exhalarat in-
tolleabilem, & ſoror quædam illius diceret. *Domine
ſam ſciſcitetur, quatrivduanus eſt enim;* Ioan. 11. 39.
atq; ideo illius redanimatio maiores ſpiritus, & acri-
ores, vehementioreſq; voces expoſcere videbatur.
Et quàmuis Dominus eadem facilitate vtrumque
viuificare potuit, alterum tamen leni appellatione,
alterum acti vociferatione excitare voluit, vt doce-
ret Confellarios, non eodem modo erga peccatores
in his duobus defunctis præfiguratos habere ſe de-
beant, ſed aliter agere cū recens lapſo, ſaliter cū
diuicilè defuncto. Paulò ante mortui poenitentis
conuerſio non habet opus magnis vocibus, ſiue du-
ris increpationibus: Verùm quando occurrit La-
zarum malè olens inueteratus in peccatis, flagicio-
rum

rum coeno immerfus, lapide contumacia in fepulchro improbitatis fuæ tectus, tunc animofitate opus eft, tunc stringendus mucro, tunc acuenda pia indignatio, tunc vox extollenda, vt fqualidus ille, ac horridus Lazarus educatur è tumulo: *Quafi enim gladio aciem, ſtamenti noſtra ira acumen impoſuit, Et eo, cum oportet, ſtamur.* Hunc in finem natura facultatem irafcibilem homini indidit, vt eam pro neceſſitate exerat. Sic & omnis Superior ſubinde ſtomachari & poteſt, & debet, cum res poſtulat, vt ſpiritus illius, & animofitas innoteſcant, intelligantq; ſubditi, inefſe illi ſuam bilem, quam ſeruet occaſioni, quæcunq; illam exquirat. Hæc vna è multis cauſa eſt, quare Dominus tempore ſacrificij, quod illius iuſſu offerrebat, poſt occaſum ſolis Patriarcham noſtrum caligine tenebroſâ, & oſtenſione tunc clibani fumantis, tum lampadis ardentis exterrere voluerit, atq; ita exterruit, vt ſopor irrueret ſuper eum, & horror magnus, & tenebroſus inuaderet eum, volens nimirum ſignificare, ſe vt pium, ac blandum, ſic & iuſtum eſſe, atq; terribilem. Viq; ad illud tempus ſolâ pietate, ſuauiſſime, manuſuetudine, liberalitate erga illum uſus fuerat, iamq; poſteritatis numeroſiſſimæ & glorioſiſſimæ ſpem illi fecerat, iam ſe illius protectorem, & remuneratorem ampliſſimum fore promiſerat, iam ingentium benedictionum cumulos illi pollicitus fuerat: Vt ergo Abraham cognoſceret, Deum habere, quo terreat, ſuccendat, adurat, vel vt habet, quo exhilaret foueat, refrigeret, conſoletur, blandumq; & rigidum, lenem, & aſterum, benignum & aſperum eſſe, quemadmodum pro ſuauiſſime amatur, ita pro aſperitudine timeatur. Eodem exemplo Principes, & omnes vniuerſim ſuperiores docere voluit, vt ex omnibus aliquid habeant, non nihil iuſtitia, non nihil pietatis, non nihil dulcedinis, & mellis, non nihil acoris & fellis, vt velut amantur, ſic & metuantur, conuenit enim, vt non diligantur ſolum, verum etiam timeantur.

Non procul ab his ſadit c. 7. libri 1. part. 2. Poliſtici calorum. Propius tamen ad hac accedit Periocha 4. Dominica XIX. poſt Pentecoſten. Tom. 2. pag. 268. a. o. Et qua ad finem illius ſubnotata.

CAPVT VII.

Probroſiſſima homini victoria eſt, quam de illo demon reportat, vt qui ſe hoſtis tam imbecillis manibus proſterni ſinat.

Oſtulit Patriarcha noſter ſacrificium, quod Deus illi imperauerat, hoc eſt, vaccam, capram,

arietem triennes, turturem & columbam, cum quæ animalia illa diuiſiſſet per medium, *deſcenderunt Volucres ſuper cadauera*, Gen. 15. 11. Quales fuerint illæ aues non exponit ſacer textus, adeo nec facile eſt definire aut affirmare. Multi aiunt fuiſſe muſcas, & hoc Ludouico Iſtella viſum probabile. In ſenſu allegorico, vt volunt Hugo Cardinalis, Nicolaus Lyranus, Guiljelmus Papinius, Ioannes Ferrus, & alij, *Volucres deſcendentes ſunt demones*, quod Hugo illis verbis adſtruit. Muſcæ ergo ſunt hoſtes, quos habemus. Muſcarum autem ſimiles ſunt demones non tantum tentandi importunitate, & pertinaciâ, ſed etiam debilitate, & infirmitate: Quia vt muſca quolibet leui manus, vel rei alterius motu abigitur; ita & demon ſolo crucis vno digito expreſſo ſigno fugatur. Ingens ergo probrum, & turpis ignominia, ſuperari à muſca. Oſtendamus imbecillitatem huius inimici, ſi enim ſuperuacaneum erit dicere, quantum dedecus ſit, tali hoſti cedere, & ſuccumbere.

Familia eſt ſacræ ſcripturæ, draconis nomine donare capitalem inimicum noſtrum, & noſtræ felicitatis communem, infeſſiſſimumq; hoſtem. Sic illum appellat Propheta regius multis in locis. Sic vocant Propheta alij. Sic & S. Ioannes in ſua Apoc. c. 12. v. 3. ubi ab illo nominatur *draco magnus rufus*. Loquitur autem ad literam de diabolo, vt ſentiunt Aretas, Rupertus, Hugo Cardinalis, Lyranus, Cœlius Pannonius, & alij: *Ecce draco magnus rufus*, exclamat Beatiffimus Euangelifta, velut dixiſſet: Videte hic mortales veſtrum malignum inimicum, draconem, inquam, magnum & rufum, vt de infami colore perfidioſû, infidioſû, veterato riû, & proditorium eius ingenium agnoſcat. Draconem magnum vocat. Si draco magnus eſt, ergo non magnum, nec probroſum, quod homo illi ſuccumbat, & magis pertimeſcendus propter vaſtam, & formidabilem ſui corporis molem, quam contemnendus propter exiguitatem, & imbecillitatem. Ergo mutandus videtur capituli titulus, neque ignauia arguendus homo, qui draconi cedat, verum potius admonendus, vt illum timeat, & fugiat, cuius ne nomen quidem ſine horrore auditur. Verum ſi apud naturalis hiftoriæ ſcriptores indagare volumus, quæ ſit fortitudo draconis, quidue de illius robore ij ſentiant, inuenimus iurè, ac merito à nobis dictum, quod hic fatalis animarum inimicus technis valet, non viribus, & ſpecie terrere poteſt exteriori, per vim autem deijcere neminem poteſt.

Petrus Gilius in ſuis Acceſſionibus ad Eliani lib.

lib. 9. c. 17. de dracone hæc ait: *Ad infligendū vulnus, & si valde irascitur, parū efficax existit, neq; eius plaga doloris sensum habet, sed exigua est, & similis ei, quam facit mus.* Tamen hæc bestia, cum efferatur, flammam per oculos emittit, quibus vehementer perterrefacere possit, attamen cum nocere vult, & sauciare, tam languide, & imbecilliter ferit, ut non plus offensionis inferat, quam ridiculus musculus aliquis soleat: *Plaga eius exigua est, & similis ei, quam facit mus.* Qui tam leuiter ferit, qui tam debilititer vulnerat, ut plagam absq; vllō sensu doloris inferat, ille certe talis hostis est, ut parū curari, ac timeri debeat. Quod ergo illius manibus deijcitur, id nostra imbecillitate magis sit, quam illius fortitudine.

Scio dicetis mihi: Et ubi est illud Sancti Petri tam tritum, ac decantatum: *Sobrijs esto, & vigilante, quia aduersarius vester diabolus tanquam leo rugiens circumit, quarens quem deuoret?* 1. Pet. 5. 8. Si diabolus est leo, qui præ ferocia terribiliter rugit, quis illum non formidet? Quis? Ille, qui in Apostoli verbis diligenter notat, quod tanquam leo rugiens circumit. Ego hinc illud colligo, quod tamen technas illius, & præstigtias subuerteri possimus, vngues tamen illius, viresq; formidare non debeamus, nam aliud est minaci voce terrere, aliud opere nocere, aliud vim, periculumq; denuntiare, aliud inferre, aliud simulatio nocendi, aliud vera incommodandi potestas, non enim omnes ferē, quæ rugitu terriant, vnguibus etiam laniant, nec omnes venti aquas ferant.

Magnus Baptista de seipso aiebat: *Ego vox clamantis in deserto;* Ioan. 1. 23. Nihilominus apud Matth. c. 3. v. 11. dicebat: *Qui post me venturus est, fortior me est,* quasi dixisset, Christus, qui me tempore secuturus est, virum robore præcedet. Sed quomodo hæc cohærent cum illo Isaïæ, quod de venturo in carne humana Redemptore dicebat c. 42. v. 2. *Non audietur vox eius foris,* tam silenter scilicet loquetur, tamq; tenues, & exiles voces dabit, ut & qui propius absunt, vix haurire auribus poterunt. Si Ioannes vox est, quæ tota vastissima eremi spatia implet, terribiliterq; insonat, & perstrepat, quid est, quod se inferiorem, imbecillioremq; illo dicit, qui ex Isaïæ vaticinio, tantā fuit vocis exilitate, ut pene omnem auditum fugeret? *Qui post me venturus est, fortior me est.* Respondet S. Petrus Chrysologus ser. 137. ex persona Præcursoris: *Quia in me terror est, in illo sententia.* Non in vocibus, sed in manibus, non in clamoribus, sed in lacertis & ani-

mo, robur positum est. Iam Ioannes vox erat, Christus, quanquam exilem vocem, multiplicem tamen manum habet, ac propterea ille huius fortitudini cedebat, imparemque se fatebatur, qui solis clamoribus terrere poterat, cum Christus reapse potenter id faceret. Itaque robur non in vociferatione, sed in operibus, & executione consistit.

Nam ut Sanctus Cyrillus Alexandrinus lib. 1. apologorum, c. 16. ait, *expertus miles tubam bellicam non pauescit, sed gladium, & eruditus Philosophus nubes tonitruum non veretur, sed fulgur. Quid enim est clamor, nisi pectoris euacuati, & oris sonus effusus? Nempe vacua magis sonant, ventosaq; concrepant. Quapropter, charissime, qui clamoribus strit, a sapiente minime timetur.*

Si ergo capitalis hostis noster non nisi rugitu, & vocibus perstrepat, tanquam leo rugiens, quis illum formidet, aut terreat? *Qui clamoribus stritur, a sapiente minime timetur.* Prudentem, & cordatum non voces terrent, sed vires, non sonus clamorum, sed virtus manuum. Inertissimus ergo, & stolidus, nimisq; ignauus est, quem soli rugitus leonis infernalis expauesciunt.

Cum in regionem Gerasenorum veniret Christus, vixque e nauis descenderat, quando illi occurrat ærumnissimus homo à pessimo dæmone, eoque præferoci, ut videbatur, occupatus, cui dixit Dominus: *Exi spiritus immunde ab homine;* Marci 5. 8. apagete hinc, & dimitte virum, quem tam miseris modis cruciabilissimè iam dudum vexasti.

Animaduertendum hic nomen, quod Christus dat dæmoni, qui arreptitium illum diu, multumq; afflictarat, inquiens: *Exi spiritus immunde.* Vni soli dæmoni loquitur, quem cum interrogasset quomodo vocaretur, respondit: *Legio mihi nomen est, quia multi sumus;* ibid. v. 9. Sex mille, sexcenti, sexaginta sex dæmones faciliè erant vnus hominis hospites, tali enim numero constabat legio militiæ Romanæ, ut affirmant Guilielmus Estuechius in Vegetium, Lipsius, & alij. At si copiosum erat examen dæmoniorum in illo homine, quid est, quod Christus, velut vnus tantum ibi fuisset, ait, *Exi immunde spiritus?*

Respondet Euthymius: *Multi dæmonibus imperat, quasi vnus esset, propter ipsorum imbecillitatem.* Quanquam tam multi essent dæmones, sic tamen illos habet, ac si vnus solus esset. Iam angustis enim limitibus est circumscripta eorum potentia, quam plurimi essent, tam imbecilles eorum vires, tamen sex mille, sexcenti, sexaginta sex essent, ut omnes simul vix pro vno illi essent.

Gloria

Gloriabantur instantes Iudæi profapia, & genere illustri Patriarchæ Abraham, & Deo patre, cum quæ malis operibus suis huic gloriationi suæ plurimum derogarent, aiebat illis Christus: *Vos ex patre diabolo estis, & desideria patris vestri vultis facere*; Ioan. 8. v. 44. Dæmonij soboles, non conditione naturæ, sed imitatione malitiæ estis. Procul ergo à filiis Dei, & Abraham abestis, qui etiam omnia pro diaboli votis studiosissime agitis.

Guido Carmelita in expositione illorum verborum Ioannis extrema illa, *Vultis facere*, sic expendit: *Bene dicit, Vultis, quia licet diabolus possit tentando suggerere, non potest tamen homines ad peccandum cogere*. Quod ergo in casses illius incidimus, quod ab illo superamur, sit quia volumus. Qualis ergo ille inimicus, qui me, nisi velim, vincere non possit? Quæ vires aduersarij, qui me inuitum proflernere, ac subigere nequeat? *Licet possit tentando suggerere, non potest tamen homines ad peccandum cogere*.

De illo in rem præsentem aptè dicit Sanctus Gregorius Nazianzenus: *Ad unumquemque nostrum capiosè, ac subdole accedit, ac velut locum sibi ipsi fursum aperiens, ut totus, non scius ac quissiam exercitus, per dissectam muni partem irrumpat*. Conscius suæ pusillanimitatis, & ignauie malus dæmon, cum non ignoret, quàm parùm viribus suis efficere possit, si nos illi repugnemus, conuertitur ad astus, dolos malos, præstigas, stratagemata, quibus ut milites solent, cum irruptionem faciunt ex ea urbis parte, quàm minus benè munitam sciunt. Ex nostra ergo imbecillitate sumit animos diabolus, fœderatusque cum nostra inconstantia, oscitantia, incuria, negligentia nostris armis nos magis oppugnat, quàm viribus suis. Si enim nos validè illi obstitueremus, nunquam suis fraudibus subigeret. Non habet ille vires maiores, quàm nostra inertia illi ministret.

Primo homini austerum præceptum imposuit Dominus, quo cavit sub certa mortis pœna, ne quos ex arbore scientiæ boni, & mali fructus ederet, dicens: *Quocunque enim die comederis ex eo, morte morieris*; Genes. 2. 17. Aduenit non diu posthæc versutus dæmon specie serpentis cectus, Euamque adorsus, voce ad commiserationem conficta sic eam appellat: *Cur præcepit vobis Deus, ut non comedere-
tis de omni ligno paradisi*; ibid. c. 3. v. 1. Vna tantum ex omnibus arbor est scientiæ, cuius esu nobis inordinatum, ne fortè moriamur, ibid. v. 3. Tunc callidus dæmon: *Nequaquam morte moriemini*; ibid. v. 4. quasi pluribus dixisset: Ha ha he, quàm deri-

diculum est, quod mortem vixdum nati timeris! Ig-
cus tantum fuit, & sola comminatio, quod vos mor-
ituros ex esu fructus cuiusquam dictum, nihil enim
minus fiet, quàm vt moriamini.

Hugo de S. Victore lib. 2. Miscellan. tit. 88. ait: *Dominus affirmavit, mulier dubitavit, diabolus ne-
gauit*. Dæmon (vt hinc ignauiam illius arbitremi-
ni, inquit Hugo) venit ad Euam meretriculosus, tre-
pidus, pusillanimus, desperans victoriam, quousque
vidit mulierem hæsitantem de fide verborum domi-
nicorum, tunc enim existimare, & credere cepit,
paulò post negaturam, quæ tam citò dubitare cœ-
pisset, confirmatusque illius fluctuatione audacter
dixit, *Nequaquam moriemini*, quiduis illud come-
datis.

Pergit Hugo: *Si mulier non dubitasset, fortè dia-
bolus non negasset, sed dedit audaciam, qua inchoauit
malitiam*. Simul & ambigere Eua, & præditiu-
agere dæmon cœpit, ac nisi hiatum dubitationis a-
peruisset mulier, nunquam in mendacium prorup-
pisset Lucifer. Denique ille tam est imbecillis viri-
bus, tam ignauo animo, tam infirmis manibus, vt
nullo certamine nos superare posset, nisi arma illi
præberemus, quibus nos conficeret. De nostra de-
bilitate nascitur illius præditiua, cui dedit auda-
ciam, qua inchoauit malitiam. Quod musca nos su-
bigit, hoc nostra ignauia, & inertia, non illius for-
titudine facit.

Plura, & plausibilia habet de hoc argumento Pe-
riocha II. Dominica V. post Epiphaniam To. 2. pag.
447. b. o. Vide qua ad finem ibi adscripta.

CAPVT VIII.

*Non adfert salutem medicina, nisi opportunè ex-
hibita, & accepta, quod nisi fiat, vertitur in vene-
num.*

PRæmittebat Dominus nostro Patriarchæ, illiusque
phæredibus, ac posteris terram, in qua tunc viue-
bat, sed addebat, non posse illum eius terræ statim
adire dominium, eò quod necdum completæ essent
iniquitates Amorrhæorum, ob quas exturbari eos
ante oporteret, velut dixisset: Nondum venit tem-
pus, quo meum factum commodè probare homini-
bus possum, aderit posthæc occasio, quâ pollicitatio-
nem meam factis exequar. Ita opportunè quæque
sunt faciendæ, vt bonum sortiantur effectum. Quan-
quam enim modus sit accidens felicitis confessionis
negotiorum, aliquando tamen esse substantia solet.
Siat licet medicus varia remedia, nisi tamen ex-
tempe-

tempestiue adhibeat, non solum nihil proderit, sed & oberit.

De rebus sublimibus sapientissime Christus in synagoga disseruerat, cumque surdos ad sua verba videret Iudæos, ad opera se conuertit, vt his lapidea illorum corda emolliret. Quare permisit, vt Iairi archisynagogi filia naturæ concederet, vt per eius resuscitationem ostentaret suam diuinitatem, & verum ignorare Messiam increduli illi non possent. Venit ergo vir, cui nomen Iairus, & ipse princeps synagoga erat, & cecidit ad pedes Iesu rogans eum, & intraret in domum eius; Lucæ 8. 41.

Sanctus Alerius in catena Græc. Patrum in c. 8. Lucæ ait: *Vt vidit Iudæos ad sermones obscurdescere, factis ipsos instituit, ac medicina medicinam accommodat, miraculisque miracula.* Occluserant pertinentiæ suæ clauē aures Iudæi, vt cœlestem Magistrum de rebus altissimis sublimiter dicentem non audirent, quare ille à dictis ad facta, & à verbis ad miracula transijt, sciens nimirum, ad persuadendum efficaciora esse manuum prodigia, quam oris verba ornatissima, & affluentissima. Itaque *medicina medicinam accommodat, miraculisque miracula.* Peculiaris loquendi modus! Quid est medicinæ medicinā, & miracula miraculis accommodare? Nihil aliud, quam Christum imitari, qui nullam intempestiue adhibeat medicinā, & miraculorum faciendorum opportunas obseruabat occasiones, & hoc est medicinæ medicinam accommodasse, miraculisque miracula. Tunc enim medicina reuera fit medicina, quando suo tempore exhibetur, quemadmodum & medicina esse definit, cum intempestiue ministratur, & miracula opportunè facta sunt fructuosa. Itaque non in curationis studio, neque in miraculorum patione salus corporum, aut animarum posita est, sed in commodo tempore, quo salutē vtriusque sue per medicinas, siue per miracula opera nauatur. Opportunæ occasionis prætermisio multis mortem attulit, & non pauca arces, victoriæque perditæ fuerunt, quod tempestiua subsidia neglecta.

Diuturnis exagitatus persecutionibus Dauid descendit in desertum Pharan, vbi fames, (vt ne alicubi sine oppugnatore hoste esset) & annonæ penuria illum, commilitonemque eius vexabat. Cumque Nabalem multis officijs, & beneficijs obstrictum haberet, eo vel maxime, quod greges ipsius ab inuasiōe, & prædatione militum in deserto tutatus esset, misit ad eum decem iuuenes, qui ex se rogarent, vt virtus necessitati, quod per facile posset, succurreret, idque talibus verbis obsecrarent: *In die bona*

Genimus, quodcumque inuenerit manus tua, da seruis tuis, & filio tuo Dauid; 1. Reg. 25. 8.

Quærit Abulensis, cur Dauid per id tempus voluerit necessitatis leuamen petere à Nabal, quem vt ad promptè, ac liberaliter subueniendum perurgeret, bonæ, & opportuniæ diei mentionem apud eum faciendam putauit?

Respondet quæst. in illud c. 25. *Voluit petere nunc, & non aliàs, eo quod crederet, eum nunc esse magis dispositum ad dandum, quam aliàs, quia in die illa ronebantur greges fiebat latetia magna, & conuiuia, & cum tunc sint homines hilariores, esset magis dispositus ad dandum.* Veste natiua mitiorem gregem per id tempus Nabal, seruique eius nudabant, cumque audisset Dauid in deserto, quod tonderet Nabal gregem suum, misit decem iuuenes. Per idem tempus, quod ex eodem Capitulo constat, instituebant custodes pecorum ex more pastoritio conuiuia, festiuisque gaudijs, & omnibus lætitiæ signis, quibus rustici, & agrestes homines solent, celebrabant diem illum, quo sua ouibus vellera detrahebant. Et cum plerique tunc sint profusiores ad dandum, cum effusiores fuerunt ad bibendum, & prolixiores sint ad benefaciendum, cum fuerunt magis largi ad potandum, idcirco Dauid tunc implorandam arbitratu fuit beneficentiam Nabalis, cum illum ex copiosiore vino hilariorē, liberaliorēque putauit. Opportunè enim venire, est diligentē feliciter conficiendo negotio necessariæ magnam partem ante fecisse.

Mundi vanitatum detector Salomon c. 3. sui Ecclesiastæ ait, omnia tempus habere, & suis spatijs transire vniuersa sub cœlo, esseque *tempus dilectionis, & tempus odij*, v. 8. siue tempus amandi, & tempus odio habendi, vt alij legunt.

Sanctus Gregorius Nyssenus homil. 8. in Ecclesiæ cum dixisset, aures opus habere digitis Iesu, vt per diuini verbi contactu ab omni sordē obsecrati amoris liberentur, quærit quodnam sit tempus amandi, & quod sit tempus odio habendi. Quæstionem autem ipse sic dissoluit: *Non puto hoc aliud esse tempus, præterquam eius, quod est Veritas.* Tempus ergo amandi, vel odio habendi, illud est, quod amoris, siue odio commodum, & opportunum, & hoc ipsum est vtile, *qua enim ex utroque eorum (puta casto amore, & sancto odio) capitur Veritas, meo quidem iudicio est amorum & sui opportunitas,* inquit idem Sanctus Doctor. Sic fructuosa est omnis negotiatio, quæ commo-
do tempore, & opportuno instituitur.

Peruulgata est illa miraculosa sanatio hominis

annis propè quadraginta paralytici, ex qua variam cauillandi, obstrependi, & criminandi occasionem maleuolentissimi Scribæ, & Pharisei arripuerunt. De misero illo sic ait Beatus Ioannes: *Erat quidam homo tibi triginta & octo annos habens in infirmitate sua*; Ioan. 5. 5. quam illi sua improbitas, & vitæ flagitiosæ mala merita attulerant. Accessit ad hunc Dominus, cumque pauca cum illo locutus fuisset, ait: *Surge, tolle grabatum tuum, & ambula*; ibid. v. 8. O admirabilem verbi potentiam! quod simul ac per aures se insinuauit, paralytin tam diuturnam, & incurabilem toto corpore, miraculo ingenti, & evidenti statim depulit. Secessit posthæc ab hominibus cælestis Medicus, & cum horis abhinc aliquot illum ex paralytico sanum in templo inuenisset, dixit illi: *Ecce sanus factus es, tam noli peccare, ne deterius tibi aliquid contingat*; ibid. v. 14. velut dixisset: Beneficium sanitatis tam diu expetitæ consecutus fac bonæ vitæ rationem optimam habeas, quod te ex mea clementia etiam atque etiam hortor, & moneo, si secus feceris, peiora, quàm passus sis, ex mea iustitia tibi denuntio.

Occurrit hic quæstio. Postquam constitutum fuit Domino, animam huius hominis spiritali exhortatorij sermonis antidoto præanire aduersus maiora damna, & pericula, cur non statim post sanationem corporis salutare illud fugiendorum deinceps peccatorum consilium ei dedit, quod saluationem animæ eius concernebat, cumq; tanti ponderis esset diuiculis differri, vt videretur, non debebat? Cur ergo Christus tam sapiens Medicus plusculum temporis abire permisit, expectauitque donec in templo inueniret hominem, quem suis monitis ad scelorum fugam, & vitæ sanctioris curam excitaret?

Respondet Sanctus Ioannes Chrysostomus homil. de Paralytico To. 3. *At quàm opportunè, adhibita medicina, data monita! Quamdiu enim in lectulo decumberebat, nihil tale dixit, neque peccatorum recordatus est. Animus enim eorum, qui morbo constitantur, fastidiosus & miser est. Vbi verò morbum expulsi, sibi pristina ipsam. Salutaris restituit, & sibi potentia, atq; providentia fidem re, & opere fecit, tum tempestiuam adhibuit admonitionem.* Non reprehendit illum prudens Medicus, & potens benefactor, quamdiu cruciabilis ægrotatio strato poenaliter affictum tenebat, sunt enim submorosi plerumque infirmi, & impatientes obiurgationum. Ac ne statim quidem à recuperata subito valetudine illum increpauit, non enim benè caderet in tam inexpectatam sanationem amarulenta correctio. Persana-

uit ergo ante hominem, expectauitque quousque ille ob redditam repente, atq; inopinatè sanitatem incredibili gaudio exultans sibi redditus esset, cumque eum in templo credulum miraculo, gratum, ac supplicem pro beneficio reperisset, tunc tempestiuam adhibuit admonitionem, tunc præbuit medicinam, tunc salutarem propinauit passionem, vt fructuosa esset correctio, & optatum effectum haberet admonitio.

Rex inter Prophetas humiliter confitetur, debitaque cum demissione prædicat, coronam suam, ac sceptrum ad sacros Supremi, & absoluti Monarchæ, orbisque terrarum Creatoris Dei pedes merito deponi debere, ideòque dicit, sibi non esse aliud fulcrimentum, quàm ipsius magnitudinem, nec spem aliam, quàm ipsius clementiam, nec alium baculum, quàm ipsius maiestatem, omnemq; suam felicitatem ab ipsius imperio, & potentia manare, ac propterea seruum se illi sempiternum addicit, inquit: *Ego autem in te speraui, Domine, dixi, Deus meus es tu, in manibus tuis sortes meæ*; Psal. 30. 15. 16.

Sed notandum, quod postrema hæc verba Psalterium Romanum, Sanctus Hieronymus, & alij plures ita legunt. *In manibus tuis tempora meæ*; & Hebræus apud Lorinum clariùs: *In manibus tuis temporum opportunitates.* Itaque quod hi *sortes*, id illi *tempora*, temporum opportunitates alij vocant. Quamobrem? Vt nobis significarent, bonam cuiusuis negotij sortem, felicemq; rei alicuius confessionem plerumque pendere ab opportunitate, & tempestiuitate, quæ suscipitur, & inchoatur. Quæ enim intempestiue tractantur, vix vnquam optatos habent exitus, aut sine bono clauduntur.

CAPVT IX.

Nomen calamitatum, & arumnarum non merentur, quæ simul cum vita expirant.

Prænuntiabat Dominus Abraham amico suo, quòd posteri eius quadringentos annos in dura captiuitate exacturi, demùm verò in terram promissam reuersuri essent, dicens: *Generationem autem quartam reuertentur huc*; Genes. 15. 14. Hoc ergo ad consolandum illum, mitigandumque eius dolorem dixit, quod calamitates, oppressiones, captiuitates, arumnae non perpetuæ futuræ, sed finem habituræ essent. Secum enim habent suam solatium, & lenamen miseriæ, quæ finem habent, utq; eas non solum patienter, sed etiam hilariter, gaudentesq; feras, sola recordatio exitus, quo aliquando claudendæ sunt, facere potest. Denique non merentur nomen arumnarum,

annarum, quarum non est perpetua duratio. Nam ut Sanctus Hieronymus epist. 36. ait: *Nihil longum, quod finem habet, nihil prolixum, quod certis terminis circumscriptum.*

Miserabatur, & mirabatur Christus, quod tam pauci saluarentur, verba autem, quibus suum commiserationis affectum explicabat, talia sunt, ut per ea excusari videantur, qui excidunt beatitudine. Sic enim aiebat: *Quam angusta porta, & arcta via est, quæ ducit ad vitam, & pauci sunt, qui inveniunt eam.* Matth. 7. 14. At si tam angusta, ut fateris ipse, est porta, Domine, tam arcta via, quæ in cælos ducit, eaque senticosa, salebrosa, prærupta, & contra-gosa, quid miraris, ac miseraris, quod tam rari sint, qui viam illam terant, tam pauci qui per illam humilem strictamque portam, quæ vix pupulum capit, irrumpere tentent? Si amplum iter, si planum, si floridum, rosis verimque consitum, & lætum esset, quod itur ad astra, queri merito de saluandorum paucitate posses: Verum strictam, eamque scabram, & lubricam viam quis ineat? Et quis portam tam arctam quærat?

Respondet Euthymius, quod tamen si semita sit consista tribulis, & spinis, operosumque per eam ambulare, & per angustam portam intrare sit laboriosum, hoc tamen secum ferre solatij, quod & via est, quæ terenda, & porta, quæ transeunda, eod quod vtraque suos fines habet, & ambæ ad hoc factæ sunt, ut pertranseantur. *Neque minima consolatio est, vocare ipsam portam, ac viam, neutra siquidem permanet, sed transiit,* inquit ille. Iusta ergo fuit admiratio Redemptoris nostri, quod labores huius vitæ, quantumvis graues, & molestos, quisquam fugiat, cum ij non solum fines suos habeant, sed etiam sint transitus ad quietem, quæ immortalis est, & æterna. Denique non videntur esse calamitates, quæ aliquando esse desinunt.

Lethali morbo decumbebat Lazarus. Periculosam illius ægrotationem sorores nuntiârunt Christo, qui de ea cum Discipulis suis communicauit, postquam infirmitatis nuntijs dixerat: *Infirmus est, hac non est ad mortem;* Ioan. 11. 4. Hæc superi Magistri verba benè expensâ videntur repugnare ijs, quæ postea eisdem Discipulis suis apertè dixit: *Lazarus mortuus est;* ibid. v. 14. iam diem suum obiit amicus noster. Posito ergo, quod ex illa infirmitate decessit è viujs, quomodo ait Dominus, *Infirmus est, hac non est ad mortem?*

Pulchrè diluit hæc Theophylactus, inquit: *Si benè consideraueris, neque ad mortem fuit infirmitas,*

quæ moriuntur multi, diuturnam scilicet, sed temporalem, & quatruiduanam. Nam quia surrexit quatruiduanus, ad finem spectantes res, dicimus non esse ad mortem infirmitatem, sed pro gloria Dei. Mors Lazari non fuit quatruiduo maior, quæ cum tam brevis esset, mortis nomen non merebatur, adeo infirmitas non fuit ad mortem, ex qua non alia, quàm talis mors secuta fuit. Sic & dolores tam parum durabiles, & breues ærumnæ, & pauci temporis calamitates vix nomen illud merentur.

Commodum huc venit illud acutè dictum Venerabilis P. Simonis de Cassia lib. 13. in Euangelia: *Optimum est in moribus tribulari ad horam, & persecutionem comicam pati;* velut pluribus dixisset: Magno beneficio nos ornat Deus, & beneuolis oculis spectat, qui temporarijs vitæ præsentis pœnis debita culparum nostrarum expiare sinit, neque ad luendas vitæ sequentis æternas remittit, idcirco bonum est hic ad momentum affligi, & comicâ excruciatione vexari. Quid verò est *persecutionem comicam pati*? Res in proptulo est. Quando hominem in scena videmus multari exilio, damnari capitis, impeti mucronibus, & alijs modis exagitari, quàm exigua illius mouemur commiseratione! Scimus enim hæc ludrica esse, & ficta, & commentitia, & figuratantum, vmbraque vexationum, non veros cruciatus, neque reales miseras. Ad hunc modum dicit Simon de Cassia: *Optimum est ad horam in moribus tribulari, & persecutionem comicam pati.* Quæcumque in hac vita tolerantur, si cum ijs conferantur, quæ in æterna vita torquebunt, sunt comædiarum fictæ persecutiones, & solæ repræsentationes quædam verarum calamitatum. Itaque ut non est, cur misericordiâ moueamur illius, qui in scena in speciem decollatur, sed eius, qui in foro agitur in patibulum: Sic non debemus dolere vitæ præsentis miseras, sed eas tantum timere, quæ in futura vita æternum sunt duraturæ; *nihil enim longum, quod finem habet,* ut ex Sancto Hieronymo iam dicebamus, quod autem finem habet, non habet cur multum timeatur.

Annuntiabat Christus amaram suam passionem, acerbos dolores, & ignominiosam crucis mortem sibi à Gentibus inferendam, demùm verò aiebat: *E tertîa die resurget* (Matth. 20. 19.) Filius hominis, & post toleratum pœnarum diluuium, post superatam contumeliarum inundationem gloriosus triumphator in vitam redibit.

S. Ioannes Chrysostomus ait, Christum pro consolatione suorum Discipulorum dixisse, quod post triduum

triduum à mortē resurrecturus esset, vt quanquam mors Domini acerbā, & absentia ipsius pœnalis illis accideret, hoc tamen eorum leuaret mœrorem, quod tam citò rediturum scirent. *Non satū est abscissus tristis, & b̄i & elocissimus est regressus.* Post tres dies. *Hoc abire sic fuit, & redire, & cum non defuisse perluceat.* Hæc ille homil. de Pass. To. 3. Tam brevis absentia nomine absentia donari non debet. Quare Christus velut non abfuit, qui triduo solū abfuit, poterantq̃ Discipuli absentiam illi-

us, quam triduo non fore longiorem præsciebant, min⁹ acerbē ferre: *Quia non satū est abscissus tristis, & b̄i & elocissimus est regressus.* Similiter ratiocinari de calamitatibus, & aduersitatibus huius vitæ possumus. Quantumuis illæ grauent, angustent, affligant, consideratio tamen breuitatis earum facit leuiore, & tolerabiliore, nec enim longum est, quod finem habet, nec importabile quidquam, nisi duratio eius æternitatem exæquet.

LIBER V. VITÆ ABRAHAM.

CAPVT I.

Qui non valet efficere quidquid vellet, non proinde excusatur ab eo faciendo, quod potest.

H Onesta, & venusta Patriarchæ nostri vxor infœcunda erat, & inepta conceptui, Habebat ancillam Ægyptiam nomine Agar. Dicebat ergo marito. Video me iusto Dei iudicio sterilem, famula mihi est, qui tibi coniux esse possit, experiar an ex illa suscipere liberos fortē queam, quos meos vocare poterō, si qui ex coniugio à me adornato fuerint nati: *Ingredere ergo ad ancillam meam, si fortē saltem ex illa suscipiam filios;* Gen. 16. 2. quod Nycolao Lyrano tale est, ac si consequenter dixisset: *Vt quia non possum habere filios naturales, saltem habeam per adoptionem.*

Philoni Iudæo in lib. de Abraham Sara significat rationem. O quā consentaneus rationi Saræ cogitatus! Quā pulchrum, ac dignum imitatione exemplum! Si quis non supremum attingere, nec facere quantum vellet, non propterea fas nobis est etiam illud prætermittere in officijs Dei, quod possumus præstare: Sic enim & Sara, quæ non potuit ex suo corpore habere filios naturales, & proprios, non voluit carere adoptiuis, & ex alieno quæsitis.

Isaias cap. 41. v. 19. ait: *Dabo in solitudinem cedrum, & spinam, & myrtum, & lignum oliuæ, ponam in deserto abietem, & olivum, & buxum simul, nimirum vt omnes videant, & fiant, & recogitent, & intelligant pariter, quia manus Domini fecit hoc, & ipsi gratæ fuerunt hæc arbores.* Examinare omnium harum arborum condiciones proprias, non est huius loci, Illud solū hic difficile videtur, quod placere

potuit Domino vlmus, arbor tam infœcunda, vt apud Hispanos in prouerbium abierit, impossibilia expectare eum, qui ab vmo fructus speret, cum steriles eiusmodi arbores abominari Deus soleat, & sanctus Dauid virum beatum, Deiq̃ amicū illum prædicet, qui feracis arboris sit similis, inquit: *Et erit tanquam lignum, quod plantatum est secus decursus aquarum, quod fructum suum dabit in tempore suo;* Psal. 1. 3. Quid ergo est, quod ait Dominus: *Ponam in deserto abietem, & olivum,* ex quibus hæc, cum sit prorsum infrugifera, videtur Deo probari non posse? Aut quidnam illud habet, ob quod accepta esse possit?

S. Gregorius hom. 19. in Euang. ait: *Vlmus & item cum fructu suo sustentare solet.* Loquitur Mag. Doctor ex more Palæstinæ, & Italiæ, vbi vlmis & ites nubunt, marisq̃que complexa per ramos earum procacibus brachijs gesticulato cursu scandentes cacumina sensim petunt, (vt Plinius loquitur lib. 14.) erraticq̃ue palinsum lapsu nexibus pendulis, dum per arundines basulas taciti reptant, & itream paulatim porticum & itrea testā faciunt. Ita S. Cyprianus l. 1. epist. 2. Itaq; vlmj non edunt quidem fructus proprios, baiulant tamen, & sustentant alienos, & vel aliquid agunt, quia totum facere non possunt. Quod ergo Domino placuit arbor, quæ fructus proprios generare mallet, quā pro statumine, aut pedamento esse vinearum, si prædita intellectu esset, & quia non valet, quod vellet, quod potest, facit, & sulcit vvas, quas edere nequit, eā re significatum fuit, quod nos hic monemus, & consulimus, vt quando non possumus præstare quantum vellemus, non propterea ex officijs Dei etiam illud prætermittamus, quod commode

commodè facere possumus, id enim Deus & acceptum habebit, & suo tempore remunerabitur.

Nam ut Paulus in Prolog. addit. ad Lyranum ait, *nec enim quia multa dare non possumus, manum ex toto retrahere licet*, nec debet nihil eleemosynarum dare, qui non potest omnes opum suarum facultates in egenos erogare.

Celebrat dilecta Sponsa fragrantiam, quam diuini Sponsi nomen exhalabat, & ait: *Oleum effusum nomen tuum*; Cant. 1. 2. Mox autem sub ungit: *Trabe me, post te curremus in odorem vnguentorum tuorum*; ibid. v. 3. Me trahere, inquit, & videbis non me solam, sed plurimis benè comitatam cursu sequi, quò præteris, idque propter vnguentorum tuorum diuinum odorem. Perexiguum videtur, quod Sponsa petit ab eo, cuius tanta est & opulentia, & munificentia, atque prolixitas. Itane solo odore contenta esse voluit? Et tantilla res satis illi esse potuit: *Curremus in odorem vnguentorum tuorum*. Cùm Sponsus tam esset liberalis, & quàm amans, tam largus, nonnè fatius fuisset, vnguenta ipsa petere, quàm solum odorem postulare?

Petrus Aliacus vult tale esse, quod Sponsa dixit: *Quia tempus non datur amplecti, interea odor nominis tui mecum ex desiderio pernoctabit*. Hæc ille in cap. 1. Cahr. Petierat Sponsa, ut totum se illi traderet, totum impertiret, inquiens: *Osculor me osculo oris tui*; ibid. v. 1. Non obtinuerat petitio, nec enim semper conuenit, quidquid petitur, concedere. Quid verò tunc Sponsa? Quia vnguentum, inquit illa, hoc est, Sponsum meum ipsum habere nequeo, odore saltem suo me perfundat, fragrantiam suam mihi permittat: *Quia tempus non datur amplecti, interea odor nominis tui mecum ex desiderio pernoctabit*. Nam si Sponsus, ac nomen eius est vnguentum, *Oleum effusum nomen tuum*, ex oleo illo effuso vel aliquid colligere bonum fuerit, & qui gaudere toto non potest, curare debet, ut vel partem accipiat. Habeat vnguenti odorem, qui vnguentum ipsum habere nequit. Non enim quia totum quis obtinere nequit, etiam à parte procuranda quis excusatur, sicut non connti sursum nemo debet, tamen methi penetrare usque ad cacumen non possit.

Huc faciet doctrina Hispani cuiusdam alterius, Quintiliani, qui postquam in suis institutionibus, & præceptionibus tradidit partes, quæ profectum, consummatumque oratorem faciunt, videretque tantas requisisse, ut ab earum comparandarum studio cupidissimum, ac diligentissimum absterre ipsa reatum moles, ac multiplicitas posset, reddere animum

exterritis, & erigere desperabundos his verbis voluit: *Verum si quis summa desperet, tamen est, ut Cicero ait, pulchrum in secunda, tertisque consistere. Neque enim si quis in bellicis Achillis gloriam consequi non potest, Atacis, aut Diomedis laudem aspernabitur, neque qui Homeri, non Tyrtas*. Hæc ille lib. vlt. Orat. Instituti. cap. vlt. Bono ergo animo iubeat esse eos, qui pettingere ad apicem non possent, & cogitare, non omnino vanos esse illorum conatus, qui vel ad medium peruenirent. Non omnes stellæ sunt primæ magnitudinis, neque tamen stellæ non sunt, quæ molem earum, vastitatemque non exæquant. An idèd literarum studijs renuntiare, & scholis valedicere quis debet, quod putet subtilitatem Augustini, grauitatem Basilij, eloquentiam Chrysostomi, acumen Nysseni, eloquentiam Cypriani, exponendi gratiam Hieronymi, theologicam peritiam Thomæ, mysticam sapientiam Bonauenturæ assequi minimè posse? Minimè. Tantundem in rem præsentem dicat. An qui magnitudinem sanctitatis Apostolorum, fortitudinem Martyrum, austeritatem Anachoretarum, amorem recessus Eremitarum, puritatem Virginum adipisci nequit, in itinere virtutis propterea omnino conuiescere, & otiosi debet, eaque etiam intermittere, quæ commodè facere potest? Si ex supremis, si maximorum vnus aliquis esse non potest, sit vel ex medijs aut mediocribus. Si non omnia esse potest, laboretur sit vel nonnullus.

S. Ambrosius in Psal. 118. Oñon. 7. v. 1. ait: *Si mons esse non potes, nec prauales, esto vel collis*. Domus Dei habet aliquid omnium, & ex omnibus tum ordinibus, tum magnitudinibus. Qui holosericas, vel auro intextas vestes parare non potest, num idcirco nudus ire debet? Omnis pretij pannos inuenire licet in domibus mercatorum, qui non potest emere cariores, inueniet alios suis facultatibus pares. Sic & Christianus debet suo se pede metiri, & viribus suis accommodare. Si non potest ascendere in summum fastigium, conetur vel in medium peruenire, neque enim rectè potest nihil ascendere, cui in supremum apicem euadere non licet. Nimis quàm ignauus, & remissus est, qui non vult à terra assurgere, quod editiorem locum superare nequeat. *Si mons esse non potes, nec prauales, esto vel collis*, nec enim desperare medium debet, qui attingere extremum non valet.

Corroborat hanc nostram doctrinam etiam tertius Hispanus. Quærit Seneca, an miles, cui sunt detruncatæ manus, cum pugnare nequeat, alià quadam operâ rem iuuare communem in confictu pos-

lit. Otiosa videtur hæc interrogatio. Nam quid facere possit, quantumvis enixè, cupideque velit, cui demutillatæ sint manus? Quid incommodet hosti, qui nec vibrare hastam, nec stringere gladium, nec intorquere spiculum potest? Seneca verò in lib. de tranquillit. vitæ cap. 3. ait: *Præcisus quoque manibus ille in prælio inuenit, quod parvis conferat, & clamore iuuat.* Qui suum exercitum felicem, victoremque videre optat, tametsi non habeat manus, non tamen habet nihil, quo suis opituletur. Nimirum stat tantum, firmoque vestigio, & forti animo consistit, & quibus maximis potest vocibus suos excitat, & confirmat, & ad strenuè, pertinaciterque pugnandum inflammat. Et hoc quoque est dimicare, quando clamore iuuat, qui manibus ferre subsidium nequit, atq; ille in numero militum recenseri meritò debet, dignusque est, cuius bona intentio suam habeat remunerationem. Hoc ipsum dicere in re præsentis possumus. Omnes sumus Christi milites, quod ergo commodè possumus, id faciamus. Quando manu subuenire nequimus, iuuenus linguâ, quando per tenuitatem propriam non possumus factis leuare necessitatem alienam, verbis, quam possumus, feramus opem. Nam quando fieri non potest, ut faciamus totum, non debemus tamen nihil facere.

Decreuerat Dominus euertere ciuitatem Hierichuntinam, voluitq; à sacerdotibus muros illius solo affligi, qui cum septem diebus eam circumcuijsent, postremo insonuerunt tubis, & euerſi corruerunt muri. Ad eundem circuitum exhortabatur Iosue populum, dicens: *Ite, & circuite ciuitatem armati, præcedentes arcem Domini;* Ios. 6. 7.

S. Petrus Damianus expendit hæc in re aliquid dignum consideratione. Iubebat Iosue, ut illi de populo armati præirent arcæ, & circumirent ciuitatem, quibus Dominus etiam hoc præceperat: *Clamabit omnis populus vociferatione maximâ;* ibid. v. 5. At quò illa spectabant? Si muros ad septimum diem, & circuitum, & arcæ præsentiam sonus buccinarum deiecturus, & solo æquaturus erat, quò consilio, aut mysterio debuerunt illi armati præire, & ad murorum demolitionem vocibus concurrere?

Respondet sanctissimus Cardinalis serm. 57. Notandum quòd armati milites cum sacerdotibus ire iubentur, nimirum & 11, quibus non est iniunctum promendi clangorũ officium, nequaquam se remotos intelligant à congressione bellorum. Quamquàm soli buccinis insonarent sacerdotes, earumque clangore res omnis conficienda, & victoria paranda erat, voluit nihilominus Dominus, ut laici homines, quo-

niam aliud non poterant, vociferatione uterentur rem iuuarent publicam. Sic qui totum aliquod negotium pertractare non potest, propterea omne deponere studium non debet. Non potes omnes esuriales Quadragesimæ obseruare dies, non licet proinde ne vno quidem die ieiunare. Prolixam elemosynam dare nequis, non hoc facit, ut ne exiguum quidem, & facultatibus tuis parem dare debeas.

Libri primi prima partii Politici calorum c. 2. eandem telam percurrit. Vide etiam calcem illius capituli.

CAPVT II.

Ne arcus spiritus nimium tensus rumpatur, honesta recreatione nonnunquam est relaxandus.

Dicebat Sara marito suo Abraham: *Ingrederere ad ancillam meam,* & licito concubitu adoptiuos ex ea tibi para posteros, qui ex me non potes habere naturales. Sensu morali, ut ait Nicolaus Lyranus, intelligitur condescenso facta carni ex causa rationali. Abraham spiritum significat, rationem Sara (quod suprà ex Philone monuimus) Agar ancilla carnem. Dicit ergo ratio spiritui: *Ingrederere ad ancillam meam;* hoc est, carni honestam, concessamque aliquam ex te oblectationem præbe, quæ tametsi formula sit, non debet tamen ita fugiter premi, ut non habeat aliquando suas recreationes, ne dissiliat nimia-tensione arcus. Literarum studia habent sua otia, habent suas vacationes tribunalia, spiritalibus exercitationibus etiam sua est permittenda quies.

Hæc doctrina grauem, minusque suspectam habebit à sancto Brunone commendationem, qui spiritum suum sub arcæ disciplina constructum tenuit. Verba illius ex epistol. 1. sic habent: *Sunt oblectamenta & iri prudenti gratiora, & utiliora valde, quia diuina. Veruntamen artiore disciplinâ, studiisque spiritalibus animus infirmior fatigatus sapiens huius releuatur, ac respirat, arcus enim si assidue sit tensus, remissior est, & minus ad officium aptus.*

Affirmat aliquid Propheta regius, quod celestis, & diuini Magistri doctrinæ aduersari videtur. Psalm. 118. v. 96. ait ille: *Omnia consummationis vidi finem, latum mandatum tuum nimis, spatiose leges tuæ, ampla præcepta.* Saluator mundi apud Matthæum cap. 7. v. 13. *Intrate per angustam portam;* & ibid. v. 14. *Quam angusta porta, & arcta via est, quæ ducit ad vitam!* Via, quæ ad vitam ducit, non alia est, quam iter mandatorum. Sic enim dicebat apud eundem Matthæum cap. 19. v. 17. *Si vultis ad vitam ingredi, serua mandata.* Quomodo ergo arcta via,

si iam

si tam lata mandata? Quomodo tam ampla lex discipulo, quæ magistro tam stricta?

Etiā sancto Ambrosio similiter interrogare in mentem venit, qui in illius Psalmi octonarium 12. sic habet: *Quomodo ergo dicit Propheta latum mandatum Dei, & valde latum?*

Respondet autem quæstioni sanctus Mediolanensis Archiepiscopus his verbis: Ideo quia angusta via, latum mandatum necessarium est. *Debet latitudo præcepti viantibus esse solatio, ne quæ deficere possit, aut contere.* Verbis, & sententijs quàm maximè conueniunt Dauid, & Christus, tantùm abest, ut mutuo sibi aduersentur. Christus ait, iter spiritus esse strictum (*Quàm arcta via, & angusta porta est.*) Dauid autem dicit, *Latum mandatum tuum.* Has nuncias speciem pugnantes sententias, velut confertis amborum autorum manibus, componit S. Ambrosius, dicens: *Ideo quia angusta via, latum mandatum necessarium est.* Ob hoc ipsum, quod arcta porta est, & stricta semita, & aultera disciplina, & rigidum vitæ asperioris institutum, habet etiam suas latitudines, & animi relaxationes, & honestas recreationes, ut ne in via, qui eam tenent, deficiant, & absoluerè curriculum, finemque assequi optatum non possint. Ingiter enim itinerari, & perpetuam contentione pergere, est suo exitio, & occidendi studere.

Ad hunc sensum dicebat Lucianus in dialog. de amonibus To. 4. *Infirmior animus est, quàm ut studia continua sustinere queat. Desiderant labores paulo contentiores, & curia grauioribus, atque molestijs paulisper relaxatis in voluptates remittantur.*

S. Marcus Euangelista refert, rediisse aliquando à prædicationis officijs ad Christum discipulos, & quid laborassent, effecissentque, exposuisse. Conuenientes Apostoli ad Iesum renuntiauerunt ei omnia, quæ egerant, & docuerant, inquit B. Marcus a. 6. v. 30. Momentosum erat negotium, à quo veniebant, ac tale, ut videatur Dominus eos mox remittere ad persequendum opus tam graue, & ad pertexendam ceptam telam statim relegare debuisset. Non tamen ita fecit diuinus Magister, sed hoc potius dixit illis: *Venite secum in desertum locum, & requiescite pusillum;* ibid. v. 31. Causam autem, ob quam eos à labore prædicationis tantisper auocauit, statim subiungit Euangelista, inquit: *Erant enim, qui veniebant, & redibant multi, & nec spatium manducandi habebant.*

Factumne verò benè, quod rex, & illius intimi tunc se subduserunt, & ad quietem receperunt,

quando tanta erat concursatio hominum subditorum sua negotia cum illis communicare cupientium, & consilium, auxiliumque eorum implorare volentium? Factum optimè. Christus enim non aliud ait, quàm ut requiescerent *pusillum*, ut ad horulam à labore respirarent, non ut diuiculè feriarentur, & protractiore recessu, & prolixiore otio odium incurrerent, & ad obtrectandum maledicorum linguas excitarent. Rex etiam ex carne, & sanguine constat, & subiectus est defatigationi. Ministri, Consiliarij, Iudices non sunt è marmore, ut possint sine litigantium, siue aliud agentium causis horas omnes dare, cum non requirat nullos refocillatio illorum propria. Concionator non debet semper inhærere libris, non semper flagrum præferre manu poenitens, non semper cilicij gestatione atterere, & emaciare carnem, interuallum requirunt illa exercitia, quæ sine quietis intercapidine perdurabilia esse non possunt.

Theophylactus in cap. 6. Marci ait: *Quiessere facit Christus discipulos suos, ut sciant Prælati laborantes in verbo, & doctrina dignos, quibus detur sua quies, & non semper intendant laboribus.* Laborem perpetuum non fert humanarum imbecillitas virium.

Dominicâ Quartâ Quadragesimæ festiuis gaudijs exultat Ecclesia, & ad communem lætitiæ voluptatem, communesque iubilos omnes fideles excitans, sic diuinissimum Missæ orditur officium. *Lætare Ierusalem, gaudete cum lætita, qui in tristitia fuistis, & exultetis, & satiemini ab uberibus consolationis vestra.* Et ad maiorem lætitiæ significationem permittit, ut eo die pulsetur organum, cuius ad gaudiosiores, celebrioresque festiuitates vsus alioquin esse solet.

Quidnam verò illud est, quod mater nostra Ecclesia inter penitentiae lamenta, in medio ieiunij luctu, inter carnis macerationes, & spiritus gemebundi afflictiones, & compunctiones lætari iubile, cantare, & subsultare præ gaudio hortatur, quando studiū castigandi corporis acuerè, ad asperitudinem, & mortificationem acriorem accendere, ieiuniumque, & alias pœnales afflictiones vehementius, ardentiusque commendare debebat?

Occurrit huic interrogationi Innocentius III. Pontifex Maximus in serm. Dominicæ IV. in Quadragesima, inquit: *Scitis, charissimi, quod corruptibile corpus inter continuas anxietates non potest subsistere, nisi quandoque recreationis remedium intercedat. Ne ergo fidelis populus propter asperitatem quadragesimæ*

dragesimalis abſtinentia ſub continuo labore deficeret, in hac mediana Dominica quoddam recreationis ſolacium interponitur, ſi anxietas temperata lenius ſuſferatur. Hodiernum enim officium totum eſt plenum lætitiæ, totum exultatione refertur, totum gaudijs cumulatum. Ipſum adeo illius Dominicæ euangelium decantat conuiuium, quo nihil frugalius, ſi primum apparatus ſpectes, nihil dapilium, & lautius, ſi pauci panis gratiſſimum ſaporem conſideres, nihil admirabilius, ſi multitudinem hominum tantillâ annona ex ſaturatorum recenſeas, nihil opulentiſſius, & magnificentiſſius, ſi relictorum à menſa fragmentorum copiam expendas, ut ex talis epuli commemoratione reſpirent, & reſumant animos, qui diuturnioris ieiunij labore fuerint laſſati, & debilitati. Impoſſibile namque videntur, vitæ huius ærumnas abſque omni allevatione, & intercapedine tolerare.

Huc facit, quod Theophrastus ait, nimirum multas eſſe arbores, quæ leuari cortice, & alijs quibuſdam ponderibus, quibus prægrauantur, exonerari debeant, ut ſua illis vita conſtet. Libro 5. de cauſis plantarum, cap. 17. ille dicti ſui rationem reddens ait: *Quæpè omnia ſpiritus deſiderant aliquem, vel ſolutionem, vel meatuum relaxationem.* Ignis incluſus querit, quâ erumpat. Ventus intrâ terræ cauernas coarctatus montes tremore concutit, & tota maria concitat, donec à carcere ſuo euadat. Terra obiecta aggerum impedita intumeſcit, & efferueſcit, & aduerſus obicem inſurgit, quouſque illo rupto effundere ſeſe, & liberè decurrere queat. Auicula caueæ incluſa omnes cancellos, rimas omnes perterrat, ut elabi in patentem aerem, & pro libidine campum, ſaltuſque pererrare poſſit. Si bruta, ſi plantæ, ſi elementa naturaliter deſugunt ſua impedimenta, appetuntque ſuam quietem, ſolutionem, libertatem, cur homines non querant honeſtum aliquod allevamentum, conceſſamque recreationem, ut poſſint ferre & officij ſui labores, & ſtatus moleſtias, à quibus nullus vacat, nullus liber eſt, aut immunis.

In prima parte Politicæ lib. 7. cap. 7. de eadem re diſſert. Vide etiam partu ſecunda Politicæ l. 7. c. 9. quod nonnulli habet affinitatis cum ſuperioribus.

C A P V T III.

Homo ipſe ſue ſibi perditionis eſt architectus, ſatorque, & ſartor, Deus neminem inſelicitat, niſi qui inſelix iſſe prior velit.

Cauſam, ob quam glorioſi Patriarchæ noſtri ſanta vxor marito ſuo, ut ex ancilla ſua ſibi quæ-

reret poſteritatem, conſuluit, cùm dixit: *Ingrederis ad ancillam meam*; Gen. 16. 2. ita expreſſit beatus Ioannes Chryſoſtomus: *Fortaſſis ſuſcipiatur Sara ſterilitatem illam non à ſe ſola eſſe, ſed etiam ex Patriarcha, idè volens certo experimento conuerſe, ancilla cedit.* Ut re ipſa diſcat, ſe ſolam in cauſa eſſe. ſibi que ſolæ adſcribendam ſterilitatem. Cùm ergo vidit Sara, quòd Abraham ex Agar genuit Iſmaelem, tum denique ſibi perſuaſiſſimum habere cœpit, quòd nullos ſimiliter e deret liberos, id ſuæ inſecunditatis vitio, non impotentia mariti accidere. Et hoc tam ſtudioſè, attentèque ſacer Hiſtoricus monendum putauit, ut Saræ inſecunditatem ante memorauerit, quàm aliud quidquam de ea narrauit, dicens: *Erat autem Sara ſterilis, nec habebat liberos*; Gen. 11. 30. velut apertius dixiſſet: Nota bene, quòd hi ſancti coniuges improles fuerunt, id ſola Saræ ſterilitas fecit, nullaque Abraham culpâ contigit.

Abraham Deum repræſentat, Sara figura eſt animæ, quæ Domino deſponſatur. Sic affirmant Nicolaus Lyranus, Doctör Angelicus, Hugo Cardinalis, Guilielmus Papinius, & alij plures. Ut ergo innoſceſceret, non Dei cauſa, ſed animæ vitio fieri, cùm illa ſterilis eſt, & nullos bonorum operum factus edidit, nullos ſanctorum meritum parit liberos, propterea magno ſtudio, ac meditatio memoratur, quòd Saræ ſterilis erat, ut ſuæ culpæ, & negligentia ſuam adſcriberet inſecunditatem. Dominus enim cupidiffimus eſt ſpirituum proſectuum vniuſuiuslibet etiam ſterilis animæ, quæ Dei erga omnes curam, ſollicitudinemque, & quantum ex ipſo proficere poſſet, ex alijs animabus arbitrari poteſt, quæ magna per illum ſpiritus incrementa faciunt, & numeroſam ex illo bonorum operum ſobolem proferunt.

Seminatori ſeipſum Chriſtus nonnullibi comparat, & negotiatori, alibi. Patrem ſuum vinitoris ſimilem facit, quos ſi de opera, & ſtudio curandi agros, ac vineas æſtimare velis, dicere poſſis, non habuiſſe nimis magnam agriculturæ peritiā, & experientiam.

Videamus primum. *Exiit qui ſeminat, ſeminare ſemen*; Luca 8. 5. aiebat Chriſtus ſator, qui ipſus exiit, ut ipſe diſpergeret, & humanorum cordium terræ commendaret diuinum verbi ſui ſemen, ut cælo fructus proferret: *Et dum ſeminat, aliud cecidit ſecus viam, & aliud cecidit ſupra petram, & aliud cecidit inter ſpinas.* Percuſſor hic ego. Si quis agricola perſpectas habens & ſeminis ſui qualitates, & terræ conditionem, effunderet illud vel in publicam viam, vel in durum ſaxum, vel in locum ſen-

ticoſum,

ricofum, meffisq; tempore fruges collectum veniens non inueniret optatam abundantiam, nonne sibi tribuere omnem culpam, & feipsum fui damni autorem censere deberet, qui cum exploratam haberet eorum locorum ad fructificandum ineptitudinem, nihilominus illis semen suum ad certum periculum committere voluit? Perspicua, & indubitata res est. Quomodo ergo hic in terram culpa confertur, adeoque illa etiam poenae addicitur, seminator autem exors omnis poenae, & culpae habetur?

Respondet Clemens Alexandrinus lib. 1. Pædag. cap. 1. *Æterna appetitio delecta est in pradium intelligens.* Multa est inter corporalem, & spirituales sementem differentia. Quando triticum terræ materiat inculcatur, horridæ, saxosæ, aut fenticosæ commendatur, si non ferat fructus, id illi acceptum fertur, qui talibus in locis seminavit, ille enim, utpote intellectu præditus, debet attendere, quoniam semen suum conijciat, ut lûa inde proventuum commoda referat: Verum in spiritali semente prorsum contrâ accidit, in qua omnia intellectu valent, hoc est, & seminator, & terra. *Æterna appetitio delecta est in pradium intelligens.* Ager, cui creditur semen, oculos habet, & animam terra, & intellectum fundus, & possessio liberum arbitrium. Proinde si ager, cui committitur semen, est via, id sit, quod se calcari sinat, si est saxum, id sit, quod velit ipse indurescere, si est fenticetum, id sit, quod seipsum colere per oscitantiam negligit, ac propterea seminis iactura, ac sterilis mellis inde consequens non seminatoris, sed agro ipsi ferri accepta debeat, qui cum oculos haberet, debebat prospicere semini, illudque defendere per ingenij sui facultatem, & per voluntatem redere fructuosus, & per liberum arbitrium ab interitu servare. Dum terra ipsa sibi non desit, ex parte coelestis factoris nihil unquam decedit.

Transamus ad secundam difficultatem, ubi diuinus Seminator vitem fecundam se facit, Patrem verò suum sollicitum agricolam, inquit: *Ego sum Vitis Vera, & Pater meus agricola est;* Ioann. 15. 1. Et velut supra de semine, ita nunc de sarmentis ait: *Omnes palmites in me non ferentem fructum, tollent eum, & omnem, qui fert fructum, purgabit eum, & fructum plus afferat;* ibid. v. 2.

Notandum hic, quod pius, ac sollicitus vititor omnem curam suam ad palmites curandos, & vel succidendos, vel purgandos conuertit. De hac re sic ait Bulgarorum Archiepiscopus Theophylactus in cap. 15. Ioannis: *Circa qua occupatus est Pater? nunquid circa radicem? Non, inquit, sed circa palmites.* Quis

ille cultura vinearum vel mediocriter peritus omne studium, totamque vigilantiam suam transfert ad sola sarmentosa, ut non simul vitis, & radicis diligentem curam habeat, unde sarmentis venit, quod sint pampinosa, læta, fructuosa? Quid ergo sibi vult, quod Pater totus est in palmitibus vel putandis, ne syluescant, ac luxurient, vel mundandis, ut amplius fructificent, & radicis mentionem nullam facit? *Circa qua occupatus est Pater? Nunquid circa radicem? Non inquit.* Quamobrem verò nulla habetur vitis cura, sed omnis circa sarmenta versatur sollicitudo, & industria? Eam ob rem, quod ex parte vitis, quæ Christus est, nihil unquam desit, nec ullus sit in radice aliquando defectus, sed sarmentorum, id est nostro vitio accidat, si impigri vititoris frustreretur labor, & expectatio, non ob aliud, quam quod vitis, & radicis virtute, siue auxiliorum diuinorum adiutorio uti nolimus. Quod enim ad Deum atinet, semper ille præstò, & paratus est nos iuuare, dummodo illius admittere opem velimus.

Apparuit Patriarchæ nostro in conualle Mambre Dominus in ipso feruore diei; Genes. 18. 1. post hæc Generunt duo Angeli Sodomam Gesspere, sedente Loth in foribus ciuitatis; Gen. 19. 1.

Qui has duas visitationes diligentius examinat, difficultatis aliquid in utraque offendet. Nam maiore beneficio, & ampliore gratia videtur ornatus Abraham, quam Loth, non solum quod ille tres Angelos habuit hospites, hic verò tantum duos, verum etiam apud Abrahamum clarissimo die diuerterunt, ad Loth verò sub creperam vespertinam, appetente iam nocte sunt ingressi. Quæ causa huius discriminationis esse possit?

Origenes in caten. græca apud Glossam Ordin. in cap. 18. Genes. ait: *Veniunt ad Abraham tres Viri meridie, ad Loth duo Gesspere Veniunt, non enim capiebat Loth meridiana lucis magnitudinem, Abraham autem capax fuit plenum fulgorem lucis excipere.* Quod Angeli duo visitantur Loth sub ineuntem noctem luce dubia, Abrahamum verò in ipso feruore diei, & medio sole (qui cumulatoris gratiæ diuinæ, & benevolentiae maioris est symbolum) non hoc factum, quod languidior esset affectus Domini erga Loth, sed quia Loth non ita sese præpararat, ut tantum lucis meridianæ splendorem ferre posset, cui par gratia collata fuisset, si se idoneum illi excipientem facere studisset. Non Deo ergo, sed sibi imputare debebat Loth, quod inferiore loco habitet, & minore beneficio affectus fuit: *Non enim capiebat Loth meridiana lucis magnitudinem.* Verum Abrabæ plenior

nior lux abundantiorē copiam se infundit, quia ille ampliorem sinum exhibuit, & patentiores fores aperuit, *Abraham capax fuit plenum fulgorem lucis experire.* Omne ergo ex hominibus impedimentum est, & obstaculum, qui negligunt se divinis aptare beneficijs, Deus enim omnibus se impertire avidissimè cupit, cupidissimè optat.

Commendabat Dominus noster altissimum illud Altaris sacramentum, in quo ille admirabilissimo, & sublimissimo modo seipsum facit coelestem animarum victum, & alimoniam. Et quoniam illud dominicæ carnis in cibum datæ mysterium tam novum videbatur, aiebant ex discipulis eius multi: *Durus est hic sermo, & quis potest eum audire: Ioan. 6. 16.* Quod cum audiret Christus, dicebat ad duodecim: *Nunquid & vos vultis abire?* ibid. v. 68. Tunc Petrus, *Domine, ad quem ibimus? Verba vitæ æterna habes;* ibid. v. 69.

At si multi discipulorum dixerunt, *Durus est hic sermo*, quomodo Petro æternæ vitæ verba fuerunt, quæ alijs visa saxa, aut si quid saxis durius.

Respondet Euthymius: *Vides quod Verba non errant, quæ præbuerant offendiculum, sed auditorum segnities.* Non in verbis, sed in cordibus quorundam discipulorum erat durities. Si enim Christus lapides locutus fuisset? ut illi calumniabantur, non reperisset in illis tantam suavitatem Petrus. Ergo ex homine venit, quicquid illi malè cedit, non ex bono Deo, qui omnibus semper vult benè.

Vide secundam partem Politici lib. 3. cap. 3. Vide etiam Periocham V. Ferie II. post Dominicam II. Quadragesimæ, To. I. pag. 161. O.

C A P V T I V.

Vt ne dilatio eorum, quæ petimus, nos affligat, non desideria nostra consulamus, sed vota.

Non est nemo, qui accelerationem Saræ arguat, ut quæ liberorum à Deo concedendorum tempus non tam æquanimiter, & humiliter expectare, ut maritus illius Abraham. *Unà tantum re Sara imperfectior fuit Abrahamo, quod in prole habenda nimis festinavit,* inquit Cornel. à lapide. Non fuit hoc grande scelus, in primis in muliere morarum, ex nativæ sexus conditione, impatientissima, sed veniabilis culpa, ad quam natura nostra humana vehementer inclinat, quæ vehementer angit, statimque turbare, si non exemplò quod expetit, consequatur. Sed ut præceptis hominis impatientia temperetur, quando illius precibus non statim acquie-

scit Dominus, non subito annuit precibus, debet considerare non hoc, ad quod à suis desiderijs impellitur, sed meritum suorum momenta expendere, & quid illa valeant, cogitare. Sic enim fiet, ut patienter ferat, si non statim, quod capit, referat, & humiliter se indignum eo, quod petit agnoscat.

Nocte coenæ consolari volens Dominus Discipulos suos aiebat: *Modicum, & iam non videbitis me & iterum modicum; & videbitis me, quia Vado ad Patrem;* Ioan. 16. 16. Sancti Augustinus, & Chrysostomus, Eusebius Emisenus, & alij aiunt, eo modico significatum illud tempus, quo Christus in passione, in cruce, in sepulchro fuit, & conuersatus cum Discipulis, quousque ab illis in coelos ad dexteram Patris redijt.

S. Bernardus inquit, quod anni, quibus Christo sui copiam hominibus fecit, modicum tempus vocentur, id facile caput esse: At quod similiter exiguum tempus censeatur illud quo idem Dominus à suis absuit, cuius horaria absentia totis, ipsique largissimis sæculis prolixior visa illis fuit, quis hoc non miratur: *Modicum, & iam non videbitis me.* Exclamat mellifluus Bernardus ser. 74. in Cant. *Pie Domine, modicum distas, quod non videbimus te? Saluum sit Verbum Domini me, longum est, & multum valde nimis.* Quomodo ergo modicum tempus appellavit Christus, cuius singula momenta vnicuique Dei amanti animæ longis sæculis paria videri possunt?

Respondet Bernardus: Verbo dicam, quomodo idem & prolixum, & breue: *Virumque, Verum, & modicum meritis, Et non modicum votis;* velut dixisset: In philosophia Christiana facile intelligitur, quodmodo eadem duratio longa sit, & brevis, exigua, & modica, larga, & momentanea. Si de tempore, quo Deus non videtur, cum in perpetuis desiderijs nostris communicemus, sæculum videbitur, quantulacumque sit morula, quæ videre prohibet: Verum si merita nostra consulamus, dicemus instans esse quodcumque illud tempus, tam exigua scilicet illa sunt, ut indigni simus, qui præsentia illius vel vnicuique momento fruamur: *Modicum meritis, & non modicum votis.* Vt ne ergo nimis proiecti simus ad petendum ea quæ optamus, non tantquam expetita, aut concupita, sed tantquam superiora meritis nostris consideremus, sic non videbitur nobis longa mora temporis prolixioris, quo desiderij nostri expletio differtur.

Ingressus fuit Zacharias parens Baptistæ templum.

plum Domini, ut sacerdotali suo munere fungere-
tur. Apparuit autem illi Angelus Domini stans à
dextris altaris incensi, annuntiavitque, quòd vxor
eius paritura esset filium, qui natus Salvatore
præcursum, & ingens multis gaudium esset alla-
turus. Et quanquam Zacharias propter varios cum
Gabriele vterò, citroq; habitos sermones solito diu-
tius tardaret, nihilominus erat plebs expectans Za-
chariam, Luc. 1. 21.

De hac populi expectatione inquit Theophila-
tus ita: *Vides quomodo Iudei expectabant, & per-
manebant, donec exires summus sacerdos? At nos
Christiani, nisi mox ut ingreſſi fuermus in templum,
iterum egrediamur, existimamus male vobiscum agi.*
Tanta erat illius populi erga suum sacerdotem ob-
servantia, ut quamvis præter morem ille diutius in
templo hæret, patienter eum prætolarentur, ne
de tarditate obiurgarent. Nos verò, qui magis nosse
debemus, quam parum & valeamus, & mereamur,
si non statim quod oramus, exoremus, consterna-
mur animo, & tristamur. Simulac submittimus po-
plices in orationem, optamus, inuenire Deum ibi
præsentem, ubi ad precandum adgeniculamur, &
cordis teneritudinem, & affectuum inflammationem,
& singularem absq; omni euagatione distra-
ctionem, & nisi hæc exemplò consequamur, existi-
mamus, male vobiscum agi, & mœrore afficimur. Fit
hoc, quia non facimus, quod huc capite consuli-
tur, desideriaq; nostra, non merita consulimus.

Hebræi cum Messiam Redemptorem mundi ve-
hementer suspirarent, prophetaq; multis cum la-
chrymis obsecrarent, ut à Patre æternò illum inde
submitti expeterent, respondebant ij, citò ventu-
rum, qui optatam salutem, & rebus illorum afflictis
lenamen adferret.

Pius II. epist. 2. ait. *Citò venturum dicebant, qui
annis post quingentis venit. Sed quomodo citò ven-
turum dicebant, qui longas sæculorum non pauco-
rum ætates tardabat! Respiciebant propheta non
anxia veterum illorum populorum desideria, sed
merita, & quoniam hæc perexigua erant, quantum-
uis tardaret Messias, citò veniebat. Quando Chri-
stianus ea, quæ desiderat, cum suis meritis compo-
nit, nunquam tardè illa consequitur, omnis dila-
tio illi levis, & brevis, omnis mora suavis, omnis
cunctatio tolerabilis videtur.*

Rebecca vxor Isaac sterilis erat, vti ante illam so-
cerus eius Sara, & post illam Rachel. Obsecrabat
autem magnum in modum pro vxore maritus Do-
minum, ut eam fecunditate donaret, de quo Gen.

25. v. 21. facer Scriptor ista: *Deprecatus est Isaac
Dominum pro vxore sua, cò quod esset sterilis, qui e-
xaudivit eum, & dedit conceptum Rebecca.*

S. Ioannes Chrysostomus ait: Qui hæc apud
Moysen leget, fortè putabit, quòd Isaac, quando
Deum pro coniugis suæ fecunditate oravit, statim
exoravit, & obtinuit, quod petijt, adeò parum fa-
cere ad causam præsentem, quod ea de re hic com-
memorauimus. At si diligenter historiam excutias,
inquit Chrysostomus, videbis proposito huic nihil
congruentius esse posse. Quid verò habet Sacra hi-
storia, quod huc tam aptè cadat? Primum hoc,
quòd Isaac cum quadraginta esset annorum, duxit
Rebeccam vxorem. Gen. 25. 20. Alterum istud,
quòd sexagenarius erat Isaac, quando nati sunt ei
parvuli gemelli (ibid. v. 26.) primitiæ fructuum
orationis eius. Ex his fit tertium illud, quòd con-
tinuos viginti annos in humili sua oratione perse-
ueravit. Hac de re verba Chrysostomi produco,
quæ homin. 50. in Gen. sic habent: *Viginti annis
perseueravit orans, & deprecans Deum, & tunc tan-
dem affectus est, quod optabat. Si igitur quadra-
ginta annorum erat, quando duxit, sexaginta autem
quando peperit vxor, manifestum est, quod annis vi-
genti perseueravit orans Deum.* Quid opportunius
causæ nostræ esse possit, quam videre hominem,
qui totos viginti annos pro re vna obsecrauit, & non
pro qualibet, sed pro liberis impeerandis, quos na-
turaliter, ac tam vehementer appetere parentes so-
lent? Quis hoc non admiretur? sed quomodo San-
ctus Patriarcha tam constanter in vna perdurare ora-
tione potuit? Quia ad lucem suæ indignitatis, &
miseriæ petijt, itaq; quamvis non facile voti com-
pos fiebat, humiliter perseuerabat, & constanter
orabat, quamvis non statim exaudiebatur, & vi-
ginti anni vix totidem minuta dilationis illi vide-
bantur.

Quando Aeneas ad inferos descendit, & vidit co-
lumbas in arborem auream se recipientes, quam ve
vidit,

*Corripit exemplò Aeneas, avidusq; refrangit
Cunctantem.*

Ità Virgilius lib. 6. Æneid. v. 210. Videtur Poë-
ta non satis memor fuisse eorum, quæ superius di-
xerat. Hic ait, cunctantem, ac velut repugnantem
per vim difficulter detraxit, & auulſit rami, de
quo tamen superius dixerat:

... namq; ipse volens, facilisq; sequetur.

Si volens, facilisq; sequebatur ramus, quid est, quod restitisse Æneæ videtur, cum ille venit, ut à trunco suo illum detraheret?

Respondet eminentissimi Poëtarum optimus interpres Ludouicus Cerdà: *Qui obsecro refringit? Quod verbum difficultatem indicat. Qui etiam cunctantem, cum dixerit: Namq; ipse volens, facilisq; que sequetur? Nodos istos soluit attributum illud, auidus, etenim qua Vehementer cupimus, etiamsi praeproperè fiant, tamen videntur cunctari.* Quancumq; alij dixerant Æneæ, fore ut nullo negotio se ab arbore sua demi ramus aureus permitteret, Poëta nihilominus affirmat, cunctantem, ac velut repugnantem ægè refringi, siue detruncari potuisse ab illo, ut cui omnis mora, alioquin brevis, longa visa fuit, eò quod magna eius rami cupiditate tenebatur: *Etenim qua Vehementer cupimus, etiamsi praeproperè fiant, tamen videntur cunctari.* Itaq; ut consecutio eorum, quæ orantes petimus, non tarda nobis videatur, ad meritum nostrorum, non desideriorum lucem ea consideremus.

Per Habacuc Prophetam ait Dominus c. 2. v. 3. *Si moram feceris, expecta eum, quia Geniens Veniet, & non tardabit.*

Videtur hîc in ipsi propheticiis verbis esse repugnantia. Nam Habacuc ex vna parte ait, *Si moram feceris*, ex altera verò, *non tardabit.* Et quomodo fieri poterat, ut non tardaret, si moram faceret? Aut quomodo poterat moram facere, si non tardaret?

Satisfacit huic difficultati mellissimus abbas ser. 74. in Cant. dicens: *Quomodo non tardabit, si moram feceris, nisi quod ad meritum satis est, & non satis ad votum.* Facile ergo est intelligere hoc ænigma, quod Deum moram facere, simulq; non tardare affirmat. Tardat enim desiderijs nostris, non tardat meritjs, cunctantiùs venit, quàm vellemus, sed non seriùs, quàm mereamur. Vota nostra concita volant, his procrastinat Dominus: Opera nostra languent, & torpentibus, impeditisq; sunt pedibus, quare illis maturat, & properat Deus. Ut ergo seram obtentionem eorum, quæ optamus, æquanimiter toleremus, figamus oculos in merita nostra, & non aspiciamus desideria. Sic enim fiet, ut grato animo accipiamus, postquàm humili corde petierimus.

C A P V T V.

Accipere inde iniurias, vnde beneficia aut remunerationem sperabas, est terribile genus tormenti, sui aliud æquale, aut par nullum esse videtur.

Concepit, simulq; cepit aspernari Dominam suam ancilla, heram, inquam, quæ illi nunquàm expectatum cum suo marito connubium procurauerat, & conciliârat: *Concepisse se videns despectit dominam suam*, inquit Beatissimus Moyses Gen. 16. 4. Vix animaduertit hanc sui contemptionem Sara, quando coniugi suo Abrahæ querimonias dedit. Hugo, & Caietanus aiunt, læsam Saram iurè, ac meritò apud maritum de insolentia famulæ expostulasse. Cum enim videret, quàm malas vices illa pro insignito beneficio redderet, quid mirum, quod ingentem dolorem in animo eius excitauit tantæ ingratitude, tamq; indigni facinoris intuitus? Non enim est aliud, quod æquè excruciet, atque ingratitude illius, cui benefeceris, & si iniurias, damnaq; ab illo accipias, à quo obseruantiam pro meritis, munera pro benefactis expectabas.

Apud Lucam narrat Dominus, quæ mala mundum in agone vitæ supremo positum excipient, inquiens: *Trademus autem a parentibus, & fratribus, & cognatis, & amicis, & morte afficient ex vobis;* Luc. 21. 16. velut dixisset: Videte an immanes ærummæ horribiles dolores sint futuri, quos dies mundi vltimus secum feret. Nam vestri proditores, & lictores erunt, qui paulò ante fuerant parentes, germani fratres, amici familiares, & sanguinis, amicitiaq; necessitudine, & diuturna consuetudine arctissimè coniuncti, ij vos ad iudices, ut capitis poenas detis, rapiant.

Hugo Cardinalis ait: *Hoc subditur ad exaggerationem pressurarum.* Dixerat prælagus omnium futurorum Dominus: *Terra motus magni erunt, per loca, & pestilentia, & fames, terroresq; de calo, & signa erunt;* ibid. v. 11. posthæc aiebat, etiam illud futurum, ut necessariorum, & cognatorum alij alijs cum alia mala, tum necem deniq; adornarent. Cur hoc commemorandum post illa priora putauerit? Respondet Hugo: *Molestissimum enim est ab eo supplicium pati, à quo debuit accipere beneficium, vnde maior erit dolor, quàm si extranei hoc facerent.* Post denuntiationem famis, pestilentia, & cæterarum calamitatum hoc narrare voluit, quod parentes liberis, liberi parentibus, cognatisq; & amici maxima mala conflaturi sint his, quos ornare beneficijs, iuuare prolixis manibus, leuare consilijs, & auxilijs debebant, ut illius temporis necessitatem verbis amplificaret, & miseræ magnitudinem indicaret: *Subditur ad exaggerationem pressurarum.* Nam ut dolorem alicuius benè exaggeres, ut atrocis vulneris eius summam enormitatem viuus coloribus exprimas,

mas, satis est dicere, accepisse iniurias, à quo expectabat beneficia.

Penultimo Othonario Psalmi 118. hunc prescripsit titulum David, *SIN*, quod *latine dicitur, super vulnus*, ut ait S. Ambrosius, qui & subdit: *Super vulnus quid est, nisi medicamentum, quo vulneris acerbis ac mitigatur?* Plagam, de qua hic loquitur Propheta, dicit esse acerbam, poenalem, cruciabilem. Videamus nunc, quam illa tam crudelis, & sœua plaga, quæ sic Prophetam ex cruciabat, ut cæteros dolores oblitus, huic vni tam magnis, & miserandis vocibus deposcere remedium, velut tolerare illud non posset? Hoc ille statim expressit, dicens: *Principes persecuti sunt me gratis*; ibid. v. 161. velut pluribus dixisset: Eheu quam intolerabili dolore crucior! Quam poenali, & lethali, vulnere afflictor! Principes me nihil tale commertum infectati sunt. Quos Principes dicis, Prophetam Sancte? Fortean Philistæos hostes tuos capitales, aut alias barbaras nationes, cum quibus sanguinolentis sæpè prælijs decertasti? Nequaquam. Nam de his non quereret, cum ab insensis inimicis præter iniurias nihil expectare, aut mihi promittere possem.

S. Ambrosius ait: *Si veterem repetamus historiam, & Saul, & Absalom Sanctum David persecuti sunt.* Principes ergo, quos persecutores habuisse plorabat David, fuerunt Saul, & Absalom, hic filius, ille innumeris beneficijs deuinctus. Cum hoc secum reputaret rex poenitens, clamabat: *Super vulnus*, huc medicamentum verratur, huc fomentum adhibeatur, nec enim alius dolor me tam acerbè cruciat, aut alia plaga tam intolerabiliter afflicta, quam ista. Nullum quippè vulnus æquè poenale est, ac recipere iniurias, vnde expectabas bonas vices, torqueri eorum manibus, quorum sperabas iuvari beneficijs.

Ad commendationem diuinæ potestatis ait idem Propheta regius: *Scrutans corda, & renes Deus*; Psal. 7. 10. Multi dubitauerunt quid emphasis habeat hic verbū *scrutari*. Vt varias prætermittā interpretationes, solam eam adducam, quæ apud Sanctum Basilium Magnum in homil. in Psal. 7. sic habet: *Scrutatio proprie est cum omnibus torturis, atq; argumentis inquisitio, quæ à iudicibus adhibetur tortura ad mortem, & si consensu rerum sunt arcanarum, quæ in questione sunt, & tormentorum adacti eas prius delatantes in apertum constituent.*

Obseruemus in his Magni Basilij verbis ista: *Scrutatio est cum omnibus torturis, & argumentis inquisitio*

sitio, eaq; huc adhibita, ut quis occultam de operiat, & edicat coactus veritatem. Exponit autem S. Doctor ea verba exemplo Abraham, quem Deus varijs cruciatibus, & diuersis tormentis adegerit, ut teſtam enudaret, & palam faceret veritatem, inquit: *Tentatum est cor Abraham, an Deum ex tota anima, & ex tota corde diligeret, quando Isaac filium iussus est in holocaustum offerre, & plane ostenderet, quam filium suum supra Deum non amaret.* Huius itaq; cor ſcrutatione quadam est examinatum. Voluit Dominus veritatem, quæ in corde Abraham latebat in lucem producere, ut omnes intelligerent, quod Sanctus ille Patriarcha Deum super omnia diligeret, quem plus quam proprium filium amaret. Itaq; hunc immolare præcepit, ut si illum obtruncare, quod iussus erat, non dubitaret, ardor charitatis eius omnibus patefieret.

Eonè verò exemplo demonstraſſe Magnus Basilius putare potuit, quod *ſcrutatio ſit cum omnibus torturis inquisitio*? Video quod Abraham suum filium mactare voluit Deo victimam, sed torturam, quæ ille verum suum erga Deum fateri amorem coactus fuerit, non video. Quis enim equuleus hic, in quo extendatur? Quibus fidulis torquetur? Quibus forcipibus concerpitur? Quibus laminis ardentibus aduſulatur? Quibus flammis exurituri, ut omnia tormentorum genera subiſſe dicatur, qui ſolum filium ex Deo ſacrificare debuit? Hoccine verò cruciatuum omnium quædam epitome, & poenarum recapitulatio fuit? Immo ſuit, inquit Baſilius. Nam quod pater quiſpiam in eam neceſſitatem adducatur præcepto cui reſultari non poſſit, ut filium mactet, ſibiq; adeò mortem in illo conſciſcat, & generis ſui vitam in illo radiciculis ſuccidat, per quem tranſmittere proſapiam ad ſeros poſteros, & longa ſæcula cupiebat, cum omnibus torturis inquisitio eſt. Breuiarium enim omnium tormentorum eſt, præcipere alicui, ut ſit rigidus in illum, erga quem humanus, ac blandus eſſe debebat, & cum uulſus omnium cruciatuum eſt, inde haurire dolores, vnde venire oblectamenta, & naſci gaudia ſolebant.

Thyatira Eccleſiæ Epilcopo miſit Dominus nuntia, ſiue literas per manus chari ſui Ioannis, in quibus cum laudaſſet eius fidem, prædicaſſet charitatem, commendaſſet magnā animi in perferendis perſecutionibus, & aduerſitatibus conſtantiam, tū hoc nomine grauiter arguit, & obiurgat, quod permiſerit Iezabeli euidam vaſtræ, & verſutæ, ut docere, officijsque ſuis, & fictis vaticinijs circumuenire incautos.

cautos posset. Illi autem mulieri sæua minabatur supplicia, inquit: *Ecce mittam eam in lectum*; Apocal. c. 22. ubi scelerum suorum meritas pœnas luat, & dignos cruciatus dependat.

Aretas, Cælius Pannonius, & alij exponunt: *Mittam eam in lectum, id est, aegritudine, malis eam afficiam*, strato illam affigam, ibiq; varijs pœnalibus morbis vindicabo nefanda flagitia, quibus se contaminauit, alios offendit, & scandalizauit. Et non erat cruciatus alius immanior, quo affligari propudiosa illa mulier plecti posset, quam ut lecto affixa doleret, gerneret, plumbatæ, barathra, scorpionis, gladij, quibus excarnificari posset? Lectusné illius equuleus, stratumq; ardens craticula fuit? Immo verò, inquit S. Ambrosius lib. 1. de interpellat. Iob. To. 1. *Quid enim arumnosius, cum ipse lectus ad communem quietem datus graue vulnus infligat?* Quid acerbius, & intolerabilius, quam ex illo affligari, à quo refocillari debueras? Quid amarum, quam inde accipere dolores, à quo delicias, voluptatesq; varias sperabas. Itaque Iezabel Orcipokola, ut acriores daret pro sceleribus suis pœnas, & crudelius torqueretur, coniecta in stratum suum fuit, ut ibi suspiraret, ubi respirare alioquin poterat, ibi acerbos gemitus ederet, ibi luctuosis eiulatibus ærem impleret, & diris lamentis præ intolerabilibus viscerum, & animi cruciatibus personaret, ubi dulcem somnum capere solita erat. *Quid arumnosius?* Inuenire dolores, ubi quies aliàs quærat, reperire pœnas, ubi captare otium, & leuare animum consueueris, *quid arumnosius?* Quæ excruciatio huic comparari queat?

In hanc rem sic loquitur Hippocrates lib. 2. Aphorism. 1. *In quo morbo somnus laborem præstat, malum est, siue mortale est*, ut legit Iuuenalis Leuonius Fesaniensis. Ratio autem, ob quam lethale præfagium sit, si ægrotum somnus affliget, ea est ex Galeno, Vallesio, & alijs, quod somnus ab authore naturæ huc datus sit, ut dolorum intercapedinem faciat, & acerbitalis sensum minuat, & quietem adferat, atque adeo mortalis mali inditium sit, cum inde cruciatus augeat, unde venire illius leuamen debebat. Pœnalissimum ergo est ab eo vexari, à quo recreari poterat, & sperabas.

Iudas cum occasionem, quam efficitur optâr, nactus esset, abiit, ut prodendi Magistri sui negotium cum summis, Sacerdotibus dicam, an scelerum capitibus tractaret, *qui audientes gausi sunt*, ut est apud Sanctum Marcum c. 14. 11. Vnde verò illis tan-

ta lætitiæ voluptas? Vnde gaudium illud, exultatio?

Euthymius in Marcum ait: *Gausi sunt non solum quia ipsum sine tumultu comprehensuri erant, opportunè à Iuda traditum, verum etiam quod à suis discipulis odio haberi inciperet*. Quod iam suis exosus fieret, à quibus amari, & obseruari deberet, hoc tale esse videbant, ut non plurimum inde dolorem eius non posse augescere præuiderent, hanc ob rem ingenti efferebantur lætitiâ. Et reuerà quid cruciabilius, quam eos habere infensos, quos pro magnis tuis meritis habere debeas amicissimos, & beneuolentissimos? Quod crudelius tormentum, quam ab illo referre mala, cui bona multa attuleris?

Vide Periocham III. Dominica infra Octau. Natiuitatis Domini, To. 2. pag. 382. a. o. & loca ad finem adscripta, in quibus fuscè hanc rem tractat.

C A P V T VI.

Nulla efficacior vox ad persuadendum scelus, excitandamq; peccandi audaciam, quam superioris videtur, & conuiuentis taciturnitas, & dissimulatio.

Offensa, & exasperata Sara grauiter apud maritum suum Abrahamum expostulabat de iniurijs ab ingrata, & arrogante ancilla acceptis, inquit: *Inique agis contra me*; Genes. 16. 5. nam cum illius tibi potestatem fecerim, ut inde haberes liberos, illa simulac concepisse vidit, mihi esse iniuria, & non solum deferre, quantum heræ famula debebat, sed etiam derogare cœpit, iudicet Dominus inter me, & te.

Notandum hic, quod tametsi Agar dominam suam offenderat, & contempserat, Sara nihilominus Abrahamum herimonij appetijt, & ancillam non curauit. Cur hoc? Doctor Angelicus, Nicolaus Lyranus, & Abulensis, quanquam Saræ suæ ab Agar probra veniebant, expostulasse tamen cum marito Abrahamo, cuius conuiuentia illi fecisse videbatur, quod tam procax, temeraria, & contumeliosa in heram esset ancilla, cuius perulantiam, & arrogantiam cognoscebat, neque corriperebat: *Non conquirebatur principaliter Sara de Agar*, inquit Abulensis, *sed de Abraham, quia videbat Abraham contemptum Saræ, & dissimulabat*.

Hinc colligitur documentum grauissimum, & utilissimum Superioribus, & Prælati, qui subditorum errata vident, tacentq; & dissimulant, & non animaduertunt immania damna, quæ pernitiabili suo silentio, & noxiâ taciturnitate generant. Sanè ad fouenda flagitia, nutriendamq; licentiùs agendi consuetudi-

suetudinem non habet melius malus demon medicum, quam ut inspiret Prælati exitiale illud prudentie genus, quæ peccandi acunt libidinem, dum male agendi dissimulant retundere licentiam, tacentesque tacitam velut concedunt solutiùs, laxiùs, ac liberiùs viuendi facultatem.

S. Augustinus querit, si quis puerum videat in præterfluente se lauante, & oblectante, cognoscatque aquæ periculum, quod puer nesciens, inopinatò à superueniente fluctu abreptus submergitur, vtrum is infelicitis illius mortis sit causa, qui non aperuit discrimen incauto, quod sciebat. Fortè aliquis, non expectato Augustini responso dicat, puerum ipsum suæ interneccionis sibi fuisse causam, & mortis occasionem. Verùm magnus ille Pater ait, esse alium quoque istius necis autorem, fluctum alium, qui puerum ante hauserit, quàm sorberet aqua. Quisnam ille fluctus? *Tua patientia illius mors est*, inquit ille ferm. 16. de Verb. Domini secundum Matthæum. Qui vidit puerum adire periculum, eum iniret aquam, & non illum prohibuit, non auocauit clamore, si fortè abstrahere manu non potuit, sed dissimulauit, & permisit, ut luderet cum discrimine, ille primus occidit, ille primus fluctus fuit, qui abripuit: *Tua patientia mors illius est*. Qui enim prospicit damnum, debetque, & potest auertere, tacetque, & dissimulat, ille vires addit malo, & ampliores illi fores, patientioresque portas aperit.

Propheta regius Psalmo 49. grauissimâ increpatione perfringit quendam ignauum, oscitabundum, incurium, laxum, tepidum Prælatus, ut volent Seraphicus Doctor S. Bonauentura, Michael Ayguanus, Ioannes Bochijs, & Titelmannus, & hoc in eo præter alia culpat: *Si videbas furem, currebas cum eo*; ibid. v. 18. Aliqui dicunt, posse hæc sic verti: *Si videbas furem, silebas ad eum*, connuebas, dissimulabas, quantascunq; rapinas, & improbitates fieri in Rep. intelligeres.

S. Pacianus epist. 3. To. 3. Biblioth. PP. eadem verba sic legit: *Si videbas furem, concurrebas cum eo*. O quale, quantum verbum, *Concurrebas*! Philosophis, & Theologis *concursum* dicitur illa opitulatio primæ causæ, quæ secundæ indigent, vt agere, & opera sua producere queant. Id auxilij, quod agentia inferiora inde à Supremo Deo accipiunt, vt in operationem exeant, vocant Concursum. Hoc communis, & passim recepta sententia habet. Non laceret Sol, non adureret ignis, si hic illis concursus negaretur, ex quo habet ille quod luceat, & hic quod urat. Par est de cæteris creaturis ratio.

Accedamus nunc ad rem. *Si videbas furem, silebas ad eum*. Prælatus, qui videt subditum suum perperam agentem, indulgentem vitijs, captum erroribus, & dissimulat, quid putas apud subditum suo silentio efficit, eum maxime, qui se visum non nescit? *Concurrebas*. Taciturnitas Prælati consensu sceleratæ vitæ subditorum, & tacentis, ac conniuentis quidam moralis concursus est, vt audaciùs peccet, & impudentiùs delinquat, & effrenatiùs in omnè flagitium procurrat. Itaque tacere, & concurrere ad malefacta, idem est, dissimulareque vitia, tantundem est, quantum fouere. Debet ergo Prælatus subitò obuiurgatione negare concursum, sic enim cessabit error, & non ultra progredietur peccatum.

Statuit Dominus discrimen boni Pastoris à malo, & de hoc sic ait: *Mercenarius autem, & qui non est pastor, cuius non sunt oues propria, videt lupum venientem, & dimittit oues, & fugit, & lupus rapit, & dispergit oues*; Ioan. 10. 12.

Illud solum hæc in remouere difficultatem potest, quomodo improbus pastor, siue mercenarius fugiat. Certè perpusillanimus, & ignauus est pastor, quem vnus lupi aspectus in pedes conijcit. Quomodo ergo malus Prælatus fugit?

Cardinalis Caietanus ait: *Fugit silentio*. Fortè hæc mutuatus fuerit Cardinalis à Summo Pontifice, & Magno Gregorio Homil. 14. in Euang. vbi sic habet: *Fugit, quia inuisitiam vidit, & tacuit. Fugit, quia se sub silentio abscondit*. Mirus fugiendi modus! Præsentia Superioris valde efficax est ad coercendum etiam dissolutissimos subditos. Quapropter illa in Prouerbijs lasciua, & dissoluta lena, quæ incautum adolescentem compositis ad perlecebras verbis proritare ad turpem consuetudinem, & inconcessam Venerem volebat, hoc illum ariete vel vnicè, vel maxime quatiebat, quod nemo domi suæ esset, qui voluptates illorum mutuas obiurgando interpellare posset, inquit: *Non est vir in domo sua, absque viâ longissimâ*; Prouerb. 7. 19. vbi Hugo Cardinalis reponit, & exponit: *Non est Prælatus in domo sua*; velut illa dixisset: Possumus intrepidè indulgere obscenis amoribus, & mutuis frui complexibus, abest namque Prælatus, & procul abest, neq; tam citò redibit. Hic bene uel cæcus, videat absentiam Prælati, vbi tam prælicenter à subditis agitur. Sed quod fugere silentio dicitur, non tam facile capiti est. *Fugit silentio, se sub silentio abscondit*. Ex his tamen, quæ hic tractamus, elucet, quæ videbantur obscura, immò agrè intelligebantur, quia obscura. Quando Prælatus coram adest, subditosque videt

effundi in lenitates, negligere observantiam, diffuere moribus, prætermittere sua officia, committere quæ non debeant, & tacet, ac mutet, perinde facit, ac si fugeret, tergumq; obuerteret, licentiisq; agendi facultatem illis concederet. Silentium ergo absentia vices agit, & habere Prælatum, qui videat errata, & dissimulet ea, tale est, quale habere inanimam statum præsentem: *Nam fugit silentio, & saxo similem se facit, & ligni instar, subditi enim tam laxi habentis feruntur in vitia, dum illum silere vident, quam liberè peccarent, si prorsum absens esset.* Itaque *sub silentio se abscondit*, dissimulantia, & coniuventia suâ se tegit, atque ita spatium permittit, ut liberius agere, & diffuere, & effundere se in omnem licentiam possint.

S. Lucas refert, Herodem die quodam statuto sedisse pro tribunali indutum veste regiâ, atque è sublimi solio suo concionatum fuisse ad populum, dicentis autem verba ab assentatoribus tanto plausu excepta, ut quidam succlamarent: *Des Voces, & non hominis*; Act. 12. 22. tanquam dixissent: Fieri non potest, ut homo sit, qui pro concione ad nos dixit, ipse de coelo Deus huc descendit, ut eam tam elegantem, festiuamque, & flexanimam haberet orationem. Cum has adulatorias absolvisset, populus acclamations, *confestim percussit eum* (Herodem) *Angelus Domini, eo quod non dedisset honorem Deo, & consumptus à vermibus exspiravit*, ibid. v. 23.

S. Isidorus Pelusiota dubitat hic acutè, cur Angelus de Herode sumperit supplicium, cum ab ijs magis videatur expetere debuissè pœnas, qui Regi subblanditi, blasphemis illis vocibus per turpem assentationem acclamârunt. Quid enim peccat, quem alij suâ sponte, & ad suam libidinem laudibus extollunt? Cur ergo Domini Angelus Herodis magis sanguine gladium suum cruentavit, quam adulatrici plebis cruore tinxit?

Respondet huic difficultati Isidorus lib. 4. epist. 24. dicens: *Atio id propterea factum, quia ipse populum non reprehenderit, neque adulationem impiam, & insanam repudiârit. Nam dum eam acceptavit, etiam ad maiorem ipsos impietatem assuefecit, atque erudit.* In his premite mihi illa duo postrema verba, *Assuefecit, atque erudit*, ut videatis, quantum Superiorum coniuventia efficiat, illorum enim silentium ad peccandum instituit, & cum alij magistri loquendo scientias tradant, Prælati tacendo male agere docent, & cum dissimulant vitia, flagitiosè viuendi licentiam tacitam, & otium tacentes concedunt.

CAPVT VII.

Ut ne reprehensio sit infructuosa, ita instituenda est, ut peccato deiecto, & prostrato erectus maneat peccator.

CVM Abraham exulceratæ animo Saræ iustas querimonias audiret, beneuolo vultu illi respondit: Ego manibus tuis, & potestati arrogantem ancillam trado, tu illam, ut libet, habe. Cum ergo insolentem famulam pro meritis multaret, affligente eam Sarâ fugam inijt, Genes. 16. 6. Sanctus Augustinus ait, abique peccato factum, quod Sara suam ancillam multauit, quia non naturæ inimicus, sed culpæ insensus erat animus, à quo veniebat animaduersio, & in ea superbiam salubriter edomabat, inquit S. Augustinus apud Cornelium à Lapide, nec opprimere supplicio famulam, sed perdomare contumaciam cupiebat. Huc debent collineare correptiones, huc ire obiurgationes, ut peccata deiiciantur, peccatores autem suum statum teneant, quem admodum medici ea adhibent, quæ infirmitati sint aduersa, non quæ noxia ægro.

Propheta regius querebatur se archè circumdatum ab hostibus, rogabatque ab eis liberari, inquiens: *Exurge, Domine, in ira tua, & exaltare in sinibus inimicorum meorum*; Psal. 7. 7.

In his illud notandum, quod Propheta Dominum ad iram inflammare, indignationemq; eius accuere velle videtur, dicens: *Exurge in ira tua.* At videmus, quo consilio velit tam stomachosum exurgere in ira Dominum: *Consumetur nequitia peccatorum*, inquit ibid. v. 10. Propterea ergo rogabat, ut iracundus ad vindictam erumperet, ut dum pœnas inferret, auferret malitiam, & scelera.

S. Ioan. Chrysostomus hoc in illis Prophetae verbis annotavit, dicens: *Vide autem charitate plenam iusti animam, quomodo querit, & peccatum de medio tollatur, non & sumat pœnam de inimicis, sed & inimici cessent ab improbitate.* Hic verò, hic pulcher est expetendæ vindictæ modus, hæc sancta ira, & prudens indignatio, optare, & curare, ut consumatur nequitia peccatorum, persequi peccata, ut liber euadat peccator. At qui peccatorem impetit, peccatū, illius non est Dei ira, sed mali dæmonis furor, ac rabies: *Querit & peccatum de medio tollatur, non & sumat pœnas de inimicis.* Hoc David, hoc quis iustus querit. Verum diabolus facit, quod fulmen, feritque gladium, saluam relinquens vaginam. Non vult ille peccatoris emendationem, sed peccati perseue-

perseuerantiam. Ira Dei è contra in peccatum sua spicula intorquet, non in peccatorem.

Veniebat Dominus noster inter mundi primordia redargutum Protoparentes propter transgressionem sui præcepti. Cumque mulierem varijs penis, & arumnis addidisset, conuersus ad maritum eius, hæc ferè illi magno cum stomacho, ac submorse dixit: Iussus fueras vnus arboris fructus intactos relinquere. Facile ab ijs abstinere poteris, cui omnium arborum reliquarum libera copia concessa fuerat. Sed quoniam plus apud te valuit blandiloquentia vxoris, quam iussio Creatoris, & maluisti me offendere, quam illam contristare, terra ad vlciscendum tuam præuicationem tribulos, spinaeq; tibi germinabit, & nullam comedes buccam, quam non magno laborum, & sudoris impendio pararis, ac demum in puluerem, ex quo factus es, solutus redibis. Postquam autem primos coniuges, & generis nostri parentes talibus verbis probè depexuisset, *fecit Dominus Deus Ada, & vxoris eius tunicas pelliceas, & induit eos*; Genes. 3. 21.

Oleaster in annot. morali in ea verba sic ait: *Docet locus iste, Prælatos non solum castigare subditos suos ob peccata, sed etiam amoris signa castigatis ostendere, nam etsi peccator castigandus sit, homo tamen fouendus est.* Exemplo ergo Supremi Domini debent Prælati inferiores humanitate demulcere subditos, postquàm eorum peccata seuëriore correptione perculit, sic vt in transgressionem vadat acrimonia obiurgationis, transgressores verò leniat blanda compassio charitatis. Sic nimirum & Dominus quos primùm acriter increpauit, eos postea humaniter vestiuit, *& induit eos.* Hoc debet imitari omnis Prælatus, vt infectetur vitia, ameq; saluumq; cupiat peccatorem.

Hoc magnus ille Philosophus, & Orator Euphrates agebat, de quo Plinius lib. 1. epist. 10. ista: *Insectatur vitia, non homines, nec castigat errantes, sed emendat.* Fuit ille bonus etiam hoc nomine Philosophus, & Orator, quod cum è loco superiore diceret, in flagitia, non capita hominum inueheretur, neque exulcerare flagitiosos, sed reuocare à vitijs studeret.

Ingressus synagogam Christus die quodam Sabati, inuenit hominem, cui manus arida, obseruabantque Dominum inimici Iudæi, vtrum hunc ægrum tali die persanaret. Cum facile videret Christus, quid apud infensos illorum animos ageretur, interrogauit eos, liceretne Sabbatis benè facere, an malè, saluare animam, an perdere. Cum talia in-

terrogasset, tacebant illi. *Quare circumspiciens eos cum ira, contristatus est super cecitate cordis eorum*; Marci 3. v. 5.

Videtur hic Euangelista indicare, duos per id tempus fuisse in animo Christi contrarios affectus, nempe miserationem, & indignationem, iram, & mansuetudinem, aueritatem, & lenitatem. Sed quomodo hæc in vnum pectus eodem tempore cadere simul possunt?

Respondet Cardinalis Caieranus: *Duabus propositionibus scilicet Iesus, ira contra vitium, condolentia ad homines, & intelligas non iratum scilicet sauiendo, sed condolendo, quod perfectè vitiosus est.* Ex ijs quæ hic versamus, prouum est intelligere hos duos in Christo affectus. Nam cum duo sint in homine, puta, natura, & peccatum, ita Christus duo in peccatores spicula iecit, quando *circumspiciens cum ira contristatus est*, vnum miserationis, alterum indignationis, & illo quidem naturam, hoc autem culpam impetit, *ira contra vitium, condolentia ad homines* vsus. Non aberrat à scopo iaculum, quod sic emittitur.

Propheta regius dicit: *Irascimini, & nolite peccare*; Psal. 4. 5. Hic arripiunt occasionem omnes Interpretes affirmandi, posse esse iram absque peccato, neque hoc tantum, sed etiam nonnunquam necessarium esse irasci. Propterea Rex penitens consulit, vt quando aliter fieri nequit, quin irascamur, saltem citra Dei offensam id agamus. Quare alij vertunt: *Irascimini, & nolite errare.* Sed quid sibi hæc volunt? Id, quod collineanti in scopum dicere solemus, *Vide ne aberres à signo.* Sic nunc ait Propheta: *Irascimini, sed attendite quoniam ira vestra vadat, in quem indignatione moueamini, cum enim debeat soli succensere peccato, errabit plurimum, si in peccatorem feratur iaculum, in vos enim sagitta refliet.* In hunc sensum ea Psalmistæ verba interpretatur Euthymius in c. 7. Matth. dicens: *Irascimini, & nolite peccare, hoc est, ne irascendo erres, irā malè vtentes.* Abuti autem irā, est succensere peccatori, cum soli peccato indignari debeamus.

Vt felicem iacturam faciamus Alconem Cretensem dexterrimum sagittarium imitari debemus, cuius filium cum draco inuassisset, tantā arte direxit sagittam, vt ea in vulnere serpentis deficeret, & ad filium non perueniret, simulq; & illum perimeret, & hunc seruaret incolumem. Refert hoc post multos alios Ambrosius Calepinus.

Tantundem agere debemus, inquit Mauritius Hilarctus, quoties proximum nostrum culpæ draco

spiris suis inuolutum tenet, ut quantā possumus dexteritate in draconem intorqueamus iaculum, proximo autem nihil offensionis adferamus. *In inimicis occide errorem, sed sive charitatem*, inquit ille in Serm. feriæ 6. post Cineres. Qui hoc fecerit, illi feliciter cadet suus iactus, proque illius merito in cœlum inuehetur, quod Alconi illi Cretenſi propter interemptum, illaſo filio, draconem occidiſſe apud Manilium fabulatur antiquitas. Voluerunt nihilominus Veteres commento illo ſignificare, qui ad eum modum irā uti ſciat, ut peccatum configat, & conficiat, peccatori autem malè non velit, illum tali artificio promereri, ut in cœlo æternū beatus uiuat, poſtquam hic viuere deſijt.

CAPVT VIII.

Otiſus homo eſt, & vanā imaginatione laborat, qui putat omnes erga ſe ſere largos, cum ipſe in neminem ſit prolixus.

FVgā proripuit ſe Agar è domo heræ ſuæ, occurritque ei Angelus in ſolitudine iuxta quendam fontem, ac iuſſit redire ad dominam ſuam, cumque illam de conceptu certiorē feciſſet, præcepit vocare Iſmaelem, poſtquam eum enixa eſſet. Poſthæc de ingenio natiſcitur filij prædixit, futurum illum ferum, barbarum, & agreſtem, ac talem, qui infeſtus omnibus omnes ſit habiturus inſenſos: *Manus eius contra omnes, & manus omnium contra eum*; Genef. 16. 12. Vbi Oleaſter ait in Annot. morali: *Commune eſt, ſi omnes aduerſentur ei, qui omnium aduerſarius eſt*. Magna certè ſtultitia eſt, ab eo ſibi omne genus beneficiorum promittere, cui feceris nullum, & inſigniter amens eſt, qui ſperat alios erga ſe fore comes, & vrbanoſ, cum ipſe ſit erga omnes tetricus, ruſticus, inhumanus.

Diſſerebat Chriſtus de quadam inſtructuoſa ficulneæ parabola, hæc ſerè dicens: Plantauerat non nemo ficulneam in vinea ſua, cumque toto triennio fructus ab ea optatos nequicquam expectaſſet, ait ad cultorem vineæ: *Succide illam, ſi quid etiam terram occupat*? Lucæ 13. 7. velut pluribus dixiſſet: Non ſum ſerendo poſthac eam plantam, quæ ſua ruſticâ parcitate totam meam denique exhauiſt patientiam. Trium annorum longas illi dedi inducias, intra quos priora facilè emendare errata, & ſterilitatem ſuperiorem poſteriore ſecunditate reſarcire potuiſſet. At cum prorogatione tanti temporis reſtè uti noluerit, reliquum nihil eſt, niſi ut ſecuri deſiciatur, ne terram otioſa occupet.

Cardinalis Caietanus ait: *Terram occupat*, pro onerat. Sed quare otioſa ſit terræ planta, quæ otioſa?

Reſpondet Caietanus: *Significatur quod onus eſt terra, ſugens illam, & tamen fructum non reddens*. Quomodo non ſit permoleſta terræ planta, quæ cum illius auidè ſorbeat humorem, nullum ei reſpondit prouentum? At quàm elegantia verba: *Sugens illam, & tamen fructum non reddens*! Qui vult alijs totum exſugere ſanguinem, nec quicquam in vicem reponere, qui protenſâ manu vult ſemper accipere, nunquam aliquid reddere, nã ille magno ſtudio eſt, & oneri intolerabili, debet hilariter remunerare, & qui amat bonas vices, debet reponere.

S. Lucas c. 11. v. 14. ait: *Erat Ieſus eiſciens demonium, & illud erat mutum*. Sanctus Ioan. Chryſoſtomus, Theophylaſtus, Euthymius aiunt, hunc miſerum arreptitum fuiſſe etiam ſurdum: *ωπος enim mutus frequenter dicitur, dicitur autem & qui non audit*. Sic illi. Reſtè verò idem vocabulum ſignificat & mutum, & ſurdum, nam & idem homo, qui mutus eſt, conſequenter ſit ſurdus, quod videre fuit in Sacerdote Zacharia, qui ſimul & loquendi, & audiendi facultate orbatus fuit, propterea enim *in-nuebant patri Baptiſta, quem vellet vocari eum*, cum de nomine illi imponendo cognati deliberarent, qui cum illo nutibus non egiſſent, ſi verbis agere potuiſſent. Lactantius Firmianus idem affirmat. Cui lingua impedita eſt, eius auditum quoque obſtruſſe neceſſum eſt, ait ille lib. de opific. hom. c. 11. ſive id à natura fiat, ſive ex accidente aliquo. Sed quid cauſæ eſſe queat, quod cui linguæ vſus ademptus eſt, eidem aurium quoque obturentur meatus.

Reſponder Lactantius, id fieri, *ſi quia Vocem emittere non poteſt, ne admittere quidem poſſit*. Quàm elegans ratio! Valdè prouida eſt natura, & peratenta in omnibus rebus ſuis. Itaque ſapientiſſimè ordinauit, ut qui obmuteſcit, mox etiam ſurdus fiat. Officium linguæ eſt, reddere verba, aurium munus eſt, excipere illa. Ut ergo innotefcat, quàm ſit ubique vigilans, & cauta natura, & quàm egregiè tradat huius capitis doctrinam, ut non expectet mutua officia, qui non reponit, ſic humani corporis facultates, muniaque diſpoſuit, ut quo momento lingua promere verba deſinit, eodem aures illa haurire nequeant, & admittere: *Ut qui Vocem emittere non poteſt, ne admittere quidem poſſit*. Ex quo arbitrari licet ſolicitudinem naturæ, quæ nos ad vrbani-

rem, gratitudinemque instituire curat. Quando enim possumus dare, aperit nobis fores, per quas recipiamus, quod erogemus, quando verò volumus admittere beneficia, nec possumus respondere mutuis, obturat nobis portam, ut neque excipere illa queamus.

S. Petrus Damianus Serm. 48. dūm laudat arborē, cuius fructus præstantior, & pretiosior omnium arborum aliarum fructibus, & prædicat lignum in gnomiosissimum, & gloriosissimum, sic exclamat: *O crux gloriosa, quæ omnia benedixit!* omnia tuā benedictione gaudent, non humana tantum, sed & diuina. Quoties in Sanctissimo altaris Sacramento exprimeris! Tu benedixisti Missas, tu consecras omnes actiones, tu agros defendis, tu fruges conferuas, & omnia sospitas, omnes te secum ferre, & habere amant. *O crux gloriosa, quæ omnia benedixit!* Et quid inde efficietur? *O crux benedicta, quæ ab omnibus benedixeris!* Benedixisti omnia, idcirco te vicissim vniuersa benedicunt, laudant, exaleant, plausibusque, & clamoribus celebrant. Nam cum tu cunctis benedicas, res ipsa loquitur, quod tibi mutuam vicem rependere cuncta debeant. *O crux gloriosa, quæ omnia benedixit!* *O crux benedicta, quæ ab omnibus benedixeris!* Sic qui vult laudari, debet laudare, & respondere beneficijs, qui cupit alios erga se beneficos, & dare, qui vult recipere.

P. M. Cabrera magnus ex Ordine Prædicatorum concionator in sermone funebri Philippi II. Regis Catholici notauit hoc dignum consideratione, quod inter eas nationes, quæ omnibus penè rebus, etiam horridis, fordidis, squalidis, serpentibus, dico, bufonibus, ranis, talibusque cultum demissæ adorationis deferrebant, nulla tam præcipere, cæcæque iudicio fuit, (quantum quidem ex Sancto Augustino, Lilio Gregorio, Natali Comite, Vincentio Cartario, Ioanne Kirchmanno, & aliorum, qui hac de re scripserunt, monumentis colligere licet) ut Morti templum excitandum, honoremque diuinum exhibendum putaret. Quid causæ esse queat, quod alijs rebus omnibus, ijsque tam indignis, venerationis soli vero Deo debita tributum depensum fuerit, sola mors eum non habuit honorem? Ratio ea est, quod mors sit aspera, dura, rigida, inexorabilis, nemini parcens, aut deferens, de qua dicere possumus, quod de Rege Babylonis affirmavit Ieremias c. 21. v. 7. *Non steterit, neque parceret, nec miserebitur.* Mors nulli gratificatur, nullum suspicit, omnes eodem loco habet, vnoque pede meretur. Merito ergo nullus eam coluit, quæ nullum honorauit, nullus ei ad-

genicularus fuit, diuinumque cultum detulit, quæ erga neminem vnquam vrbana, aut comis fuit.

Nam ut Glossa in cap. *Esto*, apud Bartholomæum Cassanæum l. p. catalog. considerat. 21. ait: *Frustra petit debitum, qui quod debet, non impendit.* Vanè honorem expectat, qui nulli defert, insignisque est illius stultitia, qui vrbane secum agi optat, cum ipse erga omnes sit rusticus, & barbarus.

Dilectæ Sponsæ dicebat ille de Canticis Sponsus: *Vulnerasti cor meum. soror mea sponsa, vulnerasti cor meum in uno oculorum tuorum, & in uno crine collis;* Cant. 4. 9.

Pulchrè, & appositè inquit in hæc verba Balduinus apud Godofredum Tilmannum in Alleg. Bibliorum: *Quid sibi vult, quod in tota pulchritudine sponsæ non vulneratur sponsus, nisi in uno oculorum, & in uno crine collis?* Perdignum admiratione est, quod Sponsus, cum tam plurima vidisset in Sponsa, quæ cuius alteri etiam non ardentè amanti per placere potuerunt, niueos dentes, aio, & eburneas genas, & nitidam, serenamque frontem, & concinnam, ac festiuam totius corporis structuram, vnus ex toto elegantissimorum membrorum ordine oculus cor illi sauciauerit, & crinis vnus. De crine hinc nihil nunc dicam, solùmque inquiram causam, cur soli oculi Sponsæ, peccus Sponsi, atque animum totum transfuderunt.

Balduinus soluit quæstionem, qui proposuit, dicens: *Oculus quia potest videre, & videri, illex, & index solet esse amoris.* Non gaudent partes corporis reliquæ privilegio oculorum, qui si spectantur, spectant mutuo, & lætè accidentibus hilariter vicissim arrident. Quid mirum ergo, quod sint *illex, & index amoris*, fomes, esca, hamus, piscatores alienæ voluntatis? Qui enim respondet beneficijs, & mutuas gratus vices rependit, ille nutrit apud alios amorem, accendit beneuolentiam, & fouet amicitiam.

Quam probè Deus nouerit respondere, & ab illo discant homo parem, mutuamque habere erga alios sollicitudinem, vide To 2. Persocha V. Dominica II. in Aduentu pag. 346. 9. Vide etiam finem eiusdem Persocha.

305) (*) (306

LIBER VI.

VITÆ ABRAHAM.

CAPVT I.

Cum Deus nullum beneficiendi nobis finem faciat, debemus etiam eius cultores, & serui perpetui esse, laudibusq; illius, & officijs semper studere.



Agno mysterio factum est, quod sacer Historicus annos vitæ, quos Abraham habebat, tunc commemorauit, quando narrare voluit, quod Dominus ei apparuit, atq; vt perfectus esse studeret, imperauit. Vtrumque beatus Moyses sic expressit: *Postquam nonaginta, & nouem annorum esse ceperat, apparuit ei Dominus, dixitq; ad eum, Ego Deus omnipotens, ambula coram me, & esto perfectus*, Gen. 17. 1. Quid causæ, quod illa Abraham tam longæua, & decrepita senectus tam speciatim exprimitur? Id procul dubio factum, vt nobis sit documento, quod studium Deo seruiendi, & placendi nunquam depocere, aut dimittere debemus, tametsi inter illius officia incanuisse nobis videamur. Etas nulla, quantum capulo proxima, emeritis senes facit, quantoscunque enim annos in Dei famulatu quis transmiserit, debet omnes in eius ministerio exigere.

Corinthijs, qui de officijs Deo exhibitis plurimum sibi arrogabant, & blandiebantur, ita scribebat Apostolus 1. Corinth. 4. 8. *Iam saturati estis, iam diuites facti estis.*

S. Ioannes Chrysostomus in his Apostoli verbis pressit illud *Iam*, aitque ex eo æstimare licere, ironicè locutum Doctorem Gentium, inquit: *Et rectè illud Iam, ex tempore ostendens, esse improbabile, quod dicitur, & esse à ratione alienam eorum opinionem*, velut Paulus apertè dixisset: Ludit vos turpiter, ac periculose vestra imaginatio, quæ facit, vt iam saturos, & expletos, & peropulentos vos putetis. *Insatiabilis enim res est pietas, & mentis puerilitas est, existimare, se totum accepisse.* Quam eleganter dictum, *Mentis puerilitas est; existimare se totum accepisse!* Si puerum à domo, quantum iactus est lapidis, abducas, vel mox fatigatur, vel mundi finem attigisse arbitratur. Si crystallinum annulum illi des, adamantem putat, qui de pretio certare cum amplissimo regno possit, atque vt delicato est stoma-

cho, sic quauis re facillè offenditur. *Mentis puerilitas est, æstimare, se totum accepisse.* Qui vnà eleemosynâ, vnâ corporis verberatione, vno ieiunio arbitratur in supremum penitentia, & liberalitatis cacumen peruenisse, ne ille puerili est animo, & stomacho, & iudicio, qui tam facillè rem totam confecisse, & omnia se assecutum existimat, neque cogitat, longissimam sibi viam reliquam esse, quantumcunque progressus fuerit.

Quod ficus sit symbolum, & hieroglyphicum Ecclesiæ, id communis tractatorum sacræ scripturæ sententia habet. Affirmant hoc Ioannes de S. Geminiano, Petrus Hieronimus, Laurentius, Ricciardus. Et S. Ioannes Chrysostomus in cap. 24. Matth. Op. imperf. sic ait: *Semper ficus Ecclesiæ similatur.* Quid habet ficus, vt figura fidelium esse possit? Quid nos suis natiuitatibus proprietatibus docet?

Constantinus Imperator l. 10. de agricult. c. 25. ait: *Scire expediens est; quod senescens ficus fertilior euadat.* Arboribus cæteris prolixior ætas adfert sterilitatem, sic vt minuantur fructu, dum augefcunt annis. Ficus è contrario quòd annosior, eò feracior efficitur, & senescens fertilior euadat. Cum ergo ficus sit hieroglyphicum Ecclesiæ, huc fidelium, & seruorum Dei, genitili illâ suâ conditione mysticè eos monet, vt illius instar pariter annorum numero, & fructuum copiâ augeantur, & quò sunt longuiiores, eò sint vberiores, & fecundiores, & cum sunt à graui senectute incurui, sint ad omne opus Dei agiles, & expediti. Nam cum Deus nunquam benefacere nobis cesset, etiam nos ab illo colendo desistere nunquam debemus.

Propheta regis inter gratiam à Deo accertorum beneficiorum recordationem hæc ad illum humiliter aiebat: *Viam mandatorum tuorum cucurri, cuncta dilatasti cor meum*; Psal. 118. 32.

S. Ambrosius apud Franciscum puteum Carthusianum ait: *Viam mandatorum tuorum cucurri, & bonus equus*, qui cum ex Zephyro sit natus, celeritate illum superat. Ergo generosi, & animosi equi similis debet esse seruus Dei. At quænam illæ notæ, quæ ué insignia, vnde bonus equus agnosci possit?

Dion Cassius Vticensis lib. 6. agricult. cap. 2. ait: *Boni equi hæc nota est, quando stans impatienter ro-*

rat quietem, & terram pedibus pulsans, cursum mediat. Hoc mutuari ab equo, illamque eius conditionem imitari famulus Dei debet, ut omnem impatienter ferat in via virtutis, & studio pietatis quietem, & semper ad anteriora extendere seipsum, & incitare veræ gloriæ fidorum, generosorumque servorum Dei cupiditate studeat ad currendum per semitam sanctitatis, & perfectionis. Qui enim otium, vacationemque amat, qui non curat, ut currat, qui non ad maiorem semper virtutis perfectionem anhelat, non meretur hanc appellationem, ut bonus equus dicatur.

S. Cyrillus Alexandr. Apologorum moral. lib. 1. cap. 1. (hic enim illorum Apologorum moralium Author, ut contendit Cornelius à Lapide, non alter ille Hierosolymitanus Cyrillus) observavit mysticam providentiam sacri Authoris naturæ, qui in admirabili humani corporis structura organa potentiarum, & sensuum in parte anteriore, non à tergo posuit. Nihil organorum nostrorum natura post, sed ante tantum composuit, inquit ille. Videre hoc licet in oculis, olfactu, gustu, auditu, manibus, pedibus, cæterisque vitalium operationum instrumentis. Quidnam verò secretâ istâ, solerteque constructione docere nos voluit?

Respondet Cyrillus: *Ut in virtutis actibus non retrocedentes, immo semper procedentes crescamus.* A fronte, non à tergo posuit sentiendi omnia instrumenta supremus Opifex (qui tam provide, ac sapienter corporis humani partes omnes disposuit, ac digessit) ut nos tacite, ac secreta moneret, in pietatis, & sanctitatis itinere semper progrediendum esse, nunquam retrò abeundum, sic ut virtutum copias abundantiore infatigabiliter semper appetamus, & suspiremus: *Ut in virtutum actibus non retrocedentes, immo semper procedentes crescamus.* Hæc est bona, & præclara Deo serviendi, & placendi ratio, semper currere; nunquam subsistere in curriculo nostræ salutis & profectus, quantum fieri potest.

S. Paulus Apostolus cum cerneret quædam venenosus sub viridi humanæ cupiditatis herba lateret anguis, scribebat discipulo suo Timotheo, ut omnes ad illius contagiosæ, & exitialis pestis fugam, devotionemque sollicitè adhortaretur, inquit: *Qui volunt diuites fieri, incidunt in tentationem, & in laqueum diaboli, & desideria multa inutilia, & nociva.* 1. Timoth. 6. 9. Quid est incidere in desideria multa? Respondet Primasius Vicensis: *Nunquam diuitiarum desideria satiantur, adeo cupiditates, & appetentiæ aliæ ex alijs nascuntur.*

Subiungit Iarim Paulus: *Tu autem, ô homo Dei hæc fuge, sectare vero iustitiam, pietatem, fidem, charitatem, patientiam;* ibid. v. 11. Primasius ait, hoc esse eiusmodi, ac si apertius dixisset: *In his diuitijs cupio te esse locupletem.*

Notandum, quod Apostolus è regione ardentis desiderij, mundanarum diuitiarum constituit flagrantem cupiditatem bonorum cælestium, præcipitque Timotheo, ut hæc summo studio, & totâ ingenij, viriumque contentione ambitiosissimè, studiosissimèque sectetur, huc proram suam dirigat, huc vigilantiam suam, ac diligentiam omnem verat: *In his diuitijs cupio te esse locupletem.* Ut enim nunquam diuitiarum desideria satiantur, sic nunquam satisfacisse putare debet Christianus, quanto scunque in via pietatis, & semita virtutis progressus fecerit. Quantumcunque auctus copijs spiritualium opum fuerit, semper cælesti hydropè, religiosâ siti, piâ fame plures, pluresque appetere, & opulentiores thesauros cupidissimè, & avidissimè optare debet.

Nocte cænæ dicebat Christus charis Discipulis suis: *In hoc clarificatus est Pater meus, & fructum plurimum asseratus, & efficiamini mei discipuli;* Ioannis 15. 8.

Postrema huius sententiæ verba multam habent difficultatem. Nam cum discipuli Christi iam adscripti collegio illius essent, quomodo cælestis Magister aiebat, in magnam æterni Patris sui gloriam redundaturum, si discipuli sui efficerentur, tanquam nondum effecti, & in contubernium illius nondum admissi fuissent?

Occurrit huic difficultati Cardinalis Caietanus, inquit: *Bene nota, quod de existentibus iam discipulis suis dicit, efficiamini mihi discipuli, quod est alterum hic significatum, & intelligamus, perseverantiam manendi in Iesu consistere in continuo effici eius discipulum, hoc est, continuo profectu sub disciplina eius.* Volebat ergo Christus discipulos suos tam strenuos esse operarios, tam indefessè colere Deum, tam impigrè curare, quæcunque ad Patris gloriam, & animarum utilitatem promouendam spectarent, & omnis pietatis studijs tam continuo, ac pertinaciter immorari, ut hinc æstimare illos discipulos Domini possent, quicumque tam gnavos viderent. Cedar autem ad honorem Patris singularem ingens illud Apostolorum serviendi ei studium, & placendi cupiditas infatigabilis, quicumque enim eos videbat tam inhiantè vacare illius officijs, cogitare debebat, dignum esse tali famulari Dominum, cuius mini-

num beneficium nulla officia humana, vel si æterna forent, exaquare possent.

Vide pariter secunda Politici colorum lib. I. cap. 5. Et loca ad finem illius Capituli adscripta, & simile argumentum magis disertè tractat.

CAPVT II.

Inexplicabilia, & innumera sunt commoda, quæ animæ confert Dei memoria, & recordatio illius continua.

Hortabatur Dominus Abrahamum, ut curaret esse valde perfectus, & consummatus, utque illorum finem assequeretur, hanc illi utilissimam industriam suggererat: *Ambula coram me*; tanquam dixisset: Fac mei semper memineris, nunquam è memoria elabi me sinas. Et quid tum? *Esse perfectus*, siue euades perfectus, cum me fueris perpetuò recordatus.

Ad hunc modum exponunt illa Hugo, & Cæteranus Cardinales, Oleaster, Honcala, & Abulensis, cuius sunt, quæ subijcio: *Ambula coram me, id est, sic ambula in omni conuersatione morum, & si me coram te semper videres. Et istud est præcipuum, quod hominem tollit à peccato, scilicet continua memoria de Deo in actibus nostris.* In his expendendum, quod ait, Dei præsentiam esse præcipuum, quo à peccatis auocemur. Illius iugis recordatio aphorismus est, quem nobis Patres spirituales tradunt ad acuenda nostra erga Deum studia, excitandamque torpentem nostram illi seruiendi, & placendi, cupiditatem.

Constituebatur Propheta regius enorme suum, & pessimi exempli flagitium, multisque perfusus lachrymis hæc Domino, quem grauer offendisse, & exasperasse sciebat, inquebat: *Tibi soli peccauit, & malum coram te fecit*; Pl. 50. 6. quod ad me attinet, Domine, fateor atrociter tuam prouocasse clementiam.

Multi aiunt, Prophetam scelerum suorum penitentem voluisse ijs verbis, *Malum coram te fecit*, exaggerare culpæ suæ grauitatem. Qui enim se Dei tunc recordatum fatetur, cum in illum peccauit, offensæ suæ immanitatem valde amplificat. Et si in quemuis alium regem præsentem delinquere, est circumstantia plurimum aggrauans culpam, insolentissima certe inuerecundia est, coram suprema illa maiestare imprudenter, prælicenterque agere. Quod ergo Propheta penitens coram Deo malum fecisse dicit, eà confessione magnitudinem præuaricationis suæ indicare voluisse videtur, quæ hinc vehementer

aucta fuerit, quod ipsos ob oculos Dei præsentis perpetrata.

Benè hoc habet. Verùm Origenes Adamantius vult, ea verba fuisse hominis grati, & agnoscentis imensam Dei offensæ erga se clementiam, & benignitatem. Ergone Davidi ex eo, quod coram Domino malum fecit, bonum aliquod nasci potuit? Aut utilitatis aliquid adferre, quod illo præsentem peccauit? Potuit, inquit Origenes. Quid verò commodi inde habuit? Illud, *Tibi soli peccauit*, illud, ut veræ contritionis ædum eliceret, eoque culpam omnem obliteraret, totamque noxam aboleret. Recordatio enim Dei, illiusque præsentia occasio fuerunt, ut expeditius à prolapsione sua resurgeret, commissorumque scelerum penitentiam facilius conciperet.

Accipite Origenem hom. 11. in Exod. *Tibi soli peccauit, & malum coram te fecit. Quid ergo. Plus habet, qui malum coram Deo facit? Illud profectò, quod continuo penitet, & dicit, Peccauit.* Quando homo pro arbitrij sui improba licentia vult diuinæ illi maiestati esse incurius, & debitam prætermittere obseruantiam, suæque supernæ legis excutere, aut abijcere iugum, ex magna eiusdem clementia, & misericordia fit, quod inter media scelera, & impia flagitiosa vitæ studia memoriam illius, quem offendit, non abijcit, quamdiu enim illius recordamur, spes certa nobis manet reliqua, quod illum per lachrymas placare, & redire cum ipso in gratiam per penitentiam, poterimus.

Caino sua cordis durities, & animi obstinatio inde venit, quod egressus est à facie Domini (Gen. 4. 16.) obliuione perpetuâ illum in corde obliterauit. *Qui discedit à conspectu Dei, nescit conuertere, & peccatum pensando purgare*, inquit rursum Origenes. Ut cognoscamus Cainum in finali impenitentia decessisse, damnationemque incurrisse, id nobis sufficienti argumento esse potest, sic ut non egeamus alio, quod egressus à facie Domini dicitur, quod Dei præsentiam à se abdicauit, quod illum è memoria sua abiecit, adeoque omni felicitati suæ fores oppressit, & obturauit. *Hoc ergo interest* (ita pergit Origenes) *malum coram Deo facere, & à Deo conspectum discessisse peccantem.* Tale hoc est, quale si dixisset: Videte quantum inter sit inter hominem obliuiosum Dei, & memorem illius. Qui Deum præsentem habet, quem admodum Davidi accidit, habet etiam tunc, cum peccat, magna subsidia, quorum ope facilius emergere è cæno peccatorum, & euadere culpas possit. Non habere autem Deum præsentem est tam graue supplicium, tam magna ira offensæ Dei, ut

videa-

videatur omni salutis remedio destitutum eum, cui recordationem suæ præsentiae admittit.

At si præsentia Dei tam utilis est ad euadendum à peccato, & ad excitandum dolorem de perpetratis sceleribus, utique validum frænium erit ad coercendum à malè agendi libidine animum, si illum sæpè, ac studiosè recogitet peccator, & cogitet omnibus actionibus, verbis, cogitationibusque intimè præsentem esse. Nam ut Oleaster in c. 17. Gen. in annotat. moralitè ait, *Si rex, aut magnus Dominus affectet operibus tuis, aut verbis, aurescè facere, aut loqui aliquid turpe, aut inhonestum? Minime, immò neque musitare.* Multa sunt, quæ ne coram puero quidem paulò adultiore dicere, siue agere audeas. *Hoc ipsum de Deo tuo cogita*, inquit rursùm Oleaster, ac si dixisset: Si humana maiestas, si potestas secularis caduca, & peritura tantam habet auctoritatem, & reuerentiam, ut dissolutissimum cohibere, & præcipitantissimum infranare queat: Quid non poterit ad compescendam peccandi libidinem facere præsentia summi Dei, qui nos & creauit, & redemit?

Quare S. Ignatius aiebat, præsentia Dei recordationem sibi vnicum semper visum remedium, quo homo contineri in officio, & permoueri possit, ut prauas appetentias suas coerceat, & perdomet passionibus. *Memento Dei, & non peccabis*, inquebat ille epist. 3. recordare illum, & non offendes, Dei enim præsentia, tanquam fortissimo retinaculo à peccando homo impeditur.

Postquam Arca illa sacrum Iordanis fluvium pertransiisset, & aquæ illius, velut ad reuerentiam imperialis maiestatis, quam Arca representabat, de via cessissent, ad sempiternum tam prodigiosè urbanitatis monumentum præcepit Dominus duodecim lapides ex ipso fluuio exemptos erigi, de quo Iosue cap. 4. v. 20. sic dicitur: *Duodecim lapides, quos de Iordanis alveo sumperant, posuit Iosue in Galgalis.*

Hic illud mouere quemuis potest, quòd Dominus præcepit excitari lapides, (quamuis ad illius portenti memoriam) cum probè sciret, ac pernosset, qualesnam essent, quibuscum agebat, quàm procliuës, & præcipientes ad idololatriam, qui tam leuiter à vero Deo abduci ad cultum deætorum sinebant, ut omnes illi sculptras, pictasque adimere imagines debuisset, quòd idololatrandi occasionem auferret. Cum ergo periculum esset, ne tales lapides supersticiosè colendos putarent, cur erigi illos imperauit?

Respondet Abulenſis: *Præſente Iosue non erat talis præſumptio.* Tanta erat Hebræorum ergà Iosue ducem suum obseruantia, ut illo præſente non ab i-

dololatria tantùm, verùm etiam ab omni talis flagitij discrimine procul essent, nec quiquam metuere posset, ne in eiusmodi scelus cœcâ prolapsione corruerent. At si de hominis præſentia Dominus existimauit, posse per eam ab idololatriæ vitio coerceri homines ad hoc scelus alioquin valde propensos, adeoque lapides illos turè erigi: Quomodo summi Dei nostri præſentia non multò validius frænium erit ad cohibendos quoscunque prauos, etiam vehementissimos appetitus? Quis enim ausit magnum illum Imperatorem offendere, qui illum vbique præſentem, & secretissimos quosque cogitatus inspectantem cogitat?

Marcus Tullius Cicero Quintum fratrem suum perfectum in dicendo, & perpolitum, moribus etiam, & honestis actionibus egregiè excultum cupiebat, utque res ea ex voto eueniret, dicebat illi: *Ut desiderio meo, & optatis fruatur, id facillimè facies, si me, cui semper tui magis placere voluisti, tecum esse semper putabis. Et omnibus rebus, quas dixi, Et facis, interesse.* Si efficacissimum putauit Cicero remedium componendis ad omnem honestatem moribus sui fratris, quòd se omnium dictorum, factorumque arbitrum, inspectoremque cogitaret, quantum non faciat Dei præſentia, quamque potenter permouebit eos, qui illius habent iugem memoriam, ut ad amulsi mandatorum ipsius suam vitam instituunt?

Magnus Philosophus noster Seneca tali industria, & doctrinâ vsus est apud Lucillum, cum ad veram nobilitatem, & homine ingenuo dignam probitatem instituere illum volens epist. 11 sic scribebat: *Prodest sine dubio custodem tibi imponere, Et habere, quem respicias, quem interesse tuis cogitationibus censeas. Aliquorum te autoritate custodi, siue Cato ille sit, si Scipio, siue Lælius, aut, cuius interuentu perdis quoque homines supprimerent vitia.* Tale quidpiam consulere possumus cuius sui spiritualis profectus cupido, nempe ut Petrum, Paulum, Ioannem Baptistam, Basilium magnum, Hieronymum, aut alium talem quempiam ob oculos habeat, suisque interesse factis, & cogitatis censeat, & auferre poenitentia, quibus illi diurnam, ac strenuam operam dederunt recordatione sese ad asperioris vitæ amorem inflamment. Talium enim virorum præſentia, & recordatio excitat desiderium virtutis, & quasi impactis calcaribus impellit ad studium perfectionis. At si hominum sanctorum viuæ memoria tam efficaciter mouere animum recordantis ad piam potest, quid non faciet præſentia illius, qui est sanctus sanctorum, & rex omnis maiestatis?

In horum consideratione erat S. Ioannes Chrysostomus hom. 3. de resurre. To. 3. quando aiebat: *Illud Apostolicum munus assequamur, & præsentem Deum habeamus*; velut dixisset: Magno studio, & quam possumus enixè Deum oremus, & obsecremus, ut eà nos gratià donet, quā suos Apostolos olim ornauit. Quam gratiam dicis? Fortean variarum linguarum donum? Aut excitandorum mortuorum, aliorumque miraculorum. patratorum virtutem? Nihil horum, inquit Chrysostomus, sed illud, *& præsentem Deum habeamus*. Hoc ardentibus votis, multisque cum lachrymis etiam, atque etiam rogare debemus, ut nunquam Dominus à memoria nostra discedat, atque ita partem felicitatis Apostolicæ consequamur. Ut enim quis vitam Apostolicam imitetur, videtur nullā re aliā egere, quam ut Deum semper coram habeat: *Illud Apostolicum munus assequamur, & Deum præsentem habeamus*.

CAPVT III.

Cum fieri non possit, ut quis habeat huius vitæ gloriam simul, & futuræ, necessum est in hac vita seminare lachrymas, ut metamus lætitiā in futura.

Quod noster Vulgatus textus habet, *Ambula coram me*, id S. Ambrosius transtulit, *Emerere coram me*, mach dich wolberdient hey mir / labora, fuda, qui enim optat quietem, debet ante subire defatigationem, & qui desiderat gloriam, debet prius tolerare ærumnam, fieri enim non potest, ut quis & præsentem habeat, & securam gloriam, ac quietem. In hanc rem sic dicebat olim S. Hieronymus lib. 2. epist. 37. *Difficillimum, & impossibile est, & quis presentibus, & futuris fruatur bonis, & hic ventrem, & ibi mentem impleat, & de delictis transcat ad delicias, & in istius sæculo prius sit, & in cælo, & in terra, appareat gloriosus*. Non potest esse mutuum istarum gloriarum contubernium, nec vnum eas commune capit hospitium. Quare videat homo Christianus, quænam sit optabilior, & condubior gloria, & pro ea, quam suspirat, strenuè laboret, nam ut ex otio temporali ad quietem æternam perueniat, fieri non potest.

Propheta Ezechiel describit modum ingrediendi, & egrediendi, quem seruari volebat Dominus ab his, qui per dies festiuos templum religiosi cultus gratiā petebant, dicens: *Cum intrabis populus terra in conspectu Domini in solennitatibus, qui ingreditur per portam Aquilonis, & adoret, egredietur per viam portæ Meridianæ, porro qui ingreditur per viam portæ*

Meridianæ, egredietur per viam portæ Aquilonis, non egredietur per viam portæ, per quam ingressus est; Ezech. 46. 9.

Digna notatu, & plena mysterio cæremonia! Quid enim referebat, quod per eandem portam quis exiret, per quam egressus fuerat? Nescio quid incommodi adferre res illa potuerit. Si spiritualem superioris præcepti sensum, cum Petro Berchorio persequamur, & quid mysticè significet, scrutemur, inueniemus opportunum nostræ institutioni documentum. Aquilo (quod & alibi diximus) propter suam asperitatem, & vim frigorum est symbolum ærumnarum præsentium, meridionalis autem ventus propter suam lenitatem, & placidam mititatem figura est quietis, & vacationis. Quod ergo Dominus mandauit, ut qui per portam Aquilonarem, per angustā calamitatum, & aduersitatum huius vitæ ingrederetur, exiret per Meridionalem, id factum, ut doceretur, eum qui in hac vita intrat per portam laborum, defatigationum, & miseriarum, egressurum per portam quietis, & gloriæ in vitam futuram, & contrā eum, qui in hac vita intrat per portam delictiarum, voluptatum, & oblectamentorum præsentium, exiturum per portam Aquilonarem tormentorum, cruciatuum, suppliciorum. Per eandem portam pedes efferre, per quam intulerit, nemini conceditur: *Non reuertetur per viam portæ, per quam ingressus est. Impossibile est, & de delictis transcat ad delicias*. Duplici gloriā nullus gaudere potest, nec ulli duplicis otij, hoc est, præsentis, & futuri priuilegium concessum fuit?

Nam ut Petrus Berchorius in allegorica eius loci expositione ait, *non est decens, immò & communiter impossibile, quod de Aquilone ad Aquilonem venias, id est, de paupertate ad paupertatem, nec quod de meridie ad meridiem, id est, de mundi gloria ad gloriam cæli post accedas*.

Theophrastus lib. 1. de caus. plant. cap. 15. de oliui aliquid affirmat, quod crebro experimento didicerit, inquiens: *Euenit, & cum olea bene germinant, male fructificant, cumque bene fructificant, male germinant*. Huius rei causam præsentī instituto aptam mox subiungit clarissimus Philosophus, dicens: *Tanquam natura & triq, satisfacere parti non valeat, sed necesse habeat absumere alteram, & alteram faciat*. Si ergo quæras, qui fiat, quod malè germinet olea, quo anno fructificent benè, respondebit Theophrastus, id inde venire, quod non sit tanta naturæ vis, & facultas, ut tribuere vtrumque simul pingui arbori illi quæat. Nimia gloria foret, si olea eodem

anno

anno & luxuriaret germine, & copiâ fructuum abundaret. *Vtrique satisfacere partis natura cum non valeat, necesse habet, absumere alteram, & alteram faciat.* Hoc ipsum dicere in causâ præsentis possumus.

Qui otio in hac vita multo fruitur, potest multos in securâ timere cruciatus, & qui hic patitur crebras misérias, potest à morte plurimam expectare gloriam. Scultum namque est, vtrumque simul otium, & gaudium, præsens, inquam, & futurum expectare, ducere in bonis dies vitæ huius, & velle æternum videre voluptatem domus Dei, qui non vult vtrique satisfacere parti, neque tantâ hominem cumulare gloriâ. Qui futuram vult certo assequi, debet præsentem à se abdicare, quam potest multas commoditates, necessumque habet, *absumere alteram lætitiâ, & alteram faciat.* Itaque qui volens præsentem contemperit gloriam, ille inueniet futuram.

Si quis sanctum Petrum Damianum interrogasset, quem hebdomadæ diem ageret, quantumque ab illo dies mundi supremus abesset, respondisset, se diem Veneris, seu feriam sextam agere, & huc diem proximè sequi diem iudicii, nec alium esse medium amborum. *Tota hac vita sexta feria est,* inquit ille serm. 48. *quia videlicet crucem post Dominum basulare iubemur.* Die Veneris sospirator generis nostri in crucem actus obijt. Dies Veneris est omnis huius vitæ dies Passioni, & cruci ferendæ destinatus, in quo laborare, & sudare oportet, vt ab illo transeamus ad Dominicum diem resurrectionis. Qui hac vult inuerrere tempora, & ex die operoso facere feriatum, & præsentem habere gloriam, & futuram consequi lætitiâ, ille spe suâ frustrabitur, & aliud, quam expectabat, inueniet. *Si præpostero ordine nunc sub carnis lege viuentes quasi Dominicam diem ducimus, procul dubio postmodum non gaudium gaudio, sed irambulatione mutamus,* inquit idem ille. Qui per totam hebdomadæ vacat à labore, ille die festo tetinabit. Homo enim iners, qui per dies operosos vult se omni genere voluptatum per otium oblectare, non potest diebus festis gaudere suauitate quietis. Tot namque dies feriatum esse nequeunt. Multis diebus operosis laborandum est, vt vno festo quiescere valeas, *Non gaudium gaudio mutamus, neque conceditur ab vna quiete transire ad alteram.*

Plinius aiebat, autumnum serenum esse hyemis asperæ optimum prognosticum: *Autumni serenitas venturam hyemem facit,* inquit ille lib. 18. 35. Etiam in rebus naturalibus videtur nobis Deus indicare, quid in moralibus eueniat. Disponit enim Vniuersitatis conditor ad eum modum tempora, vt non velit

Tom. III.

alijs alia succedere, nisi quæ diuersas, aduersasque habent qualitates. Itaque ex illius institutione, & ordinatione frugiferum, acque ob id gratum autumnum saua hyems excipit, vt tranquillitatem tranquillitas, vernæque aura auram similem, & æstatem æstas per manus ducat, fieri nequit: *Autumni serenitas venturam hyemem facit.* Gaudesne in hac vita varijs corporis oblectationibus, & inter carnis voluptates, ac delicias autumnum huius temporis transmittis? Infelix auspiciu, malum omen. O quàm atrox, & immitis cruciatuum hyems te manet! Quàm acres pœnæ, & immania tormenta te expectant! Fieri enim non potest, vt quis duas habeat glorias: *Impossibile est, vt quis de delictis transeat ad delicias,* inquebat beatus Hieronymus.

Apertè ad hanc rem pinxit Alcizius Hispanus in suis emblematis lib. 2. emblem. 23. duos mûdos, superiorem, & inferiorem, cælum, & terram, cum hac adscriptione: *ALTERVM DEBET ESSE,* nimirum vt vel hoc fruaris, vel altero, vtroque enim gaudere nemo potest. *Impossibile namque est, quod ex Hieronymo diximus, vt quis & in cælo, & in terra appareat gloriosus.* Quare laboremus in hac vita, vt consequamur beatum otium futuræ, cùmque omnes nobis dicant, fieri non posse, vt fruamur vtroque mundo, præsentem nimirum, & futuro, seminemus hic lachrymas, vt ibi metamus gloriam.

Vide partem secundam Politici cælorum infra lib. 6. cap. 8. & alia ex prioribus Tomis loca ad calcem capituli illius adscripta, quæ idem argumentum discussius tractant.

C A P V T IV.

Dummodò habeamus Deum contentum, & beneuolentem, non est cur hominum dicta, factaque curemus.

Dicebat Dominus amico suo Abraham: *Ambula decoram me, & esto perfectus;* quod ex Guilielmi Papinij, Ioannis Cluniacensis, & Bernardini de Buttis expositione tale est, ac si dixisset: *Mihi solum attende, ceteros non cures,* labora vt mihi placeas, hominum gratiam bonam, malamue sulsque deique habeas. Nam si iustam offensæ causam nemini præbeas, hominum iudicia, dicta, facta contemnere potes, & benè contentus viuere, dum me contentum modò habeas, tuæque studia mihi probari scias. Ego enim sum Dominus tuus, ego iudex. Si per me absoluaris, parum refert, quòd totus mundus te condemnet, si ego tua opera habeo grata, aliorum dicteria, & murmura, & obrectationes ne cura.

N

Regius

Regius Propheta David cum secum reputaret, quàm sit graue, ac molestum peccati mortalis pondus, putabat, parem illius felicitati non posse in hac vita esse aliam, qui postquam Dei maiestatem lethalliter offendit, nozarum suarum indulgentiam, & scelerum gratiam per compunctionem consequitur. *Beati quorum remissa sunt iniquitates. Et quorum secta sunt peccata*, inquit ille Psal. 31. v. 1. Tum v. 2. subiungit: *Beatus vir, cui non imputauit Dominus peccatum.*

S. Petrus Damianus serm. 52. notauit cautionem, quacum coronatus Propheta locutus est, cum *imputauit dixit, non fecit.* Beatum ergo pronuntiauit pœnitens David non eum, qui non perpetravit, sed cui non imputauit Deus peccatum: *Qui enim peccatum non fecerit, non est nisi vnus, Et hic Filius Dei.* Si hominem quæras, qui nullo vnquam se contaminauit piaculo, inter omnes posteros Adæ solum reperies Christum, eiusq; Matrem, quorum ille per naturam, hæc per gratiam exors culpæ fuit. At si non est homo, qui viuat, & non peccet, si nemo purus est sceleris, quid sibi vult illud Dauidicum, *Beatus vir, cui non imputauit Dominus peccatum?* Ex S. Petri Damiani commentatione hic subest verbis illis sensus: Quandoquidem res hominum ita habent, vt nullus eorum omnino euadat peccatum, tametsi propterea malè quisquam apud alios audiat, & pessimâ opinione laboret, parum refert, dummodo Dominus hoc illi non imputet, non de vitio, non culpet, quod per humilem confessionem, & verum, excordialemque dolorem obliterauit. Nam Deum habere propitium, beneuolum, contentum, id hominem beatum facit, & felicem: Verùm præclaram habere apud homines existimationem, & Deum insensum, summa infelicitas est, vt maxima beatitas est, illi probari: *Omne enim, quod ipse nobis non imputare decreuerit, sic est, quasi non fuerit*, inquit Eminentissimus Cardinalis. Qui illum pacatum, additumque habet, non habet, quod metuat, vel pertimescat.

Commendat se Sponsa à duabus rebus præmodum, vt videtur, contrarijs, & aduersis. *Nigra sum, sed formosa, filia Hierusalem*, inquit illa Cantic. 1. 4. Theodoretus, Psellus, Maximus, Hailgrinus, Genebrardus, & alij aiunt, hæc illam commemorasse pro sui consolatione, & insigni fiducia erga suum Sponsum, è cuius liberalibus manibus plurima conueniunt beneficia recipiebat, & præter alia elegantiam, venustatemque suam consecuta fuerat. Bene habet istud. Sed quomodo illa coherere possunt, quod se

nigram, inaspectabilem, illepidam, ingratham oculis, simulq; singulari Dei munere formosam dicit: Quomodo formosa erat, si nigra, cum atrox faciei omnem illius pulchritudinem obscuraret, deuenisset, dehoneffet?

Respondet Cardinalis Petrus de Aliaco, dicens: *Nigra sum iudicio mundi, formosa iudicio Dei.* Tametsi nigra sim, inquit illa, læta sum nihilominus, ex solius enim mundi vana imaginatione venit turpitudine, quæcunque illa de atrore venire videtur, Dei autem censurâ, eiusque oculis sum pulchra. Cumq; his oculis sim elegans, nihil curo, quod mundo videar deformis. Dùm Sponso meo placeam, non est homo alius, cui me probare debeam.

Cum prædicasset Dominus Ioannem præcurso-rem suum verbis, neque paucis, neque vulgaribus, permouit eâ concione populum omnem, & publicanos, vt baptismati Ioannis se submitterent, quod Pharisei, & Legisperiti spernebant, in quos iustâ indignatione commotus exclamabat: *Cui similes dicam homines generationis huius?* Lucæ 7. 31. Quidnam illud est, cum quo conferre possim istas araneas, quæ in mortiferum venenum omnia, in quæ inciderint, conuertunt? Subiungebat autem iratus Dominus: *Et cui similes sunt?* ibidem.

Cardinalis Toletus notauit, quod Dominus, postquam dixisset: *Cui similes dicam homines istos, adiecit, Et cui similes sunt?* Cur hoc secundum Christum addendum putauerit, quod otiosum videtur, & superuacaneum? Dixerat: *Cui similes dicam?* Quamobrem addidit: *Et cui similes sunt?* Magnomysterio factum, quod interrogauit, cuiam similes essent, postquam sciscitatus fuerat, cui illos similes diceret. Aliud est, dici aliquid, aliud esse, plurimumque alterum ab altero differt. Quare celestis Magister cum dixisset: *Cui similes dicam?* mox addidit: *Cui similes sunt?* Quamdiu enim aliquid non est, parum refert dici, dictorumq; nulla habenda est ratio. Quod quidque est, id ei vel incommodat, vel prodest, cumq; Dei sapientia certissimè omnia peruideat, & nec falli possit, nec fallere, ea propter si quis malus est, hoc metuat, neque curet, si forte per iniuriam talis dicatur. Deus veritatem omnem nouit, ac proinde parum refert videri alijs verum, quod illi tale non est, & contemnendum vulgi arbitrium, quod cum Dei censurâ, & sententia non congruit. Vt hanc nobis ergo doctrinam Christus traderet, postquam dixerat, *Cui similes dicam homines istos?* mox adiecit: *Et cui similes sunt?* non quia in diuina illius approbatione non fuerit verumq; idem, sed

sed ut nos doceret, quomodo de hac re loqui debeamus.

Mortuus fuit Lazarus amicus Christi, de cuius obitu cum apud discipulos differeret, pramaturam illius mortem nomine dormitionis donabat, denique verò aiebat: *Lazarus mortuus est, sed eam ad eum*; Ioan. 11. 14. 15.

Si Philosophiæ severioris canones consulas, videtur aliter loqui debuisse. Mors nexum corporis, & animæ apud Lazarum ruperat. Lazarus ergo non amplius Lazarus erat, ut dicere posset, *Eamus ad eum*, nisi fortè velis, quod totus in frigido, & rigido cadavere Lazarus positus fuit. Et Discipuli ipsi, quando audierunt illud ex ore Christi, *Eamus ad eum*, fortè dixerunt intra se: Quomodo ibimus ad illum, qui iam non est ille?

Benè habet hæc difficultas, quam movit Theophylactus, inquit: *Tu autem vide quomodo Dominus, quando mortuo Lazaro, dixerit, Eamus ad eum, quasi ad viventem*. At quid est, quod de mortuo non secus, ac de vivente loquitur?

Responder: *Etenim Lazarus vivebat Christo & Deo*. Quamquam defunctus esset, Discipuli quæ, & sorores illum tanquam mortuum deplorarent, Christus tamen illum quasi viventem habebat, vivebat nimirum ei, cui certum erat redanimare, & quando alij luctuosam illius mortem desolebant, Christus ei vitam miraculosam promittebat, velut dixisset: Ego illum cum vivum habeo, tamen omnes illum ut mortuum deplorent. Nam cum mihi vivat, haberi ut vivus debet, quamquam alijs mortuus sit. Mea sententia obtinere, & valere apud omnes debet, & probari omnibus, quod mihi vni probatur.

Dicebat Aneas reginæ Didoni, non posse non ab illa discedere, quod à summo Ioue, cui oblectari nefas esset, demandatum iter haberet. Movit insperatum hoc nuntium amicam reginam, quæ cum infinitos artificiorum, rhetoricorum modos adhiberet, & impedimenta plurima comminisceretur, lachrymas quoque vi magnâ funderet, quod Aneam à confectione profectione deterreret.

... illo Iouis montis immota tenebat

Lumina. Virgil lib. 4. Aeneid. Ad omnia Didonis dicta, commenta, & lamenta talis erat Aneas, qualis inter medias irati maris procellas tumidus, & immobilis scopulus.

Admirationem cuique adferre potest ille per id tempus tam duro corde Aneas, qui cum Virgilio sæpe pius dicatur, prætermissæ pietatem tunc videtur, quando illâ maximè uti potuit, & vel ut indul-

gentiæ, benevolentia quæ Didonis responderet, ac tam propensæ voluntati, & flagranti amoris concederet, & pares vices redderet, vel ut mundi opinioni satisfaceret, tetricusque, & inhumanus, & rusticus, & intractabilis apud eos, qui urbanitatis, & comitatus erant amantes, non audiret, debuit saltem suspendere, ac differre profectionem suam, si propositum itinerandi prorsum retractare noluit. Quid ergo ad blanditias Didonis tam austerus, quid tam morosus ad illius tam hilarem vultum, ac festivos sermones, quid ad querimonias tam surdus, tam difficilis, & amarulentus ad tantam comitatus suavitatem Aneas fuit, & ne hoc quidem satis attentè cogitavit, quid vulgus, quid plerique dicturi essent, qui tã intractabilem fuisse intelligerent?

Satisfacit huic dubitationi Donatus, monet quæ diligenter expendere verba Pœtæ, qui de Anea canit, quod ille Iouis montis immota tenebat lumina, scilicet non respiciens, quæ rogaret Dido, nec lachrymas eius attendens, solum Iovem videbat animo, solum stare ante oculos suos, à cuius præceptis amoveri non poterit. Non verbis, non precibus, non etiam lachrymis quæculæ reginæ flecebatur Aneas, sola namque diei sui iussa cogitabat, qui capessere viam imperaverat, taliaque apud se tunc dicebat: Eiulet regina, loquantur cæteri, quidquid volunt homines, surdus sum ad omnia, quæcunque dicunt, aures autem, viresque rotas eò convertito, ut numinis præcepta expleam, cuius mandatis si satisfecero, omnes officij mei partes explevero.

Regius Propheta de huius sæculi divitibus sic ait Psal. 75. 6. *Dormierunt somnum suum, & nihil invenerunt omnes viri divitiarum in manibus suis*.

In his verbis prima illa, *Dormierunt somnum suum*, patiuntur nonnullam difficultatem, ijs enim significare videtur regius Vates, quod illi huius vitæ opulenti & potentes obierunt mortem suam, priusquam morerentur, aut quod mortui iam erant, cum morerentur, si enim dormire est mori, & somnus mors, quid aliud fuerit dormire somnum suum, quam mori mortem suam? Hæc autem quædam verborum contradictio videtur.

S. Ambrosius ait, magnum subesse ijs verbis mysterium. Loquitur enim Propheta non ex sententia hominum, sed ex arbitrio Dei, & quoniam potentes sæculi Deo sunt, ac si non essent, eapropter David dicit, dormisse suum somnum, & mortuos obisse suam mortem. Parum enim referebat, quod homines eos colerent, quos Deus aspernabatur, quodque mundus eos adoraret, quando mundi Conditor illos

deridebat. Quamdiu enim Deo non est satisfactum, nihil factum est, quod quidem sit alicuius momenti.

Audite Sanctum Doctorem Othon. 8. in Psal. 118. v. 1. *Bene somnum suum dormiunt faculares viri, qui licet saculo sigilent, Deo dormiunt.* Deus solus est verum firmamentum, & fulcimentum; cui soli satisfacere, & nos probare debemus. Qui illi viuunt, verè viuunt, tamen si omnibus alijs rebus sint mortui. Qui autem ceteris rebus viuunt, non Deo, verè mortui sunt. Nulla enim est vita, seu mors, nullum bonum, siue malum, nisi quæ Deo vita; seu mors, bonum, siue malum est.

CAPVT V.

Boni, quò magis honorantur, eò magis se contrahunt, ac demittunt; mali laudibus intumescunt, & insolent.

Postquam varijs, insignitisque beneficijs, & gratijs à supremo Creatore suo collocupletatus sanctus Patriarcha fuerat, cecidit, vt sacer Textus memorat, *pronus in faciem*, Genes. 17. 3. tanquam indignus esset, quem Deus tantis donis ornasset, & cumulasset. Non sic fecit eius ancilla Agar, quæ concepisse se videns, cum submittere se deberet, *despexit dominam suam*, Genes. 16. 4. Hic est ipis Lexius, quo boni, & mali probantur. Boni quò magis honorantur magis se deiiciunt, mali è còtrà quò magis extolluntur, eò magis ipsi sese efferunt, & erigunt.

Conuenit Christum legis quidam peritus, periculumque facere volens sapientiæ illius, interrogauit eum, quid sibi faciendum esset, quo vitam æternam obtineret. *Surrexit tentans eum*, inquit sanctus Lucas c. 10. v. 25. Et Dominus. *In lege quid scriptum est quomodo legis?* Respondit Legisperitus: Lex iubet, vt quisque diligat Deum ex toto corde suo, & ex tota anima sua, & ex omnibus viribus suis, & ex omni mente sua, & proximum suum sicut seipsum. Tunc Christus: *Rectè respondisti*, perplacuit mihi responsum tuum. Mox Legisperitus iterum: *Et quis est meus proximus?* Ibid. v. 29. quis est, qui me exæquet? Omnes habeo inferiores, ego omnibus superior sum.

Sanctus Cyrillus Alexandrinus in catena aurea sancti Thomæ, & Theophylactus hæserunt in illo Legisperiti, *Et quis est meus proximus*, quis mihi toto mundo par, qui mecum certare de magnitudine meritum auit? & inquit, *Laudatus Legisperitus à Salvatore, quòd rectè respondit, in superbiam prorupit, nullum sibi proximum putans esse, quasi nullus esset in iustitia comparandus.* Simul ac Redem-

ptor noster illum à sapiente responso commendauit, ita efferri animo cœpit, nullum sibi similem, nullum probitate, & sanctitate parem sub sole esse putaret. Nonné notatis illud Cyrilli, & Theophylacti, quòd *laudatus in superbiam prorupit*? Vnde id factum? Inde, quòd *surrexit tentans*, malo animo, peruerso consilio, sinistra intentione homo versipellis, vaser, improbus Christum conuenit, vt intelligeret quantum Dominus sciret, non vt disceret, quid ad obtinendam beatitudinem facere deberet. Itaque dum laudaretur, tanquam homo malus euauit in cogitationibus suis, seque suprà omnes mundi eminere, & neminem sanctitate, ac gratiæ donis habere parem arbitratus fuit.

Cum fames ingrauesceret, & victus penuria magnis incrementis augeteretur in ea terra, quam Patriarcha noster primam adiit, coactus fuit in Ægyptum descendere. Priusquam verò illam ingrederetur, præuidens vitæ periculum sibi ab Ægyptijs imminere, si rescirent, quòd Sara vxor sua esset, ait ad illam: *Nous, quòd pulchra sis mulier, dic, obsecro te, quòd seror me sis*? Genes. 12. v. 12. 13. Ægyptij enim capti tuæ venustatis specie me exanimalem facient, vt citrà adulterium tuo complexu frui possint, quare vt vitam meam sospites, sororem te meam dicito.

Sanctus Ioannes Chrysostomus homil. 3. in Genes. 10. 1. ait: *Considera, quantum confidebat mortibus mulieris.* Vnde illam tantam confidentiam Abraham erga vxorem suam Saram asstimare possumus? Vnde? Inde, quòd illam in os laudare de singulari formæ liberalioris decentia non dubitauit, vt diceret: *Nous, quòd pulchra sis mulier*; neque veritus fuit, ne ex commendatione intumesceret animo, & efferretur superbiâ, non timens, ne fortè laudibus remissior fiat. Hac enim de re hominem bonum, & sanctum arbitrari Possumus, quòd non superbit ex laudibus, non insolent ex honore, immò verò tantò plus se submittit, ac deiicit, quantò magis ab alijs euehitur, & extollitur.

Rogabat Moyse Hobab filium Raguel Madianitæ cognatum suum, vt se illi, ac populo comitem itineris adiungeret, ac viâ, quam pernoctet, ductor esset, illiusque directione peruenirent ad locum, quem ex promisso daturus erat Dominus. Quando hæc ille audiuit, respondit: *Non vadam tecum, sed reuertar in terram meam, in qua natus sum*; Num. 10. 30. tanquam alijs verbis dixisset: Tace sis de hac re, neque id genus officij à me expecta, qui tam deliberatum habeo patriam meam repetere, quam

certum,

certum, quòd nihil indigus sum remunerationis, ac beneficiorum, quæ mihi pro obsequio promittis.

Quàm citò, facileque videre licuit, inquit Oleaster, quòd sordidus, & de infima plebe, & extremo vulgo quidam hic homo fuit. Offerebat illi Moyses conditiones perhonorificas, & cum viarum peritus esset, ductorem tam illustis populi primum renuntiare cupiebat, communionem etiam offerebat beneficiorum, bonorum, priuilegiorum, quæcunque illis Deus pollicitus fuisset, ut vel hac inuitatione permotus oblatam non grauè admitteret prouinciam. Et quid ille? Subruffica verba pro comibus reponit, perdiuque, ac multum rogari finens aiebat: *Non & adam tecum, nolo quidquam eà de re agi, ad patriam reuerti mihi decretum. Commune est vilihus, & infimis personis tantò magis tibi opem negare, quantò te magis viderint eorum auxilio indigere*, inquit Oleaster, atque inde magis efferrì, vnde plus se demittere deberent. At si hoc facerent, rogatiue non se extollerent, sed humiliarent, iam de bonorum numero essent, qui quò magis suam operam, alijs necessariam vident, eò demissius sese offerunt his, à quibus implorantur.

Quòd digiti in sacris literis symbolum sint virorum perfectorum, id affirmant auctores, quorum lucubrationes necessitati meorum studiorum prompè plerumque occurrunt. Ij sunt Hieronymus Laureus, Antonius Ricciardus, Pierius Valerianus, & Ioannes de S. Geminiano. Præter alia scripturæ loca hoc facit ille ex Prouerbij Salomonis, qui de muliere forti ait: *Digitus eius apprehenderunt fufum*, Prouerb. 31. 19. quorum verborum sensus mysticus hoc vult, quòd viri perfecti Ecclesiæ nauare operam operibus humilibus, & vilihus cœperint. Petrus Berchorius ergo lib. 2. Reductionum moral. c. 26. n. 4. de digitis hoc singulare affirmat: *Digitus hoc habent proprium, quia post cibum sunt graciliores*. Experientia hoc docet, annulus enim, qui ante sumptum cibum ægrè abstrahi à digito potest, à prandio facillè eximitur. Tales sunt viri boni, & sancti, inquit Berchorius, accidit illis, quòd digitis, ut quemadmodum hi post cibum sunt graciliores, sic illi post beneficia, in primis verò post epulum Eucharisticum, post degustatum sanctissimum altaris Sacramentum, quod est gratiarum diuinarum quædam epitome, & breuiarium, magis grati, humiles, & subiecti, magisque abiectione se sentiant, quò amplius magnificantur, plusque se deiciant, quò sublimius eleuantur.

Postquàm à cœlesti Magistro Discipuli aliqui discessissent, idque occasione sermonis, quem Caphar-

nai de augustissimo Eucharistiæ Sacramento habuerat, dicebat duodecim Apostolis suis: *Nunquid & vos vultis abire?* Ioan. 6. 68. Respondit vnus ex omnibus Petrus: *Quoniam ibimus, Domine, nisi te sequamur, qui verba vitæ æternæ habes: Tunc iterum Christus: Nonne ego vos duodecim elegi, & ex vobis vnus diabolus est?* ibid. v. 71.

Quærit Theophylactus: *Quare non magis laudauit duodecim, quòd non cum alijs amissi fuerunt?* Vel nonnullam laudem commeruerant, quòd abstrahi ab illo aliorum exemplo non siuerant, sed fortiter, constanterque apud illum perseverabant, quem alij leuiter destituerant. Quid ergo non solum non prædicauit eorum fidelitatem, & firmitatem, verum etiam amarulentis verbis eos perculit, dicens vnum quendam ex ipsis ita degeneraturum, ut ex homine diabolus fiat?

Respondet Theophylactus: *Si laudauisset, & fortè humani aliquid passi fuissent, factique arrogantes, existimassent se illi gratificari propter comitatio-nem*. Non egerant Discipuli eatenus profundas radices humilitatis, nondum peruenerant ad plenum sui contemptum, ut posthæc peruenerunt, nondum omnes concoxerant, & abiecerant imperfectiones. Hanc ob rem non commendauit eorum fidam constantiam, quæ fecerat, ut apud illum indiuidui comites perdurarent, cum alij perfidiosè defecissent, ne fortè inde intumescerent, & magno honore ornasse Magistrum suum arbitrarentur. Qui non sunt admodum consummati, vltra mensuram suam dilatantur, cum laudantur, perfecti verò quò magis effertur aliorum commendatione, eò profundius se sua exultatione demittunt.

C A P V T VI.

Prudentum, & cordatorum proprium est tacere, quæ mouere stomachum, aut adferre molestiam queant, nisi fortè necessitas cogat non dissimulare.

Annuntiabat Dominus Patriarchæ nostro illustris & numerosæ posteritatis, quam habiturus esset, optatam felicitatem, inquiens. *Crescere te faciam & vehementissimè, & ponam te in Gentibus, regesque ex te egredientur*; Genes. 17. 6. Magna beatitas Abrahæ, fuisse generosum tot regum progenitorem! Sed qualium virorum? Idololatræ, peruersi, abominabiles, inimici capitales Domini, veritatis, & virtutis acerrimi persecutores penè omnes fuerunt. *Præter Dauidem, & Ezechiam, &*

Iosiam, omnes peccatum commiserunt, inquit Ecclesiasticus c. 49. v. 5. Quando ergo Dominus Abraham prædicere voluit, quod tantorum regum pater futurus esset, cur non hoc simul indicauit, quod prope omnes contaminatissimi peccatores futuri erant? Intempestiua erat huic loco, & occasione ista narratio, ne ad rem faciebat, ut Abraham tunc simul significaretur, quales mores futuri essent posterorum suorum regum, ac propterea illi prænuntiatum non fuit. Docemur eo exemplo, ut nemini negotium facessamus, nemini molestiam, aut luctum adferamus, nisi cum grauissimarum causarum momentis vrgentibus facere aliud non possumus. Abraham autem ingenti mœrore peresus, & impletus fuisset, si intellexisset, quod tam flagitiosorum, & impiorum, sacrilegorumque regum pater futurus esset, idcirco hoc illum celare voluit Dominus Hanc vrbauitatis, & comitatis regulam viri cordati, & prudentes semper obseruant.

Postquam Dominus, ac Redemptor noster insigne illud eiecti ex homine dæmonis miraculum fecerat, quem exturbare Discipuli non potuerant, abiit cum illis, vbi est apud sanctum Marcum c. 9. in Galileam, ibique eis dixit: *Filius hominis tradetur in manus hominum, & occident eum*; ibid. v. 30. quod apud Lucam c. 9. v. 44. sic habet: *Filium hominis futurum est, ut tradatur in manus hominum*. Audierunt hæc Discipuli, sed tanquam surdis dicta essent, non intellexerunt. *At illi ignorabant Verbum*, inquit Lucas ibid. v. 45.

Difficultatem hic mouere illud potest, quod Christus Apostolis suis hinc quidem indicauit acerbam passionem suam, & mortem ignominiosissimam, & gloriosam resurrectionem, res certe grauissimas, si quæ aliæ, inde verò illorum intellectus obscuritate impeditos reliquit, ut quæ de proximis suis probis, & cruciatibus dixerat, intelligere non possent. *At illi ignorabant Verbum*. Quamobrem passionem suam ex vna parte illis indicauit, ex altera verò intelligendi facultatem non concessit?

Respondet Theophylactus, Dominum passionem suam crebro annuntiasse Discipulis, ut intelligerent, quod sponte suâ, volensque, ac lubens eam subiret, & facile subducere corpus vexationibus, vinctulis, flagris, consutationibus, coronæ spineæ, clauis, & cruci potuisset, si voluisset, quod experientia post hac didicerunt, quando videntes eum mori, & resurgere, intellexerunt demum verba, quæ cum primò dicerentur, non fuerant affectui. Sed cur illis sensum talium verborum non simul ac ea dixit, aperuit? Occurrit quæsito Theophylactus in

c. 9. Lucæ dicens: *Ut ne ante tempus tristitia afficerentur, & timore exterrerentur*. Non conueniebat, ut Discipuli anticipatò intelligerent, futuram mortem sui Magistri, ea enim cognitio nil nisi continuas animi anxietates, perpetuosque dolores ijs allatura erat. Eapropter noluit ab illis Christus sua dicta intelligi, ne ante tempus tristitia afficerentur, & timore exterrerentur, afferre enim alteri mœrorem, nisi iusta causa id postulet, stultorum proprium est, prudentes verò nunquam vel faciunt, vel dicunt, quod mœrorem, aut molestiam generare possit, nisi necessitas facere aliud cogat.

Ut fortunatæ negotiationi poenitentis Magdalene, & prospero successui lachrymarum, quas illi dolor malæ actæ vitæ superioris expresserat, satisfaceret Christus, dicebat Simoni, qui illum grauiter culpauerat, quod tangi ab eiusmodi muliere permiserat: *Remittuntur ei peccata multa, quoniam dilexit multum*; Lucæ 7. 47. ei, quam vides tam sollicitè rigare lachrymis, tam amanter diffundere labris, tam officiosè, & studiosè perfundere vnguentis pedes meos, ei pro multæ charitatis suæ merito gratia multorum conceditur flagitiorum. Notandum hic, quod Phariseo Christus dixit, *Remittuntur ei peccata multa*, ut eorum etiam ab ingenti numero grauitatem exaggeraret, post hæc verò ad gemebundam, lamentabundamque mulierem conuersus ait: *Remittuntur tibi peccata*, ibid. v. 48.

Cornelij Iansenij obseruatio in hæc Domini verba sic habet: *Peccata dicit, nec iam addit, multa*. Dixerat paulò ante, remissa esse illi multa peccata, ut & illorum immanitatem, & suæ indulgentiæ prolixitatem indicaret, post hæc absolutè peccata indulta dicit. Quamobrem istud? Nonne coram multis conuiuis fiebat ista multorum peccatorum commemoratio? Et quis ille, qui vel coram paucis sua vitia sibi vitio dari æquanimiter ferat? Quid ergo Dominus Magdalenam ob os, oculosque plurium subpudescere voluit mentione scelerum ipsius multorum? Causa erat, quæ hoc magnoperè requirebat, nimirum ut ex multitudine flagitiorum illius innotesceret magnitudo indulgentissimæ misericordiæ Dei, cui nulla occurrere possit peccatorum tanta copia, quam non faciliè, ac gratuito remittat. Adferre itaque pudorem aliquem Magdalene Christus debuit, ut maiorem Deo gloriam adferret. Verùm cum eorundem peccatorum secundam faceret mentionem, tantum ait, *Remittuntur tibi peccata*, & nō addidit, *multa*, tamen enim conueniret, Magdalenam certiolem fieri de condonatione suorum flagitiorum,

riorum, grauitatem tamen eorum illi obtrudi necessum non erat, adeoque illorum noua, siue iterata commemoratione frustra confusa fuisset. Non debet autem facile aliquid dici, quod alijs adferre ruborem, aut excitare bilem possit, nisi admodum grauis causa aliud non permittat.

Apud sanctum Ioannem c. 16. v. 2. prædicebat Discipulis suis Christus: *Venit hora, & omnis, qui interficit vos, arbitretur obsequium se præstare Deo, & rem gratissimam illi facere, quisquis vos mactet, tanta erit hominum aliorum erga vos maleuolentia. Nihil tristius, acerbiusque accidere homini potest, quam si intelligat, tam abiectam, indignamque se habere apud homines existimationem, vt plurimum gratificari cælo putent; quicumque illum è mundo auferant: Propterea Christus, postquam tale quiddam Discipulis suis denuntiasset, mox subiiecit: *Hæc autem vobis ab initio non dixi, quia vobiscum eram; ibid. v. 3. At nonne consultus fuisset, primis statim horis, aut certe pluribus ante obitum, & ab initio diebus hæc eis renuntiare, nimirum tam exosos illos futuros Iudæis, eoque loco habendos, vt eorum cæde bene mereri de optimo Deo posse sint credituri? Cur hæc ab initio non dixi ac detexi?**

Respondet Cardinalis Caietanus, aut apud illum Dominus: *Non sum mansurus vobiscum conuersatione humana, & hæc tenens, ideo non tunc, sed nunc, cum tempus instat, dixi hæc vobis; velut pluribus dixisset: Quod hæcenus in sepulchro pectoris mei tecta seruari luctuosa noua, quæ nunc demum vobis aperui, id feci, quoniam vobiscum agebam, neque erat necessum tam acerbâ, & amarulentâ, & intempestiuâ futurarum calamitatum, significatione vos percellere: At nunc cum vobis vale supremum dico, cum tempus instat, non possum, quin eloquar quæ diu silui, non possum, quin patefaciam; quæ hucusque, quod perodiosa essent, meditatio vos celauit. Sic omnia, quæ moerorem, aut luctum parere audientibus possunt, silentio regenda sunt, ac dissimulanda, nisi quando per tempus, inuitabilesque causas feruare diutius occulta non liceat, nam qui talia immaturè, aut inopportune enudat, is vel multum malitiosus est, vel parum prudens.*

Decreuerat Dauid sumptuosam omnipotenti Domino suo excitare basilicam, placuitque tam vehementer Deo pia illa, & deuota gratificatio voluntas, vt statim ad illum destinauerit Nathan legatum cum amplissimo, & magnificentissimo nuntio, cuius hæc pars quædam erat, vt regnum ex filio Salo-

mone perpetuum promitteret, tum de filio ista diceret: *Ego ero ei in Patrem, & ipse erit mihi in filium, qui si inique aliquid gesserit, arguam eum in virga virorum, & in plagis filiorum hominum; 2. Reg. 7. 14.*

Abulensis quest. 11. in istud c. ait: *Quæretur quare Deus dixit, Quod si inique aliquid gesserit, nam sciebat, quod Salomon peccaturus erat, & alij posteri eius. Nouerat utique Dominus, certoque sciebat, quæcunque Salomon, & omnes illo posteriores reges flagitia perpetraturi, eaque ad insignem infinitæ sapientiæ suæ ostentationem, & commendationem recensere sigillatim, minutatimque potuisset. Cur ergo dubia ea esse voluit Dauidi, quæ sibi exploratissima, certissimaque erant?*

Respondet Abulensis ibid: *Deus nolebat contristare Dauid sine causa, ideo noluit reuelare penas posteritatis suæ. Si posterorum suorum scelera Dauidi Dominus prædixisset, etiam supplicia, omnemque infelicitatem, quam subituri pro criminum malis meritis erant, indicare debuisset: Si vero Dauid cognouisset ista & uens, affligeretur nimis semper pro calamitatibus futuris suorum posterorum. Omnem in perpetuum, acerbisque moerore vitam reliquam Dauid transmisisset, si certior factus fuisset & de flagitijs, quibus posteri se contaminaturi, & de pœnis, quas pro eis toleraturi erant, eapropter noluit eum Dominus talium rerum facere conscium, ne faceret tristem. Absque causa enim urgente affligere hominem, & nisi occasio aliud non ferat, nemo prudens solet.*

C A P V T VII.

Vt alij lucra expetunt, sic debent Christiani optare suarum rerum pro Deo iacturam, nam qui pro illo pauca perdunt, plurima ab ipsis liberalitate recipiunt.

Præcipiebat Deus Patriarchæ nostro, vt cum ipse, tum omnis de genere illius masculus, vernaculus etiam, atque emptitijs circumcideretur, idque pro fœdere, quod inter se, Abrachamumque, & posteros eius perpetuum esse vellent. Simul hoc imperauit, & mutauit illi nomen, dicens: *Non ultra vocabitur nomen tuum ABRAM, sed appellaberis ABRAHAM, quia pater multarum gentium constitutus es; Genes. 17. 5.*

Alcuinus hic obseruauit, quod Dominus, cum Abraham tantillam carnis particulam ademit, tunc illi nomen amplius, & augustius dedit, fecit gloriosum.

sum parentem, & inclytum progenitorem plurimorum regum, & gentium innumerarum. Et vide mihi, inquit ille, quam iacturam patiat, & quid tueri faciat. Pro exiguo sui corporis frustillo hoc obtinet, ut sit pater generosæ proſapiæ, & innumerabilium posterorum. *Igitur pro Deo aliquid perdere, lucrum est, non damnum*, ait Alcuinus apud Gloss. Ordinar. in c. 17. Genes.

Sanctus Petrus Damianus quærit, vndenam Ioannes Euangelista meruerit, ut dulcissimus optimi Iacobus Benjamin, & charorum Christi Discipulorum dilectissimus diceretur. Ille in postremis sui Evangelij capitulis quoties sui ipsius mentionem facit (facit autem crebram) hoc plerumque addit: *Quem diligebat IESVS*. Hinc acceperunt sancti Doctores, ut illum per antonomasiam DILECTVM appellandum putauerint. Eodem nomine sponsa suam, & sui sponsi mutuam amoris benevolentiam exprimere, & dare testatam voluit, dicens: *Dilectus meus mihi, & ego illi*; Cant. 2. 26. & per omnia eiusdem Cantici capita identidem, illum tali nomine donat. Quamobrem verò Ioannes eam Dilecti appellationem sibi usurpare debuit quæ sponso animarum Christo tam diuante tribuit, & seruata fuit?

Respondet Sanctissimus Cardinalis serm. 66. *Assidue se in sui Redemptoris, ac dilectoris amore coniunxit, propter quem scilicet conjugales thori fœdera abdicauit*. Tanta fuit Ioannis erga Christum obseruantia, ut uxori renuntiare, quam illius contubernio maluerit. Videtur hic attendere sanctus Damianus ad eorum opinionem, qui affirmant, Ioannem Euangelistam fuisse sponsum in illis nuptijs, quas Cana in Galilæa celebratas, & à Christo, sanctissimaque illius Matre, & Discipulis Domini cohonestas ipse memorat. In his nuptijs Christus Ioannem sibi, ut aiunt, adoptauit Discipulum, illeque promptè obsecutus repudiavit no-uam coniugem, & omnem honestam, quam ex illa habere poterat, oblectationem. Sustinente hanc sententiam Angelicus Doctor 22. q. 86. art. 4. M. Dominicus Soto in 4. d. 27. q. art. 1. Eckius, Ioannes Maior, Dionysius, & Ludolphus Carthusiani, Lyranus, sanctus Antonius, Doctor Seraphicus Bonauentura. Verba Lyranici sic habent: *Dicitur communiter, quia ista nuptia fuerunt Ioannis Euangeliste, à quibus eum Christus vocauit ante consummationem matrimonij*.

Iubet nunc sanctus Petrus Damianus animaduertere, quàm prolixâ remuneratione Deus com-

penſet, quod pro illo relinquitur, quanto cum ſœnore reponat, quod pro ipſo perditur. Ioannes pro Christo nomen, remque ſponſi reliquit, Chriſtus amorem Ioannis vxorij, quanquàm licitum, & honeſtum mutauit in ſui amorem ſpiritualem, fecitque ut qui dilectione coniugali periturâ perituram deperire mulierem volebat, totum in ſe virginalis mentis transferret affectum, & Virginis filium Virginem Virgo charitate immortaliter demoreretur, iamque non aliter, quàm *Discipulum, quem diligebat IESVS*, vocaretur. Tam opulento præmio Ioannem remunerauit, ut ſuo ipſius nomine, quod eſt *Dilectus*, illum donarit, & ornarit. Hinc videas, quàm liberaliter Deus reddere ſciat; quod pro ipſius amore relinquitur. *Igitur pro Deo aliquid perdere, lucrum eſt, non damnum*.

Apud ſanctum Marcum dicebat Dominus Petro, maximis bonis aſſuentiſſimè cumulare eos velle, qui pro ſe aliquid relinquerent, aut dimitterent. Theophylaſtus monet, ut ſuo ipſo Petro videre expletum, inquitens: *Petrus ſuam domum reliquerat, poſtea omnium Diſcipulorum ſuorum domos habebat*. Quæſtuosa fuit illi ita negotiatio, & magnum lucrum ex iactura fecit. Et quid ampliùs? *Nunc quoque & big, terrarum erecta ſunt templa in nomine eius, qua ſunt clara domus inquit rurſum Theophylaſtus*. Non facis fuit permunitio, perque grato Domino, quod Petro pro vna exigua, & paupere domo relicta domos Diſcipulorum dedit, ſed per omnem latè terrarum orbem excitauit templa Petro dedicata, quæ ſunt Illuſtriſſimæ Regiæ, & ampliſſimæ Baſilicæ. O diuitem, & opulentam, & lucroſam commutationem!

Permoſteſta erat Moyſi gubernandi populi pro-uincia, rogabatque Deum, ut minueret pondera & partem oneris leuaret, adimeretque. Annuit precibus eius Dominus, ac dixit: *Congrega mihi ſeptuaginta viros de ſenibus Iſraël, quos tu noſciſ, quod ſenes populi ſint, ac magiſtri, & duces eos ad oſtium tabernaculi fœderis, & deſcendam, & loquar tibi, & auferam de ſpiritu tuo, tradamq; eis, & ſuſtinent ſecum onus populi, & non tu ſolus graueris*; Num. 11. 17.

Quod vulgata verſio habet, *Auferam de ſpiritu tuo*, id Cardinalis Caietanus ex hebræo ſic transferri poſſe ait: *Grandibo de ſpiritu, qui ſuper te*, hoc eſt, faciam ut grãdeſcat ſapientia tua, quâ præditus es. Auferam, & grandibo! Sed quomodo grandibam, & auferebam? Pugnant vocabula, & eorum ſignificata multò etiam ampliùs ſibi aduerſantur.

Nam

Nam qui aufert, ille non auget, sed minuit, extenuatque, non amplificat. Quà ratione ergo conciliabimus hæc, *Auferam*, & *Grandibo*, detrahā de spiritu, & maiorem faciam? Facile est hæc in concordiam adducere, si Dei ingenium attendas. Ille namque tam est liberali, & generosa indole, ut nihil cuiquam auferat, quin grandius restituat, nihili adimat, quin magno cum tœnore reddat. Itaque optabilis est omnis pro illo iactura; quæ tam copiosam habet remunerationem, & ambire damna tam quaestiosa quilibet potest.

Cum videret sanctus, & prudens Patriarcha non posse esse diuturnam suam cum consobri-
no suo amicitiam, eò quod pastores amborum quot-
dies corraxarentur de pascuis, ad quæ greges educe-
bantur, rogabat illum, ut ad ampuandam omnem
iurgiorum occasionem deligeret sibi regionem ab-
sionem, quamcumque vellet, ut habitationis separatio
coniunctionem seruaret cordium, maneretque ani-
mis copulati cum separati locis, dicens: *Ecce vni-
uersa terra coram te est, si ad sinistram versu, ego dex-
tram tenebo, si tu dextram elegeris, ego ad sinistram
pergam*; Genes. 13. 9. quod tale fuit, quale si dixis-
set: Si Occidentem elegeris, ego peram Orientem,
si habitare ad Meridiem malueris, ego in septentrio-
ne sedem figam. Prima tibi cuiusvis loci optio da-
tur. Posthæc cum alter ab altero discessisset, ait Do-
minus Abraham: *Leua oculos tuos, & vide à loco, in
quo nunc es, ad Aquilonem, & Meridiem, ad Orien-
tem, & Occidentem. Omnem terram, quam conspi-
cis, tibi dabo, & semini tuo in sempiternum*; ibid.
v. 14. 15.

Sanctus Ioannes Chrysostomus homil. 42. in
Genes. ait: *Isdem Verbu dicitur misericors Deus,
quisbus & Patriarcha cessionem fecerat. Dixerat A-
braham ad Lot: Ecce vniuersa terra coram te est,
quam voles, elige, quæ reliqua fuerit, mea habita-
tionis seruiet. Dominus è contra Abraham præcipit,
omnem circumspicere terram, quam ipse, posteriq;
eius accepturi sint hæreditario possidendam. Vidi-
sti quantum cessit, & quanta est, assensus? Vidi-
sti dignam diuinam bonitate munificentiam. Quanta Dei
liberalitas erga eos, qui pro illo aliquid relinquunt!
Abraham, ut pacem seruaret, & offensas Dei euita-
ret, partem terræ consobri-
no suo cessit, Deus au-
tem hanc cessionem donatione totius terræ mox re-
muneravit, ac iussit totum, quem homines incole-
bant, orbem videre, aitque: *Omnem terram, quam
conspicis, tibi dabo*. Ex quo arbitrari licet, quàm sit
lucrosa, quæcumque cum Deo sit, commutatio, qui*

Tom. III.

palmum terræ pro ipso relictum totius mundi do-
natione compensat.

Concionabatur in quadam domo celestis Magi-
ster, ingressusque aliquis interpellauit dicentem in-
quiens: *Ecce mater tua, & fratres tui foris sunt,
quarentes te*; Matth. 12. 47. Conuersus ad nunti-
um Dominus ait: *Quæ est mater mea, & qui sunt
fratres mei? Et extendens manum in Discipulos suos,
dixit: Ecce mater mea, & fratres mei. Quicumque
enim fecerit voluntatem Patris mei, qui in cælu est,
ipse meus frater, & soror, & mater est*; ibid. v. 48.
49. 50.

Sanctus Petrus Damianus Serm. 45. de Natiuit.
Virg. 2. ait: *Notate, fratres, notate dignitatem & se-
stram, si adimplentes voluntatem Dei, frangitis vo-
luntatem vestram*. Ad religiosos ascetas dirigeba-
tur hæc Damiani oratio, quos iubebat attendere,
quod abnegantes propriam voluntatem, renuntian-
tesque mundo, parentibus, & cognatis in summum
nobilitatis culmen euaderent, fierentque Christi
non solum matres, sed etiam parentes, & fratres,
quod secundum carnem esse non potuit illa, quæ
Virgo, & mater secundum carnem fuit: *Nos autem
hæc simul omnia Christo per spiritum sumus*. Hinc ac-
cipimus, quanta felicitas sit, pro Deo aliquid perdere,
qui paucula relinquenti in vicem plurima liberali-
ter donat.

Ipissimum hoc argumentum supra lib. 1. c. 1. di-
serte pertractat. Vide quæ ad finem illius capitis
adscripta.

CAPVT VIII.

Quantumvis perpolitâ sit homo animâ, quan-
tumvis ornatis moribus, semper inueniet, quod plus
expoliat, & emundet.

Imponit Deus præceptum circumcisionis, & in
Idomo Abraham nemo ab illo eximitur. Sic enim
lex illa habebat: *Circumcidatur ex vobis omne ma-
sculinum*; Genes. 17. 10. Sanctus Ambrosius lib.
2. de Abraham c. 11. ait: *Nec senex profelytus, nec
infans vernaculus excipitur, quia omnis ætas pecca-
to obnoxia, & ideo omnis ætas sacramento idonea*. Om-
nes sanctio diuina comprehendit, decrepitos se-
neculos, & recens editos pupulos, nulla sine vul-
nere, adeo & nulla sine curationis necessitate ætas.
Quare etiam ætatis maturioris Abraham circumcidi
iubetur, inquit rursus Beatus Ambrosius. Instru-
imur hoc mysterio, ut nemo de se præsumat, quod
tam sit purus, tersus, mundus, ut nihil possit inue-
nire, quod purgatione, aut emendatione opus habe-

at, si

at, si omnes animæ sinus, recessus, latibula, incorruptus, diligensque explorator indaget: *Quia omnis atas peccato obnoxia, & ideo omnis atas sacramento idonea.* Ut nulla inuulnerabilis, sic nulla, quæ antidotum, vel medicinam non requirat ætas.

Volebat Christi Præcurzor celestis, suæ, ac diuinæ doctrinæ constabili veritate, discrimenque asserere sui Baptismatis, & illius, quod Dominus ipse suis manibus ministrabat, & aiebat: *Ego quidem baptizo vos in aqua in penitentiam, ipse vos baptizabit in Spiritu Sancto, & igni:* Matth. 3. 11. velut pluribus dixisset: Quod ego vos aquâ diluo, id facio, ut ad poenitentiam agendam adducam, non verò quod baptismus meus vim aliquam remittendi habeat, Dominus autem, quem vobis annuntio, Verbum, cuius ego vox sum, baptizabit vos in Spiritu Sancto, illius baptismus eâ valet virtute, ut omnes abolere culpas, & conferre gratiam queat.

Notandum, quod vix illa sacer Baptista dixerat, quando statim subiecit ista: *Cuius sensilabrum in manu sua, & permundabit arcem suam;* ibid. v. 12.

Euthymius ait, Ioannem videri sibi ipsi contradicere in ijs, quæ de Christo prædicat. Aiebat de illo: *Ipse vos baptizabit in Spiritu Sancto*, hoc est, Spiritus Sancti gratiam cum baptisino vobis conferret, per quam anima mundatur, & emaculatur. Quod si ita est, quid sibi vult, quod mox addidit, *Et permundabit arcem suam;* id est, fidelium suorum animas, quæ baptismi gratiam acceperunt? *Vide autem*, inquit Euthymius, *quod postquam baptizauerit in Spiritu Sancto, expurgat adhuc arcem suam.* Cur verò post impensum baptismi beneficium tantâ purgandi sollicitudine utitur erga eos, qui salutaris fontis piacularibus aquis emundati fuerunt? Respondet: *Ne susceptio baptismi torpens,* Oscitanterque viuas. Quantumvis enim purus quis ab aquis baptismalibus exeat, postquam uti ratione cœpit, quantamcunque diligentiam, curam, & sollicitudinem adhibeat, vix efficere potest, quin impingat, & offenda, & committat, quod emendari debeat.

Sponsæ fores concubitiæ nocte Sponsus inclamabat, rogans sub rectum admitti. Non omnino negabat illa officium (nisi velis, tardè velle nolentis esse) excusatione tamen moras adferebat, cum diceret: *Expolauit me tunicâ meâ quomodo induar illi;* Cant. 5. 3. ipsâ adeo interulâ me nudauit, qui facere possum, ut exurgam, & aperiam.

Sunt qui Sponsam prætermissæ urbanitatis acculent, sunt è contrâ qui eam excusent, & asserunt, puritatis argumenta esse verba, quibus se ipsa excu-

sauit, & quod ait, exuisse se tunicâ suâ, id tantundem esse, quantum si dixisset, veteris Adæ tunicas pelliceas deposuisse. Quid autem sunt vestimenta nostra, nisi affectus nostri damnosi, & noxij, quos cum originis peccato à Protoparente nostro accepimus? His vestimentis illa se, ut aiebat, nudauerat.

Dubites, an verum sponsa dixerit, quæ vestibus omnibus nudasse affirmavit. Nam cum post nonnullam cunctationem surrexisset, ut admitteret Sponsum, ille iam abierat, & declinauerat. Tunc illum oculis, quantum per obscurum noctis lumen luceat, & vocibus nequicquam profecuta in vigiles incidit, de quibus ibid. v. 7. hæc queritur: *Inueniunt me vigilantes, qui circumuehant ciuitatem, percusserunt me, & vulnerauerunt me, tulerunt pallium meum mihi custodes murorum.*

Peracutè, ut solet, obseruauit sanctus Gregorius Nyssenus homil. 13. in Cant. & verba Sponsæ superiora, & has posteriores querimonias. Ibi seipsam prorsus nudasse affirmabat, hinc sublatum à custodibus pallium deplorat. Audiamus hac de re Nyssenum: *Paulò ante testimonium Sponsa perhibetur, quod immuni sit ab omni Selamine. Qui ergo nudata & vestimentis omnibus, pallium adhuc habet, quod ej nunc custodes ciuitatis adimunt? Quæ seipsam tunicâ, indumentisque omnibus vixdum spoliauit, vnde tam subito vestita rursùm fuit, ut diripere illi possent custodes suum pallium, quod etiam nostrarum passionum, & affectuum humanorum est symbolum? Inde, quod nulla sit tam pura, & munda anima, quæ non inueniat aliquid in se pellicearum tunicarum, & lacerarum exuniarum veteris Adæ, si tantum se in singulos dies diligenter inspiciat, & attentè angulos illius singulos emissitij arbitretur oculis. Sponsa ergo, quæ se ipsam omni vestitu expoliauerat, paulò post à custodibus nudatam pallio querebatur, tanquam fassa esset, rursùm inuenisse post nuditatem illam, quod deponat. Vix quisquam ita se denudare potest, ut non aliquid reliquum maneat, quod detrahi queat.*

De Sancta quadam anima dicit ille in suis Prouerbijs c. 31. v. 14. ista: *Facta est quasi nauis institoris de longè portans panem suum.* Quod anima nauis comparatur, id fit, ut indicentur pericula, quibus illa in procelloso huius mundi mari viuât exposta, maximè cum Dei officijs se impensius addicere, & studiosius, atque enixius illi seruire cupit.

Si discrimina omnia, quibus anima, propter suam cum nauis similitudine affinitatem, est obnoxia, recensere velim, dicendi finem nunquam inueniam.

In rem nostram percommodè loquitur Magnus Nysseni frater Basilii homil. 11. in Hexam. ubi de anima nauis simili sic habet: *At ipsa mox effusione vires materni ad extrema senectæ lineam agmen secum trahens inexplcabiliū malorum, & solus sentinam quandam exhaurit.* Egreditur quis ex alui maternæ nauis, descenditque in terram, siue, ut melius dicam, in mare (mundus enim, in quem recens natus eijcitur, nomen aliud non meretur) nauigat inter sæuas tempestates, & pugnat cum aduersis ventis, qui cursui illius prospero sese obijciunt. Quid verò interim facit, quousque in portum mortis adueniat? *Inexplcabiliū malorum solus sentinam quandam exhaurit.* Quam aptè illud in rem præsentem dictum, quantumuis probè lita, quantumuis valide compacta, quantumuis soletè obturata, & picata sit nauis, quæ sulcat æquoris plana, semper nonnullam haurit aquam, adeoque perpetuo studio euacuanda est sentina, & peculiarem hominem res ista requirit, qui exhauriendæ sentinæ singularem nauet operam. Talis est anima hominis, inquit Basilii. Nauis est, quæ per turbulentum huius mundi oceanum circumferetur, neque tam diligenter, ac vigilanter custodiri à quoquam potest, ut non rimulas agat, per quas aqua se infinuet, ut proinde necessum sit *solus sentinam quandam* exhaurire, semper enim inueniet aquas imperfectionum, quas effundat, semper affectus prauos, quos corrigat, semper passiones, & negligentias quas emendet.

Quod in sacris literis hortus sit hieroglyphicum animæ sanctæ, & Deo grata, id peruulgatum, & receptissimum est. Eo nomine Sponsam suam Sponsus donauit, inquit: *Hortus conclusus Soror mea;* Cant. 4. 12. Quod hæc de quauis anima sancta, & Deo gratiosa intelligantur, affirmant Hugo Cardinalis, Hailgrinus, Honorius, Iustus Orgelitanus, Philo Carpathius, Ghislerius, & alij.

Quid sibi vult illa horti appellatio, quæ Sponsa, siue anima quælibet sancta designatur? Dispiciamus etymologiam horti, & quam ob causam ita sit dictus, sic fiet, ut inueniamus aliquid causæ nostræ opportunum. Venerabilis P. Simon de Cassia lib. 13. in Euang. inquit: *Hortus ab oriendo dictus est.* Conuenit plurimum horto cum ista sua etymologia, ut ab oriendo nominis sui originem ducat. Quantaunque enim solitudine, diligentia, & industria hortum cures, semper in illo vides solium, vtricas, herbasque alias nihili, & noxias oriri, ut semper necessum sit ad manus habere forficem, sarculum, ligonem, & alia id genus instrumenta rustica, quibus

solium, lappæ, tribuli succidantur, extirpentur, & horti concinna species conseruetur. Quod ergo Sponsus animam sibi maximè gratam, & charam vocat hortum, voluit eam tali appellatione monere, ut nunquam præsumat, nunquam se parte ab omni beatam putet. Licet enim sit hortus excultissimus, & amoenissimus, voluptuosissimusque viridarium, semper inueniet spinas, aut alias inutiles herbas, quas euellere, semper vitia, quæ emendare, semper squalida, quæ permundare oporteat.

Vidit Baptista Agnum sine macula, qui pro mundi peccatis in ara crucis macandus, & immolandus erat, & oblectatus tam grato spectaculo exclamauit: *Ecce Agnus Dei, ecce qui tollis peccatum mundi;* Ioan. 1. 29. Videte, mortales, felicitatem vestram, qui coram præsentem habetis Agnum Dei expiatorum scelerum mundi.

Monet hoc in loco Theophylactus, quod *non dixit, Qui abstulit peccatum, sed qui tollit in præsentis peccata nostra.* Quamobrem verò eâ cautione ad loquendum vsus fuit Baptista? Respondet magnus Bulgarorum antistes: *Quotidie enim tollit peccata nostra,* quotidie plura, & plura inuenit, à quibus animas nostras emundet, quæ cum naues sint, nunquam tanto vitæ sanctæ studio curari, & compingi queunt, ut non aliquam aquam hauriant, quam exhaurire debeant.

Rex & Propheta Dauid aiebat: *Consumetur nequitia peccatorum, & diriges iustum;* Psal. 7. 10. velut dixisset: Dissipabitur, siue conficietur malitia flagitiorum. Si enim nonnulli intelligunt. Et quid inde consequetur? Hoc, quod *diriges iustum.*

Sanctus Basiliius Magnus homil. in hunc Psalmum ait: *Rectus iustus nominatur.* Quid igitur *sic hic orando Propheta?* Sic iustus est, qui rectus, qui non distortus, non deuius, quid Dauid rogat, ut consumatur nequitia, scelerum, & iustus dirigatur, cum obtorti egeant directione, non recti, & erronei reduci, ac deduci soleant, non qui bonam viam tenent?

Respondet Basiliius: *Orat, & qui iam rectus est, dirigatur.* Intellexit, quid peteret Propheta. regius, sciuitque nullum esse in hac vita tam rectum, qui non habeat, quod emendet, nullum tam iustum, qui non habeat, quod corrigat, nullum tam expolitum, qui non habeat, quod emundet. Propterea nemo viuat, tam contentus suâ diligentia, nemo tantum præsumat de sua solitudine, ut putet nihil habere, quod corrigi possit, ac debeat. Nam si sollicitè se examinaret, & attentè sua omnia perpendit,

reperiet semper, quæ reseceat, expungat, euacuet, emendet.

Crebrò in hac meditatione Versatus fuit Nissenus. Videatur infra in secunda parte Politici lib. 9. c. 2. Et alijs in locis ad finem illius Capituli adscriptis.

CAPVT IX.

Cum superior sit quoddam primum mobile, omnes subditi ad illius exemplum se componunt.

VT dominico Abraham obtemperaret mandato, circumciscus fuit eo die, quo iussus, & cum illo filius eius Ismael, & vernaculi eius vniuersi, quales quales ij essent, de quo facit Scriptor Gen. 17. v. 27. ita: *Eadem die circumciscus est Abraham, & Ismael filius eius, & omnes viri domus illius, tam vernaculi, quàm emptitij, & alienigena pariter circumcisi sunt.* Vbi statim notant omnes Interpretes, Nicolaus Lyranus, Tostatus, Honcala, Istella, Olcafter, Angelicus Doctor, vtraque Glossa, & alij, quanta sit vis exempli. Vix enim Paterfamilias circumcisioni se submisit, quando omnes pariter circumcisi sunt. Solent enim Superiorum vestigijs insistere subditi, & quò illi præcesserint, sequi.

Cupiebat Zachæus videre Christum, atq; vt voti compos fieret, cum staturâ perpugillus esset, in arborem ascendit, vt inde illum arbitraretur, quem præ turba conspiciere nanus non poterat. Vocauit illum ex arbore Dominus, iussitque festinatò descendere, eò quòd hospes apud illum permanere vellet. Descendit publicanorum Princeps. non concitustantum, sed & gaudens, stansque coram illo, hæc cum multo pœnitentis animi mœrore, atque paucis lachrymis dixit: *Ecce dimidium bonorum meorum, Domine, do pauperibus, & si quid aliquem defraudauit, reddo quadruplum;* Lucæ 19. 8. Audiuit hæc celestis hospes, & ait: *Hodie salus domui huic facta est;* ibid. v. 9. velut dixisset apertius: Nonne harum ædium Dominus malè acta vitæ superioris feriâ pœnitentia damnat, & peccasse dolet? Annuntio ergo, quòd omnis familia eius, quidquid perperam fecit, derestabitur, & execrabitur, cunctiq; domestici pœnitentiæ lamenta æstiment.

Cardinalis Caietanus in illa Domini verba sic ait: *Significatur facta salus non solum Zachæo, sed familie eius similiter.* Sed quomodo id significatur, cum solus Zachæus sua peccata fuisse confessus, solus suas culpas deplorasce feratur? Immo hinc illud legitimâ consecutione conficitur? Nonne Zachæus erat Pater, & caput familiæ? Erat. Nonne dolore, & lachrymis sua damnabat scelera? Damnabat. Ergo certum

erat, domesticos illius omnes tantundem facturos, vt merito diceret Christus: *Hodie salus domui huic facta est.* Membra enim caput suum sequuntur, & quando paterfamilias est vir probus, domesticos illius omnes numerare in probis potes, vt è contrâ in impijs recensere famulos, quorum sunt scelerati domini.

Cum Arca testamenti per sacrum deferretur Iordanis fluium, inauditum, vt sacri Scriptoris habet narratio, accidit miraculum. Nimium steterunt aqua descendentes in loco vno, & ad instar montium intumescences apparebant procul, quæ autem inferiores erant, descenderunt & sequè quò omnino deficerent; Iosue 3. 16.

S. Gregorius Nazianzenus Orat. 12. ait: *Fluij cognatum mare imitati cedebant.* O quàm præclare magnus Theologus efficacitatem exempli expendit! Quando filij Israel egressi sunt de Ægypto, vt effugerent furorem à tergo imminentium hostium, ingressi sunt per medium sicci maris, Exod. 14. 22. quod se illis aperuit, vt persequentes euitare Ægyptios possent. Mare, si cum alijs fluijs comparetur, est caput illorum, & Rex, & Princeps, cui proinde aquarum suarum tributa pendunt, iuxta illud Ecclesiastæ 1. 7. *Omnia flumina intrant in mare.* Dicit nunc Nazianzenus: Quando Arca cum filijs Israel transijt Iordanem, statim hic eis liberum transitum concessit. Quemadmodum istud? *Cognatum mare imitatus Iordanis cedebat.* Tale ergo ferè est, quod Nazianzenus affirmat, quale si diceret, tantam esse virtutem exempli, vt cum Superiores faciunt miracula, subditi quoque talia ex eorum imitatione faciant.

Ingressus Troianarum copiarum ductor Æneas Carthaginem, captaque illius pulchritudinis, festiuitatis, & prudentiæ amore regina fuit. Moliebantur per id tempus regina, & subditi eius nouam ciuitatem, magnoque, & ardenti studio agebantur, quæcunque ad illam fabricam faciebant. Sed quàm primum regina deperire Æneam, eiusque amoribus se tradere cepit.

Non capta exurgunt vrbes; non arma iuuentus.

Exercent, vt canit Virgil. l. 4. Æneidos. Cœperant excitare sublimes turre, validos muros, fortia propugnacula, arces tam inexpugnabiles, quàm inaccessas, studia omnium vna erant, nec alia, quàm tractare arma, parare instrumenta bellica, luctari, digladiari exerceri ad conflictus, & pugnas. Intercedere utem hæc omnia, quàm primum regina, quæ ijs interesse solebat, ad voluptaria blandæ veneris

castra

castra transijt. Quid moralis institutionis hinc erui-
mus?

Donatus ait: *Hic ostenditur, rectorem complere omnia, cum insistit, & suber, atque eius negligentia omnimodò fringere vniuersa, quæ ante ferebant.* Acuit plurimum studia laborantium subditorum Principis præsentis, & ad operas attentis aspectus: Vbi verò incurius abest Superior, facilè languescunt; & torpe-
sunt subditi.

Cùm decreuisset Cæsar Augustus totum terrarum orbem sibi facere vectigalem, sic vt nulla immunis esset domus, nulla, quæ non tributum pensitaret, familia, à Syria rem hanc exordiri cœpit, cui præsidebat, Cyrenus. Sic enim habet apud sanctum Lucam: *Hæc descriptio prima facta est à præside Syria Cyrenus: Lucæ 2. 2.* Arduum hoc opus erat, & prouincia difficilis, totum orbem facere tributarium, plurimâq; secum ferebat obstacula, & incommoda, illud qualecunque consilium. Quid autem fecit, vt faciliorem redderet propositæ rei executionem? A Syria cœpit exigere tributa, hæc enim orbis parte primum

subacta, non difficilè erat reliquis subiugare. Glossa Ordinaria inquit: *Syria, in qua est Iudæa, est media, & quasi ombilicus totius terra. Censui ergo primum in medio terra exigitur, & inde postea & sive ad fines terra exigeretur, & redderetur.* Syria velut cor est mundi, & pars quædam Princeps. Hanc ergo ante omnes vectigalem fecit Augustus Cæsar, ratus cæteros facilè ad soluendum censum adducere posse, quem illa primum dependisset. Exemplo enim Superiorum facilè mouentur subditi. Attendant ergo quomodo viuunt, qui alijs seu priuatis domibus, seu publicis locis è loco superiore imperant, eum vident quantum apud inferiores valeat exemplum Prælatorum.

*Sæpè in hac sylua ligna cadit Nissenus, & frequen-
ter de tali argumento agit penè in omni operum su-
orum parte. Vide partem secundam Politici lib. 3. c. 9.
& quæ ad calcem illius annotata. Vide etiam in
duobus prioribus Tomis in rerum Indicibus Verbo,
Prælatus.*

LIBER VII. VITÆ ABRAHAM.

CAPVT I.

*Pauperi fores nostras imploranti subuenire, non
exigua liberalitas est, occurrere verò obuiam, & suc-
currere, maxima & integerrima prolixitas vi-
detur.*



Nelytus Patriarcha noster per omnia nobis exemplum bonarum actionum præluceat. At qui illum considerant in ostio tabernaculi sui inter maximos solis ardores sedentem, & audis oculis omnia circum loca perspicentem, & velut è specula, aut in excubijs explorantem, si quis fortè propè, aut procul lassus, famelicus, egens transiret viator, vt eum excipere hospitio, & refocillare victu neces-
sario posset, non dicere non possunt, illo tam solici-
to studio pulcherrimam nobis ex se liberalitatis
normam præbuisse. Cùm ergo pro solenni more
suo ad fores papilionis suæ excubaret, eleuans o-
culos vidit propius transire tres viros tanquam pere-
grinos, & ne tam præclaræ benè merendi occasio

cum viatoribus abiret, *cucurrit in occursum eorum* (Genes. 18. 2.) comiterque, ac perurbanè illos ho-
spitij sui oblatione inuitauit.

De hæc Abraham, & alia simili consobrini illius
Lot actione, qui Angelos humanæ figuræ lineamen-
tis tectos domo excepit, loquens Sanctus Ambrosi-
us, ait, illustriorem, præstantioremque fuisse patrui
Abrahæ hospitalitatem, quam consobrini Lot: Hic
enim, quando expectabat eos, quibus officia chari-
tatis impenderet, *surrexit, & iussit obuiam eis*, vt ha-
bes Genes. 18. 1. at perfectior Abraham *cucurrit ob-
uiam, iste surrexit*, & iuit, inquit Beatus Ambrosi-
us. Abraham quamuis grandæuus, & fractus senio,
in ipso etiam seruiore diei *cucurrit in occursum* per-
sonarum peregrinorum, & velut optatam prædam
quandam totâ eos pedum contentione appetebat.
Verùm Lot *surrexit, & iussit obuiam*. Hinc sublimi-
tatem charitatis generosi senecionis æstimare licet,
qui celeri cursu ad eos ferebatur, quos labore profe-
ctionis, & necessitate famis bis exhaustos, & viribus
attenuatos putabat, vt oblato cibo eos foueret, &
alijs, quibus posset, humanitatis officijs recrearet.

Tamen enim magna liberalitas sit, egenti ostia domus nostræ inclamanti opitulari, longè nihilominus præstat eorum largitas, qui tanquam pij latrones viarum indagant pauperes, quibus subueniant, explorant mendicos, quorum necessitatem leuent, & cursu obuiam ijs pergunt, quorum inopiæ consulerè possint.

Non possum, quin hoc loco expendam præmia, quæ Deus in duobus Psalmis per Regium Prophetam Davidem pollicetur ijs, qui animo generoso, & prolixa manu egestati miserorum succurrunt. Psalmo 40. 2. ait: *Beatus, qui intelligit super egenum, & pauperem.* Videamus quam huic promittat remunerationem. *Dominus conseruet eum*, inquit, *& suscipiet eum, & beatum faciat eum in terra, & non tradat eum in animam inimicorum eius. Dominus opem ferat illi super lectum doloris eius*; ibid. v. 3. & 4.

Psalmo XII. v. 1. 2. commemorat mercedem, quam Dominus pijs elemosynarum erogatoribus reddere solet, inquit: *Beatus vir, qui imitetur Dominum, in mandatis eius solet nimis. Potens in terra erit semen eius, generatio rectorum benedicetur.* Huius Psalmi, Augustinus Eugubinus, Ioannes Boquius, & alij, argumentum est, enarrare felicitatem hominis erga egenos liberalis, de quo posthæc dicit, *Dispersit, dedit pauperibus*; ibid. v. 9.

Sed hîc diligenter animaduertendum, quòd præmia, quæ in priore Psalmo his, qui sunt in pauperes benefici, spondet, tam stricta, tamque angustis circumscripta limitibus videantur, ut ad eos solos deriuentur, qui charitate & largitate erga indigentes vsi fuerint. Sic enim ait ille: *Dominus conseruet eum, & suscipiet eum, & beatum faciat eum, & non tradat eum, & opem ferat illi.* At verò quæ in posteriore Psalmo addicitur remuneratione, ea tam est ampla, ut non solum benefactorem felicitet, sed ab illo etiam in omnes eius posteros manans, omnibus bonis eos cumulet: *Potens in terra*, inquit, *erit semen eius, generatio rectorum benedicetur, opumque, & virium copiâ valebit.*

Qui sit, quod hîc tam largæ, & amplæ promittantur benedictiones facienti elemosynas, ibi verò tam exiles, & angustæ (quanquam meritis semper multò maiores) ut ab eo, qui in pauperes liberalis est, non deriuentur ad alios?

Id ego exponam. Videte quid in priore Psalmo dicat: *Beatus, qui intelligit super egenum, & pauperem*; inquit ibi, & in posteriore: *In mandatis eius*


solet succurrere indigenti. Primus ergo in priore Psalmo operabatur ad modum, quo intellectus solet, secundus in posteriore ex more voluntatis. Duarum istarum animæ facultatum hæc est differentia, quòd intellectus res ad se aduocat, intusque, & domi suæ, ut sic loquar, manens negotia sua conficit, *intelligere* namque, quod sæpè apud Angelicum Magistrum Sanctum Thomam reperias, *est intus legere*: At verò voluntas contra facit, extraque ad res fertur, ut eas amet, & prosequatur. Ex his accipimus proposita quæstionis solutionem. Maiora facienti maior debetur remuneratio, debent enim respondere præmia laboribus. Qui autem facit elemosynam ad modum operandi, quo intellectus vtitur, ille domi suæ manens bene facit indigo ad se venienti. *Beatus ille, qui intelligit super egenum*, expectans eum, ut ad se accedenti, & stipem postulantem subueniat, quia retribuetur ei, & inueniet suam mercedem, sed non tantam quantam is, qui pro more voluntatis agit, *in mandatis* namque Domini solet, forasque prodibit, ut quærat egentes, & inueniat, leuetque necessitate laborantes. Primi ergo præmia non deriuantur ad alios, secundi remuneratione redundat in eius familiam, & posteros, tamen enim meritum sit ac laudabile domi suæ pro consuetudine intellectus manere, atque intus præstolari pauperes necessitatibus suis remedium postulatu-ros, multò tamen præstantior est illorum charitas, qui voluntatem imitantes erumpunt foras, percurruntque vicos, & compita, & quærunt, quibus ferant opem.

Debemus hîc nunc reuocare ad trutinam quoddam Sancti Eligij ex homil. 2. dictum, quod alibi ad varia proposita sæpè à nobis expensum. De Augustissimo sacrosancti altaris Sacramento, eiusque potentia loquens aiebat: *Sacramento Eucharistia totus mundus subiugatus est.* Id mihi difficile intellectu videtur, ob hoc maxime, quòd ipse Dominus noster suam de subactio mundo reportatam victoriam vult sibi in crucem actò adscribi, cum ait: *Et ego si exaltatus fuero à terra, omnia traham ad meipsum*; Ioan. 12. 32. Quod cum ita sit, quomodo Sanctus Eligius ait, Sacramento Eucharistia totum subiugatum esse mundum, quod Christus à se crucifixo factum affirmat? Quomodo hoc rectè intelligemus? Ipsa Eligij verba dicent, si diligentius premas. Quid enim is de Sacramento Eucharistico ait? Mundum esse illi *subiugatum*, sic ut illius efficacitate Sacramenti permotus mundus ad Christum tam demisse venerit, quàm subiectè, humiliterque ad iugum venire

nire bos solet. Quid Christus in cruce: *Omnia tra-*
ham ad me, inquit, quod vim quandam sonat, quā
homines ad se accersat. Quid verò est, quod Chri-
stus in Sacramento tam suauiter ad se permouet ho-
mines, ut ipsi ad illum, non secus ac boues ad iugum,
lubentes veniant, ad crucem autem velut coacte
pertrahuntur? Causa ea est, quod in cruce habe-
mus Deum benefactorem manibus, ac pedibus fi-
xum, impeditumque, ut nos ipsum quærere debeat-
mus, si volumus inuenire: Verum in Sacramento
ille ad nos venit, ille animarum foribus sese ingerit,
& quando ægrè nobis est, quando benè valemus. Ut
ergo innotescat, quid sit discriminis inter benefa-
ctorem, qui ipse quærat egenos, quibus opituletur,
& eum, quem quærere debent egeni, ut seuamen ab
illo referant, ipse Dominus in sese dare hoc expres-
sum voluit, qui velut coactos ad se pertraxit æri-
mnosos, quo tempore ab ijs quæri debuit, leniterq;
ad se etiam hodie adducit, quibus sui copiam in Sa-
cramento, quasi occurrens, offert. Indagare pau-
perem, cui benè facias, sublimissima charitas est, a-
deo facilius expugnat animos, quibus eā vitur.

Ad hoc propositum debemus notare, quod idem
Dominus noster, quando Diuinissimum hoc Sacra-
mentum instituit, statim in montem Oliueti cum
Discipulis suis se recepit, de quo Sanctus Matthæus
c. 26. v. 30. ait: *Et hymno dicto exierunt in montem*
Oliueti. Quod oliua sacris literis sit solenne pieta-
tis, & misericordie symbolum, id tam notorium est,
ac receptum, ut otiosum sit probare. Cur ergo Do-
minus post Augustissimi illius Sacramenti instituti-
onem in eum montem cum suis Discipulis secessit?

S. Ioan. Chrysostomus homil. 84. in Matth. ait:
Ut & nos ad manus pauperum exeamus, ibi enim mons
oliuarum est. Expendendum in his illud *Ut & nos*
ad manus pauperum exeamus, quo nos Sanctissimus
Doctor vult excitare ad imitationem Christi Sacra-
mento recti, ut quemadmodum illè ex nobilissimæ
charitatis, & perfectissimæ, atque integerrimæ lar-
gitatis usu, & ingenio quærit in illo Sacramento
pauperem, occurrat, offertq; se indigenti, sic & nos
inuestigamus miseros, obuiam eamus esurie, aut
quauis aliâ necessitate laborantibus, neq; expecte-
mus, quousque illi nos requirant. Hæc enim nobili
generositate, & generosa munificentia efficie-
mur dexterissimi, & solertissimi artis
benefaciendi magistri.



CAPUT II.

Terribiles minas, & horrenda supplicia effulmi-
nat Deus in illos, qui opprimunt pauperes, & vastant
subditos, ut non necessarias domos, & inutilia pala-
tia excutent.

Permirum cuiunque attentioribus oculis histo-
riam nostri Patriarchæ percurrēt accidet, quod
sacer textus ait, apparuisse illi Dominum *sedenti in*
ostio tabernaculi sui. Dignum profecto notatu est,
diceret curiosus quispiam, quod Abraham tam opu-
lentus, & locuples; tam diues auri, & argenti, & pec-
coris nunquam sibi excitauerit domum, in qua de-
geret, sed in papilionibus, & tabernaculis semper
vixit, hospitesque sub umbra illicis tam celebratæ
apud omnes Gentes, ut ait Sanctus Hieronymus, ex-
ceperit, & recreauerit. Cur non ædificauit sum-
ptuosam, & dignam se tanto Patriarchâ, tamque il-
lustri viro basilicam, in qua habitaret? Cur? Ideo
forsan, ne si magnificam domum sibi construeret vel-
let, sumptus extraordinarijs exactionibus sibi para-
re necessum haberet, aut fabrica sibi raperet, quæ
in pauperes eroganda forent. Magna enim ædificia,
quando sine magna necessitate construantur, nun-
quam sine magno periculo, & manifesto discrimine
consentiant, & euidenter pauperum iniuria fiunt.

De immoderatis exactionibus, & crudelitatibus,
quibus Rex Ioakim erga subditos suos utebatur, a-
gens Ieremiâs Propheta c. 22. v. 13. inquebat:
Va qui ædificat domum suam in iniustitia, & cæna-
cula sua non in iudicio, amicum suum opprimit fru-
stra, & mercedem eius non reddet ei. Cum hæc di-
xisset, mox conuersus ad Regem, aiebat: *Tui vero*
oculi, & cor ad auaritiam, & ad sanguinem innocen-
tem fundendum, & ad calumniam, & cursum malè
operis; ibid. v. 17.

Magnus Ezechielis interpres Hieronymus Pra-
dus in c. 19. Ezech. v. 7. verba superiora Ieremiæ
exponit verbis alijs, quæ reges non in ære cælata,
sed cordibus insculpta meritis habebant. Sunt autem
illa. *Obserua raro superba palatia, adestq; magnificæ*
construxi, nisi solatâ iustitiâ, legibusq; contemptis, op-
pressis ciuib; operis defraudatis, atque eiusmodi a-
lijs iniquitatibus admissis, quibus sumptus minuan-
tur, & pecunia comparantur.

Aptè huc cadet quidam Prophetæ Habacuc lo-
cus, cuius momenta ad hoc propositum volo expen-
dere. Loquitur sanctus hic Vates contra eos, qui
ædificabant domos, palatia, ciuitates contra leges
iustitiæ;

iustitiæ, & rationis, & exclamat: *Lapis de pariete clamabit, & lignum, quod inter iuncturas adificiorum est, respondebit*; Hab. 2. 11.

Quid verò clamabit lapis, quidve respondebit lignum? Respondent Hugo Cardinalis, & doctissimus ac venerabilis P. Sanchez: *Clamabit lapis sequens a, nimirum: Væ qui edificat civitatem in sanguinibus*; ibid. v. 12. Statuamus nunc, quid sit edificare civitatem in sanguinibus. Cornelius ex Paraphrase Chaldaeo & B. Alberto Magno id his verbis exponit: *In sanguinibus, id est, ex oppressionibus pauperum, quos cogit in hoc opere sudare, & laborare, in eorum spiritus, & sanguinem suum exhaurire, quemadmodum Pharaon Hebræos oppressit, tantumque non prorsum extinxit.*

Franciscus de Ribera, Caspar Sanchez, Hieronymus Pradus, tres vnus Societatis I. E. S. V. aiunt, edificare in sanguinibus, esse edificare sumptu, nimis, victu pauperum: *Sanguis enim pro pecunia sumitur, & victu, quibus hominum vita sustentatur.* Edificant ergo in sanguinibus, qui annonam, & quæcunque ad victum spectant humanum nimis tributis prægrauant, atque inde sibi excitandorum sumptuosorum adificiorum impendia comparant. Ad hunc modum vita pauperibus adimitur, nam cum victus pretium immoderate augetur, facultas emendorum necessariorum aufertur, consequenter sanguis eripitur, dum non relinquitur, quo alimonia conquiri vitæ possit. *Sanguis pecunia est miseris mortalibus*, inquit Pradus. Quando ergo & exactionibus nimis oneratur annona, & hominibus alioquin tenuibus sic adimitur facultas parandi victum necessarium, duplici eâ velut sectione venæ, & sanguinis emissionem eò adducuntur, vt prorsum consumantur, & deficient miseri, & pauperes subditi.

Quid verò ijs eueniet, qui cum tanto aliorum damno, & exitio edificant? Id, quod Propheta dixit: *Lapis de pariete, clamabit, & lignum, quod inter iuncturas adificiorum est, respondebit.*

Apud Castro vertit Hebræus: *Lapis vociferabitur*, magnis clamoribus personabit. Quid est lignum inter iuncturas adificiorum? Respondet Sanchez: *Quod occultum est, gypsoq; illitum, vt sunt illa, quibus rectoria in parietibus inducuntur.* Hæc ergo ligna vociferabuntur, hæc ex latentioribus penetrabilibus, & secretioribus cubiculis clamabunt vindictam, perentque è celo iustitiam contra eos, qui talibus in locis ea collocari imperârunt tanto cum damno, & exitio Rerum publicarum, & pernitie pauperum, quibus victus, vitæque adeo per constructio-

nem id genus inutilium, & superuacaneorum adificiorum adimitur.

Sanctus Hieronymus adducit aliam eorum verborum translationem, quæ sic habet: *Lapis de pariete clamabit, quasi vermis in ligno loquens.* Sensus illius versionis talis est: Quemadmodum tere do nocte, dieque viscera ligni rodit, fodicat, depascitur; sic adificia sumptuosa absque necessitate aliqua, & cum oppressione pauperum excitata, perpetuo commoriscabunt conscientias, torquebunt animas, vexabunt spiritum, angustabunt cor eorum, qui magnificas illas, sed parum necessarias fabricas construere imperârunt.

Non prætereamus silentio prosopopœiam Sancti Prophetæ, quam magnum in modum commendat Arias Montanus. *Clamabit lapis, & respondebit lignum*, inquit Habacuc, & velut per choros dabunt mutuo voces lapis, & lignum. Alludere videtur Habacuc ad illud, quod Isaias refert de duobus Seraphinis, qui clamabant alter ad alterum, Sanctus, Sanctus, Sanctus, Isa. 6. 3. Velut iam horum alter cantabat Sanctus, & alter respondebat Sanctus: Sic in illis adificijs, inquit Habacuc, clamabunt alternatim noctu, atque interdum, Væ, Væ, Væ! Væ illis miseris, & infelicibus, qui cum tanta strage pauperum, vastatione populorum, pernitie subditorum construxerunt pro sola sua libidine domos, excitârunt pro sola vanitate, & ostentatione adificia? *Lapis contra eos clamabit, & lignum respondebit*, alternisque vocibus crudelitatem eorum damnabunt. Veniet enim, veniet dies, in quo & lapides loqui, & dare voces ligna scient, vt eorum barbaram duritiem accusent, qui immanibus exactionibus, intolerabilibus tributis, atrocibus vexationibus extorquebant à tenuibus, egentibusque subditis, vnde superuacanea erigant adificia. At si lapides vociferabuntur, & ligna clamabunt, quibus vocibus non personabit sanguis inopum oppressorum, & exhaustorum quorum necessario victui ereptum est, quod in eiusmodi ædes male profusum?

Prædicat Sponsus ab elegantia colli Sponsam suam, dicens: *Sicut turris David collum tuum, qua edificata est cum propugnaculis*; Cant. 4. 4. Proximus imminabat ciuitati Hierosolymitanæ mons Sion, in cuius editiore loco, & hiantibus iugis construxerat David validissimam turrem, quæ infernè iacenti Vrbi fortissimo esset præsidio. Quæ de re videre Borchardum in descriptione Terræ Sanctæ p. 1. c. 7. §. 43.

Disimulemus hic, quid mysterij habeat, quod Sponsæ

Sponsæ collum cum turri David comparatum fuit, ac de turri ipsa loquamur. Quod hæc turris dicitur *adificata cum propugnaculis*, id alij transtulerunt, *adificata ad doctrinam*, ad disciplinas, exemplaris loco. Quod nostra Vulgata habet, *Propugnaculis*, id in origine Hebræa est, *Letalpiorb*, vt aiunt Rabbinii, Salomon, Ezra, Anonymus apud Genebrardum, Ghislérium, Martinum Delrium, & alios. *Letalpiorb* autem idem est, quod *doctrina, disciplina, exemplar*, qui variis significatus translationum varietatem fecit.

Quid verò institutionis ex illa ad doctrinam edificata turri accipi, quid normæ, & exemplaris ab illis propugnaculis peti poterat? *Quæ edificata est ad doctrinam*. Quid enim tam sumptuosa machina docebat? Docebat Reges, & Principes, quid facere deberent, cum deliberatum haberent sumptuosa moliri ædificia, vt nimirum cum tale quodpiam conceperunt animo propositum, animaduertenter, quomodo bene collocarentur nuni, rectè fierent impendia, viderentque vt si quid erogandum est in fabricas, id verteretur ad necessaria & vtilia ædificia, si vellent conscientijs suis consultum bene, vt quemadmodum David construxit turrem illam, vt esset præsidio vrbi Hierosolymorum, sic illi excitarent arces, munirent loca, adornarent propugnacula, ex quibus regna defendi, repelli hostes, & incursiones eorum coerceri possent. Nam adornare ædificia superuacanea, vana, inutilia, eamque in rem profunderè immanes sumptus, sudoremque, & cruorem aliorum miserorum, id in exitium conscientiarum, & stragem rerum publicarum redundare debere perspicuum est.

O quam vereor, ne cui paratum sit illud supplicium, quod iustus Iudex de quodam Verdunensi Abbate Richardo sumpsit! de quo Sanctus Petrus Damianus lib. 8. epist. 2. refert, visum esse cuidam seruo in ecclasi apud inferos *velut excelsæ machinæ erigentem, & anxium, atque sollicitum tanquam munita castrorum propugnacula construentem*. Quamobrem verò miser ille tali cruciatus genere vexatus fuerit?

Respondet Eminentissimus Cardinalis: *Hoc enim morbo laborauerat ille, dum viueret, & in extruendis inaniter adificijs omnes ferè diligentie sue curas expendere, & plurimas facultates Ecclesiæ in frivolis huiusmodi nanijis profligare*. Itaque Abbatis illius, dum inter mortales ageret, omnis cura, sollicitudo, vigilantia, cogitatio, totumque studium eò ibat, vt novas quotidie ædificiorum formas inani labore apud animum suum architectatrice imaginatione confin-

geret, domosque alias dirueret, extrueret alias. Huc ille monasterij prouentus, hoc est, patrimonium pauperum male vertebat. In has nugas, & inepcias ingentem vim pecuniæ imprudens deceptor effundebat, vt plurimas etiam facultates Ecclesiæ in frivolis huiusmodi nanijis profligaret, & ædificans domorum muros mores subditorum demoliebatur. Abbas ergo tam prodigus, & profanus, qui in res nugatorias vanè erogabat Ecclesiæ facultates, & pauperes fame necabat, & improbo suo exemplo passim omnes offendeat, æternus in illius pice, & sulphurei stagni oceano remex vnâ maximè talium ædificiorum imaginatione vexabatur, & quod fecit in vita, hoc perferēbat in pœna, inquit Sanctus Damianus. Ita ex inanibus fabricis, & inutilibus structuris, & superfluis, vanisque ædificijs nunquam potest conscientijs esse bene, nunquam finis aliquis felix sequi.

Si non est ita, videte quanto stertit idololatraz regi Achab vinea, quam Naboth Iezrahelitz per vim eripuit. Propius à regia aberat illa vinea, petebatque rex eam sibi vel pro alia vinea, vel pro pecunia parata dari. Resistit cupiditati regis Iezrahelita, donec illo perfidiosorum à regina subornatorum falsis testimonijs ad lapides damnato, & saxis extincto, adempta hæredibus vinea fuit. Hinc regi omne suum exitium natum, & comparatum fuit, cui Elias suæ domus interitum, & varias calamitates, quibus pro tam nefariæ necis merito exagitandus esset, prænuntiavit.

Verum dices mihi. Quid iniustitiæ perpetravit rex, qui vineam subdito suo abstulit, cui dixerat, *Dabo tibi pro eâ vineam meliorem, aut si commodius tibi putas, argenti pretium, quanto digna est*? 3. Reg. 21. 2. Cum rex tam comis erga subditum esset, vt pro vinea vineam meliorem, aut pretium, si id fortè mallet, paratum offerret, cur tam celebrata est animosa, & fortis repugnantia Nabuthis, qui hoc concedere regi suo noluit, vt de sua vinea villo modo decederet, adeo supremæ infelicitatis occasionem illi ministravit?

Sanctus Ambrosius lib. de Nabuthe c. 3. ait: Videte, amabo, quamobrem vineam rex Achab petierit: *Da mihi vineam tuam*, aiebat, *Et faciam mihi hortum oleum*; ibid. Hæc erat omnis insania, inquit Ambrosius, *hic omnis furor, Et spatium vtilibus oleivibus, quæreretur*. At si Ambrosio *omnis insania, & omnis furor* visus est, quod rex suæ recreationi, suisque leguminibus petijt vineam, quam vel meliore vineâ, vel digno pretio compensare volebat, quanta insania, quantusque furor sit, excitare superflua palatia,

latia, inutiles domos, loca recreationum vana, idq; impendijs miseri vulgi, sumptibus afflictorum subditorum, eosq; nouis quotidie portorijs opprimere, & neque militibus sua stipendia numerare, neque arcibus ad præsidia regnorum constructis prospicere, neque alia tum multa, tum magna incommoda præcauere? Huc profectò, huc nimisquam aptè cadit illud Beati Ambrosij: *Hic omnis infamia, hic omnis furor.* Nullius consilij est, & perditissima conscientia, quisquis talium ædificiorum autor.

Quæ sine damno Rerum publicarum, & absque oppressione subditorum excitantur structurae, eas habet Deus gratas. Huiusmodi ædificia excitauit Sanctus Abbas Fructuosus (contra ac ille Verdu-nensis) qui postquam ædificauit insigne monasterium Compluti, fecit & paruum oratorium dedicatum Sancto Petro, quod postea Sanctus Valerius extendit in iustam magnitudinem Ecclesiæ, dein verò Gennadius Presbyter cum duodecim religiosis, ac deuotis operarijs primum instaurauit, ac postremo, cum iam Episcopus esset, sumptuose ab ipsis fundamentis exædificauit. Saxum quoddam ostio Ecclesiæ vicinum perspicuis characteribus cælatum, ad omnem oculorum gratiam perspicuè, ad omnem temporis iniuriam pertinaciter, ad omnem obliuionis inuidiam indelebiter refert, quâ ratione illam Gennadius erexit Ecclesiam. Insignis historicus, religiosus Dominus Franciscus Prudentius de Sandoual in descriptione foundationis monasterij S. Petri de montibus saxo illi hæc ad marginem insculpi curauit, *Predra notable, hoc est, lapis notabilis, & verba illius hæc descripsit: Nouissimè Gennadius Presbyter cum duodecim fratribus restaurauit. Erat DCCCCXXXIII. Pontifex effectus, à fundamentis inspicere, & cernitur, denuò erexit, non oppressione vulgi, sed largitate pretij, & sudore fratrum huius monasterij.* Hinc accipiant Principes, & quicumque Superiores, quos magnificas erigere structuras oblectat, vt hoc faciant, non exaggeratione tributì, non insolente, & graui impositione portorij, non oppressione vulgi, sed largitate pretij, & magnificentia proprii ærarij. Benè construit, qui sic agit, destruit, qui aliud facit.

Ad morem Catholicum hanc nobis doctrinam Poeta gentilis tradet, qui in quadam de Æneæ ad inferos descensu fabula fingit, visum illi in campis Elysij copiosissimum animarum examen, quæ illos delitiosissimos agros ad omnem voluptatem oberrarent. Interrogasse autem Æneam, quid illæ ibi agerent, responsumq; accepisse, morari ibi, quousq; ad


Romam fundandam, nominumq; suorum insignia latissimè diffundenda euocarentur. De his ita canit Virgil. lib. 6. *Æneid.*

*Ac selusi in prætijs, ubi apes effate serenâ
Floribus insidunt varijs, & candida circum
Lilia fruaduntur, strepit omnis murmure campus.*

Hic iam possumus interrogare, quam obrem magnus Poeta Romam ædificaturas animas apibus comparât, quæ ex floribus legunt, vnde sua mella stipent, & conficiant fauos.

Claudius Donatus ait, esse admodum ingeniosam, & aptam istarum animarum cum apibus collationem. Nam apes iusta floribus suum concipiunt florem, floribus mella concipiunt, & fauos honesto labore dispendunt. Perinde quia & illa anima promerito suo, condendo Romano Imperio parabantur, apum catibus nascuntur aquaria. Apes solertè industriâ, & optimè ordinatâ diligentia fingunt suos fauos, conuehant mella, conficiunt ceram, struuntque operas suas per summam iustitiam, quia citra alicuius iniuriam, viliusue floris, atque arboris læsionem. Quapropter Thomas Cantipratanus l. 2. de Apib. c. 36. ait: *Miro modo innocue sunt, quæ floribus absque vilo fructuum dispendio auidissimè insidunt.* Quodd ergo animæ, quæ Romano condendo seruabantur imperio, compositæ sunt cum apibus, quæ suas absque vilo aliorum incommodo construunt operas, tacita quædam monitio fuit, vt hi, qui grandia moluntur ædificia, id sic faciant, vt nullum inde ædibus alienis detrimentum veniat, non grauetur annona vestigalibus, non onerentur subditi intolerabilibus tributis. Apes dicuntur iusta Donato, quodd labores suos absque aliorum damno conficiant. Qui ergo apum instar non construunt, iniustitiæ leges impingunt, & contra rectam rationem vadunt.

Qui amant construere ædes, excitare palatia, imitentur hirundinis industriam, de qua Sanctus Ambrosius lib. 5. Hexæm. c. 17. sic habet: *Ædificat, nec impendit, tecta atrolit, & nihil aufert proximi,* sumptibus proprijs, non impendijs alienis suum sibi parat domicilium. Qui ædificant in sanguinibus, qui amplas domos cum damno subditorum erigunt, ij suas animas inferno consecrant, dum vulgus hominum emungunt.



C A P V T III.

Autoritatis iacturam, aut dignitatis imminutionem ex humilitate nemo fecit.

Humiliter, & comiter, hilariter, ac lætanter inuitabat Patriarcha noster Angelos ad ineundam mensam, & capiendam quietem, dicebatque: *Afferam pauxillum aquæ, & lauare pedes vestros*; Genes. 18. 4. Ad omnia sese offerebat sanctus senex, afferre aquam, lauare pedes paratus. *Ipse ad armentum cucurrit, & tulit inde vitulum tenerimum, & optimum*, ait sacer Scriptor ibid. v. 7. & Sanctus Hieronymus epist. 26. *Ipse pedes lauit, ipse pinguem vitulum portauit humeris de armento*; nullum humanitatis, & humilitatis officium erubuit. Hinc accipiamus, quod per exercitationem humilitatis, & demissionem nihil detrahitur cuiquam de sua exaltatione, dignitate, celebritate in domo Dei, ut propterea abiectionum officiorum procuracionem, siue administrationem defugere nemo debeat.

Postquam supremam illam, & Sacrosanctam cœnam Dominus, & Saluator noster celebrasset, voluit insignitum illud beneficium memorabili, & inaudito incomparabilis humilitatis exemplo obfigmare, seq; vsque ad lauandos Discipulorum suorum pedes submittere. Priusquam Sanctus Ioannes hanc tantæ demissionis recenscat historiam, facit quandam digressionem, quæ non multum ad rem facere videtur. Sic enim illam orditur narrationem: *Sciens quia omnia dedit ei Pater in manus, & quia à Deo exiit, & ad Deum vadit, surgit à cena, ponit vestimenta sua, mittit aquam in peluim, & capit lauare pedes Discipulorum, & extergere linteo*; Ioan. 13. v. 4. 5. Obtusescit hic tantæ humilitatis actus Petrum tam vehementer, ut noller suos exhibere lauandos pedes, donec grauissimæ comminationis fulmine percussus humilissimi Magistri diuinis manibus sordidos pedes suos permitteret, humiliterque obtemperaret.

Sed quorsum illo præambulo vsus est Euangelista, ut prius diceret, quod Christus scierit, omnia sibi tradita in manus à Patre, seq; ab eo exiisse, atque ad illum redire, quàm narraret, quod humilis serui habitum indutus, ad pedes vsque Discipulorum illas manus demisit? Videtur enim non magna esse priorum cum posterioribus connexio.

Respondet Theophylactus, magnus ille Bulgarorum Archiepiscopus huic obiectioni ita: *Cum sciret, quod omnia tradidisset ei Pater, & quod à Deo exisset, & ad Deum iret, non timebat minus gloriam su-*

am lauans pedes Discipulorum suorum. Ut certo documento institueremur, nihil decedere cuiquam de sua gloria, & exultatione ob id, quod humilibus vacet actionibus, antequam supernus Magister vsq; ad lauandum duodecim piscatorum pedes se submittat, dicitur de illo, quod à Deo exiit, & ad Deum vadit, quodque eadem manus, quæ loturæ erant sordidos illos pedes, sint serinia omnium rerum, nec propter illam lotionem desinant esse dominatrices, & creatrices omnium rerum conditarum. Nemo suæ autoritatis, & dignitatis iacturam passus est ex eo, quod ad humiliora officia se dimisit, *& ita non minuebatur gloria Christi, qui talis est, ex eo, quod Discipulos lauerit*, inquit tursum Theophylactus. Post illos pedes lotos tam Rex, tam Deus, tam Magister, ac Dominus mansit, quàm ante fuit. Quare & ipse post eorum pedum lotionem dixit: *Vos vocatis me Magister, ac Domine, & bene dicitis, sum etenim*, (ibid. v. 13.) nec quidquam remisi de mea autoritate, quod ad vestros pedes me submitti, nunquam enim humilitas magnitudini aliquid detrahit.

Quàm præclare hoc expressit Plinius iunior in suo illo Traiani tam celebri panegyrico, ubi hæc è multis pauca: *Cui nihil ad augendum fastigium superest, hic vno modo crescere potest, si se ipse submittat, securus magnitudinis suæ.* Princeps altissimus, Rex maximus, Monarcha supremus nunquam magis securus est de sua magnitudine, nunquam magis tutam, illæsamque, & inoffensam habet sublimitatem, & maiestatem, quàm cum ipse se ad humilis alicuius operis exercitium submittit: *Neque enim ab illo periculo fortuna Principum longius abest, quàm ab humilitate*, addit Plinius. Nulla res longius à discrimine submouet Principum felicitatem, quàm humilitas. Humilitate nemo suam profanauit maiestatem.

In libro Actuum Apostolicorum refert S. Lucas Euangelista miracula, quæ Deus per Paulum operabatur, dicens: *Virtutes non quælibet faciebat Deus per manum Pauli*; Act. 19. 12. Quibus medijs ad has tam eximias, & celebres virtutes utebatur Paulus? Non dissimulauit hoc Lucas ibidem subdens: *Ita ut etiam super languidos deferrentur à corpore eius sudaria, & semicinctia, & recedebant ab eis languores, & spiritus nequam egrediebantur.*

Non paruum attulit Expositoribus difficultatem statuere, quid sibi velit, aut significet semicinctium. Lorinus, ut aliorum eruditorum sententias hic præteream, putat, tegimen quoddam fuisse, ab humeris ad genua vsque pendulum, quo mechanici, cum illi-

berales operas trahant, ceteras vestes, ne quid sortium ex eis contrahant, rectas, mundasque servare solent. Ergo semicinctium forsan est e lino, similis materia pannus, quem circumligando demittunt, qui in opificio, aut ministerio versantur, inquit ille. Quidam è multis sunt, nec magno loco habetur in Republica, cuiusque tali seu laneo, seu lineo, siue etiam scorteo velo ad regendas reliquas vestes, dum suis operis vacant, utuntur. Cur autem voluit Dominus, ut illud semicinctium, sudariumque Pauli tam prodigiosa operarentur miracula, ipsosque generis nostri capitales, & potentissimos exturbarent ex hominibus, & fugarent hostes? Cur voluit, ut eadem res & ad vilia opificia, & ad stupenda miracula essent vsui? Ut significaret, nihil detrahi de dignitate alicuius rei, per hoc, quod ad humilia officia adhibetur, propterea voluit, ut sudarium, & semicinctium Pauli, (vilis & servilis officij, quod exercebat, insignia) eijceret demones, & curaret infirmitates. Non perdit homo suam existimationem, quia se humiliat, neque maculam infert gloriæ, quod se demittit.

Scribit Sanctus Paulus Apostolus discipulo suo Tiro, & sic orditur epistolam: *Paulus servus Dei, Apostolus autem Iesu Christi*; Tit. 1. 1. Volebat auctoritatem scriptis suis, conciliare, ideoque Apostoli titulo se ornat. In hanc rem sic disserit Sanctus Hieronymus in illius epistolæ commentario: *Porro quod ait, Apostolus Iesu Christi, tale mihi videtur, quale si dixisset, prefectus prætorio Augusti Caesaris, magister exercitus Imperatoris Tiberij. Ut enim iudices sæculi huius, quò nobiliores esse videantur, ex regibus, quibus serviunt, & ex dignitate, quâ intumescunt, vocabula sortiantur, ita & Apostolus grandem inter Christianos sibi vendicans dignitatem, Apostolorum se titulo Christi pronotavit, ut ex ipsa lecturos nominis auctoritate terreret, indicans omnes, qui in Christum crederent, debere sibi esse subiectos.*

Benè habet istud. At si Paulus volebat omnes sibi debere esse subiectos propter illum magnificum Apostoli titulum, siue propterea, quod Apostolus Iesu Christi esset, cur primo loco se humilem servum nominat (*Paulus servus Dei*) nam ut ex magno nomine Apostoli, auctoritas illi grandis accedebat, ita ex humili appellatione servi de magnitudine illius non parùm decedebat. Quomodo ergo non putavit incongruens magnificentiam Apostoli cum exiguitate servi copulare?

Responder Glossa Angelica: *Humilitas non tollit potestatem, & dignitatem*; quasi dixisset: Non satis

intelligis ordinem rerum. Quando Paulus titulos Apostoli, & servi coniungit, quorum ille tam altus, hic tam humilis est, nihil minus veritus fuit, quam ne per vilitatem servi perderet sublimitatem Apostoli, nunquam enim humilitas impedimento fuit, aut derogavit magnitudini, neque demissio splendorem maiestatis extinxit, neque deiecit lucem dignitatis obscuravit: *Humilitas non tollit potestatem, & dignitatem.* Si Rex aut Regina, si Dux, illiusque vxor, si nobilis, & quævis illustris matrona nosocomium inuisant, ægroque pauperes benevolent, prolixaque manu iuuent, & cibos eis ministrant, nunquam per hoc fiet, ut Reges, Duces, magni viri, aut principes feminæ esse desinant. Humilitas enim nunquam incommodavit auctoritati, neque iuribus eius quidquam detraxit: *Humilitas non tollit potestatem, & dignitatem.*

CAPVT IV.

Nihil indecorum in domo Dei, nisi peccatum.

Hinc sequitur alia consideratio nata ex Capitulo præcedente, nempe quòd nullam debeamus fastidire operam humilem, nullum respicere in domo Dei ministerium servile, tanquam per eius administrationem de gradu suæ existimationis quispiam cadat. Graviter nimirum errat, si quis abiectum se fieri putet, quòd abiectum officium pro Dei honore aut amore procuret. In magna enim Dei domo vnum solum esse potest, quod dedecet, puta peccatum, præter illud nihil est, ex quo veri honoris iacturam facere homo probus possit.

Huc spectat illud ex Parænesi 30. Sancti Ephræm: *Neque agrotare secundum carnem est delictum, neque in damna, & tribulationes incidere est lapsus, atque ruina, sed in tentationibus non probatum inveniri, & per impatientiam offensionem Dei incurrere.* Alioquin tamen si sordide vestias, & mensam tenuem habeas, & ostiatim cibum, frustillatimque panem commendices, nihil hæc probri, dedecorique habent, si peccatum absit.

Abijt populus Dei liber ab Ægyptiaca servitute, ut facit textus ait: *At illi egressi erant in manu excelsa*; Exod. 14. 8. subaudi, Domini Dei, sic enim interpretatur Rupertus Abbas. Paraphrastes Chaldaus apud Orlavianum Rufum in c. 4. Ecclis. v. 33. sic transtulit verba superiora: *Filij Israel egrediebantur capite discooperito.* Videtur hic alludere Chaldaus ad morem loquendi communem, qui hoc habet, ut de eo, qui est verax, non appetens alieni, integer vitæ, & quod hominis boni est, facit, dici soleat,

leat, *Que puede andar con la cara descubierta per todo el mundo; hoc est, aperta facie totum obire mundum potest.* Ad hunc modum dicit Chaldaeus: *Filij Israel egrediebantur discooperto capite;* tanquam nihil habentes, ob quod erubescerent. Sed quomodo nihil habebant; quod eos puderet, qui exibant à misera & abiecta servitute, sub qua tot ludibria, conuitia, probra, contumelias passi, tot flagris, & verberibus laniati, tam duris, & vilibus officiis addicti fuerant? Dicit nihilominus ille, *Egrediebantur capite discooperto;* ut nos doceret, in domo Dei nullam esse probrosam seruitutem; nullam ignominiosam ignominiam, nullam turpem inopiam, & paupertatem; nec quidquam indecorum, nisi peccatum. Liberis oculis, deopertoque vultu ire quouis potes; dum non ad peccandum vadās.

Quærit Angelicus Doctor Sanctus Thomas 2. 2. q. 144. art. 3. *Virtutem in virtuosus hominibus positi esse verecundiam,* hoc est, an habeant, quod illis adferre ruborem queat. Ac postquam ventilaui questionem, sic de illa pronuntiat: *Senes & virtuosus carent verecundia, sunt tamen sic dispositi, ut sit in eis esse. aliquid turpe, de hoc verecundarentur.* Quam appositè hoc in loco Angelicus Doctor senes virtuosus adiunxit? Senem quidvis decet, nullius rei illum pudet. Vbiq; loqui, & sedem, quam vult, deligere potest. Non illum dedecet neglectior vestitus, horridula verba quamquam proferat; tamen eius impexa sit oratio, tamen incompti, inornatiq; sermones, non erubescit. Tales sunt etiam virtutis studiis, *verecundia carent,* solum peccatum est, quod illis dedecori esse posset, solum peccatum videtur esse indecorum, & adferre posse ignominiam.

Apud S. Ioannem c. 9. v. 16. hanc Christo calumniam quidam Pharisæi dicebant: *Non est hic homo à Deo, qui Sabbatum non custodit.* Apud S. Lucam c. 13. v. 14. archisynagogus indignabundus cum stomacho ad turbas aiebat: *Sex dies sunt, in quibus oportet operari, in his ergo venite, & curamini, & non in die Sabbati.* Itaque hoc illi sibi persuasum, certumque habebant; quod plurimum dedeceret, curare ægros in die Sabbati; archisynagogus servile operis existimabat sanare, inquit Sanctus Bruno Ser. 2. de ramis palm. Ministrare infirmo necessaria, emundare ipsius vulnera, componere lectum, alia humilitatis, & charitatis officia ei exhibere, numerabant Iudæi in operibus vilibus, & servilibus.

Dicit nunc Sanctus Bruno: Si vis scire, quæ sunt servilia opera, audi Prophetam dicentem: *Non occides; non machaberis; non furtum facies; non falsum testi-*

monium dices; non concupisces rem proximi tui. Decalogi prætermisio, mandatorum diuinorum neglectus, hæc sola probro sunt in domo Dei, *hæc sunt servilia opera; hæc faciunt homines servos,* quæcunque contrà supremi Legislatoris mandata ab eis vel omittuntur, vel committuntur. Hæc sola vilem, sordidumque faciunt, alia, quæ erubescas nulla sunt.

De ciconijs ferunt, tantâ esse ergà parentes pietate, ut decrepitos humeris excipiant; quod volandi labore leuent, & annonâ aliunde allata nutrant. Affirmant hoc Plinius, Berchorius, Pierius, Valerianus, & alij plures. S. Ambrosius verò lib. 5. Hexam. cap. 2. ait: *Aves non erubescunt reuerendi senis membra portare.* Si compos rationis esset ciconia, interrogareturque, quomodo non pudeat illam tali oneri submittere humeros; quæ huiusmodi ministerio nata non sit, ut cætera quædam iumenta sunt destinata, hæcque à naturæ opifice, & facta? responderet, inquit Ambrosius, pia ciconia: Non erubescio id genus subire, & succollare sarcinam, quamquam non sim ad eam nata, *est enim sectura pretiis.* Antiplegia est, mutua beneficiorum vicissitudo est, debita observantiæ exhibitio est, quod longæuo parenti humeros ad obsequium submitto, id mihi proinde non probro est, sed gloriæ, neque dedecori, sed honori duco, nobilitatemque non infamiam adferre existimo. Solum peccatum indecorum est, benè agere nihil vilitatis, aut ignominie habet.

Cum diceretur cuidam cæco, quod iuxta viam, ubi ad mendicandum sessabat, Iesus Nazareus transiret, magnis vocibus illum inclamabat, dicens: *Iesu fili David, miserere mei;* Lucæ 18. 38. Compescebant importunos clamores illius, iubebantque tacere, qui præbant per viam, valde enim inurbanè, & subrusticè indecenterque factum putabant, quod tam inconditis vocibus cæcus perstreperet, torque hominum aures abiectus mendiculus offenderet. Sed nequicquam illum increpabant, ipse enim multo magis clamabat (ibid. v. 39.) susque deque habens omnes aliorum obiurgationes. S. Ioannes Chrysost. in Biblioth. hom. in Dominica Sexag. ait: *Perhibitiones eiusmodi non impediebatur eius audacia, novit enim fides omnibus repugnare, & in omnia triumphare, & vile enim est pro cultu diuino pudorem depone.* Volebant Domini per viam comites, ut esset etiam mutus, qui erat cæcus, turpe enim putabant in media turba personare vocibus. Sed cum cæcus videret, quid peteret, fide, & pertinaciâ confirmatus superavit omnia, quæ illi obiurgatores prætendebant incommoda. Et quanquam aliâ occasione

indecorum fuisset, ærem clamoribus implere, causa tamen faciebat, quare per id tempus vociferari perhonorificum cæco esset, *Et sic namque est* (addo, & gloriosum) *procul tu diuino pudorem deponere.* Non solum visum cæcus suis vocibus expetebat, verum etiam omnipotentiam cælestis medici proclamabat, iamque non immodestia clamor, sed adorationis, & religiosi cultus vociferatio erat. Et hoc non modò malum videri non poterat, verum etiam Christo honorificum erat. Sic ruri, sic in compitis, sic in medio foro, cantu, & vocibus personare gloriosum est, dummodò ad profectum nostrum spirituale, ac Dei gloriam faciant, quæ facimus. Deum offendere, id solum indecorum est, & probrosum, aliud, quod erubescamus, nihil habemus.

CAPVT V.

Cum plerumque eatenus simus boni, quatenus à malè agendi occasione procul positi, debemus illam sic vitare, ut etiam Angelos humani corporis lineamentis tectos fugiamus.

Intra horas benè paucas splendidum, laetumque conuiuium cælestibus peregrinis hospitibus suis Generosus Patriarcha intulit, qui cum ab accubitu sese erexissent, inquirebant: *Vbi est Sara uxor tua?* Gen. 18. 9. Respondit Abraham: *Ecce in tabernaculo est;* ibid. Obseruant hoc loco Interpretes, quanta fuerit ratio honestatis in domo Abraham, quanta vitæ, & morum cautio, in qua dum pranderent Angeli, in latebris Sara materfamilias morabatur. Docet hac re mulieres, quàm circumspectè agere, quàm studiòse fugitare oculos virorum, & omnem deuotare mali occasionem debeant, idque propter certum, præsentaneumque periculum, quod inde consequi solet, *Docet Sara faminas honestatem, & non se impudicè aut temerè oculis hospitiū ingerant,* inquit Olearster in annotat. morali eiusdem capituli. Vix enim aliquod tam validum est pectus, quod occasionem malè faciendi citrà offensionem excipiat. Et quòd multi sunt boni, id fortè accidit, quod eos occasio destituit, per quam fiant mali, maximam enim partem tam diu sumus probi, quamdiu opportunitas deest mali.

Diu, ac multum ex cruciauerat inuidos Iudæorum primores sanctitas vitæ Christi, illiusque prodigiorum magnitudo, & doctrinæ splendor. Et cum iam neque celare dolorem, neque tolerare amplius possent, consilium fecerunt, *Et Iesum dolo tenerent, & occiderent,* Matth. 26. 4. Et hoc sacrilego, & diabo-

lico conciliabulo hoc prodibat, expedire omnino, ut is è medio tolleretur, *at non in die festo, ne forte tumultus fieret in populo,* & inter vulgi mortis, ac seditionem euaderet viuus, quem pridè voluissent mortuum. Et si aliud nihil eos à concepto scelere retardauit, crediderim, cum satanicum illud conuenticulum solutum fuit, hoc vnum sibi munitò grauitè, & enixè, sollicitèque commendasse, ut diei sacri sancta haberetur ratio, ne in illo sententiæ latæ fieret executio, & in discessu alterum alteri dixisse, *Non in die festo, ut quisque caueret, ne quid profanum eo die fieret.* At quid factum? Dies festus fuit, quo sacrilegorum perfidiosissimus, sceleratissimorum contaminatissimus Iudas flagitiosos illos consiliarios adiit, dicens: *Quid vultis mihi dare, & ego vobis eum tradam?* ibid. v. 15. *Et constituerunt ei triginta argenteos.* Sortita fuit suum effectum pactio, & morte sublatus Christus in die festo, eoque tam magno, ut sanctus Ioannes dicat cap. 19. v. 14. *erat autem Parasceue,* hoc est, præparatio ad magnum festum. At nonnè infernales illi hostes paribus votis constituerant, ut quouis tempore è viuis vitæ autor auferretur, dum non in die festo? Quomodo ergo tali die necem illi intulerunt, quòd sine plurimis incommodis fieri non posse iudicarent?

Respondet S. Ioannes Chrysost. apud Euthymium in cap. 26. Matth. *Quaquam ita statuerunt, non tamen expectauerunt, sed inuento proditore occasionem rapuerunt.* Deliberatum, certumque illis quidem fuerat, Christi occisione festum nullo modo violare diem, verum occasio fecit, ut & diem illum, & omne priùs habitum consilium posthaberent oportunitati præsentì. Facit hoc occasio, ut maximè velimus, quæ minimè ante voluimus, & resiliamus à proposito, ad quod pertinacissimè ante obstinati eramus. Bonus Deus ab illius vi, & potentia nos liberos seruet.

Erat olim in quadam nauicula cum suis discipulis Christus in mari, quando exoriri tempestas, & ille dormire in puppi cepit. Cum ingrauesceret periculum, excitatus à discipulis Dominus, ut depelleret imminens periculum, imperauit freto, cessauitque ventus, *& facta est tranquillitas magna,* Matth. 8. 26. Optabat Sponsa hortum suum floridum, & fructiferum, aiebatque: *Surge Aquilo, & Veni Ausfer, & persila hortum meum.* *& fluant aromata illius;* Cant. 4. 16. Quòd ventum asperum & contrarium Aquilonem surgere iubet, id tale est, quale si illum procul ab horto suo facessere imperasset. Ita exponit pars maior Interpretum. Theodoretus, Maximus,

mus, Nilus, Philo, Apponius, Iustus Orgelitanus, & alij plures.

Oritur hic habitatio, quam sanctus Gregorius Nyssenus hom. 4. in Cant. his verbis proponit: *Non iubet Aquilonem quiescere, quomodo in mari tempestate iussit Dominus fluctibus quiescere, sed imperat, ut recedat, & fugiat, ut absq.ullo impedimento fluat Auster dicens, Surge Aquilo.* Dominus imperauit vento subsistere, Sponsa mandauit fugere Aquilonem, ne quod incommodum horto suo adferret. Quid ita?

Respondeo, Sponsam, vt prudens fuit, sic egisse consule: Christus non habebat, cur euitaret occasiones, cum enim omnipotens esset, poterat pro suorum virium ostentatione cum illa praesente intrepide, secureque pugnare. Eapropter cum in mari miseram ventus acriter oppugnarer nauiculam, non iubebat ventum abire, sed potestate sua illum coercebat. Verum Sponsa conscia sibi suae imbecillitatis, & fragilitatis non putauit tutum viuere ob oculos inimici, & dimicare cum praesenti occasione, quam nullus horribilior aduersarius, quare dicebat: *Surge Aquilo*, apage hinc occasio, fuge felicitatis mea inuide hostis, necessum est enim, vt hinc abeas, quod ego victrix euadam. Nam pugnare cum inimica occasione, & promittere sibi triumphum, id soli Deo est seruatum; eique, quem ille speciali auxilio confirmauerit.

De vita sancti Patriarchae Loth, adisq.ue eius sic ait sacer Scriptor: *Habitabat in Sodomis*; Gen. 14. 12.

Magnus Origenes hom. 9. in Genes. ait: *Loth in Sodomis habitabat, alia eius bene gesta non legimus.* Huic Origenis effato videtur manifestè repugnare textus sacer, qui illum à charitate in peregrinos, & hospitalitate erga viatores commendat, cuius ille luculentum specimen dedit, quando illos duos Angelos tam comiter, & humiliter ad suum rectum inuitauit, supplex rogans, & dicens: *Obsecro, Domini, declinate in domum pueri vestri*; Gen. 19. 2. Huius facti meminit S. Paulus, vt nos ad amorem hospitalitatis accendat, quam Scriptura & plurimi facit, & magnificè praedicat. Quomodo ergo potuit dicere Origenes: *Loth in Sodomis habitabat, alia eius bene gesta non legimus*? Ignorantia in simulare Origenem hac in re nemo poterit, nisi qui suam prodere velit. Quid ergo voluit dicere Origenes, quando ait, de Loth aliud nihil legi, quam quod vitam in Sodomis duxit, cum de virtutibus eius multa praeterea scripta reperimus?

De hominibus Sodomitis ait beatus Moyses Gen. 13. 13. *Pessimi erant, & peccatores coram Domino nimis.* Quod ergo Origenes affirmat, nulla alia bene gesta Loth legi, nisi quod in Sodomis habitabat, tantundem fuit, quantum si dixisset: Quod Loth virtutum Salamandra in medio illo vitiorum incendio vixit, quod gratiarum papilio inter obscœnitatum flammam illæsus seruatus fuit, quod ob oculos tam variæ, & promptæ occasionis innocentiam constanter coluit, nec deflexit ad eos, qui tam magno numero, quam malo exemplo ad malè agendum praebant, tam rarum, exquisitumq. prodigium fuit, vt facinora illius alia, quantumuis praetara, & illustra, omnia obscuret, & velut oppanso velo tegat. Et hoc est, quod voluit Origenes, cum ait: *Loth in Sodomis habitabat, alia eius bene gesta non legimus.* Quod si sepulchro beati Loth inscriptum sit, extollendo illi super Alexandros, Samsones, Salomones, Dauides, & quotquot iustos mundus vidit bellatores, sat esse possit. Nam viuere iuxta ignem, & non incalescere, proximum esse niui, neque contrahere frigus, facilius est, quod omnia alia supergreditur.

Quamquam Angelus sit, qui loquatur, si mulier est, quæ dicentem audit, adfert secum, nescio, quid periculi, illud colloquium, vt necessum sit non se mutuo videre, quod illud vitent. Agar ancillæ apparuit Angelus, quando solitudinem fugitiua obibat: Consolabatur autem illam, inbebatq. repetere domum Saræ dominae suæ, & postquam illi indicasset indolem, futurosque mores filij quem paritura erat, nomenq., quod imponere nato deberet, mox euauit. Quod cum vidit Agar, dixit: *Profecto hic vidi postiora videntis me*; Gen. 16. 13.

Iste locus difficilis intellectu. Quomodo enim Agar videre potuit tergum eius, à quo videbatur? Figuram humanam praeferebat Angelus, non ergo à tergo habuit oculos, quos si eo in loco habuisset, potuissent videre posteriora eius, quos ille videbat. Quomodo ergo accipiendum est, quod Agar dixit?

S. Petrus Chrysol. ait, de eo, cui prosperè aliquid euenit, dici solere: *Vidit illum Deus*; quasi videri à Deo, & bene ab eo haberi, amari, iuari, idem sint. Manet hodieq. apud nos illa loquendi consuetudo, nam si Deus aliquem re quacunque feliciter, dicimus: *Vinole Dios a ver*; est hoc: *Deus venit illum inuisum.* Sic quidam accipiunt illud Agar ancillæ dictum, vt sit idem, vidisse posteriora videntis se, ac vidisse à tergo eum, qui erga illum beneuolens, humanus, prolixus, misericors fuit. Si hic sensus tam

verus est, quàm facilis, non inurbanitas (quis enim tam rusticus sit, & stultus, ut eà laborasse cœlorum ephebum palatinum putet?) sed mysterium fuit, quòd cum Angelus in forma viri loquebatur mulieri soli, ac vagæ, noluit eius oculis oculos, faciemque suam permittere, atque idè illi tergum obuertit, quòd illa confiteretur, dicens: *Vidi posteriora & videntis me.* Sed quale mysterium?

Benedictus Fernandus in cap. 16. Gen. sect. 2. respondet: *Ad modestiam, & puritatem edocendam Angelus ita obuerso vultu loquebatur solus cum sola muliere in eremo.* Poterat Angelus (quis enim dubitet?) absque villo periculo os, oculos, vultum totum mulieri exhibere, quando cum ea in colloquium descendit, noluit tamen id facere, sed obuerso dorso loqui, ut eo exemplo nos institueret, ut viri & mulier, quos ad colloquendum in loco priuato, & solitario grauis necessitas cogit, non oculos oculis misceant, cum miscent sermones, sed plurimam modestiæ rationem habeant, idque propter periculum, quòd timeri potest, postquam vel Angelus noluit de facie agnoscì ab ancilla, quacum verbis communicauit. Si Angeli tam sunt hac in re cauti, qui tam sunt securi, & tuti, cur homines periculo expositi non timeant, non formident?

Inueniet de hoc argumento ingentem syluam pulcherrimarum commentationum curiosus Lector in 2. To. Periocha III. Dominica XI. post Pentecosten, pag. 177. c. 2. 9. Vide etiam in 1. To. Indicem rerum verbo, Occasio.

CAPVT VI.

Parum prodest, quòd homo ad peccandum abditi-
simas latebras querat, cum Deum habeat, qui omnes
etiam intimos animæ recessus penitissimè peruideat.

Cum Angeli de Sara, ut diximus, vbinam ea esset, interrogassent, respondissetq; Abraham in tentorio morari, renuntiârunt venerabili Patriarchæ, quòd habitura esset filium. Audiit hoc Sara, & risit occultè, Gen. 18. 12. tamque secretò, ut Chaldaus Interpres, & Græcus verterint, *Risit inter se*, tanquam totus intrâ pectoris abdita risus peractus non peruenerit ad oculos. Vix autem etiam ad eum modum tacitissimè, & reconditissimè risit, quando Dominus ait: *Quare risit Sara?* v. 13.

Monent hic Interpretes animaduertere, quàm festinatò Dominus inquirere in risum illum Saræ cœpit, qui tametsi secretissimus fuit, scientiam tamen, & sapientiam Dei effugere non potuit. Hinc accipiamus, quòd Deum habemus tam acuto, & per-

spicaci visu, ut eius oculos effugere non possimus, in quoscunq; deissimarum sylvarum recessus, in quacunque inaccessorum montium, aut remotissimarum eremorum latibula nos ad peccandum abdamus.

Exodi 35. præcipiebat Dominus Moyfi istud: *Facies candelabrum ductile de auro mundissimo*, v. 31. rum v. 37. etiam hoc: *Facies, & lucerna septem, & pones eas super candelabrum.* Philo Iudæus, & Radulphus sentiunt. Tabernaculum illud vetus fuisse figuram, siue typum mundi, qui Dei domus quoquomodo est, ut & cœlum septem lucernæ innumerarum significant, habet enim hoc septenarius numerus in sacris literis, ut pro infinito ponatur, ut affirmat Paulinus in lib. de numero septenario.

Dicit nunc Oleaster in annot. mor. in c. 25. Gen. *Ad quid, Domine, in domo tua & is candelabrum cum lucernis septem habere?* Causam subiicit, dicens: *Ne putares, homo posse male conuersari, & occultari, siue enim in die, siue noctu impiè egeris, ab eo videris.* Quidquid perperam agis, cogitas, loqueris, quocunque tempore, & loco id fiat, Deo omnia perspectissima sunt, sapientiæ enim illius oculi soles sunt, qui peruidet vniuersa.

Hanc animo versabat cogitationem Propheta regius David, quando hæc pro debita ergà infinitam omnipotentis Dei sapientiam reuerentia dicebat: *Tenebra non obscurabuntur a te, & nox sicut dies illuminabitur, sicut tenebra eius, ita & lumen eius; Ps. 138. 12.*

Marcus Antonius Flaminius ea sic transfert: *Neque tenebra habent tenebras apud te, & nox sicut dies illuminat. Similes sunt tenebra, & lux.* Quàm eleganter dictum, *Neque tenebra habent tenebras apud te?* Quando vires alicuius extenuare volumus, dicere solemus: *Petrus v. g. est quidem robustus, & strenuus, sed quod ad me attinet, absque manibus.* Tale quid affirmat sanctus David, cum pro veneratione & commendatione perspicacissimorum oculorum Dei dicit: *Neque tenebra habent tenebras apud te.* Nam si quidem tenebræ sunt velut nubes, aut vela, quæ humanorum prohibent, & ludunt, falluntque obtutus oculorum, Dei oculis nihil obsistere, nihil efficere atrox rerum, & obscuritas potest, ut qui tam clarè videant in densa caligine, quàm in medio sole, & innubi nitentissimoque die.

Quapropter in eodem Psalmo sic Domino idem rex pœnitens aiebat: *Tu cognouisti sessionem meam, & resurrectionem meam; ibid. v. 2.* quæ tali paraphrasi illustrat Flaminius: *Omnia tibi nota sunt, quæ sedens, stans, ambulans, cubans cogito, atque ago.* Nihil est, quod

quod suam effugere sapientiam possit, nihil, quod ad tuam notitiam non perueniat. Quidquid animo meditor, quidquid ore proloquor, quidquid operor, siue cum festum, cubitumq; vado, siue cum euigilo, & c. strato exurgo, siue cum hinc aliud commigro, peruides, nec vllus est tam reconditus animæ sinus, nullus tam abstrusus cordis recessus, in quatuor um acies oculorum non penetret.

Hoc idem affirmat S. Paulus Apostolus Hebr. 4. 13. *Non est illa creatura inuisibilis in conspectu eius, omnia autem nuda, & aperta sunt oculis eius.*

S. Ioannes Chrysostom. extrema illius sententiæ verba sic transfert: *Omnia sunt resupinata oculis eius*, sic vt de oculis, ac vultu singula ei pateant. Admirabiliter expressit his verbis sanctus Doctor perspicacitatem oculorum Dei. Quando videmus personam alicuius, sed non faciem, non possumus certo quidpiam de illo affirmare, tamen si staturæ, morum, gestuum similitudo coniecturam nobis, suspicionemque illius aliquam faciat. Et qui volunt non cognoscere eum, quem fortè peremerunt, detruncant, illi, & abijciunt aliud caput, quocum certa illius agnitio auferretur, quia *per faciem cognoscitur*, vt inquit S. Gregorius hom. 1. in Ezech. Dicit ergo S. Paulus ex versione Chrysostomi: *Omnia sunt resupinata oculis eius*, omnes res mundi apertis vultibus Deo sese spectandas offerunt. Cum verò de facie sumatur certa cuiusvis personæ æstimatio, apertissimè Deus omnia nouit, cui res omnes de facie sese videndas exhibent.

Consequenter, & appositè adhuc dicit Propheta regius Pl. 118. v. 80. *Fiat cor meum immaculatum in iustificationibus tuis, & non confundar.* At cum in cordis recessibus, & intra pectoris penetralia turpes secretò concipiuntur cogitatus, quid illi ruboris, & confusiois suo adferre auctori queunt, quos nemo hominum videre potest? Non intelligis, mi homo. quæ loqueris, ait Propheta. Nam res nobis est cum Domino, cuius tam est acutus visus, vt nihil sit illi absconditum, tamen si penitissimi cordis abstrusissimis latebris immersum, ac propterea munditiem cordis peto, vt ne patiar confusioem apud illum, cuius oculis omnia sunt exposita, vbicumq; reposita. In hunc sensum exponit ea verba Oleaster in c. 17. Gen. in annot. morali, apud quem rex poenitens sic ait: *Fiat cor meum immaculatum, & non confundar, cum scilicet me Dominus viderit turpia cogitantem.*

Expendamus in huius rei confirmationem quoddam sancti Ephræm dictum, qui in Parænesi 17. sic habet: *Nihil latet Dominum Abelis iudicem.* Sed

Tom. III.

quænam ista omniscientiæ Dei commendatio ex cognitione mortis Abeli illaræ? Quid secreti mors illa habuit, vt ad exaggerationem perspicacitatis sapientiæ Dei facere possit, quod eam detexit, & intellexit? Certonè argumento est, quod Deum nihil latet, quia Abelis iudex, & necis illius index fuit?

Expositione illustrabo sancti Ephræm pronuntiatum. Occidit perfidiosè Abelem Cain. Vix illi necem consciuerat, quando adfuit Dominus, facti rationem ab infami fratricida exigens, & dicens: *Vox sanguinis fratris tui clamat ad me de terra*, Gen. 4. 10. Negauit ille recens perpetratum flagitium. At iudex: Quid est, quod inficiaris factum, quando ipse per te effusus fratris tui sanguis contrà te testimonium dicit, & immanis sceleris vindictam magnis vocibus clamat?

Notandum, quod in Hebræo pro illo vocabulo *Terra*, est *Adama*, vt affirmat sanctus Hieronymus, *adama* verò idem est, quod terra rubra. Itaque tota sententia superior sic reddi potest: *Vox sanguinis fratris tui clamat ad me de terra rubra.* Res est, quod Cain fratrem suum in campum eduxit, cuius erat rubra humus, ibique eum interfecit, sperans non posse cognosci sanguinem fufum, quem concolor terra bibisset. Ita ferè aiunt Hebræi, & inter illos Rabbi Salomon. Itaque audacter etiam negauit facinus, persus suæ induritiæ, & imposturæ, arbitratuque fieri non posse, vt internecionis conuinceretur, eò quod cruor cum rubore terræ confusus discerni, vt putabat, nequiret. Verùm vt intelligeret, quàm vanè talem suscepisset cogitatum, quàm inanis esset omnis sua machinatio, quàm nihili astus, sic ferè aiebat ei Dominus: Itanè verò putabas, miser, rubrâ terrâ rufum celare posse sanguinem? Falleris, hominum pessimè, & turpiter etras, sanguis enim ipse clamat ad me de terra illa rubra, vltionemque atrocis sceleris tui magnis vocibus exposcit, oculisque meis nihil est occultum, scio enim quæ sit terra, scio quis sanguis, neque ego circumueniri queo, nec aliqua ita confundi, & permisceri possunt, quin ego internoscam, & secernam alia ab alijs. Hinc ergo intelligemus illud sancti Ephræm: *Nihil latet Dominum Abelis iudicem*; quia nihil illi tectum, nihil eius oculis inacessum, qui inter sanguinis, & terræ colores discernere, & quis terræ, quis sanguinis proprius esset, cernere potuit, quamuis vtraque rubra esset, & communem haberent colorem. Discat hinc omnis peccator, nihil sibi profuturos ad tegenda, inumbrandaq; scelera sua dolos, res namque illi est cum iudice, cuius tam sunt lyncei oculi, vt reconditissima

rimissima cordis latibula penitissimè perspiciant, perque videant.

CAPVT VII.

Tegere, & excusare proximorum errata, tam est gratum Dei oculis opus, vt velit eum, qui hoc facit, non solum Angelum à cœlis dilapsum, sed etiam per dilectum filium suum haberi.

Vrrexerunt à mensa Angeli, & quoniam abituri erant, vt de spurcissimorum Sodomitarum obscenis flagitijs debitas pœnas sumerent, dicebat Dominus: Num celare potero Abraham, quæ gestatus sum; Gen. 10. 7. Num facere possum, vt consilium meum illi non aperiatur?

Angelicus Doctor diligentem expendit loquendi modum, quo hic vsus est Dominus, aitque, quomodo Deo omnipotenti difficilè videri potuerit, Abraham rem aliquam occultare, & propositi sui consilium illum non facere? *Num celare potero*, aiebat, cui nihil operosum, nihil non facillimum esse potest. Respondet autem, non difficilè quidem fuisse Domino, non communicare cum Abraham de suo proposito, sic tamen locutum fuisse, vt indicaret, quàm ægrè adduceretur, ad aperienda nostra errata. Dicebat ergo: *Num celare potero*, non quia hoc illi arduum, sed quia Deus est valde difficilis ad publicandum occultata crimina nostra. Hinc sumamus, quantà sollicitudine, & vigilantia ad hanc rem vti debeamus, quàm parcè cautèque de malè actis aliorum loqui, cum Deus ipse tam difficulter scelera detegat humana.

Textit sanctus Lucas Euangelista catalogum illorum duodecim, quos ex orbe orbis redemptor elegit, vt per illum euangelij lucem suâ prædicatione quaqua uersum effunderent. Et quoniam nonnulli ex eis habebant eandem appellationem, ne vocabulorum communio, confusionem pareret personarum, vt alter ab altero discerni innotescerentur mutuo, quos de propria, & simplici nuncupatione diiudicare non licebat. Itaque cum ad Simonem, & Iudam proditorem venisset, aiebat: *Et Simonem, qui vocatur Zelotes, & Iudam Iacobi, & Iudam Iscariotem.* (Lucæ 6. 5.) subaudi, *vocatur.* Simonem ergo à pij animi erga Deum, eiusque cultum ardore singulari Zelotem, Iudamque alterum à parente, alterum à patria designauit.

Sed cum Euangelistæ propositum fuerit facere, vt vnusquisque ex signo aliquo speciali innotesceret, per postremum Iudam de insignito proditoris faci-

nore non descripsit, quemadmodum Simonem à peculiari, & eximio Zelo discreuit?

Respondet S. Ioannes Chrysost. in homil. de Iudæ proditor. To. 3. *Illum de animi sui virtute nuncupauit, istum malitia nomen abscondit. Et ideo non dixit, Iudæ proditor, & te doceat, detractiones nescire, & accusationes declinare.* Poterat sicut Simonem à probitate, sic Iudam ab infami, & sacrilego proditoris scelere denotare, suppressit tamen huius flagitij studio, ac meditatione, vt nos doceret obnubere aliorum culpas, eas etiam, quæ alioquin parentes sunt, & notoriæ, plurimumque semper cauere, ne eas enudemus, aut diuulgemus. Virtutum insignia, gratiarum ornamenta, & quidquid ad gloriam, commendationemque aliorum conducit, hoc amplificare verbis, hoc latè disseminare sermonibus, hoc in cœlum vsque euehere laudibus possumus, noxas tamen illorum, tametsi publicas, occultare, quantum in nobis est, & seruare secretas debemus. Sic enim & Euangelista Iudam à proditione non designauit, & te doceat detractiones nescire, & accusationes declinare.

Admirabile, & attentam naturæ in re simili prouidentiam meritò, & ingeniosè annotauit Aristoteles, cuius ea est sect. 10. Problem. num. 52. observatio, nullum esse animal, quod non aliquam sui corporis partem habeat infirmam, ac debilem, dicens: *Infirmum & numquodque loco sui corporis aliquo est.* Sed qua in parte partem illam imbecillam natura reposuit?

Respondet: *Partes infirmiores natura semper integere consuevit.* Cum in vnoquolibet corpore sit aliquid infirmum, & aliquid robustum, aliquid vegetum, & aliquid debile, sic ea ordinauit natura, vt lateant, quæ sunt imbecilla: *Partes infirmiores natura semper integere consuevit.* Iam si in naturalibus, vbi sine culpa est infirmitas, sine animi vitio vitium corporis, tam vigilantè, diligenterque obnubuntur defectus, quibuscum nascimur, quanto studio debent occultari morales imperfectiones, ægritudineque animi, quas suâ culpâ quisque sibi accersit?

Peruulgatum est illud piscinæ miraculum, quod S. Ioannes accuratè describit à situ intrâ urbem Ierosolymitanam, à quinque porticibus, à frequente turba claudorum, cœcorum, aridorum, & alijs varijs morbis laborantium Expectabat hi peratentè horam, quâ Angelus à cœlis veniret, vt inconcitatas ab illo aquas sese præcipitarent. *Angelus Domini descendebat secundum tempus in piscinam, & mouebatur aqua*, ait ille Ioan. 5. 4. atque ita confundebatur, vt videri non posset, quod in illam iniiciebatur.

Multi

Multi querunt, & merito, cur Angelus mouerit
aquas, vt sanarentur aegri, cum ad effectum miraculi
motio ista parum videatur habuisse momenti.

Multa in hanc rem dicta ab alijs. Responso san-
cti Ioannis Chrysostomi est admirabilis, qui ait:
*Turbabat Angelus aquam, ne languentium vulnerum
turpitudine appareret.* Cum ingens esset languentium
copia, & varietas, fieri non poterat, quin inter plu-
rimos nonnulli haberent foedas, & foetidas plagas,
quas ne corpore ad ingressum aquarum nudato con-
spicere alij possent, descendebat Angelus, & turba-
bat aquam, ne languentium turpitudine appareret. Do-
cemur eo exemplo illos pro Angelis de caelo delapsis
habere posse, qui cum audiunt laedifamam proximorum,
eorumque nudari turpitudinem, & detegi vul-
nera, ex charitate, & miseratione abruptunt, aut
interpellant detractoria colloquia, vel aliud sermo-
nis argumentum interferunt, turbantque, quibus
modis possunt, criminatorias narrationes, vt puden-
das eorum, quorum fama proscinditur, actiones te-
gant, & obnubant.

Nimis tenuiter mihi hanc rem exaggerasse vide-
or. Nescio an affirmem, quod Deus illi, qui aliorum
errata in familiari sermone excusat, & innumbrat,
hoc dicit, quod ad Christum in monte Thabor olim
aiebat: *Hic est filius meus dilectus, in quo mihi com-
placuit, ipsum audite*, gratissimum quippe mihi est
audire loquentem illum, qui cum male loquentes
audit, vulnera eorum, quorum honor laceratur, te-
gere studet, & occultare. Transfiguratus fuit in illo
monte Dominus, aderantque spectaculo Moyses,
Elias, & discipulorum charissimi Petrus, Iacobus, Io-
annes, quando Pater aternus Filium suum verbis
iam iam dictis praedicauit. Ad magnificam Patris
commendationem accesserunt splendidissima indu-
mentorum insignia, quae talia erant, vt de illis esti-
mare eum filium Dei potuisses, tametsi nemo verbis
hoc expresseisset. Quenam illa? *Facta sunt vestimenta
eius alba sicut nix.* Matth. 17. 2. quem cum tali ami-
ctu ornatum Pater videret, statim succlamare coe-
pit: *Hic est filius meus dilectus, quem tametsi semper
Filium agnoscam, nunc tamen elegantem in nouo illo
habitu video, vt pulchrior nunquam visus fuerit.*

Itaque verò tunc oculos, animumque Patris totum
ad se rapuit Christus, quando vestimentis tam can-
didis indutus fuit? Quid habet nix, vt eius color tam
vehementer placere potuerit? Quod experientia
quotidiana docet, & Petrus Berchorius his verbis
affirmat? *Nix omnia immunda non solum cooperit,
sed pulchra etiam apparere facit.* Nobilis proprietates,

& ingenua conditio niuis, quae cum res sordidas te-
gat, etiam venustat, & ornat, sic vt ad earum foedi-
tatem penetrare oculus non possit. Habet hoc vi-
num nix in multis officium. Ergo quando Pater a-
ternus vidit Christi vestimenta alba instar niuis, quae
squalida occultat, & ornat, aiebat: *Hic est filius meus
dilectus*; vt inde intelligeretur, quam gratos habeat
illos, qui similes sunt niuis, quae turpia non solum
occulere, sed etiam ornare soleat, illos, inquam, qui
proximorum errata, male ac turpiter facta non tan-
tum velare, & abscondere amant, sed etiam ita ex-
cusare, extenuare, honestare student, vt potius in
virtutibus, si fieri potest, numerentur, quam in vi-
tijs recenseantur.

*Vide prima partis Politici lib. 2. cap. 2. Et loca ad
calcem illius adnotata, ubi simile argumentum tra-
ctat.*

C A P V T VIII.

*Ad benefaciendum sine longa deliberatione de-
properare, caret, vt videtur, periculo, ad inferen-
da supplicia lentis gradibus, & suspensio pede cun-
ctanter pergendum, maltoque, & maturo consilio
viti necessum est.*

Ibat Dominus, vt nefandos plesteret Sodomitae, &
dicebat: *Descendam, & videbo verum clamorem,
qui venit ad me, opere compleuerint, an non est ita, &
sciam*; Genes. 18. 20. 21. Monent hic omnes in-
terpretes, non nescire Dominum scelera contami-
natisimorum Sodomitae, ad illum modum tamē
locutum fuisse, vt doceret iudices, quam cunctan-
ter ad irrogandas poenas, aut decernenda, expeten-
daque supplicia pergere debeant. Ita affirmant san-
ctus Ioannes Chrysostomus, Gregorius Magnus,
Doctor Angelicus, Nicolaus Lyranus, Oleaster, &
Abulensis, cuius sunt ista: *Factum fuit ad instru-
endum iudices, qui licet delictum cognoscant per famam,
vel et singulares persone, donec eis perfecte constiterit
peccatum esse commissum, sententiarum non debent, sed
primò res gesta inquirere veritatem.* Praeuiā con-
sultatione, eaque diligenter, & maturā opus habet
iudex, qui feuerius aliquid in alios statuere ex offi-
cij munere debet, priusquam pronuntiet.

Propheta regius cum loqueretur de modo, quo
Deus conferre beneficia, & inferre supplicia sole-
at, aiebat: *Ira in indignatione eius, & ira in volun-
tate eius*; Ps. 29. 6. Difficilia profecto verba. Nam
cum suprema illa maiestas ad castigandum perigli
circumspectione, & attentione maximā utatur, vi-
detur

detur absque errore dici posse, quod ira, & indignatio eius æquæ, ac vita in voluntate eius sit posita. Quid ergo indignationi iram eius sanctus David ascribit, & vitam (quo nomine omnia gratiarum dona designantur) in voluntatem eius refert?

Satisfacit huic questioni Magnus Basilius in illius Psalmi commentario, dicens: *Pœna secundum iustum Dei iudicium, Vita vero in voluntate eius. Circumstantia panarum non ipsius voluntate fiunt, sed promerito eorum, qui peccauerunt, inferuntur. Vitam itaque Deus cuiusque propria voluntate tribuit.* Cum suppliciorum inflictio à feruore iustitiae veniat, neminem Deus ad poenas damnat, nisi cui promalis scelus suorum meritis iure sit indignatus, quique ante egerit, ob quod plecti meruerit. Itaque ut contra reum pronuntiet, prius causam examinat, & prout illa exigit, mulctat, & punit. At *Vita in voluntate eius, quia vitam, gratiam, & omne genus beneficij cuique Deus propria voluntate tribuit.* Ut nos doceat, ad exercendam asperiores iustitias, ad decernendas, & irrogandas poenas maturum iudicium, prouidum consilium, & solers ingenium adhibendum esse, ad eroganda vero beneficia non requiri tantam deliberationem, & consultationem, sed pro voluntate, & arbitratu conferri ea posse.

Virgis, & securibus Romani olim plectebant flagitia, magistratusque, & Prætores eiusmodi instrumenta secum semper ferebant, sed inuicem arcte, & valide constricta. Quærit nunc Plutarchus Probl. 79. tom. 1. *Quid est, quod Prætorum virga securibus alligata præferuntur?* Nonne consultius fuisset, solita ea instrumenta circumferre, ut expeditius, faciliusque ad castigandum illis uti possent, qui ex officio debeant? O quam bene scilicet rem hanc esse affectus! inquit Plutarchus. Immo, vero quoniam virgæ, & secures instrumenta seueritatis erant, ob hoc ipsum fortiter constricta, & colligata esse debeant, ut is, qui illaturus supplicia erat, intelligeret, debere cunctatione ad eam rem uti, propterea etiam deuincta gerebat ea instrumenta, ut tam promptè, celeriterque ad vindicandum exerere non posset. *Signum est,* ait Plutarchus, *non oportere magistratum iracundiam promptam, ac dissolutam esse.* Diu, ac diligenter, prudenterque deliberandum est, si quid aulterius in alios statuendum.

Lætabunda de celeri Sponsi sui aduentu Sponsa inquebat: *Vox dilecti mei, ecce iste venit saliens in montibus, transiens colles.* Similis est dilectus meus caprea, hinnulus, ceruorum; Cant. 2. 8. 9. Peccauit primus homo, venitque Deus, ut eum in iudicium

vocaret, absconditque se cum vxore sua, cum audisset vocem Domini Dei deambulantis in Paradiso ad auram post meridiem, Genes. 3. 8.

Galfridus in c. 3. Geneseos apud Godefridum Tilmannū in allegor. Biblior. ait: *Non sic postea venit ad Sponsam, qua in magno se gaudebat amore prauentam, in eo, quod Venientem cum celeritate conspiceret.* Ecce, inquit, venit hic saliens in montibus. Nunc vero de ambulare dicitur, quarens latentem inter frutices peccatorem. Alijs passibus ad Sponsam dilectam, alijs ad transgressores: protoparentes venit Dominus. Illi enim videbatur saliens, & transiens, hi audierunt vocem deambulantis. Ibi volabat, hic vix mouebatur, ibi alas habebat aquilæ, hic pedes plumbeos, ibi velox accipiter erat, hic tardigrada testudo. Vnde illa tanta adueniendi diuersitas?

Respondet Galfridus: *Retardabatur, & lentius gradibus incedebat, & potè qui veniebat tristem mortalibus inferre sententiam, ad Sponsam vero Veniens festinabat, & lætis admodum saltibus aduolabat, aterna reparationis offerens medicinam.* Dispar causa disparem vtrinque aduentum fecit. Ad hominem hominum primum parentem velut impediis pedibus venit, quia seuerus iudex venit, ut illi tristem sententiam mortis denuntiaret, quam cum ipse, tum posterius eius omnes opperituri essent, postquam acerbam in multiplici miserationum genere vitam duxissent: Ad sponsam vero ut amantissimus Sponsus venit, ut eam cumularet beneficijs, & excoleret gratiæ donis, & primi lapsus damna instauraret, ac propterea lætis admodum saltibus aduolat: Voluit autem eo exemplo erudire iudices, omnesque, in quorum manibus sunt panes, & gladius, oliua, & quercus, rigor, & clementia, gratia, & iustitia, ut ad aulterius agendum, decernendumque poenas lento pede pergant, causasque reorum diligentissime perscrutant, ad beneficia vero præstanda sint agiles, concitæ veloces.

Superior omnis debet esse admodum cunctabundus, & meditabundus, cum ad decernenda supplicia vadit, ne hoc illi contingat, quod cuidam præcipiti tyranno euenit, de quo Seneca in lib. de Ira apud Rodericum Sanctium 4. p. Histo. Hispan. c. 1. affirmat, *irato, & festino iudicio res occidisse innocentissimos milites.* Res illa succidit. Veteres milites bini, & bini ire per viam solebant. Vidit tyrannus, quem dixi, vnum quendam in comitatu ire, iussitque exemplo occidi, eo quod socium suum, ut suspicabatur, interemisset, atque idcirco solus veniret. Cum is ad supplicium educeretur, venit illius socius.

socius. Quare lictor ad iudicem accurrens, rogauit retractare sententiam, & viuum relinquere eum, qui morti ad iudicatus erat: Detexit ille quidem iudici suum errorem, & precipitantiae prolapsionem, sed nequicquam quia sententiam, quam semel tulit, ratam esse voluit, iussitque & primum, quod semel dixerat, oberuncari, & posteriorem similiter trucidari, quod priori causa internecionis fuisset, demum vero etiam lictorem è viuis auferri, eò quod primū non satis celeriter interemisset. *Te iubeo interfici, aiebat, quia damnatus es. Secundo dixit, Te simili sententiā damno, quia causa damnationis socij fuisti. Tertio, videlicet lictori dixit, Te quoque occidi iubeo, quia mihi imperanti non paruisti.* Quid magis impium, & iniquum, quidue atrocius excogitari possit? Si expendisset ille tyrannus, quæ faciebat, tantum scelus perpetrare non potuisset.

Cum sanctus Patriarcha, & rex Iob secum reputaret incommoda, quæ ab insanis furiosorum id genus hominum accelerationibus nasci solent, aiebat: *Causam, quam nesciebam, diligentissime inuestigabam, Iob. 29. 16.* Rex erat, & Princeps Orientis, ad cuius tribunal cum plurima quotidie perferrentur piacula, contra nullum temerè, precipitantè quæ pronuntiabat, verum sagacissimè singula ante discutebat, quam suam de eis sententiam proferret. In eorum verborum expositione sanctus Gregorius lib. 10. Moral. c. 14. ait: *Quæ in re notandum video, ne ad proferendam sententiam inquam precipites esse debeamus, ne temerè indiscussè iudicemus.* Apud Sanctum verba Gregorij sic habent: *Ne ad proferendam sententiam mortis &c.* Nam ubi de capite, vita, & sanguine hominis agitur, ubi asperiorè iustitiā aliquem persequi propositum est, tardè progredi, & attentione multā vti oportet. Nam cum omnia alia deliberatè consulè quæ sint faciendæ, ubi de vita & capitalibus criminibus agitur, ibi maxima adhibenda est cautio.

Seneca in 99. natural. lib. 2. c. 43. sciscitatur: *Quare fulmen, quod solus Iupiter mittit, placibile est, perniciosum id, de quo deliberauit, & quod alijs quoque autoribus dijs misceat.* Cum supremam Ioui cœca gentilitas adscriberet deitatem, quomodo fulmina ab illo solè venientiam parum curabat? Tamne erat illius vel exigua autoritas, vel infirma potentia, vel imbecille brachium, ut ferire, & nocere, & perterrefacere, nisi à cæteris deastris, adiutus non posset?

Respondet insigne dictus Cordubæ: *Quia Ioue, ad est, regem prodesse ei non solum oportet, nocere non*

nisi cum pluribus & suis est. Fingebant illi fabulones, quod Iupiter, quando solus esset, nullam quidem haberet cadendi, vastandi quæ facultatem, benefaciendi tamen amplissimam potestatem. Attendebant hæc in re, quid inter collationem beneficiorum, & interrogationem suppliciorum interesset, nimirum quod benefacere quisque solus liberrimè, poenas autè expetere ne summus Iupiter quidem absq; pleno deorum concilio, & consensu posset, aut deberet.

Pergit vterius illustis Philosophus, & ad imbuendos alios dicta transferens, ait: *Descant hoc q, quicunq; magnam potentiam inter homines adepti sunt, sine consilio nec fulmen quidem mitti. Aduocent, considerent multorum sententias, placita temperent, & hoc sibi proponant, ubi aliquid percuti debet, nec Ioui quidem suum satis esse consilium.* Nam si nec Iupiter quidem poterat suum pro sola sua libidine exerere, & distringere gladium, quis aliorum solus inconsultè iacere fulmina, & cædes facere pro suo arbitrio, rectè queat? inquit Seneca. Requirit illud negotium plurimam considerationem, diligens examen, & solertem expensionem.

Parte 2. Politic. l. 4. c. 2. habes huius rei pulcherrimum exemplum nauticorum hominum, qui longè traxerunt moras, priusquam Ionæ in mare ad certam mortis periculum conijcerent, quanquam id iure possent, simul atq; seipsos condemnarat, & ibi loquitur Theophrastus. Vide.

CAPVT IX.

Qui proximum suum temerè iudicat, est quidam secundus Lucifer, Deiq; iurisdictionem sibi usurpare, & auctoritatem per tyrannidem occupare tentat.

Omnia sciens, cuncta videns, vniuersa comprehendens Deus aiebat: *Descendam, & videbo.* Genes. 18. 21. Hoc ille dicebat, cui vniuersa patent, suntque exploratissima, & perspicillima omnia. Quamobrem ita loquebatur? Causam superiori capite indicauimus, nempe ut Prælati, & superiores omnes discant, quantā diligentia & attentione, & cautione tractare causas reorum, quam sollicito studio præuidere omnia debeant, cum pronuntiare contra accusatos volunt. Neque ad hos tantum, sed ad omnes vniuersum homines spectat hæc doctrina, ad omnium eruditionem pertinet, quod omniscius Deus dixit, velle descendere, & videre, vtrum Sodomitæ clamorem opere complessent, ut nemo cœco im-

eo impetu, & ausu temerarij ad iudicandum leuiter aliorum dicta, seu facta deproperet. Hæc est doctrina vtilissima, quæ plurimum condemnari, & inculcari debeat, eò quòd *maxima pars generis humani indiscretio iudicio ad reprehendendum prompta, & parata esse probatur*: quod sanctus Augustinus serm. 202. de temp. ijs verbis affirmat. Hæc est pestis, quæ omnes obtinuit, & cancer, quo plerique mortales laborant, & peccatum grauissimum, quo patientia Dei vehementer irritatur, quòd sit quidam secundus Lucifer, vsurpatorque, & tyrannicus inuasor iurisdictionis diuinæ, quisquis temerè alios iudicat. Nam censere occulta, & de cordium secretis pronuntiare, soli sapientiæ immensæ Dei reseruatum est, quæ nemo scire possit, nisi ipse reuelat.

De hac re sic ait magnus Doctor Ioannes Cluniacensis serm. 43. Domin. 4. post Trinit: *In Deum peccant, qui temerè iudicant, quia appropriata sanctæ Trinitati sibi usurpant. Primò de temporibus, quæ Pater posuit in sua potestate. Regulariter enim faciunt de presenti præteritum, & futurum. Secundo sapientiam filij Dei usurpant, cuius solus est de occultis iudicare. Tertiò contra clementiam summam peccant, cum iudicant reprobos, quos ipse saluare decreuit. Temporibus notitiam, quæ penes solum Patrem, sibi arrogant, dum illum vel nunc peccatis contaminatum, vel post hæc inquinandum affirmant, qui superiora flagitia operibus veræ poenitentiae obliuiscunt, & ad caendum deinceps cum Dei opitulatione omnia firmo proposito pium animum obstinuit. Filij sapientiam, eiusque munus inuadunt, cum de secretis, quorum illa sola est conscia, sententiam ferunt. Spiritus sancti benignitatem vel maxime offendunt, cum eos in reprobis numerant, quos ille libro vitæ inscriptos habet. Videte num sit grauissimum crimen, & insolentissima noxa, in re graui, & culpa mortali (de hac enim in toto hoc capitulo semper loquimur) alios temerè iudicare.*

Duo quidam ascenderunt in templum, ait Dominus, quorum alter Phariseus, Publicanus alter erat. Phariseus penitissimum templum ad ipsum vsque altare ingressus, cum se peccatorem mundi maximū humiliter agnoscere, & confiteri deberet. super omnes homines arrogantissimè extulit, & de sanctitate, cui nulla cuiusquam alterius hominis comparabilis esset, iactantissimè gloriatus fuit, inquit: *Deus gratus ago tibi, quia non sum sicut ceteri hominum, raptores, iniusti, adulteri, sicut etiam hic publicanus*; Lucæ 18. 11. Hoc est, quòd dicebat: Nihil ynquam sum furatus, nec aliquando moechatus,

neque necem cuiquam intuli, nec illius contaminatissimi Publicani similis sum, qui conscientia tot scelerum a se perpetratorum non attolere vultum, neque liberioribus oculis cœlum, quòd grauissimè offendit, spectare audet. Nec magis superbus, timidusque homo pingi, nec maior tolerantia expectari potuit eā, qua Deus hunc tot stulta verba, ne dicam, laxa, loquentem patienter audiuit.

Sanctus Dorotheus Doctrinā 2. tom. 2. Biblioth. Vet. PP. ait, ingentem fuisse Christi sospitatoris nostri patientiam, per quam factum, vt hominem super homines omnes tam vanis, & insolentibus acclamationibus seipsum extollentem auribus exciperet, eam tamen prorsus exhaustam fuisse videri, vt sic dicamus, quando illum cum præsentem Publicano tam inuidiosè se comparantem audiuit. *Neque hoc iudicatus à Domino est*, inquit Dorotheus, quòd purum à rapinis, iniustitia, adulterio affirmavit, neque quòd dixerit, vt ceteri homines, *Sed ob hoc, quia ad Publicanū conuersus*, Neque, inquit, vt hic Publicanus. *Tunc enim iudicatus est, in actū est eius &c.*

Quid causæ est, quòd Dominus, qui verba Pharisæi inania, & fatua tam multa patienter audierat, hoc tolerare non potuit, quòd addidit, *Sicut etiam hic Publicanus*, sed irā aduersus eum inflammatus fuit, vt orco æternum deputarit?

Dorotheus ait: *Iudicauit enim ipsam personam, dispositionem mentis, &c. Breuiter dicam, omnem ipsius vitam*, Quòd Dominus superbum damnauit Pharisæum, hoc fecit, quia iudicauit dispositionem mentis, quia falcem in Dei messiem misit, quia de secretis cordis pronuntiauit. Et quoniam alterum quendam Luciferum Pharisæus se fecit, cum Dei iurisdictionem inuadere, & de animæ occultis ferre sententiam voluit, in eo etiam Lucifero quodammodò similis factus est, quòd conuersionis incapax esset, eò quòd iuste illi negarentur auxilia efficacia, per quæ statim culpæ euaderet: *Tunc iudicatus est, tunc actum eius &c.* Tam graue namque peccatum est, in re graui, quæ sit peccatum mortale, temerè, citraque præsumptionem, & sufficiens argumentum iudicare proximos, vt qui hoc facit, velut est Lucifer vsurpatione iurisdictionis diuinæ, sic etiam videatur, tanquam ille primus Lucifer, inemendabilis, & incorrigibilis.

Eorūmitas, & immanitas huius flagitij ex eo quoque estimari potest, quòd Propheta regius tam anxie, lachrymabiliterque Dominum obsecrauit, dicens: *Iudica iudicium meum, & redime me*; Psal. 118. vers. 154. Vt verò prorsum exabsecraret, quòd

lusp-

inspirabat, subiunxit: *Misericordia tua multa, Domine*, ibid. vers. 136. velut dixisset: Misericordias tuas, Deus, tam exploratas habeo de multitudine, tam multas noui de experimento, ut de illarum immensitate bene scius, ausus fuero rogare, ut facias, quod tantis cum lamentis peto, & oro.

Videamus quidnam illud sanctus Propheta obtineatur. *Iudica iudicium meum*, inquit. Quid est iudicare iudicium? Aut quod illud iudicium, quod indicari optabat. Non aliud, inquit sanctus Ambrosius, quam quo alij res aliorum oculis, & dubias censere solent. Vbi duo notanda veniunt. Primum, quod Propheta ex persona peccatoris loquitur, qui de aliorum moribus, & erratis temere affirmat, cupitque, & rogat suum iudicari, & castigari iudicium. Nam quamuis exteriorum criminum possumus sperare ab indulgentissima Dei bonitate non solum quoad culpam, verum etiam quoad poenam absolutionem, temerarij iudicij scelus tamen, cum sit tam graue, tamque iniustum, & exosum Deo, quoad culpam sibi remittendum sperauit, quoad poenam vero simul condonari rogare ausus non fuit, quapropter dixit, *Iudica, Domine, puni, & plecte temerarium iudicium meum*. Nam qui tuam iudicandi potestatem inuasit, & sibi usurpauit, poenasque pro ausu temerario debitas latus subire debet, si culpae gratiam illi propitius facias. Alterum illud est, quod Propheta subiicit: *Et redime me*. Petit itaque post condonatum temerarium iudicium noxam etiam redimi. Redemptio non vni soli peccato est destinata, sed ad omnia obliteranda pertinet. Sic enim Redemptor ipse aiebat: *Et ego exaltatus fuero a terra, omnia traham ad me ipsum*, Ioan. 12. 32. hoc est: Quando crucis solum, officium sospitatoris facturus, inibo, tam late mea extendetur misericordia, ut in omnes vniuersum homines exundet, & effundatur.

Quid ergo est, quod sanctus Dauid, postquam ex persona alterius culpam temerarij iudicij confessus fuit, supplex Deum rogauit ut redimeretur, inquit: *Redime me*? Quod ad totius generis humani scelera abolenda spectat, cur hoc vni suo temerarij iudicij peccato auferendo petit? Fecit hoc, ut significaret, illud temere iudicandum peccatum, cum circumstantijs supra dictis coniunctum, tam esse graue, & arox, ut ipsum solum tantum requirat Redemptorem, quantum reliqua totius mundi peccata omnia exigunt. Atque ut Dauid ei, cuius personam referebat, temerarium iudicium veniam consequeretur, commonebat Deum misericordiam suam, tanquam earum immemorem illum

tanti sceleris magnitudo fecisset, aiebatque: *Misericordia tua multa, Domine*, quas cum in memoriam reuocas, illud simul velim recorderis, quod operum tuorum gloriosissimum est condonare offensas.

At cur nunc tam singularem mentionem infinitae clementiae Dei facit? Cur illius bonitatem hac occasione ita extollit? Cur exaggerat benignitatem? Dicit hoc sanctus Ambrosius, cuius sunt ista: *Quia dixerat, Iudica iudicium meum, ideo subtexuit, miserationes Domini nimium multas esse, graue est enim de alio iudicare*.

Grave scelus est, inquit, *de alio iudicare*. Quam graue putas? Tam graue, ut ad alia peccata tale sit, qualis trabs ad festucam.

Reprehendebat Christus quoddam genus hominum superstitiosorum, & fanaticorum, qui alienorum erratorum aulteri, & sublimari, si essent censores, suorum gradum scelerum blandi palpones, aut caeci erant dissimulatores, cumque aliorum exiguas noxas immoderate amplificarent, sua ingentia flagitia mirum extenuabant. Ex his quendam sic perstringebat Christus? *Hypocritae eiece primum trabem de oculo tuo, & tunc perspicies, si educas festucam de oculo fratris tui*, Lucæ 6. 42.

Quodnam illud peccatum trabe indicatum, quodnam festuca significatum fuerit?

Respondet sanctus Dorotheus Doctrin. 9. *Comparauit Christus festucam peccato alteri cuiusque, iudicium autem trabem*. Quantum enim interest inter pondera trabis, & paleae, seu festucae, tantum superat sua grauitate peccatum iudicij temerarij alia peccata: *Excedit, inquam, omne peccatum iudicium temerarium*. Vide ergo an non merito dixerit Ambrosius: *Grave est de alio iudicare*. Tam graue mirum est, ut si recte rationis trutinæ cum ceteris peccatis imponas, tantum illud præponderet, quantum ingens trabs leuem paleam onere superat. *Comparauit festucam peccato, iudicium autem trabi, excedit enim omne peccatum iudicium temerarium*. Videat ergo quisque, quomodo iudicet proximum suum, quando non habet sufficientem præsumptionem, nec argumenta, ex quibus pronuntiare possit. Sit pius, sit humanus in alios, ametque eos. In rebus dubijs semper in maiorem partem inclinet, omniaque in meliorem interpretetur, & quantum potest, pro fratre sententiam ferat. Non ruat præceps, non profiliat cæcus ad condemnandum aliorum facta, cum tam graue, atque immane scelus sit, mores, actusque aliorum priuata censurâ inconcludere dammare.

LIBER VIII.

VITÆ ABRAHAM.

CAPVT I.

Tam inuito, repugnanteq; animo Deus ad irrogandas pœnas adducitur, vt velut pro miraculo haberi possit, cum infert supplicia.



Am irati Dei stomachosa iustitia sanguinolentum aduersus nefarios Sodomitas eximit, gladium, iam ardentis sulphuris globos infensum cœlum in illa contaminatissima brutorum hominum capita vult explodere. Sed in medio tam eruenti, & horribili furoris lux grata immensæ pietatis Dei sese aperit, & quàm inuitus ad inferenda vel talibus meritis supplicia pergat, per ipsam temporis, quo ad puniendum illos abiit, circumstantiam manifestè declarat. *Duo Angeli*, qui pœnæ executores missi sunt, *Generunt Sodomam Vespere*, Gen. 19. 1. Ad Abrahæ tentorium autem venerunt *in ipso feruore diei*, Genes. 18. 1. Ad beneficia conferenda, ad nuntiandum diu optati filij iam desperatum conceptum, tempestiuè accurrerunt, ad infligenda supplicia tardè, ac sub seram noctem appulerunt. Proprium hoc est illorum, qui odiosum repugnante voluntate, curatum opus vadunt, moras per viam necesse, & lento gradu, & languido gressu, & torpentibus pedibus pergere. Nihil magis alienum à Deo, nihil magis illi inuisum, & exosum, quàm animaduvertere in reos, plectere flagitiosos.

Cum de fatali illo, & supremo expirantis mundi die, & vniuersali orbis iudicio Dominus, & Redemptor noster illius differeret, inter appetentis signa hoc vnum fore dicebat, quod *virtutes cœlorum mouebuntur*, Lucæ 21. 26. Magnam difficultatem habet eorum verborum sensus, cum perspicuè intelligi nequeat, quis hoc loco cœlorum virtutes iudex supremus appellauerit.

Sanctus Ioannes Chrysostomus homil. 2. de Latrone ait: *Tunc mouebuntur virtutes cœlestes, & Angeli tremor apprehendet*. Ex huius ergo sententia Doctoris virtutes cœlorum in die illo furoris Domini mouebuntur, quia sic exardescet illius ira tunc in peccatores, vultusque erit tam austerus,

& ferox, vt in terrorem Angelos etiam aspectus eius conijciat.

Sed opponit Chrysostomus: *Et cur Angeli tremant? Nunquid & illi iudicio tenebuntur? Non inquam*. At si non tenebuntur iudicio, cur tremant? Respondet os aureum: *Terrebuntur constantia iudicis*. Angelos constantia iudicis peterrefaciet, & me dictum hoc Chrysostomi attonitum habet. Quæ enim dicit constantiam Dei iudicis? Constantia, & firmitudo alicuius ex perseuerantia, & pertinacia, quæ perdurabiliter luctatur, ac dimicat, elucet, & comprobatur. Videamus ergo quàm diu durabit istius diei furor, & iudicis ira, vt discipiamus, an eam tantam adferre possit Angelis, vt vult Chrysostomus, admirationem. Sanctus Paulus 1. Cor. 15. v. 52. ait, *in momento, in istu oculi* conficiendum, absolueundumque omne supremi iudicij negotium. Si tam celeriter transierit indignatio, ira, furor, quomodo Chrysostomus dicere potuit quod *Angeli terrebuntur constantia iudicis*? Estne magna constantia iræ, quæ nonnisi momentanea? Immo in Deo permagna est, inquit Chrysostomus. Nam cum plectere sic valde alienum ab ingenio Dei, cum ille inuitissimus puniat, integrum sæculum, totamque æternitatem ad irrogandas pœnas sibi vertere videtur, quando solum momentum ad castigandum adhibet.

Suauissimam illius indolem, & dulcissima, amantissimaque viscera inde etiam arbitrari possis, quod de eodem ultimo die locutus dixit Ioan. 5. 28. 29. *Veni hora, in qua omnes, qui in monumentis sunt, audient vocem Filij Dei, & procedent, qui bona fecerunt, in resurrectionem viæ, qui vero mala egerunt, in resurrectionem iudicij*.

Cardinalis Caietanus in his verbis acutè expendit, quod qui in peccato, & Dei inimicitia è viuis decesserunt, in resurrectionem iudicij processuri, siue in iudicium resurrecturi dicuntur. At cum reprobi ad hoc tunc in vitam immortalem resurgant, vt antea vitæ mortalis pœnas luere incipiant, nonne melius actum fuisset, si iudex dixisset, ad cruciatum, & supplicia resurrecturos, quàm quod ad iudicium reuicturos, siue redanimandos affirmauit, maxime cum eo momento in ardentem oceanum vitricium flammæ sint præcipitandi, vt perpetuis vinculis adstricti

adstrixi infelicem per omnem æternitatem remum ducant?

Respondet Cardinalis: *Pana reproborum non describitur in seipſa, sed describitur in iudicio, ad significandum; quod non abunde, quam ex iure, iuxta eorum mala opera puniuntur; Et propterea non dixit, Procedent in resurrectionem panarum, sed iudicij, Et resurgere significantur non ad penas, sed ad ius, non enim delectatur Deus penis damnatorum, sed iure.*

Non oblectari Dominum miserorum supplicijs, zizaniorum parabola etiam testatur faciet. Mixta ea tritico fuerant. Animaduertunt hoc patrisfamilias serui, interrogaueruntque, verum eradicatam noxiam herbam vellet. Non placuit hero famulorum consilium, sed voluit triticum cum zizanijs vsque ad messem crescere, quo tempore iussit hoc quidem horreo suo inferri, illa vero in fasciculos ad comburendum alligari. Cum hoc apud Matthæum cap. 13. Dominus narrasset, demum v. 40. 41. 42. ita exposuit: *Sic erit in consummatione sæculi. Mitte filius hominis Angelos suos, Et colligent de regno eius omnia scandala, Et eos, qui faciunt iniquitatem, Et mittent eos in caminum ignis.*

Obseruauit hac in parabola Abulenſis aliquid, Euthymius aliud, verumque causæ præſenti commodum. Abulenſis annotamentum est, quod cum Dominus hominibus suæ Ecclesiæ bonos, & malos in tritico, & zizanijs indicarit, malorumque supplicium expreſſerit, non commemorat gloriæ, seu præmij bonorum. Quamobrem vobis remunerationem iustorum præterij? Res ipsa loquebatur laurus, & coronas, quas probis paratas habebat. Nam cum ad remunerandum opera bona totis naturæ suæ ponderibus ab ingenua munificentia sua, & liberalitate totus propendat Dominus, otiosum fuisset, & superuacaneum narrare vices, quas benefactis est redditurus, non secus, ac si quis diem esse affirmaret, quando exortum solem vidit. Solum supplicium memoratur, quia cum ab eo natura sua plurimum abhorreat, tanquam rarum quid, & singulare narrari debuit, quod caminum ignis, poenarum officinam paratam excipiendis male peccatoribus habet.

Euthymij commentatio hæc est, quod Christus regnum cœlorum simile dicit homini, qui seminauerit ipse bonum semen in agro suo (hic homo autem Christus fuit) Zizaniorum vero alligandorum, hoc est, eorumque, qui faciunt iniquitatem, colligendorum, & in caminum ignis mittendorum negotium ministris suæ iustitiæ Angelis commendauit:

Tom. III.

Per se quidem seminat, inquit Euthymius, ostendens quod sibi proprium est beneficia præstare, per alios vero supplicium infert, demonstrans quod sit à se alienum punire. Suâ manu terit beneficia, alienâ manu irrogat flagra, vt significaret, æquè se & ad beneficiandû propendere, & ab infligendis poenis abhorre.

Tam longè autem abest à voluntate plectendi fontes, vt miraculo tribui possit, quando sic ita inflammatur, vt gladium ad feriendum educat. Comminebatur Dominus ingrato populo suo per Ieremiam Prophetam, inquit: *Cadent in gladio, Et in fame, Et erunt in iurandum, Et in miraculum, Et in maledictionem, Et in opprobrium, Ierem. 44. 12.*

Quid sibi vult, quod aiebat: *Et erunt in miraculum?* Transferunt eadem verba LXX. Interpretes: *Erunt in perditionem.* Et Paraphraſtes Chaldaus: *Erunt in vastitatem.* Itaque quod vulgato textui nostro dicitur: *Miraculum*, hoc Chaldaus, & LXX. vertunt. *Vastitatem, Perditionem*, vt nobis sit indicio, quod tam alienum est à Deo multare male meritos, vt tanquam miraculo adscribi possit, si quem forte gladio, fame, aut aliâ plagâ vastet, ac plectat.

Laudiore ac splendidiore commentatione hanc rem illustrat in prima parte Politici lib. 7. c. 3. Et aliis in locis ad finem illius capituli indicat.

CAPVT II.

Erga hos est prolixior Dei munificentia, qui alacrius, studiosiusque illi obseruiunt.

Venerunt Angeli ad nefandam ciuitatem, quo tempore ad portas illius sanctus Loth, tanquam verus imitator virtutum sui auunculi, præstolabatur peregrinos, quibus misericordiæ officium exhibere, & offerre tectum posset. Cum vidisset duos quosdam elegantes viatores, obsecrauit illos, vt ad se diuerterent, & hospitalitatis obsequium admitterent? Recusarunt initio oblatam domus, & hospitij gratiam, dixeruntque: *Minimè intrabimus ad eas tuas, sed in plateis manebimus; Genes. 19. 2.*

Notant omnes Expositores, longè aliter egisse Angelos cum consobрино, atque cum patruo. Vix inuitat eosdem Angelos Abraham, quando absque vlla repugnantia admiserunt officiosam gratificandi voluntatem, & dixerunt: *Fac Et locutus es; Gen. 18. 5.* Consobrini autem non statim acceptarunt oblationem, sed rogari ab illo diuiculè voluerunt, antequàm ab illo exorari sinerent. Quamobrem ita factum fuerit? Causam eam esse volunt, vt significetur, quod discrimine Deus ad remunera-

R

munera-

munerandum suos uti soleat. Abraham magis perfectus erat, itaque merabatur, ut humanissima illius invitatio statim admitteretur, diuenterunque etiam apud illum extemplo sacri hospites, & domum eius suo ingressu cohonestarunt: Loth non tam sanctus, adeo nec dignus erat, cuius adest tam facile inirent, & felicitarent Angeli. Hinc accipimus doctrinam, quæ ad seruendum Deo vehementer excitare, propioresque, & alacriores reddere potest, dum cogitamus, esse illum tam rectum, ac iustum, ut eum prolixius remuneret, qui diligentius obseruit. Nec enim Dei palatium simile est aularum regiarum, in quibus fauor solet esse corona, assentatio laurus, palma mendacium.

Per Oseam Prophetam dicit Dominus, *Locutus sum super Prophetas, & ego visionem multiplicauit, & in manus Prophetarum assimilatus sum*; Osee 12. 10. Obuia est difficultas eorum maximè verborum, quibus dicitur, quod Deus visiones multiplicauit, & in manu Prophetarum assimilatus fuit.

Sanctus Ioannes Chrysostomus homil. 32. in Genes. exponit aptè in causam præsentem, dicens: *Ego visiones multiplicauit, hoc est, vnicuique, apparui pro sua dignitate*. Itaque illos Prophetas Deus maioribus beneficijs cumulabat, quorum erat enixius illi famulandi, & gratificandi studium, & ijs plura sapientiæ suæ secreta aperiebat, qui pluribus officijs illum sibi demerebatur, impensiorique obseruantia semper maioribus gratiæ, visionumque visionibus respondebat: *Vnicuique, apparui pro sua dignitate*. In domo quippe Dei plus meretur, qui plus laborat.

Propheta regius ait: *Cum sancto sanctus eris, & cum viro innocente innocens eris*; Psal. 17. 26. Innocentis à sancto hoc est discrimen, ex Theologorum doctrina, quod innocens est, qui puritatem, quam à baptismo retulit, nullà personalis peccati maculâ fœdauit, hæreditariam enim labem omnes contraximus, sanctus verò, qui vitæ prioris malè acta studio operum poenitentia diluit, & obliterauit. Itaque potest quis sanctus esse, qui innocens non sit. Sic Maria Magdalena, bonus Lacro, Petrus Apostolus non innocentes fuerunt, quia grauiter aliquando Deum offenderant, sed eas noxas exercitatione operum poenitentia, fletu, ieiunijs, vigilijs, predicandi assiduitate, fide, spe, charitate, aliarumque id genus rerum vsu abolerunt, & expiarunt, & posthæc sanctissimi, & perfectissimi sunt effecti.

Dicit nunc Propheta: *Cum sancto sanctus eris, & cum viro innocente innocens eris*, quemlibet pro me-

ritorum suorum mensura remunerans, sanctumque ut sanctum, & innocentem ut innocentem honorans.

Quod in hunc sensum iuerint Prophetæ verba, ex ijs, quæ ante dixerat, arbitrari licet. Dixerat enim statim ante ista: *Retribuet mihi Dominus secundum iustitiam meam, & secundum puritatem manuum mearum retribuet mihi*; ibid. v. 25. Sanctus Gregorius Magnus apud Incognitum in Psal. 17. sic ea interpretatur: *Quia in hac vita nobis est discretio operum, erit in alia procul dubio dignitatum discretio, ut quo hic alium superat, illic retributione transcendat*.

Vigilantiam nobis, fidelitatemque commendat Dominus, iubetque imitari impigros, & sollicitos seruos, qui Domini sui aduentum attentè præstolantes, statim atque eum propius adesse animaduertunt, lexis portis, & patentibus foribus illum alacres admittunt. *Et vos similes hominibus expectantibus Dominum suum, quando reuertatur à nuptijs, & cum venerit, & pulsauerit, confestim aperiant ei*; aiebat Lucæ 12. 36. Hoc autem vigilantia illi serui habebunt præmium, quod Dominus eorum præmisset, & faciet illos discumbere, & transiens ministrabit illis, ibid. v. 37. Quæ gloriosior esse queat intermissi somni remuneratio, quam tantum Dominum habere mensuratum? Paulò infra ista ait rursum Dominus: *Quis putat, est fidelis dispensator, & prudens, quem constituit Dominus supra familiam suam, & det illis in tempore tritici mensuram*; ibid. v. 42.

Cardinalis Caietanus monet in hæc ita: *Vide dispensatorem præmij præparatum ad confestim aperiendum*, Ijs, qui ad fores domus excubantes opperiantur Dominum, ut venienti quam primum aperiant, præcinctus, & transiens ille Dominus ministrabit: Prudentem verò, fidumque dispensatorem *super omnia bona sua constituet*. Superintendente Domino præcincto ministratur illis, fidelis autem, & prudens dispensator constituitur in alia vita super omnia, quæ Dominus possidet, inquit Caietanus. Cur Dominus hunc dispensatorem tam amplà mercede magnificentiusque quam illum alterum remunerat. Quia esse dispensatorem totius familiæ, est operosius munus, quam esse potius vnius custodem, itaque & largiore præmio iste, quam hic ornandus fuit. In domo namque Dei beneficia semper expenduntur ad pondera officiorum, & æqua redduntur laboribus præmia.

Hunc conceptum ante legi in Glossa Ordinaria, quæ

Quæ sic habet: *Quanta inter bonos auditores, & doctores est distantia meritorum, tanta & præriorum. Auditores bonos facit discumbere, & transiens ministrat, dispensatores constituit super omnia, quæ possidet, non sibi soli, sed et præ cateris habeant æterna, tum pro sua vita, tum pro gregis custodia.*

Refert sacer textus opum copiam, quibus Sanctus Abraham, & consobrinus eius Loth affluebant. De Loth sic ait: *Sed & Loth, qui erat cum Abraham, fuerunt greges eorum, & armenta, & tabernacula, (Genes. 13. 5.) neque ouium tantum, taliumque pecudum, sed & armentorum, & papilionum multitudo tanta fuit, quantam familiarum, & domesticorum ingens numerus requirebat. Abraham opulentiam ita diuinum describit oraculum: Erat diues valde in possessione argenti & auri; ibid. v. 2.*

Curiosus aliquis hic fortè interroget, quamobrem Loth pecorum gregibus, tabernaculisque tantum, neque simul argento, & auro, ut patruus Abraham, abundasse legitur. *Loth fuerunt greges ouium, & armenta, & tabernacula, inquit. Cur auri, argenti que non commemorat?*

Respondet Honcala: *Meminit argenti, & auri in Abraham, & non in Loth, quia perfectior erat ille, quam hic, & ideo diutius auctor.* Magna sacri scriptoris attentio fuit, quod referens catalogum opum vtriusque, patrui, aio, & consobrinum, illum supra hunc affluxisse auro, argentoque narrat, quia & ille etiam vitæ sanctitate plus abundabat, merito opulentior, quia sanctior: *Perfectior erat ille, quam hic, & ideo diutius auctor.* Qui enim regi cæli diligentius famulatur, in terris, ille præstantiorem coronam obtinebit in cælo, potioresque erunt in donis, qui fuerint alacriores, & promptiores in curandis officiis.

Vide in parte Secunda Politici lib. 3. c. 3.

C A P V T III.

Ad iudicium omnium instructionem tam rectum, exactumque iudicem se Deus monstrauit, ut ne demonem quidem ante damnare voluerit, quam illum audisset.

Priusquam iuste iratus Deus subiecto igne obsecnas illas ciuitates exureret, aiebat: *Descendam, & videbo, attentus arbitror culpas, expendam delicta, discutiam causam, omnia lasciuiorum istorum reorum acta expendam.* Quo consilio hoc dixerit Dominus, cuius tam perficaces oculi (quod paulò ante probatum dedimus) ut nihil eis tectum,

occultumque esse possit? Respondet S. Ioan. Chrysostomus hom. 28. in Genesim: *Docere nos Gula, quod opus sit magnâ diligentia peccatores condemnandi, & sententia ferenda.* Ad omnes quidem doctrina ista spectat, sed ad iudices specialiter, & vel maxime dirigitur. Quod enim Iudex supremus ait, *Descendam, & videbo*, siue momenta causæ Sodomitarum pensitabo, id fecit, ut iudices institueret, quomodo se erga reos habere deberent, moneretque ut ante magno studio, & tantâ ingenij attentione sollicitè ponderarent, excuterent, perpenderent causam, quam pronuntiarent sententiam, aut decernerent pœnam, & hoc imprimis curarent, ut reo spatium congerendi, proferendique ea, quibuscunque excusare, ac purgare sua crimina posse putat, relinquerent. Nam condemnare inauditum, & cui negatum sit tempus diluendi, extenuandi, refutandi imposita facinora, res est, quæ omni iuri, diuino, inquam, humano & naturali aduersetur.

Cum S. Paulus Apostolus per suam desuper è cælo acceptam sapientiam omnes legisperitos confudisset, mortem illi adornabant, Festumque Præsidem obsecrabant, ut neci eum addiceret. Non poterunt autem accusatores aliquod verè probatum dare sacri prædicatoris dignum tali supplicio flagitiū. Habebat Paulum in sua potestate Festus, qui cum de illius causa cum Agrippa Rege, & Bernice communicasset, etiam hoc ait respondisse accusatoribus: *Non est Romanis consuetudo damnare aliquem hominem, priusquam quis accusatur, presentes habeat accusatores, locumque defendendi accipiat ad abluenda crimina; Act. 25. 16.* Si hoc tam rigidè obseruabatur, tam diligenter, & sollicitè custodiebatur inter Ethnicos, qui veri Dei veram non habebant cognitionem: Si tam sancta, & laudabilis consuetudo apud Gentiles erat inuiolabilis, sic ut barbari illi nullum damnarent, cui non ante defensionis naturalis locum permisissent; cur non idem obseruent Iudices Christiani, & Catholici, quos supremus Iudex suis giftis, & exemplis, quomodo ritè iudicare debeant, instituit?

Lex ista tam conformis omnibus legibus, ius illud tam fundatum in omni iure perneccesarium est, & pretiosum, in quo persuadendo, & constabiliendo insumit Gratianus in secunda parte Decreti, in causa tertia, quidquid reliquum est quæstionis non est. Multa ibi congerit Summorum Pontificum decreta, quæ grauitè præcipiunt, ut nullus (rebelli, & contumaci excepto) damnetur inauditus. Ita Thelephorus, Eleutherius, Callistus, Marcellus, Damasus in

multis locis, Felix, Zepherinus, & Concilium Tole-
tanum sextum. Audiamus vnum ex omnibus Cor-
nelium Papam, Pontificem Sanctissimum, & fortis-
simum Martyrem, qui epist. 2. ad Ruf. c. 2. sic ha-
bet: *Omnia, quæ aduersus absentes in omni negotio,
aut loco aguntur, aut iudicantur, omnino euacuen-
tur, quoniam absentem nullus addicit, nec illa lex
damnat.*

Quam elegantia illa verba: *Omnia euacuentur!*
Metaphora est, eaque admirabilis. Quando aliquis
dominus vas plenum iubet exinaniri, liquoremque
eius in compita ad extremam guttam vsque effundi,
inditio est, liquorem illum esse pestiferum, & conta-
giosum, nec vsui ad quidquam esse posse. Ad eum
modum loquebatur Sanctus Cornelius, dicens:
Quæcunque contra a^lteram acta, intentata, iudi-
cata sunt, qui non potest se purgare, & contra reum,
qui non est auditus, *omnino euacuentur*, tanquam
inutilia, & inualida, immo tanquam noxius, & pesti-
lens abusus, qui totam potest rectè gubernandi ra-
tionem vitare, omnemque veræ iustitiæ inficere,
corrumpere ordinem, damnare inauditum omnia
iura vetant, & vt Zepherinus Papa epist. 1. ad Epi-
scop. Sicil. inquebat, *hoc prohibent diuina, & huma-
na leges*: Qui autem miserum obruit reum, & da-
mnat, quem neque audiuit, neque pro se loqui per-
misit, adeo leges omnes Dei, atque hominum vio-
lat, qualis iudex is esse potest? At quam ille barbarus
est, quam fera bestia?

Accusabat Delphidius Numerium quendam la-
trocinij apud Iulianum Imperatorem. Cùmque reus
delictum, cuius insimulabatur, fortiter, constanter-
que negaret, exclamabat orator: *Ecquid, florentis-
sime Caesar, nocens poteris esse? & quam, si negare suffi-
ciat?* Respondit Caesar accusatori Delphidio: *Ec-
quis innocens esse poteris, si accusare sufficit?* Quam
aptè in rem presentem, quanquam ab ineptissimo
apostata dictum! Quam comoda omnibus iudi-
cibus doctrina? Nemo inauditus, nemo, cuius cau-
sa ante discussã non fuerit, damnari debet. Nam ac-
cusatio à probatione sæpè longè distare solet.

Deliquerunt primi Parentes, venitque offensus
Deus, vt in iudicium reos pertraheret, sed ante om-
nia transgressores audire, ipsorumque confessionem
excipere voluit: *Quare vocauit Dominus Adã,
& dicit ei: Vbi es?* Genes. 3. 9. interrogauitque,
à quo didicisset, quod nudus est. Posthæ examina-
uit vxorem sceleris complicem, inquires: *Quare hoc
fecisti?*

Quid causæ est, quod Dominus, cùm exploratis-

simum haberet quidquid illi egerant, ita inquirere
in eorum præuaricationem, ipsosque transgressores
diu interrogare voluit?

Respondet Abulensis: *Sciendum, quod Dem li-
cet cognosceret peccata Adæ, & Eas, tamen priusquàm
puniret, interrogauit eos, & seruaret ordinem iudi-
carij, prius inquirens, quàm condemnans.* Discant
hinc iudices mortales, ac terreni, vt ante audiant
reum, quàm contrà illum pronuntient.

Huc spectat, quod sapienter à Petrarcha dictus
Cornelius à Lapide in c. 11. Ecclesiast. v. 8. his ver-
bis refert: *Iudices imitari debent citharados, quò
antequam citharam pulsant, singulas choras sonantes
audiunt, ac inter se contemperant, & congruum edant
sonum, & harmoniam.* Sic omnis iudex, qui rectus,
& exactus esse, & audire amat, priusquam senti-
entiam pronuntiet, debet fides, seu nervos attentis au-
ribus arbitrari, audire singulos, non accusatores
tantum, verum & reos, vt ne veri harmonia solu-
atur, & dissonet à iustis legibus sententia.

Tale consilium suggerit etiam Iesus filius Sirach
c. 11. v. 8. dicens: *Priusquàm audias, ne respondeas
serbum.* Quibus loquitur hoc tam salutare consili-
um? Omnibus. Verum Tullius, Cornelius, & Oli-
uerus ex sententia Rabani, Palatij, & Hugonis af-
firmant peculiariùs loqui iudicibus. Audiamus Ra-
banum Maurum: *Qui iudicari cunctis proximorum fa-
cta, priusquàm planè causam viri usque paritè dignoscas,
inordinatè festinas.* Quod ergo dicitur, vt iudex non
respondeat, priusquàm audiat, tale est, quale si di-
ceretur, quod bonum iudex non ager, si præcipi-
tauerit sententiam, vt reum ante damnet, quàm par-
tes ambas audierit. *Inordinatè festinas,* inquit Ra-
banus, nimisquè acceleracionis æstu abreptus, ab
æquo, & bono in deuia ruit, fitque ex defensore iusti-
tiæ desertor æquitatis. Quam turpem ea res illa
posthæc adferet confusionem!

Et nonne homini homo faciet, quod facit supre-
mus Iudex demoni? Cùm Dominus, & Magister
noster celestis è nauì in terram Gerasenorum de-
scendisset, occurrit illi arreptitius, sæuum, & penè
suprà fidem sanguinarium in corpore circumferens
demonem, qui simul videns IESVM, & terræ afflu-
sus magnà voce sueclamauit: *Quid mihi, & tibi est,
Iesu Fili Dei altissimi?* Lucæ 8. v. 28. Per illum te
adiuro, & obsecro, ne me torqueas. Præcipiebat
nimis immundo spiritui, vt emigraret ab homi-
ne. Priusquàm verò illum prorsus exturbaret, in-
terrogauit illum, dicens: *Quod est tibi nomen?* ibid.
v. 30. At cùm summo iure impurum illum à mise-
rabili

C A P V T IV.

rabili homine exigeret hospitem, quid nomen eius ante inquirere voluit? Cur non statim, ac derепente eiecit eum domo, quam per iniquissimam vim ferro latro animarum occuparat? Quamobrem erga diabolum solenni formâ iudicii usus fuit?

Respondet sacer Rauenatum Archiepiscopus Sanctus Petrus Chrysologus Serm. 17. *Interrogat, non ignorat, sed implet iudicem, seruat ordinem cognitoris. Nomen interrogat, et de conditione discutit, iudicet de reatu, addicat de crimine, Deum se esse datâ sententiâ per demonstret.* Officium pratoris, quæstoris munus implere Dominus voluit, cum interrogare. Percundabatur diabolus de nomine, vt cum illo qualitatem transgressoris, & hinc culpæ momenta cognosceret, atque ita cum reum examinasset, & castigasset, Deum se probare per suam iustitiam, & rectè agendi consuetudinem, vt qui sententiam pronuntiare etiam contra dæmonem noluisset, nisi reum prius audisset, causamque illius examinasset, cum tamen integerrima illius, sanctissimaque, & inuicibilis æquitas nullo horum indignifet.

Premite mihi hoc, *Implet iudicem.* Tum & illud, *vt Deum se esse datâ sententiâ demonstret.* Itaque qui non audit partes litigantes, qui non auscultat reum, qui non dat locum accusato, vt respondeat, & se defendat, non est integer, sed corruptus iudex. Et cum in sacris literis iudices sint dii terræ (Exodi enim 22. 28. dicitur, *Dis non detrahes*, & Psal. 81. 1. *Deus stetit in synagoga deorum*, vbi in Hebræo est, *Elohim*, siue iudicibus, non detrahes, & *Deus stetit in medio Elohim* siue iudicum, vt est apud Sanctum Hieronymum, Santem Pagninum, Vatablum, & alios) qui prætermis illis circumstantijs, & requisitis iudicium exercuerint, non demonstrabunt se esse deos, qui morem in iudicando non imitantur Dei non ante iudicantis, quam inquisierit, examinârit, audierit, locum excusationi, & purgationi dederit. Si Deus supremus Iudex, & Dominus diabolus, vt sic loquamur, quodammodo detulit, vt non statim eum damnaret, sed prius interrogaret de suo nomine, confessionemque eius expeteret, & ordinem cognitoris, & terminos iuris ante seruaret, quam contra eum pronuntiaret, quænam illa sit humani iudicis barbaries, feritas, & tyrannus, si sententiam aduersus miserum reum aliquem præcipit, nec audiens eum, neque defensionis naturalis

locum illi permittens?

Sunt peccatores terræ, & sunt peccatores cœli, & quamuis vtrorumque infelicitas sit dolenda, & deploranda, magis tamen miserandi sunt transgressores cœli, quam peccatores terræ.

N Vlli sunt peccatores, qui propter infelicem statum, in quo illos sua miseria detinet, non sint tristibus, & amaris lachrymis deflendi, nec aliud est, quod fletum, lamenta, miserationem æquè mereatur, ac miseri, quicunq; Deum sibi suis offensis infensum fecerunt. Eapropter Magnus Basilus dicebat: *Fle super peccato, peccatum luctu est, & implacabilibus lachrymis dignum.* Quamuis hoc ita generatim habeat, dico nihilominus, duplices esse, atque ex his alios terræ, alios cœli peccatores, & omnes quidem debere deplorari, cœli tamen peccatores acerbiorè luctu, & amarioribus lachrymis esse prosequendos.

De ira Dei sub metaphora calicis, ex quo omnes, quicunq; sanctissimam legem illius prætergrediuntur, bibituri sint, sic ait Propheta regius: *Calix in manu Domini vini meri plenus mixto, & inclinauit ex hoc in vos, verumtamen fax eius non est exinanita*; Psal. 74. 9. Quod dicit tale: Habet Dominus in vterice manu sua calicem vini fumei, validi, ebrij, sed mixtum aquâ misericordiæ ad temperandum eius fortitudinem, & rigorem, & vt castigatio eius minus sit dura, & grauis, ex calice in calicem inclinât: *Verumtamen fax eius non est exinanita*, cumq; calix potaturis potrigitur, nunquam illum exhauriunt, nunquam ad fæces vsque ebibunt. Videamus nunc, quinam illi ex calice tam diligenter mixto sint potaturi, quinam bibituri vinum iustitiæ tam probè temperatum aquâ clementiæ, & non totum vinum, sed partem illius aliquam tantum bibituri, neque enim ad fæces, & fundum vsque exhaurient.

Propheta regius potaturos ipse expressit, dicens: *Bibent omnes peccatores terræ*, subaudi, de illo calice iræ tam benè mixto, & temperato aquâ benignitatis, & clementiæ.

Sanctus Gaudentius Serm. 8. To. 2. Biblioth. Vet. PP. ex his verbis Davidicis facit talem consecutionem: *Ergo sunt peccatores cœli.* Ità est, Sunt & peccatores cœli. Quinam sunt peccatores terræ? Sanctus Gaudentius ait, eos esse peccatores terræ, qui Deum, quem ignorant, cuiusque leges nesciunt, offendent. Tales sunt barbari Gentiles destituti luce notitiæ veri Numinis. Illi peccatores sunt, sed

peccatores terræ. Et qui sunt peccatores cæli? Respondet, eos esse cæli peccatores, qui Deum & cognoscunt, & prouocant, & suam iugum mandatorum eius è contumaci ceruice abijciunt. Dicit nunc regius Propheta: *Calix in manu Domini vini meri plenus mixto, & inclinauit ex hoc in hoc, & ueruntamen fax eius non est exinanita.* Quisnam uero illum iræ, sed clementiâ temperatæ calicem biber? Quis illa tam moderata supplicia luet? *Bibent omnes peccatores terræ.* Peccatores terræ mitiores pœnas dabunt, ij, qui Deum offendunt, quem nesciunt, & forte in illum non peccarent, si nouissent. Hi blandâ manû caduntur, hi leuiore supplicio plectuntur, si uinum aquâ mixtum potandum accipiunt. Verum peccatores cæli, homines Christiani, qui cum habeant oculos luce fidei, & notitiæ eius illuminatos, & nihilominus ingrati illum offendunt, contumaces iritant, impudentes exasperant, duro flagello verberantur, asperâ manu ferientur, & purum calicem bibent, & atrocissimos subibunt cruciatus.

Nam ut Christus apud Sanctum Lucam cap. 12. v. 47. & 48. ait, *ille seruus, qui cognouit uoluntatem domini sui, & non praparauit, & non fecit secundum uoluntatem eius, & capulabit multis, qui autem non cognouit, & fecit digna plagis, & capulabit paucis,* ignorantia enim peccatum illius non prorsum extinguit, extenuat tamen, facitque ut sit leuior, non ut nulla eius transgressio.

Filius ille adolescentior, qui à patre portionem substantiæ suæ petijt, & expetijt, uagûq; per mundum in uagam libidinem cæcus deceptor effudit, cum uidisset, quàm sordido, inhumano, barbaro domino miserandam, pudendamque seruitutem seruiret, à quo nec satis aquæ ad necessariam potum, neque vel filiquas, quibus porci abundabant, ad mortem depellendam acciperet, in se reuersus dixit: Infelix, & luctuosa mihi fors obtigit, & in miserum statum incidi, talemque, ut esurie enecer, cum mercenarij patris mei multi affluant panibus. Scio pietatem pectoris eius, scio facilitatem, & beneuolentiam animi, scio quantum apud illum lachrymæ ualeant, recurram ergo ad illum, atque ut me in gratiam ueterem recipiat, flens, & eiulans dicam: *Pater, peccasti in cælum, & coram te;* Lucæ 15. 18. perdidisti, & prodegi quod filijerat, tu quod patris est, non uel abiicisti, uel es oblitus, fateor scelera mea, quæ sunt qualia malè liberorum, & pessimè consultorum adolescentum esse solent? Denique *peccasti in cælum, & coram te.*

Sanctus Ambrosius hæsit in consideratione istorum

verborum, inquit, uideri superfluum illam pœnitentis adolescentis confessionem. Cum enim dixisset, inquit, peccasse coram Deo, quid necessum fuit addere, deliquisse etiam in cælum? *Peccasti in cælum.* Sed ô quàm parum intelligis prudentiam adolescentis præterita flagitia sua dolentis, ac detestantis! quàm parum assequeris sensum confessionis illius! ait rursùm Beatissimus Mediolanensium Archiantistes. Dicebat ille peccasse in cælum, quia hoc eum uementius exercebat, hoc afflictabat pœnalius. Delictum enim coram Deo multum differt à peccato in cælum. Peccatores terræ offendunt coram Deo tantum, sed in cælum non peccant, nec enim habent notitiam Dei, quem offendunt, & sic, quamuis notitia illos fugiat Dei, potentiam tamen illius non effugiunt, ideoque necessariò peccant. At peccare in cælum, omnium pessimum est, & lachrymis dignissimum, nam qui hoc faciunt, peccant usque deque habentes notitiam Dei & repugnantes luci. Quapropter ille ex prodigo pœnitens aiebat: *Peccasti in cælum, & coram te,* dulcissime, & amantissime pater, itaque duo mala feci, quia cum non possem euadere tuam potentiam, ad notitiæ tuæ lucem te offendi, & sic maximus, grauissimisque, hoc est, cæli peccator sum factus, & neque tam immanem culpam perpetrasset, neque tam atrocem pœnam commeruissem, si terræ solum peccator fuisset.

Huc respiciebat Propheta regius, cum dicebat: *Defectio tenuit me pro peccatoribus dereliquentibus legem tuam;* Psal. 118. v. 53. hoc est, dolorem, quem mihi adferunt, Domine, qui legem tuam deserunt, explicare uerbis nequeo. Sanctus Ambrosius, & alij legunt illa uerba ita: *Deliquitum tenuit me,* delituerunt me uires, toto animo defeci, mortuum in pectore cor gero. Vnde illa Prophetæ Sancto tanta anxietas? Vnde illa tam uehemens consternatio? *Pro peccatoribus dereliquentibus legem tuam,* inquit Ioannes Cluniacensis Serm. 43. To. 3. ait: *Defectio tenuit Prophetam non pro quibuscunque peccatoribus, sed pro peccatoribus cognoscentibus legem Dei, & dereliquentibus eam.* Tamen enim omnis deplorandus sit peccator, sed ille uel maximè, qui peccator est cæli, qui Deum offendit, quem nouit. Hic enim acerbiora supplicia meretur, & pœnas seueriores.

Videmus hoc in sordidis, & obscænis Sodomitis, de quibus cum facer textus ante dixisset, quod *homines pessimi erant, & peccatores coram Domino nimè* (Genes. 13. 13.) nihilominus conuiebat in illorum sceleribus maximis Dominus, demum uero omnis illius

illius velut exhausta patientia fuit, quando duos ministros misit, qui contaminatissimos homines, verberumque illorum totam flammâ vastarent, & consumerent. Quamobrem verò denique tam iratus, qui ante fuerat tam patiens, & mansuetus? Quia antea solum peccatores coram Deo fuerant, & peccatores terræ, postquam verò sanctus Loth inter illos vixit, & verum Deum ijs indicauit, iam lucis, & cœli peccatores erant. Nimirum Dei providentiâ, quod iam alibi monuimus, factum est, quod Loth domicilium apud illos sibi delegit, ut per eius institutionem resipiscerent, & emendarentur exemplo, & corrigerentur monitis. Cum ergo iam non ignorarent, quem offenderent, & scirent, in quem peccarent, iamque peccatores cœli essent, & ad meliorem vitam se recipere nollent, soluit ira Dei catarractas furoris sui, sulphureique oceani flammâs in illos effundens, & homines, & res eorum omnes in favillas vertit. Quamquam enim malum sit, esse peccatorem, pessimum tamen est, & infelicitatum infelicitissima, esse peccatorem cœli.

Quod omne peccatum sit deplorandum, id vide in 2. P. Polit. lib. 9. c. 1. alijs in locis ibid. adnotatis.

C A P V T V.

Quando peccatum semel admittitur ad arcem animæ occupandam, tantas vires acquirit, ut per spem omnem rursum exturbandi auferat.

Quod in Sacra Scriptura actiones malæ sint symbolum bonarum, & bonæ malas nonnunquam representent, id receptissima sententia Doctorum Ecclesiæ, & sacrorum Interpretum habet, affirmantque Sancti Hieronymus, Augustinus, Gregorius, Isidorus, & Alphonsus Salmeron, & Caspar Sanchez. Dico hoc propter Loth, qui tamen vir Sanctus, & virtutis studiosus, symbolo nihilominus representavit peccatorem, apud quem peccatum profundas radices egerit, ut ægrè ab illo liberari possit. Ut Sancti Angeli Loth e Sodoma eriperent, apprehenderunt manum eius (Genf. 19. 16.) quod Oleaster putat etiam sic verti posse, *Fortificaverunt se*, hoc est omnes vires suas, & robur totum huc verterunt, ut illum inde eximerent. Quando enim peccator diu assuevit vitij, & longâ consuetudine ad malè agendum se obfirmavit, magnâ fortitudine, & multo, singularique studio opus est, ut in viam reducat, & vsum veterem relinquat. Propterea periculosissimum est tolerare peccatum, quod incrementum faciat, eò quod posthæc difficillimè corrigi, & emendari possit.

Adductus fuit ad Christum miserimus æger, quædæmon pessimis modis intollerabiliter vexabat. Linguæ, simulque aurium vsum illi ademerat, iamque in aquas, iam in flammâs ærumnosum iactabat, & omnia faciebat, quibus facere ex animale illam, & ex misero mortuum posset. Miseratus Dominus tantas vexationes dixit: *Surde, & mute spiritus, ego præcipio tibi, exi ab eo, & amplius ne introcas in eum*; Marci 9. 24.

Euthymius expendit diligenter hæc verba Christi, quæ locutus dæmoni fuit, atque in ijs istud, quod hic pluribus, granioribus verbis vsum est, quàm ad alios dæmones eijciendos, & velut maiores vires, omnemque autoritatem ad hunc exturbandum vertit, cum ait: *Ego præcipio tibi, exi ab eo*, neque hoc satis putavit, nisi etiam adderet, *Et amplius ne introcas in eum*, velut oppidò operosius fuerit hunc exigere, quàm alios.

Mandatum hoc videtur mihi valde singulare, nulli enim dæmoni, eorum, quos expulit, simile præceptum imposuit. Cur ergo ad hunc peculiariter ait, *Præcipio tibi*? Respondet Euthymius: *Hoc dixit præsudens quod futurum erat, & dignum esset dæmoniosus ille propter suam incredulitatem, & rursum ad eum reverteretur diabolus. Prohibet ergo eum, ne cuiquam videatur, quod prius non fuerit electus.* Voluit ergo Christus, ut omnes intelligerent, quod ille dæmon & electus fuit ab homine, & ad illum redisset, nisi præcepto suo, & potestate imperij prohibitus fuisset. Cur tot circumstantijs erga hunc arreptitium vsum fuit? Cur tantam in illo exturbando potentiam suam ostentationem fecit? Cur huic dæmoni magis, quàm alijs, viam, per quam redire posset, tam graui præcepto obstruendam, præmunendamque putavit. Causam quæris, Euthymius iubet repetere memoriâ, quid patrem obsessi Dominus interrogârit. Quantum temporis est, ex quo ei hoc accidit? Dicebat Christus patri ibid. v. 20. At ille ait: *Ab infantia*, à primulis annis, ab incunabulis. Ex his iam facile diuinabitur causam, ob quam Christus tantum studij posuerit in hoc dæmonio exigendo. Quod ad Dominum attinet, poterat ille, quâ facilitate cæteros dæmones eiecerat, eadem hunc expellere. Sed quoniam hic dæmon ab infantia illum occupauerat hominem, & apud illum velut inueterauerat, radicemque in eius corpore egerat, & annis multis illum arcem tenuerat, voluit Christus tot circumstantijs hic uti, & præcepto illum primò ut exiret, cògere, deinde ne rediret, prohibere, tum ut ostenderet, quàm sit operosum exturbare illum à diu-

à diuturna possessione, & quàm arduum cauere, ne repetat domum, furtiuèq; irrepat in ædes, in quibus longa tempora semel transmisit. Idem in peccato euenit. Cùm id semel animam occupauit, relictumque, donec cresceret, & aufereret, fuit, vix eradicari sinit, vix expelli permittit, validiusque adhærescit, quàm dæmon, cùm hic per vim se intrudat, illud spontè à nobis admittatur, quin & introducatur.

Nuntium adferebatur Christo à Martha, & Magdalena, quòd Lazarus frater earum ex graui morbo periculosè decumberet. Communicauit de acceptis nouis Magister cum discipulis, inquit: *Lazarus amicus noster dormit*; Ioan. 11. 11. Cui illi: Benè habet, nam si dormit, spes est, quòd confanescet, optatumque exitum habebit eius infirmitas. Cùm videret Dominus, non intellexisse Apostolos, quæ illis dixerat, apertè ait: *Lazarus mortuus est*; ibid. v. 14.

Pulchrum est Sancti Ioannis Chrysostomi in illa Christi verba annotamentum, quod sic habet: *Vides quomodo quando dormientem vocat, amicum appellet, quando verò manifestè de morte meminit, iam penè amicitia obliuiscitur?* Lazarus quà dormiens, est symbolum peccatoris, qui non diu ante offendit Deum, & citò in se, & ad illum reuertitur: Quà verò mortuus, est figura peccatoris inueterati, & qui incauit inter diuturnam malè agendi consuetudinem, & profundas scelerum radices egit. Ita exponunt Sanctus Augustinus, Hugo Cardinalis, Gagneus, & alij multi. Monet ergo Chrysostomus aduertere, quòd Lazarus amicus vocatur, cùm dormire fertur (*Lazarus amicus noster dormit*) quando enim mala peccati herba est tenera, quando planta est paruula, quando culpa est velut somnus quidam, certa spes est, quòd peccator facilè redibit in amicitiam Dei: Verùm ex somno transitur ad mortem, quando peccatum egit altas radices, iamque non vocatur amicus, qui peccauit, non quia esse amicus non possit (nunquàm enim destituitur homo remedio, quamdiu viuic) sed quia difficulter resurgit, quòd enim auctior sit sarcina, eò magis debilitat vires, facitque ut ægrius erigere sese possit, qui lapsus fuit.

Cùm celestis Magistri innocentiam Pilatus cerneret, voluit illum è crudelibus manibus perfidorum hostium suorum vindicare. Ad eam rem hanc induftriam, præter alias adhibuit. Vfus obtinuerat, vt die solenni Paschæ victum Præses dimitteret, quem populus expetiisset. Duos ergo vulgo Pilatus ob-

uis cæci essent, non electuros latronem, & reprobos IESU, cuius erat tam notoria innocentia. Videamus nunc, quid Euangelistæ de tali dimittendi alicuius vindici cæremonia ferant. Sanctus Matthæus c. 27. v. 15. ait: *Per diem solennem consueuerat Præses populo dimittere vnum vincitum.* Sanctus Marcus c. 15. v. 6. inquit: *Per diem festum solebat dimittere, &c.* Denique Lucas c. 23. v. 17. sic habet: *Neceffe autem habebat dimittere eum, &c.* Nonnè videtis, quomodo in necessitatem demùm conuersum est, quod ex gratia inchoatum, & consuetudine continuatum fuit? Tantundem accidit in peccato, quod leuiter, inconsideratèque in animam admittitur. Transiit paulatim in consuetudinem, tantaque sensim vires acquirit, vt quasi in necessitate vertatur, vt qui solebat &c. consueuerat, demùm ferè *neceffe habeat* agere, quod diu malè egit. Propterea bonum est, statim à se abdicare peccatum, quia quod semel valide radicatum, difficilè euellitur.

Cornelius Celsus lib. 7. c. 5. ait: *Venenata, & acuta inducias non patiuntur.* Si quis à serpente percussus fuit, vel toxicum hausit, necesse habet exemplò confugere ad theriacam, & sumere antidotum. Cur hoc? Quoniam venenum statim celeriterque cor petit, quod cùm semel inuasit, immedicabile malum est, & mors non habet remedium. Priusquàm ergo ad cor perueniat, per citas, efficaces, præsentaneasque medicinas obstruendus est quamprimùm omnis meatus, quia *venenata, & acuta inducias non patiuntur.*

Peccatum, ex Magno Basilio, est animi morbus acutus, & venenatus. Res extra dubium est. *Peccatum est anima agrotudo, peccatum mors est anima aliquam immortalis*, inquit ille. Si peccatum est infirmitas animæ, eaque mortalis, & lethiferum toxicum, *venenataque, & acuta inducias non patiuntur*, nimis quàm stultus, prorsumque insanus fuerit, si quis eiusmodi morbo laboret, neque statim (quod tam facile potest) adhibeat salutare herbam doloris, theriacamque poenitentiae, & antidota Sacramentorum, maximè eùm de vita animæ æterna, & iactura beatitudinis periclitetur, si negligentius agat, & procrastinet studium curationis.

Vide Periocham secundam Dominica XXIII. post Pentecosten Tom 2. pag. 306. o. & alia loca ad finem illius annotata, & ibi similia argumenta tractantur.

CAPVT VI.

Non sunt agritudines animæ, quales corporis infirmitates, nam si huius morbi quidam sunt incurabiles, illius nullum est insanabile malum.

Non statim ut venerunt Angeli Sodomam, incenderunt, & exusserunt eam, sed moras traxerunt, quousq; Loth ab illis monitus hortaretur suos ad effugiendum excidium suum, & ciuitatis de qua dicebant: *Delebimus locum istum*; Gen. 19. 13. Ut cum tristitia illa, & horrenda imminens desolationis uoua percrescerent, auribus, animisq; percussis Sodomitæ erubescerent, turpes suas libidines, quæ tametsi grandes, & abominabiles essent, spes tamen salutis reliqua, remediumq; curationis erat super. Nullus enim peccator tam perditè viuere in hac vita, nullus in statum tam desperatum venire, nullus in tantam profunditatem precipitare, & ingurgitare sese potest, ut respicere, reuocari, reduci, curari, & erui nequeat, dummodo se disponat, & ex parte sua, quod potest faciat. Agritudines, quantumuis graues, & mortales sint, per sanari possunt.

Paralyticum Christo adduxerunt ita extenuatum, fractumq; viribus, ut è lecto erigere se non posset. Oblatum infirmum suauibus, beneuolentibusq; oculis aspiciens, superus Medicus, his etiam verbis amanter appellauit: *Fili, remittuntur tibi peccata*; Matth. 9. 2. Simul hæc verba haurire auribus, & talia apud se submuttere Scribæ, & Pharisei ceperunt: *Quis est hic, qui loquitur blasphemias?* Peruidebat Dominus inuidorum criminum cogitatus, & aiebat: *Vi scitis, quia Filius hominis habet potestatem in terra dimittendi peccata, ait paralytico Surge, tolle lectum tuum, & eade in domum tuam*; ibid. v. 6.

Pressit in his Theophylactus illud, *Filius hominis habet potestatem in terra dimittendi peccata*. Quid necessum fuit addere, quod eam in terra haberet Filius Dei potestatem? Nonne ad maiorem ostentationem potentie illius fecisset, si condonare peccata posse absolute dictum, neq; ad terram ea facultas velut limitata, & contracta fuisset?

Respondet Theophylactus: *Vide autem, quod super terram remittuntur peccata. Quamdiu enim super terram sumus, poterimus dolere peccata nostra. Quod Christus dixit, habere potestatem dimittendi peccata in terra, non hoc fecit, ut suam arctaret, & angustis limitibus includeret potestatem, sed ut*

Tom. III.

omnes peccatores consolaretur, inberetq; esse bono animo, propterea quod haberent res ipsorum remedium, donec ipsi vitam haberent. Quamdiu in hac vita uiuitur, quamdiu anima in carne degit, non est cur quis spem abiciat, nullum enim est inueniabile peccatum, nulla culpa, quæ condonari nequeat, nulla incurabilis agritudo.

Cum Moyses triumphum caneret felicitis transitus Israelitarum per mare rubrum, & Egyptiorum in eisdem aquis suffocatorum, sic ad Deum aiebat: *Extendisti manum tuam, & deuorauit eos terra*; Exod. 15. 12.

Origenes hom. 6. in Exodum ait: *Impios quidem & hodie deuorat terra*. Quod tunc Egyptijs accidit, hoc quotidie peccatoribus euenit, ut terra eos suo ventre tanquam tumulo quodam excipiat. Itaq; si quis carnis deditus voluptatibus, si quis pecunie amore captus, si mundi cupiditatibus implicatus, si animo rebus terrenis est immersus, *talem cum uideris, dicito, quia deuorauit eum terra*, inquit ille.

Sed mox addit: *Adhuc me mouet, quod ait, Extendisti manum tuam, & deuorauit eos terra*. Si terra iam deuorauit, & in ventre suo sepeliuit peccatorem, quorsum extendit Dominus manum suam, tanquam eam porrigere, & ferre opem iacenti velit? Quid enim remedij ferri possit ei, quem terra iam deuorauit? Factum hoc pro solatio peccatorum, inquit Origenes, tanquam dictum esset, ut nemo desperet, sed quantumuis contaminatus flagitijs, quantumuis cæno peccatorum infixus, quantumuis scelerum ponderibus prægrauatus, benè fidat, & resumat animum, nam cum Deus extendat manum ad opitulandum, inditio est, quod spes recuperandæ sanitatis sit reliqua, verèq; & exanimis dolentem peccasse, terra, quæ deuorauit, euomet.

Audiamus Origenem: *Extendisti manum tuam, & deuorauit eos terra. Nec penitus desperandam est, possibile namque est, & si forte respiscat, qui deuoratus est, rursum possit enoui*. Quis peccator hæc audiens deficiat animo, aut timeat?

Nam ut noster Hispanus Quintilianus l. 12. c. 1. ait: *Nec recta voluntati seruum est tempus illud*. Homini, qui se disponere, & quidquid per virium facultatem potest, facere velit, nulla hora tarda, sed omne tempus commodum est, & opportunum, ac propterea nullus putare debet, quod difficulter inueniet remedium, nullus desperare curationem.

Turbatus Herodes ex Magorum interrogatione, Principes sacerdotum, & Scribarum consuluit de loco, in quo ex matre in mundum Christus esset prodicurus

S

diturus, qui responderunt, Bethlehemiticum oppidulum futurum esse locum illius natalem, de quo Michæas vaticinatus fuerit, cum ait: *Et tu Bethlehem terra Iudæ nequaquam minima es in principibus Iudæ, ex te enim exiet dux, qui regat populum meum Israel;* Matth. 2. 6. Apud Michæam cap. 5. v. 2. ista sic habent: *Et tu Bethlehem Ephrata parvulus es in millibus Iudæ, ex te egredietur mihi, qui sit dominator in Israel.* Bethlehem, ut aiunt sancti Hieronymus, Augustinus, Gregorius, item Lyranus, & Sanctes Pagninus, idem est, quod *Dormus panis*, & Ephrata idem, quod *Furorem videns*. Ita sanctus Ambrosius, Origenes, Rabbi Salomon, & Hebræi.

Quid mysterij habet, quod Ephrata est Bethlehem, & domus videns furorem est domus panis?

Occurrit quasi sanctus Ambrosius observat. 1. in Michæam, To. 1. dicens: *Nemo de remedio diffidat. Ecce ibi, ibi domus furorem videns erat, ibi domus panis est, ibi crudelitas, ibi pietas. Ibi panis innocentium, ibi suorum redemptio.* Quamvis per vitiorum præcipitia cæcus peccator eo delatus sit, ut malè agendi libidine furat, & tanquam arreptitius factus sit, qui ligari, & constringi egeat, non seipsum desperet, nam si se, ut debet, præparet, indubitatum est, quod à phrenesi sua liberabitur, conualescetque à delirio, & exurgat à strato suæ infirmitatis. Nemo de remedio diffidat, quantavis peccandi infamia laboraret, quia hæc summa infamia est, putare non posse ad mentem redire eum, qui semel illam peccando amiserit.

Narrat apud Matthæum Dominus supremam sententiam, quam in tremendo vniuersalis iudicii die contra reprobos sit pronuntiaturus, atque se illis tunc dicturum: *Discedite à me maledicti in ignem æternum, qui parati estis diabolo, & angelis eius;* Matth. 25.

Difficultatem hæc recti, & seueri iudicis verba manifestam, patentemque secum ferunt. Quicumque mali dæmonis seu suasi, seu exemplo Deum offendunt, atque in peccatis suis à vita decedunt, ij ad inferos deiectionem sustinebunt æternam, non secus ac dæmones, eruntque penarum consortes, qui fuerunt scelerum complices. Cur ergo iratus Dominus dicet: *ignem illum paratum esse diabolo & angelis eius?* Ergone functum illud barathrum solis contumacibus, & proteruis spiritibus est constitutum?

Respondet Iouius Monachus l. de incarnat. c. 48. *idcirco ignem diabolo, eiusque angelis, non autem hominibus præparatum scribit, quoniam in nobis non in-*

pinata sit è malo in melius commutatio, cum illi confirmata sua voluntate nullam de se spem reliquam fecerint. Causam ergo, cur diabolo potius, quam homini præparatus infernus dicitur, ea est, quod hic emendabilis sit, ille incorrigibilis. A quo enim dæmon semel peccare cepit, voluntatem suam anchora obstinationis ad peccandum sic fixit, & obfirmavit, ut nunquam sit discessurus à malè agendi proposito, atque ita quoniam à primo statim peccato fuit absque remedio, dicitur ignis ille paratus diabolo, & angelis eius, non homini, ad eum saltem modum, quo dæmoni. Homo nimirum eum semel lapsus est, resurgere per penitentiam, & obliterare studio emendationis omnem suam noxam potest. Immo tametsi plura scelera perpetrarit, quam habeat mare guttas, quam litus eius arenas, quam cælum stellas, semper homini patet veniæ porta, per quam redire in gratiam Dei possit, si velit. Soli dæmones absque remedio sunt, homo curari potest, quantumvis grauis, ac diuturna sit ægrotudo, quæ laborat.

Coronemus hoc capitulum quadam magni Augustini sententiâ, quam nunquam sine ingenti animæ recreatione, & consolatione lego. Ea in sententijs præclarissimi illius Doctoris 184. est, & sic habet: *Non est desperandum de malis, sed pro ipsis, & bonis fiant studiosius supplicandum, quia numerus sanctorum semper de numero impiorum auctus est.* De malis desperare nemo potest, nisi qui ignorat, quod Domini nostri potentia pietissimâ, & peritissimâ diuinæ alchimie ex rudi ferro perditissimorum hominum sæpè aurum sanctissimorum virorum fecit, & incomparabilium fornicarum. Dicat hoc Dimas latro, dicat Petrus negator, & periurus, dicat Paulus persecutor, dicat Mattheus publicanus, dicat Magdalena lasciuia, dicat David adulter, dicat Augustinus hæresium sectator, ex quibus alius est speculum penitentis, alius caput Ecclesiæ, alius Doctor gentium, alius primus Euangelistarum, alius Prophetarum maximus, alius Doctorum præstantissimus, ut nihil dicam de Magdalena, quæ Christi delirium fuit, postquam vanis & fallacibus delictijs renuntiavit.

Plurima de hoc argumento in omnibus Tomis suis diuise Genâ fudit copiosum Nissen ingenium. Vide partem secundâ Polætica lib. 3. cap. 8. & alia loca ex alijs Tomis ibidem ad calcem adscripta.

CAPVT VII.

Solet Deus affinia, & analogâ peccatis supplicia irrogare.

Cum

Cum videret Deus contumaciam, & cœcitatē corruptissimorum Sodomitarum, decreuit igne inde submisso illos tanquā proteruos, & contumaces vastare, atque absumere. De hac re sic ait Scriptor sacer Gen. 19. 24. 25. *Igitur Dominus pluit super Sodomam, & Gomorrah sulphur, & ignem à Domino de celo, & subuertit ciuitates has, & omnem circā regionem, & inuērsos habitantes Urbium, & cum terra & ierentia.*

S. Ioannes Chrysostomus, Tertullianus in lib. de Pallio, & Prudentius diligenter considerant hoc supplicium. Chrysostomus homil. de Sodomitis, & Achab sic ait: *Erat iusta retributio hu, qui natura subuerterant leges, feminas in masculis querentes, & inuertatur & in eis natura ordo, & fiat eis naufragium ex igne, quasi ex aqua.* Ignis naturæ suæ imperu sursum fertur, & ad loca superiora contendit. Quod ergo Dominus tunc ignem è celo deorsum pluit, vim huic elemento attulit, vt contrā naturæ inclinationem descenderet. Merito autem talis ignis supplicio illos peccatores mastruit, quia & ipsi contra naturam sexum muliebrem in virili requirebant. Hinc accipitur, quā verum sit illud Sapientia 11. 17. *Per qua peccat quis, per hac & torquetur*: quodq; Deus plerumq; seruatur modum in irroganda pœna, quem peccator tenuit in perpetranda culpa.

Ad partem Altaris dexteram apparuit S. Gabriel Archangelus Zachariæ, quo tempore ille vicem ministerij sui in templo exquebatur, nuntiavitque, quod vxor eius filium ipsi, inexplicabili Dei beneficio, paritura esset. Turbauit Zachariam & nouus orator, & narratio eius tam insperata, quā desperata ipsi proles otinis iam dudum fuerat. Cumque dubiam haberet annuntiationem, dicebat incredulus: *Vnde hoc faciam? Ego enim sum senex, & vxor mea processit in diebus suis*; Lucæ 1. 18. velut pluribus dixisset. Vnde mihi certum esse potest, vera esse, quæ adfers? Quomodo fieri potest, vt filium, quem dicis, obtineam, cum & mea longæuitas, & vxoris meæ decrepitas ætas contradicant? Cum talia ille locutus fuisset, dicebat legatus cœlorum: *Ecce eris faciens, & non poteris loqui & sine in diem, quo hæc faciant, pro eo, quod non credidisti verbis meis*; ibid. v. 20.

Moniti alibi quoque, quantum meminī, quod Zacharias pro suæ incredulitatis merito non obmutuit tantum, sed & obfurdit: Ea namq; est horum sensuum coniunctio, vt cum lingua intermittebat ministerium. Huius experimento comprobata veritatis testes, nō fallor, adduxi sanctum Ioannem Chrysostomum, Eu-

thymium, & Lactantium Firmianum.

Querit nunc Theophylactus, quare in lingua, & auribus magis, quā in quauis alia corporis parte luit Zacharias, quem Dominus plectere poterat leprā, vt forem Moyſis Mariam, & Oziam, aut cœcitate, vt eos, qui domum sancti Loth ad explendam nefandam libidinem oppugnatum veniebant, aut quouis alio supplicio in parte alia punire. Quid os, aureſque peccarunt, vt omnis in illorum exitium furor Angeli verteretur?

Respondet Theophylactus: *Merito duo hac passus est, & quod non audiret, & quod non loqueretur. Quia enim non obedierat, condemnatur & surdus fit, & quia contradixerat, & sileat.* Bis peccauerat Zacharias, quia & fidem Angelo negarat, & oblocutus fuerat. Cum autem fides sit ex auditu, (Rom. 10. 17.) & oblocutio sit repugnantis linguæ opus, merito hac duo passus est, merito obfurdit auditus, & obmutuit lingua, vt intelligeret, per ea quemque castigari, per quæ offenderat: *Quia enim non obedierat, condemnatur & surdus, & quia contradixerat, & sileat.*

Cum leges pœnales varia decernant supplicia his, qui eas prætergrediuntur, & violant, querit S. Ambrosius, quanam aprius, accommodatiuſque deſordido mandatorum diuinorum præuaricatore vindicta expeti possit.

Respondet autem, si capite minuatur legum diuinorum contemptor, eam fore æquissimam culpæ talis pœnam. Arcum varia sunt suppliciorum genera, cur vna capitis obruncatio maxime quadret in illorum sacrosanctorum præceptorum transgressores?

Occurrit dubitationi S. Doctor serm. 20. in Psal. 118. lit. R E S, in hunc ferè modum. Per peccatum obbrutescit homo. Sic enim ait Propheta regius: *Homo cum in honore esset, non intellexit, comparatus est iumentis insipientibus, & similis factus est illis*; Psal. 48. 13. Merito ergo, & iustissime capite minuitur, qui per peccatum minoratus ab hominibus in bestiam degenerauit, quia capite solo distamus à bestiis, in capite sapientia sedem, arcem suam ratio habet, quæ nos à iumento is secernt, & sublato capite corpus sine nomine est, resisso capite reliqui corporis truncus bestiarum corpori comparatur, & propterea sapientia arce suæ fraudatur, qui sapientia non potuit tenere rationem. Hæc ille.

Paulus Burgensis, & Philo Iudæus, & alij non pauci, qui cum eis sentiunt, aiunt, in Sacris literis non constare aperte de morte Caini. Philo in lib. *Quod deest, insidetur potiori sic habet: Nusquam in*

lege de meo, eum narratur. Quanquam enim Lamech dixerit ad uxores suas: *Occidi virum in vulnere meo, & adolescentem in linore meo*; Gen. 4. 23. non sequitur tamen, quod Cain fuerit ille, qui occisus. Propterea dicit Burgenfis addit. 7. in cap. 4. Genes. *Non habetur ex litera, quod Lamech interfecisset Cain, nec etiam quod Cain fuisset interfectus ab aliquo.* Accedunt hæc ad opinionem Philonis.

Oriri hic dubitatio, eaq; huiusmodi potest. Scriptura magno studio, & singulari diligentia descripsit nefariam mortem Abelis, quam illi perfidiosi Cain truculentæ manus attulerunt, dicens: *Cum essent in agro, consurrexit Cain aduersus fratrem suum Abel, & interfecit eum*, Genes. 4. 8. Cur ergo non similiter commemorat obitum ipsius Cain, cum necessarium videatur scire quomodo homo tam ferus, & præceps sublatus è mundo fuerit? Cur id sacer Historicus præterijt? *non enim habetur ex litera, quod Lamech interfecisset Cain, nec etiam, quod Cain fuisset interfectus ab aliquo.* Causa intermissæ illius narrationis colligi potest ex more Dei, quo ille vi ad infligendum supplicia solet. Nam res ipsa loquitur, quod Cain malâ morte interiturus esset. Cum enim ipse perfidiosus in fratrem suum fuerit, quomodo fieri poterat, vt non alius in ipsum è contrâ perfidiosus fratricidam homicida perimeret? Habet enim hoc iustitiæ Dei consuetudo, vt ex eo peccatori pœnam plerumque adornet, quo ille ad culpam vsus fuit, vt propterea facili sit diuinare, Cain vim passum obijisse, qui vim fratri, vt moretur, intulit.

Postquam fusus, fugatusque esset exercitus, quem contrâ patrem suum conflauerat Absalom, fugit ille mulo sedens, cumque ingressum fuisset iumentum subter condensam quercum, & magnam, illumque capillamento implicatum rami tenaciter attinerent, pertransiens subiugale animal reliquit inter celum, & terram ex arbore pendulum. Vidit hoc miles quidam, statimque nuntiavit Ioas, supremo exercitus Dauidici ductori, qui ait: Cur non confixisti eum lanceâ? Ego enim pro tam strenuo facto diuitem mercedem tibi numerassem. Sed cum videret, non fieri satis suo desiderio, ille ipse tulit tres lanceas in manu sua, & fixas eas in corde Absalom; 2. Reg. 18. 14. Hierine potuit, vt eadem lineâ in idem cor tam directetres illæ lanceæ ferrentur. At cur in illam vnicam magis, quam aliam corporis partem sunt perlata?

Responder S. Ignatius epist. 6. dicens: *Absalom parricida factus, cum ex arbore penderet, per cor praua illa consilia machinatum trahentis fuit.* Cuderat

in corde suo cogitatus impius, consilia nefaria, machinationes scelestas, dolos pessimos, proposita sanguinaria. Et quod aliud tam improbum, truculentumque propositum, quam filij, qui patrem, cumq; amantissimum, & benevolentissimum, non purpurâ tantum, & regno, sed & vitâ exuere deliberatum habebat? Lanceis ergo configuratur, & transuerberetur cor illud, in quo tam crudelia consilia, iurique omni & diuino, & humano aduersa sunt conflata, & ex eius partis vulnere malè pereat filius, in qua tam crudeliter cogitatus aduersus innoxium patrem concepit. *Absalom parricida factus, cum ex arbore penderet, per cor praua illa consilia machinatum trahentis fuit.*

Et quanquam S. Ignatius hæc non annotasset, puto tamen ex ipso sacro textu (quamvis aliâ viâ) adduci potuisse causam, ob quam secundum cor sauciatus Absalom interierit. Nam cum de illius infania, temerariaque ambitione Scriptura loquitur, sic ait: *Solicitabat corda virorum Israel*; 2. Reg. 15. 6. Hoc illius peccatum erat; hoc impium studium, quod *solicitabat corda* subditorum patris sui, instigabatque ad defectionem & perduellionem. Moriatur ergo ex cordis triplici lancea confixi vulnere, iusto enim Dei iudicio fit, vt ex eo peccator pœnas suas accipiat, quo ad offensam vsus fuit. Attendat ergo quisque quomodo viuât, res enim illi cum Deo tam recto, & potente est, vt ex conditione peccati accipere sciat modum supplicij, & instrumentum scelestis vertere in flagellum punitionis.

Versat hanc rem copiosus Perrocha IV. Dominica I. post Pentecosten Tom. 2. pag. 90. Vide calcem illius.

C A P V T VIII.

Peccator vt culpa, sic & pœna sua ipse sibi est autor, sator, furior.

Nemo det querimonias, quando pro peccatis dat pœnas, nisi fortè tam stultus sit, vt se illum autorem neget. Peccator est causa sui supplicij, & suæ pœnæ executor, qui est miser sui sceleris autor.

Duro cuidam, & obstinato peccatori aiebat Sanctus Paulus Rom. 2. 5. *Secundum duritiam tuam, & impenitentem cor, theaurizas tibi iram in die iræ, & reuelationis iusti iudicij Dei*; tanquam pluribus dixisset: Persa, persa contumaciter in tuis flagitijs, perge proteruiter, quod facis. Numini repugnare, & videbis quid tibi accidat. Quod enim pertinaçius animum ad peccandum obstinaueris, eò maiorem vim, copiamque iræ tibi accumulabis in diem iræ.

iræ, in quo generis humani rationes omnes excipiet iustus iudex, & reddet unicuique secundum opera eius; ibid. v. 6.

S. Ioannes Chrysostomus in illorum verborum expositione ait: *Tu tibi thesaurizas, non Deus tibi, etenim ille omnia prestitit, quæ oportebat, qui si inflexus manes, tu tibi thesaurizas iram in die iræ.* Quando nostrum quisquam vult se vindicare de alio, & per importunum tempus non potest, solet dicere: *go se larguar dare a fulano, para cuando halle ocasión;* hoc est: *Retinebo aliam mentem repositam iniuriam ab illo mihi illatam, quousque occasione clescendi inueniam.* Sic nunc dicit Chrysostomus: *Tu tibi thesaurizas, non Deus tibi.* Quando peccator in illo supremo iudicii die viderit se ad tam terribiles cruciatus, & crudelia tormenta damnatum, non poterit dicere, quod Deus illas sibi seruauerit repositas pœnas, sed quod ipse sibi eas seruauerit. Ipse namque sibi suarum vt culpâ, sic & pœnarum est arbiter, qui si non eligeret peccare, nunquam illi Deus decerneret pœnas.

Duros, impœnitentesque peccatores his verbis percellerat olim Propheta regius Psal. 7. 13. 14. *Nisi conuerſi fueritis, gladium suum vibrabit, arcum suum tetendit, & parauit illum, & in eo parauit sassa mortis; sagittas suas ardentibus effecit;* velut apertius dixisset: Scire vos volo, peccatores, quod Deus, nisi gelu pectorum vestrorum solueritis, & ad vitæ melioris itudia vos receperitis, eximet, distringetque, acutum iustitiæ suæ gladium, & eiaculabitur arcu sua spicula, quæ ardentibus, siue his, qui ardent, parata habet? *Sagittas suas ardentibus effecit.* Non omnes eodem modo accipiunt hæc verba, quæ sunt nonnihil obscura, cum non sit facile intelligere, de quibus ardentibus loquatur Propheta.

Prætermisſis varijs expositionibus vnâ huc adferam Magni Basilij commentationem, eamque propositæ rei commodam, quæ sic habet: *Quemadmodum ignem Dominus non adamans, qui non liqueſcit igne, sed ardentis materis, seu sunt ligna, creauit; sic & sagittæ Dei in animas, quæ multum aride materis, & ad interitum aptæ collegere sunt, effectæ.* Si quis ignem accendere vellet, atque in hunc finem adferri sibi argentum, aurum, gemmas, adamantes, is delirare putaretur, eo quod eiusmodi res igni excitando sunt ineptæ, cui destinata sunt ligna, quercus, ilices, pinus, & arbores tales aliæ, quibus flamma naturatur, & alitur incendium; Dicit nunc Basilius: *Sagittæ Dei, iraque eius, & indignatio cui rei sunt factæ Materis siccæ, & quæ capax sit ignis; Sagittæ*

suas ardentibus effecit, peccatoribus, inquam, qui ad omnem Dei inspirationem, & vocationem sunt velut duræ quædam quercus, & ilices. Quos autem reperit Deus plenos gemmis, & adamantibus virtutum, affluentes auro, & argento bonorum operum, hos non iræ sagittis, sed charitatis spiculis configit. Hoc est, quod S. Paulus dicit 1. Corinth. 3. 12. *Si quis superadificat super fundamentum hoc, aurum, argentum, lapides pretiosos, lignum, fenum, stipulam, vnusquisque opus manifestum erit. Si cuius opus arserit, detrimentum patietur.* Videat quisque quidnam super fidem, & cognitionem construat, aurumne sit, vel argentum, vel gemmæ, an verò fœnum, paleæ, lignum, nam pro conditione istarum rerum erit qualitas præmiorum, & remunerationis, & cuius opus arserit, ille detrimentum patietur. Si quis lignum, stipula, fœnum apta igni materia fuerit, adeoque arserit, vitio suo suum damnum adferibat. Si verò aurum fuerit, aut argentum, si virtutibus gemmeus, si pietatis constantiâ adamantinus, non proicietur in ignem. Iuxta hæc, cuique suâ culpâ accidit, quod pœnas luit, nemo enim vapularet, nisi digna verberibus ageret, nemo supplicia meteret, nisi suppliciorum semine flagitia sereret. *Illi itaque, qui sagittas diaboli sagittas prius receptas in se retinent, hi sunt, qui demum Dei sagittas excipiunt, ideo dicit, sagittas ipsius iam ardentibus effectas,* inquit rursùm Basilius.

Possumus aptare peccatori, idque commodè, vetus illud adagium, *Capra gladium*, quod ex Erasmo Paulus Manutius refert, quo significabatur homo, qui ipse sibi suam adornabat, & procurabat perniciem. Occasionem proverbio dedit, quod subiiciam. Apparabant Corinthij gladium Iunoni, sacerdotes autem defoderant gladium, quo mactandum erat pecus, quod immolare cupiebant. *Capra autem pedibus exscalpens gladium eruit, prodiditque, itaque mactata est.* In rem nostram illud sic vertere possumus. *Peccator gladium.* Deus velut testum, & in vaginâ reconditum habet iræ suæ gladium, abstrusumque ille, & occultus maneret, nisi peccator illum ungulis extunderet, vel scalpuratione suâ detegeret, atque ad feriendum Deum incitaret. Quod ergo malefactor cæditur, id fit, quia ipse mucronem effodit, decollaturque, quia ipse gladium denudat, & comburitur, quia ipse se aptum incendio facit.

Murmurârunt Aaron, & Maria contrâ fratrem suum Moysen propter mulierem Æthiopissam, quam duxerat vxorem. Audiuit hoc Dominus, iratusque contrâ eos, abiit, nubes quoque receſſit, quæ erat super

tabernaculum; Num. 12. 9. 10. Simul ac Deus recessit, & nubes submota fuit, ecce Maria apparuit candens leprâ quasi nix; ibid. v. 10.

Quid mysterij habeat, quod nubes euauit tunc, cum futurum erat, vt Maria leprâ quasi nix candens appareret? *Nubes quoque recessit.* Quid incommodi adferre poterat, quod præsente nube Maria leprâ, vt niue perfusa, & has dare pœnas videretur?

Dicam. Conimbricenses tract. 7. in lib. Meteor. cap. 5. de niuis generatione sic pronuntiant: *Cum nubes in media aëris regione, ob vehementem frigiditatem, antequam in aquam soluantur, gelaſcunt, nix efficitur.* Quando ergo Maria leprâ quasi nix candens apparuit, tunc nubes recessit, vt indicio esset, quod nix supplicij Mariæ non ex nube Dei, sed ex atro, & obscuro vapore iniussu murmurationis eius, quam lepra deformabat, descendit: Deus enim non est autor pœnæ, sed peccator ipse sui supplicij sibi est arbiter, & architectus.

Dices mihi: Ergo nihil ad Sodomitas ista, Dominus enim pluit sulphur, & ignem super Sodomam, & Gomorrah, & ceteras scelorum consortes, nefandasque ciuitates. Deus itaque pœnarum, quas Sodomitæ dederunt, autor fuit, non ipsi sibi eas consciuerunt. Immo verò contrarium ex eo Scripturæ loco, vnde superiora accepta, euinco. Nonne ibi dicitur, quod *Dominus pluit sulphur, & ignem*? Nubes, quæ aquas inde huc submittant, nonne vapores sunt, qui è terra exurgentes aëris regionem superiorem petunt, ibique densantur, quousque resoluti in aquas recidunt cœlo, vnde ascenderunt? Res perspicua est, & notoria. Peccatum Sodomitarum fuit ardens ignis obscenæ libidinis. Ille ignis cœlum petijt, condensatusque in nubem à iussu Dei fuit, & quem clamor Sodomitarum sursum extulit, hunc iustus Dei furor deorsum pluit, & qui in vocibus ascendit, in spiculis flammantibus, & flagrantibus lanceis descendit. Ergo Sodomitæ fuerunt arbitri suæ pœnæ, & supplicij autores, omnisque vniuersim peccator suorum cruciatuum sibi est faber, opifex, minister.

De hoc argumento etiam sapè alibi, fusèque & dīseruē agit Nissenus. Vide in prima parte Politici cœlorum lib. 7. c. 2. & alia loca ibidem designata.

CAPVT IX.

Felicissima iactura est vitæ, quæ non impendenda officijs diuinis, minores enim pœnas dabit peccator, qui dies pauciores vixit.

NEmini pepercit ille cœlo delapsus sulphureus ignis, quia subuertit vniuersos habitantes Græbium, vt habet textus sacer Genes. 19. 25. Quid autem peccauerant infantes, vt illos eadem ira Dei, & indignatio mactaret? Cur pœnarum consortes fuerunt, qui non complices culparum? Quid meruerunt innocentes pupuli, vt communi incendio conflagrarent, ac perirent? Præuidit Deus per suam omniscientiam, paruulos illos si adolēcerent, annosque attingerent, quibus peccare per ætatem possent, similes parentum, hoc est, contaminatos, obscenos, brutos futuros. Quod ergo his abstulit vitam, quæ grauioris damnationis, & acerbiorum cruciatuum occasionem præbitura erat, pietas, & misericordia fuit, quemadmodum misericordia est, adimere, & per vim è manibus extorquere cultum furioso, quo sibi gulam præsecaret, si ferrum ei relinqueretur.

Quod hic dixi, id Aleuinus apud Gloss. Ordin. in cap. 19. Genes. sic reddidit: *Infantes cum parentibus in Sodoma cremati sunt, ne diu viuentes sequerentur vestigia patrum, & grauius punirentur. Est enim quælibet beneficium, non reum esse, qui gloriosus non est, prodest namque pauperem non esse, qui rex esse non potest.* Ergo à pietate, & benevolentia Domini proficitur, cum vitam alicui eripit, qui ad illius offensam, & suam maiorem damnationem vtetur. Et lucrum facit, qui iacturam facit animæ, per quam intolerabiliores sibi pœnas pararet, si diu viueret, diuque peccaret.

Dessebat in Threnis suis Propheta Ieremias luctuosos casus, & fatales strages populi transgressoris, interq; varias ærumnas vnā amare deplorabat famis necessitatem, quæ tanta fuit, vt complures matres cogerit edere liberos, quos ediderant, & refundere in viscera, vnde eos paulo ante effuderant, & ex eorum carnibus victum sibi parare, quibus vitæ alimoniam ex suis præbuerant. Id Ieremias his verbis Threnor. 4. v. 10. elachrymabatur: *Manus mulierum misericordium coxerunt filios suos, facti sunt cibi earum.*

In his meretur attentam considerationem epitheton, quo mulieres illas lachrymosus Propheta donat, quarum tanta fuit animi magnitudo, vt liberos suos in suum victum mactarent, & vitam suorum morte, quibus non diu ante vitam dederant, sospitarent. Misericordes, piæ, indulgentes eas vocat, quæ ademerunt vitam lætentibus suis, vt suam seruarent: *Manus mulierum misericordium*, inquit, *coxerunt filios suos.* Videtur non satis congruere tra-

gicæ istæ cantioni, & lugubri carmini, quale est hoc Ieremiæ, ista misericordium matrum appellatio. Homerus certè, & Virgilius aliter appellarent matres, quæ liberos deuorassent, crudeles feras, sanguinarias potiùs vocassent. Quomodo ergo Propheta eas misericordes nominat?

Rupertus Abbas lib. 1. in Ieremiam cap. 86. respondet, meritò pias vocari eas matres, quæ talium patrum liberis vitam ademerunt, non modo quia compendiosius mortem perpepsi sunt, Verum etiam, quia plurimam adaugendorum scelerum necessitatem euaserunt. Pix, & misericordes fuerunt illæ matres, non solum quia cità morte sublatos, à longa intolerabilis esuriei necessitate illos seruauerunt, meliusque fuit occisis gladio, quam interemptis fame, ibid. v. 9. verum etiam vel maxime, quia plurimam adaugendorum scelerum necessitatem per eas euaserunt liberi præmatrà morte perempti. Perdere namque vitam, quæ ad offensas Dei vertenda erat, facere lucrum est, & felicitas est, ad tam infelicem statum non peruenisse, adeò misericordes fuerunt manus, per quas factum est, ut paruuli ante morerentur, quam eiusmodi miseria incurrerent.

Ad hoc propositum dicit Clemens Alexandrinus lib. 1. Stromatum, cap. 14. Est maximum, & perfectissimum bonum, quando à malefaciendo, & à re male gerenda ad virtutem, & bonam actionem possit quis aliquem traducere.

Quòd si quis tam sit cæcus, & durus, ut emendare se, & corrigere nolit, curationemq; omnem respuat, & cunctas fores, per quas ad eum salus venire possit, obstruat, quid homini tam faciemus? Respondet Clemens ubi supra, clementissimè cum illo acturum Deum, si eum è viuis auferat, ut minus peccantem mitius plectat: Quando in inmedicabile aliquod malum cecideris, ab iniustitia possessus aliquis beneficio afficietur, si interficiatur.

In extremo illo, & celebri cantico suo enumerat Moyses illustria gesta Domini, atque ex nomine illius: Ego occidam, & ego viuere faciam, percussam, & ego sanabo; & non est, qui de manu mea possit erui; Deut. 32. 39. Ab ira venire quis putet, quòd Dominus ait, velle occidere, percutere, conserpere, sanguinem fundere. Verum S. Basilus Magnus iubet anteriora ex posterioribus, priora ex sequentibus æstimare, & non arbitrari seueritatem, sed misericordiam, quòd Dominus dicit, velle mactare, & cedere, sicut pietatem, & clementiam sonant illa, Ego viuere faciam, ego sanabo. Siccinè verò benignitatem interpretabimur, & appellabimus, vitæ, rei

tam dulcis, & amabilis, ablationem? Immo verò, inquit Basilus in cap. 6. Isaie: Ostenditur visum esse, & commodum eorum finem, qui beneficij loco plectuntur. At enim, Percussam, & ego sanabo. Si quis peccator tam obstinatus, & contumax, ut nullas sit ynquam aperturus diuinis inspirationibus fores, neque prauorum vitia morum emendaturus, quæstiosa illi fuerit vitæ iactura, & lucrum mors adferet, quæ auferet animam. Propterea peccatoris cædes vocatur sanatio. Percussam, & ego sanabo, quando enim talis est futura vita, ut tot mortalia vulnera sibi quis infligat, quòd committet lethalia crimina, percutere eiusmodi hominem, erit sanare illum, & misericordiæ viam illi ad vltiora flagitia per mortem præcludere.

S. Paulus Apostolus ad Philipp. 1. 21. 22. ait: Mihi viuere Christus est, & mori lucrum. Quòd si viuere in carne, hic mihi fructus operis est, & quid eligam, ignoro; velut dixisset verbis alijs: Vita mea, & quæstus meus, Christus est. Et quid mundo adferre utilitatis possit, quòd ego in hac misera, & mortali vita dego, quid melius, mihiq; optabilius sit, nescio, & quam in partem inclinem, animi pendeo. Mox tamen dicit idem Apostolus: Permanere autem in carne necessarium propter vos; hoc est: Tamen mihi magis honorificum esset ascendere ad Christum, & cum illo regnare in gloria, video tamen res hominum aliorum postulare; ut ad ipsorum spiritualem profectum curandum aliquandiu adhuc in vita hac mortali persistam: Permanere autem in carne necessarium propter vos.

S. Ambrosius in lib. de fide resurrex. To. 4. ait: Sed non omnibus necessarium, Domine Iesu, non mihi, qui nulli visus sum, nam mihi lucrum est mori, ne plura peccem. De vita tam sancta, & integra, quam curat Pauli, rectè dici potest, ac meritò debet, quòd necessarium sit eam esse longam, & diu perdurabilem. Sed non omnes decet longa vita, peccatoribus conducibilior mors est, quòd enim minus viuunt, eò & minus delinquant. Mihi lucrum est mori, ne plura peccem. Multam ergo ex morte utilitatem capie peccator, quia perdit vitam, quæ Deo iniusta, & exosa futura erat.

Cum Herodes desulum se à Magis videret, subitatus misit in Bethlehem furoris sui ministros, qui omnes illius ciuitatis pueros bimulos, & his minores trucidarent, arbitratus in illis etiam extinguendum recens natum regem Iudæorum. S. Matthæus eam tragediam sic narrat c. 2. 16. Missi occidis

omnes pueros, qui erant in Bethlehem, & in omnibus finibus eius, a bimatu, & infra.

Quæri potest, cur Dominus hos innocentes pueros propter se interfici permisit, quivt se ab Herodis truculentia liberum servavit, & salvavit, ita & infantes illos facile sospitare potuit, & facere, ne Herodes tam sanguinario medio, tamque ferâ industriâ ad abigendum suum timorem vteretur. Quid causæ esse possit, quod toleravit, vt crudelis rex tam miserandam, luctuosamque eadem ederet?

Euthymius in cap. 2. Matth. sic habet: *Fortassis autem & hi pueros prohi futuri non erant.* Duo ergo singularia, & insignita beneficia ijs Dominus præstitit, quibus eripi vitam permisit. Primum est, quod Martyres suos fecit, quibus festus dies, isque percelebris est consecratus. Alterum, quod tunc vitæ illorum filum abrupti concessit, quando per ætatem offendere Deum nondum poterant. Quæ autem maior gratia excogitari possit, quam quod illis contulit gloriam, postquam sustulit vitam, per quam excedere beatitudine æternâ, & incurrere damnationem poterant perpetuò duraturam?

Commodè ad ista dicit Archiepiscopus Bulgarorum Theophylactus in cap. 9. Ioannis: *Quod sæpe videtis pueros mori, scitis quod Deus propter misericordiam præcipiat illorum vitam, & ne cum supervixerint, deserviores fiant, & in malum suarum animarum, & aliorum multorum vitiant.* Ergo adimere homini

vitam, quæ plurimam animæ perniciem, & gravia spiritui damna adferret, & noxia hominibus alijs scandala præberet, numerari in beneficijs potest, quod enim pauciora peccata commiserit, eò leuiore pœnas dabit, & breviorẽ vitam mitiores excipient cruciatus.

Cum sanctus Loth, vnaque vxor illius, & filia digressi à Sodomis essent, vt horribile, & fatale euaderent incendium, mandavit illis Angelus, ne quis caput, oculosque ad exurendam mox civitatem obuerteret. Non obtemperavit iussioni vxor, statimque in statuam salis, pro suæ transgressionis merito, conuersa fuit. Magna hîc dicunt Doctores sancti, & Expositores alij, Legatur Tertullianus in sua Sodoma, vbi de hac statua habet singularia. Videantur apud Lyranum, & Abulensem, quæ in monte, in quo saluatus Loth fuit, acciderunt, & à me prætermittuntur, quod ad rem meam non faciant. Quanquàm ea, quæ ibi contigerunt, etiam talia sunt, vt multò consultius sit silentij tumulo ea inferre, & tegere, quam linguâ vulgari in medium forum, producere. Vxorẽ Loth, (quod coelestis Magistri consilium est Lucæ. 17. 32.) crebrò recordemur, & vitæ memoriæ altè impressam habeamus, periculoque illius, & damno cautiore facti sapere discamus. Illâ pro obuerso semel capite tam seuerè Dominus multauit, quas ergo ille de grauioribus peccatis, deque atrocioribus sceleribus pœnas exquiret?

LIBER IX. VITÆ ABRAHAM.

CAPVT I.

Neque superbos nos mundi gloria, & felicitas reddere, nec facere pusillanimes eius ærumnæ debent, par enim est vtrarumque conditio, quia nec ille perpetuò durabunt, nec hæ semper manebunt.



Vi notitiam habet herum vitæ præsentis, in qua tanquàm in latè diffuso mari nauigamus iam in tranquillitate gloriæ, iam inter tempestates miseriæ, iamque fluctibus prosperitatis in cælum efferimur, iam procellis aduersitatum in abyssum demergimur, parum cordatum se, prudentemque probabit, si vel intumescat animo, cum inter res secundas velut per quietum, & planum æquor placidè circumfertur, vel contabescat

mœrore, frangaturque tristitiâ, cum ærumnarum turbine iactatus ancipiti inter vada, & scopulos cursu ad magnum periculum naufragij circumfertur. Nam cum omnes fluctus sint inconstantes, & varij, neminem ulterius exagitare, quàm ad portum mortis possunt, in quo omnis & pessum it pompa, & occidit maiestas, & conuiescit labor, & vniuersa subsidit calamitatum tempestas. Itaque neminem vel exanimare, vel de statu mentis deicere aduersa, neminem prospera plus satis animosum, arrogantemque reddere debent.

Tres discipulorum charissimos, Petrum, Iacobum, Ioannem Redemptor orbis in montem excelsum adduxit, in cuius loco editiore lineamenta quædam illis ostendit gloriæ, quâ ipsorum labores, sudor

resq;

refq; poſthæc remuneratus eſſet, atque vt celebrior, magiſq; & iucunda, & feſtiua, & magnifica eſſet ſolennitas, Moſen è ſepulchro, è paradifo Eliam accerſitum adeſſe glorioſus Dominus, & Princeps æternitatis voluit. Matthæus cap. 17. v. 5. ait: *Duxit illos in montem excelſum ſecurum*. Facile eſt diuinare, quiſnam ille mons fuerit. Sancti Patres Hieronymus, Chryſoſtomus, Auguſtinus, item Euthymius, Theophylaſtus, Hugo, & Caietanus Cardinales, omnesq; Expoſitores aiunt, fuiſſe montem Thabor, *Hic mons Thabor eſt*, inquit Caietanus, quod & receptiſſima ſententia habet. Duo animaduertemus in eo monte, quæ videntur contrariæ. Fuit mons ille hinc ſplendiſſimis perſtromatis, & venuſtiſſimis, pretioſiſſimiq; auris gloriæ conueſtitus, & admiraculum exornatus, illinc pullo amictu, & atro, lugubrique panno commemoratiſſimis poenarum, quas in ſua paſſione ſubitum erat Dominus, ſqualidus.

De gloria ſic habet Matthæus ibid. v. 2. *Et reſplenduit facies eius ſicut ſol, Veſtimenta autem eius facta ſunt alba ſicut nix*. De poenis Lucas cap. 9. 30. 31. ita: *Erant Moſes, & Elias veſti in mareſtate, & dicebant exceſſum eius, quem completurus erat in Ieruſalem*. Nulla alia tam magnifica gloria, tamq; grauis triſtitia, & triſtis poena concurrere in hac vita poſſe videntur. Sed quare hic potiſſimum ex omnibus finitimis montibus delectus fuit, qui tantæ & gloriæ, & poenæ theatrum eſſet? Cùm tam momentofa eſſent, quæ in illo monte repræſentabantur, nec abſque ſingulari conſilio, nec ſine magno myſterio voluerit Dominus, vt in vno Thabore illa fierent. Quid ergo habuit Thabor, vt in eo illud gloriæ, & poenarum dominicarum ſpectaculum præberetur?

Genebrardus in Pſal. 81. ait: *Thabor ſitus eſt ad Occaſum*. In tali ergo ad Occaſum ſito monte repræſentatæ fuerunt gloria, & poenæ Domini, vt myſticâ illâ actione inſtitueretur, quodd nec efferri huius vitæ gloriâ, neque deiſci ærumnis debeamus, vitæq; enim repræſentantur, quemadmodum & illæ Chriſti, in parte ad occaſum vergente, & diu perdurare neutra poſſe.

Vt ne oſcitantia me in ſimuletis, parumq; attentum arguatis in expendendis ſanctorum Patrum dictis, & quibus myſterium aliquod exſculpi poſſe, viſum mihi eſt repetere quædam ſancti Gregorii Nazianzeni verba, in quibus dedit operâ vnum aliquod alibi omiſſi, vt huius capituli ſeruiret confirmationi. Narrat magnus Theologus miraculum maris rubri, quodd aquas ſuas ſuſpexit, vt per eius alueum tranſirent Iſraheliæ, quos inferni perſequebantur

Ægyptij. Reſert item Iordanis prodigium, qui curſum ſuum ſtitit, & aquam in montis altitudinem ad Arcæ tot portentorum operatriciſ reuerentiam, vt ea tutò præterueheretur, ſaſtigiauit. Demùm ita concludit: *Fluij etiam cognatum mare imitantes cedebant*. Hæc ille in Orat 12.. Imitationem ſuprà lib. 6. cap. 9. expendimus, nunc reliquum eſt diſpicere ſubtilitatem Nazianzeni, quâ *mare cognatum* fluijs affirmat. Vnde verò illa cognationis neceſſitudo? Dices, mare, & flumina aquarum affinitate eſſe coniuſta. Benè id habet. Sed opponi dicto ſtatim poſſe, quodd nulla videatur aquarum cognatio, cùm aliæ ſalſæ ſint, dulces aliæ. Quid ergo inter has affinitatis eſſe poſſe? Acutè Nazianzenus fluijs *cognatum mare* dixit, quanquàm illorum aquæ dulces, huius ſalſæ ſint. Immod hanc ipſam ob cauſam maior eſt vtrorumque coniuſtio. Nam ſi dulces fluminum vndæ ſignificant affluentiam, & felicitatem huius vitæ, & aquæ maris ſalſæ referunt ſymbolo mala præſentis ſæculi, iuxtà illud Prophetæ Thren. 2. 13. *Magna eſt ſicut mare contritio tua*; meritò Gregorius dixit, illa eſſe admodum cognata, cùm vtræque certum, citumq; finem habeant, nam neque bona vitæ huius ſunt perpetua, nec mala ſempiterna.

S. Paulus Apoſtolus, qui tam enixo, inflammatoq; erat ad conſolandum alios ſtudio, dicebat 1. Cor. 7. 30. *Qui ſolent, tanquàm non ſolentes ſint, & qui gaudent, tanquàm non gaudentes, & qui emunt, tanquàm non poſſidentes, & qui vtuntur hoc mundo, tanquàm non vtantur*. Sed quid illud eſt, ob quod non latari, nimiumq; efferri debeant, quibus eſt benè, neque plus ſatis triſtari, quibus inſenſa fortuna vult malè, neq; flere, quorum res deploratæ, neque gaudere, quibus ſors beneuolentior arridet? Cauſam ſtatim addidit ſacer Apoſtolus, inquiens: *Præterit enim figura huius mundi*? ibid. v. 31.

S. Theodorus Studita quærit: *Quid eſt, Præterit figura huius mundi*? Reſpondet verò Catecheſi 3. idem eſſe, quodd *Labitur, præterequaſt, nec ſel diuturnam ſtabilitatem obtinens, ſed qui heri vitiſtus, hodie ſqualidus, qui heri in re ſplendida, hodie in miſeria eſt, nunc extollitur ille, nunc aliter dignitate ruſt, hic è paupere fit diues, alius è diuite pauper, milleq; mutationibus, atque vicibus arumnoſa noſtra ſubieſta eſt, nihil poſſidens conſtans*. Omni veredo pernitiùs figura mundi præterit, nec firmitatem aliquam, perennitatemq; habere poſſe, & variabilitate ſua crebras, quàm mirandas, & miſerandas parit viciffitudines, nunc hunc in altum extollens, nunc illum

è sublimi deiciens, illum beans, hunc infelicitans, illum ex mendicabulo peropulentum faciens, hunc ex opum affluentia ad inopiam, & ad incitas redigens, neminem diu eundem retinere statum sinens.

Sed quid solati hauriamus ex eo, quod Paulus præterire mundi figuram dicit? S. Ioannes Chrysostomus, Oecumenius, & Theophylactus aiunt illa Apostoli verba sic etiam transferri posse: *Præterit scena huius mundi*, quasi quis dicat, mundum hunc comœdiæ instar transire. O quantum hoc inter angustias consolari afflicto, quantum humiliare inter prospera superbos potest, quodd. vtræque comœdiæ sunt similia! Cum quis regem, vel triumphatorem, vel alium siue Principis, siue domicellæ alicuius gratiosum repræsentat, quàm parvis facimus illa! quàm parùm & acclamamus triumpho, & applaudimus gratiæ, & invidemus tali gloriæ! Quando alium videmus prostratum, nudatum gloriâ, excidisse gratiâ, & in tabulato minui capite, quàm parùm tali mouemur, & affictamur spectaculo! quàm paucas fundimus lachrymas, eò quodd. sciamus, meras præstigias esse, & ludos, & fictiones, quidquid ibi sit, & in speciem tantùm omnia agi? Ita nunc dicit Paulus, vt qui flet, non contabescat mœrore, neque collabescat animo pauper, neque intumescat diues, neque insolescat gratiofus. *præterit enim scena huius mundi*, & res illius omnes simulatoriæ quædam species sunt, & repræsentationes inanes, ac fuitiles, & cum à scena discessum fuerit, qualis quisque est, talis reputabitur.

Exemplum habemus in nostro Patriarcha, qui nunc denuò vertit solum, & terrâ Sodomæ vicinâ relicta peregrinatus est in Gerarâ, Genes. 20. 1. in quæ annotatio moralis Oleastri sic habet: *Nuper armaverat trecentos Gernaculos domus suæ, quibus reges Syria debellaret, & nunc baculo in manu assumpto ipse, & uxor eius cogitur ad Gerarâ descendere, ibique mendicare.* Quanta vitæ huius inconstantia! Poterat antehac Abraham ex solis domesticis suis integrum constare exercitum, & armis barbaros Syros subigere, quem nunc dura necessitas exulare, & victum ad vitam conseruandam mendicatio colligere cogit. Colligunt nunc stipem ipse, uxorq; eius pauperes, qui nuper tantis rebus affuebant, quas in pauperes erogarent. Omnia hæc ad consolationem nostram scribuntur, inquit Oleaster. Videmus Patriarcham nostrum humilem inter prospera, magnanimum inter aduersa, sic vt neque hæc illum trangerent, neque ista superbum facerent, vt enim consolatus, & prudens, erat, ita facillè videbat vtræque

finem habere, bonæque & malæ, gloriæ, & prænas, res secundas, & aduersas certis terminis concludi. Insignis ergo stultitia est vel felicitate intumescere, vel frangi calamitate.

CAPUT II.

Verus seruus Dei tam debet esse illius amans, quando ab eo ceditur, quàm humilis seruus, quando indulgenter habetur.

Inter omnia patientem, & gratum, & humilem videmus Patriarcham nostrum clarum ac tersum emendandumq; & excolendorum mörum, corrigendarumq; actionum nostrarum speculum. Oleaster in annotat. morali ait: *Discant à sene, qualiter homines Græciq; fortunam tolerare debeant.* Discant à vetulo Patriarcha, quicumque Deo placere cupiunt, æquanimiter ferre omnem statum, in quo ab illo collocati fuerint, curentque vt omnibus rebus seruiant ei, omnibus modis gratificentur, sintque in affluentia, & paupertate, in humilitate, & sublimitate, & in quauis vitæ, & fortunæ conditione semper æquales, semper iidem.

Propheta regius Psal. 88. 13. ait: *Thabor, & Hermon in nomine tuo exultabunt.* Dubitari hoc loco potest, quamobrem hi duo sic placuerint Domino. Montes, vt eos suis laudibus celebrandos delegerit. De monte Thabor cap. præcedente locuti sumus, nunc de vtroque agere necessum est, & notare ex Incognito, Guiljelmo Papinio, & Titelmanno, quodd. istis duobus montibus significantur duo status, in quibus Deus collocare suos solet, nimirum status prosperitatis, & aduersitatis, paupertatis, & opulentæ, valetudinis bonæ, & malæ. Et bene quadrat hi duo montes in istos status, Thabor namque, & Hermon, Genebrardo idem sunt, quod Occidens, & Oriens: Nam hi duo montes Galileæ siti sunt ad duas terra sanctæ partes, Thabor ad Occasum, Hermon ad Orientem, inquit ille in Psal. 88. Oriens prosperitatis symbolum est, vt aiunt Ruscell Camillus, Camilius, & Alexander Capaci, Occidens hieroglyphicum aduersitatis, vt affirmant Pierius, Bartholomæus Tegius, & Paulus Iouius. Quod ergo Propheta ait: *Thabor, & Hermon, Oriens, & Occidens in nomine tuo exultabunt*; perinde est, ac si dixisset, eum qui velit Domino seruire, atque in eo lætari, & exultare, debere hoc ita facere, vt tam hilaris sit in Occidente aduersitatis, quàm gaudibundus in Oriente felicitatis, sic vt in quocumque statu eum Dominus ponat, siue occasu mortis, siue in ortu vi-

te, semper sit bono, erecto, & æquali animo, & nequefferatur lætis, neque deijciatur tristibus.

Opportunè in hanc rem dicebat sanctus Gregorius Nazianzenus Orat. 14. *Organum diuinum ipse sum, organum ratione præditum.* Musicum instrumentum pendet ex arbitrio eius, qui scit vti, nunquam repugnat manui artificis, sonat cum tangitur, mutet cum in tactum relinquitur. Propterea Nazianzenus dicebat: consequenter: *Heri silentium operabatur, silentio studebam, hodie mentem pulsas, sermonis sonum edam, ac loquor studebo.* Tacere, loqui, & quicquid aliud facere iussus, obtempero, & more boni instrumenti manui artificis morem per omnia gero. Debent hoc imitari veri serui Dei, vt quemadmodum instrumenta musica sequuntur manum artificis, sic illi subiectissimè obediunt voluntati diuinæ maiestatis, omnique illius dispositioni, & ordinationi, prompti viuere, mori, abundare, & penuriam pati, ferre gloriam, & infamiam, benè habere, & ægrè valere.

Vidit Propheta Euangelicus Dominum in folio excelsò, & eleuato. Vidit & duos Cherubinos, qui illum vtriusque stipabant, & alternis, magnisque vocibus ter sanctum proclamabant. Posthæc eos sic describit: *Sex ala erant, & sex ala alteri, duabus velabant faciem eius, & duabus velabant pedes eius, & duabus volabant;* Isaïæ 6. 2. Itaque extremis alis ad velandum, ad volandum medijs utebantur. De Mercurio deastrorum nuntio fabulata est antiquitas, alatos habuisse pedes (de quo sanctus Fulgentius, Higinus, Palefatus, Pausanias, Vincentius Cartarius, Natalis Comes, & alij) vt expeditam illius velocitatem, quâ mandata, quæ habebat, perferre, & iussa exequi solitus fuerit, indicarent. Quid causæ ergo, quod Seraphini nostri non pedum extremitatibus, sed medijs alis aduolatum vti fuerunt? *Duabus volabant.*

Satisfacit quæsito Nicolaus Lyranus dicens: *Ad designandum, quod Angeli semper, sunt parati ad diuinam ascendere, & ad inferiora descendere secundum Domini voluntatem, ideo volatus in medio loco disponitur, quasi ad vtrumque paratus.* Non supremis, non infimis alis volabant Angeli, ne alterutrarum remigiò vel sursum semper contenderent, vel deorsum subueherentur, sed medijs, quibus aut superiora petere, aut ad inferiora se demittere pro voluntate imperantis Dei possent. Indicatum eà re fuit, Angelos ad neutram partem sese obstinasse, sed indifferentes fuisse, promptosque in alterutram, ex vniuersi Dei arbitrio, volatu pergere: *Ideo volatus in medio*

loco disponitur, quasi paratus ad vtrumque. Ità omnibus serui Dei ea debet esse adiaphoria, siue indifferentia, vt nihil ex se sibi certum proponat, sed ex solius Dei voluntate quiduis illud vel facere, vel pati velit, vt nec murmure inter ærumnarum angustias positus, nec superbiat in latitudine felicitatis collocatus, amplisque honoribus, & opum copijs à Deo auctus.

Magister Sententiarum (quod ex Glossa refert Incognitus) obseruauit, singulari Spiritus Sancti instinctu factum esse, quod in officio horario, Laudum Psalmo sexagesimo secundo continuatè iungitur sexagesimus sextus, *Notandum*, inquit Incognitus, *quod ipse Psalmus*, puta 66. *secundum Magistrum in Glossis semper in matutinalibus laudibus adiungitur illi Psalmo, qui tertio loco cantatur.* Quid mysterij habeat illa istorum Psalmorum in laudibus diuinis connexio?

Dicat hoc Michaël Ayguanus, ante hæc Incognitus: *In Psalmo illo tertio, scilicet, Deus meus, ad te de luce vigilo, sitis, atque ariditas vite presentis exprimitur, in isto vero dominica benedictionis pluuia, ideoque isti duo Psalmi coniunctim cantantur.* In Psalmo 62. v. 3. dicit querulus Propheta: *Situit in te anima mea, quàm multipliciter tibi caro mea, in terra deserta, & inuia, & iniquosa*, hoc est, plurimam animæ, & corporis sitim toleraui, in solitudine nimirum inculta, horrida, montosa, nullo humano vestigio trita positus. In Psalmo 66. nil nisi beneficentiam, abundantiamque à diuinis manuum largitate prouenientem loquitur, vbi v. 6. 7. sic ait: *Confiteantur tibi populi Deus, confiteantur tibi populi omnes, terræ dedi fructum suum*, quasi dixisset: Laudent te, o dulcis, & amabilis Domine, & benedicant omnes, quos orbis terrarum habet homines pro ingenti tuâ prolixitate, quâ terram frugibus cumulas, humum herbis ornas, facisque vt maxima sit vbique rerum plurimarum abundantia. Quod ergo duo illi Psalmi ad laudes Dei coniunguntur, in quorū altero sterilitas, ariditas, sitis, mortificatio, solatio inopia memoratur, altero autem fertilitas, opulentia, affluentia narratur, id fit, vt doceamur, quod Deum pro omnibus æqualiter laudare debeamus, propterea enim & *coniunctim cantantur.* Nam qui Dominum laudant inter res secundas, & non benedicunt inter aduersas, qui magnificant inter rerum omnium copiam, & non inter inopiam, non sunt veri serui illius, neque sincero amore supremam illam prosequuntur maiestatem. Integri enim, & fideles illius magni Domini serui debent

debent illi in quovis statu sese arbitrio eius humiliter submittere, promptè accommodare, & parati, expeditique ad qualiacunque officia adstare. Qui enim Dei in sola prosperitate recordatur, suam potius commoditatem sectatur, quam Dei honorem, & gloriam quærat.

Vide Periocham tertiam Dominica 3. post Epiphaniam 10. 2. pag. 424. c. 2. ibiq; in hanc rem oppido meliora. Vide & calcem eiusdem Periocha. Vide etiam Periocham 3. Dominica 6. post Pentecost. 10. 2. pag. 138. & ad finem alia loca pluscula annotata.

CAPUT III.

Tam æquale habent dominium consuetudo, & inclinatio, ut par sit & illius obliuiscende, & huius superande difficultas.

DErebat Patriarcha noster locum, in quo vixerat, & in viam se dabat, & peregrinatus est in *Gerarim*. Oleaster vult, Abrahamum necessitate coactum suscepisse peregrinationem. Non probant hoc dictum alij, contenduntque mutasse locum pro veteri more, & quod diu consueisset à patria in patriam demigrare, & peregrinari. Sic affirmat doctus quidam Genesis interpres (Antonius Honcala) aitque quod sanctus Patriarcha movit è loco, in quo aliquamdiu hæsitabat, id factum *ex innato desiderio peregrinandi*. Proficiscendi consuetudinem contraxerat, eiusque vi sic traheretur, ut vitam, nisi in via positus, agere non posset. Notare hic licet consuetudinis, & inclinationis conditionem, & quam potenter propensio dominetur animæ.

Præcepit Dominus aquis, ut aues reptiliaue generarent, inquiens: *Producant aqua reptile animæ viventis, & volatilis super terram sub firmamento caeli*; Genes. 1. 20. Sunt nihilominus qui dicant, aues non trahere suam ex aquis originem. Verùm huic opinioni Sanctus Ambrosius in quodam hymno Vesp. fer. V. sese opponit, dicens:

Qui ex aquis ortum genus

Partim remittis gurgitis,

Partim levas in aëra.

Vnde verò coniecturam ducemus, quæ probabilis faciat, quod cum piscibus aues ex aquis sunt productæ?

Antonius Fonseca in annot. marginalibus ad Caietanum in c. 1. Genes. ait: *Hoc restatur prodigiosa illa aërum productio ex folijs arborum delapsis in aquas, tum tot genera volucrum stagna, & lacus. nunquam desertum restantur, suam originem ex aquis*

esse. Magno certo inditio est, aquas esse locum gentilem, si non omnium, earum certe auium, quæ omnem ferè in aquis vitam agunt, ad easdemque perpetuò recurrunt, idque naturæ ductu, quæ eò quæque rapit, quò & inclinatur.

Naturalis historiæ pater Plinius lib. 18. cap. 6. enarrat exempla quorundam, qui villas edificarint, & fundos, inque ijs plantarint vineas, & construxerint prædia, quæ vel delectationis, vel fructus, quæstusque causa inuiferent. *Novissimus* autem, inquit, *villam in Misenenſi posuit, sed peritâ castra metandis*. Caius Marius strenuus semper miles fuerat, tam propensus ad arma, quam bellicosò ingenio, de quo apud historicos plurima. De illo ergo dicit Plinius, cum villam ponendam susceperet, construxisse arcem, & vallum, propugnaculumque erexisse, cum machinaretur prædium: *Villam posuit, sed peritâ castra metandis*, hoc est, vineas & arbores ita disponebat, & ordinabat, ac si exercitum instrueret, & digeret. Vnde hoc fiebat? Ex natura illius propensione, diuturnaque consuetudine tractandi arma, itaque & arbores plantans, & edificans villas militem monstrabat, & obliuisci bellum non poterat. Ardua res est abijcere ex animo memoriam inclinationis naturalis, radicatarumque, & inueteratam vincere consuetudinem.

Accesserunt Christum Scribæ, & Pharisei, signum ab illo petentes, quibus cum stomacho respondit: *Generatiomala, & adultera signum queris, & signum nondabitur ei, nisi signum Iona Propheta*; Matt. 12. 39. Quale verò illud signum Ionæ fuit? Respondet Dominus: *Sicut fuit Iona in ventre ceti tribus diebus, & tribus noctibus, sic erit Filius hominis in corde terra tribus diebus, & tribus noctibus*; ibid. v. 40.

Dubitant sacri Doctores, quam ob causam Christus sospitator noster tam exiguo tempore, tamque paucis diebus ac horis morti subiectus esse voluit, quasi longulum illius imperium ferre detrectasset. Qui annos tres supra viginti vixit, congruenter, ut videtur, fecisset, si vel menses aliquot morti occubisset, ob id etiam, ut promissum signum videretur maius, quò diutius mortis dominatum in corde terræ sustinisset, si triennio (ut sub exemplo dicam) mansisset in tumulo, sicut Ionas triduo in ceti ventriculo. Cur tam pauculis horis mortis subiaceret?

Sanctus Marcial's Epist. 1. c. 1. to. 3. Biblioth. Vet. PP. ait: *Filius Dei, quid Deus erat, diu teneri in morte non potuit*. Filius Dei Deus erat, & cum vita tam naturalis Deo, ut sit ipsa vita, fieri non poterat,

terat, vt mors illum diu constrictum teneret. Nihil enim difficilius, quàm quod à natura est, superare, & quoniam mors repugnat plurimum naturæ Dei, mox vitam corpori suo reddidit, & diu teneri in morte non potuit.

Nobilis quidam per omnem vitam in aula educatus in pagum tenuem, rusticum, agrestem abducitur, vixque biduum ibi agit, quando reditum in aulam meditatur, & parat. Quæ causa, quod tam citò illum pertædeat consuetudinis cum hominibus paganis, & ad aulam reueri tam festinanter, quàm inhianter cupiat? Ea, quod Doctus, & affluens est videre frequentes hominum in compitis cœtus, & polliculas mulieres, & vestitu, moribusque eleganter excultos aulicos, & rerum omnium magnam, ac quotidie novam varietatem, tum & audire verba salis, ac leporis plena, & festiuos passim vrbanosque sermones, & faceta cum ingenuis, ac iucunda habere colloquia. Hæc omnia faciunt vt rusticorum ferre conuictum, & barbarorum paganorum tolerare vsu familiarem non possit, molestiamque illi solitudo, & agrestia vicorum loca fastidium, & tristitiam homines inter bruta, & glebas nati adferant. Quod ergo sanctus Martialis ait: *Filius Dei, quia Deus erat, diu teneri in morte non potuit*; tale est, quale si dixisset: Quoniam Christus erat, effugit Deus, qui mera vita est, longas trahere in tristi mortis vinculo moras nequit, diu ferre sepulchrum non potuit, sed statim ad vitam rediit, rigidumque cadauer redanimauit, & defunctum corpus resuscitauit. Difficile est repugnante inclinatione viuere, & naturæ vim adferre.

Sanctus Petrus Damianus quoddam inter sanctorum Lucæ, & Ioannis Euangelia discrimen obseruauit. Idque huiusmodi, quod tamen ambo hi Euangelistæ non longis intervallis à se, dum viuerent, abfuerint, & Christi Redemptoris, Dei ac veri hominis acta pericribenda susceperint, Ioannes tamen maxime circa deitatem eius occupatus fuerit, & in arduis diuinæ essentiae nidum suum, vt sanctus Iob loquitur, posuerit, Lucas verò omne studium suum in curationibus miraculosis, quas cœlestis Medicus fecit, potissimum collocarit. *Nihil aliud in illa reperimus historia*, inquit eminentissimus Cardinalis Serm. 53. to. 2. *nisi duntaxat languentium medicinam*. Quamobrem sanctus Lucas per opera sanitatum, quæ Christus fecit, expatiari amabat? Cur nobis Saluatorem de medicis incomparabili peritia solum commendare voluit?

Respondet sanctus Petrus Damianus, causam hu-

ius diuinare facile posse, eum qui consideret, quàm potenter sua quemque inclinatio trahat, & abripiat. Describit Lucas Redemptorem mundi tanquam medicum, *quia medicus est ille, qui scribit*. Quod Lucas medicus fuerit, id communis, & receptissima opinio habet sancti Hieronymi, Hugonis Cardinalis, Caietani, & omnium interpretum sancti Pauli, qui de Luca Euangelista exponunt id quod ille ad Colossenses c. 4. v. 14. scribit: *Salutat vos Lucas medicus charissimus*. Vt ergo ille medicus fuit, sic Christum nobis delineat tanquam medicum: *Quia medicus est ille, qui scribit, nil aliud in illa reperimus historia, nisi duntaxat languentium medicinam*. Ita solent homines plerumque sequi, quod eos sua propensio ducit.

Temerè audaculus daemon venit tentare Christum nostrum Redemptorem, primoque statim impetu obtulit ei panes, quos ad testandam suam deitatem, & famem leuandam verteret in panes, inquit: *si filius Dei es, dic vt lapides isti panes fiant*, (Matth. 4. 3.) talis enim conuersionis argumento efficies, vt indubitam apud me inueniat tua diuinitas fidem.

Sanctus Paschasius ait: Fieri potest, vt diabolus nihil magis ad manum haberet, quod Christo offerret, nisi dura, & rudia saxa, cui tam facile erat alia aliunde accipere tractabilia, quorum transformatione ille diuinæ suæ potentie experimentum daret? Quid ergo rigidos tantum, frigidisque lapides obtulit?

Respondet Paschasius, in c. 4. Matth. *Apè ex lapidibus elegit panes exposcere, vt quàm durus sit, qui loquitur, tali signaretur exemplo*. Nihil mirum, quod asperos potius arripuit lapides, quàm aliud quiduis lene, ac blandum. Nam vt ille duro, & saxeo est ingenio, sic ad dura saxa conuersus ante omnia fuit. Habet hoc vsus communis, vt quisque suæ obsequatur indoli, & eò feratur, quod illum suæ inclinationis naturæ pondera trahunt.

CAPVT IV.

Prælati vt loco sunt alijs sublimiores ita & virtute, ac perfectione debent esse superiores, quia honorem sancti ita semper exæquare debet.

Ingressus fuit Patriarcha noster nouam terram, cuius rex Saram uxorem illius sibi vsurpare voluit. Apparuit autem regi Deus, mortemque comminatus sic illum subausterus appellauit: *En morieris propter uxorem, quam tulisti, habet enim virum*. Genes. 20. 3. Quod rex ille fecit, ex simplicitate cordis

magis, quàm turpi libidine profectum fuit, quod ipse confessus dicebat: *Domine, nam gentem ignorantem, & iustam interficies?* ibid. v. 4. Et Dominus ipse: *Ego scio, quod in simplici corde feceris;* ibid. v. 6. Nihilominus Abimelech (hoc regi nomen) id quod tunc egit, ingens scelus appellauit, cum sic ad Abraham dixit: *Quid fecisti nobis? quid peccauimus in te, quia induxisti super regnum meum peccatum grande?* ibid. v. 9. Sed quomodo id, quod solum speciei quandã habebat peccati, & bonã intentione à rege tentatum fuerat, peccatum grande vocatur? Factum hoc, vt intelligamus, quàm immãpia sint peccata superiorum, cum sunt vera, quando ea etiam, quæ solum videntur peccata, vocantur grandia. Totum hoc nascitur ex acta obligatione, quã tenentur superiores præcedere sanctitate, & virtutibus omnes eos, quos officio, loco, dignitate præcedunt.

Dolebat vehementer vrbanius Propheta flagitia, quibus se ingratus populus contaminabat. Miserebatur autem illos propter supplicia, quæ illis à iusto Deo pro scelere meritis infligenda videbat. Quare ad primores eorum, omneque reliquum vulgus dicebat: *Audite Verbum Domini, principes Sodomorũ, percipite auribus legem Dei nostri populus Gomorrhæ.* Isa. 1. 10. Sodomæ principes, & Gomorrhæ populum populares suos Propheta dicebat, quod Sodomitarum, Gomorrhorumque qui sordidam putidæ vitæ consuetudinem imitarentur. Quod Isaïas populo iuxta nostrum vulgatum textum dicit, *Percipite auribus*, id LXX. transtulerunt, *attendite*, hoc est, audite, cupidè vacuis auribus accipite.

Obseruauit in his Prophetis verbis sanctus Basilii Magni, aliter Isaïam principibus, ac populo locutum. Superioribus aiebat, *Audite sermonem Domini*, populo autem, *Percipite auribus*, siue *Attendite*. Palam est discrimen, quo hos, illosque appellat. Cum ergo maioribus populi dicit, vt audiant, vulgo autem, & subditis, vt auribus attentè percipiant, satis indicat, grauius, strictiusque commendari his obseruantiam diuinorum mandatorum, quàm illis, à quibus enim attentionem peculiari ter exigimus, hos minùs discretos, prudentesque reputamus. Secundùm hæc, quid est, quod principibus solum dicebat Isaïas, *Audite*, cum tamen superiores magis teneantur esse probi, & sancti, quàm subditi, adeoque etiam maior attentio ab illis, quàm ab his exigi debuisset videatur? Quid ergo Propheta contrã facit, maioremque à subditis, quàm superioribus requirit attentionem?

Satisfacit huic quæsitio Magnus Basilii in c. 12 Isaïæ dicens: *Populum ipsum ad attentam legis cognitionem reuocat, eis quidem, qui solertiores sunt, præcipiens vt audiant, his vero, nempe insipientibus, attentè vt sint, & auribus percipiant.* Principibus, & superioribus non tam enixè, sollicitè, ac grauius præcipitur, vt attendant legi Dei, quàm subditis imperatur: Quia cum superiorum munus per se ipsum requirat, vt sint diligentes, & vigilantes, satis est illos leniter moneri sui officij, quo tenentur audire verbum Dei, & sanctam eius legem seruare; subditis verò tanquàm rudioribus, & minùs gnaris eorum, quæ facere debeant, vel intermittere, necessum est seriò, & seuerè mandare, vt debitam suarum functionum rationem habeant. Hinc colligitur, quid inter Prælatos, & subditos intersit, id nimirum, quod his multùm, grauiusque crebris, ac serijs monitis vigeri oporteat, illis verò satis sit, nutu aliquo, aut leui nictu moneri.

Scriptura refert, quòd Deus, cum certum haberet, ingrati populi sui scelera vlciisci, regem illis vnxit Iehu. Ad hanc rem vsus fuit Propheta per Eliseum delegato. Hic nouum regem secretò vnxit. Interrogatus autem Iehu à commilitonibus, & socijs belli ducebibus, quid illi cum Propheta isto enenisset, respondit, quod ille mihi dixit, tale fuit: *Hac dicit Dominus, vnxi te regem super Israël;* 4. Reg. 9. 12. Et quid ad hæc illi? *Festinauerunt itaque, & vnusquisque, tollens pallium suum posuerunt sub pedibus eius, in similitudinem tribunalis, & cecinerunt tubã, atque dixerunt, Regnaui Iehu;* ibid. v. 13.

Notandum hic, quod illud nostræ vulgatæ versionis, *Posuerunt sub pedibus eius*, interpres Chaldaeus apud Glossam Ordin. sic habet: *Posuerunt subter eum ad gradum horarum, id est, horologium solare.* Quo mysterio, cum Iehu regem proclamauerunt, thronum illi ad horologium solare constituerunt? Vt illum singulari eã cæremoniã admonerent, quomodo deinceps viuere, quàm alius à seipso esse, & quàm studiosè curare deberet, vt quemadmodum horologium solare semper sibi constet, eisque regularissimũ, sic ille vitæ rationem semper æquissimam, rectissimamque teneret, & ordinatè omnia suis horis, & locis faceret, vt quemadmodum ex solariorum horæ accipiuntur temporis, sic ab illo benè agendi normam mutuarentur subditi. Princeps namque, & omnis vniuersum Superior quemadmodum regula cæterorum esse, sic & vitam suam attentissimè moderari debet, vt pro regula alijs esse queat.

Propheta regius aiebat Domino: *Quoniam tu solus*

luminis lucernam meam, Domine Deus meus illumina tenebras meas; Psal. 17. 29.

Hugo Cardinalis vult, hanc esse orationem Christi ad Patrē eternū, quā petat, ut suas tenebras pari gratiæ beneficio illuminet, ac lucernā illuminasset.

Percunctemur nunc Hugonem Cardinalem, quid significet lucerna, quid item sibi tenebræ illuminatæ velint, respondebitque lucernam Prælatorum, tenebras subditorum esse symbolum. Sed cur subditi tenebrarum, Superiores verò lucernæ nomine designantur? Occurrit Hugo: *Vocantur tenebra subditi respectu Prælatorum, & Prælati Vocantur lux, quia alijs debent supereminere in vita, scientia, & gratia.* Quantum ergo Lux tenebris præstat, tantum subditos suos vitæ integritate superare Prælati debent. Videant proinde Superiores, quomodo huic tam gravi officij sui debito satisfaciunt.

Præsides Ecclesiæ vocabat Dominus ciuitatem, cum aiebat: *Non potest ciuitas abscondi supra montem posita;* Matth. 5. 15. Quod autem tali nomine eos donauit diuinus magister, hoc fecit, ut moneret, quā instructi ab omni gratiarum, & virtutum apparatu esse debeant. Facis iter, famēque, & vitæ labore fractus diueris in pagum, ut esuriei victum, quietem lassitudini quæras, & neque hospitium, nec quo famem leues, inuenis. Grauius id accipis, non miraris tamen, neque enim nouum est, in tenuibus eiusmodi locis non reperiri diuersoria, & annonam. Venis autem ad quandam ciuitatem cum eadem famis, & lassitudinis necessitate, & neque domum, in quam te quietis captandæ gratiā recipias, inuenis, neque panem quo latrantis stomachi inanitatē expleas. Hic iam non doles tantum, sed & scandalizaris, quod nullam reperias in ciuitate domum hospitalem, neque aliquid eorum, quæ vitæ humanus requirit. Quod ergo Christus ait: *Non potest ciuitas abscondi,* &c. perinde est, ac si diceret: Animaduertant Prælati, quod sunt ciuitates, subditi autem, velut quidam pagi. Si hi fortē destituti sint virtutibus scientiā, bono vitæ purioris exemplo, miserari possumus, sed non mirari eorum inopiam. At quando etiam in ciuitatibus, hoc est Prælati talia reperiuntur, non apparatus integræ vitæ, non annona boni exempli, non ornamenta sanctitatis, & virtutum, id non dolorem modò, verum & scandalum parere potest, eò quod Superiores magis quàm subditi obstringantur ad consecrandam sanctitatem.

Apparuit Christus gloriōsus mortis triumphator in litore maris Tiberiadis. Non cognouerunt redi-

uium Discipuli, quos cum interrogasset, num quid haberent, quod comedi posset, & nihil habere dixissent, iussit rete ad dextram nauigij eicere. Obtemperarunt iussioni, irretieruntque piscium tantam copiam, ut extrahere non possent. Vidit hoc Discipulus, quem diligebat IESVS, & ait Petro: *Domine es.* Tunc Petrus *tunicā succinxit se (erat enim nudus)* & misit se in mare; Ioan. 21. 7.

Quid mysterij habere potest, quod Petrus repente ē nauī in mare desiliit, statim atq; Dominum esse in litore cognouit, quando alij Discipuli nauigio ad illum venerunt? ut dicitur ibid. v. 8. Non poterat Petrus cum alijs lembo terram petere? Quo consilio in aquas se coniecit?

Sacculus Petrus Chrysologus Serm. 78. ait: *Misit se in mare, & mare dilueret, quod negatio taliter sordidauerat.* Cum a Ioanne Petrus accepisset, quod in litore IESVS esset, quem negarat, quamprimum in mare se præcipitauit, ut negationis suæ labem aquis maris emacularet. Erat Petrus pastor ouium, ipsorum aded Apostolorum princeps, vertex, caput, & quoniam Prælatus vitæ sanctitati, & perfectioni arctissime obligatur, omne illius peccatum tam graue efficitur, & macula, quamcūque contrahit, tam foeda, & horrida, ut ad eluendam illam totum mare contritionis requiratur. Propterea Petrus *misit se in mare, & mare dilueret, quod negatio taliter sordidauerat.*

Plurima his affinia passim in omnibus Nissen tomis offendes. Vide indices rerum Verbo Prælatus.

CAPVT V.

Vt culpas ex ignorantia, seu fragilitate natas condonet Deus, facile eius pietas exorari sinuit.

Cum minas Dominus regi Abimelech intenderet, ignorantia ille se excusabat, inquit: *Domine, num gentem ignorantem interficies?* Genes. 20. 4. velut pluribus dixisset: Accusas me, quod Saram in domum meam induxi. Sed cum Abraham mihi dixerit, esse illam suam sororem, ipsaque idem confirmarit, facile vides veniabilem esse hanc meam ignorance, dicens: *Ego scio, quod simplici corde fecerim;* ibid. v. 6. scio non a malitia profectum quod egisti, idcirco & seruauit te, ut non contingeres vxorē amici mei Abraham.

Obseruant hic omnes Expōitores, quā facile condonet Dominus prolapsiones de imbecillitate, aut ignorantia natas, qui regi Abimelech tam citò ignouit, quod nesciens commiserat. Difficilius exorari

rari finit noxarum remissionem ab eis, qui ex malitia, vel meditatio, deque industria peccant.

Præcipiebat Dominus in Leuitico varia sibi varijs de causis offerri sacrificia, cumque ad ea venisset, quæ pro peccato immolari volebat: *Anima, quæ peccaueris per ignorantiam, & de vniuersis mandatis Domini, quæ præcepit, ut non fierent, quidpiam feceris, offeret pro peccato tuo vitulum;* Leuit. 4. 2. 3.

Oleaster in annotat, morali in illum locum sic habet: Nullus deberet aduersus tam piæ patrem studiosè peccare. Ideò nullum sacrificij genus institutum legimus pro expiatione eorum, qui suâ sponte inuisti prolabeantur, sed magistratus puniendi relinquebantur. Sicut enim Dominus neminem, ut videtur, suâ sponte castigat sed coactus: Itâ nemo deberet eum suâ voluntate offendere. Quia in re considerandum est, quàm graua sint peccata studio commissâ, quibus ante legem nullum ad expiandum institutum legimus Sacramentum, aut sacrificium. Peccatis de ignorantia natis constituit indulgentissimus Dominus victimam, quâ expiari possent, cogitatò perpetratis criminibus nullum tale remedium deputauit, ut proinde meritò, ac sollicitè, omniq; studio cauere quisque debeat, ne studio, & dedita operâ illum offendat. Si autem ex re aliqua, tum ex hac vna maximè maxima flagitiorum consultò commissorum pondera pensare possumus, quòd eorum curationi nullum vel sacramentum vel sacrificium veteribus illis concessum fuit: At qui nescij peccant, aut ex imbecillitate delinquant, facillè inueniunt parentes remissionis portas.

Per Salomonem minas denuntiabat Spiritus sanctus inobedientibus, insolentibusq; liberis, qui parentes suos, quos multis nominibus colere, reuerterq; obseruare debent, contemptui habent. *Oculum, qui subsannat patrem, & qui despicit partum matris suæ, effodiant eum corus de torrentibus, & comedant eum filij aquila,* inquit ille Prouer. 30. 17.

Multùm defatigauit huius loci Interpretes indagatio causæ, ob quam immorigerorum, inurbanorumque talium, & impudentium liberorum oculis potius, quàm alteri cuiunque corporis parti poena decernitur, cum plurima alia sint membra, in quibus eiusmodi impietas plecti queat.

Salazar insignis huius libri commentator respondet: *Tribuit oculis Salomon contemptum istum, & scelus extollat, significans eos datâ operâ, adapersi, oculis visos, cognitosq; sibi parentes violare solitos. Si ignotos luderent, contemnerentq; parentes, leuior*

eorum noxa esset, quod verò eos rident oculis, quibus vident, id eorum incredibiliter exaggerat malitiam, ac propterea Salomon ait, effodiendos à coruis eorum oculos, qui tam sunt impudentes, tamq; inuerecundè audaces ergà parentes, quos vident, ut aspernari, & spernere non erubescant: *Tribuit oculis Salomon contemptum istum, & scelus extollat. Merito tam seuerè committitur peccatum, quod tam mediâ committitur.*

Postquàm Israëlitarum transierant mare rubrum, & de barbaro, ethnicoq; hoste suo triumpharant, cibus eos, ut sacrum oraculum monet, delituere coepit, quæ res illos excitauit, ut commurmurent aduersus Moysen, ac dicerent: *Vitam mortui esse-mus per manum Domini in terra Egypti, quando sedebamus super ollas carniū, & comedebamus panem in saturitate;* Exod. 16. 3. Quid factum post hanc murmuracionem, & querimoniam? Plus, & mansuetus Dominus opem rebus eorum afflictis, & necessitati remedium attulit, pluens illis panem de celo, eumque puris Angelicorum spirituum manibus pistum, quod Moyse his verbis addicebat: *Ecce, ego pluam vobis panes de calo;* ibid v. 4.

Aliâ occasione idem concumacium hominum vulgus præ fastidio illius panis, & desiderio carniū iterum murmurabat, dicens: *Quid dabis ad vescendum carnes?* Recordamur piscium quos comedebamus in Egypto gratis, in mentem nobis veniunt cucumeres, & pepones, porriq; & cepe, & alia. *Anima nostra arida est, nihil aliud respiciunt oculi nostri, nisi Man;* Num. 11. 5. 6. O scelerum capita! gratis aiunt comedisse pisces, quos tam magno parare debuerunt. Satisfecit Dominus rusticæ eorum cupiditati, deditq; carnes ad comedendum, sed ex quibus pessimè habere, & non alimoniam vitæ, sed interitum sumere ceperunt: *Adhuc enim carnes erant in dentibus eorum, & ecce furor Domini conuersus in populum, percussit eum plagâ magnâ nimis.* ibid. v. 33. Fuit hoc seuerissimum, sed meritiissimum quoq; supplicium.

S. Cyrillus Alexandrinus quærit, cur Dominus populum, cum primo petijt carnem, murmurauitque pro ea, non puniuit, cum verò secundò poposcit dedit quidem, quòd rogabatur, sed post beneficium carnis intulit supplicium mortis, cæcidique eos, quorum cessisse videbatur precibus. Vna vtrobique petitio fuit, cur non parâ etiam poena vtrobiq; eam castigauit? Quare ibi tam patiens, & longanimis, hic verò terribilis Dominus? Quare vno in loco tam taciturnus, in altero tam austerus vltro?

Respon-

Respondet S. Cyrillus l. 3. in Ioan. c. 34. *Quoniam super ab Aegypto effugerant, panemq; celestem adhuc non receperant, facilius poterant in cupiditates carnis incidere, propterea & Venia digni visi sunt. Posse autem verò quam Domino fruebantur, ut scribitur, tunc iure, quoniam corporalia spiritualibus proposuerunt, acerbam dederunt supplicia, & ad suppli. in signum calamitatis memoriam reliquerunt.* Ignorabant panis coelestis suauitatem, cum ab Aegypto recens digressi carnes primum desiderarunt, quare facilius inuenerunt illius cupiditatis veniam: Demum verò cum illo pane iam prægustato nihilominus carnes rusticum expetierunt, barbara rusticitas & grauior plebenda inurbanitas erat, quod panem Angelorum alijs Aegypti postponerant: *Quoniam corporalia spiritualibus proposuerunt, acerbam dederunt supplicia, & ad supplicia in signum calamitatis memoriam reliquerunt, nam vocatus est locus ille, sepulchra concupiscentia* (vt dicitur ibid. v. 34.) ubi concupiscentia suam iam à quadam malitia profectæ poenas dependerunt. Peccato ex ignorantia, aut fragilitate nato facile occurrit aperta venia porta, verum pro eo, quod à malitia venit, nulla videtur in Deo esse misericordia.

Querebatur Propheta regio de hostibus suis, qui illum insectabantur, inquiens: *Dixerunt inimici mei mihi, & qui custodiebant animam meam, consilium fecerunt in unum, dicentes, Deus dereliquit eum, persequimini, & comprehendite eum, quia non est, qui eripiat;* Psal. 70. 10. 11.

S. Bruno ait, hanc esse querimoniam, quam Propheta ex nomine Christi Patri illius æterno dedit. Quid est grauissimum in hac querimonia? Quid est, quod iniquissime Christus ab hostibus suis accepit? Quid indignissime, acerbissimeque tulit? An quod hostium suorum persecutiones sustinebat? An quod illi sanguinem eius sivebant? Hæc quidem eum multo dolore accipiebat, sed quidnam animum illius omnium eruciabilissime, & intolerantissime lancinabat, & affligebat? Quod consilium fecerunt in unum, mutuoque deliberarunt, quomodo innoxiam illi vitam adimerent. *In hoc quid grauius notat, cum dicit, Consilium fecerunt, inquit sanctus Bruno. At cur grauius est peccatum, quod consilio perpetratur? Respondet ille: Petus est enim de malo agere per consilium, quia temerarie.* Qui subitâ animi commotione abreptus impingit, aut fortuito oblata occasione seductus in præceps abit, aut ignorantia occupatus errat, aut imbecillitate iuuante in vitium incurrit, habet nonnullam suarum culparum excusationem: At qui cogitat, ac de industria delinquit,

Tom. III.

sciensque quantum, & quam graue malum sit, quod meditatur, nihilominus videns impetu ruit in scelera, & solâ libidine ferrur ad peccandum, deditaque operâ se in flagitiorum ingurgitat voraginem, ea impudentissima insolentia, & effusissima malè agendi licentia est, de qua grauissimè Deus cum peccatoribus expostulat: *Consilium fecerunt, Quid grauius notat, cum dicit, Consilium fecerunt, petus enim est de malo agere per consilium, quàm temerariè.* Væ ergo homini Christiano, qui Deum, quem nouit, offendit, & sciens grauitatem peccati, delinquit.

CAPVT VI.

Quoniam Superioribus omnibus mors ex laterum dolore minatur, faciliusq; accidere solet, necessum est, vt sanos, & rectos consiliarios à latere habeant, ne tam acuto ex morbo occumbant.

R Egem Abimelech tam vehementer suum sollicitauit somnium, tantumque horrorem illi visio attulit, vt sacer textus dicat: *Statim de nocte consurgens vocauit omnes seruos suos, & locutus est omnia verba hæc in auribus eorum, timueruntq; omnes viri valde;* Genes. 20. 8. Extemplo accessit rex palatinos suos, cumque illis de visio nocturno communicauit, & omnes, nullo excepto, accessit omnes suos. Quàm commodum Regibus, Principibus, omnibusque Superioribus exemplum, à quo discant, mox conuocare consiliarios, præsertim cum de rebus maioris momenti deliberandum: Nam vt homines sūt, & errorū periculis expediti, lucibus, & ducib; egent, à quibus dirigantur, & quid possimum congruat facere, intelligant. Sed necessum est, vt consiliarios eligant rectos, synceros, integros, puros, vacuos passionibus. Nisi enim irâ faciant, repente laterum dolore confecti occumbent. Hæc est mors periculosissima, quæ omnibus Monarchis, Regibus, Principibus, & Superioribus minatur, quod laterum dolore conficiantur, nisi diligenter curent, vt bonos consiliarios à latere semper habeant, quorum prudentibus monitis, quoties acerbæ illius ægrotationis occasio id postulat, leuentur, & sospitentur.

Sanctus Bernardus lib. 4. de consideratione c. 4. postquam Eugenium Papam de varijs rebus instruxisset, & salutaribus consilijs ad felicem sedis Apostolicæ gubernationem facientibus instruxisset, hæc illi scribebat: *Veniamus ad collaterales, & coadiutores tuos. Hi seduli tibi, hi intims sunt, tibi potissimum sunt, si mali, aquè plus tibi.* Hi sunt, qui Apostolici peccatoris

pectoris tui clauem habent. Quare si probi sunt, si recti, sinceri, exoccupati passionibus, omnis illorū integritas in tuam vtilitatem redundat. Verum si mali sunt, si priorum commodorum amantes, & cupidi, & quantum suum tantum propositum habent, in tuum caput, exitiumque improbitas eorū erumpet. Addit verò mellifluus Abbas: *Nec te dixeris sanum, dolentem latera, hoc est, ne dixeris bonum innitentem malis.* Hic iam habemus ex sancto Abbate, dolorem laterum, ex quo agrè habere Principes soleant, esse malos consiliarios: *Ne te dixeris sanum, dolentem latera.* Acutus est, vt scimus, laterum dolor, eamque partem afficit, in quam cor magis vergit, iuxta quod vomica nascitur, quæ saniem suam venenatam euomens, cor inficit, & conficit hominem. Hic morbus Castellanis *Dolor de cefludo* dicitur, Latinis *Dolor lateris*. Hunc morbum in moralibus, & civilibus, inquit Bernardus, patiuntur omnes Superiores, trahuntque à malis consiliariis, quos à latere, aut velut pro lateribus habent, vt proinde desperare Prælatum possumus, eum, qui talem patitur infirmitatem. Hoc morbo occiderunt pleraque mundi regna, Imperia, Monarchiæ, ex malis consiliariis omnis eorum strages, pernities, interitus descendit. Propterea inquebat Bernardus: *Nec te dixeris malum, dolentem latera, hoc est, ne dixeris bonum malis innitentem.* Itaque illud vigilantissime curare, & attentissime querere debent Principes, & quicunque viri summates, vt bonos, incorruptos, sinceros inueniant, & penes se habeant consiliarios, nisi decedere ex eo dolore velint, qui regibus innumeris mortem, regnis plurimis excidium attulit.

Volebat rex David occupare Ierosolymorum urbem, Iebusæi autem habitabant per id tempus in omni ea terra, qui cum illud Davidis desiderium cognouissent, inquebant ad eum: *Non ingredieris huc, nisi abstuleris cæcos, & claudos, dicentes, Non ingredietur David huc;* 2. Reg. 5. 6.

Notoria est, ac peruulgata disceptatio Interpretum, quinam fuerint ij claudi, & cæci, qui Dauidem ab ingressu Ierosolymæ, vbi figere aulam suam volebat, prohibebant. Varias patitur hic locus expositiones, è quibus vna Cardinalis Caietani opportuna est rei, quam tractamus. Dicit ille, inter Iebusæos, qui tunc morabantur Ierosolymis, fuisse magna schismata, idque tunc potissimum agitatum, venditaturque: fuisse vtrum expediret, Dauidem in urbem admittere. Ex consiliariis ergo nonnulli tam rudi, cæcoque ingenio erant, vt non viderent, quanta emolumenta

deriuari in urbem possent, si David eam suā regiā præsentiā, & aulā nobilitaret, celebremque redderet, ad eò proteruiter, & inconsultè affirmabant, è bono salutis publicæ fore, si David clausis prohiberetur portis. Hi cæci erant, non quia visu orbati, sed quia lumine recti iudicii, & sanæ rationis orbati. Aliorum fluctuabat animus, & variabat sententia, & iam excipiendum regem in urbem sentiebant, iam non admittendum clamabant. Hos propter suam inconstantiam vocabant claudos, quod velut hi in vtramque identidem inclinant partem, sic illi suā opinionatione nunc huc, nunc illuc propenderent. Cum hæc synceriores Iebusæi cernerent, submiserunt oratores ad Dauidem cum hoc nuntio: *Non ingredieris huc, nisi abstuleris cæcos, & claudos,* hoc est, nisi ex consilio nostro exturbaueris & eos, quos sua passio, peruersumque iudicium cæcauit, & animi dubios illos, qui partem in vtramque claudicant, astuque & dolo de eadem re nunc aiunt, nunc negant, penetrare in urbem cum pace non poteris.

Audiamus Caietanum: *Appellatur Iebusæi inimici Dauidis tum cæci, tum claudi, eò quod aliqui eorum erant cæci, non corpore, sed mente. Si pote non videntes bonum proprium. Valde magnum proueniens ex sede regia in ciuitate Hierusalem. Quidam autem eorum erant claudi animo, si pote non rectè incidentes in negotio hoc cum Dauid, partim laudantes admissionem Dauidis in ciuitatem, & partim resistentes.*

Notent hoc Principes, & Magnates, vt non admittant in consiliariorū suorum numerū cæcos, & claudos, cæcos sui quæritus inceptante cupiditate, claudos astutia, & sæpe affectata animi hæsitacione, per quā fit, vt nunquam certò, indubitato, affirmatèque quid conueniens, aut noxium sit, pronuntient. Nisi hos è consilio suo abstulerint, non ingredientur Ierosolymam, nec vnquam rectè, ac feliciter negotia sua maiora consicient.

Nam vt Ioannes Bohemus lib. 1. de morib. Gent. cap. 5. *Rarò potentes rerum mali euadunt, & ibi desunt suarum cupiditatum ministri.* Boni nempe consiliarij ex sui officij munere, semper assilunt, præstoque ad manum sunt Principibus, & Monarchis, vt eos à lapsu, & præcipitio seruent. Consilia enim hominum syncerorum, & integrorum sunt manus, quæ retinent Principes, cum in casum inclinant, suntque lucæ, quæ illis loca salebrosa, lubrica, confragosa, ne prolabantur, ostendunt.

Facinorose Ierosolymorū vrbis optata Euangelia per Euangelicum suū Prophetam Dominus transmissit, præcepitque bono, & hilari animo esse, eò quod illam

illam speculum æquitatis, & exemplar fidelitatis, ac nobilitatis facere vellet, quæ fuerit autrum furum, & specus latronum, thronumque iustitiæ ibi collocare, ubi fuerit sentina flagitiorum. *Vocaberis ciuitas iusta, & urbs fidelis*, aiebat Isaias cap. 1. vers. 26. Quæ maior felicitas! quæ beneuolentior fortuna; quam vocari iustam ciuitatem, in qua tyrannis diu dominata fuerit, dilectam appellari, ac fidelem, quæ abominabilis, perfidiosaque fuerit? Sed quomodo illa tam gloriosa mutatio perficietur? Respondet clementissimus Dominus: *Restituam iudices tuos, & si fuerunt prius, & consiliarios tuos sicut antiquitus*; Ibid. qui te ad omnia, quæ bona, & recta sunt, exhortentur.

Quidam benè doctus, & diligens Isaiæ expositor (Didacus Aluarez) in hæc verba sic monet: *Obserua, quod non dixit, Restituam tibi reges, sed consiliarios*. Cum Dominus rectè instituere Ierosolymam, collapsamque politicæ gubernationis disciplinam restaurare, & veterem splendorem illi reddere vellet, non regum antiquorum, sed consiliatorum, quales ætas prisca tulerit, operâ ad eam rem perficiendam vti velle dixit. Nam vt regnum rectè, decenterque administraretur, vt Monarchia pace, & opatâ gaudeat tranquillitate, seruetque iustitiam, & sit qualis esse debet, id ciuiliū facient boni malorum regum consiliarij, quàm reges boni, quorum sunt consiliarij mali. Propterea magnus quidam Philosophus aiebat: *Mallem iniquum regem optimi consilioribus constatum præesse Reipublicæ, quàm iustum, & sapientem, & iniquis consiliarijs constipatum*. Quando rex bonus consiliarios habet sui similes, ea est suprema regnorum felicitas, ac si alterutros horum necessum est esse malos, satius est regem esse improbum, dum consiliarios modò probos, æqui amantes, & integros habeat, quàm si ille sanctus sit, & homines mente corruptos, ingenio rudes, consilij inopes à consilij habeat. Omnis quippe Principis felicitas in eo posita est, vt habeat sana latera, hoc est, consultores à lateribus sanos, qui illum, si iniquus sit, in semitam æquitatis suis monitis reuocabunt, & cicurabunt, si fortè efferetur.

Hieronymus Triuerus in lib. 1. Aphorismo. Hippocratis, aphorismo 1. quærit, cur tam multi infirmi sæpè periclitentur, quos curandos susceperunt medici famâ percelebres, experientiâ insignes, artis suæ peritiâ illustres. Quod sub manu medicorum inertium multi moriantur, nihil nouum, sed quid causæ, quod etiam præclarâ eruditione ornatis iustitice sua, neque rarò, cadit curatio?

Respondet Triuerus: *Accedit ad medicinæ difficultatem, quod ager aliquando mollior est, quàm vt medico omnino pareat, & hoc bene persuaso amicus subinde imprudentiores sunt, quàm vt illum obtemperare præceptis permittant*. Causa, ob quam peritissimorum sæpè medicorum ars frustratur, hæc prima est, quod delicatulus infirmus præceptis prudentis obtemperare medici recusat, deinde & illa, quod cognati accedentes aiunt, stultum esse omnibus medicorum acquiescere consilijs, qui nihil ferè sciant, nisi minuere homines sanguine, & purgare stomachos. Talia dicentes peruertunt ægrum, & in mortem inducunt.

Proinde subdit mox Triuerus: *Oportet ergo non solum ægrum, sed & familiares iuxta morbi conditionem appositè se habere*, ad ea scilicet, quæ medicus præscripserit, ne intentionem illius, fidemque dubiam faciant, medicinarumque efficacitatem suspensam reddant. Hoc ipsam in rem nostram dicere possumus. Quid illud tot Rebus publicis, regnis, & monarchijs adfert interitum? Mali infirmorum curatores, & consultores. Per illos multæ prouinciæ, regna tota sunt euersa. Conuenit itaque, vt non Rex tantum, aut Princeps sit bonus iustus, sanctus, sed etiam consiliarios habeat incorruptos, ab omni ægritudine animi alienos, prudentes, virtutum studiosos, diuini honoris, & boni publici amantes. In bonis enim consiliarijs laborantis Reip. salus cõsistit.

Transfigurabatur in monte Thabor Christus, atque vt celebrior, iucundiorque esset solennitas, accessit ad festum fuere Moyse, & Elias, vt ferunt Euangelistæ, & ille quidem è sepulchro, hic verò ex paradiso adductus. Matthæus ait, apparuisse Moysen, & Eliam cum eo loquentes; Lucas exponit, quæ mutui sermonis materia fuerit, inquit: *Dicebant excessum eius, quem completurus erat in Ierusalem*; Lucæ. 9. 31.

Vnam hinc omnes Expositores mouent quæstionem, cur potius Moysen, & Eliam, quàm alios quouis veteris Testamenti Prophetas, aut Patriarchas, vocare ad eam consultationem voluerit, cum alij tam multi essent, cum quibus communicare de tali re posset.

Alphonfus Tostatus Episcopus Abulensis, hos potissimum à Domino ad consultationem aduocatos ait, vt Principes doceret, qualesnam ad deliberandum de negotijs suis deligere consiliarios deberent, si feliciter ea confici vellent. *Qui assisterunt Christo transfigurato loquebantur cum eo de passione sua, idèò inducti fuerunt illi, qui pro Deo ad mortem se exposce-*

erunt nihil formidantes: Moyses enim Pharaoni se opposuit, Elias autem regi Achab; isti enim conuenienter suadere poterant Christo de passione sua, cum ipse pro Deo exposuissent, inquit ille q. 29. in c. 17. Matt. Intrepido animo viri ambo illi fuerunt, quorum alter barbaro Pharaoni, impio Achab alter audacter, fortiterque obstitit, uterque paratus pro Dei gloria mortem oppetere. Hi conuenienter consulere Christo poterant, ut sanguinem pro salute hominum verteret, qui suum fundere pro illius honore prompti erant. Ut tam acerbam passionem subiret, tamque ignominiosam mortem Christus tolleraret, ingenti animo, & singulari corroboracione opus habebat, quare cum ea de re capere consilium vellet, duobus strenuissimis viris deliberauit, qui ipsi Regum furorem, & feritatem Principum non eximuerunt. Si ignavi consilij fuisent, quos adhibuit, non tantum non corroborassent Christum, verum etiam à nobili suo, & generoso consilio auocassent. Si rex vult mouere bellum, idque tale, quo fama celebratam sibi consistere possit, deque eo communitatem consilij, qui nunquam aliud, quam byssum, holosericumque vestierunt, nec delicatum corpus alibi, quam in molli culcitra deposuerunt, & per omnia carnem suam blandè, commodèque habuerunt, quomodo suadebunt, ut horrenda tumultuariaque Martis exercitia suscipiat? Si consilij illud tantum cogitant, & curant, ut diuites fiant, quomodo Principem, ut pauperum curam habeat, exhortabuntur? si consilij suarum sunt negligentes animarum, quomodo illos sollicitabit commodum, ac profectus alienarum? Palam est, quòd eiusmodi nihil consulit suo regi, aut domino, nisi quod praua proprii quæstus cupiditas suggeret. Attendant ergo Principes, quales viros à lateribus habeant, sanctus Bernardus enim nihil mitius, quam mortem minatur ijs, qui habuerint malos: *Nec te dixeris sanum, dolentem latera, hoc est, ne te dixeris bonum amittentem malis.*

CAPVT VII.

Amici Dei sunt robusti athlantes, quorum humeris nititur machina mundi, hunc enim illi suis precibus, & meritis suffulciunt.

Dicebat Dominus ad Abimelech de Abrahamo: *Orabit pro te, & viues;* Genes. 20. 7. Audiit hæc rex, & tulit oves, & boues, & seruos, & ancillas, & dedit Abrahæ; ibid. v. 14. qui eis ex rebus valdè locupletatus fuit. Sed quamobrem illa dedit?

Respondet Abulensis: *Ut inclinaret Abraham ad rogandum pro se, dedit & munera.* Cogitauit nimirum, quantum preces iustorum apud Deum valeant, & quam facile iram illius mitigare queant.

Pulchrè, & aptè in rem istam dixit Philo Iudæus in lib. de migratione Abraham: *Reuera fulcrum generis humani iustum est, suas dotes communicans, & in publicum & suum conferens. Idem quidquid apud se ipsum non inuenit, à Deo solo discessum postulat, at ille aperto celi promptuario, miuis, imbrisque in morem bona depluit affatim, & inde omnes terrena lacuna repleant.* Quid amplius dici vel expectari potuit? Profecto quisquis iustus est, idem basis est, & columna mundi, & athlas, qui subiectis suarum virtutum, ac sanctitatis humeris orbem terrarum excipit, ac sustentat; suorumque meritorum opulentia homines reliquos locupletat. Quòd si ei desint, quæ in alios dispeniat, mox ad Deum confugit, atque ex illius copiosissimo arario suis precibus tantum exobsecrat, quantum mundo beneficijs opprimendo sat esse possit. O potentiam iustorum! o gratiam amicorum Dei!

Iudicum cap. 3. post commemoratas verbis bene paucis virtutes Othonielis iudicis Hebræorum sic finit narrationem. Scriptor sacer: *Quicquid terra quadraginta annis, & mortuus est Othoniel filius Cenez;* Iud. 3. v. 11.

Origenes homil. 3. in lib. Iud. ait: *Vides quam larga est diuina clementia. Otto annis seruauerant filij Israël pro multorum delictis, quadraginta annis per eorum iustitiam in pace perdurant.* Immensitatem bonitatis Dei inficari nemo potest, qui vel hoc sacrum reputet, quòd pro vnus iusti merito quadraginta annorum tranquillitate felicitaui Israelitas, quos pro magnis plurimorum sceleribus octenni tantum seruitute plexerat.

Reuertamur ad id, quod superior historia narrat, neque enim Origenes nos omnino dimisit. *Mortuus est Othoniel,* inquit Scriptura, ille, qui Saluator sui populi audire meruerat, de quò ibid. vers. 9. ista: *Clamauerunt ad Dominum, quæsusceperat eis Saluatorem, & liberauit eos, Othoniel & dedit filium Cenez.*

Cum in ea legendo incidisset Origenes, aiebat: Itane Othoniel diem suum obiit? Itane vir sanctus, & iudex rectus è viuis decessit? Itane fax illa tam flagrans, & splendida extincta fuit? Rem video persiculosam; ingens populo discrimen imminet, incidetque rursum in manus suorum hostium, eritque relapsio deterior, quam omnis anterior casus fuit.

Defun-

*Defunctus est Othoniel, quid iam indignus erat populus, qui haberet talem iudicem, inquit magnus Adamantius. Volebat Deus cadere populum, sed precibus, & patrocinia sancti Othonielis obstrictis illi tenebant manus. Ut ergo liberè castigare male meritos Israëlitas posset, fuit illi è medio Othonielem, facemque illam exstinguit, & hoc primo supplicio ingratitude illius populi est ultus. Et satis experti sunt periculum, quod illis Origenes timuit, & quam grauis fuerit relapsus: Nam qui antea Chusai regi Mesopotamiæ seruierant octo annis, seruierunt posthac Egion regi Moab decem, & octo annis; ibid. v. 14. Hinc arbitrari potestis, quam merito dixerit Philo: *Reuera fulcrum generum humani iustus est, athlas mundi est, eumque suis orationibus sustentat.**

Minabatur Dominus per urbanum Prophetam ingrato, & contumaci populo suo arumnas, & persecutiones quibus illum exagitare, calamitates, & penurias, quibus affligere constitutum haberet; & tanquam iam ad eadem distringeret gladium suum, vnoque ictu capita omnium demetere, & tota sanguinis flumina fundere vellet, accurrebat lachrymis intusus sanctus vates, & exclamabat: *Viquequò Domine? Isa. 6. 11. Quamdiu furor ille tuus exardescet? Respondit Dominus: Donec desolentur ciuitates absq; habitatore, & domus absq; homine, & terra relinquetur deserta;* ibid. Quæris quousque ira mea laxis bacchabitur habenis? Eousque, quo ciuitates videantur eremi, domus solitudines, terraque omnis detonsorum montium sit similis. Non potuit tamen, quin paulò post subijceret ille, qui misericordis suæ, & pietatis in quantauis ira nunquam obliuiscitur. *Et adhuc in eo decimatio;* ibid. v. 13. hoc est, modum furendi faciam, non pergam deservire, quia denarius numerus adhuc in terra est reliquus.

Quid voluit ijs verbis Dominus, cum ait, quòd propter illum numerum iram suam, ne amplius ferociat, coescere, & iam miserari affligos velit, sicut illa tam acriter castigata terra *conuersatur, & sit in ostensionem sicut reberithus, & sicut quercus, quæ expandit ramos suos;* ibid. & post nonnullos amputatos germinare vberius, & coinam producere elegantiorum solet? Vndenam omnis hæc felicitas, & misericordia nata fuit? Ex eo, quòd *adhuc decimatio.* Quid verò decimatio ista significat?

Respondet Paulus Burgensis in suis addit. in c. 6. *Ita: Potest intelligi numerus denarius, & referatur ad illud, quòd legitur Genes. 18. Vbi Deus concessit*

Abraham, quòd si inuenirentur in Sodomis decem iusti, parceret toti ciuitati pro eis. Vnde in hoc loco Dominus dicebat Isaia, quòd licet populus esset ita malus, sicut populus Sodomorum, prout supra dixerat (Audite verbum Domini Principes Sodomorum) tamen adhuc remanebat in Iudaa, & Ierusalem dena, scilicet iustorum, quæ volebas eos sustinere, & tolerare, donec conuerterentur. Cogitate ergo, quam rectè diximus, quòd iusti sunt athlantes orbis terrarum, & mundi totius validissima suffulcimenta.

Petrus Berchorius ex sententia Rabani, & astrologorum affirmat, tantam esse pernicietatem motus, quo cælum rotatur, ut nisi ei moras contrariis planetarum motus adferret, iam pridem mundi machinam totam soluisset. *Cælum mouetur velocissime,* inquit ille lib. 5. Reductori morali. c. 2. num. 7. *& ideo ne motus eius velocitas mundi machinam dissiparet, voluit eum natura motu planetarum retardare.* Quid tam velox, tam rapidum, tam incitatum quam ira, & furor Dei? *Deus noster ignis consumens est,* Heb. 12. 29. ignis celerissimus, fulmen, quo nihil magis volucre, quod momento ferire simul, & conficere, in quæcunq; incidit, potest. Quis iræ illius impetum retardabit? Quis furoris celeritatem morabitur? Quis motu tam rapidi cæli moderabitur? Planetæ, viri sancti, amici Dei suis lachrymis, orationibus, patrocinij. Nisi ij sese irato Deo humiles, ac supplices, & lachrymis tantum, precibusq; armati obiecissent, dudum fortè mundus vniuersus, euersus dissipatusq; fuisset.

Propterea Philo l. supra citato præclare scribit: *Oremus igitur, & cælum columna in domo, mens in anima, in humano genere homo iustus permaneat ad calamitatum remedium, nam hoc incolumi, de publica salute desperandum non est.* Quòd columna domui, quòd mens, seu ratio animo, hoc vir iustus mundo, domum columna sustentat, animam ratio gubernat, mundum iustus seruat, & sospitat. Merito igitur rogandus, magnumque in modum obsecrandus Deus, ut virum iustum mundo ad fulcimentum, & commune omnium necessitarum antidotum relinquat, quo sublato, hoc erit mundus, quod absque columna domus, & destituta ratione anima, hoc est, ruinosus, & delirus, lapsus, & erroribus obnoxius. *Oremus igitur, idque enixe & sæpè, & permaneat ad calamitatum remedium in humano genere iustus,* longam omnibus, qui apud nos sunt sanctis, vitam precemur, quia sunt arumnarum nostrarum depulsores, salutis nostræ curatores, athlantes orbis, morborum humanorum gratissimi medici, irarum Dei conciliatores, iræ

illius mitigatores, qui manus eius & deuinciunt, ne feriant, & relaxant, aperiuntque, vt beneficia fundant, & thesaurorum cœlestium clauēs ad vsum, solatiumque miserorum peccatorum habent.

Pulchra in eandem rem habet Periocha IV. Feris V. post Cineres pag. 31. Et To. 2. Periocha II. Dom. XI. post Pentecosten, pag. 176. c. 1. o.

CAPVT VIII.

Muneribus nulla validior arma siue ad effert atifsimos leones subigendos, siue ad arces adamantinas expugnandas.

Dicit itaque insignis Abulensis, quod rex Abimelech tot muneribus, & donis cumulauit Abrahamum, vt illum pro se apud Deum haberet patronum supplicē: *Vt inclinaret Abrahamū ad rogandū pro se, dedit ei munera.* Tantumne valent munera, tantumne dona, tamque validē constringit aurum, vt eo solo, nec aliter, obligari potuisse sanctissimus ille Patriarcha videatur! Differamus de hac tyrannica, & ampla, latēque patente potestate pluribus, quia aptē huc cadit talis argumenti tractatio.

Salomon in suis Proverbijs. cap. 17. v. 8. ait: *Gemma pretiosissima expectatio prastolantis, quocumque se vertit, prudenter intelligit.*

Prætermisā nunc literā versionis nostræ vulgatæ examinabimus Chaldæam, quæ sic habet: *Lapis muneris gratia est in oculis eius, qui tollit eum, ad omnem locum, quo se vertit, prudenter agit; ac si diceretur: Lapis muneris offerēdi pergratus est, oculis eius qui accipit illum vt offerat, quocumque se vertat, cordatē agit.* Doctus quidam modernus, Pater Roa. l. i. singular. c. 6. To. 2. sic accipit, tanquā sit sensus, munera, qualiacumque sint, quæ offerantur, gemmas videri ei, qui accipit.

Sed in ijs verbis illud attentē pensandum, quod dicitur, *Ad omnem locum, quo se vertit, prudenter agit.* Videtur metaphora esse à picturis, & mulieribus sumpta. Experiētiā compertum habemus, quod picturarum, & facierum muliebrium, quantumuis & illæ sint grandes, & hæ venustæ, splendor, & elegantia non æquē elucet, quacumque ex parte eas aspicias, sed certum situm habere debent, in quo eam accipiant lucem, quæ, detegendæ artis industriæ, & manifestandæ pulchritudini mulieris sufficit. Hoc autem quouis in loco fieri non potest: At verò qui munera deferat, qui donis, quæ erogat, onustus venit, *ad omnem locum quo se vertit, prudenter agit,* inquit Salomon. Qui habet, quod det, non indiget, eā diligentia, quæ picturis, & vultibus, vt eorum e-

legantia conspicua fiat, opus est, ad omnem lucem enim, & quacumque ex parte aspicias, pulcher videtur, gemma est, quidquid loquitur, & opera illius omnia rectē sunt facta: *Ad omnem locum, quo se vertit, prudenter agit.* Hæc est vis donorum, hæc potentia munerum, facere ex homine picturam tam elegantem, & admirabilem, vt ad qualemlibet lucem ex quauis parte videatur venusta, formosa, pulchra, decens. Quis sapientior eo, qui dat? quis prudentior? quis nobilior? quis magis festiuus, ac lepidus? Quid non expugnant dona? quos leones non cicurarent munera?

Venit Esau irā vehementer inflammatus aduersus fratrem suum Iacob. Sic enim dicebant Iacobti quidam ad fratrem ab eo missi legati: *Venimus ad Esau fratrem tuum, Et ecce properat tibi in occursum cum quadringentis viris;* Genes. 32. 6. nec alio consilio, quantum æstimare possumus, quā vt te, omnesque tuos contrucideret. Expalluit contreritus his nouis Iacob, deliberansque quid in re tam ancipiti ageret, opulentum adornauit munus, quo Iomachosum fratrem mitigaret, dicens: *Placabo illum muneribus;* ibid. v. 20. Posthæc cum domesticos in modum exercitus signa cum hoste collaturi ordinasset, ita apud se statuit, non posse fratrem fortioribus armis expugnare, quā si muneribus obligaret. Sed notandum, quod vbi Vulgata dicit, *Placabo illum muneribus,* alij ex Hebræo verterunt, *Operiam faciem eius Selamine,* quod est dicere, oculos ei iniecto pallio obnubam. Videtur in his esse metaphora sumpta ab eo, quod dicam. Petrus Berchorius, Ioannes de S. Geminiano, Scipio Amiratus, & alij plures de leone affirmant, eum, quando ardens irā, effertatusque venit, cicurari commodiùs non posse quā si pallium ei, seu velum quodlibet aliud iniicias, eoque secundum vultum contegas, tunc enim ita mansuefieri, vt velut mitis agnus fiat, omnemque ferociam exuat, & deponat. Huc fortē alludit Iacob, quando audiens, quod frater tanquā insanus fremens, & frendens leo in via esset, festinansque veniret (*ecce properat*) ignem spirans, & cædem anhelans, dixit: *Placabo illum muneribus, operiam faciem eius Selamine,* atque ita faciam, vt seuire desinat, & mitescat. Non est vis alia, quæ potestatem exæquare donorum possit, aurum omnia subigit, & superat.

Optabat Philippus Macedonum rex locum quemdam expugnare, quem sibi vtilissimum fore ad res alias magnas conficiendas præuidebat. Misi ergo exploratores suos, vt situm loci diligenter arbitrentur, & attentē considerarent, vt prout ille postulare

lare videretur, oppugnationi institueretur. Reuerſi exploratores, poſtquam omnia ſtudioſe circumſpe- xiſſent, dixerunt regi, eſſe illi loco arcem ſua naturâ fortem, & arte magis munitam, eamq; putare nullis viribus expugnari poſſe. Subriſit rex, cùm eos ar- dux expugnationis ingentem difficultatem multis, & magnis verbis extollentes aliquamdiu audiſſet, & ait: *Num & ſque adeo difficile eſt, & nec aſinus auro onuſtus poſſet accedere?* Reſert Erasmus lib. 2. apo- phteg. Quòd dixit, tale fuit: *Nihil tam eſt muni- tum, quòd auro non expugnetur*, propugnacula ærea, muri adamantini deiſciuntur donis, & nihil eſt, quod non cedat pecuniæ, quod non ſuccumbat muneribus.

Huc reſpexit Dominus, cùm ait: *Nec accipies mu- nera, quæ etiam excitant prudentes, & ſubvertunt verba iuſtorum*; Exod. 23. 8. Extrema horum ſic quidam ex textu originali tranſulerunt: *Detor- quent verba iuſtorum, ſive iuſta*. Doctus quidam modernus, P. Roa. lib. 2. ſingular. cap. 6. To. 2. ait: *Sunt ſolemnia verba forenſia, ſtata, & ſolemnes formula ſignatis, certiq; verbis concepta; à quibus cadere non licet, ne quis cauſa cadat*. Dicit itaq; nunc Domi- nus: *Non accipies munera, quæ etiam detorqueant verba iuſtorum*, efficienſq; vt vltimas, & præſcriptas loquendi in iudicio formulas prætermittas, iuſtiti- amq; violes, & ei, cui debetur, neges. Tam valida enim ſunt dona, vt iuſtitiâ quantumvis rectâ de- torqueant; quantumvis rigidâ inſectant, quan- tumvis ſanctâ temerent, ac profanent, & in quam voluit partem abducant.

Quâm magnificis verbis extulit Spiritus ſanctus imperium, & dominatum munerum, cùm ait: *Do- num hominis dilatat viam eius, & ante Principes ſpa- tium ei facit*; Prou. 13. 16. Nonne vidiliſis quomodo

vulguſ hominum, quando ad regem videndum in compita effunditur, totas ſua frequentia explet, & obſtruit plateas? Veniunt ſtipatores, & ſatellites regij, & momento diſſugit populus, qui ſua concur- ſatione cuncta obſederat loca, & omnes regi late pa- tent viæ, vt liberrimè tranſeat, & debitam habeat apud omnes venerationem. Ad hunc modum nunc dicit Spiritus ſanctus: *Donum hominis dilatat viam eius*. Litigat quis in iudicio, cauſam habet, quam in aula perſequi debeat, & velit, ſed obſtruitur ei a- ditus, præcluditur via, vt penetrare nequeat, vbi ſua negotia curet, obijciuntur difficultates, omniaque in ſeros meſes longis extrahuntur dilationibus, & procrastinationibus. Quid hic faciat, vt cauſæ ſuæ finè faciat? Non baſtatos regis ſatellites, ſed ſplendi- dos auri ſatellites anteambulones mittat. Hi ſtatim aperient viam, hi omnia ſubmoueant impedimen- ta, hi difficultates omnes auferent, hi patentissi- mum, & ampliſſimum ſternent iter, *hi ante Princi- pes ſpatium ei facient*, & negotia omnia ad vmbili- cum extemplo perducent. Hæc eſt vis auri, hæc po- teſtas munerum: *Donum hominis dilatat viam eius, & ante Principes ſpatium ei facit*.

Gratiâ (atque vrinam non tam magnâ) valent a- pud viros Principes, & magnates munera, neque clauſam aliquando inueniunt portam. Nam vt pro- fanus ille Poëta ait, *omnia perfringit, & perſicit*. Non eſt carcer, quem aurum diſruptis clauſtris non aperiat, nulli ſunt muri, quos non deiſciat, non arces, quas non ſolo æquet, non vllum negotium, quod non feliciter, faciliterque conficiat.

Parte ſecundâ Politici lib. 6. cap. 5. & alijs in locis ad calcem capituli illius annotatis hoc argumentum prolixè tractat.

LIBER X. VITÆ ABRAHAM. CAP. I.

Vt pretium cuique rei concilietur, concedi niſi lon- giſ deſiderijs non debet, quòd enim facile datur, ſolet vitæſcere, deque exiſtimatione ſua cadere.



Iſerum eſt, inquit ſanctus Laurentius Iuſtinianus, quòd res alioquin præ- clare, & prætoſæ ſuam dignitatem, e- xiſtimationemque retinere, & ſeruare non poſſunt, niſi parce, perrarò, neque

diu humaniſe permittat oculis, vt caritatem ei ca- ritas adferat, & maioris fiat, cuius infrequentior v- ſura conceditur. *Experientiâ inſinuante hoc nouimus, quòd ſingula, quamvis ſint magna, quantumvis pretioſa, formoſa, & ſancta, immoderatiùs tamen debito propalata viſeſcunt*, inquit ille lib. de vita ſolitaria cap. 5.

Sanctus Ioannes Euangelifta Chriſti inter ſacros illius Hiſtoricos Benjamin prolixum texens catalo- gum beneficiorum, & gratiarum, quibus humana gaudet

gaudet natura, postquam eam sibi verbum Dei æternum in suæ personæ consortium, communionemque admittere, & fieri homo temporaliter voluit, qui Deus semper erat, inter alias felicitates hanc refert, quod *dedit eis potestatem filios Dei fieri* (Ioan. 1. 12.) postquam Dei filius factus est homo.

Quamquam hanc insignem, prolixamque liberalitatem dicere, & prædicare velimus, obflare tamen, quò minus faciamus, illud videtur, quòd Euangelista his, qui credunt in Christum, eumque cum Sancto Petro verum Dei viui filium constituentur, solam potestatem datam affirmat, quâ filij Dei fiant: *Dedit eis potestatem filios Dei fieri*. Vt misericordia videretur maior, & liberalitas amplior, magisque & generosa, & larga munificentia, nonne satius fuisset dicere, fecisse Deum Dei filios hos, qui in filium eius credunt, quibus cum solam potestatem concessam ait, quâ fieri Dei filij possint, difficultatem aliquam obtrahendæ illius dignitatis tali verborum circuitu indicare videtur? At cum nihil peiori illi diuino tam propenso ad benefaciendum, tam cupido effundendi sese obflare possit, quò minus sua dona in homines exoneret, cur beatissimus Euangelista de illo dicit, solam potestatem dedisse credentibus, ut filij Dei fieri queant, tanquam illi aliquod impedimentum obfuerit, propter quod filios Dei non statim fecerit?

Respondet S. Ioannes Chrysostomus, & Euthymius: *Non statim fecit eos Dei filios, ne per ignauiam perdant gratiam, sed dedit ipsis potestatem fieri, quo diligentiores reddantur*. Quòd non subito Dei filios Filius Dei facit, non difficultas aliqua ex parte misericordiæ diuinæ, sed nostræ imbecillitatis notitia in causa est, sumus enim ita comparati, ut necessum sit parciore manu nobis dona gratiæ concedi, ut pretium apud nos obtineant. Solet obtinendi facilitas negligentiam custodiendi, generare. Quare Dominus suis solam *dedit potestatem filios Dei fieri*, ut tantæ dignitatis gloria cum differtur diutius, exspectatur auidius, & seruetur cautiùs.

S. Gregorius Nazianzenus Orat. 16. ait: *Quid quid facile percipitur, facile quoque in contemptum venit, quòd autem supra nos est, quò maiore cum difficultate percipi potest, eò etiam maiorem sui admirationem mouet, atque id omne, quòd desiderium nostrum fugit, cupiditatem exercet*. Non procul à contemptu est, quòd propè ad manum, itaque illud magis suspicimus, quòd difficiliùs obtinemus, auidiusque concupiscimus, quòd se vñbus nostris magis negat.

Solicita, & anxia Sponsa auidissimè experebat,

dilecti Sponsi sui colloquium, occasionemque mellea eius verba audiendi. Et quoniam tempus meridianum tale est, ut vix inueniri sinat, quem videre velis, dixit illa: *Indicamibi quem diligit anima mea, & ubi pascas, & ubi cubes in meridie* 3 Cant. 1. 6. cum Sponsa tam efficitur amaret, & Sponsus solitus sit mutui amoris vices cumularissimè reddere, quomodo nunc se tam morosulum exhibet Sponsæ? Cur tam difficilis est erga illam omni alioquin dilectione dignissimam, ut non solum ei suam neget præsentiam, sed etiam abscondat mansionem, & habitationem? Quæ causa esse queat dedignationis?

Respondet S. Gregor. Nyssenus homil. 2. in Cant. *Vocè Sponsi nondum est dignata, cum Deus de ea melius prouideret*. Quamuis amantissimè Sponsi ardentissima esset erga Sponsam caritas, diu nihilominus suum illi negauit colloquium, & consuetudinis commercium, ad maiorem tamen Sponsæ utilitatem, & profectum. At quid commodi accidere Sponsæ ex diuiculè negata sermonis communicatione, & consuetudine familiari Sponsi potuit?

Respondet Nyssenus: *Ut ad maius desiderium eius accenderet cupiditatem dilatio fruenda voluptatis, & cum desiderio simul augetur lætitia*. Sciebat Sponsus facile decedere de pretio rei quantumvis aliàs magnæ, excellentis, eximix, quæ facile conceditur, itaque ut Sponsa consuetudinem illius, vñmque familiarem maioris æstimaret, tardius ei sui copiam concedit, nec ante permittit, quam illa eam ardentibus voris, & multis lachrymis sibi compareret, ut maioris æstimaret, quòd tanto desideriorum, suspiriorum, fletuum impendio conquisisset, & cum desiderio simul augetur lætitia.

Huc facit, quòd sanctus Martialis epist. 2. cap. 2. 1. To. 3. Biblioth. Vet. PP. ait: *Nunquam desicatis ab oratione pura. Nunquam de Dei nostri largitate desperetis, quæ salubriter, quæ desiderati, ad hoc defert, & accendantur multo magis desideria vestra in eum*. Cariora semper habemus, quæ longis desiderijs tardè concessa.

Pauci dies abierant, ex quo ab Ægypto discesserant Israelitæ, quando annonæ penuria eos in eremo occupauit. Clamarunt ad Dominum, siue murmurarunt (murmur enim illorum sanctus Cyrillus clamorem vocat) audiuitque Dominus illorum murmuratorium clamorem, dixitque ad Moysen: *Vespere comedetis carnes, & mane saturabimini panibus*; Exodi 16. 12.

Sanctus Cyrillus Alexandrinus, quem dixi, lib. 3. in Ioan. cap. 34. ait: *Quare quispiam, cuius rei gratiâ*

gratia misericors Deus non prius, quam peterent, illis prouidit, sed cum famelientes videret, tardius ad patrocinium fuit? (forte venit.) Respondet ipse ibidem: Dicimus conuenienter petitionem, clamoremque illorum expectatum fuisse. Tunc enim gratissimum solet videri beneficium, quando magno ardore petitur, aliter animus hominis magnitudinem beneficii non cognoscit.

Ex his iam facile est conijcere, quæ causa fuerit tam feri partus Saræ, partus tam felici, & fortunati, partus pleni gratijs, & benedictionibus, partus qui totum mundum gaudio, domum paternam etiam risu, & exultatione impleuit. *Concepit, & peperit filium in senectute sua*, inquit de illa sanctus Moyses Genes. 21. 2. Disulit hoc beneficium Deus usque in festam Saræ senectutem, iamque effectæ, & decrepitæ filium dedit, quem tot condecorare gratiarum ornamentis volebat, ut donum, quod ex se erat pretiosum, ex tardatione maiorem haberet æstimationem. Solet hoc addere pretium beneficijs, si diuturnis serò concedantur desiderijs. Nam ut sanctus Laurentius Iustinianus in lib. de triumphali Christi agone cap. 24. n. 5. ait: *Id possidetur fortius, gustatur dulcius, charius amplectitur, ac prudentius custoditur, quod ardentissimè concupitum, solerter quasi- tum, atque laboriosè reperiuntur.*

Sapè de hoc argumento alibi agitur. Vide Parte Primâ Politici lib. 3. cap. 5. & alia loca ad illius finem adscripta.

C A P. V T II.

Sperare tam molesta, & cruciabilis res est, tamque crudelis equuleus, ut qui hac passione vexatur, possit aliquo modo in Martyribus numerari.

Visitauit Dominus vetulam Abraham vxorem, deditque ei filium, cui nomen imposuerunt Isaac. Gaiusa fuit huius filij contubernio, & familiari consuetudine annis tribus supra triginta, ut subnotauit Lippomannus, cuius sunt ista in cap. 21. Genesios: *Vixit Sara triginta sex annis post genitum filium vnicum, quem nonagenaria peperit, nec alterius femina tanta ætas legitur. Voluit enim Deus aliquamdiu eam filio gaudere, quem tanto desiderio tot annis Dei verbis credula sperauerat.*

Premite in his illa extrema, *Quem tanto desiderio tot annis sperauerat*, quod perinde videtur, ac si dixisset, fuisse tam grande martyrium, quod sancta illa matrona subiit, tam acerbos cruciatus, quos tolerauit, dum tot annos inter spem, expectationemque transiit, ut ad refocillandum eius animum, deli-

niendumque dolorem, & abstergendam mœstitudinem tribus ac triginta annis opus habuerit, quibus filio frueretur, ut tam longo usu illius obliterare memoriam luctus, quem desiderando pertulerat.

Cum supernus Magister discipulis suis in monte Oliuarum supremum vale diceret, & iam in cœlum sese recipere vellet, ut sublime solium, quod illi in cœlis paratum erat, occuparet, dicebat ad eos: *Ego mitto promissum Patris mei in vos*: Lucæ 24. 49. hoc est, Spiritum sanctum, quæ fuit pollicitatio doni omnium, quæcunque desiderari possunt, opulentissimi, & pretiosissimi, quod dum spondebat, iubebat esse bono animo, ut qui tantum breui accepturi essent beneficium. Cum talia dixisset, *euenari manibus suis benedixit eis*, ibid. v. 50.

Quærunť aliqui Expositores, quid mysterij habuerit ista benedictio, & quo consilio abiturus Magister benedicere discipulis voluerit.

Theophylactus in illius loci commentario ait: *Benedixit discipulos suos, fortassis infundens eis vim, quæ custodiret usque ad aduentum Spiritus.* Mira interpretatio! Quid habebant Apostoli, ut necessarium esset infundi eis robur, quo seruasentur in diem usque aduentus Spiritus sancti? Quod periculum eis minabatur? Quod discrimen impendebat, ut ad illud superandum tantā indigerent confirmatione, & confortatione? Periculum quidem nullum imminebat, ut tamen Spiritum sanctum promissum fortiter constanterque præstolarentur, nouas, validioresque vires requirebant. Dixerat illis: *Ego promitto promissum Patris mei.* Ut opperirentur tempus, quod inter promissionem, & missionem intercedebat, benedictione suâ, & maioris roboris adiectione illos confirmandos putauit. Tantum enim affligere spes solet, tamque pœnaliter torquere, ut videatur Deus præstolabundos nouis auxilijs necessariò constabilire debere, ne vita illorum inter expectationem deficiat: *Benedixit discipulos, fortassis infundens eis vim, quæ custodiret usque ad aduentum Spiritus.*

Sanctus Ioannes Chrysostomus loquens de Spiritu sancto dicit quidquam, quod cuilibet adferre possit difficultatem. Verba illius ex homil. 5. de resurrectione. To. 3. sic habent: *Hesterno die agonizabamus tanquam sperantes regem, hodie latemur suscipientes Imperatorem, & ideo hesternus dies non fuit ieiunationis, sed expectationis.* Paulò infrâ mox addit: *Hesterno die delectabamur ieiunando.* Videtur Chrysostomus secum ipse pugnare. Dicit enim, die Sabati ieiunasse cum voluptate, & non longè post ait, illum

illum diem non fuisse ieiunationis. Quomodo hæc coherere possunt, quæ manifestè sibi aduersari, & contradicere videntur? Benè habet hoc. At si verba Chrysostomi attentè perpendas, inuenies sublatam difficultatem, dissipatam dubitationem. *Hesternus dies sabbatiuus non fuit ieiunationis, sed expectatio- nis*, inquit. Duo concurrerunt illà die, nimirum abstinentia à cibis, & præstolatio in vitam redituri Redemptoris, pœna, quam parie inedia, & cruciatus, quem adfert expectatio. Et quamvis dolor de abstinentia natus carnem grauiter affligeret, nihilominus *delectabamur ieiunando*, ait ille, læti, hilaresque diè illum inchi exigebamus, expectatio enim tam intolèrabiliter cruciat, vt ieiunium voluptati esse, & nulla alia pœna eo nomine digna videatur, si cum ea comparatur, quam spes, & præstolatio generat. Arbitrari id ex eo etiam licet, quod Chrysostomus, cùm ait: *Delectabamur ieiunando*, iam ante dixerat; *Hesternus die agonizabamus sperantes*, hoc est, eodem die & recreabamur ieiunio, & in confinia mortis adducebamur dominicæ anastaseos expectatione. Nam expectare, & expirare, præstolari, & immori rei expectatæ desiderio, videntur idem esse.

Propheta regius ait: *Credo videre bona Domini in terra siveuentium*; Psal. 26. 13. hoc est: Firmissimâ spe teneor, quod oculis aliquando vsurpabo ea Domini bona, quibus viuentium terra fruitur. Sanctus Gregorius Nyssenus ait, quosdam velle, Prophetam regium Dauidem de illa terra materiata hic loqui, in qua boni, & mali, Sancti, & peccatores cohabitantes viuimus. Verùm huic ille se opponit opinioni, aitque Dauidem, cùm ista ex suo, omniumque seruorum Dei nomine dixit, non fuisse tam corrupto palato, vel iudicio, vt præmio tam exili, tenui, paupere contentus esset, suosque labore dignè remuneratos putaret huius perituræ, caducæque terræ expectatione, ab eo maximè, cuius tanta est munificencia, tamque generosa prolixitas, vt exigua officia, & paruas ærumnas animo magno pro se tolleratas ingenti mercede compensare soleat. Videamus causam, ob quam non cum alijs consentit Nyssenus in Orat. 2. de beatitud. sic habet: *Quid igitur opus est ijs infernâ terrâ, quorum vita spe suspensa est?* Omnes iusti, & sancti fide à Deo qui infusum habent præmium extremum, quod pro suis laboribus expectant, non in hac passionibus obnoxia, sed in illa gloriosa terra conferendum. Quamdiu hæc mortales viuunt, semper anhelant, perpetuèque suspirant vitam æternam, exclamantque identidem cum Psal. 137. *Memini, quia incolatus meus prolongatus est; Plasm. 119. 5. heu quantum tardat tam*

longis votis expectata patria? Dicit nunc Nyssenus: Spes protracta, & diuturnum desiderium eius, quod appetitur, tam acerbè cruciat, tam acriter affligit, vt iustus luto vilis putaret totius terræ dominium, si illi offerretur, quamdiu à spe vita eius pender: *Quid igitur opus est ijs infernâ terrâ, quorum vita spe suspensa est?* Si cui totius mundi imperium offerretur, sed cum onere longæ expectationis, nullus ei honor offerri videretur, plus enim torquet spes, quæ differtur, quàm imperium, quod longè, latèque diffunditur.

Benè hoc exaggerauit Salomon, cùm ait: *Spes, qua differtur, affligit animam*; Prouerb. 13. 12. Cornelius à Lapide ea sic interpretatur: *Sicut corpus cruciatur, dum extenditur ultra naturalem modum, & sicut in equuleo, sic pariter cruciatur anima, dum extenditur distensione spei, & longâ expectatione rei desideratæ. Quod ergo est corpori equuleus, hoc est anima dilatio rei speratæ. Vt enim corpus funibus immodicè contentis luxatur, sic anima dilatione diuturnâ pœnaliter conuellitur, & distrahitur.*

Noctæ cœnæ dicebat Christus discipulis suis: *Desiderio desiderauit hoc Pascha manducare vobiscum, antequam patiar*; Lucæ 22. 15. Dialectus hebræus est, geminare verba ad rem aliquam amplificandam. Infinita huius rei exempla reperias in scriptura. Quod ergo Redemptor noster aiebat, *Desiderio desiderauit*, perinde est, ac si dixisset vehementissimè expectij, desiderium meum tantum fuit, quantum verbis satis exaggerari non potest.

Euthymius ait: *Festinatione festinaui*, & velut celeribus equis cucurri ad mortem. Itaque desiderium alicuius rei, & festinatio ad eam consequendam videntur idem esse, nihil enim est, quod tam fortiter incitet, nihil quod animæ latera tam acriter stimulet, fodicetque, quàm calcar impatientis desiderij, quod cupiditate dilati gaudij pœnalissimè exerceat?

Plurima, eaque optima, & grauissima, gratissima, que habet de hac materia Periocha I. FERIA VI. post Domin. I. Quadrage. Tom. 1. pag. 115. Vide in eod. Tomo Periocham IV. FERIA V. post eandem Dominicam I. pag. 109. Vide etiam Tom. 2. Periocham II. Dominica I. in Aduentu, pag. 326.

CAPVT III.

Esse parentes liberorum sanctorum tanta est felicitas, vt humana alia cum illa certare, ac comparare nulla possit.

Prodiit in lucem mirāculosus veteranorum parentum, Abrahæ, & Saræ partus Isaac. Isaac risus dicitur. Fuit autem id nominis illi impositum propter risum, & gaudium, quod cum pignore tam inopinato natum. Itaque senicula puerpera lætabunda dicebat: *Risum fecit mihi Deus*; Genes. 2. 6. Merito autem, vt aiunt Interpretes, sic appellatus puer fuit, qui tam sanctus, tam studiosus virtutum futurus erat. Nam parentum, familiæ, prosapiæ nulla potest esse maior felicitas, nulla par illi, quæ de probis, pijs, integris liberis, ac posteris generatur. Sic & nulla magis deploranda miseria, quàm habere sobolem, quæ suo generi sit ignominix, & probro.

In idololatriam prolapsus ille contumax, & duræ ceruicis populus deastrum sibi finxit in similitudinem vituli comedentis fœnum, & porro etiam sacrilegè per summum scelus adorauit. Grauius exultauit Domini pectus hæc cœca, & nefaria populi insolentia, voluitque pœnas, quas tantum flagitium postulabat exigere, sed tantquam veritus, ne vilis populi inclytus ductor Moyses obstitere supplicia illaturo, suisque precibus impedimentum afferret executioni, de proposito suo cum illo ante voluit communicare, vt ille hoc approbans, liberius punire Domino permitteret. Aiebat ergo ad illum: *Dimitte me, & irascatur furor meus contra eos, & deleam eos, faciamque te in gentem magnam*; Exodi 32. 10. tanquam pluribus dixisset: Solue mihi has manus, quas tuæ sanctitatis, ac virtutum vinculis confictas tenes, vt sacrilegos idololatrias infami vitæ exuam, quod si per te facere licuerit, insigni beneficio te in vicem ornabo. Quonam illo? An gloriosos de hostibus triumphos referet? Nihil hoc est ad illud, quo eum cumulabit. Fortean absolutum totius orbis terrarum Imperatorem faciet? Etiam hoc oppidò inferius est dignitate, quàm illum condecorabit. Gratiâ illum, & felicitate omnium maximâ, & quæcum alia nulla comparari queat, donabit. Quâ tandem, *Faciam te*, inquit, *in gentem magnam*, & patrem hominum plurimorum.

Quid sibi vult illud, *Faciam te in gentem magnam*? Glossa Interlinearis paucis, vt solet, verbis id exponit, dicens: *Faciam te in gentem magnam, in generationem sanctorum, & liberorum, proborum parentum*. Itaque esse filiorum sanctorum patrem tanta est felicitas, vt nulla alia ei comparari posse videatur. Nam quando Dominus voluit Moysen permouere, vt permitteret mactari populum (quæ res illi alioquin inuisissima erat), nō putauit alio medio ob-

ligari efficacius posse, quàm si ita beatè velle addiceret, vt pater sanctorum posterorum fieret: *Faciam te in gentem magnam, in generationem sanctorum*.

Venit Iacob ad patrem suum Isaac ex senio cœcucientem, & astu, quem à matre doctus fuerat, petijt, & obtinuit benedictionem, quæ sic habebat: *Det tibi Deus de rore calis, & de pinguedine terræ abundantiam frumenti, & vini, & seruiant tibi populi, & adorent te tribus, esto Dominus fratrum tuorum, & incurruentur ante te filij matris tuæ, qui maledixerunt tibi, sit ille maledictus, & qui benedixerit tibi, benedictionibus repleatur*; Genes. 27. v. 28. 29.

Paulus Burgenfis putat tenuem, parcamq; fuisse hanc benedictionem. Quid verò illi, quod ad copiosam, cumulatamq; benedictionem requiri possit, defuit? Precatus fuit Isaac filio suo rerum omnium necessariorum affluentiam à cœlo, terræque, precatus fuit summum in fratres, & extraneos imperium, precatus fuit, vt nemini benè esset, qui illi vellet malè, vtque felices essent, quicumque illum felicem esse cuperèt, quid ad hæc optare amplius potuit? Ergone non vides, inquit Burgenfis, huic benedictioni, quod potissimum, & præstantissimum est, deesse? Non video, dicis. Siccine: Ego itaque dicam. Illud decedit huic benedictioni, quod non fuit filio suo sanctos liberos, posterorq; precatus. *Non legitur, quod Iacob fuisset benedictus à patre suo de propagatione hominum*, inquit Burgenfis, tanquam diceret: Noli eam existimare perfectam benedictionem, quæ non optat sanctos liberos, quantævis enim sint benedictiones, nomine consummatarum benedictionum donari non possunt, quibus vnum illud deest. Suprema namq; benedictionum ea est, si cui prece- ris, vt cum ipse sit bonus pater, sobolem quoque bonam, & sanctam habeat.

Id adeò verum est, vt S. Gregorius Nazianzenus putet tanquam commentum explodendum, si quis dicat, fuisse aliquem tam felicem, vt multorum bonorum liberorum pater dici meruerit. *Qui simul & multos, & probos, atq; honestos filios habuerit, in fabulis fortasse reperias* inquit ille in Mon. S. Basilij Magni. Hæc eò dicebat Nazianzenus, vt primum quidem indicaret, quanta fuerit Dei beneuolentia, & prolixitas ergà Basilium, & Familiam sanctos sanctorum Basilij Magni, Gregorij Nysseni, Petri Episcopi Sebastensis, Macrinæ, Naukratij, & aliorum quinque liberorum parentes, deinde verò felicitatem Magni Basilij exaggeraret, qui habuerit tales parentes, auos item paternos, maternof-

que Sanctorum catalogo adscriptos, denique etiam auunculum quendam Episcopum, & Martirem.

Itaque quod stirps vna numeret septemdecim continuato ordine sanctos auos, parentes, auunculos, fratres, ac sorores, ea tam larga, & copiosa, & nunquam mundo visa benedictio est, vt fabula videri posset, nisi Ecclesie approbatio fidem illi certam conciliaret. Ac propterea Nazianzenus vbi supra ita demum pronuntiat: *Mhi maximum, & clarissimum esse videtur felicitas in liberis*, maiorem enim hac non habet aliam vita presens.

Non parum virum his addet, quod propheta regius gaudens, hilarisq; canebat, dicens: *Funes ceciderunt mihi in praclaris, etenim hereditas mea praclara est mihi*; Psal. 15. 6. Notorium est, ac tritum illud, quod olim hereditatum termini funibus dirimebantur. Ita affirmant Hugo Cardinalis, Caietanus, Titelmanus, Lorinus, & omnes alij. De sua hereditate ait David: *Praclara est mihi*, delectabilisque, ac voluptuosa.

At videamus quanam ea sit hereditas, quam ita praedicat, & extollit tantus propheta. Marcus Antonius Flaminius id sic exponit: *Lutulentia certe, & praclara mihi venit hereditas, homines, inquam, mihi pater excellentes, & vniuersi plane generis humani mihi florem assignavit*, & posteros dedit sanctorum integerrimos, integerrimorum sanctissimos. Hanc ego gloriosissimam, & incomparabilem hereditatem exitimo; *Maximum enim, & clarissimum esse videtur felicitas in liberis*. Qua in re cum tanti Theologi, Nazianzeni dico, sententia inhaereo, nulli me aberrandi à veritate periculo expono.

C A P V T I V.

Vana est spes, quæ studijs, & lucubrationibus nititur alienis, inanis expectatio illorum, qui praemium praestolantur eorum operum, quæ possent facere, vera enim spes pendet à laboribus proprijs, & executione eorum, quæ animo conceperis, & facere proposueris.

Natus ergo fuit optatus infans, & appellatus Isaac, & die octauo circumcissus, fecitq; Abraham grande conuiuium in die ablactationis eius; Genes. 21. 8. De hoc epulo ait Sanctus Augustinus q. 30. in Genesin. *Merito queritur, cur Abraham nec die, quo natus est ei filius, nec die, quo circumcissus est, sed die, quo ablactatus est, epulum fecerit.* Quid

mysterij habet magnificum illud conuiuium tali tempore celebratum, quod ad nostram facere possit institutionem?

Respondet magnus Doctor ibidem, quod nulla quaestio solutio est, nisi ad spiritualem aliquam significationem referatur, tum scilicet esse debere *magnum gaudium spirituale aetatis, quando factus fuerit homo nouus spiritualis*, qui pascatur solido cibo.

Cum puer ablactatur, tunc per se comedere, & absque adminiculo manus alienæ, aut rei alterius ambulare incipit, idque olim communi lætitiā celebrabatur, vt aiunt Caietanus, & Pererius. Ergo non quando primum nascebatur, nec quamdiu lactabatur, sed quando abdicabatur, auellebaturq; ab uberebus, ipseque per se & capere cibos, & carpere viam puer poterat, tunc festum instruebatur conuiuium, vt eo mysterio doceremur, tunc quemq; gaudere, ac latari posse, quando ipse sibi parare victum, ipse suarum manuum labore agere vitam, & propriæ industriæ sumptu nutricari sese potest. Vivere enim impendijs operæ alienæ, & praesidere meritis vicinorum, & non studere proprijs, est spes vanissima, & frivola expectatio: *Quia debet esse magnum gaudium spiritualis aetatis, quando talis factus est homo, qui pascatur solido cibo.* Quamdiu Christianus non studet labori proprio, parum utilitatis referet ex alieno.

Viuentium optimus maximus probrosissimo in ligno expirauit, & mortem vitæ auctor oppetijt. Et quoniam amicos secretos vel nonnullos reliquerat superstites, quidam ex his Nicodemus venit, vt pro more rituum Iudaicorum sacrum eius cadauer vngeret, eumque in finem venit ferens mixturam *myrrha, & aloes, quasi libras centum*; Ioan. 19. 39. Magna fuit istius vnguenti copia, vt notant omnes Interpretes, librarum tamen pondus leuius, quam huiatum Castellatarum. Quatuor amphoræ fuerint vnguentorum, quæ pius Nicodemus ad imbuedum Domini nostri corpus attulit, & liberaliter adhibuit. Et quanquam hæc ille fecisset, nihilominus Maria Magdalena, & Maria Iacobi, & Salome emerunt aromata, vt venientes vngerent IESVM; Marci 16. 1. cuius rei gratiā postridie Sabbati primo diluculo abierunt ad monumentum, vt hoc supremi honoris officium Domini sui cadaueri impenderent. Videntur inaniter ista fecisse fide illæ, ac deuotæ mulieres: Nam cum Nicodemus tantam myrrhæ, & aloes copiam paratam iam haberet, vt ritui sepulchrali satisfaceret, quamobrem illæ istos tam superuacaneos sumptus fecerunt, coëmantes aromata, quæ defuncto corpori nihil iam commodare po-

re po-

re potuisse videntur? Quod si ita est, cur emerunt aromata, & venientes ungerent Iesum? Quorsum ista aromatum impensa, postquam Nicodemus totis centum libris unguenti corpus Dominicum perfudit, tinxitque?

Respondet Petrus Abaylardus epist. 7. *Parauerunt aromata, nec satis fideliter habentes aromata Nicodemi, nisi adderent & sua.* Dixerint apud se pie mulieres: Abundè quidem sufficiunt perungendo corpori Domini nostri myrrhæ & aloë, quæ Nicodemus eam ob rem coëmit, verum soli illi etiam ferrentur accepti sumptus in usum huius vñctionis facti, ille solus discipuli verè charitate flagrantis famam obtrinebit, itaque studium illius, ac diligentia neque gloriam nobis adferet, neque laudem aliquā parabit, nemo enim nos Magistri nostri amantes, observantesque arbitrabitur de illo, quod Nicodemus erga ipsum fecit, neque enim in proprium honorem redundare potest opus alienum. Quare ut illæ merita propria sibi consarent, ad unguentā Nicodemi addiderunt aromata sua, ratæ ad solius Nicodemi gloriam facere, quæ ipse fecerat, nihil verò commodi ad se inde deriuari, *nec satis habentes aromata Nicodemi, nisi adderent & sua.* Aliena parum nobis conferunt merita, curandum ergo ut habeamus propria, nam quæ alij faciunt, quamvis opitulari nobis utcumque queant, prorsum tamen iuuare non possunt.

Isaias Propheta ingrato populo ex Deo hæc aiebat: *Audite me domus Iacob, qui portamini à meo Stero, & gestamini à mea Vulva;* Isa. 46. 3. videte quomodo meæ in vos beneficentiæ respondeatis, quos totis visceribus meis complector, & circumfero, quemadmodum aliu suā circumferre puerum suum grauida mater solet.

Hugo Cardinalis ait: *Nota, familiariter se dicit Christus matrem, peperit enim nos cum dolore magno, in lecto duro satis, id est in cruce.* Subdit autem: *In partu vero dolor est non solum matris, sed etiam factus.* Et de muliere quidem Christus dicebat, *cum parit, tristitiam habet; mortaliterque affligitur, quia venit hora eius* (Ioan. 16. 21.) timens ne illa fiat ei hora vitæ supremæ, propter præsentaneum periculum, cui exponitur, dum suum luci pignus exponit: Nihilominus etiam infans ex illis yteri materni angustiis absque dolore non erumpit.

Quid ergo mysterij habet, quod Christus mater vocatur, quæ nos in cruce cum ingenti suo cruciatu peperit, cum & filij eius non sine dolore nascantur?

Respondet Hugo ibidem: *Quia non sufficit dolor*

matris, id est, Christi, sed exigitur dolor filij. Quantum ad efficaciam non satis est fidelibus sola passio, & mors Christi, ut saluentur, & sint illius efficaces filij, nisi adimpleant, quæ desunt passionum Christi in carne sua, operaque, & merita bona adiungant propria.

Confirmatur hoc illà Christi sententiā: *Si quis vult post me venire, abneget semetipsum, & tollat crucem suam, & sequatur me;* Matth. 16. 24.

Hugo Cardinalis monet observare, quas conditiones Christus requirat, in eo, qui velit ipsius verus esse discipulus. *Tollat crucem suam. Suam dicit, non meam, quasi dicat, Dolor meus non sufficit, nisi adsit & vester.* Quanquam enim efficacitatis infinitæ sint merita Christi, efficacia tamen nostræ saluationi non erunt, nisi nostra bona opera, & merita accedant ad illa: Itaque tamen operum alienorum auxilia implorare debemus, parum tamen ea iuuabunt, aut proderunt, nisi cum ijs concurrant nostra propria studia.

Cum Barbarus Pharaon iniquè acciperet discessionem Israelitarum, plurimis curribus, & magno equitum, peditumque armorum exercitu eos insectatus fuit, ut victos, captiuosque sub iugum pristinae seruitutis per vim reduceret. Venit ergo rex cum suo apparatu, & horrifono strepitu militari, furens, & efferratus. Viderunt illum Israëlita, metuque tantum non exanimati optabant nunquam extulisse pedem Ægypto, erigebat verò illos Moyses, & securi animi esse iubebat, dicens: *Dominus pugnat pro vobis, & vos tacebitis;* Exod. 14. 14. quod ex interpretatione Abulensis eiusmodi est, ac si dixisset: *Non pugnabit, non clamabit, sed solum respicietis, qualiter Deus facit magna in Ægyptos,* miracula nunquam audita videbitis, nec enim vel arma corripietis, vel voces aliquas dabit, & tamen liberi, ac salui euadetis.

Ioannes Cluniacensis Serm. 25. Tom. 3. ait: *Sensus spirituali hoc applicari non potest;* velut dixisset: Quamvis nihil ferè sit in sacris literis, quod transferri ad spirituales nostram institutionem non possit, iuxta illud Sancti Pauli: *Quacunque scripta sunt, ad nostram doctrinam scripta sunt;* Rom. 15. 4. non video nihilominus, quomodo illam Moysis sententiam vertere ad nostram eruditionem queam. Sed quare ad spirituales doctrinam, & commonitionem nostram commodè adhiberi illud Moysis effectum non possit? Res ipsa id loquitur. Quid enim ait Dominus per Moysen? *Ego pugnabo, & vos tacebitis,* ego tota triumpho, quem reportabit, causa

ero, sic ut vos nihil laboris huc conferatis, & ne voces quidem dare opus habeatis. Dicit nunc Ioannes Cluniacensis: *Sensus spiritualis* (illi quem hoc capite persequimur) *hoc applicari non potest*. Putare enim quoddam in conflictibus animæ, dum pugnamus cum nostris capitalibus hostibus, qui nobis, ne in æternæ gloriæ terram promissam ingrediamur, obhsistunt, Deus solus & dimicaturus, & omnia facturus sit, sic ut nos tanquam muti taceamus, nihilque vel loquamur, vel agamus, neque studia nostra ad merita passionis illius adiungamus, notoria deceptio est, & manifesta stulticia.

Commodum huc venit illud Ecclesiastici 40. v. 30. *Vir respiciens in mensam alienam, non est Vita eius in cogitatione vitæ, alius enim animam suam cibis alienis*. Græcus sic vertit: *Non est Vita eius in estimati- one, reputatione, computu vitæ, ac si dicas, talis Vita non est estimanda, & censenda Vita, sed mors potius*, inquit Cornelius à lapide. Tigurina translatio ita habet: *Viri mensam alienam spectantis Vita non est pro Vita deputanda*. Biblia Complutensia legunt: *Vir respiciens ad alienam mensam, non habet vitam in ratione vitæ*. Syrus ita reddidit, qui sperat in mensam alienam, nemo reputauit vitam. Horum omnium vna est sententia, nauci faciendam esse vitam, quæ à mensa dependet aliena, & suam sibi aliunde velut mendicatio parat alimoniam. Vita enim, quæ aliorum nititur beneuolentiæ & liberalitate, non est pro Vita reputanda, aptiusque mors nuncupatur. Tantundem dicere possumus in rem præsentem. *Vir respiciens in mensam alienam, non est Vita eius in cogitatione vitæ*. Christianus, qui meritis præfidit alienis, qui spem suam in poenitentibus, macerationibus, inedijs aliorum positam habet, neque ipse collaborat, non est Vita eius in cogitatione vitæ, non ille cogitat saluari, aut si cogitat, malè, & stultè præsumit, quamdiu enim non studuerit, & usus fuerit operibus proprijs, parum commodi habebit ex alienis.

Parte 2. Politici lib. 3. c. 4. prolixius, felicisque hanc rem tractat. Ibidem ad finem inuenies alia loca adscripta ex Strogo Tomo priore, & in eodem argumento versatur.

CAPVT V.

Non est honorificum, & gloriosum à nobilibus, & gloriosis parentibus esse oriundum, nisi nobiliter viuas, & generosis operibus studeas, quisque enim suarum actionum est filius.

Itaque festum epulum illi diei seruatum fuit, quod Ipuer Isaac ab vberibus maternis abdicatus: Ecce Abraham grande conuiuium in die ablationis eius. Ratio huius, quam ex Sancto Augustino, Caietano, Pererio adduximus, aptè huc cadit. Neque natalis, neque circumcisionis dies Isaaci, sed ille tantum splendido conuiuium magnificè celebratus fuit, quo puer ab vberibus auulsus, quoddam per se ambulare, & victitare soleat homo, cum in eam ætatem adoleuit. Huius autem introducenda consuetudini, congruens fuit ratio, nempe Et cum infans comedere per se inciperet, tunc id communi mulierum conuiuantium laetitia celebraretur, inquit Pererius. Cum lac puero maternum subtrahitur, tunc festa rectè instituntur epularum gaudia, quando scilicet maturi homines esse incipiunt, ut qui per se cibum sumere, & hac, illacque ire possunt. Hinc intelligimus, verum totumque gaudium liberorum non esse positum in virtutibus & pijs actionibus suorum parentum, sed in ijs, quibus ipsi operam nauarint. Quæ enim ipsi benè agunt, hæc illos nobilitare, hæc facere illustres debent. Nam cum suorum operum quisque sit filius, ut communi fertur adagio, & sibi quisque genus faciat, ad gloriam, siue infamiam, ad honorem, siue dedecus parum facit origo parentum. Quare Sanctus Petrus Damianus lib. 7. epist. 14. ait: *Frisolum est proauorum iactare titulos*. Si quis vacuus est virtutibus, & omni egregiorum facinorum decore nudus, non ille vanè, ac ridiculè gloriatur inclytorum maiorum suorum præclare gestis, victorijs, triumphis: Quid refert, quoddam quis dicat, se descendere à Guzmanis, Mendozijs, Sandoualijs, Cerdis, Osorijs, Pimentelijs, Zunigis, Enriquijs Velascijs, Figuerois, Cardenijs, Cueuis, Riberis, Poncijs, si ille talis est, ut infamis vitæ contaminatis moribus omnem obscuret suæ regis originis splendorem, si velut vilis terebula radicem tam illustri trunci radit, vitiat, corrumpit, quem ab illustri familia quidem venire, sed tanquam fugitiuum, dicemus.

Duos exploratores à Iosue ad terram, urbemque Iericho ablegatos sacra illius historia c. 2. v. 1. his verbis narrat: *Misit ergo Iosue filius Nun de Setim duos exploratores in abscondito*.

Magnus Hispanus noster Arias Montanus notauit hic, quoddam Iosue hoc in loco vocatus fuit filius Nun, deinceps verò usque ad diuisionem terræ promissionis, & felicem obitum suum non amplius ita appellatur, quando distinctio, & ordo rerum postulabat ut iterum filius Nun diceretur. Ariæ verba sic habent: *Misit Iosue filium Nun, hoc est, dum adhuc filius*.

hinc. Non cognominaretur, neque suo nomine magis, quam paterno cognomine clarus esset. Postquam verò iam imperator publice declaratus, atque susceptus, & saluatus fuit, ita clarus, celebrisq; propriâ dignitate, perpetuo deinceps Iosue appellatur, nullâ patris mentione factâ. Cum nihil adhuc memorabile patrisset Iosue, à patre cognominatus, & filius. Non dictus fuit: At postquam dux populi supremus renuntiatus, & strenuorum operum luce splendescere cepit, iam de proprio nomine tantum, nullâ patris factâ mentione, designatus, & Iosue solum vocatus fuit, tanquam dictum fuisset: Deinceps Iosue non ut sui patris, sed ut operum suorum filius considerari, haberiq; debet: Clarus, celebrisq; propriâ dignitate perpetuo deinceps Iosue appellatur, nullâ patris mentione factâ. Parum profunt filij opera parentum, cum ipsi suorum operum sint filij.

Habet titulus Psalmi septimi aliquid difficultatis, quod excutiamus, spectatq; ad genus, & prosapiam Chusai, vel Chusi. Titulus hic de illo quidpiam affirmat, quod contradicere videtur his, quæ in libris Regum narrantur. Inscriptio Psalmi, quem dixi, sic habet: *Psalmus David, quem cantavit Domino pro verbis Chusi filij Iemini.* Secundi verò Regum c. 16. v. 16. dicitur: *Cum venisset Chusai Arachites amicus David ad Absalom, locutus est ad eum.* Itaq; in Psalmis vocatur Chusai filius Iemini, in historia Regum filius Arachi. Quomodo rectè accipiemus illa tam distincta, & diversa nomina?

Euthymius iubet indagare significatum nominis Iemini, atque inde accipere dubitationis declarationem, Quid ergo sibi vult Iemini? Respondet Euthymius: *Iemini dextera interpretatur.* Dextera autem sagacitatis, solertiae, industriæ, & discretionis est symbolum. Chusai prudentia, & industria, & dexteritas tanta fuit, ut per illam dissipaverit machinationes omnes proditoris Absalom, totiq; regno pacem attulerit, & Davidis iniuriam vitus fuerit. Nisi consilium Chusai obtinuisset, magna hominibus, rebusq; omnibus vastitas allata fuisset. Melius est consilium Chusai Arachita consilio Athropel, dicebant Absalom, omnesq; illius consiliarii 2. Reg. 17. 14. ex quo factum fuit, ut regnum quiete potiretur, & Davidi pristinus suus splendor rediret. Cum ergo tanta esset dexteritas, tanta solertia, sagacitasq; Chusai, deinceps filium Iemini, & non de patre Arachitam nominare voluerunt. De quo Euthymius ita: *Ab huiusmodi strenuo opere appellationem hanc Chusi consecutus est, ut Iemini filius diceretur, quod Iemini dextera interpretatur.* Cum quisq;

suorum operum sit filius, & illud tam sagacis consilij factum valde insignis, & memorabile fuerit, obliti homines nomen patris Arachi, putarunt illum vocandum filium Iemini, siue dexteræ, industriæ, solertiae, magis enim nobilitant præclara facta propria, quam sanguis illustrium auium. Propterea dicit Euthymius: *Mos est scriptura sacra ab studiis, tanquam à parentibus filios nominare, veluti filium pacis, filium sapientiae, filium perditionis.* Est enim quisque suorum operum filius, adeoq; ab illis appellationem suam trahit magis, quam à patre, qui genuit.

Non importunum huc veniet quoddam Onofandri consilium, qui suadet in electione supremi militum ductoris merita illius, cui hoc officium demandandum est, expendere, quæ verò à maioribus illius gesta sint, non inspicere. Verba eius in Stratagematis c. 1. sic habent: *Nam & gentilem quoque, siue maiorum virtutem amare licet presentem, nefas quærere absentem, aut huius tantum gratiâ, & favore dignos imperio existimare. Vt autem animalia, quorum strenua opera est, generosa dicimus, sic generosi homines ex sua, propriâque, non aliena, aut adferenda virtute iudicandi. Amentis enim est, quod præclard à maioribus gestum sit, inspicere, nec quid ipsimet eligendi præstare possunt, expendere.* Ex his ita pronuntiamus, neminem debere curare vel natale solum, vel truncum, ex quo pullulavit, vel maiores, à quibus sanguinem accepit, nisi ipse talis sit, ut ab illis ducere originem meruerit: Actiones enim propriæ sunt, quæ verè existimationem, dignitatemq; conferunt, quisque enim suorum operum est filius, siue bona ea sint, siue mala; ac propterea homini probò parentes improbi nihil derogare, neque scelera-to famam conciliare gloriosam aui illustres possunt.

De vera nobilitate inuenies plura in 1. p. Politicorum lib. 2. c. 3. & alijs in locis ad finem illius c. adscriptis.

CAPVT VI.

Cum in nostra potestate sit facere nobis genus, & excitare domum, neminem contristare obscuritas, & vilis maiorum, ex quibus oritur, debet.

HOC capitulum necessarid sequitur ex præcedente. Nam ut multis honorificum quidem est, quod ex illustribus parentibus oriundi sunt, ad veram tamen nobilitatem parum facit, nisi maiorum suorum esse similes studeant, & nobilitatem illam generosis moribus restatam faciant: Ita nonnullis adferre merorem potest, quod cum animo ad proa-

uos suos recurrunt, ex viris obscuris, abiectis, tenuibus, mendicis se natos vident. Verum vt hos consoler, tristitiamq; omnem illis adimam, volo vnumquemque monere, quod in potestate cuiusque positum est, facere seipsum magnum, clarum, illustrem, & generosum, sic vt nihil illum suorum fuligo maiorum obscuret. Nam si præclara facinora edat, si heroicarum virtutum exercitationi studeat, si opera strenua tractet, peculiare sibi genus faciet, & prosapiam singularem, & stirpem propriam, quâ & parentum suorum obscuritatem illustret, & posteris omnibus splendorem adferat.

Salomon Ecclesiæ sui c. 3. v. 2. ait: *Tempus nascendi, & tempus moriendi.* Cum omnia tempus habeant, certe ijs tam communibus rebus, natiuitati, dico, & mortis suum deesse tempus non poterat.

Sanctus Gregorius Nyssenus homil. 6. in Ecclesiæ, ait, hæc non de corporali tantum, verum etiam spiritali natiuitate, & morte accipienda. Quomodo ergo intelligemus illam mortem, & natiuitatem, ortum istum, & occasum? Respondet Sanctus Doctor, esse quandam mortem, & natiuitatem, quæ in hominum potestate, & arbitrio sit posita. Verba illius ita habent: *Nobis ipsis quodammodo patres sumus, quando per bonum animi institutum, liberumq; arbitrium nos ipsos formauerimus, & genuerimus, & in lucem ediderimus.* Quod ergo Salomon ait: *Tempus nascendi*; tale est ex interpretatione Nysseni, quale si dixisset: Si quis forte queritur, quod ex ignobilibus, obscuris, infimis parentibus descendat, non propterea lugeat, neque consternatur animo, aut quidquam doleat, vt qui cum diuinæ gratiæ opitulatione ipse sibi nouum virtutum, & bonorum operum genus excitare possit, quo & naturalis familiæ, stirpisque vilitatem tegat, & illustret nebulam. Verum enim genus, & antiquissima nobilitas ea est, quæ à virtutibus descendit, quoniam nobis ipsis quodammodo patres sumus, & in nostra potestate situm est, vt multa virtutum heroica opera edentes, gloriosissimam propagemus posteritatem, & nobilissimam successionem.

S. Hieronymus obseruauit, quod & vos omnes aduerteritis, in diffusa illa, proluxaque recensione maiorum Redemptoris nostri Christi quatuor mulierum fieri mentionem, quæ fuerint peccatrices. Eæ sunt Bethsabee, Thamar, Ruth, Rahab. *Notandum*, inquit ille, *in genealogia Saluatoris nullam sanctarum assumi mulierum, sed eas quas Scriptura reprehendit.* Et verè sua habet momenta, quod tantus Doctor expendendum putauit. Quid verò est, quod

Saluator noster ex prosapia nasci voluit, in qua & mulieres non pauca fuerunt flagitijs insignes, & viri multi multis sceleribus cooperti, qui poterat sibi homines, ex toto mundo intaminatissimos, integerrimos, sanctissimos deligere maiores, ex quibus nasceretur, postquam semel illi constitutum fuit naturæ suæ diuinitatem nostrâ humanitate tegere, & carnem nostram in consortium suæ personæ admittere?

Euthymius in c. 1. Matth. respondet huic quaestioni dicens: *Per talia docemur, non de progenitorum peccatis, sed de proprijs erubescere, neque de maioribus gloriar, sed propria curam habere virtutis.* Quod ergo Dominus non dedignatus est ex ijs maioribus suam temporalem ducere originem, qui vitam in peccatis duxerunt infamem, hoc fecit, primum vt nos moneret, quàm parum damni ac turpitudinis nobis adferre maiorum nostrorum malefacta possint, dum eorum modò turpia vestigia non consecrari velimus, deinde vt instrueret, quod parum nobis prodesse illustria clarissimorum auorum gesta queant, si nos tanquã viles, & nothi desectamus ab itinere, quod illi tenuerunt, & ab eorum virtutibus degeneremus. Nam cum ipsi nobis prosapiam peculiarem nostris operibus faciamus, in nostra potestate est nostra infamia, in nostro arbitrio nostra nobilitas.

Sanctus Iob de impijs ex translatione LXX. Interpretum c. 21. v. 8. ait: *Semen eorum secundum animam, filij eorum in oculis.* Hanc versionem secutus Sanctus Ambrosius quaerit, quidnam hoc sit generationis, & posteritatis, de qua exemplar patientiæ ait, & animâ suam habere originem natalem (*Semen eorum secundum animam*) cum tales prosapias non norint genealogi, qui nobilium familiarum fontes indagant, & primordia inuestigant. Respondet Sanctus Doctor, sanctam, & castam esse, atque ex electione, libertateque nasci eam prosapiam, qua de Beatissimus Iob loquitur. *Filios ergo Scriptura pro operibus frequenter & surpat, eo quod locupletior in factis, quàm in filijs sit nostra posteritas*, inquit ille lib. 2. de interpellat. Iob. c. 4. Posteritas itaque, & successio, de qua hic Iob agit, ab anima descendit (*Semen eorum secundum animam*) suntque opera seu bona, seu mala, quæ facit homo. In sua anima habet quisque aliud solum, in sua anima habet alium locum, in quo sibi excitare possit nobilissimam domum, & fundare generosissimam nobilitatem. Ergo non magni facienda domus, ex qua quis originem ducit, cum perfacile sit vnicique, sibi ipsi genus facere, & posteritatem.

Philo Iudæus obseruauit, quod Textus sacer, cum

genus

genus inclyti Patriarchæ nostri recensere institueret, magno verborum compendio ad eam narrationem usus fuit. Sic nimirum habes Genes. 11. 27. *Ha sunt generationes Thare. Thare genuit Abraham, Nachor, & Aran. Quam citò retraxit diuinus historicus calamus, quo ad scribendam genealogiam Abraham vtebatur! In tantum autem Scriptura magni fecit hunc virtutis amatorem, et in stemmate eius non more aliorum auos, proauos, maioresque ceteros, siue paternos, siue maternos recenscat, inquit ille lib. 1. de Abraham. At quam parcus in maioribus illius indicandis, tam proluxus in commemorandis, prædicandisque virtutibus eius Sanctus Moyses fuit. Notauit hoc Philo consequenter ibidem, dicens: Sed virtutes, tantum non diserte clamant, nullam aliam familiam, cognationem, patriam sapientis esse præter virtutes, & harum actiones ostendit. Docuit ergo eo mysterio, quemque hominum intra se habere genus suum, nec debere aliam diu indagari proficiam illius, qui se studio virtutum consecravit, & operum bonorum exercitationi tradiderit, ut cui illa sint antiquissimi, & nobilissimi tùm maiores, tùm poster.*

Secundum hæc multum debemus nobis ipsis, ut qui ex nobis tam facile auferere genere, & familiam, posteritatemque pro nostro arbitratu amplissimam generare possimus. Plurimum etiam nos fedaremus, si turpibus actionibus obscuraremus sanguinis claritatem, & dehonestaremus, cum vtrumque in nostra sit potestate, de quo Sanctus Gregorius Nyssenus in lib. de vita Moyse ista: *Electioe propria unusquisque nascitur, unde fit, et nos ipsi patres quodammodo simus nostri, qualescunque nos solumus electione gignentes, & aut marem, aut feminam cictus, ac virtutis ratione fingentes, licet inquam, nobis mares nos ipsos gignere, ac parentibus nostris, cogitationibus scilicet, bonis, qua virtutem pariunt, voluptatem adferre, iucunda enim est cognatio virtutis. Quid aptius in rem præsentem dici, aut expeti potuit? Unusquislibet sui arbitrij filius nascitur, ex quo sequitur, quod sibi quisque velut parens sit, & suam originem, posteritatemque, qualem vult, pro sua libidine pingat, formet, effigiet, & siue masculos bonorum operum, siue malorum foemellas generet. Nobis datum est, excitare familiam, qualem, quantamque libuerit, in cuiusque potestate namque est, liberos, quos sibi magis honorificos putet, producere. Electione propria unusquisque nascitur. Ergo ne luge obscuram originem, sed cura sanctam cum virtute exigere vitam, cum enim sis pater tui ipsius, qualem*

Tom. III.

duxeris vitam, tale habebis genus, parque erit familiaris tuæ nobilitas, & operum.

CAPVT VII.

Cum mores pueris quendam velut indelebilem characterem imprimant, expedit à teneris illos exercere, & erudire ad pietatem, & probitatem, ut certam spem faciamus, quod in actionum bonarum studio per omnem vitam reliquam perdurabunt.

A Doleuit infans noster Isaac, cumque videret Sara filium Agar Egyptia ludentem cum Isaac filio suo, dixit ad Abraham, *Eripe ancillam hanc, & filium eius; Genes. 21. 9.* Oleastri annotatio moralis in hæc verba talis est: *Parentibus elaborandum est, ut non sinant pueros suos cum malis versari, idque propter ingentia damna, quæ ex malorum consuetudine accipere possunt, tam enim tenaces sumus eorum, quæ rudibus annis percepimus, illaque tam profundas in anima radices agunt, ut velut impossibile videatur ea deinceps obliuisci, vel abicere.*

Theophylactus cum suis commentationibus Euangelium Sancti Ioannis illustraret, & ad illa verba peruenisset, quæ Saluator noster de Iuda loquutus fuit, videtur indicare deuisse animo, ut præ deliquio illius persequi expositionem receptam non posset. *Nonne ego vos duodecim elegi, & unus ex vobis diabolus est!* inquit Dominus Ioan. 6. 71. Vbi Theophylactus: *Admirare autem, quod diabolus in tantum infestus est, ut potuerit etiam unum ex duodecim abripere, qui suscitabant mortuos, & faciebant miracula, & fruebantur spiritualia, & euersificam doctrinam Domini, & quis non obstupescat videns, tantum odij sui pertinaci contentione potuisse infensissimum dæmonem, ut transuersum ageret, & in propudiosissimum flagitium abduceret quendam è medio choro, & collegio thauaturgorum Apostolorum, qui cum prodigiorum suorum magnitudine, ac frequentia mundum attonito similem redderent, etiam in sinu Christi, & sub eius sanctissima versabantur?*

Quid hinc insituito præsentis opportunum eruiamus? Id quod Theophylactus ibidem subiungit: *& ubi posthac salutis spes nobis, qui sponte à iuuentute nos ipsos malitia mancipamus?* Si tanta fuit vis, potestasque mali dæmonis, ut euenteret, ac peruerteret Apostolum, qui operabatur miracula, reuocabat in vitam mortuos, semperque stipabat vitam, & fontem sanctitatis indiuiduus comes Saluatoris, quam expectare salutem possumus, qui penè simul

Y

& viuere-

& viuere, & vitij nos tradere cœpimus? Bonum est hoc argumentum, & valida ratiocinatio à maiore ad minus, & legitima consequentia. Non est magnum, quod diabolus alicui a puero malum occupet, qui Apostolum miraculis illustrem prosternere potuit. Hæc victoria cuidam velut miraculo tribui debet, nam quod alium abripiat, qui ab incunabulis se vitæ sceleratæ consuetudini addixerit, nihil mirum, res enim ipsa loquitur, quod in malis vsq; in supremam senectutem perseveratorus sit, qui à primis annis consuetudinem male agendi contraxerit. Quod enim teneris illis, ac blandis annis insidit, quendam velut characterem imprimit, qui vix deleri, & aboleri posthac queat.

Non possum, quin huc adducam quædam peruulgata Salomonis verba, quæ tamen cum ope insignis Paramitarum Salomonicarum interpretis Salazar nouâ expositione dilucidabo. Dicit ergo Salomon: *Proverbium est, Adolescens iuxta viam suam, etiam cum senuerit, non recedet ab ea*; Prou. 22. 6. Quod puer terere iter cœpit, huic tam pertinaciter insisteret solet, vt vsque ad incanæ senectutis hyemem studia floreat iuuentutis.

In his illud primò notandum, quod Salomon, cum proverbij nomine donasset omnia huius libri monita, cunctasque eius sententias, hæc etiam singulariter eodem vocabulo denotare voluit, dicens: *Proverbium est*; ac si pluribus, & apertius dixisset: Quamquam veritates, quasquæq; in hoc libro tradidit, sunt manifestæ, & perspicuæ, hæc vna tamen, quod nunquam relinquuntur, quæ rudibus annis frequentari sunt cœpta, tam est notoria, tam trixa, tam vulgaris, tam crebro experimento comprobata, vt videatur mundus præter hanc aliam non habere veritatem, itaque speciatim de illa etiam affirmo, *Proverbium est*, & commune adagium, & euangelium abbreviatum.

Litera originalis eorum verborum sic habet: *In noua puerum ab adolescentia sua.* Commentator Salazar, quem dixi, in hæc ita habet: *Ni fallor lectio ista ad agros pertinet, qui nouari dicuntur, atque inde noualium nomen fluxit.* Quid faciendum noualibus, vt magnâ copiâ edant fructus?

Theophrastus lib. 3. de causis plant. c. 5. ait: *Cura noualium tempore ætateque suscipitur, ætate, ac hyeme, et terra solem, ac frigora sentiat.* aruum enim, quod recens proscissum ferre solem, & hyemem, calorem æstium, & gelu hybernium assuevit, nullas postea temporis iniurias sentiet. Asperum est exlorum iter, scabrumque, & confragosum, sentibus, &

tribulis confitum, & multa habet, quæ proscindi, & subigi oporteat, hostesque complures, qui superari debeant, in quibus illecebrosa caro, fallax mundus, pertinax diabolus. Vt ne ergo blanda caro suis ardoribus inflammatum superet, neque fraudulentus mundus, suis fictis promissis subuertat, neque dæmon improba contumaciâ prosternat, inquit Salomon, *In noua puerum ab adolescentia sua*, sic illum habe, quemadmodum tractari noualia solent, vt fructus optatos proferant. Hæc vt puer ab adolescentia consuescat flagris carnem verberare, ieiunijs extenuare, ciliciorum gestatione afflictere, passionibus frenum iniicere, in duro strato sonum capere, *et solem, ac frigora sentiat*, vt cuius temporum inclementiæ se exponat. Nam si à primis annis mutum seruare silentium, paucos, parabilique cibo uti, & pati inedia, & ferre flagra, & asperum stratum, austeriorisque auræ inclementias tolerare assueverit, suauia ea illi hæc & facilia deinceps accident.

Eapropter Ieremias Propheta Thren. 3. v. 27. aiebat: *Bonum est viro, cum portauerit iugum Domini, ab adolescentia sua.* Quamquam enim in proeuiore ætate etiam portari possit, maiore tamen cum difficultate hoc agitur, inquit Sanctus Ambrosius. Nam qui illud à teneris annis excepit, vnum tantum laborem habet, sed qui se illi iam, senex submittit, duplicem habet molestiam, & primam quidem, eamque maximam hanc, quod pugnare cum vetere consuetudine sua debet, alteram verò, quod nouis armis uti, & assuescere inuitatis virtutibus. *Luctandum est diu huiusmodi viro, et abolefaciat inueterata, atque diuturna*, inquit ille Scim. 2. in Psal. 118. At si tantum temporis dare debet euellendis antiquis, & profundè radicatis moribus, si tam acriter, contentiosèq; pugnandum, vt expugnet vitia, quæ arcem animæ per diu obtinuerunt, quid illi reliquum erit, vt inuitata virtutum ornamenta, sibi compareret, vel acquirat? Ergo sanum, saluberrimumq; illi, qui saluare cupit, consilium est, vt mox à puero Domini iugo sese oneret. *Bonum est viro, cum portauerit iugum ab adolescentia sua*, vnum enim tantum habet laborem, quem superet, vnum hostem, quem subigat, difficultatem, aio, assuescendi aspero iugo, & austeritate penitentia. Difficultatem autem illam paulatim, ac leuiter tollit exercitatio, & vsus à teneris vnguiculis susceptus.

Propterea singulari mysterio factum, vt notauit eruditus Salmeron, quod Magi Christo infanti obolerunt aurum, thus, & myrrham, Matth. 2. 11. Nam si myrrha significat amaritudinem penitentia-

et, & thus ardorem devotionis, Christo recens edito populo thus, & myrrha oblata fuerunt, ut inditio esset, quod pueri à primis diebus, quibus sapere incipiunt, ad poenitentiae, orationisque studium sunt erudiendi. *Nec sine causa oblata est Christo puero myrrha à Magis, nisi ut discamus pueritiam mortificatione, & disciplina indigere, quia illa etas mollis facit, & virga, flectitur in quamcunque velis partem, si ad sit pedagogus, inquit ille de Christi infantia tract. 5. Tènera iuuentus ceu mollis cera, & gracilis virga facile flecti, formariq; in quamvis figuram sinit, & leuiter combibit mores, quibus vel parùm affluenerit, sic ut neque processiori ætate vir, nec grandæuus senex eos dimittat?*

Cardinalis Caietanus superiora verba sic legit: *assuefac puerum*, subaudi, exercitatione operum bonorum. Verùm dices mihi: Si puer tam est immaturus iudicio, ut non intelligat, quod docetur, neque sciat, quod sit, quod agit, quomodo ille assuefaciendus, aut imbuendus? Respondet egregie Caietanus: *Assuefac illum, quia quamuis non sit capax doctrinae, est tamen capax consuetudinis, hoc est, ut incipiat assuefcere bonis actibus, verbis, moribusque.* Et rationem subiungit: *Quia quæ primùm imbibimus, retinemus etiam in senectute.* Quanquàm puer nesciat, quid commodi adferat silentium, erudiendus tamen est ad taciturnitatem, ut quando ex vsu fuerit, linguam coerceat, & muteat. Quanquàm puer ignoret, quid boni includat auscultatio Missæ, adducendus tamen est, ut audire consuecat. Quanquàm non intelligat, quanti meriti sit, recensere ad piaculares Rosarij Mariani calculos mytheria vitæ Domini nostri, & Virginem Matrem illius cum Archangelo salutare, assuefac nihilominus vel ebalbutire, quod etiamnum articulatè, perfectèque effari non potest. Quanquàm non sciat, quid ieiunium valeat, aut quid momenti habeant alia opera bona, assuefcet tamen ijs, quia quod puer vstratus est, id adultioribus annis per omnem vitam posteriorem suauiter, facilliter, & continuatè persequetur. Consuetudo enim à primis vitæ annis cœpta velut character est, qui per omnem ætatem reliquam quasi indelebilis sit.


Quare alia translatio habet: *Initia pueri ab adolescentia sua.* Quid est initia? *Sacri imbue, inaugura.* Sic Ambrosius Calepinus, & Ioannes Passeratius. Ordo sacer, ex certa fidei Catholicæ doctrina, & cõmuni bonorum Theologorum sententia imprimi characterem animæ indelebilem, ut qui nunquàm aboleatur. Dicit nunc Salomon: *Initia puerum,*

sacris imbue; hoc est, institue puerum ad virtutem, & bonos mores, id enim tantundem erit, quantum si sacris quoquo modo inaugures: Ut enim in ordine sacro imprimitur character, qui nec deleri, nec eradi ab anima potest: Sic videntur puerorum penitissimis cordibus tam profundè immergi, quæcunque primis annis hauserunt, ut quasi euelli nequeant.

Quintillianus lib. 1. c. 2. in hanc rem dixit ista: *Naturâ tenacissimi sumus eorum, quæ rudibus annis percepimus.* Quàm eleganter dictum illud, *Tenacissimi sumus!* quo videtur indicare Quintillianus, quod pueris tanquàm character imprimitur, quidquid illud est, quo primis annis consuefcunt.

Non intempestiuè venit, quod Euangelicus Propheta ætatis suæ calamitates deplorans clamat: *Vbi est legis Verba ponderans: Vbi doctor paruulorum?* Isa. 33. v. 18. velut dixisset: Perditam illam arbitror Rempublicam, quæ non habet homines, qui vel sententias legis expendant, vel adolescentulos erudiant: *Vbi doctor paruulorum?* Hæc verba apud Lucam Menapiensem alij sic tranktulerunt: *Vbi numerator turrium?* Sed quid commune habent doctor paruulorum, & numerator turrium?

Magna est amborum affinitas, si benè vtrinq; expendas. Qui enim alium à puero instituit, & ad virtutis studium à teneris annis assuefacit, velut turrim quandam, eamq; inexpugnabilem, & arcem inaccessibleē exædificat. Virtus enim, quæ in pueritia condiscitur, tam profundas validasq; in anima radices agit, ut tam ægrè euelli queat, quàm difficile arx, aut turris in edito scopulo sita occupari potest. Ergo erudire pueros, & excitare turres, idem sunt, *Quasi paruuli ab infansia benè edocti turres sint, & tot Reipublica defendenda turres erigantur, quos paruuli bonis moribus instruuntur,* inquit F. Lucas Wadingus in Reg. S. Claræ, c. 2. n. 12. Hinc alimare possunt, quibus puerorum informandorum munus ex officio incumbit, quantum teneantur illos primis statim maturescentis ingenij diebus ad omnem probitatem, ingenuitatem, & piorum morum elegantiam fingere, ac formare. Possunt nimirum ex his, quæ diximus, arbitrari, si aliunde fortè nesciunt, quantum sit robur, quantaq; vis, & potestas consuetudinis in teneris annis, & primula ætate contractæ.



CAPVT VIII.

Non sunt per ludum ferenda vitia, tamen si videantur ludicra, grauis enim semper est negligentia, quæ irreparabilem damnorum potest esse occasio siue causa.

Merito notes, quoddam sacer Textus cum subiram Saram narrat, indignationis eius causam aliam nullam commemorat, quam quod *vidit ludentem filium Egyptiæ ancillæ cum filio suo Isaac*; Genes. 21. 9. Eandem verò re tam vehementer commoueri, & exasperari Sara debuit? Omnino debuit? Nam lusus ille, ut affirmant Lyranus, Tostatus, Oleaster, Istella, & alij, non erat alius, quam quoddam Ismael fingebat è luto paruula idola, ut paruulus Isaac ea venerari disceret, quoddam tunc quidem per ludum fiebat, sed posthæc serio fieri poterat, cum ambo adoleuissent. Atque ut Sara sagax, & prudens erat ita citum attulit malo remedium, extinxitque scintillas, ne exurgeret incendium. Non enim debent esse ludus vitia, quantumvis videantur ludicra, ex quibus timeri possunt grandia damna, & quæ restitui non possint incommoda. *Parua enim parua non sunt*, inquit sanctus Ioannes Damascenus lib. 2. de imaginibus, *ex quibus magna proueniunt*, neque per iocum dissimulari debent, quæ paulatim adferre exitium possunt. Quam hæc vera sint, experientia testis docet.

Magnus Origenes plurimum admiratur, quoddam inter alia tam varia, quam terribilia, & dura supplicia, quibus iratus Dominus durum Pharaonem, barbarosque Egyptios castigauit, etiam sciniphum plagam fuit, de qua Exodi 8. v. 16. sic dicitur: *Extende virgam tuam, & percutite puluerem terræ, & sint sciniphos in omni terra Egypti*. Extendit Aaron manum cum illa tot prodigiorum opifice virga, & ingentia ex templo sciniphum examina in hominibus, & iumentis orta sunt, omnisque pulvis in id genus animalcula versus per omnem Egyptum fuit. Hæcine plaga dici debuit? inquit Origenes. Hæcine nomen terribilis pœnæ meruit? Quoddam atræ, densæque, & palpabiles tenebræ totam obscurarunt Egyptum, quoddam aqua in sanguinem versa est, quoddam coelum immugit, & fulgurauit, velut totam igne, & fulmine vastare terram veller, quoddam tanta strages illata pecoribus, quoddam primogenita omnia non iumentorum tantum, sed & hominum contrucidata, ut nulla esset sine funere donus, hæc supplicia appellari horribilia merito possunt, & porro debent.

Sed quid in his numerentur etiam sciniphes, tantillæ musculæ, quæ tamen si non attulissent grauissimum, terribilissimumque cruciatum, in catalogo horribilium plagarum cum cæteris recensitæ à Spiritu sancto non fuissent? Quid habent sciniphes, ut ex earum proprietatibus conijciamus mysterium?

Origenes homil. 4. in Exod. ait: *Hoc animal pennis quidem suspenditur per aëra solitans, sed ita subtile est, & minutum, ut oculis visum, nisi acutè cernentis, effugiat, corpus tamen, cum insederit, acerrimo terebrat stimulo, ita & quem solentem videre quis non valeat, sentiat stimulantem.*

In his notatæ ista, *Acerrimo terebrat stimulo, & acerbissimam plagam infligit*. Quis hoc cogitare potuisset, quoddam tantillum animalculum tam cruciabiliter fodicare, & sauciare valeret? Ille hoc testari potest, qui inuitus, nolensque expertus fuit. Ut ergo videamus, quantam curam, & vigilantiam propulsare à nobis vitia, quæ minima videntur, debeamus, quam sollicitudine, & studiosè fugitare peccata, quæ apparent ludicra, & exigua, propterea numeratur sciniphum plaga in alijs immanioribus, & atrocioribus Egypti; quia sæpe ex peccato, quoddam sciniphus, aut muscula videtur, elephas nascitur, quem posthæc fortè subigere non possumus, & ex dolore, quem hic de musca genitus elephas adferre solet, æstimare possumus, quanta fuerit plaga prioris leuis, ac minutulæ culpæ, quæ per nostram oscitantiam subingressa lamentabilem posthæc tragediarum est causa: *Quam solentem quis videre non valeat, sentiat stimulantem.*

S. Petrus Damianus videtur auscultasse Origeni, quando serm. 73. ait: *Parua quidem criniphs superbi Pharaonis, & totius Egypti superare virtutem*. Docemur tali exemplo, ne ludum habeamus parua errata, neque eas culpas quas parum scrupulosi, & qui sunt laxiore conscientia, ineptias, & longos logos, & pueriles nenas vocare amant, quæ tamen si grauius indigere damna nequeant, ob hoc tamen cauendæ summopere sunt, & abolendæ, quoddam grandibus incommodis fores aperire soleant.

Dæmon quidam tam ferox, & sæuus, ut domare illum nemo posset, aduenientem procul inde Dominum vix fenserat, quando ad pedes eius affusus magnis vocibus succlamauit: *Quid mihi, & tibi, Iesu fili Dei altissimi? adiuro te per Deum, ne me torqueas*; Marci 5. 7.

Cardinalis Caietanus in eorum verborum expositione ait: *Fingit dæmon, nihil sibi commune esse, & Christo, hoc est, nihil negotij habere cum eo, cum tamen multum.*

*multum negotij cum eo haberet, tentando, & explorando, utrum esset filius Dei, ut inde occasionem la-
cessendi illam pertinacissimo, & sanguinolentissimo
bello haberet. Quando malus dæmon dicit, nihil
commertij habere cum Christo, quando dicit, nolle
habere quidquam negotij, tunc dolos fruit, & ne-
goria machinatur pernitiabilissima. Affirmat, exi-
gui momenti reculam esse, quæ de cum Christo com-
municare velit, atque interim grauissimum bellum
meditatur. Christoque adornat: *fingit dæmon, nihil
negotij habere cum Christo, cum multum negotij habe-
ret cum eo, tentando.* Habet hoc consuetudo dæmo-
nis perpetua, ut extenuet errata, diminuat de mole,
& pondere peccatorum, nosque fascinet, ut eadem
tanquam ludum habeamus, atque ita nos crudeli
bello infestet. Quare peritigiles viuere debemus, &
cogitare, quod ex neglectu minimarum imperfecti-
onum toti montes damnorum irreparabilium exur-
gere soleant.*

Huc facit, quod eminentissimus Cardinalis Osti-
ensis sanctus Petrus Damianus serm. 73. ait: *Breue
tempus est hora, sed dum hora hora continuâ successi-
one coniungitur, totius vitæ nostra cursus impletur.*
Tantundem in leuibus istis culpis accidit, inquit Da-
mianus. Vnaquælibet per se solam incommodare
nihil potest, sed tam possumus ut esse oscitabundi, ea-
rumque negligentes, ut dum illam hodie, cras hanc
susque deque habemus, paulatim anima nostra ita
intepescat, ut omne virtutis studium deponat. Itaque
de omnibus curandum est, sic ut nullum sit tantum exi-
gium vitium, quod non pertimescimus, idque prop-
ter damna, quæ redundare in animum ob eius ne-
glectum possunt.

Facilitatem, quæcum discipulos suos ad prædican-
dum in mundum Christus emisit, commemorat be-
atus Lucas c. 10. v. 19. ubi Dominum ita loquentem
inducit: *Ecce dedi vobis potestatem calcandi supra
serpentes, & scorpiones.* Et Propheta regis loquens
de iusto ait in Psalmo 90. v. 13. *Super aspidem, & ba-
siliſcum ambulabis, & conculcabis leonem, & draco-
nem.*

Sanctus Gregorius Nyſſenus ait, quod de iusto di-
citur, ambulaturum super aspidem, & basiliscos, id
otiosum videri, cum de eodem affirmetur, quod leo-
nes, draconesque conculcabit. Sic & super bacanem
videtur, quod discipuli feruntur calcaturi minores
scorpiones, qui maiores serpentes pedibus protiri-
turi dicuntur. Nam cum aspidem, & basilisci, & scor-
piones animalcula sint exigua, accepisse in hæc po-
testatem, non videtur res tanta esse, ut de ea nos tan-

to perè commonere Propheta debuerit, quod facit,
cum ait: *Super aspidem, & basiliscum ambulabis.*
Quid ergo sibi vult illa tam ampla in scorpionem
potestas?

Respondet Nyſſenus homil. 5. in Cant. *Similiter
conculcantur leo, & draco, qui eminent, atque serpens,
& scorpions, qui videntur inferiores, in omnes ex aquo
plantam immittit, hac & fugans, & ab his ad alia
transiens, tanquam appetiùs dixisset: Non est cur
ludum putemus culpas veniabiliores, & minutiora
peccata, quia scorpion, aspidem, basilisci, animalia ex-
igua, ita calcari iubentur, ut serpentes, dracones,
leones, quæ & corporis mole, & magnitudine fero-
cia excellunt, soloque aspectu iniicere horrore so-
lent, in omnes ex aquo plantam immittit. Contrà o-
mnia miles Christi armatur, nulla tam est exigua
culpa, quæ non sollicitare illum, nullus tam modi-
cus defectus, quem non magno studio cauere de-
beat.*

Vna quippè scintilla totum sæpè depasta montem
fuit, & paruus viperæ morsus lethalem pestem non-
nunquam peperit. Monet hoc S. Gorgius Magnus
Magni Basilij amicus, dum hic canit:

Scintilla magnam parua flammam concitat,

Semenque pestem viperæ sæpè attulit.

Id cum scias, vel paruulam labem fuge,

Discrimen ingens namque gignit paruula.

Quicumque nostri, quàm ingentia mala nasci è par-
uis soleant, inquit magnus ille Theologus, caue,
caue ea, sunt enim scintillæ, à quibus vasti conflagra-
re montes, semina sunt, unde proceræ, opacæ, pro-
lixæ exurgere arbores soleant. *Vel paruulam labem
fuge, discrimen ingens namque gignit paruula.* Quot
domus incendio sunt absumptæ propter vnâ in
foco relictam, neglectamque scintillam? Quot ani-
mæ perierunt, quia parua non statim excluderunt,
atque emendârunt errata, quæ cum ineptiæ reputa-
rentur, maximorum, & grauissimorum occasionem
damnorum postea præbuerunt? Quàm multi eum
non paucis lamentis fatebuntur huius doctrinæ ve-
ritatem, & necessitatem, qui plurima sæpè nec qua-
liacunque mala incurrerunt, eò quod leuioris notæ
errata non fugitarunt, neque fores peccatis minori-
bus oppellârunt?

*Vide in Secunda parte Politici calorum lib. 8. cap. 5.
& loca ad finem illius ex alijs Tomis appressa, & bi
similia horum colitur.*

LIBER XI.

VITÆ ABRAHAM.

CAPVT I.

Languidus, & remissus, & ignauus operarius est, cuius plura opera plus vno non valent, ille verò robustus, & strenuus, cuius vnum opus pluribus par est.

Eruenimus iam ad factum omnium, quotquot vel in voluminibus temporum, vel in annalibus seculorum, vel in sacris oraculis Scriptores, & historiz referunt, memorabilissimum, prodigiosissimum, portentosissimum. Ingressi sumus, inquit Chrysostomus, vt videamus sacrificium maxime nouum omnium, quæcunque aræ aliquando imposita sunt, & oblata, in quo (mirum!) pater sacerdos pueri factus est. Quis vnquam vidit patrem, qui pro solius Dei obseruantia eximeret gladium, manusque & pedes alligaret filio, vt eius sanguinem funderet, illumque Domino victimam mactaret? Hic hic est, vbi vnus Abraham vicit Iephre, superauit Codrum, excessit Brutum, transcendit Decios, & quod oppidum maius est, ipsum adeo Dominum, qui operis autor fuerat, velut admirandum, & attonito similem reddidit, vt diceret: *Quia fecisti hanc rem;* Genes. 22. v. 16. vbi Oleaster in annot. moral. ait: *Hic Dominus non solum opus commendat, sed tanta facit, & nomen, quo laudis, aut operis imponat, non inueniat.* Vidit Deus ingentes senis patris animos, vidit pectus, cui non certum exequi iussu, vt ad eandem iam constrictum, saxoque impositum haberet filium, illum vnigenitum, illum tenerrime, & vnice charum, illum, in quo gloriose posteritatis spem omnem repositam haberet, simul autem atque hoc vidit, velut obstupuit, & dixit, *Quia fecisti hanc rem.* Tam longè namque prætergressus fuit, inprimis quidquid illud ab humanis viribus expectari possit, vt ipsum Deum videantur desituisse verba, quibus factum illius satis declaret, & pro dignitate extolleret. Hæc est quædam earum actionum, quas strenuus Christi miles inprimis imitari debeat. Insigne hoc inelyci Patriarchæ nostri facinus quædam velut summum est omnium illius præclare gestorum, & quoddam illius cætera velut obscurer, & vnum plurimum instar sit. Hæc sunt opera, quæ vehemen-

tius appetere, & æmulari enixius debeamus: Nam multa facere opera, quæ vix vno sint digna, ignaui, & remissi animi est, generosi verò & magnifici peccatoris, vnum aliquod agere, quod valeat quantum plura.

De Salomone refert sacer Textus, habuisse mille vxores, cumque de liberis eius agit, ait tres tantum genuisse, in quibus duæ filiz, filius vnus. Hoc secum reputabat Suidas, quando verbo Salomon cum admiratione aiebat: *Ex mille & xoris solus illi masculus natus est Roboam filius, & ipse ex aliena Naama Ammanitide.* Hic rei ieiunias, & exilitas admirationem non paruum gignit, maiorem autem pareret, si peperisse mille filios matrem vnã audiremus. Nam facere opera multa, quæ ad pretium vnus operis vix accedant, magna operandi remissio est, sed vnum aliquid tam enixe, affectuose, ardentem, ac studiosè agere, vt valeat quantum multa, is præstantissimus, & laudabilissimus agendi modus est.

Oecumenius obseruauit aliquid dignum, vt ego quidem arbitror, notatu, & consideratu, nimirum, quod Euangelistæ varia Christi ante mortem patrata miracula narrent (de quo S. Petrus quidem Actor. 10. v. 38. ait, quod pertransiit benefaciendo, & sanando omnes oppressos à diabolo, alij verò referunt excitasse mortuos, illuminasse cæcos, curasse ægros, malisque, & infirmitatibus omnibus medicatum fuisse) non tamen leguntur aliquod commemorasse prodigium, quod fecerit, postquam seipsum suæ diuinitatis brachijs ex funesto sepulchro in gloriosam, & triumphandam vitam erexit, vi propria factus rediuius. Oecumenij verba in cap. 10. Act. Apost. sic habent: *Non signum aliquod post resurrectionem fecit.*

Quid causæ esse queat, quoddam pius & potens benefactor tam stupenda, & innumera miracula fecit, quando in carne passioni, & morti obnoxia etiam dum vixit, denum verò manus à signorum operatione auocauit, cum à morte per dies quadraginta cum discipulis sæculè conuersatus fuit? Desituitne illum potentia? Nequaquam. Immo verò valentior quodammodo resurrexisse videtur, postquam mortem subegit, strauit dæmonem, omnesque præclarissimi

clarissimi nominis sui hostes superauit. Cur ergo inclutus victor nullum per id tempus prodigium fecit?

Respondet Oecumenius: *Resurrectio ipsa satis magnum miraculum fuit.* Quod supernus Magister nihil signorum post suam resurrectionem fecit, id non accidit, vel quod potentia illum destituerit, vel imminutæ fuerint eius vires, sed quod resurrectio ipsa ad commendandam ipsius magnitudinem, & si dem diuinitatis adferendam abundè sufficeret: *Resurrectio ipsa satis magnum signum fuit.* Quod enim aliud tam inauditum miraculum, tam nunquam visum prodigium, quàm quod seipsum tam gloriôsè excitauit, qui vili in patibulo tam propudiosâ morte defunctus fuerat? Hoc miraculum tam rarum, vt potestem, sit & epitome, & breuiarium omnium fuit. Hoc opus tale fuit, vt vnum valeret, quantum multa, quo vitæ mortalis actiones omnes, & illustra facinora, & acta quæcunque egregiè, insigniter, & magnificè comprobauit, & confirmauit. Hic est clarissimus operandi modus, facere vnum, quod par sit multis, & vno miraculo plura completi, facere autem multa, quæ vix vnum exæquent, magna ignauia est, & languentis animi remissio.

Acute notauit Philo, quod Deus, cum promitteret Abraham mercedem, quam illi pro relicta ex ipsius iussu patriâ dare vellet, hoc vnum in multis alijs præmium ei designauit: *Faciam te in gentem magnam*; Genes. 12. 2. tanquam dixisset pluribus: Ne verearis exulare à patriâ, ego pàm; omnia possum, scioque abundè remunerare, quæ mihi cunque exhibentur officia, ac faciam, vt magnæ gentis patrem omnis te posteritas admiretur. Philo lib. 1. de vita Abraham ait: *Non sicut ordo verborum poscere videbatur, multam multitudinem, sed magnam dixit.*

Cur verò sic locutus est ex Spiritu Sancto Scriptor facit? Respondet Philo: *Sciens multam per se imperfectam esse magnitudinem, nisi accedat vniuersa intelligentia, scientiaque.* Quid enim profunt multa contemplationes, nisi singula conueniens incrementum accipiant? Nam ne ager quidem probatur, in quo innumera planta sunt humiles, nulla verò stirps satis exulta, quæ iam fructum proferre possit.

Quam admirabilia in his illa, *Quid profunt multa contemplationes, nisi singula conueniens incrementum accipiant?* Videtur mihi Philo, cum talia diceret, defixos habuisse oculos in huius nostri tritici, & miferi sæculi repidos, frigidis, gelidos, ignauosq; Christianos. Quid utilitatis habet, crebras ore fundere salutationes angelicas, & plurimè orando exsoluere

Rosaria, si id tanta cum desidia, & mentis euagatione fiat, vt mille Aue Maria, & Rosaria non valeant quantum vnum Aue Maria, & vnum Rosarium attentè, deuotè, perfectè, recitata? Quid commodi adfert recitare Horas canonicas, & per omnes vitæ dies dicere Missam, & sacram synaxin frequentare, dare orationi horam vnam, & multas, idque semel, & sæpius, si tanta cum animi distractione omnia fiant, vt ex tam crebro sacramentorum usu, tam frequente Missarum auscultatione, Horarum canonicarum, & Missæ recitatione, orationis exercitatione non plus fructus sequatur, quàm si nihil horum vnuquam fieret? *Quid profunt multa contemplationes, nisi singula conueniens incrementum accipiant?* Non dico ego, vt nihil eorum, quæ iam dixi, fiat, ita tamen sentio, quod ex ijs non tantam accipiunt homines, utilitatem, quantum Dominus ab eiusmodi operibus requirit. Nonne videtis, summam rei non in eo positam esse, quod multa bona opera fiant, cum vnum opus bonum aliquando valeat, quantum multa?

Sacer Rauennatum Archiepiscopus Sanctus Petrus Chrysologus ferm. 86. obseruauit modum peculiarem, quo beatus Lucas describendum putauit, quod Zacharias, & Elizabeth fuerint improles. Id verò his verbis executus est: *Non erat illis filius, eo quod esset Elisabeth sterilis, & ambo processerant in diebus suis*; Lucæ 1. 7. Sancti coniuges erant, sed illiberales, præterquam enim, quod sacra vxor à natura sterilis esset, ex senio etiam infecundus uterq; erat. Chrysologus inquit: *Non dixit, non erat illi filius, sed non erat illi filius.* Mos loquendi hodiernus, id habet, vt cum quis absque hærede successore decedit, dicatur, *absque liberis mortuus est*, aut nullos habuit ex eo matrimonio liberos, semperq; in numero plurali rem eam efferimus. Cur ergo Euangelista communem illam, triuialemq; loquendi consuetudinem deseruit, inquit, *Non erat illi filius*, quando videtur dicere debuisset. *Non erant illi liberi*, vt receptam passim dicendi formulam non prætermitteret?

Respondet Chrysologus vbi suprâ: *Vi in filio singulari tota fecunditas pensaretur, quando in vno nascebatur numerosa congesta virtutum.* Hoc est, quod dicit: Quod Lucas ait, quod parentes Baptiste absque filio erant, id singulari cum mysterio dixit, vt nos doceret, non esse omnem felicitatem in eo positam, vt quis multos numeret filios, qui plus vno non valeant, sed hanc esse eximiam beatitatem, si cui vnicus sit filius, qui multos exæquet, in quo v-

no sit *numerositas congesta virtutum*. Si habuissent multos filios Zacharias, & Elizabeth, & quisque eorum vnam aliquam Ioannis virtutem, seu prerogatiuam obtinuisset, eamque consummatissimam, absolutissimam, & in summo, vt aiunt, gradu, non tam laudabile esset, quam honorificum, quod vnus solus tantum præstantissimarum gratiarum cumulum, tamque ingentem incomparabilium donorum copiam habuit. Ergo operandi magnificentia non in eo posita est, quod quis multos liberos habeat, aut effectus plures causa vna producat, si omnes exigui sint ponderis, sed in eo, quod quis eam animi intentione, & contentione illos faciat, vt vnus valeat quantum plures.

Hinc factum est, vt magni Patriarchæ nostri inclyta actio tam celebris haberetur, quæ cætera illius quantumuis illustria facinora non solum longè transcendit, verum etiam plurimum suo lumine obscuravit, cum ipsa, quanquam vna, nomen multarum commeruerit, & reportarit.

Sanctus Iacobus de hoc immortalis memoriæ opere loquens, ait: *Abraham pater noster nonne ex operibus iustificatus est, offerens Isaacum filium suum super altare*; Iacobi 2. v. 21.

Doctus quidam illius epistolæ Interpres (Pater Pæz) in ea verba sic monet: *Illud imprimis adnotandum occurrit, quod Iacobus dicit, Abrahamum ex operibus iustificatum, & assignans qualia fuerint ea opera, vnicum profert sacrificium, quod non plura fuisse opera, sed vnum duntaxat. At cur operi vni plurimum operum tribuit appellationem? Quia vnicum illud immolandi filij propositum, & deliberata, certa que illius sacrificandi voluntas valuit, quantum alia plurima opera. Languens ergo, & torpidus, remissusque, & ignauus est, cuius multa opera vix vnum exæquant, ille verò heroicus, & strenuus, qui vnum facit, quod multis par sit.*

Vide Persochari V. Dominica XXIII. post Pentecost. To. 2. pag. 312. & calcem illius.

C A P V T II.

Vera obedientia tam grandem confert existimationem, vt omnino sanctum, virtutibusque omnibus confertum arbitrari possimus illum, qui eam enixe colat, & humiliter, demisseque exerceat.

Non mihi inepta videtur ratio iam dicta, ob quam vnicum sacrificium, quo Abraham filium suum offerre volebat, multorum operum nomine est donatum, cum ille ait: *Abraham pater noster nonne*

ex operibus iustificatus est, offerens Isaac filium suum super altare? Sed vt sententiæ eruditi illius, quem dixi, Interpretis inhæream, dico, obedientiam Abraham fuisse appellatam multa opera, ad indicandum etiam, quam sublimis, quam excellens, quam Deo grata sit obedientiæ virtus, vt in qua virtutes omnes videantur inclusæ. *Cum dubij* (nempe cur de vna obedientia tanquam de multis operibus locutus sit sanctus Iacobus) *solutio in eo videtur consistere, quod obedientia perfecta multiplex est, & instar multorum actuum apud Deum reputatur.* Nescio quid habeat illa tam accepta Dei oculis, & heroica obedientiæ virtus, vt qui vnam illam possidet, multis affluere videatur virtutibus, totumque confecisse perfectionis curriculum, qui illa sola perfectæ est ex cultus.

S. Paulus Apostolus probatum dare volebat, fieri non potuisse, vt humanum genus sanguine hircorum, taurorum, cæterorumque animalium, quæ in veteri lege offerbantur, redimeretur, atque ex eo concluderet, solum innocentis agni sanguinem satis fuisse perurgandis maculis scelerum totius mundi. Præiudicat hoc ipsum Propheta regius, quando ex nomine diuini Redemptoris ait: *Sacrificium, & oblationem nolui, aures autem perfecisti mihi*; Ps. 39. 7. velut dixisset: Cum tibi o pater æternæ, placere desiderio hircorum, ouium, arietum, taurorum, & cæterorum animalium sanguis, qui per aras illas funditur, & omne genus veterum oblationum, sic vt ad placandam iram tuam nihil amplius valeant, ecce me promptum, paratumque ad vertendum sanguinem meum, quo & indignatio tua mitigetur, & genus humanum libertate donetur.

Sed notandum est, quod illud Psalmistæ, *Aures perfecisti mihi*, apud Paulum Heb. 10. v. 5. ita habet. *Corpus aptasti mihi.* Quid est aures alicui perfici? Fieri obediens, sic vt alacriter faciat quæcunque illi imperentur. In omnibus enim literis tam sacris, quam profanis, tam diuinis, quam humanis aures humilem, & perfectam obedientiam symbolo referunt. Sic affirmant Pierius Valerianus, Hieronymus Laurerius, Petrus Berchorius, & Antonius Ricciardus, quibus patrocinantur sancti Hieronymus, & Gregorius.

Nunc exurgit dubitatio, cur Paulus dicat, *corpus aptasti mihi*, quod rex penitens tam multo ante dixerat, *Aures perfecisti mihi*. Vt aures obedientiam significant, ita corpus, eiusque membra symbolum sunt virtutum reliquarum. Sic aiunt Philo Carpathius, Hugo, & Guilielmus Cardinalis, Ailgrinus, Diony-

Dionysius
os in libro
cum ita fi
ribus & m
mili) quæ
virtutes
dicens, et
quod tam
vt quem
bus virtu
sentire, v
Nam v
Vet. PP.
diem, Ca
gelico, C
fuerit sal
totam co
Catholice
permutat
vniuersa
obediens
tanquam
obediens
S. Ioan
Pauli qu
scum pra
simè, &
Vt res
Regem c
dubitatio
Domino o
tes verbu
tus, Pla
sponson
essent, a
set, post
virtute,
gerius cu
ad obedi
nerebatur
enim pro
ere, & fan
chium,
mentis,
idque fol
entem di
tum fecit
consumm
in Angel
cum omni
Tom.

Dionysius Carthusianus, ad quorum commentarios in librum Canticorum remitto lectorem. Quod cum irā sit, & Propheta rex de sola obedientia in auribus adumbrata loquatur (*aurēs autem perfecisti mihi*) quomodo Apostolus pro toto corpore, in quo virtutes ceterae omnes repraesentantur, id accipit, dicens, *corpus operasti mihi*? Causam quæris? Ea est quod tam insignis, & heroica sit obedientiae virtus, ut quem perfecte obedientem videris, illum omnibus virtutibus ornatum, cumulatum, exornatumq; sentire, & pronuntiare possis.

Nam ut sanctus Patianus epist. 2. To. 3. Biblioth. Vet. PP. aiebat: *Ergo qui Catholicus, idem iusti obediens*. Catholicus ex sancto Augustino, Doctore Angelico, Cardinali Bellarmino, & alijs idem est, quod *uniuersalis*, vel *generalis*, siue qui doctrinam sanam totam complectitur. Dicit nunc Patianus: *Ergo qui Catholicus, idem iustitiam tenens*; ubi videtur has facere permutabiles, siue convertibiles propositiones: *Vniuersalis est in omnibus virtutibus, ergo obediens: obediens est, ergo uniuersalis in omnibus virtutibus*; tanquam putarit, quod & verē irā habet, perfecte obedientem omnes complecti, & possidere virtutes.

S. Ioannes Chrysost. homil. 1. de laudibus sancti Pauli quærit tale quidpiam: *Quid in Angelis magnificum predicamus*? A quo illos commendare amplissime, & extollere plurimum possumus.

Vt respondeat quæsito, iubet nos sacer Doctor ad Regem cantorem pergere, ut qui hanc facile diluat dubitationem. Ille de Angelis sic ait: *Benedicite Domino omnes Angeli eius, potentes virtute, facientes verbum illius, ad audiendam vocem sermonum eius*; Psal. 102. 20. Ecce promptam Prophetæ responsionem, inquit Chrysostomus. Cum plurima essent, à quibus prædicare beatos illos spiritus posset, postquam generatim dixisset, esse illos *potentes virtute*, omnibus gratijs cumulatos, cunctis prærogatiuis cumulatos, & perfectionibus insignes, mox ad obedientiam eorum speciatim efferendam conuertebatur, inquit: *Facientes verbum illius*. Ut enim probes quem virtutibus omnibus circumfluere, & sanctum esse, & omnium gratiarum cimeliarium, & omnibus spiritualis perfectionis ornamentis, insigniter excultum, vnus testis sufficere, idque solum satis esse videtur, quod esse verē obedientem dicas, quod ubi persuaseris, etiam indubitatum feceris, nihil ad absolutissimam sanctitatem, consummatissimamque virtutem deesse. *Quid ergo in Angelis magnificum predicamus? Profecto quia cum omni cura obediunt Deo*. Hoc maximum in illis

commendamus, quod tam expediti profiliunt, tam celeres aduolant ad omnia, quæcunque Dominus facere imperat. *Quod David quoque admirando dicebat*, Potentes virtute, facientes verbum illius. *Huius enim bono aequale est nihil, prorsus etiam sint milites incorpores, hoc est enim, quod maxime præstat eos beatos, quia obediunt praeceptis Dei*. De quo nobis persuasum habemus, quod sit perfectus obediens, si eundem omni sanctitate, & perfectione ornatum credamus, nihil temerè egerimus, extraque omne præcipitis iudicii, aut erroneæ sententiæ periculum erimus.

Ad hoc propositum spectat illa Theophylacti obsequatio, quod in Euangelijs, cum princeps Apostolorum de suo nomine *Simon* appellatur, illud plerumque nomen adiungitur, quo illum Christus donauit, quando Petrum vocauit Matthæi c. 10. v. 2. in recensione Apostolorum *primus Simon, qui dicitur Petrus*. Iterum Matth. 16. 16. Respondens Simon, *Petrus dixit*. Lucæ 5. 8. *cum videret Simon Petrus*. Ioan. 6. 8. *Andreas frater Simonis Petri*; & ibidem v. 69. *Respondit ei Simon Petrus*, & apud eundem Ioannem alibi sæpè. Cur tantæ curæ fuit Euangelistis, ut hæc duo nomina coniungerent? Simon, quod alibi quoque diximus, idem est quod obediens, & Petri nomen à petra, quæ firmitatis symbolum est, venit. Quod ergo obedientia cum petra copulatur, perinde est, ac si dicatur, obedientiam esse lapidem fundamentalem, cui virtutes aliae omnes innituntur, nam ut quempiam firmiter inherere virtutibus credas firmiter, illud solum facere potest, si verum, perfectamque obedientem esse scias. *Qui habet obedientiam, etiam ipse Petrus efficitur, per obedientiam proficiens, et firmetur in bono*, inquit Theophylactus in ca. 1. Ioannis.

Cum extollere virtutem alicuius volumus, dicere solemus: *Yo trecarami alma por la suya*, hoc est, *Cum ipsius anima meam commutarem*. Nam ut homines oderunt iacturam in suis permutationibus, & anima valde pretiosum monile est, sic nunquam suam cum alia permutare vellent, nisi lucrum alterius multò sanctioris, & opulentioris ex mutatione sperarent. Interrogemus nunc Sanctum Ignatium martyrem, quam ille animam pro sua arriperet, si deligendi optio, & commutandi facultas concederetur. Respondet ille epist. 11. To. 3. Biblioth. Vet. PP. *Meam animam cum animabus eorum, qui Episcopo parent, lubens commutauero, faxit Deus, et cum illis mihi portio contingat à Deo*. Ex toto ergo sacrosancti pulcherrimarum virtutum choro nulla inelyti Martiris

tyris ad se oculos respuit, nisi obedientia, neque cum alio animæ suæ commutationem fecisset, nisi cum eo quem obedientiæ perstudiosum, & obseruantem sciunisset: *Meam animam lubens commutauero cum animabus eorum, qui Episcopoparent.* Maximæ dignitatis, & incomparabilis pretij est obedientia, quæ sola pretium virtutum cunctarum includere videtur. Qui ergo perfectè obediens fuerit, hunc statim, ut videtur, virtutibus diuitem, & prorsum sanctum censere possumus, & habere.

In secunda Parte Politicæ lib. 6. cap. 7. Versus medium habes, optimam orationem esse, cum alia quævis opera bona ex obedientia facimus, quæ cum his coherant.

CAPVT III.

Pœnalis tormentum est animi pendere, quam duro ligno fixum habere.

E Amicus nunc examinarum verba, quibus Dominus Patriarchæ nostro, ut filium suum Isaac immolaret, imperabat. Dicebat itaque Deus: *Tolle filium tuum vnguentum, quem diligit Isaac;* Genes. 22. 2.

Nicolaus Lyranus, & Abulensis ex Hebræorum opinione aiunt multas fuisse hinc reuelationes, & præcepta, quæ successiuè acceperit sanctus Patriarcha. Primò dicebatur illi: *Tolle filium tuum;* ex quo dubius factus est sanctus Patriarcha, cum duos haberet filios, nesciens vtrum illorum tollere deberet. Secunda reuelatio fuit: *Vnguentum;* quæ illum magis perplexum reddidit, Isaac enim, & Ismael ambo vngenti ex duabus matribus erant, ignorabat quo de loqueretur Dominus, qui hoc tunc nondum aperiebat. Tertia reuelatio talis erat: *Quem diligit;* hæcque obedientis Patriarchæ anxietatem plurimum augebat, & exasperabat, vtrumque enim filiorum non parum amabat. Si iussus fuisset illum tollere, quem vehementius diligeret, in re aperta nihil amplius hæsitare potuisset, Isaacum enim Ismaele oppidò chariorem habebat. Quid causæ fuit, quòd Dominus, priusquam voluntatem suam Abraham planè aperiret, illum tam diu animi pendere, tamque crebris dubitationibus semel, & iterum, ac sæpius exagitare voluit, & afflictere? Respondet Lyranus ex sententia Rabbiorum, id factum, *ut maiorem haberet mercedem, ut quòd dubitationum fiduciam fortius tendebantur, & acerbis cruciabat, eo amplius, opulentiùsque præmium illi pro constanter tolerantia rependeret.* Certè si rem probè, ac diligenter expendas, inuenies neque Siculos tyrannos

tormentum maius inuenisse, neque atrociorum crudelitate excogitasse barbarum Maxentium, quam sit cruciatus animi dubij, perplexi, incerti, fluctuabundi, pendens.

Vidit Daniel visum, quod illi magnum attulit terrorem. Venit autem sanctus Gabriel Archangelus, ut visionem interpretaretur, inquit: *Ego ostendā tibi, quæ futura sunt in nouissimo maledictionis;* Dan. 8. 19. Viderat Daniel animalia, quorum significata sic exposuit Gabriel: *Aries, quem vidisti habere cornua, rex Medorum est.* Porro hircus caprarum, rex Græcorum est; ibid. v. 20. 21. Postquam hæc audierat Propheta, inquit: *Et ego Daniel languis, & agrotavi per dies;* ibid. v. 27. Vnde verò ille Daniel languor? unde agrotatio? Respondet ille ibidem: *Et stupebam ad visionem, & non erat, qui interpretaretur.*

Hoc in loco videtur pugnancia locutus Daniel, inquit sanctus Hieronymus, dicens: *Si non erat, qui interpretaretur, quomodo supra interpretatus est Angelus?* Et si Angelus illi enudauit mysterium bestiarum, quomodo inopia expositoris fuit illi causa agræ valetudinis?

Occurrit dubitationi Doctor maximus, inquit: *Reges audiverat, & eorum nomina nesciebat, futura cognouerat, & quo tempore futura essent, dubius fluctuabat.* Ut fragilem cymbam sursum, deorsum, & quaquaersum ventorum libido, & vis tempestarum iactat, sic animum Danielis in diuersa reptabat, quòd incertum haberet & euentum rerum, quarum portenta viderat, & nomina regum inexplorata, quorum imperia nouerat. Num fluctus, & dubitatio, procella, & animi hæsitatio, tempestas, & apatia, siue consilij inopia, vnum, idemque sunt.

Hoc aded verum est, ut sanctus Ambrosius dicere ausus fuerit, esse reos, qui vitam, quanquam pretiosissimam gemmam, sibi adimi mauelint, quam incertâ expectatione dubij pendere, quis causæ eorum futurus sit euentus, maiusque beneficium interpretabuntur, si citâ morte, quod malè fecerunt, luant, quam diu suspensi hæresant. Fundat hoc suum dictum sanctus Doctor in illis poenitentis regis supplicibus verbis, quibus vehementer rogabat, de causa sua citò pronuntiari, ut per hoc à terribili quadam vexatione liberaretur, *Iudica iudicium meum;* inquit, *& redime me, propter eloquium tuum.* Sicut enim Psal. 118 v. 45. tanquam dixisset: Age sis, Domine, & celerem profer de mea causâ sententiam, & ab ærurnosa hac, miseraque captiuitate me quamprimum euoca, & exime, & vitam mihi per

saucti.

sancti, & diuini verbi tui virtutem imperti. Sanctus Ambrosius Octon. 20. in ea Psalmistæ verba sic distulit: *Quos miseratur, citò castigat, & non diutius afficiantur futuri expectatione iudicij.* Ex singulari gratificandi voluntate, & peculiari beneuolentia Dei fit, quòd mox à perpetratis sceleribus aliquos plecit, *& non diutius afficiantur futuri expectatione iudicij,* ne inter dubitationem tempestates incerti fluctuent, ne imaginationis suæ ligno clauis hæsitacionis fixi pendeant, idque per omne illud tempus, quo timent supplicium, quòd nesciunt, & formidant poenam, quam ignorant.

Quapropter exaggerat hanc rem sanctissimus Mediolanensium Archiepiscopus, dicens: *Optant etiam hi, qui grauius flagitijs arguentur, penam mortis celeritate transigere, & aliquantula poenarum compendia lucentur.* Hinc videre est, quantum dubitatio vexet, afflicteque, quòd etiam insolentissimi, & impudentissimi in lucris numerent, si iacturam vitæ, etiam per sæua tormenta, citam faciant, vt incertæ expectationis carnificem euadant, & quem res suæ finem habituræ sint, certò videant.

Dicit consequenter ad ista Propheta rex: *Iudica iudicium meum, & redime me, propter eloquium tuum & iustificame,* velut alijs verbis diceret: Quod te magnum in modum, Domine, oro, & obtestor, illud est, vt causæ meæ verbo finem imponas, quamdiu enim suspensus, timidusque, & incertus hæreo, quem res mea exitum sit habitura, acerbiorẽ vitam duco, quàm infelicitissimus quisque, & miserrimus captiuus. Ergo propter eloquium tuum & iustificame, quòd feceris, si metam perplexum vitæ de suo fine tam dubiâ exueris. Nouæ vitæ me debitorem tibi constitueris, si ab hac tam ancipiti, ambiguaque eripueris. Nec enim videtur alia dulcior esse, iucundiorque vita, quàm mors, quæ omnem adimit dubitationem, & perplexitatem.

Non parum roboris addet hinc id, quòd Plato de vita rusticâ in Axioco habet. Dices mihi, inquit ibi, *dulcis est agricultura.* Non repugno, *est sane.* Verum expecta, & videbis, quid agatur. *Nonne tota tamen est, quòd aiunt, & cæcis, semper paratam doloris habens causam, nunc quidem siccitatem, nunc pluias, nunc & redinem, nunc rubignem, nunc vel asium, intempestiuum conueneris?* Nunquid misera & laboriosa rusticorum vita talis est, vt quandam velut sagittam cordi infixam pauperes perpetuò circumferant agricolæ? Per autumnum metuunt pluias, quæ seementem impediunt. Per Aprilem, & Maium incertam aquam expectant, vt adulescere, & facere incre-

menta fruges possint. Posthæc nebulam, subsolanumque & grandinem dubij pertimescunt, ne per ea maturefcentia iam frumenta exarescant, aut decussa intereant. Etiam demessis, & in horreum inuectis frugibus timent, ne vel illas inundatio tempestatis obruat, vel has gurgulio absumat. Cum ærumnosa rucolarum vitæ tot inter formidinum, dubiorumque casuum scopulos fluctuet, & cum infinitis quotidie laboribus, timoribus, doloribusque pugnet, *nonne tota & cæcis est?* Nonne immortalem minus vermem nutriunt agricolæ, qui viscera eorum rodit, ac depascitur, falcatosque vngues circumferunt, quibus animi eorum miserabiliter laniantur? Nonne velut in equuleo semper agunt? Nonne strato aculeatis tribulis confuso affixi ægre viuunt? Nonne omnis eorum vita censu crucis perpetuo est onerata? Quis dubitet? Totum verò hoc (inquit Plato) est dubium hædere, & animum pendere.

Adeò vera sunt, quæ diximus, vt sancto Ambrosio videatur, quòd Dominus post æternam illam damni, sensusque poenam non habeat cruciabiliorẽ equuleum, in quem dæmones iniiciat, quàm quòd illos suspensos, dubiosque habeat, quid de poenis illorum futurum, & an aliquando augenda sint supplicia. Sic enim habet vbi supra: *Diabolus nequaquam punitis ad iudicium demonstratur, nequaquam adhuc poenis esse subiectus, nisi quas ipse tantorum conscientia scelerum soluit timore perpetuo, ne aliquando securus sit.* Non vult Deus ostendere dæmoni, quas deinceps sit luiturus poenas, vt interim semper sit reus, in poenis, semper improbitatis suæ innexus catenæ, semper conscientia suæ hoc sustineat iudicium, & supplicium, quòd scire nequeat, quondam illud post supremum iudicium dependet supplicium, & hinc interrim intolerantissimè crucietur, quòd de futuris suis tormentis dubius, quibusnam posthac cruciandus sit, incertum habeat & ignoret. Non vult illum scire dolores, quos aliquando sentiet, *ne aliquando securus sit,* vt incertam illam subeundorum dolorum expectationem nunc acerbius sentiat. Vbi videtur sanctus Ambrosius dicere, tam acrem esse, quem dubij euentus incerta expectatio adfert cruciatum, tam intolerabilem esse, quam parit angustiam, vt & diabolus poenas suas (quanquam eæ omnem suâ amaritudine, & terribilitate transcendant ingenij humani, & imaginationis captum) minus iniquè, aut moderatius ferret, si hoc solum, qualesnam illæ, quantæque futuræ, scire posset. Vt ergo præter illud supplicium, quòd nunc flagitioris custos patitur, aliud interea fustuarium verberabilissimus

maestigia subeat, & ab alio carnifice malis modis affligatur, dubium illum, ac suspensum Dominus habet, ut hoc nunc sit illi molestissimum, quod molem molestiarum quas tandem feret, conscire nequeat. Pariatur alium interim ambiguitatis infernum perfidiosus spiritus (inquit Dominus) alias interim dubitationis & hæsitationis vltices flammæ defertor apostata toleret, *ne aliquando securus sit*. Scire enim qualis, quantaque poena futura sit, ea etiam, quæ alioquin crudelissima, certa quædam redemptio, nonnullum certe leuamen tum est illi, qui sic a dubitationis vexatione, & incertitudinis tormento liberatur. Sæpè namque plus cruciat timor eius, quod cruciabit, quanquam fortè nonnimis poenale sit, quam affligant poenæ iam notæ, tamen peracerbæ futuræ.

Nolite hoc demirari, quoniam sanctus Gregorius Nyssenus censuit hunc cruciatum esse quantam velut epilepsiam animæ, dicens: *Qua supra nos sunt, agnitionem asserunt, quæ efficit, ut quodammodo desperemus de ijs mentis percipiendis, quæ non possunt comprehendere*. Hæc ille homil. 5. in Cant. Inuit medicus infirmum, videt crebras apud illum intermissiones, intercardines, pausas, & desperans ægrum, dicit, lethali morbo laborat. Ægra in lectum anima dicit, inquit Nyssenus, visensque illam quæsiui, quo malo affligeretur, & responsum accepit, non alio, quam perplexitatum, quos euadere nequeat, & dubitationum, quas decidere non possit, & succlamauit: *Quodammodo desperemus*, fodiatur sepultura, tumulus paretur homini, cui ex morbo tam acuto, & crudeli est malè. Omnia enim mala videntur suum habere remediū, homini dubio, & fluctuabundo, & incerto, quamdiu hæsitabundus animi pender, nullam scio inuenire medicinam, quoniam incurabilem puto illius ægritudinem.

Accedit ad Nyssenum frater illius germanus sanctus Basilus Magnus, cum ait: *Anima omnis quasi Vertigine ratiocinationis laborans, & claudicans male afficitur*. Animam, quam dubitationum sæui carnifices torquent, similem cogita tauri, quem duo immanes, & sanguinarij molossi lacessunt, auribusq; mordicis apprehensum pertinaciter exagitant, & tam diu in orbem circumagitant, donec vertigine correptum, vel lassitudine debilitatum humi diiciant, & prosterant. Tantundem apud animam efficiunt dubitationes, quæ tanquam canes venatici sic illam exagitant, ut non ante dimittant, quam fatigatam, fractamque in præcipitium perditionis adduxerint. *Anima omnes quasi Vertigine ratiocinationis*

laborant, &c. Multum subest his verbis, & quod ea volunt, tale est, quale si dicas, quod dubitationes animam in orbem agunt, & vertiginosam reddunt, ut neque videre, neque sentire rectè possit, & corrumpunt illius iudicium, omnemque exhauriunt patientiam. Si verò tam est ingens dubitationum tormentum, si tam atrox incertæ expectationis cruciatus, vos ipsi iudicate, an non intolerabilius sit animo hærere, quam è crucis ligno pendere:

Pulchra in eandem rem habes To. I. Periochæ primæ Ferie. IV. post Domin. V. Quadrages. pag. 403.

CAPVT IV.

Ex acerbis poenis, quibus viri sancti leuia sua errata plectunt, possunt sumere peccatores exemplum asperæ pœnitentiæ pro suis grauibz peccatis suscipiendæ.

Viterè factum videtur, quod Deus imperauit Abraham, ut filium suum immolaret, & mactaret victimam, cum dixit: *Vade in terram Sisionis, & ibi offeres eum in holocaustum*, Genes. 22. 2. Quid peccauerat innocens adolescens, ut ad tum modum præciperet Dominus obtruncari, & subiecto igne in cineres, fanillasque exustum verti? Quod enim in holocaustum offertur, id totum consumitur, ut nihil illius, ne memoria quidem maneat reliqua:

Respondet Abulenſis, fuisse apud homines quidem innocentem Isaacum, coram Deo verò non item, sed veniale saltem aliquod peccatum commississe, propterque illud solum morti obnoxium fuisse. Verba magni illius Doctoris ita habent: *Isaac non erat innocens, licet enim esset innocens apud homines, quia nulli eorum nocuerat; Deo tamen non erat innocens, quia peccauerat veniali peccato, propter quod ad mortem homines obligantur*. At si vnum peccatum veniale morti obnoxium reddit; quibus supplicijs digna erunt tot enormia, immaniaque flagitia, quibus homines in dies & Deum grauius offendunt, & se rui piter contaminant? Hinc natus scelerum horror, qui sanctos perfudit, hinc eorum implacabile aduersus peccata profectum est odium. Hinc & factum, quod tam grauibz poenis culpas suas quantumuis leues ipsi multarunt. Nam si vnum peccatum veniale mortem meretur, mortale quo non supplicio dignum fuerit! Peccauerat Isaac peccato veniali, propter quod ad mortem homines obligantur.

Propheta Euangelicus ait, vidisse Dominum totius maiestatis in solio excelso, & eleuato, iuxtaque illum.

illum duos ardentes spiritus, qui alternatim illi contentis vocibus acclamant ter *Sanctus*. Cum tantam gloriam cerneret Propheta, & maiestatis magnitudinem attentius consideraret, compunctus, & mœrens aiebat: *Va mihi, quia tacui*; *Isaïæ 6. 5.* Forcius inquit, perinde hoc esse, ac si dixisset: *Petij*, vitæ dispendium, quantum vereor, mihi adferet dolor, & anxietas, quæ cor meum affligant. Vnde verò Prophetæ suus ille tantus animi cruciatus? Vnde illa tam acerba pœna? Vnde illa pectoris angustia, quæ Prophetam sic prostratum, tantumque non prorsus mortuum habet? Ipse hoc statim exposuit, dicens: *Quia vir pollutus labijs ego sum.*

Sanctus Basilus Magnus in illorum verborum expositione ait: *Observa delictum Prophetæ, nequaquam se effudisse per omnem improbam operationem, & actionem, sed laborum, ac sermonum tenuis consistisse.* Merito notes illud *Va* Prophetæ, illiusque tam luctuosam exclamationem indicem doloris tam grauis, & acerbi, quasi adducendo illi in confinia mortis satis fuerit. Et quænam furta exercuit? Quæ homicidia perpetravit? Quæ scelera alia commisit? Nihil talium rerum fecit, inquit Magnus Basilus, sed venialia quædam erratula non omnino effugit, quæ tamen talia fuerunt, ut labijs squalorem adduxerint, & foeditatem qualemcunque attulerint, ad animam verò diffundere venenum suum non potuerint, quia *laborum, & sermonum tenuis* constituerunt. At si leuia quædam linguæ peccatula, si verba incauta paucula tam ingentem Prophetæ mœrorem, ac dolorem attulerunt, ut exanimando illi satis essent, quæ in tristitia, quouæ in mœrore versari debent, qui immensam, infinitamque Dei bonitatem, & clementiam tam varijs, indignisque sceleribus diu, ac plurimum irritauerunt?

De sancto Petro certum, indubitatumque est, fuisse coniugatum, nisi forte gener esse potuerit illius suæ *soeris*, quæ tenebatur magnis febribus (Lucæ 4. 38.) & non habuerit eius filiam vxorem, quod nemo, qui non prorsum insanat, affirmarit. Sanctus Petrus Damianus serm. 72. de Petro Apostolorum Principe quæ coniugato dicit aliquid magna profecto expensione dignum. *Petrus autem*, inquit, *nuptiarum sordes abluit cruore martyrij*. Hic ante omnia pono, nec potuisse, nec voluisse ijs verbis indicare Damianum, quod sanctus Petrus in vfu matrimonij mortaliter vnquam peccasset. Nam cum non desint Doctores sancti (in quibus B. Ambrosius) qui negationem Petri, illud tam manifestum peccatum, excusare velint, quomodo illum quis

criminari audeat de re, in qua deliquisse non constat?

Quæro ergo nunc, quomodo accipiendum sit, quod Cardinalis Ostiensis ait, sanctum Petrum suas matrimonij labe sanguine martyrij emaculasse? *Petrus autem nuptiarum sordes abluit cruore martyrij*. Respondeo, Damianum ad id respexisse, quod viri etiam sanctissimi sub expirantis animæ tempus agere solent, cum istud de sancto Petro affirmavit. Plerique eorum, qui Deo in maxima sanctitate studiosissime seruierunt, cum hora vitæ suprema appetit, vario metu, & magnis affligari timoribus solent, cuius rei exemplum sanctus Hilarion, alijque reliquerunt. Ità fieri potuit, ut & sanctum Petrum, cū in hora mortis, & cruce positus animam ageret, aliquæ incurfarent formidines, mouerent, & angèrent scrupuli, neque enim tam facilis, ac secuta est ista ab hac vitæ in illam emigratio, ut non tremorem etiam sanctissimo transitu incutiat. Cum ergo Petro è cruce pendulo, & vitam actam animo obeunti occurreret, fieri potuisse, ut in vfu matrimonij, quamuis concessio, saltem venialiter deliquerit, neque satis auocauerit animum, dum corpori permitteret voluptatem, neque sanctè, ut dignum fuisset, semper coluerit castitatem coniugalem, dum verteret in cruce sanguinem, & varia secum reputaret, ob quæ beatè, rectèque illam funderet, etiam Deo fortè obtulerit pro culpis (tamen mortales nullæ fuissent) quas in matrimonij vfu, & vxoris commercio commisisse potuerit. Et hoc est, quod sanctus Petrus Damianus significare voluit, cum ait: *Petrus nuptiarum sordes abluit cruore martyrij*. At si Apostolorum princeps, ille tam graciosus Christi, ille tanus à Deo donis cumulatus, & exornatus, ille tot priuilegijs, & prærogatiuis supra alios exaltatus, & honoratus tantum hausit doloris ex leuibus peccatis, quæ commisisse magis timuit, quam sciuit, ut putauerit solo martyrij sanguine dilui posse & expiari (animæ quippè lues, tamen tenues, aliter quàm ex prompto è venis cruore, ut videtur, emaculari nequeunt) quam non de se repetere vindictam insolens peccator debet, qui supremum benefactorem Deum tam multis, & magnis, & foedis, & execrandis modis clam palamque, cum sæpè, cum impudentissime, & propudiosissime offendit?

Non ineptè huc venit id, quod de Sancto Hieronymo Magnus Augustinus affirmat, qui cum de illius austera poenitentia, cui in vasta eremo vacauit, sermonem haberet, sic habet apud Messiet in serm. de S. Hieronymo, qui est 108. To. 3. *Ità leuissima fleuit peccata venialia, & qui eum assemasset homi-*

mem interemisse. In remota solitudine agebat Hieronymus, Doctor maximus, sed poenitentiae operibus seipso maior. Ibi corpus suum aridum & exsiccum excarnificabat, quantum iratus hostis vix potuisset. Ibi flagris in carnem suam sepe ciebat, & fragile pectus duro saxo saepe diu, semper cruciabiliter verberabat. Ibi de demersis intra concauitates suas oculis amarissimarum, & calentissimarum lachrymarum ingentia maria, & tota diluvia fundebat. Ibi ardentibus suspirijs proximum aerem inflammabat. Ibi fractis longo senio, & diuturno, pertinaciq; non literarum solum, sed & poenalarum operum studio artubus eam solum requiem concedebat, quam capere possent in scopulis, & saxis, quae per aetatem ardentia, per hyemem omni gelu magis gelida erant. Vidisset illum aliquis tam acriter se macerantem, tam cruciabiliter lacerantem, tam austerè corripientem, tam crudeliter verberantem, tam miserabiliter lamentantem, & euilantem, dixisset, credo, nisi nouisset illum: Hominum, quos mundus habuit, pessimorum, haud dubium, iste quidam fuit, quem terra, nisi tanta esset eius patientia, dehiscentes dudum deglutisset. Valde enormia vitijs sunt illius crimina, & immania flagitia, qui tam terribilia de seipso sumit supplicia, tamque seua se propè macerat, & enecat poenitentia. Quid si tunc adueniret alius, & diceret: Quem putas hominem, qui tam inhumanè in seipsum animaduertit? Scire volo, Hieronymum esse. Illenè tam inimicis sui censor, tam seua iudex Hieronymus! diceret ille prior. Hieronymusne ille humanarum, & diuinarum literarum oraculum, nouique, ac veteris testamenti interpret optimus, tractator incomparabilis! Hieronymusne, ille coronatus eremi leo, cuius eruditi, & sapientes rugitus timorem malis Christianis, terrorem perfidis haereticis, tremorem toti incusserunt terrarum orbi! Hieronymusne, ille, quem de grauissimis scripturarum difficultatibus consulebant Augustini, venerabantur Damasi, colebant Innocentij, reuerabantur Theodosij! Hieronymusne, ille Euangelij vocalis lituus, & grandifona tuba! Hieronymusne, ille controuersiarum Ecclesiae contra hostium illius calumnias arbiter! Hieronymusne, ille, cuius inculpatæ vitæ sanctissimos mores per omnia mundi spatia fama garrula lacè disseminauit! Hieronymusne, qui sub sacro Magni Basilij instituto est exemplar perfectionis, amussis pie vitæ, norma religiosæ conuersationis! Hieronymusne, ille, qui tanquam Angelus in carne vinit, iam non ille, quia in illo vi-

uit Christus! Illenè pro tam leuibus culpis poenas à se tam graues exigit! Illenè pro peccatulis, quæ perpetrasse magis meuit, quam nouit, pro exiguis delictis, quæ commisisse solum suspicatur, ac timeret, tam atrociter se flagris conerspit, tam sanguinolentè lanauit, ac propè exanimalem fecit! O Deus Sancte, quis non contremiscat! Tam sancti viri pro tam venialibus culpis tam crudeles, & inexorabiles sunt sui ipsorum carnifices, & peccatores, qui suis foedis, & abominabilibus flagitijs toti mundo ex se praeberunt offendicula, in vitamque aurem metu vacui dormiunt, omnemque vitam in delicijs, & voluptatibus blandi sui ipsorum palpones transmittunt! Certè res de exteriori specie arbitrantibus videbuntur peccatores esse, qui sunt sancti, tam sunt hi austeri erga seipsos, & sancti esse, qui sunt peccatores, tam praesidenter hi, & praecienter agunt. Ad hunc modum discurre, de hac re quisq; cordatus, & prudens possit, qui poenitentiae opera, quibus operam in deserto Sanctus Hieronymus dedit, animo recolere vellet.

Concionabatur Sanctus Theodorus Studita suis monachis, quorum erat tantus obseruantiae rigor, tamque rigida obseruantia, vt illorum asceterium vocatum fuerit conuentus *Amitarum*, siue quod idem est, eorum, qui non dormiunt. Tantum erat poenitentiae studium, tanta disciplinae austeritas, & arctitudo in illo ordinis Sancti Basilij monasterio. Postquam horum sanctorum monachorum exploratam haberet vigilantiam, sciretque quam admirabili attentione Deo seruire, & gratificari studerent, aiebat catech. 34. *Itaque stemus horror animosè in contemplando defixi, tacti compunctione supplicio relucentes.*

O quam comoda sunt praesenti instituto illa extrema illius sententiae verba, *Supplicio relucentes!* Quid est relucere supplicio? Dicam. Metaphora est deducta à gladio, aut quouis ferro rubigine obdito, quæ cum expolire, pristinoque suo nitore restituere volumus, semel, & iterum, saepiusque terimus, tergimus, abstergimus, & defricamus, quousq; primus illi splendor redeat. Ad hunc modum iubebat Theodorus, vt illi suarum culparum maculas tantà diluerent copia lachrymarum, carnem suam flagris, & tribulis tam acriter macerarent, peccata sua sic plecterent, corda sua tam validè ac saepe perficerent, tamque enixè, & pertinaciter expolirent, vt non auocarent manum, donec solem splendore exaequarent: *supplicio relucentes.*

Amplius rem exaggerauit vir sanctus, cum addidit:

ait: *Lachrymofi, tacti compunctione*; tanquam lamentari illos voluiffet, vſq; dum tangerentur compunctione. Quid eſt tangi compunctione? Admirabilis ſubeſt verbo illi ſimplicatio. Taſtus apud profanos auctores accipitur pro eo, qui fulmine percuſſus, & in puluerem eſt verſus. Sat eſt vnus Cicero, qui lib. 2. de diuinat. ait: *Natta ſtatua, aut ara legum de celo taſta*. Dicebat ergo Theodorus, vt ſtarent *lachrymoſi compunctione taſti*, hoc eſt, nunquam ſatis feciſſe putarent, donec apud illos egiſſet compunctio, quod apud alios taſtus fulminis, vt quemadmodum fulmen in cinerem vertit omnia, in quacunque incidit, ſic illi nunquam à plorando ceſſarent, neque lachrymandi finem facerent, quouſq; compunctione taſti, velut in puluerem vi lamentorum ſoluerentur.

Si hoc ſuaſe debet Sanctus Theodorus ſuis monachis, & monachis tam ſanctis, tam obſeruantibus diſciplinæ regulâris, tam enixe deditis pœnitentiæ, vt diximus, quid non conſulendum peccatoribus tam perditis, tam ſcandalofis, vt iratum Deum mitigare, & placare, & tam grauia ſcelera ſua pœnitendo diluere, & expiare queant.

CAPVT V.

Quod homines ſcelere perdit iſi ſperant, vbi viri ſanctitate conſpiciunt, deſperatio eſt, quam ſidutiæ ſpecte demon colorat.

Pergebat noſter magnanimus ſenex, vt Dei iuſſionem opere expleret, hoc eſt, vt filium ſuum illi victimam maſtaret, & aræ impoſitum combureret, cumque concidiſſet ligna in holocauſtum, abiit ad locum, quem præceperat ei Deus. Genef. 22. 3.

Nonne ſacrificium in monte oblatus erat? Reſ perſpicua eſt, & indubitata. Dixerat enim Deus: *Ibi offeres eum in holocauſtum ſuper vnum montium, quem monſtrauero tibi*; ibid. v. 2. Quorsùm ergo ligna eò tam ſollicitè contulit? Fortean in mare aquam, in ſyluam, ſeu montem ligna portare, hoc eſt, remotioſam, & ſuperuacaneam agere voluit?

Reſpondent omnes Interpretes, fuiſſe prudentem curam, & bonam providentiam, quia forte in loco immolationis ligna non inueniret. Non omnes montes ferunt ligna, & ſi Abraham abiſſet præſiſus, quòd ibi reperturus eſſet ligna, fieri potuiſſet, vt ſe deluſum videret, & ſpe ſua fraudatum, quò tempore id minimè ſperaret. Vt ergo verè, & benè ſiſus iret, ligna ſecum portauit. Reſ magna eſt rebus animæ magnis diligenter proſpicere, & ſtudioſe ad ardua

quacunque negotia ſe præparare. Sanum ac ſalubre conſilium eſt, vt quiſque Chriſtianus imitetur noſtrum Patriarcham, & ad horam mortis accuratè ſe, ſuaque omnia componat, ligna iam concifa confe-rens, & quacunque ſupremum illud vitæ tam periculolum tempus requirere poteſt, vbi quamuis non ſunt naufragari, fluctuant tamen anxique contremuerunt iſi etiam (vt ſuperiore c. diximus) qui à primis ætatis maturæ horis vſque in cūruam, & occidūam ſenectam hoc vel ſolum, vel maxime egerunt, vt ſe quantà maximà poſſent vigilantia ad ſelicem obitum, & abitum præpararent. Vbi autem viri tales timeant, ibi perdit ſperant! Fieri poteſt, vt illis ſpes ſua feliciter cadat, ſed omnibus dubium eſt eiufmodi ſpei euentus. Cerrè incertam eſſe illorum expectationem illud certum facit, quod peſſimus, & verſutiſſimus demon tantoperè laborat, tamque ſollicitè & ſerid curat, vt omnis ad bonam mortem præparatio in ipſam horam vitæ poſtremæ differatur? Huic ergo inhære debemus, quod Spiritus Sanctus tam ſerid nobis commendat, & viri ſancti tam crebro, vehementerque nobis conſulunt, nimirum vt ad mortem feliciter obeundam reſ omnes neceſſarias tempeſtiue præparemus, vt certam habeamus beatæ illius æternitatis, rei tantæ, expectationem.

Si quis ab amico nocte concubia panes commodatò petat, quibus amici alterius, qui hoſpes famelicus, & ab itinere laſſus venit, neceſſitatem leuet, poteſtne ille, qui rogatur, eas preces repellere, vt non exorari ſinat, maxime ſi ſit importunus orator, qui obſecrat? Poteſtne ferre ſupplicis pertinaciam, ſi fortè diſſimulat amicitiâ? Hæc ferè Chriſtus Redemptor noſter apud Sanctum Lucam ſciſcitabatur. Sed audiamus quibus verbis excuſet ſe amicus apud amicum mediâ nocte panes petentem? *Noli mihi moleſtus eſſe*, inquit, *iam otium clauſum eſt, & pueri mei mecum ſunt in cubili*; Lucæ 11. 7.

Otioſum fuerit probare, quòd Chriſtus ſit ille amicus, qui dare panes fuit rogatus. Hoc nempe affirmant Sancti Petrus Chryſologus, & Ambroſius, Hugo de S. Viſtore, Hugo Cardinalis, Caietanus, Toletus, Stella, & alij. Sed cum cubile, in quo Chriſtus quieſcit, ſit gloria, ſue cœlum, quid eſt, quòd pueri eſſe dicuntur, quos ſecum habere aiebat? *Pueri mei mecum ſunt in cubili*. Nonne hoc derogat ſupremæ illius, & abſolutæ maiestatis dignitati, quòd aulicos non habeat alios, quàm teneræ huiusmodi ætatis pueros, cum tam magnum Dominum cœno capite, & grandæui palatini magis deceant? Quid ergo

ergo est, quod tantus Imperator ipse dicat, tam immaturos, iuuenesque habere assessores?

O quam procul aberrasti à sensu verborum Christi qui sic loqueris! inquit Sanctus Gregorius Nyssenus. Nam quod pueri cum illo regnare, pueri assessores illius aulici esse feruntur, non eò dicitur, quod non plurimos à lateribus habeat senes, ac longævus, sed ut significaretur, eos, qui à primis pueritiæ annis ad postremam mortis horam se præparant, maiorem simul securioremque obtinendæ beatitudinis spem sibi parare. Nam studium curandæ bonæ mortis in illud tempus suspendere, & differre, quando omnia, quæ ad eam rem spectant, sollicitè confecta esse oporteat, impostura est, quam pessimus dæmon fraudulentissimè adornat, & solertia, quâ plurimos circumuenit, sic ut raro illi sua ista industria sit frustranea, & non obtineat, quod cupit.

Audite Nyssenum ex homil. 4. in Cant. *Pueri mei mecum sunt in cubili. Restè autem eos, qui per arma iustitia sibi compararunt impetibilitatem, pueros nominat, quod bonum, quod nobis accedit ex industria, ac diligentia, non est aliud bonum, ac honestum, quàm id, quod ab initio est nobis repositum.*

De vestibus, quibus illa veteris Testamenti Arca circumferebatur, illud singulariter præcepit Dominus Exodi 25. 15. *Semper erunt in circulis, nec quàm extrahentur ab eis.* Nò semper sciebant Israëlitarum tempus, quo Dominus Arcam è loco in locum transferri vellet. Ut ne ergò quidquam obstar, quo minùs statim, ac ille vellet, aliò perferri posset, iussit vestes illos semper manere insertos suis aureis circulis, ut semper ad manus essent, quoties usus id postular, ne moras adferrent profectiõni, Deusq; ad irrogandas pœnas permoueretur, si ad subitarum, inopinatumque incundæ viæ præceptum ab imparatis, turbatisque custodibus, & Arcæ illius baiulis tam citò ac par esset, inueniri, inserique non possent. In ea sententia est Sanctus Petrus Damianus, cuius sunt ista ex Sermon. 14. *Ad hoc vestes in circulis semper esse iubentur, et cum portari Arcam opportunitas exigit, de intromittendis vestibus nulla portandi tarditas generetur.*

O quam bene dictum illud, *de intromittendis vestibus nulla portandi tarditas generetur!* quod validissimè nostrum confirmat conceptum. Semper insertos suis circulis voluit Deus illos vestes, ne fortè inter repentinæ profectiõnis tumultuationem, vel si proximè ad manum essent, tam citò à præoccupatis & turbatis insperatâ iussione, & obedire festinantibus intrudi in annulos suos non possent. Exem-

pla similia occurrunt quotidie. Hominem videas, quem improvisus casus in publicum derepentè euocet, qui subito, insperatoque vel nuntio, vel imperio, vel periculo percussus nec vestire rectè, nec pallium decenter humeris iniicere, nec gladium cingere, nec pileum inuenire præ turbatione queat, sed omnia vel inuertat, vel prorsum evertat, & obruat, & inter tumultuariam accelerationem, quid agat, videre non possit.

Itaque ut illi suos vestes ad omnem subitum, dubiumque euentum semper insertos circulis habebant: Ita quisque Christianus debet fecisse confessionem, confecisse testamentum, perfecisse omnia, quæ ad bonam mortem obeundam pertinent, ut Deus, quodcumque illum ad ineundam vitam vniuersæ carnis euocat, semper paratum ad suscipiendum iter inueniat, ne incautum, immunitumque ex insidijs mors inexpectata inuadat, & ante abripiat, quàm exomologesi, & cætera, quæ ex usu illius tam anticipis horæ sunt, facere queat? *Ad hoc namque vestes in circulis semper esse iubentur, et cum portari Arcam necessitas exigit, de intromittendis vestibus nulla portandi tarditas generetur.* Sic & iubemur semper esse parati, & habere in promptu omnia, ut cum portari non arcam ligneam, sed animam immortalem necessitas exigit, de præparandis necessarijs nulla tarditas (quod fatuis virginibus, eam ob causam etiam cælo æternum exclusis, accidit) generetur. Nam relinquere hæc tunc curanda, cum innumeris alijs curis, & cogitationibus, & doloribus pressus animus nihil eorum facere potest, exitialis, & damnosissima fraus est.

Apud Sanctum Marcum nocte cœnæ aiebat Dominus Discipulis suis. *Omnes scandalizabimini in me; quando Petrus præfatus de constante sua in illum fide iactanter dicebat, se nunquam scandalizandum, quidquid alij facerent.* Tunc Dominus: *Præquam gallus vocem bis dederit, ter me es negaturus;* Marci 14. 30. velut dixisset: Vide sis, Petre, quàm longe aliter, atque exillimas, eveniet, ante enim ter me pernegabis, quàm bis gallus cantet. Ad probationem res deducta est, nam cum primum negavit Petrus, mox succinuit gallus, cumque posthæc ille iterum, atque iterum negaret, statim gallus iterum cantauit, & recordatus est Petrus verbi quod dixerat ei Iesus; ibid. 72.

Exclamat Euthymius: Quid hoc rei dicam! Quomodo tam citò obliuisci Petrus potuit cantanturi galli signum, ut cum semel iterumque negaret, gallusque neganti succineret, non recordaretur verborum

borum Domini sui, & vel tunc vix reminisceretur, atque ab illo suæ obliuionis lethargo expergeretur, quando secundò gallus perire voce cœpit? Quid causæ esse possit, quòd tam leuiter memoriâ lapsus Petrus fuit?

Respondet Euthymius in c. 14. Marci: *Disium Verbum præ timore exciderat.* Tam multi erant, qui Petrum exagitabant, & accusabant, & hinc quidem garrula famula, illinc circumstantes barbari ministri vellicabant, & infestabant, ne liberè quidem respirare sinentes, vt quancquàm verba Christi cum singulari affectu ab illo prolata plurimam mererentur considerationem, & gallus semel cantaret, ille tamen nec recogitaret Domini comminationem, nec audiret galli cantum primum, sic illi metus, vexatio, turbatio animi distraxerat, & memoriâ omnem ademerat. At si Petrus intra tam exiguum tempus oblitus fuit verba Christi, & signa suæ negationis, quæ ab illo audierat, quòd inter multos homines ageret, ab eisq; incurfaretur, sic vt sibi præsens non esset: Quomodo tu vis tui satis compos esse in hora mortis, quando infirmitatis dolores premunt, quando phrenitis memoriâ, mentemque omnem auferre, adferre delirium potest, quando tot peccata te accusant, quando tot dæmonia exagitant, quando mundus vocat, caro trahit, curæ angunt? Tunè in ea rerum tuarum confusione, & turbatione sensum, & tumultuatione cogitationum tantam tibi promittis tranquillitatem, vt rationes tuas vltimas rectè, tutò, securè componere possis? Rationis iudicium corruptum habet, & perditè desipit, quem spes tam incerta lactat. Homines pij, & quibus sua curæ est saluatio, tempestiuè sese preparant, vt eorum studia, & desideria prosperum, optatumque sortiantur effectum.

Veniunt hæc ex eadem lapidina, ex qua Caput V. Libri IV. partis secunda Politici Cælorum. Vide etiam illius calcem.

C A P V T VI.

In domo Dei gratum, probaturusq; habetur, quod volumus, & non possumus, non verò illud, quod possumus, & non volumus.

Fuit in eo Patriarcha noster, vt immolaret filium suum (quod tam illustre, insignitumque facinus sacis extollit, qui solum commemorat) inclamansq; illum Angelus, sic ex Deo appellabat: *Nunc cognouit, quod times Deum, & non pepercisti vni genito filio tuo propter me;* Genes. 22. 12. hoc est, nunc

Tom. III.

toti mundo innotescet, qualem te habeam seruum, qui vt mihi officium deferres, vitam filio tuo, ei que vni genito tam certum habuisti, quam deliberatum.

Hærent Interpretes omnes in ijs Angeli verbis: *Non pepercisti.* Quomodo non pepercit? Immo verò pepercit, nec enim demersit ab humeris caput. Quid ergo Angelus ait, non pepercisse? Dixit hoc, quia Sanctus Abraham ad sacrificium peragendum, quidquid in ipso erat, fecit, neque holocausto voluntas defuit, & sic non pepercit, qui si à Domino relictus fuisset, ferro, & igne filium, vt volebat, confecisset. Cum ergo voluntas illi non deesset, operis loco habita, proque eo à Domino acceptata fuit. Propterea Sanctus Ioannes Chrysostomus aiebat: *Proposito dextram cruentauit.* Hinc accipitur, quòd Dominus semper spectet voluntatem, quæ cum prompta est, sic eam remunerat, ac si opus ipsum expletum fuisset, si tamen perficiendi facultas non fuit. Sic è contrâ non probat, neque acceptat Deus, quod facere quis potest, & intermittit.

Prædicabat cælestis Magister Scribis, & Phariseis æterni Patris sui, suamque potentiam, quæ ex eo etiam elucesceret, quòd gregem suum tam diligenter, ac vigilanter custodirent, vt ex ipsoformanibus nemo aliquid pecoris rapere posset. Commemorabat illis prolixam suam liberalitatem, quæ tanta esset erga oves suas, vt primum eas benè pasceret, posthæc etiam in vitam æternam induceret. Tam vehementer illis stomachum hæc, aliæque talia Domini verba mouerunt, vt Sanctus Ioannes dicat: *Sustulerunt lapides Iudæi, Et lapidarent eum;* Ioan. 10. 31. vulneraque illi, aut etiam necem inferrent, cui deferre obseruantiam pro sacra institutione, & referre gratiam pro beneficio exhortationis debebant. Quando hanc illorum immodestiam, impudentiamque vidit Dominus, ait: *Multa opera bona ostendi vobis ex Patre meo, propter quod eorum opus me lapidatis?* ibid. v. 32.

In his notandum illud, *Propter quod eorum opus me lapidatis?* neque enim reapse saxis appetuerunt Dominum, quod ex contextu est videre. Quid ergo querit causam, cur ab eis lapidaretur? Deliculi homuli videretur querimonia, eius qui occidi se clamaret, vbi nemo quidquam ageret, per quod illi mortem consciscere posset. Cum hæc irâ habeant, quomodo Christus se lapidari aiebat? Si dixisset, *Propter quod opus me lapidare vultis,* iusta videretur, & rationi consentanea expostulatio. Cur ergo absolutè dicit, *Me lapidatis?*

Respondet Cardinalis Caietanus: *Non dicit,*

Aa

Vultis

Vultu me lapidare, sed Lapidatis, & intelligamus, quod erant in procinctu lapidandi, immo quod quantum ex ipsis erat, Lapidabant. Respiciebat Dominus damnatæ voluntatis propositum, per quod lapidibus illum obruissent, nisi diuina potentia pessimis cogitationibus obstitisset, quare & arguuntur, tantquam sæxa in illum reapse iactassent, quoniam ibi non voluntas facultati, sed facultas voluntati defuit. Cum autem primam voluntatis rationem habeat Dominus, idcirco inculcat eos tantquam lapidassent, quibus lapidandi certa voluntas erat.

Iam si Dominus voluntatis malæ, cui facultas defuit, propositum castigat, & coarguit, palam est, quod promptam voluntatem eius conceptum opus bonum, per imbecillitatem virium exequi non potest, multo magis remunerabit, ut qui oppidò promptior sit ad conferendum beneficia, quam ad inferendum supplicia. Qui vellet, nec potest, tantam habebit, quantum acciperet, si opere, quod vult, perficeret.

Vidit in transitu apud Sanctum Marcum nonnulli Dominus hominem quendam, iussitque sequi. Et ille dicto hilariter, celeriterque obsecundans, extemplo *relictis omnibus secutus est eum.* Ità Beatus Lucas c. 5. v. 28. Ex his signis intellexeritis, Matthæum esse, quo de loquimur. Hic sedebat in telonio, incubans quæstibus, immersus in lucra. Audiebat Christum vocantem, nec mora, & cambiorum libris, & acceptorum, expensorumque codicibus, & omni illâ negotiatione sese abdicauit, comitemque Domino adiunxit.

Sed posthæc dicunt Euangelistæ aliquid, quod nonnullam habet difficultatem. Lucas enim c. iam dicto, v. 29. sic ait: *Et fecit ei conuiuium magnum. Leuit in domo sua, & erat turba multa publicanorum, & aliorum, qui cum illis erant discumbentes.* Res est, quod Matthæus, ut qualem qualem posset suæ magnæ felicitatis ostentationem faceret, splendidissimum, dapnissimumque conuiuium inuexit, ad quod plurimi confluxerunt hospites negotiationis, & officij confortatores, velut ad gratuitas mensas frequens solet esse parasitorum concursatio. At si *relictis omnibus*, ut Lucas dicebat, *secutus est Christus*, unde habuit ædes, numos, sumptus, reliquumque apparatus, ut Christo, alijsque tam multis conuiuiis tam magnificum, tam pollucibile, & opiparum exhiberet conuiuium? Vnde tanta impendia homini, qui se iam rebus omnibus nudauerat?

Mouit hanc quæstionem iam pridem Sanctus Paschasius in c. 9. Matthæi dicens: *Quæritur, cum sicut*

Lucas insinuat, relictis omnibus secutus sit Christum de telonio Matthæus, quomodo postea in domo sua suis sumptibus pascat eum cum publicanis, & peccatoribus?

Respondet verò ità: *Ex quo liquet, quod res tota magis, quam manu relinquatur.* Quoniam Matthæus de sua domo nondum decesserat, neque bonis se abdicarat, dicit nihilominus Euangelista (cuius calamus moderabatur Spiritus Sanctus) reliquisse illum omnia, idque propter voluntatem, quâ se obstinuerat ad renuntiandum domui, familiæ, & omnibus opum facultatibus. Erat Matthæus obnoxius accipiendis, reddendisque rationibus, habebat res, quas cum alijs componeret, & relinquere eas indigestas sine aliorum iniuria, & offensione conscientia propriæ non poterat, & propterea conueniebat, ut non statim abijceret omnia. Et quamuis res ità habeat, quod non statim de rebus omnibus decessit, quia tamen cunctis sese exuerat, voluntas hæc Matthæi pro opere accepta fuit. Sic Deus ubi facultas deest, voluntatem remunerat, tantquam expletum fuisset, quod animo solum propositum fuit.

Spiritus Sanctus Prouerb. 14. v. 22. ait: *Errant, qui operantur malum, misericordia, & Veritas præparant bona.* Notandum cum Caietano, quod illa ex Hebræo sic transferri etiam possunt: *Nonne errant cogitantes malum?* Sed quomodo conuenit vni translationi cum alia? Vulgata versio ait, errare eos, qui operantur malum, Hebraica affirmat, eos hallucinari, qui cogitant malum. Qui cogitant malum, quomodo operantur illud? Respondet Caietanus, eâ loquendi formulâ indicatum, quo loco Deus habeat affectum ad bonum, seu malum, propositum benè agendi, aut malè. Apud Deum qui bonum, aut malum cogitat, tantquam opere non expleat, non tamen effugiet penam, nam quod malum non facit, non fit quia nolit, sed quia non possit. Et cum Deus attendat affectum, etiam is suum dependet supplicium, qui solâ illum voluntate offendit.

Ut verò in bono, sic & in malo, & quidem multo magis, voluntatem Deus respicit, & digno præmio remunerat. Huius rei pulchram probationem habemus in verbis Salomonicis proximis, ex quibus illa, *Misericordia, & Veritas præparant bona*, sic etiam verti possunt ex Hebræo, *Misericordia, & Veritas his, qui fabricantur, architectantur, cogitant, arant bonum.* Vbi ex sententia docti Interpretis Salazar hoc vult dicere illius libri author. Spiritus Sanctus, diuitem

diuitem mercēdem accepturos in cœlis illos, qui animo, & voluntate designant magna, & concipiunt grandia, quæ pro Dei honore facere vellent, si vires suppetere. Dicit quidam: Vtinam possim excitare monasterium, in quo Dei laudes noctu, diuque cultu religioso, eoque perpetuo exfoluantur. Vtinam possim construere nosocomium, siue domum hospitalē, in qua subueniatur pauperibus, tectoque excipiantur egeni! Vtinam eas habeam opum facultates, quibus remedium orphanis, & omnium hominum necessitates leuare queam! Qui talia ex animo loquitur, habebit suam à Deo pro istis pijs propositis, proque tam enixa voluntate remunerationem. Pius enim hic pater non tam effectum spectat, quàm affectum, propterea dicit, *Misericordia, & Veritas his, qui apud animum suum fabricantur, & imaginando architectantur monasteria, nosocomia, census, ac prouentus annuos, ex quibus religiosi, & egeni viuere possent.* Quidquid magnum pro Dei honore prompta voluntate decernimus, hoc magno loco habet Dominus, tametsi explicare in opus non possumus.

Denique in domo Dei illud gratum habetur, & admittitur, quod quis facere vult, & non potest, non verò id, quod potest, & non vult. Parum enim proderit, quòd quis circumfluat diuitijs, quibus opitulari egenis possit, si nolit. Nam Dominus non respicit quod potes, & non vis, acceptum tamen habet, quod facere paratus es, sed non potes.

Quarti Regum 7. c. de illo mari æneo, & fusili lutere dicit sacer Scriptor v. 26. *Duo milia batos capiebat.* Paralipomenon liber 2. c. 4. v. 5. de hoc eodem mari fusili sic ait: *Capiebat tria milia metretas.* Facile hic est animaduertere, quòd ista mutuo pugnare videantur. Certè duorum millium batorum à tribus millibus metretis magna est distantia, ac propterea nonnullum Expositoribus sacris laborem attulit istorum locorum conciliatio. Quomodo ergò accipienda, quæ utrimque dicuntur?

Cardinalis Caietanus in 2. Paralip. c. 4. ad hunc modum respondet: *Solutio est, quod ibi, hoc est, in lib. 4. Reg. describitur mensura secundum quantitatē aquæ in communis & sic hic autem secundum quantitatem aquæ, quæ poterat apponi implendo illud & scilicet, ad summum.* Verbo hoc dicam. Capacitas ænei maris tanta erat, ut tria metretarum millia excipere posset, cum bis mille bati plerumque solum illi infunderentur. Liber ergò Regum quartus eam solum aquæ mensuram censet, quæ communiter in lutere illo reapse erat, non quæ esse poterat. Tantundem

in re nostra euenit. Si duo minuta des, cum possis tria, duo solum numerabuntur, & munerabuntur. Si autem nihil eroges, cum possis aliquid, nihil etiam in rationibus tuis probabitur.

Periocha septima Dominica in ramis palmarum To. 1. pag. 459. habet nonnihil affinitatis cum ista.

C A P V T VII.

Facile intereunt virtutum opera, quæ Deum non spectant, & ab illius amore, obseruationeque non proficiuntur, quare ut perdurent, bene agentes illum solum respiciamus.

Facinus illud Patriarchæ nostri profectum fuit ab obseruantia Dei, & quanquam arduum, ac perdifficile esset, gloriosum tamen finem habuit quòd originem tam nobilem. Hoc est, quod Dominus voluit, cum ait: *Non peperisti in genito filio tuo propter me;* Genes. 22. 12. tanquam apertum dixisset: Quòd rem tantam fecisti, hoc inde venit, quòd me ob oculos habuisti, & respexisti, nam si aliud quiduis propositum habuisses, ab opere concepto facile destitisses. Virtus, quæ plausu nititur, & alitur humano, tam facile intercidit, quàm caducum est fundamentum, & fragilis basis, cui inhaeret.

Differēbat Sanctus Ioannes Baptista apud regem Herodem, arguebaturque illum de incesta, & scandalosa cum fratria sua consuetudine, dicens: *Non licet tibi habere uxorem fratris tui* (Marci 6. 18.) non licet tibi eā per tyrannicam lasciuiam ad explendam turpem libidinem abuti, quam frater tuus fide coniugali sibi soli obligatam pridem habuit. Vide proinde, rex quantum, quamque enorme offendiculum non subditis solum tuis, verum & regnis vicinis præbeas. Quo animo salubria boni monitoris verba acceperit, ex eo licet arbitrari, quòd trucidasset illum nisi vulgi merus manum à cæde absterruisset: *Volens enim illum occidere, timuit populum,* inquit S. Matthæus 14. 5. Itaque prædicatorem virginem præuaricator incestus exuere vitā voluit. Cur intermisit? Quid illum à nefario scelere abstenuit? *Timuit populum.* Non amor Dei, non horror tam grauis, & iniustæ occidionis viri tanti, & tam sancti, sed populi motus, & motus publici formido illum tantisper coercuit.

Hocine verò solum tibi manus obstringit, ut ne vim, mortemque Ioanni inferas? noli metuere, ne diu ille posthac viuat, noli putare, quòd multos videat soles. Factum ita, nam paulò post misit, & decollauit Ioannem in carcere; Matth. 14. 10. Quo-

modo enim non statim corrueret, quod in tam imbecillo fundamento constructum erat: *Facile deus est à iustitia* (quod vobis è sacro prædicabilem subtilitatem ærario acceptum dono) *qui in causis non Deum, sed hominem permissit.* Hic timor peccandi facultatem differre potest, auferre non potest voluntatem. Ità S. Petrus Chrysologus serm. 127. Quem non Dei amor, timorq; à peccato auocat, hunc metus hominum non diu morabitur, quamuis enim facere possint hæc retinacula, vt non possit malum, quod propositum habet, exequi, vt tamen nolit, efficere non possunt.

Vt ergo sit stabilis virtus, & perdurabile bonum opus, quid facto opus? Illud, vt solum Deum respiciamus, cum charitatis, aliarumque virtutum pijs studijs nos tradimus. Solida namque, & firma, & perpetua erunt, quæcunque in tam valida basi construxerimus opera. *Solus est Dei timor, qui mentes corrigit, fugat crimina, innocentiam seruat, perpetem tribuit facultatem*, inquit rursùm Chrysologus ibid. Quod vnus Dei intuitu fit, perdurabile est, cuius alio fertur inter bene operandum respectus, eius facile intercidit studium, quia & citò languet, torpetque animus tam fragili fundamento nixus.

Sponsus aiebat: *Sexaginta sunt regina, & octoginta concubina, & adolescentularum non est numerus*; Cant. 6.7. Tum v. 8. *Vna est columba mea, perfecta mea.*

Curiosus quispiam sciscitabatur ex sancto Isidoro Pelusiota, quid sibi vellet, quod illi dicebatur, sexaginta fuisse reginas, octoginta concubinas, adolescentulas innumeras, vnâ verò consummatam, & perfectam. Respondebat Pelusiota, illâ enumeratione comprehendi varios homines, qui propter varios respectus consecrantur virtutem. Reginarum nomine designantur ij, qui intuitu præmij Deo seruiunt. Concubinæ eos representant, quos metus supplicij excitat ad obseruantiam legis Dei. Columba eorum symbolum est, qui neque præmium, neque supplicium, neque coelum, neque inferos, sed Deum solum respiciunt, atque inde permouentur, vt illi studiosè obseruiant, & omnibus religiosi cultus, pietatisque gratificentur officijs. *Et inuencula sunt* (inquit Isidorus, quem dixi, lib. 4. epist. 5.) *quæ ob aliquis prætextus humanos temperantiam colunt, & iustitiam sectantur, quæ nec regni cælestis desiderio, nec iudicij, & condemnationis metu officium faciunt.* At cum cæterorum, qui Deo famulantur, & placere student, certa sit; neque nimia multitudo, quamobrem *adolescentularum non est numerus?* For-

tean Sponsus harum summam nesciuit, cum numerum aliarum teneret? Minimè omnium, quia Sponsi omniscientia diuini omnia pernoctat, perquespecta habet. Quid ergo sibi vult, quod dicitur adolescentularum non esse numerus? Illud, quod vulgò dicimus, cum aliquem frugiperdam; & nauci hominem denotare volumus, quod his verbis plerumque facimus: *Nulla in numero, siue nullo numero est.* Sic & Cicero loquitur in Orat. in Anton. & in lib. de claris oratoribus. Quod ergo Sponsus ait, adolescentularum nullum esse numerum, perinde est, ac si dixisset, nullo numero esse, nec quicquam curandos eos, qui solo hominum intuitu, & priuatæ utilitatis suæ amore seruant legem Dei, sectanturque quod bonum est, & iustum, nam eorum virtus vt in fragili fundamento construitur, ità intercidit facile, leuiterque extinguitur. *Solus est Dei timor, qui fugat crimina, innocentiam seruat.* Solus ille timor est exturbator flagitiorum, excubitorque virtutum vigilantissimus.

Quærit Theophrastus, cur malorum granatorum tam facile decidunt flores, quorum vt sunt cortices duriores, ità diuturniores videntur esse debere flores. Causam exponit l. 2. de causis plantar. cap. 11. inquit: *Punica flores facile amittunt, quia nexus eorum debilissimus est.* Vertebrae teneras, & delicates, & perimbecillas habet flos punicorum, eam ob rem leui aspiritu deiicitur. Diu perdurare, & coherere non potest, quod tam infirmo nodo retinetur. Si quæras, cur ille à vita pœnitente destitit, cur illa studio vitæ solitariæ, & modelix deposito depositum semel mundum muliebrem resumpsit, & ad inanem putidæ cuculæ cultum, superioremque vanitatem est reuersa, respondebo, *quia nexus eorum debilissimus.* Illius pœnitentia populari aurâ, & plausu hominum spectatorum nitebatur, ista recessum coluit, & latebras petijt, vt in admiratione esset, & opinionem sibi sanctitatis conflaret, ac propterea amborum bona cæpta leuiter corruerunt.

S. Ignatius Martyr epist. 15. To. 3. Vet. PP. ait: *Nihil perpetuum quod videtur.* Hoc est, quod dicit. Quidquid agitur solum vt videatur, & non pro solo Deo, diu stabile ac fixum esse non potest. *Solus est Dei timor, qui fugat crimina, innocentiam seruat.* Vt ne veterem domum peccata semel exclusa repetant, atque vt innocentia matrisfamilias locum retineat, rectore, & gubernatore opus habet timore Dei, quod non tali fundamento nititur, facile occidit, & occumbit.

C A P V T VIII.

Nulla magis illustria, nobilior aq. pericula, quam
que pro honore, & utilitate suscipiuntur aliorum.

Oronabat Dominus inclytam hanc Patriarchæ
nostri actionem mille benedictionibus, totidem-
que promissis, dicens: *Benedicam tibi, & multipli-*
cabo semen tuum; Genes. 12. 17. possidebuntq. po-
steri tui portas hostium suorum.

Sed notandum cum Paulo Burgeasi, non fuisse
Dominum pollicitum Abraham has benedictiones,
nisi postquam ille sacrificauit arietem, quem vepres
implexum, innexumque habebant. Moyses ait: *Vi-*
dit post tergum arietem inter vepres harentem corni-
buz, quem assumens obtulit holocaustum pro filio; ibid.
v. 13. Burgesis verò in suis annotationibus ista. *Non*
fuit sibi factum iuramentum diuinarum promissio-
num & que tunc, scilicet post arietis immolationem,
quod non debet vacare à mysterio.

Quid verò sit mysterij, quòd Abraham non ha-
buit illud tam magnificarum iuramentum promissi-
onum, quousq. arietem immolaret? Cur tunc non
accipiebat, quando Isaacum offerre victimam cer-
tum habebat? Dicit Burgesis, Isaacum fuisse figu-
ram Christi. Affirmarunt hoc ante illum sancti E-
phraem, Ambrosius, Augustinus, Gregorius, aiunt-
que omnes Expositores. Ratio figuræ est, quia sicut
ille aries pro Isaac casus soluit, quòd soluere Isaac
debebat: Ità Christus pro totius generis nostri cul-
pis sacrificio oblati debita mundi luit; diuinæque
iræ ictus excepit; vt æternum Patrem suum placar-
et, & reconciliaret. Tunc ergo Abraham benedi-
ctionibus cumulatus; & maximis promissis recrea-
tus, honoratusque fuit, quando pro Isaac aries oc-
census, vt illo exemplo institueremur; in illos magnâ
vi, & copîa descendere benedictiones, gratias, dona,
beneficia Dei; qui pro aliorum commodo, & utili-
tate, facultatum opes, honorem, vitam, seque, sua-
que omnia deuouere discrimini, & offerre periculo
nouerunt.

Cum mortis triumphator, & vitæ reparator vitam
cum morte in fatali crucis stipite commutasset, *venit*
Ioseph ab Arimathia nobilis decurso, & audacter in-
trouit ad Pilatum; & *perijt corpus Iesu*; Marci 15.
43. Erat Ioseph defuncti Magistri, & collegarum a-
micorum ipsius fideissimus, integerrimusque. Cum
hoc ita habeat, obseruauit Christianus Druthmarus
in cap. 27. Matth. quòd nullus aliorum Euangelista-
rum facit illius tam nobilis, & pij viri aliquam men-

tionem, nisi hoc in loco, & hac occasione: *Non in*
alio loco Euangelij de hoc dicitur, nisi hic, inquit ille.

Quid est, quòd hac vice tantum Euangelistæ me-
minerunt illius Iosephitis, cum aliàs sine dubio nou
paucæ sese obtulerunt actiones, quæ cum laude ipsi-
us commemorari potuerint, & Chronicis sacris in-
ferri meruerint? Cur illud solùm, quòd tam animosè
ad Pilatum ingressus fuerit, prætereaque nihil, quòd
ad illius commendationem facere possit, narratur?

Respondetur, huius solius operis fieri ab Euan-
gelistis mentionem, eò quòd illud solùm videatur sat
esse nobilitando illi, & toti prosapiæ eius illustran-
dæ. Quid enim fecit Ioseph? *Audacter introuit ad*
Pilatum; & *perijt corpus Iesu*, hominis, quem homi-
nes alij plerique aspernabantur, & abominabantur,
execrabilemque de execrabili ligno æstimabant, in
quòd illum rabiosa hostium suorum inuidia clauis
fixum egit. Erat Ioseph diues, & opulentus, arque
vt sanctus Ioannes c. 19. v. 38. ait, *Discipulus Iesu*,
occultus autem; propter metum Iudaorum: Nihilo-
minus quanquam præuideret, quòd petens illius ca-
dauet, diuitias suas, & officium, & vitam periculo
iacturæ exponeret, contemptis, & calcatis vniuersis,
omniq. timore posthabito defuncti corporis pignus
depoposcit, vt sumptuosò monumento inferret. Ita-
que non in alio loco Euangelij de hoc dicitur, nisi hic
Nam vt Ioseph æternæ memoriæ consecraretur, &
de omni triumpharet obliuione, satis est hac vnam,
solamque innotuisse eius actionem. Qui enim pro
honore, & existimatione alterius fidenter opes, ho-
norem, & vitam, periculo exponit propriam, in su-
premum fortitudinis, & generositatis fastigium per-
uenisse videtur.

Commendabat Sponsus formæ liberalioris decen-
tiam, & venustatem dilectæ Sponsæ suæ, dicens:
Pulchra es, amica mea, suavis; & decora sicut Ieru-
salem; terribilis & castrorum acies ordinata; Cant.
6. 3. LXX. Interpretes legunt ita: *Pulchra es, pro-*
xima mea, sicut ipsa beneuolentia. Quænam ista be-
neuolentia, cum qua hic Sponsus elegantiam Spon-
sæ suæ componit?


Perpicuum est (inquit sanctus Gregorius Nyf-
senus) non posse esse aliam, quam verbum Dei in-
carnatum Christum, qui opulentum pretiosarum
venarum suarum thesaurum in vsum generis huma-
ni piè, liberaliterque effudit. Quis ergo subest sen-
sus laudationi Sponsi, dictisq. eius, quibus ait, tunc
Sponsam videri elegantiorē, maioremque suæ
pulchritudinis ostentationem facere, cum flagranti
amori Sponsi magis est assimilis?

Respondet Nyssenus homil. in Cant: *Pulchra sicut ipsa benevolentia, qua alijs hoc fit, quod Christus humano generi fuit.* Quod Sponsus ergo dicere voluit, tale fuit: Quando appetentias tuas o dulcis, & chara Sponsa, gladio cædis, & iugulas concupiscentias, & liberæ carnis voluptates infrenas, pulchra mihi & formosa, (nec enim negare possum) videris. Verum quando pro commodis alienis discrimini te animosè exponis proprio, quando charitatem tuam exornas similitudine charitatis meæ, quæ fecit, vt ego pro incrementis aliorum curandis detrimenta tam ingentia subierim propria, tunc mihi forma tua dignior, & elegantior, tunc pulchritudo tua cælestis videtur, & venustas lineam festiuitatis, generositatisque extremam attigisse. Hoc enim periculis omnium pulcherrimū ornamentum, cum pro commodis suscipiuntur, & tolerantur alienis: *Quippe qua alijs hoc fit, quod Christus humano generi fuit.*

Arreptâ hinc occasione ventilabimus hoc loco quæstionem, quam mouet sanctus Ioannes Chrysostomus, interrogans, cuiusnam maior fuerit charitas, Moysi sive ergâ suum populum, an Pauli ergâ suos cognatos. Nemo inficias ierit, fuisse ingentem Moysis amorem. Cum enim Dominus cæcum populi peccatum plectere, populumque ipsum pro scædo illo, & sacrilego idololatriæ scelere mactare vellet, procurrens Moyses, & medium se obijiciens, & stans à populo aiebat: *Aut dimitte illi hanc noxam, aut si non facis, dele me, de libro tuo, quem scripsisti;* Exod. 32. 31. 32. quod ex communi omnium sententia perinde fuit, ac si dixisset: Aut vnâ omnibus veniam dona, aut me vnâ cum omnibus obrunca. Laudabilis hæc, quia generosa actio fuit, & illustre facinus, quod promeruit, vt multi sacri Scriptores noctibus plurimis ad lucernam laudes sacri huius ducis elucubraverint. Transeamus nunc ad Pauli Charitatem. *Optabam ego ipse anathema esse à Christo pro fratribus meis, qui sunt cognati mei secundum carnem.* Ro-

man. 9. 3. *Esse anathema à Christo, idem est, vt aiunt Expositores, quod subire iacturam quietis, vitæ, & omnium bonorum huius mundi pro bono cognatorum spirituali curando, aut promouendo.* Neque est nemo, qui dicat, voluisse Paulum ijs verbis dicere, quod si aliorum gloria & beatitudo in eo posita esset, vt suam ipse perderet, velle beatâ illâ quiete carere, vt ipsi æternum beato gauderent otio.

Quærit nunc diuinus Constantinopoleos Archiepiscopus Chrysostomus, cum Moyses, simulque Paulus discrimen subierint, vter eorum maiore animi fortitudine, & cordis generositate se periculo obtulerit. Difficile mihi est hac de re pronuntiare, verum Christianus Demosthenes eam facillè soluit quæstionem, dicens, valentiorē, ardentiorēque Moysē fuisse Paulum. Quamobrem istud? *Quia Moyses cum ceteris optauit perire, Paulus pro ceteris, non enim cum pereuntibus perire voluit, sed vt saluarentur alijs ipse de gloria æternitate decedere.* Hæc ille in homil. 1. de laud. Pauli. Moyses vnâ cum alijs subire mortem cupiebat. Paulus suâ solius morte sospitare alios optabat. Moyses decedere vitâ paratus erat, verum seruare alios viuos non curabat: Paulus mori desiderabat, si tamen per mortem suam posset alios relinquere superstites. Ergo quanquā ingens charitas Moysis, maior tamen Pauli fuit, quæ ad similitudinem, & modum amoris Christi accessit. Propterea sanctus Gregorius Nyssenus homil. vlt. in Cant. affirmat, Paulo, cum aiebat, *Optabam ego ipse anathema esse à Christo pro fratribus meis,* dici potuisse: *Talis est animi tui pulchritudo, qualis fuit ergâ nos benevolentia Christi, qui pro omnium vitâ mortem tam probrosam appetijt. Mori velle cum omnibus, magnū quiddam est, sed vitâ offerre periculo, ne quisquam moriatur aliorum, pro salute aliena contemnere propriam, præstantissimus amor est, & supremus charitatis apiculus.*



L I B E R XII.

V I T Æ A B R A H A M.

C A P V T I.

Maxima Christiani securitas est, hoc sibi persuasum habere, nullam esse in hac vita securitatem.

Quod de fortunæ inconstantia profanus laiciui amoris magister Ovidius affirmat, idem nos in hoc capitulo, quod sollicitudini nostræ, & vigilantiz consecratum est, dicere possumus. Ille aiebat, fortunæ non esse aliam constantiam, quam quod nunquam firma, stabilisq; permaneret. Sic ut Christianus in hac vita degat securus, nullâ re melius efficiet, quam si persuasum sibi habeat, nullam posse esse securitatem, atque ut interritus viuat, id obtinebit; si vitam in timore transmittat.

Propheta regius David aiebat: *Amputa opprobrium meum, quod suspicatus sum.* Videtur hæc esse oratio hominis cuiusvis alterius potius, quam Prophetæ tam cordati, tam sapientis, tam exacti doctorum suorum examinitoris. Nam petere liberari ab eo, cuius tantum suspicionem habeas, & incertam coniecturam, videtur tale esse, ut in prudentem cadere non possit. Ut tamen assequamur rectum illius petitionis sensum, videamus quidnam Propheta dicere voluerit. Sanctus Ambrosius ait, quod David precatus fuit, id eiusmodi fuisse, ac si apertius cum sancto Paulo dixisset: *Nihil mihi confectus sum, sed non in hoc iustificatus sum*; 1. Corinth. 4. 4. non me alicuius admordet conscientia peccati, neque inde tamen fit, ut ego me iustum censere velim, Sic & dicit Propheta: *Amputa opprobrium meum, quod suspicatus sum*, aufer peccata, quibus vereor ne sim implicatus, & contaminatus.

S. Ambrosius ferm. 5. in Psal. 118. ait: *Sciebam se hominem esse, & sibi cauebat, & poterat.* David, & Paulus cognoscebant se homines esse ex nihilo factos fragiles, & quamvis inter suæ imbecillitatis considerationem, non videbant cerò peccatum aliquod, quo obstricti essent, non tamen sibiipsis fidebant, hanc maximam interpretati securitatem, quod se minimè securos putarent. Itaque David dicebat, quod plurimis erga seipsum suspicionibus laboraret, & per exiguam sibi à seipso promitteret securitatem, ut cum nonnulla securitate viueret.

De nostro magho Patriarcha iam legimus, quod *transgrediens ad montem, qui erat contra Orientem Bethel, tetendit ibi tabernaculum suum*, Genes. 12. 8. ubi LXX. transferunt: *Castra metatus est*, ad modum, quo exercitus figere suos papiliones solent.

Sanctus Ioannes Chrysostomus ait: *Alienâ ditione ordetur & a diuina scriptura*, & quæ tum peregrina sit, tum inepta proposito. Nam sacer Patriarcha tam erat mitis, & pacificus, ut neminem offenderet, aut ad iram prouocaret. Hoc satis probatum dedit, cum suo consobрино optionem dedit, cessionemque fecit terræ, quam illecunque suæ habitationi deligere vellet, ut omnem iurgiorum, contentionumque occasionem amputaret, quod supra vidimus. Et quando semel arma corripuit, id urgente necessitate coactus fecit, ut cognatum suum Loth à captiuitate vindicaret. Quorsum ergo, *castra*, ut illi aiunt, *metatus est*, tanquam in hostes moueret?

Respondet Chrysostomus, LXX. fuisse eo verbo *usos, & ostenderent Patriarcham fuisse semper expeditum, atque accinctum*, & sic vixisse in media pace, ut miles vigilantissimus iuxta propriis abitis hostes solet. Et Abraham quidem nullos tunc habebat hostes, neque tamen securus ab illis erat, qui enim hodie non sunt, cras formidari possunt. Et nimium præsidere, periculosa incuria est, ut maxima securitas, in quavis securitate timere. Itaque Patriarcha noster *castra metatus est, & ostenderet, semper fuisse expeditum, atque accinctum*. Maxima namque securitas est; minimam habere in maxima securitatem.

Cum valediceret Redemptor mundi Discipulis suis, iamque hora appetisset redeundi ad Patrem æternum, hæc ad illos apud Euangelistam Lucam cap. 24. v. 49. *Et ego mitto promissum Patris mei in vos, vos autem sedete in ciuitate, quoadusque induamini virtute ex alto.*

Theophylactus plurimum hæsit in eo, quod Christus *non dixit, accipiat, sed induamini*. Quamobrem verò diuinus Magister ita locutus est ad Discipulos suos?

Respondet Theophylactus: *Non dixit, accipiat, sed induamini, declarans custodiam spiritualis armaturæ omnino munendos*. Non ergo ornandos, sed induendos siue armandos virtute ex alto dicit, tanquam

quàm indicare voluisset, tunc maximè securos fore, si nunquam curâ vacui viuerent, vt propterea eos facere cataphractos, & à summo vertice vsq; ad extremos pedes armare vellet lorica virtutis, quæ non alibi, quàm in ipsa cælorum officina fabrilis cusa esset, *declans custodia spiritalis armatura omnino munendos.* At si Apostoli, illi militantis Ecclesiæ validissimi pugiles, fortissimi duces, inuicti propugnatores semper gladium, scutumque præferre, semper galeâ tecti, loricaque onerati, ac muniti esse debuerunt, quis tam stultè de se præfidere, tantumque præsumere de fortitudine sua potest, vt putet posse aliter habere securitatem, quàm si se nunquam securum exilimet?

Præclare hanc tam vtilem, & salutarem doctrinam tradidit patientissimus Iob, quando ait: *Semper quasi timentes super me fluctus timui Deum.* Iob. 31. 22. Prudentes nautæ nunquam tranquillo confidunt mari, solet enim sæpè inopinatè sæua exurgere tempestas, & labantem, vacillantemque forbere nauem. At si nemo cordatus, & prudens vel pacato mari credit, quis in concitato, procellosoque securitatem sibi promittat, quando turbidum, & tumultuosum elementum tam sæuis fluctibus fragile lignum verberat, & ad certum naufragium, interitumque impellit? Quis hostem, qui semper gladium vibrat, sic vt nunquam brachium illis delasseretur, nunquam virum robur attenuetur, non pertimescat? Hoc est, quod sanctus Iob aiebat, cum diceret: *Semper quasi timentes super me fluctus timui Deum,* quando enim me vnus calamitatis fluctus tundit, manet illi brachium liberum, & expeditum, suspensumque ad ictum, vt aliâ nouâ calamitate me feriat, & percellat, idèdque semper viuo ad omnem ictum, casumque paratus, sic enim leuius fero, quæcunque accidunt. Ità optimus modus parandæ sibi securitatis est, nunquam se putare securum.

Concennârunt Christus, & Discipuli eius, cumque dulcissimum nectar, & cælestem ambrosiam corporis, & sanguinis illius prægustassent, *hymno dicto exierunt in montem Oliueti;* Matth. 26. 30. Mons illic representabat misericordiam, cuius symbolum tritum est arbor Oliuarum.

Percunctari libet, quid mysterij habere possit, quod post susceptum sanctissimum Sacramentum, supremum illud diuinæ liberalitatis donum, post cantatum etiam immortalium gratiarum hymnum, adducere in montem misericordiæ, & indulgentiæ Discipulos suos Dominus voluit?

Respondet quidam Doctus Matthæi Interpres

(Paulus de Palatio) inquit: *Indicatur, quòd etiam si Eucharistiam suscepis, etiam si hymnum letum cecineris, adhuc in montem Oliuarum conscendere, id est, ad Dei misericordiam confugere debeas.* Pretiosissimo corpore, & sanguine Domini roborati, obfirmati, & obarmati erant illius Discipuli, sacro cantu adhuc sese obmunierant, & nihilominus postquam illud pretiosissimum donum acceperunt, receperunt se in montem, non securitatis, sed misericordiæ. Nam quamuis homo in supremum gratiæ Dei culmen peruenerit, semper tamen ad illius clementiam confugere, semper illius opem, auxilium, tutelam implorare, præsidioque commendare se debet. Nemo, quippe in hac vita securum se putare debet, quantumvis sibi rectus communitusque videatur. Qui enim nulli suæ firmitudini se credit, qui in molli securitatis suæ lecto nunquam incurius dormit, ille arx est adamantina, ille turris fortissima.

Quis non putasset conquecturas procellas, maximamque fluctuum, & totius ærumnarum maris fore tranquillitatem, postquam Dominus Patriarcham nostrum illa tam immani immolandi filij vnigeniti tempestate diu, acriterque exagitauit? Quis non cogitasset, illum tam amarum haustum fore postremum? Alius nihilominus superest haustus, quem sumat, alia tempestas reliqua, quam sustineat. Haustus ille, & tempestas illa est luctuosus obitus formosæ, quàm honestæ, tam charæ coniugis, quæ cum illi annis plurimis fida, & indiuidua vitæ socia fuisset, *mortua est in ciuitate, Arbe,* Genes. 23. 2.

Sanctus Ioannes Chrysostomus in illius capitis commentario ait: *Postquam à sacrificio illo nouo, & admirabili rediit, excepit eum Sars luctus.* Quando intrâ dilectæ coniugis suæ complexus conqueiescere sanctus Patriarcha debebat, tunc rigidum, frigidumque illius cadauer deplorabat, & cum sibi gaudium promitteret, incidit in feretrum, versaque est in merorem læritia. Nullam habet vita præsens securitatem, cum enim calamitas abit, mox altera illam sequitur ærumna, & cum vna subsidit tempestas, exurgit alia, fluctumque fluctus, & procella procellam excipit, & cum vna deuicta est tentatio, statim alio lacescitur prælio. Optima ergo securè viuendi in spiritalibus, & temporalibus bonis industria est, nunquam curâ, & metu vacuum esse, neque certam sibi vnquam promittere securitatem.

Vide Partis secunda Polirici calorum lib. 8. cap. 1. & calcem illius, & Tom. 1. in Indice rerum verbo, Securitas.

CAP. V. T. II.

Vt nostræ actiones felicem sortiantur effectum, ad prudentiæ regulam, & discretionis amissum dirigi debent.

Deplorauit Abraham charam coniugem suam, sumptuosisque exequijs suauis illius cohonestauit, & post fœnebrem pompam exactam monumentum perquirere cepit, cui venerabiles reliquias inferret. *Cum surrexisset ab officio funeris*, inquit sacer Scriptor Genesi. 23. 3. vt indicaret, iustum illius supremi officij curandi tempus obseruasse, postque illud ad alia rediisse negotia. Neque perpetuo, neque nullo luctu prosequendi sunt mortui. Nam qui semper deplorant mortuos, aberrant à regula prudentiæ, & discretionis, & qui nunquam eos desunt, inhumanam præferunt feritatem. Vt ergo in neutrum extremum incurras, moderatè charis mortuis ingemisce, & illachrymare. Idem in omnibus qualibuscunque actionibus faciendum, nimirum vt ad prudentiæ regulam, ad discretionis perpendicularum, ad cautionis normam exigantur, quò rectè fiant, omnia enim extrema sunt perniciabília, & damnosa. Nam vulgo dicitis: *Tanto es peccator cartæ de mas, como por cartæ de menos*, quod hunc habet sensum: Tantumdem peccat, qui minus debito agit, quam qui plus iusto, velut recto chartarum lului æque ob est folium, quod deest, ac quod superest. Propterea homines plerique, qui rectè agere sua cupiunt, contringunt se sapientia patrum spiritualium, vt iij vel pro fræno sint, cum nimis feruet spiritus, vel pro calcaribus, cum obtorpescere incipit spiritus.

Propheta regius consuluit laudare æternum benefactorem, ex cuius liberalibus manibus innumera quot dies accipimus beneficia, hortaturque vt harmonicorum instrumentorum sono eum glorificemus, dicens: *Laudate eum in psalterio, & cithara, laudate eum in tympano, & choro, laudate eum in chordis, & organo*; Psal. 3. 4. *In chordis*, inquit, vt sint consonæ voces.

Sanctus Gregorius lib. 20. Moral. cap. 21. ait: *Pensandum est, quod chorda in cithara, si minus tenditur, non sonat si amplius, rauca sonat*. Vt ergo gratum sonum edat, & cum alijs consonet, neque plus satis adduci, neque remitti nimium debet. Hoc est in morum nostrorum, actionumque musica obseruare rex cantor iubet, quandoquidem ex omnes ad Dei honorem dirigi, eiusmodi laudibus celebrari debent, dicens: *Laudate eum in chordis*, hoc est, esse instrumenta musica per omnia, quæ agitis,

& neq; tam remissi, ac tepidi, vt sint ingrata vestra opera, immò ne reputentur quidem opera, neq; tam præproperi, & conciti, vt per intemperantiam peccetis.

Exemplo abstinentiæ rem hanc declarat beatissimus Papa, inquit: *Sic virtus abstinentiæ aut omnino nulla est, si tantum quisque corpus non edomat, quantum valet, aut valde immoderata est, si corpus atterit plus, quam valet*. Cuius exigua est à cibo temperantia, eius chorda ex nimia remissione est muta: Qui sic emaciat corpus, vt propè macet, eius absorta est chorda, idque ex immoderata contentione. Itaque nisi manu discretionis modereris habenas, & prudentiæ pede calcariæ regis, non progredientur actiones, vt debent. Sic & chordæ sunt, quas necessum sit tendere, sunt quæ relaxatione opus habeant. Sunt quidam tam grauib; & impeditis pedibus, vt calcaria requirant, sunt alij tam celeres, & impetuosos, vt fræno egeant.

Sanctus Paulus hoc nobis dicit, magnus vitæ spiritualis Magister. Hic alijs quidem præcipiebat vitare cibi, potusque intemperantiam, vt non in commensationibus, & ebrietatibus (Rom. 13. 13.) viuerent, dilecto verò discipulo suo Timotheo scribebat: *Modico vino stere propter stomachum tuum, & frequentes tuas infirmitates*; 1. Timoth. 5. 23. in quæ sanctus Gregorius vbi supra sic habet: *Alijs suadenda est abstinentia, Prædicatori autem charissimo scribit, Stere modico vino*. Fræno, & calcaribus opus est, vt rectè moderemur opera nostra. Discipulo, cuius quotidianus potus aqua, suadebat Paulus paululo vino vt i; s; autem, qui se in vina semper ingurgitabant, imperabat aquam bibere, nulla enim fructuosa est actio, quam non prudentia regit, & discretio, quoniam opratum finem per talem actionem nemo assequitur.

Querit supernus Magister, quisnam sit fidus, commodusque erogandæ in familiam annonæ minister. Et ne operosa nobis accideret responsionis indagatio, quibus verbis querit, iisdem respondet, dicens: *Quis putas, est fidelis seruus, & prudens quem constituit Dominus super familiam suam, & det illi cibum in tempore*? Matth. 24. v. 45. quasi dixisset: Ille ipse est necessarius Domino suo ad ministrandum domesticis victum, qui fidelis, ac prudens.

O quam dextrè gubernabit, quam bonus pater, & magister erit, in quo hæc duo concurrerint, qui ambabus his virtutibus ornatus fuerit: *Vide autem*, inquit Euthymius, quòd duo hæc habere oporteat eum, qui præpositus est, puta fidem, ne recineat, quæ sunt

conseruorum, aut inutiliter consumat, & prudentiam, & decenter ea diuidat, quæ sibi tradita sunt, & cum iudicio, tam in qualitate, quàm in quantitate. Qui boni dispensatoris partes rectè exequi vult in domo Dei, debet primum neque sibi arrogare, nec erogare prodigè aliena, deinde etiam curare, vt omnia ex æquo, prout spiritualis animarum gubernatio requirit, distribuatur, & paria humeris onera cuique imponat, vires singulorum examinet, nec plura, quàm per eas possit, à quoquàm exigat, nam si in extrema declinet, omnia perdet, vt si giganti onera imponat pygmæi, & pîgmæo iniiciat pondera, quæ gigas vix, ac ne vix quidem ferre queat.

Huc alludit Apostolus, quando nonnullibi dixit: *Nolite pueri affici sensibus* (1. Corinth. 14. 20.) siue infirmo, ac tenui rationis iudicio, alibi verò ait: *Christus dilexit Ecclesiam*, &c. *Et exhiberet ipse sibi gloriosam Ecclesiam, non habentem maculam, aut rugam*; Ephes. 5. 27. Neque pueros vult Paulus, neque rugosam, squalidamque Ecclesiam Christus, hoc est, non prorsum decrepitos, & omnino fractos longo senio, vt exponit sanctus Gregorius Nyssenus. Qualesnam ergo illas animas vult Dominus? Eas, quæ extrema defugiunt, neque tam exigua sunt ætate, vt non valeant iudicio, neque tam prægrauatæ annis, vt sint attritis viribus. *Sola ea anima, quæ statum transiit infantilem, & ad spirituales ætatis flores peruenit, ac vigorem, nec maculam accepit, aut rugam, & neque propter infantiam caret sensu, neque ob senectutem est imbecilla, ea pariet præcepto legi.* Ità Nyssenus homil. 2. in Cant. Pueritia, & senectus duæ quædam extrema sunt ætatis. Hæc declinare Paulus, Christusque iubent, vt neque puerorum insipientiam imitemur, neque torpentes simus ad officia pia, quemadmodum ad corporalia senes, nisi enim vtraque fugias, nihil rectè ages, nullum ad normam prudentiæ conficies opus. Mediam talium extremorum ætatem vult Paulus, vt declarat Nyssenus.

Appositè ad illa Nysseni dicebat magnus illius amicus, & Theologus sanctus Gregorius Nazianzenus Orat. 12. *Sec statuo, nec seignorem quenguam esse debere, quàm par sit, nec feruentiorem, ità & vel ob leuitatem ad omnes se aggreget, vel ob temeritatem, & insolentiam ab omnibus se remoueat.* In omnibus discretè, & prudenter agendum, vt rectè agatur.

Vide Partis secundæ Polistæ cælorum lib. 7. cap. 9.

Si tam contagiosa sunt vicina corpora mortuorum, quorum fuit vita bona, quàm periculosa erit societas viuorum, quorum sunt tam mala opera?

Dignum consideratione est studium, & diligentia, sollicitudoque, quacum Patriarcha noster indagabat agrum commodum, quem deligeret monumento vxoris, & sepulchro proprio. Agrum, vt dixi, pro tumultu suo, defunctæque coniugis comparandum perquirebat. Solennis enim, & consians olim Hebræorum, ac Romanorum consuetudo fuit, sepulchra sua ruri habere, ibique mortuos suos humare, quod cultus Hispanæ eruditionis Apollo D. Laurentius Ramires de Prado Pentecontar. c. 17. docet, atque eleganter probat ex Genesi, Paralipomenis, Sancto Matthæo Euangelista, Flacco Siculo Frontino, Iuliano Imperatore, Pomponio Iuriconsulto, & alijs multis. Verba sapientissimi consiliarij sic habent: *Equibus morem etiam antiquum Iudæis, & Romanis communem elicio, solum scilicet, strus sepulchra in finibus agrorum iuxta viam.* Mysterium autem sepulchrorum iuxta viam construi solitorum, alteri occasione magis opportuna enudandum seruo. Magnus ergo Patriarcha noster ad filios Heth aiebat: *Date mihi in sepulchris vobiscum, & sepeliam mortuum meum*; Genes. 23. 4. Quare hoc fecerit? Respondet Oleaster in annot. morali: *Non solum in vita, sed etiam in morte soluerunt iussi ab iniustis separari.*

Societatem malorum tantoperè fugiunt boni, vt & viui & mortui eos deuient, neque vicinos habere velint, tanquam adeo contagiosa sit illorum vicinitas, vt & mortuis suum afflare virus & adferre pestem possint. Hinc accipiam occasionem, tradendæ disciplinæ omnium, quæ ad morum reformationem facere possunt, vtilissimæ. Hoc est, quod Dominum nostrum rogare absque intermissione, & maximum in modum etiam atque etiam obsecrare debemus, vt per pietissimam immensæ misericordiæ suæ viscera nos ab omni malorum societate abstrahat, nescio enim quid aliud in mundo sit, quod maiorem habeat etià ad perfectissimū quemque deprauandū vim, effacitatemque, quàm talium cōmerium, & conuictus.

Sanctus Lucas-Euangelista, in libro actuum Apostolicorum refert, quod sanctus Barnabas socio ad prædicationis officium vti voluerit quodam Discipulo Ioanne, cui agnomen fuerit Marcus. Cum hoc intellexisset beatus Paulus, impedire hanc coniunctionem, quibus modis potuit, conatus fuit: Pau-

luis autem rogabat eum (Et qui discessisset ab eis de Pamphylia, & non esset cum eis in opus) non debere necipi, Act. 15. 38. Ille Ioannes Marcus in alueari Ecclesie quasi quidam focus erat, vt qui non esset cum eis in opus, inquit Lucas, & segnis operarius erat, & ignauus miles eo tempore, quo strenuè dimicare necessum erat: Eapropter nolebat Sanctus Paulus, vt Barnabas comitem sibi adscisceret Ioannem Marcum. In hanc rem sanctus Ioannes Chrysostomus homil. 6. de laudib. Pauli ait: *Quoniam in ipsa acies fronte constitutum nimis inuiciliter egerat, eum merito Paulus abiiecit, ne illius quasi contagione vires corrumpere aliorum.* Fuit quando Ioannes Marcus ad pugnam missus, cum primus irruere in hostem, primus aduersam frangere aciem deberet, primus fractus animo magnam ostendit ignauiam. Dicebat ergo Paulus: Male tam timidus in exercitu miles ponitur, vnus enim inertiam suam in cunctos diffundet, vt omnes tanquam meticulosi, & pusillanimes fugiant: Exercitum totum defes vnus reddere ignauium, & integrum hominum bonorum cœtū deprauare improbus vnicus potest: *Eum merito Paulus abiiecit, ne illius quasi contagione vires corrumpere aliorum.*

Benè conueniet cum his quidpiam, quod sanctus Ambrosius refert. Dissidere ille aliquando apud populum de auium natura cum vellet, non satis recordabatur eorum, de quibus dicere propositum habebat (quod ipse ingenuè fatetur, ad eorum concionatorum, qui sunt labili memoriâ, non paruam consolationem) cumque dilapsam ex animo nonnihil reuocasset materiam, aiebat: *Fugerat nos necessitas de natura autum disputatio, & sermo huiusmodi nobis cum ipsis auolauerat.* Hæc ille lib. 5. Hexæm. c. 12. Ità solet homo ad eorum, quibuscum communicat, mores sese componere. *Est enim natura quadam, & hi, qui aliquid inueniunt, vel dicendo exprimere solunt, eorum qualitatem, quæ vel inueniuntur, vel loquuntur, assumant, & cum pigrioribus immoremur, & cum velocibus celeri rapiamur aspectu, stylo quoque aut tardiore gramur, aut rapido.* Morum affinitatem coniunctio societatis, faciliè parit, Balbutire, aut præcipitare verba familiare est eis, qui balbutientibus, aut præcipientibus, sunt familiares, procliuiusque sequimur eò, quò ius amant, quibuscum frequens habemus commercium.

Admirationem cuius adferet illa sanctorum Angelorum solitudo, quia sanctum Loth ad abitum impulerunt, cum Sodomitas, urbemque eorum flammis absumere vellent. *Cum esset inane, cogebant enim*

Angeli; inquit sacer Scriptor Gen. 19. 14. & quantum illi accelerare iuberent, quantumuis ad maturandum egressum vrgerent, & cogerent, hærebat tamen Loth, tanquam non intellexisset, quæ Angeli monebant. Itaque dissimulante illo apprehenderunt manum eius, illumque, & uxorem eius, & liberos amborum velut per capistrum extraxerunt magis, quam eduxerunt.

Vnde nasci potuit, quòd Loth ità, dissimulauit ad voces Angelorum, ità tergiuersatus fuit, & non attendit, non animaduertit monita salutaria cœlestium nuntiorum, sic vt non satis credere videretur, quòd intentatæ ab eis minæ effectum habituræ essent, cum ex obscenorum illorum hominum consortio se proripere iubebatur? Quis hoc sancto Patriarchæ vel aspergere, vel allinire potuit, vt fides illius nonnihil turbaretur, & obscuraretur?

Angelicus Doctor sanctus Thomas in c. 19. Gen. ait: *Mirum est, quòd cum primò ità credidisset Angelus, quòd modò ità tardabat, & negligebat exire.* Initio Loth fidem dabat omnibus, quæ dicta fuerant ab Angelis, humiliterque eos colebat, & domesticos suos, generosque ad obtemperandum eorum iussionibus sollicitè, ac vehementer exhortabatur. Vnde ergo tanta illi posthæc & cunctatio, & hæsitatio?

Respondet Theologiæ magister Angelicus: *Ex derisione generorum suorum aliquantulum obscurata, & turbata fuerat fides eius.* Dixerant Angeli ad Loth, vt si quos haberet sanguinis, vel affinitatis necessitudine coniunctos, eos moneret, vt fugæ se accingerent, reliquæque ciuitate certum exitum, idque proximè imminens euaderet, & quòd illam igne, ac flammis vastare vellent. Fecit ille quod iussus, monuitque generos, & *visus est eis quasi ludens loqui* (Genes. 19. 14.) & iocum interpretati sunt minas Angelorum narrationem loceri cum risu acceperunt, tantumque non obiurgarunt eum, quòd nugamentis talibus tam facilem fidem daret. Sola eorū, quo à generis contrà dicebantur, auditio ità concutiebatur fidem sancti Loth, vt titubaret, & penè ad partes eorum transiret, ac ferè ipse etiam ludum putaret, quæ Angeli nūciauerant: *Ex derisione generorum suorum aliquantulum obscurata & turbata fuerat fides eius.* Mirum, ac terribile eousque virū talem taliter, tam faciliè abductum fuisse! Videat ergo vnusquislibet, quibuscum consuecat, & conuersetur. Nam si sanctus Loth, qui paulò ante tam firmiter credebat, quæcunque ab Angelis acceperat, & tam iudiciè perficiebat, quæ ab illis iussus fuerat, & tam ardentè, anxietèque ad quærendam effugio salutem, ad lo-

ipicandam discessione vitam suos omnes cohortabatur, tam facile postea iniepit, & refrixit: Quid nō timere debet, qui crebro comibit, conuiscitur, cōmunicat cū improbis, & contaminatis, & peruersis? Quis inter malos socios securum se putabit, quando Loth, quādam velut turris fidei, & tam feruens, tamque magnanimus, ac robustus sancti Patriarchæ Abraham confobrinus ad primum impetum vacillauit, & primo tormenti bellici globo tantum non deiectus fuit?

Propheta regius aiebat: *In æternum, Domine Verbum tuum permanet in celo;* Psal. 118. 89. tanquam pluribus dixisset: Scio Domine, huius vitæ fragilitatem, expertus noui præsentis sæculi vicissitudines, & variam mutabilitatem, proinde & fateor, quod apud te solum, & in tua imperiali aula omnia perpetuo constant, durant, firmiterque perseverant. Sanctus Ambrosius Serm. 12. in illum Psalmum ait: *In celo permanet Verbum, quia inde deiectus est diabolus, in terris non permanet, quia hic totus aduenit.* Ratio perdurantis semper in celo firmitudinis vna ē multis est, quod dæmon inde exturbatus.

Admirabilis loquendi modus. Quid enim ibi mali facere pessimus dæmon poterat, vbi Monarchæ supremi tremenda maiestas resideret, vbi totum est gloria, potestas, securitas? Quam ibi metus occasionem præbere diabolus, aut quid procurare incommodi poterat? Hinc arbitrari potestis, inquit Ambrosius, quam sit contagiosa malorum societas, quantumque valeat ad inficiendum, ad pervertendum. Sentire nimirum sanctissimus ille Doctor videtur, neque celum satis securum esse potuisse, si ibi relictus fuisset diabolus, tanquam illē totam cœlorum regiam simultatibus, dissidijs, moribus intestinis, tumultibus implere, perque turbare valuisset. Ob hoc ergo solum videtur celum esse securum, & tranquilum, quia societate malā est vacuum: *In celo igitur permanet Verbum, quia inde deiectus est diabolus.* Infernus ē cœlo, ut videtur, fieret, nisi improborum conuictus inde procul abesset.

Hic ego huius capituli quemcunque lectorem oro, & obsecro, ut attentē dispiciat, & diligenter consideret, quos vitæ, conuictusque socios deligat, mali enim suæ consuetudine corrumpunt eos, quibuscum conuersantur. Et nemo suis virtutibus fidat, quia incolumi ager suam contagionem affundit, sanus autem suā visitatione infirmum nullus vnquam curauit.

Vide Periocham II. Domin. XIII. post Pentecost.
Id. II. pag. 196. b. o. & quæ ad finem adscripta.

Reliquis vitæ humanæ statibus minutatim dantur labores, coniugati, & matrimonio iuncti prægrauantur omnibus.

Postquam, tumulo illarum, & in monumento repositæ fuerant venerabiles reliquæ, quod Patriarcha noster ab Ephron quodam coemerat, coepit agere de vxore inquirenda primogenito suo Isaac, in quo maximam inclayta posteritatis suæ, & gloriolæ prolapia spem repositam habebat. Monet autem sacer Scriptor Moyses, grandæum fuisse per id tempus Abrahamum, inquit: *Erat Abraham senex dierum multorum;* Genes. 24. 1.

Sanctus Ioannes Chrysostomus ibi quærit: *Quare hac nobis assignauit Scriptura?* Quo consilio narrat Moyses decrepitum fuisse Abrahamum, quando collocandi in matrimonium, filij cogitatum susceperat?

Respondet: *Quia curaturus erat, & sponsa Isaac adduceretur, ideo nobis eius ætatem assignauit.* Quando ad extremam, inquit, senectutem peruenit. Experiencia doctus Abraham pernouerat, quantis curis, ac peruijs plenum esset matrimonium, eorum etiam, qui pacatam conceperat, vnam interque duccerent vitam, propterea videtur filij sui coniugium protogisse, ac ditulisse, quousque poterat. Quare capulo proximus, & Chariticus senecio erat, quando filio suo providere de nuptijs, cū aliud iam non posset, debuit: *Quando ad extremam senectutem peruenit.* Reuerā negari non potest, tantum illud statum multis subiectum esse miserijs, & calamitatibus. Habent etiam status alij suas arumnas, & difficultates, sed minutas, in coniugij statum conflunt omnes.

Discurrebat sanctus Augustinus per vniuersos præsentis vitæ status, cūque ad eos deuenisset, qui ad continentiam, coelibatumque voto se obtinuerunt, sic inquit in Psal. 86. *Alius ex munere Dei maritus aliquis coniu;* & statuit nec nuptias pati, qui non damnaretur, si duxisset uxorem, post sortum, quod Deo promissum, si duxerit, damnabitur. Nonne animaduertitis miram egregij Doctoris phrasin? *Statuit nec nuptias pati,* ait de illo, qui continentæ votum Deo nuncupauit. Sed qualis ille loquendi modus? Qui politioris literaturæ, & eruditioris latinitatis sunt studiosi, alijs verbis eam rem efferre, & dicere solent, *Uxorem ducere, nubere, matrimonium contrahere, coniugium inire,* &c. at quis dixit, *nuptias pati* Quis? Quisquis matrimonij miseras, & arumnas nouit,

idem

idem non nescit, iungi vxori tantundem esse, quantum adire passionem, & adduci remedium calamitatum, curarum, anxietatum, quas magno agmine secum ducit tristis hic, & ærumnolosus status. Itaque acutè sanctus Augustinus nuptias vocat passionem.

Si etiam mortem quis vocaret, non multum à vero aberraret. Certe Dardanenses Illyrici satis hoc indicarunt, de quibus Ælianus lib. 4. de varia historia c. 1. sic habet: *Dardanenses Illyricos ter solummodo per vniuersam vitam audio lauari consuevisse, post partum, cum nuptias ineunt, & cum mortem obierunt.* Quando hic rem aliquam molestam, & acerbam, poenalemque exaggerare volumus, dicere solemus: *Esse es cosa, que se puede hazer ena vezen la vida, yotra en la muerte*; hoc est: *Res ea talis est, quæ semel in vita, iterumque in morte fieri possit.* Agre adducebantur Dardanenses, vt lauerentur, persuasi facile propositum esse, sepius lauari. Putabant nihilominus non omnem omnino intermitterendam lotionem, itaque lauabantur & cum nati, & cum denati, tam infelix enim omen arbitrabantur lauati, vt non nisi semel in vita, rursumque in morte lauarentur. Et quando præterea? *Postquam nuptias ineunt*, quo significabant, tam sinistra portenti loco habere, inter nuptias (quoniam non facere non possent quam nasci, ac mori, vt proinde etiam eisdem cæremonijs vterentur ad nuptias, quibus ad primum ortum, & extremum obitum utebantur alij. N que iouit illud: Nam vt ad miserrimas nascuntur, qui in lucem eduntur, & vermium esca fiunt, qui è vitis decedunt; ita illi putabant, eos, qui matrimonio copulabantur, simul obligari ad colendum perpetuo cum toto, & quæ numerofo, & ingenti curarum, molestiarum, angustiarum nocturnarum, diurnarum, corporalium, spiritualium exercitum. Et velut is, qui vxorem ducit, coniugatur, vt sepulchrum, & fomes solitudinis, & ærumnarum.

Nihil magnum hic affirmamus, quod dicet, quisquis considerauit veterum morem, qui cædas nouis nuptis præferre solebant, cuius consuetudinis meminerunt Virgilius, Alexander Neapolitanus, Andreas Triagellus, Iustus Lypsius, & alij plures.

Quid ritu illo, & cæremoniâ indicare volebant? Doctus quidam Ecclesiastici interpret, Tufus in c. 9. Eccles. v. 1. Respondet: *Qui matrimonio consumitur, & amoris coniugalis se mancipat, tanquam mori se dat. Facet igitur illa, quæ coniuges comitantur,*

tada sunt in eorum accensa morte. Tædis olim prosequiebantur recens nuptos, quibuscum ad sepulchrum educi mortui solent, vt significarent, quam parum differt à tumulo thalamus, tam exiguum discrimen esse inter eum, qui matrimonium init, & qui mortem subit.

Res est omnibus, qui etiam parum versati sunt in sacris literis, explorata, quod illud tetragrammaton, siue quatuor litterarum nomen tantam habebat venerationem, & existimationem, vt nemo illud nisi summus sacerdos pronuntiaret. Itaque pro illo abscondito, & sacrosancto nomine utebantur ad implorandam Dei maiestatem alijs vocabulis. Fundatur hoc in illo Exodi 6. 3. *Nomen meum Adonai non indicauit eis*, & hoc nomen, vt aiunt Explicatores, est illud ineffabile IEHOVA. de quo Abulenſis in illud c. 6. Exodi sic inquit: *Nomen Dei tetragrammaton, & quidam solunt, tanta sanctitatu est, quod a nullo debeat nominari, nisi a sacerdote magno.* Cum autem illud tam sanctum, tam sublime, tam augustum nomen non nisi à summo sacerdote proferri posset, procul dubio non proferebatur nisi ad inuocandum in magnis calamitatibus, & vrgentissimis necessitatibus Deum. Quibusnam verò illis? An forte, cum atrox aliqua, & mortifera populo Hebræorum in infabat pestis? An cum hostis populabatur agros, vastabat messem, omnemque patriam dirpiebat? An cum cælum factum æneum arida, steriliq; terræ fecundum negabat rorem? Non profecto. At si ad bella, pestem, sterilitatem, (qui sunt intensissimi, & turbulentiſſimi hominum hostes) non proferebatur sanctum illud, & ineffabile, & myſticum nomen, quod non oſuſpate ore poterat, grauissima necessitas fuisse debuit, quæcunque illa, ob quam summus sacerdos illud ad precandum adhibebat, sicut deuotiſſimæ imagines Guadalupensis, & Montisfetrati, non nisi cum luctuosissima calamitas Hispaniam premit, suis locis efferri in publicum solent. Quid ergo tandem erat, cuius graci illud sanctissimum, & augustissimum nomen ex ore sacerdotis, in quo velut quodam sacrario recunditum latebat, proferebatur?

Respondet Abulenſis: *In benedictionibus nuntium proferebatur magnum illud, & venerabile nomen, quod alioquin, vt maiorum haberet cultum, & obseruantiam, silentij aulæis tectum seruabatur.* Itaque tunc solum eo ad orandum utebatur sacerdos magnus, cum benedicendi erant, qui nupturi, & non ad depellendum à patria pestem, famem, bellorumque, & temporum iniuriam? *In benedictionibus nuben.*

nubentium tantum usurpabat sacerdos, ut tali mysterio significaretur tot, tantasque esse curas, miseras, calamitates, quæ statum matrimonij inseparabiliter comitantur, ut nullæ sunt ærumnæ, nullæ miseriæ, quæ comparari cum illis queant. Et propterea in celebratione nuptiarum proferebatur illud sacrosanctum nomen, quod in quavis alia necessitate servabatur rectum, absconditum, secretum.

Huc facit illud sancti Gregorij Nysseni ex lib. de virginis. c. 3. *Si fieri posset, ut ante periculum rerum, quæ postea quæ est expertus, disceres, aut aliquā aliā coniecturā us, qui in hac vita versatur, res perspicere posset, quantum profectò fieret illorum concursus, qui ad virginis statum a nuptijs confugerent?* Si quis ante susceptum matrimonij iugum facere periculum posset molestiarum, rerumque incommodarum omnium, quibuscumque vita coniugatorum est alligata, quāto impetu, & numero ad expeditum illum iniugum statum, & beatum Virginum chorum plerique concurrerent, & perpetuum nuptijs valedicerent?

Si plurimi in vna porticu essent homines, taurusque ferox, aut leo inopinatò solutus adveniret, quàm celeriter, quàm anxie, quàm inphianter, quàmque contentiosè, & tumultuosè omnes portam appetere, fugaque elabi, cornuque, & vngues evadere, & vitam sospitare studerent? Tale quidpiam est, quod ait Nyssenus: *Quantus fieret illorum concursus, qui ad virginis statum a nuptijs confugerent*, si intelligerent, quod inire matrimonium non est solui, sed coniugati laboribus magnis, curis varijs, sollicitudinibus perpetuis? Totā pedum pernecitate à proposito nuptiarum defugerent, atque ad sacra virginis remis, quod aiunt, ac velis contenderent, si ea ante exploratè perspecta haberent.

Dicunt sæpè prædicatores, & magistri spirituales, neque malè, si quis ad inferos descenderet, suppliciaque ea oculis usurparet, vel ad breue tempus tolleraret, & posthæc in vitam hanc rediret, eum hilariter, lætanteque subituro quāmcunque pœnitentiam, & corporis afflictationem, atque emaciationem, perasperam licet, & peracerbam, ac terribilem: Nam qui illas inferorum pœnas semel degustasset, illi omnis vitæ huius pœna gloria omnis præsentis temporis cruciatus videretur paradysus, omne martyrium quies, & refocillatio. Ad eundem modum videtur dicere Nyssenus: Si quis extrā statum matrimonij experiretur status illius pœnas, labores, coedia, angustias, gravitatemque iugi eius, quod subeunt, quicunque connubium ineunt, *quantus profectò illorum fieret concursus, qui ad virginis statum a nuptijs confugerent?*

Alia mihi reliqua est dubitatio, quam discutere in verbis Nysseni debeam. Verba hæc sunt: *Si aliqua alia coniecturā us, qui in hac vita versatur, res perspicere posset*, atque ex eis æstimare, quantæ sint matrimonij ærumnæ, virginis statum utique amplecteretur tum ille, tum alijs quilibet earundem miseriarum conscius. *Si coniecturā res perspicere posset*, inquit. Ergone coniectura nulla est talis rerū aliarum, quā ducti prospicere possimus, quantæ sint curæ, & miseriæ matrimonij? Pono hominem obscuro ergastulo inclusum, qui dulci libertate orbatus non alio quā tribulationis pane vescitur. Pono alium vinculis ferreis prægrauatum, & triremibus additum, ubi maximæ blanditiæ sunt virgæ, flagra, scutica. Pono tertium militem miserum in illo Hispanorum sepulchro (Belgium, credo, indigitat) positum, & cingulo tenus in palude defixum, qui parte sui mediā sepultus, totus quantus mortis est expositus. Annon posset quis ex talium hominū infelicitate coniecturam capere molestiarum, quibuscumque coniuncta est vita nuptorum? Nyssenus negat posse, omnes enim illæ miseriæ videntur pictæ esse, si cum eis conferantur, quæ excipere, & persequi coniuges solent. Si aliter sentis, interroga multos nuptos, & dicent, plusquā vera esse, quæ dixi.

Vide prima partii Politici lib. 3. c. 2. Et alium locum ex Tomo II. ad finem adscriptum, ubi de hoc argumento plura, Et meliora.

CAPUT V.

Quod hominem non proximè attingit, tametsi proximum habeat, tanquā procul positum aspiciat.

Cum Redemptor mundi secum reputaret, quā contumaces essent, & protervi homines quibuscumque versabatur, quāque prompti ad maledicendum, sic ut sanctissimum Baptistam, seu ieiunaret, seu cibos caperet, criminarentur, & proscinderent, tantā eorum pernicacitā, & conviciandi licentiā exasperatus inquebat: *Cui ergo similes dicam homines generatōis huius?* Lucæ 7. v. 31. Subdit autem statim: *Similes sunt pueri sedentibus in foro, Et loquentibus ad invicem, Et dicentibus, Cantamus tibi, & tibi, Et non saltatis, lamentamini, Et non ploratis.*

Qualisnam erat ille puerorum ludus, cuius mentionem hic facit Dominus?

Theophylactus id exponit his verbis: *Erat quodam*

dam ludi genus apud Iudæos, in partes enim duas parti-
eri multis diuidebantur, & quasi eam deridebant.
Alij ex una parte lamentabantur, alij ex altera risi-
sanebant, & neque lugentes curabant hi, qui ex altera
parte caneabant, neque risibiles ipsos curabant hi,
qui lugebant. Quod ludus ac iocus apud illos erat,
id serid apud nos agitur, & reapse quotidie in mun-
do experimur. Nimirum alij lachrymas fundunt, ri-
su alij diffiunt, alij abundant diuitijs, alij laborant
inopiâ, alij miseram in luctu, alij inter prospera
lætam, ac iucundam vitam ducunt. An verò opu-
lenti fortè miserantur infelicitatem egenorum? An
pauperes solatium sibi ex abundantia diuitum ali-
quod accersunt, aut de prospera eorum fortuna
gratulantur? id ex acerbo animi sensu, quocumq; &
res suas aduersas, & aliorum secundas vident, æsti-
mare possis: Neque lugentes curabant hi, qui ex al-
tera parte, neque risibiles ipsos curabant hi, qui luge-
bant. Quàm parùm mouetur satur pœnis ieiunij?
Quàm parùm consolationis haurit ieiunus ex sara-
ritate benè pasti? Denique suum quisq; negotium
curat, & quæ illum proximè concernunt, ea dolet,
cætera neque sollicitant illum, neque insomnem faci-
unt.

Cum insani Iudæi internecino aduersus Christum
odio furerent, & Pilatus præses iuberet, ut ipsi eum
acciperent, & secundum suæ legis lituræ in crucem
abripereant, in quo ille nihil inuenire posset, quod
damnando ad mortem satis esset, respondit Hebræ-
orum vulgus, legem se habere, & iuxta eam mori
debere, eò quod se filium Dei fecisset. Expedit
hæc verba Pilatus, ingressusq; prætorium, interro-
gauit Dominum nostrum: Unde est tu? Ioan. 19. 9.

Querit Sîmon de Cassia, quamobrem iniquus
præses innocentem reum illud pereunctatus fuerit,
à quo paulò ante audierat: Regnum meum non est de
hoc mundo; Ioan. 18. 38. Et si fortè patriam illius
indagabat, tam certò sciebat Gallilæum esse, ut pro-
pterea illum miserit Herodi, qui Gallilææ per id
tempus imperabat. Verba Sîmonis de Cassia sic ha-
bent: Mirandum, quod Pilatus interrogauit, Unde
esset, cum patriam ante cognouerit, quia Gallilæus
erat. Quid ergo nunc inquirebat in patriam Chris-
ti Pilatus, quam paulò ante benè habuerat explo-
ratam?

Respondet Venerabilis Doctor: Quare Unde sit
Christus, quia obliuioni tradiderat. Erat Christus
pauper reus, omnes illum deliquierant, exiguum
quæritum ex illius causâ Pilatus sperabat, & quoni-
am parùm utilitatis expectare poterat, obliuioni tra-

dididerat, & quanquàm paulò ante audierat, ex Galli-
læa oriundum esse, Gallilææ tamen omnis memoria
sic illum præterierat, ac si nullam sol ille vnquàm
vidisset, aut mundus hic aliquando habuisset Galli-
læam. Nullius rei tanta sunt pondera, ut non leuis
videatur ei, qui nullum sibi inde posse nasci commo-
dum videt, & si perituram cernat, quam nullum pa-
rituram fructum videt, parùm curat, aut dolet.

Apud Matthæum c. 16. v. 24. aiebat Christus
Discipulis suis: Si quis vult post me venire, abneget
semetipsum, & tollat crucem suam, & sequatur me;
velut alijs verbis dixisset: Neminem contuberna-
lem admitto, nisi qui sibi ipsi renuntiare, & crucem
subiectis humeris excipere, atque eâ onustus me com-
mitari velit. Nullus est sacrorum Expositorum, qui
non hæserit in consideratione istorum verborum,
Abneget semetipsum. Quid ergo est abnegare se-
ipsum?

Prætermisissis varijs expositionibus solam Theo-
phylacti interpretationem, quam ex homil. 56. San-
cti Ioannis Chrysostomi in Matthæum mutuatus
est, causæ nostræ percommendam huc adferam, quæ
sic habet: Quid sit abnegare semetipsum, discimus,
si didicerimus, quid sit abnegare alium. Quid est er-
gò abnegare alium? Respondet: Qui abnegat aliū,
etiamsi flagellari illum viderit, & occidi, non aduer-
sit, non dolet, non compatitur semel ab eo alienatus.
Proximorum mala, quæ nos proximè non attingunt,
tamen eos laniari flagris, mactari verberibus, seca-
ri in frustra, & raptari in patibulum videamus, neq;
lachrymas nobis exprimunt, neq; extorquent suspi-
ria. Dicit ergo nunc Theophylactus? Quamdiu te
non velut alterum quendam habes, pura non esse
verum Christi discipulum. Hoc itaque est negare
seipsum, de se tanquàm de alio sentire, existimare
se illum, qui patitur. Nam cum sua plerumque, &
non proximi mala quisque deplorat, qui se tanquàm
alium habuerit, sua mala non multum sentiet, & ita
satis seipsum negabit.

Congruit cum his quædam Sancti Gregorij Na-
zianzeni obseruatio. Cum ille secum reputaret tam
varia immanium, & sauiſſimorum tormentorum
genera, quæ martyribus barbari Catholicæ fidei ho-
ſtes sanguinem eorum ardentè ſuſtinentes intulerunt,
conſtantiamq; & firmitudinem, quæ illi robuſtiſſi-
mi athletæ cruciatus omnes perferebant, ſimul a-
pud animum expendere, aiebat Orat. 9. Alacris a-
nimo ſeſut in alienis corporibus diſſecarunt. Ut enim
parùm doloris nobis adferunt verbera, quæ corpora
excipiunt aliorum, ita martyres non magis ſentien-
bant

bant tormenta, quàm si ea in corporibus exceperent alienis. Nam quæ alij tolerant, quantumvis sint acerba, & pœnalia, non multùm plerumque nos afficiunt. Nostra mala deplorare solemus, nec sentire, nisi quæ ad nos proximè spectant.

Itaque nemo miretur, quòd Abraham famulum suum iurare tam exquisitis cum cæremoniis voluit, ne filio suo uxorem Chananzam, aut aliam, quam ex terra, & cognatione sua acciperet, dicens: *Pone manum tuam subter femur meum, & adiuvem te per Dominum celi, & terræ, & non accipias uxorem filio meo de filiabus Chananzarum*, &c. Genes. 24. 2. 3. Nam cum hoc negotium non proximè ad famulum spectaret, & ille quantumvis fidelis, famulus nihilominus esset, necessarium fuit obligare illum, & constringere tot cæremoniis, & iuramentis, ut demandati muneris partes rectè exequeretur. Nemo enim ferè seriò tractat, sollicitèque curat, nisi quod ad se proximè spectat, ideòque vices quæstus supplere iuramentum debuit.

CAPVT VI.

Facere maiora, & intermittere minora, vel est inopia ingenij, vel infirmitas, aut vacillatio voluntatis.

Postquàm Sanctus Patriarcha tantoperè commendauit famulo suo, quas nuptias conciliaret filio, qualemque uxorem illi procurare deberet, opposuit illi serous, dicens: *Si nolueris mulierem venire tecum in terram hanc, nunquid reducere debeo filium tuum ad locum, de quo tu egressus es?* Genes. 24. 5. Respondit Abraham in hunc ferè modum: Non te hæc res anxium reddat, aut sollicitet, Dominus enim, qui hanc, in qua nunc degimus, terram, cum iuramento mihi, posterisque meis promisit, permouebit etiam mulierem, ut e Mesopotamia huc ad nos in Chanaan transeat: *Ipse mittet Angelum suum coram te, & accipies inde uxorem filio meo*; ibid. v. 7. & prosperum habebit effectum matrimonium, quod meditamur.

Lyranus, Abulensis, Oleaster, Istella, Honcala aiunt, validum, & consequens esse Sancti Patriarchæ argumentum, & apud Abulensem tale: *Deus promisit mihi, & semini meo terram istam, & si possideremus eam: Sed si uxor noluit venire in terram istam, & cogeretur filius meus ire in terram alienam, non possideret semen meum terram istam, ergo Deus mouebit cor mulieris, & veniat huc. Ponit ergo istam præmissam tanquàm maiorem, & fundamentum huius argumenti.* Vis potissima argumenti in eo po-

stita est, ut sibi persuadeat, facile obtenturum à Deo minora, qui maiora ab illo iam acceperit. Plus est promissile terram, quàm permouere animum mulieris, ut ad illam terram veniat: Deus autem fecit quod plus est, ergo & id, quod minus est, faciet; de tam largo enim, & perliberali Domino credi non potest, quòd retrahet manum à concedendis minoribus, qui brachium suum ad præstanda maiora exersuit. Nam qui prolixus ampliora concedit, & minora parcus negat, ille vel ingenij inopià, vel voluntatis inconstantia laborat.

Apud Matthæum comparat Dominus regnum cælorum cum decem virginibus, quarum pars media sapiebat, reliqua delirabat. *Simile est regnum cælorum decem virginibus, quinq; autem ex eis erant fatuæ, & quinq; prudentes*; Matth. 25. 1. 2. Prudentes ad beatitudinem admixtæ fuerunt, fatuæ cælo exclusæ, & damnatæ. Prudentes vocantur, quæ saluatæ fuerunt, ut nobis sit documento, quòd solus ille sapit, qui sic viuit in terris, ut æternùm viuat in cælis, qui damnationem æneurrunt, non sapiunt, quantacumq; sciunt.

Videamus causam, ob quam damnatæ fuerunt virgines fatuæ (non enim hoc dissimlauit Dominus) ut faciat alij sapere, discant, solet enim stultum pœna facere cauiorem. *Quinq; fatuæ*, inquit, *accepit lampadibus non sumpserunt oleum secum.* Causatæque damnationis illarum ea fuit, quòd cum lampades ab oleo necessario benè instructas habere deberent, ut aduenienti sponso cum splendenti lumine obuiam irent, tam negligentes fuerunt, ut lampades ob luminis nutrimentum extinguerentur, cum maximè lucere deberent: *Non sumpserunt oleum secum.*

Res explorata est (quòd & alibi non semel diximus) oleum esse symbolum misericordiæ ergà pauperes, & eleemosynæ, quæ in eos erogatur. Statuamus ergò nunc, quamobrem illæ quinq; dictæ sunt fatuæ. Sanctus Ioannes Chrysostomus, & Euthymius rationem eius appellationis reddunt proposito nostro percommodat, qui aiunt: *Oleum vocat eleemosyna & sursorem.* Hæc ergo meritis stultas vocatur, quia cum acrem, ac vehemementem corporis amorem deuitissent, maioremque sustinuisserint laborem, tene citate deuictæ sunt. Illud enim bellum violentius est, magisque tyrannicum. Charitas ergà egenos, & propitudo leuandi eorum necessitatem, per eleemosynas oleum erat, quo carebant. Iure ergò stultæ sunt appellatæ, nam cum habuissent animi robur, quo magis arduum opus perficerent, minorem non superarunt

perarunt difficultatem. Subegerant liberas, easque validas carnis appetentias, succubuerunt pecuniarum cupiditati, atque avaritiæ, victæ fuerunt ab hoste imbecilliore, victrices fortioris, vehementiora enim sunt castitatis contra frædam libidinem certamina, quam liberalitatis contra avaritiam. *Hæc ergo meritis stultas vocavit*, eoque nomine reliquit, & abiecit, quæ cum tam robustæ essent, ut rem operosiores exequerentur, non habuerunt eas animi vires, ut minus difficilem curarent. Non rectè valere iudicio indicat, qui cum ad multa extendat brachium, à paucis retrahit.

Ad hanc rem facit, quod Theophrastus de causis plantar. lib. 1. c. 22. ait: *Vites quoque insana vocata sunt generis sunt, quæ non solum germinant, sed coquunt, & florent, & racemantur*. Videamus quamobrem eas vires insanæ sint dictæ, quæ cum florem edant, lachrymam fundant, racemos producant, quidquid sanæ, integerrimæque possunt, aut debent, facere videntur? Respondet Theophrastus: *At perfici non possunt*. Cum maiora præstiterunt, pertingere ad minora, siue eò nequeunt, ut ad maturitatem fructum suum perducant, cuius vnius rei gratiâ tamen alia omnia maiora, & grauiora fecerunt. Propterea ergo *insana vocata sunt*, quia reuera insignis amenitas est, cum maiores sumptus feceris, sic languescere animo, ut impendia facere minora nequeas.

De Christo Salvatore nostro ait Sanctus Ioannes Euangelista, eum, cum proximam esse suæ mortis horam nosset, & plurima per omnem vitam decursum beneficia in homines contulisset, ad extremum charitatis suæ ostentationem multo ampliorem fecisse. Verba illius sic habent: *Sciens Iesus, quia venit hora eius, ut transiret ex hoc mundo ad Patrem, cum dilexisset suos, qui erant in hoc mundo, in finem dilexit eos*; Ioan. 13. 1.

In his considerare possumus, non quòd Dominus horæ, quæ à vita emigraturus esset, aduentum proximum scierit (imperitorum enim talis consideratio esset) sed quòd illam peculiariter ac speciatim notasse, & observasse horam nobis innotescere voluit, cum tot horæ, tot anni, tot adeò sæcula decurrerint, quibus plenitudinem temporis, quo subiturus passionem esset, præstolatus fuit. Quid sibi vult, quòd ubi innumeri anni, & infinita effluerunt sæcula, ibi singularis ratio habitæ est vnius illius horæ? *Sciens Iesus, quia venit hora eius*.

Simon de Cassia lib. 13 in Euang. ait: *Qui plenitudinem temporis expectavit incarnationis, atque natiuitatis, similiter expectavit passionis, & mortis*.

Tom. III.

Qui altâ suâ, profundâque sapientiâ dimensus fuit sæcula, exegitque ad amissum, & velut circino quodam designavit ætates, ac tempora, quibus carnem vestire humanam, & edi in lucem homo velle, ille hanc ipsam ob causam horam vnam singularem singulariter observare voluit, in qua mori, & hominem tantisper exuere disposuit: Derogaret namque illius sapientiæ, & providentiæ, & attentissimæ circumspeditioni, si vnam non accuratè observasset, notatamque habuisset horam, qui tota, & tanta sæcula mensus fuerat: *Qui plenitudinem temporis expectavit incarnationis, atque natiuitatis, horam similiter expectavit passionis*. Notam, nec qualemcumque existimationi sapientiæ eius intulisset, si vnam insuper habuisset, aut præterijisset horam visus fuisset, qui tam longas tot sæculorum ætates exactissimè pensauerat.

Beniamin inter Apostolos ait, admirabilissimum in cælo portentum vidisse inquit: *Signum magni apparuit in cælo, mulier amicta sole, & luna sub pedibus eius, & in capite eius corona stellarum duodecim*; Apoc. 12. 1. Fuisse signum Sacratissimæ cælorum Reginæ, quod Ioannes vidit, plurimorum sententia habet, Andreæ Cretensis, Aretæ, Ruperti Abbatis, Sancti Bernardini de Senis, Bernardini de Bussis, & aliorum plurium. Hugo Cardinalis, Nicolaus Lyranus, & Glossa cum alijs volunt, Ecclesiam fuisse tali signo adumbratam. Sed hoc peculiaris multorum observatio habet, quod numerus duodenarius stellarum, ex quibus illa capitis corona constabat, ingentem stellarum copiam significat, quemadmodum & illæ duodecim tribus Israëlitarum, & duodecim portæ cælorum sacramentum sunt eiusdem vniuersitatis, ut Sanctus Augustinus loquitur, siue copiosæ multitudinis. Ergo numerus duodenarius stellarum similiter plurimas stellas significat, & consequenter plurima sunt in hac re, quæ diligentem mereantur considerationem, tanta enim stellarum copia videtur immoderatus esse ad exornandum mulieris caput apparatus.

Non satis rectè miratur coronam illam capitis, inquit Sanctus Bernardus, qui vidit reliquum ornamentum corporis. Quod fuit illius vestimentum? Sol: *Mulier amicta Sole*. At si sol illi pro amictu fuit, quid mirum, quòd pro diademate stellas omnes habuit? *Quid nisi coronent sidera, quam sol vestit*? inquit melissus Abbas Sanctus Bernardus in illud, *Signum magnum*. Si magnificus Dominus tam generoso, & prolixo in illam mulierem fuit animo, ut eo, quod splendidissimum, & præstantissimum tota cælorum officina vestiaria habet, hoc est, sole vestierit, excoluerit,

fluens, perpolserit, tam pāreus demū esset, vt non ex stellis ei coronam ad ornamentum capitis contexeret, & imponderet, quarum totæ myriades non valent quantum Solis fructulum vnicū? Si dubitas itā esse, vide quā subito stellæ, cū dilucescit, diffugiant, sic nimirū merces suas coram Sole videri erubescunt, vt eas domi suæ recondant, mox vt appropinquantem illum subolsfaciunt. *Quid nī coronent sidera, quam Sol seorsū? Remissū debeneuolentia, minūq; posse putaretur, si parcior in ornando capite fuisset manus, quæ in corpore excolendo tam larga, proluxq; fuerat. Maiora recte curare, & errare in minoribus, turpe electionis probrum est.*

Commodè in hanc rem notat Cassianus multorum ascetarum religiosorum insignem stultitiam, qui cum profano vestitu ingentem sēpē opum vim, & opulentissimas possessiones relinquunt, & posthæc, si amagunculam, si cultellum, si calamum scriptorium, aut eiusmodi regularum aliud quidpiam eis adimas, itā commouentur, & lugent, vt monasteria vocibus querulis tantum non euertant, aut deiciant. *Nonnullos mundi huius maximas facultates, & non solum multa auri, atque argenti talenta, serūmetiam prædiorum magnificentiā contemnentes, posthæc videntur pro sicā pello, pro graphio, pro acu, pro calamo commoueri, inquit ille lib. 4. Collat. cap. 9. O magnam amentiam! o stoliditatem religiosorum! Qui auro renuntiauit, illum acus ablata contristat! Quam inops iudicii est, qui cū grauiora fortiter, & animosè tolerarit, non est ferendo leuiora!*

CAPVT VII.

Cū Deus fons sit, & origo omnis boni, quando ille nos deserit omnibus destituimur.

Senior & fidelis Abraham seruus abibat in Mesopotamiam, onustus varijs donis, ac muneribus, vt optatas procuraret nuptias, cūque iam propius abesset ab vrbe Nachor, Deum supplex obsecrauit, vt cœpris annueret, & bonos conatus, suæ auxiliaris gratiæ ope promoueret, dicens: *Domine Deus Domini mei Abraham occurre, obsecro, mihi hodie, & fac misericordiam cum Domino meo Abraham;* Genes. 24. 12.

S. Ioannes Chrysostomus, Nicolaus Lyranus, Abulensis, Oleaster, Pererius, Honcala aiunt, nihil vnquam rectius Abraham seruum agere potuisse, quā nunc egit, cū ad Deum confugit, cūq; rogauit, vt suā inspiratione, & opitulatione, graue il-

lud, quod curatum ibat, negotium felicitaret. Tamen vasa aurea, & argentea, & mundum muliebrem, quā multum, tam diuitem secum ferret, hæc tamen parum profutura, vel potius prorsus nihil effectura prudens famulus putabat, nisi Deus adiutor, & primus nuptiarum conciliator accederet. Nisi Deum beneuolentem, & partibus nostris fauentem habeamus, nudi, & præsidij, rebusque omnibus destituti sumus, tameti totus mundus agitur, absque illius subsidio nihil sit bonè, atque vt debet.

Quod muri, & portæ ciuitatum sint earum munimenta, nemo ignorat. Itaque in perditis censeripossunt et vrbes, quarum diruta sunt mœnia, & deserta portæ. Propheta regius aiebat: *Aperite mihi portas iustitiæ, ingressus in eas confitebor Domino;* Ps. 117. 19. Eorum verborum occasione dicebat sanctus Ambrosius serm. 24. de Sanctis: *Cernimus armari ciuitatis portas.* Cū hostem venturum timemus, statim arma corripimus, muros lustramus, portas, turres, & munitiora loca omnia diligenter perspicimus, & rescimus. Bonum studium, & ad arcendum hostem vtilis diligentia. Dices, non commodum tantum, sed omnium optimum etiam, & ad confendam securitatem præstantissimum esse illud studium. Sanctus Ambrosius verò ait, aliud esse, quod nos magis collocare in tuto possit. Quidnam illud?

Respondet sanctus Doctor, nullā re tam validè muniri ciuitates, quā cū nos ingredimur portas iustitiæ, sacrificijque, & orationibus illum conciliare, & demereri studemus. Parum enim proderit munire portas ciuitatis, nisi nos ingrediamur per portas iustitiæ. *Cernimus armari portas ciuitatis, inquit ille, debemus etiam prius in nobis portas armare iustitiæ. Tunc autem ciuitatis porta munita esse poterit, si prius in nobis porta iustitiæ munita esse. Cernimus nihil prodest muros munire propugnaculis, & Deum provocare peccatis, illa enim constituitur ferro, saxo, & sudibus, hac armatur misericordia, innocentia, castitate. Illa telorum multitudine custoditur, hac orationum frequentia defenditur. Princeps, qui optat habere suas ditiones pacatas, & securas, debet ante curare, vt habeat Deum beneuolentem, & propitium, quem nisi auxiliarem habeat, nullam potest fructuosam sperare victoriam, nihil enim proficiunt studia humana, ad quæ non accedunt subsidia diuina: Nihil prodest muros munire propugnaculis, & Deum provocare peccatis.*

Vt vanam hominum præsumptionem, & inanem confidentiam reprimeret, dicebat S. Paulus Apostolus:

*solus: Non Solentis, neque currentis, sed misere-
ntis est Deus; Roman. 9. 16. tanquā apertius dixisset: Hoc te scire volo, homo, quod tamen manus, pedibus, omnibusq; viribus coneris consequi finem tuum, tamen quantum coniti animo, & contendere labore potest, facias, tamen accelere passum, & quā maximā pernicitate fieri potest, non curras tantum, sed & voles, tardius tamen aduenies, nisi Deus te iuuet, ac protegat. Quā pulchra exempla adfert sanctus Ioannes Chrysostomus apud Anastasium Nicen. q. 59. To. 1. Vet. PP. duorum, quorum alter diu, ac multum discurret, & non promouit gradum, alter vix mouit pedem, & longē prouectus est. Non Solentis, neque currentis dicit propter Esau, inquit ille, de quo etiam bene dictum est. Non Solentis accipere patris benedictionem, & currentis sūssu patris sui in campum ad venandam venationem, & cum comedisset, ei benediceret, sed Iacob, cuius Deus est misertus, propterea quod ipse non est fictus, sed bonus, non autem Esau hanc benedictionem est affectus, quod esset fornicator, & profanus. Multum, enixque laborarunt pater, & filius, Isaac, & Esau, & ille quidem, ut daret benedictionem, hic verō ut acciperet. Isaac volebat benedicere, quā iubebat, ut Esau caperet venationem, ex capta pararet cibum, qualem paterno palato gratum sciebat, paratum inferret, referret benedictionem. Esau obtemperauit, perq; agros, montes, sylvas insectatus, feras nequicquā discurret, quā Iacob illi benedictionem praeipuit, qui ne domo quidem pedem exulit: Nonne videtis, inquit Chrysostomus, quā verum sit, quod Apostolus ait, Non Solentis, neque currentis, sed misere-
ntis est Deus? Nam quamuis & pater velle, & Esau conaretur aliud, cursu etiam contenderet, ut illud obtineret, Iacob tamen vicit, & triumphauit, quā cum Deum à se haberet, absque pedibus ecurrit, sine alis volauit. Si Deus desit, nulla, quantumuis magna, quidēam proficit diligentia, nulla valet sollicitudo.*

Quando sancto Patriarchæ Abraham renuntiatum fuit, confobrinum illius Loth captum esse à barbaris, exemplō trecentos & octodecim robustorum valentissimos armauit de vernaculis suis, & diuisis socijs irruit super eos nocte, & persecutus est eos & sūque Hoba, reduxitque omnem substantiam, & Loth fratrem suum cum substantia illius, mulieres quoque, & populum; Genes. 14. 15. 16. Quatuor potentissimi reges erant, contra quos tam exigua armatorum manu cum produxisset, primo statim impetu profligauit eos, & ad relinquendam seu prædam, seu

vitam coegit. Fuit ea victoriarum, quæ vnquā auditæ sunt, admirabilissima, videreturque suspecta, si alium, quā Spiritum sanctum haberet autorem, vel scriptorem. Quis enim legendo vnquā inuenit Capitaneum, qui trecentis, decem & octo, nec pluribus militibus comitatus, primā statim nocte in hostem irruptione factā intrā pauculas horas quatuor regum fugauerit, fuderitq; exercitus? Quibus medijs tam inopinatum, & nunquā visum obtinuit triumphum? Sanctus Chrysologus ait: *Vide quantā velocitate contigit victoria.* Cuius verō subsidio, & opitulatione ea parva victoria fuit? Respondet: *Erant manus superna, quæ adiunabat, & commilitabat, & ideo neque armis, neque machinis opus habebant, sed tantum si comparuit cum famulis, alios quidem percussit, alios autem fugam inire fecit.* Vbi Deus concurret ad pugnam, & fert opem, non est cur quisquam timeatur, cum ille nostras sequitur, & iuuat partes, omnia habemus, vitam, salutem, victoriam, triumphos.

Quod inter primordia Ecclesiæ fuerint magnæ persecutiones, & ærumnæ, & sæui hostes, qui sanguinem assecrarum, sectatorumq; Christi auidē expetierint, nemo ire inficias potest. His verō qui acerbam inter eas calamitates vitam ducebant, aiebat Paulus: *Gaudete in Domino semper;* Philipp. 4. 4. Sed heus, vide quid loquaris, Apostole sancte. Christi oues, & agni in medio cruentorum luporum agunt, & tu vis eos lætari, & exultare! Iterum dico, *gaudete, nihil solliciti sitis,* nullum vos periculum anxios, nulla cura tristes habeat. At quid habes, ob quod illos tam erecto, & hilari inter res tam exulceratas vis esse animo? Respondet Dominus enim *propē est;* ibid. v. 5. quod perinde est, inquit Primasius, ac si dixisset: *Dominus propē est ad liberandum, nolite timere persequentes.* Si Deus partes nostras iuuet, inquit Apostolus, totum mundum ridere possumus, qui formica est nobis comparatus. Si Deum ad manum habeamus, lupos vincere, quanquā oues sumus, & agni leones superare possumus.

De magno illo duce Agefilao refert Ælianus, plurimum semper gauisum fuisse, quando barbari hostes illius violabant religionem, & iuramenta, quibus se obstrinxerant, profanabant. Quamobrem verō lætabatur periurijs hostium? Eō, quod periuando illi Deos sibi ipsi infestos redderent, inquit Ælianus lib. 3. de var. hist. cap. 4. sciretque nihil feliciter seu domi, seu foris, seu in bello, seu in pace facere posse, quamdiu alienos à se, & infensos haberent Deos, quantumcunq; studij, industriz, laboris, & apparatus ad

sua negotia adhiberent. Optima namque præparatio est habere Deum addictum, in quo tota felicitas nostra, & omnis prospera fortuna est posita.

CAPUT VIII.

Quoniam Deus sua bonitate, & misericordia nos saluet, & beet, non tamen vult nos omni solitudine vacuos, & feriatos, seu otiosos.

VT prosperè suum iter eueniret famulo Abraham, obsecrabat Dominum, & his verbis appellabat: *Occurre mihi, obsecro, hodie.* In verbo, *occurre*, magnum subnotarunt Interpretes mysterium. Non rogat Deum, vt succurrat, sed vt occurrat, petit. Occurrere est obuiam ire. Fieri ergo obuiam sibi Deum optauit, qui orauit, vt occurreret. Fit autem obuiam Dominus, cum sua misericordia iuuat nostra studia, & pios confirmat conatus. Itaque concurrere debent misericordia diuina, & industria humana. Quoniam enim vita æterna sit gratia Dei, & saluatio nostra mera misericordia, non propterea nos intermittere studia nostra, laboremque, aut committere debemus, vt nihil agamus, & vacemus. Multum est, quod agit Dominus, ac tam multum, vt omnem excedat intellectum non hominum tantum, sed & Angelorum.

Duo nomina dantur formosæ, & charæ Sponsæ, quæ tamen mutuò pugnare videantur, magnum tamen habent mysterium, idque causæ præsentis opportunum. *Fons hororum, & puteus aquarum viuentium* vocatur, Cant. 4. 15. Fons est perennis, qui largâ venâ tantam vim gelidarum fundit aquarum, vt non vnum tantum hortum irriget, verum & plures fecundet. Est etiam *puteus*, isque profundus, *aquarum viuentium*. Hic iam in oculos difficultas incurrit. Si fons est Sponsa, quid egebant horti puteo? Aut si habebant puteum, quid fonte opus erat?

Huic dubitationi satisfacit doctissimus Cardinalis Hugo, dicens: quod hortis Ecclesiæ utrumque est necessarium, & fons quidem, in quantum *gratis* labitur, puteus vero, in quantum cum labore foditur. Item fons, quantum ad gratiam industria, puteus, quantum ad industriam gratia, quæ duo bene iunguntur, nec separantur, quia se in vicem iuuant. Fontis aqua sine difficultate promanat, & absq; impedimento promptè, expeditèque hauritur, ex puteo cum labore operosè exantlat. Quod ergo diuina Sponsa, & fons, & puteus dicitur, quorum ille aquam liberaliter fundit, hic non nisi haurientibus, & adlaborantibus permittit, hoc fit, vt significetur, quod Ecclesi-

& liberaliter nobis de fontibus Saluatoris (ij sunt sacramenta illius sacrosancta) propinat aquam gratiæ salutaris, & nostrum nihilominus exigit studium, ac laborem, quo aquam illam in vsus nostros transferamus, neque enim vult Deus, vt nos sua gratia defides, sua misericordia faciat pigros, ac negligentes, sed vt quod in nobis est, agamus, vt beatitudinem cum opulante ipsius gratia consequamur, fons enim est, in quantum *gratis* labitur, puteus, in quantum cum labore funditur. Fons est quantum ad gratiam, quæ nos industrios, expeditos, diligentes faciat, puteus quantum ad industriam, quâ strenuè, & operosè cum auxilio gratiæ laboramus. Et hæc modò non contrariantur inuicem, sed etiam valde sunt coniuncta, & mutuò ad opus concurrunt, dum gratia, quæ à Deo liberaliter profuit, industriam excitat, industria cum gratiæ adiutorio laborat. Debet ergo Christianus Dei gratiâ ad spiritualem negotiationem uti, quemadmodum filius mercatoris ad nundinationem, & quæstum vertit pecuniam, quam à patre ob hoc solum accepit. Et velut à sola patris liberalitate venit pecunia, à filio autem adhibetur studium, & industria, sic & Deus fons est quantum ad gratiam industria, puteus quantum ad industriam gratiæ.

Tam prodigiosa operabatur Dominus, ac Redemptor noster miracula, vt homines illum & velut obstupefacti sequerentur, & tanquam attoniti stiparent. Cum autem post illud panum admirabile portentum præsentiam suam eis subtraxisset, & vehementius illum requisierunt, & magis gauisi fuerunt, cum inuenerunt. Sed quo animo omnia facerent, non nesciebat Dominus, adeoq; dicebat: *Queritis me, non quia vidistis signa, sed quia manducauistis ex panibus, & saturati estis*; Ioan. 6. 26. velut dixisset: An putatis, quod cordium vestrorum intimos recessus non peruideo? Scire ergo vos volo, mihi perspectissimum esse, quod vos huc ad me adducunt non miracula, quæ operor, sed annona, & victus, quem præbui. Arripiens autem eam occasionem mox subiunxit: *Operamini non cibum, qui perit, sed qui permanet in vitam æternam, quem Filius hominis dabit vobis.*

In hoc Domini consilio videtur quædam manifestâ esse verborum contrarietas, & pugna. Dicit enim, *Operamini cibum, quem Filius hominis dabit vobis.* At si nos operari debemus cibum istum perpetuum, consequenter videbatur dicendum: *Operamini cibum, quem dabitis Filio hominis.* Aut si ille daturus est eum cibum, ipse quoq; operetur illum. Sed quomodo.

modo hoc accipiendum est, quod nos iubemur operari cibum, quem ille nobis est daturus?

Respondet acutissimus Cardinalis Caietanus, inquiens: iubemur operari cibum, quem Dei Filius dabit, *Et intelligamus, ad habendum hunc cibum duo oportere concurrere, alterum ex parte nostris, scilicet opus, alterum ex parte filij hominis, scilicet dare.* Cum liberalitate diuina debet concurrere diligentia humana, ideo Dominus, cum de pane illo æternum permansuro ait, quod eum dabit nobis, addit quoque: *operamini*, laborate, & studium vestrum adiungite ad opitulationem Dei, alioquin enim dona illius gratuita non sortientur effectum, nisi cum ijs adlaboret industria nostra: *Duo debent concurrere, alterum ex parte nostris, scilicet opus, alterum ex parte filij hominis.*

Cum vehementi anxietate, & ardenti affectu lachrymosus Cantor pium Dominum suum obsecrabat, dicens: *Adiutor meus esto, ne derelinquas me, neque despicias me Deus salutaris meus;* Psalm. 26. In his verbis prima sunt expendenda; quibus rogat Deum, ut sit sibi consilio: *Adiutor meus esto.* Magnificè dictum? & commodè in rem nostram, prout ab acutissimo Augustino exponitur, qui ex eo, quod Psalmista Deum vocat adiutorem, hoc ineluctabile conficit argumentum: *Si adiutor Deus est, aliquid tu agis, nam si nihil agis, quomodo te Deus adiuvat?* Cum alium rogas, ut tibi ad ferendum onus opem ferat, eo verbo satis indicas, quod tu oneris illius etiam aliquid portabis: Verum si illi onus ferendum commendares, promptum esset intelligere, te velle humeros sarcinæ subducere: Cum ergo Propheta regius Domino ait: *Adiutor meus es tu*, hoc est, fer opem molienti opus saluationis, perinde est, ac si diceret, ab utroque, hoc est, Deo, & homine ferendum onus, sic ut Deus quidem det gratiam industriæ, homo autem adhibeat industriam gratiæ: Nam si nihil agis, quomodo te Deus adiuvat? Si autem Deus adiuvat, inditio est, quod & nos subicere humeros, & partem sarcinæ; quæ nos contingit, ferre debemus.

Murmurabant apud Matthæum Pharisei, quod Christus manducaret cum peccatoribus, quibus ille dicebat: *Non est opus valentibus medicus, sed malè habentibus;* Matth. 9. 12.

Ingeniosus Hippocrates apud Abrahamum Fraccesariū in canon. Medicin. lib. 1. de Cant. 19. ait: *Ad perficiendam curationem oportet non solum medicum suum præstare officium, sed & agrotantem suum cœquari, etenim agri est, & si cum medico, morbo reluctari.* Nisi enim agrotantis obedientia fœdere-

tur cum medici peritia, conspirarintque ambo in expulsiōem infirmitatis, triumphabit morbus, & prius è viuis ægrum exiget, quàm se à corpore illius exturbare sinat. Quod ergo se medicum Christus vocat, cum nos simus infirmi, id fecit, ut moneret, quod debeamus ad ipsius auxilium adiungere studium nostrum, si volumus ab animi ægritudinibus conualescere, & imperium ipsius nostræ obedientiæ comitari, & opere exequi, quæcunq; ille iubet, si optamus conalescere. Stultarum enim virginum, & sano rationis iudicio, restatque fide, destitutarum est arbitriari, quod Deus omnia solus faciet, sic ut nobis non sit necessum quidquam agere.

Sapè alibi in hoc argumento expatiatur commentatio Nissen. Vide partis secunda Polistici lib. 6. cap. 2. & alia loca ad finem adnotata ex Tomis alijs.

CAPVT IX.

Ad consiciendum feliciter aliquod negotium nulla vnquam superuacanea est diligentia, quod enim studiōsius illud procuramus, eò illius obtinendi maiorem securitatem nobis paramus.

Quāquā famulus Abrahæ reprehendisset omnia signa, quæ in Sponsa Isaac quæsierat, iamque varia dona, & ornamenta in eam contulisset, interrogabat nihilominus: *Cuius es filia?* Genes. 24. v. 23. in quæ Oleastri annotatio moralis sic habet: *Non fuit seruus iste contentus, sicut orauerat, accipere se, se & sciret, an Dominus iter eius præcessisset, soluit scire, an esset ex cognatione Domini sui.* Voluit etiam suo exemplo nos docere, quod immodica diligentia, & abundans cautio, præsertim in rebus grauioribus, non nocent.

Cum filius prodigus secum reputaret miserum statum, in quem illum sua viuendi effusa licentia coniecerat, decreuit repetere domum patris sui, certamque verborum formam concepit, quæ lamentabilibus cum gemitibus coniuncta gratam auribus paternis essent præbitura harmoniam. Redijt ergo ad patrios lares benè iam consultus adolescens, quem cum procul inde indulgentissimus Pater vidisset, concurrat obuiam, & misericordiâ motus cecidit super collum eius, & osculatus est eum; Lucæ 15. 20. Tantâ humanitate totò animo commotus poenitens adolescens has contrito è corde, multisque cum lachrymis dedit voces: *Pater, peccavi in cælum, & coram te;* ibid. v. 21. fuitque cælo iniurius, in te impius.

Ingeniosissimus Cardinalis Caietanus ait: *Suscep-*

prægraria exequitur sanctum propositum. Conceperat ille paulò ante hoc animo consilium, quòd patrem adire supplex, atque apud illum sese peccatorem omnium, quos mundus habet, contaminatissimum fateri vellet. Sed expectare confessionem peccatoris filij, amor patris non potuit, priùsque condonauit culpas, quàm ille exponeret. Filius nihilominus, quanquam noxarum gratiam assecutus, excusatus tamen, quòd primò decreuerat, fuit. At quorsum illa post obtentam culpæ veniam penitudo, quorsum confessio, quorsum actus contritionis, & satisfaciendi propositum? Apagete cum istis sermonibus, inquit Caietanus, non enim vides, quid loquaris: *Suscepta gratia exequitur propositum*, & quanquam patrem videat placatum, insilit tamen conceptæ ante illud tempus sententiæ, & peccata superiora, prout semel deliberarat, confessione humili, lachrymisque, & submissâ suipsius accusatione damnat, quia in rebus tanti ponderis abundans diligentia nunquam est superuacanea, nunquam damnosum immodicum studium, sed peruiolare semper consultum, & semper commendanda sollicitudo.

Nam vt sanctus Ambrosius in serm. de obitu Traiani ait, *nunquam superflua fundamenta virtutis.* Vt fundamenta materiata quò sunt profundiora, & validiora, eò firmiora, durabilioraque faciunt ædificia, quæ eis nituntur: *Ita nunquam superflua sunt fundamenta virtutis*, sed vt ea sit perpetua, stabiliisque perseveret, multâ diligentia, & pertinaci eius colendæ studio fieri potest, adeò consultum est, nihil intermittere, quod ad eam confirmandam, corroborandam, amplificandamque facere potest. In rebus tam momentosis nulla abundans cautio potest esse superuacanea, oscitantia verò, & desidia sæpè est periculosa.

Postquam à Barnaba discessit S. Paulus, Silam comitem diligens inuenit Derben, & Lystran, sed priùs perambulabat Syriam, & Ciliciam, confirmans Ecclesias, præcipiens custodire præcepta Apostolorum, & seniorum; Act. 15. v. 41.

S. Ioannes Chrysostom. homil. 34. in Acta sic ait: *Vide sapientiam Pauli. Non priùs transiit ad alias ciuitates priusquàm eas, quæ acceperant verbum, conforsset.* Quamquam illam sapientiam Pauli vocat Chrysostomus? An quòd Ecclesijs, quæ ad fidem satis iam eruditæ erant, obseruantiam mandatorum Apostolicorum, & doctrinæ monita denuò commendauit, & inculcauit? Alius superuacaneum laborem hunc potiùs dixerit. Nam cum illorum locorum homines fidei Christianæ rudimentis iam probè im-

buti essent, videtur magis ad alios pertransire, quàm ad hos recurrere debuisset. Hanc ergo vocat sapientiam: Immodò hoc nomine dono illam Pauli sollicitudinem, inquit Chrysostomus: Nam ad res tales, quò maior adhibetur diligentia, eò tutiore in loco illæ constituuntur, faciliusque obtinetur finis, cuius consecutioni studetur. Itaque Paulus reuisit loca, quæ verbi diuini semen acceperant, solet enim vberiores fructus reddere terra, ad quam impiger crebro recurrit agricola.

Nam vt sanctus Cyrillus lib. 1. apologor. moral. cap. 10. ait, *multiplicati rades plus illustrant, & maior facultas est plurium, & ratio pluribus nauis securius gubernatur.* Si quid ad plures lucas quærās, non propterea difficilius inuenies, & plerumque viribus superiores sunt, qui numero, & feliciore cursu sub pluribus rectoribus fertur nauis, nam vbi multi clauum moderantur, attentius circumspiciuntur pericula, facilius vitantur scopuli, & tractus viarum indubitatius cognoscuntur. In rebus momentosis repetita nunquam damnosa fuit, semper autem utilis esse solet diligentia.

Dixerat aliquando diuinus Præcurſor coram Discipulis suis: *Ecce agnus Dei, ecce qui tollis peccata mundi;* Ioan. 1. 30. Vidit posthæc idem Lucifer solem suum ambulantem, rursùmque ait quibusdam discipulis: *Ecce agnus Dei;* ibid. v. 36. Sed eum ea Ioannes semel dixisset, quamobrem denuò auribus ingerenda putauit, quæ nihil efficere potuisse videntur repetita?

Theophylactus ait: *Propter audientium ignorantiam cogitur Ioannes eadem discere, & vel crebro testimonio aliquid efficere.* Optabat Ioannes, vt Christus ab omnibus, qui erat, Dei Filius crederetur, & mundi instaurator, & quia hoc obtinere vnâ illius proclamatione non potuit, identidem hoc facere testatum voluit, & vel crebro testimonio aliquid efficere. Si repetitis ictibus clau caput cædimus, donec quantum satis est, ligno infigamus. Non potuit Ioannes primis verbis agnitionem Messie animis suorū discipulorum imprimere. Quid remediij? *Cogitur eadem discere, & nouam adhibere diligentiam, & eandem denuò tentare portam, iterata enim studia non obſunt, sicut neque falsus est Ioannes, neque superiores inaniter repetiuit sermones, Christo enim statim duos Discipulos obtulit, qui primâ vice sua nequicquàm eiecerat retia, inquit Theophylactus. Ex his discipulis vnus, non vulgaris quidam, sed Andreas frater Petri fuit, quem etiam paulò post ad scholam, & collegium Christi Andreas adduxit. Videte num vile*

sit

fit frequentare diligentiam. Ioannes certe iterato effecit studio, quod non obtinuit primo.

Sponsam suam ita commendat in Canticis Sponsus: *Hortus conclusus, fons signatus*. Mos regum veterum habuit (quod doctissimus P. Sanchez annotauit) ut fontes, ex quibus reges bibebant, obsignarentur, praecluderenturque omnibus alijs. Hæc & Periarum, ut auctor est Athenæus, consuetudo fuit, hodieque obseruatur in fonte Carpeni non procul Compluto, qui solius regis Catholici vsibus seruit, reliquis omnibus inaccessus. Ad hunc morem alluisse videtur Sponsus, (quæ est eiusdem Sanchez obseruatio) cum Sponsam ait esse fontem signatum, sibi soli seruatum. Nec tantum *fons signatus*, sed etiam *hortus conclusus*, siue in horto concluso erat. At eum fons ille sigillo munitus, serisque obfirmatus esset, quorsum præterea horto, eoque validis mœnibus fortiter cincto, inclusus fuit? Nonne sua fontis septa satis erant? Non negaui, satis fuisse illi sua claustra, sed neque concessero, damnosa fuisse horti muro cinctus, eò & magis tutus fons fuit, magisque à periculo violandæ claustræ absuit. Nulla est superuacanea, nulla nimia in rebus momentosis sollicitudo & cura. Quanquam semel in anno facta confessio, & sumpta sacra communio sufficiant homini Christiano ad salutem, frequentatio tamen exomologestios, & synaxios magis certam faciunt nostram saluationem. In rebus magnis magna sedulitas magno esse vsui solet; & plurimum commodare frequentatum studium, ac diligentia crebra.

Similis argumenti est Persocha IV. Dominica in Quinquages. Tom. 2. pag. 510. b. o. Vide, quæ ibi ad finem adscripta.

C A P V T X.

Deus est fidelis amicus, & qui cumulare vices mutuas rependit, ideoque sicut Abraham nunquam deseruit Dominum in vita, sic ille Abrahamum non destituit in morte.

Remuneravit Dominus gloriosi Patriarchæ nostri merita, & famulo illius seniori pro sua cura, sollicitudine, vigilantia, fidelitate, ac sinceritate, quæ demandatum sibi negotium procurauit, mercedem reposuit, Deo enim fauente & adspirante sponsam inuenit Isaac, qualem sanctus Patriarcha ab illo causæ tam grauis legato tractatore experierat. Honestæ namque, & recte instituta, benèque morata mulier tam preciosum donum est, ac tam diues mo-

nile, ut solo virtutum, & benè factorum merito comparari possit. Sic enim habet Spiritus Sanctus Eccl. 26. v. 3. *Pars bona, mulier bona, in parte timentium Deum dabitur viro pro factis bonis*. Fides ergo ille seruus, & felix paranymphus domum redijt gaudiundus, & exultans lætitiâ, quod tam prosperè inunctum sibi negotium perfecisset. Rebecca excepta cum incredibili plausu, & gaudij voluptate, & festiuis acclamationibus fuit. Isaac mœrorem, & dolorem, quem ex morte matris contraxerat, iucundis nouæ nuptæ amoribus temperauit. Abraham iugum matrimonij iteratò subiit, neque spes illum nuptiarum harum posteriorum fefellit, quanquam enim capularis iam senex esset, & præmodum decrepitus, copiosam tamen sobolem, & abundantem successionis fructum ex illo coniugio habuit.

Charum Isaacum suum bonorum omnium ex ære heredem instituit, reliquis liberis facultatum partem aliquam dedit, accuratâ æquitatis, & æqualitatis ratione seruata, ut dissidiorum, iurgiorumque causam nullam haberent. Ut verò bona dispertire, sic & habitationum loca distribuit, suos cuique terrarum limites, & figendorum domiciliorum certos terminos designans, solum charissimum Isaacum primogenitum, & caput posteritatis ab alijs separatim relinquens. Neque hoc Isaac ab alijs determinandū negotium alijs post mortem curandum reliquit, nam diuellere à suspecta societate liberos, res est, quam ipse tractare debeas, non alijs post funus persciendam dubio euentu credere. Postquam omnia sua tam benè, ac prouidè digesserat, & disposuerat, ultimæ vitæ periodum beato fine gloriosus Patriarcha, sanctus sanccio clausit, & plenus virtutibus felicem quietem coepit, atque inter suaues, sui Creatoris complexus blando mortis somno sopitus animam Domino, à quo acceperat, reddidit, cum centum septuaginta quinque Annos inter varia pietatis studia & Dei officia impiger, & insatigabilis omnium bonorum operum sectator, fidei columen, hospitæ litatis specimen, obedientiæ exemplum, totius probitatis viua, perque elegans imago, transmississet. Parentarunt illi liberorum præcipui Isaac, & Ismael, sacræque reliquias intulerunt sepulchro, quod ipse sibi in agro, quem ab Ephron coëmerat, in viuis adornarat. A morte Abraham cumulauit Dominus filium eius Isaac plurimis benedictionibus, habet enim Deus officiorum, quæcunque à fidei seruicij vnquam fuere exhibita, memoriam, & voluntatem remunerandi æternam. Tam beatâ morte defunctus est Patriarcha noster Abraham, inclytus credentium omnium.

omnium Parens, à quo omnis ætas, & sexus perficienda virtutis, & excolendi animi rationem tanquam in fulgentissimo, tersissimoque speculo possit inspicere. Nimirum ille virtutum omnium, sed præstantissimarum, sed heroicarum, quoddam receditorium fuit, & singulas tam enixè, diligenterque in animæ suæ horto coluit, ut in vnaqualibet omne suum studium posuisset, & ad eam exornandam totum ingenium conuertisse videretur. Talem vitæ clausulam habet, qui Deo humiliter seruit, qui supremi Imperatoris castra dum hic vivit, non deserit. Deus enim fidelissimus est bonorum officiorum remunerator, & mutuas vices accuratissime reponit.

Cum è monte cœlestis Magister descenderet, illo, inquam monte, quem in cathedram diuinæ suæ doctrinæ verterat, prius quidam viarum latro, ut est apud sanctum Mattheum, illum incursum, ut omnipotentia eius thesauros depecularetur? Leprosus erat, qui hanc meditabatur rapinam. Is Dominum supplex adiens, & adorans sic appellabat: *Domine, si vis, potes me mundare* (Matth. 8. 2) & ab his luridæ cruciabilisque lepræ foetis maculis perpurpare. Vix ea dixit, quando ille protensa manu tetigit eum, & dixit: *Volo, mundare.*

Magnus Origenes hac in re observavit celeritatem, quâ supernus Medcus hanc curationem perfecit, quæ tanta fuit, ut inter obsecrationem ægri, & protensionem brachij, depulsionemque morbi vix paucillulum temporis intercessisse videatur. Non perpetuus, sed nec frequens ille prodigioso benefactori mos fuit, sæpè enim cunctabatur, sæpè moras, neque breves, trahebat, priusquam ægram aliorum supplicum valetudinem curaret, & diu pleurumque orari voluit, antequam exorari fieret, ut sanitatem miraculo restitueret. Quod suspensius consistit surdi illius, & muti curatio? Quanta fecit, ut lumine oculorum donaret eum, quem naturæ malignus error cæcum ediderat? Quomodo non infremuit, & irruisset hic leo de tribu Iuda, cum Lazarum tanto propigio redanimatum ibat? Cur ibi tam promptus, hic tam tardus? Cur hic tam cunctabundus, ibi tam velox, & expeditus?

Origenes eam vult esse causam, ut nimirum cognoscamus, quàm iuste atque exactè Deus respondere, quam pares rependere vices soleat. In his posterioribus miraculis vacillabant fide, qui ea requirebant, nec satis dignam de Christi virtute, atque omnipotentia habebant æstimationem. Satis id confesse sunt Martha, & Maria, quarum hæc erat de Christi potestate opinio, quod nihil efficere valeret,

nisi ubi corpore præsens esset. Quapropter iugentes, & eiulantes aiebant: *Domine si fuisses hic, frater meus non fuisset mortuus* Ioan. 11. 21. Sicque mortem fratris absentia Domini acceptam ferebant. Simile quidpiam in cæteris miraculis accidit, ad quæ patranda tardius adduci permisit Dominus. Verum leprosus tam latè extendit potentiam Domini, ut non posset amplius, exæquavit nam quod eam illius immensæ voluntati, quod tum fecit, quantum fieri potest, eam dilatauit, & infinitæ virtutis esse confessus est. Nec Propheta regius aliter potentiam Dei extollere posse putavit, quam ut diceret, idque semel, & iterum: *Omnia, quæcunq; voluit, fecit*; Psal. 13. 11. & Psal. 134. 6. velut pluribus dixisset: Vultis nosse, quò se usque Domini potentia extendat? Immenfitati voluntatis eius par est. In creaturis, quæ maximis viribus valent, nulla potest semper, quidquid vult, facere: Verum Dominus omne quodlibet, agit, idque ita, ut nihil sit, quod illi obistere queat.

Dicit nunc Origenes: Qui tam magnificè honoravit Dominum, merito ille sine cunctatione curatur, ut qui promptè credit, subito sanetur. Deus enim iustam servat vicissitudinem, & qualia sunt cuiusque officia, talia beneficia reponit. *Magnificè credis, & mundaris, plenissime confiteris, plenissime laudificaris, non dubitasti credere, non dubito sanare, non distulisti confessionem, non differam te mundare.* Hinc accipiamus, quàm grato Domino servimus, quàm parato ad respondendum his, quos impigros habet famulos.

Duas parabolas prædicavit cœlestis hic Magister, quæ cum more agendi communi parum congruere videntur. In vna harum pingit quosdam servos, qui dominum suum à nuptijs reuersurum præstolantur, idque domi, ut veniente cum accensis facibus excipiant, foribusque apertis in domum admittant. *Vos similes hominibus expectantibus Dominum, quando reueratur à nuptijs*, Lucæ 12. 36. In altera virgines describit, quæ exierunt obuiam sponso, & sponso, Matth. 25. 1.

Itanè verò teneræ & delicatæ virgines, quæ latere, & domus claustra servare debeant, prodierunt foras, ut quærerent sponsum. & viri fortes, ac robusti defecerunt domi, expectantes herum suum, ut reuersum à nuptijs admitterent, & cum ardentibus coedis exciperent! Nonne consulens fuisset, si permutassent officia, & famuli viri virginum munus curandum

randum

randum suscepissent, virgines autem intra domestica septa, quod viri faciebant, dominum praelolare fuissent? Quid ergo Dominus hanc ordinationem, & vices, videretur, inuertit?

Paulus Arefius in suis emblematis spiritualibus emblem. 28. discursu 2. n. 4. ait: in his parabolis adumbratum, quo discrimine Dominus eos, qui ei seruiunt, remunerare soleat, idque simul indicatum, quod sit prolixior erga eos, qui fuerint ad famulandum, & gratificandum magis expediti, & officiosi. Dispicimus ergo quo pramio donet eos, qui domum suam, inter vigiliarum molestiam quidem sed cum nonnulla commoditate etiam expectant. Præmium horum sic habet apud sanctum Lucam ibid. v. 37. *Faciet illos discumbere, & transiens ministrabit illis.* Compensatio ergo ministerij est ministratio cibi. Quid verò mercedis habuerunt virgines, quæ domibus suis digressæ non paucis se exposuerunt periculis, nec paruo labore custodierunt lampades suas, ne extinguerentur, & corpora, ne foeda commixtione contaminarentur, sed intemerata seruarentur? *Intraverunt cum eo ad nuptias* (Matth. 25. 10.) Superioremque in gradum euectæ fuerunt, sublimior enim dignitas est, ad nuptias cum sponso ingredi, quam cibo ab eo recreari. Hinc intelligimus, quàm sit æquitatis obseruans Dominus, cum suorum officia remunerat, sic ut ampliorem præmio eos cumulet, qui ad seruiendum fuerunt prolixiores, magisque & prompti, & strenui.

Sponsi sui elogia sponsa ab eo exorditur, quod vbera illius fortitudine vinum, fragrantia quoduis

odoratissimum vnguentum superarent, dicens: *Melliora sunt vbera tua vino, fragrantia vnguentis optimis.* Cant. 1. v. 1. & 2. Sponsus è contrà cum sponsæ venustatem prædicat, sic ait: *Quam pulchra sunt mammae tuæ, soror mea sponsa! pulchriora sunt vbera tua vino;* Cant. 4. 10.

Sanctus Gregorius Nyssenus homil. 4. in Cant. ait: *Similibus vocibus viciis sponsum excipit Ecclesia, quibus illa ante à illius in precibus laudatur pulchritudinem.* Quid sibi vult, quod paribus verbis suorum vberum utilitatem sponsus & sponsa, Christus, & Ecclesia extollunt, & prædicant? Respondet Nyssenus: *Ergo hoc dogma discimus à diuina Philosophia, quod talis sit nobis Deus, quales nos Deo ostenderimus.* In codice acceptorum Dei accuratè describuntur labores, sudores, defatigationes, operæ, & quidquid ad gloriam, famulatumque illius vertimus, ut tempore opportuno cumulare & supra merita remuneret. Huius tam exploratæ veritatis luculentum exemplum habemus in nostro gloriosissimo Patriarcha, qui postquam Domino fidelissimè, integerrimeque per omnem vitam seruierat, *deficiens mortuus est in senectute bona, prouectusq; ætatis, & plenus dierum, congregatusq; est ad populum suum.* (Genes. 25. 8.) & perlatus in locum, ubi sancti Patres Reparatoris mundi, & optati Messie expectabant euentum. Doctrinam Nysseni superiorem callenti faciliè erat cogitare, quod Deus non destitueret eum in morte, cuius officijs in viuis plurimum fuerat usus.

Vide supra lib. 8. c. 3. & alia loca ad finem illius adnotata, in quibus simile argumentum tractatur.

*Benedicta sit Sancta, & indiuidua Trinitas, quia fecit, & facit,
& faciet nobiscum misericordiam suam.*

Amen.

F I N I S.


P

Qu

PO



param
sum
cupes
eo stu
tenda
mus ;
dant,
parab
genti
Christi
guine



POLITICI COE LORVM,

Quem in mysticis actionibus Sacri Patriarchæ Iacob
reperit

*Reuerendissimus D. P. Didacus Nissenus, Ordinis Magni
Basilij Abbas.*

PARS PRIM A.

POLITICO ÆTERNÆ FELICITATIS SVÆ STUDIO
A VTHOR S. P. D.

AM arctâ obligatione deuinctus est homo suæ animæ, tamq̃ sollicitè & enixe salutem illius æternam, & quacunq̃ ad eam obtinendam faciunt, curare debet, vt Sanctus Eucherius Lugdunensis non satis putet, hoc cuiusq̃ præcipuum esse studium, nisi & vnicum sit, ac solum. Ille in epistola parænctica sic habet: Primas apud nos curas, quæ prima habentur, obtineant, summasque sibi sollicitudinis partes salus, quæ summa est, vendicet. Hæc nos occupet in præsidium, & tutelam sui, iam non planè prima, sed sola. Omnia vincat eo studio, quo præcedit omnia. Quod potissimum habemus, eidem potissimum attendamus, inquit sacer Antistes: Animâ verò, eiusq̃ salute nihil præstantius habemus; sit ergò nobis illius semper antiquissima cura. Huc cuncta studia nostra vadant, huc labor omnis, & vires totæ vertantur. Vna sola cuiq̃ est anima, eaq̃ incomparabilis pretij velut quadam gemma, quapropter illam etiam vnicè, solum, ac diligentissimè curare debet.

Cum hanc apud me reputarem tam veram, & Catholicam sententiam, quam Christus supremus Magister tantoperè commendauit, & cum verbo docuit, tum sanguine obfignavit, & Catholici Doctores vehementer semper prædicârunt, & viri sancti

sancti præclaro suo exemplo plurimum illustrarunt, hoc opus ad commune bonum eorum, quibus animarum suarum emolumenta, & profectus sunt cordi, adornandum suscepi, atq; in duas partes diuisi. Nomen libro indidi, **POLITICVS COELORVM**. Hæc enim, ut præfati sumus, summa & unica politia, cura, sollicitudo esse debet eius, qui æternum conditorem, Dominum, ac reparatorem suum per veram fidem nouit, ut cælum meditetur, anima curam gerat, vitamq; suam sic instituat, ut cum Dei auxilio (quo sine nihil boni sperari potest) obtineat, quod expetit, & finem ultimum, ob quem creatus fuit, consequatur.

POLITICVS COELORVM erat S. Paulus Doctor Gentium, quando in epistola ad Philipenses c. 3. 20. aiebat: Nostra conuersatio in cœlis est; quod ex Velasquez, insigni, diligente, & erudito huius epistolæ interprete, tale est, ac si dixisset: Sic viuimus, agimus, loquimur, cogitamus, ut cœlestia tantummodò spectemus, hoc munus est nostrum, hæc nostra Reipublicæ administratio, **POLITICVS** ergò **COELORVM** fuerit, qui Christiani nomine censetur, si omnia sua ita fecerit, & instituerit, ut quantum fieri potest, ad emolumentum anime, & salutem illius æternam, & habitationem cœlestem dirigantur, cuius obtinenda gratia conditus, ac redemptus fuit. Hoc mihi in præsentî Opere propositum, ut formam **POLITICVM COELORVM**, monitisq; meis in viam beatitudinis adducam, ut eam & certus ingrediatur, & securus teneat, teratq; & persequatur. Sanctos Patriarchas **ISAAC**, & **IACOB** duces adscisco huius tam momentosi itineris, pro facibus autem, quæ viatores illuceant, erunt illorum mystica actiones, in quibus inueniemus doctrinam Catholicam, & eruditionem veram, quæ nostris profectibus multum utilitatis sit allatura.

Cum verò iter sit nonnihil prolixum, carniq; & sanguini arduum & salebrosum, variâ doctrinâ illud conspergere studui, ut eâ pascam, & oblectem viatores, laboremq; illis leuiorem, ac tolerabiliorem faciam. Nam ut S. Ambrosius lib. 1. de Iacob c. 1. ait: Nudus sermo ad monendum utilis, ad persuadendum infirmus est; & quanquam aliquis petens ciuitatem sciat quàm in ea non solum comiter, humanèq; excipiendus, sed & opiparè, ac dapsiliter tractandus sit, si tamen asperum, & confragosum sit iter, operosa illi, & permolesta accidit profectio. Nouerit licet ager, totam curationis suæ spem, & valetudinis instaurationem in cibo positam, ni gratum tamen illi ex condimento saporem adsciscas, non sumet quantumuis salutiferam alimoniam. Sic viator, si nunc fontem, nunc montem offendat, nunc in vallem incidat, nunc plano

plano itinere per campos vadat, nunc flumen, nunc prata transeat, nunc hortos, nunc arbusa praterat, minus sentit fatigationem, & molesta via fastidia fert leuius. Et infirmus, cuius languet orexis, & fastidio stomachus laborat, conditurâ nauseam depellit, & excitat auiditatem, ut sumat cibum, quem si quâ salubris appetit, quâ nutrimentum est, horret. Tantundem ego hac occasione facio: Nam ut studiosus **POLITICVS** cum nonnulla voluptate per viam pergat, & cibus veritatis non tam insuavis sit palato, quàm solet, ego illum coquo, & quantâ maximâ possum eruditionis varietate condio, ac præparo. Convenit enim inaurare pilulas discipline per quâ amarâ gustui vitiat, & cœlestia, atq; æterna plurimum fastidienti, idq; iam oraculis Scripturæ, quæ prima regula est, ad quam si dirigantur nostræ actiones, tum demum, neq; aliter recte fiunt, iam sententijs Patrum, iam acutè dictis Doctorum, iam pronuntiatis Philosophorum, nonnunquam etiam vel itinerantis viam, vel agrè decumbentis stratum iucundis secularis literaturæ flosculis inspergere, ut allecto ad hunc modum intellectu, iudicioq; parte hominis tam principali, vi exemplorum, rationisq; & sententiarum, & diuinarum Scripturarum efficacitate ad consentiendum adducto, memoria aptetur, inflammeturq; voluntas ad suscipiendum, & complectendum hoc summum, atq; vnicè necessarium bonum.

Hoc uno institutio nostra **POLITICA** ceteras humani regiminis, & temporalis status disciplinas certò, euidenterq; antecellit quid hæc non sint semper certæ, ut quæ à dubio euentu, & occasione anticipati pendeant, cum noster **POLITICVS** nihil tale adferre queat, quod illi obsistat, quò minus quod vult efficiat, nam si animum huc tantum adijciat, quidquid hic docetur, faciet, facere autem cum auxiliaris gratiæ diuinæ ope posse, exploratissimum est: Nihil enim hic est, quod ab incerto casu pendeat, doctrinâ verò una est, unus scopus, quem illa spectat, & petit, cælum inquam, lux eius inuariabilis, & via nunquam mutatur, & Dei opitulatio semper in promptu est, ut in sua potestate habeat felicem suarum actionum, ac lucubrationum successum. Ex meis doctrinam huc adfero quamcunq; inuenire per ingenij vires licuit. Quod habeo, hoc do, ut sic cum S. Petro ex Actis Apostolicis loquar, quod vite meæ ratio petit, & status professio exigit, hoc offero, disciplinam erudiendis animabus aptam, lucem vitæ cælorum indicem, & ducem, antidotum aduersus peccatorum venenum, deniq; iter, quod in felicem illam patriam ducit, ostendo. Patrem luminum, è cuius liberali manu omne bonum descendit, oro, & obtestor, ut hunc meum laborem felicitet, sic ut **POLITICVS** Catholicus cumulatè ex illo referat fructum, & emolumenta, quæ spero, & opto.

Pars secunda, hoc est, Sancti Patriarchae Iacob historia pralo, si Deus iuuerit, propediem subijcietur. Posthac tribus alijs Tomis tradam artem comparanda gratiae Dei, eamq; ex actionibus trium charissimorum, & familiarissimorum Apostolorum Petri, Iacobi, & Ioannis acceptam. Christianus Lector, quod obsecro, Deum pro me interpellat, ut is, siquidem gratos habuerit hos meos conatus, salutem, viresq; concedat, quibus haec, aliq; plura prestare possim, ut certe prestabo, si plura per vitam posteriorem inuenire contigerit.

Fr. Didacus Nissenus.

Cum h
lat, felici
mendatio

P

obseruant
religiosè
quibus ill
& patern
pura affi
vinentis,
tudo, & t
Interprete
quando ill
mum per
nes Chry
tus, & al
Iste pater
c. 16. Ex
tura nostr
dis perutil
visus fuit,
Isaac cum
vixit, cum
menti ind
piam rep
teriffet.
intelligan
ritualium
locis, sed

POLITICI CŒLORVM, PARS PRIMA. LIBER PRIMVS.

CAPVT I.

Cum homo seipsum vna conduceret, quocumque vadit, felicitas eius non in mutatione locorum, sed in emendatione morum sita est.

ROSE, quam beatam mortem hanc vitam conclusit, & in illam sempiternam optatam vicissitudine demigravit gloriosus, & inclytus Patriarcha Abraham, cum sacris eius manibus pro debito filialis obseruantiae duo nati illius, Isaac & Ismahel, tristes religiosè parentassent, secesserunt ab inuicem, ex quibus ille cœlestium promissorum primogenitus, & paternarum virtutum æmulator habitat, ut Scriptura affirmat Gen. 25: 11. *iuxta puteum nomine Vientis, & Videntis.* Auius ille locus, inculca ea solitudo, & tam celebris puteus is est, ut volunt sacri Interpretes, apud quem Angelus apparuit Agari, quando illa è domo Abraham eiecta in hospitium eremum peruagabatur. In ea sententia sunt D. Ioannes Chrysostomus, S. Ambrosius, Lyranus, Tostatus, & alij non pauci. Verba Tostati sic habent: *Iste puteus est sic nominatus ab Agar, & patet supra c. 16.* Ex quo accipitur doctrina plurimum profutura nostro Politico, & quæ nobis quoque eruditius perutilis esse queat. In quo loco Angelus Agari visus fuit, in eo cœlestis nuntij præsentia consecrato Isaac cum ingenti animæ suæ utilitate, & profectu vixit, cum fugitiua famula nihil spiritualis emolumenti inde colligerit, nam si talis commodi quidpiam reportasset, non id faceret scriptor tacitus præterisset. Id hic notare, & monere volui, ut omnes intelligant, curandarum animæ infirmitatum, & spiritualium morborum sanandorum remedium non in locis, sed in morum correctione esse positum: Pa-

rùm enim prodest homini, quod mutet regionem, nisi vitæ quoque consilium mutet; & si animæ passionem emendet, quandoque non refert deserere locum, in quo degit.

Ibat dilecta sponsa per incultos syluosa eremi salutus magnam, gratissimamque de vestitu, deque corpore toto aromatum fragrantiam exhalans, quam cœlorum ephebi conspiciat, & admirati, agilitatem eius, ac velocitatem, quacum sursum tendebat, tali verborum plausu celebrabant: *Qua est ista, qua ascendit per desertum sicut Virgula fumus ex aromatibus myrrha, & thuris, & vniuersi pulueris pigmentarij?* Cant. 3. 6. Rupertus Abbas, Honorius, Cardinalis Hailgrinus, Hugo Cardinalis, Philo Carpathius, Aponius, S. Iustus Orgelitanus, & alij plures per hanc variorum odoramentorum fragrantiam intelligunt copiam diuersarum virtutum sacrae sponsæ, & excellentias eiusdem.

Sed notandum, quod Angeli aiunt: *Qua ascendit per desertum;* tanquam à solitudine gratissimum suum odorem illa contraxerit. Et S. Gregorius Nyssenus hom. 6. in Cant. inquit: *Num desertum, & videretur, est causa, quod ipsa sicut Virgulum ascendat in altum?* Beati illi spiritus certè videntur incrementa animæ, quæ sponsa fecit, animæ eremo, & deserto tribuere solitudini, ex qua diues virtutum, & gratiæ donis collocupletata ascendit. Ergone verò loco adscribenda sunt tantarum ornamenta virtutum, quibus sponsa tam admirabiliter exculca, & perpolitata fuit?

Respondet Nyssenus, loco nequaquam ea tribuenda, sed diligentæ, sedulitati, industriæ, laboribus sponsæ, quibus illa Dei auxilio confirmata sese exercuit. *Ex suis laboribus per continentiam, & diligentiam acquisiuit pulchritudinem,* inquit ille. Parum profuisset remotior ab hominibus locus, parum commo-

commodasset absita eremus, nisi illa assiduo studio, & totâ neruorum contentione etiam atque etiam terram animæ suæ excoluisset, illiusque profectus viribus omnibus curasset. Neque enim omnis semper in loco sita est salus, sed in vitæ correctione, & dispositione animi.

Quàm præclare hanc doctrinam Politico nostro tradet Princeps Prophetarum coronatus! sanctum ille ab hominibus secessum, & solitaria vitæ securum otium sibi oprabat, itaque sic anxie exclamabat: *Quis dabit mihi pennas sicut columba, & volabo, & requiescam?* Psal. 54. 7. O si tam felix forem, vt reperirem quempiam, qui me alis columbinis donaret, & instrueret, quarum remigio è medijs procellosi mundi turbis in quietæ solitudinis amœnam tranquillitatem me subueherem, vbi animus ab omni cura vacuus, & procul ab omni inquiete solis celestibus studijs operam nauaret, totumque me dulcis, & amabilis Domini mei officijs traderem. Expletum fuit hoc illius desiderium, cum ait: *Ecce elongaui fugiens, & mansi in solitudine;* ibid. v. 8. Iam sacer Rex in penitissimæ eremi absconditissimo, & secretissimo loco, quem tam ardentem suspirabat, degit. Nunc ergo magnâ quiete perfruetur, & pace, liberque ac securus viuet, non habens scilicet hostem, à quo imperatur, neque appetitum, à quo impugnetur. At ipsum, quid dicat, audiamus, ipse nobis vitæ suæ, quam in solitudine egit, statum, rationesque exponat: *Expectabam eum, qui saluum me fecit à pusillanimitate spiritus, & tempestate,* inquit ille ibid. v. 9. velut dixisset: Omnipotentem Dominum, cuius auxiliares manus semel expertus fui, præstolabar, & porro appellabam, vt me delectum animo erigeret, eximeretque à procellis, quibus miserum iactabar. Sed quid ais, Sancte Prophetâ! Habetne etiam eremus pusillanimitatem spiritus, & solitudo tempestates! Nonne dicebas, *Volabo,* cumq; inter larebras procul extra homines, & omnem mundi strepitum positus morabor solus, *requiescam,* atque in eremo non secus ac in cælo, quod nullas patitur impressiones, viuam? Quod si ita est, quomodo ibi tam graues cooriuntur tempestates, quomodo turbines tam sæui excitantur: Vnde illa tibi eo in loco cordis ignauia, & timiditas, vt à pusillanimitate spiritus, & tempestate per horas, ac momenta diceres, è cælo sperare auxilium Dei, qui à coniuratis in tuam perniciem tot hostibus te liberaret, cum aiebas: *Expectabam eum etiam hic in absitior solitudine, qui me alibi sæpè saluum fecit?*

Nonne videtis, inquit ferè Sanctus Paschasius l. 4. in c. 4. Matth. vt homini sit bene secundum animam, atque vt spiritu augeat, & virtutum incrementa faciat, non in solo loco esse positum? David enim *nequm in solitudine liberum se intelligit à periculo, dum adhuc se flagitat liberandū.* Hæc ille ibid. Cum verò ille in solitudine, quam velut tutissimum perfugium appetebat, iuuari, & liberari oret, quod in ea sæuas procellas, tempestatesque pertimescat, euidenti inditio est, non satis esse mutasse locum illi, qui inuariatos seruat vitæ mores. Ergone & secessus ex hominibus habet infestos dæmones! Immo verò habet. Dicat hoc spiritalis ille athleta, & validissimus pugil, & magnus eremi Pater Sanctus Antonius, quem iuratus generis humani hostis tam varias figuras indutus, tam multis, ac magnis modis oppugnavit, & infestauit. Totum hoc Deus sic disponit, & ordinat, vt nos doceat, non debere considerare loco, in quo degimus, nam cum homo seipsum vbique conferat, etiam prælij occasionem, & pugnae causam, quocunque pergat, conducit.

Quàm præclare hanc rem docuit Faustus Rhegiensis Serm. 2. ad Monach. To. 2. Biblioth. PP. talibus verbis: *Quid prodest, quod discedis, qui vndiq; adstrictus es vinculo passionum? Quem hinc, atque hinc circumuallant vitia sua? Digne aliquis discederet, si eò ire posset, ubi eum diabolus inuenire non posset. Nemo se fallat, non fugiet aduersarium de loco ad locum, sed de vitio ad virtutem, de passione ad emendationem. Si eum fugiat, sequitur. Emenda te, & fugiet te, sicut ait Apostolus: Resistite diabolo, & fugiet à vobis;* Iacobi 4. 7. Sunt religiosi, qui cum se alicubi nonnullis tentationibus vexari, aut grauiore tristitiâ premi vident, in alia monasteria transferuntur, vbi tamen eisdem vrgentur bellis, & eò peius semper habent, quod crebrius è loco in locum demigrant. Dicit nunc Faustus: *Quid iuuat variare loca, mutare asceteria, si te cupiditatum tuarum vincula vbique arctissime obligatum habent, si te vitia tua hinc, atque illinc inuadunt, & sinistra indoles, improbumque ingenium per deuia abripiunt? O quàm felici fugâ elabereris, si in locum dæmoni inaccessum, eiusque telis impervium euadere posses! Non seipsum quisquam decipiat, nemo hostem effugiet, quantumvis hac, atque illac fugiat, euadet tamen, si corruptos mores exuat, & à contaminatæ vitæ consuetudine ad pietatem, sanctitatemq; transeat. Velis licet, ac remis aliò atque aliò te recipias, hostem semper à tergo habes, qui te sequitur, ac persequitur quocunque pergas,*

pergas, aliudque nihil agit, quàm vt loca omnia famelicus, ac rabiosus, iram, ingluuiemque suam explere desiderans, circumeat. Optimum ab hoste efugium est vitæ sanctioris studium, & morum prauorum, qui te cruentissimo bello vel vnicè, vel maxime infestant, correctio. Sic enim habet magnus Hispanorum patronus: *Resistite diabolo, & fugiet à vobis*; non ait: *Mutate locum ex loco, sed resistite*, repugnate; quod tale est, ac si diceret, pugnam spirituales non semper, nec per omnia similem esse corporalis confictus, in quo locus præcipua sæpè causa, & pars maxima victoriæ esse solet, in spiritibus autem certamine plurimum valet obnitentia, & facilius triumphat, qui vitæ mores emendat. Locus enim quamuis nonnunquam ad victoriam conferat, vt tamen superior euadas, non ille semper, neque solus facit. In foro sanctus, dæmon in reconditissima eremo esse potes.

Eapropter beatissimus Pontifex Gregorius de illustissimo Patriarcha Benedicto lib. 2. Dialog. c. 8. aiebat: *Sanctus vir ad alta demigrans loca, non hostem mutauit*. Non est idem euadere locum, & hostem, quin hic nos non secus ac umbra corpus, lux solem sequitur. Ergo morum mutatio tota non in sola loci mutatione est posita. Vnde & Horatius nonnullibi dixit:

Cælum, non animum mutant, qui trans mare currunt. Qui per maria nauigio vehitur, is regiones varias licet subeat, ingenium tamen idem, indolemque veterem semper retinet. Seipsum confert homo, quoquò pergat, seipsum comes sequitur, & omnis itineris sui socios habet mores suos, naturalisq; propensiones.

Admirabiliter differit hoc de argumento insignis Cordubensis noster Seneca, ijs suum errorem aperiens, qui sibi persuasum habent, se simul & noua loca, & vitæ consuetudinem aliam inituros, & mutatuos cum regione animi ingenium. His ait illud euenire, quod ægris, qui valetudinem suam curandam existimant, si locum ex loco mutant: *Proprium ægri est nihil diu pati, & mutationibus & remedijs* &c., inquit ille de tranquillit. animi cap. 2. Cum infirmum in lecto feruens, & maligna febris adustulat, quàm crebrò intrà ardentem strati, in quo inquietus intolerabili incendio conflagrat, fornacem se hac, atque illac versat, putans ardoris sui refrigerium in loci mutatione stum! Verùm morbi pertinacia suum illi errorem detegit; nam cum suum se cum ignem conferat, & affectu valetudinis malum effugere non possit, quocunq; se conijciat, con-

Tom. III.

iunctissimum semper habet carnificem, à quo affigitur, proximum tyrannum, qui eum insectatur, & vexat, nec enim omne in locorum, sed morum maxime mutatione positum est remedium.

Non parùm altercantur sacri Expositores de sensu illorum diuinæ Scripturæ verborum, quæ hoc habent, quòd supremo cælorum vertici graue aquarum pondus impendeat, de quibus Propheta regius Psal. 148. 4. hæc: *Et aqua, quæ super cælum sunt, laudent nomen Domini*; & tres è fornace Babylonica pueri ista: *Benedicite aqua omnes, quæ super cælum sunt, Domino*; Dan. 3. 60. Sancti Augustinus, & Hieronymus, & Doctores alij dubitant, num hæc aquæ ex ijs sint acceptæ, quæ hic infernè creatæ, an verò ibidem, vbi nunc sunt, conditæ fuerint. Variè de hac re sentiunt sacrarum literarum periti. Oleaster cum alijs existimat, aquas illas supercælestes ex his esse, quæ terræ parti inferiori incumbunt, & cum Deus fecit firmamentum, ac diuisionem aquarum, tunc alias hic infernè mansisse, alias supra cælorum cacumen euectas, & illas humilibus inclusas alueis, has sublimissimo orbium istorum cælestium impositas fastigio.

At quæ tam altum sunt euectæ, tamque nobilibus, ac sumptuosius exceptæ palatijs, num propterea mutarunt naturam, genitalesque proprietates deseruerunt? Respondet Oleaster in c. 1. Genes. *Facta firmamento, seu diuisione non videntur mutasse naturam*. Tamen locum mutarunt aquæ, manserunt nihilominus aquæ, nec quia in tantam celsitudinem elatæ fuerunt, idcirco abdicarunt à se, quæ in terra habuerunt, proprietates: *Non videntur mutasse naturam*; nihilo proinde ex tam sublimi loco feliciores, ac sublimiores, neque enim in loci mutatione omne bonum positum est, sed in emendatione earum, quæ à natura insunt, imperfectionum.

Nam vt D. Bernardus apud Ioannem de S. Geminiano lib. 3. c. 7. obseruauit, *nec Lucifer profuit locum cæli, nec Ada locus paradisi, nec Loth locus montis excelsum, nec filijs Israel deserti*, Lucifer enim in cælo intumuit, in paradiso Adam ægrè habere cepit, Loth in monte peccauit, Israëlita in eremo deliquerunt. Si locus vel beatos, vel reprobos faceret, certa esset omnis Religiosi saluatio, indubia quorumuis sæcularium damnatio. Propterea Ioannes de S. Geminiano dicit: *Nota quòd peccatori non prodest transmutatio loci sine mutatione animi*. Vt peccator quispiam ab animi aegritudinibus conualecat, & saluâ spiritus vitâ euadat, parùm confert mutare patriam, aut vertere solum, nisi animum simul mu-

E e

ret,

ret, & consilia saniora capeſſat, & ad ſtudia meliora ſe conuertat.

Seneca noſter huc redeat, ſolutoribuſque moniti-
o ſiſ ſuiſ nos iterum erudiat. Lucretiuſ apud illum
lib. de tranquillit. an. cap. 2. aiebat: *Hoc ſe quiſque
uado ſemper fugit, ſi loca identidem mutet, & noua
quotidie domicilia quærat, terraſque alias ex alijs
perpetuus hoſpes oberret. Sed illi occurrit Seneca,
inquiens: Se ſemper fugit, ſed quid prodeſt, ſi non ef-
fugit? ſequitur ſe ipſe, & Ergo grauiſſimum comes.
Quid prodeſt illi, cui ex paſſionibuſ ſuiſ eſt ægre,
quem prauuſ affectuſ malè ſanum habent, quodd velut
in continua peregrinatione poſituſ terraſ in dies no-
uiſ adest, cum ſeipſum euadere, quocunquè vadat,
non poſſit; ſed ſe haud aliter, ac umbra corpus, ubi-
que ſequatur, ſuiſ ipſiuſ ſemper indiuiduſ, ſed mo-
leſtiſſimuſ, & oneroſiſſimuſ ſociuſ? ſuiſ ipſiuſ grauiſ-
ſimuſ comes. Ergo ſi homo ſeipſum circumfert, ſic
ut ſe exonerari non poſſit, neque à graui paſſionuſ,
affectuſque pondere ſe liberare, operam perdit,
qui ut curetur, non ex moruſ emendatione, ſed ex
locoruſ variatione remediũ petit. Vitæ corre-
ctio eſt vitiuſum vera medicatio, & abolitio.*

Hanc in rem dicebat glorioſuſ Pater Sanctuſ
Hieronymuſ: *Non Ieroſolymia fuiſſe, ſed Ieroſolymia
bene exiſſe, laudabile eſt. Viuere in lociſ ſanctiſ ni-
hil utilitatiſ adferre ijs, qui non etiam ibidem ſanctè
viuunt. Nec laudabile eſt, neque ſecuruſ degere
in monaſterio, & conuentu religioſo, niſi vita loco
reſpondeat. Paruũ refert frequentariſ ſcholaſ Sal-
pantiſceſeſ, niſi diligenter in literaruſ ſtudia in-
cubueriſ. Neque aula comem facit, nam & Tanta-
luſ non iuuit proxima ori eiſ aqua, & auro diui-
tiaruſ affluentia nihil commodat, cum & illè ſic in
medijs aquis paſſuſ ſit, & hunc nulla exſaturare
auriſ abundantia queat. Sic parũ ſolatijs adferre
locuſ poteſt, nec quiſquam cogitare debet, omne in
illo maloruſ noſtroruſ remediũ, & infirmitatuſ
anidotuſ eſſe poſſuũ, præſtantiſſimuũ nempè
omniuſ noſtrarum ægritudinuſ medicamentuſ
eſt, nouæ vitæ ſanctæ conſilia, & ſtudia ſuſcipere, &
exſeratas paſſioneſ cicurare, ac perdomare.*

*Vide To. 2. Periocham II. Domini. II. Aduentuſ
pag. 338.*

C A P V T II.

*Qui maximum conſequi non poteſt, non proinde
commutare debet, quin minora prenet, ac procuret.*

NON abſque ſingulari myſterio ſacra hiſtoria
memorat, Sanctuſ Patriarcha noſtruſ ha-

bitaſſe proximè puteuſ, qui viuentiſ, & videntiſ
appellabatur, inquiens: *Habitaſſet iuxta puteuſ
nomine Eſſionuſ, & videntiſ; Genef. 25. 11. In quæ
Origenes ho. 11. in Gen. iſta: Tam magnam benedi-
ctionem accipere à Deo meruit Iſaac, & habitaret ad
puteuſ Eſſionuſ. Non omnino, ut ſic loquar, obtinuit
Iſaac, ut intrà ipſuſ puteuſ habitaret, illud verò
ſolũ aſſecutuſ fuit, ut iuxta puteuſ (qui donoruſ,
& conſolationuſ Dei quoddam ſymboluſ erat) vi-
ueret, ut doctrinam quandam, nobiſ Politicuſ noſter
traderet, quæ multæ negligentiaſ propuſſantur, &
expelluntur, quæ diffidentiaſ nomine artiſcioſè in-
munduſ ſunt introductæ. Multi ſunt, qui cum in
ſtadio virtutiſ totuſ conſequi non poſſe vident, ne-
ed quidẽ anhelant, ut vel aliquantuſ obtineant,
& quia in culmen Apoſtoloruſ aſcendere neque-
unt, etiam non laborant, ut ad eoſ perueniant, qui
in tantuſ ſtigiũ non ſubierunt. Ut horuſ igna-
uia, ac diffidentia nullam habeat excuſationem, de
noſtro Patriarcha dicitur, quodd *habitaſſet iuxta pu-
teuſ* viſionuſ, ut intelligereſ, cum totuſ aſſequi
non poſſuũ, coronari debere, ut partem illiſ totuſ
titiſ, quantuſ poſſuũ, aſſequamur, & vel propè
puteuſ degamur, quibuſ ire intro per vires imbe-
cillaſ nonduſ licet.*

Eiuſmodi comparationibuſ magnuſ Ieroſolymo-
ruſ Patriarcha Cyrilluſ catech. 6. vel teporeſ no-
ſtruſ arguere, vel diffidentiam, puſillanimitatem-
que corroborare voluit, cum ait: *Quia totuſ flu-
uiũ ebibere nequeo, quod commoduſ eſt, & ſi le-
uiſ non ſumam? Vtruſ quia totuſ ſoleſ oculoruſ
intuſ capere non poſſuũ, nec ad meam ſerilitatem,
quod ſatuſ ſit, non afficiam? Et quantuſ in hortuſ
ampluſ ingreſſuſ diuerſa non poſſuũ poma comedere;
ſiſne & omniuſ eſuriens, fameq; laborans diſcedam?*
Cerruſ eſt, euſ, qui nec fluuẽ totuſ combibere,
nec ſolareſ radioſ omneſ haurire, nec fruſtuſ horti
vniuerſoſ comedere poteſt, non propterea omnem
relinquere aquæ, lucis, & fruſtuſ uſuram debere,
Iuxta hæc ait Cyrilluſ: Num quia in ipſam myſte-
rioruſ Dei abyſſuſ deſcendere non poſſuũ, ne huc
quidẽ conabor, ut quantuluſcunquè illud recon-
ditiuſ ſacramentuſ eiſ inuelligem, & perni-
dere intelleſtu queam? Num quia ſpirituſ aliſ in-
ſummuſ perfectiſſimæ virtutiſ verticem euolare
non valeo, etiam paulatim progredi, & pederentini
à terra aſurgere intermitam? Non habet bonam
ſtatuſ rationem, qui cum efficere, vel obtinere mai-
uſ nequit, etiam minuſ negligit, ac relinquit. A vera
coeloruſ politica aberraret, ſi quiſ ita deſperet, &
hoc

hoc parum
am illud m
Cum ſu
ſedebit,
ronaſ de
ficienſ reg
miſ man
ſperam,
infirmuſ,
ſu ad me
Euthy
uſ diſſimul
taloguſ t
xeritatiſ
chriſtianuſ
lici leuāt
peregrinuſ
officio ſo
nunc cap
ſtat illa
quodd tan
ra? Per
& egeno
rat vnuſ
quo illuſ
ob oculuſ
ac multi
Reſpo
humaniſ
mneſ imp
Tam mul
numerau
ceat, &
partem
faciat.
veſtem
firmuſ
dinem p
dare ſit
exerere
ant, no
tem, ſic
pellam,
Hinc
piſcopuſ
reginæ
cleſia il
Eam de
religioſa
16. To.

hoc paruum, quod potest, agere non vellet, quoniam illud magnum, quod vellet, non potest.

Cum supremum pro tribunali Iudex supremus sedebat, ut virtutibus nostris præmia, laboribus coronas decerneret, tunc ijs, quibus illa æterna, & indeficiens requies est parata, dicit: *Esurius, & dedisti mihi manducare, sitiui, & dedisti mihi bibere, hospes eram, & collegisti me, nudus, & cooperuisti me, infirmus, & visitasti me, in carcere eram, & uenisti ad me*; Matth. 25. 35.

Euthymius querit, quamobrem pietissimus, auuissimusque salutis nostræ Iudex tam longum catalogum texit operum misericordiæ, quorum exercitatione cælestes mansiones promereri homo christianus potest, dum nunc annonâ esuriem famelici leuât, nunc potu siticulosum refocillat, nunc peregrinum tecto excipit, nunc ægrum uisitationis officio solatur, nunc vestimenta nudo ministrat, nunc captiuum præsentia suâ oblectat. Quod spectat illa tanta operum varietas? Quid causâ, quod tam multa recensentur miserationum genera? Per mouendo ad perbeneficæ ergâ pauperes, & egenos liberalitatis amorem Christiano sat erat vnum quoddam misericordiæ opus, & præmium, quo illud largissimus Deus prolixissimè remunerat, ob oculos ponere. Quid sibi ergo vult tam longa, ac multiplex tot operum recensio?

Respondet magnus Euthymius, dicens: *Varia humanitatis partes recenset, & si quidem possumus, omnes impleamus, sin autem, saltem eas, quas possumus*. Tam multos itaq; beneficentiæ modos Dominus enumerauit, ut quisque pro viribus in ijs sese exerceat, & qui non omnia eiusmodi opera, non etiam partem maiorem potest, quantam quantam potest, faciat. Cui per tenues facultatulas non licet dare vestem nudo, ei per corporis vires licebit visitare infirmum, & qui ne hoc quidem per affectam valetudinem propriam potest, poterit vel calicem frigidæ dare sitibundo, & quibus tam est exiguus census, ut exere munificentiam ergâ omnes egentes nequeant, non propterea licet totam exuere humanitatem, sic ut nulli vel quidpiam benefaciant, neque oppellam, quam possunt, impendant.

Hinc accepit S. Hildebertus Turonensis Archiepiscopus argumentum magnificandi prolixitatem reginæ Mathildis, quando hæc ad ornamentum Ecclesiæ illius opulentissima ex auro candelabra misit. Eam deuotæ, ac prudentis Principis generosam, & religiosam largitatem talibus verbis deprædicat ep.

16. To. 3. Bibl. Ver. PP. *Porre ex hoc etiam mansit*

festum est, quàm deuota interer sacramentis, quæ quia ministrare non potes femina, prouides instrumenta. Graui certè, ac luculento testimonio suam adstruebat Mathildis animi liberalitatem, & pectoris deuotionem, palamque omnibus faciebat, quanto pietatis cum ardore sacramenta adibat, quando, cum sacramenta, per sexus conditionem administrare ipsa non posset, ministrabat instrumenta, quæ ad sacramentorum decentiorem usum, qui hoc ex officio poterant, verterent. Hæc est præclara ratio status, ut ubi totum attingere non potes, vel propius accedere labores.

Hæc doctrinâ vix fuerunt deuotæ illæ mulieres, quæ cum salutis suæ autorem è duro ligno in Caluarie monte pendulum cernerent, cum lachrymis illi adstabant: *Ad crucem cum lachrymis prius, deinde ad monumentum cum aromatibus accesserunt*, inquit Hildebertus, sicine verò vel à probroso supplicio innocentem liberant, vel à fatali monumento mortuum exsuscitant? Neutrum sanè, sed deuotæ, & luctuosæ mulieres pro succensa desiderio, quibus potuerunt studijs, & crucifixo compassa sunt, & obsecuta tumulato. Ità pergit ille. Non erat tanta lachrymarum illarum efficacia, ut vindicare à morte autorem vitæ valerent, neq; aromatibus id efficere poterant, ut anima Christi pristinum suum repeteret hospitium: Quod commodè tamen potuerunt, id agebant, miserabanturque illius cruciatus, & sacrum cadauer honorabant, neque prudenter fecissent, si aut pœnas illius ob id non deplorassent, quod auferre non possent, aut defuncto non lachrymis, non pijs deuotionis, siue legis cæremonijs parentassent, quod vitam illius à tyrannide mortis eximere nequirent: *Quibus potuerunt studijs, & crucifixo compassa sunt, & obsecuta tumulato*.

Nam ut sanctissimus Claræ vallis Abbas S. Bernardus epist. 176. aiebat: *Sanum, iustumq; propositum nunquid omittendum ex toto fuit, quia ex toto adimpleri non potuit*? Nequaquam. Faciendum vel aliquid, cum fieri totum nequit.

In hospita in eremo aiebat Christus plurimis comitatus conuiuijs. Cogebat sua illum quodammodò pietas, ut turbæ sequaci annonam ministraret. Discipulorum consilium erat, ut famelicos à se dimitteret, quod sibi quisque remedium ipsius pararet. Respondit autem Dominus: Nihil necessum est id facere, dare illis vos manducare, Matth. 14. 16. Anxios reddidit hoc iniunctum officium Discipulos, qui & quàm demissè dixerunt: *Non habemus hic nisi quatuor panes, & duos pisces*; ibid. v. 17. quàm tantillam annonu-

annonulam si dispersit in tam numerosam turbam vel maximè velimus, qui fieri potest, ut tam ingenti necessitati satisfaciat? Tunc generosus Magister:

Afferre mihi illos huc (ibid. v.18.) panes, ac pisces.

Res explorata est, voluisse Christum miraculo, cui accingebatur, fidem asserere doctrinæ, quam prædicabat, ut existimant Sancti Ioannes Chrysostomus, Hieronymus, Beda, & alij multi. Sed quo propterea consilio voluerit sibi Dominus illos tam paucos panes, ac pisces adferri? *Afferre mihi illos huc.*

Eurhymius respondet: *Iussit quidem panes, ac pisces adferri, docens quod etiam illa pauca oporteat præbere indigentibus.* Quod coelestis Magister tenuem illam, modicamque alimoniam pro subleuanda tam copiosæ multitudinis necessitate sibi adferri præcepit, eo facto nos instituere voluit, ut nunquam despondeamus animum, tametsi videamus fieri non posse, ut rem quampiam totam conficiamus, sed aliquid semper agere curemus, sic enim optimè, quantum fieri potest, agemus, & satisfaciemus. Nam ut nihil agamus, quia peragere totum non possumus, id quidem inimicus noster diligentissimè laborat, nostram tamen remissionem, & ignauiam non excusat.

Admodum congruit cum hac re, quod S. Ioannes Chrysostomus ait, cum de virtutibus varijs, & actionibus loquitur, in quibus sese exercitauerunt ij, quorum vel in sacris fastis, vel in alijs grauibz historijs, authenticisq; annalibus crebra fit mentio, inquit: *Tanquam ornamenta quadam proposuit Patrum certamina, & unusquisque nostrum ad quam voluerit certationem seipsum conformet.* Hæc ille Orat. in Ioseph, To. 5. velut dixisset: Constituit nobis ob oculos Dominus pugnas, & virtutes, & beneficia sacrorum Maiorum nostrorum, & quos vetus lex peperit, & quos noua edidit, ut ex his sibi quisq; sumat, quæ statui suo magis conueniunt, ac se magis decent. Illud in verbis S. Chrysostomi percommodum est rei præsentis, quod ait: *Tanquam ornamenta quadam, siue monilia proposuit nobis Dominus virtutes Sanctorum.* In officinis mercatorum, & abacis aurifabrorum sunt varia genera pannorum, sericorum, monilium. Ad illos ingrediuntur Rustici, & Patrij, Dominus, & subditus, Princeps, & qui ab illius officijs, nobilis, & pauper, omnesq; inueniunt, quod emant, & sibi accipiant, quia pro omnibus est aliquid, est linum, est lana, est sericum, est sagum, est toga, est vestis conchylata, est bombycina, est plebeia, famularis, squalida, obsoleta, est margaritum, est vitrum, est quod maximo, est quod minimo pare-

tur, & quisque sibi quod & facultas, & status exposcit, mercatur. Ad hunc ergo modum ait Chrysostomus, quod Dominus *tanquam ornamenta quadam proposuit Patrum certamina*, præstituit abacum, aperuit officinam, explicuit merces virtutum seruorum, & amicorum suorum, ut ex his imitandum sibi quisque deligat, quod per vires melius exequi possit. Hic est inuenire Apostolos, Martyres, Confessores, Doctores, Virgines, Viduas, Coniugatas, Pauperes, Opulentos, iniuriarum Condonatores, Ieiunatores, Penitentes, Solitarios, Eremitas, Cives, & unusquisque nostrum, ad quam voluerit certationem, seipsum conformet, ut ex hac diuite tabernæ hoc sibi quisque, quod magis adlubescit, accipiat, & cui non est ea facultas, ut inestimabile margaritum & radiantissimum adamantem virginitatis comparare possit, emat castitatis vitrum, & qui venerant à se abdicare voluptatem omnem nequit, coniugalem saltem castitatem obseruet, *melius est enim nubere, quam vri*, ut Paulus aiebat 1. Corinth. 7. 9. Qui non est tam ardente spiritu, & magno animo, ut possit transmittere ad Iapones, vbi pro Deo sanguinem vertat, sit ille suorum desideriorum tortor, sit martyr suo modo quo potest, plebsque per omnia pœnalit, quæ malè egit, fundat lachrymarum sanguinem, quo turpes maculas suas diluat, ac deleat. Cui tam imbecillæ vires, ut opibus, quibus affluit, se nudare nequeat, totum tamen animum ijs inordinatè non addicat, ne sint illi laqueus, quæ benè merendi occasio esse possunt. Si fortè totum facere Politicus noster non potest, ut non nihil tamen agat, curet. Aperta est taberna, patent officinæ fores, ut pro virium suarum modulo, quod sibi magis commodum, & conueniens, eligat. Non omnia omnes possunt, sed non propterea etiam pars operis prætermittenda, quod totum confici nequeat. Cui per tenuitatem suam non licet vestire purpuram, & aurum, & gemmas pretiosas, non illi proinde fas est omnem cultum negligere, omnemque vestimenti decentioris, congruentiorisque curam abijcere: *Tanquam ornamenta quadam proposuit Patrum certamina, & unusquisque nostrum, ad quam voluerit certationem, seipsum conformet.* Si nihil pro Deo pati velis, quod mortem pro illo martyr opetere non possis, manifestè falleris, & erras, qui neque castus esse vis, quod virginitatem conseruare integram nequeas. Si miserè luditur, qui pauperi, cui dare vestem nequit, etiam frustillum panis, quod potest, non ministrat. Nihilò indubitatiùs illi hallucinantur, qui nec vnam salutationem Angelicam recitant, quia totum ad precarios

precarios
An tu fortè
loferia. n.
quia deee
culum no
sicque ex
tum agere
ris tentan
test.

Idem at
Domini

summ
posse attri

Vod
Q myth
cramen
usque G
ronymi
Berchori
Glossa In
morabat
rum. Q
tum put
præfigu
ut diuine
cata exp
puteum
titudinen
ineuitu d
gio in i
peruast
dam inc
nem sine
gistroru
derint
hæc com
rogantiu
eulo pro
admodu
sic habet
onem aff
quam p
quod aff
Nam
verum
suisque
nascens

precarios calculos exsoluere Rosarium non possunt. An tu forte nudus mundum obis, quoddam vestire holoserica nequis? An ab omni prorsum cibo abstines, quia decem discos, aut lances exonerare in ventriculum non potes? Transfer hæc in rem præsentem, sicque exstimulaberis, vt vel aliquid facias, cum totum agere, & assequi nequis, nec enim à parte operis tentanda excusatur, qui totum perficere non potest.

Idem argumentum pertractat Tom. 2. Periocha III. Dominica I. post Pentecosten, pag. 89.

CAPVT III.

Summa est illius temeritas, qui summum statim posse attingere præsidit.

Quod puteus in sacris literis sit profundorum mysteriorum, & reconditorum diuinæ legis sacramentorum symbolum, id constans sententia vtriusque Glossæ, Interlinearis, & Ordinariæ, D. Hieronymi, Ioannis de sancto Geminiano, Origenis, Berchorij, Pagnini, Laureti, & Ricciardi habet. Glossa Interlinearis sic ait: *Habitabat iuxta puteum, morabatur in discutiendis profunditatibus scripturarum.* Quod ergo Isaac proximè illum tam celebratum puteum sedem fixit, eorum operam, & studium præfigurauit, qui plurimum laborant, & defudant, vt diuinorum mysteriorum obscura illustrent, intricata explicant, absconsa in lucem proferant. *Iuxta puteum habitabat*, non primo statim momento in altitudinem mysteriorum penetrauit, non totas primo intuitu difficultates peruidit, neque repente e vestigio in ipsa secretiorum dubitationum penetralia peruasit. Hæc re docemur, quomodo stulta quorundam inconsultorum temeritas infrænanda, qui in finem sine medijs peruenire volunt, & cathedras magistrorum ante inire, quam se in disciplinam traderint, & doctoribus erudiendos submiserint. Est hæc communis multorum ægrotudo, & familiare arrogantium malum, qui vix gradum in virtutis curriculum promouerunt, quando iam se consummatos, & admodum perfectos esse præbunt, cum tamen res sic habeat, quod nemo primo statim passu perfectionem assequatur, neque repente in fastigium quicquam perueniat, maximè cum præcessum est, in quod aspiratur.

Nam vt Quintilianus lib. 10. cap. 3. ait: *Nihil verum ipsa natura voluit magnum effici citò, prapostusque pulcherrimo cuiusque operis difficultatem, quam nascendi quoque hanc fecerit legem, ut maiora anima-*

lia diutius & visceribus parentum continerentur. Præclarissimas operas, & elegantissimas structuras pluribus difficultatibus voluit esse obnoxias, & maioribus cunctationibus prouida natura alligauit, quod in lumentis videre licet, quæ lucem communem eò tardius aspiciunt, quod vastiore sunt corporum mole. Discere hoc est ex Elephantis, de quibus Plinius, Pterius Valerianus, Elianus, Bartholomæus Anglicus aiunt, supra biennium aluo maternâ gestari. Tantam nempe derepente sibi promittere, aut arrogare magnitudinem, magnam vanitatem & immodicam temeritatem arguit.

Propheta Ezechiel cap. 8. v. 3. tale quidpiam de se narrat: *Similitudo manus apprehendit me in cinnamo capitis mei, & eleuauit me spiritus inter terram, & celum, & adduxit me in Ierusalem in visione Dei.* Nemo inficias ierit, hoc factum esse, quandam imaginem eius, quod animabus cum diuino spiritu accidit, donec in celestem Ierusalem perueniant, quæ omnium votorum, desideriorumque nostrorum finis est, & meta suprema. Sed notandum, quod & S. Hieronymus obseruauit, quod sacer Propheta ait, eleuatum se à spiritu inter celum, & terram, post hæc verò adductum in Ierusalem. D. Hieronymus sic habet: *Spiritus non eum statim ad celum leuat, sed inter terram & celum.* Sed cur tam parca, vt quidem videtur, fuit Domini manus, neque primo statim momento in supremum cœli fastigium euexit, quem eò promouere certum habebat? *Non enim statim ad celum leuat.* Sed quid causæ, quod paulatim, ac velut per gradus quosdam illum subduxit, sic vt primum à terra assurgeret, dein aërem calcaret, denique maiore virium contentione, & imitatore volatu in ipsa summi cacuminis celsitudinem ascenderet? Factum hoc, inquit Doctor maximus, vt institueremur, quem proficiendi, & discendi modum tenere in schola dominica debeamus, vt progressus noster, & studia nobis feliciter cadant: Nimirum pedetentim progrediendum, & per singulos ex ordine gradus sensim ad altiora conandum; nam velle ex humili terræ pauimento in supremum cœli apicem vno velut saltu penetrare, præsentia plurquam temeraria est, & insignis ex omni parte stultitia.

Psalmus 118. complectitur summam nostræ eruditionis, & profectus nostri spiritualis præcipua monita. Versibus 176. constat, cuius singulos osonarios David per singulas Hebræorum ex ordine digessit literas, à primo Alpha, vsque ad extremum Tau.

S. Ambrosius serm. 14. in Psal. 118. lit. *Nam quærit, quid causæ sit, quod hic Psalmus per prima alphabeti elementa ita est distributus, cum nulla penè sit in sacra Scriptura litera, quæ non singulare aliquod mysterium, & secretum monitum contineat.* Eam autem his verbis explanat dubitationem: *Ideo per literas Hebraorum Psalmum hunc intelligimus, esse digestum, ut homo noster tanquam paruulus, & ab infantia per literarum elementa formatus, quibus ætas puerilis assuevit, & quæ ad maturitatem virtutis excreseat.* Ut puer quispiam discat legere, primum ei alphabetum, siue tabella, quam abecedariam vocamus, datur, ut ab his rudibus principiis exorsus, demum artis consummata perfectionem consequatur. Per tam inculta incitia pulcherrimarum scientiarum decentissima ornamenta sibi parat. Tale quidpiam in virtutis schola euenit, inquit diuinus Mediolanensium Archipræsul: Nam ut in summum apicem peruenias, necessum est rudimenta huius diuinæ Philosophiæ primum terere, & à tam humilibus principiis ordiri, eamque ob causam Psalmus, in quo illa Philosophia traditur, per alphabeti literas singulariter, ac minuzim digeritur, ut omnis, qui diuinæ huic scholæ se tradunt, intelligant, velut pueros esse debere, & à paruo inchoare, ut ad magna perueniant, & à paruo inchoare, ut ad magna consequantur. *Ut homo noster tanquam paruulus, & ab infantia per literarum elementa formatus, & ad maturitatem virtutis excreseat.* Quenim ætatis masculæ vigore ante vult adipisci, quam infantilium annorum imbecillitatem tolerauit, ac transierit, aut ad fructus maturitatem prius peruenire cupit, quam floris teneritudinem expertus fuerit, nã ille plurimum & fallitur, & præcipitat.

Venit oconomus Abraham in Mesopotamiam, cumque propius abesset à ciuitate, in qua degebat Nachor, incidit in Rebecam Isaac nostri dulcem, & sanctam coniugem. Vidit eam Elizer (hoc Procuratori nomen) arbitratusque ab inditijs eam esse Sponsam, quam Deus parasset filio Domini sui, protulit, ut facer Textus loquitur Genes. 24. v. 22. *in aures aureas, appendentes fidos duos, & armillas rotundas.* Ferebat ille secum supellectilem ex argento, auro, monilibus copiosam, ac diuitem, atque ut aduentus suus feliciter illi caderet, & prospera haberet primordia, duas in aures, & armillas binas, utrasque aureas, pulcherrimæ virginis dedit, quarum illæ faciei venustatem, hæ manuum elegantiam addito splendore amplificarent, decentioremque, & auctiorem facerent. Post multa vitro, citroque aditata,

post matrimonij tabulas confectas, & pacta utrinque inira, *prolatas castis argenteis, & aureis, ac vestibus, dedit ea Rebecca pro munere* (sic ibid. v. 53.) explicatoque cimeliarchio suo non oculis tantum, sed & visibus, & arbitrio modestissimæ Rebecæ opulenterum thesaurorum suorum copiam exposuit.

In eorum, quæ hic gesta feruntur, consideratione positus beatissimus Pater S. Gregorius sic aiebat in Glossa Genes. 24. *Quæ prius in aures, & armillas acceperat, tam casta aurea, & argentea, & vestes acceperat.* Quæ sub initium leuioribus inauribus, armillarumque ornamentis donata, ea postmodum insignitioribus, ac pretiosioribus vasorum, & vestium muneribus cumulata fuit. Sed cur non primo statim congressu omnem ei supellectilem obtulit, cur non gazas totas, mox ut illam alloqui, & pro Sponsa Isaac agnoscere cepit?

Respondet sacer Doctor: *Quia quæ ante perferdem, & operationem percepit, excrecens ad spiritualia conualescit, ut prophetia spiritali, & virtutum gratia repleta amplius muneribus crescat.* Quodd animæ cupiam non omnes statim thesauri patefunt, & exponunt, quod non inter ipsa conversionis exordia omnes mox gratiæ dono offeruntur, id sit, ut intelligatur, neminem repente fieri summum, neque in primulo statim initio consuetudinis cum Deo prædiuites virtutum illius, & gratiarum thesauros totos offerri, sed necessum esse sursum conari, ac paulatim ad altiora ascendere, primum rudimenta pueritiæ ponenda, ut per ea perfectionem ætatis prouectiorum deinceps assequaris, & qui rectè aliquando imperare, aut docere velit, eum ante humiliter subesse, & diligenter literis operâ nauare debere.

Ita docet S. Gregorius Nyssenus Orat. 1. de pauperibus amandis, inquit: *Ecclesia duces initio documenta quadam, quæ sint instar elementorum, auditoribus proponunt, deinde gradatim ea, quæ perfectiora, magisque recondita sunt, patefaciunt.* Quæ magis obuia, & patentiora, & faciliora captu, ea primum rudibus discipulis tradunt, quotquot docendū munus in Ecclesia rectè, decenterque obeunt, ut ij, quos instituendos susceperunt, velut per gradus quosdam paulatim in cognitionem abstrusorum mysteriorum, & sacramentorum assurgant. Hic est bonus procedendi modus, quem si quis prætermiserit, & infima primum non presserit, ut ab ijs ad superiora anhelus adspiret, nihil fecerit, neque quod cupit, obtrinerit.

In eadem re versatur Tom. 2. Periocha II. Dom. VI. post Epiphaniam, pag. 462.

Non quis dicat, sed quid dicatur, attendendum, auditorum enim salus non in eo, qui loquitur, sed in eo, quod docetur, posita est.

Creſce, ac feliciter inſtituendis hominum actio- nibus attulit, ſententiã fuit, cum quiſquam alios do- cet, conſilioque, & ſcientiã imbuit, non perſonam, ſed doctrinam loquentis obſeruandam, animumque non ad illum, qui verba facit, ſed ad verba ipſa aduer- tendum: *Non quis dicat, ſed quid dicatur, attendendum eſt*; inquit ille. Salus enim, & profeſtus, perni- ties etiam auditorum non in magiſtro, ſed in eius in- ſtitutione, non in vita, & moribus Doctorum, ſed in monitijs eorum, & verborum ſententijs recte, aut ſe- cùs intellediſis poſita ſunt.

Abſcondit ſe Propheta Elias, Deo ita iubente, in torrente Carinth, ſic vt nullis hominum oculis ſe permittere poſſet, atque vt omnis præoccuparetur neceſſarij viſtus difficultas, occurrit ei Dominus, in- quiens, certa quædam iam deſtinãſſe animalia, quæ annonam illi, alimoniamque, quamcunque vitæ nu- tritatio requireret, miniſtraturæ eſſent: *Coruus præ- cepi, & paſcant te*; ait ſacrorum ſactorum Autor 4. Reg. 17. 4. Factum ita. Nam corui diuinæ iuſſioni accuratiſſimè obtemperantes *deſerebant ei panes, & carnes manẽ, ſimiliter panem, & carnes veſpere*; ibid. v. 6. Et abditus Propheta non dignatus tales pro- mos condos, citrà naueam, quin & auidè, hilariter- que de illorum manibus, roſtris dicere debui, ſume- bat, & comedebat, quæcunque illi adferebant.

S. Ioannes Chryſoſtomus homil. de Petro, & Elia Tom. 5. tale quid ſciſcitatur: *Quomodo Elias à coruo nutrebat?* *Coruus enim in lege impurum animal habetur.* *Quomodo ergo ab impuro coruo nutrebatur Propheta?* *Quomodo cibos acceptabat à volucri, quam ſic abominatæ fuerunt, exolaſamque habuerunt literæ ſacræ?*

At quid corui miniſtrabant Elia? *Deſerebant ei panem, & carnes.* Vnde verò? Ex opulentiſſimo, & affluentiffimo penu Achab regis, vt annotauit Abu- lentiſ, quod iudicio eſt, panem è mero polline fuiſſe, & carnes optimiſſimas, atque electiles. Elias ergo ſic apud ſe diſſerebat: Si panis eſt bonus, & caro pin- guis, ac laura, & alimonia nutritioni commoda, quid refert, quod allata fuit miniſterio auis, à qua lex abhorret? Hac in re namque non diſpenſatoris conditio, ſed cibi bonitas attendenda, neq; hoc con- ſiderandum, quod coruus eſt, qui miniſter venit, ſed

illud cogitandum, quod vitæ ſolpitandæ utilis eſca, quam adfert, nam ſi venenum etiam columba aspor- taret, non proinde mortiferum eſſe deſineret.

Tantundem in rem præſentem dicendum. Sanctus Gregorius homil. 12. in Euang. ait: *Verbum Dei ci- bus eſt anima.* Qui hunc cibum nobis miniſtrant, ſunt diſpenſatores Eccleſiæ; hoc enim nomine illos donant ſacræ literæ. Sancti Apoſtoli Petrus, & Pau- lus tali titulo eos honorant. Ac Petrus quidem pri- mæ ſuæ canonicæ cap. 4. v. 10. inquit: *Sicut boni di- ſpenſatores multiformis gratia Dei.* Paulus verò 1. Corinth. 4. 1. *Sic nos exiſtmet homo, & miniſtros Chriſti, & diſpenſatores myſteriorum Dei.* Quid ergo in hac cauſa attendere debemus, diſpenſatores e- ne, an cibum, quem nobis offerunt? Res in aperto eſt, id nos ſpectare debere, quod ſpectauit Elias. Vi- dere nimirum debemus, an panis, an conducibilis annona, quæ apponitur, nam tametiſ improbus ſit diſpenſator, nihil id bonitati alimonie officiit. Sit doctrina ſana, ſit Catholica exhortatio, ſit verum, quod dicitur, ſit utilis, & fructuoſa admonitio, & non erit quod curetur, qualis ille ſit, qui docet, vel inſtruit, ſolet enim Deus per malos diſpenſatores e- rogare cibos bonos.

Ingrediebatur cœlorum Paranympus ſacrum, ſecretumque cubile virginum, quotquot fuerunt, ſunt, eruntque intaminatiſſimæ, & reverentiſſimæ illam his verbis nunquam ante auditis conſalutabat: *Aue gratia plena, Dominus tecum, benediſta tu in mu- lieribus*; Lucæ 1. 28. Cum auდიſſet caſta Domicella exquisitam ſalutationem, & verba, quæ tam non co- gitarat aliquando, quàm pro ſubmiſſione profundæ humilitatis non intelligebat, *turbata eſt in ſermone eius, & cogitabat, qualis eſſet iſta ſalutatio*, ibid. v. 29. ibatque illius in diuerſa animus, incertus, quid ſibi veller iſta cœleſtis nuntij tam blanda, inuicitaque appellatio.

Eusebius Emiſſ. ſuper Miſſis eſt ait: *Turbata eſt non in vultu, ſed in ſermone eius.* Tametiſ plurimam, eamque amabilem lucem, vt videtur, per oculos, perque faciem, & corpus totum verteret Angelus, tamque magnifico ſplendoris ornamento excultus eſſet, quàm decebat eum, qui ſummi Dei orator ad- tam diuinam Dominam veniebat, nihil tamen tur- bationis maietas Angelici vultus animo puriſſimæ, & tenerriimæ Virginis inculſit. Quamobrem verò inconcuſſo ſtetit animo, ad aſpectum pulcherrimi iuuenis, & ex ſolo illius nuntio audito commoueri cœpit?

Respondet Eusebius: *Non enim Angelum, ſed Sep- bium.*

bum Angeli attendit, non statum Legati considera-
bat, sed mandatorum, quæ perferebat, momenta, ra-
tionesque attentissimis cogitationibus apud se pru-
dens, & sapientissima Domina pensculabat: Ta-
met si enim faciei venustas securitatem illi adferre
videbatur, salutationis tamen nouitas suspensam te-
nebat. Nam ut non, quis loquatur, sed quid loqua-
tur, cogitandum, ut non ille, qui docet, sed id, quod
docet, considerandum, ut non magister, sed eius do-
ctrina attendenda: Ità cum hæc non est, aut non vi-
detur secuta, nihil refert, quod ille integerrimi spe-
ciem præferat; idcirco consultissima Regina *rurba-
ta est in sermone, non in cultu, non enim Angelum, sed
Verbum Angeli attendit*. Nam quod maximè expen-
dendum, non illud est, utrum Angelus sit, qui docet,
sed an doctrina, quam tradit, sit Angelica, nec tam
diligenter discutienda eius vita, quam institutio, &
monita, hæc enim sunt, quæ nutriendis animabus
congruunt, in his earum vel theriaca est, vel toxi-
cum, in his mors, aut vita spiritus. Quod namque
medicina efficax est, ac salutaris, id non à vase habet,
cuius vires semper eadem, siue aureum sit, quo pro-
pinatur, siue testaceum, aut vitreum vas, è quo hau-
ritur.

Conuenit cum his dictis quædam Tertulliani ob-
seruatio. De Christo sacri Euangelistæ ferunt, illum
aliquoties incendisse nauem, atque ut maria, vel
stagna trajiceret, lembo sæpe usum, tum vestisse ad
morem hominum aliorum. Vtriusque rei obuia pas-
sim habemus testimonia. Nam dormiisse in naui,
transmisisse mare Tiberiadis, ligno in patriam ve-
ctum, è nauicula Petri fecisse cathedrā, ex qua docu-
erit, alij, atque alij narrant. Vestitus illius satis me-
minit sacra historia passionis, quæ hoc habet, quod
exutus tunica fuerit, quod vestes illius diuise, quod
fortes missæ à militibus, quis integram sibi tunicam
illius inconfutilem haberet.

Dicit nunc Tertullianus lib. de corona milit. c. 8.
*Minerva molita est nauem, video nauigantem Ionam,
& Apostolos, plus est quod & Christus vestitur*. Mi-
nerua naues reperisse, ac texturam ad conficiendas
vestes inuenisse dicitur. Ut ergo sciatur, & aduertatur,
inventionem, cum est bona, & utilis, & necessa-
ria, non deæstimari, aut de pretio cadere propter
autorem debere, Redemptor mundi & nāui vitur,
quā ab vna regione ad aliam transmittat, & inuentio-
ne creaturæ Creator, quando non secus ac homines
alij vestes induit.

At si mulier quædam fuit, quæ nauigandi, te-
xendique artem excogitauit, cur viri vtantur nau-

bus, & vestes sibi adhibeant: Et hunc Deus ipse mō-
rem probauit, quem scimus & nauigasse, & vestitu
usum fuisse! *Minerva molita est nauem*. Et quod
mulier reperit, hoc viri sequantur! *Plus est, quod &
Christus vestitur*! Factum bene. Nec ob aliud, quā
ut illo doceremur, non autorem, sed inuentum at-
tendendum. Si inuentum utile, necessarium, lici-
tum, honestum, quæstuosum fuerit, esto inuentor
qualiscunque, esto mulier, esto vir, esto bonus, esto
malus, dignus tamen est, quem sequamur, cuius in-
uenta ad vsus nostros transferamus. Quot instituti-
ones à brutis animantibus accepimus? Quā multa,
ac varia ab eis didicimus? Quis enim docuit pu-
tare vites, nisi iumentum? Quis minuere sangui-
nem, nisi equus marinus? Quis purgare aluum,
nisi Egypti ciconia, ut refert Polidorus Virgil. lib. 1.
cap. 21. de inuent. rerum? Ergo non attendendus
autor, non magister, non doctor, sed doctrina illius,
& institutio animaduertenda, quandoquidem nos,
qui gloriæ ducimus, quod ratione valemus, non eru-
bescimus, in quibusdam rebus esse discipuli bruta-
rum pecudum, ipseque adeo Saluator, & Creator
vsus fuit inuentione, & arte cuiusdam creaturæ, &
quidem mulieris, ut nos moneret, dum doctrina
modò sit bona, parum referre, si fortè doctor sit im-
probus, quanquā res bona sit, & sancta, si doctor
sit bonus, & sanctus, & ad persuadendum efficacius,
plurimum conferat illius integritas. Verum vitiosa,
& flagitiosa doctoris vita dissimulari potest, doctrina
corrupta tolerari non debet. Modò lac sit bonum,
& salubre, nihil ad rem facit, quod nutrit est defor-
mis. Sit doctrina sana, & Catholica, tum verò ma-
gister qualis qualis, plus nobis confert illius doctri-
na, quā vita, quoniam nostra vita est illius institu-
tio.

Alterum filiorum Patriarchæ nostri fuisse venato-
rem, hominem agrestem, & efferatum (Esau is dice-
batur) & indole ad malum propensa, mox videbi-
mus. Et quanquā res ita haberet, Isaac nihilomi-
nùs, ut memorat sacer Scriptor, *amabat Esau*; Gen.
25. 28. Et quamobrem diligebat? *Eò quod de Venat-
ionibus illius vesceretur*. At cum ille tam insignitè
flagitiosus esset, & abominabilis, decuirne talis ho-
minis manibus curatum, allatumque cibum sume-
re?

Guilielmus Ebroicensis in c. 25. Genes. ait: *Ve-
nenatio erat bona, etsi non bonus Venator*. Ob venan-
di operam charus erat Isaac Esau, pro tali officio
illum diligebat. Quando ergo comedebat Isaac,
non curabat venatorem, sed ex venatione allatam
ferinam:

ferinam: Quando ea erat bona, & saporata, & re-
ctè apparata, quid referebat, quòd venator esset bar-
barus, ferox, denique etiam flagitium hominis? *Ven-
natio erat bona, etsi non bonus Venator.*

Tantundem dico nostro Politico, vt cùm bonum
aliquid consilium ei suggeritur, cùm salubri horta-
tu ad studia bona excitatur, non personam attendat
consultoris, aut monitoris, sed id quod docemur,
siue monemur, consideret, non magistrum spectet,
sed ad illius doctrinam animum studiosè aduertat.
Cùm sacros fortè sermones auscultas, pensa, & ru-
mina quæ dicuntur, hæc nimirum è re tua sunt, tibi-
que conducunt, vitam autem, & actiones Ecclesiastæ
relinque, hæc enim proposito tuo, quocum auditu-
rus venisti, parùm seruiunt. Sit medicina salubris,
tum Medicus viuat, vt volet. Auditor enim non vi-
tæ sui magistri, sed doctrinæ, quam tradit, daturus
est rationes. Sit bonus, & optimus venatus, & actio-
num venatoris nulla nos cura tangat.

Cùm Tobias iunior se compararet ad iter, quod
ferebat in Rages ciuitatem Medorum, iussit illum
pater Senecio pergere, & inquirere aliquem virum,
qui comes per viam illi esset, & salutem mercede serui-
ret. Egressus filius, vt patris mandata expleret, inue-
nit iuuenem splendidum, stantem præcinctum, & quasi
paratum ad ambulandum. Tob. 5. Erat hic S. Ra-
phael Angelus viatorem hominem indutus. Arri-
puit occasionem Tobias, interrogatumque socium,
qui se offerebat, de his, quæ per viam ab illo expe-
ctare poterat, ad patrem suum lætus, gaudensque
adduxit. Tobias senior, cùm illum denuò de his,
quæ ad propositum iter spectabant, percunctatus
fuisset, audissetque Angelum ad omnia sese adoffe-
rentem, & plura, quàm rogaretur, promittentem,
aiebat: *Rogo te, indica mihi, de qua domo, aut de qua
tribus es tu?* ibid. v. 16. multam enim voluptatem
mihi attuleris, si genus tuum, patriam, parentes a-
perueris. Respondit Angelus: *Genus quæris merce-
narij, an ipsum mercenarium, qui cum filio tuo eat?*
ibid. v. 17.

Prudens sanè, & dignum cælorum Palatino re-
sponsum! Quid enim domui, tribui, generi, paren-
tibus, & officio, ad quod Raphael expectebatur? Co-
मितem consilium, circumspæctum, expertum, non
sanguinem, prosapiam, tribum causa tunc illa postu-
labat. Quid profuisset, si è nobilissima tribu, atque
illustrissimo stémate oriundus Raphael, si officio, ad
quod deposcebatur, ineptus fuisset? At si per virium
facultatem ab omni periculo tutari, aut eximere

Tom. III.

Tobiam minorem potuisset, quid obesse tribus il-
lius, tamen si infimarum extrema, potuisset?

Ita quoties audimus sermonem pium, correptionem,
doctrinam, non attendamus genus, vitam, mo-
res illius, qui monet, obiurgat, docet, sed admoniti-
onem ipsam, & doctrinam, quæ traditur. Hæc no-
bis utilis, non illa profunt. Sit lux clara, & candela-
brum quaecunque. Doctrina inquirenda, non mo-
rum conditio, institutio, non prosapia, eruditio, ex
qua benè viuamus, non vita, quam ille viuat, qui
nos viuere rectè hortatur.

In illa tam peruulgata seminis parabola ait supe-
rus Magister, exiisse quendam agricolam, vt semina-
ret semen suum, quod cùm faceret, tres seminis par-
tes interijisse, vnâ de quatuor solam fructificasse.
Pars enim vna iuxta viam lapsa, vel à viatoribus pro-
trita, vel ab auibus comesta fuit. Incidit alia in pe-
tras, simulque & nasci, & sicari cœpit. Aliam inter
spinas siue propria infelicitas, siue incauta agricolæ
manus coniecit, à quibus cùm extincta essent grana,
exurgere in stipulas, & proficere in spicas nequie-
runt. Postrema in terram bonam, probè executam,
& fertilem incidit, fructumque & plurimum, & opti-
mum attulit. Rogabant Magistrum discipuli, vt hoc
eis tam obscurum ænigma explicatum daret. Cessit
illorum precibus sacer Doctor, & ait: *Semen est
Verbum Dei, qui autem secus viam, hi sunt, qui audi-
unt, deinde venit Diabolus, & tollit Verbum de cor-
de eorum;* ibid. v. 12. ne radices agat, & producat
fructum salutis æternæ. Quod supra petram cecidit,
hi sunt, qui cùm audierint, cùm audito suscipiunt Ver-
bum diuinum, at cùm radices non habeant, quæ sat
sint, ad tempus credunt, & in tempore tentationis,
ceu ignaui, recedunt, & deficiunt. ibid. v. 13. Quod
autem in spinas cecidit, hi sunt, qui audierunt, & à
solicitudinibus, & diuitijs, & voluptatibus vitæ, e-
untes, suffocantur, & non referunt fructum expecta-
tum. ibid. v. 14. Quod autem semen in bonam terram
cecidit, hi sunt, qui verbi diuini expetiturum, deside-
ratumque fructum cumulatè producunt.

Obseruauit hoc in loco Haymo Halberstadius
(quod alibi etiam à nobis subnotatum) quòd sacer
Magister exposuit quid sit semen, quid via, quid petra,
quid spina, quid terra bona, & vix quidquam reliquit,
in quo nostra desudaret inquirendi sollicitudo, & in-
dulgria, tamen quid esset seminator, non exposuit, vt
illud reliquisse obscurum videatur, quod ad ipsam
maximè substantiam parabolæ pertinet, & auditor
non prorsum incuriosus inprimis scire tunc volue-
rit, atque etiamnum velit. Aperuit supremus Do-
ctor

Ff

et pericula, quibus expositum esset semen, vt defugerentur, ostendit difficultates, vt cautè declinarentur, admonuit de iactura, vt caueretur omne idamnum, & incommodum, deniq; bonæ terræ qualitatē indicauit, vt iustam maturitatem verbum diuinum assequeretur, *tamen quis esset seminator, non exposuit.*

Quid causæ sit, quòd tam attentos esse voluit auditores ad circumstantias doctrinæ in semine adumbratæ, qui Doctoris qualitates, seu conditiones non curasse admodum videtur? Cur has dissimulauit, illasque tam studiosè, & enucleatè explicauit?

Factum haud dubium, vt intelligeremus, in doctrinam, in verba prædicationis, in monita sacra nostram ferri præcipuè debere attentionem, non in Ecclesiasten, qui nobis loquitur. Perinde ac in agricola, qui seminat, fieri debet. Si bonum est semen, quod effundit, si terra fecunda, si cætera accommodata fini proposito, & ille probi agricolæ regulas rectè obseruat, parum refert quòd sit vel diues, vel pauper, rusticus, siue nobilis. Sic quanquàm Ecclesiastes, & doctor sint mali, dum bona sit illorum doctrina, sana institutio, & auditor illi suscipiendæ sese, vt decet, aptet, non propterea fiet, quòd minus vel doctrina suum effectum fortiatur, vel optatum fructum auditor consequatur.

Cùm Iethro videret molestias, quas Moyse genero suo adferebat tam numerosæ plebis procuratio, quam gubernandam susceperat, miseratus onerosam provinciam, quâ intolerabiliter prægrauabatur, consulit illi, vt tam grauis præfecturæ partem in alios exoneraret, sociosque operosi laboris adhiberet viros quosdam potentes, & timentes Deum, in quibus esset veritas, & qui odissent auaritiam, sic enim & illi leuius futurum partitum in alios onus, & populi negotijs ex voto illorum satisfieri commodius posse. Erat Iethro homo ethnicus, & nihilominus Moyse, quod sacer Textus memorat Exod. 18. 24. *fecit omnia, quæ ille suggererat.*

In quæ Origenes: *Audit vocem eum, & facit omnia, quæ dixit, & non quis dicat, sed quid dicat, auferat.* Hortatum soceri Moyse attentus accepit, cùmque eum salutarem vidit, dicto obediit, omniaque ex illius præscripto egit, & non in eum, qui bene monebat, oculos, sed in ipsa bona monita animum vertebat. Quoties enim doctrina est bona, & salutaris, amplectendum, sequendumque est consilium, non pensandus auctor.

Exemplum huius doctrinæ habemus in eo, quod sacer textus ait: *Et habebat Isaac iuxta puteum nomine Videntis, & Videntis.*

Abulensis inquit: *Iste puteus est nominatus sic ab Agar.* Quòd gentilis, barbara Agar, vile mancipium, & ancilla diuinorum mysteriorum parum gnara nomen putei supra cap. 16. primùm indidit, hoc ille perpetuò conseruauit.

Sed cur eam appellationem semper retinuit, quam vilis famula, & barbara Ægyptia illi imposuit? Quia id nominis aptissimè congruit summo Numini, quod agnoscimus, quadratque naturæ, & maiestati Dei, quem adoramus. Ille enim æternum viuit, & perspicaci illius visui nihil est obscurum, nihil absconditum, nec secretum quodpiam est, quod oculi eius lyncei non examinent, ac peruideant, nec absconditus aliqua, in quam alta illius scientia non penetret. Postea autem, verissimam veritatem esse, quòd Deus omnia videat, qui totus est oculus, & mera vita, quid refert, quòd ea veritas ab ore seruilis mulierculæ profecta fuerit, quòdque ab ancilla barbara ea doctrina accipitur, non enim quis dicat, sed quid dicatur, attendendum, salus enim, felicitasque auditorum non tam in probitate doctoris, quam in veritate doctrinæ, non tam in conditione, & moribus magistri, quam in vtilitate eorum, quæ suadet, est posita.

CAPVT V.

Homines eam non dandi excusationem præterdere solent, quòd semel dederunt, Deus suis beneficijs, quæ erogauit, ad plura danda incitatur.

DElegit Patriarcha noster Isaac sibi domicilium proximè illum tam celebratum puteum, & locum, vbi Dominus suam erga fugitiuam ancillam perliberaliter exeruerat munificentiam. Dicit hic Oleaster: *Multam gratiam confert, si eum ad inueniendum locum deligas, ubi noueris Dei præsentiam peculiariter adesse.* Ad excolendum spiritum, ad animæ profectum, ac virtutum incrementa procuranda plurimum confert, ibi habitationem instituire, vbi noueris copiosioribus donis consecratum, frequentioreque munificentia illustratum locum. Sed cur illum ex omnibus potissimum deligamus locum, quem sciamus peculiari, & effusiore Dei beneficentia ditatum? Videtur namque non esse rogandum Deum, vt ibi largitatem suam denuò prodar, vbi liberalitatis suæ ostentationem luculentiorē semel fecisse accepimus. Rectè, ac merito illud videretur, si manus, quæ gratiarum, ac fauorum munera erogaturæ, humanæ, siue hominum essent: Homo enim cùm semel quidpiam dedit, sic ferè exhauritur, & exinanitur, vt propter tenuitatem suam bene facere.

nefacere deinceps nequeat: Verum immensus Dominus, quem adoramus, magnificus benefactor, quem agnoscimus, plurimum aliter habet, & contra facit, nam ob hoc ipsum, quod manum semel ad beneficiendum extendit, & pectus generosae prolixitati aperuit, ad vltiorem, amplioemque liberalitatis exercitationem à natua sua conditione incitatur, vrgetur, impellitur. Itaque & locis, vbi munificentiae suae specimina iam dedit, singulari incitamento illi est ad nouam misericordiae ostentationem faciendam. Non sic miser, & aridus homo, qui si vnum forte beneficiorum erogauit, hoc illi pro gladio fuisse videtur, quo sibi manus praescuerit, vt deinceps illis ad erogandum vti non possit.

Haec in rem ita olim dicebat Sanctus Ioannes Chrysostomus in Psal. 43. *Multis, qui donant, hoc praecipunt, ne id aliis dicant, ne in unum facta gratia, ei, qui dedit, multos pettores excitet.* O quam pulchra sunt haec postrema verba: *Multos pettores excitet!* quae hoc significare videntur, quod homo, vt est restrictus, & perparcus, cum semel dedit, in profundissimum somnum omnes mendicos conijcere, & iniungere altissimam obliuionem omnibus egenis vellet, vt nulla vnquam ad animos eorum petendi memoria subiret, & quidvis aliud potius, quam rogare recordarentur.

Quam longe diuersa est nobilis, & permunica generosissimi Domini nostri indoles, qui de suis beneficijs stimulos facit nouae, & amplioris liberalitatis excitatores, & multos pettores excitat! Cum peccatus erogandis beneficijs semel aperuit, mox ore, velut dato signo, ad ea excipienda miseros conuocat, sic vt illius munificentia cum aliorum egestate, & cum necessitate promptitudo iuuandi, & leuandi velut certet.

Superam hanc Philosophiam, & magnificam Dei indolem, ac prolixitatem nouerat Propheta regius, quando volens illum obligare, vt solita erga se misericordia vteretur, sic aiebat: *Clamabo ad Deum altissimum;* Psal. 56. 3. magnis vocibus dulcem Dominum, & pium Patrem meum appellabo, ac rogabo, vt cum hostibus confligenti suppetias, interq; angustias posito opem ferat. At videamus, Propheta sancte, quid illud habes, ex quo tibi certam precum efficacitatem, & gratiam, pro qua obsecras, indubitatò obuenturam promittas? *Ad Deum, qui benefecit mihi,* inquit, clamabo, velut dixisset: Vt nullus dubitem, quin de manibus Dei accipiam gratiae beneficium, quod suspiro, illud facit, quod infinita illius clementia me cumulare donis cepit, be-

nefecit mihi, ac propterea spero, quod beneficentiae insisteret, largitatemque suam erga me porrò vltra exerere perget. Est enim illius vna liberalitas mater alterius, & gratia prior pignus posterioris. Itam horum Dauidicorum verborum sententiam paucis verbis expressit Lyranus: *Benefecit mihi de praterito, & sic spero, quod faciet de futuro;* non enim Deus hominum similis est, qui ex eo, quod semel dederunt, velut prohibentur amplius dare.

Expeditus à seruitute populus Hebraeorum grauem inculta in eremo situm patiebatur, pro quorum depellenda necessitate communem libertatis vindicem dux Moyses interpellabat. Permotus ad misericordiam precibus Moysis Dominus, iussit adsciscere comites seniores populi, & sumere virgam, illam prodigiorum operatricem, tum adire petram, & percutere, atque in vicem ignis, quem velut impatiens verberum factum eiaculari solet, magnam aquarum abundantiam ab ea expectare: *Virgam, quia percussisti fluminem, tolle in manu tua, & vade;* Exod. 17. 5.

Quarunt hic multi, cur Deus hoc loco mentionem faciat singularis illius in flumine Aegypti patraci miraculi, cum aquas eius in sanguinem veruit. Videtur enim non satis opportuna venire praesenti rei talis commemoratio. Quid enim consequentiae habebat, vt ea ad prolificandam siticulosi tum hominibus, tum brutis animalibus ex petra frigidam virgā vteretur, quae paulò ante ad transmutandas in sanguinem fluminis aquas adhibita fuerat?

Sanctus Ioannes Chrysostomus aiet, fuisse hoc ad mirabile artificium, quod Deus adducere Moysen voluerit, vt expriore illius beneficentia, & perliberalis conditionis eius solenni more pollicitationi noui miraculi facilem fidem commodaret. Virgā in gratiam populi Hebraici fecit illud in flumine prodigium. Virgā ergo illud in petra miraculum alterum perficiatur, vt ex beneficio priore certitudo posterioris intelligatur, & nuperam beneuolentiam experti, nouam sibi indubitatò promittant. Pientissimus nempe hic Dominus vno beneficio inuitatur ad aliud, & cum vnus memoria illi refricatur, ad nouum conferendum excitatur: *si Des beneficii commemorabimus, ad maiorem eum beneuolentiam excitabimus,* inquit, Chrysostomus homil. 2. c. 1. 2. ad Corinth.

In Psalmo nonagesimo Propheta regius has adornaui preces, quibus apud Deum iustus, vt ait, vctur: *suscceptor meus es tu, & refugium meum, Deus meus, sperabo in eum, quoniam ipse liberauit me de laqueo*

laqueo venantium, & à verbo aspero. Psal. 90. v. 2. & 3. Hæc est confessio humilis iusti, qui debita cum submissione, & gratitudine agnoscit, prædicatque beneficia, quæ de prolixis Domini manibus accepit.

At videamus, quas vices dulci commemorationi factorum & nuperorum donorum suorum pius Pater rependat: *scapulis suis*, inquit, *obumbrabit tibi, & sub pennis eius sperabis* ibi. v. 4. Vices ergo, quæ iusto gratam memoriam beneficiorum dominicorū agent redduntur, ex sunt, quod pluribus beneficijs cumulat, & amplioribus donis augetur. At iustus Domino: *susceptor meus es tu, & refugium meum*; commemorans bonum, quod ab eo habuit. Respondet Dominus per suum spiritum: Non solum asylum erit iusto (parum enim hoc est per liberalibus ipsius manibus) sed incitatore pietate, & abundantiore beneficentiâ etiam *scapulis suis obumbrabit tibi, & sub pennis eius sperabis*, tanquam tennellum pullum paterno gremio excipiet, pietatisq; alis inumbrabit, & confouebit, & ad omnibus aduersis tutabitur.

Fuit hæc sanctissimi Bernardi obseruatio, qui ser. 4. in Psal. 90. ista habet: *Consistenti humiliter, & deuotè gratias referenti non immeritò ampliora beneficia promittuntur. Itaq; respondit spiritus: Non id solum faciet, sed & scapulis suis obumbrabit tibi.* Si Dei beneficia priora fores oppellularent posterioribus, pectusque illius permagnificum mox stagnaret, cum semel effundi cepit, pro modum vt tenues homuli solent, non suo generoso more augustissimus hic Imperator, & supremus Conditor ageret. Huc huc aptissime cadit tanquam verissima, & debicissima laus, quod per impudentissimam assentationem impio suo, & atheo Iuliano turpis palpo Martinius in Panegyri. dixit: *Ecquis Deus vno in anno multiplices fructus agro vno dedit? Num quisquā in eadem nouas, æstate vna, amplius quàm semel messuit? Num cui vno autumno, vnoq; vno vno vno vno triplex fuit? Vnecerte vno est hyemis oluitas. Sed in nostri Principis beneficijs miraculo carer multiplicata fecunditas. Deum cum agri aspidantato fructuum in maciem decoquantur, Imperatoris nostri posterior liberalitas vinct priorum, nec sit effata gignendo, sed per vices fructuum fecundatur.* In nostrum Principem hæc suis ponderibus cadunt, quæ ille in Iulianum nefandissimum mendacissimum adulator confinxit. Nam quæ in agro, autumno, hyeme, oliueto miraculum foret, ea Deo vtilissima est, & miraculocaret multiplicata fecunditas, immò verò inau-

ditum, inuisumque prodigium esset, si non in illo ea videretur vbertas, quam ibi sine prodigio videre non licet. Fertilissimum agrum sua consumit liberalitas, & debilitat prolixitas: Verum diuinus Princeps noster ad munificentiam suâ largitate accenditur, vt priorem posterior velut ex æmulatione superet, & vnde ager marcescit, inde ille augetur, & benefaciendo benefaciendi vires maiores comparat, & posterior liberalitas vincit priorem, cumque vnum beneficium contulit, sudabundus anhelat, aut anhelus sudat aliud, quod enim semel dat, inditio est dare amplius velle.

Digna notatu est animositas, confidentia, & familiaritas, quacum secundus populi Hebraici Imperator mandabat soli sistere gradum, & igneos, pernicesq; caballos suos adductis habenis à cursu prohibere. *Sol contra Gabaon ne moueatur, & Luna contra vallem Aialon, Aiebat Iosue 10. 12.* Ad felicem euentum belli, quo hostes nominis Domini perurgebat solis à cursu quies, itaque magno vocis imperio iubet figere pedem, quod lux illius ad triumphū facilius parandum faceret.

Quæro hic, quid mouere Iosue potuerit, vt solis, ac Lunæ à suo cursu conquiescendum nunquam visum prodigium expectare, immò & expetere auderet?

Videte quid paulò ante sacra historia memoret, inquit Nicolaus Lyranus, atque inde accipietis, quid eos ausus Iosue fecerit, vt tam confidenter soli dux sanctus imperaret. Narrat illius libri scriptor, quod Dominus, cum pagani idololatrarum filios Israël fugerent, *misse super eos lapides magnos de celo*, ibid. v. 11. velut explosis illis coelorum tormentis bellicis hostes populi sui sternere voluerit.

Dicit nunc Lyranus: *Videns primum signum à Deo datum de celo aëreo, ex hoc confidens petiit signum de celo sidero.* Descenderant lapides ex procellosi aëris caliginosa regione proiecti. Vt hoc coniunctum cum miraculo beneficium sibi exhibitum Iosue vidit, statim maiora de optimo Deo sperare, & fauorem è superiore loco ampliores expectare cepit, ac propterea soli præcepit, vt subsisteret, ac Lunæ, cursum suum ne prosequeretur. Nouerat scilicet immensam liberalitatem Dei, sciebatque eum ab vno beneficio, quod dat, velut prouocari ad dandum aliud maius: *Posterior liberalitas vincit priorem.*

Secundum Orbis Instauratorem filius quidam illius Cham insolente impietate grauiter offenderat, vt è contrà duo alij nati Sem, & Iapheth suâ obseruantia

uantia plu
go prius
natus, exe
niabilem p
tum Sem
dicitur Do

Nonne
dicere filio
munerari
bent, plur
ret? At bo
um, inquit
illi procur
Deum mag
Respon
nedit illu
borum, si
cia depop
& agunt
illo soler b
toiem ipse
Deum, Di
cit, benefi
fecta fuer
memoran
tulit, fã
ciendi ill
venâ grat
imperia
matoru be

Quis ta
Qui accip
habetque
rimum ce
dandi, &
& secutu
amet tam
peret, no
berali, &

Negli
inde nã
quam m
Vt
R Aug
domicill
tabat su
lus sic ha
stium ferri

uantia plurimum sibi demeruerant. Postquam ergo prioris improbum, atq; impudens factum abominatus, execrabilibus maledictis confixisset, quo veniabilem patris nuditatem in publicum extulerat, tum Sem hac benedictione profectus fuit: *Benedictus Dominus Deus Sem;* Genes. 9. 26.

Nonne his verbis sanctus Patriarcha Noë benedicere filio suo voluit, vt Deus, ad quem spectat remunerari honorem, quem parentibus liberi exhibent, plurimis illum donis, ac beneficijs cumlaret? At hoc forte quis dixerit, non est benedicere Deum, inquit Chrysostomus hom. 39. in Genes. non illi procurare gratiam, non exposcere beneficia, sed Deum magnificare, & extollere.

Respondet tamen sacer Pontifex: Immo valde benedixit illum, nec satis affectus es mysterium verborum, si existimas non ampliora illi à Deo beneficia depoposcisse: Quando enim Deus benedicitur, & aguntur illi gratia ab hominibus, tunc & prior ab illo solet benedictio dari, itaq; benedicens Deum, debitorem ipsum facit maioris benedictionis. Vocauit Noë Deum, Deum Sem, quod cum Sanctus Patriarcha fecit, beneficia, quæ ab illo in obedientem filium profecta fuerant, confessus, valde illum benedixit: Commemorare enim apud Deum gratias, quas ille contulerit, sagax industria est, & solers ratio cum deuicendi illum, tum permouendi, vt abundantiore venâ gratias fundat, & plura, maioraque beneficia impetiat: *Benedicens Deum Debitorem ipsum facit maioris benedictionis.*

Quis talem contrahendi debita modum audiuit? Qui accipit, is fit debitor, qui dat, ille creditor est, habetque obnoxios eos, quibus dedit. In Deo plurimum contra accidit, ille enim dando fit debitor dandi, & dona illius priora sunt pignora posteriorum, & securæ liberalitatis. Quis ergo non colat, non amet tam prolixum Dominum? Quis non obtemperet, non placere, atque gratificari studeat tam liberali, & munifico patri?

CAPVT VI.

Negligentia nostra, & incuria, lapsusq; omnis inde nascitur, quod non satis profunde scrutamur, quam multum officij nostri ratio à nobis requirat.

Utrum hic nobis necessaria sunt verba Glossæ Angelicæ, quibus de sancti Patriarchæ nostri domicilio disserit. De illo ait sacer scriptor: *Habitabat iuxta puteum;* in quæ Glossæ commentariolus sic habet: *Morabatur in discutiendis profundis a-*

tur in discutiendis, perscrutandisque abstrusioribus diuinarum literarum mysterijs. Hinc sua sancto Patriarchæ nascebantur lucra, hinc ille sua sibi accumulabat profectus augmenta. Et reuerà si Politi-
cus noster in virtutis itinere proficere, si magnos facere progressus cupit, necessum est faciat, quod Patriarcha noster egit, sic vt attentè cogitet, studiosè meditetur, & vigilanter perscrutetur quæcunque legerit, audierit, sciuerit, tum his omnibus diu, assidueque immoretur.

Ieremias Propheta namque orbi fatalem stragem, calamitosamque ruinam inde potissimum illatam affirmat, quod officij sui obligationes obiter tantum, ac perfunditorie aspexit, leuibusque passibus momenta suorum debitorum pertransijt: *Desolatione desolata est omnis terra, quia nullus est, qui recogitet corde;* ait ille c. 12. v. 11. Vnum hoc totam in rudera detraxit terram, quod non fuerit, qui fixis cogitationibus pensaret, quam multis, & magnis modis Deo seruire obligati omnes essent.

Notandum in his, quanto cum mysterio Propheeta terræ appellatione donet hominem, qui non reddit fructum, quem debet Domino, cui tam magnū in modum est obnoxius. Quænam præcipua causa sit, quod terra non satis fructificat, neque respondet expectationi eius, qui tritici semina illi credidit? Ea, quod nec aratro, quantum par, subijcitur, nec vomere satis prosciunditur, ac perstringitur, vt exurgere in culmos grana, atque in spicas explicare sese possint. Nam vt benè dicendi magister Hispanus Quintilianus lib. 10. c. 3. ait, *terra altè effossa gerandis, alendisq; seminibus fecundior est.* Quæ verò leuiter solum, & secundum superficiem tantum tenuiter rumpitur, raditurque magis, quam sulcatur, ea seminis iacturam facit, & dominum suum suo labore defraudat, sudoremq; illius plerumque lædit, & lassitudinem frustratur. Ad hunc modum vitio hominum fit, inquit Ieremias, quod terra vastetur, *quia nullus est, qui recogitet corde,* aratrum meditationis non penetrat terram pectoris, obligationum suarum momenta nemo satis expendit, nec quisquæ est, qui animum, vt debet, aduertat ad statum, cui se consecrauit. Quid enim non à se obtineret homo, si altius seipsum scrutaretur?

Anxia circumibat sponsa, dilectum suum multa cum sollicitudine inquirens, quem cum post molestæ indagationis graues labores reperisset, exultans pro felicitate aiebat: *Inueni quem diligit anima mea,* Cant. 3. 4. ceter fortuna mea cum omni alia felicitate, postquam in centrum meorum votorum, illum, inquam,

inquam, incidi, per quem cum angustum pectus meum respirare, & omnis ab animo abstergi mæsticudo possit, est etiam oculorum mihi lumen, & omnis nubili serenitudo: *Tenuis eum, nec dimisit eam*; & postquam tam magnum bonum mihi occurrit, faciam deinceps quicquid per virum facultatem licet, ut non me destituat.

Videamus nunc quâ re inueniatur sponsus, & quâ sic constringatur, ut nunquam abeat. Duobus verbis id sanctus Ambrosius indicauit, qui serm. 7. in y. 7. Psal. 118. Sic habet: *Fide eum inuenit, meditatione constringit*. Ut sponsum, quem fide repererat, ad perpetuâ duraturam inter illius brachia quiete, & æternam suam voluptatem insolubilibus vinculis obligatum apud se sponsa cohiberet, meditatione ad hanc rem vltima fuit, *meditatione illum constringit*. Cum enim attentiore consideratione apud se reputaret, primum quidem quomodo illum perdidit, quantis laborum impendijs requisitum inuenerit, quot pericula, ut reperire posset, subierit, tum vero nullum esse absque illo bonum, inde factum est, ut nunquam posthæc ab illo distrahi, sed tam arctè complexi eum vellet, ut perpetuâ retinere posset: *Meditatione constringit*. Tales fructus reddit animæ terra, quam meditationis aratrum penitioris vomere profundius pertrinxit.

Postquam venusta Sara, inclyti Patriarchæ nostri Abrahæ honestissima coniux, vitæ annos 127. exegisset, diem supremum clausit in Hebron. Deplorauit illius mortem superstes viduus, multisque lachrymis amaram tam pretiosi monilis iacturam testatus fuit. Posthæc egit cum Ephron, ut speluncam duplicem, quam in extrema parte agri cuiusdam sui habebat, ipsi venderet, cui venerabiles charæ vxoris suæ reliquias inferre posset.

Sed est hoc loco studiosè obseruandum illud sacri textus: *Cumq; surrexisset ab officio funeris*, Gen. 23. 3. quod in originali hebræo sic habet: *Et surrexit Abraham desuper facies mortui sui*. Quid vollet insinuare textus hebræus, cum ait, Abrahamum à facie dilectæ coniugis suæ defunctæ surrexisse?

Respondet Cardinalis Caietanus: *Insinuat quòd Abraham exercuit officium luctus, tacens in loco superiore respectu ad faciem cadaveris, tanquam continè spectans faciem vxoris*.

Excutiamus diligentius in his verbis ista: *Tanquam continè spectans faciem vxoris*. Ut ad ploratum sese excitaret, ipsumque cor cum lachrymis per oculos verteret, quid sanctum Patriarcham permouit? Illud, quòd oculos suos à rigido suæ spon-

caduere nec momento auertit, sed attentus considerauit, quòd oculos quidem, illos decoros, & paulò ante radiantes mors atra obscurauit; florentissimam verò de toto amœno venustatis horto plantulam barbara manus inexorabilis Parcæ acutâ securi suâ deiecit. Viderat lachrymabundus, quòd illa liberalis formæ incomparabilis dignitas, illa fauentioris Naturæ profusior beneuolentiâ, & solertiore industriâ, & quodam velut miraculo adornata vultus, & corporis totius elegantia, (quæ non aliò, quàm sui aspectus leniciniò, non vulgi tantum animos, sed etiam regum corda in sui amorem, cupiditatemque accenderat,) nunc esset miserabile, ac funestum mortis trophæum, atque hac ratione surrexit sanctus Patriarcha, seipso maior meliorque effectus, & magnis profectus incrementis auctus. Et quis non plurima animæ suæ emolumenta, & abundantissimos vitæ melioris fructus ex attenta meditatione, & profunda consideratione capiat? O quantum vtilitatis nobis adferret, si illo exemplo vsi, Christi defuncti, & pro nostris peccatis expiandis è cruce penduli imaginem ob oculos positam haberemus! Si quis Christianus studiosè cogitaret Dominum, qui ibi patitur, si cogitaret vitam à morte, & vitam tam innoxiam à tam probrosâ morte peremptam, si cogitaret propter sua flagitia, & enormia scelera sacrosanctum Agnum in illo ignominiosissimo ligno immolari, si cogitaret, infinitas vices, quibus (quantum in se fuit) suos illi innouauit cruciatus, & vulnera exulcerauit, amarissimè haud dubium noxarum suarum grauitatem deploraret, maxime quando inter eiusmodi considerationem, suam etiam propudiosam ingrati tudinem, & infamem rusticitatem ad animum aduocaret.

Immanem gigantem Propheta iuuenis singulari certamine fudit. E quinque lapidibus, quos in præprie habebat, vnum quandam fundæ impositum cum magna lacertorum contentione iactasset, vastam illam carneam turrim, & formidabilem ex ossibus fabricam solo afflixit, & non contentus animosus iuuenis superba illius vitæ funestam faciem extinxisse, præcidit caput eius, 1. Reg. 17. 51. & inculti corporis superbum verticem deiecit.

Quærit Salomon Hispanus (Tostatus) quid mouere potuerit gloriosum triumphatorem, ut præfectum gigantis caput ad consternatos animo Hebræos adferendum putarit, cum ad victoriæ summam, & triumphum finem non conduxisse videatur, quòd Israëlitarum oculis caput illud expositum fuit, ut enim & si à metu suo respirarent, & Philisthæi exani-

maui in pedes se darent, satis erat, quod obruncatum illum vtrimque solo auditu perciperent.

Respondet insignis Doctor, id factum, vt tam felicis pugnae gloriosissimam victoriam maioribus plaufibus, magisque festiuis acclamationibus lætantissimè omnes celebrarent, quando rudem illam, & immanem, formidabilemque, & horribilem iactabundi, & iurati hostis sui faciem cernerent. At nonné expauesciti Hebræi sapiculè illum iam viderant, qui toties in medium campum prodibat, phalangæque Israëlitarum ad singularem concertationem magno cum fastu præfidentissimè euocabat? Viderant, sed è longinquo, & procul absitum, & casside tectum: Atque ita dato quod videretur, non poterat considerari cultus eius, quâ fortè quando veniebat ad castra, erat galea coopertus. Et quanquam videretur, non videbatur horribilis. Tamestiarrogantissimum gigantem crebrò viderant, procul inde tamen, vt diximus, viderant, terrorque, à quo occupati erant, & tectum galea caput illius non permittebant, vt omnem truculenti vultus feritatem rectè arbitrari possent. Vt ergo maior triumpho exultatio accederet, attulit Dauid caput, vt Hebræi, cum illud è proximo cernerent, hostis immanitatem attentioribus oculis vsurparent, & Domini pietatem, per quam ab eiusmodi inimico seruati fuerant, magnificentiùs prædicarent. Hoc consilio sanctus adolescens superbo giganti caput detruncauit.

Quid causæ est, quod peccatum non prorsum pertimescamus, tamesi nos aliquantum terreat? Quis fit, quod tam leuiter in scelera ruimus, quanquam eorum grauitatem non nescimus? Inde fit, quod vel procul aspiciamus, vel illa se nobis iam voluptatibus pallio, iam vtilitatis specie, iam boni cuiusdam alterius velo tecta offerunt, quæ si è vicino vir Christianus studiosius inspiceret, detractaque laruâ, & voluptatis fugacissimæ breuitatem, & mortalis noxæ horribilitatem suis momentanea oblectatiuncula, & caducis bonis bonorum æternorum iacturam facit, Deoque exosus redditur, quâ non est grauior, acerbiorque infelicitas alia, certè non tam perditè viueret, non tam licenter peccaret, neque in tam foedam flagitiorum voraginem sese ingurgitaret, neque in tam insignitas stultitias prorumperet.

Huius doctrinæ vilitatem, necessitatemque cum apud se expenderet mellissimus Bernardus apud Hugonem Cardinalem in Psal. 46. sic aiebat: *Cibi in ore, Psalmus in corde, non negligat anima illum terere dentibus intelligentia sua, ne si fortè illum integrum*

glutiat, frustretur palatum sapore dulciori super mel, & fauum. Qui cibos in ventericulum transmittit integros, duplici bono se priuat, quorum alterum principale, alterum quamuis accessorium, nonnumquam tamen necessarium. Primum est, quod cum dentibus non facit primam concoctionem, cibis illorum attritu non commolitus malè digeritur in stomacho, itaque optatum effectum, & expeditam operationem non consequitur, nam aliquando occidit, qui nutrire debebat, semper verò in crassos, & noxios humores vertitur, & quod alimonix seruiisset, si probè dentibus comminutum fuisset, dolores, infirmitatesque adfert, quia minus, quam par erat, tritum. Alterum, quo seipsum orbat, est grati saporis bonum, qui palatum fugit, dum integer tumultuariè infarcitur cibus.

Dicit nunc sanctissimus Abbas: *Cibi in ore, Psalmus in corde;* hoc est, quod in ore cibus, hoc in corde Psalmus: *Non negligat illum terere dentibus intelligentia sua;* vt quod vel in Psalmis legitur, vel in concionibus auditur, sit vsui, & ad profectum cedat, necessum est digeri crebrâ meditatione, acque identidem ruminari, & sæpè ad memoriam reuocari, altaque consideratione expendi quod cantatur, legitur, consultur, prædicatur. Hinc enim duo nascuntur comoda. Primum, quod omnia in vitam conuertantur, & in alimoniam transibunt: Alterum, quod omnia cum voluptate, & gustu fient, meditatio namque & diligens consideratio plurimum valet ad leuandam difficultatem eorum, quæ ardua alioquin sunt, & operosa.

Seneca Cordubensis Philosophus lib. 1. Quæst. natural. c. 2. ait: *Lapillus in piscinam, aut lacum missus circulos facit innumerabiles, & hoc idem non facit in flumine.* Quid causæ, quod non eosdem in præterfluente, quos in stagno proiectus lapis facit circulos. Respondet: *Quia omnem figuram fugiens aqua disturbat,* pernicipique descensu suo abripit, & obruit. Tantundem in rebus spiritualibus euenit, atque in dies experimur. Qui fit, quod sæpè qui plurimas & audit exhortationes spirituales, & libros pios totos euoluit, nec spiritualis, neque deuotus efficitur, nec fructum aliquem ex tanta lectione, auscultationeque, & doctrina haurit? Quomodo nihil illi adhærescit, nihil imprimitur ex omnibus, quæ siue pro concione ab Ecclesiaste palam, siue domi ab amico consultore priuatim audit, siue ipse legit. *Quia omnem figuram fugiens aqua disturbat.* Quia cursim prætereuntur, & obiter leguntur, & velut in transitu auscultantur, idcirco nihil efficiunt,

unt, nec quicquam fructus afferunt sermones exhortatorii, monita pia, sermones, aut libri sacri. Si quis in secretioris cubilis recessum sese abderet, atque ibi diuiculè, paulatimque ac feruenter meditaretur, & intrà pectoris stagnum cohiberet, quæ vel audiuit, vel legit, o quot illa intrà animum circulos facerent! Vnus solus lapillus, verbum duntaxat vnicum sit est innumeris orbiculis in corde totidemque cogitationibus salutaribus, iisque talibus excitandis: O quàm vehementer insanit, qui sempiternæ gloriæ pro breui voluptatula renūciat! O quàm perditè ingratus est, qui eam Maiestatem offendit, à cuius liberalibus manibus infinita quotdies beneficia accipit! O quàm cæcū, qui mundo vano, & vafro, qui carni fragili, & caducæ, qui dæmoni præferoci tyranno seruit, cum gratificari Domino queat, immenso & generoso, & qui temporalia officia mercede remuneret æternâ! O quàm fatuus est, qui cum in paradiso securæ conscientia degere valeat, mauult infernum portatilem intrà animam gestare, & cruciabilem, immanemque remorsum de tam amabili, dulci, & facili Domino offenso! Hosce, aliosque plurimos effectus, & cogitatus operatur minimus quisque salutaris consilij, sacræ doctrinæ, piæ exhortationis lapillus, quando in stagnantem animâ incidit: *Lapillus in piscinam, aut lacum missus circulos facit innumerabiles, & hoc idem non facit in flumine.* Tantum vilitatis parit attenda meditatio, tantum mali generat negligens, & oscitabunda consideratio.

Filius Siracidis nos ad eadem exhortatur, inquit: *Ne despicias narrationem presbyterorum sapientium, & in prouerbis eorum conuersare;* Ecclesi. 8.9. Syrus ea sic habet: *In parabolis eorum esto disputans, calcans;* quæ modernus quidam (Cornelius à Lapide) sic dilucidat: *Calcans assidue, eas terendo, in iisq; incedendo.* Vt veterum adagia, & maiorum documenta fructum, vtilitatemque adferant, necessum est sic ea tractare, ut cibum solemus, & diligenter terere, ut nutritioni magis seruiant, aut instar agrorum ea habere, à quibus cum opimos, copiososque fructus expectamus, semel, iterumque eos subigimus, ac proscindimus, nam qui semel tantum, leuiterque cultus vberem messem proferat, rarus est. Ad hunc ergo modum, inquit Ecclesiasticus, *esto calcans,* necessum quippe est crebrò transire, ac terere calcareque iter consiliorum, ut opportunos in agro animarum nostrarum fructus generent, quæ si nonnunquam ut saxa obdurerint, non eas vna quædam considerationis gutta emolliet, neque etiam duæ meditationum

culæ gelu pectoris nostri soluent, assiduum tamen studium, & pertinax diligentia subiget eas, cicurabitque.

Qui ergo optat videre felicia profectuum animæ suæ incrementa, sit ille multus in exercitatione meditationis, obligationum suarum momenta attentus penset, debita sua, magna, & grauiora, quibus supremo Creditori plurimum obnoxius est, & strictas rationes, quas pro iis daturus, studiosè animaduertat, sic enim vel ad melioris vitæ studia transibit, vel mores emendabit, multum enim valet apud cor humanum fixa, & profunda meditatio, maxime cum è leni, ac tractabili carne, non rigido ære sit factum.

Affine est his argumentum Periocha V. Versa 11. post Domin. I. Quadrag. pag. 79. a. Tomo I.

CAPVT VII.

Ex aliena clade discere, quid debeas vitare, est pulchra ratio curandi commoda propria.

Vbi fugitiua ancilla vagabunda circumibat, ibi Patriarcha noster habitabat, intrà solitudinem, ut inquit Abulensis in cap. 25. Gen. *per quam errabat Agar,* fixo domicilio. Hæc est bona, & commoda nostro Politico doctrina. Vbi perditâ circumferebatur famula, ibi lucra sua reperiebat Isaac, hic rectè agebat ibi, vbi illa errabat, & ex intuitu incommodorum, erratorumque alienorum quomodo prosperè res suas curaret, rectèque ageret, sanctus Patriarcha discerebat. Sic bene ex malis aliorum discimus, quid fugere, aut agere debeamus, ut rebus nostris sit bene: Et salubre consilium est, attendere vbi cæteri lapsi fuerint, ut illa pericula deuitemus, vileque documentum est, intelligere vbi frater noster pessum ierit, ut ex illius iactura lucrum nobis captemus. Sint ergo nostri magistri errores alieni, sint nostri ductores prolapsiones vicinorum.

Id nobis consilij strenuus martyr Cyprianus in lib. *de singularitate Clericorum* Cum verborum non exigua elegantia suggessit, inquit: *Nimium princeps est, qui transire contendit, ubi alium conspexerit cecidisse, & vehementer insensibilis est, cui non incurritur timor alio pereunte. In subuersione labentium eos experimenta perterreant.* Suprà quàm temerarius est, qui se ingerit loco, in quo alium miserabili prolapsione corruisse vidit, & proiedè impotens est, quem alieni periculi intuitus non coërcet. Sit ergo vobis documentum, sit institutio propriæ infelicitas, & ruina aliena. Errata quippe aliorum boni libri sunt, ex quibus discere possis, quomodo rectè agas, plusquam

plusquam infans enim sit, qui aliorum stultè facta cernens, non sapere incipiat, & fiat cautior.

Ad Christum Hebræorum quidam hæretici, qui resurrectionem mortuorum inficiabantur, quondā veniebant, quæstionemque illi in doctrina Moysis fundatam proponebant de septem fratribus, qui eandem mulierem per vices ex ordine duxerunt coniugem, cum enim primus absque liberis improlis decessisset, secundus (sic enim legis præscriptum habebat Leuit. 20. v. 28. & Deuteron. 25. v. 6.) eam uxorem accepit, & post illum cæteri vsque ad extremum. Sciscitabantur ergo Christum, cuiusnam illa secundum hanc vitam futura vxor esset, quæ singulis nupserat, discentes: *In resurrectionem cuius eris de septem vxor? Omnes enim habuerunt eam;* Matth. 22. 28.

Theophylactus ait: *Rem fingunt, qua nunquam contigit.* Commentum fuit, & fabula, quam Domino de muliere vna septem fratribus nupta narrarunt, & res ficta, quæ nihil vero simile habuit.

Sed cur factum, quod Sadduczi recensuerunt, nihil veri simile habere potuit? Respondet magnus Bulgarorum Archiepiscopus: *Pone quod duo acceperint ipsam, & mortui sint, qui fieri potuit, & tertius, omen auersans, nuptias non recusauerit, periculis præcedentium admonitus?* sit ita, quod secundus spe liberorum supparandorum duxerit, quam frater illiberem reliquerat, tertius certe, & cæteri plusquam stulti fuissent, nisi eos priorum infelicitas docuisset cauere præcipitum: *Qui fieri potuit, & tertius, omen auersans, nuptias non recusauerit, periculis præcedentium admonitus?* Insignis namque amentia est, non erueret sibi documenta ex erratis aliorum, vt magna prudentia est, alienis defectibus vt libris vt, atque ex ijs, quomodo rectè agamus, discere.

Quærit Petrus Cellensis Abbas, cur illi cælestes Palatini tantoperè submittant intellectum suorum alàs, tamque humiliter seruos se supremi Domini profiteantur, quem religioso cultu reuerentissimè semper deuenerantur, & adorant, sic vt nec extendere manum ad mensam Diuinitatis audeant, nec iuxta illum, à quo conditi sunt, federe ambiant, sed compressis digito labijs, & adductis ad reuerentiam humeris, submissoque capite taceant, ac tremant? Quid sibi vult illa Angelicorum, & beatorum spirituum tam demissa humilitas?

Respondet ille lib. de Panib. c. 1. apud Ascan. Martinen. in Glosa magna: *Vidit namq, consortem natura sua Luciferum aliquando gulam desiderij ad hanc mensam extendisse, & non exinde diuinitatem,*

Tome. III.

sed mortem degustasse, idcirco abstinet, & superponit digitum oris suo, nec manum conferens mensæ, nec os aperiens negata diuinitati, & velit eam deglutire. Diuinitatis ambitio Luciferum velana inceserat, liberamq; manum ad diuinum ESSE sacram mensam protenderat, Talia inurbane, atque impudenter ausus, pro cibis, quos exreuerat, venenum comedit, & mortis æternæ toxicum deuorauit. Cum pars Angelorum reliqua vidisset, quod socio acciderat, abstinuit, & superposuit digitum oris suo, verita ne similem fortunam experiretur, abstinentiæ, & ieiunio, inediaq; se volens, ac lubens addicens, quod illum per diuinitatis auiditatem perijisse videret. Ex immoderata Luciferi cupiditate, ex damnatorum Angelorum miserabili iactura documenta, & lucra capta runt spiritus humiles. Seruare se, vbi alij perierint, & sapere alieno periculo, prudentium, & consultorum opus est.

Commodum huc veniet, quod in libro sancti Iob scribitur: *Visitans speciem tuam, non peccabis;* inquit ille c. 5. v. 24.

Quid voluerit talibus verbis sacrum oraculum? Richardus de S. Victore in cap. 4. Cant. sic exponit: *Species nostra est proximus noster, in quo inspicimus quid nos sumus.* Nemo potest videre, num probè factis depoxa coma, num facies munda, num vestitus omnis rectè aptatus. Quid remedi? Consultitur speculum, atque in illo, si quid desit, quod ad decetem ornatum requiritur, videtur. Tale quid est, quod Richardus ex sententia sancti Iob ait: *Species nostra est proximus noster, in quo inspicimus quid nos sumus.* Proximus noster speculum nostrum est, in quo nonnulla errata, & lapsus aliquos, & multas imbecillitates cernimus. Vt ergo non prolabamur, bonum fuerit illos defectus intueri, vt fugiamus, & aliena vitia aspicere, vt emendemus propria. *Visitans speciem tuam, non peccabis.* Nam si quis attendat vbi proximus ceciderit, sciatque quomodo perierit, satis amens fuerit, si tam prænitens speculum ob oculos habens turpi lapsu corruerit, & monitus deliquerit, aut neglexerit corrigi.

Cum in parabola illius, cui de quatuor seminibus sui partibus tres perierant, voluerit repræsentare Dominus fructum vnius, dubitare possumus, quam obrem prius recensuerit iacturam trium, quam lucrum vnius.

Respondet magnus Bulgarorum Archiepiscopus, id factum, vt doceremur, quàm vtilia monita ad suos defectus corrigendos ex aliorum erratis alij haurire possint. Nam cum prudens verbi diuini audi-

Gg

605

tor attendit modum, quo apud illos semen illud sacrosanctum perijt, & viam, in qua seipfos perdiderunt, eorum damno edoctus curat rectè vti, & ad profectum suum vertere doctrinam, sic labor Ecclesiasticus ex profectu auditoris elucescat.

Prima seminis iactura inde consecuta est, quod *cecidit secus viam, & conculcatum est; & volucres cæli comederunt illud*, Lucæ 8. 5. Damnosâ illâ negligentia cauti facti auditores audi verbi diuini in corde bono, & optimo audientes verbum retinent, ibid. v. 15. vbi Theophylactus: Quod ait, in corde bono retinent, hoc dixit propter eos, qui per viam intelliguntur, & enim non retinent, sed drabolus tollit ab eis sermonem. Primi interierunt, quia non retineverunt verbum Dei. Posteriores ergo illorum incommodo eruditi, iacturamq; in illo speculo intuiti, cauerunt illam, conferuantes in corde suo verbum diuinum salutare semen, ne vel prætereuntes homines conculcarent, vel coeli volucres, hoc est, maligni dæmones deuorarent.

Alter pars seminis ex eo perijt, quod *cecidit super petram, & natum aruit, quia non habebat humorem*, ibid. v. 6. eoque illi designantur qui ad tempus credunt, & in tempore tentationis recedunt, ibid. v. 13. & Dei castra deserunt. Quod cum alij de sua salute solliciti animaduertunt, fructum afferunt in patientia, ibid. v. 15. ac tamen virgeantur tentationibus, iactentur anchoris tolerantia adstringunt, itaque institui detrimento alieno cauent proprium.

Tertia salutaris seminis parti suus hinc interitus venit, quod *cecidit inter spinas, & simul exorta spinæ, humoremque omnem alendo semini necessariū combibentes suffocauerunt illud*, ibid. v. 7. Cum hanc iacturam adipiscunt, quibus sua est cordi saluatio, fructum afferunt, illud secum reputantes, quam parum profuerit, esse ereditum terræ semen. Nam seminare, & nihil colligere, est duplicare laborem, & exardas molestias nequicquam suscepisse: Fructum afferunt, dixit propter eos, qui suffocantur, inquit Theophylactus. Ex quo videre licet, quod prudentes auditores a neglectæ terræ damnis didicerunt, quomodo facere possent, vt sibi fructum coeleste semen adferret. Ex alienis erratis scholas sibi, in quibus rectè agere discerent, construxerunt. Vides quomodo per tria distinxerit eos ab ijs, qui non retinent, & q̄ sunt, qui iuxta viam, ab ijs, qui fructum non adferunt, & q̄ sunt, qui inter spinas, ab ijs, qui non sustinent tentationis insidias, & q̄ sunt, qui

super petram. Vides quomodo ex imprudentum defectibus suam vtilitatem prudentes captant: Nam vt S. Cyprianus in lib. de singularitate Cleric. ait: *Amator est salutis sue, quis custat aliena mortis incursum, & ipsi sibi est prouidus, qui sollicitus sit cladibus cætorum*. Omnino suam ille salutem verè amat, qui ex aliorum erratis discit, quomodo rectè agat, & benè, prudenterque rebus suis prospicit, qui vicinorum in periculis suam quarit securitatem, & in aliorum morte suam vitam reperit.

Non intempestium huc veniet illud Sancti Ennodij de sua vita, sic in seipsum inuehenti: *O mens rigore inebriata benefico, nec exemplis instructa, nec monitis! Sed desunt tibi venerabilium magisteria librorum. Ad perfectum informare supplicij, & nisi te cano perditionis immergis, habere potes de pena doctrinam*. O anima mundanarum infatuata fascino vanitatum, quam nec mores aliorum boni, nec verba sana erudiunt! At libris te destitutam causaris, à quorum inopia fiat, vt salui tuæ, & profectui satis studere non possis. Benè habet. Si ita, vt obiectas. Sis librorum inops, desint tibi venerabilium magisteria librorum. Sed non est hæc excusatio talis, vt per eam intermittere studium incrementorum tuorum possis. Alios ego tibi libros ministrabo, quos diu, noctuque euoluere cum ingenti fructu queas: *Ad perfectum informare supplicij*. Aliena errata tibi pro Bibliotheca sunt, in qua perpetuò verseris, ac dicas. Aliorum lapsus possunt esse tuæ columnæ. Gratiō sic pro libro Aman, auaro ille de Euangelio sordidus, qui deciduas è mensâ micæ Lázaro mēdico negauit, præfidentissimo cuique Dauid, qui tam foras prolapsione corruit, sapienti Salomon, qui idololatriæ flagitio se contaminauit, robusto Sāson, quem illi exocularunt, & molam circummagere coegerunt, superbo Antiochus, qui plenus rabie, seque ipsum horrens infelicem Orco transcripsit animam, helluoni populus Israeliticus, qui ex cibo, quem maxime demoriebatur, hoc est carnibus, mortuus fuit. Sic itaque ex alienis casibus Politicus noster copiosam Bibliothecam sibi adornare potest, ex qua prudenteriam, & bona consilia hauriat.

Hanc in rem aiebat Sanctus Zenon serm. 6. de Isaï. *Compendiosum est felicitatis genus, alterius periculo discere, quid debeat denotare*. Nulli tales libri, ex quibus discere possis, quomodo rectè agas, quales errata aliorum. Libri ergo deesse possint? Cum quisque inconsultus, & stultus, sic liber, & quæuis illius ignorantia folium, & omne illius errata velut linea, & quilibet insipiens plurimas etat stultitias,

Stultitias, & *Stultorum*, ut Spiritus Sanctus affirmat Eccl. 1. 5. *infinitus sit numerus*, quomodo libri, & Bibliotheca deficere eos queant, qui discendi studio tenentur? Obeat Politicus noster compira, & forum, & loca publica alia, inuenietque innumeram copiam fraude circumscriptorum, errorum, imperitorum, fauorum, atque in eis abunde aderunt libri, in quos toto studio incumbere possit, nec deerunt folia, quæ euoluat, neque varia perperam acta, ex quibus cautior fiat, & sapere discat. Totus mundus Bibliotheca quædam est stultis, seu libris, confertissima, eapropter persacile reperiuntur libri, quibus operam nauare, & ad recte inintelligendos vitæ mores uti quisque possit.

CAPUT VIII.

Insaniti, furit, & supra quam brutum pecus præcepit est, qui Deum offendit, cuius vita est æterna, regnum omnipotens, & sapientia attendit, perdetque omnia.

Illustis fuit appellatio, celeberrimumque nomen Putei, iuxta quem sibi constituerat sedem noster Isaac, quo tempore pater illius vitæ perfunctus fuit. *Habebat iuxta puteum nomine Viuentis, & Videntis.* Hoc ergo erat cognomen illius putei, quod *Viuentis*, & *Videntis* appellaretur. Vinere, & videre, duo attributa sunt, quibus plurimum gloriatur Dominus, qui ad promissorum suorum confirmationem plerumque indeficientis, & æternæ vitæ suæ authoritatem supremam adhibere solet, ac dicere: *Vino ego*; quod ferè tale est, ac si diceret: *Ut vita mea finem nescit, ita certitudinem habebunt mea promissa.* Quapropter prorsum delirat, perditissimisque est peccator, qui Deum offendere audeat, cui sua vita æternum constat. Præpotens enim hostis, cum in viuus agit, quem non metu percellat, & expauesciat?

Propheta regius, cum Deum permouere veller, ut per ipsum ab æmulatorum suorum efferata rabie vindicaretur, liberque euaderet ab eorum manibus, qui in ipsius perniciem proteruè coniurarent, hanc ferè adfert rationem, ob quam illum ad ferendum opem impleret: *Inimici mei viuunt, & confirmati sunt super me, & multiplicati sunt, qui oderunt me inique*; Psal. 37. 20.

Hæsit gloriosus Pater Sanctus Basilius Magnus in primis Davidicis verbis, quibus Dominum inclauat, inquit: *Inimici mei viuunt*; velut dixisset: Si inimici mei diem suum obijissent, non esset,

cur eos timerem, quantumvis feroces, & truculenti fuissent, mortuum enim hostem nemo metuit; ac quod inimici mei viuunt, simulque potentia plurimum valent, quomodo non mihi tremorem incutiat? *Viuunt, & confirmati sunt, non enim mortui sunt*, (ait Magnus Pater) *nec ubi semel in me quidvis molis sunt, sic abierunt.* Viuunt, ut me infestentur, valent viribus, ut me onerent iniurijs, animosque habent ad omnem mei offensam audaces, quomodo non corde toto collabascam, prorsumque consterner? Nam si præpotentis hostis vita non adfert timorem, quid tandem esse possit, quod horrorem iniiciat, & perterrefaciat?

Nihil est, quod æquè perhorrescamus, ac rugitum leonis. Itaque Salomon, ut præferocis alicuius regis furiosam iram expressam daret, non alia comparatione id commodius facere posse putauit, quam rugitus, quem hæc immanis fera edere solet, inquit: *Sicut rugitus leonis, ita terror regis*; Prouerb. 20. 2. Et Propheta Amos cap. 3. v. 8. ait: *Leo rugiet, quis non timebit?* cuius non erigantur præformidine capilli? cuius non cor intra corpus emoriatur? cuius non contabescat metu animus? Quodnam aliud magis ignauum, ac meticulosum animal, quam lepus? Ut ne hanc veritatem accersitis aliunde argumentis confirmare curemus, illud facit, quod hoc animalculum pro nativæ timiditatis suæ magnitudine in symbolum triuiale meticulosorum apud vulgus iam transferit. Ut nihilominus nobis indicaretur, hostem potentissimum, qui viuus erat terrori, mortuum esse omnibus ludibrio, exanimalem leonem septum irrisoribus leporibus pinxerunt Veteres, cum hac adscriptione: *Leonem mortuo lepores insultant*; quod est apud Pierium Valer. Manutium, Erasmus, & alios, quo significatur, eum, qui in viuus adferebat horrorem, risus materiam à morte de se præbere. Tam si potens semper viuuit, si Deus est leo, cuius vita essentiam illius exæquat, cuius potestas est immensa, cuius virtus inexpugnabilis, & brachium tale, ut resistere ei nemo possit, qui illum offensum non timeret, non horret irratum, is vel non credit, vel non sapit rectè. *Putens Viuentis.* Insigne illius est *Viueret*, sicque nunquam desinere, nunquam non esse potest.

Si potens quispiam offendatur, id reliquum est solatii, quod scelus in ipsum commissum scientiam illius fugiat, notitiamque prætereant. Apud potentes terræ id accidere, & ratio ista valere nonnunquam solet, nec enim semper ij vel vident, vel audiunt, quæ contrà ipsos aguntur, sicque offenduntur,

rum, & iniuriæ impunè transeunt. Sed hoc locum non habet apud nostrum supremum Conditozem, & Iudicem. Nam vt Philosophus noster Seneca loquitur epistola 83. & fides præclarè docet, *nihil Deo occultum est, interest animi nostris, & cogitationibus medijs interuenit*, nullæ fores lyncæis illius oculis imperuiz, in abstrusissimâ cordium nostrorum suam habent oculi eius iurisdictionem, nihil tam reconditum in penitissimis animis nostris, quod non studiosè aduertat, non attentè notet, non perspicaciter arbitretur, & expendat. Iuxta hæc quis illum offendere etiam in abditissima animæ suæ parte possit, vel ausit, cum nulla tam sit remota ab oculis, nulla tam absita, & occulta, quam ille non velut in medio sole luculentissimè peruideat?

Cùm innocens Propheta efferati Regis furorem declinaret, venit in ciuitatem Nobe, vt sacrorum fallorum Scriptor 1. Reg. 21. narrat, vbi per id tempus morabatur Abimelech Sacerdos. Qui cùm Dauidem solum vidisset, aduentumque eius demiraretur, sciscitabatur, cur sic absq; omni pompa, & solitæ maiestatis authoritate incomitatus veniret, qui plurimos circum se habere stipatores milites consueuisset. Cernens tam attonitum Abimelech Dauid, respondit: *Rex præcepit mihi sermonem*; vbi supra vers. 2. velut dixisset: Impera, sis, animo, neque grauium sinistrarumque cogitationum tempestate concuti parere, rex namque imperauit quidpiam, vt facerem, & de mandato illius nata est occasio aduentus mei. Eac fileas, ne quis alius hoc consciscat.

Quærit Abulensis, cur sacer Propheta, qui aliquin erat tam circumspèctus in verbis suis, tam attentus ad omnia, quæ agebat, non erubuerit mentiri, ac dicere, quòd iussu regis perfecturus veniebat, qui regis insensibili rabiem, fractus metu defugebat.

Occurrit huic quæstioni magnus Doctor, inquitens: *Non erubuit mentiri, sciens non esse deprehendendum*. Hæc ille quæst. 5. in 1. Reg. 21. Quòd non puduit Dauidem præterire veritatem, id factum, quòd sciuit, non esse coarguendum ab Abimelecho de falsitate, alioquin si ab illo animaduertendum, reprehendendumque mendacium putasset, nihil tale cùm existimationis suæ imminutione affirmasset. Videns ergò non detegendam suam falsitatem, neque cognoscendam fraudem, etiam non erubuit, nec puduit illum veritatem officioso mendacio violare.

Benè id habet. Nam quòd Dauid, cùm certum haberet, non se deprehendendum in mendacio, neque coarguendum imposturæ, falsum affirmarit,

fraudemque concinnarit, nihil mirum: At quòd homo Christianus offendat Dominum, ad iram prouocet Deum, qui omnia intelligit, & comprehendit, *sciens se esse deprehendendum*, sciens ab illo omnia peruideri, quæcunque reconditissimo in pectore aguntur, sciens scientiam illius esse clauem, quâ vnâ cordis penetralia omnia referentur, & aperiantur secreta, quòd ista sciens, vidensque non erubescat talem irritare, quo id loco reponemus: Phrenesi ab omni parte correptus est, & in vincula meritò compingatur, quicunque hoc facit.

Diuturnam æquè, ac pudendam infirmitatem mulier quædam patiebatur, cùmque intelligeret prodigiosa miracula, quæ cælestis Magistri omnipotens dextera tam crebrò operabatur, tempestiuam occasionem nacta, pio furto suam sibi parare salutem constituit. Coram numerosa multitudine, quæ magnum Dominum sequebatur, accedere, & pænalis morbi leuamen petere, audacia illi videbatur, quæ non satis deceret: non procurare remedium, grande piaculum putabat. At quid inter has animi dubij fluctuationes faciam? dixerit. Adibo sine tumultu, petam absque strepitu, rogabo tacita, vt nemo aduertat, sacri vestitus illius simbriam extremis digitis libabo, taliq; studio rem meam totam conficiam. A tergo accedam, taliq; industriâ, & astutia, vt flagnet malum meum, nec in vulgi notitiam tamen veniat. Perfecit illa magno animo, quod cogitauerat, statimque exaruit fons, vnde infirmitas eius promanauerat: *Venit in turba retrò, & tetigit vestimentum eius, & statim siccatus est fons sanguinis eius*, Marci 5. 28. Vix illi sanitas miraculo reddita erat, quando religiosi furti certior factus Dominus ait: *Quid tetigit vestimenta mea?* ibid. v. 30. quis thaurmaturgam virtutem meam furatus mihi fuit?

Quæro hic? Mulier ista nonne à tergo aduenit? *Accessit retrò*, inquit Euangelista. Nonne sagacium dissimulatione vestem attrectauit? Nonne confertæ, & confusæ multitudinis, quæ tumultuariè sequebatur, frequenti concursatione ad industriam suam vsa fuit? Hæc omnia fecit. Quomodo ergò illam Dominus in flagrante furto tam citò deprehendit? Quomodo se ab illa attrectatum sensit? An à tergo visus erat, qui notauit, an oculus, qui conspexit?

Hinc videas, quid discriminis Christum inter sit, & homines reliquos, inquit S. Petrus Chrysologus. Cæteri hominum in vultu sua habent lumina, nulos in dorso oculos. Quoties fit, vt vel vitâ quis exuatur, vel malè vapulet, vel alia plurima incommoda.

moda accipiat, quòd ab ea parte non habeat oculos? Sed Christus non habet tergum ad eum sensum, quoniam vigilantissimus Argus est, qui omnia videt, notet, attendat, sic vt nihil prætereat, nihil fugiat illius plus quàm lynceum visum. *Accessit retrò. Sed ubi? Retrò nil erat, ubi faciem, quam declinabat, inuenit. Erat in Christo corpus multiplex, sed erat Deus simplex, erat totus oculus, qui post se supplicem se videbat. Vt misera hæc non videretur mulier, quàm parùm illi conferebat, quòd à tergo accederet? Quàm parùm commodi adferebat confusæ, & numerosæ plebis tumultuarius comitatus? Verum est, quod in Christo, quàm homine, frons erat, & tergum, velut in cæteris, idem tamen vt Deus, totus frons erat, & merus oculus, itaq; & illa in tergo vulvum reperit, in tergo oculos, à quibus conspiciebatur, in tergo lumina, à quibus manifestabatur, & in publicum forum producebatur, quod illa secretò, occultèq; agebat: Retrò nil erat, ubi faciem, quam declinabat, inuenit. Mirum, quòd ægra, quæ vultum medici defugit, (retrò enim accessit) retrò vultum, oculosq; inuenit, qui arbitrabantur, quæcunque cogitabat, dicebat, faciebat! Sic nihil est, quod præterire illum, ne cogitatus quidem vllus etiam secretissimus, qui ex lynceis illis, aut aquilinis oculis elabi possit. Erat totus oculus, qui post se supplicem suum se videbat. Quis ergo præfidenter peccabit, quis licenter delinquet ob oculos tam expectatos, & perui Giles, quibus omnia sunt nuda, manifestata sunt omnia, omnia patent? O quàm stultus est, qui in talem peccare ausus!*

Nam vt diuinè Beatissimus Pater Sanctus Gregorius lib. 2. Moral. c. 8. ait: *Ipse manet intra omnia, ipse extra omnia, ipse supra omnia, ipse infra omnia, & superior est per potentiam, & inferior per sustentationem, exterior per magnitudinem, interior per subtilitatem, sursum regens, deorsum continens, extra circumdans, interius penetrans, nec alia ex parte superior, atque alia manet interior, sed vnus, idemq; totus, & itaq; presidendo sustinens, sustinendo presidens, circumdando penetrans, penetrando circumdans, Unde superius presidens, inde inferius sustinens, & Unde exterius ambiens, inde interius replens, sine inquisitione superius regens, sine labore inferius sustinens, sine extenuatione penetrans, exterius sine extensione circumdans. Est itaq; inferior, & superior sine loco, est amplior sine latitudine, est subtilior sine extenuatione. Quis illam tam immensam sapientiam, tam infinitam potentiam, tam indeficientem vitam fugiat?*

Huc spectauit Innocentius III. lib. 3. de contemptu mundi, cap. 14. cum ait: *Quæ non timeat Iudicem potentissimum, sapientissimum, iustissimum? Potentissimum, quem nemo potest effugere, sapientissimum, quem nemo potest latere, iustissimum, quem nemo potest corrumpere?* Iuxta hæc, quis est, qui videns talem potentiam, tam magnum Dominum offendar, qui cognoscens talem sapientiã, exasperet talem Deum, talem Iudicem irriter, non ignorans talem iustitiam?

FINIS LIBRI PRIMI.

LIBER SECVNDVS.

CAPVT I.

Magnitudo, & præstantia rei non est alligata eius moli, sed virtuti, non enim de facie, aut aspectu, sed de valore æstimatur.



*S*I rudis vulgi falsa mihi opinio confectanda esset, secundum hunc Librum à primi Capituli superiore Periocha non ordier, in qua volo defendere, quod mundus plerumque noli intelligere. Communis sententia vulgi habet, quod maius est, idem maius semper pretium, & æstimationem commeruiffe: Verum si adderet, quod maius, præstantiusq; bonum est, verum haberet, certumque esset,

quod affirmat. Nam si ad lucem veritatis rem consideres, pretium eius non de mole, aut copia, sed de bonitate æstimari debere intelliges, videmus nimium rara esse, quæ bona, malorum verò nullam vquam animaduerti penuriam. Magnitudo ergò rei non de pondere, & gravitate, sed de valore, non de vultu, sed de pretio æstimanda, semper enim quantitati qualitas præferenda, & valor numero anteponendus.

Postquam è terra, & aula regis Abimelech Patriarcha noster expulsus fuit, apparuit ei nocte quadam Dominus, utq; timore perculsum, & anxium in medijs sollicitudinibus consolaretur, ait: *Ego sum Deus Abraham patris tui, noli timere, quia ego tecum sum.* Genes. 26. 24. quamdiu enim ego lateri tuo

adharebo, non erit quod formides coniuratos in tuam perniciem hostes, aut persecutores aduersarios pertimescas.

Viderit hoc loco Dominus imperium suum angustis limitibus circumscripsisse, & plurimum coarctasse iurisdictionem, inquit fere Sanctus Iohannes Chrysostomus, cum se vnus tantum subditi Dominum facit. At nonne ad ostendam magnitudinem potentiae, & amplitudinem regni sui melius fecisset, si terrae, coelorumque dominum, & totius vniuersi monarcham absolutum se pronuntiasset? Quid ergo est, quod iurisdictionem suam, & monarchiam sic contrahit, vt vnus tantum hominis Dominum vocet?

Respondet Chrysostomus homil. 52. in Genes. *Orbis conditor vnus hominis Deum se dicens, non concludit, & abbreviat cum Patriarcha appellatione suum dominium. Ita, inquit, cum mihi fecit proprium, & apud me reputetur tanti, quanti alij homines.* Quod ergo vnus Abraham Dominum Deus vocauit, eam re non in arctum coegit suum imperium, sed indicare voluit, vnum Abraham sibi omnium reliquorum hominum instar esse. Docemur eam re, verissimum esse, quod huius capituli titulus habet, nempe magnitudinem rei cuiuspiam non in multitudine, neque pretium in mole, sed in valore, & qualitate positum esse: Nam vnus Abraham in vna bilancis parte positi pondera apud Deum grauiora erant, & pretium maius, quam totius mundi reliqui: *Ita cum mihi fecit proprium, & apud me reputetur tanti, quanti alij homines.* Sic videmus vnum Solem stellis omnibus potiorum esse, & adamantem vnum multis rudibus saxis praestantiorum.

Concepit sterilis nostra Rebecca, & geminos, Esau & Iacob, quanquam magnis cum doloribus, enixa est, quorum ille abominabilis fuit Deo, hic pergratus oculis supremae illius maiestatis. Fuit conceptio miraculosa, & postquam Iacob peperit, alios posthac edidisse liberos, sacer Textus non memorat, qui tamen hoc non dissimulasset, si illa prolem aliam mundo dedisset.

Quarit ergo nunc eruditus interpret Guiljelmus Ebroicensis in cap. 26. Genes. claus. 4. q. 12. quamobrem formosa Rebecca finem pariendi fecit, postquam mundum felici illo partu Iacob nobilitauit.

Respondet quaestioni: *Quod non plures filios ediderit, hoc ideo forte fuit, quia post dictum miraculum rediit ad pristinum statum, scilicet sterilitatis, debuit enim illi sufficere genuisse Iacob, qui appretari poterat super mille alios filios.* Plus satis erat sterili

matronae, quod Deus illi aperuerat fecunditatis fores, per quas ad illustrandum nundum prodiret tam magnus, & insignis Patriarcha, quam erat Iacob, qui solus liberos milleos exequare poterat.

Propterea Spiritus Sanctus, vt patrem quandam, qui numerosa posterorum multitudine immodice gloriabatur, sui erroris comonefaceret, aiebat Eccles. 16. 1. *Ne iucunderis in filiis impij, si multiplicentur; non exultaris latitiis, neque gaudeas nimium de nouis, crebrisque partibus, in quibus posteritatis tuae spem reponis.* Sed cur non exultet, qui augetur liberis? Nam si mali futuri, quid confert numerus? Aut si impij, qui bono multiplicantur? Quanam felicitas, multos degeneres, & sceleratos numerare filios, cum vnus probus improbis innumeris praestet? Sic enim Ecclesiasticus ibid. v. 2. mox subiungit: *Melior est vnus timens Deum, quam mille filij impij.*

Adhanc rem facit illud Sancti Gregorij Nazianzeni Orat. 32. *An tu vniuersos Chananaeos vni Abraham antepones? An Sodomitas vni Loth? An Madianitas vni Moysi?* Nullus tam ab omni sentia alienus fuerit, qui non sentiat, trium illorum insignium virorum, quod ad spiritualium copiarum, hoc est, virtutum, & verarum animarum diuitiarum pretium attinet, pondera oppido grauiora fuisse, quam omnium illarum Gentium, vel si in vnum cumulum congererentur: Nam vt rem quampiam recte arbitreris, non quantitas illius, aut moles, sed qualitas pensanda, & pretij valor aestimandus.

Vt decantatam illam de Amorrhais victoriam Iosue reportaret, necessum habuit, vt Sol a cursu suo paucillisper conuiesceret. Itaque ardenti fide, quam catholicum illius pectus deflagrabat, confirmatus, elata fidenter voce succlamauit: *Sol contra Gabaon ne mouearis, & Luna contra Galem Atalon;* Iosue 10. 3. Obtemperarunt animosi ducis audaci voci ambo luminaria, stiteruntque cursum suum, vt fuerant iussa, quod ille optatum triumphum consequeretur.

Factum memorabile, cui aliud simile nulla vnquam anterior aetas viderat. Sanctus Iohannes Chrysostomus homel. 27. in epist. ad Hebr. ait: Videte quantum vnus quidam homo valeat, & quod solus Iosue plus potuit, quam totus mundus. Sed quid ego aio? *Veniat omnis mundus, magis autem duo, aut tres, aut quatuor, aut decem, & viginti mundi, dicant, & faciant hoc.* Cuius tantum erit rebur, vt tam concitos planetas a suo cursu cohibeat? Cuius ea fortitudo, vt impetum perniciosissimorum istorum luminarium

marium

narium fuit? At si duo, tres, quatuor, decem, viginti mundi effeant, iijq; virium suarum totum potestas hac verterent, non hoc possent, quod vnus Iosue effecit, quis præstantiam rei in multitudine positam, & numero adstrictam affimet?

Sacer Textus id nobis dicit, qui cum memoraret posteros Ismaelis, ait decem liberos genuisse, cumq; nostri Patriarchæ Isaac successionem narraret, dicit illum ex Abrahamo progenitum, inquit: *Hæ quoq; sunt generationes Isaac filij Abraham, Abraham genuit Isaac.* Quid est quod vocat generationes, quæ fuit vnus filij natiuitas? Id factum, vt nos moneat, quod magnitudo rei non in multitudine, sed in bonitate consistit, nam vnus hic filius cum reliquis, quos Abraham habuit, compositus, plus valuit solus, quam alij omnes. Hinc accipimus, quod rerum præstantiam non de quantitate, sed de qualitate arbitrari debemus.

Vide in hanc rem Periocham V. Dominica XXIII. post Pentecosten Tomo II. pag. 312. a. o. & Periocham VII. Dominica in Ramis Tom. I. pag. 459. a. o.

CAPVT II.

Tam vocari filium illius quisque suo modo potest, à quo in spiritu eruditur ad virtutem, quam eius à quo in carne genitus est in vnam.

Multis quaeritur, quid causæ sit, quod tam notanter hic dicitur, quod *Abraham genuit Isaac*, cum alios liberos, neque paucos habuerit, quorum & sacer Textus meminit. Quamobrem ergo vnus ex omnibus Isaac tam speciatim appellatur filius Abrahamæ?

Huic dubitationi occurrit Abulensis, inquit: *Magis vocatur Isaac filius Abrahæ, quia licet alios filios habuerit Abraham, tamen non erant ita speciales ei, sicut Isaac.* Fuit plurium liberorum pater Abraham, sed morum, actionum, vitæ, sanctitatisque similitudine nulla ei tam affinis proles erat, quam Isaac, eamque ob causam hic etiam singulariter illius filius dictus. Vt hinc accipiamus, quod affirmare possimus, Abrahamum bis patrem fuisse Isaac, semel cum hominem genuit, iterumque cum pium suum institutione fecit, semel in carne, atque iterum in spiritu. Reuerà enim suo quodam modo tam pater noster est, qui nos erudit ad æternam vitam, quam qui producit in mortalem vitam. Hinc nascitur lex, quæ magistros honorare tantoperè nobis commendat, quod sint alij quidam patres, qui nos secundò generant, & prolapsæ morum inseruat.

De impio rege Ioachaz narrat sacra Historia, intra vnam trimestre tam multis, ac grauib; se contaminauit flagitijs, vt difficile sit intelligere, quomodo in tantam improbitatem deuenire tantillo tempore potuerit. Scriptor diuinus 4. Reg. 23. 37. sic habet: *Et fecit malum coram Domino iuxta omnia, quæ fecerant patres eius.* Sceleribus parentes exæquauit.

Est in hac sententia illud perdifficile quomodo dici queat, Ioachaz fuisse tam improbum, quam patres eius, cum pater illius fuerit Iosias, rex sanctissimus, & religiosissimus, cuius gloriosam mentionem facit Ecclesiasticus, & laudes per honorifico panegyrico celebrat, inquit: *Ipse est directus diuinitus in penitentiam gentis, & tulit abominaciones impietatis, & in diebus peccatorum corroborauit pietatem;* Ecclesi. 49. 3. Tanta ergo fuit Iosie sanctitas, vt è cælo submissus ad sui xui homines videatur, qui expiandorum per veram penitentinam scelerum subditis exemplum præluceret, & vitæ emendandæ formam de se præberet. Idololatrias, sacrilegia, blasphemias, & omne genus flagitiorum, quæ in ipsius regno contrà cultum, ac venerationem veræ Deitatis velut vſuceperant, & præscripserant, aboluit, tantaq; fuit animi illius tum pietas, tum fortitudo, vt quanquam contrà frenderet, & obniteretur tota solutissimorum hominum colluies, quæ plurima per omne illius imperium erat, legis nihilominus cæremonias reformaret, instauraret ritus, & veram religionem constabiliret. At si Iosias tam præstans vir, tam studiosus virtutis, tam sanctus, & religiosus Princeps fuit, quomodo dici potest, filium illius Ioachaz fecisse *malum iuxta omnia, quæ fecerant patres eius*, tamque impium fuisse, ac illos, qui sanctissimi patris filius fuit?

Doctus quidam Ezechielis Interpres (Pradus in cap. 19. Ezech. n. 13.) hanc diluit dubitationem, inquit, in his patribus, quorum scelera imitatus est Ioachaz, non censendum Iosiam, sed eos tantum numerandos, qui illi autores fuerunt flagitiorum, quæ perpetravit, & generauit in ipso improbitates, quibus se obstrinxit, eò quod in aperto sit, non minore iure eius, cuius mores imitatur, quemque dicendum esse filium, quam eius, à quo genitus est. Complures habuit rex ille magistros à quibus ad enormia, & immanissima scelera, quælia ferè sunt, quibus se per omnem vitam impurauit, institutus fuit, & ille tam excellens, discipulus euasit (peccandi enim non difficile hauritur doctrina) vt doctores suos non secutus modo fuerit, verum & præuenerit. Propterea

pter eam ergo vocantur patres, tam pater nimirum est, qui moribus alium informat, quam qui vitam illum donat.

Ad conservandas virtutes plurimum facit timor Dei, sine quo nulla est, quæ constanter perduret. Id sacra litera pluribus in locis satis docent. Cum ergo sacer Propheta ingentem huius virtutis necessitatem videret, hæc ardente cum affectu aiebat: *Venite, filij, audite me, timorem Domini docebo vos*; Psal. 33. 12. & ad rem instituat, quam nosse & vtilissimum sit, & porro pernecessarium.

Quibusnam illis dat voces Propheta sanctus? An liberis suis? Res ipsa id loqui videtur, quando ille sic clamat: *Venite, filij*. At si non alios, quam suos appellat, exiguus zelus est, & perpusilla charitas, quæ erga pauculos solos tam parum sese exerit. Hoc verò de religioso Prophetæ desiderio vehementi, quo pectus illius conflagrabit, cogitare nec possumus, nec debemus. Si ergo omnes (quod certum) ex toto mundo homines inclamat, & aduocat, quomodo nomine filiorum eos donat, cum fieri non poterit, ut consanguinitatis necessitudine ad illum omnes pertinerent?

Magnus Basilus ait, obuium esse propheticae locutionis istius sensum. Cum enim dixisset, *docebo vos*, non mirum quod filios appellaret, quos erudiendos suscipere volebat, inquiens: *Venite, filij, audite me*. Hæc enim, ait ille in eius Psalmi commentario, *Vox est magistri amantissimi, ac per viscera patris ad disciplinam inuitantis, nam & discipulus magistri filius est spiritualis, quicumque enim ab aliquo pietatis formam accipit, is profecto ab eo quasi fingitur, & in lucem educitur*. Hinc factum, quod Paulus se Galatarum matrem vocauit, propter singularem eam, quam illis Christo regenerandis impendit: *Quemadmodum mulier pragnans, quæ in utero formatos infantes, ita Paulus omnem Galatarum Ecclesiam ex prima excidentem disciplina, & veluti abortiuam rursus resumens, atque Christum in illis reformans, filios appellat, Filioli, inquiens, quos iterum parturio, donec formetur Christus in vobis*; Galat. 4. 9. Tam enim pater, & mater est, qui nos erudit, quam qui in vitam edit.

De magno illo Græcæ eloquentiæ parente Demosthene aiunt Plutarchus, Quintilianus, Cicero, & alij, eum inter initia iuuentutis magnâ sollicitudine curasse, ut primam artis, quam affectabat, literam distincte, expressèque effari posset, & vitia quædam alia emendasse, atque expugnasse, quæ plurimum illi obcreant, ne omnium Græcorum oratorum facile

Princeps esse posset. De illo namque fertur, vadisse littoribus institisse, & declamationes fluctuum fragoribus obluantibus edidisse, & multos versus vno impetu spiritus complexum, eosque aduersa loca celeri gradu scandentem pronuntiassse, taliq; artificio, & industria robur pectoris confirmasse, animum verò ita perpoliisse, ut Oratorum, quos sæcula tulerunt, primus, & consummatissimus haberetur. Itaque alterum Demosthenem mater, alterum industria enixa est, inquit Valerius Maximus lib. 8. cap. 7. Et mater quidem filium multis defectibus obnoxiam edidit, pronuntiatione enim, & respirandi difficultate, & pectoris debilitate grauer laborauit, at præliatus tamen cum natura, victor abiit, malignitatemque eius pertinacissimo animi robore superauit. Plurimum sua illi industria profuit, studio suo se perfecit, labor illi magister fuit, defatigatio ipsum docuit: Vocetur ergo Demosthenes suæ industriæ filius, cuius ope, & contentione tam absolutus Orator effectus est, alterum Demosthenem industria enixa est. Quisquis enim nos instituit, format, elaborat, idem patris nostri, ac matris nomen etiam commeretur.

In Paralipomenis narratur aliquid, cui historia I. Libri Regum aduersari videtur. Hic liber affirmat, Cis fuisse patrem Saulis, & filium Abielis. Sic enim habes de Cis 1. Reg. 9. 1. *Et erat vir de Benjamin filius Abiel*. Paralipomena autem tradunt, Cis natum patre Ner, sic enim dicitur 1. Paralip. 8. 33. *Ner autem genuit Cis, & Cis genuit Saul*. Quid est, quod Cis alibi Ner, alibi Abielem fertur habuisse patrem?

Satisfacit huic dubitationi S. Hieronymus in tradit. sup. Paral. inquiens, *Ner dictum patrem Cis, non quod eum genuerit, sed quod educauerit, & à morte patris curandum susceperit, hancque ob causam patrem illius appellari potuisse, ut cui nouam institutionis, vitæ, ac morum formam indiderit, tam enim parentes nostri sunt, qui nos ad bona studia erudiunt, quam qui autores sunt naturalis vitæ. Hinc discat Politicus noster, quantam obseruantiam debeat magistro, à quo docetur, quantam Ecclesiastæ, à quo monetur, quantam consultori, à quo instruitur, magister enim, ut affirmat Aristoteles, terrestris quidam Deus est, quem post supremam illam Deitatem summo venerationis cultu honorare debeamus.*

¶(*)¶

CAPVT

CAPVT III.

Vera nobilitas non tam est illa, quæ suam à sanguine originem trahit, quàm ea, quæ de virtute descendit.

Itaque cum Patriarcha Abraham tam sanctus fuerit, & noster Isaac virtutes illius imitari, vitamque paribus moribus exprimere studuerit, idcirco specialiter ex illo natus dicitur: *Abraham genuit Isaac*; ut hinc accipiatur, quod is patris sui filius appellari debeat, qui hoc in se exprimere studet, quod in illo est præcipuum, hoc est, bona illius opera, & laudabiles mores æmulari conatur. Nam si is, qui filium vita donat, simulque honestâ educatione ad probitatem informat, bis pater efficitur, pater scilicet carnis, & pater spiritus, filius, apud quem studiosa patris educatio nihil obtinet, in liberis eius conferri non meretur, tametsi enim nobilissimo patre sit genitus non est cur nobilis vocetur, nisi virtutem amet, colatque, vera namque nobilitas non tam ab illustri sanguine, quam à virtutis claritudine suam trahit originem. Eapropter dicebat sanctus Gregorius Nazianzenus Orat. 27. *Qui generis splendorem satietis, date operam, ut mores quoque nobilitetis*, & vitæ studia melioris sectemini, & aurum sanguinis emblematis sanctitatis exornetis. Princeps enim familia, & vera nobilitas est, quæ de virtute nascitur, non quæ à sanguine oritur.

Vidit Discipulus, quem diligebat Iesus, numerosissimam hominum cateruam, qui stolis albis induti throno Dei, & agni immaculati assidebant, palmas manibus præferentes, & contentis vocibus triumphos, laudesque illius decantabant. Accedebant ad confertam hanc multitudinem plurimi Angeli, & seniores quidam, qui solo affusi supremam illam maiestatem humillimæ adorationis cultu supplices deuerabantur, ac benedicebant. Cum admiraretur sacer Apostolus eos, qui palmas manibus gestabant, & albas stolas induti, Deum laudabant, dixit ad eum quidam de senioribus: *Hi qui amicti sunt stolis albis, qui sunt, & vnde venerunt?* Apocal. 7. 14. Respondit Ioannes: Quis hoc sit, ut tu, dicere possit, qui id pernocti? Quare te oro, & obsecro, ut mihi exponas. Acquieuit precibus venerabilis senex, & ait: *Hi sunt, qui venerunt ex magna tribulatione*; ibid. v. 13, ac si dixisset: Si nosse cupis, videnam hi prodierint, quos tam splendido amictu excultos vides, scias velim, esse homines, qui ab ærumnarum & maguarum, & plurimarum longanimi tolerantia huc

Tom. III.

euaserunt, ut hæc palmas consequerentur, & quiete potirentur sempiternâ.

Est quod in hac quæstione, & responsione subnotari debeat. Sciscitabatur ex Ioanne senex: *Qui sunt hi? Et vnde venerunt?* Duo sunt, quæ percontabatur. Primum, quinam essent, ij stolas albas induti, alterum, vnde venissent. Quid ergo est, quod responsione soli secundæ satisfacit quæstioni, dicens: *Hi sunt, qui venerunt de tribulatione magna* ad horum subfelliorum occupationem, & thronorum possessionem? Cur prima interrogatio tam parum curatur, ve prorsum tacita prætermittatur? Quid causæ esse queat, quod nullo responso declaratur?

Dicam. Primum illud quærebatur, quinam essent: *Qui sunt hi?* quod tale fuit, ac si in personas, earumque originem, & conditionum qualitates inquisitum fuisset. Talis ergo interrogatio sine responso, & velut contemptui habita fuit, in domo enim Dei nulli datur gloria, nulli beatitudo pro qualitate profapiæ, hæc namque res parum valet, nisi cum virtute sit coniuncta. Sanctitas est, quæ homini veram confert nobilitatem: Itaque quod ille senex non fuit dignatus respondere, quinam essent illi beati, id tantundem fuit, ac si dixisset; sint qualescunque, sint diuites, aut inopes, sint nobiles, aut rustici, sint reges, aut subditi, sint liberi, aut serui, nihil horum hinc attenditur, virtutis ac sanctitatis solum ratio habetur in hac superna patria, & laudabilium operum, non generis, siue nobilitatis, vnde & illos ad beatitudinem prouexit tribulationum æquanimiter toleratarum meritum, non genus illustre, aut plebeium. Verum scilicet genus virtus confert, non origo natalium procurat.

Tria profapiarum genera habet mundus, inquit sanctus Gregorius Nazianzenus. Primum è celo per creationem venit. Secundum à sanguine habet, vnde ab alijs discernatur. Tertium virtus tribuit, quo à cæteris differat. In primo, inquit ille Doctor, omnes pares sumus, omnes eiusdem speciei, ac naturæ corruptibilis, omnes occasui obnoxij, caduci, mortales. De secundo, quod à sanguine venit, affirmat magnus Theologus, nescire an quicquam æstimari debeat, ut quod tam debili, & infirmo fundamento nitatur, quàm est miseria, & corruptio. Tertium ergo genus, quod de virtute nascitur, est, quod magni æstimari debeat: *Reliquas autem nobilitates, quæ vel feruntur, vel Principum diplomatis comparantur, & ciles, & adulterinas, nulloque pretio habendas procul submonebit*; inquit ille Orat. 28. Qui verâ gloriâ splendescere, qui genuinam apud regem

Hh

regum

regum nobilitatem appetit, virtutem sibi compareret, siquæ admodum sanctus: Nam regum aliorum, siue Imperatorum diplomata, in quibus maiorum præclara facinora, & anorum encomia, & progenitorum insignia vanè ad ostentationem recensentur, quid illi utilitatis adferunt, qui ea obscurat, & atrore vitiorum suorum denigrat, & morum infamiâ coinquinat?

Cùm hæc apud se reputaret rex Theodoricus, ælebat, eos, qui sanguine gloriantur regio, ex officio curare debere, ut ne illum sordidis actionibus suis fœdatur-obscurent. Verba illius apud Cassiod. l. 5. Epist. 12. sic habent: *Hos omnia decet sub laude gerere, & regia possint fulgorem consanguinitatis ostendere.* Iactat alius suam, nescio quàm veterem, & quibus è montibus originem: Alius suum in Gotthos genus refert, seque tam bonum, quàm rex sit, prædicat. Dum verò talia dicit, Iudâ ipso interim est deterior. Vbi est ergo ista nobilitas, & genus illud ex quo arbitramur? Ex operibus, an ex solo natali? Ex ampullosis verbis, an ex virtutibus? Rex Theodoricus, qui & ipse ex Gothis erat, de virtute æstimandam nobilitatem affirmat, inquit: *Hæc enim indubitata nobilitas, quæ moribus probatur ornata; apud Cassiod. vbi supra.* Nobilis est, qui honestam, laudabilemque vitam ducit, qui seculi facit, nobilitatem suam, quâ gloriatur, turpi maculâ notat.

Parentibus fortè humilibus natus es? Deploras generis tui obscuritatem, & originem tenuem, & nominis exilitatem? Vanè te hæc affligunt, inquit magister Theologus Nazianzenus. Cur tristaris, cui tam proclive est siccare lachrymas, abstergere mœtorem, & solarij remedium accersere? Magnificentia tua par tibi arbitri nemo esse potest. Tu tibi pater esse, teque ipsum nouè fingere, & facere illustrissimum, splendidissimumque pores. Quàm diuinè hoc Nazianzenus verbis non ampliùs quatuor expressit Iambico 19. dicens: *Alia filio mores probat.* Vitæ sanctitas pater noster est, qui nouo generi, & sublimiori sanguinis dignitati nos generat. Propterea idem vir sanctus ait: *Deum amulatur quisque hic est nobilis.* Qui vitæ consuetudinem diuinæ affinem ducit, is in primoribus, & magnatibus, & Principibus, & Regibus numeratur.

Id Saluator mundi indicauit, qui ut felicitatem fortunatorum Discipulorum suorum prædicaret, quorum hæc erat in terris beatitas, ut ipsum carne nostrâ indutum, & hominem pro salute humani generis factum oculis usurpare possent, sic inquebat;

Beati oculi, qui vident, quod vos videtis, dico enim vobis, quod multi Prophetæ, & reges voluerunt videre quod vos videtis. & non viderunt: Lucæ 10. 24.

Notandum hic, quod sanctus Matthæus cap. 13. v. 16. hæc eadem verba referens, ait: *Quia multi Prophetæ, & iusti, &c. De Prophetis vterq; Evangelista affirmat, sed quos Lucas Reges, hos Matthæus iustos appellat.* Obseruauit hoc venerabilis Bedæ, & transmutatarum vocum hæc causam reddit lib. 3. in Lucam cap. 40. *Quos Lucas multos Prophetas, & reges dicit, Matthæus apertius Prophetas, & iustos appellat, ipsi enim sunt reges magni.* Qui ex præscripto legis diuinæ vitam suam instituunt, ij veri nobiles sunt, & magni reges, & monarchæ inclyti. Discat hinc noster Politicus, veram nobilitatem ex virtute esse oriundam. Nam qui carne nobilis, animo rusticus, idem Deo vilis, in cuius domo sola virtus nobilitat, & sanguinis splendor in sanctitate vitæ consistit.

Eundem remum trahit Periocha IV. Feria IV. post Dominicam I. Quadrag. Tom. 1. pag. 98. a. 9.

C A P V T IV.

Vi quis peccandi artis peritissimus euadat, alio quàm se magistro non eget, ipseque sibi & supremum architectum, & prototypum esse potest.

Non possumus, quin deploramus miseram conditionem fragilis naturæ nostræ, ob Protoparentis culpam tam malè exceptæ, tam grauiter afflictæ; ex vna quippè infirmitate, quæ caput nostrum laborauit, sic debilitata, & fracta totis viribus fuit, vix ut conualescere ab illo morbo queat. Hinc nobis illa praua ad malum propensio, hinc tam grauis, & impedita bonè agendi difficultas, hinc tam agilis ad peccandum promptitudo, hinc tam molestum virtutis onus, & opus. Quàm veloces, concitique ferimur ad ea, quæ nobis perniciosæ, quàm cunctabundi, tardi, ignaui, ad ea, quæ nobis commoda, & vtilia! Quàm expediti ad culpam, quàm inuoluti, & conficti sumus ad gratiam? Hanc in rem sic ait sanctus Cæsarius homil. 27. Tom. 2. Biblioth. Veter. PP. *Quod peruius est, facilius inuenimus, & ea, quæ sunt deteriora, quàm quæ meliora, sectamur. prona enim est ad imitationem mali humana fragilitas.*

Refert factorum factorum scriptor virtutes sancti Enoch, quàmque accuratè vitam suam ad præscriptum legis diuinæ composuerit. Annos in terris 365. exegit, post quos illum Dominus ab humanis oculis exemit: *Ambulauit enim Deo, & non apparuit, quia iustus.*

tulit enim Dominus; Genes. 5. 24. Textus Græcus habet: Placuit Deo, & non est inuentus, quoniam transfudit eum Deus.

Quid sibi velit, quod Moyſes, cū de viro iusto loquitur, ait: *Non est inuentus?* Philo lib. I. de Abraham vult sic dictum, vt significaretur, quod non facile inueniatur, qui ad portorem ordinem tranſeat, quā dicitur *ſuapte naturā laſe pater, idē vulgō noſſimum* *ſerius rara eſt, & ſix paucū contingat.* Cū magna eſt panis penuria, tam neceſſitatem talibus verbis amplificare ſolemus: *Neſnum quidem frumentis granum reperitur.* Vt ergo indicaretur, quanta eſſet virtutis per omnem mundum raritas, quāque xgrē vnus quidam vir ſanctus reperiretur, inquit ſacer Textus: *Non apparuit;* rārum namq; eſt incidere in hominem iuſtum, qui mores ſuos ad amuſſim legum Dei forme, voluntatemq; eius per omnia faciat. Nihil tale de peccatoribus affirmaueris, vitium enim paſſim vbiuis obuium eſt, & tam mali ſemini abundantiffima ſemper ſeges. Ad malum omnia ſemper præſtō ſunt, ad bonum nulla vquam inueniri poſſe videtur occaſio, & opportunitas.

S. Gregorius Nyſſenus quærit, quamobrem cœleſtis Magiſter, cū nos orare docuit, hoc enixē petere iuſſit, vt quæcūque Deus vult, ea ſic exequamur in terris, quemadmodum beati faciunt in cœlis, ac dicere: *Fiat voluntas tua, ſicut in cœlo, & in terra;* Matth. 6. 10. Videtur namque ſuperuacanea petitio. Quid enim magis conſentaneum rationi, quā vt per omnia expleatur voluntas tam amantis, & benigni Patris, è cuius munificis, & perliberalibus manibus noua quotdies in nos beneficia redundare iugi experimento, & maximo bono noſtro diſcimus? Secundum hæc *quare precamur, & à Deo bonum nobis animis propoſitum contingat?* inquit ille Orat. 4. in orat. Dom. Cur rem, quæ ſeipſam nobis tantopere commendat, plurimiſque, & magnis modis eſt debitiffima, tam vehementer à Deo poſtulemus?

Reſpondet Doctō ſanctus, inquiens: *Quā infirma ad bonum eſt humana natura, poſteaquā ſemel per diſpoſitionem eneruata eſt, non enim ita facile à malo verſus ad bonum homo conuerſitur, & à bono ad malum acceſſit.* Nemo hanc admiretur petitionem, quod certō fiet, ſi conſideret miſeram caducæ naturæ noſtræ fragilitatem, quā illa ſit præue prona ad malum, quā difficilis ad bonum: Poſt peccatum enim tam languida remanſit, tam infirma, & labilis, & nauſcabunda, vt quod bonum appetat, & ſalutare

amplectatur, neceſſum ſit Deum etiam, atque etiam rogare, vt vitiatum hunc appetitum perſanare, & vires addere dignetur, quibus ea, quæ virtutis ſunt, conſectetur. Si quā facilitate homo à bono ad malum deſicit, eadem à malo ad bonum ſe recipiet, aut reuocaret, Dei voluntatem nullo negotio perficeret. Verūm quātrā diligentia opus eſt, quot curæ ad inſtaurandam animæ ſanitatē neceſſariæ! (inquit Nyſſenus) Quantis difficultatum, & ſtudioſum impendijs illa è culpæ ſtrato erigitur, & curatur! Quā pauculo infirmitas illi conſtat! Vt homo ſalutis iacturam faciat, exiguo conatu ſit, propter facilitatem, quā morbis ſuccumbit. Vna buccæ, aſpiritus vnus, vnus ſolis radius ſatis eſt harmoniæ reſtæ valetudinis conſundendæ, quā tamen ſi ad concordiam reducere velis, quæle, Deus, artiſcium, quātamque diligentiam, & ſollicitudinem reſ iſta requirit! Et cū homo per ſe infirmetur, pluribus opus habet, vt conualeſcat, medicis, antidotis, curatōribus, & tam multis alijs, quæ ad inſtaurandam ſanitatē iacturam pertinent: *Morbi proſtigatio multa ſoleribus inueniſ, & rationibus excogitatis, multa eum difficultate, & artibus mediciſ conſicitur,* inquit inſignis frater Magni Baſilij. Pauci conſcripti ſunt libri, in quibus ſalutis, ac vitæ prodigendæ rationes tradantur, nam cū veramque perdere per facile ſit, & mori proximum ſemper, paucō labore ſit, vt earum iacturam facias, verū curandæ valetudini multa ſunt procuſa volumina, plurimæ typo expreſſæ lucubrationes, nam cū ſanari ſit difficile, & perarduum conualeſcere, vbi multa concurrunt mala, multa etiam adhiberi remedia neceſſum eſt, enixioreque contentione pugnare oportet, vbi maiore vi reſtititur. Quod in corpore accidit, hoc ſimili præſus modo in anima euenit, inquit Nyſſenus, & quod in carne notamus, hoc in ſpiritu experimur. Vt in culpæ ſtrato quiſpiam incidat, quā pauculo opus eſt! Auræ aliquis lenis, ac levis aſpiritus, turpis cogitatiunculæ ſenſus, ſi modō momentaneus accedat conſenſus, ſat eſt conſcriendæ in lethalem morbum animæ. Verūm vt iſtud reſarciatur malum, & inſtauratur dampnum, quot occurrunt difficultates! quot ſeſe montes obijciunt impedimentorum, & inconuenientium, vt ad faciendam exomologeſin quis adducatur! quot neceſſariæ exhortationes, vt illicitæ renuntiet familiaritati! quot opus eſt commonitionibus, & comminationibus, vt malè paritæ, & quæ iniuſtè poſſidentur, reſtituantur! quot modi perquiruntur, quot artes excogitantur, quæ non indultæ, aſuſque ab animarum medicis inueniuntur! atque

vinam ea omnia & sat sint, & vtilitatem adferant. Cuncta hæc inditio sunt, quàm citus, expeditusque sit homo ad suam perniciem, & quàm piger, atque ignauus ad salutem.

Vix ea legeram, quando Tertullianus mihi præclaram, perque commodam huic rei ministravit observationem. Agit ille nonnullibi de multa proclinitate, quâ homo in quavis flagitia præceptis labitur, & sic ait: *Vitium dum videtur, addiscitur*, atque ut peccandi peritus fias, non alio opus est, quàm ut peccantem videas. Si pictor quidam perfectissimam, elegantissimamque ex authographo delineasset imaginem, in qua naturam ars superaret, deq; magistro suo, à quo doctus esset, interrogatus responderet, se ex eo solum, quòd semel tantum pingi vidisset, consummatissimum euasisse artificem, & ad cuiusvis alterius operis conficiendi peritiam comparandam, non alio egere, quàm ut ab alio construi quiddid illud vel semel videat, quid de tali homine diceremus? Attonitos redderet eius facilitas, cui ad perdiscendam quamlibet artem maiore non esset opus studio, quàm ut eam vnâ solum vice ab alio exerceri cerneret, tuncque ex vno illo intuitu tam promptè, accuratè, & elaboratè eam imitaretur, ac si plusculos annos in eius usu versatus fuisset. Hoc est, quod loquitur Tertullianus, quando ait: *Vitium, dum videtur, addiscitur*. Ut quis perditus, & perfectus peccator exeat, & dexterrimus omnis sinistra actionis architectus, non opus habet graues, ac diuturnos Discipulorum peccare discendum subire labores, primo enim statim intuitu tam peritus magister euadit, ut extemplò docere alios queat. Hæc miram peccandi ars absque difficultate hauritur, & promptè, expeditèque exercetur.

Constabiliendæ huic veritati seruiet id, quod de infelici illustri Patriarchæ nostri nepte Dina facit Textus narrat. Illa sexus sui nativâ curiositate excitata, parentibus inconsultis, in scijis fratribus foras prodijt, ut illius gentis, per quam transibant, feminas arbitrareretur: *Egressa est Dina filia Lea, & videret mulieres regionis illius*; Genes. 34. 1.

Difficultas oboriri solet in definiendo, quid permouerit Dinam, ut in alienam ciuitatem se reciperet, & quæ in ea debebant, mulieres cerneret. Et quid in illis tam aspectabile, ut Dinam ex umbra secreti domesticij in media compita abstraheret? Insignis Genesios interpret (Pererius) ait: Ingenia, & mores, & audia, & habitum, atque cultum illarum mulierum Sichemitarum auidis legere oculis cupiebat, mundumque earum, & omnem semel vanita-

tem, quâ stultè præfidentes fœminæ vel propriam reddere auctiorem, vel adscititiam sibi accersere venustatem solent, ut spectatorum omnium ad sese oculos arripiant. Hoc est, quod Dinam à suo recessu, & laribus patrijs euocauit, & secreti negligentem fecit.

Sed obseruandum, quod nostra Vulgata versio habet, *Et videret*, id à sancto Augustino num. 140. in Genes. translaturum, *Et condisceret*, quasi ob id Dina effusa in publicum fuerit, ut ab Sichimitis mulieribus acciperet, quomodo ad instar earum comere, & perpolire sese posset, ac deberet. In his illud expendendum, quòd sub hac occasione idem esse videntur *videre*, & *condiscere*, vbi enim vnus textus eam affirmat egressam, *Et videret*, alter ait, exiisse *Et condisceret*. Quo significatum fuit, tam expeditum esse hominem, tam dextrum, tamque propensum ad malè agendum, tam velocem, & acutum ad vitia, tam procliuem ad vana, & noxia, ve illi idem sit videre mala, quod condiscere. Intrâ pauculas horas omnibus numeris absolutus magister euadit, vixq; pedem intulerit Scholæ vitiorum, quando extemplò facultatis peccandi doctor inaugurari possit.

Mihi videtur rem hanc plurimum exaggerasse Tertullianus, cum ait: *Vitium, dum videtur, addiscitur*; quòd indicat magnam, ac promptam peccandi tum facilitatem, tum dexteritatem: Verum alius quidam maior Theologus humanam fragilitatem, nostramque hac in parte miseriam grauiore verborum pondere magis detexit. Magnus Nazianzenus is est, atque illius in Apologet. idud: *Nihil minoris negotij, difficultatisque est, quàm malum fieri, etiamsi nemo ducem se nobis ad virtutem praebeat, rara tamen, atque ardua est virtutis adeptio, quamlibet etiam multis modis ad eam inuitemur, ac retrahamur. Nonné videtis, quod Gregorius ait, hominem absq; magistro magistrum sibi ipsi esse, ductoremque ad culpam? Etiamsi nemo ducem se nobis ad virtutem praebeat, leuiter tamen ad peccandum proflinimus. Quæ maior excogitari, ac deplorari, nosque affligere infelicitas potest?*

An deesse nobis potest, quo & hanc adstruamus veritatem? Primum animo repetamus homicidium, quod primi detulerunt Parentes. *Consurrexerit perversus Cain aduersus fratrem suum Abel*, fuditque innoxium ac virgineum sanguinem, & interfecit eum; Genes. 4. 8.

Sanctus Basilius Seleucus Orat. 4. ait. *Laboriosus auditor pro animi sui perspicacitate penitus inquisitor, à quo Caimus eadem facere sit edoctus, unde seru-*

vit plagam mortem inferre. *Hominem mortuum con-*
spexerat nullum, nullius cadis audaciam suam ante-
gressa spectaculum, quod ad imitandum inuitaret,
hausit. Qui cadis igitur euasit perpetrator, qui non-
dum fuerat spectator? Vnde illi vel suspicari in
mentem venit per hiatum vulneris euadere vitam,
subintrare mortem? Trucidari hominis cadauer
nullum eatennus oculis vsurparat, à quo id arbitrari
potuerit. Quis ergo illi tam immanis sceleris Do-
ctor, quis ductor ad tam enormem insultum fuit?
Quis, dicis! Non alius, inquit Nazianzenus, quam
qui talia facere sciat, soleatque. Nonne peccatum
erat, quod Cain perpetrabat? Nonne male factum
erat, quod sanguinem vertebat? Quid ergo huc ma-
gistro opus erat? Ad vitium namque, *etiamsi nemo*
ducem se nobis praebeat, etiamsi nemo per manum du-
cat, nemo pedes regat, nec vlla magistrorum sit co-
pia, nos ipsi viam facile reperimus, nostrisque viti-
ata natura ponderibus vrgemur. Itaque Cain sine
magistro occidit, & sine doctore sciuit fundere san-
guinem, tamque inaudito, & feroci delicto se ob-
stringere.

Dicant nobis vtrumque ambo Patriarchæ nostri
filij Esau, & Iacob, quos vbi mater cum non exigua
difficultate pareret, inque lucem proferret, primum
Esau appellauit, cuius nominis etymologiam dum
Interpretes tradunt, interque hos Honcala in c. 25.
Genes. aiunt, idem significare, quod *Factum*, eò quòd
natus fuerit veluti perfectus, & aetate plenus; Esau-
rum enim, pilorumque eruptio adultioris, perfectio-
risque est aetatis indurum. Esau peccatorem typice
refert, Iacob hominis iusti imaginem praefert. Ani-
maduertendum itaque, quòd is, qui homines flagi-
tiosos praefiguratum veniebat, dictus est Esau, siue
factus, tam scilicet hirsutus etiam nunc recens editus
infans, quam processiore vir aetate esse queat. Ei
verò, qui huc nascitur, vt peccatorem repraesentet,
vix dum nato facti, hoc est, maturioris viri, & con-
summati peccatoris nomen indatur: Nam ad male
agendum perfectus vir esse videtur, qui iam iam na-
tus, velut ad peccandum sint cum illo ipsi omnia si-
mul nata, neque semper magistro, ac duce ad hanc
rem opus habet: *Nihil minoris negotij, difficultatis-*
que est, quam malum fieri; etiamsi nemo ducem se no-
bis ad vitium praebeat. Nonne hoc apud infantes li-
cet videre, qui vix ruditer sciunt articulare voces,
quando talia ebalburiunt, tam foeda & abominabi-
lia, vt admirationem & horrorem pariant audien-
tibus? Et ignari licet, quid sit iniuria, iam tamen
trà perciti meditantur, expectantque vindictam. Quòd

si alius quispiam eorum iniuriolas vicissatur, gau-
dent, & exultant, & magni faciunt, & gratias agunt.
Quid hoc, nisi deprauatae naturae nostrae inditum;
quae tam leuiter erumpit in culpas, & profilit ad vi-
tia?

Videamus nunc quid de Iacob dicatur, qui Iusti
imago est, vt diximus. De illo sic habes Gen. 25. 27.
Habitabat in tabernaculis, postquam scilicet adole-
uisset. Vbi notandum, quòd Targum Hierosolym.
ea textus nostri verba sic transfert: *Erat minister*
doctrinae. Vbi ex opinione Hebraeorum Abuleasis,
Lyra, Istella, Pererius, Martinus Del-rio, Córne-
lius, & alij aiunt, quòd Iacob frequentauit Scholas,
(quae Vulgata nostra versio vocat tabernacula) He-
ber, & Melchisedechi, qui vt tam sancti Magistri, &
Prophetæ, ad res diuinas, & coelestes erudiebant
suos discipulos, docebantque modum, quo timendus,
& amandus supremus conditor, & benefactor: *Et*
solunt Hebraei, quòd Iacob habitauit quatuordecim
annis in tabernaculo Heberi; ait ille, vt per id tem-
pus Deo seruendi artem perdisceret. Totosne verò
quatuordecim annos habitauit in tabernaculo He-
ber, & sub eius disciplina meruit Iacob! Tam lon-
giturnâ Scholæ frequentatione, & disciplinâ opus
habuit, qui tam docilis, tam facilis, promptusque ad
omnia diuina officia fuit? Opus habuit. Nam vt
Nazianzenus ait: *Rara, atque ardua est virtutis ac-*
ceptio, quamlibet etiam multis modis ad eam inuitem-
ur, atque retrahamur. Expeditissimo licet ad De-
cultum animo operosa est virtutis exortatio. Etiam
Iacob quidam videtur egere tam longo temporis
curriculo, vt artis seruendi Deo bene doctus, &
consummatus discipulus euadat: Nam cum ille sit
exemplar Iusti, in illo nobis exprimitur, quam ar-
duum, & difficile sit virtutis negotium, quam acclue-
iter, quod illi conscendendum, qui salutis suae æter-
nae causam rectè tractare cupit, cum è contrâ prom-
ptissime feratur ad malum, tamque prone in illud
inclinat homo, vt vix natus sit, quando sibi ipse est
peccandi magister, nulliusque ad hanc rem ducis,
nullius doctoris alterius indigus. Totum hoc ape-
rit, ac declarat deprauatae naturae nostrae perversita-
tem: Nam cum tot habeat magistros, tantam lu-
cem, tot ad bonum vias, tot virtuti proposita prae-
mia, vix tamen est, qui se det in pedes, ac gradum
promoueat; cumque peccato & grauiâ, & varia, &
certa sint constituta supplicia, & peccandi magistri
nonnunquam desint, absque horum tamen instituti-
one, & poenarum deposito omni metu, praecipites
sefe homines agunt, & velut è sublimibus scopulis
expedite

expeditè deiciunt in fatalem suam ruinam, & perniciem æternam.

Huc facit illud Cornelij Taciti in vita Agric. *Natura infirmis humanis tardiora sunt remedia, quam mala. Et corpora lente auferuntur, citè extinguntur.* Valetudo mala aduolat, bona plumbis pedibus paulatim accedit. Tardum, serum, crastinum est, quidquid ex usu nostro, quæ incommoda, quæ noxia, præstò semper ad manum sunt.

Confirmat hanc veritatem mysticus, & allegoricus sensus ejus, quod de his fratribus, Isaac inquit, & Ismaele facit Chronographus refert, nimirum quod priusquam Isaac vltimū habuerit filium, Ismael duodecim genuisse liberos narratur, quos & per capita, arces, populos distribuerit, tanquam Principes suarum tribuum, & lux prosapiae autores primos. Quam obrem verò Ismael tam diues liberorum, quando Isaac adhuc prorsum in prole? Ioannes Ferrus, & Guilielmus Ebroicensis id factum volunt, ut disceremus, quod mali semper citius crescunt, & augentur, quam boni, idcirco & duodecim filios habebat Ismael, antequam Isaac vel vltimū haberet, aiunt illi, adduntque, hinc elucescere, quam verum sit illud, quod vetere adagio fertur, quod mala hebraei magis crescunt, & multiplicantur, quam bona. Hoc est, quod indices, pro magno scelere nostrorum merito, eheu, nimium quantum experimur. Quam breues, quam dulces, ac suaves nobis videntur horæ, quas murmuratiōis largimur! quam amarum, & prolixum tempus, quod orationi impendimus! si horam prætergrediatur vel paululum, qui pro concione dicit, quam molestus nobis accidit! Si in annum extrahatur lusus, effluit sine vlla nostrā animaduersione tempus. Quam hilares sumus in mensa, quam terrici in Missa! Quam prompti ad exigenda, quam tardi ad præstanda debita! Expeditè volamus ad mala, ægre reptamus ad bona.

Affinis his tractat Periocha III. Dominica II. post Pentecosten, Tom. 2. pag. 98. b. o. Vide quæ ad finem illius ex Tom. 1. adscripta.

C A P V T V.

De nulla re cautiùs loquendum, quam de aliorum erratis, & vitijs.

Uestrum Ismaelis pauculorum perparcè meministi facer Textus, qui cum numerum filiorum eius breuissimè recensuerit, etiam non absque mysterio factum fuerit, quod facta illius profundo silentio inuoluit. Quod autem Moyses nihil de Sara eius scribit, id magnus Moguntinensium Ecclesiastes Io-

annes Ferrus ob id factum putat, quia parum boni in ipso Ismaele scribi poterat. Quod ad qualemcunque gloriam Ismaelis tacere videbatur, ut quod sterilem habebat successionem, & numerosam tot filiorum posteritatem, hoc memorauit, cætera silentio reliquit, tacitusque dissimulauit, non enim virtus aliqua erat, quam recensere posset, eoque satis putauit tacere, docere nos eā ratione volens, quam cautionem, & attentionem, adhibere debeamus, quod res de proximorum nostrorum moribus, ac vita loquimur, & quam studiosè defectus eorum tegere, obmutere errare.

Sanctus Ioannes Chrysostomus obseruauit, sæpè & cæteros Apostolos, & Petrum vel maxime, cum in libro Actuum prædicasse feruntur, commemorasse triumphalem Christi resurrectionem, quā mortis victor, & vitæ restaurator in vitam redijt, mortis autē, quam Scribæ, & Pharisei illi per infamium Gentilium manus consciverunt, vix commemorasse, quamquam per occasionem loqui de ea crebrò potuissent: Resurrectionis quidem sæpè memor est Petrus, scelus autem illorum semel; inquit ille hom. 6. in Acta. Quid autem causæ sit, quod Apostolorum verber, cum de anastasi Domini persæpè differeret, & consequens esset, ut de probrosa morte illi à consecratissimis Iudæis per summam iniuriam adornata tunc simul loqueretur, non nisi semel tamen eius mentionem fecit? Cur non illam iterum, atque iterum inculcauit malitiam, & impietatem? Respondet sanctus Doctor: *Ut ne illos grauariet, subpudesceret, opprimeret tanti sceleris, tamque immanis flagitij odiosa commemoratio.* Monuit nos eā re, quam parcè, temperè interque loqui de alienis defectibus debeamus, sic enim & Petrus semel tantum atrocissimam Phariseorum, Pontificum, & Scribarū insolentiam memorauit, idque cum dissimulare nequirit, qui si aliud facere potuisset, silentio illam fortè præterisset. At si ille scelus tam patens, & publicum tam caute narrauit, quomodo nos proximorum nostrorum prolapsiones obterege non debemus, maxime cum ea sunt secreta, & abscondita? Multis dubitare in mentem venit, unde occasio arrepta fuerit, ut Isaac id nominis imponeretur, quod latinis, ut exploratum, risu dicitur.

Sanctus Hieronymus de Tradit. Hebræis in Gen. ait, quosdam in ea fuisse sententia, ut existimarent, hoc eum nomine donatum propter nomen matris Saræ, quo illa diffluxit, quando Abraham marito eius Angeli sponderunt, quod filium è coniuge sua esset habiturus. Præmodum vetula erat sancta

Patriar-

Patriarchæ vxor, sic vt iam per effectus naturæ vires edere liberos nullo amplius posset. Vt ergo audiuit Angelorum promissum, *risit post obitum tabernaculi*, Gen. 18. 12. ac velut ludibrium habuit, quod cœlestes hospites affluant. Ex hoc risu volunt aliqui nomen *risus* impositum filio, dictamque illud in *Isaac*.

Verum B. Hieronymus ait: *Hoc falsum est*. At si Sara risit tunc, quando filium marito Angeli pollicebantur, cum in scriptura ex actionibus matrum desumpta sint crebro nomina filiorum, vt de Beniamin, & nonnullis alijs res habet, quid incommode habere possit, quod & Isaac ab eo, quod mater egit, indita sit appellatio? Quid? Quod Sara risit, id non sine culpa factum fuit, quare & Angeli dicebant: *Quare risit Sara?* ibid. v. 13. hoc est, cur ludum interpretata fuit, quod se demum effecto iam corpore concepturam, & porro parituram audiuit, cum Dei potentia nihil sit impossibile? ob hoc ergo, quod non citra qualecunque piaculum Sara risit, arbitrari nemo debet, ex tali risu impositum illud Isaac nomen: Nam scriptura sacra peritudoſe attendit, curaque, vt vitia nostra occultet; & facit, istum semel Saræ exprobrasse risum, ne deinceps perpetuo à filio ad sempiternum matris probum circumferretur, quod necessario factum fuisset, si ille de tali risu nomen traxisset, nemo enim id Isaac nomen pronunciaſſet, quin memoriam culpæ, quæ se cumque Sara ridendo obtrinxit, auditoribus refricuisset.

Pulchrum est Magni Basilij annotamentum, quod sanctus Paulus Apostolus, cum Timotheum, quomodo aliorum defectus, & populi errata arguere deberet, instituit, id tam caute, & attente ab illo fieri præcepit, vt neminem singulariter perstringeret, quando communiter omnes obiurgaret: *Prædicaverbum, argue, obsecra, increpa in patientia, & doctrina*, inquit 2. Tim. 42. nunquam verò illi permittit, vt in publicum efferat, aut palam in os cuiuspiam sua flagitia obrudat.

Sanctus Basilij in Plal. 14. de hac re sic ait: *Cum Apostolus in suis ad Timotheum institutionibus permissit redargutionem, obsecrationem simul, & increpationem, nusquam tamen assumit opprobrium, quod fraternali correctioni aduersetur*. Dicere conuicia auditoribus non est discipulorum Apostolicorum, inquit Basilij. Producere in publicum theatrum errata peccatorum, per quæ innotescant, non est mos seruorum Dei, nam qui in his numerari gloriæ dicunt, cum prædicant, arguunt, sed non con-

fundunt, corripunt, sed non offendunt, rogant, at non infamant. In schola quippe Dei hoc magno studio agitur, vt aliorum vitia, & errata infodiantur, & obtegantur.

Apparebat gloriosus mortis Triumphator, hortulanos, habitumque præferens, lachrymosæ Penitenti, quæ sacrum illius cadaver ardentibus cum suspitij anxia perquirebat. Manifestabat se ei Dominus, cumque illa exultans gaudio ad sacros eiusdem pedes accidere vellet, ille expropti ad tale obsequium animi impetum cohibens, *noli me tangere*, inquit, *sed vade ad fratres meos*, Ioan. 20. 17. & anastaseos meæ ijs perfer Euangelia.

Sanctus Chrysostomus hom. 2. de Resurrect. cum diligentius secum expendisset, quod Magdalena iussa est ire, & dicere fratribus, resurrexisset Dominum, admiratus loquendi modum ait: *Non dixit, dic errantibus, dic fugitiuis, dic latentibus, dic negantibus, sed, dic fratribus meis*. O admirabilis bonitas Saluatoris! appellat fratres, quos nouerat negatores. Verè obstupescenda clementia indulgentissimi nostri Assertoris, qui eos fratrum honorificentissimâ appellatione ornat, à quibus inter sanguinolentas hostium effectorum manus per summam ignauiam derelictus, delictusque fuit, & neque Petro, à quo negatus, eiusdem nominis gloriam negauit. Totum hoc factum, vt institueretur, quemadmodum loqui de proximis nostris debeamus, sic vt quanquam multos eorum defectus nouerimus, & vitia non pauca sciamus, cum tamen de ijs loquendi sese offert occasio, hoc agamus, quod Magister noster, eosque honoremus, & magni faciamus.

Dignum notatu est, quod Dominus noster, quando supplicium meditabatur, quod de infanda Sodomitaram obscenitate sumpturus erat, hæc in ipso à domo Abraham exitu velut intra se agebat: *Nunc celare poterò Abraham, quæ gestus sunt* Genes. 18. 17. Quomodo possum, quia Abraham amicorum familiarissimo, familiarium amicissimo consilium meum aperiam? Quis me prohibere queat, vt non illi iocineris mei propositum enudem? *Quomodo poterò?* Hæc verba impedimentum sonant, impotentiam olere videntur. Sed quis ille tibi obstitit, Domine, aut impedimento est, vt quod animus destinasti facere, alteri non aperias? Videamus, amabo, quid illud est, quod Dominus vult dicere? Quid indicare propositum habet? Peccata, & flagitia Sodomitaram. Eanè verò res tantam habet difficultatem, tam varia impedimenta?

Immo verò, ait Doctor Angelicus in cap. 18. Genes.

nef. *Quia Deus est, & alia difficilis ad publicandum occulta crimina nostra, unde Six. secreto soli Ioanni Voluit scribere Indam proditorem, quamvis nobis expeditur. Videretur hoc ad sciendum, quod Christus est Voluntario passus, tanquam praesum proditoris contra se fuisse.*

Prorsum nostra referebat. scire, quod Christus nosset infamem proditorem, à quo sibi captiuitas, morsque adeo adornabatur, vt intelligeremus, magnâ voluptate, & suapte sponte mortem illam appetiisse, quam vt prænouerat, sic & praeueterere, & defugere poterat. Quamquam verò re nostra esset, nosse Iudam, tacebat nihilominus, & dissimulabat, neque infamem, & perfidiosum proditorem singulariter manifestabat. Vt hinc accipiamus, quam aegrè adducatur Dominus, vt vitia nostra euulget, prodat peccata: *Valde namque difficilis est ad publicandum occulta crimina nostra.* Itaque vt Sodomitum flagitia deoperiret (quamquam ea talia essent, vt in coelum succlamantia inde vindictam exposcerent) vim sibi, nec qualemcunque, intulisse videtur, quâ se perurgeret, vt eorum conscium faceret, etiam tam amicum, tam fidum, ac familiarem, quam erat Abraham. Iam si Deus, qui est supremus iudex, tam difficile scelera patefacit humana, vt per vim se huc permouere videatur, quomodo alius quisquam audebit suorum in lucem proferre errata proximorum, cum multis nominibus plurimum obstricti sumus obnubere illa, & silentij velo tecta ab aliorum notitia defendere? Cogitet Politicus nosset, hominem se esse, & velut hominem varijs obnoxium miserijs, & fragilitatibus, qui vt suos non vult manifestari nauos, ita detegere non debet alienos.

Tomo I. pag. 176. b. o. Periachâ III. Feria IV. post II. Domin. Quadrag. habes, quàm amet Deus peccata nostra obnubere.

CAPVT VI.

Vt homo lethaliter infirmetur, sola vita est salus, nec alius morbus huc requiritur, omnes namque ex eo malo morimur, quod nati sumus.

Mortem Ismaelis sacer textus narrat, qui frater Isaac Patriarchae nostri ex eodem patre fuit. Refert autem illius obitum verbis, quâ diligentem mereantur considerationem. De illo hoc affirmat, quod postquam centum, triginta & septem annos in viuis exegisset, *deficiens mortuus est*, Gen. 25. 17. *Deficiens* idem est, quod sensim occidens, siue corruens, velut adificia dicimus deficere, quâ vitium

agere, siue collabascere videmus. Quod ergo Ismael fertur *deficiens* esse mortuus, admirabili verbi talis proprietate fragilitas nostrae conditionis, & caduca nostra mortalitas expressa fuit. Sensus ergo eorum verborum est, quod Ismael è vita decessit, id non ex alio malo natum, quàm quod in vitam hanc natus fuerat. Nam vt quis ad mortem infirmetur, hæc vna ægritudo satis est, nec aliâ re præterea opus est.

Tres illi sancti, ac religiosi Reges ex Orientem regione veniebant, meliorem lucis æternæ Orientem perquirentes. Ingressi compita Hierosolymitana studiose indagant locum, vbi tantum bonum natum esset, palamque aiunt, non ob aliud se venisse, quàm vt illius radios venerabundi suspicerent, & numini debita humillimæ adorationis tributa exsoluerent. *Venimus adorare eum*; Matth. 2. 2. atque vt subiectissimorum animorum religiosum affectum externo officio aliquo testatum darent, simul vt viderunt bonum illud, quod ardentissimè suspirarunt, *obtulērunt ei muera, aurum, thus, & myrrham*, ibid. v. 18.

Sancti Hieronymus, Chrysostomus, Theophylactus, Euthymius cum B. Augustino, Gregorio, Beda, Iuuenico Hispano, & toto sacrorum Interpretum cætu aiunt, in tribus illis donis includi, declarari, & significari tria, quæ in Domino, Creatore, ac Redemptore nostro confiteri debeamus. Et in auro quidem Diuinitatem adumbrari, thure sacerdotium indicari, myrrhâ humanitatem demonstratam. Sed audiamus Sanctum Mediolanensem Archiepiscopum, qui lib. 2. in Luc. cap. 2. ait: *Aurum Rei, thus Deo, myrrha defuncto*, subaudi, offertur, siue dedicatur.

Difficultatem habet, quod postremum ait: *myrrham defuncto* consecratam. Quod huic diuino Infanti aurum tanquam supremo Regi, & thus velut immenso Deo oblatum fuit, obuiam habet rationem, quam quisq; facile capiat, quia & tunc, & ante, & semper erat Deus infinitus: At quod myrrham, non iam vt mortali, sed tanquam defuncto, dederunt, id quomodo rectè intelligi queat, non satis video. Quomodo enim fieri potuit, vt tanquam defuncto myrrham tunc dedicarent, quando hic diuinus Infans tam procul à sepulchro aberat, vt in cunis illum repererint sancti Reges, cum illi suorum donorum tributa detulerunt? Quomodo ergo Ambrosius affirmare potuit, myrrham defuncto oblatam? Præclarissimè, ac verissimè hoc ab illo dictum. Quid enim de sacro Infante ait Euangelista, cum oblatam illi myrrham narrat? *Cum natus esset*, inquit,

ecce

ecce Magi Generunt adorare eum. Vt ergo agnouerunt hominem, vt viderunt natum, mox obtulerunt myrrham (quod mortuis dedicari solet donum, quia myrrhā olim vnguebantur, quē viuis excesserant) vt indicarent, tantundem esse mori, quod nasci, quia quod morimur, ex eo nascitur, quod nascimur, & ortus noster nostri causa est occasus. Itaque simul natum Christum cernunt, & myrrham ei exhibent, quæ mortuorum signum est, & in defunctis illū recēsent. Quid mirū ergo, quod velut mortuorū habebant, quē natū videbant? Nemo proinde aīnos sibi æternos promittit in vita, quæ non nisi cum inuitabili mortis onere suscipitur.

Affine huic est, quod Propheta Isaias ait, cū in mystica horum sanctorum, & religiosorum Principum munera figens oculis dicit: *Omnes de Saba venient, aurū, & thus deferentes*; Isai. 60. 6. Omnes, inquit, venient, hoc est, primores Sabæi, qui omnium instar sint, venient autem cum auro, & thure, vt recens nato Infanti, qui angustis in cunis imperialis maiestatis suæ amplitudinem ostendat, tributa pendant, & suam subiectionem testentur, acciduiq; ad sacros illius pedes, eos humiliter desculabuntur, prostrati autem purum purum aurum tanquā coronato Principi, & legitimo æternitatis hæreditabunt, fragans thus verō velut supremæ Diuinitati, & absoluto Numini, cui ex rigidissima iustitia omnis reuerentissimæ adorationis cultus est debitus, dedicabunt.

Hugo Cardinalis in c. 2. Matthæi inquit: *Quare non nominat Isaias myrrham?* Cū tria fuerint munera, quæ obtulerunt tres Reges Domino, aurum, vt regem testarentur, thus, vt Deum assererent, myrrham, vt mortalem indicarent, quamobrem vrbanius Propheta, cū tam honorificam mentionem faceret thuris, & auri, quæ Deitatem, regiamque Christi dignitatem signabant, myrrham silentio inuoluit, quæ mortalitatem symbolo referebat? Occurrit huic quæstioni Hugo, dicens: *Quia eius mortalitas satis erat aperta, sed diuinitas, quæ per thū, & regia dignitas, quæ per aurum designatur, erant latentia.* Deitatis maiestas, & regia dignitas Christi in tenera illa, pauperculæque ætula latentissimè abscondebantur: Quis enim cogitare poterat, in tam angustis spatijs præduri, & arcū præsepis, in tam incommodo hospitio, in tam inornato, neglectoque, & squalido stabulo potentiam regiam, & Dei immensitatem diuersari? Huc ergo Prophetiæ opus fuit, quæ talia totis sæculis ante prædiceret, quā fieri viderentur. Verū de myrrha,

Tom. II.

quæ moriturum illum designabat, quidquam prænuntiari, nihil fuit necessarium: Hoc enim perquam manifestum erat, quod ex more communi, & cursu generali moriturus esset, qui per humanam natiuitatem oriturus. Hoc nempe cuique malum, quod nascitur, sat est, vt in mortuis mox numerari possit: *Aurum Regi, thus Deo, myrrha defuncto*: in aperto namque res est, quod qui vitæ possessionem adiit, in mortis extemplo manus iurare debuit.

Etenim *mutuum debitum est inter se natiuitati cum mortalitate, forma moriendi causa nascendi est.* Christus mors missus, nasci quoq; necessario habuit, & mori posset, non enim mors solet, nisi quod nascitur, inquit Tertullianus de Carne Christi cap. 6. Non potest homo per mortis portam egredi, nisi prius per vitæ fores intrarit, & cū per has semel introierit, non potest quin per illam aliquando exeat: Nam vt Sanctus Chrysostomus hom. 42. in Math. Oper. imperf. ait, *ideo morimur, quia nascimur*, & ratio moriendi alligata est causæ nascendi, cūq; in viuis homo esse incipit, tunc albo mortuorum adscribi potest.

Hanc tam infallibilem veritatem affectus Seneca, de Consolat. ad Heluid. c. 11. aiebat: *Quisquā ad vitam editur, ad mortem desinatur.* Quisquis pedem infert in vitam, mortis possessionem adit. Ergo mors vitam loco pignoris arripit, vt certum habeat debitum.

Commodum huic rei veniet, quod de Herode refert Flavius Iosephus lib. 1. de bello Iudaico cap. 16. nimirum inter varia ædificia magnifica, quæ excitauit, opulentissimum etiam, sumptuosissimum, amplissimumq; construxisse sepulchrum: *Tumulum*, inquit ille, *in minima formam manufactum, qui stadium sexaginta spatio ab Hierosolymis aberat, similiter nominatum munificentius accurauit.* Non procul ergo ab Vrbe Hierosolymorum sepulchrum sibi magnificentiæ regiæ parauit, nempe tam potens est aulæ fascinum, vt etiam solutus in puluerem homo longiusculè ab ea secedere nequeat. Verū admirabilis fuit ea tumuli *in mamma formam* compositi figura. Quis eiusmodi formam excogitando inuenire potuit? Si illarum superbarum Ægypti pyramidum instar fuisset, aut quale illud Artemidæ Mausolæum, neminem in admirationem adducere nouitas figuræ posset: Sed quod ad similitudinem vberis confectus fuit tumulus, quis tale quidpiam aliquando vidit! Inausitum videtur eius sepulchri artificium. Sapientissimum nihilominus fuit, si omne illius mysterium attentè expendas. Nam si natiuitati

tiuitati cum mortalitate mutuum inter se est debitum, vt paulò antè ex Tertulliano dicebamus, prudens inuentum fuit, quòd tumultum ad formam mæ muliebris fingi, componique fecit, vt inde acciperentus, vbera materna, vnde primulæ vitæ alimoniam recens natus infans haurit, tumultumque, cui denatus infertur, ita sibi mutuo respondere, vt tunc in mortuis statim numerari homo possit, quando in viuis esse capit, & quòd arripere papillas ad nutriendam vitam, diligens quoddam studium est curandi sepulturam, mors enim ex natiuitatis malo nascitur.

Pulchrè hoc noster Castellanismus exprimit, qui de recens mortuo sic loquitur: *Agora acabò de morir; hoc est: Iam iam desisti mori.* Quomodo desit mori? Aut quando capit mori? Quando! A quo natus est. Exinde namq; extrema illi hora minari capit. A prima vitæ hora mortis suprema illi denuntiatur. Quid magnum ergo, quod Ambrosius aiebat, *Myrrham velut defunctio oblata*, vix dum in lucem edito populo Iesu, nam qui illum iam tunc natum videbant, mortuorum catalogo extemplo inferendum putabant.

At si hæc cuiquam fortè non prorsum satisfaciunt, videamus quod ipsa superi Infantis Mater cum illo egit, quæ illum ab intemeratissimo vtero suo progressum in præsepe mox deposuit: *Peperit filium suum primogenitum, & pannis eum involuit, & reclinavit in præsepio*, inquit S. Lucas 2. 7.

At quid hoc cæremonia, quòd ille vix hanc lucem oculis corporeis vsurpauit, quando diuina Mater cælestem filium pannutij, quanquam mundis, pauperibus tamen obligauit? Dicam. Artemidorus in *Oneir.* lib. 1. cap. 14. ait, si quis æger se infantem somniet, *agrotanti mortem prænuntiare hoc somnium, quandoquidem & mortui laceris involuuntur pannis, & linteolis, quemadmodum etiam infantes.* Mortuos inter, & infantes magna est similitudinis cognitio, hos nimirum iam iam natos non aliter habent, atque illos recens vitæ perfunctos. Vt quisque animam egit, simul & corpus, brachiaque, & pedes eius insitis obstringuntur. Ad eundem modum recens editi pumiliones in fascias arctantur. Itaque si quis per nocturnam quietem sibi infans videatur, tantundem est, ac si mortuum somniet. Quando ergo in carne passioni, & morti obnoxia natus est auctor vitæ, quid mater illius egit? *Pannis eum involuit, brachiaque, & pedes fascijs obligauit, & caput contexit, atque vt apertius dicam, funebre linteum ei circumposuit, eoq; modo illum habuit, vt*

haberi mortui solent, talibus erga illum cæremonijs vsa, qualibus alij erga defunctos vt consueuerunt. Factum id autem exemplo, & documento omnium, vt cuncti hinc discant, tunc quemq; in mortuis deputari posse, quando in viuis agere incipit, nam & Deus ipse vt mortuus habitus fuit, mox vt homo natus. Et vnde mors nascitur, nisi ab infirmitate vitæ?

Ad hunc modum, & consequenter ad ea, quæ siue Artemidorus dixit, siue Regina mater cum cælorum Infante egit, differuit de hac re Clemens Alexandrianus in caten. Olympiodori in cap. 1. Iob, dicens: *Simul atque editus in lucem, & susceptus est, manus, pedesque eius fascijs constringuntur, atque ipsi vinculis impeditus frustur & veribus.* Nuper est infans ad vitam ingressus, nec interposita morâ mortuorum pannis amictus, natura enim finis memoriam reuocat ipsi, qui nascuntur. O Vita primordium mortis prodromum! Vix communis lucis vsurâ per violentos conatus, & lachrymas matris frui pupulus cepit, quando præparatis ad hanc rem nexibus, quos pietas fascias dicere voluit, in pedes, manusque iniectis impeditur, atque ita nutritionis suæ genitalibus fontibus admouetur. Vix terræ possessionem suscepit, quando extemplo vestem mortuorum fatalem induitur. Nam fascijs involutus infans, & funebribus indumentis amictus defunctus hoc solo differt, quòd ille plorat, hic deploratur. O Vita primordium mortis prodromum! Morti sepulchrum, velut diuersorium, feralis metatrix vita præparat, atque vt frigida aurora optatæ diei est iucunda prænuntia, sic natiuitas est infelix, & infallibile suæ mortis cuiq; prognosticum. Nati enim, ac denati paria sunt indumenta, nam vt mortuus manus, ac pedes ligatus infertur tumulo, sic illum, qui recens in mundum effusus, secundum pedes & manus obstringunt, mortuoque similiter habent, vt intelligat, quòd nascitur, id fieri, vt moriatur, & natiuitatis infirmitatem quandam mortis velut denuntiationem esse.

Huc respexit gloriosus martyr S. Zenon, quando hominem singulari cum acumine homel. de Lazaro resuscitato appellauit, *optimus luti liquorem.* Peculiare hominis ethymon, quòd liquor luti vocatur. Quis talem in mundo liquorem vidit? Olei, mellis, vini, taliumq; rerum seu natiuarum, seu facticiarum liquores passim obuios cernimus, sed luti liquorem nescio quis ille vnquam conspicatus fuerit. Quid ergo Zenoni homo *optimus luti liquor*, dicitur? Ad confirmationem rei, quam versantius facit, quod sic dicitur. Quòd enim homo liquor luti nuncupa-

nuncupatur, tale est, ac si diceretur, falli eos, qui non consumi hominem putant, tametsi ita videatur, est enim lutum, quod simul & animari incipit, & diffuere, non secus ac si in vas porosum quidpiam tenuioris liquoris infundas, paulatim dilabitur, atque ita dilabitur, vt cantharum ante vacuum videas, quam quā effluerit, cernas. Talis est vita humana, inquit Zenon, terræ liquor est, liquorum omnium præstantissimus, *optimus luti liquor*: Nam vita humana cum in vas corporis infunditur, per rimulas fragilitatis sensum exhalat, donec planè solutur, idemq; est nasci, & incipere consumi. Nam vt Tertullianus lib. de Anim. cap. 50. ait: *Publica totius humani generis sententia mortem natura debitum pronuntiamus, hoc spondet omne, quod nascitur.* Mox vt in vitam ingreditur homo, mortis clientem se proficitur, eique homagium, vt vocant, præstat, & velut in manus promittit. Quid ergo miramur, quod cælorum Regina Filium suum non secus ac mortuum habuit, quando ille frui hac vitâ cœpit? Est enim homo candelæ instar, quæ cum lucet, & ardet, sibi ipsi exitium adfert, & parat interitum.

Sic pinxit humanam vitam eruditissimus Don Ioannes de Orozco. Sargentii Episcopus lib. 2. emblem. 9. cum hoc dicto ad extremum candelæ adscripto: *Quotidie morimur, & omnes, & singuli.* Nam vt candelæ ipso suo ardendi vsu sibi finem ipsa adfert, & quod vehementius ardet, eò celerius se conficit: Ita ipsum viuere, incitatissimum est moriendi studium, quod enim diutius viuimus, eò magis morimur, dumque ardet, & lucet vitæ candelæ, quod hoc amplius facit, eò contentiosius finem sibi adornat.

Id nobis palam faciet Dominus ipse eâ actione, quam exercuit, quando constitutum habebat mortis manibus vitam suam permittere, vt ex illo mortuo mortuus viveret homo. A mystica cœna peracta, *egressus est cum discipulis suis trans torrentem Cedron, ubi erat hortus, in quem introiit ipse.* Ita Sanctus Ioannes c. 18. v. 2.

D. Ioannes Chrysostomus hom. 60. in Ioan. ait: *In horto quasi in carcere morabatur;* quod ex docti cuiusdam moderni, (*Patri Magistri Anandano*) interpretatione talem habet sensum, ac si in horto Christus versatus fuisset, quemadmodum reus quidam in sacello, vbi supremum viaticum est percipitur, qui cum in talem aliquem locum adducitur, certissimo id illi indicio est, proximæ mortis sententiâ paulò post feriendum, ac tantundem est, habere illum in sacello, ac in mortuorum albo. Sic ergo

Christus in horto tanquam in carcere, aut sacello morabatur, mortem vicinam expectans.

Sed cur iturus ad mortem prius hortum ingressus est, atque inde ad mortem pergere decreuit? Videamus vnde suum vocabulum hortus, nominisque appellationem traxit. Simon de Cassia lib. 13. in Euang. (quod & alibi notatum reliquimus) sic habet: *Hortus ab oriendo dictus est.* Itaque hortus, & ortus paronyma esse, idemq; significare videntur. Quod ergo Dominus ex horto, qui ortum significat, mortem adiit, tale fuit, ac si dictum esset, vt hortus ab ortu appellationem ducit, sic suam à vita originem trahere mortem, nam mox vt natus est homo, quispian, in mortuis recenseri potest.

Hinc est, quod Tertulliano homines perquam ingeniosè dicuntur, *initati mortis*, quamprimum enim quis nascitur, morti initiatur, & in ordinem illius admittitur, decretumque cæli hoc habet, vt homo, quamprimum est natus, mortis iurisdictioni subiaceat, sic vt eam declinare nemo queat.

Hoc mysterio Veteres natiuitatis, vitæ, ac mortis nostræ præfides deas appellârunt *Parcas*, de quo multis agunt Natalis Comes, Antonius Verderius, & omnes alij Mytologiarum concinnatores. Varro, & apud illum Aulus Gellius volunt *Parcas à pariendo dictas*. At cum *Parcæ* sint ex, quæ vitam eripiunt, quæ humani anhelitus vitale flamen texunt, ac succidunt, quomodo à pariendo rectè vsurpare nomen possunt? Nonne mortis appellatio aptius in illas caderet? Respondet (*Cerda*) Poëtarum maximi optimus interpretes in lib. 1. *Æneid.* vers. 30. *Credo Parcas à pariendo dictas, quod statim à partu infantis vitam succidant.* A pariendo ergo nomen suum mutuatae sunt *Parcæ*, hanc ob causam, quod homo, à quo filium mater enitur, in mortis statim manus incurrit, & ab ea extemplo tanquam captiuus attinetur.

Præclarè hoc nobis exposuit illustrissimum patientiæ exemplar Iob, quando de misera, caduca, & stabili conditionis suæ instabilitate loquens, ait: *Quasi putredo consumendus sum, & quasi vestimentum, quod comeditur à rinea;* Iob 13. 28. Eâ similitudine mysticè, vt ait Cyprianus Cisterciensis, declaratum fuit id, quod hic tractamus. Non dicit luctuosus Pœnitens, sanguinolento ferro se, militis instar, perimendum, non ait, exacutæ securis repetitis ictibus, vt virides arbores solent, obruncandum, neque affirmat ita conficiendum, vt purpuream rosam sedulus agricola, dum terram proscindit, rudi aratro stirpitibus euulsam vitâ exuit, verum

sic consumendum, ut vestem duro mollis oris sui stimulo fodicans edacula tineae viriat, & perdit. *Quasi Vestimentum, quod comeditur à tineae.*

Cur Sanctus Iob supremi exilij sui, & interitus qualitatem similitudine tineae, quae vestes furtiue depascitur, voluerit indicare?

Respondet Cyprianus, quem dixi, in cap. 13. Iob: *Vestis ex se generat tineam.* Pannus, à quo in tetrina parari incipit, suae perniciiei occasionem alit. Pannus suorum inimicorum pessimum circumfert, in seipso autorem sui interitus parit, & de suis visceribus generat, ex quo pereat. Ipse sibi suae destructionis est sator, tineam producat, à qua post hæc estetur, & conficiatur. Itaque priusquam in manus extraneorum inimicorum incidat, priusquam culter, aut forfex illi aliunde admoveatur, ipse sibi & cultrum, & forficem, quibus demuriletur, fundit, cuditque, & proprii studij manibus destruitur. Quod ergo Sanctus Patriarcha ait, se non aliter, atque à tineae vestimentum solet, consumendum, tale est, ac si dixisset, sibi, ut in mortis insidias, potestatemque; incideret, non longè, non qualicumque; præventionem, & præparationem opus, sed hoc satis esse, quod natus esset. Sufficit hominem esse, ut quis secum habeat quæ morti adferendæ sunt necessaria, sic ut aliam huc gladij, toxicij, alteriusve rei vim adhibere, aut aliud instrumentum, quod mortis sententiam, quasi quidam minister exequatur, accersere superuacaneum sit. Homo se, quod natus est, circumfert suæ mortis seminarium, & consumendo vitæ panno vna satis est tineae natiuitatis. Nam morti addiscendæ non aliud malum est necessarium, quàm quod sumus nati.

C A P V T VII.

Non est alius liber, qui magis vel luculenter tradat, vel ad viuum exprimat vitæ humanæ miserias, ærumnas, infelicitates, quàm vnicus mortis vacuus solij codex.

Vitæ suæ curriculum Ismaël absoluit, fatalemque terminum conclusit, idque cum fratres illius omnes præsentem aderant. Hoc sacra historia talibus verbis refert: *Coram cunctis fratribus suis obiit*; Genes. 25. 18. ubi filij appellantur fratres, pro familiari Scripturæ more, qui cognatos, qualescunque illos, fratrum vocabulo donare solet, quod obseruârunt Tostatus, Lira, Pererius, Ferus, Fernandus, & penè omnes. Quod autem Ismaël coram fratribus diem clausisse fertur, eo quidam significa-

tum volunt, superstites reliquisse omnes liberos suos, quæ non est exigua felicitas: Alij verò contendunt, id sic dictum, quod ad se conuocari omnes iusserit, ut moribundo assisterent, & cum extremo spiritu confingentem præsentem cernerent, nec enim leuis momenti, aut qualemcumque; doctrinam ex spectaculo hauserint, qui illum in medio filiorum expirasse viderunt, quorum imbecilliores erant vires, etiam si totas ad hanc rem conuertissent, quàm ut illum à mortis tyrannide vindicare possent. Præmuniendo aduersus quascumque; fraudes, & instituyendo ad omnem probitatem homini efficacissimum exemplum & documentum præbere poterat intuitus à vita decedentis Ismaëlis, si quis interea cogitasset, nihil illi ad euadendam mortem profuisse, quod celeberrimi, & sanctissimi Patriarchæ primogenitus, quod primus, cuius & natiuitas à coelo prænuntiata, & nomen inde transmissum, nunquam eatenus viso, aut cuiquam concessio honore. Eieri non poterat, quin filij, dum hæc, aliisque; plura secum reputarent, multa ex ijs documenta emerent, atque ex ea morte, velut in schola quadam, plurima, quæ ad vitam rectè instituendam pertinebant, discerent. Neque enim est Vniuersitas aliqua, aut gymnasium, in quo eruditionem sibi quispiam citius compareret, quàm in domo mortui quæat. Et in mortis consideratione positi dixerunt quidam, libros esse magistros mutos, & mortuos. Quamobrem sapiens nonnemo cuidam ad vitæ studia melioris, & morum emendationem aspiranti, hoc consilij suggererebat, *que tractasse conuictos*, ut cum mortuis communicaret, hoc est, cum libris, ex quorum lectione discere posset, quomodo rectè viuere deberet. Et quanquam id ita sit, dico nihilominus ego, non esse alios tales libros, quales sunt homines mortui, ij nimirum sunt doctores omnium, quot inuenire possumus, maximè viui, & ad nos instituendos efficacissimi, quod enim mortuus quidam apud viuum non obtinet, id alius apud illum nemo impetrabit.

Sacer Historicus narrat, illam, in qua ad omnem oculorum gratiam fingenda, & conueniunda omnes exprompsisse vires solers Natura videtur, illud formæ incomparabilis prodigium, illam pecudum formosissimam custodem, pro qua ingenuus, & honestus quidam procius totos quatuordecim tam libens volensque seruiuit annos, ac si totidem momentis breuiiores fuissent (Rachelem, dico) à viuis decessisse. Florem ergo illum admirabilis pulchritudinis mors inexorabilis manu rusticâ succidit. Gazophilatium autem illud, in quo gratiarum copiae omnes

recon-

reconditæ videbantur, mœtus maritus tumulo in via mandauit: *Mortua est Raibel, & sepulta est in via, erexitq; Jacob tumulum super sepulchrum eius;* Genes. 35. 19. In itinere, quod in Bethlehem ferebat, defunctæ charissimæ coniugi sublimem pyramidem excitauit, quæ viatoribus velut altum impressis characteribus, aut mutis signis indicaret, illam tot plausibus persæpè celebratam, & decantatissimam ibi iacere sepultam pulchritudinem.

Hæc Tostatus in consideratione istius, quod Rachelis suæ Sanctus Patriarcha Iacob erexisse titulum fertur. Quid sibi vult, quod mausolæum excitasse vxori suæ dicitur? Respondet magnus Doctor: *Erat sepulchrum corporis in profunditate terra defossus, sed post ad indicandum, ibi corpus iacere, erectus fuit titulus, id est, memoriale, & fuit factum sepulchrum à Iacob ex duodecim lapidibus satis magnis.* Penitiori terræ illatus Rachelis sarcophagus abscondus latebat. Vt ergo omnibus quotquot per viam illam transibant, innotesceret, depositum quiescere eo in loco formosæ Rachelis coniugis suæ cadauer, cacuminosum tumulum, duodecim grandibus, & sublimibus è lapidibus construxit, qui eo in loco sepultæ perpetuum essent monumentum.

Sed cur publica in via illum composuit tumulum? Cur tam sublime, tam excelsum, tam conspicuum istud voluit esse monumentum? Cur? Vt sepulchrum illud mulieris omnium faciliè venustissimæ in via positum, & expositum oculis eorum, quicunque præteribant, & Rachel ipsa in eo condita, è suo tumulo tanquam è cathedra viatoribus lectiones traderet, & vitæ huius fallacias detegeret, monitrixq; esset, vt animaduertent, florentissimæ elegantix, & liberalissimæ formæ, & decentissimæ pulchritudinis non alium esse finem, quam vt septem pedum humo obruta graueolentium fœda fiat alimonia vermium, quæ oculos suauissimè pascere nuper solita. Non est schola aliqua, ex qua tantum eruditionis referre quisquam possit, quantum ex mortui sepulchro.

Insequatur Abnerum Asaël, cui respiciens post tergum Abner ait: Quid tibi vis, aut quid quæris? Cui ille: Te volo, & quæro. Et Abner, cum monuisset, promptum sibi esse inferre illi, modò velle, necem, iussit aliò quouis ire, & ab insectando desistere, nisi perniciæ pœnas certâ veller morte lueret, quâ ipsum absque magno laboris sumptu perimere posset. Noluist Asaël acquiescere vrbano, & vtili consilio Abneri, qui cum tantam contumaciam diutius ferre non posset, lanceâ confixum fecit exa-

nimalem. *Asaël cursor velocissimus fuit, quasi vnum de capreis, quæ morantur in syluis.* Ita sacer Scriptor 2. Reg. 2. 18. Qui propius transibant per viam, in qua inconsultus Asaël in suo volutabatur sanguine, videbantque apertam præpilatæ lanceæ clauem portam, quâ egressa vita mortui introeunti locum cesserat, spectaculi tragici nouitate attoniti figebant gradum: *Omnes, qui transibant per locum illum, in quo ceciderat Asaël, & mortuus erat, subsistebant;* ibid. 23. velut in stuporem acti ab infelici morte Asaëlis, qui cum velocissimis esset pedibus, nihil illi sua agilitas profuit, vt effugere cursu mortem posset, quin & suâ perniciatate impegit, implicatusque fuit, vt miserandum in modum occideret. In ea consideratione positi viatores subsistebant, quanquàm grauiam haberet, quæ aliò vocarent, negotia. Mortui enim aspectus omnem aliam sinit occupationem, & impedit pedes, & obliuionem adfert earum rerum, quas maximè alioquin cogitare solemus, & effusissimum quemque ad se reuocat, vt rebus suis, quarum erat negligentissimus, attendat.

Altiores recessus, & profundiores sensus mihi habere videtur, quod subsistebant, qui defunctum Asaëlem videbant. Nam si subsistendi verbum sic accipiamus, vt seueriores, accuratioresque Philosophi solent, amplissimam commendationem reperiemus efficacitatis eius, quâ mortis speculum ad excitandam, promouendamque vitæ emendationem valet. Philosophis illud subsistit, quod seipsum sustentat, sic vt fulcri, aut rei alterius, cui innitatur, adminiculo extraneo nullo huc indigeat. Itaque aiunt, accidens non habere subsistentiam, vt quod per se consistere nequeat, nisi baculo substantiæ incumbat. Quod ergo ij omnes, qui confossum Asaëlem videbant, subsistebant, vt ait sacer Textus, perinde est, ac si dictum fuisset, vt quis emendatè viuat, & omnem possibilem perfectionem habeat, & cum diuino auxilio per se ipsum absque sustentaculo alio pergere possit, non alio studio eget, neque vel libros legere, vel consultores adhibere alios opus habet, nisi vt in mortui alicuius consideratione animum defigat, hic enim attentior cogitatus illi & optimæ institutionis liber, & saluberrimorum monitorum suggestor consultissimus, & omnis ad benè, beatèque viuendum necessariæ veritatis efficacissimus prædicator fuerit.

Quæ si ita non haberent, magnus ille Ecclesiastes, & mundanæ vanitatis proclamator non dixisset: *Melius est ire ad domum luctus, quam ad domum contumæ, in illa enim finis cunctorum admonetur hominum, & viuens cogitat, quid futurum sit;* Eccle-

fiat. 7. 3. Præstat frequentare ades, in quibus viui illachrymantur mortuis, quam ubi morituri viuam nimis intemperanter curant cuticulam. At quid commodi referamus ex domo, quam defunctus hospes frigido suo, ac rigido caduere funestat? *in illa finis cunctorum admonetur hominum*, & ad omnes, quales quales demum sint, spectant monita, ac documenta, quæ ibi traduntur, eaque talia, vt nemo non intelligat. Solent Concionatores, qui acutuli esse, ac haberi amant, tam sublimia, & subtilia, velut è media Metaphysica, nonnunquam adferre, vt necessum habeant præfari apud auditores, & hæc seu vanè, siue vrbane protestari: *Esse no es para todos*; hoc est, non ad omnium captum est, quod iam dixi. Et cum eorum doctrina sit eiusmodi, quam qui audiant, non assequantur omnes, perfecta vocari nequit, vt neque consummatus dici Prædicator, qui vacuum remum trahit, & laboris sui sine frustratur, cum sensum suum aperire auditoribus non potest. Mortuū ergo quempiam attendite, & quam ille sit accuratus, perfectus, suisque numeris absolutus prædicator videre, quippe in cuius domo, tanquam communi Schola, & feretro, ceu pulpito *finis cunctorum admonetur hominum*. Is doctrinam tradit tam luculentam, ac patentem, vt puer intelligat, tam facilem, vt robustissimus assequatur, tam claram, vt supremus monarcha percipiat, opulentissimus asculat, nobilissimus audiat, formosissima æquis, attentisque auribus excipiat. Nemo est, qui in mortuo non inueniat, quod in vsus suos transferre queat, itaque & *viuens cogitat*. Cum viuens videt postridie marcidum florem, qui pridie elegantissimus fuerat, obscuratum solem heri rutilantissimum, fortissimos viribus fractos, & solo afflictos, supremam maiestatem subactam, omnesque tanquam miseros captiuos insuperabilis mortis triumphali currui vinculis ferreis adstrictos, siue ij Samsones sint, siue Alexandri, siue Cæsares, siue Cræsi, siue Salomones, siue Semiramides, siue Racheles, *cogitat*, & plurima cogitandi materiam aspectus rerum talium ministrat. Quisquis enim diligens, attentusque earum spectator fuerit, *sedebis, & pones in corde suo loquelam mortis, & si est in ipso quidquam mali, depones illud, & conuerter in penitentiam*. Ita Paraphrastes Chaldaeus. Tantum potest aspectus, & consideratio mortui: Nam *quis videt mortuum alium*, vt aiebat Campensis, *non potest non aliquo modo animus eius commoueri, vt vitæ accurandæ studiosius inuigilet*.

Sed est hac in re quidpiam animaduertendum, quod apud Interpretes, Olympiodorum, Saloni-

um, Hugonem Victorinum, Hugonem Cardinalem, Lyratum, Titelmannum, Oforium, aliosque non inueni annotatum, nempe quodd Ecclesiastes domum mortui quidem vocat domum luctus, veruntamen domum conuiuij non appellat domum gaudiij, & lætitiæ. Sic enim habet: *Melius est ire ad domum luctus, quam ad domum conuiuij*. Domum mortui nominat domum luctus, accipiens effectum pro causa, velut dies vocatur tristis, quia adfert, seu generat tristitiam, & Spiritus sanctus dicitur gemere, quia facit, vt nos gemamus. Hoc ita constituto, cur epuli domus non vocatur domus lætitiæ ab ea voluptate quam parere solet, vt domus, in qua mortuus iacet, dicitur domus luctus ab ea moeritudine, quæ de mortui intuitu nascitur? Cur non æquè suam veritatem domus à suo effectu appellationem trahit? Fit hoc, vt intelligatur, quantum mors operando à rebus alijs differat, quoddque illa semper è suis effectis tanquam causa infallibilis cognosci potest, ac si apertius diceretur, fieri posse, vt conuiuium nullam adferat voluptatem, & festiuitatem sua destituat lætitiæ, & neq; vtriusque ignis, neque sol luceat, vt verò mors attentè considerata, & defuncti studiosa apud animum expensio non proliceat ab humano corde lachrymas doloris, scelorum per seriam penitentiam damnatorum vel indices, vel filias, id fieri minime posse. Tantum valet mortuus, vt ex illius consideratione rectè agat viuus, tantam habet efficacitatem detegendi fraudes, & commouendi, & persuadendi vitæ studia melioris.

Hoc ita obseruauit sanctus Petrus Chrysologus serm. 64. inquit: *Mors cum satis viuentibus sit amara, satis turbat ipso exitu, plus conturbat exemplo. Mortuum quorsus quis viderit, torres se mortis ciulas destinatum*. Sic de morte non potest non dolere mortali. Acerbum, si quid aliud, est mortis experimentum, neque minus tamen terribile illius in alio perspectæ exemplum, semper enim se natum sepulchro, ac deputatum corruptioni deplorat, qui proximum exanimem attentioribus oculis vsurpat. Ex quo fit, vt alium vitæ defunctum videre absque moerore, & doloris sensu nemo possit: Sic de morte non potest non dolere mortali. Nonne vides, quod Chrysologus tristitiam cordis, luctum, anxietatemque, & afflictionem animæ in effectis consideratæ mortis infallibilibus numerat? Hoc ipsum Spiritus sanctus affirmat, cum domum luctus vocat eam, in qua habitator viuere desijt. Quem enim non exterreat, quem non ad luctum, miserationemque moueat aspectus purpureæ rosæ decentissimæ formæ sanguinolentæ effe-

ratarum

patarum Parcarum securi deiectione, & robustissimi iuuenum ad infirmos huius communis inimicæ, pallidæ mortis, inquam, pedes affusorum? Quis non stupeat, falsis imperium absolutum cernens, eius, quæ decurrit thiaras, humiliet, soloque affligat sceptræ, idque promptius, ac leuius, quàm rustica barbari agricolæ manus concerpere fœrem, aut eradicare arundinem possit? Quis tam crebra exempla sic videat, vt non collachrymet? Quod æneum pectus tali spectaculo non solatur? Quis non mollescat adamas?

Benè hoc dixit, benè indicauit sacer Propheta, quando inter Ægyptiarum plagarum commemorationem de Domino, qui contumacem plestebat regem, loquens ait: *Viam fecit semita iræ suæ*; Psal. 77. v. 50.

Quid sibi voluit sanctus Propheta, cum de Domino affirmat, *Viam fecisse semita iræ suæ*? Modernus quidam autor hoc ita exponit. Semitam inter, & viam hoc est discrimen, quod illa sit angusta, hæc lata, & ampla. Quod ergo Propheta ait, Dominum fecisse viam semitæ iræ suæ, tale est, ac si dixisset, dilataste, & amplificaste furorem suum, hoc est, assueueraste manum, aggrauaste flagra, exaggeraste supplicia. At quoniam modo? *Et percussit omne primogenitum in terra Ægypti*; ibid. v. 51. ne regni quidem parcens hæredi. Quod ergo Dominus omnia Ægypti primogenita sua occisione semel deleuit, hoc Propheta fuit, amplam, spatiosamque viam iræ ex semita fecisse: Ranz namque, & muscæ, & versa in sanguinem aqua, & id genus reliqua, velut semita exiguz iræ, & modici rigoris erant; at cum primogenitorum fundere sanguinem cepit, tunc & furere, vehementerque efferrari, & ferocire cepit.

Quid verò hinc consecutum? Quid illud, quod *abstulit sicut oves populum suum*; ibid. v. 52. atque ab illa prædura seruitute exemit, non maiore negotio, quàm quo pastor innoxias suas pecudes emittere ab ouili soleat. Plagæ, & flagra eò spectabant, vt per Pharaonem è regno illius liberè excedere filij Israel possent. At ille quò grauius exdebatur, eò magis indurefcebat. Quid ergo fecit Dominus? Acerbioribus illum supplicijs mactauit, & percussit omne primogenitum, cum prioribus poenis nihil profecisse cerneret. Rex autem, & populus illius gentilis cum tantam stragem viderent, attoniti atrocitate luctuosissimi spectaculi liberitum Israëlitis permiserunt abitum. Ex quo videas quàm potenter subigat, emolliatque durissimum quemque, & peruicacissimum hominis mortui aspectus: Pharaon namque, qui ex

verberibus magis indurefcebat, & obstinatio reddebatur ex supplicijs, cum filium suum, aliosque mortuos cerneret, extemplo laxauit carceres, soluit vinclos, & compedes suorum mancipiorum confregit, sic vt Hebræi ab Ægypto tam expediti emigrarent, quàm promptè ex vmbraculis suis oues erumpunt. Tantas habet ad subigendos animos vires mortui intuitus, tamque facillè cicurare ferocissimum defuncti aspectus solet.

Vide Gersusq. Tomi superioris Indices Verbo Mors, ubi plurima reperies, quæ cum hac re congruant.

CAPVT VIII.

Turpissima, & grauissima est desperatio eius, qui ibi diffidat posse reperire veniam, ubi alij obuiam habuerunt misericordiam.

Cum mortem Ismaelis narraffet Moyses, ait: *Apposuit est ad populum suum*; ex qua loquendi formula quidam Expositores piè colligunt, Ismaelem consecutum beatitudinem. In hac sententia sunt Nicolaus Lyranus, Alphonsus Toftatus, Pererius, Guilielmus Ebroicensis, Hugo Cardinalis, Ioannes Ferus, & nonnulli alij. Toftati paraphrasis in ea verba sic habet: *Apposuit est ad populum suum, id est, ductus est ad limbum Abrahæ, in quo erat totus populus ciuitatis Dei*; aduentum promissi Messie expectans. Lyranus quoque his affinia scribit, inquit: *Deceffit in gratia, & amicitia sui Conditoris Ismael*. Roboratur tali exemplo ignauia quorundam peccatorum, & pusillanimitas, vt nemo diffidat, sed omnes de immensa Dei bonitate benè sperent, quantumvis enim perditè flagitiosus quisquàm sit, si se, vt debet, disponat, (quod cum diuinæ gratiæ ope non est difficile) semper apertas diuinæ clementiæ fores inueniet, atque in eis Dominum, qui passis brachijs illum præstoletur, vt indulgentissimi pectoris pientissimo sinu excipiat. De Ismaele Angelus Agari matri hæc dixit, & prædixit: *Hic eris ferus homo*; Genes. 16. 12. barbarisque, & agrestibus moribus. Vixdum duodennis erat, quando idololatriæ magisterium exercebat, ludus enim, quo cum fratre suo ludebat, non fuit alius, quàm quod deastrorum simulachra fingeat, & ad eorum cultum innocetem Isaacum instituebat. Sic Abulenſis, Lyranus, Paulus Burgenſis, & alij. Quancquàm res ita haberet, & à puero tam immanibus deditus flagitijs Ismael, inuenit nihilominus portam veniæ, & locum veræ penitentiz, *deceffitque in gratia*, & nunc fruitor Deo, æternumque fruatur. Quam ergo suæ desperatio-

nis excusationem inueniet, aut quā re culpam suam adumbrabit peccator, si tale habens propositum exemplum, spem tamen abiecerit, fiduciamque à se abdicarit?

Nam vt admirabiliter dixit noster Hispanus de-
clamatō Quintilianus lib. 1. cap. 10. *Turpiter de-
speratur, quidquid fieri potest.* Pudendū ignauix, &
fœdæ animi pusillitati tribuendum, atque in maxi-
mo flagitiosæ desperationis vitio ponendum, si quis
illud tentare detrectet, quodd superari, obtrinerique
potest, aut non ambire velit, quodd impetrari valet.
Ergo si nullum absque venia peccatum, neque vllus
est peccator, qui consequi eam non possit, hinc col-
ligitur, quā graue piaculum sit diffidere, quā
turpē non benē sperare, postquā etiam Deus cor-
da ærea, ferreaque in blandam ceram emollire scit,
& liquare.

Cœlestis Magister cū de peccatis dīssereret, quo-
rum alia sunt veniabilia, alia misericordiæ perpetuō
clausam habent portam, dicebat discipulis suis: *O-
mnis, qui dicit verbum in filium hominis, remittetur
illi, et autem, qui in Spiritum sanctum blasphemaue-
rit, non remittetur;* Lucæ 12. v. 10. Videtur hæc
dominica sententia pugnare cum ea doctrina, quam
in hoc capite tradimus, & tractamus. Dicimus
namque, nullum esse peccatum, quale id cunque sit,
quod non paratam habeat veniam, non facilem clem-
entiam: Quomodo ergo autor misericordiæ, &
penes quem clauis est totius pietatis, ait, *Non remis-
setur, siue esse quoddam scelus, cui non ignoscatur?*
Ergone si quis peccator spem condonandarum sibi
noxarum abijciat, extrā culpam erit, diffidens clem-
entiæ? Aut quomodo hanc natam ex verbis sacri,
& supremi Magistri nostri difficultatem rectē dilue-
mus?

Sanctus Athanasius ad Antiochum quæst. 71. ait:
*Oportet significari, non dicere Deum, blasphemanti
& respicienti non remittetur, sed blasphemanti,
quoniam nullum peccatum est irremissibile apud De-
um in eis, qui dignē & sanctē faciunt penitentiam.*
Diuinus ergo Magister (quod diligenter animadu-
uertendum) non ait, non condonandum blasphemix
scelus illi, quem blasphemiasse penituerit, sed
ei non ignoscendum, qui blasphemiam dixit, ne-
que dolet dixisse: Nam qui vera, & dignā peniten-
tiā superioris vitæ malefacta damnauerit, non habet
cur vel rustico de peccatis nato pudore impeditur,
vel perturbetur sceleribus, vel plūs satis affligatur
ex antea actis sacrilegijs, nec moras sibi iniici ferat in
curriculo vitæ nouæ à recordatione blasphemiarum

vetorum, tamen enim vasti maris guttas numero
superent, quæ olim perpetravit flagitia, omnia con-
donabuntur, & remittentur, nullum: quippè est tam
immane crimen, cui non sit parata venia, dum pec-
cator illud commisisse ex animo doleat, feriāque, &
dignā, vt præfati sumus, penituntine damnet.

O quā præclare hanc suffulciet doctrinam Pro-
pheta regius, qui ex nomine omnium peccatorum
loquens, hæc plena totius consolationis verba dixit:
*Exaudi nos Deus salutaris noster, spes omnium finium
terra, & in mari longē;* Psal. 64. v. 6. ac si apertius
itā dixisset: Humilibus precibus nostris aures fac-
iles, clementissime, & dulcissime Domine, quæso
præbe, tu nimirum firma fiducia es omnium, & qui
abstissimos orbis terminos incolunt, & quos naufragos
per maria remotissima ventorum libido, & tem-
pestatum ferocia miserum iacitat.

Sanctus Dorotheus doct. 12. Tom. 2. Biblioth.
Ver. PP. ait: *Qui, oro, sunt in finibus terra? Qui
autem in mari longē?* Si vultis scire, accipite verbis
pauculis explicatum: *Ij, qui in perfecta iniquitate
sunt, & in tantam improbitatem deuenerunt, vt pro-
gredi ulterius non possint, facti scilicet perditē flagi-
tiosi, hi sunt, qui velut in extremis terræ finibus de-
gunt.*

At quinam ij, qui in altissimo mari, & abyssō pro-
fundissima hærent? *Qui in extrema ignorantia sunt,*
inquit sanctus Abbas. Ijsne verō, qui per ignoran-
tiæ pelagus profundissimum naufragij raptantur,
perq; omnia cursu insano feruntur errata, & scelera,
ijsne, inquam, reliqua est misericordia? Talibusne
spes indulgentiæ est super? Est omnino, nam horum
omnium Christus spes est. Non igitur opus nobis est
multo labore, elaboremus modicum, & misericordiam
multam consequemur. Omnibus criminum generi-
bus parata est venia, siue in fines terræ extremos
quis peruenerit, siue in abyssum maris imam peccan-
do descenderit, spes illi certa, & portus tutissimus
est Christus, qui tam immenso cum amore mortem
pro omnibus oppetit. Itaque absque magno nego-
tio (dū se modō, vt debet, huc comparat) mis-
ericordiæ portum peccator inueniet. Vnicum etenim,
(sed illud penitente ab animo profectum) satis est
in tranquillitatem adducendis flagitiorum maris
quantumuis procellosi fluctibus, permouendoque ad
ignoscendum Deo. Nonnihil ergo studij hæc in re
ponamus, indulgentiamque facilem, & copiosam re-
feremus. Donec enim in hac mortali carne agimus,
non est cur diffidamus de salutis remedio, aut despe-
remus

remus sanitatem, sint licet plurimis, ac grauissimis ægritudinibus obnoxia nostræ animæ.

Homo quidam descendebat ab Hierusalem in Iericho, & incidit in latrones, qui etiam despoliauerunt eum, & plagis impostis abierunt, semiuuuo relicto. Itæ Dominus apud Sanctum Lucam 10. 30.

Theophylactus plurimum admiratur, quod ij latrones, cum & tam multi essent, & tantam haberent ferociendi tum occasionem, tum libidinem, miserum viatorem semiuuuum reliquerunt. Nam qui pun-ctim, cæsimque illam inuadebant, non potuerunt suam tam vrbane moderari crudelitatem, neque sic armorum gubernare ictus, vt nonnisi ad vitæ medietatem adimendam peruenirent. Cur non prorsus totâ vitâ exuerunt infelicem illum, qui in tam immanium scariozum incurrit insidias? Hic homo, qui Hierosolymis (quæ visio pacis dicitur) Ierichuntem (quæ idem est, quod mutatio lunæ) petijt, figura est peccatoris, illius, qui è gratiæ felici, à sublimi gradu in culpæ statum miserum descendens, in manus dæmoniorum incidit, à quibus animæ opibus omnibus nudatus, etiam multis efferatè vulneribus oneratur. Itæ exponunt venerabilis Magnus Simon de Cassia, Dionysius Carthusianus, Gagneus, Guido Carmelita, Stella, & alij plures, quos & longum, & otiosum esset recensere.

Ex his iam emergit dubitatio, quomodo semiuuuo relictus fuit, qui in illorum tam crudelium graffatorum sæuas manus incidit.

Respondet Theophylactus: Quod parte sui alterâ confectus vulneribus, alterâ viuus relictus fer-

tur hic homo, id factum, vt inditio esset, quod non omnino desperata erat humana natura. atque vt intelligeremus, quantisuis flagitiorum vulneribus sauciatur anima, non desperandam eius vitam, vt cui vitæ pars aliqua semper maneat reliqua, & manere locum veniæ, donec vitæ quidpiam superest, & quamdiu anima in carne agit, spem de illius salute instauranda non abiiciendam. Nam si homo se, vt debet, disponat, & quibus potest viribus conetur, sanabitur, vitæque illi tota redibit, & veniam inueniet, cui tam viua plurimorum perditissimorum hominum proposita sunt exempla, eorum, qui superi Medici pharmacis bene vsi, è strato lethaliū infirmitatum suarum exurrexerunt, tantamque incolumitatem sunt consecuti, quantus non fuerit morbus, à quo conualuerunt.

Nam vt quidam peccando misere conuulnatus, atque ob id bonus artis bene sperandi magister accipiat: *Vbi abundauit delictum, superabundauit & gratia*; Rom. 5. v. 20. hoc est, quanquam nonnullis hominibus peccatum plurima inflixerit vulnera, accedens tamen misericordia, & post culpas ingressa tantis eorum animas cumulauit gratijs, vt indulgentiarum multitudo numerum plagarum magnum in modum superaret. Confortetur ergo animo noster Politicus, vt qui Deum habeat, in cuius pietissimis visceribus omne peccatum inuenit remissionem, omnis noxa suam veniam.

Ad Petiocham I. Dominica XVI. post Pentecosten, Tom. 2. pag. 228. a. o. & vide, quæ ad calcem illius adscripta.

LIBER TERTIVS.

CAPVT I.

Dominus sua ita & dicit, & facit, vt necessum sit ipsum omnis gratiæ autorem, & omnis boni originem agnoscere.

Rostquam generationes sancti Patriarchæ nostri facer Historicus pertextuit, narrat illius cum Rebecca connubium, quæ filia Batuelis Syri in Mesopotamia erat, soror Labani. Post hæc consequenter refert, quàm ardentibus precibus Deum obtestatus pro vxore fuerit, vt eam, quam iniquior natura sterilem fecerat, ipse fecundam redderet: *Deprecatusq; est Isaac Dominum pro vxore sua, eo quod esset sterili*; Genes. 25. 21

Tom. III.

Notant hoc loco omnes Expositores, quod illustriorum veteris Testamenti matronarum, pleræque steriles fuerunt, in quibus Sara, Rebecca, Rachel, Anna mater Samuelis, Elizabeth mater Præcursoris Christi, & optimæ matrum mater beata. Obseruârunt hoc Abulensis, Lyranus, Pererius, Ferus, Guilielmus Papinius, & Hugo Cardinalis. Factum id, quoniam cum illæ tam insignes, & celebres edituræ essent filios, voluit Dominus clauē sterilitatis portas claudere fecunditatis, vt cum tanto bono aperirentur, tam opulentorum pignorum possessio magis tribueretur manui ipsius diuinæ, quàm industriae humanæ. Hæc namque attentâ providentiâ sic omnia disponit Dominus, vt quæcunque vel dicit, vel facit, ea ita dicat, faciatque, vt in illius munificas

kk

manus,

manus, tanquam omnis boni fecunditatem referamus, quicquid vel fauoris impetramus, vel habemus gratia.

Regius Propheta, cum apud hunc Dominum de obseruantia diuinorum illius praeceptorum disserteret, sic aiebat: *Tu mandasti mandata tua custodiri nimis*; Psal. 118. v. 4.

Quod Propheta ait, Deum mandata sua nimis custodiri praecepisse, id difficultatem quandam olere videtur, quæ in illorum obseruantia occurrat, ut notarunt Titelmannus, Boquius, Rainarius, & Arnobius. At quomodo fieri potest, quod Deus nos ad legis obseruantiam permouere velit commemoratione difficultatum, incommodorum, & impedimentorum, cum quibus eius studium sit coniunctum? Certè qui hoc facit, is magis eam violari, & conculcari, quam colli, & obseruari velle videtur. Et quoniam persuadere nobis non possumus, cum Deus laboris grauitatem, quam mandatorum illius custodia fert secum, indicauit, quod id ex eorum à nobis negligendorum, contemnendorum uel desiderio fecerit, cum ille ea accuratissime, & exactissime obseruari vehementer cupiat, quid mysterij subesse potest istarum commemorationum difficultatum, ut illius rectè à Domino institutæ rationes sufficientes inueniamus?

Respondet Doctor mellisthus serm. 2. in Vigil. Natiuit: *Propterea mandata sua mandauit custodiri nimis, & videntes imperfectionem nostram deficere, & non posse implere quod debet, fugiamus ad misericordiam.* Quod legem suam in modico studio tam perdiligenter à nobis obseruari praecepit, eaque iustione, quam sit operosa illa obseruantia, indicare voluit, id fecit, ut dum homo virium suarum imbecillitatem agnoscit, ad Dei auxilium confugiat, ut cum eius opitulatrice gratia consequatur, quod suo tonatu obtinere nequit, & postquam semel intellexit, quam nihil sine illius adiutorio possit, si quandoque mandata ipsius rectè custodiat. Conditore suam obseruantiam acceptam referat, à cuius manibus omne bonum descendit, sic ut beneficium quoddam, sine gratia illius beneuolentia, & adminiculo consequi nemo possit: *Ut videntes imperfectionem nostram deficere, & non posse implere quod debet, fugiamus ad misericordiam.*

Percommodum dictis veniet Cardinalis Cæterani aliquod in quædam celestis Magistrum verba annotationum. Emisit ille ad prædicandum suos Discipulos, doctoresque illos instituens, binos, ac binos ablegauit, qui præirent in omnem ciuitatem, locum-

que pararent, in quem Dominus maiestatis per gratiam suam hospes intraturus erat. Atque ut illos ad diligens studium, peruiabilemque sollicitudinem curandarum, & promouendarum ad meliorem frugem animarum exstimularet, sic aiebat: *Messis quidem multa, operarii autem pauci*; Lucæ 10. v. 2: tam rari sunt, qui metendi laborem suscipere velint, quam copiosa messis, quæ falcem opperitur.

Quod ea sit metaphorica locutio, id facillè quisque videat: Sed animaduersione diligente dignum est, quod prædicandi, siue euangelizandi populo ministerium labori seminandi, ac metendi comparatur. Sic enim & supra Dominus, cum dixisset: *Exiit qui seminat seminare semen suum*; Lucæ 8. 5. paulò post subiunxit: *Semen est Verbum Dei*; ibid. v. 11.

Quæri nunc potest, cur prædicationis munus, & animarum iuuandarum studium plerumque magis ferendi, metendique exercitio, quam alteri cuius operi, vel officio comparatur.

Huic quæstioni respondet Caietanus in cap. 10. Lucæ, inquiens: *Apud officium euangelizandi, & exercetur per Discipulos, assimilatur messioni, & autem diuina in eo operatur virtus, assimilatur est seminationi, & intelligamus, quod sicut metens, fructus non suos, sed seminis refert, ita Discipuli fructum non suum, sed diuini seminis in cordibus auditorum vegetati referunt.*

Magno ergo, & singulari mysterio officium prædicationis, ut quidem ab homine administratur, messioni comparatur, seminationi autè, ut ex Deo habet suam apud auditorum animos efficientiam. Mysterium porro est, ut sicut is, qui metit, non suæ industriae, & defatigationi tribuit abundantiam frugum, sed virtuti seminis, sic Discipuli videntes magnam sequi ex sua prædicatione emendationem morum, vitiorum fugam, virtutis profectum, intelligerent, se nihil ampliùs, quam messorum officium facere, causam verò tam copiosæ messis esse semen verbi Dei, eiusque efficacem virtutem, non suæ falcis vim, nec verborum energiam. Omnis quippe gratia, donum omne ex diuinis, & liberalissimis Domini manibus, velut per canales, aut tubos quosdam ad nos descendit.

Hic Dominus paucis horis ante acerbam passionem suam, & nunquam audita probra Discipulorum charissimos, ut ferunt Euangelistæ, secum in horti Gethsemani partem secretiore abduxit, facturumque orationem, quantum iactus lapidis est, ab eis secessit. Fudit ergo suam ad æternum Patrem obediens Filius orationem, à qua reuersus conuenit

Discipulus

Discipulos, inuenitque alto somno demersos, & hanc illorum negligentiam culpans, talibus verbis eos ceu amantissimus magister appellauit: *Sic non possumus vna hora vigilare tecum?* Matth. 26. 40.

Simon de Cassia pressit hæc verba, *Vigilare mecum.* At cur illos Dominus non absoluit de negligentis vigilijs accusat, sed hoc nomine magis obiurgat, quod non simul cum ipso vigilauerint? Respondet venerabilis Pater lib. 13. in Euangelia: *Mecum ideo dicit, quia sine ipso nihil possumus facere.* Quod Dominus ait, absque se neminem vigilare posse, eâ re imbecillitatem virium nostrarum, & roboris exiguitatem significare voluit, quæ tanta sit, ut nisi ille in suo auxilio infirmitati nostræ succurrat, nec vigilas, nec aliud quidquam agere possimus, quod vel laude dignum sit, vel remuneratione, ac præmio, ille nimium omnis boni autor est, & causa totius gratiæ.

Non prætereamus quandam Cardinalis Caietani subtilitatem præsentis causæ aptam. Postquam prædicatorij sui muneris partes discipuli executi essent, sanascentque ægros, & dæmonia ab obsessis exegissent, læti, hilaresque venerunt ad Dominum, ac dixerunt: *Etsiam dæmonia subijciuntur nobis in nomine tuo;* Lucæ. 10. 17. Caietanus ait, Illa è textu græco sic legi posse: *Subijciuntur nobis, & effusè exultabundus cælestis Magister, inquit: In hoc nolite gaudere, quia spiritus subijciuntur vobis;* ibid. v. 18.

Obseruauit hic sapienter doctissimus Cardinalis, quod cum duo complecteretur Discipulorum lætitiâ, quorum illud primum, quod se illis dæmonia submisissent, alterum verò, quod ad imperium nominis dominici, soloque eius auditu strata, ac subacta essent, hoc solum in eis reprehendit, quod dixerunt, sibi acheronticos illos tenebriones celsisse, ac succubuisse, inquiens: *In hoc nolite gaudere, quia spiritus subijciuntur vobis.* Sed cur hoc dissimulans, quod propter dæmonia diuini sui nominis potestate subiugata gesebant lætitiâ, illud reprehendit, quod ob eisdem spiritus à se fugatos efferebantur.

Respondit ille acutè dicens: *Quia non erat culpabile gaudium, quod spiritus subijcerentur nomine Iesu, sed quod subijcerentur eis, culpabile gaudium erat.* Læte ferebant Discipuli, quod dominici virtute nominis flygiorum fugabantur legiones lauerniorum. Id citrà noxam fiebat, quin & laudem merebatur. Gratulabantur etiam sibi, efferebanturque animis, quod ipsi quoque subiectos haberent cacodæmones, tanquam propriâ, & non aliunde acceptâ virtute proteruos illos spiritus subegissent. Hoc

verò piaculum erat, dignum quod obiurgatione perfringeretur. Nam putare, quod homo vires eas habeat, quibus dæmones proflernere aut miracula aliter, quam potestate diuinâ operari possit, est manifestus error, & stulta præsumptio: Nempe omnes pendemes ex supera manu supremi Domini, sine cuius auxilio, & fauore nihil laudabilis operis inchoari, nec quicquam perfici potest, quod laurum æternam, & inmarcescibilem mereatur coronam.

Differt Autor de eadem re Periochâ I. Domin. IV. post Epiphaniam To. 2. pag. 432. b. o. Vide quæ ad finem eiusdem Periochæ subnotata.

CAPVT II.

Quaquam Matrimonium sit sanctum Sacramentum, non tamen hoc facit, quin statum illum plerumque comitentur plures ærumnæ, & labores non pauci excipiant.

Quod Matrimonium sit vnum è septem Sacramentis Ecclesiæ à Christo, Redemptore ordinatum, institutumque à Deo sub primulum mundi initium, res est tam constituta, & explorata inter Catholicos, ut me probandi labore indubitata eius notitia leuet.

Verum quaquam ita sit, & fides dicit, quod sit Sacrosanctum Sacramentum, ut omnes confitemur, experientia tamen cogit dicere, illud ipsum, quâ statum est, tam plenum esse spinis, tam oblectum tribulis, tam confitum curis, & sollicitudinibus, ut solus ille miserorum, ærumnosorum, calamitosorumque status appellari, idque nominis absolute sibi arrogare posse videatur. Cætera namque vitæ generata meti non careant suis molestijs, hæc tamen cum illis compositæ, quibus expoliti & obnoxij sunt, qui coniugati, non videntur illud vocabuli mereri. Merito proinde à iugo dictum coniugium, ut ipsum nomen præferat, & loquatur subiectionem, calamitates, afflictiones, quibus se exponunt, qui matrimonio tradunt. Authores huc adducam, qui huius veritatis theoriâ afferant, & confirmant, praxin enim probare nihil necessum.

Sanctus Theodorus Studita, cum Monachos hortaretur, ut immortalis Deo Patri referrent gratias, quod ipsos in amœnum statum religiosi viridarum adduxisset, aiebat: *Quod post studium est iuge in Domino gaudium.* Hæc ille catech. 110. tanquam pluribus dixisset: Exercitatio monastica quidnam aliud est, quam terrestre cælum, vbi non secus ac in delitioso paradiso, in perpetuo laudum diuinarum cantu, & Angelorum iucundissima societate viuunt.

Subiicit autem mox vir sanctus: *Nam Vbi matrimonium est, ac seruitus, & quæ ex ijs molestia manant, misera hac hominum generi diuinitus insita distractio, difficile est in Domino gaudere.* Reuocanda ad trutinam verba Theodori, atque in ijs illud expendendum, quod vir sanctus cum ex aduerso pacatissimi status religiosi collocare omnes huius vitæ aduersitates, misérias, anxietates vellet, nullas citius, nec maiores inuenit, quam matrimoij, ac seruitutis ærumnas. Dicit namque: *Nam Vbi matrimonium, & seruitus.* Nihil in hac vita dulcius, optabiliusque libertate, vt econtrā nihil miserabilius, ac tritius seruitute. Id tam est euidens, ac manifestum, vt sit superuacaneum probare, ac propterea prætermitto illum tam tritum versum:

Non bene pro toto libertas venditur auro; quod sciam, neminem esse, qui hæc legat oculis, quin eundem adducat, & sic commemoret, ac si ego ignorarem. Quod ergo Theodorus matrimonium cum seruitute coniungit, tale est, ac si diceret, non videri plura, quam duo esse in mundo mala, scilicet Matrimonium, & seruitutem, nisi mauelimus dicere, viraque in vnum recidere, & coniugem seruo nihilo esse meliorem. Atque vt in hac eum fuisse sententia pateat, notandum quod ait, ex his duabus rebus, nempe Matrimonio, & seruitute, totas vitæ huius ærumnas reliquas scaturire: *Et quæ ex his molestia manant.* Nam vt flumen sicari necessum est, cum fontem aqua destituit, vnde illud descendit: Ita si neq; seruitus esset, neq; Matrimonium, etiam vita præiens absq; omni poena, & miseria, vt videtur, esset. Si enim illa duo, Matrimonium, & seruitus, quidam velut fontes sunt, ex quibus ærumnæ, infelicitatesque, vt videtur, omnes proflunt, omnia miseriarum, curarum, ac solitudinum, flumina deficient, dum fontes ij modò exundare, aut prorsum esse desinant.

Non inopportunum rei, quàm tractamus, futurum erit illud Apostoli, cuius tam crebra, cum de Matrimonio agitur, solet fieri mentio: *Alligatus es vxori? Noli querere solutionem, 1. Corinth. 7. 27.* caue causas comminiscaris, vt te expedias nexibus, quibus obstrinxisti.

At quisnam hic dicendi modus, *Alligatus es vxori?* clamat maximus Ecclesiæ Doctor B. Hieronymus. Ergone alligatus est qui nuptus? *Alligatus*, inquit Apostolus. Nonne verò aptius diceret, copulatus, siue suauiter illaqueatus, aut amabilissimo nuptialis fœderis nodo coniunctus, velut perpetuum vitens hedera editos scopulos, & quidquid aliud

proximum, blando complexu sibi deuineit? Verum alligatus! Quid sibi voluit tali vocabulo Paulus?

S. Hieronymus lib. 1. in Iouinian. Tom. 1. respondet: *Qui vxorem habet, & debitor dicitur, & seruus vxoris, & (quod malorum seruorum est) alligatus.* Dum Paulus maritum coniugi suæ alligatum dicit, sic illum, vt & debitorem, & mancipium vxoris habet, & non quaecumq; mancipium, sed vilissimum, & miserabilissimum, & quales sunt, qui intrā obscura, & arcta ergastula validis compedibus, ferreisq; catenis constricti. Vxores itaq; vincula sunt, quæ vi, & tenacitate matrimonij sic obligant, & arctant suos viros, vt se exsoluere, & euadere nequaquam possint: *Et quod malorum seruorum est, alligatus est quisquis vxoratus.* Miserum est perdere libertatem, sed ita perdere, vt infelici captiuo neque compita relaxandi animi gratia obire, nec familiarius cum quoquam loqui, nec sua mala cum alijs communicare liceat, ea durissimā seruitus est, per quam infortunatissimus captiuus in tenebrosissima, horribilissimaq; carnificina facens moritur. Talis efficitur, qui vxorem ducit, inquit Hieronymus, si cum eis conferas, qui alterius status sunt, & iniuges. Quam enim omnis vitæ conditio suas habet molestias, suos moerores, & labores, eos tamen si cum Matrimonij miserijs componas, id tale fuerit, ac si hominem solum, qui liber plateas obit, comedit, bibit, genio, & familiari cum alijs consuetudini indulget, cum illo compares, qui Algerij à Mauris, siue à Turcis alibi vinctus in obscuro carcere detentus suamq; deplorans captiuitatem gemit, suspirat, & neq; lumen cæli videt, nec vocem audit humanā, nec habet, cum quo exulcerati cordis sui anxietates, & afflictiones communicet. Qui ergo coniugatus, idem velut seruus est, isq; carceri addictus, & constrictus insolubili catenā vxoris, inquit Hieronymus, mille ærumnis, curis infinitis, perpetuisq; laboribus, & calamitatibus expositus. Quid mirū ergo quod S. Theodorus misérias seruitutis cum molestijs Matrimonij coniunxit, & captiuorum infelicitatē cum rebus incommodis copulauit, quas nupti deflere solent? *Nam Vbi matrimonium est, ac seruitus, &c.* Tantas enim plerumq; experiuntur calamitates coniugati, quantas ferè pati solent captiui.

Præmodum consequenter ad hanc sententiam locutus est Tertullianus, quando lib. de Virginib. velandis cap. 17. ait: *Et vos admonemus alterius pudicitia mulieres, quæ in nuptiis incidit.* Eruditus magni Africani interpres Ludouicus Cerdà hoc in illius verbis pressit, quod ait *Incidit.* Vt cum ma-

lieribus

lieribus coniugatis loqueretur, non dicit, vos appello, quæ Matrimonium profiteamini, quæ datâ manu maritis vestris sponfas vos tradidistis, quæ sub iugalibus nexibus vitam exigitis, sed *quæ in nuptiis incidistis, si non sit in malum, certe sit minus bonum*, inquit Cerda. Quod eigo Tertullianus ait, eas, quæ in Matrimonio erant collocatæ, incidisse in nuptias, perinde est ac si dixisset, eis, quæ nubunt, id quodammodo accidere, quod euenire viatoribus solet, qui cum iter seu pedibus, seu nauigio securi, & omni metu vacui faciunt, sæpè vel in laronum infidias, vel Turcarum ciremes incidunt, & ab illis quidam rebus suis nudantur, ab his verò ferro onuiti in captiuitatem abducuntur. Misera utrinque, ac deploranda infelicitas. Ita quibusdam Matrimonij status est suo modo vel grassator, qui ipsorum quietem impedit, vel pirata, qui libertatem adimat. Quid namq; aliud est coniugatus, quàm victus captiuus, aut per vim factus seruus, cui nulla ante mortem Redemptio, vt tantundem videatur incidere in nuptias, & incurrere in grassatorum, piratarumq; manus, vt sunt multæ, & magnæ calamitates, ærumnæ, curæ, sollicitudines, variæq; incommoda, & impedimenta, quæ persequi eos solent, quos huius magni Sacramenti vincula constrictos habent.

Hoc expertus affirmabat sanctus Gregorius Nyssenus, quando de status huius ærumnis loquens lib. de Virginit. c. 3. aiebat: *Multiplex, ac varia est malorum copia, quæ à nuptijs existunt. Tu velim te huius sita theatro tragædiæ spectes, quarum omnino ministræ hominibus nuptiæ sunt.* Vocat hic tragædias Nyssenus vitam, quam nupti agunt, perpetuo namq; in gemitu, & luctu versantur, querimontiarum, curarum, sollicitudinum apud eos nullus aut modus, aut finis. Nunquàm aliud dicere noderunt coniugati, & vix de alijs rebus verba faciunt, quàm de infinitis pietissimi Domini beneficijs, quibus viros religiosos cumulat, dum eorum ceruices à iugo Matrimonij seruat immunes, quod cum non fertur æqualiter, non ducitur concorditer, omni monte grauius est, omni scopulo, & rupe magis premit, & obtruit.

Eapropter aquila Doctorum S. Augustinus, cum secum reputaret molestias, & onera, quæ status iste fert secum, hæc irriseruo Deiseruanda monebat. *Primum* sit uxorem nunquàm cuiquàm pferret. *Secundum*, si militare volentem ad hoc non commendaret. *Tertium*, si in sua patria peritus ad conuiuium non stet. Sic de illo Possidonius in eius vita cap. 27. E

tribus ergo, quæ Religioso magnopere fugienda Au-

gustinus putabat, hoc primum erat, ne quis alteri nuptiarum author, conciliatorq; pronubus esset. Huius autem consilij sui talem reddebat Doctor sanctus rationem: *Ne dum inter se coniugati iurgantur, eum maledicant, per quem conuincti sunt.* Nemo ergo prudens, aut seruus Dei procurare cuiquam uxorem debet, sed hoc officij, quantum licuerit, magis recusare, vt execrationes, diras, & varias verborum iniurias effugiat, quas in eos, quos matrimonij sui suatores habuerunt, nupti euomere solent, quoties cortixantur, & molestia illis, quantumuis leuis, accidit. Vt enim crebra sunt coniugatorum iurgia, frequentes rixæ, & similitates, sic & hoc ijs perusitatum, inuehi statim in eos, qui nuptiarum consultores fuerunt, maledictisq; illis, & omni impropiorum genere perstringere.

In quam rem sic ait sanctus Ioannes Chrysostomus hom. 9. in c. 4. Epist. 2. Corinth. *Nam & pronubus sæpè dixi omnibus deuouerunt etiam ipso die, quo thalamis strati sunt.* Vt proxima sæpè, & coniunctissima sunt nubere, & facti poenitere, ita & multas videas mulieres, quæ ipso nuptiarum suarum die, in medio effusissimæ hilaritatis, & sub ipsis iucundissimis choreis, in furias infernales conuersæ, contumelias, quales, quantascunq; rabies suggerit, expuunt in eos, qui nexum procurarunt, quo sunt constrictæ, suæque diligentia fabricarunt iugum, quo prægrauantur.

Amplificat rem Doctor sanctus, quem dixi, inquitens ibid: *Quin & multis iuuenes cum inuendâ matrimonij potestas esset, non aliam ob causam ab uxore ducenda abhorruerunt, quàm ob molestias, quas id sita genus haberet.* Hinc est, quod cum pleriq; adolescententes inter ætatis suæ flagrantioris ardorem, & virorem, vigoremq; iuuentutis omnem facilem putent laborem, & cuius periculo audacter se obiciant, non pauci tamen sint, qui pedem reuocârunt, & velut ignanti fugam arripuerint, exterriti magnitudine, & grauitate operum, curarum, ærumnarum, molestiarum, quæ illum statum, & hoc vitæ genus comitantur. Iuuenem inuenias, qui patens intrepidè petus fulminaris machinæ tonitruo obiciat, tormentisque bellici etiam vastioris, quod plures mortes, quàm globos vomat, istum nihil formidet, onus tamen matrimonij subire, vel talis vitæ pondera excipere non audeat, non quod non sit valde sanctus ille status, in quo beatitudinem sibi comparare possunt, qui eum profitentur, sed propter labores, curas, negotia, ærumnas, & defatigationes, quibus plurimum expostiti sunt, qui vxoribus copulari.

Celebratissimus est tener, ac singularis amor Redemptoris mundi in Benjaminum suum Ioannem, quem actionum suarum humanarum, diuinarumque scriptorem elegit. Crebro hunc Christi erga te amorem conficitur charus Discipulus, qui vix sui actionem facere scivit, quin hoc magnifico elogio, & illustri dilecti Discipuli appellatione se coornaret, dicens: *Quem diligebat Iesus; quod in illius Evangelio sapiculè reperiatis.* Quibus verò ab effectis amorem superi Magistri erga Ioannem arbitramur, qui tantus fuit, ut vnum illum præ omnibus deperierit?

Venerabilis Beda ait, multas causas esse, ob quas enixiore benevolentia prolecutus Ioannem Dominus fuerit, variaque erga illum egisse, ex quibus pronum sit aestimare, propensiore fuisse in illum voluntate, præcipuum tamen peculiaris, ac vehementioris dilectionis argumentum esse illud posse, quod ipsum à muliere amore abduxit, cauitque ne coniugium iniret, demum etiam tantâ puritate donauit, ut virgo per omnem vitam maneret: *Pocauit Ioannem de nuptijs, inquit ille Serm. de S. Ioan. Evan. To. 7. Et ipse reliquit coniugem, & secutus est eum, & propter hoc amauit eum Iesus plus omnibus Discipulis, quia traxit eum de amore mulieris, & castus permansit.* Quod Ioannes sponsus fuerit earum nuptiarum, quas Canæ in Gallilæa celebratas ipse memorat, id sancti Antonini, Ioannis Maioris, Scoti, Nicolai Lyrani, & aliorum multorum auctorum constans habet opinio, quod alibi probatum dedimus. Dicit nunc venerabilis Beda: Absoluit Christus Ioannem à iugo Matrimonij, è captiuitate & seruitute, quæ illi minabatur, eum exemit, propter hoc amauit eum Iesus plus omnibus Discipulis; certè dilectionis enixioris, & flagrantioris hoc luculentum inditum dedit, quod à graui coniugij onere illum liberauit, & post hæc Discipulum suum fecit. Nam quod illi à nuptijs auocatum collegio suorum Discipulorum adscripsit, tale quid est, ac si ex aspero senticeto, aut rudi spinosâque sylua euulsum in hortum rosas, cariphyllis, alijsque id genus lectissimis, elegantissimisque floribus omni ex parte confectum transulisset.

Sic enim Antiphanes apud Stobæum serm. 68. Tom. I. aiebat: *Infortunium extremum nuptia sunt, & infelicitatum, calamitatumque quæ accidere in hac vita homini queant, quædam summa, propter ærumnas, & afflictiones, quas in hoc statu pati necessum.*

Sandus Ambrosius in exhortat. ad Virg. dum indagat, unde nuptiarum etymologia suam duxerit originem, vult nuptias à nubibus dictas, inquiens:

Nubes itaque sunt, & graues nubes, quæ nupserint, nubes quæ à nubibus verbum nubentium tractum arbitror, & verè graues nubes, quæ sustentant sarcinam matrimonij. Quando per veni temporis dies videmus obscurari calum, nubemque densam, nigricantem, ac grauidâ inde aduenire, quantû hæc res metû adfert! Videas alios toto corpore, & artubus omnibus contremiscere impendentis nimbi timore perterritos, alios à terribili eius aspectu fugere, veritos ne fulminarem aliquem radium abortiat, qui omnia in cinerem vertat, in quæcunque incidere. Exoreis conceptis scripturæ diuinæ verbis, & fide animosâ eam adiurant, ut solutam, effusamque illius feritatem infrenent. Omnes Deum precibus, ac votis interpellant, rogantes, ut inecmodum, quod formidant, impediatur, auertaturque, atque illud tunc vel maxime, quando vident omnibus ab imminente imbre frugibus certum imminere exitium, & indubitatum satis, plantisque vniuersis paratam vastitatis perniciem.

De nuptijs ergo sic nunc pronunciat Beatus Ambrosius: *Nubes sunt, & graues nubes, graues curarum grandinibus, graues sollicitudinum fulminibus, graues inquietudinum radijs, graues miseriarum plurimarum largifluis nimbus.* Hæc omnia status ille æturnosus test secum. Cum itaque de nuptijs celebrandis agitur, cum de inuendo matrimonio fit sermo, quis non contremiscat, si curas tamen, miserasque cruciabilissimi istius status perspectas habeat? Quis non vehementer timeat tanquam si crassam aduolare nubem videat, quæ fulgura, grandines, inundationes, interitumque vnum omnibus proximum comminetur? Talia nimirum, & his cum plura, tû deteriora, & acerbiora inueniri apud nuptos solent, inprimis, vbi sub impare iugo, inter perpetuas offensiones, alterationes, animorumque sinultates cunctis illud fertur, & luctuosa vita agitur.

Hanc ob rem Socrates apud Stobæum serm. 68. Tom. I. interrogatus, quos homines maximè poeniteret eorum, quæ semel egissent, respondit: *Qui uxores duxerunt;* quo significare voluit, luctum, miseria, coedam, quæ ex alijs factis nascuntur, tolerabilia esse, vel dum matrimonij miseria, & infelicitates nullum vel leuare habere, vel solatium, itaque nec mirum, quod ex solis nuptis fiant poenitentes, vti artifices industrios longum experimentum parere solet.

Huc respexit celebratissimus ille legislator Lycurgus apud Stobæum iterum serm. 68. quando cuiusdam scilicet, cur non grauioribus poenis in eos decerneret,

cerneret; qui nuptias defugiebant, vt sic eos ad officium cogeret, respondit: *Grane onus est mulierum*, velut dixisset: Non debeo tam subausterus esse in meis legibus, non tam immodicè rigidus in decretis, vt Lacedæmonijs meis inuicis, ac repugnantibus tam molestum onus, quàm est mulier, per vim injiciam, quacum plurimas sollicitudines, per uigilia, curas, ærumnasq; tantas quisq; in ædes suas introducit, quãtas domi suæ experietur quisquis coniugatus.

Querit Franciscus Georgius Problematum suorum sect. 3. Num. 119. cur Isaac eo tempore, quo sciebat nuptiarum suarum causam alibi tractari, deambulabat per *Siam*, qua ducit ad *Puteum*, cuius nomen est *Videntis*, & *Videntis*; & egressus fuerat ad *meditandum*, inclinata iam die, Gen. 24. v. 62. & 63. Secessum petiisse, vt precatonis studio expeditius vacaret, conspiranter affirmant Interpretes, indicatque Paraphrastes Chaldæus, cum sic transfert: *Ekerat adorandum*. Notat verò Procopius, valde attentam, flagrantemq; fuisse orationem, cui tunc operam dabat.

At cur per illas horas tam ardentèr ad preces incubebat, tamq; amanceret, & enixè Deum obsecraret?

Respondet Franciscus Georgius: *Nonne fieri debuit in negotio tam arduo, quàm est indissolubile Vinculum matrimonij?* Erat Isaac in eo, vt proximè coniugium iniret. Nouerat inexplicabilem esse nexum, quo cum se vxori adstringebat, simul grauissimum humeris suis onus imponeret, quod decutere, aut abijcere nunquàm posset. Eapropter oratione se ad hanc rem præparabat, vtq; eam feruentior promeretur flagrantis animi affectus, in solitariū locum secedebat, vbi cum nihil esset, quod cogitatus ab oratione aliò abstraheret, tota mentis contentione vacare Creatori suo posset. Et hæc procul dubio causa est, quòd Isaac, vt sacer Textus mouet, *cum quadraginta esset annorum, duxit uxorem Rebecca*, Gen. 25. 20. Tam negotiosum enim opus, tam operosum negotium, tam confusus spinis, tam confertus tribulis, tam obnoxius afflictionibus, & sollicitudinibus status, nisi ab adultiore, & maturo iam, consultaq; ætate virò rectè suscipi non potest. Trito apud nos adagio dicitur: *Antes quo se case, es necessario mirari loque hære*; hoc est: Qui vxorem ducturus est, is ante, quid agere instituat, necessum vt præuideat. Sed quomodo hoc præuidere queat, qui iugi, quo se grauat, & oneris, quod sibi assumit, atq; imponit, notitiam habere non potest?

Itaque & Oleaster cum in hanc considerationem

incidit, quòd Isaac non nisi processioribus vitæ annis matrimonio se addicere voluit, sic ait: *Non possum non taxare nostri temporis homines, qui filios suos sex & viginti annorum ætate coniungunt, qui non solum domum suam regere nesciunt, sed nec se ipsos*. At si eius ætatis adolescentes tam non rectè procurare familiam, remq; domesticam, quàm nec se ipsos moderari possunt, quid de ijs dicemus, qui cum talibus sint inferiores & iudicio & annis, matrimonij onera nihilominus suscipiunt?

In hanc rem Vide Tom. II. Periocam II. Domini. ca II. post Epiphaniam pag. 409. a. o. atq; ibi pulchra.

CAPVT III.

Nullum tale connabium, quale risus cum patientia, nemo enim adibit gloriam, nisi ante subierit penam.

Cum ad nostram doctrinam scripta sint, quæcunq; scripta sunt, vt ait Doctor Gentium Rom. 15. 4. institutioni nostri Politici non parum commodabit, si attentus consideret mytheria harum sacrarum nuptiarum, & coniugij Isaac cum Rebecca. De illo sic ait Scriptura: *Acceptam*, puta Rebecca uxorem. Gen. 24. 67. Res benè explorata est, quæ sæpè diximus, & nemo, quantum existimò, ignorat, nomine Isaac significari risum: Hoc loco autem necessum est animaduertere, Rebecca ex sanctorum Hieronymi, Cyrilli Alexandrini, Venerabilis Bedæ, Nicolai Lyrani, Santis Pagnini, Laureti, aliorumq; notatione idem esse, quod patientiam. Quid verò mytherij habere possit, quòd mutuo copulata sunt, datiq; dextris iugalia fœdera inierunt risus, & patientia? Illud haud dubium, vt intelligeremus, quàm coniuncta sint in domo Dei, quàmq; coniugata, pati, & ridere, fatigatio, & quies, poena, & gloria, sic tamen, vt prior quiete sit delassatio, labor otio anterior. Hæc nempe lex est, quam supremus Legislator sancit, & Paulus promulgauit, quòd nulli diadema obtinget, qui non ante in palæstra huius sæculi masculo animo strenuè pugnarit, vitæq; præsentis ærumnas magna cum patientia tolerarit: *Qui certat in agone, non coronabitur, nisi legitime certauerit*; 2. Tim. 2. 5. Nam putare quòd gloria gloriam, & quies quietem alia aliam excipiet, & quòd celi gloria gaudebimus absque tolerantis ante huius vitæ aduersis, est error, quem & sacræ literæ damnarunt, & falsum esse experti sunt, quotquot nunc Deo fruuntur, qui lapides sunt istius semper-

ni aedificij, sed tunctionibus, pressuris, ictibus expositi, & ad ornamentum superæ basilicæ elaborati.

Abiecit Dominus regem Saulem pro violata obedientia, dein verò hoc egit, ut alium constitueret populo Principem, virum secundum cor Dei, ut is filijs Israël imperitaret, eosq; moderaretur. Vngendi illius in regni iuratum Principem mandata ferebat Samuel, de quo sacer Scriptor 1. Reg. 16. 13. ista: *Tulit ergo Samuel cornu olei, & unxit eum in medio fratrum eius*, quibus neglectis, ac repudiatis solus David delectus ad coronam, solus purpurâ, & sceptro dignus, solus Rex inauguratus fuit. Fecit hæc Samuel, atq; ita abijt.

Rupertus in hanc rem sic ferè ait. Qui tale quid ad eum modum agi vidisset, filiorum Isai natu minimum Davidem magis ferro constrictum, & seruituti addictum, quam vinctum in regem cogitare potuisset. Nam qui sacram historiam attentis percurrerit oculis, videbit, quòd ille à Samuele regno initiatus fuit, perinde fuisse, ac si persecutionibus, calumnijs, facultatum discrimini, honoris dispendio, vitæ periculo, solisq; ærumnis, ac miserijs omnibus consecratus fuisset. Illum nempe & fratres vexabant, & Saul persepe quærebat, bibendi sanguinis illius percupidus, & nulla externa natio tam securum habebat, quin de vita crebrò periclitaretur. Quando tandem ergo imperabit ille delectus ad coronam, ille vocatus in regem?

Respondet Rupertus lib. 1. cap. 27. in lib. Reg. *Non statim sceptriger in solio sedit, purpurâ insignis, & diademate clarus, sed coronâ aureâ splendidus, sed prius egenus, & vagus, profugusq; erravit, & exul omnibus quoq; medijs, prius amaritudinis totius, & infelicitatis, quam nectareos, aut melitos Regum poculi liquores eporavit.* Vngitur in Regem Israël, ante autem, quam illustrem purpuram vestiat, aut radiantem capite coronam excipiat, & sublimem regalis throni sedem occupet, pauper, miser, ærumnolus, per montes, per antra, per sylvas, perque omnes iniquioris fortunæ iniurias exul, ac profugus reptatur, neq; prius ex auro ambrosiam promissi regni haurit, quam de vase fictili amaritudinem totius miseriæ combibat. Cur ante tam calamitosus fuit, quam regnaret? Si regni illi spes facta, si inunctus imperio David, si à Deo coronæ deputatus, cur prius, quam sceptrum manu vsurperet, aut tempora laurus cingat, tot aduersis afflictaur, tot exagitataur malis, ipsasq; non rarò mortis in manus incurrit? Monemur tali exemplo, quòd tametsi in baptismo vincti sumus reges, & inaugurati Principes

æternæ coronæ gloriæ, necessariò tamen animaduertendum, prius, quam eius possessionem ineamus, Davidis fortunam nobis subeundam, sic ut ante patiamur famem, sitim, lassitudinem, & alia id genus incommoda, quam beati regnemus in cœlis, nemini enim sceptrum quietis obueniet, nec orij purpuram æterni quisquam vestiet, qui non illa sibi afflictionum, & ærumnarum fortiter toleratarum vi compararit.

Sponsa de Canticis aiebat, non posse quin duplex iter susciperet, quorum alterum ad myrrhæ montem, ad collem thuris alterum duceret, inquiens: *Vadam ad montem myrrhæ, & ad collem thuris*; Cant. 4. 6. Esse hunc enigmaticum, & metaphoricum loquendi modum, facile est intelligere, ubi enim sequi montes myrrhæ, seu colles thuris reperiri queant? Hoc ita cõstituto, quæro quid sibi velint hæc duo à Sponsa suscepta itinera, atque ita suscepta, & perfecta, ut necessarium duxerit, ante myrrhæ montem pertransire, quam ad collem thuris peruenire? Nemo in sacris literis versatus ignorat, myrrham, propter suam nativam, & ingrâtam amaritudinem, esse tribulationum, & ærumnarum symbolum. Quid enim tam obuium in libris SS. Ambrosij, Hieronymi, Bedæ, tum Laureti, Ricciardi, Pagnini, Berchorij, & Pierij, quam istud. Quòd etiam thure representetur immanitas Dei maiestas, id cõstitutissimè apud eosdem authores, quibus accedunt Haymo, Eusebius Emislenus, & Iuuenius Hispanus, qui versu pene vnico, cui non parùm applausit Beatus Hieronymus, mysticam donorum à tribus Regibus Magis oblatorum significationem perscringens, ita canebat:

*Aurum, thus, myrrham, Regib; hominib; Deoq;
Dona dabant.*

Causa autem significatæ per thus Deitatis hæc est, quod id huc consecratum esset, ut supremæ Diuinitati offerretur.

Quid ergo mysterij habet, quòd Sponsa, ut in collem thuris pervaderet, myrrhæ montem prius pertransiuit? Cur hoc illi tam necessarium visum iter, quasi putaret, ad illum penetrare non posse, nisi per hunc prius viam institueret?

Respondet sanctus Gregorius Nyssenus hom. 6. in Cant. dicens: *Per hoc ostenditur, quòd qui cum Christo fuerit myrrhæ particeps, omnino erit etiam particeps thuris, nam qui fuerit cum eo passus, simul etiam conglorificabitur.* Quòd per montem myrrhæ, quæ est symbolum passionis Christi nostri Redemptoris,

ptoris, perrexit Sponsa, vt in collem pertingeret thuris, quod est Deitaris hieroglyphicum, eā re significatum fuit, vt quis in æternæ illius gloriæ collem penetret, fieri non posse, nisi asperum amaræ myrrhæ montem ante ascenderit, ac pertranserit. Nulla enim cuiquam obuenit sine labore corona, nulla sine sudore palma, nulla sine delassatione priore quies.

Cum Patriarcha noster Isaac filium suum Iacob (quem tamen arbitrabatur esse Esau) benedicere institueret, mirum est quā multa semel, ac sæpius illum interrogauit, quā crebrò attrectauit, quā studiosè examinauit, antequā illi osculum daret pacis, ac benedictionis, quam illi ex Deo optaturus erat. Prius comedit, prius tetigit, posthæc demum benedixit. In hanc rem sic scribit Moyſes Gen. 27. v. 21. 24. 25. 26. *Dixitq; Isaac, accede huc, & tangam te, fili mi, &c. Tu es filius meus Esau? &c. Affer mihi cibos de Venatione tua, &c. quos cum oblatos comedisſet, &c. dixit ad eum, accede ad me, & da mihi osculum.*

Hugo Cardinalis in hanc rem istud submonet: *Nota quod non statim receptus est Iacob ad osculum patris, sed post tactum, post prandium, tunc demum fit osculum.* Quid nobis eā re præfiguratum, indicatumque fuit? Respondet Hugo: *Tunc demum fit osculum, id est, post patientiam flagellorum, & fortitudinem bonorum operum.* Quod Iacob patrem conuenit, ab eoq; sibi benedici rogauit, is verò non statim exorari se passus est, verum cunctatione, & variā percunctatione moras gratiæ, quæ expetebatur, attulit, priusque & tetigit, & de manuum eius labore cibos sumpſit, hoc factum, vt disceremus, eum, qui osculum pacis, & quietis æternæ suspirat, & primogenituram voluptatis, & felicitatis illius perpetuæ obtinere cupit, debere prius à Deo flagello afflictationum temporalium tangi, suisq; ponderibus examinari, qualis sit, quā fortis ad toleranda aduersa, quā strenuus ad tractanda bona opera, ac postquā hoc exantlatorum legitime laborum, studiorumque in virtutibus colendis ritè collocatorum examen subiit, *tunc demum fit osculum*, tunc in gradum æternæ beatitudinis euehitur, ac promouetur.

Diligenter notandum id, quod Dominus præcepit nouo populi sui ductori, quando ad occupandam terram promissionis pergebat. Voluit eueri Ierichuntem, & ciuitatē Hai solum affligi, sic vt hominum nullus omnino, qualiscunque is esset, maneret superstes locorum illorum excidio. Verum animaduertendum, quod de Ierichuntis euerſione sic dici-

tur: *Quidquid auri, & argenti fuerit, & vasorum aneorum, ac ferris, Domino consecratur, repositum in thesauris eius; Iosue 6. 19.* Cum autem urbem Hai in rudera detrahi, ferroque ac flammā vastari iuberet, id ita fecit, vt suppellectilem, vestes, monilia, pecora omnia inter milites, eorumque duces diuidi permitteret, inquiens: *Pradam, & omnia animalia diripietis vobis; Ios. 8. 2.*

Hinc nunc quæstio suboritur, quamobrem in cæde, & strage Ierichunti illatā tam seuerè prohibuit Dominus, ne quis regularum istius ciuitatis vel minimū quidpiam sibi retinere auderet, idque tam exactè obseruari voluit, vt Achan, qui hanc temerè violatū iussuonem, lapidibus obrui, facultatesque illius omnes subiecto igne concremari præceperit, cum in ciuitatis Hai excidio totam illius suppellectilem, copias omnes potestati, libidini, spoliatiōi militum permiserit, dicens: *Pradam, & omnia animalia diripietis vobis? Quid amplius habuit Iericho, quā Hai? Cur Ierichuntis nihil contingere licebat, cum rebus Hai quibuscunque afferre manus possent?*

Respondet eruditissimus Andreas Masius in cap. 8. Iosue, inquiens: *Nullam operam contulerant milites ad expugnandam Ierichuntem, at hic aliquis est militaris virtutis vsus.* De Ierichunte sic ait sacrum oraculum: *Iericho erat clausa, atq; munita; Ios. 6. 1.* editis, vastisq; muris valde incincta. Atque hi muri quomodo corruerunt in terram? Absque vllō ducum, militumque sudore, aut labore, ad aspectum Arcæ, simulatq; increpauerunt sacræ iubilæi buccinæ omnia illius ciuitatis munimenta solo æquata fuere: *Populo vociferante, & clangentibus tubis muri illico corruerunt; Ios. 6. 20.* Itaq; populus non diligentia, non laboris alicuius singularis impendia fecerat, vt vallis eam urbem nudaret, propugnacula illius deijceret, fossas aquā exhauriret, impleret lignorum fasciculis, arces demoliretur, turres prosterneret, tantum circumierat eam, buccinis insonuerat, & voces aliquas dederat, & hoc solum, quantum Deus! studium huc verterat, urbem vt euerteret. Secus in expugnatione ciuitatis Hai accidit. Ibi enim dicebat Dominus ad Iosue: *Pone insidias urbi post eam, stragematis, artibusque & astibus militaribus ad eam subigendam vrere, quod cum sanctissimus ille Imperator, tum exercitus eius totus per diligentem fecit. Hic verò, hic industria, ingenium, cura, studium strenui ducis eluxit, hic disciplina, & vigilantia enituit. Et Dominus: Hic ergo sibi habeant expugnatores suppellectilia, monilia, & reliquas*

reliquas opum copias, puta brutas pecudes ciuitatis Hai: *Pradam, & omnia animantia terra diripietis vobis*; hic enim sudarunt milites, hic vires suas exprompserunt, sollicitudinemque & vigilantiam maximam adhibuerunt; At in obsidione, & occupatione Ierichuntis non accipiant, non vel digito libenter etiam vilissimam quampiam eius ciuitatis reculam: *Videte ne quidpiam contingatis*; nihil enim hic praeclarè, fortiterque ab eis gestum, nullum alicuius momenti facinus editum: *Nullam operam contulerant milites ad expugnandam Ierichuntem*. Vbi ergo nullus fuit labor, nec sit praeium, vbi nulla defatigatio praecessit, nulla sequatur corona, vbi nullus suae sanguis funditur, suae sudor vertitur, ibi etiam neque palma, neque laurus expectetur: Verùm in expugnatione, ad quam plurima sollicitudo, vigiliae, stragemata adhibita fuerunt, ut factum, cum ciuitas Hai subacta, ibi oportet erogari praemia, fieri remunerationem. *At hic aliquis est militaris virtus.*

Hic mysticis iussionibus, & decretis voluit indicare Dominus, illum posse sibi in ipsius domo promittere coronam, illum expectare laurum, sperare praeium, qui ut strenuus miles laborarit, qui pugnarit ut animosus belli ductor, non verò otiosum, non malè feriatum, qui suae voluptati tantum studet, & vitiosas confectatur delicias. Soli enim labori paratae sunt coronae, soli praesentium ærumnarum tolerantiae sua est quies constituta. Otium æternum legitimus hæres est, & successor sanguinolentae colluctationis, contentiosi certaminis, quod contra nostras infrenes cupiditates, & immoderatas appetitiones, & carnis perniciem, & mundi vanitates, & insidias diaboli suscipitur. Huius contrarium (heu malitiam!) in palatijs, & aulis Regum accidit, vbi saepe indignis praemia decernuntur, & praefecturae tribunalium quidem ignorantibus, & imperitijs, belli verò administratio meticulosis, & ignavis, dignitates otiosis, rudibus tyronibus prima stipendia, mitrae idiotis conferuntur. Non sic in rectè instituta domo, & aula Supremi Domini, vbi nemini conceditur corona, nisi qui manus cum hoste fortiter conseruerit, nemini immarcescibile diadema immortalitatis tribuitur, nisi qui multas aduersitates æquanimiter acceptas suae patientiae testes produxerit. Denique nemo ibi gaudebit, qui non hic ante in mœnore fuerit.

Quid enim? Læterurnè ibi aliquis, qui non hic ante in tristitia passionis fuit? Adearnè quisquam illam possessionem, pro qua non prius hic desudauit?

Videte quid sanctus Archangelus Gabriel coelorum Reginae dicat, quando ei nuntiatum venit, quod gloriosa mater futura esset non inferioris Filij, quam cui Pater æternus erat: *Ece concipies in Vtero, & paries Filium*, inquit ei Lucae 1. 31. tanquam dixisset: Vide tuam, castissima Domicella, felicitatem, in eburneo namque, & castissimo ventre tuo hospitium sibi deliget, ut sit filius tuus ille, qui est ipseus Dei summi Filius vnicus.

Hæsit in hoc dicendi modo Sanctus Petrus Chrysologus, quo hac vice vsus fuit Archangelus, & non item, quando huius splendidissimi Solis pulcherrimum Luciferum, Ioannem dico, nasciturum annuntians Zachariae, aiebat: *Vxor tua Elizabeth pariet tibi filium*; Lucae 1. 13. Cur non similiter ibi ad Virginem dicebat: *Concipies, & paries tibi Filium*? Cur absolute affirmat, & inquit: *Concipies, & paries*, neque addit illud, *Tibi*, quod Zachariam allocutus addebat?

S. Chrysologus serm. 142. ait: *Non dixit Tibi, non dixit Tuum. Quare? Quid causæ, quod hanc miraculosam Filij Dei conceptionem & natiuitatem sic annuntiari voluit, ut videatur non pertinere ad Sanctissimam Virginem, in cuius intaminatissimis viscibus absconditum hoc Incarnationis sacramentum celebratum fuit?*

Id ex verbis Chrysologi accipiemus, quæ sic habent: *In tuo conceptu, in tuo partu creuit pudor autem est castitas, integritas soborata est, est solidata & virginitas, omnes persenerauere virtutes. Virgo si tibi salua sunt omnia, quid dedisti? At si nihil hic deperijit Virgini, si integra illi, atque inoffensa cuncta permanserunt cum Dei Filium concepit, quidnam huc contulit? Quibus impensis huic sibi Filium parauit? Cum plurimæ sine rationes, nulla tamen reperiri videtur, ob quam Maria Christum vocet Filium suum.*

Tantundem ego cuiuscunque gloriae, & quietis æternæ ambizioso dico. Christianorum omnium vnum votum est, frui cælo, & illà beatitudine sempiternum duraturâ. Viri proceres, ac mulieres Principes felicitatem desiderant perpetuam, sed ita, ut pro eius adeptione non vnus alicuius diei aduersæ iniurias pati, non insomnem tolerare noctem, non tantillum suis cupiditatibus, & prauis appetitionibus detrudere velint, non vel hoc agere, ut pro Deo prætermittant ludum, intermittant obambulationem, omittant hortorum, comœdiarum, hominum otiosas, & noxas frequentationes, remittant de supercilio, & auctoritate, dimittant delicias, & relaxationes,

rationes, quas intemperantia commenta est, & vanitas excogitauit humana: Et postquam cuticulam suam studiosissimè accurarunt, & indulgentissimè habuerunt, Patrem æternum appellant: *Adueniat regnum tuum*; Matth. 6. 10. gloriæ tuæ coheredes, & palatini cœlorum esse velimus. Sed heus tu, quisquis ista optas, & precaris Princeps, seu vir, seu scœmina, *si tibi salua sunt omnia, quid dedisti?* Gloria afflictatione carnis, ciliciorum gestatione, pœnitentiæ laboribus, spontaneæ colerantiæ famis, & sitis, flagellatione corporis, mortificatione cupiditatum malarum, pertinaci orandi studio, taliumque rerum pretio comparatur: Vos autem voluptatibus vestris ne hilum quidem detraxistis, & flagrorum acerbitem nullam hæcenus vel primis, vt a iunt, labris gustastis, mortificationis omnis, & pœnitentiæ tam ignari estis, quàm qui prorsum nescij, quomodo ergò, dicite mihi, vultis illo regno frui, pro quo nulla impendia fecistis? Occurret mihi illustre, & Princeps par hominum, dicetque, sic esse viam è Palatijs, & mollibus vestibus ad cœlum, vt è monasterijs. Verum est, quod aiunt, ex aulis enim, & eburneis lectis nonnulli cœlos petunt, aut ex asceterijs quidam, & duris stratis ad astra vadunt. At velim dicant mihi, quoniam Reges, Principes, Duces, Marchiones, Comites albo Sanctorum hoc tempore adscribantur, & qualem vitam duxerint olim ij, qui catalogo illi iam sunt inserti. Res in aperto est, quod byssum cum cilicijs commutarunt, & precibus dederunt otium, quod consulationibus dare soliti, & inedia se addixerunt, qui vacare conuiuijs consueuerant, & omnium vestium procul à se abdicarunt luxum, & profana Palatia in sacra, & religiosa oratoria verterunt: Verum non parcere ludo, non præterire pratum, per quod non lubricis prælicenter tua luxuria feratur pedibus, in obscœnas amicitias, & seculares stultitias prodigere Dominiorum suorum proventus, qui à Deo ad subleuandas pauperum necessitates sunt concessi, quis hæc gloriæ merita dicat, nisi fortè cæcus quidam atheus, aut spurcus sordidi Epicuri de grege porcus? Et si contrà opponat Politicus cœlorum, flagra, ieiunium, inediam, pœnitentiam, clausuram, solitudinem, appetentiarum prauarum castigationem, & coërcitionem Ascetis religiosis seruata esse, respondebo, eisdem etiam gloriam, & quietem æternam, & beatitudinem, & Dei visionem seruata esse. Nisi enim per hos gradus ascendas, & hanc viam teneas, peruenire ad possessionem quietis, & felicitatis æternæ non potes.

Vide Periocham II. Dominica XVIII. post Pentecosten Tomo II. pag. 252. Et quæ ad calcem illius subnotata. Vide etiam Periocham IV. Dominica I. post Epiphan. pag. 401.

CAPVT IV.

Ex magnitudine sumptuum, quibus peccator breuiem, ac momentaneam voluptatulam sibi parat, patet felix iustus æstimare, quàm paruo sibi duratam semper à Deo quietem emat, tam exiguo enim, ac vili eam sibi nundinatur, quantumcunq; pro illa erogat, vt velut inuenisse in compitijs, aut furto sustulisse videatur.

Politico nostro videbor nimium quantum verbis extulisse doctrinam capituli superioris, ingensque, ac permagnum esse pretium, quo venditur cœlum. Verum tam nihil me pœnitet doctrinæ suprâ traditæ, vt amplius dicam, tamen summum, & extremum pretium regno cœlorum constituissem, peruelle hoc in illo emendo collocare. Addo, quod si nostro rudi more loquendi de hoc negotio disseramus, posse dici Deum velut fraudem pari, quoties rem tantam tantillo vendit. Videamus quanti constet misero peccatori sua brevis, & momentanea delectatio, quidq; illi detur in hac vita pro cruciatu, quem in futura sempiternum luet, atque inde accipiemus, iustum tam exiguo comparare sibi gloriam, vt gratuito eam accipere fateri debeat, quantumcunq; sanguinem pro illa fundat, & qualescunque siue corporis afflictationes, siue poenaliū operum labores ad hanc rem vertat? Pro falsa, & fugacissima voluptatula comparat sibi cœcus peccator, secundum præsentem iustitiam, nihil minus quàm atrocem pœnam, quæ totam Dei æternitatem exequabit. Adhæc animæ iacturam facit, quæ non minore, quàm sanguinis Christi impendio reparata fuit, & monile tam pretiosum est, vt ex aduersa parte eiusdem sanguinis ad eandem libram expendatur, *quasi Deum Valere videatur*, vt ait Eusebius Emisenus. Si quis adamantem, qui certum millibus ducatis æstimatur, pro vno teruncio dari videret, quid de tali venditore diceret? Stultum, prorsumq; amentem pronuntiaret eum, qui rem tantam pro tam vili, ac nihilo pretio erogaret. Sed perexigua est hæc comparatio ad rem, qua de agimus, explicandam. Quid enim est adamas, qui etiam totum mundum pretio superet, si cum anima conferatur? Secundum hæc ergò, si miser peccator fœdam, & imaginariam voluptatem non leuiore, quàm animæ

sux, tam incomparabilis monilis, sumptu emit, & post hoc dispendium nihil lucri facit, nisi quod se inferni vernulam facit, in quo intolerabiles pœnas æternum dabit, quid mirum, quod Dominus pro gloria vera, & semper duratura temporariam, momentaneamque passionem exigit?

Ah! quam infructuosè miseri reprobi in illis Inferorum triremibus (vbi perpetuum inter ardentissimas flammis renium trahent) & deplorabunt, & dicent, quod Ionathas patri suo Sauli, qui cum publico edicto sub certa capitis pœna cauisset, ne quis, ante confectum cum Philisthæis bellum, quicquam cibi sumeret, & hanc à filio violatam iussionem intellexisset, adeoque neci eum dedere vellet, prius, quidnam fecisset, interrogauit, quando ille hæc multis cum lachrymis effleuit: *Gustans gustauit in summitate virga, qua erat in manu mea, paululum mellis, & ecce morior*; 1. Reg. 14. 43.

Notandum hic, quod est apud Hugonem Cardinalem, nimirum Scripturam hoc in loco per eiusdem verbi iterationem de rei magnitudine detrahere, quâ alioquin ferè ad amplificandum uti solet. Verba illius in cap. 14. 1. Reg. sic habent: *Hic præter solum morem geminatio notat diminutionem, cum sepius notet augmentum, ut ibi, Benedicens benedicam*. Voluit ergo Ionathas cibi paucitatem extenuare, ut exaggeraret gravitatem pretij, & exiguum illud, quod comedit, plurimum defleuit, ut sumptus, quos in eo fecerat, extolleret, & tale ferè fuit, quod dixit: Quod tantilli mellis deliberatio mihi vitæ, rei omnium carissimæ, & expetitissimæ pretio consistet, durum telum est, & acerba miseria.

Mel istud, ex Petro Berchorio, Laureto, Ioanne de S. Geminiano, & Pierio, caducas delicias, & falsas, fluxasque huius vitæ voluptates significat. Hoc ergo est, quod infelix damnatus inter suos cruciatus sempiternos gemebundus plangit, dicens: *Gustans gustauit paululum mellis, & ecce morior*; ô quam misere circumuentus, & cæcus mercator fui, qui pro voluptatula momentanea, eaque umbratili, & fictitia hanc mihi pœnam æternam nundinatus sum, & animam meam, tam inestimabile monile, vendidi!

Putas non expectoraliter suspirauit, non ipsos penè cum lachrymis oculis effudit. Sanctus Ambrosius lib. 2. de interpellat. Iob. c. 7. cum ait: *In exigua delectatione amaritudo perpetua est*. Eheu stultos, præcipientes, oculis & mente captos mundi mercatores! qui pro fugacissima oblectatiuncula cruciatus vobis æternos, & pœnas, doloresque nunquam desituros comparatis. Videte quidnam illud detis,

quidquid inuicem recipiatis. Vilem, eamque perbreuem voluptatem accipitis, æternæ autem sunt pœnæ, quas pro ijs dabit, paucillum mellis est, quod hic gustatis, amaritudinis autem, & absynthij, quod ibi pleno ore, & corpore toto haurietis, nullus unquam finis erit.

Quid ergo queritur homo Christianus? Quid lachrymas inter quascunque illas aduersitates vertit? Quid dolet, & ægrè afficitur animo, quantumuis in hac vita mortali vapulet? Si peccator breuem voluptatem æternis cruciatibus luit, quas dare quærimonia potest iustus, cui pro temporaria passione datur gloria, cuius nullus terminus, paradysus, cuius amplitudo immensa, pulchritudo inexplicabilis, quies denique, cuius nullus finis? Quis hic fraudem patitur? In priore negotiatione homo, in posteriore commertio Deo imponeretur, si circumscripti ille dolo posset, ut à quo iustus vilissimo pretio emit ditissimum, & pretiosissimum, & inestimabile monile beatæ, & æternæ visionis, quod tametsi permagno comparare sibi videatur, vbi tamen hæreditario possidere cœperit, tam paruo emissio fatebitur, ac si inuentum gratis accepisset.

Ut constabiliam, quæ iam iam dixi, non possum præterire quædam præmodum trita Apostoli verba, ut ab ijs feliciter auspicar illius veritatis confirmationem. Cum sacer ille Prædicator apud animum suum reputaret ærumnas, calamitates, iugesque molestias, & aduersitates, quas fideles pro defensione prædicationis Euangelicæ, tutandaque eius immunitate patiebantur, ut spem illorum aleret, animosque confirmaret, hortabatur per literas, ferre fortiter, perseverare constanter in palæstra, & arena martyrij, quin & gaudere, ac latari etiam, dicens: *Id enim, quod in presenti est momentaneum, & leue tribulationis nostra, supra modum in sublimitate æternæ gloriæ pondus operatur in nobis*; 2. Corinth. 4. 17.

Glossa Angelica, S. Anselmus, Hugo Cardinalis, Haymo, Dionysius Carthusianus, & alij magnum in his Pauli verbis mysterium inuenerunt. Res quatuor Apostolus posuit, & his alias quatuor ex aduerso opponit. Prima est vita, quam hic viuimus morituri: *Id quod in presenti*, subaudi, vita, seu tempore. Secunda est momentanea duratio calamitatis, aut aduersitatis, quam parimus. Tertia est illius leuitas. Quarta tribulatio ipsa: *Momentaneum, & leue tribulationis nostra*. Atque hoc est pretium, quo constat id, quod emendum. Videamus nunc quid pro tribulatione nostra, eaque præsentī, momentanea, & leui reddatur. *Supra modum in sublimitate*

æternæ.

eterna gloria pondus operatur in nobis. Dicit nunc Glossa: *In sublimitate contra id, quod in presenti, aeternum contra momentaneum, gloria contra tribulationem, pondus contra leue.* Nemo itaque de emptione queri potest, qui praesentibus futura acquirit, & rei grauis lucrum leui facit, & pro momentaneo aeternum nanciscitur, & tolerantia tribulationis comparat gloriam, non alteri, sed sibi, ipse namque est, qui omnibus istis bonis, illa gloria, & opibus fruatur. Quam contra misero, & caeco peccatori euenit! quandoquidem ea, quae in praesenti est, voluptate futuram sibi poenam mercatur, momentanea oblectatione aeternitatem inferni acquirit, leui recreatiuncula graue supplicium comparat. Gaudeat lusus sua tam felici, & fortunata sorte, qui tantillo malo, quod tolerat, tam ingens bonum sibi mundinatur, & tam magnum pondus gloriae tam leuibus, & momentaneis poenis lucratur, quod ille velut gratis assequitur, quantumcunque illud sit, quod ad gloriam promerendam, & adipiscendam impendit.

Ad lucem huius doctrinae possumus vindicare Theophylactum a reprehensione, qua moderni aliqui eleuant illius commentarium, quo Scripturae quendam locum illustrare voluit. Res est, quod ille nobilis, diues, & religiosus fenator Ioseph, ut ferunt Euangelistae, postquam vitae author in probroso Crucis stipite animam egit, audacter, magnoque animo ingressus ad Pilatum praesidem, gratiam cadaueris Dominici sibi fieri obsecrauit, ut supremi honoris officium illi impenderet. Pilatus simulut expirasse Redemptorem certo accepit, exorari se passus donauit corpus Ioseph, ut est apud Marcum 15. 45.

Theophylactus in c. 28. Matthaei, cum in huius re commentatione versaretur, sic scribebat: *Quum Ioseph diues esset, Verisimile est, quod Pilato aurum dederit.* Nam cum Dominus facinorosi, ac turbulentis hominis exitimatione laboraret, perarduum fuit impetrare, ut honorifico sepulchro a morte inferri posset. Haec autem difficultas nulla re sic auferri potuit, ut auro, quod est aries, quo obfirmatissimae, & validissimae portae sternuntur, & machina fulminaris, qua fortissimae arces deiiciuntur, & cuniculus, quo tori montes funditus euertuntur. Ita sentit Theophylactus, inquit: *Porro pro magno donatum est illi corpus Iesu, nam cum sit sediciosus esset occisus, reliquum erat, ut insepultus abijceretur.* Alui, & ventriculi animalium erant olim tumuli maleficorum. Quod cum aduerteret Ioseph, vide-

retque quam arduam, inusitataeque, & pugnantem cum more communi rem peteret, inprimis cum flagitaret corpus Christi, qui efferatos, insensibilissimae habebat oculos, *Verisimile est, quod Pilato aurum dederit,* inquit Theophylactus.

Hoc loco quidam neoterici insurgunt in magnum Doctorem, voluntque deceptum in eo, quod ait, Christi corpus a Ioseph auro emptum, cuius contrarium ab Euangelio affirmari videatur, dicente Marco, quod *Pilatus donauit corpus Ioseph,* donare autem est gratis, & absque pretio aliquid concedere. Et verbum Graecum, pro quo noster vertit *donare*, eandem significationis vim habet, idemque est, quod gratuito, absque solutione, remuneratione, compensatione pecunia mutua quidquam dare. Secundum haec male dixit Theophylactus, cum ait, quod Ioseph magnam vim auri numerauit pro Christi cadauere, videtur namque Euangelista satis indicare, quod gratis, & absque ullo pretio donatum liberalissime a Pilato fuit.

Verum hanc facile dilues obiectionem, si dicas, quod Theophylactus in media Graecia natus, & educatus, illiusque idiomatis peritissimus ignorare nequit, quod illi opponitur, & secure affirmare potuit, quod Ioseph corpus Christi quadam, neque parua pecuniae summa sterit, quanquam Euangelista asserere videatur, fuisse a Pilato donatum, siue gratuito datum. Nam cum diuinum illud cadaver esset tam ingentis pretij gemma, & inestimabilis valoris margarita, & monile, cui aliud nullum comparabile, quantumvis auri, rerumque aliarum pretiosissimarum pro illo dedisset, & omnes semel totius orbis terrarum thesauros expendisset, nihilominus velut gratuito donatum a Pilato accepisset. Quidquid enim pro illo erogari potuisset, quantumcunque illud, comparatum cum tanti doni pretio, & praestantia, tam vile fuisset, ut velut inuenisse putare potuisset, qui etiam totius mundi opum copiis illud sibi comparasset.

Sic & vindicauimus Theophylactum, & confirmauimus rem, in qua versamur, simile enim quidpiam in causam praesentem dicere possumus, nimirum gloriam, beatitudinem, pulcherrimam Dei faciem esse tam ingens, ac sublime bonum, ut quantumvis patiamur, quantoque labores pro illius consecutione suscipiamus, & toleremus, totum sit paucum, leue, momentaneum, & perexigui momenti, cum omne illud, nostro modo intelligendi, tale sit, ac si cum gemmis paleas, foenum cum argento, cum auro lorum, vitrum cum margaritis coponas.

Hinc elucescet nobis sensus quorundam difficultatū Tertulliani verborum ex lib. de resur. carnis c. 51. ubi ut spiritum, & carnem, corpus, & animam inter labores, & dolores, quos in hac mortali vita patiuntur, consolaretur, aiebat: *Secura estote, caro & sanguis, & cælum, & regnum Dei*, ferte vitæ præsentis qualescunque molestias, & ærumnas, vestris enim laboribus quies, vestris cruciatibus gloria est præparata. Est in his magni Africani verbis notandum illud, *Vsurpatis cælum*, quod insignis illius interpretes studiosè animaduertit. Sed quid est usurpasse cælum? Eruditissimus Iuriconsultus Alciatus, Albericus de rosa, Alexander Scotus verbo *Vsurpare*, id exponunt, quorum est illud: *Vsurpare est aliquem contra rationem, ius, & sum, & consuetudinem capere, inuadere, & præsumere*. Ex his nunc manifestum euadit, quod ait Tertullianus: *Vsurpatis cælum*; perinde enim est, acsi dixisset: Per vim, ac tyrannidem regnum cælorum in vestram potestatem cōegistis. Sed quomodo id affirmari potest? Quænam possunt esse tantæ vires hominum, ut per eas sibi patiat Deus auferri suam gloriam, & à carne, ac sanguine usurpari, hoc est contra rationem, ius, vsum, & consuetudinem capi, inuadi, eripi regnum, quietemque adimi? Aut si hæc fieri nequeunt, quomodo affirmat Tertullianus, quòd quisque cælo potitur, magis illud furto, quàm iure sibi acquirat, & usurpet potius, quàm recto titulo comparet? *Vsurpatis cælum*. Dictum ita, ut ostenderetur magnitudo gloriæ, præstantia beatitudinis, immensa regni cælorum amplitudo, quodque illius tam est ingens, sublime, & incomparabile pretium, ut tam exigui sit quidquid pro illo erogatur, quantuscunque sanguis funditur, qualescunque pro eius consecutione cruciatibus perferuntur, ut magis per vim, contraque fas inuasisse, quàm iure adeptus esse, magis usurpasse, quàm legitimo nomine comparasse dici etiam is possit, qui pro illius adeptione & omnium fortunæ, corporisque bonorum dispendium passus sit, & cum sanguine vitam libens, gaudensque profuderit. Tantum valet gloria, & quies æterna, ut in leuibus, infirmis, infimis, & momentaneis numerari queat, quidquid pro ea erogari potest, sic ut qui etiam acerbissimorum, atrocissimorumque cruciarum tolerantiam eam sibi commeruerit, & compararet, potius usurpasse, depeculatus fuisse, quàm legitime acquisuisse videri possit.

O quàm probe hoc intelligebat Sponsa, quando inquebat: *Fasciculus myrrhæ dilectus meus mihi*; Cant. 1. 12. Quid ais, Sponsa sancta! Cum per

myrrham (quod pono) intelligantur omnes cruciatibus, dolores, & quidquid amaritudinis, aduersitatis, tormentorum in præsentī vita, æquanimiter toleramus, ut in futura tui Sponsi aspectu æternum fruamur, quomodo illum martyriorum imbrem, & tantam pœnarum inundationem, & vastum illud tribulationum pelagus, & immanem illam, scruissimamque flagrorum tempestatem, fasciculum appellas! *Fasciculus myrrhæ!*

Respondet pro Sponsa Doctor mellissimus serm. 43. in Cant. dicens: *Benè fasciculus, quia non sunt condigna passionibus huius temporis ad futuram gloriam, quæ reuelabitur in nobis. Erunt ergo quandoque nobis ingens cumulus gloriæ, qui modò est fasciculus myrrhæ*. Sapientissimè vocat Sponsa omnes huius vitæ passionibus, & ærumnas fasciculum myrrhæ, hoc est, rem leuem, ac debilem, quidquid enim dari, quidquid tolerari potest pro æternis mansionibus, quidquid laboris suscipi pro illa delitiosissima, & voluptuosissima statione, & habitatione, id momentaneum, paruique & ponderis, & momenti est, ut ait Apostolus Rom. 8. 18. infinitumque abest à pretio eius gloriæ, quæ præsentium passionum tolerantiam comparatur. Et quoniam Sponsus in illa paradiso celesti erit ingens gloriæ, quietis, voluntatisque cumulus, cum hunc, vnaque huius temporis passionibus, & ærumnas eidem trutinæ Sponsa imposuisset, atque inuicem perpendisset, inuenit has tam leues esse, ut dicere debnerit: *Fasciculus myrrhæ*; velut dixisset: Agendum, fasciculus est, nihil est, quidquid hæc tolerari potest, si cum gloria conferatur, & quiete, quam expectat, quisquis nunc patitur, & laborat. Iuxta hæc benè dixit Tertullianus: *Vsurpatis cælum, & regnum Dei*; quod prout est immensum & incomparabile, sic magis furto acceperit, quàm iure acquisisse videtur, quisquis illud est adeptus, quantumcunque illud sit, quod pro eo erogauit.

Quàm aptè huc cadet, quod nunc ex Sancto Evangelista Luca subiiciam. Pendebat ex arbore mortis fructus vitæ, medius inter lignum aridum, & plantam virentem, inter latrones duos, quorum alter blasphemus, humilis alter. Ex quibus hic, cum prodigiosam Domini constantiam cerneret, videretque illum apud Patrem piū esse Oratorem, sollicitumque aduocatum, & patronum eorum etiam, à quibus in crucem actus, intercederetur offendebar, innocentiam eius confitens, protentofamque perseuerantiam admirans, ac suspiciens aiebat: *Domine, memento mei, dum veneris in regnum tuum*; Lucæ 23. 42. tanquam pluribus dixisset;

dixisset: Qui tam libero est pectore, tam generoso animo, vt propriarum iniuriarum, & penarum oblitus, culpam condonationem alienarum tam enixe procuret, is haud dubium supra hominem est. Obtestor te itaque, Domine, vt quandoquidem nostrarum gratiam ijs exposcit, qui eam non petunt ipsi, supplices preces meas ne repellas, quibus cum scelerum meorum grauitatem confiteor, tum vt mei, vbi in regnum tuum redieris, recorderis, obsecro. Memoriam tu mei tantum habeto, & nulla posthac felicitati meae fiat accessio. Audiit Dominus deuotissimam orationem, dicens, pro humillima, & fortunata confessionis merito non tantum in memoria praesentem, verum etiam in paradiso socium habere velle, idque ipso die, quo obsecrabat: Amen dico tibi, hodie tecum eris in paradiso; ibid. v. 43.

Sanctus Ioannes Chrysostomus homil. de cruce, & latrone Tom. 3. ait: *Iste latro de ligno mercatur salutem, hic latro furatur caeleste imperium.* Videntur haec verba secum ipsa pugnare: Nam si Dimas caeleste imperium nundinatus fuit, quomodo deperculatus? Aut si furto arripuit, quomodo mercatus fuit? Affirmare possumus, verumque verum esse, mercatumque salutem, & furatum fuisse imperium. Quando apud nos quispiam praedium opulentum exiguo pretio emit, ad exaggerandam eius felicitatem, dicere solemus, *Quae es rabado*, furto partum est. Nam vt sine vilo numerorum impendio paratur, quod furto acquiritur, sic velut per viam raptum dicitur, quidquid magni paruo emitur. Nunc itaque intelligemus, quam praeclare dixerit Chrysostomus: *Iste latro de ligno mercatur salutem, hic latro furatur caeleste imperium;* quod perinde est, ac si dixisset: Felix Dimas è patibulo, vnde pro atrocissimorum latrociniorum suorum merito in profundum inferni descendurus erat, vno contritionis actu, quo exanimatus & Deum offendisse doluit, & ætatis male acta errata detestatus fuit, omnium scelerum suorum indulgentiam sibi parauit, & palus, ex quo in altens damnationis pelagus præceps abiturus erat, pro gradibus illi fuit, per quos ad delitiosas caelestis paradisi stationes ascendit, cumque habenas tormenti praesentis, à quo ad æternos cruciatus ducebatur, obtorqueret, ad semper duraturam gloriam illum sua poena duxit. Secundum hæc dici potest, quod furatus videatur gloriam, qui eam etiam vel bona faciendo, vel mala tolerando sibi comparauit, eod quod rem tantam tantillo emit. Ergo si gloria pro tam vili datur, cuius ea est magnitudo, vt perparum sit, quidquid illud sit, quod pro ipsa offertur,

& si cruciatus æternum duraturus tam exiguo, leui, ac vili comparatur, nullas habet Politicus noster iustarum querimoniarum causas, quantumcunque graui, & acerba sint, quibus in hac vita affligatur, commutare namque poenas tam breues cum gloria æternum duratura, est nundinatio, quæ in magnam emptoris commendationem, & vtilitatem cedit: At verò quod dæmon momentaneam, spurcissimamque voluptatulam pro cruciatu, qui nullum habiturus finem, vendat, ea misero peccatori, & cæco emptori damnosissima, & perniciosissima est mercatura, qui tam grauibz animæ suæ impendijs damnationem sibi procurat, & comparat sempiternam.

CAPVT V.

Quod Dominus precibus nostris cunctanter occurrat, tardiusq; annuit, non id facit, quia vehemens illum dandi cupiditas non teneat, sed vt mora consecutioni beneficij ampliore apud nos conuictet existimationem.

Nichæus patronus, dux, & doctor noster S. Iacobus, I qui suo calamo perstringit hæreticos, erudit Catholicos, suo gladio sternit Mauros, subigit Paganos, cum extolleret munificentiam Dei Patris luminum, in vestibulo suæ canonicae epistolæ, ait tantam esse manuum illius largitatem, vt velut planetarum palcherrimus Sol radios suos terræ, sic ille se creaturis suis infundat, neque cuiquam tamen dona, quæ dedit, obiecerit, vel oberudat: *Dat omnibus affluenter, & non impropere,* inquit ille cap. i. v. 5. Verum quanquam ita sit, nonnunquam tamen Deus contrahit manum, & oppellat pectus, vt non facile inde accipiamus, quod petimus, non quod generosa illius indoles non sit cupidissima dandi, sed ne leniter dissipemus illius dona, & sint infructuosa beneficia. Pernouit enim hominum ingenium, sciique ab ijs vt quæque nullo negotio obtinentur, ita per obliuionem contemni, neque satis reuerenter haberi ea, quæ absque lassitudine inueniuntur, & sine labore obtinentur. Et quoniam ex contempnitione, ac despicientia beneficij nascitura est poena supplicij, propterea misericorditer differt Dominus concessionem eorum, quæ suspiramus, & rogamus, vt maiorem apud nos habeant venerationem, & existimationem. Itaque necessarium quandoque est, vt se digne rogari Dei liberalitas sinat, vt illam, cum se in preces nostras inclinat, magis suspiciamus, & admiremur. Facile namque de pretio suo cadit, quod facile inuenitur.

Sponsa cum anxietate non modica, & multis gemitibus aiebat, quod videret, quidem Sponsum, at tamen cum ingenti difficultate & labore, inquit: *En ipse stat post parietem nostrum, respiciens per fenestras, prospiciens per cancellos*; Cant. 2. 9. velut dixisset pluribus: Amantissimus Sponsus meus per sui palatii fenestras emissit me arbitratur oculis. At miseram me! quæ frui illo prorsum ex integro, vt velim, non valeo, nam hinc quidem ex familiari agendi artificio, gratiâ, festiuitate, ac lepore ipsiusmet mihi esse videtur, inde verò à perfecta illius notitia, & agnitione me quidam cancelli, quos sibi obtendit, impediunt. At si diuinus Sponsus ardentissimè per omnem vitam sese impertire desiderat, cur septis cancellorum contigit, vt omnino totus quantus videri non possit? Videtur namque, quod dum agnoscere cupit, vsurpari oculis nolit.

Huic quæsito Magni Basilij eloquentissimus frater S. Gregorius Nyssenus satisfecit, dicens, in fenestris denotari Prophetas, in cancellis figuras, in quibus depictus, promissusque erat Sol iustitiæ, & mundi Redemptor. At si hic Sol à Patre venturus erat, vt cæco mundo lucem adferret, cur per fenestras, cancellosque diu prospicit, sui que desiderium in veteris legis tot figuris, sacrificijs, & imaginibus excitat? Causa ea est, quam tractamus, inquit Nyssenus. Nam si ea lux, simul vt mundus illa egere cœpit, allata, omniumque oculis, & vîbus palam exposita fuisset, homines, pro suæ indolis more, non tanti fecissent. Vt ergo iustam habeat id beneficium, & illa tam insignita misericordia existimationem, prius desideranda offeratur per Prophetas, delineata monstretur in sacrificijs, præfigurata exhibeatur in Prophetis, videant illam, nec inueniant, gaudeant eâ, nec teneant tamen, vt denique cum peterint, & apprehenderint, maiore sit pretio, quæ diuturniore fuit in desiderio, enixiusque venerentur, quam expetierunt diutius.

Audite Nyssenum, cuius sunt hæc ex homel. 5. in Cant: *Prius ergo splendores Prophetarum intelligentiarum anima illucescentes per à nobis mente intellectas fenestras, & cancellos immittunt desiderium & desidendi Solem sub dio, deinde sic id, quod desideratur, procedit ad effectum.* Quod non magno lachrymarum impendio paratur, exiguum locum apud hominum æstimationem habere solet. Nam vt est in communi iurisperitorum adagio, *merces Ultronea vilescunt.* Quidquid venale circumfertur, ex hoc ipso contemptui est, sit licet pretiosissimum: Quod autem ab auido nundinatore querendum, domi serua-

tur, sit licet vilissimum, & abiectissimum, puta græuecentissima tabaci herba (quæ nihil magis vel rancidum, vel putidum, vel infame, ac propudiosum, pudendumque) id in pretio habetur, vt sordida, & sœtulentæ illi herbæ accidit, quæ magnâ dæmonis sollicitudine ex Indijs in Hispanias, aliasque mundi superioris oras intuecta videtur.

Considerabat Propheta regius infirmitates, & mala, quæ ex adulterio, & homicidio anima illius contraxerat, cumque simul videret, quantâ curæ, & remedij necessitate laboraret, gemebundus ac suspirabundus superum medicum appellabat, dicens: *Anima mea turbata est valde, sed tu, Domine, & que quod?* Psal. 6. 4. tanquam apertius dixisset: Quid hoc rei, mi dulcis, & amabilis Domine, quod tantâ cunctatione vteris, vbi & plurimæ angustia opem, & gratissimæ anxietates leuamen, & tot morbi, ac vulnera medicinam citam iudamanti *Sed tu, Domine, & que quod?* quamdiu auxilium differis, prorogas solatium? Beatissimus Pater Gregorius in Psalm. 1. pœnit. hac paraphrasi verba Dauidica illustrat: *Ego in conspectu boni medici, & curare valentis assisto, Vulnera detergo, preces emitto, dolores augeo, lachrymas effundo. Cur ergo dissimulas, cum non sit tibi minor potentia, quam voluntas? Quæ causa esse queat eius, quod video, Pater superne? Tu medicus es, qui omnem, quantumvis grauem, & prolixum morbum leuare possis. Ego, quantum quidem æstimo, vt conualescam, quidquid possum, facio, nam & plagas meas oculis tuis subijcio, & infirmitates meas aperio, & remedium non vocibus tantum magnis, verum & plurimis, ijsque ardentissimis lachrymis, suspirijs, gemitibus pertinaciter depono. Qui sit ergo, quod differis curationem, prorogas valetudinis restitutionem, cuius par est voluntati facultas, sic vt si me exurgere de strato infirmitatis meæ velis, verbulo, vt exurgam, facere queas, cum sit vna vtriusque omnipotentia? Cur ergo dissimulas? Quid cunctaris, & in longos menses extrahis medicationem? Videris namque aurium fores vocibus meis occludere, neque satis attendere, quod gemo, & suspiro.*

Respondet sanctissimus Doctor, Pontifex Maximus: *Omnis curatio, quanto difficilius acquiritur, tanto acquisita cautius custoditur.* Quod non statim accurrit suauissimus, & pijsissimus Dominus siue ad gemebundi voces, siue ad plorabundi lachrymas, non facit vel defectus amoris, vel quod non vehementer cupiat mœrorem lugentis abstergere, supplicumque votis annuere, sed quod sæpe expediat moram injicere petitis, & non extemplo concedere postulata, vt

maiore

maiores in pretio sint, quæ impetrantur, cariores enim habemus, studiosiusque obseruamus bonam valetudinem, quam diu suspirauimus, & ægrè obtinuimus: *Omnis curatio quanto difficilius acquiritur, tanto acquisita cautius custoditur.* Itaque quod Dominus tardat nostris rogatibus satisfacere, quam abalienatio videatur, non nisi pietas est, ac tamen si dedignationem olere videatur, amor tamen est, non aliud quidquam. Vult in pretio esse sua beneficia, ideoque longis ea desiderijs concedit. Vult æstimari sua dona, propterea cunctabundè ea dilargitur, sciens leuiter contemni gratiam, quæ facile conceditur.

S. Marcus Euangelista occasione refert, ob quam multo mane surgens Dominus, ut concurrentes magno numero homines declinaret, in solitudinem se receperit, inquit: *Et disluculo Galde surgens, egressus abiit in desertum locum, ibique orabat;* Marci 1. 35. Prosecutus fuit Magistrum suum Petrus, & nonnulli alij, qui cum illo erant, cumque inuenissent eum orationis studio deditum (tali uimirum exercitationi apta esset eremus, ut precibus, & excolendæ animæ opera ibi detur, non ut lusu, vanis oblectationibus, delictijs indulgeatur) dixerunt: *Omnes querunt te;* ibid. 37. nec quisquam est, quem non anxia tui videndi cupiditas teneat.

Euthymius ait: *Vide autem quomodo secessio desiderabilem eum reddiderat;* velut dixisset: Nonne animaduertitis, quam perspicuum sit, quid efficiat, cum quis alijs non nisi desiderantibus, & percupidis copiam sui facit? Vix enim Sol iustitiæ sese abdiderat, quando omnes lucem illius suspirabant, expetebant radios, atque ad præsentiam eius anhelabant, quod fortè non egissent, nisi absentia nubem suos splendores inter, & homines mediam obtendisset.

Ut enim mellissus Bernardus in quadam epistola ait, *rebus raritas pretium facit.* Res vilissima simul ut rara esse cœperit, cara efficitur. Sordidæ merces augetur pretio, si difficile inueniantur venales.

Sapiens ait, viri docti, prudentisque & verba, & anhelitum pretiosa esse: *Pretiosus spiritus vir eruditus;* inquit ille Prouerb. 17. 27. Quanquam respiratio res sit vulgaris, & tam vilitata, quam necessaria, apud virum peritum nihilominus incipit esse in pretio. Alia litera habet: *Pretiosus spiritus vir prudens, & sagax.* Viri prudentis, & sagacis omnia pretiosa sunt, omnia suam ab illo habent æstimationem, omnia velut reliquiarum instar habentur. Quoniam verò artificio, & astu vir prudens vitur, ut ea pretij singularis momenta suis verbis, & sermonibus con-

ciliet? Id Solomon exponit ibidem dicens: *Modo-ratur sermones suos;* quæ verba modernus quidam, & doctus interpres epistolæ sancti Iacobi (P. Didacum Daza) v. 19. lib. 2. num. 7. hoc commentariolo illustrat: *Ita se tardum prebet ad loquendum, & vix rogatus verba sua proferat, quare pretiosus spiritus merito appellatur, ein Mann der seinen Athem gar hochwerth hielt. Accedit etiam Verbis, & rebus ex ipsa raritate commendatio.* Viri solertes, & consulti tam solent esse parci suorum verborum, sicque ea cohibere, ut velut per alembicum guttatim destillent. Ut sermonem ab eis vel pauculum exprimas, magnum in modum perurgendi sunt. Ut parum loquantur, plurimum rogari sinunt. Hinc nascitur, ut anhelitus, quem spirant, tantam habeat venerationem, quod non facile sua auribus verba permit-tat: Et velut ex taciturnitatis pertinacia, & verborum parcitate fit, ut mysterium putetur, quidquid dicit, ita cum loquitur, verbis suis pretium parit; quod enim desideriorum sumptu paratur, idem humanæ cupiditati admirationem adfert.

Berchorius in Reductorio moral. lib. 5. cap. 34. num. 7. ait, (quis verò credat dicenti?) quod stellæ, illæ firmamenti portatiles faces, quod propinquiores sunt oculis nostris, eò amplius de admirabili magnitudine rutilantis suæ maiestatis perdant. Exemplum constituit in Sole, & Luna, quæ maiora videntur cum oriuntur, vel occidunt, quam cum verticem orbium suorum, & fastigium cœli supremum occupant: *Stella quanto magis est propinquior, tanto videretur esse minor, & econuerso, quanto à nobis est remotior, tanto videretur esse maior;* inquit ille vbi supra, qui ut non relinqueret, quo se nobis obnoxios faceret, nosque à commentandi labore vindicaret, moralitatem illius rei in causam præsentem percommode exponit, dicens, ad eundem modum viros, qui in hac vita virtutum splendore, ut quidam Luciferi, emicant, & Solis instar fulgore sanctitatis radiant, quod magis loco à nobis absunt, eò propinquiores nobis esse magnitudine existimationis, quoque familiarius nobis consuecunt, eò maiorem pati suæ apud nos auctoris imminutionem. Accipite eius verba, ut in promptu habeat, si cui fortè ea aliquando sint opus: *Sic verè stellæ viros perfectos consideramus, quando sunt à nobis remoti, & quando non sunt nobis familiares, tunc de ipsis melius iudicamus, & eos maiores reputamus, & econuerso quando nobis sunt amici, & familiares, tunc minores, & imperfectiores nobis videntur, quia familiaritas parit contemptum.* Res explorata est, quod quæ bona vulgi passim sunt è vicino

exposita oculis, & visibus, ea procul absita maiorem sibi ex remotiore loco constare admirationem, & sublimius pretium.

Sponsa in Canticis cum mulieribus Ierosolymitanis Sponsum suum à lineamentis, & partibus corporis, quod illæ petebant, principalibus describeret, vt indicaret, quàm iuste illius honesto, coelestique amore arderet, tam elegantem, perfectum, aspectabilemque illum depinxit, vt ipsam suâ pulchritudine venustatem superasse videatur. Ac primam quidem oculorum gratiam, tum maxillarum flagrantiam, posthæc labiorum viuos colores prædicat, dein verò manus sic delineat: *Manus illius tornatiles aureæ, plena hyacinthis*; Cant. 5. 14.

Quid in sensu spirituali potissimum voluerit docere Sponsa, cum de Sponsi manibus ait, fuisse velut ad tornum elaboratas?

Hugo Cardinalis ait. Sponsi manus dictas tornatiles, quia ille quasi torno quodam dona largitur. Quod ergo illa affirmat, Sponsi sui manus, à quibus beneficia profisciscuntur, quasi ad tornum fuisse factas, id fecit, vt indicaret, quanto artificio, quàm solerti, & ingeniosâ liberalitate ad ea eroganda utatur. Quod tornatur, id paulatim fit, neque longuli temporis moras tantum requirit, verum & regulam, & lineam, & perpendicularum, circumque, & plurimam attentionem postulat. Talem ergo inquit Sponsa esse sui pulcherrimi, & munificentissimi Sponsi largitatem. *Manus eius plena sunt hyacinthis*, ait, sed *tornatiles*, quod perinde est, ac si dixisset, quod ad illum attinet, esse peropulentum, prædiuitem, circumfluere thesauris, eorumque erogandum magnâ cupiditate teneri, vt sua tamen illis dignitas, & existimatio constet, non secus illos largiri, ac si ad tornum elaborarentur, hoc est, cunctanter, & magna cum procrastinationis industria, vt cum abunde tribuantur, vel hoc nomine sint magis cari, quod diuulsi, ardentique desiderati, & expetiti. Nempè id solum videtur habere venerationem, & æstimationem, cuius assecutio habuit dilationem, suspiriorumque pretio velut venditum, emptumque fuit.

Huc respiciens Tertullianus lib. de habit. mulier. aiebat: *Semper abundanter in semetipsam consumptiosa est*. Affluentia rerum, quanquam præstantissimarum, & pretiosissimarum, sibi semper iniuriosissima est, & sui contemptus satrix, satrix, parens. Nam cum tanta sit auri præstantia, adamantum dignitas tanta, tantum margaritarum pretium, si talium rerum tanta esset abundantia, quanta penuria, aut tam

obuius vsus, quàm magnus stultorum numerus, nec adamantes pretium haberent, neque æstimationem margaritæ, & aurum nihili fieret.

Nunc itaque causam è multis vnâ intelleximus, ob quam factum sit, quod Isaac suum Iacob nonnisi plurimarum lachrymarum, ardentiumque suspiriorum, & flagrantium orationum magno sumptu impetravit, quod ex sacro Textu colligitur, obseruatumque fuit ab Expositoribus, Chrysostomo, Lyrano, Tostato, Istella, Pererio, Cornelio. Vingtî annis Dominum enixè obtestatus fuit, vt fructum benedictionis concederet. Cum quadraginta esset annorum, duxit uxorem Rebecca, inquit Sanctus Moyses Genesi. 25. 20. *Sexagenarius autem erat, quando nati sunt ei parvuli*, ibid. v. 26. Ex quo accipitur, annos prope viginti Deum precibus interpellasse, vt posteritatis ab eo seminarium obtineret. *Deprecatus est pro uxore sua, eò quod esset sterilis*, inquit rursùm Moyses ibid. v. 21. Infecunda erat Rebecca, quare Dominum charissimus eius maritus obsecrabat, vt ex illa habere prolem mereretur. Constitutum autem erat Deo, dare illi filium non inferiorem, quàm Iacob, illum per insignem Patriarcham, illum plurimis reuelationibus illustratum, illum duodecim Israëlitiçi populi tribuum principem, & caput. Ingens donum erat. Sit ergo magnitudini beneficij par magnitudo gemituum, dixerit Dominus, viginti annos suspire filium, qui sæcula omnia, cunctasque seculuras condecorabit ætates, vt obtentum donum eò sit carius, quod maiora sunt impendia, quibus paratum. Hæc præcipuarum rationum vna quædam est, ob quam providè pius Dominus non statim concedit precibus nostris, non extemplò largitur, quæ petimus, scit nimirum tales nos esse, qui beneficia ob hoc ipsum non satis æstimemus, quod ea faciliè consequamur. Vix enim non vilescit, & leue habetur, quod leui negotio impetratur.

Multo, & plura, & meliora reperies in hanc rem, Tom. 2. Periocha I. Dominica IV. post Pentecosten, pag. 116. a. o. & in locis alijs ad pedem eiusdem Periocha adscriptis.

C A P V T VI.

Sinceritas, integritas, & amoris in sublimiorem celsitudinem pervenire non potest, quàm cum arumnas alienas sic deplorat, ac si essent propriæ.

Radiantissimi Solis illustrissimus Lucifer tenebricosi carceris obscurâ nube contextus occultaba-

tabatur, idque per obsceni regis, & salaculæ mulieris pellicis eius tyrannidem. Vincitum inuenerunt quidam eius discipuli, ex quibus ille (vt veri Solis lucem, promissumque Messiam omnes & cognoscerent, & venerarentur) duos amicissimorum fideissimos ad Christum ablegauit, vt cum ex illo, num ipse verus Orbis reparator esset, sciscitarentur, ex eiusdem responsis certo intelligerent, aliunde quàm ex ipsius tantorum prodigiorum operatricibus manibus salutem mundi expectari non posse: *Mirrens duos de discipulis suis, ait illi, Tu es, qui venturus es, an alium expectamus?* Matth. 11. 2. 3. Euidens est Ioannem non potuisse ignorare, quisnam verus esset Messias, cum enim illius & præcursor, & metator, & paranympus esset, nescire illum non potuit, maxime cum & apud Iordanis fluentia potentiam illius humiliter agnouerit, & mandata promptè, obedienterque expleuerit. Ergo hæc legatio ad aliorum commoda dirigebatur, & vtilitati alienæ destinabatur. Cui hoc dubium esse queat?

Sanctus Ioannes Chrysostomus, cum hoc Baptista factum secum expenderet, aiebat: *Vis scire quod est super humanam naturam?* Vis nosse facinus, quod longè antecellit omnia, quæ vulgò ab hominibus aguntur, quæque humanæ non sunt vitata cupiditati? Vis prodigium videre, quod te oblitescat, aut portentum cernere, quod in admirationem rapiat? Iam nunc videbis. Quid verò prodigij spectabimus, aut quid rei, quod limites rerum tam longè prætergrediatur aliarum?

Respondet Chrysostomus: *Missus in carcerem non de suo periculo Ioannes sollicitus erat, sed de aliorum salute cogitabat.* Hærebat facinorosos inter latrones innocens Præcursor, & cum esset humanæ vox, & tuba salutis, non aliter habebatur, ac si in omni rep. seditiosissimus, turbulentissimusque esset, validis, ac ferreis catenis in media sceleratissimorum colluue adstrictus. Inter illam ignominiam, tam arcto in carcere inclusus misit duos discipulos, vt sui remedij fontem inuenirent, vt mundi Saluatorem agnoscerent, oblitus suorum vinculorum; oblitus periculi, quod vitæ suæ impendebat ex rege tyranno, qui minabatur necem, & muliere lasciuia, quam habebat infensam, ex alijs pluribus, qui propterea in illum coniturnare poterant, & ne cogitans quidem multiplex, ac proximum discrimen, quod sibi imminabat, totum se tradidit salutis alienæ, totum se addidit curæ remedij, & vtilitatis cæterorum, neque aliquam sui memoriam habet, vt pro se obsecret. Qui verò talis est, & eiusmodi amore præditus, vt imme-

mor periculi propriij studeat emolumentis alienis, ac si essent commoda propria, idem *super humanam naturam est*, illum & admirari possumus ceu rem nunquam visam, & venerari tanquam prodigium nemini aliquando auditum, inquit Chrysostomus, mos enim, & consuetudo communis hoc habet, vt quisque rem suam curet, commoda propria quærat, suo studeat, inuigiletque remedio.

Mirumne vobis videtur dictum Chrysostomi? Audite ergo quid Iustinianus affirmet. Accumbebat mensæ mundi Saluator cum suo charo grege nocte cœnæ extremæ, & velut amantissimus, & suauissimus Dominus hæc ad eos aiebat: *Desiderio desiderans hoc pascha manducare vobiscum, antequam patiar*; Lucæ 22. 15. tanquam dixisset: O Discipuli mei dulcissimi, & dilectissimi, si rectè, atque vt res est, intelligeretis, quantæ fuerint meæ anxietates inter huius tam diu, ardentèrque expectatæ horæ expectationem, quâ vobiscum postremum cœnare optavi, & mensam vobis dapilem instruere lautitijs lectissimis, & pretiosissimis, cuius vno in cibo ministratur, proponitur, gustatur quidquid cupediarum, quidquid boni esse, & excogitari potest. Cum eo in epulo ego remaneam, & remaneam alimonia animarum, maius aliquid nemo experiri potest. Huius tanti beneficii conferendi tempus opportunum, optatamque occasionem vehementissimo desiderio, quoad inter mortales mortalis vixit, sollicitissime appetijt.

Cum ea mellitissima Christi verba facer Venetorum Protopatriarcha animo volueret, aiebat: *Mirares!* & quæ in stuporem adducere omnes possit. At quid hic miraculi, ac prodigij videtur? Quis Sol eclipsin patitur? Quinam axibus suis mouentur cœli? Quæ terra contremiscit? Qui montes è sedibus suis aliò transferuntur? Vt nihil horum tunc acciderit, *mirares* tamen, quæ euenit, ingenisque portentum fuit, quod tunc factum, si illud ex opinione hominum, & eo, quod mundi vsus perpetuus habet, æstimemus. Quodnam verò illud tam stupendum prodigium?

Ego dicam, inquit S. Laurentius Iustinianus lib. de triumphali Christi agone cap. 2. num. 2. *Proxi- mus erat passioni, noueratque quantas ferre debebat contumelias, & tamen attendebat aliorum commoda, proprij immemor ludibrij.* Cum ob oculos posita, & præsentissima haberet omnia proximè impendentis passionis probra, & tormenta, quibus iam iam crudelissimè excarnificandus esset, eorum velut oblitus, in eo totus erat, vt consolaretur Discipulos, & con-

uiuium eis appararet, nectarque, & ambrosiam sacra carnis, & pretiosi sanguinis sui exhiberet. Hoccine miraculum? Hoccine tam rarum prodigium? Immo verò, inquit Iustinianus, nam hoc factum prater scriptum, & communem ordinem natura est, & valde alienum ab hominum solenni more est, quod quis suorum malorum immemor bona procuret aliorum, & propriorum opprobriorum oblitus solatio attendat alieno. Quid illud vulgò dicitur miraculum? Quid prodigium? Id, quod prater communes leges, regulas, ordinemque naturæ consuetum agitur. Cum ergo diuinus Magister, quando tot illi probra minabantur, quando cruciatus illum quam graues, tam diurni opperiebantur, tantâ solitudine curauit commoda aliena, vt velut oblitus videatur tormenta, & detrimenta propria, mira res, & quæ pro miraculo, ac portento haberi debeat: Nam si prodigium est id, quod naturæ lineas communes egreditur, qui vtilitatis alienæ bonam habet memoriam, nullam propriæ, qui commodis sollicitè studet aliorum, suarum incurius ærumnarum, & angustiarum, nã ille taumaturgus est; quia prater hominum consuetudinem, prater leges receptissimas, prater scriptum, & communem ordinem natura est, quod agit. Hinc videat noster Politicus, quam syncerum, integrumque amorem monstrabit, quoties suorum malorum oblitus, cum charitate, Zelo bono, solitudine, ac diligentia malis aliorum succurrerit; periculaque eorum, & necessitates depulerit; tunc enim rarum, ingenisque miraculum operari videbitur, nec enim progredi vterius charitatis studium posse videtur, quam vt propriarum miserationum immemor calamitates doleat alienas.

Nobilis Sara contemptui se à famula sua Agar haberi vidit. Ancillæ superbia inde nascebatur, quod Abrahæ nupta, ex illo concepisse, adeò posteritatis spem certam in vtero gestare cernebat, talemque felicitatem dominæ suæ negatam non nesciret, ex quo fiebat, vt se iam dominam arbitrata, minus quam deberet, heræ suæ deferret, quæ insolentis famulæ probis offensa has dedit marito suo querimonias: *Iniquè agis contra me, iudicer Dominus inter me, & te; Genes. 16. 5.* velut dixisset: Non est æquum dissimulari tantam petulantiam, aut permitti in domo benè instituta tam insolentem proteruiam, vt heram famula ludibrio, ac despectui habeat, quare Deum obsecro, vt is de te, ac me pronuntiet, ac meas immeritis iniurias supremus Iudex vlicetur.

Oleaster quærit, cur Sara, cum apud maritum

querula exposculetur, ad diuinæ iustitiæ tribunal prouocauit, vt Deus arrogantis famulæ contumaciam plecteretur, & flagitium illius vindicandum susceperet. Quamobrem coniugem suam, apud quem suæ deplorabat iniurias, non fecit suæ causæ iudicem, qui id muneris obire, & ancillæ ethnicæ tumorem comprimere perfacile poterat?

Respondet autem, putasse Saram, id sibi cum Abrahamo euenturum, quod apud humanos plerumque accidere iudices solet, qui vix seridè, ardentèque causam tractant, ex qua non certum lucrum sperant. (quid faciant, cum etiam damnum ex ea accipere possunt) cumque videret, quod in Abrahamum nihil quidem vtilitatis, detrimenti verò non parum redundare posset, si posteritatis suæ depositum, Agarem, inquam, grauidam caderet, Deum appellauit Sara, inquam: *Deum iudicer*; illi hanc causam relinquo, homines nimirum vix nōrunt seridè studio seque quidquam agere, quod absque secuturo lucro agi vident, nec unquam sciunt dolere ærumnas alienas, ex quibus non expectant vtilitates proprias: *Prosequitur iustitia humana alterius causam tepidè & valde, quasi non sit magis sua, quam patris*; inquit ille in annot. moral. in cap. 16. Gen. Languet iustitia humana, dum negotia tractat aliena, & vix rectè aliquid circa ea egere nouit, vbi proprii non affulget spes quæpiam emolumentum. Propterea Sara Deum adiit tanquam iudicem, qui defendit, non secus, ac si ipse quoque interesset, tanquam patrem, qui propugnat, ac si negotium ipse suum ageret.

Percontatur Sanctus Ioannes Chrysostomus, quamobrem Dominus attentè providentiâ suâ fecit, vt validus exurgeret ventus, qui omnes in præsentaneum vitæ periculum adduceret tunc, quando ille nauigio cum Discipulis per mare ferebatur. Dormiebat in media tempestate, sisus suâ potestate, stipatus suâ magnificentia magister omnipotens. Succlamabant Discipuli, Dominusque & horum clamoribus & irati elementi fragoribus exasperatus, verbulo concitati maris ferociam cicuravit, ac perdomuit: *Surgens imperauit ventis, & mari, & facta est tranquillitas magna; Matth. 8. 26.* Quærit ergo Doctor sanctus, cur tam prodigiosum beneficium præsterit Discipulis, feceritque, vt in illud periculum incidere, à quo eos per miraculum eximeret.

Respondet hom. 28. in Matthi: *Vt sensus eorum aperior ad videnda miracula redderetur*, vt perspicacioribus & attentioribus oculis arbitarentur portenta, quæ deinceps facturus esset, denique illos,

illos, & magis obnoxios sibi redderet. Ergone quæ in alijs operabatur non satis erant permouendi illis ad cultum, amoremque celestis Magistri, sed necessarium fuit, ut & in seipsis experirentur illius effectricem prodigiorum virtutem? Respondet idem S. D. percommode ad rem præsentem, opportunam atroxens similitudinē. *Quemadmodum non aliquis pariter sentit quæ in alienis fiunt corporibus, & quæ in seipso, ita oportebat Discipulos eius, qui plurimos indies liberari videbant, & magis obligarentur, in seipsis omnipotentiam eius inspicere.* Quotocumque in pretio medicum quis habeat, nunquam tanti facit, cum alios curat, quam cum ipsum à periculosa infirmitate liberat. In seipso enim experiri bonum, maiorem adfert æstimationem beneficio, eò quod tam coniunctum sit, & proprium. Ad hunc ergo modum, cum Dominas sciret, gratiora, potioraque; cuique ea esse, quæ in ipso sunt, talibusque magis deuinciri, fecit ut tempestatis periculum Discipulos inuaderet, ut cum prodigiosam eius clementiam in sese experirentur, magis suspicerent virtutem, deueneretur omnipotentiam. Beneficia enim, quæ in alijs experimur, nunquam magnæ sunt nobis admirationi, quibus vitæ tam, ac per familiare est ea solum attendere, & æstimare, quæ nobis conducibilia. Itaque, *Discipulos eius, qui plurimos indies liberari videbant, oportebat, & magis obligarentur, in seipsis omnipotentiam eius inspicere.* Nam qui beneficia, quæ alijs obueniunt, eodem loco habet, quo emolumenta propria, is à via regia abit, & semitam ingreditur, quam per pauci terunt.

Quid Loth liber euasurus esset communem suæ ciuitatis conflagrationem, id iam certissimè nouerat ex cœli oratore, qui cum mandatis inde aduenerat, ut nefandum locum, in quo degebat, subiecto igne exureret. Iussus autem in cacuminosum montem se recipere, atque ibi vitam suam sospitare, gratè reuerenterque ingens illud excipiens beneficium, pro alio præterea demissè obsecrat, inquit: *Est ciuitas hac iuxta, ad quam possum fugere, parua, & saluabor in ea:* Genes. 19. 20. eritque pro asylo, ad quod ab irati Dei vindice iustitia perfugiens, in tuto colloca-bo vitam meam.

Quo consilio sanctus Loth Angelum tale quid obtestatus rogauit? Abulensis, Guilielmus Papini-us, Pèrerius, Cornelius à Lapide volunt, id fecisse, ut secum illud simul sospicaret oppidulum, in quo si-gere domicilium cogitauerat, existimans fore, ut Deus sui causâ hanc loco illi præstaret gratiam, ne cum reliquis destrueretur, simulansque in monte vi-

tam satis commodè neque agere, neque seruare pos-set, pio dolo usus est, quo paruam illam ciuitatem ab interitu vindicaret. Audijt supplicem Angelus, & ait: *Ecce etiam in hoc suscepi preces tuas, & non subuertam urbem, pro qua locutus es;* ibid. vers. 21. Textus græcus horum verborum apud Chrysostomum sic habet: *Admiratus sum preces tuas.* Quid hac in re, quod tam miram, nouumque accidere potuit Angelis è cœlo? Quid? Illud, quod viderunt ab homine quopiam tam sollicitè curari sospitatem ciuitatis, in qua ille nec facultates, nec amicos, neque consanguineos ullos habebat, quodque causam alienam tam anxie tractaret, ac si propria fuisset, & pro vita aliorum tam enixe obsecraret, ac si sua simul periclitaretur. Vidit itaque hoc Angelus, & ait: *Admiratus sum tam rarum miraculum, quale est videre hominem tam studiosum utilitatis alienæ, ac si esset propria.*

Obligemus hoc capitulum totâ sancti Isidori Pelusiote Epistolâ, quæ lib. 3. Epistolarum est trigesima octaua, & sic habet: *In publicis, & grauissimis malis commiserationi locus non est, omnes enim priuati calamitates deplorantes non tantum otij habent, & ipsi alienas miseras luctu, ac lamentatione prosequi sacet.* Sum enim quisque dolorem sentit, & sua damna deplorat, sic ut nec tempus reliquum habeat, quo aliena desleat, nec in corde locum, in quo proximorum ærumnas per commiserationis affectum excipiat.

Hinc eruunt sacri expositores, quam ardens fuerit nostri Patriarchæ Isaac erga suam Rebeccam amor, ut qui per totos viginti annos supremum Dominum sollicitè etiam, atque etiam pro illa obsecrauit, ut eam prole felicitaret, bearetque: *Deprecatus est Dominum pro uxore sua.* Pro illa omnes ipsius vertebantur lachrymæ, pro illa iuges pertinaciter fundebantur preces. Nam quod ad Isaacum attinet, illi ex fide verbi diuini, & vi promissionis Dei fallere nescij indubitatim; certumque erat, quod liberos habiturus esset ex muliere, quamcumque illam uxore sibi delegisset. Ita S. Ioannes Chrysostomus, Lyranus, Tostatus, Istella, & cæteri interpretes omnes. Ergo illi deesse posteritas non poterat, omneque illius studium, labor, votum eò spectabat, Deum ut exoraret, ne illâ gloriâ sponsâ suâ Rebecca fraudaretur, sed in illâ quoque promissa expleretur diuina. Causam itaque Rebecce sic egit, tanquam negotium proprium tractasset. Quæ huic par amoris sinceritas, & integritas alia esse queat? Maior certè videtur nulla esse posse, quam illius, qui curat, & dolet

fortunam aduersam alienam, ac si esset infelicitas propria.

In eandem rem differit Periochâ IV. Dominica II. Aduentus Tom. II. pag. 344. a. o. & Tom. I. Periochâ II. Feria V. post Cineres, pag. 27. b. o.

CAPVT VII.

Ibi maiore auxiliorum vi succurrendum, ubi grauiiores necessitates opem enixius inelamant, & postulant.

Cum noster Politicus debeat esse ex illo hominū genere raro, ac singulari, quibus curā est aliorum opitulari necessitatibus, leuare miseras, siquidem generoso animo apud se statuatur, quod causis proximorum sollicitus procurator studere velit, velim prudentiā regulas ea in re sequatur, quod fructuosē tantum negotium tractet, quod faciet, si miseriarum pondera diligenter, attenteq; pensarit, postquam miserorum patrociniū nobile pectus semel totum addicere coepit, sic ut ubi multæ concurrunt necessitates, maiori primū subueniat penuriæ, & grauiorem ante omnia curet calamitatem. Ita fiet, ut duplicem laudem ex duplici, puta magnifici benefactoris, & prudentis iudicis officio sibi conflet, ut qui momenta ærumnarum tam accuratè expendere, & suum cuique egestati locum designare nouerit.

Propheta regius Dauid, cum dulces laudum modulos meditaretur, adornaretq; munifico Benefactori, cuius ingentem erga nos prolixitatem perpetuo experimento discimus, sic inquebat: *Misericordiā Domini plena est terra*; Psal. 118. v. 64. tanquam dixisset: Quis ille est, o piētissime Domine, quem non infinitis obstrictum habeas beneficijs? Quis nā terræ angulus, quantum uis secretus, & abditus, qui non magnis uocibus iugem manuum tuarum prædicet liberalitatem?

Sanctus Ambrosius serm. 8. in Psal. 118. v. 8. ait: *Fortasse dicas, Quā ratione non dictum est, Misericordiā Domini plenum est celum?* Certè in ista beata uiuorum regione, in illa superiore lætitiæ sempiternæ Germania etiam manifesta prædicantur, & extolluntur diuinæ largitatis, & regiæ munificentiae illius inditia. Quod cum ita sit, cur non æquè dicitur, celum perfusum esse misericordiā Dei, ut terrarum orbis esse illa plenus affirmatur? Nonne Angelos valida magnificentiæ diuinæ basis sustentat? Res nota est. Cur ergo terræ solum, neq; coelorum similiter sit mentio, quandoquidem ut in illam, sic & in hos beneficentia Domini redundat?

Respondet huic quæsito sacer Mediolanensium archiepiscopus, inquiens: *Licet auxilio Domini fulsantur etiam coelites; tamen non tantā eius indigent misericordiā, quantā ea, quæ sunt inferiora, ac terrena non enim illi carnis inuolucro vestiuntur, in qua est frequens erroris illecebra.* Cantant etiam iij. qui sunt in coelis, misericordias Domini, ut ad quos hæc res plurimum spectet, terra ramen dicitur plena esse eius misericordiā, eò quod hæc maiore diuinorū auxiliorum necessitate laboret. Ad iuandos homines magis brachij sui neruos, vimq; contēdit, quā ad opem ferendam Angelis. Vehementiore impetu, & abundantiore copia exonerant se miserationum Dei flumina in homines caducos, & fragiles, ut potè pluribus, ijsq; ad nocendum potentibus hostibus circumdatos: Eapropter cum Dauid cantat, quod *misericordiā Domini plena est terra*, perinde est ac si diceret, validioribus præsidij esse communitos terrenos, quā coelites, quā hi non tantā eius indigent misericordiā. Hoc exemplo docemur, maiore auxiliij efficacitate ijs succurrendum, quos adiumento magis indigere videmus.

Non abique mysterio Euangelistæ notarunt Reges, & Præsides Hebraici populi, qui cum potestate præerant tunc, quando diuina bonitas carnē humanam induta è coelo in terram, ut eam uisitaret, descendit. Ex ijs Matthæus cap. 2. 1. sic ait: *Cum natus esset Iesus in Bethlehē Iuda in diebus Herodis regis.* Post Lucas ait, Israëliticam Monarchiam in partes sectam varios habuisse moderatores, nempe alterum quandam Herodem, Philippum, & Lisaniā. Quid ergo Sacramenti habeat, quod vitæ auctor, coelestis Magister tunc inde huc aduenit, quando patriam ipsius temporalem extrānei Principes, & terarchæ tam multi occupabant? An idcirco tunc descendit, ut populo ipse prædicaret? Verūm ut sæcula superiora tulerant prophetas, quid muneris obirent, sic eo quoq; tempore tales deesse non poterant, qui suam ea in re operam nauarent, ut olim fecerant. Quid itaq; causæ sit, quod tunc potius ad hoc prædicationis officium obeundum Dominus ipse descendere voluit, quā cum Reges Israël, & Iudæ legitimi imperabant?

Satis tacitè proposita quæstioni Sanctus Ioannes Chrysostomus hom. 2. Opp. imperfectè perconmōdè in rem præsentem dicens: *Quamdiu gens Iudæa quamuis sub peccatoribus, tamen Iudæarum regibus tenebatur, Propheta mittebantur ad remedium eius. Qualis necessitas, tale & auxilium. Nunc autem quādo lex Dei sub potestate regum iniqui tenebatur, id est,*

instit-

infirmis Dei sub Dominatione Romana premebatur, nascitur Christus, quia magna, & desperabilis infirmitas medicum artificiosorem querebat. Quo tempore sub regibus legitimis, tamen consceleratis, Hebræi militabant, maiorem diuinæ legis noticiam habebant, quorum errata ut coargueret Dominus, sat erat quosdam à sua schola discipulos, & medicæ artis tyrones Prophetas mittere. Par erat infirmitati remedium, & congruens egestati leuamen. At postquam infelix populus, & sacra lex tyrannidem Principum extraneorum, & barbarorum paci cepit, Christus natus fuit, & coelestis promedici aduenit, ægritudo enim incrementa fecerat, & vulnera recruduerant, & plagæ artem superabant humanam, magnæq; & desperabilis infirmitas medicum artificiosorem querebat.

Quando viro principi cuidam est ægrè, si non sit grauis, & periculosa infirmitas, ex qua decumbit, qualiscunq; medici curæ se credit, & pulsus venarum etiam rudi in arte medica percontandum permittit: At si morbo vrgeatur ancipiti, & mortifero, doctissimos, expertissimosq; accersit medicos, ut sit par ægritationi curatio, & magno malo opem magnam adhibeat. Ad hunc modum Christus, quando populus tempore regum legitimorum infirmabatur, mittebat Prophetas, quod morbus non esset mortiferus: At cum iugrauesceret malum, & in periculum mortis sub potestate regum tyrannorum adducerentur homines, nascitur Christus, ipse medicæ facultatis Decanus venit, & inuicit ægrotum, quia magna, & desperabilis infirmitas artificiosorem medicum querebat, debent enim ex æquare necessitatem auxilia, & ratio postulat, ut grauioribus morbis medicos quæramus, & adhibeamus peritiores, ac præstantiores.

Conuocabat quondam Propheeta regius omnes ex toto terrarum orbe homines, ut ipsum docentem auscultarent. Totum mundum saluberrimæ concionis suæ theatrum esse volebat, & tanquam lumen armorum supremi Imperatoris præfectus cunctos, qui sunt, quiq; erunt, publicis edictis, ut ad audiendum concurrerent, vrgebat, tum vocalissimus præco totâ laterum contentione succlamabat: *Audite hac omnes Gentes; Psal. 48. i audite, audite, qualiscunq;ue status, & conditionis sitis, auribus percipite omnes, qui habitatis orbem, quiq; terrigena, & filij hominum, simul in unum diues, & pauper.*

Peracutè sanè in his verbis notauit Magnus Basilis mysticum ordinem, quo in aduocanda à salutis suæ remedia capebunda, & monita auscultanda ho-

minibus superus Imperator est usus, inquiens: *Primum in Vocazione ordinauit, quod in qualibet congregatione erat dignus reprehensione. Omnium, qui orbem terra habitabant, Gentes erant pessima. Rursus terrigena antefilos hominum in ordinē selecti sunt, & diuites ante pauperes, quod illi ad damnationem occasionem longè propensiores haberent, Vocati sunt.* Ut quiq; periculosius laborabant, ita citius ad subeundam curationem vocabantur. Grauiori morbo prius medendum, ijsq; ante omnia succurrendum, quorum magis desperata salus. *Eius moris est nostri Medici benignitas, inquit S. Basilus, & infirmioribus sua medela impertiat commoditatem.* Hoc illi solenne, ut eos ante cures, quorum mortifera infirmitas manus illius medicas vehementius desiderat, & inclamat. Primis ergo Paganis, ut maxime indigis subuenit, dein terrigenis prius, quam hominum filijs, denique pauperi opem tulit, postquam diuiti occurrerat, rariore enim, leuioreq; sunt egenorū, quam opulentorum infirmitates. Iste scilicet est bonus beneficiendi modus, si maiori necessitati promptiore auxilio adueris, & eum prius aduias, qui tuam contentioribus vocibus opem implorat.

Voces cœlo dabat Patriarcha noster pro depellenda coniugis suæ sterilitate, *deprecatus est, pro uxore sua, eò quod esset sterilis.* Totum conceptus impedimentum sterilitas, quæ & capitalis est hostis foecunditatis. Ut hoc tam forte vallum deiiceret, ac tam validum impedimentum Isaac submoueret, quid egit? *Deprecatus est.* Ut murum solo affligeret, prosterneretq; quod ad obmunitam sterilitate foecunditatem penetraret, obsecrationum catapultas in eum totâ affectus contentione oxonerat, præcumque ardentium ariete tam diu illum percussit, donec deiiceret. Litera Hebræa habet: *Multiplicauit preces,* hoc est, magno plurimarum orationum subsidio ad hanc rem est usus: Nam ut potens, fortisq; erat per naturam hostis, ita necessum erat multiplicare preces, crebriorque orationum assultu illum tentare, & arma obsecrationum plura aduersus illum comparare, ut sic propugnaculum subactum fatigatus, fractusq; hostis certa conditione dederet. Vbi enim miserabiles necessitates voces dant maiores, ibi etiam viribus maioribus, & validioribus auxilijs subueniendum.

Vide Periocham IV. Dominica in Septuagesima Tomo II. pag. 482. a. o. ubi eandem rem argumentis alijs auctor copiosius demonstrat.

P. NISSENI POLITICI COELORVM
CAPVT VIII.

Omni apud Deum plurimam valet oratio, atque constans est, & pertinax, ea illum magis capit, & subigit.

Quam sint validæ vires orationis, id omni occasione, quæcunq; eius opem requisivit, adhibuitque, demonstratum. Diuinæ etiam literæ, & sacri annales conferti sunt varijs experimentis, & exemplis, quibus hæc veritas abundè comprobatur. Verum quod hic de precum efficacia affirmatur, id vel semper, vel plerumq; de illorum orationibus accipiendum, qui cum Dominum supplices obsecrant, non statim cedunt, nisi quod rogant, mox obtineant, neq; inter primos impetus leuiter cadunt animis, perseverantia enim demum impetrat, quod diu petium, & pertinaci constantia Deus concedit. Docet nos hoc præclare sanctus Patriarcha noster Isaac, qui Deum subegit, postquam viginti annos in perpetuo precandi studio exegit: *Deprecatus est, multiplicauit preces.* Pertinaci orandi contentione in validissimam pectoris diuini arcem arietabat, nec de animo quicquam remittebat in tam diuturno obsecrationum conflictu, nec interefcebat aliquando pectoris ardor inter precandi assidua, tamque longa certamina, quare & illustre suo labore præmium consecutus est, nam *exaudivit eum Dominus, & dedit conceptum Rebecca.* Cessit Dominus, perseverantia triumphauit, vicit pertinacia, Iacobque post longam obsidionem victor evasit, filiumq; impetravit, Deus qualem, quantum! Verbo dicam: Iacobitem. Ità vincit qui bene orat, sic obtinet, qui constanter decernat, sic impetrat, qui perseverat.

Cum nos exhortaretur cœlestis Magister, ut ad ipsum in arumnis accurreremus, eiusque opem inter miseriarum angustias implorarem, illud simul commonebat, ne desponderemus animum, si fortè primis statim precibus non impetramus, quod volumus, sed perseveraremus, certi, quod constanti orandi studio, quæcunq; diu suspirauimus obtinebimus. Ut autem nos ad orandum alacriores redderet, attulit parabolam eius, qui mediâ nocte amicum quendam suum importunus adiit, & obsecrauit, ut sibi panes aliquot commodatò daret, quibus hospitem suum pasceret, qui concubiâ nocte intempestiuus illi aduenerat. Submorosum, ac perdifficilem exhibebat, variaque precatori importuno obiectabat, qui rogabatur, ac cum animum illius pertinacibus precibus supplex amicus identidem validèque

pulsaret, concessit deniq; orantis peruvaciæ, si non amicitia ergo, ob id certè, ut ne aures illi inconditis clamoribus obtunderet, & à vexatione euaderet, sic ut improbus precandi labor extorserit, quod sacra amicitia necessitudo impetrare nequijt. Tantundem vobis dico, aiebat Dominus: *Petite, & dabitur vobis;* Lucæ 11. v. 9. dum conveniat modò, quod rogatis.

Theophylactus in horum verborum commentatione ait: *Videte verborum diligentiam. Non dixit, Petetis, & dabitur, sed Petite, hoc est continuo quarite.* Dignum certè est, quod diligenter attendamus, quem precandi morem à supplicibus suis observatum velit, ut feliciter illis, fructuosè quæ sua cadat oratio. Quid ergo faciamus, Domine, ut vota nostra obtineant? Petemusne, & sic statim, quod optamus, consequemur? *Non dixit, Petetis, & dabitur, sed Petite, hoc est, continuo quarite,* constanter obsecrare, orationis enim bombardam, nisi perseverantiæ pulvere nitrato, probè infarsa, non quatit muros arcis illius cœlestis, ut hominum precibus cedat.

Sacerdos cum sacrificij Missæ incruenti sacrum canonem orditur, simul exemplò toti mundo indicat, officij se sui partes exequi, quæ hoc habent, ut sit sequester Deum inter, & homines, illumque obsecret, ut iustas iras placatus ponat. Itaq; pro vniuersa primùm Ecclesia, dein pro illius visibili in terris capite Pontifice Maximo, posthac pro Regibus, ac Principibus orthodoxis, qui veram, Apostolicam, Romanam profitentur, ac propugnant fidem, demum pro omnibus orthodoxis, & Catholicis, atq; Apostolica fidei cultoribus orat. Cum has tam iustas, & gratas obtulit preces, tum iteratò & præsentem omnes, & cunctos, pro quibus ante rogauerat, Deo commendat, inquiens: *Memento etiam omnium circumstantium, quorum tibi fides cognita est, & nota deuotio.*

Sed quâ gratiâ, qui superius pro omnibus orthodoxis, & veræ fidei cultoribus obsecrârat, nunc eorundem memoriam denuò inculcat, tanquam Deus vel priores preces non audierit, aut statim atq; audijt, oblitus fuerit, quod nemo nisi inscientissimus de tanto Domino suspicari, nemo nisi impientissimus affirmare potest, ut in quem talium defectuum nihil cadere queat, qui & peruvigilanter omnibus attendat, & tenacissimè cuncta commeminerit.

Respondet Venerabilis, & antiquus Pater Adon Episcopus Cameracensis in expositione Canonis dist. 2. Tom. VI. Biblioth. Vet. PP. *Repetitur oratio, quæ prius facta est pro omnibus, ut saltem importuni-*

tate

rato Vincatur Deus. Quod ergo sacerdos sub Miffæ sacrificio eandem bis fundit precationem, Deumq; semel, & iterum pro fidelibus catholicis obsecrat, & refecrat, id fit, vt instituamur, cum Deum oramus, non statim nobis desistendum, non remittendum ab exercitio, ac studio precandi, sed illud vnicè, strenuè curandum, vt iterum, iterumq; incursemus Dominum, ardentèq; interellemus, & perseueranter inclamemus, vt quod meritorum nomine non consequimur, per vim saltem importunæ, & pertinacis orationis obtineamus. Ad expugnandum quippe paternum Dei pectus, vt optata inde beneficia expromamus, pia importunitas, & humilis peruiacacia plurimum valet: *Vt saltem importunitate Vincatur Deus.*

Necessum est igitur instare Deo, adire illum semel, & sæpius, pertinaciq; contentione atrium cœlestis palatii percurfare. Nolim Politico nostro accidat, quod de Tigride sanctus Iob affirmat, nimirum in mortem ex eo incurrere, quod in prædam incurrat: *Tigris perijt, eo quod non habeat prædam;* inquit ille c. 4. v. 11.

De hoc animali aiunt naturalis historiæ Scriptores apud Philippum Diaz, & Ioannem Osorium Serm. de Letan, cum frustum carnis, aut aliud quidpiam suo palato gratum è sublimi arbore pendulum videt, binâ, ternâue subsultatione id appetere, ac si primo, secundo, tertio conatu non assequatur, quod prensat, statim intermittere studium, languescere animo, & desistere à proposito. Eapropter beatus Iob ait, hoc asserre tigridi exitium, quod non inister capitis, non perseueret, non porrò prosequatur prædam, cui semel inhiare coepit, nam si non mox delassaretur, si ampliùs, diutiusq; in expectatâ semel prædam incumberet, votorum suorum potius non interiret. Hæc ipsa causâ, cur multæ occidant animæ, quod tigridis morem imitatæ, cum se ad orandum componunt, iamq; aliquoties precatæ, & vociferatæ non impetrârunt id, pro quo semel, & iterum rogârunt, extemplo cadunt animis, & languent, disceduntq; à studio, cui semel se addixerant. Non debent hoc facere, qui beneficij quidquàm à supremo Domino referre volunt, persistant magis, fortiterque insistant precibus, clamitent multum, ac diu, non deficient, non demittant animos, non remittant de studio, perseuerantiâ enim omnia impetrantur, & nihil tā est validū, ac potēs, quod pertinaciæ nō cedat.

Docet hoc inclytus, & heroicus noster Hispanorū patronus, inquitens: *Multum valet deprecatō iusti* *ad duas;* Iacobi 5. 16. Leo Imperator ea sic vertit:

Tom. III.

Oratio operans. Cardinalis Caietanus: *Oratio agens.* Maximus, Ioannes Cipariofita, & Varabius: *Oratio efficax.* Itaque quod oratio est operans, agens, efficax, id à continuo studio, & perseuerante aliditate habet. Nisi enim pertinacēs sint preces, nisi perenni scaturigine profluant lachrymæ, parum virium habere, & exiguæ efficacitatis esse solent.

Audiamus commentarium, quem eruditissimus, & doctissimus calamus Patris Cornelij à Lapide in ea verba dedit. *Talis ergo energia, efficacia, intentio, & contentio requiritur in oratione,* inquit ille, *qualem in opere, & g. in studio adhibet studiosus, in fabrica architectus, in pralio miles, & dux & victoriam obtineat, & scilicet ita animata, ardens, & vehemensq; sit, & ardentia suspiria quasi pilas è tormento bellico ignitas in calum eiacularur, quibus Deum feriat, & quasi sauciet, cogatq; dare, quod flagitat.* An forte satis putat, qui rei literariæ dare operam cæpit, gymnasijs acro semel intulisse pedes? Nonne dies plurimos, & annos totos, neque paucos transmittit in scholis, vt artis, scientiæq; alicuius peritiâ sibi pareret? An fabricæ machinator ab opere manum reuocat, cum primum lapidem iecit? An cum parietem aliquem excitauit? An milites, eorumq; doctores arma abijciunt, & intepestunt animis, cum primum cum hoste concurrere incipiunt? Nonne contumaciter pugnant? Nonne ferociter configunt? Nonne constanter, totaq; virium, & pectoris contentione in aduersas phalanges insiliunt? Tantundem agendum illi, qui per orationem à Deo beneficia consequi optat. Perseuerare is debet, & insistere, & persistare in precibus, foresq; cœlestes identidem in clamare, & incurfare, & tam diu ardentes flagrantis è pectore fursum iaculari orationum ignitarum glandes, donec animum Domini conuulneret, atque in sententiam suam omnem suavi quadam violentiâ coactum pertrahat. Quàm denso pilarum imbre pluit exercitus, quot fulminaribus machinis circumtonat, vsq; dum moenia demoliatur, deiiciat valla, arces solo æquet, & hostilem aciem fundat? Ad eundem modum miles christianus ardentia suspiria quasi pilas è tormento bellico ignitas in calum iacularur, quibus Deum feriat, & quasi sauciet, cogatq; dare, quod flagitat. Neque cessare priusquàm impetret, nec quiescere ante debet, quàm assequatur, quod desiderat, consequetur autem, & quæ cupit, obtinebit, dum perseueret modò.

Nemo me culpabit, si fortè hoc argumentum paulò fufius trahâro, nam vt talis doctrinæ necessitatem probè intelligo, ita prolixitatis notam incur-

N n

tere

zere haudquaquam timeo. Oratio præcipuū instrumentum est, & vltatissimum, communeq; medium, quo à supremi Domini munificis manibus omnia tam corporalia, siue temporalia, quàm spiritalia, & æterna beneficia obtinentur, idcirco pernecessarium est eius perseverantiam persuadere, ut in qua tota illius energia, & efficacia omnis innitur.

Sacer pictor, & historicus Lucas cœlestis calami sui scriptorij diuino penicillo delineat heroicas virtutes sanctæ illius de Evangelio viduæ, Prophetissæ, filiz Phanielis Annæ, cūq; suis seorsim, ac particulatim coloribus splendorē piarum actionum eius exprimeret, sic aiebat: *Non discedebat de templo, seorsimq; & obsecrationibus seruans die, ac nocte; Lucæ 2. 37.* Textus Syrus ea sic reddidit: *Colebat Deum ieiunio, & oratione;* hoc est, ornabat Dominum suo & precum, & inedia studio.

Notandum, huius verbi, *Colere*, plura esse significata, neque enim solum significat reuereri quempiam, aut venerari, verum etiam campum subigere, & sacro sementi aptare, & hoc postremum est illius originale, & primæum ethymon, quapropter Augustus Cæsar apud Macrobiū lib. 1. Saturnal. c. 4. cū vidisset Veccium quendam, qui aratro humum, quā pater illius tegebatur, proscindebat, dixit: *Hoc est Verè monumentum patris colere.* Equiuoca vocis *colendi* significatio habet suam apud Latinos venustatis gratiam, & suauitatem leporis, quem Hispanè exprimere non sciam.

Quod ergo de Anna dicitur: *Colebat Deum oratione;* perinde est, ac si dictum fuisset, non secus illam oratione vsum fuisse, ac solet vomere suo impiger vti agricola, qui rus, vti ei optatos abundè, cumulatq; fructus reddat, non semel tantum arat, ac uoc proscindit, sed aliū impressis sulcis crebrò perstringit, nouatq; operas, & iterat labores, atque ita facit, ut meliores, & porrò grandiores, copiosioresq; foetus edat, sciens nempe, terram, ut sic faciat, frequentem postulare culturam, infatigabiliq; studio exerceri oportere.

Hoc est, quod sancta vidua facitabat: *Colebat Deum oratione,* superam illam cœlorum terram flagrate perpetuæ orationis vomere perstringebat, nec semel arasse contenta, iterum, iterumq; subigebat, & parum arbitrata per diem huic operi operam dare, noctes huc adiungebat, tanquā prudens agricultrix cœlorum, quæ nouerat, eum, qui exoptatum ab oratione fructum referre vellet, hoc cum Deo agere debere, quod cum terra facit solonius, ut ei fru-

ctus vberes, ac tempestiuos proferat.

Hac industriā vsum fuit diuinus ille pastor, & Prophetæ, quando ut alios suo informaret exemplo, narrabat quid ipse facere solitus esset, ut gratiæ dona à Deo impetraret, inquiens: *Vespere, & mane, & meridie narrabo, & annuntiabo;* Psal. 54. 18. ad fores Domini, & Dei mei vociferabor, & cum sol occidit, & cum dilucescit, & die medio, domum ipsius opulentam omni horā adibo, acque ante ostium stans identidem clamabo petens, & rogans. Et quid illis tam importunis, ingeminatisq; clamoribus fiet? *Et exaudiet Vocem meam,* annuet precibus meis beneuolens Dominus, & suspiriorum meorum continuati labores fructum, & suspiriorum expetij, producent, ut enim impetres quidpiam, nullum validius importunitate remedium. Itā sensit B. Enodius qui lib. 1. Ep. 3. sic ait: *Excessas posthas infidelium malè cauta discussio integritati sine periculis presentibus quacūq; obtinet, acceptum ferens. Idoneus mihi testis astipulor, quod frequens oratione optata premeris, concessum est precum assiduitati, quod negabitur examini;* quod tale est, ac si dixisset: Non habet deinceps quod nos arguat infidelium quispiam, qui ad intaminatæ vitæ suæ incorruptos mores se recipit, ut nobis persuadeamus, solo talis vitæ merito factum, quod illius precibus Deus facilis, cuiusque concessit. Huic enim ego me testem commodum contrā objicio, cui precandi pertinacia maximo semper adiumento fuit, ut apud Deum, quæ volebam, exambirem, operæ quotidianæ indulgum, quod non concessum meritis, importunis vocibus extorsi, quod non impetraui virtutibus. Itaq; paulo ante ista sic habet idem sanctus: *Alia est causa desiderij mei beneficia querelaxum, meruit impudentia, quod negabat Urbanitas.* Confeci negotium meum, illius autem felicem expeditionem importunitati querimoniarum mearum sanè debeo, obtinui peruiaciā propriā, quod comitas renuebat aliena. Ita qui vehementer instat, & constanter urget, nunquā vacuum abit, quin consequatur aliquid.

Quā eleganter, quā opportunis comparationibus hanc doctrinam illustrat S. Ioannes Chrysostomus! Audite illius verba ex hom. de non contemnend. Ecclesia: *Medicamentum si tibi adhibeatur, nec te purget, nonne alterā die idipsum adhibes? Si quispiam incisor arborum, si velit quercum incidere, accipit asciam, deinde incidit. Quod sibi istū arbor non concedit, nonne & alterū istum addit? non quartum? non quintum? non sextum? non decimum? istud tu facis. Ingressus es in Ecclesiam, ne exas, nisi da-*

missa

Mittarū. Si Deū oras, neq; statim exoras ne despera propterea, neq; collabascē animo. Vt æger medicinis, vt securi rusticis, sic tu precib⁹ vtē. Ingemina voces, cessa clamare, suspira crebrō, ingemisce identidem, ita consequeris, quod optas, si ramen conducat. Hoc nimirū est, quod vult Dominus, vt importunis clamoribus ipsū vrgeamus, & interellemus, plurimū enim oblectatur precum nostrarū musicā, perq; gratiam habet nostrarum lachrymarum dulcem importunitatem.

Abiens à Sponso suo Sponsa dicebat contubernali- bus suis: *Adiuro vos, filia Ierusalem, si inueneritis dilectū m meum, & nuntiatis ei, quā amore langueo;* Cant. 5. 8. Apud Venerabilem Abbatem Gilbertum sic ait Sponsa: *Nuntiate, ingerite,* non mihi satis fuerit, si hoc illi semel indiceris, crebrō velim inculce- tis, neque finem vltimū hęc ex me significandi facia- tis. Quid verō istā toties repetita nuntiatio efficiet? *Frequens suggestio dilectū inuestet,* & si fortē sub- offensus abijt, frequentia nuntiā, & crebrior mei a- moris commemoratio cor eius emollient, ac viscera demulcebunt, vt mecum in gratiam redeat, iram mi- tiget, vultum serenet, indignationem ponat. O quā commodum Politico nostro consilium! Si is Deum obsecrārit, gratiamq; ab illo quampiam petierit, ne- que rerum, quas suspirat, statim potius fuerit, non deficiat animo, neq; spem abiciat, *nuntiate, ingerite,* quin petat, & repetat, instet, vrgeat, & à precando importunus orator non desistat, certus, quod *fre- quens suggestio dilectū inuestet,* & deliniet, vt quæ- cunq; desiderat, ab eo consequatur.

Eandem doctrinam nobis tradidit Propheta regi- us, quando exponens modum, & artificium, quo v- rebatur, vt promptē obtineret, quod à Deo expecta- bat, aiebat: *De profundis clamans ad te Domine;* Psal. 129. 2.

Magnus Gregorius in sextum Psalmum pœniten- tialem inquit: *Notandum quia non ait, clamo, sed clamans.* Quid sibi vult, quod sanctus Vates non cla- mare, sed clamasse dicit?

Respondet beatissimus Pontifex: *Habes in hoc perseverantia documentum, & si primo non exaudiris, ab oratione non deficias, immo precibus, & clamori- bus insistas. Vult Deum Rogari, Vult cogi, Vult qua- dam importunitate Vincī. Ideo tibi dicit, Regnū cœ- lorum vim patitur, & violenti rapiunt illud, Mat. 11. v. 12. Esto ergo sedulus in oratione, esto im- precibus importunus, caue ne ab oratione deficias. Si dis- simulas audire, quem rogas, esto raptor, & regnū cœ- lorum accipias, esto violentus, & vim etiam ipsi in-*

feras cœlis. Quid hac rapinā locupletius? Quid hac gloriosius violentiā? Bona violentia, quā Deum non of- fenditur, sed placatur, proximus non ladicur, sed iu- uatur, peccatū minuitur, non multiplicatur. Tali o- rādī contentione, tamq; pertinaci precādī assidue sit vt consequamur nozarum gratiam, scelerum in- dulgentiā, incrementum spiritus, animæ profectum, augmentum gratiæ, beneficiorum diuinorum con- seruationem, perseverantiam in virtute, fortitudi- nem contrā omne genus inimicorum, tam eorum, qui nos palām incurstant, aut infestant, quā illorū, qui clam, & inuisibiliter impugnant. Quis hęc au- diens non assidue oret, non importunē Deum appel- let, non instet continuis precibus, quandoquidem tot bona, tamq; ingentes thesauros contentiosā, & pertinax oratio complectitur, & adfert?

Eiuscemodi orationis exemplum præclarissimū Patriarcha noster nobis reliquit. Totos viginti an- nos rē vnā perpetuis clamoribus depoposcit. In hoc tam prolixi temporis de curriculo quā cre- brō ille orationum suarum vomere terram cœlorum perstrinxit? Quot supiria dedit? Quoties ingemu- it, vt consequeretur, quod tam vehementer, & ar- denter expetebat? Quā elegantem verō fructum (quod ad erudiendum, confirmandumq; Politicū nostrum commemorauero) sua illi contentio per- tinaxq; petitio attulit? Quantum lucrum continus oratio peperit, quæ Iacobrem, tam rarā, & admi- rabilis sanctitatis filium genuit? Facite vos, quod ille egit, qui *multiplicauit preces,* non despondit animū anno primo, non segnior factus est, vt remitteret se- cundo, non contraxit precandi vela tertio, verū vt anno vno, & tribus, & decem, & viginti obsecrauit, ita plures his in eo opere transmisisset, si longior di- latio diutius retardasset gratiam, quam suspirabat. Huius exempli ob oculos nemo deficiat animo, sed omnes excitentur potius, & roborentur, vt con- tinuē orare, precari importunē, pertinaciter inter- pellare Deum ament, qui vt indulgentissimus pater sinet se subigi nostrā orandi contentione, & micio- rem se reddi nostris rogatibus, & deliniri suspirijs.

De orationis vi, & efficacia habet plurima To- mus II. Vide tibi indicem rerum.

35/(+)

LIBER QVARTVS.

CAPVT I.

Vana, & turpis diligentia, ridiculaq; est illius sollicitudo, qui cum frigidum, pellucidum, abundantemq; fontem ad manum habeat, turbidos, impurosq; operose, ac laboriose consecretur riuulos.

Miseratus tandem aliquando Isaacum Pater luminum, aperiensque diuites fores opulentorum thesaurorum suarum misericordiarum, diu incultum, sterilemque campum tristis Rebeccæ omnipotente clementiâ suâ irrorauit, cœlestique irrigatione inelyti Patriarchæ nostri deuotam coniugem fecundam reddidit, fecitque vt duplicato fructu superiorem sterilitatem cumulatè compensaret. Duos ex concubitu vno filios concepit, qui obscuro in materni vteri carcere tam acriter, effertatèque concertare cœperunt, ac si duo aduersarij exercitus essent, aut ad duellum mutud euocassent. Turbauit sollicitam matrem inauditæ rei nouitas, dum secum reputaret, quid sibi vellet tam ferox in alui maternæ secreto duorum nondum in lucem editorum puerorum conflictus, qui magis periti essent pugnandi, quàm scirent, quomodo curate vitam deberent. In medio tam inopinatæ concursationis, vt sciret quid tam contentiosum duellum prælagiret, adiit Dominum, amarisque infusa lachrymis consuluit diuinum oraculum, vt ex illo acciperet prodigiosa illius luctæ prognosticum. *Perrexit, & consulere Dominum; Gen. 25. 22.*

S. Ioannes Chrysostomus in eorum verborum commentatione aiebat: *Vide mulieris sagacitatem, quoniam viderat, quod illi, qui vuluam eius reserauerat, natura esset Dominus, & infecundum ventrem repente ita fecundum effecisset, & videbat vteri sarcinam magna quadam promittentem, perrexit, vt consulere Dominum. Quid est, perrexit, vt consulere Dominum? Cucurrit ad veram scientiam. Hæc ille, & paulò ante: Non ad humanum confugit subsidium, nec se exposuit deceptioni curiosorum, & eorum, qui polliceri audent, quæ sunt supra humanam naturam, sed perrexit, vt consulere Dominum. Non fecit, quod multi stulti, & amentes solent, qui cum in similes necessitates incidunt, ad vanos, & nugandos circumforaneos, & impostores astrologos*

iudiciarios accurrunt, qui ex stellarum cursu futura contingentia diuinare, & quæ ventura, præscire volunt, quæ tamen Deus in sui pectoris secreto occultæ scientiæ suæ clauē obserata seruat. Tu verò *Vide mulieris sagacitatem*, inquit Chrysostomus, quæ relictis vilium, & arrogantium hominorum sordidis riuulis, perrexit, & consulere Dominum, cucurrit ad veram scientiam, fontem ipsum adiit, docens nos, vt in omnibus occasionibus, cunctisque ærumnis, & angustijs nostris tantundem faciamus, qui cum istius limpidum, & diuinum fontem tam propè, & ad manum habeamus, grande piaculum fuerit, si eo relicto ad riuulos hominum accurrerimus, è quibus deceptio sola bibitur, & non hauritur, quod expectitur.

Ingrediebatur Dominus regionem Gerasenorum, cuius terram cum diuinis vestigijs suis sacrare cœpisset, veriti illius inuincibilem potentiam occurrerunt ei duo homines, quos immanes, ac nimis sæui dæmones inuaserant. Non procul inde grex porcorum aberat, damnati autem spiritus rogabant, vt cum ipsius bona venia mutare hospitia, & è fœtidis sepulchris in immunda illa animalia transire possent. *At illis: Ire; Matth. 8. 32.*

Mouet hoc loco quæstionem S. Petrus Chrysostomus, cur mali dæmones, cum mutandi diuersorij certam consilium iam concepissent, facultatem à Domino perierint, quibus ea licentia ad talem rem non videtur fuisse opus.

Respondet verò serm. 17. prudenter factum fuisse, quod Dominum, cuius potentiam nouerant, adierunt, vt is, quid ab illis factum vellet, statueret, namq; *miser est, qui relictis iudice frustra carnificis requirit fauorem, qui nec vexare, nec parcere, nec minuire potest tormenta, nec addere, sed facit totum additus ipse Serbero ad ius, & arbitrium iudicantis.* Itaque dæmonia, cum supremam, & absolutam in Christo potestatem agnoscerent, ab illo sibi decerni poenam, designari carcerem, constitui tormentum rogârunt, nam Domino, penes quem est omne supplicij arbitrium, prætermisso ad liqorem conficere, eiusque humanitatem implorare, extrema dementia est, & proximis fontibus neglectis ad riuos pergere, miseranda stultitia, & manifestus error eius, qui dorsum soli obuertens, aliam lucem requirit.

Imprudētīæ arguit Dominus Scribās, ac Phariſæos, quòd legatos Ieroſolymis in deſertum ad Ioannem deſtināſſent, vt num ipſe eſſet Meſſias, perquirerent. *Vos miſiſtis ad Ioannem*: inquiebat Ioannis 5. 33. & poſt pauca: *Ille erat lucerna ardens, & lucens, vos autem ſoluſtis ad horam exultare in luce eius*; v. 35.

Vis horum verborum, notante id Sancto Cyrillo Alexandrino, in eo poſita eſt, quòd Dominus Ioannem nomine lucernæ, ſeu candelæ, aut facis donat. Quid diſcriminis eſt inter ſolem, & lucernam? Lucerna, inquit Cyrillus, lib. 3. in Ioan. cap. 1. *non propriam lucem, ſed adiectam, ac ſeruiſcens ad Veritatem poſidet*. Fax hoc diſfert à ſole, quòd illa lumen aliunde mutuatum habet, nec lucere aliter, quàm emendicato ſplendore poteſt, Sol verò propriâ, & nativâ luce radiat, & ab vno illo aſtra omnia omnē ſuum trahunt fulgorem. Ad eum modum Chriſtus, qui eſt Sol iuſtitiz, omnibus ſtellis, quæ ſunt in vtriuſq; Eccleſiæ firmamento, tribuit quicquid habent lucis, de plenitudine cuius nos omnes accipimus, Ioan. 1. 16. Hinc iam æſtimate imprudentiam, & amentiam Scribarum, & Phariſæorum, inquit Chriſtus, qui reſiſto Sole adierunt ſtellam, & obliiti Dominum accurrerunt ad ſeruum, contemnentique regem acceſſerunt ad miniſtrum. Nihil autem tam inconſultum, quàm tanquam ſaculæ lucem adire, cum Solem præſto habeas, & libere de riuiulo, cum hauſſire ex fonte poſſis.

Quærit Haimo, cur Magi duce viæ vrentes admirabili illâ ſtellâ potiùs Ieroſolymam ierint, quàm in aliam ciuitatem, vt Chriſti recens editi natalem locum indagarent: *Venerunt Ieroſolymam diſcentes, & ibi eſt, qui natus eſt rex Iudaorum*? Matth. 2. 2. Quamobrem ſtellæ prodigio exciti hanc magis vrbem, quàm aliam orbis terræ partem petierunt? *Vidimus ſtellam exiſſe*, inquiebant, hæc nos ſolicitos, anxioſque reddit, adeò hic Ieroſolymis à dubitatione noſtra abſolui, & rei, quam neſcimus, certiorem reddi volumus. Sed cur eo potiſſimum in loco portentum ſtellæ ſibi exponi cupiebant?

Reſponder eruditus Haimo, conſuetudinem gentium exterarum id habuiſſe, vt quoties inſolens aliquid in cælo prodigium cernerent, mox Ieroſolymam, tanquàm ad verum oraculum accurrerent, vbi Dei notitia ſedem, aulamque ſuam regiam habebat, vt quid illud inuiſum, & inuſitatum præſagium ſibi vellet, intelligerent, quemadmodum Ezechiz ætate factum, quando Sol decem lineis in horologio Achaz retro abiit, de quo 4. Reg. 20. &

Iſaïæ 38. rex autem Babylonis Berodach niſit ad Ezechiam principum legationem, *Et interrogarent de portento, quod acciderat ſuper terram*, 2. Paralip. 32. 31. *Conſuetudo erat exterarum gentium*, inquit ille hom. de Epiphan. Tom. 1. ho. B. B. *Et quando vidiſſent aliquod portentum in cælo, Ieroſolymam peterent, aut tranſmitterent, & ibi erat Dei cognitio, ſicut fecerunt temporibus Ezechiz, Et interrogarentur, quamobrem Sol ita reuerſus eſſet*. Hunc morem cum non ignorarent Reges Magi, & ſtellæ nouitatem viderent, *Venerunt Ieroſolymam*, vt inde certum reſponſum referrent, vbi veri Dei notitia florebat. Hæc vna è multis cauſa eſt, quòd Euangelifta non abſque myſterio Magos, ſiue ſapientes eos vocat, qui Reges erant, inquires: *Ecce Magi ab oriente venerunt*; Matth. 2. 1. inſignis quippè prudentia, & ſapientia permagna eſt, reſiſto riuiulo pergere ad fontem, contempto mendacio petere veritatem, fugere fraudem, & quærere ſcientiam, renuntiare creaturis, & adire Creatorem.

Commodum huic rei venter quoddam Tertulliani quæſitum, qui lib. de carne Chriſti c. 18. ſciſcitatur, cur Dei Filius, poſtquam conſtitutum habuit carnem induere, naſci voluit ex Virgine illibata, pura, intaminata, cuius integerrimam munditiem nullus vnquàm viri temeraſſet contactus. Reſponder verò in hunc modum: *Non competebat ex ſemine humano Dei Filium naſci*. Sed cur non congruebat viri operâ humanam Verbi generationem perfici? Reponit ille iterum: *Vacabat Viri ſemen apud habentem Dei ſemen*. Si Dei Filius in ſe complectitur gratias, & virtutes rerum omnium, nec qualeſcunque, ſed perfectiſſimas, excellentiſſimas, præſtantiſſimas, ſi eſt prima cauſa, & ſecurigo omnis boni, quorſum à creatura mendicaret gratiam, & virtutem, quam in ſeipſo continet? Cum ſons eſſet, ad riuiulumné iret! Solné ad ſtellas, ad effectum cauſa, Creator ad creaturam confugeret! *Vacabat Viri ſemen apud habentem Dei ſemen*. Non ridicula tantum, ſed & vana, orioſa que eſt eius diligentia, quæ ad tennes ſordidoſque riuiulos abit, cum proximè habeat abundos, gratiſſimos, & ſaluberrimos fontes.

Magno credentium Patriarchæ in ipſo ſeruore diei pientiſſimus Dominus, volens diuinâ ſua præſentia humilem illius nobilitare domum, apparuit, qui cum eleuaſſet oculos, tres viros robuſtos, ac perelegantes vidit. Vt ne fruſtrâ felix, ac lucriſſima occaſio dilaberetur, decrepitus Patriarcha, tanquàm valentiſſimus quidam iuuenis, feſtinantiſſimè accurrir, aſſuſuſque terræ hac eos verborum

comitate urbane appellauit: *Domine, si inueni gratiam in oculis tuis, ne tranſeas ſeruum tuum;* Genef. 18. 3. velut pluribus dixiſſet: Si me tam beatum fortuna faceret, Domine, vt tu hoc meum tugurium cætera ſerè pauperculum, ſed vnâ diuite voluntate peropulentum, hoc meum gurguſtium ſitu, ac ſtructurâ vile, at bonis deſiderijs magnificum inires hoſpes, quàm glorioſa mea fors foret, quàm fauſta dies præſens!

Hoc loco exſurgere dubitatio poteſt, quamobrem Sanctus Patriarcha, cum tres quales peregrinos aduenire vidiffet, vni tantum locutus fuit, vni hoſpitij uſuram officioſè obtulit, vni ſe inclinauit, & in terram uſque ad reuerentiam ſubmiſit? *Appa-ruerant ei tres viſitantes propè eum;* inquit ſacer Textus ibid. v. 2. At ſi tres erant, cur omnem vni obſeruantiæ cultum deſerebat?

Difficultatem hanc ſubmouet Gloſſa Angelica in cap. 18. Genef. dicens: *Deum in Angelis ſentiens manuſ Domini loqui, quàm Angelis.* Perſonatum in Angelis Dominum totius maiestatis Sanctus Patriarcha agnoſcebat, cumq; Creatorem in creaturis, Superiorem in ſubditis, magnum in paruis animaduerneret, relinquens paruos, oblitus ſubditos, prætermittens creaturas, diſſimulans ſubiectos, cum Creatore colloquium inibat, Superiorem comiter deuenerabatur, Conditori hoſpitium domus ſuæ offerebat, Dominum in terram prouolutus adorabat: *Deum in Angelis ſentiens manuſ Domini loqui, quàm Angelis.* Erant ibi fons, & riui, Sol & ſtellæ, Rex & ſubditi, dux & milites, Deus & Angeli. Abraham ergo, quod prudentis erat, deſerebat pro fonte riuiſos, pro Sole ſtellas, pro Rege ſubditos, pro ducem milites, pro Deo Angelos.

Et quis mendicet viſitum ſuum per domos alienas, in ſua abundans panibus? Quis pureum fodere curet, & in terra viſceribus Genas aquarum cum labore rimari, cui Glor. aqua limpida fons ſuus emanat? Inquebat Sanctiſſimus Bernardus ſerm. 5. in Cant. Quis niſi impositis mentis oſtiatim ſibi annonam mendicatò conquirat, cuius horrea, triclinia, cellæ circumfluunt omnibus, quæcunq; victus humanus requirit? Quis duro, ac diuturno labore aquas ſibi aliundè accerſat, cui proximis fons frigidam diuite venâ fundit? Nemo, qui alioquin ſapiat, hoc agat. Tale quidpiam verò faciunt miſeri, & cœci homines, qui aquas Domini perſpicuas, & patentem fontem omnium bonorum, & gratiarum relinquunt, deſtituuntq; illum ſuperſubſtantialem cibum, qui liberrimo uſui, & eſui noſtro in ſacroſancta Altaris

menſa exponitur, & omnes ſecum delicias, lautitiæſq; nobis adfert, & conſectantur durum panem, & turbidam aquam, & exſuccas arbores, & inania oſſa, & debiles arundines, & vanam auram, & falſas voluptates rerum creatarum, & caducarum. O Deus, quanta ea cœcitas! cheu dolor, quàm perdit mores! Itanè putei ſunt, vbi fontes! Itanè candelarum uſus, vbi Sol proximus adeſt! Itanè ſunt, qui à Creatore ad creaturas deſciant! Quàm vanum, turpe, friuolum ridiculum, ac pudendum ſtudium, contemnere præcipuum, & quærere acceſſorium! Prudens, & qui rectâ ratione ducitur, ſacere debet quod Abraham, & relictis ſtellis adire Solem, fontem petere contempto riuiſo, deſtituere ſubditum, & Domino adherere.

Hoc eſt, quod cum fieri maximè deceat, & oporteat, ſerè prætermittitur, & negligitur, de qua re ſic expoſtulat S. Baſilius Magnus in Pſal. 45. *Cum tribulatione quadam afflictiſſimur, ad omnia potius, quàm ad ipſum Deum noſtrum recurrimus. Vnus ri-uis puſo egrotat? quaquauerſum circumſers oculos, requirens incantatorem, ſed ad poſtremum ad medicum Genis, & medicinas, eo interim cōtemptum omiſſo, qui reſtituere poteſt ſoſpirari.* Cum aduerſis urge-mur, mundum totum, ſi quod fortè in illo malis noſtris remedium inuenire poſſimus, animo peruagamur, omniaq; humana auxilia prius imploramus, ac tentamus, quàm Dei Reparatoris meminerimus, qui tamen fons eſt omnis boni, & omnis mali curatō vnicus. Si virum quendam principem febris, aut illius primogenitum leue aliud malum fortè inuadat, quot extemplò arioli, & coniectores accerſuntur! quot incantatores, & impoſtores adducuntur! Quot characteres ſuperuacanei, & vani, ſeu figuræ, & literæ (verba ſunt Baſilij) puerorum innocentium collo ſuspenduntur! Poſthæc ad medicos confugitur, & quæcunq; illi habeant, Dei autem inter hæc magna obliuio, qui eſt fons ſalutis, & omnis remedij author. Noſter Politicus ergo, ſiquidem rectè agere velit, inſignem, & ſacram matronā noſtram Rebecca imitari debet, quæ in ſuis calamitatibus, & mortalibus anxietatibus perrexit, & conſuleret Dominum, non ad humanum confuſum ſubſidum, cucurrit ad veram ſcientiam. Tantundem nos faciamus in noſtris laboribus, & ærumnis, vt nobis eueniat, quod Rebecca, ſimiliterq; ac illa ſcopum in omni re attingamus, in dubijs quodratum eſt, ſequamur, nullo dolo circumſcribamur, vt à moleſtijs liberati optatâ quiete fruamur.

CAPVT II.

In domo Dei nulla est nisi meritorum antiquitas, ille quippe annis maior, qui meritis.

Acrum Oraculum, quod nostra inter angustias Sposita Rebecca consuluit, hoc illi responsum dedit: *Dua gentes sunt in vtero tuo, & duo populi ex ventre tuo discedent, populusque populum superabit, & maior seruiet minori;* Gen. 25. 23. hoc est, Esau Iacobti. Sed cur minor Iacob reportabit benedictiones, & obtinebit primogenituram, ceterisque privilegijs domus Isaac potietur, & meliorem locum occupabit, quam natu maior Esau? Vna omnium Expositorum responsio est, id factum, quod Iacob esset vir sanctus, perfectus, & qui ad amissim voluntatis Dei vitam suam institueret, Esau verò homo (vt illum Apostolus vocat Hebr. 12. 16.) *profanus, simoniacus, gulæ deditus, alijsque flagitijs additus*, quibus animam suam contaminauit, & genus suum dedecore aspersit.

Præcedat ergò sanctus peccatorem, profanum religiosus, quanquam profanus & peccator tempore sit maior, priorque ab utero matris in mundum prodeat, vt hinc accipiat, illum in domo Dei esse antiquiorem, qui virtutum ditior, illum esse maiorem tempore, qui bonorum operum meritis affluentior. *Ille primus est* (inquit S. Petrus Chrysologus Serm. 73. de his ipsi gemellis loquens) *quem cælestis gratia generat, non natura mortali*, ille primus, quem gratia semper beatè futurum gignit, non quem cadauca natura propediem dissoluendum enititur.

Sacer Scriptor cum ab annis Abrahamum, honestamque eius coniugem describeret, quos habebant, quando Angelus miraculosam, & sanctam illis posteritatem promittebat, sic ait: *Erant ambo senes, prouecta que ætatis;* Genes. 18. 11.

Origenes Adamantius, hom. 3. in Genes. & Philo Alexandrinus lib. de Abraham, hunc sacri Textus loquendi morem diligenter expenderunt, atque illud in his verbis subnotarunt, quod horum coniugum prouectior ætas prima commemoratur, sic vt maiorum, quos habuerunt, nullus senex factus in vlla Scripturæ parte superiore narretur. *Hunc primum nominant seniores*, inquit Philo, *quamuis maiores eius triplo, & amplius longiores fuerint, quorum neminem legimus hac appellatione dignum habuisse.*

Quid mysterij habeat, quod primus hic noster Patriarcha Abraham venerabili senis appellatione

cohonestari meruit, cum illum ad id temporis vsq; plurimi annis plurimis superariet, & non pauci sæcula tota, neque pauca supra quam ille, vixerint? Seth fuit annorum nongentorum, & duodecim, Enoch nongentorum quinque, Cainan nongentorum decem, Malaleel octingentorum sexaginta quinque, Mathusalem nongentorum sexaginta nouem, Lamech quingentorum nonaginta quinque, & alij plurimi in longiores annos produxerunt vitam suam, quam Abraham. Quid sibi vult ergò, quod his tam decrepitis, & Abrahamo tam multè prouectioribus honorificus senum titulus denegatur, quibus debitissimus videbatur, & vni creditum Patriarchæ ante omnes tribuitur?

Respondet Philo: Proauorum Abraham *neminem legimus hac appellatione dignum habuisse*, & meritò. Cur meritò? *Nam venera senior non ex longitudine temporis, sed ex laudata vita putatur.* In illa cælorum Regia non vocatur antiquus, qui longos annos exegit, nec qui sæcula plusecula transmisit, sed qui multis meritis excellit: Et quoniam Abraham maiores suos omnes, à quibus ætate superabatur, virtutum copijs, & perfectionis gradu longè infra se relinquebat, idcirco huic gloriosum senecionis vocabulum conceditur, non illis. Ex quo intelligimus, antiquitatem, vt eam Deus supputat, *non solum ætate, sed & multis, & magnis meritis æstimari: Significum*, vt Philo Hebræus in huius rei amplificationem porro inquit, *quis multum ætatis in tempore vixerunt sine probitate, longam pueri dicendi sunt.* Dictum verè. Nam qui longa vitæ spatia, sine vitæ probæ studijs, emens sunt, ij honorificæ senum appellatione indigni, sed hoc benè meriti sunt, vt exactâ ætate pueri vocentur. *Longam Pueri.* Quàm pulchrè dictum! Quid prodest Christiano, centum vitæ numerare annos, si tam longo tempore nullum in militia spirituali præclarum virtutis facinus edidit, nec momentosum aliquid, quod ex vsu officiorum Dei sit, aut cultum eius, ac gloriam spectet, fecit? Illum *longam pueri* nomine donare debemus, vt è contrâ pauculorum dierum senecionem huic dicere, qui in tenera ætate, & rudibus annis bonorum operum exercitationi operam diligentem, ac strenuam dedit. Is nimirum in Dei domo annis excellit, qui meritis, ille antiquior est, qui virtutis studiosior, senex enim non diuturnæ, sed probæ vitæ est alligata.

Scribebat Sanctus Apostolus Paulus charo suo Philemoni obsecrans, vt Onesimum seruum, qui fugā

fugā dilapsus Domini sui domum destituerat, benigne, & humane in gratiam veterem admitteret, & sic ordiebatur epistolam: *Paulus sanctus Christi Iesus, & Timotheus frater Philemoni dilecto, & adiutori nostro, & Appia sorori charissima, & Archippo commilitoni nostro; Philem. vers. 1. & 2.*

Sanctus Anselmus in commentario huius epistolae obseruauit ordinem, quo digessit personas Paulus, quos ex suo, & Timothei nomine saluere voluit: *Inter duos viros Apostolicos, inquit, inter cooperatorem Pauli, & commilitonem eius medium Appia nomen inseritur.* Magna haud dubium prerogatiua est, esse Apostolorum celeberrimi in officio Apostolico cooperatorem. Ita non vulgare officium, sed insigne munus est, esse commilitonem Pauli in eo praelio, quod contra Ecclesiae hostes susceptum geritur. Animaduertendum itaque, quod Apostolus duos viros inter, eosque tam heroicis, & illustres mediam constituit Appiam mulierem. Sed quid hoc video! Qui fit, quod Apostolus Archippo fidei christianae propugnatori acerrimo, & strenuissimo Appiam anteponit? Itane ille antiquiorem habuit viro mulierem, & haec locum eminentiorem apud Paulum, quam ille tenet? Nonne si rectum ordinem serues, praeponi feminae masculus debet? Quid ergo est, quod Paulus minus viro, quam mulieri deferre videtur.

Respondet Beatus Anselmus, inquit: *Ut non videatur sexus ordinem habere, sed meriti, & non hoc potissimum cogitasse, quod alter vir, mulier altera fuit, sed eius, quod primum erat, primam habuisse rationem, & hoc maxime considerasse, quod maximum, quod illustrissimum in utroque erat, cum animaduertisset Appiam magnitudine virtutum, & vitae praestantia Archippo superiorem esse, superiorem etiam sedem, antiquioremque, & nobiliorem locum in sua epistola illi descripsit, ut ea re doceret, in domo Dei solam dierum vetustatem, nisi comites habeat virtutes, & coniuncta merita, non valere, solumque attendi de bonorum operum usu natum sudorem, & laborem, qui in studio actionum meritoriarum collocatur, non dies plusculos, non longuolos annos: Ut non videatur ordinem sexus habere, sed meriti.* Apud aequum enim aemulatore, & fidum expensorem vitae nostrae is antiquior habebitur, melioremque locum obtinebit, qui meritis auctior fuerit, & virtutum copiis abundantius affluerit.

Ablegabatur Dominus Ieremiam ad praedicandum, cum amplissima commissione, ut euelleret, & destrueret, & disperderet, & dissiparet, & edificaret, & plan-

taret, constituens illum super gentes, & super regna. Cum se tam sublimi provinciae impositum, tantiq; muneris dignitate auctum sanctus Propheta cerne- ret, oculoque ad eandem aetatem suam conuerteret, & annos teneros cum asperitate operosi officij com- poneret, deprecabatur tam graue onus, aetatem praetendens, quae tam arduo, & negotioso muneris praemodum impar esset. Praetextum alium, quam aetatis immaturae, & perimbecillae, nullum reperit, quo praefectura tam grauis pondera à suis humeris prohiberet. Verum Dominus respondit, longè infirmissimam esse eam rationem, quā iniuncti officij susceptionem effugere posse putaret, inquit: *Noli dicere, puer sum; Ierem. 1. 7.* non est bona de pau- citate annorum petita excusatio, non enim in annis posita est virtus, sed in recto rationis iudicio, & sen- suum maturitate, haec enim est, quae annos facit, & annos eos, qui rudes aetate.

Nam ut Sanctus Ignatius epist. 6. Tom. 3. Bi- blioth. Vet. PP. habet, *non annosi continuo sapientes sunt, nec senes intelligentiam possident, sed spiritus, qui in hominibus est.* Samuel paruulus Heli nonage- narium reprehendit, similiter Ieremias audit à Deo, *ne dicas, iunior sum.* Adolescentia igitur non est con- temnenda, quoties Deo consecrata fuerit, verum is contemnendus est, qui improbo est animo, tamen si mul- torum dierum tempore plenus sit. In domo namque Dei qui sanctior, idem antiquior, & qui virtutum splendorem habet maiorem, is decentiori loco ho- noratur, & ceteris antefertur.

Huc aptè cadet, quod Sanctus Martyr Eustathius de amygdala, & moro in suis Hexameris scribit, in- quiens: *Floret prima omnium amygdala, postremaque pomum maturat, mors tardè germinant, tamen in fructu ferendo non sunt alijs posteriores.* Ergo non satis est antiquiorem esse, aut anteuertisse alios. Nam amygdala quaquàm prima omnium arborum ex hyemis horrore in genialem veris amoenitatem erumpat, & florum suorum candida pacis vexilla prima proferat, serotinos tamen fructus suos ad ma- turitatem inclinante vix autumno adducit, & mo- rus, quae serius quidem florescit, seseque ostentat, cum tamen exerere incipit, tam festina germinat, ut fructus praecoquos, quantum paucae aliae arbores edat: *Tardè germinant, tamen in fructu ferendo non sunt alijs posteriores.* Non itaque tota felicitatis tuae summa in eo posita est, quod prior ad agnitionem fidei veneris, prior togam religiosam indueris, diu- tius à cathedra docueris, nisi etiam bonorum ope- rum usu, exercitatione virtutum, scientiae, & pru-

dentiae

dentia magnitudine cæteris antecelas, vt enim quis magnus sit, non ex eo fit, quod primus venit, sed quod facinora præclariora, & admirabiliora edit.

A sola canitie vis tibi accerfere commendationem! ab vno senio mutuari existimationem! O quam turpiter erras, quisquis ex eo solum vis haberi præclarus, cæterisque præstantior, quod grauis es annis! Ignauissimorum quorundam hominum consuetudo est, vt cum inter vitia senuerint, nullique pares sint, sola se præferant senectute, inquebat Franciscus Petrarcha in quadam Inuect. in Medic. lib. 1. Sunt, neque pauci, qui in solis canis omne existimationis suæ præsidium habent constitutum, & ob vnicam diuicillam vitam, & exactam ætatem omnibus magnæ venerationi, & admirationi esse volunt. At stultum est, ex ea re sola singularem obseruantia habetur, qui consensuit in vsu virtutum, & incantuit in bonis meritis.

Id procul dubio voluit significare Dominus, quando ex toto, ac tanto numero languentium, claudorum, cæcorum, aridorum, hydropicorum, paralyticorum, qui in illis Probatice piscinæ porticibus iacentes Angelum præstolabantur, vt in aquam ab eo motam siue ipsi insilientes, siue ab alijs coniecti sanarentur. Eam felicitatem cum omnes vehementer expeterent, vnus solus assequebatur, nam qui prior descendisset in piscinam post motum aquæ, sanus fiebat à quacunque detinebatur infirmitate. Ita S. Ioan. c. 5. v. 4.

Quærit Hugo Cardinalis: Quare sandabatur prior? Cur illi redibat salus, qui primus in aquas vel se ipse dabat, vel alienâ ope adiutus incidebat? Cur non eo ordine curabantur, quo ad consequendam incolumitatem aduenerant? Nonne æquitas postulabat, vt bonam valerudinem ille ante omnes adipisceretur, qui diutius suspirarat, & expectarat? Non deferrebat annis, non expectationi diuturniori, non conualecebat prior, qui prior, vt beneficium sanitatis obtineret, in aliquam porticum, & proximum piscinæ locum aduenerat, inquit Hugo, sed qui prior descendisset in piscinam, sanus fiebat, vt tali exemplo institueretur, parum valere antiquitatem temporis in domo Dei, vt in ea quidquam impetres, aut assequaris, & exigui momenti esse longos annos, aut confectam ætatem, nisi magnos in virtute progressus simul feceris, & ingentes bonorum meritorum thesauros in scrinium animæ intuleris. Expectantiori, & promptiori corona datur, non seniori, digniori, non antiquioris tempora lauro cinguntur.

Tom. III.

Egrediebatur diuinus Christi Præcursor ad prædicandum, eoq; in ministerio Vox Verbum anteibat. Hac de re Sanctus Lucas cap. 3. v. 3. ita scribit: *Venit Ioannes in omnem regionem Iordanis, prædicans baptismum penitentia in remissionem peccatorum.*

Sanctus Petrus Chrysologus serm. 137. admirandus succlamat: *Quid quod Vox præcedit Verbum!* Quid quod Ioannes, qui vox est, ante prædicationis officio fungitur, quam Christus, qui est Verbum, illi dare operam cœpit! Siccine Ioannes concionando præuenit Redemptorem mundi, vt gloriari merito, ac verè possit, antiquiorem se illo esse Ecclesiasten? Cur non aliter, atque ita dispositum fuit, vt primus ad hoc munus curandum prodiret Christus, non Ioannes?

Respondet sacer Archiepiscopus: *Præcedit Ioannes, non præcellit.* Nihil refert, quod prior pro concione dicere Ioannes cœpit, & prior indulgentiam peccatorum, quæ per penitentiam obtinetur, annuntiare: Quanquam enim in ministerio Christum Ioannes tempore anteibat, dignitate tamen ab illo aberat intervallo infinito. Præibat illi non præstabat. Neque gloriosum est ante prodijisse, sed velociter progressum fuisse, id perhonorificum. Atque vt intelligeretur, præstabilitatem non in antiquitate, sed in virtute sitam esse, prior ad prædicandum Ioannes erupit, posterior Christus venit, sed tantis gratiarum copijs supra illum auctus cumulatissime, quantas rectâ fide nouimus, sed verbis explicare non possumus. *Præcedit, non præcellit*, is nimirum in superno illo palatio alios antecellit, qui virtutum vi, & magnitudine excellit.

Nisi enim ita esset, antequam dignitate Soli rubus posset, & herba iactanter gloriari, quod Lunæ præstaret, *anterior* namque *rubus*, quam *Sol*, *antiquior herba*, quam *Luna*, inquit S. Ambrosius lib. 4. Hexam. cap. 1. Quis non cachinnetur, quis non sanis exagitet rubum, ac herbam, si videat ea hoc nomine locum in ordine creaturarum prensare eminentiorem, quod ante Solem, & Lunam nata in mundo fuere? Nimirum antiquitas non annis dimetienda, sed virtutibus, & ad bonorum meritorum, non ad temporis longioris pondera expendenda, ille namque annis maior est, qui meritis superior, tamen inferior ætate.

Sidonius Apollinaris lib. 6. epist. 9. mundi, & aui sui quendam prauum morem reprehendit, qui hoc habebat, vt cum deligendus episcopus, non merita vitæ, sed annorum spatia pensarent, penes quos designandi præfulis potestas erat: *In antistite consue-*

crando

*crando non Stilitatem Soluunt eligere, inquit ille, sed
atatem tanquam in potius, quam bene vivere debeat
accepti ad sacerdotium adipiscendum pro omnium gra-
tiarum privilegio, lenocinamento. Factum malè, &
inconsultè, ait Sidonius, nam in tanti gradus fasti-
gium nullus nisi bene meritis promouendus est, ille
autem bene meritus est, non qui veritate conse-
nuit, sed qui virtutibus excellit, quia ille primus est,
quem celestis gratia generat; non natura mortalis,
atque is in domo Dei ceteros loco antecedit, & an-
tiquior habebitur, qui virtutum ornamentis magis
excultus fuerit, ac meritis suprà alios abundauerit.*

*Hæc doctrina omnibus utilis est, sed nescio an ad
religiosos ascetas imprimis spectet, qui omnem suam
felicitatem non in eo positam arbitrari debent,
quod illud sacratioris vitæ genus diutius consecrati
sunt, nisi in exercitatione virtutum simul sint anti-
quiores, nec enim soli anni prolixiores veram faci-
unt antiquitatem.*

*Tomo II. Periocha IV. Dominica XXIII. post Pente-
costen, pag. 310. a. o. & Periocha IV. Dominica
XVI. pag. 235. a. o. habes de hac re plura, & acu-
tiora, atque illustriora.*

C A P V T III.

*Ætatis magnitudo non ex dierum numero, sed
meritorum multitudine pensanda est, ille enim solum
viuit, qui meretur, ille plures dies numerat, qui
virtutibus præstat.*

EX capitulo præcedente præsens descendit, estq;
hæc Periocha filia superioris. Nemo felicitate
suam totam in longis diebus constituat, nemo
annis suis quicquam tribuat, neque canos suos mag-
ni æstimet, nisi eos virtutum emblemate elegan-
ter exornarit, ac perpolierit, nisi bonorum merito-
rum viuis coloribus insigniter illustrarit. Illa quip-
pè sola dici vita, illa ætas vera appellari potest, quæ
bonis meritis paramus. Ille vivere dici potest, qui
meretur, ille canus vocari, qui excultus est virtuti-
bus. Ætas præcipua ea est, quæ benè, ac laudabi-
liter agendo exigitur, & hos quisq; numerare annos
potest, quos inter bona merita transiit.

Multis de hoc argumento agit Sapiens, atq;ue,
eum, quem mors immatura in pubescente ætate, &
vernantibus annis è viuis exemit, dum inter eos ac-
cumulandis meritis strenuam operam studiosus bo-
norum operum sectator audis dedit, non dece-
dere iuuenem, sed vetulum, & longævum, & plenum

dierum. Senectus enim venerabilis est, inquit ille Sap.
4. v. 8. & 9. non diuturna, neque annorum numero
computata, canis autem sunt sensus hominis, & ætas
senectutis vita immaculata. Et verè 13. Consumma-
tus in breui expleuit tempora multa. Itaque virtutis
studium est vita, quæ hominem in senectute consti-
tuit, diu enim vivere, & nihil mereri, est velut non
vixisse. Nam ut Lörinus hoc in loco ait, merces non
tempori, quo vir laborat, sed operi respondet. Qui v-
no die magnum quæstum facit, is certè opulentior-
nundinator haberi potest, quàm ille, qui intrà an-
nos plures perexiguum lucrum fecit, itaque & pri-
mus intrà horam vnam præstantior mercator factus
est, quàm alter intrà dies plurimos.

Refert sacer Textus obitum Ismaëlis, & Abrahæ
patris eius mortem quoque narrat. Et Ismaëlis qui-
dem occasum sic describit: *Anni vite Ismaëlis cen-
tum triginta septem*; Gen. 25. 27. Abrahæ verò to-
tam ætatem ad hunc modum recenset: *Fuerunt dies
vite Abrahæ centum septuaginta quinque anni*; ibid.
verf. 7.

Sed est obseruandum mysterium, quod habet
Textus Hebræus in computatione annorum vitæ
Abrahæ, qui apud Nicolaum Lyranum, Abulen-
sem, & Honcalam talis est: *Fuerunt dies annorum
vite Abrahæ centum anni, & septuaginta anni, &
quinque anni.* Tam distinctè annos Ismaëlis idem
textus non enumerat. Quid ergo sacramenti sub-
sit, quod Sancti Patriarchæ anni tam articulatim, par-
titè, distributèque calculantur, filij autem anni
confusè, & verbo, vt sic dicam, vnico indicantur?

Respondent Doctores paulò ante nominati, quod
vita Abrahæ per certos annorum articulos tam enu-
cleatè, distinctèque digesta fuit, id factum, vt signi-
ficaretur, quia Patriarcha in qualibet ætate congru-
am ei perfectionem habuit: Illic autem non explica-
tur nomen annorum per singulos numeros, quia Ismaël
pluribus vitæ sue annis minis præ vixit. Sic Lyranus.
Vita ergo Abrahæ per certos numeros discreta fuit,
Ismaëlis non item, vt inditio esset, quod Abraham
vitam semper integerrimam, perfectamque duxit,
ætatem suam fructuosè transmisit, & vitam præio-
rissimam, hoc est, cum virtute coniunctam vixit, at-
que idcirco dicitur, quod diem suum obiit plenus
dierum, ij nempe sunt pleni dies, & vita plena, at-
que perfecta ea vocari potest, quæ benè, & lauda-
biliter operando exigitur. Non sic loquitur sacer
Scriptor de Ismaële, cuius anni omnes velut con-
globatim, aut cumulatim exprimuntur, quasi vnus
aæus fuisset omne tempus, quo vixit, quia minis

più. *Vixit*, & probabile est malè collocasse suos annos, adeò virtutis annum nullum vixit, quæ forte causa sit, quod *desiderens mortuum* esse dicitur, hoc est, iam mortuus occubuisse. Nam qui vivit, & vitæ suæ tempus non exigit in actionibus sanctis, & laude dignis, ille cum moritur, sepulchro inferitur non tunc primum defunctus, sed pridem in vita præmortuus. Ille nimirum potest dici viuus, qui bonorum meritorum est studiosus, ille multos annos habet, cuius animus multis virtutibus est collocupletatus.

Huc spectat, quod noster Cordubensis Philosophus Seneca epist. 93. ait: *Non ut diu viuamus, curandum est, sed ut satis, nam ut diu viuas, fato opus est, ut satis, animo, longa est vita, si plena est, si conferta meritis, si diues virtutibus.*

Sapiens cum de annis loqueretur, quos viuendo improbi homines percurrunt, ait perbreues fore, & angustis limitibus circumscribendos, iustorum è contrà prolongandos, & extendendos. Verba illius Prouerb. 10. v. 27. sic habent: *Timor Domini apponet dies, & anni impiorum breuiabuntur.*

Habet suam hæc sententia difficultatem. Nam si ita est, ut Salomon affirmat, quomodo cum illo cohæret, quod in dies crebro experimento discimus, homines sanctissimos magno sæpè compendio exigere vitam, consecretos verò, qui nullâ, nisi pessimâ ex flagitijs famâ sunt insignes, longos annos degere, & tota viuendo sæcula exæquare, non etiam nunquam superare? Secundum hæc quomodo illa Salomonica parcemia accipienda, quæ seram ætatem timenti Deum spondet, impio autem parua temporis spatia minatur?

Occurrit huic difficultati Robertus Holcot. lect. 79. in Prouerbia, inquit: *Potest dici, quod dies bonorum augentur, malorum autem abbreviantur, quia solus ille dies dicitur noster, in quo bene viximus.* Et quoniam vnumquodlibet opus bonum velut dies quidam est vitæ, & iusti opera bona plurima facere student, propterea de ijs dicitur, quod multos annos viuunt, de improbis verò, concisum ætatis tempus degere, eò quod illos operum laudabilium, & virtutis spiritus destituat. Itaque plus viuunt, qui plus boni operatur, & qui diem quempiam sine boni alicuius operis exercitatione transmisit, illum obliterare, & è numero dierum vitæ suæ expungere potest, adeò non vixisse putet annos, quos malè vixit.

Huc percommodum veniet, quod Iacobus de Lonzana apud Holcot ubi suprâ memorat, nempe Rebus publicis bene institutis olim magnæ curæ fuisse

se designare homines, qui ex officio totas ostiatis obirent ciuitates, domosque ex ordine singulas inuiserent, & quibus studiis quisque in diem supremum usque occuparetur, sollicitè perquirent, diligenter adnotarent, denique post cuiusq; obitum, subdactis accuratè rationibus, non alios vitæ dies numerarent, quàm quos benè agendo transmisisset. Postquam ergo ad calculos omnia fideliter reuocassent, ætatem virtutis, non vitæ dies tumulo eius adscribebant. *Illi dies sic collecti in fine sculpebantur in sepulchris eorum, ita quod unus, qui quadraginta annos numerat, etiam quatuor habuit, & sic similiter de alijs.* Hæc ille ibi. Fiebat ergo, ut alicui, qui annos natus quadraginta viuere desierat, eiusmodi monumentum ponerent: *Hic homo quatuor tantum annos vixit, & mortuus est quadragesimo.* Alterius epitaphium tale erat: *Hic homo obiit quinquagenarius, & nullum diem vixit.* Alterius sepulchro illud ex Sap. 4. 13. insculpebatur: *Consummatus in breui expleuit tempora multa; Hic iacet, qui anno atatis trigésimo mortuum annos suprâ mille vixit.*

Nam ut Seneca epistolâ illâ superiore 93. dicebat: *Octoginta annis quis vixit. Interest mortem eius ex quo die numeres. At ille obiit viridis, sed officia boni viri, boni amici executus est, in nulla parte cessauit, licet eius ætas imperfecta sit, vita perfecta est. Octoginta annis fuit, nisi forte sic vixisse eum dicis, quomodo dicuntur arbores viuere.* Quæ hic scribit, talia ferè sunt. Dices mihi, mi Lucille, produxisse quempiam vitam suam in annum usque octuagesimum. Sed illud ante constituendum, à quo die numerari in mortuis homo iste debeat, nam si annos suos sceleratè viuendo prodegit, primo statim die mortuus fuit. De alio mihi narrabis, admodum adulescentem viuere desisse, nec tamen eorum, quæ boni ciuis sunt, & fidi amici, quidquam prætermisisset, & quoad inter mortales egit, hoc vnice, & strenuè egisse, quod boni, & qui virtutis studiosi, solent. Ille verò diu vixit, cuius tamen ætas pauca, longæua tamen vita fuit. Sed octoginta mihi rursum annos obiectas, quos prior vixit. Falleris, si illam vitam arbitraris, nisi vitam putes, qualem ilex, quercus, dumus, sentes, frutices viuunt, quæ terram tantum occupant, nihil bonorum fructuum adferunt, non in ætate, sed virtute posita est vita: *Nisi forte sic vixisse eum dicis, quomodo dicuntur arbores viuere.* Vita ab operibus virtutum feriata, trunci magis, aut stipitis vita est, quàm hominis.

Antiquus Pater Algerus quærit aliquid, cuius & alibi meminimus, nimirum quid causæ sit, cur Dominus

minus permittere voluerit, vt charus illius Præcur-
sor in teneris vitæ suæ annis inter mortales agere
desineret, in florentissima quippè ætate iussit illum
obtruncari effeminatus rex Herodes, & decollauit
eum in carcere; Marci 6. 27. Fuit Ioannes, si virtu-
tum eius copias spectes, maximus, si vitæ sanctita-
tem, & prærogatiuas consideres, illustrissimus, &
quotquot ex mulieribus oriundorum eminentissi-
mus. Hoc de illo pronuntiauit perfectionum, quæ
in hominem cadere possunt, scientissimus, & iustissi-
mus, & falli nescius arbitrator, *spirituum pondera-
tor Dominus*, Prouerb. 16. 2. penes quem sunt pon-
dera, numeri, & mensuræ meritorum omnium, Chri-
stus æterna sapientia Patris, cuius est illud effatum:
*Non surrexit inter natos mulierum maior Ioanne Ba-
ptistâ*; Matth. 11. 11. Quod cum ita habeat, cur
tam parum vixit, & annos vitæ triginta tres non ex-
pleuit? *Triginta duorum, & semis esse voluit*: Triginta
duobus annis, & medio solum spirauit hominū, post
Christum, eiusque Matrem Virginem optimas ma-
ximus, inquit venerabilis ille Doctor I. 2. de sacram.
Alt. cap. 7. Tom. 6. Biblioth. Vet. PP. Cur non
exæquauit annos Abraham, ætatem Isaac, tempora
Iacob, & vitam Patriarcharum aliorum, quorum fu-
erunt longissimi dies, & vitæ prolixissima, vt supra
dicebamus? Cur? Vt intelligamus, annorum mul-
titudinem, & vitæ longeuitatem non de numero di-
cerem, sed de cumulo meritorum æstimandam, adeo-
que Ioannes diutius omnibus vixit, quia intra pau-
cum illud tempus incitatore cu-su maiora spatia e-
mensus est, quàm alij omnes. Et vt multum itine-
ratus dicitur, non qui multas horas eundo triuit,
sed qui plura miliaria post se reliquit, sic ille multos
annos vixisse dicendus, qui multos benè viuendo
consumpsit.

Nisi ita esset, quomodo, dic mihi, illud Isaiæ acci-
piendum foret, quod de quibusdam hominibus affir-
mat, inquiens: *Non erit ibi amplius infans dierum,*
*& senex, qui non impleat dies suos, quoniam puer cen-
tum annorum morietur, & peccator centum annorum*
maledictus erit? Isa. 65. v. 20. tanquàm pluribus di-
xisset: Bona noua nuntio, euangelia optatissima
perfero, este proinde hilares, & exultate gaudio.
Quod verò illud tam exoptatum, ac voluptarium
nuntium, ob quod sui xui homines gestire lætitiâ
Propheta cupiebat? Istud, quod *non erit infans die-
rum, & senex, qui non impleat dies suos*. Tale quid-
piam dicat vrbani, & ad omnem morum ciuita-
tem in media aula enutritus Propheta! Quid aliud
tam ridiculum, vt videtur, loqui possit ludio, aut io-

culator, quàm est illud, quod non erit infans multo-
rum annorum, non senecio, qui non dies longos vi-
uat? Palàm est, quod nemo nesciat, infantem non
posse esse annosum (hoc enim illius ætatulæ pro-
prium, pauculas numerare dieculas) & senectutem
cuiusque in eo consistere, quod temporum spatia
longa percurrerit. Quid ergo tantus Propheta affir-
mat, non fore infantes vetulos, neque vetulos infan-
tes? Quid hoc promissi? quid nuntij? quid locuti-
onis nouæ, & inauditæ?

Falleris, homo, quisquis otiosum arbitraris hoc
sanctissimi Vatis præsagium, iuxta doctrinam enim
traditam sunt infantes, qui sint vetuli, & vetuli, qui
infantes. Infantes vetuli ij sunt, qui percurrerunt
annos vitæ multos, ac longos, interq; hoc nihil boni
operis, nihil dignum laude, nihil quod ad virtutem
spectat, fecerunt. Hi sunt infantes quoad eam æta-
tem, quæ præcipua est, & ad rem cuiusq; vel maxi-
mè facit, & de meritis, atque officijs Deo exhibitis
nascitur. Qui ad eum modum consenserunt, absque
vita viuunt, vitam sine annis habent, & grandæa sine
multis diebus ætatē, & nihili senectutē, nec enim quic-
quid est vita, cuius studia Dei laudi, gloriæ, cultui non
dicantur, cuius non omnes cogitatus, & conatus ed-
tendunt, vt hoc agat, quod supremo Domino gra-
tum. Exponit hoc quamprimum Propheta, inqui-
ens: *Puer centum annorum morietur*. Quis ille cen-
tum annorum puer? *Peccator centum annorum*.
Peccator ergo, tamen quod ad ætatem illam corpo-
ream attinet, decrepitus sit, Dei tamen existimati-
one, & cœli calculatione est velut recens natus in-
fantulus, verè enim viuere est benè, meritorie, &
laudabiliter viuere, & qui abundat virtutibus, ille
multorum dierum homo dici potest.

At quoniam veterani infantes? Ex virorum ordine
Ioannes Baptista, qui antra deserti teneris sub annis
petijt, ne leui saltem maculare vitam fame posset.
Nicolaus Episcopus, qui infans etiam dum bis per
hebdomaden à matris vberibus diem totum abline-
bat, S. Dominicus, qui puerulus adhuc erat, & fascijs
se euolebat, & cunis excussum corpusculum terræ
affligebat, vt pœnas à se exposceret, cum per ætatem
committere culpas non posset, & S. Thomas Aquinas,
qui decimum quartum annum ætatis, simulque
ascetam Dominicanum agere cœpit, vt iugum Do-
mini ab adolescentia portaret, & è vetere lege bea-
tissimus Samuel, qui *ministrabat ante faciem Domi-
ni*, quando puer, 1. Reg. 2. 18. atque in ijs rudibus
annis Heli sacerdotem valde senem, vt scriptura vo-
cat, erudijt. Ex infirmo mulierum sexu beata Agnes,
quæ

quæ duodennis, vt scribit Ambrosius, fecisse martyrium fertur, sancta, & seraphica Catharina Senensis, quæ esse quinquennis vix coeperat; quando tanta iam erat illius erga virginem Deiparam pietatis obseruantia, vt quoties scolas domesticas iniret; salutationem Angelicam, quam expendere ad precarios calculos eatenus nesciret, ad singulos earum gradus adgeniculata, quam deuotissimè recitaret, vt taceam innumeras puellas, quas per ferrum ire ad regna cælorum nouimus. Horum omnium vita inter primulos ferè menses veterana fuit, non longis annis, sed multis bonis meritis: Qui ducunt in bonis non benè dies suos, ij hos in diebus vitæ suæ recensere non possunt.

Fulcrum subiiciam huic veritati ex responso, quod Barlaam Iosaphato dedit, cum in illius colloquium primò venit. Venerabatur hic illius canos, suspiciebat vultum, admirabatur senium, quod tam longæuum illi videbatur, tanquam ex primis mundi hominibus quidam fuisset: Interrogatus autem Barlaam de annis, quos exegisset, respondit: Vitæ annos quagraginta quinque, neque plures numero. Attonitus inexpectatâ responsione Iosaphat, comiter illi, perurbane his ferè verbis occurrit: Fieri non posse videtur, vt frons hominis non adultioris tam crebris, & profundis sit exarata rugis, & vir decrepitus, qualem te incanum caput loquitur, non longiores vixerit dies. Cui venerabilis, & sanctus senecio apud B. Ioannem Damascenum historiæ Barlaam, & Iosaphat cap. 18. *Si computem annos, quibus Deo vixi, ij tantum sunt quadraginta quinque, & hos tantum annos vita computo, ceteros quos in vanitate transegi, mortis annos reputo.* Itaque desines mirari, postquam ex his, quæ dixi, accepisti, à Deo illos tantum recenseri in annis vitæ, quos benè merendo, benè collocamus, illos verò numerari in annis mortis, quos peccando malè prodigimus. Non viuit peccator, nunquam moritur iustus, & qui in plures incumbit virtutes, is magis longæuus æstimari potest.

Cum magno itaque mysterio dixit Propheta, non fore infantes multorum dierum, seu verulos, neque senes, qui non expleant dies suos, siue qui non uiuant annos plurimos, quod tale fuit, ac si apertius dixisset, non fore homines sceleratos, & supremæ illius, atq; omnipotentis maiestatis offensores: Peccator quippè est, qui non viuit, qui nullos habet dies, quantosuis vixerit, eò quod illum virtutes destituant, & merita, quæ sunt vita, & ætas animæ, & spiritaculum hominis interioris. Qui enim meretur, vi-

uit, & pro numero virtutum est numerus annorum vitæ.

Confirmabo hoc ipsum quodam elogio, quod Ecclesia ab Ecclesiastico mutuata cuilibet Pontifici, qui rectè, atque vt decet, sacerdotali suo sit perfunctus officio, tribuit, inquit: *Ecce sacerdos magnus, qui in diebus suis placuit Deo, & inuentus est iustus.* Ecce sacerdos eximius, qui Deo se quoad vixit, probauit, cuius cum ad examen vocaretur vita, talis reperta est, quæ laudem, & laurum promereretur perpetuâ.

Quid est, quod dicitur, *in diebus suis*? Respondet Innocentius III. ser. 1. de sancto Syluestro: *Non tam in diebus temporum, quam in diebus virtutum, singula namq; virtutes sunt singuli dies, qui mentem illuminant.* Quod ergo S. Pontifex *in diebus suis* placuisse Deo fertur, id non tam de volubilis, & variabilis temporis, quam de virtutum diebus accipiendum, virtus namque lux est, ex qua animæ amicorum, & seruorum Dei splendant. Si autem virtus dies est, & ex diebus efficitur ætas, consequens est, vt qui virtutes habet, dies habeat: *Singula namque virtutes sunt singuli dies.* Ergo qui meretur, ille viuit, & quò plus merebitur, plus viuet, & quantum abundabit virtutibus, tantum affluet annis.

Vt multis, qui de longa ætate, & vita diuturniore, quam in religiosa veste transmiserunt, præsidunt, suum errorem aperiret, aiebat Eusebius Emisenus, siue, quod magis certum, Eucherius Lugdunensis homel. 9. ad Monachos: *Solemus annos nostros, & temporum spatia supputare. Non te fallat quicunque ille est numerus dierum, illum tantum diem vixisse te computa, in quo malis desiderijs restitisti, quem sine illa regula transgressione duxisti. Illum diem vixisse te computa, quem non malitia commaculauit, qui peccato non cecidit, qui diabolo repugnauit. Illum, inquam, diem applica ad vitam tuam, cuius usus peruenit ad animam tuam.* Familiare est Religiosis recensere tempus, quo se Dei officijs per vota religiosa consecrârunt, & sacram togam induerunt. Hic numerat decem annos, ille viginti, alius quinquaginta, non nemo sexaginta. Non sit tamen, quem ista falsa calculandi ratio circumueniat, is enim in tabulis temporis solus poni dies debet, atq; in vitæ, & ætatis diebus recenseri, quo quis concupiscentijs suis prauis obstitit, & effusas libidines, ac malè liberas appetentias compescens in officio continet. Ille verus dies est, in quo non violatur regula, non prætermittitur constitutio, non præteritur mandatum, non cæremonia aliqua negligitur. Illud verum tempus vocari debet, quod

abſque contaminatione ſpiritus tranſigitur, & huc totum vertitur, vt & vitio nulli ſuccumbat monachus, & malo dæmoni fortiter ſe obijciat, & valide aduerſetur. Denique illum diem debemus adiungere vitæ noſtræ, qui attulit emolumentum animæ noſtræ. Itaque non debet Religioſus numerare rēpus ſuſcepit ſacræ veſtis, ſed recte uſurparæ veſtis, viuere namque centum annos in domo religioſa, & non facere profectus, eſt velut non viuere, ille enim vitæ dies cenſetur, ex quo fructus ad animam deriuatur. Ille itaque uiuit, qui meretur, eiſque erit prolixior vita, cuius plura merita. Quod de Religioſis dicimus, idem poteſt, & debet de quibuſlibet Chriſtianis affirmari: Nam qui olim Chriſto nomen dedit, & interim de illo parum meritis, ſemperque inops virtutum fuit, infantium catalogo adſcribi debet, tametiſi capularis, & acheronticus ſenex ſit; in domo quippè Dei longæuitas vitæ ex ætate virtutum æſtimatur, & qui virtutum diues, idem plenus eſt dierum, & is magis incanuit, qui opulentiores meritorum theſauros cumulauit.

Laconicus hiſtoricus, ille ethnicus, Valerius Maximus locuplete teſtimonio hanc veritatem conſtabilit, cuius ex lib. 9. cap. 1. ſunt iſta: *Si tempore tui bene ſeſſa, etiam paruum, ampliffimum efficias, numerum annorum multitudine operum ſuperando, alioquin quid intereſt inerti morâ gaudere, ſi magis vitam exigis, quàm approbas?* tanquàm apertius dixiſſet: Præclarum remedium inueni, per quod homo multa ſæcula viuere poſſit, fugitiuo tempore, & fragili, caducâque ætate nequicquam obſiſtente. Remedium verò tale eſt, vt tempus ipſum, ætatemque bene collocet, fructuoſè expendat, ſic ex ipſius breuibus, & velocibus minutis durationes æternas, & vitam immortalē conficiet. Multitudine virtutum latiffimè extendi poſſunt inſtantanæa horarum, verè namque viuere nihil aliud eſt, quàm ſtudere virtuti, quare cuius hæc eſt vel tota, vel potiſſima voluptas, vt vacuos in otio feriatus dies tranſmittat, is caſſa inaniter vitæ ſpatia prolongat. Eſto ergo aſſiduus in exercitatione bonorum operum, ita fiet, vt multitudine laudabilium actionum ſuppleas dilabentis vitæ, & fugitiui temporis caducam breuitatem, multum enim uiuit, qui multum laborat, & verè uiuit, qui vitam bene merendo tranſmittit: *Illam diem applica ad vitam tuam, cuius & ſus peruenit ad a-*

nam tuam.
Et quoniam ea ſola vocanda vita, cuius omnis cura, labor, diligentia in Dei cultu & obſeruantia conſumitur (virtutes namque ſunt dies ætatis) ea-

propter Politicum meum oro, & obſecro, vt quando oculis in hæc ſcripta inciderit, & quæ hic dicuntur, legerit, ſeipſum conueniat, & vitæ ſuæ ætæ rationes ſecum ineat, & dies præteritos computet, videatque quàm longam vitam egerit, & quor annos vixerit. Si Domino non ſtudioſè obſeruiuit, ſi nudum virtutibus, ſi meritorum inopem nouit, vitam ſuam nullam reputet, mortuum ſe exiſtimet, qui enim non laborat, quem Dei officia occupatum non habent, qui illum totis viribus non colit, is non uiuit, non habet annos, non dies aliquos, quantumcunq; ſit longæuus, & decrepituſ. Miſerum illum, qui hanc intelligens veritatem, non ſtudet viuere Deo, vitamque ſuam tanto benefactori, & immortalitati conſecrare.

CAPVT IV.

Stabilitatem ſibi in huius vitæ ſucceſſibus, & proſperitatibus, promittere nemo poteſt, nam lapſus poteſt exſurgere, & in ſublimi poſituſ ruina periculo ſemper eſt expoſituſ.

Quos ſuæ diuitiæ tam inopes mentis fecerunt, quos poteſtatis magnitudo tam vanos, & gratia, atque autoritas tam ſultos reddidit, vt præſtant tam perdurabilem in hac caduca, & fallaci vitæ fore propenſioris fortunæ beneuolentiam, & illam ſui ſtatuſ excellenſiam, vt non ſit ſubiecta varijs frequentium, & repentinarum mutationum incurſibus, quas inconfians hoc ſæculum patitur, & in mari huius mundi inter illius malè ſecuras vndas non poſſe incidere in procelloſam tempeſtatem, ne illi magno in errore verſantur. Et miſer, qui inter ſcopulos, & cautes grauium ærumnarum, & deplorandæ egeſtatiſ miſerum fluctuat, deſpondenſque animum, in fortunam æquiorē incidere, & ad portum felicitatiſ appellere nauiculam ſuam poſſe diſſidit, o quàm ille turpiter deſperat! experientia enim, & præſidentem docet, & deiectum, aſſictumque moſet, vt neque hic meliorem fortunam deſperet, neque ille ſemper ſtabilem ſibi promittat, nam & egentiffimuſ diſceſcere, & opulentiffimuſ redigi ad incitæ, & gratioſiffimuſ de ſuo gradu cadere, & abiectiſſimuſ in editiſſimuſ locum aſſurgere poteſt.

Diximus ſuprà, quòd Propheta regiſ omnes ex orbe toto homines ad ſuam concionem conuocauit, vt mundi fraudes ad vocaliſ Pſalterij harmonicas fides cantaturum auſcultarent: *Audite hæc omnes Gentes, clamabat Pſalm. 48. 2. tum v. 3. Quique terrigenæ, & filij hominum, ſimul in ſuum diues, &*

pauper;

pauper; velut dixisset: Ehodum ad me aufeultandum vna concurrant inopes, & locupletes, magni & parui, humiles, & sublimes, Reges, & subditi. Sed quid rei est, quod Propheta tam prudens, gnarus, ac providus, cum omnes habere auditores vellet, ita promiscue, simulq; conuenire cupit diuites, & pauperes, tenues, & copiosos, obscuros, & praeclaros, vulgus, & Principes? Cur sic pariter adiant, alterutrumque velut per manus ducant ij, quos dixi, tanquam nihil differat fortunatus a mendicabulo, a mancipio Dominus, subditus a Rege? Cur ita *simul in eum*?

Respondet Mag. Basilus: *Vt noscat diues, quia equalis cum paupere vocatus est honore, simul in eum, inquit, diues, & pauper.* Dat voces Propheta egenti, & affluentem, in summo fastigio gratia posito, & in ima miseriarum abyssu iacenti, ut consociati ad concionem veniant, & diues ex pauperis infelicitate erudiatur, & pauper ex diuitis fortuna fauentiore in spem erigatur, & vterque videat, nec diuitem suis opibus in hac vita nimis confidere, neque pauperem ob suas necessitates despondere animum debere, nam & ille de sublimi statu suo ad pauperum abiectam conditionem decidere, & hic ex infimo suarum rerum loco in celsitudinem eius emergere potest, quem lateri suo proximum habet. Neminem ergo sua felicitas praesidentem, neminem suae calamitates pusillanimitatem faciant.

Obseruauit quidpiam venerabilis Abbas Tuitiensis dignum notatu, quod suis ponderibus in rem praesentem aptissime cadet, nimirum quod Christus ex mortuo rediit, postquam Petrum an amaret, examinasset, & sequi iussisset, ab eodem Petro, qui caput forte obuerterat, & Ioannem sequentem viderat, interrogatus fuit, quid de illo tam charo, & dilecto Discipulo futurum esset: *Domine hic autem quid?* Ioan. 21. 21. Qua in re illud diligenter animaduertendum, qualem seipsum depingat facer Evangelista, cum narrare incipit, quod Petrus quid de ipso futurum esset, seiscitatus fuerit. *Conuersus Petrus*, inquit Ioannes, *vidit illam discipulum, quem diligebat Iesus, sequentem, qui & recubuit in caena super pectus eius, & dixit, Domine, quis est, qui tradet te?* ibid. v. 20.

De his Ruperrus lib. 14. in cap. 21. Ioan. sic ait: *Quare autem vltra solitam suam personam descriptionem nunc addidit, Discipulus ille, qui & recubuit in caena Domini super pectus eius, & dixit, Domine, quis est, qui tradet te?* Cum enim multis tam locis suis

mentionem fecerit dicendo, Quem diligebat Iesus, hic in sua designationem addidit, Qui & recubuit in caena super pectus eius, & dixit, Domine, quis est, qui tradet te? Quoties Ioannes sui in Evangelio meminit, meminit autem non raro, vix de alio se indicat, quam de nomine Discipuli, *quem diligebat Iesus*. Quid ergo sibi vult, quod hic, praetermissis more veteris, cum a multis alijs, tum ab illo eximio fauore, & beneuolentia singulari voluit innotescere, per quam & in sacrosanctum Magistrum sui pectus caput suum deponere, & Petro animos facere potuit, ut per ipsum, quis perfidiosus proditor futurus esset, percontaretur, quod per se interrogare ille rei inaudita nouitate attonitus non audebat? *Innuis ergo hunc Simon Petrus*; Ioan. 13. 24. Magna erat Ioannis apud Christum autoritas, & existimatio, quando illo Petrus, qui & ipse gratia apud eundem non parum valebat, uti debuit, ut sua illi dubitatio, a qua vehementer afflictabatur, admireretur. Sed quam obrem Ioannes hac vice pluribus verbis beneficentiam Domini erga se propensorem, & largiorem recensuit, quam alibi, & alias facere solitus fuit? *Quam obrem dicis?*

Eam ob rem, ut vicissitudines rerum huius vitae, quamque ea variant, & mutant sortes suas, indicaret. Ioannes ergo (qui vltra solitam suae personae descriptionem hoc nunc addidit, quod in caena Dominica pectori Christi incubuerit, & a Petro rogatus interrogauerit, quis futurus esset traditor, nunc inquam, quando Petrus de Ioanne percontabatur, quid de illo futurum esset) tacitus tale quid dicere voluit: Nemo in hac vita nimium fidat gratiae, quam apud Magnates valet, nemo in statu abiectiore sit animo etiam abiecto, nam ego, qui paucis horis ante conqueui in pectore Domini mei, ego quoque sus Petrus, ut per me certior fieret de re, de qua ipse seiscitari non audebat, nunc Petro velut opus habeo, ut ille de me quarat: *Domine hic autem quid?* Petrus itaque eam iam obtinuerat existimationem, ut de me quoque, qui paulo ante tantum valui gratia, quantum alius nemo, inquireret, interrogaretque, quae meae securae vitae fors futura esset: Sic nullus in hac vita confidat in eo, quod perire potest, nullus animo deficiat, cum patitur arumnas, quae desinere queunt, nec enim vel magnitudo, vel gratia aliqua est, quae non esse non possit, nec vlla pauperies, aut mendicitas, quae non in supremum felicitatis cacumen ascendere possit.

Cum rex Abimelech videret, quam prospera, & beneuolente fortuna vteretur noster Patriarcha Isaac,

Isaac, quantis opum copijs illum proluxa Dei liberalitas augeret, quam fecundo imbre agros, gregesq; eius manus Domini rigaret, è re sua fore, & vilem status rationem putabat, pacem cum illo inire, & arctioris amicitiae nexibus cum sibi adstringere, tunc ergo quaesitum illum, comitatus Ochozath amico suo, & Phicol militum duce, quem cum inuenisset, ut in communis foedera non magno negotio pertraheret, praeccepit, dicens, ut pacem cum illo fecerit, id facile commercuisse, si non alijs officijs, ea saltem comitate, quod nihil damni attulisset: *Nihil tuorum attigimus, nec fecimus, quod te laederet, sed cum pace dimissimus auctum benedictione Domini;* Genes. 26. 29. Habes quidem (nec enim inficiari possumus) eam nonnullius querimoniae qualemque causam, quod te excedere regia, & vertere solum iussimus, verum non nescis, quod nec tibi iniurij fuimus, neque tuarum rerum vel minimae manus attulimus, sed plurimis bonis cum ulato abundi facultatem liberam fecimus.

Non est praetereunda silentio lectio textus Hebraei, nam ubi noster Vulgatus ait: *Auctum benedictione Domini;* Litera originalis sic habet: *Tu nunc es benedictus Domini, tu nunc gratus illius es, is te nunc serenis, & placidis oculis arbitrat, tu nunc ab illo impensius foueris, & manu prolixiore ditaris.*

Quid sibi vult, quod dicitur: *Tu nunc benedictus Domini, tu nunc, quem ille videre, & coram habere, & beneficijs ornare amat?*

Respondet Honcala, alter Abulensis, perinde hoc esse, ac si iussus fuisset Isaac non offerri animo, non superbire, ob id, quod rex quidam magno satellitio stipatus ad se veniret, & pacis foedera sancire, & amicitiae necessitudini iungi obsecraret, tanquam dictum fuisset: *Prudentia tua circumspectissima erit, in die bonorum meminisse malorum;* inquit Honcala, poterunt enim mutari fortes, & res ita variari, ut qui pridie rogat, post die rogetur, & qui nunc ad pacem statuendam inuitatur, pacem posthac suspirat, & supplex petat. Nullum mare inconstans, nullus Euripus mutabilior rebus huius vitae, quae ut est rota, sic omnia facile sursum, & ac deorsum agit, facitque ut qui paulo ante fortunatissimus erat, demum sit miserrimus.

Dignissimum notatu est, quod Angelicus Doctor observauit, nimirum quod mundi redemptor Christus, cum in carne passibili, & cruciatibus, mortisque obnoxia degeret, in supremum verticem montis Thabor adduxit tres Discipulorum charissimos, Pe-

trum, Iacobum, Ioannem, praeterque hos è sepulchro Moysen, Eliam è paradiso, ibique magnificam gloriae suae ostentationem fecit, perfundens vultum suum splendore tam amabili, & illustri, ut cum Sole de lucis magnitudine certare videretur, reliquum verò corporis vestitum tanto candore tinxit, ut niuem amulari dixisses: *Resplenduit facies eius sicut sol, & vestimenta autem eius facta sunt alba sicut nix;* Matth. 17. 2. Rediit ad vitam triumphator mortis in carne deinceps aeternum, gloriosa, apparuitque Beatae Mariae Magdalenae, quae lachrymabunda deplorabat sacri cadaueris illius tristem iacturam, apparuit autem in habitu olitoris, personatum hortulanum indutus, sicut illa existimaret, *quia hortulanus est;* Ioann. 20. 15. Conuenit posthac multis discipulos, qui Emauntem perebant, sed talis, ut peregrinum putarent, & porro dicerent, cum aiebant: *Tu solus peregrinus es in Ierusalem?* Lucae 24. 18.

Dicit nunc S. Thomas Opusc. 59. 4. *Christus adhuc existens mortalis secundum corpus, ostendit se in monte in habitu glorioso, quando corpus suum nondum erat glorificatum, sed gloriosum, quando vero iam post resurrectionem suam corpus suum erat veraciter gloriosum, nunquam amplius habitum gloria dimissurum, nihilominus peregrinus euntibus in Emmaus se ostendit sub habitu peregrini, & Magdalena sub habitu hortulani.*

Sed causa quaeritur, ob quam Dominus, ac redemptor noster permagnifico illo gloriae splendore in praecelsi Thaboris supremo vertice sese amicare, & ad omnem venustatis gratiam excolere voluit, quando carnem nondum glorificatam, sed passioni, & morti natam etiamnum vestiebat, è contrà verò peregrinum, hortulanumque assimulare, & hoc, quod erat, dissimulare voluit, cum iam corpus gestaret, quod & gloriosum, & glorificatum, & partem tot cruciatuum tolerantia gloriam perpetuo retenturum erat?

Dictum persapè, & commemorandum iterum atque iterum ex sententia sanctorum Patrum, Augustini maxime, & Gregorij, quod *omnis Christi actio est nostra instructio.* Dubitet ergo quispiam, quid docere voluerit, quando tam gloriosè, cum humilis, & mortalis, tam humiliter, cum gloriosus, & glorificatus, vestiebat? Nihil aliud, quam quod hinc tractamus. Christus carne passibili, & moriturà circumdatus, gloriae splendidissimà veste se amicuuit, cum verò de te impassibilitatis immortalis & iam gaude-

atius

Ait uelo obnupsit, ut eo exemplo nos inlitteret, ne quisquam desperet, in quantamuis ærumnarum abyssum infelici prolapsione descenderit, quantuncunque sint cruciatus, quibus affligatur, fieri enim posse, ut unus quidam fortunæ mitioris, & fauentioris aspiritus ex miseriarum imo ad supremum felicitatis cacumen, suprà ipsas adeo stellas euehat, & sublimem agat: Adhæcneis, qui omnibus, quæ expetessere cupidissimus animus possit, circumfluens in summa prosperitate versatur, nimium proinde superbiat, & intumescat, fieri enim etiam posse, ut idem fluctus, qui pauperem in excelsum fastigium exulit, ipsum diu fortunatum inde ad infima deiciat, & ex Thabore gratiæ in humilem hortulani conditionem præcipitet, sic ut deinceps in mendiculis sit, & vagis peregrinis, qui nuper in Principibus, & viris, qui submisso ad obseruantiam cultum capite, & poplite adorari solent. Sic habent res humanæ vitæ. Qui heri triumphabat, hodie victus iacet, qui pridie victus ad pompam celebratissimi triumphatoris circumducitur, postridie victor faustis acclamationibus, & communibus lætitiæ plausibus in cælum effertur.

Tomo I. Periocha IV. Domin. in Ramis palmarum, pag. 454. a. o. habes, omnem mundi pompam, & gloriam, nil nisi somnium esse, ac ludibrium. Vide an talibus prudens quisquam credere, ac fidere vel debeat, vel possit.

CAPVT V.

Infelicitatis genus nullum miserabilius, quam fuisse felicem.

Propterea sacrum oraculum aiebat: *Maiores seruiet minori*; primogenitus posterius nato, ut nemo in vitæ præsentis prosperitatibus, nemo in auctoritatis, quam hic habet, magnitudine confidat, postquam videt maiorem eò redigi, ut seruiat minori, opulentum sic deijci, ut sit pauper pro mancipio, pauperem autem huc extolli, ut copioso Dominus imperet.

Quod sit admirabilis huius sæculi volubilitas, & inconstantia, nemo dubitat. Verum ut huius vicissitudinis experimentum cruciabilissimè quempiam vexet, & affliget, nihil æquè facere potest, ac si per felicitates ad infelicitatem transitum faciat. Miserum est ex malo vno in aliud dilabi, prægrauari ærumnis alijs, atque alijs, & varijs ex ordine calamitatibus exagitari: Attamen ex affluentia deliciarum ad duram pauperiem devenire, è culmine ingentis

Tom. III.

felicitatis in profundum verecundæ mendicitatis præcipitem ruere, hoc tormentorum, quo excruciarī homo potest, omnium immanissimum, & intolerabilissimum dixerō. Itaque tali quodam supplicio insolentem, & profanum Esau Dominus plectere videtur. Primogenituram illi adimere, & omnibus primogenituræ gratijs, ac privilegijs, illum nudare volens, fecit, ut primus ab utero Matris progrediretur, ex quo cum alij arbitrantur, tum ipse intelligeret, se Dominū, & paternæ domus, fortunarumque vniuersarum ex asse hæredem natum, post hæc autem ordinat, ut hæc dignitate exuatur, & *maior seruiet minori*. Cur voluit Dominus, ut Esau primogenituræ dignitatem prius adiret, ac paulò post ab ea excideret, & minor, seruusque non nasceretur, sed ex maiore, & Domino fieret? Ut grauior esset illius dolor, & acerbior pœna. Nemo enim ferociorem, truculentiorē, formidabiliorēque vel tum vel cogitando sibi finxerit, quàm infelicitatis, si quæ post longam, ac suauem prosperitatis consuetudinem occurrat.

Ardebat voluptarius, & avarus ille ex Euangelio heluo in picea fornace vindicis flammæ, eleuatisque oculis vidit mendicum Lazarum in paterno Patriarchæ Abraham sinu velut benigno hospitio suauiter conuiescentem, miseramque vocem, quantum poterat, contendens ardentis sitis, quæ cruciabiliter torquebatur, remedium deposebat, tanquam id tunc consequi posset, dicens: *Pater Abraham, miserere mei*; Lucæ 16. 24. Cui ille: *Fili, recordare quia recepsi bona in vita tua*; ibid. v. 25. recordare, quod lautè, ac splendide vixisti, quod duxisti in bonis dies tuos, quod ciborum delicatiorum lectissimis nuper vesceraris, vina diuersa, sed nonnisi generosiora potitare solitus, lue nunc istam epulandi imtemperantiam, nulla malis tuis curatio reliqua, nec precibus tuis locus aliquis est super.

At si Patriarcha non erat concessurus, quod rogabatur, cur illum reprobū, & damnatum gæonem filium vocat? Misericordia fuit, an seueritas, quod eo nomine donauit? Ab austero, an ab amico, & beneuolente animo ista descendit appellatio?

S. Petrus Chrysologus ait, nuncupasse filium, ut acriores redderet illius cruciatus, & magis exacerbaret supplicia: *Voco filium*, ait apud illum Abraham serm. 123. *Et te grauius doleas perdidisse, quod natus es. Adhuc voco filium, et amarius doleas perdidisse te, quod gratia dederat, & natura*. Quod filium ergo dixit, non de pietate, aut benignitate, sed de austeritate venit, quæ dolores illius reddere au-

Pp

Aiores

Atiores voluit commemoratione felicitatis, quam per natiuitatem accepit, sed per suam improbitatem dilapidauit. Filium vocauit, vt eâ appellatione acueret eius cruciatus, exasperaret tormenta: Nam quod excidisse à fortunato statu filiorum se videbat, & refricabatur illi memoria felicitatis, in qua fuerat, & audiebat illam nominis tam gloriosi, & suavis appellationem, quam habuerat propriam, nunc autem acerbissimis supplicijs subiectus, atque ab illa sublimitate in hanc vilissimam humilitatem delapsus exbeato miserrimum se conspiciebat, hoc magnis incrementis scruitiam dolorum illius, quos inter flammarum incendia patiebatur, incredibiliter amplificabat.

Iulius Cæsar, ille quàm strenuus gladio, tam celebris scriptorio calamo, lib. 2. comment. aiebat: *Dis consueuerunt, quò grauius homines ex commutatione rerum doleant, quos pro scelere eorum & scelerum solunt, his secundiores interdum res, & diuturniorem impunitatem concedere.*

Supremi mortalium moderatoris mos hoc habet, vt flagitiosissimos homines, cum eorum scelera paribus plectere supplicijs cupit, primum in magna quiete, & voluptate, & rerum omnium affluentia iucundissimam ducere vitam, posthæc verò ad summam egestatem, & extremam inopiam redigi permittat, quò grauius ex commutatione rerum doleant, vt intolerabilius sua tormenta ferant, & immanior pœna eorum exulceret, laceret, depascatur viscera.

Decreuerat Dominus animaduertere in illam flagitiosam indulgentiam Heli summi sacerdotis erga consceleratos filios, & plurimum damnatam remissionem, atque incuriam, cumque illi denuntiaret calamitates, & ærumnas, quibus domus eius exagitant esset, aiebat velle illum nudare tam sublimis officij dignitate, eaque alium ornare, qui muneris sui rationem meliorem haberet, omnesque illius partes studiosius, accuratiusque expleret, tum ista subdebat: *Verumtamen non auferam penitus virum ex te ab altari meo, sed si deficiant oculi tui, & tabescat anima tua; 1. Reg. 2. 33.*

Ego sanè, cum ex Domino audirem, quòd non omnes Heli posteros mouere officio altaris vellet, putare cœpi mitigandi doloris causâ hoc facturum, vt minus acerbum illi accideret, quòd se, posterosque suos ab excello illo summi sacerdotij culmine æternum deturbandos audiebat. At non ita res habet, inquit apud Abulensem Dominus: Etenim quòd ego relinquam aliquos de filijs Heli ministrantes in altari, non est ad alienationem pœna, sed augmentum,

nam cum quis fuit in magna prosperitate, incidens in aduersam calamitatem, durius hoc quàm mortem tolerat. Nepotes Heli cum ante oculos semper haberent veterem suæ familiæ prosperitatem, quâ maiores eorum per diu ad summam gloriam vsi fuerant, viderentque sæpè, atque in horas ferè singulas supremam sacerdotij cathedram, à qua malo, sed magno suo merito deieci fuerant, hoc illos afflictabat suprâ quàm mors potuisset. Cum enim quis ex sententia viuit, & in apicem felicitatis deuenit, atque inde in extremam miserrimæ vitæ conditionem suo vitio præceps deijcitur, nihil huic intolerabilius euenire potest, nec est infelicitas alia vlla, quæ cum huius infelicitate certare de magnitudine, & gravitate auit, quando & mois formidabilium omnium horribilissima illius acerbitate suam esse inferiorem concedit: *Durius hoc quàm mortem tolerat.* Nam vt Valerij Maximi habet opinio, nulla est immanior carnificina, nec pœnalior cruciatus, aut cruciabilior pœna, quàm si quempiam per floridulum, & apicum hortum in asperam, incultam, & horridam syluam traducas; & primum ad instructam mensam lautè, dapiliterque habeas, dein verò in magnam diræ famis necessitatem adducas, & ex supremo prosperitatis fastigio in extremam infelicitatis abyssum deicias: *Optima & index insolentia & varietas humana conditionis.* Sic ille lib. 4. cap. 7. Alterna illa rerum humanarum vicissitudo plectendæ improborum licentiæ tam commodus est tortor, quàm alius nullus. Sic ergo pauperies carnifex affluentia, sit seruitus tyrannus libertatis, sit deiectio hictor superbiæ, sit exilium vindex autoritatis vanæ, & superciliosæ, sic enim acrius puniuntur delicta, quando homines flagitiosi ex fortunatis fiunt miseri, & ærumnosi.

His robur accedet ex eo, quòd nemo nescit, & S. Bernardus expendit, nimirum quòd Dominus, & Saluator noster per Hierosolymorum publica compita cum ingenti plausu, & communi, publicaque omnium acclamatione deduci voluit paulò ante, quàm per easdem plateas tanquàm flagitiosus, & infamis reus raptaretur, videretur, conspiraretur, vt hinc magis amaresceret illius passio, exacerbarentur ludibria, & irrisiones fierent molestiores. Mellissimus Doctor serm. 2. de Ramis palmarum sic ait: *Quid fuit, quòd processionem habere soluit, qui mox fuerat nouerat passionem? Quò clamoris hodierni tam festiui, quos ignominiosa vituperia, & probra insultantiū crassina sunt secutura? Cur voluit Dñs tam magnifico cum triumpho, & apparatu excipi, qui se non.*

non diu post varijs ludibrijs, & indignis modis contumeliosissime dehonestandum praeuidebat?

Respondet gemmeus Bernardus: *Vi amarior esset passio, quam processio, praecessisset.* Nunquam enim grauius laedunt maledicta, quam post encomia, nunquam acerbius vulnerant iniuriae, quam post praecalam exultationem, nunquam intolerabilius affligunt conuictorum dedecora, quam post elogiorum ornamenta, & non censetur in ærumnis calamitas, quæ post felicitatem non venit.

Propterea Plautus apud Ioannem Murmellium in librum 2. Bœtici de consol. prosa 4. dicebat: *Miserum istud verbum, & pessimum est, habuisse, & nihil habere.* Nemo magis deplorandus eo, qui dicere potest, ac debet, quondam abundaui, felix olim fui, opulentum me, & stiparum famulis, & cinctum satellitibus, & clarum subfellijs, & ornatum honoribus, & circumfluentem delictijs Soles me superiores, neque pauci, viderunt, nunc verò, & annonam offitiam commendico, & conuitia passim audio, sumque opprobrium hominum, & abiectio plebis. Sæuissimum nempe tormentum est post magnas facultatum copias ad inopiam redigi, *habuisse, & nihil habere.*

Id mihi significare voluisse videtur Pœtice facultatis Decanus, quando primis admirabili lucubrationum suarum versibus pium Æneam describit, & de illo istud, quod cum socijs lætus, gaudensque cœlo sereno à portu soluerit, cum mare pacatum, & aura secunda felicem promittebat nauigationem, mox autem validâ, & atroci per iratam lunonem excitatâ tempestate mirum, miserumque iactatus, & in præsentaneum vitæ discrimen adductus fuerit:

Vela dabant lati, & spumas salis ære ruebant,
canit ille 1. Æneidos, v. 39. Quid sibi voluit, quod tam hilariter, lætanteq; inierunt mare? Cur tanto perfusi fuerunt gaudio, cum sua ventorum libidini carbasa exposuerunt?

Respondet insignissimus Virgilij commentator Cerda in 1. Æneid. nota 2. *Vi scilicet postea maiorem conquestionem excites ab commota tempestate, cum à summa læstia omnia reciderint in summam calamitatem.* Prudenter, & perattentè notauit Poeta, totis animis exultasse Æneam, illiusque comites, quando se committebant mari, altumque petebant, futurum namque erat, vt breui ab insana exagitarentur tempestate, cuius vt maior esset horror, prius describere voluit lætitiâ, quâ gestierunt, cum è portu euehi cœperunt. Nunquam enim est immanior, quam post tranquillitatem, tempestas,

nunquam grauior, quam subitarius post longam pacem, & quietem, bellorum tumultus. Infortunatissimus itaque ille est, qui post felicitatem infelix.

Ad verbis benè luculentis affirmavit inclytus Martyr Seuerinus Bœtius de consolat. prosa 4. dicens: *In omni aduersitate fortuna infelicissimum genus est infortunij, fuisse felicem.*

Calculo suo idem comprobatum dabit Propheta regius, qui cum prolixam Dei erga illum peruicacem, & rusticum populum liberalitatem prædicare institueret, sic inquit Psal. 77. 24 & 25. *Dedit illis manna ad manducandum, & panem cæli dedit eis. Panem Angelorum manducauit homo, cibaria misit eis in abundantia.* Quando filij Israël ibant per inculta sylvarum, & aspera montium, pia clementissimi Domini maiestas ministerio Angelorum è superiore aeris regionis illis submittebat cibum tam dulcem, & saporatum, & prodigiosum, vt eum saporem cuique referret, quem illius orexis, & libido vellet. Hoc beneficiorum Dei præcipuorum vnum quoddam fuit. At merumne beneficium?

S. Zenon, cum hanc rem ad lucem sui ingenij attentioribus oculis arbitratus fuisset, ait, sibi non solum beneficentiam videri, sed etiam austeritatem, quod tam lautè, atque opiparè eos habuit. At quomodo hoc esse queat! Ergone manna pro supplicio fuit? Aut tam delicatus cibus non tantum vt tener, dulcisq; ros, verum etiam vt fulminaris radius inde descendit? Neque clementiæ solum faciem, sed & indignationis vultum retulit?

Immo verò ita res habet, inquit S. Veronensium Antistes serm. 2. de Exodo: Nam ad hoc manna de cælo populus ille gustauit, & cum esset ad egestatem postmodum deuolutus, præteritorum bonorum recordatione acrius torqueretur. Futurum erat, vt contumaces, & obstinati Hebræi in maximam famis necessitatem adducerentur, & in penuriam extremam angustias redigerentur. Vt ergo famis carnificina esset atrocior, & esurie cruciatus intolerabilior, voluit vt manna ante prægustarent, vt cum illius suauitas ad memoriam recurreret, aufereret pœna, & præteritorum bonorum recordatione acrius torquerentur. Vt enim cuiuspiam suæ infelicitatis dolorem acuas, nullâ re id æquè effeceris, ac si ex opulento egenum, ex beato infelicem facias.

Non parùm eleganter hoc expressit docta illa ad Petrum Abailardum Heroissa ep. 2. vbi ista: *Quanto altior ascendit gradus, tanto grauior corruentis casus, qui et me miserissimam omnium faceret, omnibus ante beatorem effecerat, & cum quanta perdidit, perirem,*

farem, tantò me maiora consumerent lamenta, & tantò maior amissionum succederet dolor, quantò maior possessorum praecefferat amor, & summa voluptatis gaudia summa maiori terminaret tristitia. Nemo enim maiore commiseratione dignus, quàm is, quem ex delicijs ad egestatem, ex libertate in captiuitatem, ex amplitudine copiarum ad angustias inopiae sua infelicitas, & iniquior fortuna redegit.

In supremo dignitatis culmine collocatus homo, & imagine sui Conditoris nobilitatus, gratijs etiam, priuilegijs, & plurimis, & maximis collocupletatus, ex tam sublimi vertice delapsus fuit, idque ex vertigine, quàm caput illius laborare coepit, cum similiter ac Deus omnia scire, & alter quidam ille in terris esse voluit. De hac tam misera prolapsione sic ait rex David: *Homo cum in honore esset, non intellexit, comparatus est iumentis insipientibus, & similis factus est illis*; Psal. 48. 13.

S. Ioannes Chrysostomus in his obseruauit, Prophetam non dicere, quòd homo natus fuit bestia, sed culpà, & improbitate suà pecudum similitudinem contraxit. Cur hoc? Vt inde eius fieret acerbior cruciatus, & poena cresceret. Carere namque ratione ex naturae conditionis proprietate quantàm infelicitas sit, tolerabilis tamen est: At quòd homo ratione praeditus brutis irrationalibus sit par habitus, id acerbius tormentum est, valuisse enim rationis iudicio, & propter malum eius vsum in tantam yllitatem descendisse, vt cum bestiis in comparationem venerit, & de sublimi fastigio amoeni paradisi in vitæ rusticanae abiectissimam sortem incidisse, & ex Angelorum sacra societate in contubernium syluestrium animalium deuolutum esse, ea summa infelicitas, & infortunium extremum.

Audiamus Chrysostomum apud Hugonem Cardinalem: Dicit Chrysostomus, quòd *peius est comparari, quàm nasci, supple iumentum, nam naturaliter non habere rationem, tolerabile est, Verùm ratione decoratum irrationabili natura comparari, voluntatis est crimen*. Semper esse pauperem, semper miserum, semper seruum, semper infelicem, infelicitas est, res tristis est, & ærumnosa calamitosi hominis conditio: Verùm post mollem sintonem vestire rude sagum, post purpuram induere saccum, post septrum tractare remum, & basilicam cum gurgustio commutare, hoc est quod iniquissimè fertur, & intolerantissimè vexat, & poenaltissimè cruciabilissimèq; affligat, & exulcerat, & suæ acerbioris mole obruit.

In ea sententia fuit S. Zenon serm. 6. de Exodo, cum ait: *Commodius puto misero in suo statu manenti,*

quàm beato in extremis miseria deuoluto; velut dixisset: Mihi certissimum, atque indubitatum videtur, nonnullam velut felicitatem esse, nunquam valde fortunatum, sed semper tenui, & humili conditione esse, nec in sublimem dignitatis, aut felicitatis qualiscunq; gradum peruenisse, cum enim, qui non gustauit dulcia, minùs offendunt amara, nec sui status humilitas humilis illi videtur, qui vitæ alteri nunquam aslueuit: Verùm qui aliquando felix, fortunatusq; fuit, qui prosperè diu egit, & bonis omnibus circumfluxit, & rogabatur, colebaturq; ab omnibus, si fortè insana in illum fortuna perbaccetur, & miserum miserè exagitet, & solo afflictum ad aliorum vestigia abijciat, vt ab omnibus rideatur, & conculcetur, alienasq; & inclamare fores, & implorare manus necessum habeat, ac sæpè nequiquam inclamet, & imploret, eius miseria tanta est, vt maiorem vix imaginari quisquam possit, & dolor ex infelicitate acerbissimus, & imcomparabilis. Vt enim post sæuam coniuratorum ventorum conspirationem, & nubili coeli tristem aspectum, & atrocem concitati maris tempestatem gratior illucescit serenitas, & maiore in pretio habetur compositorum fluctuum tranquillitas: Ità è contrà cum post tranquillitatem prosperitatis, post suauè aspirantis fortunæ leues & secundos afflatus, impotens inexpectatò aquilo exurgit, forsque iniquior ferocire incipiens superioris felicitatis ex omni parte nauem non verberat tantum fluctibus, sed mergit etià, vt nuperam quietem, beatitudinemq; omnem mare aduersitatis sorbeat, maior hinc tristitia, & poena grauior venit.

Quapropter Politicus noster benè fecerit, si se aduersus omnes sinistros euentus, & insperatos casus magno studio, & animo praeprauerit, & obarmauerit, cum nulla sit in hac vita stabilitas, nulla in huius sæculi mari securitas, vt cum Domino placuerit malis quibusuis praesentibus illum exagitandum permittere, minùs grauis accidat aduersitas, quàm meditatione praeuerterat, mala nimirum praeuisa non tam cruenta efficiunt vulnera, vt ferè dixit S. Gregorius, minoremq; dolorem afferunt tela, quæ ante conspeximus, quàm exepimus.

Eundem scopum petis Periocha V. Dominica IV. post Epiphaniam Tom. 2. pag. 443. a. o. & Periocha III. Dominica III. Quadrag. Tom. 1. pag. 219. b. o.

CAPVT VI.

*Aduersitatis torror funem miseriarum obtor-
quere, & constringere arctius non potest, quàm
si quem faciat extremum mancipium eius, cuius su-
perbus Dominus.*

AN forte aliunde magis augescere dolor, & ampli-
us ad acerbiorum torturam extendi fidei, &
miseriæ sumere incrementa, & infelicitatum arma
fieri cruentiora possunt? Potestne iniquiorem for-
tunam quisquam experiri, quàm is, quem illa è
summo prosperitatis culmine in extremam pau-
peratatem deturbat? Potest. Quonam modo? Quan-
do per variis successibus, & alternas rerum vicissitudi-
nes homo ad eam miserissimi status infelicem condi-
tionem redigitur, ut non solum à prosperitatis suæ fa-
stigio detrahitur, sed etiam ad vestigia eius deuoluat-
ur, quem pedibus ante calcavit, hactq; extremum
eius mancipium, & captivum, cuius fuit nuper su-
perbus, & tyrannicus dominus. Qui in hanc cala-
mitosam infelicitatem incidit, is videtur nihil habe-
re in hac vita, ob quod iratæ fortunæ morosam faci-
em pertimescat, nec enim illi quicquam eueniet vel
tam asperum, ut non lene putet, vel tam mole-
stum, ut tam leue existimet, vel tam amarum,
ut non suave arbitretur, si cum eo cruciatu compo-
nat, qui de infelicitate, quam dixi, nascitur.

Salomon Prouerborum 25. v. 21. & ex illo Apo-
stolus Romanorum 12. c. v. 20. ait: *Si esurieris i-
namicus tuus, esca illum sitis, potum da illi, hoc enim
faciens, carbonem ignis cogeris super caput eius, hoc est,
si famelico, siticulosoq; hosti victu suppeditaues;*
sic illum mitigabis, & mansuefacies, ut igne à te suo
in vertice excitari sinat. Ità interpretatur nonnulli.

Sanctus Isidorus Pelusiota percommode in rem
præsentem exponit verba superiora, dicens, eam
vindictam de hoste ratione talem esse, ut aptiorem,
illustrioremq; optare nemo possit. Quid est habere
inimicum? Habere hominem, qui me pedibus suis
substratum, & suum mancipium esse cupiat, cureq;
si potest, qui sanguinem meum bibere, & perpetuo
habere oppressum, insolentemq; vestigio semper ter-
ræ tenere affixum velit, & ubique ceu iuratus hostis
aduertetur. Quod ergo sublimis vindictæ genus
esse possit, ac illud, cum talis inimicus meas supplex
pro victu fores inclamat, siti suæ leuamen à me hu-
militer petit, & vestigijs meis accidit, qui me suis
habere subiectum pedibus optabat?

Relusio hæc de re verba sic habent in lib. 4. E-

pist. 11. *Cum ille in tantam incidit necessitatem, &
ei opus sit etiam inimici commiseratione, id quauis
calamitate, & quouis supplicio acerbius, & grauius
esse aio. Atq; ita vulgus hominum sibi id persuasum
habet, cum dicit: Ne eo redigar, & ab inimicis meis
cogar stipem accipere. Quod si igitur id, quod dictum
est, eiusmodi est, & facientibus quidem optabile, ijs
verò, qui patiuntur, supplicij loco sit, quid est, quod
mireris, maxime cum nec simplex sit beneficium, sed
maius quoq; afferat supplicium? Quod quis aquam bi-
bat eius manibus propinatam, cuius pridem volu-
isset è venis expromptum sanguinem bibere, quod
ab eo prostratus cibum capiat quem suis nuper ha-
buit affusum pedibus, non est simplex beneficium, aut
si omnino vocari beneficium debet, quod è talibus
manibus venit, certe tam durâ, molestâq; pensione
oneratum id est, quàm prægruari beneficium aliud.
quodpiam possit, cum maius quoq; afferat supplicium.
Quod enim atrocius tormentum, quæ terribior
pensio, quis dolor acerbior, quàm videre se eius po-
testati subiectum, cuius fuerit vel reapse, vel infen-
sæ voluntatis cupiditate arrogans, & superciliosus
Dominus?*

Tres amici sancti Iob, qui venerant ut consola-
rentur illum, quando deturbatus ex alto folio iace-
bat in vili, & sordido sterquilinio, pro eorum suâ præ-
sentia, & verbis suauibus durum, ac molestum cala-
mitatum illius onus alleuarent, aggrauarunt magis
pondera, irritaruntq; vulnera, dicentes, pro pecca-
torum suorum, & grauissimorum scelerum magno
merito illum à iusto, & recto iudice Deo sic prostra-
tum in illo impuro loco iacere. Seiplos perquam
sanctos arbitrabantur, & amicum suum Iob contra-
minatissimum, & flagitiosissimum peccatorem puta-
bant, & se omnibus modis inferiorem existimabant.
Subsidit tempestas, redijt sua mari tranquillitas, fi-
nem habuit persecutio, cessarunt flagra, & verbera,
dixitq; Dominus tribus longanimi, & constantis a-
mici sui familiaribus: Grauius offensum me habet
vestra superbia, quâ contrâ seruum meum Iob elati,
etiam minus caute, neque tam prudenter, recteque,
ac ille inter medias suarum ærumnarum angustias,
locuti estis, *sumite ergo vobis septem tauros, & septem
arietes, & ite ad seruum meum Iob, & offerite holo-
caustum pro vobis, Iob autem seruus meus orabit pro
vobis, faciem eius suscipiam, & non vobis imputetur
sultitia.* Iob 42. v. 8.

Beatissimus Pater Gregorius Magnus querit, cur
Dominus ordinauerit, ut is suorum familiarium pa-
tronus aduocatus esset, illisq; malefactorum suorum

indulgentiam, & noxarum gratiam sacrificiorum, & precum suarum auxilio procuraret, cuius illi de honore tam plurimum detraxerant, & famam obscurarant, & vitam omnem, tanquam cuiusdam pedibus eorum accidui serui, despicabilem habuerant. Itaque, qui se beato Iob vitæ sanctitate, & virtutum copiâ longè præstare putabant, illum supplices adire, vestigijsq; eius aduoluci rogare debent, ut causam ipsorum apud Deum diligens, & fidus sequester agat?

Debuit ita fieri, inquit sacer Pontifex, atque ut hinc eorum grauius plecteretur arrogantia, & auferretur poena, illos ad suam gratiam per eum, quem deseperant, reformat. Hocine verò ad incrementum cruciatu illorum quidpiam fecerit? Plurimum fecit: Valde quippe elata mens rotunditur, si ipsi, super quem se exaltauit, opponatur, nec acerbius quidpiam euenire homini superbo potest, quam ut sub illius plantis gemit, cuius vertici incumbens tumescebat. Fundat sese ergo sancti Iobis amici ad illius pedes, quem despectui habuerunt, ut hinc eorum exasperetur dolor, nec enim alia est, ut videtur, poena cruciabilior, quam illius, qui eorum nunc proteritur pedibus, quorum ipse paulò ante ceruices calcabat.

Propositum erat sancto Apostolo Paulo, consilio, & monitis auocare homines, ne in lethalis culpæ, bestiarum omnium efferatissimæ manus inciderent, quæ tam miserandas strages, torq; fatales vallitates animabus infert, atque ut hoc apud eos efficeret, sic aiebat: *Non regnet peccatum in vestro mortali corpore, & obediatu concupiscentijs eius*; Rom. 6. 12. non dominetur, non imperet vobis quæcunque illa noxa mortifera, ne eius libidini subiecti maneatis.

Observauit acutè sanctus Petrus Chrysologus ser. 113. loquendi formulam, quæ usus fuit. Apostolus, ut Romanis horrorem peccati incuteret. *Non dixit magnus Paulus, inquit ille, non veniat ad suos, non prouocet, non trahat, sed, non regnet, non dominetur.* Cur verò sic loqui voluit, ut homines à peccato abstraheret, faceretque, ut ipsi totà virium contentione culpas omnes mortiferas effugerent? Non erat ratio alia, quæ peccatum abominabile redderet, offensæq; horribilitatem, & culpæ, transgressionisque turpitudinem denudaret? Apostolus certè videtur non inuenisse frenum, inquit Doctor sanctus, quo validius coercere à malè agendo posse homines putaret, quàm ut diceret, *Non regnet peccatum*, non dominetur vobis omnis iniquitas. Peccatum vi, & meritis sanguinis Christi nostri Redemptoris velut

ferro constrictum, & mancipium hominis factum fuit, cuius ille ante miser captiuus erat. Cum ergo non sit maius tormentum, non sæuior cruciatus, nec acerbior poena, quàm in eius seruitutem redigi, cui aliquando dominatus fueris, & imperaueris, propterea Apostolus Romanos in hunc ferè modum appellabat: Vos nunc domini estis peccati, & de efferatissimo illo tyranno gloriose triumphatis, illud vester dediticius seruus est; si ergo vos à mali demonis tentationibus superari, & suppeditari sinatis, efficiemini misera, & abiecta peccati mancipia, cuius gloriosi dominatores estis, nam *quis facit peccatum, seruus est peccati*, aiebat Christus Ioan. 8. vers. 34. Videte itaq; quò vos conijciatis, quicunq; mortifero piaculo obstringitis. Aciei sæuissimi gladij vos exponitis, & acerbissimis doloribus, & ignominiosissimæ poenæ subijcitis, quoties peccato seruos addicitis, cuius domini fuistis. *Non regnet ergo peccatum*: Nam si hæc comminatio non vos compescit, si talibus verborum terroribus non vos infreno, & ab omni peccandi cupiditate coerceo, videntur omnia defecisse media, & artificia nulla esse reliqua, quibus effici queat, ut nunquam deinceps peccare liceat, & peccato sitis insuperabiles. Etenim inter humanas miseras hæc extrema videtur, si homo in eam infelicitatem incidat, ut vilis seruus efficiatur eius, cuius fuerat Dominus, illiusq; pedibus subiaceat, quem suis subtratum plantis habuit. Non volo Politicum nostrum aliud quidpiam vilitatis ex hoc capitulo referre, quàm ut discat horrere culpam, abominari peccatum, detestari Dei offensam, nec enim aliud est malum, quod abominemur, non damnum, quod horreamus, & execremur.

Concurrerant cum Philisthæis Israëlitarum, cumq; ardentissimè virimque pugnaretur, in ipso fervore certaminis Arca Domini in castra Israëlitarum illata fuit, quod cum animaduertissent Philisthæi, & faciliè intelligerent, quàm validum illis suppetiarum auxilium cum Arca aduenisset, ita fracti sunt animis, ut eorum suspiria satis proderent, & testarentur mecum, qui illos inuaserat. Verum ad se mutuo conuersi, seque ipsos utcunq; redanimantes, talibus verbis inuicem excitauerunt, & confirmauerunt: *Confortamini, & estote viri Philisthim, nec seruatiu Hebræis, sicut & illi seruierunt vobis, confortamini, & bellate*; 1. Reg. 4. 9.

Dignissimum notatu est, quòd cum plurimæ rationes suppetarent, quibus se mutuo ad strenuè dimicandum inflammare possent, aliud nihil repperint, quo suos inuicem vehementius incenderent animos,

CAPVT VII.

mos, quàm vt hoc omnes ante oculos haberent, hoc studiosè cogitarent, fieri posse vt in manus Hebræorum inciderent, & serui efficerentur eorum, quorum fuerant Domini. Et cum exercituum ductores, vt milites suos ad conferendum acriter manus, & ad fortiter certandum acuant, diuersis medijs, & varijs vii argumentis soleant (vt videre est apud Thucydiden, & Titum Liuum, & alios historicos) quid est, quod Philisthæi, vt suos in aduersam aciem totis animis efferarent, hoc tantum dicendum putarunt: *Non seruatis Hebræi sicut & illi seruauerunt vobis*, neq; efficiamini serui eorum, quorum fuistis Domini?

Respondet Abulensis in cap. 4. lib. 1. Regum dicens: *Reputabant enim Philisthæi peccatam conditionem viri esse seruitutem, nec aliquid peris fortunam inducere posse, & cum infelicitissima fors esset ista, adhuc infelicior est, cum quâ efficitur seruus eius, cuius ante erat Dominus, quia ista seruitus est turpior, tanto enim aliquis vilior est, quâto magis descendit, sed nemo videtur magis descendere, quàm quod efficitur eius seruus, cuius Dominus erat.* Philisthæi quâ misera esset seruorum conditio, sciebant illos longè infelicitiosos esse seruos, qui eis subijcerentur, quibus ex loco superiore imperauerant, & ex Dominis fierent suorum mediastinorum mancipia, aut mancipiorum mediastini. Cum ergo illi pridem Israëlitas bello subissent, & in suam seruitutem redeissent, hac ratione suos ad animosè præliandum efficacissimè permouere posse putarunt, si eis ob oculos constituerent extremæ seruitutis malum, quod eis paratum esset, si valentissimè pugnando facerent, ne subigerentur ab eis, quos diu subditos habuerant: *Tanto enim aliquis vilior est, quanto magis descendit, sed nemo videtur magis descendere, quàm quod efficitur seruus eius, cuius Dominus erat.*

Hunc leuioris fortunæ rigorem expertus fuit Esau. Dicit enim cœleste oraculum: *Maiores seruiet minori*, Esau Iacobti, & qui primus ab vtero matris suæ prodijt, & putabatur Dominus futurus illius, qui posteriùs egressus fuit, is seruus minor erit, subijcieturq; ei, quem pro mancipio habiturum exiitabat. Profanitates namque Esau, & insolentia illius, & plurima inuerecundè, impudenteq; ab eo aditata actus, vt videatur, in hac vita plebs, leuioresque vindicari non potuerunt, quàm cum eius perperuus seruus effectus fuit, cuius Dominum superbum se futurum conuictus erat.

Eandem incudem tundit Periechâ V. Fera VI. post Domin. II. Quadragesima Tom. I. pag. 202. A. 9.

Persecutionum potestas huc se exerere potest, vt vexent, non tamen vt efficiant, neq; enim plis incommodare queunt, quàm homo ipse, qui eas patitur, velit.

Verum emergit hic dubitatio non modica, nimirum quomodo verum sensum habere possit, quod Dominus ait: *Maiores seruiet minori*? Nam si oculis percurramus duorum istorum fratrum, Esau, & Iacob historiam, inueniemus quod Esau non tantum non seruauit Iacobi, verum etiam è contrâ illum ad mortem infectatus fuit, & vitâ sæpe exuere voluit. Quæ cum ita sint, quid est quod dicitur, *Maiores seruiet minori*?

Hugo Cardinalis, & Guilielmus Papinius in cap. 25. Genes. claus. 4. cap. 8. iam pridem hanc viderunt, & submouerunt difficultatem ad lucem doctrinæ Magni Augustini, qui Serm. 78. de tempore sic habet: *Quomodo maiores seruiet minori? Quo, inquit, ordine? Illo & itaq; quo mali seruiant bonis, non & itaq; obsequendo, sed persequendo, quomodo lima, & malis auro, quomodo mola seruunt tritico, quomodo panibus cognendis fornalia, quomodo in fornace aurificus palea seruit auro, ubi palea comburitur, aurum probatur.* Hæc ille. Propriissimè ergo dictum fuit, quod maior Esau seruaturus esset minori Iacob, quæ pessimis modis afflicturus erat, mali nempe cum infectantur bonos, profectui illorum spirituali plurimum commodant, & bene merendi occasionem illis ministrant. Ex quo aperit colligitur, quàm perpessilla, stricta, & angustis limitibus circumscripta sit persecutionum, & ærumnarum potestas in animum hominis, quàm parum nocere, quàm exiguum stragem illi afferre possint: Tamen enim verum sit, quod humanum adoriri, tentare, & oppugnare peccatus queant, expugnare tamen, & subigere, nisi ipsum se dedere sua sponte velit, non possunt. Quæ tentationum machinis, arietare præuis suggestionibus in arcem animæ dæmon potest, non tamen deijcere, non occupare, aut inuadere, si non ipsa illi per ignauiam ultro concedere velit.

Sanctus Ioannes Euangelista præcipuos tragicæ passionis Domini nostri actus omnes describit, & insigniora probra, quæ pro nobis amantissimus Saluator excepit, quod sputo secundum faciem tectatus, quod spinis coronatus, quod flagris cætus, quod ligno clavis affixus, quod modis alijs contumeliosè, & cruciabiliter vexatus, & postquam omnia enarra-

enarrasset, his suam illam obſignat narrationem: *Et milites quidem hac fecerunt*; Ioan. 19. 24. milites fuerunt fatales, & sanguinarij crudelium istarum actionum executores, milites fuerunt, qui Domino turpiter conuicti, & inhumanè, barbarezq; illuserunt.

Quid voluit ijs verbis sacer indicare historicus?

Quid est, quod ait, *Et milites quidem hac fecerunt*?

Respondet Sanctus Abbas Rupertus lib. 13. in Ioannis cap. 19. aptissime in causam presentem: *Pulchre satis Euangelista facta impiorum terminat. Hac quidem, inquit, milites fecerunt, subauditur autem, Et quid post hac facerent, non habuerunt. Corpus crucifixerunt, Et pradam tulerunt, sed fortitudinem Dei, Verbum Dei, Verbum Deum cum anima sua occidere non potuerunt.* Omnino pereleganter Ioannes recensionem ludibriorum, & cruciatuum, quibus efferati tortores Christum excarnificauerunt, abſoluic, inquit, milites truculentos ea quidem egisse, sed hic eorum subſidiſſe, neq; progredi vitra potuisse vexationes. Concerperunt Dominum flagellis, compunxerunt caput illius spinis, corpus probroſo ſtipiti confixerunt, denique nudauerunt vestibus, præterea nihil potuerunt, non longius ire, non expugnare illius fortitudinem, non ſubigere robur, non deiſcere à ſuo ſtatu animum, non splendorem eius extinguere. Poſſunt tyranni cedere corpora, ſauciare carnes, poteſt gladius vertere sanguinem, ſecare, & demutilare membra, poteſt inimicus dicere falſum teſtimonium, irrogare iniuriã, intentare perſecutionem, non tamen animæ ſubigere robur, ſuperare fortitudinem, vires frangere, niſi is, qui appetitur, dedere ſeipſum velit. Demum perſecutiones poſſunt vexare, ſed non deiſcere, minari, at non vincere.

Dixit quidpiam Propheta Iona, quando orationis domum ex ventre cæti fecit, quod intellectu difficile videtur. Abiſciebatur in mare, hauriebant illum vnda, excepit ventris ſui hoſpitio mons ille animatus, & vates conſitens manus diuinæ poteſtatem, eiſque ſe humiliter ſubmittens aiebat: *Proteciſti me in profundum in corde maris, Et flumen circumdedit me, omnes gurgites tui, Et fluctus tui ſuper me tranſerunt*; Ionæ 2. 4. velut dixiſſet: Tu es, Domine, qui me ſuperã poteſtate tuã in profundum falſi maris abyſſum deiſciſti, tu me procelloſi iſtius palarij hoſpitio excepiſti, flumen me inuoluit, & tota fluctuum tempeſtas me pertranſijt.

Videtur hoc loco Propheta duo quædam pugnan-

tia loqui. Semel quidem ait, mare eſſe, à quo abſorptus fuerit, poſthæc verò affirmat, flumen eſſe, quod illum hauſerit, poſtremo aſſerit, fluctus omnes ſuper ipſum tranſiſſe. Si mare eſt, in quod deiſectus ſe ingurgitauit, quomodo flumen vocat? Si hauſerunt illum fluctus, obrueruntque, & inuoluerunt, quomodo ſuper illum tranſierunt? Si quem ſaxo appetas, & in capite vulneres, non rectè aſſimãris, tranſiſſe lapidem ſuper caput eius, hoc enim tunc verè ſolum dicitur, quando ſine offeſſione præteruolat, & non impingit in caput lapidis. Quid ergo ait, fuiſſe dulces fluminis, non falſas maris aquas, in quas incidit? Quid item in profundum ſe vi concitatorum, & furentium fluctuum deiſectum queritur, qui fluctus ſuprà ſe tranſiſſe fateatur?

Huic difficultati occurrit ſanctus Hieronymus, inquit, valde propriè locutum Prophetam, cùm amarum mare dulcis fluminis appellatione donauit, & de fluctibus, à quibus abſorptus fuit, aſſerit, ſuperne pertranſiſſe: Nam ſi mare, eiſque fluctus, propter ſuarum procellarum, & tempeſtatum veſaniã, ac ſurorem, ſymbolo referunt humanæ vitæ perſecutiones, & calamitates, vt notãrunt Pierius, Lauretus, Geminianus, Berchorius, merito ex eo, quòd ferire poſſunt, dicuntur mare, & fluctus vocantur de illo, quòd concutere ſolent, at ex parte illius, quem ſine feriunt, ſine concutunt, non minantur flumen, & fluctus ſuprà abſq; leſione tranſeuntes; tamenſi enim huius vitæ aduerſa ſint amara, quã perſecutiones, & concutiant quã ærumnæ, ex illius tamen parte, qui ea patitur, poſſunt eſſe dulcia flumina, & ſuaues aquæ, & nihil nocere, vel officere. *Gurgites, Et fluctus non oppreſſerunt, ſed tranſerunt, minantes tantum naufragium, non inferentes*, inquit B. Hieronymus. Perſecutiones ergo terrere, & exagitare fortunæ iniquioris fluctus, ſed non ſorbere, non ſuffocare illum poſſunt, cui minantur, ſi non ipſe per ignauiam ſe tradat, aut per metum adducat. Cui enim diuinum præſto eſt auxilium, is omnia vincit, & facile ſubigit.

Vt Timotheum diſcipulorum chariſſimum ſanctus Paulus conſolaretur, ſuarum calamitarum, quas patiebatur, & perſecutionum, quas ab inſenſis hominibus ſuſtinebat, illum per literas conſcium fecit: Miſeriarum, quas tolerabat, & Timotheo nunciabat, partem non exiguam illi adſerebat quidam faber ferrarius à communi generis noſtri inimico incitatus, qui crudeliter in Paulum efferabatur, de quo ille ſic ſcribebat: *Alexander ararius multa mala mihi offendiſ*; 2. Timoth. 4. 14.

Expen-

Expendenda diligenter phrasis Apostoli, & loquendi formula, qua huius tygij Vulcani persecutiones describit, quæ cum tales essent, vt de illarum auctore affirmare debuerit Paulus, ab vno illo vili hominis propudio vehementer repugnatum suæ prædicationi ac dicere *Valde enim resisti verbis meis*, ibid. v. 15. non ait tamen ab eo sibi vel irrogatas iniurias, vel illata incommoda, sed ostensa solum, in-
quiens: Multa mala ostendit mihi.

At cum tam graua essent mala, tam atroces persecutiones, tam pertinacia illius repugnandi, & ob-
sistendi studia, quid est, quod ait ostensa sibi ab illo tantum, non etiam illata mala, tanquam summâ per-
secutionum cuspidē leuiter solum attingerit Paulum
Alexander, non impacto profundius gladio cruen-
târit?

Respondet præclare Paulinus Hispanus apud Al-
uarum Gomez in musa illius Paulina 2. Timoth. 4.
dicens:

Ostendit q, malum, non fecit, nam neq, iustus

Leditur offensus, ni selt ipse, malo.

Virtutis q, tenax animus non estum ab ira

Ludit inopino vulnere passa bono.

Sic quicunq, parat patientem perdere, soto

Fallitur, inque ipsis dat bona mira malis.

Magnum ergo mysterium subest illis sancti Apostoli
Pauli verbis, quibus ait, sibi ab illo maledico, & sa-
cileglo fabro ærario (homulo quodam è plebeia fe-
ce obtræctorum, quorum procacibus linguis, &
calumniandi libidini nemo est, quantumuis præclar,
quantumuis ille magnus, & spectabilis, qui non sit
expositus) offensa sibi mala, non illata damna, vt eo lo-
quedi modo indicaret, viro constanti, & cordato nū-
quam officere persecutiones, nisi ipse earū ictib⁹ ce-
dere, & succumbere vltro velit: *Ostendit, non fecit.*

Est in superioribus docti paraphrastæ vebis quid-
piam, quod commodam propositæ rei comparatio-
nem ministrabit: De animo virtutis tenaci ait:

Ludit inopino vulnere passa bono.

Qui in ludico certamine rudibus, & obtusis en-
sibus aduersario ictum, quem inferre possent, osten-
dunt tantum, non item imprimunt. Tales enses vi-
ris iustis, qui gratiæ diuinæ ope rectè vri volunt,
sunt persecutiones improborum, inquit Apostolus,
enses obsoleti rudes, obtusi sunt (Hispani *espadas*
negras, Germani *Kapier* vocant) qui denotant,
non inferunt ictum: *Multa mala ostendit*; non in-
fert iusto, qui illum malè, contrà ac meretur, habet.
Nam sub Deo propitio nulla est præsentis vitæ per-

Tom. III.

secutio tam potens, nulla tam grauis, & valida aduer-
sitas, vt lethali vulnere percutere Christianum que-
at, neq; vilius iniuriæ, vel calamitatis tam est turbi-
natus mucro, vt configere eum, qui patitur, possit,
si non ipse lauciari, & vitâ exui velit, immò verò per-
secutionibus sibi coronas comparare, & promereri
laurus aduersis fortiter exceptis quisq; potest.

CAPVT VIII.

Vnaqueq, res ex ea parte considerata, quâ
commodat, & seruit, non quâ offit, & offendit.

Qvòd seruierit, & benè fecerit Iacobi Esaus, id
vox cœlestis affirmat, quæ & officia, seruitiaque
vocat persecutiones, quibus hic profanus illum in-
noxium vexauit. Quancumq; enim Esaus sanguinem
fratris sui Iacob siceret, ideòque mortem illi com-
minaretur, propter primogenituram maximè, &
benedictionem præceptam, Iacob tamen illius per-
secutiones non spectabat, quâ odium, & vindictam
præferabant, sed quâ occasionem benè merendi, &
concinnaandæ coronæ præbebant. Ita ab eo, qui
molestijs vacuam, & inoffensam inter huius mundi
res vitam ducere optat, sana politicæ, & recta pru-
dentia exigit, vt eas, quâ parte commodæ esse pos-
sunt, non quâ nocere queunt, asperat.

Emitte Christus Discipulos suos, vt per omnem
larè terrarum orbem semen verbi diuini disperge-
rent, inquit: *Euntes in mundum vniuersum præ-*
dicare Euangelium omni creatura; Marci 16. 15.

Cardinalis Caietanus hæsit in nomine, quo ap-
pellauit Dominus homines, quibus verbum diui-
num annuntiari voluit. Non iussit prædicare Mau-
ris, Gentilibus, Paganis, idololâtris, malis, peccato-
ribus, sed *omni creatura*. Cur nomine creaturarum
donauit eos, ad quos instituendos ablegabat Discipu-
los, vt illi hoc officium hilariter admitterent, alacri-
terq; & indefessè apud omnes cuiusuis nationis,
status, conditionis, ætatis, sexus, generis curarent?

Respondet Caietanus inquit: *Appellat creatu-*
ram, ad explicandum quare est illis prædicandum, ra-
tione scilicet illius, quod habent à Creatore, & non
ratione peccatorum, quæ apposerunt ipsi, ac si aper-
tius dixisset: Prædicare Euangelium omni conditi-
onis, sexus, status, nationis hominibus, non spectantes
ad eorum peccata, & merita, sed ad condiciones cre-
atas in illis, sed ad opus Dei in illis. Cum Apostoli
mundum obirent sanctum Euangelium dissemina-
turi, fieri non poterat, quin in multos, & multa in-
ciderent, quæ impedimento essent, & plurimum
obstite-

obfisterent, quò minus officio suo rectè vacare, & muneris partes omnes debite explere possent, cum hinc idololatriæ, illic homicidia, hic perfidiæ, illic periuria, hic sacrilegia, illic blasphemix, hic obscenitates nefandæ, illic flagitia alia per viam sese obijcerent, & repugnarent. Vt itaq; nihil horum illos deterreret, aut retardaret, aiebat coelestis Magister: *Predicate Euangelium omni creatura, non spectantes ad eorum merita, sed ad conditiones creatas in illis, sed ad opus Dei in illis.* Hac enim ratione, cum in eis, quibus Euangelizabant, nò hominum errata, sed naturæ conditionem, non maculam culpæ, sed Dei imaginem considerabant, fiebat, vt alacriores redderentur ad executionem sui ministerij, neq; deficerent animo inter quosvis sui muneris labores. Debent ergo res, quæ nos obligare, aut demereri, non quæ offendere possunt, spectari.

Duo miracula in pane operatus est Dominus, & vtriq; par, hoc est, perpusilla, & parca tam in secundo, quàm in primo miraculo fuit Discipulorum fides. Nam cum Christus dixisset, triduum abiisse, à quo illum inesa, iamq; famelica turba sequeretur, & miserari homines diuturnæ esurie tantum non conectos, statim diffidentes, ac pusillanimes responderunt Discipuli: *Vnde ergo nobis in deserto panes tantos, vt saturemus turbam tantam?* Matthæi 15. 33. velut dixissent: Opportuno, si dici fas, incultæ, & inhospitæ solitudinis in loco versamur, vbi annonam tantæ hominum famelicorum multitudini procuremus, qui ipsi ad necessarium victum præter septem panes, & paucos pisciculos nihil habemus reliquum!

Hic quisq; dicet, inquit Euthymius, esse istam apud Discipulos nimiam cæcitatem, & immodicam fidei hæsitacionem, & turpem memoriæ lapsum: Poterant enim perspicere, ac debebant recordari stupendum illud miraculum, quod paucis diebus ante in deserto fecerat cum tam ingenti stupore populi præsentis, vt conspirantibus votis illum ducem suum, & regem constituere vellent. Quæ cum ita sint, vnde illa tanta Apostolorum vecordia, & diffidentia, vt non cogitarent, idem brachium, quod superius miraculum patrarat, posse nunc simile quoddam operari? Certè noui miraculi spem magnam illis facere poterat, quod viderent in Magistro suo commiserantis animi non obscura signa, quæ magnis vocibus probebant affectu, & desideriu, quo ad ferendam famelicæ plebeculæ necessitati opem propendebat.

Euthymius ait: *Si tanta eorum cecitate indigna-
ris, quod cum adeo recens præterisset illud miracu-*

*lum, adeo velociter obliuiscunt, admirare tamen quod
veritatem ita colant, vt scribentes suos etiam defectum
non abscondant;* velut dixisset pluribus: Si hoc indignè fess, & cum stomacho accipis, quod Discipuli pridie factum miraculum postredie non sunt amplius recordati, ex quo factum, vt & de potentia eius virtute vel subdubitarent, vel non satis rectè sentirent, noli ab ea parte Collegium Apostolicum intueri, sed animi candorem, & sinceritatem, & probitatem eorum attende, & quanto in honore, ac pretio veritatem habuerint, considera, qui tam ingenuè sua errata, suæ fidei laboratæ hæsitacionem in publicum extulerunt, & per mundum euulgarunt. Ergo hoc in illis vide, quod erudire te possit, non quod offendere.

Obsecrissimus rex, & turpissimus tyrannus radiantissimo Lucifero Ioanni manus iniecit, coruscantissimamq; illius lucem obscurâ squalidi & infamis carceris nube contegere voluit. Cum iam in vinculis diuini Præcursor hæreret, duos ex discipulis suis ad Christum cum mandatis misit, vt se ipse illis aperiret, docereturq; se esse diu promissum Messiam, se reparatorem orbis, quem omnia superiora secula ardentissimè suspirarint, se humanarum infirmitatum curatorem vnicum, & communem medicum. De hac re sic scribit sanctus Matthæus 11. v. 2. & 3. *Ioannes cum audisset in vinculis opera Christi, mittens duos de Discipulis suis, ait illi, Tu es, qui &c. iuratus es, an alium expectamus?*

Hoc nuntium quemuis in admirationem adducere potest, qui illud diligentius expenderit. Quis misit nuntios, siue legatos? Præcursor, Lucifer, Angelus. Ad quem misit? Ad Solem, ad Regem, ad Creatorem. Vnde misit? E carcere, cum esset in Vinculis. Quæ legationis summa? *Vt interrogarent eum, & ab illo instituerentur rudes Ioannis Discipuli.* Et quid est, quod Ioannes causæ propriæ negligens neq; captiuitatem suam nuntiari, neq; innocentiam memorari per alios voluit, neq; rogauit ipse Magistrum, vt eximeret vinculis, qui hoc aullo negotio poterat, & vitæ illius inculpatæ mores integerrimos perspicuos habebat, neq; contra regem tam propudiosum querimonias dedit, qui beneficia & multa, & magna pessimè rependeret, & contra fas omne in illo facinorosorum infami diuersorio innoxium compeditum attineret?

Sanctus Ioannes Chrysostomus hom. 27. in Matt. Op. imperf. aptissime in rem præsentem respondit: *Quod Herodes ille faciebat pro pana, ille suscipiebat pro beneficio, & ita eius quasi Dei misericordia frue-*
batur.

batnr. Duo inerant in ignominiosa illa captiuitate, quam patiebatur sacer Baptista, alterum ira, feritas, ac tyrannis obsecrari regis, alterum merendi occasio, patientiæ fructus, & animæ quæstus magnus, quem facere in carcere poterat. Ioannes ergo non loci, in quo versabatur, vilitatem, sed occasionem bene merendi, quæ se ibi offerebat, attendebat, & vinculo- rum non probra, sed lucra spectabat, carcer illi videbatur non præclaræ famæ suæ, & splendide existimacionis nubes, sed cælum, & fecundationis locus, & officina gloriæ, itaque quod Herodes deputabat supplicio, Ioannes acceptabat pro munere, quod Herodes illi faciebat, & opæna, ille suscipiebat pro benefi- cio, cumq; carcerem non probri locum, sed bene merendi palæstram cogitaret, & in illa custodia non hoc consideraret, quod famæ officiebat, sed quod ani- mæ, eiusq; emolumentis parandis seruiebat, eti- am regis improbi non reminiscebatur, neq; carceris mentionem aliquam apud Christum faciebat. Nam qui in bonam partem omnia interpretantur, iniuri- as acceptas, vt possunt, adumbrant, & extenuant, easq; ab ea parte spectant, quâ fructum afferre, non qua generare offensam, & incitare ad vindictam queunt.

Deficiscbat à pietissimo patre ille refractarijs fili- us, & perduellis in Dauidem Absalon vastum dere- pente exercitum constabat, talemq; partem filius talis oppugnatum armis ibat. Cumq; Dauid præ- uideret, quàm sinistram exitum habiturus esset conflictus eius, qui ipsum contrâ Dei, ac naturæ le- ges prælio lacescitum veniebat, belli ducibus, omni- busq; vniuersum grauiter imperabat, vt Absalonem, quisquis forte comprehenderet, esse viuum sineret, inquiens: *Seruate mihi puerum Absalon;* 2. Reg. 18. 5. neq; durius quidquam in illum statuere. Non fuit obtemperatum iussioni Dauidis: Nam Ioab cum irato cælo concurrens tribus præpilatis lance- is perfidiosum cor Absalonis transfixit. Simulac sanctus Pater inconsulti filij infelicem mortem acce- pit, cum lachrymas comprimere non posset, indul- sic oculis, & infaustum, infortunatumq; illius obi- tum voce flebili, & lachrymosis clamoribus prose- cutus, talia suspirabundus ingeminabat: *Fili mi Absalon, Absalon fili mi, quis mihi tribuat, & ego rori- ar pro te? Absalon fili mi, fili mi Absalon!* ibid. vers. 33.

Sanctus Ambrosius serm. 17. in Psalms 118. ver- sum quintum hanc in rem sic ait: *Fortasse quæren- dum sit, quâ ratione ante puerum dixit, postea filium nominauit. Cur non in viroq; aut pueram dixit, aut*

filium? Absentibus in pugnam chiliarchis dicebat: Seruate mihi puerum, & manus violentas à meo præ- modum adolescente Absalone abstinere. Vbi truci- datum audiuit, succlamabat: Fili mi Absalon. Cur non verobiq; seu filium, seu puerum appellabat?

Respondet sanctus Doctor: *Si viueret, puer erat, quia à parricidio poterat patrem. Non ergo pietatis no- men accipere debebat, sed infirmitatis, ideoq; vir ius- tus, quod religionis fuit, tacuit, quod infirmitatis, as- pexit, ubi vero est mortuus, apud patrem personam crimen defecit, natura nomen remansit.* Itaque quamdiu superflitem putauit Absalonem Dauid, non considerabat quid ille pro filij debito officio agere debuisset, sed hoc solum cogitabat, quod ille vt in- sciolus, & fatuus puer facere tentabat. Verum cum è viuis abiisset, contrâ euenit, nam vt ad pietatem, & miserationem pectus illius paternum moueretur, perduellionis scelus personale oblitus, nomen, quod à natura habuerat, qui iam naturæ concesserat, re- cordatus fuit, & memorauit: *Quod religionis fuit, tacuit, quod infirmitatis, aspexit.*

Cum viueret Absalon, non reminiscebatur, aut certe dissimulabat pater, quod filius esset, ne ad iu- stam iram, & vindictâ aduersus illum inflammaretur, hoc autem solum tunc cogitabat, quod immaturo iudicio puer, quod inconsultus, & præcipiti ingenio adolescens esset, qui in illud flagitium præciteret, & cæcè effusus fuerat. Post mortem non personæ meminit, sed naturæ, filium vocans, vt lamentis lo- cum daret ampliore. Quàm præclara doctrina, quâ qui utatur, nã is per omnem vitam recte agat, & omnium gratiam sibi non demereri solum sed & conseruare perpetuò queat. Vbi enim in medio sunt & iniuriæ, & beneficia, in his fige animi cogitatus, illas vel oblittera, vel insuper habe, & contemne, vt illæ non proritent ad vindictam, & hæc excitent ad gratitudinem, amorem, concordiam.

Audiat noster Politicus Senecam, qui hanc con- ceptis verbis proponit quætionem, & commodè in causam præsentem defuit. Quæstio talis est, *an is, qui profuit nobis, si postea à nobis, paria fecerit, & nos debito soluat.* Dicat aliquis: Qui mihi olim benefe- cit, posthæc verò damnum intulit, is posteriore in- commodo me ab obligatione satisfaciendi, aut mu- tuas vices reddendi pro beneficio superiore absol- uit, omne enim gratitudinis, & paris compensatio- nis debitum oblitterare, & prorsum adimere quis videtur ab eo, quem cum aliquando ornasset benefi- ciji, demum onerauit iniurijs, affecit damnis, & nunc

extimulare ad vindictam, qui nuper incitabat ad mutuam beneuolentiam.

Multò ego aliter sentio, inquit Seneca Epist. 81. Nam quàmuis iniuria præponderet, tamen beneficijs donetur, quod ex iniuria superest, plus nocuit, sed prius profuit, itaq; habeatur & temporis ratio. Vir bonus & ceterosq; calculos sic ponit, & seipse circumferbat, beneficio adijcit, iniuria demit. O quàm admirabilis doctrina, quàm commoda præoccupandis multis iurgiis, simultatibus, indignationibus! Fac sit ita, ait ille, ut iniuria, quæ tibi est illata, sit oppidò grauior beneficio. quod accepisti, tempus nihilominus diligenter considera, quo tibi vel benè, vel secus factum, cùmquè videris antiquiorem esse iniuriæ gratiam, & damnum beneficio posterius, antiquiorem etiam officij, & meriti, quàm damni rationem habere, fieri enim potest, ut beneficium à maxima generosissimi peccatoris propensione descenderit, iniuria verò de cæcæ, & præoccupatæ voluntatis violentia, siue ab intellectus ignorantia potius, quàm animi certa maleuolentia originem duxerit. Vir probus ergo huius litis, & causæ dubiæ iudex arbiter medias, inter incommoda, quæ indignationem clamant, & beneficia, quæ gratitudinem deposcunt, constituat causas, quæ vindictam exigere, & rationes, quæ parem beneuolentiam postulare videntur, & iniurias quidem extenuet, merita verò exaggeret, & illas consideret tanquàm quæ ab imprudente, & inconsulto, & quiduis aliud magnis quàm incommodare volente venerint, hæc verò à magna, & officiosissima, pronissimaq; voluntate profecta certò statuat, ita fiet ut pro beneficijs, quæ ad mutuam beneficentiam incitent, pronuntiet, iniurias verò expugnet,

damnetque, ne ad vindictæ cupiditatem commoueat. Politicus noster hoc omni tempore, & occasione agat, & se ipse circumferbat, se ipse iudicem, fisci præfectum, aduocatum constituat, & quantum fieri potest (fieri autem cum auxiliariis gratiæ Dei ope omnia queunt) illarum rerum partes suscipiat tutâdas, quæ ad pacem, quietem, amorem fraternitatis, & pacis incrementum, conseruationemq; facere possunt. Conquirat sibi vndiq; quas potest, rationes, quæ faciant, ut iniurias acceptas excuset, & malum illatum cum Baptista spectet quâ parte benè merendi occasionem contulit, cogitetq; ab incauta magis, quàm mala & aliena voluntate venisse, ita facile & teget, & condonabit. Si fortè tardiùs, quàm expectabas, occurrit amicus, puta citiùs ad esse non potuisse, de maleuolentia natam cunctationem caue existimes. Si aiunt, perperam de te locutos alios, minus esse credere, quàm dicitur, neq; à tam infenso animo profectum, ut suffurrones ferunt. Demùm ut quietam, pacatamque vitam optata in pace ducas, illud efficiet, si illud in re quauis semper, solumque consideres, quod te obligare, & deuincire, & demereri, non quod prouocare, læcescere, irritare potest.

Superiorem sancti Ambrosij conceptum diu ante apud ipsum reperi, quàm hic latine vertendum inueni. Quare cum Periocha III. Dominica III. post Pentecosten, (qua est Tom. II. pag. 109. & idem hoc argumentum tractat) peropportunum cernerem, eidei inserui, quod hic monendum Lectori putauit, ne tam inopem rerum factum Authorem putet, & eandem bis coquere crambem necessum habuerit.

LIBER QVINTVS.

CAPVT I.

Peccata, & vitia cætera omnia solent esse infirmitates particulares, sola imperandi cupiditas, & dominandi ambitus pestis est tam communis, ut in totum, qua latè patet, terrarum orbem sua contagia diffundat.



Omo ut miser est, & ad malè agendum procliuus, sic & periculo prolabendi in quæuis peccata expositus. Natura nostra humana Protoparentis præuicatione plurimum deprauata tam grauem, tenacemq; inde morbum contraxit, ut vix conualescere ex infirmi-

tate sui capitis possit. Omnia illam vitia impugnant, omnia peccata persequuntur, flagitia omnia bello læcessunt: Verùm nihil acriore, ac pertinaciore, prælio vexat homines, quàm regnandi ambitio, dominandi cupiditas, & desiderium videndi alios suæ potestatis arbitrio subiectos, suo imperio subditos. Hoc desiderium tale est, ut non solum ac fulmen feriat aica cacumina montium, verùm etiam ut ignis humiles exurat casæ rusticorum. Cætera peccata sunt quædam velut singulares infirmitates, quæ cùm vnos inficiant, non inuadunt alios: Verùm excellendi libido, dominandi ambitio tam communis, & latè diffusa pestis est, ut vix homo sit, qui ab illius contagio immunis. Velut in miraculis recenseri potest,

test, si quem hæc lues mortifera non corripiat. Nam ut noster Hispanus Orator Quintilianus aiebat, *habet mens nostra naturâ sublime quiddam; Egestum, & impatiens superiorum*. Hæc ille lib. 11. cap. 1. Est hoc velut genium corruptæ conditionis nostræ vitium, ut præesse omnibus, subesse nemini velimus, tantaq; est superbia nostra, ut cæterorum & capitibus imminere, & ceruices subiectas pedibus calcare cupiamus.

Querit sanctus Gregorius Nyssenus, cur sancta illa, & felix patria, in qua Beati sempiternâ gaudent quiete, vocetur regnum. Primum quippe sermonem, quo doctrinam suam Magister cœlestis initiavit, (ut auditores attraheret) à tali nomine est exortus, inquit: *Beati pauperes spiritu; quoniam ipsorum est regnum cælorum*; Matth. 5. 3. Beati, qui huius vitæ bona temporaria volentes; libentesq; propter me reliquerint, quia in futura vita reges erunt, qui hic spontanei sunt pauperes. An forte non erat nomen aliud aptius, quo donari posset illa cœlestis habitatio, quam regni? Aut non poterat aliâ re validius, efficaciusq; ad se adducere Dominus, quam vna pollicitatione regni?

Respondet Nyssenus, potuisse sacrum Magistrum aliâ appellatione cœlestem paradysum denotare; Verum ut prudens Ecclesiastes ad ingenium auditorum se accommodare, & sagax piscator suauissimo cibo tegere hamû, & incautû allestare piscem solet; ita diuinus Magister, ut homines attraheret, dulcè & expectatissimam imperandi escam hamo prædicationis circumposuit, beatamq; patriam illam vocauit regnum, ut auidis auribus, quæ dicebantur, haurirent, & ex desiderio regnandi hamum legis arriperent, atque ita salui fierent. Homini enim nihil antiquius, nihil quod auidius expectat, & vehementius cupiat, quam dominari, inter mundi res omnes nulla pretium apud hominès maius habet, quam regnum, nullæ illi cupiditæ lautiores, nulla gratiora edulia, hoc primum quoddam mobile est, quo corda incitantur, & raptantur humana, hæc sensum illius remora, hæc facultatum animæ Sirenes.

Audite Nyssenum: *Quoniam magnum quiddam, & supra omnia propemodum, quæ magni faciunt inter se homines, regni nomen in ista est, idcirco & ipse estiam eo ad supernorum bonorum declarationem. Quem dominandi illicitum non abripiat? Quis ab hamo spe regnandi tanquam dulcissima esca conuestito abstinere queat, ut non hianti ore illum excipiat, & auidis faucibus hauriat? Quis imperij promissione inuitatus non succumbat auditor? Dominandi enim cu-*

pido, ut magnus ille politicus Cornelius Tacitus lib. 15. Annal. ait, omnibus affectibus flagrantior est, nulla æquè in humano pectore feruet, ac imperandi libido, vnâ dominandi appetentiâ appetentiarum cæterarum velut dominâ magis inardescit hominis animus, ardentissimæq; flammæ in corde excitat loci superioris ambitus, flagrantior est, cæteris affectibus, importunior est, Ætæna est, Vesuuus est, qui perpetuos exhalat ignes curarum, quarum nullus neq; modus neq; finis, quamdiu animus præfecturam expetitâ non est affectus. Extingui ignes illi non possunt.

Cum vellet Dominus illum hominum ambitum comprimere, quo velut quibusdam naturæ ponderibus eo vrgentur, ut esse alijs illustriores, & aspectabiliore, & supra reliquos eminere vehementer cupiant, aiebat, ut si forte opera nostra tam sint manifesta, luculenta, splendida, conspicua, ut occultari, & abscondi nequeant, quicquid tamen gloriæ ab ijs proficiscitur, quidquid præclaræ exultationis oritur, quidquid extimæ laudis nascitur, id totum in cœlestis Patris honorem, cultumq; referamus: *Sic luceat lux vestrarum hominibus, & sic videant opera vestra bona, & glorificent Patrem vestrum, qui in cælis est*; inquit Matth. 5. vers. 16.

Subtilis est, qualis ferè esse solet, Cardinalis Caietani hac de re commentatio, qui iubet notare suauæ Dei artificium, quo nos à gloriæ, quam naturaliter homo appetit, vberibus abstrahit, quando non omnem semel nobis gloriæ cupiditatem prorsum adimere voluit, sed tamen ita illam moderari iussit, ut homo ipse à se illam abdicet, quod ut facilius ei persuadeat, monet animaduertere, quidquid laboramus, quidquid boni operis agimus, id non in alicuius extranei, sed nostri patris honorem cedere. Tunc enim filius magis contendit neruos, studiosusq; operatur, cum lucrum redundaturum in patrem nouit, ut qui sciat, filij & patris facultates esse easdem, quæstum communem, æqualem gloriam. Cum ergo Christus cogitare præcipit, quod operum nostrorû bonorum honor in Deum Patrem nostrum deriuatur, tantundem est, ac si dixisset, hominem tam esse amantem suæ gloriæ, tam auidum exultationis propriæ, tam cupidè, ardentèq; ex intimo pectore, & imis pulmonibus anhelare, & suspirare imperium in alios, ut nec ipsi deferret Deo, nisi inter glorias, quas illi bene, laudabiliterq; operando adfert, ipsu ut Patrem spectaret, atq; ipse ut filius haberetur, & agnosceretur, cui communes essent cum illo opum copiar, & lucrum idem.

Verba Caietani sunt huiusmodi: *Quia mouerat Dominus*

Dominus amabile bonum esse, quod Enicurgue proprium, ideò suauiter disponens praeceptum appetitus gloria, non trahit. Discipulos ad appetitum aliena gloria, sed temperat appetitum gloria propria, eam transferendo in gloriam propriam, propterea enim non dixit, Et glorificent Deum omnino à nobis diuersum; sed glorificent Patrem vestrum, patris siquidem proprii honor, & gloria naturaliter quaritur à filijs.

Notandum in his Eminentissimi Cardinalis illud: *Propterea non dixit, Et glorificent Deum omnino à nobis diuersum, seu qui omnino à nobis diuersus est, sed glorificent Patrem vestrum.* Homo enim tam efficitur amat propriam suam existimationem, tamque impatiente, & impotente laborat gloriae ambitione, ut eam ne Deo quidem cedere posse videatur, nisi illum ut Patrem proprium spectet & hoc simul cogitet, quod cum illi in partem lucri, & communionem gloriae admittit, nihil ipse amittat. Si enim Deum ut prorsus à se diuersum, & non ut tam arcta amabilem; paternitatis necessitudine coniunctum, consideraret, ne ipsi quidem, ut videtur, se submitteret. Ut ergo illi deferat, & concedat, necessum est hoc secum reputet, quod nihil honori eius per hoc detrahatur, nihil decedit, sed in ipso manet, quamquam in Patrem translata gloria, quodque perhonorificum est filio, si quid faciat, ex quo pater magnificetur, & fiat gloriosus. Hinc videas quò se dominandi libido, & propriae gloriae desiderium exerat, quando Deus eiusmodi artificio vti necessum habet, ut homo cum bonis operibus studet, absque iactura meriti hoc faciat, sed ipse quidem omne ex bene actis lucrum referat, Creator autem solam gloriam habeat.

Non infirmum huic veritati ministrabit suffragium Hugo Cardinalis, cuius ea est obseruatio, quod factorum populi Hebraei regum gestis, & moribus dixit, talibus verbis narrationes ferè singulas absolueret: *Verum tamen excelsa non absulit*; quod 3. Reg. 25. 14. & 4. Reg. 12. 3. & 2. Paralip. 20. 33. & alibi reperias, & hunc habet sensum: Quidquid hic, vel ille rex fecerit, hoc tamen non fecit, ut loca profana, & sacrilega in locis editoribus constructa demoliretur, in quibus turpis cultus deastris, & inanibus demoniorum simulachris, ad insignem veri Dei iniuriam deferebatur.

Hugo ait: *De paucis dicitur, quod excelsa absulit.* Quamquam nonnullorum regum virtutes aliquas regia historia memoret, ut Asae, Ioas, aliorumque, descriptiones tamen vitae paene omnium sic concludit: *Verum tamen excelsa non absulit, idolorum aras in*

montibus, collibus, alijsque sublimioribus locis ex-citatas non euerit, cum multa alioquin bene, laudabiliterque gesta post se reliquerit. Soli Ezechias, & Iosias communem hanc notam, & reprehensionem euasisse, nec meruisse videntur.

Tali quadam censura, inquit Hugo, perstringi posse videntur paene omnes totius mundi homines, atque in ijs etiam non pauci, qui virtutibus magis exculti maiorem perfectionem sunt assecuti. Ferè omnibus conuenit illa exceptio, qua toties in libris Regum reperitur, Verum tamen excelsa non absulit, sed nec multis Religiosi auferunt hac excelsa. Vix quisquam est, de quo non possit affirmari, quod in libris Regum de regibus illis plerisque dicitur, hoc vnum ferè multis eorum praclare factis defuisse, quod excelsa non absulit. Quotusquisque enim est ex omnibus totius orbis terrarum hominibus, si in his etiam exercitatisimos Religiosos, & perfectiores anachoretas recenscas, qui inter quancosuis virtutum profectus Excelsa cupiditatis dominandi prorsum deiecerit? Ambitionis idolum, & libido imperandi ex loco superiori supremam animi arcem paene apud omnes obtinet: Ferè omnibus conuenit illa exceptio, regnandi appetitus, dominandi auiditas à primo parente haereditario accepta contagium est tam commune, tam vulgaris pestis, malum tam late diffusum, ut mortis, quae nemini parcat, simile videatur. Non relinquit perfectum, non praeterit laxum, inuadit magnum, tentat paruum, oppugnat pastorem, aggreditur vilem, & vix reperias aliquem, cui caput à vana dominandi cupiditate non intumuerit. Quis tam agrestis paganus, tam syluestris montanus, qui oblata praefecturae virgam non laetus excipiat, non quaerat ambitiosus? Cui vnquam displicuit locus sublimis, & sedes superior? Cuius animus exhorruit dignitatem, reformidauit imperiū, & fugit praefecturam, non secus ac moyses suam in serpentem transmutatam virgam?

Quado hic videmus multa insolenter, contraque ac mos communis, & consuetudo inueterata habet, fieri, dicere solemus: *Mundus in occasum vergere, & interire Velle videntur.* Exemplis quod dixi, illustro. Quando largè, liberaliterque agere incipit avarus, quando maledicus laudes praedicat, quando perditus aliquis ac profusus nepos contemnit folia lusoria, amat orare, nec iurat amplius, quando mulier tacet, nihilque petit, quando mercator fraudem non facit, quando iudex non admittit munera, quando aduocatus vera loquitur, & rectè monet, quando leno benè consulit, & ad pietatem exhortatur, quando latro dat

dat eleemosynas, quando Dominus quispiam famulis suis suam iustè mercedem dependit, & cognatis est subsidio, & debita soluit, quando stultus non magnificè de se, rebusque suis sentit, quando proximū vicinus non obseruat, quando hæc, aliæque talia inusita fieri videmus, dicere solemus, supremum mūdum imminere interitum.

Videamus nunc quid Propheta Euangelicus olim viderit, ex quo certum vrbis Hierosolymitanæ impendere excidium intellexit. Tercio vaticinijs sui c. vers. 6. ait Iſaias: *Apprehendes vir fratrem suum domeslicum patris sui, Vestimentum tibi est, princeps esset noster;* hoc est, quem paulò cultiùs cæteris vestire conspexerint, hunc magno opere oblecrabunt, vt imperij fasces suscipiat. Quid verò dicet is, cui illa tam suavis, & expetita dominandi potestas offertur? *Respondet in die illa dicens: Nolite constituere me principē populis;* v. 7. nolite casio frustra delassari labore, mihi enim certissimū est, cōstitutissimūq; nūquā publici muneris oneri humeros submittere. Itane verò est quispiam, inquit Iſaias, qui imperium detrectet, & dominari, cū possit, nolit? Itane est, qui obuiam, oblatamque dignitatem declinet, ac refuset? At quid ominis in re, quam tantoperè demeraris, Propheta sancte? Vrbis Hierosolymitanæ, & orbis interitum portendit: *Ruit Ierusalem, & Iudas concidit;* ibid. vers. 8. actūq; de vniuerso mūdō, cuius ruinæ certō securæ talia habemus prognostica, tamque insolentia signa.

Diligens, ac doctus Ezechielis interpret Pradus in cap. 4. Ezech. v. 17. ait: *Desperata res est, conclamatum est de Hierusalem, & Iuda, nec aliud reliquum, quā vt sepulchrum eis præparetur, & in mortuis numerentur.* Nam cū res huius vitæ sic habere incipiunt, vt miracula rara, noua, prodigiosa, ac stupenda videre contingat, homines, inquam, qui propinatos fasces recusent, oblata imperia rejiciant, qui inuitati ad præfecturas abnuant, qui sequentes honores defugiant, quid dicere possumus, nisi mundi propediem occubituri ea esse omina, & adornandum tumultum, cui inferatur? Quid enim tam vſitatum, & peruulgatum, quā quod dignitates non solum obuijs, auidēque protensis manib; lætanter acceptentur, verū etiam magnā, & turpi solitudine, & indignis modis, & sordido aucupio per fœdum ambitum cum ingenti aliorum offendiculo auidē, anxietque perquirantur? Hæc omnia palam faciunt, quā anhelent homines ad imperia, quā sint ardentes dominationis venatores, cū hoc ferè sit grauissimum mundi ruinæ proximi in-

ditum, quod videre homines contingat, qui nec monitis, nec precibus adduci sinant, vt superiorem in alios potestatem admittant, ad quam alioquin adipiscendam enixè aspirare, & omni ingenij, viriumque contentione coniti solent.

Quærit Plutarchus Problem. 10. istud: *Quid est quod honori aperto capite rem diuinam faciunt?* Videtur hic Plutarchus subindicare, sacerdotes cū cæteris dijs victimas litabant, recto id capite fecisse, nisi enim ita esset, non tantum myſterij in eo poneret, quod Honori, quem vt Deum quendam, & nomen cæca Gentilitas venerabatur, suos deoperto vertice honores, sacrificiaque offerebant. At cur eā ad illius deatri cultum urebantur cæremonia?

Responder ille: *Quid splendidum quiddam, & illustre, & apertum, & late patens gloria est.* Quando procerum, aut magnatum quispiam plateas obit, non illum omnes passim nudato capite honorant, sed noti solum, & quotquot vrbani, & comes videri amant: At cū Rex compita tranſit, omnes assurgunt, omnes ad regis coronæ & maiestatis, obseruatiam, & reuerentiam submitunt poplites, nec quisque est, qui non sibi detrahat pileum. S. c. nunc ait Plutarchus: *Honori aperto capite rem diuinam faciunt;* tanquā pluribus dixisset: Reliquis dijs, Marti, Veneri, Mercurio recti capita res diuinas faciebant, nam ira, turpi libidini, immoderato quæstus studio hic, aut ille, & de toto hominum grege nonnulli tantum suos animos contrahunt, & reuerentiæ cultum deferunt, at verò gloriæ, honori, dominatui, imperio, maiestati nemo est, qui non derecto se capite submittat: *Honori aperto capite rem diuinam faciunt* non vnus, & alter solum, non etiā pauci tantum, aut plurimi, sed omnes. Nam dominandi appetitus tam est inscius velut à natura penitis hominum animis, & regnandi cupiditas, & gloriæ, existimationisque præclaræ studium ita corda eorum subigunt, vt vix sint, qui illorum tyrannidem effugiant, vix qui ab illa contagiosa infirmitate immunes euadant.

Quā eleganter, consequenterq; ad sententiam Plutarchi hoc affirmat S. Ambrosius! In suis in Ps. 118. commentarijs v. 6. oſonarij 12. describit hōminem, quem peccata omnia pro bonis, siue vt verius dicam, pro malis, quæ ab ijs habuit, tanquā debitorem in prætorium ad tribunal pertraxerint primum, dein verò, cū viderent non esse soluendo, certatim appetierint, sed vna vehementius ambitio inuaserit, idque iure maiore, & antiquiore, quā vitia reliqua: *Venit libido,* inquit ille, *& dicit, Mene*

es. Venit auaritia, & dicit, argentum, & aurum, quod habes, seruatus meo pretium est. Venit luxuria, & dicit, Meus es. Veniunt omnia vitia, & singula dicunt, Meus es: Ecce concurrentes aduersus debitorem hominem creditrices noxas, ecce litens uni à tam multis intentatam, ecce chirographa, reificationes, inditia, quibus libido, gula, auaritia, luxuria, & vitia cætera suarum creditarum rerum tempora, & exactionis iustitiam, æquitatemque asserunt.

Sed vnā hinc ex omnibus peccatis ambitionem desidero. Vbi nam illa hæsit, aut qui fiat, quod illa, quæ scelerum princeps est, & creditrix faciliè primaria hominis, nihil ab illo suum repetat? Illanē verò abfit, vbi homo talium debitorum nomine incurfatur, & nihil exigit! Audite quid S. Mediolanensium Archiantistes inquit: *Veni ambitio*, ait illi, & dicit, *Planè meus es*, neque opes tantum tuas, sed & te ipsum, quantus quantus es, magno, & notorio iure mihi vendico. Nonne videtis quo iuris discrimine, & quam imparibus verbis, ac meritis hominem sibi vitia adscribant? Nam cum cætera dicant simpliciter, *Meus es*, sola ex omnibus ambitio fidentiùs loquitur, & audacter affirmat, *Planè meus es*, manifestò, indubitatoque iure ad me spectas, nemo æquè ac ego te sibi arrogare potest, luculentioribus testimonijs, quam mihi, non es obnoxius, deuinctusque alteri vlli.

Hinc videas, quàm liberè, & clarè hinc loquatur ambitio. Tamen enim peccata reliqua, libido, gula, auaritia, maledicentia, & quæ sunt huius generis alia conuenire hominem, & dicas ei scribere possint, sed nulla fronte apertiore, quàm ambitio, nulli enim vitio ita succumbit homo, vt illi, nec ab illa æquè opprimatur passione, vt ab vna dominandi libidine, & auiditate.

Huius dicti veritatem, & cupiditatis vim, potestatemque satis indicarunt duo infantes, qui intrā vterum matris positi configere cœperunt. Primus inde prodibat Esau, & Iacob, velut iam tunc intellexisset fore, vt ab eodem sibi præriperetur, & primogenitura, & paternæ domus loci dignior, à quo prævertebatur exitu celeriore, egrediens plantam fratris tenebat manu, Gen. 25. v. 25. Esau in pedes se coniciebat, vt fratrem cursu præueniret, Iacob autem manum alteri pedum illius iniiciebat, vt moras abfeurrere volenti afferret, & præoccupare illum posset. Primatum namque ambire, & nolle ab alio quocumque anteuerti tam est naturale homini, vt quando etiam aliud nihil scit, iam hoc nouerit, quomo-

do primarium locum querere, & cauere debeat, ne quis illum alius dignitate, aut gradu antecellat.

In hac sententia est Oleaster, quam talibus verbis expressit: *Non mirum, si ante a primogenitura a se inter fratres disceptatio, postquam videmus quæ pueri faciant propter hoc.* Prorsus nihil nouum, quod fratres adulescentes de imperio corrixentur, & dominatum administratione altercentur, quando & pueri nondum in lucem editi tam acriter, ardentèrque de primatu, & dignitate dimicant. Obsecret Politicus noster Dominum, vt is ab animo illius hanc prohibeat tam exitialem cupiditatem, ipsumque à tam communi peste seruet, & à tyranno crudelissimo custodiat, deique effugere hoc vitium, quod principatum inter omnia obtinet, & spiritum veræ humilitatis concedat, per quem vanas mundi pompas, fallacesque honores, & dignitates magno animo spernat, despiciat, & conculcet.

Vide Tom. 2. Periocham III. Dominica XVI. post Pentecosten, pag. 232. & quæ ad calcem ex primo Tomo adscripta.

C A P V T II.

Immoderata dominandi libido ita cecat, & abripit hominem, quem semel inuasit, vt ille nihili duceat Deum ipsum, si fieri posset, in crucem agere, dum per hoc modò appetentiæ istius satisfacere, & obtinere principatum posset.

Videor mihi non satis amplificasse ambitionis tyrannidem, nec quantum par erat, exposuisse, quoniam illa inordinata, & immoderata, communisque cupiditas progrediatur. Quid non tentat homo, vt in locum dignitatis editiorem perueniat? Quæ pericula non adit? Quos incommodorum montes non complanat? Quas difficultates non aggreditur?

Conuenit mater filiorum Zebedæi Christum, pro duobus liberis totidem subelliorum gratiam ab illo petens. Cum Dominus, qui rogabatur, faciliè intelligeret filiorum esse has preces, & illorum verbis matrem rogasse, illis etiam respondit, inquit: *Nescitis quid petatis. Potestis bibere calicem, quem ego bibiturus sum?* Matth. 20. 20. *Potestis baptismo, quo ego baptizor, baptizari?* Marci 10. 38. Et illi promptè, atque extemplò: *Possumus;* apud Matth. ibid. v. 22. nihil tam anceps, & arduum nobis occurret, quod non hilariter, lætanterque adoriemur, dum cupiditati nostræ solum, ac desiderio fiat satis.

Euthymius ait: *Omnia a promittunt petitionem consequi*

sequi cupientes. Chrysostomus autem dicit, quod nec poculo, & baptismo intellectus, à sola animi promptitudine gratiam querebant. Omnia ferre, & facere velle polliciti sunt, quæcunque Christus pro illorum subfelliis impetratione ferri, & fieri voluit, dum possent eò emergere, ubi alijs ex loco superiore cum potestate præfiderent. Et quanquam nescirent vel quid calix sibi vellet, quem hausturi erant, vel quid baptismus esset, quem subituri dicebantur ante, quam locum sublimiorem inirent, sine vlla vel hæsitatione, vel cunctatione ad omnia se offerunt, omnia promittunt. Omnibus, qualia illa cunque sint, quæ obuenire, vel occurrere possunt, sese obijcit homo, nullum est incommodum, quo deterreatur. nec terror aliquis, à quo comprimitur. Vitam, sanguinem, famam, facultates, omnia denique volens, libensq; profundet, dum illorum impendijs in gradum penetrare altiorem tantum queat.

Tam vehementer autem cecar, & præcipit ista dominandi cupiditas, vt non curet homo Deum in patibulum agere, si absque illo cruci affixi explere istam suam libidinem fortè non possit. Attentos vos habere velim, vt fulcrum huius veritatis, neque debile, apud Prophetam regium inueniamus, qui Psal. 63. v. 8. sic habet: *Accedet homo ad cor altum, & exaltabitur Deus.*

Quid commune homini cor altum habenti, & superbo cum Deo exaltato? Non enim superbia, non ambitio, non imperandi desiderium est exaltatio Dei, humilitas autem sola est, quæ Deum sublimem agit, & extollit. Secundum hæc quid voluit David, cum dixit: *Accedet homo ad cor altum, incipit effervescere animo, & exaltabitur Deus?*

Vt huius verbi, *exaltabitur*, (quod nobis mouit dubitationem) vim rectè assequamur, videtur necessarium notare, exaltari tantundem esse, atque in crucem agi. Ad hanc rem probandam vnum illud nobis abundè satis est, quod ipse crucifixus Dominus dicere amabat, qui plerumq; cum de sua crucifixione loqueretur, exaltationem eam vocabat. Sic enim dicebat primum Nicodemus seorsim; Ioannis 3. 14. *Exaltari oportet Filium hominis*; dein etiam Iudæis reliquis communiter apud eundem c. 8. v. 28. *Cum exaltaueritis Filium hominis*; & c. 12. 32. *Ego si exaltatus fuero à terra.* Itaq; Christi crucifixi idem est, quod exaltari, & duobus vocabulis res vna eademque significatur. Dicit nunc Propheta penitens: *Accedet homo ad cor altum*, efficietur superbus, arrogans, ambitiosus, & regnandi cupido illum exculabit. Et quid hinc fiet? *Exaltabitur Deus*,

Tom. III.

hoc est, vt sui illius voti compos fiat, in ligno suspendet, si fieri possit, & cruci affiget ipsum Deum. Hinc æstimare licet, quantum excœcet, abripiat, & præcipitem deiiciat hominem imperandi appetitus, nam ubi is animum semel occupauerit, nihil illum retardare potest, quò minus pergat, quò sua illum regnandi libido vocat, vt ne Deo quidem deferat, aut parcat, sed in crucem illum rapiat, & ligno adfigat, si fortè per illum minus assequi posse putet, quod concupiscit.

Et bene cruci, ex qua Dominus pependit, & superbo ea de re conuenit, quòd ambo Christo horrorem adferunt. Ac trepidationem quidem, quæ crux Christum, quæ hominem perfudit, Euangelistæ nobis narrant, inprimis S. Marcus, apud quem habes, quòd Dominus, cum in prædio Gethsemani in hortum ad orandum secessisset, *capiti pauere*, & *cadere*, Marci 14. 33. tristitia vero, & mœror omnis illi de recordatione impendentium atrocissimorum cruciatuum, & mortis quam probro, tam pœnalis in cruce oppetendæ nascebatur. S. Lucas ait, solam mortis iam adornatæ memoriam plurimum illi toto è corpore sanguinem expressisse, dicens: *Et factus est sudor eius sicut gutta sanguinis decurrentis in terram*; Lucæ 22. 44. Hos effectus, vt inquit sancti, operata fuit obseruans animo imago, & representatio crudelis, ignominiosæ mortis, quam in duro, & propudioso crucis stipite subiturus erat.

Accessit eundem Dominum nostrum Scriba quidam apud Matthæum 8. 19. dicens: *Magister, sequar te, quocunque ieris.* Fuit ea hominis præsentis, ambitiosi, & superbi pollicitatio. Nam cum diuinus Magister tot prodigia, tamque stupenda miracula faceret, purabat Scriba, quòd magnam in orbe urbem, aut regiam excitaturus esset, in qua ipse posthæc ad gradum altiorem promoueri posset. Ita sentiunt Chrysostomus, Euthymius, Theophylactus, Haymo, Druthmarus, Ericus, & alij.

Quando ergo Dominus vidit illum aduenientem, cuius erant tam vana, & damnata animi consilia, *Scribam exhorruit præsumentem.* Sed quid est, quòd hominem Deus exhorrescit? Quid hominem formidas, qui venisti, vt pro hominibus vitam ponas? Amare magis decet, & gaudere illorum præsentia, quorum causa tam acerba, & indigna dependes supplicia. Et quamobrem ille Scriba tantum tibi incutit metum, tam ingentem adfert trepidationem, vt ex illius intuitu penè dirigescant capilli, & totus ipse expauescat? Non vides, quòd ambitiosus aduenit, per cupidusque ineundi subfellia sublimiora, ex quibus

R r

bus

bus alijs prætor imperet? Quid mirum ergo, quòd illum exhorruerit Dominus, non secus ac crucem, cui clavis figendus erat? Nam ut homo ambitiosus pro sua præcipitancia, & extrema cecitate, cæcæque perditione non vel ipsi Deo parcat, quin illum in crucem abriperet, si fieri id posset: Ita cum talem quempiam videt, æquè illum ac suam crucem pertimescit, quare, & *Scribam exhorruisse præsumere*. Tanta est cecitas, quam homini misero adfert immoderata dominandi cupiditas.

Si per hæc nondum vobis fortè satisfeci, audite quid nocte cœnæ acciderit. Christus cum perfidiosum, perque iurum illum præuidisset, à quo efferrissimorum hostium suorum rabiei prodendus erat, inquebat: *Eccè manus tradentis me mecum est in mensa*; Lucæ 22. 21. Vix subaudierunt ea Apostoli, quando percunctari mutuo cœperunt, quis ille ingratus, ille sanguinarius, ille tam inopinabilis, & immanissimi sceleris autor futurus esset, dumque in hanc rem anxie, ac sollicitè inquirent, simul facta est contentio inter eos, quis eorum videretur esse maior; ibid. v. 24. Dubitationem ergo de traditore altercatio exceperit, quâ hoc disceptatum, quis primatum inter illos habiturus à morte Domini sui videretur.

Magnam omnibus Expositoribus attulit difficultatem non sensus tantum, sed & consequentia horum verborum apostolicorum ad superiora Dominica. Quid enim connexionis habet, quòd illi tunc statim disputare cœperunt, quisnam principatum inter ipsos, Christo per mortem sublato, administraturus esset, aut dominatum ambiturus, quando ab illo acceperant, quòd per quendam de eorum collegio furori Iudæorum tradendus esset, ut crucifigeretur?

Mitto hîc varias expositiones, & rationes, ob quas alijs hoc factum arbitrantur. Doctissimi Ludouici Stellæ commentationem præsentî causæ opportunam nunc sequor, quæ hoc habet, quòd Apostoli non modò turbati fuerunt dictis Christi affirmantis fore ut à quopiam illorum crucifigendus traderetur, verum etiam ex ea turbatione permoti, ut litem inuicem mouerent, altercarenturque, quisnam ex ijs maior esse cuperet, ut de tali vestigio proditorem, bestiam, aio, illam feram, & scelus hominis deprehenderent. Sed quid agnitio eius, qui omnium ambitiosissimus esset, huc faciebat, ut inde acciperent, quis adlaboraturus, ut neci dederetur, & in crucem ageretur Dominus?

Plurimum. Qui primatum sibi inter nos optabat, is illum ante adire, & suscipere quàm Christus viuere desisset, non poterat. Hanc ergo apud se rationem inierunt Apostoli: Ambitio sic omne animo lumen eripit, dominandi cupiditas sic præcipientem agit, quem semel inuasit, ut parùm, aut etiam nihil curaturus sit, tametsi vel Magistrum, & Dominum, & Deum, & Creatorem in crucem, mortemque adducat, dum per hoc ad præfecturam perueniat.

Audiamus eruditum Interpretem, Nullum est flagitium, quod ambitiosus facere non tentet. Non possunt Discipuli excogitare, nec credere, in eorum gremio esse aliquem, qui tam flagitiosum scelus aggredi auderet, vendere scilicet diuinum Magistrum, atque tradere, nisi tantum illum, qui maior omnibus esse vellet. Nam casu quo quis primatum tenere cuperet, ex consequenti de morte Christi agere deberet, & cæteris præfesset. Hæc ille, quæ, nisi admodum fallor, ex serm. 28. ad fratres in eremo mutuatus in suos commentarios transcripsit. Eorum sermonum concinnator, quicumque ille, ait, Apostolos, cum mororem animi, quo Christus intus laborabat, ex illius oculis legissent, & ab illo intellexisset, fore ut ab vno quodam ipsorum traderetur, percipijse scire, quis ille consceleratissimus futurus esset, quod cum certum habere non possent, ut vel de vmbra statutam, ex vngue leonem utcunq; arbitrari, & diuinare futurum proditorem possent, hoc secum ventilare cepisse, quisnam eorum maior esse optaret.

At nonne perimportuna ea erat tali & loco, & tempore interrogatio? Christus eorum ibi pedes vixdum frigidâ diluerat, & linteo adgeniculatus absterferat, illosque ad conselandam eam humilis officij exercitationem cohortatus fuerat, & illi primatum constituunt in medio, ut quis illum preñset dignitatis superiorem locum videant!

Sed quare hoc? Ita quærit sermonum, quem dixi, autor. Et responderet, non ob aliud hoc fecisse, nisi quia arbitrati sunt & homines, ille qui maior est, & dominari possit, magistrum prodere procurat. Hinc arbitremini licet, quoniam sua ambitiosum cecitas, & præcipitancia abducat, qui si non curat ipsum Deum suum in crucis supplicium conijcere, tantum ut potiatur dominatu, quem suspirat, quod aliud scelus tentare non auit? quæ alia tanta sit noxa quam horreat? quod tam atrox, & immane flagitium, cui non se tradat, si id fortè huc faciat, ut præfecturam, ad quam aspirat, adipisci possit?

CAPVT III.

*Ad peccandum velut maturi viri ab utero materno
prodeunt homines, ad condiscendam recte virtutem
vix tota vita sat est.*

Rotulit insignis Rebecca in lucem pignora, per
quæ multas infomnes transiit noctes, filios,
inquam, gemellos, qui tam acri duello contende-
rant, in quibus hoc (quod supra expendimus) no-
uum fuit, videre, quemadmodum primus ex illo te-
nebricoso loco euaserit: *Qui prior egressus est, totus
in morem pellicis hispidus erat, Socium quæ est nomen
eius Esau; Genes. 25. v. 25.* Talis erupit, qui pri-
mus, vt velut prodigium quoddam, suo aspectu ter-
rorem videntibus adferret, egressus nempe fuit tam
pilosus, ac hispidus, quam adultiore ætate vir quis-
piam esse possit, tam rufus, ac si multo sanguine tin-
ctus, & hanc ob causam, vt affirmat sacer Scriptor,
appellatus fuit *Esau, siue factus, consummatus, abso-
lutus*, hanc enim esse Etymologiam nominis Esau
affirmant Nicolaus Lyranus, Abulensis, Honcala,
Oleaster, Itella. Magnum certe hominis omnibus
paribus suis absoluti inditum erat, quod cum tam
densa, promissaque pilorum lanugine in illa tenera
ætacula prodibat.

Dictum iam sæpe, & notum ex Hugone Cardi-
nali, Guilhelmo Ebroicensi, Laureto, & Lyrano, quod
Esau allegoricè, & mysticè significat peccatorem,
cui sit perpetuus cum virtute confictus, si multas
implacabilis, vt Iacobi Esau semper insensus, & mo-
lestus fuit. Quid ergo mysterij habet, quod Esau ab
utero matris qualis quidam processiore ætate vir
perfectus natus fuit? Illud, vt hinc accipiamus,
quod & longo (vtinam non etiam tam crebro) ex-
perimento nouimus, ad peccandum tam expeditum
in omni quantumuis rudi ætate esse hominè, quam
consummatus magister, & vir perfectus esse possit.
Peccandi ars momento discitur, & qui pridie disci-
pulus fuit, postmodum cathedram inire, & consummati
doctoris partes obire potest. Quam prompti, para-
tisque semper ad peccandum sumus! At quam lan-
guidi, quam tardi, quam cunctabundi ad bene a-
gendum, ad studium virtutis, ad sanctitatem conse-
crandam, amplectendamque! Quam operosa nobis
videtur, probitatis disciplina! Quam plumbeis pe-
dibus ad pietatem pergitur! Quam impeditis pas-
sibus ad conquirendam deuotionem ferimur!

Ingressa fuit templum illa sterilis Anna, vt supe-
ram Dei pietatem ardentè interpellaret. Obse-
rabit autem supremum Dominum, vt exlucum sui

corporis campum fecundaret, vt quem benedictio-
nis fructum proferret, illum ipseus ædi, & altaris of-
ficijs perpetuò deuoueret, & consecraret. Supplices
voces lachrymas coniunctas habebant & plurimas,
& peramaras, & de vultu obsecrantis si grantiam o-
rationis illius arbitrari prouum erat. Os precabun-
da Heli sacerdos obseruabat, cumq; illius labia tan-
tum moueri cerneret, & vocem poenitens non audi-
ret (intus enim corde loquebatur) *astimauit eam
temulentam*, 1. Reg. 1. v. 13. & ab ebrietate fieri,
non à pietate nasci, quod muta tam diu, multum-
que motitaret labia, quare & dixit: *Vsq; quo ebra-
eris?* ibid. v. 14. quamdiu vinum immodicè haustum
corporis arcem occupatam, cerebrumque, & sen-
sus tuos captos habebit?

Dubitari hic potest, quid mouerit Heli sacerdo-
tem, vt sanctam, & piam mulierem vino confectam
putaret, quæ in conspectu supremæ Deitatis tam
feruentes deuoto è pectore preces fundebat. Quid
orationi, & ebrietati?

Respondet Abulensis: *Quia nimis morabatur in
orando*, idcirco temulentam arbitrabatur. Ex his
obscurior effici videtur causa tam sinistra de Anna
conceptæ ab Heli suspicionis. Quid enim? Quod
illa diuiculè immorabatur orationi, idcirco fiebat, vt
sue stultam, siue quod ætati, vinolentam illam
quisnam arbitrari meritò posset? Immo verò, in-
quit Abulensis, *quia oratio breuiter fit*, præter mo-
rem communem est, moras trahere inter orandum,
diu insistere deuotioni, multum temporis dare cul-
tui spiritus, longas collocare in curando profectu
animæ horas nemo ferè solet, talia namque perfun-
ctoriè, cursimque ferè tractantur. Et quoniam Heli
vidit Annam per diu hæsitantem in templo, & tam
prolixa spatia tribuentem precatiōi, ab immodico
vino magis, quam pio animo illam tam longam na-
tam orationem putabat, *quia oratio breuiter fit*, &
negotijs animæ, commodisque illius spiritualibus
procurandis quam minimum temporis dari solet,
corpori verò molliter confouendo, & ad omnem vo-
luptatem enutriendo omne tempus breue, nulli sa-
tis longi soles, ac dies.

Consolatione præmuniebat Christus Discipulos
suos aduersus omnes afflictationes, persecutiones,
inurias, quibus exagitandos, sciebat à præferoci-
bus, & sanguinarijs tyrannis. Erigebat autem illos
tunc ab eo potissimum, quod non ex defectu proui-
dentix, aut amoris erga ipsos diuinæ tam acerba, &
indigna passuri essent, sed quoniam conueniret, vt
ad eum modum plantaretur, & constabileretur sa-
crum

crum Euangelium. Nam cui vilis auicula est curæ, quomodo is amicos tam charos obliuisci posset? Et quomodo is vitam, astæque illorum negligeret, quorum capillos numeratos habet? *Vestri capilli capitis omnes numerati sunt*; aiebat Matth. 10. 30. Cuius autem calculos non vel vnus capillorum vestrorum fugit, quomodo sollicitudinem eius res vestræ maiores, & potiores præteribunt?

Qui mysticè, & allegoricè hæc verba interpretantur, ij aiunt, capillis hic significatos cogitatus, quorum illi sunt symbola, vt affirmant Sanctus Hieronymus, Origenes, Ambrosius, Augustinus, Gregorius, Pierius Valerianus, & communiter omnes. Sed est animaduertendum cum quodam huius euangelij docto Interprete. quod Christus ait, capillos capitis, hoc est cogitatus omnes hominum iustorum habere numeratos. Sed quid est, quodd dicit habere eos numeratos? Nonne satius fuisset, si cœlestis Magister, quod & illos ad fortiter adeunda pericula, subeundaque discrimina confortaret, & generosi pectoris sui liberalitatem testatorem faceret, affirmasset, etiam cogitationes eorum diuite velle remuneratione compensare? Quid ergo est, quod potius dicit habere numeratos cogitatus, quàm quodd mutuum etiam pro ijs gratiam reddere velit?

Respondet ille Expositor inquiring: *Si capilli bonas significant cogitationes, non mirabor si eas habet Deus numeratas, rara enim illa sunt.* Apud nos cum rerum aliquarum, (sue ij amici sint, sue alia) raritatem, & paucitatem indicare volumus, dicere amamus, esse admodum numeratas, aut facillè numerabiles. Quod ergo Dominus ait, habere numeratos nostros capillos, hoc est cogitatus, tantundem est, ac si dixisset, esse benè pauculos: Tam enim rari, & pigri sumus ad curanda animarum nostrarum erolumenta, vt & cogitationes, quæ alioquin velocissimè in omnem partem feruntur, valde raras, & paucas huc conuertamus, cumque plurimas passim de rebus varijs, & alienis, atque extraneis ad animum admittamus, & non etiam nunquam aduocemus, illam vix aliquando accersimus, aut adducimus, quæ profectui nostro spiritali sollicita inuigilet, & atenta prospiciat, & prouida consulat. Rari namque sunt, & pauci, & quos facillè numeraueris, bald gehst/qui animarum suarum salutem enixè, diligenterque studeant.

Cum huc respiceret, paucitatemque eorum, qui animarum suarum negotia rectè tractant, secum reputaret S. Ambrosius in Psal. 118. Octon. 10. v. 2. aiebat: *Sicubi iustus sedeat, sicubi accumbat, festi-*

nemus videre eum, pretiosum est videre iustum iustum. Si quis compita nostra obiret, qui staturæ longitudine procerissimam populum, aut excelsissimam turrim exequaret, speciemque vultus, & lineamenta corporis, & vestitus formam haberet, & arma omnibus superioribus inuisa sæculis, nonne omnes suis certatim effunderentur ædibus, mutuoque euocarent, ac dicerent, *Festinus*, properantissimèque accurramus ad monstri, & prodigij spectaculum, nec quisquam esset, qui domo suâ non prodiret, ne tantæ nouitatis fraudaretur aspectu? Neminem planè domi nisi sola, eaque inuitabilis necessitas cohiberet. Si dicerent nobis, Phœnicem Arabiæ, huc in hanc aulam regiam allatum, auem illam raram, & vnicam, de qua plurimi multa probabiliter affirmarunt, quis non alia quæuis negotia dimitteret, occupationesque quàmlibet graues tantisper seponeret, vt istam monstruosam auem, & portentosam volucrè videre posset? Quem Carthusianum, aut illo etiam parietibus altioribus arctius conclusum, non è suo recessu, non ex abditissima, & abditissima solitudine abstraheret? Ad hæc allussit videtur B. Ambrosius, cum ait: *Sicubi iustus sedeat, festinus videre eum* cum prodigiosum monstrum, ceu raram auem, & rem nulli ante visam. Tam scilicet pauci, & numerati sunt, qui suarum animarum, & profectus spiritalis iustam curam habent, tam inusitatum est, rebus sacris, & cultui diuino, vt decet studere, seu vacare, vt tantundem sit videre iustum, quod prodigium, & perinde incidere in probum, & sanctum, atque obuium habere Phœnicem, aut portentum quodpiam. *Pretiosum est videre iustum.*

Secus, eheu dolor, & infelicitas! in ijs rebus euenit, quæ in nostram pernitiem vergunt. Quàm agiles sumus ad ea, quæ nobis exitiosa, & damnosa, quàm conciti, & expediti ad ea, quæ nobis interitum adferunt! Quàm promptè respondemus, quacunq; horâ ad mala, & noxia vocamur! Quàm facillè inuenimur, quandocunq; ad malefaciendum quærimur!

Quintilianus lib. 6. cap. 5. ait, si quis suo æuo esset ingenio illustri, acri, præstante, acuto, qui omnem facillè solueret difficultatis nodum, omnem nullo negotio dilueret dubitationem, adimeret scrupulum, dilucidaret obscuritatem, tam paratus ad dicendum, velut ab ore eius fluere oratio, & in promptu semper ad manum haberet responsa, quibus omni statim, atque expeditissimè occurreret interrogatori, de tali dicere solitos, *ingenium cum in-*

numerato

numerato habere. Fuit ea ingens, atq; insignis amplificationis præstantiæ excellentis ingenij. Vt mercatoris cuiuspiam locupletis, ac prædiuitis, cui cum opulentissimis orbis nundinatoribus sit commercium, vim opum, copiasq; verbis magnificis extollas, id hac ratione egregie feceris, si dicas, talem eum trapezitam esse, apud quem omnem omnitempore, & quauis horâ in numerato pecuniam habere queas, quantacunque ea sit, quam ab illo ex publica commutatione, siue cambio, vt vocant, accipere velis. Si hoc tantum de illo verè affirmes, semper in promptu, & numerato habere numos, ad exaggerandam opulentiam eius nihil ampliùs dicere possis. Quod de talibus mercatoribus copiosis, & magno ingenio hominibus solemus, idem de nostra humana fragilitate dicere possumus, ad malè scilicet agendum semper nos *animum in numerato habere*. Quale illudcunque vitium nos domi nostræ conueniat, extemplò illi occurrimus, & concedimus. Omnis nobis ad peccandum præstò semper copia, promptum habemus omni tempore, quidquid peccatum à nobis expetere potest, in numerato nunquam non habemus, quod quaestui demus, idq; extemplò, quantumcunq; illud sit, quod exigi possit.

Hoc Oleaster in cap. 18. Genes. in morali affirmat, & experientia magistra optima docet. Oleastri verba sic habent: *Nondum ira animum pulsar, & iam dâs illi manum, pedem, ensen, & alia bellica instrumenta.* Ad primum luxuria motum feminam inquiris. Non remoraris gulam, sed quam primum os appetit, cibum tribuis. Quodlibet ad tuam officinam accedat vitium, nunquam vacuum abit, nunquam morulam patitur, quin statim votis illius satisfiat, ita omnia, quæ ab illo expeti possunt, in numerato, ac promptu habes. Si vindictam ira exquirat, ecce ad manum manus, os, lingua, ensis, saxum, iaculum, bipennis, ticio, & quæ sunt id genus alia furoris instrumenta. Si libido titillet, ecce pedes expromptos, vt cursu ferant ad lupam, & quocunq; illecebra turpitudinis voluptas mala vocat. Si ventriculus latret, si stomachus pruriat, ecce loculos, qui sumptus orexi obuolant, vt mensam extruere Syracusanam, & infarcire ventriculum, atq; explere cibis ad nauseam usq; possis. Si blasphemiam, si murmuratio, aut maledicentia, si scurrilitas, si iniudicia, si rei alienæ cupiditas, si orium te vel leuiter appetat, non remoraris, ad nutû, omni quorumcunque expectationi respondes, prout in numerato habes omnia, quæ à te illa desiderare possunt.

Aliter profectò atque in ijs, quæ ad virtutem,

emolumentumque animarum nostrarum pertinent. Qualibet aëris intemperies nos ab operibus charitatis impedit. Si enim pluuia solito durius exuberauerit, domo exire, & Ecclesiam intrare formidamus, inquit rursum Oleaster vbi supra. Quàm pauculo fit, vt officia apud nos charitatis stagnent! Si forte pauperem ad ædes nostras sua egestas appellit, occludimus fores. Vt ne orationi diuculè, atq; enixius vaces, dolor capitis facit, quem ex ea secuturum times. Tempus, quo peccatorum exomologesin facias, occupationes cæteræ nullum relinquunt vacuum. Nunquam ille appetit dies, quo oblata restituas. Vt famam proximi læsam resarciat, multa incommoda inde nascitura prohibent. Multò secus agimus in his, quæ in nostrum exitium cedunt. Ad vana & lubrica nunquam desunt pecuniæ, ad litem iniquam, & iniustam causam etiam superfluum. Vt vindictam adornes, nihil occurrit arduum, quod obstitat, nec quicquam tam operosum, ac difficile, quod non superes, vt illicito amore fruaris. Sic ad peccandum semper in numerato est animus, facultas nunquam deest, ad virtutis exercitationem manci, impediti, imbecilles, debilitatis, fractisque viribus sumus.

Dicat suam quoque hæc de re sententiam Sanctus Ioannes Chrysostomus, qui hanc persæpe deplorauit miseriam, & lachrymis plurimis communè prosecutus est infelicitatem. Ille in cap. 9. 22. ad Corinthi. hom. 19. in morali hæc efflebat: *An non perspicis, quanta histrionibus, ac scortis alijs largiantur? Dimidium saltem eorum Christo tribue, quæ illi saluatoribus tribuunt. Tantum saltem homini fame laboranti, quantum illi ambitione ducti scenicis largiuntur. At ita affectus, & parasitos, & assentatores alas, ac si è fontibus sumptus haurires, cum autem pauperem & spem cernis, tum demum paupertatis mentus ingruit.* Non vides quantos sumptus quidam profahi, dissoluti, perditii (quos vulgus Dominos, Dominus autem viles seruos vocat) in canes, ludiones, scurras, fanniones, palpones, lenones, pelliaces, & stultas vanitates vanissimè profundunt? Si te Deus collocupletauit, si te tantis diuitiarum copijs beauit, vel dimidium (si ampliùs nihil à te vel impetrare ipse potes, vel obtineri ab alijs finis) Iesu Christo, hoc est, egenis, quorum habitu ille tectus inopiam patitur, tribue. Non vides quantum illi, quos esse nobiles aiunt, in illam populi faciem prodigant, comædorum turbam, dico, in quos quidquid cultioris vestitus, quidquid pretiosorum ornamentorum, quidquid monilium, & margaritarum,

& omne mundi aurum, atque argentum insanus mundus exonerat? Tu ex his vel tantillum famelico, indigentique concede. Et cur non vel guttula ad mendicum deriuetur de tam vasto flumine, quod in illas hominum pestes inutiliter, neq; hoc solum, sed & perniciosius defluit? Cur ex his, quæ malo demoni offeruntur, non partem aliquam habeant orphani, viduæ, infirmi, vincti, aut carceribus addicti?

Verum ô tempora! ô mores! Ad nundinandam condemnationem nostram sempiternam quam obuius numus, quam facilis animus, quam validum pectus, quam prona voluntas, quam prompta facultas, quam neglectus honor, quam expedita, & abiecta omnia! At cum æterna salus, & quies perpetua curanda, quam negligentis, tardi, atque inertes sumus, quam friget affectus, quam gelidum est pectus, quam ignauus est animus, quam languidus spiritus, quam prærupti se per viam montes difficultatum, quam immanes, & horridi incommodorum scopuli obijciunt! Quid hoc fascini! Quid incantationis! Quid illusionis! Quid amentia! O fidem! ô rationis iudicium! ô Deum! Quantum videmus, quantum audimus, quantum experimur, & quot dies agi cernimus, fidei quidem splendida fax extincta, & omnem hominibus sensum ademisse malitia, nullus autem esse Deus reliquus videtur, qui meritis præmia decernat, & sceleribus supplicia inferat. Euigilet Politicus noster ab hoc mortali lethargo, si fortè tali vitio laborat, vocat nempe illum pius Dominus, & magnis vocibus inclamat per fidem, per ecclesiasten, per experimenta, per exempla, & alios absque numero modos. Non sit illiberalis erga suam animam, hæc enim vnicum monile est, quod vnice curare, & pluribus oculis, quam ille Argus habuerit, obseruare debeat.

Non absimile est hoc argumentum ijs, quæ supra lib. 2. cap. 4. tractantur. Vide quæ ibi ad finem illius capitis ex Tomis prioribus adscripsi.

CAPVT IV.

Qui præfecturæ nomen admisit, neque officium exercet, is probroso titulo gaudet, quo dedecoretur, & honorificam habet ignominiam, quæ defecetur.

Magnis magna pars hominum titulis, & illustribus insignibus gloriari amat. Dici non potest, quam auidi sint ampullosorum nominum, & quam ambitiosè quarant appellationum apparatus. Inter hæc autem susque dequæ habent coniunctas nominibus obligationes, graues sæpè, ac difficiles, ob

quas tenentur opere respondere nominibus, & reapse præstare, quod titularum officia postulant. Alioquin quid viriliter adferunt tituli, & nomina, si hæc aliò spectent, aliò opera tendant? Quid profit homini, quod ex officij appellatione famam sibi celebriorem comparare cogitat, si malè feriat, quod talis officij est, nihil agit? Nam habere officium absque exercitio, velut nihil habere est, & tale quidpiam est, ac si animam destitutam facultatibus suis, nudam operibus fidem habeas, turpis honor potius est, qui infamiam adferat, quam illustris appellatio, quæ nobilitet.

Accessit quondam Redemptorem mundi Sanctus Petrus, inueniens: *Ecce nos reliquimus omnia, & secuti sumus te, quid ergo eris nobis?* Matth. 19. v. 27. velut pluribus dixisset: *Audiuius ex te, Magister, & Domine, difficile obtenturos regnum celorum, qui sunt diuites, ecce nos hic, qui omnia à nobis abdicauimus, non ob aliud, quam ut tecum versari, ac morari possimus, quid nobis proinde fiet?* Occurrit Dominus interrogationi Petri, & ait: *Vos, qui secuti estis me, sedebitis super sedes duodecim, iudicantes duodecim tribus Israël.* ibidem v. 28. vos qui excelso animo, & magno ausu, & generoso pede omnem caducæ vitæ huius pompam, vanitatemque confidenter calcastis, id pro tam heroico facinore habebitis debitæ remunerationis, ut singuli sua solia, eaque magnifica, & sublimia inean, atque inde seueri iudices de tota Israëlitarum omnium causa suprema pronuntient.

Obseruauit in his doctus Gandauenſium Episcopus Iansenius cap. 100. suæ Concordiæ in Euangelia, modum, quo Christus iudicum loca duodecim consiliarijs suis addixit, eum dixit, quod suam vnusquislibet occupaturus esset sedem: *Sedebitis super sedes duodecim.* Quid verò in his tribunalibus facient? An fortè oriabuntur, tantumque sedebunt? An solo, nudoque titulo gaudebunt? Nequaquam. Sedebunt iudicantes, & quod iudicum est, opere administrantes: Nec otiosè sedebitis, sed iudicantes duodecim tribus Israël; non sola inaniter loca consiliatorum, ministrorum publicorum, iudicum occupabitis, sed officia etiam talium propria vos occupatos habebunt. Qui prætura, aut præfecturæ nomen, non vsum, exercitamentumque habent, ij titulos habent, quales ferè Itali, apud quos multi gaudent vacuâ appellatione absque iurisdictione, & Marchiones, Comitesque audiunt, & audiunt tantum, neque sunt simul.

Sanctus Lucas Euangelista refert, quod Redemptor

ptor mundi appetente passionis suæ tempore, cum Samaritanorum quandam ciuitatem intrare vellet, repulsum ab inhumanis, & barbaris hominibus passus fuit, forè quod de morum conditione, & vestitus forma Iudæum, quod res erat, sunt arbitrati. Iacobus & Ioannes, insigne per fratrum germanorum, vbi eam inurbanitatem, ac tam rusticam inhospitalitatem viderunt, subirati hæc magno cum stomacho dixerunt: *Domine, Vis dicimus, Et ignis descendat de celo, & consumat illos?* Lucæ 9. 54.

Sanctus Ambrosius acutè hic inquit, quomobrem hic de toto Discipulorum manipulo & grauius doluerunt, & iniquius acceperunt, & indignius tulerunt istam Domino irrogatam ignominiam. Cur Iacobus, & Ioannes præ alijs ad propugnandum Christi honorem, vltiscendumq; illius ignominiam, & contemptum profuerunt? Cur igne cælesti potius, quàm alio quouis supplicij genere illorum plesti insolentiam, inciuilitatemque expetierunt? Cur non rogant, quod poterant, vt vel terra dehisceret, viuosq; orco transcriberet, vel mors subita extingueret? Cur illud vnice rogabant, *Domine, Vis dicimus, Et ignis descendat de celo?*

Vt hanc submoueamus difficultatem, necessum est recurrere ad appellationem, quâ illos donauit sacer Magister, quando & Apostolos vocauit, & duodecim illorum catalogo adscripsit. Primum locum Petro dedit, proximum, quantum apud Marcum videre est, his duobus fratribus, *Et imposuit eis nomina Boanerges, quod est, Filij tonitrui;* Marci 3. 17. Eodem nomine Virgilius 6. *Æneid.* v. 844. insigniuit illos valentissimos præliatores

----- *geminos duo fulmina belli*

Scipiadus.

Scipionem maiorem, & minorem puta.

Cum ergo duo isti fratres secum reputarent nomina, quæ à Christo acceperant, *Filij tonitrui* appellati, & occasionem præsentem cernerent, aiebant ad Magistrum: *Vis dicimus, Et ignis descendat de celo, & consumat illos?* Vis iussu nostro cælum flammis inde huc submittat, vt omnes intelligant, quod non solum inanem tonitru filiorum appellationem circumferimus, sed etiam fulgure percellimus, & quidquid talium filiorum est, reapse efficiamus?

Ambrosius in cap. 9. Lucæ, lib. 7. de hac re sic habet: *Bene præsumunt quia ad sermonem suum ignis de celo descenderet, quoniam filij sunt tonitru.* Nimirum probro ducebant vocari, & non esse filij tonitru, habere officium, & munus illius non simul

exequi, ludibrium interpretabantur, prouinciam suscepisse, & nullas eius partes obire. Verè namq; deridiculus est, quisquis magnos dignitatum titulos iactat, & nihil eis dignum agit.

Misit Dominus duos ex Discipulis suis Hierosolymam, vt inde illi adducerent asinam, in qua triumphabundus inuehi in illam urbem volebat, vbi tantam sospitator populorum, & hostis nostri gloriosus victor magnificis acclamationibus exceptus, & publicis, communibusque plausibus celebratus per omnia compita fuit. Sed notanda est phrasis, quâ legatis suis suam iussione indicauit, dicens: *Ite in castellum, quod contra vos est;* Matth. 21. 2.

Sanctus Antoninus de Florentia 4. p. tit. 15. c. 3. §. 1. querit, cur Dominus, cum Discipulos suos Hierosolymam ablegauit, illi urbi nomen castelli dedit, *Ite in castellum*, & non magis ciuitatem, vt erat, vocauit.

Respondet Sanctus Archiepiscopus, dicens: *Saluator noster cum misit duos ex Discipulis ad ciuitatem Ierosolymam, quia plena erat sectis, & dissensionibus, & peccatis, non dixit, Ite in ciuitatem, seruans istam regulam.*

Si re priueris, nec nomen habere mereris.

Ciuitas Ciceroni in Somnio Scipionis est *cæcis iura sociatus hominum*, qui eisdem legibus concorditer, vnanimiterque viuunt, & vtuntur communiter. Cum ergo Hierosolymis essent magna animorum dissidia, opinionum pugna, factiones partium, voluntatum mutuo repugnantium contrarietates, scelerum ingens, & incredibilis colluies, propterea Christus non dixit, *Ite in ciuitatem*, sed potius, *Ite in castellum*: Nam cum castella ad hoc excitentur, vt seruiant excursionibus, eruptionibus, vastationibus patriarum hostilium, offensionibus aliorum, non rectè ciuitates vocarentur, quibus aptissime quadrat castellorum appellatio, ob id etiam, quod velut in castris perpetuis agant, quicunque in illis degunt. Et vulgò dicitur, perperam illi nomen rei cuiuspiam dari, qui rem ipsam non habeat, nomen enim sibi absq; re vsurpare, est sublimem & aspectabilem suæ infamiz titulum circumferre, debet namque appellatio congruere cum opere, & officium coniunctum habere exercitium.

Espropter Quintilianus lib. 2. cap. 5: cum de oratione ageret diligenter excolta, & magno studio ad omnem aurium gratiam perpolita, sed quæ sui authoris labores, conatus, spemq; omnem frustraret, nec obtineat victoriam, quam ille optet, speretq; ait, omnem illius superuacaneum esse & ornatum.

tum, & apparatus, sæpè etiam damnosum, & aduersum: *Pulchra locutio*, ait ille, *nisi ad Victoriam tendit, sitq; superuacua, sed interim etiam contraria est*. Quid est, quòd magnus Aduocatus quis audiat, & iurisperitæ singularis famâ sit celebris, si nunquam à tribunali victor abiit? Magis illi hoc incommodat nomen, & officit appellatio, quia in magnam illius ignominiam redundat titulus, cuius vsum nullum habet.

Itaque benè meritis fuit noster Iacob suum nomen, quod illi è cælo allatum, & ab eo expressum fuit, qui appellauit eum Iacob, Genes. 25. v. 25. siue qui tenet plantam sui fratris, in ipso quippè egressu ab utero matris tenebat manu plantam fratris, vt habes ibidem. Tali actione comparauit sibi nomen Iacobi, siue supplantatoris, & luctatoris. Tales quærendæ appellationes, eiusmodi expetendi, & assumendi tituli, qui suam de operibus originem habeant, quos præclara facinora edendo sibi commuerint, ac pepererint, qui vsurpant.

Gemebundus inelamabat pium Dominum suum Propheta regius, noxarum gratiam, & scelorum condonationem petens. Appellabat autem vnam maximè illius bonitatem, & miserationem immensam, aërem ardentibus suspiriis inflammans, & dicens: *Miserere mei Deus secundum magnam misericordiam tuam*; Psal. 50. 2. Instansq; Domino, & vrgens eum precibus vltioribus sic porro obsecrabat: *Et secundum multitudinem miserationum tuarum dele iniquitatem meam*; ibid. v. 3.

Suprà misericordiam Dei implorabat, hinc miserationes eiusdem. Suntne hæc vnum, idemq;? Estne discrimen aliquod inter misericordiam, & miserationes?

Beatissimus Pater Gregorius Papa Magnus in expositione huius Psalmi ait, differre alterum ab altero: *Per misericordiam enim miserationis affectum intelligimus, per miserationem verò ipsam misericordiam exhibitionem signamus*. Misericordia Dei quædam illius beneuolentia est, quâ velut propendet ad hominum miseras leuandas: Misericordia verò quasi beneficentia est, quâ suas hominibus ærumpas, & necessitates opere depellit, & adimit. Itaque & alibi generoso huic benefactori dicit: *Misericors, & miserator Dominus*; Psal. 110. 4. vt qui & possit benefacere, & benefaciat, neque otiosam habeat misericordiam, sed cum miseratione effectrice coniunctam.

Addit mox Gregorius: *Superfluum enim esset & vnumque ponere, nisi esset varietas in significatione*.

Quando ergò Propheta primum ad misericordiam Dei accurrit, & post hæc ad miserationes illius confugit, certum, indubitatumq; est, hæc inter se distincta esse. Adicio nunc ego de meo, quod si misericordia est posse, misericordia verò facere, quod potes, nunquam Propheta istam inclamaret, nisi hanc simul appellaret, deque ea sibi omnem gratiam promitteret. Tale autem ferè est, quod Sanctus David ait, cum Dei misericordiam, simulq; miserationem inuocauit, ac si dixisset: Quod Deus sit misericors, id pono, tanquam quod omnibus notum, certumq;e, condonare enim noxas officium illius proprium est, atque si ita res habet, ille mihi meorum scelerum veniam sine dubio dabit, turpe namque, & indecorum Deo esset, si officium atque exercitio, & sine operibus nomen haberet. Qui Magnates audiunt, & nihil magnum faciunt, sed hominum vilium mores scedos consecantur, qui vrbani appellari amant, & sunt duri, ac rustici, qui comitatus, pietatis, & benignitatis, humanitatisq; titulo oblectantur, & gloriantur, sunt autem quidam Holofernes, Nerones, Phalarides, quid ijs sua nomina, tituli, appellationes nisi probum adferunt, & ignominiam?

Ad comprobandum id, in quo versamur, facient quædam Scripturæ verba, quæ videntur clara, & aperta, sed apud Interpretes, qui studiosius expendunt, non exiguum habent difficultatem. Inter illa mandata, quæ Dei Filius per Ioannem suum Beniaminum, & nuntium ad Episcopos septem Ecclesiarum dedit, illud ad Episcopum Sardis sic habebat: *Scio opera tua, quia nomen habes, quod viuas, & mortuus es*; Apocal. 3. 1. Obscurum nuntium! Quid sibi vult dicens: *Nomen habes, quod viuas, & mortuus es*? Variè hæc exponunt Interpretes. Sed mihi planior, & ad sensum sacri Scriptoris propius accedere videtur quidam modernus, verum profundus, & diligens huius ænigmatici libri commentator. Quid est habere nomen viui? Vocari Episcopum: *Respicitur ad ipsum Episcopi nomen, quod Græcè significat inspectorem suæ speculatorum*; inquit doctissimus Alcazar. Episcopus ergò nomen est hominis, qui è specula oculis circumspicit omnia attentis, officiumque solliciti, & peruiigilis excubitoris agit, & superintendit, suæ ex loco superiori attendit alijs. Ecce culpam, qua de Episcopum Sardicensem Dominus arguit. Nomen Episcopi habes, inquit, hoc est hominis, qui pernox, per diuque vigil saluti aliorum magna cum sollicitudine, & cura prospicit. Tu autem quid agis? *Mortuus es, & offi-*

& oscitabundus dormis, & gregis, quem pascendum suscepisti, curam nullam geris, tamen si lupus tuas mordicus inuadat, & auferat oues, non vociferaris, non clamas, non accurris, ut periclitantem sospites, & prædam raptori eripias. Nomen vacuum habes, quia absque exercitio. Diem te vocant, & nox es, Solem dicunt, & tenebræ es, Pastorem appellant, & lupus es, Excubitozem, Patrem, Episcopum, siue inspectorem vigilantem nominant, somniculosusque es, & tyrannus, & plurimum somno demersus iaces. O quam formidolosa accusatio! Quam turpe probum! quam probrosa turpitudine, ut Episcopus quis sit & stertat, ut Episcopus quis sit, & non excubet! ut nomen tam gloriosum, appellationem tam nobilem habeat, & vitam propudiosam, nomine indignam, & ab officio perquam alienam ducat! Quid vililitatis adfert otiosum habere dignitatem? Inanis, delitutusque operibus titulus quid commodat, quid prodest, quid efficit, nisi ut grauior socordes pœna, & damnatio expectet?

Audiat noster Politicus, quid Sanctus Gregorius Nyssenus moneat: *Tales in omni vita nos præstamus, quales requirit Christiani nominis excellentia*, inquit ille in orat. de Christiana perfect. Sed volo cum illo apertius agere, & rem ei distinctius proponere. Christiani appellatio gloriosissima est, celeberrima est, & incomparabiliter honorifica. Quæ enim maior felicitas, & gloria sublimior esse possit, quam suum à Christo, ab omnipotente, & supremo Domino mutuari nomen? Quid verò hinc consequitur? Illud, inquit Nyssenus, ut hoc semper agamus, quod cum inclita appellatione, quæ gaudemus, & nobilitamur, congruat, & quod vocamur, hoc esse operibus nomine dignis comprobemus. Cum ergo dicamur Christiani, studia nostra, actionesque omnes ad normam vitæ, quam ille inter homines homo duxit, & ad amulim exemplorum, quæ nobis hic reliquit, instituamus, & componamus. Christus ignouit suis inimicis, faciamus tantundem nos Christiani. Christus amator paupertatis fuit, amemus eandem similiter. Christus humilis fuit, sint humiles pariter, quicumque nomine, quod ab illo habent, gloriantur. Christus misericors fuit, & pius, & zelator, & plenus charitate, & patiens iniuriarum, & longanimis, Christianus eius per omnia similis, quantum fieri potest, esse studeat. Denique virtutes illius reliquas, pro humanarum modulo virum, imitari laboret, ut præstantissimi nominis magnificentia opera paria respondeant: *Tales in omni vita nos præstamus, quales requirit Christiani nominis excel-*

Tom. II. l.

lencia. Quid enim est nudum ab operibus nomen?

Si Politicus noster officinam librariam ingressus in varios, (ut Bibliopolarum ædes habent) incidere titulos, quorum ille sic haberet: *Opera Sancti Augustini*; hic ita: *Opera Sancti Basilij Magni*; tertius *Opera Patrum Ludouici Granatensis* promitteret, & post extractos expansosque, & expensos codices inueniret, longè alia esse, quæ titulis illis tegebantur, puta Caluini, Lutheri, Zwinglij, Macchiauelli, & aliorum id genus hæreticorum, corruptissimorumque, & pestilentissimorum hominum volumina, quid diceret? quid faceret? Nonne mox succlamaret, dicens: Cur non statim in pyram abripitur, viuusque exuritur Bibliopola, qui blasphemorum, sacrilegorumque talium hæreticorum libris indices præfigit Patrum orthodoxorum? Si has ille, & iurè, ac meritò voces daret, quid putat Christum è suo tribunali, cum rationes vitæ in sæculi ætæ extremas à toto mundo expeter, & excipiet, clamaturum aduersus eos, qui nomen Christianorum præferentes, operibus dediti fuerunt Turcarum? Ut Politicus noster superiorem Bibliopolam rogo addixit, sic ille, *Ite in ignem æternum*, vociferabitur, ite perfidiosi impostores, periuri hypocritæ, qui sub nomine Christiano vitam Maurorum vixistis, & iudices quidem dicebamini, depeculati autem estis eos, quos tutari contra aliorum vim, & iniurias debebatis, & Consiliariorum titulum prætulistis, sed fraudulentorum officium interim egistis, & cum audiretis Episcopi, deglubebatis oues, quas pascere, & curare oportuisset, & cum regum sceptræ, & loca teneretis, subditos non secus ac tyranni solent, oppræssistis. Tanquam perfidi hæretici ergo subiecto igne conflagrate, quotquot aliud dicti, aliud operati estis, quotquot absque exercitio officium, & sine factis inanem appellationem habuistis. Itaque nomen, & officiorum suorum omnes studeant esse memores, ne propter vacuos titulos rationes dare strictiores & pœnas dependere grauiores aliquando debeant, propterea quòd agere neglexerint, quæ ut agerent, ipsa ab illis honorum, dignitatum, officiorum nomina requirebant. Illud vnum cuncti vnicè curent, ne, ut ait Sanctus Ambrosius apud Hugonem Cardinalem in cap. 3. Apocal. *sit nomen inane, & crimen immane, deifica professio, & diabolica actio, religiosus amictus, irreligiosus profectus, graduus excelsus, & deformis excessus, ne locutionem simulemus columbinam, & vitam habeamus coruinam, ne professionem monstremus ouinam, & ferocitatem habeamus lupinam*. Talia, & his plura solent occultari

SS

ram

rum excellentibus, gloriosis, & sanctis nominibus. Sed eheu dolor, & vix ijs, qui tam honorificis nominibus per opera gloriosa non respondent!

CAPVT V.

Religiosus velut piscis extra recessus, & solitudinis suae aquas facile perit.

NATI fuere ambo fratres, adultiores autem sacra studia valde diuersa consecrati sunt, & vitae rationes admodum dissimiles inierunt. Esau venator erat, & agricola, semperque aut ruri, aut in syluis agebat, omnis illius occupatio erat colere agros, persequi feras, venari setiferos apros, tendere retia fugitiuis ceruis, & pernicious damis, timidisque leporebus laqueos struere, venatuque, & aucupio dies vitae meliores, & partem maiorem transmittere.

Iacob diuersum iter secutus, alium viuendi modum tenuit, totumque se recessui, & solitariae vitae consuetudini tradidit: *Iacob vir simplex habitabat in tabernaculis*, ait beatus Moyses Gen. 25. 27. rerumque domesticarum accurationi operam dabat. Textus Hebraeus habet: *Sedebat*; & Graecus: *Inhabitans domum*. Mirum erat videre illum foris, cum hominibus alijs raro conuersabatur. Hinc vult Procopius Sancto Patriarchae omnem spiritualem profectum ortum, omnia animae emolumenta, & lucra nata, cuius sunt ista in cap. 25. Genesios: *Proinde nihil inquinabatur contagiosa reliquorum familiaritate, quae plurimum etiam generosos mores inficere consuevit.*

Ex fuga hominum veniebat illi tanta animi puritas, & vitae sanctitas eximia, & morum ingens perfectio. Eruditus quidam Genesios Interpres, cum in huius loci dilucidatione versaretur, aiebat, Iacob prototypon esse Religiosorum, qui ad conseruandam animarum suarum mundiciem illum imitari, & secum morari, & intra domesticos parietes manere, & vanas aliorum familiaritates, inutilesque consuetudines vitare debeant. Hoc ille his verbis reddidit: *Typus quidam peregregrus Religiosorum hominum Iacob habitans in tabernaculis, & non vago progressu per fora, & mortalium confectis passim discurrens.*

Propterea Eugenius Papa cap. Placuit 16. q. 1. ait, Religioso conuenire cum pisce: *Sit claustro suo contentus*, inquit ille, *quia sicut piscis sine aqua caret vita, ita sine monasterio monachus. Sedeat itaque solitarius, & iaceat, quia mundo mortuus est; Deo autem viuens. Agnoscat nomen suum, monos enim Graece, Latine est vnus, achos Graece, Latine sonat tristis,*

inde dicitur monachus, id est, vnus tristis. Sedes ergo tristis, & officio sacer. Amet ergo solitudinem suam, qui semel ex hominibus secessit, vt Deo expeditius, liberius, in pensis vacaret, vt enim extra aquarum elementum piscis facile moritur, sic extra septa sua Religiosus plurimum periclitatur. Turbas ergo, & saeculi tumultus omnes declinans petat secretum, ibique silentio se dedat, & meditationi vacet, quia saeculo defunctus nouam apud Deum vitam agere coepit. Ex vocabulo nouo, quod illi, simulac asceta factus est, inditum fuit, discere potest, quid sui officij ratione ab ipso exposcat, monachus enim tantundem est, ac vnus quidam mortuus. Solus itaque degat, secreto se includat, ab hominum aliorum conuictu familiari se subtrahens viuum velut sepeliat, vt omnes consummati, & perfecti monachi partes expleat, & vocationis suae obligationi satisfaciatur.

Quidnam ex omni Testamento vetere tam verè, ac viuè praefiguratos dedit Ascetas religiosus legis nouae, quam Nazaraei? Nihil hac re magis exploratum, nihil apud sacros Doctores crebrius inculcatum, & vstratum. Videamus ergo quid de illis assermet Ieremias, cum illius perfidi, & refractarij populi infelicitates, calamitatesque deplorat. *Candidiores Nazaraei eius nives, nitidiores lacte, rubicundiores ebore antiquo, sapphiro pulchriores*, ait ille Threnorum suorum cap. 4. v. 7. Quis elegantiam maiorem, decentioremque venustatem excogitare possit? Quod tamen de liberali eorum forma dicitur, id de animae pulchritudine, & decente specie accipiendum, taleque est, ac si dictum, Nazaraeos fuisse sanctissimos, perfectissimos, suorumque rituum tenacissimos, & obseruantissimos caeremoniarum. Audiamus nunc, quid sanctus Vates debeat: *Denigrata est super carbones facies eorum, & non sunt cogniti in plateis*; inquit ibid. v. 8. O miseriam! ô dolorem! Niveus ille candor mutatus est in atrorem, qualis vix est carbonum, ex quo factum, vt nemo eos vel in compitis, vel in foro medio nosse posthac poterit.

Quid voluit Ieremias, cum de Nazaraeis ait, *Non sunt cogniti in plateis*?

Venerabilis Abbas Gilbertus Serm. 47. in Cant. hoc ita exponit: *Non sunt vtrique pro Nazaraeis cogniti tam in plateis*; quod tale est, ac si dixisset, Monachos, ceterosque Religiosos, & omnem vitae regularis splendorem ex frequentatione platearum, & crebra discurratone per vicos, & domos ciuitatum, & ex usu familiaritatis cum saeculi hominibus ita.

ita obfcurari, & obfufcari, & fœdari, vt vix de veftitu id, quod funt, agnofci poffint.

Experimento probatam dedit Gilbertus hanc tam notoriam, quàm deploratam veritatem. *Silebo de alijs, inquit. Ordinis noſtri cernite viros. Quàm admirabile erat nomen eorum in vniuerſa terra! In vicis, quando vix erant viſi in plateis, ſtatim cogniti pro ſanctitatis ſigno erant in eis. Nunc autem nullo religionis diſcrimine, nullo priuilegio conuerſationis, aut nullo, aut pratenu diſtinctis, & ſignati ſunt à cæteris, idcirco non ſunt cogniti ſicut Nazarae in plateis. Frequentia platearum dedecorat Nazaraos, & peregrinam ſpeciem inducit.* Hæc Gilbertus, acſi pluribus dicere voluiſſet: Vt euincam quantum de viuo diſciplinæ religioſæ colore decedat ex crebris aſcetarum per compita publica obambulationibus, nolo Religioſos huc alios accereſcere teſtes, quando id Ordinis mei exemplo abundè comprobare poſſum. Quàm celebris, & decantata erat fama noſtrorum per omnem, quaquà latè patet, orbem terrarum! Quantam mundo lucem præclaro ſuo exemplo afundebant! Quantam fragrantiam, quàm ſuauiem, gratumque odorem virtutes eorum exhalabant, quando velut paſſeres ſolitarij in abditiore eremo degebant, interq; contemplationes cœleſtium ſuas patiebantur ecſtaſes, & ab ineuitabili neceſſitate in publicum aliquando abſtrahebantur, vt ſe hominū oculis permitterent! Erat per id tempus Religioſus Ciuitertienſis in plateis quod monſtrum, quod Phænix, quod prodigium ſanctitatis. At poſtquam familiaritūs conſueſcere cum hominibus mundanis, crebriūſque illos & adire, & admittere, & congreſſus illorum, commertiaque frequentare, & ſolitudinem cum foro, cellas ſecretas cum plateis publicis permutare cœperunt, mox de ſua exiſtimatione ceciderunt, nec eam habuerunt, quàm ſoliti erant, venerationem. Cur verò iſtud? Quia frequentia platearum dedecorat Nazaraos, & peregrinam ſpeciem inducit, & formam vultus depaſcitur, & faciem obſeruantia religioſæ ſic obſcurat, & immutat, vt inducere nouam, & incognitam videatur.

Notemus hæc poſtrema Gilberti verba: *Peregrinam ſpeciem inducit* frequens platearum percuſſatio. De cœlo dicit Ariſtoteles, quod & receptiſſima omnium Philoſophorum ſententia habet, non recipere peregrinas impreſſiones, ſemper enim eadē pulchritudine, & ſplendore inalterabili gaudet. Quod ergo ille ait, frequentiam platearum peregrinam ſpeciem inducere Religioſis, perinde eſt, acſi dixiſſet, quantumuis fulgentiſſimi quidam, & radi-

antiſſimi cœli ſint, quod ad vitæ puritatem, & ſanctitatis ſplendorem attinet, dum tamen è monaſterijs in plateas ſæpenuerò effundi incipiunt, paulatim illos è cœlis in terram, cuius plurimæ ſunt mutationes, & viciffitudines, & varietates, transformari. Ergo ſolitudinis cultus, & amor plurimum huc facit, vt Religioſi enube, ſudum, terſum, ſerenumque animæ ſuæ cœlum, & ſpiritus candorem integrum ſeruent. Dicit namque Gilbertus: *Frequentia platearum dedecorat Nazaraos, & peregrinam ſpeciem inducit*; identidem prodire foras, & terere compita, & in medio Sole ſolitudine relictâ verſari, obſcurat, diſſoluit, horridoſque aſpectu facit Religioſos, eos etiam, qui diu latuerunt, & omne cum ſolo Deo commertium habuerunt, cumq; domum redeunt, vix eſt qui eos ampliùs nouerit, prout de religioſæ vitæ ſtudio remiſerunt, & ab exercitatio-

num monaſticarum ſeruore intepuerunt. Narrat patientis Iobtis hiſtoria, inter beatos Angelos malum, & damnatum quendam dæmonem aſtiſſe coram Domino, interrogatumq; vnde veniret, reſpondiſſe in hæc verba: *Circuiſi terram, & perambulauit eam*; Iob. 1. 7. & 2. 2. quaſi dixiſſet: Orbem terrarum, quantus ille cuiuſque eſt, peragraui, & nec ora eſt, nec extremitas, non inſula, non prouincia, non vrbs, non oppidum, non vicus, aut platea, quam non luſtrauerim oculis, non obiuierim pedibus.

S. Ioannes Chryſoſtomus, aut certè Dydimus in catena Olympiodori, hic dicit: *Primum diabolus ſeipſum accuſat*, ſeipſum ante omnia talibus verbis perſtringit, & culpat, & cum ſibi nihil dicere videatur, plurimum contra ſe loquitur, & grauiter ſeſt infamat. At videamus quomodo ſeipſum ignominia condemnat, & traducit? Reſpondet ille, qui ſuprà: *In eo, quod ait, omnia ſe loca peragraſſe.* Nonne ipſe fatetur, omnia fuiſſe peruagarum? nonne dicit, orbem circumiſſe totum, nec locum eſſe reliquum, quem non perambularet? Eā re ſatis ſe diabolum prodit, & probat, eāq; confeſſione ſe accuſat: Nam qui multum vagatur, & circumfertur pedibus, & pro ſua libidine diſcurſitat, ruinæ proximus eſt, atque ex pulchro, & ſpecioſo Angelo in turpem, & atrum dæmonem facile vertitur: *Primum diabolus ſeipſum accuſat in eo, quod ait, omnia ſe loca peragraſſe*; quiſquis enim multum euagatur, eius multum periclitatur & regularis obſeruantia, & pulchritudo religioſa. Caueat ergo quiſquis circumforaneus, ne ex Angelo in cacodæmonem transformetur. Fre-

quenti platearum dedecoras Nazaraos, & peregrinam speciem inducit.

Si non est ira, videamus à contrario. Apud Sanctum Lucam ad purissimam Virginem missus est Angelus Gabriel à Deo, Lucæ 1. 26. Fuit hic verè celestis, atque ex illa Superiorum regia demissus nuntius. Quanam ex re hoc arbitrabitur? Multa sunt, quæ hoc persueant, inter quæ non postremus est modus, quem in denuntiandis mandatis Archangelus obseruauit. Venit ut cum Sanctissima Domina nostra de negotio grauissimo, de re maximi momenti, de mundi instauracione ageret, dixitque, eam intrâ castissimorum viscerum suorum hospitium exceptaram communem totius orbis terrarum Reparatorem, & mox adiecit: Et *vocabis nomen eius Iesum*; ibid. v. 31. ut ipsum nomen clamer quamobrem ille adueniet, nimirum ut sit generosus hominum hospitor.

Hugo Cardinalis hîc aliquid obseruauit, quod monendum arbitratus, ait: *Nota quod Angelus dicitur ingressus ad Virginem, & hoc semel.* Ad colloquium Virginis accessisse Angelus fertur, & hoc semel. Estne hic aliquid, quod magnoperè animaduertendum. Est multum, quod hac in re obseruatu dignum. Hoc verò in primis notandum, quod cœlorum Orator nunc monet, ut generis nostri instauratori nomen augustissimum I E S V. Mater imponat; Et *vocabis nomen eius Iesum*, cum tamen id posthæc primùm indicare potuisset, nimirum quo tempore circumcidendus puer, quæ erat præcisâ hora, in qua Filio suo Diuina Parens dare nomen necessariò debebat. Non distulit hanc rem Gabriel, sed vnâ operâ duomandata denuntiat, & vnò accessu res duas exequitur, magno & optimo indicio, quod à Deo veniebat. *Missus Angelus à Deo.* Quisquis enim studet parcere excursibus, abstinerè à congressibus, rarò videre plateas, & vnâ vice exequi multa, ut exeundi occasiones ipse sibi amputet, ille Dei Angelus est, magnam vitæ puritatem eo ipso indicans, pulcher Nazareus est, perfectus Religiosus est. Sed qui, cum semel rem vnâ peragere possit, ne pluribus quidè vicibus perficit, ut qualemcunque habeat euagandi, circumcursandi que occasione, & prætextum, ille *se ipsum accusat*, & sui spiritus languorem, & deuotionis teporem, & animæ frigus, prodeundo prodit, & confitetur. Verus namque lucis Angelus, & qui à Deo missus, plura negotia semel egressus conficit, & cum ad inuiscendum alios pergit, eodem itinere, & opere causam non vnâ solum pertractat, quia supersedere excursibus, & morari domi amat, cu-

ratque. Maius autem dæmon est, qui omnia perueniatur, qui nullum inaccessum locum relinquit, & de illius contubernio est, qui aiebat: *Circueus terram, & perambulans eam*; nec enim est forum, quod non adeat, non platea, quam non terat, & percurrat, non domus, quam non visitet.

Prodigium autem sit, & nunquàm visum portentum, si quis Religiosus domi agere amet, intrâ monasterij septa, & cellæ suæ angustos parietes vitæ partem maiorem volens, libensque transmittat, & non sit valde perfectus, aut animam habeat, cuius lux eclipsin patiatur, deficiatque, & obscuretur.

Patrocinaatur quondam Tertullianus causæ Catholicorum iustæ, & ad Præsidentem Africæ Scapulam cap. 3. aiebat: *Sol ille in conuentu Vrsicensi exstructo penè lumine adeo portensum fuit, & non potuerit ex ordinario deliquo hoc pati positus in suo hypsomate, & domicilio*; hoc est: Quod superioribus diebus, quibus Vricæ concilium aduersus Catholicos coëgisti, sol irâ obsecratus fuit, quasi omne ab eo lumen diffugisset, id ex Astrologorum sententia singulare portentum fuit, & iuxta ordinem, cursuque rerum communem fieri nequijt. At cur istud? Quia sol hoc pati non potuit positus in suo hypsomate, & domicilio.

P. Cerdas in cap. 3. Tertullian. ad Scapulam Nota 25. ait: *Itaque Sulp. Tertullianus dicere, solem in sua altitudine, & domo pati non posse naturale deliquum.* Ut ergo luce suâ Sol destituitur, & splendore nudetur, domicilio suo necessarium est excedat, alioquin prodigium stupendum fuerit, si domi suæ manens tenebras patiatur. Tantundem de Religioso affirmare possumus. Quod is domi suæ, in monasterio suo, in sua cella, & angulo suo assiduus sit, & eclipsin patiatur, gratiæque, quæ illius animæ splendor, lux pulcherrima obscuretur, siue obnubilatur, fieri non posse videtur. Si tamen fulgorem suum etiam ibi fortè perderet, id portentum nunquàm visum foret, & censeri deberet: *Adeo portensum fuit, & non potuerit ex ordinario deliquo hoc pati positus in suo domicilio.* Ut Solem defectio inuadat, debet ille domus suæ limina egressus fuisse. Ut Religiosus pereat, parum adest, si dæmon illum extrâ conuentum, & cellæ suæ secreta reperiat.

Huic doctrinæ fidem conciliabit maiorem id, quod familiari amico suo Lucillo Seneca scribebat epist. 2. in qua hoc inter multa: *Bonam spem de te concepisti, satis datum enim per te mihi est abundè, ut indubitatum habeam, futurum te diuitem virtutum, & suis numeris absolutum Philosophum.* Vndenam

verò

Verò hoc tibi tam certum, atque exploratum? *Quòd non discurras*, quòd non sis inquietus, & vagus ambulo, sed recessus, & locorum solitariorum amans. Hoc faciebat, vt de Lucillo maxima quæque sibi Seneca promitteret.

Simile quidpiam dicere de Religioso possumus: Hic aut ille magnus Dei magni seruus est, perfectissimus Monachus, asceta sanctissimus. Vnde hoc æstimabitur? Ex quo intelligetur? Ex eo, *quòd non discurras*, quòd nunquam domo efferat pedem, nisi obedientia inde illum exeat, quòd paucos terat calcæos, quòd nulla suis locis saxa platearum moleat, quòd nunquam in foro videatur, vt alij passim in oculos incurrunt. Sanctum itaque illum æstimate, & proclamate, quia & hoc vnicum sat erit, vt à morte in beatis numerari, & cœlitum cum Deo regnantium albo adscribi possit.

In ea cogitatione fuit doctissimus P. Franciscus Coriolanus 2. p. casu 3. num. 7. cum ait: *Quemadmodum infusa bona eueniunt Religioso in conuentu commoranti; ita per contrarium quamplurima damna eueniunt, si extra monasterium frequenter reperitur, & vagetur.* Nec explicari verbis possunt commoda, quæ domi nascuntur æstetis, quos solitaria vita oblectat, neque numerari damna, quæ eos persequuntur, quos domesticæ quietis fastidium occupat, qui si cellæ suæ cœlum amarent, & colerent, raro peregrinas sentirent impressiones, vix aliquid à statu suo alienum vel facerent, vel etiam cogitarent.

De fluminum aqua sic habet S. Zenon in Euangelium Ioan. *Aqua ipsa, si de flumine rapta sit, in quo viuit, perit natura, dum desinit esse, quod viuit.* Si frigidam à suo alueo, in quo vita illius posita est, extrahas, interit; quòd vel effundatur, vel in res alias vertatur. Tale quid etiam de Religioso pronuntiare possumus. Quamdiu ille intra monasterij sui limites sese cohibet, quam diu septa, intra quæ degit, assiduus custos obseruat, prorsum securus videtur, proculque ab omni abesse periculo, verum cum sui claustrî alueo effunditur, perit; & occisus, atque exitio proximus est. Miraculo simile putabitur, si non videretur spiritus eius, qui frequens est cum multis extrâ, si non intepescat illius feruor, qui hominum profanorum conuenticula crebro inuisit, & intemperanter amat: *Aqua ipsa, si de flumine rapta sit, in quo viuit, perit.* Sic & Religiosum errabundum varia sæpè ad interitum trahunt mala.

S. Petrus Damianus, qui vt vir religiosissimus, inculpabilissimusque monachus erat, ita & vitæ monasticæ sublimitatem perspectissimam habebat, dice-

bat serm. 54: *Verè Claustrum est paradisus*, in quo inter plurimas, easque frondosas, & odoras arbores tanquam delitioso loco secundus Adam voluptuosè moratur, dulcemque quietem captat.

Cum hoc in loco eminentissimus Cardinalis Ostiensis Claustrum religiosum donet nomine paradisi, cuius aquæ sunt ascetæ ipsi, qui terram nunc precum suarum aquis irrorant, nunc doctrinæ imbribus rigant, volo vos nescire, quid Moyses Barcepha dicat, cum de aquis scribit, quæ è paradiso profiliunt. Quærit hic autor, num aquis, quæ ex illo amœnissimo viridario erumpunt, suus extrâ constet sapor, quem intus habebant.

Respondet autem 1. p. de parad. c. 20. in Bibl. Vet. PP. *Nos pronuntiare non dubitamus, in paradiso esse aquas gustatu gratissimas, suauissimasque, inde autem plurimum suauitatis amittere, ac redire verò contrahere, cum illud paradisi solium latè de prece beatum, & felix sit, at hoc nostrum contrâ execratione infelix, & triste.* Idem hoc Religioso accidere solet, quòd illis aquis. Quamdiu intra sacrum sui monasterij paradysum commoratur, quam suauis illi accedit omnis labor! quam hilārter assistit orationi! quam ardentè omnes officij sui partes exequitur! At quamprimum paradiso effunditur, simul ille feruor emittit, gelat spiritus, omnis cum Deo consuetudinis spiritualis suauitas perit, segnis efficitur anima, & languescit deuotio.

Et inter illius loci fluuios non absque singulari mysterio nomen *Eni Phison*; Gen. 2. 11, quod ex interpretatione sancti Hieronymi, Bedæ, Lyrani, & plurium aliorum idem est, quod *mutatio oris*. Sic autem appellatum putat Abulenſis, quia faciem suam, id est, apparentiam mutat, in colore, quia alicubi clarus, alicubi turbidus, in quantitate, quia alicubi diffusus, alicubi strictus, & sensu, quia alicubi frigidus, alicubi calidus. Potestne res alia tam varijs esse obnoxia mutationibus? Quod fluuiò è paradiso decurrenti accidit, id Religioso extrâ monasterium crebro, multumque euenit. Quantis ille mutationibus, & insulcibus est expositus? Qui tranquillam in suo consueta vitam ducit, & suauis, sanctæque orio frui, & dulciter, velut in centro, & paradiso conquiescere potest, quot mutationes incurrit, cum ab illo tam iucundo loco leuiter excurrit? quot bellis exagitur? quot in corde variationes patitur? quomodo nunc quidem effunditur, nunc verò contrahitur, & angitur scrupulis deliberiore, & effusiore viranatis? quàm sæpè & friget deuotio, & flagrant cupiditates malæ? quomodo nunc animæ pax tumultu-

ario cogitationum strepitu perturbatur, & tota mentis serenitas obnubitur, nunc erratorum multitudo, grauitas, fœditas, tanquam in media luce, oculis obuersatur? Tanquam inquietudinem patitur, qui pro suo arbitrio è paradiso monasterij effunditur, liberèq; per fora, plateasq; mundi, & inquieti huius, turbulentiq; maris oras omnes circumfertur.

Quando Abraham tres illos cœlestes hospites domo excepit, quos ad se inuitarat, etiam aquam eis obtulit, inquit: *Afferam paucissimum aquæ, & lauate pedes vestros*; Gen. 18. 4. Tantundem dixit Loth; quando eosdem, vt ad se diuerterent, obsecrauit. Hinc illa Religiosorum tam celebris olim consuetudo descendit (quod Glossa Ordinaria, siue Strabo Fuldenfis in c. 18. Gen. annotauit) vt venientibus de via fratribus pedes lauant. Illud prætereâ submonet, quod non minoris momenti, nimirum quod *in monasterijs pro venientibus de via oratio celebratur*. Quid sibi hæc volebant cæremoniæ? Prima ad hoc alludebat, quod Christus S. Petro aiebat: *Qui lotus est, non indiget nisi vt pedes lauet*; Ioan. 13. 10. hoc est, qui mundus est, non propterea tam puros ex omni parte habet pedes, quin nonnullæ apud illum maneant reliquæ imperfectiones, & nœui, quos prorsum, funditèq; seluere vix ij etiam possunt, qui se studiosissimè emaculare, & diligentissimè perpurgare solent. De Religioso eam semper habemus existimationem, quod sit perfectus, neque insigniore aliquâ turpitudine contaminatus, foris tamen redeuntis lauantur pedes, vt intelligat, se non tam perfectum reuertisse, quàm abierat, & forè de terra, quàm calcauit, labeculam quampiam contraxisse, aut imperfectionis puluisculum aliquem hausisse, quantumuis defenderit, vt tamen omninò illæsus, intrinsecusq; redeat, vix fieri potest, tot nempè laqueos habet mundus, & peccandi occasiones tam & crebras, & promptas, obuiasq;. Post lotos autem reducis, è sæculo pedes etiam oratio celebratur, omnesq; pro illo communem Dominum precibus communibus interpellant, tanquam qui talibus suffragijs, & precum alienarum opitulatione plurimum indigeat, multa namq; extrâ monasterium occurrunt pericula, cum in cella sua securus quisque degere possit.

Hoc testatur Eminentissimus Cardinalis Oñen- sis S. Petrus Damianus lib. 6. epist. 5. dicens: *Tanquam si languidus quislibet aromaticam ingrediens officinam, antequam antidoti medicamentum percipiat, deposita languoris agitudine conualescat, ita ego, &*

cellula mea lumen attingi, nec dum librum quemlibet aperueram, & o benefactum! tanquam virtute loci sanum me, compositis animæ meæ vulneribus, reperi.

In his illa postrema accuratius expendenda, *Tanquam virtute loci sanum me reperi*. Quando reum aliquem ministri iustitiæ persequuntur, vt comprehensum abripiant in carcerem, si ille in locum sacrum perfugiat, mox ab ijs liber est, qui manus iniicere violentas volebant, vt caperent, solâ autem loci virtute liber est, quem omnes meritò suspiciunt, & venerantur. Tale quidpiam est, quod S. Petrus Damianus ait: *Tanquam virtute loci sanum me reperi*; ac si dixisset: Simulac cellam meam ingressus fui, & in illud asylum me recepi, quod tantis gaudet immunitatibus, & privilegijs, omnes extemplò hostes meos effugi, & coierunt vulnera, & agritudo abscessit, & integerrimè conualui. Redijse ruor nuperus, & ardor spiritus pristinus, redij ipse ad solita orationis exercitia, & nunc velut in paradiso viuo, cella enim & paradysus, monasterium & asylum sacrum, solitudo religiosa & valetudo bona, idem sunt.

Magnus Philosophus Aristoteles problem. 54. sect. 10. querit, *cur maris animalia maiora, Segetis oraque sunt, quàm terra?*

Eius autem rei hanc dat rationem, *quia abditam vitam degunt*. Terrestris animantia vt in aperto degunt, sic aduruntur à Sole, infestantur ab aère, & non paucas à temporum variabilitate accipiunt iniurias, ex quo sit, quod breuem ducant vitam, quæ possent longiorem, nisi tam multa essent, quæ in illam velut coniurasse videntur. Verùm falsi maris hospites pisces sunt magis longæui, eò quod in abditis aquarum receptaculis degentes non tam multos habeant vitæ sur infensos hostes. Tantundem respondere possum ijs, qui me interrogant, cur Religiosi, qui domi assidui, & intrâ conuentuum suorum penetralia morari amant, maiores in virtutè progressus faciant, & magis sint perfecti, & præclariora bene viuendi exempla alijs præluceant, spiritualibus copijs magis affluant, & maius habeant cum cælitibus commercium. Causa in promptu est, *quia abditam vitam agunt*, & semper in cellis versantur, & sacrum religiosæ clausuræ secretum custodiunt, itaque ab hostibus tam corporalibus, quàm spiritalibus sunt tuti. Non est, qui eis sit molestus, aut infestus, nec qui tam acriter eos persequatur, vt impugnari solent, qui mundum vagis pedibus obeunt, & peragunt, in quo tantæ sunt malè agendi occasiones, tot laquei, & retia, quæ in capitalis, & communis inimici tentationes pertrahunt.

CAPVT VI.

Cum artes ceteræ ex humana descendat industria, literarum & librorum ars tam est sublimis, & nobilis, ut suam in Deum, tanquam immediatum inuentorem, & autorem, referat originem.

Quod S. Patriarcha Iacob in tabernaculis habitasse fertur, id Nicolaus Lyranus, Tostatus, Honcala, Pererius, Guilielmus Ebroicensis, Cornelius à Lapide, & plures alij ex sententia Hebræorum (quod & supra memorauimus, & hic tacitum prætermittere non debemus) tale esse volunt, ac si dictum fuisset, frequentasse scholas Melchisedechi, Aue, quod idem est, Sem, qui per id tempus in viuis erat, & Heber, qui homines ad supremam sapientiam, & Dei timorem, omniaque quæ ad illius cultum spectant, erudiebant. Lyranus in cap. 25. Gen. de hac re sic ait: *Ex quo patet, quod occupatio Iacob erat principaliter circa diuinam, vnde dicunt Hebræi, quod ipse habitauit in tabernaculo Heber quatuordecim annis.* Quod Chaldæus suâ paraphrasi apertius indicat, dicens: *Iacob erat vir integer, & minister domus doctrina.*

Sed quæ hic potest, cur Iacob tam longum tempus in schola illorum sanctorum virorum, & Prophetarum Melchisedech, & Heber transierit. Nimis certe prolixum videtur quatuordecim annorum tempus homini, qui tam magno, & præclaro ingenio erat, ut erat Iacob, maximè ad eas tantum scientias discendendas, quæ ad Dei timorem, & venerationem faciebant. Quanquam ea sit scientiarum omnium facile princeps, & vtilissima, quæ Deo rectè seruire docet, illius tamen disciplina tam multos annos non requirit, præsertim cuius exercitatione propriâ magis, quam institutione magistrorum alienâ hauriantur. Cur ergo Iacob totes quatuordecim in ludo hoc literario hæsit annos? Haud dubium quin id factum, quod eo tempore nondum patefactus fuerat literarum thesaurus, quo nunc gaudemus, nec vlli adhuc libri erant, ideoque maiore cum difficultate quiduis addisciebatur. Dicit non potest, quantum opulentur literæ, quantumq; conserant libri, ut quis scientiarum curriculum compendiò absoluat, & breui consummatè doctus euadat. Tam momentosum est literarum inuentum, tamque vtile artificium, ut Deus illarum immediatus auctor, & excogitator primus rei tam proficue esse voluerit. Et quoniam parte huius libri reliquâ laudes, encomia, excellentiamque librorum persequemur, ori-

ginem eorum indagare necesse est, ut inde illorum nobilitatem arbitremur, & maioris æstimemus vtilitatem. Quod autem nobilitas rei cuiuspiam ad illius commendationem plurimum faciat, & autor honoratus, atq; illustris magnam operi suo gloriam, & existimationem conciliet, res est, quæ nulli dubia esse possit.

Sandus Lucas Evangelista sacram historiam suam à prodigiosa natiuitate Ioannis in vtero matris suæ sanctificati orditur, & ait: *Fuit in diebus Herodæ, regis Iudææ, sacerdos quidam nomine Zacharias de vice Abia, & uxor illius de filiabus Aaron, & nomen eius Elizabeth; Lucæ 1. 5.* Ante omnia familiam pueri Præcursoris antiquissimam, & amplissimam nobis S. Evangelista describit, dicens natum esse patre quidem nobili sacerdote, matre verò fecundâ honestissimâ, & generosissimâ, ex sacerdotali tribu Aaronis oriundâ, quæ tribum Iuda claritate, ac dignitate exæquabat. Sed quo consilio beatissimus Lucas nobilitatem sacri Baptisæ tam accuratè recensendam putarit?

S. Petrus Chrysologus ait, perfecti oratoris, & Historici leges ea in re obseruare voluisse, dicens serm. 89. *Oratores magni, & excellentes ingenio, quoties illustrium virorum parant narrare virtutes, avos atavosque commemorant, et ad honorem presentium accedat dignitas antiquorum, & laus patrum filiorum redundat ad gloriam.* Esse namque claris, & illustribus parentibus natum, pretiosum monile est, & perhonorificum à maioribus descendere excellentibus, & nobilibus.

Nescio an hoc indicare voluerit Propheta regius, cum ait Psalm. 115. v. 7. *O Domine, quis ego seruus tuus, ego seruus tuus, & filius ancillæ tuæ;* velut dixisset: Ego me, Domine hominum, quotquot mundus habet, fortunatissimum, beatissimumque existimo, mihi enim ea in terris obrigit felicitas, ut non solum ipse tibi seruiam, sed etiam matre natus sum famulâ tuâ studiosâ, & in te perofficiosâ.

Gilbertus Genebrardus sententiam illorum verborum sic exprimit: *En Domine, qui tuus sum cultor, ac sacrorum cultorum filius;* magno tuo, ac singulari beneficio non ipse tantum tibi operam do, quam supremo Domino seruorum extremus debeo, & nobilitatem meam primam, antiquissimamq; reputo, sed ex ijs etiam parentibus genitus sum, qui tibi magnâ voluntate, ac deuotissimè semper sunt famulati.

Ex Magni Basilij commentatione, *maximi ornamentis loco posuit David,* quod non ipse solum seruus

Dei esset, sed etiam ab ijs genitus, qui ex hoc nobilissimi fuerint, quod Deum omni venerationis studio coluerint, re enim verâ magnum homini dignitatis ornamentum confert, quod sit maioribus illustribus, & nobilibus natus.

Hinc accipimus, quantam literæ, & libri claritatem, dignitatem, & maiestatem non à seipſis tantum, verum & ab origine sua habeant. Et quid ijs illustrius, quid nobiliore sanguine, quid genere magis inclyto, & heroico natum? Quid æquè ac illa gloriari, aut quænam ars cum literaria, & libraria arte diuina certare de præstantia potest? Certè si præcedit, quod *venit ab origine, & gloriâ beatius est habere, quàm quærere*, vt inquit Chrysologus serm. 89. & quod è trunco, ipsa quæ radice nascitur, præstat ijs, quæ sunt extrinsecus aduentitia, literarum & librorum, inuentionisque eorum nobilitas maxima est, vt quorum origo suprema. Videamus ergo vnde literarum, & conscribendorum librorum artificium profectum fuerit.

Id Abbas Tuitiensis his tam perspicuis verbis exposuit lib. 3. de Viſt. Verbi Dei, cap. 23. *Notandum, quod inter cuncta opera manuum hominum hoc unum opus est, quod habet homo ex artificio opificis Dei, & de cunctis operibus Dei, quæ multa sunt, hoc unum opus est, quod homini manu suâ iussu operari.* Dicent multi, homines fuisse inuentoſes scribendi, & librorum conscribendorum artificij. Sed tu hoc ride, inquit Rupertus, stultum quippè est tale quidpiam, non dico affirmare, sed vel cogitare. Gloriantur alij, quod artes alias primi excogitârint, de quibus Polidorus Virgilius iustum volumen, & librum prolixum concinnauit, ac pro his, quisnam referre palmam debeat, discerent, & corripantur, dum hoc modò tam vtile, ac diuinum scribendi artificium non suæ industriæ, tanquàm inuentrici adscribant, quod suam regiam in Deum refert originem, & ab illa suprema maiestate immediatè descendit.

Conuincitur id ex eo, quod Dominus ad Moysen Exod. 24. v. 12. aiebat, dicens: *Dabo tibi tabulas lapideas, & legem, ac mandata, quæ scripsi.* Et infra cap. 31. v. 18. inquit sacrum Oraculum: *Dedit Dominus Moysi duas tabulas testimonij lapideas, scriptas digito Dei.* Ac deinceps cap. 34. v. 1. *Præcide tibi duas tabulas lapideas instar priorum, & scribam super eas verba, quæ habuerunt tabula, quæ scripsisti.*

Concludit Rupertus, dicens: *Quod si utilitatem huius operis, scilicet manu scribendi, rectè perpendas, profecto fateris decere, vel decuisse Deum maiesta-*

tem, quod figurarum huiusmodi, scilicet literarum, non alius, quàm ipse primus auctor extiterit.

Cum in hunc artis scriptoriæ primum autorem, Deum puta, cogitando incidisset Ioannes Trithemius, ipsum scribendorum librorum laborem appellauit, sacratum. Nam de Religioso quodam sancto, qui assiduam huic tam celebri exercitio dabat operam, loquens in eo libro, quem de Scriptoris manualibus reliquit, sic ait cap. 3. *In secretis cellis se conferens, hunc sacratum laborem insisteret.* Cum labor hic tam vtilis, & per commodus nobilissimam habeat originem; & Deum ipsum parentem, inuentoremque primum, ratio postulat, vt quoties de illo sermo incidit, tam reuerenter de illo omnes loquantur, vt alio, quàm *sacratum* nomine à nemine donetur, vt quem Deus ipse suis manibus consecrauerit. Si ergo hoc scribendi artificium suam à supremo rerum omnium Conditore ducit originem, & prospiciam, facile est arbitrari, quantum artibus alijs antecellat, quæ ab hominum manibus sunt profectæ. Denique hoc unum opus est, quod inter cuncta opera manuum hominum habet homo ex artificio opificis Dei. O gloriosum inuentum! O sacram scribendorum librorum artem, cuius ea est incomparabilis nobilitatis celsitudo, & sublimitas, vt suam originem in illas supremi Architecti omnipotentes manus referat, quæ hanc tam vastam, & sumptuosam huius vniuersitatis machinam sunt fabricatæ! Pendant tibi proinde artes aliæ omnes tributa, & cedant de via, & locum supremum concedant, tua enim nobilitas parem nullam habet, genus tuum supra profapias omnes eminet, quantum coelorum orbes, vnde tu descendis, altitudine situs terram superant.

Cognatum est huic Capiti argumentum Periocha V. Dominica III. in Aduentum, To. 2. pag. 360. a. 8.

C A P V T VII.

Libri sunt validissima Ecclesie propugnacula, quibus detectis illam facile vastare, & destruere posse demon præsidit.

EX amplissimo genere, & ingenue nobilitatis dignitate, & heroica origine literarum sequitur, inquit sanctus Abbas Rupertus, vt eas non viles modò, sed & pernecessarias arbitrari debeamus. Res namque explorata est, quam intelligere quisquis facile possit, grauis momenti, & magno vsui futuram sacram hanc artem, cuius ipse Deus auctor primus haberi, & inuentionem sibi tribui voluit. Quotidiana experientia idem nos docet, & demon ipse facis

tis indicat, cui plurimum à libris damni, & impedi-
menti affertur, vt proinde anxius, & rabidus varijs
Orbi stratagematis ad literarum perniciem, & libro-
rum exitium vtatur, quoddam videat, talibus se armis a-
ccerrimè oppugnari, & grauissimè offendi, easq; esse
& validissimas arces, & fortissima propugnacula,
quæ sibi Ecclesia excitauit, vt eorum præsidio aduer-
sus omne hostile periculum communia, & obual-
lata, & in tuto collocata securè agere queat. Sic fa-
tetur magnus Parisiorum Cancellarius Ioannes
Gerson, qui in lib. de laud. Scriptorum cap. 5. hæc
ait, quæ alibi quoq; commemorauimus: *Scriptor
Ecclesiam dicit, Ecclesiam armat, Ecclesiam custodit.*
Libri namque sunt thesauri, arces, & propugnacula
Ecclesiæ, quisque liber murus adamantinus est, &
quot characteres, tot vacerræ clathræ, quot sen-
tentiarum, tot valla, aggeres, fossæ, quot periodi, tot
machinæ fulminares, & quæuis dictio quidam pul-
ueris tormentarij est lebes, quo se illa contrà omnes
inimicorum suorum incurSIONES, eruptiones, impe-
tus tutatur, ac defendit. Libris fugantur cacodæ-
mones, confutantur eorum satellites Hæretici, con-
funduntur Gentiles, armantur Catholici. Itaque si
Ecclesiam destituerent libri, desperare eius salutem,
certumq; illius interitum, vt videtur, pertimescere
possemus.

In epistola, quam ad suum discipulum Timothe-
um S. Apostolus dedit; est quod meritò notetis.
Multa illi in ea epistola commendabat, sed hoc præ-
cipue: *Penulum, quam reliqui Troade apud Carpum,*
*Veniens affer tecum, & libros, maxime autem mem-
branas;* 2. Timoth. 4. 13.

De hac penula, quam conferri volebat Paulus,
nonnihil variant Interpretes. Sanctorum Hierony-
mi, Ioannis Chrysostomi, Theophylacti, & P. Di-
daci Ximenez in Lexico Ecclesiast. Verbo *Penula*,
sententia habet, fuisse lacernam, siue densam, vi-
lemque vestem, quæ suprà tunicam assumitur ad ar-
cendas à corpore frigoris, pluuiarumque iniurias,
quod satis indicauit Iuuenalis, cum ait:

Et multo strillaret penula nimbo.

Hic iam animaduertendum, quod de tota paupere
sua suppellectili domestica hæc sibi à venturo ad se
Timotheo omnino conferri Apostolus tantoperè
præcipit, nimirum *penulam, libros, membranas.*

Sed quid est, quod ex omnibus rebus suis hoc
genus vestitus simul cum libris adferri voluit? *Affer
penulam, & libros.* Voluit procul dubio eâ re signi-
ficare, quid sint libri in Ecclesia Dei, & tale quid ve-
lut dicere: *Quemadmodum penula, siue lacerna*

Tom. II.

defendendo à pluuijs, niuibus, grandine, omni-
que aëris inclementia, & temporum asperitate corpori
accommodata vestis est; sic libri tutantur vt lorica,
protegent vt scutum, retundunt vt cetræ omnes
ictus, impetus, assultus sacrilegorum inimicorum,
& coniuratorum hostium Catholicæ institutionis,
fidei diuinæ, & doctrinæ Christianæ, & orthodoxo-
rum dogmatum cæterorum.

Ira sensit deuotissimus Ioannes Gerson in lib. de
laude Scriptorum Tom. I. cum ait: *Non habent ty-
ranni depopulatores regionum, seu religionum effica-
cium machinamentum, quàm si libris ipsas spoliant.*
Sublati enim è medio libris
hoc faciunt tyranni Ecclesiæ, quod hostes ciuitati-
bus, quarum muros æquarunt solo, & portas affli-
xerunt terræ, & valla demoliti sunt, & arces, castel-
laque propugnaculis nudarunt.

Propheta Ieremias cum de vastatione, & destru-
ctione metropolis Ierusalitice ageret, & narrare in-
stitueret quomodo Nabuchodonosor per suos belli
duces hanc miserandam, & fatalem stragem illi vrbi
adornauit, & attulit, ita inquit: *Ingressi sunt omnes
principes regis Babylonis, & sederunt in porta media;*
Ierem. 39. 3. *Cum vidisset Sedecias rem Iuda hoc*
tanto ab eis studio curatum, vt in media porta, simul
atque ingressi sunt, sedem figerent, in pedes se dedit
velut desperabundus, & omnes viri bellatores fracti
animis fugerunt; ibid. v. 4.

Quænam fuerit illa porta media, sub varia Expo-
sitorum opinione dubium hæret. Relinquo hic ali-
orum hac de re placita, & aio cum Pagnino, Dauide
Kimhi, Vatablo, & Aria Montano, quod Hierusa-
lem vt triplici murorum ordine incincta erat, sic et-
iam tres habebat portas, quarum illa media voca-
batur, quæ murum medium transeuntibus viam a-
periebat, in qua & ludii literarij eiusdem vrbs, gy-
mnasiaque, & Academiæ constructæ erant, vbi artes
tradebantur, & in disciplinam se dabant, quicunque
scientiarum amantes erant. Colligitur id ex eo,
quod de magna illa prophetide Holda dicitur 4. Re-
gum 22. 14, habitasse in Ierusalem in Secunda, vbi ex
Paraphrasæ Chaldaeo erat *Academia, aut domus do-
ctrinae, & schola illius vrbs publica.*

Quid mysterij ergo habet, quod rex Ierosolymi-
tanus, omnesque illius procures, & militiæ præfecti
fugam inierunt mox vt suæ ciuitatis gymnasium ab
hostibus occupatum acceperunt? Quid eâ re do-
cere nos voluerunt? Illud utique, quod hic tracta-
mus, nempe quod Ecclesiæ hostes subigere illam, &
conficere non possunt, quanquam contrà Sponsam

T

Christi

Christi Catholicam, & Ierosolymam militantem coniurati veniant, & varijs eam persecutionibus exagitant, & infestis armis fatigant, & oppugnant, liberosque eius trucidant, & sanguinem innoxium fundant, & opibus temporalibus exuant, alijsque modis vexant, & affligunt: At cum eo progrediuntur persecutiones, ut portam secundam, siue mediam inuadant, & Vniuersitates euertant, & libros diripiant, tunc conclamat esse de illa, ruinaque eius, & certo securum exitium supremum deplorari posse.

Hanc rem luculentis verbis perspicue tradidit Abbas Trichemius in libro de amanuensis Scriptoribus, inquit: *Arma, quibus se contra hæreticos munit, libri sunt, quos qui vel distrabi, vel perire patitur, minus Ecclesiam diligere comprobatur, quam si maret. Et deberet, eam spoliaris armis nequaquam permittere.*

Audiamus quid de hac causa sentiat Magnus Aurelius Cassiodorus, qui in lib. de diuinis lectionibus cap. 30. sic eos, qui libros sacros, & alia Doctorum Ecclesie monumenta calamo impigro euulgant, & scripta omnibus legenda offerunt, dilaudat: *Ex la intentio, laudanda sedulitas manu hominibus praeferre, digitis linguas aperire, salutem mortalibus salutem dare, & contra diaboli serpeptiones illicitas calamo, atramentoque pugnare, tot enim vulnera Satanas accipit, quot antiquarius Dominus, verba describit. Verba caelestia multiplicat homo, & quædam significatione comprobabit, si fas est dicere, tribus digitis scribitur, quod Sacrosancta Trinitatis effatur.*

Pergit porro Magnus Senator, dicens: *Ospectaculum bene considerantibus gloriosum! Arundine currente verba caelestia describuntur, & inde diaboli caput Domini in passione fecit percuti, inde eius collisitas posset extingui. Multa sunt quidem, quæ de eam insigni arte referuntur, sed sufficit eos dici libarios, qui libri Domini iustitiaque deseruiunt. Arundine veteres utebantur ad scribendum, non calamo, ut nostrum hoc æuum, quod monuerim, ne quis parum aptè à Cassiodoro pennam antiquariorum scriptoriam cum illa de euangelio arundine compositam arbitretur. Librarium autem non infima, neque mediocris, sed insignis, & præcipua commendatio est, quod eos libri Domini seruire affirmat, idque verissimè: Nam quæ illi scribunt, quæ in papyrus conijciunt, & elaborant, illa è manu in manum, in regnum è regno, & ex natione alia, in aliam translata notitiam sacræ legis, & salutarium docu-*

mentorum, per quæ iustitia, æquitas, ratio inter homines conseruantur, omnibus afferunt, & offerunt. Si Cassiodorus in hæc inuenta admirabilis industria, & obstupescenda artis impressoria tempora incidisset, quid putatis dicere? Suprà sidera typographos extolleret, neque enim satis sublimes sedere putaret, si in ipsis stellis illorum solia collocaret, ut qui suo prælo plura edant intrà pauculas vnius dieculæ horulas, quàm agillimus Scriptor continuo totius anni labore, & expeditissimo calamo efficere possit.

Id mihi satis indicasse videtur Spiritus Sanctus, quando sacrorum Euangeliorum historiam, cuius ordo mysticus, & caelestis dispositio ipsis curâ, & suggestionem constituebatur, voluit ab hoc verbo, *Libri*, inchoari, dicens: *Libri generationis Iesu Christi*; Matth. 1. 1. vbi Glossa Angelica ex sententia S. Ioannis Chrysostomi ait: *Libri apotheca omnium bonorum*, myrthotecium, in quo reperire queas non solum quæ animarum necessitas requirit, vaguentia, verum etiam quæ ad voluptatem illarum spectant, pulpamenta, & oblectamenta, & repositorium, in quo monilia pretiosissima asseruentur. Videamus nunc, quod sit postremum verbum vltimi à Sancto Ioanne conscripti Euangelij. Quis finis, quo suam ille historiam coronat, & obsignat? Excusat se dulcissimus Christi Beniaminus, quod non omnia Domini miracula recensuit, propter rei longè operosissimam, & perardum ingentem difficultatem, & hanc imponit operi suo euangelico coronidem: *Sunt & alia multa, quæ fecit Iesus, quæ si scribantur per singula, nec ipsum arbitror mundum capere posse eos, qui scribendū sunt, libros*; Ioan. 21. 25. Nonne aduertitis, quod in libros desinunt fasti Ioannis Evangelici, & libros in ipsa suæ historię extrema periodo suauissimus cygnus cantat? Quid est, quod à libris sumit initium, & libris absoluitur, perficiturque Euangelium? Quid, quod & in prima Euangeliorum acie, & in postrema sunt libri? Factum hoc, ut intelligeremus, libros esse arma, quibus propugnandum Euangelium, & milites, qui prælio certare pro illius defensione debeant, & cohortes, turmas, copias valentissimas, quæ primæ in exercitu se hostibus obijcere, & eum postremis mouere in legiones Catholico nomini infensas, fidemque contrā fidei perduelles tutari sic possint, ut res alia æquæ ac libri, nulla possit.

Itaque dæmon ipse dixit, & confessus est, nocentiores, perniciosioresque copias contrā se, suosque sequaces produci non posse, quàm librorum, ipsosque sublati

sublati facile posse disperdere, & in ruinam detrahere Ecclesiam Dei: *Tolle Diuum Thomam, & dissipabo Ecclesiam*, aiebat ille per quendam suum excursorem, & emissarium ex transfuga, & perfidioso monacho quinti euangelij Lutherici non postremum, neque segnem propagatorem. Hanc confessionem ab illo extorsit potentia pietatis Dei, vt ex ea intelligeremus, quantum præsidiij, & auxilij Ecclesia à libris habeat, & quantâ curâ, quantoq; opere conseruare eos debeamus, quando tenebrarum rector, & capitalis noster inimicus sibi facilem promittit totius Ecclesiæ euerfionem, dum ea modò nullam habeat à libris tutelam, dum arces iſtæ deſiciantur, dum talibus armis, & propugnaculis nudetur.

Absoluam huius Capituli pensum quadam gnome, quâ venerabilissimus magister spiritus Thomas de Kempis suam hac de re sententiam aperuit, cum serm. 20. sic ait: *Si mercedem suam non perdet, qui calicem aquæ frigidaſcientis porrigit, quantam mercedem recipiet, qui anima perpetuò victura salutaris sapientia aquam scribendo ministrat?* Quot enim literas debite formas, tot Deo hostias laudis offers. Magnam hæc consolationem adferre debent illi, quemcunq; hic scribendi labor occupatum habet, quiq; hoc studio tenetur, vt libros calamo conficiat, ex quibus non corpora paulò abhinc moritura potum frigidæ, sed animæ sempiternum victuræ alimoniam spiritualem, & Ecclesiæ suam tutelam habere queant: *Quot enim literas debite formas, tot Deo hostias laudis offers*, quisquis sancta, & vitia scribendo Dei Ecclesiam ad probitatem, & pietatem informas. Nam vt Ecclesiæ præſidium sunt libri, vt animarum castrum validissimum sunt libri, vt duces per viam, quæ fert ad Superos, sunt libri, sic nihil mirum, quòd Domino gratissima sacrificia litare, & immolare hostias laudis feratur, qui eiusmodi præſidia parat, qui talia castra construit, qui duces tales procurat.

Sunt namque libri arma Clericorum (itè consequenter ad superiora dicebat sanctus vir Thomas de Kempis) *ornamenta Ecclesiæ, diuitiæ, & thesauri Doctorum, tuba Sacerdotum, solaria Religioſorum, epula deuotorum, testamenta Sanctorum, luminaria fidelium, seminaria Virtutum, organa Spiritus Sancti. Benedicite ergo manus scribenti, & benedicite digiti in tali opere occupati.* Quidquid expeti potest, quod siue ad exornandam, tutandam, fouendam, consolidandamq; Ecclesiam pertinet, siue ad hostes illius offendendos, eorumq; calumnias retun-

dendas, & confutandos errores spectat, hoc abundè, affluenterq; reperitur in libris. At si tanta scaturiunt è libris commoda, tot proficiſcuntur emolumenta, semel ac millies affirmo, quòd centies millies felices sunt manus, & fortunati digiti eius, qui eorum diligente, assiduâq; operâ huc vſus est, vt libros sacros, spirituales, pios, & communi Ecclesiæ bono, animarumq; saluti profuturos publicis monumentis consignaret, & posteritatis memoriæ, vſibusq; sempiternis traderet. Qui enim Reip. catholicæ libros relinquit, idem arma cudit, thesauros exhibet, offert diuitias, ministrat lucem, caſtella excitat, erigit turres, propugnacula construit, obijcit valla, speculatores, & exhibitores constituit, quibus charissimam, dilectissimamq; Iesu Christi Sponsam defendat, tutetur, propugnet.

Hinc accipiat noster Politicus, quanti æſtimare debeat libros sacros, spirituales, deuotos, cæteraq; scripta, quæ ad communem Ecclesiæ, animarumq; vtilitatem faciunt, ex his enim fideles habent arma offensiua, & defensiua, alimoniam, & lucem, vitam, & consolationem, diuitias, & thesauros spirituales, & alia sine numero commoda spiritualia, quæ experientia monstrat, & docet. At si quis pluribus explicatum videre cupit, quæ sit dignitas librorum, quantaq; emolumentorum ingentium accessio ad bonum publicum ex ijs sit facta, legat eruditum memoriale, quod magno Philippo, & potentissimo Regi nostro inscripſit, & de literarum priuilegijs, immunitatibusq; conscripſit doctissimus, & ad miraculum sapientissimus D. Antonius de Cabreris, & Auendanno honor, & decor nationis nostræ, cui exteri omnes suam rerum humanarum, diuinarumq; peritiâ inuidere possunt, exæquare vix pauci. Huc Politicum nostrum remitto, vt ex eius lectione in cupiditatem, amoremq; literarum prorsum accendatur, & exardeſcat.

CAPVT VIII.

Plusquàm vanum, & otiosum est certamen armorum cum libris, quomodo enim his illa non porrigant herbam, non offerant tanquàm triumphatoribus coronam, si gladij calamarum scriptoriorum impendijs viuunt, & armorum memoriam literæ solſcitant, & conseruant?

EX his, vt mihi quidem videtur, absoluemus litem, dirimemusque controuersiam illam acrem de mutua LITERARVM, & ARMORVM præſtantia, & excellentia. Quæ enim superiori capite dixi-

mus, ea pro literis haud dubium sic pronuntiant, ut vana sit altercatio armorum, editoris, digniorisq; literarum solio locum ambientium, sublimior namq; sedes debetur Sapientiae tanquam principi, & reginae omnium rerum, ut quae per illam regantur, & gubernentur.

Quando innoxius David infantum regis Saulis furorē declinabat, in ciuitatem Nobe confugiens ad sacerdotem. Abimelech se recepit, confectisque mandatis tanquam à rege acceptis satellitio suo anonam impetrauit. Cumque arma simul postularēt necessarii, datus est ei gladius, quo in Valle terebinthi gigantem Goliath obruncauerat, quod cum iuuenis pastorculus exemplo nunquam viso, & inaudito facinore patrasset, ut rei illius gestae memoria esset sempiterna, gladium, quo eam perfecerat, posuerat in loco publico Israelitae recondiderant, de quo sic habet Scriptor sacer 1. Reg. 21. vers. 9. *Ecce hic gladius Goliath Philisthae, quem percussisti in Valle terebinthi, est inuolutus pallio post Ephod.* Ephod, ut communis sententia perspicue habet, erat vestis sacerdotalis, cuius sit crebra in sacris literis commemoratio. Iam & hoc passim receptum, quod sacerdoti incumbere debet habere animum bene excultum literis, instrumentum sapientiae, & scientiae, talemque, qui esset omnis eruditionis quoddam velut conditorium, & ararium. *Labia enim sacerdotis custodient scientiam, & legem requirunt ex ore eius, quia Angelus Domini exercituum est;* inquebat Malachias Propheta cap. 2. v. 7.

Quid ergo sibi vult, quod gladius post Ephod erat, neque conspicuus, sed obscurus, & inuolutus pallio? Qui priorem locum tenet, eo ipso suam eminentiam, & excellentiam ostendit. Tempus prodegero, si quod ad hoc probandum verterem. Quod itaque in priore loco fuit vestitus sacerdotis, in cuius pectore sedem sibi scientia vendicabat, in posteriore gladius militiae instrumentum familiarissimum, id factum, ut significaretur, quod primas habere literarum, principemque locum occupare semper debent, ubique cum armis concurrunt, studioque librorum praecedere tractatores armorum, & bellorum duces Musarum alumnis, ac Doctoribus concedere, milicium enim omnia, quantumvis illustria facinora, obliuione velut sepulta, & tenebrarum pallio inuoluta iacerent, nisi lucem illis literarum suam affunderent.

Robur his accedet ab re quadam memorabili, & admirabili, quam Iosephus narrat de illo summi ex veteri Testamento Pontificis Rationali, quod ille pendulum ante pectus gestabat duodecim insigni-

tum caelatis gemmis in monimentum duodecim Tribuum. Res ea talis est. *Quando summus sacerdos comitem se adiungebat copiis Israeliticis in aduersas acies contendentibus, priusquam exercitus se moueret, tantus fulgor ex eis emicabat, ut toti populo facile innotesceret, adesse Deum, opemq; & auxilium suum esse laturum.* Sic ille antiquitatum Iudaicarum lib. 3.

In illo summi sacerdotis Rationali haec verba, *Doctrina, & Veritas*, scalpro exarata erant. Sic enim dicitur Exodi 28. vers. 30. *Pones in Rationali iudicij Doctrinam, & Veritatem qua erunt in pectore Aaron.* Quid mysterij habeat, quod margaritae Rationalis, quod praeferebat Doctrinam, institutionem, sapientiam, inter media arma, & in prodeunte ad pugnam, exercitu sic exerebant fulgorem suum, tamque splendide radiabant, ut Iosephus fateatur, *praeter naturam, & consuetudinem* fuisse, quod ab illis pretiosis lapidibus tunc fiebat? Bella non armorum tantum industriam, verum etiam literarum vi, & peritiā conficiuntur, nec gladio solum dimicatur, sed eruditione quoque, neq; vna brachij fortitudo acies hostiles fundit, prudentiae manus partem etiam quandam, neque exiguum iterat, & extinguit. Quod ergo tunc, quando cum hoste conferenda erant signa, lapides illi pretiosi praeter naturam exsplendescabant, & supra consuetudinem effulgebant, tamque prodigiose Rationale, in quo insculpta erat *Doctrina, & Sapientia*, radios inuicatos per omnem late exercitum effudebat, id factum, ut intelligeremus, quoties concurrunt, aut sibi mutuo occurrunt gladius, & calamus, toga & sagum, galericulus doctoralis & galea, armis semper esse illustriores literas, & oppido plus lucis mundo inferri à doctis, quam à fortibus, nec tam fulgentes radios à manu valida venire, atque ab animo sapiente. Itaque in rationali praeferebat *Doctrinam* voluit Dominus elucere felicitis euentus belli prognosticum, & optatae victoriae securitatem praesagium, ut velut in praelijs prudentia, quae ad sapientiam spectat, plurimum triumphat, & consilium, quod ad scientiam pertinet, hostem potissime subigit, sic ubique degladijs calami, literarum de armis triumphent.

Querunt sacri Expositores, cur Princeps aeternitatis, qui mox ut natus, in praesepe depositus fuit, ut eadem demissa humilitate vanas caduci saeculi pompas rideret, damnaretque, voluit ab Oriente ad se accedere tres Reges, ut abiectis ad pedes eius suis coronis ipsum regem iurarent, & Deum suum susciperent, ac suspicerent: *Cum natus esset Iesus in Berthe-*

hem, ecce Magi ab Oriente venerunt Ierusalem, inquit Beatus Matthæus c. 2. v. 2. Quo autem animi consilio accurrerint, ipsi luculentis verbis aperuerunt, dicentes: *Venimus adorare eum*; ibid. quodq; iter tam prolixum, & periculosum suscepimus, id fecimus, ut ad recens nati Principis tanquam regis regum, & Imperatorum Imperatoris diuinas plâras regia sceptrâ, diademataque nostra pro debissimo religiosæ obseruantia cultu deponamus. Cur istam à Magis expetiit tam tenera in ætate reuerentiam, & adorationem?

Respondent sanctus Augustinus, Beda, Haymo, & Christianus Druhmarius, hoc voluisse, ut cognosceretur, quam verum fuerit, quod Propheta Euangelicus præuiderat, qui de admirandis huius gigantis infantis facinoribus, rebusque per illum gerendis loquens aiebat: *Antequam sciat puer vocare patrem suum, & matrem suam, auferetur fortitudo Damasci*; Isa. 8. 4. Alij legunt: *Suscipiet virtutem Damasci*. Ex hac parte, ut multi voluit, fuerunt oriundi Magi, Damascus enim ad plagam Syriæ Orientalem sita est. Quod ergo propheta ait, quod suscipiet, siue auferet virtutem Damasci, tale fuit, ac si dixisset, attracturum ad se istos reges magos, ut de ijs triumpharet, infusâque illis verâ sui agnitione ipsos subigeret.

Sed cur illi magi, siue sapientes vocantur *fortitudo*, aut *virtus* Damasci? Pugnaci militi hoc nomen relinquatur, non literarum studiosis detur, Martis, non Musarum alumnis ea tribuatur appellatio, ductores exercituum, non doctores scientiarum vocentur fortes, ac robusti. Qui autem factum, quod Propheta, velut per obliuionem, literatos donauit nomine, quod armatis deberi, magisque congruere videretur?

Respondet sanctus Ioannes Chrysostomus: *Ideo sapientes dicti sunt virtutes Damasci, quia virtus inuiscensque prouincia sunt sapientes ipsius*. Quod Magi appellati fuerunt cor arboris reipublicæ, arces ciuitatum, animæ corporum, oculi caput pollicorum, robur prouinciarum, Soles stellatum Communitatum (hæc enim omnia, & his plura significatur eo verbo *fortitudo*, seu *virtus*) id propterea factum, quod sapientes sint arbores, quæ inumbrent & fructificent, arces, quæ defendant, animæ, quæ dent vitam, robur, quod confirmet, oculi, qui ducant, & Soles, qui illuminent. At si hæc omnia sunt Sapientes, manifestum est primas sedes, editissimâ subsellia, excelssima folia concedenda literis, tanquam reginis, quæ auctoritatem merentur ma-

giorem, & ampliorem dignitatem, & locum sublimiorem.

Sed quid inani labore delassor, dum rem operose probo nulli dubiam, omnibus exploratissimam, cæcis penè conspicuam? A quo habent vitam, à quo memoriæ suæ perdurabilitatem arma? Quod à literis id habeant, Solis luce clarius est. Quorum studio seruantur ab interitu memorabilia gladiatorum facinora? Nonne calamorum scriptoriorum sumptu, & impendijs? Quis obliuionis inuidiâ, & edacis temporis iniurijs nequicquam repugnantibus, semper virentem conseruat recordationem rerum à viris inclytis, & heroicis præclare gestarum? Libri, præterque illos aliud nihil. *Quis Alexandros sciret, aut Cæsares* (aiebat Ioannes Saresberienfis de nugis Curial. in Prol.) *quis Stoicos, aut Peripateticos miraretur, nisi eos insignirent monumenta Scriptorum? Quis Apostolorum, & prophetarum veneranda imitaretur vestigia, nisi eos posteritati diuina litera consecrasset?* Monarcharum, Imperatorum, Regum, Principum, Heroum, Alexandrorum, Hannibalû, Pompeiorum, Cæsarum, Aristotelum, Ciceronum, denique omnium, quotquot laude aliquâ floruerint, memoriâ vorax obliuionis flamma depasta fuisset, nisi pij Enææ, Scriptores inquam, illorum facta è medio igne sublata posteritati sospicassent. Ne diuinæ quidem actiones, aut Prophetarum, Apostolorum, aliorumque sanctissimorum virorum exempla nobis innotuissent, nisi literæ sacræ secutus ætatis consecrata ad nos transmississent. In libris velut marmore sculpta perdurant eorum laudabilia gesta, ut ea, dum intelligimus, imitemur, & sequamur, dum legimus.

Ad confirmationem suæ sententiæ addit mox Saresberienfis, ubi supra: *Eadem est asini, & cumuis Imperatoris post modicum tempus gloria, nisi quatenus memoria alterutrius Scriptorum beneficio prorogatur. Quot, & quantos fuisse arbitraris Reges, de quibus sermo nusquam est, aut cogitatio? Nihil ergo consiliofius est captatoribus gloria, quam literarum, & scribentium maxime gratiam promereri, inutiliter enim ab alijs geruntur egregia perperuis tenebris obducenda, nisi literarum luce clarescant.*

His robur adiungitur ab eo, quod cum non exiguo acumine dixit ille grauis, & ab omni affectus iniquioris perturbatione vacuus historicus Nicetas Cotoniates in prologo suæ historiæ, cui tantoperè applaudit Iustus Lipsius: *Non abs re liber viuentium appellatur Historia, & tuba clangor, quo iam olim mortui velut è sepulchris excitati in medium produ-*

censur. Cum historia sit archiuum, siue chartophylacium, in quo reposita seruantur quaecumque à viris magnis præclare ac magnifice gesta, non absque causa liber viuendum nominatur, aut buccinæ sonitus, quo ij, qui in crassis fatalis obliuionis tenebris sepulti iacebant, in vitam, & memoriam hominum reuocantur, sic vt nomen eorum, & fama per omnes ex ordine ætates, à sæculo alio in aliud, & per omnem latè terrarum orbem perferatur.

Quàm verò eleganter dictum à Niceta, quòd literæ, libri, historia, sunt *tuba clangor, quo iam olim mortui velut è sepulchris excitati in medium producuntur*! Vt enim tuba illa, quæ ante stupendum, & vniuersale iudicium inflabitur, redanimabit defunctos, mortuorumque viuos ad sua cadauera reuocabit spiritus: sic non reuiuiscerent gladij, nisi hoc facerent calami. Et omnis pridem extincta iaceret militum, armorum, victoriarum recordatio, nisi libri, & homines literarum studiosi eam sospitassent? Quid conduceret debellasse regna, in suam ditionem pertraxisse prouincias, subegisse Imperatores, nauigasse maria, nouos inuenisse mundos, nisi eorum omnium in libris vigeret memoria? Ergo quilibet Scriptor est velut quædam supremi iudicij buccina, quæ resuscitat mortuos, reddit spiritum defunctis, egregie factorum memoriam facit perennem, testis est temporum, & vita memoriæ, & magistra vitæ, & nuncia veritatis, & exterminatrix obliuionis, & extinctæ resuscitatrix gloriæ, & sepulcorum excitatrix triumphorum, quæ hominum, rerumque alioquin mortalium, & fugitiuarum immortalem, constantemque, & æternam facit recordationem.

Nonne manifestò, perspicuèque suffragatur huic causæ sanctus Hieronymus, cum in prologo secundo in Iob. Tom. III. Glossæ Ordinariæ de sua translatione historiarum patientissimi illius patriarchæ ex Hebræo in latinum sic ait: *Quomodo post probationem, atq; victoriam duplicata sunt ei & vniuersa reddita, ita ego in lingua nostra (Et audacter loquar) feci eum habere, quæ amiserat?* Postquàm prodigium in illud tolerantia rerum suarum omnium iacturam fecerat, alterum tantum illi bonus Dominus reddidit, quantum malus dæmon ademerat. Apud eos, qui sciebant latinè solum, talis erat sanctus Iob, qualis qui nec perdidit quidquam, neq; recuperauit, prorsumque incognita illius patientia, & æquanimitas. Dicit nunc magnus Hieronymus: Quæ de sancti Iobis vita, moribusque hebraicè scripta erant, ego latinè reddidi, eoq; meo laboriosæ operæ studio factum, vt illius nunquam audita patientia palam

fieret, & innotesceret quòd facultates illi altero tanto auctiores, liberi autem pari numero, quo perierant, redierunt, ergo per me (vt hoc fidenter affirmem) recepit suas opes, & ego suam illi patientiam reddidi, tolerantiam resuscitavi: *In lingua nostra (Et audacter loquar) feci eum habere, quæ amiserat.* Nisi enim ille ea latinè conscripisset, velut humi iniectu obruta, sepultaque mansissent sancti Patriarchæ Iob virtutes, & præclare facta, quæ tanquàm infecta fuissent ijs, qui non cognouissent. Benè ergo dicimus, quòd calamus antiquata innovat, extincta suscitatur, Scriptorq; collapsa erigit, & Libri viuam defunctorum faciunt memoriam.

Eapropter dicebat Gilbertus ferm. 47. in *C. t.* *Scriptura memoria reparatrix est, tunc verbi membra illuc condit, seruantur enim illa, sicut etiam irrevocabile verbum, nisi scripto mandetur. Scriptura verbum stabile facit, & visibile. Bonæ depositaria est liber, integrè quod acceperis, resignans. Cum Gales, sumes, & ibi Gales, leges, quamdiu Gales, moraberis.* Omnino quoddam velut statumen, & fulcimentum collapsæ memoriæ est scripta historia, vindex obliuionis, conseruatix posteritatis. Omnes illi securè credideris medicinas, quas illa integras, recentes, inoffensasque seruat. Decurrit, effluit, euanescit verbum, opus, res alia quælibet, nisi intrà librum recondas, qui facit, vt oculis etiam vsurpemus, quod solis auribus percipiebamus, & quæ semel facta sunt, nunquàm interdicant. Rerum creditarum nullus alius tam fidus custos, atque liber, qui reddit omnia, qualia ea cunq; accepit. Viunt in illo, quæ pridem occiderunt, in illo licet intueri præterita, videre præsentia, coniecturâ prospicere, quæ sunt futura. Non feriret absque calamo gladius.

In postremis testem huc accersiam Flauium Vegetium, qui cum ipse militiam sectatus fuerit, absque gratiæ, vel similitatis suspicione fuerit, quidquid pro literis, & libris affirmarit. Is verò in libro suo de re militari, cap. 10. sic habet: *Apud Veteres res militariæ in obliuionem sapientius venit, sed à libris repetita est.* Præliandi artificium, militandi disciplina, bellica scientia olim penè tota apud homines interijt. Quonam autem modo instaurata fuit? *A libris repetita est;* Libros consulebant, & ab ijs accipiebant, quo actu circumscribendus hostis, quibus stratagematis expugnandæ vrbes, quæ figura armorum seu offensiuorum, seu defensiuorum, quibus machinis derijciendi muri, euertenda propugnacula, conquassandæ turrets, quo ordine digerendæ cohortes, collocandæ

cæde turme, & quidquid ad rei militaris vsu pertinet.

Transferamus hæc nunc in rem præsentem. Aristoteles ait, quamlibet rem superiorem esse, præstantioremque eam, cui dat suum esse, vt causam effectui, fontem riuulo, luce Solem, eod quod affectus à causa, riuus à fonte, à Sole lux quidquid habet, accipiat. Si ergo armorum vitam literæ sospitant, fortiter gladio gestorum memoriam calamus ab interitu vindicat, illustrium facinorum lucem Sol librorum conseruat, si miles apud superstites per eos, qui historias post se reliquerunt scriptas, perennat, manifestum, exploratumque est, libris sedem præcipuam, prima subsellia, solum honorificentissimum, thronum regium, coronam, laurum, palmam iure, eoque magno, deberi.

Sed quid aliudè diu operosè conquirimus argumenta, quibus hanc rem confirmemus, qui ad manum habemus, quæ testatissimam eam omnibus faciant? Luctabantur mutuo, quod dictum iam sæpè, in obscura materni vteri palestra duo fratres Esau, & Iacob. Exterrita matrem Rebeccam tam portentosus suorum gemellorum conflictus, cumque ea de re diuini consulere oraculum, id responsi habuit: *Maiores seruus minori*; Genes. 25. 23. Quodnam fuit minoris studium, quæ occupatio maioris? Sacer historicus, utrumque scriptum reliquit. De minore sic ait: *Iacob habebat in tabernaculis*; Genes. 25. v. 79. quod Chaldaus Paraphrastes, vt dictum supra, reddidit: *Erat minister domus Doctrina*; hoc est, frequentabat scholas, diuinæ, hoc est, veræ sapientiæ operam dabat, politicus coelorum erat. Sanctus Ambrosius lib. 2. de Iacob. c. 3. in eundem

sensum illud interpretatur, dicens: *Cedis hoc in encomium literarum, quia Iacob creditur fuisse morum studiosus, & peritus*. Esau aliud vitæ genus fuit consecutus: *Vix enim gnarus Genandæ fuit, & homo agricola*; Gen. 25. 27. atque illud quidem initio, post hæc verò etiam militem egit, armisque sibi victum parauit, quod facturum pater eius spiritu prophetico prædixit, inquit: *In gladio viues*; Genes. 27. 40. omnis tua in bellicis tumultibus vita decurreret, militiæ, quantum non rei alteri cuiquam, studebis. Iacob ergo literarum, armorum studiosus Esau fuit, illum libri occupatum habuerunt, hunc tela, gladius, bipennes. Spiritus S. ergo, velut de tota causa hac pronuntiet, ait: *Maiores seruus minori*; miles literato cedat. Et pater, tanquam eidem sententiæ subscriberet, inquit: *In gladio viues*. militem ages, tractabis arma, & quod hinc fit, *seruus fratri tuo*, cuius totum est in libris studium, & omnis in literarum curriculo exercitatio. Propterea Esau, vt monet B. Ambrosius, non habuit cur ab ea prouocare sententia posset, *quia non conditio fortuita seruum facit, sed probrosa insipientia*. Quod ergo Esau Iacobii pro famulo fuit, id non aliunde venit, quam quod amicus fuit, Iacob verò doctus, & peritus, quodque Esau postpositis literis totum se armis tradidit, cum Iacob econtrà spretis omnibus bellicis instrumentis in literarum studia toto pectore incubuit. Sit ergo miles seruus docti, palmam sibi scientia habeat, sapientiæ deferatur laurus, triumphante de armis literæ, atque vt cum latinæ eloquentiæ Parente dicam:

Cedant arma toga, concedat laurea lingua.

LIBER SEXTVS.

CAPVT I.

Qui delicijs innurritus mollem diuiculè vitam consecutus fuit, is quantalocumq; labore mox frangitur, ac de vita sibi timet, quantumuis leue sit, & exiguum, quod illi molestiam qualemvis adferat.



Eius Lacedæmonum, siue Spartiatarum consuetudo hoc habebat, vt natos liberos frigidâ extemplo ablueret, ardore Solis, & æris inclementiæ exponerent, vt à primulis statim horris discerent pati molestias, durarenturque ad labores, & ferre aspera consueuerent. Qui enim à puericia aluntur, venenosis, vel nutri-

untur eicula, talibusque edulij passim vtuntur, ijs toxicum posthæc vitam non eripit, sed fouet, ac sustentat, sic vt illi inde viuant, vnde moriuntur alij. Econtrà verò qui assueuerunt molliter cubare, aut vestire, epulari splendide, cuticulam delicate curare, indulgere genio, seruire abdomini, consecrati voluptates, ducere in bonis dies suos, ij in tantilla quauiscunque calamitatulæ aqua fluctuant, & si in lutum perexigui cuiuspiam incommodi incidant, suffocantur, & in omni vado, quantumuis leuis laboris, naufragium faciunt.

Efferebatur insolenter gentilis famula Agar, quod se ex Patriarcharum maximo Abrahamo concepisse videret, aspernabaturque dominam suam Saram, hoc

hoc est, ipsam felicitatis suæ portam, & quæ illi omnem beatitatis occasionem ministraret. Periniquè hanc illa ferebat arrogantiam, adeoque grauius de ea apud maritum exposulabat, qui uxori plenam castigandæ improbæ ancillæ, & retundendæ eius superbiæ, contemptusque plectendi facultatem concessit. Vsa fuit datâ sibi facultate iniuriam passa domina, contumax autem ancilla, cum sanctæ, & piæ heræ suæ disciplinam, animaduersionemque ferre non posset, ædes suorum dominorum fugitiua destituit: *Affligente eam Sarai, fugam inijt*; Genes. 16. 6.

Sancti Augustinus, Ioannes Chrysostomus, Lyranus, Honcala, Pererius aiunt, Saræ correptiones, & animaduersiones in suam famulam fuisse moderatas, admodumque & tolerabiles, & conformes legibus charitatis, & rationis, atque ad harum perpendiculum exegisse poenas, quas ab insolente famula repetebat. Quæ cumica sint, cur fugit Agar? Cur ædes heriles ancilla deseruit?

Satisfacit huic quæstioni Abulensis dicens: *Ista castigatio moderata erat, tamen Agari hoc intolerabile videbatur, quia ex superbia non poterat inclinari Sarai, ista enim est conditio superbiorum, quod modicam humiliationem in tantum intolerabilem reputent, & putent se infimos esse, cum modicum humiliati fuerint.* Nihil durius, quam par erat, in suam ancillam Sara statuebat, Agari tamen ea dominæ suæ qualiscunque obiurgatio tam grauis videbatur, ut putaret non esse ferendo, idque præ immodica arrogantia, per quam fiebat, ut heræ suæ, spectatæ, & raræ virtutis foemina imperio submittere se non posset. Habent hoc, qui magnos habent spiritus, & superbis pascuntur cogitationibus, ut omnem defugiant disciplinam, & omni iussioni quantumuis leui impares suos esse humeros existiment: *Ista est conditio superbiorum, quod modicam humiliationem in tantum intolerabilem reputent, & putent se infimos esse, cum modicum humiliati fuerint.*

Tantumdem ijs accidit, qui delicijs, vitæque solutionis licentiâ sunt affuefacti. Si quid illis vel nonnihil laboriosum occurrat, si quod incommodum etiam exiguum obuenerit, intolerabile putant, quidquid obungat, cum omni ærumna finem vitæ sibi aduenire autumant, supremam horam arbitrantur, quæcunque illa sit, quæ molestiolâ quampiam adferat.

Nam ut dicit sanctus Gregorius Nazianzenus Iambico 19. Tom. 2. *Qui præter dignitatem affligantur miserabiliores sunt, quam ij, qui calamitatibus affuerant.* Insueti ærumnarum intolerabilius

eas ferunt, quam alij, qui ad illas obduruerunt. Qui semper fuerunt diuites, ijs acerbior accidit egestas, qui bonâ semper fuerunt usi valetudine, illos leuis facillè prostermit, & lecto affligit ægritudo.

Huic proposito peropportuni venient duo Hippocratis aphorismi. Primus lib. 2. Aphorism. 49. sic habet. *Qui consueti solitos labores ferre, etsi fuerint imbecilles & senes, non consueti fortibus ac inuenibus facilius ferunt.* Qui inter labores a soleuerunt, ij etiam grandæui alacrius, strenuiusque arduum quodcunque opus suscipiunt, perficiuntque, quam alij in pubescente, validaque ætate, cuius annos priores in otio maximè, & feriat exegerunt. Huius rei causam Galenus apud Hieremiam Triuerium in 2. lib. Aphorism. 49. hanc reddit, *quia partes exercitatae sunt robustiores. ignauus, maioresque sunt sæpe delassatorum, quàm semper inertium, & otiosorum vires.*

Proximus Aphorismus Hippocratis, qui est quinquagesimus, talis est: *Qua ex longo tempore consueuerunt, etsi deteriora sint insuetis, minus molestare solent.* Ex his consecutionem eiusmodi conficit: *Operes igitur ad insuetas permittant.* Qui solitus est cibis crassioribus vesci, non ei tantum detrimenti addert id genus esculentorum, quantum alteri qui cupedijs uti semper consueuit, & laucioribus, suauioribusque cibis innutritus fuit.

Apia, & comoda veniet rei præsentis acuta quædam annotatio Donati in maximum poetarum Virgilium describentem Æneæ ad inferos descensum. Ponit Poëta, in illum abditum, secretumque locum, qui animarum corporibus solutarum diuersorum erat, neminem penetrare potuisse, qui non Acherontis cymbam iniisset, atque illius fatalis portatilis pontis adminiculo eò prouectus fuisset. Ingrediebatur ergo in illam scapham cum Sybilla Æneas, quando nauicula illa, ut Virgilius canit.

*Stimul accipit aluo
Ingentem Æneam, & gemunt sub pondere
cymba,*

tantumque prægrauari cepit, ut aquam parte non vnâ solum hauriret, & parum à submersione linter abesset. Videtur nimio opere amplificasse Poëta laborantis nauiculæ pondus, quibus onusta erat, cum ait gemuisse sub pondere. Itanè verò prægrauare cymbam duo homines soli potuerunt, quæ alios innumeros ab hac parte in illam citiorem perpetuò transuectabar? Quid causæ? Respondet Claudius Tiberius, inquit: *Gemuit pressa insolito pondere.* Seruierat in illum diem scapha deferendis in aduer-

fam

nam ripam animabus, & spiritibus, qui cum nihil ter-
reum, & graue haberent, & corporum nudati pon-
dere essent, funestum lintrem etiam non premebant:
Verum cum Aeneas illum, & Sybilla inirent, *gemit
pressa insolito pondere cymba*, & praesentaneo submer-
sionis discrimini proxima erat. Quamquam enim
duae personae scapham vnā non nimium onerare
possint, illa tamen, quā multum grauari non con-
sueuerat, *gemit pressa* paruo quidem, sed *insolito*
nihilominus *pondere*. Qui enim non est affluens duris
laboribus, cuius non sunt soliti ferre pondera
grauiora humeri, is onera etiam exigua fert aegre.

Post rei profanae suffragium accersamus nobis tes-
timonium diuinum. Totā lacertorum vi compu-
gnabant magnanimus Patriarchae nostri filius, & va-
lentissimus quidam spiritus. Omni neruorum con-
tentione dimicabat Iacob, & Angelus tanquam vi-
ctus, & cedere coactus aiebat: *Dimitte me, iam e-
nim ascendit aurora*; Gen. 32. 26. dilucescit, & su-
us rebus color redit, & noctis caliginosae fugantur
tenebrae, age ergo, & me brachiorum tuorum com-
plexu exsolue, nec tam valide restrictum attine.
Hic Angelus robustiorē, & superiorem virtutibus
agnoscit Iacobem, a quo dimitti rogat. Quid est,
quod coelorum Palatinus, ille Deo semper proxi-
mus, ille tam strenuus, & praepotens spiritus ita fa-
tigatus, victusque fuit? Quamobrem tam citò de-
lassatus? Quid illius vires sic fregit, quid hebetauit
robur, quid fortitudinem compressit?

Occurrit quaestioni illustre Africae decus Tertul-
lianus lib. de carne Christi cap. 3. inquit: *Conlu-
tatus homini Angelus toto corporis pondere demitti
desiderabat ab eo, a quo detinebatur*.

O quam acutē, & aptē in rem praesentem dictum,
Toto corporis pondere demitti desiderabat! hoc est:
Ingenti corporis onere tantum non oppressus An-
gelus, fatigatusque illius grauitate percipiebat col-
luctatoris sui euadere manus, vt simul illam corpo-
ris laboriosam gestationem euaderet. Quale erat il-
lud Angeli corpus, quibusque rebus concinnatum?
Quamdiu onus illius circumtulit? Corpus erat
phantasticum, & fictitium, membra nil nisi leuis, &
densior aer, & vix paucularum horarum confectus.
Haecine verò fatigauerunt Angelum, haecine affixe-
runt, & opprulerunt? Tantamne illi lassitudinem,
& anxietatem pugna tam celeriter confecta attulit,
vt *Toto corporis pondere demitti* desideraret? Immo.
Et quod de Angelo illo Tertullianus affirmat, tale
est, ac si dixisset: Angelus vt erat purus spiritus, &
ferre pondera nunquam solitus, ita cum onera cor-
Tom. III.

poris, quamquam leuissimi, & ex aere concinnati,
circumgestaret, tanquam lassitudini obnoxius esset,
sic velutangebatur, & affligebatur, & anhelabat,
orabatque, & obsecrabat, vt abire libero, & molestū,
atque intolerabile onus abijcere liceret. Hoc omnes
habent, qui incommoda nulla ferre soliti totam in
lautitijs blandē, ac suauiter exegerunt vitam, cuius-
libet aeris aspiritus eis noxius est, quodlibet frigus
bonam valetudinis illorum harmoniam soluit, qui-
libet calor eos extinguit, quaelibet infirmitas eos de-
ijcit, quaelibet aerumna frangit, quaelibet poena ma-
ctat, quilibet dolor contristat, quilibet victus rudi-
or aegritudinem illis adfert, & stomachum, ac bilem
mouet, molestusque est, & grauis atque intolerabi-
lis accidit.

Plurima monstrū illud impietatis, & crudelitatis,
Neronem dico, incessere, & vexare ceperunt, *ser-
uebaturque*, vt Suetonius in vita illius cap. 46. ait,
evidentibus portentis somniorum, necquicquam illi
per quietem occurrebat, quod non vehementer e-
um percelleret, conturbaretque, proque manifesto
magna, & certo securitatis infelicitatis praesagio, siue
prognostico haberet. Quid causae, quod inhumana,
ac praeferoce Principem sua tam vehemen-
ter exterrebant insomnia? Illud, quod *nunquam
ante somnare solitus fuit*, nunquam similia phantasma
passus fuerat, nunquam talia per visum no-
cturnum acceperat, nunquam dormienti secundum
quietem occurrerant, itaque quidquid somniabat,
id illi terrorem adferebat, quietemque interpella-
bat, & animum ceu immanis carnifex laniabat. Qui
enim non consuevit laboribus, & rebus duris, quā-
tumuis leue sit, quod illi accidit, montem putat, &
scopulo grauius onus.

Tertullianus cum de sensuum deceptionibus,
quas illi patiuntur, agit, in libro de anima cap. 17.
ita scribit. *Tactus reprehenditur, siquidem eadem
pauimenta manibus asseriora, pedibus leuiora credū-
tur*. Et Paulus infra: *De scabro, ac laui merito ma-
nus, ac pedes, tenera scilicet, & callosa membra, dis-
sentiant*. Vt sensus reliqui, sic & tactus fallaciae est
expositus. In duro solo, quod calcamus, id manife-
stē videas. Pertransit pedum planta salebras, filices,
loca inaequalia, & aspera, & non ea defugit, non de-
clinat, non auersatur, eadem si fortē manus contin-
gat, extemplo offenditur, & dolet. Qui sit autem,
quod res eadem tactui in manibus sensum doloris
adfert, in pedibus nihil officit, aut incommodat?
Causam Tertullianus expressit, dicens: *Tenera scilicet,
& callosa membra dissentiant*. Manus delica-
V u tiores

riores sunt pedibus, hi enim rebus scabris, ac duris assueuerunt, & totam corporis molem ferre soliti sunt, manus non ita, neque enim ad tam molestant, tamque laboriosam operam natae, neque simili asperitati sunt expositae. Quid ergo mirum, quod manus ea horrent, quae non fugiunt pedes, illaque offendat, quod his nihil doloris adfert? Nam qui non est doctus ferre labores, qui rebus aduersis, & incommodis non assuevit, is qualibet calamitate, quantumvis exigua inquietatur, angiturque, & frangitur animo toto.

Quærit magnus ille militaris artis magister Flavius Vegetius, quibus è locis consultius deligantur milites, ex vrbibusne, an ex pagis, & campo, quosque homines satius sic conscribere, delitijne innutritos, delicate vestire, & laute vivere solitos, an inter glebas natos, & duris laboribus à cunabulis assuetos. Respondet autem lib. 1. de re milit. cap. 3. utramque videri otiosam, & superuacaneam quaestionem, inquit: *Nunquam credo potuisse dubitari aptiorem armis rusticam plebem, quae sub dio, & in labore nutritur, solis patiens, umbra negligens, balnearum neglecta, delictarum ignara, simplici animi, paruo contenta, cui gestare ferrum, fossam ducere, onus ferre, consuetudo de rure est. Interdum tamen necessitas exigat etiam vrbianos ad arma compelli, qui ubi nomen dedere militiae, primum laborare, decurrere, portare pondus, & Solem, pulueremque ferre condiscant, paruo victu contenti, & rustici, interdum sub dio, interdum sub papilionibus commorentur.* Quomodo enim potest bonus esse miles, qui mollem, leuemque pileum cum dura, grauique galea derepente commutat, & ex otio vitae tranquillae ad bellicos tumultus subito transit, & per rudes campos vagus circumducitur, qui rheda nuper commodè vehebatur, & duro solo fessa, & fracta tum laboribus, tum itineris, aërisque iniurijs membra affligit, qui in molli culcitra suauiter cubare semper solitus, & inter suavis musices dulcisonos concentus educatus, posthac inter horribiles perstreperarum tubarum sonos agit? Qui non est natus ad labores, exotam habet defatigationem, otium doctus non est ferendo solitudine, & assuetus delitij ægrè fert quidquid molestiam qualemvis adferre potest.

Propterea Magnus Pater Basilus aiebat, consultum esse assuescere armis ærumnarum, & inclementiae temporis iniquioris, & duro strato, & cibo viliori, & incommodae habitationi, nam labores duritiam consuetudine exercitati minus graues ijs esse solent, qui se in illis exercuerunt, inquit ille homil. 2.

de ieiunio. Nescit homo quid de se fiet, omnemque sortis suae futuram conditionem ignorat. Fieri potest, ut varietas rerum, & vicissitudo illum è dulcis patriae commodis in tristem, poenalemque captiuitatem abripiat, & ex libero mancipium faciat, & ex delitij in vincula ferrea, & dura ergastula conijciat, propterea bonum est assuescere molestijs, & asperitatibus, ut si fortè maior quæpiam ærumna, & calamitas acerbior adueniat, & onus grauius irruat, à consuetudine fiant tolerabiliora, & minus afficiant, quæ pridem vsitata.

Cui enim insolens est pati, eidem etiam intolerabile, quidquid graue accidit, & dolorem incredibilem adfert, quod præter morem cruciat.

Id sanctus Gregorius Nazianzenus Iambico 12. his verbis indicauit:

Qui vincit etenim semper, is vinci dolet. Copiarum militarium ductor, qui diu beneuolente vsus fortunâ sub eius auspicijs hostem sæpe fregit, fudit, attriuit, & gloriosos ex illo triumphos sibi parauit, & in Famæ templo ad continuarum victoriarum suarum ostentationem signa, & vexilla, quæ vi ab illo exorsit, è tholo suspendit, si aliquando succumbat, insolentem aduersitatem suam, & sinistram casum & fert intolerantijs, & pluribus, amarioribusque lachrymis deflet, quam ille, qui variam fortunam expertus, eiusque inconstantiae, & mutabilitati expositus, nunc altum cacumen prosperitatis lætus tenet, nunc in profundo calamitatis extremae iacentem se deplorat. Ærumnarum namque pondera illud facit inolerabilia, quod sunt insolita, cuius autem humeri oneribus grauib, & molestis infelicitatum, ac miseriarum assueuerunt, is omnem magno animo fert aduersitatem, nec vlla tam est incommoda, cui se imparem poter.

Proximam habemus huius veritatis ex nostra historia confirmationem. Dixerat illa de Esau, quod *vir ignarus venandi* erat, posthac autem mox narrat illum, cum à venatione lassus rediisset, ad tabernaculum Iacob accurrisse, esuriemque suam, ac defatigationem confessum dixisse: *En morior, frater, fac mihi cocti tui lentis gratiam, vita namque me destituit, cuius hanc supremam, quam nunc ago, horam fore existimo.* Quid est, quod venatori. Esau tam acerba fames accidebat, ut se ex illa moriturum existimaret, nisi frater lentis edulio mox subueniret, & vicinam mortem depelleret? Quid est, quod se iam citò in mortuis numerat? Vnde arteriarum morum omnem iam conquieturum, & emigraturam è corpore animam arbitrabatur? Inde, quod cupidij, ut multi

multi notant, & lautis buccis, & perdicum, turdorum, leporum, taliumque lectionum, & deliciorum pulpamentorum comestione assueuerat. Non didicerat ferre famem, quam cum semel pari necessitas cōgisset, actum de vita statim putabat, clamans, *En morior*, & sepulchrum sibi parari rogans. Possunt hæc Politico nostro esse vsui, illiusque institutioni seruire, qui ut ne impingat, vbi Esau offendit, consule, prudenterque faciet, si rebus duris, & acerbis, grauibuscque assuescat, ut seipsum ad tantandum laboriosa, ad tractandum ardua, ad tolerandum molesta exerceat, ut leuius ferat, si quid aduersi accidat, consuetudo namque rebus operosis facilitatem adfert, & leuitatem his, quæ alioquin sunt molestæ, & graues.

CAPVT II.

Pœnitentiæ, & mortificationis opera dura sunt, & laboriosa, non quia verè ita res habeat, sed quia homines sic existimant.

HAC timida ignaui Esau voce multi illius similes in studio virtutis, & curriculo pietatis, & via, quæ fert ad saluationem, passim vruntur, quibus si ieiunij vsum præcipias, aut suadeas vestire cilicium, mox cum illo clamant, *En morior*, efficiunt saluti abstinentia, & inedia, & rudis ille vestitus, & multas infirmitates adferunt. Si dicas, ut in memoriâ innumerabilium flagrorum, quæ Saluator noster excepit, & pro expiandis tam multis suis flagitijs, quibus supremum Dominum, & amantissimum Deum sæpè grauitè æquè, ac turpiter offenderunt, carnem suam verberibus cœdant, talesque de seipsis pœnas sumant, miserabiles statim dant voces, *En morior*, dicereque audent, tale hoc esse, ac si seipsos occidere, aut iugulare iuberentur. Sed falluntur plurimum, neque enim aut flagellatio corporis interimit, aut ieiunium vitam conficit, aut pœnitentia necat, aut ciliciū mortem adfert, aut cæteræ carnis afflictiones, & opera pœnalia interitum afferunt. Et quid est, quod incolumitati suæ à nocturnis grassationibus peccator non timet? Quid est, quod non veretur cum alio de vita in duello certare, tamen ea res tam præsentaneo, & manifesto sit coniuncta cum periculo? Animaduertat ergo, & hoc sibi persuasum habeat, quod si pœnitentiæ opera sunt aspera, & acerbæ, terribiliaque, non tam in seipsis hoc esse, quàm apud hominum metulosorum, & ignauorum falsam existimationem, & imaginationem. Huic doctrinæ Politicus noster attendat, ut ne car-

ni, & sanguini aures præbeat, quibus formidini est afflictatio, & horrori omnis pœnitentia.

Appulerunt ad sanctam magni credentium patris domum tres illi venustissimi iuuenes, qui humanorum lineamentorum laruâ personas suas dissimulabant angelicas, quando ille gaudibundus de felici occasione, postquam & ad ædes, & ad mensam tam venerabiles hospites reuerenter, vehementerque invitasset, iique neutrum recusassent humanitatis officium, *festinauit in tabernaculum ad Saram*, Genes. 18. 6. eamque iussit necessariis epulo pinsere panes, *ipse vero ad armentum cucurrit, & tulit inde vitulum tenerissimum, & optimum*, ibidem v. 7.

Obseruauit Origenes in delectu Abrahæ, quod vitulum de toto grege optimissimum exemit. Sed quomodo hoc fieri potuit? Quomodo ille, qui sic *festinauit*, ut habet sacer textus, inter illam præproperam, & tumultuariam accelerationem aduerrere sensus rectè potuit, ut pinguisimum, & adiposissimum de tanto armentorum numero cerneret, ac discerneret vitulum?

Respondet Origenes hom. 4. *Licet per cuncta festinet, scit tamen quæ præcipua, & magna sunt, Domino, vel Angelis offerenda.* Quamquam arbitrari quis potuisset, tam incitatam pij, proluxi, & prope-rantissimi Patriarchæ festinationem illi impedimentum allaturam fuisse, ut iustum delectum, qui suæ temporis spatia requirit, facere non posset, nihil tamen offecit oculis maturatio, quod minus pecudem optimarum meliorem excernerent: *Licet festinet, scit tamen quæ præcipua, & magna sunt, Domino, vel Angelis offerenda.* Tale quidpiam ego affirmo de operibus pœnitentiæ, afflictationibusque carnis, & appetentiarum prauarum mortificationibus. Multorum opinio habet, quod ieiunia, cilicia, flagellatio corporis, stratum durius, & quæcunque talia ad carnis emaciationem, perdomitionemque illius faciunt, incommodent sanitati, & multas adferant infirmitates. Sed caro timida, & ignaua sensualitas, & versutus inimicus tantum talia dicunt, nec res tamen ita habet, quin immò abstinentia, quæ bonam valetudinem conficere videtur, confirmat eam, & conseruat, & vitam in annos longiores producit, ac fo-spitat. Attestari hoc possunt cœlestes illi eremorum incolæ, & interioris Thebaidæ habitatores, qui tota sæcula inter longas inedias, & continuata ieiunia, & corporis extenuationes perpetuas grandævæ exegerunt.

De ieiunio Sanctus Iulianus Archiepiscopus Tol-etanus in suis commentarijs in Nahum sic ait: *Le-*

ieiunium est mors virtutum, vita virtutum, est ieiunium pars corporis, decus membrorum, ornamentum vite, castitatis murus, ciuitas sanctitatis. Omnia hæc faceri ieiunij elogia vehementer probō, vnum tamen est, in quo nonnihil difficultatis inuenio, quod dicitur *ieiunium pars corporis, & decus membrorum.* Quod abstinentia sit internecio scelerum, gladius flagitiorum, sanctitatis vigor, & hospitatio, murus castitatis adamantinus, ars pietatis inuicta, id facile est intellectu: Verum quod sit pars corporis, & partium illius ornamentum, quomodo persuaderi queat, nescio, præsertim cum magis videatur imminuere, extenuare, & tanquam lima deterere corpus, & consumere, & membra eius squalore obducere, & marcida efficere. At erras, mi homo, inquit Sanctus Iulianus, pusillanimitasque tua, & vana imprudentis rationis apprehensio à vero te abducit, ieiunium enim non debilitat, sed roborat, & pœnitentia non est gladius interimens, sed panis confirmans, & vitam in eis reperis, in quibus inuenire mortem putabas, cum è contrâ sæpè morbos, mortemque incurras ex ciborum luxu, & deliciarum intemperante vsu, ex quibus & constantiorem incolumitatem, & vitam perdurabiliorem expectabas. Videre tale quidpiam licuit in illis tribus pueris sancti Prophetæ Danielis socijs, qui cum leguminibus tantum vescerentur, & stata ieiunia obseruarent, tam decentem formam, liberalemque, & elegantem speciem eis tenuis ille victus, & diuturnior inedia attulit, vt de eis facer textus ita pronuntiet: *Non sunt inuenti sales de vniuersis;* Daniel. 1. 19. ex omnibus adolescentibus, qui ad hoc nutriebantur, vt Regi ab intimis cubiculis essent, non fuit aliquorum tam grata Nabuchodonosoris oculis, quam Danielis, assecclarumque eius venustas. Ex quo arbitrari licet, quod ieiunium non enecat, non maciat abstinentia, sed ornat potius corpus, membraque illius honestat: *Est ieiunium pars corporis, decus membrorum,* maiorque ex illo pulchritudo nascitur, quod sædissimam turpitudinem allaturum videbatur.

Ecclesiasticus cap. 43. v. 24. ait: *Medicina omnium in festinatione nebula.* Difficilem sensum habent ea verba, siue natiuam, illorum significationem requiras, seu moralem inuestiges. Sed prætermittam varias expositiones, & pro solenni meo, quæ huc non spectant, dissimulo, & cum Hugone Cardinali, quod *pœnitentia dicitur nebula,* in sensu morali, & hoc nomine Ecclesiasticus omnia mortificationis opera donat.

Sed quid nebulae cum pœnitentia? Quid com-

mune vtrique? Quid alteri cum altero conuenit? Id exponit Hugo, dicens: *Nebula magna videtur, sed statim disparet, & à longe videtur spissa, sed à propè est quasi nulla.* Cum procul apparet nebula, exeret sua obscuritate, & horrorem incutit caligine, densaque admodum, & valde crassa videtur, at si quis eam ingrediatur, statim animaduertit, oppidò tenuiorem esse, quam oculis sese ostentabat. *Sic pœnitentia videtur pœnitenti,* inquit porro Hugo. Sunt quibus terribile videatur ieiunium, asperum vigilare, acerba flagellatio, molesta sacci gestatio, intolerabile cilicium, sed talia procul apparent, quemadmodum & nebula, è vicino autem aliam ostentant faciem, suauiaque, & dulcia, & leuia, tractabiliaque conspiciuntur, sitque vt homo agnum, ex quo pascatur, reperiat, vbi leonem inuenire formidabat, à quo conceperetur: *Sic pœnitentia videtur pœnitenti, à longe videtur spissa, sed à propè est quasi nulla.* Exitium nostrum omne, totaque perniciēs inde nascitur, quod huius veritatis facere experimentum non curamus.

Ad confertam hominum multitudinem, & frequentem dixerat pro rostris Sanctus Petrus Apostolus, vt habet Beatus Lucas in libro Actorum Apostolicorum. Post hæc cum se in preces composuissent, concurrere, & contremiscere locus, in quem coierant, cepit, sic vt totus in terram delabi, & rudibus omnes, quotquot aderant, obruere, atque inuoluere velle videretur: *Et cum orassent, motus est locus, in quo erant congregati;* inquit Lucas Act. 4. v. 32. Quid verò illis mali hinc euenit, quod terra concussa fuit, & fabrica vitium egit, & bases titubarent, & ipsa ædium suprema tecta, seu capita nutarent? An per hæc vita eis sublata fuit, qui intus erant? an spiritus vitalis extinctus, aut ereptus, ademptusque omnis animus fuit? Id secuturum ex illo terræ motu, & casu inopinato videbatur, vt plerumque talibus ex euentis vehementer consternari, tantumque non exanimari expauesciti homines solent, hic tamen nihil tale accidit, sed plurimum è contra euenit, ac sperabatur: Euangelistam namque teste, *loquebantur cum fiducia verbum Dei,* audentioresque eorum pebant ad annuntiandum, promulgandumque fidem Christi.

S. Ioannes Chrysostomus in Glossa ordinaria de hac re sic ait: *Motus est locus, etiam illos magis confortauit,* & quamquam ædificum compagibus suis solui videretur, & vacillarent illius parietes, & moles tota in lapsum propenderet, non dissoluebantur tamen, neque vacillabant, aut collabascabant animis,

mis, qui intus erant, quin alacriores reddebantur, ut magis intrepide suum euangelizandi mundus exquerentur. Hinc accipimus, quod non omnis tremor ignauum facit, non omnis ruina destruit, non omnis comminatio subigit, non omne gelu infrigidat, non omnis calor adustulat, atque ad eundem modum non omnis poenitentia maculat, non omne ieiunium vires totas exhaurit, prorsumque enervat, nec omne pro Deo toleratum incommodum valetudini officit, & infirmitates generat: *Motus est locus, etiam illos magis consolidauit*; immo plurimum contra accidere solet, ut in imbecillitate vigor, in animi deliquio corroboratio illius inueniatur.

Prælio Romanus populus cum Epirotarum rege Pyrrho decertabat, victusque dubio procul hic ab illis fuisset, nisi inopinato, ac derepente elephant in pugnam adducti cursum victoriæ stitissent. equis vastis, & deformis magnitudinis illorum nunquam viso spectaculo conterritis, existimantibusque Romanis esse maiorem, quam reuerberat, istarum terrarum, & immanium belluarum atrocitatem, & ferociam. Iterato concurrerunt, cumque hostes ad nuperum assum adductorum in confectum elephantum se reciperent, Romani non modo eos non formidauerunt, verum etiam, ut noster Hispanus Florus narrat, tam cordate, imperterritèque, in eos inuecti sunt, ut elephantis triumpho fores aperuerint, qui antemeru consenuerant; cuius rei ea causa fuit, quia *Casus Manutius mors posse belluas ostenderat; Suius proboscide abscessit*. Proboscis rostrum elephantis est, & porrecta corporis pars à naribus velut defluens, quæ tanquam manu vitur, quam cum ille ferro præsecuisset, exploratum, testatumque dedit, non esse tam efferratum, & horrificum id belliarum genus, quam pavor depinxerat. Qui fit, quod te ieiunium tam vehementer perterrefaciat? Qui fit, quod flagrantoperè exhorreas? Quid cilicium adeo pertimescis, & fugis? Quid metuis certò securum ex longula adgeniculatione, & nonnihil protractiore oratione deliquim? Quid vereris morbi contagium, si fortè pauperes in nosocomio ægros ad horulam inuisas? Hæc omnia inde proficiuntur, quod nunquam expertus es ieiunium, nunquam flagris te cæcidisti, nunquam cilicium vestisti, neque operum poenaliū, & piacularium vllum vnquam es aggressus. Ignauus timor tuus ea tibi formidabilia facit, falsa imaginatio tua tibi illa horribilia reddit. Adoritur ea Politicus noster magno animo, & spiritu, non trepidis cogitationibus diu cum eis colluctetur, videbitque poenitentia studia non esse tam ardua,

& operosa, quam caro, & sanguis clamitant, quæ omnem asperitatem fugiunt, & recordationem flagrorum tremunt, & omnem disciplinam, molestiamque defugiunt, & auerfantur.

Vide Periocham V. & VI. Dominica V. in Quadragesima To. I. pag. 378. & seqq. & ibi meliora.

C A P V T III.

Voluptates mundi videntur suaves rose, re autem verâ sunt aculeatæ spinæ.

E Contrario nunc disserendum, & ostendendum, quod homo peccator etiam fallitur, erratque, cum singularem sibi ex suis delictis, voluptatibus, obambulationibus, relaxationibus, & oblectamentis suauitatem, quietemque promittit. Nulla enim dulcedo, nullum verum inest sæculi iucunditatibus otium, ludis sua imaginatio eos, qui secus de hæc re sentiunt. Quod si cui dubium est, is confessionem illorum accipiat, qui maiori nostro documento, quam emolumento suo hæc inter illas Inferorum vltices flammæ, quanquam inuiti, & nolentes magnis vocibus succlamant: *Lassati sumus in Via iniquitatis, & perditionis, & ambulauimus vias difficiles*; Sap. 5. 7. Si delassabantur, ubi eorum voluptas? Si præruptos ægrè, & anhelu transcendebant montium scopulos, ubi delitiosa, & aprica, amœnaque viridaria, in quibus versari, & vitam agere beatam putabant? Nonne videtis omnia fraudes esse, & imposturas, & præstigias meras? Nam si rem attentè dispicias, inuenies, sæculi mella fel esse, & nil nisi molestias, calamitates, luctum, insulsiatatem, fastidia, taliaque esse, quæ inertes quidam mundi amatores oblectamenta, relaxationes, iucunditates, festiuitates, lepores, delicias, alienis certè nominibus, vocant.

Israelitæ, cum illud suauissimum, ab Angelis præparatum, atque è nubibus desuper allatum manna per summam ingratitudinem, rusticitatemque fastidiosè aspersionati essent, desiderarunt, & expetierunt carnes, quibus vesceretur. Concessit illorū precibus Dominus, & pluit super eos sicut puluerem carnes, & sicut arenam maris Solatisia pennata, ut inquit Psalmodigraphus Psal. 77. 27.

Hic, scio, dicent nobis Hugo Cardinalis, Michael Aygvanus, Bérchorius, & Lauretus, his auiibus, quas proterui concupierunt Israelitæ, significatas voluptates mundanas, quibus cæsi sic inhiant, & incubant peccatores, ut propter eas spernarum consolationum cœlestis manna inurbani homuli despiciant, ac nauseabundè fastidiant. Sed notandum, quod illa

illæ turpes voluptates, quibus irati Dei cōiuentiā, & permisso fruuntur, & tam vehementer inhiant, atq; oblectantur peccatores, à Propheta nominantur *puluis*, & *arena*, quæ quales aues aduenerint: *Pluit super eos sicut puluerem carnes, & sicut arenam maris Volatilis pennata*. Cur verò mundanis delitijs, & voluptatibus dantur ea nomina *auium*, auolantium, & *arena* non prægrauantis tantum, sed etiam excæcantis? hoc enim *auium*, *arenæ*que est proprium. Quæris quare? ideo, vt hinc intelligamus, quales sint sæculi voluptates, quodque ex non fecus ac aues volatu concitæ pertranseant, & si quam miseræ animæ iucunditatem adferunt, eam fugacissimam esse, & momento præterire, & oculorum lumina obfuscare, & contenebrare, velut pulvis solet, moxque in maris amaritudinem, & *arenæ* pondera conuerti.

In hanc rem sic dicebat Drogon Ostiensis lib. 6. de sacramento Dominicæ passionis: *Gaudet luxuria, modicum Volitat, sed mox in arenam maris conuertitur, omnis dulcedo carnis in amaritudinem finit, modicum leuant infelicem animam, sed mox aggrauant in arenam*. Ex his videant miseri peccatores, quid sint vniuersæ ipsorum voluptates, delitiæ, recreationes, oblectamenta, obambulationculæ, symposiola, animi relaxationes, risus, ioci. Aues sunt, quæ perneciter præteruolant. Pulvis sunt, & *arenæ*, quæ oculos cæcant, vt fœditates suarum oblectationum non videant, & grauant animum, vt ad veram spiritus voluptatem peruenire nequeat. Salsum mare sunt perpetui remorsus, & nunquam remittentis angoris.

Considerationem meretur diligentem locus, in quo illi inueterati malorum dierum, & lasciuu iudices sancto iuueni, & Prophetae Danieli aiebant castam, & innocentem reperisse Susannam, cuius venustate frui ardentissimè cupiebant. Cum periniquum testimonium aduersus honestissimam, & integerrimam matronam perfidiosi illi dixissent, quod ad eorum sententiā descendere, & votis turpibus annuere noluisset, diuinus vates, vt eorum rectè discuteret, exploraretq; testimonium, magno ad hanc rem vsus est artificio, & primum interrogauit, quam sub arbore illa corpus suum adolescenti, quod dixerat, prostituerit. Is respondit, vidisse sub *schino* Veneri inconcessæ operam dantes, Daniel. 13. v. 54. *schinus* autem idem est quod *lentiscus*, vt quidem sentiunt sanctus Hieronymus, Origenes, Cornelius à Lapide, & Gaspar Sanchez, qui frutex multos, sed non æquè multum viles foetus profert.

Cum alterum percontatus esset, vbinam visa illi Susanna scelus adulterij cum iuvene perpetrasse, ille dixit, *sub prino* in flagranti crimine deprehendisse, ibid. v. 58. Prinus autem Plinio lib. 6. cap. 16. & 8. ilex est, genus roboris aculeatis folijs, durissimum, montanum, glandiferum, notum.

Notandum itaque quarum sub arborum vmbra senes illi affirmarunt, Susannam, & adolescentem illicitis furtiue voluptatibus indulgentes, & mutua corporum vsurâ sese oblectantes conspexisse. Alter sub *schino*, sub prino alter ait vidisse rei nefarie vacantes. Non dixerunt, vidisse sub malo citrea, quæ de arbore quidam prudens affirmavit, habere truncum similem æris, folia Smaragdi instar, & fructus auro pares, non sub arbore frondosa, fragrante, & feraci, verum sub *schino*, & prino, arboribus rudibus, syluestribus, & quarum fructus à suis stipitibus minimè degenerent.

Sed quod illi sub infrugiferis, agrestibusque eiusmodi arboribus fructum venereæ voluptatis ex se vicissim cepisse visi ferebantur, id mysterio non vacat, quod eruditus Osee Interpretes Guadalupe in cap. 5. his verbis exposuit: *Obscra voluptatem Veneream Sibi dicant inuentam, videlicet sub schino, quæ nihil habet præter amaritudinem in seculo, & folijs, ita etiam Voluptas quid profert, nisi animi amaritudinem? Alter inuentam feminam ait sub prino, quam arborem si attingas, cum folia pungentia producat, dolore afficeris. Sic ex libidine quid consequeris præter ingentem animi dolorem?*

Hoc ipsum mihi Veteres voluisse indicare videntur, quando turpis amoris formosum Deum Cupidinem ita pictum dederunt, vt manu alterâ rosam, piscem alterâ præferret, quod Alcianus emblemate 106. ex Græco epigrammate acceptum sic Latine traduxit.

Altera namque manus flores gerit, altera piscem.

Variè hanc interpretantur auctores imaginem, nec vna omnium ratio est, ob quam ad illum modum delineatum Cupidinem putent. Alcianus cum suo Poëta sentit. Videant illum, eiusque commentatores Sancium, & Minoe, quibus vacat. Ego sic existimo, quod Cupido sic depictus fuit, vt flores, rosas, pisces manibus præferret, id magno mysterio factum, eoq; vt talibus symbolis ingenium nobis fœdi amoris indicaretur. Rosæ, itemque pisces abundant spinis. Quid magis tritum, peruulgarumque apud eos, qui manibus illa vniquàm vsurpant. Rosa in suo fructice paucos dies perdurat, fugacissima illius vita est, qualis ephemeris, vt habet Virgilius in quodam epigrammate

grammate de rosa. Spinæ illius sunt p̄perpetuæ, nunquam destituunt rosetum. Pisces etiam velut meræ spinæ sunt, quæ suffocant, maciant, & mortem minantur, sæpè etiam adferunt his, à quibus auide, atque incautè glutiuntur. Quod ergo Cupidinem pisciferum, & rofigerulum docta pinxit Antiquitas, id fecit, vt nobis turpium corporis voluptatū conditionem, & lasciuæ amoris mores delineatos daret, doceretque, omnia illa sordida carnis oblectamenta, & huius vitæ perlecebrofas delicias rosas esse, quæ tam citò marcescant, vt eodem Sole penè & oriantur, & moriantur, sed animæ tamen suos anxietatum infixos per diu post se relinquunt sentes, pisces esse obfisos squamis, quibus exasperant, confectos spinis, quibus lacerant, cruentent, extinguant. Hæc sunt, quo in humanis solarijs, & secularibus reperiis oblectationibus.

Et quomodo temporariæ carnis voluptates, & delitiæ mundanæ aliud, quàm dumeta, densaque spineta esse queant! inquit aquila Doctorum S. Augustinus, cuius sunt ista in Psalmum 93, *Poteris te conuertere ad aliquam voluptatem, tibi spinæ non sentias? In bonorum cupiditate quanta spina! Amores turpes quantas molestias habent? Omitto gehennam. Vade ne iam ipse tibi gehennas sis.*

Agriculturæ magistri multa tradunt documenta, plurimæque excogitant artificia, quibus immitis naturæ asperitatem ludant, aut leniant, & emendent. Apud Columellam, Dionysium Cassium, Palladium, Herreram, & alios inuenias, quibus modis durities, & amaritudo sua fructibus adimi, & acredo eorum in dulcedinem verti, ipsasque arbores ex agrestibus domesticæ, ex montanis vrbæ fieri possint: Verùm vt hominum terrenis voluptatibus suam acerbiteratem, amaritudines, fel, & aculeos detrahas, fieri nequit, inquit S. Augustinus. Quod enim deliciarum corporaliū genus excogites, quod non mille se conditum insuauitatibus, & indumeris confectum spinis? Quam abundat spinis secularium concupiscentia opum, ac facultatum! Iam qui se nefandorum vitiorum illecebris, & lenocinijs dederunt, apud eos omnia sunt perturbata, quies nulla, rabies continua. Infernum prætereo, sed vade ne iam ipse tibi gehennas sis, in qualibet namque turpi voluptate quædam Orci effigies est, in qualibet carnis oblectatione spina, & in omnibus præsentibus corporis delitijs asperum, horridumque dumerum.

In horum consideratione positus beatissimus Papa S. Gregorius Mag. sic auidet pronuntiat in Psalmi 2. pœnitentialis versum 5, *Per spinam omne pec-*

catum accipitur. Itanè spinetum est symbolum, & imago omnis peccati? Nullumne peccatum esse potest, quod non pugnat, feriat, lauciet, afflicet, cruentet? Ergonè conuiuia, viridaria, hortorum floriferorum amœnitates, comediar, voluptates corporis, festiui lepores, risus, ioci, & cætera talia, quæ suam homini adferunt iucunditatem, sunt spinæ, equilei, catasta, vngues, carnifices? Quis hoc affirmare queat? Quis? experientia, inquit Gregorius, & peccator ipse, & quisquis diues avarus, & omnes, quotquot improbæ Veneris sordida sunt mancipia hoc testantur, & clamant: *Per spinam omne peccatum accipitur.* Mulierosi, & Principum gratiosi, & Magnates sub expirantem vitam tandem volentes, nolentes fatebuntur, omnia, quibus nuper tam vehementer oblectati fuere, nil nisi remorsus animæ, suffocationem cordis, & cruentum è sentibus, ac dumis stratum fuisse. Nulla quippè vel ratio est, vel ars, vel industria, aut ingenij facultas, aut modus, quo à delitijs asperitas, a voluptatibus carnalibus amaritudo, à risu fletus diuelli queat, vt Politicus noster quietem, vacationem, tranquillitatem, præterquam in Deo, nullam alicubi reperire possit.

Nam vt Magnus Basilius in Psalm. 33. ait, *oblectatio corporea voluptatis plus habet doloris, quàm iucunditatis, nuptia sæpè steriles sunt, diuitiæ continet & stupra, agricultura sterilitatem, mercatura naufragia, diuitia insidias patiuntur.* Vni voluptatis drachmæ ingentia miseriarum pondera sunt coniuncta. Coniugatorum horarum oblectatiunculam anni laborum, & ærumnarum longi excipiunt. Nundinatores post vnum exiguum lucellum multa sæpè, ac magna damna deplorant. Diuitia parum nonnunquam recreant, sed millies, inquietant, perturbant, tumultuarijsque cogitationibus animum exagitant, & somnum omnem sic adimunt, vt neque interdū, neque noctū dormire sinant. Deniq; nulla carnis suauitas est, quam non valissimā amaritudinum maria oblideant, estque omnis, vt ille canebat, *crusta dolore voluptas, non secus ac insulas ponti gurgites, & æquora circumdant.*

Dicat hoc nobis Esau magnus venator, & auium, ferarumque sagacissimus indagator. Is cum strenuam diu venationi operam nauasset, præter fracta discursationibus membra, & defatigatos artus vix aliud quidpiam donum retulit, de quo sacer textus ista: *Cum Genisset de agro lassus;* Genes. 25. 29. Ferras ruri ad lautitias, voluptatemque quaesierat, sed lassitudinem ibi, defatigationemque solum inuenit. Hanc in rem sic ait Fernandus sect. 5. num. 13. in cap.

cap. 25. Genes. *En qualem fructum ex sua venatione, & continuo discurrendi, vagandique per agros, & saltus studio collegit Esau, rediit domum ab agro fessus, & fame confectus.* Honcala affirmat in Esau fuisse expressum id, quod peccatoribus, ex illorum prauis voluptatibus accidit, inquiens: *Tam in Esau explebatur illud impiorum desperata salute sese lamentantium, Ergo ambulauimus vias difficiles, lassati sumus in via inquit atis;* Sap. 5. v. 6. 7. Vt nobis, qui rosas calcare putabamus, & erant spinæ, transire prata existimabamus, & per loca confragosa, salebrosaque ferebamur, degere in amæmo horto arbitrabamur, & inculta in eremo versabamur! Per omnia nos vana illusio nostra circueuenit, & quam à conscientia vehementer admorderemur, & ratio magnis vocibus nos appellaret, attentas illi præbere aures nunquam volumus. Nonne videt noster Politicus omnia contra habere, ac ipse putabat, existimabatque? Pœnitentiæ opera videntur spinæ, vsus verò eorum, & experientia docent esse pulcherrimos, & odoratissimos flores: Ita & carnis voluptates quandam suauitatem præferre putantur, re autem verà ingratam ac redinem post se relinquant. Cilicium suā asperitudine terret, at si aliquamdiu gestare consuefcas, in mollem byssum vertitur. Ludi, ioci, & huiusmodi alia ad tempus fallendum à malè feriatīs excogitata oblectamenta multum mellis promittunt, sed plus fellis adferunt. Experimento quæque, qualia sint, innotescunt, & finis suus singula prodit. Stultus ergo est, qui falsis se voluptatibus abripi sinens tam delectabiles obliuiscitur amaritudines.

CAPVT IV.

Cum natura nostra pauco, parabiliq; cibo sit contenta, hinc fit, quod prophana, & effusa victus intemperantia incolumitati officiat, facultatum opes exhauriat, & mundo perniciem supremam adferat.

Prugalitatem sancti Patriarchæ, temperantiamque omnes hoc in loco Expositores pari consensu & admirantur, & dilaudant. Cibus illius lentes erant. Parsimonia verò illius, & victus moderatio de inopia non veniebat, patrem enim peropulentum habebat, & matris, quæ totam rem curabat, moderabaturque domesticam, delictum erat, ut pulpamenta illi, ac lauritiæ deesse non possent. Quod ergo tam parcè victitabat, id non sordida, non coacta, sed spontanea, & ludabilis continentia faciebat. Præmitto hic Pererij, Istellæ, Cornelij, & alio-

rum hanc in rem sententias. Doctum Honcalam audiamus: *Coxit Iacob pulmentum. In his Iacob frugalitas declaratur, probaturque, quippe qui tam sili, & parabilis cibo in locuples istima domo libenter crebatur.* Hinc accipitur, quàm sit damnable illa victus immoderata licentia, & ciborum effusa intemperantia, per quam fit, ut inexplibilis gula, & orexis libidini affatim omnia prodigi comedones, & impuri helluones ministrent, & tanquàm misera insatrabilis ventris mancipia ventriculorum infarciant, stomachum prægrauent, & opprimant, & magnam naturæ inferant molestiam, cuius tam est moderata cupiditas, ut paucis vel satiatur, vel sit contenta, quantumvis oblatret appetitus, aut gula oggrunniat, & reclamet.

Inter ea, quæ sibi Dominus quotidies in ara sua offerri volebat, agni erant, de quibus sic habes Exodi 29. 38. *Hoc est quod facies in altari, agnos anniculos duos per singulos dies iugiter, unum agnum manè & alterum vespere.*

Oleaster in expositione morali eorum verborum sic ait: *Audis hic Summi Dei dignationem volentis apud nos prandere, & cenare, veluti unum ex nobis.* Estne aliud, quod in illa Dei optimi, maximi summa facilitate, & humanitate animaduertamus? Similiter paucis contentari cibarijs in prandio, & cenâ, & postquam se ad mensæ nostræ consortium dimittit, exiguo etiam victu frugaliter haberi permittit, contentus si unum agnum manè, & alterum vespere ei apponant, cumque sit tantæ maiestatis Monarcha, vnum anteprandianis, prœmeridianis alterum discum exposcit eduliorum obuiorum, & quæ modico sumptu parari queant. Sed postquam tam magnus Dominus eò descendit, ut communem cum hominibus mensam adeat, tamque insignito illos & cumulat beneficio, & ornat honore, cur non eisdem imperat, ut mundum obeant vniuersum, perusgentur sylvas, montes percurrant, maria emetiantur, lauritiæque suo tam excelsæ Regi, tam sublimi Imperatori vndeque accersant, & conuehant? Nihil horum præcipere, ut valuit, voluit, inquit Oleaster, qui paucis vel expletur, vel certè contentus est, ut eo nos exemplo doceret, hominis quantumvis magni necessitatem exiguo leuari posse, duoq; illi fercula satis esse, ex quorum altero prandeat, altero cœnet. Non probat Deus vana luxuriosorum ad voluptatem adornata conuiuia, nec necessitati subueniri amat: Cum enim naturam nostram, ut auctor illius, pernouerit, scit illam paucis esse contentam, superfluis autem magis prægruari, quàm pasci, & sustentari.

Agebat

Agebat in deserto maris Gallilææ superus Magister, sed tam inops rerum, quæ ad victum pertinebant, quam comitatus hospitibus, quorum numerus, si etiam mulieres, & pueros excipias, ad quatuor millia virorum assurgebat. Toto triduo illum persecuti fuerant, melleo verborum, quæ ab illius dulcissimis labijs profluebant, fascino capti. Pro famelica concione oratrix supplex sua illum natia pietas appellabat. Is consiliatorum suorum intimorum deliberationi exposuit, vt illi cogitarent, statuerentque quomodo tanta curari esuries posset. Horum verò responsum fuit, se præter panes septem, & paucos pisciculos, nihil habere reliquum; Matthæi 15. 34.

Euthymius in illa Apostolorum apud Matthæum verba inquit: *Aduerte quantum ventri dominabatur, cum enim in deserto, & tres dies commorarentur, septem tantum panes attulerant.* Duodecim viros familia Christi, & Collegium Apostolicum numerabat. Quam acres hi sui ventriculi domitores fuerint, id ex eo facile arbitrari queas, quod solos septem panes, & pauculos pisciculos ad victum suum contulerunt, qui tres in solitudine dies transmiserant. Quod verò duodecim viri tam paucos panes, & pisciculos ad suam triduanam alimoniam habuerunt, & neque fame enecti sunt, neque per miraculum vixerunt, manifesto inditio est, admodum exiguum requiri ad naturæ nostræ nutritionem, & sustentationem.

Hanc doctrinam expressam inueniemus in ea oratione, quâ Dominum in dies singulos interpellamus. In ea veneramus illum tanquam patrem, ac Deum nostrum, optamusque & nomen eius sanctificari, & voluntatem vbiq; per omnia fieri, posthæc & illud obsecramus: *Panem nostrum quotidianum da nobis hodie*; Lucæ 11. 3.

Permirum sanè est, & dignissimum notatu, quod in hac oratione & confitemur esse omnipotentem patrem illum, quem rogamus, & suum habere in summo cælorum fastigio regium solium, esseque illum & peropulentum, & omnibus affluentissimum, & permunificum, & nihilominus hoc tantum ab illo petimus, vt pauxillum nobis per diem panis tribuat: *Panem nostrum quotidianum da nobis hodie.* Tantillum verò à tanto Domino, & patre, cuius tam latè diffusæ monarchia, rectè petitur? Frustrillum panis magnus Deus benè, putatis, rogatur? Indignum videtur tam paucula illum obsecrari, qui manum tantum aperit, & omne animal implet benedictione, nec sumptu alio maiore ad hanc rem indiget.

Tom. III.

Quid ergo est, quod non maiora maximum Deum oramus?

S. Gregorius Nyssenus Orat. 5. de oratione Dominica respondet, quod panis tantum petitur, id esse non pauca, sed sola necessaria petere, qui autem habet quæ illi sunt satis, non potest dicere, se parum habere, aut dare querimoniam, quasi non habeat, quæ vitæ necessitas exposcit, nam *exiguum est, quod natura debes. Cibum debes caruncula tua, rem & modicam, & paratu facilem, si & sum, & necessitatem intueris. Cur aduersus te ipsum multiplicas tributa? Idcirco querere iubemur, id quod satis sit ad naturam corporis conseruandam, panem da, ad Deum dicentes, non luxum, non delicias, nec diuitias.* Perpusillum sumptum, modicæque impendia miserabilis huius vitæ nutritio requirit.

Si non est ita, inquit Nyssenus, videamus quid ille magnus Pater familias ad alimoniam suæ familiæ seminauit. Ea de re sic habet S. Matthæus cap. 13. v. 24. *Seminasti bonum semen in agro suo.* Præter triticum nihil semisse fertur. At si in campum prodeamus, plus quàm triticum, & semen, aliud præterea reperiemus, quod simul cum tritico excreuerit. Victus itaque humanus ampliùs aliquid, quàm triticum postulare videtur.

Occurrit Nyssenus dicens: Vide sis, quisnam semen aliud sparserit. Quis verò hoc egit? Malus dæmon, inimicus homo superseminasti *Zizania*; ibid. v. 25. & semen aliud supra id, quod necessitas sustentandæ vitæ humanæ exposcebat. Luxus omnis à dæmone est, superuacanea illo autore queruntur, & adhibentur. *Panem pete*, clamat eloquens Nyssenus, *propter vitæ necessarium & sum, huius te corpori debitorem natura fecit. Cetera, quæ præter hac, solertia delictis, ac luxu dæditorum excogitata, & inuenta sunt; ea de Zizaniarum iuxta satorum semine sunt. Semen patris familias frumentum est, ex frumento panis conficitur, ac luxus, atque delicta Zizanium est, quod ab inimico iuxta frumentum satum est.* Itaque immodica in victu profusio, & ciborum intemperans apparatus, & superuacui sumptus, quos in sua luxuriosa conuiuia afori prodigunt, à consilio dæmonis veniunt, petere vitæ necessaria Deus nostræ alimonie studiosus, ac sollicitus procurator suasisit, & docuit.

Quis enim præter dæmonem alius intemperantium luxum ciborum, & epulorum inuèhere potuit, cuius illud hac in re consilium fuit, vt dulci hoc gladio vitam hominibus rectè, dissimulanterque adimeret? Dæmon fulgur quoddam est huc omnia sua

Xx

studia

studia vertens, vt supremam omnibus vastitatem, pernitiemque adferat: *Videbam Satanam sicut fulgur de celo cadentem*, aiebat de illo Christus Lucæ 10. 18. qui omne illius perfectissimum habebat ingenium, & communis hostis nostri crudelia viscera, nocendum insanam, efferatamque libidinem permouerat.

Videamus nunc quid de gula S. Ioannes Climachus dicat. *Princeps est demonum, qui cecidit Lucifer, & princeps vitiorum concupiscentia gula*. Gula itaque Lucifer terræ est: Nam vt Lucifer fulgur est omnium exitio natum, & intentum, sic & gulæ audidas mundi furia est, & importunissima, ac pernitiabilissima pestis. Hoc tam acuto gladio pars orbis maxima conficitur, & facultatum copias maximas pessimus demon destruit, & vitas plurimorum demerit, & innumeras ordo animas transferibit.

Appositum ad rem præsentem est, quod rerum naturalium diligens Scriptor Plinius habet lib. 26. cap. 8. *Plurimum negotij homini alius exhibet, cuius causâ maior pars mortalium vitit, aliâs enim cibos non transmittit, aliâs non continet, aliâs non capiet, aliâs non conficit, eoque mores venere, & homo maxime cibo pererat. Huius gratiâ præcipue auaritia expersitur, huic luxuria conditur, huic nauigatur ad Phasim, huic profundi Sada exquiruntur*. Digna admiratione est molestia, quam suis cuique homini venter addert, cuius potissimum gratiâ pars hominum maior nundinatur, cauponatur, omnemque latè mundum anhele peruagatur, & perpetuo in labore versatur. Innumeris delicata hæc vitæ humanæ officina obnoxia est malis, & infirmitatibus. Nunc enim cibo per saucias fauces non patet transitus, nunc stomachus ipse aditum negat, nunc retinendo, concoquendoque languentes illius vires non sufficiunt. Corporum illud pessimum vas est, & instrumentum. Quàm reitricus, importunus, insaturabilis, implacabilisque exactor! Nullus illo magis improbus, ac durus creditor. Per singula momenta succlamat, vociferatur, illachrymatur. Vt vnum placibilem, æquum, pacatumque habeamus ventriculum, eique obseruiamus, omnia facimus. Illi corraduntur, feruanturque numi, illi tota studet, & augefcit nostra cupiditas, illi fraudes excogitantur, & adornantur doli, traſciuntur maria, explorantur flumina, nec auiibus supernè parcitur, nec animalibus terræ infernè, piscesque adeo, vel si in imam se abyssum ingurgitent, à suo recessu in lucem extrahuntur. Quare nec auiibus sui volatus pernecitas, nec alijs animantibus sua currendi velocitas, nec sua piscibus so-

litude confert, vt euadere possint, omnia enim, quæcunque volant, currunt, natant, perquiruntur, procurantur, & misero denotantur, depuranturque ventriculo, qui vnus tot incommodorum, exitiorumque vel causa est, vel occasionem ministrat, & totas suppellestiles, & opum facultates maximas, & bona hæreditaria, & census annuos ditissimos, & incolumitatem, ætatem, vitamque depascitur, deuorat, abligurit, eoque mores venere, & homo maxime cibo pererat. At si immoderati cibi sunt vitæ humanæ gladius, & opum pestis, consultum fuerit negare aures tam importuno, & implacabili creditori, sed pauca ministrare illi, qui paucis esse contentus & potest, & debet, sic enim & sua cuique vita, & quies, ac valetudo bona constabit, resque familiaris nemini leuiter effluet.

Huc ibat cogitatione. Sanctus Basilus Magnus, quando de ieiunio, & abstinentia differens aiebat: *Ieiunium est res domestica incrementum, prospera familiaritatis mater, tuum famula contubernalis*. Ecquæ verò domus, quæne familia in qua ex ieiunio quidquam detrimenti accipit? Hæc ille homel. 1. de ieiunio. Nulla hætenus gens reperia, nulla visa familia, quæ ex ieiunio vel interierit, vel damnum accepit, nec quisquam aliquando dixit, vidisse hominem, cui victus parsimonia, & sacrum abstinentiæ salutis studium incommodarit, noxiūque fuerit. Quis vnquam in carcerem, propter debita ex ieiunio contracta, abreptus, compactusque fuit? Nullus hoc Sol vidit, non audiuit mundus, à quo esse cepit.

Contrarium verò, hoc est, consumptas domorum facultates, exhaustas, dissipatasque per neglectum ieiunij, & ciborum luxum totas familiarum substantias, & facultates, creberrimo experimento nouimus, & S. Hieronymus affirmat, qui cum litteras adornaret ad quendam, cuius incrementa optabat, & opus saluas esse cupiebat, hæc illi non absque sale, & lepore scribebat: *Procul sint à conuiuijs tuis aues, quibuscum amplissima patrimonialia auolant*. Hæc ille in epist. ad Saluian. Opulentissimæ sæpè domus ad incitas redactæ sunt ex helluatione, & profusis in immodicos, lautioresque cibos sumptibus. Ingentes opum copię quasi volata diffugerunt, nec aliunde mutuatæ alas, quàm ab auiibus, quarum immoderato esu assueuerant illi rerum suarum decoctores, & dilapidatores.

Cum hanc tam notoriam veritatem secum reputaret Alianus lib. 14. de var. hist. cap. 7. inquebat: *Lacedamone coquus esse non licebat alios, quàm carne*

diuisant,

*Auntaxat, qui verò præter hanc artem nouissent, ei-
ciebantur perinde atque agrotantium exiationes.
Erat ergo hoc Lacedæmonibus, qui leges naturæ
studiosissime obseruabant, inuiolabile decretum, ve
qui præter carnes simpliciter parare quidpiam nos-
set, nullus toleraretur coquus, si quis aliud adhuc
condire sciret, is totâ patriâ exturbaretur, non secus
atque ex urbibus eiei, & subiecto igne exuri peste
interemptorum vestes solent, ne contagione suâ re-
liquum populum inficiant: Eiciebantur perinde
atque agrotantium exiationes.*

Nobis hanc nimiam amplificationem arbitrari
Seneca tantum verbis luculentis affirmavit, qui
de consol. ad Heluidiam cap. 10. de quodam Api-
cio Philosopho sic ait: *Apicius nostrâ memoriâ vi-
xit, qui in ea urbe, ex qua velut corruptores inuen-
tus Philosophi abire iussi sunt, scientiam popina pro-
fessus, disciplinâ suâ saculum infecit.*

Nonne videtis, quod de Apicio ait, *disciplinâ suâ
saculum infectisse*, hoc est, atatis suæ homines omnes,
totum aded mundum corrupisse, & vitiasse ijs docu-
mentis, quæ de re culinaria, & cibis ad luxum appa-
randis, totâque liguriendi arte turpis lurco, & con-
taminatissimus popino tradidit? Quæ enim pestis
alia tam exitiosa domibus, tam perniciabilis rebus
publ. tam noxia totis regnis, ac helluatio, delicatè-
que, & intemperanter viticandi consuetudo? Hæc
sunt, quæ corruptos homines deprauant, hæc quæ
mundo interitum adferunt. Libros omnes, quot
quot de re culinaria agunt, proferbere oportebat,
& procul relegare popinarios omnes tanquàm fa-
cultatum pestes, & fulmina valitudinis, & vitæ gla-
dios, & patrimoniorum gurgites, fatalesq; strages:
Nam si ad victum parsimonia, moderatio ad cibum
adhiberetur, nunquàm tanta videretur, quanta est
huius temporis egestas, & penuria. Obseruet ergo
hanc Politicus noster doctrinam, frugalitæque di-
ligenter studeat, ex qua vitæ, incolamitatis, quietis,
opumque illius conseruatio pendet. Certè misera-
bilior nullus seruus, quàm qui suo ventri mancipa-
tus.

Jeremias hanc nobis testatam veritatem dabit.
Trigesimo nono sui vaticinijs capite recenset sanctus
Propheta nomina dncum militiæ regis Babylonis,
qui primùm obsederint, posthæc etiam ingressi fu-
erint urbem Ierolysomorum. Sunt autem ista: Na-
regel, Serefer, Semegarnabu, Sarfachim, Rabares,
&c. Ab his captum regem Israëlitarum Sedeciam
rex Babylonis Nabuchodonosor exoculauit, vin-
dumq; compedibus miserum magnis modis habuit;

atque in Babylonem abduxit. Reliquias autem po-
puli, qui remanserant in ciuitate, & perfugas, qui
transfugerant ad eum, & superfluos vulgi, qui re-
manferant, transfudit Nabuzardan magister militum
in Babylonem; Ierem. 39. 9.

Christophorus Cathrus doctus Ieremiæ Inter-
pres in horum commentatione istud monet: *License
animaduertere quoniam sacram ciuitatem ingressi fu-
erint, nempe qui principatum gerebant in huiusmodi
rebus ad delicias facientibus, principes Enguentario-
rum, liquorum, & coquorum. Hi omnia deuastant.
Condimentarij, palamentarij, popinones, ganeo-
nes, talisque gulæ mancipia sacrosanciam ingressi
ciuitatem templum incenderunt, & supremam om-
nibus stragem attulerunt. Non sunt alix tales pestes
orbis, quales ingluuiæ patroni, doctores profusio-
nis, & intemperantiæ, turpium libidinum vernæ,
malarum voluptatum sectatores, & procuratores,
luxus, & rerum superuacancarum, vnguentorum,
dico, peregrinorum, & exoticorum odoramentorum,
& meretriciorum fucorum, & pigmentorum inuen-
tores, quorum faciliè princeps fuit Nabuzardan, qui
apud Ieremiam audit Magister, siue archigubernus
miletum, apud LXX. Interpretes Princeps coquorum,
apud Tigurinos Magister rerum capitalium, siue cri-
minalium iudex supremus, apud Pagninum, & alios
Princeps lanionum, ficansorum, apud Chaldeum
princeps occisionum. Quæ talia sunt, ac si verbis aper-
tioribus dicas, qui sunt coquorum principes, eosdem
esse velut milites, qui saucient, & prædentur, velut
latrones, qui mactent, velut quæstiores, qui in pa-
tribulum agant, & velut quosdam ipsius mortis rhab-
duchos, lictores, satellites, adiutores. Omnia hæc,
& amplius etiam quid sunt gulæ ministri, & coci. Hi
vastant ciuitates, succidunt facultates, conficiunt vi-
tas, plures namque sunt, qui gulâ, quàm qui gladio
perierunt, nec vllus bellorum furor tam multos in-
terimit, quàm coquorum improbus labor occidit.
Quicunq; ergo diu benè vivere cupiant, sancti Ia-
cob nostri exemplum respiciant, qui eâ semper vsus
fuit victus moderatione, eâ ciborum parsimoniâ, vt
lentibus, tam vulgarj legumine, vesceretur. Non
magnum enim requirit natura nostra nutrimentum,
& si forè intemperans caro superfluum quidquam
postulet, surdas aures nequicquàm inclamet, ab ef-
freni enim gulæ libidine voces ex veniunt, necessi-
tas nihil tale obsecrare est solita.*

Audiat Politicus noster, quod hanc in rem per-
lepidè dicebat deuotus ille Bernardus Syluester,
quem alij mellissimum Bernardum fuisse existimant,
X x x
reperi-

reperiturque in eius Operum Tomo 2. Diebus paschalis abundanter, non tamen delicatè pasce familiam. Fac gulam litigare cum bursa. Et caue cuius aduocatus existas. Si autem inter bursum, & gulam index existas, sapius, sed non semper pro bursa sententiam feras, nam gula affectionibus probat. Et sic testibus non iuratis, bursa euidenter probat tam arcâ, & cellario euacuatis, vel breui tempore vacuandis. Inter varias æconomicas præceptiones hoc quoque familiarum moderatoribus consilium pius hic vir suggerit, vt domesticos suos solennioribus, vt paschali- bus, & his paribus diebus cibo copiosiore largè, sed non lautiore, ac lectiore opiparè, splendideque reficiant, affluant queant, quòd minùs eorum audiantur, eurenturque suffragia. Hoc vno maximè laborant vitio gulositatis testes, quòd à passionibus sunt præoccupati. Loculi luculentissimè sua demonstrant, gulæ namq; opponunt inania armaria, vacua frumento horrea, exhausta vino vasa, & multam in penario penuriam, quæ omnia gula effecit, vt cæcis suis cupiditatibus, perditisque passionibus faceret satis. Euidenter ergò contrà gulam crumena causam suam probat. Gulæ proinde libidinem compefcere necessum est, & manus illi arcè obstringere, ne prorsum exinaniatur crumena. Est enim gula fulmen loculorum, opum ruina, vitæ pernities, iactura pecuniæ, omniumque bonorum tam spiritualium, quàm corporalium vastatio. Sit ergo quisque his contentus, quæ vitæ humanæ necessitas requirit, instituat naturam suam ad frugalitatem, & moderati victus vsum, consuetudineque assuefaciat, natura quippè talis ferè per omnem vitam est, qualis diuturna exercitatione ab initio facta, & formata. Qui hæc facit, idem bonâ perdiu vteretur valetudine, & plurimos sumptus vitabit, curasque, & sollicitudines, & inquietatem, & incommoda, quæ ex helluationis vitio, & gulæ licentia nascuntur, effugiet.

Vide in Tomo 2. Periocham II. Dominica XVI. post Trinit. pag. 230. col. 2. o. in hanc rem plura.

Bonum, malumue non in rebus ipsis, sed in vsum earum bono, aut malo est positum.

Vix profanus frater, & gulosus helluo Esau vide- rat esculenta Iacobus, quando tam effluam ea deperire cepit, vt mortem sibi incurfurus videretur, nisi illa consequeretur, quare & dicebat: *Da mihi de coctione hac rusâ*, Genes. 25. 30. cuius est gratissimus color, oppidè enim lassus ruri redeo, & fame tantum non enecor. Ex originali textu hebræo alij ita sic transferunt: *Obtege me, obrue me, imple me de rusâ isto*, cuius mihi species mirum quantum ardeat. Quis cogitasset, tantilli cibi tam am potuisse esse appetentiam? Quis putasset in tam viles lentes tam vehementer exarsuram Esau orexin? Quòd autem ille per immoderatum appetitum hac occasione peccarit, id communis sententia habet omnium interpretum, quos ego vidi, Chrysostomi, Strabonis, Lyrani, Toftati, Guilj. Iui, Cornelij, Pererij, Oleastri, Istellæ. Ex his plerique memorant quinque gulositatis modos, quibus hoc flagitium, vt sanctus Gregorius obseruauit, tentare homines solet. Modorum illorum vnus quidam est, cum quis intemperante auiditate magis, quàm nimia, ciborum copiâ peccat, quòd Esau hac vice fecit. Magnus Gregorius apud Glossam Ordin. in cap. 25. Genes. ficat: *Esau primogenita amisit, quia magno estu despici- lem cibum, id est, lenticulam concupiscit, nec cibum, sed appetitum in vitio est. Vnde lautiores cibos plerumque sine culpa sumimus, & abiectiones cum reatu concupiscencia degustamus.* Esau enim primatum pro lenticula perdidit, Elias in eremo virtutem carnes edendo seruauit. Hinc diabolus, quia non cibum, sed concupiscenciam causam esse damnationis intelligit, primum sibi hominem non carne, sed pomis subdidit, & secundum pane tentauit. Hinc est quòd plerumq; pro culpa committitur, etiam cum vicia sumuntur. Hinc accipitur, quòd omne bonum, malumue, absolute loquendo, non in cibis, & esculentis, sed in illorum moderata, vel intemperante appetencia est positum. Hinc etiam eruitur documentum, quòd omnis status, & conditionis hominibus magnæ esse vilitati queat, estque istud, vt nemo existimet, omne malum, aut bonum in rebus ipsis esse collocatum, sed in vsum earum magis positum, alij enim in oreum sæpè adducuntur per ea, per quæ alij in cælum abeunt.

Obseruauit Simon de Cassia modum, quo Dominus conuerit Centurionem illum, qui iuxta crucem ipsius adlabat, & Reges Magos ad e adduxit, quo

quo tempore duri præsepis strato pro molli culcitra utebatur. Simulac vitæ author expirauit, terra, vt aiunt Euangelistæ, contremuit, cum prius illam caliginosa eclipsis totam obscurasset, idque ab hora sexta, ac deinceps: *A sexta autē hora tenebra facta sūt super vniuersam terram usq; ad horam nonam*; inquit Matth. cap. 27. vers. 45. Nulla dies alia tam lugubrem vestem induit. Dicunt porro vlti Euangelistæ: *Centurio autem, & qui cum eo erant, custodientes IESVM, viso terra motu, & his, quæ fiebant, timuerunt valde dicentes, Verē filius DEI erat iste*; ibidem vers. 54. Ad hunc modum conuerdit in occasu vitæ suæ, & illuminauit istos cæcos Gentiles.

Videamus nunc quomodo idem Dominus ab Oriente Sole ad præsepis sui incunabula adduxit alios illos Gentiles, Reges Magos dico. Per vnā stellam eos ad se accersijit. *Stella antecedebat eos, inquit rursum Mathæus cap. 2. vers. 9. præibatque in Bethlehēm, & stabulum, non iam stabulum, sed cælum illis ostendebat, vbi verum Solem reperirent.*

Dicit nunc Simon de Cassia libr. 1. in Euangelia: *Ecce magnum mysterium, quod in natiuitate Christi, & in morte Indeos gentiles credituros præcedit. Viriq; per signa moti sunt, illi per radiantem stellam, isti per tremulam terram, illi per nouum fidus nouiter illuminatum, isti per antiquum Solem mirabiliter obscuratum.* Magno vique sacramento factū, quod Saluator noster & in ortu, & in occasu homines pari infidelitatis vitio laborantes signis non paribus ab erroribus suis abstraxit, & omnes quidem miraculis, quæ viderunt, sed Pentas it ita irradiatione, milites verò tremore terræ ad fidem permouit. *Ecce magnum mysterium.* quod alijs per stellæ lumen, alijs per eclipsis tenebras ad lumen fidei adducuntur, & illos noui fidei splendor, hos veteris Solis obscuratio illustrat. Cur Dominus per causas tam differentes eundem voluit operari effectum? Ob id, vt intelligamus, bonum, malumue non in rebus, sed in modo, quo eis vtimur, esse positum, nam & bona in omnibus reperire, & formidare mala possumus, & quæ lux illuminauit Magos, illa obtenebravit Iudeos, eisdemque tenebris & obscurati fuere Hebræi, & ad lucem adducti Gentiles. In omni re est & quod appetas, & quod metuas, ac fugias. Itaque nec in luce, nec in tenebris vniuersa sunt posita, sed in eo salutis tuæ cardo versatur, vt recte vtrisque vtaris.

Narrat sacrum Oraculum causam, ex qua pio Tobia sua cæcitas profecta fuerit, idque talibus verbis: *Contigit vt quadam die farragum a sepultura, & ens in domum suam intrasset se iuxta parietem, &*

obdormisset, & ex nido hirundinum dormienti illi calida stercore inciderent super oculos eius, fieretq; cæcus; Tob. 2. v. 10. & 11.

Arca Testamenti Seraphica (sic B. Antonium de Padua Pontifex Maximus quondam appellabat) illud hac in historia notauit, quod sacer Scriptor ipse submonendum putauit, nimirum calida fuisse stercore, quæ cæcârunt Tobiam: *Contigit vt dormienti illi calida stercorea inciderent, &c.* Quamobrem verò illius historiæ author hoc exprimere voluerit, quod ardentia erant tunc stercorea, quando pientissimo Patriarchæ sensum nobilissimum exstinxerunt?

Respondet sanctus Antonius Feria IV. hebdomadæ IV. in Quadrag. *Quia stercorea, nisi sint calida, non excecant.*

Quid illo stercore, quod homini principem sensum adimit, significatur? Diuitiæ, opum facultates & bonorum huius vitæ caducorum thesauri temporales. Hæc tali nomine donat Apostolus, cum ad Philip. 3. 8. ait: *Omnia arbitror & stercorea*, gemmas, aurum, argentum, adamantes, quæ miserè delusus mundus magnopere veneratur, re autem verà Stercus pretiosum sunt, sic enim diuitias appellare soleo, inquit sanctus Gregorius Nazianzenus orat. 17. Quod ergo sacer Historicus ait, Tobiam stercore calido cæcatum fuisse, tantundem est ac si dixisset (inquit B. Antonius Paduanus) non in rebus ipsis bonum, malumue, non in diuitijs commodum, siue damnum positum esse, sed in modo, quo eis recte, aut secus vtimur, nam & sterces tunc solum lumina extinguunt oculorum, cum calet, non cum frigidum alget, aut tepet: *Sic diuitia nisi cum ardore diligantur, non offendunt. Diuitia si affluant, nolite cor apponere* (iebat S. David Psal. 61. 11.) *& tunc supple, non nocebunt.* Opum copiam, nisi earum intemperante amore flagres, non efficiunt visui, nisi demeritis, & turpi, probrosâque auiditate illas anhelus confectis, non incommodant oculis, non contaminant animam, non tenebras menti offundunt, vt propterea Psalmographus monuerit, non adijcere ad eas animum, si forte affluant.

In cuius verbis notandum occurrit, quod non abdicare, & abijcere huius mundi facultates consuevit, sed non apponere cor eis, non adijcere animi affectum, non immoderate, perditæque amare. *Nolite cor apponere, ait, velut dixisset, tunc non nocebunt,* non incommodabunt, non oberunt diuitiæ, immo proderunt, magnorumque meritum occasionem ex se ministrabunt, si in egenos erogeris, si pauperibus impertiatis. Nam si calculo aquæ frigidæ hoc

lucrari, & promereri possumus, ut de torrente voluptatis illius sempiternam potemur, quomodo non facilius illum beatitudinem, & quietem æternam duraturam consequemur, si nudum vestiamus, viduæ miseriam ope nostrâ leuemus, orphano subueniamus, pupillis victum præbeamus, infirmo solatium, membris capto remedium præbeamus, lapso manum porrigamus, aliisque pietatis, & misericordiæ studiis operam demus? Itaque non in rebus ipsis, sed in vñ earum recto, aut sinistro, bonum, malumque omne est positum. Si quis rectè eis utatur, illi utilitatem parant, malè vñtibus noxiæ sunt.

Huius dicti graue suffragium reperiemus in illa insigni seminantis parabola, qui cum frumentum suum quatuor in partibus seminasset, vna fructum attulit, reliquæ sui agricolæ expectationem fefellerunt. Adeamus harum paruum seminis infeliciter, & infructuosè iacti vnam, eam, quæ in corda hominum opulentorum incidit. De hac sic habes apud sanctum Lucam 8. 14. *Quot autem in spinas ceciderunt, hi sunt qui audierunt, & à sollicitudinibus, & diuitiis, & voluptatibus ista suffocantur, & non referunt fructum.*

Pulchrum sanè est magni Vulgarorum Archiepiscopi Theophylacti in ea verba annotamentum, quod ille sic reddidit: *Vide, cum de his, qui suffocantur, loquitur, non dicit, quod à diuitiis suffocantur, sed præcuris diuitiarum, & sollicitudine, non enim diuitiæ nocent, sed sollicitudines earum, multis enim magna commoda ex diuitiis percipiunt, illas in pauperum ventres projicientes.* Hinc ergo efficitur, non in rebus malum, bonumue consistere, sed in modo, quo illas in vsus nostros transferimus. Nec in diuitiis vniuersum malum, nec bonum omne in paupertate est situm, multi enim diuites cælo excipiuntur beati, multi ad inferos abeunt pauperes reprobi. Non in cultiore vestitu omne malum, non in cilicio, aut neglectiore indumento omne bonum est positum, potest namque ornatus habitus pro alis esse, quibus in cælum quis subuehatur, potest & cilicium in orcum demergere, non beatus quinquam lacerus, hyssus etiam neminem damnat, sed modus, quo talibus rebus utimur.

Hac doctrinâ Tertullianus perstringit vanos, ac leues mundi amatores, qui ex creaturis Dei arripiebant quo malefacti sua, erroresque inuibrarent, & exultarent. Argumentabantur illi ferè ita: Cur damnentur diuites, aurum, argenteum, deliciae, holocaustum, succinum, electum, odoramenta, pigmenta, gemmae, adamantes, cum hac omnia opti-

mus Deus creauerit? Quid obfit, quod minus licitè vesci, & frui possimus his, quæ ipse fecit, eaque ad utilitatem, voluptatemque nostram vertere? Omnia ergo vestire, omnia ad corporis sui ornatum vir adhibere, omnibus se excolere, & perpolire mulier, & quæ illa cunque libent circumferre ad pompam potest.

Hoc tam puerile argumentum diluit Tertullianus lib. de habitu muliebri cap. 8. dicens: *Materia ex Deo sunt, non statim & huiusmodi fructus. Aliiter in vñtibus quaritur (sic hunc locum Rhenanus restituit) & vñde sint concha, & quæ d' spissione collocantur. Ipsa etiam idololatria ex rebus Dei constat, nec ideo idololatriam impune faciet Christianus. Tale quidpiam est, quod voluit Tertullianus: Verum est, facior, quod affirmatis mundi inmundi studiosiores mulierculæ, nempe Deum esse vnicum & supremum rerum omnium conditorem. Quis tam cæcè blasphemus sit, ut hoc inficiari audeat? Indene verò conficiatur quod vos vultis? Nequaquam. Non in materia malum positum est, non in auro, non in margaritis, non in sufficientis, aut incensis odoribus (nam cum hæc à Deo sint facta, quomodo mala esse possunt?) sed in vñ eorum malo. Nonne ipsa etiam idololatria ex rebus Dei constat? An propterea impune quis tali scelere se obstringat? Quis hoc affirmet? Hinc ergo infallibili confectione fit, non in rebus, sed in earum vñ positum esse bonum, ac malum. Subiungit porro Tertullianus: *Sic ergo & circa actum materialium consensus à Deo de facienda propter excusatum, Deo extraneum, & verum, scilicet gloria sæculum; ac si planius ita dixisset: Ingens rerum creaturarum abundantia in magnifica potentia Domini insignem gloriam cedit, sed eam. abusus ex vano, & erroneo mundo, cæcisque hominibus venit, qui in suam perniciem illas conuerunt. Nam ut præclarissimus Tertullianus interpret. Cetera notanda in cap. 8. libri de habitu muliebri ait, res indifferenter nata sunt, si bonus & sanctus, honesta erunt, si malus turpes.**

Testes suæ assertionis eruditissimus hic Pater duos, eosque amplissimos adducit, sanctum Ioannem Chrysostomum, & Cyrillum Hierosolymitanum. Beatus Chrysostomus homel. 2. ad Pop. sic ait: *Vinum Dei opus est, ebrietas opus Diaboli.* Rectè faciunt, qui vinum ob id intemperanter hauriunt, quod Deus vitem, ex qua illud nascitur, creauit? Minime omnium. Videmus namque vinum à Deo, eiusque manibus descendere, ebrietatem verò, ac temulentiam semper damnari, & execrationi esse, quod

quod ad eam malus dæmon magno studio, & sollicitudine incert.

Sanctus Cyrillus catechesi 3. sic habet: *Quæ inanis offeruntur, cum naturâ sint pura, invocatione demonum impura efficiuntur.* Sic usus bonas, aut malas efficiunt res alioquin indifferentes, dum eas siue in Dei gloriam, siue in illius offensam, aut in suum exitium, vel commodum n quispiam vertit.

Hoc etiam Cordubensis Seneca Epist. 31. talibus verbis affirmat: *Honesti, & turpia virtutis, & malitia societas efficit.* Virtus bona facit, quibuscunque illa accedit, sic malitia noxias, & damnosas res quibus adiungitur.

Seneca hoc pronuntiatum mihi facere videtur, ut opportunum rei præsentî veniat, quod celebris magister latinitatis P. Bartholomæus Brauc in scholis sacræ Societatis Iesu dicere amabat, et quæ istud, quod nonnulli minus eleganter latinè vel loquuntur, vel scribant, id non ex eo fieri, quod verba eos elegantia destituant (nullum enim est vocabulum latinum, quod non valde sit elegans, nullum verbû, quod non ornatum, nulla dictio, quæ non ex sese venusta, & perpulchra) sed quod rectè, decenterque ea coniungere nesciant. Hanc rem tali paradigmate elucidabat. Siquis diceret: *Ego do tibi Enam, magnam penam*; barbaram orationem conficeret. Sed quomodo barbara, insulsa, incomptaque ea sententia est, cuius particula singula, ut *Ego, & Deo, & Tibi, & Vnam, & Magnam, & Penam* admodum bonæ sunt, & cum Marco Tullio Ciceroni, tum alijs exactissimis, perpolitissimisque scriptoribus usitata? in quo ergo phrasis huius vitium positum est, cuius verba nulla sunt vitiosa? In nexu illorum, & coniunctione, quæ cum per se bona sint, ex inconcinna constructione, & rudi copulatione efficiuntur barbara & sordida. Elegantiæ itaque non in verbis, aut vocabulis, sed in eo posita est, ut rectè illis uti noueris. Tantundem ego, cum Seneca affirmo: *Honesti, & turpia virtutis, & malitia societas efficit.*

Aurum bonum est, argentum, vniones, adamantes, sericum, & alia huiusmodi ex se adiaphora sunt, siue indifferentia. Quomodo ergo mala sunt? Quia male veruntur. Ut quisque Christianus ijs siue rectè, siue sinistrè usus fuerit, sic illa vel commoda sunt, vel damnosa. Auto & celum nobis comparare, & promereri infernum possumus. Non enim in rebus ipsis bonum, aut malum consistit, sed in usu illarum, nec in iugurio beatitudo posita est, nec in palatio damnatio, neque solitudo salus, neque communis vitæ consuetudo celo prohibet, sed eorum

usus bonus, aut malus, eodem namque cunctis, quo panis ad victum scinditur, vita innoxio admittitur.

Sanctus Patriarcha noster Isaac, quanquam lauitius aliquantum, dapniliusque vixit, saluatus nihilominus fuit, filius autem illius Esau vno lenium esu periit, perdiditque, ut sanctus Paulus affirmat, iura, immunitates privilegia domus suæ omnia. Ac tametsi ea iura, & privilegia celum Iacobi iam deputarat, concesseratque, Esau tamen sua esse arbitrabatur, & tanquam sua vendebat fratri, dum pro lenibus illa offerebat. *Propter Enam escam vendidit primitias suas*, inquit Paulus Heb. 12. 16. Videte quanta mala in paucis, vilibusque lenibus reperta fuere! Pro illis renuntiavit sacerdotio, & primo mentis loco, & benedictioni, quam impetire fratribus reliquis nauu minoribus potuisset, & vestimentis pretiosioribus, cultioribusque, quæ per dies festos, tanquam suæ dignitatis insignia, induisset. Vendidit principatum dominatus regij, endidit ius, quo ad illum paternarum opum pars dupla pertinebat, & primogenituræ proprietatem, & supremam benedictionem, quam à discessuro è viuis patre expectare potuisset. Itâ notant Lyranus, Abulensis, Honcala, Pererius, Cornelius, Oleaster, Istela, Martinius del Rio, & alij, qui tamen in paucis non nihil dissentiunt. Omnium verò illorum lucrum sanctus Patriarcha Iacob fecit, eò quod in victu frugalis esset, & parsimonia ad mensam vteretur, ciborumque abstinentiam, & inediam, & ieiunium amaret, & diuina beneficia suis ponderibus pensaret, ac magno loco haberet. Esau itaque non peccauit per luxum ciborum, aut epularum intemperantem usum, sed *propter Enam escam*, & vilia legumina, & tantillulas lenticulas, ut hinc noster Politicus accipiat, bonum, malumue non in rebus ipsis positum esse, sed in eo, ut quis rectè illis uti sciat.

CAPUT VI.

Qui scuto mortis obarmatur, is tam securus pergit, ut nec ab hoste contingi, nec feriri ab aduersario quopiam timere debeat.

Occasione tam celebræ abstinentiæ, parsimonique, & frugalitatis, quæ sancto Patriarchæ Iacob familiariter usitata erat, coronabo hunc librû quadam ratiocinatione, quæ commoda veniet ijs, qui in die Cinerum pro concione dicunt, quando viuus omnibus, quales à morte futuri sunt, ob oculos communiter proponitur, & Euangelium eiusdem diei exponitur. Atque ut suis numeris absolu-

ta euadant, quæ de hoc argumento dicere propositum est, necessum fuerit ad memoriam reuocare duas ex multis virtutes, ex quibus ingentem sibi apud omnes laudem, & admirationem conslarunt huius magni Patriarchæ parens Isaac, & auus Abraham, qui vnâ maximè in peregrinos hospitalitate, & prolixitate erga pauperes excelluit, & illustrissima omni posteritatis, & mundo toti exempla post se reliquit. Hanc ipse in egenos liberalitatem satis illud commendat, & prædicat, quod *in ostio tabernaculi sui. in ipso seruire dies;* (Genes. 18. 1.) sedens excubabat, diligentissimèque circumspicebat, ne quis peregrinus, aut mendicus præteriret, qui non recto, mensæque illius ante usus fuisset. Pectoris ardorem, quocum hoc aditabat, temporis feruor prodebat. Isaac hac re maximè præstitisse videtur, quod rei omnium certissimæ, hoc est, mortis horam incertissimam semper ob oculos circumferebat. Satis hoc indicauit improbo filio suo Esau, quando ad eum, quo tempore illi benedicere constituerat, aiebat: *Vides quod senexerim, & ignorem diem mortis meæ;* Genes. 27. 2. ratio proinde postulat, ut rationes, quas supremo Iudici daturus sum, subducam, & res animæ meæ omnes diligenter, sollicitèque componam.

Obseruauerunt hic Interpretes, quod Isaac his dictis totos quadraginta tres annos superstes vixit. Notatum hoc à Tostato, Pererio, & Cornelio, qui aiunt: *Vixit posthac adhuc Isaac annu quadraginta tribus, mortuus est enim anno aetatis centesimo octogesimo.* Parsimonix itaque studium, hospitalitatis, & liberalitatis amor, perpetua mortis recordatio. Tres sunt virtutes, de quibus hoc loco sermonem institutam, tres flores, quos Politicus noster, tanquam argumentosa apis delibabit, & carpet, in subsidium dulcis fabricæ profectuum animæ suæ. Hæc tria arma vestire, his clypeis se munire debet aduersus tria mortalia spicula, quibus capitalis inimicus noster multas solet sauciare, & mactare animas, quantum immortales maneant.

Tres præcipuæ fulminares machinæ, quibus mundum dzmon acrius infestat, & vehementius impugnat, pluresque & arces deiecit, & occupauit ciuitates, sunt superbia, gulositas, auaritia, ut inquit Sanctus Ioannes 1. epist. c. 2. v. 16. dicens: *Omne quod est in mundo, concupiscentia carnis est, & concupiscentia oculorum, & superbia vitæ;* quæ verba de supradictis vitijs accipiunt omnes plerumque Interpretes, O Eumenius, Dionysius Carthusianus, Lyranus, Lorinus, & Cornelius. Lyranus sic loquitur: *Concupiscentia carnis est, quæ viget in voluptuosiss, concupi-*

scientia oculorum in cupidis, & auaritia, superbia vitæ in ambitiosis.

Quam probè nouerant veteres Græcorum Philosophi, hæc tria vitia esse duces, & fontes cæterorum, vehementissimosque esse illorum insultus! Quoties enim quisquam Philosophiæ professionem faciebat, vt vitæ religiosæ nunc ascetæ faciunt, ætæ talium peccatorum inimicitiam, implacabileque odium, & dissidium ab eis perpetuum iurabat, ut refert Sanctus Isidorus Pelusiota lib. 4. epist. 198. vbi habet ista: *Iurabat unusquisque in hac verba, Ego contemniam omne malum lucrum, voluptatem corporis, inanem gloriam.* Solum iurabant velle hæc bello persequi vitia, & irreconciliabiles aduersus illa fouere simulatas, quod ipsis videretur, si tria ista superarent, quæ velut radices, & fontes essent cæterorum, reliqua omnia, facili negotio subigere, & conficere posse, quæ tanquam riuus sunt illorum fontium, & quasi membra istorum capitum, & rami illorum truncorum, & effectus illarum causarum.

Plinius lib. 21. cap. 21. ait, *serpentes nunquam in trifolio aspiunt,* tantus est in illis venenatis animalibus talis herbæ metus. Res mira! Notorium est eam herbam illo trifolij nomine donatam à tribus folijs, quæ in singulis habet germinationibus. Cum itaque mala omnia, ut S. Ioannes aiebat, ab his præcipuis fontibus, & capitibus principalibus, superbia, inquam, gulositate, & auaritia descendant, ac dimanent, arripiat Christianus hoc trifolium, curetque has secum ferre tres virtutes contrarias tribus istis vitijs, mortis recordationem contra superbiam, studium eleemosynæ contra auaritiam, usum abstinentiæ contra gulositatem, videbitque quod serpens diabolus non audebit ipsum aggredi, neque impugnare. Cumque has tres principes radices, & primaria malorum capita vicerit, facile de toto peccatorum exercitu reliquo triumphabit. His tribus armis nos mater nostra Ecclesia in die Cinerum vestit, & caput quidem nostrum galeâ memoriæ mortis contra superbiam status obregit, dicens: *Memento homo quia puluis es, & in puluerem reuerteris;* Gen. 3. 19. pectus verò lorica ieiunij munit aduersus ciborum luxum, & intemperantiam, ut illius vitijs ictus sine offensione excipiamus, inquiens: *Cum ieiunatis,* Matth. 20. 16. manibus denique eleemosynæ ancile obtendit, quo auaritiæ impetum retundant, dicens cum Christo: *Thesauizate vobis thesauros in celo;* Matth. 6. 20. his enim mortis, ieiunij, & eleemosynæ armis conuersus homo christianus, tam securus in palæstra huius mundi versabitur, ut nul-

lus ad illum penetrare hostis queat, nullus quā eum parte fauciet, inuenire possit. Eā trifolij herbula antiquum illum acheronticum serpentem fugabit, serpentes enim nunquam in trifolio assisunt.

Primam ergo galeam, quā nos tutari aduersus capitalem nostrum inimicum debemus, & primum trifolij folium studiosè consideremus, & mortis memoriam viuam, quantumq; in ea praesidium contra omnes hostes nostros habeamus, expendamus. De hac re sic ait Sanctus Basilius Magnus homel. 11. in hexam: *Fac natura meminervis, Ecce omnis illa ad improbitatem sectandam affectio pessumit. Inguis hac cogitatio salutare quoddam amuletum est aduersus quodcunque peccatum.* Cura ut tenuem puluerem recorderis, ex quo te supremus Opifex finxit, fragilitatemque tuam attentius peniciles, videbisque quam leuiter repelles, & obrues omnes prauarum appetentiarum, & noxiarum cupiditatum inimicas cohortes, quæ te inuadunt, ut virā animæ exuant. Hæc memoria potentissimum est contra omnem peccandi libidinem remedium.

Quam eleganter dictum illud, *Inguis hac cogitatio salutare amuletum est!* Amuletum dicitur omne genus remedij positum in characteribus, signis, vocabulis, imaginibus, figuris, quæ superstitioni homines communiuntur, talemque habent efficacitatem, ut nec gladius, nec pestis, nec venenum, nec fascinum, nec rabidus canis, nec aliud quidpiam eis incommodare possit, & ab omnibus periculis, quæ in hac vita occurrere homini possunt, sint liberi, quicumque eiusmodi amuletum penes se habuerint, & circumtulerint. Dicit nunc Magnus Basilius: Vultisne forte aduersus omnia vitia, & passionem, asseculq; mortales praesidium, scutum quod vos protegat, vmbonem, qui defendat, amuletum, quod sospiter, characteres, qui seruent, vocabula, & figuras, quæ tutos praestent? Mortem sapiculè ad memoriam reuocate, caducam vitam vestram, miseramque fragilitatem eius crebrò recordemini, talis namque cogitatus salutare quoddam amuletum est aduersus quodvis peccatum, & potentissimum contra omnes peccatorum tempestates, exorcismus. Tantum valet hæc memoria, tanta est illius recordationis efficacia.

Ita sentiebat, quantum ego quidem existimo, Propheta regius, quando apud se reputans beneficia, quibus à Deo cumulabatur, inquebat: *Ipsè liberauit me de laqueo venantium*, Psal. 90. 3. Alianè verò sunt discrimina, à quibus exemit? *Ab incurfu, & damonio meridiano*; ibid. v. 6. Quis ille fuerit

Tom. III.

incurfus, quod meridianum dæmonium, cuius hic sanctus Propheta meminit, à quo illum Dominus liberarit, ut pròinde venatorum animam eius perquirentium laqueos saluus, incolumisque euaserit, non est facile intelligere. Sed priusquam expositionem aggrediamur, notandum, illa nostri vulgati textus, *Ab incurfu, & damonio meridiano*, à Sancto Hieronymo apud Richardum Cenomanum etiam sic verti, *Ab morsu insidiantis, insanientis meridie*, subaudi, canis; Alij, ut monet Lorinus, sic transferunt, *A peste, ab exitiali morbo*. Apud Theodotium autem, & quintam editionem sic habent, *A plaga, & conclusione*. Denique apud Agellium, *A morbo immedicabili*. Iam difficultas verborum superiorum etiamsum perstat, nec enim scimus quid intelligi queat nomine dæmonij meridiani, quod tam varijs vocabulis, puta pestis, morsus, morbi exitialis, & immedicabilis, donatur. Prætermitto hoc loco multa, quæ à multis dicta, & aio, dæmonio meridiano significari obliuionem mortis, siue illius sublatam, abiectamq; memoriam. Quid sol meridianus agit? Vmbra à corporibus omnem impedit, adimitque. Affirmat hoc S. Gregorius Nyssenus homel. 2. in Cant. dicens: *Meridies vmbra caret, solo lucente, super verticem*. Sol causa est vmbra, qui cum ad diem medium radijs perpendicularibus supra capita hominum immineat, facit, ut omnem auferat vmbra. Quod vmbra sit mortis symbolum, id tritum, peruagatumque est, asseriturque ex literis saceris, & profanis à Berchorio, Valeriano, Ricardo, & Laurero, cuius est istud: *Vmbra dicitur ipsa mortalitas*; Vt enim vmbra videtur corpus, & non est corpus, sic mors vmbra similem reddit, & relinquit hominem, ut homo videatur, & non sit homo, hominis scilicet sola quædam lineamenta exteriora habens, aliud nihil. Quod ergo regius Propheta Dauid ait, se Dei beneficio liberatum à dæmone meridiano, qui omnes adimit vmbra, tantundem est, ac si diceret, se ab illius dæmonis infestatione seruatum, qui toto ingenio, & omni studio connititur, ut ipsi suam vmbra, hoc est, caducæ & fragilis vitæ suæ, mortalitatisque recordationem ex oculis auferat, quod verò ab huiusmodi dæmone vindicatus sit, id perinde esse, ac si à rabidi canis lethali morsu curatus, à desperata ægritudine sanatus, & veneno liberatus sit, quod nullo alioquin remedio depelli poterat. Nam cum hominem suæ fragilitatis memoria destituit, aut vafri dæmonis astus meridiem ex illo facit, hoc est, omnem vmbra cogitatum ei adimit, & caducæ vitæ prorsum immemorem reddit,

Yy

id

id tale est, ac si mortiferos illi dentes infigeret, & animam ipsam insanabiliter configeret, contagiosissimamque ei pestem adferret. Quisquis à tali demone est relaxatus, idem omne incommodum, periculumque velut euasit. Nullum enim manifestius discrimen, quam id, in quo versatur, qui vitam sibi promittens longiorem, mortis omnem deponit cogitationem, cuius recordatio *salutare quoddam amuletum est aduersus omne peccatum, & medicina generalis quarumcunque animarum infirmitatum.*

Magnus Athanasius questione 14. inter varias, quas ad Antiochum Principem dedit, illud seiscitur: *Qualemnam orationem, aut quod verbum ex omnibus orationibus, atque verbis plus timent daemones, & diabolus?*

Respondet: *Narrauerunt nobis spirituum studiosi, homines fide digni, quod aspectu ipso, & de facie aliquando apparuerit eis diabolus, & peritus hanc ab ipsis questionem responderet his verbis: Non est in toto tam terrens, quam nouo testamento verbum terribilius, atque magis nostram disperdens potestatem, quam initium sexagesimi septimi Psalmi. Statim enim dicto, Exurgat Deus, & dissipentur inimici eius, mox glulans evanescit, & disparet diabolus, factis ostendens huius orationis virtutem, & operationem.*

Quid verò habet ille Psalmus, quod tam vehementer horreat stygius cacodæmon, viresque illius tam potenter conterat, vel frangat? In illo Psalmo prænnuntiat Christus Redemptoris nostri triumphalis resurrectio, ut propterea ad illud nostri-vulgati textus, *Exurgat Deus*, glossa Augustini hoc dilucidationis ergo adiecerit: *Resurgat de sepulchro Christus.* Hæc verò sunt verba, quorum tanta est contra dæmonem efficacia. Quia dum Christianus accuratâ consideratione hæc secum verba expendit, cogitatque Deum ipsum sepulchro illatum fuisse, & mortem subiisse, qui erat immortalis, & hominum cæterorum instar in tumuli, & septenoram pedum loci angustias coniectum eum, qui erat immensus, vitamque ipsam in funesta mortis brachia incidisse, demum verò postquam de hac triumphasset, atque in vitam immortalem resurrexisset, quinque cicatrices, tanquam mortalitatis indices, & testes retinuisse, quomodo fieri potest, ut non mitescat, tamen effertis fuerit moribus, & non emolliatur, vel si adamas sit, & non conteratur animo, quantum uis oblinatus sit, & pernix? Deus enim è sepulchro exurgens quem non conuerter peccatorem, & quem consequenter non fugabit dæmonem? Nostra namque peccata sunt arma, quibus nos dæmon impu-

gnat, nostra scelera gladij, quibus nos obruncat, & iugulat. Ergo cum ex mortis recordatione compungatur homo, & ad flagitiorum suorum poenitentiam, detestationemque adducatur, sit ut hac ratione dæmoni sua potestas adimatur, & destruat, hominis autem robur augeat, & vires non conualescant modò, sed & incrementa faciant. Armer sese proinde Politicus noster tali galeâ, muniatur eiusmodi clypeo, sic enim fiet, ut cum attentus suam apud se reputauerit fragilitatem, & vitam semper circumtulerit caducâ vitam, miseriarumque omnium memoriam, securus per omnia præsentis temporis pericula ad perpetuam quietis immortalitatem adipiscendam penetret. Nunquam illum hoc unum è tribus folium destituerit, quod infernales angues tam vehementer exterreret, sic ut id genus serpentes nunquam in trifolio contingat aspicere.

De mortis salutaris recordatione, & efficacia illius memoria, aduersus omnes vitiorum assultus, habes plurima in Stroque Tomo priore. Vide Indices rerum verbo Mors.

CAPVT VII.

Ieiunium, & abstinentia tam est forte, ac validum scutum, ut Christus ipse, ac si alias nullas vires haberet, illud sub mortis horam arripere, eoque se contra hostes suos tutari voluerit.

Equitur nunc secundus animarum nostrarum inimicus, qui sancto Ioanni dicitur *Concupiscentia carnis.* Hæc est glulostas, seu victus intemperantia, ut diximus, de qua tam gloriose triumphauit Iacob. Strages, quas hoc vitium facit, supra commemorauimus. Nunc reliquum est demonstrare, quam fortis armatura, quam validus murus sit ieiunium, & abstinentia aduersus crudellem hunc inimicum, omnesque illius fœderatos, quosque signa eius sequuntur, & partes consequuntur.

Sancto Ioanni Climacho gradus 14. dicitur ieiunium *incentiuorum omnium abscissio, malarum cogitationum amputatio, mentis custodia, quietis occasio.* Quod verò quietos nos seruat, idem magno nobis est, & singulari præsidio.

De numero dierum illorum quadraginta, quos in eis exegit Redemptor mundi, mira dixerunt sancti Doctores, & Oratores euangelici. Ut nobis exemplum de se præberet noster superus Magister, quadraginta dies, ac totidem noctes absque omni vitio transiit, & *tam resurrexisset quadraginta diebus, & quadraginta noctibus.* Ec. Matth. 4. 2. Quod hic

hic quadragenarius numerus sit decantatissimus in sacris literis, res est tam comperta, vt me probandi labore ipsa notorietas leuet. Verum percontemur sacrum Raucennarum Archiepis. Petrum Chrysologum, quid mysterij habeant illi quadraginta ieiunij Dominici dies, tali nempe numero necessum est magnum subesse sacramentum.

Respondet ille serm. 12. *Ipsè Victor singularis adinuenit ieiunium quadragesimæ, statuens in procinctu, Et quaternâ decade ieiunij quadraturam mundi totam muro inexpugnabili communitet.* Erat mundus quædam velut ciuitas aperta, patens, & absque muris, ac per hoc demon dominium sibi in homines vsurpare cœperat. At quid egit Dominus, vt omni illum potestate suâ nudaret? E cœlo descendit, & cinxit mundum, qui in partes, seu plagas quatuor diuiditur, puta Orientem, Occidentem, Septentrionem, Meridiem, quorum orbis terræ terminorum crebram sacræ literæ faciunt mentionem. Vt ergo Dominus mundum in securitatem assereret, imitatus diligentem belli ducem, industriumque & prudentem Capitaneum, qui animosissimos milites in portis locat, vt per illos sint ab hostibus benè tutæ, in singulis quatuor mundi partibus dies sui ieiunij decem, tanquàm decem milites, toridemque muros, & arces constituit. Decem ieiunij mei dies (aiebat supremus exercituum Dominus, & archigubernus) in præsidio Orientis collocentur, decem ad Occidentem abeant, decem Meridiem seruent, decem in Septentrione excubent, ita fiet, vt securus degat mundus, communita nihil timeat terra, tuti viuant homines, & aduersus omne periculum humana roboretur anima. Hæc è multis vna cœusa est, quòd Dominus quadraginta dies, ac noctes omni cibo sibi interdixit, *Et quaternâ decade ieiunij quadraturam mundi totam muro inexpugnabili communitet.* Sic autem obuallatus mundus dominici ieiunij, & abstinentiæ magni Capitanei nostri diebus, ac velut murorum, militumque præsidio munitus ab omni hostium metu vacuus esse potest, dum tali custodia rectè modo vti sciat. *Ieiunium enim scimus esse arcem Dei, arma Christi, murum spiritus, sexillum fides, sanctitatis trophæum,* quod totidem verbis S. Chrysologus in eodem serm. 12. affirmat. Benè itaque Climacho ieiunium dicitur *Quæris occasio,* per quod nimium sit, vt tranquillam, pacatamque vitam ducamus, dum ab illo ab inimicis nostris defendimur, & propugnatur.

Ad hoc procul dubio allusit S. Ioannes Chrysostomus, quando de hac tam vtili, ac momentosa vir-

tute, deque armis tam validis differens in cap. 13. Matthæi aiebat: *In horro virtutum glimum fortitur locum ieiunium.* Si in his chorus idem est, quòd exercitus, siue turma militaris (puto autem sic vsu eo vocabulo *chori* sacrum Doctorem, quod & ille de Canticis fecit, cum inquit: *Quid videbis in Sulamite, nisi choros castrorum;* Cant. 7. 1. nisi acies, & papiliones militares?) percommode in rem præsentem locutus est Chrysostomus. Vegetius, & qui de militari disciplina præterea scripserunt, suadent, cum ad proximam pugnam digerendæ copiæ, ita collocare manipulos, totamque sic instruere aciem, vt partem illius extremam teneant, qui diutius arma tractarunt, & in disciplina militari amplius sunt exercitati, hi enim alijs facere animos, atque vt magis industrij, ad omnem belli euentum paratum habere remedium, & cuncta confictus pericula præuertere, & auertere debent. Cum ergo ait Chrysostomus, *In horro virtutum glimum fortitur locum ieiunium,* hoc est quod dicere voluit, ieiunium in acie virtutum extremas copias ducit, nam cum sit animosissimum, robustissimumque, omnes sic protegere, & defendere potest, vt nulla ex ijs pereat. Ieiunium enim virtus est magnarum virium, & fortitudinis singularis, & miles strenuus, ac generosus, & dux intrepidus, & impenetrabile scutum.

Quis non miretur tres illos Israëlitos pueros in ardentibus flammis voracis illius Babylonici incendiij coniectos, quòd impij idololatæ, & barbari regis simulachrum venerari noluerunt, in medio flagrantium carbonum, & æstuantis fornacis tam voluptuosè obambulasse, ac si blaudus Zephyrus leni aspiritu eos afflasset, aut apricum hortum peruagati floridulos, & pictos illius puluillos pedibus, oculisque lætis obijissent, laudes etiam supremo benefactori Deo ardentibus animis, & magnis vocibus decantasse? De quibus sic habes Daniel. 3. 24. *Et ambulabant in medio flammæ laudantes Deum, & benedicentes Domino.* Vnde illis tanta in tanto incendio securitas? Quomodo inter medias flammis tam festiuos promere cantus potuerunt? Quomodo vorax ignis tantum tribus illis pueris detulit, vt velut subblanditus sit his, quos deuorare debuit, & ardore suo ijs assentatus, quos consumpturus erat, vt paradiso similior visus fuerit, quàm æstuantis fornacis locus, in quem exurendi detrusi fuerant? Quis tam validi hostis fortissimas vires fregit? Quis ardentibus flammis in amabilem Fauonium transmoutit?

Quis! At quis alius, nisi ieiunium? inquit sanctus Basilus Magnus. Ieiunium ferociam ardentis-

simi istius elementi perdomuit, & immanitatem tam infesti, furiosi, & vulcanij incendij compressit. Ieiunium fuit inclytus tam flagrantis hostis victor. Ieiunauerant tres illi pueri diebus superioribus, abstinerant mensæ regiz cibis, nolentes contaminari escis vetitis, & victu profano, cumq; ignem tam validis armis, tamque impenetrabili scuto obmuniti intrarent, subegerunt flammæ, vicerunt ardores, superârunt ignem, rubentesque, ac viuidos illius carbones sic calcârunt, ac si amicum hortum peragrarent, flammæque illis refrigerium, adferebant, & prorepente, placidoque Zephyro erant. Declarat hoc Amianti exemplo Magnus Basilius Orat. 1. de ieiunio, iniquens: *Ea est lapidis cussidam, quem Amiantum appellant, natura, & igne quidem confectis nullo modo posset, in flamma tamen positus prunarum speciem præferat, inde verò extractus, quasi aqua benè lotus, ac lustratus, purior, ac nitidior videatur. Talia erant tria illorum puerorum corpora, qui ieiunij adiumento, cum Amianti lapidis vim haberent, in immensam illam fornacis flammam coniecit, perinde ac si naturâ ignis essent, ab ignis iniuria incolumes euaserunt, &que adeo & auri vim superarent. Verè stupenda Amianti proprietates, quæ talis est, vt in æstuantissimam fornacem coniectus exuri videatur, verum è flammis erutus tam purus, nitidusque exeat, ac si aquis dilutus, non flammis adustus fuisset. Plurimum similia huius lapidis erant corpora trium illorum puerorum, (idque vi, & efficacitate ieiunij,) qui in sæuas flammæ coniecit, tales inde prodierunt, quale à fornace aurum venit, purioresque, & fortiores, & pulchriores sunt egressi: Et si diligenter rem exâmines, auri vigorem etiam superârunt, aurum enim ignis pertinacitate sæpè colliquefcit, at hi tres animosi, & masculo animo pueri ab incendio vegetiores, & venustiores exierunt. Ieiunij merito totum hoc factum est, ieiunij procuracione, & solitudine admirabile hoc prodigium euenit, *ieiunij adiumento Amiantis lapidis vim habuerunt.* Ieiunium namque verus Amiantus est, qui ridet flammæ, ludibrio habet ignem, elementa inuertit, immutat vires, transformat proprietates, faciens ex flammis Zephyros, viridaria ex fornacibus calcarijs, Hierosolymam è Babylone. Tanta est ieiunij vis, tanta huius virtutis potestas, quam Deus ipse consecrauit, & quadraginta dierum, nocturnumque obseruantia dedicauit.*

Quanta autem sit ieiunij efficacia non parum ex eo elucescet, quod Regi virtutum, & omnis potentiz Domino in supremo illius, & pœnali cum a-

cerba morte conflictu accidit. Blasphemias in illum plurimas, & atrocissimas hostes ipsius capitales omnes iactabant, quod ipse, ex sententia sancti Augustini, multò ante præuiderat, & per os Prophetæ regij prædixerat, quando Psalmo 68. 5. 7. sic aiebat: *Multiplicati sunt super capillos capitis mei, qui oderunt me gratis, confortati sunt, qui persecuti sunt me, inimici mei iniuste;* Et cum sitim meam, quæ intolerantissimè laborabam, illis significarem, *dederunt in escam meam fel, & in sitim meam potauerunt me aceto;* ibid. v. 22. Satis manifestè hic videre licet, inquit egregius Doctor, quam accuratè ad ipsum literæ sensum expletum hoc fuerit in mitissimi Agni acerbissima passione. Cum enim videret, quod omnia iam tormenta exantlasset, solasque reliquas esset ex aceto degustando cruciatus, vis ardentem, sæuamque sitim suam aperuerat, quando Iudæi, vt illius dolores exasperarent magis, auctioresque redderent, mordax acetum ei propinârunt. Verum Euangelista monet, quod cum gustasset, noluit bibere; Matth. 27. 34.

Dicit nunc Augustinus: Quidnam inter hos tam acres, & acerbos conflictus, tantasque amaritudines patientissimus Dominus agit? Id, quod Propheta cum Euangelista congruens affirmat: *Operus in ieiunio animam meam,* ibid. v. 11. In quæ Augustinus: *Ieiunare elegit;* impotens manere maluit, quam bibere. Cumque hæc ieiunij loricâ se texisset, *consummatum est,* inquit apud sanctum Ioannem c. 19. 30. velut dixisset: Ad vmbiculus deductum est negotium, & certa victoria. Qui enim forti hac, insignique loricâ communitus est, non habet quod metuar, hostiumque profligationem, & indubitatum sibi promittere potest triumphum. Irrugiant itaque inimici, furant hostes, ac perbacchentur, armentur, blasphemijs, iactent conuitia, vomant probra, quidquid libitum est, id & faciant, & dicant, totus contra me Orcus coniuret, sed hoc sibi persuasum habeat, quod inanis à me redibit, nam *in me non habet quidquam,* Ioan. 14. 30. hoc est, non inueniet, quâ parte me inuadere queat, vt ferè exponit sanctus Gregorius. Cur istud? Quoniam *operus in ieiunio animam meam,* ieiunio confectus, ieiunij sento munitus, & à summo vertice vsq; ad extremas calces sum obarmatus. Quis sub his armis timeat? Quis tali clypeo scutatus tremat? Tanta nimirum vis est ieiunij, vt Deus ipse illâ vt videatur aduersus omnes suos visibiles, & inuisibiles hostes, tanquam non haberet, natium robur suum, & defendendi sese, ac protegendî potentiam immensam. Quod autem ieiunij

iunij præsidium sibi adhibere voluit magnus Dominus, hoc ad illius singularem commendationem fecit, vt quanta sit illius virtus, & potestas, nobis innotesceret, quod scilicet solum tueri illum, cum tam multis in locis tam rabiosis ab hostibus oppugnaretur, potuisset, tamen vires, quibus seipsum defenderet, alias nullas habuisset. Hæc omnia talia sunt vt Politicum nostrum profectus sui spiritualis cupidum ad illius tam potentis virtutis amorem, & magni Patriarchæ Iacob imitationem excitare queant, vt tam valido scuto tectus non pertimescat hostium suorum capitalium ictus, à quibus insidiosissime obseruatur, & dolosissime tentatur, & pertinacissime impugnatur. Hoc folio tutus ab omni infernalium serpentum vafritie fuerit, dictum enim iam iterum, ac sæpius serpentes in trifolio nunquam aspic.

De sacri ieiunij laudibus habes multa in Tomo 1. Vide illius Indicem rerum.

C A P V T VIII.

Ardens habendi sitis nullo alio facilius extinguitur, quam aqua liberalis, & prolixa erogationis.

VEniamus nunc ad Trifolij tertium folium, quod mediationi seruiet tertix infirmitatis, quam mundus plurimum laborat, & nescio an grauius, quam præcedentibus. Aegritudo hæc est auaritia, quam sanctus Ioannes vocat *concupiscentiam oculorum*, avari enim quidquid videt oculus, hoc ferè appetit, & suspirat animus. Multi arbitrantur habendi auiditatem acquisitione, & accumulatione multarum opum extingui, non secus ac sitis ardor remittit, cum aqua copiosius hauritur. Verum non ita res habet, sunt enim etiam infirmitates (in quibus hydrops) quæ ex copiosiore potu augefcunt, magisque efferantur, & vehementius bibendi desiderium excitant, vt aqua videatur magis accendere, quam refrigerare, & potius inflammare appetitum, quam mitigare. Idem auaritiæ accidit, quæ infernalis quædam hydrops est, cuius ardor non extinguitur multa habendo, non auri copiâ opprimitur, immò verò tantò plus accenditur, quantò plus argenti bibitar, & plus auri acquiritur, sic vt pari mensurâ & opum affluentia, & earum fames angefcatur.

Euangelicus Propheta Isaias cap. 7. v. 1. hæc memorat: *Et factum est in diebus Achaz, filij Ioathan, filij Ozia regis Iuda ascendit Rezin rex Syria, & Phacee filius Romelia rex Israël in Ierusalem, ad præludandum contra eam.*

Nicolaus Lyranus, dum sensum moralem eorum verborum persequitur, ait, istorum duorum regum nominibus duo significata vitia, superbiam nempe, & auaritiam, quæ supremum animabus exitium semper machinantur. Verba Lyran talia sunt: *Phacee, qui interpretatur oris apertio, signat auaritiam, unde auarus dicitur quasi aris audus, & sic os apertum habere dicitur, quia nunquam pecunijs saturatur.* Aptissimum avari symbolum, propriissimaque illius appellatio est *Phacee*, siue hians ore, qui enim temporalium bonorum immoderatâ cupiditate flagrat, is plura semper ore patulo anhelat, neque exsaturari potest, quantumuis auri, & argenti accumulet: *Os apertum habere dicitur, quia nunquam pecunijs saturatur.*

Quin immò contrarium ferè euenit, nam ipsa rerum plurimarum copia, ipsa thesaurorum ingentium collectio, ipsa diuitiarum magnarum consecutio, ipsa opum potatio sitim vehementius inflamat, concupiscentiamque reddit flagrantiorē. Id Claudianus pereleganter his versibus cecinit:

*Non Tartesiæcis illum satiet arene
Tempestas pretiosa Tagi, non stagna rubentis
Aurea Pætolis, totumque exhausit Herminum,
Ardebit maiore siti*

Si Tagus, si Pætolus, si maria omnia merum aurum essent, & in avari pectus tota se exonerarent, sitim illius, ardoremque cupiditatis non extinguere, non vel imminuerent, sed exaggerarent etiam, & amplificarent.

Hærebat in consideratione huius tam communis mali sanctus Isidorus Pelusiota, quod tamen per uulgatissimum sit, & latè patens, illum tamen in magnam admirationem rapuit, vt diceret: *Inexplicabilis hic morbus est, atque ænigmati similis, cum curatur, ingrauescit, per excogitatum remedium atrocior efficitur.* Hæc ille l. 3. epist. 412. ex hom. 13. sancti Ioannis Chrysostomi in epist. ad Rom. To. 4. ac si pluribus dixisset: Non est qui ingenio naturam huius infirmitatis assequi possit, obscuro ænigmati per similis est hæc aegritudo. Quis Hippocrates conductiones illius inuestigabit? Quis Galenus perferetabitur? Quid est, ex quo ægrè est auaro, & diuitiarum immodicè cupido? Sitis illum auri, & argenti affligat. Bibat ergo aurum, bibat argentum, bibat vniones, adamantes, margaritas alias, totum Arabiæ aurum, & metallorum, quotquot mundus habet, pretiosissimorum venas omnes, easque copiosissimas, ac ditissimas illi exhibeant. Facientne hæc,

ut ipſius remittat ſitis, miſceſcat ardor, extingatur incendium?

Ex Chryſoſtomo Iſidori magiſtro illud ſciſcitare, (à quo Iſidorus etiam ſua mutuatus fuit) iſ quaſito ſtatim occurrer, dicens: *Auarus in omnes ſe mors inſiſcit, omnes ſe infernus degluſcit, communis humani generis eſt hoſtis, quippe qui ſcelleſ nullum hominem eſſe, ſe omnia poſſideret. Neque hic tamen ſiſcit gradum, ſed cum omnes perdidit cupiditate ſua, etiam terra ſubſtantiam cupit abolere, ac ipſam aurum ſe ſcelleſ aſpicere, nec ſolam terram, ſed ſe montes, ſe valles, ſe fontes, ſe breuiter quidquid in rerum natura extat.* Hæc ille hom. 29. in cap. 8. Matthæi. Poſſeſſe ſatis fieri ſiti hominis auari? Poſſeſſe incendium cupidi extingui? Sed quomodo diuitiarum intemperanter appetens exſaturari poſſit? Quomodo ardor illius aboleri? Quomodo opprimi cupiditas illius queat, qui velut mors quædam nemini parcat, & velut infernus omnes ſorbere vellet, eſſeque hominum cæterorum hoſtis capitalis, qui omnes cuperet extinctos, & bonis omnium ſolus gaudere optaret? Hæcine ſitis illius linea extrema? An huc tantum, neque ulterius auiditas illius progreditur? Nequaquam. Totum terrarum orbem & quæcunq; ille complectitur, aurum eſſe deſideraret. Soleni in pretioſum carbunculum, ſtellis in adamantes, planetas in pyropos, cælum totum in Zaphyrum, arborum folia in Smaragdos, ſaxa in amethyſtos transformari vellet. An verò talium votorum compos, factus conſaneſceret, atque à ſiti ſua liber euaderet? Minimùm. Tametsi & montes, & mundos prorsùm aureos in ſuum dominium, poteſtatemque redegiſſet, non plus iſ ad extinguentiam illius ſitum facerent, quàm ſi trientem, aut æreolum, aut minutiam obtinuſſet. Auari famas ſatiari nequit, tametsi maris gutta in adamantes, & arenæ illius in ſcopulos aureos, & Solis atomi in graues argenti laminas verterentur, eiſque propinarentur. Quæ cum ita ſint, quid mirum, quòd Iſidorus ex ſententia ſui magiſtri Chryſoſtomi aſſermet, ænigmati, aut verò etiam ſcandaloſum eſſe hoc malum, quod dum curatur, ſit maius, augeſcitque remedio, quo curandum ſperabatur? Habendi ſitis creſcit, quantum opes, quæ expetuntur, creſcant, & poſſeſſione earum vehementius inardescit, & ex gaudio præſentium intolerabilius deſiderium eorum, quæ nondum habentur, naſcitur: *Inexplicabilis hæc morbus eſt, atq; ænigmati ſimilis, cum curatur, ingraveſcit, per excogitatum remedium atrocior efficitur.*

Quàm aptè confirmabitur hoc ab illo, quod San-

ctus Lucas de quodam homine & opum copiâ, & ſanguinis ſplendore bis nobili narrat. Accessit ille ad ſupremum orbis Reparatorem, quem cum de vita æterna diſſerentem audiſſet, his verbis ab animo, ut videbatur, contrito, & humili profeſſis appellauit: *Magiſter bone, quid faciens vitam æternam poſſidebo?* Lucæ 18. 18. Reſpondit Dominus, ad illius vitæ conſecutionem ei, qui omnia à iuuentute obſeruatiſſe decalogi mandata dixerat, vnum hoc deſeſſe, quòd non omnia vendiderit, pretiumque in pauperes erogauerit, quod ſi faceret, tunc & tutum in cælis repositum theſaurum certò expectaret, & admittendum in collegium Diſcipulorum ſuorum non dubitaret. Simul hoc Chriſti reſponſum audiuit, & contriſtatus eſt, ibid. v. 23. contriſtaque in rugas fronte mæſtus deiecit oculos, & vultum aliò obuertit. At vnde hæc illi nata eſt triſtitia? *Quia diues erat* Calde inquit S. Lucas ibidem, idcirco mæſtitia animi illius totum occupauit, mox ut de abdicandis à ſe opum copijs verba fieri audiuit. Quo conſilio vitam expetebat æternam? Quò ſpectabat illius deſiderium, quod eum incitabat, ut vitam ſibi procurare vellet immortalem, ac ſemper duraturam? *Quid faciens vitam æternam poſſidebo?*

Theophylaſtus in cap. 18. Lucæ de hoc homine ait, *quòd tanquam avarus vitam æternam deſiderauit.* Avarus erat, auriſque, & argenti ſiti hydropicà laborabat, quiſque ille erat. Quando ergo venit, & vitam perpetuò duraturam petijt, hoc fecit, ut opum ſuarum facultatibus frui æternum poſſet, & ſic omnia diſponerentur, ut nunquam illi ex oculis ſua dilaberetur pecunia, ſed auro ſuo potiri ſemper, & indiſſicientem habere ex numis magno cum ſcandore uſuram, reiſque familiaris, & prouentum, & cenſum, & facultatum omnium conſtantia, perenniaque facere incrementa poſſet. Huc ille triparcus Princeps, & ſordidus dominus æternitatem vitæ expetebat, ut ſiticuloſo corde, & ardentibus viſceribus, & hianti ore, & aridis, auidisq; faucibus, de ſui auri, & argenti fonte haurire nunquam non poſſet. Quantuſcunq; enim opum copijs, qui ſunt tales, circumfluant, tam vehementer illos nihilominus plura habendi ſitis affligat, & auri famas, pecuniæque cupiditas excruciat, ingentes licet, atque imenſos theſauros reconditos habeant, ut extinguerent ſuum ardorem, famemque exſatiare non poſſent, tametsi totà æternitate biberent. Itaque quòd ſemper viuere optant, id faciunt, ut maiore ſemper copiâ haurire aurum queant, quòd enim plus bibunt, plus ſitunt, & eo ipſo, quòd impenſè expetunt poſſident,

possident, plura habendi appetentia amplius inflammatur, & flamma ardentis pectoris magis accenditur: *Tanquam avarus vitam eternam desideravit.* O tyrannidem avaritiæ! ô sitim cupiditatis rabidam, & intolerabilem!

Quænam sit huius ægritudinis parens; quæ causa infirmitatis, id Claudius Galenus lib. de curandis animi morbis c. 9. videtur subindicasse, cum sic ait: *Auari si duplicem quidpiam habent, triplicem incipiunt. Quare nunquam tu sanè omnibus ditior, sed propter immensas cupiditates semper futurus es pauper.* Avari cupiditas modum nescit, quæcunq; pridie consequitur, postridie minor, & pauciora sunt his, quæ præterea velle, quoddam si & hæc obtineat, tanquam inopem copia faciat, ad plura inardescit, & concupiscendi nullum finem habet. Hydrops nimirum est, qui crescit indulgens sibi morbus, ut profanus Horatius lib. 2. Carin. canebat. Sic avaritia, quo curari posse remedio putabatur, eo fit grauior, & medicina magis accenditur, ignisque concupiscentiæ eius magis inflammatur, dum auri aqua illi affunditur, quæ extinguendus sperabatur.

Quod verò remedium tam graui ægritudini adhibebimus? Aut quam medicinam constitueamus malo, cuius tam malum ingenium, tam improba natura, & maleuola conditio? Non aliam, quam superius Medicus præscripsit, cum ait: *Nolite thesauros vobis thesauros in terra;* Matth. 6. 19. Nam si ardentem illam cupiditatis sitim, quæ suo ardore animas vestras depascitur, & tota adurit viscera, vultis extinguere, id facere deberis non accipiendo, siue accumulando, sed erogando: *Thesaurizare vobis thesauros in celo;* ibid. v. 20. projicite opes, & copias vestras in manus pauperum, sic enim ab illo flagranti morbo, & ardente ægritudine persanabimini.

Plutarchus etiam tale quoddam consilium suggestit apud Magallan. in c. 6. ad Timoth. 1. Annotat. 6. To. 1. dicens: *Sitientem, qui nondum biberit, spes est potum sitim aboliturum, qui vero continenter bibens sitire non desinat, non impletione, sed purgatione censemus opus habere.* Et *Comere iubemus.* Qui plura necessarijs possidens, plura expetit, eum non aurum, & argentum sanare possunt, sed iacturâ opus habet, & purgatione. Ut is, qui sitim restringere suam non potest, tamen potum alium ex alio plenis crateribus semper offundat, non haustu curari potest, sed omnis potus denegatione, & subtractione: Sic ille, qui pluribus abundat, quam victus honestus requirat, neque tamen satis habet, tamen

Crasso ditior, tamen nulla sint satis ampla illius frumentis horrea; tamen vino torcularia perpetuum redudent, tamen cum illo euangelico fordido stulto plurima bona in annos plurimos habeat reposita, quique auri, & argenti abundantia magis, magisque accenditur, & inflammatur, non aliter curari debet, quam ut moneatur exonerare se auro, & argento, cui si non obtemperet consilio, nunquam ab infirmitate sua conualecet, immò ægrius habebit, & morbo semper grauiore afflictabitur: *Iacturâ opus, & purgatione.* Distribuat ergo facultatum suarum copias in egenos, aurum suum, & argentum in mendicos eroget, gazophylatium suum in pauperes euacuet, & clausis arcibus arcæ custodiâ pecunijs inopum miseriam liberaliter leuet, sic enim & morbi sui malo leuabitur. Habendi namque sitis curari aliter, quam erogandi aquâ non potest.

Tantumdem consulit Sanctus Gregorius Nazianzenus Orat. 17. dicens: *Naue paululum exonerata, & leuius nauigat, in egenum aliquid eorum, quæ tibi redundant, eructa, & euome.* Cum naui quæpiam innodiosis ponderibus prægrauata superueniente iactatur tempestare, hoc habet remedium, ut leuetur onere, quo euadat periculum. Qui nimio cibo suum infarciit, & expleuit stomachum, ei vomitus mederi potest, & electio eorum, quæ intus molestiam pariant. Simile remedium suggerit magnus Theologus avaris, omnibusque, qui hydropse auri, argenti, pecuniæ laborant, consulit, & nisi naufragari inter concitatos ægritudinis suæ fluctus velint, alleuiet nauem, & in pauperes de rebus suis quædam exonerent, & si oppletum habent ventriculum, hoc est, confertas numis arcas, affluentia horrea frumento, cellaria vino, leuent illum suis ponderibus stomachum, aurumque illud, & argentum, & frumentum, & vinum, & vestimentum superfluum erogent in eos, quos talium indigos vident: *Eructa, & vomere;* ut sic conualescas ab ægritudine tua, & incolumis viuas, immينو enim opum pondere citius, ac tutius ad optatum gloriæ portum appelles, cumque euomeris ea, quibus abundas, celestes thesauros pro terrenarum facultatum copijs recipies. Habendi sitis abolendæ nulla commodior medicina, quam erogandi, & dandi aqua.

Ecclesiasticus c. 3. v. 33. ait: *Ignem ardentem extinguit aqua, & elemosyna resistit peccatis.* Aptè in causam præsentem expoluit hæc verba doctissimus, & eruditissimus Aloysius Nouarinus, dicens, magno Spiritus Sancti consilio, & singulari mysterio comparatam esse elemosynam aquæ, igni avaritiam.

ritiam. Tale quidpiam namque hoc est, ac si dictum fuisset, ad restringendum ignem non esse quærendum alium ignem, sed hostem illius notorium, puta aquam. Itaque si avaritia ignis est, & quod avarus plura corradit, eò ardentior animæ subiecit igne, habendique sitim auget, ut hæc sitis extinguatur, aduersarius illius accersendus, & adhibendus, qui est dare. Quare ut ignem aqua extinguit, sic immoderata habendæ cupiditas, & insatiabilis hydrops elemosynâ curanda sunt, quæ est aqua, quâ ille ardor extinguitur, & opprimitur ignis. Audite eloquentem Nouarinum: *Elemosyna extinguit peccatum, quia diuitiarum amorem & eluti ignem in electis aquis obruit, & extinguit.* Paret ergo hanc sibi Politicus noster medicinam, curetque ut ab ea probe semper sit instructus, quemadmodum sanctus Patriarcha Abraham faciebat. Sit liberalis, & munificus in pau-

peres, & egenos, tali nimirum aquâ ardentem sitim, intemperantemque cupiditatem habendi facile abolit. Abstinentiæ scuto, uti Iacob fecit, sese obmuniat. Cum Isaac galeâ caput armet, continuam animo circumferens suæ fragilitatis memoriam, saluberrimamque, & medicam trifolij herbam ad manus semper habeat, sic enim serpens infernalis ipsû adoriri, & tentare formidabit, *serpentes enim in trifolio non assuescunt* iam olim obseruatum. Nam si ex his tribus capitibus, aut fontibus, superbiâ, gulâ, & avaritiâ dimanant ut riui quidam cætera vitia, & peccata, si has scaturigines obstruamus, & illa capita demetamus, & radices euellamus, reliqua flagitia facile vincemus, & calcabimus. Facile enim curatur, cui in fonte remedium adhibetur, & exiguo negotio sanatur, cui in ipsa radice medemur.

LIBER SEPTIMVS.

CAPVT I.

Nihil scit, qui rem vnam tantum nouit, tamen si eius rei scientiâ insigniter excellat.



Vangelista pictor beatus Lucas in sua Euangelica historia narrat (cuius & supra facta mentio) quoddam cælestem Magistrum Princeps quidam conuenit, ut cum illo de animæ suæ salute communicaret, magnam exterius præferens consequendæ vitæ æternæ desiderium. Reuerenter ergo ad illum accedens, hoc illum humiliter, demissèque interrogauit: *Magister bone, quid faciens vitam æternam possidebo?* Lucæ 18. 18. hoc est, doceri velim, quibus potissimum medijs uti debeam, quæ huc mihi sint magis commoda, & efficacia, ut finem vltimum consequar, illum, ad quem sum conditus. Audiuit illum superus medicus, & diuinus doctor, & cum quadam verborum asperitate hoc illi subacidi respondum dedit: *Quid me dicis bonum?* ibid. v. 19. Quid ea res, Domine, tibi stomachum mouet, quoddam ille te conuenit, & consuluit, quid sibi faciendum, ut animam suam saluare posset, quod tu vnice cupis, & optas? Quid te in terram de cælis abstraxit, nisi huius rei ardens desiderium? Et cum in cruce animam ageres, quid æquè ostentabas, ac flagrantissimæ charitatis incredibilem sitim, quâ hoc ipsum emedullitè expetebas? Secundum hæc quid

tam vehementer animo concitaris, cum id interrogaris, quod ipse magnoperè desideras?

Sanctus Ambrosius acutè respondet, dicens: *Versuta interrogatio fuit Principis illius, quare & responsio debuit esse subaustra, & acerbior.* Aduenit dolosus Princeps fraudem animo regens, vocansque Christum bonum magistrum, & dicens: *Magister bone.* Sed quid in his mali, aut vafricie? Illud, quoddam in portione bonum dixit, non in vniuersitate, nam *Deus in vniuersitate bonus*, ait Beatus Ambrosius. Salutis suæ sollicitus, ut videbatur, consultor bonitatem, & eminentiam Domini æstauit, & ad rem vnicam, hanc nempe solam adstrinxit, quoddam bonus esset magister: *Magister bone.* Quod cum ille audiret, exasperari animo cœpit, & succensere, quoddam hoc esset maculam inferre magnitudini illius imensæ, & eminentiam infinitam insigni probro afficere, & graui iniuriâ onerare. Tametsi enim laude dignum sit, esse magistrum, sed vnâ re tantum esse bonum, & solum vna excellere facultate, videtur tale esse, ac si nihil sit. Vno enim solo præstantem esse non tam est excellentia hominis, quàm imbecillitas virium illius: *In portione bonum dixit, non in vniuersitate.* Quæ autem maior commendatio, quàm si de quopiam verè affirmes, omnibus vniuersim dotibus corporis, atque animi præstare, atque eminere?

Posteaquàm filij Israël ex miseranda Ægypti captiuitate

peiuicere sunt egressi, magnâ in deserto aquar penuria laborare ceperunt. Clamabat itaque Moyses ad Dominum, vt is afflicti miseretur populi. Audiuit supplicem pientissimus Deus, iussitque vt secum ferens virgam, quâ dum flumen percussit, aquas eius in sanguinem vertit, adiret petram Horeb, caderetque eam, quæ percussa frigidam diuite copiâ fusura esset: *Virgam, quâ percussisti fluium, sume in manu tua, & vade, &c.* Exod. 17. 5.

Non fuit nemo, cui hoc in loco dubitare occurreret, cur Dominus voluerit, vt Moyses apud se virgam haberet, quâ fluium percussisset, & plurima miracula patrauerat, cum nouo prodigio facturus erat, vt durum saxum ad illius contactum rigidis è visceribus mollem abundè aquam funderet. Esto, fuerit instructo quopiam cædenda petra, quid verò necessum fuit, vt Dominus præciperet, hanc peculiariter eò adhibere virgam, cum miraculum non in instrumento, sed in potentia Dei positum, ab eaque profectum fuerit?

Dubitationi huic satisfacit Rabbi Salomon apud Nicolaum Lyranum, dicens, Deum voluisse virgam eam ad illud pietatis, & clementiæ officium verti, vt vindicaret honorem istius instrumenti, quod plurimum honorârat, & magnificârat in Aegypto, dum ipso ad castigandam Pharaonis superbiam, sumendâque de regno eiusdem supplicia, horrendaque tum hominibus, tum brutis poenas infligendas usus fuit. Erant in populo Israelitico quidam tam sceleratè maleuoli, & maledici, vt de virga illa affirmarent, ad flagellandum, faciendum, mactandum, nocendumque; solum valere, bene facere, aut commodare nemini posse. Vni rei tantum apta est, inquiabant, nimirum vt vulneret, strages faciat, vastitates adferat, iustitiæ vindictiæ seruiat. Vt ergò innotesceret, ad omnia vsui esse id instrumentum, vimque eius non ad austeritatem modò, aut supplicia, sed ad beneficia quoque extendi, & non ad puniendum solum, verum etiam ad consolandum adhiberi, nec minus clementiæ, quàm iustitiæ seruire, aiebat Dominus ad Moysen: *Virgam, quâ percussisti fluium, tolle in manu tua; vt quæ aquam in sanguinem olim ad Aegyptiorum perniciem transformauit, nunc aquam è silice ad Israelitici populi mei refrigerium proliat, & expomat. Hinc omnes accipiant, omni vsui aptam esse virgam, hoc est, vt iustitiæ, & potentie, sic & misericordiæ, atque beneficentiæ, insignemque illa, & celebrem vbique famam obtinebit.*

Audiamus Rabbi Salomonem, qui apud Lyranum in cap. 17. Exodi sic loquitur: *Erant aliqui*

de populo Israël ita maligni, quod dicebant, quod misterium illius Virga solummodò se extendebat ad mala infligenda, sicut patuit in plagis Aegyptiorum, sed non se extendebat ad conferendum bona, & ideo Dominus praecepit Moysi: Vt Virgâ illâ in educatione aqua de petra, & manifestè videretur, quod non solum erat instrumentum diuina iustitiæ in malis pena inferendis, sed etiam diuina misericordiæ in bonis conferendis. Omnia nosse & posse, id tantum nosse est, & posse: Verum qui vnicum tantum scit, quanquam perfectissimè sciat, nihil scire videtur.

Dulciloquentiâ suâ, & incredibilis sermonis suauitate tam efficaciter celestis Magister ad sese pertrahebat auditores, vt necessariam obliri alimoniam per incultas eremos, & abstitissimas solitudines illum prosequerentur. In tali quodam deserto agebat, frequentissimâ hominum concione stipatus, qui cum toto triduo comites illi cohæserint, fieri non potuit, quin famis depellendæ necessitate laborarent. Ergò Discipulos accersens in deliberationem, & consultationem vocabat, quo fami huic subueniendum remedio, vnde experenda annona, quâ hominum ab omni victu imperatorum esuries leuari posset. Responderunt ij, septem panes, & duos pisces habere reliquos, aliud præterea nihil esse super. Iussit ergò hanc qualemcunque annonam adferri, cui cum sacram suam benedictionem impertisset, raro prodigio sic aucta est, vt plus à mensa fuerit sublatum, quàm initio ad eius impendia collatum: *Nam manducauerunt, & saturati sunt homines quater mille, præter mulieres, & pueros, & sustulerunt quod superauerat de fragmentis, septem sportas,* inquit Beatus Marcus c. 8. v. 8.

Theophylactus in commentario illius capitis ait: *Etiam antea tale quoddam miraculum fecit Dominus, & nunc quidem denudò operatur sumptu occasione iustitiæ, non enim semper miraculum facit in alimentis.* Semel, iterumque prodigiosus Magister illustre panum, ac piscium multiplicatorum miraculum operatus fuit, quod cum primum fecit, tantam sibi famam, existimationemque confluxit, vt rapere illum, & constituere sibi regem voluerint, qui tam inauditiæ nouitatis spectatores fuerant. Cumque illa tam insignita, & obstupefcentia miracula essent, bis tantum, neque amplius, talia patrauit Dominus, non enim semper miraculum facit in alimentis, inquit magnus Bulgarorum Archiepiscopus. Sed cur non perpetuus erat in ijs prodigijs faciendis, augendisque panibus, & piscibus, quæ tantam relinquebant apud omnes admirationem? Quamobrem dicis?

Eam ob rem, quam hic tractamus. Si Magister celestis solis in panibus, & piscibus potentia suae ostentationem faceret, & ad unam tantummodò annonam augendam vires omnipotentis brachij sui exereret, diceret vulgus, magna esse ipsius miracula, sed non vsquequaque grandia, non omninò magnifica, quòd illius prodigia operandi facultas ad solos se pscere, & pates extenderet. Vt ergò palàm fieret, quanta esset potentia illius magnitudo, thaurmaturgi brachij virtute vbique, & in omnibus rebus vsus est, non in panibus solùm, & piscibus, sed & in mari, in dæmonijs, in viujs, in mortuis, in ægritudinibus, &c. ex quo innotesceret, omnia magnum esse, qui in omnibus magnus. Parùm enim admirabilis illius ars videtur, qui rem vnã, quanquã accuratissimè, & exactissimè, facere nouit. Qui magnus est, debet in multis se talem exhibere, vt omnia coniunctim, paribusque suffragijs insignitè magnum probent.

Hæc vna causa est è multis, quòd Patriarchæ nostro Isaac Dominus præcepit, ne Ægyptum peteret, quo tempore fames patriam, in qua vitam agebat, magna toram obtinuerat, dicens: *Ne descendas in Ægyptum, sed quiesce in terra, quam dixero tibi*; Genes. 26. 2. Erat Ægypti fertilis solum, & abundantissima terra, neque illam patiebatur sterilitatem, eumq; magnam domi suæ sanctus Patriarcha numeraret familiam, diuesque pecorum, & opum aliarum esset, transire in illam copiosam regionem cogitabat, quod notant Nicolaus Lyranus, Abulensis, Pererius, & alij. Apparuit itaque illi Dominus, & ait: *Ne descendas*; quod perinde fuit, ac si dixisset: Quando similis huic annonæ caritas olim erat, quo tempore parens tuus vixit, tunc ille Ægyptum petijt, vt ibi necessitati suæ remedium pararet, tuque arbitraris, quòd præter Ægyptum non sit mihi aliud reliquum, quo inopiam tuam leuare queam. At volo scias, quòd falleris. Nec quiscquam existimet, omnem meam in solo Ægypti penario repositam annonam, vnicamque solum mihi exploratam viam, quã meorum egestati ire obuiam possim, sed hoc omnes intelligat, multa mihi cognita itinera, per quã meorum necessitati occurrã, multa mihi esse artificia, quibus eos pascam, & medicinas vni etiam infirmitati curandæ plurimas. Age ergò Isaac, atque ibi, vbi à me iussus, morare, ibi enim tibi, tuisque, quæcunq; victus vester requirit, procurabo, & subministrabo, sic vt nihil desit. Rem enim vnicã tantum, quamuis permagnã, scire, non est insignitè excellere, aut plurimum, magnificèque præstare.

Peccator bombyx est, sibi ipsi pœnarum suarum æternarum sepulchrum construens, & mortis supplicium adornans.

Acer textus ait, *ortum esse famem super terram*. Quæri potest, vnde illa super terram nata sit fames. Moyses enim non dicit ex terra eam ortam, sed *super terram*. Quis ergo hoc flagellum peperit? Quis parens eam calamitatem genuit? Quæ talis pœnæ mater? Quis illius mali author alius esse queat, quàm peccatum? Itã ferè Interpretes. Peccatũ est omnium ærurnarum nostrarum origo, & scatebra miseriarum, quibus affligamur, & parens penuriae, quamecunq; patimur. Loquitur autem ad eum modum sacer Chronologus, vt peccator, quoties flagris cæditur, & supplicijs plectitur, & calamitatibus premitur, cogitet ea mala maiorem partem à suis flagitijs oriri, pœnam autem æternam à suis culpis semper nasci. Velut bombyx enim ipse sibi æternæ suę damnationis triste sepulchrum construit, & cruciatum suorum sempiternorum ipse sibi est sator, & author.

Fortitudinem Domini sospitatoris nostri, roburque pectoris illius permagnificè prædicat Apostolus, commendatque ab eo maximè, quòd chirographum, quo humanum genus totum pessimum dæmon obnoxium habebat, illi extorsit, extortum oblitterauit, oblitteratum cruci affixit, inque ea nobis debita nostra omnia, velut datã apochã, indulgentissimè remisit, tanquã illi cumulatissimè à nobis fuisset satisfactum. Magni Pauli verba ad Colossenses 2. 14. sic habent: *Et vos conuulsistis cum illo, donans vobis omnia delicta, delēs quod aduersus nos erat chirographum decreti, quod erat contrarium nobis, & ipsum tulit de medio, affigens illud cruci.*

Origenes Adamantius tale quidpiam ferè sciscitatur. Cum quis ab alio debitum exigit, cuius rei fiducia hoc agit? Et si ille fortè soluere recusat, quid adferre creditor solet, quo illum ad soluendum cogat? Cum literas modò habeat manu debitoris propriã indubitatò subscriptas, certum est, nullo alio ad hanc rem adminiculo, aut studio illum opus habere. Vnum chirographum sat est, vt ad restitutionem commodatò accepti debitor compelli, & bona illius, quanta debito exsoluendo necessaria, inuadere, & sibi vsurpare creditor possit. Cum ergò Apostolus affirmat, deletum à Christo, quod aduersus nos erat chirographum decreti, quod erat contrarium nobis, id ex Origenis sententia tantundem est, ac si dixisset,

xisset, scelerum nostrorū testificationem propriam obliterasse: *Istud quidem, quod dicit chirographum, peccatorum nostrorum cunctis fuit*; inquit ille homel. 13. in Genes. Admirabiliter dictum est chirographum decreti illud, quod homini aduersum, & à Christo in cruce deletum sacrosancto illius sanguine fuit, hoc enim satis erat, ut homo secundum præsentem iustitiam æternis addici supplicij possit: *Vnusquisque enim nostrum*, inquit Adamantius, *in his, quæ delinquit, efficitur debitor, & peccati sui literas scribit*. Poenis inferorum æternis se obnoxium reddit, quisquis peccato mortali obstringit. Et velut is, qui tale quidpiam scribit, *Ego manu meâ propriâ, & nomine adscripto testatum facio, quod Nicolo tantum debeo*, ut eiusmodi literarum cogi à creditore ad solutionem potest: Sic quilibet peccator, quoties lethaliter delinquit, velut dicit, *Ego peccatus meis testor, & fidem facio, quod Deo poenam æternam debeo*. Ergo in vim eorum scelerum Deus poenas à me repetit, & supplicia exigit. Ergo poena est culpæ filia, & peccatum flagellorum parens.

Vultisne hoc videre: inquit Rupertus. Legite itaque attentè omnes execrationes, quas Deus minatur suæ legis transgressoribus, & nullibi reperietis, quod à Deo quisquam maledicatur. Deuteronomij cap. 28. vers. 16. 17. 18. 19. dicitur ei, qui præcepta Dominica violare velit: *Maledictus eris in ciuitate, maledictus in agro, maledictum horreum tuum, & maledicta reliqua tua, maledictus fructus ventris tui, & fructus terra tua, maledictus eris ingrediens, & maledictus egrediens*.

Rupertus lib. 13. in c. 19. Ioannis ait: *Nusquam dixit, A Deo eris maledictus, inter stupendarum, & variarum dierum commemorationem, quas moyses ijs denuntiat, qui mandatis Dei obtemperare, & quæ debent, gerere morem nolint*. Cur verò non adiecit, eiusmodi hominem, qui Domini legem insuper habebat, à Deo maledicendum, sed tantum inquit, *Maledictus eris*? Fit hoc, quod Deus, quanquam iudex sit, qui contrà peccatorem pronuntiet, poenæque illi pro malis meritis decernat, supplicia designet, non tamen illorum causa est suppliciorum. Tametsi enim de iudice dicatur, quod is latronem ad tritremes damnet, non sequitur quod ille talis poenæ sit author, latro enim suis sceleribus sibi ipsi tam cruciabilis, & ærumosæ vitæ est parens, satorque, ac sator. Iudex legis tantum est executor, tritremes peccandi libido architectata est, adeo seipsum in illas flagitiosas quisque compingit, seque ipsum damnat, & plectit. Itaque & peccator dicitur male-

dictus, miser, percussus, *sed nusquam à Deo*. Nisi enim male agendo supremo Iudici, ac Domino castigandi occasionem ministraret, nunquam ab eo condemnaretur. Quisque enim facinorosus suam sibi poenam sceleratè viuendo adornat, & supplicia procurat.

Si non est ita, videamus quid supremus ille Iudex de magno illo die mundi extremo, & rationibus, quas tunc generatim ab omnibus exposcet, dicat. Apud sanctum Matthæum ait, quod bonos à dextris suis, à sinistris malos constituet, ut illos quidem gloriam, quam opera eorum commerentur, donet, his verò poenam, quam scelera illorum clamant, infligat. Ad bonos, qui dextram tenebunt, inquit: *Venite benedicti Patris mei, possidere paratum vobis regnum à constitutione mundi*; Matth. 25. 34. Tum verò post largam commemorationem operum bonorum, quorum usu, & exercitatione ius illius æterni regni sibi compararunt, reprobos, ac damnatos sic appellabit: *Discedite à me maledicti in ignem æternum*; ibid. v. 41.

Obseruauit Honcala in hoc pronunciandi ordine, quo iustissimus Iudex vteretur, quod bonis ante sua præmia decerneret, quam reprobos in dirum inferorum carcerem conijciat. Cur autem seuerus, & iustus Dominus hoc ordine distribuet præmia, & supplicia? Rectius facturus videtur, si malos primum verbo damnatos in rem malam ire iubeat, tum bonos in consortium suum sempiternum adsciscat, quorum tam vehementer oblectatur consuetudine. Quid causæ ergo, quod ordinem iustitiæ alium Dominus tunc obseruabit? Respondet Honcala in cap. 27. Genes. *Ut ostendat propositis suis semper fuisse, potius animas seruare, quam perdere*. Quod præmia Deus meritis iustis tribuit, & tempora eorum immarcescibili coronâ cingit, atque in sublimibus, ac perpetuis immortalis gloriæ solijs eos collocat, antequam malos poenis addicat, quod iustus prius regni gratiam facit, quam sua reprobis supplicia infligat, id facit, ut propensionem suam, & indulgentissimorum viscerum pietatem prodatur omnes intellegant, quod ad se attinet, nullam velle pessumire animam, lauro beatitudinis æternæ coronatas omnes cupere, & si quas poenis subijcit, id velut coactum facere, & quod aliud non possit, ac propterea hoc denique post alia omnia agere, *Ut ostendat, propositis suis semper fuisse, potius animas seruare, quam perdere*. Nam quod poenas ab illis exigit, hoc non ab illius natura indole, quæ per blanda, & suauissima est, sed à culpæ hominum nascitur, quæ valde graues

sunt. Hæ manibus illius flagellum ingerunt, & velut per vim ab illo extorquent, vt contrà suos aucthores sententiam proferat.

Itaque videre licet, quòd iustos, cùm ad præmia vocat, benedictos Patris sui nominat, inquiens: *Venite benedicti Patris mei*; cùm autem repellit damnatos, ait: *Discedite à me maledicti*, neque addit, *Patris mei*, vt significet, Patrem, vt plurimum omnes amat, sic etiam animarum salutem, vitamque æternam vnice desiderare, damnationem, ac supplicia non optare. Nam si qui sunt cruciatus, si quæ damnatio, ea inde venit, quòd peccator suis flagitijs illam sibi conquirat, & parat, ille suis sceleribus flagrum, quo vapulet, sibi concinnat, ille abominationum suarum digitis cannabem in funem, & laqueum, quo strangulatus oecumbat, sibi totquet.

Propheta regius David ex persona Christi Patri æterno gratias agit immortales, quòd per ipsum hostes suos, Saulem inprimis, euaserit, qui omnium maximè sanguinolentus, & efferatissimus fuerit. Hoc titulus Psalmi 17. præfert, qui sic habet: *In finem puero Domini David, qui locutus est Domino verba cantici huius, in die, quæ eripuit eum Dominus de manu omnium inimicorum eius, & de manu Saul*; Psal. 17. 1.

Michael Aygvanus ait, inimicos Christi fuisse Scribas, & Phariseos, ac dæmones, qui contrà illum coniurârunt, Saule autem significatam mortem, quæ illum maximè omnium persecuta fuit, & quæ animalem fecit, vitæque exutum solo afflixit, & in tumulum deiecit. At cur rex Saul mortis, poenarum omnium cruciabilissimæ, figura fuit? Respondet auctor, quem dixi, à Saulè proprijsimè representatam mortem, idque propter duo, quorum primum est significatio nominis illius, alterum id, quod fuit Saul. Significatum nominis illius est *peritio*: Nam vt sanctus Hieronymus, venerabilis Beda, & Lyranus aiunt, *Saul idem est*, quod *peritio*. Quid autem fuit Saul? Rex, verum Dei permissione, non electione. Merito ergò Saul mortem representat, quæ cruciatum vitæ præsentis est acerbissimus, vt sit inditio, quòd hominum rogatu illud fuit orbi illatum supplicium. Et si mors, vt affirmat Apostolus, regnavit ab Adam, id factum, quòd homines suorum scelerum magnis vocibus illam depoposcerunt, velut Istraëlites Saulem, contrà Dei placitum, & sententiam, regem sibi postulârunt.

Audiamus Incognitum. *Saul, qui peritio interpretatur, significat mortem, quam Deus non fecit, sed homo peccans ipsam manibus, & verbis extorsit à Deo*

pro suo rege, dicente Apostolo, regnavit mors ab Adâ, Rom. 5. 14. Vnde sicut Saul non fuit rex electus à Deo, sed permissus regnare, sic & mors. Secum ergo peccator de poenis, quas patitur, expostulet, vt quas ipse sibi à Deo velut per vim extorqueat & in concessorum cogitatuum vocibus, & malorum verborum, operumque prauorum importunis clamoribus. Dominus certe non est auctor mortis, neque oblectatur perditione viuorum, sed eorum magis lachrymas cupit, poenitentiam desiderat, compunctionem excitat, conuersionem procurat, vt ne vnquam pereant, sed æternum felices viuant.

Hoc argumentum eleganter, copiosèq; non vno tantum superiorum Tomorum in loco tractat Author. Vide Periocha I I. Dominica infra Octau. Natiuit. Domini To. II. pag. 380. c. 1. o. & calcem eiusdem Periocha.

C A P V T III.

Tam inuitè Dominus punit, vt necessum sit multis exhortationibus illum adducere, vt flagellum in manus sumas.

Si cui fortè dubium, num res ista sic habeat, videat id Politicus noster in eo, quod sacer Historicus tacite submonet, quando loquitur de sterilitate, quæ Deus terram tempore sancti Patriarchæ nostri Isaac multauit. Dicit enim: *Orta autem fame super terram post eam sterilitatem, quæ acceperat in diebus Abraham, abiit Isaac ad Abimelech*; Genes. 26. 1. Quid causæ est, quòd cùm vnâ famem narrat, alteram quoque commemorat? Fecit hoc, vt indicaret, quam inuitus flagra Deus manibus vsurperet, tametsi peccatores cædi plurimum commeruerint. Centum anni, ac supra, ex bona optimorum Interpretum supputatione excurrerunt, à quo vna sterilitas aliam præcessit, tametsi homines quotidianis suis flagitijs non posteriore famem solum, verum etiam alia supplicia multò atrociora sint meriti. Notârunt hoc Lyranus, Abulensis. Guilielmus Ebroidensis, & Honcala. Abulensis sic habet: *Euerunt inter istas duas sterilitates plures, quàm centum anni. Qui verò totius sæculi moras traxit, priusquàm poenas infligeret hominibus tam sceleratis, quàm erant Chananæi, qui totis centum annis manus à talibus vlticis abstinuit, satis ostendit, quàm parum illius ad castigandum propendeat voluntas, quàm sit proclivis illius ad clementiam animus, quàm pigra ad sumendam vindictam manus.*

Mittebat supremus hic Dominus Moysen populi sui ducè, vt ex ipso loqueretur regi Pharaoni, atque

que vt mandata sua accuratius exequeretur, amplif-
simam ei in barbarum illum & contumacem Princi-
pem potestatem concessit, Deumque eius illum
constituit. Et quoniam vi plagarum cogendus erat,
vt captiuum populum libertate donaret, si hoc for-
tè nollet, iussus est Moyses virgam suam ob oculos
peruicacis regis in terram proijcere, quæ statim in
horribilem, & formidabilem serpentem transformā-
da esset. Obtemperatum est præcepto dominico,
*sultq; Aaron virgam coram Pharaone, & serui eius,
quæ versa est in colubrum*, Exodi 7. 10.

Quæri hîc potest, quo consilio Dominus (cùm
flagrorum vi repugnantem Pharaonem ad dimitten-
dum populum adigere vellet, nisi illè hoc libens,
ac volens faceret;) hac plagâ illum primò virgere, &
terrifici draconis specie ante omnia perterrefacere
voluit?

Respondet Oleaster ibidem in annot. morali: *A
dracone incepti, vt regem deterreret magis, & non
esset opus alia signa adiungere*. Quod plagas suas ab
animalis omnium formidabilissimi ostento exorsus
est Dominus, quò contreritum tam inuiso spectacu-
lo regem permoueret, id fecit, vt intelligens poten-
tiam eius, qui libertatem petebat, facilius eam op-
presso populo concederet, & necessum non esset gra-
uioribus hoc extorquere supplicijs. Dedit hîc Do-
minus delineatum diuinæ potentix suæ validum
brachium, ostentationemque immensæ fortitudinis
suæ fecit, & sclopo in Pharaonem velut intento pro-
prium explosionem simulauit, *vt regem deterreret
magis, & non esset opus alia signa adiungere*. Mucro-
nem in pectus eius quasi distinxit, & collineauit,
vt metu secuturi vulneris faceret, quod petebatur.
Qui terret, vt aliquid obtineat, & ferire non vult,
cùm possit, satis luculentè demonstrat, quàm parum
amet castigare, & plectere. Tale quid cum impio
Pharaone egit Dominus, terruit, minatus fuit, fero-
ciam simulauit, contendit arcum tanquàm exonerat-
urus, distinxit gladium quasi vulneraturus, sed
non intulit manus, non cæcidit, non læsit, aut sa-
uciauit, vt hinc accipiatur, quàm parum gaudeat fla-
gellare, quàm repugnante animo virgam in manus
sumat, qui comminatione potius, quàm illatione
verberum emendare peccatores veller.

Diuinus magister noster ait, regnum cælorum si-
mile esse regi, qui festinas nuptias filio cuiusdam
suo, quem efficitim amabat, fecerit. Inuitati fuerunt
ad epulum plurimi, quod cùm splendidum, & per-
magnificum erat, vt regum conuiuia ferè esse solent,
ipsa tantæ maiestatis autoritas requirebat, vt nemo

mensam celebritatemque illam, nisi decentissimè
vestitus adiret. Vnus ex omnibus intravit cænacu-
lum pannosus cum vestimento vili & sordido, quem
cùm rex ingressus, vt conuiuas suos iustraret, quæ-
set, interrogauit, quâ impudentiâ, & temeritate splē-
didissimo loco, & confessui illustrissimo cum veste
fuliginosa, & squalida se inferre ausus fuerit. Non
inneniebat, quo inconsiderantiam suam vel dilueret,
vel inumbraret, quare apparitores iussi manus, pe-
desque deuinctum in obscuræ custodiæ angustias
compingere: *Tunc dixit rex ministris, ligatis ma-
nibus, & pedibus eius mittite eum in tenebras exte-
riores*; Matth. 22. 13.

Ioannes Cluniacensis serm. 51. Tom. 3. ait: *Cùm
sit ipse fortissimus, & potentissimus rex, non per se in
tenebras mittit, sed subest ministris, & mittant*. Cur
verò non ipse vindicauit effrontis illius inuerecun-
dum facinus, cui per facile erat non solum eiusmodi
obterere hominem, sed & milenos mundos vno
oculorum ictu evertere, & obruere? Noluit ipse
meritis flagitioso infligere poenas, vt omnes intelli-
gerent, quàm inuitus ad puniendum adduceretur,
etiam quando illum sua iusticia ad inferenda suppli-
cia, incitabat. Nam castigare propriâ manu habet
nescio quod voluptatis, quod Iuno satis indicauit,
cùm Ioui narrauit vindictam, quam de Aiæis clas-
se Pallas sumpsit, de qua Virgilius lib. 1. *Æneidos*
v. 45. ita cecinit:

*Ipsa Iouis rapidum iaculata è nubibus ignem
Disiecitq; rates, euertitq; æquora ventis.*

Volebat ostendere dea Iuno, quàm parum oblecta-
menti perceptura esset ex poena, quam irrogatura
erat *Æneæ*, idque eo argumento, quòd manus *Æoli*
implorare necessum haberet, vt is classem inimicam
submergeret, cùm pallas per se ipsam irrogârit ei, à
quo iniuriam acceperat, eaque ratione suauior sibi
reddiderit vindictam: *Ipsa* (Vide emphasin) *met Pal-
las iaculata est fulmen, est enim dulcis vindicta quasi
ta manu propriâ*; inquit præstantissimi Poëtarum e-
ruditissimus interpret Ioannes Ludouicus Cerda in
lib. 1. *Æneid*.

Hinc iam intelligimus, cur Dominus non ipse
suis manibus in illum animaduertit, qui cùm
sordido habitu mensam regiam adire, & in præ-
clarissimum cætum se ingerere ausus fuit: Nam cùm
dulcis sit vindicta quasi ta manu propriâ; propterea
ille eam licitoribus suis commendauit mulctam, quâ
ipse facillimè irrogare per se potuisset: *Non per se
in tenebras mittit, sed subest ministris, & mittant*;
vt hinc discamus, quàm parum voluptatis ex poenis
nostris

nostris diuinus Iudex capiat, & quàm ægrè adducatur, vt nos supplicij addicat æternis.

Venerunt Angeli ad ædes magni Patriarchæ Abraham optatum nuncium perferentes filij quem ipsi Sara vxor paritura, Superi verò innumeris donis ornaturi, & collocupletaturi essent. Euangelium, quod ferebant, hoc fuit: *Habebis filium Sara vxor tua*, Genes. 18. 10. Digressi à domo Abraham petebant Sodomam, non alio consilio, quàm vt illam ciuitatem, confiniaque loca nefandis sceleribus contaminata destruerent, quod ipsi confessi aiebant: *Delebitur locus istum*; Genes. 19. 13.

Hoc in loco diligenter animaduertendum cum Glossa ordinaria græca, quod de his Angelis aliter Scriptura loquitur, cum eos ad Abrahamum pertulisse illa Euangelia refert, atque cum eos ad sumendam de obscenis ciuitatibus vindictam abiisse narrat. *Apparuit ei Dominus in conualle Mambre*; inquit Textus sacre Genes. 18. 1. dum Angelorum aduentum ad ædes Abraham recensere incipit. *At Venerunt duo Angeli Sodomam*, ait Genes. 19. 1. In his Glossa, quam dixi, græca istud submonet: *Notandum, Sibi beneficia Dei explicantur, Deum adesse, Sibi verò supplicia exercentur, Angelos mitti*. Quamobrem verò istud? Respondet Glossa: *Vt sciamus; Deo benefacere iucundum, & placitum propriè esse, Scleris verò Deo esse ingratum*, Peramat Deus cumulare homines beneficijs, atque ideo ille dicitur Abraham apparuisse, domumque eius inuississe, cui felicia adferebantur noua, & diu optatæ posteritatis spes fiebat: Verùm vt innotescat, quàm asperum illi, & acerbū videatur statuere aliquid asperū, & seuerius quidquam agere, atque vti rigore, Angelus dicitur ire, cum inferenda feruntur supplicia. Benefacit manu propriā, plectitur alienā, *Ut sciamus Deo benefacere iucundum, & placitum propriè esse, Scleris verò Deo esse ingratum*. Qui enim per seipsum impertit beneficia, & cum punire necessum est, ministerio huc vitur alieno, satis ostendit, quàm inuicē, & coactè poenas exspectat.

Celebratissima est illa prodigiōsa petra, è qua Israhelici ductor populi solo portentoso virgæ suæ leui verbere profluit fluente aquarum tam copiosa, vt extinguenda sit & pecorum, & hominum in ea solitudine peregrinorum abundè sat essent. Vt autem eas durum illud saxum daret aquas, non maiore studio esse opus aiebat Dominus, quàm vt illam quiquam verbulo appellaret. Quare aiebat: *Loquimini ad petram*; Num. 20. 8. vbi aliorum translatio habet: *Loquimini ad silicem*; verbo illum

ex me conuenite, is enim vestris desiderijs satisfaciatur, frigidamque, & humidam ipse exsuccus, & igne plen⁹ affatus fuderit, illaq; populi lachrymas siccabit.

Apostolus 1. Corinth. 10. 4. de hoc silice loquens aiebat: *Bibebant autem de spiritali, consequente eos, petra, petra autem erat Christus*. Plurima dicta sunt ab Expositoribus in illa sancti Pauli, eaque omnia grandia, & præclara. Ad rem præsentem facit considerare, quanto cum mysterio Dominus noster vocetur Silix: *Petra autem erat Christus*.

Magno Basilio admirabile, & diligenti animaduersione dignum visum est, quod frigidus silix igne intus alar, & eubret. *Existit ignis i silice*, inquit ille homel. 1. in Hexam. ac *frictionibus copiosis emergens elucet, Sibi dignum id est admiratione*. Quis crederet, nisi oculos testes haberet, quod durum saxum viti ignis scintillas fundat? Sed quis hoc fit? Violento attritu, & *frictionibus copiosis*. Cantauit hoc versibus elegantibus Simposius, (quem mihi Poetam eruditissimum P. Ioannes Ludouicus de la Cerda in lib. 6. *Æneid.* v. 5. not. 11. primum indicauit) qui sic habent:

*Semper inest ignis, sed rarò cernitur ignis,
Intus enim latet, se solos prodit ad æth.*

Sententia huius Poetæ habet, quod & Basilij Magni, & aliorum, includi in silice ignem. Dicit ergo, ignem, tamen si intra silicis viscera lateat, rarò videri, nec fesse conspicuum facere, aut subijcere oculis, nisi verberetur vi proliciat. *Se solos prodit ad æth.*, inquit Simposius, & Basilij, *frictionibus copiosis*. Fortiter contundi, & validè verberari, & violenter feriri, & acriter, vehementerque attriti necessum est silicem, vt ignem edat, ex quo voraces excitari flammæ queant. Sibi relictus, & si nulla ei vis adhibeatur extranea, quā pronocetur, & irriteretur, non vibrat scintillas.

Quod ergo Dominus noster petra nomine donatur, *Petra autem erat Christus*, tantundem est, si dicatur, quanquàm ille castiget, feriat, flagellet, condemnnet, iræ atque indignationis ardentes flammæ habeat, silicis tamen simitem esse, qui nunquàm emittit scintillas, nisi quas culpæ nostrarum ictus, & scelerum violētus attritus exprimit, & extorquet: *Solos se prodit ad æth.* Ille enim ex se ingenio est mansuetus, benignus, & pio, & non punit, nisi quando aliud non potest, flagellum, quo cedit, nostra illi flagitia in maus ingerunt. Si non est ita, dicite mihi, vbi primum adornata fuit illa inferorum tritremis, in qua contumaces illi spiritus, & animæ damnatæ ad duros remi tractus æternum defudant, nisi in

si in fabrilis nostrorum scelerum officina? Quis vindictæ instrumenta ministrat, & flagris aptos funes cannabino torquet, nisi nostra peccata? Reus ipse, & cæcus peccator suam sibi poenam procurat, & omnium suorum cruciatuum, tormentorumque æternorum sibi ipse est author, & architector.

Huc adducere commodè possumus catholici Martis, & Imperatoris plusquam magni Caroli V. & Regis Hispaniarum nostrarum inuicti insignia. Res peruiolata est, quod vellus aureum, siue insignia Cæsareæ domus Bugundicæ sunt catena ex filicibus, & annulis chalybeis, & flammulis, & agno infernè pendulo, quæ omnia hodie tanquam oræ quædam circumcingunt Catholicissimorum Hispaniæ Regum, tanquam legitimorum istius domus hæredum, ac dominorum insignia gentilitia. Hæbat ergo augustissimus hic Monarcha in suis insignibus hæc verba:

Alos humildes cordero,

Porq,al,

yescat ergo, y pederal.

Quibus hic subest sententia latinus: Humilibus sum agnus, verum alijs, subaudi, qui me proteruiter exasperare, ac de nihilo irritare velint, paratum habeo fomicem, & filicem. Dicere volebat inclutus ille heros, à natiua in dolo propendere ad mansuetudinem, & clementiam, & ad præmia dilargienda, & ad munificentiam, austeritate nihilominus vti velle, si necessitas ita postularet, verum tamen austerius agere nolle, nisi ad modum, quo filix ignes reddit, qui hoc non agit, nisi quis per vim illi scintillas excutiat.

Hoc ipsum (sed infinito cum discrimine) magnus Deus, & omnipotens Dominus, & Monarcha absolutus ait, se à sua natura & propria conditione agnum esse, ut passim vocant Isaias, Euangelistæ, & sacrae literæ, & prædicatores. Mera dulcedo, pura pura suauitas, mansuetudo, pietas, clementia, & benignitas ille est: Verum cum asperitate vitur, hoc pro more filicis facit, cuius igniculus erumpit *fratrum copiosis, & solos se prodit ad istum*, neque ante, quam crebro, acri, ac vehementi attritu exprimatur. Quando enim filix, nisi magnopere exlus, ignes dedit? Sic amantissimus Dominus noster non eximit vaginâ suæ iræ gladium, non iacit suæ indignationis fulmina, nisi scelus nostrorum vis huc illum adducat. Sempiterni eiularus tenebrosam carnificinam sola varijs modis peccandi licentia construxit. Tristem illam, & horridam inferorum solitudinem vna superbi Angeli arrogantia, & protoplasorum inobedientia fecit.

Cum videret Dominus immoderatam barbari Nabuchodonosoris superbiam, quæ tanta erat, ut infirmam suam, imbecillamque & caducam virtutem cum inuincibili Dei potentia componere vellet, hoc illum supplicio multauit, ut conuersus in brutam pecudem ex hominum contubernio & commercio expelleretur, foenumque ut bos comederet. Posset hic quispiam Dominum querulus piè, humiliterque appellare, & interrogare, quomodo ipse, qui gloriosum semper duxit benignitate affluere, parcere, & indulgere, in feram bestiam deformauit, atq; ad incultæ eremi habitationem, brutorumque conuietum damnari hominem, quem alioquin tanti semper fecit, & tam vehementer amauit. Vbitunc viscerum illius teneritudo, & blanda, suauissimaque facilitas mortui?

Huic quæstioni occurret ipse Dominus, inquit Propheta Daniel, & dicet: *In sententia Regum, decretum est, & sermo sanctorum, & petitio*; Dan. 4. 14. hoc est: Quod homo ex hominibus tam probro se proiectus, atque in monstrum syluestre transformatus, in asperis, incultis, desertisque locis communem cum brutis animantibus agere vitam coactus fuit, hoc nemo admiretur, supremi enim senatus Angelorum edicto ita statutum fuit, sanctique omnes multis verbis hortati sunt, & rogauerunt, ut tali animaduersione ille percelleretur, & affligeretur. Fit ut vir quidam primarius contra morem suum solennem, & natiuæ conditionis consuetudinem aliquid statuatur. Admirantur omnes, quotquot tale quid fecisse intelligunt. Ut autem faceret, id eorum importuno studio contigit, quorum precibus magnis, & crebris exhortationibus eò impulsus fuit. Ille ergo his, qui modum ipsius agendi insolentem stupent, respondebit: Neminem moueat, quod contra atque assueti, nunc feci, neque nouum cuiquam accidat, quod ingenio meo vim attuli, & morem meum pristinum, & veterem consuetudinem prætermittens, natiuæ indolis meæ limites excessi, hoc enim alij quidem tam magnum in modum obsecrârunt, & resecrârunt, alij tam multis verbis, tam frequentibus exhortationibus suaserunt, ut aliud facere non potuerim. Tandem respondebit Dominus inquit Daniel, si qui admiratione afficiantur, quod eum solito vehementius inflammatum irâ, & aciores de intolerabili cæci Nabuchodonosoris superbia poenas repetentem videant. Nemini mirum videatur, quod præter ingenij sui morem durius quid statuatur, *sermo enim sanctorum, & petitio* huc illum adduxit, Angelique, & reliquus Superiorum beatus

beatus conuentus totus tam diu, ac multum id rogarunt, & consuluerunt, vt minus, mitiusue aliquid facere nequiverit. Tam ægre namque eò permouetur Dominus, vt asperioribus supplicijs quenquam addicat, cumque flagellum in manus sumit, id naturæ illius conditioni sic repugnat, vt importunis precibus, & hortatibus opus esse videatur, quibus ad castigandum excitetur.

Vide de hoc argumento Periocham quartâ Dominica. V111. post Pentecosten Tom. II. pag. 156. c. 1.
6. & quæ ad calcem illius subnorata.

CAPVT IV.

Cùm Dominus sit origo, & fons omnis boni, hinc fit, vt non egeat presidio, quo defendatur, neq; seruo stipatore opus habeat.

Noluic ergo Dominus Isaacum in Ægyptum commigrare, inquiens: *Ne descendas in Ægyptum; ne quis arbitretur, necessarium fuisse illi Ægypti fertilem, abundantissimamque regionem, vt Isaacum, familiamque eius copiosam, & greges pecorum numerosos pascere posset. In magnam honoris imminutionem cederet tanti Domini, qui est fons, & saturigo omnis boni, si hac laborare existimatione inciperet, quod huius, vel illius patriæ opem desideraret; quod illis, quibus vellet, necessariam præbere alimoniam posset. Hoc nimirum est, quod magnus hic Dominus semper contendit, vt homines intelligant, persuasumque sibi habeant, prorsum nihil indigum esse rerum earum, quasque illi in suis numerant. Nam cum apud se magnitudinem suam habeat, & domi opum copiam immentam, & infinitam potentiam, tenuitate regularum nostrarum nihil indiget, vt amicorum, & serutorum suorum necessitati succurrat, aut efficiat, quidquid illud cupit, vel desiderat.*

Aggressus fuit mundi Reparatore fraudulento Dei, atque hominum inimicus, sperans potentiam illius dolo eludere, & fraude circumscribere posse. Vnum autem inprimis scire expetebat, vtrum Dei filius esset, cui insidias adornabat, arripensque occasionem famis, quâ ille ex quadraginta dierum, totidemque noctium inedia laborabat, totum lapidum acervum illi succurrat, inquiens: *Si filius Dei es, dic vt lapides isti panes fiant; Math. 4. 3.* tanquam dixisset: Cælo vox delapsa filium Dei te proclamauit, hætenus autem signum nullum à te editum vidimus, quod talem probet, ac testetur. Vt mihi omnem de te suspicionem alienam adimas, & quis ve-

rè sis, certum facias, id per occasionem, quæ se offert, fieri commodè potest. Impera, sis, ergo, vt dura hæc saxa in mollem, gratumque panem transmutentur, vt de tanti miraculi opere te filium Dei arbitrari, & persuadere nobis possimus, non fuisse falsam vocem, quæ te talem pronuntiauit. Respondit Christus fraudulentio tentatori: *Non in solo pane viuit homo, sed in omni Verbo, quod procedit de ore Dei; ibid. v. 4.* velut pluribus dixisset: Tu mihi lapides, veterator, offers, vt eos in panes vertam, & ad leuandam esuriem meam sumam. Scire te volo, non solo pane hominem pasci, sed verbum etiam, quod ab ore diuino proficiscitur, illi pro victu esse, & alimonia. Vtroque ergo homo indiget, vt viuat, hoc est, & pane, & verbo Dei.

Dicit nunc sanctus Petrus Chrysologus: Videte quod se malus dæmon præcipiat! Panes offert Dei Filio, qui est panis à cælo delapsus, quod de se ipse affirmabat, & Verbum, quod procedit, egrediturque, & dimanat ab ore, hoc est, intellectu æterni Patris. Quod autem panem pani obtulit, & alimoniam ministrare alimoniam, & verba dare Verbo voluit, quam id factum vanè, & otiosè! *Quam Verè viuit in Verbo Dei Dei Verbum! Quam Verè panis non indiget pane!* exclamat sanctus Rauennatum Episcopus ser. 13. Si flumina mari aquas offerrent, si fontibus riuiuli propinarent, si stellæ Soli lumen ex se mutuari vellent, quanta ea stultitia, amentia quanta foret! Par fuit dæmonis fatuitas, inquit Chrysologus, cum panem inuitauit ad panem, vitam vitæ obtulit, & ipsi saturitati alimoniam victus: *Quam Verè panis non indiget pane!* Nam supremus, & absolutus, & affluentissimus Monarcha, qui est mare immensum, ex quo bona omnia profluunt, & fons perennis, ex quo gratiarum dona cuncta dimanant, & Sol indeficiens lucis, quæcunque illa est, parës, & vita essentialis, ex qua omnia spiritum ducunt, quæ viuunt, quomodo necessitate rei cuiuspiam laborare potest, quomodo aliunde quidpiam mendicatio petere, qui est saturitas vniuersorum?

Considerationem non exiguum, aut perfunctoriam meretur, quod Dominus, qui tanq; fecit hominem, vt secum ipse velut deliberaret, consiliumque ceperit, cum è puluere terræ excitare illum voluit, dicens: *Factamus hominem ad imaginem, & similitudinem nostram; Genes. 1. 26.* demum verò post consultationem ad imaginem suam, ac similitudinem illum finxerit, effigaueritque. Eximium hoc beneficium fuit, quod hominem non absque certo consilio condidit, & gratia peculiaris, vni illi, ex omnibus

hus creaturis, quæ ab illis diuinis manibus prodierunt, specialiter reſeruata, quod poſtremus omnium, cum cœli, terra, ſænum, herba, bruta creata eſſent, formatus ipſe fuit. *Perfecti ſunt cœli, & terra, & omnis ornatuſ eorum, compleuit Deus die ſeptimo opus ſuum*, inquit ſacrum oraculum, Genef. 2. verſ. 1. & 2. cœlis autem, terræque, & omnibus, quæ illa complectuntur, abſolutis, hominem extremo loco condidit. Ac ſi pro oſtentatione ſingularis erga hominem amoris, & pro ſignificatione exiſtimationis maximæ, in qua apud ſupremum Opificem ſuum ille erat, tanto præeuntis conſultationis apparatus uti voluit, cur poſtremum omnium formauit? Cur imaginem ſuam non inter ipſa ſtatim mundi primordia conſecit? Cur omnipotentiam ſuam non huc ante omnia vertit, ut ſui ſimilem hominem præ cunctis produceret?

Huic dubitationi, ſeu querimoniz occurrit Sanctus Conſtantiнопoleos Archiepiſcopus Ioannes Chryſoſtomus homel. 3. in epiſt. ad Philem. tom. 2. inquit: *Poſtremo creauit hominem, quod nullo egeret, nam ſi noſtri eguiſſet, profecto longè ante feciſſet*. Creauit, immenſus Conditor, excitauitque è terra protoplaſtum conſertum multis gratiarum donis, condecoratum virtutibus, exornatum raris perfectionibus, fecitque ad imaginem, & ſimilitudinem ſuam, quod inexplicabile beneficium, & gratia incomparabilis fuit. Si ergo illum primo ſtatim loco formariſſet, cogitare ipſe poterat, id factum, quod ſua opera illi neceſſaria fuiſſet ad abſoluendum, perficiendumque; reliquam Vniuerſitatis machinam, aut quoddam conſultore indiguiſſet ad eam ſumptuoſi operis molitionem, & fabricationem, atque idcirco ante omnia condidiſſet, ut ſe haberet ſtructuræ cæteræ adiutorem. Ut ergo à tam falſa abſolueretur opinione, intelligeretque omniſcium illum architectum neque auxilio, neque conſilio cuiuſquam eguiſſe, ad excitandum vaſtam hanc machinam, ad conſtruendum ampliſſimos illos, & ſplendiſſimos cœlos, ad concinnandum diſfuſam hanc, & herbidam, viridemque terram, ad formandum tam varia animalia, tam diuerſa elementa, propterea hominem poſt alia omnia creauit, *compleuitque in illo opus ſuum, nam ſi noſtri eguiſſet, profecto longè ante feciſſet*. Immenſo illi Domino, & virtutis infinitæ Monarchæ ad nullam rem ſeu famulis, à quibus ſtipetur, ſeu conſultoribus, quorum prudentiâ regatur, ſeu operarum præſectis, à quibus adiuuetur, eſt opus. Ipſe ut eſt infinitè ſapiens, & omnipotens, ita ſibi ſolus & architectus, & conſultor, & præſectus ſupre-

Tom. III.

mus, & omnia eſt ad omnia, quæcunque molitur, aut cupit fieri.

Nam ut illuſtriſſimus martyr Sanctus Zenon in ſermone de Fid. To. 2. Biblioth. VV. PP. ait, *non poteſt eſſe perfectum, quod aliunde expectat ſibi aliquid neceſſarium*, non poteſt eſſe numeris ſuis abſolutum, quod manus deſiderat alienas, ſtudioque extraneum ſiue ad conſeruandam vitam ſuam, ſiue ad perficiendum ſuas operas. Et cum Deus ſit ipſa perfectio, & origo omnium, quomodo ſiue hominum ope, ſiue Angelorum adminiculo opus habeat ad quidiſ illud conſiciendum?

Quando formoſa illa Pœnitens domum Simonis Phariſæi, & locum conuiuij, in quo pientiſſimus mundi ſoſpicator diſcumbebat, ingreſſa fuit, ut apud illum ſclerum ſuorum, quorum vehementiſſimo dolore iam angebatur, gratiam eblandiretur, *lachrymis caput rigare pedes eius*, ut Lucas ait c. 7. v. 28. quas mærens, & ſubpudefactum ex vitæ ſuperioris recordatione cor vi magnâ per oculos vertit.

Docto cuidam moderno Patri Laurentio de Zamora Monarchiæ ſuæ myſticæ part. 7. lib. 8. ſymbolo de Magdalena §. 2. quærere in mentem venit, cur felix Peccatrix, poſtquam perſonam Chriſti diuinam fonte ſuarum lachrymarum rigare voluit, non prius illius capillos, quam pedes irrorauit. Dubitatio iſta huic authori inde nata eſt, quod ſacroſanctus Dominus, à quo illa noxarum ſuarum indulgentiam ſperabat, & efflagitabat, non tantum verus Deus, ſed & perfectus homo eſſet, *homo* autem, ut receptiſſima, & celebratiſſima Platonis ſententia habet, ſit *arbor inuerſa*, cuius radix ſunt capilli, ramus crura, pedes, brachia, arborum autem non ramus, ſed radices rigari ſoleant. Quid ergo Magdalena, quando ad rigandum Dominum animi cogitatum adiecit, à ramis, h. e. pedibus ordiri irrorationem ſuam cœpit? *lachrymis caput rigare pedes eius*. Cur non capillos, qui pro radicibus erant, primum infudit?

Reſpondet quæſtioni eruditus ille author, hoc diſcrimen eſſe inter irrigationem radicum, & ramorum arboris, quod cum incrementum, emolumentumque arboris quæritur, tunc ad radicem aquæ ductus dirigitur, ab ea namque totus arboris viror, & vigor, elegantiaque omnis, ſos item, & fructus naſcitur: Verum quando aquæ viſitas, & commodum expetitur, tunc illa ramis, folijs, & cæteris arboris partibus infunditur, ut arbor vim ſuam exerens in aquam deriuat, quod in multis arboribus, & plantis fieri videmus, quibus ſupremus Conditor varias

Aaa

proprie-

proprietates, & virtutes ad medelam diuersarum ægritudinum, aliarumq; necessitatum depulsionem indidit. Vt ergo palam fieret, illam sacræ Pœnitentis irrigationem, & aquam, quæ ab oculis eius destillabat, in ipsius utilitatem, & animæ salutem, & necessitatum remedium cedere, illique pro theriaca esse aduersus omne peccatorum perpetratorum venenum, & contrâ culpæ toxicum, ordinauit Dominus, vt aqua oculorum in ramos pedum, non in capillos, qui radicem instar erant, incideret. *Lachrymis capiti rigare pedes eius.* Supremus enim Dominus, & magnus mortalium Conditor nullius auxilio eget, vt augeat, nullius ope, vt in re qualicunq; proficiat, ille namque est rerum omnium incrementum, ille fons originalis, ex quo cuncta bona emanant, ille omnium gratiarum author vnicus.

Vires adijciam huic conceptui ex autoritate sacri Mediolanensium Archiepiscopi, vt ne tam insignis, & grauis authoris obseruatio suo sit destituta fulmine. Beatus Ambrosius ergo apud S. Thomam in catena aurea To. 4. BB. HH. in festo Magdal. sic habet: *Lauit lachrymis pedes Christi, lauit maculas proprias, terxit comas, vt per eas sibi assumeret sacros sudores.* Hæc ille, velut dixisset: Cum pedes Christi sacrosanctos, hoc est, arboris vitæ ramos aquâ suorum oculorum pœnitens Magdalena perfudit, suorum scelerum labes diluit, quoddamque suis capillis, tanquam radicibus, pedes Domini velut quoddam celestis plantæ ramos, deterxit, hoc fecit, vt ex ijs vim celestem attraheret, quâ omnium flagitiorum suorum venenum ab anima depelleret.

Quam acutè verò dictum ab Ambrosio, *Terxit comas, vt per eas sibi assumat sacros sudores!* Magdalene sui capilli pro radicibus, pro ramis Christo sui pedes erant, iuxta Platonis supra memoratam sententiam. Vt itaque totus mundus intelligeret, omnia bona nostra ex omnipotentis Dei manibus descendere, Dominumque nullius rei indigum esse, fecit vt Magdalena suos capillos, hoc est, radices ad-moueret pedibus, siue ramis Christi, vt ab his ramis illæ radices vitam suam traherent. Et velut homo est arbor inuerrsa, sic omnia inuerti voluit, vt ramis radicibus, folia suo trunco vitam darent: *Terxit comas, vt per eas sibi assumat sacros sudores;* cum ordo rerum naturalis id habeat, vt radix alimoniam, vitamque ramis, folijs, frondibus, fructibusque minis-træe. Tam magnus quippè, ac potens Dominus nullâ irrigatione, siue aquâ virtutis alienæ opus habet, cum ipse sit irrigatio, aqua, vita, spiritus, & incrementum omnium. Omnipotentia, & prouidentia

diuinæ impendijs omnia conseruantur. Ille vnicus, & supremus Dominus est, & cuius liberalibus manibus omnia suum victum habent.

Quo tempore causa Christi Redemptoris nostri agitabatur, interrogabat eum Pilatus: *Tu es rex Iudæorum?* Ioan. 18. 34. Et postquam innocens reus iudicem iniquum aliud quidpiam è contrâ percontatus fuisset, sermonem suum his verbis absoluit: *Regnum meum non est de hoc mundo. si ex hoc mundo esset regnum meum, ministri mei & iique decertarent, & non traderer Iudæis;* ibid. v. 36.

Sanctus Ioannes Chrysostomus apud Hugonem Cardinalem in c. 18. Ioannis ait: *Hic ostendit Christus regni terreni imbecillitatem, quoniam in ministro habet fortitudinem, regnum verò supernum sufficiens est sibi ipse, nullo indigens ministro.* Cum Christus inquit, si regnum meum terrenum esset, satellites mei ad defensionem meam proslirent, & à Iudæorum manibus me vindicaret, quàm tenuibus viribus sint reges temporales, quàmque exilis, & infirma eorum potentia, talibus verbis indicare voluit. Et verè infirma est eorum valetudo, qui perficere nequeunt, nisi prædarios habeant milites, & tribunos, subsidiariosque homines alios, qui numos, tributa, vestigalia ad vitæ alimoniam suppeditent: *Regnum autem supernum sufficiens est sibi ipse, nullo indigens ministro,* non armis, non censibus, non milite opus habens, nam qui humeris nititur, & sustentatur alienis, luculento suam imbecillitatem probat indicio.

Addipulatur his Propheta regius, qui cum de amplissima huius supremi Domini monarchia loqueretur, aiebat: *Populi sub te cadent;* Psal. 44. 6. tanquam dixisset: O potentissime monarcha quàm multæ nationes, & prouinciæ, quàm varia, & vasta regna insuperabilibus pedibus tuis subacta affundentur. Subdit autem statim: *Sedes tua, Deus, in sæculum sæculi;* ibid. v. 7. hoc est, sublimis thronus tuus perpetuus est, solium æternum, quod finem nescit, & vitæ tuæ longiturnitatem exæquat.

Sanctus Basilii Magnus in commentario huius Psalmi ait: *Pulchrè admodum post populorum subiectionem, regni Dei magnificentiam concelebrat.* Omnino peropportune rex pœnitens sedem Dei fore sempiternam tunc commemorat, postquam dixerat, populos multos illi subiugandos. Sed cur imperij illius æternam fore durationem dicit, *sedes tua, Deus, in sæculum sæculi,* cum tot habiturum, & habere subditos præfatus fuerat? Causa ea est, vt nemo putaret, sedem Dei niti humeris subditorum populo-

populorum, aut ex ijs illius magnitudinem pendere. Falluntur qui sic existimant, neque rem intelligunt, qui ita arbitrantur. Nam quod illos habet subditos, id pro ipsorum honore, & exultatione facit, neque ob aliud, quàm quod è re ipsorum sit, illi seruire, domesticosq; illos adsciscit, & admittit, tantum vt illos eà dignitate ornet, & collocupletet. Qui enim immensè potens & infinitè diues erat, priusquam illi nati fuerant, quomodo illorum ope indiguisse potuit? Tam absolutus namque Dominus, & independens monarcha non solum nullo habet opus, sed omnes etiam ex illo pendent, quod mox videbimus.

CAPVT V.

Ex omnipotente, & independente manu Dei pendet vita, & spiritus omnium quæ viuunt, & spirant.

Quam aliter hoc accidit, ac vanorum quorundam, arrogantiumque hominum cogitatus persuadere sibi soleant! Deponant ergo errorem suum, sciantque omnes, nullam esse creaturam, quæ non ex munifica supremi huius monarchæ manu pendeat, cui sic loquebatur Propheta ragius: *Omnia à te expectant, & des illis escam*; Psal. 103. 27. Nul- lum est bonum, siue naturæ illud, siue gratiæ, siue à Deo infusum, siue studio nostro partum, quod non à manu Dei veniat. Ab illa ergo omnia expectare, ipsumque cunctorum donorum, & beneficiorum autorem vnicum confiteri debemus.

Cum regulas supremus Legislator leprosis prescriberet, & cæremonias, ad quarum normam emundare sese à maculosi morbi næuis deberent, hæc inter alia præcipiebat: *Die octauo assumet duos agnos anniculos, & unum anniculum absque macula, & tres decimas simila in sacrificium, quæ conspersa sit oleo, & seorsum oleis sextarium*; Leuit. 14. 10. Notandum, quod hæc sanitas, de qua hîc sacer textus loquitur, recuperata fuerat medijs, & remedijs naturalibus, non miraculosis. At si lepra vi, & efficacia medicamentorum naturalium depulsa fuerat, quamobrem leprosus adire templum, ibique offerre sacrificium debebat, vt se à contagiosæ infirmitatis fœditate perpuratum testaretur?

Respondet Oleaster quæsito valde aptè in rem præsentem, dicens: *Sunt, qui sola miraculosa Deo referant, & pro eis gratias agunt, nempe si subito ex agitudine conualescant, aut ab incurabili sanentur morbo, & id genus alia, quæ serò beneficio naturæ, aut medicorum ope proueniunt, negligunt in Deum collo-*

care, ac si ipso nihil in huiusmodi effecisset, quos lacus iste redarguit, qui pro sanitate ope naturæ adepti sacrificium offerre subet, & alioquin mandatus agnosceret, hoc se à Deo recepisse, & illi gratias esset. Sunt sanè, atque vtiàm non tam multi, qui hoc tantum in Dei beneficijs numerant, ac pro eo solum illi se obnoxios purant, quod miraculo consequuntur, quale est, si à graui morbo repente liberentur, aut desperatam à medicis consequantur sanitatem, si post fridie inopinatò conualescant, quorum corpora pridie tantum non conclamata erant, si quæ proxima illis, ea fulmine tangantur, ac deflagrent, ipsi verò nihil inde damni accipiant, aut si aliud quid huiusmodi eis accidat: Verùm si quid vel naturæ beneficio, vel medicorum industria, & sollicitudine, vel medicinæ virtute ijs obuenerit, non tanti faciunt, vt pro illo gratias Deo referendas putent, tanquam is huius rei, aliarumque talium non sit causa præcipua. Horum ingratitude lex illa perstringit, quæ litare sacrificium iubeat pro ea etiam bonâ valetudine, quæ naturæ opitulatione, & medicorum peritiâ instauratâ redierat, vt qui eam receperat corporis optatam munditiem, intelligeret, Deo illam debere ferre acceptam, gratulque plurimum effet pro beneficio ab ipsis liberali manu accepto, à qua tanquam originali fonte, omnia descendunt, corporis sanitas, opum facultates, sapientia, virtus, prudentia, & quidquid rectè agitur, regna, dominia, vita, respiratio, gratia, autoritas, fauor, & quidquid demum est, nullâ re, vel creaturâ prorsum exceptâ.

Commendabat Sponsus staturam, & venustam corporis structuram Sponsæ suæ, decentissimamque illius proceritatem, & aiebat, illam palmæ similem esse: *Statura tua assimilata est palmæ*; Cant. 7. 7. Multa dixerunt Expositores de hoc tam festiuo, ac mystico encomio, quo Sponsam suam diuinus Sponsus ornauit. Causæ præsentî commodum veniet, quod S. Ambrosius lib. 3. Hexam. cap. 3. affirmat de palma, inquit: *Videas palmam, quæ dactylos generat, inclinantem ramos suos, & subsistentem ei arbori, quem marem arberem appellant.* Qui res naturales stylo persequuntur, certum, exploratumque aiunt, esse inter palmas certum quoddam coniugij genus, Sponsamque, quæ mulieris officium in hoc naturali matrimonio obit, proferre fructus. Docent hoc Plinius, Bartholomæus Anglicus, Petrus Berchorius, Geminianus, Dionysius Cassius cum alijs non paucis. Sed notandum, quod Ambrosius, cæteri que autores tradunt, fieri non posse, vt palma

foemina, quæ fructus edere solita, dactylos villos producat, nisi propè ob oculos habeat palmam marem, quæ Sponsi vices exequitur. At quid agit palma fructuum parens? Id quod Ambrosius de illa pronuntiat: *Videas palmam, quæ dactylos generat, inclinantem ramos suos, & subsistentem ei arbori, quem marem appellant.* Palma Sponsa, quæ fert fructus, ramos suos Sponso arbori perpetuum submittit, velut ad significandam sempiternam subiectionem, aut tanquàm æternùm se illi mancipatam, debitamque gratitudinis tributa pendere velle testaretur suæ fertilitatis auctori, dulciumque sœtuum suorum parenti, ac genitori.

Quod ergo ad Sponsam suam Sponsus ait: *Statura tua assimilata est palma*; tale est, ac si eam vrbane peramantemque monuisset, ut palmam imitari studeret eam, quæ est fructifera, quæ ad commendandam suam gratitudinem, quàm Sponso suo debet tanquàm omnis suavis germinationis suæ auctori, ramos suos illi velut ad reuerentiam pro concessio fructus beneficio submittit. Sic omnis anima vnum hoc perpetuò agnoscere, & cogitare debet, quidquid bonorum habet, & gratiam, quacunque apud alios valet, & beneficia, quæ obtinet, & diuitias, quas possidet, ea omnia suo Sponso, tanquàm fonti originali, à quo promanant, & velut supremo patri, à quo deriuantur, debere. Nimirum quidquid habemus felicitatis, id à liberalibus illius manibus nobis venit.

Postquàm hominem primum maiestas suprema creasset, sociamque vitæ illi auxiliarem dedisset, amplissimam ijs facultatem concessit, ut de fructibus arborum, quibus ille voluptuosissimus locus conuegitus erat, esisterent, ab una tantùm scientiæ boni, & mali arbore abstinerent. Textus sacer id his verbis memorat: *Ecce dedi vobis omnem herbam afferentem semen super terram, & vniuersa ligna, quæ habent in semetipsis sementem generis sui, & sint vobis in escam* 3. Genes. 1. 29.

Dubitari hoc locò potest, cur Dominus, qui hominem, quem condidit, tam varijs, insignibusque percoluit donis, exornauit gratijs (quo de suprâ recurrit sermo) voluit, & ordinauit, ut ille vitæ suæ conseruationem, ac propagationem à paradisi arboribus velut mendicatio peteret, ab eisque corporis sui alimoniam acciperet. Decentius enim, ut videtur, factum esset, si homo suam ex seipso sustentare vitam posset, neque arborum gratiâ, fructuumque usu ad hanc rem opus haberet. Cur ergo diuina providentia talem conseruandæ vitæ humanæ ordinem

instituit, voluitque ut nutritionem suam aliunde expectaret, atque ab extraneis alimentis penderet?

Respondet vetus pater Algerus de sacram. lib. 2. cap. 2. Tom. 6. Bibl. Vet. Patrum, inquit: *Cum omnia posset Deus, non in nobis ipsis, sed in exterioribus alimentis temporalem vitam nostram retinere voluit, ne nobis debere videremur, quod sumus, sed ei potius, à quo sunt illa munera, vnde viuimus.* Facile erat diuinæ providentiæ concedere homini, ut penes se haberet, atque in seipso circumferret fontem suæ vitæ, sic ut extraneo nutrimento nullo egeret, neque necessum haberet panis, fructuum, carnis, taliumque rerum pastu. ad hanc rem uti, quæ sunt fragilis, & caducæ vitæ nostræ quædam velut statumina, & pedamenta: Voluit tamen vitam nostram ab extraneis escis, & studio pendere alieno, ne illam nobis tribuere posse existimarem, sed verum nutritionis nostræ autorem agnosceremus, qui alimoniam, quâ viuimus, ministrat: *Ne nobis debere videremur quod sumus, sed ei potius, à quo sunt illa munera, vnde viuimus.* Vult enim Dominus, ut omnibus modis ipsum causam, & autorem omnium agnoscamus, & reueremur.

Sanctus Marcus Euangelista refert, tres Marias postridie Sabbati venisse ad monumentum dominicum cum magna vi vnguentorum aromaticorum, quibus sacrum cadauer, ex more hominum magis religiosorum, vngerent. Posthæc narrat Euangelista, quòd gloriosus mortis triumphator pro singulari ergà mulierem, quæ quondam in ciuitate peccatrix fuerat, benenolentia surgens mane, apparuit primò Maria Magdalena; 3. Marci 16. 9.

Cardinalis Caietanus ait: *Hinc habemus horam resurrectionis Christi fuisse in aurora.* Dicit enim de illo Marcus, surrexisse mane.

Pono hoc loco tanquàm fidei dogma indubitatum, quòd resurrectio Christi est causa resurrectionis corporum nostrorum, quemadmodum docuit sanctus Paulus, inquit: *Sicut in Adam omnes moriuntur, ita & in Christo omnes viuificantur*; 1. Corinth. 15. 22. Quid causæ sit, quòd Dominus cum appetente die, & primula crepera redire in vitam voluit?

Respondet Caietanus appositè in causam, quam tractamus: *Valde congruè dies æternitatis gloriosorum corporum incipit cum aurora, resurrectio enim Christi est initium vniuersalis resurrectionis omnium corporum, sicut aurora est initium dies.* Magno ergò mysterio factum, quòd Christus tunc surrexit, cum aurora progredi cœpit, ut significaret, velut aurora est

est prodromus solis, & currus triumphalis aduentantis diei, & porta lucis, ita suam resurrectionem esse originem, causam, & principium resurrectionis nostræ. Omnia nimirum sic disponuntur, vt palam fiat, non posse esse diem æternitatis absq; rutilante aurora gloriæ resurrectionis incliti triumphatoris Christi, & consueantur omnes, non esse aliud nostræ gloriæ ostium, nec aliam veræ felicitatis viam.

Hæc vna è multis, eaq; præcipua causa est, ob quam Dominus ordinavit, vt Chanaanæ grauem illam, calamitosamq; sterilitatem paterentur, cuius hic sacer textus mentionem facit. Est illius terræ feracissimum solum, totisq; annis, qui inter Abraham, & Isaac sterilitatem intercesserunt medij, fuerunt tempora satis lata, inquit Abulensis, cælumq; rorem opportunum submittebat, humusq; fructus suos tempestiuè reddebat, gregum armenta, cæteriq; pecoris plurimum subolesebant, & fœtus magno numero edebant, & omnia vbiq; affluebant. Vt ne ergo homines illam suis meritis abundantiam ascriberent, permittit Dominus fortes, & cælum velut clauiculus, & terram sterilitate damnauit, fecitq; vt magna esset rerum omnium, quas victus requirit, penuria, vt omnes intelligerent, pluviam, rorem, brutas animantes, alimoniam, vitam, & quidquid est, à munifica clementia generosi illius, & perliberalis pectoris venire.

Adi Persioham I. Dominica II. post Epiphaniam ex Tomo 2. pag. 432. col. 2. o. Sibi hanc in rem plura inuenies, & lectiora, atque illustriora.

C A P V T VI.

Antè ignis adurere, & lucere sol desinet, quàm errare homo arrogans, sibiq; nimium tribuens.

A Bijt ergo obediens Patriarcha noster ad regem Palæstinorum Abimelèch in Gerara, cumq; ab incolis terræ illius interrogaretur, quænam ea mulier esset, quàm circumducebat comitem, respondit: *Soror mea est*; Genes. 26. 7. Notant hic Interpretes, quàm studiosè Si ille Patriarcha inhæserit vestigijs sui patris, qui cum ob similem famis causam in Egyptum descenderet, præuideretq; in quantum periculum adducere illum suæ vxoris pulchritudo posset, aiebat illi: *Dic obsecro te, quod soror mea sis*; Genes. 12. 13. nam si status tui conditionem scire volentibus id responsi dederis, commodè mihi propter te erit. Tantundem nunc agit Isaac, cum enim ex illo sciscitarentur, quænam es-

set fœmina, quam vix sociam habebat, respondit, sororem suam esse. Ad huiusmodi responsum eisdem rationibus permotus fuit, quibus pater illius Abraham, qui necem sibi inferendam timebat, si vxorem confiteretur Saram, verebaturq; ne vitam sibi adimerent, quò licitè illà vti possent, per id enim tempus, vt affirmant Lyranus, Abulensis, Pererius, Oleaster, Cornelius, grauissimum habebatur adulterij scelus, atque ipso homicidio atrocius flagitium.

Per omnia ergo prudentis patris imitator fuit humilis filius. Sic etiam ad illius imitationem proleuanda necessitate famis voluit petere Egyptum, puteosq; quos ad victum suæ familiæ, & pecorum fodit, appellauit eisdem nominibus, quibus ante pater vocauerat, Genes. 26. 18.

In his omnibus ostendit quàm vehementer cuperet rectè agere, secus atque alij arrogantes liberi, qui cum parentum suorum bona ab illorum morte hæredes adeunt, tollunt, commutant, abradunt, aut certè emendant adificia, hortos pensiles, totum etiam regendæ familiæ ordinem, ac omnem statum paternæ domus exterminant, vt se patribus sapientiores esse ostendant, & quasi pudeat aliorum, vel parentum vestigijs insistere, vt magnus huius libri Interpres Ferrandus sect. 3. n. 3. prudenter submonet. Verùm illos superbix suæ pœna extemplò persequitur, errant quippè in omnibus, quæcunq; nouant, & ex finitris effectibus stultia illorum consilia, & iudicij inconsulta ratio, atque inconsiderantia elucescunt. Iustum autem hoc est supplicium eorum, qui plus satis sibi vendicant, cum nouas semitas tenere, & diuertacula nemini hætenus vsitata indagare volunt. Debitissima arrogantibus vindicta est, turpiter cadere. Quicunq; enim sibi nimium præfidunt, non longius ab errore absunt, quàm quòd cunctantur in opus explicare, quòd facere temerè, præcipitanterque decreuerunt, sic vt simul & à recto deflectere, & ex sensu proprio agere incipiant. Hinc accipiat noster Politicus, quantum illi conducatur sequi consilia, & sententias aliorum, si prudenter rem suam curare velit.

Pascebant fratres Iosephitis oues patris sui in Sichem, Iacob scire cupiebat quid agerent, & quid illis in suo pastoritio munere accideret. Quare filium suum Iosephem vocauit, & ait illi: *Veni mittam te ad eos*; Genes. 37. 13. Respondit Ioseph: *Præsum*; ibid. v. 14. volabo, quò me cunq; ablegaris, neminem certè domi habes, qui expeditius, quàm ego, abire, & redire, neminem, qui promptius, faciliusque iussa tua exequi velit, ac possit. Abijt adulescens,

lescens, & post aliquantum tempus inuenit eum errantem, ibid. v. 15.

Philo Iudæus lib. quod deterior potiori insidari soleat, inquit: *Paratum te ais, dicens, Præsto sum, argumento est, quod inueniet te paulo post homo errantem in via;* tanquam pluribus dixisset: O bone Ioseph, quam mihi subolet, quod non multo post errabundus desisteres! Nonne à patre vocatus, & iussus ire perquisitum fratres, exploratumque quomodo haberent, aut quid agerent, subito promptum, paratumque te itineri obtulisti? Nonne tibi præfidebas, posse mandata patris tam faciliter, feliciterque, quam alius nemo, perficere? *Argumento est, quod inueniet te paulo post homo errantem,* certo prognostico est, quod de via quamprimum abibis, & citò cades.

Premendum est in his Philonis illud: *Inueniet te errantem in via.* Deuiare, aut extra viam errare multis etiam prudentibus, & circumspèctis accidit: At errare in via cuiusdam contingit? Arroganti, & sibi præfidenti euenit, ut in poenam suæ temeritatis, & præcipitantiae, Deo permittente, in itinere ipso vagus errore ducatur, & in rebus luculentissimis, & maximè perspicuis, & facillimis fallatur, tenebrasque turpiter offendant, ubi alij lucem inveniunt.

De Esau ita dicitur Gen. 26. v. 34. *Esau quadragenarius duxit uxores, Iudith filiam Beeri Hethæ, & Basemach filiam Elon eiusdem loci.* Si Esau statim pernoscit, & qualis ille fuerit, scire velis, inquit sanctus Ioannes Chrysostomus, id absque multo labore facias, dum ad illius actiones modò animum aduertas. Quidnam ille fecit? Coniugium iniit, idque subito, parentibus nihil conscijs, cum tamen patris sui vel maximè consilium expetere debuisset in re tam momentosa, quam erat connubium illius, qui se inclytæ prosapiæ, & illustrissimæ domus primogenitum reputabat, nuptiasque contrahebat cum mulieribus barbaris, extraneis, idololatriæ deditis.

Chrysostomus homel. 53. in Gen. ait: *Ut statim insilio suos mores inducet, inconsultis parentibus illas uxores duxit.* Ut nemo diu dubius hæsitaret animo, quam infelices successus habiturus esset aggressus Esau, ut ne quis longo diuinandi, quam sceleratam vitam ducturus in posterum esset, labore sese defatigaret, facere illud poterat, si præcipitantiam illius, & agendi remeritatem attentius expendere, nam qui hæc diligentius considerabat, simul videbat, quam spultrum finem in rebus omnibus habiturus esset. Qui enim rem quamlibet cum præsumptione temerè incipit, is absolvere illam absque

errore non potest. Et qui per omnia suum sequitur pertinaciter sensum, & iudicium, quid potest expectare, nisi suum præcipitium? *Ut statim insilio suos mores inducet Esau, inconsultis parentibus illas uxores duxit.* Cui capitis sui sententia est pro vitæ regula, qui consultore, quam se, non vitur alio, quid sibi nisi prolapsiones turpes, & errata plurima, promittere potest?

Ut rem tam grauem sermone prolixiore pertractem, nosse Politicus facile dabit. His ergo, quæ diximus, fulcra plura subiiciamus. Primum in limine historici patientissimi Iobis inuenio, ubi sic dicitur: *Vir erat in terra Hus, nomine Iob;* Iob. 1. 1. Videamus tam illustri viri præclara facinora: *Erastus ille simplex, & rectus, ac timens Deum, & recedens à malo.*

Ex terra, in qua S. Patriarcha degebat, eruit doctrinam moribus commodam ille oculis corporis captus, sed animæ visu perspicacissimo Dydimus. Monet is primum, *Hus* idem esse, quod *consilium*. Tum quærit, quid significare voluerit illius historici Scriptor, cum terram de nomine indicauit, in qua S. Iob morabatur, & posthæc statim illum commendare à simplicitate, rectitudine, timore Dei, & fuga mali cepit? Cum *Hus* idem sit, quod *consilium*, voluit diuinus Historicus primò patriam sancti Iob indicare, atque exemplò inculpatam ipsius vitam commemorare, ut innueret, eos veritatem sequi, & eadē sentire, atque agere, & simplicitatem amare, & Deum timere, & mali omnis ocores esse, qui in regione consilij viuunt, & arbitrio reguntur alieno, neque obtemperant proprio.

Audite Dydimum apud Olympiodorum in catena in cap. 1. Iob. *Husitis consilium daret, in quo iustus domicilium constitutum habebat. Is enim, qui facilius est ad excandescendum, temerè agit, quare & canibus, sic illi nascuntur tum dicta, tum facta.* Hus latine consilium nominatur, in quo firmam, ac fixam habuisse sedem Iob dicitur, nam qui pronus ad iram leuiter subleuatur, & quò ardentis furoris cæcus impetus rapit, facile sequitur, is procliuius errat, seque præcipitat, & canum infelicitate laborat, qui cæcos pariunt catulos.

O dictum plusquam bene! *Ut canibus, sic illi nascuntur tum dicta, tum facta.* Notoria est canis proprietates. Cæcus nascitur, plenus tenebrarum in lucem communem prodit, charissima pignora sua nobilissimo sensuum destituta edit. Tale quid ijs euenit, inquit Dydimus, qui aurem arbitrio suo, & consilio proprio admovent, opera enim, quæ inde nascuntur,

fiuntur, sunt partus cæci, quales canum, & cogitatus vani, & verba noxia, & facta omnia inde oriunda sunt exitiaria. Quæ sit enim alia consilij præcipitis, & arbitrij proprij soboles, quam cæcitas, stultitia, error?

Sinite confiteatur id humilis presbyter Leporius, cuius epistolam emendationum diligentissimus Pater Sirmundus ab iniurijs obliuionis vindicatam totius Christianitatis communi vsuræ donauit. Ea in epistola rogat, ne cui mirum accidat, quod tam turpiter errarit, cæcum ferocium Ecclesiæ æmulorum sensum secutus, postquam constabiliendi erroris sui ipse sibi magister fuerit: *Aliud fieri non poterat, nisi ut propria stultitia in me inueneret, quando ego mihi discipulus habueram me magistrum;* inquit ille in epistola, quam præfatus sum, ac si dixisset: Cum ego meæ opinioni nimium quantum tribuerim, & inhaerim, cumque proprii ingenij tanquam fili ductu vsus fuero in medio dubitationum mearum labyrintho, quid mirum, quod lucem inuenire veritatis non potui? Cum ipse mihi ductor essem, & doctor, quomodo fieri poterat, ut non errarem cæcus, non eaderem præceps? Qui sibi ipsi est consultor, quomodo non in mille errores impinget?

Rationem huius tradit Tertullianus lib. de cultu foeminarum cap. 2. dicens: *Nam qui presumit, minus veretur, minus præcauet, plus periclitatur. Timor fundamentum salutis est, presumptio impedimentum timoris. Vtilius ergo, si speremus nos posse delinquere, sperando enim timebimus, timendo cauebimus, cauendo salui erimus. Contrà si presumamus, neque timendo, neque cauendo, difficile salui erimus.* Aduertat huc animum noster Politicus, & hanc Tertulliani ratiocinationem suis ponderibus penset, ut suspensum habeat suum sensum, & arbitrium proprium timeat, indeque conficiat illationes, siue confectiones, doctrinamque hauriat necessariam negotio momentosissimo, quale est salutis æternæ. Qui præsumit, inquit Tertullianus, qui sibi prædidit, & nimio plus promittit, idem minus quam par est timet, nec satis prospectit, adeo discrimini vicinior est. Timor basis est salutis, præsumptio autem, siue præfidentia propria gladius, & interitio timoris. Itaque magis nobis conducit, si peccare posse vereamur, nam si offendere, aut male agere posse pertimescimus, formidabimus lapsum, formidantes autem propiciemus nobis, ne cadamus, & propitios euademus ruinae. Econtrariò præfidentes nobis, & nostro nimium tribuentes iudicio, metumque omnem, & cautionem abijcientes, ægre laqueos euadimus, & effugiemus insidias, quas voluntatis nostræ libido

nobis struit, & iudicium proprium dissimulat. O si Politicus noster Logicâ hæc diuinâ recte vteretur, quam sæpe illi feliciter caderent, quæ agit! quam multa pericula euitaret! Si omnes suas cogitationes, & consilia vniuersa ex sententia iudicij institueret alieni, quam prosperè illi euenirent omnia, quam secundos haberent exitus!

Ablegabat superus Magister duos charissimorum suorum dilectissimos, Petrum, & Ioannem, ut domum conducerent, appararentque, in qua cum reliquo Apostolico Collegio insignem paschatis celebrarent solennitatem. Cumque illi sciscitarentur, quamnam conduci, & festi impendentis vsui aptari domum vellet, respondit: *Ecce introeuntibus vobis in ciuitatem, occurret vobis homo quidam amphoram aqua portans, sequimini eum in domum, in quam intrat;* Lucæ 22. 10.

Quid opus erat his circumstantijs, inquit sacer Venetorum Patriarcha, quid talibus signis, domum ut reperirent Apostoli, quos diximus, in qua celebrandum pascha erat? Quid necessum erat vestigia legere, & premere aquatoris, ne quas indagabant ædes, præterirent? Quorsum viæ dux ad reperendum diuersorium hominibus tam indolentibus, & sollicitis, studiosisque, quam erant Petrus, & Ioannes? At si iudicem desiderarunt, ne errarent, cur operâ hominis tam abiecti, & sordidi ad eam rem uti debuissent? Quid sub hoc mysterio latet doctrinæ, & eruditionis?

Satisfacit quæstioni S. Laurentius Iustinianus lib. de triumphali Christi agone cap. 1. num. 5. *Idem mysticè Apostolis mandatur, ut aqua basillum sequantur, ne proprio delusi sensu per errorum densa, & hæreticorum abrupta præcipitari cogantur.* Quod Apostolos, talesque Apostolos ductore tali uti voluit, hoc perinde fuit, ac si dixisset, eum, qui seipsum regere, & iudicij proprii ductum sequi velit, miserabili, & infelici prolapsione corruium, & certo præcipitio interitum, quantumuis sublimis sit, in summum Apostolicæ vitæ fastigium licet ascenderit: Econtrà qui se humiliat, coque demittit, ut sententiam, & arbitrium sequatur aliorum, eum hæc submissione obtenturum, ut Deo bene iuuante, omnia rectè, atque ut decet, agat, tametsi ducem habeat quendam vulgi extremum, vilissimumque, & abiectissimum aquæ baiulum. Tam utile est arbitrio se submittere, & permittere alieno. Tam noxium, & damnosum suo proptè sensu omnia facere, seipso consultore, & moderatore uti, & pro solâ suâ libidine quiduis agere.

Nam

Nam ut idem Sanctus in eodem lib. cap. 8. n. 5. ait, *Six absque casu, & ignominia enadit, qui temerario ausu bello contendit, facileque enervitur domus, qua supra sui ignorantiam esse fundata dignoscitur.* O Deus! in quæ tempora hæc dicta sint verba? Perrarò absque turpissimo probro, ac dedecore reddit, qui pro sola sua pernicacia, & proiecta audacia ad arma profilit, ac bella ferit, vel quarit. Leuiter solo affliguntur ædes, quarum non sunt aliæ bases, quam ignorantia sui ipsius, siue quod idem est, sensus cuiusque proprius. Quæ vero domus consilio, & arbitrio nititur alieno, ea stabilis consistit, & firma, perdurabilisque constabit.

Huc faciet quoddam sancti Ephrazm dictum, quod ad rei alterius confirmationem alibi, quantum memini, adduximus. Ille ex sententia cuiusdam veteris monachi in palæstra vitæ spiritualis plurimum exercitati sic ait in parenæsi 35. Tom. 2. *Si conspexeris adolescentem propriâ voluntate in cælum ascendentem, tene ipsum, expedit enim ipsi. Id vero de illo quoque intellige, qui cum atate sit senex, mente tamen est iunior.*

Mira, & quam merito notes, & expendas, amplificatio! Qui cælum petit, atque in illam æternam felicem patriam contendit, illius obfistendum comatibus, & obstaculorum iniectu impediendum iter! *Si conspexeris in cælum ascendentem, tene ipsum!* Si talis quispiam adolescens in errorum abyssum se præcipitaret, si in flagitij alicuius profundum pelagus ingurgicaret, si per latam perditionis viam orcum peteret, & in damnationem abiret æternam, rectè diceret verus magister noster, *Tene ipsum*, & manu iniectâ præcipitio, quod fert in barathrum, & exitium sempiternum, per vim cohibe: Verùm homini in cælum aspiranti, & beatitudinem illam, ad quam conditus est, anhelanti, magnisque conatibus appetenti quis asferre manus, ac moras ausit? *Tene ipsum*, aiebat ille. Cui hoc in mentem venire, aut quis credere potuisset, quod etiam eiusmodi homo retineri debeat? Quàm ob causam verò?

Causam non dissimulauit expertus Doctor, inquit: *Ascendentem propriâ voluntate*; quasi dixisset: Si quem videris, qui siue qualis Icarus altius prædenter euolare, seu velut temerarius Phæton aurigandi imperitus, currum, caballosque feroces moderandos suscipere velit, hunc alis suis nuda, & comprime. Iudicium enim proprium tam sæpè, procliuiterq; & fallit, & fallitur, ut eius ductui, tamen in cælum ferre, & in ipsam gloriam, atque æternam salutem rapere videatur, tuto fidere nemo possit, aut

debeat. Quisquis enim arbitrium proprium sequitur, alarum cerearum remigio subuehitur, & stultâ præsumptione fursum contendit, cumque maximè connititur, ut assurgere altius queat, in ipsum suæ prædenter, temeritatique mare decidens submergitur. Quàm multi ex his, quos sensus proprius per viam ducit, pereunt! Quàm multi se præcipitant, qui sui iudicij alis erigere sese tentant! Quicumque enim proprij arbitrij coneuaciam, duce vitur, tamen si gloriam sempiternam, & coelestem beatitudinem petat, errandi, prolubendi que semper secum fert periculum.

Nocte extremæ cœnæ superus Magister, quod Euangelistæ referunt, prædicebat discipulis suis, ab ab vno quodam eorum, qui ibi tunc aderant, turpiter se, ac perfidiosè in manus effectorum, & sacrilegorum hostium tradendum. Posthæc etiam illud aiebat: *Omnes vos scandalum patiemini in me, in ista nocte*; Marth. 26. 31. cum me turpiter, probrosèq; capi, vinciri, abduci, dehonestari videritis, quem paucis horis tam stupenda operatum, tam sublimia locutum, & per eiusdem civitatis plateas, & compita cum ingenti plausu, & festiua non vilis plebeculæ tantum, sed etiam nobilium, ac principum virorum acclamatione deductum vidistis. Simul ea audiit Petrus, & in hæc verba erupit: Itane verò scandalum ex te quisquam nostrum patietur! *Etsi omnes scandalizati fuerint, ego nunquam scandalizabor*; ibid. v. 33. nutent licet, prorsumque concidant columnæ hæc vndecim, ego tamen tam firmus, fixusq; persistam, ut constantiæ, stabilitatisque exemplum mutuari à me omnia secura sæcula possint. Tunc humilis, amantissimisque magister ad prædenter discipulum: *Amen dico tibi, quia tu hodie in nocte hac, priusquam gallus vocem tu dederit, ter me es negaturus.* Ita apud Sanctum Marcum 14. 30. qui & submonet, quod Petrus, pro eo, ut se humiliaret, imbecillitatemque suam & miseriam agnosceret, amplius loquebatur, ibid. v. 31. multòque magis etiam, quam ante, præsumebat.

Qua in re Petrus illam suam inexpugnabilem, ut prædenter, fortitudinem fundauerit? Aut quam basim subiecerit suæ tantæ constantiæ tam vastæ moli?

Sanctus Ioannes Chrysostomus homel. de negat. Petri Tom. 5. putat Petrum talia intrâ se locutum: *Egonè igitur te negabo princeps Apostolorum! columna Ecclesiæ! Quamobrem & mihi ipsi prædenter vociferor: Etsi omnes scandalizati fuerint, ego non scandalizabor.* Egonè Apostolorum vertex natabo! Egonè

Egonē Ecclesię fundamentum, & fidei columna vitium agam, ac vacillabo? Quid Petro persuaserit, vt se nihil perperam commissurum certò putaret? Illud, quod aiebat: *Mihi ipsi præsides vociferor;* quod tale est, ac si dixisset: Delibero egomet mecum, consilij, quod capio, præsides alium, quàm me, neminem habeo, solus ego mihi sum moderator. Itanè verò, Petre, tute ipsi tibi rector es, & consultor, & præsides, atque ab arbitrij proprii libidine te duci sinis, & cum iudicio tuo quoddam velut cuniugium iniisti! Quid mirum ergo, quòd Christus te mox erraturum, & miserabiliter ruiturum cum iuramento affirmavit, inquiens: *Amen dico tibi, &c.* Eapropter Patriarcha noster Isaac non fidens suo ingenio, & arbitrio, vestigia patris sui in omnibus persecutus fuit, vt qui semper rectè agere cuperet, sciretque, priùs futurum, vt neque ignis aduratur, neque sol luceat, quàm vt non erret, qui præsinit, sibi què nimium arrogat.

CAPVT VII.

Permittende sunt recreationes, sic tamen, vt illæ modestie non prætergrediantur limites.

Natura nostra infirma est, & imbecillis, corporis nostri massa ex fragili luto coaluit, & spiritus, quem hic mortalis carnis carcer inclusum tenet, afflicatur, tantùm què non suffocatur, nisi quandoquè illius relaxentur vincula, solvantur compedes, remittantur nexus. Necessum est nonnunquam feriari ab opere, respirare à laboribus, vt obtusæ, hebetatæ, aut debilitate duræ, ac diuturnà exercitatione vires acuantur, & instaurentur. Tale quidpiam suadebat Magnus Cordubensium Philosophus Seneca lib. de tranquillitate animi cap. 15. inquiens: *Danda est remissio animis, meliores, acrioresque requies surgent. Vt fertilibus agris non est imperandum, cito enim exhauriet illos nunquam intermissa fecunditas, ita animorum impetus assiduum labor frangit, &c.* Legum conditores festos instituerunt dies, vt ad hilaritatem homines publice cogerentur, tanquàm necessarium laboribus interponentes temperamentum. Vt enim nunquam otio indulgeas, verùm semper labores, perpetuoquè defatigeris, ac desudes, fieri non potest.

In huius rei confirmationem adfert Robertus Holkot quoddam problema Aristotelicum ex sect. 5. problem. 10. vbi magnus Philosophus hoc quaerit: *Cur locis aequalibus, quàm inaequalibus magis fatigamur?* Cur maiorem lassitudinem adfert iter

planum, quàm via, quæ per accliuia, & decliuia, per campum, colles, ac montes ducit?

Respondet ex sententia Philosophi Holkot in c. 5. Sap. lect. 61. *Quia quando homo incedit continue, & uniformiter per viam planam, fatigat instrumenta, seu partes corporis, quibus ambulat, sicut genua, & tibias, &c. Unde quia in istis instrumentis ambulandi continue tenetur vna figura motus in via plana, ideo contingit homini maior labor, & fatigatio. In processu vero non plano, & aliquando ascenditur, aliquando descenditur, non semper tenetur eadem figura motus in instrumentis mouendi, nec illa partes vexantur & uniformiter, & continue, sed alternatim, quia ascendendo plus laboramus in genibus, & tibijs, descendendo plus in femoribus. Alternatione ergo, & vicissitudine motus diuiditur ambulationis labor, fit leuius itionis pondus, & tolerabilior defatigatio, atque vt itinerandi molestiam minus sentias.*

Commoda est hæc doctrina, inquit Robertus, ijs, qui in cœlestem patriam contendunt. Molestum est cœlorum iter, terribile carni, & sanguini, spiritui etiam graue, qui sub corporis oneroso pondere nonnunquam lassatur, ac sudat. Vt verò sit minus ardua, ac difficilis via, quid facto opus? *Alternatim, & vicissim incedendum, & quantum possumus, fatigationem, & rēdium deuitemus inferuendi Deo. Vicissitudine vtendum, sic vt nonnunquam in campum, vallem, prata recreationum descendamus, si enim vno tenore semper conemur, & enitatur, & ab incensa contentione nihil aliquando relaxemus, tantum concipiet animus rerum spiritualium fastidium, vt denique eas prorsum deferat, & perhorrescat, quod multis accidit.*

Hæc fortè vna è multis causa est, cur Deo seruire vocetur cantus, quòd non semel indicat Propheta sacer. *Cantate Domino canticum nouum*, ait Ps. 97. v. 1. & v. 4. *Cantate, & exultate, & psallite.* Quid est cantare Domino? Seruire, gratificari. Ita Ioannes Baptista Folengius, Rainerius, Michaël Agyuanus, & alij. In cantu non omnes notæ sunt partes, neque situm eundem obtinent, sed aliæ alijs superiores sunt, vel inferiores, sed hæc supremum, illæ infimum, medium reliquæ occupant, ex qua tam varia positione suis musices sonus, & grata harmonia conficitur, fitque, vt qui cantant, minore labore id facere, ac diutius, leuiusque psallere possint. Qui eodem semper tenore cantare velit, siue plurimum altè, seu valde submissè, is suam facillè delassabit vocem, & absonum reddet concentum. Harmoniæ ergo, & musices simile debet esse studium seruiendi

B b b

Deo,

Deo, ut sicut illa constat ex sonorum intervallis, & varia compositione, sic & hoc suas habeat pausas, intermissiones, otia, sitque nunc intentius, nunc remissius, ut continuari queat. Fieri non potest, ut perpetuò, quis oret, aut corpus flagris semper cædat, aut tanquam mutus nunquam loquatur, aut omnes ieiunus transmittat dies. Est hic nimis altus tonus, quem seruare cantando nemo diu possit. Dandum colloquio tempus, dandum comestioni, dandum quieti, & otio, submittenda nonnunquam vox, ridere quandoque, & iocari, & auocare ab intento studio animum, rura peragrarè, hortum subinde petere necessum. Hac enim ratione fiet, ut diutius insistere cantui musico dominicorum officiorum, & cultus diuini possimus, si debita cum prudentia, & discretione nunc altius, nunc demissius canamus, hoc enim requirunt voces, ut nimirum eas modulenur, ne plus nimio defatigentur. Tale quidpiam requiritur etiam in via spiritus, ut ea perseueranter teneri, & seri queat.

Docet hoc Dominus per Oseam Prophetam, inquiens: *Et ero eis quasi exaltans iugum super maxillas eorum*, Osee 11. 4. Exaltaturum se, non ablatum iugum eorum ait Dominus, quod tale fuit, ac si dixisset, seruos Dei sua quietis tempora habituros, quibus eorum subleuetur iugum, & oneris pondus alleuietur. Nemo sempiternum ferre iugum potest, & intolerabilis est austeritas, quæ perpetua. Propterea in domibus religiosis, quarum etiam arctissima clausura, & vitæ consuetudo asperissima, habent religiosi ascetæ suas horas, quibus animum à consuetis exercitationibus tantisper abducant, relaxent, & remittant. Quomodo enim arcus semper tensus perdurare, quomodo fragilis natura vnum per diu tolerare pondus, & pari semper contentione pergere potest, nisi subinde mutet iter, & onus illius minuaturs?

Verum qui necessitatem recreationum commendare cæpit, idem docebit, quem in eis modum obseruare debeamus. Dicit ergo Seneca, relaxandum esse animum, sic tamen ut temperantiæ lineas non transeamus, sed eam moderationem ad honestas oblationes adhibendam, tanquam capitales, & infensissimos hostes nostros habeamus spectatores, ob quorum oculos nemo facillè aliquid committere, aut dicere solet, quod non attentè ante perpenderit, & examinaret. Hunc morem à veteribus quibusdam viris celeberrimis obseruatum idem Seneca affirmat, quorum vita talis fuit, ut ab ea rectè agendi exemplum omnes capere posteriores ætates possent:

illi antiqui viri, ait, solebant inter lulum, ac festi tempora virilem in modum tripudiarè, non facturi detrimentum, etiam si ab hostibus suis spectarentur. Et paulò ante ista: *Cum pueris Socrates ludere non erubescibat, & Cato vere laxabat animum curis publicis fatigatum, & Scipio triumphale illud, & militare corpus mouebat ad numeros, non molliter se infingens, &c.* Hæc autem ij tam acutè, circumspiciendè; agebant, ut infensissimi inimici censuram, absque omni existimationis suæ periculo, & sine auctoritatis suæ vlla iactura, subire possent. Tales ergo debent esse Politici nostri recreationes, quales erant, ut ait Seneca, antiquorum illorum gentilium relaxationes, honestæ, graues, maturæ, moderatæ.

Cum Discipulos suos celestis Magister ad prædicandum Euangelium emitteret, inter varia documenta, quibus eos ad rectè procurandum tam sublimè ministerium instituit, etiam hoc illis dedit, ut si quas ædes pacatas ingrederentur, in eis conquiescerent, comederent, biberent. Id talibus verbis dicebat Lucæ 10. 7. *In eadem autem domo manete edentes, & bibentes, quæ apud illos sunt, dignus est enim operarius mercede sua.*

Notandum in his, quòd Dominus, cum Discipulos suos iubet sumere victum in domibus, ad quas diuerterent, simul velut monet, ut recordentur, se vineæ illius operarios, scholæ alumnos, & famulos domesticos esse: *Dignus est enim operarius mercede sua.* Sed cur voluit, ut tunc se cogitarent esse discipulos Christi, quando cibum capiebant?

Responder Euthymius, id voluisse, ut inter conuiuandum seruarent temperantiam, moderationem, frugalitatem, quam seruare debent; quotquot gloriæ ducunt, quòd talis Magistri sunt discipuli, & rari regis domus famuli. Solet plerumque in conuiuijs effusus ridendi, liberius loquendi, familiariter cauillandi, iocose, ac dicaciter ludendi; taliumque rerum prona se offerre occasio. Dicebat ergo Christus: *Manete edentes, & bibentes*, esset in Gottes nahmen / qui enim laborant, & ministerio maxime tantum diuino, & sacrosancto operam nauant, iure merito cibum sumunt; hoc tamen facere debent tanquam in mea schola instituti, & ad vbera mea enueriti, sic ut parsimoniam, ac modestiam, quæ talis Magistri discipulos, talis Domini seruos, talis doctrinæ prædicatores decet, per omnia obseruent: *Edere, ac bibere permisi, quia ab illis porrigerentur, non simpliciter, sed sicut discipulos suos decebat.* At si ad victum, & potum, res summè necessarias, tantam adhiberi temperantiam, ac frugalitatem Do-

minus voluit, quando magis nobis commendatam habere debemus cautionem, modestiamque, quoties animum oblectatione pascimus, & relaxamus? Illz horæ maiorem requirunt attentionem, circumspeditionem, moderationem, quibus à curis feriamur, & rerum gratarum, iucundarumque cogitatione nos refocillamus.

Admirabatur diuinus Sponsus vitæ consuetudinem, quam chara illius Sponsa tenebat, cumq; mores eius diuiculè apud se non sine magna voluptate reputasset, hac eam blandiloquentiâ comiter semel, atque iterum appellabat: *Hortus conclusus soror mea Sponsa, hortus conclusus*; Cant. 4. 12. tanquàm dixisset: Plenum amœnitatis, & ad omnem voluptatem comparatum nemus es, amica columbula mea Sponsa, sed validis muris incinctum, & sepimento impenetrabili communitum.

Quid sibi voluit, cum de Sponsa dixit, hortum esse, verum solidissimo, fortissimoque pariete obualatum?

Respondet Simon de Cassia, Sponsum dicere voluisse, debere in Ecclesia esse hortos, hoc est, recreationes, vacationes, animi oblectationes, feriationes à laboribus, respirationes ab operosis negotijs, & curarum anxietate. Sed quales illa hortos habere & potest, & debet? Modestiz maceriâ conclusos, temperantiz pariete incinctos, frugalitatis muro vallatos. Hinc æstimabimur horri Dei, qui permittit nobis recreationes, sed moderationis dissipationem cauere præcepit. Dedit ille releuandi animi licentiam, neque dedecet, habere suas certis temporibus, & occasionebus statas horas, quibus indulgeatur animo, & detur orium, sed immoderantiam vetuit, & nimis effusam licentiam. Placet pietissimæ illi maiestati, vt sit nonnunquam remissior asperioris vitæ arcus, nimiam tamen non vult relaxationem. Absque habenis enim in recreationes procurrere, incautè oblectari, & modestiz limites palam impudenter transilire, magis Gentilium est, quàm Christianorum, magis Infidelium, quàm Catholicorum, & peccatorum potius, quàm iustorum.

Audianus Simonem à Cassia, qui lib. 13. in Euang. sic habet: *Sunt delicta Paganorum, & Infidelium, sed non conclusa. Sunt delicta peccatorum, sed non conclusa. Sunt verorum Christianorum, sed conclusa. Delicta Christianorum debitos fines habent, certis limitibus concluduntur.* Habent sua Pagani delectamenta, sed in quæ absq; fræno ferantur. Habent suas veri Christiani voluptates, sed parcè ijs, ac moderatè viuunt, nam horti sunt, sed conclusi,

& habent sua recreationibus opportuna tempora, at in his seruant modestiam, non effunduntur extralimites, & ad frugalitatis, honestatisque partes semper accedunt, sic vt nihil indecens, nihil quod professione christianæ, vel religiozæ educationi contradicat, vel faciant, vel loquantur.

Apostolus cum in consideratione postus esset ærumnarum, quas patiebantur, qui signa ducis nostri Iesu Christi sequebantur per id tempus, quo Ecclesia persecutionum tyrannicarum tolerantia, & fuso sanguine suorum fundari cœpit, illudque simul cogitaret, naturam nostram fragilem egere leuamine aliquo, vt calamitatum pondus ferre possit, sic aiebat ad eos: *Gaudete in Domino semper, iterum dico gaudete*; Philip. 4. 4. tanquàm dixisset: Lætami in Domino, fratres charissimi, & ne quis me indulgentiz in vos meæ pœnitere putet, etiam atq; etiam lætari iubeo: *Iterum dico gaudere.* At videamus, quemadmodum hoc fieri debeat: *Modestia vestra nota sit omnibus hominibus*; inquit ibid. v. 5.

Angelicus Doctor in illorum verborum commentario ait, quod postremum hic monet Sanctus Paulus, id tale esse, ac si dicat: *Ita sit moderatum gaudium vestrum, quod non vertatur in dissolutionem.* Iudith c. 24. *Erat autem populus iucundus secundum faciem sanctorum.* Quando Gentium Doctor primitiuos Christianos volebat esse gaudibundos, ac hilares, sic tamen, vt inter omnem lætitz voluptatem seruarent tantam modestiz rationem, vt eam videre omnes possent, perinde fuit, ac si dixisset, eam adhibendam esse moderationem ad recreationes, vt relaxetur, sed non soluat disciplina, neque in alterum immodestiz extremum deflectat, sed hoc fiat, quod de Israelitis Betuliensibus sacer Scriptor narrat, qui toto trimestri festiuis laudibus, & plausibus exultarunt pro obruncato barbaro Holoferne, & victoria, quam illis Iudith pepererat. De his dicitur, gaudiosos fuisse *secundum faciem sanctorum*, hoc est, ad modum, quo gaudere sancti solent, qui cum oblectationem aliquam capiunt, modestiz regulam, temperantiz perpendicularum, cautionis normam, frugalitatis frænum, attentionis lineam semper ad manum habent, ad quam relaxationis suæ suauitatem exigant, vt qui norunt periculum, quod inter eas occasiones minari spiritui solet.

Sic facere debent quicunq; ex præscripto virtutis sese exhilarare volunt. Quando enim recreationes sunt concessæ, & non etiam nunquàm necessariæ animi à curis auocationes, tales debent esse,

quales Isaaci, & Rebeccæ erant oblectationes, quos simul inuicem ludentes è fenestra regis arbitratus fuit Abimelech, de quo Gen. 26. 8. sic habet textus sacer: *Prospiciens Abimelech rex Palaſtinarum per fenestram, vidit Isaac iocantem cum Rebecca uxore sua*, hoc est, suavius, familiariusque illam complextantem, osculantem, & alijs honestis modis, quos matrimonij leges permittunt, cum illa oblectantem, vt ferè exponunt SS. Hieronymus, Augustinus, Ambrosius. In sensu morali, Isaac, vt interpretantur Philo Alexandrinus, Nicolaus Lyranus, & Guilielmus Ebroicensis, est imago spiritus, Rebecca figura carnis. Hæc duo nonnunquam se mutuo oblectant, luduntque, ac se pascunt inuicem, sed ita, vt modestæ præceptiones, & iura obseruent, & cautè aduertant, ne temperantiæ terminos prætergrediantur. Docemur hac re, vt cum suas carni relaxationes permittere spiritus debet, id ita fiat, vt moderatio in omnibus Christiana seruetur illæsa. Sint risus absque dissolutione, sine dentibus verba. Non sint mordaces ioci, non contumeliosi lepores. Opera sint talia, vt ad benè agendum spectatores excitent, vt in omnibus coniunctam habeat recreatio modestiam, oblectatio honestatem, relaxatio ædificationem.

CAPVT VIII.

Iudicij, quod de alijs facimus, aqua sapere cordis terram solet, per quam transit.

Homnium sententia, proprium, vt saporem attrahant, & referant terræ, per quam fluunt. Id Moyses Barcephæ lib. de Parad. p. 1. c. 21. Tom. 1. Biblioth. VV. PP. sic expressit: *Aqua pro soli indole, per quod fluunt, dulciores, amariiores, insulsiores, salfores euadunt.* Aquæ ergo aliæ alijs sunt vel suauiores, vel acerbiores, quia terrarum, quas lapsu tacto, & secretis itineribus permeant, sapor varius eis adhærescit. Simile quidpiam affirmare possumus, cum videmus hominum alios quidem tam candidos, & sinceros, vt de omni re iudicent benè, & in partem meliorem cuncta interpretentur, alios verò tam improbos, & malevolos, vt omnia suspecta habeant, & in sinistram sensum detorqueant, quidquid fieri cernunt, nimirum quod hi velut aranei sint, qui venenum vndique exsugant, illi velut sedulæ, ac mellificæ apes omnia in theriacam vertant, id nasci ex corde, vnde iudicia cuiusque oriuntur, vt qualis quisque est, tales ferè alios arbitretur. Nam cum Christus dicat Matth. 15. 19. *De corde exeunt cogi-*

tationes; cuius cor fuerit bonum, eiusdem bona erunt de alijs iudicia, at quorum mali, & peruersi animi, eorundem sinistræ imaginationes, & interpretationes maleuolæ, & damnosa consilia. Denique suo pede quisque alios metitur, & de cordis sui interiori conditione alios æstimat.

Ita sensit Sanctus Gregorius Nazianzenus Orat. 28. cum ait: *Quod in seipso aliquis minimè sensit, is nec alteri id adesse affirmanti inquam crediderit, qui autem ita aliquando se affectum sensit, is profectò ad assentiendum faciliorem se præbebit.* Difficile quis adducitur, vt eo laborare malo alium putet, quod ipse non expertus aliquando fuerit: Si quod nobis tamen inest vitium, eodem obstrictos esse alios procliuius opinamur. Prout enim nos aliqua vel agimus, vel patimur, sic de alijs sentimus, & iudicamus.

Decreuerat Dominus captiuum liberare populum, qui sub tyrannica barbari Pharaonis potestate miseram intolerantissimè ferebat seruitutem. Vindicem ergò Israelitarum suorum delegit Moysen, ei que præcepit, vt hanc Domini sui tam propensam in eos voluntatem illis aperiret. Desugiebat ille officium, & impares tam graui muneris subtrahebat humeros, inquiens: *Non credent mihi, nec audient vocem meam, sed dicent, Non apparuit tibi Dominus*; Exod. 4. 1. tanquam fabulam ridebunt, si affirmaro, quod mihi pro singulari, & summa beneuolentia visus sis, & hanc tantam provinciam commendaris. Res mira! Quam concitus Moyses in eam deproperauit sententiam, quod nullam dicta illius essent repertura fidem! quam celeriter desperauit fore, quod Dominus promiserat!

Cum hanc Moysis diffidentiam secum expenderet Oleaster in annotat. morali in c. 4. Exodi, inquebat: *Cogitavi non semel penes me, vnde hominibus tanta diffidentia ad Deum suum.* Vnde nasci potuit, quod illi tanto viro dubitare in mentem venit, num Deus pollicitationi suæ satisfactorus esset? Causa hæcendi Moysi ea potuit esse, quod ex nobis ferè æstimamus alios, & quoniam nos leues homunciones parum nobis constamus, idcirco huc propendemus, vt etiam Deum suorum promissorum nonnimis tenacem fore arbitremur, aut formidemus. Audiamus Oleastrum: *Cognoui ex eo esse, quod quales nos sumus erga Deum, talem eum arbitremur erga nos.* Quia enim nos frequentissimè Deo promissa mentimur, arbitramur Deum nobis etiam promissa non seruaturum. Plerumque hoc agitur, vt ex se quis cæteros æstimet, & hoc alios facturos putet, quod ipse fecerit.

Examini-

Exanimatus, & affectu paterno percipiebat Apostolus, ut Romani, & reliqui ex toto terrarum orbe homines Deo se consecrarent, & corpora sua in ara poenitentiae illi victimam immolarent, atque ut ipsis persuaderet, ardentiaque illius desideria suum fortirentur effectum, obtestabatur eos, dicens: *Obsecro vos, fratres, per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum*; Rom. 12. 1. Cum quis rem, quae ardua videtur, vult impetrare, operam dat, ut deprecatores adhibeat, qui plurimum possit, & quem sibi efficacem fore patronum confidit. Cum ergo Apostolus videret, quam difficile esset facere corporum suorum in cruento asperioris poenitentiae altari oblationem, deprecatores illis magnum ob oculos posuit, benignissimi Dei clementiam, perque eam illos obtestatus ait: *Obsecro vos per misericordiam Dei.*

Sanctus Petrus Chrysologus serm. 108. quaerit: *Quare non per virtutem? Quare non per maiestatem? Non per gloriam Dei?* Cum huc vellet permovere Romanos, ut rem operosissimam susceperent, & in carnem suam flagris desuarent, & suis ipsi manibus ferocirent, seq; ipsos excarnificarent, cur non potentiam Dei, non gloriam, non iustitiam, non immensitatem, sed unam, solamque misericordiam interposuit? *Obsecro vos per misericordiam Dei.*

Respondet beatus Ravennatus Archiepiscopus, inquit: *Quia per ipsam & Paulus crimen persecutoris evasit, & apostolatus tanti adeptus est dignitatem, sicut ipse fateatur, dicens: Qui prius fui blasphemus, & persecutor, & iniustus, sed misericordiam Dei consecutus sum.* 1. Tom. 1. 13. Reputabat secum diuinus Apostolus, quam stupenda in ipso Dei opitulatrix misericordia operata fuerat, quae ipsum ex perditissimo peccatore sanctissimum fecerat, & ex putido persecutionis instrumento in vas electionis suavolentissimum transformarat, & ab infimo blasphemi hominis statu in supremum Apostolicæ dignitatis fastigium euexerat, eaque cogitatione incitabatur, ut eadem Dei misericordiam ad curandum alios vii vellet. Qui medicinae adminiculo morbum aliquem evasit, is alijs, quos pari infirmitate laborare videt, simile adhibere antidotum solet: Sic Paulus cum beneficium sanitatis per misericordiam Dei consecutus esset, per eam sospitare, & saluare omnes volebat, dicens: *Obsecro vos per misericordiam Dei.* Per illam ego ex morbo evasi, per illam conuulturos omnes puto. Me illa est strato peccati erexit, & ab omni aegritudine persanauit.

Itaque ut mihi bene cum illa fuit, & ut plurimum apud me potuit, sic & apud alios plurimum valituram, atque effecturam existimo. Habet enim hoc mos communis, ut de nobis alios arbitremur, & similiter alijs, atque nobis omnia euenire putemus.

Magna dignum est admiratione, quod cum mansuetus, & amantissimus agnus Christus nocte cenæ tot inditia dedisset perfidiosi discipuli, à quo sanguinarijs lupis, efferatissimis hostibus suis prodendus erat, nullus tamen Apostolorum de Iuda tale nefas suspicatus fuerit, imò tam procul ab ea opinione omnes abfuerint, ut etiam cum Dominus illi diceret, *Quod facis, fac etrus*; Ioan. 13. 27. non aliud putarint, quam quod Iudas, qui loculos habebat, iussus sit emere, quæ ad diem festum opus erant, aut egenis aliquid dare.

Vnde factum, quod illi tam alieni erant, & tam procul aberant ab omni tam atrocis prodicionis suspicione, etiam cum cælestis Magister velut intento digito denotabat immanissimi sceleris futurum authorem? Quomodo illi tam benevoli censores fuere, cum humana fragilitas etiam nullis incitata signis à seipsa præceps ferri ad sentiendum, & pronuntiandum male de bonis quoque, & à virtute profectis aliorum actionibus soleat?

Satisfacit huic quaestioni sanctus Venetorum Patriarcha Laurentius Iustinianus lib. de triumphali Christi agone c. 5. num. 10. inquit: *Innocentes Apostoli cum essent, & sancti, nil mali de proditore cogitare sunt ausi, quod nefas à se alienum non ignorabant, hoc condiscipulo ascribere verebantur.* Integerrimi erant Apostoli, nec aliqua tam inexpiables flagitij cogitatio mentes eorum aliquando subierat, imò hoc potius certum habebant, quod arma rapere, & profligare ad Magistri defensionem, si res ita postularer, vellent. Hinc fiebat, ut dare locum suspicioni metuerent, quod Iudas ille periurus discipulus futurus esset. Suspicionem inauditi sceleris, à quo illi tam longè aberant, moueri in Iudam non audebant: *Quod nefas à se alienum non ignorabant, hoc condiscipulo ascribere verebantur.* Ut puri sceleris, & tenacissimi erant recti, fidissimiq; Apostoli, sic persuadere sibi non poterant fore, ut è Discipulorum numero quispiam tam insignitè flagitiosus esset, tamq; turpi, ac propudioso scelere se contaminaret. Ut enim quisque intus in animo suo comparatus est, ita sentit de alijs, & actionum nostrarum virgulâ vitam, moresque aliorum metimur.

Probat hoc S. Dorotheus pulchro exemplo cuiusdam è sacro Basiliano Ordine religiosi, viri admodum

modum simplicis, & synceri, qui ut erat candido, integerrimoque animo, sic quoties videbat cellam allicuius monachi incompolitam, neque comptam, cultamque, & ornatam, quantum id vite genus permittit (quod affectatam munditiam quidem damnat, squalorem tamen, & spurcitiem non probat) apud se inquebat: *Quam beatus est frater iste, & se abstractus, & alienus est ab his terrenis, & transitorijs, & se totum ad celestia, & diuina contemplan- da transfudit, nam nec propria cella exornanda illi cura est reliqua.* Hæc ille apud S. Dorotheum doct. 12.

E contra cum cellam alterius lautam, elegantem, concinnam, ac politulam cernebat, sublati in cœlum oculis aiebat: *En quam pura, & immaculata est fratris huius anima, ad anima namque statum, cella puritatem direxit, & quia cum anima cella, quam incolit, purissima sit! tanquam putaret fieri non posse, ut obsoletum habitaret cellam corpus, cuius animus esset immaculatus.*

Concludit Dorotheus, inquiens: *Ex optimo mentis sua statu de se ipsis iudicabat.* Ut ipse purus, syncerus, candidus erat, sic pura, candida, sincera erant, quæcunque per terram cordis illius fluebant. De omnibus iudicabat bene, omnia in partem meliorem referebat. Simplex apicula mel ex omnibus legebat. Bonus ipse bonos omnes arbitrabatur, bene de omnibus sentiens.

Hæc ratio est, ob quam rex Abimelech, cum videret Isaac familiariter ludentem cum Rebecca dicebat: *Perficuum est, quod exor tua sit;* Gen. 26. v. 9. imposuisti que nobis, cum esse illam sororem tuam dixisti, quod enim coniux tua sit, hoc ego gravissimo argumento probatum habeo. Ergone ex il-

lo iudicavit esse coniuges, quod vidit liberius inuicem iocantes? Omnino. Ut enim ipse pro sua singulari continentia Rebeccam, quod sua vxor non esset, sibi usurpare non audebat, cum alioquin facile illa seui potuisset: Ita putabat illos, nisi coniuges essent, tam amice, ac festiue iocari mutuo non potuisse. Qualis enim quisque est, tales reputat alios, & de sui statu animæ censet animas cæterorum, earumque status.

Quærit Moyses Barcephas, utrum aquæ Paradisi dulces sint, ac suaves gustui, an amaræ, & salæ. Respondet verò: *Cur non existimabimus illos fluuios, dum per beatissimum, ac felicissimum locum Paradisi fluunt, iucundissimo, ac suauissimo sapore esse?* Aquæ namque, ut diximus, ex solo, per quod fluunt, suum saporem trahunt. Tantundem plerumque videas in iudicijs humanis. Quorum enim hominum animæ velut paradisi sunt, eorum iudicia inde manantia sunt pura, candida, sincera, sic ut de omnibus bene iudicent, omnia in partem mitiorem amice interpretentur, de cunctis proximorum factis, ac dictis bene & loquantur, & sentiant. E contra quorum animus orco similis, eorum etiam iudicia infernalis, maligna, peruersa, & iniqua sunt. Quidquid vident, sinistrè accipiunt, de omni re perperam pronuntiant. Ad sensum eorum, quæ hæcenus diximus, potest noster Politicus seipsum à iudicio, quod fert de alijs, arbitrari, & censere ab estimatione, quam habet de cæteris. Animæ suæ statum, morumque ac vite conditiones æstimare potest ab eo modo, quo proximorum facta, insectaque æstimare solet.

Vide in Tomo primo Persocham IV. Dominica V. in Quadragesima pag. 376. o.

LIBER OCTAVVS.

CAPVT I.

Nemo fortunatorum catalogo inseri posse videtur, qui non inuidiosorum sortem expertus fuerit, nemo ægrum se lamentari, qui non inuidentiæ morbo laborarit

EST cuidam ægrè ex inuidia, quam sustinet, aliena, dolet suam ægritudinem, eiusque curandæ desiderio rationem consulit, quæ nobilis medicus est, sanandarum animæ passionum paratas semper, easque efficaces, & salutares habens medicinas. Eheu miserum me, cla-

mat æger, cui omnes inuident! quapropter etiam omnes me persequuntur, sumque & linguarum scopus, & calamorum negotium, & vnicum omnium confabulationum argumentum. Occurrit huic anxietati ratio, compescit suspiria, respondet querimoniam dicens: De qua re, miser, & ignaue expostulas, cuius tanta est felicitas? Gloriosissimus dolor est, quem pateris, nobilissima ægritudo, quæ grauaris, honorificentissimus morbus, quo laboras, & saluberrima infirmitas, quam sustines. O quam feliciter infirmaris! O quam sublimis iaces, qui ex huiusmodi malo decumbis! Cum enim tuus ille de aliorum inuidentiæ natus sit dolor, non est alius, cui magis

magis inuideri queat. *Vix insequem virum hac in-*
ueniem pelle reperies; inquit Petrarca lib. 2. de
 remedijs veriusque fortunæ, dialogo 32. *Cunctas*
historias euoluere, non possunt ignoti tibi esse quam plu-
rimis, quorum comitatu non solum consoletis, sed &
glorietis; velut dixisset: Quid fortem tuam tam
 miserè deploras? Quid de malo, quod pateris, tam
 acerbè quæris, cum inuidiosus factus ex eo ægrè
 habeas, quo laborarunt viri ex toto terrarum orbe
 inclytissimi, & celebratissimi, quique in sacro Famæ
 templo locum editissimum magno suo merito glori-
 osissimè occuparunt? Perecurrè historias, annales
 euoluere, perspicere libros, consule tempora, sæculo-
 rum superiorum gesta tecum animo recolle, æratum
 præteritarum memoriam reuoca, videbisque feram
 hanc Inuidiæ bestiam nullà re alià vquam pastam
 fuisse, quàm virorum illustrium sanguine, neque a-
 liunde prædam egisse, quàm ex viris eminentissimis,
 & solos eos suo perstrinxisse fulmine, quos magnitu-
 do meritorum suprâ alios euexit. Quemadmodum
 enim horribilis, & fremebundus caliginosæ nubis
 abortus, cum se hac, atque illac obtorquet, ingenti
 cum fragore, & strepitu furiosus, rabidusque appet-
 tit suprema superborum, ac temptuosorum palatio-
 rum fastigia, & montium celsissima cacumina; indi-
 gnusque arbitrat in humiles casas inuehi, aut
 profundis in vallibus iacentia gurgustia inuadere.
 Sic infamis ille abortus, & speris ex atra turpis hu-
 ius passionis nube descendens partus, quidquid præ-
 clarum, illustre, conspicuum, excelsum, ornatum,
 opulentum, pretiosum videt, hoc aggreditur, & in-
 festatur, quæ verò infima, obscura, tenuia, & reij-
 cula, velut per contemptum dedignabundus præte-
 rit. Ergo qui violentas huius effectus, & atrocis ty-
 ranni manus experitur, eximæ magnitudinis fux
 hoc habet grauissimum argumentum, & heroci ani-
 mi, virtutisque affluentiæ irrefragabile testimoni-
 um.

Sacris pariter, & profanis literis Ignis est symbo-
 lum inuidiæ. Ità docent Berchorius, Valerianus,
 Ricciardus, & Laureus, ex quibus hic illa: *Ignis di-*
citur inuidia. Sed quamobrem igni comparatur in-
 uidia? Respondet perquam aptè in causam præsen-
 tem eruditus Aloysius Nouarinus lib. 11. Schedia-
 matum factorum, & profan. c. 1. tractans quandam
 Sapientis sententiam: *Pulchre, & sære dictum, in-*
uidia enim vt ignis non nisi excelsa appetit. Rectè, ac
 merito cum igne componitur inuidia: Vt enim in-
 quiescum ignis elementum fursùm perpetuò anhelat,
 & cò semper conuulgitur, vt superiora loci, quem se-

mel depasci cæpit, inuadat; sic inuidia non nisi ma-
 gnos, celebres, præclaros, summos appetit, infestat,
 persequitur.

Apparuit Dominus Patriarchæ nostro Isaac, quo
 tempore illum anxietatè laborantem, tristemque, &
 afflictum videbat, iussitque non frangi animo, non
 concedere fortunæ iniquiori, velle namque illum ab
 omni ærumna eruere, & à quacunque calamitarum
 miseria ereptum ornare, & cumulare insigni gloriâ,
 dicens: *Noli timere, quid ego tecum sum; benedicam*
tibi, & multiplicabo semen tuum; Genes. 26. v. 24.
 caue quidquàm metuas, qui me proximum habes.
 Ego enim te celsèberrimum faciam, nominisq; cui
 famam per omnem, quâ patet, terrarum orbem ve-
 hiam. Vnde verò intelligemus, Domine, quòd Isaac
 tuus in summum felicitatis verticem penetrabit?

Sanctus Ioannes Chrysostomus in cap. 26. Genes.
 illa Domini verba tali paraphrasi illustrat: *Inui-*
dus eris, & infestantibus potentior, & inuadenti-
bus fortior, de omnibus hostibus triumphum ages,
 victoricibusq; plantis tuis subiges, & opprimes infen-
 sissimorum amulorum tuorum superba capita. Hic-
 cine verò omnis Isaac gloria conquiescet? Aut hæc
 felicitatum illius tota summa erit? Misiamè, inquit
 Os aureum, subdens: *Et tantam tui curam habeo,*
vt inuidiosus illis sis futurus, hoc est, vt famæ tuæ ce-
 lebritas, & omnium præclarè gestorum, gerendò-
 rumque magnitudo, & præcellentia semel, qualis qua-
 lis est, omnibus innotescat, faxo eam habeas nomi-
 nis claritatem, & apud omnes admirationem, vt plu-
 rimi qui viderint, inuideant: *Tantum tui curam*
habeo, vt inuidiosus illis sis futurus; quod perinde
 videtur, ac si dixisset, tamen si homo in hac vita su-
 premum felicitatis apicem attingat, & fauentissimam
 habeat fortunam, & verticem suum suprâ alios ma-
 gnificè extollat, suspectam tamen videri omnem
 gloriam, nothaque, adulterina, & spuria insignia,
 quæcunque illa suam ab aliena inuidencia non habe-
 ant commendationem. Non enim videtur germana
 gloria, quam non appetit, non infestat inuidia. Vir-
 tutum aurum vix putum putatur, quod non fuerit
 in huius tam in mici vitij fornace excoctum. Itaque
 Deus Isaac, vt gloriam eius suis numeris absolue-
 ret, & magnitudini coronidem imposeret supremâ,
 aiebat: *Tantum tui curam habeo, vt inuidiosus illis*
sis futurus, tam sublimem te agam, vt sis inuidiæ sti-
 mulus, & irritamentum cruciabilissimum tam im-
 manis bestię. Laborent ergo inuidiosorum malo
 homines, sic enim se magnos demonstrabunt, & quò
 atrocior fuerit erga illos inuidiæ rabies alieng, eò lu-
 culentius.

culentiùs testatam facient suarum virtutum affluentiam, & præstantiam.

Symmachus lib. 9. Epist. 109. singulari cuidam suo amico hæc præter alia scribebat: *Gratulare mihi* de magna felicitate quæ mihi Romæ obrigit, fortunatorem me nulla sæculorum superiorum ætas vidit. Quænam illa prosperitas tanta Symmachi fuerit? Varias multis hominibus statuas Romæ erexerant, factum autem, ut ipsius simulachrum nocte quadam deiectum fuerit, cæterorum statuis saluis, & inconuulsis. Dicebat ergo suo familiari Symmachus: *Gratulare mihi* de tam felici euentu, de tam beneuolente fortuna. Ergone volebat, ut de hac re sibi gratulatum veniret amicus, quod statuæ gloriâ nudatus esset, quæ alijs omnibus manserat integra, vnumque ac solum ipsius simulachrum ex omnibus humi deiectum? Immo verò hoc magis postulare videbatur, ut quis illum miseraretur, & deploraret finistram eius casum, & tam insolens facinus vehementer vindicaret. Quid ergo Symmachus tunc gratulationem expetijs, quando iniuriarum depulsionem, & vindictam postulare debuerat.

Causam cur sibi gratulationem fieri voluerit, magnus Senator reddit, dicens: *Quod ego solum torqueo corda luuentium*, solus ego meæ gloriæ clauis configo inuidorum animos, cuius solius demoliti sunt statuum, cum cæterorum signa reliquerint suis basibus subnixæ, & inconuulsæ. Cur immane quorundam odium sanguinarijs dentibus erectam mihi statuam inuasi? Quia studia rerum magnarum me occupatum habent, quia virtutibus antecello, & de præclaris aliorum facinoribus triumpho. Ergo cum simulachrum meum deiecerunt, me ad altiore gloriæ gradum extulerunt, cum imaginem meam solo affixerunt, me in editoris fastigij celsitudinem euexerunt, cum effigiem meam luto platearum oblitum conspurcârunt, virtutum mearum picturam penicillo liuoris, & inuidiæ illustrârunt. Itaque *Gratulare mihi* de probro, quod me honestat, de infamia, & ignominia, quæ me nobilitat, de vna verò vel maxime deiectione statuæ, quæ me exaltat. Nam cum sim inuidiæ signum, & scopus, procul dubio etiam Phoenix sum gloriæ. Quamobrem *gratulare mihi*, quod ego solum torqueo corda luuentium, latere de inuidia, quam patior, si me fortunatum videri cupis. Quæ namque maior felicitas, quam ipsius me inuidiæ manibus vapulare, & affligi?

Consentit hæc Plutarchus, qui hoc argumentum sæpè prolixè, vbique autem sapienter tractat. It consolatium magnus hic Philosophus inuidiosos,

atque ut eorum leuiorem faciat poenam, siue ut rectius dicam, amplius extollat prosperitatem, inuidiosi qualitates tali ferè argumento persequitur. Vultis videre quanta sit sublimitas, quanta dignitas, & gloria hominis inuidiosi? Inuidus hoc vobis dicit. Nemo inuidantiâ laborat, qui ægritudinem suam fateri velit: *Magnus huius rei argumentum est, quod nonnulli, qui odio se habere quàm plurimos facientur, inuidere se alicui negant.* Hæc ille de Odio, & Inuidia, Tom. I. Quàm facile confitetur homo odium, quod habet in alios? Quàm lætè patent pectoris illius fores, per quas videre inimicitias, quas cum alijs gerit, quisque possit? Sunt qui suam animorum in alios maleuolentiam vltro aperiant, enudent, palam faciant. Non illos imponere equuleo, non tormentis vllis alijs subijcere, non vel minacijs terrere necessum est, ut suæ similitates manifestent, per se, ac suâ sponte hoc agunt ipsi suæ ab alijs alienationis præcones, & tubicines. Verum ut inuidiæ morbo se correptos dicant, nullis cruciatibus effeceris: *Inuidere se omnes negant*, inquit Plutarchus vbi supra. *Quod si quis eis ostendere conetur, mille excusationes afferunt, huius affectionis nomen obumbrantes, ac tegetes, quasi hæc sola animi ægritudo celanda sit.* Si testes etiam iurati de quoquam affirmant, laborare inuidiâ, conuitia eis millena ante reponit, quàm concedat falli eos, ac mentiri clamat, ex odio tantum, & mala voluntate agere sibi esse dicit, non ex inuidentiâ, cuius vitij vt omnem a se amoliat, procul suspicionem, plurimas comminiscitur excusationes, quibus hoc crimen amoueatur, & ad varias se artes conuertit, ut suam obnubat maculam, vulnus occultet, dissimulet dolorem.

Sed cur inuidere se omnes negant? Cur eos talis ægritudinis pudeat, qui al a vulnere sæpè magnificè iactant, & ostentant, & in propatulo esse amant, & suâ voce liberrimè vulgant? Causa ea est, quod odium colorari, & palliari prætextu aliquo licito, & rei honestæ specie inaurari potest, ut si dicas, sola odisse errata, vitia, flagitia, quæ res talis est, ut laudem mereatur, & à virtute descendat, si nimirum sola malefacta exosa habeas, & non in eorum authorem præterea redundet inimicitia, execrari quippè scelera humana licitum, homines ipsos abominari inconcessum. Verum cum inuid a magna semper collinet, ornatisimæque, & splendidissima, & summa quæque appetat, adeoque sublimes, eximios, illustres, celebres velut prædicet, clameque eos, quos persequitur, hinc nascitur, quod alteri inuidere videri, actateri nemo velit, nam qui hoc fateretur, ille inuifi

quidem

quidem magnitudinem, eminentiam, excellentemque; præstantiam non obscuro præconio vulgaret, suam verò ebrietationem, vitiatam, miseriam ipius testaretur, qui aliorum felicitatem non cum luore aspiceret, non doleret, nisi eam sibi deesse sciret, ac sentiret: Nisi enim se tam defectum, alterum tam exaltatum agnosceret, nisi se tam demissè humiliatum, alterum tam sublimè euectum reputaret, nunquam illi inuideret. Iam ut quisque erubescit esse inferior alijs, minusque ijs & valere, & mereri, atque hoc confitetur, cum inuidet, inde fit, ut nemo inuidum se fateri velit, ne hoc simul dare videatur, quod alijs virtute, ingenio, ceterisque seu fortunæ, seu corporis, seu animæ bonis sit inferior. Quare inuidiosum esse honorificum est, & gloriosum, cum nemo in inuidia sit, nisi illustis, eminens, præclarus. Propterea inuidum pudet etiam familiarissimo, & intimo animæ suæ chirurgò vulnus hoc suum patefacere, ne se inferiore, & minorem confiteatur: *Inuidere se omnes negant.* Cum itaque inhonorificum putetur fateri se inuidum, quòd infame sit inuidere, inuidiosum esse felicitas est, de qua gloriarì ille, vehementerque & iactare, & ostentare sese potest.

E mea quidem sententia inuidere, & magnificare aliquid sic vnum idemque sunt, ut videatur non posse magnitudinem rei cuiuspiam melius declarari, quàm si inuisam, siue inuidiā exagitatam fuisse affirmes. Sic accipio dictum quoddam sancti Zenonis incliti martyris Veronensis, qui dum animorum robur apud se reputaret valentissimum illorum trium iuuenum à barbaro rege Nabuchodonosore in ardentem fornacem coniectorum, quæ his adornata erat, qui statum illius adorare recularent aiebat: *Rex non inuiderat pueris, si non eos præcepisset ardere.* Hæc ille Serm. 8. de Daniel.

Quid sibi vult, quod ait, extrà inuidiam regis fuisse heroicos illos pueros, nisi iussu eiusdem flammis vtulan si traditi essent? Quid illi egerunt inter medios flagrantium flammarum globos? Pectoris fortitudinem, & magnitudinem animi ostenderunt tantam, quanta ad id tempus visa nulla fuerat. Qui horrorem fornacis illius contemnebant, & flammantem istius ignis draconem aspernabantur, & ardentem monstrum incendij ridebant, ij fortitudinis humanæ limites communes longè exsuperant. Res autem ista æquè & miserum regem pudefaciebat, & valentissimos iuuenes honestabat, sic ut in eadem fornace proderet se & horum inuidia fortitudo animi, & illius imbecillitas pectoris, virium infirmitas, cuius arrogantiam incomparabili suâ audaciâ subege-

runt, & compresserunt. Itaque rex, cum eos igni tradidit, excellentiam animi illorum, & præstantiam illustriorem reddidit, quò enim grauius est periculum, eò amplior gloria eius, qui illud subit, quò effertur aliquid, & terribilius nostrum, eò maiorem splendorem confert suo domitori, quò potenti-
or hostis, eò magnificentior virtus illius, à quo subigitur. Propterea sanctus Zenon eiusmodi gloriæ occasionem, & triumphi talis causam vocat inuidiam, dicens: *Rex non inuiderat pueris, si non eos præcepisset ardere,* hoc est, non magnificarat, non illustrarat, non in eminentissimo gloriæ gradu eos collocarat, nisi incendio fornacis subiecisset. Nam inuidere cuiuspiam, & in cælum laudibus illum efferre, prorsus idem est. Quòd enim quis inuisus est, id à magnitudine meritorum illius nascitur, & ab ornamento virtutum, quibus affluit. Inuidia ergo gloriā adfert inuidioso, probrum suo auctori.

Videmus hoc expletum in nostro Patriarcha Isaac. Morabatur ille in terra regis Abimelech, qui sub poena capitis cauerat, ne quis illius uxorem liberiore manu contingeret. Non multos dies ibi egerat, & tam diues opum factus, pecorumque, & familiæ copijs sic auctus fuit, ut cum Palæstinorum exterorum, tum regis ipsorum inuidiam incurreret, *in tantum, ut ipse Abimelech diceret ad Isaac, recede à nobis, quoniam potentior nobis factus es* Valde; Gen. 26. 16. Vides hic nostrum Isaac, qui suæ affluentię potentiā regem expergefaceret, somnumque illius interpellat, & soluit? Quid honorificentius homini priuato, quàm mereri inuidiam regis? Quæ sublimior felicitas, quàm quòd res secundæ Isaac amplitudini Abimelechi cruciatum attulerunt, & dolorem?

Atque ut iustæ de hac fera bestia poenæ sumantur, quod maius tormentum velis, quàm ipsum de felicitate aliena dolorem? quem atrocior, & inhumantior carnificem, quàm inuidiam ipsammet? Id affirmat sanctus martyr Zenon Veronensis, inquit, ab inuido semper intus in corde circumferri & infernum portatilem, à quo torqueatur, & tersum speculum, viuumque exemplar æternarum poenarum, quas in obscuris illis inferorum ergastulis damnati dependunt, & certissimum pignus cruciatuum perpetuò duraturorum. Quare ait Serm. de Luore, & Inuidia: *Fugiamus inuidiam obseculum regni cælorum, sicut gehenna, pignus, & primitia quasdam pena perpetua.* Itaque inuidus, & damnatus, quod ad cruciatuū vtriusque genus attinet, velut idem sunt, & status cōditiōe non multum impares.

Huc faciet, quod Magnus Basilii de hac maledicta, & cæca passione pronunciat, dicendi occasione arrepta ex illo sancti Ioannis Epist. 1. cap. 4. v. 16. *Deus charitas est, & qui manet in charitate, in Deo manet, & Deus in eo.* Conficit ex his tale argumentum sanctus Basilii Orat. 1. *Si Deus, & si Ioannes inquit, charitas est, ipsa inuidia demon si oportet. Vt igitur, qui charitatem habet, Deum ipsum in se manentem habet, ita qui inuidiam fouet, demonem haud dubie in seipso nutrit, atq; alit.*

Qui Deum in anima sua manentem habet, quid habet? Quietem, pacem, ipsissimam tranquillitatem. Quando enim in pectore tam dulcis, & beneuolus hospes agit, quomodo non fiat omnia pacata, & quæta? Quies namq; extrâ Deum, qui est animæ centrum, in nulla re mundi reperiri potest. Quod si Deus è corde abit, cui pedem rabida inuidiæ fera hæcenus non intulerat, & crudelis demon, inferorum horribilis inquilinus, & orci immanis verna post illum ingreditur, quam tranquillitatem habere possit, aut quam pace, & quiete gaudere, cui talis domi est hospes? Nempe *demonium haud dubie in seipso nutrit, atq; alit.* Qui proximum habet stygium illum tenebrionem, illum sanguinarium lupum, illum trucem, ac præferocem leonem, quomodo quieram ducere vitam miser queat? Quem verò intolerabiliorem infernum, aut quod acerbius tormentum in hac vita cæco inuido optes, quam est illud, quod intrâ viscera circumfert animæ penitissimæ velut affixum certè tenacissimè in hærentem demonem, hostium omnium formidabilissimum, omnis perturbationis authorem, omnis poenæ incensorem, omnium cruciatuum procuratorem, omnis iræ, odij, rabiei inflammatorum?

Vix confessa Sponsa fuerat, vulgaratq; singularis cuiusdam gratiæ beneficium, illud, quod à rege in cellaria sua introducta fuerat, Cant. 1. 3. quando ignis inuidiæ extemplo iuenculas Ierosolymitanas corripere, eoq; virgere capit, ut Sponsæ venustati detraherent, natosque illi nec paucos, nec qualescunque affingerent, & mille comminiscerentur imperfectiones, quibus dignitatis illius splendorem obscurarent. Audiebat hæc illa, & sedato, pacatoque animo comiter talia reponebat: *Nigra sum, sed formosa, filia Ierusalem*; Cant. 1. 4. ac si dixisset: Subfusca sum, non diffiteor, venusta nihilominus, neq; tam indigna beneuolentia Regis, aut tam nihil merita gratiam illius peculiarem, ut vos arbitramini.

Sanctus Bernardus meritò admiratur, filias Ierusalem dictas eas, quæ suam Sponsæ felicitatem inui-

debant: *Filie Ierusalem.* Quò tam nobilis appellatio tam liuidis mulierculis? Quò tam illustre nomen foeminis, quas vilissima passio occuparat? Nonne rectius filia Babylonis (magis enim aptè hæc in illas quadrat vocabulum) dictæ fuissent, propter confusionem, quæ animas illarum perturbatas habebat, & inquietem, quæ pectora earum exagitabat? Cur ergo blanda, & beneuola Sponsa tam honorifico nomine illas donat, & filias Ierusalem vocat?

Respondet Doctor mellissius ferm. 25. in Cant: *Bene dixit, filias Ierusalem vocans, quæ magis pro sua nequissia filia Babylonis, vel filia Babel, aut se quod nomen improprij occurrisset, appellari meruissent.* Cur verò illas non probrosâ appellatione aliquâ perstrinxit, ac pudefecit?

Occurrit quæstioni Bernardus, inquit: *Non putauit amplius irritandis satis commotis per se, nec quidquam addendum stimulis inuidia, quâ torquebatur.* Erat Sponsa ut prudens, sic miti, clementeque ingenio, cumq; iuencularum istarum cognosceret ægritudinem, intelligeretque inuidentiæ morbum esse, ex quo decumbebant, noluit earum vulnus ignominiosiore appellatione, velut vnguium iniectione, magis exulcerare, quin potius splendido filiarum Ierusalem titulo illis velut subblandiri, rata sufficere (quod Christus dicebat) dici malitiam suam, & satis graui dolore percelli, quæ inuidentiæ cruciabili malo vexebantur. Satis magna premebantur miseriâ, quæ talem intus in anima bestiam nutriebant. Satis immanem corde circumferebant carnificinam. Permolescâ, & intolerabili cruce prægrauabantur earum pectora. Superuacaneum itaq; erat, verbis aculeatis illarum exasperare plagas, & exaggerare dolorem. Quod ergo Sponsa fecit, perinde fuit, ac si dixisset: O ærumnosas mulieres! Inuidia laboratis. O vos miseras! Abundè vos ipsæ, quidquid in me peccastis, in vobis plectitis. Si ego plusculas in somnis noctes exigerem, interque has peruiuil de supplicio vobis inferendo studiosissimè, intentissimèque deliberarem, quomodo potuissim, tamen si foeminarum, quas mundus habet, crudelissima essem, atrocius excogitare, & in vos decernere, quam rabiose illius, feræ, inuidiæ, dico, quæ cordibus vestris inuenerit, & pectora tota depascitur, portatile infernum? Agite ergo, ut vultis, & inuidere pergite, sic enim iniuria mea præclare vindicatur, & vos satis luitis. *Non putauit amplius irritandis satis commotis per se, nec quidquam addendum stimulis inuidia, quâ torquebantur.* Quis enim talis infernus inuido, qualis intus felicitatis alienæ?

Propterea

Propterea inquit Seneca apud Hugonem Cardinalem in Psal. 43. *Vitam inuidi oculos vbiq. haberent, Et omnium felicitate torquerentur.* O li quis inuidos omnes transformaret in Argos, & ex omni parte oculos faceret, vt res prosperas omnium spectare possent, sic enim multo acriores fierent illorum cruciatus. Nam si quauis aliena felicitas illis lancea ictus est, & iactus sagittæ, quæ configuntur illorum animæ, quo plures aliorum felicitates conspicerent, eò acutioribus hastis, telis, spiculis transuerberarentur.

Hinc videas, quàm iuste sanctus Zenon maledictam hanc, & rabidam passionem vocarit *Si am gehenna, pignus, & primitias quasdam pena perpetua, & triremium æternorum.* Ex quo Politicus noster accipiat, quàm sollicitè relegare ab animo suo hanc tam crudelem feram, tam atrocem catastâ, tam ignominiosam passionem debeat, quæ immanner dehonesta, & citrà misericordiam contumeliosa est, & efferatè deijcit, quem semel inuasit.

Satyrus Martialis (vt rem hanc aliquando abfoluamus) lib. 1. Epigram. 41. paucis verbis inuidum compellans omnia complexus est, inquit:

*Qui ducis cultus, & non legis ista libenter,
Omnibus inuidetur, luide, nemo tibi.*

Hoc est: Vt omnes celeberrimi fiant, aliud nihil opto, quàm vt felicitatem aliorum tu vnus noleas, tibi nullus inuideat. Nam si tu prosperitati inuidetas aliorum, quem tibi equuleum crudeliorem, quæ inhumanior carnificem, quod tormentum magis sæuum, quam ardentior laminam, quem poenaliorem lancea ictum apprecari possim? Et si nemo tibi inuideat, quæ infelicitas maior, aut grauior calamitas euenire queat, cum nec sit gloria illustrior, quàm inuidiosi, nec ætumnosior miseria, quàm inuidi?

Vide in Tomo primo Periocham secundam Feria VI. post Domin. V. in Quadrag. pa. 429. a. o. Et Periocham secundam Sabbati post eandem Domin. pag. 441. a. o.

CAPVT II.

Domino seruiemus, cuius ea est suauitas, humanitas, ac moderatio, vt neminem impari viribus onerare prægrauet.

Cum proximum adesset tempus, quo mundi Redemptori mors ignominiosa truces manus afferret, vitamque innoxiam adimeret, secessit ille (quod Euangelistæ ferunt) cum tribus charissimis, & familiarissimorum intimis Discipulis in hortum,

Patrem suum æternum obsecraturus. Digrediebatur verò ab illis quantum iactus est lapidis, & quoniam præuidebat fore, vt incautis oculis ignauus somnus obreperet, iussit eos aduersus illius insidias in excubijs agere, inquit: *Sustinete hic, & Vigilate mecum;* Matth. 26. 38. tanquam dixisset: Hoc solum vos rogo, discipuli, vt hic tantisper conquiescatis, & languido somno habenas non permittatis, & vel communes vigilias mecum agatis, qui paria mecum subire tormenta non potestis. Sic dixit, & Patri æterno Filius humilis ardentis preces obtulit. Post fusam orationem repetijt charos comites, & explorare volens, quid cohors regia, quid corporis sui stipatores agerent, inuenit eos somno oppressos, ducemque cohortis appellans ait: *Sic non potuistis vna hora Vigilare mecum?* ibid. v. 40. Qui factum, Petre, quod tam impotens tui teipsum edercere tantillum non potuisti, tamque ignauus, & negligens effectus es, vt te animus destituerit, cum rei occasio illum vnice postularet, & vigilantiam inter præsentanea pericula deferueris?

Inter considerationem huius tam suavis querimonie pientissimi Magistri hoc seiscitabatur venerabilis Simon de Cassia lib. 13. in Evangelia: *Quid sibi vult hoc, quod Saluator Petro cum ceteris obijcit in facie, Non potuistis vna hora Vigilare mecum?* Vnde natum fuerit, quod Saluator, cum esset tam blandus pater, tam mitis, & benivolus Dominus, quando vidit Discipulos omni abiectâ curâ alto somno demersos, palàm illos de tanta sua oscitantia, & negligentia in os coarguit, sic ferè dicens: *Quis hic animi vestri languor? Tantane esse potuit vestri pectoris ignauia, & ingenij illiberalitas, vt tam longas somno habenas permitteretis, & me Dominum vestrum tam graues inter sollicitudines cum extremo spiritu velut decertantem solum insomnem, solum agentem vigilias relinqueretis? Cur illorum somnolentiam tam grauius plehit? Cur socordiam tam acerbis verbis castigat?*

Respondet Simon de Cassia: *Si potentiam non dedisset, negligentiam non increpasset.* Nemo acrimoniam verborum Christi, nemo dulcissimi Magistri obiurgandi asperitatem ergà somniculosos Discipulos miretur, quando enim illis imperauit vigilias, contradidit & superandi somni facultatem, quando insomnes esse iussit, simul vt esse possent, dedit, alioquin tam acerbè in illos inuectus non fuisset: *Si potentiam non dedisset, negligentiam non increpasset.* Diuinus nimirum hic Dominus, vt est dulcis, & pius pater, ita nunquam grauius nos arguit, quod graui-

orem viribus sarcinam non excipiamus, non toleremus.

Pergit Simon. *Certum est Deum nobis omnem dedisse sufficientiam ad virtutis actus, quos exigit, aliter autem (forte enim) esset exactor.* Si prolixius suscipere iter mandat, comineatun viæ & vitæ necessarium vnâ subministrat, si onus quodpiam humeris nostris imponit, robur quoque, & vires, vt simus ferendo, addit: *Aliter enim esset exactor, & magis durus tyrannus, quàm blandus pater, magis crudelis licitor, quàm beneuolus iudex, inhumanus carnifex potius, quàm benignus Dominus.* Verùm vt est dulcis, facilis, prudens, discretus pater, nunquàm intolerabili pondere ceruices nostras grauat.

In illis celeberrimis nuptijs, quibus cohonestandis interfuerunt nobilissimi hospites, (illustrarunt quippè illas Eilius, cui nullus vnquàm par fuit, aut erit, & Parens matrum omnium sanctissima) præclarâ, & opportuna occasione hilaritas, & festiuitas conuiuiorum potissima, hoc est, vinum deesse cepit. Remul hanc inopiam Mater pietissima vidit, & de remedio sollicita, Filij sui omnipotens brachium implorauit, obsecrauitque vt illi propitiis necessitati opem ferret, & recens desponsatorum honori consuleret, ignominiam proximam anteuertiret. Post aliquot Filium inter, & Matrem vtrò, citròque habitos sermones, concedens tam potentibus precibus Dominus ait ministris: *Implete hydrias aquâ;* Ioan. 2. 7. quæ tam vastæ erant, vt facile capere possent vinum, quantum ad omnem hilaritatem excitandis conuiuiis sat esset.

Mellissimus Doctor ait: Tria in hac Domini iussione sunt obseruanda. Primum est id, quod non vult, alterum quod præcipit, tertium quod vult. Non vult magnus Dominus inania esse vasa, præcipit impleri aquâ, & hanc vult conuerti in vnum. Duarum priorum rerum procutatio ad quem pertinebat? Ad homines. Tertia cui relinquebatur? Ei, qui duas priores mandauerat. *Vt vacua sint, non vult Dominus, Et impleantur aquâ, iubet Dominus, Et autem aqua in vinum vertatur, hoc facit Dominus,* inquit sanctus Bernardus serm. 17. de paruis, & varijs sermonibus. Implete hydrias aquâ opus est, quod humanarum virium facultatem non superat, facere autem, vt in vinum transmutetur aqua, id potentie diuinæ seruatur: *Vt impleantur aquâ, iubet Dominus, Et autem aqua in vinum vertatur, hoc facit Dominus.* Itaque Dominus nihil amplius mandat, quàm quisque præstare possit. Aquâ implere vasa, homini facile est, facere miracula, impossibile,

& supremæ potestati relictam, ijsque, quibus omnipotens Deus vult donare, vt operentur prodigia. Quod ergo exequi homo potest, hoc iubet Dominus, quod per vires licet, hoc facere præcipit, quod suprà has est, quod angustos limites imbecillæ potestatis eius excedit, hoc facit Dominus, hoc ipse curandum suscipit. Ad mensuram ergo virium distribuit onera, facere miracula suæ commendat potentie, implere hydrias aquâ, diligentie humane. Denique nunquàm hic superus Dominus plus iniungit homini, quàm commodè perficere queat, nec onera humeris iniicit grauiora, quàm tolerare possint.

Statim ac sacratissimus hic Dominus duos quosdam cæcos sanârat, soloque piæ manus attractu lumine oculorum donârat, ecce obtulerunt ei hominem vnum, dæmonium habentem; Matth. 9. 32. Simul vt ille ante Dominum maiestatis collocatus fuit, abiit, euasit, erupit satan; sic vt non aliâ operâ miser ille oblatu Medico, aliâ eiectus dæmon, sed vno, eodemque negotio factum verumque videatur. Ait namque Euangelista, quòd eiectio dæmonio locutus est murus; ibid. v. 33. proturbatoque stygio hoste mox apertus est carcer, & soluta ærûno arreptitij labia.

Prius autem, quàm cæcis illis, de quibus dixi, visum daret, fidem illorum ad examen prodigiosus Magister vocauit, inquit: *Creditis quia hoc possum facere vobis?* Matth. 9. 28. *Dicunt ei: Virique Domine;* ibid. Cum hæc illi dixissent, tunc Dominus tetigit oculos eorum, dicens: *Secundum fidem vestram fiat vobis;* ibid. v. 29. Sic dictum, vnaque factum, vt miraculo viderent.

Euthymius, cum in consideratione horum miraculorum, dæmoniaci, aio, liberati, & cæcorum visu donatorum, versaretur, dubitare cepit, quomodo rem cæcos non ante curare voluit, quàm fidem illorum expendisset, interrogasset, & audisset, num illud tam stupendum miraculum operari posse crederent, dæmoniacum verò prorsum nihil sciscitatus fuit, sed ab infesto hospite, mox vt illi oblatu fuit, vindicauit, exacto, fugatoque cacodæmone, qui miserum hominem pessimis modis oppressum exagitârat. Cur à cæcis fidem pro miraculo exegit, à dæmoniacis nihil tale requisit?

Respondet Magnus Euthymius: *Non fidem exigit ab arreptitio, si quis nec fari poterat, nec intelligere, quod agnoscebat Saluator, protinus dæmonem eiectis etiam ipso ignorante.* Quòd cæcorum fidem examinauerit, non mirum, nam hi tametsi oculis orbi, non tamen lingua destituti erant, quâ poterant ad interrogata respondere. Obsessi autem fidem non excussit,

excussit, neque de fide illum quidquam percontatus fuit, mutus nempe erat, & labijs impeditis, & linguâ velut iniectis vinculis contristâ, nec fieri poterat, neque audire, vel responderet. Nunquàm Dominus hoc à quoquam exigit, quod exequi non possit.

Urbanus, & euangelicus Propheta de se, vt multorum habet opinio, aliquid affirmat, quod diligenter mereretur considerationem. Capite 49. v. 4. sic habet Isaias: *Et ego dixi, In vacuum laboraui, sine causa, & vanè fortitudinem meam consumpsi*; quod tale est, ac si pluribus dixisset: Vt quod sentio, eloquar, superuacaneum fuerit quæstione à me extorquere, meapte sponte namque, & volens vltro dicam: Nequicquàm defudaui, robur meum, viresq; inaniter hebetavi, & obtrui, frustraneum, & infructuosum fuit omne meum studium, oileum mihi, & opera periit, mortuos inclamavi, surdis vocem dedi, ærem verberavi, ignem dissecui, ex prædicatione mea, & sacris exhortationibus nihil utilitatis reportavi. Quid autem hinc sit? Ergo iudicium meum cum Domino, & opus meum cum Deo meo; ibid. ac si apertius dixisset: Domino causam meam omnem probabo, cum illo mihi conueniet.

Quid sibi volunt ista? Quis illorum sensus?

Respondet Adamus Sashort, Hector Pintus, Didacus Alvarez, & omnium nomine Mariana, Prophetæ illa verba postrema tantum valere, ac si dixisset: *Mercedem operis mei, ac laboris à Deo expectabo*. At quomodo Isaias à prolixis munifici Domini manibus sui remunerationem laboris expectabat? Fateretur ipse vanè laborasse, spe suâ frustratum esse, nullum ex prædicatione sua fructum retulisse, dicens: *In vacuum laboraui*; & pro tam inutili opera mercedem opperiri ait! Si optima, & abunda messis de seminatione, & prædicatione illius nata fuisset, si plurimas animas conuertisset, Deoque adduxisset, dicere meritò poterat: *Mercedem operis mei, ac laboris à Deo expectabo*; at cum inanis fuerit omnis illius opera, inutile studium, infructuosa prædicatione, sic vt nullum peccatorem ad vitam saniozem adduxerit, quod præmium sibi promittere potuit? quam expectare gratiam, aut compensationem?

Occurrunt quæstioni Hugo Cardinalis, Lyranus, Dionysius Carthusianus, & elegantissimus Episcopus Syluenfis Hieronymus Osorius, qui vnus ex omnibus sensum Prophetæ sic dilucidat: *Hoc vtrò solatio, quòd nihil fuerit à me, quod ad gentis huius salutem pertinet, omissum. Deum, quem nihil potest latere, iudicem habeo, cui causam meam probabo. Sessentim ille me, vt gloria sua seruarem, omnes conatus*

meos ad hunc populum monendum, & instruendum comparasse, magnūque in eo opere moliendo, laborem suscepisse. Non igitur per me stetit, quominus ad illius cognitionem perueniret. Non diffiteor ego quidem, quòd laterem laui, & auditores meos, postquàm diu, multumque contentissimâ voce appellavi, auocare à praua vitæ consuetudine, vt volui non valui, nec aliud prædicando effeci, quàm quòd vires meas exhausti: Hæc mihi tamen reliqua est consolationis gloria, quòd nullum præterij lapidem, quem pro huius contumacis populi salute, & emendatione non mouerim. Testem huius veritatis Deum ipsum habeo, cui explorata sunt vota mea, quibus profectum illorum expertij, & studiorum conatus, anxietatesque, quibus eos ad scelus suorum agnitionem adducere volui. Si minùs, quàm optabam, effeci, non per me stetit. Iure igitur defatigationum mearum remunerationem opperior.

At quo iure? Illo, quo de hic agimus, quòd Dominus nulli vnquàm aliquid imperat, quòd præstare non possit, sed quòd in cuiusque potestate est, hoc solum præcipit. Quod erat officium, ac munus Isaiæ? Dare voces, prædicare, monere, benè consulere. Quapropter dicebat illi Dominus: *Clama, ne cesses*; Isaiæ 58. 1. vociferare ad populum, qui profundo deceptionum, & illusionum, quas patitur, lethargo sepultus iacet, identidemque succlama. Sic eidem dicitur cap. 40. v. 6: *Clama*. Ex partes illius erant, hoc munus ecclesiastiarum, vt clament, & vociferentur, non vt suum prædicatione sortiantur effectum, non vt euigilet dormiens, non vt peccator conuertatur, non vt ex peccatis æger sanetur, hoc enim ad auditores, ad infirmos, ad peccatores pertinet, qui euigilare, conuerti, curari possunt, si modò rectè vti auxilio Dei velint. Sciens ergo Isaias, pro virili præstitisse, quidquid commodè poterat, vt ætatis suæ homines in se redirent, & ad frugem bonam se reciperent, & ministerij sibi concediti partes pro viriū mensura expleuisse, aiebat, remunerationem, præmium, stipendium, laurum, coronam ab omnipotente Deo expectare: *Iudicium meum cum Domino*, inquit, & opus meum cum Deo meo, mercedem operis mei, ac laboris à Deo expectabo. Dulcis nimirum hic, & perhumanus, & sapientissimus, & generosissimus Dominus humanis non imponit humeris, quòd ferre non possint, neque plus imperat cuiquam, quàm ab eo fieri queat.

Non malè confirmabitur hoc quadam Apostoli sententiâ, & Chrysostomi annotatione, Paulus, vt prædicatoribus animos adderet, scribebat 1. Cor.

3. 8. *Vnusquisque propriam mercedem accipiet secundum suum laborem*, neminem proinde frangat, aut deterreat operosi ministerij difficultas, cui magna certò constituta est remuneratio.

S. Ioannis Chrysostomi obseruatio homel. 12. in Ioan. ea est, quòd prædicationis studio, & exercitationi, non effectui decretum præmium dicitur: *Vnusquisque propriam mercedem accipiet secundum proprium laborem, non secundum rerum euentum*; inquit ille.

Sed cur Dominus in remuneratione laborem, quem euangelicus operarius in concionando ponit, sudoremque illius, & defatigationem considerat, & non exitum prædicationis, fructumque, qui ex ea resultat, attendit? Causa est, quòd euentus prædicationis non sit in manu, ac facultate ecclesiæ, sed auditoris, huic scilicet incumbit fructum, ex verbo Dei audito facere, illius officium est clamare. Itaque qui concionandi studio dat operam, ille sui laboris mercedem, & compensationem referet, tametsi nihil unquam efficiat, iam enim quod ex parte sua debuit, fecit: Et cum Dominus à nemine amplius quid exigat, quàm quod commodè exequi potest, quando homo officij sui, quam debuit, rationem habuit, & quod per vires licuit, inque eius potestate fuit, præstitit, totumque robur ad muneris sui executionem verit, tunc satisfacit Domino, hicque illius operas iusta compensatione remunerabit.

Animosè, atque audacter admodum ait Propheta regius: *Iuravi, & statui custodire iudicia iustitiae suae*; Psal. 118. v. 106. velut dixisset: Ego in leges tuas omnes, o piensissime Monarcha, iuravi, easque religiosissime, & studiosissime obseruabo, & qualem, quantamcunque sarcinam humeris meis inieceris, eam non solum gaudens, lætusque admittam, sed etiam magno, ac bono animo constanter pertinaciterque feram, idque mihi tam certum, quàm quod constitutissimum.

S. Ambrosius in octonario 14. disti Psalms 118. ait: *Vox ambulantis in lumine est cum auctoritate dicere, Iuravi, & statui*. Cogitet fortè quispiam, inquit sacer Doctor, fuisse eam Prophetæ præcipitantiæ, aut stultam arrogantiam, temeritatemque, quòd tam intrepidè clamat, iurasse obseruantiam mandatorum dominicorum, atque illi studio immori velle constitutissimum habere. At secus res habet, nam *Vox ambulantis in lumine est*, plurimamque luce perfusus, & sibi valde præsens fuit, dum talia iuratus promisit. Turd, ac securè iuravit, quando ad amissum legum diuinarum velle omnem vitam inhi-

tuere, & porro exigere spondit. Non formidauit iurare, quod ne non expleret, nihil timuit: *Si enim metueret, non iuraret*, inquit Ambrosius, *si trepidaret, utrum diuina posset custodire iudicia, non cum iurandi statueret sacramento*. Nemo bene iurat, nisi qui potest scire quod iurat. Iurare igitur iudicium scientiæ, testimonium conscientie est. Si dubium Prophetæ fuisset, utrum custodire Dei iudicia, & præcepta posset, certè sacræ iuramenti autoritate ad eorum obseruantiam nunquam se adstrinxisset. Sciuit ergo posse, certumque habuit fore, ut promissionem suam operibus persequeretur.

At vnde certum habuit? Et quâ fiducia ad perpetuum diuinorum præceptorum obseruantiam, rem tantam, tamque arduam iuramento se obstringit? Quid illi hos animos fecit, ut nihil metueret tam oporosa custodiæ pollicitationis irretractabilis necessitate se addicere? Fecit Dominus, quamcunque vult legem, aiebat rex penitens, quod maxime libitum est, præceptum mihi imponat, ego illius sedulam, ac strenuam obseruantiam iuro: *Iuravi, & statui* ferre onus, quodcumque illud impoſuerit. Vnde tanta Davidi excellitas animi? Inde, quòd diu in palatio Domini versatus, ingenium illius perdidicerat, noueratque nihil ab eo imperari, quòd sit viribus humanis impossibile, immò tolerabilia, suauiaque esse omnia, quæ disponit, & præcipit, dummodo homo diuino auxilio fretus ad eorum obseruantiam adijcere animum velit. Cum huius veritatis infallibilitatem apud se Propheta attentius reputaret, fidenter exclamabat: *Iuravi, & statui*, iuroque, ac statuo, quòd obseruabo legem, quæcunque mihi denuntietur, pronoque collo excipiam iugum, quod illud cunque mihi iniiciatur. Quæcunque enim ab infinita Dei sapientia, & bonitate venit sarcina, ea toleranter ferri potest. Est namque tam discretus, & pius Dominus est legislator tam prudens, & attentus, ut nunquam promulget legem, nunquam ferat præceptum, nunquam publico edito aliquid mandet, quod non sit aptum, accommodatumque hominis viribus, & probè expensum ad pondera imbecillitatis illius.

Nam ut doctissimus ille, & catholicissimus Paulus Episcopus Burgenſis, cum Alphonso Decano sancti Iacobi legitimo filio suo scriberet, in prologo addit, ad Postill. Lyran Tomo 1. Glossæ Ordinariæ ait, *Vnusquisque tanti debitor est, quantum ingens sui vires exsoluere valent, nec quisquam apud Deum soluendo non est, cum ultra facultatem non petat, sed misericordia eius ijs, quæ possumus, contentatur*. Peli-

ees, & fortunati sumus, quotquot sub tam pij, & discreti ducis signis militamus, quotquot tam sapientem, & generosum Dominum cognoscimus, & adoramus, qui suas leges nostræ humanæ capacitati accommodare, & onera aptare virium nostrarum debilitati pernouit.

Quomodo ergo Politicus noster humeros sarcinæ, iugo cervicem negare, aut subtrahere poterit, cum neutrum sit grauius, quàm tolerare facile queat? Magna reuera est peccatoris miseria, cui cum barbaro, & feroci tyranno res est, à quo eneruatus, viribusq; omnibus exhaustus facere iubetur vel impossibilia, vel certè talia, qualia legitimus Dominus nunquàm imperare solet. Dæmon, vtpote intrusus Dominus, afflicta suis legibus, opprimit præceptis, ingentisque scopulos, & montes totos miseris infelicitis peccatoris humeris imponit: Verùm cœlestis Dominus, cum sit pater pietatis, facit iugum suauē, leuia mandata, tolerabilem sarcinam, pondera dulcia, opitulatione namque illius, & auxiliariis gratiæ adminiculo, inspirationibus, & consolationibus internis fit, vt montes complanentur, salebrosa viæ exæquentur, & amara dulcescant, & palato ardeat, quidquid ingratum fore timebatur. Nihil ille, quod non sit in nostra potestate, mandat, nihil, quod non faciliè exequi possimus.

Licebit hoc animaduertere in eo, quod Patriarchæ nostro Isaac accidit, qui iussus à Domino permanere in regione Palæstinorum, vbi magna per id tempus erat fames, *sunt*, vt rextus sacer habet Gen. 26. 12. *in terra illa*.

Notandum putârunt Lyranus, Abulenſis, Oleaster, Istella, Honcala, Cornelius, Pererius, Cornelius, & reliqui serè Interpretes, quod in tam infœcundo, & sicco, & per illos dies tam inepto ad reddendos fructus solo seminasse Isaac fertur. Quid est autem, quod tam sterili, & infrugifera terræ credere sēmen voluit? Fecit hoc, quia Domini mandato ibi detinebatur, & figere sedem cogebatur, atque vt officij sui partem nullam prætermitteret, quod in illius facultate erat, agebat, hoc est, seminabat, terræ fecundationem; & quæcunq; germinationi, ac maturationi frugum necessaria erant, hæc cœlo, & bono illius moderatori Deo relictæ uebat. Quod poterat Isaac, faciebat, nec ampliùs quid ab illo Deus exagebat. Nemo proinde queratur, quod tam pius pater cuiquam onus grauius, quàm tolerare possit, iniiciat, qui pro sua beneuolentia, & humanitate ad perpendicularum prudentiæ examinar vires nostras, vt ijs sarcinam, quàm ferre queant, imponat.

Vide Periocham IV. Dominica IV. Aduentus To. 2. pag. 371. b. o. & quæ ad finem illius subnotata.

CAPVT III.

Humana terra nulla tam sterili, vt ferre penitentia fructum non possit.

Sensus tropologicus huius historię, commodus sveniet consolationi, & leuamini peccatorum, & spei illorum fouendæ, & confirmandæ; curandisque omnibus, quotquot culparum suarum ardens infirmitas tristi strato affixos tenet. Quod Isaac in sterili illo, & arido solo seminauerit, fructusq; inde tam opimos, & abundantes, retulerit, vt penè suprâ fidem, & admirationem copia vbertatis fuerit, hoc sacer Scriptor talibus verbis indicauit: *Sunt autem Isaac in terra illa, & inuenit in ipso anno centuplum.*

Quis tale quidpiam cogitasset? Quis credidisset, ex tam infœcunda humo affluentiam frugum tantam prodituram? Haud dubium, quin id factum, vt confirmemur animis, & magna nobis de omnipotente misericordia Dei promittamus, neque desperemus, quantamuis cordis nostri sterilitatem sentiamus, quantumuis ineptum illud arbitremur profereudo fructui penitentia, sed magno animo simus, cum etiam sic tam potens Deus, vt ex duris lapidibus obediētes Abrahæ filios excitare queat.

Discipulus, quem diligebat Iesus, ait, ab vno septem Angelorum elatum se in spiritu in montem magnum, & altum, ostensamq; sibi ciuitatem sanctam Ierusalem, vidisseq; muros eius, & turres, & arces, & portas duodecim, quæ pari numero ad quatuor orbis partes collocatæ introeuntibus patebant. *Ab Oriente*, inquit, *portæ tres*, & *ab Aquilone portæ tres*, & *ab Austro portæ tres*, & *ab Occasu portæ tres*; Apoc. 21. 13. Æqualiter ergo distributæ erant portæ. Et notandum quod Euangelista dicit, tres etiam à parte Aquilonari fuisse portas, *qua inuenit frigus timoris*, inquit Nicolaus Lyranus, tamq; gelida est, vt penè congeliet, quisquis solùm eam cogitat. Magis illud admirandum, quod in ea parte fuerunt portæ, quam sacræ literæ maximè omnium abominantur, & execrantur, propter id quod est apud Ieremiam cap. 1. v. 14. *Ab Aquilone pandetur malum super omnes habitatores terræ*; tantum vnus à septentrionali parte veniens ventus omnem pernitiem habitatoribus terræ afflet, afferatq;: Quid ergo dicit Euangelista. *Ab Aquilone portæ tres*, hoc est, quod tres ab ea glaciāli, & aq;ue parte fores semper pateant, per quas, qui ex ea veniunt, ingredi

ingredi in illam amenissimam regionem nouæ Ierusalem possint? Dicit hoc, vt confirmet rem, quam hic tractamus, nullusque desperet, quantum sit frigidus Aquilo, quantum proteruo corde, quantum gelido pectore, quantum cæcus, & perditus peccator, dum intelligit & sibi patere fores cælorum, non vnas, sed tres: *Ab Aquilone porta tres.* Si quis enim tam desperatus sit, quam fuit Cain, vt cum illo in ea plena blasphemiz verba erumpat: *Maiores iniquitas mea, quam vt veniam merear;* Genes. 4. 13. occurret ei sanctus Petrus Damianus, & dicet serm. 58. *Mentiris, larro, quia maior est peccata Dei, quam quauis iniquitas,* neque tam vasta possunt esse vlla peccatorum maria in terris, quæ misericordiam obruant Dei, qui est in cælis.

Præclare nobis hanc doctrinam trader, qui eam crebro experimento didicit: *Longè a peccatoribus salus, quia iustificationes tuas non exquisierunt;* inquit Propheta regius Psal. 118. v. 155. Indicet hoc loco Propheta, quàm procul absint à domo Dei quidam peccatores, quàm longa itinera conficere debeant, vt ad ipsum perueniant, quàmque arduum sit eis, ac difficile perditam recuperare sanitatem: *Longè a peccatoribus salus.* Exanimare hic quosdam peccatores Cantor diuinus videtur, & affirmare, tam procul ab eo abesse, vt sanentur, vt tanquàm inanis, ac vanus futurus sit omnis labor, quem pro recipienda bona animæ valetudine suscipiant.

Ita quidem videtur, ac consideremus quid mox dicat: *Misericordia tua multa, Domine,* inquit ibid. v. 156. clementiæ tuæ nulla mensura est, nullus indulgendi, & condonandi modus, aut finis.

S. Ambrosius in illius Psaloni Orationario 20. de illis verbis sic disserit: *Et si longè est a peccatoribus salus, tamen nemo desperet, quia multa sunt misericordia Domini, qui suo peccato pereunt, misericordia Dei liberantur.* Quanquàm Propheta confiteatur, esse quosdam peccatores tam perditè flagitiosos, vt longissimè absint à salute animarum suarum (nam quò plùs delinquant, eò longius à Deo feredunt, & quò grauius peccant, eò periculosius infirmantur) nihilominus maior est Dei misericordia, quàm illorum ægritudo, longius diffunditur illius pietas, quàm horum improbitas, & plùs valet illius scientia ad medendum, quàm horum iniquitas ad saucandum. Eapropter postquàm Dauid dixerat: *Longè a peccatoribus salus,* quasi tam ægrè sit illis, vt vix spes sit reliqua salutis, mox adiecit: *Misericordia tua multa, Domine;* tanquàm dixisset, maiorem esse, & potentior in Domino benignitatem ad

absoluendum, quàm in peccato malitiam ad condemnandum. Itaque nemo desperet, nullum quippè erit peccatum, quantumvis atrox, & immane, quod plus possit, quàm omnipotens Dei manus, & artem cælestis Medici superet.

Verbis explicari satis non potest, quantum lucubrârit, desudâruntque sacri Doctores, & Oratores euangelici, vt causam inuestigarent, & enuclearent mysterium, ob quod Dominus noster verbis velut contendere cum illo impudentissimo liçtore voluerit, qui cœlestem eius, ac diuinam faciem pugno per summam iniuriam inflicto turpissimè dehonestauit, quando post acceptam probrosam alapam hæc ad illum enubi fronte, & serenis oculis, tranquillo animo, & verbis demissis dixit: *Si male locutus sum, testimonium perhibe de malo, si autem bene, quid me cadu? Ioan. 18. 23.*

Quid hoc dicam, mitissime, ac diuinissime Agne, quòd inter acutos spineæ coronæ sentes, qui tenera tempora tua vndiq̃ terebrabant, inter cruenta, & immania flagra, quæ dorsum tuum exarabant, & sulcabant, inter duros clauos, quibus secundum manus, pedesque transfixus eras, inter acerbissimorum dolorum, & nefandissimorum, miserandissimorumque opprobriorum tormentum tam taciturnus, tam motus, tam patiens fuisti, & ad solum colaphum os in verba laxasti!

Priusquàm difficultati huic satisfaciam, illud tanquàm indubitatum pono, quod apud homines præclaros, & illustres, & qui suæ existimationis iustam habere rationem solent, nulla est grauior iniuria, nullum intolerabilius probrum, quàm si cui pugnum in faciem impingas. Videtur id satis colligi ex eo, quod Ieremias de ignominij Domini nostri prædicens ait: *Dabit percutienti se maxillam, saturabitur opprobrijs;* Thren. 3. 30. hoc est, faciem suam sacrilegè perfidiosorum hominum manibus permittet, vt eam pro effrenata sua libidine colaphis nefariè cedant, arque hæc ratione explebitur ignominij. Quo loquendi modo, quòd P. Caspar Sanchez doctè probat, satis indicatur, quòd *alapa pro maxima quæque ignominia accipitur.* Sic & Hispanus, cum grauissimo dedecore se oneratum à quoquam putat, dicit: solet: *No me pudo dar mayor bofetada;* quod perinde est, ac si diceret: *Atrocior inuriam mihi inferre non potuit.* Nunc ad rem. Cur Dominus ad colaphum locutus fuit, ad cætera tormenta tacuit? Cur expostulauit cum infami satellite, à quo turpem alapam accepit?

Occurrit quæstioni S. Laurentius Iustinianus lib. de

de triu
Nasqua
refrissi
effe
entra cl
uiter sit
minum
humili
apud Eu
dium q
acerba
nistro d
cum vn
secundu
mam ini
peccatis
nem ipi
quantu
obstin
Omnia
minus
coargu
daret,
pœnit
iuria sa
finè ha
tus fuer
quòd ce
donanda
delictum
cadere a
tiz patet
offerret
indigniss
gritudo
rit incur
De nulla
quens, di
pernici
modo no
Quis pe
pietatis
tam certa
dubitatio
malum, c
Medicus
salutis ne
gias, ape
conatur,
nè super
Tom.

de triumphali Christi agone cap. 8. sect. 3. dicens: *Nusquam legitur, ipsum calumniam inferenti publice resistisse, nisi hoc solum in loco, et scias illius figuratam esse reprehensionis vocem, qua in delinquentis conscientia clamat. De nullius igitur salute, quamuis grauius sit delinquens, diffidendum est usque ad vitæ terminum, istiusmodi Socia considerata virtute, qua in humilis redargutione dantis alapam consideratur. Non apud Euangelistas, non apud Scriptorum sacrorum alium quenuquam legas, quod Dominus inter omnes acerbæ passionis suæ cruciatus cum vilo satanæ ministro de iniqua violentia expostularet, præterquam cum vno illo improbo lictore, à quo cæsus pugno secundum faciem fuit, hoc est, summam, & atrocissimam iniuriam accepit, quo indicatum, nullius ex peccatis ægri desperandam salutem, quamdiu carnem spiritus animat, nullum in perditis habendum, quantumvis perditè viuat, & in lecto contumaciæ, obstinationisque suæ lethaliter decumbens iaceat. Omnia hæc in sacrilego illo ministro delineata Dominus dedit, quem verbis conuenisse, coarguisse fuit, coarguisse autem aduocasse fuit, ut facti sui rationem daret, & flagitium suum agnoscens, contumeliam pœnitundine damnalet, & expiaret, proque illata iniuria satisfaceret. Illum ergo, à quo ignominiosissimè habitus, & atrocissimæ contumeliæ dehonestatus fuerat, alloquio dignatur, & verbis appellat, quod certo inditio fuit, vehemens fuisse illius condonandarum noxarum, & remittendorum scelerum delictum. Hinc accipimus, neminem diffidere, aut cadere animo debere, quando & illi fores indulgentiæ patent, & remissionis gratia, salutisque, remedium offertur, qui sospitatorum suum turpissimè, atque indignissimè dedecorarat: Nam si remedij spem ægritudo grauiissima, & pertinacissima habet, nulla erit incurabilis plaga, nulla insanabilis infirmitas: De nullius igitur salute, quamuis grauius sit delinquens, diffidendum est usque ad vitæ terminum. Qui perniciosissimo morbo mederi vltro obtulit, quomodo non aliam quameunq; sanat ægritudinem? Quis peccator tantæ habens propositum exemplum pietatis diffidat? Quis angatur animo, cui spes tam certa veniæ? Quis non indulgentiam sibi indubitato promittat, quantumvis inueteratum sit malum, quo laborat? Quis desperet, cui præstò est Medicus sapiens æquè, ac beneuolus? Nonne vides salutis nostræ insensibilis hostis manifestas præstigijs, apertamque imposturam esse, cum persuadere conatur, non superesse remedium, vbi medicinæ penè superflua est copia, & non esse indulgentiam re-*

Tom. III.

liquam, vbi supremus Dominus, qui offensam passus, offert misericordiam, & ad veniam inuitat? Quid illa sacrosancta in crucis ligno expansa brachia, quidne inclinatum caput mutis signis, & mysticis nutibus aliud clamant, aut vociferantur, quàm vt perditissimo, flagitiosissimoque dicant, quod passus vnus ipsum Saluator opperitur, volens dulciter admittere, & amanter complexari? Et quid illa capitis submissione aliud voluit, quàm annuere, ne quis peccator tueret, neque formidaret, apertum habens illud confixi lateris ostium, in quo contra omnem diuinæ iustitiæ seueritatem reperire asyllum, tutoque latere possit, si modò auxilijs, inspirationibus, vocationibus eius rectè uti velit?

Testem huius rei huc accersamus nostram matronam Rebeccam, vt suo nobis suffragio adstipuletur. Erat illa sterilis, quod sæpenumerò dictum. Sancti mariti ardentibus precibus, & singulari Dei miraculo factum, vt conciperet. Positi in aluo materna gemelli concertare cœperunt, quorum inopinabilis confictus afflictam, & anxiam reddidit ex sterili fecundam matrem. Cumque de tam inaudito portento sacrum oraculum consulisset, hoc responsum accepit: *Dua gentes sunt in utero tuo, & duo populi ex ventre tuo diuidentur*; Genes. 25. 23.

Origenes Adamantius homel. 12. in Gen. admiratus illud oraculi responsum ait: Quis tale quidpiam cogitare potuisset! *qua desperauerat sobolem, gentes, & populos gestat in utero*, quæ totis viginti annis ne vnum quidem filium obtinere potuit, aut eniti, ea denique parens facta est non vnus filij, neque duorum, sed populosissimæ nationis, vt hinc accipiamus, non diffidendum in hac vita, non abijciendum animum, non desperandum, quantumvis sæua, & periculosa sit peccatoris ægritudo, nam si confortetur animo, & viribus totis conuitatur, vt debet, exurget e scelerum strato, certoque consanescet ab infirmitate, & optimam recuperabit valetudinem. Nemo plus satis affligatur animo, quantumvis illi sterile cor sit, & saxeum pectus, nam si ritè sese præparet, ac disponat, Deus animum illius tam fertilem reddet, vt non ipse solum incolumis fiat, sed etiam vt alij sanitatem consequantur, facere possit. Vbi enim nulli sperabantur liberi, repertæ sunt populi, & copiosa, exundantiaque flumina inuenta, vbi nulla offendi posse aqua putabatur: *Qua desperauerat sobolem, gentes, & populos gestat in utero*.

Ac nisi ita res haberet, cur impiger, ac sollicitus ille paterfamilias ad singulas horas excurrisset con-

D d d

ductum

duum operarios in vineam suam, qui primo mane, & hora tertiâ, & sextâ, & nonâ, & vndecimâ forum omne percurfauit, vt vineæ suæ cultores sibi compararet?

De hac re sic ait Sanctus Fulgentius epist. 7. ad Venant. c. 10. *Si aliquam aetatem Dominus iudicaret conuersionis remedio ineptam, non diuersis temporibus operarios vocaret ad vineam. In diuersitate quippè horarum non incongruè accipitur ætatum diuersitas, ita & ætas puerilis accipitur in mane, pubertas in tertia, iuuentus in sexta, grauitas declinantis ætatis in nona, & in vndecima senilis ætas ipsa nouissima.* Pusillanimitatem nostram tali parabolâ consolari, excitare fiduciam, spem roborare Dominus voluit, ac docere, nullam esse horam, quâ peccator, dum clamet, non audiat, nullam exclusam ab indulgentiæ gratia ætatem, omne tempus opportunum esse impetrationi veniæ, nullam prorsus desperatam salutem, nullam incurabilem Deo ægritudinem. Illustris exempla, & valida fulmina huius veritatis habemus, quotquot peccatores nouimus, qui spem nostram alunt, atque à Babylone culpæ transierunt in Ierusalem gratiæ.

De hoc argumento per multa habes in Stroque Tomo superiore. Vide Periocham l. Dominica XXI. post Pentecosten Tom. II. pag. 285. a. o. & qua ad illius calcem adscripta.

C A P V T I V.

Fit nonnunquam, vt vbi minora, & pauciora speramus, ibi & plura, & maiora, & admiranda inueniamus.

Quod Patriarcha noster in illa sterili terra seminavit, tamque & copiosam messem, & abundantes fructus, & vberes reditus, & insperatos supra communem vsuram proventus ex ea habuit; & inuenit in ipso anno centuplū, vt noster vulgatus habet, siue vt LXX. Interpretes transulerunt, *centum estimationis*, hoc est, centies ampliùs, quàm se inuenturum arbitratus fuerat: Id factum, vt admoneremur, non de eo, quod forinsecus videmus, rem arbitrari, neque exteriori illius speciei nimium vel tribuere, vel derogare, magnum enim est non quod tale apparet, sed quod grandia facit, & magnos effectus edit. Sæpè namque exteriora nos fallunt, quæ sub oculos cadunt, lineamenta, neque rarò perperam ab ijs agi videmus, quos magna, illustraque præclare facturos præsumebamus. O quàm miserè ageretur cum plurimis, si tota in solis exterioribus consisteret magnitudo! Nam si ita esset, & barba, vt

quidam apud Erasmus in apophregmatis aiebat, *faceret sophum, quos hircorum videremus academias?* Solebant olim Philosophi (quemadmodum hodie Medici) vt hoc sapientiæ suæ insigne præferrent, prolixam, densam, hirsutamque alere barbæ cæsariem. Cum ergo ioculator quidam Philosophus vidisset nonnullos, quibus copiosior villus in mento, quàm in mente scientia, & cætum quendam tam insigniter barbatorum, quàm tenuiter vestitorum, succlamat: Si Philosophum barba faceret, Deus bone quàm frequens esset Philosophorum acadamia, ad quam scilicet omnes hircorum greges pertinerent, quorum tam promissa est & aspectabilis barba! Non chirotheca, non annuli, non mulus, non macilentia facies, non statura procerior, non apla barba, non festiuior, & ad gratiam compositus gestus, sed continuum studium, & perpetuæ lucubrationes, & librorum pertinax lectio, & ægritudinum prudens, ac sagax æstimatio magnum faciunt medicum. In leuamine, quod infirmis adfert, in animo, in curandi dexteritate scientia vera posita est, non in vanis ostentationibus, non in thesauronica ampullosorum verborum insolentia, non in magnifico rerum exteriorum apparatu. Fit enim, vt fieri ab illis magna videamus, à quibus parum sperabamus, adeò non exterior forma, quæ in oculos incurrit, consideranda, sed effectuum ratio habenda, quæ verè lucent. Quoniam neque Philosophum barba, sed scientia, neque monachum vestis facit, sed obseruantia.

Elias de paupere, ac tenui vestitu tam notus erat, quàm de regia purpura, & corona manifestus Achab. Occurrit quondam, locutusque fuit Propheta Ochoziæ nuntijs, qui de illius figura, & habitu interrogati dixerunt: *Vir pilosus, & zona pellicea circum renibus;* 4. Reg. 1. 8. Quando rex: *Eliam Thebites est;* ibid. Ingens erat apud Israëlitas aquæ inopia, & toto triennio arida terra nullos ediderat fructus. Eliam rex Achab anxie perquirebat, cumque intellexisset, vbi nam degeret, *venit in occursum eius;* 3. Reg. 18. 16.

Sanctus Ioannes Chrysostomus homeli. 42. in Genesi ait: *Vidisti Achab inopiam, Elia autem diuitias?* Quid loqueris, sanctissime Doctor? Ego maiestatis pompam admirabilem in rege video, cuius corpus sanguineæ rubet, & rutilat purpurâ, caput aureo splendet diademate, sceptrumque omnibus est venerabile, Propheta autem pannosus rudem, laceramque penulam vestit, & vili cingulo renes stringit, & habitu toto mendicabulum per omnia præfert. Eheu me, quid illud audio! occurrit Chrysostomus.

Chryſoſtomus. Itane de pilo veſtis, quod aiunt, magnitudinem animi vis arbitrari, & ab eo, quod forinſecus pater, molem interiorem æſtimare? Vide autem quantum purpura illa ab hoc pallio differat, quàmque procul ſecurum regis ab habitu Prophetæ abſit: *Vide & quantum poteſtate diſſent. Melotes huius calum clauſit, pluuiarum deſcenſum inbibuit, & lingua Prophete frangum fuit calo. Purpurâ autem amictus circuebat quarens Prophetam, nihil lucri ex tanta poteſtate habens.* Ità Chryſoſtomus vbi ſuprà. Quis tale quidpiam ſuſpicari potuiſſet, eam tali lacernulâ regi vim, & facultatem, quæ pluuias in tanta ſterilitate adferre poſſet, tamque magnifico apparatu tantam ſubefſe inopiam, & mendicitatem, vt regiam purpuram abiectæ melotæ ſubmittere neceſſum haberet? Cui, inquam, hoc opinari in mentem veniſſet? Ille hoc cogitare potuit, quiſquis nouit, totam in exteriore cultu, & forma non conſiſtere magnitudinem. Magna enim, & præclara ſæpè edi facinora videmus, à quibus minimè talia expectabamus, & ſub vilibus lineamentis exterioribus prodigioſæ nonnunquàm virtutes latent.

Nemo, quantum exiſtimo, neſcit inceſtum ſtuprum, quod à patre filiabus, ſed flagitium ſtudio machinatis, illatum, quando in reſeſſu montis ex illo conceperunt, poſtquàm vino à mente abductum in tam nefariam Venerem neſcium, & ſui impotem induxerunt. *Peperit ergo maior filium, & vocauit nomen eius Moab, Genef. 19. 37. Minor quoq; peperit filium, & vocauit nomen eius Ammon, id eſt, filius populi mei; ibid. v. 28.* De his duabus ſororibus quiſque ita ſentiet, maiorem natu quò erat adultior ætate, eò debuiſſe ſuiſſe prudentiorem, & cautiorem, & magis ſolicitam, quomodo inumbrare, & obſcurare, proſumque obnubere infandam ſuam libidinem poſſet. Verùm hoc illa non fecit, inquiunt Theodoretus, & Lyranus, nam minor maior fuit verecundia, eamque magis puduit malefacti, de qua hoc minùs ſperabatur, plurimumque impudens illa fuit, quam maximè modeſtam, ingenuam, pudibundamque fore putafſes. Maior enim nomini, quòd filio impoſuit, velut perpetuo monimento indelebilibus characteribus inſculptum reliquit ſuum flagitium, vocans eum *Moab*, hoc eſt, *ex meo patre*, ac ſi dixiſſet: Volo omnes intelligant obſcuram, & obſcanam huius nati mei originem, quodq; illum non aliunde, quàm ex patris mei ſemine concepi, & peperit.

Nicolaus Lyranus in cap. 19. Genef. ait: *Ex quo pater, quod ipſa inuerecunda fuit, quia turpitudinē,*

quam operata fuerat cum patre, expoſuit, & reuelauit in nomine filij, offendens quod ex patre conceperat. Probroſiſſima certè appellatio, per quam impudens, & exhauſto pudore mulier voluiſſe videtur conſeruari in poſteris, & à populo in populum, & à parentibus in ſecuturam ſobolem immanis læſciuiæ ſuæ diſſundi memoriam. Iunior honeſtatis, & pudoris maiorem rationem habuit, cùm filium ſuum vocauit *Ammon*, ac ſi dixiſſet, hic eſt *ſilius populi mei*, quo ſignificabat quidem, ex aliquo generis ſui viro illum concepiſſe, patrem tamen ſuum non prodebat inueſti partus authorem, potuit nimirum ex auunculo aliquo ſuo, aut conſanguineo alio concepiſſe, quod ſit communiter, & experientia teſtatur. *Iſta ſunt honeſtior*, inquit Seraphici Ordinis Poſtillator, *quia in nomine filij ſui non exprimitur inceſtus eius, de populo enim ſuo poterat mulier concipere licitè, ſicut pater de Sara, qua concepit de Abraham, qui erat auunculus eius.* Omnino pudentior fuit, quæ natu minor, cùm enim natum ſuum *Ammon*, ſiue filium populi ſui nominauit, obſcanum facinus ſuum texit, & abſcòdit, neque enim indicabat, ex patre ſe ſuum illud pignus habere, ſed ex aliquo generis ſui, quod per id tempus ſas erat, & plurimum veteris legis mulierum ſanctiſſimarum exemplo euinci potelt. Videte hic maiorem in minore ætate cautionem, minorem in maioribus annis honeſtatis rationem, notate præcociorem in iuniore filia prudentiam, immatURIUS in maturiore, & adultiore iudicium. Vbi verecundiam reperire putabamus, offendimus impudentiam, & vbi licentiam, libertatemque viuendi immoderatiorem, ſi fortè inueniſſemus, excuſare vitæque potuiſſemus, ibi circūſpectionem admiramur. Ita ſæpè locupletes dotibus maximis, quos inopes iudicabamus, deprehendimus.

Quod hic diximus, id mundi vſu nimis, eheu, tritum cernimus, maximè apud eos quorum eſt ex naturalium ſplendore, & illuſtri origine grauior honeſtè, decenterque viuendi obligatio. Hi enim ſuprà alios generis ſui nobilitatem turpitudine actionum obſcurant, & foedant, cùm econtrà humili loco nati ſæpè laudabiliorem, quàm fore arbitrabamur, vitam ducant.

Nam vt habet ſanctus Ioannes Chryſoſtomus homel. 18. in 2. ad Corinth. cap. 9. *Pleriq; cæcipientium multa clariuſ perſpexerunt, quàm qui acutè cerebant.* Idem in moralibus euenire ſolet, nimirum vt maiora, & præſtantiora ab eis fieri videamus, à quibus talia minimè expectabamus. Solet eſſe pauper magis & prolixus in erogandis elemoſinis, &

strenuus, quàm diues. Solet mechanicus pollicitari omnibus fidelius satisfacere, quàm ciuis. Solet vulgus hominum accuratius soluere sua debita, quàm nobilis. Solet maior viuendi cautione vti secularis, quàm religiosus. Solet paganus enucleatius sua peccata in confessione aperire, quàm aulicus. Solet amicus rusticus moderatius agere, quàm sapiens, & legum exactior ratio haberi in pagis, quàm in aulis.

Huc idem sanctus Doctor respexit Tomo 4. quando in illud, *Sufficit tibi gratia mea*, disserens aiebat: *Piscator, nisi mare aspicat, retia non laxat, at vero Paulus etiam in nauis, in monte, in fontibus, in compitis, in pratis, in fluuijs piscabatur.* In monte, in compitis, in pratis! Quis tale quidpiam aliquando vidit? Quis vnquam audiuit explicatas in arida ad piscandum plagas? Hæmo piscationis Euangelicæ omnia tentari loca possunt (sic ferè respondet Chrysostomus) cælestis doctrinæ rete vbique eijs potest, nam quo minimè credimus gurgite pisces esse, nec qualescunque, solent. Ex pagis magni prodire viri solent, & ex ciuitatibus intolerabiles idiotæ, gurgustia sæpè præstantissimos homines proferunt, aulæ nonnunquam corruptissimos, & molestissimos educant. Ex tugurijs animosissimi leones, ignauissimæ gallinæ ex Basilicis venire solent. Populares, abiectioni, & de medio vulgo homines iustam habere honoris, & veritatis rationem solent, vt e contra homines primarij, sublimes, arrogantes amare mendacium, rusticæque, ac viliter agere, in humilibus palea, aut arundine, aut vluâ palustri tectis casulis aliquando sancti homines nascuntur, mali dæmones in aulis.

Superus Dominus, & cælestis. Magister apud sanctum Lucam cap. 13. v. 18. ait: *Cui simile est regnū Dei, & cui simile est imago illud?* Quidnam illud in terris imago possit esse regni cælestis?

Sanctus Petrus Chrysologus Serm. 98. cum horum verborum indagationi immoratur, inquit: *Cum dicit, cui est simile, quasi quærentis indicat, & producit affectum, sollicitudinemque inueniendi aliquid, cuius comparatione noticiam regni cælestis qualemcunque auditoribus adferat.*

Videamus ergo quocum rem tantam, tamque excellentiam componat. Quodcunque illud est, proportionis quandam affinitatem, & qualitarum viciniam habere cum illo debet, quod ex illius similitudine vicinque æstimandum venit. Regno cælorum nihil sublimius, res ipsa hoc loquitur, est nimirum anxietatum nostrarum tranquillitas portus, & supremi Domini regia. Rei verò tam grandi, & excellenti quod conferatur, nihil videtur repetiri posse. At

videtes, quocum illud regni eiusdem Dominus componat: *Simile est grano sinapis*, inquit ibid. v. 19.

Quis tale quid suspicari potuisset? inquit sanctus Rauenennatus Archiepiscopus: *Quærens in calo, & in terra nihil inuenit, nisi granum sinapis, in quo potentiam totam supernæ dominationis includat.* Quis in tantillo sinapis granulo illam regni cælorum granditatem, & amplitudinem includi posse cogitasset? Quis non magis vel immani montium magnitudine, vel diffusi maris late patentibus spatijs, vel auri opulentia, vel margaritarum diuite pretio adumbrandum regnum illud putasset? In exiguu tamen sinapis grano similitudinem regni sui Dominus inuenit, vt nos doceret, non speculare exteriora, non de faciem arbitrari, non censere de his, quæ forinsecus apparent, quod in minimis cogitare in mentem venisset, iusta regni cælestis similitudo est reperta: *Quærens in calo, & in terra nihil inuenit nisi granum sinapis, in quo potentiam totam supernæ dominationis includat.*

In huius rei confirmationem inquit Ambrosius: Dicite mihi, vter fuit maior Propheta, Nathan, an Dauid? Perspicuum est, quod mihi respondebitis, sub nullo iudice item eius rei esse, cum notorium sit, non solum Nathanem, sed & omnes reliquos Prophetas multis, ac magnis modis à Dauide superari, cum sanctissimus hic Rex omnium sæculorum confessione, & declamatione hanc sibi laudem comparauerit, vt inclyto Prophetæ nomine per antonomasiam, & excellentiam gaudeat, Dauidemque ita tim intelligamus, quoties Prophetæ vocabulum absolute prolaturum audimus. Iam tamen hæc ita habeant, inquit Ambrosius, videmus nihilominus maiorem à minore institui, & nonnulla, quæ ignorer, ac non intelligat, doceri, poenas, verbi gratia, quas daturus erat, pro perpetrato adulterio, & homicidio, item felicia noua indulgentiæ suorum scelerum, cum ei dicebatur: *Dominum transiit peccatum tuum*; 2. Reg. 12. 13. Dicit nunc B. Ambrosius: *Nec Dauid præsciuit, quid annuntiaret Nathan Propheta missus à Domino, & scis, inferior. Nathan Propheta cognouit, quod Dauid præstantior nesciebat.* Si Prophetæ dona, quibus ornati ambo erant, mutuo componas, Nathan pygmæus, Dauid gigas erat, tanto intervallo hic illum post se relinquebat, & nanus tamen nunc prospiciebat, quod gigas videre non poterat. Vt hinc intelligamus, sæpè plus reperiri, vbi minus.

minus esse videbatur, & magistros à discipulis nonnunquam superari, maioremque esse interdum militum, quam Capitaneorum disciplinam, & sub rudibus lineamentis magnos animos; dulcesque sub aspero, & amaro cortice fructus aliquando inueniri.

Habes aliqua in hanc rem in exordio sermonis Dominica VI. post Epiphaniam Tomo II. pag. 459.

CAPVT V.

Quem spes remunerationis, & posuit ob oculos lucrum, ad operandum mouet, ille quæstus, & commodi proprii studiosus, non sincere amans vocari potest.

Quod Patriarcha noster *seuit in terra illa*, illa inquam, tam exsueca, sterili, infructuosa terra, unde nullam expectare poterat impendiorum, laborisque, ac sudoris sui compensationem, sacer Scriptor memorat. Hæc est summa, quæ in agendi modo reperiri potest, generositas, in solo infecundo seminare, à quo nullo proventus speres, nihil fructuum, aut lucri expectes. Quod volo dicere, tale est. Qui sua liberaliter erogat, ubi nulla spes remunerationis, qui prolixam victum alijs ministrat, nullum inde expectans lucrum, illius pura est munificentia, & heroica largitas. Nam facere bene, ubi speres foris, potius est nundinatio, quam beneficentia, & turpis quæstus magis, quam ingenua nobilitas, aut germana liberalitas.

Renuntiabat Dominus Sancto Patriarchæ Ezechiel, quod compingendus in vincula, nec ab eis facile eximendus, sed duram, diuturnamque cum suo populo seruitutem toleraturus esset. Significabat etiam, quod ipse illius labia usque eò clausa tenere veller, quod ad prædicationis officium ea relaxatus esset. Sic verò aiebat: *Et tu fili hominis, ecce data sunt super te vincula, & ligabunt te in eis, & non egredieris de medio eorum, & linguam tuam ad habere faciam palato tuo, & eris mutus;* Ezech. 3. 25. 26.

At si illum populi sui Ecclesiasten deligebat, cur ei compedes, catenas, dura, & aspera vincula, quæ toleraturus erat, prædicebat? cur ærumnas, cruciatus, miseras, quæ illum opperiebantur, renuntiabat?

Respondet Beatissim^{us} Papa Gregorius homel. 12. in Ezechielem: *Dum contraria prænoscitur, quanta sit in eo obedientia virtus ostenditur, qui & cognoscit quod aduersa passurus est, & tamen Soci Dominica iugedens non est.* Quod Dominus Prophetæ suo

indicauit calamitates, quas subiturus erat, & modum, quo patientia illius exercenda, maceranda tolerantia, isque inter hæc de obtemperandi promptitudine nihil remisit, hoc fecit, vt serui sui sinceritatem, & pectoris generositatem, & integritatem animi, & amoris puritatem manifestaret, quæ tanta esset, vt quanquam plurimos in insidijs haberet inimicos, à quibus acriter appetendus, infestandusque esset, & grauissimos prænderet labores, qui pro explenda iussione suscipiendi, atque exantlandi forent, prompto tamen, & magno animo commendatam adiret prouinciam, & quod obedientia destinabat, fidenter pergeret. Hæc nimirum est summa integritas amoris, & obedientiæ maxima perfectio, si spretis omnibus incommodis, protritris, & calcatis impedimentis, posthabitis difficultatibus officium tuum exequaris, & iussa perficias. Laborare namque spe remunerationis, & ob oculos præmij aggregendi opus, non magna generositas est, neque strenuum facinus, neque amor singularis.

Sponsa illa de Canticis, cum de Sponso suo, vitæque, ac morum illius conditione differeret, aiebat illum mali frondosæ, opacæ, parulæ, prolixæ, ac venusta similem esse, quæ foliorum copiâ calorem prohibeat, elegantia oculos pascat, fructibus necessitatem famis leuet, inquires: *Sicut malus inter ligna sylvarum, sic dilectus meus inter filios, sub umbra illius, quem desideraueram, sedis, & fructus eius dulcis gutturi meo;* Cant. 2. 3.

Acuta est in hunc locum Sancti Bernardi annotatio, quæ sic habet: *Non dixit, sub umbra illius, quam desideraueram, sed illius, quem desideraueram;* vt indicaret, se non vimbram ad refrigerium sui quærere, sed arborem spectare, & deuenerari, velut dictum fuisset, illam ad bene agendum non donis sponsi, sed ipsius puro amore permotam fuisse, neque munera illius, sed personam solam respexisse. Illum vnice attendebat, is illi actionum omnium scopus, & finis erat, beneficia, quæ ab illo consequi poterat, non cogitabat. Integerrimus nempe amor magis dilectum, quam illius fauorem spectat, ipsiusque amore magis, quam remunerationis expectatione mouetur, vt gratificari ei studeat. Maximum enim, & largissimum præmium, quodcunque tali ex re obuenire potest, illud est, si non ob aliud diligit, quam vt diligit, & solius amoris amore amet: *Non dixit, sub umbra illius, quam desideraueram, sed illius, quem desideraueram.*

Hanc doctrinam nobis tres pueri, sed tanquam veterani magistri tradent. Superbus rex Nabucho-

donoſor imperabat, vt auream ſtatuam, quam ex Dei æmulatione excitârat, omnes adorarent. Certior autem factus, tres quosdam Hebræorum pueros nolle regijs obtemperare mandatis, ad ſe illos accerſiri iuſſit, vt Maieſtate conterritos ad cultum adorationis ſtatue deferendum permoueret. Ardentiſſimam itaque fornacis pœnam comminabatur, niſi promptiſſimum extemplò morem iuſſis gererent. Aſpernabantur has barbari, & arrogantis monarchæ minacias animoſi iuuenes, & hæc illi ad publicum furoris eius ludibrium aiebant: *Ecce Deus noſter, quem colimus, poteſt nos eripere de camino ignis ardentis, & de manibus tuis, ô rex, liberare. Quod ſi noluerit, notum ſit tibi, rex, quia deos tuos non colimus, & ſtatua auream, quam erexiſti, non adoramus.* Dan. 3. 17. 38. tanquàm verbis alijs dixiſſet: Voracis ignis terrificas flammas nobis, rex, intentas. At hoc ſcire te volumus, quòd Deus, & Dominus noſter, quem tanquàm verum regem adoramus, nos in Salamandras transformare, & inter medios parati incendiij ardoreſ ſoſpitare, & ſeruare illæſos poteſt, & à truculentis manibus tuis eripere. Quòd ſi etiam ignis nutrimentum nos eſſe velit, ante ſepeliri in viuſ carbonibus cinereſ noſtros volumus, quàm vel deaſtris tuis, vel coſtatili ſimulachro quidquàm venerationis deferamus.

Sed quoniam futurum erat, vt & rex comminationem opere exequeretur, & Dei omnipotens manus fortiſſimis iuuenibus flagrantis camini æſtuantes flammas in blandum, ſuauemq; Zephyrum conuerteret, cur Dominus illis, cùm regi dicerent, ſe ſtatua illius adorare nolle, vel ſi viuoſ conſagrarè oporteret, non reuelauit, quòd eos indemneſ, atque inoffenſoſ eximere, tam beatoſ adhuc facere vellet, vt tam liberè ardenteſ carboneſ calcarent, quàm iucundè alij purpureaſ roſaſ, & conſitoſ odoratiſ gariophylliſ hortoaſ peragrarè ſolent? Aut quid incommodi parere potuiſſet rei alioquin futura præſagium?

Satiſfacit quaſito Sanctuſ Ioanneſ Chryſoſtomuſ hom. 18. in 1. Corinth. 7. inquiens: *Animaduerte eos proprie futurum ignorantē. Nam ſi prænoſſent, non ſitque digni admiratione fuiſſent ſi feciſſent quod nōrāt. Quid enim mirum, ſi de ſalute certi auſi eſſent horrenda ſubire? Itā enim Deus quidem gloriſicatuſ eſſet, cū ē fornace eoſ potuiſſet eripere, ipſi autem nulla fuiſſent in admiratione, ſi potē qui ſe periculū non expoſuerint. Propterea Deus, ſi futurum ignorarent, voluit, quò maiorem laudem conſequerentur. Nescierunt ergò, quòd eoſ Dominuſ*

eruerè conſtituiſſet ab incendio fornacis, in qua illoſ rabidoſ furor crudeliſſimi regis coniecturuſ eſſet. Quid enim magnum feciſſent, ſi magno animo tradi flammiſ tuſiſſent, è quibuſ ſeſe abſque læſione eximendoa ante nouiſſent? Neſcire itaque illoſ voluit, quòd de tremularum flammarum feruido ardore triumphaturi eſſent, vt eorum animi ſinceritaſ magiſ eluceret. Quid enim gloriā, & laude dignum egiſſent, ſi regis iram non curaiſſent, à quo nihil ſibi periculū imminere præſciuiſſent? Illud verò integerrimi amoris eorum grauiffimuſ argumentū fuit, quòd cū incertum haberent, num à Deo eripiendi eſſent, cibum autem ardentium flammarum ſe fore putarent, periculū nihilominuſ ſtrenuè, fortiterq; adierunt. Hoc enim verum animi robur eſt, hæc perfectā charitaſ, quæ ſpreto periculo. certamen ſuſcipit, & ſine expectatione remunerationiſ pectuſ aduerſiſ intrepidum obijcit: *Quid enim mirum, ſi de ſalute certi auſi eſſent horrenda ſubire? Nihil magnum egiſſent, ſi arduam aliquam operam ſecuri de periculo ſuſcepiffent.*

Propheta regiuſ, cū de legibuſ diuinis diſſereret, aiebat, melle omni, & ſauo dulciorē, auro autē pretioſioreſ eſſe, atque à ſe hilariter, lætanterq; obſeruari, quòd in earum cuſtodia ſua remunerationem poſitam haberet, dicens: *Etenim ſeruū tuū cuſtodit ea, in cuſtodendū ea retributio multa;* Pſal. 118. 12.

Aquila Doſtorum (vt reſert Seraphicuſ præco, & celeberrimi nominis Eccleſiaſteſ Sanctuſ Bernardinuſ ſerm. de obedient. Euangel. c. 3. §. 2. Tom. 3.) obſeruauit in modo loquendi, quo hic uſuſ Prophetæ, quòd dixit, *In cuſtodendū illuſ retributio multa,* non autem *pro cuſtodendū*: Si dixiſſet, pro cuſtodia mandatorum dominicorum ſperare palmam, inſinuaiſſet ex amore lucri eam proficiſci obſeruantiā, & velut mercenarium ſeruire: Verū cū ait, quòd in illorum cuſtodia omnem ſua collocatam haberet retributionem, integerrimi amoris ſui luculenta inditia dedit, qui non reſpicit mercedem legum obſeruantiæ conſtitutam, ſed oculoſ, animuſ, viresq; omneſ ad ipſam obſeruantiā vertit, & quantum conſtitit ingenio, quantum contendere labore poteſt, tantum facit, vt eaſ exactiſſimè cuſtodiat, taliq; cuſtodia ſatiſ remuneratum ſe ſacer Prophetæ putabat, quòd hoc conſummatiſſimæ charitatiſ opuſ eſſet, quæ amat amare, & non ob aliud diligit, quàm vt diligit.

Nam vt Sanctuſ Enodiuſ lib. 11. epiſt. 15. ſcribebat, *lenociniuſ eſt, non gratia ſacramentuſ, quòd tantuſ*

tantum presentibus exhibetur, amicitia sinceritas & longe postea non relinquit. Qui in eos solum, quos coram habet, officiosus est, ac praesentes tantum de-mereri obsequijs studet, is sibi lenocinatur, & gra-
tiam, benevolentiamque mutua nundinatur. At
verò sinceri amoris ignis hoc igne materiato plus
habere debet, ut cum hic sola vicina inflamment, ille
etiam procul abstita inuadat, & longe postea non re-
linquat, & in remotissimos sese exerat. Quos enim
sola praesentia aliorum, & coram positorum aspe-
ctus ad bene faciendum permouet, illi negotiatores
appellari possunt, verè amantes dici non debent.
Summum amoris gradum ij tenent, qui in eo solum,
quem diligunt, oculos fixos habent, aliud praeterea
nihil respiciunt, non lucrum, non operas vicarias,
non mutua officia, seu beneficia.

Patientissimus Iob in medio suarum miseriarum,
& ærumnarum, repetebat memoriâ (neque id sine
magna voluptate) opera charitatis, & misericordiae,
quibus studere inter res prosperas, quando fortunâ
beneuolentior etiamdum utebatur, solebat, ut eo-
rum iucundâ recordatione pondera suarum & plu-
rimarum, & cruciabilissimarum, & pœnalissimarum
calamitatum nonnihil leuaret, inquit: *Pater e-
ram pauperum;* Iob 29. 16. velut dixisset: Prohè me-
mini tempus, quo ego cum opum copijs circumflu-
erem, mendicorum amantissimus hospes, & portus
operatissimus eram omnium afflictorum, oppresso-
rum, ex longo miseriarum itinere delassatorum, &
quoscumque iniquioris fortunæ iratum mare diu
exagitatos tantum non prorsus hæuserat.

Santissimus Pontifex, & magnus Ecclesiæ Do-
ctor B. Gregorius expendit nomen, quod sibi pati-
entissimus Patriarcha hoc in loco dedit, cum ait:
Pater eram pauperum. Sinceritatem amoris, quo
egenos prosequatur, indicare volebat, & patrem
illorum se fuisse ait. In hanc rem Magnus Grego-
rius, quem dixi, sic disserit: *Non patronum se, vel
proximum, vel adiutorem pauperum, sed patrem fuisse
testatur, qui à nimium magno charitatis officio stu-
dium misericordiae vertit in affectum naturæ, et eos
quasi filios cerneret per amorem, quibus quasi pater
præerat per protectionem.* Aduocatus plerumq; lu-
crum spectat, quod illi patrocinium suum adferet,
& vix mouere pedem, nisi à quaestu, & remunerati-
onis spe incitatus, nouit. Non talis est erga filium
pater, qui illum, tametsi ingratum fore, & vices
malè repensurum videt, non destituit, sed quibus re-
bus, & modis potest, iuvat. Paternus namque amor
naturam magis, quam mutuas vices respicit, & has

vices non requirit, qui ut pater amat. Sanctus Iob
ergo, ut significaret sui erga pauperes, & ærumnatos
amoris ab omni lucri cupiditate peralteni integri-
tatem, & puritatem, patrem se illis fuisse ait ad fe-
rendam opem, non aduocatum ad patrocinandum.
Qui enim alijs benefacere gloriæ ducit, is quoque
curare debet, ut paterno affectu, sine spe lucri, &
expectatione retributionis hoc faciat: Nemo quip-
pè purum integrumque illius dicit amorem, qui ex
beneficentia nundinationem, lucrum ex patrocinio
faciat, & tutelæ studium ad quaestum, ad fœneratio-
nem autem exercitationem charitatis vertat. Qui
ex solo amoris, & beneficentiæ amore amat, & be-
nefacit, eius est sincerus amor, & beneficentia in-
tegra.

*Non ab simile argumentum trahat Periocha IV.
Dominica IV. in Quadragesima To. I. pag. 301. b. o.*

CAPVT VI.

*Ut nullus meticulosior Peccatore lepus, sic nec
formidabilior Iusto leo.*

Magna rei familiaris incrementa fecit, gregum-
que, & opum copijs intrâ dies paucos pluri-
mum auctus noster Patriarcha fuit, *benedixitque ei
Dominus,* Gen. 26. 12. cuius largitas illi omnis af-
luentiae scaturigo fuit. Simul autem & prædiues, &
tam terribilis, formidolosusque esse cepit ijs, apud
quos morabatur, ut illum à terra sua exigerent, &
profligarent, & rex ipse exilij sententiam ei denun-
tiaret, quæ sic habebat: *Recede à nobis, quoniam po-
tentior nobis factus es* Valde; ibid. v. 6. Mirum, & no-
tatu dignum est, quantum pertimescant peccatores
iustum, cui Deum opitulari vident. Quàm vehe-
menter illum formidant! Quàm pauidi, quàm me-
ticulosi, quàm ignaui, quàm pusillanimi lepores
sunt! Audiebat Isaac sententiam exilij tranquillâ,
& serenâ fronte, & non concitabatur illius pectus,
non perturbabatur animus, non confundeatur,
neque eccabatur ratio. Homo enim iustus, ut affir-
mat Spiritus Sanctus, similis est leoni, qui nunquam
obuerrit regium tergum inuasori, & figit animosus
gradum vel si venabuli cuspidem quis intenteret, aut
instructo pilâ sclopo minetur, neque pedem refert,
quodcumque illi siue à fera, siue à re alia sese per-
viam obijciat periculum, de quo Paræmiastes: *Leo
fortissimus bestiarum; ad nullum paretur occursum;*
Proverb. 30. 30. Idem nostro descendenti de tribu
Iuda leoni accidit, qui suæ expulsionis decretum, &
sententiam exilij audiens non timuit, nec pertur-
batus

batuſ fuit, quando felicitatis illius inuidus, & potentiam veritus rex ipſe vertere ſolum iubet: Cùm enim illum ceteri omnes vehementer pertimeſcerent, rex ipſe illi præcipiendum putauit, vt regionem mutaret, veritus, ne æquè ac alij & ignauus, & meticuloſus & conſternatus animo videretur, ſi exilium ei denuuntiare non auderet. Tantumne peregrinus potuit! Itane regno toti vnus quidam inermis tam horrendum timorem inculſit! Inculſit prorsus, nam luſus eſt terror, & pavor Peccatorum, & nihil tùm vecordius agitiſo, tùm formidabilius probo.

Audiſt Herodes tyrannus prodigioſa Redemptoris mundi facinora, cùmquæ plurima ad illum de miraculis, quæ indiès operabatur, perferrentur, ſatelliſtus ſuis, & famulis domeſticis dixit: *Hic eſt Ioannes Baptiſta, ipſe ſurrexit à mortuis, & ideo virtutes operantur in illo*; Matth. 14. 2.

Euthymius in horum verborum commentario ait: *Videte rem admirandam!* Obruncatum Ioannem, qui obruncari iuſſerat, formidat, & mortuum viuus horret. Quanam eius rei cauſa? *Talis eſt enim, qui iniquus eſt, & mortuos timeat, & talis eſt, qui virtutem colit, & pauorem etiam poſt mortem immittit à ſurgentibus.* Tam imbelli, & ignauo ſunt ingenio homines ſclerati, vt vel recordatio mortuorum eos exſpectoret, atque exanimet, piorum vero, & amicorum Dei tanta eſt poteſtas, vt etiam vitam perfuncti impios, quos reliquerunt ſuperſtites, exterreant, & paueſciant. Iuſti è tumulis ſuis mucrone timoris, & tremoris perſtringunt, & ſolo nominum ſuorum auditu fugant peccatores.

Legem Euangelicam vulgare Apoſtoli cœperunt, Scribæ autem, & Phariſæi concitari animis, quod ea doctrina diſſeminaretur. Conſiderabant conſtantiam, quâ fidem Chriſtianam prædicabant, ſtupenda miracula, quæ ad conteſtandam, commendandamquæ nouam legem ſuperi operarij faciebant, inſiciari non poterant, turbabatque hoc illos plurimum, quod tam conſtanter, atque intrepidè illos officium ſuum curare cernerent. Abreptum autem Petrum, & Ioannem in concilium ſuum pertraxerunt, admirati eorum animi firmitudinem, & incerti quid potiſſimum agerent, *ſuſceperunt eos foras extra concilium ſecedere, & conferebant ad inuicem, dicentes: Quid faciemus hominibus iſtis?* Act. 4. 15. 16.

Sanctus Ioannes Chryſoſtomus homel. 51. in Gen. cùm eiufmodi conſultationem hominum iſtorum ſecum reputaret, aiebat: *In manibus illos habebant, & dubitabant ſecum, quid de eis facerent.*

At cùm illos tanquam artiſſimè vinctos, compeditoſque, & ſuæ poteſtatis retibus implicatos haberent, quid ampliùs animi pendebant? quid diu hæſitabant? Cur non violentas illis extemplo manus inferebant? Et cùm illis neque odium, neque ſtomachus, & ira deſſent, quæ furorem, & rabiem animorum acuerent, & inflammarent, quid illos infrenabat, quid morabatur, aut impediēbat, quod minùs ſuam ferociendi libidinem explerent? Sua illos malitia, nec aliud, tam pauidos faciebat, ſanctitas Apoſtolorum tam terribiles, & formidabiles reddebat: *Tanta, tamque valida res eſt Virtus, tamque imbecilla malitia*, inquit Chryſoſtomus, *& illa quidem, licet patiatur, vincat, hæc vero eſt quid faciat, nihil proſicit, niſi quod ſuam producit infirmitatem.* In præſenti cauſa id videas. Habebant Iudæi Apoſtolos vinctos, ſuæque poteſtatis iuriſdictioni ſubiectos, cùmque mutuò deliberarent, quid illis facerent, niſi ignauiam, timiditatem, puſillanimitatemque ſuam prodebant. Tam ingens eſt robur virtutis, vt etiam vincti vincat, & captiua triumphet. Tanta verò è contrà eſt malitiæ imbecillitas, vt etiã tunc, cùm eſt ſuperior, timere videatur, & ſeſe dedat, cùm maximè triumphat.

Promittebat Dominus magno credentium Patri Abrahæ numeroſiſſimos poſteros, & feliciffimâ ſucceſſionem, & aiebat: *Suſcipe cælum, & numera ſtellas, ſi potes, ſic erit ſemen tuum*; Gen. 15. 5. Dixerat illi Dominus ante: *Faciã ſemen tuum ſicut puluerem terræ, ſi quis poteſt hominum numerare puluerem terræ, ſemen quoque tuum numerare poterit*; Gen. 13. v. 16.

Quod poſteri Abrahæ & ſtellis, quarum eſt altiffimus ſitus, & pulueri, qui imo in loco humi iacet, comparati fuerunt, id præcipuè quidem factum, vt ſignificaretur, quàm copioſa eorum multitudo futura eſſet, haberi nihilominùs aliquod ſpeciale myſterium præſenti cauſæ opportunum, quod rabbi Solomon apud Lyrannum, & Toſtatum in cap. 13. Genef. annotauit, & his verbis detexit: *Semen Abrahæ comparatur pulueri, & ſtellis, quia quando boni erant, fulgebant in bonis, & ſtellæ, nec quiſquam poterat eos tangere, ſicut neque ſtellæ cæli, quando autem mali erant, ab omnibus conculcabantur & puluere.* Alta ergo collatio eſt poſteriorum Abrahæ cum ſublimibus cælorum ſtellis, & humili terræ puluere, quâ indicatum, eos quamdiu ſanctitatem conſecrati fuerunt, in omni opum copia eluxiſſe, vt ſpēdicare radiantiſſima illa ſidera ſolent, nec quenquam autem fuiſſe vel contingere illos, vt contingere ſtellas

nemo

nemo potest, tunc verò non secus ac puluerem, aut lutum platearum, ab omnibus calcatus, & prostritus, quando à via mandatorum Dei exerrantes flagitijs sese contaminarunt. Id experientia docebit legentem historias sæculorum superiorum, quæ Abraham secuta ætatem fuerunt. Triumphabant de hostibus, quamdiu de vitijs, simul ac præceptis dominicis deflecebant, ab omnibus misere vexabantur, & opprimebantur. Iudicium Liber hoc dicit. Regum item, & Prophetarum Libri sunt eiusdem rei locupletes testes. Virtutes nimirum fortissimæ sunt, & illustres stellæ, quas nemo appeteret manu potest, vitium timidum, & ignauum est, & vilis pulvis, quem omnes liberis pedibus obterunt, & conculcant.

Quæstio magni Athanasij 77. quam Antiocho cuidam proposuit, sic habet: *Si quis grauissimum commississet peccatum, & respuisset, unde deberet discere, an remissum sit ei à Domino, nec ne?*

Respondet Doctor sanctus, in hac vita (quæ est etiam Concilij Tridentini doctrina) ut quis certò sciat condonatas sibi esse suas noxas, fieri non posse, nisi id ei Dominus reuellet: *Nescit enim homo, vitium amore, an odio dignus sit*; ut habet Ecclesiastes cap. 2. v. 9. Inditia nihilominus quædam (quod idem Concilium tradit) coniecturam nobis, opinionemque facere possunt, quâ nos Deo gratos arbitremur, aut suspicemur. Eiusmodi coniecturarum aliquam velim, inquit Athanasius, ex qua diuinare utcunq; possim, quòd gratia apud sapremum Dominum valeam.

Respicente homine gratificatur illi Deus loquendi libertatem, inquit ille, ac si dixisset: Si quis signum velit, à quo bene sperare possit, & coniecturam capere, ad modum, quem diximus, quòd sit Deo gratus, & charus, hoc illi bonam fiduciam facere potest, si hoc ab illo habeat, ut licentiùs loqui audeat. Itane verò solutior loquendi libertas qualicunq; inditio sit, quòd est iustus, qui illâ vitur? Apud nos, cum quis indicare vult, sibi iustam esse causam, siue litem, sic ut neminem timeat, id talibus verbis exprimere solet: *yo puedo hablar alto en todas partes*; hoc est: *ego voce elatiore loqui ubique possum*. Quando ergo quis liberè, animosè, audacterque loquitur, iustum, ac probum eâ se licentiâ probat, virtus enim, & vitæ sanctitas robur illi addunt dicendi, quæ sentit: Peccator autem quamprimum obmutescit, & frangitur animo, trepidatque, & angitur, & fugit.

Nam ut S. Ioannes Chrysostomus homel. in Psal. 7. ait, *et si vitium habeat secum, inuersum orbem, tamen omnium maximè imbecillum est, virtus autem*

et si solasit, est omnium potentissima, habet enim Deum secum stantem. Peccatum quamuis totius mundi præsidio munitum perdebile est, virtus, licet inermis, & nuda, validissima est, Deum adiutorem habens. Timens Deum neminem præterea timet.

In eodem argumento versatur Persocha III. Feria III. post I. Dominicam Quadragesima, Tomo 1. pag. 86. b. c.

CAPVT VII.

In conflictu Veritatis cum Mendacio; quanquam Mendacium perpetuò contendat, repugnet, obluete- tur, penes Veritatem tamen semper est victoria.

A Bijt S. Patriarcha noster, ut decreto exilij moram gereret, quod cum fecisset, illud ante omnia curauit, ut gregibus suis aquam inquireret. Palæstini hoc illius studium impedire conabantur, & puteos, alios quidem obstruebant, & iniectionibus corripiebant, de alijs verò nouè inuentis cum pastorebus corripiebantur. Ex his autem velitationibus, & concertationibus illud solum consecutum, quòd Isaac pastores sua tolerantia semper victores faceret, puteos enim obstruere, & explere Palæstini, quantumvis contentiosè vellent, non potuerunt, sed Patriarcha Sanctus, eiusque famuli in omni conflictu triumpharunt, cui & pastores, quos habebat, demùm gaudibundi, ac læti dixerunt: *Inuenimus aquam*; Genes. 26. 33.

Rupertus lib. 7. in Genes. cap. 11. ait: *Finis omnium, quæ de Isaac sunt, gratulatio est dicentium, Inuenimus aquam*. Hunc exitum omnis dura, & diuturna Isaac conflictatio habuit, quòd illi grata repperit aquæ nuntia cum plausu allata fuere. Ita nunquam Ecclesiam aqua veritatis destituet, quantumuis illam opprimere volent Cathelicæ fidei hostes, siue illi sint Hæretici, siue Ethnici, siue Turcæ, siue alij qualescunq;: *Semper enim, quæcunque hæresis exurgat, semper Grig. & præsto Christus adest, & de suis aliquos præparat scientiâ, & sermone ornatos, qui stare valeant aduersus loquaces hæreticos*. In omni mendacij, & veritatis concursu pugnare acriter semper mendacium potest, non vincere aliquando veritas non potest.

Queritur Propheta regius in Psal. 51. de quodam Doeg Idumeo, qui regi Sauli de illo significauit, quòd in ciuitatem Nobe, & Abimelech sacerdotis domum se recepisset, quod 1. Reg. cap. 22. vers. 9. narratur. Maledicus hic proditor imago est calumniæ, hæresios, mendacij, & fraudis, ut habet sententia Incogniti, Rainerij, Hugonis, & aliorum:
Ecc David

Dauid autem in eo Psalmo, velut & in cæteris symbolum, ac typus est veritatis. Videamus nunc quemadmodum S. Prophetam, ex ipsius relatu, calumniari, deijcere, opprimere, & conficere falsitas, & mendacium in illo maledicto homine representatum voluit: *Totâ die iniustitiam cogitavit lingua tua, sicut nouacula acuta fecisti dolum*; Psal. 51. 4. Quod totâ die meditarum iniustitiam dicit, effusam mendacij sine intermissione contentionem indicat, & pertinax studium subigendi veritatem. At quomodo hæc pugna confecta, & quibus armis mendacium dimicabit, vt veritatis firmitudinem conuelleret, dispiciamus: *Sicut nouacula acuta fecisti dolum*. Quænam propria nouaculæ opera? quis illius instrumenti vsus? Non alius, quàm vt demerat capillos, & faciat, vt non videantur, non appareant amplius. Sed quando nouacula putat prorsum excidisse, & extrinxisse capillos, nascuntur illi denuò, & vi maiore erumpunt. Videte nunc quid dicat Prophetæ, nimirum quod est nouacula capillis, hoc esse veritati mendacium: Vt enim noui, fortioresque progerminant capilli, cum nouacula eos simul & abradisse, & radicibus sustulisse existimat; sic validior pullulat, robustiorque prodit Veritas, cum Mendacium eam penitus totam subegisse, & sustulisse arbitratur. Nam vt Cicero in Orat. pro Cluent. ait, *multorum improbitate depressa Veritas emergit*. Grandibus licet prægrauetur ponderibus, non obruitur tamen, nec patitur naufragium, quantuis iactetur tempestatibus. Fluctuare vndabunda, & afflicta curis potest, demergi, & suffocari nõ potest.

Commodissimum causæ præsentis est emblemata quoddam Alciati in concertationem, quam duo illi belli duces Vlysses, & Ajax susceperunt de armis Achillis. Res est, quod à morte magnanimi Achillis contendere Vlysses, & Ajax cœperunt, quis sibi illius scutum, lanceam, loriceam, galeam, ocreas, & reliqua bellica ornamenta haberet. Iure illa quidem ad Aiace spectabant, quod is robore animi, & viribus corporis excelleret, Vlysses tamen causam suam talibus colorare, & commendare, & magnificare verbis cœpit, vt eloquentiâ eius, & dicendi efficacitate conuicti iudices pro illo pronuntiarent, & ad illum martia ea spolia pertinere affirmarent. Factum est autem, vt illa arma (quod Pausanias apud Claudium Minoën refert) post Vlyssis naufragium ad interitum Aiace sepulchrum se reciperent. Alciati de hac re emblemata 28. tale est:

Letoreo Aiace tumulo namque intulit Suda.

Qua boar, & tali voce sepulchra ferit.

*Vicisti tu Telamontades, tu dignor armis,
Affectum fas est cedere iustitia.*

Abriperunt irati fluctus arma Achillis, eaq; ad Aiace Telamone patre nati tumulum proiecerunt, & tali facto tanquam magnis vocibus proclamauerunt, quod titulus illius emblematis apud Alciatum habet, nempe: *Tandem, tandem iustitia obtinet*, demum Veritas magnificè, & insigni cum gloria triumphat, arma namque ad sepulchrum Aiace appulsa testata sunt, Vlyssæ malo dolo sibi ea usurpasse, & fraude factum, quod ad ipsam illa peruenissent, cum Ajax ea reuera promeruisset. Itaque post mortem illi reddita fuere, quæ viuo per calumniam, & fallaciam ablata, nunquam enim fraudis ea est potestas, vt de veritate triumphet.

Nam vt illa celebratissima disputatio habet, quâ disceptabatur, quænam ex omnibus mundi rebus potissima esset, cum alij vino, mulieribus alij, alij Regi lauream maximæ fortitudinis tribuendam censerent, Zorobabel finem concertationi imponens, hæc definitione eam absoluit: *Veritas magna, & fortior præ omnibus*; 3. Esdræ cap. 4. v. 35. Tum v. 38. *Veritas manet, & inualefcit in æternum, & vincit, & obtinet in sæcula sæculorum*. Denique v. 40. *Benedictus Deus Veritatis*. Vinum multorum scelerum causa est, veritas æquiritatis, & omnis boni scaturigo. Rex miser est, & imbecillis, vt qui vni se mulierculæ submittit, veritas nulli cedit. Veritatis vna, eademq; semper est facies, mulier fraus mera, & ex dolis velut coaluit, torquæ vultus habet, quot præstigias. Veritas ergo validissima est, cuius & sempiterna perdurabilitas. Laudetur itaque veritatis parens Deus.

Non paucas vires proposito huic adferet quoddam mysterium à Gregorio Venero in Hebræa lingua animaduersum. Quod vt facilius assequamini, notate, in illo sacri idiomatis alphabeto esse duas litterarum figuras, & alias quidem incuruas, & inconstantes, alias verò ad quadraturam (quæ firmitatis, & constantiæ nota est, testibus Pierio Valeriano, Ricciardo, & alijs autoribus symbolicis) tendere. Ipse hoc nobis figuræ loquuntur. Quæcunq; enim incurua, siue inflexa sunt, eadem volubilia sunt, nulloq; negotio hac illac motantur, et quæ sunt quadrata, locum suum firmiter tenent, in quem siue coniecta, siue delapsa fuerunt. Hoc ita constituto notandum, quod Veritas hebræo sermone tribus litteris ferè rotundis scribitur: *Characteres*, seu *litteræ Veritatis ad quadraturam tendunt*; At nomen Mendacij litteris componitur *Velut incuruis, & non quadratis*,

dratis, sed inconstantibus, inquit Gregorius Venetus apud Hilarium serm. Dom. Pass. Tom. 3.

Quid mysterij habet, quod nomen Veritatis ex characteribus conficitur quadratis, qui constantiam, & firmitudinem suā figurā referunt? Illud, vt sit inditio, quod Veritas semper firma est, & stabilis, & perennis, sic vt non sit potestas, quā illam demoliat, non robur, quod vincat, non machina, quā deijciat: Mendacium autem non quadratis, sed curuis, inflexis, aduncis literis (quæ inconstantia sunt typus) scribitur, & significetur, quod mendacium debiles habet pedes, & claudos, nec facile consistit, inquit rursū Venetus. Mendacium, fraus, dolus, fallacia, infirmo nituntur fundamento, idcirco leuiter corruunt, & perfacile est ea deturbare, & solo affligere.

Cœlestis Magistri nostri gesta, dicta, & miracula calumniabantur illius maleuoli æmuli, quibus ille, vt vana eorum refutaret consilia, inquebat: *Ego sum lux mundi*; Ioan. 8. 12. velut dixisset: Miseros vos, quorum omnia huc vertuntur studia, vt quæcūque mea seu dicta, seu facta culpetis, arrodati, admoderateis, cum ego sim splendidissima lux mundi! Dixit hæc Dominus, postquam mulierem ei adduxerant in adulterio deprehensam, vt illum tentarent, & caperent, siue eam suā sententiā absolueret, siue damneret, & crudelitatis quidem coarguerent, si lapidibus obruendam pronuntiaret, qui misericordiam magnificè commendasset, prætermisissæ verò, ac violatæ legis damnerent, si impunitam, inultamque dimittendam censeret, quam saxis appetendam Moyses pronuntiasset. Omnibus ergo modis illum capere studebant. Verū Dominus diuinā suā sapientiā, & prouidentia sic omnia disposuit, vt calumniatores nil nisi confusorem ex suis machinationibus referrent, ipse maneret gloriosus, mulier libera, dolus delusus, veritas triumphabunda. Quod cum factum fuisset, mox dicebat: *Ego sum lux mundi*, & serenissimus planeta, qui meis radijs totum terrarum orbem perfundo, atque illumino.

Rupertus lib. 8. in cap. 8. Ioannis ait, tale quid fuisse, quod Dominus ijs verbis dicere voluit: *Nunquid non deridendi essetis, si solem istum & sistibilem de sublimibus circulis suis toti mundo lucentem exstinguendo extinguere, vel aërem pugniserberando de magno candelabro cali dericere, & sub modio recondere conemini? Nempe huc simile est hoc, si nomen meum delere, vel famam meam extinguere contenditis. Ego enim sum lux mundi*. Quis tam potens sit, vt astorum principem liberalissimum Solem cohibere à

profusione suæ lucis queat. *Et* tam robustis sit lacertis, vt è cæruleo cœlorum campo luminosissimam illam euellere arborem possit, cuius radiantes rami per totum se mundum beneuoli explicant, & dilatant? Qui talia possit, idem fulgentissimam Veritatis lucem obscurare queat, quæ gloriosa emicat, & refulget, quantumuis calumnia nubem obtendere, & offundere nebulam dolus, mendaciumque laborent.

Nam vt Thucydides latinus, Titus Linius, inquam, apud Claudium Minoen in emblema 28. Alciati ait, *Veritatem laborare sæpe, extinguere nunquam videas*. Potest Veritatem temeraria quædam fraudis nubes inuadere, claritatemque illius, & ornatum omnem appetere, sed diripere, & depeculari illius thesauros non potest. Agre esse Veritati potest, vt prorsum moriatur, fieri non potest. Extenuari simulationum fallacis potest, extinguere funditus non potest. Fit, vt in concitato mendacij mari fluctuet, quod verò aliquando submersa interierit, nemo vquam audiuit. Coniurati quamuis aduersus eam conspirent falsitatis venti, illa tamen nihilo inconstantior persistit, quā inter spumantes fluctus, & procellosas vndas immobilis rupes. Nonne hoc experientia cernimus? Potueruntne illam tot Barbari, Ethnici, Turcæ, Mauri, Schismatici, Hæretici, totis etiam Inferorum copijs adiuti cardinibus suis mouere, & opprimere? Nonne illa de omnibus ipsorum fœderatis, non secus ac Sol de nebula, de fluctibus scopulus, leo de lepore, aquila de vlula, de dumo palma triumphat?

Huc faciet, quod Euangelistæ narrant, nempe Tudeorum primores, cum innoxio Domino nostro adimere vitam, & inferre necem cogitabant, & veras culpas, quarum illum insimularent, nullas reperirent, ad mendacia, & imposturas confugisse, vt his ad suas partes traductis facilius persequi opere rabiem sui furoris possent: *Principes sacerdotum, & omne concilium querebant falsum testimonium contra Iesum, & eum morti traderent*; inquit S. Matthæus cap. 26. v. 59. Præstigias ergo adornabant Hebræorum proceres, quibus veritatis radios obnubarent, & Christi innocentiam obscurarent, prorsumque opprimerent.

O insentatos, & supra quā fatuos! exclamat S. Laurentius Iustinianus lib. de triumphali Christi agone, cap. 10. sect. 1. Quo consilio ista faciebant? Quid machinabantur, cum mendacium adhibebant, vt veritatem prosternerent, ac deicerent? Ego vobis dicam, inquit sanctissimus Venetorum Patriarcha:

cha: *Polebant inermi manu durissimum confringere silicem*, & in mollem ceram vertere, idque non alterius rei, quam tenerorum digitorum operâ. Qui tale quid ad eum modum tentare cuperet, nonne is mentis suæ prorsus impos esset? Certè nemo id opus susceperet, cui vel aliquantillum rectæ rationis reliquum. Quomodo enim fieri possit, ut tractabilis, ac mollis manus caro duritiem rigidi silicis subigat, & confringat? Magnis vani laboris impendijs discet, quam stultè egerit, quisquis hoc tentare velit. Quid putatis esse mendacium, si cum veritate conferatur? Quodd tenera caro, quodd delicata manus, quodd tenue gossypium, quodd ductilis cera cum solido ferro, cum duro marmore, cum inuito ære, cum infecabili, atque infracto adamante comparata, vinci, subigi, contegi non potest, lumen radiorum eius extinguere nequit, quantumvis multi, ac fortes sint, qui se illi opponant, quantumvis densæ, & caliginosæ nubes æmulum, qui se illi obijciant, quantumvis valida manus coniuratorum, qui tam bello appetant, & oppugnet. Nam expugnare eam velle, tantundem est, atq; *inermi manu durissimum confringere silicem* velle, ut magnus Patriarcha inquebat.

Præcinit huic magnum Africæ decus Tertullianus de Veland. Virginib. cap. i. dicens, *hoc exigere Veritatem, cui nemo præscribere potest, non spatium temporum, non patrocinia personarum, non priuilegia regionum.*

Locutus fuit hoc loco Tertullianus, quod diligens, & doctus illius expositor Cerda notauit, ex more peritorum iuris, ac legum. Ac primum, quod ait, est, quodd *Veritati nemo præscribere potest.*

Quid est *præscribere*, quidue *præscriptio* ex legum definitione? Alexander Scotus in Vocabul. vtriusque iuris, verbo *Præscriptio* vult hanc esse exactissimam descriptionem; *Præscriptio est exceptio ex tempore congruens, ab auctoritate legum vim capiens, negligentiibus penam infligens, & litibus finem imponens.* Videatur dictus autor de hac materia, qui recenset genera præscriptorum, nempe decem, viginti, triginta, quadraginta annorum, ex quibus hæc longi temporis præscriptio iuris peritis dicitur. Ut autem vis, & potestas Veritatis innotescat, dicit Tertullianus, deijci eam è throno suo, lucemque eius extinguere non posse, tametsi cum largis longiturni temporis spatijs contra illam foderentur priuilegia, & immunitates terrarum, mores & instituta patriarum, arma auxiliaria tyrannorum, copix subsidiarix opulentorum, & potentium: *Nemo quippè illi præscri-*

bere potest, non spatium temporum, non patrocinia personarum, non priuilegia regionum. In quæ verba eruditissimus Cerda annotatio nona sic habet: *Ponit exceptiones, quæ esse tres possunt, videlicet, spatium temporum, patrocinium personarum, priuilegia regionum.* Nonne hoc manifestum est, ac perspicuum? Valetne tempus eâ potentiâ, ut obscurare veritatem queat? Immo verò tempus, quod alia omnia consumit, & conficit, vnice veritati patrocinatur, eamque vel maximè aperit. Potueruntne illam extinguere hæretici, sectarij, infideles, & alij tam multi hostes, qui eam ad rem omnia sua studia, conatusq; totos conuerterunt? Obtinuitne truculentum consilium inimicorum regionum, & falsarum, infensarumque religionum, quæ illius interitum ardentissimè suspirarunt? Nonne gloriosam de omnibus victoriam Veritas reportauit, & vexilla sua contra tempora, personas, ac nationes triumphatrix altum extulit? Nonne ferreis nexibus constructam, acciduamq; inelytis plantis suis habet obscuram, & imbecillam falsitatem, turpem, ac debilem fraudem, easque velut quasdam araneorum telas suo aspicu distat, & dissipat Veritas, quæ tametsi nuda congregiatur, omnem præstigiatorum nebulam fugat, & vniuersas mali doli nubes depellit? Vtatur Politicus noster hæc tam potente Dominâ, hæc nobili, & illustri filiâ Dei, sic enim fiet, ut quauis occasione cum insigni gloria vincat, & cum ingenti existimationis suæ incremento triumphet.

C A P V T VIII.

Sunt actiones, quæ ab animo officioso descendere videntur, & ad impossuras, atque officias tendunt, aliudq; sæpè machinantur, quam præferant.

Nulla in officina tor funduntur doli, nulla in incude tor cuduntur fraudes, quot in vno corde humano, in quo & plura adornantur mendacia, quam in vilo foro nundinatorio. Quam astute, & acutè veterator suas pingit præstigias! quam dextrè suam inaurat malitiam! Quam versutè sua tela iacit, sic ut in technas, & impossuras iaculum intorqueat, qui collineare in obsequia videbatur! Submissione animi ad omnia bona officia parati esse putres, quod fieri vides, & perfidia est, ac fallacia. Humilitate, quam exterius præfert, fraudulentum cordis secretum tegit, & obnubit.

Aperiebat Saluator mundi Discipulis suis quoddam animi sui consilium, aiebatque propositum sibi esse petere Ierosolymam (quodd magni referret id fieri, & hominû afflictû casus vehementer hoc ipsum peterent)

petere) ubi plurima sibi à Scribis, & Principibus sacerdotum probra, & tormenta parata essent, & mors subeunda, sed & certus post triduum in vitam reditus. *Matthæus cap. 16. v. 2. hanc rem sic narrat: Caput Iesus ostendere discipulis suis, quia oportet eum ire Ierosolymam, & multiplicari à Senioribus, & Scribis, & Principibus sacerdotum, & occidi, & tertiâ die resurgere.* Audiit hæc Petrus, arreptumque veste Magistrum seorsum abduxit, & his verbis increpauit: *Absit à te Domine, non erit tibi hoc;* ibid. v. 22. velut pluribus dixisset: Depone sis has ab animo cogitationes, intolerabilis enim miseria foret, talis vitæ tam tenera in ætate deplorandum videre interitum. Caue hoc iter suscipias, caue Ierosolymorum urbem ingrediare. Vix hæc auribus verba hauserat Christus, quando illi talia reposuit: *Vade post me satana, scandalum es mihi;* ibid. v. 23. S. Marcus cap. 8. v. 33. ait: *Comminatus est Petro;* tanquam à seclerauerit Dominus vultu, contraxeritque in rugas frontem, & adduxerit supercilia, ut talibus gestibus præcipitantiæ Petri coargueret.

Sed cum Petrus talia ex singulari amore, & benevolentia dixisset, & iustam vitæ sui Magistri æstimationem habuisse, denique miseratus dolores præmatuæ, & acerbæ mortis illius fuisse videatur, cur sic exacerbescebat mitissimus alioquin Dominus, ut illum eodem nomine donaret, quo antehæc cacodæmonem, nec alio modo à se repelleret, quam tenebrarum principem, cum ab ipso in deserto de gloriâ, vana gloria, & idololatria tentaretur? Quæ tam acris indignationis causa esse possit?

S. Ioannes Chrysostomus homel. de negat. Petri, Tom. 5. ait: *Vt Ierosolymam non ascenderet, orabat, quod Iudaorum minas non ferret.* Quando Christus inquebat, oportere se ire Ierosolymam, id tunc dicebat, quando Petrus singulare illud, & insignitum donum acceperat altissimæ istius reuelationis, quod Christus esset filius Dei viui, proque eiusdem agnitionis, & confessionis merito varijs cumulatus beneficijs, & clauibus cœli donatus fuerat, ut eos pro arbitrio claudere posset, ac referare, quæ est tam ingens autoritas, tam ampla potestas, ut magnitudo eius, & præstantia omni sit exaggeratione superior. Quæ cum ita sint, vnus præ omnibus Petrus ex rectæ rationis legibus etiam tenebatur suum magistrum, & tantum benefactorem comitari, tamen id absque sanguinis periculo, & detrimento honoris, & vitæ dispendio fieri non potuisset. Aderant ibi vndecim testes gratitudinis, & censores, qui suis ponderibus penderent vices, quas ille Christo redderet.

Hæc res cum ad sequelam Christi vehementer inclinabat, sed retardabat audaciam timor, & animum alioquin promptum metus morabatur. Quid ergo egit Petrus. Miserationis larvâ ignauiam suam tenuit, benevolentiam simulauit esse, quod erat timor, & metum suum amoris specie fucavit, ut inertiam suam, infirmitatemque inauraret, & accersito colore tingeret, atque ita tum benefactori suo, tum ijs, qui aderant, satisfecisse, & debiti officij partes expleisse putauit, cum suum pauorem occultauit. Hoc verò est, quod totum Christo stomachum mouit, ut indignabundus Petrum austerius haberet, & non secus ac dæmonem quendam repelleret, dicens: *Vade post me satana;* indicans eâ re, esse permultos in hac vita homines, qui sub specie obseruantiz, & officiositatis machinantur fallacias, velut Petrus fraudem struebat, ut miserari Christum videretur, qui sibi metuebat, cumque illum desitueret animus adeundi cum suo Magistro passionem, dolere vices illius simulauit, nec ob aliud Dominum suum à proposito itinere auocare conatus fuit, quam quod ipse ire Ierosolymam formidaret: *Vt Ierosolymam non ascenderet, orabat, quod Iudaorum minas formidaret.* Sunt nimirum actiones, quæ reuerentiam præseferre videntur, & à fraudulento animo veniunt, rechasque struant, & adorationis larua perfidiam sæpè obnubilit.

Cuius aliò vadit animi consilium, quam quod actio illius ire videtur, is similis est eius, de quo Philo Iudæus in lib. de vita Abrahamæ inquit: *Reperire licet aliquem, qui modicum depositum reddit magis se infidetur accipienti, quam se approbatâ suâ fide in modico inescatum capiat maiori perfidiâ.* Si quis alteri centum argenteos vel commodaret, vel gratuito munere donaret, non gratificandi studio, sed ut plura ab illo posthæc eblandiretur, idne amicè factum putari, & recenferi in beneficijs posset? Nequaquam, inquit Philo, quoniam quisquis versipellis tale quid agit, is piscatorium fallaciæ suæ hamum simulati beneficij specie tanquam escâ regit, & occultat, *se approbatâ suâ fide in modico inescatum capiat maiori perfidiâ.* Qui sic dat, magis inescat, ut capiat, quam commodet, ut beneficiat. Fides illa perfidia est, & fiducia illa proditio est, neque liberalitas est, sed auaritia. Sunt nimirum actiones, quæ cum ab amico pectore natæ videantur, à perfido animo proficiunt, & à malitia suam originem habeant, quæ à benevolentia descendere putantur.

Emarcuit candidum, & castum lilium, quod videre vehementer semper amarunt oculi Abrahamæ,

clausitque diem suum supremum Sara, quam ille efficitim deperijt, à quo uxorem accepit. Ut autem tam nobili thesauro dignum cimeliarchium procuraret, decentique loco inferret conchani, quæ pretiosam, & incomparabilem margaritam, animam, dico, sanctissimæ coniugis tlexerat, emēdi ab Ephron filio Seor agrī propositum concepit, & filios Heth ad illum submisit oratores, qui rogarent, ut non grauatē agrum pro sepultura venalem daret, pro quo iustum extemplō pretium persolvere vellet: *Pecuniā dignā tradat eam mihi*, inquit, Genes. 23. 9. Propius aberat Ephron, qui cū talia obsecrantes audisset, inquebat ad Abraham: *Nequaquam ita fiat, domine mi, sed tu magis auscultā quod loquor: Agrum trado tibi, & speluncam, quā in eo est, presentibus filiis populi mei, sepeli mortuum tuum*; velut amplioribus verbis dixisset: Suppudet me suprà quā dicere queam, & insignem mihi abs te irrogari ignominiam censeo, quod sic mecum agas, sciens quantū æstimeris ab omnibus, quotquot in hac regione degimus. Quale enim hoc est, quod pecuniæ pro agro abs te numerandæ meminisse voluisti, cū ego me longē maius beneficium accipere arbitrer, quod agrum meum admittis, quā præstare officiū quod illum dono offero? Quod ego copiosius facere luctum possum, quā si dignanter permittas, ut reculis meis tibi obseruiam? Hominum, quotquot mundus habet, felicissimum arbitror, quod fortunarum mearum aliquid tibi placere meruit. Ab hoc momento ergo sit tuus ager, quem cupis, ego illum lætantissimē dono, ut in mea spelunca tuam defunctam uxorem recondas. Extemplō ergo, si ita videtur, eam sepeli, ut illius mortuæ tumulus sit viua meæ felicitatis memoria. Quāquā talia ferē dixit Ephron, post longā nihilominus vrbānorum verborum concertationem acceptauit nimos, quos ipse etiam depoposcerat: *Abraham namque appendit pecuniam quam Ephron postulauerat, quadringentos sicanos argenti probata moneta publica*; ibid. v. 16.

Dubitet nunc aliquis, & dicat: Dū Ephron tantam argenti vim pro suo agro accepturus esset, quid est quod initio tam grandem generosā liberalitatis, & prolixi animi sui ostentationem facit, ut velut iniuriam putasse visus sit, quod Abraham illi pecuniā pro agro obtulit?

Hugo Cardinalis ait: *Id dicebat Ephron, ut magis posset extorquere*. Putatisne fuisse liberalitatem, quod Ephron fecit? Auaritia fuit. Et quod agrum grauitō obtulit, id non vera animi largitas, sed techna fuit, & simulata vrbānitas, quā obligare Abra-

hamum voluit, ut plures pecunias numeraret; Quemadmodū hic Aduocati, Notarij, Procuratores, causarum, Prætores agunt, quando ut plus numorum à litigantibus eliciant, operarum suarum mercedem illorum arbitrio relinquunt, faciuntque ex vrbānitate quæstum, ex ficta liberalitate lucrum, eā nimirum ratione miseris clientes obstringunt, ut ampliū pendant, quā iura exigant. Tantundem fecit Ephron, nam quod agrum gratis obtulit, hoc egit, ut carius venderet, *ut magis extorqueret*, & officiosa illa delatio ab animo diuitis compensationis cupido venit.

Fulcimentum huius doctrinæ bonum pessimum ille, & perfidiosus tyrannus Herodes fuit. Ingredebantur Ierosolymam tres illi pij, & sapientes Reges supremam maiestatem perquirentes, & dicentes: *Vbi est, qui natus est rex Iudaorum?* Matth. 2. 2. Simulac barbarus Herodes noua tam tristitia, & amara percepit, turbatus est, & lethali angore cruciari, totoque expauescere animo cepit. Arque ut sibiipsi faceret satis, & rem totam, qualis ea cūque esset, exploratē cognosceret, sapientes, & legis peritos quamprimū consulit. Horum responsum fuit, à Propheta iam olim prædictum, quod Bethlehem futura esset natalis locus Sospitatoris mundi, ex eoque oppidulo proditurus dux, & oritura lux populi Israël. Certior prophetiæ factus Herodes sanctos Magos ad se accersit, quos cū de tempore visæ ab eis stellæ percunctatus fuisset, iussit pergere, & studiosē inquirere puerum, quis ille, & vrbānam sit, & repertum sibi quamprimū indicare, dicens: *Ite, & interrogate diligenter de puero, & cū inuenieritis, renuntiate mihi*, ut ego veniens adorem eum. ibid. v. 8. & religiosæ obseruantię cultum humiliter illi, pro eo ac debeo, pendam.

Sancti Augustinus, & Leo Papa Magnus, venerabilis Beda, Haymo, Druthmarus, & Glossa in c. 2. Matth. cū secum reputarent maturationem Herodis, & inquisitionem, & sollicitudinem, & ingens studium, quo Magos ad capessendam celeriter viam Bethlehem versus perurgebat, quodque ab illis, utcūque se res haberet, certior fieri cupiebat, & se adorationis cultum recens nato puero exhibiturum affirmabat, si tamen talis esset, qualem Prophetarum vaticinia delinearent, sic ferē aiebant: Quis ea omnia videre, atque audire potuisset, neque simul cogitare, à religiosissimo, & pientissimo animo profecta hominis, qui pulcherrimam veritatis lucem vnicē, ardentissimēque cuperet videre?

Verū multō secūs res habet, nam malus dolus, & fraus,

& fraus, & mera impostura, & perfidiosa machinatio fuit, quidquid Herodes seu dixit, seu fecit, de quo Glossa ita: *Herodes deuotionem promittit, sed gladium acuit; malitiam depingens colore humilitatis, finxit se cultus, & verbis adorare eum, quem inuidâ mente cogitabat occidere.* O quàm simulabat infamis tyrannus adorandi noui regis cupiditatem, contorquens, ac submittens collum, attenuans vocem, attollens in cælum oculos, identidemque velut exanimatus suspirans, atque interim sanguinem innocentem intolerantissimè sitiens! Talia nimis, eheu, videri sunt mundo, qui plenus est Ephronibus, & Herodibus, hoc est, hominibus, qui pallio vrbauitatis contegunt falsum præstigijs coloris, & submissionis laruâ obnubunt animi sui rabiem, simulant humanitatis officia, & medicantur, adornantque maleficia, & proditiones.

Hoc agebant illi falsi ministri, de quibus Sanctus Paulus 2. Corinth. 11. 13. ait: *Erusmodi pseudoapostoli sunt operarii subdoli, transfigurantes se in apostolos Christi;* hoc est, personati quidam apostoli habitum ministrorum euangelicorum præferentes, diruunt, & euertunt Ecclesiam Dei.

At cur tales sunt simulatores, & subdoli? inquit ferè Sanctus Ioannes Chrysostomus. Nam si operarii sunt, quomodo ficti coadiutores Euangelij esse possunt?

Respondet ille homel. 34. in dictum locum: *Operantur, sed qua plantata sunt, euellunt, & pecunias non accipiunt, et plures accipiunt, et animas perdant.* Laborant, sed ut stantia deiciant, ædificare videntur, sed ruinas edunt, & demoliuntur constructa. Numos ne digito quidem extremo libare volunt, immò velut ignem fugiunt, hoc tamen magnâ arte fit, ut plures corradant. Videre quomodo nunquam defunt mundo, aut deerunt Ephrones. Sed illud maximè deplendum, quòd tales in Ecclesia Domini reperiuntur, in qua nisi nisi veritas, sinceritas, atque integritas inueniri debebat:

Subdolorum id genus, & versutiorum hominum veteratioris technas pernouerat Spiritus Sanctus, cum apud Syracidem aiebat: *Est qui nequiter se humilitat, & interiora eius plena sunt dolo;* Eccles. 19. 23. Græcus transtulit ista: *Est nequitiâ præditus, qui demisso capite atratus incedit;* & biblia Tygurina: *Et interiora eius ardent dolo.* Sunt qui lugubres vestes induti alios in mœrore positos deieciâ eernice adeunt, tanquàm eorum casus aduersos æquè ac ipsi doleant, & omnia viscera eorum tanquàm perfusa gaudio ridet, salbòq; in pectore ingens fallaciarum,

& fraudum ignis ardet, verum ita ardet, ut nullus se malitiæ, & imposturarum fumus per fenestras vultus effundat, qui tamen reconditissimarum passionum index, & proclamator esse plerumq; solet.

Pater Cornelius à Lapide ait: *Palarus* (est ille doctus eiusdem libri interpret) *censet Syracidem hæc scripsisse in aula Ptolomæ regis Egypti, vel alterius Principis, ubi cum vidisset, ac notasset submissiones, adgeniculationes, & tam varios gestus, & laudum encomia, quibus præsentis regum gratiosi extolluntur, & contumelias, quæ in absentes ore pleno euomuntur, dicebat: O cor humanum! ô perplexum, & inextricabilem labyrinthum! ô linguas! ô actiones! quis vos intelligat? Collineatis, ut quidem videtur, in scopum laudum, & in vituperationes contumeliasque iacula vestra feruntur. Ad magnam vos sæpè compositis obseruantiam erga eos, quos fuste commolitos, & exoscatos, aut palo confixos videre malletis. Harum rerum exempla passim & in mundo videas, & in libris sacris, ac profanis reperiatis, quæ si huc adferre omnia velim, finem dicendi nullum faciam.*

Contentissimus iam dictis, quibus coronidis loco adiungam id, quod nostro Patriarchæ cum rege Abimelech accidit. Monuimus supra, quòd Princeps ille Isaacum proscriptum ab aula, & regione sua relegauit, cum dixit: *Recede à nobis, quia potentior factus es nobis valde;* Gen. 26. 16. Obtemperauit ille iussioni regis, mutansq; locum alium ex alio peruenit in Bersabee, ubi apparuit ei Dominus, qui illum consolatus præcepit magno animo ferre exilium, nec quicquam timere ob eam expulsionem, quem ipse benedicere, hoc est, magnum in modum locupletare, & brachij sui omnipotentia tutari, & auxilio suo roborare, & confirmare vellet. Factum est autem, ut illum post nonnullos dies inuisum veniret Abimelech cum magno aulicorum, & procerum comitatu. Excipit Isaac regem, cateruamq; illius asperiusculè, his subacidis verbis eos appellans: *Quid venistis ad me, hominem quem odistis, & expulsi estis à vobis?* ibid. v. 27. At ij responderunt: *Vidimus tecum esse dominum, & ideo nos diximus: Surrexerunt inter nos, & inuicem fecimus;* ibid. v. 28. videlicet quantis à Deo beneficijs affatim cumuleris, tantis tamen non obruaris, eamque ob rem inuolabilis amicitia perpetuo nexu copulari tecum cupientes huc accessimus.

Verumne fuit, quod Abimelech, & gratiosi eius dicebant? An fortè aliud interior illorum animus reconditum seruabat? Et Abimelech regis visfratropi

tioni nonne plus malitiæ suberat, quàm præferebat? Omnino ista officiosa, ut videbatur, conuentio recto plena erat dolo, inquit Philo Iudæus, & Procopius Gazæus: Quando Abimelech cum suo comitatu egreditur ad Isaacum, magis speculandi animo id facit, quàm gratiæ pangendi fœderis, bello scilicet, paci, paratum, bello, si Isaacum impotentiorum cerne-
ret, paci, si deprehenderet potentiorum. Simulauit amicū Abimelech, quādo exploratorem egit. Venire visitatum pro obseruantia videbatur, reuerā autem speculandi animo, atque ut incommodaret, si occasio ferret, veniebat.

Omnia ea huc spectant, ut Politicus noster caute, circumspectè que viuat, nec omni spiritui credat, nec se moueri quibuslibet verbis, fictisque ad reuerentiam gestibus, & consalutationibus, & visitationibus sinat, neque exterioribus speciebus nimium fidat, officiorum enim verborum mella multo felle mixta esse solent, & assentationis vagina gladium proditiōis tegit, & sæpè qui deosculari velle manus tuas simulat, videre combustas mallet. Amare omnes debemus, & tunc possumus, credere omnibus neque securum, neque commodum. Quis de rege cogitasset, quod tam fucato animo amicitiam deposceret? Si etiam in regibus sunt imposturae, & doli, quis aliorum non affluet malitia? Si ij, qui aliena ope vix indigent, alii sese tegunt, ac vestiunt, quid non præstigarum machinabuntur alij, qui humiliori loco nati non tantam habent à suis natalibus ingenuè agendi obligationem?

Pepigerunt ergo fœdus Isaac, & Abimelech, idque iuramento, ut religiosius, ac pertinacius obseruaretur, sancierunt. Sed hac in re monuit textus sacer, quod *surgentes mane iurauerunt sibi mutuo*; Genes. 26. 30. Sed cum eis Isaac apparasse conuiuium feratur, cur non secundum mensam, & à poculis mox abierunt, ut se iuramento inuicem obstringerent?

Respondet Nicolaus Lyranus, fecisse hoc *saluā ieiunā*, propter reuerentiam iuramenti. Cum iuramentum sit actus religionis, siue patriæ, in quo Deus testis adhibetur, altissimi Domini suprema auctoritas interponitur, nonnisi reuerentissimè fieri

debet. Vtinam hanc doctrinam omnes callerent, & fixam animo retinerent, quod si fieret, non tam prone, crebroque huius austeri, & infelicitis sæculi homines iurando delinquerent, neque Deum, qui hoc indignissimè fert peccatum, tam grauius offenderent, & irriterent. Nam ut Alexander Imperator apud Christophorum de Salazar in illustrat. Fab. Piram, & Tisb. num. 94. ait, *iurandi contempta religio satius Deum Silem habet*: Cum enim in iuramento Deus accersatur testis, & immensa supremi Monarchæ auctoritas tanquàm conscia veritatis adducatur, palam est quod graues læsæ summæ maiestatis pœnas dabit, quisquis vel fidem, ut debet, non seruauerit, aut per contemptum, præcipitanterque, & inconsideratè iurauerit. Eapropter sit attentus Politicus noster, ut videat, quomodo augustissimi illius imperatoris Dei altissimum nomen, quando iuramentum est editurus, assumat, ad cuius aspectum terra, cœlum, ipsi etiam ardentissimi, & sublimissimi spiritus Angelici contremiscunt.

Sed iam tempus contrahendi vela dissertationis, & conuiescendi ab officio doctrinæ, & labore institutionis. Politicum autem nostrum ad partem secundam remitto, quæ completitur actus, & virtutes inelyti Patriarchæ Jacob, ubi ad lucem tam magnæ, & præstantis sanctitatis Indiæ se nobis patefacient nouæ moralium, & vtilium documentorum ad meliorem diuinæ eruditionis directionem.

Prius tamen, quàm hinc abeat studiosus Politicus, ut leuior illi accidat lectionis labor, & impolitorum discursuum meorum rudes lineas facilius percurrat, & respiret etiam nonnihil, ferculum illi vnicum solum apponam, sed tale, in quo summam omnis boni inueniat, & cibum, qui cælo, ac terrâ præstet, cum sit ipse omnipotens omnia maximus Deus, qui rectus speciebus panis, & vini hominum esui, & yfui exhibetur. Confirmet, corroboret, conducat tam sublimis Dominus timidam debilis calami mei nauiculam, quæ se in medium alti maris æstum coniecit, & profundissimam abyssum, immensumque pelagus sulcare audet.

LIBER NONVS.

CAPVT I.

ACTVS SACRAMENTALIS

FOELICISSIMA DECEPTIO.

AUTHOR
DOCTOR ANGELICVS
AMPLIFICATOR

R^{mus} D. P. Didacus Nissenus.

PERSONÆ DRAMATIS
ISAAC & REBECCA
IACOB & ESAU.



Vhic studiosæ lucubratiōis meæ labor suo negotio, quomodo veri Christiani solent, defungatur, & sine concludatur Catholico, habeat sibi pro viatico cibum æternum, escam superflua, animarum antidotum, alimoniam salutis, bellaria immortalitatis, cordis roboratiōem, & consortium miseræ huius peregrinatiōis. Atque ut initium faciam dicendi de hoc viatico, quod per excellentiam mysterium fidei vocatur, eò quòd sit omnium mysteriorum quædam velut summa & cōpendium, ab eo, quod postremum inclytus Patriarcha noster Isaac egisse memoratur, exordiar.

Narrat ergo sacer Historicus, heroicum hunc progenitorem in tam longæuam, decrepitamque senectutem vixisse, ut lumen oculorum illum omne destituerit. Cum hanc ob causam inexorabilis Patris fatalem ictum, mortem, aio. vicinam opperiretur, aduocauit filium suum Esau, iussitque sumere instructam sagittis pharetram, peragrarè campos, syluasque, & indagare feras, & quidquid venatu acciperet, id in cibum aptare, quo illum libentius vesci nosset, tum in vicem expectare benedictionem patris amplissimam, eiusdemque ad Deum preces supplices, quibus enixè obsecrare vellet, ut is plura etiam filio concederet, quam optare, & precari pater

Tom. III.

ausus fuisset. Intellexit Rebecca, quid meditaretur Isaac, indicauit filio suo Iacob, ac videns opportunam sese offerre occasionem, quâ illud diuini oraculi pronuntiatiū: *Mayor seruiet minor*, re ipsâ perfici posset, quoddam animi sui consilium cum Iacob communicauit. Iacob ut erat prudens, & sagax, ita nonnihil tergiversabatur, & obstitabat, mater verò, quæ filium suum augete cupiebat, & incrementorum illius auidissima erat, diluebat, quotquot ille obieciabat, difficultates, magnæque studio accurabat omnia, quæcunque ad perficiendum rem, quam moliebatur, spectare putabat. Esau valde hirsutus, ac villosus erat, talisque ab utero matris prodierat, Iacob econtrâ lenis, manibus teneris, & collo, totoque corpore mollicello, manus verò, collumque partes erant, ex quarum tactu Isaac cernere animo poterat, quod videre oculis nequibat. Occurrit his incommodis argutula mater, inquit, dum pelliculis modò hædinis obuoluit manus, & colli nuda tegat, & vocem premat, submissusque loquatur, fieri posse, ut non tantum nihil sinistrum pater suspicetur, verum etiam ipsum esse Esau facile credat. Persuasit industria mater filio tam solerti suâ machinatione, qui omne illius consilium audacter, atque animosè in opus explicauit. Venit ergo ad patrem cæcū, à quo interrogatus, nū ipse es-

fff

set

ter primogenitus Esau, respondit esse. Sciscitabatur, iterum parens, quomodo intra pauculas horas & reperire ferinam, & condire, & apparare eiui, & inferre mensæ poruerit. Occurrit ille nouæ quæstioni, dicens, cælo benè fauente factum, ut vixdum egresso velut in manus inciderit, vnde patri grata fercula extemplo adornaret. Nondum satis fidebat Isaac, prouocansque ad tactum manibus manus illius explorabundus palpabat, & subasperas, quales erant Esau, sentiens, aiebat: *Vox quidem, Vox Iacob est, sed manus, manus sunt Esau*; Gen. 27. 22. Tunc iussit venerabilis senecio inferre cibos, cumq; pro necessitate comedisset, ac bibisset, persuasumque sibi haberet, esse illum suum primogenitum, qui vixdum tam & studiosè parasset, & officiosè ministrasset, tenerimè eum complexus affectu ossifimè osculabatur, fragrantiamque vestium hanc ad rem præparatarum olfaciens, aiebat: *Ecce odor filij mei, sicut odor agri pleni, cui benedixit Dominus. Des tibi Deus de rore cali, & de pinguedine terræ abundantiam frumenti, & vini, & seruiant tibi populi, & adorent te tribus, esto Dominus fratrum tuorum, & incurruentur ante te filij matris tuæ, qui maledixerunt tibi, sed ille maledictus, & qui benedixerunt tibi, benedictionibus repleatur.* ibid. v. 27. 28. 29. Hic finij suam benedictionem sanctus Patriarcha, à quo vixdum digressus fuerat Iacob verus primogenitus paternarum benedictionum, & legitimus hæres facultatum illius omnium, quando aduenit Esau, qui solum nomen primogeniti habebat, costosque de venatione intulit, & obtulit patri cibos, mutuam pro eis benedictionem efflagitans. Mirissimum seneculo accidit, quod supplices illi alius statim pro benedictione tenderet manus. Quare sciscitatus, quisnam ille esset, cum audisset, *Ego sum filius tuus primogenitus Esau, expaui stupore vehementi, & ultra quàm credi potest, admirans, ait: Quis igitur ille est, qui dudum captam venationem attulit mihi, & comedi ex omnibus prorsus quàm tu veneris?* ibid. v. 32. 33. Remedium infelicitati tuæ, nullum iam reliquum, Dei haud dubium prouidentia factum, ut à fratre tuo præoccupareris, benedixitq; ei, & eris æternum benedictus. Audiens ille constanter decrepiti patris sententiam, irruerit clamore magno, ut famelicus in syluis leo solet, cum prædam, quæ esuriem suam leuet, non reperit. Non destitit tamen à precando, sed maiorem in modum identidem rogauit, ut & ipsi benediceret. Qui ait: Venit frater tuus tuis vestibus, sed suis fraudibus etiam magis reclusus, nomenque tuum mentitus, & similitudinem simulans, tuam tibi sur-

ripuit benedictionem. Et ille: O quàm aptè cadit in fraudulentum istum fratrem meum sua Iacobitis, hoc est, supplantatoris appellatio! *Supplantauit enim me en alter à vice, primogenita mea ante tulit, & nunc secundo surrepsit benedictionem meam;* ibid. v. 36. At quanquàm hæc ita sint, nonnè & mihi reseruasti benedictionem? Respondit miseratione commotus pater: *Dominum tuum illum constitui, & omnes fratres eius seruauit illum subiugauit, frumento & vino stabiliuit eum; & tibi posthac, fili mi, & ultra quid faciam?* ibid. v. 37. Nihilominus tot lachrymas ferus Esau fudit, tam longa, ægraque suspicia eraxit, tamque diu, ac vehementer ingemuit, ut demum emollierit animum patris, qui talibus verbis ei benè precatus fuit: *In pinguedine terræ, & in rore cali desuper erit benedictio tua. Vives in gladio, & fratri tuo seruires; tempusq; veniet, cum excutias, & soluas iugum eius;* ibid. v. 39. 40. Sic ille abiit, sed animo tam irato, & percito, tantamque per liuida labia efflans rabiem, & desumpens choleram, ut cum iuramento diceret, grauiter istam à fratre acceptam, grauiter vindicare ferro, ac flammâ velle iniuriam, quàm primum è viuis abisset pater, nec persequendū finem ante facere, quàm illum exanimalem fecisset, tamen totus mundus repugnaret. Intellexit Rebecca sanguinarium barbari fratris consiliū; & truculentum propositum, ac propterea suum Iacob hortata fuit, ut cederet furori, & cum patris sui benedictione in Mesopotamiam concederet, quod ut facilius persuaderet, multa ei suggessit. Hoc primum, quod tantisper absens rabidi Esau furorem declinaret. Alterum, quod non diuturnum futurum esset exilium. Tertium, ne exilium quidem fore, cum ad auunculi sui Laban conuictum pergeret, à quo amanter excipiendus, & dapnoliter, honorificeque habendus esset, interim rediturum fratrem ad mentem pacatiorem, & æquiorē, sedandam illius iram, extinguendam rabiem, & tempus, quod rebus omnibus adferre remedium solet, curaturum omnia, denique opatum finem habitura, quæcunq; optimus pater extremum benedicens precatus esset. Placuit matri consiliū filio, quæ & marito dicebat, cedere illam vitæ suæ propter filias Heth, plurimasque mortes oppetere malle, quàm Iacobem vel vni earum matrimonio iunctam videre. Hac industria rebus omnibus prudens matrona prospexit, nam & filij vitam sospitauit, & maritum permouit, ut filium volens, libens dimitteret, qui suâ absentia si non magnum lucrum faceret ingens tamen malum euaderet. Acquieuit itaque Isaac uxori, & eò filium ab-

legauit,

Iegauit, quò illa iam destinàrat, eique & benedixit, & hoc simul grauissimè præcepit, ne quam Chanaanem coniugem vaquam acciperet, quòd ex eiusmodi connubijs plurima, & maxima incommoda nasci solerent. Inijt viam Iacob solo benedictionis paternæ viatico instructus, nisi quod & gemmarum, quas mater in abeuntis filij collum vbertim efflebat, copiam non qualemcunque secum ferebat. Hic finis operum, quæ de Isaac quidem sacra historia narrat, qui tamen annos posthæc tres suprâ quadraginta vixerit, factum tamen vitæ illius sanctæ singulare aliquod nullum memoratur. Id solum de illo beatis- simus Moyses refert, quòd ætatis suæ centesimo octuagesimo viuere inter mortales desiit, parentisq; illi permagnificè, ac sumptuosissimè à superstitibus filijs, Iacob & Esau, fuit.

Memorabilissima res est, occultissimæque, & reconditissimum sacramentum hæc furtiua, & mystica benedictionis surreptio, quam sancti Patres plurimum celebrârunt, & docti Expositores diligentissimè expenderunt.

Quòd benedictio Isaac, quam filio suo Iacob impertijt, contineat mysticam, & viuam præfigurati- onem augustissimi, & diuinissimi sacramenti eucharis- tici (in quo sacrosanctus cibus, & potus speciebus panis, ac vini rectus exhibetur) id communis sententia Doctorum habet, in quibus sancti Hierony- mus, Ambrosius, Augustinus, Gregorius, Beda, Isi- dorus, Damascenus, Chrysostomus, vtræque Glossa, Ioannes Cluniacensis, & Theodoretus, qui q. 81. in Genes. sic habet: *Frumentum, & Vinum sunt an- gmata diuinorum mysteriorum.* Frumeti, seu panis, & vini affluentiam precatus est Isaac suo Iacob, ea verò elementa sunt repræsentationes mysteriorum sacrosancti sacrificij altaris.

Doctor Angelicus docet, totum illud mysterium, quod diximus, admirabiliter delineatum, ac viuè expressum fuisse in opere, progressu, & circumstan- tijs mysticæ illius benedictionis, quæ instar cuiusdâ Actus fuit, in quo Isaac, & Rebecca, Iacob, & Esau repræsentârunt, quidquid nos de illo maximo sa- cramento credimus, & sentimus. De hac re sanctus Thomas Opusc. 58. cap. 7. sic ait: *Sciendum quòd in illa figura dominici corporis quatuor erant persona.* Prima Isaac corpus humanum cum suis sensibus, se- cunda Rebecca animam, tertia Iacob verum corpus Christi, quarta Esau substantiam panis significabat.

Titulus huius Actus esse potest, FELICISSIMA DECEPTIO. In diuino enim hoc Sacramento sen- sus omnes, si vnum excipias auditum, falluntur:

Nostri sensus pie sunt decepti, præter auditum, & sic fides ex auditu tantum, & non ex visu, vel alijs sensu- bus, auditus autem per Verbum Christi, inquit iterum Doctor Angelicus.

Quòd autem optimus Deus tales dolos adornat, sensusque nostros ad eum modum fallit, vt aliud o- doratui, gustui, tactui, visui, offerat, aliud esui, & vsui nostro exhibeat, hoc facit, vt immensum suum ergà nos amorem talibus tam manifestis inditijs pro- dat. Sic apud Oseam, cum animam quandam ex tur- bulenti sæculi tumultibus, & strepitu solitudinum huius vitæ in solitudinem, vbi iucundam in amœna quiete vitam ageret, transferre, mutuâque consue- tudine cum illa sese oblectare suauiter vellet, inquit: *Ecce ego lactabo eam, & ducam eam in solitu- dinem, & loquar ad cor eius;* Ose. 2. 14. vbi boni Interpretes, Guadalupe, Castro, Sanchez, Ribera, Cornelius, aiunt, *lactare* idem esse, quod fallere, circumuenire, decipere, quod Castellani dicunt, *dar papillas*, siue exhibere papulas, & præbere vbe- ra. Quod itaque Dominus apud Prophetam ait, vel- le illam lactare tantundem est, ac si diceret, vel- le eam vt in solitudinem secedat, circumuenire ad modum, quo ludificare nutrix infantem, quem e- ducandum suscepit, solet. Quot technis, & artibus vi nutrix consuevit, vt lactentem suum ad medici- nam, quam refutat, & horret, hauriendam adducat! Quàm sagaciter illum circumseribit, vt potionem ore prompto admittat! Hæc fraus tam nihil habet vi- tuperabile, aut damnabile, vt etiam plurimum cõ- menderetur, & probetur. Itaque ex quadam iuris re- gula non omnis dolus malus, & improbandus, sed quidam etiam bonus est, qui laudem mereatur. Vi- dere hoc licet, in illo vario astu, ac tam multis strata- gematis militaribus, & machinationibus bellicis, quæ fallaciæ quidem sunt, ac quò tamen subtiliores, & vtiliores, eò magis plausibiles, & laudabiles.

Hic ergo in altissimo hoc mysterio quatuor de quinque sensibus fraudem patiuntur. Purant oculi videre panem, & falluntur. Si gustus, si tactus, si ol- factus sententiam requiras, omnes pariter contesta- buntur, se quantum de rebus istis iudicare possunt, arbitrari nil nisi panem, & vinum esse, quod tangit, gustant, odorantur. Verùm auditus, qui melius do- ctus est, arguit illos, & in errore versari ait, quòd e- nim ijs speciebus tegitur, caro vera, & viuus ipsius- met Dei sanguis est, de pane autem, & vino nihil re- liquum, nisi eorum accidentia quæ corpori, & san- guini dominico pro velo sunt. Quænam autem se- licior, beatorque deceptio esse potest, quam eius,

qui cum palpare panem existimat, Deum intus abs-
consum inuenit, & cum haurire vinum putat, colo-
re, odore, saporeque eius opertum bibit sanguinem
sui Creatoris? Fortunatus proinde est, quisquis ta-
lem fraudem patitur, multoque amplius, quam ille,
qui reijciculum vitrum accepisse arbitrat, & ada-
mantem inestimabilis pretij accepit, siue incompa-
rabilem auri vim domi reperit, cum persuasum sibi
haberet, vile æs, aut ferrum esse, quo donatus fuerat.

Dicere quis possit, videri hic expletum illud Isa-
iæ cap. 6. v. 16. 17. *Scias quis ego Dominus saluans
te. Pro aere afferam aurum, & pro ferro afferam ar-
gentum, &c.* Quam fortunati tali commutatione
sunt sensus humani, qui absque omni sensu possunt,
ac debent eam tolerare fraudem, quâ fit, ut accipiant
aurum sacratissimi Corporis Christi, quando puta-
bant solum æs panis materialis coram habere! Quæ
maior illis beatitudo accidere, quæ fortuna aridere
beneuolentior potest, quam quod pyropum sangui-
nis dominici consequuntur, ubi durum vulgari vi-
ni ferrum accipere existimabant? Gratulentur pro-
inde sibi mutuo sensus de tam felici deceptione, si-
mulque & gratulentur, & gratias agant auditui, qui
cum ipse sit rectè de hoc mysterio eruditus, etiam
ipsos monet, ac docet, summum bonum esse quod
sub rudibus illis specierum cortinis occultum la-
tet.

Merito ergo hic Actus à nobis appellatus est
FELICISSIMA DECEPTIO, neque enim Deus si-
milis est mundo, qui promittit aurum, & ne quidem
æs dat, pollicetur argentum, & vix ferrum præbet,
propinat voluptates, & sunt amaritudines, offert
calicem inauratum, sed potu non alio, quam vene-
no mortifero confertum. Hic verò infelix, & perni-
tiabilis est deceptio, ubi mors inuenitur, cum vita
queritur, petitur panis, & datur gladius, expetitur
theriaca, & bibitur toxicum.

O quam miseror ærummosos mortales, quibus
cum malo dæmone, & mundo semper accidit, quale
quid Iacobi cum Labano euenisse sacrae literæ pro-
diderunt! Postquam ille socero suo septem ex or-
dine annos sedulo, fideliterque seruierat, plurimum
que & defatigatus fuerat, & sudârât, & temporum
iniurias graues, crebrasque tolerârât, iamque venu-
stissimam, & ardentissimè expetitam Rachelem pro-
nauata tam diu, ac diligenter opera, & pro omnibus
exanilatis molestijs coniugem expectaret (quæ il-
li ex stipulatione, & pacto inito pro septenni famu-
laru debebatur) & tam dulci fructu amarissimorum
laborum se fruiturum putaret, *seipere*, Laban *filiam*

suam Liam introduxit ad eum, Gen. 29. 23. tenebra-
rumque adminiculo ad suas officias vsus, turpem,
& quam paucior natura parum ornârât, formosissi-
mæ, elegantissimæque Rachelis loco supposuit, qua-
cum dum exegisse noctem Iacob existimauit, à de-
formi deceptus fuit. Quid hæc sibi volunt? Quid
boni nuclei morales institutionis sub hõc cortice la-
tet?

Benedictus Fernandus pius, ac grauis author in
illud cap. 29. sect. 11. num. 4. ait, factum hoc in ty-
pum *caedemonis, qui nobis aurum praripit, & lutum
præbet, margaritas auferit, & sordes ingerit*. Huc
omnia consilia, & studia inimici nostri mortalis va-
dunt, ut quemadmodum Laban Iacobi pro Rachele
pulchra lippam, hoc est, oculorum decentissimo or-
natu ab iniquiore natura destitutam Liam dedit, sic
ille nobis quidquid pretiosum adimat, & vilia red-
dat, rigentes auro vestes detrahat, & rudes, lacerosque
pannulos reponat, vitam auferat, inferat mortem.

Consequenter ad ista dicit Guilielmus Ebroicen-
sis in eorundem verborum expositione: Reuerè
quotidie videmus, quòd ille, qui seruit mundo,
nunquam peruenit ad bonum, quod ab eo speratur,
quinimò communiter fit, ut cum mundus arri-
dendo bona promittit, reddat mala. Ecce quomo-
do mundi dilectores turpiter decipiuntur, ideò me-
rito possunt dicere illud Isaïæ 59. 9. *Expectauimus
lucem, & ecce tenebra, splendorem, & in tenebris
ambulauimus*. Hæc verò, hæc probrosa est, & da-
mnosa circumuentio, quando Rachel, siue magna
voluptas, & prosperitas ab impostore mundo pro-
mittitur, & deformis Lia pauperiei, & infelicitatis
datur.

Non sic æternitatis Princeps Deus. Piè ille nos
decipit, & quòd nos circumferibit, id magno bono,
& commodo, & incremento nostro fit. Quando e-
nim manus panem palpare existimat, Carnem Filij
Dei tractat, cumque vinum habere ob oculos putat,
sanguinem sui Creatoris habere præsentem fides di-
ctat. Expectabat tenebras, & ecce lucem, arbitra-
batur esse carbonem, & offendit adamantes, pulue-
rem existimabat, & fruitur auro. O felicem deceptio-
nem! Ô gloriam hominis, qui tali domino seruit.

Repræsentat ergo Isâac corpus humanum, animâ
Rebecca. Et causa subest, cur in hoc actu vir perso-
nam corporis agat, inquit Angelicus Doctor ubi su-
prâ: *Quia magis solet esse manifestus, & exteriori-
bus plus intendit*. Vir, siue paterfamilias exteriora
negotia cum priuata, tum publica curat: Itâ cor-
pus circâ externos sensus occupatur. Rebecca ani-
mam

nam refert, quæ est velut mulier: Quemadmodum enim in benè instituta domo, vbi iusta æconomia ratio habetur, mulier domestico exerceri labore, & necessitatibus familiæ interstinis prospicere, ac sub tecto morari debet, iuxta illud Prophetæ regij, *Psalmus 127. 3.* Sic hominis Christiani anima hominem curare, moderari, regere debet interiorem, & rempublicam eius rectè gubernare, & quietas seruare illius potentias, ac sensus pacatos.

Esaü, quem Isaac, siue corpus amabat, (quæ de venatione eius, cibisque comedeat,) repræsentat in hoc actu substantiam panis cum suis accidentibus, colore, sapore, quantitate, & cæteris. Ità sanctus Thomas iterum. Quam sapienter sunt distributæ personæ! Quam iusta amoris pondera, quibus in id quæque permouentur, quod diligunt! Isaac significans corpus, amabat Esaü, qui panis figura erat, Rebecca personam agens animæ effictum diligebat Jacob, qui Christum repræsentabat, corpus materiæ panem prosequatur, anima spiritalis spiritali amore Christi tenebatur. Ita vero verius est, quod Spiritus S. ait Ecclesiæ 12. 19. *Omne animal diligit simile sibi*; columba columbæ amat consortium, cū turtur turtur volat, sic & bestijs alijs nullus gravior, quàm brutorum sui generis conuictus, & homo iucundissimè cum ijs commemoratur, cum quibus habet non naturam modò, verum & patriam, & linguam vernaculam, & vitæ, officiorumque professionem communem.

Et notandum, inquit Doctor Angelicus, quòd cum Isaac (qui repræsentat hominem exteriorem, siue sacerdotem sacrificaturum) benedicit Iacobi, (qui figura est corporis Christi, quod in hoc sacramento consecratur) non adest Esaü ipse, qui panem significat, sed tantum similitudo quædam illius, putà vestitus, odor, pellès, villus, quibus indutus fuit Iacob, & cibus, eiusque sapor, quibus ille usus. Hic verò sensus omnes Isaac, præter vnum illius auditum, fuerunt delusi, cum enim Esaü habere præsentem arbitratetur, sola illius vestimenta, fragrantiamque coram habuit, quibus tegebatur Iacob, qui solum exteriorem quandam speciem Esaü referebat, & personatus tantum Esaü, verus autem Iacob erat: *Ibi later Iacob gelatus, id est, Corpus Christi tectum*, inquit Magister sacri palatii Ecclesiæ. Idem in hoc augustissimo sacramento accidit. Putant oculi videre panem, & falluntur. Sic & gustus fallitur, quia panem existimat id, quod panem tantum sapit. Fal-

litur & odoratus, quia panem olfacere arbitrat, & non est ita. Solus non fuit deceptus auditus Isaac, nam quando dixit. *Vox quidem, Vox Iacob*; tam non errauit, quàm propria illa Iacobis vox erat, quam audierat: *Nihil verius*, dicit sanctus Doctor, quàm quod tunc Isaac affirmauit. At cum ait: *Manus vero, manus sunt Esaü*; falsissimè dixit. Similiter si ego dicerem, *sacramentum, quod tango, substantia est panis, nihil falsius dici posset*, inquit diuinus Doctor, nihil magis repugnans fidei, & hæreticum. *Vox Christi dicentis est: Hoc est corpus meum. Nihil verius*. Post verba enim consecrationis, sola manent ibi vestimenta Esaü, quæ repræsentat substantia panis, panis autem sola reliqua manent accidentia, odor videlicet, color, sapor, quantitas, & cætera, quæ pro stragulo sunt Domino supremo, qui sub illis occultus latet. Hoc sentire, & confiteri debemus non de corporis modò, verum & de sanguinis mysterio, vini enim substantia post consecrationem desinit esse, solaque relinquuntur illius accidentia. Qui contra ac hoc Actu repræsentatum, sentit, illum sacrosancta Tridentina Synodus fulmine anathematis ferit, & sacrum Inquisitionis tribunal, si contumax in errore persistet, pyre impositum vindictibus flammis exurit, atque ab igne temporario in æternum transmittit. Hoc itaque articulo subnixi prosequamur capitula reliqua.

CAPVT II.

Vt cumulatorem ex hoc diuino sacramento fructum referas, multum interest vt affectu ante præcipias, quàm accipias effectum.

Sacrosanctum Concilium Tridentinum, quod tam sublimiter de hoc augustissimo, & diuinissimo Sacramento ex doctrina veterum Ecclesiæ Patrum loquitur, monet, docetque, tres esse illius sumendi modos. Sessione 13. cap. 8. de hac re sic habet: *Quoad sum autem rectè, & sapienter Patres nostri tres rationes hoc sanctum sacramentum accipiendi distinxerunt. Quosdam enim docuerunt sacramentaliter duntaxat sumere, & peccatores; Alios tantum spiritaliter, qui voto illum celestem panem edentes fide viuam, quæ per dilectionem operatur, fructum eius, & utilitatem sentiunt: Tertios porro sacramentaliter simul, & spiritaliter.* Ante omnia loquamur de suscipiendi modo secundo, vt dispiciamus, quanti referat. Christum eo modo ante sumere, vt ad inexplicabilem felicitatem eorum, qui tertio modo accipiunt, posthæc pertingamus.

Omnes promiscuè, communiterque patres, & magistri spirituales docent, plurimum referre; Dominum in hoc sacramento spiritualiter sumere, corporique & sanguini eius vobis, ac desiderio communicare, ut hæc tam vili præparatione ante exculti vberior, auctiorque gratiæ fructum adipiscamur, quando verè, ac realiter cæleste hoc conuiuium adimus.

Vidimus iam suprà, quòd Patriarcha noster Isaac, postquam à rege Abimelech recessit, *rursum fodit alios puteos, quos foderant serui patris sui Abraham, & quos, illo mortuo, olim obstruxerant Philisthim;* Gen. 26. 18.

Quæri potest, cur sanctus Patriarcha noster potius instaurare, & reficere patris sui puteos veteres voluerit, quam effodere nouos, cum terra illa, quod pono, fossioni tali commoda fuerit. Quid illum mouere potuerit, ut ad illos recurrere, quam inquirere alios maluit?

Respondet Abulensis in cap. 26. Genes. veteres repurgare puteos maluisse, quòd *terra illorum, quæ olim defossa fuerat, tenerior esset, & facilius, leuiusque cederet ligoni, ut minore labore rursum extrahi posset, quæ semel eruta fuerat, citiusque adeò inueniri aqua, prima enim fossio secundam faciliorem reddebat, humumque ipsam faciebat penetrabiliorem, & aptiorem renouationi.* Tale quidpiam in re præsentem dicere possumus. Si quæramus, quamobrem nonnullorum ad has sacras epulas adeuntium tam sit exigua deuotio, tam rarus fletus, tam modica cordis teneritudo, cum alij hunc diuinissimum cibum cum gemitibus suspirijs, cum flagrantibus affectibus, & magnâ lachrymarum exundantiâ, & ardentissima charitate accipiant: Ea proxima occurrit responsio, quod ut Isaac prudenter ratus fuit, ibi facilius fodi posse puteos, & reperiri aquâ, ubi semel effossi putei, & nouæ fossioni terra per veterem fuerat aptata; sic eos, qui ante spiritualiter communicantes, altâ consideratione perpenderunt, quam sit ingens beneficiû, quam incomparabilis gratia, quòd Deus seipsum alimoniam animarum facit, & comedendum præbet, taliumque meditationum ligone terram cordis sui prius semel, iterumque foderunt, promptas (cum sacram synaxin re ipsâ adeunt) reperire lachrymas, paratiorem inuenire deuotionem, tenerius affici animo, vehementius inardescere affectibus, inflammarî charitate, & toto flagrare pectore: *Quòd terra illorum putrescit, quia olim defossa fuerat, tenerior esset, & facilius.* Spiritualis nimirum horum diuinorum mysteriorum præceptio plurimum huc con-

ducit, ut nobis comparemus eam animi teneritudinem, quam actualis perceptio efflagitat.

Huc respiciēbat sanctus Gregorius Nyssenus in Orat. aduersus eos, qui differunt baptismum, quando aiebat: *Desidera cibum, qui confirmat animum.* Si cupis abundantiores fructus, diuitiarum spiritualium copias maiores, & locupletiores thesauros ex hoc supero epulo referre, quod magnû animabus robur addit, auidè illud ante concupisce, desiderio, & affectu præsume, & toto spiritu te ad sacram cænam præpara, sic enim fiet, ut cor affectuoso illo desiderio leuiter ambum facilius affectu ignis diuini amore, quancumque cibum illum cælestem opere acceperis. Tu igitur, qui magnam inde vilitatem expectas, & ex illa diuinissima esca plurimum crescere, & proficere cupis, *desidera eam, præmunde spiritu, præsume auiditate, præcipe affectu, & ardentem, anxietate ante suspira, quam suscipias, & videbis quantos fructus cumulabis, quamque ingentes thesauros in ætarnum animæ tuæ comportabis.*

Quando Dominus voluit tribus illis regibus Magis sese manifestare, stellâ, quod ex sancto Euangelista Matthæo nouimus, ad eam rem vsus fuit, quod ipsi confessi dixerunt: *Vidimus stellam eius in Oriente, & Venimus;* Matth. 2. v. 2. Christus est sol iustitiæ, quo nomine illum diu ante, quam natus esset, donârât Propheta Malachias cap. 2. ver. 2. dicens: *Orietur Solus iumentibus nomen meum iustitia, & sanitas in pennis,* hoc est, radijs eius. Quam pulchrè, & opportunè de his sanctissimis regibus canit Ecclesia in hymno Vesperarum Epiphaniæ: *Lumen requiritur lumine, Deum satentur munere.* Quòd autem lumine lumen requisierunt, hæc illis diligentia tam prosperè cecidit, ut à præuiæ stellæ luce ad ipsû Solem felicissimo itinere sint perlati. Sic enim habes apud eundem Euangelistam ibid. v. 11. *Et inuenerunt puerum cum Maria matre eius, & proclinentes adorauerunt eum.* Solem in fulgentissima sphaera beatissimorum brachiorum Virginis omoiū sanctissimæ, & intaminatissimæ repererunt, hominemque, regemque, Deumque illum salutârunt, & toto corpore terræ affusi venerati sunt. Nam ut erant astrologiæ admodum periti, sic in stella nulli eatenus visa, in corpore tam nouo, & admirabili videre sibi videbantur, quantus rex esset, à quo vocabantur, qui tam illustrem famulum viæ ducem ad eos accersendos misisset. Propterea dicit Ecclesia in Officio festi Epiphaniæ illos apud se tale quid definiisse: *Hoc signum magni regis est;* velut dixissent: Qui talem tam, subito facere ministrum nouit, ille haud dubium

bium potentissimus rex est. Qui sic extemplo, ac derepente tam raram, splendidamque, & prodigiosam stellam conficit, nō ille sol est rarus, & exquisitus: Primæ lucis, & stellæ diligens consideratio præparatio quædam illis fuit ad reperiendum facilius solem, sicque res illorum felicem consecuta est finē, Solem enim, & Lunam, & cælum totum abbreviatum in stabulo, & præsepi inuenerunt: *Lumen requirunt lumine.*

Faciāt tantundem noster Politicus, & videbit quā prosperè illi suum studium succedet. Ad lucem spiritualis communionis quærat communionem sacramentalem, disponatque se ad hunc modum per exercitationem minoris adsumptionem maioris, experimentoque discet, quantum lucris ex eiusmodi præparatione capiet: Putchrè sese aptat, & tutissimā viā pergit, qui per communionem spiritua-lem ad sacramentalem pergit. Stellam ergo pij affectus ducem sequatur, & sic feliciter inueniet Solem non iam cunis, sed quondam in Bethlehem, inclusam, sed accidentibus panis contextum.

Crebræ rixæ, & animorum dissidia plurima, & grauiā cooriebantur inter pastores Loth, & Abraham. Ne ergo inualesceret incendium, & damnum incrementa sumeret, ac si multas ex diuturnitate, & continuatione vires contraheret maiores, secedere Abraham à nepote decreuit. Discessit itaque, ac non diu post illud diuortium apparuit ei Dominus, iussitque atollere oculos, & in omnes mundi partes circumferre, aquilonemque, & meridiem, orientem, & occidentem spectare, idque hanc ob causam, quod ipsi, posterisque eius dono sempiterno dare vellet, quidquid illud terrarum, ac regionum vlturpare oculis posset. Cum hæc dixisset Dominus, addidit: *Surge, ac per ambula terram in longitudine, & latitudine sua, quæ tibi daturus sum eam* 3. Genes. 13. 17.

Sanctus Ioannes Chrysostomus quærit, cur Dominus voluerit, vt seruus illius Abraham terram nō solum pedibus peragraret, sed etiam emissis oculis obiret, circumspiceret, perque videret ante, quā illius possessionem, & dominium susciperet. Videtur enim Dominus hoc omnino, ac singulariter voluisse, vt prius totam circumficeret, & persuaderet terram, amplitudinemque eius, & longitudinem, & situm, & quæ sunt talia, studiosè consideraret, ac diligenter expenderet, quā illam dono acciperet: *Surge, & per ambula terram, quā daturus sum tibi.*

Respondet Chrysostomus homel. 37. in Genesin, tale quidpiam esse, quod Dominus dixit: *Surge, & circumspice, & discite tam latitudinem, quā longitudi-*

*nem, & scire possis & magnitudinem terre, quā frui-
turus es, & antequam fruaris, spe passus, magnam in-
de animi voluptatem haurias.*

Notate in his illa postrema: *Spe passus.* Voluit Dominus, vt Abraham totam terram, quantaque illa, & qualis esset, oculis, atque animo arbitraretur, vt cum hæc explorata haberet, certā illius expectatione sese pateret, & oblectaret. Et reuerā facile est diuinare, vehementer gauisum, & incredibili iucunditate, perfusum fuisse sanctum Abraham, quando totam gradatim, ac minutatim contemplatus terram, vidit, quā longè, latèque pateret, quā fertiles essent ad fructum agri, quā concinnè ad omnem animorum voluptatem, & oculorum gratiam, amoenitatemque composita omnia, & quæ procul, & quæ propius aberant. Neque dubito, quin ex hac consideratione vehementer affectus animo, eleuatis in cælum oculis pietissimo, & munificentissimo benefactori gratias egerit immortales pro tanto tam vastæ, locupletis, & opulentæ possessionis beneficio, quod neque ipse promeritus inquam fuisset, neque promereri posterì aliquando possent.

Hoc ipsum facere Politicus noster debet, antequam in possessionem veniat promissæ terræ cælestis, quæ lacte, & melle plurimarum gratiarum semper manat, vimque fructuum inexplicabilem producit. *Surge, itaque, Politice, & per ambula terram in longitudine, & latitudine sua*, totaque animi, & cogitationum intentione medicare, quā sit copiosa, & opima terra, quæ tuis vltibus non iam promittitur, sed permittitur, quā lautus cibus, qui apponitur, quā ingens beneficium, quod exhibetur, quā insignita gratia, quæ præstatur, cum ad Angelorum tam dapilem mensam vilis, foedus, putidulus vermiculus admittitur, & ad cænam sui Creatoris creatura tam abiecta, & humilis à Conditor ipso inuitatur, *Et antequam fruaris desiderio passus*, talibusque commentationibus accensus submittas te, & ad maleactæ vitæ penitentiam, detestationemque, exstimules, & animam studiosè ornes, atque emacules, vt decenter excultus, tam festiuis nuptijs, tam regiæ cænæ, tam sumptuoso epulo inferre te ausis.

Quis non admiretur, & prorsum obstupescat, cum secum reputat illa tam varia probra, ludibria, conuiua, verborum, verberumque tormenta, quibus innocenuissimum Agnum per omne amaræ illius passionis tempus immanes, blasphemi, sacrilegi Iudæi vexarunt, & excruciarunt? In quem alium furor, ac rabies atrocius aliquando ferocijt, ac desæuijt? Capiebatur, vincebatur, trahebatur, à tribu-

nati.

nali alio in aliud raptabatur, tunica vetere, ac lacera induebatur, arundo ei in manus dabatur, oculi illius velabantur, caput spinis coronabatur, irrisorie adorabatur, crudelissime flagellabatur, humeri eius crasso, & intolerabili ligno prægrauabantur, pœnalissimèquæ, & ignominiosissime infami crucis stipiti affigebatur, à morte etiam lancea configebatur, & alijs mille improprijs dehonestabatur, quæ commemorare dolor, & fletus non permittit. Quis infernales illos apparitores ea nunquam audita, nulli ante cogitata cruciatuum, & probrorum genera docuit? Quomodo illa hominum flagitia, illi cacodemonis truces satellites tam miserandam, longamque tragediam intrà tempus tam breue adornare potuerunt? Quomodo tam cito ad actus illos perficiendos sese comparauere? Qua in schola tam sacrilegam doctrinam hauserunt?

Occurrit quæstioni S. Laurentius Iustinianus Patriarcha Venetorum de triumphali Christi agone c. 10. sect. 4. dicens: *Plusquam triennio stiterant, quod tunc illis permittebatur impleri, quamobrem eos noua irrisorum genera contra Dominum meditados esse indubium est.* Annos tres, ac supra inter necino aduersus Christum Pharisei flagrabant odio, cui cum tam diu sorsifacere illatâ Christo morte non valerent, varios interim comminiscabantur, & excogitabant modos, quibus illum deludere, male habere, dehonestare, excarnificare, cum occasio ferret, possent, nam si illius necem, simulac animo expetebant, opere perficere potuissent, concurrissentque desiderium, & executio, quomodo in tam exiguo tempore tam varias adornare ludificandi rationes, tam multa machinari, & instruere suppliciorum genera potuissent.

Notate mihi illa verba: *Plusquam triennio stiterant, & immaculati sanguinem auidissime, ardentissimèquæ expetierant illi blasphemorum consceleratissimi Iudæi.* Qui tantum temporis huius rei meditationi dederunt, quid mirum quod tam novos modos, & inaudita ignominiarum, tormentorumque genera adinuenerunt? Diuturna commentatio talia excogitauit, quæ nunquam reperissent Pharisei, si Christum rucidare simul ac voluerunt, valuissent, parque voluntati eorum facultas fuisset. Quid cause, quod quidam, cum hoc Sacramentum adeunt, tam ardentem illum suscipiunt, tantoque inflammantur Dei amore, ac tam varias virtutes, quibus operam dare velint, sibi proponunt? Ad hæc possumus respondere: *Quia ante stiterant,* quia communione spiritali se disposuerant, & longâ feruentique

consideratione sese ad tanti hospitis susceptionem comparabant. Et quoniam, quanta cibi illius dignitas, & præstantia esset, quam immensum beneficium, quam ingens & sublimis gratia ad illam mensam admitti, diu ac multum prius expendebant, hinc fit quod compungantur animis, quod illachryment, & leuissimas imperfectiones grauius doleant, & tam serijs propositis se ad vitæ emendationem obfirmant, & variarum virtutum exercitationi toto peccatore addicant. Nihil tale consequuntur, qui ab eiusmodi cogitationibus imparati, nec piâ meditatione aliquâ satis præmuniti ad sacrosanctam, & tremendam mensam accedunt. Id ex effectibus, qui ex communione vtrorumque consequuntur, elucet.

Multa dona, vina in his varia, quidam suo famulari mittebat. Cui vina perferebantur, ille ut amicum suum à talibus muneribus mittendis dehortaretur, hoc ad illum distichon, quod ab Hispani nostri Martialis officina prodijisse videtur, dabat:

*Mittit Vina mihi, mihi Pamphile Vina supersunt,
Vis mage quod placeat mittere, mitte sitim.*

Quam præclare dictum, *Vis mage quod placeat mittere, mitte sitim!* Quam iucundè ac voluptuosè hauritur, quam blandè ingreditur, quam salutariter accipitur potus, qui cum siti bibitur! Absque illa etiam nectar acet, & mel amarum est. Quod autem ille suum amicum orabat, hoc Politicus noster Deum, à quo suæ carnis, & sanguinis alimonia pascitur, enixè, constanterque obtestari debet, ac rogare, ut qui tam opiparam ipsi mensam instruit, ambrosiamque sui corporis, & sanguinis nectar apponit, etiam famem, ac sitim tantæ annonæ, tam celestis cibi, & liquoris submittat, ut ad emolumentum animæ cedant illæ epulæ, ut ex vitæ moribus eluceat, quantum eiusmodi lautitiarum usu profecerit. Sed quomodo fiet, ut dulcissimus hic Dominus illam nobis tam necessariam, ac momentosam famem, sitimque tribuat? Si spiritali communione ad sacramentalem nos præparauerimus, & præmunierimus ad illud tam ineffabile bonum. *Ferrum enim,* ut Sanctus Ioannes Chrysostomus habet Orat. de Sygill. Tom. 5. *ferro acuitur:* Sic communio spiritalis acuit, ut sic dicam, animam, præparatque ad veram, & realem communionem. Communio spiritalis excitat famem, ac sitim tam grati cibi, tam suavis potus: Irà fit, ut qui post spiritalis communionis usum ad esum corporis Domini, & mensam Christi augustissimam accedit, cum voluptate, cum lachrymis, cum affectuum teneritudine, & dulcedine,

ne, cumque ingenti cordis deuotione, & ardentibus suspirijs comedat, & bibat.

Quæ si non ita haberent, quamobrem diuinus, & cælestis Magister paulò ante, quam augustissimum hoc Sacramentum instituerat, dixisset: *Desiderio desiderans hoc pascha manducare Vobiscum?* Lucæ 22. 15. Quòd hic de sublimi altaris Sacramento præcipuè locutus fuerit Dominus, id perspicuum est, & minimè dubium. Cur verò ait, tam auidè, & anxie concupiuisse & seipsum suis manibus sumere, & sumendum Discipulis præbere?

Respondet Sanctus Laurentius Iustinianus vbi supra c. 2. sect. 3. *Ut ignem igne, desiderium desiderio, & amorem excitaret amore, inquit, desiderio desiderans hoc pascha manducare Vobiscum.* Tradidit eà re nobis doctrinam, quam obseruare debeamus, quicunq; optatum ex tam diuino Sacramento fructum referre cupimus. Documentum autem tale est, vt priusquam Sacramentum ipsum suscipimus, communionem communionem anteuertamus, sacramentalem dico spirituali, vt enim ignis igne inardescit, & ferrum ferro, & adamante adamas acuitur, sic vna communio gradus est ad aliam, priorè namque perpolitur, & præparatur anima ad posteriorem.

Tam verò est necessaria ea diligentia, tam momentosum talis præparationis studium, vt magnus Venetorum protopatriarcha ibid. c. 4. sect. 8. dicat: *Sacramentalis susceptio sine spirituali aut obesse, aut parum prodesse censenda est, & itaque verò simul facta actualem in præsentem gratiam, & in futuro locupletem tribuit beatitudinis gloriam.* Qui ergò tepido, remisso, languido, nauseabundo est spiritu, is illum excitare, inflammare, & exstimulare curet communionem spirituali, expensione tam insigniti beneficii, consideratione tam ineffabilis gratiæ, quâ Dominus homini largitur, quod supremo Seraphino non concedit, & hac potissimum cogitatione, quòd ad mensam illius sedebit, quem Angeli vident, & reuerenter adorant, & homines cum voluptate comedunt, quòdque ipsi à summo Deo sanguis illius pretiosissimus, & diuinissimus propinat. His alijsq; meditationibus, quas Dominus suggeret, libri ministrabunt, sacri Ecclesiæ docebunt, aut ipse suo studio sibi Politicus noster comparabit, seipsum accendat, excitabitque, vt Dominum dominorum, & Regem regum dignè suscipiat, & cibis ille cælestis ad visitationem ipsius cedat, ipse autem à mensa recedat sic viribus auctus, sic animo roboratus, vt animæ suæ inimicos deijcere, & passionem suam, quibus nullus est pernitiabilior hostis, subigere queat.

Tom. III.

CAPVT III.

Tam purus, mundus, latus, perpolitusq; homo ad augustissimi Eucharistici cibi sumptionem, si fieri posset, accedere deberet, ac si iam iam baptizatus esset.

DE ijs, qui spiritualiter, & sacramentaliter parati Angelorum essant, atq; ex illo incrementum gratiæ faciunt, cuius rei causâ admirabile hoc Sacramentum institutum fuit, sic ait Concilium Tridentinum superiore c. citatum: *Hi autem sunt, qui ita se prius probant, & instruunt, vt bestem nuptialem induci ad diuinam hanc mensam accedant.* Est quod hic plurimum notes, & totâ mente diligentissime, atque attentissime aduertas. Quisquis hac in re illud solum expendit, quòd totius maiestatis Deus, Rex regum, & Dominus dominantium est ille, quem recipit, quomodo potest facere, quin figæ gradum, altiusque indaget, quanta huc exigatur mundities, quo studio excolendum hospitium animæ, cuius tecto excipiendus supremus Rex, & benefactor? Exaggerari verbis satis non potest puritas, quâ nitescere, & splendere debet domus, cui hospes veniet summus Deus.

Verùm dicamus vel aliquid, qui dicere totum non possumus. Volo autem à quibusdam magni illius Hebræorum Platonis, Philonis Iudæi, inquam, verbis ordiri, quibus aptius in rem præsentem desiderare nihil possis. Dubitationem mouit Philo de re, quæ nunc dubia nulli esse potest (nisi quòd beneficii magnitudo tanta est, vt locum facere dubitationi, neque exiguum, videatur) estque talis: Si supremus Dominus è cælo inde huc descenderet, si suâ benignitate ita vteretur, seque ab immenso amore sic rapi permetteret, vt humani cordis gurgulium inire hospes vellet, quo apparatu adornandum foret hospitium, quo cultu exornandum diuersorium, quâ magnificentia instruenda domus? Respondet Philo, id æstimari vtrunque posse à cura, sollicitudine, impendij, quibus curari, omniq; ex parte perpoliri solent ædes, quibus rex quispiam terrenus excipitur. Nam cum nihil prætermittatur, quod ad elegantiam facere potest domus, quam rex mortalis ingreditur, quanto studio accurranda, & venustanda ea fuerit animâ, ad quam Rex regum, & Dominus dominantium intrat, cuius tanta est maiestas, & dignitas, vt maiestas, & dignitas, & magnitudo alia quæuis velut stercus sit, aut si quid vilius, vel abiecius, si cum illa componatur?

Ggg

Audia-

Audiamus Philonem, cuius hæc sunt ex lib. de Cherub. *Si quoties reges excipiendi sunt, magnificentiùs excolimus ades proprias, nihil relinquo, quod ad ornatum pertineat, et hospitium quam iucundissimum respondeat dignitati hostitis. Regi regum, & huius universi mundi Rectori, comitatus atque humanitatis causâ dignato suam creaturam inuisere, à summo cælo ad terram, et generis humano beneficia sua conferret, digressio, qualem tandem domum oportet instrui?* Hæc Philo dixit, illud tantum secum reputans, quod Deus facere posset, si ab immensa sua bonitate huc in terras à cælis abduci sineret. Quid dixisset, si agnovisset, & vidisset, quod fieri posse credebatur, nos autem reverè factum, & persæpe etiamnum fieri certâ fide tenemus? Creberrimè namque, arque in dies singulos in humanorum cordium domus Dei summi Filius summus & ipse Deus descendit. Quâ ergo munditie, quâ puritate, quo ornamentorum apparatu opus non est, ut ille immensus, & supremus Dominus honorificè, ac decenter suscipiatur?

Ingredebantur sancti Angeli nefandam Sodomorum civitatem per eam portam, in qua tunc Loth Patriarcha sedebat. Qui cum vidisset eos, mox surgens iuit obviam introeuntibus, adoransq; pronus in terram, quâ maximâ poterat demissione, & contentione rogabat, domum eius hospites inirent, illam supellectilis quidem, rerumque aliarum inopem, affectu tamen diuitem, & pronâ ipsos laudè, opiparèque refocillandi voluntate copiosam, ac locupletem. Responderunt his tam officiosæ hospitalitatis humanissimæ inuitationi cælestes peregrini: *Minimè, sed in platea manebimus*; Genes. 19. 2. Permirum cuiq; videri potest, quod diuini viatores (ijq; cælorum ephebi aulici ad omnem vrbauitatem facti, formatiq;) tam morosos, tetricos, dedignabundosq; se exhibuerunt sancto Loth, precesque illius quàm supplices, tam comes, verbo austero, ac stibacido respuerunt, dicentes *minimè* velle quod ille obsecrabat, qui tamen Abraham tam facile concesserunt, ut ad eius tabernaculum, mensamq; verbulo penè vnico pertrahi ab illo siverint. Quid ergo voluerunt dicere Angeli, quando à sancto Loth inuitati, responderunt, *minimè* velle illius subire rectum, aut pedem inferre domicilio?

Respondet Angelicus Doctor, dicere voluisse: *Minimè, supple, nisi nos amplius compellas, non enim erat dignus eos accipere, & habere, nisi tanta esset eius charitas, quod compelleret eos.* Iterum, iterumq; rogari etiam volebant, & pertinaci precandi con-

tentione cogi ad suscipiendum hospitalitatis obsequium, nec enim merebatur tantos domo excipere hospites, nisi eam vim illis charitas afferret, quæ intro adigeret.

Non enim dignum erat, inquit magister Angelicus. Quamobrem non erat dignus? Si non satis reuerenter accessisset, si parum vrbane, si non assurrexisset aduenientibus, si illos pro hospitij gratia supplices expectasset, videtur dici posse, agresti suâ inhumanitate commeruisse, ne cælestes illos exciperet domo suâ hospites. At scimus omninò contrâ fecisse, ac vix oculis v'supasse peregrinos, quando è sede sua exiliis in occursum illorum ruit, affususq; terræ humillimè illos obtestatus fuit, domus suæ hospitium ut dignanter admitterent: *Surrexit, & suis obuiam eum, adoransq; pronus in terram*; ibid. v. 1.

Et qui tam reuerenter venientes de via deueneratus fuit, qui rectum, qui mensam, qui humanitatis, & hospitalitatis officia omnia tam liberaliter, honorificèque offerebat, ille nihilominus tales non merebatur excipere hospites? Immo ille tam humilis, tam feruens, tam vrbanus, percomis, & perofficiosus, ille non erat dignus eos accipere, inquit Angelicus Doctor, itaque necessum fuit, ut vi, & contentione, & pertinaciâ charitatis Angelos excipiendi meritum sibi compararet.

At si sanctus Loth post tam demissam humilitatem, post tam comem vrbauitatem, post tam promptam, officiosam, liberalem hospitalitatem indignus est, cuius domum hospites ineam Angeli, quantus amor, quanta charitas, quanta vitæ mundities, quanta puritas animæ requiretur, ut cordium nostrorum domicilijs excipiamus, non Angelos, sed Angelorum immensum Dominum, cui comparati Angeli sunt, velut obscuræ quædam vmbra, & caliginosæ tenebræ?

Dicunt aliquid à S. Petro Chrysologo, quod plurimam meretur considerationem, & causam, quam tractamus, valde, validèque confirmabit. S. Lucas Evangelista refert, delegatum à supremo luminum Patre oratorem ad sacrosanctam Virginem cælorum Reginam, priusquàm in Virginei vteri illius hospitium Verbum æternum descenderet, ut illi Dei hac de re consilium exponeret: *Missus est Angelus Gabriel à Deo ad Virginem desponsatam & viram, cui nomen erat Ioseph*; Luca 1. 26. 27.

Hæc Chrysologi consideratio in eo, quod Evangelista dicendum putauit, cælestem nuntium, & sacrum paranymphum destinatum fuisse ad Virginem iam desponsam cuidam Iosephi viro, & viro tam

probo,

probo, atque integro, vt illum primum in sanctis numerauerit euangelium, de quo S. Mattheus c. 1. v. 19. *Ioseph autem cum esset iustus.* Quid sibi vult, quod hoc in sua narratione specialiter exprimendum beatus Lucas putauit, quod Virgo Domina nostra desponsa Iosephi erat, cum Dei mater mox futura? Videtur enim ad rem nihil facere, illam commemorasse circumstantiam.

Respondet S. Archiepiscopus serm. 140. *Pervolat ad Sponsam festinus. Interpres. Et à Dei Sponsa humana desponsationis arceat, & suspendat affectum.*

Cum hæc verba audio, non possum, quin eum quodam docto moderno (quem cum vi eruditum, venerer, vt studiorum olim collegam etiam diligo, & amo) exclamem: *Pro Deo immortalis! Affectus ille puritate redundans in virum sanctum, atque perfectum arcendus? Suspendendus? Quid purius, quid honestius Dei Gentricis amore in beatum Ioseph charissimum Sponsum?* Hæc P. Escobar lib. 3. de Eucharist. sect. 5. annot. 4. num. 37. Quid verò est, quod facit Rauennatum archiantistes dicit? Missus est, inquit ad Virginem, cum iam iam Dei filium intra vterum suum conceptura esset, quidam è cælis Angelus, vt omnem ei humani coniugij affectum, memoriamque adimeret: *Vt à Dei Sponsa humana desponsationis arceat, & suspendat affectum.* Potestne fingi etiam coniugium magis intaminatum, magis cœleste, magis ab omni carnali affectu alienum, quam Mariæ, & Iosephi? Quinam Angeli, quinam Seraphim magis puri, quam sacratissima Virgo, & integerrimus illius Sponsus? Quid ergo hic erat, quod arceri, quod suspendi posset, vt non dicam, necessum esset? Quid Sponsi recordatio afferre impedimenti poterat descensui Verbi diuini in alium Virginis? Quæ opus erat talem taliter detergere domum, vt ad eam Deus è celo diuerteret? Quam obrem tanto studio exoccupandæ ab omni re alia ædes? Haud dubitare velim, id factum, vt admoneremur puritatis, & munditiei singularis, quâ nitere animæ nostræ debent, vt Deum in sacramento hospitem excipiant. Nam si Mariæ, cuius tam munda erat domus, cuius viscera Solem puritate, candore niuem superabant, quæ Dei Verbo hospitium intra vterum suum exhibitura erat, impedimentum qualecunque afferre posse videbatur sua desponsatio, non quia non sanctissimum, & cœleste erat connubium, quod mox ineundum, sed quod carnem, & sanguinem olere videbatur (tamen illa viscerum, & animæ puritas ad incarnationem Dei absolute non requireretur, qualemcunque enim carnem vestijf-

set, quantisvis peccatis, & flagitijs contraminatam, prorsum emaculasset, sanctificassetque, mox vt eam sibi hypotheticè coniunxisset, quod enim carnem tam integram, & inuiolatam, sanguinemque tam mundum huc delegit: hoc solum fecit, quod magis ita deceret) quæ mundities, quis nitor, quis virtutum apparatus, & ornatus exigetur, vt dignè suscipias Dominum, ad quem dignè suscipiendum tam necessum est gratiâ, & quæ ex illa nascitur, puritate esse instructum, vt qui ea carens mensam dominicam adit, iudicium sibi damnationis æternæ manducet, & bibat?

Commodum huic rei venit, quod in Carmentæ larario, seu fano seuerè obseruatum ingeniosissimæ Pœtarum Ouidius lib. 1. Fastor. his versibus canit:

Scorrea non illi fas est inferre sacello,

Ne Violent puros exanimata focos.

Inuiolabili Veterum lege sancitum erat, ne quid coriaceum, ne qua mortuo animali detracta pellis inferretur in sacellum Carmentæ deæ consecratum. Hoc enim significat vocabulum, *scorrens*, quod nobilis eques D. Carolus Neapolitanus in anaptyx. ad lib. 1. Fastor. Ouidij num. 260. ex Varone probat, verè princeps studiose inuenturis laureatus, qui in primæuo ætatis suæ flore tam doctè, atque eruditè ad summam nationum omnium admirationem commentarijs illustrauit Fastos Ouidianos. Varronem audiamus. *Nunc dicimus scorrea ea, quæ ex corio, & pellibus sunt facta. Inde in aliquot sacris, ac sacellis scriptum habemus ne quid scorrenum adhibeatur, idè ne mortuum quid adsit.* Hoc autem tam religiosè, superstitiosè verius dixero, tunc obseruabatur à cæca illa Gentilitate, vt Festus affirmet, ipsis etiam flaminibus interdictum fuisse calceare corium mortuis animalibus detractum. Qua de re ille apud Carolum vbi suprâ ista: *Mortua pecudis corio calceos, aut solei fieri flaminicū nefas habetur, sed aut occisa aliqui, aut immolata, quoniam suâ morte extincta omnia funesta sunt.* Et Seruius apud eundem: *Sane flaminica non licebat neque calceos, neque soleas mortuinas habere.* O magnâ Gentiliū in superstitiosis ritibus, & falsis cæremonijs attentionem, & cautellâ!

Quo nomine donat Catholicos Doctor gentium? Nonne templa vocat, & sacella Summi Dei? *Nescitis quia templum Dei estis?* dicebat 1. Corinth. 3. 16. & 2. Corinth. 26. *Vos estis templum Dei vivis.* Si autem pectus, cor, anima sunt templa, sacraria, tabernacula, in quæ suscipitur supremus Dominus, nonne indignum est morticina, sordida, squalida, putida quæcunque locis eisdem inferri? Apud Ethni-

eos tantum erat obseruantia erga deastros suos studium, vt ne pellem quidem animalis naturali morte defuncti in eorum lararijs, fanis, sacellis tolerarent, existimabant enim profanari locum sacrum animalis ita mortui exuijs: *Ne solent puros exanimata foros*: Quis ergo immunditiem quamlibet ferri posse arbitretur in anima, in quam tam sublimis Dominus admittendus, aut in templo tantæ maiestati dedicato?

Volo robur huic rei adijcere ex eo, quod diuinus Mediolanensium Archiepiscopus dignum obseruatione notauit in vetere illo manna, quod augustissimi huius cibi illustris typus fuit. Animaduertit autē S. Doctor ea, quæ ferè acciderūt, antequam aer prodigiosam illam escam deplueret, cui ab admiratione sui, quam apud eos, à quibus primum videbatur, excitauit, inditum nomen. Obseruationem suam his verbis reddidit: *Post transitum maris rubri, Mirrhai fontis amaritudine per ligni gratiam temperata, agnoscimus Patres veteres esse mundanos, deinde duodecim fontium potu, postremo petra spirituales undam comentis irriguo. Unde & manna manducauerunt, & toties abluta manducarent panem, & scriptum est Angelorum.* Hæc ille in Psal. 118. Oction. 16. v. 3. ad finem. Perdigna profectò notatu sunt, quæ Israëlitis acciderunt, priusquam Angelorum escam gustare coeperunt. Primum ab Ægypto, quæ caliginosi mundi figura erat, exierunt, post hæc mare rubrum transierunt, mox aquas Maræ amaras biberunt, quas admirabile illud lignum fecit potabiles, deinde inciderunt in duodecim fontes, demum hauserunt ex consequente eos petra, quæ frigidam magnâ copiâ, miraculo maiore dabat. Quorsum tot irrigua? Quorsum tot aquæ? Quorsum tam multiplices fontes, & tam crebra lauatio, tanquam neq; maria, nec fontes, nec aquæ miraculo procuratæ perpurgandis illis sat fuerint? Iam hoc dixit sanctus Ambrosius, inquit: *Vt toties abluta manducarent panem Angelorum.* At si figuræ tantum deferebat Dominus, vt Israëlitas ante totis marium gurgitibus, tam multis fontibus, tam amaris aquis dilui vellet, quam illâ vescerentur, quanta debet esse puritas illorum, & sanctitas, qui figuratum sumere, & panem de cælo verum, viuumque escare volunt? Qui picturam tam reuerenter haberi volebat, cogita, si potes, quo in honore haberi, & quam purè, ac religiosè rem ipsam viam tractari velit.

Panegyricus Constantini filij: Constantij vult magnum habere mysterium, quod sanguinarius ille tyrannus regiâ excessit dies non paucos ante, quam

Constantinus eam occupare, & nobilitare cepit. Quid verò mysterij habeat, quod tyrannus prius destituit palatium, quam Constantinus illud possidere, atque in eo habitare voluit?

Respondet autor istius panegyrici: *Vt tu iam olim expectatus habitator sacris illis adibus diu exhalatis, expiatisque succederes*; tanquam dixisset: Facile est diuinare secretum, quo factum, vt ille multo ante demigraret è basilica, quam tu illi pedem inferres. Futurum erat, vt augustissimus Cæsar, Imperator permagnificus aulam regiâ occuparet. Cumque domus tantum hospitem exceptura esset, decebat, vt habitatore, tali maximè tyranno, aliquamdiu vacua esset, vt exhalaret putorem, ac graueolentiam, quam ille ibi reliquerat, & spurcicies omnis abstergeretur.

At quam benè dictum istud: *Sacris illis adibus diu exhalatis, expiatisque!* Ab ædibus peste infectis metaphoram duxit, qui panegyricum Constantini concinnauit. Ex qua domo peste interfectus essetur, emigrare superflites omnes, & latè parentes relinquere fenestras eius solent, vt pertransiens ventus omne suo aspiritu exsufflet contagium. Post hæc bonis odoribus loca omnia suffiuntur, mundantur, adornantur, vt habitari citrà horrorem, & periculum queant. Tale quid, ait ille, euenit Constantino. Diu suum domicilium in palatio nefarius, & execrabilis tyrannus habuerat, diu suâ præsentia, & corruptissimâ vitæ consuetudine, & contaminatissimis moribus illud vitiat, foedat, conspurcat. Vacet ergo ab incolâ benè diu ante, quam Imperator in eo pedem sedemque figat, auræ, & ventorum flabris exponatur, vt quem ibi tyrannus reliquit fetorem, efflet omnem, & exhalet, & quantum quantum est, perpurgetur. Indecens enim esset, atque in magnam Imperatoris iniuriam cederet, si non terribissima, nitidissima, exculissima esset domus, quæ illius habitationi seruatur.

Iam si tam studiosè colitur, obseruaturque Imperator terræ, si tam sollicitè, ac gnauiter curatur ab omnibus, ne grauiore aliquo odore offendatur, neu sit quidquam in tota eius regia, quo irritari, & commoueri ad indignationem queat: Quam studiosè, & anxie curandum erit, vt niteant, & splendeant ædes, quas initurus est Imperator Imperatorum, Rex regum, & Dominus dominantium, præ quo Imperatores, Reges, & Domini alij nil nisi lubrica aura sunt, & olidum cænum? Quæ non ornamenta cogerenda in domum, quæ hospitem habitura est Deum Opt. Maximum? Quanta contentione, vigi-

lantia,

lantiâ, attentione laborandum, vt abstergantur, eradantur, emaculentur, submoueantur, eiciantur. quæcunq; diuinis tanti hospitis offendere oculos possunt? Res ipsa loquitur, plurimâ adhâc rem munditiæ, studio maximo, accuratissimâ, & diligentissimâ conscientiz discussione, & virtutis omnigenæ exquisitissimo cultu opus esse.

Tantumne verò res ista nitorem postulat? Immo verò etiam tantum, vt si fieri posset (fieri autem à nonnullis cum Dei auxilio potest) tam purus sceleris, tam intaminatus, & immaculatus quisq; tremenda hæc adire mysteria deberet, ac si iam tunc à baptismi fonte vitalibus vndis expiatus donum referretur.

Destituit domum paternam filius prodigus, peregrinq; profectus patrimonium suum, amplum illud, & peropulentum, intrâ dies non multos omne decoxit, & abliguriuit. Ad incitas reductus, & ex copiosi patris diuitie filio exilis mendiculus factus, in tam miserum, infelicemq; statum incidit, vt necessitas illum cõgerit locupletis patris domum, illam suam natalem repetere. Ad reditum hoc etiam calcar addidit, quod recordabatur, eam esse benignissimi patris sui pietatem, & facilitatem, vt omnem sibi ab illo, promptamq; noxarum præteritarum gratiam promitteret, dum malè fecisse modò peniteret, humilisque rediret. Opere ergo expleturus, quod animo conceperat, viam ingressus venit ad ædes patris, qui simulac illum vidit, passis vlnis reducem excepit, inq; complexum illius, & oscula ruens, & collum amantissimè stringens lachrymis testatus est, quanto intus gaudio ob reditum filij, & redditum filium animus paternus exultaret. Veniebat miser adolescens, quale è duro, tetrico, sordido, inhumano Domino vile mancipium, & extremus mediastinus solet, pauper, strigosus, squalidus, grandimacie torridus, penè nudus, certè tam malè veltus, vt parens diceret famulis: *Citò proferte stolam primam, & induite illum, & date annulum in manum eius, & calceamenta in pedes eius;* Luc. 15. 22. post hæc adducite *vitulum saginatum*, ibid. v. 23. & opimum his tam festiuiis epulis, & filij mei refocillationi destinatum, & seruatum.

Quod vitulus ille pinguis significarit sanctissimum Redemptoris nostri corpus, res est tam trita, & per uulgata, vt si de ea sanctos Nazianzenum, Hieronymum, Ambrosium, Augustinum, Gregorium Magnum, Chrysostomum, Damascenum, Bedam, Euthymium, Theophylactum, cæterosque seu Patres, seu Expolitores ininterrogas, omnes magno consensu

responsuri sint, omnino ita habere, vt dictum. Vnus ex omnibus Euthymius ait: *Vitulus saginatus sanctum Christi corpus est.*

Sed magis intricatum est, & difficile, statuere, quid prima illa stola significet, quæ veltiri prodigum filium pater voluit, vt dilecti filij sui corpus sumeret: Nam græcus textus, ex obseruatione Cardinalis Caietani sic habet, *Afferte stolam illam primam*, pronomine isto eximiam quandam excellentiam, dignitatem singularem, & maximam præstantiam denotare volens.

Theophylactus vult illâ stolâ adumbratum baptismum eamq; propterea vocari primam, quod baptismus sit porta, quâ in cælum itur, & baptismi gratia prima omnium, quas de manu Domini accipimus, & præstantior alijs, *prima enim nos illa vestit, & ab ea sumimus honestatis vestitum.* Secundum hæc tale quidpiam est, quod pius pater dixit: Baptizate penitentem hunc adolescentem, vt diuinum sacratissimi Filij mei corpus accipiat.

Sed hic maior exoritur difficultas, eaq; tam perplexa, vt ægrè ab ea nos extricare possimus. Nam si ille prodigus filius (quod ex adiunctis parabolæ constat) penitentem significat, qui peccata sua agnoscens, & malè vixisse verè & exanimatus dolens conuertitur ad Deum, atque ab eo in domum suam recipitur, ergo baptizatum iam illum fateri debemus, neque res ista sub dubio est, nam vt qui semel ritè, ac rectè baptizatus est, denuò baptizetur, fieri non potest, & manifestè errat, qui baptismum semel validè, ac legitimè susceptum iterari posse affirmat. Quid ergo autor baptismi dicebat: *Afferte stolam illam primam?* quod perinde fuit, ac si iussisset illum rursus piacularibus aquis emundari priùs, quàm corporis dominici sacramento reficeretur. Quomodo baptizari iterum poterat, qui baptizatus semel fuerat?

Dictum hoc ita, vt nobis indicaretur, & commendaretur mundities, quâ nitere debeat, qui Summi Dei Filium in sacramento suscepturus est, quæ tanta esse debeat, vt contendat, si fieri possit, cum niuea puritate, quam sacro baptismate expiatus infans ex cœlestis lauacri salutari fonte reportat.

Notauit hoc Serlonius modernus, & eruditus, exquisitusq; Cantici Canticorum Interpretæ Anteloq. 12. sect. 1. num. 3. ex S. Asterio, & Tito Bostrensi, quos P. Balthasar Corderius in sua catena citat. Illi de hac re sic pronuntiant: *Quam purus, & emaculatus prodit infans, vel adultus post baptismi lauacrum, & ante à quodammodo puritate nitere eum decet.*

que ad Christi communicandum corpus accedere praesumpserit.

Attendat ergo Politicus noster, quem tantà gratià dignatur, tamque inopinabili honore Deus ornat, ut illum ad suam mensam admittat, atque in ea sacrosancti corporis sui cibo, & pretiosissimi sanguinis potu reficiat, quomodo ad has diuinas epulas accedat, examinet, discutiatur, probet seipsum, quod grauiter praeceptum ab Apostolo. Aduerrat non Angelum esse, non Archangelum, non Seraphinum, quem recipit, sed ipsum Angelorum, & Seraphinorum conditorem. Et cum talia debeant esse ornamenta domus, ut deceant hospitem, qui excipiendus, cogitet quàm sollicitè, studiosè què excolere, & perpolire debeat animæ suæ hospitium, omnem què detergere maculam, submouere immunditiam, arcere spurcitiam, & fœditatem, quæ offendere possit oculos Summi Dei, quem immensus amor suus, & infinita charitas è cælo in humilia cordium nostrorum ruguriola detrahit. Tam sublime, ingens, præstantissimè est hoc beneficium, ut considerare illud ne flagrantissimum quidem Angelorum citrà tremorem possit. Quomodo ergo miser homulus, qui illud est percepturus, non artubus omnibus, & toto corpore contremiscat, & quantà maximà potest ingenij contentione, sedulitate, assiduitate, sollicitudine sese ad tam ineffabilis gratiæ exceptionem, & tam substantialis cibi sumptionem comparet?

C A P V T IV.

Quod morte quidam inde occumbunt, unde in vitam alij redeunt, & venenum ex eo sugunt, è quo theriacam alij hauriunt, ea summa infelicitas est, & prodigiosa calamitas.

Non possum, tametsi calamus satis repugnet, quin vel demùm agam de ijs, qui sacramentaliter solum superæ huic, & tremendæ mensæ communicant. Quàm formidabile sit hoc, & horribile argumentum, id ex eo arbitrari possis, quod prætermisso Concilij Tridentini ordine in extremum locum tractatum illius reieci. Sunt nonnulli, inquit sacrum illud Concilium, qui sacramentaliter duntaxat id sumunt, & peccatores, ijs què pro eo, ut inueniant vitam, incurrunt in mortem, & qui bibitori erant ambrosiam immortalitatis, hauriunt poculum interitus.

Hoc ipsum diuinus Delius, & augustissimi huius sacramenti profundissimus scrutator, & deuotissimus cultor S. Thomas docet, qui cum de varijs sacri

istius conuiuij effectibus ageret, inquit: *Mors est malis, Vita bonis, & de parvis sumptibus quàm sit dispar exitus.* Permirum, si quid aliud, quod ex eodem cibo alij exiunt magis sani, & vegeti, alij mortem incurrunt, accipiunt què damnationem suam æternam.

Cum delicias memoraret Ecclesiasticus, quas iusto præbere Deus solet, aiebat: *Cibabit illum panem Vita, & intellectus, & aqua sapientia salutaris potabit illum;* Ecclesi. 15. 3.

Hugo Cardinalis, Rabanus Maurus, Ioannes Cluniacensis, Petrus Berchorius, & alij per hunc panem vitæ, & intellectus, per què aquam sapientiæ salutis volunt adumbratam viuificam alimoniam, quæ in mensa Dominica ministratur. Hugo sic inquit: *Cibabit illum panem, id est, corpore Christi, qui est panis Vita.*

Sed notandum, quod eidem panis, non sine magno mysterio, etià datur nomen aquæ: *Et aqua sapientia salutaris potabit illum.* Cur dominicū corpus, cum panis dictum fuisset, mox etià appellatum aqua fuit? Satis enim illi erat primum nomen, quo & ipse Christus contentus fuit, qui se apud S. Ioannem tam sæpè panem solum nominat. Factum hoc dixerim, ad indicandum, quàm variè operetur Domini nostri corpus in his, à quibus sumitur, ut videmus varios esse aquæ effectus in agris, quos rigat. Sanctus, & Magnus Basilius homel. 6. in Hexam. ait: *Eandem in pratis aquam conspexeris hoc in flore rubescentem, in alio purpuream, & in hoc caruleam, & in alio albidam.* Mirum sanè est, quod ab vno fonte promanans aqua, cum easdem secum per omnes hortos, agros, prata circumferat qualitates, in rosa quidem sit purpurea, in viola verò pallens, in malo pomum, in dumo spina. Quàm grato odore oblectat in caryophyllo! quàm pungit in senticeto! Panis ergo, & aqua vocantur hæ cœlestes dapes, & diuinus cibus, *Cibabit illum panem, & potabit aqua,* propter diuersos, & aduersos effectus, quos operantur in ijs, à quibus degustantur, alijs enim vitam, mortem alijs asferunt, his venenum sunt, theriaca illis, alios ut panis nutriunt, ut gladius alios obtruncant: *Mors est malis, Vita bonis.*

Grauia, & immania supplicia contumaci populo suo comminatur Deus, atque in his illud, quod pro magno insolentia, & impudentia eorum merito agros sterilitate damnare veller, ne panem in vitæ alimoniam redderent: *Ecce ego conteram baculum panis in Ierusalem;* aiebat Ezechiel. 4. 16. velut dixisset: Terribilis erit indignatio mea, magna gladij mei

mēi fruities, principem enim vitæ humanæ columnam, panem, inquam, demoliar, prorsumque auferam.

Hector Pintus, Serranus, Lyranus, Dionysius, Cornelius, Sanchez, Pradus, alijque Interpretes monent hoc loco notare, quàm proprio vocabulo Dominus panem donarit, cùm baculum nominauit. Vt enim baculus fatigati, ac debilitati corporis est fulcrum, ita panis humanarum virium roboratio. De pane scriptura sic persæpe loquitur, & vnus Prophetæ regius multis in locis: *Panis cor hominis confirmet*, inquit Psal. 103. 15. non secus ac lassâ membra baculus. Et Psal. 104. 16. *Omne firmamentum panis contriuit*. Persistentisque in eadem metaphora dixit Psal. 71. 16. *Erit firmamentum in terra in summis montium*, vbi ad literam, vt volunt Sancti Augustinus, & Chrysostomus, Varnelius, Syluius, Ioannes Bocchius, Matthæus Hoen, Ludolphus & Dionysius Carthusianus, Rainerius, Theodoretus, Paulus Burgenſis, Genebrardus, & alij, loquitur de pane, qui vires hominum corporeas instaurat, & confirmat. Et apud Isaiam 3. 1. dicitur: *Auferet Dominus omne robur panis*, sublato autem, contritoque hoc baculo, seu fulcimento ædificium terrestris huius domus nostræ mox collabitur. Dum hæc loca, vnum autem vel maximè Ezechielis expenderet doctissimus illius expositor P. Hieronymus Pradus, aiebat: *Vide quàm belle hæc omnia conueniant sacro panis Eucharistico*. Vide quàm aptè in illum cibum appellatio baculi cadat.

Et verè ita res habet. Addo, commodius huic rei hieroglyphicum cogitari non posse. Subſcribent mihi, quicunq; vocare in considerationem voluerint morem veterem, ac modernum, qui dolones habuit, hodieque habet, hoc est, contos, qui lignum extrâ præferunt, intus gladium absconſum gerunt, quorum altero sustentare, altero mactare queant. Huic inuentioni (quæ perantiqua est) S. Enodius hoc elegans epigramma confecit, cui titulum, *Sparba in fuisse*, præscripsit.

Vimur inclusa per fraudes ense bacillo,

Mors ligni tuncis quàm benè recta latet!

Subſidium portas, quæ cunctis terror haberi,

Pacificum est nobis, quod negat obsequium.

Habent eiusmodi arma, quo offendere, habent quo defendere possint, habent quo labantem sustentent, habent quo stantem deiciant, habent baculum, quo nitaris, habent gladium, quo feriaris. Itaque si panis hic viuus, & superus vocatur baculus, *Vide quàm belle hoc nomen baculi conueniat panis Eucharis-*

sico, qui sub ea baculi specie gladium dissimulet, tegatque. Panis cerè ille Eucharisticus eodem tempore apud alios, & alios inuitatos verumque esse potest, & baculus, qui fulciat, & ensis, qui occidat, & laqueus qui iugilet, & theriaca, quæ sospitet: *Mors est malis, & vita bonis*. Omnia in hoc sacrosancto, & opulento conuiuii reperiuntur, mors, & vita, baculus, & gladius, corroboratio, & debilitatio, infernus, & cælum:

Subſidium portas, quod cunctis terror haberi.

Omnia mensa hæc lauta, & dapilis habet, amara, & dulcia, vitalia, & mortifera, grata, & horrida.

Est in Ægypti plagis, quas sacer Scriptor enarrat, aliquid dignum, quod studiosè apud animum pertrahes. Bis ethnicorum Ægyptiorum brutas animantes internecone irati Dei manus rigida deleuit. Ac primùm quidem peste omnia eorum pecora extinxit, posthæc verò grandine, & igne interemit: *Pluit enim Dominus grandinem super terram Ægypti, & grando, & ignis mixta ferebantur, & percussit grando in omni terra Ægypti, quæ fuerunt in agris, ab homine &que ad iumentum*; Exod. 9. 23. 24. 25.

Postquàm primam illam stragem intulit Dominus brutis Ægypti, *misit Pharaon ad videndum*; ibid. v. 7. misit attonitus seueritate supplicij quosdam ex intimis suis, qui plagam arbitrarentur, & renuntiarent. Cùm ira Dei in brutas pecudes posthæc iterum defuisset, tamen grando, quæ ad hanc cædem tunc utebatur, tanta fuit magnitudinis, quanta ante nunquam apparuit in vniuersa terra Ægypti, ex quo gens illa condita est; ibid. v. 24. neminem tamen ablegauit rex, qui damnum lustraret, verbisque referret. Cur postremò tam remissus, & incurius Pharaon fuit, qui antea tam sollicitus, & attentus, vt destinaret ex aulicis suis, qui vastitatem spectatum irent, dequæ ea illum certiore redderent? *Misit ad videndum*.

Occurrit huic dubitationi Paulus Burgenſis, dicens, si quis cætera textus, qui cladem narrat, legat, eum faciliè reperturum, quæ prius missæ, quæ posterior intermissæ legationis causa fuerit. Quando Ægyptiorum pecora primò de medio sustulit, erant in medio compascuo bruta Hebræorum, de quo sacer Scriptor ibid. v. 6. ista: *Mortui sunt animalia Ægyptiorum, de animalibus vero Israël nihil omnino perijt*, neque hæc quidquam pestis contagio offendit, quæ illorum greges totos sustulerat. Verùm in secunda plaga reſerbanit Dominus terram Gessen, vbi soli pascebantur Israëlitarum greges. Sic enim habes ibid. v. 26. *Tantum in terra Gessen, ubi erant filij Israël, grando non cecidit*. Hic ergo, vbi non promiscuè

misere cum Aegyptiorum pecoribus, sed in abito loco seorsim morabantur animalia Hebræorum, adeoque communem eadem effugiebant, non emisit rex vastitatis, suæ exploratores, & nuntios, quia mirabilis erat, quod ex animalibus Aegyptiorum, & Hebræorum, quæ in eisdem campis pasciebantur, morerentur illa, quæ erant Aegyptiorum, non autem quæ erant Hebræorum, quàm quod terra Gessen esset immunis ab aliqua plaga, inquit Burgenfis. Magno beneficio à grandine seruata Gessenorum terra fuit, sed illud nihil mirum, quod salua manserunt eorum pecora, quorum regio plagæ inaccessa erat: At quod in eisdem pascuis hæc peste mortem incurrerent pecudes, illæ linguarum suarum falcibus herbas, & gramina lætæ, atque incolumes demeterent, id permirum erat. Et stupendum reuerà miraculum fuit, quod inter grassantem luem in communibus pascuis brutorum alia luderent saltibus, alia pestis contagione extincta occumberent, hic exultaret Hebræi cuiusdam agnellus, illic Aegypti exanimis occideret capreolus, Mirabilis erat hoc, quàm quod totus alibi extrà grandinis iactum, solusque postus armentorum, & cæteri pecoris grex seruatus fuit. Quando autem regi nuntium attulerunt suorum pecorum inter cætera salua interemptorum, irà conturbatus, & velut consternatus fuit, vt incredibile existimaret, quousque à suis de visu certior factus prodigiosam plagam cum stupore celebravit. Et meritò tanta barbari regis animum occupauit admiratio, nam si diuersa fuissent occisorum pecorum pascua, differentia præta, alia, atque alia gramina, quibus vescebantur, nihil nouum fuisset, quod his saluis, & incolumibus illa mortua fuissent: Verùm quod ex his, quæ communia habebant pascua, & per eosdem agros promiscuè vagabantur, eisdemque cibis vrebantur, illa vitam deuorârunt, hæc mortem comederint, id tale est, vt cuius vel non nihil prudenti adferre admirationem, & stuporem queat.

Iam si hoc tam mirum visum Pharaoni, si tam ingentem, & vehementem perturbationem aulicorum, cæterorumque subditorum illius animis attulit tam rari supplicij aspectus, quantam in cordibus Christi fidelium excitabit commotionem, qui tales quotidie, continuèque fieri plagas vident? Quod semel in Aegypto factum, id apud fideles innumeris vicibus accidit, nimirum vt eorum, qui communi videntur victus, & mensæ eidem accumbunt, & eodem vescuntur cibo, quidam quidem alacriores, vegetiores, sanctioresque surgant, alij verò mortem oppe-

tant, & seipsos eâ re iugulent, & obruncant, quæ alij confirmantur, & roborantur, quanquam in eisdem agris pascantur, eademque annonâ ad sui alimentum vtantur: Nam si diuersa essent fercula, ciborumque, quos sumunt, differentes qualitates, minùs nouum foret, quod alijs salutem adferrent, exitium alijs adducerent; illud verò quemque meritò mouet, stupidumque reddit, quod idem panis, & cibus sub idem tempus alijs gratiæ vitam adfert, alijs mortem, & interitum. Vide parâ summptionis quàm sit dispar exitus, clamat Doctor Angelicus.

Loquebatur Dominus Moysi, suadebatque, vt vindicandi populi sui officium alacriter, animosèque susciperet, eius, quem seuius tyrannus, & barbarus rex vinculis onustus, intolerabilique seruitute oppressum tenebat. Vt verò certum haberet, supremum Monarcham Deum esse illum, à quo legatus destinabatur, omnipotentiam suam experimento ibidem dare probatam voluit Dominus, præcepitque Moysi, vt virgam, quam manu tenebat, solo affigeret. Obtemperauit ille, proiecitque virgam, & versa est in colubrum, ita vt fugeret Moyses, Exod. 4. 3. validus, magnanimusque alioquin pastor, tam immanis, trux, ac formidabilis erat serpens, in quem baculus transformatus fuit.

At quid populi Hebræi ductor timuit? inquit S. Cyrillus Hierosolymitanus. Quomodo coluber vnus conijcere in fugam potuit hominem, in opacis syluis, in montium iugis, inculta, horridaque in eremo animalia terrefica varia, plurimaque videre assuetum, quæ suâ feritate, truculentia, venenato halitu metum, ac horrorem illi incutere sæpè potuerunt? Vnde nunc illi tam immodicus, & ignauus timor, tamque vehemens trepidatio, vt ille, quamuis amplissimus solitudinis locus, nimis angustus ei videretur, atque in pedes sese daret, cum squameum anguem in spiras sese tractu colligentem, & trifurcâ minantem linguâ videret? Vnde illi tam inusitatus pavor? Quare tam formidolosus, vt fugâ dilabi inciperet, qui Deum coram præsentem habebat, à quo tam faciliè defendi, ac sospitari poterat?

Satisfacit quæstioni sanctissimus Patriarcha cætech. 12. inquiens: Fugebat, non metuens id, quod tenuit, sed timens mutatum. Non illum coluber exterrebant, non metum ei vel draconis, vel alterius cuiusvis etiam formidabilioris anguis species adferrebat, non hoc, non tale quidpiam illum expauesciebat, qui aspernari sæuitiam leonis, serpentum nihil curare feritatem, immanitatemque bestiarum aliarum ridere solitus erat, id verò illum tantum non

prostratus

prorsus exanimabat, quod baculus, quo niti, & lassos artus sustentare, & propulsare nocitura consueuerat, in horridum, venenatum, mortiferumque animal conuersus esset: *Ingiebat non metuens id, quod tenuit, sed timens vana sua.* Non mouisset Moysen, si vel latebroso è spelæo inopinatus draco erupisset, vel ferox vrsus, vel cruentus lupo, vel sæua tigris insperato illum appetisset: Verum quod ex baculo nata ruina, ex fulcro strages orta, theriaca in venenum versa, vita in mortem mutata esset, hoc illum ignauè timidum, hoc immodicè merulosum, hoc attonito similem fecit. Tale quid in hoc diuinissimo sacramento, inque diuite hac, & dapili mensa licet videre, quod Incredibilem adserre possit admirationem, sit enim, atque vtiā non indies, ac tam sæpè, vt panis vitæ vertatur in pabulum mortis, antidotum in aconitum, medicamentum in nocumentum, baculus in gladium mutetur, sitq; causa ruina, quod fulcire, & constabilire alioquin soleat. Et cum talis mensæ cibus sit vnus, operationes plurimum contrarias habet. Hæc verò est suprema infelicitas, & incomparabilis miseria. Hic dolorum Hercules suas figere columnas, ac dicere potest, calamitatem hac maiorem inuestigare, aut inueniri aliam nullam posse.

Tempore Elisæi magnâ fame affligebatur terra, in qua ille habitabat. Præcepit ergo cuidam suorum, vt grandem appararet ollam, & coqueret pulmentum filijs Prophetarum, quos habebat socios familiares, & alumnos. Obscutus ille abiit in agrum, vt colligeret herbas, quæ adornando pulmento essent commodæ, incidit autem in syluestrem quasi vitem, decerpensque ex ea colocyntidas agri impleuit pallium suum, & reuersus concidit in ollam pulmenti, nescius quid ferret, quidue intereret. Propinatum ex cocto iam pulmento socijs, qui cum amaritudinem eius (quæ in illis colocyntidis maxima est,) degustassent, magnis vocibus, & his verbis patrem suum Elisæum inclamare cœperunt: *Mors in olla, &c. Dei;* 4. Reg. 4. 40. tãquàm dixissent. Quid hoc sibi vult, homo Dei, quod mortem in cacabo; toxicumque inuenimus, in quo nos vitæ alimoniam repetituros sperabamus?

Ioannes Iherosolymensis serm. 43. Tom. 4. inquit: *Admirantes dixerunt, mors in olla, non in gladio.* Inde ergo illorum nata est admiratio, quod mortem in olla reperissent, vnde nutrimentum vitæ experi solet. Si strictis gladijs vitam sibi eripi vidissent, non hoc tantoperè mirati fuissent, vitæ namq; interitus,

Tom. I II.

neque aliud quid à gladio expectari potest, hoc scilicet gladij munus est, partiri integra, dissecare, ac diuidere coniuncta, & vnitorum nexus soluere. Verum quod in olla, in alimento sit mors inclusa, absconditum venenum, occultatum toxicum, hoc magnam mouet admirationem, & stuporem adducit. Simile quidpiam est in hoc diuino Pane, quod admiratione obstupefacere possit, illud nimirum, quod celestis ille cibus alijs quidem vita est, mors verò alijs, qui si gladius esset, necemq; eis afferret, minus hoc deplorare possent, verum quod illis theriaca pro veneno est, lapsusque, & damnationis occasio, per quod alij in gratiæ sublimiorem gradum perueniunt, hæc infelicitatum suprema, & maxima.

Ærummosissima certè calamitas, & deplorandissima miseria est, ex eo mortem sibi consciscere, quod pro vitæ spiritualis alimonia, & futuræ gloriæ pignote institutum, relictumque fuit. Ingrediebatur sacerdos Zacharias templum Domini, vt pro consuetudine, & ritu sacerdotij incensum poneret, & preces funderet. Apparuit autem illi hæc occasione S. Gabriel Archangelus, & ex Deo nuntiavit, auditam fuisse ipsius orationem, vetulamque, & sterilem vxorem eius edituram filium, *Et vocabis, inquit, nomen eius Ioannem, Et multi in natiuitate eius gaudebunt;* Lucæ 1. 13. 14. cuius vita portentum, poenitentia miraculum, prædicatio erit prodigium. Cum talia, & his plura audisset Zacharias, multas celesti nuntio obiecit difficultates, in quibus hæerant, quod & ipse senex, & vxor grandæua esset, addedque sibi impossibile videretur, quod ille ex Deo pollicitus fuerat. Tunc Angelus: *Ego sum Gabriel, qui sto ante Deum, Et missus sum loqui ad te, Et hæc tibi euangelizare. Et ecce eris tacens, Et non poteris loqui, pro eo, quod non credidisti verbis meis;* ibidem v. 19. 20.

Exclamat hic S. Petrus Chrysologus serm. 88. Quis simile huius, quod Zachariæ accidit, aut vidit aliquando, vel audiuit? *Zacharias ipse in ipso tempore placationis offendit, qui dum credit, dubitat, dum postulat a promeretur, incurrat, condemnatur munera ipsa cum suscipit, qui vocem, cum vocem percipit, tunc amittit.* Quis rem aliam tam admirabilem, quis tam stupendum prodigium vnquam vel auribus percepit, vel oculis arbitratu fuit! Zacharias pontifex in templo, vbi mitigare Deum debuit, irritauit, hocque eo tempore, quo lenire illum voluit, & fidem, cum dedit, negauit, cumque gratiam, quam diu spirarat, affectus fuit, impegit, & deliquit, *Et vocem, cum vocem percipit, tunc amittit.*

H h h

Diuius

Divinus Præcursor filius Zachariæ est vox illa, de qua longè ætè Prophetæ euangelicus dixerat: *Vox clamantis in deserto, parate viam Domini*; Isa. 40. 3. Quod tibi ad literæ sensum de cœlesti venturi Messie præcone locutus fuerit Isaias, id omnes Euangelistæ affirmant. Et Ioannes ipse hoc confessus est, quando interrogatus à Iudæorum legatis, quisnam esset, respondit: *Ego vox clamantis in deserto*; Ioan. 1. v. 23. Quando hæc tam sonora, & stentorea vox nata est Zachariæ, tunc ille obmutuit, tunc audiuit: *Eris tacens, & non poteris loqui*. Videre hic (ait sanctus Ravennatum archiantistes) supremam Zachariæ infelicitatem, qui vocem, eum vocem percipit, tunc amittit, perdit cum inuenit, cum expiat, irri-
tat. Quid progredi longius miseria potuit?

Hoc ipsum multis sæpè contigit Christianis: In ipso tempore placationis offendunt, condemnantur, minus ipsa cum recipiunt; theriacam tanquam toxico-
se dant morti, pane obtruncant, scuto sauciant, ex voce obmutescunt, ab igne congelant, luce cæcantur, ex medicina infirmitatem contrahunt, albedine obscurantur, vitâ moriuntur, pulchritudine fœdantur, & ex gratia sibi damnationem constant. Eslne infelicitas, quæ certare cum ista de magnitudine possit? Eslne miseria, & dolor, qui hoc nomen mereatur, si eum illo comparetur? Nonne hæc calamitas calamitates omnes complectitur? Nonne hæc in re infelicitatis omnis summa consistit?

CAPVT V.

Damna, & incommoda huius angustissimi Sacramenti non suam à cibo cœlesti originem ducunt, sed à malo statu, & peruersa dispositione tæmentis, & cæci peccatoris, qui eum percipit, nascuntur.

O Te miserum peccatorem, quot miracula euer-
tis! quot prodigia dissipas! quam diuites the-
sauros malè, ac turpiter prodigis! quantas opum
copias infructuosè perdis! ò cæcum, & perditum,
cui pro suæ malæ dispositionis merito vita mortem
adferre, antidotum pro lethali veneno est, & gloriæ
pignus damnationem parit! Hæc te sic fides docet,
hoc tibi prædicat Apostolus, hoc sacri Doctores mo-
nent. Res ipsa loquebatur, quod tu ipse ruz per-
ditionis parens tibi, interitusque sator, & sator fu-
urus eras: Quid enim vitij in illa pollucibilissimo
& mellitissimo pane, quid toxicum in tam cœlesti cibo,
quid lethiferum esse in carne possit, quæ vita est i-
pissima? Paulus te inclamat, vt diligenter aduer-
sas, qualis sacrosanctam illam, ac tremendam men-

sam adeas, in qua tibi apponitur, & exhibetur diui-
nissimum, & augustissimum tui Redemptoris cor-
pus, dulcissima ambrosia sacratissimi, & pretiosissimi
sanguinis illius, suauissimi animarum nectaris, vbi
vna in paropside, vnoq; in vase tibi offertur totum,
quidquid immensa Dei munificentia, & largitas in-
finita dare mortalibus potest. Pauli vox ista est ex
1. Corinth. 11. 27. 28. 29. *Quicumque manduca-
uerit panem hunc, & biberit calicem Domini indi-
gnè, reus erit corporis, & sanguinis Domini. Probet
autem seipsum homo, & sic de pane illo edat, & de
calice bibat. Qui enim manducat, & bibit indignè,
iudicium sibi manducat, & bibit, non diiudicans cor-
pus Domini. Quisquis tam proiectus est, vt cum ve-
ste sordida, anima flagitijs contaminata sacram cœ-
nani adeat, & mensæ Dominicæ accumbat, is iudi-
cium, damnationem, mortis æternæ reatum sibi e-
odem ore, & opere sumit, quo diuinissimum illum
cibum, & potum accipit. Pragmaticæ namque san-
ctiones, & leges Dei inuiolabiles hoc volunt, vt qui
optatum ex hoc sacro cibo fructum sperat, in gratia,
& amicitia eiusdem Domini illum edendum susci-
piat, atque ad eam rem ijs modis, quos Ecclesiæ
præscribit, & Doctores dicant, se præparet. Quare
qui in malo statu communicat, qui peccato mortali
obnoxius hanc mensam adit, ille suæ intereccionis
causa est, ille sibi ipsi mortem concepsit, ille ex pane
sibi gladium cudit, ille antidotum in æconitum, &
gloriam in damnationem vertit, non danti Christo, sed
accipientis nequitia, vt inquit Chrysologus ser. 55.
Summum bonum est, quod in hoc conuiuio eden-
dum proponitur, nihil ex illo mali redundare po-
test, ab homine, qui imparatus, & non ritè, dece-
terque cultus illi sese ingerit, damnum omne pro-
ficiscitur.*

Cum rex Dauid secum reputaret, & confectam
senectute ætatem diuitis æquè, ac humani Berzellai,
& officia, quæ ab eo illi fuerant exhibita, conuictus
in aula regia gratiam ipsi offerebat, inquit: *Veni
mecum, & requiesce secum mecum in Ierusalem*;
2. Reg. 19. 33. Non admisit ille delatum officium,
sed his verbis comiter refutauit: *Non indigeo hac
cristandine, sed obsecro, & reuertar seruum tuum, &
moriar in ciuitate mea, & sepeliar iuxta sepulchrum
patris mei*; ibid. v. 37.

S. Petrus Damianus ex interpretatione nominis
Berzellai eruit quandam doctrinam moribus for-
mandis aptam, & præstenti instituto opportunam:
Berzellai, inquit ille lib. 2. epist. 13. *ferrum meum
interpretari dicitur. Quid est durum ferro? quid
pertina-*

peritacijs validi mallei iſtibus obſiſtit, ac ferrum? Quam præclara figura, & effigies eius, quod Deo cum homine in iſto cœleſti conuiuiſſe, & ſuauiſſimo cibo accidit! Nam quoddam homo durus, contumax, veneno infectus abit, qui à piendiſſimo patre ad ſumendam theriacam, ad confirmandam ſalutem, ad hauriendum potum vitæ, ad recipiendam varia gratiæ beneficia inuitatus fuit, id nemo niſi inuitatus ipſe, & conuiua facit, qui non ſe pro debito, atque vt decet, præparat, vt tantorum beneficiorum lucrum faciat, & auguſtiſſimi illius Sacramenti proprios fruſtus referat. *Congruè ferrum meum de ſe quilibet homo durus, & obſtinatus dicit,* inquit eminentiſſimus Cardinalis. Congruè omnino ac merito, quidquid enim mali recipit, quidquid incommodi patitur, quidquid veneni bibit, quidquid iudicij, & damnationis manducat, quidquid iræ theſaurizat in hoc lauto, & ſplendido conuiuiſſo, hoc ipſius culpæ, & errore accidit, atque inde totum proficiſcitur, quoddam illas ſacras dapes temerarius, incultus, imparatus irruit.

Cùm in horum conſideratione verſaretur Sanctus Gregorius Nazianzenus, & periculum pertimeſceret, cui ſe exponunt, qui diuinam illam ſynaxin recipiunt, lachrymabundus aiebat Orat. 21. *Cùm ipſi principatum tenere videamur, & in eorum, qui ad Deum appropinquant, numero ſumus, & cœteræ ne malè appropinquemus, & tanquàm ſtipula ad ignem.* Cùm nos in puppi Eccleſiæ ſedentes clauum illius moderemur, & quotidies ad menſam magni Regis conſideamus, inque cordium noſtrorum hoſpitia illum admittamus, timeo, idque plurimum, ac vehementer, ne ea ſit noſtra præcipitantia, temeritas, & cœcitas, vt hoc nobis cum Deo accidat, quod aridæ ariſtæ cum igne, quod incautæ papilionis cum flamma, quod proterui, rudi, inſciolo puero cum acuto cultro. Niſi enim nouerimus nos rectè diſponere, ſimilia, atque ipſum plura, tunc maiora incommoda expectare ab illo cibo poſſumus, qui in ſeipſo ſpiritus eſt, & vita, & gratia. Quod ſi nonnunquam ignis eſt, qui adurat, aut gladius, qui feriat, aut venenum, quod infectat, & interficiat, aut laqueus, qui ingulet, id ſit, quoddam peccator ipſe ſibi quærat, parer, adornet eiufmodi damna, incommoda, exitia, ſuis manibus ſanguinem ſuum fundat, & ſeipſum obtruncet.

Circerus, aut corbita, aut alia maximarum vaſiſſima nauis, tanquàm natatilis quidam ſcopulus, per oceani ſpumæos fluctus, quocunq̃ue eam ambigui venti inconfiſtans libèrò raptat, fertur. Videt il-

lam procul inde è carcheſij ſui ſpecula velox cataſcopus, obtuſique vultus imbecillitate deluſus, albam, paruſamq̃; columbam conſpicere putat, quæ paſſis alis ærem verberans paulatim aduolitet. Inclytus martyr Sanctus Euſtathius ait: Quoddam ille motu conſpicit, monti ambulatorio, quàm nauis ſimilius, nonne tam eſt amplum, latumq̃ue, vt innumeros carinâ ſuâ excipere hoſpites queat? Nonne velut ſilua, quædam eſt abietum, quercuum, pinorum? Nonne altum quoddam, diſfuſumq̃; promontorium eſt, quod ventorum impulſu, & carbaſorum adminiculo ſuperat maris fluctus, tumenſesq̃ue eius procellas calcet? Prorsum ita res habet. Quamobrem ergo, quod mons eſt, formica videtur? Cur ariſta putatur, quod ſilua eſt, aut columba exitimatur, quod eſt balæna?

Reſponder Sanctus Euſtathius comment. in Hecram. *Noſtra ſiſſo, cum ipſa parua ſit, parua etiam & ea, quæ cernuntur, & opinemur eſſe, efficit; proprium morbum rebus ſiſſis communicans.* Ex oculorum noſtrorum obtutu hebet, atque imbecillo ſit, vt quæ grandia ſunt, & ampla, videantur anguſta, & puſilla, nam vt viſus noſtri facultas parua eſt, & debilis, ita ſuam infirmitatem, & exiguitatem in res viſas quodammodo tranſfundit, ſuæ menſuræ eas quadantenus conformans. Itaque non iam in re, quæ cernitur, ſed in modicella pupilla, quæ videt, defectus omnis eſt poſitus.

Quam benè dictum illud ab Euſtathio: *Vt parua eſſe opinemur, parua ſiſſo efficit, proprium morbum rebus ſiſſis communicans!* Debilis noſtra videndi facultas tenuitatem, & infirmitatem ſuam rebus, quas cernit, allinit, & ex magnis paruas, ex ſublimibus humiles, ex elephantibus formicas facit. Tantundem in rem præſentem dicere poſſumus. Diuinum hoc Sacramentum eſt vita, eſt medicina, eſt theriaca, denique omne bonum, quodcunq̃ue anima expectiſſe, & optare poteſt, nec enim eſt aliud, quoddam præterea deſiderari etiam ab auidiſſimo queat: Verùm ſi mors eſt, ſi toxicum, ſi gladius, ſi damnatio, cui hoc adſcribemus, niſi malæ diſpoſitioni, & infelicitati eius, qui ſuper ſubſtantialem illum cibum temerè, atque indignè manducat? Ille eſt, qui ſuo vitio vitam in mortem, panem in gladium vertit, efficitq̃ue, non vt parua, ſed vt noxia ſint, quæ ex ſe ſalubria, proprium morbum rebus communicans. Miſer ergo communicans ipſe ſibi perniciet ſuæ cauſa eſt, damni ſui, & exitij ipſe author.

Nam vt Plinius lib. 26. c. 8 (cuius ſuprà lib. 6. c. 4. plura attulimus) ait: *Eò mores Genère, & homo*

maximè cibo pereat. Quòd cibi mactent, quòd escæ interimant, quòd conuiuia velut accipites gladij sint, qui ferculis, & poculis obruant, & iugulent, hoc vitæ solutioris effusa licentia, hoc flagitiorum immodicus vsus, hoc peccandi nimia libertas, hoc morum, & malæ consuetudinis corruptela facit. Magnus ergo Philosophus non culpitat cibos, neque in escam refert incommoda, quæ inde consequuntur, sed in prauos mores tanquam præcipuam omnis mali, & detrimenti ex illo epulo, venientis causam. *Eò mores venèra, Et homo maximè cibo pereat.* Si homo cibis quotidianis moderatè, frugaliterque, vt debet, uti, & iustam ad victum adhibere temperantiam velit, tam præcul aberit, vt hic illi mortem adferat, vt vitam potius in annos longiores producat. Hoc idem in re præsentī affirmare possumus. Quòd cœlestis hic cibus vt vitæ est, sic & mors sit, vt panis, ita & gladius, toxicum æquè, ac theriaca, hoc fides clamat, Paulus dicit, Thomas adstruit: At quòd vitalis panis sit lethalis, quòd salutaris cibus mutetur in dirum, fatalemque gladium, quòd medicamentum in exitium vertitur, cuius culpa hoc fieri dicemus: *Mors est malus.* Malum omne, quodecunq; ex optimo illo, & diuino cibo nascitur, alteri imputare nec possumus, nec debemus, quàm contaminatis moribus, sceleratæ vitæ, exulceratæ conscientiæ, venenato pectori, animæ demùm impuræ illius, qui sacrosanctæ illi mensæ sordidus conuiuia temerario sese ausu ingerit, & panem de cœlo manducare indignus præsumit: *Eò mores venèra, Et homo maximè cibo pereat.* Quando enim ad hoc epulum decenter se præparat, & animam puram, cor mundum, conscientiam intaminatam adfert, totasque interiores ædes, quibus supremus monarcha hospes excipendus, ab omni mortali squalore expurgat, quis dicendo explicare, quis recensere numerando possit gratias, dona, beneficia, quæ ex illa mensa talis conuiuia referet? quis verbis eloqui voluptatem interiorem, & cœlestes consolationes, quibus anima illius ex lautissimo isto, & suauissimo cibo perfunderetur?

Huc faciet nomen, quo Sanctus Petrus Apostolus augustissimum hoc, & diuinissimum Sacramentum donauit, cum ait: *Sicut modò geniti infantes, rationabile, sine dolo lac concupiscite, Et in eo crescat in salutem;* 1. Pet. 2. 2. velut pluribus dixisset: Tanquam charis filijs, & dilectis fidelibus vobis consulo, vt velut recens editi infantes, hoc est, puro, integro, sincero animo homines appetatis, & accipiatis lac illud, intellectualem istum liquorem, in quo fraus nulla vaquam fuit, nec erit aliquando.

Quòd hæc verba de Sanctissimo altaris Sacramento intelligi queant, affirmant Lorinus, Cornelius, Salmeron, Torres, qui lib. 8. Constituit Apost. cap. 13. sic habet: *Beatus Petrus de Sanctissima Eucharistia accepit lac,* quod vt primitiui Christiani acciperent, fuisse. Eadem sententia hodie apud plerisque obtinuit, qui pietatis, atque eruditionis laude florent, & magno Reip. catholicæ bono, ingentique christianæ educationis, & rectæ institutionis commodo perdoctos non minùs diligenter elaborarunt, quàm elucubrarunt, & procuderunt Sermones, quorum pars magna Vega, Valderrama, Morillus, Perezus, Manriquez, Poncius, Andrada, Villarroel, Auendanno, Peraza, Ribera, & alij, quorum commentationes vt cum veneratione lego, ita ingenuè, & cum plausu probo, admiror, commendo. Sed in vsu rei nostræ inuenio mysterium in illo lactis nomine commodum Sanctissimo huic Sacramento, quod ex Galeni quodam annotatione exculpfi. Obseruauit ille artis medicæ facile princeps peculiare aliquid in lacte, quod his verbis exposuit lib. 6. de simplic. medic. facult. *Lac, est gustu su dulce, ex se nunquam amarum efficitur.* Cum reliqua dulcia periculo acoris semper sint vicina propter corruptionem, quam faciliè patiuntur, lac solum id habet gratiæ naturalis, & priuilegij specialis, vt non acefcat, vel amarescat, nisi acredinem illi, alienumque saporem hostis extraneus, coagulum, dico, aut aliud tale quidpiam, inferat: *Ex se nunquam amarum efficitur.* Rara certè, & mira lactis proprietas!

Secundùm hæc quod Sanctus Apostolus Petrus de hoc diuinissimo Sacramento ait, esse *rationabile sine dolo lac,* tale est, ac si monuisset, vt quisq; diligenter attendat, quomodo adeat vbera sanctæ matris Ecclesiæ, quæ suam illi in altari præbet alimoniam, cogitetque, quòd si fortè lac acefcat, aut amarescat, & in toxicum vertatur, id non sacrosancti illius cibi vitio fieri, lac nimirum *ex se nunquam amarum efficitur,* sed culpâ sumentis, & vitio vasis, in quo excipitur: Nam vt Horatius in epist. cecinit:

Syncerum est nisi vas, quodecunq; infundis acefuit. Vita ergo in mortem vertitur ei, qui vitalem cibum peccato mortali obnoxius manducat, & lac quod dulce maneret, si sibi relinqueretur, ex affecto vase acefuit, & male cedit bonum, quod in statu malo non bene quis accipit.

Quem non chamæleon amplà illà, & ampullosà appellatione sua exterreat? Quis chamæleontis de visu sibi altoquin ignoti nomen audiens, non ingens sibi, & validum, & toruum, & iubarum, & concitum, & longà,

& longâ, torosâque ceruice apud animum animal fingat? Talem mihi illum imaginabar, priusquam oculis arbitratus fuero, postquam verò rem habere perspectam cepi, comperi quòd bestia esset *quadrupes, tardigrada, agrestis, humilis, aspera*, qualis Pacuio est testudo ex Cic. lib. 2. de diuinat. Persuaseram ego mihi tantæ amplitudini nominis respondere præclaras, & magnificas operationes. Putabam chamæleontem vt noto leoni multitudine syllabarum antecellit, itâ & vitium robore illum superare. At contrarium experientia me docuit, cum enim illum vsurpare oculis licuit, vidi tardum, fœdum, squalidum, horridum, timidum, ignauum, trisque languidum, ac desidem, vt magis denotare gradum, quam promouere, & tota montium pondera ferre videatur, & volucrum, præpetemque restudinem dicere possis, quam est accipiter, si cum illo componas. Vnde verò chamæleonti tam tardi pedes, tam grauis & impeditus gressus? An ex vitio, quo alitur? Fortèan ferro, arenâ, saxi, plumbo vescitur, vt hinc fiat, quòd tam cunctante progrediatur? Diuturno enim vsu, & longo experimento didicimus, qualia sunt nutrimenta animalium, talia ferè esse ipsa, quæ inde viuunt. Galenus namque lib. de alimon. apud Franciscum Valeriol. lib. 2. cap. 6. locorum commun. ait: *Alimentum auget, corroborat, incarnat, & assimilât*. Hanc doctrinam ex sententia Platonis approbant, & tradunt Aristoteles, Theophrastus, Ioannes. Brucherius Campegius, qui tale quid etiam in plantis, & arboribus obseruauit, nimirum proprietates terræ ferè derivari in fructus, quos proferunt: *Sape & ideam arborem laetam, ac nitentem*, inquit ille lib. 1. de re cibarij, c. 20. *in locum alium transpositam deterioris terra succo deperisse*. Atque hæc tam sunt indubitata, vt morum humanorum conditiones magnam partem referantur in conditionem ciborum, quibus vescuntur. Hinc fit, vt Hispani ex vitio, quem solum eorum fertile producit, sint versari, & iudicio præstantes, de quo idem author vbi supra: *Calidarum, & siccæ terrarum populi astuti, callidi, & prudentes iudicantur, quales sunt Hispani*. Confirmat hoc, quod de alimentorum proprietatibus in mores hominum redundantibus diximus, Romanæ eloquentiæ parens in Orat. pro lege Agrar. inquit: *Ingenerantur hominibus mores ex his rebus, quæ ab ipsa natura loci, & vitæ consuetudine suppeditantur, quibus alimur, & viuimus*. Secundum hæc vnde tanta pedum ignauia chamæleonti? An è terra, in qua degit? Nequaquam. Eadem enim terra habet anima-

lia quædam alia, nec paucæ, quæ pernecitate ventos propè exquant. An à cibo, quo viuunt? Minimè omnium, vt videtur: Nam vt Tertullianus lib. de Pallio cap. 3. ait, *de vento cibum*, nec alio quam aërio alimento viuunt. At si ventus, & aër est illi victus, & tota annona, cur non earundem rerum proprietates illi adhærescunt? Quomodo tam plumbeis pedibus est, qui leuissimo aëre, & celerrimo, incitatissimoque vento pascitur? Cum alimonia suas conditiones in eum, à quo sumitur, diffundere solet, qui fit, quòd ventus siam velocitatem in chamæleontem non transmittat, vt cursu ceruum superet? An pastus vitio hoc accidit? an cibi defectu? Nihil minus. Vnde ergo tam graues, & impediti pedes animali, quòd tali pabulo vescitur?

Tertullianus vbi supra dicit: *Follicans ruminat, oscitans vescitur*, forbetque, & mox respirat quamcunq; oscitante excepit alimonia. At si chamæleon tam indiligenter, & ignauiter suum cibum haurit, eumque non secus ac follis penè simul & ingerit, & regerit, quid mirum, quòd tam parum ex suo pastu proficiat, & augeat? quid mirum, quòd alimonie efficacitas tam parum in illo elucescat? Et cum non sese decenter, atque vt debet, disponat, quid mirum, quòd levis ventus illi in grauem arenam, & inanem auram in plumbi pondera vertatur? Parum enim facit, quòd cibum sit ventus, si à malè parato non rectè sumatur.

Possumus hoc rei propositæ, & causæ, quam tractamus, accommodare. Quid causæ est, quòd cum hic celestis, & diuinus cibum sit ignis, qui corda inflammet, manna, in quo tam variæ delitiæ reconditæ, paradysus, in quo recreentur animæ, dulcissimus fons, qui spiritualium consolationum blandam aquam diuite venâ fundat, validus baculus, qui sustentet, ærarium, quod contineat bonorum, quæcunq; excogitari, & optari possunt, infinitam copiam, multos tamen, qui eum accipiunt, nec sustentet, nec recreet, nec confortet, nec consoletur, nec locupletet, nec emendet? Causa est similis illi, ob quam apud Tertullianum chamæleontes ex suo pastu parum crescunt, & proficiunt, quia *oscitantes vescuntur*, aduenit sacra cena, accumbunt mensæ dominicæ, comeduntque tepidi, remissi, frigidi, negligentes, neque ritè se, atque vt decet, comparant ad supersubstantiales epulas, & nobilissimas dapes percipiendas. Quid ergo illis enolumenti adferre panis ille potest, quomodo oporatus effectus in illis operari, qui à profana conuersatione, à risu, & iocis, ab obambulationibus otiosis, à vanis collo-

quijs, & iulibus, à nugis, & dissolutione sacræ Synaxi sese ingerunt, nullâ inter communionem interpositâ die, quâ effusum animum reuocent, dissipatum recolligant, torpentem excitent, gelidum inflament, sed ad sacram mensam non secus atq; ad profanam (sub qua hilariusculè iocari, ridiculisque, & facetis dictis oblectare mutuo licet) distracti, inarteti, & remissi, ac negligetes adeunt, & supremum Dominum, Creatoremq; sic suscipiunt, ac si nihil discriminis cõstitueret inter corpus Filij Dei, quod ex sacrosancto altari sumunt, & cibum, quem domi suæ manducant? Qui tam profanè communicat, quomodo sperare potest fructum ex cibo, cum ad tam insignitum beneficium recipiendum tam malè paratus accedat?

Quod ad diuinum hunc cibum attinet, ille summenti ineffabiles gratias confert, si aliundè nihil obliet. Eapropter dicebat Apostolus: *Probet autem seipsum homo*, 1. Corinth. 11. 28. antequàm sacramentissimum corpus Domini, quod in altaris mensa proponitur, sumat. Vbi Apostolus, ex notatione bonorum Interpretum, singulari cum mysterio, plurimum contrâ, atque inter comedentem, & cibum euenire solet, loquitur. Cibi, quibus per diem communiter vescimur, priusquàm mensæ inferantur, & sumantur, prægustari, & probari solent, num eam habeant conditiam, & saporis gratiam, quam eiusmodi fercula requirunt. Verùm quod in altari comeditur, id non probatur, inquit Paulus, sed ille econtrâ, qui comedit, & conuiuiæ conditiones examinanatur: *Probet seipsum homo*, non conuiuium, & cibum, in quo nihil desiderare possis, quod ad optimam, saluberrimam, præstantissimam escam pertineat, quæ cum sit caro, & sanguis Dei, palam est omnem secum adferre saporis suauitatem, quamcunq; auidissimus expetisere queat.

Si non est ita, recurramus animo ad nomen, quo seipsum donauit Dominus eâ nocte, quâ edendum, bibendumque reliquit. *Ego sum vitem, & Pater meus agricola est, omnem palmitem in me non ferentem fructum, tollit eum, & omnem, qui ferit fructum, purgabit eum, & fructum plus afferat*, aiebat Ioan. 15. 1. 2.

Notârunt hic, quod & alibi à nobis commemoratum, Chrysostomus, Theophylactus, Euthymius, quàm attentè, penicillatè, ac sapienter locutus fuerit Dominus, qui cum æternum Patrem suum agricolam, se vitem, nos palmites vocasset, illius studium, & occupationes non circâ vitem, sed circâ palmites versari dixit. *Pater meus agricola est, curator tamen non radicis, sed palmitum*, inquit Euthymius. Et sanctus Chrysostomus: *Pater meus agricola est. Quid?*

Auxilio indiget Filius? Absit. Non radici, sed palmitibus agricola curam conferre dicit. Radix, ac vitis industriam non requirit agricola, palmites verò manum eius implorant, quæ vel inutiles rescet, abijciatque, vel bonos putando reddat feraciores. Radix nimirum integerrima est, vitis sana, & fertilis, neque cultore opus habet. Cum ergo Dominus huius Sacramenti speciebus testis ipsa vitis, ac radix sit, vade sacer corporis cibus, & diuinus sanguinis liquor manat, suam secum adfert commendationem, & neque putatione opus habet, nec purgatione, neque curatione aliquâ, cum sit ipsa puritas, & candor lucis æternæ, & splendida, viuæque imago immensæ bonitatis Patris. Palmites itaque, & rami rescandendi, purgandi sunt, & homo magno studio se probare, introque, & circumspicere debet: *Probet autem seipsum homo*; per quem fit, ut sacrosanctum illud conuiuium non respondeat fini, ad quem est institutum. Vt in conuiuium ipso quis reperiatur defectus, fieri non potest. Curet tantum conuiuiæ, ut debite, decenterque accedat, ita pientissimi Domini nostri desiderijs satisfact, qui liberalissimè sui copiam facit, cibumque se, ac potum animabus alendis proponit.

Iuxta hæc quisquis vult frui fauoribus, & delitijs, quæ ex hoc sacramento referri solent, quisquis optimos tam celestis arboris fructus decerpere, quisquis vitam in vita reperire, & ex cibo vtilitatem, profectum, robur virium capere, disponat se feruenter, præparet impigrè, examinet diligenter, excolat studiosè, mundet sollicitè, adornet aulam quâ excipiendus tantus Dominus, quænto maximo potest heroicarum virtutum seu pretiosissimorum peristromatum apparatus. Ante omnia verò domum, quam immensus ille hospes initurus est, riget purissimâ lachrymarum à penitissimo, & penitente corde natum aquâ, cuius vnus odore gratissimo plurimum pascitur amantissimus Deus. Euerrat totas curiosè ædes, angulosque illarum omnes scopis diligentis examinis, & humilis confessionis expurget (bonum etiam fuerit, domi corpus suum afficere, voluntariisque à se exigere poenas, antequàm cum tam potente Principe comesturus accumbat) & splendidissimè, ut solennioribus, & maxime festiuis diebus fieri solet, vestiatur, & vnum inprimis charitatis amicum conferat, quod ornamentorum omnium facile præstantissimum est. Quod enim magnifici apparatus, omnisque vitæ cultus diues, atque elegans, quod aula, monilia, auro rigentes vestes, & gemmæ virtutum, morumque sanctorum, nisi ad præparandum Deo hospitium vertantur? Qui ad eum modum, talique

lique
mum h
faciat
eidote
qui pro
paradis
na, quæ
noctet,
glorie

Pan
fatigati
est tam
Liu
Aius
quidpi
& deince
secreta
dicit ill
florum
sumpt
capit
minu
Conclu
quibus
Sacer
boque
est dule
tatis, &
affici
rium sua
hunc et
& super
nimæ n
didâ en
dam vel
tiarum,
gentia b
Dispo
tur, hæ
torque
Sacer
mentum
tur, qui
pelagus
uinæ leg
velut ep
mysteri
tionibus

lique Audio, & curā sese prepararit, illi augustissimum hoc sacramentum erit thesaurus, qui diuitem faciat, baculus, qui sustentet, panis, qui roboret, aneidorum, quod ab omni morbo præferuet, clypeus, qui protegat, lux, quæ ducat, ignis, qui inflammet, paradysus, qui recreet, fons, qui refrigeret, medicina, quæ sanet, amicus, qui assistat, dominus, qui honoret, pater, qui defendat, pignus, per quod futuræ gloriæ quietem reperiat.

CAPVT VI.

Panis hic diuinus, & dulcissimus, suauissima defatigatio est intellectus humani, cui per honorificum est tam amabili martyrio cruciari.

Alium nobis Ecclesia mater nostra effectum huius augustissimi Sacramenti detegit, affirmans quidpiam de illo, cuius alibi quoque mentio facta, & deinceps ad reliqua capita vsus erit. In oratione secreta Feriæ V. Dominicæ III. in Quadragesima dicit illa ita: *In tuorum, Domine, pretiosa morte tuorum sacrificium illud offerimus, de quo martyrium sumpsit omne principium.* Perspicuum quidem est, & capiti facile, quod hic decetur, & dicitur: Nihilominus arbitror non pugnare cum illorum verborum sensu eum, quo ad proxima tria capitula vtat, in quibus tria exponam martyria, quibus sublimè hoc Sacramentum tres animæ potentias afficit, probaboque, quod Dominus in hoc Sacramento præsens est dulcis dolor intellectus, suavis cruciatus voluntatis, & amabilis, charaque memoriæ orux, atque afflictatio. Aio itaque, quod dicitur omne martyrium suam ab hoc Sacramento trahere originem, id hunc etiam posse habere sensum, quod ab hoc sacro, & supero Pane quodammodo nascitur, quidquid animæ nostræ facultates, quas dixi, patiuntur, candidâ enim nube accidentium tectus Dominus quoddam velut martyrium efficitur trium animæ potentialium, sed tale, ex quo illa plurimum fructus, & ingentia beneficia consequantur.

Dispiciamus primo loco, quid intellectus patiat, hæc enim animæ potentia supra cæteras acrius torquetur, & grauiore cruciatu exercetur.

Sacramentum hoc diuinum, fons, & origo sacramentorum omnium, **MYS-TERIVM FIDEI** vocatur, quia reuerè mare magnum, & abyssus, & archipelagus est omnium mirabilium, & mysteriorum diuinæ legis, & actionum Domini nostri, & quidam velut epilogus, ac summa eorum, quæcunque vel in mysterijs diuinæ legis, vel in Domini nostri operationibus admiramur, & stupemus. Quod verò hoc

mare tam est amplum, tam profunda abyssus, tam immensus oceanus, hoc ipsum incitat intellectum humanum, vt maiore animo, & contentione ardentiore, & vehementiore conatu illud inuestigare meditatione, & ingenio persequari, & suis viribus penetrare cupidissime velit. Nam cum homines, vt est apud Aristotelem, naturæ scire desiderant, illud audiùs, atque enixius intelligere concupiscunt, quod minus assequi posse videntur, & captum eorum altius transcendit.

Prophetâ regius David siebat, diuinæ legis testimonia, & verba esse admiranda, secreta, recondita, inquit: *Mirabilia testimonia tua*; Psal. 118. 129. Sed quid ex eo secutum, quod Dei testimonia tam essent admirabilia, reclusa, occulta, absconsa, impenetrabilia? Illud, quod *ideò scrutata est ea anima mea*, inquit David, tanquam dixisset: Ipsa mysteriorum tuorum inaccessible sublimitas me incitauit, atque inflammavit, vt in eorum indagationem totâ ingenij contentione incumberem, enixiusque operam darem, vt ea inuestigarem. Alia istorum verborum lectio apud Caietanum sic habet: *Separata testimonia tua*; abdita, & procul à me absita; sed hæc ipsa causa est, quæ me extimulauit, & impulit, vt quantum coniti animo possem, quantum labore, studio, lucubratione contendere, tantum facerem, vt in illorum cognitionem alis intellectus meus subuectus penetrarem. At videtur homines contrarium facere, & sic magis ratiocinari debere: Mare altum est, abyssus profundissima, mons cum stellis de sublimitate certat, ergo nec illud vado trajicere, nec hunc ascensu superare tentabo, quia audaciam meam ipsa rerum difficultas impedit, ac retundet: At si dicam, mare profundum est, idcirco tentabo vadare, mons caëminosus est, eaque propter conscendere illum conabor, non satis prudenter loqui, & cogitare videbor. Quomodo ergo ait Propheta, ideò velle scrutari testimonia, quod sint admirabilia, & plurima habeant, quorum sit ardua, atque operosa cognitio; cum ipsa illorum intelligendorum difficultas audaciam eius magis reperire, & sciendū audiret infrenare debuerit, certè impedire potuerit? In alijs rebus ita ferè accidit, vt nemo facile tentet opus, vel onus, cui impares humeri addet, verum intellectus humani aliter, atque ita comparata est naturæ ratio, vt quod abstrusus est quodque mysticum, eò pertinacius id scire velit, quod editius montis fastigium, eò enixius conetur ascendere, quasi arduitas illi animos addat, & audaciam difficultas augeat. Nam vt Aristoteles 1. Metaph. c. 2.

ait, *propter admirari homines* & nunc, & primo *capere philosophari*, ipsaque rerum abstrusarum obsecratur spiritus humano addidit ingenio, ut quæ sunt difficiliora intellectu, hæc avidius scire cupiat.

Ad huius rei confirmationem non parum faciet id, quod Moyfi evenit. Pascebat ille in deserto foci sui lethro oves, videbatque procul inde admirabile mysterium, nempe rubum in medio ardentium flammarum tam illæsum, elegantem, viridem, ut non solum nihil damni ab igne acciperet, verum etiam fruticescere videretur, & magis assentari voluisse incendium spinis, folijs, radici rubi, quam incommodare. Cum rem eiusmodi nullatenus visam cerneret Moyses, audacter inquebat: *Vadam & videbo visionem hanc magnam, quare non comburatur rubus*; Exod. 3. 3. videbo qui fiat, quod flammam totum, quem ob oculos positum habeo, rubum ardere complectatur, & inuoluet, non adulescat tamen, neque offendant. Quid excitavit Moysen, ut portentum tam stupendum explorare cuperet? Quid movit, ut habere compertum velle auderet? Ipsius hoc expressit, dicens: *Vadam, & videbo visionem hanc magnam*. Ipsa rei nunquam visæ magnitudo, & insolentia prodigij, & difficultas mysterij illum impulit, ut cognitum habere cuperet. Hæcine verò illum exstimularunt, & adegerunt? Hæc ipsa: Nam quod visum tam ingens, & novum esset, hoc illum inflammavit, ut quid sibi inflammatus, ac nihilominus per omnia saluus, illæsusque rubus vellet, indagare desideraret. Humanus namque intellectus id fidentiùs adoritur, & contumaciùs persequitur, quod sublimius est, captumque illius longius transcendit, aut abstrusiores habet recessus, accipiterque nostri ingenij eam insectatur ardentius ardorem, quæ suarum remigio alarum altius erigitur, & montium iuga editiora petit.

Hoc sanctissimus Apostolus Petrus, ut mea quidem fert opinio, dicere voluit, cum ait: *Propter quod succincti lumbos mentis vestra, sobrii perfecti sperate in eam, quæ offertur vobis, gratiam, in revelationem Iesu Christi*; 1. Pet. 1. 13.

In his Apostoli verbis prima sola expendenda veniunt, ea nimirum, *succincti lumbos mentis vestra*, quæ facilem habere sensum videntur. Lumbi enim quod ex sacris literis compertum habemus, lascivi ardoris, & foedæ libidinis symbolum sunt, & succingere lumbos idem est, quod huius flagrantis, & inordinati appetitus irritamenta, & perlecebras infrenare. Sic enim & illud, quod Dominus aiebat: *Sint lumbi vestri præcincti*; Lucæ 12. 35.

tantundem fuit, ac si dixisset: Este castimoniz studiosi, & curate, ut carnem ab omni inconcessa libidinis contaminatione puram servetis. Ad hunc sensum exponit ea Domini verba S. Gregorius Papa homel. 13. in euang. dicens: *Lumbos præcingimus, cum carnis luxuriamper continentiam coarctamus*.

Cum ergo S. Petrus iubet, ut succinctos habeamus lumbos mentis nostræ, videtur hoc velle, ut castimoniam intellectus servemus. Ergone in intellectum cadere luxuria potest, aut turris appetentiz ardor, qualis ille est, qui carnem succendit, & inflammavit? Non potest. Quod ergo Petrus ait, tale quiddam est, ac si dixisset, necessum esse cingere intellectus nostros, stringereque, & coarctare ingeniorum nostrorum quosdam velut luxuriz ardores, quam patiuntur similem ei, quæ homines lascivi, & lubrici, ac venerei laborant: Nam ut hi mulierculas eas avidius appetunt, & contentiosius insectantur, & insectant pertinacius, quæ se magis abduunt, & oculis, occasioque, omni studiosius subducunt, & vehementius cauent, detestanturque flagitium; sic intellectus noster, quæ maxime illum fugiunt, & quæ ingenio assequi minime potest, ea perniciacius nosse appetit, non tam turpi, intemperante, tamen luxuria, & lasciviâ percitus, quam edercere, & moderari, siue succingere, ut S. Petrus loquitur, oporteat.

Sponsus in Canticis, cum Sponsæ suæ venustatem, & formæ elegantiam dilaudare insisteret, aiebat: *Oculus tuus columbarum, absque eo, quod intrinsecus lateret*; Cantic. 4. 1. hoc est, rosei, gemmeique tibi è vultu oculi rutilant, non secus ac columbarum solent, ut interius occulta, & secretiora quædam tua ornamenta tacitus prætereant. Post hæc singulari eulogio purpureas, nigrasque, genas celebraturus, frustillo malo granati eas comparat, inquit: *Sicut fragmen mali punice, ita è genis tuis, absque eo, quod intrinsecus lateret*; ibid. v. 3.

Venerabilis Abbas Gilbertus serm. 22. in Cant. ait: *Cur non vel ad modicum illud, nescio quid latens, communicas? Plus nos ad quærendum allicui, dum illud latere intrinsecus dicis, & curiositatem nostram amplius irritas, tantum silentio mysterium premeis. Plus nos, dum taces, trahis; velut pluribus dixisset: Cum nos commemoratione laudum Sponsæ tuæ, quas avidis auribus magna cum voluptate excepiamus, pascis, & oblectas, Domine, melleorum verborum tuorum suavitatem felle non paucis condisti. Dicis dissimulare te, quæ illam interius venustissimam, ornatissimamque reddant, dicis silentio involuere perfectiones illius maximas, quos cum in ea esse*

esse prædicas, velum, quo inuoluuntur, non explicas, & laxum, quo teguntur, & obſignantur, non ſubmoues. Quid verò talia agens efficias? *Curſum tuum noſtram amplius irritas*, ex aquis, incendiis, & velut ſtimulis quibuſdam incitas, vt vehementiore teneamur auiditate cognoscendi ea, quæ tacita relinquis. *Plus nos, dum taces, trahis*, & quò grauiorẽ ſe nobis obijciunt difficultates, eò validius contrà nititur, & reconditorum notitiam enixius appetimus. Proprium nempe hominum eſt, moſque ingenij noſtri hoc habet familiaris, vt maiore virium contentione rem illam pertentet, cuius aditus fortius ſunt recluſi, & in illum murum pertinaciorẽ curioſitate arietet, cuius magis ardua & difficilis demolitio.

Ex dictis prudens quiſque iam acceperit, quantos intelleſtui humano diuinum hoc ſacramentum pariet cruciatus. Nam cùm ille ratiocinando id auidius, contentioſius, audaciùſque indaget, quod magis abſtruſum eſt, & reconditum, cogitate, qui poteſtis, quantum laboris, deſatigationis, & doloris illi adſerit hoc myſterium, quod tam profundum eſt, & viribus ingenij natiuis prorsùs inacceſſum.

Sed hoc ſolatio eſſe debet hominibus ſciendi auidis, & cùm hoc myſterium, tum alia eiufmodi quantum vellent, intelligere non valentibus, quòd ſi in captiuitatem redegerint in obſequium Chriſti, & fidei illius ſuum intelleſtum, gloriari poterunt plura ſe quodammodò perſpicere ingenio ita ſubactò, & conſtrictò, quàm videre in ipſa gloria queant.

Quantumcunque illud ſit, quod in beatitudine, & futura gloria quis videat, quantumuis ſe quis erigat, & attollat, in quantamcunque contemplationis altitudinem aſſurgat, fieri tamen non poteſt, vt Deum, quem per eſſentiam videt, etiam comprehendat, ſicut ipſe ſe comprehendit. Affirmat hoc Doctor Angelicus 1. p. quæſt. 12. art. 7. vbi ſciſcitatur, *Errum videntes Deum per eſſentiam, ipſum comprehendant*. Et quæſito reſpondet his verbis: *Comprehendere Deum impoſſibile eſt cuiſcunque intelleſtus creato, attingere Verò mente Deum qualitercunque magna eſt beatitudo*, & dicit Auguſtinus. Videte ergo nunc quomodo fides in hac vita dat intelleſtui humano, quod gloria illi concedere non poteſt. Cùm enim impoſſibile ſit, Deum clarà viſione comprehendere, per fidem ego illum certo quodam modo comprehendendo, per illam namque tantum de illo obſcure intelligo, quantum ille de ſe ipſo cognoscit. Propterea Angelus Doctorum S. Thomas fidem vocat animoſam, valentem viribus gygantem, inquit: *Quod non capis, quod non vides, animoſa ſeruat fides*; in

quibus nota epitheton, quo ille donat, & ornat fidem, vocans animoſam, audacem, plenam roboris. Merito autem tam honorificè celebratur appellati-
one, tantos enim habet animos, vt cum Deo certare, & dicere veraciter poſſit, non plus, aut maius aliquid illum facere poſſe, quàm ipſa credat, & conſiteatur, & magnitudini potentie illius patem eſſe fidei ſuæ magnitudinem, nec plura Deum ſcire, quàm ipſa illum per ſapientiam ſuam intelligere agnoſcat, nec magis opulentum eſſe, quàm ipſa ſibi perſuadeat, nec indulgentiorem eſſe, quàm ipſa ſentiat, nec plus dignitatis, maiestatis, diuinitatis habere attributa eius cætera, quàm ipſa indubitatò nòrit. Hoc verò eſt fide quodammodò comprehendere Deum, nec enim Deus plus eſſe poteſt, quàm ego rectè fide credam. Et hanc ob cauſam vocatur animoſa, nimirum, quia cum Deo credendo contendit de omni opere maximo, quodcunque ille facere poteſt.

Et hinc, quantum exiſtimo, ſenſum aſſequemur difficilis cuiuſdam dicti, quod apud penitentem Leporium preſbyterum in epiſtola emendat, ſic habet: *Noſtrum eſt credere, illum noſſe*. Loquitur compunctus ſacerdos de fide, quam diuinis debemus myſterijs, atque, ad Deum ſpectare, vt quod de quauis re pronuntiat, intelligat, noſtri verò muneris eſſe omnibus illius eſſatis indubitanter, & abſque vlla animi hæſitatione aſſentiri, quod porinde videtur, ac ſi dictum fuiſſet: Credamus fide verà, ſinceràque aſſertione firmiter approbemus, quidquid prima Veritas nobis dicat, & ſuggerit, ſic enim, vt videtur, fiet, vt nulla ſit magiſtri, & diſcipulorum, nulla Domini, & fidelium differentia, nec enim ille plus in ſe eſſe poteſt, quàm ſit in noſtra cognitione, & magnitudo eius magnitudini fidei noſtræ excellere, vtrique limites eius extendi nequit: *Noſtrum eſt credere, illum noſſe*. Maior ille in ſe eſſe non poteſt, quàm per fidem nobis proponitur, nec quicquam eſt, quod ille de ſe ampliùs manifeſtare queat, fide namque tantum creditur de Deo, quantum de ſe ille nouit, idque ad modum, quem diximus.

Conſtat hanc doctrinam melliffuus Doctor ſerm. 31. in Cant. inquit: *Fides lucem non extrinſecus, ſed cuſtodit*. Quidquid ſane eſt illud, quod vides Angelus, hoc mihi ſombra fides ſeruat fidei ſinu repositum. Fides fidum ſcrinium eſt, quod immenſam, infinitam, ineffabilem Dei magnitudinem totam complectitur. Ergo quanquàm humanus intelleſtus vim ſibi inferat, & diſcurſus ſui alas ſubmittat, & fidei captiuum ſe addicat, maxime illum ea decet captiuitas, cui & hoc per honorificum ſit, ſi illi reſer-

centur alæ, & velo. quod accipitri fieri solet, tegantur eius oculi, fides namque illi quodammodo concedit, quod præstare gloria non potest, nimirum ut Deum credendo utique comprehendat, quod videndo in æterna patria nequit.

CAPVT VII.

Lauta hac mensa est amabilis exercitatio voluntatis, dum illi non permittit videre faciem eius, quem & proximum habet, & plurimum diligit. Sed quæstiosa est voluntati omnis illa vexatio, pæna, afflictatio.

Quod amor sit dulcis tyrannus, qui torqueat, & suavis carnifex, qui optimè nouerit quando necessum sit, distendere fideiulas, nemo est, quantum mea fert opinio, qui nesciat. Nec quisquam est, qui non auditu aliquando acceperit illud sancti Gregorij Nazianzeni ex Orat. 28. *Amorem dulcem tyrannum agnoscere capi*, simulatque amare, & hoc esse illum ingenio comperi, quod rem suam facere, & alumnos suos, quotquot sese illi dedunt, vexare nonnunquam, & afflictere sciat. Tale quidpiam dicere possumus accidere voluntati cum hoc diuino sacramento, & ardentissimo illo amasio, qui tectus panis, & vini speciebus per accidentium cancellos animas celestis procus ambiciosè appetit, & corda velut malleis contundit, cum non se aperit animabus, quas deperit. Et videntur illæ amanter queri posse, & querere, quomodo tam acerbè torqueat, qui tam ardentè amat, quomodo tam vehemens dilectio tam graues adferre dolores valeat. Nam qui seipsum liberaliter tradit edendum, atque ex parte altera tam abditè abscondit, videtur duo facere, quorum alterum summè voluptuosum, alterum cruciabilissimum. Et voluptas quidem maior ne cogitari quidem potest quàm est ea quæ sub vna buccæ totus Deus sumitur: Illud verò intolerabilissimè cruciat, si usurpare oculis nequeas tantum donum, & tam immensum bonum, quod proximum habes. Nam si pœnarum, quæ in hac vita infligi possunt, pondera examinemus, nullam grauiorem reperiemus, quàm non posse frui bono, quod ad manum est, & vicinam non videre gloriam. Demus hoc probatum, vt inde accipiamus, & intelligamus, quòd hic diuinus panis, quemadmodum est vexatio intellectus, sic etiam sit afflictatio voluntatis.

Filij Israël, quod illorum ductor Moyses narrat, postquam victores mare rubrum transferunt, in quo barbarus Pharaon, omnisque illius exercitus sub-

mersus, extinctusque fuit, cum solitudinem Sur transi-
duo pertransissent, venerunt in Mara, inueneruntque aquas plurimas quidem, sed tam salas, & amaras, vt eas bibere, nisi ardentissimâ alioquin sitim suam magis accendere vellent, non possent: *Venerunt in Mara, nec poterant bibere aquas de Mara, eò quòd essent amara*; Exod. 15. 23. Subiicit autem paulò post sacrum oraculum: *Ibi constituit ei præcepta, atque iudicia*; vers. 25. quod LXX. Interpretes nonnihil luculentius sic reddiderunt: *Et ibi posuit illi Deus iustitias, & iudicia*. Sed quomodo iustitiæ suæ rigorem ibi exercuit? quomodo ibi populum illum duris præceptis constrinxit? quomodo ibi iudicia seueriora exercuit? Nonne misera illa Ægypti seruitus, & ardens captiuitatis sartago, in qua viui frangebantur, multò plus austerioris iustitiæ diuinæ habebant, quàm illæ eremi aquæ amaræ? Cur ergo ibi, in illo deserto Sur, iuxta illas aquas seuerius cum illo populo egisse Deum, acerbioresque ei pœnas irrogasse dicitur? *Ibi posuit illi Deus iustitias, & iudicia*.

Respondet Origenes homel. 7. in Exodum: *Ibi, ibi amaritudo, ibi sitis, & quod grauius, sitis in abundantia aquarum, ibi posuit ei Deus iustitias, & iudicia, alium non erat locus dignior, aptior, & seuerior, quàm iste, in quo amaritudo est, nec vlla commodior, opportuniore contumacibus illis pro merito castigandis occasio, quàm ea, quæ tunc vsus fuit Dominus, cum ibi eos multauit.*

Notate mihi in his Origenis Adamantij verbis ista: *Quod est grauius, sitis in abundantia aquarum*. Sæuissimum est, qui à siti venit, cruciatus, & acerbum tormentum: At quem sitis inter aquarum ingentes copias affligat, illius atrocissima est pœna, nihil enim intolerabilius, quàm proximum habere suæ calamitatis remedium, & tam parùm illo vri posse, ac si infinitis spatijs distaret. Ibi ergo Deus populum suum acerbius afflixisse videtur, quàm in ipsa seruitute Ægypti, nam cum æquè vicinam haberet aquam, ac sitim, & bibere eam nequiret, quid illi pœnalis accidere poterat? *Quod grauius est, sitis in abundantia aquarum*. Si quis Tantali miseriam experiat, capietque nequicquam aquas in aquis, & siti tantum non enecetur, eius tam crudelis est dolor, vt immen-
siorem imaginari nemo posse videatur.

Propheta regius amore iustitiæ magis, quàm cupiditate vindictæ incitatus Deum rogabat, vt in feroces hostes suos digno supplicio animaduverteret, inquiens: *Exergat Deus, & dissipentur inimici eius, & fugiant, qui oderunt eum, à facie eius*; Psal. 67. 2.

Enucle-

Enucleemus speciatim qualis sit vindicta quodue supplicium, quod illis imprecatur, cum ait: *Sicut deficit fumus, deficient.* Notandum itaque deficere, quod est *desinere*, (vt aiunt Ioannes Passeratius, & Ambrosius Bergomas, & sacra scripturæ etiam non paucis exemplis ostendi potest) hic significare confici rabie, tabescere inuidiâ, consumi dolore. Dicit ergo Propheta: Conficiantur eo luctu, maxore, ac dolore hostes tui & mei, quo conficeretur fumus, si intellectu præditus esset: *Sicut deficit fumus, deficient.* At quo malo extabescere fumus posset, si rationis compotem natura fecisset? Eo, quod Plautus in Curculione Act. 1. scen. 1. habet: *Flamma fumo est proxima, fumo comburi nihil potest, flammâ potest.* Cum sint coniunctissima fumus, & flamma, & vnâ, idemque habeant principium, ille tamen imbecillis est, & euanius, hæc mirum valida, ille pertenuis, & infirmus, hæc vorax, potens, formidabilis, ille obscurus, & exosus, hæc lucida, & amabilis. Si ergo sensibus, & ratione ornatus esset fumus, adeoque suis rem quamlibet ponderibus arbitrarî nouisset, quænam illi atrocior, & intolerabilior inferri poena posset, quàm quod se videret proximum ardori, neque tamen accendere, vicinissimum luci, nec illuminare, coniunctissimum flammæ, neque adurere, neque ceteris illius proprietatibus vllis gaudere? Quod ergo Propheta ait, *sicut deficit fumus, deficient*, perinde est ac si dixisset: Quemadmodum fumus contabesceret, si rationis capax esset, ita hostes tui, ac mei contabescant. Habeant vires magnas, sed nullum earum vsum, exercitationem nullam. Habeant ad manum cornu copiarum omnis boni, & nunquam illo frui possint. Siti ardentissimâ iuxta irriguum, & largissimum fontem laborent, & bibere non concedatur. Habeant arcas confertas numis, sed emolumentum ex eis nullum capere queant. Sint idolorum similes, vt neque pedibus ambulent, neque palpent manibus, neque oculis videant, neque loquantur ore, vt hinc eorum augeat dolor, sitque cruciatus, quantum fieri potest, vehementissimus, vt cerè est immanissima illius poena, qui frui non potest bono, quod proximum habet.

Nam vt inquit sanctus Petrus Chrysologus serm. 132. *non parum est cruciatum vasa non cernere, audita nescire, saluifera velut noxia declinare, virtutes quasi vasa sic cauere.* Cerè non qualiscunq; doloris est non cernere animo, quæ oculis exposita habeas, neq; intelligere, quæ audias, & antidorum tanquam toxicum fugere, & benefacta ceu flagitia auerari. Hoc genus tormenti omnium facile crudelissimum est.

Appropinquabat Dominus Iericho. De aduentu autem prodigiosi Magistri certior factus quidam cæcus, qui secus viam sedens mendicabat, magnis vocibus succlamans aiebat: *IESV fili David miserere mei;* Lucæ 18. 38. Habebat plurimos eâ occasione viæ comites Christus, ex quibus hi, qui præibant, increpabant cæcum, & tacere iuebant, verum ille à miserabili illo cæcitatâ malo liberari cupiens, contentiores voces dabat, dicens: *Fili David miserere mei;* ibid. v. 39. Ad se ergo adduci oculis captum mendiculum diuinus Magister imperauit, & cum proximè accessisset, quid sibi vellet, interrogauit. Cui ille: *Domine Et videam;* ibid. vers. 41. tanquam dixisset: Quidnam ego ærumnosissimus homulus obsecrare maiestatem tuam possum aliud, quàm vt me à dura seruitute calamitatis, quàm patior absoluas?

Haymo Halberstattenensis Domin. Sexages. Tom. 1. Bibliothec. Homel. ait: *Ecce cæcus à Domino non aurum quarit, non argentum, non exorem, non equum, non pallium, non cetera istius sæculi emolumenta, sed tantum lucem.*

Quamobrem verò sola oculorum lumina sibi restitui rogabat, cum Dominus neque suæ potestatis executionem, neque illius petendâ facultatem ad re vnicam restringeret, & coarctaret? *Domine Et videam*, rogo inquebat. Cur vnum, solumque visum suspirabat, neque aliud præterea obsecrabat?

Responder Halberstadiorum Episcopus: *Quid cæcus, si aliquid habere potest, non potest illud videre sine oculis.* Circumfluat opum copiis capus oculis, sint illius amplissima fortunæ, quid ex his voluptatis capiat, quarum pulchritudinem, elegantiamque arbitrari non potest? Eapropter dicebat cæcus: Oculos ego, Domine, solos volo, & peto. Nam si diu ingentes proximos habeat auri cumulos, & rerum aliarum thesauros, eorumque & magnitudinem, & fulgentem, decentemque speciem alij plurimū mihi prædicat, si crebrò hortū ingrediar, floremq; illius nullum videam, si ad manum sit ædificium sumptuosum, ac magnificum, cuius admirandam structuram, concinnas commissuras, & partes ad miraculum artificiosè elaboratas intueri nequeam, quis acerbior cruciatus, quis vel par dolor huic esse possit? *Quid cæcus, si aliquid habere potest, non potest illud videre sine oculis.*

Admiratione digna est quædam precatio, quâ populi Israëliti dux Moyses apud Dominum vtebatur, cui magno studio seruiebat, & omnem religiosi cultus obseruantiam enixè deferebat. Obsecrationem suam his verbis complexus fuit: *Si inueni gratiam in conspectu tuo, ostende mihi faciem tuam:* Ex-

xod. 33. 13. velut dixisset: Si aliquo aliquando officiorum genere te demerui, sit hæc, obsecro, studiorum in te meorum vnica remuneratio, vt velo detracto vultu tuum oculis meis vel paucillisper permitteas, vt ad horulam videre mihi liceat, quod flagrantius illi quam beati spiritus tota æternitate aspeçant.

Sed quid in hac oratione admirandum? Quid nouitatis habent eiusmodi preces? Quod supremum Dominum de facie videre voluit, nonne dignum tali viro factum fuit? Estne aliud, quod homo præterea desiderare debeat? Nunquid hunc solum ob finem conditus fuit? In quo ergo precationis illius admirabilitas posita fuit? In quo? In eo, quod Moyses paucis lineolis ante affirmavit, inquit: *Loquebatur autem Dominus ad Moysen facie ad faciem, sicut solet loqui homo ad amicum suum*; ibid. vers. 11. Recenset eo loco sacer historicus insignita, & nunquam audita beneficia, quibus à Domino ornatus fuerit, inter quæ illud singularissimum erat, principemque locum obtinebat, quod tam familiariter illo Deus vñs sit, quam consuecere cum intimo suo homo quispiam soleat, & ad amicam confabulationem vsque se submiserit, quando *loquebatur facie ad faciem*. Hæc sunt, quæ mouent difficultatem, & admirabilem faciunt Moysis petitionem. Nam si facie ad faciem, vt ait, cum Domino loquebatur, si familiares vtrò, citroque sermones Deus, & Moyses miscebant, mutuòque spectabant, quid est, quod faciem illius sibi ostendi ille precabatur?

Respondet Oleaster in annot. morali: *Loquebatur sicut duo amici, quorum alter est in tenebris, alter in luce, aut sicut duo in obscurissima nocte, aut loco similibus colloquantur*. Qui sic sermones conferunt, vt hic in luce, ille in tenebris sit positus, aut certe vterque vel in tenebricoso loco, vel atra in nocte versetur, ij vtiq; facie ad faciem colloquantur, neq; tamen mutuò vident. Quotidie id euenire solet. Moyses ergo crebro cum Domino communicabat, facieque ad faciem differebat, nunquam tamen vultum eius, quocum loquebatur videbat, in medio namque erat densæ nebulae, opacarum tenebrarum, obscuri fumi caliginosum velum, quod faciebat, vt ad vultum illius penetrare oculis non posset. Itaque cum tam propè haberet venerabilem, splendidam, ac diuinam Domini sui faciem, neque videret tamen, persusus lachrymis, atque effusus in terram, ita supplex orabat: *Ostende mihi faciem tuam*; velut pluribus dixisset: Retrahe, pietissime Domine, si ita placet, istas cortinas, submoue ve-

lum, quod mihi impedimento est, vt amabilem tantæ lucis maiestatem, & inconfutabilem venustissimæ faciei tuæ gratiam videre non possim: Quod enim tam prope abes à manibus, tam procul ab oculis, quod te proximum non conspicio, quem vicinum audio, hoc ego tormentorum omnium, quibus me exeruciare possis, acerbissimum, ac tale arbitror, vt nullo alio meam æquè exercere, & exagitare patientiam possis. Quid enim tam grauiter, & intolerabiliter afficere possit, quam gloria, bonum, thesaurus, quæ proxima habeas ad manum, ad vñm tam absita, ac si nullus ea vnquam aut vidisset, aut contrectasset?

Ita sentit Patriarcha Sophronius, qui in homeliæ de Angelis sic ait: *Quid homini potest contingere miserabilius, quam bonum desideratum ob oculos possum habere, neq; desiderato tandem frui posse?* Multo sanè melius, feliciusque cum illo actum esset, si videre datum non fuisset id, quo frui non est concessum, nam vt tritum sermone proverbium habet, *oios que no ven, coraz on que no lora*, hoc est, cuius non vident oculi, etiam cor non plorat. Habere enim ob oculos bonum, quod diu ardentem suspiraueris, rem, pro qua plurimas lachrymas verteris, monile, quod maximis studiorum, sollicitudinum, anxietatum impendijs obtinueris, & ab eius fruitione prohiberi, atq; atceri, *quid potest contingere miserabilius?* Quæ magis luctuosa infelicitas, quis atrocior cruciatus, quam illius, cui suâ felicitate magnis laboribus, multoque sudore paratâ, eaque præsentem gaudere negatur? Truculentior carnificem, iniquiorem fortunam nemo facile expertus fuerit.

Hæc est pæna, hic dolor, & cruciatus, qui infligi voluntati ex parte oculorum potest. Cum enim intellectus illi ex fidei certa institutione dicter, eum, qui sub speciebus sacramentalibus rebus occultusq; latet, esse Dominum totius maiestatis, Creatorem cæli, & terræ, ipsissimumque illum, qui cælo empyrio Imperator præsidens, omnes sanctos habet amicos, & stipatores, ac perpetuos suæ laudis decantatores non alios, quam beatos sine numero Angelicos spiritus, speciosum formâ præ filiis hominum, & illicitum oculorum à summo vertice ad extremam calcem: Perspicuum est, incredibilem hoc voluntati adferre dolorem, quod videre prohibetur tam opulentum Dominum, tam sapientem Deum, tam potentem, pulchrū, formosum regem. Quis hac de re dubitet?

Sed temperatur hæc poena, leuisque, & dulcis fit cruciatus, si cum alterutrum eligendum, vt aut videas illum, & non comedas, aut comedas, & non vi-

deas, quid tibi sit conducibilis, apud te reputes. Palam autem est, quod voluntas, cum verumque horum simul habere in hac vita nemo possit, visioni interim libens renuntiare debet, ut comestitionis beneficium consequi possit, incomparabiliter enim maius est bonum, quod comestio adfert, quam voluptas, quæ à corporali intuitu venit, immò & cruciabilis est, non comedere quod videas, quam non videre quod comedas,

Dicat hoc nobis malus dæmon, qui tali quodam doloris genere protoparentem nostram infestauit, quod illam fraudi suæ ex sententia adornandæ, & conficiendæ aptiorem putaret. Is incautam virginem recens nuptam talibus verbis adoriebatur: *Cum præcepit vobis Deus, Et non comederetis de omni ligno paradisi* Gen. 3. 1. Quæ habet ea dæmonij verba sensû?

Ex sancti Ioannis Chrysostomi homel. 16. in Genes. talem, *Quare hoc? quia utilitas versari in paradiso, & non frui illis, quæ in illo sunt? Sed idcirco maiorem fortis dolorem, quod spectare quidem vobis licet, frui non licet.* Ex illius sacri Doctoris commentatione tale ferè est, quod voluit stygius dæmon dicere: O infelices! quam vos miseror! quam doleo vicem vestram, illam tam iniquam, & aduersam! quæ esum vobis denegat omnium huius paradisi fructuum, quorum visum passim offert, nec permittit solum, sed non ob aliud offert aspectum, nisi ut grauius vestrum exulceret animum, & exaggeret cruciatum, dum non concedit ore usurpare, quod oculis, nec velli eo, quod videre. Quanto satius esset esitare, quam inueniri? *Idcirco maiorem fortis dolorem, quod spectare quidem vobis licet, frui non licet.* Itaque cum alterutrius optio datur, ut vel re aliquâ videas, et non comedas vel comedas, & non videas, quæto prestat comedere, & non videre, quâ videre, & non comedere, maxime quâdo indubitata est comestio, & certò paratus cibus.

Cinxerat Bethuliam ciuitatem Holofernes, quam cum ille diligentius circumspexisset, inuenit fontem propius à moenibus abstitum, ex quo oblessi omnes suum haurirent sitis leuamen, & refrigerium. Quare incidi præcepit aquæductum, itaque hoc illis quodcumque solatium ademit. Subiecit autem statim sacer textus: *Erant tamen non longè à muris fontes, ex quibus furtim videbantur haurire aquam, ad refecillandum potius, quam ad potandum.* Iudith. 7. 7. ut magis vidisse, quam bibisse aquam videantur. His verbis voluit diuinus historicus indicare: Quos miserorum obessorum dolores, ut qui aquas ob oculos habuerint ad solam actiorem afflictationem. Quæ enim acerbius exercitatio, quam fuculosofozum,

qui solis oculis hauriunt, quas ne extremis quidem labijs licet degustare, aquas? Oppidò nempe grauius est videre, quod edere vel non possis, vel non audis, quàm edere, quod videre nequeas.

Hinc Aristoteles affirmauit, animalia, quæ ex rapto viuunt, & præda, nullâ capere oblectatione ex visis ijs, quæ sūt illorū pastui apta, & gustui grata, nisi gustus ipse, tactusque accedant. Ille apud Abulensem in c. 27. Genes. sic habet: *Canes non gaudent odoribus leporum, sed comestione, leo non gaudet in voce bovis, sed in comedere, &c. Videns ceruum, & capram non delectatur in visu eorum, & auditu secundum se, sed quia per visum, & auditum inueniet ceruum, & capram.* Nemo vitam solo visu tradidit, vitæ cæci oculorum orbitas nihil officit, victus alimonia necessaria est. Postquam ergo Dominus, pro suo immenso erga nos amore, voluit esse dulcissimum nectar, & suauissimum nutrimentum animarum, sic tamèn, ut nonnisi rectum illum sumamus, quânto nobis conducibilis est, quod illum cum negatæ visionis pensione, siue onere percipimus, quamquàm neque pensionis onus est, sed beneficium maius, dūm enim editur, quod non videtur, fides amplius exercetur, ubi autem acrior fidei exercitatio, ibi abundantius meritum, quorum verò copiosius meritum interris, eorum erit affluentior gloria in cælis.

CAPVT VIII.

Dulcissimum hoc Corpus, & Sanguinis dominici beneficium, quia diuinorum donorum maximum est, idcirco validissime torquet memoriam, sed hæc à vicina voluntate habere commendatò potest, unde suam leuiorem faciat cruciatus ærumnam.

Quod hoc diuinum sacramentum sit beneficium, quum Dei supremum, miraculorum maximum, donorum opulentissimum, munerum pretiosissimum, gratiarum præstantissima, id sacri Concilij Tridentini luculenta sententia habet, eaque sess. 13. cap. 2. his verbis expressa: *Saluator noster discessurus ex hoc mundo ad Patrem sacramentum hoc instituit, in quo diuinitas diuini sui erga homines amoris & velut effudit, memoriam faciens mirabilium suorum, & velut in summâ contrahens, siue in compendium redigens quicquid prodigiorum ante huius sacramenti instituti tempus vnquam operatus fuit. Nam sacrosanctum hoc mysterium, ut Angelicus hic Magister Opusc. 57. ait, est Miraculum ab ipso factorum maximum, in quo amor vires suas, consueque exeruit, ut Deus maiora his, quæ hominibus dat, præstare*

non possit, cum enim seipsum dono offerat, quod posthac largiatur, nihil habet reliquum.

Quando ergo memoria hominis secum recolat beneficium, quod anima in hoc augustissimo Sacramento recipit, quod est mirabilium Dei memoria, quomodo fieri potest, ut non vehementissime angatur, & prae verecundia sese abdat, dum cogitat & domorum, quibus à Deo prae-grauatur, immensa pondera, & debitorum, quae inde contrahit, infinitam magnitudinem, & suae tenuitatis exilitatem, & inopiam, per quam obligationis suae vel minimam particulam compensare non queat, tamen si opum facultates, quotquot imaginatio sibi fingere potest, & thesauros omnes, quos auidissimus optare, aut excogitare queat, in vnum cumulum conferat, totosque ad hanc rem vnam vertat? Quomodo sub intolerabili debitorum onere, non ingemiscat, quae se tanto in aere alieno esse nouit, & non esse soluendo non nescit? Quomodo res illam ista non frangat, non conficiat? Inexplicabilem necesse est eius esse dolorem, & cruciatum perpetuum.

Huc adducit Doctor Angelicus sanctus Thomas illud ex lamentationibus Ieremiae: *Memoria memor ero, & tabesceat in me anima mea*; Thren. 3. 20. recordabor diuini huius beneficii, atque hinc tantus inuadet animam meam dolor, ut illi esse corpore exigendae sit satis.

Immo verò gaudere potius, & immodicè latari debere tanti muneris recordatione videtur. Quid enim maiorem consolationem, voluptatemque adferre homini queat, quam quòd Deum tam prolixum, ac permunicum habeat, qui seipsum in cibum, & potum praebeat? Vnde ergo fit, quòd tam insignitum beneficium absque dolore recogitare nemo possit? Inde, quod cum beneficio soluendi illius debitum suscipit, quòd quoties secum reputat, memoriam memoria siue recordatio tantae obligationis afflicta.

Quintilianus lib. 11. cap. 2. author est, quòd *fit etiam memoria memoria*, velut si homo apud memoriam sibi leonem, agnum, lanceam imaginando fingat, ut feritatis, mansuetudinis, belli meminisse queat, aut tale quidpiam effigiet, ex quo aliud recordari possit. Hic est memoria memoriae, inquit Quintilianus, nam ut recorder feritatem, mansuetudinem, bellum, prius memoriam leonis agni, lanceae recurro. Vides hic quomodo fiat, *Et fit etiam memoria memoria*.

Tantundem in diuino hoc sacramento accidit, nisi quòd videatur memoriae memoriam in alijs quidem rebus subsidio esse, & teuiamini, in hoc verò sa-

cramento molestiae, & cruciatui. Ac de memoriae memoriae in alijs rebus sic differit Quintilianus: *Non est inutile, quòd facilius habeant, aliquas apponere notas, quarum recordatio commoneat, & quasi excitet memoriam, multum enim signa faciunt, & ex alia memoria venit alia*. Sanctissimum hoc, & diuinissimum sacramentum est memoria, quòd cum Dominus noster instituit, *memoriam mirabilium suorum*, (ut sacrum Concilium verbis psalmi affirmat) *fecit*, & vetera prodigia velut summam omnia in vno colligit. Quoties autem memoria hoc diuinum sacramentum recordatur, memoriam memoriae esse dicere meritò possumus: *Vi sit etiam memoria memoria*. At videtur ea, quae in hoc sacramento est, memoriae memoria non tam excitare, & iuuare, quam afflictae memoriam. Dicit enim sacer textus, & lamentatio Prophetica, quòd pro dolore *tabesceat anima hominis*, qui huius beneficii magnitudinem recordatus cogitauerit, nihil se habere, quòd retribuat Domino, qui quòd maximum potuit, & corpus suum edendum, & bibendum sanguinem dedit.

Non parum conferet ad huius rei confirmationem, quòd sacer Scriptor de beatissimo Patriarcha Iacob narrat. Profectus ille in Mesopotaniam, non longè erat ab Haran, & ecce formosa Rachel venit ducens oues patris sui ad puteum, cuius os grandi lapide claudèbatur, ut eas adquaret. Quam cum vidisset Iacob, & intellexisset esse consobrinam suam, & futuram coniugem, toto animo commotus, fixis, sed castis eam arbitratus est oculis. Post adequatum gregem, ut ait sacer textus, *osculatus est eam* (hoc enim receptus illius patris mos, & vetustissima consuetudo habebat) *& eleuata voce fleuit*, Genes. 29. 11.

Multi haeserunt hoc in loco dubij, quid causae sit, cur ploraret Iacob hac occasione, neque hoc tantum, verum etiam magnitudine doloris eiularit, quòd magnanimum iuuenem parum decuit, tunc vel maximè, quando Rachel collachrymasse non videtur, certè nullo verbo indicatur.

Hanc ex Hebraeorum opinione diluit Lyranus difficultatem, inquiens, Iacobem à domo paterna digressum cum numerofo comitatu, ut filium nobilis, & peropulenti Patriarchae decebat, intellexisse autem hoc Elau fratrem illius, ac propterea emississe filium suum natu maximum Eliphaz, ut is paruum suum Iacob non rebus tantum alijs, verum & vitā exueret. Occurrit ergo illi Eliphaz, qui nimiam feritatem arbitratus, si parui sui sanguinem funderet, sarcinas illius excussisse, diripiuisse monilia, vestium apparatus, & socijs omnibus nudasse, sic ut pauperem, & solo

& solo baculo comitatus a se dimitteret, facis putauit. Cum ergo in Rachelem consobrinam suam Iacob incidit, seque auro, gemmis, monilibus omnibus, qualia Rebeckæ matri suæ ab aui sui famulo data meminerat, spoliatum videret, acerbè flere cepit. Hebræi apud Nicolaum Lyranum in cap. 29. Gen. hac de re sic aiunt: *Cum Iacob consobrinam suam, & non habuit aurum, & argentum, seu iocalia ad dandum sibi, sicut seruus Abrahæ dederat Rebecca, memor huius rei caput lachrymari.* Dura namque, & grauis est calamitas hominis, qui se & magnis debitis prægrauatum, & non esse soluendo nouit. Itaque hominem, quem prælum hinc æris alieni, vel grauis alterius obligationis, inde inopiæ propriæ, per quam luere non liceat, premit, mirari non debemus, si lachrymas illi tanta necessitas etiâ plurimas exprimat. Quod si ita est, quanta erit memoriæ afflictio, dum hinc illi occurrit memoria mirabilium Dei, id est, hoc sacramentum, quod anima in singulos, si ita vult, dies accipit, & immensum debitum, & obligatio infinita, inde compensatio tenuis, siue ut melius loquar, retributio nulla?

Benè habet, quidquid hætenus dictum. Nemo inficias ierit. At videtur mihi, quod memoriam illis ex Ieremia 31. 16. appellare possumus: *Quiescat vox tua à ploratu, & oculi tui à lachrymâ.* Nimirum tibi est cum bono creditore, cuius est humanitas, ut & debitum importunè non exigit, & paruo satisfieri sibi sinat. Si enim memoriæ fortè videatur, quod non habeat, quo sua debita luat, voluntatem suam ex communi matre sororem habet vicinam, quæ commodatò dare queat, vnde obligationi suæ utcumque satisfaciât. Postquam anima ex hac mensa comedit, deque pretio accepti cibi cum Deo agit, post subductas diligenter rationes inuenitur, quod Deum valeat buccæ quam manducauit, ut sub qua Deum ipsum sumpsit. Quidnam Deus pro tam ingenti beneficio requirit? Non aliud, quàm ut anima vicissim se illi in cibum exhibeat. Hoc nempe est, quod dicitur in Euangelio Ioan. 6. 56. *Caro mea Verè est cibus, & sanguis meus Verè est potus, qui manducat meam carnem, & bibit meum sanguinem in me manet,* amabilissimo nexu mihi adstrictus. At quid homo pro tam immenso munere reponat? Quo illo gratiam tantam compensabit? Illo, quod sequitur: *Et ego in eo.* Per hoc Deo velut satisficit, & debitum omne exsoluitur, quod voluntas totam se tradat illi, quem in hoc tam sublimi, & diuino sacramento accipit: Quemadmodum enim Deus homini se totum, quantus quantus est, exhibet, nihil

sibi reseruans, quod non illius esui, & vsui offerat, corpusque suum illi, & animam, omnesque illius potentias, & vitam immortalem, humanitatemque, & diuinitatem totam, sicque omnes diuitiarum suarum thesauros præbet; sic debet voluntas totam se cum omnibus suis affectibus, ac desiderijs huic supremo Domino consecrare, nec se tantum, sed & animam cum sensibus, & cæteris facultatibus illi tradere, ut & ipsa fiat cibus, & esca Domini, & perfecta maneat vnio & sacramentum consummatum.

Ut namque Deus est dulcis cibus animæ, sic & anima est grata Deo esca, de quo sanctus Ambrosius Doctor Ecclesiæ in Psalmum 118. Oñon. 18. v. 3. *Quanta Domini gratia, Et nos in suo ore constituat, & quasdam meritorum nostrorum epuletur dapes, & si meremur, deuoret, si nostri cibi suauitatibus delectatur?* Ineffabilis utique Domini est dignatio, quæ facit, ut ipse quoque sacrosanctum os suum aperiat, & hominem esicandum accipiat? Quis explicare queat suauitatem, & voluptatem, quam amantissimus Deus accipit ex ferculis, quæ illi nostrorum merita operum bonorum inferunt, & apponunt? Nam diuino illius palato nullæ gratiores dapes, nulli acceptiores cibi, nullum dapiliosius conuiuium, quàm nostrarum epulæ, & laetitæ virtutum. Talem ergo à nobis repetit monetam, talem vicem pro conuiuium, quod ipse nobis exhibet. Pretium celestis cibi, quem nobis edendum apponit, non vult aliud, quàm virtutes, opera bona, actus sanctos à gratia profectos, & immensi istius doni humilem agnitionem, sic enim quisque nostrum fit communio, cibus, & pascus Dei: *Quanta Domini gratia, Si nos in ore suo constituat?* Singularis hic fauor, & beneuolentia Domini, ut cum ille se nobis tradat, hac contentus sit solutione, & compensatione, si nos illi vicissim tradamus. Hæc autem benè suaui, & leuïs remuneratio est, quando is, qui totius Dei impendium fecit, solius hominis repensione contentus est, quando homo solâ voluntate soluendi eluere debitum potest, & domi suæ habet, vnde satisfacere certo quodam modo queat.

Propheta regius aiebat: *Circuiui, & immolauit in tabernaculo eius hostiam sacrificiorum, cantabo, & Psalmum dicam Domino;* Psalm. 26. 6. Memoriam repetierat sanctus Propheta beneficia Dei se plurima, & maxima, rationibusque earum supputatis cum se imparem solutioni cerneret, fecit quod Princeps, qui grauibz debitis se oneratum videns, & liberari alieno ære vellet, & satisfaciendi facultate destituitur, & proinde insomnes transmittit noctes, & mo-

dos alios ex alijs ad animum aduocat, quibus cum ditiones suas debitis, cum seipsum curis, & anxietatibus exonerare possit. Sic ergo & Prophetæ regio accidit, qui de se ait: *Circumui*; ad varia consilia me conuerti, plurimas hinc inde conquirens rationes, quibus satisfacere Deo possem, video enim tam ingentia esse mea debita, ut eorum magnitudo verbis satis explicari non possit. Ex sancti Hieronymi paraphrasi voluit dicere David, *Circumui quatuor partes mundi*, & omnem latè orbem terrarum oculis, atque animo perlustrari, si quod fortè subsidium reperirem, quo exire ex Dei ære possem, & hoc solum inueni, quod Deus pro solutione mundum nolit. Alio ergo consilio vtendum putauit. Quo illo? *Immolauit in tabernaculo eius hostiam sacrificiorum, cantabo, & psalmum dicam Domino*, inquit; tanquam dixisset: Inueni, quam Deus vult, compensationis rationem. Vociferationis hostiam cupit, hanc ei librabo, addam autem & cantum, & laudes eius magnis vocibus extollam.

Notat verò quod ait, *Immolauit hostiam sacrificiorum*. Quid accipit homo christianus, quando communicat? Hostiam. Sic eam vocat sacerdos in sacrosancto Missæ canone, dicens *Hostiam sanctam, hostiam puram, hostiam immaculatam*. Neque inani nomine sic appellatur, sacramentum enim hoc est inuentum sacrificium, quod offertur æterno Patri pro viuis, & defunctis, idque dignitatis infinitæ, pretij immensi. In vicem huius hostiæ *immolauit hostiam sacrificiorum*, siue sacrificium laudis. Ex meipso sacrificium feci, eoque satisfeci vel aliquantulum, quod potui pretium dependi, & me ita comparavi, ut essem hostia, sacrificium, communio Domini, velut Deus est mea communio, hostia, & sacrificium. Respirat ergo memoria tam facilem, humanumque habens creditorem, qui compensationem facultatibus maiorem non exigit. Et quoniam Deus, qui se homini liberalissime offert, vult ut homo se vicissim illi tradat, nihil certè magnum postulat. Nam neque mundum obire, neque monilia sua oppignorare, neque pronentium suorum partem vendere necessum habet, habens domi suæ pretium, quo debitum suum luat, hoc est, seipsum. Ut autem seipsum offerat nõ maiores sumptus requirit, quam ut velit, quod cum auxiliaris brachij diuini ope potest. Ergo in voluntate reperiet memoria, quo debitum suum tam ingens, quantum homini possibile, soluat, & obligationi infinitæ satisfaciat.

Benedicta sit Sancta, & indiuidua Trinitas, quia fecit, & facit, & faciet nobiscum misericordiam suam, Amen.

Sanctus Laurentius Iustinianus de triumphali Christi agone cap. 26. sect. 6. ait: *Nulla ratione Redemptionis nostra mediator melius rependimus vices, quam si illum toto corde, totiq; visceribus diligamus, amemus quippe debita amore soluantur, tantis ipsa est charitas, ut non nisi solâ compensetur charitate*. Ad eundem modum possumus in causâ præsentè ratiocinari. Ad rependendum vices Domino pro cibo, & dapibus, quas in hac sacrosancta mensa nobis apponit, quonam pretio vtetur? Quid pro communione reddemus? Mutuam communionem, quod fiet, si cum Domini auxilio (quo sine fieri solutio nulla potest) nos ita componamus, & præparemus, ut simus communio illius, cibis illius, pastus, & alimonia illius. Hac nempe ratione de infiniti debiti, & ineffabilis obligationis ponderibus plurimum detrahemus.

Faciat hoc ita Politicus aoster, disponat sese, & præparet, ut tantæ maiestatis hospitem in humili animæ suæ domuncula excipiat. Mundet ædes, adornet diuerforium, desideretque, & magnis votis postulet puritatem, & charitatem omnium eorum iustorum, quos quos ab ipsis institutæ cænæ dominicæ primordijs ad sacrum conuiuium accesserunt, & vique in diem mundi extremum caelesti hoc pabulo reficientur, faciat se quoque tam magni Domini communionem, studiosèque attendat, qualis illi mentæ sese ingerat, videns scilicet periculum cui se exponit. Tam nouit omnia includi in hoc mystico, & sacrosancto cibo, qui est panis duarum facierum, quarum vna serena, & velut subridens iustum amanter spectat, altera formidabilis, & horribilis improbo. Denique mors est malus, vita bonus. Caveat ne suo vitio theriacam in toxicum, antidotum in aconium, in mortem vitam, gratiam in damnationem, gloriam in infernum vertat. Non sit venenatus araneus, qui ex melle dulcissimi faui huius legat amarum fel, quo seipsum inficiat, & conficiat, nec enim esse potest alia vel acerbior miseria, vel grauior infelicitas, quam si quis panem in gladium, agnum in leonem, aduocatum in iudicem, patrem in accusatorem suâ sibi culpâ commutet. Verum si ad hoc augustissimum, & sacratissimum epulum accedat purus, nitidus, emaculatus, cum fulgida veste nuptiali, panis illi alimonia erit, cibus vita, esca, suauitas, semperque ex conuiuiu referet tum augmenta gratiæ, tum pignus futuræ, & æternæ gloriæ.



POLITICI

C O E L O R V M,

Ex mysticis actionibus, & moribus Sacri Patriarchæ Jacob exsculpti.

PARS SECVNDA.

LIBER PRIMVS.

CAPVT I.

Ad facilem, felicemq; alicuius ardui operis perfectionem plurimum facit, si magno animo illud suscipias, & aggrediaris, cum rei cuiusq; principium sit pars illius potissima, & dimidium facti, qui bene cepit, habeat.

Raceperat vetuli patris sui Isaaci benedictionem inclytus Patriarcha noster Jacob, veniamque petendi Mesopotamiam, & profectus *Geni in Mesopotamiam Syria ad Laban fratrem Rebecæ matris suæ*; Genes. 28. s. vt male irati fratris sui Esau furorem effugeret (quem ob benedictionem, omnemque illi contumaciam privilegiorum, & immunitatum gratiam præceptam perinsensum habebat) tum vt statum vitæ certum iniret, matrimoniumque cum auunculi sui filiabus contraheret, & nobilem, catholicumque sanguinem suum infamium, perfidarum, & idololatriæ deditarum Chananzarum coniugio non contaminaret.

Vt Politicum nostrum statim instituire incipiamus, & sublimissimam quandam statum rationem eum doceamus, diligenti consideratione pensare debemus mysticum modum, quo sancti viatoris nostri iter, professionemque sacer historicus describit, inquit: *Profectus Geni in Mesopotamiam*; in quibus plerisque Expositorum subito animaduertunt peculiarem illam formulam, quâ diuinus Aaron-

Tom. III.

logus sic enarrat iter Sancti Jacob, vt illum mox ad primulos passus in termino suæ viæ constituat, tantquam finem suum statim assecutus fuerit, ac penè simul intulerit pedem domui auunculi sui, atque extulerit ædibus paternis, cum tamen certum, exploratumque nobis sit, plurimos confecisse passus, & dies exegisse non paucos priusquam in auunculi sui domum peruenerit. Quid ergo sibi vult, quod Moyses tam subito in Mesopotamia Syriæ Iacobtem constituit? Hispaniarum Salomon Tostatus in c. 28. Genes. ait: *Profectus est in Mesopotamiam Syria, id est, incepit proficisci*. Et Cardinalis Caietanus: *Extremos terminos, à quo, & ad quem itineris Iacob narrat Moyses, priusquam narret euentum medios in via*. Quod propheticus historicus scribit, peregrinum nostrum ex Chanaan in fertilem Syriam, locupletemque auunculi sui domum peruénisse, dissimulans, quæcunque per itineris prolixi longa spatia illi euenerunt, principiumque finis connectens, & inquit, *Profectus est*, id perinde fuit, ac si dixisset, dedit se in viam, cepit itinerari. Quod autem Iacob cepit inire viam, id Moyse, ex primordiis itineris felicem illius successum, & exitum auguranti, tantundem fuit, ac si profectus esset, peruénissetque in Mesopotamiam, vt mystico illo loquendi modo doceret, omnes rerum quatuorvis euentus prosperos ab eo pendere, vt quis certo, & confirmato animo eas aggrediatur. Nam vt ingentia tibi bonorum operum studio merita feliciter pares, plurimum conducit, si strenuè illud suscipias, & voluntate

Kkk

ad

ad ipsius prosecutionem valide obstinatâ inchoes.

Ita nos docet, & monet vitæ monasticæ dux religiosus, & illustis antesignanus Sanctus Basilus Magnus in Orat. 2. de ieiunio, inquit: *Quarum rerum inissa recusantur, in ijs procul dubio totum reficitur.* Non nescimus, inquit monachorum heroicus Patriarcha, quod principium alicuius operis, (si rem ad scuerioris philosophiæ canones examines) non est tota illius substantia, sed pars tantum aliqua, quæ ad illius debiram perfectionem constituendam facit: Verum bene animum aduertenti videbitur, initium operis velut totum opus esse, vt quoddam sit radix, & origo consummata constitutionis illius, fieri enim non potest, vt vnquam perficiatur, quod nunquam inchoatur. Ergo qui ordiri recusat, vltro fatetur, nolle absoluer. Ergo operis cuiuscunque summa in principio illius, velut in fonte & origine consistit. Ergo refert animosè incipere, vt feliciter peragatur, cum ab initio strenuo proficiatur quidquid boni est in opere bono: *Quarum autem rerum inissa recusantur, in ijs procul dubio totum reficitur.* Quare magno animo actiones nostras ordiamur, sic namque feliciter eas conficiemus.

Ibat expugnatum Dei populus ethnicam idololatrarum Chanaanorum regionem, quando Caleb, vt milites ad fortiter dimicandum inflammaret, aiebat: *Qui percussit Cariath Sepher, & vastauerit eam, dabo ei Axam filiam meam uxorem;* Iudic. 1. 12. velut pluribus dixisset: Quisquis militari ausu, & Martio impetu, & animo intrepido arrogantem illam solo æquauerit ciuitatem, & portas eius perfrigerit, & demolitus fuerit muros, & superbiam compresserit, huic ego pro tam præclari facinoris merito dabo coniugem filiam meam, quæ mihi vnica est, & delitium meum, & cum sanguinis, tum facultatum omnium, & fortunarum sola hæres.

Si opus, quod factum Caleb cupiebat, attentiore consideratione arbitremur, impossibile fuisse, quod volebat, inueniemus. Quod enim fieri, vt videtur, optabat, illud erat, vt vnus quidam solus totam ferro vastaret ciuitatem Cariath Sepher, perduellesq; eius habitatores subiecto incendio exureret, conficeretque. Hoc autem suprâ quàm arduum facinus, & plusquàm difficilis prouincia vni soli brachio, & gladio erat. Quid ergo tam prudens Capitaneus, tam sapiens Imperator edicto publico rem tam operosam expetere, quæ vel immensæ potestati, vel prodigioso miraculo sit reseruata?

Hanc acutè, vt ferè solet, diluit difficultatem in-

signis noster Abulensis q. 14. in c. 1. libri Iudicum, inquit: *Non intelligitur, quod aliquis de Israël debet percussere urbem, id est, omnes habitantes urbem, & vastare eos, delendo scilicet totaliter, quia hoc non posset quisquam facere, sed intelligitur de isto, quod primo irrumperet in urbem, & inciperet occidere viros urbis.* Quando supremus exercitus Israëliti duxor Caleb filiam suam sponfam addebat ei, quisquis supremam urbem Cariath Sepher stragem adferret, non id eo consilio faciebat, quod ab vno solo interemptos omnes illius incolas velleret, huius enim operis magnitudo vires dexteræ vnus, nisi quom Deus virtute supernaturali roborasset, longè superabat. Quid ergo volebat? Hoc solum, vt is sibi hoc præmium haberet, quisquis animosè, audacter, fortiterq; portas ciuitatis adoriretur, & in medios hostes irrumperet, inimicarumq; copiarum ordinem dissiparet. Hoccinè verò fuit Calebo destruerè, & subigere contumacem populum? *Qui percussit, & deuastauerit.* Immo fuit. Nam vt fortiter cepisset opus, & strenuè exorsum esse plurimum facit ad illius prosecutionem, cum principium sit fons, ex quo felix eius finis promanat, propterea primo urbis inuasori præmium, primo ciuium aggressori laurum promittebat, quod ille potissima causa esset felicitis pugnae exitus, optatus nempè susceptæ operæ euentus ab illius primordijs plurimum pender.

Sic ex sententia diuini Platonis docet fortissimus martyr Sanctus Eustathius in dissertat. de Engastymit: contrâ Origenem, inquit: *In vnaquaque re maximum est, atque præstantissimum, principium,* nemo quippè coronidem, summumque fastigium structuræ imponit, nisi fundamentum præceperit, atque inde operæ initium ante fecerit. Supremum ergo editissimæ turris cacumen altitudinem suam acceptam ferre, velit nolit, debet homili basi suæ, quod enim illa vertice nubibus ambitiosa sese ingerit, hoc à primo principio, & imo sustentamento habet, nisi enim intrâ profundiorē terram initia illius construerentur, in tantam celsitudinem assurgere nunquam posset.

Quærit Eminentiissimus Cardinalis Ostiensis Sanctus Petrus Damianus, cuiam Evangelistarum magis obnoxij, arctiusque deuincti simus pro sacra historia vitæ, & actionum magni ducis, & Magistri nostri, quas suorum scriptorum monumentis consignatas ad nos transmiserunt. Difficilis est quæstio. Sunt enim varia hinc inde, quæ si in considerationem adducantur, facient vt nec facilè sit, nec promptum determinare, cuius sunt maiora in nos merita. Ioan-

nes sibi plurimum à nobis deberi affirmabit, est nimirum aquila, quæ seipsam transcendens in supremum cacumen volatu penetravit, atque in verticem celsissimi, & immensi Olympi peruasit incomprehensibilis diuinitatis Verbi æterni, & Euangelij suæ tubâ generationem illius æternam insonans, valde montes omnes, ipsosq; ad eam cœlos tremefecit. Neque deerit vel Lucæ, quod dicat, vel Marcæ, quod pro se adituar, est namq; leo, qui à Ioannis ad præsentiam exhortantis terrifico rugitu auspiciat exorsus est, quæ de Seruatoris nostri dictis, gestisq; admirandis conscripserit.

Verum magnus Cardinalis ait, quanquam multis, & magnis modis obstricti simus Euangelistis cæteris, se nihilominus pro vno Matthæo semper pronuntiatum, ad eius partes accessurum, si pronuntiandi facultas sibi concessa esset, idque hanc vel maximè ob causam, quod ille primus viam Euangelistis alijs aperuit, & rationem conscribendorum actuum Christi ostendit. Et illud quidem fortè audaciùs, non sine causa tamen sentire, & affirmare dicit.

Verba illius ex Serm. 49. sic habent: *Præ audenter dicam, nemo post Christum est, cui magis debeat sancta vniuersalis Ecclesia.* Et causa huius est ista, quia primus omnium Matthæus Euangelium scripsit. Quia igitur ad sanctum Euangelium describendum primus iste prorupit, scribendi cæteris Euangelistis viam præcessor aperuit, & tanquam dux vexillum sequentibus prætulit, sicque eos exemplo, & scriberent, incitauit. Illi ergo debemus Euangelium, quem Euangelica narratione constat intulisse principium, & quem in cæteris nouimus primum, non ambigimus inter eos cuiusdam privilegij tenere primatum. Quidam Aminadab historię Euangelicæ fuit Matthæus. Matthæus semitas profundi oceani reconditorum sacramentorum Verbi æterni derexit. At si Matthæus primus signa extulit, primus viam aperuit, primus omnem de medio difficultatem sustulit, idem alijs animos fecit, & stimulos admouit, vt continuandum, prosequendumq; susciperent, quod ipsi mysticas ob causas memorare non fuit concessum. Primæ ergo laudes illi debentur, qui primus adornandæ Euangelicæ historię manum admouit, ampliùsq; illi quodammodo obnoxia est sancta Christi Sponsa, quam reliquis Euangelistis, quod historię, quam dixi, Euangelicæ princeps fuit, & in illius Euangelio tanquam in principio cætera contineantur: *Quem in cæteris nouimus primum, non ambigimus inter eos cuiusdam privilegij tenere primatum.*

Hinc accipitur, & intelligitur, quantum operis alicuius primordijs debeat. Nam cum Sancti Ioannis Euangelium sit altissimum omnium, Euangelio tamen Sancti Matthæi velut cedit, tributq; pendit, quod Christi generationem humanam præcipue recenset, nec ob aliud cedit, quam quod ille suam historiam primus vsui publico exposuit, & vulganit.

Nam vt humanæ philosophiæ facile princeps Aristoteles sect. 10. problemat. num. 17. aiebat, *principium rei cuiusque maximum est, quippe quod rei diducendum sit.* Initium rei tamen nec diducendum illius sit, neque finis, verumq; tamen certo quodam modo dici potest, nihil enim absolui, & perfici potest, quod non inchoatum aliquando fuit.

Ex his accipiemus, quo Poëtarum maximum, Virgilium dico, à calamita non qualicunque cum Seruio vindicemus. Amore cæcra, & malefana Dido regina manus sibi ipsi adferre violentas, & consciscere necem voluit, quod parum comiter, nec satis vrbane, quin contemptim ab hospite suo Æneæ habita fuit. Inter omnia, quibus seipsam consolabatur, vt ex infelici vita minus ægrè decederet, illud erat, quod suis Africanis elegantem, opulentamque ciuitatem relinquebat, in qua nomen ipsius ad sæculorum inuidiam, & voracis temporis liuorem, doloremque perennaturum esset:

Sidonias ostentat opes, urbemque paratam;
inquit de illa Virgilius lib. 4. *Æneidos* suæ. Huic aduersari videtur, quod paulo post narrat, Didonem ab infano amore simul, & ignauia occupatam auocasse manum à cœptæ structura, & inchoatæ vrbis opera, sic canens:

*Non capta assurgunt turres, non arma iuuentus.
Exercet, portusque, aut propugnacula bello
Tuta parant, pendent opera interrupta, minaque
Murorum ingentes, aquataque machina calo.*
Si interrupta hæserunt suspensa opera, Didoq; ante animam posuit, quam absolueret fabricam, quid est, quod paratam ostentasse urbem fertur?

Respondet Seruius: *Non est contrarium illi loco, Pendent opera interrupta, quia quantum ad ipsam pertinet, fecerat.* Non pugnat secum Poëta, sed consequenter ad rem præsentem, & causam quam tractamus, loquitur. Tamen enim verum sit, quod Dido ad vmbilicum non perduxit inchoatæ vrbis ædificium, potuit tamen affirmare parasse illud, vt quæ muros eius, tursusque excitare cœperat: Cumque principium rei sit illius maxima, potuit dicere, absoluisse illam, sibiq; debitam gloriam operis posthac perficiendi, cuius initium fecerit.

Congruunt cum dictis, & ad rei propositæ confirmationem facit, quod Sacrum Oraculum 1. Esdræ 1. v. 10. & 11. his verbis refert: *Fundato agitur à cæmentarijs templo Domini steterunt Sacerdotes in ordine suorum tubis, & Levitæ in cymbalis & laudarent Deum, & concinebant in hymnis.* Palàm est, quòd Sacerdotes, & Levitæ non poterant, quin festiuis plausibus, & publicis lætitiæ signis suum de construendo templo gaudium ostentarent, hæc nimirum summa miseris mortalibus consolatio, quòd Domini ædem, sedemque iuxta se habent, in qua magnifica illius maiestas benevolentior, & faciliorem se indigorum precibus exhibet, & celeriore necessitatibus ærumnosorum fert opem.

Sed notandum in ijs sacri textus verbis, quod dicitur, *fundato templo* concurrisse ministros templi ad laudes eius, qui templi Dominus erat, celebrandas, & concinendas. Nam benè rem pensulanti occurreret, templum illud tam citò, quàm hic dicitur, fundari seu perfici non potuisse: *Quadraginta enim, & sex annis*, ut est apud S. Ioannem cap. 2. vers. 20. *edificatum est templum hoc.* Quid ergo est, quòd hic maiore temporis compendio hoc domus Dei ædificium absolutum fertur? Vix nimirum primus lapis iactus dicitur, quando structura consummata commemoratur.

Respondet quæsito venerabilis P. Gaspar Sanchez in 1. Esdræ cap. 3. v. 10. inquit: *Fundatum dicitur templum, cum iacta sunt fundamenta, quæ futuræ templi molem sustinerent.* Stratis itaque sustentamentis, quæ totam basilicæ machinam exceptura erant, dicitur basilica ipsa ad fastigium erecta, tamen plurimi dies, & anni abierunt, priusquàm manus ultima operi tam vasto imposita fuit. Mystico autem loquendi modo institui, quanti referat strenuo animo rem aliquam ordiri, quantumvis ardua illa sit, & difficilis. Tanta nempe momenta habet ardens initium, ut pro consummata haberi possit opera, quæ fuit enixè suscepta, & inchoata. Propterea templum illud tunc dicebatur fundatum, quando ædificari cæptum, finisse enim quidpiam, & feruente studio incepisse, videntur idem esse.

Idcirco Iuriconsultus lib. 1. de orig. iur. aiebat: *Cuiusque rei principium est potissima pars*, maxime cum perficendi cupiditate flagrat animus illius, qui eam orditur. Merito autem initium pars rei maxima dicitur, nam quod non est cæptum, quomodo perducì ad exitum queat?

Percommoda hæc venient ijs, quæ S. Ioannes Chrysostomus obseruauit in titulo, quem B. Mat-

thæus suo Euangelio imposuit, dicens: *Libro generationis Iesu Christi*; Matth. 1. 1. De hoc titulo Chrysostomus, quæ dixi, in breui enarrat in Matth. apud Titum Bostrensem illud quærit: *Cur libro generationis Iesu Christi ipsum appellat, cum non solum generationem, sed vniuersam prorsus carnis dispensationem contineat?* Non solum natiuitatem Christi, sed & baptismum, & prædicationem, & miracula, & passionem, & mortem, & resurrectionem, & alia plurima refert Matthæus. Cur ergo generationis librum vocat historiam, quæ tam multa alia commemorat?

Respondet catholicus Demosthenes, inquit: *Quia profectò totius dispensationis caput est, ac bonorum nostrorum radix, atque principium.* Quòd Matthæus suum Euangelium libri generationis Dominicæ nomine insigniuit, tamen illud alia tam multa, Domini nostri dicta, gesta que completatur, id fecit, quia natiuitas illius fons quidam fuit omnium, quæcunq; postea dixit, fecit, tolerauit, ut propterea dicta omnia videantur, cum prima origo est detecta: *Quia totius dispensationis caput est, ac bonorum nostrorum principium, atque radix.* Hinc accipitur, quanti referat, obfirmato rem quampiam animo incepisse, ut enim in radice fructus, in fundamento ædificium, sic in principio tota operis bonitas, successusque & vitæ, & rei cuiuslibet alterius fortunatus fundatur.

Eapropter idem sanctus Doctor consequenter ad dicta festum nati Domini nostri festiuitatum omnium metropolin appellat in orat. de S. Philogon. inquit: *Apparet festum omnium festorum maxime venerandum, tremendumque, quòd si quis appellet omnium festorum metropolim, haudquaquam aberret. Quod autem hoc est? Christi iuxta carnem natus est.* Sed quomobrem cætera festa sunt velut coloniarum quædam, vnus verò natalis Domini dies tanquam matrix ciuitas?

Perspicuum est Chrysostomi responsum, dicentis: *Ab hoc enim festum Epiphaniarum, sacrum Pascha, Ascensio, & Pentecostes originem, ac fundamentum ducunt, itaque ab hoc, cuius fonte quopiam diuersi ori sunt, nata sunt nobis hæc festa.* Ex nati Domini festo die dies festi alij omnes sunt nati. Sacratissima ergo illa solemnitas metropolis vocetur omnium earum festiuitatum, quibus Verbi æterni in carne humana gestorum memoria celebratur, sintq; hæc illius velut suffraganeæ, siue coloniarum: *Si quis appellet omnium festorum metropolim, haudquaquam aberret.* His omnibus docemur, quàm utile, & conducibile

At, paratum ad rem aliquam suscipiendam accedere, strenuèque & fortiter eam ordiri, cum velut in semine fructus, in fonte riuus, sic in principio felix successus actionis contineatur, hæcque tota, sublato initio, intereat.

Ergo vt Catholicus, & Christianus Politicus non ster sinem destinatum, & optatum consequatur, necessum est vt magno animo sese præparet ad suscipienda studia virtutis, & perfringendas, quæcunque occurrere possunt, difficultates, ob id etiam, quod omnis victa, superataque difficultas videtur, cum animus ad inchoandum opus semel rectè est præparatus, & confirmatus, quisquis enim semel audacter, ardentèque in virtutis qualiscunq; curriculum descendit, is illud cum Dei auxilio animosè persequetur, & feliciter, ac prosperè conficiet.

C A P V T II.

Vt virtutem quis delectabiliter sequatur, & prosequatur suauiter, persuadenda est, quatenus amabilis spiritui, non ea ex parte offendenda, & consulenda, quæ formidabilis carni.

Svblimis mons, arcta semita, anceps iter, aspera rupes, mare procellosum solet appellari virtus. Quod ad carnem, & sanguinem, quæ mortale spiritualibus rebus bellum indixerunt, attrinet, hi, alijq; tales virtuti concedi tituli possunt, sed cum omnipotens Dei brachium roboret animos, & confirmet debiles vires, aspera etiam complanatur, procellosa sedat, acida edulcat, rigida lenit, dura emollit. Atq; vt virtus non exterreat, eâ parte spectanda est, quæ facilis, suavis, tractabilisque videtur. Hæc doctrina omnibus valde utilis est, incipientibus autem ingredi stadium, & suscipere studium virtutis vel maxime, quibus abscondendum quidquid amarum, molestumque inest virtuti, & quod suauis, quod gratum, ac delectabile, proponendum, inculcandumque, vt ad philosophiam christianam conscendendam magno, & alacri animo accedant. Perpetam enim, & contrâ præceptiones diuinæ rhetorices ageret, qui difficultates rei arduæ illi proponeret, cui eam persuadere vellet, & pecterrere inciperet, quem confirmare, ac roborare deberet. A Sancto Ephræm hoc monitum venit, qui de var. doctrin. cap. 62. sic ait: *Non oportet modum nimis stricte ponere aduersus recentem instructos, ne à Seniore ipsi ad alium deficiant.* Tyrones militiæ christianæ non debent nimium quantum arctari, & constringi, neque virtuti tam morosa, petrica, & terrificæ facies appingenda, vt horrorem

incutiat ei, qui illam est amplexurus, sed quidquid in ea est facile, suauis, honestum, conducibile, illud prædicandum, vt in eius disciplinam volens, libens, gaudensque se tradat.

Et consideremus infelicitatem, quam minatur Sanctus Ephræm ijs, qui tali non vtuntur doctrinâ. Monet ille rudes vitæ sanctioris non nimis arctare, *ne à Seniore ad alium deficiant*, ne hoc agant, quod milites ferè solent, qui cum à suo centurione plus satis constringuntur, & per vim, tyrannidemq; opprimuntur, ad hostilium castrorum exercitus transfugiant, fiuntq; infensi aduersarii, qui esse poterant validi auxiliares, & amici. Tale quidpiam, inquit Ephræm, vereri possumus ne ijs accadat, quibus imprudentes magistri terribilem, intolerabilemq; proponunt virtutum exercitationem, ex quo fit, vt deterriti difficultate in eorum studio versari posse desperent, adeoq; ad partes, & castra vitiorum deficiant, atque in ijs positi cruento bello virtutem infestent, contaminatisq; moribus suis eam, tanquam iurati, & capitales hostes impugnent, pro qua strenuè, ac fortiter dimicare poterant.

Quam pulchrum huius tam salutaris doctrinæ exemplum inueniemus in sanctissimo Domini nostri Præcursore Ioâne Baptista, qui asperæ penitentia, & omnis perfectionis imago fuit! Admirabilis vocis suæ efficacia, & prodigiosa doctrinæ, stupendæq; prædicationis famâ, vt est apud B. Lucam, sic ad se pertrahebat. auditores, vt hominibus vacuæ quidè essent ciuitates alioquin populosissimæ, plena verò eremus, & ad illum tanquam ad communem medicum passim undique confluerent, vt lethalibus animarum suarum infirmitatibus curationem quærent. Inter ceteros venerunt ad illum Publicani, qui de periculorum malorum suorum remedio solliciti interrogabant: *Magister quid faciemus?* Luc. 3. 12. tanquam dixissent: Dexterrimum te medicum, & scientissimum magistrum cum nouerimus, quam possumus enixè, suppliciterque obsecramus, vt suggeras quid nobis agendum, vt consanescamus ab ægitudinibus, quæ nos in confinia mortis adduxerunt, putridis, putridisque vlcibus medicinam, quamcunque voles, efficacem adhibe. Respondit diuinus prodromus ibid. v. 13. *Nihil amplius, quam quod vobis constitutum est, faciatis*, vnâ rem solam si feceritis, mihi satisfeceritis. Tributa ex officio publica exigitis, curate vt hoc moderatè citrà cuiusquam molestiam, & iniuriam faciatis. Sufficit miseris subditis, quod sint vestigales, cauete ne anxietates illorum importuni exactores faciatis auctores.

Notauit hic Hugo Cardinalis prudentiam, & discretionem sapientis magistri, inquit: *Publicanos nondum hortatur ad sua cum proximis communicanda, sed prius dehortatur de iniuria proximi irroganda.* Erant Publicani homines auari, aridi, sordidi, perpetuòque sitiebant egenorum, ac pauperum alterum quendam sanguinem, & vi ad hanc rem vrebantur, nec precibus moueri sinebant, ut mitius agerent. Cumque reatum suum agnoscerent, & intellexerent errata, atque à strato tam exitialis infirmitatis exurgere cuperent, cum sancto Ioanne de suo proposito communicabant, illumque, quid facto opus, consulebant. Is responsum dedit, quod iam diximus. Et ille quidem, tametsi vehementer optaret, ut non solum molesti tributorum exactores non essent, verum etiam sua in pauperes prolixa manu liberaliter erogarent, & indigentium necessitatibus opem ferrent, hoc solum tamen ijs dicit, ut ne per vim improbe extorqueant, quod illi expetere, alij pendere iussi, neque plus debito deposcant: *Nondum hortatur ad sua cum proximis communicanda.* At cur non statim Publicanis liberalitatem erga inopes suadet? Cur? Ne illos primo congressu mox perterrefaciat. Si enim simul atque illum conuenerunt, omnia, quae ab ijs fieri optabat, facer Praecursor proposuisset, & exegisset, rem arduam, & perdifficilem petijisse abierat fuisse, nam ex auaro de repente liberalem facere, & ex sordido munificum, videtur tale esse, quod factu sit impossibile. Cum ergo sagax venator esset, ut ne exterrita ipsi elaberetur praeda, suauius proposuit, facilius petijt, hoc nimirum, ut nihil acciperent, nisi quod iure debitum esset, ut cum hoc illius hortatu fecissent, quod facere leui negotio poterant, posthac facerent etiam id, quod ipsis videbatur operosius, & non solum alienis rebus manus violentas non adferrent, verum etiam suas facultates largis manibus erogarent. Hic est bonus modus adducendi ad studium virtutis, persuadendi amorem Philosophiae Christianae, cum facili proponitur via, & primum iter ostenditur, & trita, tutaque semita demonstratur, & onus tolerabile commendatur.

Simile est quoddam nostri Hispani Quintiliani consilium, qui lib. 2. cap. 4. inter varia praecepta, quibus iuuentutis magistros, & moderatores instituit, etiam hoc tradit: *Ne illud quidem, quod admodum, indignum est, ingenia puerorum nimia inter emendationis severitate deficere, nam & desperant; & dolent, & nouissime oderunt, & quod maxime nocet, dum omnia timent, nihil conantur.*

Quapropter idem eloquentiae magister ait, scientiarum Doctores hoc agere debere, quod industrii, & periti agricolae solent, qui frondibus teneris non putant adducendam esse falcem, quia reformidare ferrum videntur, & cicatricem nondum pati posse. Mollis plantula durum ferrum ferre non potest, in qua si quid vitij, hoc blandae manus frictione, & leni stercoreis fomento leuius curatur, asperam securis arbori longulis annis duratam seruanda. Tantundem faciendum cum ijs, qui scholas virtutis frequentare, & signa militiae Christianae sequi cupiunt. Non illis sub primum ingressum, si quid in virtute horrible, proponendum, sed quod facile, gratumque ostendendum, suauis, non saebrosus iter indicandum, ne molesta, sed leuia, tolerabiliaque onera commendanda, ut sic magno animo adeant pugnam, & strenue, fortiterque conflant.

Quam bene hac in re versatus erat secundus Israelitici populi Imperator Iosue! qui cum terram promissionis iam iam subacturus armis, & expugnaturus esset, dicebat suis: *Parate vobis cibaria, quoniam post diem tertium transibitis Iordanem, & intrabitis ad possidendam terram, Vxores vestrae, & filij, & iumenta manebunt in terra, vos autem transire armati ante fratres vestros;* Ios. 1. v. 11. 14. Vtramque Iordanis ripam Israelitae tenebant. Hos omnes vniuersim appellabat Iosue, reficiens eis memoriam promissionis diuinæ, & inquit: *Memento sermonis, quem praecepit vobis Moyses, dicens, Dominus Deus vester dedit vobis requiem, & omnem terram;* v. 13. Iussit etiam recogitare, quod ex eiusdem Dei pollicitatione uxores, liberi, posteri omnes futuri essent haeredes terrae, cuius amplitudo cum fertilitate, fertilitas cum rerum omnium, quae ad necessitatem, voluptatemque spectarent, abundantia, abundantia cum aeris salubritate, & soli amoenitate certaret, demum verò rapere arma, & ferro vel exigere, vel delere hostem imperauit.

Obseruauit hic eruditus Andreas Mafius magnam inelyti ducis prudentiam, quae ad suam adhortationem vsus fuit, eamque his verbis descripsit: *Intus statim, quae illis iucundissima, gratissimaque audita sunt, commemorat, quo ipforum animos conciliet. Quia enim illis potuisset esse iucundum recordatione donata nuper amplissima, & vberissima hereditatis? Quid acceptius, atque suauius, quam exoribus, paruulisque liberis, & pecudibus integrum posthac fore optat à diu frui quiete domus sua? Vbi vero strenuus ad id veniunt, quod mordere ipforum animos possit, hoc est, Vos autem transite armati, tam id paucis absoluit, tam*

*citò ad ea, quæ acerbum hoc leniant, transuolat, & de-
lusi & nobis iatu & ferire mentem ipsorum, & sanare
videatur.* Digna est, quæ notetur, solertis Impera-
toris sagacitas. Voluit suis persuadere, vt correptis
armis cum hoste concurrerent, manusque confere-
rent, qui obstaculo esse volebat, quò minus in ter-
ram promissam, quæ lacte, & melle manabat, pene-
trare, illius possessionem adire possent. Ne verò il-
los vel armorum horror, & strepitus, vel hostium
sanguinariarum truculentia, & feritas, vel pugna
difficilis labor, & anceps, dubiusque euentus, vel
buccinarum crepitus, & vociferantium boatus, oc-
cumbentiumque aspectus exterreret, cum dissimu-
lare apud eos, quòd præliaturi essent, non posset, ne
animos eorum frangeret, roburque pectoris debili-
taret; cautim, meditatioque illis primum ea narra-
re, quæ sciebat quòd patentissimis auribus lætantissimè,
audissimèque combibituri essent, in his illa, quòd
vixoribus, filiisque non solum placida, & læta, & diu
expetita quies, sed incredibilis etiam omnium ho-
norum affluentia, pecoribus autem prata compa-
scua herbida, lauta, ampla, aprica indubitatò parata
essent, tum verbis, quòd aiunt, tribus ineundæ pug-
næ necessitatem indicat, ne quæ belli incommoda
eos expauescerent, & à conflictu abstinere: *Quod
mordere ipsorum animos possit, paucis absolvit, citò ad
ea, quæ acerbum hoc rursus leniant, transuolat.* Hinc
discant, quicunque alios ad virtutis studium permo-
uere volunt, quomodo se habere ergà illos debeant,
vt nouellis discipulis, rudibus tyronibus honesta-
tem, & voluptatem, quam hæc sacra Philosophia,
& cæli scientia fert secum, proponant, indicentque
quòd ea est quies animæ, paradisi conscientia, &
porta, quæ ad perpetuum ducit otium, vt talium re-
rum commemoratione roborati consequantur vir-
tutem, quibus eam sequi est propositum.

Quòd hæc doctrinâ præclare vti nouerit strenu-
us ille, ac magnanimus iuuenis Germanicus id ex
adhortatorio sermone, & oratione illa eluxit, quæ
milites ad fortiter ineundum contrà perduelles
Germanos certamen excitauit, hoc eos in primis co-
gitare iubens, quòd si pugnatiter, tanquam veri
Romani certarent, illorum acris dimicatio victori-
bus decus, & gloriam, quæ domus cara, quæ in castris
honestæ, vt est apud Tacit. lib. i. annal. ipsis allatura
esset, & nominis famam æternam, celebritatem to-
to, quacunque pater, terrarum orbe diffundendam
paritura, effecturaque, vt coniuges illorum, & libe-
ri, & domestici, ac necessarij omnes pace perpetuâ
gauderent, ipsi verò spolijs opimis, amplisque onusti

domum redirent, atque ibi trophæa bellicæ laudis
insignia, & monumenta sempiterna constituerent.
Hæc omnia ijs posuit ob oculos. Verum Tacitus in
tota eius oratione id notauit, quòd *reticuit de ad-
uersis*, consultòque præterijt, quidquid finistrum il-
lis euenire poterat, quòd hostibus (vt est varia, &
mirabilis belli alea) succumbere, quòd dulcis liber-
tatis, & vitæ iacturam facere, quòd insolentibus, &
arrogantibus inimicis ludibrio esse, & his similia,
grauiora etiam mala incurrere poterant? Cur ad-
uersa dissimulauit, & sola commemorauit prospera?
Cur spe triumphij illos animauit, & quòd iniquiore
Marte pugnare, vique armorum inensorum oppri-
mi, atque extingui poterant, silentio inuoluit? *Re-
ticuit de aduersis.* Id fecit, quòd eorum debilitasset
animos, comminasset robur, incidisset nervos, ipsi-
que inter primordia certaminis tanquam ignaui, &
meticulosi, & impendientia pericula veriti diffugis-
sent, si commemorasset infauitos, & funestos exi-
tus, quos eiusmodi conflictus habere soleant: Pro-
pterea expectatione triumphij, & prædæ cupiditate,
& famæ victoriæ, & nominis exaltatione illos accen-
dit, vt alacrius bellum inirent, & pugnarent acrius,
& ardentius confingerent. Ità provinciam aliquam
suscepturo non est detegenda difficultas, quam illa
secum ferat; sed gloria, quam pariat. Sic & virtu-
tem confectari, & amplecti cupienti non est illa ex-
hibenda, quæ paria carni & sanguini molesta, aduer-
sa, aspera, sed quæ spiritui conducibilis, vtilis, salu-
taris.

Ab Imperatore ad Imperatorem, à Germanico
ad Iustinianum transeo, qui ait, vt quempiam ad a-
morem iurisprudentiæ, & legum peritiæ inflammes,
id nec maiore artificio, nec minore laboris, ac tem-
poris impendio fieri posse, quàm si illi facilia pri-
mum, & quæ in promptu, magisque perspicua sunt,
tradas, ne accedere volentem in limine primo de-
terreas, & à vestibulo reuoces.

Verba illius in principio Institutionum tit. de iu-
stitia & iure sunt eiusmodi: *Ità videntur posse tradi
commodissimè, si primò leuis, ac simplici & ita, post deinde
diligentissimè, atque exactissimè interpretatione sin-
gula tradantur: Alioquin si situm ab initio rudem ad-
huc, & infirmum animum studiosi multitudine, ac va-
rietate rerum onerauerimus, duorum alterum, aut
desertorem cum efficiemus, aut cum magno labore,
sæpe etiam cum dissidentia, quæ plerumque iuuenes
auertit; seruis ad id perducemus.* Dedit operâ, in-
quit Imperator, iurisprudentiæ candidatis, & Vlpi-
ani discipulis primo loco, quæ magis perspicua, &
obuia

obuia sunt huius civilis facultatis, propono, quæque abstrusiora sunt, prouectoribus referuo, ne si rudia, debiliaque ingenia, & imbecillos, atque infirmos humeros maioribus ponderibus prægrauem, duorum incommodorum alterum incurram, hoc est, vel desertorem iurisprudentiæ rudem tyronem faciam, vel causa sim, ut respondeat animum (quod plurimis accidit) & vix tandem aliquando iuris peritiam leuem aliquam, finemque optatum assequatur.

Quis hic non animaduertit, quàm admirabiliter Ephraem, Quintilianus, & Iustinianus consentiunt? S. Ephraem ait, verendum ne à Seniore ad alium deficiant rudes disciplinæ religiosæ alumni, si morosam, difficilem, rettricam, horrido vultu eis depingant, & proponant virtutem; habenasque nimis adducant. Quintilianus verò inquit, pueros immodicâ correptionis asperitate, eò adduci, ut primùm desperent, & doleant, & nouissimè oderint. Demùm Iustinianus dicit, quòd desertorem studiorum effecerim eum, cuius ingenium in ipsis studiorum rudimentis, vel incunabulis multitudine, ac varietate rerum obruerimus, quod facilioribus, leuioribus, iucundioribusque magis fonere, & subpalpare debemus.

Sic quisquis alios ad virtutis, & vitæ melioris instituta erudire cupit, faciliora eis primò proponat, ut illa fidentiùs, hilaribùsque amplectantur. Sic prudens, ac solers Rebecca cum S. nostro Peregrino filio suo Iacob fecit, quando illi, ut fratris sui iram fugeret, euaderetque, & cum furioso inducias faceret, hæc dicebat: *Nunc, fili mi, audi vocem meam, & consurgens fuge ad Laban fratrem meum in Haran, habitabisque cum eo dies paucos, donec requiescat furor fratris tui, & cesset indignatio eius, obliuiscaturque eorum, quæ fecisti in eum, postea mittam, & adducam te inde huc;* Gen. 27. 43. 44. 45. Relicturus erat tener adolescens beneuolentissimæ, & amantissimæ matris suæ opulentam domum. Variæ illum, grauesque per viam expectabant difficultates, inter has illæ, quod rebus suis omnibus, socijsque adeò itineris nudandus erat, & solus baculo tantùm comitatus ignotas extraneas, ac longè absitas terras aditurus. Ut ergo illum ad suscipiendam promptè, celeriterque viam rohoraret, admirabilis rhetoricâ vsa fuit, & omnibus delicari filij difficultatibus sagaciter occurrit, & quæcunq; illum vel detererere, vel segnorem reddere poterant, sic ferè præoccupauit: A matre, fili, abis, sed ad auunculum prædiuitem, humanum, & perliberalem. Si amara videtur absentia, id tibi eam reddat suauior, quòd & non e-

rit diuturna, & est necessaria, ut oculos euadat fratris tui, eiusque ira, quâ vehementer ardet illius animus, interim detepescat, & prorsum extinguatur, omnisque apud illum iniuriarum memoria obliuiscatur, vel intermoriatur. Vbi redieris, non fratres modò eritis, ut fuistis semper, verùm & amici intimi. Ego, ego, quæ te ad abeundum impello, ut redeas, studiosè, ac sollicitè curabo. Ac tamen nunc imparatus, & à rebus necessarijs non nimis instructus hinc emigras, copiosus tamen, & plurimùm cum fortunis, tum honore auctus reuerteris. Hæc illa, quibus effecit, ut sanctus adolescens magno animo viam lætenter ingrederetur. Ille verò, qui paucos solum dies, quòd mater spondere videbatur, in otio honesto, in magnis omnium amoribus, blanditijsque se transmissurum putabat, annos viginti, ac supra exegit, varijsque ærumnis afflictus, & attritus laboribus maximis fuit, de quibus posthæc sermo recurret. Hoc autem fuit scripsisse, quomodo persuadere deberet, & rectum instituendi modum tenuisse. Si mater filio suæ peregrinationis futuras calamitates, miseria, discrimina ante susceptum iter aperuisset, nunquam ille forè pedem domo extulisset, & neque tam illustrium virorum pater factus, neque mysticis illis revelationibus honoratus fuisset, quas & cum abiret, & cum rediret, habuit, quod Abulensis, Oncala, Pererius Istella, Oleaster, Guilielmus Ebroicensis, & alij multi annotarunt.

Hinc ergo illud accipiamus, ut si eos, quos siue ad virtutum exercitationem, siue ad literarum studia instituendos suscipimus, strenuos in alterutra palæstra volumus, quæ faciliora captu eis initio proponamus, quæque & leuius consequi, & addiscere suauius possint.

C A P V T III.

Quidquid inconditum, acidum, amarulentum in actibus virtutum, id de nostra pusillanimitate, & ignauia magis, quàm de illorum asperitate natura venit.

Et reuerà si huius dubitationis resolutionem ad lucem veritatis examinauerimus, illud facile certum, exploratumque reperiemus, quòd virtus non modò non est aspera, & pœnalis, verùm etiam lenis, & de voluptate suavis, neque tantùm non dura, & terribilis, sed & blanda, & tractabilis, & iucundissimæ consuetudinis, soli autem carni, & sanguini, & fragilis naturæ nostræ puerili imaginationi molesta, quæ ex difficultatula quantulaeque musca e-

lephantem

elephantem intolerabilis magnitudinis faciunt, & pusillulos æruminarum papiliones non secus horrent, ac si immanes, truculentissimi, formidabilissimi calamitatum dracones essent.

Sauus, & Magnus Basilii in cap. 8. Isa. 1. cum de virtutibus, & laboribus ageret, quibus miles insudat Christianus aiebat: *Cicures, & placida, accessu faciles, ac peruisa virtutes suppeditant bona, & dilargiuntur, Vita sunt consiliatrices*; velut dixisset: Meticulosus quisque, & ignauus eam habet de virtutibus, & pœnalibus vitæ Christianæ operibus existimationem, quod sint efferati leones, sanguinariæ tygrides, monstra horribilia, quæ turpi, & sauo vultu exterreat, verum errant, quoniam virtutes, & omnes piæ exercitationes *cicures, & placida sunt*, aues, & animantes, vt sic dicam, domesticæ sunt, quæ leuiter capi, & mansuescieri sinunt, blandæ, & mires sunt, columbæ sine felle, absque vnguibus agni sunt. Caduca pusillanimitas nostræ operibus virtutum affingit, quod aspera sint, & ardua, & perdifficilia, quod accliuus, & confragosi montes sint, & tam procellosa maria, vt neque conscendi, nec vadari possint. Sed mentitur timida imaginatio, & iners, turpiterque deses est, qui cum illa sentit, *accessu n. faciles sunt, ac peruisa virtutes*. Plani, placidi campi sunt, quæ inaccessæ rupes videntur, & vitrei, æmœniquæ fluij, quos facile transire possis. Quidquid ergo in illis asperum, ac terribile, id à vecorde nostræ imaginatione nascitur, de virtutum ipsarum vsu, & operum pœnalium exercitatione non venit.

Magnum Africæ decus Tertullianus lib. de pœnitentia cap. 9. cum de illa differit, cui homo Christianus sceleribus suis ingemiscens strenuam noctu, atque interdiu nauat operam, inquit: *De ipso habitu, atque victu mandat sacco, & cinere incubare, sordibus corpus obscurare, animum maioribus despicere*. Quod ille dicit, eiusmodi est: Edictum Pœnitentia publicum omnibus, qui sub illius signis militare velint, tale sancit: Qui mea mereri stipendia cupit, is, quæ subijcio, obseruare debet. Pro armis saccum rudem, & asperum vestiet, pro strato illi adustus cinis erit, cinis autem pro monitore fragilis, citòque interituræ vitæ, ac pro freno, quo prauas gulæ, carnisq; appetentias coercet, animum pullâ veste conteget, cuius deliberato cōsensu tot in supremū benefactorē perpetrata flagitia fuerūt. Hæc legū formula, ex quarū præscripto viuere debet miles pœnitēs.

Insignis Interpres huius profundi auctoris P. Ludouicus de la Cerdà in hunc Tertulliani librum de pœnit. cap. 9. Nota 132. acutè in his, quæ Tertul-

lianus in homine scelerum suorum pœnitente requirit, aliquid obseruauit, quod sic expressit: *Aduerto miram Tertulliani cautionem, qui nunquam inter tot voces huius capitis, quæ pertinent ad pœnitentes, luctus meminert. Saccum, cinerem, cilicium, mœrorem, cibi abstinentiam, parsimoniam potus, suspiria ab animo penitissimo profecta, taliaque exigens à pœnitente, nunquam luctus commemorat, cum is tamen illum præcipuè decere videatur, lachrymæ enim sunt panes mensæ pœnitentium, & velut inanitis videtur mensa, quæ vacua pane, sic etiam quando pœnitentem destituit luctus, tamen abundet saccis, cilicijs, mœrore, cinere, inedia, quasi omnia illi defunt, absq; luctu namque, & cordis dolore non assequitur pœnitentia suam perfectionem. Propterea & Propheta aiebat: Scindite corda vestra, & non vestimenta vestra; Joel. 2. 13. parum enim refert concerpere vestem, nisi animum cuneus doloris diffindat. Quid causæ ergo, quod Tertullianus nullam luctus mentionem fecit?*

Respondet doctissimus Expōitor: *Quippe luctus est mortuorum; atque squalor, sordes, & reliqua reorum, & pœnitentium*. Verum est, quod Tertullianus ceu principalia requisita posuit gemitum, suspiria, fletum, voluitque pœnitentem ingemiscere, lachrymari, & mugire noctes, diesque ad Dominum Deum, vbi & rem præclare exaggerauit, cum exigit, vt cor iugiter suspiret, os continuò mugiat, ab oculis lachrymæ perenni scaturigine effluant tanquàm signa animi, seridè ac vehementer detestantis perpetrata flagitia. Sed cum ad pœnitentiam lachrymas, suspiria, gemitus, & alia, quæ paulò ante, ac superius commemorauimus, exposcat, cur vnum luctus nomen prætermisit, ac defugit? *Nunquam inter tot voces luctus meminit*. Quamobrem ergo hanc tantoperè deuitauit luctus, voculam? Quamobrem! Eam ob rem, quod luctu vitâ perfunctos prosequi soleamus, atque eos mœrore, qui mortem appetierint: *Luctus enim, quod Cicero in Tuseul. affirmat, & confirmari ex sacr. literis, si res postularet, posset, est agritudo ex eiu, qui charus fuit, interitu acerbo*. Consulto itaque, & sapienter magnus Tertullianus, cum de sacro, cilicio, flagris, ieiunijs abstinentijs, vigilijs, alijs seu operibus, seu instrumentis pœnalibus, quibus pœnitentes exercentur, loquitur, non commemorat luctus, cum hunc eis adhibeamus, qui vitæ iacturam fecerunt, vt significaretur, quod pœnitentiam, flagra, ieiunia, longulam inediam, durum stratum, rude & asperum cilicium formidare, ac pertimescere, nemo debeat. Hæc nimirum, si quis

quis eis secundum prudentiæ Christianæ præscripta moderatè vratur, non occidunt quenquam, nec in sepulchrum se coniicit, qui illis se addicit, neque eorum vsum mortem sibi accersit. Immo verò eiusmodi actiones *sunt conciliatrices*, vt dictum ex sancto Basilio, sunt census vitæ longæque, & pignora ætatis in annos seros extrahendæ: Videmus enim, quod veteres Eremitæ, qui in asperrimis, & abstinissimis solitudinibus carnem suam vigilijs, flagris, inediâ, & vario pœnaliū afflictionum genere subigebant, emaciabant, extenuabant, tantumq; non extinguabant, & conficiebant, in plurimos annos suam produxerunt vitam, cum paucos dies viuunt, qui in sumptuosis palatijs degentes corpus suum delicatè nutriunt, blandèque, & lautè, & opiparè, ac pollucibiliter habent. Denique pœnitentiam, & pœnaliū operum exercitationem nostra pusillanimitas, & ignauia faciunt terribiles, & intolerabiles, quas si ad rationis rectæ, & veritatis lucem aspicias, suauis inuenies, & quæ leuiter ferri possint.

Congruunt hæc, quantum quidem existimo, cum mystico loquendi modo sancti Lucæ Euangelistæ, quo refert mortalem agonem, & sudorem, quem pius mundi Reparator in horto Gethsemani est passus. Narrat sacer chronographus, tantâ copiâ tantâque vi sanguinem ex corpore illius toto erupisse, vt in terram cruor defluerit. Quod cum accideret, *factus in agonia prolixius orabat*, Lucæ 22. 43.

Quis hic non fixâ cogitatione attentius secum reputat, quod Christus in extrema vitæ necessitate positus, cum sanguineum toto corpore sudorem funderet, *factus in agonia* dicitur? Sed quomodo *factus in agonia*? Confectus, vt videtur, agone dicere debuit. Supremi enim illi cum morte proxima confictus, non faciunt, sed conficiunt, anxietudines illæ non erigunt, sed prosternunt, acerbissimæque illæ pœnæ non confortant, sed debilitant, atque in deliquium adducunt. Talia aliud nihil plerumque efficiunt, quàm vt consumant, & interitum afferant. Quid ergo est, quod apud S. Lucam Christus dicitur *factus in agonia*, qui magis confectus dici, vt quidem videtur, debuit?

Fuit ad eum modum locutus Lucas, vt nos doceret non horrere agones, pœnitentias, asperitates, rigores, studia mortificationis suscepta pro honore, & gloria Domini nostri, si enim temperanter, moderatèque eis vratur, non producant effectus, quos pusillanimitas nostra natura putat, timerèque. Non enim flagra maciant, non deglubunt cilicia, non conijciunt in tumultum ieiunia, quin contraria pluri-

mum eueni. Solent, nimirum vt vitam inueniamus, ubi incurere in mortem existimabamus, magisque roboreremur eâ re, quam nobis exitiale fore metuebamus. Propterea de Christo ait Lucas, quod *factus fuit in agonia*, non confectus, inter mortales sudores valentior factus, non debilitatus, confirmatus, non eneruatus. Quidquid enim amarulentum, & horribile in exercitatione pœnaliū operum, hoc à nostra ignauia magis venit, quàm ab ipsorum asperitate, plusq; illi stulta imaginatio affingit, quàm experimento sentiat.

Vnum aliquid volo mecum expendatis, quod habet lasciua Samaritanæ iurunda, & delectabilis historia, eius, quæ cum aquæ baiula ob tenuem vitæ conditionem esset, ex tam abiecto, & fordido, ac seruili statu in eam sublimitatem est euecta, vt Apostola Christi fieret. Propositum erat Domino celestium verborum suorum reti animam illius capere, & quod asturi aucupes solent, putei locum petij, ubi aus confidebat, quam malæ libidinis alæ à gratiæ nido procul abduxerant. Venit ergo ad puteum, propiorque factus expetitæ prædæ, post iactus non multos illam irretiuit. Rei præsentis nunc solum expedit considerare nomina plurimum, vt videtur, aduersa, quibus Sanctus historicus Benjamin Christi Ioannes donat locum, in quo celestis venator confederit. *Erat ibi fons Iacob, Iesus ergo fatigatus ex itinere sedebat sic supra fontem*, ait cap. 4. v. 6. Per id tempus quo Saluator ibi sedebat magis animæ captandæ gratiâ quàm auræ, ac requietis causâ, venit Samaritana. Tunc ille promptam audè arripuens occasionem, vt finem suum consequeretur, petijt ab illa potum, quæ istud pietatis opus denegans, delasato Domino aiebat: *Neque in quo haurias, habes*, & puteum alium est; ibid. v. 11. Hic nunc animaduertendum, quod Christus locum, ex quo emisistijs circumspiciens oculis præstolabatur prædam fontem semel, iterumque vocat, ex quo proxima facillè hauritur aqua: Samaritana verò puteum appellat, eumque profundum, ex quo sine vasis, & funis adminiculo extrahi nequeat. Putei, & fontis nomina non diuersa solum sunt, sed & aduersa. Fons suum frigidum thesaurum, & fluxum argentum, & fugitiuam crystallum sic fundit, vt absque vilo negotio accipi possit: Puteus non ita, sæpè namque sudare, & brachia cum labore contendere oportet, non etiam nunquam oblongas fudes, curuasque adhibere antlias est necessum, vt necessarium sit refrigerium ab illo accipias. At si ita res habet, quomodo Euangelista locum, cui Christus affidebat, *fontem*, Samari-

Puteum nominat? *Eras ibi fons. Puteum est alium.*

Hic puteus in sensu mystico multis (in quibus Guilielmus Ebroicensis, Antonius Broicubi, Petrus Berchorius, Antonius Ricciardus, Lauretus, & Ioannes de S. Geminiano,) significat pœnitentiam. Quod ergo hic pœnitentiæ puteus etiam fons appellatur, tantundem est, ac si diceretur, pœnitentiam ei, qui Christum, qui est ipsa veritas, imitari velit, fontem esse, ex quo facile, ac procliuiter hauritur aqua, at verò Samaritanæ hominibus effœminatis, ignauæ, timidæque carni, & sanguini, profundum puteum esse. Nam mollicelli eiusmodi, & tenelluli homuli castigationem corporis, cilicij gestationem, humi cubationem, abstinentiam cibi, longiores vigilas, orationes pernoctes, & id genus pœnales excruciationes alias, fingunt esse horribiles, & intolerabiles.

De his S. Gregorius Nyssenus de virgin. cap. 23. commodè in causam præsentem ait: *Somniores sunt, qui immanem, & feram virtutem opinantur.* Toto celo errant, quorum ea est de virtute opinio, quod sit monstrum horrendum, ingens, quod calcitret, feriat, perdat, concerpit, deuoret: Somniores sunt, quibuscunque hoc cogitare in mentem venit, ac tam vāno sunt atque inani iudicio, quā ij, quos delira, & stulta somnia sua sollicitos habent. Tertullianus lib. de anima cap. 45. ait: *Contristamur, & conterremur in somnijs quā adflecti, & anxie, & passibiliter.* Somniat aliquis, se cum Lybiæ quodam leone in sicca deserti arena dimicare, cuius acutis, & sanguinarijs vngibus dilaceretur. Quā angitur, & disruciatur miser, putans vera esse, quæ somniat! Quātum turbatur, & sudat in illa sui strati cauea, quod illi magis equuleus est ad pœnam, quā lectus ad quietem! Si per illas horas expectos, & sui compotes haberet sensus, & imaginationem, potestatemque in suas actiones liberam, certè rideret ea, quæ mortaliter angere videbantur, oblectationemque ex eis caperet, quorum nocturnus visus, & imaginarius aspectus sudorem toto corpore mortalem expresserant, cum in nullo permoueremur à vacuis imaginibus, si compotes somniaremus, inquit Tertullianus ibidem.

Non aliter somniores sunt Nysseno, vbi suprā, *qui immanem, & feram virtutem opinantur.* Somni ludibrium, imbecillis, vecordis, ignauæ, timidæ carnis commentum est, quod puteus profundus existimatur, qui patens, & obuius fons est, quod inaccessæ rupes putantur, qui est planus campus, quod

imperium mare creditur, quod est vadus fluuiolus, quem facile transire queas. Si à profundo suæ pusillanimitatis lethargo euigilarent, qui talia somniant, omnia contrā, ac somniarunt, inuenirent, & neque leonem videre, neque incidere in tygridem, neque montem à longè intueri putarent, sed omnia illis lenia & leuia fierent, maximè accedente diuturnā exercitatione, & auxiliariis gratiæ diuinæ opitulatione, ac corroboratione.

Dignum consideratione est, quod Isaïæ Prophetæ cum illo Seraphin accidit, qui è supremo throno descendit, vt eius labia carbone ardente, quem forcipe ex altari acceperat, purificaret. De hac re sic habes Isaïæ 6. v. 7. *Et tetigit os meum, & dixit. Ecce tetigit labia hoc tua, & auferetur iniquitas tua, & peccatum tuum mundabitur.*

In huius facti commentatione notauit S. Basilii Magnus, quod Prophetæ, cum illius tenera labia flagrante tangerentur carbone, nullum doloris inditium dedit, cum tamen nihil sit, quod & acerbius lædat, & vehementius offendat, quā tactus ignis, cuius est tam subita, & efficax nocendi violentia, vt simulac tangit, vrat, ac propterea tam est formidabilis. Et propheta, cum beatos illos spiritus iuxta excelsum illud, & eleuatum solum laudes Dei contentis, & alternis vocibus certatim canentes audiuit, sanctā inuidiā correptus, & suæ sibi hebetudinis, ruditatisque conscius, ardentibus suspirijs ærem inflammans, præ dolore altum exclamat: *Va mihi, quia tacui, quia ser pollutus labijs ego sum;* ibid. v. 5. Et quid est, quod hic tam lachrymabiliter vociferatur, qui tam patienter, cum ei adurerentur labia, tacuit? Quomodo ad ardentis cauterij vltulationem nec suspirium edidit, nec sensum doloris vllum ostendit? Quomodo tam asperam curationem tam æquanimiter tolerare potuit?

Satisfacit quæstioni Magnus Basilii, inquiens: *Hic congener ignis, & affinis erat, qui & in rubo apparuit, quem vidit Moyses. Immincebat quidem planta, nec tamen exurebat rubum.* Igneus carbo, quo Prophetæ labia plectebantur, & purgabantur, plurimam cum illo igne cognationem habebat, quem magnus populi Israëlitiçi ductor in deserto cum stupore intuitus fuit, quando rari prodigij spectator factus vidit, quod rubum arderet, & non combureretur, Exodi 3.2. vidit, quod viridem fruticem vorax flamma occuparet, neque igne tamen suo illi quicquam nocimenti adferret, sed splendore luminis sui magis blandiri videretur. Mirum portentum, quod ignis in rem incidit, quæ facile conflagrare soleat,

nec eam tamen consumpsit, sed magis fouit! Vorticis ergo illius elementi lumine rubus perfusus fuit, ardorem non sentit. Talis fuit etiam ille ignis, inquit Basilius, quo Prophetæ labia tanquam cauterio quodam curata, & mundata fuerunt: Nam ut ibi *imminebat quidem, sed non exurebat ignis*; sic & hic, cum allaturus mortem videretur, dedit vitam, purioraque reddidit labia, & Prophetæ velut subblanditus suâ luce fuit, qui & illa magis sorditaturus, & hunc prorsus consumpturus timebatur. Itaque Isaias nullum etiam qualiscunq; doloris signum ostendit. Sic res in poenitentia vsu, & exercitatione habet. Quidquid in illa est, quod necem adferre videatur, videtur tantum, sed non infert: Nam si quidem vanæ imaginationi ignis videtur, qui exurat, re tamen verâ nil nisi lux est, quæ splendeat, illuminet, pascat, oblectet, consoletur.

Id nobis opere expressum solitarius noster viator dabit. Quo primum die vitam iniit, obscura nox illum in deserto, incultoque campo comprehendit, cumque honestam, & necessariam defatigatis membris quietem dare veller, durum solum pro lecto, pro molli culcitra rigidos lapides delegit, aer illi pro stragulis, integumentisque fuit. De hoc sic habes Genes. 28. 11. *Cumque Venisset ad quendam locum, & vellet in eo requiescere post solis occubitum, talis de lapidibus, qui iacebant, & supponens capiti suo, dormiuit in eodem loco.* Ibi totam quietus noctem exegit. Quis tale quid cogitare, quis credere potuisset? Itane verò Iacob in tam aspero strato, & duris saxis dormire, & captare requiem potuit, qui *habebat in tabernaculis*, ut habet sacer textus Genes. 25. 27. neque inde ad grauiiores labores exibat, & matris delitium erat, *Rebecca enim diligebat Iacob*, ibid. v. 28. cumque illum tenerè, efficitumque amaret, perspicuum est, quod illum lautè, ac pollucibiliter habuit, maxime cum mater esset, & matribus relictum sit, ut blandæ liberorum curæ attendant? Ille ergo tam charus matri, tam delicatè enutritus, tam splendide & opiparè habitus, ille mollia vestire, & in sione cubare solitus, ille tenerrimè, & studiosissimè semper curatus, & tectus, ne quæ ei æris inclementia incommodare, aut cœli iniuria offensionem, tristitiamque adferre posset, ille ruri, horridoque in solo, & rigidis saxis totam noctem dormiuit, non secus ac superioribus diebus in molli strato solebat, tamque incolumis exsurrexit, ut omne itineris sui curriculum expedite peregerit, quousque liber ab omni periculo ad auunculi sui domum peruenit. Hæc omnia sacer Historicus monet, ut ani-

mus nobis, quo poenitentia operibus alacrius studeamus, addat, doceatque non esse tam effertatum leonem, quam nostra meticulosa imaginatio fingit, caroque & sanguis pingunt. Idcirco ait Basilius in illius cap. 6. Isaiæ commentario: *Ne tibi formides à sobrietate, & temperantia, ne quid tibi seceare à virili fortitudine, ne quicquam metuas à pietate, ne ab illa virtute perterrearis.* Non tibi metum vis potestatis qualiscunque afferat, quemadmodum pueris accidere solet, quos picti, sculptrique leones exterrant, atque in fugam vertunt. Non tibi animum parsimonia cibi, & victus moderatio, siue etiam abstinentia, & inedia adimant, non fugent flagra, non ignauum, timidumque durior lectus, protrahentiora ieiunia, prauarum appetentiarum operosa infrenatio reddant, si enim talium rerum exercitationi crebro, studiosèque operam dederis, experimento disces, quod non puteus, sed fons, & lux, non ignis, & leo pictus non viuus, musca, non elephas, campus non mons, fluuius, non mare est, quidquid illud pœnale, laboriosum, difficile, amarulentum inesse poenitentia videtur.

Parte 1. lib. 6. cap. 2. & lib. 8. cap. 3. simile argumentum tractat, alijsque in locis, quæ ad finem huius cap. 3. annotauimus.

CAPVT IV.

Bonum est citò assuescere armis laboris, ut ferendi molestiam consuetudo corrigat, & leuiorem faciat.

Non absque singulari diuinæ providentiæ cura factum, ut monent Expositores, quod tam tempestiue cepit S. noster Patriarcha degustare miseria, nudo solo lassos affligere artus, pro cervicali saxa capiti subternere, imparatus, solusque, aut nonnisi baculo comitatus itinerari, & alia id genus incommoda tolerare, multis enim miserijs, ærumnis, & calamitatibus, quas posthæc subiturus erat, illum Dominus parabat, ut demum leuius, minusque grauè ferret omnem penuriam, & iniuriam, quam maturè à teneris annis tolerare consueuisset. Hæc nimirum est ingens vis consuetudinis, ut quod diuturnâ exercitatione vsitatum fuit, id facile toleratu reddat: Nam vt Publius Syrus in sentent. ait, *grauis nocet, quodcumque inexpertum acciderit, è contrâ verò, vt Mendoza lib. 5. Viridarii problem. habet, consuetudo molles labores, & quæ difficillima videbantur, diuturnitate temporis facillima redduntur.* Si qui ergo contentiosè affirmare velint, virtutis studium

sum arduum esse, & cum magno coniunctum labore, offerimus hic remedium, quo leuius fiat iugum, & tolerabilius sarcina.

Peccauit primus parens noster, quod liberam manum ad fructum veritum extendisset. Post transgressionem mox adfuit Dominus, deq; sella ac tribunali sceleris redargutum morti, & exilio addixit, atq; ex illa voluptuosa habitatione eiectum in campum Damascenum transferri imperauit: *Emisit eum Dominus Deum de paradiso solutatum, & operaretur terram, de qua sumptus est*; Gen. 3. 23.

Quæsitum à multis Patribus fuit, vtrum supremus Iudex Adæ, postquam ille peccauit, multis diebus gaudere paradisi habitatione permiserit. Moyses Barcepha vult quàm paucissimo tempore toleratum in delitioso illo horto præuaricatorem Protoparentem fuisse. Vbi iterum sciscitari libet, auferitasne, an de pietate profectum fuerit, quod ab eo loco tam citò est expulsus? Indulgentia fuit, misericordia fuit. Nam si multos dies inter arborum amœnitatem, & fontium irrigua, & florum fragrantiam, & herbarum virorem, & harmonicum auium concentum transiisset, demùm verò eiectus fuisset, damnatusq; ad stium, vt glebas subigeret & terram vomere profcinderet, & victum labore, ac sudore pararet, & inter ærumnas gemeret, ardoremq; solis, & intemperiem aeris, & asperitatem hyemis, & sœuitiam famis, & ignem febris, & alias sexcentas calamitates pateretur, id acerbiores illi cruciatum, doloremq; intolerabiliorem attulisset. Vt ergo minus grauis illi sit labor, & leuior defatigatio, mox à perpetrato peccato remum vitæ laboriosæ tractare incipiat, inquit Dominus, consuetudo namque illi pro auro erit, quod amaras pilulas operosæ exercitationis teget, & vsus poenaliū operum minuet de acre, quem secum ferre illa solent.

Audiamus Syrum Barcepham ex r. p. de Parad. cap. vlt. vbi habet ista: *Credibile est, Deum, quem pulsus erat, eum haud longo tempore tantâ felicitate frui fuisse, ne nimirum ex cruciaretur, sed mollius, minusq; agere ferret se tantis delictis spoliari, solet enim Deus clementer castigationem exercere*. Pietas ergo fuit, & coniunctum cum misericordia supplicium, quod non longos dies inter illas amœnitates eum morari Dominus passus est, qui ad huius vitæ asperitates damnatus erat, quod citius enim duris laboribus exerceri cœpit, eò minus molestiæ ex ijs accipit.

Huic doctrinæ inhærens illustrissimus Senator Cassiodorus mandauit Gaudioso Cancellario, vt ne

immoderatis exactionibus affligeret Comi, affluen-
tissimæ, & amœnissimæ ciuitatis incolas, quos vt delictis innutritos nouerat, ita illum vexationis eorū miserebat. Scribebat autem illi lib. 11. epist. 14. hæc præter alia: *Quapropter incolæ harum rerum iure parciunt, quoniam amœna omnia delicata sunt ad labores; & facile onus afflictionis sentiunt, qui & in suis delictis consueuerunt*. Assuescat ergo ferre sarcinam laboris, qui vult ferre leuius, minùsq; sentire illius molestiam.

De illustri, & heroico illo mundi reparatore Noe refert sacrum oraculum, quod post vniuersalem orbis inundationem fuit inuentor vitis, cuius salutaris liquor cor roborat, & exhilarat humanum. Vult ille inuentionis suæ fructu vri, acciditq; ei aliquid insperatum, & inopinatum. Vinum enim supremam sensuum arcem petens inuasit, vixq; ingressus inimicus tam furibundus fuit, vt ratio se illi dederit, & iudicium ad pedes eius conciderit, ex quo concors illa, & pulchra potentiarum harmonia turbata, & turpata fuit: *Bibens vinum inebriatus est, & nudatus in tabernaculo suo*; Genes. 9. 21.

Excusabit fortè quisquam ebrietatem sancti Patriarchæ ab eo, quod multum vini hauserit, adeo mirum non sit, triplicem vnâ intemperante potatione sibi confluxisse miseriam, & infelicitatem, vt & rationis impos fieret, & in tabernaculo suo turpiter deoperiretur, & ab impudente filio nuditas eius rideretur, atque ad maius ludibrium, & probrum etiam vulgaretur.

Sanctus Basilus magnus aliter de hac re sentit, aitq; dici non debere, quod immodico se vino Noe impletierit, sed quod & paucum fuit vinum, quod hausit, & bibendi illius vsus nullus. *Inebriatus est*, inquit ille homel. 1. de Ieiunio, *non quod bibax ille quidem esset, & ebriosus, sed quia bibendi & sum nullum teneret*. Vtique in illud tempus mundo incognitum vinum erat. Noe vineam primus plantauit, eiusq; liquorem gustauit, & vim tyrannicam expertus est, atque vt merum bibere non consueuerat, ita deiiciendo illi paucillulum satis fuit. Habet hoc, qui non assuevit alicui rei, neque laborem vllum expertus fuit, vt leuissimam molestiam grauiter, dolenterq; ferat.

Confirmat hoc fortissimus martyr Seuerinus Boëtius lib. 2. de consolat. prosâ 4. inquit: *Felicitissimi cuiusque delicatissimus sensus est, & nisi ad nutum cuncta suppetant, omnis aduersitatis insolens, minimis quibusque proferuntur, adeo per exigua sunt, quæ fortunatissimis beatitudinis summam detrahunt*.

Ad deiiciendum animum hominis, qui rerum omnium copijs affluat, & laetè semper vixerit, & duris nullis affluerit, non catapultis saxa in eum excutere, non ariete illum quatere, non per vim aliam quampiam tentare necessum est, quævis illum molestiola, & aduersitatula cardinibus suis conuellit, & subruit, vnus minimæ calamitatis pilus suffocat. Quare exercere se laboribus quisque studeat, qui eos sibi minùs graues accidere optat, assuescatque armis miserix, qui non vult sentire rigorem penurix.

Multi sollicitè inquisierunt rationem, ob quam vnus ex omnibus sanctis beatissimus Iob hanc reportarit appellationem, vt exemplar patientix dicatur. Si hanc laudem promeruit, quòd tantos dolores, infirmitatesque est perpeffus, sunt alij innumeri, qui ægritudines plurimas, & cruciatus acerbissimos magnâ animi æquitate pertulerunt. Si propterea tali donatus est nomine, quia opum facultates, sceptrum, diadema, regix dignitatis statum, liberos perdidit, & de sublimi solio in fordidum, infimumque sterquilinum est deiectus, multorum ea infelicitas fuit, & non pauci admirabili patientiâ tempestatem fortunæ iratæ, procellasque tolerârunt. Cur ergo vnus, ac solus magnus Hufita est speculum patientix, & exemplum tolerantix, & Cynosura, ad quam inter calamitarum, & aduersitatum fluctus respicere, & dirigere cursum debeamus, vt ad securum æquanimicatis portum salui perueniamus?

Causam ipse indicasse videtur, quando seipsum in sterquilinijs fordibus iacentem aspectans, inquebat: *Ego ille quondam opulentus repente contritus sum, concidit me vulnere super vulnus, irruit in me quasi gigas*; Iob 16. v. 13. & 15. Ego ille tam potens, & fortunatus, ego tam stipatus famulis, tam affluens subditis, tantumq; aulicorum comitarum ad pompam circumducere solitus, ab illo tam sublimi fastigio non paulatim descendi, sed momento vno deiectus, & in extremæ infelicitatis miseriam præcipitatus fui. Hic hic plagæ mihi aliæ ex alijs illatæ, hic me penuria, & immanes calamitates occupârunt. Quod autem inter repentina ea infortunia, & inopinatas ærumnas tam inuictum robur ostendit, qui in magnifico throno sedere assueuerat, & patienter excepit squalorem grauolentis sterquilinijs, cui regius purpuræ vestis pridie velut assentabatur apparatus, & ab importunorum exercitu vermium totas sibi perforari, & corrodi carnes passus est, & à summo felicitatis culmine ad extremam miseriam repentino casu delapsus, tam incomparabilem inter

hæc seruauit patientiam, & tam admirabili tolerantia æquanimiter omnia excepit, hac re prodigium patientix, & portentum tolerantix se exhibuit, ac proinde meritò cuius ætati, & sæculis omnibus proponitur tanquam exemplar, quod sequantur, tanquam speculum, in quo, quid imitari debeant, videant.

Sic rem istam ferè ponderauit S. Ioannes Chrysostomus in carena in c. 1. Iob, vbi ita habet: *Hæc omnia, quod grauius est, nos opinantem inuasērunt. Qui ab egentibus parentibus procreatus, & in paupere domo educatus est, is quasi exercitatione, cogitationeque munitus cum egestatis leuius toleris, qui vero tam multis diuitijs circumfluat, si se repente ad statum contrarium detrudatur, subitam mutationem haud facile sustinuerit, namque homini non experientia erudito inclinationes huiusmodi asperiores solent accidere.* Miraculum patientix fuit Iob, qui cum à puero peropulentus fuisset, subito factus egens illam tantam, tamq; inopinatam fortunæ varietatem æquo animo tulit. Vix alterum talem videas, tam rari sunt, qui è culmine affluentix in imam pauperiei abyssum derepente deiecti constanti pectore illam excipiant aduersitatem.

Ne ergo simile quoddam velut miraculum expectet Politicus catholicus, qui ad bona cælorum aspirat æterna, nouitque, peruenire ad ea, nisi per amarum, & asperum miseriarum huius vitæ mare, neminem posse, ne tumentes eius fluctus illum sorbeant, & in impatientix abyssum detrahant, consultò fecerit, si inter medias delicias posteriori vitæ, & victui tenuiori, & corporis afflictationi, & miserijs, quæcunque euenire possunt, assueuerit. Si enim talium rerum tolerantia, & exercitatione semel obduruerit, & calamitates, ærumnasque huius sæculi, (quæ se mutuo, non aliter ac marini fluctus, excipiunt, consequuntur, & velut per manus ducunt) ferè vñtatus fuerit, tolerantia præsentium ad patientiam futurorum roborabitur. Hoc enim remedij nobis reliquum est, quicunque ærumnarum infestis fluctibus in sæuo mundi huius mari iactamur, quod cum ijs assuescimus, leuius ferimus, quibus prorsum subducere humeros non possumus, & æquanimius toleramus, quæ omnino effugere nequimus.

In quam rem sic scripsit magnum Cordubensum decus Seneca lib. de Tranquillit. anim. c. 10. *Nullo melius nomine de nobis natura meruit, quam quòd cum sciret quibus ærumnis nasceremur, calamitatum mollimentum consuetudinem inuenit, citò in familiaritatem grauisima adducens.* Nullus quippe est cruciatus,

ciatus, quantumuis grauis, & molestus, cuius non minuat pondera, non leniat asperitatem, non mitiget amaritudinem conuersio, & vsus, atque exercitatio. Amplectatur ergo hanc vnusquislibet doctrinam, vix enim erit dies, vix hora, vel momentū, quo non indigebit eā, qui se felicissimum etiā arbitrat, sibi que ipsi de fauentissimæ fortunæ beneuolentia blanditur: Nullus enim status est, quantumuis ille prosper, & beatus, qui non infinitas innumerarum calamitatum, & miseriarum patitur incurfiones.

CAPVT V.

Qui virtutis iter ingredi capit, necessum est, eadem viā semper pergat, manet enim retrò, cum non progreditur.

IN nudo duræ humi lecto quieti sese sacer noster Peregrinus dedit, cumque suauissimo consopitus somno iaceret, visitauit illum supremus Benefactor, consolatusque fuit viso, omnium, quæ in veteri Testamento reperias, celeberrimo, & decantatissimo, quod passim in ore omnium Euangelicorum prædicatorum versatur, & nostræ institutioni, morumque informationi perquam commodum est. Vidit autem amplissimam scalam, quæ cum à terra suam haberet originem, caput summo cœlo insinuabat. Vidit etiam Dominum supernè incumbentem in scalam, perque eam Angelos sollicitè certatimque ascendentes, & descendentes. Cum hæc animo perquietem cerneret, confortauit illum pius Dominus, ratæque ei fecit, quæcunque ipsius patrī, auoque promiserat, in quibus hæc præcipua erant, quod eorum familiam supra omnes totius mundi profapias felicitare, atque ex illa carnem humanam ei accipere veller, qui generis humani vnicus Reparator futurus esset. Addidit his omnibus, quod comes, iustosque illi per omne peregrinationis tempus, & iter adesse, in ærumnis consolari, interque pericula omnia seruare, domumque reducere incolumem veller. Scala, vt plerique Expositorum volunt, fuit symbolum vigilis prouidentię Dei erga Iacob, quæ per ministerium Angelorum gressus illius dirigebat, & moderabatur actus.

Sed spirituales sententias persequamur, qui nostris profectibus seruiat, dispiciamusque quid mysticā significatione docere nos voluerint Angelici spiritus, qui perpetuo in motu positi, per scalam fursū ac deorsum id eundem ferebantur: *Vidit Angelos Dei ascendentes, & descendentes per eam; Genes. 28. 12.*

Mellissui Doctoris sancti Bernardi quam trita, &

celebris, tam accommoda moribus interpretatio in Ep. 253, & 341. sic habet: *Vidit scalā Iacob, & in scala Angelos, ubi nullus residens, nullus subsistens apparuit, sed vel ascendere vel descendere videbatur vniuersi, quatenus palam daretur intelligi, inter profectum, & defectum in hoc statu mortalī vitā nihil medium inueniri.* Nullus Angelorum figebat pedes, sed vel submittebant eos in gradum inferiorem, vel attollebant in superiorem, vt eā re nobis indicarent, in viā spiritus nihil intercedere inter profectum, & defectum, sed quemlibet necessariò vel ascendere, vel descendere, vel progredi, vel regredi, vel augescere gratiā, vel imminui, aut fursū ardentem coniti, aut per remissionem, & ignauiam deorsum abire. Itaque semper fursū tendere, semper viam carpere vltiorem oportet, sit enim vt retrò maneat, qui caput non persequitur iter.

In montem amplum, & spatiosum cœlestis Magister ascendit, aperiensque os, & mellea verba roseis labijs profundens, beatos dicebat, & pauperes spiritu, quod ipsorum esset regnum cœlorum, & mites corde, quia certa eos perpetuū quietæ, & æternis delitijs affluentis terrę possessio expectaret, tum consequenter aiebat: *Beati, qui lugent, Beati, qui esuriunt, & sitiunt iustitiam, Beati, qui persecutionem patiuntur;* Math. 5. 5. 6. 10. nam ex his primi suam inuenient consolationem, alij abundantiam, & saturitatem, alij marcescere nesciam in cœlis coronam.

Expendit S. Gregori⁹ Nyssenus mysteriū verborū diuini Magistri, atque in his illud, quod beatos pronuntiavit non eos, qui luxerint, esurierint, sitierint iustitiam, & persecutionem passi fuerint, sed qui nunc lugeant, esuriant, sitiant, & persecutiones ferant. Cur verò illi tam notanter prædicantur felices, qui talia in præsentī faciunt, vel tolerant, & nō præteriti luctus, nō veteris sitis, esurie, patientiæ, sed eorum tantum, quæ nunc sunt, ratio habetur?

Nyssenus Orat. 3. de Beatitud. ait: *Magis conueniens erat, vt eos, qui luxissent, beatos iudicaret, non eos, qui lugerent.* At si congruentius erat, eorum excellere felicitatem, qui antehac in molestia fuerunt, quā illos prædicare fortunosos, qui nunc gemunt, cur beatitudo adscribitur præsentī luctui, & præterito, vt videtur, non annectitur? Cur beatos dicit hos, qui hodie sunt, non qui olim fuerunt in moerore, & luctu positi?

Huic satisfit interrogationi, inquit Nyssenus, si dicas, vtrumque, hoc est, & præsentem, & præteritum à Domino prædicari luctum. Sed quod eos, qui

qui nunc in præsenti lugent, peculiariter beatos dicunt, id peculiari mysterio factum. Nam præsens lucus is est, cui quis nunc vacat, & nauat operam: Et quoniam, ut bene actorum præteritorum salua maneat merita, necessum est non ea intermittere, neque ab illorum exercitatione feriari, idcirco Dominus beatos pronuntiavit illos, qui nunc in luctu, esurie, siti iustitiæ, & persecutionum tolerantia versantur, & id genus bona opera opere exequuntur. Nam cum progredi, & prosequi coeptum iter definimus, tunc & crescere, & proficere definimus, & iacturæ periculo exposita sunt incrementa, quæ fecimus, & nē bene actæ vitæ superioris lucra nobis pereant, oportet illa iugi excitatione fouere, alere, & sustentare, adeo non sufficit iter fecisse, nisi illud persequaris, & continuo facere pergas. Et hæc est ratio, ob quam luctus, esuries, sitis iustitiæ, & persecutiones, quibus nunc in præsenti exercemur, laudantur, & prædicantur, qui enim vfu, & exercitatione talium rerum non studet proficere, ille sibi ruinam, & exitium adornat.

Nam ut sanctus Bernardus Epist. 253. ait, *si studere perfectioni, esse perfectum est, profectio, nolle proficere, deficere est. Non vis proficere? Non. Vis ergo deficere? Nequaquam. Quid ergo? Sic mihi, inquit, vivere solo, & manere, in quo perueni, nec peior fieri patior, nec melior cupio. Hoc ergo vis, quod esse non potes.* O te miserum, cui propositum conquiescere in gradu, ad quem ascendisti, neque aspirare, aut contendere ad altiores! impossibile namque est, ut de statu tuo non cadas, nisi connitaris sursum, conerisque ut in locum editiorem euadas, alterutrum enim fieri necessum est, ut aut ascendas, aut descendas.

Doceant nos hoc natorum ex mulieribus maximi felix parens Zacharias, & sancta illius vxor Elizabeth. Exorditur sanctus Lucas sacram suam historiam ab enarratione heroicarum virtutum, quibus hoc vetulum, & venerabile par coniugum ornatum fuit, inquit; *Erant ambo iusti ante Deum, incedentes in omnibus mandatis, & iustificationibus Domini sine querela*, Luc. 1. 6. hoc est, erat tanta vitæ sanctæ, & morum vtriusque similitudo, ut nihil affirmari in curriculo perfectionis ad id usque tempus visum fuerit. Pari enim passu progrediebantur, & æquis ponderibus volabant, ut appensi in statera diuinæ iustitiæ non inuenirentur minus habere, quod perfido sacrorum Templi vasorum profanatori Balthesari accidisse Daniel. c. 5. 27. memorat.

Notauit Hugo Cardinalis in mystico loquendi

modo, quo Euangelista hic vfu est, quod sanctos hoc coniuges, postquam iustorum nomine donauit, etiam viatores vocauit, inquit: *Erant iusti incedentes*, inquit Hugo: *Reste postquam dixit, iusti, addidit, incedentes, in quo profectus est operis. Sponsus enim non tam sessionem commendat in Sponsa, quam incesum. Quam pulchri sunt, inquit, gressus tui in calceamentis filia Principis!* Cant. 7. 1. Admirabili ergo cautione, & singulari studio factum, quod Lucas parentes Baptistæ iustos, simulque itinerantes appellat, ut indicaret, hinc illos profecisse, & fecisse incrementa virtutum, quod in earum stadio studiosè, continuoque perrexerunt. *Iusti*, inquit, & *Incedentes*, ut hinc acciperemus, quod homo Christianus sit iustus & sanctus, virtutesque illius feruentur integræ, id ex eo fieri, quod semper itinerari pergat, qui enim consistere in loco suo, & otiosi incipit, & bene operandi studium intermitte, is perdere, quæ lucratus est, & prodigere velle, quæ comparauit, videtur.

Quandoquidem Christiana vita militia appellatur, estque militia sanguinolenta, cum vafro enim, & versipelli, veteratorique inimico configimus, eapropter sanctus Paulus Apostolus Beniaminum suum, Timotheum, aio, exhortabatur, dicens: *Laborasti bonus miles Christi Iesu*; 2. Timoth. 2. 3. Commodum huc veniet quoddam Flauij Vegetij effatum. Si quis illum interrogat, quo loco superemus quidam exercitus moderator habere debet eos, qui ab armorum vfu diu feriati, à militari disciplina longulo tempore abfuerunt, dicere ex lib. 3. de re militari c. 9. *Pro tyronibus accipiendi sunt, qui pugnare longo tempore desierunt, & studium, omnemque tractationem armorum dies multos intermiserunt.* Quod Flauius de militia secularis alumnis pronuntiat, id multo melius de his, qui in Ecclesiæ castris ab exercitatione virtutum manus auocant, & otiantur. *Pro tyronibus accipiendi sunt*, quicumque tales sunt, nam à veteranis militibus in rudes armorum stipendiarios degenerant, nam regreditur, qui non semper progreditur, & qui non persequitur viam, etiam confecti operam itineris perdit.

Moyse præclare gestorum Patriarchæ nostri sacer scriptor ait, venisse Dominum de monte Sinai, & de Seir orum esse nobis apparuisseque de monte Pharan, & cum eo sanctorum militia. Hæc Deuteronomij 23. v. 2. ad huius finem inquit: *In dextera eius ignea lex.* Illud nomen legis igneæ tractum ab igne, in quo Dominus descendit, cum legem primum tulit Exodi 19. occasione præbuit Expositio-

toribus,

toribus, vt in varias abierint sententias. Insignis Doctor Huncala quidpiam affirmat, quod & experientia dicitur, vnde opportunam causæ præsentis exsculpam rationem, ob quam Dei lex dicta sit ignea. *Fomentis alitur ignis, ne extinguatur*, inquit ille in c. 15. Genes. Ignis à natura sua insatiabilis est, ardentis stomachi illius auiditas expleri non potest, & qui vult, vt flagret, & luceat, necessum est, vt ligna, taliaque alia ex alijs illi subiiciat, ne splendorem, simulque ardorem remittat. Quod ergo Moyses ait, in dextera Dei esse igneam legem, perinde est, ac si diceret, vt ne illa in nobis extinguatur, necessarium esse eâ diligentia erga illam vt quæ adhiberi ad ignem solet, & continuâ, quantum fieri potest, bonorum operum exercitatione illam fouere, quemadmodum lignorum, & talium rerum appositione ignis conservari consuevit. Nisi enim legi diuinæ exercitationem virtutum, & studium sanctorum operum, tantquam ligna combustilia adiungas, fieri non potest, quin remittat ardor, & lux extinguatur.

Huc alludit sine dubio Eliseus sancti Bernardi tanquam Eliæ Gilbertus Abbas serm. 14. in Cantica, quando monet Christianum, vt hac doctrinâ vtatur, & legem Dei sub metaphora ignis considerare iubet, inquit: *Tene, quod tenes, tene, & attrita diligenter Verbum Vita, reuolue lumen Vita, solumen quod reuoluit Iesus, immò quod est Iesus*.

Notate mihi in his verbis ista: *Reuolue lumen Vita*, quibus in rem præsentem nihil aptius dici potuit. Qui lucem lychni, ignem vult conseruare, ne extinguantur, debet ellychnium in myxo, carboneſque, seu ligna in fornace sæpiculè reuoluere, atque ita vtrumque nutrire, ac magis accendere, & quantum de rei istius cura, & studio remittitur, tantum etiam lux, & ignis ardor remittunt. *Reuolue ergo lumen Vita*, inquit deuotus Abbas, velut dixisset: Nisi diligente, & perenni bonorum operum vsu excites, ac nutrias flagrantem calorem fidei, & legis charitatis, quæ est ignis inflammans, & splendor illuminans, & ardor concremans, vehementer timere potes, ne tibi infeliciter extinguatur, facile namque emoritur, qui non iugiter fouetur ignis. Ergo qui non iuerit de virtute in virtutem, qui sanctorum exercitium operum intermisit, manifesto se periculo exponit perendi parta, quæ persuerante studio nutrire negligit.

Refert sacrum Oraculum anxiam sollicitudinem, & perpetuam, perque vigilem patientissimi Patriarchæ erga liberos suos curam. Certabant illi mutuâ beneuolentiâ, & charitate, vicissimque ad licita, &

honestâ conuiuia per dies hebdomadæ ex ordine inuitabant. Hæc res multum patri adferebat voluptatem. Sed quoniam in eiusmodi epularibus accubationibus & temperantissimi moderatio, & moderatissimi temperantia nonnunquam periclitatur, multo mane sanctus Iob surgebat, offerens victimas, & holocausta Domino, obsecransque illum, vt pro sua pietate serualet liberos, ne inter epularum festiua gaudia, & oblectamenta tenerum modestiæ florem temerarent. Et monet sacra hystoria, perpetuum fuisse sancto Iob hoc religiosum exercitium, & perenni eam rem studio curasse, inquit: *Sic faciebat Iob cunctis diebus*; Iob. 1. v. 5.

Olympiodorus vult, pertinacem illam sancti Iob erga liberos suos curam ob id commemorari, vt nobis sit documento, quem benè agendi modum tenere debeamus, vt bonorum operum studia nobis feliciter cadant, & quoddam illi in dies singulos sacrificasse fertur, tantundem esse, ac si diceretur: *Neg, interdum actiones virtutis suscipiebat, aliquando verò prætermittebat, sed iusti Vita adeo semper apra erat. Virtutum enim, bonarumque rerum cessatio reditus est ad improbitatem*. Hæc ille in sua Caten. in cap. 1. Iob. Ad insignem itaque sancti Patriarchæ laudem, & nostram institutionem hoc speciatim de illo traditum est, quod nullus illi effluebat sine progressu in virtutum curriculo dies. Non enim faciebat quod socordes, & vecordes discipuli solent, qui vno die studiosâ manu versant libros, posthæc autem totis centum diebus non contingunt, sed religiosâ contumaciâ per viam virtutis iugiter, ac pertinaciter ferebatur. Nouerat quippè, subsistere tantundem esse, ac deditâ operâ referre pedem, & retrò abire. Qui enim non conatur esse melior, is repetere viam, quâ venit, & regredi ad vitia velle videtur, & qui non ad locum sublimiorem aspirat, hunc descendere certò videbimus: *Virtutum enim, bonarumque rerum cessatio reditus est ad improbitatem*. Formidabilis sententia remissis, incurijs, ignauis, & quorum nulla est, aut perexigua proficiendi sollicitudo.

In eadem sententia erat Theodoricus rex inquit sanctus Enodius in panægyr. illius, cui sic aliquando aiebat: *Minus assimas, quod non crescit, imperium*, & decedere putas regno ciuitates, subditos, regiones, dum non accedunt. Minus enim possides, qui non plus acquiris, & cum non vltra victricibus armis progredieris, purpuram tuam in posteriore loco relinquis.

Hinc Politicus noster, qui cœlorum auidè thesauros

418
fauoros perquirat, & ad æternæ patriæ dulcem portum anhelus suspirat, accipere potest, necessarium esse semper ad anteriora extendi, & progredi, & nunquam subsistere, iam enim illi & dixit Bernardus, & consuluit Nyssæus, & suavit Vegetius, & indicauit Olympiodorus, strenuè, constanterque terendum esse virtutis iter, eò quod regrediatur, qui non progreditur, & deficiat, qui non proficit, & descendat, qui non ascendit.

Simile argumentum tractat fuscus, & eleganter Periochâ III. Dominica VI. post Epiphaniam Tom. II. pag. 464. o. & alijs in locis ad finem eiusdem Periochæ adnotatis. Vide etiam Periocham VI. Sabbati post Domin. V. Quadrag. Tom. I. pag. 447. o.

CAPVT VI.

Nulla anima tam harmonicum est instrumentum, ut non aliquando eiu nervi dissonent, & semper sint iuste contentæ fides.

Quod hîc mœstitudinem, tristitiamque allaturum videtur, hoc ad maiorem consolationem nostrâ, ut spero, redundabit. Coelorum illi domestici, & obedientes ministri Dei, qui per mysticam scalam sursum, ac deorsum ibant, symbolum sunt, & imago animarum, quæ in hac vita per scalam perfectionis feruentes ascendunt, & ardentis spiritus pernibus alis cœlos petunt, & aliquando ut aquilæ volant (quod est apud Prophetam Euangelicum) aliquando verò tam graues subsident, ut vix gradum mouere in via perfectionis possint. Hoc est ascendere, & descendere, siue sursum, ac deorsum ire per scalam spiritus, nunchabere viuum, vegetum, vigentemque boni appetitum, nunc verò tam languentem, ac nauseabundam orexin, ut oculis grauiâ sint, quæcunque ad virtutem spectant.

Huc respiciens sanctus Clarævallis Abbas Bernardus Epist. 253. aiebat: *Quid stat in hoc seculo? Et certe de homine dictum est, Nunquam in eodem statu permanet, Iob. 14. 2.* Et quamquam de omnibus vniuersum mundi rebus verè dici possit, nihil habere stabilitatis, in hominem tamen aptius illa quadrat sententia, cuius plures sunt mutationes, quam temporis instantia, vel momenta. Homo enim iam feruet, iam tepet, iam gaudet, iam moeret, iam timet, iam sperat, & innumeris, ijsque contrarijs malis oppugnat.

Si non ita esset, non conuerteretur ad animam suam Propheta regius, neque hortaretur eam immortalis agere gratias generoso benefactori Deo, &

cuius liberalibus manibus tam innumerabilia semper accipiebat beneficia, inquiens: *Benedic anima mea Domino, qui replet in bonis desiderium tuum; Psal. 102. 5.*

Gilbertus Genebrardus ex sententia Rabbiorum ita interpretatur hunc versum: *Qui replet bonis os tuum, id est, qui laetum tuum gustatum sanat, qui te restituit pristina valetudini, & cibi gustum, & suauitatem morbo amissam recuperes.* Hoc autem eiusmodi est, ac si diceretur, ut corpori, sic & animo suas esse ægritudines, & infirmitates. Est nonnunquam ita comparatus homo, ut vix habeat mundus cibos, quib' insatiabilis illius appetitus expleri possit, subinde autem tam est fastidioso stomacho, ut necessum sit mille condimenta cōminisci, & adhibere, quod vel vnam buccam repugnanti ventriculo ingerere queat, qui & opiparis dapibus offenditur, & leuissima pulpamenta, lautiasque horret. Animabus simile quidpiam accidit, quarum aliquando sunt tam ingentes spiritus, tam vehementes ardores, ut putent, nullam esse tam acerbam poenam, tam grauem ærumnam, quam non cum voluptate tolerare velint, aliquando tanto laborant tedio, tepore, ac torpore, ut minimus labor molestissima crux illis videatur.

Nihil hîc absque exemplo, & autoritate loquimur. Quis magis perfectus, quis magis cordatus, quis magis feruens in via perfectionis, quam ille Israëliti popul' ab Ægyptiaca seruitute vindicator? Quis frequentius, & familiarius cum infinita, & suprema Deitate loquebatur? Quis graciosus intus maiora, insignitioraque ab ore, ac manu Principis sui accepit beneficia? De hoc autem tam effluatim, & oculitius dilecto ait sanctus Basilius Magnus Orat. 2. apud Metaphrasten: *Hoc & de Moysè literarum monumentis proditum est, nempe quod non eodem modo semper vixerit, sed interdum sanctius vivebat, interdum verò propter imbecillitatem dissoluebatur, atq; longè imbecillius operabatur.* Quamquam maximâ esset Moyses vitæ sanctitate, quamquam tanta erga illum diuinæ manus prolixitas, non semper tamen fides spiritus illius ita contentæ erant, ut non remitterent, non vel aliquantulum dissonarent nervi. Aliquando enim per solitudinem cursitabat, tamquam subiecto humero populum contumacem circumferret, idque faciebat tam leuiter, tamque animosè, ac si immanis g' gas gracilem portaret arillam: Nonnunquam verò tam velut grauedinosus, tam morosus, ac terribus, tam impeditis pedibus, & imbecillis viribus erat, ut plus se perniciacis populi ponderet.

ponderibus prægruari putaret, quàm si vasti montis ingens onus debili formicæ imponeret: *Interdum sanctius vivebat, interdum & rō propter imbecillitatem dissoluebatur.* In his extremum verbum rem nostram confirmat. Dissolui namque spiritum quid aliud sonat, quàm fidium nervos laxari, aut recurrere verticulas, qui nervos moderantur, vt varia, harmonicaque sonorum compositio fiat. Neminem ergo hæc res frangat, si quandoque languescat illius animus, nam & Moyses, vir altoquin moderatissimus, & sui plerumque simillimus, interdum id infirmitatis est passus, paribusque malis laboravit, quæ cum nemini gratiam diuinam eripiant, humane sunt monitores, & excitatores infirmitatis.

Nonne Sponsa eos meruit à coelesti ore diuini Sponsi accipere fauores, vt nunc amicam suam, nunc hortum, nunc paradysum, nunc solem, nunc omnium sensuum voluptatem, & delitium, nunc oculorum suspensionem blandè, comiter, suauissimèque appellaret? Ea verò, quæ in tam sublimem amoris, & amicitie statum euecta erat, dicebat tamen quadam occasione Sponso suo: *Trabe me, post te curremus in odorem fragrantiorum tuorum;* Cant. 1. 3. Non rogat duci à Sponso, sed trahi, quod non vt cunque, sed per vim duci est. Itaque Sponsa petit quidem post Sponsum duci, verum agnoscit etiam vi non qualicunque opus esse, vt efficaciter ducatur. Videtur hoc difficile intellectu. Quid enim illa ingentem vim, efficacitatemque requirat, vt ad Sponsum adducatur, quem tam ardentè, vehementerq; amat? Si abripienda ex complexu brachiorum sui Sponsi fuisset, hæc res validissimos lacertos postularat, sic vt totus virum omnium impetus eò verteretur, amantem enim ab eo, quem diligit, auellere, id omnium operosissimum opus est. Secundum hæc, quid est, quod Sponsa potentissimi brachij auxilium implorandum, dicendumque Sponso putauit, *Trabe me*, vt ad illum adduceretur, quod ei vt optatissimum, expetitissimumq; ita suauissimum, iucundissimum, facillimum fuisse videtur? Quid hic illi omnipotente ope opus fuit?

O! succlamat hic mellifluus Doctor vitæ spiritualis, & magister orationis, quàm benè hoc loco agnoscitur, quid sit spiritus humanus, & quomodo nemo debeat respondere animum, si talibus, alijsue malis, tædijs, languoribus, & gemitibus se obnoxium sentiat, quando etiam illa tam dulcis, & chara Sponsa ita suum obtusum, habetatumque appetitum, & se tam tardam, debilitatam, torpidamque sensit, vt exultaret, nisi per vim, eamque magnam, trahere-

tur, & abriperetur, sequi vestigia dulcis, & teneri Sponsi sui non posse, quem sic demoriebatur.

Videsne, inquit Bernardus serm. 7. in Cant. *illum, qui in speritu ambulat, nequaquam permanere in Sponsa, nec eadem semper facilitate proficere, & nunc seignius, nunc alacrius, quæ retrò sunt, obliuisci, & ad anteriora se extendere?* Non eodem tenore, nec pari semper facilitate contendit per viam perfectionis spiritus humanus, sed nunc currit, nunc subsistit, nunc leuiter, celeriterq; volat, nunc impeditè, ac lentè abulat, nunc pernitate aquilæ, nunc testudinè tarditate refert. Videre hoc licet in seruiute spiritus tã efficitur dilectæ sponse, quæ per vim subinde trahi, & rapi debebat, quod alias lætanter aduolabat.

Secunda Patriarchæ nostri vxor erat mirabiliter fecunda, quæ intrà annos non omnino quatuor optimū illi quatuor filiorum fructū attulit, qui fuerunt quatuor capita, seu fontes, vnde tam illustis multitudo posterorū præclarissimorū descendit. Post hanc sobolè fertili aluo edita, *cessauit parere*, vt habet sacer textus Genes. 29. 35. sicatusq; est fons, qui per diu tam largifluus fuerat. Post aliquod tempus redijt illi pristina fecunditas, *quæ concepit, & peperit filium quintum*, Genes. 30. 17. neque hunc tantum, sed posthæc alium etiam fructum, Dinam aio, ferax arbor produxit.

Quærit Guilielmus Ebroicensis, quid sensu myco significet Lia nunc fecunda, nunc sterilis, tantæque vicissitudine nunc exundas, nunc stagnans?

Respondit Claus. 1. Morali 4. in c. 30. Genesios: *Per hoc, quod Lia primò facta est fecunda deinde sterilis ad tempus, postea autem iterum fecunda, denotatur, quod aliquibus Deus impertitur quandoq; fecunditatem bonarum affectionum, quam tamen ad tempus ex suo immenso consilio retrahit, ita vt sentiant se quasi omnino steriles, & aridos, atq; sine humore interioris deuotionis.* Sancta ergo hæc mulier, in qua mirabilis illa vicissitudo, & mutatio à fecunditate in sterilitatem alternis vicibus facta est, significat animas, quæ in hac vita ad optatam, & multis suspicijs expetitam proficiuntur patriam, quibus idem euenit, quod Liæ, nimirum vt iam sint præmodum steriles, & aridæ, & sine omni deuotionis succo, iam plurimum aptæ, & expeditæ ad quaecunque virtutis opus, iam valdè remissæ, & tepidæ ad quamvis actionem pietatis, vt quibus per virum suum imbecillitatem impossibile sit, in eodem constanter perdurare statu.

Amoris namque ignis, vt ait Gilbertus Abbas serm. 46. in Cant. plurimam similitudinem habet cum eo ardore,

ardore, quo vexantur, qui febrim habent: *Sicut enim corporalis languor non est semper aequalis Vehementia, sed est aliquoties eius intensior passio; sic amoris affectio eiusiungi desiderio se tendit in dilectum, aliquando quidem intensioribus votis exarsuat.* Ut febris calor nec acutus æquè semper est, & feruidus, nec similiter semper affligat febrientem, habet enim sua incrementa, & declinationes, recessus, remissiones: Sic & amoris, quo Sponsa se languere aiebat Cant. 2. v. 5. *febricula aliquando intensioribus votis exarsuat, ut inquit Gilbertus, augescitque, & immittitur, & interdum quidem vehementer inflamat, nonnunquam verò detepescit.* Nam ut fidium consonantiam non rectè contenti nervi soluunt: Sic & moderatissima anima subinde à sua æquabilitate, & constantia decedit, vel decidit.

Ut enim sanctus Petrus Chrysologus Epist. 1. apud Lang. habet, *non semper ingenij Vena, ad votum currit*, quandoque enim homo ita in promptu habet verba, ut ipsa illum titubare affluentia faciat, nonnunquam verò tam est tardus, & stupidus, ut illum rerum facillimarum, & maxime perspicuarum intelligentia fugiat, ut ibi eum verba delituant, ubi pueris occurrit, quod dicant. Hoc esse instrumenta humana, quorum nervos contenderit, & in concordiam adduxerit tenera, & caduca fidicinis manus, nervos, inquam, qui cum ex tenui, & fragili materia consent, sæpè tunc rumpuntur, ac dissiliunt, cum sunt maxime necessarii.

Sententia multorum habet, Sponsæ dictum esse Cant. 4. 15. quod esset *fons horrorum, & puteus aquarum viventium.* Notoria est, quod & alibi monuimus, differentia fontis, & putei. Ex puteo difficile hauritur aqua, fontis frigida ad manum est leuiterque, & cum voluptate hauritur. Anima sæpè puteus, non rarò etiam fons est. Et puteus quidem, cum nullas dat compunctionis lachrymas, nisi quas magno cum labore, & vi exprimas: Fons verò, cum oculi velut maria quædam sunt amara, quæ lachrymarum flumina è corde scelerum suorum poenitente inundatione perenni effundunt. Talem de se habebat opinionem gloriosus Pater Bernardus, qui serm. 54. in Cant. aiebat: *Nec compungi ad lachrymas queo, tanta est duritia cordis. Non sapit psalmus, non legere libet, non orare delectat, meditationes solitas non inuenio, Vbi illa inebriatio spiritus? Vbi mentis serenitas, & pax, & gaudium in Spiritu Sancto?* Et apud Hugonem Cardinalem in cap. 29. Genes. eandem suam ægritudinem sic deplorat idem melleus, & gemmeus Doctor: *Ab heri, & nudius ter-*

tius inuasit me languor quidam, & insolita quadam hebetudo spiritus, nec legere, nec meditari, nec orare delectat. Quibus coloribus pingi expressius homo spiritu infirmus potuit? Cor habeo, inquit, quod saxi duritiem traxisse videatur, à quo vel unicam lachrymulam petere tantundem sit, atque à rigido filice, aut arido pumice aquam postulare. Psalmorum mihi nullus gustus, librorum multum tedium, orationis non aliqua voluptas, consuetudo verus meditandi non sapit. Triduum est quod meum spiritum grauis, ac terribilis infirmitas occupauit, tantà namque me laborare nausèa sentio, ut mihi videar spiritualium rerum gustum nullum recuperare posse. Vbi sobria illa temulentia spiritus? Vbi luculenta illa animi species, & solita quies, & iucunditas spiritualis? Fons eras nuper, anima mea, ex quo diuite, & promptè venà manabat aqua deuotionis, & calidarum lachrymarum plurima copia, quomodo nunc puteus effectus es, ex quo non nisi operosissimè etiam modicum quid haurire spiritus possit? Sed nihil horum mirari debemus, hæc enim fiunt, ut moneamur, esse hanc instrumentorum humanorum conditionem, ut momento à iusta consonantia cadant, harmoniamque remissione nervorum viciant. Sæpè fit, ut hominis ita inflammetur spiritus, ac tam vehementer inardescat animus, ut plures inter orandum transmissas horas vnum temporis minutum reputet; optetque innumeras habere vitas, quas pro Deo periculo exponere mortis queat. Non rarò etiam sic hebetatur spiritus, obscuraturque lux eius, & remittit feruor, & congelat animus, ut perbreue orationis tempus videatur illi longum sæculum, tanquam rimarum plenus sit, ita cogitationes illius hac, atque illac perfluunt, & fugiunt illum suæ potentia, & affectus frigescunt, totaque anima velut aridus caudex est, & hybernium, scythicumque, aut si quod aliud rigidius gelu. Denique virtutis iter scala est, per quam interdum celeriter ascenditur, & quandoque per teporem, torporemque descenditur. Forti animo itaque sumus, & cogitemus permitti à Deo ista deliquia, & sanctarum exercitationum fastidia, bonorum studiorum nausæas, spiritus congelationem, fidium temperatissimarum, & consonantissimarum relaxationem, ut nostram fragilitatem, & miseriam, illudque simul agnoscamus, Dei gratiam, & beneficium esse, quidquid boni habemus. Namque illi tam gratiosi apud Superos, Moyses, inquam, & illa tam enixè dilecta Sponsa, & tã charus Dei Filius ac Mater Bernardus, & quotquot in supremum contemplationis gradum peruenerunt,

runt, passi sunt has animi ægritudines, & infirmitates, & crebras spiritus remissiones.

Non conuenit nihil huius capiti cum Periocha VI. Feria IV. post Domin. V. Quadreg. Tom. I. pag. 411. o.

CAPVT VII.

Vt in supremum illud cacumen perueniamus, quod supremus mystica scale vertex contingebat, necessum est vt hinc spe, illinc timore stipati, ac suffulsi ascendamus.

DVo poli, quibus omnis bona, & prudens gubernatio nititur, & geminæ columnæ, quæ sustentant virtutem, constabunt æquitatem, coercent, recteque informant mores, sunt pietas & iustitia, suauitas & asperitas, timor & spes, supplicium & præmium, laurus & gladius. Hæc sunt fundamenta, ex quibus omnis bonæ actionis foelix successus pender. His duobus socijs comitatus homo per viam suam animosus, securus, ac tutus pergit. Si autem ab alterutro horum destituatur, aut deficiet animo, aut suæ confidentiæ manibus conficietur, ac peribit. *Inter spem, & metum, tanquam duas molas versari debemus*, inquit Pontifex Maximus Innocentius III. Serm. I. Domin. 3. Aduent. *Et videlicet timor temperet spem, ne presumamus, spes vero timorem, ne desperemus.* Palam est, quod rectè moli triticum, commodaque pani coquendo farina confici nequeat, nisi saxum saxo imminuat, eiusque rapido, & valido rotatu tritum frumentum pro rubicundis, aut fuluis granis candidos pulueres reddat. Concurre ad eum effectum hæc saxa necessum est. Nam id quod in orbem semper agitur, parum efficit absque socio, & illud, quod immotum perpetuò iacet, non satis est solum, si non iuuetur ab eo, quod nunquam coquiescit, ambo saxa, quod impendet, quodque succumbit, coniuncta aptant commodiori alimoniam triticum. Iam vt frumentum inter duos lapides morales versari debet, quod apta pani, & victui farina inde fiat, inquit Innocentius: Sic etiam vita spiritualis, & omnis bona Reip. procuratio inter spem & timorem, rigorem & lenitatem, gaudium & dolorem, poenam & remunerationem, pietatem & iustitiam versari debet, vt asperitatem vnius leniat suauitas alterius, & rigorem timoris mitiget dulcedo spei, hæc enim nos roborat, quando ille angit, & in officio timor continet eos, qui à spe intumescunt superbiâ.

Huc procul dubio alludit secundum sensum spi-

ritualium Dominus in lege veteri, quando & hanc, præter multas, tulit, quæ seuerissimè cauit, ne quis pignoris loco ab Hebræo lapidem qualemuis molarem auferret, quo ille ad molendum seu triticum, seu aliud quodcunque necessarium familiæ esui, & vsui frumentum vteretur: *Non accipies loco pignoris inferiorem, & superiorem molam*, aiebat ille Deuter. 24. 6. Quid mystici sensus subest huic iussioni, quod nobis indicatum voluit legislator?

Hugo Cardinalis ait: *Dua mola Spes, & Timor, Spes superior, quæ ad alta prouehit, timor inferior, quia inferius trahit. Prima tollitur per desperationem, secunda per presumptionem.* Spes horrorem timoris temperat, præfidentiam spei timor corrigit. Vult ergo Dominus, vt neutra harum molarum careat, quisquis illi rectè, feliciterque seruire desiderat, nisi enim vtramque coniunctam habeat, audacter, tutoque pergere non poterit. Nam si tantum sperat, fortè præsumptio erit, quod spem putat: Et si solum timet, formido immoderata desperationem illi adferre potest. Hic studio deditus spiritus cantabit iustificationes Domini in loco peregrinationis suæ, vt ait Prophetæ, donec ad patriam optatæ, hoc est, æternæ quietis perueniat.

Huc faciet, quod sanctus Ioannes Chrysostomus obseruauit in quibusdam Doctoris Gentium verbis, qui dum comparationem instituit inter ea, quæ sunt visui exposita, & illa, quæ sunt oculis inaccessa, dicit, hæc sempiterna esse, illa caduca, transitoria, momentanea. Verba illius 2. Corint. 4. v. 18. sic habent: *Quæ videntur, temporalia sunt, quæ autem non videntur, æterna sunt.*

Occurrit hic dubitatio, cur Apostolus, cum æternorum, quæ sub visum non cadunt, meminit, non exposuit, quænam ea sint, & non dixit, cælorum regnum in his esse, & quietem perpetuam, & paradysum æternum, vt eorum spe nos aleret, excitaretque ad contemnenda fluxa huius sæculi bona, & inquirendam toto pectore, & omni studio beatam illam patriam: *De futuris verba faciens non dixit, Regnum æternum*, inquit Chrysostomus hom. 9. in 2. Cor. c. 4. At cur Apostolus non enudauit omnem suum, quem de hac re habuit, cogitatum? Tanti fortè negotij fuit, aperit eloqui, quid illud sit, quod nos in altera vita expectat? Quamobrem de futuris æternis differens non expressit, esse in illis regnum æternum? *Quæ videntur, æterna sunt.*

Occurrit huic quæsito sanctus Constantinopolitanos Pontifex, inquiens: *Non dixit, Regnum æternum, sed, Quæ non videntur, æterna sunt, siue regnum sit, siue.*

sive cruciatus, & illinc nos excitet, atq; adhorretur, & hinc terrorem nobis inieciat. Aeterna, quæ oculis nostros hic fugiunt, non modò sunt præmia, quæ Deus iustus constituit, verum etiam supplicia, quæ improbis decreuit, hoc enim recte tantum Donini iustitiæ congruit. Itaq; Paulus, cum de futuro loquitur, non gloriæ tantum, sed & poenæ mentionem tacitam fecit, ambæ enim sunt æternæ, consultò tamè ac dedita operâ neutrum eorum expressit, sed vtrumque velut dubium reliquit, ut quisque sibi, quod magis arriserit, accipiat, & bonus quidem confirmetur, malus verò conterreatur. Malus namque cum intelligit, esse cruciatum, & supplicium æternum, timebit offendere Dominum tam iustum simul, & potentem: Iustus autem cogitans esse gloriâ, & quietem perpetuam, concitissimo gradu per virtutis semitam properabit, præmij, quod expectat, calcantibus incitatus, volabitque alis subuectus quietis, quam suspirat. Si gloriæ solius meminisset Apostolus, nimium præsumendi occasionem dedisset: Si solam memorasset poenâ, etiam fortissimorum animos fregisset. Ut ergo pusillanimus confortaretur, & magnanimus non deficeret, vtrumque dixit Apostolus, simulque & frænum timoris præfidentibus iniecit, & calcaria spei ignavis admouit.

Fecit hic sanctus Paulus, quod prudentes exercituum duces supremi facere solent, ac debent, quibus Flavius Vegetius lib. 3. de re milit. c. 10. suadet, ut pugnam inituri, & signa cum hoste collaturi, milites suos ante congressus initium exhortentur, & hoc primum, ac præcipue moneant, ut nemo existimet, non posse eâ occasione id accidere, quod alijs sæpè euenit: *Vnum illud prædicandum est, & nemo desperet fieri posse, quæ facta sunt;* inquit ille.

Si quis militibus suis sinistram belli exitum, vincendosque illos, & arrogantium hostium suorum misera mancipia futuros esse prædiceret, imprudenter ageret, ut & ille, qui certam ipsis victoriâ, & indubitatum de subactis contrarijs triumphum, amplissimamque, & opulentissimâ spolia promitteret. Nam ut ille expertus imperator, & magnanimus belli præfectus aiebat, *Variis est euentus belli*, 2. Reg. 11. 25. quique pridie subactum se videt, & prostratum dolet, ille postmodum se victorem gaudet, & tum lætundus triumphat, tum triumphandus lætatur. Quid ergo militibus suis prudens Imperator dicere debet? Omne illud, quod & timeri, & sperari potest, quodque alio tempore alij timuerunt, & sperarunt: *Ut nemo desperet fieri posse, quæ facta sunt.* Dicere debet suis militibus, posse illis aduersa,

posse prospera euenire, posse accidere læta, posse tristia, fieri posse ut vincantur, posse etiam fieri, ut victores euadant: Nam si sola illis sinistra denuntiet, multâ ijs ignauia tam ingratum præsagiû adferet; sin omnè felicitatem, & euentum secundû promittat, immodicam in illorû cordibus præfidentiam augurium istud excitabit, sicque ignauia, & præfidentia, res duæ diuersæ malum vnum, idemque generabunt, hoc est, ut prostrati, & cæsi occumbant. Ut ne ergo perniciosè præfident, monendi sunt, fieri posse, ut vincantur: Ne verò deficient animis, confortabit eos, dicens, fieri posse, ut triumphatores è conflictu abeant, ut sic timor succumbendi temerariam emendet præsumptionem, & ignauiam quidem animet, pusillanimitatem verò omnem spes victoriæ fuget, ac propulset. Spe, & timore omnis nititur bonus euentus, fundaturque, & constabatur prosperitas. Eapropter Paulus suis vtrumque proponit militibus, hoc est, poenâ, & gloriâ, laborem, & quietem, quodque possint æternum beati, ut nonnulli, & ad inferos ire, ut multi, ut cum hos intelligunt damnari, non intumescant superbiâ, nec præsumant, & cum alios audiunt saluari, non despondeant animum, neque desperent beatitudinem: *Non dixit, Regnum æternum, sed quæ non videntur, æterna sunt, sive Regnum sit, sive cruciatus, & illinc nos excitet, atq; adhorretur, & hinc terrorem nobis inieciat.* O salutare militiæ spiritali prudentis Capitanei consilium!

Vox Domini in multis Scripturæ partibus appellatur vox horroni tonitruui, quod pluuia, & fertilitatis parens aqua consequuntur. Otiosum mihi videtur hoc probare, quod sacrarum literarum varia loca tanquam fideles testes affirmant. At vellem ego nuoc hominem, qui nobis aperiret, quid habeat mysterij, quod vox Domini formidabili tonitruo cum placida, & blanda pluuia coniuncto comparatur.

Ioannes de sancto Geminiano lib. 1. Comparat. cap. 16. detegit secretum apud In rem præsentem, dicens: *Ex pluuia terra fecundatur, præcipue ex illa, quæ cum tonitruo cadit.* Quanquam aridam, sterilemque humum aqua omnis fecundet, sed quàm tonitrua soluunt, ea maxime abundantem terram facit. Mirum profectò, quod sonorum terrificumque tonitruum cum molli, ac leni pluuia coniunctum maiorem terræ confert fertilitatem! Quid documentum haurire spiritus ab illo naturali exemplo potest? Id quod Geminianus affirmat, nimirum tamentû spei suauitas, & præmij blanda, gratæque aqua

fecundat.

fecundet sterilitissimam animæ terram, si tamen aqua spei coniungatur cum tonitruo timoris, magis fecundum reddere spiritum, facereque ut bonorum operum fructus maiore copia producat. Itaque spei aqua cum timore diuini iudicii, quod est tonitruum, facundet animam, & reddit aptam ad fructum bonorum operum. Tanti refert, ut spiritus binis his spei, ac timoris seu pedibus ambulet, seu alis volet, ut securus in finem optatum perueniat.

Duo concurrerunt ad conuersionem illius, qui tantam promittebat constantiam, & sedem firmitudinis tam leuiter deseruit, tam facile perdidit, quæ diligentem profectò merentur considerationem. Ad leuem infirmæ mulierculæ istum vassa Petrinæ animositatis machina tota contremuit, & porro sublapsa fuit. Negabat ille suum Magistrum, qui cum ad comprimendam eius præfidentiam paucas horas ante prædixisset, arrogantem præsumptionem illius ter-lethaliter titubaturam, priusquam gallus cantaret, res vaticinio successit, & Petrus nosse suum Magistrum negauit, postquam gallus cantaret: *Adhuc illo loquente cantauit gallus, & conuersus Dominus respexit Petrum*; Lucæ 22. v. 60. 61. Dum gallus cantat, & Magister amanter respicit, Petrus (quod ipsi congruebat, & Dominus vehementer cupiebat) cœpit amarè turpe suum erratum deslere, & oculorum aquâ diluere fordidam, atramq; lituram, quâ suam apostolicam animam fœdarat.

Subnotauit Sanctus Laurentius Iustinianus mysticas circumstantias, quæ concurrerunt in conuersione Vicarij Christi, quæq; diuinus Magister coniunxit, ut infidum ad respicientiam, & lachrymas permoueret discipulum, de quo Lucas ibid. v. 62. *Et egressus foras Petrus fletus amarè, commigransq; è Babylone palatij transijt in contritionis Ierosolymam.* Concurrerunt autem cantus galli, & visus Magistri ad conuersionem sacri Apostoli. Quid verò sibi vult ista rerum talium coniunctio, cum nulla sit in Scriptura, & Domini nostri gestis circumstantia, quæ non plurimis grauida mysterijs?

Respondet magnus Venerorum Patriarcha de agone Christi c. 9. *In galli cantu iudicii terror, in aspectu Christi gratia cœlestis infusio. Præcedit iudicii pavor, subsequitur autè beneuolentia charitatis. Ambo tamè immutatum propositum adducunt fletum, dilectionem ingerunt, amoris enutriunt flammam, & conuertunt ad Christum.* Gallus regis maiestatis est symbolum Corona, quam capite præfert, hoc loquitur. Vox illius ferocissimum quemuis leonem perterrefacit, ut aiunt, Pierius, Berchorius, Ricciardus, Bartho-

lomæus Anglicus, & Vincentius Beluacensis, & alij non pauci. Est præterea contentiosum, & pugnantissimum animal, cuius seueriorem indolem produnt, & erectum collum, & rigida ceruix, & flagrant oculi, & ipsa incessus immodica grauitas. Oculi Domini plurimum sunt pietatis illius, & amoris signa. Conspersæ sunt diuinæ literæ crebris testimonijs, quæ hanc veritatem comprobent. Quodd ergo ad conuersionem Petri, & ad extrahenda ab intimo illius corde per oculorum fenestras pignora doloris, ad lachrymas, inquam proliciendas concurrerunt terror seueritatis adumbratæ in gallo, & dulcedo pietatis natæ ex beneuolo intuitu Domini, id factum, ut inditio, & documento esset, quodd ad conuersionem peccatoris, & gratiæ diuinæ stabilitatem fouendam, seruandamq; nulla sunt aptiora, & commodiora remedia, quàm terror iudicii, qui est pater timoris, & suauitas diuinæ clementiæ, quæ est spei mater. Ex his parentibus nascitur perennitas, & conseruatio status diuinæ gratiæ.

At quàm venustè, eleganterq; dictum, *Ambo amoris enutriunt flammam*! hoc est, timor, & spes, terror iudicii, & beneuolentia charitatis confouent incendium, siue ardorem amoris. Metaphora subest his verbis, quæ sumpta videtur à nutrice tenerum pusionem suis vberibus amanter lactante. Provida natura duo vbera constituit, tanquàm duos fontes, qui suam infantibus dolci scarurigine alimoniam lacteam fundant. Sunt autem gemini fontes, ut cum vnus fatigari cœperit, alter illum suo onere tãtisper leuet, pietatisq; ministerium leuius illis accidat, dum per vices obeunt. Sic etiã ut charitas nutritur, & crescat, utroque timoris, & spei vberè alenda est, inquit sanctus Laurentius Iustinianus, *ambo amoris enutriunt flammam.* Quodd si te alterum vberum suâ horribili specie terreat, arripe alterum, cuius elegantior, amabiliorq; forma, spes enim præmij vehementer allecat, & roborat. Si autem spes nimis præfidentem faciat, papillam timoris inuade, ut is immodicam temperet præsumptionem. Vna enim mamilla absq; altera perfectè, ut videtur, nutricari, & conseruare amantem in statu gratiæ non potest.

Huc faciet, quod Celsus lib. 2. cap. 6. affirmat, qui cum signa proluxæ agrotationis, ex qua vix conualescere infirmus posset, exposuisset, mox ait: *Sed inter hac proposito metu spes tamen superest*; velut pluribus dixisset: Postquàm Medicus ægro periculolum, & zrumnosum sui morbi statum indicauit, ex quo necessum est illum consternari, eriget tristem

infirmum.

infirmum spe aliquâ remedij, quod malo ipsius adferri queat, iubebitque non desperare salutem meliorem. Hoc autem cautè, consideratèque agendum. Nam si Medicus timoris clauē portam spei incolumitatis recuperandæ malè habenti totam prorsus occluderet, in desperationis abyssum sese præcipitandi occasionem illi ministraret: Sin immodicâ spe illum laetaret, certumque expectare omnis mali sui remedium iuberet, melioris valetudinis accessionem difficiliorem, magisque dubiam redderet, ac periculosam confectionem, ipse namque æger neque iustâ victus ratione vteretur, neque alia, quæ ad instaurandam sanitatem faciunt, debitè curaret. Vtrumque ergo faciendum, quò salutis suæ melius, optatiusque habeat prognosticum, timebitque æger posse totius valetudinis iacturam facere, sperabitque ex morbo euadere, omnino atque conualescere posse.

Hoc nos docet scala, quam in mystica visione Dominus Patriarchæ nostro ostendit, Angelique inhabitant, & deibant. Nam ut cæteræ scalæ duo habent latera, quibus transuersa immittuntur ligna, ut facilius per eas, securiusque ascendere possint, & descendere, qui volunt: Sic & illæ scalæ Iacobæ, cum per eas tam altum cacumen petendum esset, ut habebant gradus, quibus insisterent pedes, sic & sua utrinque fulera, quibus manus confirmarentur, & sustentarentur.

Quòd ergo istæ scalæ gemina habent statumina, id sensu mystico, ut multi exponunt, significat, ut quis in excelsum fastigium, quod illæ suo vertice rangebat, euadat, necessum esse duobus illis fulcris utri, vno spei, altero timoris, sic enim, cum per virtutum gradus sursùm contendit, & hinc quidem à spe fulcitur, illinc verò à timore sustentatur, securus ascendere Politicus, qui animæ suæ, quam potest, ac debet, rationem habet, iustam nempe faciet amaritudinis, quam habet timor, & dulcedinis, quam spes adfert, temperaturam.

CAPVT VIII.

Cum nemo se repente in infimum insolentiae precipitet, quanquam facile sit hoc agere, quomodo Christianus in summum perfectionis apicem, quod tam arduum est, & operosum, vno volatu vult peruenire?

Vidit sacer Patriarcha noster (quod frequenter iam diximus) Angelos ascendentes. Non vidit eos subuolare, sed ascendere. Cedit hoc in eruditionem nostram, monetque Politicum, quem serua-

re modum in procurandis animæ profectibus debere. Modus autem talis est, ut per virtutum gradus paulatim ex ordine ascendat, & prudenter confidat, non de repente volatu vno in supremum illius cacumen penetrare posse. Nam cum pronus sit ad vitia descensus, nec quisquam tamen subito in extremam malitiam se deicere soleat, quomodo velit momento vno in editissimum fastigium euadere, quò non nisi per confragosa loca, & prærupta ingenium difficultatum iuga perquam ægrè conscenditur? Bene validum hoc mihi argumentum videtur. Si enim quod minus est, nemo facile assequi potest, quomodo maius quis subito obtinebit?

Tertullianus lib. de præscript. hæret. cap. i. cum de modo agit, quo hæreses ad extinguendam pulcherrimam fidei nostræ lucem introducuntur, sic ait: *Hæreses ad languorem, & interitum fidei productas si expauescimus hoc eas posse, prius miremur hoc eas esse*; tanquam dixisset: Obstupefcimus, nec immerito, videntes hæreses ad hoc natas, & excitatas, ut fidei primùm ægritudinem, deinde etiam exitium adferant, nempe in illis, qui eam perdunt, hæresin enim semper aliquam apud nonnullos oportere permanere Verbum Patris æternum Vicario suo Petro prædixit.

Sed notanda verborum phrasis, quâ Tertullianus affirmat fidem apud aliquos deficere, inquit, hæreses ad languorem, & interitum fidei productas, quasi diceret, primùm ægotare, & febri laborare homines, posthæc verò mori fidei, & propterea fidem mori apud illos. Hoc ergo est, quod ille ait. Ut quis in abyssum miseriæ decidat, utque in gradum infimum se precipitet, hoc est, fidei iacturam faciat, hoc non fit repente, neque primâ statim vice, primùm enim velut febri quadam corripitur, tum augescente paulatim malo in tumulum hæreseos mortuus incidit: *Ad languorem & interitum fidei producta est hæresis.*

Nam ut Quintilianus declamat. pro cæco ait: *Innocentia per gradus certos ab homine discedit. Nemo repente fit pessimus, sed pederentim, gradatimque in extremum malitiæ inconsultus peccator descendit. Quam admirabilia illa, & commodà confirmando argumento nostro verba, Innocentia per certos gradus discedit!* Cum enim ad peccandum ipsis vitiatæ, ac deprauatæ naturæ ponderibus tam procliui ter, faciliterque feramur, quàm leuiter è loco declui deorsùm imus, neque semper tamen in malitiæ ultimæ præcipitium homo concito volatu de repente descendat, sed gradatim, sensimque infrà dilabatur,

dilabatur, si ad male agendum, ad quod tam prone animus humanus inclinat, tamq; expedita, prompta, & parata semper habet omnia, pedetentim mouetur, sic vt extremam malitiæ lineam non statim primo conatu, impetuq; attingat: Quomodo salu vnico supremum perfectionis verticem occupare & heroicarum virtutum excelssimum gradum passu primo inuadere posse Christianus velit? Nimisquam arrogans sit, qui hoc præsumat, prædicensq; Icarum similis, qui appellatione suâ suum stultum, insolentemq; ausum satis indicat: Ad summum quippe non nisi per gradus certos peruenitur. Sua temporis spatia res ista requirit. Cumq; ita sit, magnus mihi fuerit Politicus noster, si in supremum cacumen penetrauerit, iter enim, quod eò ducit, prolixum est, & non pauca habet impedimenta, quæ superari debeant, & multos inimicos, quos subigere oporteat.

Postquam stupenda miracula caelestis Magister ad utilitatem in feri populi fecerat, actionum illius insidiosi exploratores, & obseruatores animo maleuolo eum conuenerunt, nouaq; signa, & miracula rogârunt. Cum videret sacer Dominus venenatam pharetram, ex qua fallacis, & malitiosæ eiusmodi petitionis sagitta veniebat, aiebat illis: *Generatio mala, & adultera signum queris*; Matth. 12. 39.

Accuratè, grauiterq; expendit eruditus quidam modernus hanc Domini iuste irati responsonem, atque in illa hoc obseruat, quòd Scribas, & Phariseos ante malos vocat, quam adulteros nomine: *Generatio mala, & adultera*; sumptâ metaphorâ à muliere, quæ perfidiosè violans legem fidelitatis, quam ex contractu, & Sacramento debet suo marito, videtur impudentiori flagitio se obstringere non posse, quam cum periura contaminat, & sordida defœdat consortio extraneo castum thalamum, qui dominum non admittit alium. Multa peccata præcedunt, inquit ille auctor, & docet experientia, priusquam crimine tam nefario, atque infami se commaculet, perq; multos variarum culparum gradus sese paulatim præcipitat, donec in profundam abyssum violati thori iugalis, & temerata fidei matrimonialis turpi prolapsione cadat: *Multa hoc facinus præcedunt*, (inquit multa cum elegantia Benedictus Fernandus in cap. 27. Gen. sect. 4. num. 2. To. 2.) *Et disponunt ad ruinam, nimirum mulier caput videre, ac videre, excipit nuntios, responderet, referbit, aspicit, & colloquium admittit, donec tandem infelix in adulterium prosteratur. Semper ad flagitium per viam inceditur*, neque sit pessimus, aut extremè sceleratus, qui non ante malus fuerit, & minoribus

Tom. III.

vitij assuetus, vt nulla reilè in moechia voraginem muliercula propudiosa se ingurgitat, nisi quæ ante oculos miscere oculis, & amatoriarum certare literularum mutuis officijs, & crebra munuscula, frequentesq; salutes tum misculare, tum excipere amabat.

Ad hunc modum ergo Dominus fabidos inimicos suos primùm malos tum adulteros nominauit, *Generatio mala, & adultera*, quod perinde fuit, ac si dixisset, eâ ferè ratione illos in extremam malitiam peruenisse, quâ insidâ mulier eò prolabitur, vt coniugalibus thori iura vsu inconcessæ Veneris polluat, quæ non statim huc se præcipitat, nec prorsum momento vno cœcatur: Sic & illi cum essent perditissimi, non vnâ prolapsione subitò in id malitiæ extremum deciderunt. At si ij tam contaminati, & omni scelere cooperti homines non statim in profundum improbitatis perueniunt, quanquàm ad omne vitæ scelestæ genus velut nati essent, & plurimum propenderent, quomodo vult Christianus in summum virtutis apicem derepente peruadere, habens infensum, & infestum dæmonem, qui mille dolos struit, vt per viam detineat illum, & compediat, viuens in mundo, qui suis vanitatibus illi moras iniicere studet, intestinum domi, & portatilem aleas aduersarium, carnem, aio, spiritui vehementer repugnantiem, quæ suis fictis blanditijs, & veris præstigijs accelerationem illius retardare, & ascendendi feruorem intepefacere, & incitatum languescere studium solet.

Præmodum tritum, receptumq; ab omnibus est nomen, *Microcosmus*, siue *Paruus mundus*, quo veteres Philosophi donârunt hominem. Caditq; hæc tam aptè in hominem appellatio, vt nunquàm sit illi adimenda. Est nimirum ille, vt vult beatissimus Papa sanctus Gregorius Magnus, mundus quidam abbreviatus, epilogus, summarium, & recapitulatio rerum omnium, quascunq; terrarum orbis complectitur: *Omnis creatura aliquid habet homo*, inquit ille homil. 20. in euang. *Habet namque commune esse cum lapidibus, viuere cum arboribus, sentire cum animalibus, intelligere cum Angelis*. Meritò ergo paruus mundus vocatur, qui velut compendium quoddam habet omnium, quæcunq; mundus maior habet.

S. Petrus Damianus lib. 2. epistol. 5. aliam talis appellationis rationem tradit, inquit, hominem vocari mundum minorem, vt sciat, & intelligat, quâ liter caleat consummari, quomodo debeat perfici, & ad suâ plenitudinis incrementa contendens, ipsam

Nnn

mundana

mundana conditionis specie imitetur, et sicut distichis, atque corporeis hic mundus per suam molem, ac multitudinem consummatus est partium, sic & homo noster interior paulatim ad sui plenitudinem venit per augmenta virtutum. Ex abyssu nihili, & confuso chaos elegantem hanc totius Vniuersi machinam supremus Opifex eduxit. Et quanquam omnipotens immensi Architecti dextera longulum illud sex dierum spatium, quod constructioni mundi dedit, minimè requirebat, ut sumptuosum hoc ædificium suis numeris absolueret, totum illud nihilominus tempus in perficiendo illo opere collocare voluit, ut hominem doceret, inquit S. Petrus Damianus, quod cogitatio, deque industria, & dedita opera, tot dierum moram in hac fabrica traxit, & nunc quidem lucem fecit, nunc verò rutilantes, fulgentissimamque illas faces, quarum altera diei, nocti altera inuicem præest, nunc coelum, aues, pisces, brutas animantes, denique hominem in lucem produxit, ut illum tali exemplo insitueret, quam excolendæ animæ rationem tenere, & quo modo profectuum illius curandorum pensum perficere deberet, simulque moneret, non debere existimare, posse se exiguo laboris, & temporis impendio vnâ vice consequi perfectionem, habet enim virtus quælibet multos gradus, & virtutes plures sunt, & in quouis gradu non pauca, quæ vinci, ac separari debeant. Aliquando studendum est patientiæ, aliquando castitatis opera, aliquando laborandum, ut rerum mundanarum contemptus acquiratur, aliquando curandum, ut effusarum appetentiarum licentia, contumaciaque cedereatur, aliquando huc vertendus canatus, ut venarum sanguis amanter offeratur his, qui illum hostiliter sitiunt, auidèq; bibere cupiunt. Iam & animus valido nonnunquam proposito obfirmandus ad sollicitam, studiosam, & integerrimam executionem omnium, quæcunque ex officij munere, & status conditione, atq; obligatione facere oporteat. Ad huius rei studium acuendum plurimum facit, si quis sedulo cogitet, plurima esse, quæ in viro consummato, & perfecto fieri debeant, & facere hominem omnibus virtutum partibus expletum tale ferè esse, quale nouum mundum construere: *Ut paulatim ad sui plenitudinem veniat per augmenta virtutum.* Intolerabilis enim arrogantia, & stulta præsumptio est, velle hoc vnâ vice, & breui momento absolui, quod Deus nonnisi plusculorum dierum operâ perficere voluit.

Solinus cum de rebus Africæ memorabilioribus agit, loquens de Tigride fluuiio, quem *Medi*, inquit,

agittam nominant, sic scribit in polyist. cap. 46. Nec ab exordio statim totus est, primum pigre fluit, nec cum suo nomine. A prima sua scaturigine non est tantus, quantus cum in Arethusam locum influit. Vbi primum erumpit, sensim, impeditæque dilabitur, neque statim Tigridis, hoc est, sagittæ nomen habet. Videntur hæc re tacite insitui homines, quemadmodum in semita spiritus progredi debeant. Vita humana fluuius est, sed tunc primum, cum vitalem anhelitum in amarum mortis mare exonerat. Nec enim quisquam putare debet, se, simulatque usum rationis nactus est, ut per alueum virtutum ad oceanum mortis decurrat, iam tunc omnem suæ abundantia plenitudinem habere. A paruo incipere, & riuus esse ante debet, ut in fluuium posthæc lentis incrementis paulatim euadat, tardisque profectibus auctus tum demum nomen sagittæ obtineat, cum longiturnâ exercitatione virtutes coluerit: *Nec ab exordio statim totus est, primum pigre fluit, nec cum suo nomine.* Qui enim arbitrat, perfectionem vno, ut sic dicam, saltu assequi posse, & in supremum verticem vno momento penetrare, & ad maximum peruenire, nisi ante minus transierit, is à stulta imaginatione sua luditur, & insania non ferendâ laborat. Ad malum per gradus itur, tametsi peccare tantundem sit, quod descendere, & flagitia nonnisi certo quodam laboris impendio patrantur. Quomodo ergo Politicus noster, sciens quanta sit perfectionis celsitudo, quanta humanorum gressuum ad bona tarditas, & pigritia, velit vno momento consequi, quod qui post longos cum virtute exactos annos, & studia vitæ sanctioris diuturna obtinet, is admodum felix est, & maximam laudem commeruit?

Cohæret cum istis, quæ supra P. I. Polit. lib. I. c. 3. tractantur, & alijs in locis ad finem istius capituli subnotatis.

CAPVT IX.

Non satis nobis est, quod dominus noster sit, qui Deus est, nisi curemus, ut & Deus noster sit, qui est dominus.

Evauit mystica visio, cumque enigmata sit viator, postea, attonitus succlamavit: Verè Dominus singulari assentiâ incultum hunc locum honorat. Terribilis est locus iste, neque aliud est, quam domus Dei, & porta celi. Hæc dixit, & ad humillimæ gratitudinis suæ demonstrationem, utq; tam admirabilis beneficij memoriam monumento æterno inscul-

ptam

ipsum ad omnes secuturas aetates transmitteret, lapidem ex his, quibus pro cervicali vsus fuerat, quempiam arripiens, seu pyramidem aliquam erexit, in qua visionis illius arcanum perennaret, tum oleo supernè infudit, & suo modo consecrauit, locoque nomen dedit *Bethel*, quod est *Domus Dei*, demum tale Domino votum nuncupauit: *Si fuerit Deus mecum, & custodieris me in via, per quam ego ambulo, & dederis mihi panem ad vescendum, & vestimentum ad induendum, reuersusque fuero prospere ad domum patris mei, erit mihi Dominus in Deum, cunctarumque, quae dederis mihi, decimas offeram tibi*, Gen. 28. 20. 21. 22.

In his verbis illa, *Erit mihi Dominus in Deum*, plurimum laboris, & fatigationis attulerunt studiosis interpretibus, quibus hæc res cordi fuit, vt sacri oraculi retrusiora mysteria, quantum fieri posset, exactissimè enuclearent, & accuratissimè enudarent. Difficile namque intellectu videtur, quid mouere potuerit illum, qui tam attentus in voti sui nuncupatione fuit, vt hoc promitteret, velle Dominum habere pro Deo, si per ipsum optatorum suorum compos fieret. Bartolomiam quis dixerit, & eiusdem verbi superuacaneam, inutilemque repetitionem, quod ait, Dominum se pro Deo habiturum. Qui enim Dominum fateatur supremum Conditorum, palam est, Deum agnoscere debere. Quomodo ergo sanctum Patriarcha horum alterum ab altero, tantum diuersa sint, fecerit, ac dirimit, inquires, *Erit mihi Dominus in Deum!*

Fortè sit nonnemo, qui putet, votum istud, quoad hanc illius partem, superfluum, & otiosum. At si animum diligenter quis aduertat, inueniet tam cautè, ac sapienter esse ab illo editum, vt Politicus noster beatissimus sit futurus, si hoc opere persequatur, quod velle facere Iacob promissit. Quod vt elucidemus, dico paucis, non esse idem habere supremum Creatorem pro domino, & habere illum pro Deo. Qui pro Domino illum habent, neque ei tamen seruire, & gratificari student, de his affirmare possumus, tamen Dominum agnoscent, pro Deo tamen (quod ad affectum, & voluntatem eorum attingit) non habere, cui nimirum obsequi, debitumque venerationis cultum pendere negligunt. In his qui illum offendunt, & ad iram prouocant, habet Dominus (vt sic loquamur) supremum dominium superioritatis, & relationis Creatoris ad creaturam, quam superioritatem, quantumvis fortè inficari homo velit, effugere non potest. Ijs tamen alterum illud dominium deest, & regnum, quo regnet Domi-

nus in illorum voluntatibus, & affectibus, & horum eo sensu, non est Deus, in quorum animabus, & cordibus per gratiam non imperat: At verò illorum est Deus, in quorum pectoribus omnimodè regnat, & vtroque dominio imperat, quem illi & Dominum suspiciunt, & Deum adorant. Quod ergo ad nos attinet, parum proderit, quòd Deus priore modo imperet in creaturis, nisi & posteriore ratione in eisdem regnet. Quare quod diuinus Patriarcha noster promissit, inquires, *Erit mihi Dominus in Deum*, tantundem fuit, ac si pluribus verbis spondidisset, velle Deo seruire, & per omnia placere, fuitque vtile, ac prudens votum, parum enim profuisset, agnoscere ipsum pro Creatore, & Domino, nisi simul vt Deum suum adorasset, coluissetque.

Attentiùs namque rem consideranti occurreret, in domo Dei, vbi pro Domino agnosceatur, multos clausos, absconditosque latere idololatrias, quod mellissimus Bernardus peracerbè deplorabat in Declamatio. super Ecce nos, dicens: *Va! Va! in domo Dei horrendum videmus, quidnam idololatrias ministrantes? Domus Dei Ecclesia illius orthodoxa est. Itane verò in illa domo horribile istud Bernardi ætas vidit, puta catholicos idololatrias! Quomodo fieri potuit, vt iidem & Catholici essent, & Idololatræ, cum hæc ita mutuo pugnèt, tamque mortalis sit eorum hostilitas, vt fœdere coire aliquo æternum nequeant? Respondet tamen Bernardus, facile capto esse, quod ipse affirmauit, & iam iam quæsitum fuit, si vnum ante ponas, quod nemo negat, nempe, *Quod quisque præ cateris colit, id sibi Deum constituisse probari*. Quod quisque adorat, erectoque in ara cordis sui simulachro veneratur, hoc illi pro supremo numine est. Ad hunc itaque sensum facile fieri potest, vt reperiuntur in Ecclesia Dei idololatræ catholici, qui Creatorem suum vnicum Dominum agnoscant, & in sua voluntate aliud quidpiam adorent.*

Præcipua lex Dei, & statutum antiquissimum olim in Deuteronomio c. 6. latum, apud S. Marcum 12. v. 30. repetitum sic habet: *Diliges Dominum Deum tuum ex toto corde tuo, & ex tota anima tua, & ex tota mente tua, & ex tota virtute tua*, sic vt nullum referues cogitatum, quem non in illius cultum, amorem, reuerentiam vertas. Notandum quòd Moyses, cum hanc legem, cœlesteq; istud edictum populo Israëlítico primùm indicaret, ac promulgaret, breuem hanc, compendiosamque admonitionem præmisit, dicens: *Audi Israël, Dominus Deus noster, Dominus vnus est*; Deut. 6. 4. quod tale fuit, ac si dixisset, in corde animæ non debere esse

aliam adorationem, nisi Dei, & Domini, sed illius, qui verè sit Deus. Quid sibi vult, quòd lex ista tam sollicitè, & circumspèctè auocat cor humanum, affectus, cogitationes, vires, conatusque totos ab omni eo, quod non sit Deus, aut ad illum non pertineat, vel dirigatur?

Origenes homil. 2. in lib. Iudicum ait: *Præoccupare quodammodo erga se cupiens totos humana mentis affectus, sciens quia quod ex toto corde dilexerit quis, & ex tota anima, atque ex viribus totis, hoc est Deus est.* Quòd ergò Dominus talis legis edicto animam hominis, quanta eacundè est, facultatesque illius omnes sibi referuari, & ad se vnum vnice amandum verti mandauit, non alio consilio hoc fecit, quàm quòd sciuit, id cuique pro Deo esse, quod toto cordis affectu complectitur. Quod enim affectus adorat, hoc velut supremum numen veneratur, & reueretur.

Ac nisi ita res haberet, quomodo S. Paulus multis perfusus lachrymis affirmasset, quosdam ita obbrutuisse homines, tamque terreos effectos, totosque animæ suæ affectus, & se asus, vigilas item, & cogitationes vili, & infami gulæ idolo sic consecrasse, vt præter ventrem Deum non haberent alium? Verba Pauli Philip. 3. v. 18. & 19. sic habent: *Multi ambulat, quos sæpe dicebam vobis (nunc autem & stens dico) inimicos crucis Christi, quorum finis interitus, quorum Deus venter est.* Palam ergò, perspectuinque habemus, esse quosdam homines, qui vnum Dominum agnoscentes, affectu suo adorant alium. Alienorum autem deorum, qui adorationis venerationem habent, vnus quidam venter est, ad quod Tertullianus apud Velasquez (cui partem dictorum nō modicam debemus) in expositione illius textus respexit videtur, cum ait: *Ille deo idolo gulam suam mactat, tu Deo non sis, Deus enim tibi venter est, & pulmo templum, & aqualiculus altare, & sacerdos coquus, tanquam pluribus dixisset: Vorax epulo, & insatibilis heluo guttur, palatumque suum infami, propudioso, & bruto ventri suo sacrificant, & tu animam tuam Domino pro debita obseruantia cultu tradere recusas, vt sit etiam tuus Deus, sed ethnici potius turpem adorationem imitaris, tuum enim numen, cui tributa obsequiorum pendis, tuus venter est, tibi pro lario pulmo, pro ara stomachus, & ventriculus, pro sacerdote opsonator, obsopaus, promus conchus, & cotus est, quem varijs cibis, ciborumque condimentis ad acuendam orexin, & irritandam gulam excogitandis, componendisque fatigas, & adhibes, vt tam vili, ac seruili deastro, inex-*

plebili abdomini tuo victimas litans offerat. Fieri ergò potest ad modum, quem diximus, vt supremus hominis Conditor sit dominus illius, & non Deus eiusdem, hoc enim homini deus est, quod ille adorat, singularique cultu, & veneratione, & affectu prosequitur.

Tale quidpiam affirmandi occasionem præclaram nobis ministrat Propheta Regius, quando ad Patriarchæ nostri similitudinem teneræ voluntatis flagrante affectu, & ardenti amore totus abreptus in Deum sic ait: *Dixi Domino, Deus meus es tu; Psal. 15. 2. dixi tanto Domino cum humillima submissione, prout decebat. Tu es Deus meus, quem adoro, quem suprâ quàm alia omnia reuereor.*

Nisi superiora quædam præcessissent, possemus arguere sacrum Prophetam tanquam non satis consequenter locutum, & parùm attentum ad verba sua, ait namque dixisse Domino, *Deus meus es tu.* Cum enim discrimen aliquod esse debeat (magnam quippe consonantiam verborum Prophetarum esse oportet) fiet vt non sit idem, quòd Creator noster noster Dominus, & quòd Deus noster est. Proinde cum ait, *Ego dixi Domino, Deus meus es tu,* tantumdem fuit, acsi dixisset: Si satis foret, quòd Conditor meus quantum ad me attineret, ob hoc Deus meus esset, quia Dominus est, non fuisset protestatus, quòd Deus meus esset, qui est Dominus, hæc enim mutud se compatiuntur, quòd Creator superior sit Dominus humanarum creaturarum, & non sit Deus aliquarum, nam cum illi seruire, & placere negligimus, dominium eius manet, diuinitas autem in creaturam transfertur, quam cum affectu singulari suprâ Dominum amamus, Deum nostrum facimus. Tota ergò felicitas nostra in eo posita est, quòd Deus noster sit, qui est Dominus.

Quàm præclare hoc exposuit ille ætatis suæ Phœnix, ille sæculi sui stupor, ille literarum, armorumque gloriâ illustrissimus! Ioannem Picum Mirandulæ, & Concordiæ Principem sic dixi, cuius sunt ista in commentario Psalmi decimiquinti: *Dixi Domino, Deus meus es tu. Totus iusti status consistit in hoc verbo. Quod Verbum licet videatur ferè omnibus commune, pauci tamen sunt, qui illud possint verè dicere. Illud enim quis habet pro Deo, quod habet pro summo bono, & illud habemus pro summo bono, quo solo habito, si cetera defint, putamus nos esse felices. & quod vnum si defit, etiamsi habeamus omnia alia bona, putamus nos esse miseros.* Pergit porro Mirandulanus: *Dicit avarus pecunia, Deus meus es tu, gulosus crapula, incontinens libidinis, ambitiosus imperio, Deus*

meo

meus es tu. Cùm ergò in mundo tam ingens sit copia avarorum, gulosorum, lasciuorum, ambitiosorum, vindictæ cupidorum, periurorum, murmurorum, obrectatorum, & tam innumèrabilis caterua vitiosorum, qui adorant quæ amant, & flagitia sua pro dijs habent, inde accipitur, quàm paruus sit eorum cætus, qui verè eum Iacob, & Dauide Deum appellare, ac dicere possint, *Deus meus es tu*, vt qui animi affectu in aliud propendeant, quod non sit verus Deus. Id Picus Mirandulanus iterùm sic reddidit: *Vide igitur, quàm pauci possint dicere, Dixi Domino, Deus meus es tu, quia ille solus hoc potest, cui solus Deus sufficit. In hoc igitur dicto consistit totus status hominis iusti.* Ille igitur solus Domino verè dicere potest, cuius totus amor in Deum solum fertur, quem hæc vnica sollicitudo in somnem facit, quomodo Deo placere, & gratificari queat, cuius hæc est curarum summa, vt quæ illi sunt placita, faciat, vt mandata eius, & cælo allatas pragmaticas sanctiones sanctè, integrè, studiòse obseruet. Cùm verò tam rari sint, qui hoc agant, quàm frequentes, qui suis voluptatibus, cupiditatibus, & appetitibus per omnia obseruiunt, benè affirmabimus, illum solum esse felicem, & fortunatum, qui Dominum pro Deo habet, in hoc enim tota illius beatitudo est posita.

Huius rei confirmationi non incommodum venit, quod incredulus Discipulus cælesti, & triumphatori Magistro dixit, quando postquàm sacram indulgentiæ portam, diuinum latus, inquam, tetigerat, tanti Domini amore inflammatus, attonitoque similis singulari cum affectus flagrantia, humilitate, deuotione, & contritione succlamauit: *Dominus meus,*

Es Deus meus! Ioan. 20. 28. quidni certò, indubitatòq; credam, quòd inuictus, & omnipotens in vitam redijisti? Hæc fuit perfectissima confessio, per quam Sanctus Thomas gratiæ, & amicitia diuinæ lucrum fecit. At videamus, quas det voces Apostolus. *Dominus meus, Es Deus meus,* inquebat.

Nicolaus Lyranus in cap. 20. Ioan. ait: *Suprà cœcauerat Iesum Dominum, sed non Deum.* Verùm nunc quid agit? Vtroque nomine illum inuocat, & appellat dicens: *Dominus meus, Es Deus meus;* siquæ partibus omnibus explet suam confessionem, gratamq; reddit. Quamuis enim sit vera illius confessio, qui Christum pro Domino tantum habet, agnoscitque (ipse quippè Discipulis suis ante dixerat, *Vos vocatis me magister, Es Domine, Es benè dictum, sum etenim,* Ioan. 13. 13.) nihilominus secundum doctrinam traditam, & sensum, quo loquimur, parum prodest Christiano habere Christum pro Domino, nisi habeat etiam pro Deo, hoc est, nisi illi consecreret suos affectus, voluntatem, potentias animæ reliquas, cor, actiones. Faciendum ergò, quod Thomas, Iacob, David fecerunt, vt qui Creatorem suum fatentur suum Dominum, habeant etiam pro Deo, vt huiusmodi confessio sit accepta, utilis, & fructuosa. *Dominus meus, Es Deus meus. Erit mihi Dominus in Deum. Ego dixi Domino, Deus meus es tu.* Sic nimirum consequentur summam felicitatem, illam, aio, vt cor suum tradant summæ Deitatis, quæ sola meretur amari, non vilibus, & sordidis creaturis, quibus seruire infamia est, quas amare dedecus est, & adorare præceptum ad æternam damnationem, & tormenta perpetuum duratura prolapso.

LIBER SECVNDVS.

CAPVT I.

Non magnus est, quem officia magna, & sublimia occupatum habent, sed qui ministerium suum probe curat, & muneris partes omnes rectè exequitur.



Vàm perspicuè se prodit apud nostrum sacrum Peregrinum, & obediensem viatorem pollicitatio Dei, quàm illi sponponderat, velle se indiuiduum comitem, & fidum adiutorem per omnem viam exhibere! Inter media quippè experimenta omnipotentis manus, quæ illum ducitabat,

prosperè, ac feliciter, & citrà periculum peruenit in terram auunculi sui Laban, vbi & faustum peregrinationis illius finem feliciter ac beaue optatus aspectus venustissimæ consobrinæ Rachelis, à qua comirer, blandè, peramanterque exceptus fuit. Simulac intellexit Labani filiam esse illam tam elegantem, tam pulchrà specie custodem pecudum, quæ cum alijs sodalibus innoxias pascere oves, non potuit se continere, quin ob illius oculos præclarum facinus ederet, solusq; graue saxum amoueret, quod suis ponderibus obstruebat, & velut obsignabat locum, è quo haurire frigidam, & commune refrigerium siticulosus grex solebat. Posthæc illam, vt pro-

ximâ consanguinitatis necessitudine coniunctam amplexatus fuit, ceteraq; fecit, quæ cognati è partibus abftrioribus convenientes in primulo congressu, ex more illius regionis, facere solent.

Premamus hoc loco, quod sacer Scriptor his verbis peculiariter notandum putauit: *Gregem ipsa pascebat*; Genes. 29. 9. In his magnam emphrasin habet ea uocula, *Ipsa*, & hoc ferè significat, illa uenustula, illa formosula, illa tenellula, & delicatula, illa, quæ formæ decentiâ, & morum gratiâ Syris uirginibus antecellebat, quantum Sol reliquis planetis, & sideribus præstat, illa, quæ totum parentum suorum delirium & oculorum ipsi charior pupillis erat, illa gregem pascebat, illa ruri vitam omnibus cæli inuirijs expositam agebat. Hæc omnia idcirco perscripta sunt, ut hinc acciperemus utile monitum, quod multis de suo statu, aut officiorum conditione querulis magnam quietem, consolationemque adferet. Docentur enim huiusmodi exemplo, non esse felicitatem cuiusque in hoc positam, quod grandia, aut exigua officia administret, nec quod supremam, aut infimam dignitatem obtineat, sed in eo, quod illam quisque rectè, laudabiliterque obeat, & curet prouinciam, quam illi Deus, siue maiorum obedientia demandarit. Rachel certè tantum merebatur, sedulæ custodis ouium humile officium, quod illi pater iniunxerat, studiosè exequendo, quantum si aliud quoduis honorificentissimum munus obuiisset. Magnitudo quippè dignitatis non in magnitudine meritorum, sed in eo posita est, ut demandatum opus probe, accuratèque quis exequatur, ac perficiat.

Hoc ita nos docet primus Venetorum Patriarcha Sanctus Laurentius Iustinianus de triumphali Christi agone c. 26. nu. 1. inquit: *Non ex dignitatibus, aut gradibus discernuntur merita, sed exercentur dona, nec ille apud Deum censendus est superior, qui infimum locum tenet, sed qui uirtutibus inferior est, non enim dona gratiam, sed gratiâ commendat dona. Nihil apud Deum interest, utrum quis præstet, an obtemperet.* Non ex dignitatibus, & gradibus suam habent dignitatem, aut gradus merita, sed ille dignior, ille sublimiorem gradum tenet, qui suum officium, quamuis humile, magno, & excelsio animo rectè, dignè, decenterque procurat. Deo nemo uilis ex uili officio, si probè administrat, is uero illi abiectionissimus, qui uirtutibus nudatus, tametsi in edificatione dignitatis loco positus. Ad gratiæ enim commendationem nihil officium, plurimum uero strenua, iustaque eius administratio facit. Apud Deum itaque parui refert, siue quis imperet, siue obediat,

siue rex sit, siue subditus. Is namque solus illius oculis placet, qui bonam statum, & quæ illi coniuncta est, obligationis rationem habet, & muneris sui partes, prout debet, curat.

Agit Sanctus Apostolus Paulus de officijs, quæ curare mulieres debent, ut oculis diuinis placeant, & præter alia iubet, ut densam, prolixamque comam nutriant, quæ pro integumento sit, quo capita obnubant, quorum deoperta, & oculis exposita elegantia multis, ijsq; honestatis studiosis, & recessus amantibus causa turpis prolapsionis fuit, & miserandum sæpè exitum attulit. *Mulier si comam nutriat, gloria est illi, quoniam capilli pro Selamine ei dati sunt*, ait ille 1. Corinth. 11. 15. Exponens hunc locum Doctor Ioannes Benceus, inquit: *Capilli dati sunt, hoc est, à natura habentur, in signum subiectionis*, suntq; uelut nota quadam summo capiti inusta, ex qua seruitus, cui mulier inuitabili necessitate subiaceret, agnosci queat, ut proinde, quod crebrius capillamentum alit, eò luculentius prodar submissionem, quam exhibere viro debeat, quibus enim capillus suauis, gratæq; seruitutis est testis.

Libet hic dictum Pauli cum expositione Bencei componere, & ex ambobus conceptum unum propositum commodum exsculpere. Apostolus dicit, comam mulieri gloriæ esse, & ornamento: *Si comam nutriat, gloria est illi*. At si coma, ex iam dicti interpretis sententia, & commentatione, character quidam est subiectionis, & insigne seruitutis, quod Deus capiti mulierum imposuit, tanquam titulum editiori loco inscriptum, ex quo illarum humilem, inferioremque conditionem legere omnes possint, quomodo Paulus affirmat, ex coma singularem in femineum sexum gloriam redundare, cum uix res aliquæ aliæ magis compugnare videantur, quam seruitus, & gloria? Si Apostolus diceret, quod mulier, quæ comam, seruitutis suæ notam, alit, eadem sui luctus occasionem nutriat, suæ tristitiæ causam foueat, planum, perspicuumque videretur, quod ait, sed quod seruitutem nomine gloriæ donat, nescio quomodo in sensum rectum trahi queat.

Difficultatem hæc suam, nec qualemcumq; haberent, nisi beati Laurentij Iustiniani doctrina præcessisset dicentis: *Nihil apud Deum interest, utrum quis præstet, an obtemperet.* Neq; abiectus Deo est, qui alijs ex obedientia subiectus, neq; sublimis Deo, qui alijs è loco sublimi imperat sed qui obligationis suæ partes accuratè exequitur, non enim officium, sed studium, quo illud administratur, plurimum quemq; commendat. Itaque mulier nutriens comam,

nam, quæ seruitutis illius, & subiectionis insigne est, quod sui muneris est, probè curet, hoc illi gloriam conciliabit, & laudem. Gratia enim vniuersusque, & dignitas non in eo posita est, quòd sit Prelatus, aut Subditus, Rex aut famulus, magnus, aut paruus, sed in eo, vt rectam suæ vocationis curam, & iustam sui status, in quo à Deo constitutus est, rationem habeat.

Cum his cohæret, quòd magnus Theologus Sanctus Gregorius Nazianzenus Orat. 9. ait, iniquens: *Quo vocatus est, in eo gradu quiescat, maneat, etiamsi alioquin præstantiore dignus sit. plus vtiq; laudis habebiturus ex eo, quòd præsentis gradus acquiescit, quàm si eum quærat, quem non accipit.* Teneat quisque locum, & statum, in quo à Deo positus fuit, quamuis digniorem meritis sibi videatur, hoc sibi persuasum habens, quòd ampliorem laudem referet, si in eo constanter perduret, quàm si in alio sublimiori minùs cautè, nec tam prudenter, vt decet, agat. Non enim ille verè maior, cui officium maius conceditur, sed qui ministerium, qualecunq; illud, sibi commendatum rectè gerit.

De homine quodam nobili ait Dominus, diuissè bona sua seruis suis, vt solerte industriâ suâ ad quæstum illa verterent, plurimasq; ex earum lucro opum facultates corraederent, & accumularent. Vni autem dedit quinque talenta, duo alteri, vnum tertio. Ex his duo priores tam sagaciter, ingeniosè, & feliciter suis talentis ad negotiationem sunt vsi, vt altero tanto maius retulerint, quàm è manu domini sui acceperant, & dupli lucrum fecerint. Serenissimo vultu tam lætanter illos excepit dominus, vt parè, sed copiosâ, & diuite mercede suos vtrique labores remuneraret, verbisq; eisdem ambos appellaret, dicens: *Euge serue bone, & fidelis, quia super pauca fuisi fidelis, super multa te constituam, intra in gaudium Domini tui;* Matth. 25. v. 21. & 22.

Sancto Ioanni Chrysostomo, orat. 1. in 1. ad Heb. Isidoro Pelusiotæ l. 4. Epist. 106. & Theophylactio statim incurrit in oculos difficultas circa hanc remunerationem, aiuntq; quomodo his, quorum fuerunt inæqualia talenta, æqua gratia rectè fieri poterit, vt ambobus promitteretur, super multa bona pariter constituendos? Qui quinque talenta acceperat, in sublimiori gradu constitutus fuit, cui duo solum credita sunt, is inferiore in dignitate collocatus videtur. Quomodo ergo non fuerunt differentia præmia, quorum erant tam imparia ministeria?

Soluit hanc difficultatem peropportune in cau-

sam præsentem dicti Patres, dicentes, quòd præmia æqualia designata fuerunt ijs, quorum erant officia inæqualia, id factum, vt indicaretur, merita non ex officio æstimari, sed ex studio, & diligentia, quâ officium procuratur, & administratur, nam cuius negotiationi duo talenta sunt tradita, is tantum præmium consecutus est, quantum ille, cuius nundinationi, & fidei quinque concredita, quia & ille tam enixè, diligenterque suis duobus talentis negotiatus fuit, quàm hic quinque talentis.

Audiamus magnum Bulgarorum Archiepiscopum Theophylactum in cap. 25. Matth. vbi habet ista: *Vide autem quòd & is, qui quinque talenta accepit, & is, qui duo, eadem bona consequantur. Quando enim quis etiam pauca accepit, & datum sibi donum, licet paruum sit, bene dispensarit, æqualem honorem adepturus est cum eo, qui magna habuit, & fecerit. Vnusquisque enim vt accepit, ita & excelsus videbitur, si bene egerit.* Quòd is, cui sola duo talenta data, vt ex ijs quæstum faceret, parem plausum, & laudem meruit, ac ille, cui cum quinque talentis operosior, spectabiliorq; negotiatio demanda fuit, hoc ad consolationem eorum scriptum est, qui suâ fortunâ, & statu malè sunt contenti, vt hinc discant iustam habere rationem vitæ, & conditionis, in quacunque quantumuis humili ex Dei ordinatione viuunt, & pro virium facultate in ea laborant, tantum enim præmij referent, quantum iij, qui ministerijs sublimioribus occupantur, nam vt dicere cœpimus, perfectio non in officio posita est, sed in assiduitate, ac diligentia, quâ officij partes perfecte explentur.

Cupiebat Gentium Doctor affectus nostros auocare ab huius vitæ pompis, & vanitatibus, quibus addicere corda nostra cum magno animarum dispendio solemus, atque ita aiebat: *Qui viuunt hoc mundo, tanquam non viuunt, præterit enim figura huius mundi;* 1. Corinth. 7. 31. velut dixisset: *Vitamur hoc mundo, sed non fruamur, nemo enim prudenter ex mari portum, ex diuersorio patriam, quietem ex labore facit, & fallacis mundi huius figura celerrimè transit.* Benè nota est LXX. Interpretum græcorum translatio, quæ sic habet: *Præterit scilicet figura huius mundi, cursim transit omnis hæc vita, non secus ac figuræ, ac personæ, quæ in vano hoc mundo representantur, tanquam theatro quodam, vbi tam varia nobis quotdies in conspectu ponuntur hominum, statuum, conditionum genera.* Theatrum visus est mundus mundi vanitatum detectori Ecclesiæ cap. 1. v. 4. cum ait: *Generatio præterit, & generatio*

neratio aduenit, terra autem in aeternum stat. Vt enim theatrum sub tanta personarum prodeuntium, abeuntium, repræsentantium varietate, ac vicissitudine firmum semper consistit: Ita mundus theatrum est, in quo variz figuræ exprimuntur, & quotidie decedunt, cum ipse permaneat, ut alias similes recipiat, de quo sanctus Gregorius Nyssenus hom. 6. in Cant. sic habet: *In theatrorum pompis nunc hi, nunc illi censentur apparere. Qui nunc seruus, aut homo priuatus apparet, paulo post bellator cernitur, & rursus habitum subditi deponens, Imperatoris personam, & cultum assumit.* Tantundem in mundo euenit, in quo ut sunt varij status, ita personæ diuersæ repræsentantur.

Sed in rem præsentem, vsumque nostrum ista traducamus. Vnum habet illa theatra repræsentatio, quod omnibus imitandum, ut suo statu quisque sit contentus. In comædijs præstantia repræsentationis non in eo posita est, ut quis personam sublimem, aut humilem, illustrem aut obscuram, regem aut pastorem, magnum Pontificem, aut pauperem Religiosum referat, sed ut quàm simillimis gestibus viuere eximat: Nam si quis pastorem dextrè, exactèque referat, alius regem parùm aptè repræsentet, hunc quidem spectatores ludibrio habebunt ob suam inertiam, illius verò dexteritatem, & solertiam plausibus, & acclamationibus extollent.

Tantundem dicere possumus cum S. Laurentio Iustiniano in rem præsentem: *Nihil interest vtrum quis præsit, aut obtemperet.* Nemo putet gratiam, & beatitatem in eo consistere, ut quis in huius mundi theatro Reges, Principes, Antistites sacros, & id genus viros maximates agat. Nec quisquam existimet, infelicitatem in eo positam esse, si personam rustici, pastoris, mendici, aut alterius cuiuspiam è vulgo exprimat: Felix enim est, & magnus, non qui felicem, & magnam personam refert, sed qui magnoperè curat, ut feliciter, solerterque repræsentet, quamcunque illi Deus repræsentandam dedit. Itaque si Pontifex, Imperator, Rex, Princeps, Nobilis, Patriarcha, Episcopus, Religiosus personam sibi demandatam non benè egerint, nullam reportabunt laudem ex eo, quod eiusmodi personas expresseint, immò verò maius probum, ludibriumque ex inepta repræsentatione referent. Si cui autem iniunctum fuerit, ut humilem pastorem, rusticum pauperem, sordidum mechanicum personatus, aut verus pastor, rusticus, mechanicus agat, nullum ex ea repræsentatione detrimentum patietur, dum rectè modò uti sciat statu, in quo illum prouidentia diuina collocauit, accom-

modetque se illius obligationibus, & quod illæ exigunt, faciat.

Huc respexit S. Ephræm de recta viuendi ratione num. 61. cum ait: *Lapidæ incidentis lapidibus, & faber ferrarius tundendo, producendoque ferro mercedem recipient.* Quantumuis humile sit aliquod seu officiū, seu opificium, non erit illius absque sua certa mercede exercitatio. Dominus enim præmia decernit non pro ministerij sublimitate, aut dignitatis magnitudine, sed pro mensura studij, ac diligentia, quā muneris sui partes perfecerunt, obligationesque suas expleuerunt, seu magnum, seu exiguum fuerit officiū, seu regem, seu pastorem, seu religiosum, seu de medio sæculo virum, seu coniugatam, seu virginem referant. Quare nemo officiū, quod habet, nemo locum, quem occupat, spectet, non enim consistit gratia in loco, supposito quod cuique præmium obueniet par magnitudini laboris, & sedulitatis, quā loci illius ministerium explet, exequiturque officiū, quod illi Deus, siue obedientia curandum demandauit.

C A P V T II.

Vbi pax deest, nihil boni reliquum esse potest, in anima, & chara pace namque omnes felicitates, cunctæque bona continentur.

Primum, quod Iacob pastores ex Harân sciscitabatur, illud erat, vtrum nossent Labanum filium Nachor, à quibus cum audiisset, nosse, de valetudine illius præterea inquisiuit, dicens: *Sanusne est?* Genes. 29. 6. Responderunt illi rursum, incolumem esse, & prosperà uti valetudine. Sed hic notandum, quod noster textus ait interrogasse, *sanusne esset*, id ex Hebræo, plerisque Expositoribus ita affirmantibus, etiam sic posse transferri: *Paxne illi?* Affirmant hoc Pererius, Martinus del Rio, Cornelius, Honcala, Istella, & Mariana cum nonnullis alijs, ex quibus Mariana ista: *Pacis nomine bona omnia intellegunt Hebræi, bellum Milhamah ab odendo Vocant, quasi Vocet omnia.* Percunctabatur Iacob, vtrum auunculus quietà, tranquillà, & amabili pace frueretur, eisdem verbis inquisiuit, num saluus esset, & firmà corporis valetudine, num sorte suà contentus iucundè viueret, num reliquis bonis, quæcunque in hac vita appetere homo potest, assueret, hæc enim omnia includi in pace videntur, absque illa enim cum voluptate, lætanteque gaudere bono aliquo nemo potest, ac propterea Hebræi bellum *Vorax* non inant, quod quietem præfliget, bona omnia succidat, & auferat, & tanquam vorax, ac sanguinaria bestia

cunctam

unctam abundantiam, & fertilitatem concepat, la-
ceret, absumat: *Hebraei bellum Melcham ab edendo*
vocant, quasi Gores omnia.

Et verè ita est, nullum enim non timeri malum à
bello, discordia, & dissensione potest, vt nulla non
commoda sperari à pace, concordia, charitate. Id-
circo noster Hispanus Silius lib. 11. pacem nomine
rei omnium optimæ donauit, inquit:

*... pax optima rerum,
Quas homini nouisse datum est, pax vna triumphis
Innumeris potior, pax custodire salutem,
Et cines aquare potens &c.*

Pax est sospitatrix incolumitatis populorum, saturi-
tas pauperum, leuamen oppressorum, securitas vitæ
cuiusque, quies animarum, consuatio diuitiarum,
validissimus reipublicæ murus, & commune bonum
omnium.

Innocentem Patriarchæ nostri parentem ex aula
expulerat rex Abimelech. Is pœnitens posthæc in-
urbanitatis, quæ ergà tantum virum vsus fuerat, con-
stituit illum non modò sibi reconciliare, verùm eti-
am arctioris amicitia, & fœderis sacrosancto nexu
adstringere, ac deuincire. Ad eam rem conficien-
dam duos familiarissimorum intimos, & alios sine nu-
mero comites, ac stipatores adhibuit, vt maiore cum
apparatu, & splendore fœdus illud celebraretur. A-
manter illos S. Patriarcha excepit, & postquam
splendidum epulum instruxit, dapilliterque habuit,
dimisit eos pacificè in locum suum. Genes. 26. 31. vt
corpore tantum ad sua se reciperent, animis enim
coniunctissimos retinebat. Quo die hæc facta, ecce
cursu aduenerunt serui Isaac cum optatissimo nun-
tio, dicentes fodisse puteum, & inuenisse aquam.
Pars nonnulla Palæstina, ea vel maximè, in qua de-
gebat Isaac, præmodum sterilis erat, adeò ingentem
detexisse thesaurum arbitrabantur vernaculi illius,
cùm aquam reppererunt. Sancti Patriarchæ famuli
domestici alios inuenerant puteos, quibus ille di-
uersa inditum ibat nomina. Primum *vocauit Calu-*
mniam, secundum *appellauit Inimicitias*, tertium
Latiitudinem. At considerandum studiosus nomen,
quod huic postremò imposuit, de quo sanctus Moy-
ses: *Appellauit eum abundantiam*; ibid. v. 33.

Sed cur istum tali nunc titulo insigniuit puteum?
Videtur enim nunc maiorem sibi, quàm vnquam
ante pollicitus bonorum omnium copiam, & abun-
dantiam. Nam in nominibus, quæ puteis impone-
bat, vt ex sacro textu constat, promittere sibi vide-
batur successus siue prosperos, siue aduersos, quos-
cunque vel sperare poterat, vel formidare. Quan-

Tom. II L

obrem verò tantam sibi nunc spondet affluentiam,
& saturitatem Isaac, vt hoc tam faustum omen, se-
lixque præsagium titulo putei insculptum voluerit?

Facile est causam diuinare, si animo perpenda-
mus, quid sancto Patriarchæ cum rege Abimelech
paulo ante acciderit, quando cum illo pacem iniit,
amabilissimoque, & dulcissimo amicitia nexu con-
iunctus fuit: *Iurauerunt sibi mutuo*, inquit ille ibid.
v. 31. iureiurando, ac Deo teste promiserunt, velle
amicitiam, fidemque mutuam sanctè, atque inui-
olabiliter colere, sicque illos à se pacificè, securèque
dimisit. At si Isaac iam tunc pace, & tranquillitate
gaudebat, vivebatque liber à calumnijs, inimicijs,
bellis, quid mirum, quòd sibi promittebat affuen-
tiam? *Appellauitque eum abundantiam*. Quid enim
pacem, fœderationem, animorum, & voluntatem
coniunctionem consequi, quid sperari inde aliud
poterat, quàm rerum omnium ingens copia, & re-
dundantia, bonæque valetudinis, & opum, & quie-
tis, & gaudij, & securitatis, & bonorum reliquorum
omnium, quæcunque in hac vita desiderari possunt,
affluentia?

Eapropter latinæ eloquentiæ parens Cicero in
Orat. pro lege Agraria dicebat: *Nihil est tam popu-*
lare, quàm pax, quàm non modò is, quibus sensum na-
tura dedit, sed etiam cæca, atque agri mihi latari vi-
dentur, qui fructus illius suâ viriditate, suâ amœni-
tate, suo algore quodammodò prædicant, & taciti
laudibus extollunt.

Pace namque omnia crescunt, & augefcunt, vt
dissidijs vniuersa imminuuntur, & pereunt. Quò
ingeniosè alluserunt Veteres, quando finxerunt, vt
haber Claudianus apud Vincentium Cartarium, &
Petrum Verderium; quòd Proserpina filiam suam
Cererem permitttere vxorem Marti noluit, rametfi
hoc ille efficitur expetere. Ceres messis dea cole-
batur, frugumque, atque in ijs potissimum tritici,
quòd triticum sit omnis abundantia fundamentum,
nam vbi illud abest, rametfi cætera affluant, abesse
omnia videntur, & vbi illius est copia, rerum alia-
rum nulla sentitur inopia: Mars autem bellorum,
dissidiorum, simulaturn, clandestinarum inimici-
arum, & apertorum odiorum numen erat. Quòd
ergo Proserpina filiam suam Cererem, quæ abun-
dantiæ præsidebat, collocare Marti bellorum incen-
tori abnuit, hoc factum, vt inditio esset, abundan-
tiæ iacturam, & penuriæ abundantiam in solo bello
reperiri, neq; copulari matrimonio posse Cererem
cum Marte, affluentiam cum discordia.

Consequenter ad hæc ait Pausanias, *Pacis statu-*

am Athenis ad mulieris speciem esse effictam, Plutum puerum diuitiarum Deum manu tenentis. Sic ille apud Petrum Verderium de imaginibus deorum in Mercurio. Plutus Græcis tanquam diuitiarum deus venerabilis erat, ac propterea Pax illum manibus præferebat, vt significaretur, opum copias, thesauros, abundantiam, saturitatem è pace, & concordia nasci, diuitia enim pace magis, quam bello parantur, ac conseruantur, inquit Vincentius Cartharius. Quis enim exhaurit æraria, destruit facultates, inuehit famem, generat pestem, deuastat prata, & agros, obterit fruges, omniaque incendio absumit, nisi bellum, discordia, hostile odium? Quid verò terram fertilem reddit, quid vrbes condit, cumulat diuitias, solatur oppressos, in securitatem asserit possidentes, nisi pax, amicitia, concordia?

Orbis reparator, cum ab hac vita in alteram commigraturus charis Discipulis suis valediceret, aiebat illis: *Pacem relinquo vobis, pacem meam do vobis*; Ioan. 14. 27. Et postquam gloriosè de omnibus hostibus suis triumphasset, eristi Apostolorum collegio apparens, atq; in medium illorum sese inferens, vt omnibus pacem sui copiam faceret, sic eos consolabatur: *Pax vobis*; Ioan. 20. 29. Et cum post hæc eosdem iterum, atque iterum salutare amanter vellet, talibus verbis identidem hoc faciebat, inquiens: *Pax vobis*.

Diligentem certè meretur considerationem, quodd Dominus noster desiturus Discipulos suos nullum aliud pignus sui erga illos amoris, non monile aliquod præstantius, non adamantem pretiosiores inuenit, quo eos ditaret, quam pacem, idque cum à subacta morte, & hostibus omnibus triumphatis rediuius ad illos aspectabili specie venit? At tamen si illius bona essent, sintque infinita, & thesauri tam immensi, solam in omnibus pacem dignam putauit, quam illis ad magnificentie suæ ostentationem relinquere posset, cumque lingua suâ, omnis boni promptuario, ad erogandum vei vellet, præter concordiam nihil inuenisse videtur, quod is imperigaret, tamen si innumerabilia essent bona, quæ distribuere posset. An fortè nihil habebat reliquum, quod daret? An præter pacem, quod eis testamento supremo legatum relinqueret, nihil erat super?

Glossa Ordinaria in cap. 24. Lucæ ait: *Qui pacem dedit, vno verbo omnia dedit*. Perspicuum est, quod generosus, & confossis, perforatisque manibus Dominus vehementissimè tunc cupiebat, exanimatusque, semper cupit totos suos in nos exonerare thesauros, de munificentissimis enim illius visceribus,

perliberalique, ac tantum non effusè prodigo pectore minùs aliquid cogitare, aut sperare nõ possumus, nec debemus. Vt verò hoc paternum, flagransque desiderium patefaceret, priusquam moreretur aiebat, pacem se suis relinquere, & à morte idem inculcabat, faciebatque quod alius solet, qui in vnum opulentum monile, diuitem margaritam, pretiosum adamantem omnia sua erogat, vt cum eo sua semel, simulque omnia donet, in quo thesauros suos totos collocatos nouit. Ità Dominus cum sciret omnia bona includi in pace (suâ autem pace vel maxime) solam pacis suæ apud suos mentionem fecit, vt in qua bona omnia essent reposita. Nam ubi pax, ibi cornu omnis copie reperitur, ac propterea *quæ pacem dedit, vno verbo omnia dedit*, & cumulum ingentem omnis felicitatis relinquit. Vbi enim pax imperat, & regnat concordia, omnes securè degunt, omnia bona reperiuntur, omnia affluunt, penuria nulla est.

Huc iuit (nec enim dubito) illud vetus dictum: quod eruditus Nouarinus in vmbra Virginea Excurs. 31. num. 329. his verbis refert: *Maximum bellum malorum, pax bonorum maximum, pace cælum, pace constat terra, pax mera est Deus*. Malorum pessimum bellum, bonorum optimum pax, quæ cælum, terramque pariter sospitat, quia & supremus rerum omnium Conditor honorificentissimam sibi putat pacis appellacionem, quâ illum Apostolus plusquam semel donat, vocans *Deum pacis*, vt ad Rom. c. 15. v. 33. & c. 16. v. 20. & 2. Corinth. 13. v. 11. & ad Philipp. c. 4. v. 9. & Hebr. c. 13. v. 20. Quibus locis videtur beatissimus Paulus Christo eam existimationem confare voluisse, vt omnis boni autorem, omnis copie fontem, omnis abundantie scaturiginem omnes illum crederent, putasseque non posse hoc efficacius persuadere, quam si Deum pacis illum nominaret. Nam si in pace omnia bona continentur, & Christus est Deus pacis, facile est, quod inde sit consequens, colligere, & intelligere, nempe ad Deum recurrere oportere, vt ille hoc bonum det nobis, quod bonum omnia, omnemque abundantiam, & felicitatem quamcunque complectitur.

Ità Terrullianus lib. 5. contra Marcionem esp. 5. ex sententia Hebræorum pronuntiat, inquiens: *Hodie Iudei in pacis nomine appellant, & retrò in Scripturâ sic salutabant*. Quoties illi bona omnia significare volebant, id vno Pacis vocabulo faciebant, & quos saluos cupiebant, his solam pacem iam verbo, iam scripto optabant, vnoque illo verbulo felicitatem

licitatem omnem adprecabantur, qui enim pacem dicit, & optat, omnia dicit, & optat.

Huc appositè cadet, quod sanctus Ioannes Chrysostomus affirmat, quod suâ ætate catechistæ, siue qui alios ad mysteriorum fidei cognitionem erudiebant, catechumenis suis dicebant, priusquàm illos sacri fontis baptismate initiarent, & primam, quæ in cælum ducit portam ijs aperirent, nimirum: *Angelum pacis petere, o catechumeni*, hoc summis votis, hoc ardentissimis precibus perpetuò supplices optatum Deum obsecrate, & resecrate, vt pro sua infinita misericordia Angelum optabilissimæ, & amabilissimæ pacis vobis submittat, comitemque adesse indiuiduum iubeat.

Talis autem apprecationis causam Chrysostomus homil. 2. in 2. ad Corinth. cap. 1. his verbis exponit, dicens: *Prouide eos Angelum pacis petere iubemus, docentes eos id, quod bonorum omnium vinculum est, hoc est pacem postulare. Vt cuiusque enim grane aliquid sit, dum tamen pacem quæssitam habeat, leue est. Instituebantur ergo, qui fidei rudimenta prima ponebant, Deum quàm possent enixè precari, vt pacis non discordiæ Angelum (vtriusque enim rei Angelus sacrum oraculum nobis commemorat) perpetuum socium, custodemque adiungeret, vt hinc discerent compendiò bona simul omnia à munificentissimo Domino postulare, pax enim nexu vno omnia illa constringit, & in se continet: Bonorum omnium vinculum, hoc est, pacem petere, nam vbi hoc pacis vinculum abest, vbi concordie nexus ruptus, vbi quietis publicæ nodus solutus, ac dissipatus, ibi nullum bonum, quod possit permanere, nulla abundantia, quæ sperari, nullum solatium, quod obtineri queat.*

Itaq; cum hanc veritatem assequeretur Menander, exclamabat, vt est apud Stephanum Bellengan. Verbo *Pax*, inquiens: *O Veneranda pax! quæ te nomine appellabo, & vnde verbum satis magnificum accipiam?* Vnde vocabulum mutuer tibi aptum, quodque tuam exæquet magnitudinem? Sed fieri non potest, vt nomenclationem, quæ in te quadret, inueniam, nisi prius nouerim, & enumerem omnium bonorum condiciones, & qualitates, nam cum tu sis causa illorum omnium, omnia agnoscere debent te suum principium, suamque originem, omnia seruitutis subiectionem, quâ tibi ceu reginæ, & Imperatrici debent, profiteri, absque te namque nemo gaudet salute, nemo securus viuît, absque te non conseruantur diuitiæ, non obseruantur leges, absq; te profanantur templa, nullaque est neque obser-

uantia Dei, neque reuerentia hominum, sed diuina, atque humana insuper habentur, & loco vtraque eodem, hoc est nullo, absq; te confunduntur populi, totiusque Vniuersi ordo tantum non prorsus inuertitur.

CAPVT III.

Noli de primo statim aspectu, aut congressu censere hominis magnitudinem, seu præstantiam, opera expecta, eaq; pluscula, quæ ipsius virtutibus fidem, actionibus existimationem concilient.

Simulac domui opulenti auunculi sui sacer viator Snoster pedes intulit, multis cum lachrymis, sed ab incredibili lætitiâ natis, & cum dulci pacis osculo amantissimè susceptus fuit. Tota gaudio exultabat familia, aduentumque noui contubernalis domestici omnes festiuiis plausibus celebrabant. Postquàm verò ille dies nonnullos corpus ab itineris laboribus relaxarat, numerosum auunculi sui gregem custodiendum, curandumque impiger pastor suscepit. Mensem iustum opilio tyro exegerat, quando Laban, cum illius interim diligentiam, sollicitudinemque omnem explorasset, dixit ei: *Nam quid frater meus es, gratis serues mihi?* Genes. 29. 15. non fert ratio, nec permittit æquitas, vt gratuito tam laboriosam, operosamque operam mihi naues, eo nomine tantum, quod mihi intimæ cognationis necessitudine es deuinctus.

Observatio Expositorum, interque eos Doctoris Antonij Honcalæ hoc loco sic habet: *Laban tanquàm homo prudens per unum mensem vigilanter explorauit nepotis sui mores, solertiam, diligentiam, & in rebus gerendu fidem, quibus ad linguam exploratis, & cognitis, decreuit eidem greges suos curandos, pascendos, atq; custodiendos committere.* Laban vt erat vir cautus, & consultus, ita non statim de studio, totoque ingenio sui conobrini pronuntiabat, sed mensem abire sinebat, post cuius elapsum, cum mores illius omnes attentè pensasset, studioseque peruidisset, de mercede pascendorum gregum, operarumque aliarum cum illo pacisci cæpit, postquàm scilicet iam præuidisset, quàm ille industriè, gnauiterque officij talis partes omnes perficere posset.

Hinc utile documentum erui potest, illud puta, vt neminem derepentè, de primo aspectu, congressu, & actu virtutis vnico perfectum, consummatumque arbitremur, aut affirmemus. Non hæc eò dico, quod nolim quenquam de proximo piè sentire, mitiusque & loqui, & opinari, semper enim pijs ocu-

lis spectandæ sunt fratrum nostrorum actiones, celebrandæque verbis honorificis, quamdiu aliter facere causa alia non cogit, sed huc meum consilium vadit, ut inconsulto experimento de operum alienorum magnitudine, præstantiaque nemo statim, ut ea primum viderit, pronuntiet. Qui secus facit, is levis præcipitantiæ, aut præcipitis leuitatis, nimisque subitariæ credulitatis notam referet.

Scribit sanctus Paulus discipulo suo Tito, primisque illius Epistolæ verbis non paruam nobis ingerit difficultatem, vt in ipso vestibulo, & primo limine impingere videamur, *Paulus seruus Dei, Apostolus autem Iesu Christi secundum fidem electorum Dei, & agnitionem veritatis*, ait ille Tit. 1. 1. Posteriorum verborum sensus obuius est, priora ad rectum sensum exponere difficile. Videtur namq; Paulus quædam oppositionem constituere inter Apostolum Iesu Christi, & seruum Dei, dum se Dei quidem seruum, sed Apostolum Christi nominat, inquit: *Paulus seruus Dei, Apostolus autem Iesu Christi*; velut illa duo sibi mutuò aduersarentur, cum alterum ex altero magis consequatur, nullus enim melior Apostolus Iesu Christi esse potest, quam qui est seruus Dei. Si quis diceret, Petrus est egregius miles, seu militum ductor, sed apprimè literatus, posset admitti aduersatiua, sit enim vt gladius absque libro, armorumque tractandorum, & pugnandi peritia sine scientia literarum reperiat. Sed quòd ea quis discernat, & diuidat, quæ tam coniuncta, tamque vna sunt, non videtur satis attentè, consultèque fieri. Quomodo ergo dictum Pauli vindicabimus à calumniis, quem attentissimum, prudentissimum, cautissimumque fuisse fateri debemus?

Duobus non ampliùs verbis diluit difficultatem. Primus magni Augustini discipulus, inquit: *Discreuit Apostolatus, quia non omnis, qui seruus, statim & Apostolus*. Quòd itaque Paulus hos ab invicem distinxit titulos, qui admodum affines, coniuncti, iidemque videntur, non fecit quia seruus Dei non admodum congruat cum Apostolo Iesu Christi, sed vt corrigeret quorundam facilitatem, & leuitatem, quâ nimis citò censent alios, illorumque magnificant actiones, taleque fuit, ac si dixisset, monuissetque, non subito extollendum vt Apostolum, si quis fortè nobis occurrat, aut videatur seruus Dei. Nam vt quis eò perueniat, vt nomen tam sublime promereatur, necessum est præcedere prodigiosissimas actiones, & heroicas virtutes, & eminentissimos sanctitatis gradus. Ac propterea diuidit Paulus titulum alterum ab altero, nam vt apud vnum coeant,

oportet illum maximos ante fecisse in via spirituali progressus: *Discreuit Apostolatus, quia non omnis, qui seruus, statim & Apostolus*. Itanè verò quia semel confessionem peccatorum suorum quisquam fecit, & communicauit, & flagris corpus suum verberauit, cilicium per vnam dieculam vestiuir, vno die Veneris ieiunauit, aut alium de verbo otioso arguit, idcirco catalogo Apostolorum adscribemus, Apostolumque pronuntiabimus? Nimis præproperea est hæc censura, multos enim dies requirit via, quæ viarum alioquin bonum ad gradum Apostolicum ducit, atque vt eò quis peruenire queat, necesse habet diu, multumque contentiosè ambulare.

Considerabat Sponsus dulcem Sponsam suam tam confertam, & cumularam optimis fructibus, & omnis generis floribus, variarum virtutum, vt velut prouocaretur ab ea, insignire illam appellatione fragrantis horti, amoenique & fertilis viridarij, in quo omnis generis flores, ac fructus inuenire liceret, quibus pascereetur visus, oblectaretur olfactus, recrearetur gustus, & sensuum reliquorum quisque suam haberet voluptatem. Hæc autem talibus verbis affirmare coepit: *Hortus conclusus, soror mea Sponsa, hortus conclusus*; Cant. 4. 12. hoc est, semel, iterumq; aio, charissima Sponsa mea, quòd aprius, abundanque fructibus hortus es, isque conclusus contra irruptiones, munitus aduersus incursiones omnium, qui tuæ felicitatis inuidi, tuos flores vitare, & perdere fructus volant.

At videamus quomodo probetur, quòd Sponsa sit hortus tam abundans, viridarium tam odoriferum, & voluptuosum. Id proximis extemplo verbis euincit Sponsus, inquit: *Emissiones tuae paradysus malorum puniceorum cum pomorum fructibus*. Cyprianus nardo, nardus, & crocus, fistula, & cinamomum cum cunctis lignis Libani, myrrha, & aloë cum omnibus primis unguentis; ibid. v. 13. 14. Ex hoc tam concluso, & obmunito horto prodeunt fructus tam suauis gustui, & dulces, vt merito paradysi nomine gaudeat. Flores erumpunt è solo huius viridarij, qui vt oblectant fragrantia, sic raritate obfufaciunt, ijque tam odoriferi, & varij, quàm Libani mons odoratus, pulcherrimusq; proferre soleat.

Hoc verò verè bonum signum est, inquit venerabilis Abbas Gilbertus, quod tibi satis esse queat, vt animam aliquam horti appellatione donare possis, cum vides quòd tantâ copiâ producit, generat, germinat virtutes, in plantis, arboribusque dictis adubratis. *Vbi tantum flos vnus est, quis ibi hortum esse diffinit?* inquit ille ferm. 87. in Cant. Si flos in domo

domo cuiusdam familiaris tui, atque is tibi ostenderet terram non ampliore palmō, in terra illa verò florem vnum, & qugeret, quid tibi de horto illotam flagrante, & elegante videretur, vel si Catone feuerior esses, intra modestæ limites te continere, & à risu, ludibrioque coercere non posses. Quis enim flori vnico dare nomen horti possit, vt non fannis excipiat ab omnibus, quicunque illum hoc dicentem audiant? Benè spatiosus, & varijs floribus confertus, & multis arboribus confitus debet esse locus, vt hortus vocetur, aut viridarij titulum mereatur, sed quòd vnus flos appelletur viridarium, & vna arbor dicatur hortus, nunquam auditum est, nec vsu aliquando receptum: *Vbi tantum vnum flos est, quis ibi hortum esse diffinit?* Sic ergo Sponfus, vt nos doceret quomodo censere virtutes, & rem quamlibet nominare debeamus, quando Sponsam suam appellatione horti honorat, mox prolixam arborum, quas continet, plantarum, quas profert, & florum, quos producit, memoriam facit. Nam qui de primo flore, quem alicubi fortè videt, viridarij nomen indit loco, vbi videt, & vnam arborem hortum dicit, nã is nimis præcipitat sententiam, plusq; satis prodigus est titulorum. Nam vt quis nomen magni promereatur, necessum est plurimas laude dignas actiones ante exercuerit, & in virtutum studio, studioque per diu strenuè versatus fuerit, ac desudauerit.

Sic vna castitatis plantatio, nec vna iustitia horti potest integritatem explere, inquit rursùm Gilbertus. Si quis promptam in concessa voluptatis, ac turpis flagitij occasionem semel fortè fortiter refutauit, & iustitiæ rationem iustam semel habuit, non ille propterea exemplar iustitiæ, charitatisque estimari debet, vt neque secundus Alëxander haberi, qui semel eleemosynam, aut aliud quidpiam liberalius erogauit. Multos flores exigit locus, vt viridarium audiat, multas arbores postulat, vt hortus appelletur, & multis virtutibus, heroicisque actionibus opus habet, qui consummatus, & perfectus non otioso vocabulo nominandus.

Commonet sanctus Paulus Apostolus omnes Fideles patientiæ, quam tenentur seruare in ærumnis, laboribus, cruciatibus, carceribus, siti, fame, & alijs id genus tormentis, ac miserijs, quæ famulos Dei plerumque persequi solent, calamitatem enim, & aduersitatem æquanimi tolerantiâ conficitur immarcescibilis corona, & sertum pretiosum quietis perpetuæ. *Exhibeamus nosmetipsos sicut Dei ministros in multa patientia,* inquebat ille 2. Corinth. 6. 4.

Sufficiunt verba hæc causæ nostræ præsentis, ex ijs namque, fauente, & iuuante Chrysostomo, alterum eruemus rei huic constabiliendæ fulcimentum. Duo subnotauit christianus Demosthenes, quæ proposuit, exegitque Apostolus, vt nos in consummatis Dei seruis iurè censere posset. *Exhibeamus,* hoc est, verè ostendamus, monstremus, probemus *nosmetipsos Dei ministros.* *Nec dixit* (inquit ille homil. 12. in 2. Corinth. c. 6.) *apparete, sed exhibete, hoc est, liquido ostendite,* irrefragabili, & insolubili argumento, quod sit extra omnem calumniam, euincite, eertumque, & palam facite vos esse famulos Dei. At quomodo hoc tam neruosum, & validum argumentum conficiendum? *In multa patientia.* Chrysostomus de his ait: *Non simpliciter patientiam dixit, sed multam, neq; enim vnum aliquid, aut alterum incommodum perferre magna laudi ducendum est.* Apostolus ergo ad conficiendam demonstrationem, quæ probatum quis det, quòd sit minister Dei, non hoc solum requirit, vt vnam semel magno animo perferrat iniuriam, verum etiam vt plurimas, & quæcunque occurrunt aduersitates scuto patientiæ excipiat, & fortiter repellat. Nam pro vna calamitate patienter tolerata expetere titulum patientis, est poscere diuitem remunerationem pro tenuibus, & exiguis officiis. *Multa patientia,* inquit Apostolus, longâ, constante, & pertinaci ærumnarum tolerantia paratur, & conquiritur gloriosa hæc appellatio, vt quis magnanimus Dei famulus dicatur. Nam vt quis alium propter vnam semel æquo animo exceptam ærumnam titulo secundi Iobris donare, & ornare velit, tolerari non potest.

Non contentus hisce Apostolus longum textu catalogum rerum, quas in medium afferre quis, & officiorum præstitorum, quæ exhibere debet, vt sublimem titulum ministri Dei obtineat. Iubet ergo exhibere, & palam demonstrare se ministros Dei *in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in ieiuniis.* ib. v. 4. 5. In quæ Chrysost. *Densa tentationum agmina subiungit.* Numerosam inimicorum, & aduersitatum turmam ostendit, quam fuidere, aut subigere, ac superare miles Christianus debeat, vt pugnacis militis famam, & validi, strenuique pugilis appellationem sibi comparet. Si ad primum cum aduersario exercitu congressum, & ad vnus hostilis militis eadem proclamaretur victoria, certusque putaretur triumphus, nonne illa magna leuitas esset, nisi fortè insignem stulticiam dicere malis? Ingens amentia esset. Nam vt vox contendatur, & vi-

Gloria proclametur, etiam cum hostes omnes sunt fusi, & subacti, vix rectè ab gaudibundis, lætabundisque victoribus fieri posse videtur. Apostolus itaque, vt Chrysostomus dicebat, *densa tentationum agmina subiungit*, frequentes ærumnarum, angustiarum, molestiarum, tormentorum copias, & infestas acies indicat, quas conficere, & extinguere debeat, qui perfecti militis Christiani nomine sit censendus, aut appellandus. Nam qui alium de prima virtutis actione, aut boni operis exercitatione consummatum pugilem arbitrat, & pronuntiat, nimium accelerat sententiã, & præcipitior quàm par, est censor.

Benè congruet cum dictis, quod sanctus Gregorius Nazianzenus in Iambico 19. ait: *Senectam & minus crinus non facit*. Si quis decrepitem pronuntiaret eum, & capularem senem, cuius capillum vnum canities prima inalbasset, certò illum rideret, quisquis audiret. Simile quid in rem præsentem dicere possumus. Si fortè quempiam vno die ieiunare videamus, non debemus statim affirmare, quòd sanctus quidam Eremita est abstinentiæ usu, & studio, aut quòd Iob quidam est, quia semel patienter aliquid tulit, aut quòd ad poenitentem Dauidem accedit, quia ingemuit aliquando, & suspirauit. Aliud est benè, & piè sentire, aliud rectè æstimare, & pronuntiare de aliquo. Magnum viriusque discrimen est. Et si crinis vnus canus non facit vetulam, cur vnica sancta ex virtute profecta operatio constabit homini nomen sancti?

Volebat Dominus Patriarcham nostrum, cum domum patriam repeteret, confirmare aduersus timorem fratris sui, vt securi animi esset, nec metueret eum, quem magnoperè verebatur, ne cum manu armata obuiam ipsi veniret, exitumque supremum afferret. Vique omnem illi formidinem adimeret, adderet animum, misit ei Angelum, quoque nocte ferè totam luctatus, gloriosissimum reulit de celesti spiritu triumphum. Ex hac victoria confecit Angelus victus argumentum, quo persuasit victori Iacob, posse confidenter, ac tuto sibi promittere, quòd imbecille hominem facile prostraturus esset, qui Angelum superasset, ac subegisset: *Et ecce cor luctabatur cum eo & scilicet mane*; Genes. 32. 23.

Quæri potest, cur tam proluxa colluctatione certarint, atque in tam longas horas tam pertinaciter dimicarint. Respondet P. Martinus del Rio in cap. 32. Genes. *Voluit hucusque luctam extendere, & ipsa morà magis animus illius confirmaretur*. Tamen si Iacob, cum primum conferere manus cepit, singularem animum monstrasset, non propterea statim for-

tis, audaxque censendus fuisset. Inter primos enim congressus vix quisquam est, qui non aliquantam roboris sui ostentationem faciat, neque ob id mox animosi, aut inuicti opinio illi concedi debet. Pertinaciter luctari, perdurare in conflictu, longas horas contendere, id optimus, & locupletissimus est ingentis animi testis. Vt ergo solidam sibi veræ fortitudinis existimationem compararet, totam noctem luctando exegit, nec de animo quicquam remisit, *& ipsa morà magis animus illius firmaretur*. Animo namque obliuio rei capte insistere, & persequi pertinaciter opus, cui semel manus admotæ, & robur animi longas horas, multosque dies idem seruare, id homini animositatis, & fortitudinis debitam laudem, opinionemque conciliat. At velle pro vna actione columnam erigere, cui inscribatur, aut insculpatur tanquam egregium facinus, quod nec leuissimam memoriam, aut commemorationem promeretur, puerilis vanitas est, & ridicula præsumptio.

Parum dixi. Gloriosus P. sanctus Enodius lib. 1. Epist. 6. acerbè id factum perstringit, censetque impudens flagitium esse tale quid agere, inquit: *Nefas est hominem vno eodemque tempore vniuersa optata promereri*. Prorsus inuerecundiæ plenum crimen est, velle vno momento consequi, quicquid vana imaginatio alicui offert, aut repræsentat. Maxima stulticia est, velle ex vna actione esse magnum: Vt enim magni, summi, consummari titulum quis obtineat, id multis actibus positius, assiduæque & diuturnæ virtutum, & bonarum operationum exercitatione promerendum. Velut enim annis senescunt homines, stupendusque profectus foret, si quem simul nasci, & canescere cōtingeret: Ita quando grande nomen expetitur, & celebris fama, & titulus illustri desideratur, ea magnorum operum vi, & præclarorum facinorum pertinaci studio, longoque exercitio sunt comparanda.

C A P V T I V.

Non est quisquam tantâ cognatione coniunctus, tamque familiaris, & intimus amicus, qui vel pedem moueat, nisi lucri stimulo excitatus.

Quamquam Laban exploratam haberet sui conforti Iacob industriam, diligentiam, sollicitudinem, neque hoc nesciret, quòd ille pro labore pastoralis operæ nullam requirere vellet remunerationem: Ipse nihilominus mercedem illi offerebat, certique præmij pollicitatione ad persequendam suscepti, & coepti officij administrationem inuitabat, sciens, vt inquit

inquit Abulensis, quomodo plerumque se habeant homines, qui lucrum amant expectare ab ijs etiam, quos amant, & nisi spe quæstus ducantur, nec erga coniunctos sunt satis officiosi. *Vultis conuenire, & libentius ipsi Laban seruire*, ait ille in c. 29. Genes. Putabat Laban, quod consobrinus Iacob vnum mensem quidem lubens, & cum voluptate seruiret, post hæc verò de studio, sedulitate, & sollicitudine remissurus esset, adeo ne intepesceret diligentia, neque relaxaretur cura augendarum pecudum, & aliarum facultatum, mercedem offert arbitrariam, & salarium, quodcumque ipse vellet, promittit. Vix enim promouere gradum homo nouit, nisi lucri machina illi impellat, & nisi quæstus artificio fiat, lapis diligentiae illius lursum leuari non potest.

Prodigiosa miracula coelestis Magistri viderant sacri Discipuli, quæ omnipotens dextera eius assidue operabatur, sic ut immensa potentia illius in abditißima sepulchrorum vsque penetraret. Illud autem simul intelligebant, quod tam stupendorum prodigiorum operatio fidem exigeret, sine qua facere miraculum, aut dextræ suæ omnipotentiam exercere vix volebat. Cum hoc ergo comites illius indiuidui subno assent, dixerunt aliquando: *Domine adauge nobis fidem*; Lucæ 17. 5. accende fidei lumæ, quod paulatim extinguitur in cordibus nostris, aut non tam cito augetur, ut deberet.

Clemens Alexandrinus lib. 5. Stromatum c. x. ait: *Cum sensissent magnitudinem potestatis, rogabant & adderetur eis fides.* Cum vidissent ab illo sanatos claudos, curatos paralyticos, illuminatos cæcos, refectos mortuos, subacta dæmonia, tunc obsecrabant sibi augeri fidem. Denique tunc id petierunt, *Cum sensissent magnitudinem potestatis absolutæ* in omnes creaturas, quæ talis esset, ut verbo insensissimum inimicum nostrum obmutescere faceret, soloque noctu tumentes procellosi maris fluctus in tranquillitatem adduceret, tempestatesque sedaret, tunc, inquam, postularunt incrementa sibi dari fidei, ut illum credere, & adorare possent. Nam ut sumus inurbano, & rutilio ingenio homines, nunquam habere fidem videmur ad persolvendum Deo adorationis cultum, nisi magnitudinem potestatis eius ante experiamur.

Et ne quis existimet casu accidisse, quod sacro nomen stimuli dedi, quadrate hanc in quæstum appellationem magnus Origenis Magister Clemens ipse satis declarat, nam de magnitudine potestatis dominicæ a discipulis intellectæ non ait. *Cum cognouisset, sed Cum sensissent*, quod ita dictum videtur

per metaphoram sumptam ab equo, qui quantumuis volucer, concitus, rapidus, promptusque sit ad ambulandum, dum tamen calcaria non sentit fessoris, mox remittit animos, & negligentius incedit, ut sit necessarium excitare nonnunquam calcaribus torpentem, ut progrediendi promptitudinem, celeritatemque non relaxet. Ad hunc modum itaque loquitur Clemens inquitens: *Cum sensissent magnitudinem potestatis*, & taumaturus dextræ superi Magistri, tanquam calcari quoddam, tunc rogabant, *Et adderetur eis fides.* Per fidem quippe illum cogniturum, & quod magis augetur fides, eò amplius crescebat notitia illius, ex maiore autem notitia familiaritas maior cum illo sequebatur. Hæc omnia mouebat rota magnitudinis potestatis, & quod incrementum suæ fidei desiderabant, & magnos in fide progressus facere optabant, à calcari potentia fiebat: *Cum sensissent.* Nemo enim est, qui non expedite, concitoque gradu pergat, dum lucelli alicuius calcari, aut stimulum modo sentiat: Vix autem quenquam inuenias, qui pro commodo, & utilitate alterius vel pedem moueat, nisi commodum alienum cum utilitate illius propria coniunctum sit, & tali quæstus stimulo incitetur.

Ascendit diuinus Magister cum tribus intimis, gratiosissimisque discipulis suis in abstricte montis Thabor verticem, ad quos cum accessissent Moyses, & Elias, transfiguratus est ante eos. Post hæc descendit de monte, & confestim omnis populus, qui abforptus illum sequebatur, & suspensus audire solebat, videns Iesum stupefactus est, & expauescit, & accurrentes salutabant eum, inquit beatus Marcus cap. 9. vers. 14.

Admiratur plurimum Cardinalis Caietanus hunc modum, quo populus Christo obuiam effusus, debitam quidem, sed inusitatam venerationem exhibuit, & præter morem humiliter consalutauit: *Subiungitur insolitus actus turba, scilicet quod accurrentes salutauerunt Iesum*; inquit Cardinalis S. Sixti, monetque aduertere, quid illud mouere potuerit populum, ut ijs tunc caeremonijs, & ciuilitatis officijs erga Christum vrentur, quibus vñ nunquam ante fuerant. Haud dubito, quin singularis aliqua ratio illos incitauerit, ut tam vrbane se erga illum haberent. Permirum enim sit inuenire aut videre hominem, qui ex nouo more, & magis comiter, quam soleat, saluter, & reuerentiam inueteratam, exquisitamque exhibeat, & vrbانيتatis limites solenes egrediat, nisi particulare aliquod commodum sentiat, aut lucrum expectet. Ita habet, inquit Caietanus:

Saluta.

*Salutatio significat reuerentiam, et ex hoc facto intelligamus, attractiuum aliquid in Iesu apparuisse. Ad-
dit autem fieri potuisse (cum ex monte descenderet, ubi transfiguratus fuerat, sic ut facies eius resplenderet sicut sol, vestimenta vero alba essent, sicut nix) ut pulchræ aliquæ reliquæ istius nunquam visi splendoris remanserint. Nescio quid insolitum in Iesu ex transformatione descendente apparuit turba, sicut Moyses descendens à colloquio diuino facies apparuit fulgens. Quod Moyse accidit, hoc Dei Filio Christo multo magis euenire potuit, qui actionibus suis admodum imperabat, & dominabatur. Quando ergo vulgares homines viderunt sacrosancti vultus nulli ante visam venustatem, accurrentes salutauerunt eum, amplius aliquid facientes, quàm soliti erant, cum nimirum vidissent in facie eius, quod nunquam viderant, homo enim nunquam plus facit, nisi ubi plus videt, atque ut videt crescere potestatem, sic accelerat passum, & prout expectat iurum, ita adhibet laborem: *Ut ex hoc facto intelligamus, aliquid attractiuum in Iesu apparuisse.* Res enim ipsa loquitur, quòd nisi aliquid plus solito in Christo vidissent, nunquam plus aliquid solito erga illum egressent.*

Hinc accipite, ut cum videritis, quòd multi domum aliquam frequentant, hominem sequuntur, comitantur, salutant, comiter habent, nihil horum antehæc facere assueti, cogitetis illos nunc participare aliquod lucri, vtilitatisque incitamentum habere, quo permoueantur, ut faciant, quod nunquam fecerant: *Intelligamus aliquod attractiuum.* Nemo enim salutat, adstat, comitatur, obsequia, seu reuerentiam defert, nisi attractiuum aliquod, suumque magnetem quæstus, lucri, & particularis commodi habeat, vix namque est, qui se moueat, nisi calcibus vrgeatur, aut stimulis adigatur emolumentum alicuius proprii.

Indicabat Moyses legem Dei, & cæremonias populo, ad quarum religiosam, studiosamque, & exactam obseruantiam ut eum permoueret, sic ordiebatur promulgationem: *Et nunc Israël audi præcepta, & iudicia, quæ ego doceo te, & faciens ea viuas. Et ingrediens possideas terram, quam Dominus Deus patrum vestrorum daturus est vobis.* Deuteron. 4. 1. Santes Pagninus, & alij Hebraizantes aiunt, huius sententiæ extrema verba ex originali textu sic transferri posse: *Possideas terram, quam Dominus Deus patrum vestrorum dat vobis.* Et quinquàm horum textuum alter alteri opponi videatur, cum noster vulgatus de futura donatione terræ promissæ lo-

quatur, recentior verò Santis de præsentī traditione eiusdem, non est tamen repugnantia, siue oppositio aliqua, cum horum temporum aliud pro alio sæpè numero accipi soleat, quod apud Expositores videlicet. Secundum hæc, quod Vulgata versio in posterum promittit, & quod posterior translatio in præsentī exhibet, idem erit.

Hoc posito accipite pulchram Oleastri obseruationem, qui sciscitatur, quid necessum fuerit in memoriam adducere Hebræis abundantem illam, & fertilem terram, quam de præsentī dabat, ut eā commemoratione illos permoueret ad obseruantiam legis, & præceptorum, quæ tam sancta erant, & vitæ humanæ perquam conformia: Si sacram suam maiestatem, auctoritatemque interposuisset, nonne eā plus satis erat excitandis illis ad accuratissimam custodiam mandatorum ipsius? Quid ergo opimas illas, opulentasque possessiones ijs præterea ob oculos posuit, ut earum pollicitatione, vel præsentī potius donatione ad suscipiendas alacriter, explendasque diligenter leges, & satisfaciendum officio suo extimularet?

Oleaster in c. 4. Deuteron. in annot. morali ait: *Considera quàm sapienter legibus promissiones adiungit, quoniam optime nouit, nos nihil sine mercede velle facere. Neq; oculis transas, quod non dicit. Quam Dominus Deus patrum vestrorum dabit vobis sed dat vobis, quoniam nouit nos non diu premium laborum nostrorum expectare.* Verum quidem est, quòd satis erat à Deo interponi absoluti, & supremi imperij illius auctoritatem, ut sine rei alterius cuiusquæ intuitu obseruarentur diuinæ leges eius, & præcepta, sed quoniam perspectissimam habet subrusicam hominum indolem, scitque eos, ubi lucrum in medio est, aut de quæstu agitur, nec summo Numini deferre, præcepta simul, & præmia proponit, ut remuneratione incitati velociter, expediteque per viam mandatorum ferantur. Ergo ut sapiens legislator legi mercedem connectit, homo nimirum mouere pedem, impigreque pergere nescit, nisi lucrum videat: *Sapienter legibus promissiones adiungit, præceptaque & præmia, labores & remunerationes, fatigationes & mercedes conficiat.*

Illud præterea in superioribus verbis premendum, quod ait Dominus: *Ut possideas terram, quam Dominus Deus patrum vestrorum dat vobis.* Non dicit, *dabit*, sed *dat* (ex textu originali) eam, quam coram oculis vestris expositam habetis terram, & calcatis, quoniam cognouit nos non diu premium laborum nostrorum expectare, nouit quantum natura no-

Ara quæstui inhiat, nouit quàm ægrè feramus pro-
crastinationem remunerationis post laborem, statim
enim volumus solutionem, statim volumus compen-
sationem, statim retributionem, & præmium. Tam
vehementer mouemur lucro.

Vulnerata secundum cor Maria Magdalena iacu-
lo amentato inspirationis diuinæ, compuncta, atque
illachrymans cursu abiit ad fontem sui remedij
Christum Redemptorem nostrum, infuditque pedes
eius sacros pretioso vnguento, & capillis, quibus
plurimas animas illaquearat, eisdem deterfit, tum
copioso imbre fletus ab oculis deciduo rigauit, &
Dominus, qui illam internè vocauerat, ob oculos
omnium conuiuarum plenè absolvens, noxarum o-
mnium gratiâ donauit, inquit: *Fides tua te sal-
uam fecit, vade in pace*; Lucæ 7. 50. *remittuntur tibi
peccata tua*; ibid. v. 48. tanquàm dixisset: Culpas
tibi, vnâq; pœnas condonaui, lachrymæ cordis tui
diluerunt turpitudinem flagitiorum tuorum, amor
tuus magnus fuit, *quoniam dilexit multum*, charita-
tem fides exæquat, vt benè in pace abire possis.

Cardinalis Caietanus notauit, præter externa of-
ficia Magdalene ergà Dominum, quæ videre omnes
potuerunt, duas ab illo productas in publicum il-
lius virtutes, quæ cum intus laterent, inaccessæ e-
rant præsentiori oculis, & cognitioni: *Præter offi-
cia exteriora duas in hac muliere internas virtutes
habet ex verbis Iesu, fidem scilicet, & charitatem*;
inquit ille. Vt Magdalena consequeretur indulgen-
tiam suarum culparum, & per virtutem excellentiæ
potestatis Christi perueniret ad felicem statum gra-
tiæ, non per fidei tantum, & charitatis, sed etiam
spei gradus ascendere debuit, sunt enim tres virtu-
tes theologicæ, sine quibus nec peccator iustificari,
nec iustus in amicitia Dei permanere potest. Quod
si ita est, cum Dominus tam affectuosè cupiat à no-
bis sciri viam quâ illum inuenire debemus, cur dua-
bus, fidei puta, & charitatis vijs, quas Magdalena
tenuit, ostensis, præterijt mentionem alterius, sci-
licet spei, quæ tam non solum utilis est, sed & neces-
saria?

Respondet Caietanus, dicens: *Spes in officijs eius
satis patebat, nisi enim sperasset veniam, non tot fe-
cisset*. Maria Magdalena, mulier nobilis, & summo
loco nata, tantis, tamque insignibus propensioris
naturæ ornamentis exulta, quantis vix eiusdem vr-
bis alia, venit postpositis omnibus existimationis
suz incommodis, laxo capillamento, & passis cirris,
oblita mundum suum muliebrem superiorem, spre-
tâ grauitate nuperâ, calcatâ mundi pompâ, sola per

Tom. III.

plateas, in quibus nuper benè comitata comiter,
atque vrbanè ab omnibus colebatur, & honoraba-
tur, non cogitans, neque curans quid homines di-
cturi essent, in medio splendidi epuli fleuit, inge-
muit, suspirauit, non cessans elegantia labra pedibus
imprimere Domini, & capillis (qui pro retibus fue-
rant, in quæ multi sæpè volentes, lubentesque capti
inciderant) tanquàm linteo abstergens vnguenta,
quæ generosè affuderat. Quæ tanta fecit, quæ tanta
erogauit, ea certè aliquid expectauit: *Spes in officijs
satis patebat, nisi enim sperasset veniam, non tot fecis-
set*. Potest interdum, qui neque fidem habet, neque
amorem, deferre obsequia, simulare submissionem,
fit enim nonnunquàm, quod vulgò dicimus, vt quis
manuum exosculationi se offerat, quas si amputatas
videret, nihil doleret: Verùm vt quis seruiat, & ni-
hil in vicem speret, res est mira, quàm rara; & si
quis sine expectatione mercedis laboraret, nunquàm
visum prodigium ille faceret. Dicitur ergò quòd
Magdalena fidem, & charitatem habuerit, spes au-
tem illius subiceatur, otiosum enim est dicere, quod
tacentibus alijs per seipsum faciliè quisque potest in-
telligere, quodq; res ipsa loquitur. Vix enim repe-
rias hominem, qui obsequia impendat, laboret, su-
det, rei alicuius periculum subeat, nisi lucrum ali-
quod, aut incrementum rerum suarum expectet.

S. Ioannes refert, cognatos Christi secundum car-
nem, quo tempore ille in Galilæa nonnihil occultus
agebat, eum exhortatos fuisse, vt ad celeberrimam
Scenopegiæ solennitatem, quæ tunc Ierolymis
magnificè colebatur, ascenderet, vt mundus totus,
inprimis verò Discipuli, & quorum singularis erat
ergà illum beneuolentia, viderent admiranda pro-
digia, quæ portentosa eius dextra operaretur. Cum
enim tam stupenda essent opera, quæ faciebat, ratio
postulare videbatur, vt ea in medio foro publicè pa-
trarentur, vbi omnes ea vsurpare oculis, & celebra-
re plausibus possent. Addit autem mox sanctus E-
uangelista: *Nec enim fratres eius credebant in eum*;
Ioan. 7. 5. hoc est, quanquàm ea verba dicerent, quæ
in maximam, vt videtur, prodigiosi Magistri com-
mendationem redundabant, fidem tamen illi non
adhibebant, quæ enim dicebant, eò magis tende-
bant, vt illum tentarent, quàm vt extollerent, aut
magnificarent.

Theophylactus ait, hos cognatos, qui nunc tam
alieni erant ab eo, vti in Christum crederent, de-
mum prædicasse gloriam nominis eius, & doctrinam
Euangelij, postquam à triumphata morte rediuius
factus prodigiosa resurrectione inaurauit ignomi-
niosam

niosam mortem probrosæ crucis (cui tanquam facinorosus homo, & infamis maleficus affixus fuit) ipsosque Sacerdotes, & Episcopos consecrauit: *Post crucem, & ignobilitatem, qua videbatur, pro ipso testimonium tulerunt, predatores, & Episcopi facti. Vnde sine contradictione illum resurrexisse viderunt.* Absq; vlla mortis formidine, interq; præsentanea, & manifesta vitæ pericula prædicarunt legem Evangelicam Iesu Christi cognati illius, postquam potentiam eius immensam, gloriosumq; de morte iniuste tolerata triumphum viderunt.

Subijcit statim Theophylactus: *Non enim exposuissent se pro illo, nisi certa quadam, & solida habuissent argumenta de eius resurrectione.* Neque capillum vnum aliquem, aut si quid leuius, futuriq; est, pro illius exilimatione, aut defensione etiam minimo discrimini obtulissent, nisi triumphalis resurrectionis illius habuissent manifesta argumenta, indubitata inditia, ob quam ingentia, & plurima expectare ab illo beneficia possent. Homo namque sic amat commodum suum, sicq; inhiat suæ vilitati, ut nec pro coniunctissimo, & cognatissimo amico rei quantulæcunq; subire periculum sciat, nisi aliquid inde expectet, nec alicui se committere discrimini, si non prævideat fore, ut insigne fœus sibi pariat iactura, cui se expenit. Facere namq; bene non ob aliud, quam ut benefacias, tam rara, & cara merx est, ut venalem vix inuenias, & felix sit, qui emat, integerrimus, qui rursùm facile eroget.

CAPVT V.

Tametsi nulla habeas arma, milites nullos, nulla tamen sunt arma, nulli milites tam validi ad subigendum, tam potentes ad expugnandum, quam forma elegantia, & venustas.

Postquam à Labano Iacobi oblatum fuit, ut ipse sibi, quam vellet, operæ suæ mercedem designaret, delectu factu petijt sibi sponfam dari alteram filiarum, cui nomen Rachel, cuius nonnullam memoriam fecimus, & naturalem venustatem aliquantum iam prædicare cœpimus. Rachel ætate minor, sed formæ gratiâ, & elegantia maior erat, & custos oculum pulcherrima. Non sic Lia soror annis prouectior, cui oculos lippi tudo nonnihil deformabat, ut videntibus minùs gratus esset illius aspectus. Captus ergo (ut honestè, & castè) liberali modestæ pastoris specie petijt eam à patre uxorem, & vitæ sociam, obtulitq; velle pro ea commerenda septennem exigere seruitutem: *Lia lippi erat oculis, Rachel de-*

corâ facie, & venusto aspectu, quam diligens Iacob ait, Seruam tibi pro filia tua minore septem annis; Gen. 29. 17. 18.

Calumniæ (quam subire sancti Patriarchæ Iacob castitas, honestas, continentia possit, quod minorem venustiore poposeit uxorem, non curans maiorem, quodd turpicula, minùsque lepida, & festiua esset) occurrunt Expositores, dicentes iuste potuisse deligere elegantiorē, eiusq; pulchritudinem in sanctum, ac honestum finem expetere. Liberalioris enim formæ dignitas quædam naturalis supellectilis pars est, quam Deus munificè concedit, eamque cum dicta circumstantia desiderare, licitum est, neque dari vitio potest. Post Pererium, Martinum del Rio, Cornelium, Honcalam, Guilielmum Ebroicensem, & Hugonem Cardinalem, audiamus Salomonem Hispaniæ Abulensem, cuius sunt ista: *Licet Iacob desideraret pulchritudinem, est enim pulchritudo donum Dei quoddam naturaliter datum, quo aliquo modo bene possimus, frui autem non.* Secundum hæc quid mirum, quod Patriarchæ nostri animum, oculosque abripuit Rachelis elegantia, quæ tam optabile donum est (nisi dulce tyrannum dicere mauelimus, qui trahit, & violentem capit, & quasi vinculis quibusdam constringit arbitrij libertatem) ut ad illam expugnandam, & subigendam nulla, præter se, arma requiratur, neque Capitaneis vllis, militibusq; opus habeat, quæ vastum oculis exercitum circumfert, quo capere, vincere, occupare omnes obuorum animos possit. Quod spectauit Plato apud Pererium in c. 29. Genesis, cum ait, formositatem esse principatum naturæ, floremq; eius, & summam dignitatem. Et Aristoteles apud eundem pulchritudinem potiorē omnibus epistolis in commendando esse docebat, ut nullæ commendatitiæ literæ tantum impetrare, aut efficere possint, quantum vna formæ venustas. Confirmatur hoc ab eo, quod de bellicosa, & Catholicissima nostra Regina Isabella produnt annales, cui cum epistolam commendatitiæ adolescentis quidam quàm nobili genere, tam eleganti facie, & concinno totius corporis habitu attulisset, cuius ope apud Serenissimum Principem facilius exambiret gratiæ beneficium, quod optabat, & illa literas offerentis os, vultum, decensq; formæ præstantiam attentius arbitrata fuisset, ita humanè, comiterque dixisse fertur: *No tenades necesidad de carta de recommendacion, que la mejor recommendacion es Vuestro tallo, i rostro, que no puede dexar de ser ombre de bien, a quien el Senor deso de tan atreosa gracia;* quod latine dixeris: Commendatorijs literis.

ris nullis tu opus habebas, quem venusta corporis structura, & facies quàm maximè commendant, nec enim potest non esse homo bonus, quem Deus tam liberalis, festiuæque formæ gratiâ donauit. Quid magnum ergò, quod Philoſophus dixit, pulchritudinem potiorem esse omnibus epistolis? Qui & interrogatus, cur formosos tam libenter videamus, tamque iucundè cum eis loquamur, respondiſſe fertur, cæci hominis esse talem interrogationem, qui si oculos haberet, non sciscitaretur rem, de qua nemo nisi cæcus dubitare possit. Quid enim est, quod æquè oblectet, & suspendat, ac pulchritudo, & gratia, dignitasque elegantioris formæ? Eapropter & Carneades apud eundem Pererium aiebat, venustatem esse regnum sine custodiis, aut satellitio, quod non indigeat rhabduchis, licitoribus, armis, militibus, cum ipsa per se horum omnia officia exequatur, rapiat, capiat, vinciat, compediat, vulneret, cadat, subigat, expugnet.

Frater Patriarchæ nostri, quod sacer textus refert, ex sylua, longaque, & operosa venatione domum redijt fractus duro discursandi labore, & dirâ fame tantum non confectus, & cibum pro efocillatione extenuatarum virum, & confirmatione debilitatorum membrorum inhiante expetens. Cumque vidisset, quod Iacob haberet scutellam lenticularum optimè, vt quidem ipsi videbatur, coctarum paratam, petijt eius partem sibi dari, quoniam necessitas illius ingens erat, multumque moleſta: *Da mihi de coctione hac rufa, quia oppidò lassus sum*; Genes. 25. 30.

Quid habebat rufa illa coctio, quæ sic abripiebat oculos Esau, vt eam demoreretur? Habebat certum quendam colorem, quo illius orexini, appetentiamque excitabat. Ità affirmat Flavius Iosephus lib. 2. antiquit. c. 1. dicens: *Reuersus à venatu famelicus offendi fratrem coquentem sibi ipsi in prandium lenticulam rubentem colore, quo magis excitatus rogauit, et expetitum sibi cibum intraderet.* Quanquàm acrem à venatione esuriem domum referret, color tamen cocti feruli magis exacuit illius appetitum, vt coctum cibum vehementius à fratre exposceret. Notare in his verbis illud, quod *lenticula rubentis colore magis etiam excitatus fertur.* Iam si cibi alicuius, neque nimis opipari, color tantum valet, vt hominis alioquin valde famelici, adedque victum ardentè desiderantis appetitum magis excitare, acuerè, inflammare queat, quomodo non auferat cor, non abripiat oculos, non vinciam constringat libertatem color animatus faciei venustæ, & elegantis, quæ per

seipsam excitat cupiditatem etiam languentem, & torpentem, appetitumque penè extinctum reſuscitat?

Facile hoc probari potest ex eo, quod Propheta regius, dum in consideratione versabatur pulchritudinis, gratiæ, festiuæ elegantiæ, venustatis Verbi diuini nostram carnem induci aiebat, dicens: *Speciosus formâ præ filiis hominum, diffusa est gratia in labijs tuis*; Psal. 44. 3. velut dixisset: O decorum, & aspectabilem, & inuictum, valentemque iuuenem, cuius pulchritudini nulla par sit hominum aliorum venustas! O quantum mellis, & sacchari purpureæ tuæ labra funditant! *Accingere itaque gladio tuo super femur tuum potentissime*; ibid. v. 4. quo homines subacturus es, & mundum totum tuæ seruituti subiecturus.

Armatum nobis pingit regius Propheta Christum, & qui femore gladium tanquàm pugnaturus præferat. Videamus an gladio isto feriat, vulneret, vincat. *Specie tuâ, & pulchritudine tuâ intende, prosperè procede, & regna*; ibid. v. 5. vultus tui speciei, & admirabili totius corporis coccinnitate fac potenter, feliciterque triumphes. Sanctus Basilius, Chrysostomus, & Theodoretus per gladium acutum intelligunt venerabilem pulchritudinem, & cum dixit, *Intende, arcum significauit, & sagittas*, inquit Chrysostomus. Quis verò ille arcus, quem intendere, quæque sagittæ, quas eiaculari, quænam spicula, quæ intorquere, quæ iacula, quibus impetere, & ferire Propheta hortabatur? Non alia, quàm pulchritudo, quæ quoties spectat, toties excusso iaculo ferit, & mactat. Nam vt doctus quidam moderatus, Benedictus Fernandus, ad hunc locum alludens, in c. 19. Genes. lect. 9. n. 10. ait, *pugnat pulchritudo, ferit, vulnerat, equitat super thronos regios, vincit, regnat, triumphat.* Nihil mirum, aut magnum, quod pulchritudo gladio, & sagittæ conferatur, cum gladij, & sagittæ munera illa omnia expleat, saucians, solijs imminens, superans, triumphans?

Robur hisce adijciat quædam Clementis Alexandrini narratio. Refert ille Menelaum, post captam Troiam, velut furij abreptum, efferato animo, & præcipiti impetu iuisse ad obruncandam Helenam, quæ causâ, & occasio tantarum stragum, ruinarum, fataliumque, & lamentabilium tragediarum fuerat. Iam suspenderat ad ferendum manum, attinebat autem eam venustissimæ Helenæ aspectus, tanquàm laqueus, pulcher ille quidem, sed tam validus, vt demittere ad ictum non posset. Clemens ait, *non po-*

uisse efficere Vitum pulchritudine, ut eam contrucidaret. In quam rem ludens Poëta quidam sic canebat:

*Mammilla Vbi Visa est, resecto gladio
Abblandiens canis perdisa osculum accipis.
Ergo hebetantur enses pulchritudine.*

Vix decentissimam faciei speciem, & lactea Helenæ vbera Menelaus arbitratus oculis fuerat, quando ensen neci paratum abiecit, ei que blandè assentari, & fieri supplex coëpit, ac dicere, singularis fauoris, gratiæ peculiaris, & ingentis beneficii loco habiturum, si vel vno semel intuitu ipsum dignaretur. Ex eiusmodi antecedentis successu hanc eruit Poëta consequentiam: *Ergo hebetantur enses pulchritudine*; ergo penetrantiores sunt radij talium oculorum, quam acies sanguinolentissimorum gladio- rum. Verè gladius est pulchritudo, cuius pedibus atma omnia aduoluuntur, ensis est, qui omnem animi spiritum ingulat, sagitta est, quæ corda configit, & penetrat, denique tyrannus est, qui fortissima, & chalybea pectora subigit, & prostrernit.

Hinc Tertulliano in lib. de cultu fœmin. c. 2. pulchritudo dicitur *felicitas corporis, diuina plastica accessio, anima aliqua Vestrus Urbana*. Quam pulchrè dictum illud à magno Africano, *Anima aliqua Vestrus Urbana*! Metaphora est, ab eo, ut videtur, accepta, quod facere opulentiorum liberi puberes, sed nobiles filii inprimis solent. Amant hæ plurimum colere se, & comere, & perpolire, auroque & gemmis, & veste pretiosâ, & suco, ac pigmentis ad omnem oculorum gratiam exornare, idque diebus festis vel maximè, quibus publici conuentus pro more religioso celebrantur. Si comptula talis quædam cœtum hominum rusticorum transeat, omnibus est admirationi, incultos paganos, squalidos montanos, & quorquot tales obuios suspendit, estque ornatus illius, & formæ elegancia violentus, & suavis magnes oculorum rusticorum, & dulcis suspensio ruri natorum & agrestium hominum, qui absorpti eam sequuntur, admiranturque attoniti, & tanquam fascinati. Quod ornatus apud rusticanos, hoc apud omnes formæ naturalis elegancia efficit, inquit ferè Tertullianus. Pulchritudo enim, quacumque circumferatur, appetit statim oculos, emittitque iacula, quæ feriant, & facient, radios lucis, qui admirationem adferant, suntque dulcis suspensio oculorum, suavis stupor sensuum, & aliarum potentiarum, & animæ gratissima, voluptuosissimaque ecstasis.

Quid mirum ergo, quod Patriarcha noster impensius amauit Rachelem, quam sororem eius Liam?

Rachel namque perpulchra erat, & ad omnem venustatem omniscientissima summi artificis Dei manus eam fixerat, atque effigarat. Amare autem illam pulchritudinem, deperire illam elegantiam naturale erat, licitumque, & honestum, matrimonij ergo, tamque sancti finis causâ expetere. Nam si puellæ, ut aiunt Theologi, concessum est, formæ naturalis gratiam cultu adscititio amplificare ob id tantum, ut Sponsum inueniat, cur non detur alijs, ut naturalem decorem desiderare, & amare pulchritudinem possint, maximè quando laudabilis, & honestus est finis, ob quem desideratur, & amatur?

Verum dum periculum, quod hac in re est, considero, & quam pronum sit labi, quamque procliuiter à concessis ad prohibita, à licitis ad verita transeat, oro, & obsecro omnes, quicumque de vera suæ animæ politia agunt, ut Spiritus sancti consilium amplecti studeant, qui crebrò, instanterque nos monet auertere ab humana venustate oculos, quæ faciliter velut iniectis manibus prehendit, suauiter subijcit, dulciter in captiuitatem abducit, & tanquam ferreis vinculis miserè compeditam adstringit voluntatem, & liberum tragicè carceri addicit arbitrium, turbans, & prorsus perdens quietem, & pretiosa supellestilia, thesaurosque animæ, quæ sunt virtutes, totos dissipans, ac diripiens. Dicat hoc regius Propheta, qui quod suos semel non satis cautè custodiuit oculos, gratiæ, quæ apud Deum valebat, iacturam fecit, miserandaque prolapsione in obscenum adulterij scelus incidit, quod plurimarum deinceps calamitatum, & tragediarum seminarium fuit. Sat est vnus David, ut illius periculò sapiamus. Nam si mons tremere, si arx minari ruinam, si turris nutare & vacillare, & leui vnus incautioris aspectus vento coëpit, quid sibi arista, quid fragilis arundo, quid ruinofum, & caducum gurgustium promittat?

C A P V T VI.

Felicitissimus foret homo, si quàm est expeditus, & concitus ad res corporis, tam sollicitus esset ad iuranda negotia animæ.

SANCTUS Ioannes Chrysostom. cum secum expendere promptitudinem, & alacritatem, quæ se nosset Patriarcha exposuit operosæ, & negotiosæ septem continuorum annorum seruituti, sibi que velut cœmit perpetuas vigilias, & iugum adornauit (iugum enim est omne connubium, tametsi aliquin suauissimum, dulcissimumque) forte conficit argumentum, eoque validè perstringit desidiam, igna-

am, pigritiam hominum in comparandis, conqui-
rendisque bonis æternis. Pro temporalibus facul-
tibus corradendis quàm præproperè quoduis pe-
riculum suscipitur! quàm leuiter effundimur, &
quoduis discrimen adimus! Pro temporali, & inte-
rituro lucro, pro breui, & caduca voluptate neque
vitæ cura habetur, neque mors timetur, & diuitiæ
profunduntur, & honor negligitur, sic omnia cæcus
concupiscentiæ impetus abripere solet. Sed pro
rebus ad animæ salutem æternam pertinentibus
quàm raro sudatur! quàm parùm laboratur! *Quan-*
do proponitur lacrum temporale, inquit Chrysostomus
in cap. 29. Genes. omnia alacriter sustinere volumus,
etiamsi quid laboriosum sit, & valde arduum, &
sordidum, & penam in presenti, & futuro sæculo præ-
bens. Propter nostram autem salutem, & ut super-
num nobis conciliemus auxilium, remissi, & supini,
& dissoluti videmur. Eheu, quàm cæci, & miseri su-
mus! Pro caduco flosculo propediem interituræ, &
quæ tam facillè marcescit, pulchritudinis seruitur
annis longis, & nihil non agitur, ut illo frui liceat,
grauissimæque sæpè periculis vitæ temporalis, & æ-
ternæ se offert, qui usuram illius desiderat, & ad con-
sequendam indeficientem diuinæ venustatis elegan-
tiam, quæ tam facillè videri potest, & quæ durabit æ-
ternam, nihil laboratur, nec est qui incommodi qua-
liscunq; tolerantia submittere caput velit! Maior
stulticia excogitari non potest. At quod plerumq;ue
videmus, & perpetuò deplorari deberet, illud est,
quod caducis, & perituris solliciti, & anhelu semper
inhiamus, & pro æternis, ac permanentibus vix è lo-
co mouere pedem nouimus.

Scripsit S. Paulus Apostolus manu suâ epistolam
Philemoni viro nobili, & illustri, & amico suo fami-
liari, in qua illum rogat, ut seruum quendam suum
(Onesimus illi nomen erat) qui catenam ruperat,
& fugâ dilapsus fuerat, humanè ac benignè in gra-
tiam reciperet. Postquam autem rationes proposu-
erat, ob quas Philemon se Onesimo non tanquam
austerus, & submorsum herum fugitiuò seruo, sed
velut amantem, & suauem patrem filio exhibere de-
beret, ait illi: *Simul autem & para mihi hospitium,*
nam spero per orationes vestras donari me vobis; Phi-
lem. v. 22. Qui hanc epistolæ partem diligentius
expendit, arbitrabitur Paulum magnificam, &
sumptuose adornatam domum, in qua reciperetur,
splendideque, & opiparè tractaretur, affectasse,
quod plurimùm derogat humilitati, & paupertati,
quam vitâ, & voce euangelicâ commendabat Apo-
stolus, qui cum Christum crucifixum prædicaret, si

sumptuosum palatium suæ habitationi expetisset,
secum ipse absurdè, turpiterque pugnasset. Certum
ergo est, quod Paulus non petijt domum, ut in ea
magnificè coleretur, ac dapsiliter haberetur. Quid
causæ ergo, quod Paulus ædes Philemonis, viri quæ
nobilis, ac diuitis anticipare voluit?

Respondent Sancti Hieronymus, & Anselmus,
magnam illam, & peramplam domum præoccupare
voluisse, ut in ea legem euangelicam, & doctrinam
cœlestem prædicaret. At eum ædes spatiofas plures
ea ciuitas haberet, cur hanc vnâ præ alijs suæ præ-
dicationis, & Catholici cætus locum esse voluit?
Occurrit S. Cantuariensis Pontifex, inquires:
Quis in celebri orbis erat loco, ad quem facillè conue-
niretur, deinde quis ab omni importunitate vacua e-
rat, ac ampla, qua plurimos caperet audientium, nec
proxima spectaculorum locis, nec turpi viciniâ detest-
abilis, postremo quis in plano erat postea potius, quàm
in cœnaculo. Nonne animaduertitis requisita, & cir-
cumstantias, quas Paulus obseruauit, quando ele-
git domum, & locum, vbi euangelij, & salutaris ani-
marum doctrinam prædicaret? Domum voluit, quæ
in parte ciuitatis meliore sita à tumultuarijs vulgi
conuentibus absita esset, nec proxima haberet pro-
fana comœdiarum theatra, neque vicinas infames
gæceas, in quibus propudiosæ, & obscenæ mulieres
venales se exponunt, & prostituunt.

Sed quid incommodi, aut periculi adferre pote-
rat, si concio habita fuisset iuxta ea loca, quæ Pau-
lus tantoperè fugit? Quid obesse poterat, quod
proxima spectaculorum locis, aut turpi viciniâ dete-
stabilis fuisset domus, in qua ille ad populum Chri-
stianum dicturus esset? Nonne res ipsa id loquitur?
Si propius à se abfuisent ecclesia & theatrum, præ-
dicator, & comœdus, locus tractandi seria negotia
animæ, & ludicra corporis, spectaculum & euangeli-
um, mulier meritoria & lex euangelicâ, maiorem
concursum partem mundus, & dæmonium suis vani-
tatis, & stultitijs ad se traxissent, quàm Paulus suis
veritatibus, & solidis rationibus, idque quod huma-
na natura nostra plerumq; impetu concita vadit ad
ea, quæ voluptatem, oblectationemque corpori ad-
ferunt, tarda, & impeditis pedibus ad ea, quæ animæ
saluti sunt conducibilia. Non æstimat sumptus ho-
mo, quoscunq;ue, & quantoscunq;ue illos in vanita-
tes, & stultitias mundi profundit: At si reruncius,
aut minus etiam aliquid in pauperes erogandum,
quo regnum cœlorum comparari posset, semper im-
paratus est, & egenum seipsum fingit.

Sancti Antonij Paduani obseruatio est, sænum in
diuinis

diuinis scripturis semper esse symbolum peccatoris, ut cum dicitur: *Fenum quasi bos comeder*; Iob 40. 10. Item: *Percussus sum sicut fenum*; Psal. 101. 5. Et rursum: *Homo sicut fenum*; Psal. 102. 5. At per messem, in qua colligitur frumentum, quo nutritur, & roboratur natura humana, significantur viri sancti, & iusti, iuxta illud: *Messis quidem multa, operarii autem pauci*; Matth. 9. 37.

Possumus nunc percontari sanctum virum, quam obrem fenum sit hieroglyphicum peccatoris, messis verò typus, siue adumbratio iusti. Responder Sera- phicus ecclesiastes: *Quid fenum nascitur sine cultura, messis autem cum labore perficitur*. Ut prata fenum proferant, vigilantis agricolæ laborem, sudoremque, & impigram illius manum non requirunt. Crescit, augefciturque fenum, tametsi omnis diligentia absit. Quantum verò peruigilare, quot noctes transmittere insomnes, quantum studij, & laboris collocare in agro debet negotiosus ruricola, ut op- ptores fructus cumulare aliquando producat! Quoties iteroratore sollicitanda, & subornanda terra, ut expetitas fruges suo tempore reddat! Quot ærumnis se subijcit, qui humum messi parandam suscipit? Quanta prospicere, quam multa præuenire debet, qui rectè colere, & curare agrum cupit! Quot inimicos habet granum, priusquam in herbam em- mergat, cultumque exurgat! Quot accidentia pati- tur, postquam è terræ sepulchro caput eduxit! Quot ruri, vbi temporum inclementiæ expositum fuit, paritur hostes in ipsius exitum, & ad incre- menta illius impedienda velut fœderatos! Bestiæ, quæ transeunt, aues, quæ præteruolant, pariter illi incommodare student, & illæ quidem dentibus, & ungulis, hæ autem rostris spicam, quamquam suis a- ristis munitam appetunt, & inuadunt maiore præ- sumptione, quam fortitudine, sic ut minentur ma- gis, quam inferant perniciem. Quid verò quando i- ratum cœlum grandinat, sataque verberans, supre- mamque & agris vastitatem, & misero agricolæ fru- strationem adferens anxias spes eius ludificat? Et si fortè liberum à tot coniuratis hostibus granum e- uadat, quis referat martyria, ut sic dicam, quæ subit, iactationes, quibus vexatur, & exagitur, priusquam eò perueniat, ut alimonia hominis fiat? Hoc est esse messem, & hoc est esse hominem iustum, inquit san- ctus Antonius de Padua, ut nobis indicetur disci- plina, quod est inter symbolum rerum animam disci- plinam, & typum earum, quæ ad corpus spe- ctant. Meditanti opus virtutis quot, quantæque se offerunt difficultates! quot montes opponunt! Ad

perpetrandum vitium verò, ad explendam volupta- tem, ad malè agendum quam sunt in promptu, & proximè ad manum omnia! Quare? Quia fenum hæc sunt, & fenum sponte nascitur, sic peccatum, & mala voluptas nascuntur sponte, inquit Antonius: Ve consequamur, quæ libidini nostræ sunt grata, quam faciliè parantur, quæcunque huc faciunt! Memento omnia prompta sunt. Quam velociter homo peruo- lat ad suum præcipitium! Ad carnificinam suæ ani- mæ, quam perniciousè abripitur! Verum ad æternam eius salutem quam languidè, impedite, atque igna- uiter pergit!

Videbatur populo Hebræo, Moysen ducem suum nimis longas moras necesse in cacumine montis. Quare deliberatione instituta communi consilio de- finierunt rem omnium, quæ excogitari possint, stulti- simam, brutissimam, indignissimam, nimirum ut summum Sacerdotem Aaronem adirent, ab eoque Deos sibi dari postularent, qui Moysis vices per viam agerent, præirentque, & difficultatum occurren- tium oblacula omnia submouerent, quousque in terram promissam penetrarent. Cum Aaron tam insignem stultitiam audiret, populumque tam per- ditè flagitiosum cerneret, obstupuit, petijque sibi in aures, cæteraque monilia vxorum, filiarumque ad- fecti, ut ex his ducem eis constaret. Hæc autem ta- libus verbis exposcebat: *Tollite in aures aureas de vxorum, filiarumque, & filiarum vxorum auribus, & afferite ad me*; Exodi 32. 2.

Qui Aaronem culpâ (quod ad hanc rem attinet) liberare voluit, ij aiunt, quod ille monilia mulie- rum, & filiarum petijt, hoc fecisse, ut illos à præci- piti, & temeraria sententia abstereretur, ne opere persequerentur malum propositum, ut interim ve- niens Moyses tumultuarios cœci populi animos pa- caret: Nam quod tantis impendijs Deus, & dux nouus parandus esset, id videbatur eorum ardorem refrigerare, & efficere posse, ut à postularis discede- rent, maxime cum huc peterent monilia à mulie- ribus, quæ cum vanæ sunt, ac superbæ, non alium Deum tam enixè colunt, & adorant, quam gemmas, & quæcunque præterea ad ornatum corporis faci- unt, in munditiæ namque, & lautitia exteriore omnis earum oblectatio est posita, & ad carnis elegantiam curandam, amplificandam, conseruandam studium omne, cunctasque commentationes diurnas, ac no- cturnas convertunt, nihilque ferè aliud vel cogitant vigiles, vel somniant dormientes, quam quomodo niteat cuticula, & vestis splendeat, fulgeatque, & suauoleat. Obtinuit ne Aaronis illa diligentia, in-
gustria,

austraria, solertia? Nihil prorsum. Vix enim mundum muliebrem, quem dixi, armillasque, & monilia cetera poposcera, quando inuenit domum suam confertam eiusmodi rebus, ex quibus confaretur Deus.

Dum in hanc rem incideret Oleaster, aiebat: *Si ab Exore, aut filia monile auferas ad bonum aliquod, vix tota die stetum, & turbationem domus compescere poteris, nunc vero tam facile pretiosae expolari permittunt ad idola.* Hæc ille in c. 32. Exodi in annot. morali. Eiulatibus, ac vocibus maritum, seu patrem filia, materque obtunderent, si ornamenta ab eis ad virtutis, & pietatis opera exposeret, quibus nudari cum voluptate permitterent, si ad mundi vanitates, ad idoli cultum, & officia dæmonum verti viderent. Hic admonemur, inquit Oleaster, quam faciles simus ad vitia, & quam desides ad opera virtutum. *Imperat virtus, & dormimus, annuit virtus, & iam currimus. Vtinam sic se finiret homo à vitijs rogari, quemadmodum ad opera virtutum.* Cum tanta sit pulchritudo, & amabilitas virtutis, eaque nos non tantum magnis vocibus inclaimet, verum etiam bonorum perdurabiliū, & æternorum oblatione inuitet, nihilominus velut canes sub incute ignauiter stertimus: Peccatum solum niscit, & lætantes subsultamus, & cursu in eius amplexus gaudibundi deproperamus, quantumuis ipsum sædum, spurcumque, sit, quantumuis grandia incommoda, quæ ex illo in nos redundant, quantumuis sempiterna ruina, quam nobis adfert. O Deus quam felices, ac fortunati essemus, si hoc virtuti amanter obsecranti daremus, quod vitio importunè, & improbè vrgenti concedimus!

Robur his dictis, vtinam non tam veris, neque tam crebro experimento comprobatis adjiciet, quod Cordubensis Philosophus Seneca l. 3. natural. quæst. c. 27. ait, dicens: *Nihil difficile est natura & vitæque, sed in finem sui properat. Ad originem rerum parce vitæque virtutibus, dispensatque se incrementis fallentibus, subito ad ruinam toto impetu venit. Quam longo tempore opus est, si conceptus ad puerperium perducatur infans? At quam nullo negotio soluitur? Vires constituit arbor, hora dissoluit, momento fit cinis dum sylua.* In his omnibus expressum habemus, inquit Seneca, quanto constet virtus, quam facile sit in vitia præcipitium, idem enim quodammodo est, facere opus aliquod bonum, ac educare infantem, excitare urbem, plantare syluam. Sic & occumbere hominem, in rudera detrahi urbem, conflagrare syluam idem est, ac peruertere ad vitia, & tradere se

peccatis. *Vires constituit arbor, hora dissoluit. Memento sit cinis dum sylua.* Sæculum abit, priusquam ciuitas vna ex suis ædificijs coalescit, diecula vna abolet omnia. Vix mille soles vident montem aliquem arboribus iuste conuexitum, nudari quempiam vna sæpè horula vidit. Plurima diligentia adhibetur, vt vnum opus bonum fiat, & vix permoueri potest homo, vt illi manum admoueat, ad suam perditionem procurandam verbo extemplo permouetur. Si quis illi malè agere consulat prius, quam leuiter, & expedite obsequitur! quam facile paratus est! quam agilis! quam perneciter velut celeribus equis abit!

Quæri potest, quamobrem Deus ante legem euangelicam permittere vulerit in mundum tot Prophetas prædicatores, tot præcedere ceremonias, quæ velut in tabula depictum repræsentarent, & præfigurarent aduentum Messæ, & promulgationem euangelij.

Sanctus Irenæus lib. 4. aduersus hæreses cap. 34. ait, quod attentâ, & sapientissimâ prouidentia suâ hæc ita disposuit, *multis modis componens humanum genus ad consonantiam salutis.* Quam pulchrè, & aptè dictum in rem præsentem! Cum quispiam muscen addicere cupit, inque eius disciplinam se tradidit, asperamque, & asonam habet vocem, quantum laborare oportet magistrum, vt illud vocis organum in musices consonantiam adducat? Multo exercitio, & frequente experimento opus est, vt vocem harmoniæ, quam ars requirit, accommodet, nam cum harmonicis concentus ex interuallis sonorum constet, necessum est attentè, delicatèque moderari sonum vocis, vt iustam mensuram non excedat. Ad hunc modum, inquit Irenæus, cum Dominus sciret, quam ægrè ac difficilè homo se accommodet asperitatibus, & afflictationibus spontaneis, quibus salus æterna comparatur, talesque exercitationes in euangelio promulgandæ essent, æternâ suâ prouidentia disposuit, vt per veteris legis Patriarchas, Prophetas, Prædicatores, & ceremonias non nihil velut emollietur quidquid durum, & læuigaretur quidquid scabrum, & asperum, & alleuiaretur quidquid graue in vsu virtutum, quidquid molestum in exercitatione bonorum operum, & obseruantia eorum, quæ ex lege euangelica faciendæ forent, vt irâ iustam consonantiam cum vita facerent, quando nouæ illius doctrinæ instrumentum pulsaretur: *Multis modis componens humanum genus ad consonantiam salutis.* Vt vitijs, voluptatibus, vanitatibus seruiat homo, non indiget ante componi, aut præparari.

parari, quò inueniatur iuste temperatus, & ad malè agendum paratus, vix enim sonum fidium audit, iamque saltat, vix illi propinatur, iamque hianti ore respondet, vocari & venire apud illum idem est, tam citus adest, cum vel nictatione inuitatus.

Satis hoc nostra infelix fragilitas testatur, & proclamat, comcediarum namque domus, quibus ex Terulliani pronuntiato præsides malus dæmon, plurimum frequentantur, cum vix sit, qui nosocomia inuisit, egenisque, & pauperibus charitatis viscera exhibeat, & stipem ministret. Semper abundant, quæ in vilem, ac putidulam amiculum profundantur, honestæ familiæ, & bonæ famæ ratio insuper habetur. Quàm longa videtur Missa, quàm brevis mensa! Quàm prolixa videtur concio, quàm grata murmuratio! Quàm benè nôrunt opulenti domini nudare subditos, vt vestiant suos parietes, & fame conficere liberos, & famulos, vt nutrant canes, & parasitos! Quando defuit valetudo bona, & pecunia ad prosequendam causam iniustam, & inferendam sanguinariam vindictam? Quando benè valent homines, satisque diuites sunt, vt defendant orphanum, tueantur viduam, tegantque, & foueant inopem? Nonné dies, menses, anni alij ex alijs transmittuntur ludis, iocis, recreationibus, vanis, & otiosis obambulationibus, sic vt inter hæc nulla sit vitæ recordatio futuræ? Et mille semper inuenimus infirmitates, quæ ab oratione, peccatorum exomologesi, ieiunio, & penitentia studio impediunt. Vt quis totam noctem compita terat, plateasque obeat, nulla prohibet stomachi debilitas, nulla imbecillitas constitutionis naturalis, nullus dolor capitis, cum verò semel ieiunandum, nullam non fingimus ægritudinem, nullum non metumimus malum, & incommodum. Omnia hæc extremam nostram vecordiam, & amentiam satis indicant, qui tam anxie querimus, & consecretur ea, quæ perniciem nobis pariunt æternam, & tam languidi, tepidi, torpidi, supini, ac tardi sumus ad cõparandos thesauros illos coelestes.

Congruat cum his Periocha III, Dominica II post Pentecosten, Tom. 2. pag. 98. o. Vide etiam calcem istius Periocha, & Periocham V. Sermõnis de Sisti Tomo 1. pag. 532. o.

CAPVT VII.

Nulla maior malitia, aut crudelior iniquitas, quàm accipere lucrum, & pecuniam pro eo, quod dare ex iustitia debeas.

IAm se aperire incipit sordida avaritia, atque vt melius dicam, suprema iniustitia, quâ idololatra

auunculus ergâ catholicum consobrinum suum vsus fuit. Addebatur hic sese septenni seruituti pro formosa Rachele adipiscenda, vixque id fecerat, quando ille sic annuit pactioni, vt magnum se beneficium præstare indicaret admittendo fœdus, seu conuentionem, atque, post exactos oblatis famulatus annos velle tradere filiam, inquit: *Melius est, & tibi eam dem, quàm alteri viro*, Genes. 29. 19. & si aliquid aliquando collocanda, qui sit dominus illius venustatis, & pulchritudinis, cur non te omnibus anteferam, qui mihi proximæ cognationis necessitudine es coniunctus? *Mane apud me*; ibid. viue mecum domum meam, serui annos, quos pollicitus es, statimque opere explebitur connubium.

Omnes Expositores annotant hîc iniustitiam Labani ergâ Iacob. Cum enim dotem, quæ marito cum vxore datur, vt matrimonij onera ferre leuius posset, numerare, ac dependere deberet, non solum hoc leuamen Labanus Iacobi cum filia non præbuit, verum etiam eò progressus fuit, vt vellet ab ipso Iacobe futuram vxorem dotari, & cum septennis seruitutis graui pensione acceptari. *In hoc grauauit Laban Iacob*, inquit Tostatus Episcopus Abulensis, *quâ cum debuisset ei dare Rachelem, & vel Liam, non solum eas dare debebat, sed etiam dotes earum, sed nihil dedit, cõegitque magis pro aliquâ substantia ad sustentanda onera matrimonij maiori. Sicut à tempore seruire, scilicet septem annis, quibus finierat pro filiabus. Vbi sese aperit malitia, & iniustitia insignitissima, & infamissima, & quâ, vt mihi quidem videtur, alia turpior, crudeliorque excogitari non possit, quæ in eo posita est, & consistit, quòd quis pecuniæ pretio illa vendit, quæ ex iustitia, & officij sui obligatione facere deberet. In quos hæc dicantur, qui non intelligat, nã ille cœcus sit.*

Sanctus Paulus vt erat prædicator Gentium vniuersalis, ita probatum dare volebat, quàm purè, integrèque suum administraret officium, aiebatque, sociosque suos (qui eius exemplo excitari prædicationi operam dabant) non facere, quod alij innumerales agebant, qui verbum diuinum, & euangelicam adulterabant doctrinam: *Non sumus sicut plurimi adulterantes verbum Dei, sed ex sinceritate, sicut ex Deo coram Deo, in Christo loquimur*; inquit: *bat 2. Corinth. 2. 17. Deus bone, quàm multa hic paucis Apostolos complectitur! Non est verbum, quod non sua plurima pondera habeat, vt hinc & illam liceat, permagni momenti fuisse, quæ scribebat, cum tam grauiter ea exaggeret, duobusque cum iuramentis affirmet, quæ vt nos indubitato credere-*

mus, hoc solum facere potuisset, si nudè modò, simpliciterque asseuerasset. Quòd verò iuramento semel, & iterum eadem confirmare voluit, hoc mirum est. Dicit ergo facer Apostolus: Nos, qui apostolicè prædicamus, non sumus multorum similes, qui adulterant verbum Dei, sed purum, sincerumque illud ministramus, sicut ministri Domini. Et quòd hæc ità habeant, coram Deo teste, & in Christo filio eius loquimur.

Causam præsentem solum iuvat scire, quid sit adulterare, siue falsare verbum Dei: *Adulterantes Verbum Dei*, in hoc quippè vocabulo expendendo multum laborarunt studiosorum ingenia Interpretum. Sancti Ioannis Chrysostomi commentatio, vt varias aliorum expositiones prætermittam, luculenta est, & trita, qui ait, adulterare hic esse, cum quis pecunià vendit, quod grati dare debebat, cum quis absque certa mercede, aut lucro agere recusat, quod gratuitò agere tenebatur. Hoc vocat S. Paulus adulterium ex sententia Chrysostomi.

Magnum est adulterij nefas, & grande piaculum, quod antiquitus non leuiore poenà, quàm ignis multabatur, vt constat ex sententia Iudæ, quam contrà purum suam Thamarem pronuntiauit: Nam cum de adulterio apud illum accusata, & conuicta fuisset, inquebat: *Produce eam*, & in publicum forum abripite adulteram mulierem, *vt viuà comburatur*; Genes. 38. 24. Tantum est adulterij scelus, tam immane flagitium, vt veteres putarent sceleratam eius solo incendio expiari, & aboleri posse. Et si ex grauitate poenæ arbitrari possumus atrocitatem culpæ, videre quàm sit enorme adulterij crimen, quod solo ignis sæuo tormento plectebatur. Sed ad rem. S. Paulus vocat adulterium, cum quis pecunià id vendit, quod dare debebat, ob eam sine dubio causam, vt culpæ illius grauitatem tali verbo exaggeraret. Nam si adulterij scelus tam horribile fuit, vt ignis poenà castigaretur, videtur dicere voluisse Apostolus: Tam sinceri, puri, & recti sumus in administratione nostri officij, in prædicatione euangelij, vt cum gratis acceperimus munus apostolatus, etiam gratis impertiamus gratiam doctrinæ. Si enim pro pecunia venderemus, quod nobis gratuitò est concessum, videremur quoddam velut adulterij flagitium perpetrare, eoque casu mereremur viui subiectis ignibus exuri. At si pro numis venundare, quod gratis dari debebat, tam immane nefas visum est Apostolo, quòd nomen imponeret illorum improbitati, qui pecuniam admittunt pro eo, quod non modò gratis dare debebant, verum etiam ex iniustitia

facere tenebantur? Si viuus pyræ impositus conflagrare debebat, qui primum faciebat, facile est intelligere quod supplicium promereatur, qui alterum tyrannicè iniustitiæ scelus incurrit, & pecuniam pro eo accipit, quod ex iniustitia facere tenetur.

Homo quidam locuples, quod apud S. Lucam ait Dominus, permagnificum apparuit epulum, quod vt per omnia magis splendidum esset, voluit multos esse conuiuas, qui læti, hilaresq; opulentum, quàm lautum, ac dapibile conuiuium festiuè celebrarent. Eapropter fidum emisit seruum, vt plurimos aduocaret, qui sumptuosæ mensæ accumberent, & festæ præparatorum ciborum celebritati assisterent. Abijt seruus, cumque varios inuitallet, excusarunt se homines rustici, ac barbari. Et alius quidem ait, villam emisisse, necessumque habere ire, & videre eam, alius verò inquit: *Iuga bouum emi quinque*, & eo probare illa; Lucæ 14. 19.

Hæc est quædam parabola, quam Interpretes variè exponunt. De cœna illa, & conuiuiu aiunt hi quidem, eà significari gloriam æternam, alij verò augustissimi Sacramenti quandam delineationem esse, & in illis inurbanis hominibus, qui oblatam tantæ cœnæ refutarunt gratiam, varia sceleratorum genera adumbrata. De illo, qui iuga bouum quinque emisit dicebat, inquit S. Gregorius, & B. Augustinus, & venerabilis Beda, in quinque iugis bouum totidem sensus humani corporis indicatos, quorum nomina etiam rudes pueri non ignorant. Sed hic notandum, quòd is, qui se excusatum petebat, aiebat: *Iuga bouum emi quinque*.

Venerabilis Abbas Gilbertus serm. 25. in Cant. ait: *O stolidum animal non indiges emere, quod gratis innascitur*. O delirationem insignem, & brutam amentiam! O insensatam animam, quæ hoc suis numis vult comparare, quocum nata est, quodque gratuitò illi concessum! Consciamus hinc argumetum. Si stultitia est, nec qualiscunque, velle pecunià emere, & soluere illud ipsum, quod quis habet, gratisq; datum accepit, nonne crudelis iniustitia sit, velle quæstum ex eo facere, quod gratis dare, & facere ex iniustitia debeas? Nemo inficias ire poterit.

Sanguinarium edictum iniquus, & barbarus Pharaon fecit, publicæque sanctione decreuit, ne quis sub inuitabili vitæ poenà domi suæ Hebræorum infantem aliquem masculum occultare, & seruare abscondum auderet. Vt verò generis huius arborem prorsum siccaret, extingueretque, obstericibus Ægyptijs sub eodem certo capitis discrimine mandauit, vt quoscunque Hebrææ mulieres masculos eniterentur.

terentur, eorum sanguinem, simulac nati essent, fundarent. Nascebatur inter hæc Moyses, cumq; illum mater eius, quod tam pulcher, & elegans esset, videret, trimestri abscondit. At dum cogitaret, fieri non posse, ut formosum pignus diutius lateret, adornauit fiscellam scirpeam, & liniuit bitumine, cui impositum infantem Nilo copioso flumini exposuit, prouidentiaque Dei, qui optimus nauarchus est, & felicissimus gubernator, illum commendauit. Descendit ad fluuium filia Pharaonis, ut eius aquis sese ablueret, cumque oculis in admirabilem nauiculam forte incidisset, misit vnam de famulis suis, quæ rem è proximo attentius arbitrata, qualis qualis esset, referret. Narrauit hæc, quod erat, cumque filia Pharaonis allatum in fiscella vidisset infantulum, tenerum illum, & venustulum, vagientemque miseraretur pupulum, ac diceret, ex Hebræis parentibus esse oriundum, soror infantis Maria, quæ sollicitis fragilem lembum prosequeretur oculis, occurrit, & filiam Pharaonis appellauit, inquit: Visne ut Hebræam tibi accersam mulierem, quæ venustum hunc enutriet puerum? Respondit illa, velle. Abijt illa quam celerrimè, suamque, ac pueri matrem adduxit, ad quam Thermutis filia regis ait: Accipe puerum istum, & nutris tibi, ego dabo tibi mercedem tuam; Exodi 2. 9.

Narrauit in hoc factio Oleaster, quod in alijs similibus damnari debeat, in matre autem Moyse iustam habet excusationem, & absq; peccato fuit. Quid est, quod egit Moyses mater? Pecuniam pro educatione proprii filij accepit. Quodnam est officium bonæ matris? Alere suos liberos, aut alias suis impendijs conducere nutrices, si præbere alimoniam ipsa non possit. Hæc autem occasione contrarium factum est: Nam famula matrem suam pretium habere soluit pro eo quod iure natura tenebatur facere; inquit Oleaster ibi in annot. morali. Et nisi periculum, quod sibi parasset, si matrem, quod erat, se prodidisset, illam excusaret, quo loco actionem hanc constitueremus? Turpem malitiam, & indignè factum clamaremus. Quanta ergo malitia, & quam graue scelus illorum hominum, qui accipiunt pecuniam pro eo, quod gratis dare, & iure naturæ, atque ex officij sui obligatione facere tenentur? Dicant ibi quidam Theologi, quod volunt. Mihi certum est, quod mecum sentient, quicumque rem ad lucem veritatis, & non in tenebris suæ priuatæ vtilitatis, commodorumque propriorum examinabunt.

Timens Isaac, ne imparatum illum mors inuaderet, vocauit filium suum Elau, ut supremam ei be-

nedictionem daret, simulque cum illa traderet priuilegia omnia, & immunitates primogenitis debitas, quæ non erant pauca, ut affirmant Varablus, Pererius, Honcala, Martinus del Rio, & alij Expositores. Accersitum ergo filium iubet sumere pharetram, & arcum, & abire in campum, & si quid venatu acciperet, eius commodum, pulmentum inde facere, sic ut velle illum nosset, & post allatum, paratum, exhibitumque cibum in vicem expectare paternam benedictionem, quacum fiebat quædam velut donatio omnium gratiarum, & donorum, quibus primogeniti gaudebant. *Affer & comedam, & benedicat tibi anima mea, antequam moriar*, inquit Genesis 27. 4.

Peruulgata quæstio est, quamobrem Isaac imperauit filio suo Elau, ut cibos illi ministraret, antequam acciperet benedictionem, quæ declararetur legitimus hæres omnium indultorum, & gratiarum, quæ primogenitis erant constitutæ.

Nicolaus Lyranus ait, eam ob causam voluisse sibi à filio ministrari cibos prius, quia ipsi benediceret, quia filium recipiens benedictionem debebat prius patri facere obsequium, & seruire in mensa.

Doctissimus Pererius sententiam Lyranus tali censura perstringit: *Vnde hoc acceperit Lyranus haud equidem scio.* Et meritò suspecta debet esse ea ratio. Nam cum pater iure naturæ teneretur ius illud transferre, pessimi exempli fuisset, pretium qualecunque pro tali re admittere, & vel cibum aliquem accipere pro eo, quod ex iustitia dari debebat. Quod ergo ante cibos à filio expectij, quam illi benedictionem impetij, hoc alias ob causas factum, quas apud Sanctos Augustinum, Gregorium, & Thomam videre licet. Itaque si absque fundamento dictum est, Isaacum, ut filio suo benedictionem daret, voluisse prius obligari ciborum oblatione, talique officio deuinciri, & permoueri ad hoc faciendum, quod ea res scandalosam consuetudinem introduxisset admittendi vel lautitias aliquas, quibus excitaretur ad præstandum, quod dare aliquin ex iustitia debebat. Quanta iniustitia simul & malitia fuerit, accipere commodum, & petere numos pro eo, quod ex obligatione dari, & fieri ex officio, & iustitia debet? Cum Deus è supremo tribunali rationem huius sceleris exegerit ab eis, qui illud perpetrarint, tunc intelligent magnitudinem eius, grauitatemque agnoscent.

Verum ut etiam nunc aperiamus aliquid eorum, quæ in illo horribili, & recto tribunali patefcent, audiamus quid de hac materia dicat magnus ille Origenis

rientis Imperator Basilus dictus Philosophus, in quibusdam institutionibus, quas Cæsaræ maiestatis suæ successor, vt laudabilis, & rectus Princeps esset, reliquit. Mos tunc fortè obtinuerat, vt ali-quanta pecunia acciperetur pro officijs tam gratiæ, quam iustitiæ, vt pro officio Auditorum, Accensorum, Scribarum, Præsidum, Prætorum, Rectorum, Quæstorum, & aliorum huiusmodi. Cumque prudens, & zelosus hic Princeps videret, quàm damnosa esset ea consuetudo, quàmque & varia, & grandia incommoda in Rempub. manarent ex infernali sententia eorum, qui pro talium officiorum concessione munera, & pecunias rectè admitti posse affirmabant, ita filium suum monebat: *Auro, & muneribus venales honores, & dignitates caue ne habeas, sed eas dignis largire gratis. Qui enim magistratum pretio emit, subiectos illi magistratus magis emit, si muneribus, quæ dedit, fretus ipse audaciùs munera capiat.* Hæc ille in exhort. ad filium c. 43. tanquam explicatiùs dixisset: Cura fili, si monarchiam tuam in pace gubernare, & vigorem conseruare iustitiæ cupis, vt custodiantur leges, defendantur pauperes, nulla ministris per tyrannidem potestas concedatur, non enim debes administrationum, magistratum, officiorum dignitates habere expositas ad modum officinarum mercatoriarum, in quibus qualitati panni respondet quantitas pretij. Absit vt audire feras, talis loci præfectura tanto prostat, tale officium tanto venale est, pro illius ciuitatis prætura tantum argenti pendi, pro illo consulatu tantum numerari debet. Hoc verò studiosè age, vt explores idoneos, inquiras benemeritos, & hos alijs præferas, officijsque gratuitò dones, quos ingenio, prudentiâ, talibusque rebus præstare videris, vt sic rectè procurent iustitiam. Qui enim pecunijs sibi parat magistratum, ille faciet, quod mercatores solent, emeritque, vt vendat. Et qui mercatur Præturam, Consulatam, aut aliud quoduis officium, quid faciet, quàm vt & is, qui lite contendit, & qui ambit aliquid, seu pauper ille sit, seu diues, & omnes denique, quotquot suæ iurisdictioni habet subiectos, ipsi pretium dependant, velut ille Principi suo dependit? *Vt muneribus, quæ dedit, fretus ipse audaciùs munera capias.* Putabis fortè, fili, quòd ex officijs certo pretio venditis opulesces, & facultatum incrementa facies & augetur fiscus. Sed aduerte, quòd hinc magis eueritis, perdisque fortunas tuas, redigis namque in paupertatem subditos, quos deglubunt ministri, qui præfecturas suas à te emerunt. Perspicuum enim est, quòd damnum pecuniæ, quam pro adipi-

scendo magistratu tibi numerarunt, refarcire volent, eoque prætextu sumptuum emptionis recuperandorum aperientur fores subornationibus, muneribus, furtis, & alijs improbitatibus, quas illi committunt, & ministris inferioribus permittunt. Et velut tu inuenies Theologum, qui tibi dicat, quòd possis accipere pecuniam pro dignitatibus, quas concedere ex iustitia debes: Sic illi reperient Confessarium, qui consulat, vt quòd à te sibi fieri vident, hoc ipsi faciant alijs. Hinc nascentur in tuo imperio perturbationes, scelera, flagitia, quibus tu occasionem præbebis falso illo prætextu necessitatis, quæ cogaris vendere magistratus, cum potius deberes augere salaria tuorum ministrorum, vt illi se maiore curâ administrarent iustitiam, aut si id prætermittent, iustissima de causâ illos castigare, cutesque eorum detractas tribunali ad terrorem, emendationemque aliorum exponere posses. At si tu illos ante deglubas, quid mirum, quòd ipsi excorrient alios? Videant ergo Principes, quomodo officia distribuunt, & animaduertant damna, quæ inde resultant, quòd pretio vendantur, quæ dari ex iustitia debent. Nam si quidquam aliud est, quod pro felici statu, ac regnorum bono regimine diligenter attendi oporteat, illud, meo quidem iudicio, maxime necessarium est, vt in quo consistit recta iustitiæ administratio, quæ virtus maxima ad conseruandas monarchias habet momenta, quòd experientia, sacrum oraculum, literæ diuinæ pariter, & humanæ clamant.

CAPVT VIII.

Nescit quid sit amor, qui laborem sentit, paradisus namque eius, qui amat, est, fatigari ex his, quibus dat operam.

Quànquam longum erat septem annorum & tantum laboris spatium, septenniù tamen illud non maius sepiduo Iacobi videbatur, breueque, tepus, & leuem laborè, & facile passionem putabat quoties ea conferebat cum flagranti amore, quo animus illius occupatus formosam Rachelem demoriebatur: *Videbantur ei dies pauci pro amoris magnitudine;* Genes. 29. 20. Vbi interpretes, cum in hunc locum incidunt, notant potentiam amoris magnam, & vires, quas pectori infundit, quod inuadit, nec enim est mare, quod non sulcet, nec mons, quem non complanet, nec ignis, quem non oppugnet, nec incommodum, quod non contemnat, vel conterat, nec impossibile, quod non teneat. Ità sentit Abulensis, quando obseruat, quòd Iacob tam promptè, lætanterque suscepit septenni-

preennis seruitutis duos, ac diuturnos labores, vt formosam ouium custodem nancisci posset, neque lubens tantum suscepit, verum & exiguos, breuesque, ac leues, prout illam deperibat, existimauit: *Nullus enim labor magnus videtur amanti, ignes non timet, nixes spernit, gladijs se opponit, & omnia pericula sibi grata reputat*; inquit ille. Quidquid alijs durum, molestum, operosum, hoc illi voluptas est, & delitiosus paradysus.

Ambulabat coelestis Reparator orbis super aquas procellosi maris cuius tepestuosa incostantia illi pro terra plusquam firma, & immobili erat. Agnoscebat Petrus charum suum Magistrum, cupientq; amabili, & dulci ei^o praesentia e loco viciniore gaudere, facultatem petebat, vt ipsum conuenire, potentesq; illius plantas, quae de infidis fluctibus tam gloriosè triuphabant, exosculari posset. Impetravit Petrus, quod voluit, obtentaq; venia *ascendens de nauicula ambulabat super aquam, & Veniret ad Iesum*; Math. 14. 29. Coniecit se audacter in mare, vt propius charum suum Dominum Iesum esset, eiusq; consuetudine propinquiore vteretur. Peratentè consideravit Sanctus Mediolanensium Archiepiscopus Ambrosius deliberationem, & facinus illud Petri, aitq; quomodo fieri potuerit, vt se auderet credere mari, cuius paulo ante expertus fuerat rabiem, & feritatem, quando *nauicula in medio mari saetabatur fluctibus*; ibid. v. 24. ijsq; tantis, vt tempestas tum ipsum, tum illius socios in praesentaneum adduceret periculum. Quod cum ita sit, quomodo tam citò oblitus fuit discriminis, in quod nauiculam ventus aduersus coniecit? Quomodo ibi figere pedes ausus fuit, vbi tam certam potuit cogitare, & timere submersionem? O si amares, mi homo, inquit Beatissimus Ambrosius, profectò nunquam Petrum simili obiectione conuenires, non solum si in aquas sese conijcientem conspiceres, sed etiam insipientem in flammam videres. Quò enim tendebat Petrus? Ad suum charissimum Dominum: *& Veniret ad Iesum*. At si iter ferebat ad fruendum re amatà, quid mirum quòd se in mare dedit, quòd sauitiam fluctuum eius contempsit, quòd iram eius, furoremq; spreuit, & quòd via illi facilis, & plana visa fuerit? Quis amantem vidit ignauum, meticulosum, pusillanimum?

Audiamus Ambrosium ex serm. 16. de Sanctis: *Non Videbat Petrus, & sipedum Gestigia poneret, Videbat autem & sibi figeres Gestigium charitatis. In nauis enim positus considerat Dominum, & amore eius ductus descendit in mare. Non cogitat labentes aquas, non fluctus currentia, & dum Christum respicit, non*

respicit elementum. Dum in Christum figeret oculos, non formidabat, nec recordabatur voracem illam, & insaturabilem bestiam, mare dico, quae illum vorare, & fluctantibus suis visceribus haurire poterat, amantem enim, cui prae oculis est, quem diligit, non terrent maria, non debilitant metu ignes, non exanimant districti gladij, non fugant pericula quantum vis magna, & euidentia.

Amare lugebat diuina Poenitens, & sollicita perquirebat sacrum chari Magistri sui cadauer, atque ille, ne tam diu afflictam eam, & absq; solatio relinqueret, vtque dolorem moerentis mitigaret, apparuit exploranda, sed aliena hortulanti specie tectus, & propriam, de qua agnosci poterat, formam dissimulans. Interrogabat autem illam, quid tam acerbe deploraret, quid tam anxie indagaret in illo orto, quem oculorum ipsius fontes magis, quam alia decurrentis fluuij aquae rigabant. Magdalena rara eum, qui loquebatur, non alium esse, quam qui videbatur, haec ad illum affectuose, humiliterque dixit: Domine, si tu fortè sustulisti pretiosum corpus, quod ego sollicita inquiri, dicito mihi vbi posuisti, ego enim illud humeris excipiam, ego diuiti, ac sumptuoso monumento inferam, ego altum, sublimeque mausoleum erigam, quod sit venerabilium reliquiarum eius sacrum depositum, caeleste aedium.

Tanquam coram praesens adfuisse magnus Origenes, tristitemque, & lacrymosam Mariam talia dicentem audisset, sic eam appellat serm. 10. de Diuersis: Vide Domina, quid loquaris, & quantum viribus tuis sint superiora, quibus te ipsam offers. *Ego eum tollam*, inquis. Itane loqueris! Hoccine affirmas! *Si corpus Iesu possum est in atrio Principis sacerdotum, in quo princeps Apostolorum calefaciebat se ad ignem, quid factura es? Quid factura sis rogas? Ego eum tollam*. Quid si militibus custodiendum traditum est, crudelibus, inquam, ijs, & efferatis, & infernalibus lictoribus, qui ausu daemoniaci ipsum probroso illi ligno affixerunt, gladijsque, & lanceis, & bipennibus, & armis alijs prohibent aditum, ne quis adire propius queat, *quid factura es? Hoccine interrogatur ea, quae amet? Ego eum tollam*, ingrediarque animata per medios districtorum gladiorum mucrones, irrumpam, impetuque ruam per minacia tela, & praepilatas ferocissimorum, & sanguinolentissimorum satellitum hastas. Quid si fortè opulentus ille thesaurus, quem tam studiosè scrutaris, vel in profunda maris abyssu, vel in absconsoire terrae centro, vel in editissimo coeli fastigio sit repositus,

quid

quid futura es? quid consilij capies? Ego eum tollam. Seu pelagus illum hauferit, & in ventres immatissimorum cetorum demiserit, seu terræ centro asseruandus creditus sit, si cœlo supremo illatus, tametsi ardentissima ignis regio in medio sit, penetra-
bo tamen, & vbi vbi demum fuerit, *Ego eum tollam.*

Exclamat Orig: *O ineffabilis huius mulieris amor! o mirabilis mulieris audacia! O mulier non mulier! nullum locum excipit, nullum anteponit, sine timore dicit, absolute promittit, Ego eum tollam.* Non terræ profundo, non abyssi periculis, non cœlorum inaccessiblei altitudine deterretur, quò minus tentare ea loca velit, vt inde humeris iniectas auferre dominici cadaueris diuinissimas reliquias queat, dummodò inueniat. Vt enim vera, ardensq; amatrix erar, sic illi assentatiuncula videbatur quoduis discrimen, & periculum omne voluptas. In igne quippè maximorum periculorū aurum veri amoris, eiusq; veritas, puritas, atque integritas quàm maximè se prodit. Qui namque verè amat, omnibus se difficultatibus animosè, intrepideque exponit.

Dictis vites adijcit id, quod Diogenes Laërtius, qui veterum Philosophorum historias conscripsit, refert, estque ferè huiusmodi. Interrogati Athenienses de nomine, quod accommodatissimum Amori fore putarent, postquam diu secum altercati varios expendissent titulos, qui in illum quadrare videbantur, sed proprietates eius non satis exactè exprimebant, demum vnum repererunt epithetum, quod significandis illius qualitatibus, & conditionibus aptissimum putarunt. Itaque propositæ quæstioni sic responderunt: *Amor pro nomine annuens vocatur.* Annuens idem est, quod omnibus assentiens, derisus autem Is agit. Admirabilis reuerà titulus, & qui aptius in neminem, quàm in amantem cadat. Effusissimus, & maximè prodigus homo non concedit semper omnia, quæ rogatur, non occurrit omnibus, quæ petitur, Valentissimus nonnūquam debilitatur. Ingeniosissimus non semper superat obscuritatem alicuius difficilis quæstionis. Prudentissimus, & consultissimus non semper ita comparatus est, vt rectè de omni re quouis tempore pronuntiet. Facilis ad risum, hilari, & iucundo, promptoque ad honestos iocos animo non semper exporrigit frontem, non semper remittit supercilia. At qui verè, & integrè amat, semper idem est, omni occasione ad omnia promptus, quia est annuens; omnibus assentiens, vt Maria Magdalena, gladijs, spiculis, tormentis æneis, machinis fulminibus intrepidum pectus animosè objicit, cuiuscunque temporis inclementiæ

se se accommodat, nemini quidquam negare nouit, grauitari omnibus quantum potest, studet.

Nam vt sanctus Ioannes Chrysostomus homil. 55. in Genes. ait: *Quando quis sanctiatur charitatis desiderio, nihil difficile spectat, sed id, quod fuerit plenius periculis, & multà miserà, leniter fert, & desidero, quomodo suo possituri voto, & desiderio, Quem Cupido flammantibus telis suis sauciari, nihil illi arduum videtur, acutos tribulos, hamas, & aculeatas spinas pedibus nudis tam voluptuosè calcet, quàm alius viridem herbam, & fragrantas rosas possit. In asperis, durisque ruderibus, & sordibus tam placidè dormit (si tamen dormire possunt, qui amant) ac si in mollibus, suaueolentibus rosis cubaret, ad eos enim, quos amat, oculus animusque illius tantum vadunt, quorum cogitatione pascitur, & sagittis dulciter vulneratur.*

Descendit ardens quidam Seraphin è throno illo excelso, & eleuato, manu præferens viuum carbonem, quem forcipe aurea ex altari acceperat, admo-
uitque labijs vrbani Prophetæ, vt ea mundaret, in-
quiens: *Ece tetigit hoc labia tua, & auferetur iniquitas tua, & peccatum tuum mundabitur;* Isa. 6. 7. Cum antè questus esset Isaias, non se tam puris esse labijs, ac cuperet, nunc illum consolabatur ardens spiritus, dicens, eà admoti carbonis operâ sic esse eamaculatam, & perpurgatam eius labia, vt contendere de munditiæ, & candore cum niue possint. Posthæc statim aiebat Dominus, qui sublimem illum thronum occupabat: *Quem mittam, & quis ibit nobis?* ibid. v. 8. quem ablegabimus, vt duro isti, ac peruiacaci populo prædicet? Respondit animosè Prophetæ: *Ece ego, mitte me;* ibid. velut dixisset: Cum ego hîc adstem, tu verò sis ille, qui hoc imperet, quid obstat quò minus ego sim ille, qui ire debeat?

Vellem hîc sciscitari ex sancto Prophetâ, nouerintne populum, cum quo illi negotium futurum, & cui turpia sua vitia exprobraturus erat, vt tam proiectè, celeriterque huic se muneri offerret. Per-
spicuum est nouisse, exordiebatur enim sermonem suum, priusquàm iterum abire iuberetur à Domino, arguebatque eos, quòd ingrati, parum vrbani, immò subrustici essent, & bestiis oppido deteriores, & brutis magis bruti, eò quòd tardus bos suum possessorè, & insulsus asinus præsepe domini sui cognouissent, filij autem Israël velut ignari essent Dei sui, è cuius liberalibus manibus tam innumerabilia beneficia recipiebant: *Israël me non cognouit, & populus meus non intellexit;* ibid. c. 1. v. 3. At quomodo rursum se se offert officio prædicandi ijs homini-

bus, exploratam habens eorum duriciem, pertinaciam, oblationem, contumaciam, sciensque manifesta pericula, quibus se exponebat, dum ad illos Ecclesiastes abibat?

Respondet sanctus Basilius Magnus in cap. 6. I. saix: *Nihil inuitus seipsum permisit Deo, perq; exuberantem charitatem se iniecit medium subeundis periculis, nihil secum reputans eorum, quæ sibi irroganda essent à populo malo.* Erat cor sancti Prophetæ qualis Æna quædam flagrans, sed amaris ignibus, cuius etiam labia ab ardente carbone inflammata fuere, & velut perfusa ardore, quo iam pectus æstuabat. At si animus illius ita flagrabat, & cor tam viuis prunis charitatis subiectis ardebat, quid mirum quod pro honore, & gloria Domini sui nulla cogitauerit, vel curauerit incommoda, nulla extimuerit pericula, quæ sibi occurrere posse non ignorauit? *Per exuberantem charitatem se coniecit in medium.* Vix audierat vocem Domini sui, quando velut leo quidam in medias se discriminum flammæ coniecit. Charitas enim, & metus nunquam conuenerunt, neque ex eadem mensa, ut dicitur, simul comederunt amor, & ignauia.

Confirmet dicta Magni Basilij magnus quidam illius filius, sanctus Gregorius Papa, qui de charitate loquens sic ait apud Hugonem Cardinalem in Pl. 24. *Machina cordis vis amoris.* Benè expressit ijs verbis Doctor sanctus magnam violentiam amoris. Quando siue muniendi, siue exornandi ædificij necessitas postulat, ut ingens aliquod, vastumque saxum ad locum illius editiorem subleuetur, quod humeris in locum sibi conuenientem efferri nequeat, inuenit ingeniosa hominum industria instrumentum quoddam, seu machinam volubilem, quam viri pauci dum ineunt, & gyrant, ac velut conuoluunt, immanes lapides, & grauissima saxa tam leuiter attollunt, ac si exiguus lapillus esset. Huc alluisse videtur sanctus Gregorius, cum ait, *Et in amoris effe machinam cordis.* Amor enim cor, quocunque libet, transfert, & attollit. Nonne hoc experimento quotidiano discimus? Auarus, cuius tam graue sepe, & durum cor, manus autem, ac si congelauerint, tam pigre, & torpentes ad dandum, si pectoris sedem amori semel concedat, & permittat, quam facillime à sordida paritate ad generosam liberalitatem transfertur, aut transiit ipse! Timidus, & ignauus, quem leuissima vmbra exterre, nonne est ferox, & Mars quidam bellicosus, simulac sub Cupidinis vexillis militare incipit? Quis negare possit? Qui

furiosè rixatur, & cæcatur irâ, nonne mitefcit ut agnus, tigridisque feritatem facillè deponit, cum eam videt, quam deperit? Per momenta singula id experimur. Quis has facit mutationes? Quis corda ista sic mouet? Quis subleuat illa tam grauia saxa? Amor, cuius vis est machina sursùm attollens quantauis pondera: *Machina cordis vis amoris.* Vbi amor regnat, non est periculum, quod exterre, neq; discrimen, quod adferat metum.

In coelo inuenimus scriptam hanc veritatem, si consulamus Marfilium Ficinum, qui tam doctè de hac amoris heroica passione scripsit, atque, duos Veneris, & Martis planetas tam mystico ordine esse collocatos, ut nunquam Venus Martem sequatur, sed Mars potius Veneris præcurrentis vestigijs insistant: *Mars sequitur Venerem, Venus Martem non sequitur*, inquit ille in Conuiu. Plat. cap. 5. Orat. 8.

Quid hac secretâ, & tam admirabili dispositione istorum planetarum monemur, per quam fit, ut nunquam Venerem Mars præcedat, nec Martem Venus sequatur, sed Veneris Mars semper sit à pedibus? Mars est Deus fortitudinis, belli, & furoris. Venus est amoris dea, quæ illaqueat corda, & inflamat pectora, ut coniunctionem faciat animorum. Quod ergo Venus, quæ est amor, non sequitur Martem, qui est furor, bellum, fortitudo, sed econtrâ Mars sequitur Venerem, eo significatur, non nasci amorem ex audacia, sed audaciam oriri ex amore: *Quantam audacia amoris pedessequa est, non amor audacia, non enim ex eo, quod audaces sunt, amore homines illaqueantur, sed ex eo plerumq; quod amore saucij sunt, audacissimi fiunt, ad quæ pericula propter amatum intrepidè subeunda.* Hæc ille iterùm, ubi supra. Non est legitima consequentia (inquit Florentinus iste Platonius) si ita argumenteris: Ille homo est Mars quidam, ergo est Cupido, aut Venus, quia Venus, & Cupido non sequuntur Martem. Verùm si sic dicas: Ille est Cupido, aut Venus, ergo bellicosus Mars est, rectè inuulisti, verus enim amans est animosus, impavidus, generosus Mars, qui omnia pericula subit, & nullæ sunt discriminum turmæ, quæ illum perterrefaciant, ut non audacter, atque intrepidè eas aggrediatur, & inuadat. Ex talibus namque agnoscitur verus amor.

Et hinc volo æstimet noster Politicus suum ergà Deū amorē, ut tunc illū sincerè diligere intelligat, si multa pro illo & faciat, & ferat. Si in ijs rebus, quæ

quæ concernunt Dei honorem, & gloriam, inuenit difficultates, & impingit, offendit, terretur, si lex Dei illi est grauis; & iugum mandatorum ipsius, of-

ficionumque, quæ proficetur, molestum; inditio est, in fornace peccatoris illius exiguum esse, & parum ardere igniculum.

LIBER TERTIVS.

CAPVT I.

Beneficia Domini nunquam dantur sine pensione, neque calamitatis pensione quengnam grauat Deus, quem non beneficij alicuius donatione leuet.

Rostquam inelytus Patriarcha noster illam tam grauem fraudem passus est, introducta ad ipsum Lia filiâ maiore, pro qua non seruierat septem illos ex pacto constitutos annos (perfidus enim auunculus tenebrarum adminiculo usus lippam, & turpiculam pro venustula, & formosa supposuerat) tantamq; concoxisset iniuriam, & animo pacato esset, & ambas accepisset vxores, factum est, vt minor ex ordinatione, & dispositione Dei esset sterilis, & fecunditatis gratiam haberet, cui gratia formæ elegantioris negata fuerat, hæcque quatuor ex ordine fructus pulcherrimos ederet, qui fuerunt Ruben, Simeon, Leui, & Iudas. Interim venustioris Rachelis sterilitas perdurabat, quam tamen si pulchritudinis dote Dominus ornavit, oneravit tamen hoc beneficium pensione sterilitatis, cumq; Liam pensio turpitudinis grauaret, beneficio fecunditatis eam pensionem Deus tolerabiliorem fecit. Exclamat hinc Salomon Hispanus Tostatus: *Ecce quanta diuina sapientia in rebus ordinatio!* Considerandum quam sit attentæ, & peruigil Dei providentia erga suas creaturas, & hoc primum, quod eas vt pius pater regit, & gubernat, deinde illud, quod beneficia, ne in superbiam exortent, onerat certâ pensione, vt humilient eum, qui illa recipit; rursûmq; pensiones, ne hos, quibus imponuntur, pusillanimes reddant, prosequitur certis beneficijs, quæ illos subleuent, & exultarent. Sic pulchritudinem Rachelis, ne illa inde arrogans fieret; correxit, & temperauit sterilitate, & Liam, quæ se contemni propter oculorum foecitatem deplorabat; consolabatur concessione vteri fecundi, & vt omnia tandem bene disponerentur, cum quartum filium Lia fertilis enixa esset, cessauit parere, Genes 29. 35. ne à crebriore conceptu & vterus, & animus simul intumescerent, & plus superbiret ex tam copiosa vbertate fructuum benedi-

ctionis, quam humiliaretur ex turpitudine oculorum. Et quoniam Rachel facilius desperationem incurrere poterat ex longiturna sterilitate, quam inolescere ex natiuæ elegantie liberalitate, & formæ venustate, consolabatur eam Deus fecunditate. Huic autem beneficio portam posthæ iterum clausit, vt eam intrâ modestiæ cancellos contineret, & Lia, vt eam rursûm erigeret, suam reddidit feracitatem, alternâque illâ vicissitudine sapienter effecit, vt nec esset absq; pensione beneficium, nec absq; beneficio pensio, vt sic ex altero humiles, gratæ ex altero manum supremi benefactoris potentem sentirent, & agnoscerent. Lia, quæ antea omnibus contemptibilibus abundantia sibi felix postea visa est. Sed quia si sic successus procederet, Lia in superbiam effunderetur, & de Rachel venditam caperet, eam totaliter infelicem reputans, cessauit Lia parere, ne inflaretur; & Rachel filium habuit, ne totaliter depressa omnino contemptus haberetur; inquit Abulensis.

Viginti annos sancta Patriarchæ nostræ mater imâ prolis transmisit, cuius item sanctus maritus Dominum, vt coniugi liberorum gratiam faceret, seruenribus, crebris, importunisque precibus rogauit. Annuit humili obsecrationi bonus Deus, & sterilem piæ matronæ ventrem propitius fecundauit. Lata bunda ergo concepit, & post tempus aliquod elapsum sensit recens animatos intrâ maternæ alui carcerem pugna mutuo animosè contenderè. Sacer Scriptor hanc rem ita descriptam reliquit: *Dedit conceptum Rebecca, sed collidebantur in utero eius paruuli*; Genes. 24. v. 21. 22.

Prestit Abulensis in his illud, *Sed collidebantur*; hoc est, tam pertinaciter conflagabant, tantisque cum impendijs matris, vt eam in necessitatem vitæ extremam adducerent, & ait: *Ista consumitio*, Sed, est aduersassua; & semper comminuit; & extenuat, & est pomum, vt dicere amamus, quod nunquam à colloquijs abest. Dicere namque solemus: Petrus est nobilis, prudens, ingeniosus, mox autem adiciens quoddam, *Sed*, subiungimus, *Sed* est admodum arrogans, seq; ipsum plurimum, ac libenter audit, cum loquitur. Item: Magdalena est formosa, festiuas, lepida;

lepidam, sed non illam pœnitet quod nata est, nec ægre fert spectari, & laudari. Ità aduersatiua illa, siue contradictio quædam velut pensio est, quâ onerari gratiæ, & beneficia solent, imminuique, & extenuari. Tale quid Rebeckæ cum gratia tam diu, ac vehementer experita euenit, inquit Abulensis. Vingt annorum preces Isaac huc vertit (cùm Rebecca etiam, quod suum erat, faceret) vt fructum benedictionis vxori impetraret. Quod sancta hæc mulier incredibili gaudio exultarit, postquam obtinuit, quod tam longos annos & suspirauit, & desiderauit, res est, quæ nemini dubia esse queat, prout enim ingens est beneficium, & grauius genituum, precumque impendia, quibus obtentum, ità maior est lætitiæ voluptas, quacum suscipitur. Multum habere olim putabatur, qui habebat liberos, & post diuturnam sterilitatem gratior, voluptuosior, maioreque iucunditate comitata veniebat fecunditas. Rebeckæ omnia hæc acciderunt. Verum ne tantum donum caput eius peteret, vertiginemque illi adferret, ne tam insignitum beneficium cor eius inflaret, ne ab ingenti, & pretiosa gratia turgescere inciperet animus, colluctatione infantium recens conceptorum, velut pensio quadam, gratiam illam prouidus Dominus oneravit, permittitque vt in præsentaneum mortis periculum adduceretur ab his, quibus vitam vixdum dederat. Et propterea Textus sacer apposuit illam voculam aduersatiuam, dicens, *Sed collidebantur pupuli, suâque contentiosâ constitutione grauidæ matri mortales angustias adferebant. Hæc particula, Sed, diminuit beneficium*, inquit ille, & subdit: *Sic est sensus: Deus dederat Rebecca conceptum, & in hoc magnam gratiam fecerat*, sed collidebantur paruuli, id est, licet ista gratia magna fuisset à principio conceptus, iam tamen magna non videbatur. Insignitum (quis enim dubitet?) beneficii munus fuit, quod Rebeckam conceptu vno parentis filiorum duorum fecit Dominus, hi filij tamen illam in periculum mortis extremum coniecerunt. Eâ ergo re temperatum fuit gaudium de gratia natum, & beneficium pensio formidinis, quam insolens illa infantium nondum in lucem edictorum colluctatio pariebat, tanquam appensione ponderum colluctatio pariebat, tanquam appensione ponderum grauitum, vt via præcluderetur superbiz, quam tantum benignitatis diuinæ munus generare poterat. Hæc est sapiens dispositio attentæ prouidentiz Dei, beneficia pensio quadam onerare, vt ne superbiant, qui ea recipiunt, & ærumnatum pensiones collatione beneficiorum dulces reddere, ne prorsum opprimant,

Cùm Patriarcha noster artis, quam illi mætes suggererat, industriâ, adeptus fuisset benedictionem, quæ Esau filio natu maiori debita videbatur, delusum hic se videns, eum eandem petijisset, tantus fuit illius mæror, & luctus, tantâque copiâ lachrymarum fudit, vt permotus tristi dolore, & miserabili ciuitatu decrepitu pater non potuerit non aliquas illi à Deo apprecari, & optare gratias. Quare benedicens ei quantum poterat, inquebat: *In pinguedine terra, & in rore cæli desuper erit benedictio tua, & viues in gladio, & fratri tuo seruius*; Gen. 27. 39. 40. Notum beneficium est affluentia rerum, magna benedictio fertilitas terræ, verum seruire, subditum esse, pendere ex alterius arbitrio, & dominio, naturaliter durum, asperum, & odiosum est, inquit doctissimus Pererius. Ad hanc tam vilem, hoc est, seruilem vitæ conditionem damnauit Dominus Esau per os patris illius Isaac, quam ipse quidem in sua persona non subiit, posteri tamen eius sunt experti. Tristis, & molesta res est seruire, pensio grauis, & acerba. At videamus, quibusnam Esau in suis posteris seruiet. *Et fratri tuo seruius, tempusque veniet, cum excutias, & soluas iugum eius de cervicibus tuis*; inquit ille ibid. v. 40. Pererius ait: Amara pensio est seruitus, verum dupliciter mitigatur ab Isaac, tum quod non erat seruuturus Esau alienigenis, aut barbaris, aut inimicis, sed fratri, & consanguinei sui, tum quod futura non erat ea seruutis perpetua, sed aliquando excutienda, eratque posteris Esau non libertas modò, sed etiam regnum comparandum. Ac rem pensionem seruitutis, cui soboles Esau subiicienda prænuuntiabatur, leniebat duplex gratia, ea scilicet, quod neque exteris, neque diu seruituri, sed à seruitute, & captiuitate non ad libertatem modò, verum etiam ad regiam dignitatem euehendi, iugumque cum corona, purpuram cum sordido mancipiorum vestitu commutaturi erant. Ità nouit Dominus temperare beneficia pensionibus, & pensiones beneficijs mitigare, vt neque hæc tumorem superbiz generent, neque illæ suprâ vires grauent, & obruant.

Perfidii exploratores diuinorum actionum sacri Reparatoris nostri cùm pauperem quandam mulierculam in adulterio deprehendissent, vt malitiæ suæ telam ordirentur, introduxerunt eam ad tribunal præsentiz illius, vt viderent, quid ex iustitia decerneret. Reuocabant autem illi in memoriam legem Moysis, quæ hoc habebat, vt lasciuiz id genus lapidibus appeterentur. Causa memoracionis legis non alia erat, quam vt nimiz austeritatis eum arguerent,

guerent, si lapidandam ex legis tenore pronuntiaret, aut certe si absoluendam affirmaret, tanquam legirupam, & laxum magistrum calumniarentur. Venit ergo ad illum rex, qui auditâ accusatione respondit: Cùm lex præcipiat huiusmodi homines lapidare, quisquis vestrum sceleris purus est, is primus saxa rapiat, primus eam appetat, primus rigorem legis expleat. Confusi eâ sententiâ delatores abierunt, alterq; post alterum se subduxit. Sola itaque lugens, ac tristis mulier apud supremum Iudicem mansit, à quo interrogata, vtrum à quoquam condemnata esset, cùm à nemine se damnatam dixisset, tunc ille ad eam cum suavi quadam seueritate aiebat: *Vade, & iam amplius noli peccare*; Ioan. 8. v. 11. noli fidem marito datam posthæc iterum temerare, noli deinceps perfidiosa esse, noli in posterum Dei præceptum, quodcunq; illud, temere violare, ac prætereire, fieri enim potest, vt iudicem tam beneuolum alio tempore non reperiās, neque pietatem, ac misericordiam tibi tam addictam & beneuolentem.

Sanctus Abbas Tuitiensis Rupertus dùm oculis hanc percurreret historiam, piamq; auribus sententiam hauriret, inquebat: *In vna, eademq; sententia misericordia, & veritas obuiant sibi, iustitia, & pax inuicem osculantur. Nam quod ait, Vade, misericordia, & pax est, quod adiungit, Et amplius noli peccare, veritatis & iustitia. Ita iudex aequissimus neq; solum iudicium comminatur, neq; solum misericordiam pollicetur.* Digna consideratione est prudens, & discreta supremi Iudicis sententia, in qua iustitiæ amaritudinem mitigauit suauitas clementiæ, & misericordiæ dulcedinem temperauit asperitas seueritatis. Magnum beneficium fuit, quòd abire iussit eam, quæ se inopinatò absolutam vidit, cùm ex legis decreto pœnam capitis daturam, & atrâ saxorum nube adobruendam putaret. Quid fecit autem Dominus, cùm illa tam vehementer se absolutam gauderet? Beneficium istud pensio austere commotionis grauiuit, iussitq; *non peccare amplius*, & neque solum misericordiam pollicitus fuit, neque solum iustitiæ rigorem minatus, vt neque hinc caderet, neque inde efferretur animo, nec desperaret territa seueriore iustitiâ, neque præsumeret tam facilem misericordiam consecuta: *Iudex aequissimus neq; solum iudicium comminatur, neq; solum misericordiam pollicetur.* Hic nimirum admirabilis modus est, cùm velut in vnum volumen compinguntur suauitas beneficij, & amaritudo pensiois, vt post tam prudens temperamentum nec beneficium

Tom. III.

in superbiam excitet, neque pensio opprimat.

Doctrina hæc momentosa est, & non parum utilitatis adferre Politico nostro potest, si ad regulam illius suam gubernationem quâ alios moderatur, componat. Si solâ in subditos vtatur beneficentiâ, multæ elationi portam aperiet. Si nonnisi pensioibus grauet subditos, crebræ desperationi occasionem ministrabit, & obruet miseros. Beneficia ergò vt prudens & discretus, sic eroget, ne superbiam generent, pensionibus ita oneret, vt non opprimant, non extinguant.

CAPVT II.

His quæ Deus ordinat, & disponit, tam submissè, humiliterq; obtemperare debemus, vt hæc sit nostra maxima semper consolatio, quòd scimus ab illo constituta, quæcunq; patimur, seu toleramus.

CVM Rachel suam sterilitatem animaduertet, videretq; copiosum benedictionis fructum, quo Deus sororem illius Liam cumularet, aiebat marito suo: *Da mihi liberos, alioquin moriar*; Genes. 30. 1. Hebræus textus apud Caietanum sic habet: *En mortua ego*, præut iamdudum intolerantissimè prolem ex te expecto. Muliebri huic, & leuiculæ petitioni hæc Iacob immodicâ, sed iustâ irâ inflammatus respondit: *Num pro Deo ego sum, qui priuauit te fructu ventris tui?* ibid. v. 2.

Notant hoc loco Expositores, quòd Rachel tamen adhuc mœsta, & querula, & importuna cum illis suis precibus aduenerat, æquanima tamen abiuit. *Videns Rachel*, inquit Abulensis, quòd Iacob iussu responderat, redargutionem factam patienter tolerauit. Ratio autem patienter acceptæ increpationis ea fuit, quia Iacob dixerat, quòd causa sterilitatis illius esset non aliâ, quàm providentia altissimi Dei recondita. Itaque vbi audiuit, ex Dei ordinatione descendisse suam istam sterilitatis miseriam, patienter tolerauit, æquanimiter tulit defectum illius, quòd tantoperè desiderabat, vt se adaptaret voluntati illius Domini, cui nos semper debemus submittere, & accommodare. Id enim debet cordis nostri conquietatio esse, & infrenatio oris, quòd scimus à prouida maiestate illius ordinari, quæ patimur.

Postquàm patiens Iob è sublimi throno in sordidum sterquilinum deiectus, & nudatus omnibus opum copijs, & orbarus dulcibus liberorum pignoribus, totoque corpore à summo vertice ad imas calces vsque conuulseratus, & sauciatus fuit, inimicus

R r r

dæmon,

dæmon, Deo ita permittente, fecit, ut vxor illius seruaretur viua, ut per eam extremum impetum in admirabilem illius patientiam faceret, cuius pauculis verbis adamantinum pectus eius expugnare, & inuictam constantiam euertere posse rabiosus hostis sperabat. Quæ enim marito suo mulier dixit, ea magis à dæmone dictata, quàm ab illa excogitata fuerunt. Venit ergo vxor, & pro eo, ut ærumnosum, miserrimèq; afflictum coniugem consolaretur, hæc illi submorosa, & cum stomacho dixit: *Adhuc tu permanes in simplicitate tua; benedic Deo, & morere;* Job 2. 9. Itane insanire vsq; pergis? Nonne satius fuerit vitæ simul & miseriarum finem semel facere, quàm longam mortem viuere? In morte quippè vitæ quierem reperies, qui dum sic viuus, in agone pliusquàm terribili positus degis.

S. Ioannes Chrysostomus in caten. Græc. c. 2. Job, monet diaboli hic plenum fraudis artificium cognoscere, qui cum flagrans Iobis erga Deum studium præclarè teneret, haud sinit uxorem contra Deum accusationem facit. Nusquam Des mentionem facit, calamitates autem semper tantum misceat.

Quando ergo murum illum adamantinum præstigiæ peritissimus artifex dæmon per suppetias mulieris omnino semel deicere cupiebat, fecit ut illa mentionem Dei nullam faceret, sed calamitates tantum solas commemoraret, & infelicitatem extremam, in quam iniquior fortuna illum, ipsamq; vnâ coniecisset, exaggeraret dolorem, luctum, penuriam, recenseret, nihilque aliud diceret, quàm quod lachrymosa tragædia mundi, & probrosissima mundi fabula ambo coniuges facti essent.

Quamobrem verò dæmon, cum sedem in labijs mulieris fixit, hoc actu vsus est, ut non memoraret, quòd Deus esset author illarum calamitatum, & ærumnarum, sed miseras, angustiasque solas referret? Hinc crudelem illius fraudem æstimare liceat. Nam cum efferatus hostis ægrè ferret, quòd sanctus Iob omnes suas calamitates in Dei voluntatem, tanquàm earum vnica originem referret, diceretque identidem submisit, ac humiliter, *Dominus dedit, Dominus abstulit, sicut Domino placuit, ita factum est, sit nomen Domini benedictum;* Job 1. 21. atque ad hanc anchoram miserè fluctuantem, & agitatam patientiæ nauiculam inter procellosas persecutionum suarum tempestates alligaret, nusquam Des mentionem facit, cum illum per subsidiariam mulierem oppugnat, ut experiretur, num deicere illum, & subigere posset, si Dei recordationem ei adimeret, sciens seruos Dei in omnibus suis ærumnis, & aduer-

sitatibus non habere aliud solatium, nec asylum, quàm quòd sciant, ex Dei ordinatione omnia, quæcunq; patiuntur, descendere, ut proinde se illi volentes, lubentesq; conforment, miserasque omnes hilariter, ac lætanter excipiant.

Eglon sanguinarius populi Hebræi hostis, grauiter Israëlitas oppugnabat, quòd quàm illis insensu, tam studiosus esset suæ gentis, & honoris illius. Aod vir strenuus, & robustus edere facinus constituerat, cuius memoria annos mundi exæquaret, certumque, ac deliberatum habebat trucidare idololatram Eglon, infestumque Principem occisione delere. Ingressus itaque conclaue illius secretum, vultumque assimulans beneuolentem dixit ei: *Verbum secretum habeo ad te, o rex;* Iudic. 3. 19. Tunc ille imperauit silentium, iussitque reliquos omnes abire, sedens in æstiuo conaculo solus, ad quem Aod: Cum soli hic absq; vlllo sermonum nostrorum arbitro simus, scire te velim rex, quòd nuntium tibi, nec ex alio, quàm ipso Deo fero: *Verbum Dei habeo ad te;* ibid. v. 20. Audiit hæc Princeps Gentilis, qui statim surrexit de throno suo; ibid. & regio solio.

Quærit Abulensis, cur sinxit Aod, se ferre ex Deo nuntium, cum tamen soli essent, & ipse, quod animo decreuerat, citrà tale commentum, & absq; periculo aliquo suo facile exequi posset.

Respondet, thronum, in quo rex Eglon sedebat, fuisse admodum sublimem, aded confodere illum, quamdiu sedebat, tam commodè, celeriterque, ut volebat, non potuisse, ac propterea optasse, ut surgeret, quòd configere, & conficere hominem expeditius valeret. Ergone illi ad surgendum permouendo non habebat aptius remedium, quàm ut diceret, se ex Deo ferre nuntium? Aut si hoc promptissimum putauit remedium, cur non declaratè dixit, quis ille Deus esset, Israëlitarumne, an Chananæorum, sed absolute ait, *Verbum Dei habeo ad te?*

Occurrit huic quæstioni Abulensis, inq̃uiens, ut rex ille ad surgendum permoueretur, satis fuisse dicere, quòd ex Deo loqui illi veller, nec opus fuisse explicatè dicere, quoniam ex Deo, Hebræorumne, an ipsius Eglonis. Fortis enim Aod prudenter arbitrabatur, surrecturum illum de solio suo, reuerenterque auditurum, quæ dicere velle simulabat, si modò crederet negotia Dei esse, de quibus cum illo communicatum veniret: *Sue ergo esset Deus Hebræorum, sue Gentis cuiuscunque, rex Eglon ducebat illum dignum honore, ideo non curauit petere cuius Dei esset Verbum illud, sed, illuc, ut audiret, quòd*

erat Verbum Dei, surrexit de throno. Hæc est admirabilis doctrina, quam obseruare merito studiosè debeamus, qui veram supremi benefactoris maiestatem certâ fide nouimus, vt nos conformemus cum diuina eius voluntate in ærumnis, & aduersitatibus, quas in hac vita toleramus. Nam si quidam ethnicus rex simulacrum nomen Dei audiuit, statim de throno suo surrexit, cur homo Christianus, qui scit omnes calamitates, anxietates, persecutiones ex Dei ordinatione proficisci, perq; manum ipsius disponi, ac dispensari, non cum gaudio, & voluptate eas ferat, vt voluntati diuinæ ita se accommodet? Cur non surgat, vt secretæ prouidentię, & dispositioni Dei reuerentiam, quam debet, exhibeat?

Educebat sanctus Patriarcha Abraham filium suum unicum, & charum Isaac, vt illum Dei iussu immolaret, nec quenquam huius sui propositi voluit esse conscium. Cum omnia præparasset, quæ holocausto necessaria erant, lignisque humeros rationalis victimæ Isaac onerasset, hicq; optimum deesse putaret, aiebat patri suo: *Eccè ignis, & ligna, ubi est Victimæ holocausti?* Genes. 22. 7. Commouit amantissimi patris viscera curiosi filij quæstio, cui respondit: *Deus prouidebit sibi Victimam holocausti, fili mi;* ibid. v. 8. non te hæc cura sollicitum habeat. Cum hæc pater diceret, & filius auscultaret, pergebat pariter, quod sacrum oraculum ijs verbis monet, & sanctus senecio quidem ignem, obediens filius autem ligna portabat.

Quid est, quod Isaac non plures patri quæstiones mouit, sed humiliter, demissèque sua ligna ferens, prosecutus iter suum fuit?

Responderet S. Ioannes Chrysostomus homil. 4. in c. 1. ad Corinth. 2. *Vt Dei nomen auduit, nullum ultra Verbum addidit, nec curiosius quicquam inquisiuit, & q; adeo prudens erat hic puer.* Vbi a patre accepit, quod Deus holocausti offerendi victimam suâ prouidentia procuraturus esset, ne mi quidem amplius dixit, nec interrogandum aliud quidquam putauit, sed viz, & patris sui vestigijs insiuit: *Vt Dei nomen auduit, nullum ultra Verbum addidit.* Hic feruorum Dei mos proprius est, & consuetudo eorum, qui illi famulari, & per omnia placere student, vt cum sciunt ab eo aliquid fieri, ordinari, constitui, non obloquantur, non repugnent, non interrogent, sed inclinent ceruicem, demittant humeros, accommodentque se voluntati talis Domini, qui tam sapienter nouit omnia disponere, vt ea ad maius bonum nostrum, & vilitatem cedant.

Hæc medicinâ putat magaus Tertullianus ægri-

tudines nostras omnes curari, ac sanari posse, quod lib. de Rer. c. 4. hæc tam graui, & profundâ verborum formulâ expressit: *Nec pluribus de obsequij exhibitione debita à nobis Domino Deo;* hoc est, nolo multum laborare, ac defatigari in conquirendis remedijs, & monitis, quibus Christiano persuadeam, & aperiam quantum teneatur magnam in omnibus ærumnis, & persecutionibus ostendere patientiam: *Satis enim agnitio Dei, quid sibi incumbat, intelligit;* sola Dei cognitio satis est, vt quantamvis calamitatem æquissimo animo feras. Sebiungit autem quædam verba, quorum non est facile obuius sensus: *Quum ergo Dominus omnium bonorum & demonstrator, & acceptor Deus, quis de bono eius late retrahet? Per quæ in expedito, & quasi in præscriptionis compendio & commendatio, & exhortatio de patientia constituta est.* Hæc ille, tanquam diceret: Suppositâ agnitioe Dei, qui ipse nobis attulit eam cognitionem tanquam dux, & quidem vt dux, & causa omnis boni, non est necessarium multum laborare, vt exhortemur, & permoueamus ad æquanimem ærumnarum, & calamitatum tolerantiam, per hanc enim cognitionem, nempe quod Deus disponat, & ordinet nostras calamitates, infelicitates, & aduersitates, faciliè peruenitur ad tolerantiam, obineturque patientia, idq; magno viarum, & laboris compendio, quod Tertulliano præscriptionis compendium dicitur, plurimumque torsit, ac delassauit ingenia Interpretum. At posito, quod Tertullianus fuerit consummatissimus Iurisperitus, vt constat ex varijs allusionibus ad Ius, quibus conserpta sunt ipsius scripta, si etiam statuamus, quod eo verbo præscriptionis quoque ad idem ius alludat, facilem reperiemus istius sententiæ explicationem. Nomen præscriptionis, vt affirmat Alexander Scorus in Vocabular. Iuris, verbo *Præscriptio*, aliquando idem valet, quod *exceptio*. Exceptio autem est, cum quis se defendit, retorquendo in accusatorem crimen, quod ipsi impingere conabatur. Itaque *Exceptio, & Præscriptio* quoddam velut scutum sunt, quod arripiens reus tuetur se aduersus æmulorum suorum calumnias, eodem illos gladio feriens, quo ipsum sauciare volebant. Hoc ita constituto dicit Tertullianus, quod per Dei cognitionem *in expedito, & quasi in compendio præscriptionis exhortatio de patientia constituta est*, velut apertius dixisset: Vt homo amplectatur patientiam, vt viâ compendij utatur, vt clypeo se aduersus omnes inimicos muniat, satis est nosse, quod Deus sit ordinator, & adornator aduersitatum, permittatque persecutiones. Nam si tanta

fuit Pythagoræ apud suos discipulos autoritas, ut cum illud tantum audirent, *Magister dixit*, statim acquiescerent, seq; conformarent illius dictis, & iustionibus, & neque repugnarent, neque causam inquirerent, satis namque erat illum dixisse, aut mandasse, ut exemplò executioni mandaretur: Si homo quidam tantam sibi comparauit apud homines alios naturæ conditione pares existimationem, cur inferiore loco sit Dominus apud suos seruos, Creator apud creaturas, Redemptor apud suos captiuos?

Quando Politicus noster in procelloso mari huius mundi iactatus fluctibus variarum persecutionum, & aduersitatum deplorauit suam miseriam, hanc semper cynosuram respiciat, hanc animo cogitatione voluat, quod omnia disponat supremus ille Vniuersi gubernator, ut tamen fluctuet ut homo, ut Christianus tamen non naufraget, scit enim quod summus Creator, & pater non possit errare in sua gubernatione, & quod ponat quemq; in eo statu, in quo ipsi commodius placere, & seruire queat. Ità ex tribulationibus merita sibi comparabit, si Domini sui voluntati humiliter se conformarit.

CAPVT III.

Si in domo Dei parum forte proximius, id sit quia parum ei seruimus, ut enim quisq; seruit, ita & proficit.

CVM se Rachel diuinæ dispositioni, & ordinationi submisisset, & accommodasset, rogauit maritum suum, ut matrimonio iungeretur ancillæ cuiusdam suæ Balæ, ut vel ex illa acciperet liberos, quos posset vocare quoquo modo proprios, idq; pro solitudine etiam quâ illorum rectam educationem, institutionemq; honestam curatura esset. Concessit precibus Rachelis suæ sanctus Patriarcha, & coniugium cum Balâ iniit, ex qua filium habuit, qui vnius tribus è duodecim caput, & Dan dictus fuit. Ingresso ad se viro concepit, & peperit filium; Genes. 30. 4. Sanctus Ioannes Chrysostomus ait: *Didicit manifeste per ancillam, quod Iacob non fuit in casu, quare liberis careret*, verum suo potius vitio id accidisse. Et quamquam eiusdem veritatis experimentum plufquam vnum apud sororem viderat, demum tamen, cum etiam famulam concepisse ex marito conspexit, omnino quod res erat, intellexit. Cum enim sterilitatis causâ tam vir, quam mulier esse posset, duplici hoc experimento Rachel eò adducta fuit, ut se esse causam illius defectus indubitarè crederet. Est hæc præclara imago eius, quod supero

Sponso cum animabus accidit, quæ sæpè conqueri solent, quod pauciores gratias, beneficiaq; rariora, quàm se promereri præsumunt, ab ipsius munificis manibus accipiant, neque considerant, id sibi euenire, quod Racheli cum Iacob. Quod enim non sunt fecundæ, & non augescunt, neque proficiunt, id non Sponsi, sed spiritus illarum non satis culti, & dispositi vitio accidit, si enim illæ se magis aptarent, studiosiusque præpararent, Deus liberalius se illis communicaret. Quod respiciens Sanctus Laurentius Iustinianus lib. de triumph. Christi agone c. 11. § 1. ait: *Dei amor ignis meritis comparandus est, quod enim crebrius agitur, & vehementius inardescit, nunquam ex sua natura (dummodò materia non deficiat) ardere desistit.* Nunquam cesset anima officii demereri suum Sponsum, sic ille nunquam cessabit eam ditare, & honorare. Amoris ignis ex se nunquam deficit, nostrâ culpâ sæpè extinguitur, cum bonorum operum usu, & exercitatione virtutum à nobis non nutritur.

Regnum celorum celestis Magister diligentè agricolæ comparat, qui bonum semen in agro suo seminauit: *Cum autem dormirent homines, quos custodes agris deputarat, venit inimicus eius, & superfeminauit zizania in medio tritici, & abiit.* Matth. 13. 25. Per istum agum, in quo impiger agricola Christus seminauit bonum verbi sui diuinum semen, intelligunt Expositores cor humanum. Ità venerabilis Beda, Hugo Cardinalis, Guilielmus Broicensis, Guido Carmelita, Ioannes Mayronis, & alij multi. In hoc cordis agro audius ruricola Christus seminat triticum, ut bonorum operum opimos fructus, & vberem messem proferat. Per zizania autem volunt significari malas cogitationes, quas diabolus superfeminat, ut boni seminis fruges viciet, ac solliciti agricolæ diligentiam, vigilantiamque ludat.

Diues ærarium predicabilem subtilitatum S. Petrus Chrysol. acutè notauit vocabulum, quo Dominus nominauit perniciosum laborè asturi demonis, cui homo suâ offitantiâ, inertiâque, & negligentia otium permittit, & tempus, ut zizaniorum iniectionem tritico afferat in agro cordis: *Superfeminauit*, inquit, *non seminauit.* Cur tali cum animaduersione, & cautione loqui Dominus, & superfeminasse demonem potius, quàm seminasse dicere voluit? Ut intelligamus, inquit Chrysologus, quod præcedunt Creatoris bona, mala diaboli post sequuntur, & malum, quod est ex diabolo, sit accidens, non natura. Superfeminasse itaque nociuam, & per-

silentem

silentem herbam fertur nocendi artifex diabolus, ut hinc acciperemus, quod Dominus salubri semine agrum nostrum ante inspergit, quam ille inimicus zizaniorum admixtione incommoaturus adueniat, quodque per nostram incuriam, & desidiam, & torpentem somnolentiam fiat, quoties pernitiabilem peccati herbam in nostris animabus callidus demon ferit, à Domino autem tam diligenter, ac sollicitè profectus nostros expeti, & curari, ut bonum nobis contulerit, antequàm malum adueniat. Certè si nos ipsos, ut decet, & debemus, disponeremus, nunquàm intermitteret Dominus nos ornare, & cumulare beneficijs, quæ desideramus.

Hac de re sic protestatus fuit Deus populo suo apud Prophetam Zachariam. Plectebat Dominus illorum offensas, & flagitia, illi verò rustici, & cæci dabant quærimonia, quod minùs liberalis ergà ipsos esset, quam sperarant, & solito parcior. Huic tam iniustæ expostulationi satisfacit respondens: *Contracta est anima mea in eis, siquidem & anima mea variavit in eis*; Zachariæ 11. 8. velut dixisset: Ito, Propheta mi, & dicito, quæm obrem istas contra me querelas iaciant, parcumque me, ac tenacem, neque tam effusum, ut olim, clament, non cogitantes, ab ipsorum ingratitudine venire quod liberalitas mea stagnat, & contractioribus sum manibus.

Aquilæ translatio aptissima est rei præsentis, & sic habet: *Mutilata est anima mea in eis; hoc est, per uicacia illorum cordi meo suas detruncavit manus. Audiamus hic doctum quendam modernum ea verba eruditè, atque eleganter amplificantem: Mutilata est anima mea in eis, hoc est, ingrati amore meum ergà illos ferè prodigum præciderunt, ac beneficentissimi animi velut manus beneficiorum administras præcuto ingratitudinis ferro amputarunt. Hæc Benedictus Fernàdius in cap. 30. Genes. sect. 5. n. 2. velut pluribus dixisset: Eram ego in illum agrestem populum tam prolixus, ut profusi incurere notam possem, generosum pectus, & liberale cor meum quasi mera, & multiplex manus, eaque tota in erogandis beneficijs sic erat, ut ab illo gratissimo exercitio nunquàm feriaretur, aut conquireretur. Et quando ego munificus ergà ipsos quàm maximè eram, & immensas opum copias inexhaustorum thesaurorum meorum plurimùm ostentabam, tunc illi cæci, & perditè flagitiosi in suæ ingratitudinis igne; & incude fabricabantur gladium, quo mihi largas istas manus succiderunt. Itaq; si conqueruntur, quod velut absque manibus sum, quibus dem, cur non animaduertunt, quod ipsi mihi eas demutillarunt suâ*

ingratitudine, & inurbanitate, ut propterea cordis mei liberalitatem in illos exercere, & exercere nequeam? Quod enim Dominus nonnuquam minùs est munificus ergà suorum animas, id sic, quod illi prætermisâ deditâ vrbantate non satis decenter respondeant, & vices, quas possunt, ac debent, non rependant. Nam ut insigne Hispalensium decus Arias Montanus in eiusdè loci còmentario ait, *diuina ergà homines tutela, & cura non ante remittitur, quàm ab ipsis, quam obrem remittatur, commissum fuerit*. Nunquàm Dominus benefaciendi operam deponit, si satisfaciendi studium, ac sollicitudinem homo non abiciat.

Redierunt nuntij ad Iacob, quos ille ad fratrem suum Esau ablegarat, ut eum reconciliarent, quem ob præreptam benedictionem grauius offensum, & insensum pertimescebat, sollicitique, & consternati dixerunt: *Venimus ad Esau fratrem tuum, & ecce properat tibi in occursum cum quadringentis viris*, (Genes. 32. 6.) ipsque armatis, nec alio consilio, quantum æstimare possumus, quàm ut te inuadat, ferroque exanimalem faciat. Cùm hæc tristitia noua sanctus Patriarcha accepit, extemplo se ad asylum orationis recepit, ne malè offensi fratris rabidus illum furor comprehenderet. Affusus autem terræ has Deo preces fundebat: *Deus patris mei Abraham, & Deus patris mei Isaac, Domine qui dixisti mihi, Reuertere in terram tuam, & in locum nationis tuæ, & benefaciam tibi*, (ibid. v. 9.) & nouas gratias non angustâ manu, sed pleno sinu affundam. Nihil minùs ego quidè promereor, quàm tantam tuæ beneficentiæ largitatem, sed non idcirco prætermittes pollicitationi tuæ satisfacere, & regionum verborum tuorum fidem liberare, meque à fratris mei præcipiti, & cæca ira vindicare. Hæc postrema verba huc faciunt, quæ in textu nostro vulgato sic habent: *Minor sum cunctis miserationibus tuis*; ibi v. 10. hoc est, ingenuè fateor, me infinitè inferiori esse tuâ in me pietatè, & prolixitatè.

Cardinalis Caietanus ait, verba illa ex Hebræo, si latinitas admitteret, sic posse verti: *Memorauit, siue inhabilem, incapacem, ineptumque tuis beneficijs feci, & exilius, atque angustius vas apparui, quàm ut liberalitatis tuæ ampla dona capere possit. Addit autem Caietanus, esse illam humilitatem, & agnitionem theologicam, cùm homo se minorem reputat, neque tam capacem, quàm munificentie Dei largitas, gratiarumque illius amplitudo requirit: Sumus siquidem impares diuinis beneficijs, & ipsam imparitatem nos ipsi efficiamus, tum minùs præparando.*

parando, ac disponendo nos ad suscipienda, tum minus respondendo acceptis. Neque humeri nostri sunt ferendo pondera beneficiorum Dei, nec vires illis pares, sed hoc inde nascitur, quod humeros ipsi debilitamus, & vires ipsi frangimus, ac comminuimus, & capacitatem nostram angustamus, dum neque dignè ad ea excipienda nos componimus, neque vices mutuas, quas possumus, reddimus. Quare si vas est angustum, si humeri infirmi, si capacitas stricta, & angusta, dicere potest, ac debet homo: *Me minoraui*, arctavi me egomet, & contraxi, exigua mea, nec satis bona dispositio fecit, quod non plura beneficia sum consecutus. Defectus ex homine totus est, ex Deo nullus.

Sacrilegus ille, & excommunicatus Discipulus nocte supremæ cœnæ aderat, ut sacramentum Corporis dominici, hoc est, innocentem Agnum sanguinarius lupus acciperet. Urgebat illum infernalis cupiditatis perfidiosa anxietas, sic ut velocissimum infans longis sæculi spatijs par illi videretur, adeoq; cum accepisset buccellam, mit dem Bistle noch im Mault/ exiit continuo (Ioan. 13. 30.) tam certum, deliberatumque habens cogitatum suum opere persequi, & conceptam adornare prodicionem, ut neq; horribiles noctis tenebræ infrenare illum possent: *Erat enim nox* (ibid.) tunc, cum à sacra mensa ad nefandissimum scelus deproperabat.

Præsit diuinus Venetorum Protopatriarcha sanctus Laurentius Iustinianus illud, quod Euangelista ait: *Exiit*; abiit sponte suâ, & excessit iniustus. Cum cœlestis Magister exturbare illum è sacro conuiuio, & postquam in statu peccati mortalis de arbore scientiæ, & vitæ comederat, è diuinæ præsentis suæ paradiso eicere potuisset, patientissimè tamen tulit, & secum in suo contubernio morari permisit, donec ipse execrabilis proditor sacrilegè ingratus tergum obuertens abiit. *Non se absentauit Christus* (inquit ille de triumphali Christi agone cap. 1. §. 11.) *neque sacrilego suam denegauit præsentiam. Omnibus præstò est, & communice se. Proditor tamen ipse secessit.* Non reliquit proditorem Discipulum pius Magister, sed beneuolentem patrem tri-nequam apostata destituit, & à mensa Domini sui monstrum flagitiosi hominis ad prodicionem contendit. Si ille curari optasset, ad manum fons salutis erat. Si pœnitentia peccatum suum damnare voluisset, origo omnis gratiæ coram aderat Christus, promptus liberalissimè condonare noxam, quam ipse perpetrasse doleret. Omnia hæc eò dicta sunt, ut hinc omnes intelligamus, quanta sit Domini (qui

ergà hominem, hominum, quotquot nati, ac nascituri sunt, nefandissimum, & infamissimum tam largus fuit munificentia ergà eos, qui se se gratiæ ipsius donis aptant, & animarum suarum spatia dilatant, sinus expandunt, domos extendunt, ut beneficiorum illius ingentes cumulos, & maximam copiam excipere possint, quorum communicandorum flagrantissimo ille semper desiderio ardet, & æstuat. Disponat ergo se creatura, præparet seruus, respondeat famulus, tam immensus Creator enim, tam amans Pater, tam beneuolus Dominus nunquam soluendo cambio deest, nunquam mutui gratiam violat, nunquam commertium, communicationemque dirimit, nunquam vices pares prætermittit.

C A P V T IV.

Fidere summam causam, & negotium saluationis studio alieno, est velut fouere, aut resocillare vulnus, sed non querere sollicitè eius curationem.

Cum sterilitatem suam Rachel cognouit, intellexitque à superiore dispositione & providentia fieri, quod infecunda esset, remedio, quod diximus, usa, famulam Balam viro suo coniugem dedit, ut hæc marito prolem gigneret, quam parere ipsa non poterat. Dicebat ergo: *Habeo famulam Balam, ingredere ad illam, & pariat super genua mea, & habeam ex illa filios*; Genes. 30. 3. Expositores inquirunt, hoc fecisse, ut anxius illius animus vel nonnihil respiraret à mœstitudine sterilitatis, & liberorum vehementissimo desiderio. *Habuit aliquomodo, pariente ancillâ, & breuem consolationem*, inquit sanctus Ioannes Chrysostomus. Accidit ut conciperet, & pareret ancillâ. Habuit Rachel suam inde voluptulam, sed perbreuem, habuit suam inde lætitiâ, sed exigui ponderis, & leuem. Liberi enim, quos aliorum dolor enixus est, quique diligentia alienæ sunt partus, parùm eis conferunt, qui non ipsi conceperunt, & pepererunt. Et omne vniuersum solatiû, ac gaudium, quod nititur labore, & sudore alieno, parum stabile est, & parui momenti, & modicæ utilitatis: *Habuit aliquomodo, pariente ancillâ, & breuem consolationem*. Et cum communiter per liberos significantur opera, docetur hic Politicus, qui in cœlum aspirat, ut ad hunc finem vltimum consequendum, putet solis operibus bonis, & meritis peruenire non posse alienis, nisi adiungat labores, & sudores proprios. Nunquam enim quis arctam viam, quæ fert in vitam æternam, pedibus tantum conficit alienis, nisi suis etiam eò contenderit.

Idolo.

Idololatriz scelus commisit contumax ille, & ob-
 Minatus populus, cœcusque adorauit idolum quod
 figuram vituli præferebat, eique cultum supremo
 Numini debitum exhibuit. Agebat per id tempus
 in cacumine montis sanctus Moyses, quando ei Do-
 minus ingrata plebis pudendum flagitium indica-
 uit. Descendit curarum plenus, iratusque valde pro-
 iecit de manu tabulas, & confregit eas ad radicem
 montis, Exodi. 32. 19. Erant ex tabulæ lapideæ, in
 quibus deferebat legem manu ipsiusmet supremi
 Legislatoris scriptam. Vt nihil venustatis his tabu-
 lis decisset, ipse eas expolire voluit, qui & decalogum
 illis exculpserat. Sic enim habes ibidem v. 15. & 16.
*Reuersus est Moyses de monte portans duas tabulas
 scriptas ex utraque parte, & factas opere Dei. Digi-
 tus Dei pro scalpello fuit quo in lapide decalogum
 celauit. Placatus Dominus Moysis precibus, &
 vindictâ, quæ de illa infami adoratione sumpta fue-
 rat, decreuit renouare legem, & ait gratio suo :
 Præcide tibi duas tabulas lapideas instar priorum, &
 scribam super eas Verba, quæ habuerunt tabula, quæ
 scripsisti;* Exodi 34. 1.

Dubitari hic potest, quamobrem Dominus, qui
 antehac tam comis, & humanus erga populum fue-
 rat, tamque ineffabili gratiâ eum dignatus, vt ipse
 illi concinnaret lapides, in quibus & sculpsit decalo-
 gi legem, nunc Moysi eam operam commendauit,
 præcepitque, vt ipse cæderet, leuigaret, perpoliret
 nouas tabulas, in quibus celanda lex esset. Certè
 non fuit sic defatigatus Dominus ex confectis pri-
 mis tabulis, vt non manserit illi brachium sanum,
 quo posset adaptare nouas. Cur ergo Moysen vo-
 luit hoc lapidæ munus obire?

Respondet Nicolaus Lyranus in cap. 34. Exodi:
*In primis tabulis Moyses nihil fecit, in secundis vero i-
 pse disposuit materiam dolando: quia sicut alias frege-
 rat, iustum fuit quod istas dolaret.* Docuit nos hac
 re mysticè Dominus, quod ipse ille resarcire debe-
 at damnum, qui intulit: Itaque & Moysi dicere vi-
 detur: *Fregisti tabulas? Præcide ergo, tuoque sum-
 ptu, labore, studio, industriâ para alias.* Tantundem
 dicere possumus cuius homini Christiano: *Fregisti
 Violasti tabulas legis? Rupisti suauigug manda-
 torum dominicorum? Præcide itaque, & refice hoc
 damnum tuis impendijs, contèrere cor tuum malleo
 pœnitentis nate de offensis, quibus illum Domi-
 num offendisti, cui tanta debes. Nam quod tu ta-
 bulas frægeris, alius autem damnum resarciat, quod
 tu malum egeris, & alius id luat, neque tu pro illius
 abolitione quodcunque studij, siue diligentia im-*

pendium facias proprium, stultitia est manifesta.
 Quisquis legem præceps violat, idem malum dilue-
 re pœnitens debet.

Rursum pro fulcimento huius tam momentosæ
 veritatis debet esse nostra formosa Rachel. Misera-
 tus Dominus illius dolorem, quem patiebatur, &
 probum, quo affligebatur, cum sororem suam tam
 fecundam, se verò tam sterilem videret, clauis pie-
 tatis suæ aperuit fores fecunditatis, quam illa eni-
 xè, avidissimèque expetebat. Id sacer Scriptor ita
 memorauit: *Recordatus Dominus Rachel exaudi-
 uit eam, & aperuit vuluam eius;* Gen. 30. 22. Plu-
 rimas illa fuderit lachrymas inter tam diuturnos
 cruciatus, quos illi sterilitatis opprobrium adfere-
 bat. Verùm notandum, quod sacrum Oraculum
 quidem refert, exauditas fuisse à Domino preces
 Rachelis, facillè tamen esse & cogitare, & credere,
 quod Iacob quoque Dominum assidue, vehementer-
 que obsecrauerit, vt vxori suæ concederet fecundi-
 tatem, & adimeret ignominiam, quæ vexabatur, ste-
 rilitalis. Quam in rem Doctor Hencala ita: *Nec
 dubium, quin Iacob, cum esset vir bonus, Dominum
 quoque pro obtinenda dilectissimæ vxoris fecunditate
 summis votis sit precatus.* Quod si ita est, quid causæ,
 quod Scriptura tam alto silentio inuoluit obsecrati-
 ones sancti Iob, & solatium Rachelis precum memi-
 nit?

Occurrit huic dubitationi grauis ille autor, in-
 quiens: *Enimvero non sine causa Iacob precatio ta-
 cetur, Rachelis autem aperte insinuat, videlicet
 vel hinc constet, quantum oratio propria præstet alienæ,
 nam quamuis precibus adiuuemur alienis, nisi nostri
 conspiremus, valde raro expetita consequemur.* My-
 sterium ergo habet, quod S. Moyses tacitas præceps
 Iacobis Orationes, solasque Rachelis scripto euul-
 gavit preces, quas illa pro impetrando fructu bene-
 dictionis fudit, (tametsi probabile sit, quod Iacob
 nihil eorum, quæ ad hanc rem obtinendam facere
 posse putauit, prætermisit) vt hinc palam fieret,
 quantum studia propria antecellant alienis. Tam-
 etsi enim ex certa fidei regula id semper & credere,
 & fateri oporteat, quod opem nobis, auxiliumque
 accersere debeamus & ab orationibus, quas viri Deo
 chari fundunt, & ab operibus bonis, quæ faciunt, il-
 liquet tantopere placent, credimus enim communi-
 onem Sanctorum: Monemur nihilominus illo Ra-
 chelis exemplo, quanti referat, quod vnusquisque per
 se curet diligenter facere, quæcunque ad impetran-
 dum fructum benedictionis bonorum operum sunt
 conducibilia, parùm enim obtinent studia aliena, nisi
 accedant.

accedant nostra propria: Nam quamvis precibus adiuvemur alienis, nisi nostris confissemur, valde raro experiri consequemur.

Sacer Cantor in quodam Psalmo loquitur de vocis diuinæ prodigiosa efficacia, deque omnipotente illius virtute, cuius ille cum in alijs rebus, tum in hac maxime faciat ostentationem, quodd florantem 'frosdosarum', & 'sublimium cedrorum, quidem Libani, elegantiam, gratumque virorem in frigidos cineres vertat. Psalmo 28. v. 5. de hac re sic habet: *Vox Domini confringentis cedros, & confringet Dominus cedros Libani.*

S. Basilii Magnus iubet animaduvertere geminationem eiusdem vocis in paucis verbis, quibus ait, quodd valida irati Numinis vox comminuit proceras cedros, non quasuis, sed eas, quas mons Libanus alit: *Non omnes cedros confringit Dominus, sed montis Libani tantum*, inquit ille in commentario eius Psalmo.

Secundum hæc queri potest, cur vox Dei indignabundi magis infesta sit cedris Libani, quam alijs, illarumque excidio magis intenta, quam harum, quando in istis arboribus (ut & hoc obiter, & velut in transitu memoremus) significatur certum quoddam genus hominum, quos huius tam excelsi montis proceræ cedri symbolicè referunt.

Respondet interrogationi magnus Pater, inquit: *Appellari merentur cedri Libani, quodd aliena subnixi altitudine intempestuo gaudio diffunduntur.* Quando arbor, quæ in humili valle sita est, sublimis erigitur, & in magnam altitudinem suis incrementis exurgit, videtur nonnihil causæ habere, ob quam gloriatur: Verum quodd illa suam celsitudinem iactet, quæ in montis cacumine est collocata, vanissimè gloriatur, & stultè se iactat, volens sibi attribuere celsitudinem velut nativam, & propriam, quam ab editiore monte habet mutuatiuam: Velut de nihilo arrogans esset pygmæus, siue nanus, qui vasti gigantis humeris insistens, se turrem putaret, cum tamen altitudo illa istius proceri hominis sublimibus humeris debeatur. Quod ergo sanctus David ait, *Confringet Dominus cedros Libani*, perinde est, ac si diceret: Quos vox Domini confringet, & comminuet, ij sunt, qui velut cedri Libani altitudinem sibi arrogant alienam, & quam aliunde habent, suam putant eminentiam: *Qui enim se rebus ingesserunt alienis, & per eas sibi conciliant, & adfiscunt superbiendi occasionem, ij sunt cedri Libani*, inquit magnus Ascetarum Patriarcha. Non omnes cedros destruit Dominus, sed eas tantum, quæ sublimitatem

sibi adscribunt alienam, & eminentes videri volunt impendijs celsitudinis aliorum. Arbor, quæ suis augmentis erigitur, quæ suo studio frondes sibi parat, quæ cum supernæ irrigationis adiumento virefcit, & pinguedinem, fertilitatemque suam suo labore acquirit, & conseruat, huic Dei vox benedicat, & manus applaudit diuina. Tale autem est, quodd dicitur, nimirum qui saluari, & cælo inferri humeris velit diligentia alienæ, eum à consecutione beatitudinis tamen futurum alienum, & remotum, ut sit potius destruendus omnipotentibus iustis, & rigidi Iudicis manibus. Nostra opera, nostra studia sunt quæ Dei fulta fauore, & auxilio debent conficere coronam, & quietem nobis parere sempiternam.

Extranea, & singularis, verum peropportuna mihi videtur causæ præsentis quædam mellisui Doctoris commentatio, quæ exponit illud Ioannis 6. 54. *Nisi manducaueritis carnem filij hominis, & biberitis eius sanguinem, non habebitis vitam in vobis.*

De his ait sanctus Bernardus serm. 3. in Psal. 99. ita: *Loquebatur de penitentia ipsa Dominus, sed in figura, de penitentia, inquam, quam facere omnes debemus, quam Scribis, & Phariseis tunc quidem, sed vobis simul commendabat.* Sed quid hæc commune habent? Quid connexionis est inter vtraque illa, ut Pharisei monti de periculo intermissæ summptionis corporis, & sanguinis dominici, simul iussi fuerint agere penitentiam? Respondet Bernardus: *Manducare eius carnem, bibere sanguinem, est communicare passionibus eius, & eam conuersationem imitari, quam gessit in carne.* Verum meo iudicio magna est proportio penitentia, & comestionis, quam sic expono. Sunt quæ homini vtilitatem adferant, tamen manu, & operâ curentur aliena. In multis rebus id videre licet. Potest enim quis alteri facultatem dare, ut ipsius nomine exigat, & recipiat pecuniam, debita, & his similia. Potest manu aliena conficere suum negotium, obtinere causam (ut sit quotidie) studio, & curâ aliorum, aduocatus namque, & procurator, & reliqui causidici adhibent industriam, sollicitudinem, laborem, & alius refert commodum. Verum ut homo viuat incolumis, id fieri non potest, nisi ipse bibat, & comedat, & si hanc diligentiam propriam prætermittat, diu sanus vivere citrà miraculum non potest. Nam si quis stomacho lethali ter naufragando iussus à Medico cibos capere, diceret, velle hunc laborem alteri commendare, eumque rogare, ut pro ipso cibos sumat, & comedat, tum quæreret, satisne hoc esset? perspicuum est, quodd Medicus phiznesi laborare hominem, capumque

prumq; iudicio rationis pronuntiaret eum, qui tale quid interrogaret, qui enim ipſus non veſcitur, viuere diu nequit. Sic ergo nunc dicit cœleſtis Magiſter: *Niſi manducaueris, non habebis uitam æternam.* Quod reſpiciebat autem hæc dicens? *Loquebatur de penitentia,* idq; ſub metaphora manducationis, & bibitionis, perindeq; fuit, ac ſi dixiſſet: Vt qui per ſe non comedit, non habet in ſe vitam temporalem, ſic nec vitam æternam obtinebit, qui per ſe non agit penitentiam, qui propriam ſuam ad hanc rem non vertit diligentiam, ſed omnia labori, & ſtudio credit, committitq; alieno.

Ælianus de varia hiftoria lib. 4. cap. 1. cùm varios diuerſarum gentium mores reſert, de Biblijs hæc narrat: *Biblij in ſua ſe incederunt in aliquid, nihil tollunt, quod non poſuerunt, non enim hoc inuentum, ſed furtum arbitrantur.* Vix eam alibi hodie videas conſuetudinem, vt homines, ſi in aliquid incederint, non tollant, quod non poſuerunt. Quod Biblij olim faciebant, idem in domo Dei inuiolabiliter obſeruari ſacra Biblia nos docent. Mos enim illius domus ſempiternus hoc habet, vt nemo quidquam tollat, quod non poſuerit, nemo quietem æternam obtineat, qui non ſua diligentia, deſatigationeq; ſibi eam parat. Nam vt ſanctus Domini Benjamin Ioannes ait, cùm de mortuis loquitur, qui inter dulces Dei amplexus felicitis huius mortalitatis vitæ periodum concludunt, ij propterea ſunt beati, quia inter labores, virtutumq; & bonorum operum exercitationes penſum ærumnoſæ vitæ abſoluerunt. *Opera enim illorum,* inquit, *ſequuntur illos,* Apoc. 14. 13. Vbi alia litera habet, *Famulantur illis,* ſuntq; eorum velut anteaambulones, qui omnia per viam ſubmoueant difficultatum impedimenta, vt expediti ineanit æternam expetitæ patriæ quietem.

Multi ſunt, qui, quod fieri nequit, ſimiles eſſe velent arboris, quam *Alfonſo* vocant, egoq; in loco, qui *Geraſe* dicitur, & duobus miliaribus Madrito abeſt, cum ſtupore non paruo vidi. Sunt duæ id genus arbores, quæ ſe mutuo ſpectare ſemper debent, vt fructus edant, non ſecus ac Palmæ, quarum radices conſectæ ſuo quodammodo copulantur matrimonio, altera q; maſcula eſt, foemella altera. Sed hoc in prioribus arboribus penè incredibile notatur, quod illarum vna flores producit, altera fructus. Rarum certè, & quod nescio an in alijs aliquibus totius mundi arboribus animaduerſum fuerit.

Tale quid multi videntur optare, vt ſibi eueniat, nempe vt ipſi flores proferant, vt in floribus morari, & trudere ſe voluptatibus, oblationibus, obambulantibus,

lationibus, delitijs queat, alij fructus penitentiae producant, ieiunent, vigilent, carne afflicti, & cū ſuis concupiſcentijs crucifigant, ac mortificent. Verum ſanctus Ioannes monet, vt ne quis ita deſipiat, neque tam ſtultum cogitatum admittat. Loquens enim cum peccatoribus, qui caducos vanarum voluptatum amabant & conſectabantur flores, ſic eis aiebat: *Facite ergo fructus dignos penitentiae;* Lucæ 3. 8. Notate in his illud, *Ergo,* quod legitima, talisque conſequentiae eſt nota: Vos florem tuliliſ voluptatibus, ſerte ergo & fructum penitentiae. Delitias namque, in quibus veſtra caro fuit, caſtigare debent veſtræ lachrymae, contrariumq; ſibi perſuadere, inſignis amentia eſt. Vt enim parum gaudij tibi adfert voluptas alterius, quā tu cares, parumq; tibi conſequebat lætitia alterius, cū tuum animum triſtitia occupatum habet: Sic exigua tibi utilitatem adducet, quod alter ferat fructus penitentiae ad expianda tua peccata, quando tu in horto laſciuiae carnis flores voluptatum corporearum, & carnalium oblectamentorum. Hæc eſt ſtultitia, quā multas animas vaſer dæmon dementat, illuſtrium præcipue, & in magnis delitijs viuentium virorum, ac mulierum, qui quod in monaſterijs Religioſi corpus flagris, ipſorum rogatu, exdunt, & ieiunijs emaciant, rem ſuam totam conſectam, bonamq; cauſam apud tribunal Dei ſe habituros arbitrantur, cū interim nullum ſit pratum, vt eſt apud Sapientem, quod luxuria eorum non pertranſeat, nullum viridarium, vbi non ſuas conſectentur delitias, non expleant concupiſcentiae ſuæ malas voluptates. Bene, ſanctèq; factum, quod alij nos Deo commendunt, at ſi omnia diligentiae credimus, & relinquimus alienæ, neceſſum eſt vt nos deluſos inueniamus, & deceptos, mandat enim Dominus, vt qui tabulas legis fregit, idem ipſus reparet, quod eiufmodi eſt, ac ſi diceret, vt qui peccat, pro ſeipſo per ſeipſum penitentiam agat, ſi vitam vult conſequi æternam.

Tomo 2. Periochæ II. Dom. V. poſt Paſcha pag. 61. o. habes multa in hanc rem, tum & alijs in locis Tomo 1. ad finem euſdem Periochæ ſubnotatis.

CAPVT V.

Soli ex omnibus dominis ſupremo ſeruire & maxime debemus, & facillime poſſumus, nemo enim illi ſeruit, qui non proficiat, nemo placere ſtudet, qui non augeſcat.

Non ſine ſpeciali myſterio dicebat Angelicus paranympus, qui à ſupremo Patre luminum

ad intemeratissimam Virginem legatus veniebat, illum, qui intra purissima viscera eius concipiendus erat, præter alia magna hoc quoque habiturum, ut regnaret in domo Iacob. Voluit autem hoc nuntio indicare, diuinum Reparatorem communi omnium bono, & vniversalī remedio cunctorum nasciturum, quod præfiguratum in domo Iacob fuit, in qua, ut iam iam videbimus, omnes profecerunt, & creuerunt, & in omnes redundauit liberalitas. In hac domo mulieres principes, Lia & Rachel germanæ sorores conceperunt, & pepererunt, Bala & Zelpha ancillæ, & foeminae inferiores, quanquam legitimæ coniuges, etiam fructu grauissæ fuerunt benedictionis, quemadmodum illarum dominæ, quarum fuerant famulæ. Iacobi Dominus duodecim filios dedit, qui omnes habuerunt ingentes opum copias, vehementerque aucti diuitijs fuerunt. Ut ergo intelligamus, quod Deum habeamus perliberalem, munificum erga omnes, & qui omnibus sese impertiat (si rerum minimarum cum supremis fieri comparatio potest) regnaturus in domo Iacob, & domum domui illius similem habiturus dicitur, sic ut apud illum domestici omnes abundant, & affluant honoribus, donis, opibus, ut accendamus ad seruiendum tam prolixo Domino, cuius semper sunt patentissimæ fores ad excipiendum omnes, qualescunque illos, seu diuites illi sint, seu pauperes, siue serui, siue Domini, siue Reges, siue subditi, denique ut verbo iterum dicam, omnes.

Incipit sanctus Lucas describere prodigiosam diuini Præcursoris, & Baptistæ prædicationem, orditurque telam historiarum verbis neque communibus, neque vulgaribus, inquiens: *Factum est Verbum Domini super Ioannem Zachariæ filium in deserto; Luca 3. 2.*

Sanctus Petrus Chrysologus serm. 137. sciscitatur: *Quare non ad Ioannem, sed super Ioannem?* Inuitata Scripturæ phrasis, quod verbum Domini super, non ad Ioannem dicitur factum. In Prophetis sæpenumerò reperias, quod Domini verbum ad hunc, aut illum sit factum, factum autem super aliquem nescio an alibi inuenias. Quid causæ ergo, quod super Ioannem verbum Domini factum scribitur?

Respondet sacer Rauennatum Archiepiscopus inquiens: *Quia quod sursum est, super omnes est.* Dicitur ergo verbum Domini de coelo venisse super Ioannem, non ad Ioannem, ut inditio esset, quod dona celestia non sunt similia humanorum, quodque de celestibus non debemus loqui, tanquam ad vñ

descenderent, aut pertinerent. Si dictum fuisset, verbi diuini thesaurum ad Ioannem descendisse, liberalitatem Dei velut coarctasset, qui ad vñ Ioannem illam deriuatam affirmasset. Dicatur ergo verbum Domini descendisse super Ioannem, quod perinde est ac si diceretur, tamen ad illum descendat, super illum nihilominus manere velut paratum in omnes deriuari, omnibus sui copiam facere: *Quod de sursum est, super omnes est,* & Solis habet proprietatem, illius intar ad omnes se diffundens, & dispersgens.

Suadet Propheta regius, ut quicumque voto speciali se obstrinxerunt Deo, sollicitè, fideliterque id explere curent. *Multò enim melius est non conuere, quam post votum promissa non reddere,* aiebat Ecclesiastes cap. 5. v. 4. nam ut voluntatis fuit vouisse, ita necessitatis est persolvere quod voueris. Verba consultoris Davidis Psal. 75. 13. sic habent: *Vouete, & reddite Domino Deo Vestro omnes, qui in circuitu eius offeritis munera.*

Aquila Doctorum sanctus Augustinus plurimum admiratus fuit hunc loquendi modum, inquiens: *Quid est hoc, omnes, qui in circuitu eius sunt, offerunt munera?* Quid sibi vult, quod non à latere Domini esse feruntur, qui oblatari sunt munera, sed in circuitu, velut illum obfiderent, includerent, coronarent? *In circuitu eius.*

Respondet magnus Augustinus, cum magno, & singulari mysterio dici, quod æterna Veritas, & Dei maiestas in medio posita est, & ab omnibus circumdatur, ut significetur, Deum, quantum in ipso est, facere, quod centrum cum circumferentia, cui se æqualiter communicat, quæcunque enim à centro linea exit, æqualiter se toti extremitati impertit. Sic ergo & Dominus noster, tanquam centrum in medio creaturarum lineas suarum gratiarum illis communicat. *Quidquid omnibus commune est, in medio est, quare in medio dicitur, & tantum distet ab omnibus, & tantum propinquet omnibus.* Quod non in medio est, quasi priuatum sit, quod publicum est, in medio ponitur, inquit Augustinus. Quod ergo Propheta regius ait, Deum esse velut centrum quoddam, eos autem, qui munera ei offerunt, quasi circumferentiam illius, quem videlicet ambiunt, & circumdant, perinde est, ac si diceret, Deum vehementissimo desiderio teneri communicandi sese omnibus, quidquid enim ponitur, & disponitur ad modum centri, satis ostendit, quam ardentem cupiat se impertire, & copiam sui facere, vñbusque aliorum tradere: *Quidquid omnibus commune est, in medio est.* Gaudere er-

go possunt, qui tam pio, & beneuolenti Domino seruiunt, qui vt centrum circumferentiæ, vt Sol toti terrarum orbi, sic se omnibus hominibus communitat.

Ad Titum cap. 2. v. 11. ait Apostolus: *Apparuit gratia Dei Saluatoris nostris omnibus hominibus, erudiens nos.*

Cardinalis Caietanus in hæc ita differit. *Ad manifestandum quod tam seruis, quam cuiusq; ætatis homines recte se gerentis ornant doctrinam Saluatoris nostri Dei, affert beneficium diuinum commune tam dominis, quam seruis, quam cuiusq; conditionis hominibus.* Cum hæc scripsit sanctus Paulus, bonum Logicum probauit. Recta logica cum totum affirmat, nihil excludit, velut si diceremus: Omnis homo est animal rationale; palam est id non de solis regibus, sed de quocunque homine, seu liber ille sit, seu seruus, seu infans, siue senex, intelligi. Ad hunc ergo modum dicit Apostolus: *Apparuit gratia Dei omnibus hominibus;* vt neminem exciperet, cui non apparuerit, non diuitem, non pauperem, non subditum, non dominum, non magnum, non paruum, aut cuiusq; demum conditionis, siue status alius, satis enim est, quod fuit gratia Dei, quæ apparuit, vt appareret omnibus, & ad omnes se dilaret, atque extenderet: *Tam dominis, quam seruis, quam cuiusq; conditionis hominibus.* Quis ergo non cum voluptate seruiat Domino, cuius tam sunt beneuola, & paterna viscera, qui se tam munificè impertit pauperi, quam liberaliter communicat diuiti, cuius amplissimum pectus est commune hospitium, & perfugium omnium hominum, nullum, qualis qualis ille cumque sit, excludens?

Matthæi c. 13. v. 31. & 32. sic aiebat cœlestis Magister: *Simile est regnum cœlorum grano sinapis, quod accipiens homo seminauit in agro suo, quod minimum quidem est omnibus seminibus, cum autem creuerit, maius est omnibus oleribus, & fit arbor, ita vt volucres cœli veniant, & habitent in ramis eius.* Stupendus certe profectus grani sinapis, quod tanta incrementa facit, vt inter olera arbor fiat, quod inter arbores olusculum erat! Subiicit mox Dominus ibid. v. 33. *Simile est regnum cœlorum fermento, quod acceperunt mulieres abscondit in farina satis tribus, donec fermentatum est totum.*

Obseruauit in his sanctus Petrus Chrysologus, attentionem, & cautionem sacri Magistri quæ vñs fuit, cum tradens parabolicam cœli doctrinam semel illud confert cum minutulo sinapis granulo, quod à viro sacrum excreuit ad miraculum, moxque co-

ponit cum exigua portione fermenti, quo mulier auctiorem reddit farinam. *Ante sinapis granum memorat accepisse virum. Verè sicut dixit Apostolus Paulus (1. Cor. 11. 11.) neq; vir sine muliere, neq; mulier sine viro in Domino.* Notandum itaque, quod postquam Dominus comparauit regnum cœlorum viro, qui seminauit granum sinapis, statim confert cum muliere, quæ farinam fermento subigit, cum viro, inquam, & muliere, qui res tractant, quæ hanc habet similitudinis cognationem, vt de minimis magnæ fiant. Quamobrem verò Dominus non voluit præterire mulierem, quin cum illa componeret quoque regnum cœlorum, postquam illud viro assimilauit? Fecit hoc, vt comprobaret, veramque ostenderet doctrinam Pauli dicentis, in domo sic aperiri portam cœli viro, vt tamen non sit contemptui mulier, & mulierem ita admitti, vt vir non negligatur. Pro omnibus est cœlum, gloria pro omnibus, omnes, nemine excepto, regia ista, & magnifica domus admittit.

Constabiliam hæc quadam sancti Basilij Magni meditatione in quandam dulcissimi Psalms cantilenam, quæ hortatur Ierosolymam, & Sionem, vt laudent, & glorificent Deum pro continuis beneficijs, quæ ab ipsius munifica manu accipiebant, inquiens: *Lauda Ierusalem Dominum, lauda Deum tuum Sion;* Psal. 147. 1. vbi postquam multas seorsim gratias enumerasset, prosequitur dicens: *Qui emittit eloquium suum terra, velociter currit sermo eius;* ibid. vers. 4.

Quid sibi vult (inquit Magnus Basilij, siue vt alij volunt Chrysostomus, aut Theodoretus, de quo nolo contendere) quod Sioni, & Ierosolymæ dicitur, vt hoc nomine etiam laudent Dominum, quod verbi sui salutarem rorem per totum longè, latèque orbem terrarum effundat? Respondet Patres supradicti: *Quoniam enim dixit, Lauda Ierusalem Dominum, ne quis tantum Israëlitarum curam Deum habere putet, ostendit prouidentiam eius toti orbi communem esse, & ad omnia extendi. Quod vero dicit, tale est: Non solum nostri, inquit, curam gerit, sed & totius orbis.* Enumerauerat sacer Cantor particularia beneficia, ob quæ Ierusalem specialiter obligabatur Domino. Nè verò quis arbitraretur, tam arctam esse illius manum, tam restricta viscera, vt ad vnam tantum se exerere ciuitatem, mox subiecit: *Qui emittit eloquium suum terra,* tanquam dixisset: *Habet Dominus etiam cum reliquo mundi orbe sua familiaris consuetudinis, & colloquij commercia. Nemo itaque existimet, quod ille beneuolentiam*

suae praesentiae vni tantum vrbis exhibet, bona gratia illius, & magnificentia in omnia totius mundi loca exundans effunditur: *Non solum nostris curam gerit, sed & totius orbis.* Felices ergo, & fortunati sunt, qui seruiunt Domino, cuius ira per omnia sese expandit liberalitas qui non secus ac Sol suos explicat, & quaque versum emittit radios. Et quomodo Deum se probaret, si palatium illius esset terrenarum regiarum simile, quae solos admittunt potentes, & locupletes, tenuibus autem, & parum valentibus occludunt fores?

Eandem cautilenam, sed melius, suauiusq; cantat Tomo secundo, Periocha IV. Dominica infra Octau. Natiuitatis Domini pag. 385. c. 2. o. & alijs in locis, quae ad finem adscripsi.

CAPVT VI.

Quod homines tam sint mortaliter insensu animabus, ut aeterna sua bona cum caducis, & temporalibus permulent, caecitas est, & amentia, tamque exquisitum, & rarum prodigium, ut quod magis videtur, eo maiori sit admirationi, quod saepius auditur, eo magis obstupefaciat, & attonitum reddat.

Creuit primogenitus Ruben, cumque in campum tempore messis triticeae exisset, inuenit herbam, quam appellant mandragoram, dedique eam matri suae Liae. Vidit mandragoras Rachel, tantaque earum cupiditate inflammari coepit, ut sibi eas dari a sorore petierit. Arripuit hanc auidè occasionem Lia, & cum stomacho dixit: Nonne satis est, totum marito meo expectorasse animum, omnemque illius tibi rapuisse beneuolentiam, & in te transtulisse affectum, ut nunc etiam mihi adimere velis has mandragoras, vnicam praesentis oblectationis meae, & qualicumque voluptatibus materiam? Audiens haec Rachel respondit: Mitte sis, soror mea, istas querimonias. Nam si ego fructura sum hac nocte marito nostro, tibi illum volens, ac lubens cedo, dum me in vicem modo herbam, quam filius tuus attulit, dones: *Dormiat tecum hac nocte pro mandragora filij tui, Genes. 30. 15.*

Ut perspicua vobis fiat res, quae me primum permouit, ut hoc affirmarem, quod capitis huius titulus habet, necessum est breuiter exponere qualitates herbam, quae tantopere capta Rachel fuit, ut mariti visuram, quam nocte proximam ex conuento habitura erat, sorori pro illa offert. Sanctus Augustinus ex admiratione commutationis, quam Rachel fecit, accensum se dicit desiderio sciendi quanam herba, quis

frutex, aut flos fuerit, qui tantam in Rachele excitauerit sui cupiditatem, & rem comperi, inquit lib. 22. contra Faustum, cap. 56. *pulchram, & suauolentem, sapore autem insipido, & ideo cur eam tantopere concupierit, ignorare me fateor.* Et sanctus Cyprianus lib. de Operib. Cardinal. in prologo ait: *Rachel ad odorem, non ad esum Lia mandragoras concupiscit.* Tantundem affirmat Doctor Angelicus in cap. 30. Genesios ex autoritate sancti Augustini dicens: *Vnde videtur, quod curiositate femineae voluerit illa pomam, quamvis enim non sint aptae esui, sunt tamen pulchra, & odorifera.* Ioannem Drusium legat, qui plura de fruticis huius conditionibus scire cupit, Verum P. Ludouicus de Alcazar magis sedabit curiositatem, qui tam exactè descripsit omnes illius proprietates, & naturam totam, ut non reliquerit quidquam vlli scriptori, de quo laborare deinceps, quod ad hanc rem attinet, possit. Illud praeterea constituendum, quod sanctus Iacob, ut Interpretes ferè aiunt, quod pacatas haberet uxores, omnemque illis corrigendi materiam adimeret, cum illis ex pacto conuenerat, quod suas cuique noctes ex ordine dare vellet. Hinc arbitrari possumus admirabilem nostri Iacobi continentiam, raramque virtutem, & honestatem, quattuor vxorum eius, quae tam facile, citraque vllam querimoniam, & altercationem voluntati mariti se permisissent. Rachelis tamen temperantia maior meretur laudem, quod parem se haberi alijs hac in re tulit, quae se charissimam, dilectissimamque marito sciebat, & pulcherrimam esse non ignorabat.

Ad rem nunc accedamus. Racheli nox proxima constituta erat, quia mariti copiam habitura esset, & pro tantillo frutice, vilique plantula ius suum Liae sorori cessit. Non possum hic non damnare factum, arbitriumque Rachelis, quod pro exigua recula vnius plantae, quae odoratam parum oblectabat, & gustum grauitè offendeat, mariti sui honestatē consuetudini tam leuiter renuntiavit, & mariti, qui septēnis seruitutis laboriosissimae magno pretio eam sibi comparauit, eiusque gratia & aestatis iram, & hyemis rigorem tam diu tolerauit. Habemus in hoc facto Rachelis adumbratum id, quod nos nimis, eheu, saepe, & in horas penè singulas agimus, qui pro perituris, & momentaneis voluptatibus nimisquam rusticè, vilitè, & propudiosè tergum obuertimus beneuolentissimo, & pietissimo Domino nostro, qui non tres annos tantum, ut Iacob, sed triginta tres pro nobis in labore, & dolore, & omni miseriarum genere exegit, & sic transmisit, ut nullum lucrum, commodum-

modum sperare potuerit, aut voluerit ex tantis ærumnis, ex tantis calumnijs, ex tanta fame, ex tanta siti, ex tantis periculis, ex tantis contumelijs, & probris, ex tantis colaphis, ex tot flagris, ex tanta sanguinis effusione, denique ex cruce (vt eâ afflictiones illius, cruciatusque omnes obfignem) tam ignominiosa, in qua innocentia auctor sic occubuit, tanquam caput omnis malitiæ fuisset. Rachel novis vnus dulce cum marito commercium curiositate foemineâ perdidit: Nos verò claritatis æternæ iacturam facimus pro turpi, & vili voluptatula, pro flosculo vnico corporeæ oblectationis, tam fugacis, vt retineri non possit, tam brevis, vt momento eodem & nascatur, & extingatur. Res hæc omnem superat admirationem, talisque est, vt terrorem, horroremque incutere rectè considerantibus possit.

Sanctus Lucas Euangelista refert, nocte Cænæ corrixari de primatu capisse Discipulos, & altercari, quis cæteris præferri, & primam occupare sedem deberet: *Facta est contentio inter eos, quis eorum videretur esse maior;* inquit ille cap. 22. vers. 24. Exiit iurgium illorum suavis Magister, iussitque attendere, quantum obligarentur scâri humilitatem, vt qui præstantissimum ob oculos haberent illius virtutis, viumque exemplar, in quo tanquam in verso speculo videre possent, quomodo se demissè gerere, & submittere omnibus deberent, cum ille, qui infinitus Dominus esset, descenderit, non vt seruorum ministerijs vteretur, sed vt alijs minister famularetur. Posthæc statim subiecit: *Vos autem estis, qui permansistis mecum in tentationibus meis;* ibid. v. 28.

Cardinalis Caietanus perattentè expendit rationem, ob quam Dominus tunc curandos putauit Apostolos, quando ambitionis vitio laborare cæperunt. Videtur enim non satis commodum esse tali morbo medicinam, quod sic eos appellat. Ne sitis ambitiosi, quia fortiter mecum inter aduersa perdurastis, nec à latere meo in tribulationibus, & ærumnis vos auelli sinistis. Hæc namque parum ad persuadendam illam ægritudinem facere videntur, & conuenientius fuisse fortè quis dixerit, si infirmitatis, & miseriæ fragilitatis suæ illos commonuisset, quo tempore superbiâ efferrî vidit: At reuocasse illis in memoriam, quod fidi, constantesque in tribulationibus socij fuissent, non videtur satis opportunum eiusmodi infirmitati remedium. At quoniam fateri debemus, fuisse præsentaneam medicinam, inquiramus, qualis fuerit illius ad curandum id malum efficacitas.

Cardinalis Caietanus: *Reuocat ante oculos eorû, quod secum persuerauerint, ac si apertius diceret: Considerate tanti temporis laborem, quem exantlastis mecum persuerando, & hinc perpendite quàm dedecet vos in ambitionis vitium modò incidere.* Coelestis prudentia fuit, quod superus Magister ægros discipulos reddidit memores temporis, quo ipsi cohaeserant animosi, vt vitium ambitionis illis adimeret; perinde enim fuit, ac si dixisset: *Recogitate dies, quibus mecum perdurastis, recogitate merita, quæ vobis comparastis, recogitate spirituales diuitias, quarum lucrum ingens fecistis, recogitate gratiarum thesauros, quos acquisiistis, recogitate, res tantas, tamque pretiosas cum inanis gloriæ, & vani ambitus leuissima aura commutare velle, esse temerariam stulticiam, & emoræ mentis indicium, velut infantiæ certum argumentum esset, si quis inestimabilis pretij adamantem pro titiullio exponere venalem vellet: Considerate tanti temporis laborem persuerando mecum, & hinc perpendite quàm dedecet vos in ambitionis vitium modò incidere.* At si tres calamitatum fortiter toleratarum annos cum honoris ambitione commutare valde indecens erat, quo nomine donabimus eorum dementia, qui æternæ gloriæ iacturam faciunt, quod volupate aliquâ tam vili, quàm leui sibi ad momentum queant?

Venit communis humani generis inimicus, vt pium damnorum nostrorum Reparatorem tentaret. Et primo quidem congressu duris lapidibus illum appetijt, qui tamen non plus effecerunt, quàm si blanda certa ad flammam ardentem propius accederet. Posthæc duxit illum in locum templi editiorem, atque inde vanæ gloriæ spiritu illum deijcere volenti hoc accidit, quod vehementissimo vento venire solet, qui suo flamine vastissimam rupem tentat, vt euertat. Non remisit tamen de pugnandi pertinacia, sed totum orbem velut in tabula geographica lynceis illius oculis exposuit, inquiens: *Hæc omnia tibi dabo, si cadens adoraueris me;* Matth. 4. 9. ac si pluribus dixisset: Quæcunque hic vides, ea pedibus tuis, potestatique subijciam, dum tu meis tantum accidas, & me humilis adorationis veneratione in terram effusus colas. In qua vis tentatione ostendit dæmon singularem aliquam suam conditionem, & qualitatem. In saxis suam crudelitatem detexit, in templi pinnaculo sacrilegam suam maliciam aperuit, in monte autem modicam suam scientiam, & plurimam ignorantiam enudauit. Immanitas fuit lapides obulisse famelicò, blasphemia suasisse scelus in templo, & stulticia mundum obrulisse Christo in monte.

moate. Quâ autem re prodidit stultum suum in postrema tentatione consilium? Ex quonam cæcâ illius dimicandi, & oppugnandi rationem arbitrarî licet? Quinimô prudenter, consuletequē egisse dæmon videtur, quod cum semel, iterumque nequicquâ conflixisse cerneret, totius mundi subire periculum, iacturam uē non curauit, dum vel tali dispendio vnam sibi aliquando victoriam pararet. Quē enim lapidem superbus non mouet, quæ incommoda non contemnit, vt pertinacium votorum compos fiat? Secundum hæc quomodo affirmamus, quod damnatus Lucifer infantiæ suæ luculentissimum, & insignitum specimen dedit, cum Christo orbis terrarum imperium, ac dominium obtulit? Videamus pro qua re tam opulentam remunerationem illi promissit? Proleui aliqua submissione, pro assentatoria quadam comitate, pro adoratione momentanea, inquit: *Hæc omnia dabo tibi, si cadens adoraueris me.* Dicit nunc Euthymius: *Quomodo, ô dolose, tot, ac tanta commutastis Enicâ adorationem!* Quomodo pro tantillo vnius adorationis officio copiam mundi totius promittit? Hinc verò, hinc cæcâ verſuti dæmonis ignorantiam æstimare licet. Nam si ille verè fuisset Dominus mundi, offerre illum pro re tam exigua, quàm est vnum officioſæ vrbauitatis obsequium, sine turpi, & euidenti stultitiæ nota non potuisset. Res namque tam ingens, & præstans, quàm est totius mundi Dominium, pro vili vnius adorationis precio dari non debuit.

Construamus ex his argumentationem. Si dæmon mundi dominus fuisset, ac proinde non nisi insipientissimè illi pro re tantilla dedisset, quanquàm mundus ipse caducus sit, & breui interiturus: Quanta infania sit, pro breui, & momentanea voluptate iacturam regni facere, & renunciare imperio, quod ipsiusmet vitæ duratione exæquat? Itaque homini Christiano, quicumque tam pudendas, & infelices facit commutationes, dicere poterimus: *Quomodo, ô dolose, tot, ac tanta commutastis Enicâ voluptate!* Cæce mercator, perditæ nundinator, stulte, dolose, ac deluse negotiator, quomodo tam pertinaciter asperraris pretiosum adamantem, illum non alio, quàm incomparabili Agni immaculati sanguine elaboratum, vt pro foedo, ac sordido momentaneæ voluptatis precio eroges, & indignissimè profundas?

Ridet magnus Tertullianus illum mundi terrorem, & stuporem hominum Herculem, qui tot regna subiugauit, tot vastauit ciuitates, tot leones concerpſit, cuius fortiter gestis conferta sunt tota fabulorum narrationum volumina. Ille ergo monstro-

rum domitor, ille impossibilium superator, & magnificus victor ita demum viluit, & sorduit, vt fallacibus blanditijs libidinosa voluptatis succubuerit, atque ita succubuerit, vt formidabilem vestitum suum (quis credidisset?) cum delicato, ac molli foeminarum habitu commutaret, filia ad colum sicut mulier inter mulieres duceret, qui solo nominis sui auditu perterrefacere viros fortissimos solebat. *Turpis adhuc libido virum colu transfigurauit* (inquit ille lib. de Pallio c. 4.) *quàm aliqua matrem formido, qui erubescendus est scyralo sagittis pelliger, ille qui totam epithesi sui sortem cum muliebri cultu compensauit.* Nulla vnquam amantissimam matrem inauspicata, & inopinabilia perditæ filij nuntia sic deturpare potuerunt, vt Herculem vestis foemineæ foedauit. Quis adorare possit hominem tam inuerecundum, & impudentem, impotentēq; sui, illum aio, cui pro facinorum præclarorum suorum merito hanc tam ampullosæ appellationis titulum concesserunt, vt *scyralus sagittis pelliger* diceretur (quod nomen annum requirere videtur, vt rectè commendare memoriæ possis) hoc est, *Vir clauam, spicula, & exuas leonis circumgerens.* Hunc autem, qui thrasonicum illud, & pompale præferebat nomen, quo remotissimis mundi prouincijs terrorem incutiebat, videre quàm infelix iaceat, qui eò sese abiecit, vt tanti nominis apparatus perderet, quod vilis mulierculæ vestem induere non erubuit. *Totam epithesi sui sortem cum muliebri cultu compensauit, & cum claua colum, fufum cum sagittis, cum leonis horribili pelle togam muliebrem commutauit, & hæc turpi, inconsulta, & stulta adione tanquàm sordidâ liturâ amplissimū illustrium facinorum suorum librum foedauit.*

Hoc ipsum miser, & infelix peccator facit, quoties Creatorem suum offendit. Christus est generosus, & fortis leo de tribu Iuda. Hunc leonem induunt, quicumque sacro fonte abluti inſtantur, quem admodum docet Apostolus Galat. 2. 27. inquit: *Quicumq; in Christo baptizati estis, Christum induistis.* Christum ergo indui, & pro claua crucem illius præferentes, clauosque pro sagittis, veler inuicti quidam Hercules efficitur, sed per foedam voluptatem tam præclarâ veste, omnique gratiâ nudamur, & cum maiore iure, quàm ille, dici possemus, *scyrali sagittis pelligeri* (vt qui toricam ex pelle inuicti leonis Christi confectam vestimus, & formidabilem crucis clauam manu gestamus, & celeres diuinæ amoris sagittas iaculamur, eisque ardentes ictus veteratoris inimici retundimus) pro vna sordida o-

blecta-

delectatione omni hoc ornatu, nomineque adeo tam celebri destituimur, totamq; epistham nostram forsem cum muliebri cultu compensamus. Omnibus titulis nostris, immunitatibus, priuilegijs, exemptionibus, iuribus renuntiamus, & filij dæmonis effici-mur, idque pro quadam & vili, & fugacissima volup-tate. Fieri non posset, vt fidem inuenirent, quæ diximus, nisi creberrima experimenta eandem veri-tatem comprobarent.

Admirabilis est modus, quo vrbani Propheta exaggerat dolorem quendam suum, & stuporem, qui tantus sit, vt ab illo velut mortuum cor habeat viuo in corpore: *Emarcuit cor meum, tenebra obstupefecerunt me*; inquit Isaias c. 2. v. 4. Vnde verò hor-ror ille tantus, & stupor descendit? *Babylon delecta mea posita est mihi in miraculum*; ait, tanquam dixisset: Detegam vobis terroris mei totam originem. Prodigium video, id mihi stuporem adfert. Quid il-lud porro portenti cernis, Domine? Illud, quod Israelitica mea, illa tam chara, & amata patria conuer-sa est in confusam, & turpem Babylonem. *Et me-ritò es mihi miraculo*, inquit Dominus apud sanctum, & Seraphicum Bernardinum Senensem sabbat. post Domin. 5. Quadrag. serm. 28. tom. 4. *quid propter modicum corporalis delectationis vis perdere insi-nitam, & perpetuam latitantem paradisi*. Hoccinè ve-rò in miraculis Propheta numerat, quod Israël in Babyloniam populum transformatus, æternam pa-radisi quietem, & amoenitatem cum fallaci, quam fugitiua voluptate permutauit? Hoccinè tantum stuporem illi adferre potuit, vt penè attulerit mor-tem? Miraculum id vocatur, quod raro videtur, prodigium dicitur, quod totis sæculis vix auditum. Quod rarum, idem mirum, quod insolens id obstu-pescit, vt si laboret sol, vt ait Seneca, vel si mortuus exciteretur, vt vult sanctus Augustinus: At quod passim obuium est, aut frequenter occurrit, perdit suam admirationem, sic enim & quædam miracula *assidue videntur*, inquit idem Augustinus Tract. 24. in Ioan. si Sol quotidie eclipsin pateretur, nemi-ni nouum, mirabileque accideret.

At cum nihil frequentius, quam sordidas videre cæcorum peccatorum permutationes, qui æternis delictijs ex amore temporalium, earumq; turpium, & abominabilium renuntiant, cum nihil aliud tam sit obuium, quam insignes eiusmodi stultitiæ, quo-modo hæc Propheta visa fuere miracula? *Facta est mihi miraculum*. Quæro rursum: Quomodo mira-culum stultè illa facta, quibus nihil magis tritum ac peruiulgatum? Miraculum dicitur, vt vel hinc vi-

deas, tantam esse illorum insaniam, & amentiam, qui pro momentaneis, sordidis, ac nihili rebus suisq; deque habent, & deserunt bona æterna, thesauros indefectibiles, vt quanquam res eiusmodi quotidie in oculos, in aures, in manus incurrant, semper ta-men sint admirationi, & stupori tanto, vt in miracu-lis, & prodigijs censeantur. Esto frequentissime ta-lia occurrant deliria, esto phræneticos tales pene ubi-que habeamus obuios, qui tam viles, atque indignas faciunt commutationes, obstupefcimus nihilominus velut ad inauditi miraculi aspectum, & incredibile nobis videtur, quod tanta in hominem cadere possit stupiditas, & mentis alienatio. Hoc est prodigium, quod suum seorsum chorum habet particulare, cum cætera quidem eò plus habeant miraculi, quò rarius videntur, & audiuntur, illud verò maiorem inde ad-ferat horrorem, quod tam frequenter audiri, & vide-ri contingat. O miserum peccatorem! Merito be-stiam te sacrum Oraculum nominat, & alienam ab o-mni ratione pecudem, & crebrò tibi dicit, quod bru-to quouis magis brutus es, vt qui pretiosum monile animæ tuæ venale vilissimo exponas, & inæstimabi-lem Reparatoris tui sanguinem turpiter prodigas, & aurum bonorum æternorum purum, ac purum cum puluere, luto, vento caducarum, & spurcarum de-liciarum harum corporalium permutes, & tantis sumptibus res despicabilissimas, indignissimasque plusquam stultus nundinator tibi merceris, cum tam facili negotio, & velut per otium tibi compara-re possis, quæ tam perdurabilia sunt, & æterna.

Non habet nihil cum his affinitatis Persiocha quinta Dominica II. post Pentecosten pag. 103. c. 2. v. To-mo secundo.

CAPVT VII.

Augmentum proprium nullâ arte facilis, ma-gisq; industrie curaueris, quam si profectui studeas aliorum: in domo enim Dei sibi commoda parat, qui alijs bona accumulât.

Redita fuit Lix subtrahæ aliquamdiu, & impe-cunditatis, cumque tam insignito beneficio se one-rari sancta matrona cerneret, grata pro tanto mune-re ait, hoc sibi inde venisse, quod ad exemplum suæ sororis curauerit, vt famula sua Zelpha Iacobi ma-rito nuberet, quæ vt ante illam Bala, sic concepit, & peperit filium dictum Gad, qui & ipse caput fuit vnus ex duodecim tribubus gentis Hebrææ. *De-dit Deus mercedem mihi, quia dedi ancillam viro meo*, aiebat.

aiebat illa Genes. 30. 18. velut dixisset: Redijt mihi illud à liberalibus Domini manibus fertilitatis benedictum, eam haud dubium ob causam, quòd tam comis, & beneuola ergà famulam meam fui, auxiliq; illam statu, & feci, vt materfamilias, & vxor domestica fieret, quæ fuerat ancilla, & vxor fieret non qualiscunq; viri, sed illius, cuius posteris Deus tam multas immunitates paratas, priuilegia tam grandia constituta habebat.

Hinc possumus & Politico nostro, & omni homini officia charitatis amanti doctrinam valde consolatoriam eruere, vt sollicitè, effectuosèq; inuigilet, ac studeat commodis, & profectibus aliorum procurandis: Ingeniosa namque hæc industria est, & artificiosus modus sua non tantum stabilis, sed & amplificandi, etenim in domo Dei certò sibi inuenit, qui alijs bona ex charitate querit.

Voluit Dominus Apostolis suis ostendere, quantum hi, qui se discipulos illius profiteri vellent, tenerentur mutuas sibi inuicem condonare iniurias, & hæc tùm illis, tùm omnibus nobis ait: *Attendite vobis. Si peccauerit in te frater tuus, increpa illum, & si penitentiam egerit, dimitte illi;* Lucæ 17. 3.

Hæc in primis huius exhortatorij sermonis verbis Sanctus Petrus Chrysologus, mysteriumq; notauit in eo, quod dicitur, *Attendite vobis. Non dixit, Attende tibi,* inquit ille Serm. 139. non dixit Dominus, Prospice negotijs tuis, cura profectus tuos, & incrementa rerum tuarum, sed *Attendite vobis,* tanquam dixisset: Consultate mutuo rebus vestris, inuigilate inuicem commodis vestris, & proximorum utilitati studete. At nonne Dominus cupiebat, vehementerq; etiamnum cupit, vt vnusquislibet sua incrementa spiritalia, & animæ profectus curet? Quis dubitet? Quomodo ergò contrarium suadere videtur, dicens cuique, vt sua oblitus commoda alienis consulat, & studeat lucris? Quomodo desiderium illud prius cum hac doctrina posteriore coheret? Optimè, inquit Chrysologus, idq; ex eo, quod Capituli huius titulus habet: *Quid quidquid alteri attenderit homo, attendit sibi, & quantum viderit ipse alteri, videbit alter ipse.* Eadem doctrinâ, & operâ, quâ iubet, vt quisque attendat, consulatq; proximi sui rebus, etiam contradit industrium modum, quomodo curare negotia propria debeat, nam quo studio quis utilitatem querit alienam, eodem curat, & inuenit propriam, Quam in rem etiam Sanctus Basilius Magnus homil. 4. de gratiar. action. sic dissertit: *Qui & in vano more se afficiunt ob peccata proximorum, haudquaquam per id latitiam ex-*

manunt suam. Verius auctiorem eam, & cumulatiorem reddunt.

Quàm benè dictum illud, *Non exinaniant latitiam!* Metaphora videtur, sumpta ab eo, quod puto accidit, qui eò magis exinaniri putatur, quòd plus ex illo aquæ hauritur. At non est ita, quod enim hinc illi extrahitur, id aliunde copiâ maiore redditur. Ità si quis existimet, inquit Basilius, omnem suæ latitiæ voluptatem siccandam, solatio-rumq; thesaurum totum vacuandum, quòd peccata lugeat, & defleat aliena, ille fallitur, quia ad eum modum potius augeat, & amplifcat bonum, quod sibi decedere existimat: Nam vt per illam tristitiam procurat proximorum latitiam, quæ in eo consistit, vt Deus illis sua scelera condonet, sic quòd plures lachrymarum pro aliorum salute verterit, quòd magis, enixiusq; fratrem deplorarit, eò magis stabiliet, augebitq; latitiam propriam. Qui enim aliorum querit gaudium, quomodo sibi non inueniet proprium?

Ita quatuor animalia, quæ mysticum suum tam æqualiter trahebant currum, & offensa fuerunt Ezechiel, expansas habebant singula suas alas, tanquam operire, protegere, & inuibrare vellent: *Facies eorum, & penna eorum extenta desuper, duas pennas singulorum sungebantur, & duas tegebant corpora eorum;* Ezech. 1. 11.

Notandum quòd translatio quædam, quâ Sanctus Gregorius vsus fuit, sic habet: *Vnumquodque duabus alis Gelabat corpus suum.* Vidit idem sanctissimus Pontifex editionem bibliorum nostrorum vulgatam, aitq; videri has mutuo pugnare versiones, & querit, quomodo rectè intelligi queat, quòd hæc animalia corpora tegebant aliorum, si alis ambabus inuibrabant propria. Quomodo eisdem alis tegebant & sua corpora, & obnubebant aliena?

Respondet beatissimus Doctor homil. 7. in Ezechielem, dicens: *Ipsa erant penna, qua sungebantur alterum ad alterum, & ipsa, qua eorum corpora cooperiebant. Quod per figuram benè accipitur, quia illa nos virtutes apud omnipotentem Deum protegent, quas ex charitate proximis impartimur, atq; coniungimus.* Vt erat imaginaria visio, ita symbolum erat, quidquid illa continebat. Quod ergò Propheta vidit res in speciem tam contrarias, nimirum quod animalia illa eisdem alis, quibus socia animalia obtegebant, se multò magis operiebant, mysterium fuit, eoq; significatum, quòd qui in domo Dei ex charitate tegit nuditatem proximi, is suam magis tegit, & qui ex suis facultatibus subuenit egestati aliorum, is suarum opum augmenta multò amplius procurat.

Certè

Certò enim sibi inueniet, quisquis alijs quærit. Nam vt Sanctus Sidonius Apollinaris lib. 6. epist. 12. ait: *Aliquis aliquem, ego illum præcipue puto suo visere bono, qui visuit alieno*, hoc est: Sentiat, dicatq; alius quidquid illud libet, ego illum rerum suarum incrementis vel maximè intentum arbitror, qui utilitatibus studet alienis, & commoda proximorum sollicitè, ac diligenter procurat, vt sua Dominus tantum propitius pater augeat.

Hinc accipiemus sensum quorundam Euangelij verborum, quæ mihi semper visâ difficilia. Redijt in vitam triumphator mortis Christus, vultumque & habitum indutus hortulani apparuit Magdalenzæ, quæ lachrymabunda sacri cadaueris pretiosum thesaurum perquirebat. Simul autem ac detractâ larvâ sese apertè conspiciendum exhibuit, illa gaudio exultans victricibus plantis eius accidere voluit. Inhibuit subitam deliberationem Dominus, inquires: *Noli me tangere, nondum enim ascendi ad Patrem meum. Vade autem ad fratres meos, & dic eis: Ascendo ad Patrem meum, & Patrem vestrum, Deum meum, & Deum vestrum*; Ioan. 20. 17.

Difficultas consistit in ratione, ob quam aiebat Dominus Magdalenzæ, quòd illam ad tactum pedum suorum admittere nollet, inquires: *Noli me tangere, nondum enim ascendi ad Patrem meum*, nondum secundum carnem occupauit sedem, quæ mihi in regno æterni Patris mei seruetur. Hæc interdicti tactus causa multum laboris Scriptoribus, Doctoribusq; sacris attulit, quorum sententias omnes plurimum veneror: Moderni tamen cuiusdam Interpretis aptissima, & appositissima videtur commentatio.

Quid est, quod volebat Maria Magdalena? Abijcere se ad pedes sui Magistri, illosque suauiter complexari, & reuerenter, vt par erat, incessanterque deosculari, & immorari, immori etiam, si ita oporteret, gaudio, quo ibi fruebatur, quo perfundi amplius ex illis pedibus optabat. Itaque alios oblita, qui hoc anxie afflicti lugebant, quod illa paulò ante acerbè deplorârât, volebat sola tanto bono gaudere. Vt verò Dominus illam doceret solertiam, & industriam, quâ hoc ipsum consequi melius, faciliusque posset, ait ad illam: Non sic erit, vt tu putas, perge antè ad fratres meos, & condiscipulos tuos, eisque nuntia bonum, quod inuenisti, ego interim hic maneo, neque ad patriam procuratrix commodi alieni, ita fiet, vt fruaris proprio, fac gaudeant fratres tui, hoc enim faciens, & ipsa lætaberis. Ne timeas, quòd

Tom. III.

diuitiarum tuarum imminutionem patieris, si hunc thesaurum alijs, vt eodem gaudeant, detexeris, immò hinc magis opulesces. Nec verearis, quòd ego me hinc festinatò propitiam, dum tu Apostolis mei rediuiui, & tuæ felicitatis nuntia perlatum vadis, quin potius certum habe, quòd me hac ratione magis fixum hic retinebis, pedumque meorum complexu diutius, voluptuosiusque perfrueris.

Audiamus iam doctissimum P. Franciscum de Ribera, cuius sunt ista in c. 20. Ioannis: *Sciebat Magdalena Christum fore ascensurum, nec postea se frui- ruram eius conspectu, & colloquio, ideo occasionem datam tangendi Christum elabi nolebat, cui ait Dominus: Noli me tangere, nondum enim ascendi ad Patrem meum, vade autem ad fratres meos, id est, tempus tibi restabit tangendi, & colloquendi, adhuc enim sum in terra, nec ascendi in celum, ideo noli nunc morari, sed gaudio, quo frueris, fac ut fruantur Apostoli.* Admirabilis doctrina, & perutilis ad nos excitandos, vt charitatis officia nostris intrepidè exhibeamus proximis, qui scimus quàm certum habeamus nostrum remedium, & solatium, dum solatio, & remedio illis subuenimus, nullumq; esse magis securum vadimonium, aut cambium, nullum præstantiorem aut efficaciorum modum amplificandi nostras opum facultates, honorem, statum, diuitias, quàm alijs procurare bona, eorumque defendere opes, conseruare famam, sustentare vitam.

Huc spectabat Sanctus Gregorius Nyssenus in Orat. de Pauperibus amandis, quando aiebat: *Calamitate affectum et aurum amplectere, infirmam pauperis salutem ita foue, & in ea sanitatem tuam, & salutem vxoris, & filiorum, & seruorum, & totius deniq; familia sitam putes.* Quanto enim studio curatur ægra valetudo proximi, & necessitati eius fertur remedium, tanto negotium nostrum agitur, & salus curatur propria, & quidquid commodamus alteri, id nobis inprimis, & vel maximè prodest.

In breui illa parabola, quam Dominus prædica- uit suis Discipulis, postquàm celebrem illam peccatricem Samaritanam Fotinam conuertit, dixit aliquid difficile, & obscurum. Instituent enim comparisonem inter seminantem, & metentem, eosq; admodum distinctos, & diuersos faciens, concludit inquires: *Qui metit, mercedem accipit, & qui seminat, simul gaudeat, & qui metit*; Ioan. 4. 36.

Difficile, vt dixi, intellectu est istud, nunquàm enim ars agriculturæ tribuit gaudium seminanti, at metentem lætari affirmat non semel. *Euntes ibant, & flebant, mittentes semina sua*, ait ille rusticationis

T t t

valde

valde peritus Psal. 125. 6. idque propter incertum laboris fructum: Verum cum demesse colliguntur, & in horrea inuehuntur fruges, cum sudoris, & fatigationis, & sollicitæ expectationis lucra colliguntur, eum gaudium, & lætitia, de quo ibidem: *Venientes autem venient cum exultatione, portantes manipulos suos.* Et Isaiæ 9. 3. *Laetabuntur coram te, sicut qui latantur in messe.* Secundum hæc quid est, quod Dominus aiebat: *Ut & qui seminat simul gaudeat, & qui metit, cum omne gaudium falci magis, quam aratro seruatum videatur?*

Vt sensum itaq; verborum illorum percipiamus, notandum, quod hic metaphoricè locutus fuit Dominus, & Prædicatori quidem dedit nomen seminantis, auditori verò nomen collectoris frugum, seu messoris, qui in animæ suæ terra seruat verbum Dei, ut optatum fructum reddat. Atque ut intelligatur, quomodo ille, qui in domo Dei alijs quærit, sibi inuenitur, dicit Christus, quod tamen aliud sit seminare, aliud colligere, siue excipere verbum Dei, aliud prædicare, aliud audire, & non sit idem serere, ac metere, si ex usu agriculturæ corporalis de his rebus loquamur; plurimumque distet falx à vomere, quod illius sit iucundus, huius tristis, & morosus labor: In spirituali tamen agricultura idem est serere, & metere, qui enim ex charitate seminat prædicando, consequetur gaudium illius, quo fruitur is, qui metit excipiendo, & audiendo, hoc ipso enim, quod Prædicator studet quærere, & adferre fructum auditori seminando, siue concionando, certò sibi persuadere potest, quod metit, & colligit messiem, & fructum sibi inuenit.

Audiamus Guiliehmum Ebroicensen huius commentationis parentem, qui in c. 26. Gen. claus. 3. Moralit. 2. To. 2. sic habet: *Procurando proximum salutem procurat, & auger seminans Verbum Dei salutem propriam, quasi pro seipso laborans. Unde bene ad propositum loquitur Christus dicens, Qui seminat, simul gaudeat, & qui metit. Et est sensus: Qui seminat Verbum Dei, & experitur auditores inde proficere, & efficit meliores, debet inde gaudere, gratias agens Domino Deo, qui talem profectum operatur interius. Quis ergo hæc audiens non sit admodum liberalis erga proximum suum, profectumque illius ex charitate ardentè procuret, sciens in domo Dei neminem sibi honorem, diuitias, salutem, quietem ingeniosius, solertiùsque parare posse, quam si proximorum egestati subueniat, necessitatibus opem ferat, nudum pauperem vestiatur, honorem, & existimationem eorum, quibus dedecus infamiae illatum,*

tueatur, consoletur afflictos, visitet ægros; manum lapsis offerat? Tali enim charitatis sollicitudine, tali pietatis studio, tali misericordiae operâ sibi honorem, leuamen, salutem, & quod amplius est, bona sempiterna certò parabit.

Tomo primo Perischâ II. FERIA V. post Cineres pag. 27. c. 2. o. habes de hac re plura.

CAPVT VIII.

Quaquam sterilissimus peccator in extremum malitiæ prolapsus sit, non aperiat tamen desperatio nisi portam, quamdiu enim viuit, semper patent fores veniæ, & indulgentiæ.

TAndem aliquando ardentium desideriorum suorum compos facta Rachel diu optatum edidit filium, per quem præclaram, & illustrem inclyti, ac nobilis mariti sui prosapiam propagaret, & longiturni dedecoris vexationem per diu experti concepit, & partus monili redemit, cumque Iosephitem suum eniteretur, inquebat: *Abstulit Deus opprobrium meum;* Genes. 30. 23. tanquam dixisset: Gratias ago clementissimo Domino, qui me tam insignito beneficio tam liberaliter ornauit, & honorauit. Iucundissimam post hæc vitam meo tam suavi pignore læta ducam, quod coniugem meum ardiori amoris vinculo mihi adstringit, quod gloriam meæ familiæ, gaudium parenti, leuamen anxietatum mihi adfert.

Notandum hic, quod illa, quæ tot cum gemitibus, & lachrymis venit ad maritum suum prolem ab illo petens, & talia cum ingenti eiulatu dicens: *Da mihi liberos, alioquin moriar;* Genes. 30. 1. siue ut Hebræus apud Caietanum habet, *En mortua ego,* subaudi, nisi me sobole dones, cum aliquot annos in sterilitate transmississet, & liberos inanibus diu votis postulasset, demum benedictionis fructum consecuta fuit, & post multos dies velut exsucca arbor virefcere cepit. Ex hoc arido cortice doctrinam suauem, & spiritui admodum profuturam excerpere possumus, eam videlicet, ut nullus in hac vita desperet quantumvis aridus, sterilis, inutilis, & perditus peccator quisquam sit, aut existimetur, tamen enim in extremos malitiæ fines peruenerit, tamen lethalissimè sit vulneratus, dum non desperet æger, in misericordia Dei habet repositum suum remedium quæuis illa plaga, ut curari possit, & sanari. Nam ut Magnus Basilius in homil. de Pœnit. aiebat: *Spes est etiam post peccatum, medicina est etiam post acceptum glæum.* Post quaecumq; flagitium spes reliqua est

est indulgentiæ, nec vlla tam est periculosa ægritudo, vt non conualefcere ab ea poffit infirmus, in cuius poteftate, & arbitrio eft, vt auxiliariæ manus diuinæ ope adiutus conualefcere, & à grabato infirmitatis fuæ exurgere queat, cum etiam talem medicum, & medicinam præfto habeat. Quantumvis infœcunda quædam Rachel fit anima, non diffidat, fieri enim poteft, vt fructum benedictionis confequatur, fi benè, vt debet, fe difpofuerit, atque fuperno auxilio rectè vfa fuerit.

Habebat fuas æmulas illa de Canticis Sponfa, quæ vitam illius, omneſque actiones attentis explorabant, obſeruabantque oculis. Cumq; illa animaduerneret, errata quædam fuæ, & imperfectiones, fine quibus etiam circumſpectiffimus, & ſolicitiſſimus vix in hoc mundo viuere poteft, ab inuidis notatas, improbum illarum vitæ alienæ indagandæ ſtudium talibus verbis perſtrinxit: *Nigra ſum, ſed formoſa, filia Ieruſalem*; Cant. 1.4. velut dixiſſet: Habeo meas, filia Ieruſalem, fateor, mendas, habeo defectus, nec enim eft aliqua fine ſuo nũuo facies, quamvis numeris ſuis omnibus alioquin absoluta: Veruntamen gratias agere debeo Sponſo meo pro collatis aliquibus gratiæ ornamentis, quibus tantum ſituris tollo fœditatem negligentia, quam mihi impingitis, & vitia, quæ obruditis.

Quibuſcum Sponſa loquitur? Cum mulierculis æmulis, quas furor inuidiæ occupauerat, immaniterque cruciabat aſpectus gratiarum, & prærogatiuarum, quibus Dominus Sponſam locupletauerat, vt propterea linguis illam aculeatis conſigerent, non ſecus ac pungentes ſpinæ tenera ſauciare candidorum folia liliorum ſolent. Hoc ipſe Sponſus fatetur, qui peruerſas, & damnatas liuidarum ſociarum cogitationes attentus cernens, aiebat: *Sicut lilium inter ſpinas, ſic amica mea inter filias*; Cant. 2.2. Hoc ita conſtituto, quid eſt, quod Sponſa filias Ieruſalem vocat eas, quarum malitiam, inuidentiamq; non ignorabat? Siccinè animas nefariæ inuidiæ malo infectas, quæ per os Sponſi aſperæ ſpinæ meruerunt appellari, rectè, congruenterq; filias Ieruſalem Sponſa nominauit? Quomodo filia Ieruſalem illæ tales erant? Vocentur magis, vt eſt apud Prophetam, *filia Babylonis miferæ*, quas dura æmulationis, & inuidiæ captiuitas turpiter ſubiectas habet. Qui factum autem, quod tam honorificæ appellatione filiarum Ieruſalem donatæ fuerunt, quibus alterum illud tam probroſum nomen debebatur?

Huic interrogationi ſatisfacit mellifluus Doctor Sæpctus Bernardus Serm. 25. in Cant. inquit:

Propter ſpem futura ſalutis (à qua omnino non ſunt, quamdiu hic viuunt, ſed tales deſperanda, quantumlibet viuunt deſperata) non incongruè filia Ieruſalem appellantur. Tametiſi ſociæ Sponſæ pro illo ſtatui, quo tunc degebant, merebantur nomen filiarum Babylonis, quæ in tanta culparum ſuarum confuſione verſabantur, nihilominus vt illis animus adderetur, & ſignificaretur, reliquum habere peccata earum remedium, & poſſe curari, dum illæ modò huc ſe diſponerent, ipſarum ægritudines, vocauit eas filias Ieruſalem, vt quæ tam facile poſſent aſurgere à ſtatu, & miferæ captiuitate Babylonis in dulcem libertatem Ieroſolymæ: Omnino non ſunt, quamdiu hic viuunt, ſed tales deſperanda, quantumlibet viuunt deſperata. Nullum enim eſt tam graue peccatum, nulla tam periculosa infirmitas hominis in carne mortali degentis, quæ non habeat certum remediũ, ſi tantum infirmus non deſperet poſſe ſanari.

Obſeruauit quidpiam Dydimus notari dignum, eſtque illud, quod ſacer Scriptor, cum narraſſet colloquium Domini cum perfido Cain de nefaria trucidatione ſui fratris, & rebus alijs, quas occaſioni alteri ſeruamus, mox commonet, quod egreſſus Cain à facie Domini habitauit profuſus in terra ad orientalem plagam; Genef. 4.16. Scriptura cum in hiftoria patientiſſimi Iobtis de malo dæmone loquens, recenset verborum pugnam, quæ ille cum ſupremo Domino de inelyti Huſtæ inculpabili vita contendit, ait, quod ille Acherontis princeps, vt ſancti Iobtis patientiam tentaret, & exploraret tolerantiam, egreſſus eſt à facie Domini, Iob 2.7. Notauit ergo lynceus ille cæcus, quod eodem modo loquitur Scriptura de Caino, & de malo dæmone, vt videantur verba, quæ nefario fratricidæ dicebantur, ſeruata fuiſſe damnato ſpiritui, qui obſtinatus permanet, & inflexibilis perſiſtit in ſua ſententia, & perpetrato ſemel apoſtaſæ ſcelere. Ex his fieri videtur, quorundam hominum peccata tam eſſe grandia, graui, & horribilia, quàm fuit Caini flagitium, vt iam de ijs loqui poſſimus non aliter, ac ſi culpæ illorum pares eſſent crimini ſuperbi angeli, cui nullum ſuper eſt remedium, quia nullum admittit medicamentum. At cum dixerimus, nullam eſſe inueniabilem, incurabilemque culpam, quid eſt, quod ſacrum oraculum huic ſe videtur opponere veritati, cum non aliter loquitur de peccatore homine, ac de obſtinato, & inemendabili dæmone?

Occurrit huic quæſtioni Dydimus in Caten græca in Iob c. 2. inquit: *De diabolo magis proprie dicitur, Exiit à facie Domini, cui par eſt in Dei cogitatione,*

salione, ac mense nequaquam versari. Quamuis sicut *dæmon spiritus*, ita ut Cain homo dicatur egressus à facie Domini, quamuis hoc vnum de utroque eisdem verbis affirmetur, non par tamen amborum abitus, & defectio fuit. Satan enim à Deo abiit, quemadmodum ab arca Noëtica coruus ille discessit, at homo quanquam Deum per culpam destituit, non supremum vale illi dicit, neque sic, ut caco-dæmon abijt. Homini namque semper aperta relinquitur porta, ut patentem illam inuenire possit, quandocumque reuerti velit. Semper etiam diductis brachijs, & passis vlnis illum præstolatur Deus, ut suscipiat, quantumvis ab illo prouocatus, enormibusque, & immanibus sceleribus offensus fuerit: *De diabolo magis propriè, quàm de Caino dicitur*, Exiuit à facie Domini. Dæmon, qui cum illo apud Inferos rerum ductitant, ij soli sunt, quorum mala non habent remedium: Verum homines reliqui quamdiu viuunt, quamdiu spiritus mortalem animat carnem, & fragiles regit artus, habent remedium, spemque salutis, & medicinam in pœnitentia repositam, quæ persanandæ quantæcumque infirmitati, & curando desperatissimo morbo sat est.

Hinc facile assequemur quorundam Apostoli verborum sensum, quæ hæreticis (quod illi tam sint cœci), stultorum quorundam errorum præbuerunt occasionem. Sanctus Paulus Hebr. 6. 4. sic ait: *Impossibile est eos, qui semel sunt illuminati, gustauerunt etiam donum cœlestē, & participes facti sunt Spiritus Sancti, & prolapsi sunt, rursus renouari ad pœnitentiam.* Videtur hic Apostolus totam spei consequendæ per pœnitentiam remissionis, & indulgentiæ portam prorsus obturare, cum ait, *impossibile* esse eorum refarciri damna, qui bonorum cœlestium iacturam post illuminationem iterum fecerint. At si Paulo non difficile hoc, sed planè impossibile videtur, quomodo nos idipsum non modò non arduum, operosumque arbitramur, sed & leui negotio obtineri posse affirmamus?

Responder huic difficultati gloriosus P. Sanctus Ioannes Chrysostomus, dicens, diligenter expendentibus verba Pauli statim sequentia perspicuum fieri, quòd ille non de pœnitentia, sed de baptismo loquitur, uti mox declarat, inquit: *Renouari ad pœnitentiam, rursus crucifigentes sibi metipsos Filium Dei.* Queramus nunc ex Chrysostomo, quid sit crucifigere Filium Dei, & respondebit, idem esse quod baptizari quempiam, iuxta illud eiusdem Apostoli: *Consepulsi sumus cum eo per baptismum in mortem*; Rom. 6. 4. Per baptismum moritur vetus

homo noster, & cum Christo velut tumulto infertur, cum aquis piacularibus immergitur, sicque crucem illius, & mortem vitæ nostræ, adionibusque imitatur. Quare Chrysostomus homil. 9. in epist. ad Hebræos ait: *Rursus crucifigentes, hoc est quod dicit, Baptisma est crux, & versus homo noster.* Ergò baptizari aliquem, idem est, quod crucifigere, & velle suscipere iteratò baptismum tantundem, ac rursus crucifigere eundem Dominum. Hoc ipsum Apostolus ipse satis indicauit, cum ait, impossibile esse eos renouari, qui semel sint *illuminati*. Hoc enim *illuminatorum* vocabulo, ut affirmat Sanctus Cyrillus Hierosolymitanus, censebantur baptizati in primitiua Ecclesia, idque propter lucem agnitionis diuinorum mysteriorum, quæ in Sacramenti perceptione infunditur.

His ita prælatis sententiam Pauli faciliter perspicimus, qui postquam dixisset, *impossibile esse rursus renouari ad pœnitentiam*, non ibi substat, sed ulterius progressus addidit *rursus crucifigentes sibi metipsos Filium Dei*, siue quod idem est, iterum suscipientes baptismum. Impossibile autem est, ut quis ad hunc modum pœnitentiam agens renouetur, & hoc velle est cupere quiddam, quod nunquam erit. Ergò pœnitentiam Paulus non excludit, sed renouationem peccatoris iteratam per susceptum rursus baptismum. Sic enim renouari impossibile, id enim medicinæ, & sacramenti nunquam iteratur. At pœnitentiæ remedium semper in promptu est, iterumque, & iterum adhiberi potest.

Quapropter dicit Chrysostomus: *Quid ergo inquit, non est pœnitentia? Est pœnitentia, sed non secundum baptismum. Est autem pœnitentia, & magnam habet vim, & qua potest eum, qui est peccato immersus, si velit, liberare ab onere peccatorum, & eum, qui est in periculo, in tuto collocare, etiamsi venerit in ipsum Scylli profundum.* Siccinè post dissipatam paternæ hereditatis substantiam, & decoctam, perditamque baptismi gratiam nullum superesset pœnitentiæ remedium? Est vrique & pœnitentia, & salutis, curationisque spes reliqua, ut sanari à culpa miser peccator non semel, iterumque tantum, sed quoties rectè se disponere velit, possit, quanquam in ipsam se abyssum scelerum ingurgitauerit, tam longas enim manus pœnitentia habet, ut illas peccatori in profundissimum licet pelagus prolapsi porrigere, atque inde eruere miserum, & in amicitia Dei tutissimo portu collocare possit, duosque insignita eidem præstare beneficia, quorum alterum est, quod illum è lutulento, & graueolente ceno eximit,

eximit, alterum, quod in sublimem gradum gratiosorum supremi Domini reducit. O immensam Dei infinitè pijs bonitatem! *Potest & eum, qui est in periculo, in tuto collocare, etiamsi generit in ipsum vitij profundum.*

S. Ambrosius lib. 3. Hexameron cap. 13. versùs finem ait, amygdalis hoc modo medicari solere agricolos, ut illarum ex amaris dulces fiant fructus, ut & tenebrent radicem eius arboris, & in medium inserant furculum alterius arboris, quam nos piceam, seu pinem dicimus. Quid hinc spiritualis emolumenti haurimus? Illud, ut nemo, donec hic mortalis viuât, spem abiciat: Nemo ergo positus in intemperantia lubrico de sui conuersione desperet; inquit ille. Absit, & procul absit, ut desperet: Ligna enim plerumque in meliores vertuntur & sus, & non possunt hominum corda mutari! ait ille rursùm. Est industria, per quam fiat, ut arbor amarus fructus edere solita producat dulces, & non sit medicina, per quam iustus fiat, qui peccator erat? Derogare hoc Domini nostri honori, & exultationi videtur, qui & agriculturæ summâ peritiâ, & Patre agricolâ ita gloriabatur, ut hoc velut per ostentationem diceret: *Pater meus agricola est;* Ioan. 15. 1. Si ergo rudes, & agrestes rusticorum pueri medicari sciunt amygdalis, ut aiebat Ambrosius, eiusque plantæ corrigere certis remedijs amaritudinem, quomodo celestis ille tam sapiens agricola non inueniret, aut nesciret remedium curandæ arbori, quam tanti fecit, ut sanguine Filij sui rigauerit, quando videt amarus proferentem culparum fructus! *Ligna in meliores vertuntur & sus, & non possunt hominum corda mutari!* Habet remedium arbor, cui non alia, quàm vegetatiua anima, & non sit modus sanandæ plantæ, cuius anima rationalis! Quis sibi hoc persuadeat? Quantumuis arida sit, & amara per culpas hæc arbor, reuiescere tamen potest, & fructus pœnitentiæ dulcissimos producere.

Admirabantur Sponsam Angelî, quod illa per inculta iuga montium, per asperam eremi solitudinem, tantam affians fragrantissimorum odorum suauitatem, ascendens, ipsas nubes penetraret, superaretque. Dicebant autem: *Qua est ista, qua ascendit per desertum, sicut Virgula sumi ex aromatibus myrrhæ, & thuris, & vniuersi pulueris pigmentarij;* Cantic. 3. 6. Præstantia fragrantæ eius exaggerari amplius non potuit, quàm quod vniuersi pulueris pigmentarij odorem spirasse prædicatur.

Hoc nempe ex sententia Doctoris Angelici Thomæ, & Seraphici Bonauenturæ, Cardinaliumque

Aliaci, & Ailgrini, & Pontificum Gregorij, & Innocentij non aliud fuit, quàm quod illam tanquàm perfectam, & ab omnibus virtutibus instructissimam tum admirari sunt, tum commendauerunt, dicentes: *Qua est ista, qua ascendit!* In quæ Gilbertus serm. 15. in Cant: *Attende profectum. In superioribus custodes interpellat, & de visione rogat dilecti, hic ipse custodibus admiranda prorumpit, & nona sub specie.* Angelos, qui sunt peruigiles Ecclesiæ custodes, solliciti, & anxii Sponsa paulò ante interrogauerat, *Num quem diligit anima mea vidisti?* ibid. v. 3. Quæ hic se tam humiliter, ac reuerenter submittit Angelis, illa paulò abhinc ipse custodibus admiranda prorumpit, illam vident Angeli incredibilem penè exhalantem odorum fragrantiam, & omnibus virtutum copijs collocupletatam. Cur scribitur illa tanta Sponsæ ergà Angelos demissio, & humilitas, cur etiam illa Angelorum nata ex affluentissimis eiusdem virtutibus admiratio? Cur dicis! Ut hinc animum animæ peccatrices sumant, quæ Sponsam suam perdiderunt, & de gratia Dei illud benè sperent, quod quæ nunc illum perdidisse infirmæ lugent, ac dolent, per virtutem pœnitentiæ in statum valde sublimem ascendere possint, & quæ nunc immunda, & putida in abominabili cæno culpæ iacent, per compunctionis virtutem ita excitari, atque erigi queant, ut raptæ in acra purissimos spiritus angelicos magnitudine admirabilis fragrantæ suæ dulciter suspendant, & ætonitos reddant.

Transferat in vsus suos hanc doctrinam Politicus noster, qui si quâ homo cadere valet, quâ Christianus erigere sese potest. Non illum distineat à salute speranda suorum scelerum immanitas, non exanimet peccatorum grauitas: Nam quantumuis illæ enormia sint, & grandia, exinanire tamen, aut siccare immensum oceanum infinitæ misericordiæ tam dulcis, ac pijs Domini non possunt, qui tam crebris, & suauibus vocibus nos identidem inclamat, & inuitat oblatione veniæ, & indulgentiæ, cui tardius videtur peccatori veniam dare, quàm ipse peccator accipere, sic enim festinat reum absolvere à tormento conscientie suæ, quasi plus eum cruciet compassio miseri, quàm ipsum miserum compassio sui. Ità sanctus Augustinus lib. de Spiritu, & lit. c. 6.

Huius Capitis argumentum est de desperabundorum, quorum ingens numerus, consolationi longè utilissimum, ita ab Autore & vitiis in locis sæpe, & semper ingeniosè tractatur. Vide partis primæ librum 2. cap. 8, & loca ad finem annotata.

P. NISSENI POLITICI COELORVM
CAPVT IX.

Tanta est vis, & efficacia exempli, vt plus videatur liberum opprimere tyrannide arbitrium, quam mouere voluntatem.

VT vidit Patriarcha noster, quoddam dulcis, & dilecta Rachel sua optatum illi fructum, filium, dico, attulisset, mox comiter à socero suo Labano petijt licentiam redeundi ad charam patriam, vt de erepitos consolari parentes posset, à quibus sciebat se, tanquam baculum senectutis illorum, vehementer desiderari. Agre ferebat socer, quoddam gener, & nepos abeundi propositum concepisset, sciebat namque quantum facultates suae propter ipsum à Domino amplifcarentur: Nam simulac Iacob pedes domui Labani intulit, Deus illi affatim benedicere cepit, ad ingressum enim sancti consobrini tantis incrementis bona sua, opesque augescere sensit, vt fateri cogeretur, per illius virtutes, & sanctitatem se omnium illius terrae hominum opulentissimum factum. Cum ergo vidit, certum, ac deliberatum illi esse repetere patriam, atque inde migrare, dixit: *Quid tibi dabo?* Genes. 30. 31. Vide sis quam mercedem ampliorum velis, numerabo enim quantumcumque voles, tantum vt non me destituas. Respondit Iacob: Si diuturniorem pascendis gregibus tuis nauare operam necessum est, remunerationem laboris mei nolo aliam, quam vt mihi dentur oues, & caprae, quaecumque vel ab vnicoloribus diuersicoloribus, vel à diuersicoloribus vnicores nate fuerint. Placuit fraudulentò Labano pactio, arbitratusque quoddam Iacobem sua ludificaret, perderetque; conuentio, lætanter iniijt fœdus. Iacobi nihilominus feliciter cecidit sua stipulatio, vt qui ex Angelo didicerat, qualem ea finem habitura esset. Separati sunt ergo greges varij ab vnicoloribus, datæque Iacobi oues, & caprae, quæ siue prorsum nigrae essent, siue omnino albae, qui vt ex vnicoloribus pecudibus vnicores nascerentur, hæc industria, quam ab Angelo edoctus fuerat, & hoc vsus est artificio. Virgas partim detractò cortice, partim integras, ac proinde partim albas, partim virides, & subnigras ouibus potarum venientibus proposuit in canalibus, vt cum aquam inde aridis faucibus, avidis oculis autem colorem virgarum haurirent, quo tempore arietes, hircosque admitterent, vario colore oues, aut capras conciperent, sagacemque, ac solertem pastorem copiosâ sobole collocupletarent. Textus sacer hanc rem sic reddidit: *Factumque est, vt in ipso colore coitus oues intuerentur virgas, & parerent ma-*

culosa, & varia, & diuersi colore refferfa; Genes. 30. 39.

Indagemus nunc spirituales huius facti intelligentiam, de qua si consulamus Sanctos Patres Ambrosium, & Gregorium Magnum, item Hugonem Cardinalem, Guilielmum Ebroicensem, Cornelium à Lapide, & alios Interpretes, dicent, eam re nobis indicatum, quanta in sit vis, & potestas in exemplo Superiorum, & Prælatorum ad permouendos; abripiendosque subditos, vt quod à maioribus factum viderint, imitentur, sequanturque quod illi præcesserint. Loquatur vnus pro omnibus sanctus Gregorius, qui lib. 21. Moral. cap. 1. sic habet: *Quid est Virgas Virides ante oculos gregum ponere, nisi antiquorum Patrum & sanctorum populis in extremum præbere?* Vt subditi cogitatus bonos, seu malos concipiant, intuitus virgarum facere potest, hoc est, studiosa, & attentata consideratio eorum, quæ à Prælati sunt, omnis enim tam felicitas, quam perniciēs regnorum, rerum publicarum, & quorumvis locorum, vbi communem sub vno capite vitam multi ducunt, posita est in vitæ moribus, & exemplis Regum, Principum, Moderatorum, & Prælatorum, qui cum imperio præfunt. Nam Superiores vt sunt capita, ex quibus omnis motus in membra deriuatur, sic qualis est illorum vita, & institutio, talis est etiam Inferiorum agendi mos, & conuersatio.

Venit quondam, vt ferunt Euangelistæ, Dominus noster in partes Cæsareæ Philippî, sciscitatusque fuit discipulos suos, quænam esset hominum de ipso opinio, inquit: *Quem dicunt homines, esse filium hominis?* Matthæi 16. 13. Quo me loco habent? Quam in mundo existimationem obtrineo? Quid de me vulgò dicitur? Quid de vita, deque miraculis meis percompita, vicisquæ loquuntur? At illi dixerunt: *Alij Ioannem Baptistam te affirmant, alij autem esse Eliam contendunt, alij vero Ieremiam, aut unum ex Prophetis esse volunt;* ibid. v. 14. Cum hæc ille audisset, nihil quidem miratus fuit, tot capitum tam varias esse sententias, conuersus verò ad discipulos suos ait illis: *Vos autem quem me esse dicitis?* ibid. v. 15. Quodnam est vestrum de me arbitrium? Quæ vestra de meo patre sententia? Quo me genitore editum censetis?

Sed cum diuinus Reparator noster eo consilio iudicium de se aliorum exquisierit, vt ne quis in agnitione illius vera hallucinaretur, aut erraret, aliterque de ipso, ac res est, sentiret, quam obrem cæterorum opiniones, susque deque habuit, ac præterijt, & solum valere Apostolorum sententiam voluit? Vos

autem

altem quem me esse dicitis? Cur spretis aliorum arbitrijs vnam nobis ratam, certamque esse debere Apostolorum estimationem placuit?

Mouit hanc sanctus Ioannes Chrysostomus questionem, atque ita dissoluit in Orat. de Sigill. To. 5. *Nullam imperiti multitudinis rationem, sed vestri meorum praconum habeo. In vobis res humana nutant, in vobis periclitantur. Et quemadmodum vestra cognitio publicum mortalium beneficium, sic vestra inscitia totius orbis detrimentum, idcirco vos quemnam me dicitis?* Destinati erant Apostoli Principes, ac duces orbis, soles Euangelij, tubæ doctrinæ Christi- anæ, primum mobile cæli Ecclesiæ militantis. In illis, post Deum, collocata erat veritas, & agnitio sublimium, & reconditorum legis nouæ mysterio- rum. Contempto igitur totius orbis reliqui iudicio, & omni eo, quod vulgus hominum dicere pote- rat, solum requirit Apostolorum arbitrium, quia ex eorum seu vera, seu erronea sententia pendebat cæ- terorum omnium rectum, aut sinistrum iudicium. Dum capita, Superioresque rectè modò sentiant, er- rorem subditorum metuerè non possumus, nec de- bemus: At si Principes hallucinentur, quid aliud timere possumus, quàm ne falsâ opinione etiam im- buant eos, quos susceperunt gubernandos? Eapro- pter aiebat Christus: Sentite vos rectè, qui futuri estis Principes, nam tamen alij offendant, & im- pingant, exemplo vestro correcti euadent errorem: Verum si vos consilio labamini, si vestrum fallatur arbitrium, periculosè cum alijs agitur, qui procliui- ter vadunt in errores, ad quos Prælati præiuerint. Omnis enim felicitas, & pernitias ab exemplo Supe- riorum in subditos manat. Quare etiam dicebat Dominus: *Nullam multitudinis rationem, sed vestri meorum praconum habeo, quia in vobis res humana nutant, in vobis veritas periclitatur. Vestra cognitio publicum mortalium beneficium, vestra inscitia totius orbis detrimentum.*

Perpicuè hoc idem docet coronatus inter Pro- phetas Princeps, quando de his, qui in lege euange- lica moderaturi erant Ecclesiam, loquens, sic ait: *Pro patribus tuis nati sunt tibi filij, constitues eos principes super omnem terram, memores erunt nomi- nis tui;* Psal. 44. 17. 18. ac si apertius dixisset: In vicem veterum Patrum tuorum gaudebis filijs, quo- rum erunt tam illustres, ac heroicæ virtutes, ut Prin- cipes fieri mereantur totius mundi, qui etiam ad in- dubitationem suæ sanctitatis testificationem habe- bunt nomen tuum coridum suorum laminis velut chalybeis indelebiter inculptum. Quid verò ex

illo tam sanctorum, ac religiosorum Principum e- xemplo fiet? Illud, quod propterea a populi confire- buntur tibi, Messiamq; te, & Reparatorem humani generis vnicum, verumque Deum, ac Dominum ag- noscent, venerabuntur, adorabunt.

Redeamus ad priora: Principes memores erunt nominis tui. Dicit hoc in loco Hugo Cardinalis: *Sed iste versus verus esset de Prælati, sequens versus ve- rus esset de Subditis, nimirum, Propterea populi confi- rebuntur tibi, quia si boni sunt Prælati, boni erunt subditi.* Ieremiæ enim 31. 14. dicitur: *Inebriabo a- nimas sacerdotum pinguedine, & populus meus bonis adimplebitur.* Tanta enim ferè est Superiorum, & Subditorum, quod ad vitæ mores attinet, conformi- tas, & cognatio, ut videatur esse impossibile, ut sub capite sancto membra militent peccatriciæ, & im- probi Prælati signa milites vitæ laudabilis, & inte- græ confectentur.

Cum videret dæmon, quàm sinistrè illi caderet suum de Christi passione, ac de honestatione consi- lium, veritus ne per illius passionem, ac mortem re- dimeretur mundus, voluit tanto bono asferre impe- dimenta, mulierisque operâ ad fruendam fraudem vt, ideòq; Pilati uxorem excitauit, quæ hæc ad ma- ritum nuntia dedit: *Nihil tibi, & iusto illi, multa e- nim passa sum hodie per Christum propter illum;* Matth. 17. 19. velut dixisset: Cura modis, quibuscunque potes, ut sanctum hunc, innoxiumque virum dimite- tas liberum, horribilia enim sunt, quæ mihi per qui- erem de illo occurrerunt, & maximum tibi malum comparabis, si sanguinem illius inculpatum fundas.

S. Laurentius Iustinianus de triumphal. Christi agone cap. 13. 9. 5. ait: *Hominum redemptio, Pilato mediante uxore, ne fieret, laborauit satanas.* Omnes ingenij sui vires huc vertit diabolus, ut mundi re- demptioni poneret obstaculum, cuius libertatem ex sanguinis Christi effusione securam suspicabatur. Atque ut morâm tanto bono inferret, mulierem (vetus, vstatumque suum instrumentum) ad hanc rem adhibuit, ut ipsa Pilatum à ferenda contra Do- minum sententia deterreret, itaque captius mane- ret mundus, dum liber abiret Christus. Fuitne bo- num illud mali dæmonis artificium? Fuitne solers industria, aut ingeniosus astus, prudenatque ad ef- ficiendum, quod volebat, excogitatus? Minimè o- mnium, inquit sanctus Laurentius Iustinianus. Quo- nam ergo medio uti debuit, aut certè rectius potuit? Responder vir sanctus: *Consultus propositi sui pote- rat obtinere effectum, si quos inflammauerat sacerdo- tum animos euertisset.* Accendebant quidem iniu-

huic ignem homines plebeij, sed incitati à sacerdotibus suis, & Principibus, qui per id tempus cum potestate præerant. Si ergo dæmon tunc intellexisset quanta sit efficacia exempli, quàm ingens illius ad impellendos alios vis & potestas, quid eum facere oportuisset? Consilia sacerdotum dissipare, euertere studia Principum debuisset, & curare, vt illi defenderent Christum, factaque eius probarent, & collaudarent: Nam si vulgus hominum vidisset, susceptum à sacerdotibus, & principibus Christi patrocinium, gesta; illius ab eisdem commendari, communis etiam plebecula sententiam suam mutasset, Christumque & propugnasset, & prædicasset, & non iam Barabbam, sed Dominum dimitti à Pilato postulassent. Quid enim tam vitarum, quàm quoddam minorum suorum vestigijs serui inhæreant, & à Superioribus abripi se subditi sinant?

Hoc autem adeò verum est, vt illud is ille senator Cassiodorus lib. 3. epist. 12. audacter, quàm grauer diceret: *Publici decoris mater est mens regentis, & quale fuerit dominantis arbitrium, talem parit libertatis aspectum. Facilius quippe est (quanta, Deus, verborum pondera!) si dicere fas est, errare naturam, quàm dissimilem suis Princeps possit formare Rempublicam.* Vt matris bona vita ad honestatem, recessusque amorem facile instituit filiam, sic è moribus Superiorum pendet vita Subditorum siue honesta, siue effusior, siue modesta, siue liberior, & ab vna Principis voluntate proficiscitur quidquid agunt inferiores, & quale fuerit dominantis arbitrium, talem parit libertatis aspectum. Itaque tanta inest Superiorum exemplo mouendi subditos efficacia, vt illud Superiorum exemplum videatur subditis velut pro libero arbitrio esse: Et quemadmodum per arbitrium sit vt homo liber sit, & suarum actionum Dominus, velisque aliquid, aut nolit; sic Rex, Princeps, Prælatus in regno, Repub. Communitate suo exemplo est quodammodò arbitrium suorum subditorum, qui videntur neque nolle, neque velle aliud posse, quàm Princeps, omnique Superior nolit, aut velit: *Facilius est quippe, si dicere fas est, errare naturam, quàm dissimilem suis Princeps possit formare Rempublicam.* His verbis videtur Cassiodorus totam, quantum verbis fieri potest, expressisse vim, quæ exempla Principum, & Parentum ad permouendos subditos, ac liberos valent, cum ait, *facilius credi posse, ex lupo agnum, & læna leporem, philomelam ex serpente natam, productumque ex rubo malum circeum, quàm sub malis Principibus bonos subditos, aut improbos seruos sub pijs, &*

sanctis Dominis reperiri. Tanta est exempli seu boni, seu mali efficacia, vt facilius aliquis sibi persuaserit, posse totum naturæ ordinem peruertere, quàm dissimiles esse Prælati subditos, Parentibus liberos, Dominis seruos.

Admirationem aliquibus adferre potest illa tanta vicissitudo, quantam in hac aëris regione inferiore, & terra videre licet, ex quibus hæc varias habet euaporationes, ille verò mille mutationes, vt qui iam serenus sit, iam obscurus; iamque atras habeat nubes, iam fuscas, iam gratas, iam horribiles aspectu, iam coruscantibus solis radijs rubescentes, & velut inapratas, iam caligine tam densa, scædæque tinctas, & obductas, vt cum ipso horrore, & umbra mortis certare possint. Sed quid has in infimis regionibus demirami vicissitudines, clamat Seneca, cum in ipso celo, & parte orbis suprema sint tam crebræ mutationes? *Nec mirum est, si in terris omnis generis, & varia euaporatio est, cum in celo quoque non vnus appareat color verum, sed acrior sit Canicula ruber, Martius remissior, Iouis nullus; inquit ille in qq. natural. lib. 1. cap. 1.*

Si mihi dicas, vnde illa in vulgo mentiendi, iurandi, blasphemandi consuetudo, vnde tam familiaris mercatoribus impostura, auaritia, fœneratio illicita, negotiatio iniusta, vnde illa communis plebeculæ desidia, & inertia, vnde illa tam exigua filiorum deuotio, puellarum lasciuia, & petulantia, vnde illa morum corruptela, animarum neglectus, & legum diuinarum contemptus? Respondebo: Quid tu talia miraris, qui non nescis, quanta sit Planetarum, & astrorum vicissitudo, quanta Principum, & Superiorum viuendi licentia, & præcipitancia agendi? Si ij, qui negotiationes vetitas ex officio tenentur plectere, multò auidius, sordidiussque eas exercent, sic vt occultare illos quæstus suos, quam velint, non possint: Si rogâ prætextâ suam regunt auaritiam, & cupiditatem, qui annonam animalium, hominumque abscondunt, & seruant occasione, quâ pretio insolubili vendant; quid nundinator hæc sciens, aut intelligens faciet? Si Domini, qui pro speculo esse debebant, in quo recte viuendi modos videre, & discere subditi possent, pessimo suo exemplo illos seducunt, ac peruertunt: Si magnates neque debitam mercedem soluunt famulis, nec parcunt subditis, neque puellas virgines in suis penetralibus agere quietas sinunt, & coniugatas à thalami sui asylo abstrahunt: Si in locis Deo sacris, templis, aio, verba obscœna liberrimè, & impudentissimè dicunt, & faciunt, quæ dicere non sit fas hominibus,

minibus, & horrorem ipsis etiam adferant demonibus, si ibidem iurant, & blasphemant, si sic viuunt, vt videantur operibus clamare, non esse Deum, non aliam vitam, quam præsentem, nec venturum iudicem, qui malè actorum rationes exposcat, quid faciet famulus, qui illi seruit, quid plebeius, qui talia videt, quid omnes alij, ob quorum oculos illa fiunt? Si mater filia coram præsentē schedam recipit, & reddit amatoriam, admittit officiosas, affectatasque salutationes, & monilia, demum vultu, gestuque beneuolentior blandiusculè amasium tum spectat, tum appellat, quid filia faciet? An fortè illa castimonialis religiosa sub matre tam fatua, & libera erit? Si obscena mater, cum è strato surrexit, non librum perfecti Christiani, aut contemptus mundi, non Opuscula spiritualia Patris Ludouici Granatensis, aut sanctæ Matris Theresiæ, non Officium beatissimæ Virginis, sed speculum ante petit, & fucos, & purpurissimam, & peregrinos, accersitosque ornatus, & calamistrum, & discerniculum, & peccinam, & mundi muliebris reliquam tam variam supellectilem conquirat, quam infernalis, & diabolica vanitas ad tam horrendam animarum stragem, & facultatum vastationem excogitauit, vt nesciam, quid de bellorum incommodis queri possimus, quando publica relaxatio, & conuiuentia tales iam permittit vestitus, qui maiorem honestis moribus perniciem afferant, quam vlla infesta hostium arma, quomodo filia librorum piorum lectione oblectari, quomodo concionum auditu, & sacramentorum frequenti vfu pasci, & alia id genus sacra exercitia amare potest? Si pater quispiam est vindictæ cupidus, amans lusus, turpi libidini addictus, prodigus, qui nunquam domi tractare manu Rosarium videtur, vomerè pleno ore iuramenta persæpè auditur, quomodo illius filius sit modestus, frugi, verecundus, pius? Potestne fieri, vt ille amet frequentare sacramenta, cui domi propositum est exemplum patris, qui nisi sanctæ Inquisitionis sanctum, sed rigidum, & subausterum tribunal metueret, ipso Epicuro magis atheus esset? Si Prælatus sui officij tam est negligens, vt nihil minùs,

quam illud curet, sed delitias, lautitiasque sibi vndeque comparet, primusque ad epulas accurrat, ad labores postremus veniat, aut ne veniat quidem, vultusne vt subditus ea videns abstineat à cibis, amplectatur asperitatem, lubens, gaudensque ferat rigorem? *Nec mirum est, si in terris omnis generis euaporatio est, cùm in celo quoque non vnus appareat color rerum.* Quid nouum est, quod inferiores inuerecundè, licenterque agant, quod tanta sit in vulgo inundatio scelerum, cum eos tam flagitiosos, contraminatosque videamus, qui cœli esse debebant, & virtutibus tanquam stellis micare? Quid mirum, quod rudis plebecula leuiter profluat ad crimina, si apud eos, qui sublimem dignitatis locum tenent, dominantur vitia, imperat culpa, triumphat malitia, cœnosaque turpis luxuriæ, & id genus spurcitiarum aqua inde venit, vnde bonæ, & sanctæ vitæ pura, & perspicua aqua deriuari ad subditos debuerat?

Hinc potest noster Politicus accipere, quantum teneatur bonum de se præbere exemplum, si illum Dei manus in locum superiorem, ex quo cum potestate præsit, euexerit. Præpositus enim alijs est velut lucerna candelabro dignitatis imposita, vt luce quidem suâ ignorantes illuminet, & vitæ ardore exciret segnes, eosque, qui peccatorum profundo lethargo, & periculoso somno demersi iacent. Cogitet autem sæpè, ac multum strictas rationes, quas Dominus exiget eorum, quos suo malæ vitæ exemplo corruptit, & peruertit. Consideret gloriam, quâ remunerabitur eius labor, & studium, quodcunque huc vertit, vt alios suo exemplo ad virtutis amorem accenderet, & ad frugem bonam adduceret. Omnia diligenter, studiosèque expendat, conuenit enim vt hinc illum timor infrenet, inde spes alar, & confirmet. Scit nimirum quod Deo seruiat, qui vè habet lucem, quâ coronet Prælatus, qui bono exemplo fuerit, ita & ardentes flammæ seruat, quibus eos, qui suis factis alios offèderint, puniatur, & castiget.

*Meliora de hoc argumento inuenies in Tomo 2. Periocha I. Dominica IV. Aduentus pagin. 362. .
Vide etiam calcem istius Periocha.*



LIBER QVARTVS.

CAPVT I.

Omnia vitæ felicitas ex morte pendet.

Quanquam omnia pia monita, quæ in cælum aspiranti Politico Christiano damus, cõspectant, vt illum tuto ad beatam patriam itinere securum con-ducant, nulla tamen magis & momen- tosa sunt, & vtilia, quàm ea, quæ in hoc quarto libro sugg-remus. Hic enim tractabimus, quid fieri de- beat, vt vitæ periodum extremam optatâ clausulâ laudabiliter, ac gloriôsè quis finiat. Nam si omnis nostra felicitas, vt mox videbimus, & spes tota ob- tinendi finis vltimi in fine vitæ prospero posita est, honestissimus, fructuosissimusque labor erit, quem- cunq; ad obtinendam bonam mortem verteri- mus.

Introducendæ nostræ doctrinæ occasionem su- memus ab illis verbis, quæ Patriarcha noster socero suo Labano dixit. Serpierat huic ille annos longos, omnique contentione, & viribus totis eius vñibus, & rei familiaris augendæ, atq; amplificandæ strenu- am operam dederat, demùm verò rogabat veniam, vt domum suam reuerteret, & familiam propriam gu- bernare, liberosq; educare, & cætera omnia cura- re posset, dicens: *Iustum est igitur, vt aliquando provideam etiam domui meæ; Genes. 30. 30.* Iustum est, vt familiæ meæ iustam habere rationem incipi- am, postquàm Domino placuit felicitare me dulci- bus his, & charis pignoribus, quibus gaudeo, ratio- que postulat, vt & mihi, & illis prospiciam, nec enim decet, vt ingenium meum, viriumque robur totum, omnemque vigilantiam semper occupatam vna, so- laque domus tua habeat, tempus iam est, vt ad meam rectè instituendam me conuertam.

His Patriarchæ nostri verbis totâ mentis intenti- one, & fixis cogitationibus per omnem vitam per- petuò immorari Politicus noster deberet, illudque persæpè, atq; in dies dicere: *Iustum est, vt aliquando provideam domui meæ; iustum est vt familiæ meæ, hoc est animæ prospiciam, vt me saluatio illius, & salus æterna sollicitum habeat, vt rectè ordinem res meas, & sensus meos moderari, cupiditates me- as coercere, infrenare prauos appetitus studeam, & status mei obligationibus satisficiam, & mandata Dei studiosè obseruem, & continuè ob oculos habeam*

fatalem illum, & supremum è corpore abitum, post quem incidam in manus illius recti, & seueri iudi- cis, qui omnium minutissimorum, interque hæc e- tiam occultissimarum cogitationum rationes exa- ctissimas requirit. Totum vitæ tempus (si fieri pos- set) exigi in his meditationibus deberet, & in vnico studio vitæ ad mortem ritè præparandæ, in hac enim omne bonum, totaque humanorum desideriorum felicitas est posita. Qui enim vitam morte non clau- dit bonâ, is boni omnis iacturam æternam facit. Et si regius Propheta sepulchro nomen domus ad ex- tremum iudicij diem vsque duraturæ dedit, inqui- ens: *Sepulchra eorum domus illorum in æternum; Psal. 48. 12.* nihil rationi, nihil iustitiæ magis con- sentaneum, quàm vt Christianus omni vigilantia cõ- sideret fatalem hanc domum, consideretque in vlti- mo vitæ exitu consistere felicem æternitatis succes- sum, basi enim nostræ mortis innititur totum nostræ perpetuæ seu beatitudinis, siue infelicitatis, ac misè- riæ ædificium.

Fateatur de se regius sacer Cantor, totâ neruorum contentione, & quo maximo studio potuerit, per- currisse semitam præceptorum Dei, inquiens: *Vi- tam mandatorum tuorum cucurri, cum dilatasti cor me- um; Psal. 118. 32.* tanquàm dixisset: Cursu ex- peditißimus ferebar per omne sacrosanctorum mã- datorum tuorum iter, Domine, quoties tu mihi cor- latè explicabas spe lætâ bonorum æternorum, qui- bus labores meos remuneraturus eras.

Sanctus Ambrosius apud Ludolphum Carthusia- num in Psal. 118. Ludolphusque ipse hoc verbum, *Cucurri*, sic interpretantur: *Vt bonus equus cursum vite meæ secundum mandata tua direxi.* Non itaq; dicit Propheta, *Cucurri vt equus*, sed *cucurri vt bo- nus equus*. Quicunque equorum ad cursum rectè instituendorum disciplinam, præceptionesque tra- dunt, aiunt, cursus equorum summam dexteritatem, gratiamque in eo positam esse, si alacriter, animose- què suum curriculum absoluant, & non languide, ac remissè, quemadmodum animalia cætera ferè so- lent, quæ minus sunt generosa. Si fortè benè cæpit equus, sed ignauiter, torpenterque finijt cursum, omnem anterioris laboris gloriam impar initio clau- sula obliterauit.

Dicit nunc Propheta rex, atq; ex illo omnis iu- stus, quicunque per diuinorum præceptorum semi-

tam celeri cursu contendit: *Viam mandatorum tuorum cucurrit sicut bonus equus*; hoc est, benè cucurrit, cursum vitæ meæ animositate christianâ generosè absoluit. Vnde hoc intelligemus? Ex eo, quod ait, cucurrisse instar boni, rectè eruditè equi. Bonus enim equus hoc nominis non obtinet, nisi cursum suum benè absoluat. Fortunatus ergo, prorsumque felix vocari possum, inquit Iustus, qui cùm cursum meum ad modum, quo bonus equus solet, clausi, fructuosè in curriculo laboravi. Omne nimirum bonum, & tota felicitas hominis christiani ad hoc reuocatur, vt benè finiat, qui in bona morte æternitatis beatæ lucrum inuenit.

Detegebat se coelestis Magister, quod ipse verus, ac legitimus animarum pastor esset, dicens, omnia in se reperiri, vt qui non pastor solum, sed pastus quoque dulcis, & optimus esset, portaque vnica, quæ ad foelicitatē supremā duceret. *Ego sum ostiū, per me si quis introierit, saluabitur, & ingreditur, & egreditur, & pascua inueniet*; Ioā. 10. 9. Quid est, quod ait, *Ingreditur, & egreditur*? Nicola^{us} Lyranus sic exponit: *Ingreditur hic ad fidem, & egreditur ex hoc mundo, & posthac ferens fidem constantem, & charitatem formatam, inueniet pascua vitæ æternæ.*

Ioannes Baptista Folengius in Psal. 12. secutus paraphrasin Lyranī ait: *Vide quā paucis Sanctorum Ecclesiam effinxit Dominus*, in introitu scilicet per fidem, & exitu per mortem. At cur harum duarum rerum tantum sit mentio? Vt significetur, post primum in bonam vitam ingressum, nullius rei maiorem, nullius vel tantam habendam rationem, quantam bonæ mortis, omne namque bonum hominis in introitu, exituque est positum. Bonā morte, & sanctā vitæ clausula omnia nostra in tu o collocatur. Qui enim vitæ periodum malè claudit, ei omnis spes status melioris æternū est succisa, & adempta.

Huc sine dubio alluserunt Hebræi, quando eodem mystici sui alphabeti charactere significari voluerunt conclusionem, & oculorum, animique attentionem. Litera ea est *Keph*, de qua sanctus Ambrosius in Psal. 118. Odon. 19. *Eius*, inquit, interpretatio est, Conclusio, & sicut alibi inuenimus. Aspice. Quid est, quod eadem literā voluerunt significari conclusionem, & animaduersionem, siue attentionem? Quid sibi vult harum rerum in vno vocabulo coniunctio, & concursus? Hoc sibi vult ista duplex vnus literæ significatio, vt intelligamus, quod si res alia quæpiam postulat animum attentum, diligenterque considerationem, eam vel maxime requiri ad mortem, ad conclusionem, ad vitæ clau-

sulam extremam, ad mortis horam, ex qua omnis secundus euentus hominis pender, bona namq; mors, laudabilis vitæ clausula, & sanctus finis vitam totam honestant, & felicitant.

Volebat Apostolus persuadere Hebræis, vt seriò, ac studiosè tractarent suæ saluationis negotium, quod vt efficeret, reuocabat eis in memoriam illud quibusdam infelix iter, quo à dura seruitute Pharaonis iam liberi contenderunt ad terram promissionis, & ad ipsum eius vestibulum peruenerunt, inquit, *Et videmus quā non potuerunt introire propter incredulitatem*. Hebr. 3. 19. velut dixisset: Scimus illos exisse ab intolerabili seruitute, scimus per asperas solitudines, & incultas eremos viā difficili perrexisse, scimus crebrò, & validè cum plurimis hostibus pugnas, qui sæpè impedire, prorsumque obstruere iter voluerunt, scimus post multos exantlatos labores, post exæquatos non paucos difficultatum montes demum eos, qui hæc omnia & fecerunt, & tulerunt, factos miseros promissæ felicitatis Tantalos: *Non enim potuerunt introire*. Ex eo tam in sperato euentu hanc Apostolus tam formidabilem conficit illationem: *Timeamus ergo*; Hebr. 4. 4.

Sanctus Ioannes Chrysostomus quærit, quidnam illud Hebræorum infelix successus ad Christianorū timorem facere possit, & cur Apostolus voluerit, vt illorum periculo cautiore facti sapere disceremus, quomodo felicitatem nostram prouidè curare, & studij nostri rectam rationem habere debeamus? Orat. 7. in c. 4. ad Hebræos sic ait: *Potest dici nempe, quod cum vitā maiorem partem confecissent, cum essent ad ipsas portas, in ipso portu sunt submersi. Hoc de vobis quoque, timeo*. Sic ille. Nulla fuit alicuius hominis tanta aliquando infelicitas, quanta miserrum Hebræorum, aduersa illorum fortuna cum omni cunctarum gentiū calamitate certare de magnitudine potest. Nam cū tam vicini terræ promissionis, & quā proximè alterum paradysum essent, tantumque vno velut passu abessent ab amica quiete, & optata fertilitate, & tot pericula superassent, torque hostes subegissent, & per deserti procellosum mare totos quadraginta annos variè, ac miserè iactati ad ipsum litus appulsi, in ipso portu naufragium fecerunt, spesque illorum omnis est suffocata. Quænam acerbior, miserabiliorque infelicitas esse possit! Qui enim sub finem curriculi interierunt, omnis antea laboris iacturam momento vno fecerunt.

Sic nunc dicit Apostolus: *Timeamus ergo*, & ob oculos

oculos habentes spem illorum tam misere frustra-
tam, ac delusam solliciti metuamus, & anxij formide-
mus, ne tale quid etiam nobis eueniat. Nam si quis
omnem vitam superiorem sine periculo transmissis-
set, & defectum huius mundi fortunatè pertransiis-
set, & per inquietum turbulentarum tentationum
mare prosperè vectus, demùm iuxta marginem vi-
tæ, in ipso portu mortis euersâ nauî mergeretur, ne
illa incomparabilis infelicitas esset, cum malæ enim
mortis calamitate nulla conferri miseria potest, nam
qui sinistro fine vitam claudit, quid sperare boni po-
test, quid non timere mali debet?

Doctus quidam libri Genesis interpretis obserua-
uit, quoddam tamen inclytus Patriarcha noster quorū-
vis bonorum operum exercitationi impensè dedi-
tus fuit, & orationis, contemplationisque studium
plurimum amauit, nunquàm tamen sollicitius perui-
gilaui, nunquàm maiore conatu, curâ enixiore Deo
se comendauit, quàm tunc cum à Labano ad patri-
am tendens transiret Iordanem. Tunc enim,
vt sacer Textus indicat, *totam noctem duxit in somno*,
& defatigato diurnis laboribus corpori consuetum,
ac debitum negauit alleuamentum.

Quid ex mytica hac actione accipimus? Illud,
*Et discamus, cum ad Iordanem, id est, ad mortem ap-
propinquamus, fortissè orare, & inuigilare, ne tunc
impediamur à diabolo per omnes vias insidante. Tunc
enim vel maxime opus habemus Dei auxilio, etiamsi
totâ vitâ in vicijs Domini incesimus.* Ità Ioannes Fe-
rus in c. 32. Genes. Iordanis idem est, quod *fluuius
Iudicij*. Iordanem ergo transimus, cum per amaræ
mortis angustias ad terribile iudicium, & supremum
tribunal Domini pergimus, quod cum facimus, tunc
preces precibus iungere, tunc iterate obsecrationes,
& protrahere vigilias debemus, vt pius Dominus,
& amantissimus Pater tutelæ sit nobis, & patrocinio.
Quanquàm enim diuinæ protectionis eius valido
scuto semper egeamus, sed nunquàm magis, quàm
in supremo supremæ horæ, & mortis discrimine, tunc
enim crudelis inimicus noster (vt posthæc dicem) ja-
crius nos insectatur, & ferocius oppugnat, & quod
caput est, error, qui tunc committitur, inemenda-
bilis est, & absque remedio, & quod sub id tempus
rectè, ac prudenter agitur, id tam opportunâ occa-
sione agitur, vt effectus illius totâ Dei perdurent æ-
ternitate. Morte namque bonâ hominū Christiani omne nititur. Propterea Salomō Provi.
14. 32. aiebat: *Sperat iustus in morte sua*, vt qui om-
ne solacium suum, omnem vitæ successum in ex-
tremo illius accentu collocatum habet, sciens mor-

tem esse portam, per quam ad æterna gaudia, & qui-
etem vitæ beatæ perpetuū duraturæ transeat.

Consulebat Propheta regius Fidelibus de profe-
ctu animarum suarum sollicitus, vt corda, vigilantia-
amque suam omnem addicerent cognitioni virtutis,
& potentiæ, quam noua Sion, quæ est Ecclesia, ha-
beret, vt excitati illius magnitudine seruirent Do-
mino, cuius ipsa esset sponsa. Aiebat autem ita: *Po-
nite corda vestra in virtute eius.* Plal. 47. 14. Quid
ita? *Quoniam hic est Deus noster in æternum, & in
saculum saculi, ipse reget nos in sacula;* ibid. v. 15. ve-
lut dixisset. Toros animos, cogitationesque omnes
conuertite ad Sionem, vt semel rectè intelligatis,
quàm ingens sit virtus eius, quoniam sponsus eius
est Deus noster, qui nos æternum, si tamen volu-
mus, suâ gloriâ beabit: *Ipse reget nos in sacula.* Te-
xtus Hebræus apud Iacobum Fabrum habet: *Ipse
erit dux noster in morte.* Videtur hæc versio aduer-
sari, neque parum, textui vulgato, nam quod hic
est, *Sacula*, id ibi dicitur *Mors*. *Ipse reget nos in sacu-
la*, dicit nostra translatio, illa verò, *Ipse erit dux no-
ster in morte.* Et cum mors momento perficiatur,
quid illi cum sæculis? Cumque mors sit finis, quid
illi cum æternitatibus, quæ finem nesciunt, affini-
tatis? At si benè aduertas, inuenies magnum hîc
subesse mysterium. Propheta dicit: Redemptor, &
Dominus noster *ipse reget nos in sacula*, cum arden-
tissima cupiditate, vt æternum ipso gaudeamus, &
fruamur. Quomodo autem illud amantissimi Do-
mini Desiderium obinebit? Quomodo explebitur?
Dux erit noster in morte, inquit Hebræus, dux, qui
omnes submoueat difficultates, auferat impedi-
ta, repellat pericula, & quando illo comite, & benè
iuuante angustum mortis transitum feliciter supe-
rauerimus, tunc *ipse reget nos in sacula*, certaq; nos
manet æternitatis quies. In bona enim morte inclu-
ditur omnis bonus successus, & tota felicitas homi-
nis Christiani. Hoc ergo ardentissimè regare, hoc
anxiè, flagrantissimisque cum suspirijs obsecrare Do-
minum debemus, vt bonam mortis horam nobis
concedat, hæc enim & argentea clauē totum vitæ
curriculum claudet, & aurea portam gloriæ, & qui-
etis æternæ aperit.

*Eandem molam Gersas Periochâ tertiâ Dominicâ
1. Septuagesimæ Tom. II. pag. 480, c. 1. o. Vide.*

CAPVT II.

Quod semel factum male non habet remedium, quocurari possit, aut corrigi id priusquam fiat, diligentissime considerandum, quomodo recte fiat.

SI quod multum valet, paruo (ut vulgò dicitur) constare non potest, si bona mors est præcipuum vitæ & bonum, quod aperit portam omnis boni, palam est quod rem tanti pretij gratis, & absque magnorum laborum, plurimarumque defatigationum sumptu consequi non possumus. Multis capitulis deinceps ostendemus semitas, per quas consequi possumus hanc felicitatem felicitatum, hoc est, mortem bonam, & sanctam vitæ clausulam obtinere. Primum iter vtilissimum, rectissimumque mihi illud videtur, quod iam indicauimus.

Apostolus ait, vnam cuiilibet homini semel opetendam mortem. Id his verbis affirmat Hebr. 9. 27. *Statutum est hominibus semel mori, & post hoc iudicium.* Lex Dei communis, & ordinaria hoc habet, ut quisque semel morte occumbat, & secundum mortem statim vitæ actæ rationes supremo iudici reddat, & hic est totius vitæ humanæ finis, post quem homo aut in lucem vadit, aut in flammam, aut flagellis addicitur, aut gloriâ coronatur, aut coelos petit, aut in tenebras projicitur. Quod autem homini vel cruciatus æternos, vel quietis, ac beatitudinis semper duraturæ iacturam adfert, id per se, & circumspicere, & attentè, vigilantioribusque oculis, quam fabulosa antiquitas Argo affinxit, est considerandum.

Cum Ionas Ieriodymis in Tharsis fugere cogitaret, ut effugeret onus prædicandi, & prædicandi Ninivitis suæ vrbs proximum excidium, nauem iniens vix naulum soluerat, quando concitatum mare fluctuabundam nauem in præsentaneum adduxit periculum. Eiectis valis minuerunt quidem onera naus, sed non periculum. Iacebat in naui interiore Ionas alto somno sopitus, quem conueniens nauarchus, cum expergessisset, hortatus fuit, ut Deum suum supplex adiret, & male irati maris commotos fluctus componi ab eo rogaret. Posthæc sortes missæ, ut viderent quis in mare conijciendus, si forte tali victimâ furorem concitatarum aquarum placare possent. Cecidit autem fors super fugitiuum Prophetam, quem cum illi interrogassent, quomobrem illud malum ijs euenire putaret, quid operis exerceret, quâ patriâ oriundus esset, quot tenderet, eum ex quo populo esset, respondit ad omnia ingenue, se Hebræum esse, Deum coeli, qui fecerit mare, & aridam timere, & adorare. Demum ait: *Tolle me, & projice in mare, & cessabis à vagabundantia mea.*

pestis hac grandis; Iona 1. 12. Trepidabant consternati animis misere iactatæ naus gubernatores, & quanquam Ionas diceret, se esse tam scélératæ, ac periculose tempestatis causam, eamque mox sedandam, si ipse in mare eijceretur, remigabant nihilominus viri, ut reuertentur ad aridam, & non valuerunt, ibid. v. 13. totaque lacertorum contentione quam potuerunt enixe laborarunt, ut nauem ad terram appellerent, tamen in ea sententia essent, quam Prophetæ contra seipsum pronunciauerat, illiusque electio vnicum esset sospitatis illorum remedium.

Theophylactus in c. 1. Iona ait: *Demerari dignum est nauticorum hominum mores. Neque enim in eum insurrexerunt. Mare & vehementius crescebat exestabaturque, neque sic tamen quidquam aduersus prophetam aggrediuntur, cum id iure possent, simul atque seipsum condemnaræ.* Seipsum submersioni Ionas addixerat, & dixerat, aliter nautas, nisi ipso in aquas proiecto, saluari non posse, neque proiecerunt illum tamen, quamuis fluctus magis, magisque intumescerent, & cum tempestate augesceret periculum, sed velis, & remis potius contenderunt ad litus, ut à propria sententia, si possent, Prophetam absoluerent. Cui tam longas traxerunt moras? Cui non statim opere expleuerunt sententiam Propheticam, sed prius omnem, quam pro tempore poterant, diligentiam adhibuerunt, ut eum seruarent, cunctatique sunt, neque subito ad executionem profilerunt? Cui? Quia mortis sententia erat, & quoniam vita semel ablata restitui non potest, & facta executio non habet remedium, propterea magnâ attentione ad eam rem utebantur, & sollicitè, quid optimum factum esset, cogitabant.

Nam ut magnus regis Theodorici secretarius Casiodorus lib. 7. Epist. 1. aiebat, *cunctator esse debet, qui iudicat de salute, alia sententia potest corrigi, de ista transactum non potest immutari.* Qui iudex alieni capitis futurus, is debet passibus lentis, & attentis in causa progredi, videre acta, examinare testes, litem, controuersiamque circumspicere arbitrari, nam cum semel ab humeris detruncatum caput, & vitæ nexus amabilis solutus, nec rescindi damnum potest, nec reparari iactura. In alijs rebus minus periculosa, ac damnosa est iudicis præcipitancia, nam si furore cæcus huius quidem bona sequestro deponeret, illum verò in carcerem detruderet, alium debita iniusta soluere iuberet, posset ille sibi redditus, & veritatis certior factus facile & reddere detenta bona, & absoluere vincitum à carcere, & pecuniam restituere: At vitæ semel ademptæ

depreta restitui à nemine potest: Quare cunctator esse debet, qui iudicat de salute. At si tam diligenter deliberandum est de vita caduca, & ruinosà, priusquam illius adimendę sententia proferatur, eò quòd semel erepta restitui nequit: Cùm in hora mortis homo periclitetur de vita æterna, & de salute animę, cuius duratio vitam illam exæquat, nonne iustum est, ut se ad mortem præparet, & priusquam semel mortuus rationes dare cogatur, crebrò eas ad calculos reuocet, crebrò expendat, crebrò se disponat, ut ita morte bonā defungatur, deique feliciter rationes iustas, accuratas, & inculpabiles.

Multis fortè videbitur immodica diligentia, nimiaque, & superuacanea sollicitudo, quā sanctus Patriarcha Isaac angebatur, quando extremam benedictionem illi impertire deliberatum habebat, quem primogenitum suum esse putabat. Præcipiebat illi fumere, arcum, pharetram, sagittas, & quæ sunt talia venandi instrumenta, & si quid ferinæ acciperet, inde pulmentum, aut pulpamentum, lautum, delicatumque conficere. Audijt Rebecca, quæ dixerat maritus, dumque Esau ruri feram indagaret, illa cibos domi extemporales parauit, filioque suo Iacobi auctor fuit, ut Esau se fingeret & patri expetita fercula ferret. Ille pelles hœdinas manibus, & collo circumdedit, ut pilosum, hirsutumque fratrem suum Esau magis assmularer, intulitque ad patrem pulmentum à matre sic coctum, conditumque, ut gratum fore palato eius illa crebrò, ac diuturno experimento nouerat. Animaduertebat cæcus Senecio celeritatem illius, quem coram habere putabat, & aiebat: *Quis es tu, fili mi?* Genes. 27. 18. Cumque ille se esse primogenitum Esau diceret, rursùm quærebat, quomodo fieri potuerit, ut tam citò in campum exierit, & feram inuenerit, & condierit, coxerit, atque esui aptarit, respondit, Deo volente, ac iuvante factum, ut tam expedite omnia ista conficere potuerit. Nondum conqueſcebat vetulo patri animus. Itaque iubeat præterea, ut propius accederet, ut tentare manibus manus illius, num Esau præsentem haberet. Cùmque etiam istud experimentum nondum illi satis esset, rursùm interrogabat: *Tu es filius meus Esau?* ibid. v. 24. ac tum denique, cùm ille se esse Esau respondisset, iussit inferre cibos, & potum, & postquam inde, quod refocillando corpori necessum erat, accepisset, nihilominus præcepit, ut accederet, & osculum præberet, quod cùm ille faceret, & vestimentorum fragrantiam pater sentiret, benedixit filio.

Quis nõ existimet otiosas fuisse tam crebras interrogationes, & nimis prolixam inquisitionem, & plusquam satis sollicitum, anxiūque in re tantilla examen? inquit sanctus Ioannes Chrysostomus. Quid opus tantā ad conferendam benedictionem indagine? Cùm tam facile esset illi benedicere, quid ita cunctabatur, morasque tam longas neſtebat Isaac, antequam Iacobi benè precaretur? Ne miremini tarditatem (inquit sanctus Doctor) quia benedictio illa talis erat, ut semel data retractari nõ posset: Hoc satis indicauit sanctus Patriarcha filio suo Esau, qui cùm seruus veniret, benedictionemque exposceret, hæc ad illum animo turbato, & confuso ait: *Tu ex me quæris, num reſeruauerim tibi benedictionem.* Respondeo, nullam esse reliquam, venit enim frater tuus, & accepit benedictionem tuam. *Et post hæc, filius, iterum quid faciam?* ibid. v. 37. obturata sunt fores, non superest remedium. At si semel data benedictio reuocari non potuit, non irrita fieri donatio primogenituræ semel facta, quid mirum quòd Isaac quæſiuit, & requisiiuit, iterumque, & iterum sollicitè indagauit, & examinauit, utrum is verus, certus, indubitatus hæres benedictionis esset, qui illius ambiciosus, & cupidus? Existimabat nimirum si quid eā in re per errorem fieret, id corrigi, & emendari nunquam posse. Proprium hoc est hominum prudentium, & solertium, maturam adhibere attentionem, quoties aliquid aggrediuntur, quod infectum fieri nequeat, cùm semel factum.

Tertullianus in lib. de velandis virgin. habet quædam subobscura, quæ tamen non difficile intelligi queant, dùm ad sensum modò rei præſenti commodū exponantur. *Dicā, licet nolum, ait ille, difficile mulier semel fit, quæ tunc fieri.* Hæc verba sic continuatè, simpliciterque lecta, neque interſuſa suis cõmatibus, sũt implicata, autinuoluta, ut monet optimus Tertulliani interpres P. Cerda Annot. 226. in dictũ librum, ubi vult sic debere legi: *Difficile virgo fit mulier semel, ægrè primis sollicitatorum precibus tantum concedit, ut candidum, & pretiosum integritatis suæ lilium temerari semel rogata permittat, quod tale est, ac si dicas, inquit eruditus ille Interpres: Non illico et inuaditur, sunt se corrumpi, eludit sæpè amatorem suum, non simul atque appetitur, exponit venalem inestimabilem virginæ puritatis suæ margaritam, mille modis, ac dolis fallit importuni amatoris tentamenta, & pertinaces conatus, priusquam tam tenerum, & elegantem florem ataminari permittat, arripit scutum verecundiæ, quo turpiter lasciuientis insultus retundat, lorica mœ-*

neſtatis veſtig, quā ſe ad hominum procaciam oppugnatione defendat.

Quamobrem verò difficile *Virgo ſit mulier ſemel?* Cur non primo ſtatim inuaſori cedit? Cur non exemplò amoris triumphare de ſua caſtitate permittit? Cur! Quā videt ſe iacturam facere gemmæ, quæ ſemel perdita reperiri nunquā poſſit, & rem periculo exponere, cuius damnum reſarci nequeat, propterea cautè ſibi proſpicit, & tergiuerſatur. Quod enim ſemel vitiatum reſtaurari non poteſt, non debet leuiter exponi discrimini. Prudentiam, circumſpectionem, deliberationem multam præſignit opus, quod ſemel factum fieri inſectum nequit.

Succedit Roboam patri ſuo Salomoni in regnò, quem ille Iſraelitici populi Principem designarat. Primum, quod illum ſubditi rogauerunt, fuit, vt minueret tributorum onus intolerabile; quod pater illis impoſuerat. Moſtiſſimum debuit fuiſſe hoc onus, quod ante omnia deprecandum putarunt. Pondera tamen illius oneris inde etiam arbitrari licet, quod ſupplices ſubditi bis dixerunt, iugum Salomonis fuiſſe grauiffimum, & duriffimum. Pacatè (quod non eſt parum in rege) preces illorum audiuit Roboam, & ait: *Ite & ad tertium diem, & reuertimini ad me;* 3. Reg. 12. 5. mihi interim curæ erit cogitare, quid optimū factū. Hoc eſt, quod Reges plerumque ſupplicibus reſpondent, ad quod erudiuntur, cum prima gubernationis rudimenta ponunt, quanquā ferè maiore curâ teneantur delictiarum, & quarumvis corporis oblectationum.

At ſi preces populi tam iuſtæ erant, tam conſentaneæ rationi, & rex illa immòdica tributa minimè opus habebat, cum monarchiam iniret pace tranquillam, & felicem, opum copijs circumfluentem, cui nemo bellum intenteret, nullus hoſtis erat quem formidare poſſet, nullum ſumptuoſum ædificium, quod excitare deberet, (quæ maximam plerumque adferre vaſtatem regnis ſolent, quod experientia docet) cur non ſtatim illis annuit, atque vt beneuolus pater dixit, velle rogatibus acquieſcere, & veſtigialium, tributorumque graue iugum alleviare, & minuire onera? Cur in tertium diem conſeſſionem gratiæ, quam expetebat, & reſponſum ſuſpendit? *Ite & ad tertium diem, & reuertimini ad me.*

Reſponder propoſitæ difficultati Abulenſis, inquiens: *Petiuit Roboam inducias trium dierum, & in hoc prudens fuit, quia agebatur de magna parte ſtatus ſui, ſcilicet an relaxaret magnam partem tributorum populo, id autem quod nunc ex tempore, cum primum rogabatur, reſpondebat ſuper hoc facto, debe-*

bat manere pro ſemper, ideo cum magna deliberatione reſpondendum erat. Fortè mos illius temporis habebat, quod reges in ſuis promiſſis conſtarent, & perpetuò rata haberent, quæ ſemel dixiſſent, & addixiſſent. Et quoniam magni momenti erat, quod illi à Roboamo petebant, & patrimonio regio non parum derogare videbatur, idcirco tridui moram voluit, quod ſcيرet perpetuam fore gratiam, quam ſemel concederet, nec emendari poſſe errorem, per quem ſemel imprudenter aliquid promitteret, vel committeret, vt poſſet attentè diſpicere, & maturè deliberare, quid conſultius ſtatuere, ac reſponderet: *Quod nunc reſponderet ſuper hoc facto, debebat manere pro ſemper.* At ſi perenne futurum erat, quod Roboam ſemel decerneret, prudens ille fuit, cum ſpatium capiendi conſilij, & inquirendi in poſtulationem ſubditorum petijt. Summa enim prudentia eſt, & laudabilis diſcretio, ſæpè, ac diligenter conſultare de re, eamque ſedulo conſiderare, quæ ſemel facta corrigi nequit.

Hæc omnia præcipuè, ac maximè Politico noſtro Chriſtiano, & Catholico dicuntur, qui debet ſeriò animæ ſuæ ſaluti proſpicere æternæ, vt aduertat, animam, quam habet, vnicam eſſe, & quod ex vno momento pendet æternitas vel cruciatum, quibus ſubiacebit, ſiue beatitudinis, & gloriæ, quæ perpetuum fruetur. Et quoniam Catholicus eſt, ad quem ſermo iſte dirigitur, debet etiam hoc cogitare, quod poſt redditas ſemel ſupremo Iudici rationes, tam nulla eſt reliqua ad aliud tribunal prouocatio, quàm nullus poteſt cadere in illius Iudicis ſententiam error. Ac propterea poſitiſſimum Politici noſtri ſtudium illud eſſe debet, vt ad illam ſeſe benè præparet horam, ex qua illius bonum, malum vè omne pendet, diſponatq; ſe ſtudioſè ad ſupremum iudicium, quod ſubterfugere non poterit, dicatque identidem cum Iacobe, cuius illi exemplum imitandum proponitur: *Iuſtum eſt, & prouideam domui meæ, proſpiciam animæ meæ, cum illius bona verè ſint bona, & talia bona, quæ veram adferant felicitatem.* Relinquat ergò vanas curas, quibus nequiquàm inſudat, & plurimi temporis iacturam facit, & tot benè agendi occaſiones perdit. Ad animæ curam autem totum ſe conferat, & redemptioni tam preioſi momẽtis ſollicitè inuigilet, poſt mortem enim fruſtraneum eſt omne illius redimendi ſtudium, inanis illius requirendi labor, ſi tunc periit, cum è corpore abiit, tamen ſi ſanguineas pro illa vindicanda, & recuperanda lachrymas vertat. Si mori ſemel vult feliciter, moriatur crebrò antequàm moriatur, ſummamque

namque beatitudinis loco habere poterit, si mortem, postquam illi sæpè præfuit, demùm rectè, atque vt par est, repræsentare mortuus in Domino sciuerit.

CAPVT III.

Ità suum quisq; remedium procurare, ità quætere saluationem debet, vt cogitet, quòd ipse saluus fiat, siue damnetur, id tantundem esse, ac si totus mundus saluus fiat, aut damnetur.

EX Sanctis Gregorio Magno, & Petro Damiano, & peruulgata Græcorum philosophorum sententia suprà iam diximus, quòd homo olim dictus fuit, *Microcosmos*, siue *Paruus mundus*, vt qui sit quoddam mundi istius maioris breuiarium, summa, compendium. Secundùm hæc dum Politicum nostrum exhortamur, vt sollicitus curet salutem animæ suæ æternam, & quietem perpetuam studiosè, atq; ambitiosè consecratur, id perinde est, ac si illi perfraderemus totius mundi saluationem cum sua quærere. Et verè ità res habet, quòd velut totius mundi salutem quærat, qui suam procurat: Nam si ipse damnetur, aut saluus fiat, eius arbitrio, & existimatione tantundem hoc erit, quantum si vniuersus terrarum orbis saluus fieret, aut damnaretur. Ergò hæc illum excitare, & perurgere consideratio debet, vt rem tantam summo studio, & quâ maximâ potest diligentia, solitudine, vigilantia, assiduitate, & ardentissimo animi affectu curet.

Canticorum liber pro argumento habet desponsationem Christi seruatoris nostri cum Ecclesia, quæ ex illius latere prodijt, sicut Eua ex latere Adæ est facta. Quòd autem hoc sit illius libri argumentum, ex libro ipso facillè est intelligere, in quo illa honorifico amicæ, & charæ sponsæ nomine sæpiculè donatur. Superuacaneum fuerit id probare, cum in varijs capitulis eam sic appellitet. *Veni de Libano, Sponsa mea*, ait Cant. 4. 8. & mox: *Vulnerasti cor meum, soror mea sponsa*; ibid. v. 9. & paulò post: *Quam pulchra sunt mamma tua, soror mea sponsa*; ibid. v. 10. & c. 5. v. 1. *Veni in hortum meum, soror mea sponsa*.

Hicce in locis, vt volunt Theodorétus, Maximus, Psellus, Ailgrinus, Honorius, Doctor Angelicus, & penè omnes Expositores, casta Redemptoris mundi Sponsa vocatur vniuersalis Ecclesia. Sancti Isidorus, Bernardus, item Dionysius Carthusianus, Gislerius, & Abbas Sancti Pantaleonis, & alij plures volunt in sensu mystico cuius animæ in singulari eam Sponsæ appellationem conuenire, & congruere. Videtur

tamen in his quædam esse contrarietas. Nam si liber ille Sponsæ nomine totam orthodoxam denotat Ecclesiam, quomodo id vocabulum aptè cadere in vnamquamlibet potest animam? Si Canticum de toto Fidelium cætu loquitur, quomodo vni soli in diuiduo applicari singulariter potest?

Respondet Sanctus Petrus Damianus in Opusculo. *Dominus Vobiscum*, inquit: *Ecclesia Christiana in pluribus vna, & in singulis tota, ità vt omnis vniuersalis Ecclesia non immeritò perhibeatur vna Christi singulariter Sponsa, & vnaquæq; anima plena creditur esse ecclesia*. Sed quare vni soli animæ accommodari potest, quod de tota intelligitur Ecclesia? Causa ea est, quam toto hoc Capite persequimur, nimirum quòd cum vna anima in cælum salua admittitur, hoc illi tantundem est, quantum si tota Ecclesia admitteretur, & si damnetur, hoc illi tam acerbum accidet, ac si totus mundus simul damnaretur.

Habebat Quintus Fabius, vt de illo Iulius Frontinus lib. 4. Stratagem. c. 6. num. 1. memorat, exercitum in loco incommodo, & ad confingendum cum hoste non satis idoneo. Videbatur filio cuidam illius cum iactura paucorum posse meliorem parari militibus stationem. Communicabat hoc suum cum patre consilium, qui respondens ait: *Vise tu ex illis paucis esse?* velut dixisset: Si cum nonnullorum dispendio, & internecione in locum commodiorem penetrare omnes possumus, visne tu ex his, qui mortem sunt oppetaturi, vnus esse? Audiuit filius responsum patris, sed conditionem oblatam acceptare noluit: Tameñ enim initidè putauit, paucos fore, qui suæ vitæ impendio parare toti exercitui locum opportuniorem possent, postquam tamen animaduertere cœpit, quòd ipse vnus è paucis illis futurus, & interimendus in conspectu esset, iam aliter sensit, existimauitque infinitos fore eos, quos pro communi salute trucidari oporteret. Loquebatur enim apud se ferè ità: Putabam paucorum damno posse malo publico ferri remedium, at si id meæ vitæ iacturâ depelli debet, iam mihi videtur non exercitus tantum totus, sed mundus etiam vniuersus interiturus, nam si ego morte sublatus fuero, id mihi perinde fuerit, ac si totus mundus extingueretur, & omnes exercitus occisione deleterentur.

Doctor Angelicus 3. p. q. 79. art. 10. quærit, *Utrum per Sacramentum altaris conferatur gratia*. Et respondet, indubitarum, & communi omnium consensu receptum esse, quòd verbis explicari non possunt beneficia gratiæ, quæ in hoc sacro conuiuio consequuntur, quicunq; debita cum munditiè, ac deuotione

deuotione illud aduunt. Ad rem nostram plurimum faciunt verba, quibus sanctus Doctor hoc affirmat: *Effectus huius Sacramenti*, inquit, *debet considerari primum, & principaliter ex eo, quod in hoc Sacramento continetur, quod est Christus, qui sicut in mundum visibiliter Veniens consulit mundo vitam gratia, secundum illud Ioannis, Gratia, & veritas per Iesum Christum facta est, ita in hominem sacramentaliter Veniens vitam gratia operatur.*

Notanda in his comparatio, quâ gratiam vnâ cum altera sanctus Doctor componit. Ait namque, quod Dominus velut mundo gratiam contulit, cum in illum conspicuus venit, sic etiam, cum in hominem larvâ mysticâ specierum sacramentalium reclus descendit, illi beneficia impertit. Itanè verò ut intelligamus quid gratiæ Christus vni singulari homini conferat, considerare primum debemus eam quam in totum mundum effudit? Quid homini vni, & toti mundo? Plurima est amborum connexio, & paritas. Nam si vnumquemque hoc Sacramento refectum interrogares, quis panem illum sacrosanctum accepit, responderet, sibi videri totum mundum ex illo accepisse: Nam si fieri posset, ut vnus homo cum omnibus totius mundi hominibus vni mensæ accumberet, & hi quidem omnes auidè, hilariterque comedisent, ille nihil ciborum degustasset, parum vtilitatis illi splendida, & lauta comestio ceterorum attulisset, & è contrariò, si nemo aliorum de propositis ferculis quidquam accepisset, & ille solus magna cum voluptate, & auiditate cibum sumpisset, perinde illi fuisset, ac si reliquus mundus totus cum illo comedisset; ita nunc ait Doctor Angelicus, quod *sicut in mundum Veniens Christus consulit mundo vitam gratia, ita in hominem sacramentaliter Veniens vitam gratia operatur*, & cum in diuino altaris conuiuio pascit hominem vnum quendam, tantundem facit, quantum fecit, cum venit, ut mundum totum redimeret, nam quod sibi quisque bonum seorsim accipit, hoc ille tanti facit, quanti si totus mundus reciperet, quilibet enim separatim integer quidam mundus est, & cum ille vel perit, vel saluatur, hoc ei tantundem videtur, quantum si vniuersus terrarum orbis vel saluus fieret, vel periret.

Quisquis vel mediocriter sapit, difficilem captu arbitrabitur quandam regis Pharaonis ergà Iosephem beneficentiam. Interpretatus hic illi sua inuoluta, & obscura somnia fuerat, cuius sapientiam, & præstans ingenium cum rex agnoscere cœpisset, voluit honorare, & in sublimi dignitatis gradu collocare hominem. Ergò Vice-regem suum illum consti-

tuit, sulicq; annulum de manu sua, & dedit eum in manu eius, & vestitusq; eum stolâ byssinâ, & collo torquem auream circumposuit, fecitque eum ascendere super curruum suum secundum, clamante pracone, Ut omnes coram eo genu flecterent, & præpositum esse scirent vniuersa terra Ægypti; Genes. 41. v. 42. & 43. Quæ hucusque dixi, non sunt intellectu difficilia, quia varia habemus exempla regum, qui permunicipi fuerunt ergà suos gratiosos, quanquam beneficia sua tam benè, ac Pharaon, non collocarunt. Nam Ioseph famem ex Ægypto sublâtam expulit, alij verò gratiosi fame necant subditos, & Principum suorum ditiones exhauriunt, & perdunt, ut suis commodis, & vtilitati priuatè studeant. In nomine reperio ego difficultatem, quo appellari Iosephem Pharaon voluit, à quo illum proximum à se esse, & haberi iussit. *Veris nomen eius, & vocauit eum linguâ Ægyptiacâ Saluatorem mundi*; ibid. v. 45. Talis nominis impositi rationem tradit Abulensis, inquit: *Vocatur saluator mundi, quia per interpretationem somniorum, & dispositionem collectarum saluauit Ægyptum totam à morte, qua illi inferenda erat per famem.* Communis hæc interpretatio confirmat, augetque etiam meam dubitationem. Nam si Ioseph Ægyptum à crudeli sæuæ famis tyrannide vindicauit, vocetur, quod plurimum meruit, saluator Ægypti, at mundi saluator quamobrem dicatur? Si totus in Ægypto inclusus mundus fuisset, extraheret illam terram terra nulla fuisset alia, aptissimè in illum titulus sospiratoris mundi quadrasset. At cum Pharaon non ignoraret, esse mundi partem maximam extrâ Ægyptum, cur Iosephem mundi saluatorem appellari voluit, tanquam totum mundum seruasset? *Vocauit eum saluatorem mundi.*

Responsum ex doctrina tradita facile accipiemus. Nonnè Pharaon per prudentiam, prouidentiam, & vigilantiam Iosephitis eruit ex fame, liberauitque à penuria totum regnum suum, ditionesque illius omnes? Ità res habet. Quid fecit ergò rex? Saluatorem mundi illum nuncupauit, ipsi enim videbatur totum mundum saluasse, quando regnum eius sospitauit, nam si totus mundus reliquus saluatus fuisset, solumq; illius regnum interijisset, hoc ipsi tale fuisset, quale si regna mundi omnia perijissent, sua enim quisque bona, vel malè ità sentit, ac si totius mundi bona, siue mala essent. Ad eundem modum vos argumentari de saluatione, aut damnatione vestra æterna potestis.

Hinc intelligemus acutum aliquod verbum, quod Poëtarum maximus fraudulentissimo Græcorum

suggestit. Cùm perfidus Sinon ad regem Priamum adduceretur, blandisq; verbis, & pollicitatione illa inuitaretur, quòd municipem suum facere vellent, si detegeret secretum istius tam vasti equi, qui montem magnitudine penè exæquabat, ille respondit, velle aperire mysterium, quod in illo equo latebat, dum ipsi è contrà pollicitationi suæ starent. Id apud Virgilium Æneid. 2. his verbis agebat:

Tu modò promissis maneus, seruataque serues.

Troia fidem, si vera feram, si magna rependam.

Pressit in his Tiberius Claudius illud, *Magna rependam*. Latinis *Rependere* idem est, quod par pari, & monetam, quod aiunt, monetâ æquali referre, mit gleicher Muntz zahlen. Debes cuidam amico centum argenteos, reponis argenteos totidem, hoc est *repensisse*, & iuste satisfecisse. Hoc ita posito, quomodo Sinon dicere potuit, se paria *rependere* velle Troianis, si ab illis libertate, & immunitate ciuicâ donareretur, cùm ille vnus quidam homo esset, & Troia ciuitas ingens, & populosa, quam sospitare velle spondebat? Claudius Tiberius ait: *Vsu est Sinon tali verbo, ut diceret, Rependam, quasi tantum reciperet, quantum dederat, hoc est, ut salutem mereretur, qui se offerebat salutis beneficium prestare, idcirco posuit: Si vera, & magna pro incolumitate tua feram, debeo paria rependere.* At si rependere est vices pares reponere, videtur Pœta non satis iustam, accuratamque habuisse verborum suorum rationem, cùm Sinonem affirmasse ait, velle Troiam in libertatem asserere, idque pro libertate, quam ab ipsâ in vicem expectaret, sicque par pari rependere? Quomodo enim paritas inter res tam impares, inter hominem vnum, & regnum integrum, inter Sinonem, & Troiam esse potuit? At si rem suis ponderibus expendas, inuenies acutè dictum à Virgilio, quòd Sinonem dixisse ait, se pro libertate, quam speraret, rependere pares vices, & totum iuste exsoluere debitum, nec tantillo manere obnoxium: Nam ille de sua vita, & incolumitate eam habebat existimationem, quòd tantum valeret, quantum vita Priami, & regni ipsius salus, quisque enim se tanei æstimat, quanti mundum vniuersum, & quisque sibi velut singularis quidam mundus est, mundus enim totus interire illi videretur, qui ipse occumbit.

Quapropter Politicus noster salutis suæ cupidus debet eam sollicitè, anxie, totâque virium contentione procurare, in se namque totum mundum spectat, & si ipse pereat, hoc tam acerbè aliquando deplorabit, quàm si totus mundus damnationem in-

currisset. Quantam ergo diligentiam, vigilantiam, curam mereatur negotium, in quo de totius mundi salute agitur, res ipsa loquitur.

C A P V T IV.

Non satis prouide sit, cùm cura committitur alienæ, quod studio fieri debet proprio.

Vt maiorem fructum doctrina nostra faciat, bonum fuerit dictis aliud non minoris momenti, & vtilitatis monitum addere, & Politico nostro suadere quidpiam, quod tametsi plurimi non nesciant, pauci tamen opere explent, estque illud, vt res suas, quantum per virium facultatem fieri potest, ita disponat, & comparet, vt cùm ex hac vita emigrat, omnem bonorum operum apparatus secum ad tribunal Domini ferat, sic vt manus alienæ opem in altero sæculo non requirat, per quam euadat pœnas, à quibus seipsum seruare, aut liberare potuisset, si per se, quæcunque huc spectant, cùm viueret, ante prouidisset. Dicam id etiam apertius. Politicum nostrum hoc capite hortabor, vt quæ pro salute animæ suæ facienda putarit, ea omnia testamenti sui executoribus, tametsi amici, cognati, liberi sint, curanda non relinquat. Si enim quis ea, quæ curare ipse potuit, & ipsi necessaria sunt, neglexit, permittit, si alium reperiat, ad quem non magnoperè spectant, qui ea studiosè, diligenterque tractet, ac perficiat, quæ ille ex ignauia, & oscitantia prætermisit. Doctrina hæc tam perspicua est, & fructuosa, & salutaris, tantamque secum fert sui commendationem, vt eruditissimus Doctor Honecalâ Opusc. de satisfactione hic faciendâ dicendum putarit: *Multò esse præstantius, atque eligibilis, hominem, quamdiu hanc vitam degit, recte factis Deo satisfacere, quàm testamentarijs committere, & ea exequantur opera, atque suffragia, quæ ipse pro se agenda eis commendauit, & a purgatorijs pœnis eripatur, non tam disputatione, quàm suasionem indiget.* Rem enim tam magni momenti, in qua quisque tantum vel damni, vel commodi positi habet, committere diligentiz alienæ, alienum à recta prouidentia, & inconsultè factum videtur.

Dignus notatu est catalogus, quem Propheta regius texens commemorat opera pœnitentiæ, & afflictationes, quibus carnem suam emaciabat, & castigabat: *Non est sanitas in carne mea, afflictum sum, & humiliatus sum nimis, rugiebam à gemitu cordis mei;* inquebat Psal. 37. 9. tanquàm dixisset: *Nul- lam viuo iucundam, ac voluptabilem vnquam ho-*

ram.

ram. Verberabilissimam carnem, quæ vile obsecrarum culparum instrumentum fuit, crebris, durisque flagris addico, vt sic luat in hac vita turpes voluptates, in quas liberius effusa fuit. Quod oculi perculante suâ licentiâ, & lasciuo intuitu peccarunt, hoc amaris lachrymis abluunt, & emaculant. Cor, quod ceu primum mobile sensus, & potentias animæ reliquas post se abripuit, & inter sordidas corporis delitias, & oblectationes obbruit, nunc suspirat, gemitque, ac rugit, non secus ac irâ inflammatus, & furore percitus leo solet.

S. Basilii Magni Dauidem se loquentem inducit: *Ego cum prauertirem, nec expectauerim, si vnus aliquis externè hoc meum corpus puniret, insisto quopiam scilicet pessimo, ipse ex me malui penam scilicet expetere, carnemque meam, per quam peccatum illud admissum est, pœnis tradidi, me puniendo, multisque modis castigando.* Dum gravitatem scelerum meorum mecum reputo, ego ipse à carne, quæ portam flagitij aperuit, vindictam, & pœnas cupiditatum, quibus indui, fumo, consultèq; & sollicitè præoccupo omnem manum alienam, quæcunque mihi irrogare supplicia possit: *Ipse ex me malui penam scilicet expetere, peccatorum expetere.* Quàm elegantiâ, & apta rei præsentia verba! Ipsus ego in carne mea, quod caro malè egit, plectere volui, carnis malas voluptates non alijs, quàm carnis afflictationibus vindicaui, debita quæ caro contraxit, in carne, & cute lui, delitias carnis, luxumque & victus, & vestitus multauimus eiusdem carnis inediâ, & nuditate, nolui alienâ diligentia confici, quod proprio carnis labore fieri poterat. Cum enim haberem ipse, quo me certò, ac facillè exsoluere debitis possem, non putavi prudenter factum, si necessariò faciendam solutionem studio, & fidei, sollicitudinèq; seu cognati, seu amici, seu etiam filij testamentarij relinquerem.

Videamus an fortè Propheta regius in eiusmodi fuerit cogitatione, cum ista diceret. At cui hoc dubium esse possit? Statim enim subiicit: *Amici mei, & proximi mei aduersum me appropinquauerunt, & steterunt, & qui iuxta me erant, de longè steterunt;* ibid. v. 12. ac si dixisset: In viuis video, quod ab amicis familiaribus, & intimis destituor, experiorque ab ijs me grauius oppugnari, quos beneficijs maioribus artius mihi deuinxeram, cum alij gratias, quibus illos cumulauimus, vertant in lanceas, quibus me configant, & conficiant. Si hæc, dum adhuc viuo, conspicio, si filius me bello lacerat, & infectatur, si hi, quos foederatissimos habebam, in me consulant, cui me credam? Qui me viucentem non

solum obliuiscitur, sed etiam persequitur, tametsi beneficijs à me oneratus, quomodo mei post mortem recordabitur? Quomodo curabit, vt me bono Deo commendet? Hæc cogitans, *ipse ex me malui penitentiam scilicet peccatorum expetere, ipse mihi esse testamentarius malui, ipse per opera pœnalis satisfacere culparum mearum debitis, ipse res meas omnes disponere, & Dominum, quo meliore modo possem, placare malui, quàm alijs hæc curanda relinquare, de quibus vix aliud sperare possum, quàm quod memoriam mei à morte omnem abijcient.* Nam si amici me obliuiscuntur viuum, quomodo expectem, vt recordentur mortuum?

Confirmabo hæc quodam consilio, quod noster Hispanus Quintilianus patronis, & advocatis causarum controuersarum dedit, estque eiusmodi, vt cum his momentosa est propugnanda, non alteri advocato, aut legisperito commendent studium, quod causæ certa cognitio postulatuerit, & diligentiam, quæ rebus ad defensionem facientibus conquirendis necessaria fuerit: *Ne illas quidem tulerim delicias eorum, qui doceri amicos suos iubent. Sed quis discere tam bonè, quàm patronus? Quomodo autem sequester ille, & mediocritas manus, & quidam interpret impender aquo animo laborem in alienas actiones, cum dicturus ipse non sit? Quomodo inuigilet causæ defensionem patronus, cui nullus ex labore fructus, nulla hominis existimatio ex studio nascitur, si illum, cui res commendata est, & magnam adferet utilitatem, tam incurium, desidem, negligentemque videat? Ergo advocatus, qui superior à iudicio vult discedere, diligentiam ipse adhibere debet, stultum enim est putare, quod alter studiosè curabit rem, quæ ad ipsum non pertinet, quando ille eam negligenter, & ignauiter tractat, cuius emolumentum, & honor ex incuria periclitantur? Quomodo aquo animo laborem impendat in alienas actiones, cum dicturus ipse non sit?*

At si Quintilianus in rebus tam leuibus, quàm sunt opum facultates, commoda, & honor temporalis, tam vehementer damnat segnitiam, & inertiam advocatorum, qui alijs committunt studium conquirendi argumenta, quibus causa clientis defendi possit, ac debeat, eò quod fieri nequeat, vt quis rectè curet, quod ad illum non pertinet: Consultène faciet homo Christianus, si alienæ sollicitudini, dispositioni, diligentiz, & curæ aliorum, ad quos non magnoperè spectant, ea credat, per quæ, nisi rectè curentur, anima in periculum adducitur salutis, & quietis æternæ? *Ne illas quidem delicias tulerim.*

Nimis mollities est, ne dicam damnabilis remissio, velle ut alius sollicitus, & anxius, enixiusque quam tu, hoc agat, quod tu ipse pro te agere noluisti. Ut inuenias hominem, qui te plus, quam tu ames, fieri fortè potest, difficile tamen reperias aliquem.

Videamus quid fecerint sancti Patriarchæ, quos nobis Dominus tanquam specula animarum, & prototypa virtutum, & exempla bonorum operum proposuit. Quid egit Abraham, priusquam moreretur? *Dedit cuncta, quæ possederat Isaac, filijs autem concubinarum largitus est munera, & separauit eos ab Isaac filio suo, dum adhuc ipse viueret.* Gen. 25. 5. 6. Ut pax inter liberos post mortem patris constaret, ipse inter eos sua bona dispartijt, & Isaacum quidem hæredem nuncupauit, alijs autem inferiorum vxorum filijs quandam facultatum suarum portionem designauit, & contubernium eorum, conuiuiumque soluit, ut diuersis in locis habitarent. Hæcine cognato alicui, aut amico curanda reliquit? Non profectò. *Dum adhuc ipse viueret*, ipse bona sua ex æquo, & bono distribuit, ipse cuique suum priuarum habitationis locum designauit, nemini hoc opus credere, ne familiarissimo quidem, aut intimo voluit. Nam si opum suarum copias testamentario alicui commendasset, ut ille filijs eas traderet, fortè factum fuisset, quod fieri à multis solet, qui ut hæredibus omnem litigandi occasionem amputent, totam sibi vsurpant hæreditatem, ex quo fit, ut omnes omnia perdant, & viui quidem spoliuntur hæreditate, defuncti autem fraudentur suffragijs eleemosynarum, & bonorum operum, quæ mortuus fieri iussurat. Præuidens ergo Abraham quo in periculo versentur bona, quæ in manibus versantur testamentariorum, quamque procliuiter illi ex testamentarijs fiant hæredes, *dum adhuc ipse viueret*, bona sua suis pro cuiusque conditione, & qualitate distribuit, sicque omnes habuerunt, vnde commodè, & pacifice viuerent, cum non fuerunt relictæ in potestate testamentariorum, quorum nonnulli hoc officio vltimum sibi parant, quemadmodum alij manuum suarum labore.

O quam grauitè arguit, & damnat Plinius iunior hanc quorundam tam reprehensibilem negligentiam lib. 2. epist. 10. cum ait: *Dispice, ne sit parum prouidum sperare ex alijs, sit tibi ipse non prestes.* Vide ne sit damnosa ista tua desidia. Tu rerum tuarum es negligens, & speras alium eas sollicitè curaturum? O quanta deceptio! Propterea magnus credentium pater res suas suo quasque loco disposuit, *dum adhuc viueret*, tunc de omnibus, quæ post mortem siue ex-

gà filios, siue pro animæ suæ leuamine fieri voluit, constituit, neque hanc diligentiam sollicitudini alienæ reliquit.

Optimè hoc Isaac à Patre suo Abraham didicit; Nam ut vidit, quam feliciter illi cecidit, quod tam studiosè in viuis distribuit, quæ periculosè post mortem relinquuntur curanda, ipse etiam antequam viuere desineret, voluit declaratum relinquere, quem relinqueret primogenitum, hæredemque benedictionis suæ, & privilegiorum præcipuum. Quare filio suo Esau maiori natu imperabat: *Affer, & comedam, & benedicat tibi anima mea;* Genes. 27. 4. Quantum temporis intercessit inter mortem, & diem, quo hæc fecit? *Vixit posthac Isaac adhuc annis quadraginta tribus*, inquit Cornelius à Lapide in c. 27. Genes. colligitque ex ipsa sacra historiarum calculatione. Hæc verò, hæc pulchra est providentia, totis quadraginta tribus ante mortem annis disponere res suas, componere rationes, statuere quid pro anima fieri debeat, & non expectare donec non solum quadraginta tribus annis sequentibus, verum etiam nullo vnquam tempore voluntas suprema testamento expressa impleatur, nec sit, qui vllum aliquando moueat lapidem, ut è Purgatorio eximatur anima, quæ ibi detinetur, quod non sit, qui pro illa satisfaciatur.

Patriarcha noster Iacob cum timeret iram crudelis fratris sui, ut indignationem eius mitigaret, misit ad eum opulenta dona, inquit: *Placabo enim muneribus, quæ præcedunt, & postea videbo illum, forsitan propitiabitur mihi;* Genes. 32. 20.

Notate in his insignem prudentiam sancti Iacobitis. *Placabo illum muneribus*, inquit, non quæ postea irato fratri offeram, sed quæ præcedunt. Hæc enim singularis providentia est, præmittere dona, quibus reconciliantur animi alieni. Si ergo hominalem artificio placatum efficit hominem, cur non Deum ad eundem modum mitigare studeat? Qui Deum grauibz culpis, & enormibus sceleribus suis habet offensum, eumque cupit placare muneribus, quæ ille grata habet, suntque lachrymæ, cor dolore contritum, & poenitens, verberationes corporis, ieiunium, eleemosyna, Missæ, frequentatio sacramentorum, faciat quod Iacob, præmittat illas Missas, illas corporis castigationes, ieiunia, lachrymas, & alia poenitentiae opera, muneribus, quæ præcedunt, illum pacatum reddere laboret, ut & dicere cum Iacob queat: *Postea videbo illum, forsitan propitiabitur mihi.* Ita faciens citius admitteris ad conspectum Domini, & si poenæ Purgatorii subeunda fuerint,

rint, non tam diu ibi detineberis, quam si expectes, vt pro te post mortem satisfiat per eleemosynas, Missas, orationes, & alia suffragia, si tamen hæredes, ij etiam, quibus ingentem vim auri, argenti, omnique æris, & innumeras facultates reliquisti, vel eam habent tui memoriam, vt etiam vnā Missā pro te celebrari curent.

Transseamus ad id, quod Moyſes dux populi Dei fecit, qui postquam præceptorum diuinorum studioſam, sollicitamque obseruantiam suis commendasset, separauit tres ciuitates trans Iordanem ad orientalem plagam, & confugias ad eas, qui occideris nolens proximum suum, vt habet sacer textus Deuteronomio.

4. 41. 42.

Oleaster in annot. morali ibid. ait: *Omnia diuisio, ac rerum distributio, quam potueris in vita tua facere, fac, ne post mortem tuam non tam bene fiat, aut unde lites, & si fieri solet, inter hæredes tuos oriantur.* Duo mala impediunt, qui Moyſis exemplum secuti in viuus sua distribuunt. Primum contentioſibus aditum præcludunt, quæ inter hæredes nasci solent. Deinde maiorem ab hæredibus perniciem auerunt, illā, ne in manus testamentariorum incidant, qui sunt inimicorum maximus, litigantium pessimi, vique ac per tyrannidem occupantes bona, faciunt vt nec liberi eis gaudeant, nec defuncti suffragia ex eis, quæ possent, habeant.

Quid putatis hæredes maiore parte facere suis defunctis? Id, quod Hebræi illis centum octoginta quinque millibus militum impij, & barbari regis Sennacherib, quos nocte, & occisione vnā vnus Angelus extinxit, de quo sic habes 4. Reg. 19. 35. *Factum est igitur in nocte illa, & venit Angelus Domini, & percussit centum octoginta quinque millia.* Magna cædes. Quo mortis genere tam numerosa hominum multitudo perempta fuerit, non est satis vnanimiter constitutum inter Expolitores, eo quod sacer textus hoc non exponat. Nicolaus Lyranus ex sententia Hebræorum ait, fuisse incineratos sub armis, & sibi intractis, ita quod populus Ezechia potius spolia facile colligere. Veniebant ergo Hebræi, & frigidis extingtorum cineres quidem affatu remouebant, atque in campum abiectos cæli iniurijs confici sinebant, in hoc autem toti erant, vt sarcinas occasione dis-soluerent, prædā gauderent, vestes sibi raperent, & usurparent, diuitesque opulentiſſis spolijs domum redirent. Hoc est, quod plerumque vitā functis superstitēs hæredes faciunt, inquit P. Franciscus Labat in Apparatu concione verbo *Mors*, Proposit. 5. To. 2. his verbis: *A morientibus spolia detrabiunt, cineres*

relinquunt, hereditates, inquam, & legata mortuorum gaudentes adeunt, spolia eorum accipiunt, cineres eorum tradunt obliuioni, ex testamenti iussis ea solum curant, quæ sibi commoda vident, cætera ferè incurata relinquunt.

Huc respiciens Plinius iunior lib. 6. epist. 10. in-
quiebat: *Tam rara in amicis fides, tam parata obliuio mortuorum, & ipsi nobis debeamus conditoria extruere, omniaque hæredum officia præsumere.* Perit plerumque memoria defunctorum cum sonitu campanarum, quo illis extremum parentatur. Itā nemo cognatis, vel si fratres sint, aut etiam liberi, fidere turd potest, nemo ferè certam sperare à morte sepulturam, nisi quam ipse sibi viuens apparauerit. Feris obijcerentur defuncti, nisi metus, aut pudor prohiberet. Nisi ipsi nobis, dum viuimus, testamentarij simus, nemo ea, quæ secundum mortem fieri pro nobis vellemus, faciet: Ipsi nobis debemus omnia hæredum officia præsumere. Vxor enim mox nouum maritum, & quod ex illo solatium habere possit, suspirat, hæres omnes cogitatus ad curanda bona sibi relicta conuertit, amicus rebus suis attendit, omnes sua negotia occupatos habent, vnusque, ac solus maxime memoriam fugit mortuus. Videte Christiani, quid vobis dicat Gentilis. Neglige rem, quæ ad te plurimum pertinet, & videbis quam tibi damnoſa tua desidia erit.

Propterea Innocentius Papa III. in tract. de eleemosyn. aiebat: *Noli bonum, quod concepisti, differre, quoniam à mane usque ad vespem mutabitur tempus, & mens rapitur in diuersa, nec dimittas illud exequendum hæredi, quia & tibi laudem, nedum mercedem rependes.* Si Missas vis dici, si dari eleemosynas, si aliud quidpiam boni operis fieri, noli credere manibus alienis, quod potes facere proprijs, hæres enim, cui ea fortè curanda relinques, ne semel quidem præcabitur, vt Deus remuneret, quæ in illum contulisti beneficia, immò multas aduersum te querimonias dabit, quod non plura illi sunt à te relicta. Missas, quæ pro te legendæ erant vertet in murmuraciones, memoriam tui faciet crebram, sed in media turba, in cæcibus hominum orioſorum tua facta, atque infecta ore maledico perstringens. Pecuniam, quam in eleemosynas erogaturus pro tua animæ leuamine erat, lusu prodiget, fortè & maledictis te proſeindet, quod non plura illi es lucratus, & si te deslere videatur, id faciet, quod non multò ante mortuus es, nec plura paraſti. *Non dimittas exequendum hæredi, quodcunque illud bonum concepisti, quia & tibi laudem, nedum mercedem rependes.*

Hæc non in omnes, sed plerosque tantum sunt dicta, quia sunt etiam hæredes nonnulli valde grati, & testamentarii admodum pii, ac probi, quibus credi animarum suffragia possunt.

Nihilominus in re tam periculosa & momentosa autor fuero nostro Politico, vt Sanctorum Patriarcharum vestigia premat, qui dum viverent disposerunt sua, facultateque liberis distribuerunt, vt ne illis corrigendi materiam relinquerent, præpararunt se autem etiam ad horam mortis, vt magis securi, expeditique ante conspectum Domini apparerent. Non satis prouide quis committit negotium diligentiae alienae, quod ipse per se exequi potest.

Hanc materiam crebro tractat Autor. Vide Periocham II. Dominica V. post Pentecosten, Tomo 2. pag. 127. c. 1. o. Et loca ad finem illius Persocho adscripta.

C A P V T V.

Magis stulta temeritas, & præsumptio excogitari non potest, quam eorum, qui cum imbecilles sint, non timent offendere, vbi fortissimi ceciderunt.

EX superiore monito sequitur documentum præsens, æquè graue, & vtile, & momentosum, ac illud, quorum vtrumque coniunxit venerabilis P. Bernardus Syluest. inter opera sancti Bernardi tom. 2. dicens: *Diligentibus personam tuam non committas animam tuam. Committe animam tuam diligentibus suam. Dispone de rebus ante morbum. Sape quis efficitur infirmitatis seruus, & seruus testari non potest. Liber ergo sesteris, antequam seruus efficiaris.* Quando ergo libertate tuâ per integram valetudinem etiamnum gaudes, quando potentijs tuis per saluum rationis iudicium adhuc tibi præsens dominaris, & nosti rectè imperare, tunc dispone res tuas, quæcunque enim ad animam spectant, ea longum requirunt temporis spatium, multam animi attentionem, & quietem, sunt namque negotia, ex quibus non minus aliquid, quam bona felicitis æternitatis procuratio pendet, & reijcere hoc in vltimâ horam, quod multis horis, diebus, annis antè, multo studio attentissime, & perquam sollicitè disponit, est damnosissima negligentia, quâ perniciosior Politico nostro alia nulla esse possit.

Ad hanc tam exitialem socordiam nos impellere crudelissimus, & rabiosissimus inimicus noster impellere modis, quibus potest, laborat. Dicat hoc Propheta regius, qui cum de tentationum sævis procellis, quibus scopulus validissimi pectoris eius ab inuidis hostibus immanè verberabatur, loqueretur,

sic aiebat: *Verbum iniquum constituerunt aduersum me*; Psal. 40. 9. hoc est, verbo vnicò, sed malignissimo, voluerunt mihi bellum mouere crudelissimum, & sanguinolentissimum. Tantane verò verbo vni vis oppugnandi inesse potest? Tantum venenum subesse sententiolæ vni perexiguæ? At videamus quænam vis illa, aut quale in verbo vno toxicum. *Nunquid qui dormit, non adiciet, & resurgat?* inquebant ad illum ibidem, ac si dixissent: Nonne qui velut frigidum cadauer semel concidit, erigere sese, & resurgere animosus potest? Hoccinè verò est bellum, de quo sacer Propheta querebatur, hoccinè venenum, quod illi ab hostibus propinabatur? Quidnam illi talibus verbis volebant? Quod illi ijs verbis volebant, tale erat: Qui in mortem animæ & somnum lethalem, per peccatum mortale incidit, nonne is ab illo somno euigilare ad vitam gratiæ potest? Nonne peccator conuerti, nonne qui morbum per culpam contraxit, sanari potest? Quid ergo est, quod timeat, vel tremat, qui semel, ac sæpius peccat?

Apud Hugonem Cardinalem alia versio habet: *Verbum diaboli constituerunt aduersum me*, hoc est, verbum, quod mihi dixerunt, tale est, vt necessum sit, ab aliqui diaboli ore profectum, & auctorem alium, quam illum, habere nullum queat. Iam minus assequor sensum querimonie Prophetice. Nam qui dicat peccatori, posse illum conuerti, quantumuis hæcenus fuerit sceleratus, posse grauissimorum licet flagitiorum indulgentiam apud clementissimū Dominum reperire, ille magis verbum Dei, idque multoties in Scripturis ad erigendos peccatores repetitum, quam dæmonis sententiam locutus videtur, qui vnum hoc velut ex officio agit, diligentissimequè, & contentiosissime curat, vt desperare veniam, despondere animum, & nullam à Deo expectare remissionis gratiam persuadeat. Quod si ita est, quamobrem sacer Propheta Domini vocat verbum iniquum, verbum diaboli, toxicum inferni illud, quod Dominus ipse ad excitandos à lapsu, confirmandosque ad benè sperandum peccatores, & ad ineluctæ dexterae suæ, atque immensæ benignitatis ostentationem per omnia passim Prophetarum suorum ora est locutus? *Verbum diaboli constituerunt aduersum me.*

Respondet Hugo Cardinalis in illius Psalmi commentario: *Verbum diaboli fuit, Nequaquam moriemini, & modo per adulatorem, qui sunt organa eius, dicit: Nequaquam adhuc moriemini, benè potestis modo bibere, & comedere, Vos estis adhuc iuuenes, quando ieneritis, tunc facietis penitentiam.* Proinde

parentis

parentibus nostris dicebat olim indutus serpentem
dæmon, *Nequaquam morietur morietur*, Genes. 3.
4. atque ut tunc per ea verba feliciter apud incu-
tos, & infortunatos obtinuit, sic nunc eadem per
improbos assennatores administratos suos identidem;
& ubi ubi potest, inculcat, quo alios; ætate immatu-
riores maxime, poenitentia studijs sese tradere vo-
lentes vel moratur, vel prorsum auocat, vel tepidos,
ac torpentes reddit; idque verbis ferè eiusmodi:
Eia hilariter agite, animo indulgete, mundo, dum
per floridulam ætatem licet, frui mini, habet suum
poenitentia tempus reliquum, cui longam post an-
nos longos rugosa, & morosa, & nata ijs studijs fene-
stra operam dare poterit, ætas hæc tenerior fugit la-
chrymas; neque fert duras corporis afflictationes;
nunquid qui dormis, non adiciet, & resurgat? qui
iuueniles annos inter somnum vitiorum exigitis,
enigilabitis annis processioribus, Deus enim pater
misericordiarum est, sanguinemque pro nobis suum
fudit, & qui sub vltimam vitæ periodum exaudivit,
& beavit latronem; neque vos in pari discrimine
positos destituet. De talibus talia loquentibus aie-
bat Propheta: *Verbum diaboli confisterunt aduer-*
sam me; sermones venenati sunt, toxico imbutæ
sagittæ sunt: & pharetra mali dæmonis: Nam ut va-
ser, & insidiosus hic inimicus scit manifestum peri-
culum, cui obnoxia est anima, quæ poenitentia o-
pera horis vitæ seruat extremis, ita quantâ maximâ
diligentiâ, & contentione potest, studet male agen-
tibus repræsentare, & amplificare, atque extollere
misericordiam Dei, ut incurium, & de illa benigni-
tate nimium præfidentem peccatorem spes sua sub
horam mortis fallat, & frustretur.

Itaq; si Politicum meum quisquam talia loquens
conueniat, aduertat dæmonem esse, qui eiusmodi
verbis tectus veniat, & sermones illos spurium au-
rum esse, quo ad fraudem obducuntur pilulæ suspèn-
sionis poenitentia; & procrastinanda emendationis
vsque in supremam mortis horam. Dominus au-
tem, qui spem peruersissimi peccatoris fouet, & alit,
quando inuitat ad veniam, non consulit esse negli-
gentem, aut cunctatorem, aut crastinum, aut incur-
sum, velut diabolus suadet, sed iubet exurgere si-
mul ac ille hoc præcipit, saucijsq; cerui in morem
ad fontem salutis quàm celerrimè accurrere: *Hodie*
si vocem eius audieritis, nolite obdurare corda vestra,
aiebat ex Deo Propheta poenitens Psal. 94. 8. velut
dixisset: Quo momento vos inclinauerit Domi-
nus, è strato peccatorum ad lachrymas, & poeniten-
tiam expediti, festinantesque surgite. Itaque

Dominus dicit quidem omni malo culpæ esse para-
rum remedium, sed non dicit peccatori, nec consu-
lit ægro, ut sit incurius suæ infirmitatis, verum hoc
magis suggerit, ut quàm primum manum imploret
medicam, cumque prolapsus fuerit, mox faciat quâ-
tum valet, ut resurgat, & tantum Domini, quàm ille
protendit, statim arripiat, ut eius adminiculo se eri-
gat.

Seneca lib. 3. Controu. 5. ait: *In lege quoties*
tempus non adijcitur; præsens intelligitur. Ut ne er-
go peccator quisquam suam ignorantiam prætexat,
putetque leges Dei, eò quòd diuinæ sunt, differre,
quod ad hanc rem attinet, ab humanis, designat Do-
minus per Prophetam tempus, quo debeat, qui
peccauit, emendationi studere, inquit: *Hodie si*
vocem eius audieritis, nolite obdurare corda vestra;
ac si dixisset: Si hodie cecideritis, hodie surgere de-
betis, si hodie agrotare cæperitis, hodie ut conua-
lescat, curare debetis, si in adolescentia, in iuuen-
tute animas vestras foedis sceleribus contaminastis,
in eisdem ætatibus turpes illas notas per poenitentiam
emaculare debetis. Fieri potest, ut senecio restaures
mala, quæ animæ tuæ adolescens inculisti, verum
cum hoc sit perdifficile, & incertum, propterea
suadere, ut in feram ætatem emendationem differas,
dæmon, non Deus solet.

Huc oculos, ut arbitror, intendit sanctus Hiero-
nymus, quando in Epist. 65. peccatores exhortatur,
inquit: *Iungamus gemitus, lachrymas copulemus,*
& conuertamur ad Dominum, qui fecit nos. Hic
perspicuè alludit sanctus Doctor ad Psalmum, cu-
ius pauca verba paulò ante produximus, quibus an-
tequam peccatoribus citam, præproperatq; con-
versionem consuleret, præmisit ista: *Venite adore-*
mus, & procidamus, ploremus ante Dominum qui fe-
cit nos, ibid. v. 6. Hæc respiciens dicit beatus Hie-
ronymus: *Ploremus, & conuertamur ad Dominum,*
qui fecit nos, & medicinam vulneribus nostris letha-
libus quæramus efficacem. Quid verò fiet ei, qui
non citum quærit suis malis remedium, sed tardat
poenitentia assumere medicinam? *Non expectemus*
diaboli patientiam, inquit Doctor maximus. Si
tunc demum remedium salutis quærere incipimus,
cum viuere desinimus, si poenitentia opera, & cu-
ram animæ, rerumque ad illam pertinentium di-
spositionem in tempus mortis proximum reserua-
mus, poenitentiam diaboli quærimus sicque facienti
continget, quod diabolo euenit, hoc est, ut non in-
ueniat locum poenitentia, æternasque p. a. s. ne
spe remissionis exsoluat.

Et nescio, an dæmon laborauerit malo, ex quo multis hominibus fuit ægrè, multi etiam damnationem æternam incurrerunt. Sanctus Bernardus Doctor mellissimus in ea est opinione, hac re, præter alias, per motum Luciferum, ut in Deum, & Creatorem liberius insurgeret, quod sciret immensam esse bonitatem illius, & facilem sibi ab illo veniam concedendam promitteret, quidquid peccaret, iuxta illud Psalmi noni, *Secundum multitudinem ira sua non quæret*, quod ita accepisse satan videtur, ac si dictum fuisset: Quid refert, quod ego proximus illi sedere, & æmulari magnitudinem eius infinitam appeto, & qui eam exquare nequeo, omnem aliam creaturam loco, ac dignitate supergredi volo, cum tanta sit, tamque immensa illius misericordia, ut facile me in gratiam suam denuò admittat, quoties hoc ego optaro? At quid illi euenit? Quod rex propheta ait: *Exacerbauit Dominum peccator*, ibid. tamq; acerbè Lucifer animum illius exulcerauit, ut nullum ægritudo eius habitura sit remedium, nec ille vnquam è strato suæ culpæ sese erexiturus. Hoc ipsum, quantum æstimo, dicere voluit Sanctus Hieronymus, cum suafit statim à perpetrato peccato, ab accepto animæ vulnere cursu petere remedium, procurare medicinam, & totâ pedum pernecitate contendere ad fontem salutis. Nam à primo rationis vsu, à rudibus pueritiæ annis initium facere peccandi, & penitentiam reijcere in occasum vitæ, idque ex præfidentia nimis bonitatis Dei, & cum diabolo sentire, non esse tantam feritatem supremi Iudicis, quantum illi timor noster appingit, quin potius Iudicem non solum perindulgentem, sed etiam indulgentiam, & misericordiam ipsam esse, est spem diabolicam habere, & *diaboli penitentiam expectare*, aut penitentiam illius similem aliquando habere. Hæc dico, non quod vel nesciam, vel diffitear, articulum fidei esse, hominem, donec viuât, absq; remedio salutis non esse, (quamdiu enim anima corpus vegetat, nullum tam est graue flagitium, quod lachrymis, & verâ contritione obliterari, prorsumq; aboleri non possit) sed quia inter supremas vitæ periclitantis angustias homo difficilè se præparare, difficilè superiora malefacta exanimatè detestari, difficilè deplorare seriò potest. Varius enim tunc animus timor occupat, & dolor plerumque tantus, ut illius sensus vix aliud cogitare sinat, tentationes autem in illo extremo transitu vehementes sunt, & horribiles: Velle verò in vno illo expirantis animæ momento facere, quod totis effluxis annis nunquam factum, aut etiam cœptum, est conari aliquid, quod ut moraliter impossibile.

Transferamus huc in vsum nostrum aliquod Sancti Ioannis Chrysostomi dictum rei præsentis naturæ. Inorat. de S. Pelag. ille sic habet: *Scitis omnes vos quemadmodum post multa sæpè, ac multo tempore cogitata, cum occaso quadam conatum à nobis exigeret, si paululum timoris mentem nostram corripuerit, formidine repente percussi consilia omnia effundimus*. Experientia sæpè offert homines, quibus tam certum, quam deliberatum fuerit opus aliquod moliri, & ab instituto reuocant animum, non ob aliud, quam quod inopinato casu, neque etiam graui, exterriti non ausint conceptum persequi consilium. Quoties contigit Prædicatoribus, ijs etiam, qui sermones acutos, elegantes, proficuos, accommodatos ad docendum, & persuadendum, neque prolixos, magno studio, & singulari ingenij industriâ elaborarunt, memoriâ autem penitissimâ ita combibebant, ut domi in secretiore musæolo tam expedite recitarent, quam si è libro legerent, ut cum sacrum theatrum inscendunt, ita derepente turbentur, & confundantur, vel quia insolens quidpiam ab aliquo auditorum fieri insperatò viderunt, vel quia aliud quodcunque animo incidit, ut simul se & signo crucis præmuniant, & inchoent, & absoluant concionem? Quoties fit, ut id minime nobis occurrat, cum occasio postulat, quod illi diligentissimè à nobis designatum, destinatum, deputatumque fuerat? Quoties id primum excidit, quod maximè cogitaueramus? Si paululum timoris mentem nostram corripuerit, formidine repente percussi consilia omnia effundimus.

O quam bene dictum illud à Chrysostomo: *Consilia omnia effundimus*! hoc est, quæcunque longo temporis spatio diu, ac multum soli per altam quietem meditari constitueramus, ea leuiter profundimus, si leui solum, exiguoq; metu impellamur, non secus ac vitrum vel tenui aspiritu euersum, vel blando tactu fractum effundit omnem, quo impletum erat, pretiosum liquorem.

Conficiamus ex his nunc argumentum propositæ rei appositum. Si id, quod longis horis diligentè meditatione, per summam quietem à nobis deliberatum fuit, & constitutum, leui timoris alicuius vani impulsu tam facilè effunditur, & exinanitur? Quomodo vult homo illud ex tempore, & improviso bene facere, cuius non solum nullum antè periculum fecit, verum etiam contrarium semper fecit? Quomodo putat derepente id obliuisci posse, in cuius exercitatione per omnem vitam versatus fuit? Quomodo sperat id se tunc acturum, quod nunquam

quàm cogitauit, operaturum, quod nunquàm disposuit, effecturum, quod nunquàm probauit, maxime tot inter timores, & animi angustias, & sensuum confusiones, & perturbationes, & corporis dolores, & cogitationum tumultuationes, & dæmonum incurfiones, quibus per illud tempus obnoxij sunt ij etiam, qui per omnem vitam studiosè, ac sollicitè ad mortem se præpararunt, vt videre est in multis perfectissimis, & consummatissimis viris? Dicit hoc vnus pro omnibus Sanctus Hilarion, qui septuaginta propè annos in aspera solitudine, & penitentis operibus etiam asperioribus, in vitæ inaudita, & inimitabili sanctitate, ac perfectione transiuit, atq; interim aliud nihil egit, quàm vt omnia & faceret, & adornaret, quæcunq; ad felicem mortem spectant, & totis visceribus nihilominus contremuit, quann in supremo agone positus, terribilis Iudicis intolabilem seueritatem cogitauit. Vbi verò gigantes, post omnem eamq; longam, in admirabili sanctitate, & pertinaci virtutum studio, actam vitam, toto corde trepidant, & pertimescunt casum, quomodo non formidet miser peccator, ille Dei offensis semper assuetus, qui supremam maiestatem, ob cuius oculos princeps, ac præcipuus Seraphinorum tremulus prosternitur, tam multis, & magnis, & indignis modis grauissimè irritauit, & exacerbauit?

Animaduertat ergo Politicus noster quanti referat præparare se mox ad illam horam, præmunire se aduersus illius transitus extremi pericula, & dicere cum Iacob: *Iustum est, & provideam domus mea, & anticipatò prospiciam animæ meæ.* Quicunq; tempestiuè domui suæ prospiciunt, eorum semper sunt optimè instructæ à rebus necessarijs ædes, quia & meliora coemere, & minoris solent, qui verò necessariorum rerum procuracionem in finem vsq; differunt, vel prorsus non inueniunt, quibus indigent, vel ægrè reperiunt, & magno tum labore, tum pretio comparare debent. Sic illi, qui maturè præparant se ad horam mortis, & in tempore sibi prospiciunt, & ad transitum postremum se disponunt, facile superant, quæ tunc occurrunt, difficultates, ac timores, & Dominus tanquàm pater misericordiarum adiuuat, & corroborat illos, vt citrà periculum possint omnes vincere aduersitates. Secus otiosus peccator, qui contrà omnes bonæ agriculturæ canones, & contrà naturæ leges & cunctas rectè agendi regulas, vult messiem colligere, quo tempore agros colere, & seminare deberet, & cum tempestiuè sibi non prouiderit, vel non inuenit quem quærit rerum apparatus, vel difficulter reperit, citiusq;ue

Tom. III,

se delusum videbit, quàm consequatur vno momento, quod longis annis demeritus fuit.

Non longè hanc abest argumentum Periocha II. Dominica VIII. post Pentecost. Tom. II. pag. 153. c. 1. o.

CAPVT VI.

Horis vitæ supremis, & morti seruat dæmon crudelitatis suæ rabiem, & omnem solertiæ astutiam, ingenijq; & consilij vasritiem.

Nomine rugientis, & famelici leonis donauit communem generis nostri hostem primus à Christo Ecclesiæ Pontifex, & tanquàm pius, percupidusq; salutis ouium suarum pastor, & pater nos monet, vt vigilanter ab illo caueamus, ne sanguinarijs vnguibus suis nos concerpat, & rabidis dentibus laniatos in immania viscera traiciat: *Sobrijs estote, & Vigilate*, inquit ille 1. Pet. 5. 8. *quid aduersarius vester diabolus tanquàm leo rugiens circumstans quærens quem deuoret.* Totum dæmonis ingenium, indolemque illius omnem facit Apostolus describit à sanguinolentia, ab astutia, à ferocitate, & fraudulentia. Infatiabilem audacitatem, quâ animarum nostrarum perniciem desiderat, indicat, dùm ait, rugire, dolos & præstigias aperit, cum dicit circumire, hoc est, omnes vias percurfare, omnes tentare fores, & rimas, per quas ad inferendum nobis exitium, supremamq;ue stragem consciscendam penetrare queat.

Alludit ad ea Sancti Petri verba diuinus Nolæ Episcopus Paulinus in epist. 34. quando in hanc rem ista grauiter dixit: *Aduersarius noster non quiescit, & in nostrum perurgit hostis interitum obsidet omnes vias nostras, egressusq; & aditus omnium diligenter explorat, vniuscuiusq; vestigijs comes indiscretus affigitur, ac sepes egressibus nostris obijcit, & pedibus interfert. Et in plano quoq; latentem salebram malè cautus offendas.* Notanda in his ista: *Vniuscuiusq; vestigijs comes indiscretus affigitur*, hoc est, nemo pedem mouet, cuius passum vnumquemlibet non obseruet, vt in deuia abducatur, vel deiciatur. Non sic vmbra corpus sequitur, vt homines malus dæmon indefessè incessanterq; comitatur, vt eos destruat, & perdat.

Et quanquàm ille hoc per omnem vitæ nostræ discursum faciat, semperque nos absque vllis inducijs persequatur, ac perpetuus oppugnator infestet, tunc tamen vehementius efferatur, & venenum suum, maiore copiâ, & rabie effundit, & validiore conatu nos aggreditur, cum in extrema, & fatali vitæ neces-

YYY

sitate

Itaque vbi videri exordium in bello cum diabolo, Tertia cogitatio in vniuersis explicandis

itate positos cum anxietatibus mortis decertare, & inter procellosas vndas dubij exitus, & varij timoris periculose fluctuare cernit. Ibi tunc imaginationem metu poenarum, quæ malefactis præteritis sint paratæ, sollicitat: Ibi memoriam repræsentatione omnium, quæ siue perperam acta, siue male intermissa, angit, sic ea exaggerans, & amplificans, ut vastorum elephantorum specie obijciat animo, quæ nuper ad exilitatem formicarum usque extenuabat: Ibi Deum, quem de vultu semper beneuolentissimum, & amantissimum patrem arbitrati sumus, tanquam merus rigor sit, & ipsissima seueritas, in mortali agone positus exhibebit, & ex minutulis arenis excelsum montem conficit. Denique illi momento seruatur extremos virium suarum conatus, & omnes veteratorij artis suæ copias, sciens nostri iacturam sempiternam facere, nisi lucrum faciat, sciens nunquam obtinere deinceps posse, quos tunc perdat. Itaque etiam sancta mater nostra Ecclesia, tametsi ea Sancti Petri verba, quibus ille crudelis inimici nostri suam fraudulentiam, & fraudulentam scuitiam describit, ad qualemvis aliam ex Horis canonicis (quibus Deus per diem pro more religioso colitur) dici, aut cantari præcipere potuisset, ad solum Completorium tamen, quæ est Horarum istarum vltima, commemorari voluit, ut simul doceret, ac moneret, quodd ravidus hostis noster, quanquam semper dolose oppugnet, & rabið infectetur, nunquam tamen enixius hoc agit, neque astutius vigilantijsque exitium nostrum machinatur, quam cum exitum nobis supremum, & horam vitæ vltimam imminere putat.

Id Propheta Ieremias in sensu mystico vaticinatus fuisse videtur, qui ut nos aduersum suprema vitæ pericula præmuniret, quænamque illa, & quanta tunc futura sint, præmoneret, aiebat: *Ecce ego conuocabo omnes cognationes regnorum Aquilonis, & venient, & ponent vnumquemque solium suum in introitu portarum Ierusalem*; Ierem. 1. 15. tanquam ex ore Domini dixisset: Meo permissu fiet, ut omnia Aquilonis cognata regna aduersus vnam Hierosolimam concurrant, & quodlibet eorum thronum suum in ipsis vrbis portis statuatur.

Sanctus Petrus Damianus lib. 5. epist. 3. ait: *Qua sunt illa congregationes, siue cognationes regnorum Aquilonis, nisi malignorum spirituum multitudines?* qui cum magna caterua crudeliter coniurati veniunt, ut miserum in supremo agone, & præ mortis foribus positum sanguinolento bello opprimant, & ad inferos transmittant: *Hi solium suum vnumquemque*

in introitu portarum Ierusalem ponunt, cum egredientem de corpore infelicem animam circumposita, ne libera prodeat, obsidione custodiunt.

Notandum in verbis Ieremias, quod ait, vnumquemque malignorum spirituum tendere papilionem suum, & figere tabernaculum: *Et ponent vnumquemque solium suum in introitu portarum*; quia in illa vltima hora peccatum quodlibet animam, à qua perpetratum fuit, maiore cum furore demigraturam è terrestri hoc carnis gurgulio adoritur, inuadit, oppugnat. Tunc enim stygius lauernio totam repræsentat culpæ scditatem, speciesque illarum, & circumstantias, gravitatem autem etiam amplificat, & exaggerat, ut ita in desperationem abripiat. Hoc est, quod ait Ieremias, dæmones velut in sylvarum latebris, & insidijs opperiri eum, qui animam agens cum extremo spiritu configit. Quando autem infelix anima tam valido scderatorum insensibilium hostium exercitu cincta, tot legionibus nequissimorum, ac potentissimorum contrariorum obsessam, bellumque internecinum sibi à tot efferatis phalangibus paratum cernet, quomodo non pauebit, non trepidabit, non contremiscet ob oculos inimicorum, quorum tametsi maximus numerus, maior tamen est crudelitas, & scuitia, maxime in illo extremo vitæ articulo, vbi aduersarij totas exerunt vires, remque summo dolo agunt, & ad omnes artes, præstigiasque se conuertunt, quod ex illa hora successum non minoris alicuius rei, quam totius æternitatis pendere sciunt.

Sanctus Mediolanensis Archiepiscopus Ambrosius, & Magnus Basilius homil. 9. in Hexæm. hoc in ouibus singulare notârunt, quod sub expirantem autumnum & plus solito comedunt, & maiore cupiditate in pastum feruntur: *Oues accedente hyeme pabulum copiosius, audiusque ventri ingerunt*, inquit Basilius.

Quid verò causæ est, quod oues appetente hyemino tempore, tanquam insatiabiles sint, tam cupidè, abundanterque cibis suis insarciunt, & distendunt ventriculos?

Respondet Sanctus Basilius, id facere, quasi sibi statim providentes pro indigentia cibi futura. Naturæ instinctu doctæ ouiculæ sciunt, quod per asperum, frigidum, rigidumque hyemis tempus congruentis alimonie laborabunt penuria, itaque dum aduertunt paulatim marcescere, & deficere annonam, copiosius eam, audiusque ventri ingerunt, & quam toto anno alacriter, celeriterque herbas carpant, cum verò proximam imminere hyemem sentiunt,

fiunt, multò enixius, vberiusq; eas bident falce suâ demerunt. Sic & perfidus generis nostri hostis quanquam semper nostram anhelet perniciem, & ruinam, semper modos comminiscatur, quibus nos perdat, semper vias exploret, per quas exitium nobis adducat, semper circumeat *quærens quem deuoreret*, sed in vna mortis hora maximè ferocit, & impotentissimè furit, & omnes aduersum nos euocat fœderatos, & quàm vehementissimo impetu potest in moribundos inuehitur, sciens perpetuò se victum, nisi hac vice victor euadat.

Huc adduci solet illud ex Sancti Ioannis Apocal. c. 12. v. 12. *Va terra, & mari, quia descendit diabolus ad vos habens iram magnam, sciens quòd modicum tempus habet*. Magnam iram habens, inquit, non nescius, quòd omnia perdat, si in hoc supremo consilio occumbat, eaq; propter maiore armatur furore, testitoribusque vitur dolis, & stratagematis, & pugnat pertinacius. Huc etiam ferè adferunt illud, quòd de Noruegiæ accipitibus, siue falconibus dicitur, nimirum esse illos maiore volandi pernicitate à natura præditos, quàm cæteras eiusdem specie volucres, idq; quòd Noruegiæ dies perbreues, ac non nisi trihorarij sint, ex sole tribus, neque amplius, horis, plagam istam illucescente. Vt ergò æquila in eis oris sunt diei spatia, sic concitissimus est falconum volatus, vt necessariam agere prædam queant, & per velocitatem faciant, quod per exiguitatem diei non possunt. Sic ille Orci falco animarum rapui intentus inhiantius, incitatioresq; impetu inuehitur in eas, cum morti vicinas videt, *sciens quia modicum tempus habet*, sciens quòd in finem vita decurrit, capiendæq; prædæ spes omnis auolauit, cum vagues illius semel anima euasit.

Adductus fuit ad cælestem Magistrum miserabilis quidam iuuenis, quem nequam spiritus inuaserrat. Domini iussu ad illum allatus, cum *discessit eum statim spiritus conturbauit illum, & elisus in terrâ, solutabat spurians*, Marci 9. 19. spumasque in ore agens prodebat dolorem, qui latebat in animo.

Quid est, quòd tunc cacodæmon magis desuijt, ardentioresq; irâ inflammatus, cruciabilius hominem, quem occupauerat, afflictauit?

Respondet Nicolaus Lyranus: *Videns se citò ei sciendum, faciebat perus quod poterat*. Cum se quamprimùm exturbandum è corpore miseri, quod tenebat, & ex fortissimæ arcis, quam expugnâret, præsidio mox eiiciendum intelligeret, granius vexabat, & intolerabilius afflictabat ærumnosum hospitem suum, totaq; ad illum cruciabilissimè torquendum

vires expromens, *faciebat perus quod poterat*, acerrimèq; & acerbissimè illum exagitabat. Quòd tunc luctuoso illi, à quo emigraturus erat, faciebat, hoc abituris è vita alijs scelerum architectus dæmon facit. Cum enim videt moribundis exiguum vitæ spatium, sibiq; modicum expugnandi, ac perendi illos tempus esse reliquum, *facit perus quod potest*, efferaturq; & ferocit amplius, & insidiatur dolosius, & pugnat pugnacius, & irruit vehementius, & configit pertinacius, nunquam enim subigere illum deinceps, ne tentare quidem potest, quem tunc non superârît.

Lais formæ venustate, sed meritorij corporis ad illiberalem quæstum turpi prostitutione magis celebris, etiam Axine cognominata fuit, de quo Ælianus lib. 14. c. 35. sic habet: *Lais etiam Axine nuncupata est, quòd eius cognomen ingenij saustiam redarguebat*. Scita illa, elegansq; erat, sed dolosa etiam, quàm formosa, & quàm pulchra, tam vafra, & fraudulenta. Nec parum fuit, quòd eadem solerte ingenio, & liberali specie, pulchra, simulq; prudens fuit. Quanam verò in re scuities illius, & vafrities, & calliditas posita fuit? Respondet Ælianus: In eo, quòd nimium quæstum exigeret à peregrinis, eò quòd statim essens discessuri. Hospitibus, & aduenis, si quos venustatis suæ fascino in transitu dementârat, corporis sui vsuram nimis magno vendebat, idq; quòd statim essens discessuri. Versipellis enim lupa hæc ferè apud se aiebat: Præda hæc, quæ in pulchritudinis meæ castes nunc incidit, mox auolabit, nec mihi videbitur amplius. Volo ergò illam expilare, vt benè glabra hinc abeat, & pretij magnitudine breuitatem mansionis compensare. Sic dæmon cum animabus in confinio mortis positis agit. Quando enim astutus hic inimicus præsentit adesse horam, quâ homo Christianus ex hac vita in alteram commigrare debeat, scitq; illum tunc magis peregrinum esse, quàm omnibus diebus superioribus fuerit, & nunquam ad manus ipsius redituram animam, si eo momento euadat libera, maiore ferocitate, & latentioribus technis, & enixiore contumaciâ eam appetit, inuadit, oppugnat, tentat, exterret, eò quòd statim est discessura, nec reditura vnquam, vbi vel telis eius configi, vel alijs quibuscvis armis laceffi possit.

Flavius Vegetius postquàm monita dederat, quibus sollicitus, & diligens imperator ad instruendum, moderandumq; exercitum vti debeat, post hæc de ijs agens, quæ fieri oporteat, quo die in pugnam cum hoste descendendum, sic ait lib. 3. c. 11. *Hoc tempus est, quo tanto magis duces debent esse solliciti,*

quantò maior speratur diligentibus gloria, & maius periculum comitatur ignanos, in quo momento peritiam, & suis pugnandis doctrina, consilium dominatur. In horam dubij conflictus incertam tota seruari disciplinæ militaris scientia debet. Tunc & animi vigor elucescere, & pugnandi dexteritas se prodere, & sollicitudo flagrantior, & vigilantior cura esse debet. Tunc capitanei suam experientiam, suum robur milites, summi, atque infimi totas vires suas expromere, omnesque nervos contendere, & inflammare iram, & bilem suam accendere, & timorem abijcere, & impeterritè adoriri hostem debent: Nam quorum tunc frangitur acies, & funditur, aut fugatur, dissipaturque exercitus, eorum conclamata res arroganti ex victoria parti aduersæ in prædam cedunt.

Huiusmodi consilio crudelis inimicus noster præclare uti nouit, qui cum sciat, nunquam referre posse victoriam ab anima, cui in supremo conflictu semel succubuerit, idcirco ad eam pugnam & vires proprias omnes exerit, & copiarum auxilium suppetias, quascunque potest, aduocat, ut victoriâ potiatur, ex qua triumphum habeat sempiternum.

At cum hæc tam vera sint, & certa, atque indubitata, quam experimento quotidiano testata, potestné quisquam esse adeo salutis suæ inuidus, ut non se præparet ad horam vitæ ultimam, & ad animæ abitum supremum, quam in tectissimis insidijs positæ totæ legiones dæmonum præstolantur, & obseruant tanta cum auditate illam perdendi, ut non sit lapis, quem non moueant, non modus, quem non adhibeant, non medium, quod non arripiant, non fallacia, quam non excogitent, non artificium, quod non comminiscantur, non latus, in quod non se vertant, non technæ, quæ non vtantur, ut emigranti è corpore supremam perniciem adferant. Sciunt se ibi de victoria periclitari, cum qua æternam vel perdant, vel obtineant triumphum, ac propterea omni studio, & totâ virium contentione dimicant.

Præparet se ergo Politicus noster, ut bene ab omnibus instructus intrepidè in arenam descendere cum ferocibus illis, & versutis, & per omnem vitam insensibilis semper, & infestis possit. Præmuniat autem se multis elemosynis, orationibus, abstinentijs, ieiunijs, corporis verberationibus, Sacramentorum frequentationibus, & id genus alijs bonorum operum exercitationibus, ut tam validâ armorum operum multiplici scuto rectus possit securus supremi transitus euadere periculum, quod ubi superauerit, ride re feram dæmonijs astutiam, & astutam feritatem

poterit, & capite immarcescibilem quietis perpetuæ coronam triumphator excipiet.

CAPVT VII.

Qui Deum non timet Iudicem, is vel iudicio laborat rationis, vel fidei lumine est destitutus.

SI omnia acta essent, cum vita est peracta, nihil Smagnoperè in morte timendum foret, immò verò etiam, ut sunt huius vitæ multiplices, & graues ærumnæ, appeti mors posset, tanquam finis calamitatum, & iactationum omnium tranquillius portus. Verùm cum post mortem ulterius progrediendum sit, locuq; formidabilissimus, & periculosissimus ad eundem, nihil mirum est, quod mortis palæstram ingredi trepidant, qui oculis fide illuminatos habent. *Statutum est hominibus semel mori, post hoc autem iudicium*, inquit Apostolus Heb. 9. 27. Morti lex ordinaria omnem hominem addixit, à morte autem ad supremum Dei tribunal extemplo quisque abripitur, ubi verba illius, etiam quæ leuioris momenti, & opera omnia, & cogitatus secretissimi, absconditissimi discutiuntur, pensantur, examinantur. Verborum autem, factorum, & cogitatorum censor sedebit Dominus ille, cuius sapientia infinita, potestas immensa, tanta verò erit per id tempus austeritas, ut idem Apostolus in seueritatis illius consideratione positus dixerit: *Horrendum est incidere in manus Dei Gaudentis*; Heb. 10. 31. in manus, inquam, omnipotentes Dei, qui tanquam vigilantissimus excubitor, & lynceis explorator oculis omnia nostra peruidet, & obseruat.

Quis ille ob oculos Dei Iudicis, nisi qui fidem supremi perdidit iudicij, solutiorem vitam viuere, aut quidpiam agere auit, quod non iustitiæ regulis, & præceptorum dominicorum, rectæq; rationis amussim sit quàm maximè consentaneum?

Agar cum filio suo Ismaele eiecta è domo Abrahamæ ibat exul, non aliud secum ferens, quàm panem, & vtrem aquæ, consumptaq; est ea intrâ dies pauculos annona. Grauius afficiebat puerum ardens sitis, prorsusque confectus, & exanimasset, nisi Angelus ostensione puræ sitis, & labanti vitæ remedium attulisset. Bibit ergo siticulosus puer, & fugitiuam à vestibulo mortis animam reuocauit. Cum hæc ferè ita narrasset facer Textus, mox addidit: *Et fuit cum eo, qui creuit, & moratus est in solitudine, factusque est iuuenis sagittarius*; Genes. 21. 20.

Duplex est in his verbis difficultas. Prima, quis ille fuerit cum Ismaele, cum dicitur, *Et fuit cum eo*. Altera,

Altera, quale genus vitæ duxerit in solitudine, in qua moratus fuisse fertur, diciturque creuisse, & factus iuuenis sagittarius. De hac posteriore difficultate non conuenit Expositoribus. Multi enim aiunt, vitæ illius institutum fuisse non venari feras, sed trucidare homines, & sanguinem vertere non brutorum pecudum, sed animalium rationalium. Quod si affirmant, tale est, acsi grassatorem fuisse, & latronem viarum dicerent.

Verum Cardinalis Caietanus vult ex dilucidatione primæ dubitationis etiam secundam explicandam. Exponens autem quis cum Ismaele fuerit, sic inquit: *Iuxta hebraum habetur, Et fuit Heloim cum eo; Heloim autem Deum iudicem, & censores humanarum actionum significat.* Subijcit his statim Cardinalis Caietanus: *Hinc apparet nugæ esse, quod Ismaël exercuerit latrocinia.* Nec dissimulauit causam, ob quam in fabulis recenset eorum opinionationem, qui Ismaëlem in latrocinij egisse vitam putant, dicens: *Si enim Deus, quatenus iudex, erat cum puero, longè erat à latrocinij.* Nouerat puer latrocinia esse peccata, ijsque offendi Deum, quem & præsentem adesse non ignorabat. Quomodo ergo ob oculis coram positi iudicis peccatum qualecunque perpetrare poterat? Nemo vel in secretiore eremo, & abditissima, abditissimaque solitudine peccare audeat, qui fide certum habet, esse Deum iudicem: *Si enim Deus, quatenus iudex, erat cum puero, longè erat à latrocinij.* Quid ergo dicemus, qui tot hodieque inter Christianos videmus latrocinia, homicidia, & sine numero malitias? Si fortè eos, qui talia agunt, interroges, vtrum sciant, quod Deum, à quo iudicandi sint, offendant, respondebunt, scire. At si sciunt futurum iudicium, & pœnâ æternam talibus præparatam, vbi iudicium eorum, & ratio, quæ tam leuiter, ac temerè profluunt in offensas Dei iudicis?

Immeritò sanctus, & innocens Iob in sordido sterquilinio varijs vexabatur doloribus. Cum autem ad vitam præteritam se reflecteret, & ætatis ætæ volumina relegeret, leuamen inde suis cruciatibus, consolationemque accersebat, ac nihilominus dicebat: *In profundissimum infernum descendit omnia mea.* Putasne saltem ibi erit requies mihi? Iob 17. 16. quod ferè huiusmodi est, acsi dixisset: Quamquam in memoria hominum sepultæ sint omnes actiones meæ, nec sit quisquam illorum, qui me calumniatur, nec dæmonum aliquis, qui me vel infestetur, vel accuset, an propterea mihi esse securo licebit? *Putasne saltem ibi erit requies mihi?*

At cum sacrosanctus Patiens in asylo sepulchri positus, certus erat, quod nec dæmones ipsum persequi, nec homines facta eius criminari possent, cum mors vitæ simul, infestationumque omnium, & calamitatum finem faceret, eidemque tumulo & cadauer, & omnia inferrentur, quid est quod inclytus triumphator dæmonum, & aduersitatum velut dubitat, num vel à morte optatam sit habiturus requiè?

Sanctus Gregorius Magnus de hac re ad nostram eruditionem opportunè, & sic ait: *Perpendamus quantà debemus formidine venturum iudicium semper expauescere, quando & ille, qui à iudice laudatus est, adhuc de retributione iudicij in suis vocibus securus non est.* Vtilissimum hinc, commodissimumque nostræ institutioni exemplum, & documentum eruere possumus, hoc nempe, quantum horrere debeamus nos miseri peccatores terribile illud supremi Iudicis tribunal, cum & ille tam magnanimus ærumnarum grauissimarum toleratòr, tam inclytus calamitatum acerbissimarum victor, tam magnificus aduersæ fortunæ, & qualis quantæcunque infelicitatis triumphator, qui ab ipso Iudice hæc laudem encomia audire meruit, quod esset *vir simplex, & rectus, ac timens Deum, & recedens à malo, cui nullus similis in terra;* Iob 2. 3. nihil ferè per omnem vitam egerit, quam vt diceret, quantum illam extremi iudicij horram pertimesceret: *A iudice laudatus adhuc de retributione iudicij in suis vocibus securus non est.* At si ille adhuc pauebat, quem viuum etiamnum ipse Summus Pontifex albo Sanctorum adscripsit, si ille hoc vnũ propè semper, & vbiq; commemorabat, quam vehementer illius diei metu, & horrore laboraret, quomodo non dirigescit formidine eiusdem terribilis diei peccator, qui magnum illum Dominum, & Iudicem magnis, ac multis modis indignè, immaniterque offendit?

Comprobabo hæc parte quadam literarum, quas Libanius sophista ad Magnum Basilium dedit, quæ est inter illius epistolas 17. & sic habet: *Ecce misisti tibi orationem meam abundè sudore perfusam. Quomodo namq; anxie non sudarem, ei viro orationem meam mittens, cuius tanta est iudicandi facultas, & Platonis sapientiam, & Demosthenis vehementiam frustra iactatas esse conuincere queat? Vnde & horreo, & tremo diem illum, in quo sermonem meum iudicaturus es, quin parum absint, quin mentis similitudine destitutus.*

In his percommoda veniunt causæ præsentis hæc postrema: *Horreo, & tremo, diem illum cogitans, in quo sermonem meum iudicaturus es, quin parum ab-*

fuit, quin mentis sui facultate destitutum. At si homo hominis centuram irā metuebat, quā hac solim notaturus erat, num quid minus cultē, minus tersē, scitē, politē, eleganterq; dictum, num satis depexa, & ornata verborum phrasim, ut tantum non in mortis angustias formido illum conijceret, quemodo non artubus omnibus, & corpore toto contremiscent homo, cuius etiam occultissimos, & absconditissimos cegitatus ad suam falli nesciam trutinam exactissimē pensabit non miser homo, sed omniscius Deus? Quomodo non exanimabitur timore, qui omnia longā vitæ suæ spatia transiit in flagitijs, & Deo offensus, quando cogitat, quod illius, quem toties, tamq; enormiter irritauit, tribunali sistere se debeat, à quo provocare aliud non licebit? Quanto iustius ille, quā Libanius dicere poterit: *Horreo, & tremo, diem illum cogitans, in quo sermonem meum iudicaturus es, o supreme Iudex, & Domine.* Nam si tunc bonorum etiam expetetur ratio operum, quā stricte discussione examinabuntur malefacta, & peccata?

Vidit Propheta Ezechiel quatuor illa admirabilia, & mystica animalia, quorum vnumquodlibet quatuor alas, totidemq; facies habebat, putā hominis, aquilæ, leonis, bouis. Viso autē talis erat, ut cordatissimum, & animosissimum hominem percellere metu posset. Ille tamen omnia tam intrepidus spectabat, ac si ludum aliquem festiuissimum vidisset. Inter alia, quæ oculis illius obijciebantur, fuit quidpiam solij figuram referens, & super similitudinem throni, similitudo quasi aspectus hominis desuper; Ezech. i. 26. Vix autē quidquid illud hominis simile in throno arbitratus fuit, quando totus expauit, & expalluit, totumque corporis illius ædificium tremore concussum, atque euersum corruit: *Et cecidi in faciem meam*, inquit ipse c. 2. 1.

Notauit hunc admirabilem successum sanctus Abbas Turtienfis Rupertus lib. 1. c. 17. in Ezechielem, & ait: *Non statim & vidit similitudinem quatuor animalium, vel casera, qua consecrata sunt, cecidit in faciem suam, sed postquam vidit similitudinem throni, & desuper similitudinem quasi aspectus hominis.* Tunc enim cecidi, ait, in faciem meam. Quid ille thronus tam sublimis, & excelsus representabat? Deum hominem, qui è suo tribunali, & solio supremo vitæ actus rationes ab omnibus hominibus exiget, & excipiet. Quid mirum ergo, quod Propheta non solum territo animo, verum & auidis oculis aspectauit tam rara, & prodigiosa, tam variè, & mirabiliter figurata, è tam multis vultibus confata, &

nunquam ante visa animalia, attonitus verò, & ex-pauesfactus, & humi deiectus fuit magnitudine timoris, quem hausit, cum similis Deo Iudici oculis illius occurrit? Nam si rem probe consideres, inuenies, quod nec ærumnæ, nec persecutiones, neq; visiones, nec Angeli, nec dæmonia quæ debeant exterrere hominem prudentem, atque irata facies, fulgurantes oculi, sanguinolentus gladius, & supremum tribunal Dei Iudicis. Sic enim quidam veterum eremi Patrum apud Nouarium in Eclēis sacris lib. 4. Excurs. 87. siebat: *Si possibile esset animas interire, adferret in aduentu Iudicis.* Mortem immortalibus animabus si quæ res conficere posset, vnus maxime adferret intuitus supremi Iudicis tam potentis, sapientis, immensi, iræque, & furore inflammari aduersus eos, quos sanguine suo redemit. Res ista ampliore, ut videtur, exaggeratione augeri non potest.

Reuersus Abraham ex Ægypto in Palæstinam cum sua chara Sara, & dilecto consobрино Loth, erat diues valde in possessione auri, & argenti; Genes. 13. 2. nec minus varij pecoris copijs affluebat. Quod hic de Abraham dicitur, *Erat diues*, id pluribus modis translulerunt linguæ Hebrææ periti. Alij enim verterunt, *Erat gratus*, alij verò, *Erat ponderosus nimis*, quando scilicet de Ægypto regressus.

Quæ verba, tamen si aliud forte sonare videantur, Glossa ordinaria apud Abulensem in c. 13. Genes. sic interpretatur: *Erat gratus, vel onustus debitis, & non diuitijs, quia illi, qui peregrinantur, plura expendunt, quā in terra sua manentes.* Parum ergo faciebat, quod magnam vim auri, atque argenti secum ferret, cum ex alia parte in magno ære alieno esset, quo plus grauabatur, quā opulefceret ex auro. Cohærent ergo ista, quod & diues valde, & plurimum oneratus reuertisse dicitur.

Tale quidpiam de quolibet homine Christiano affirmare possumus, nimirum quod & diues valde sit, & ponderosus, & gratus, siue grauatus, hoc hebreo mit Reichthumben / und Schuldenlasten. Quis enim opulentior Christiano, quem Deus abique vilo illius merito exemit è Gentilismo, & in Ecclesiæ suæ amœna, & voluptuosa plantaria transfudit, postquam animā rationali tribus nobilissimis facultatibus præditā donauit, atque à brutis illum secreuit, & Angelis cognatum fecit, & ad suam imaginem, similitudinemque effigauit? Posthæc & lumine fidei diuino cæcos illius oculos illuminauit, cuius ope, ac beneficio reconditissima mysteria cognoscit.

CAPVT VIII.

*Ex mala vita sperare mortem bonam, est fructus
ab amara radice expectare dulces.*

Cum suprema nostra felicitas (quod probatum dedimus) in felici vitæ præsentis clausula sit posita, beatitudinisque illius obtinendæ varia magno studio conquisita remedia proposuerimus, superioribus aliud, idque tanquam fundamentum illius consequendæ præcipuum hoc capite adijciemus. Quisquis ergo prosperam, & secundam optat mortem, curet bonam ducere vitam. In hac basi spes extrema tutò fundabitur. Nam ex principiis facile est conjicere successum, & primordia sunt prognostica finis, quem habitura est actio. Ità sentiebat S. Laurentius de triumphali Christi agone cap. 13. §. 4. inquit: *Prætoriorum exhibitio, Genturorum est certitudo, & de via, quam quis init, arbitrari licet, quò tendat.*

Cum de templo secundo instaurando ageretur, plurimi de Sacerdotibus, & Levitis, & Principes patrum, & Seniores, qui viderant templum prius, cum fundatum esset, & hoc templum in oculis eorum, flebant voce magnâ, 1. Esdræ, 3. 12.

Sed quare tam altum eiulabant, qui templum prius viderant, & videbant initia posterioris? Erant tunc alij, qui tantâ lætitiâ exultabant, ut animi gaudium magnis vocibus patefacerent. Multi enim vociferantes in lætitiâ, eleuabant vocem, ut habes ibid. Quid est, quòd alij acerba lamenta edebant, cum alij risu diffuerent? Quamobrem hi cachinnabantur, cum lachrymas illi funderent?

Respondet P. Caspar Sanchez in cap. 3. libri 1. Esdræ: Primores populi, & qui cum ætate, rùm prudentiâ antecellebant alijs, cum scirent quàm ingens, quàm sumptuosum, quàm magnificum, & admirabile fuisset primum illud Salomoniticum templum, & ex fundamentis, ichnographiâ, siue doliueatione concepti operis noui diuinare faciliè possent, quale futurum esset templum posterius, quod tunc adornabatur, ex fundamentis, quasi ex vnguibz leonem, cognoscentes fabricam secundam, quæ apparabatur, dirum illachrymabant, quòd promptum illis esset arbitrari, quantò inferior futura esset hæc secundâ priore. Itaque ex exordio augurabantur finem, ac propterea flebant.

Quando videmus hominem, qui à teneris annis perditè viuere, delitijque, ac turpibus voluptatibus se tradere incipit, illius finem, & infelicem vitæ clausulam deplorare possumus, ac meritò debemus. Ex forma,

gnoscat. Et ne inopem in Ecclesiæ paradiso vitam viueret, septem illi fontes totidem Sacramentorum ad omnem voluptatem dedit, & victum non alium, quàm diuinæ carnis pollucibilissimas lauitias, & pretiosas atque inestimabiles Sanguinis sui nectar, & ambrosiam. Beneficia inspirationum, & vocationum singularia inexplicabilia sunt, pericula verò, à quibus liberatur, innumera. Quis locupletior illo dici possit, qui hoc in terris accipit, quod gratiosissimo Seraphino non conceditur in cælis, quale est accumbere quotidie mensæ, cuius Deus ipse & conuiuium est, & conuiua? Nihilominus ille tam copiosus, & affluens Christianus maximæ miseriæ, pauperiæ, infelicitati proximus est, nisi tantæ Dei beneficentiæ humiliter respondeat, & pro tam insignitis gratiæ donis, quasquæque cum eiusdem gratiæ ope potest, vices rependat, & vel partem debiti luat, qui totum soluere non potest. Dicere ergo possumus, quòd Christianus flagitiosus, & ingratus diues est fide, quàm habet, per quam est omnium enumeratorum bonorum capax, sed maxime omnium mundi hominum etiam oneratus debitis, Erat ponderosus nimis: Daturus enim est exactissimam rationem beneficiorum omnium communium, & priuatorum, & quia cum donis crescunt rationes simul donorum (quod in æconomorum administratione, & calculis videre licet) strictissima sanè exigetur ratio à Christiano, cui tam multa, & magna sunt concredita. Et cum suas rationes illi Domino exhibere debeat, qui quàm liberaliter sua beneficia erogauit, tam accuratè, rigidèque vsum illorum discutiet, ac ponderabit, quis non timebit, quis iudicij compos ad huius non contremiscent memoriam iudicij?

Ergo si Politicus noster, qui perpetuo studio suæ animæ administrationem curare quàm diligentissimè debet, non plurimum sollicitè suas examinare rationes, non anxie ad calculos sua accepta, expensaque reuocat, neque sæpè cogitat, quomodo suam purgare negligentiam, excusare oscitantiam possit, cum certum habeat, quòd mori debeat, & iudicium subterfugere extremum non possit, vel infidelitatis illum arguemus, vel conuincemus stultitiæ.

*Eundem scopum petir Periocha I. Dominica VIII. post Pentecosten, Tomo 2. pag. 151. c. 1. o. Vide in
transque Tomi Indice rerum Verbo Iudicium.*

forma, & ratione vitæ præsentis coniecturam de morte illius, qualis ea secundum cursum ordinarium futura sit, facere possumus. Nam vt magnus Cassiodorus lib. 12. epist. 2. ait, *de rebus præteritis spes magna redditur in futurum*. Itaque qualis fuerit vita superior, talem plerumque fore mortem præsumere possumus. Ex vngue vitæ leonem mortis secundum morale iudicium æstimare possumus. Spem ergo felicitis mortis tantam aliud nihil, quantam vita sancta facere potest, vt enim quisque viuunt, sic ferè moritur.

S. Propheta Daniel refert, Nabuchodonosorem regem vidisse aliquid in somnis, quod magnam animo illius attulerit turbationem. Hoc verò illum maxime angebat, quod recolare memoriâ non posset, quidnam illud vidisset. Accersit ergo sapientes suos, eisque præcepit, vt non tantum edicerent, quid illi in quiete per visum occurrisset, verum etiam quid somnium portenderet. Rogarunt illi regem, vt ipse, quid dormienti visum fuerit, aperiret, tuncque mysterium sibi aperiri imperaret. Tunc rex: *Si somnium non indicaueritis mihi, vna est de vobis sententia, quod interpretationem quoque fallacem, & deceptione plenam composueritis, Et loquamini mihi donec tempus pertranscat. Somnium itaque dicite mihi, Et scribam, quod interpretationem quoque eius scribam loquamini*; Dan. 2. 9. tanquam apertius dixisset: Tempus nequicquam prodigimus. Nisi vos mihi quid ego per somnium acceperim, dicatis, de fraude vestram suspectam habeo sapientiam. Nam si ego vobis somnium detegam, facile vobis erit comminisci interpretationem, quæ ad me non pertineat, & ad me circumueniendum solum sit excogitata. Somnij ergo memoriam mihi refricite, alioquin imposturam putabo quidquid hac de re mihi coniectores dixeritis.

S. Gregorius Magnus querit, cur hic rex tam pertinaciter inhaerit suæ sententiæ, volueritque ex reuelatione præteriti somnij certior fieri de successu euentus illius futuri, cum satis illi esse posset sapientum suorum interpretatio, qui se somni portentum exposituos promittebant, dum ipse somnium tantummodò manifestaret?

Respondet beatissimus Pontifex homil. 1. lib. 1. in Ezechielem, prudenter factum à rege, quando voluit, vt arioli prius somnium ipsum, deinde illius significatum diuinarent, vt quæ futura augurarentur, indubitatiùs credere posset, si veram de præterito somno coniecturam fecisse antè vidisset. Verba Magni Doctoris sic habent: *Certè rex Babylonicus cum somnium videret, misit ad magos, & arceles, om-*

nesque sapientes Babylonsa conuocauit, nec ab eis solummodo interpretationem somnij, sed etiam somnium quæsiuit, & mirum ex præterito colligeret, si quid in eorum responsionibus de futuro certum teneret. Optimus ille visus est regi diuinandi modus, si futuri veritatem de præterito conijcerent, rerum enim antea factarum cognitio facit, vt earum, quæ venturæ sunt, præuisionem certam facile habere possimus, ex primordijs enim extrema ferè colliguntur, finisque ab origine pendet.

Volcebat Propheta regius omnes invitare mortales, vt ipsum attenti audirent, & solliciti ausculta- rent. Qui autem tam ingentem expetebat hominum concionem, eius procul dubio admodum utilis, momentosa, & necessaria doctrina fuit. *Attendite popule meum legem meam, inclinate aurem vestram in verba oris mei*; clamabat ille Psal. 77. Quid rei dicturus est Propheta, pro qua nostram tam studiosè capiat beneuolentiam? *Aperiam in parabolis os meum, loquar propositiones ab initio*, inquit ibid. vers. 2. Quænam illæ propositiones, de quibus pro concione disset? Nam quod tam confertam auditorum multitudinem adesse cupit, eisque non alia, quam parabolarum, & ænigmatum secula præbitorum dicit, parum voluptuosum, ac tale videretur conuiuium, quod auscultandi orexin, etiam non languentem, vix excitare possit. Ità foret, nisi mox subiungeret, quæ de re dicturus esset, inquit: *Loquar propositiones ab initio*; velut dixisset: Parabola mea, & meum ænigma non aliud est, quam vt dubitationem quandam, difficultatemque dilucidem, & hoc exponam, quid demum de homine futurum, cuius tam est dubius finis, quem terminum vita illius, qualemque peregrinatio eius conclusionem sit habitura. Obscurum hoc ænigma est, & inuoluta, difficilisque parabola, inquit. Itane verò intricatum hoc tibi videtur ænigma? Ego verò rem apertam, luculentamque existimo, pronuntiare de clausula, siue conclusione vitæ hominis, qualis ea sit futura. Vnde autem huius rei alioquin perdifficilis, & abstrusæ tam apertam auribus cognitionem? *Loquar propositiones ab initio*, inquit, quasi dicat: Dicito tu mihi vitam hominis priorem, & antea factam, ex hoc principio ego illius certò conijciam conclusionem. Incipiat quis viuere sanctè, habeat bona, & felicia primordia, ex his principijs ego argumentando colligam, qualis sit futurus finis.

Hugonis Cardinalis commentarius in illa verba sic habet: *Loquitur propositiones à principio incipiens, & quæ ad finem mortis eius usque nostrum, in quo fine*

non loquatur propositiones, sed conclusiones, secundum quod nos sumptimus assumptiones. Loqui propositiones ab initio idem est, quod colligere ex initio conclusiones, quales habebunt singulorum vitæ. Hoc enim cursus rerum ordinarius habet, vt cuius fuerunt bona initia, eiusdem sit etiam felix finis: Nam cum sancta primordia sint bona dispositio ad vitam sanctam, & bonam, ex illis duabus propositionibus primordiorum bonorum, & vitæ sanctæ deducitur conclusio, colligiturq; non difficile, qualem quis vitæ clausulam sit habiturus. Sanctam enim inchoare vitam, eamque constanti pede persequi, est laudabilis, & operati finis felicissimum prognosticum, & faustissimum auspicium. Vitam nempe inter virtutum studia actam mors plerumq; sancta excipiet. Velle autem, vt vitam contaminatam, & flagitiosam, & perditam felix, & fortunata mors consequatur, tale est, ac si optes, vt dumus syluestris suaues fructus proferat, & tribuli ficus edant, & radices amaræ dulcia poma generent.

Cum sanctus totius Ægypti præses Ioseph apud se iam haberet charos fratres suos, priusquam ad salutandum, venerandumque regem ingrederentur, præmonebat eos, quid responsi dare deberent, si de vitæ suæ statu, officiorumq; conditione ab illo fortè interrogarentur. Dicite, aiebat, *Et vos pastores sumus serui tui ab infantia nostra & que in presens. Hac autem diceris, Et habitare possitis in terra Gessen*, Gen. 46. 34.

Quo consilio suaserit Ioseph fratribus suis, vt regi dicerent, se pastoritiam artem ab annis vitæ suæ primulis constanter coluisse?

Respondet Abulensis: *Hoc dicebat Ioseph, ne rex eos faceret bellatores, & disungeret*. Optabat castus iuuenis fratres suos habitare simul, & esse contubernales; adeo laborabat, ne dare militiæ nomina rex iuberet, quod inde futurum esset, vt à sese diuellerentur, & distraherentur. Vt ne verò mereri stipendia cogerentur, præcepit dicere: *Pastores sumus ab infantia nostra & que in presens*. Ergone ex eo, quod muneri pastoritio iugem penè ab incunabulis operam dedissent, futurum erat, vt rex militare non imperaret? Perspicua res est, inquit Abulensis, quod rex non faceret eos bellatores, sciendo totà vità hoc officium tenuisse, quia iudicaret eos inhabiles ad aliquid aliud. Quid enim? Qui per omnes vitæ superioris annos aliud nihil egerant, quam vt greges pascere, igne posterioribus diebus strenui esse milites poterant? Nemo senex facile discit artem, cui non studuit puer. Rex ergo, vt Ioseph prudenter arbitra-

batur, ita apud se dissuaserit: Qui vitam semper quietam, qualis est pastoritiam, duxit, is in bello, quod milites solent, non bene eam finierit, qui solium hætenus pedum gestauit, & inter mansuetas oues vixit, is gladium tractare, & cum militibus leonum similibus, hoc est, effertis, & sanguinariis hominibus consuescere ægrè poterit, neque felicem annorum conclusionem faceret, si quis ab illa tranquilla vita, quam semper tenuerat, demum ad hanc tumultuariam transiret.

Ex his in rem nostram à contrario sic differo. Qui omnem ætatem superiorem in bello, dissidijs, contentionibus, & offensis diuinæ maiestatis exegit, demum autem sine quieto, & tranquillo suam vult concludere vitam, is miraculum nunquam visum expectat. Nimium quantum præsumit, qui inter brachia, & amplexus Domini, tanquam alter quidam Moyses, cupit suauiter, pacatèque obdormire, cum per omnem vitam suam Dominum illum totà lacertorum suorum vi, & brachiorum contentione varijs, enormibusque sceleribus indignè oppugnauerit, & lacerauerit. Nescio quomodo talis vitæ finem talem sperare quis possit. Vita omnis bellica fuit, ergo mors erit pacifica. Malè infert, qui sic ratiocinatur. Verum à vita sancta ad mortem quietam, & beatam optima est consequentia. Hæc de ijs dico, quæ plerumque, & maximam partem eueniunt, potest enim misericordia Dei facere, vt mala vita finem bonum sortiarur, potestque ex eiusdem iudicij occultis fieri, vt quis piam vitam infelici morte claudat. Verum ex his, quæ rarò accidunt paucis, non debemus, nec possumus paria promittere omnibus, vt neque de vno singulari totam æstimare communitatem.

Admiratus cœlestis Magister fidem magnā Centurionis, cum dixisset, non inuenisse tantam in omnibus Israëlitis, subiunxit, inquit: *Disco autem vobis, quod multi ab Oriente, & Occidente venient, & recumbent cum Abraham, & Isaac, & Iacob in regno colorum*; Matth. 8. 11.

Multam hæc dicta parere possunt difficultatem, per quæ nimirum ab expectatione regni colorum excludi videntur, quicunque Septentrionem, Meridiemque habitant. Cum enim sint quatuor partes mundi, & Dominus eos solos recubituros in isto regno cum tribus ijs illustribus Patriarchis affirmet, qui ab Oriente, & Occidente venient, consequens videtur, quod Septentrionalium, Meridionaliumque; nemo ad illum conuictum perueniet. Hoc autem durum est, & incredibile, in omnibus enim mundi partibus

partibus erunt, qui cælo potientur, & ad consortium illud commigrabunt. Quid ergo est, quod Dominus Meridionales, & Septentrionales ab ea excludere videtur felicitate, quam solis promittit Orientalibus, & Occidentalibus? *Multæ Venient ab Oriente, & Occidente.*

Nullum hominum, quacunq; in parte mundi degat, excludit ab illa felicitate Dominus, inquit sanctus Paschasius, omnes ut benevolus pater vocat, omnes ut pius Dominus admittit. Quod verò ait, venturos ab Oriente, & Occidente, hoc fecit, ut indicaret modum, quo sibi quisq; finem optatum procurare debeat. Modus autem hic est, ut quisq; ab Oriente, siue principio vitæ vitam bonam inchoet, solemq; euntem imitetur, incedens per illustres virtutum, & honorum operum semitas. Felicem enim occasum habebit, quicunq; hoc fecerit. Solius ergo Orientis, & Occidentis mentionem fecit Dominus, ut significaret, eum felicem bonæ mortis occasum habiturum, qui statim cum oriente luce fidei splendere operibus bonis cœperit, & in illorum studio, atque exercitatione perseverauerit. De hac re sic habet S. Paschasius lib. 5. in Matth. Prima, &

Ultima ideo ponuntur, nam & illi soli tunc in regno recumbent, quos nimirum iustum relictæ fides, & consummatio boni operis probauerit idoneos. Denique à bona vita ad felicem mortem bona sit consecutio.

Cum verò nemo sit, qui non prosperum sibi vitæ finem optet, Politicus noster, qui & ipse suam mortem beatâ claudere desiderat, curet seriò, grauiterq; ut omnes vitæ actiones desiderio illi respondeant. Sit diuinorum præceptorum studiosus, ac sollicitus obseruator, propositumq; illorum custodiendorum firmiter, animosèq; semper retineat. Dominus enim suorum fidelissimus remunerator, qui per omne vitæ curriculum dedit mandatorum obseruandigratiam auxiliarem, in extremo etiam mortis discrimine, & formidabili illo periculo opitulatricem porriget dexteram, iuuabitq; ut suauiter obdormiscant, & ab huius peregrinationis miserijs in patriam gloriæ semper felicis secundo itinere, & felici transitu perueniant.

Vide Tomo 2. Dominica in Septuagesima Periocham III. qua tota in eodem argumento versatur paginâ 480. c. 1. o.

LIBER QVINTVS.

CAPVT I.

Firmitudinem ab eo, quod per vim fit, expectare, tale est, ac si quis montem in debili arista stabilem consistere posse præfideret.



Quam citò idololatra Laban venenum cordis per oculorum fores foras produxit, seuerioreq; fronte, & austero supercilio, & morosiore vultu suum alienum à sancto consobрино Iacob animum indicauit! Susurrarant aduersus illum apud auunculum filij eius, & Iacobtem ex improbæ suspicionis suæ malignitate arbitrari dixerant, quod ille omnes sibi facultates, & greges solus usurparet, atque hinc tam opulentus effectus esset. Cumq; parens crederet ita esse, ut filij affirmarent (rebus enim pessimis aures parulas procliuius damus) dissimulare indignationem, & stomachum, quanquam vellet, non poterat, neque facere, ut non per oculos erumpens sese proderet, quæ apud animum latebat, iracundia. Quod enim per vim alicubi attinetur, ægrè diu, quin se proripiat inde, contineri potest.

Emisit Dominus ad prædicandum suos Discipulos, varijsq; monitis, ad ritè procurandum cælestis illud ministerium, imbuit. In his autem vnum quoddam Matthæi 10. 11. tale erat: *In quamcunq; ciuitatem, aut castellum intraueritis, interrogate, quis in ea dignus sit, & ibi manete, donec exeatis.*

Quæri potest, quamobrem Dominus voluerit, ut Discipuli, quam semet delegissent hospitij sedem in aliqua ciuitate, aut castello, eam constanter vsque in finem absoluti ministerij retinerent. Hospitalitatis enim, maximè ergà Christi Apostolos, magnum erat bonum, adeò melius, ut videtur, fecissent, si apud plures ex ordine diuersissent, tamq; ingentis gratiæ occasionem multis attulissent. Cur ergo præcepit Dominus, ut hominis digni ædes semel ingressi nunquam defererent, quousq; opus suum, ad quod conficiendum missi fuerant, prorsus expleissent? *Ibi manete.*

Respondet Paulus de Palatio: *Præmissum sit vestra sanctitatis testimonium, magisq; exploratam habeant vitæ vestræ integritatem, idcirco volo vos diuturniores eiusdem domus hospites. Itanè verò sanctæ*

sanctæ vitæ synceritas de longiore consuetudine, & usu familiari perdurabiliore rectè æstimari potest? Palàm est posse: *Facile enim est*, inquit Palatius, *per breue tempus specimen sanctitatis ostendere, at diu sanctitatem simulare, difficile est*. Diu fingi non finit, quæ non est solida sanctitas, nec durabilis est extorta virtutis ostentatio, & facile corrui, quæ suprà debilem simulationis basin construitur pietas. Itaq; vt omnes intelligerent, neque fictam esse Apostolorum virtutem, neque affectatam sanctitatem, voluit cœlestis Magister Discipulos suos diu in vna domo commorari, vt longo experimento, & crebris testandæ integritatis suæ occasionibus probatum darent, veram, & synceram esse suam probitatem, & virtutem, quæ tanto tempore firma, stabilisque permanferit. Nam si per artem facta, & per vim extorta fuisset eorum sanctitas, quomodo tam diuturna esse potuisset? *Facile est per breue tempus specimen sanctitatis ostendere, at diu sanctitatem simulare, difficile est*. Quoties hanc experimur veritatem! Falsa, & spuria sanctitas facile se aperit, & manifestat. Simulator enim, qui magnam affectat virtutem, & hypocrisis, qui inanem fingit probitatem, non diu potest suum occultare ignem, nam si verbulo iniuriolo aliquo eum vel leuiter contingas, statim per impatientiam prodit, quod figmentis tectum habuit.

Simul Agar & vterus ex conceptu, coniugioque Abrahæ, & animus ex superbia intumescere cepit, cumque nosset quale pignus intrâ suam alium gestaret, dominam suam Saram aspernata fuit. Querula de contemptione famulæ hera cum à marito impetrasset, vt ipsa meritas tam insolenti, & arrogantæ ancillæ infligere pœnas posset, sic illius proteruiam castigauit, sic elatos spiritus compressit, vt cum moderatum tolerare supplicium nequiret, fugâ sibi remedium parandum putaret. Cum ergo se in pedes dedisset, inuenit eam Angelus Domini iuxta fontem aquæ in solitudine, qui est in via Sur in deserto, Genes. 16. 7.

Cardinalis Caietanus monet, non otiosam putare sacri Scriptoris diligentiam, qui tam minutatim describere voluit iter, quod fugitiua ancilla iniit. Primò ergo communem locum, desertum scilicet, memorat, in quem se Agar receperit, posthæc etiam singularem nominat, ad quem contenderit, dicens in eam viam se dedisse, quæ in Sur rulerit. Quid sibi vult ista tam accurata singularis itineris, & semitæ denotatio, in quam se ancilla coniecerit?

Caietanus ait, idcirco tam exactè viam Agar is commemorari, vt significaretur, quem itineris sco-

pum sibi præfixum habuerit, aut quem locum perire voluerit. Via Sur in Ægyptum ferebat, Agar verò Ægyptia erat. Vt ergo intelligeremus, diuturna esse non posse, quæ per vim alicubi detineatur, quodq; omnia suum locum, & centrum petunt, propterea describuntur indiria viæ, quam illa ingressa fuerit, vt simul cognosceremus, quod eò quisque tendit, quò illum sua natiua propensio inclinât. *Versus Ægyptum Ægyptia erat*, inquit Caietanus, simulq; non nihil affligi cepit, & redire velle in suam Ægyptum constituit, & patriam repetere decreuit. Quisque enim se, qualis sit mox prodit, quantumvis dissimulare velit, violenta quæ, & ficta, & affectata diu permanere non possunt.

Ingenia Philosophorum omnium plurimum sollicitauit, quòd viderunt aërem tam firmum, stabilemque permanere in sua regione, neque causam tamen illius perdurabilitatis tantæ dispicere potuerunt, Aquam terra sustentare videtur. Ad ignem elementarem non pertingunt oculi humani. Aërem in suis effectibus videmus, sed quid illum in loco, qui videtur esse eius proprius, tam constanter retinet, non cernimus.

Respondet Abulensis q. 3. in c. 2. primi libri Regum: *Non desiderat aliquem alium locum aër, quia est in proprio loco, ideo non indiget, quòd ab aliquo teneatur, quia res indiget tenente, cum extra suum locum est, cum ibi non se possit tenere*. Perdurauitne aër in sua regione annos longos? Inditio id est, quòd sit in suo naturali loco, nam si per vim ibi detentus fuisset, iam pridem inde excidisset, elapsusq; fuisset. Quòd per vim, contraq; naturæ suæ inclinationem alicubi versatur, hoc multis fulcris, & fundamentis, quibus nitatur, retineaturque, indiget, neque sic tamen etiam diu sustentari, ac retineri potest, nullum violentum enim perdurabile.

Duro grauis manus suæ flagello cædebat Dominus proteruum regem Pharaonem, qui cum dolorem ex verberibus cruciabilem perciperet, accersit populi Israëliti ductorem Moysen, & fratrem illius Aaronem, rogauitque eos, vt suis precibus & iratum Dominum placarent, & ranarum intolerabilem immunditiam, quâ omnes Ægyptij acerbè vexabantur, auferrent. Petijt Moyses tempus sibi à Pharaone præscribi, quo pro se Deum exorari vellet. Respondit ille: *Cras velim Dominum obsecres, vt suam ergà meum regnum iram mitiget*.

Quæritur quare Pharaon in crastinum distulit, cum maximâ necessitate urgeretur? Ità Nicolaus Lyranus in cap. 8. Exodi. Tantæ afflictionis remedio e-

tiam hodiernus dies nimis ferus erat, quid ergo contumax rex crastinum Moysi constituit, quo illam miseriam suis precibus amoueret? Cur non statim cursu ad Deum pro levamine contendere præcepit?

Qui feram huius difficultatis excitauit, idem mater, dissolutæque dubitationem, qui mouit. *Dicendum, quod credebatur rex, si arte magicâ essent adducta rana, maleficium illud per se deficeret, & ideo hoc aliquantulum experiri voluit.* Itâ idem Lyranus, Magi incantatores Pharaonis opponebant se miraculis, quæ Moyses in Ægypto operabatur. Proijciebat ille virgam suam in terram coram rege, & seruis eius, moxque in terribilem colubrum vertebatur. Tandem faciebant magi non in hac re tantum, verum etiam in aqua. Sed hoc erat inter utrorumque facta discrimen, quod miranda opera, quæ Deus per seruum suum Moysen faciebat, semper manebant, quæ verò magi patrabant, ea ut falsa, ficticia, & imaginaria erant, sic quamprimum euanescebant. Cum ergo rex illam ranarum plagam videret, dubiisque esset, utrum ab arte magica, an verò à Dei manu venisset, voluit temporis spatium aliquod intercedere, quo veram istius supplicij originem indagare certius posset. Nam cum falsarum, apparentiumque rerum (utpote quæ per vim artis finguntur) duratio sit brevis, si plagam illam magi adornasset, videbat parum illam duraturam, propterea non volebat, ut Moyses statim ad Dominum pro illius amotione accurreret: *Credebat si arte magicâ essent adducta rana, quod maleficium illud per se deficeret.* Itaque perdebile, infirmumque fundamentum habent falsa, ficta, affectata, ut enim desinant esse, & pereant, non requirunt aliam vim, quam eam, quâ sunt facta, & ficta, sic ut interitum ipsi adferat non inimicus aliquis extraneus, sed ipsa illorum fictio. Rerum enim simulacritiarum contrarius infensibilis, à quo maxime oppugnantur, est ipsa illarum inanis species, atque ad deijciendum coacta, & extorta, non est necessarium quærere alios aduersarios, vis enim, quæ naturæ earum illata, maximus illarum est inimicus intraque earum viscera nascitur malum, ex quo pereant.

Hinc accipiebat Nazarius, quam verus, & syncerus fuerit subditorum erga Constantinum Imperatorem suum amor, quam integra, atque ab intimo animo profecta obseruantia, quâ illum colebant, quam nihil fucati oculi, quibus illi hilares ardebant. *Aboleri hic cultus non potest. Vniuersorum pectoribus infixus est, nec commendatione cere, aut pigmentorum fucus renitet, sed desiderio efflorescit aurum.*

Vna demum Christiani obliuio est humani generis occasus, inquit ille in Panægyri Constantini. Affectus itaque, quo illi prosequerantur Constantinum, non erat affectus, non fucatus, sed nativus amor, cuius radix è penitissimo corde nascebatur, sic ut facilius esset mundum interire, quam illorum hominum in suum Imperatorem beneuolentiam extinguere.

Quam bene dictum illud, *Pectoribus infixus est, nec commendatione cere, aut pigmentorum fucus renitet!* Discrimen pulchritudinis naturæ, & supposititiæ, eius quæ habetur, & illius quæ pretio comparatur, eius, quam natura dedit, & illius quam ars adsciuit, notorium est. Genitalis enim forma, tantum naturalis, & propria seipsa sustentatur, & firma permanet: At ficticia, & aliunde accersita, leuiter deficit, & perit, artis enim fulcimentum, & adminiculum cum sit, violentum, non est diuturnum, quod verò à natura est, idem perdurabile est, atque ut vim passum sui interitus causam circumfert, itâ nativum intrâ se habet, vnde confirmetur, & stabilizetur. Ergo si Imperatoris amor non arte nititur, aut fictione, sed intus in corde radices egit, firmus, stabilisque erit, & ante homines occumbent, quam suavis illa flamma extinguatur. Quod à natura inest, id spem vitæ habet, quantumvis graui ægritudine laboret, coacti verò firmitas, quantacumque vis eius conseruationi adhibeatur, diuturna esse non potest.

Multum temporis, ac papyri huc vertendum esset, si commemorare, ac discatere vellem omnia, quæ Genesios Interpretes de gigantibus scripserunt, qui super terram fuisse feruntur per illos dies, quibus homines elegantia, & venustate mulierum à mente recta abducti mundum turpium scelerum suorum illuuiæ sædârunt, & contaminârunt. Digna lectu sunt, quæ viri docti in hanc rem elucubrârunt. At ne tempus prodigam, ad sanctum Hieronymum me recipiam, qui de his gigantibus opportunè in rem nostram differit. Quod ergo nosler vulgaris textus habet, *Gigantes erant super terram in diebus illis;* Genes. 6. 4. hoc Hebræi apud Hieronymum in qq. Hebraicis verterunt, *Cadentes erant in terra;* Symmachus autem transulit, *Violenti erant in terra.* Si versionem Hebræorum cum translatione Symmachi coniungas, ex utraque id, quod hoc capite tractamus, conficitur. Gigantes Hebræis dicuntur *Cadentes in terra,* Symmacho autem *Violenti in terra;* idque magno mylletio, quo docemur, violentiam, & prolapsionem tam esse coniuncta, & affinia, ut prius
dies

dies luce careat, quàm non cadat violentum, non pereat simulatum, & affectatum. *Erant violenti, erant cadentes*, coactum enim, & violentum per se ipsum corrumpit, tamen si à nullo eueratur, ex seipso moritur fucatum, sibi ipsi manus violentas affert fictum, suæque artis gladio sese iugulat. Timeant ergo quorum est simulata virtus, ficta, & fucata sanctitas, quia malè illis intrà paucum tempus sua hypocrisis cedit, & artificij, quo ad hanc rem vtuntur, obscuritas lux clara affectatæ falsitatis illorum erit. Quapropter Politicus noster natium splendorem, & sinceram puritatem veritatis procurat, quæ in se ipsa firma permanet, & humeris suæ sinceritatis, atque integritatis constanter innititur.

CAPVT II.

Cum nemo leuiter debeat existimari malus, de seruis Dei talem habere suspicionem minimè omnino debemus.

Non est quisquam Expositorum, qui non statim damnet nimiam Labani credulitatem, qui filijs suis Iacobem affinem suum furiliter accusantibus tam facile fidem dedit. Criminatio illorum apud patrem talis erat; *Tulit Iacob omnia, quæ fuerunt patris nostri, & de illius facultate ditatus, factus est inclutus*; Genes. 31. i. tanquam dixisset: Quomodo non peropulentus sit affinis noster, quomodo non circumfluat omnibus fortunæ bonorum copijs, qui sibi patris nostri & greges, & facultates alias quotidie liberrimè usurpat, & adscribit? Ad hunc modum quisque breui opulescere potest. Supercilium, quocum focer generum posthæc audita aspiciebat, satis perspicuè indicabat, quàm facile audis auribus eam admisset murmurationem. Pro eo autem, vt filios talia susurrantes seuerè obiurgaret, toruis, fastidiosisque oculis sanctum Patriarcham intuebarur, quo satis approbat tanquam verà, quæcunque contrà illum filij affirmarant. Omnia hæc admodum damnabilia erant in Labano. Nam cum Iacob opinionem integerrimi viri, & magni serui Dei existimationem eatenus apud illum obtineret, non debuit inuidæ obrectationi fidem tam leuiter commodare, cui obisolebat armata crebro experimento veritas, eaque tam luculenta, & manifesta, vt & ipse confessus fuerit, se, rerum suarum omnium incrementa soli, post Deum, felici Iacobitis in domum suam ingressui ferre debere accepta, inquit: *Experimento didici, quia benedixisti mihi Deus propter te*; Genes. 30. 27. Et Iacob ipse focerum su-

um magnæ inurbanitatis arguit, vt qui pro diurnæ seruitutis operosis officijs, quibus greges ipsius fidelissimè custodierat, non aliud reponeret, quàm graues iniurias, & bonæ famæ indignas offensiones. Ex his omnibus augetur culpa, aggravanturq; pondera peccati Labanis, qui tam facile aperuit fores aurium, vt verum esse crederet rumorem, quem tinta veneno inuidiæ corda per summam nequitiam, & improbitatem mendaciter confinxerant. Neminem præcipitanter iudicare debemus, ad pronuntiandum tamen de illorum vita, & moribus, qui præclaram ex virtute laudem, & gloriosam famam sibi compararunt, merueruntque, vt serui Domini audiant, tardis, impeditis, plumbeis pedibus, & suspensio gradu ire debemus.

Ex Dei commissione sanctissimum illorum sæculorum Iobten è sublimi throno in sordidi sterquilinijs squalidum, & abiectissimum locum communis generis nostri hostis deturbauit. Spectaculum illotristius, magisque miserandum ætas nulla vidit, neque vlli hominum acerbiores dolores vnquam sunt arbitrati. ærumnosam hanc calamitatem, & fatalem aduersitatem cum amici familiares eius accepissent, ad consolandum illum vndique concurrerunt, de quo Iob 2. v. 11. ista: *Igitur audientes tres amici Iob omne malum, quod accidisset ei, Venerunt singuli de loco suo, condixerant enim, et pariter Venerunt Visitarent eum, & consolarentur.* Extrema huius sententiæ verba indicant, dierum aliquot moras ab ijs tractas, priusquam coirent ad consolandum sanctum Patriarcham, qui cum omni dolorum genere conflixens, eiectus ex hominum contubernio, prostratus in purido sterquilinio iacebat, tanquam si pestis, & contagio hominum esset: *Condixerant, et pariter Venerunt Visitarent eum.*

Olympiodorus in sua catena græca in cap. 2. Iob ait: *Quærat quisquam, quamobrem longo intervallo post amicos Venerunt.* Erant coniunctissimi necessariorum sancti Iobtis, eius fidi amici videri, & haberi cupiebant. Quid ergo longum tempus extraxerunt, cum diem constituerunt, quo conuenirent, & de inuisendo calamitosissimo amico diu deliberarent, cum sinceræ amicitie integritas de nullo alio æstimari euidentius possit, quàm si quis totâ pedum pernicitate ad affictum amicum deproperet, vt illius ærumnas, & cruciatus suâ præsentia quoquo modo leuet? Amici enim titulum iniuste sibi usurpat, qui cum consolari amicum posset, cunctatur, & tardat. Cum autem sancti Iobtis familiares essent veri, & sinceri illius amici, quâ ratione tarditatem illorum

inumbraimus? Excusationem habeo, quæ in magnam tùm sancti Iob, tùm amicorum illius laudem, & gloriam cedit. Fama sanctitatis, & celebritas virtutum opulentissimi Orientalium beati Iob tam late per omnem sese diffuderat, Orientem, ut nemo esset per id tempus, qui parem raris eius meritis existimationem sibi comparasset. Cùm hæc amici illius probè scirent, & ex altera parte audissent, quòd orbatu liberis, possessionibusque, & gregibus, & diuitijs, & maiestate, & rebus omnibus nudatus esset, suspirari cœperunt, hæc illi flagra pro scelorum aliquorum malis meritis fuisse inflicta, idcirco tardius venerunt. Nam cùm hinc arbitrarentur, illas calamitates suam à perpetratis culpis ducere originem, inde verò de viro tam sancto persuadere sibi non possent, vel leui aliquo flagitio se contaminasse, propterea non statim accurrerunt, neque enim primis statim rumusculis, qui de illius infelicitate spangebantur, crediderunt, donec constante plurium dierum famâ certiores facti de veritate consilium de illo inuisendo, & consolando inierunt. Fecerunt hæc in re, quod cordati, & prudentes homines solent, dùm non precipitanter crediderunt, quæ de calamitatibus amici sui Iob ferebantur, eò quòd illas scelerum filias, & non nisi ob peccatâ infligi putarent.

Audiamus Olympiodorum: *Calamitas ipsa præter fidem, omnemque opinionem esse iudicabatur, & Iobus omni ope destitutus saceret in stercore. Ergo priusquam proficerentur, expectant dum res, quæ ad eorum aures affluerat, multorum sermonibus confirmetur.*

In probroso patibulo innocentem vitam mortaliū Reparatori sanguinariæ manus morte crudelissimâ eripiebant. Pendebat sacrum ignominioso in stipite cadauer. Nobilis quidam Decurio, & Discipulus Domini honorare illius corpus, & monumento nouo, quod in horto habebat, inferre voluit. Persequi opere tam pium animi consilium non poterat, nisi proposito illius Pilatus præses annueret. Ingressus ergo ad Pilatum, corporis dominici gratiam audacter ab illo, fidenterque petijt. Pilatus ut audiuit, quòd mortem infami in ligno iam oppetijisset, mirabatur si iam obijisset, Marci 15. 44.

Vnde verò illa admiratio Præsidis, qui non ignorabat quantum sanguinis illi nefariorum licitorum crudeles manus excussissent, cùm illum, antequam cruci adgerent, columnæ alligauerunt, innoxiumque tergum eius præcutis scorpionibus dirum sulcauerunt, laniauerunt, conecerunt, sciebatque alijs varijs, ac tam immanibus tormentis excruciatum, ut vnumquodlibet eorum illum exanimalem fecisset, nisi di-

uinâ virtute ad seruandam vitam vsus fuisset? Quid ergo obstupescere tam citò illum expirasse, qui tam diu in acerbissimis pœnis fuerat?

Satisfacit huic quæstioni Euthymius, inquiens: *Sperabat tardè illum moriturum tanquam diuinum quendam hominem, qui ceteros excederet; velut dixisset: Nemini noua videatur Pilati admiratio nata de tam celeri Christi Seruatoris obitu. Nam ille Dominum supra homines, & virum diuinum arbitrabatur, ut qui prodigiosa eius miracula nouerat, & stupendas virtutes intellexerat, quas erga mancos, claudos, mutilos, oculis captos, arreptitios, omnesque ægros pro communis salutis beneficio operatus fuerat. Neque nesciebat, quòd illius vnus fama opinionem sanctitatis omnium, quotquot illum præcesserant, longè superabat. Cùm ergo audiret, quòd animam in cruce egisset, mirabatur, qui enim de bonis hominibus mala, & quæ fidem existimationis illorum obscurant, narrari audit, debet ante plurimum demirari, quàm credat, & talia ferentibus vel nunquam, vel ægrè, ac tardè fidem adhibere.*

Adoleuit Moyses in aula regis Pharaonis. Cùm audiret lamenta, & lachrymas suorum captiuorum fratrum, vnumque seorsim Ægyptium videret, qui miserum miseris modis cædebat, & afflictabat Hebræum, nactus pulcherrimam occasionem, quâ crudelem secretò, & absque homine arbitro trucidare Gentilem posset, arrepto gladio confodit hominem, & percussum Ægyptium abscondit sabulo, Exodi 2. 12.

Iam nouimus, quòd omnes Interpretes hic hæsitant dubij de actione illa Moysis, gratanè Deo fuerit, an inuisa, & peccatum. Sunt authores, qui damnant Moysen, tanquam qui immoderato Zelo laborarit, & nimis laxas iræ permiserit habenas, dùm nece Ægyptij vindicauit oppressionem Iudæi. Verùm Abulenſis, & alij defendunt illum, dicentes, interfectionem Ægyptij fuisse opus vestitum omnibus circumstantijs, quas actio meritoria requirere possit: *Moses iuste occidit Ægyptium, & pro causa iusta, & iusto ordine, & processu, inquit ille q. 6. in cap. 2. Exodi. Quæ verò ratione efficiemus, ut Moysen non solum omni culpâ vacuum probemus, verùm etiam attenti iudicis, & fidelis ministri, & iniuriarum subditis eius illarum prudentis depulsoris officium rectè, probèque egisse conuincamus?*

Tostatus ait: *Quia non esset de tanto viro, qui sic contrarie cum Deo facie ad faciem loquebatur, præsumendum, & quicquàm iniustum, aut inordinatâ passione agente mouisset, sed quidquid gestum est, & de-*

enit factum fuisse opinari rationi consentaneum est. Plurimum deditus erat Moyſes contemplationi cœleſtium, familiaris conſuetudo illi cum Deo tanta erat, quanta homini cum intimo ſuo. Vita ſanctitas illius tam magna erat, vt promeritus videretur, qui ſe in Dei conſuetudinem ſic immergeret, & plurimis, inſignitiſque ab eo beneficijs ornaretur. Denique vita illius rota ad leges veritatis, & rationis amuſſim compoſita erat. Quæ cum ita ſint, quis de viro tam ſancto, tam exculto virtutibus tam indignâ admittat opinionem, quod abſque iuſta cauſa vertit ſanguinem humanum, paſſionumque cœco abreptus impetu in homicidium ſeſe præcipitauerit, & in rationis, atque iuſtitiz leges tam grauiter impegert? Suſpicari hoc de illo nemo poteſt, & hoc potiùs cogitare quiſque debet, ſanctum, & à virtute proſectum, & ornatum ijs circumſtantijs, quas actio perfecta, & omnibus numeris abſoluta poſtulat, fuiſſe opus, quod Moyſes fecit: *Quicquid geſtum eſt, & decuit factum fuiſſe opinari rationi conſentaneum eſt.* Eam de ſeruis Dei ſemper habere exiſtimationem oportet, vt non ſtatim ad condemnanda eorum facta humanum ſe præcipiter iudicium, immò omnia eorum facta, atque infecta congruere cum ratione, & in partem meliorem interpretari debemus, niſi præſumptio contraria euident obſtet.

Diximus ſuperius, quante in periculo fuerit nauis, cuius nauum Prophetæ fugitiuus Ionæ anticipatò numerat. Cum venti magis, magiſque efferrarentur, decreuerunt mittere ſortes, vt viderent, verum ex ijs diuinare poſſent, quiſnam illis tanti diſcriminis autor eſſet. Cecidit autem ſors in refractarium, & inobedientem Prædicatorem, quem cum exemplò in concitati maris vndas eiſcere poſſent nauæ, examinare priùs voluerunt, quod vitæ genus proſiteretur, quibus occuparetur ſtudijs, quâ patriâ oriundus eſſet, quâque ex proſapia ſuam duceret originem. Reſpondit ille, Hebræum ſe eſſe, & illum ſolùm agnoſcere Deum, qui cœli, ac terræ conditor eſſet. Cum hæc audiſſent, illius de ſeipſo ſententiam expetebant, dicentes: *Quid faciemus tibi, & ceſſabit mare à nobis?* Ionæ i. 11. Quibus ille: *Tollite me, & mittere in mare; & ceſſabit mare à nobis;* ibid. v. 12. interitus meus vnicum vobis reliquum eſt ſalutis veſtræ remedium. Quanguam hæc ille diceret, ipſi tamen non remittebant, quin totâ eorum contentionem litus appetere. Sed vani erant omnes eorum conatus, quò enim vehemētius impellebant remos, eò ferociùs mare deſauiebat. Et quoniam ipſâ Prophetæ conſeſſione docti

fuerant, neceſſum eſſe opere, quod ſors tulerat, ex-
plere, elecerunt illum in procelloſas aquas, neque id ante tamen, quàm Deum talibus verbis conſeſſari eſſent: *Quaſumus Domine, ne peream in anſa viri iſtius, & ne des ſuper nos ſanguinem innocentem,* ibid. v. 14.

Admirandâ proteſtatio hominum eiſinodi, qui cum improbiſſimi, ac tales ferè eſſe ſoleant, vt Leuiathan ipſum, ſiue cacodæmonem ſuſcitare valerent, ſi ille dormire in ſua malitia poſſet, nunc magnis vocibus proclamârunt Ionam ſanctum, & innocentem, quando ille ſeipſum verbis apertis, ac minime rectis tam magnum fatebatur peccatorem, vt ſuis ſceleribus imputaret, quod à ſeuiffima tempeſtate in tam præſentaneum periculum & nauis, & omnia, quæ vehebat, coniecta eſſent? Quis non ſtupear, quod ipſe quidem ſe pronuntiat dignum, qui eiectus in mare victima iratorum fluctuum fiat, barbari verò nauæ illum ab eximia ſanctitate contentis vocibus commendant, & celebrant? Cui non miriſſimum videatur, quod ille talibus hominibus viſus, & habitus fuit vir perfectus, qui ſua ipſius ſententia erat peccator fugitiuus? Vnde tam præclaram haurire potuerunt de illo exiſtimationem?

Doctus quidam interpres Paulus de Palatio in c. 2. Ionæ ait: *Ex habitu cognouerunt Ionam eſſe Iudaum, & ego credo, ex veſte nouerant eum eſſe religioſum.* Hebræi per id tempus hominum omnium religioſiſſimi habebantur. Cum ergo illi Ionam de veſte non ſolùm Hebræum, ſed & Prophetam, & religioſum Carmelitam, qualis ea veteris Teſtamenti ætas ferebat, arbitrarentur, peccatorem flagitiouſum illum eſſe, tametiſi ipſus hoc de ſe affirmaret, credere nolebant, exiſtimabant enim ſub habitu religioſo irrelegioſum animum, malitiâque aliquam latere non poſſe, conſeſſionemque religioſi Ionæ magis ab humilitate proſectam, quàm à certa veritate dictam.

Diſcat hinc Politicus cœlorum attentionem magnam, quâ vti debeat, cum pronuntiaturus eſt, aut iudicium laturus de proximorum erratis, inprimis autem ſeruorum Dei, qui famam ſanctitatis, & perfectionis obtinuerunt, maximè omnium verò cum vult eorum cenſere mores, qui ſpecialibus votis ſe conſecrârunt Deo, quales ſunt Sacerdotes, & Aſcetz religioſi, de quibus ſemper arrenrè honorificè, & reuerenter loqui debet, ſic vt non inhæreat veſtigijs idololatrz Labani, qui cum longo, ac multiplici exemplo compertum haberet, quàm præclaris virtutibus præditus eſſet Iacob, leui, & ab imprudentibus, iquidiſ-

inuidisq; pueris confectio rem uiculo abduci passus est, ut & minus gloriose de sancto Patriarcha nostro sentiret, & hanc suam opinionem seueriore vultu, & torvis oculis palam omnibus faceret. Nautarum verò exemplum magis imitari studeat, qui tametsi barbari, & pagani homines essent, sanctum tamen, & innocentem, & perfectum proclamauerunt Ionam, cum eum velle religiosum indutum viderunt: Cumq; illum ex sua ipsius sententia in mare à piscibus glutendum eiicerent, mortemq; exequi vellent, quàm se ille dignum pronuntiaret, etiam tunc offensam, suppliciumq; vindicis Dei timebant, innoxium enim illum esse, quem eiicere volebant, existimabant.

At si barbarorum, agrestium, paganorum, ac gentilium nautarum tanta fuit erga vestem religiosam reuerentia, cur homines Christiani, & fideles, qui nouimus quanta sit status religiosi perfectio, & sublimitas, quanta dignitas sacerdotum, qui sunt alteri quidam Christi in terris, non loquamur de ijs tam honorifice, & reuerenter, quàm hoc celsitudo status eorum requirit: Decet plurimum semper de talibus personis & magnifice sentire, & laudabiliter loqui, quàm hoc obseruantia illis debita exposcit. Nam si malum est male de quouis iudicare, aut loqui, de seruis Dei sacerdotibus, & religiosis qui sentiat, loquaturq; malè, ille pessimè faciet, cum maximam illis venerationem, & reuerentiam singularem omnes debeamus.

Vide in parte Politici priore Librum VII. & Caput illius VII. & locum ad finem illius ex Tomo I. annotatum.

C A P V T III.

Quod semel exitij nostri causa fuit, semper timeri tanquam suspectum salutis nostræ instrumentum debet.

Orabat Patriarcha noster repetere patriam, in qua natus erat, & relinquere domum sui foceri, in qua totos viginti annos seruierat, rei que familiaris sibi concredita augmenta summo studio, & in explicabili vigilantia curauerat. Illius reditus singulare à Deo mandatum habebat. Cùmque de consilio suo, & proposito itinere cum vxoribus suis communicaret, aiebat sed ad reuiscendum patrios lares non solum Dei iussione permoueri, verum etiam foceri sui inhumanitate, duritie, morositate, & nimis crebra fraude, quàm sæpè sæpius ab illo circumscriptus esset: *Pater Gesser, inquit, circumuenit me, & mutauit mercedem meam decem Siculis; Genes.*

31. 7. Et statim ante v. 6. *Ipsa noster, quod totum Gierusalem meum seruierim patri Gessero*, operosarum autem operarum mearum, & impigre, fideliterque procuratorum officiorum vix aliam habui remunerationem, quàm quod mihi tot fraudes fecit, quod meo studio capras, & oues accepit, quæ videri innumeræ fuerunt, sic nemo facile computauerit imposturas, quibus me ludificauit & fefellit. Itaque necessum est hinc demigrare, nimis enim stultus sim, si fidem deinceps habeam homini, qui tam rusticè me offendere ausus fuit. Vtilis est hæc Politico nostro doctrina, ex qua discat, quàm acutè, circumspiciatq; apud eos agere debeat, quorum fraudes, & præstigas semel expertus fuit. Quanquam enim amari omnes debeant, suspectos tamen semper fugere, eorumque dolos malos, ac fallacias timere oportet. Non enim facile salutis remedium ab illo sperare debemus, quod exitij aliquando causa fuit.

Propheta Oseas accusat ignorantiam Ephraim, comparatq; illum columbæ, quæ absque felle, & corde sit, & prudentiam non habeat, quàm damnum suum caueat. *Ephraim factus est quasi columba seducta, non habens cor.* Oseas 7. 11. Columba Scripturis sacris, & profanis fuit symbolum simplicitatis, & hieroglyphicum eorum, qui non sciunt suam declinare, & fugitare perniciem. Ità obseruauerunt, Pierius, Berchorius, Ricciardus, Scipio Amirus, Alexander Capaci, & Camillus Camilli. Ratio huius est, quia hæc avis, ut aiunt, caret felle, eaque est causa ipsius simplicitatis. Et mos apud nos obrinuit, ut columbam absque felle dicamus eum quem de simplicitate, & sinceritate commendare volumus. Sic ergo Propheta dicit, Ephraim similem columbæ sine felle esse, quæ cautionem adhibere incommodis suis, & mala declinare nesciat: *Factus est quasi columba seducta non habens cor.*

At Videamus, quam in re Ephraim suam simplicitatem, imprudentiam, incircumspectionem prodidit. Sanctus Isidorus Pelusiota lib. 4. Epist. 137. ait: *Si causam requiris*, ob quam Ephraim cum excorde columba confertur, *ipse eam statim Propheta adfers*, cùm subdit: *Egyptum inuocabant, ad Assyrios abierunt.* Egyptij, & Assyrij erant mortales hostes Israelitarum, horum damnis nationes illæ perpetuò invigilabant, neque alios vel peius oderant, vel abominabantur vehementius. Quid autem fecit Ephraim? Egyptiorum opem implorauit, & ad Assyriorum auxilium confugit, cùm utriusque essent infensissimis erga populum Dei animis. Ad demonstrandam ergo imprudentiam, vecordiam,

& stulti-

& stulticiam Ephraimitarum illud abundè sufficit, quod infensissimorum hostium suorum suppetias ad sui defensionem aduocarunt, validiore namque, & magis inuicti argumento amentia eorum conuinci non potest.

Isidorus ubi suprà in hanc rem sic ait: *Duarum gentium tyrannide, & odio, & antiqua auaritia laborantium alteram quidem in auxilium aduocabat, ad alteram verò confugiebat quasi salute ibi posita terra Ephraim. Quis ergo hoc dementior esse possit, qui ad eos confugit, qui etiam captiuitatem, & seruitutem ipsius asiduo meditantur?* Infamia magis insignis excogitari non potest, quam sit eorum, qui vitæ præsidium apud eos quærent, quos sanguinis sui sumentissimos nouerunt, ac prope suprà fidem est eorum insulcias, & dementia, qui libertatem sibi ab ijs promittunt, quorum eogitatus, & conatus omnes eò vadunt, vt ijs seruitutem, vincula, captiuitatem, si possint, perpetuam adornent, mortem adeò pro vita, quam sperant, adferant. Talis fuit stoliditas Ephraim, inquit Oseas. *Ægyptios, & Assyrios hostes suos capitales, & publicos implorauit, pacem à bello, à morte vitam, libertatem à tyrannide, à veneno theriacam postulauit. Ecce fatuitatem. Ergo prudens, & qui sapit, illam suspectam semper habere debet felicitatis causam, quæ pernicii instrumentum quandoque fuit.*

Trita quadam comparatione hanc elucidat doctrinam S. Ephræm Paræncsi 41. To. 1. inquit: *Mercator si inspiratus, atq; latrones inciderit, siue etiam subuersa fuerit nauis, & onera perdidit, non obliuiscitur loci, ubi eorum iacturam fecerit, si autem post multum temporis acciderit ipsi locum eundem adire, magna cum suspitione per illum transit.* Omnino qui ab insidiosis viarum seu terrestrium, seu marimarum latronibus semel alicubi rebus suis exutus fuit, is, nisi memoriam, mentemque omnem perdidit, quoties infelicia illa loca transit, pericula, & incommoda similia semper pertimescit, vereorque, ne, quod semel factum, rursùm euersa nauis à fluctibus hauriantur thesauri, aut erumpentes è latebris grassatores farcinas diripiant, vulnera inferant, auferant merces, ac denuò damnum ibi incurrat, ubi in aduersam fortunam aliquando incidit. Quod enim semel nobis iacturam attulit, id non timere, ne similis ruinæ causâ sit, stultum est.

Concurrerebant sanguinolento bello cum Hebræis Ammonitæ, atque hi magnis, pertinacibusque animis pugnacissime pugnabant. Redacti in extremam necessitatem Israëlites decreuerunt aduocare trep-

um pugilem, & intrepidum ducem Iephthe, velut certi de sua liberatione, dum illum modo exercitus sui imperatorem, & moderatorem habere possint. Abierunt ergo ad illum maiores natu populi, oblatisque insignibus imperatorijs rogârunt, vt supremi ductoris officium susceperet, inquentes: *Veni, & esto princeps noster, & pugna contra filios Ammon.* Iudic. 11. 6. Respondit Iephthe legatis cum Stomacho, & supercilio: *Nonne vos estis, qui odistis me, & eiecistis de domo patris mei?* ibid. v. 7.

Quærat aliquis, quamobrem Iephthe oblatam à Galaaditis imperatorij muneris prouinciam tam morosè initio refutauit, quam tamen posthæc admissurus erat?

Respondet Nicolaus Lyranus in c. 11. Iudicum: *Non statim credidit eis, propter ea, quæ passus fuerat ab eis.* Frequentes ab illis contumelias acceperat, iniurias multas, fraudesque viles, atque infames non paucas passus fuerat. Quando ergo illum conuenerunt, oblatisque fascibus imperatorem exercitus, & ducem armorum depoposcerunt, *non statim credidit eis, propter ea, quæ passus fuerat ab eis.* Viri enim cordati, & prudentes non debent statim certos putare honores eorum manibus oblatos, qui irrogârunt aliquando iniurias, neque mox credere ab animo sincero proficisci obseruantiam, quam illi exhibent, qui olim fecerunt imposturam.

Nam vt habet sanctus Zenon Veronenfis in sermone de Fide, Spe, & Charitate, *nemo censum debitori committit, nec desertorem præmijs triumphalibus honorauit.* Nemo suæ pecuniæ custodem illum facit, qui & debita non soluit, & technas comminiscitur, modumque, quo inficiari ea possit: Qui enim debita non luit, credita multò minùs reddet. Sic & prudens vir militaribus trophæis nunquàm illum ornat, qui statione suam destituens, ad hostiles partes perfidus transfuga semel desciiuit. Semper enim ille metuendus est, qui fidem aliquando fregit, & muneris sui obligationes violauit. Homines enim cauti, & sagaces, & qui rationem statui, vt vocant, benè callent (etiam iuxta Dei legem, quæ veram statui materiam docet) tamen si amare omnes, & benè ijs velle semper debeant, non debent tamen semper credere illis, aut fidere, quos iustas ob causas cauere, & declinare possunt.

Quanquàm verum sit, quòd communis hostis noster amplissimam habuerit commissionem persequendi sanctum Patriarcham Iobtem, quanquàm largissimam dæmon acceperit potestatem cruciandi patientiam illius, quanquàm illum prouida permissio

Dei posuit in manibus tam efferati inimici, potestas tamen illa suis limitibus circumscripta, & commissio intra cancellos arctata est, cum dictum: *Ecce in manu tua est, seruantamen animam illius serua*; Iob. 2. 6. tuæ libidini seruus meus Iob permittitur, facillum magnis modis miserum, dum non exanimalem facias, verbera, crucia, vexa, cæde, sic tamen, ut ne prorsum occidas.

Hæc limitatio potestatis dæmoni concessa, illiusque sensus, non parum defatigauit huius textus Interpretes. Fuerunt enim, qui dicerent, animam Iobis diabolo à Deo commendatam, ut eam non secus atque Angelus quidam custos cœlestis obseruaret, ac tutaretur, illiusque utilitati, & profectibus tanquam attentus excubitor inuigilaret. Verùm Olympiodorus in sua catena in c. 2. Iob ait: *Nō id Deū mandauit diabolo, ut pro Iobis animi salute excubaret.* Sed cur non credamus, quod Dominus dæmoni præcepit, ut pro salute animi Iobis uigilaret? Ob id, quod ille declaratus hostis, leorugiens, famelicus lupus erat, uisusque fuisset ipse Dominus labe aliquā profundam suam aspersisse sapientiam, si illi curam commendasset salutis, qui perpetuis in uigilijs positus nihil aliud agit, quam ut ægrotudines adlerat, si illi prouinciam quærendorum lucrorum demandasset, qui exitia, damna, iacturas hominum magno cum furore sollicitè, atque inhiante adornat, si columbæ accipitrem, cui lupum custodem addidisset. *Nam qui tandem hostem à benè merendi studio suapte sponte, ac naturâ abhorrentem tuenda anima præfesset?* inquit ille iterum. Consultè ne fieret, si exercitui catholico Turca archigubernaus constitueretur, aut notorius depeculator custos opulento thesauro deputaretur? Tantundem fuisset, ait Olympiodorus, fecisse dæmonem curatorem, & tutorem sancti Iobis, ut qui sit animarum omnium capitalis, & iuratus hostis. Quis illum credat procuratorem lucra eorum, quorum interitum intolerantissimè fuit? Nemo illum, qui hoc sibi persuasum haberet, prudentem arbitraretur, quantumuis prudentiæ gloriam amaret laudemque ambiret. Noli ergo illi commodorum tuorum curam credere, quæ exitij tui, interitusque diligentem venatorem nouisti.

Occurrit pius Aeneas in campis Elysij charo parenti suo, quem cum dulci amplexu stringere uellet, non admittit ille beneuolentiæ obsequium. Cum uero illum filius omnino permouere, perque urgere uellet, ut amantissimis citò stringi brachijs sineret; id hac ratione efficere posse putauit, si diceret, quod

exercitum in mari Thyreno reliquisset, *Stant sile Thyreno classes*, à quibus diutius abesse non posset, ne si focij uela uentis interim darent, ipse ludibrio habitus relinqueretur, & peruenire ad copias suas nauales nequirit.

Donatus in hac Aeneæ ratione notat, eam de trimembris non in altum mare prouectis, sed in portum reductis intelligi debere dicens: *Quod ait, Thyreno mari, hoc intelligi potest, in portu, non in alto naues meas dimisi.* Sed cur tranquillo portui plus credidit, quam alto mari? Respondet pro Aenea Donatus in lib. 6. Aeneidos: *Sauu est Thyrenum mare, nouit tam nostra naufragia, cauendum est, ne quid iterum molietur, cuius perfidiam sensimus.* Plurimas hausimus ex falso illo æquore calamitates, incommoda nobis intulit mare illud & varia, & graua, idcirco classem nostram improbo illi non credimus, sed in portu tutiorem relinquimus. Ità damnabilis stulticia est, si quis leuiter se homini credat, quem formidare, pro damnis ab illo semel acceptis, semper debeat, & insignis stoliditas est inde expectare uitam, unde timere possis mortem: *Cauendum est, ne quid iterum molietur, cuius perfidiam sensimus.*

Concurrerunt aliquando in eodem antro Rex Saul, & innocens Dauid, ubi Propheta sacer peruersi aduersarij sui fundere facili negotio sanguinem poterat. In huius rei indubitatam fidem seruauit sibi Dauid oram chlamydis, siue summitatem purpuræ regæ, quam silenter præciderat, cuius irrefragabili testimonio perfidissimum etiam conuincere posset, pronam, promptamque habuisse trucidandi Saulis occasionem. Tantam hæc res animo Saulis attulit confusionem, ut culpam suam deploraret, ingenuèque confiteretur, quod immerito tenderet uitæ Dauidis insidias, magnis etiam uocibus diceret, multo illum se esse iustiores, & sanctiores, ut qui semper fidum subditum exhibuerit, & persecutiones bonis officijs compensarit. Demum cum Dauidem iuramento obstrinxisset, ne semen illius, posterorūque regno potitus deleteret, instauratâ mutuâ amicitia discesserunt, & abiit Saul in domum suam, & Dauid, & viri eius ascenderunt ad ruitora loca, 1. Reg. 24. 23. Saul ergo ædes suas repetijt lætus de securitate sua, ac prolapsæ, quam illi Dauid iureiurando præstiterat. Sed monet hic sacrum oraculum aliquid dignum notatu, nimirum quod Dauid, & affectu eius non in suas domos, sed in loca munitiora, quæ non natura tantum, uerum ars quoque inaccessa fecisset, ubi secretius, ruitusque

quæ commorari possent, sese receperunt: *Dauid, & viri eius ascenderunt ad tutiora loca.* Videtur hoc difficile creditu. Dauid, & Saul per id tempus tam amici facti sunt, quam qui amicissimi, & arctissime fœderati. Et Saul, quanquam potentia oppido superabat Dauidem, huic se tamen pro ingentibus beneficijs plurimum obnoxium palam profitebatur, seque improbum, illum verò iustum eiulans vociferabatur, de quo Scriptor sacer: *Et eleuauit Saul vocem, & fleuit, dixitq; ad Dauid. Iustior tu es, quam ego, tu enim tribuisti mihi bona, ego autem reddidi tibi mala;* ibid. v. 18. Cur ergo Dauid, commilitonesque eius non redierunt securi in domos suas, sed tanquam Saul certam necem comminatus fuisset, in absconditos eremos, in obscuriores specus, in densiores, intimasque sylvas, in editissimos scopulos se abdidit, vt tuti ab illo viuerent, qui Dauidem iustum & magnis vocibus proclamauerat, & multis lachrymis contestatus fuerat?

Respondet Dionysius Carthusianus, inquiens: *Quia non crediderunt verbis Saulis, cuius infidelitatem, & instabilitatem, & odium toties fuerant experti, propter quod probabiliter coniecerunt, quod eos rursus inbreuit insequeretur, quod & fecit.* Ergo quod Dauid, illiusque caterua locum tectiorem, tutioremque perquisierunt, id factum, quod non se crederent Sauli, quantumuis illachrymasset, quantumuis vocem in laudes Dauidis exulisset: Nouerant enim illius implacabile odium, nouerant illius promptam furendi facilitatem, & ferociendi libidinem, nouerant illum à bonis propositis leuissimè resiliire, nouerant illius fidem græcà esse peiorem, nouerant ab illius verbis non plus sperari posse, quam ab eorum promissis, qui vectigalia, quæ nunc imponunt, post annum adimenda pollicentur. Itaque cum & instabilitatem pectoris illius, & animi perfidiam perspectam haberent, maiore curâ sese munierunt, quando ille omnem securitatem addicebat, stratumque suum nihil metuens inibat, & timore omni vacuus somno se tradebat. Insignis nempe amentia est, ab illo veritate expectare, quem semper fraudulentum veteratorem expertus fueris, & ab eo sibi promittere pacem, qui nihil aliud cogitat, quam vt bellum machinetur.

Eapropter sanctus Sidonius lib. 1. Epist. 13. aiebat: *Mihi latronis & beneficia suspecta sunt.* Et quis hominum maleuolentia blandæ salutationi, quis confcleratorum officiosæ compellationi, quis perditorum munificentia fidet, à quibus mortem iuste timere possumus, vt in quorum manibus vitæ para-

tum sit periculum? Nunquam rectè, secureque bona ab eis manibus expectantur, quæ notoria fuerunt nostrorum instrumenta malorum. Domus suspecta, in qua castitas naufragium fecit, consuetudo familiaris cum amica pellice, apud quam honestas periclitata fuit, amicus fucatus, cuius fides lucro non est durabilior, loca, vbi in discrimen adducta vita fuit, semper formidanda sunt, semperq; cauenda, & fugienda. Quomodo enim potest Politicus sibi promittere securitatem, vbi pericula est expertus? Quomodo sperare vitam, vbi timuit mortem?

Eundem agrum colit Persocha secunda Feria IV. post Domin. I. Quadragesima Tom. I. pag. 95. Et Persocha prima Dominica V. post Epiphaniam Tom. II. pag. 445. c. 2. o. similem causam versat.

CAPVT IV.

Crudelius eos daemon persequitur, quos enixiore studio, & accuratius, perfectiusque Deo seruire cernit.

VT Patriarcha noster consilium suum minore negotio perficeret, bonam arripuit occasionem, eo tempore viam iniens, quo socer Laban ad tondendas oues ierat, Eâ opportunitate cum liberos, vxoresque validis camelis imposuisset, cum tota suppellectile, gregibusque, & rebus omnibus, ex Mesopotamia in patriam suam contendere cepit. Simul eius abitum accepit Laban, & comites assumens cognatos suos, *persecutus est eum diebus septem, & comprehendit eum in monte Galaad,* Genes. 31. 23. Furorè soceri, quo inflammatus in generum erat, ex eo licet arbitrari, quod ad reprimendum illum necessariū fuit, vt Dominus ipsi appareret, ac precipere, non tãdum abstinere manus à Iacobe, vxoribus, liberis, facultatibus eius violentas, verum etiã nihil illi dicere asperum, neque verbum loqui, quod non humanitatis, & vrbauitatis esset plenum.

Plerique Expositorum hoc in loco dicunt, Labanum esse effigiem dæmonis, qui tunc ferocius instatur, tunc vela sua expandit tota, passisq; carbassis inuehitur, quando videt suas ab hominibus ædes deferri, eosque ad domum Dei confugere. Itã docet Guilhelmus Ebroicensis, Ferus, Honcala, & Glossa Angelica, quæ sic ait: *Laban in hoc loco diaboli typum gerit.* Benè autem ea dæmoni quadrat imago. Quando enim Iacob à patre suo ad socerum abibat, nulum per viam damnum passus, nihil impedimenti habuisse legitur, cum autem domum Labani semel ingressus fuit, officiaque illius admisit, longos annos

inibi detentus, plurimas difficultates, & obstacula varia superare, antequam ad patrem suum iterato pervenire posset, debuit. In hoc enim itinere à tergo illum persequabatur iratus focer, ante oculos se illi obiciebat infensus frater, quem muneribus placare, & reconciliare debuit. Iam quis verbis enarraret tragediam, quam filia eius Dina apud Sichemitas excitavit? Quis enumeret aduersitates, & pericula, in quæ illum furore perciti, & nimis præcipientes filij coniecerunt? Hæc omnia eò spectant, ut sint nobis documento, quod dæmon, cum illius domum homines destituunt, & ad Deum se recipiunt, vehementius furere, validioribus armis pugnare, perniciusque, & efferatius insectari desertores suos soleat. Dei enim servituti se tradere, & diabolo infensum fieri, eiusque invidiam incurrere ita vnum sunt, ut vel Domini famulatum deserere, vel dæmonis persecutionem sustinere quisque debeat. Est enim ille perpetuus insectator hominis, qui non vult esse Dei sui desertor.

Merito notes duo quædam epitheta, quibus Sponsam suam Sponsus donat, quando delineat pulchritudinem eius, & elegantiam vultus, & totius corporis concinnam structuram, gestusque omnes, & admirabilem venustatem eius aptis comparationibus inumbrat. Collum descripturus, sic ait: *Collum tuum sicut monilia*, Cant. 1. 9. quibus ceruices suas, onerare dicam, an onerare amant, quæ pulchritudinis famem avidè aucupantur.

Rupertus, Honorius, & Hailgrinus aiunt, Sponsus hic ænigmaticè declarasse multitudinem, & varietatem gratiarum, & donorum, quibus collocupletata diuina sponsa erat. Non enim dixit, collum illius esse sicut monile, sed *sicut monilia*, quibus indicatur ingens copia coelestium ornamentorum, quæ niueam Sponsæ ceruicem condecorabant. Aduertendum autem, quod Sponsus, cum de eiusdè Sponsæ suæ perfectionibus iterum sermonem instituisset (amanti enim nullum tempus suavius accidit, quàm quod commemorationi talium rerum impendit) & spectatione colli oculos suos aliquamdiu oblectasset, demum ait: *Sicut turris David collum, quæ adificata est cum propugnaculis, mille clipey pendunt ex ea, omnis armatura fortium*, Cant. 4. 4.

Gilberto Abbati comparationes has, quibus collum Sponsæ extollitur, consideranti visus est Sponsus immemor fuisse prioris collationis, dum instituit posteriorem. Ibi mera erant monilia, hic clipei, & scuta, ibi ornamenta muliebria, hic omnis generis arma bellica, ibi sponsa videbatur casta Miner-

ua, hic belligera Pallas. Quamobrem Sponsæ collum cum rebus tam diuersis componitur, & nunc quidem monilibus, nunc turri propugnaculis munitæ, omniq; genere armaturæ, quæ fortes vii soleant, instructæ simile dicitur: Gilbertus serm. 26 in Cant. ait: *Iam fortis ad Sponsam, & de Sponsa loquitur, nam delicata in superioribus, & sic ait, Collum tuum sicut monilia*. Quid ergo sibi volunt isti tam differentes Sponsæ habitus, ut ibi quidem fuerit ad omnem venustatis gratiam vestita, & exulta, hic velut ad fortiter pugnandum armata? Res ipsa causam diuersi vestitus loquitur. Nunquid è collo pendebant ornamenta virtutum, monilia donorum, margaritæ gratiarum? Ex eodem collo pendebant scuta, & clipei, *Mille clipey pendunt ex ea*, Sponsa enim quæ diuite vestitu à suo Sponso est exulta, & tam pretiosè ornata incedit, incidet in principem tenebrarum insensissimum exploratorem, atque ab illo oppugnabitur. Habeat ergo sibi illius quælibet virtus clipeum, quælibet gratia scutum, quodlibet domus monile turrim, quælibet prærogatiua murum, quodlibet spirituale ornamentum propugnaculum, quantum enim magis gratiola fuerit suo Sponso, tanto magis exosa erit dæmonio, & quod maior fuerit erga eam Domini beneuolentia, eò infensior, & infestior erit diaboli inimicitia. Sic namque ait magnus senator Cassiodorus lib. 11. Epist. 11. *Quia grauiores insidias antiqui aduersarij tunc subimus, quando Dei dona suscipimus*.

Huic proposito non incommodum veniet, quod magnus Origenes attigit, nempe quod populus Dei nunquam fertur bello à quoquam hoste appetitus, priusquàm panem Angelorum manducauit, & frigidam miraculo è duro silice expromptam bibit. De hac re ille homil. 11. in Exodum sic ait: *Antequàm manducaret panem de celo, & biberet aquam de petra, non refertur populus pugnasse*.

Quid verò mysterij habeat, quod in populum Dei nulli insurrexerunt hostes, quod ille prælio, & armis à nemine laceffitus fuit ante illud tempus, quo manna suauissimum desuper accepit, cibum, inquam, illum Angelicorum spirituum tam experitum, tam opiparum, & saporatum, potum item è prodigiosa petra gelidum, & melle dulciorem? Haud dubitem, quin id factum, ut moneremur, quod diabolus nunquam grauiore bello animas vrget, & infestat, nunquam acrius eas vexat, & exagitat, quàm cum videt, per sacri baptismi lauacrum factos filios Dei, & manna sacrosanctæ carnis eius, simulque innumera gratiarum ornamenta accipere. Nani ut sanctus Gregorius

rius Nazianzenus Orat. 31. habet, *quò puriorem cepit animam, eò enixius commaculare, atq; inquinare contendit*, quò sanctiorem, gratiosoremque Sponso suo eam videt, eò fraudulentius persequitur, & tentat pertinacius, & conspurcandæ illius pulchritudini contentiosius, inhiantiusquè inossit.

Describit pius Æneas, refertque Reginæ Didoni fatalem stragem, & supremam ruinam ciuitatis Troianæ. Seorsim autem narrat singulares quosdam successus, qui in illo sanguinolento bello, & funesto conflictu acciderunt. Dumque recenset crudeles affusuli, quibus palatium Priami expugnatum fuit, sic ait apud Virgilium lib. 2. Æneidos:

Protinus ad sedes Priami clamore vocati,

Hic verò ingentem pugnam, ceu cetera nusquam

Bella ferent, nulli tota morentur in urbe.

Quantum perfidi Græci caliginosæ noctis horrendis tenebris adiuti demoliebantur domos, euercebant muros, obtruncabant homines, depeculabantur palatia, arces, aulas, cum tamen ad Priami ædes peruenissent, sic alueo suo effusus furor fuit, ita rabies eorum exarsit, tantus clamor insonuit, tantus excitatus fuit vocum rugitus, gladiorum verò is fuit & fulgor, & strepitus, & ira tantus feruor, & tam densa agmina oppugnantium, ut reliqui, (tameñ tota confligaret ciuitas) tranquilla pace, & securitate maximâ gaudere viderentur, præter inexplicabilis erat malorum inundatio, quibus Priami ædes, resque omnes obruebantur. Cur verò in vnus maximè Priami perniciem, & excidium tam inexplicabili furore inflammatus Mars fuit? Respondet Donatus: *Causa autem, quæ fuerit tanti certaminis, in aperto est, ibi enim fuit rex, & uxor, ac liberi. His propter maiorem victoria gloriam aut occidendi fuerant, aut capiendi, quia illis sperabantur regales diuitia auaritia expleta victoria.*

Tancundem crudelis, & capitalis noster inimicus agit. Nam quos copiosioribus, & opulentioribus virtutum thesauris abundare cernit, quos diuore bonorum meritorum suppellectili instructos videt, hos persequitur effratius, tentat rabiosius, oppugnat pertinacius. *Diabolus non peccatores querit capere, quos possidet subingatos, sed & iustos capiat, sic laborat*, inquit sanctus Petrus Chrysologus serm. 96. Facit dæmon, quod auceps. Hic aut, quam manu tenet, non trinit laqueos, non tendit plagas, sed ei, quæ per apertum æræm vago liberè circumfertur volatu. Sic & dæmon non tendit retia flagitiosis, nō regit escâ voluptatum hamum, quo capiat peccatores, quos iam itreticos vitij, in quæcos sceleribus

tenet, illarum tantum animarum exitium sollicitus, & anhelus querit, & procurat, qui gratiæ alis in celsitudinem amicitia Dei euolarunt, inquit sacer Rauennatum antistes.

Mandabat Dominus Propheta Ezechieli sumere laterem, atque in eo describere urbem Ierosolymitanam, ad modum, quo in linteis delineari regiones orbis terrarum solent, in quibus tamen tota latitudo exprimi nequeat, de veritate tamen nihil præmittitur. Iussio dominica sic habebat: *Tu sis hominis sume tibi laterem, & pones eum coram te, & describes in eo ciuitatem Ierusalem;* Ezech. 4. 1. Ponamus totam hanc leuigato in latere suis coloribus tam accuratè, exactèque expressam urbem, ut nulla eius pinna sit omiſſa, quæ non depicta. Videamus nunc reliqua. Subiungit mox Dominus: *Ordinabis aduersus eam obsidionem, & edificabis munitiones, & comportabis aggerem, & dabis contrâ eam castra, & pones arieres in gyro;* ibid. v. 2.

Sanctissimus Pontifex Gregorius Magnus lib. 1. in Ezech. homil. 12. in hanc rem sic ait: *Benè post descriptam ciuitatem Ierusalem in latere, dicitur Propheta, Et ordinabis aduersus eam obsidionem, in qua enim iam pacis visio describitur, ei necesse est & tentationum bella nuntientur.* Ierusalem visio pacis dicitur, & propter hanc appellationem typicè repræsentat animam sanctam, quæ intra Dei complexum suauiter conuiuiscens, singulari amicitia illius honore gaudet, & fruitur gratiâ. Cum autem describitur anima, quòd sit mystica quædam Ierosolyma, & quietæ pacis gratiâ visione gaudet, quid inde consequi potest? Id quod Dominus ait, nimirum, ut obsideant eam castra hostilia, ut ordinentur aduersus eam obsidiones, ut comportentur aggeres, ut armorum strepitus, & scolorum crepitus, & fulminarium machinarum tonitrua personent. Mox enim & animus amare celestia caperit, antiquus ille aduersarius, qui de celo lapsus est, insidet, & insidiari amplius incipit, & acriores, quàm consueuerat, tentationes admoet. Ità rursùm sanctus Gregorius vbi supra. Quoties ergo inuidensissimus dæmon cernit animam in Dei amicitiam intimè se immergere, atque à suo sponso & benepolentiùs tractari, & ornari impensius, & excoli studiosius, ille etiam ferociùs, furiosiusquè præparat arma, adornat bellù, instruit fraudes. Non illum insomnem faciunt peccatores, quos tutò possidet, sancti verò illum perugilem faciunt, quorum gratiæ aspectu liuidi oculi eius torquentur, totusque ille turbatur, & furore accenditur. Nisi enim animæ tam admirabilis esset

pulchritudo, & venustas, quomodo illam diabolus bello lacefferet? Auidus pirata non inuehitur in vacuum scapham, tenuemque lembum, animosus miles non inuadir prostratum, & inermem hostem, insidiosus lacro non inhiat direptioni humilis gustij, aut rusticanæ casæ: Ita dæmon sirculosus animarum pirata, virtutum iuratus hostis, coelestium diuitiarum fraudulētus depeculator nunquā tentat, aggreditur, oppugnat alios, quā quos affluere putat spiritualium opum copijs, quæ sunt quædam sumptuosa diuinæ gratiæ palatia, nec persequitur nisi vasta nauigia, eaque virtutum thesauris onusta, & bonorum meritorum coelestibus, opulentissimisque mercibus conferta. Cui crebrior frequentandæ mensæ dominicæ cōsuetudo, huic ille infensor est, & quo die quis illum superum hospitem accidentium pallio tectum intrā animæ suæ tectum excepit, eo ille insidiosus, & humanæ infelicitatis inuidus inimicus plures, tectioresque struit laqueos, & occultiora tendit retia, maioremque procurat inquietem, quod experiētiā quotidianā discunt ij, quos studia virtutum ferē occupatos habent. Quod sæpius ieiunant, quod enixiūs orationi vacant, eō grauiores patiuntur vanarum, & variarum cogitationum, & imaginationum incursiones. Quod pertinaciū sese ad obseruantiam silentij, & custodiam taciurnitatis obstināunt, eō plures, ac vehementiores impatiētiæ occasiones illis nequissimus hostis ministrat.

His omnibus admonetur noster Christianus, & deuotus Politicus, vt sollicitus viuat, & vigilanter, ac diligenter se obarmer aduersus insidias, & ictus huius maligni hostis, & fraudulentij aduersarij, qui hoc vnicum vnicē, nec aliud quidquam tam studiosè agit, quā vt eos impediāt, circumscribat, oppugnet crudeliū, quos Deo impensius seruire, & studere animarum suarum saluti enixiūs cernit.

Vide, Lector, hunc postremum conceptum magnificē, & ampliter tractatum à Reuerendissimo Patre Hieronymo Baptista de la Nuz, a homil. 5. in Quadrage. §. 1. num. 2. quem magno Ecclesiæ beneficio latine fecit admodum Reuerendus, & Venerabilis P. Onesimus de Krien Iprensis Capucinus, Prædicator Prouinciæ Flandro-Belgica, & insignis orbi Catholici commodo typis latinis primum procurat, Clarissimus vir, Dominus Gualterus Lesse enius cuius, & Bibliopola Antuerpiensis, De toto autem hoc argumento vide & dictum §. Nuz, a, & Nissenii Periocham secundam Domin. I. in Quadrage. Tomo I. pag. 52. o.

Sordidorum, & versutorum hominum proprium est, tunc suam gratificandi, & obsequendi promptitudinem iactanter ostentare, quando non sunt vsui, nec admitti possunt eorum officia.

A Ssecutus est socer Laban generum suum Iacob in monte Galaad, vbi tentoria sua fixerat, familiamque omnem respirare ab arduo itinere, & capere quietem iusserat. Simul autem & illum vidit, & graues dare querimonias cepit, quod se in seio furtiue recessisset, inquiens: Cur ignorante me fugere voluisti, nec indicare mihi, & prosequerere te cum gaudio, & canticis, & tympanis, & citharis? Genes. 31. 27. velut pluribus dixisset: Merito tecum ex- postulare vehementer possum, quod tam parum vrbane mecum egisti, meque insalutato abijisti. Scis nimirum, quantis te cum latriæ signis deduxissem, quā festiuo harmonicorum instrumentorum concentu, quanto meo, meorumque omnium plausu discessionem & tuam, & filiarum mearum, nepotumque celebrassem, idque ad contestandam publicè gratitudinem, quam tuis in me non minus insignitis, quā diuturnis officijs, & beneficijs debeo.

Quis hæc apudiens verba non animaduertit simulatam vrbanitatem, fictam comitatem, affectatam, & fucatam humanitatem: Labani, qui dicebat, propositum sibi fuisse, cum gaudio, & magnifico plausu prosequi Iacobem, & non ob aliud persecutus fuerat, quā vt vxoribus, liberis, rebus omnibus nudaret? Cum autem vidit sibi à Deo obstrictas manus, & ablatam mæ lè faciendi potestatem, nec posse infensi animi dānatā explere opere cōsilia, tūc voluit obligare Iacobem significatione officiorum, quæ nunquā facere cogitārat, & proluxa commemoratione beneuolentiæ, & honorificentia, quā illum prosequi voluisse mentiebatur. O quā multos numerat hæc ætas nostra Labanos! Quā visitæ seculo nostro id genus fictæ, fucatæque comitates! Non hodie primum mbs ille natus est, vt tunc se vrbanos, & ad quæuis officia expeditè promptos exhibeant, cum officiorum nulla est necessitas, vsus nullus. Duo tamen faciunt, qui sunt tales. Primum est, quod nihil agunt, alterum, quod alios sine vilo suæ vrbanitatis sumptu obligare volunt.

Obtinuerunt ij de tribu Manassis illam memorabilem, tamque celebrem, quā notoriam victoriam, quando buccinarum sonitu, & lagenarum complosione totus fugatus, fufusque, Madianitarum exercitus fuit.

fuit. Cum huius tanti triumphi fama ad Ephraimitas perlata esset, acerbè dolere simulauerunt, quod non ad communem cum hoste confictum vocari essent, inquentes ad Gedeonem: *Quid est hoc, quod facere solusisti, ut nos non vocares, cum ad pugnam pergeres contra Madian?* Iudic. 8. 1. velut pluribus dixissent: Insignem iniuriam interpretamur, quod cum expugnandi gentis, & patriæ nostræ inimici essent, nostris ad eam rem conficiendam rebus, ac personis vi noluit, quibus certum, deliberatumq; erat omnia certo periculo exponere, quò te, ac tuos sospitare, & in securitatem asserere possemus.

Subegerat iam hostes Gedeon, & gloriosum de Madianitis triumphum retulerat, bellique pars maxima feliciter confecta, & in finem perducta fuerat. Querit itaq; Abulensis: *Quare Ephraimitæ conquesti sunt?* Quare iurgabantur, quod non ad commune bellum fuerunt accessit, cum alioquin magna semper fuerit inter istas duas tribus animorum similitas, & altera alteri suas victorias, felicitatesq; proeliuiter inuiderit, maxime verò cum, si non fuisset tam memoranda victoria, non contendissent, quare non vocauerat eos, immò forte à principio, si vocasset eos Gedeon dedignati fuissent, ne subicerentur ducatus filiorum Manasse? ut inquit idem in c. 8. Iudic. q. 4. Cur ergo post confectam pugnam, & superata pericula, & exantlatos labores conquesti sunt, quod prætermissi fuerant, neq; accessit ad prælium, qui si ante initium certamen vocati fuissent, capere arma recusassent? Voluerunt uti vrbinitate illà, quæ mundo perfamiliaris est hodierno, semperquæ fuit seculis superioribus. Voluerunt Gedeonem deuincire officijs, quæ ille neq; antea requisierat, neq; tunc admittere poterat. Et cum iam expugnati hostes essent, & Gedeon non haberet, cur auxiliares aduocaret, Ephraimitæ, cum se à præterito periculo liberos viderent, voluerunt illum sibi obstringere officijs, quæ fecissent, ut videri volebant, si vocati fuissent, qui tamen nec pedem mouissent, nec admoouissent manum gladio, aut hastæ, tamen magnis precibus à Gedeone ad ferendum superperias vocati fuissent. Comitatus eæ sunt hominum, qui demereri sibi volunt alios simulatà gratificandi voluntate, quæ ad gratificandum permoueri fortè non sineret, si etiam magnis vocibus eam appellares, & euocares.

Egressus fuit Hebræorum populus ex dura Ægyptiorum seruitute, Pharaonem autem Dominus rubri maris fluctibus inuoluit, & extinxit. Paucis abhinc diebus, cum aqua Israëlitas destitueret, quibus

suam, suorumq; gregum suum mitigarent, irà inflammati, & furore correpti murmurauerunt aduersus ductorem suum Moysen, tanquam is illos in solitudinem ad certam necem meditatio induxisset, inquentes: *Cur fecisti nos exire de Ægypto, ut occideres nos, & liberos nostros, ac iumenta sua?* Exod. 17. 3. Quanto tolerabilius nobis fuisset, natisq; nostris, mortem oppetiisse ab Ægyptijs illatam, quam hac durâ, ac diuturnâ fuit tam cruciabiliter vexari? Aliam tunc vitam agebamus, quam nunc viuimus. O quam conducilius nobis esset eò reuerti! Recenti enim memoriâ tenemus opimas illas carnes, & suaves horum fructus, quos abundans illa terra producit, quæ de fertilitate certare cum paradiso terreno potest.

O proditores! (clamat in hos ita Origenes) qui Ægyptum nunc suspiratis, cum Ægyptios suffocatos, & totos vobis aquarum montes obistere per viam videtis. *O populus ingratus! desiderat Ægyptum, quæ Ægyptios vidit extinctos. Carnes Ægypti requirit, quæ Ægyptiorum carnes vidit maris piscibus, & caeteribus datæ.* Quanam verò in re ingratitudo illa, & malicia obstinatorum Hebræorum posita fuit? In ea, quod ex hac parte quidem lætabantur euasisse captiuitatem, ex illa verò, ne pro tam inextimabili beneficio gratias agerent, aiebant, malle sub Ægyptijs dominis seruire, quam sitire in eremo. Appetebant quæ videbant consequi non posse, ne pro eo, quod iam consecuti erant, gratias referrent. Queri de eo simulant, ob quod lætabantur, ne cogerentur magnum fateri id, quo gaudebant, & fruebantur. Duo ergo hic sunt, nam & horrere fingunt, quod desiderant, & nolunt videri nosse bonum, quod possident, ne pro illo se obnoxios fateantur. Tale quid multoties in mundo accidit, ut dicere cepimus. Sunt homines tam ficti comes, tam fucacè vrbani, ut tales sint in suis comitatibus, & vrbinitatibus, quales Hebræi in suis querimonijs, & murmuracionibus: Nam ut hi optabât, quod obrentu impossibile sciebant, sic multi multa officiosè obsequia offerunt, quando vident ea admitti nequaquam posse, & officijs, quæ nulla fuerunt, & vel præstari, vel acceptari non posse cernunt, obligare volunt, quo vrbinitatem exhibent, sed in speciem tantum, & prorsum fictè; imaginariâ comitate deuincire volentes, ac si vera; realiaq; officia deferrent.

Supremo agone cum proximâ morte misera Diado propter ademptam Æneæ vitam conflagabat, quando soror illius ingressa locum, ubi illa animam agebat, acerbissimè lugebat, triste, ac miserandum de se.

de se omnibus spectaculum exhibens, funestisq; exclamationibus aures, & animos praesentium percellens, ardentissimaque ab intimo pectore suspiria ducens, talia multis cum lachrymis efflebat apud Virgilium lib. 4. *Aeneidos*:

*Quid primum deserta querar? comitemne sororem
Spreuisti moriens? eadem me ad fata vocasses,*

Idem ambas ferro dolor, atq; eadem hora tulisset,
velut dixisset: Vndenam tristis lugubrium querimoniarum mearum telam ordiar? Solitudinemne meam ante omnia deplorabo, aut vilem, quam de me habuisti, existimationem flebo, illudq; lamentabor, quod me tam ignauam putasti, vt socia mortis esse non possem? Accersisses me, & comitem extremæ necessitatis esse iussisses, vidisses sororem, quæ suo pectore ante excepisset gladium, quàm ille tua viscera confixisset, vidisses me non sanguinis tantum, verum & mortis communione germanam: *Idem ambas ferro dolor, atq; eadem hora tulisset,*

Fueruntne feræ, & veræ, & à sincero animo profectæ istæ verborum, eiulatum, promissorum vrbauitates? Intimonè è pectore Annæ (hoc enim sorori Didonis nomen) natæ istæ comitates? Minimè omnium, inquit Donatus, *dixit enim illa, quod factura non fuerat.* Vnde verò colligemus, inania tantum verba fuisse, quæcunq; Anna dixit? Respondet Donatus: Si certum habuisset, cum sorore mortè oppetere, si futurum diceret, mox sese iugularet, habens occasionem gladij, quo soror perierat. Quid enim obstabat, quominus faceret, quod antehac facturam fuisse aiebat, si tamen verum erat, quod dicebat? Sed voluit illa suam officiositatem, & vrbauitatem facere testatam ijs rebus, quas nunquam fecisset tamen à sorore ad communia fata subeunda vocata fuisset, voluit magnanimitatem se ostendere, quando ostentandi animi occasio perierat, & hoc futurum fuisse indicare, quod non euenisset. Percomis est ergà defunctam sororem, sciens eam officia vrbauitatis admittere non posse: *Dixit illa, quod factura non fuerat.* Cum autem soror quædam tam fucata, simulatèque sorori deferret officia, quæ neque certò constare poterant, neque acceptari, quid mirum, quòd alij ergà alios similia faciant?

Vinctus detentus fuit Simeon in Ægypto obses eritici, quòd duo fratres in annonam suam, & paternæ domus victum inde exportarunt. Volebat Ioseph, vt adducerent fratrem suum Benjamin, qui illi ex utroq; parente germanus erat, eamq; ob rem etiam Simeonem pignoris loco retinebat, vt voto illius prorsum, atque indubitatò facerent satis. Ve-

nerunt ergò domum, qui attulerunt frumentum; narraueruntque patri quod acciderat. Noluit ille comprobare pactiorem, putans omnibus se liberis orbandum, si vnum ab se dimitteret Benjaminum. Cui Ruben: *Duos filios meos interfice, si non reduxero illum tibi, trade illum in manu mea, & ego eum tibi restitui;* Genes. 42. 37.

Qui hanc tam liberalem gratificandi promissionem, & illa tam plena, vt videtur, pietatis verba audiuerat, putasset à prona, deliberataq; voluntate, & animo penitissimo profecta esse. Verum Oleaster in Annot. moralj ait, non tam nobilem habuisse originem, inquiens: *Ergà Simeonem pietatè viscera ostendit, sed callidè cum patre agere vult.* Constrictus, vt diximus, tenebatur Simeon, non antè dimittendus, quàm adueniret Benjamin frater longè charissimus. Magnæ ergà fratrem pietatis opinionem sibi constare Ruben apud patrem voluit, quando illi duos filios suos pro vno Benjamin, nisi illum saluum reduceret, simulq; Simeonem liberaret, obtulit: Verum astus, merusque dolus fuit, quidquid cum patre egit: *Obijcit filios à patre interficiendos, quia nouerat senem nepotes suos non esse interfecituros.* Filij Ruben erant nepotes Iacobitis, nepotes autem, vt vulgò dicitur, bis filij sunt. Hos auo obruncandos offert, si non reducat Benjamin. Oblatio autem illa nulla erat, nec ulli periculo se exponere, qui filios neci offerebat, certò enim sciebat, quòd auus nepotibus neque manus violentas, neque incommodi quidpiam allaturus esset, tamen si Benjamin nunquam reuerteretur. Ità fratres cum fratribus, cum parentibus liberi agere, & officia nunquam exhibenda polliceri, & magnam vrbauitatem simulare solent, quando prouident, exequendi, aut admittendi officia, quæ spondent, nullam aliquando fore occasionem.

Erat homo quidam quàm opulentus, & diues rerum, tam inops animi, & consilij. Obibat ille cogitationibus horrea sua, & granaria, & apothecas, siue cellas vinarias, vidensq; hæc quidem omnia plena esse frumento, & vino, agros verò promittere messem affluentissimam, & qualis nulla visa, siue audita fuerit alia, cepit suâ afflictari abundantia, quantum alios sua penuria contristat, secumq; deliberare, quid de frumento, vino oleo tam copioso faceret, cumque certum aliquid secum statuisset, exultans gaudio aiebat: *Anima mea habes multa bona posita in annos plurimos, requiesce, comede, bibe, epulare;* Lucæ 12. 19.

Sanctus Basilius Magnus in illud, *Anima mea,* sic

fic inquit: *Obruta Verba! si suillam animam haberes, quid ei, nisi hoc ipsum renuntiares? Adeone bonorum anima imperitus, si ei carnalibus escis adblandiaris?* Non poterat ille nescire, quod anima neque somno, neque epulis pascere corporalibus. Palam est nequiuisse hoc ignorare. Quid ergo illam inuitauit ad cibos, dapes, ac delicias, quibus non posse frui sciebat? Quid gratificandi voluntatem illi offert, quam scit oblata non posse admittere officia? *Comede, bibe, epulare,* aiebat illi, quæ nec os habebat, quo aliquid horum faceret, neque ventriculum, in quem traiceret epulas, si quas etiam sumere ore posset. Quorsum ista tam vana, quam homines inuitatio? Respondeo. Sunt homines tam fidei, & fucate urbane, tam improbi, & versuti, ut etiam erga animas suas affectato illo, & simulato comitatis genere uti velint, taliumque officiorum oblatione deuincire, quæ sciunt acceptari non posse. Fit sæpè, ut quis sciat amicum suum indigum munerum, quæ rere sibi dari eos commodat, & postquam intellexit, accepisse iam illos mutuo, tum demum cum illo expostulet, tanquam grauem iniuriam passus, quod à se id officij requisitum non fuerit, non quod commodat dedit pecuniam, si rogatus fuisset, sed ut sibi eum deuinciat beneficio, quod non præstitisset, præstiturum autem fuisse simulat tunc affirmat, cum ab alio scit exhibitum, perque illum exhibendi occasionem sibi ademptam. Vult sibi demereri amicum verbis, cum videt se præoccupatum, & liberatum ab executione operum. Hæ sunt vani, & fucati mundi fidei comitatus, qui tunc suam urbane offert gratificandi voluntatem, cum acceptandorum beneficiorum nulla est necessitas, nullus usus. Absque villo impendio suo vult sibi alios reddere plurimum obnoxios, tanquam si magnos sumptus in illos fecisset.

Nolumus talem nostrum Politicum, quia Politicus celorum est, qui non patitur peregrinas impressiones fictionum, & vanitatum, & simulationum, & inanium umbrarum. Candidum illum cupimus, sincerum optamus, qui veris officijs sibi alios deuinciat, & bonis factis obliget, & illam per omnia seruet animi integritatem, ac simplicitatem, quam christiana, & religiosa institutio requirit.

CAPVT VI.

Vnum gubernandi, siue regendi onus oneribus alijs omnibus grauius est, quantum enim distat celum à terra, tantum differt molestia, quæ laborant Prælati, ab ea, quam patiuntur Subditi.

Tom. III.

Postquam affectatas suas querimonias dedisset Laban, officiaque, quibus abiturum profectui, & ornare voluisset, (si certior de discessu factus fuisset) magnis, sed ampullosis verbis, & verbis tantum iactanter prædicasset, respondit Iacob, honorem, quemcunque illi deferre voluisset, se maxime, & optime meritum, hanc autem in summis iniurijs grauissimam interpretari, quod in suspensionem furti, & surreptorum idolorum apud illum venerit, qui eius fidelitatem, & integritatem tam longo, & vario experimento didicerit. *Die, noctuque, astu crebar, & gelu, fugiebarque, somnus ab oculis meis, siquæ per viginti annos in domo tua seruisi tibi,* ut gregibus tuis esset bene, & fortunæ incrementum facerent, aiebat Iacob iussu iratus inhumano focero suo Genes. 31. 40. 41. velut dixisset: A quo pascendarum pecudum tuarum munus apud te suscepi, & tam lethali ter mutuo odisse oculi mei, & somnus coeperunt, ut hic illos tanquam duos insensibilissimos, & immanissimos, sanguinolentissimosque hostes semper fugitaret.

Sancto Isidoro, Venerabili Bedæ, Hugoni Cardinali, & Guilielmo Ebroicensi visus fuit sanctus Patriarcha hic retulisse ærumnas, inquietem, molestias, defatigationes alicuius pastoris, qui regit oves rationales. Nemo enim alius insomnes noctes ducit, nemo alius gelu æstuque vritur, nemo alius omnibus celorum, hominumque iniurijs æquæ est expositus, ac qui regit, & gubernat, quiq; humeros suos grauissimo, & intolerabili oneri imperandi, & curandi animas submisit. Leuamina sunt, laxamenta sunt, solatia sunt, refrigeria, & oblectamenta sunt quæcunque alia onera, si cum hoc vno curandarum animarum onere comparentur. Nam ut omnia flumina suis destituuntur nominibus, mox ubi in mare influxerunt: Sic omnia onera, & pondera, cunctæque molestiæ nomina sua perdunt, si cum illo, quod dixi, onere conferantur; cum enim animæ sint spirituales, illarum procuracione, & gubernacione nihil grauius.

Querebatur Sponsa, quod teneri, & delicati vultus sui venustatem perdidisset, deplorabatque bellum, quo grauiter à matris suæ filijs vexata fuisset, inquiens: *Nolite me considerare, quod fusca sim, quia decolorauit me sol, filij matris meæ pugnaverunt contra me;* Cant. 1. v. 5. tanquam apertius dixisset: Ne miremini faciem meam emaciatam, deuenustatum, deformatumque colorem illum nuper viuendum, ac decentissimum, ac me totam ex urbana montanam, rudem, agrestem. Sol vnus hæc omnia fecit.

B b b b

Ille

Ille me ex palatina domicella in rusticam incultam vertit. Quanquam non parum etiam natui decoris mihi ademerunt quidam matris meæ filij, qui me infestis armis acerbè exagitauerunt: *Filij matris meæ pugnauerunt contra me.* Quidnam mali intulerunt? *Posuerunt me custodem in vineis*, vineas mihi obseruandas, curandasque tradiderunt. Hoc est bellum, quo illi Sponsam laceßuerunt, hoc prælium, quo illam oppugnarunt. At quid est posuisse illam custodem in vineis?

Sancti Gregorius Nyßenus, & Magnus, & Bernardus, Hugo Cardinalis, Titelmannus, & Iacobus de Valentia inquirunt, nihil aliud esse, quam commendasse illi prouinciam curandarum animarum. Illud verò esse bellum, & oppugnatio, & prælium? Ego potius affirmarem, esse honorem, esse dignitatem, & maiestatem. Quid ergò Sponsa, cum vidit sibi vinearum, siue animarum custodiendarum munus demandatum, oppugnatam se, & bello cruento appetitam dicit? Vñ fuit Sponsa tali loquendi modo, ut exprimeret, quid sit alijs ex officio præesse, & eos, qui tam auidè, ambitiosèq; aucupantur honores, doceret, non esse hoc præfecturas, quod illi opinantur, vel quod officia ipsa præferunt, sed esse ærumnas, quæ videntur dignitates, plusque habere ignis, qui adurat, quam lucis, quæ splendidum faciat. Nam prout grauius onera coniuncta habet imperandi officium, sic idem est, præponere aliquem curandis animabus, quod oppugnare infestis armis. *Pugnare reuerà aduersus aliquem est, custodem eum in vineis constituere, per diem & noctem, in armis esse oportet eum, cui curandarum animarum negotium traditum, ut qui per diem pugnare, vigilare per noctem debeat, militemque agere, cum vigilat, excubitorem, cum somnus delassato corpori alioquin permittendus esset, inquit ferè Vincentius Richardus in c. 1. Cant.*

Et Sanctus Petrus Damianus Serm. 59. To. 2. sic aiebat: *Ducem te constituerunt; & data est tibi facultas, ut miser sis, & amplius non quiescas. Cumulatæ materia sollicitudinum, & inter ærumnas corpus exedentes necessum est. Vultum induere gaudium. Nunquid in honore sine dolore, in prælatione sine tribulatione, in sublimitate sine caritate esse quis potest?* Gaudeant immortaliter, triumphantq; lætitiâ quotquot Prælati, simul enim cum officij sui dignitate amplissimum accipiunt privilegium, ut siquidem rectè illud curare velint, possint esse hominum omnium miserrimi, ærumnosissimi, infelicissimi. Vnam hanc à summo Rege Deo habent facultatem,

ut nunquam dormire, quiescere nunquam queant, tota enim curarum agmina illos inuadunt, quæ somni possessionem interpellant, voluptatem omnem velut iniectu fellis reddunt amarum, & quietem perturbant. Quis enim tam firmo est capite, ut nullam in editiore loco positus patiatur vertiginem? Quis tam sano animo, ut nullum illi tumorem honor adferat? Quis ita ab omni est destitutus sensu, ut nulla eum curâ præfectura grauet, nullo cruciatu afficiatur ex præfulatu?

Notatisne in verbis Eminentissimi Cardinalis ista: *Data est tibi facultas, ut miser sis, & amplius non quiescas?* Quam præclaræ immunitates! quam illustria priuilegia! quam optabilis, scilicet, gratia, quæ cum præfectura conceditur! Immunitas ea est, ut noctes viuat insomnes, priuilegium illud, ut mores omnium, qualescunq; illos, vnus ferat, & post hæc de factis, infectisque singulorum strictas Deo Iudici rationes reddat. Vide an inuidere alicui eiusmodi immunitates, & priuilegia meritò possis.

Secundum hæc quid mirum, quod Sponsa dixit, *Nolite me considerare, quod fusca sim*, tanquam vetuisset mirari, quod tam adustus, demutatusque faciei eius color esset. Nimirum custos vinearum posita, & præposita curandis animabus erat, quod officium tam pugnaciter cum omni quiete, & otio pugnat, quam coniunctissimum est cum perpetua vigilantia, iugi inquiete, continuis pugnis, & conficijs.

Si minùs creditis esse ita ut dixi, testem huc accersam hominem ethnicum, qui hac de re tam grauiter pronuntiavit, ut in omni profana literatura nihil sit par illius exaggerationi. Querulus Polynice cum superis exposulabat, quod iustas de fratre illius pœnas non exigent, & dignis supplicijs immania illius flagitia, insignitaque scelera, & notam orbi improbitatem non plecterent: *Sceleris, & fraudis sua pœnas frater & nullas feret?* aiebat illa apud Senecam Traged. 3. Act. 4. velut pluribus dixisset: Quid hoc dicam, Cœlestes, quod tam intolerabiles insolentias tam longanimitè fertis! De perfidioso fratre, de contaminatissimo homine, quem terræ hiatus pridem excepisse, & hausisse abyssus debuit, vindictam non sumitis! Quomodo facere, diuorum maxime Iupiter, potes, ut perituum istud hominis flagitium non fulmine percellas? Respondit furore plene Polypici Iocasta, inquiens: *Ne metue, panas, & quidem solues graues.* Fortèan vnguibus fera eius laniabuntur viscera? Punietur atrocibus. Fortèan lento igne paulatim adustulabitur, ut illius cruciatus ex longa mora maiorem trahat acerbiteriam?

Pœna.

Pœnalis luct. Fortēan manus, ac pedes eius ad quatuor procerarum arborum validos alligata ramos à trunco reliquo per vim auellentur, dum recurrentium ad sua loca ramorum quilibet partim sibi adstrictam abripit? Immaniore supplicio mulabitur, pœnarum quædam vmbra sunt, quas hucusque commemorasti, si cum eis componas, quæ fratri tuæ sunt constitutæ. Et quis ille cruciatus laniatu vnguium, vtilatione ignis lenti, & ramorum recurrentium conceptione truculentior esse possit? *Regnabit. Hac est pœna.* Permittent irati dii vt hic omnibus sceleribus non opertus tantum, sed etiam confertus sublimem regni thronum inscendat, sicq; pœnas ab illo squalissimas exigent. Quis enim cruciatus de grauitate certare cum regnandi onere ausit? aut quis comparari dolor cum animarum cura queat? *Regnabit. Hac est pœna.* Quas enim laminas, quas catastas, quos equuleos, aut quæ tormenta excogitare alia Siculi potuere tyranni, quæ regendi pœnales molestias exæquent? Nam si benè rem cum animo tuo pertractes, inuenies nullum esse tam cruciabilem equuleum, quàm est solium, nullum sœgiorem taurum æneum, quàm est sedes imperij, & omni laminâ ardente flagrantiorum esse purpuram, & animarum præfecturam. Crudelissima ergò vindicta, quam dii, vt Poëta fingit, expetere de quoquam possunt, ea est, cum faciunt, vt ascendat, non in funestum theatrum pœnas capitis daturus, sed in sublimem thronum animarum curam susceptrurus.

Confirmabit hanc veritatem id, quod in ordine tentationum, quibus Christi diuinitatem periclitari Lucifer voluit, obseruabimus. Plerique Expositorum affirmant illas eo modo euenisse, quo Lucas refert. Prima ergò periclitatio fuit in oblatione lapidum, secunda in monte, tertia in templo, in cuius summum fastigium adduxit illum Dei permisso malignus spiritus, & statuit super pinnam templi, Lucæ 4. 9. Post confectas has tres pugnas, & consummatâ omni tentatione ecce Angeli accesserunt, & ministrabant ei; Matth. 4. 11.

Difficile est hic statuere, quid illud ministrauerint suo Domino Angeli. Quancumq; enim communis interpretatio, & peruulgata sententia habeat, quod cœlestes palatini, & supremi Imperatoris ephēbi Angeli Regi suo victum detulerint, & mensam instruxerint, quam illius ex tam longo ieiunio fames plurimum requirebat, idq; faciliè sic intelligi queat: Attamen Scripturæ textus id non tam apertè affirmat, quin dubitationem aliquam adferre, & gene-

rare scrupulum communis illa, ac vulgò recepta expositio possit.

Volo ergò nunc interrogare, num quæ alia officia præstiterint Christo Angeli præter id, quod adornarunt mensam, & ministrarunt annonam?

Doctissimus Paulus de Palatio in c. 4. Matthæi ait, aliam operam nauasse Christo antè, quàm exhibuerint paratos cibos, idq; his verbis: *Credo quod Angeli ministrarunt Christo, abducentes eum à pinnaculo templi (hac enim fuit postrema tentatio) & deducentes eum in locum planum, ubi forsan cibos ei ministrarunt.* Itanè verò singulari dæmonis studio Christus supremo templi vertici fuit impositus? Itanè improbus spiritus, cum victus, confususq; aufugit, satis grauiter vindicasse ignominiam suam putauit, quod Christum sublimi in loco constitutum reliquit, & Angelis nihil gratius optatiusq; accidere potuisse existimauit, quàm quod Dominum suum ab illa celsitudine in locum humilem deportare concessum fuit? *Ministrarunt Christo abducentes eum à pinnaculo templi, & deducentes eum in locum planum.* Immo sic res habet, eaq; nobis indicatum fuit, solo inter homines loco eminere, & in sublimi positum esse, hancq; inanem vmbra tantum, & vacuam speciem habere præfecturæ, siue dignitatis superioris, tam esse graue onus, tam molestum pondus, vt & dæmoni videatur, non posse insignis vlcisci confusionem suam, quàm si eum, à quo subactus fuit, in locum editiorem adducat, ibique relinquat, & Angeli arbitrentur, non posse ampliorem, & insignitiorem beneficio eos, quos amant, & magni æstimant, ornare, quàm si ex altitudine illa submittant, ac deducant.

Huc faciet, quod eruditè, vt solet, Christophorus Salazar, & Mardones Philippo IV. Hispaniarum Regi à secretis literis, Comment. Fabul. Pyrami, & Thisbis num. 119. refert de Serenissima Venetorum Rep. nimirum Ducem illius, & Patriarcham quotannis stipatum nobilissimis, & opulentissimis illius vrbs viris pergere ad mare eo die, quo Sospirator noster in cœlum redijt, & vastiorem aliquam nauim sumptuosè adornatam, quam illi *Eucentaurem* vocant, inscendere, atque inde post alias cæremonias solennes, eijcere annulum in mare, eoq; illud sibi velut despondere. Habent illi suos talis actionis fines, de quibus consuli possunt Petrus Gregorius, Thadæus Pise, Borrellus, Ioannes Baptista Lupus, & alij multi Iurisconsulti, & Historici, quos commemorat Secretarius Salazar, quem dixi. Verùm ego mihi commodum secretum, & mysterium in eo in-

uenio, quoddam Dux mari desponsatur. Quando duo coniugium ineunt, nonne aiunt, eos sic copulari, ut velut vnum efficiatur ex ambobus? Sic dicunt. Quod ergo Dux, qui alijs praesidet, & ex officio imperat, mare sibi despondet (quod propter saporis sui acerbiteriam, & tempestatum tumultuationes est symbolum inquietis, curarum, anxietatum, perturbationum) quid ea re significatur, nisi res alias nullas tam coniunctas, & coniugatas esse, quam gubernationem, & inquietem, Praelaturam, & amaritudinem, Praefecturam, & perturbationem, imperium, & curarum procellas, sollicitudinum fluctus, & tempestates. Nam si rem probe dispicias, quod aliud tam feruens, tumultuarium, procellosum mare, quam Princeps, quam Rex, quam Pontifex cum suis officijs, & obligationibus? Quinam tales fluctus, atque illorum curae? quinam tales abyssi, atque eorum intimi dolores? quinam tales amaritudines, atque eorum timores, & angores? Cuiusnam Tithij viscera sic diri concerpunt vultures, ut eorum, qui praesunt, animos curae mordaces laniant, & lacerant? Nisi Dei supera providentia subsidio esset, atque assisteret Principibus, & Praelatis alijs, & omnipotentis dexterae suae singulari auxilio subueniret, quomodo resistere tantis negotiorum ponderibus, quomodo persistere sub tam graui curarum mole possent?

Non ineptum huic rei fuerit, quod sanctus Cyprianus lib. 4. epist. 2. de illustrissimo Pontifice, & inelyto Martyre sancto Cornelio refert, inquiens: *Episcopatum nec voluit, nec postulauit, nec vixit, & quidam, fecit, & episcopus fieret, sed ipse vixit passus est, & episcopatum coactus acciperet.* Ut Pontificatum Romanum, hoc est, supremam orbis dignitatem Cornelius admitteret, *vixit passus est*, inquit. Vixit passus est, cum tormenta pro Deo subire debuit? Fractusne animo fuit, cum equuleum illi intentaret, & flammam? Fugitne ignauiter, quando crudelis lictor sanguinolentum nudabat, & vibrabat gladium, ut illi innoxium ab humeris caput demeteret? Nequaquam certe. Nam valentissimo animo, & magno ausu, & ingenti cupiditate propugnandae, & propagandae, & exaltandae fidei incitatus lacescebat tyrannum, prouocabat carnificem, contemnebat gladium, aspernabatur ignem, ridebatque omnem furorem, & crudelitatem. Quomodo tam alacer ad cruciatum, tam impudens ad Pontificatum? Quomodo tam laetanter poenas adiit, & thylaram tam grauiter admisit? Itane ad supplicium vltro, volensque, ac lubens iuit, ad Pontificatum raptari debuit? *Vixit*

passus est, & episcopatum coactus acciperet. Videtur sanctus Pontifex protestari potuisse, quemadmodum reus solet, quem ex loco sacro abripiunt, qui non habet aliud nomen quam Ecclesia, dicens se vocari Ecclesiam: Ita sanctus Cornelius, quando ad Pontificatum raptus fuit, protestabatur de vi, quam patiebatur, aiebatque se Martyrem nominari, & hoc suum asylum fore, si Martyr occumberet, hoc verò sibi pro carcere futurum, si Papa esse cogeretur. Et hoc videtur dicere voluisse sanctus Cyprianus, cum ait: *Vixit passus est, & episcopus fieret*; moderari enim animas tam ingens cruciatus est, tam intolerabile onus, ut quod penalisimum est in martyrio, pro asylo, & oprato refugio haberi possit, & pro acerbissima passione reputari, quidquid honoris est in episcopali, aut alia quauis dignitate.

Hanc doctrinam nobis hominibus ipsa etiam omni ratione desinitur, & bruta aues tradunt, ut vel hinc intelligamus, quanta sit caecitas ambitiosorum, quos mundus habet, quantaque in errore agant. De gruibus memorant sacer Mediolanensem Archiepiscopus Ambrosius, & communiter omnes, quorquod de natura animalium scripserunt, eas cum ex vna regione in aliam commigrant, ad illum modum per viam pergere, quo bene instituti, & rite ordinati exercitus solent. Cum per noctem conquiescunt, iniussu & voluntario usu sollicitam exercent custodiam. Dispositos vigilantes cernas, & ceteris confortibus generis quiescentibus, alia circumeunt, & explorant, ne qua ex parte insidiae tendantur. Vna per singulas cohortes singulariter excubat, alteroque pede tenens lapidem, ubi leuissimum subodorari periculum videtur, deiecit illum, ac tum eius strepitu, tum oris sui clangore reliquas admonens discriminis, facit ut omnes extemplo aerem perant, & periculo caput subducant. Quae in excubijs agit, eadem dormientibus praestit, & ex officio velut praesidet, atque ubi vigiliarum tempus expleuerit, perfuncta munere in somnum se praemisso clangore componit, ut excitet dormientem, cui vicem muneris traditura est. Pleraque horum ferè B. Ambrosius, qui hac in re obseruauit, quod merito notetis, inquiens: *Admonentur, & exercent custodiam vices, non admonentur, & de potestate decedant.* Cur verò admonentur ad somnum capeiendum abire, non admonentur à vigilijs decedere? Quia decedere ab excubijs, est decedere à potestate, cedere officio, renuntiare dignitati, & potestati, & quoniam hae omnia permoesta sunt, & perquam graua, ideo non est necessarium admonere aues, ut ea excutiant, vel abiciant.

ant. Negauit illis natura intellectum, sed genitalem instinctum dedit, quo grauitatem publici muneris satis, superque cognoscant, ut illud à se absq; alterius monitione vltro abdicent: *Non admonetur, ut de potestate decedant.* Cum hoc faciant irrationalia animalia, mirum, ac miserum est videre decrepitæ, & exactæ ætatis homines, qui cum fractis senio, & caducis humeris infinitarum curarum intolerabilem molem sustineant, nutabundumque eorum caput, & vacillantes pedes, & titubantia genua per Deum iudicem rogent, illud abijcere onus, ob id etiam, quod pensi absoluendi, & abrumpendi filii tempus iam adsit, tam occupatos tamen, & cæcotos esse à sua ambitione, ut vires sibi nouas fingant, tantumque valetudinis robur, quantum grauioribus oneribus ferendis sit satis. Res hæc talis est, ut & offencilo sit hominibus, & damnetur à brutis animalibus.

Ego de talibus sic arbitror, quod animas, quæ non eâ vastitate, & mole, quæ montes cernunt, leuia habere pondera existimant. Verum si ardentissimum Seraphin sanctum Franciscum auscultarent, ille eos aliud doceret, qui epist. 7. ad Ordinis sui Generalem Eliam sic scribebat: *Onus, quod humeris portas, magnum est, & graue, animas videlicet multorum portas, velut pluribus dixisset: Vide sis, frater Elia, quod animæ, tametsi neque plumbi, neque arenæ qualitates habent, nihilominus præmodum graues sunt, & onerosæ, & qui vnus animæ curandæ munus admittit, maiora pondera excipit, quàm si centum millium mundorum oneri humeros subijceret.*

Videat ergo Politicus cælorum, quantæ pondera humeris suis iniicit, quando publicæ dignitatis officium quocumque subit, cum & Angelorum humeri, ut sanctus Gregorius affirmat, grauissimo curandarum animarum oneri videantur impares.

De hoc argumento multa habet Græque Tomus superior. Vide in Indice rerum Verbo Prælati, Periochâ I. Dominica II. post Pascha, Tomo 2. pag. 18. e. 1. o. pulchrè hanc rem versat.

CAPVT VII.

Perindignè, & nimisquàm probrosè agitur curis bonis indestitibus, & æternis, quod non vel eodem loco habentur, quo peritura, fluxa, & caduca.

EX querimonia, quam Iacob noster socero suo Laban dedit, eruemus Politico nostro utilissimum monitum, & documentum. Ut secreti abitus,

& clandestinæ discessionis suæ causam illi indicaret, antequàm diceret, crebrâ decies mutatæ mercedis fraude vehementer permotum fuisse, ut clam se proripere, commemorabat verbis plusculis studium, vigilantiâ, labores, æris iniuriæ tolerantiam, quibus incrementa gregum, & augmenta rerum cærerarum soceri sui diu, noctuque sollicitè procurârît, dicens post alias: *Die, noctuque astu crebar, & gelu, fugiebat, somnus ab oculis meis;* Genes. 31. 41.

Ex his tale conficit argumentum noster insignis Hispanus, ac Pontifex maximus Damasus epist. 4. inquit: *Si ergo sic laborat, & vigilat, qui pascit oues Laban, quanto labori, quantisque vigilis debet intendere, qui pascit oues Dei!* Si in rebus temporalibus tantum operæ ponitur, quantum curæ, & diligentia in diuinis, & cælestes collocare debemus? Cum valetudinis corporalis tam sollicita ratio habeatur, quàm studiosè, & enixè salutem animæ curare oportebit?

Cum cælestis Magister chari Præcursoris sui eloquia prædicaret, hæc demùm aiebat: *Regnum celorum sem patitur, & violenti rapiunt illud;* Matth. 11. 12.

Hoc Domini effectum afferre difficultatem, ut videtur, cuius potest. Nam quod tantis laborum sumptibus regnum illud nobis vult comparari, & per summam vim, contentioneque rapi, hoc summa illius liberalitati, & proximitati derogare, neque parum, videtur. Si tantum bonum absque vilo nostro labore, & sudore obtineremus, maiorem indicaret generositatem, & largitatem eius, cuius beneficentiâ nobis obueniret: Nam quò pretiosius est donum, & impetrandi illius leuius negotium, eò munificentior animus concedentis. Quomodo ergo Saluator mundi, qui liberalitatis existimatione inprimis semper & gauisus, & gloriatus fuit, vult ut supremam felicitatem, & gloriam visionis beatæ per laborum, sudoris, defatigationis, & strenuæ operationis vim nobis rapiamus? *Et violenti rapiunt illud.*

Inuictò argumento hanc obiectionem vestram confutat sanctus Ephræm Parænesi 16. Tom. 6. inquit: *Si qui secundum carnem agrotant, sua vim inferunt naturæ, & seruent quacumque ipsis præscripserint medici, nonne multò magis decet morem istius gerere, quibus cura animarum nostra est credita?*

Non prætereamus cursim, sed expendamus sensim, ac studiosè verba sancti Ephræm, quibus diluitur argumentum, quo verba oppugnabantur Christi. *Qui secundum carnem agrotant,* inquit ille, *sua vim inferunt naturæ.* Quamquam ardentissimâ sit quis

quis laboret, & afflicetur, si medicus ægro præcipiat non bibere, quod per eam abstinentionem bona valendo illi sit reditura, quam accutratè obsequitur! Si cibos sumere vetet, quibus maximè alioquin oblectetur, quam lubens à se abdicat escam aliàs inprimis expetitam! Ne totum corpus intereat, parte illius magnà fraudari, & destitui non curat, tametsi horribiles dolores præterea subire oporteat. Quàm diris excruciationibus non se volens subijcit æger, ut à malo confanescat! Nullum tam amarum fel, quod non avidis faucibus hauriat, & ore hianti excipiat, si in eo suum consistere remedium putat. Argumentatur nunc Ephraim in hunc modum: *Si qui secundum carnem agrotant, sua sibi inferunt naturam, & seruent quacumque, ipsi præscripserunt medici, ijque sæpè submorosi, & importuni, & nihil studij prætermittunt, quo febriculam (ut sub exemplo dicam) euadere possint: Quid non facient, ut animam saluent, & seruent pretiosum illud mortale, quod incomparabilibus impendijs sanguinis Christi redemptum fuit? Quibus hoc medijs, & remedijs non curandum? Si ergo sic laborat, & vigilat, qui pascit oves Laban, quanto labori, quantisque vigilis debet intendere, qui pascit oves Dei? Tanta cura vnius oviculæ, & tantus neglectus animæ! Insigni ignominia afficit res æternas, qui eas contemnit, ut augeat temporarias.*

Regius Propheta, cum de ingenio, & moribus hominum peccatorum agit, sic inquit: *Multiplicata sunt infirmitates eorum*, Psal. 15. 4. hoc est, quotidie magis, magnèque in voluptates malas, & delicias se ingurgitant. Si quis fortè arithmetice peritus adest, volo expendat, quod sacer Propheta non ait, *aucta sunt*, sed *multiplicata sunt infirmitates eorum*. Qui scit arithmeticam, etiam hoc novit, aliud esse rem augescere, aliud multiplicari. Tabula, in qua latruncolorum ludus agitur, sexaginta quatuor tantum habet loca, per quæ scrupi huc, illucque commeant. Si primæ sedi vnum granum tritici imponas, secundæ duo, tertiæ quatuor, quartæ octo, quintæ sexdecim, & sic multiplicare pergas, ut altero tanto plures imponas sequenti, quàm habebat proximè præcedens, tantus cumulus inde euadet granorum vltimæ sedis, ut vix multis curribus aduehi queant. Dicit nunc Propheta: *Norunt peccatores ita se tradere vitijs, & concupiscentijs, ita consecrari omnem carnis sui libidinem, & voluptatem, ita se totos immergere scelerum voragini, & cœno, ut non curent multiplicare sumptus, curas, labores, sollicitudines, quibus perficiant, quæcumque corpori grata*

sint, & iucunda. Quid verò post tantam voluptatum, deliciarumque multiplicationem, post innumeros pro carnis oblectatione exhaustos labores egerunt? *Postea accelerauerunt*, hoc est, postquam tam prodigiose multiplicarunt suas turpitudines, & lascivias, & in omnem sese latè effuderunt libidinem, velut nec vnum quidem passum progressi essent vixq; extremis labris fœdas degustassent voluptates, ita incitatus currere, & bibere avidius denuò incipiunt. *Postea accelerauerunt, quia scilicet post sua desideria precipites ruunt, & inconsideratè feruntur quocumque illos carnis perlecebræ vocant, inquit sæculi sui Phoenix Ioannes Picus Merandulanus.*

Quid est in his verbis Propheticijs, quod in usum nostri profectus transferre possimus? Respondet idem ille: *Edocemur, & non minus ipsi celeriter curamus ad vitia, quàm ipsi currunt ad vitium, nec Domino nostro minus diligenter ipsi seruamus, quàm ipsi seruiunt Domino suo diabolo; velut diceret: Ex dictis Davidicis debemus insolubile construere argumentum. Si peccatores, posteaquam multiplicarunt suas infirmitates, & voluptatibus, quantum per temporis angustias, & corporis vires licuit, liberrimè indulserunt, denuò se totos turpitudini, omni-que fœdæ libidini ita tradiderunt, ac si nunquam talibus rebus vacassent, tantum ut vel vni sordido desiderio satisfacere, vel causam aliquam, pro qua diu pertinaciter pugnarent, obtinere, vel iniuriam vindicare possint, nullà habitâ ratione vel sumptuum, vel æris iniuriarum, vel aliorum incommodorum, quæcumque illis occurrant: Quare ab animæ salute æterna curanda nos vlla difficultas vel absterreat, vel retardet? Si peccator in præcipitium, & exitium suum currit, quare iustus non volatu perat suam beatitudinem, & veram felicitatem? Si flagitiosus tam promptè seruit dæmonio, cur pius non multò expeditius, studiosius, ardentiusque famuletur suo Domino, & Reparatori? Cur plus valeat culpa ad perniciem, quàm virtus ad salutem?*

Prædicabat Magister diuinus doctrinam celestem, quæ hominum animas ad quietem ducit æternam. Cum inter dicendum maximè caleret supremi oratoris pectus, & feruentissimè ceptam persequeretur materiam, nuntius quidam à Matre, ut dicebat, & fratribus illius, sue cognitis missus aiebat: *Ecce mater tua, & fratres tui foris stant, quærentes te; Matth. 12. 48. rogantque, ut statim abrumpas orationis, tuique copiam illis facias.* Huic nuntio respondit sacer Prædicator supercilio cū aliquo, dicens: *Quæ est mater mea, & qui sunt fratres mei?* ibid.

ibid. v. 49. velut alijs verbis dixisset: Quid tu mihi nunc ex matre, & fratribus adfers nuntia? Tempus non fert, vt quæ sunt carnis, & sanguinis, in præsentia cogitem.

Arripuerunt hæc verba famosi illi hæresarchæ Apelles, & Marcion, dicehntes, magnam hinc ministrarî occasionem calumniandi exiguam charitatem, perpussillam vrbanitatem, & obseruantiam pietatis prorsum neglectam ab illo, qui conabatur notas inuehere mundo leges, eisq; stabilire veteres semper duraturas. Aiebant verò: Quomodo credi potest, hunc esse Filium Dei, qui honorandorum parentum legem olim promulgârît, hunc, inquam, qui honorandæ matris pulchram occasionem nactus, nuntio ab illa venienti hoc tam morosum, subacutumq; responsum dederit: *Qua est mater mea?* quod perinde videtur, ac si dixisset: Nullam ego noui matrem, nec volo hæc occasione aliquam mihi eius fieri mentionem.

Videtur aliquem colorem habere calumnia. At videte, quàm lepidè illam, festiuèq; rider, & dissipat magnus Africanus Tertullianus lib. de carne Christi cap. 7. vbi his tam salis iocis perstringit Apellem, & Marcionem: *Oro te Apelles, vel tu Marcion, si forte tabulâ ludens, vel de histrionibus, aut aurigis contendens tali nuntio auocareris, nonne dixisses, Qua mihi mater, aut qui fratres?* Si de comædis, cuiusnam eorum excelleret in repræsentando dexteritas, aut de huiusmodi re alia nihili altercareris, atque interim dum ferueret corrixatio, adueniret quispiam, & importunis vocibus tibi obtunderet aures, succlamans, & dicens, adesse matrem, quæ te videre cupiat, & cum ea fratres, qui alloqui velint, nonne cum stomacho indignabundus facessere matrem cum toto necessariorum grege iuberet? Haud dubito, quin id faceres, quod alij passim tali occasione solent. At si tu ægrè ferres per tuam ipsius matrem, ac fratres interpellari tuam ludendi voluptatulam, adimiq; tibi temporis pretiosi partem, quam in vanam id genus oblectationem malè collocabas: Si hoc te in furorem tantum non excitaret, quoddam mater, fratresq; inanis disputationis flum abrumperet; qualis est illa de his, quinam aurigandi, siue repræsentandi magis, periti sint, concertatio; magnumne fuit, quod celestis Magister, cum importunus ille aduenit, qui cum nuntio à se forsan confecto magnum impedimentum dicenti adferebat, sermonemq; amputabat, non nihil commotus amariusculè respondit: *Qua est mater mea, & qui sunt fratres mei?* quid mihi cognatos intempestiuè ap-

pulos nunc indicatis, quando de his verba facientem auditis, quæ ex Patre æternò inde huc attuli, & saluti animarum curandæ tam sunt necessària? Homines ergo, cum animum rebus ludicris malè feriat oblectant, ne à matre quidem vel pauillisper auocari sinunt, dum ijs vacant, & Redemptori mundi vitio dabitur, quod morosulum se ergà matrem exhibuit, quando per illius quoddam nuntium abstrahere ipsum à summo animarum negotio, & studio profectus illarum æterni voluerunt?

Huc ibat magni Augustini commentatio in serm. 13. de Sanctis, quando aiebat: *An verò non in te sunt viscera Christianæ miserationis, & plangas corpus, à quo discessit anima, & non plangas animam, à qua discessit Deus?* Si quis amicum defunctum deploret, probant illius lachrymas, quotquot vident, & qui tale cadauer absque vilo sensu dóloris spectarent, illum omnes horridi montis partum, vel immanis tigridis foetum dicerent: Et non prosequamur lamentis miseram animam peiore morte defunctam! Rectène sit, cum affluunt lachrymæ, quæ pro mortuo vertantur corpore, & non est, qui vel guttulam pro mortua efflere queat anima? Sunt qui carnem mox sanie vitandam, & consumendam officiosâ pietate curent, & honorificè sepeliant, & non sint, qui saluti animarum studeant æternæ? Tantâ vigilantia custodiuntur oues Laban, & greges Christi insuper habebitur, nec quâ par est solitudine seruabitur?

Describit Spiritus sanctus terribilitatem peccati, simulq; commendat, vt illud cane peius, & angue declinemus, inquitens: *Quasi à facie colubris fuge peccata;* Ecclisi. 21. 2.

Pulchrè indicat filius Siracidis, quomodo cauere debeamus venenum noxæ mortalis, cum suadet ita fugitare, vt viperam, scorpionum, colubrum solemus. Philo in lib. de specialibus legibus ait: *Viperas, scorpia, aliasq; venenosas bestias, priusquam mordeant, aut sauciant, aut omnino se commoueant, sine mora ad primum aspectum occidimus, precauendo genusnam eorum malissimam, priusquam noceant.* Sic nunc inquit Ecclesiasticus: *Quasi à facie colubris fuge peccata;* tanquàm diceret: Cum peccatum sit vipera animæ, & culpa scorpium, qui necat animam, cui virus suum infundit, nonne indignum est, quod qui totâ pedum contentione, quàm possumus celerimè fugimus viperam, & scorpionum, ne nos feriat, & mactet, peccatum ipsum, quod mors est animæ immortalis, deuotare negligimus? Cum nemo tibi probro det, si magnis modis te aduersus serpentem obmu-

obumias, eò quod mortem adferre vitæ alioquin perituræ potest, quis in vitio ponat, immò quis non plurimum laudet, si culpam lethalem, quæ est toxicum salutaris æternæ, exhorreas, & declines?

Vulnerata felicissima Peccatrix speculo amoris diuini, tanquam ceruus ferro confixus, veloci cursu fontem omnis sui remedij petijt, qui tunc in domo cuiusdam Pharisæi iuxta mensam illius manabat. Ingrediebatur plorabunda locum, vbi conuiuium eà occasione instructum erat, cumque humum aqua ex oculis deciduâ humectaret, aërem ardentibus inflammabat suspirijs. De illa sic scribit beatus Lucas cap. 7. 37. 38. *Vi cognouit, quod Iesus accubisset in domo Pharisæi, attulit alabastrum unguenti, & stans retro secus pedes eius, lachrymis cepit rigare pedes eius, & capillis capiti sui tergebat, & osculabatur pedes eius, & unguento ungebat.*

Nimis mulierem, & plus satis audaculam dicat quis fuisse hanc vice Magdalenam, si attentius, quæ hic fecit, dispiciat: Nonne parum decuit fœminam nobilem, opulentam, & toti amplissimæ vrbi cognitam, quod in medium conuiuium, in locum, vbi virorum primariorum ad festa gaudia inuitatorum amplissimus erat confessus, importuna irruit, illachrymans, & altum eiulans, & miserabiliter vociferans, non satis recta caput, capillamentum vt iubas spargens, inconcinnè culta, & laxam humi trahens vestem, eaque sola, & incomitata, neque vllam rationem habens murmurationis, & obrectationis publicæ cui causam, vt videtur, non qualemcunque ministravit? Ità ferè sanctus Augustinus. Nonne consultius fuisset, occasionem remedij expectare magis commodum, quam tunc irrupisse, quando vel stulta putari potuit, vel prorsum desperabunda? Quomodo ergo mulier alioquin cordata, & prudens, & paucis secunda, neque vulgi distèria, neque virorum primorum sœnata curauit?

Respondet sanctus Doctor in Psal. 125. *Qua solebat in suis fornicatione fortasse esse fronsosa, fronsosa facta est ad salutem.* Maria Magdalena vt nobilis, & copiosa erat, sic & mulieris nimis liberæ famâ apud omnes vrbis suæ incolas laborabat, quæ exosam habens domesticam solitudinem, amabat publicum, & muruas tum oculorum occurratones, tum literularum amatoriarum missiculationes, & vrbanas salutationes, & verborum sales, atque lepores, & confertæ multitudinis publicos conuentus, nec vllum præterit locum, vbi frequentem hominum concionem adesse sciebat. Hæc omnia tribus verbis complexus videtur Euangelista, cum ait: *Erat in ciuitate peccatrix;* in quæ sic differit S. Petrus Chryso-

logus serm. 93. inquit: *In ciuitate peccauerat, quid famâ suâ totius tergerat famam ciuitatis, sicq; iam non peccatrix solum, sed ipsum ciuitatis facta fuerat ipsa peccatum.* Fabula vulgi erat, & quanquam non nesciret, quam malè apud omnes audiret, quam turpiter de se omnes & sentirent, & loquerentur, velut surda aspis tamen non audiebat voces incantantium, dissimulabat murmura obrectantium, & persequebatur suas libidines, voluptatibusque suis malis, quibus semel tradere se, & obtemperare cœperat, pertinaciter morem gerebat, & indulgebat, nunci faciens, quod senibus opprobrio, infantibus esset ludibrio. Frontem non perfricauerat solum, sed etiam posuerat totam, neque iam aut vultus aliorum, aut calumnias erubescibat, neque honestatis eam, quam propter illustrium natalium suorum splendorem debebat, rationem habebat.

Dicit nunc Augustinus: *Qua solebat in sui fornicatione fortasse esse fronsosa, fronsosa facta est ad salutem;* velut pluribus dixisset: Nolite mirari, quod diuina Pœnitens, & felix peccatrix tam parum verecundè egisse videatur, neque admodum curauerit, quod notam aliquam contrahere posset, quando iuit, vt animæ suæ remedium sibi quaereret, & vulneribus medicinam indagaret, quæ antehæc nihil pensi habuit, quod propudium, & offendiculum totius ciuitatis habita fuit. Nulla enim verecundia prohibuit, quod minus turpibus consuetudinibus, suspectis congressibus, inconcessis cum impare sexu commercijs, & vsui virorum contaminatorum familiari vacaret, & pergeret, quocunque illam libido mala vocabat. Non curabat animæ suæ interitum, non infamiam nominis, famæque iacturam, non murmuram hominum. Quomodo ergo curare debuit notam ciuitatis, & distèria hominum, cum ex incendio scelerum, & è media flagitiorum Babylone proripere se voluit? Præclare, si fas est dici, actum fuisset, si pudor illam ab emendatione vitæ prohibuisset, quam absterre à malè agendo verecundia non potuit. Immo verò quæ non erubuit vitia, inquit Augustinus, etiam pœnitentiam erubescere non debuit. Quæ Deum offendere ausa fuit, quomodo ignaua esset ad lachrymas, pudibunda ad stertum? Quæ tot artificia comminisci potuit, quibus mundi gratiam, ac benevolentiam sibi conciliaret, quæ tam varia ornamenta, vestium formas tam multas, & exoletas excogitare nouit, cur habitum pœnitentiæ, modumque, & tempus illius agendæ opportunum, scelerumque expiandorum methodum non inueniret?

Adferat

Adferat ergo vnguenta, fundat lachrymas, laxet capillaturam, deiiciat se ad offensus Domini pedes, eorumque exofculandorum nec modum teneat, nec finem faciat, tūm rideat, & obrectationem vulgi, & murmura Pharisei, & supercilium totius conuiuij.

Nam vt Tertullianus habet in l. de veland. Virgin. cap. 1. *quale est, & diabolo semper operante, & allici- ente quotidie ad iniquitatis ingenia, opus Dei aut cessauerit, aut proficere destiterit?* Quod dicit, humilimodi est. Quis & quis oculis videre, quis satis con- quere possit, quod dæmon tam facile adducat homines, vt non contenti ætatis superioris culpas imi- tari, & pro more præteritorum sæculorum vestire, non indumentorum tantum nouas formas excogi- rent, magno fortunarum, & animarum damno, ve- rum etiam peccandi modos insolentes, inuisosque, & inauditos adinueniant, atque interim ad omnem Dei famulatum, ad studium curandæ salutis anima- rum, ad omnem boni operis vsum tam sint rudibus

ingenijs, tam impeditis pedibus, tam torpentibus manibus, tam languidis totius corporis, & animi vi- ribus? Est qui totam inter hyberna frigora noctem compita lubens obeat, vt voluptatulam turpem ali- quam captare possit: Et non sit, qui per totam Quadragesimam lubens ieiunet, vt beatitudinis consequi gloriam queat! *Quale est illud!* quàm in- dignum! quàm turpe, ac probrosum! quanta con- fusio, & cœcitas! quanta præcipitantia! quanta ge- neris nostri ignominia, videre hominem, qui in for- didam, putidam, diabolarem lupam rei familiaris suæ partem magnam hilariter profundat, & ad inci- tas redigendum se timeat, si vel quadrantem in pau- peres erogat! Cū suam habeat corpus moriturum curam, quare animarum immortalium saluandarum negligatur studium?

Eiusdem argumenti est Periœcha V. Dominica II. post Pentecosten, Tomo 2. pag. 103. c. 2. o.

LIBER SEXTVS.

CAPVT I.

Quisquis rē aliquam curandam ex Dei iussione suscipit, certo sibi promittere potest, quod submini- strabit vires perficiendi, qui imperauit laborem.

Digressus à socero suo Labano sacer noster Patriarcha, postquam mutuam cum illo amicitiam instaurarat, & reli- gioso iuramento constabilerat, pro- sequebatur iter suum, cum quē vix a- liquantum processisset, occurrerunt illi numerosæ copiæ cælestium spirituum, quales generosi, & stre- nuī milites, quos vt vidit, incredibili perfusus gau- dio, aiebat: *Castrā Dei sunt hæc*; Genes. 32. 2. exer- citus cælorum sunt, inde huc submissi, vt me tuean- tur, firmo suo præsidio defendant. Non errauit Iac- ob, nam ad hoc delegati à Deo fuerant, vt difficul- tates itineris submouerent, & per viam illum pro- tegerent, ac propugnarent. Priusquā enim ad pa- trem suum perueniret, multa, vt posthæc dicemus, illum expectabant pericula, quæ superaret, multa impedimenta, quæ vinceret.

Animaduertendum hic, quod iter illud Dei ius- su suscepit, qui ei dixerat: *Revertere in terram pa- trum tuorum, & ad generationem tuam*, Genes. 31.

Tom. III.

3. velut pluribus dixisset: Tempus est, vt parentes tuos cōsoleris, quare mando tibi, vt patriam repetas. Et quanquā aliquæ se offerant difficultates, quan- quā impedimenta occurrant, & obstacula se obijci- ant, noli propterea metuere, quia *ego tecum*, ego comitabor, custodiamque, ne quod à tergo te ma- lum inuadat, omnipotens dextera mea tuum scutum erit, mea iussio tuus saluus conductus, quæ te ab om- nibus tutabitur aduersis, & periculis. Vbi enim ex mea auctoritate descendit præceptum, ibi ex mea potestate venit auxilium, & vbi mea voluntas iubet, ibi mea manus obsequendi vel adimit, vel minuit difficultatem. Nam si illi nauarcho vela vento dare timenti, eod quod sæui maris furentes fluctus supre- mum exitium minarentur, Cæsar, quem vehēbat, dixit, vt est apud Lucium Florum lib. 4. c. 2. *Quid times? Cæsarem Gehis*. Quid trepidas, quid vereris conijcere nauem in oceanum, qui Cæsarem proxime ad manum habes, cuius vnicus nutus iratum placare mare, & omnem sedare tempestatem potest? Si hoc dixit homo (qui hoc titulo tantopere gloria- batur, quod Cæsar esset) vt nauclerum miculo- sum erigeret, cur formidat homo, qui immensū De- um vitæ comitem habet, & tutorem? *Ero tecum*. Age ergo, mi Iacob, & viam securus, intrepidusque ca- pesse, nam cū ad meum imperium iter suscipias,

Gccc

ego

ego te liberum, inoffensum perducam, quo tendis, quantavis in te incursarint pericula. *Quid times? Deum habes.* Infinitam imperantis Dei potestatem sociam viæ habes, proinde tutissimus vadis. Meo hortatu, & mandato iter ingrederis, prosperum itaque futurum est, & felicem habiturum clausulam. Quando enim Dominus onus aliquod imponit, aut imperat opus, simul auxilium præbet, & vires, quibus confici, & absolui possit, ministrat.

Hoc sibi certo, persuasum, indubitatumque habens Propheta regius, aiebat Domino: *Erat misericordia tua, & consolatur me secundum eloquium tuum seruo tuo;* Psal. 118. v. 76. Alia versio, habet: *Erat misericordia tua, & exhortetur me;*

Quamobrem Propheta rogabat, ut Dominus illum & adhortaretur ad passionem, & sui eloquij decreto, diuinæque voluntatis suæ mandato decerneret æumnas, quasquæque tolerare necessum esset? Cur tam anxie obsecrabat positus inter aduersa Dauid, ut hoc illi Deus significaret, singulari providentiæ eius consilio constitutum esse, quidquid calamitatum subiret, quod hoc ipsi maximam inter grauissimas æumnas consolationem allaturum esset?

Huius quæsitio respondebit sanctus Ambrosius Oratorio 10. in Psal. 118: inquit: *Non omnis passio digna consolatione est; sed quæ passio pro Christo est; hæc consolationem Christi meretur. Pulchrè autem addidit; Secundum verbum tuum seruo tuo, ipse enim Dominus pro suo nomine præstantibus auxilium pollicetur.* Optabat ergo Propheta scire, ex Dei ordinatione venire, quod aduersitatibus affligeretur, cum hoc non ignoraret, certo adfuturam sibi Domini opem; si quam ex illius constitutione subiret calamitatem. Semper enim Deus suum pollicetur adiutorium his, qui pro illius nomine, ac iussu incommoda tolerant. *Pulchrè addidit; Secundum verbum tuum seruo tuo.* Imperet Deus pugnare, & indubitata sequetur victoria. Iniiciat Deus humeris cuiuspiam onus tribulationis, & non deerunt vires ferendi.

Decreebat Dominus nominare summum populi sui sacerdotem fratrem Moysis, ad placandos animos, præoccupandamque, & auertendam omnem tanti honoris ambitionem. Præcepit ergo, ut quisque duodecim tribuum princeps virgam adferret, cuius summitati nomen cuiusvisque inscriptum esset. De Aaron hoc seorsim mandauit: *Nomen autem Aaron erit in tribu.* Tum iussit, ut virgæ in tabernaculo collocarent, & ab ea, quæ sola ex omnibus germinaret, discerent, quis summi Pontificatus regem occupare deberet. Obtemperatum est diui-

no horratui, & die sequenti admirabile visum potestatum, quod sacer Scriptor his verbis exponit: *Inuenit Moyses germinasse virgam Aaron. & turgentibus gemmis eruperant flores, qui folijs dilatatis in amygdalas deformati sunt;* ibid. v. 8.

Dubitari potest, neque de nihilo, quo consilio Dominus, cum tam admirabili modo Pontificem, & summum populi sacerdotem declarare vellet, ad hanc rem uti vulerit aridam, & extuccam virgam, quæ repente viruit, fronduit, floruit, germinauit, cum alia media prodigiosa infinita illi non deessent, quibus indicare posset illo munere dignissimum, quemque ille præ omnibus alijs Pontificem cuperet. Cur alta illius prouidentia elegit virgam primum siccam, deinde viridem, & florentem, quæ designaret eum, qui ex vniuerso populo apertissimus esset tam sublimi ministerio?

Multi multas acutas, & congruentes huius facillationes excogitarunt, docti verò alicuius de hac recogitatus causæ præsentis commodus venit, & sic habet: *Virga, quæ Aaron electo designata est, floruit, cum esset arida, & significaret, etiam si virgam nobis in superiorem eligamus excisam, truncum nihil humoris ab arbore, aut terra trahentem; & aridam facturum Deum, & florescat; & fructus nobis pariat.* Sic Tullius in c. 8. Ecclesiæ v. 7. Hinc accipimus, quod Dominus, cum alicui officium curandum imponit, aut committit, quanquam is truncus sit, vel stipes, vel lignum aridum, faciet ut virescat, frondescat, fragret. Quod Dei iussione, & ordinatione fit, quantumvis sit arduum, ac difficile, id semper feliciter perficitur, qui cum onus immittit, vires simul submittit, quibus ferri queat. *Pro nomine suo præstantibus auxilium pollicetur.* Certissima est victoria, ubi ex Dei imperio etiam cum innumeris hostibus pugna.

Propter quendam Cardinalis Caietani scrupulum non possum, quin hic iterum moueam quæstionem de facto illo Moysis, quo manus violentas Ægyptio, mortemque attulit. Monuimus, iam supra, quod Moyses, cum inuisum iret miserum suum, & duro tyrannicæ seruitutis iugo intolerabiliter oppressum populum, videretque quendam suorum verberibus grauitè onerari ab Ægyptio, & dissimulare non posset iniuriam, exerto pugione confodit insolentem hominem, *percutsumque Ægyptium abscondit sabulo,* Exod. 2. 12.

Dicit nunc Caietanus: *Antiqua occurrit quæstio de excusatione facti huius. Apparet enim ex textu, quod inexcusabile sit.* Vndenam verò colligi potest, quod Deus non fuerit Moysi auctor talis cædis, ade-

oque

Idque ipse excusari ab homicidio non possit? Caietanus videtur hæc à sacro Scriptore iam decisa dubitatione, qui refert, quod Moyses non ante trucidauit insolentem Ægyptium, quam *circumspexisset hunc, atque illuc, & nullum adesse videret, qui cædis spectator, & renunciator esse posset.* Facinre hæc circumspectio, vt nullâ excusatione purgari, quod Moyses fecit, posse videatur? Facit. *Huiusmodi enim circumspectio signum est humana cautela, non diuina inspirationis,* inquit Caietanus. Ad excusandum factum Moyses sat erat, si à Deo inspiratus occidisset oppressorem. Sed videtur absque villo Dei hortatu, aut iussu id fecisse. Vnde hoc accipitur? Inde quod timuit, ac circumspexit, ne quis conscius cædis esset, qui renunciare alijs posset. Si enim Dominus illi suggestisset, vt interficeret Ægyptium, animi etiam robur illi addidisset, vt nullum propterea metueret periculum. Quando namque Deus aliquem discrimini exponit, & ad facinus quodpiam suo iussu, aut mandato impellit, etiam perficendi animum, audaciamque suppeditat. Quod ergo tam trepidanter illam aggressus est cædem, indicio est non ex Deo fecisse, nam *huiusmodi meticulosa circumspectio signum est humana cautela, non diuina inspirationis.* Quoties Deus arduam aliquam, & difficilem, periculosamque prouinciam suscipere iubet, etiam vires, quibus rectè ac decenter procurari, & discrimen omne superari possit, subministrat.

Apparuit Deus sacro illi populi sui ductori, & ait: *Loquere ad omnem catum filiorum Israël, & dices ad eos, sancti estote, quia ego sanctus sum, Dominus Deus vester;* Leuit. 19. 2.

Cum hoc Domini edictum attentionibus oculis arbitraretur Tullius catholicus sanctus Leo Papa, perquam rigida illi lex ea videbatur, quæ ab homine perfectionem diuinæ sanctitati parem exposcit. Quomodo enim homo, cuius omnes non corporis tantum, verum etiam animæ facultates tam angustis sunt circumscriptæ limitibus, in illud infinitæ celsitudinis fastigium perfectionis diuinæ peruenire queat? Quomodo ergo Dominus exigebat tunc ab Hebræis, quod vires humanæ imbecillitatis longè superabat, & ex his, quæ sunt, impossibilia factus erant?

Respondet sanctus Leo, Dominum non præcepisse, vt Iudæi æquè, ac ille, sancti essent, cum enim hoc fieri nequeat, palam est etiam exactum ab illo non fuisse, qui est ipsa prudentia, & sapientia. Hoc ergo solum poposcit, vt quantum per vires liceret, perfectionis ipsius vestigijs insisterent, & passus sanctitatis consecrarentur. At nonne hoc perdifficile?

Perarduum profectò, si rem cum viribus humanis componas, ac facile, si cum potentia illius, qui præcepit, conferas, qui enim fert legem, conferre robur tenetur, quo seruari, & perfici possit.

Audiamus sanctum Leonem, qui in serm. de ieiunio septimi mensis sic habet: *Cum videtur esse difficile, quod iubeo, ad aduenientem recurrere, & vnde datur præceptum, præstetur auxilium, non nego obopem, qui tribus voluntatem; velut dixisset: Quoties operosum aliquid impero, non legis gravitatem attendite, sed Legislatoris potestatem cogitate, & implorate, hoc vobis persuasum habentes, quod qui unus præcepti iniicit, etiam vires imperit, quibus voluntas ferre possit pondera, quæ exceperit.* Hinc accipitur, quanta cum fiducia ad futuræ diuinæ opitulationis tolerare debeamus ærumnas propter Dominum nobis inflictas, & calamitates, quas ex illius ordinatione patimur, ille ipse enim, qui commendat, & iniungit opus laboriosum, adiungit robur, & animum, quo perficere possimus, & absoluere.

Non absque mysterio monet sacer textus, Moysen fuisse octogenarium, & Aaronem octoginta trium annorum tunc, cum arduum illud opus vindicandorum ab Ægyptiaca seruitute Hebræorum suscepit, quæ res tam multis flagris, & plagis confecta fuit. *Erat Moyses octoginta annorum, & Aaron octoginta trium, quando locuti sunt ad Pharaonem;* inquit Moyses ipse Exod. 7. 7. Et minor, vt videtur, fuisset illius negotij difficultas, si solum educere populum, & nihil præterea facere oportuisset, quam ad hanc rem conficiendam necessum fuerit concitari elementa, & omnes aduersus barbarum Pharaonem, cæcosque illius affectus coniurare creaturas: Verum quæ sanctus dux post hæc totis quadraginta annis & à suis, & ab extraneis passus est, dici non potest, nec dissimulat tamen sacra historia.

Quid verò est, quod tam graue onus, tamque molestam prouinciam humeris longæui ducis imposuit? Octoginta annos numerabat Moyses, & præfecturam capeffere tam laboriosæ administrationis iubebatur! Delectus fuisset homo iuuenis, animosus, & robustus, qui tot monstra difficultatum conficere, tot incommodorum (quæ per viam, cum abiturirent, sese offerebant) montes complanare potuisset, factum id æquius, consultiusque qui negaret, nemo esset. Cur ergo contumaci illi, & propter uo, & duræ cernicis populo imperare prouectæ, & decrepitæ vir ætatis debuit?

Respondet Ioannes Raulinus serm. 49. Tomo 5. dicens: *Vi Dei virtus splendat in suis præceptis, & manda-*

mandatis, utque omnes intelligant, non attendendas tenues, imbecillasque vires eius, qui legem est obseruaturus, quam fert Deus.

Nam cum ille aliquid imperat, quantumvis sit operosum, quod iubet, quantumvis debilis, & infirmus, cui præcipit, noli metuere, ne res feliciter non succedat: Qui enim vetulo mandat, ut populi alicuius sit ductor, & ductor, & curator, ipse idem dabit robur iuuenile, & animum virilem, ut rectè administrare demandatum munus possit.

Hac doctrinà nixus dicebat sanctus Leo, sed nomine solum, re autem verà agnus in serm. 1. de anniuersario assumptionis suæ: *Est necessarium est trepidare de merito, religiosum est tamen gaudere de dono, quoniam qui mihi honoris est autor, ipse fiet administrationis adiutor, & ne sub magnitudine gratia succumbat infirmus, dabit virtutem, qui contulit dignitatem.* Deus ipse præses suorum est verborum, cumque officium curandum iniungit, vires etiam contribuit, quibus ita perfici possit, ut placeat ipsi, qui iniunxit.

Nullam itaque calamitatem Politicus nollet pertimescere, nullus illum labor exterreat, nullum horreat Dei mandatum, qui cum fert legem, confert etiam inuidæ manus suæ opem, & auxilium, quo observari queat. Qui enim homini opus curandum imponit, sibi ipsi necessitatem velut imponit ferendi subsidium, quo perficere possit, quod illi iniunxit. Si scopulo præciperet volare, alas adderet, quibus editissimum, celsissimi Olympi cacumen pateret, qui cum efferatissimo mari suâ legē præscripsit limites, quos prætergredi non deberet, fecit, ut cum minutulas litoris arenas reuerenter libauit, retrò humiliter celeriterque abeat.

Tomo primo Periochæ octauâ Dominicæ in ramis palmarum pag. 460. o. habes idem argumentum pulchrè tractatum. Vide etiam Periocham quartâ Dominicæ IV. in Adventu Tom. II. pag. 371. c. 2. o. & casum eiusdem Periochæ.

C A P V T II.

Auxilium, & opitulatio Dei non semper excludit studium, & sollicitudinem cooperationis humanæ.

Quantum diuinus viator, & sacer peregrinus nollet secum ferret amplissimum saluum conductum omnipotentis protectoris, ut tuto terrâ, marique itinerari posset: Nihilominus cum intellexit, fratrem suum Esau in via esse, veritus illius stomachum pio subreptæ benedictionis furto com-

motum, oratores ad illum cum muneribus ablegauit, qui furorem irati lenire, & longâ similitate tot iam annos occupatum reconciliare studerent. De hac re sic habet sacrum oraculum: *Misit nuntios ante se ad Esau fratrem suum in terram Seir*, Genes. 32. 4. In his illud diligentius considerandum, quod fertur Iacob ad fratrem suum submisisse legatos, vnaque munerum, quibus apud illum efficerent, ut liberi transitus gratiam faceret. Magno beneficio submiserat Deus Iacobi numerosissimum exercitum, & leuis armaturæ, cines stetgebene Lager / sed ex solis Angelis conflata milites, quos ad se iuuandum, defendendumque è cœlo submissos tam nihil dubitabat, ut diceret: *Castra Dei sunt hæc*, & suppetiæ mihi ab illo missæ: Nihil fecius narrat sacer Chronographus, misisse exemplò legatos, qui mitigarent fratrem, & transeundi veniam ab illo peterent. Sed quid isti confessioni, & huic diligentia? Quoties hæc placandi fratris industria illi, qui parata sciebat suæ defensionis castra Dei, & copias validissimas exercitus Angelici? Addixerat ei Dominus suam opem, & defensionem, eamque præstiterat, quando Labano præcepit, ut ne asperius quidquam Iacobi loqueretur. Quamobrem ergo ille hac occasione tam sollicitè, & anxie, ut fratrem demulceret, sibiq; demereret, laborauit, tanquam non ad manum fuisset infinita Dei potestas, quæ illum propugnare vellet?

Respondet huic interrogationi Cardinalis Caietanus, Oleaster, & Cornelius à Lapide ex sententia sancti Augustini, Iacobtem, ut porè diu, multumque versatum in schola Dei, cordatè, ac prudenter egisse, cum sciret Deum velle, ut nostra studia ad ipsius auxilia accedant, & nostra industria coniungatur cum ipsius opitulatione, neque enim vel vni gratiæ humero totum iniei onus debet, vel soli imbecillis naturæ ceruici imponi. Dicam hoc apertius. Quamuis maiorem operis partem Dominus perficiat, nostram tamen cooperandi sollicitudinem, curam, diligentiam non excludit. Tamen enim nos sine nobis fecit, non vult nos sine nobis iustificare, & saluare, ut ferè dicit nonnullibi Aquila Doctorum beatus Augustinus.

Audiamus Caietanum: *Non est à ratione alienum, inquit ille, & quod exemplo duarum societarum Angelorum, & quod humano & suis est consilio multiplici, & ex parte sua consuleret sibi, & suis. Humanis officijs adiungit inuocationem diuinæ presidij.* Itaque pro more catholico, & ex præscripto doctrinæ orthodoxæ sic usus est Iacob medijs ad placandum fra-

trem humanis, ac si prædiciarios tutelares non haberet Angelos, & postquam humanam, quam potuit, adhibuit industriam, tam enixè obsecrauit Dominum, vt per ipsum ab irato fratre feruaretur, ac si nihil hanc in rem collocasset studij, & laboris proprij, de quo Oleaster ita: *Nihil industria humana prætermittit, & nos doceat facere, quæ in nobis sunt, etiam si certissimus Deum nos adiuturum.* Quod enim homo adultus supremum beatitudinis finem consecutus sit solâ Dei operatione, nihil ad rem cooperante studio, & labore cuiusque proprio, id hæreticorum vana persuasio, & erronea opinio habet, quam corde patitur, & ore catholici omnes detestantur, & execrantur.

Promittebat Dominus cuidam apud Oseam animæ tam ingens beneficium, quàm nullus vel Dominus seruo, vel subdito rex præstitisse visus sit, siue auditus. Illud autem beneficium paucis verbis testatur pollicetur inquit: *Sponsabo te mihi in iustitia, & iudicio, sponsabo in misericordia, & in miserationibus, & sponsabo te mihi in fide, & scias, quia ego Dominus.* Ose. 2. 19. Ter ait cœlestis amicus, quod sibi despondere animam charam vellet. Vbi Ecclesiæ cærenoniam obseruare voluisse Dominus videtur, & tres velut proclamationes præmittere, quibus admoneret animam, ad submouendum omnia impedimenta, quæcunque opati illius, & diuini matrimonij effectui adferre moras possent.

Norandum verò, quod cum Dominus cupit, vt anima illo æternum fruatur, vult illam sibi quodam velut coniugio, & matrimonio adstringi, iuxta illud eiusdem ibidem: *Sponsabo te mihi in æternum.* Et in Canticis tamen dilectam animam donet illustri appellatione sororis, & immaculatæ, & columbæ, idque passim, vocat tamen nihilominus etiam sponsam, quod & supra submonuimus. Cur verò sponsam potius vocat, quàm alio quouis nomine appellat, illam animam, cum gloriam æternam, & quietem perpetuam illi promittit?

Causam subesse dixerim, quæ causæ præsentiperopportuna veniet. Voluit eo ænigmate indicare Dominus, tractatum, & pactum beatitudinis à se impetrandæ non aliter celebrari debere, ac verum matrimonium solet. Nullum est legitimum, & verum matrimonium, nisi mutuo, & reciproco eorû, qui coniugandi sunt, consensu stabilitum, & confirmatum, vbi enim alterutrius consensus deest, coniugium non est. Parum facit, quod vir velit, si repugnet mulier, & nihil refert, quod mulier consentiat, si vir resistat. Sic ergo ait nunc Dominus: *Spon-*

sabo te mihi in æternum; tanquàm diceret: Si vis, ô anima, gloriam sempiternam, quietem perpetuam, animaduerte quod eam non aliter adipisceris, ac sibi copulari coniuges solent. Concurrere ambo debemus, vt ego quidem opem feram, tu verò operam tuam simul adhibeas, & ad meam gratiam tua industria accedat, nam & tu gloriam absque meo auxilio non consequeris, & non erit efficax mea gratia, nisi eam tua comiteur sollicitudo, & diligentia. Mutuas vices, & consensum inter nos reciprocum esse oportet.

Quàm preclarè has contractus leges expressit sanctus Ioannes Chrysostomus homil. 58. in Genesin, cum ait: *Sicut enim, nisi gratiam habeamus, nihil inquam possumus rectè agere, ita nisi quod nostrum est, attulerimus, non poterimus superum acquirere fauorem. Demus igitur operam, & nostra afferamus, & supernum fauorem alliciamus; & ex nostro studio, & ex Dei misericordia virtutes nostræ quotidie crescant, multaq; superna fruamur gratiâ.* Nonne videtur, quemadmodum os aureum posuit mûtuam fœderationem, & consensum reciprocum gratiæ diuinæ, & studij humani? *Ex nostro studio inquit, & ex Dei misericordia virtutes nostræ crescant.* Hæc duo connectanda sunt, vt ex ambobus sic augetur virtutes nostræ, vt in cœlum vsque pertingant, quod aliter obtinere impossibile erit.

Vt verum, ardentemque amatorem animarum Dominus demonstraret, ait per sanctum Beniamin suum Ioannem, se ad portam animæ, quam deperit (tamen illa morosula fores cordis, in quo morari amat, claudat,) constanter adstare, & velut illius inhumanitatem non animaduertat, expectare, pulsare, & rogare, vt aperiat. *Eccè ego sto ad os tuum, & pulso,* inquit Apoc. 3. 20. *si quis audierit vocem meam, & aperuerit mihi ianuam, intrabo ad illum, & cenabo cum illo, & ipse mecum;* velut alijs verbis dixisset: Quinquàm flagrantissimus sit meus amor, & constante perseverantiâ circumeam domum animæ, nisi ipsa tamen vltro mihi aperiat, per vim nunquam mihi parabo introitum, vbi sponte non admittor ab his, quorum appetit hospitium. Qui autem volens, lubensque excipit, cum hoc erit mihi mûtuam in vna mensa conœnatio.

Venerabilis Iacobus Ianuensis Serm. 1. de Magdalena sic disserit: *Dicit, Cenabo cum illo, & ipse mecum, id est, ego ponam partem meam, & ipse ponet partem suam.* Coena, ad quam Christus animam inuitat, est beatitudo, & gloria cœlestis, quam eo cœnæ nomine significari tam est tritum, peruiulgum.

que apud sacros Expositores, ut penè nihil sit ijs æquè certum, & indubitatum, maximè cum & Dominus ita eam vocet, qui ad eam inuitat, inquit: *Homo quidam fecit cenam magnam*; Lucæ 14. 16. ubi Sanctus Gregorius, Venerabilis Beda, & ambæ Glossæ aiunt, per illam cenam intelligi æternam gloriam. Nam ut post cenam nullum aliud conuiuium restat, quod ex B. Gregorio Glossa Ordii. affirmat, sic post beatitudinem illam obtentam nemo amplius quid expectat, in qua beatus inuenit, quid quid optare, & desiderare possit. Hinc nunc augefcit admiratio. Cùm Dominus sit infinitè amans, consequens est, ut sit etiam æquè munificus, & liberalis. Quomodo ergo inuitans animam ad extremum conuiuium gloriæ, ad splendidum epulum deliciarum omnium, dicit, *Cenabo cum illo, & ipse mecum*? Hoc enim ex Ianuensi Episcopo perinde est, ac si diceret, necessum esse vtrinq; conferri fercula, ut ambo lautè viciitent, & epulentur festiuiter, ac pollucibiliter, vtrinq; missus apparari, ut velut Dominus, sic & anima sumptus ad communem cenam vertat: *Cenabo cum illo, & ipse mecum, id est, ego ponam partem meam, & ipse ponet partem suam*. Hiccinè verò est amor? Hæccinè generositas animi, & munificencia? Quis vnquam audiuit opulentum aliquem dicere amicæ suæ, velle cum ipsa cenare, sic tamen ut ipsa etiam partem impensarum ad epulum conferat, aut cenam aliam vicissim instruat? Nonnè hoc esset satis amoris ad omne dedecus, notoriq; turpitudinis maculam illi inureret? Quomodo ergo Dominus neminem vult admittere ad mensam extremam gloriæ, nisi qui suam sumptuum partem ad eandem conferat? Queris cur aliter admittere quenquam ad suam cenam nolit? Respondeo, idcirco nolle, quia id illius conuiuij vltimi leges postulant. Nec solus Dominus, neque anima sola debet omnes facere impensas, sed ille quidem auxilij sui ferculum ad cenam confert, & animæ suæ industria missum struit, & apponit. *Cenabo cum illo, & ipse mecum, ego ponam partem meam, & ipse ponet partem suam*. Nisi enim hæc duo simul concurrant, & per manus ducant opitulario diuina, & cooperatio humana, non celebrabitur conuiuium, vel matrimonium, neque anima admittatur ad cenam, seu ferculum gloriæ.

Postquam Dominus illum tam demissæ humilitatis actum exercuerat, & sordidos duodecim piscatorum pedes abluerat, ait illis: *Vos vocatis me Magister, & Domine, & benè dictum, sum etenim*; Ioan. 13. 13.

Quod Dominus se magistrum, nos discipulos nominauit, hoc fecit, ut tacitè, & mysticè doctrinam, quam hic versamus, traderet. Ut cogitarum hæc de re nostrum illustremus, audiamus Quintilianum, quàm ille obsequentes magistris discipulos velit, cum lib. 12. c. 9. ait: *Sicut magistrorum officium est docere, sic discipulorum præbere se dociles, & sicut hominibus hortus ex sterore gignenti tum confertur, & frustra sparseris semina, nisi illa præmolliuit fœueris sulcus, ita eloquentia coalescere nequit, nisi sociatâ tradentis, accipientisq; concordia*. Quod ergo Dominus se magistrum nostrum appellauit, hoc fecit, ut nos moneret, ad discendam rectè efficaciterque philosophiam christianam, necessariam esse duos coire, hoc est, magistrum, qui disciplinam tradat, & discipulum, qui eam excipiat. Parum enim refert, quod magister à cathedra operosè doceat, nisi in schola illum discipulus attentè audiat. Sic & parum vtilitatis hauriet discipulus ex diligente frequentatione scholæ, si magister otiosus sedeat in cathedra. Concurre vtrinq; oportet, & laborem magistri, & studium discipuli, ut fructuosè & ille doceat, & hic discat, *alioquin neutrum sine altero sufficit*, & si alterutrum desit, otiosa est vtriusq; defatigatio. Sic nunc dicit Christus: *Vos vocatis me Magister, & benè dictum, sum etenim*, & partes officij mei omnes exactissimè, perfectissimèq; expleo, edq; vobis simul dico, quid à vestra parte agere, & quàm diligenter, quidquid bonorum discipulorum est, curare debeatis. Parum enim vobis profuerit, quod ego doceam, nisi vos discatis. Omnia coniungi debent, & ad gratiam meæ institutionis vestri profectus studium accedere, *alioquin neutrum sine altero sufficit*. Sic & conuenta Dei cum hominibus habent, ut ad consequendam vitam concurrant gratia diuina, & diligentia humana, auxilium Dei, & studium nostrum.

Ex hac doctrina accipiemus, quo conciliemus duo Prophetæ in speciem contraria loca. Nonnulli ait: *Ab omni via mala prohibuit pedes meos, & custodiam verba sua*; Psal. 118. v. 101. His videtur aduersari quod in Psal. 114. v. 8. dicit: *Qui eripuit animam meam de morte, oculos meos à lachrymâ, pedes meos à lapsu*. Quomodo hæc sibi cohzere possunt, inquit Ambrosius, cum ibi dicat Propheta, quod ipse ab omni via mala prohibuit pedes suos, hic verò quod Deus eripuit eos à lapsu? Quomodo exemit Dominus à vinculis pedes Dauidis, quos ipse, ne vincirentur, custodiuit?

Respondet Doctor sanctus Qæron. 13. in Psal. 118. vtrumq;

CAPVT III.

Ve crudelitatem Timoris cognoscas, satis est scire, quod mors & pulchra est, si cum illo comparatur, & suavis medicina dolorum, quos ille adfert.

Postquam Patriarcha nosse, quæcunq; per suam industriam, facultatemq; potuit, fecerat, impetrauit subsidium gratiæ Dei, idq; per humilem, ac deuotam orationem, in qua hoc præfatus, quod ab ipso, quem rogabat, Domino, reuerti in patriam iussus esset, gratiam posthæc, gloriosamque commemorationem facit beneficiorum, quæ ab ipso accepisset, atque in his istud seorsim, ac singulariter, quod per eandem viam diuës liberorum, & opum nunc rediret, per quam olim solo baculo comitatus aduenisset. Finis demissæ, & ardentis precationis illius talis erat: *Erue me de manu fratris mei Esau, quia Valde eum timeo*; Genes. 32. 11.

Dignum certè notatu est, quod à timore, quem ex fratre conceperat, liberari petijt, non à morte seruari, quam sibi ab illo inferendam metueret, dicens, fratrem timere, non necem, quam ille consciscere possët. Vbi benè ostenditur, ex omnibus animæ passionibus, ex omnibus conflictibus, qui cor angere, ex omnibus pœnis, quæ cruciari pectus possunt, nullam esse timore terribiliorem. Et quamquam Aristoteles dixit, mortem esse omnium terribilium terribilissimum, ego tamen probatum dabo, timorem esse morte formidabiliorem, atque ita simul tonincam; idq; perspicuè, & euidenter, quod timor vnus rebus omnibus horribilior est, vt qui mortem etiã superet, quæ maxime alioquin ab omnibus metuitur.

Sanctus Nilus apud Anastasium Nicænũ q. 23. ait: *Verè terribile est mortis mysterium, & etiam ante tormentum sufficiat timor ad cruciatum.* Hinc colligit Nilus, quàm horribilis sit mors, cum solus eius metus sufficiat ad consternandum, fugandumq; audacissimos quosq; . Ad crudelẽ mortem misero homini sat est ipse mortis vnicius, ac solus timor.

Eam doctrinam sanctus ille fortè acceperat ex quibusdam Beati Pauli Apostoli verbis, quæ hanc sententiã non parũ exaggerant, Heb. 2. v. 15. ait ille, Christum participasse pueris, qui communicaueant carni, & sanguini, & liberaret eos, qui timore mortis per totam vitam obnoxij erant seruati.

Quatuor modis exposuit hunc locum sanctus Ioannes Chrysostomus, ex quibus postremus aptè ca-

utrumq; esse verum inquit: *Erui Dominus pedes à lapsu, si cognoueris, quod tu prohibeas pedes tuos à lapsu.* Ideo hoc meruit David, & Deus à lapsu pedes eius erueret, quoniam pedes suos ipse prohibuit. Facile intelligitur esse veritatem infallibilem, quod videtur contradictio manifesta. Quod enim Propheeta dicit, & se prohibuisse pedes suos à laqueo inimici, & Dominum eos custodiuisse à retibus aduersarij, hoc fecit, vt nobis traderet doctrinam, quã nos instituimus nostrum Politicum, estq; ea, quod ad euadendum lethiferas tendiculas inimici, necessum est, vt & à Deo seruemur, & nos ipsi nobis prospiciamus, vt concurrant gratia Dei, & diligentia nostra. Putare enim, quod solus Deus omnia faciat, somnium est, & stulta imaginatio: *Erui Dominus pedes tuos à lapsu, si cognoueris, quod tu prohibeas pedes tuos à lapsu.* Qui optat, & expetit auxilium Dei efficacax, debet ipse ex parte sua magnam adhibere diligentiam.

Nam vt ait Tertullianus in Apologet. c. 13. *De Gestis fuimus, sunt, non nascuntur Christiani*; velut dixisset: Animaduertite, Gentiles, quod nos, qui vanos ritus vestros, & superstitiosas cæremonias ridemus, Christiani sumus, qui nunc puras veritati, aquas bibimus, antehac ex cœnosis torrentibus haurire soliti. Non enim per naturam suam accipiunt Christiani, vt sint hoc, quod dicuntur (quemadmodum Poetæ nati dicuntur quidam) sed quod vocantur, hoc primũ beneficiũ Dei, tum & suo simul studio fiunt: *Fiunt, non nascuntur.* O quàm præclare dictum! Nemo existimet, quod quis Christianus est, id tale esse, quale quoddam filius Principis nascitur; qui absq; omni labore, diligentia sua Princeps, & dominus genitus, simul & sapere, & se tale esse animaduertere incipit. Christianus hoc, quod nomine præfert, fieri suo etiam labore, & studio, & exercitatione operum bonorum debet. Deo vocanti respondere homo, sub docente magistro proficere scientiã discipulus, cum auxilio gratiæ diuinæ federari studium industriæ humanæ, cum cœlo concurrere terra debet. Parũ enim proderit, quod sint beneuolæ influentiæ cœli, nisi homo eas excipere, & ad vsus suos transferre studeat: Velut vanè laborat agricola, qui semina spargit, quando terra non est culta, & præparata, vt fructus ex eis edere queat.

Meliora habes de hoc argumento Periarcha V. D. m. nica II. post Pascha Tomo II. pag. 30. c. 1. o. & alij in locis ad finem eiusdem Periarcha adscriptis.

dit huc, & sic ait: *Ut liberaret eos, qui timore mortis per totam vitam obnoxij erant servituri, quod in perpetuo metu viverent homines semper expectantes se morituros, & mortem formidantes, nullius voluptatis sensum poterant accipere, cum hic semper eis adesset metus.* Hoc enim tacite significat, dicens, *Per totam vitam.* Hæc ille. Idcirco ergo dicitur Deus venisse, ut vindicaret homines à metu mortis, quo per omnem vitam laborabant, quia priusquam ille immensa suâ potestate formidabilem mortis scuitiam, ac tyrannidem oppressisset, timor illius homines perpetuus tenebat, qui cum idem omnifera falcis illius in singula momenta opprimerentur, eius horrore attoniti, & exanimati nihil gustare poterant, quod palato gratum esset, nihil cogitare, quod animo leuamentum, voluptatemque aliquam adferret. Hocque voluit dicere Apostolus, cum ait, *Per totam vitam.* Itaque supremi Monarchæ, & potentissimi Reges, & animosissimi viri, & venustissimæ domicellæ, & iucundissimus adolescens, & elegantissimi, ac robustissimi iuvenes metu mortis iacebant oppressi: *Timore mortis per totam vitam obnoxij erant servituri.* Vbi cum Apostolus dicere potuisset, quod omnipotens immensi Domini pietas liberârit homines à morte, voluit Hebræos suos arctius sibi deuincire collatione maioris beneficii. Beneficium autem illud fuit, quod illis hoc bonum nuntium tulit, quod benignissimus Creator non solum à morte illos suâ morte liberârit, verum etiam ab alio tyranno auiore, & crudeliore, hoc est, à formidine, metuque mortis vindicârit. Hinc ergo colligitur, nullum esse tormentum, quod plus cruciet, nullum cruciatum, qui pœnalis torqueat, nullum equileum, qui intolerabilius afflicter, quàm timor, qui morte alioquin terribilissimâ est horribilior.

Ex his accipiemus sensum quorundam difficilium Tertulliani verborum, qui loquens cum martyribus in carcere iam separatis, atque ad supplicium extempli educendis, sic aiebat in lib. ad Martyr. c. 2. *Non in loca libidinum publicarum oculi tui impingunt, vacas à scandalis, à tentationibus, à recordationibus malis, iam & à persecutione.* Hæc ille, velut vnumquemque eorum, qui iam iam pœnas subituri erant, ita seorsim appellasset: O te felicem sacratissimi Agonistæ athletam, qui iam in carcere ab alijs es segregatus! nunc enim oculi tui liberi viuunt à publicis locis, in quibus passim obuix occurrunt, quæ corpora sua ad omnem fœdam libidinem circumgestant venalia. Per ferrum, quo compeditus es, euasisti laqueos, omniaque fallacis sæculi irritamenta, &

tentamenta. Nulla te nunc rerum præteritarum memoria perturbat. Hæc autem beatitudinem tuarum facile princeps est, quod iam & à persecutione es exemptus. At quomodo vacuus à persecutione? quomodo solutus à pœnis, & tormentis? Remouerunt martyrem carnifices ab alijs, ut in equileum rapiant, in crucem agant, ad pœnam capitis excipiendam educant, & hic dicitur liber à persecutione! Immo verò ea, ut videtur, sanguinolentissima est persecutio, quidquid contrâ opponi à quoquam possit. Præclare locutus est Tertullianus, cuius verba hæc paraphrasi illustrat interpretum illius doctissimus Cerda, dicens: *Adhuc & carere persecutore, qui iudicis autoritate te quarat, & inquirat, & in carcerem trahat, qui iam quasitus es, & tractus in carcerem.* Nullus te iam tyrannus iudex nefarijs ministris stipatus indagar. Nulla te perfidorum rhabduchorum voces, nulli atrocium lictorum tumultuarij clamores insectantur, ut è cauernis, & speluncis, vel ex absistoribus eremis abripiant, quando certam tibi nunc mortem scis constitutam, & mortem velut tolerasti, quam indubitatò subitum nonsti. Cum ergo nulla tibi nunc sit reliqua via præter eam, quæ ad supplicium è carcere, & à vinculis ad tabulatum ducit, nihil reliquum videtur, quod pati debeas. Qui enim in carcere persistit, cum negando fidem inde liber euadere possit, satis indicat, optare mori, non timere mortem. Quod si ita est, ut mortem non metuas, ergo vacas iam & à persecutione. Qui enim mortem intrepidus excipit, non persecutionem patitur, sed gloriosum, & dignum immortalitate facinus edit. Vbi ergo timor abest, ibi nihil formidabile mors, vel cruciatus aliquis habet, timor enim tormentorum terribilissimum est, & pœna illius dolore mortis acerbior.

Et si vultis videre, quàm hoc sit verum, perspicue id euincam. Si enim demonstrâro, quod mors sit medicina timoris, consequenter manifestè probatum dedero, quod mors, quamquàm admodum horribilis, timore, utpotè cuius vulnera sanet, minus sit formidabilis, cum etiam nullo alio remedio æquè curari timor, ac morte possit.

Ut restatui faciam, quod dixi, non possum præterire timores Caini, qui postquam illud supra quàm facinorosum scelus fratricidij perpetrasset, tamque sanguinarij flagitij ergo à supremo Iudice obiurgatus esset, aiebat Domino: *Omnis, qui inuenit me, occidet me;* Genes. 4. 14. Respondit autem ei Deus: *Nequaquam ita fiet, posuitque Cain signum, ut non interficeret eum omnibus, qui inuenisset eum;* ibid.

ibid. v. 15. Non paruo astu factum, quod se Cain ab omni obuto trucidandum dixit, voluit enim hac ratione intelligere, vtrum illi quisquam adempturus vitam esset, atque ex Domini ore accipere, futurumne esset, quod ipse sibi perluaferat. Huic autem tam fraudulentæ cogitationi occurrit infinite sapiens Dominus, inquiens. Mortemne oppetere velles? *Nequaquam ita fiet.* Immo vt omnino contrà accidat, ego te signo quodam notabo, & velut quodam privilegio regio muniam, vt nemo tibi inferre necem auit, nisi qui septupli pœnam luere in vicem velit.

At nonne consultius fuisset, si Dominus ad vindicandum perfidiosam eadem innocentis Abelis, & sanguinem tam impie fufum, statim permisisset contrucidari maledictum, & execrabilem illum aggressorem, vt mox etiam videre licuisset, quàm parata est laurus iusto, tam in promptu esse gladium ad plecendam fratricidæ crudelitatem? Quare ergo Dominus pro eo, vt illum quamprimum ex hominibus auferret, longos annos viuere voluit, grauissimarumq; pœnarum comminatione, & conspicuæ notæ impressione cauit, ne quis illi celeri morte vitam præsentem amputaret?

Philo Iudæus lib. de antiquit. ait: *Rerum humanarum inspector Deus, Et vidit, auersatus damnauit non præfenti quidem supplicio, quod confestim et calamitatis sensum adimeret, sed mille mortes intentando, Et sentiret alios super alios paiores, Et acerbatis molestias, atq; ita dignam pro maleficio pœnam recipere.* Quamprimum Deus prouidâ, & attentâ vigilantia suâ conspexit illud immane scelus, & atrocitatem omni scuitiâ barbaricâ truculentioiem, seuerrissimum tanto flagitio cruciatum decreuit, non acuens gladium, quo perfidi grassatoris ferocem sanguinem funderet, sed innumeras illi ante mortem mortes adornans, timoremq; & tremorē perfidioso illius cordi, & corpori toti infundens, à quo sic concuteretur, & exagigaretur, vt tanquàm in perpetuis fluctibus positus incessanter iactaretur, & ubique tremulus trepidaret, nullibi quierus degere posset. Hæc est pœna, hoc supplicium, quod iratus Dominus perfido illi reo seruauit, vt nō moreretur, quō moreretur, vt viueret, quō non viueret, vt per omnē vitam, & annos longos pugnaret cum efferata timoris bestia, vt folij strepitus illum exterreret, metumq; illi incuteret & fera, quæ in solitudine degit, & quæ per ærem volat auis, & qui eximens vaginâ gladium simulat suspensâ ad terrorem manu ictum, & nulla sit creatura, quæ non illi horrorem adferat,

Tom. III.

sic vt in omni nube fulmen, in qualibet stella pugionem suo exitio paratum formidet, cumq; omnia suspecta habet, suq; occidioni intenta vanè timeret, perpetuò in metu, & pauore amarâ vitam ducat. Ea verò maxima pœna, & pœnalissimus cruciatus, & cruciabilissimus dolor, & intolerabilis anxietas fuit. Quando enim Cain quæsiuit mortem, vt constanesceret à timore, Dominus illi pro pœna vitam reliquit, vt sub dura timoris seruitute viuens, acerbissimæ passioni subiaceret. Qui enim in cruce timoris patitur, illi nihil reliquum est, quàm vt timeat pati, nam cū extremos cruciatus iam dependit, non habet alios cruciatus, quos timeat, vt quem suis manibus timor ipse cruciat: *Non præfenti supplicio eum damnauit, quod confestim et calamitatis sensum adimeret, sed mille mortes intentando, Et sentiret alios super alios paiores, Et acerbatis molestias.*

Plurimam S. Petro Chrysologo admirationem attulit quædam Eliæ petitio, qui iram cuiusdam mulieris, & reginæ, eiusq; grauissimæ insensæ fugiens, & sub vmbra iuniperi requiescens, postquàm cum sua ipsius vita de negotio communicasset, consensumq; ejus impetrasset, obsecrauit Dominum, vt è viuis ipsum auferret, qui neque fortior neque sanctior maioribus suis esset, inquiens: *Sufficit mihi, Domine, tolle animam meam, neque enim melior sum, quàm patres mei;* 3. Reg. 19. 4. satis est, quod hanc molestiam, & acerbam vitam duxi, quare te oro, & obtestor, vt sub hac arbore, quæ me inumbrat, vitam mihi, si ita expedit, adimas.

Quid est, quod petit sanctus Propheta? Nonne id perspicuum? Mortem rogat. At nonne iam iam fugitiuus eò aduenerat, vt deitaret mortem? Sic enim habes ibid. v. 3. *Timuit Elias, Et surgens abiit, quocunque illum ferebat voluntas.* Misit Iezabel regina Eliæ nuntium, qui diceret, certum sibi esse illum exanimalem facere. Vix id audierat Propheta, quando contreritus, & expauesfactus expalluit, totoque animo consternatus, in pedes se coniecit, & per viam, quæsecunq; prima oculis obtulit, fugâ dilapsus excessit, euasit, erupit. Qui tantâ celeritate mortem declinauit, quomodo nunc mortem tam vehementer exposcit? Vnde illi tam varia intrâ tantillum tempus consilia?

S. Petrus Chrysostomus serm. 147. ait: *Elias ille ubi sensit toto se timore aspergi, repetebat, quàm fugerat, mortem, melius existimans morti succumbere, quàm timori.* Quando mortem vitauit, quàm illi furibunda Iezabel minabatur, representabatur illi mors, qualis qualis ex seipsa est, fœda, & terribilis,

D d d d

vtque

utque sanguinarios, & horribiles, & implacabiles illius vngues euaderet, locum secretum, in quo se defendere posset, inquisiuit. Timorem de facie eiusque non viderat. Postquam autem terribilitatem formidabilis vultus eius rectè arbitrari coepit, iam mors cum illo comparata non ei sorda, & horrenda, sed elegans, & expetenda videbatur, quam proinde ad sese inuitabat, & aduocabat, tam vehementer faciem timoris cohorruerat: *Melius existimans mortis succumbere, quam timori.* Hinc æstimate, quàm sit crudelis passio timoris, quàm intolerabilis illius cruciatus, cuius tam est informis, & terribilis species, ut mors alioquin squalida, sordida, foeda, funesta, si cum timore conferatur, formosa videatur, & venusta.

Eapropter Docta Heloïssa scribens charo suo Abailardo, epist. 7. aiebat: *Omne inevitabile, quod cum acciderit, marotem maximum secum inferit, & subito seniat, optandum est, ne timore diu ante cruet, cui nullâ succurri providentiâ potest.* Malum nempe, quod ante timemus, quàm accidit, peius, deteriusque, & pernitiabilius est interim, quàm cum euenit. Damnum ergo, quod necessario subeundum, eò minus noxium erit, quo minor illius metus, aut prorsum non erit incommodum, si non fuerit a malo timoris coniunctum.

Inter cætera monita, quæ Dominus Discipulis suis dedit, quando eos titulo Prædicatorum insignitos ad euulgandum Euangelium emisit, præcipuum quoddam illud fuit, ut hospites suos tali verborum formulâ salutarerent: *Pax huic domui;* Matth. 10. 12. Ut hilariter, hospitaliterque susciperentur Apostoli, plurimum referebat, ut pacem, tranquillitatem, quietem precarentur his, ad quos diuerterent. An parum forte fuit, quòd talia dicerent, & optarent? Immo res maxima fuit, quòd talia suis hospitibus cupiebant, inquit Paulus de Palatio in c. 10. Matth. subdens: *Id si expendas quantum sit, fateberis nihil in tota vita præclarum esse.* Optabilior, gratior, magisque salutaris saluatio nulla, quàm eius, qui pacem precatur. Pax contrariatur bello, bellum plenum est timore, tumultuatione, perturbatione, curis. Optare ergo domui alicui, ut sit extrâ omnem timorem, absque vlla perturbatione, inquiete, anxietate, est precari illi omnia simul bona, pace namque excluditur timor, in quo tanquam in cumulo quodam sunt omnia mala collecta. *Ego quidem potius vellem non turbare, nec formidare, quàm omnia regna,* inquit idem autor. Et quisque vel parum prudens mauolet tranquillam in paupertate vitam age-

re, quàm torius mundi imperium cum pensione varij timoris tenere. Vt videatis, quàm sit terribilis crux, quàm crudelis equuleus timoris, quocumq; nemo rex, aut monarcha esse velit, quantumuis homo amet imperare, & dominari, quia melior est conditio mancipij quiete gaudentis, quàm Principis in metu degentis, & timore vexati. Cogitate quàm horrenda & sæua sit illa passio. Cum enim homo à natura vehementer defugiat mortem, contremiscatque, cum eius qualescunque periculum imminet, & turpissimus sit illius vultus, si tamen ex aduerso timoris eam constituas, pulchra, & grata eius species videbitur, ut cuius feciditate horribilitas timoris curatur.

Hinc est, quòd mundus perire maluit, quàm timere, inquit rursum S. Petrus Chrysolog. serm. 147. Tam foeda facie est timor, ut mundus videns hinc illius horribilitatem, inde mortis terribilitatem, mortem præ timore eligendum putarit. Et quando vnum malum, quod est magnum, eò vertitur, ut sit medicina mali alterius, cogitate, si potestis, quàm ingens sit hoc malum timoris ad quod euitandum, fugiendum, curandum, aliud malum, idque tam atrox, & crudele, quàm est mortis, arripitur.

Secundùm hæc quid mirum, quòd Patriarcha noster tam humiles, ardentesque ad Deum preces fudit, ut per illum liberaretur à violentis infensi fratris sui manibus, de quo fatabatur, quòd vehementer illum formidaret? *Quid valde eum timeo.* Nulla quippè est animæ passio, quæ penalius affligat, quæque crudelius anxiet, & acerbius afficiat, quàm timor.

CAPVT IV.

Species, splendor, & existimatio rei non tam in substantia illius, quàm in modo, quo fit, consistit.

Post absolutam orationem, post imploratam humili, & affectuosâ oratione opem Dei, post adhibita media præcipua statim conuertit se cordatus, & prudens Patriarcha noster ad humana, adornans pro fratre suo demerendo diues, & pulchrè concinnatum munus. Misit autem illi capras, oves, arietes, camelos, vaccas, tauros, asinas cum suis pullis, sed ita ut horum pecorum singulæ species seorsim, aliaque ab alijs separatæ, ordine quodam irent. *Antecedite me, & sit spatium inter gregem. Et gregem, aiebat famulis suis, Genes. 32. 16.* Vbi cum aliquibus Interpretibus inquit Oleaster: *Novit sanctus vir manus suam decorare, & maius appareret, sciuit ita digerere illam gregum suorum partem, quam*

fratri

fratri suo munus destinārat, vt ordo illi maiorem quandam aspectabilitatem, & amplitudinem adferre videretur. Docuit nos eā actione, quanti referat ordinatē res suas instituire, & distribuere. Nam quamuis munus Iacobi per se magnificum, & sumptuosum esset, modus tamen, quo disposuit, maiorem illi splendorem, & speciem illustriorem addidit. Si pecora omnia (tamen penē sexcenta essent) turmatim, ac promiscuē per viam iuissent, vix sexaginta visa fuissent: Cū autem sic ducerentur, vt species singulā peculiarem facerent congregationem, multo plura, quā erant, de aspectu arbitratus fuisset, quisquis ea ē loco paulō abstinore vidisset. Reuerā enim splendor, & species rei nonnunquā non tam in eius substantia, quā in modo, quo sit, siue ordine, quo disponitur, consistit.

Exhortatur nos diuinus Magister, vt ferro ieiunij scindamus viciatās radices, & malas cupiditates liberioris carnis nostrā, inquit: *Cū ieiunas, vnge caput tuum, & faciem tuam laua, ne videaris hominibus ieiunans*; Matth. 6. 17. 18. quasi dixisset: Si vis optatum ex ieiunio referre meritum, caue imiteris hypocritas, qui magnam simulant vultu tristitiam, cū diem aliquem impasti transmiserunt, vt ex deiectis oculis, & pallida facie inedia eorum legere possit, quisquis illos videt. Noli hos inanis ventris sui vanos ostentatores imitari, sed vnge potius caput tuum, vt illā exteriori specie obnubas abstinentiam tuā, eādēque operā fores & vanæ gloriæ clausas, & apertas relinquis Patri æterno, qui inde ē suorum penetralium recessu te spectat, ieiuniumque tuum remunerabit, & lauro abstinentiam donabit.

Innocentius III. in serm. Fer. IV. Cinerum ait: *Quia Deus magis attendit modum in facto, quā factum in modo, magisq; considerat quomodo aliquid fiat, ipse nos instruit, quomodo ieiunare debeamus, vt ieiunium nostrum sit ipsi gratum, & nobis fructuosum, ac meritatorium.* Itaque non totum actionis momentum in substantia illius positum, sed modus, & ordo, & ratio, quā sit, sua illi addit pondera, quibus destituta sæpe parū probatur Deo, qui magis attendit modum in facto, quā factum in modo. Nam rebus spiritualibus, quæ ex suo genere sunt bonæ, si modus suus desit, omnia paulatim defunt. Non satis est ieiunare, dare elemosynam, corpus flagris exarare, longam orationi operam dare, & his similia facere, hæc enim suam requirunt modum, temporisq; ac loci occasionem certam itā exposcunt, vt inania sint, quando ijs destituta.

Dignum notatu est vaserrimum artificium, quod versutus dæmon adhibuit, quando potestare à Domino concessā vt voluit ad expugnandum animum sancti Iobris, & inuictæ patientiæ eius murum adamantinum deiiciendum. Greges pecorum primo loco aggressus, statim ferro omnia extinxit, hoc est, boues, qui aratrum ductabant, & asinas, quæ iuxta eos pascebantur, & non contentus eam fecisse stragem, pastores etiā contrucidauit. Ferebat hoc nuntium sancto Iob famulus quidam, & nondum totam verbis exposuerat cladem, quando alter anhelus appetijt, & dixit, fulmine tactas oues omnes cum suis custodibus conflagrasse. Etiam iste totum adhuc non edixerat damnum, ecce alium, qui narrabat, tres Chaldæorum turmas incursionem fecisse in camelos, & hos quidem secum abstulisse, seruos autem obruncasse gladio. Ac ne hic quidem sermonem finierat, quando alius ingressus, funestissimam, & luctuosissimam omnium, quotquot mundus aliquando vidit, cœpit narrare tragediam, sic ferē inquit: Filij tui, ac filiz omnes simul accumbabant in domo fratris sui maioris natu, dūmq; conuescerentur, neque tam lauris epulis, quā dulcibus colloquijs, & festiuis gaudijs mutuo amanter oblectarent, vehemens inopinatō ventus à regione deserti irruit, domumque à quatuor angulis concutiens euerit, & solo æquauit, & fatale liberorum tuorum omnium vnum monumentum fecit! *Filij tui, & filiaz vescentibus, & bibentibus Vinum in domo fratris sui primogeniti repente ventus vehemens irruit à regione deserti, & concussit quatuor angulos domus, quæ corruens oppressit liberos tuos, & mortui sunt*; Iob 1. 18. 19.

Audiamus Sancti Gregorij hac de re commentationem, Interpretis, quo præstantiorem sancti, & patientissimi Iobris liber non habuit alium. Prolitior est illius expositio, quā hunc adferam, sed faciet illius subtilitas, vt ne sit vobis molesta. *Intuendum est, inquit ille lib. 2. Moral. cap. 8. quā callidē curauit hostis antiquus non tam iacturā rerum sancti viri patientiam rumpere, quā ipso ordine nuntiorum, qui studens prius parua, & postmodum nuntiare maiora, in extremo filiorum mortem intulit, ne filia pater rei familiaris damna duceret si illa tam orbatu audiret, & minis percuteret rerum amissio, præcongnitā morte filiorum, quia videlicet nulla esset hereditas, si illos prius subtraheret, qui seruabantur heredes, sed à minimis incipiens in ultimum grauiora nuntiavit, & dū gradatim deteriora cognosceret, in eius corde doloris locum omne vulnus inueniret. Ampla fa-*

cultas concessa erat dæmoni, graue habebat sub manibus negotium, idque cum multis impedimentis coniunctum. Vt ne opus, quod machinabatur, minus feliciter illi caderet, voluit (quæ ipsius versutia erat) sic illud adornare, & ordinare, vt modi ac dispositionis momenta paria essent illius substantiæ ponderibus. Itaque quæ leuiora, & tenuiora erant, ea ante omnia perdere cepit, posthæc autem maioribus perniciem, ac postremò necem liberis intulit, qui sancto patienti omnibus opum copijs faciliè antiquiores, ipsis etiam visceribus longè chariores erant. Hæc re fraudulentam vasa sapacitatis suæ industriam veteratorius nebulo prodidit. Nam si primo loco internecionem dilectæ sobolis illi denuntiasset, nullum doloris sensum ex iactura rerum cæterarum perceperisset, idque non solum quia fortunæ bona cum liberis comparata minus aliquid illi erant, quam exiguus lapillus cum vasto monte compositus, vt proinde tam dulcium pignorum domus ruinâ oppressorum, & extinctorum inauspicato nuntio perculsus, nuntia rerum aliarum ablatarum, velut insensibilis ex priore factus, percipere non posset, verum etiam quia hæredibus fato sublatis, parum, ac penitissimè nihil erat habere hæreditatem. Vt ergo sancti Patriarchæ animo suum singuli ictus peculiarem inferrent dolorem, primum scopos minores tenuioribus glandibus operatos in illum explosit, & posthæc grauiores globos ex tormentis maioribus in eum effulminauit: *Aminimis incipiens in clementiam grauiora nuntiauit, Et dum gradatim deteriora cognosceret, in eius corde doloris locum omne vulnus inueniret.* O quam callidè versipellis, & execrabilis hic hostis aciem suam instruxit! quam artificiosè turmas suas digessit! quam dolosè machinas suas explosit, quas eo astu exonerauit, vt nullus ei de toto numero globus perierit! Quanto rhetorices artificio ad pugnam vsus fuit! nam à minoribus ad maiora paulatim ascendens, ita sua per singulos gradus collocauit tormenta, vt quæque peculiarem saucio cordi inferrent cruciatum. Si grauiora primum intellexisset sanctus Patriarcha, leuiora deinceps tulisset leuius, sceler enim ictus acrioris dolor sensum leuioris vulneris opprimere. Nonne videtis, quod & ipse dæmon suo exemplo nobis prædicat, vt opus quodlibet tale sit, quale expetiscere potest ipse, qui facit, non tam in eo positum esse, quod fiat, quam in eo, quod debito modo, recto ordine, ac singulari artus industria fiat? Modus, ars, ordo sunt velut substantia operis, prosperique illius successus.

Nisi ita esset, nunquam Flavius Vegetius tanto-

perè commendaret curam rectè ordinandi, instruendi, digerendi exercitus, qui lib. 3. cap. 14. sic ait: *Hæc in pugna publica, si sapienter disponitur, plurimum iuuat, si imperiè, quauis optimi bellatores sint, malâ ordinatione franguntur.* Non consistit magnitudo exercitus in conferta peditum multitudine, neque in grandi turmarum equestrium numero, neque in armorum, cæteri que apparatus bellici copia, nisi hæc omnia prudenter disponantur, & ritè ordinentur. Nam si iusta ordinatio desit, vassissimus, & splendidissimus exercitus suis ipse manibus conficitur, & à seipso consumitur. Econtrà quamquam parua sit manus peditum, equitum exiguus numerus, armorum apparatus non magnus, si tamen omnia ex arte militari rectè, atque vt æquum est, instituantur, ac disponantur, exercitum indigestum, & inordinatum, quamuis frequentissimum, & copiosissimum, indubitato superabunt, & fundent. Huius rei habemus tam crebra exempla, quam experimenta. Benè itaque diximus, non satis esse aliquid facere, si modus, ordo, & iusta ratio operis prætermittatur.

Veritus Sanctus Isaac, ne imparatum illum dies vitæ supremus occuparet, sciensque quam fragili basi ruinosum vitæ nostræ ædificium niteretur, aduocauit filium suum Esau, vt illum suorum priuilegiorum, immunitatumque hæredem pronuntiaret, iussitque vt ante cibos adferret, quam referret benedictionem. Subaudiit hæc Rebecca, optansque hanc à Iacobe suo præoccupari benedictionem, de re ista, deq; toto patris proposito cum illo communicauit, imperauitque ire, & duos hædos pinguium opimissimos adducere, ex quibus patri ipsa quidem conficeret, ille verò adferret gratum ferculum, sperans eum tum hæc ratione, tum reliquo artificio posse adducere, vt Iacobem benedictione, & quæ cum illa coniunctæ erant, immunitatibus donaret: *Affer mihi duos hædos opimos, Si faciam ex eis escas patri tuo, quibus libenter vescitur;* aiebat illa Gen. 27. 9.

Eruditus, & eloquens Pererius in hanc rem sic inquit: *Apposite porro, & circumspicte diuina Scriptura in hac narratione illud posuit, Vt faciam ex eis escas patri tuo, quibus libenter vescitur, & paulò infra; Parauit illi cibos, sicut velle nouerat patrem illius.*

Quamobrem verò hoc sacræ literæ monendum putarunt? Eam ob rem, vt videamus, quantum sit modi momentum in rebus, quantum referat opus maturè, debite, decenterque confectis. Nequicquam enim Rebecca tantum operæ, ac diligentiae in-

coquen-

CAPVT V.

Illud solum inexpugnabile videtur, quod potens munerum: siue donorum tyrannis non occupauit.

A Peruic sanctus Patriarcha nosse suum propositum, inquit: *Placabo illum muneribus, quae praecedunt, & postea videbo illum*; Gen. 32. 20. Cum suspicer fratrem meum in hunc diem usque mihi iratum, & infensum, remedium excogitavi, quo ardorem animi illius mitigare, & placare furorem cordis queam. Muneribus voluntatem illius quantumuis alienam facile reconciliabo, efficiamque ut tutus, & securus illum conuenire possim. Quod nostra vulgata versio habet, *Placabo illum muneribus*, hoc alij (ut alibi etiam monuimus) ex Hebraeo transtulerunt: *Operiam faciem eius velamine*, oblato munere, quasi oppanso linteo oculos eius obtutabam, ut inuehi in me, quantumuis furor suadeat, non valeat. Cicurabo efferatum illius animum, & perdomabo rabiem. Oleaster ait: *Videat ipse prius munus, quam ego faciem eius, & munus faciem leniat ad aspectum meum, ne in me malum, quod sibi intuli, videat, seu videat oculis muneris me, non sui, qui enim munera accipiunt, vident per munera, non oculis suis*. O quam diuina sententia! quam apta ad demonstrandum, quam ingens sit munerum tyrannica potestas, quantae sit donorum ad subigendum, & expugnandum vis, & efficacia! *Qui munera, inquit, accipiunt, vident per munera, non oculis suis*. Videtur metaphoram vsus sumptam ab eis, qui videntur conspicijs diuersorum colorum, quibus omnia caerulea, aut viridia videntur, & eo colore tincta, quo conspicijs sunt imbuta. Ita qui dona admittit seu pecuniaria, siue alia quaecunque, quidquid per illa cernit, de eorum colore, & specie arbitratur omnia, neque aliud fieri posse putat, quam quod oblata munera postulant, siue imperant. Nec enim vel arx est, quam illa non expugnent, vel mons, quem non complantent, vel difficultas, quam non superatu facilem reddant.

Balaac filius Sephor, vel liber Numerorum refert, cum intellexisset quantae essent vires filiorum Israel, quamque insignia facinora edidissent per omnem viam, quam venerant, veritus ne regnum ipsius vastarent, & occuparent, decreuit seniores populi sui ablegare ad Balaam, ut malediceret Israelitis, sicque a regno Moabitarum malum omne propulsaret. Abierunt ergo primores Moabitarum ad Balaam ariolum cum auro, & argento, pro quo inimicum populum anathemate percelleret, exitumque a pa-

coquendis, & condiendis illis haecis collocasset, nisi eo modo etiam praeprasset, ut eis cum voluptate senex, & imbecillus maritus vesceretur: *Non enim satis est delicatum, & optimum esse cibum, nisi accomodatè ad gustum eius, cui apponendus est, & coctus, & conditus sit*. Festiue enim quidam potera dixit, *solum artem non esse satis coquo, sed potissimum seruire debere palato domini, atque eius quasi gustum, & palatum habere ipsum oportere*. Haec item ad superiora Pererius. Voluit ergo Scriptor facere hanc non praeterire minutiam, quod Rebecca cibos marito suo adornaui sic, ut eius palato gratos fore longo experimento didicerat, ut nos doceret non tantum in re, quae sit, sed in modo, quo sit, aliquam multum esse positum, parum enim facit lautitia cibi, nisi saporem eius amet ille, qui est comesturus, & conditurae sapè facit, ut cibus alioquin tenuis, & vulgaris, ac nihili, acceptior sit palato, quam alius quilibet quantumuis opiparus, & exquisitus. Modus denique est, qui rebus, & actionibus ornamenta, splendorem, admirationem adfert, quod insignis Honcala in cap. 33. Genes. his verbis affirmat: *Ordo commodus & rebus, & actu appositus non modo spectantium oculos capiat, & oblectat, sed etiam res ipsas seruat, augetque*.

Haec est commoda Politico nostro doctrina, ex qua illud accipiet, ut res suas, & opera, quantum fieri potest, rectè ordinet, & concinno modo disponat, si vult ea honestum habere, & laudabilem splendorem. Haec enim ordo nescio quid illud, ut rebus & ornatum, & magnitudinem, & pretium, admirationemque addat. Non est prolixus sermo, qui ex multis conceptibus constaret, si ij non sine rere dispositi. Decedit sua conuiuio alioquin sumptuoso magnificentia, si fercula non sunt decenter ordinata. Obscurat altaris quantumuis pretiosa, & opulenta ornamenta male digesta sacrae suppellectilis apparatus. Tenebras offundit libro, licet pereruditio, rerum confusa moles, & praetermissa iustae collocationis ratio, & inconcinna structura. Videmus namque homines exilis doctrinae exiguis alis instructos euolare altius vulgariis suis scriptis, quam alios oppido eruditiores, qui methodi, & rectae dispositionis fuerunt negligentes. Denique ut sunt naufragi huius aetatis homines, ita illis modus operis debet esse substantia, quamquam modus exigua sit substantia, & parui ponderis. Omne punctum ramen tulit, qui bona bene, aptè, ordinatè, concinè elaborauit.

tria omne auerteret. Perrexerunt seniores Moab, & maiores natu Madian, habentes divinationis pretium in manibus; Num. 22. 7.

Notandum hic, quod litera originalis, LXX. Interpretes, Origenes, S. Augustinus, & alij non legunt, *Divinationis pretium*, sed absolute, *Divinationes*, tanquam has in manibus suis attulissent. Sed quare Hebraeus, & LXX. pratermiserunt, ut videtur, illud *Pretium*, & absolute affirmarunt, seniores illos in manibus attulisse maledictionem, quam expetitum veniebant? Id fecerunt, ut vim, efficacitatemque auri declararent, & quanta sit expugnandi virtus in muneribus, aperirent. Et quod illi de hac re pronuntiarent, perinde fuit, ac si dixissent: Nonne Seniores illi ferebant aurum? Ferebant. Dicit ergo de iisdem absolute potest, contulisse secum execrationem, quam desiderabant, & rem totam ex voto confecisse. Facile namque erat divinare, quod Propheta malus divinator esset, quidquid illi vellet, cum aurum, argentum, talesque causae patronos adducerent. Praefere enim aurum manibus, & feliciter confecisse negotium, tandum est. Qui ergo aliquid ambiens, auro ad procurandum utitur, certo sibi potest promittere officium, quod prestat, manus enim, quae fert dona, ipsa sibi suam ex suis muneribus augurari felicitatem potest, indubitanterque consequetur, quod cupit.

Hinc Lucianus apud doctissimum, & nobilissimum Iuriconsultum Ioannem Baptistam de la Rea in lib. novar. decisionum Granat. disp. 12. num. 62. aiebat, *monetam aequalem cum incantationibus vim obtinere*. Immo merum fascinum est, ita omnia apud homines & facit, & obtinet. Quando rem aliquam exoletam, raram, insolentemque videmus, dicere amamus, *Parece cosa de encanto*, hoc est, *Incantamentum videtur*, es sicut enim *Hexentwerck* gleich. Ad hunc modum dicit Lucianus de pecunia, *aequalem cum incantationibus vim obtinere*: Tam magna enim sunt, quae efficit, tam admiranda, quae impetrat, tam rara, & inaudita, quae operatur, ut fascino uti ad res suas videatur. Pecunia dat alas abiectioni, ingenium stultissimo, iustitiam iniquissimo, nobilitatem vilissimo, existimationem propudiosissimo, celebritatem infamissimo. Denique ut ille ait:

Et genus, & formam regina pecunia donat.

Et quid hoc? Nonne res incantamento similis est, quod qui pridie nundinator erat, postmodum in nobilibus recensetur, & qui heri ad mensuram, & pondus suas merces vendebat, hodie equis, & curru circumferatur, famulis, quantum

Princeps aliquis, stipatus? Quis talium fascinorum autor? quis structor incantationum? Pecunia, quae omnia vincit, & lites omnes componit, incantamentumque eiusmodi, & admiranda sine numero alia facit.

Funebre panegyricum rex Propheta exequijs intimi amici sui Ionathae adornabat, interque varia e-logia hoc etiam numeravit, quod tanta fuerit illius iaculandi dexteritas, & peritia, ut nullum unquam vano iactu exploserit telum: *Sagitta Ionathae nunquam rediit retrorsum*, aiebat 2. Reg. 1. 22. Quanta vis brachij, quanta lacertorum aptitudo, & facilitas fuit, qui nunquam iaculati sunt, quin collinearent, nunquam exploserunt sagittam, quin feliciter perlatæ sint in illum, quem sauciantum propositum habebant! Hugo Cardinalis ait, Ionathae tela nunquam rediisse retrò, eò quod chalybeam cuspidem, eamque semper exacutam habuerint, ac propterea fixa hæsisse loco, in quem ab arcu fuerint emissæ, tamen si ærata lorica, fortissimumque scutum esset, in quod dirigerentur: *Sagitta Ionathae nunquam rediit retrorsum, acuta enim sagitta non abiit retrorsum, obtusa autem retrorsum abiit, quia non infigitur*, inquit ille in cap. 1. lib. 2. Regum.

Quid sensu morali significat nobis Ionathas, ille tam peritus iaculandi, cui de mille sagittis, quas contento arcu explosit, nulla à scopo aberravit, nulla suum iaculatorem fraudavit optatis?

Hugoni Cardinali, Guiljelmo Ebroicensi, Sancti Pagnino, Antonio Ricciardo, & alijs Hebraizantibus Ionathas idem est, quod *Columba dans*. Hinc iam intellexeritis mysterium, quamobrem sagitta Ionathae non rediisse retrorsum dicatur. Causa itaque illius dicti mystica hæc est. Nulla è scopo respicit sagitta Ionathae, nullum inaniter emissum est telum *Columba dans*, quia quantumvis sit quisquam columbinus, simplex, indoctus, si tamen armatus sit muneribus, quae dare possit, ac velit, sit eloquens, & facundus, & linguâ aureâ, atque argenteâ sit ad persuadendum quidvis efficacior, quam Cicerones, aut Demosthenes vlli fuerunt, quiue loriceam argenteam vestit, & lanceam auream ad pugnam adfert, ille certo expugnabit, quamvis alioquin pusillanimitas, & infirmis viribus sit columba.

Tale quidpiam diu ante nos dixit de antipapa Cadaloo, qui sibi Honorij II. titulum assumpserat, S. Petrus Damianus lib. 1. epist. 21. inquit: *Ducis post te castra, auro potius armata, quam ferro, & sic natus proferuntur è loculis, tanquam gladij vibrentur è thecis. Phalanxes planè, quae te sequuntur, ad tua signa molles, non tam levis buccina, sed tuba clangor.*

por excitat, quam vena metalli vibrantis inuitat. Habens enim (ut aiunt rustici) pugillum aureum frangis murum ferreum; velut pluribus dixisset: Iactas te insolenter, o papa intruse, de numero sa hominum turba, quæ te sequatur, iactas de plurimorum animis, quos occupaueris, de voluntariis, quas subegeris, & à sua sententia ad tui arbitrij partes transfuleris. Facile adducor, ut credam ita esse, cum exercitu vteris aureo, & argenteo, & aurum tuæ thecæ promant, velut phætræ tela, & argentum tuæ manus vibrent, ut sagittas arcus iacit. Nihil mirum, quod tam est frequens hominum ad tua castra concursatio, quæ cum auro tantum ad omne negotium vtantur, nunquam pugnant, quin expugnent. Non litui clangor, sed auri fulgor militaris tibi copias constat, & habens pugillum aureum frangis murum ferreum. Quid magnum ergo, quod Ionatha, hoc est, Columba dantis nulla retrorsum sagitta redijt: Nam cum telorum cuspides sunt aureæ, nunquam vacuo feruntur iactu, quin attingant, & feriant, in quem collimant.

Non possum non huc accersere testem Ecclesiasticum, cuius quàm est perulgatum, tam crebro experimento comprobatur hac de re effatum, quod pulchris Interpretum annotamentis exornatum dabo. Ille c. 20. v. 31. sic habet: *Xenia, & dona excæcant oculos iudicum, & quasi mutus in ore auertit correptiones eorum.* Præcipuus huius sententiæ vigor positus est in his verbis extremis, *Quasi mutus in ore auertit correptiones eorum*, quæ nonnullam habent difficultatem. Quid *mutus* hoc in loco significet, id obscurum, & dubium. Multi aiunt, pro hoc vocabulo esse apud Græcos *Frenum, capistrum, camum*, itaq; sic posse reddi verba superiora: *Ei quasi capistrum auertit correptiones eorum*; quorum hic sit sensus, munera, siue dona hoc efficere apud homines, quod apud bestias cami, frena, capistra. Quis ferocem cicurare equum posset, nisi freni ope adiutus? Immanissimum bubalum iniectus naribus annulus ferreus perdomat, ut capistrum caballos. Laqueus autem perniciosissime auolare solitam retinet, & fugacissimos pisces rete cohibet. Mordacissimos, & indomitissimos calcitriones camus coercet. Atque ve noster Hispanus Mars, & diuinus Apostolus Iacobus c. 3. v. 7. ait, *Omnis natura bestiarum, & Solacrum, & serpentium, & ceterorum domatur, & domata sunt à natura humana.* Quid ergo frenum bruto, quod capistrum equo, hoc barbaris, & aere libus iudicibus aurum, argentum, munera. Ad hunc sensum legit ea verba Sanctus Hierony-

mus, inquit: *Munera excæcant oculos etiam sapientum, & quasi frenum in ore auertunt increpationes.* Itaque dicere possumus, quod iudices, qui suscipiunt munera, sunt bestiarum doctæ admittere frenos. Facillimè namque ephippium, & capistrum excipit, & in omnem partem inflecti permittit iudex, qui dona admittit, muneribusque dat manus.

Nicolao Lyrano, Dionysio Carthusiano, & alijs significatum huius nominis, *Mutus*, est quoddam genus ranarum, quæ injectæ ori atrocissimi, & immanissimi canis, illum mutum reddunt, ut docent Strabo, Sanctus Isidorus, Vincentius Beluacensis, & alij, qui de proprietatibus animalium scripserunt. Lyranus sic ait: *Est autem mutus quadam species ranæ, quæ prosecta in os canis facit eum tacentem, & non potentem latrare. Sic xenum datum pro subuersione iustitiae facit iudicem tacere, & à punitione mali cessare.* Tamen Rhadamantus quidam alioquin sit, & tenacissimus recti iudex, & vocalissimus canis, qui omnem magnis clamoribus allatret iniquitatem, si tamen ore ranam, manibus dona excipiat, obmutescet, conuiuebit, dissimulabit, & ab æquo defectet.

Notandum præterea quid de huiusmodi ranis dicat Beatus Albertus Magnus, cuius sunt ista ex lib. 26. de animalibus: *Si rana osciculum in vas aquæ feruens iniiciatur, deferuescat aqua, nec amplius bulliet.* Videte hic, quid apud iudices faciant munera, inquit Ecclesiasticus, nempe quod apud feruentissimam aquam osciculum ranæ. Videas iudicem toto animo inflammatum aduersus reum minari illi publicum dedecus, tiremes, flagra, patibulum, gladium, crurifragium, rotam. Bulliens olla est, cui si osciculum ranæ iniiciatur, hoc est, aurum propinetur, remittit illius feruor, mitescit furor, silent minæ, interpellat, & prorsum congelat illud paulo ante tam ardens pectus. *Sic xenum facit iudicem tacere, & à punitione mali cessare.* Quisquis iudex amat videre, & accipere dona; non ille inferre flagra iubet, non secari in frustra maleficos imperat, tanquam hoc esset falsam cudere monetam. Quis talis est, ille iam extenuat scelera, iam pondera flagitiorum facit leuiora, iam legem interpretatur, tanquam ad illa piacula non pertineat. Sed quis hoc? Quoniam qui munera accipiunt, ut dicebat Oleaster, *vident per munera, non oculis suis.* Osciculum ranæ, loculi, volo dicere, auro forti feruorem iustitiæ mitigant, rigorem disciplinæ frangunt, stultum, & amorem obseruantie legum extinguunt, & cum iudex perspicillijs vtatur aureis, erratum rei videtur illi aurum, sitque ex iudice, & fiscali.

ficali patronus, & aduocatus. O inexplicabilem auri potentiam! O vim argenti semper triumphatricem!

Mihi videtur huc alluisse idem Siracides, cum ait: *Repromissio nequissima perdidit multos dirigen- tes, & commouit illos quasi fluctus maris*; Ecclis. 29. 24.

Explicat hunc locum Doctus Genesios Interpres Benedictus Fernandus, inquit, hoc efficere dona in cordibus humanis, quod fluctus in his, qui nauigant. Romam orbis caput, & fidei Catholicae principem sedem naus secundo vento petit, cum ecce densantur nubes, exurgunt venti aduersi, concitantur fluctus, & miseram in Algiræ, Mahometanorum sentinæ litus inopinatè conijciunt triremem. Videte hic quid faciant munera. Habet quidam iudex plenam notitiam causæ, quæ apud illum agitur, scit quàm iustum sit quod pauper, & egenus nonnemo litigans petit, & certò nouit, debitissimum esse illi, quod postulat. Prospero vento utitur hic iudex, & vehitur, quò iustitia vocat. Fit tamen, ut pars contraria, illa diues, & opulenta intelligat quò iudex tendat. Donis itaque illum appetit, pertentat muneribus. Sic exurgunt fluctus auro commoti, & venti argento suscitati sese obijciunt, & ex utroque nata tempestas abreptum à recto iustitiæ itinere aliò abducit: *Et commouit illos quasi fluctus maris*. Nulla est tam vasta naus, hoc est, nullus tam amans æqui iudex, quem tempestas auri, & argenti fluctus non vel prorsum evertant, vel certè in certum, & præsentaneum naufragij seu violandæ iustitiæ periculum conijciant.

Audiamus huius conceptus parentem illa suis verbis dicentem. *En quid repromissio, quid munera tandem efficiant. Rectus erat, & integer iudex; sic prosperum cursum tenebat. At ex aduerso nescio quis aut grandem pecuniam promittens, aut pretiosa mittens munera, bone Deus quàm periculosam excitauit procellam, quâ vehementer iudicis animus reperi- cussus, fracto demùm integritatis, & constantia rigore in fœdum immixtus barbarum impactus hæsit! Tale quidpiam possumus affirmare etiam de nonnullis honestis viduis, circumspectis virginibus, & castis maritatis. Quot sunt, & fuerunt, quæ cum diu per tranquillum mare felici cursu ad cœlestem fereban- tur patriam, demùm promissorum, siue oblatorum munerum tempestate iactatæ naufragium pudicitia fecerunt, & castitatis?*

S. Sidonius Apollinaris de quibusdam, qui leones in tribunalibus sunt, lepores in confici- bus, sic

ait lib. 5. epist. 2. *Quorum si nares afflaueris & spiam rubiginosi auri marisq; confestim videbis illic & oculos Arge, & manus Briareæ, & Spingarum Engues, & Vlyssis argutias, & persuria Laomedonis, & Sinonius fallacias adhiberi*. Sunt iudices thrasones, qui se Rhadamantes, Æacos, Mindès, seuerissimos æqui- tatis exactores iactant, & oculorum perspicaciâ Argum, multitudine manuum Briareum, perfidiâ Lao- medontem, offucijs, & præstigijs Vlyssæ, impro- bitate sceleratissimum quemque superare incipiunt, mox ubi loculos etiam mucosos, olidosque dum nu- mis infartos subolfaciunt. Tanta est evertendi, & peruertendi vis in auro, tanta expugnandi, ac subi- gendi potestas in argento, ut Argo oculatiorem, a- quilâ velociorem faciat etiam procul positi marisq; sola oressio eum, qui nec oculos habebat, quibus iu- stitiam videret, nec alas, quibus sese moteretur. Deus bone quot se offerunt textus, leges, canones, ratio- nes ijs iurisperitis, quibus clientes munera offerunt. Quàm citò rigorem iudicis lenit, qui ei manus pal- lidi auro inungit! & inflammatum irâ quàm facile nitidum argenti vnguentum sanat! Et quanquàm irâ plurimum fiat, non tamen negaueo esse iudices, Principes, Dominos, coniugatos, viduas, virgines, præfides, quos non subigant dona, non expugnent auri, argenti que munera. Sed ingens reuerà peri- culum adferunt animis etiam æreis, & chalybeis, & adamantinis auri, & argentei arietes, ut propterea tam vehementer & Spiritus sanctus moneat, & sacri Doctores suadeant non admittere dona, non susci- pere munera, quæ tam facile peruertant, & cœcent, & subijciant homines qualescunque illos.

Nisi ita esset, non diceret S. Petrus Chrysologus serm. 126. de mammona, & pecunia, quòd *imperat Gentibus, iubet Regnis, bella mandat, comparat bella- tores, sanguinem vendit, prodit patrias, vrbes destruit, vexat ciues, foro præfides, vias delet, fas nefasque con- fundit, fidem tentat, violat veritatem, famam carpit, honestatem dissipat, pietatem sepelit, necessitudinem subruit. Et quid plura? Hoc est mammona, Dominus iniquitatis, qui inique humanis & corporibus domi- natur, & mentibus. Quis crederet numerorum marsu- pium esse equum Troianum, vnde tanta malorum penè omnium examina progrediuntur, nisi vir tan- tus tam apertè affirmaret?*

Dominus ergo per infinitam suam misericordiam Politicum nostrum à tam potente tyranno liberum seruet, idq; in omni statu, quemcunque teneat. Fu- giat autem ipsus omni studio non solum munera ipsa, verum etiam omnem illorum aspectum, & odorem, qui

qui pestem adfert, non secus atq; contagio infectus
aer solet. Magni refert declinare illa, quæ Spiritus
sanctus cauere toties præcipit.

*Eandem Sententiam tenet Pericopa II. Dominica XII.
post Pentecosten Tomo 2. pag. 207. c. 1. o.*

CAPVT VI.

Humilis oratio est aurum, quo Deus superatur.

Tanta nimirum est eiusmodi orationis potestas, vt
Deus videatur debere illi obuertere tergum, ne ab
euiuatur.

Deu enim iam ad celebratissimam actionem, ad
pugnam decantatissimam, ad conflictum, & lu-
dam, cui aliam similem nulli annales referunt, nul-
la memorat historia: Videmus iam descendere in a-
renam cum suo Creatore creaturam, & Patriarcham
nostrum cum Deo confertis brachijs luctari, immen-
sam potentiam Domini tenuibus imbecillis hominis
viribus cedere. *Famosa lucta, & totius ore Ecclesia
per orbem celebrata, quæ homo cum Deo luctatus est,
& tam diu tenuit, donec à Christo benediceretur ille,
qui vicit,* inquit venerabilis Abbas Rupertus lib. 8.
in Genesin. c. 6. Res est, quod Patriarcham nostrum
operam orationi dantem inuasit quidam humani
corporis figuram inducus luctator. Appetitus ab il-
lo Iacob tam validè, pugnaciterque repugnauit, vt
victum se fateretur is, qui ad certamen prouocarat.
Per totam noctem protraxit pugna fuit. Cumque
sacer athleta cognosceret superioris ordinis esse il-
lum, quo cum congredebatur, & hic se dimitti ro-
garet, protestatus ille fuit, se nunquam id facturum, a-
tequam benedictione ab illo præciperet. Fecit itaq;
victus victor, quod rogabatur, dicens: *Nequaquam
Iacob appellabitur posthac nomen tuum, sed Israël,* hoc
est, videns Deum, Genes. 32. 28. Cum ergo benedicti-
one illi impertiuisset, euauit. Pro monumento il-
lius celebris luctæ, vocauit Iacob nomen loci
illius Phanuel, quod est *Visio Dei.*

Concertatio est, neque exigua, Interpretum de
hac concertatione, eiusque significatione. Verum se-
positis controuersijs, & quæstionibus, satis nobis fu-
erit sequi eorum opinionem, qui aiunt luctam istam
partim corporalem fuisse, partim spiritualem, ni-
tunturque illo Osee 12. 4. *Inualuit ad Angelum,
& confortatus est, fleuit, & rogauit eum;* quibus
satis indicat Propheta, quod Iacob lachrymis vicit
Angelum. Nam ad superandum, subigendumque
Deum nulla sunt validiora, quam orationum, & la-
chymarum humanarum arma. Hoc est aurum (di-

Tom. III.

camus enim ita) cui potentia Dei cedit, & quo for-
tudo illius expugnatur. *Aurum potest significare
laudes Dei, & preces,* inquit Hieronymus Laurentus
post Berchorium, Ioannem Cluniacensem, Ricciar-
dum, Sanctum Pagninum, & alios. Si ergo aurum est
symbolum diuinæ laudis, & flagrantis orationis, o-
ratione autem vincitur Deus, ad modum, quo im-
mensa illius pietas vinci tolerat, bene affirmare pos-
sumus, quod velut aurum apud homines omnia su-
bigit, sic oratio est aurum, quod apud Deum omnia
superat. Nempe de ipso Deo triumphat oratio, cui-
us ob oculos ille omnem maiestatem exuere, omne
submittere dominatum videtur.

Obrectare, & repugnare Moyse fratri suo Aaron,
& Maria experunt propter æthiopissam, quam ac-
ceperat uxorem, ac talia ferè dicere: Putat frater
noster, se solum cum suprema maiestate familiaris
agere, tanquam nobis non æquè comem, faciliq;
se se exhibeat. Audiuit Dominus eorum indignam
commurmurationem, abducosque à vulgo graui-
ter, & asperè obiurgauit.

Sed notandum, quod sanctus populi sui dux Moy-
ses non erat coram præsens, quando Dominus am-
bos illos duris verbis increpauit, Mariam verò eti-
am luridâ leprâ perfudit: *Et ecce Maria apparuit
candens leprâ quasi nix;* Num. 12. 10.

Dubitari hic potest, quamobrem Dominus ita
rem instituerit, vt Moyse non esset præsens, cum
poena infligebatur murmuratoribus, qui se fratri e-
xquare volebant. *Quare non præsentem Moysen sup-
plicium illis irrogauit?* inquit Oleaster. Quid in-
commodi adferre correptioni præsentia illius pote-
rat?

Respondet Oleaster: *Noluit eum causam agere eo
præsentem, qui forsitan suis orationibus penam poterat
impedire.* Ad condonandas iniurias procliuissimè
mouebatur Moyse, atque vt de illo sacrum oracu-
lum affirmat, *erat misericors super omnes homines,
qui morabantur in terra,* ibid. v. 3. qui si austeram
Domini increpationem audisset, & tam grauius ira-
tum illum vidisset, ad familiare orationum patroci-
nium se recepisset, Deumque precibus à conceptu
supplicio absteruisset. Et quoniam conueniebat,
vt Maria lueret, quod illius damno alij cautiore fa-
cti timerent inuidas in talem, tamque sanctum vi-
rum exerere linguas, idcirco fecit, vt Moyse abesset
à loco, vbi alij poenas meritas dependebant, ne for-
tè orationibus suis manus illi obstringeret, vt ad in-
ferendum supplicia extendere non posset: *Noluit
eius causam agere eo præsentem, qui forsitan suis oratio-*

Ecc

nibus

inibus penam poterat impedire. O supremam orationis vim, & potestatem! Congressum illius, confictumque ipse Deus pertimescere videtur, qui metuens illi succumbere, fugit, velut declinans pugnam, in qua inferiorem se fore verebatur.

Vt ad huius tam fructuosæ, & necessariæ virtutis amorem nos accenderet sanctus noster patronus Iacobus, ait, nullam esse tam bellicosam Palladē, nullam tam mauortiam Bellonam, nullam tam strenuam, pugnacem, & validam Amazonem, quam sit cœna Oratio, de quâ sic pronuntiat: *Multum Valere deprecatio iusti assidua*; Iacob. 5. 16. velut alijs verbis dixisset: Nullis verbis explicari satis potest, quantum apud Deum possit oratio constans, ac perdurabilis hominis sancti, quem ille charum, & amicum habeat. Exaggerari pro dignitate nequit, quanta ad expugnandum vis insit in ardente globo lachrymarum, quem cor per oculorum tubos explodit. Et quoniam faciliorem inuenit fides exemplis adornata, & comprobata veritas, exemplo, quod nemo ignoret, contestata dabo, quæ dixi. Vultis ergo videre, quanta sit potentia orationis? Eliam testem adduco locupletissimum, qui vnus millium instar erit. *Elias homo erat similis nobis passibilis, & oratione orauit, & non plueret super terrâ, & non pluit annos tres, & menses sex*; ibid. v. 17. Tinquam non satis validum fuerit illud ad demonstrandam orationis efficacitatem argumentum, ita ab alio eandem comprobatur, quo videtur fortius euinci, quàm sit ingens preciarum precationum virtus, inquiens: *Rursum orauit, & cœlum dedit pluuiam, & terrâ dedit fructum suum*; ibid. v. 18. velut dixisset: Miseratus fatalem populi sui penuriam obtorsit clauem cœlorum sic, vt terram fertili rore fecundaret, castigatque peccatores ex sepulchro famis emergerent. Videtur hoc argumentum firmum esse ad probandam vim, potestatemque orationis, prius verò debile esse, ac tale, vt illo potius extenuetur, quàm probeatur eius virtus, & efficacitas, cum dicitur, quod cœlum clausit, atque ita famis poenam populo attulit. Quisquis tamen rem hanc attentius considerat, reperiet validiore, magisque inuictâ ratione (ad nostrum modum intelligendi) demonstrari potentiam orationis non posse, quàm eâ, quæ cœlum oratione oclusum affirmat. Id ego perspicue, vt mihi quidem videtur, ostendo. Primum argumentum erit, quod Elias oratione cœlum clausit: *Oratione orauit, & non plueret*. Tribus annis, & sex mensibus castigauit Dominus populum suum. Secundum refert, quod oratione permouit Deum, vt miseri-

cordiâ, & pietate vteretur erga populum. Inferre poenas nonne repugnat naturali conditioni Dei? Nonne vim sibi quodammodò adfert, cum arcum tendit, aut eximit gladium, ut puniat? Quis inficiari queat? Otiosum foret id hic probare, quod ego multis in locis testatum dedi, & vos crebrò audieritis. Facere autem gratiam, conferre beneficia, nonne res est, quæ cum ingenio Dei, & generoso pectore quàm maximè congruit? Id plusquàm evidens est. Ad rem nunc. Eliæ oratio impediuit misericordiam Dei, & manus illius obstrinxit, vt nulla funderent beneficia, tantumque valuit, vt illum toto triennio, & sex mensibus quasi vindictam, confictumque retineret. Ergo magna est potestas orationis, magna vis, magnum robur, quæ hoc facere potuit, vt Deus, qui naturâ propenderat ad benefaciendum, tot annos, ac menses velut coactè abstinere à benefaciendo, & misericordiarum suarum impetuosissem cursum sifteret. Per mouere Dominum, vt natiuæ pietatis sui liberalitati obsequatur, & munificæ indolis suæ morem gerat, non est tam insignis facinus, quàm vincere illi manus, & liberalitati eius moras iniicere. Ergo magis, vt videtur, exaggerari non potuit vis orationis, quàm cum dicitur, tantum potuisse, vt Deum non solum impediuerit à benefaciendo, sed etiâ permouerit ad sumendam vindictam, ad inferenda supplicia, quod à regio pectore, & liberalissima indole illius perquam est alienum.

Tristes, mœstosque videbat Dominus, & cœlestis Magister suos discipulos ex eo, quod de suo propinquo abitu certiores eos fecisset, dixissetque fieri non posse, quin proximè abiret. Vt illorum abstergeret lachrymas, & serenaret animos, aiebat: *Si diligitis me, mandata mea seruare, & ego rogabo Patrem, & alium Paraclitum dabit vobis, & remaneat vobiscum in æternum*; Ioan. 14. v. 15. 16.

In his verbis inueniet curiosus, quod expendat. Promittit enim Dominus, quod Patrem æternum rogare velit, vt Spiritum Sanctum mittat, quem ipse ex se mittere poterat, qui parem cum Patre habebat potestatem, & maiestatem. Hoc nemo citrà magnam æterni Filij iniuriam negare potest. At si ita est, quomodo aiebat, *Ego rogabo Patrem*, vt illud vobis inæstimabile donum mittat?

Huic dubitationi responsio magni Bulgarorum Archiepiscopi Theophylacti non vulgaris occurrit, quæ sic habet: *Si dixisset, mittam, non sic credidissent, nunc autem credibiliorē faciens sermonem, inquit, rogabo Patrem, & si opus fuerit patrocino, & oratione*.

oratione, omnibus modis operam dabo, et sentiat super vos Spiritus. Id quod et nos sapere dicere solemus, animam meam pono, et hoc fiat. Nondum satis perspecta erat Apostolorum animis infinita potestas sui Magistri, qui ut maiorem sibi apud illos fidem conciliaret, non aiebat, mittam vobis diuinum Spiritum, sed Patrem rogabo, inquebat, ut is vobis illum mitteret, ut sic pollicitationi eius indubitantiùs crederent, velut dixisset: Scio quidem, quod Pater vobis mitteret inestimabile monile, & pretiosum pignus, & dulce solacium animarum, Spiritum, inquam, suum, ac meum, quia ille vos sic amat, ut haud difficile tantum bonum sit collaturus. At si tamen agere hoc faceret, quid remedij? *Rogabo Patrem, oratione apud illum utar, & sic omnem, si quæ est, de medio submouebo difficultatem.* Vbi enim oratio adhibetur, ibi omnia superantur, & impetrantur. *Id quod et nos sapenumero dicere solemus, animam meam pono, et hoc fiat,* priusque vitam relinquam, quam negotium, quod curandum suscepi, non confectum, inquit ferè Theophylactus, supremam orationis potentiam paucis verbis indicans, ex quorum sensu tale ferè est, quod Christus dixit: Optime noui, Discipuli mei, quod Pater vobis diuinum Spiritum lubens mittet, si quid tamen difficultatis fortè occurreret, *ego rogabo,* utar oratione, neque desistam ab huius causæ procuracione vsque dum fundam orationem, quod est quasi vitam profundere, & vires extremas adhibere. Quod enim oratio non obtinet, id nemo impetrare posse videtur. Itaque ut certam illis faceret diuini Spiritus expectationem, dicebat, se precibus effecturum, ut mitteretur, quod enim oratio non assequitur, id nemo petere, ut videtur, audebit: *Credibiliorum faciens sermonem, inquit, rogabo eum.* Quid ad amplificandam orationis vim dici magnificentius possit, quam quod Filius Dei, ut Apostolis, quantum gratia apud suum Patrem valeret, ostenderet, ait, se oratione illam obtinuisse, quando cum illis loquebatur, tanquam cum hominibus, qui perfectam potestatis illius immensæ notitiam nondum habebant? Palam namque est, quod Filius, utpote Deus, non indigebat oratione apud Patrem ut quiduis illud ageret, inter eos enim, qui æquè per omnia potentes sunt, non est necessarium intercedere preces, & obsecrationes.

Non parum momenti addet huic causæ illa Dei cum Abrahamo de Sodomitaram excidio disceptatio. Obsecrabat sanctus Patriarcha Dominum, ut non illorum cæcorum hominum flagitia, verum infinitæ misericordiæ suæ, magnitudinem attenderet.

Respondēbat Dominus, peruelle misericordiā eī gā contaminatissimos illos uti, dūm quinquaginta modo iustos eorū ciuitas haberet. Cū humili, & supplici oratori videretur nimis magnus ille numerus, obtinuit, ut Dominus à quadraginta quinque ad decem descenderet. Sic enim dicebat Abraham: *Quid se inueni fuerint ibi decem?* Genes. 18. 32. hoc est, quid si in tanta consceleratissimorum hominum colluue reperiantur decem, nonne propter horum sanctitatem alijs suas noxas condonabis? Respondit iterum Dominus, si decem tantum viros probos numeraret ciuitas, parcere alijs propter eos velle. Sed notandum, quod mox subiicit textus sacer: *Abijt Dominus, postquam cessauit loqui ad Abraham;* ibid. v. 33. & tergum obuertit hospiti suo, postquam cum illo de decem iustis conuenisset.

Caletani notatio in illa verba talis est: *Significatiùs narratur, quod cum Deus finisset Soteriam responsionem, Non delebo propter decem, recessit, non expectans Soteriores preces.*

Cur verò Dominus recessit non expectans Soteriores preces? Idcirco, quod iam penè victus, expugnatusque esset orationibus Abraham, qui hoc iam obsecrando consecutus fuerat, ut Dominus ad numerum denarium à quinquagenario descenderet. Habebat Sodoma saltem vnum iustum, nempe Loth, eratque ex alia parte, ob quod conueniret supplicia exigere ab eā ciuitate, cuius immania scelera vindictam magnis vocibus ipsa poscebant. Si autem moram indulisset Dominus Abraham, ut precari amplius posset, fortè ad vnum vsque descenderet, rogassetque ut propter vnum illum gratia scelerum omnibus fieret. Ut ergo omne à se periculum succumbendi orationi amoliretur, nullum aptius inuenisse remedium videtur, quam ut fugā declinaret eum, à quo rogari poterat. Tantum nempe est robur orationis, tanta efficacia, ut Deus videatur non habere vires, quibus illius potentiam expectet. Ea propter fugit, ut effugeret vim illius, non secus ac se abscondere solent alij, ne illis denuntietur, quod audire nolunt. *Recessit, non expectans Soteriores preces.* Quando enim quis euitat supplicem, ne quid ab eo rogetur, manifesto inditio est illum orationis vim multum valere, quem non deuitaret, nisi precibus illius superari posse timeret.

Sed quantum illud est, quod dixi, orationem esse aurum, quod in domo Dei omnia subiiciat, omnia possit, & efficiat? Audiamus sanctum Gregorium Nyssenum, qui de oratione ait, eam omnia bona complecti, ut de auro Beatus Petrus Chrysologus

affirmavit, in illo vniuersa mala includi, idque tanta verborum conformitate, vt hic, cum auri damna describeret, alterum commoda orationis narrante[m] audiuisse videatur. Nyssenus itaq; orat. 1. in orat. Dominicam sic ait: *Oratio pudicitia praesidium, iniustitia sublatio, impietatis correctio. Oratio corporum robor, abundantia domus, restitutio iuris, ac legum in ciuitate constitutio, regni vires, belli trophaum, pacis securitas, coniunctorum conseruatio, Virginitatis sigillum, matrimonij fides, dormientium custos, Vigilantium fiducia, agricolarum fertilitas, nauigantium salus, fastigatorum requies, lugentium solatium. Haec omnia, & plus aliquid est oratio. Illa namque est, quae omnia impetrat & consequitur. His autem satis commendatam puto nostro Politico orationem, vt eam ardentem colat, familiaremque habeat. Neque enim coelorum Politicus dici poterit, nisi eam vehementer amet. Nam vt Nyssenus ibidem ait, *recedit a Deo, qui per orationem sese Deo non coniungit*, vt nomine Politici coelorum indignus sit, cuius conuersatio, vt Apostolus inquebat, non est in coelis.*

Vide Periocham quintam Dominica XXI. post Pentecosten Tom. II. pag. 292. c. 1. o. Sibi meliora de hoc argumento.

CAPVT VII.

Consulendum aliquando quibusdam, vt Deum pro Deo relinquunt, quod sibi cum magno demereant.

Pugnabat pertinaciter in palestra noster agonista sacer, inclinabatq; in illius partes victoria. Cum inter productiorem conflictum aurora proximum diem nuntiaret, dicebat ad Iacobtem ille, quocum luctabatur: *Dimitte me, iam enim ascendit aurora*; Genes. 32. 26.

At quid impedimenti adferre intermissione pugnæ dies poterat? Cur ille finem luctæ ante fieri voluit, quam dies appetere? Et si concertatio illa & corporalis, & spiritalis erat, sic vt Iacob spiritu etiam pugnaret, ardentibusque precibus Deum appeteret, & plurimas illi ab oculis lachrymas affunderet, quare orandi studium propter ingruentem diem relinquere, aut seponere debuit? Cum Deus amet audire orationes, & multa illis impedimenta sol: cum die per se adferat, quid erat, quod minus Iacob per diem tam sancto operi operam recte daret?

Satisfaciunt huic dubitationi, saluberrimumque simul monitum suggerunt Glossa Angelica, & Pererius, qui aiunt, illud, *Dimitte me, iam enim ascendit aurora*, perinde fuisse, ac si dixisset: *Tempus est,*

Et ab inuisibilibus ad temporalia tractanda descendam.

Habebat Iacob uxores non minus quatuor, sobolem multam ex matribus pluribus, familiam copiosam. Quando ergo diluescere cepit, iussus est intermittere studium orationis spirituale, & vacare gubernationi domus, disponere necessaria, & rem curare familiarem. Non enim est grata Deo oratio, quæ tunc fit, cum faciendum aliud. Multo autem magis probat, cum iusta habetur ratio necessitatum, & illi primum occurritur, quæ maxima est: Et quoniam magis congruebat studere curæ domus, quam orationi tunc, cum dies appetebat, idcirco ille glorioso luctatori suo dicebat, *Dimitte me*, & vade procuratum res tuas familiares; & ordinatum operas domesticorum tuorum, hæc enim Deo acceptissima fuerit oratio. Deum enim pro Deo, vt aiunt, relinquere, non est illum deserere; sed potius maiora apud illum lucra facere, amplioresque apud illum gratiam inire. Sanctum enim adagium docet, illum optime orare, qui officij sui partes recte curat, probeque exequitur. Ille verus quærendi, & inueniendi Deum est modus.

Suauissimam fragrantiam, quam Sponsæ vestimenta exhalabant, Sponsus sentiens, aiebat, thuri, quod carbonibus impositum supremo Numini votiuo cultu adoletur, similem sibi eorum odorem videri, inquires: *Odor vestimentorum tuorum, sicut odor thuris*; Cant. 4. 11. Notorium est, quidquid rei materialis ad Sponsæ commendationem assumitur, id allegoricum esse, & mysticum, nam sub cortice materialium latet spirituale, quod Sponso maxime est propositum. Videamus itaque nunc, quid vestimenta Sponsæ significant. Richardus de S. Victore cum omnibus alijs Expositoribus ait, vestimenta esse symbola virtutum, & operum meritoriorum, quibus fouetur, & contegitur anima, & omnium exercitationum piarum, quibus illa ornatur, & venustatur. Richardi verba sunt eiusmodi: *Vestimenta anima sunt opera, quæ in charitate sunt, & sicut sunt, quibus vestiti, & non nudi inueniuntur ante Deum electi*. Cultus ergo animæ sunt opera misericordiæ, vt visitatio infirmorum, consolatio in carcere detentorum, erogatio eleemosynarum in pauperes, vestitio nudorum, & alia id genus opera sacra. Notandum verò, quod odor thuris erat, quem illa vestimenta spirabant. Cuiusnam rei hieroglyphicum est thus? Non puto esse aliquem, qui nesciat, thus esse typum orationis. Nihil magis eritum, peruulgatiusque, quam illud Psalmi 140. 2. *Dirigatur oratio sicut incensum in conspectu tuo*.

Secundum hæc quoddam Sponsæ vestimenta, quæ erant virtutes, & opera charitatis, &c. thus, vt Sponsus aiebat, siue incensum olebant, perinde fuit, ac si dixisset, olere orationem. Verum cum visitare captiuos, consolari lugentes, vestire nudos, sepelire mortuos, ferre opem egentibus sint opera plurimum distincta ab actu, & exercitio orationis, quomodo omnia illa olebant thus, siue orationem? Voluit Spiritus S. eâ re tacite insinuare doctrinam, quam hic tradimus, & significare, illam esse optimam orationem, cum quis officium suum recte curat, Deumque, qui videtur esse in oratione, relinquendum pro Deo, quando magis conuenit, & res ita postulat, quia tunc Deo magis placent alia opera magis necessaria, quam oratio.

Melius hæc dicit Richardus, quam ego. *Vestimenta sunt sicut odor thuris, quia sic bonum odorem de se mittit bona operatio, sicut deuota oratio. Si enim propter occupationem sterilem orationem aliquis intermittat, ipsa occupatio vice orationis reputabitur, et iuxta Apostolum siue intermissione orat, qui semper bene operatur.* Itaque intermittere orationem, contemplationem, aut aliud quodlibet spirituale exercitium, vt rebus alijs magis vtilibus, & necessarijs opera detur, etiam est orare, & contemplari, & secundum Pauli dictum perpetuo precari. Ille namque legitime orat, qui quoddam suæ obligationis est, facit, ille scit Deum quærere, qui nouit ipsum pro ipso relinquere, quando magis expedit, & maioris refert.

Tam vehementer flagrabat spiritus Prophetæ regij, vt non contentus, quod ipse pientissimo Domino suo laudum cætica pangeret, & cöcineret etiâ Angelos ad celebrandas alternatim eiusdē Domini laudes ardentibus votis, & magnis vocibus inuitaret, inquiens: *Benedicite Domino omnes Angeli eius, benedicite Domino omnes Viriutes eius;* Ps. 102. 20. 21. Non dissimulauit autem Propheta modum laudum, & orationum, quibus vacaturi erant Angeli, dicens: *Facientes Verbum illius ad audiendam Vocem sermonum eius, ministri eius, qui faciunt voluntatem eius;* ibid. velut dixisset: Facite, quæcunque illum velle noſcit, quidquid voce imperat, aut annuit oculis, explete, este famuli eius promptissimi, & expeditissimi ad exequenda omnia iussa illius.

Notandum hic, quod Sanctus Propheta non satis consequenter locutus, & hortatus Angelos videatur. Inuitabat illos, vt communibus laudibus communem Dominum celebrarent, benedicerent, magnificarent, statimque dicebat, vt voluntatem eius face-

rent, præcepta eius opere perficerent, & verbis eius citum obtemperantissimè morem gererent, *facientes Verbum illius.* Quid hic vni cum altero conuenit? Quid connexionis inter inuitationē ad orandum, & exhortationem ad faciendum, quæ iuberentur? Quomodo qui vacare laudibus suaserat, mox dare operæ explendis mandatis consuevit?

Occurrit dubitationi Sanctus Augustinus, inquit, ens, non fuisse ita abreptum à seruire spiritus Sanctum Dauidem, vt imprudenter verba effutiret, sed valde consequenter, & cohærenter potius locutum, quando primum ita inclamaui Angelicos spiritus, *Benedicite Domino omnes Angeli eius;* statimque subiunxit, *Facite Verbum illius.* Hoccinē verò sit benedicere Domino, facere verbum illius? Inne laudet, & ore Deum, qui operatur, quæ illi grata putat, & iussa illius exequitur? Immo verò, inquit Augustinus: *Si vis benedicere Dominum, fac Verbum eius, voluntatem eius.* Si vis vacare orationi, quæ Dei pergrata sit oculis, sepone orationem, intermitte contemplationem, cessa tantisper ab illius laudibus, quando aliæ status tui occupationes necessariæ aliō te vocant, quando ex officio tuo facere aliud teneris, cui dum operam nauas diligentem, acceptissimam Deo laudem offers. Optimum genus orandi est, Deum pro Deo relinquere, quod cum facis, deuotissimum illi obsequium, & cultum religiosissimum offers: *Si vis benedicere Dominum, fac Verbum eius, voluntatem eius.*

Huc commodum venit visum quoddam singulare, quod sancto Dorothæo quidam venerabilis senex narrauit, estque huiusmodi. Nocte quadam, cum psalmos canere in choro religiosi ascetæ inciperent, vidit e sacratio prodire pulcherrimum iuuenem, qui manū præferens calicem, & hostiam, inuncta in calicis sanguini hostiæ frontes præsentium monachorum obsignabat. Non aderant ibi omnes præsentēs. Vidit tamen sanctus senecio aliquod absentum sedēs ab eodem iuvene obsignari, tanquam præsentēs fuissent, suumque illis tam eximij beneficij stipendium numerari, velut communem laudum diuinarum laborem cum alijs ibidem exsoluissent. Vidit adhuc alijs quorundam absentum locis vacuis nihil talis honoris exhibitum. Quod initio, idem sub finem canticus fecisse iuuenis visus. Admiratus mysterium senex submissis ad reuerentiam in terram poplitibus rogauit iuuenem enixè, ac humiliter, vt aperiret, quid sibi velle, quod aliorum sedes inanēs sanguine tinxisset, aliorum præterisset. Respondisse Angelum Dei esse, & ad hoc venisse, vt

illo inestimabili signo eos, qui prompti, hilaresq; ad cantandum de minimis laudes conuenerant, notaret, & praterisse quidem al quorum sedes, quos sua negligentia à communibus officijs abstinuisset, aliorum verò consignasse, quos iussio superiorum rebus alijs occupatos habuisset, vt publicè psalmodiz adesse præsentes non possent: *Eorum se loca obfignasse aiebat, qui & promptissimi, & paratissimi, quantum in ipsis erat, ad vigilias surgere, sed illa necessitate compediti cum patris obedientia, & benedictione, vel etiam imperio obdormissent.* Hæc sanctus Dorotheus doctrinā 11. Hinc accipimus, inquit idem, facere quæ obedientia iubet, perinde esse, atq; assistere orationi, Angelus enim æquè obfignauit abientum loca, atq; illos, qui aderant præsentes, eodemque honore dignatus fuit & hos, qui in choro Dei laudes celebrabant, & eos, quos alibi Superiorum iussa occupatos habebant. Amplius aliquid affirmat Dorotheus, nempe idem coeleste signum impressum ijs etiam, qui cum patris imperio obdormissent, vt inde intelligeremus, posse nonnunquam eligi somnum, & relinqui vigilias, tamen si hæc ad laudes Dei adhibeantur, quando Prælatus dormire præcipit. At si dormire tam meritorium quandoq; est, quàm orare, cur non intermittat oratio, quando curam, operamque nostram res aliæ magis viles, & necessariæ postulant?

Accipiamus hanc à coelesti Magistro doctrinam. Attentissimam ille, ardentissimamq; in horto Gethsemani ad Patrem suum æternum fundebat orationem, inquit: *Pater mi, si possibile est, transeat à me calix iste;* Matth. 26. 39. at si non ita expedit, fiat tua per omnia voluntas, cui subiectissimè obtemperare sum paratus. Habebat tunc apud se tres charissimos Apostolos, & monet S. Mathæus, quod intermissa ad tempus oratione venit illos inuisum, inuenitque somno oppressos, & obiurgauit vnum maximè Petrum, qui tantam constantiæ firmitudinem tam iactanter pollicitus esset, & nec ad horulam cum Domino suo pro communi salute vigilante, & tribunal Patris appellante vigilare potuisset, postquam in mortem cum illo velle ire spondidisset. Mathæus ibid. v. 40. sic ait: *Venit ad Discipulos suos, & inuenit eos dormientes.* Recepit se denuò ad orationem anxie afflictus Dominus, siue vt ille ibid. v. 42. habet, *iterum secundo abiit, & orauit.* Aliquamdiu precatus etiam hanc tantisper se posuit orationem, & venit iterum sollicitus magister ad somnulos Discipulos. Confugit etiam tercio ad orationem, & tercio inde ad gregem suum impiger, ac perurgil pastor recurrit.

Sed quid est, quòd cum Patre æterno Filius eius cœternus loquens, toties ab illo recessit, vt abiret ad Discipulos? Siccinè Creatorem reliquit, vt creaturas visitare? Parum vrbane factum videtur, quòd susceptum cum tali Patre colloquium iterum atq; iterum interrupt, & ab illo ad tales creaturas secessit.

Respondet Simon de Cassia, inquit, magno consilio hoc fecisse Dominum, & Magistrum, vt nobis inculcaret doctrinam, quam hic versamus, crebroq; illo accessu ad orationem, & recessu ad Discipulos nos doceret, propter maiorem quandam necessitatem nonnunquam intermittendam orationem, & seponendas preces, quando res postulat, vt vel dormientem excitemus, vel negligentem stimulemus. Bona enim oratio fuerit, & qualis illa Christi, si orationem deferas, vt obiurgas somnum aliquorum discipulorum, & socordiam Apostolorum corrigas, & castiges, qui tunc vigilare, & obseruire suo magistro, & infomnes illum sequi deberent.

Simonis de Cassia verba lib. 13. in Euang. talia sunt: *Nulla responsio suscepto interpellauit orare per modicum, reuersus tamen ad patrem, & stilem attentionem, nam venit confortaturus discipulos. Oportet siquidem orationem intermittere pro utilitatibus proximorum, maxime ubi spiritualia bella timeantur. Et discretionis insignis est virtus. Quam virtutis pro alio actu virtutis intermittere.* Quòd orationem Dominus intermisit, hoc fecit, vt alteri operi pietatis, hoc est, discipulorum exhortationi, emendationi, corroborationi studeret. Conuenit enim aliquando seponere orationem, quando aliorum salus curam, opemque nostram efflagitat, in primis verò cum anima cuiusquam periculo proxima per nos sospitari potest, tunc enim rem magis gratam Deo feceris, si illo etiam relicto, ad auertendum à periclitabundo exitum te conuerteris. Magnæ enim prudentiæ est, minus lucrum deferere, & maiorem quantum consecretari. Omnibus ergo danda opera, & orationi pre omnibus, nisi quando grauior necessitas & debita officij, vel status proprii officia nos ab eà aliò vocant: *Discretionis insignis est virtus. Quam virtutis pro alio actu virtutis intermittere.*

Et hoc dicitur Iacobii, nostroque item Politico, scilicet illum verè, & opimè orare, qui officij sui partes, & status munia rectè curat. *Dimitte me, iam enim acondis aurora,* inquit ab victus victor, velut dixisset: Abi hinc, & res tuas domesticas digere, iam enim præterijt orandi tempus, liberum me discedere sine, nam propterea Deum non perdes, immò artius, foriusque eum tibi adstringes. Non

vult

Vult Deus, ut id tempus, quod muneris nostri officia necessaria requirunt, demus orationi, & alijs exercitijs spiritualibus. Non est bona oratio parentum, qui maximam dei partem in templo exigunt, & liberos suos domi in periculo honoris, & famæ relinquunt. Non est bona oratio eius, qui longas horas adgeniculatus ante augustissimum Eucharistie Sacramentum preces fundit, laboremque, quo parandus erat familiæ victus, prætermittit. Qui visitat patrem spirituales, hospites domi apud filiam relinquens neque patres, neque viros spirituales, non est illius à bono spiritu visitatio. Audire multas missas, & missa facere studia, quibus curanda erat alimonia parvæ, & famelicæ soboli, nemini videbitur laudabilis virtus. Audire sermones sacros, quando suspicio est, quod alij domi serant turpes, & perniciosi quibus in lapsum detrahant vernaculos, neque accurrere ad ferendum remedium, extinguendumque ignem, nescio quis bene factum arbitrari queat. Certè permittere flammis absumi ædes, & auscultare interim doctrinam, quæ auscultari alio tempore possit, non est bona doctrina.

Audiamus Pererium: *Dimitte me, iam enim ascendit aurora*, inquit Angelus, quod auctori, quem nunc dixi, perinde est, ac si dixisset: *Iam tibi tempus est ab inuisibilibus, & diuinis ad corporalia, & humana negotia tractanda discedendi, tanquam nocturnum tempus usque ad exorientem solem conueniens sit contemplationi rerum diuinarum, & spiritualium rerum tractationi, diurnum verò temporalium negotiorum functionibus, & officijs, quæ proximo vel ex obligatione, vel ex charitate præstanda sunt.* Qui enim non nouit discernere inter opera, neque sua singulis virtutum exercitijs deputare tempora, is Deum offendet illis rebus, quibus demereri poterat.

In eodem campo latet, & letè exspatiatur Periecha quinta Dominica infra Octauam Natiuit. Dominus Tomo II. pag. 388. c. 1. a.

CAPVT VIII.

Non est similis æterna saluatio aliquorum vulnerum, quæ certis quibusdam verbis curantur, quàm immortalis quies mortalis agonis pretio comparatur.

Quærebatur ex animoso Iacobe strenuus illius colu-
tator, quomodo vocaretur. Respondit ille, Iacob sibi est: non enim. Tum ille iterum: Non erit hoc tuum deinceps nomen, alia debet esse tua, eaq;

illustrior appellatio. Israel posthæc vocabere: *Nequaquam Iacob appellabitur nomen tuum, sed Israël.* Genes. 32. 28. Iacob idem est, quod luctator, siue homo, qui in puluerulenta palæstra certando defudat: Israël verò idem est, quod videns Deum, vel communiter aiunt omnes. Quicunque Interpretes mysticum huius loci sensum persequuntur, considerant hic aliquid, quod necessum est amplificare, quia & vtile, ac necessarium est omnibus, tamen vulgare, & tritum. Obseruant itaque antelationem horum nominum, & ordinem, quo fuerunt imposita. Primum Iacob dictus est Patriarcha noster, deinde Israël, priusque confertis validè brachijs luctatus, quàm hoc posterius nomen adeptus.

Hugo Cardinalis, quem alij sine numero sequuntur, ait: *Post luctum mutatur nomen, de IACOB fit ISRAEL, quia ut dicit auctoritas, non eris ISRAELITA, qui prius non fueris IACOBITA.* Tale est, quod dicitur: Nullus eò christianus perueniet, ut illius tempora immortalis coronæ quietis æternæ cingat, qui non antè per frontem, perque faciem totam, & omne corpus tota sudoris diluvia fuderit, qui non antè cum suis passionibus acriter depugnauerit, qui non antè multos labores exantlauerit. Ad hunc sensum aiebat Sanctus Bernardus Serm. de Natiuit. Virg. *Luctare cum Angelo, ne succumbas, quia regnum cælorum compatitur.* Et violenti rapiunt illud. Ærumnarum hilari perpeffione, & dolorum tolerantia, & voluntaria corporis afflictatione, alijs penitentia operibus iucundum illud, & felix regnum expugnandum. Hoc enim habet lux Dei, & hac solum conditione opulenti illi thesauri, & diuitiarum copiarum parantur.

Multi sunt, qui prædicant se obtenturos æternam illam quietem, & perpetuum otium, atque ad eum modum saluandos, quo multa vulnera per ensalinos, ut vocant, siue conceptis quibusdam verbis curantur. Sic licet periculosissimum vulnus, aiunt tamen esse homines, qui eà valeant gratia, & virtute, ut illud per sanare solâ quorundam verborum prolatione possint, sic ut suauis absq; vilo suo labore, ac dolore à plaga sua curetur, & confanescat. Simile quidpiam multi delicatuli optant, & sperant, qui sic beari posse prædicunt, ut solis aliorum verbis id efficiatur, ipsi verò nihil laboris ad eandem rem vertant, sed absq; vllis studij proprii impendijs gloriam consequantur.

Sed quanta hæc amentia! Quàm pulchrè illorum errore n deoperit A nobis lib. 2. contrâ Gentes iniquis: *Neque illud obrepas, aut spe sobis aere blandis.*

**blandiatur, quod magi spondent commendatitius se habere preces, quibus emollita nescio qua potestates, etiam faciles ad cælum contendentibus subuolare faciant. Magi erant, qui indoctum misere ludificabant vulgus, dicentes, habere concepta quædam verba, quibus certò ad cælum perducere alios valerent, qui talia verba apud se haberent, sic vt hoc nulla vis, aut potestas contraria impedire posset. Quàm benè autem dicit Arnobius: Neque illud obrepit, aut spe vobis aëreâ blanditur! Velle solis aliorum verbis saluari, & obtinere beatitudinem sine labore, ac dolore proprio, perinde est ac velle turrim vastam, qualis illa Babylonica fuit, construere suprà lubricum, tenuem, ac liquidum aërem. Et veluti nos, cum rem perimbecillum, ruinosamq; significare volumus, dicere solemus, esse fundaram in aëre: Ità Arnobius ait, spem eorum, qui per sola verba saluari volunt, fundatam in aëre, & prorsus aëream esse eiusmodi cogitationem. Qui enim vult beari, qui obtinere salutem, & quietem æternam, multorum, & magnorum laborum sumptu id efficere debet. Sola verba non sunt satis. Nam vt Sanctus Hilarius in c. 7. Matth. ait: Regnum cælorum sola verborum officia non obtinent, neque qui dixerit, Domine, Domine, haeres illius eris. Nonne vides, quòd etiam Hilarius istam stultorum fabulam, cogitationemq; impugnât, & ridet, qui solis verbis saluari posse prædunt, tantilloq; sumptu effecturos sperant, vt beatitudinis fores patentiissimas à morte reperiant, postquam longos in obscenis voluptatibus, & turpibus delitijs vitæ annos transmiserunt? Sola verborum officia non obtinent, & manifesta stultitia est tale quidpiam sibi persuasum habere. Multa tolerare debet, qui vult frui multis, & studiosè laborare in hac vita, qui vult coronari in futura.*

Duos ex ordine filios vna vxor peperit Iacobi, eisque indita sunt nomina, quorum sensus mystici non parum iuuabunt causam, quam tractamus. Concepit Zelpha, ediditq; filium primum, vocauitq; nomen eius Gad Lia, quæ Zelpham ancillam viro vxorem dederat. Enixa fuit alterum Zelpha, & appellauit eum Aser eadem Lia.

Cum penè in omnibus Scripturæ verbis sint mysteria, quæri potest quid hic subit secreti, quòd prior filius Gad, posterior Aser appellatus fuit.

Hugo Cardinalis paucis illam nobis diluet dubitationem, & aperiet sacramentum, cuius sunt ista: De Zelpha duos filios suscepit Lia. Primus Gad, id est accinctus, secundus Aser, id est Beatus, quia per ignominiam passionis peruenitur ad gloriam beatitudinis.

Singulari mysterio primus filiorum Zelphæ dictus est Gad, quod significat accinctum, armatum, paratum ad pugnam, pugilem, qui consertis brachijs cum hoste suo confliat: Alter verò vocatus Aser, quod idem est, ac beatus, quiq; æternâ felix quiete gaudet, vt inde cognosceremus, quàm germana, coniuncta, & affinia sint pugna, & corona, pœna, & gloria, labor, & otium. Separari hæc duo nequeunt, qui enim vult peruenire in requiem, debet transire per dolorem. Nemo solis verbis saluari potest. Fugere enim penam, & expectare gloriam, non qualescunque stultitia est.

Nam vt Sanctus Theodorus Studita catech. 116. ait: *Nemo dormiens trophaum statuit, nec resupinatus messem colligit, quin ingens strimq; opus est sudor, & industria. Si illic, id se res habet, quanto magis in nostrate bello? Nemo vnquam inerti somno laxas habenas indulgens superauit hostem vigilem. Nullus torpens agricola vitam in otio rusticam exegit, qui sua tritico horrea, granariaque impleuerit, nisi longas prius cœli inclementias subierit. Sed velut hosti succumbit, qui somno, ita ignauum rusticola sua spes fallit, & ridet. At si tanta vigilantia necessaria est, vt triumphum temporalem, & caducum frumentum referatur, nonne omnibus viribus laborandum erit, vt laurum immortalem, & gloriam perpetuam, & aspectum beatifici vultus omnipotentis Dei æternum consequamur? Nonne pro tantorum rerum obtentu homo christianus ad omnem infelicitatem huius vitæ perituræ, & quæcunque genera asperitatum, ærumnarum, laborum sese volens offerre debet? Cui hoc dubium esse possit? Qui ergo volet esse Aser, siue beatus, curet prius esse Gad, hoc est, accinctus bello, paratus ad pugnam.*

Quancquàm non sit canonicum, quia tamen causæ præsentis opportunum est quidpiam, quod Olympiodorus in historia Iob ex Syro textu refert, huc adferam. Absoluit ille textus sacram suam Iobis historiam his penè extremis verbis: *Accipiens igitur vxorẽ Arabissam, genuit filium, cui nomen Eunon.* Vulgatus textus noster solum memorat, quod beatus Iob post finita flagella, post sedatam tot ærumnarum tempestatem in priorem illum suum felicem statum redijt, & cætera quidem bona duplicia, liberos autem eo numero, quo amiserat, recepit, nempe septem filios, & tres filias, quot & antea habuerat. Quorundam autem Græcorum, qui textu Syro nituntur, sententia habet, primam vxorem iustissimas ob causas, quas certè habebat, repudiatam

à san-

à sancto Patriarcha, quod tunc leuius, quàm nunc, fieri potuit, ductamque aliam Arabem.

Sed hic iam possemus indagare, & interrogare, quanam præcipua, & potissima causa fuerit, ob quam ad nouæ felicitatis consortium admittere noluerit eam, quæ prima vxor fuit.

Causam reddidit Seuerianus in Addit. catenæ græcæ in c. 42. Iob, inquit: *Forſitan autem nec conſentaneum; nec rectum erat, & ea bonorum particeps eſſet, quæ certaminum tempore. Sicrum deſpexiſſet.* Non ſcimus hoc eſſe authenticum, verum ſi quid probabilitatis habet, cauſæ noſtræ confirmandæ plurimum conſert, & ſeruit. Noluît ſanctus Iob eam habere ſociam gloriæ, & beatitudinis nouæ, quæ noluit eſſe compos pœnæ, noluit habere conſortem felicitatis, quæ calamitatis exors eſſe voluit. Indignam putauit eam communione proſperitatis, quæ illum inter ærumnas deſtituit, neque ſolum deſtituit, verum etiam, cùm videret eius toto corpore diſcuſa vlcera ſcaterere vermibus; ita fugit, quaſi peſtem contagioſiſſimam omnibus artubus exharet, vt dicere potuerit: *Halitum meum exhorruit Exor mea;* Iob 19. 17. Et tanquàm exigua fuiſſet iſta contemprio, à dæmone inſpirata etiam in deſperationis barathrum illum impellere voluit, inquit: *Adhuc tu permanes in ſimplicitate tua? Benedic Deo, & morere;* Iob 2. 9. velut dixiſſet: *Habent mundus fatuum ſimilem tui alium, qui veteri ſimplicitati tuæ tam pertinaciter inhaeres? Iace aliquam in Deum contumeliam, dic blaſphemiam, ita fiet, vt ille & vitam tibi adimat, & ærumnas.* Dicit nunc Seuerianus: Potuitne Iob ſociam gloriæ, & complice beneuolentioris fortunæ facere eam, quæ illum & deriſerat turpiter, & indignè ſpreuerat, & exhorruerat viliter, & ad blaſphemandum iniquiſſimè inuitarat? Non debuit certè, quodd id rationi quàm maxime repugnaret.

Tandem ego de anima quauis peccatrice dico: Debetne illa, quæ per omnem vitam blaſphemia, periura, vitijs omnibus, quæcunq; excogitari poſſunt, cooperta, & contaminata fuit, omniaque turpium delictiarum prata viuendo luxurioſè pererauit, & Sponſi ſui nullam interim memoriam, nullam erga pauperes illius miſericordiam habuit, poſt abſolutum huius vitæ curriculum ad conſortium gloriæ illius admitti, cum quo nullum habuit pœnarum commercium? *Nec conſentaneum, nec rectum erit, & ea bonorum particeps ſit, quæ certaminum tempore Chriſtum deſpexit.* Audiatur Paulum, qui dicit: *Sicut ſocij paſſionum eſtis, ſic eritis & conſolationis;*

Tom. III.

2. Corinth. 1. 7. Cùm Chriſtus tenuerit iter pœnarum, crucis, tormentorum, ſanctis, ſitis, opprobriorum, ignominiarum, homo verò per viam incedat turpium delictiarum, vitæ turpium voluptatum, inconceſſæ libidinis, vindictæ, blaſphemæ, auaritiæ, fieri non poteſt, vt in patria beatitudinis æternæ, & quietis perpetuæ conueniant, inquit ſerè Apoſtolus. Qui Chriſtum vult aſſequi in gloria, debet illum comitari in pœna. Qui vult illo gaudere in beatitudine, debet illi aſſiſtere in cruce. Ex ſolo namque flore pœnæ naſcitur fructus gloriæ.

Quàm præclare in hanc rem dixit Sanctus Gregorius Nyſſenus Orat. 3. de beatitudinibus: *Proinde fructum, qui ſperantur, ſos afflictio eſt. Propter fructum igitur etiam ſorem decerpimus.* Cùm in naturæ ordine ſit lex inſallibilis, & indiſpenſabilis ſanctio, vt fructum ſos præcedat, & ſine hoc prælo ille obtineri nequeat: In ordine gratiæ idem conſiderare debemus, multoq; magis nobis perſuadere, & certius habere, quodd pœna ſos eſt, & fructus gloria: *Fructum, qui ſperantur, ſos afflictio eſt.* Quis ergo tam ſtultus, & auiens eſſe poteſt, vt velit carpere fructum beatitudinis, abſq; eo, quod præceſſerit ſos, qui eſt crux, pœnitentia, flagellatio corporis, & cætera opera pœnalia, quibus debet ſtudere homo chriſtianus, vt ſummum bonum conſequatur? Quod ſi ita eſt, quomodo homo delicatus, & innutritus delitijs, quomodo mulier mollicella, quæ otioſo, & vano corporis ornatui intugilat, & perpetuâ vnius cuticulæ curandæ ſollicitudine laborat, & hoc ſerè ſolum agit, vt miſero corpufculo ſit commodè, quod putida ſædorum vermium eſca eſt futurum, vt nullas ſentiat temporum iniurias, non ardore æſtius, non hyberna frigora, quomodo ij, qui volunt carnem ſuam ſimilem eſſe tabernaculo Altifſimi, cui flagellum nullum appropinquat, qui nullam prætereunt voluptatem, cui non indulgeant, qui omnem penè in epularibus conuiuijs exigunt ætatem, quomodo ij, inquam, ex talibus floribus volunt carpere æternos gloriæ fructus? Nonne res monſtro ſimilis eſſet, ſi quis è ſpiñoſo dumo malum punicum expectare vellet? Maius portentum expectat, qui ex temporalium delictiarum floribus æternæ quietis fructum ſe collecturum ſperat, cùm gloriæ fructus naſcatur ex flore pœnæ. Quodd quis ſolis verbis beatitudinem, & abſq; labore gloriam obtineat, quodd ad illas perpetuæ quietis ſedes perueniat, qui hic perpetuò ſedit otioſus, in quonam vel Scripturæ, vel Doctorem libro id vnquam lectum eſt, vel repertum. Cui hoc Chriſtiano aliquando euenit,

Ffff

nit,

nit, cum & Christus ipse sui corporis gloriam tantâ effusi sanguinis inundatione, tanto pœnarum toleratarum diluuiò, tantâ falforum testimoniorum tempestate sibi comparauerit? Aut vult homo quiscumque alius immunis esse à lege, quæ ergà Christum innocentem, & sanctum sanctorum tam rigide obseruata fuit?

De hoc argumento sapiculè agit in omnibus Tomis prioribus. Vide Partis I. Politici lib. 3. c. 3. & quæ ad calcem illius subnotata.

CAPVT IX.

Qui maiora pericula superauit, habet validum argumentum, quo conuinci queat, vt maiora intrepide, & magno animo aggrediatur.

Communis omnium Expositorum sententia habet, quòd Iacob tam pugnaciter pugnavit cum Angelo, tamque animosè, & validè luctatus est, vt eum expugnàrit, & superàrit, vt hæc victoria illi adimeret omnem fratris sui Esau timorem, persuasumque faceret, quòd hunc imbecillum facillè suppedicare posset, qui cum illo potentissimo pugile tam ærenuè, feliciterque dimicasset. *Si contrà Deum fortis fuisti, quanto magis contrà homines prænalebis?* aiebat ad illum Genes. 24. 28. is, qui se robore animi, & vi lacertorum eius victum, subactumque fatebatur, velud dixisset: Si tu orationibus tuis, & fortitudine efficere potuisti, vt omnipotentem Deum superares, quomodo non leuiter subicies infirmam, ac debilem naturam humanam? Tali argumento prorsum conuictus noster Patriarcha fuit, nec fieri aliter potuit. Ingentes enim vires habet argumentum, cum à maiore ad minus ratiocinamur: Vicit gigantem, ergo & pygmæum subiget. Item: Leuiter per confragosam viam in editum scopulum ascendit, ergo haud difficile per campi planitiem progreditur. Siue ità: Ea fuit S. Elizabeth in egenes prolixitas, vt vim auri magnam in eos erogaret, ergo vt triennem daret, facillimè ab se impetrare potuit.

Ex hac doctrina accipiemus, quo euadamus difficultatem, quam plerumque excitare Interpretes solent. Admirantur omnes prodigiosam Redemptoris nostri patientiam, quâ excepit crudelia illa tormenta, & inaudita probra, quæ toties vel legimus, vel pro concione audimus. Nec minus admirantur, quòd illa tam inuicta eius patientia nonnulli aliquantum vacillare visâ est. Innocentem Magistrum nocte passionis improbus, ac malignus pontifex de

doctrina sua, discipulorumque eius interrogabat, effusius quæsitò cum inopinatâ responsione occurrisset, seuus quidam satellites ex his, qui sathanico tribunali adstant, truculentam extulit manum, & decentissimæ Saluatoris faciei, quam humillimè, ac reuerentissimè Angeli supremi, infimi, medij adorant, immanem colaphum infernali ausu impegit. Quid ad hæc tam indignè ab indignissimo homine, si tamen homine, dehonestatus Dominus? In vicem vindictæ, quam de probrosum in iuriâ sumere poterat, hæc nefario ministro modeste, benignè, mansuetèque reponebat: *Si malè locutus sum, testimonium perhibe de malo, si autem bonè, cur me cadis?* Ioan. 18. 23.

Non deest, qui hic arguat coelestem Magistrum de sui magisterij officio non satis probe, integrèque curato, vt qui contrà fecerit, ac docuerit, aliud agendum prædicauerit, aliud ipse egerit. In illo celebri sermone, quem in monte habuit, inter varia salutis monita etiam hoc inculcabat: *Si quis te percussit in dexteram maxillam tuam, præbe illi & alteram;* Matth. 5. 39. Cum ergo perfectus prædicator, vt vehementius moueat auditores, doctrinamque suam eorum animis profundius imprimat, debeat non solum docere, verum etiam facere (*cuius enim est a despicitur, restat & prædicatio contentatur*, quod nonnulli ait Magnus Gregorius) videtur Redemptor mundi eâ occasione, quâ casus alapa in vna maxilla fuit, obuerso vultu debuisse offerre alteram pugno pariter dedecorandam, vt opera verbis responderent, & dictis facta consentirent. *Fortè hic dicit aliquis: Cur non fecit, quod ipse præcepit?* Ità egregius Doctor S. Augustinus Tract. 113. in Ioan.

Quid respondebimus huic dubitationi? Quia hanc nobis diluet difficultatem? Capituli huius titulus, & quoddam Isaia effatur omnem nobis eximent ab animo scrupulum. De mundi Sospiatore ait Isaia, siue ipse potius apud Isaiam mundi Sospiator: *Corpus meum dedi percurrentibus;* Isaia 50. 6. volensque permitti laniandum immoderatæ libidini effertatissimorum sathanæ ministrorum. Testetur hoc manus, ac pedes grandibus, & obtusis clauis confossi. Testetur caput aculeato diademate coronæ spinæ tam miserabiliter cruentatum. Testetur dorsum immanibus flagris tam atrociter exaratum, & conceptum. Testetur latus, cui etiam defuncto insatiabilis iræ furor, ac rabies non pepercit, quin lanceâ crudeliter confingeret Ergo quòd maxillam alteram alteri alapa non obtulit, mysterium fuit, non imbecillitas. Qui enim tantâ fuit animi fortitudine,

ut corpus totum tam diuersis cruciatuum, verberum, dolorumque generibus offerret, quomodo hic vnam maxillam pugno subtraheret percussoribus? Cui vires supererant ad ferenda maiora, quomodo robur ad toleranda minora deesse poterat?

Audiamus Doctorum aquilam, & principem Augustinum. Quid quod & veraciter, mansuerit, iustitiae respondit, & non solum alteram maxillam sterum percussuro, sed totum corpus preparauit? Hæc ille, cuius vestigia præmens S. Laurentius Iustinianus, ait: Annon offerre potuit genas, quæ totum corpus exposuit? Audi quid per Prophetam dicit: Corpus meum dedi percutientibus. Propterea hæc, quæ pertulit, maiora sunt. Hoc semper nobis habere persuasum debemus, quod leuiores incommoda facile vincet, qui superare grauiora potuit.

Amanter querebatur credentium Pater apud suauem, beneuolumque Dominum suum, quod non donasset filio, quem alijs multis, ac magnis modis honorasset, filio, inquam, hærede bonorum, ac priuilegiorum, quæ omnia vernaculus quidam illius tandem aditurus, & possessurus esset, si Sara sterilis, & ipse improlis, ut erat, maneret, quod absque ingenti dolore cogitare non posset. Consolabatur illum Dominus, & aiebat: Attolle sis oculos, & vide globum illum tam vario adamante tessellatum, tam copioso mirantium siderum emblemate vermiculatum, & si fieri potest, reense confuscantes gemmas, quibus exornatur, reuoca ad calculos radiantia monilia, quibus conueniuntur, eorum namque multitudini par erit numerus liberorum, quos fortunarum tuarum hæredes, & inelyti nominis propagatores relinques superstites.

Sed obseruanda hic quædam sacri Textus annotatio, ea scilicet, quod sanctus Patriarcha, cum illum luctuosæ querimonie suæ libellum supplicem lachrymis oculorum papyro linguae inscriptum omnipotenti Domino offerret, in abstrusiore tabernaculo suo morabatur, indeque à Deo in medium campum euocatus fuit, ut magnificam eius promissionem patente in loco exciperet. Genesis 15. 5. de hac re sic habes: *Eduxitque eum foras, & ait illi, Suscipe calum, & numera stellas, si potes, sic eris semen tuum.*

Honcala hic monet animaduertere illud sacri Textus, *Eduxit illum* è suo tugurio, idque facile, & sine vi aliqua, hoc enim significatur verbo illo. *Eduxit.* Manentem in tabernaculo suo Patriarcham Dominus foras eduxit. *Non ait, Traxit* tanquam inuicem, & *reuenientem*, eduxit *velut spontaneum*, &

promptum, inquit ille. Sed cur eà occasione sacri Scriptori non fuit usus vocabulo vim sonante, sed potius verbo suauem, blandamque euocationem significante? Ut alteram nobis argumenti nostri comprobationem ministraret, neque admiraremur Abraham tam facilem, promptumque è tabernaculo suo egressum, ut qui iam ante ad vnam Domini vocem patriam suam excefferat, cognatosque, & amicos, domumque, & facultates, & omnia commodæ, quietæque vitæ adminicula deseruerat, & varijs prolixæ per alienas, & incognitas terras peregrinationis laboribus se exposuerat, ad illam Dei tam breuem iustificationem, *Egrederet de terra tua, & de cognatione tua, & de domo patris tui*; Genesis 12. 1. quam vix auribus hauserat, quando persequi opere exemplum coepit, & sine cunctatione omnia sua relinquens in viam se dedit, de quo ibid. v. 4. *Et egressus est Abraham, sicut praeceperat ei Dominus.* Quando ergo Dominus prodire Abraham è tabernaculo suo voluit, non *traxisse*, sed *eduxisse eum foras*, non per vim eruisse, sed leniter, leuiterque euocasse sacri Textus dicit, ut significaretur, quod illum Dei vox nullo negotio producere in campum potuit, quæ faciliter, & absque vi è media patria, & intimorum consuetudine euocatum permouere potuit, ut in exteris, easque nunquam visas regiones commigraret: *Non ait, Traxit, tanquam inuicem, & reuenientem, sed Eduxit velut spontaneum, & promptum.* Suspectam enim redderet fidem scriptoris, si minora facere non potuisset Dominus, quem maius fecisse narrauit. Benè damque sequitur, quod eius manus consociendo agno esse impares non potuerunt, cuius validi lacerati concerpando leoni fuerunt satis.

Ut populi sui imperatorem Iosue ad suscipiendam alacriter, tentandamque fortiter promissæ terræ expugnationem Dominus accenderet, hæc illi aiebat: *Omne locum, quem calcaueris vestigium pedis vestri, vobis tradam, à deserto, & Libano usque ad flumen magnum Euphraten.* Omnis terra Hethæorum usque ad mare magnum contra solis occasum erit terminus vestri; Iosue 1. v. 3. 4. velut dixisset: Maestè virtute esto, Iosue, & magno animo audacter, intrepidèque in eos inuichere, quicumque obstitere voluerit per viam, quæ in secundum paradysum ducit, terram, aio, quam maioribus tuis pridem sum pollicitus. Ego tibi in omni conflictu adero, ego pugnas tuas omnes felicitabo. Ampla, & latè patentia sunt locorum spatia, quæ vobis habeo parata, à Libano ad Euphraten usque, & per omnem Hethæorum regionem, quousque à magno mari alluitur, sese diffundat.

fundunt, digna pro quibus valentissime, & pertinacissime dimicetis.

In his notandum, quod eum tam varij essent populi, & hostes, quos Iosue cum suis bello appetiturus, fortiterque subacturus erat, solos tamen Hethæos Dominus de proprio nomine expressit, quibus cum de summa regni, totiusque patriæ illorum decertare oporteret, inquiens: *Omnia terra Hethæorum erit terminus vester.* Quamobrem verò solius gentis Hethææ facta est mentio inter provincias tam multas, ac varias, quas ferro subigere necessum erat, vt penetrare in terram promissam pede libero possent, & ijs superatis Dominus inuictæ dexterae suæ potentiam ostenderet?

Respondet quæsto eruditissimus, Andreas Marius in cap. 1. Iosue dicens: *Ideo provincia Hethæorum singulari mente fit à Deo, qui à de ea expugnanda, quam de alijs diffidere magis poterant Israëlita, vt in quâ Enacinos gigante à mole homines conspexerant speculatores Moyses, eorumque fama extremo pavore vniuersum populum perculerat, & propemodum ad repetendam Egyptum redegerat. Ne igitur illa imperatoris animum difficultas perturbet, aut etiam populi, cum sit in Chananeam transiendum, addidit Deus explicatè, ea etiam loca reductum iri in potestatem Israëlitarum, cum primum illuc pedes intulerint, quæ præ cateris inexpugnabilia visa fuerant, nimirum quæ ab Hethæis tenebantur, gente omnium Chananeorum bellicosissima.* Vir quilibet Hethæus turrem exæquare magnitudine, & solo minaciore aspectu mortem adferre videbatur. Sic ferè dixerunt, qui ab explorata eorum terra reuersi aiebant: *Ibi vidimus monstra quadam filiorum Enac de genere giganteo, quibus comparati quasi locustæ videbamur;* Num. 13. 34. Simul hæc audire ignauus, & spe suâ deiectus populus, & succlamare cepit: *Constituamus nobis ducem, & reuertamur in Egyptum;* Num. 14. 4. Ingens eos Hethæorum, qui erant de genere Enac, timor ceperat, qui in miseram Egypti seruitutem redire, quam in eorum manus incidere malebant. Vt ergo animos Iosue, adderet, populumque erigeret Dominus, & ad inuadendum intrepide inimicum inflammaret, cæteros quidem tacuit, solos autem Hethæos subigendos memorauit, quos vehementer formidabant, & quod tam vastis essent corporibus, & tam fero aspectu, tam bellicosi in prælio, tam insuperabiles bello. Hos itaque tam feros, & horribiles primo loco posuit, vt hinc argumentum conficeret, cogitarentque, qui gigantes obruncasset, eum pygmæos facile delere posse, & leuiter

extincturum culices, qui leones interfecisset.

Truculentissima quædam tigris scelus perpetravit, quo immanius in eo genere vix aliud esse possit. Abimelech fera ea fuit, qui occidit fratres suos filios Ierobaal, septuaginta viros super lapidem vnum, Iudic. 9. 5. Vix hoc tam crudele facinus ediderat, quando congregati sunt omnes viri Sichem, & vniuersa familia Urbis Mello, & constituerunt regem Abimelech, ibid. v. 6.

Quid mouere istos potuit, vt regem deposcerent, ac renuntiarent hominem tam sanguinarium, & truculentum, idque tunc, quando tot fratrum suorum cruorem super lapidem vnum, inaudito exemplo fudit, & colla eorum gladio cæcidit, quæ dulcibus amplexibus stringere amanter debuisset, si tam intimæ necessitudinis, & consanguinitatis rationem aliquam habere debuisset? Et si hic illis commodus imperator futurus videbatur, talisque, sub cuius vexillis feliciter concurrere cum hostibus possent, cur non diu ante delegerunt, quos grauis necessitas boni ducis iam pridem tenuerat? Cû tunc primum arbitrari cæperunt, hostibus suis conficiendis illum aptum fore, quando in proprios fratres tam barbarè desunijse acceperant?

Huic dubitationi satisfaciet opportunè in rem præsentem Salomon Hispaniarum Abulensis, qui q. 23. in c. 9. Iudic. sic habet: *Quid volebant Sichimitæ videre, an rex constituendus super eos esset vir bellicosus dignus regno, quid aliòquin stultum erat talem efficere regem. Cum autem ipse cautè se habuisset contra fratres suos, occidissetque omnes præter minimum, viderunt Sichimitæ eum posse pugnare contra hostes. Ex eo trucidatorum ab Abimelech fratrum facto sic ratiocinabantur Sichimitæ: Qui tantum habuit animi, vt fratrum suorum non parceret sanguini, sanguinem hostium facilius fundet. Qui non detulit coniunctissimis amicis, quomodo ille in hostes pius erit? Qui gladium suum suorum fratrum cruore tinxit, quomodo mucrone suo non ipsum cor, si potest, inimicorum transadiger? Profuit hæc Sichimitis argumentatio. Cû ipse cautè se habuisset contra fratres suos, viderunt Sichimitæ eum similiter pugnare contra hostes posse.* Bona est in his casibus ratiocinatio, per quam à maiore ad minus descenditur.

Sic itaque Politicus noster in similibus occasionibus spem de bono Deo habeat, quam Iacobtem Dominus ipse habere iussit, cû ei tali argumento in fiduciam fraternæ violentiæ facile à se retundendæ crexit: *Si contra Deum fors fuisse, quomodo fieri possit,*

possit, vt fratrem tuum, hominem debilem, & imbecillum superare nequeas? Qui maius, idem etiam minus præstare potest.

Nam vt dixit Quintilianus lib. 2. cap. 3. *nemo fortis in maioribus eminet, & cum minoribus desiciat.* Si quem Dominus à grauioribus periculis vindicauit,

benè speret, quòd & à leuioribus liberabit. Si tanta fuit eius ergà quempiam beneuolentia, vt illum inter acerbiores calamitates seruauerit, non erit tam parca deinceps, aut nulla, vt in æruma minus seuis illum destituat.

LIBER SEPTIMVS.

CAPVT I.

Abundare, & timere literis, syllabis, uocabulis plurimum differunt, reapse nihil.

Non possum promouere gradum ad alia, quin diligenter ante consideraui an-gores, sollicitudines, diurnos, ac nocturnos metus, quibus Patriarcha noster vexatus fuit, priusquam ad patrem suum pertueniret. Quando à patris laribus abiit, & ad auunculum suum contendit, non meminit Scriptura cuiuscunq; periculi, quod illi occurrerit: At in reditu nulla fuit si-ne discrimine dies, nullum sine pauore iter, & wx passum meru vacuus fecit. Quid est, quòd tam securus, tutusq; abiit, & tam plenus timore rediit? Causa ea esse potest, quam ipse indicat in sua oratione ad Dominum, quā rogabat, vt ab irati fratris furore seruaretur illæsus, inquit: *In baculo meo transiit Iordanem istum, & nunc cum duabus turmis regredior;* Genes. 32. 10. velut dixisset. Quando à parentibus meis ad auunculum perrexi, tota fortunarum mearum summa in unico baculo posita erat, quò & fulcro, & comite utebar, iam verò peropulentus, & rebus omnibus circumfluens reuertor, hinc turba hominum, illinc pecorum copioso grege stipatus. Hinc illi timores omnes hæud dubium nati. In abitu simul & rebus alijs, & angore, sollicitudineq; vacuus erat, nihil formidans, quia nihil habens. In reditu, quoniam plurimam numerabat familiam, atq; in ea vxores, liberos, greges, famulos, ancillas, tantisque opum copijs vallatus erat, vt sexcenta capita ex armentis, & pecudibus dono offerre absq; graui suorum bonorum dispendio posset, animi inopem copia rerum, & meticulosum abundantia faciebat. Multum enim habere, & non parum timere quam vocibus multum discrepent, reapse tamen neque parum differunt. Id vel hinc arbitrari licet, quòd Iacob primus fratrem suum Esau vidit, quando hic veniebat, vt illum cum pompa, & apparatu magnifice exciperet, simul autem & vidit, & suos

vix comites ad modum exercitus in omnem euentum ordinauit. *Eleuans oculos suos vidit venientem Esau;* Genes. 33. 1. Primus ille vidit fratrem appropinquantem cum quadringentis viris armatis, qui si equites fuerunt, non parum auxerit timorem illius equestris turme formidabilis aspectus. Itaque donec Patriarcha noster habuit, quod perderet, nunquam timoris oculos oculis excipere ausum, nunquam extra metum fuisse legimus. Vnde accipimus, quòd ex affluentia formido nascitur, nec alium æquè trepidare, angere, pauere, ac eum, qui habet, quorum facere iacturam possit.

Quam pulchrè hoc expressum à Sancto Ioanne Chrysostomo! qui Tom. 4. homil. 1. in illud: *Solutare;* sic ait: *Pauper nimis parum valens, & curis his omnibus carens, leo est. Ignem spirat, generoso, & forti animo aduersus omnes insurgit, facile omnia agit, quæ prodesse possunt Ecclesijs, siue opus sit, & arguantur aliqui, siue & increpentur, siue & Christi nomino ferantur parricidia, & inimicitia. Quoscumque qui semel & iam desepit presentem, magnâ facilitate conficit omnia.* Et qui vitæ temporalis amorem à se abdicauit, & mortis metum perdidit, is omnia pericula intrepidus adit.

Turpem, & scandalosam iniqui regis Herodis cum fratris sui Philippi vxore consuetudinem omnes nouerunt. Crebra per annum sit incestæ illius amicitiole mentio. Non dubito, quin passim in compitis publicis, in contuenticulis clandestinis pauperes æquè ac diuites de nefario illo commercio pessimè & senserint, & locuti fuerint, vixq; aliud dixerint, quam intolerabilem esse illum Herodis cum sua fratria tam perniciosi exempli conuiuium. Ad murmurandum nulli lingua deerat, ad arguendum infamem consuetudinem soli Ioanni animus supererat: *Dicebat enim illi Ioannes, Non licet tibi habere eam;* Matth. 14. 4.

De hac re sic habet Chrysostomus, vbi suprâ: *Quot diuites erant tempore Herodis? Quot potentes? Et quid in medium prorupit? Quis tyrannum increpauit?*

quirit? Quis contemptas Dei leges scilicet? Dicitur nullus. Fuerint per id tempus, ut sunt hodie viri summates, Duces, Comites, Barones, Marchiones, Ierosolymis certè annis singulis erant summi Sacerdotes, Principes, Populi, Consules, Senatores, sicut hic causarum Auditores. Et cum tantus esset Magnatum numerus, nullus erat, qui non clam admorderet turpem, & obscenam illam familiaritatem, nullus, qui regem adire, & de malefacto palam obiurgare auderet. Cur verò quoddam omnes fecerit damnabant, publicè præter Joannem nemo carpsit, nemo sugillauit?

Respondet iterum Chrysostomus: *Qui neque lectum, neque lectum, neque mensam habebat, ille solus ac primus, omni libertate tyrannum arguit, & presentibus omnibus, ac audientibus nuntiata sententia eum damnauit.* Dixerint omnes: Pro clandestina sceleris regis execratione nihil rerum nostrarum nobis adiunxit. Dixerit apud se quisque: Si regem adeo, & flagitij sui arguo, aut me vitæ exuer, aut de statu deiciet, aut dignitate nudabit, spes certè pontificatus tota mihi concider, & bona mea hisco addicentur, aut me in iudicium pro neglecta obedientia trahent, aut censibus meis impedimenta adferent, aut iubebunt, ut meis sumptibus aliquam multos milites conquiram, aut aliam mihi incommodandi occasionem querant, & aula prohibebunt. Dixerit Consiliarius: Si regem obiurgo, mouebo officio, & manere domi iubebor. Si consiliarij munere decedendum fuerit, non potero vel collocare filias, liberisque alios in matrimonio, vel capta ad fastigium perducere ædificia, vel promouere famulos, vel ditare cognatos, vel opulentam fundare primogenituram, aut non æquè laurè, tamque paruo viuam, neque solitam populi erga me obseruantiam habebo. Omnes timebant, quia affluebant, itaque dicebant: Maneant nobis nostra, atque ut plura acquiramus, taceamus, viderit Herodes, & vxor fratris illius, quid faciant. Quis ergo magno animo arguit peccatum, quis Zelo diuini honoris accensus ob oculos tot mutorum susurronum scditatem culpæ suæ regi aperire, & exprobrare est ausus? Quis? Homo quidam parabilissimo cibo, melle syluestri, & locustis tantum vesci solitus, qui veste non vrebatur aliâ, quam pilis, & exuijs camelorum, & qui mortem alicuius pecoris opperiebatur, ut illi hæres indumenti fieret, cui lectus non alius, quam dura humus erat, qui nihil ambiebat in aula, qui res suas augere domesticas ne cogitabat quidem, qui serui Dei titulum vnicum solum cupiebat. Is

primus, ac postremus regem de sua incesta libidine arguebat, qui pernitiabili suo exemplo graue inferioribus offendiculum præbebat. & regium sedebat thronum, & irritabat cælum: *Quis neque lectum, neque lectum, neque mensam habebat, ille solus, & primus omni libertate tyrannum arguit.* Qui nihil habebat, ille neque timebat, cumque etiam nihil cuperet, vel expectaret, non erat cur formidaret. Magna res rebus, & spiritu pauperem esse, & alienum ab ambitione. Qui enim talis est, is potentissimo regi, & tyranno sese obicere potest.

Rex inter prophetas Dauid confirmauit hanc veritatem similitudine desumptâ ab animalis bruti naturâ Psalm. 77. v. 69. & 70. sic ait: *Ædificauit sicut Unicornium sanctificium suum in terra, quam fundauit in sacula. Et elegit Dauid seruum suum, & suscitauit eum de gregibus ouium.* Multi interpretantur hæc de Verbo Dei carnem humanam induto, Christo accipiunt, qui priusquam carnis nostræ integumento se obnuberet, elegit Dauidem, ut esset pastor hominum, cum esset custos ouium. Hic nunc illud certum, quoddam omnis Christi actio fuit nostra institutio, qui verbis nos docuit, factis erudit, miraculis informauit, ipseque adeo silentio suo nos monuit. Quid ergo mysterij habet, quoddam Propheta dicebat, habitationis locum Messie talem fore, qualis esset habitatio, quam sibi unicornium construere soleat? Cur domus construenda normam ab unicornio potius, quam alio animali mutaturus erat?

Hugo Cardinalis in expositione Psalmi 77. & versum supra scriptorū de hoc animali sic ait: *Notandum est, quoddam Unicornis non habet lectum, nisi cælum, & reclinatus ad arborem dormit.* Sic Verbum diuinum humanâ carne vestitum Christus pauper ut unicornis fuit, neque domum habens, nec fortunæ bona aliqua, qui de se verissimè dicere potuit Matth. 8. 20. *Vulpes foueas habent, & solueres calenidos, Filius autem hominis non habet, & ubi caput reclinat, tamen sic caput sit hominum, & Angelorum.*

Quid nos ista Christi, & unicornis paupertas docuit? Respondet Hugo Cardinalis: *Quoddam Prælatum non debet sibi ædificare palatia nec ad domos alias anhelare, quam ad cælum.* Qui vult bonus esse Prælatum, debet curare esse similis Christo, & unicorni, ut tabula vna sit illi pro lecto ista cæli fornix, quæ omnia regit, neque vel excitandis sumptuosius ædificijs, vel amplificandis opibus studere. Nam qui talia facere amat, is meticulosus erit, si opulentus, timebitque audacter loqui, si aut potens quidam gratiosus

ius Principis, siue Princeps etiam ipse monendus, si obiurganda res quædam publica; si magnatum quispiam increpandus, si diuiti sua errata aperienda, timebit, inquam, suam palam, ac fidenter sententiam edicere, si habeat, quæ perdere possit. At qui ab omni honoris, opumque ambitu est alienus, ab omni diuitiarum copiâ nudus, ab omni bonorum temporalium amore vacuus, animosè quoddam sentit, quodq; res est, eloquetur, quoties occasio dicendi sese offeret, & liberè pro veritate pronuntiabit, vt qui nec gratia regis excidere curet, nec minas intimidatiōis timeat, nec facultatum iacturâ metuat, cum nullas habeat, & gratiam cælorum, ac solius Dei solam suspiret.

In hanc rem aptè locutus fuit Tertullianus, quando ait, nunquàm facilè martyres factas eas mulieres, quæ cultui corporis inuigilabant, & carnis delicias studiosè confectabantur. Verba illius ex lib. de cultu fœmin. c. 13. sic habent: *Ceterum nescio an manus spathæ circumdari solita in durissima catena suspensæ sustineat. Nescio an crus de perscussio in neruum se patitur arctari. Timeo ceruicem, ne margaritarum, & smaragdorū laqueis occupata locum spatia non det. Quare benedicta medicemur duriora, & non sentiemus, relinquamus latiores, & non desiderabimus. Stemus expeditæ ad omnem vim, nihil habentes, quod relinquere timeamus; quasi apertius dixisset: O quàm vereor, ne assuetæ armillis aureis manus non ferant manicæ ferreas! Dubito an sint toleranda pedicæ crura adscitij ornamentis antehæ exculta: Dubito an gladium excipiet monilibus radiare solitum collum. Quare consilium facietis, o piæ fœminæ, si asperis aduiscatis, vt familiaris vsus toleratæque faciliora reddat, si renuntietis prosperis, vt ne vos aduersa frangant, nec sit aliqua cupiditas eorum, quæ spontè à vobis abdicastis. Omnem terrenorum affectum procul abijciamus, vt cum nihil habere volumus, etiam nihil eimere possimus. Stemus expeditæ ad omnem vim, nihil habentes quod relinquere timeamus.*

Vertamus hæc eò, vt vsui esse possint concionatori, qui è loco publico publicum rectè instituire velit ministrum, vt munere suo probè fungatur, quod faciet, si Tertulliani bona monita suscipiat. Si quis vult Christianâ libertate ad dicendum vt, non studeat suis incrementis, non ædificet domos, non se tradat delitijs, & vitæ molliciei, non vertat officium ad suæ familiæ splendorem amplificandum, non habeat oculos fixos in gradum diuinitatis sublimiorem. Quando enim hinc quidem sese offert occasio lo-

quendi Principi, & apertè, audacterq; monendi, quæ ex vsu boni communis, vel facere, vel relinquere infecta debeat, illinc verò occurrit animoque dômus, quam perdere possit, delitiz, quibus excidet, incrementum opum, quod cessabit exilium, quod timere queat, status celsior, quem consequi nequebit, quomodo is liberè, animosèque loquetur? Si ambit mitram, si locum dignitatis editiorem, si amplum officium, aut aliud tale quidpiam, quomodo ex nube pulpiti effulminabit radium veritatis? Mitra illi obstringet linguam, vt non rectè moneat, & soluet, vt assentetur, & quæ placitura putat, loquatur. Primogenitura, amplificandi generis cupiditas, ambitus honoris maioris, collocandus in matrimonio filius, procurandus suari habitus ordinis militaris, impetrandus cognato census annuus, obtinendum amico fido, & familiari officium, quid aliud esse possunt, quàm frenum, quo cõdercantur, vt ne syncerè, & sanctè pro veritate pronuntient, qui ex officio debent? Exocuperetur ergo ab omni terrenorum affectu animus, eiiciatur è corde omnis honorum, & bonorum cupiditas abijciatur è pectore omnis respectus humanus, sic enim quoddam res est, nudè, integrè, intrepidè dicitur. Non enim habet quod timeat, qui non habet quod perdat. Non curat minister, si è regno in regnum migrandum fuerit, ita non præteribit illum occasio, quæ cum libertate Christiana suam proferre audacter sententiam possit: *Stemus expeditæ ad omnem vim, nihil habentes quod relinquere timeamus.* Sic veritas florebit, & consilia fructum producent, quem Dominus rectæ procuratori suæ Ecclesiæ in temporalibus, & spiritualibus operat.

Dubitatum à multis fuit, quid permouerit Ecclesiam, quod iniuges voluit manere sacerdotes. Latina certè nulli permittit connubium. Quid causæ habuerit, quod permittere vxores sacerdotibus noluit? Rationes multæ sunt, omnesque momentosæ, graues, iustæ, quare Sponsa Christi voluit, ac vult, etiamnum cælibes viuere suos sacerdotes. Apud Ioannem Raulinū Tomo 7. serm. 2. de Matrimonio vna è multis præsentī causæ opportuna sic habet: *Quia mundanus timor faceret eos venerari maiores, adulari medijs, & spernere minores. Et per hoc omni corruptio, & prædicatio esset dissimulari & corrupta. Et propter hoc, vt dicit Geron, multum expediret, & prædicatores nihil acciperent, quia eorum prædicatio magis reputaretur, quia sæpe per hoc, quod prædicator caput ad omnes manus dissimulantur vicia, quæ debent impugnari. Si quis sacerdos & vxoratus esset, &*

soncio

concionator, putas nudam ingenue, audacter eloqueretur veritatem? Putas admoneret vitia, obiurgaret scelera, & Regum maxime, aliorumque, qui opibus, & autoritate valent, animosè, ac liberè damnaverit malefacta? Quomodo filium promovere, dare nuptui filiam, diuitem facere familiam poterit, nisi dissimulet vitia, tegat culpas, extenuet flagitia? Immo & hoc è re publica Ecclesiæ esset, si ecclesiastica pro suo euangelico ministerio nihil remunerationis admitterent, Paulumque imitarentur. Nam ex eo, quod concionatores ambabus, ut dicitur, manibus munera excipiunt, fit, ut astute occultentur crimina, quæ damnari liberè deberent. Ex rerum enim copia nascitur timor perdendi, ex timore autem sequitur, ut fidenter loqui non audeat, qui suorum stipendiorum incertam formidat.

Si non est ita, interrogemus Ioannem Cluniacensem, vnde perfidioso Iudæ illa sua immoderata, & insatiabilis auaritia nata fuerit, qui fur erat, & loculos habens, ea, quæ mittebantur, portabat; Ioan. 12. 6. & tenues pauperis Domini sui facultatulas depulcubatur. Respondebit enim, intemperante vxoris amore incitatum fuisse, ut reculis suæ fidei creditis furaces manus afferret. *Proditor Iudas argentum datum Christo furtim accipiens dabat vxori.* Vix aliqua offerebatur communi alimonie sancti Collegij elemosyna, quando improbissimus & economus Iudas surripiebat, quidquid illud poterat, serebatque vxori, quæ illi occasio, sordidæ auaritiæ fomentumque fuit. Idem timere apud multos sacerdotes, si vxorati essent, possemus. Nam ex ardentiore coniugum amore, ex cupiditate prouehendi, & locupletandi liberos obiurgationem vitiorum prætermittent, nouasque comminiscerentur corruptionis theologiæ opiniones, quas schola coelorum nec amplectitur, nec probat. Hæc enim miseria hominis opulenti, qui cor suum addixit ædificijs, amplæ familiæ, diuitijs, quod *timet*, ut loquebatur Sanctus Ioannes Chrysostomus vbi supra, *pro domo, pro famulatu, pro agris, pro opibus, ne quis aliquid ex his auferat. Et qui multorum est Dominus, idem multorum seruus esse cogitur.* Qui timet perdere quod habet, idem Principum, magnatum, copiosorum palpo est, & perpetuus assentator.

Si palatiorum spirituales profectum, & vtilitatem sic omnes procurarent, ut quæsiuit Elias, alia profectò esset illorum disciplina, alia Principum institutio, & mores alij. Quot annos transiit Elias in aula? Quamdiu triuit regiam? At videamus quid boni ibi effecerit. Illud primum, quod de ru-

di, & vili habitu omnibus notus erat. *Vir pileus, & zona pellis à accensis renibus dicebatur* 4. Reg. 1. 8. Itaque qui audiebat nomen pauperis, pannosi, laceri, tenuiter vestiti, Eliam statim intelligebat, illum prophetarum ardentissimum, illum ad sanctam iram propensissimum, & iustas ob causas stomachosissimum. Elias fuit, qui prophetas falsos tam multos vna occisione deleuit. Elias, qui regi Achab intrepide resistit. Elias, cuius precibus è cælo aduocatus ignis quinquagenos milites semel, & iterum deporauit. Elias, qui regi Ochoziæ suam idolomaniam exprobrauit. Elias, qui cælum pro suo arbitrio nunc clausit, nunc aperuit. Elias, qui terrori fuit hominibus summis, infimis, mundo toti. Elias, qui Deum iuramento constrictum triennio, & vltra tenuit, ut nullam interim è loco superiore guttulam aquæ demitteret. Hæc, & multè plura fecit, quæ narrare vellem, si par voluntati facultas esset, & tempus permitteret. Vnde illa sacro Eliæ audacia, vnde animi tantum robur? Chrysostomus vbi supra ait: *Nihil præter melorem possidebat. Nihil enim, nihil omnino sic liberè loquitur, & in rerum discrimine fiduciam habere, & contra capisuitatem satum munitum, & sortem facit, & nihil possidere, & nullis secularibus obrui negotijs.* Nihil expetebat Elias præter solam vilem, rudem, ac tegendæ nuditati necessariam vestem; huc tota illius ornamentorum temporalium concupiscentia extendebatur, & præter honorem, ac gloriâ Dei aliud nihil ambiebat. Opus illius erat omnem è mundo expellere idololatriam. Summa opum, paupertas euangelica antè promulgatum euangelium. Cura illius tota, ut discipuli illius religiosi suos in cælum transferrent thesauros. Quid mirum ergo quod tam audacter increpauit reges, tam intredite obiurgauit Principes, qui præter vilem, pannosumque habitum nihil habere voluit? Quid magnum, quod tam animosè inuehebatur in idolorum cultores, qui nihil habebat præter vitam, quam perdere poterat, & optabat pro Dei gloria, & honore morti offerre?

Hinc iam non admiror, quod noster Patriarcha tantum se demiserit coram eo, quem Superi illi seruum designauerant, ut progrediens adoraret pronus in terram septies; Genes. 33. 3. & serui sui seruum se nominaret & illum suum dominum vocaret, faciemque eius vultui Angelico similem vidisse diceret, totamque familiam suam ad eundem adorandum suo & exemplo, & imperio adduceret, idque ut furorem illius euaderet. Multa nimirum habebat, quæ perdere poterat, vxorès, liberos, familiam, supelle-

lem,

lem, greges. Et quanquam de Iacobe dici potest, prudentiæ fuisse, quod timuit, aliorum tamen damna- bilis ferè est timor, qui dum metuunt ne vel iac- turam patiantur, vel incrementa non faciant eor- um, quæ habent, multorum sæpe scelerum, quæ superius indicauimus, fiunt vel auctores, vel futores.

CAPVT II.

Proprium est hominis humiliare se, cum quid ambit, & obliuisci benefactorem, cum exambijt, quod precebat.

Nemo acculat nostrum Patriarcham, quod eâ occasione tantum se demisit. Tametsi enim in- dubitatum habebat, certò sibi affuturam Dei opitu- lationem, non propterea debbat intermittere quid- quam eorum, quæ ipse ad conciliandum fratrem fa- cere poterat, & ad liberandum ab inuasiōe, quam timebat, vxores, liberos, familiam. Illud verò a- crem meretur increpationem, quod multi affectant imitari sancti Patriarchæ submissionem, adorationē, adgeniculationem, prostrationem, omnemque vene- rationem, & magnificas promissiones, donec im- petrant, quod cupiunt, aut euadit periculum, quod timent, postquam verò obtinuerunt, quæ optabant, & euaserunt discrimen, quod metuebant, non re- cordantur promissorum, vt ea expleant, nisi quod nonnunquam etiam humilitas in superbiam verti- tur, vt minari posthæc soleant, qui autè obsecrabant, & rusticè ingrati fiant, qui humiles supplices fue- rant.

Nescio an in figura, & ex nomine talium dixerit regius Propheta, cum ait: *Deus, Deus meus ad te de luce egredior. Sittuit in te anima mea, quam multi- pliciter tibi caro mea;* Psal. 62. 2. velut pluribus di- xisset: Vix soliste, ô Deus meus, summa montium cacumina suis perfudit radijs, quando vox mea cœ- lestes fores tuas pulsât, & inclamat. O quam vehe- menter sicut anima mea tuæ auxiliaris gratiæ præsi- dium, & subsidium! Iam corpus meum varijs ne- cessitatibus, neque leuibus, laborat, & proinde tu- am opem ardentè suspirat. Hanc orationem, quod titulus psalmi loquitur, obtulit Dauid Deo, cum *es- set in deserto Idumææ*, quando fugiens iram Saulis in eremum interiorē se recepit, atque in antro O- dollam velut sepeliuit. Inter eiusmodi angustias ad- ornauit illas tam ardentès preces.

Sed non præterijt aquilam Doctorum sanctum Augustinum modus, quo declarauit afflictus Pro- pheta suam anxietatem, & remedij desiderium, in-

Tom. III.

quiens: *Sittuit in te anima mea.* Sittim vocat cu- piditatem euadendi periculum, in quo versabatur, cum illius vitæ necem rex insensus tam multis, & magnis modis intentabat. Dicit nunc Augustinus: *Modò oratio, quamdiu sitis, cum sitis transferis, trans- fer oratio.* Quam benè ardens sitis vocatur multo- rum obsecratio! Cum afflicti rogant, cum lugentes, ac mœsti petunt, cum in ærumnis positi clamant, si- tire feruntur, quia euenit illis, quod multis ægris, quos cum implacabilis tyrannis seua, & ignea sitis adurit, non est fons ijs aliquando visus, cuius non ha- beant tam viuam memoriam, quam si ob oculos co- ram præsentem haberent, nec fluuium recordantur, quem non exhaurire ad extremam vsque guttam vellent, nec montem, aut vallem aliquam transie- runt, ad cuius fontem, si quem ibi conspexerunt, desiderio non recurrant, cum ardentis mali feruore exarescunt. Quot propòsita concipiunt inquirendi fontem, adeundi fluuium, petendi riuum, mox vt per vires è strato exurgere queant? cessat ægritudo, redeunt in concordiam humores, transit flagrantis sitis austeritas, iamque omnem riuui, fluminis, fontis memoriam abiicit, qui fuerat infirmus, ac si nihil horum vnquam vidisset, nisi quod etiam tam inui- sus est illi aquæ intuitus, quàm exosa omnis res alia, quæ noxia.

Ad hunc modum dicit Propheta ex nomine mul- torum: *Sittuit in te anima mea;* qui eorum simi- les sunt, quos dira sitis afflicta: Velut enim hi, dum eo malo laborant, vario proposito ad petendos fon- tes se obfirmant, eorumque ne quidem recordan- tur, cum extincta sitis fuerit; sic multis Dominus fons est. Nam cum siti calamitatum, aduersitatum, periculorum vrgentur, tunc illum humiliter, & cō- tentis vocibus inclamant: At cum præterijt æru- mina, conquieuit discrimen, & sitis necessitatis, vel angustia abiit, non remigiscuntur fontis, elabitur ex memoria, & contemnitur Dominus, sicut ægri, qui consauerunt, aquam ex animo amittunt: *Modò oratio, quamdiu sitis, cum sitis transferis, trans- fer oratio.*

Hoc est, quod mellifluus Abbas sanctus Bernar- dus lib. 4. de Consolat. aiebat: *Importuni vt accipiant, inquieti donec accipiant, ingrati vbi acceperint, largissimi promissores, & parcissimi exhibitores.* Mi- rum est videre eos, qui in aula Romana quidquam ambiunt. Quàm molesti, & infesti sunt, vt obtine- ant, quod suspirant! Quàm anhelii, & turbulentè percurfiant omnia loca, vbi spes aliqua potiundi af- fulget! Quos non mōtes aureos spondent, quæ non

Gggg

officia

officia pollicentur, quo non humillimè obseruantia genere colunt, quàm non reuerenter adorant eos, quorum operà efferri posse sciunt, & euehendo sperant. At postquàm votorum compotes facti, quàm super immemores & beneficiorum, & omnium promissorum! Ut canonicatum consequantur, ut piscentur mitram, ut purpuram vestire liceat Cardinalitiam, quàm magnifici sunt sponsores! At potitiorum, quas tam inhiante expetebant, quàm sordide negligentes sunt suarum pollicitationum! Ea est indoles hominum, & consuetudo familiaris, ut adepti, quæ pensarunt, non soluant, quæ promiserunt.

Barbarum, & rebellem Pharaonem castigauit Dominus, ut populo eius, qui durâ seruitute oppressus iacebat, liberum abitum permitteret. Duæ iam plagæ præcesserant. Primum enim aqua fluminis in sanguinem versa fuerat, ut biberet sanguinem decurrens fluminis, qui cruorem lugentis populi scribebat. Deinde excitauit superus iudex fœdas in omni Ægypto ranas, quæ ad intima immanis tyranni penetralia, & secreta cubilia irruerant, sic ut nemo eas prohibere posset. Ad preces Moysis sublatum fuit hoc flagellum, sed monet sacrum oraculum, quod videns Pharaon, quod data esset requies, ingrauantior suum, & non audiuit eos, sicut præceperat Dominus. Exod. 8. 15. Et qui dixerat: *Orate Dominum, ut auferat ranas à me, & à populo meo, & dimittam populum, ut sacrificet Domino;* ibid. v. 8. cum vidisset superiorem subsidisse tempestatem, conqueuisset plagam, extinctam cum mortuis ranis afflictionem, non modò non expleuit promissa, verùm etiam adamantinum cor illius factum est, quod fuerat æreum.

Quot Pharaones habet mundus! inquit Nicolaus Lyranus. Sine numero sunt, qui eum imitantur. Sic faciunt multi, ait ille, qui cum in afflictione positi sunt, multa Deo promittunt, sed extra periculum positi retractant. Retractiones, ut optimè Augustinus, sic quidam pessimè, & impiè faciunt. suorum dictum, quia non modò non præstant, quod Domino sponderunt, verùm etiam cum euaserunt periculum, aut conualuerunt ab ægritudine, aut voti al cuius compotes sunt facti, oppugnant Dominum beneficijs, quæ ex liberalibus ipsius manibus acceperunt. Opum enim facultates, quas per licem in iudicio recuperarunt, ad ipsius offensas vertunt, cum in vanitates, & turpem libidinem effundunt, bonâ autem valetudine ad irritandum tam magnificum benefactorem abutuntur, noua excogitantes

peccata, quibus prouocent eum, cuius beneficio reddita est sanitas.

Hoc est, quod Cordubensis Philosophus Seneca lib. 3. de beneficijs c. 1. aiebat: *Audi Voces petentium. Nemo non daturam semper in animo suo memoriam dixit, nemo non deditum se, & deuotum professus est, & si quod aliud humiliter verbum, quo se oppignoraret, inuenit. Post exiguum tempus idem illa verba priora quasi sordida, & parum libera eussant. Perueniunt deinde eò, quò, ut ego existimo, pessimus quisq; atq; ingratisimè peruenit, ut obliuiscantur.* Quàm varijs & humiles gestus eius, qui commodatò pecuniam, siue aliud quidpiam petit! Quanta plaustra mutuatorum officiorum pollicetur, si à præsentī calamitate, quod rogar, eripiat, & in securitatem asseratur! Quàm exoleta vocabula comminiscitur, quæ monstra nominum non excogitat, quibus suam propitissimam gratificandi voluntatem more inaudito significet, ut quæ suspirat gratiā, exobsecret! Seruū, media linū, mancipium, captiuum profiteri, nimis tritum est, insolentia submissionis verba confingunt, quæ in nullo Calepino, aut nomenclatore inuenire queas. Verùm expecta mihi istos tam humiles, & perofficiosos, donec assequantur, ad quod aspirabant, & videbis quid agant, quomodo intumescant, supercilia attollant, ceruicem erigant. Iam aspernantur eos, quorum manibus è periculo, quorum numis ex ære alieno sunt erepti, quorum studio arduum feliciter confecerunt negotium. Tale ferè est ingenium hominum, ut plurimam submissionem simulent, donec præsentē beneficium, vel officium, statim quæ ac illud sunt consecuti, ex fluuio Lethe aquam obliuionis obbibant, nisi quod ex humillimis, & extremis mediastinis, quales se ipsi appellitare antè solebant, insensissimè, & mortales hostes nonnunquam fiant.

Fortean ego hoc primò affirmo? Ab ipso veritatis ore suam hæc sententia trahit originem, cuius hæc sunt Ecclesiastici c. 29. v. 5. *Donec accipiant, osculantur manus dantis, & in promissionibus humiliscant vocem suam, & in tempore redditionis postulabit tempus, & loquetur verba tadij, & murmurationum, & tempus causabitur.* Fit ut veniat quidam petens mutuo pecuniam, quæ ad vim repellendam, aut redimendam vexationem vnicè indigeat. Ut verò exambiat, quod ambit, appetit manum patroni, quem implorat, eamque blandè dissuauiat, & mancipium se pro beneficio sempiternum offert. Appetit soluendi hora, debitum humanus creditor exigit. Hic iam querimonias, & contumelias suboriri audias, &

verba

verba pro iustis debitis rependi, & culpitari primum temporis angustiam, deinde etiam illius, qui mutauit, nimiam festinantiam, & austeritatem. Nonne videtis, quam perspicue hanc doctrinam nobis tradat Spiritus Sanctus, cum ait, *Donec accipiant, osculantur manus dantis?* Quæ alij sic transtulerunt: *Est qui dum accipiat, osculatur manum suam.* Quid est suam ipsius manum osculari? Adorare eum, à cuius manibus accipit, quod petit, & hoc illi præstare, quod fieri erga ipsum Deum cœli fieri solet. Osculari sibi ipsi manus olim signum erat orationis, quæ ipsi Deo deferrebat. Omnibus exploratum est illud sancti Iobis, quod semper ad probandum hunc ritum, ceremoniamque adferri solet: *Si vidi solem, cum fulgeret, & lunam incedentem clarè, & latatum est in abscondito cor meum, & osculatus sum manum meam ore meo;* Iob 31. 26. 27. quod tale fuit, achi dixisset: Ego nunquam fui idololatra, non adoravi solem, & lunam, vir multi cæci, & decepti fecerunt. Hoc est, quod ait Spiritus S. fieri à multis, quando aliorum operâ, & gratiâ egent: *Est qui dum accipit, osculatur manum suam.* Quando homo quispiam opus habet alio, sæpe hoc facit cum illo, quod cum ipso Deo cœli, adgeniculatur coram illo, procumbit in terram, adorât illum, tanquam esset Deus, gemit, suspirat, illachrymat, donec quod petit, consequatur, & obtineat. At postquam desiderio illius factum est satis, postquam impetravit beneficium, & pecuniam, quam rogabat, cum modatò accepit, & iam reddendarum gratiarum, soluendi; debiti tempus aduenit, aspera dat responsa, stomachatur, succenset, iniurias etiam reponit ijs, quibus antea magnifica promissa fecit, & frequentem adorationis cultum exhibuit. Communis hominum mos id habet, ut dicant, Deum quandam esse, à quo auxilium opemque expectant, prout illum venerantur, & adorant, postea verò quam potiti sunt rerum, quas requirebant, & suspirabant, affirmant, demonem peiorem illo apud inferos non esse alium.

Istud genus hominum expressit Paulus Aresius lib. 3. delle imprese 24. tom 3. quodam symbolo cameli adgeniculati, iuxta quem erant nonnullæ sarcinæ vestium, & inscriptio, *Donec accipiat*, subaudi onera. Nota est huius animalis proprietas inter omnia quæ nouimus (nouimus autem multa) peculiariis, estque ea, quod cum illi iniiciendum onus, submitte se in terram, & postquam excepit sarcinas, erigit sese, & pergit. Tales sunt multi, neque aberrabo, si dicam plerique, qui accepturi beneficium, gratiam, dignitatem, utque obtineant, quod ambiunt,

camelos imitari in terram usque se deficiunt, tam non manus tantum, sed & pedes eorum, quos sperant patronos, ac terram etiam, quam illi calcant, osculantur, consecrati autem quod expectabant, erigunt sese, & efferuntur superbiâ, nec recordantur amplius eos, qui contulerunt beneficium, mutauerunt nummos, exemerunt à periculo, auxilio fuerunt in necessitate, & inter angustias subuenerunt. *Donec accipiant, osculantur manus dantis*, inquit Spiritus S. Gibbosi, ac deformes cameli sunt, quicunque tales, dum prestant quidpiam, humilitate magis humiles videntur, postquam obtinuerunt, quod volebant, omni inurbanitate inurbaniore, & quouis agresti rustico magis sunt agrestes, & rustici.

Ut Aresius tales comparat camelis, sic ego eos possum conferre cum auib. foemellis, idque ex doctrina, & obseruatione illustrissimi martyris, & Archiep. Antiocheni S. Eustachij in Hexam. ubi sic ait: *Aues famina, quousque conceperint, mare admittunt, postquam conceperint, auersantur.* Conseruandæ speciei, & propagandi generis sui desiderium à natura omnibus est institum animalibus, foemellisque videtur vehementior ingenta esse huius rei cupiditas. Verum aues eo tempore, quod naturæ parens deputauit conceptui, faciles se non solum suo consorti submitunt, ut is illarum promoueat, & iuuat intentum, verum etiam aduocant, incitant, & velut postpositâ suâ existimatione, indagant, & procantur: At ubi concepisse sentiunt, & masculorum auxilio non amplius indigere agnoscunt, non eos deuicant tantum, & fugitant, sed etiam dedignantur, & horrent, rostroque, & vnguibus, vim, quamcunque mares inferre volunt, repellunt: *Quousque conceperint, mare admittunt, postquam conceperint, auersantur.* Sic pars hominum mundanorum maxima facit. Quo tempore premuntur necessitate, & aliorum opere opus habent, & versantur in angustijs, humiliant se, & submitunt, inuisunt eos, & comitantur, quos sperant auxiliares, officiosis etiam oblationibus, & grandibus promissis demerentur, ac deuinciunt: Verum compotes facti votorum, post depulsum periculum, post confectum ex voluntate negotium, post curatam, & sublatam necessitatem, *postquam conceperint, auersantur*, & non modò non visitant, aduunt, consulantur benefactorem, verum etiam quauis occasione illi obtestant, & maledicunt, & beneficia eius extenuant, & ne gratos ostendant, mille modos inueniunt, quibus obscurant, & offuscant.

Tanquam rem singularem de se narrat Propheta regius, se non esse in numero eorum, quorum vix

est numerus, inquiens: *Exurrexi, & adhuc sum tecum*; Psal. 138. 18.

Quidnam hoc peculiari operis, quid facinoris eximij, quod ad æternam memoriam nobis sanctus Propheta scriptum reliquit?

Audite sanctum Ioannem Chrysostomum illud in eius Psalmi commentario exponentem: *Exurrexi, & adhuc sum tecum. Non est paruum signum virtutis, in rebus secundis virtutem perpetuo conservare. Multi, inquit, cum res eis euomissent, tui oblitus sunt. At non ego, inquit, sed cum etiam exurrexi, hoc est, cum sum liberatus à malo, semper ero tecum. Erexi me ex arummarum, persecutionum, calamitatum miserrato, & nihilominus constanter apud te perseuero, te adoro, teque in memoria, & reuerentia habeo, etiam postquam me in excelsum maiestatis solium elatum video. Hoccine verò illud factum tam singulare, rarum, eximium, nunquam visum? Immo verò, ait Chrysostomus, quia consuetudo hominum vetus semper habuit, & mos hodiernus etiamnum habet, (quod videmus, & experimur quoties) ut cum se contrungi necessitate cernunt, multa promissa faciant, sese humilient, demittant, subiiciant, at postquam impetrarunt postulata, effugerunt periculum, nec hominum amplius, neque Dei recordentur, qui afflictis opitulari dignatus fuit. Verum ego non sum eo ingenio, quo plerique, inquit bonus David, nam ut nuper, cum me Saul insectabatur, & exagitabat, eram humilis, sic & nunc sum mei similis, cum me homines adorant: *Exurrexi, & adhuc sum tecum. Multi, cum res eis euomissent, tui oblitus sunt, at non ego, sed etiam cum exurrexi, cum sum liberatus à malis, semper ero tecum.* Qui humilis, ac gratus post obtentum gratiam, quam suspirabat, beneficium permanet, nam ille plusquam Phoenix haberi potest, egreditur nimirum usus communis limites, contraque ac homines ferè solent, facit, de quibus Seneca Epist. 61. ait: *Nihil carius estimamus, quam beneficium, quamdiu petimus, nihil estimamus, cum accepimus. Cum quis agrà, eaque periculosà laborat valetudine, quot preces, quot vota, quot proposita pia in suo strato concipit! Cum quis in discrimine naufragij, latronum, cæterarumque raliū aduersitatum dubius vitæ versatur, quid non promittit! Quid non dicit, ut Dominum ad ferendam opem aduocet, perque illum liber euadat! Postquam conualuit, flumen transiit, in portum apulit, vità saluà manus prædonum effugit, quam rusticus est, quam ingratus suo benefactori, à cuius munificà manu gratiam accepit. Modo gratio, quam-**

*diu sita, cum sita transferit, transiit oratio. Ut post mitigatam sitim nulla est recordatio fontis, vel fluij, ut nulla est memoria penulæ, cum sudum est cælum, & præterijt pluuia, cuius gratià viarores laternà vi solent: Sic multi sunt, qui cum nostro Patriarcha venerantur, adorant, seque deiciunt, & submitunt; at non imitantur eū per omnia, neque perdurant in humilitate post consecutionem beneficij, quod optarant, ut ille perseuerauit. Sanctus Iacob enim postquam in gratiam cum fratre redierat, postquam veniam, quam rogabat, impetrarat, postquam transiit liberum, & securum inuenerat, quod vehementer desiderabat, postquam se incolumem, vxores autem suas, & sobolem, & familiam, & greges, & omnia salua viderat, adhuc fratri suo Dominus dicebat, dominum quem suum illum appellabat, inquiens: *Hoc enarrantium indigeo, et inueniam gratiam in conspectu tuo, Domine mi*; Genes. 33. 15. velut dixisset: Non velim quenquam tuorum hinc delassari, quod me per viam reliquam comitatur, illud vnum mihi ad omnem felicitatem satis fuerit, si me in terris tuis, sed charis, & gratiosis, beneuolens Dominus numeraueris.*

Hoc debet Politicus noster imitari, & facere, ut ne in vulgo infimæ plebis, inter agrestes, & incultis moribus homines recenseatur, ne vnus ex eis existimetur, qui cum quid ambiunt, se humiliant, ac demittunt, cum exambierunt, ut sunt rustico, inhumano, barbaro ingenio, sic vile tergum illi obuertunt, qui necessitatib' illorū tulit remediū, & periclitates sospitauit, & in agultijs positos in locū aplū asseruit, & erumne pondera, quib' pregrauabantur, ademit.

Pulchrè in hanc eandem rem scripsit Tomo II. Dominicæ XIII. post Pentecosten, Perrochà III. pag. 198. c. 2. o. Vide.

C A P V T III.

Nullum tam efficax incantamentum ad placandum stomachosissimos, ad occupandum animos eorum, qui maxime barbaro, iracundo, fero sunt ingenio, quam verba amica, & suavis sermo.

Quantum, Deus immortalis, possunt, quantum valent dulcia verba, & blandi, melleique sermones ad expugnandos, ac subigendos hominum etiam efferratissimorum animos! Luculentum nobis huius rei experimentum præsens occasio præbuit. Quis magis ferus, & indomitus, quam Esau? Quis magis barbaris, & agrestibus moribus? Ille nihilominus heri tam inhumanus, durus, austerus, tetri-

cus,

cus, barbarus, hodie tam est vrbanus, comis, facilis, vt videatur pro viuo ipsiusmet vrbauitatis, & humanitatis exemplari esse. At videamus, quomodo ille tam durus animus emollitus, quomodo illud gelidum pectus solutum fuit. Vrbauitati, comitati, submissiōi, & blandiloquentiæ verborum ferreum illud, & adamantinum pectus cessit, talibus rebus Sanctus Iacob castellum fratris sui expugnauit, & validissimam feritatis illius arcem occupauit. Ad hunc modum subiguntur corda humana. Nullus magnes sic attrahit ferrum, vt verborum suauitas, & beneuolentia sermonis animos hominum. Hæc doctrina, vt Hugo Cardinalis, doctissimus Pererius, & Cornelius aiunt, in præsentī historia nobis traditur, nimirum *demissione animi per verba, externosq; motus corporis declarata, affabilitate item, & comitate, atque dulcedine quadam sermonis* demulceri, mitigari, occupari animos etiam maximè alienos. Tanta enim est vis suauium verborum, vt nemo sit, qui ei obstitere possit videatur.

Miseratus Sponsus, ille de Canticis, iniurias, quas Sponsæ inferebant sorores illius inuidæ, aiebat: *Sicut lilium inter spinas, sic amica mea inter filias*; Cant. 2. 2. ac si dixisset: Quam periculose in medio aculeatarum, & agrestium spinarum tene- rum, & candidum lilium versatur, tam ægrè est Sponsæ meæ inter suas comites, quas habet verborum, operumq; suorum omnium vt oculatas exploratrices, & obseruatrices, ita periniquas, immites, inuidas iudices. Mulieres ergo nobiliores Ierosolymitanæ nihil aliud erant Sponsæ, quam sentes, spinæ, tribuli, qui vitam illius punctim appetebant, moreque, & actiones eiusdem quasi infectis vulneribus fœdare, vitare, obscurare, & de sua existimatione deijcere volebant. At videamus utrū Sponsa mulieres illas, spinas, sentes, hoc est, suis nominibus vocet. *Nigra sum, sed formosa, filia Ierusalem*, aiebat ad illas Cant. 1. 4. Hic videtur esse manifesta pugna contrariarum appellationum. Sponsus nempe illas nominat pungentes incultæ syluæ spinas, & Sponsa filias Ierusalem, domicellas aulicas, ad omnem vrbauitatem, comitatemq; educatas vocat. Quid conuenit rosis hortorum cum spinis sylvarum? Quid agrestibus plantis cum floribus domesticis?

Sanctus Bernardus ab hac nos absoluet dubitatione, qui ait, non nescisse Sponsam, quanta esset istarum mulierum maleuolentia, quanta linguarum petulantia, quarum dentes experta fuerat, & senserat aculeos, vocasse nihilominus filias Ierusalem,

tantæque erga eas comitate, & verborum suauitate vsum, vt earum asperitatem leniret, emolliret peccatoris duritiem, cum sciret, indomitissima ingenia cicurari blandiloquentiâ, & suauitate sermonis. Mellisui Doctoris gemmea verba ex Serm. 25. in Cant. sic habent: *Hæc igitur ratio, cur Sponsa filias Ierusalem dicat eas ipsas, quas maleuolas sustinet, atque maledicas, scilicet vt blando sermone delinias murmurantes, commotionem sedet, sanet luorem. Scriptum est enim, lingua pacifica compefces lites.*

Huc spectat illud Theophrasti lib. 2. de causis plant. c. 19. *Agricolatio arbores, fructusq; mitigans mutare nimirum potest.* Quantumuis agrestis sit planta, quantumuis montana arbor, si colatur, si rigetur, si stercoretur, si fodiat, si suauiter habeatur, & blandè curetur, foueaturque, quidquid montanum, & agreste habebat, relinquit, neque corticem modò alium, verum etiam aliam conditionem induit, fructusque edit tam suaves, & gratos, quam vllæ aliæ domesticæ, & vrbane producant. Totum hoc potest, & efficit industrij, & studiosi hortulani mollis, & blanda manus. Sic Sponsa cum sciret, quantum valerent mitia verba, & quam efficaces essent ad mutandum animos vrbani sermones, solacias suas, quanquam spinas, & tribulos esse nosset, suauiter appellat, dulci responso demulcet, humanè, leniter, affabiliterque suscipit, vt eas mitiget, & ex spinis syluestribus in rosas domesticas vertat, inq; lilia horti mutet. Tantum valet suauitas verborum, & difficile dictu est quantoperè conciliet animos hominum, comitas, affabilitasq; sermonis, inquit Cicero in lib. de Offic.

Vt affabilitatis amorem, & morum facilitatem, & vrbane consuetudinis vsum nobis Salomon persuaderet, quo auersissimas, & aduersissimas voluntates expugnare, & demereri possemus, aiebat: *Lingua mollis confringit duritiem*; Prou. 25. 15. Sanctus Ioannes Chrysostomus hæc ita transtulit: *Sermo mollis confringit ossa.* Exponit autem in homil. de Dauid, & Saule ad hunc modum: *Quid osse durum? Et tamen si quis æquè durus sit, & rigidus, atq; præfractus, nihilominus facile ceciderit, qui illum manus erè trahet.* Ossis ea est durities, vt ossis nomine donemus hominem, quem præfractum significare volumus. Iam quid tam molle, blandum, tenerum, quam lingua? Nihilominus illud tam durum os mollire in leues cineres blandiloquentula lingua potest.

Probat, hoc ex eo, quod humili Dauidi curru superbo Saule accidit, Quis lupus tam immaniter persecu-

persecutus est innocentem agnum, quàm ille ferus rex, sanctum iustum iuuenem? Occurrerunt sibi quondam mutuo, quando Dauid pedibus Saulis se affundens, hæc magna cum submissione, & multis lachrymis dixit: *Quem persequeris rex Israël? quem persequeris? canem mortuum persequeris, & pulicem* Num; 1. Reg. 24. 15. Itane canis exanimialis in sterquilinum eieci putidum sanguinem rex tantus, sitis? Quale illud, aut quàm memoria dignum facinus, quod rex potentissimus imbecilem subditum insectaris? Quomodo fieri potest, ut paucillula mei sanguinis portio sit, iusta portio illi, qui pro debito patris, & Principis officio debet suum sanguinem huc verte- re, ut minimum quemque eorum, quos subiectos habet, tueatur, & seruet incolumem? Quidnam hæc verba effecerunt in fero pectore vindictæ cupidi persecutoris? Id, quod in ignito filice virga taumaturga Moysis. *Nam eleuauit Saul vocem suam, & fleuit*; ibid. 17.

Sanctus Chrysostomus homil. 3. de Dauid. & Saule in hæc sic ferè ait: Nonne vides quanta sit lenium verborum efficacia? *Ex homicida fecit patrem, & lupo ouem, Fornacem iracundia multo impleuit rore, tempestatem vertit in tranquillitatem, atq; tumorem omnem exsurgentis animi iræ perstrinxit.* Hæc sunt affabilitatis, & comium verborum facinora. In omnibus Ouidij transformationibus nullam inuenies metamorphosin huic similem. Apud illum inuenies hominum alios in duros truncos, alios in confragos scopulos, alios in syluestre senticetum, alios in voraces lupos, alios in feros apros transmutatos: At in libro linguæ vrbane, & blandæ quotidie legimus, luporum sanguinolentissimos verfos in agnos, & ex truculentissimis apris humiles oues, ex inacces- sibilibus peruios campos, ex crassissimis truncis fragrantem rosas factas. Hæc, & similia opera, tales- que metamorphoses efficere sermonis suauitas, verborum affabilitas, linguæ comitas potest.

Huic doctrinæ inhærentes consiliarij Roboam maiores natu, & senes consulebant illi, ut populo obsecranti minui nonnihil tributorum pondera, quibus illos avara defuncti patris eius senectus supra virium facultates prægrauarat, blandis, & paternis verbis suauiter responderet, inquires: *Si hodie obediens populo huic, & seruieris, & peritioni eorum cesseris, locutus es fueris ad eos verba lenia, erunt tibi serui cunctis diebus*; 3. Regum 12. v. 7.

Abulensis ait, hos consiliarios voluisse dicere regi, quod facili placaturus esset subditorum animos, eoque benè contentos, hilares, lætantesque à se di-

missuros, dum verba modò blanda daret, affabiliter- que eos appellaret, tametsi propositum haberet, factis dicta non persequi, & facere nollet, quod tumultuarij populi supplex libellus calamo linguæ omnium in aëre conscriptus expetebat: *Quamquàm non essent verba vera, dum tamen essent lenia, sufficiebat ad placandum tunc animum populi concitatum, quia responsio mollis frangit iram, sermo durus susci- rat furorem*; inquit ille. Tanta est in verbis comi- bus vis ad deuinciendum homines, ut malint sibi blandè aliquid negari, quàm concedi asperè, grati- usque habeant suauem non, quàm amarum iram. At si precum repulsa, quæ ex se alioquin odiosa est, & in- grata, dulcescit, suauibus verbis condita, & si mu- nus, aut beneficium, quod aliàs optatum, & expeti- tum, minus est acceptum, quando cum supercilio, & stomacho, & duris verbis conceditur, quid erit, quando simul dantur, & verba bona, & quæ nostris verbis rogauimus?

Congruit his, quod Demetrius Constantinopo- litanus vult ab aucupibus ergà falconem recens acceptum obseruari, ut ille suum exercendæ rapi- næ officium ruri strenuè obeat. *Cum igitur intrā diem unum, aut alterum receperis accipitrem, pe- ctori tuo adnotum verborum blanditijs demulcero, & sanguiem ad generosam auem, in pugnaq; primas obti- nente, cum illa verba facito, tum illa, quod mali cuius- dam demonis insidijs non sit adepta victoriam, laudem enim, & superationem intelligit.* Hæc Demetrius de cura Accipitrum cap. 7. In disciplinam susceptus falco, primulis diebus tractari debet, ut à blanda nu- trice tenellus infans solet, hoc est, ad pectus admo- ueri, & leni manu suppalpari, tum compositis ad om- nem beneuolentiæ gratiam verbis deprædicari, tanquàm qui princeps aeris sit futurus, & inimicas aues non casu, & fortunâ, sed volatus sui pernitate, & animi magnitudine, & artis industriâ, & audaciâ singulari capturus, & abrepturus. Habet enim, ne- scio quid illud, ista bellicosa, & nobilis auis, ut com- mendationis, contemtionisque sensum habere vi- deatur.

Quod si impos rationis auis amat blandè, comi- terque haberi, & demulceri, & laudari, & tractari li- beraliter, simul ut erudienda suscipitur, ut exciteretur elogijs, velut consternatur vituperijs, quid mirum, quod homo similiter, ac falco affabilitate sermonis gaudeat, & humanitate, facilitate, comitate consue- tudinis eorum, quibuscum versatur, oblectetur?

Itaque Politicum nostrum talem velim, qui ini- micissimum quemque cordis sui hospitio excipiat,

Et pectore suo admotum Verborum blanditijs demulceat. Suauitate namque verborum, & affabilitate sermonis hoc efficit, quod Iacob apud Esau, quod apud Saulem Dauid, scilicet ex lupo ouem, ex feniceto rosetum; ex rigido scopulo mollem ceram. Tantum valent, talesque transformationes operantur amica, dulcia, & plena beneuolentiae verba. Et non est exiguus quaestus; neque parum lucrosa negotiatio; paruis, & vilibus sumptibus ingentia commoda parare; & solo verborum impendio fœnus bonorum operum acquirere. Et quoniam Politicum nostrum ad quaestuosas eiusmodi nundinationes instituiamus, mortaliter ille sibi inimicus videbitur, si tanti compendij causâ non velit tantillum impendium facere.

Vide Periocham III. Dominica III. post Pentecosten Tomo. 2. pag. 109. c. 1. o. Et calcem illius.

CAPVT IV.

Nobis res quæque bona est, interea dum vsibus nostris commodâ.

Grande prodigium, & inaudita res accidit. Formidolosus ad meticulosum accurrit, & timidum horribilis dulci complexu cum lachrymis amantissimè stringit. Esau Iacobtem passis vlnis interrimè, & beneuolentissimè excipit. Hinc arbitrari possumus diuinæ manûs potestatem, & quàm felices successus sperare possit, qui Dei ope fruetur, quidquid per se potest, simul facit. Quis tale aliquid cogitasset? Quis credidisset fore, quod in talibus oculis lachrymas Iacob videret, amoreque in pectore atrocis Esau cerneret, cuius vim, & rabiem ut euadere posset, tam ardentibus precibus Dei sospitatoris auxilium implorabat? Quàm furiosum illum imaginabatur! quàm ferox, & truculentus animo illius occurrebat! Nunc autem cum illum vidit mansuetum, cicurem, lachrymabundum, vrbantem, comem, dicit, quædam pulchritudinis diuinæ lineamenta in facie eius conspexisse, inquit: *Sic vidi faciem tuam, quasi viderem Vultum Dei;* Genes. 33. v. 10. Quàm hoc vltatum mundo! Cum quis nobis est commodus, quàm elegans nobis videtur! quàm pulchrâ est facie! nullus æquè oculis nostris angelus placet. At cum non est ex vsu rerum nostrarum, quàm deformis, & horribilis nobis videtur! Stulta putamus etiam quæ sapientissimè ab illo dicta; nec quidquid tam consulere, & prudenter agit, quod non malefactum interpretemur. Sic plerumque res malas, aut bonas æstimamus ab eo, quod studijs, & intentis nostris vel congruunt, vel offiunt, nostroque gustui

vel acceptæ sunt, vel ingrata. Sic Esau nunc, quando condonabat, angelus videbatur, qui antè cum timebatur, ferox leo æstimatus fuerit.

Ablegauit Eliseus quendam ex filijs Prophetarum cum lentacula olei, iussitque ire in Ramoth Galaad clandestinè, quàm fieri posset, inquirereque Iehu ducem militiæ. Iuit, inuenit, ad quem mittebatur, Iehu, adductumque ab alijs vnxit regem, & postquàm ex Deo, & Eliseo dixisset, quæ pro officij iam iam impositi debito facere deberet, quàm secreto aduenit, tam cautè, silenterque redijt, & factorum suorum rationem Eliseo retulit. Propius aderant ibi quidam exercitus principes alij, qui Iehu ab vnctione ad se reuerso aiebant: *Restenè sunt omnia? quid venis insanus iste ad te?* 4. Reg. 9. 11. Nouanè aliqua attulit, aut mali cuiusquam impendentis nuntius venit? Quid verò loquax ille garrulus voluit? Respondit Iehu: *Nôstis hominem, & quid locutus sit,* non nescitis; ibid. Tunc illi ex more militari: *Falsum est, sed magis narra nobis;* ibid. v. 12. ac si dixissent: Rifu dignæ fabulæ sunt, & vana nugamenta, quidquid ille apud te effutiuit, dic tamen quidquid hoc est, quod tibi significauit. Respondit denudò Iehu: Verba illius ad me talia fuerunt: *Hæc dicit Dominus, Vnxit te regem super Israël.* Quid tùm illi? *Festinauerunt itaque, & unusquisque tollens pallium suum posuerunt sub pedibus eius in modum tribunalis;* & cecinerunt tubâ, atque dixerunt, *Regnabit Iehu;* ibid. v. 13. Quid est, quod nunc tantum detulerunt verbis eius, qui vnixerat Iehu, ut tantumquàm diuini Prophetæ oraculum acceptârunt, quidquid ille de regia dignitate Iehu à Deo concessâ nuntiauerat, & tam indubitato veros esse omnes illius hæc de re sermones crediderint, ut & ipsi Iehu regem extemplo proclamârunt, & adorârunt, cum paulò antè impostorem, nugiuendum, locutuleium, præstigiato rem reputarent eum, quem non veri varis loco habebant? Res est, quod cum antè nescirent ad quid venisset, arbitrati quod inexpectata noua tulisset, aut inauspicatum quidpiam vaticinatus fuisset, & quæ aduersa illis essent futura, præsa-gissset, insanum, mentè captum, loquaculum appellabant. At postquàm dixit, quod illi diu vehementer desiderabant, nimirum quod nouum regem essent habituri (quàm rem vulgus hominum, ut est cupidissimum rerum nouarum, sic amat, ut nulli ei satis esse possint noui reges) statim crediderunt vero veriora esse, quæcunque Elisei legatus affirmasset, statim illum sanctum, iustum, verum Prophetam existimârunt. Sic nobis ferè quilibet eâ re bonus, aut malus,

malus, sanctus, aut peccator, venustus, aut deformis est, quā nobis vilis, aut incommodus, salutaris, aut noxius.

Corrixabantur duo captiui Hebraei, & ne incrementa sumeret malum, atque inualeceret ignis, accurrit Moyses, videntē; vnius causā iniquā, qui proximo suo per summam iniuriam manus inferret violentas, his eum verbis obiurgauit: *Quare percussis proximum tuum?* Exodi 2. 13. Audijs hęc, qui faciebat iniuriam, cumq; irā flagraret adhuc animus, monitorem suum his tam acerbis verbis perstrinxit: *Quis te constituit principem, & iudicem super nos? Num occidere me tu sis, sicut heri occidisti Aegyptium?* ibid. v. 14. Num hodiernum diem hesterni similem fore putas, vt velut heri Aegyptium impunē mactasti, sic me hodie turd obtuncare posse existimes, & pœnas homicidij nemo à te requirat. Faxo vt secus eueniat, conscium enim sceleris tui faciam illum, qui vindicare possit, & ex officio debeat, quando tu alienam tibi auctoritatem arroganter vsurpas, vt in nos acerbis verbis animaduertas, qui nullo iure id potes.

Quæri hic potest, quam obrem vnus solus tam inique acceperit Moysis increpationem, prorsumq; noluerit illum tolerare monitorem, & iudicem, quin & prætēritæ cædis exprobratione, & certæ renuntiationis comminatione perstrinxerit, cum duo essent, qui altercati fuerunt, horumq; alter ad illam obiurgationem tacuerit, ac ne mu quidem dixerit, eoque silentio suo illam velut approbārit.

Respondet Abulensis: *Ille, qui iniuriam patiebatur, videns pro se bene sentientari, non reclamauit, alius autem, qui iniuriam inferebat, sentiens mala voluntatis suæ intercludi propositum, superbiens eum & iudicem recusauit. Quemnam verbis asperioribus Moyses castigabat? Eum, qui faciebat iniuriam, iniustum proximi Hebraei oppressorem, improbum aggressorem acerbius appellabat. Quid mirum ergo, quod hic reclamārit, quoddāq; alteri omnia recte facta videbantur, cui patrocinebatur? Non ipsidem oculis illum vterq; spectabat. Alteri immanis leo visus fuerit Moyses, alteri quidam angelus de cœlo, alteri sauius tyrannus, alteri principatu, & summo imperio dignissimus: Ille, qui iniuriam patiebatur, videns pro se bene sentientari, non reclamauit. Quisq; enim pro rerum suarum conditione probat, vel improbat, quæ sunt, de quæ ijs non ex æquo, & bono, sed ex suo vsu pronuntiat. Ex nostri palati gustu censemus cibos, angelumq; dicimus, qui pro nobis loquitur, dæmonem vocamus, qui aduersam nobis profert sententiam.*

Graues aduersus Aeneam dabat quæstimonias Dido, quodd se contemni ab illo, minusq; vrbane, & humane haberi cerneret, cui non palatij tantum, & regni, verum etiam cordis sui, & animæ, omniumq; virium eius potestatem fecisset, furoreque inflammata dicebat.

Nec tibi dina parens generis, nec Dardanus autq; Perside, sed duris genuit te cauitibus horrens Caucasus, Hircanæq; admorunt Sbere tigres.

Virgil. Aeneid. 4.

Quod hic ait, tale est: Qui te Venere matre natum, Aenea, dicit, turpiter hallucinatur, turpius mentitur, quisquis te Dardani nobili, & regio sanguine ortum affirmat, nam duri scopuli te abortierunt, Hircanæ autem tigres lactarunt, quod cum alia multa testentur, rustica tua erga me inurbanitas, & difficilis indolis asperitas, & tetrica erga me morositas etiam magnis vocibus clamant.

Donatus in lib. 4. Aeneidos ait: *Ecce animorum quanta mutatio! Cum amaret, dixit:*

Credo equidem (neque vana fides) genus esse deorum;

hic quia magnā si agitabatur, prior sententiā suā dissolutā, nec esse filium Veneris, & a caelestium sanguine ait esse discretum. Quamdiu in amoribus Aeneæ Dido erat, filium Veneris, & summorum deorum nepotem illum faciebat: Postquam verò deamare, & odisse cepit, iam non ex dijs parentibus, sed ex cauitice natum volebat. Nemo Didoni magis venustus, comis, robustus, festiuus, scitus, lepidus Aeneā videbatur, quamdiu erat amatus: At cum se ab eo haberi contemptui vidit, quouis barbaro magis barbarus erat, nec vlla dura amplius cautes, quæ cum illo comparata, vt verbo dicam, tigris illi videbatur, quæ præter rationalem animam nihil haberet humanitatis. Ecce animorum quanta mutatio! Quantum inter Didonem amantem, & exhorrentem, tantum inter Aeneam filium Veneris, & alumnū tigridis intererat. Sic nemo magis angelus est, vel dæmon, nemo magis prudens, aut stultus, nemo magis pulcher, aut turpis, quam sit nostris visibus commodus, aut aduersus.

Laborabat Pilatus, vt Christum de sanguinarijs Iudæorum manibus liberaret. Cumq; nōset, inuidiam esse, quæ cassam tam iniustam vrgeret, multis ludibrijs, & probis dehonestatum Dominum in conspectum tumultuarij vulgi produxit, inquires: *Ecce rex Gesler;* Ioan. 19. 14. Regem ergo vestrum vultis, vt ignominioso stipiti tanquā facinorosum hominem affigam? *Hic infremere populus, & ma-*

CAPVT V.

Rerum arduarum & operosarum facile difficilima est condonatio iniuriarum, & obliuio contumeliarum.

PLurimi Interpretum volunt, quod Iacob ad Esau aiebat, vidisse faciem eius quasi vultum Dei, id dixisse, ut quanta fuerit animi magnitudo fratris sui, quanta & generositas pectoris illius ea occasione declaratum, testatumque daret. Illud ergo Iacobitis: *Vidi faciem tuam, quasi viderim vultum Dei*; tale fuit, ac si dixisset: Quod in amplexus meos, mi frater, cucurristi, quod collum meum tam amanter inuasi, quod me ambabas, ut aiunt, vlnis tam suaviter strinxisti, quod præreptæ benedictionis iniuriam oblitus, tam liberaliter omnem noxam mihi condonasti, id tam heroicum opus, tam illustre facinus est, ut mihi de facie Deum magis ignoscentem sceleribus, quam hominem remittentem iniurias referre visus fueris. Nec miror, quod Iacob talia dixerit, dum cogito, quantam vim sibi inferre homo debeat, ut validissimam illam, & vehementissimam vindictæ cupiditatem, quæ suas in penitissimo corde nostro radices, easque profundas habet, coercemus, & constringamus. Ità sentit Sanctus Ioannes Chrysostomus, qui To. 3. in homil. de decem millib. talente sic habet: *In ira nervosiore industria opus est, & violentus enim affectus est, & tyrannicus, & subinde abripit non satis vigilantes, & ad barathrum ipsam perditionis affert.* Videte ergo an sit vile opus, an non potius præclarissimum facinus, vincere seipsum, condonando iniurias, & de seipso tam gloriosum triumphum reportare, remittendo illata incommoda.

Necessarium est discutere hic aliquid, quod de Propheta regio sacer Textus memorat. Cepit ille Syriam in valle Salinarum, cæcis decem & octo millibus, eoque triumpho fecit sibi nomen, ut dicitur 2. Reg. 8. 13. Hoc enim validæ dexteræ eius præstantissimum opus, hæc victoriarum illustrissima fuit.

Habent hæc nonnihil difficultatis. Nam si animo ad quædam alia illius egregia facinora recurramus, inueniemus in eodem capite & ampliores cædes fecisse, & strages hostibus grauiores intulisse. Adarezer enim regem Soba percussit, cepitque ex parte eius mille septingentos equites, & viginti millia peditum, & subueruauit omnes iugales currum. Aliibi quoque percussit de Syria viginti duo millia virorum, sic ut ex his omnibus viuus nemo euaderet. Quod cum irà sit, quid est, quod hic non vel æquè

H h h h

dicitur

gnis vocibus succlamare cœpit: *Tolle, tolle, crucifige eum*; ibid. v. 15. & in patibulum abripe, ut è probroso stipite pendulus animam exhalet. Quibus Pilatus: *Regem vestrum crucifigam?* Quis regem à subditis in crucem deposci vnquam audiuit? Tunc illi magis efferrari, & maiore contentione vociferari cœperunt: *Non habemus regem, nisi Cæsarem*; neque alium vel patrem volumus, vel dominum agnoscimus.

Cardinalis Caietanus ait: *Quem tyrannum, & hostem reputabant, præstentur solum regem, & Iesu crucifixionem obtineant.* Acerbam, & morte nihilo mitiorem vitam sub misera Cæsaris seruitute ducebant, crudelissimumque eius dominatum intolerantissime ferebant, & tanquam suum inimicum illum habebant, & timebant. Attamen ut Christo crucis supplicium adornarent, aiebant, neque agnoscere, neque velle alium regem, ac Dominum, quam Cæsarem. Pater illis, non tyrannus, rex, non hostis videbatur Cæsar, spectabant enim illum ut causam, & occasionem Christi in crucem agendi, quem mortaliter horrebant. Nunc illis pater videbatur, nunc pro rege, & domino habebatur, quem damnatis consilij suis promouendis aptum, opportunumque cernebant. Ità crudelissimus tyrannus, dum ad rem nostram modò faciat, nobis dulcissimus, & amantissimus pater videtur. Nam & illi, quem tyrannum, & hostem reputabant, præstentur solum regem, & Iesu crucifixionem obtineant. Incomparabile, & optimum, & præstantissimum nobis est, quidquid nostris studijs accommodum. Donec Prælatos obseruit voluntati, & voluptati subditorum, loquitur blandè, & facit quodcunq; illi volunt, nec terra hominem eius similem, nec parem angelum cœli habent: Verum si reprehendat, si malefacta castiget, si duriusculè agat, si frontem in rugam morosulus contrahat, mox dzemon videtur, & persecutor censetur, tamen si aliquin vir sit religiosus, & obseruantia regularis persudiosus, tyrannus etiam audire debet, quanquam pater sit. Cum quis pro nobis loquitur, prudentissimum illum dicimus, si contra nos pronuntiet, stultissimum criminamur. Ille nostro arbitrio est doctissimus autor, qui cum nostro ingenio, & sententia quam maximè congruit, qui in eadem nobiscum versatur opinione, quidquid ille dicit, non incerta, aut dubia opinio, sed inuicta, & inexpugnabilis asserio est. Denique nihil ferè hominibus bonum, malumue videtur, nisi quod illorum gustui, & ælimationi vel consentaneum, vel repugnans, & contrarium.

Tom. III.

dicitur sibi fecisse nomen grande, ac in valle Salinarum, vbi non tam multos, quam ibi, obrunxit? Nam si ex numero deuictorum aestimatur magnitudo victoriæ, ampliorem gloriam sibi videtur Dauid parasse ex superioribus victorijs, vbi hostium copias maiores fudit, quam ex posteriore pugna, vbi oppidò pauciores cecidit. Cur ergò hoc ultimo conflictu famam sibi conlasse celebriorem, & nomen grande fecisse narratur.

Prætermitto hinc aliorum sententias. Rabbi Salomonis opinio vero affiniore videtur, proposito nostro certè commodior est, de qua apud Tostatum in c. 8. lib. 2. Reg. sic habes: *Dixit Rabbi Salomon, quòd Dauid occidit octodecim millia de Iduum, & fecit illos sepeliri, & ex hoc acquisiuit famam magnam, & hoc propter opus misericordie, quòd exercebat, scilicet quia sepeliebat hostem.* Non scitur Propheta regius fecisse alijs, quod his octodecim millibus hostibus fecit, quos trucidauit, ac deinde sepulturæ illatos magnificis exequijs, & supremis officijs honorificentissimè ornavit. *Ex hoc acquisiuit famam magnam, & nomen sibi immortale parauit.* Gloriosorem enim hinc victoriam retulit, eò quòd tantam deuictis hostibus charitatem exhibuit, quantam intimis amicis deferre potuit, dum pari honore tradi sepulturæ eorum corpora curauit. Tantà namque pietate prosequi hostes, id victorijs eius splendorem, id triumphis magnificentiam adiecit singularem, propterea quòd perdifficile sit condonare iniurias, remittere offensas, ob naturæ nostræ appetitum ab hac re valde alienum.

Hinc illa tam grandis admiratio regis Saulis, quòd inuictus noster Dauid præferti ab extrema chlamyde frustilli ostensione luculentè illi probatum dedit, non maiore negotio potuisse flamen vitæ eius abscindere, quàm vestis oram amputarat. Venit ergò ad Saulem fugitiuus, & extorris, vagabundusque ob hostilem persecutionem humilis, & luctuosus Dauid, acciduusque ad pedes regis, dixit, immerito se ab illo vexari, & ad mortem perquiri, vbi qui fidu subditum, integerrimumque seruum, quoties occasio tulisset, se exhibuerit. Audiuit illum rex cum prædigiola attentione, & admiratus tam stupendum casum, ait: *Nunquid vox hac tua est, fili mi Dauid?* 1. Reg. 24. 17. Didauitne tuus tibi intellectus verba, quæ loqueris? Moderaturnè cor tuum linguam, quæ hæc protulit?

Abulensis q. 24. in dictum lib. & c. ait: *Dixit hoc admirans, viderat enim orati chlamydis sue in manu Dauid, ex quo cognoscebat, quòd ipse fuit in manu*

Dauid, in quo stupebat de tam gravi periculo, & de clementia Dauid, quomodo non occidit eum, idè admirans dixit, nunquid hac est vox tua? quasi dicat, miror, cum hæc sit vox tua, quòd mihi vitam reliqueris. Considerabat Saul, quàm facile sanctus gener illi vitam eripere potuisset, à veste namque ad cutem, & mortem proximus erat transitus. Ex alia parte reputabat secum benignitatem Dauidis, stupensque tam inauditam generositatem ait: Miror vehementer, quòd cum tu sis, qui loqueris, me viuum reliqueris. Non possum mihi persuadere Dauidem esse, qui mihi loquitur: Nam cum tu homo sis, & proximè ad manum habeas occasionem sumendæ vindictæ de illo, qui te persequitur, incredibile videtur non sumpsisse vltionem, & quanguàm vox sit Dauidis, magis tamen Dei, quàm hominis videntur manus, quæ abstinerunt à cæde illius, quem obruncare, aut confodere tam leuiter potuerunt. Et quanguàm & videam, quòd video, & audiam, quòd audio, dubito tamen vtrum sit Dauid, qui mihi loquitur, ab hominis enim manu quæuis actio, & victoria expectari potest, ac parcere inimico, quando incommodare, & referre vices, & inferre vindictam possis, videtur tale esse, quòd fieri nequeat.

Huc non ineptè cadet rei cuiusdam admirabilis narratio, quæ est apud Sanctum Dorotheum doct. 7. & sic ferè habet. Asceta quidam erat illius ætatis in eodem monasterio, in quo ille tunc degebat, plurimum addictus studio orationis, & aliorum spiritualium exercitiorum. Hunc audiuit quodam die grauib. verborum iniurijs onerari, & turpibus probris indignè dehonestari. Vicens autem admirandam patientiam, quæ hæc omnia longanimiter tolerabat, interrogabat eum, quidnam ea opprobria, & vituperia in animo ipsius efficere. Cui ille simpliciter, & candidè respondit: *Ego me sic habeo ad has iniurias, & sic eas perfero, & ab hominibus blandi canes, subaudi, perferri solent, si quando vel ignotum allatrant, vel domesticum mollicellâ linguâ ad assentationem lambunt, iniuriæ mihi sunt blanditiæ, dedecora solatia, opprobria adulationes, conuitia festiui lepores, aut honorifici plausus.* *Hic audiuit, inquit Beatus Dorotheus, demisi aures, meque obsequans, & firmans abis,* dicens, hinc nihil videre admirabilius, nihil audire maius, aut rarius possum. Quando quis rem insolentem, & inauditam videt, siue audit, nescitque quomodo illam satis admirari debeat, solet deicere caput, cruceque frontem, & pectus munire, talibusque caeremonijs suam admirationem, eiusque magnitudinem indicare, quando verbis

pro dignitate explicare nequit. Cum ergo Sanctus Dorotheus vidit hominem, qui tam inuincibili animo, tantā vultus aequitate ferebat iniurias, vt eas blanditiarum loco haberet, & ignominias vt assentationes exciperet, demisit aures, seq. obsequans, & firmans abije, attonitus tam stupendæ rei spectaculo. Vt enim naturæ nostræ peccato vitiatæ inclinatio procliuiter fertur ad vltionem iniuriarum, perque arduum est eas remittere, sic admirabilium mirissimum, & præclarè factorum illustrissimum, & memorabilissimum est, serenis oculis, & animo pacato eas excipere.

Non intempestiuum huc veniet id, quod Apostolorum Principi cum Magistro mundi accidit. Commendabat hic plurimum fraternæ charitatis amorem mutuum, docebatque, quantum teneamur alterutrum iniurias, & offensas condonare, quando sanctus Apostolus accedens aiebat: *Domine quoties peccabit in me frater meus, & dimittam eas? Vsq. septies? Matth. 18. 21.* Videtur enim mihi & magnus hic numerus, & sublimis futurus, quisquis hoc à se impetrauerit, vt septies ignoscat ei, à quo toties appetit contumelijs, aut alijs qualibuscunque iniurijs fuit. Respondit autem ei Dominus: *Non dico tibi & septies, sed & septuagies septies*; ibid. v. 22. quod perinde fuit, ac si dixisset: Iniuria, & indulgentia, offensā, & venia semper certare debent, sed ita, vt penes indulgentiam semper sit victoria, nunquam enim tanta debet esse iniuriæ malitia, vt non eam superet discipuli mei patientia.

Sanctus Ioannes Chrysostomus in homil. de decem millib. talent. To. 3. ait: *Hic auditis Petrus ore hante stupens constitit*, & velut in proximam pedibus eius terram fulmen incidisset, ita attonito similis, ore patulo, & fixis in supremum legislatorem oculis hæsit. Cum enim difficultatem talis operis cum deprauatæ naturæ propensione, & imbecillitate comparauit, ac toties iniurioso suas condonandas noxas audiuit, ore hante stupens constitit, ac si Christus ex oris sui nube fulmen disposuisset. Repugnat sanè plurimum, ac vehementer res ea humano sumendæ vitionis appetitui, vt proinde Petrus, cum non ad se tantum, verum etiam ad oues suas hanc spectare doctrinam cogitaret, exterritus fuerit, tanquam si fulmen ad pedes eius decidisset, sic vt se mouere à loco non posset, in quo doctrinam carni, & sanguini tam arduam acceperat.

Secundum hæc, quid mirum quod Iacobi visus est Dei vultum præferre frater, qui sic condonabat, mitecebat, plorabat, mouebatur. Nam si ad car-

nis leges rem examines, indulgere offensas, remittere iniurias, facinus est, quod omnia præclara facinora superat.

De hoc argumento habet integrum sermonem Thomas I. Feria VI. post Cineres, pag. 37. Vide.

CAPVT VI.

Quod difficilior pugna, eò illustrior victoria.

SI vera sunt, quæ superiori Capite dicta, videtur mihi Politicus meus iam adornare obiectionem, quam nullo responso confutari, nullā ratione posse dilui putabit. Dicit enim: Si tam operosum est opus diligendi inimicos, condonandi iniurias, dimittendi & obliuiscendi offensas, nullā illius explendi necessitate tenebimur, nullo debito obstringemur. Quid audio, mi homo! Fortean ego dixi, esse opus impossibile factu? Arduum tantum, & difficile esse aio, si illud cum lege carnis, & sanguinis conseras, & cum repugnantis naturæ tum præteruia, tum imbecillitate componas. Si omnibus modis facile esset, quantum laudis mererentur, qui illud efficerent? Quomodo tam celebres, & gloriosi facti essent Apostoli, qui generosissimo animo, adiuuante bonos illorum conatus auxilio Dei, de seipsis tam ineluctas victorias reportarunt, cum erga inimicos suos indulgentes, & iniuriarum sibi illatarum obliuiosi fuerunt? Quis rei exiguæ magnam fecit ostentationem? Quis ex inualido culice deuicto excelsum in Famæ templo locum occupauit? Illustres victoriæ de cruentis confictibus æstimantur, ille namque gloriosior est triumphator, cui cum robustissimo, & pugnacissimo hoste res fuit.

Simillimo argumento excitat nos Saluator mundi, vt diligamus inimicos nostros, & sanguinem venarum offeramus his, qui illum sitiunt, inquires: *Si enim diligetis eos, qui vos diligunt, quam mercedem habebitis? Nonne & Publicani hoc faciunt? Et si salutaaueritis fratres & fratros tantum, quid amplius facitis? Nonne & ethnici hoc faciunt? Matth. 5. 46. 47.* Amare eum, qui oderit, vrbane habere rusticum, liberaliter auarum, & ingratum, hoc gloriosum opus est, hoc præclarum facinus, & illustis victoria. *Diligite inimicos vestros, benefacite his, qui oderunt vos, & orate pro persequentibus, & calumniantibus vos; ibid. v. 44.* Id quanquam difficile sit, non est tamen impossibile, difficultas autem plus splendoris adferet virtuti, maioreque plausus excitabit actioni, quæ arduum illud tentare ausa fuerit. Et quis paruum magnopere commendare, & extollere opusculum encomiastes velit?

H h h h

Ingradie-

Ingressusque sollicitissima Peccatrix ad petendam suarum culparum indulgentiam. Cumque pius Dominus sacros pedes suos impuris illis labijs disuatiandos, tangendumque se manibus magnum in modum contaminatis permitteret, cepit mox superbus Phariseus lugubribus illis caeremonijs, & religiosis obsequijs offendi, & de Christo non solum sinistrè, atque indignè sentire, sed etiam hæc intra se dicere: *Hic scilicet Propheta, sciret Origene, quia, & qualis est mulier, qua tangit eum, quia peccatrix est; Lucæ 7. 39.* Hæc omnia superbus ille hospes diuino suo conuiuii obiectabat in secretissimo, & absconditissimo maleuoli cordis sui recessu, cuius fores tam valide sunt obsecratæ, & opesculatæ, vt ne supremus quidem Seraphim eò penetrare possit, nisi clauem habeat Dei: *Aut intra se.*

Sanctus Petrus Chrylogus serm. 94. acutè, vt solet, inquit: *Phariseus Christum Prophetam credens, si exposita oculis, nota populo si videret.* Absolutissimum Prophetam arbitratus fuisset, omniaque illi explorata fuisse putasset, si hoc scisset, quod & pueris notum erat, & nemo de vulgo hominum ignorabat. Quid magis notorium, ac peruulgatum in eacitate, quam Magdalene amoris impudici, & vitiosolutor, & morum licentia, & effusa leuitas. *Erant in ciuitate peccatrix;* ibid. v. 37. erat fabula populi, & omnium colloquiorum materia, tenuis videbatur, quamuis alioquin instructissima murmuracionis mensa, vbi panis commemorationis gestorum Magdalene aberat. Dicit itaque Dominus: Ille Phariseus me in magnis Prophetis numeraret, si hoc cognitum haberet, quod neque pueri nesciunt. Quantæ verò gloriæ esset id nosse? Quid existimationis ea scientia mereretur? Vt verò sordidus ille murmurator intelligat, in quonam magnitudo sapientie laude dignæ, & celebritas gloriose existimationis sit posita, altitudine scientie mez penetrabo penitissimos, latentissimosque animæ illius recessus, & producam in medium forum abstrusissimos illius cogitatus, enudaboque, & reuelabo, quæ solus Deus scire potest, vt hinc videat, quod sum Prophetæ, quodque in talibus posita est magnitudo sapientie. Quænam enim scientie laus est, illud nosse, quod neque pueri nesciunt, & aliorum nemo ignorat? Illud compertum habere, quod omnibus est obscurum, ea inclyta eximia scientie est nobilitas. *Phariseus Christum Prophetam crederet, si exposita oculis, nota populo si videret.* Qui lynceis oculis ob id gloriaretur, quod à viginti passibus illud sumptuosum ædificium, illud mundi octauum miraculum, (*Escurial*

vocat Hispani Catholicorum regum suorum maiusoleum) à secundo Salomone excitatum assequi visum potuerit, quid hoc gloriationis, dicam, an vanæ, & inanis iactantiæ esset? Et quale illud, si quis mitem agnum, eumque pedibus omnibus adstrictum, occideret, atque ex eo facto ingentem laudem speraret? Dilaniasse vrsos, concerpissse leones, procul inde subriles oculis discere visse atomos, hoc est lynceum esse, hoc fortem, ac robustum. Diligere amicum quid gloriæ habet? Benefactori munificum se exhibere, quale facinus? Amare calumniatorem, bene precari persecutori, bonis officijs prosequi hostem, hoc est inclytissimum, & laude immortali dignum factum.

Amisus fuerat puer Deus, vt perditos homines inueniret, & lucrificeret, dumque illum sacratissima eius Parens, & nutritius pater cum ardenti anxietate diu quæhissent, post triduum inueniunt illum in templo in medio Doctorum audientem illos, & interrogantem eos; Lucæ cap. 2. v. 46. Admirabile reuerens spectaculum, & pulchrum theatrum, videre formosum, teneraque ætate puerum præsidere è cathedra disputationi in medio veteranorum Theologiæ lectorum, & moderatorum Gymnasij Ierosolymitani! Et si alij admirabantur frequentem concursum eorum, qui auscultabant illius disputationes, & interrogationes nunquam auditas, non minùs attentos reddebant sacræ facultatis primores Decanos prodigiosa pueri scientia: *Stupebant omnes, qui cum audiebant, super prudentia, & responsis eius.*

Sed notandum est in Euangelistæ narratione, vnde ille natam magistrorum, cæterorumque circumstantium admirationem dicat, inquit: *Stupebant super prudentia, & responsis eius.* Cur verò magis admirabantur responsa illius, quàm quæsitæ?

Responder Origenes Tom. I. homil. in Domin. inf. Octau. Epiphaniæ: *Non super interrogationsibus eius, licet & ipsa admirabiles erant, sed super responsionibus eius mirabantur. Quamquam enim mirabilis interrogatio sit, tamen multo mirabilior est responsio.* Varia agitabantur in illa disputatione. Christus tener puer interrogabatur, & interrogabatur, ac tamen quærendo sui admirationem excitabat, respondendo tamen stuporem adducebat auditoribus. Quod enim quæritur, discuti, & expendi antè potest, & dubitare facile est etiam pueris: Sed responsio non ita parari, & adornari antè potest, quod nemo vel scire possit, quid sit interrogandus, vel tam in promptu habere scientiam, vt omnibus ex tempore satisfacere quæritis, & cunctas enucleare difficultates queat.

queat. Itaque puer Christus interrogans faciebat admirabundos, respondens autem similis: *Strupebant super prudentiam; Et responsis eius.* Si ex eo, quod multis concessum, voluisset sibi famam parare puer Deus, non valde honorificum facinus fuisset: Sed illare mouisse admirationem, quā eminentissimi, & sapientissimi magistri non possunt, hoc est, promptis, expeditisq; ad omnem questionem responsionibus, idque in tantilla ætula, hoc factum eximium fuit, quod laudem singularem, & plausum populi solemnem, celebremque merebatur: *Mirabilia enim interrogatio; mirabilior tamen responsio.* Magna siquidem animi ignauia est, & otiosum studium, ac superuacaneus labor, velle ingenium gloriam factis paruis excitare. Illustis enim gloria, & magnificentia nominis semper acquiruntur victoriā magnarum difficultatum, & grauium superatione incommodorum.

Spectabat, & admirabatur Sponsus proceritatem Sponsæ coniunctam cum elegantissima, & gratissima totius corporis structura, aiebatque, præter vnam palmam non inuenire aliud, quod magnitudinis eius mensuram adumbrare posset: *Siatura tua; inquit, assimilata est palma;* Cant. 7. 7. Varias huius comparationis rationes tradiderunt Interpretes. Quam ego inuenio, causæ nostræ commodum, enititur re aliquā singulari, & mirā, quam tradit diligentissimus qualitarum naturæ scrutator Plinius lib. 13. cap. 4. cum de triumphalis huius arboris, palmæ, inquam, proprietatibus agit, inquit: *Dirimus salsum ab his solis deligi, ergo & non est tale, salelem aspergunt.* Rara profecto, & peculiaris conditio! Quis hoc sibi persuadere potuisset? quis crederet, nisi in libro experientie authentico, & approbato legeretur? Scimus namque nullam esse tam acutam secutem, nullam tam inimicum fulmen, nullum tam mortiferum venenum, quod æquè ac sal mixtum sit terræ, & omnibus plantis. Nam ad consciscendam terræ alicui sterilitatem, satis est, si sale aspergas, sale namque sic omnis eius fecunditatis virtus siccat, & absumitur, vt inepta sit cuiusque seu plantæ generandæ, seu fructui proferendo. Sic Abimelech cum diu oppugnatam Sichimorū ciuitatem demum cepisset, ipsam destruxit, *ut & sal in ea dispergeret;* Iudic. 9. 45. vt eam perpetuā sterilitate damna- ret. Vbi Abulensis habet ista: *Cum in terra spargitur sal, terra fit sterilis; Et si multum de sale fundatur, terra omnino sterili fieri.* Ideo & vbi Sichem esset in aternum sterili, Abimelech sparsit sal in ea. Tantundem dicit Genebrardus, & docet experientia.

Quod ergo Sponsus gratiam habuit naturæ Sponsæ, idq; eo nomine, quod palmæ potius, quam cedro, malo granato, siue oliuæ, aut alteri cuiusque, quantumvis virenti, & eleganti arbori assimilata fuit, perinde fuit, ac si dixisset, id sibi maximè in illa placere, quod rarum, singulare, ac peregrinum, & præ omnibus alijs peculiare habuit. Viuere, & crescere ex sale, quod palma facit, ex quo arbores aliæ exarescunt, & moriuntur, hoc palmam, hoc laurum meretur: Nam ex aqua, & irrigatione incrementa facere, id commune est omnibus arboribus, quævis planta eiusmodi rebus squetur, & fecundatur. Propterea Sponsa ex eo commendatur, & magnificatur, quod speciale præ alijs habuit. Vana nimirum spes est illius, qui retriuali excitare admirationem, & in stuporem adducere posse factis vulgaribus putat. Ille in templo Famæ locum sublimiorem miles occupat, qui in prælio bellandi peritiam, animi fortitudinem, pugnandi audaciam præ alijs ostendit.

Cuiuslibet vel mediocriter sapienti difficultatem adferet, neque exiguum, quid causæ sit, quod Pater credentium tot encomijs, & plausibus celebratur, propter opera pietatis, & misericordie, quibus viatoribus, & peregrinis egenis occurrere solitus fuit. Vnus ille, solusque ex omnibus veteris Testamenti Patriarchis palmam referre videtur. Nam cum Apostolus commendandam suscepisset hanc virtutem tam gratam oculis Domini, mox ille suos oculos in Abraham, tanquam exemplar charitatis, & largitatis, figere cepit, inquit: *Charitas fraternitatis maneat in vobis; Et hospitalitatem nolite oblitisci, per hanc enim lauerunt quidam; Angelis hospitio recepti;* Hebr. 13. 1. 2. Abraham ille fuit, qui Angelos humanā figurā tectos recto meruit excipere, vt locus habitationis eius magis aula celestis, quam tabernaculum terrenum meruerit appellari. Illo hospitalitatis nomine voluit Dominus Abrahamum ibi etiam prædicari, vbi cum alijs antiquis Patribus Redemptorem mundi à morte opperiebatur, propter eam prolixitatem, quā erga pauperes in viuis usus fuerat, quando mendicum Lazarum Angelorum humeris in illius sinum deferri curauit, de quo Lucas 16. v. 22. sic habet: *Factum est, et moreretur mendiculus, Et portaretur ab Angelis in sinum Abrahæ.* In eo loco etiam voluit Deus conseruare illustre nomen hospitatoris Patriarchæ.

Quid causæ est, quod hæc Abrahæ in pauperes beneficentia supra omnem Patriarcharum aliorum largitatem extollitur? Cur illius liberalitas inter

munificentias ceterorum veterum Patrum ita eminet?

Satisfacit huic quæsito S. Petrus Chrysologus serm. 121. inquit: *Hospitem hospes semper ipse suscepit, exortus patriæ, domicilij nescius ipse, & domus omnium fuit, & patriæ.* Exul erat Abraham perpetua in peregrinatione positus, locumq; ex loco mutabat, eò quod continuus viator esset, nec ullibi longulas nece moras posset. Quod ille, qui perpetuus exul, & peregrinus erat, exulum, & peregrinorum humanissimus receptator fuit, quod qui extrâ patriam versabatur, viatorum patria fuit, quod qui non habebat domicilium, egenorum itinerantium umbraculum fuit, quod tabernaculo suo excessit, lectumq; reliquit, ut lassus diuertere, & captare requiem posset, hæc non qualiscunque hospitalitas, sed generosissima prolixitas, & incomparabilis liberalitas fuit. Si Abraham habuisset amplam, & sumptuosam domum, si fixum in certo loco habitaculum, si commodam alicubi, & securam domum, ubi sine quietis suæ interpellatione excipere pauperem peregrinum potuisset, gratiam nihilominus meruisset receptatio: At quod alijs cum suo incommodo commodavit de hospitio, quod domicilium præbuit, qui non habuit ipse, quod peregrinus peregrinos sub tectum admisit, ac tam proluxa liberalitas, tam liberalis prolixitas fuit, ut mereatur inter Veteris Testamenti Patres esse Decanus facultatis pietatis, misericordiae, & hospitalitatis: *Hospitem hospes semper ipse suscepit, exortus patriæ, domicilij nescius ipse, & domus omnium fuit, & patriæ.* Arduis operibus fama immortalis acquiritur, non his, quæ leui negotio ab omnibus de triuio sunt.

Arbor in Arabia nascitur, cuius sudore ventur homines ad præseruandum corpora defunctorum à corruptione, quæ naturaliter eis minatur. Eadem inter Trogloditas, & in alijs nonnullis mundi partibus nascitur. Quanquam hic sit tam pretiosus liquor, & Arabum summa ergà deastros suos religio, non dant tamen ex myrrha portiones Deo, ut inquit Plinius lib. 12. cap. 15.

Quamobrem verò Arabes tam obseruantes, & cœremoniosi, tam reuerentes æstimatores Deitatis, quam adorant, non offerunt suam myrrhæ portionem numini, quod colunt, cuius tam ingens est pretium, ut vel propterea solis dijs seruari posse, & offerri debere videatur. Cur ergo illi sacrorum tam religiose obseruantes rituum non vel partem aliquam myrrhæ litant suis dijs. Respondet Plinius: *Quoniam & apud alios nascitur.* Arabes summa

laudi suam sibi ergà deos obseruantiam ducebant, ac propterea nolebant ijs offerre myrrham, quæ alibi quoque nasceretur, ut eo exemplo docerent, non magni æstimari ab illis cultoribus suum deum, qui illi dicarent vulgaria, quæque passim alibi reperire liceret, non rara, & singularia: Et quia Arabes summo loco habebant deum suum, non dant ex myrrha portiones illi, quoniam & apud alios nascitur.

Ad eundem modum cœlestis Magister, ut nos exhibeamus raros, & singulares, cum & ipse per omnia tam rarus sit, & singularis, vult ut amemus eos, qui nos auersantur, oremus pro ijs, qui nos persequuntur, & calumniantur, offeramus vitam, si res postulat, ei, qui nobis minatur mortem, demereamur beneficijs eum, qui nos infestat odijs. Nam amare eum, qui amet, & salutare eum, qui saluet, oblatio est, & donum, atque sacrificium, quod non magni facit Dominus, quoniam & apud alios nascitur, nam & Ethnicis hoc faciunt, & maxime agrestium, barbarorumque hominum mos idem habet.

Faciamus ergo nos, quod nationes aliæ non faciunt, inueniatur apud nostrum Politicum, quod non reperitur apud omnes, videatur in illo, quod in paucissimis, notetur in illo, quod apud alios raro, ac vix experiri liceat, hoc est, diligit inimicos suos, benedicat maledicentibus, oret pro suis persecutoribus, hæc enim est summa integritas amoris, hoc signum veri, & sinceri Christiani. Arduum opus est, sed facientis magnum meritum, difficile est eam repugnantia naturæ inferre vim, ut hoc faciat, sed ingens victoriæ gloria. Qui autem communia facit, & leuibz dat operam exercitijs, ille nec magnam laudem promeretur, nec dignus est, ut in viris strenuis recenseatur.

Conuenit cum his Periocha II. Dominica X. post Pentecosten, Tomo 2. pag. 168. c. 1. o.

CAPVT VII.

Neminem sua imbecillitas excusat ab eo faciendo, quod fecerunt multi, & facere potuerunt omnes.

Quod potuit, & fecit quidam barbarus, agrestis, ferus, & male iratus, offensusque Elau, cur facere non possit Christianus, Catholicus, discipulus Christi patientiæ doctoris, & exercitatoris supremi? Hæc nullo responso dilui possunt. Si Esau currens abutam fratri suo, amplexatus est eum, stringensque collum eius, & osculans fuit, Genes. 33. 4. si ante euangelium fuerunt homines tam eminentes,

tam

gām heroici, & strenui ad exercitandam hanc virtutem condonandi inimicis, in quibus Ioseph, Dauid, Iob, Ieremias, Daniel, Moyses, & alij innumeri, quis post euangelium promulgatum, post tot præcedentia exempla excusare se de intermissione similis operis queat? Fuerunt angeli illi iniuriarum condonatores superiores? Fuerunt hæc speciei alterius homines? Aut fortè habuerunt alium Deum auxiliatorem? Non profectò. Homines fuerunt nostræ naturæ consortes, non angeli, caduci fuerunt, & mortales, & miseris varijs subiecti, quemadmodum ego, & tu, & cæteri. Deus, qui tunc erat, etiam nunc est, æternumque erit, & quàm olim, tam hodieque vehementer cupit omnes homines saluos fieri, & beatitudine sempiternâ frui. Nemo ergo excusare se potest, tanquàm non possit, quod possunt omnes, aut quod minùs faciat, quod fecerunt multi, cum ipse habeat omnia, quæ & omnes, qui potuerunt remittere offensas, & pauci, qui remiserunt.

Quærit Abulenſis, quamobrem sacrum Oraculum post promulgationem legum, rituum, & ceremoniarum, quæ continentur in Exodo, Leuitico, Numeris, & Deuteronomio, statim subiunxerit libros Iosue, & Iudicum, in quibus recensentur sacra exempla, & virtutes insignium illorum Iudicum, & illustrium virorum, quorum præclara facta radios suæ sanctitatis, & perfectionis tam late diffuderunt, & Gentium Doctor summa cum laude, tamque honorificè memorat in illa, quam ad Hebræos dedit, epistola cap. II. v. 32. 33. inquit: *Deficere me tempus enarrantem de Gedeon, Barac, Samson, Iephie, Dauid, Samuel, & Prophetis, qui per fidem vicerunt regna, operati sunt iustitiam*, plurimæque fecerunt Dei oculis grata, quibus immortalis quietis semper virentem laurum commuerunt. Cur ergo post recentem legis euulgationem statim sequuntur libri Iosue, & Iudicum, qui historiam vitæ, & gestorum continet illorū sanctorū, & perfectorū virorū?

Respondet insignis Doctor in præfatione in librum Iudicum, inquit: *Cum sacra scriptura instruxerit nos ad aliam virtutum per libros legales, quales sunt libri Moysi, qui in sola præceptione, & prohibitionem consistunt, instruxit nos etiam exemplis sanctorum, circa easdem virtutes. Posuit igitur sacra scriptura libros historiales, in quibus declarat virtutes sanctorum virorum, & quomodo illi perfectius in quibusdam legem obseruauerint, quam ipsa lex iusserit.* Hanc ergo ob causam libri Moysi, qui legem tradunt, subiecti sunt libri, qui historias narrant eorum, per quos lex illa exactissimè obseruata fuit, ut ab e-

adem obseruanda nemo se excusare possit, cum fuerint homines, qui studiosissimè, & accuratissimè custodierint leges, ritus, ceremonias, & quidquid sanctiones pragmaticæ cælorum exigunt, & mandatorum diuinorum catalogus complectitur. Nam cum illi homines fuerint per omnia similes nobis, passionibus, & contumacis carnis calcitrationibus æquè ac nos obnoxij, tam perfectè nihilominus ad omnem Dei legem mores suos composuerunt, ut nonnulli etiam plura, quàm iussi, fecerint, & arctiores sibi limites constituerint, quàm lex ipsa præscripsit: Nullus posthac iustam attulerit causam, si negligentius agat, aut decalogi partem aliquam prætermittat, nullus violatæ legis æquam, ac validam excusationem. Quisque nimirum facere potest, quod potuerunt omnes, & fecerunt multi.

Parabolam à Christo pro concione propositam S. Lucas refert, quæ opportuna huc veniet. Hominem fuisse aiebat Dominus, qui sicum intrà vineam plantauit, & in singulos autumnos venerit, ut optatum ex grata planta fructum legeret. Cum semel iterumque venisset, & fructuum nihil inuenisset, triennij inducias arbori dedit, ut superiorem sterilitatem, & ingratitudinem emendatione malè expensæ temporis, & copiâ fructuum vberiore dilueret. Postquàm annus tertius, vnaque agricolæ patientia abiissent, iratus ingratis arbori dixit: *Ecce anni tres sunt, ex quo veniens quæro fructum in ficulnea hac, & non inuenio, succide ergo illam, & quid etiam terram occupat?* Lucæ 13. 7.

Quis ille, qui hanc successioni miseram plantam addixit? Vbinam ex ficulnea plantata erat? In vinea quadam. Sic enim Dominus ait: *Arborem fici habebat quidam plantatam in vinea sua*, ibid. v. 6. Quid est, quod omnis in vineam, solamque ficulneam versa ira fuit? Quid mouit vineæ herum, ut in solam istam plantam securi animaduertendum putarit, vbi tot erant vites, quæ plerūque poterant?

Respondet deuotus Abbas Gilbertus serm. 24. in Cant. inquit: *Ficulneam illam sterilem, quam Dominus iussit succidi, fertiles de Sion vineæ condegnabant.* Inter medias vites suam sedem habebat ficulnea, ex quibus vititor annis singulis fructus optimos, & abundantes referebat. Eisdem cæli influentijs ficulnea gaudebat, quibus vites, terram eandem occupabat, eisdem colebatur manibus. Hoc est, quod illam damnauit, hoc est, quod fecit, ut securi, & obtruncationi adiudicaretur, nihil enim habebat, cur non redderet fructus æquè ac aliarum plantarum, quæ eisdem adminiculis, & subsidijs fruebatur, qui-

bus.

bus ceteræ, quas habebat proximas: *Ecce lucem etiam sterilem, quam Dominus iussit succidi, fertiles de vicino Sineæ condemnabant.*

Hæc parabola testè, ac dissimulapiter traditur, quod nos hoc capite apertè docemus, nempe quod in extremo iudicio homines alij alios damnabunt. Nam Ecclesia habuit, habetque pigros, socordes, steriles, infecundos. Et hi nihil poterunt prætexere, ob quod non fuerint perfecti in suo statu: Nam habuerunt eandem fidem Dei, legem, & naturam eandem, quam illi, qui tam accurate suo satisfecerunt officio, & partes omnes suæ obligationis, aut professionis expleverunt. Deinde fuerunt intrà eandem Ecclesiam, habuerunt eundem Deum, sacramenta communia, legem eandem, & vires illi obseruantes sufficientes. Et cur hi non potuerunt præstare, quod fecerunt illi, cum pro verisq; par ratio militet, & causarum momenta sint apud omnes omnino eadem?

Ducti ab illustri, & noua stella Sancti Reges Magi ingressi sunt Urbem Ierosolymorum, perque compita eius seiscitari coeperunt, vbi nam esset, qui natus rex Iudeorum, ad instaurandas humanæ prolapsionis ruinas venisset. Quod autem stellâ duce vbi fuerint, id ipsi his verbis affirmabant: *Vidimus stellam eius in oriente, & Gentium adorare eum;* Matth. 2. 2. Communis omnium Parum opinio habet, quod Chaldæi magnâ curâ obseruabant quoddâ vaticinium Balaâ Prophetæ alioquin falsi, hac in re veridici, quod Num. 24. v. 17. sic habet: *Orietur stella ex Jacob, & consurget virga de Israël.* Cum ergo Reges magi, qui erant Chaldæi, nouam, insolentemque hanc stellam vidissent, & Prophetiæ Balaam per memores essent, statim abierunt inquisitum, quid ea sibi vellet, secuti splendidum viæ ducem, stellam, inquam, quæ in medio sole refulgens in illorum animas suos diffundebar radios, inueneruntque bonum, quod suspirabant, & suæ salutis Asserctorem adorârunt.

Sanctus Maximus homil. 3. de Epiphan. ait: *Nemo miretur naturam Dominicam agnouisse Chaldæos, quam vtriusq; si reuelante Deo Gentilis præuertiare potuit, potuit Gentilis agnoscere.* Quod Maximus ait, tale est, ac si dixisset: Cur alter homo non potuerit facere, quod quidam fecit? Cur tantam luminis copiam à Deo non habuerit, hic ad eum cognoscendum, & adorandum, quantam ille ad prænuntiandum? Itaque dum homo se disponat modò, non habet cur deficiat animo, aut metuat. Deus enim, qui vni bonam mentem, & salutares cogitatus

inspirat, etiam alterum gratiæ suæ coelesti rorè tingit, nam & Gentilium hic quidem vaticinatur, ille adorat, hic prædicat, ille agnoscit: *Si reuelante Deo Gentilis præuertiare potuit, potuit Gentilis agnoscere;* vt nemo se excuset, nemo diffidat posse facere, quod alter facit. Auxilia sufficientia sunt omnibus communia, quorum opitulatione consequi vnus potest, quod alter, & æquè perfectus, consumatusq; euadere.

Narrare sacra historia instituebat admirabilem tolerantiam illius, qui toti mundo patientiæ exemplar est præstitutus, bella, quæ sustinuit, pugnas, conflictus, & afflictationes, quas perulit, dum efferratissimo cum hoste dimicauit, à quo tantis telis appetitus fuit, vt sanctus Ioan. Chrysostomus in caten. Græc. Olympiad. in c. 2. Iob dicendum putarit, quod omnem inimici pharetram exhaustis. Notæ sunt illius plagæ, satisque exploratæ miseræ, calamitates, ærumnæ. Regno, facultatibus, & fortunis omnibus repente nudatus fuit, tum & liberis charissimis, ijsque tam luctuosâ morte extinctis. In tantas autem necessitatis angustias eum inimici ferocia coegit, vt tanquam canis mortuus in sordidum, putridumque sterquilinum abiectus fuerit, vbi iacebat infestis expositus vermibus, aduersus quorum commorificationes, & arrosiones id solum habebat præsidij, quod asperâ testâ saniem radere, & purulentâ vulnera, taboque fluentem teneram carnem emundare posset. Vt hanc nobis malorum inundatione, & dolorum tempestatem, & diluuium miseriarum sacer scriptor recenseret, his verbis præludit suæ narrationi: *Vix erat in terra Hus, nomine Iob;* Iob. 1. 1. siue vt Græcus transtulit: *Homo quidam erat in terra Aufsidæ.*

Sanctus Ioannes Chrysostomus quærit, cur diuinus Historicus tali præfatione vtendum putarit, vt diceret, hominem fuisse illum, qui inauditas, quas narrare propositum habebat, calamitates inauditâ item patientiâ exceperat, qui dolores corporis, peccorum direptionem, dulcissimæ sobolis internecionem, vxoris, & cognatorum probra, & animi variis anxietates animo excelso æquissimè tolerârât: *Homo quidam erat.*

Respondet autem in caten. Græc. in cap. 1. Iob: *Ne quis certaminum, ac patientiæ spectatam magnitudine incredibili, peregrina eum, & non humana natura præditum arbitretur, naturam à primo ponit in conspectu. Quoniam homines sumus, & mille calamitatibus, miserijs, infelicitatibus, & aduersitatibus subiecti, idcirco ne quis consterneretur animo,* conste-

ærumnisque pressus succumbat oneri, & perdat patientiam, theatrum oculis nostris subiicitur hominis, qui & omnis generis miserationum, ærumnarum, infirmitatum, penuriarum, dolorum personas representauit, & de omnibus calamitatibus animo inuictus gloriose triumphauit, ut nemo concidat animo, cui tale exemplum proponitur. Nam qui omnia illa tulit, non fuit Angelus, non ex ære simulachrum, non ferrea statua, non cautes, non adamas, sed homo imbecillis, miseris, & passionibus, ut quisque alius, obnoxius: *Homo erat.* Ut verò ille diuini auxilij ope, & sua vigilantia magnifice triumphauit de omnibus inimicis suis visibilibus, & inuisibilibus: Sic homo quilibet alius (si modò rectè vi diuino subsidio sciat) poterit superare infestos demones, & homines, & vincere tum persecutiones, tum quasi alias miseras, & calamitates.

Sacer Rauennatum Archiepiscopus Petrus Chrysologus serm. 114. ait: *Mors cum satis uiuentibus sit amara, satis conturbat exemplo. Mortuum quoties quis uiderit, toties semori euolat destitutum. Sic de morte non potest non dolere mortalis.* Mortis per se ipsam est subacida recordatio, sed uiuum mortui spectaculum, & recens exanimati hominis cadauer dici non potest quantum exanimet eos, qui uident. Quilibet campanarum, quibus ad suprema officia mortuis exhibenda conuocantur superstites, validus ictus est, quo cor audientium pœnaliter concutitur. Causa huius ea est, quòd se quisque ex limo simili factum sciens, suam calamitatem futuram in aliena miseria præsentem cernit, uidetque quòd eadem mortis falce, & facilitate demetetur, quâ succisus proximus fuit, & sic facere non potest, quin tristetur, triste funus qui oculis arbitratur, uelut ibi omnes, qui trāsibant per locum illum, in quo ceciderat *Asaël, & mortuus erat, subsistebant.* 2. Reg. 2. 23. quostametiam maioris momenti auocarent, ut cursum pergerent, attinebat nihilominus timor, & dolor natus de aspectu hominis, qui animo leonem, celeritate currendi ceruum exaquaauerat, & hastæ vno ictu confossus iacebat exanguis, in quo videbant, nullius esse tam ingens robur, qui mortem superare, nullius tam concitos pedes, qui effugere illam posse, & quod *Asaël* euenerat, id cuique accidere posse. *Sic de morte non potest non dolere mortalis.* Suam mortem in mortuo uiuus timet, sciens eadem se caducæ naturæ fragilitate uellitum.

Cum tali argumento homo ad timorem excite-
tur, ego illum simili quopiam ad spem erigam, & ex-
Tom. II.

stimulabo. Si times, quoniam hominem mortuum vides, & meritò times, eò quòd te æquè ruinofum nosti, ac ille est, qui vitā perfunctus: Quare ut perfectioni studeas, & sanctitatem vitæ seferis, & iniurias facillè dones, & inimicos diligas, & probra patienter feras, non excitaris exemplo tot hominū, qui cum eisdem sint obnoxij miseris, subiecti passionibus, quibus tu, amârunt, & amant hostes, benefaciunt persequentibus, & pro calumniantibus obsecrant Deum? Si mortis spectaculum adfert timorem, cur non ad spem, omnesque difficultates vel superandas excitet exemplum hominum innumera-
bilibus, qui perfecti, & consummati in virtutibus fuerunt? Nemo suam imbecillitatis prætextu ignauiam inumbrare velit, cum nemo non possit, quod fecerunt alij, habens nimirum eundem Deum, eandem fidem, sacramenta eadem, eandem doctrinam, auxilia etiam parata eadem, quibus alij tam præstantes in omni genere sanctitatis euaserunt.

CAPVT VIII.

Nullum sublimius vindictæ genus, quàm exhibere bona ipsi, à quibus acceperis mala, & pijs beneficiorum armis eum oppugnare, qui sanguinario iniuriarum bello lacerare cupit.

Quod Apostolus Corinthijs dixit, hoc ego nunc transferre ad meum Politicum volo, ut nouum iter, & gloriosam semitam illi ostendam, per quam pergens omnem vindictæ sitim heroicè extinguere possit. *Excellentiorem viam vobis demonstro;* aiebat ille 1. Corinth. 12. 31. Sic & ego nobiliorem viam, & magnum itineris compendium ostendo, per quod peruenire ad genus vindictæ illustre queatis. Et quodnam illud? Ut studeamus inimicorum nostrorum iniurias compensare beneficijs, & omnibus humanitatis officijs eorum iram, & indignationem oppugnare, & omni occasione eos honorare, eorum dicta, & facta perperui præcones laudare, de rebus illorum clam, palamque benè sentire, si obuios habeamus, vrbanè, comiterque salutare, & venerari, omni benignitate prosequi, hilari vultu, & serenis oculis excipere quotquot illis quacumque necessitudine sunt coniuncti, sic vt ex vera charitate, corde Christiano nascantur istæ, & aliæ id genus actiones. Ad hunc modum egregia de iniurijs hostibus sumitur vindicta, eaque excellentissima ratio est satisfaciendi animo iracundo, & obturato peccatori. Sic obstinatinati cordis peruicacia benè castigatur.

Fundebat ex coelesti ore suo mundi Reparator
dulcem

dilectam ambrosiam superæ doctrinæ, perfideque hostes eius, cum maximas pro tanto beneficio deberent gratias, iræ cæcitateiebant: *Nonne benè dicimus nos, quia Samaritanus es tu, & demonum habes?* Ioan. 8. 48. Cum hæc tam indigna verborum probra benignissimus Dominus audiret, cum magna tranquillitate respondit: *Amen, amen dico vobis, si quis sermonem meum seruauerit, mortem non videbit in æternum*; ibid. v. 51. Ad hanc tam ignominiosam blasphemiam plectendam videtur cælum cum terra concurrere debuissè, sic ut hæc suo hiatu sacrilegos maledicos hauriret; illud verò fulmine illa nefaria scelus capita feriret. Quid verò facer Magister egit? Effugium mortis æternæ spondet omnibus, qui verba illius decenter audirent. Hoc est fulmen, quod omnipotente manu suâ in eos iecit, pro terra os illius diuinum sese aperuit, ut fructum salutis perpetuæ eis funderet.

In horum commentatione postus Theophylactus sueclamabat: *O misericordiam! Ad admonitionem, & doctrinam uertitur, benefaciens his, qui iniuriâ prosequuntur.* Arreptitum, & à malo dæmone occupatum per summam, & inauditam calumniam dicebant, & hos ille ad vitam inuitat æternam. Quid ab exemplo tam admirabili accipimus? Respondet Theophylactus: *Id oportet etiam nos scilicet imitari.* Nunquam nobiliorem ab hostibus vindictam capimus, quam cum eorum malefacta bonis officijs compensamus. Offensas enim offensæ vlscisci, & iniurias pro iniurijs rependere mutuas, est hominum ignauorum, vilium, rusticorum.

In legibus, quas ex Deo Israëlitiçi populi ductor promulgauit, vna sic habet: *Si occurreris boui inimici tui, aut asino erranti, reduc ad eum. Si uideris asinum odientis te tacere sub onere, non pertransibis, sed subleuabis eum eo*; Exodi cap. 23. v. 3. 4.

Dicit hic Oleaster in annot. Morali: *Expende, quam bellè te Dominus docuit vindictam ab inimico accipere.* Doctrina, quam hoc in loco tradit Dominus, ferè talis est. Si habes inimicum, si hominem insensum, qui obliquis oculis res tuas spectat, & vis interrogatarum tibi ab eo iniuriarum talium vindictam sumere, vide eam, quam ex Domini concessione sumere potes. Animum nobilem, generosum pectus exhibe rebus illius omnibus, quæcunque tibi occurrunt, oui, boui fer opem, si quam requirunt, fortunas illius tam enixè, contentiosèque propugna, & tutare, ac si tuæ ipsius essent. Sic enim gratas expectes de iniurijs tuis pœnas, nobilissimum namq; illud est vlsciscendi inimicos genus, quo illi ampliùs confunduntur, & perstringuntur.

In hac sententia est Agapetus Diaconus in monitis illis aureis, quæ scripsit Imperatori Iustiniano n. 20. To. 2. Biblioth. veterum Patrum, iniquens: *Venerandum iure est Gestrum imperium, quia hostibus quidem sua demonstrat pietatis aculeos.* Quam benè dixit Diaconus, *Hostibus sua demonstrat aculeos pietatis!* Non dixit, demonstrasse aculeos iræ, odij, vindictæ, simultatis, sed liberalitatis, mansuetudinis, humanitatis. Nam ut inimicum configas, & lancines, id solertiâ commodiore, & astu nobiliore fieri non potest, quam si beneficijs eum ornes, & cumules. Hæc est Christiana, & honorificentissima vindicta, quæ vlscisci possumus eum, qui nos persequitur, & horret.

Benè constabilliet hanc doctrinam quædam Salomonis sententia, quam ab illo mutuatus est Paulus, & præterire sine causâ, quam tractamus, iniuria non possumus. Vult Apostolus, ut mutuo amemus, tanquam spiritualia tam diuini capitis, quam eff Christus, membra, & scribens quidem Romanis, loquens autem omnibus ait: *Non Gometis ipsos defendentes, charissimi, sed date locum iræ, scriptum est enim, Mihi vindictam, ego retribuam, dicit Dominus.* Rom. 12. 19. Si de hac lege carnem, & sanguinem consulas, terribile, durum, intolerabile iugum videtur. Nam iniuriam passum priuare iucunditate vindictæ, est adimere illi voluptatem omnium maximam, quam habere potest. Et hominem in eas angustias cogere, ut legem, quæ vlscisci hostes prohibet, non prætereat, videtur perinde esse, ac permolestam, ne dicam intolerabilem ei sarcinam imponere. Respondet Paulus huic obiectioni: *Placeat quod dicis: Et quoniam ais, non posse facere, quin vindictam sumas, annuo ut sciamus. Itaque si fueris inimicus tuus, ciba illum, si sitis, potum da illi, hoc enim faciens, carbones ignis congeres super caput eius*; ibid. v. 20. Similia habet Salomon Prou. 25. 21.

S. Ioannes Chrysostomus homil. 22. in cap. 12. ad Rom. ait: *Nihil adeò iucundum est, atque de inimico sumptum videre supplicium. Quod igitur cupis, id ipsi primum largitur.* Nulla tam gnata, nulla tam voluptuosa buccæ, quam videre pœnam ab hoste expectitam, multos enim videmus, quibus nullus ante sapit cibum, quam viti sint inimicos. Dicit ergo Apostolus: *Quod iniuriam passus tam vehementer desiderat, hoc volo ut ante omnia consequatur, & obtineat, nimirum ut pœnas ei, à quo accepit offensas, reddat.* Sed quemadmodum illud? Non aliter, quam ut officijs illum prosequatur, & ornet beneficijs, & honorificè excipiat, & comiter saluet, &

laure.

laurè habeat, & obuiò cibo, ac potu famelicum, siticulosumque refocillet. Nam vt exactissimus paræmistrum Salomonitarum Interpres Salazar monet, ex textu Hebræo verba superiora sic possunt transferri: *Si esurieris, esens es incide, sisitueris, potum illi propina*, hoc est, famelicum inimicum tu inuita, tu ei mensam instrue, tu ei manu tuâ cibum non appone solum, sed & incide, sic vt lectiora, lautioraque ei apponas. Cum bibendum fuerit, tu ei adipsius sanitatem præbibe, hæc enim specialis amoris manifesta sunt inditia, in conuiujs namque qui enixius diligunt, ij solenni more, & ritu buccæ delicatioris inuicem ministrant, & mutuâ propinatione diuturnam sanitatem comprecantur. Id ex Apuleio, Suetonio, & Læpidio magnus interpres, quem dixi, probat. Quo autem euentu, quouè fructu ista urbanitatis, & humanitatis officia inimico quis exhibuerit? *Hoc faciens carbones congeres super caput eius.*

Mirus humanitatis, & beneficentiæ ergà hostem effectus, vt quis carbones super caput eius congerat, qui congerit in eum beneficia! Quid hæc significare possint.

S. August. dicit, qui serm. 165. de Temp. To. 10. sic habet: *Carbones ignis congerens super caput eius. Cum enim inimico tuo pio animo frequentius benefeceris, quàmlibet sit impius, & crudelis, barbarus, & eruentus, tamen tandem aliquando erubescit, & dolet, & panstere incipit, quod admisit.* Hæc est nobilissima vindicta, & generosissima vitio, quando hostem tam officiosè obseruamus, tam amanter colimus, tam munificè quibus possumus, beneficijs ornamus, & oneramus, vt quantumuis agrestis sit, & ferus, pudeat in nos iniuriosum fuisse, quos ergi se tam humanos, & prolixos reperitur. Apud nos cum quis ex quacunque causa erubescit, solet vultus eius plerumque inflammari, ac tunc dici: *Tene fulano la cara como gnas brasas de pura verguenz a*; hoc est: Habet ille faciem ferè talem, ac si meri ardentis carbones essent, idque rubor de pudore natus facit. Sic ergo nunc dicit Paulus: Si inimicus tuus esurierit, & sitierit, præbe illi victum, eâ namq; pietate, & liberalitate *congeres carbones*, hoc est, si illum confundes, vt rubore facies eius non aliter tingatur, ac si meri carbones essent. Ad hunc modum nobilissima de inimico vindicta sumitur.

Nam vt S. Ennodius de vita Epiphaniij ait, *nescio quæ species fortior possit esse bellorum, quàm dimicare contra iracundiam, & ferocissimi pudorem onerare beneficijs, grauius enim percellitur, si postulata impe-*

ret, quem puduit supplicare. Notate illud, *percellitur grauius*. Nullum grauius vulnus ferocissimo hosti, aut sanguinolentissimo inimico, quàm concedere illi, quod optat, & rogare non audet. Nam vt videt præuentam suam verecundiam à magnificentia eius, quem offendit, vt cuius vltionem beneficentiâ consequitur, quod petere à verecundia prohibitus intermisit, *grauius percellitur*, & velut lethaliter sauciùs manet, & secundum animam tam rarâ, & generosâ prolixitate acriter pungitur. Hæc ratione tute retunduntur iniuriæ, & vindicantur offensæ. Hoc tam sublimi vlciscendi modo debet offensus ergà offensorum vt, vt postquam anxietate vlciscendi, quam superare non possit, laborat, ex more diuino, atque vt Deus vult, vlciscatur. Is nimirum non aliam de suis hostibus fumebat vindictam, quando Samaritanus ab eis, & dæmoniosus vocabatur, quàm vt eos ad epulas vitæ perpetuè inuitaret, & ad salutem illorum immortalem eis propinaret suauissimum nectar, quod in illa regia superna æternum propinatur, & bibitur.

Idem noster Politicus cum suo offensore, & inimico agere debet, vt eum dapiliter habeat, & oblatione domus, ac mensæ, vitæ etiam, si expediat, & necessitas postulet, sibi arcè deuinciat. Hac ratione generosissimè vlciscetur suas iniurias, & offensas, & altissimum vindictæ Christianæ, & piæ genus inueniet.

CAPVT IX.

Quoniam ex nimia acceleratione solent longæ moræ resultare, plurimum refert, ad regulam discretionis ita moderari, & distribuere iter, vt perdurabili passu & continuâ profectione perfici queat.

Offerebat Esau fratri suo Iacobi suam vitæ societatem, opitulationemque, si occurrens aliqua necessitas fortè requireret. Huic tam officiosæ, & comi oblationi respondit sanctus Patriarcha noster demissè, ac humiliter, non posse tam insignitum admittere beneficium, eò quod teneros, & paruulos haberet filios, oues item, & vaccas grauidas, quas vnâ die perire necessum esset, si passu paulum celeriore carpere viam cogerentur. Itaque & rogauit, vt ipse præcederet, seque paulatim, ac pedetentim sequi permetteret, inquit: *Nosti, Domine, quod paruulos habeam teneros, & oues, & boues fetas mecum, quas si plus in ambulando fecero laborare, morientur snâ die cuncti greges. Præcedat dominus meus ante seruum suum, & ego sequar paulatim & cessigiam,*

eum, sicut videro paruulos meos posse; Genes. 33: 13. 14.

Hæc verba habent sensum, & doctrinam moralem perutilem, cui valde inhærere debeant quidam imprudentes, & indiscreti, qui prætermisâ virium suarum expensione, tam properanter, cursimque feruntur per viam spiritus, vt antè deficient, quam perficiant iter, & inepti reddantur ad reliquum curriculum absoluendum. Sunt qui tanto feruoris impetu pœnitentem vitam aggrediuntur, vt post non multos passus prorsum corruant, idq; quod onus ad momenta virium suarum non expenderunt, neque curârunt, vt parem humeris sarcinam exciperent. Faciant itaque quod Iacob, qui dicebat: *Seguar paulatim, sicut videro paruulos meos posse.* Vires eorum, quos in via comites habebat, dimensus est, & ad modulum eorum voluit vt per viam pergerent, vt perdurabilis sit profectio, necessum est prudentiâ, duce vi, & iustam virium rationem habere, ad eorumque mensuram moderari iter.

Ira suadet Doctor mellissimus serm. 49. in Cant. inquit: *Discretio omnis virtutis ordinem ponit, ordinem tribuit etiam, & perpetuatatem. Denique ait: Ordinatione tuâ perseuerat dies; diem virtutem appellans. Est ergo discretio non tam virtus, quam quadam moderatrix, & auriga virtutum, ordinatrixq; affectuum, & morum doctrinx.* Vbi itinerandi nullus est ordo, nullus modus, discretio nulla, quomodo rectè sua cuiq; diei via designari, & continuari profectio potest? Nonnunquam sensim progredi, nonnunquam accelerare passum, & grandire gradum, nonnunquam moderari, prorsumque figere tantisper pedem, & conuiescere est necessum. Qui semper vult properare, & impetu incitatore per viam pergere, ille facit, vt intermittenda sit profectio, & postremò nihil fecerit, postquam tam rapidim, ac præproperè inire viam cœpit.

Sanctus Marcus Euangelista refert, venisse Discipulos ad Christum, & quid suâ prædicandi operâ, ad quam emissi fuerant, effecissent, Magistro exposuisse. Audiit ille eos humanè, iussitque *ire seorsum in desertum locum, & requiescere pusillum;* Marci 6. 31.

Ioannes Hoffmeisterus monet: hic notare, quod Christus non ait Discipulis suis: Redite ad prædicandum, concionandi laborem, & profectus aliorum curandi arduum studium repetite, sed *Requiescite pusillum, respirate, secedite ab hominibus tantisper, vbi nemo sit, qui vestram quietem interpellat. Hoc simpliciter intelligere possumus, concionatores non de-*

bere ad se semel laboribus conficere, & ad docendum prorsus inuitiles reddantur, sed ita debere docere, & ad docendum diu utiles, & alacres esse queant. Homo enim plus iusto laboribus occupatus diu illis ferendis sufficere non potest. Illa Hoffmeisterus. Quod Apostoli ex prædicandi labore defatigati iussi sunt relaxare animum, tacita quædam ad ecclesiâs directâ monitio fuit, vt eam ad concionandi studium adhibeant moderationem, per quam diu id munus obire possint, & non intemperanti labore vires suas totas conficiant, sed functioni suæ tam moderatè vacent, vt diu dare operam institutioni aliorum queant. Qui enim fortitudinis suæ robur omne simul exhaurit, palàm est quod ineptum se ad obeunda posthæc prædicationis munia reddat. Ergo bonum est, prudentiam, & moderationem adhibere ad exercitia vitæ spiritualis, vt qui viam iniit ad finem illius peruenire feliciter possit: *Homo enim plus iusto laboribus occupatus, diu illis ferendis sufficere non potest.*

Huc commodum veniet, quod Hugo Cardinalis in c. 34. Genes. de quodam veterum illorum Patrum ex Vitâ Patrû his verbis refert: *In Vitâ Patrû dixit quidam Patrum: Si videris iuuenem ascendente in colum, tene pedes eius, & proice in terram, quia non expedit ei sic.* Qui namque immoderato impetu sursum conuoluntur, suntq; aquilæ in principio, ij redduntur inepti, & sub finem fiunt testudines.

Huc respexit S. Petrus, ex obseruatione eiusdem Hugonis, cum ait: *Charissimi, nolite peregrinari in feruore, qui ad tentationem vobis sit;* 1. Pet. 4. 12. Sequitur ex his, non omnem feruorem esse laudabilem, nec semper consultum impetu ad studia pietatis rapi. At quis hoc ab Apostolo expectare potuisset, vt diceret, posse feruorem pro lapide esse, ad quem viator spiritualis impingat, sic vt eum à prosequendo itinere impediât? *In feruore, qui ad tentationem vobis sit.* Iuxta hæc benè sanctus ille senecio aiebat, arripiendum pedibus, & terræ affigendum iuuenem, si quis inter vitæ spiritualis rudimenta, & in primulo vitæ virtutum ingressu plûs satis feruere, & nimis incitatè contentibsq; ad superiora aspirare videretur, quod tali satius esset per humilem planitiem moderatè, prudenterque viam carpere, ac sic felici pede coelum petere, quam turpi prolapsione inde huc decidere, & iam nec pedentim procedere posse per vires ex tentato volatu, & inde securo lapsu debilitatas, & fractas, denique etiam per intemperantiam feruoris & alas, & pedes, & viam ipsam perdere: *Tene pedes eius, & proice in terram, quia sic expedit ei.*

Nam vt venerabilis Pater Thomas de Kempis magnus magister, & expertus dux vitæ spiritualis serm. 20. §. 3. ait: *Discretus labor sit, ne corrumpat infirmum, aut ad diuinam reddat ineptum. Nam quod moderatum est, melius perseueat. Ipse enim IESVS post itineris fatigationem residerebat super fontem, expectans cibum, & humiliter postulans aqua potum.* Indubitatum est esse laborandum in via virtutis. Sed hoc etiam animaduertendum, debere studium esse moderatum, & par facultati virium, ne æquo grauior sarcina nimium prægrauet, & opprimat infirmos humeros, viatoremque reliquo itineri perficendo relinquat ineptum. Exemplum huius rei Dominus noster nobis præluxit, qui lassus è longiore via confedit ad fontem Sichem, submisit aquam petijt, quâ corporis nimium ardorem refrigerare, & defatigationem leuare posset.

De immensa diuinæ dextræ potestate sic pronuntiat Sapiens: *Attingit à fine vsque ad finem fortiter, & disponit omnia suauster;* Sap. 8. 1. hoc est, cum opus qualecunque suscipit, hoc etiam perficit, nec ullis impedimentis retinetur, quin ad fastigium educat, viamque omnem feliciter vt ingreditur, sic & egreditur; & cum semel introire cepit semitam, certum possumus nobis promittere illius exitum. Et hoc est attingere à fine vsq; ad finem, à fine inchoationis vsque ad finem consummationis, inquit Richardus de S. Victore part. 2. in Psal. 44.

Quid causæ sit, cur etiam seruus Dei feliciter absoluit curriculum, quod semel prosperè inire cepit? Subijcit mox rationem Sapiens: *Disponit omnia suauster,* cordatè, discretè, atque eâ passus moderatione vtitur, vt persequi professionem vsq; ad extremam lineam possit: *Attingit à fine vsq; ad finem, quia disponit omnia suauster,* inquit Richardus. Itinerandi itaque perseuerantia ex proficiscendi moderatione sequitur: *Tu fortiter inchoas, tepidè consummas.* Cur hoc, nisi quia non disponit omnia suauster, nec scis operari sapienter? Incipis, curris, festinas, anhelus lassus, deficiis, non dicam ad finem, sed nec ad medium pertingis. Itaque vt feliciter perficiatur curriculum, necessum est imitari Dominum, qui à fine vsque ad finem pertingit fortiter, eò quod vadit suauster. Vbi non est suauis, & moderata ordinatio mediorum, ibi felix affectio finis esse non potest.

Suffragetur nobis sacer noster Patriarcha, qui cum ex ædibus paternis domum auunculi sui Labani pereret, vno momento, quantum quidem sacri textus narratio indicare videtur, iter suum confecit,

& viam absoluit. Sic enim habes Genes. 28. 5. *Cum dimisisses eum Isaac, profectus venit in Mesopotamiam Syria ad Laban;*

Cardinalis Caietanus (quod & alibi diximus) in hæc sic ait: *Extremos terminos, à quo, & ad quem, itineris Iacob narrat Moyses, priusquam narret euentus medios in via.* Quod tale videtur, ac si dixisset: *Attingit à fine vsq; ad finem,* ex more Dei, tanquam facile fuisset diuinare felicem exitum, quem profectio Iacobi habitura erat, ex moderatione, quâ iter illius ingredi cepit. Quare autem facile erat hoc præuidere, & existimare? Videamus quem itinerandi modum tenuerit in ipso viæ principio, hinc enim arbitrari finem illius prosperum haud difficile poterimus. Abulensis dicit: *Ambulabat per dietas suas, & in itinere pedetentim viam carpebat, nec ita accelerabat iter, vt statim delassatus immodicâ festinatione prosequi illud non posset, sed cuiq; diei horas suas deputatas, & certos viarum liantes constitutos habebat, & quando res postulabat, quiescebat, somno etiam, & cibo sua tempora concedebat, perfectionemque omnem ad prudentiæ, & discretionis perpendicularum exigebat, & sic feliciter assequebatur locum, quem petebat.* Omnia nimirum cordatè, & suauster antè disposuit. Ac propterea textus sacer ex primordiis itineris finem illi prælagit, *extremosque terminos, à quo, & ad quem, itineris Iacob narrat Moyses.* Quisquis enim suauster incipit, fortiter finiet. Secus ac ille, qui nimis animosè exorsus remittit paulatim spiritus, & professionem ante finem intermittit. Vt ergo feliciter absoluat curriculum, moderatè initio est ineundum.

Multi dubitarunt, neque parùm, aut immeritò, quid causæ sit, quòd regina florum rosa tam citò marcescat, quòd tam perfundioria sit eius & fragrantia, & elegantia, sic vt eodem penè die venustatis suæ splendorem abijciat, quo ostentare cepit. Qui fit, quòd tam subito defungitur, quæ pro suæ speciei, & fragrantie incomparabili dignitate longos menses viuere debere videtur?

Clemens Alexandrinus lib. 2. Pædag. c. 8. causam tradit, inquiens: *Dicunt rosam Rhodom fuisse nominatam, quòd odorù plurimum fluxum emittat, & ideo citò marcescat.*

Similem quæstionem instituere in re morali possumus. Quid est, quòd quidam à studio, & stadio virtutis, vitæ sanctioris, aut penitentis tam celeriter recedunt? Quid est, quòd inter ipsa primordia tam citò languent, torpent, fatigantur? Respondere possumus tam subitæ defectionis causam similem esse

illius, ob quam rosa tam breui tempore marcet. Nimis accelerant gradum in principio, plūs à seipsis exigunt, quàm præstare vires possint, idcirco defatigantur, & deficiunt animis, & abrumpunt profectio- nem. Sic videmus quosdam, qui ieiunijs, inedia, vigilijs, orandi pertinaciâ, strati duritie, flagrorum seuitiâ ita se emaciant, tanquàm à prima linea ad extremam vno passu peruenire velint, idedòq; infeli- cem habent exitum. Similes rosæ volunt esse suas virtutes, ac propterea tam est brevis vita eorum spiritualis. *Quod rosa, quod virtus plurimum odoris fluxum emittat, idedò citò marcescit.*

Vt ergo exercitationum spiritualium studium possit esse perdurabile, ac diuturnum, debet compa- rari cum viribus illius, qui ei daturus est operam, & vult perseveranter vacare. *Sicut videro parvulos meos posse, sic pergā, inquiebat noster Iacob, & eo-*

rum imbecillitati passus meos accommodabo. Sic prudens quilibet, & cordatus, priusquàm iter ingre- diatur, rationem cum oculis, & marsupio init, & pro numerorum quantitate sumptus moderatur. Nam si mox initio pecuniam omnem effunderet, quomo- do viam reliquam conscire posset? Ad eundem modum agere debet, qui se vitæ penitenti tradit, ut primùm cum suis viribus rationes subducatur, tum iuxta earum modulum profectio- nem & cursum vitæ, ac vitæ spiritualis instituat. Quod si & Politicus nos- ter fecerit, si paria viribus opera susceperit, si sar- cinam humeris tolerabilem imposuerit asperitatum, & penitentiz, iter suum feliciter absoluet: Nisi enim passus suos ad normam prudentiz, & discretio- nis componat, quomodo prospero fine claudere suum iter, & patriam assequi æternam poterit?

LIBER OCTAVVS.

CAPVT I.

Qui cum inimico semper vigili pugnāt, nun- quam dormire debet, sed in maximā tranquillitate, & securitate periculosissimum bellum timere.



Vemadmodum qui patentem publicè in via periculosa thesaurum portat, ad illū diripiendum velut inuitat, perque vim auferri desiderat, ut ferè habet sanctus Gregorius Magnus homil. 9. in Euan. Sic qui in isto miserabili seculo, & lachrymarum luctuosa valle curā vacuus vivit, & dormit securus, quanquàm habeat tot hostes in ipsius perniciem foederatos, ad ipsius exitum semper vigiles, videtur indicare, quòd vel bellum non timeat, vel superari non curet. Vtrumque valde damnosum est illi, qui ferid, & omni virium contentione, & quantā maximā potest sollicitudine debet procurare salutem suam æternam, contemptā omni inimicorum rabie, quorum huc omnis conatus vadit, ut omnia remedia impediant, quibus illam consequi potest. Crudeles sunt nostri hostes, contumaces nostri aduersarii, inuidia illorum immanis est, furor truculentus, vigilantia illorum insomnis est, pertinacia infatigabilis, & perpetua, nunquàm enim cessant tentare, & non lassantur vlllo impugnandi labore. Et qui vivit ob oculos talium inimicorum, nunquàm securum se putare debet, tamē si maximā pace fruatur, cum hostes tunc atrocio-

re bello nos oppugnare soleant, cum magis incurti- os, metuque vacuos cernunt. *Vigilandum omnino, & somnus ab oculis auferendus* (inquit Eminenti- mus Cardinalis Ostiensis, sanctus Petrus Damianus serm. 68.) *quis à latrones multis obsident iter nostrum toxicatu missilibus formidands, nullum prorsus inter- ratum transire sustinentes. Diabolus ita inexorable odium aduersus nos exercet, & nunquàm ab eo indu- cias vel in istu oculi potuerimus extorquere. Qui cum tali hoste configit, qui cum aduersario tam furioso luctatur, cui cum æmulo tam crudeli, & pertinaci res est, ut nec momento arma deponat, vel de infe- standi studio, & contentione remittat, quomodo non sollicitè curet, & diligentissimè laboret, ut semper ab armis sit optimè instructus, & contra omnes il- lius machinationes, præligas, irruptiones, assultus validissimè munitus?*

Cum militem Christianum armaret Apostolus, ut probè testus in palæstra huius mundi aduersus mū- dum, eiusque caliginosos duces dimicaret, loricaq; iustitiæ, & scuto fidei, & galea salutis, & gladio spi- ritus eum ceu legionarium Christi vestiret, aiebat: *Propterea accipite armaturam Dei, & possitis resiste- re in die malo, & in omnibus perfecti stare*; Ephes. 6. 13.

Antequàm hinc abeamus, notandum est, quàm cautè, proprièque locutus sit hic Apostolus, non enim ait, *Et securus, sed Et perfecti possitis stare*, hoc namque castrense vocabulum est, & significat, in campo

campo armatum, in morem pugnatu, sollicitum, & paratum stare. Vt autem videamus, quantā curā nobis attendere, quantā vigilantia prospicere debeamus, notanda est eorundem verborum translatio alia, quæ apud Theophylactum talis est: *Vt postea omnibus confectis stare* bene instructi, muniti, solliciti. Itaque verò voluit Paulus, vt Christi milites etiam post confectum feliciter bellum, post dissipatas acies aduersarias, post propulatos, fugatosque hostes perstarent in loco certaminis, & perstarent vigiles, attenti, solliciti, recti, parati? Quis tale quidpiam cogitare potuisset? Videtur enim potius dicere debuisse, *Vt postea omnibus confectis quiescere*. Post absolutum enim prælium, post superatos hostes, post obtentam victoriam, & reportatum triumphum quid aliud consequi potest, quàm vt otio se tradant, & quiesci indulgeant, & confectæ pugne laboribus sese reficiant, qui contentiosè, operosè, ac periculosè diu dimicant? Quomodo ergo Apostolus iubebat *confectis, omnibus stare*, & in loco certaminis iam finiti fixo nihilominus vestigio armatos, promptosque ad conflictum vltiorem consistere?

Theophylactus in c. 6. Ephes. ait: *Est postquam plerique partem victoriam ceciderunt, STARE addidit. Opus est enim post victoriam etiam consistentiam, ne victus rursus ad oppugnandum insurgat. Cum fieri possit, vt vincamur, non debemus in posterum esse desides. Si enim ad torporem lapsi fuerimus, reuiscet occisus hostis. Cum fugato hoste non fugit nostrum periculum, sed illo etiam subactio discrimen nostrum consistat. Quare tanta debet esse nostra à confecto certamine cura, sollicitudo, vigilantia, quanta fuit, cum in arenam cum hoste sanguinario descendimus. Hostis enim noster tam est impudens, & fraudulentus, vt etiam superatus, & prostratus non desperet victoriam, vt propterea post maximum triumphum quàm maximè vigilare, sollicitique, & attentè esse debeamus. Opus est enim post victoriam etiam consistentiam. At si post triumphum etiam necessaria est vigilantia, quantam curam, diligentiamque conflictus ipse postulabit?*

Videamus annon valde opportuna huc veniat Onosanderi quædam doctrina, quam argumento post hæc alio virebimus. Ille in Strategic. c. 8. sic ait: *Imperator si in hostili solo castra ponat, statim Gallo fossam, cingat, licet ibi ad breue tempus considere soluerit. Hac enim castrensis ratio nunquam paritenda; semperq; tuta aduersus repentinam, & imprevisas irruptiones. Collocet etiam custodes, ac speculatores, quasi propè adsint hostes, et si longius abesse putet. Quam*

tam, Deus, curam, ac sollicitudinem requirit Onosander in duore exercitus mouente castra, & in terra hostili vel paucularum horarum moras trahere cogitante? Ità se muniat, inquit, & obuallet, ac si eodie signa cum aduersarijs collaturus esset, licet ibi ad breue tempus considerare voluerit. Ac tamen si longè abesse hostem sciat, excubias tamen in locis opportunis constituat, quæ tam sollicitè aduigilent, quàm si proximè illum adesse nosset: *Collocet etiam custodes, ac speculatores, quasi propè adsint hostes, et si longius abesse putet*. Quid illa tanta diligentia, & præparatio tam sollicita faciat? *Hæc castrensis ratio nunquam paritenda*, nec dolebit aliquando exercitus moderator supremus, tam studiosè aduigilasse, nemo enim vnquam probauit incuriam eius, qui inter hostes absque metu viuit, & semper fuit pernitibilis nimia securitas.

Si contra hostes ex luto fictos, ex carne & sanguine conflatos tantam exigit Onosander vigilantiam, & curam, vt velit Imperatorem militum nec per duas horas incurium, tamen si procul abesse infestas acies sciat, sed semper paratum, vt semper habeat alios in excubijs, alios in stationibus, alios in insidijs, alios in locis ad speculandum opportunis: Quid is faciat, cui non est publica pugna, sed priuata colluctatio non aduersus carnem, & sanguinem, sed contra spiritualia nequitie, contra aéreas potestates, & principem tenebrarum harum, vt Apostolus loquitur, qui nos semper velut constrictos tenet suâ infatigabiliter tandi peruitaciâ, & cedere nesciâ contentione? Quomodo is vel momentum prætermittere audeat, quo non totâ lacertorum vi, & omni animi robore pugnacissimè repugnet inimico quàm altus, tam furioso, & ab oppugnando desistere nescio?

In mystico illo Tabernaculo ad lucem Origenis inueniamus hanc doctrinam bene adumbratam. In religiosi illius suppellectilibus vnum erat candelabrum aureum, ab admirabili sua structura celebratissimū, quod Dominus ex aduerso mensæ panū propositionis constitui iussit, & à Moysè accuratissimè collocatum fuit, qui posuit candelabrum in tabernaculo regionis mensæ in parte australi, vt habes Exodusi 40. 22. Auster ventus meridionalis est, Aquilonem opposito spectans.

Admirabilis cæremonia vitæ est Origeni, quod candelabrum, in quo erant lucernæ, ita locatum fuit, vt eam potius, quàm aliam qualemlibet mundi oram spectaret: *Isud candelabrum in Austro collocat, vt ad Aquilonem respiciat*, inquit magnus Adamantius. Cur verò candelabrum, quod suâ luce fugabat

tenebras, detegebat secreta, & abscondita, esque symbolum vigilantiae, ita positum fuit, ut septentrionem, siue Aquilonem magis, quam Austrum, Orientem, Occidentem respiceret?

Respondet Origenes, si Prophetam Ieremiam consulamus, facile nos reperturos illius quaestionis solutionem, per cuius os Dominus illud tritum pronuntiavit: *Ab Aquilone pandetur malum super omnes habitatores terra*; Ierem. i. 14.

Quod frigidus Aquilo sit communis inimici nostri typus, id tam frequens est in sacris literis, ut superuacaneum sit probare, cum & passim à Magno Gregorio, à sanctis Hieronymo, Isidoro, Beda, à Lyrano, Petro, Berchorio, Laureto, Ricciardo, & alijs affirmetur.

Mysterium candelabri è regione Aquilonis collocati ex his nunc accipiemus. *Posuit candelabrum in parte Australi*, inquit Moyses, ac si dixisset: Cum candelabrum suum luce sit symbolum vigilantiae, merito semper è regione Aquilonis est positum, ut semper respiciat inimicum, ut quoniam ille semper conatur vincere, nostra vigilantia repugnare nunquam desinat: *Accensa lumine, id est, vigilanti corde respicere semper debet ad Aquilonem, & obseruare eum, qui ab Aquilone est, ab Aquilone enim accenduntur mala in uersa terra. Vigilans ergo, & sollicitus, & ardens intueatur semper astutias diaboli, & semper aspiciat, unde sit sententia tentatio, unde hostis irruat, unde inimicus obrepit.* Hæc Origenes. Ergo qui hostem habet, cui nulla à nocendi studio otiosa hora, habet etiam quare in perpetuis vigilijs agere, & tota ingenij cautione attendere debeat, quomodo ardentes illius ictus retundere, & ignea tela illæsus excipere queat.

Quam benè hoc docuit Tertullianus, quando dixit, quomodo gerere se debeat Christianus tectus scuto patientiae, quam tam viuis coloribus delineat, quam ipse Romanæ eloquentiae Parens posset, commendatque à silentij obseruantia, & vultus serenitate, inquit lib. de Patient. c. 15. *Os taciturnitatis honore signatum, color qualis securis, & innoxius.* Sed quid ait præterea de Christiano quam patiente, tam taciturno, tam hilari vultu, quam is esse possit, qui neque alicuius noxae sibi est conscius, neque hostem, quem timeat, vllum habet? An quod dormiat? An quod in otio degat? An quod torpeat, & solitudine omni solutus negligenter viuat? Nequaquam, sed ita describere pergit: *Mortuus frequentis capitis in diabolum, & minax visus.* Tamen si patientia tanquam conscia securitatis suæ sit taciturnitas,

& tanquam benè confisa muteat, & tam sereno sit vultu, quam tranquillo, & timoris experte animo, & integra conscientia: Nihilominus caput identitem ad cacodæmonem obuertit, cui sic arridet, ut minas eisdem oculis intenet: *Mortuus frequentis capitis in diabolum.* Non dicit Tertullianus, sat esse Patientiae suam æquanimitem, aut sufficere, quod inter eundem semel obuertat caput, intentisque oculis oculos dæmonis obseruet, ut se ab illius tectis insidijs seruet, sed multò sæpius obuertere caput, quam mouere gradum, cum videat, nullam posse habere securitatem, nullam promittere sibi quietem, & pacem eum, qui tam crudelem, atrocem, & vigilantem habet inimicum, qui infestandorum hominum tam est intentus operi, ut nemo sit tam celeribus pedibus ad fugiendum, quam ille expeditis manibus ad feriendum, nec quisquæ æquè promptè cauere possit, ac ille nocere.

Et quis securi animi esse queat, qui sancti Antonij principis eremicolarum Epistolam tertiam legit, cui tam frequens fuit cum malo dæmone colluctatio, tam crebrum imposturarum illius ferociæque experimentum, ut magna ei fides, hac præsertim in re, debeatur. In ea Epistola ille sic habet: *Acquisiuius domum tenebrosam, ac pralijs plenam.* Sit homo quispiam inclusus loco tam diligenter undique obturato, ut nulla in eum lux penetrare possit. Sint in eodem loco plurimi hostes in illius exitum coniurati, qui & videri nequeant, & videant optimè, quem mactare & facillè possint, & maxime velint. Quanto in periculo, quanto in timore, & tremore miser ille versaretur, cui talibus cum hostibus tali in loco decertandum esset? Quis non miseraretur ærumnosum illum eiusmodi inimicorum manibus expositum? At quam insanus esset, qui tanto in discrimine positus negligenter se haberet, & oscitanter ageret? Hoc est, quod hominibus accidit, inquit sanctus Antonius. *Acquisiuius domum tenebrosam, ac pralijs plenam.* Duobus malis obnoxium tenebris pleno viuimus, & confusio-nis, nam & in mundo obscuritatum, & confusio-nis tenebris pleno viuimus, & hostes habemus, à quibus perpetuo bello vexamur, tam proximos, quam insenos, qui cum nos perspectos habeant, illi oculos nostros latent, robustique cum infirmis, & astuti cum rudibus, & periti cum in expertis, & semper vigiles cum somnolentis, torpentibus dimicant. Quare ergo inter res tam ancipites dormiamus, & non magis insomnes viuamus, omni que sollicitudine salutis nostræ studeamus? Si domus illa tenebrosa mundus est, periculum idem est. Quis ergo homo

homo aliquin cordatus, & prudens, potest esse o-
scitabundus, qui in medio præsentaneorum pericu-
lorum positus conferis brachijs cum tam versutis,
& malignis hostibus certare debet?

Maximè cum de illo magnus Africanus Tertulli-
anus lib. de Pœnit. c. 7. dicat: *Obferuat, oppugnat,
obsidet, si quâ possit aut oculos concupiscentiâ carnali
ferre, aut animum illecebris singularibus irretire,
aut fidem terrena potestatis formidine euertere, non
scandalis, non tentationibus deficit.* Animæ nostræ
arcem rabiosus ille hostis ex omni parte explora-
bundus tentat, si quâ irrupere possit, iamque & o-
culos rerum obsecnarum obiectu, & illicijs, & au-
res murmuracionibus, obrectationibusque, & os bla-
sphemijs, & cor varijs cupiditatibus, & caput super-
biâ infestans. Denique non angulum relinquit, quæ
non scrutatur, non pinnam, quam non obseruat:

Non scandalis, non tentationibus deficit. Mira per-
tinacia hostis nostri, qui nunquàm cessat eiaculari
globos suos igneos, nunquàm remittit de ardore ari-
etandi arcem animæ, sed quouis momento vitur no-
uis stratagematis, artificijs, dolis, vt damnatorum
votorum suorum compos fiat. Si autem diabolus
non fatigatur, cur dormiat homo, cui bellum ex
bello nascitur, & prælio vno confecto mox aliud
periculosius mouetur?

Nonne hoc videmus in Patriarcha nostro expres-
sum? Habuit ille talis rei experimentum, & nobis
reliquit exemplum. Discedebat à domo Laban, at-
que hic illum persequabatur, posthæc timor fratris
illum inuasit, cum quo deinde reconciliatus in gra-
tiam, & fraternam consuetudinem redijt. Hic nunc
visum fuerit S. Patriarchæ nihil ærurnarum esse re-
liquum, omnes nunc exantlatas vitæ, ac vitæ difficultates.
Et ecce alia calamitas multò maior præteritis illi à
Dina filia vnica inopinatò confatur. Hæc è paren-
tum consortio domestico digressa iuit, & videret mu-
lieres regionis illius, in quam recens aduenerat. Ci-
uitatem ingressa incidit in oculos Sichem filij regis,
qui amore eius captus flagitium inuitæ intulit. Con-
sciuerunt stuprum sororis fratres, dissimulantesque
scelus fraudem adornant, & cedem primum Principi,
eiusque parenti, dein toti ciuitati intulerunt, v-
nâque occisione omnes extinxerunt, nisi quod mu-
lieribus parçitum, & pueris. Hac sanguinolentissi-
mâ cæde, & immeni strage fuit sancto Patriarchæ no-
stro tale mortis periculum comparatum, quale
nunquàm antè subierat, perijssæque, nisi Dominus
illum speciali præsidio suo sospitasset. Gliscebant ergo
illi in dies noua discrimina, calamitatumque alia

Tom. III.

aliâ per manus velut ductabat. Itaque fieri non
poterat, quin semper in metu anxius viueret sanctus
noster viator, ex cuius actis discimus, insigniter,
stultos esse eos, qui solutè, oscitanterque in præsen-
ti viuunt, cum habeant inimicos, quos diximus, &
non solum subiaceant periculis, quæ experiuntur,
verum etiam merito formident futura, quæ eis mi-
nantur.

*Eundem hortum colit Periocha prima Dominica V.
post Epiphaniam Tom. II. pag. 445. c. 2. o. Sibi ha-
bes pulchra.*

CAPVT II.

*Non tam difficilis prouincia est abscondere ignem,
quàm clausam tenere mulierem, cui mortem acer-
biorem consciscere non possis, quàm si domi recondi-
tam serues.*

Quæ enim clausis ignem? aiebat ibi quidam Po-
etarum. Tantâ enim contentione, tantâque
pertinaciâ regionem superiorem, ex qua fiat conspi-
cuius, ignis petit, vt ægrè, ac perdifficuler retineri
infernè queat. At quis mulierem domi conclusam
retineat? Vt primum illud non vulgare est miracu-
lum, sic hoc posterius prodigium non exiguum.
Hoc plerumque sexus ille, & pars eius maxima ha-
bet, vt oderit latebras.

Præcipiebat Dominus in lege vetere, vt masculus
quisque certos affectus ætatis annos ter minimum
quotannis sisteret se Tabernaculo, in quo erat area
Testamenti, vt eo ritu profiterentur, quod Domi-
nus, ad quem adorandum ibi conueniebant, esset
ipsum Deus, Pater, Creator, è cuius munificis ma-
nibus acciperent omnes gratias, vniuersaque bene-
ficia, quibus fruebantur. Summa legis erat ista:
*Tribus temporibus anni apparebit omne masculinum
tuum in conspectu omnipotentis Domini Dei israel;*
Exod. 34. 23.

Æquissima certè lex, quales omnes, quascunque
sacer Legislator promulgauit. At videtur mulieres
præterisse, & exclusisse tanquàm immunes ab illo
debito sistendi se conspectui Domini, ac si illas non
eadem, quæ viros, constringeret necessitudo agno-
scendi colendique supremum luminum patrem,
qui boni omnis fons est, & origo. At si lex illa eo
consilio lata est, vt qui ad Tabernaculum consue-
bant, religioso suo conuentu Dominum suæ vitæ,
omnisque felicitatis autorem testarentur, ac vene-
rarentur, cur mulieribus peregrinationis labor non
æquè fuit impositus, ac viris, vt his se vitæ conitres,

Kkkk

& sacri

& sacri cultus, communisque obseruantiae socias adiungerent, quibus paria beneficia necessitatem pariter imposuisse videntur? *Apparebit omne masculinum. Nonne & femina tibi cura sunt, Domine, sicut & masculi?* aiebat Oleaster in Annot. morali. At cum eodem loco Deus habeat mulieres, quo viros, cur illæ non pariter fuerunt iussæ peregrinari, ac viri?

Respondet magnus Lusitanus: *Amat hoc genus exire, amat hinc inde discurrere.* Cum negotium sistendi se Domino in peregrinatione, profectio, excursionem positum esset, superuacaneum videtur mulieres præcepto ad illud adstringere. Viri magis amant secum morari, faciliusque domi se continent, ac propterea iussione euocandos illos potius, quam mulieres putauit Dominus. Otiosum esset illas præcepto ad peregrinationes sacras, deferendumque secretum domesticum excire, ipsæ ex se procliuiter euagantur, prodeundique omnes occasiones quam auide expectant, tam studiosè, & curiosè obseruant. Habet hoc ille sexus mulierum, vt plerumque omnia benè faciant, dum nemo faciat, vt domi reconditæ manere, & parietes custodire domesticos debeant.

Ioseph Patriarchæ nostri filius in Ægyptum abductus, à Putiphate emptus fuit. Vix oculis liberali formâ adolescentem lasciuia domini sui vxor arbitrata fuit, quando illi per summam impudentiam dixit: *Dormi mecum;* Genes. 39. 7. velut pluribus dixisset: *Vultus tui elegancia, ô formosæ captiue, & morum gratia, & decentissima totius corporis structura ita cor meum expectorauit, animumque deuinxit, vt nisi lachrymis meis, ac precibus concedas, certam mihi mortem secururus ex difficili morositate, ac dedignatione tua moeror, ac dolor allaturus videatur.* Exterritus tam inexpectato rogatu castus adolescens, perturbatusque tam obscœnis lasciuæ heræ suæ verbis, quanquam grauissimis, & iniurijs rationibus fidem, quâ domino suo obstrictus esset, assereret, illa nihilominus per dies singulos, quod sacer Scriptor monet, *molesta erat adolescenti,* pertinaciterque murum fidei illius, & castitatis arcem tentabat, demùm verò etiam, cum absq; arbitris domus esset, & solum adolescentem illa nata, oportunitissimam eam occasionem arbitraretur, manus intaminate iuueni libidinosas intulit, pallioque apprehensum per vim in scelus, & turpis voluptatis commercium pertrahere voluit. Id Moytes his verbis narrare incipit: *Accidit quadam die; i-*

bid, v. 11. Quænam illa dies fuerit, difficile est sta-

tuere, aut definire. Flavius Iosephus ait, fuisse solennis, ac publici festi diem, quo mulieres primariæ omnes domibus effusæ ad conuentus publicos confluerint, & venustatis suæ tum nauuæ, tum adscitæ, monilumque, & omnium ornamentorum ostentationem fecerint. *Publico festo instante,* inquit ille lib. 2. Antiq. c. 3. *cuius festiuitatem feminas quoque frequentare mos erat, fingit morbum apud maritum, captans solitudinem, & ad Iosephum sollicitandum opportunitatem.* Quanquàm obscœnè lasciuia, non tamen iners, non rudi, taroque, & obtruso ingenio erat hera illa, inquit Iosephus, quæ cum suspicari cœpisset, Iosephum in ea esse sententia, quod à domina sua ad scelus inuitabatur, id ab ea non fieri turpi inconcellæ libidinis cupiditate, sed hoc solum consilio, vt experimento disceret, quantæ esset captiui famuli erga suum herum fidelitas, & semel certò exploraret, qualemnam domi seruum haberet, quid egit, vt eam Iosephi adimeret suspicionem, persuasumque faceret, non fraudulenter, non periclitandæ fidei gratiâ ad concubicum sollicitasse, sed ab animo ipsius amantissimo, & ardentissimo profectum, quod complexum illius petierat? Ad nouam artem se conuertit, ægritudineque mentita fuit, idque die festo, quo præsciebat omnes ad communis lætitiæ consortia prodituros foras, cumque solum domi Ioseph, nescio quid illud operis, retinisset, illa operam diu occasionem cupidissimè arripens, denuò illum adoritur, rogatur, & obsecrat, vt æquiores, & beneuolentiores, facilioremque exhibeat, & exobsecrari ab ea sinat, quæ illum non tunc primum demorari inceperit. Venire autem ex penitissimo corde, quod obtestabatur; id ex ea re iubeat æstimare, quam propter illum reliquisset. Quid verò propter Iosephum relinquebat, vt illi indubitatum faceret, quod petebat, id ab animo serio, & sincero nasci, non periculi faciendi causâ fieri? Nonne vides, quod ait Iosephus, finxisse *morbum apud maritum?* Ægritudinem simulauit, vt ne domo exiret: Ostentandi sui, omniumque oculis exponendi sese expetitissimam alioquin opportunitatem præterlabi volens, ac lubens permisit, eaque re de sua enixa voluntate Iosephum certiore reddidit, integerrimoque amore illum prosequi, ac desperare, non obscure significauit, sed grauissimo, & luculentissimo argumento euicit, testatumque, ac demonstratum dedit. Quæ enim prodire domo cum possit, intermitte, quæ publicos conuentus, palamque videri, & videre negligit, ea haud dubium plurimum amat, & extremâ, quod aiunt, lineâ diligit,

& per,

& perdidit charam habet eius gratiam, cuius gratia hoc facit. Nam ut infensissimè oderunt mulieres solitudinem, & recessus, & latebras, ita validiore ratione suum erga alios amorem demonstrare nequeunt, quam si eorum amore domi se contineant, & hanc illi, quem diligunt, in se victimam mactent.

Nympharum vestitum obscœni amoris profanus pater Ouidius lib. 1. Fastorum sic describit:

*Exferit hac humerum, Gesses trahit illa per
berbas.*

Impediunt teneros Vincula nulla pedes,

Carolus Neapolitanus Anaptix. ad lib. 1. Fast. num. 164. ait, *Vincula pro calceis posita ab Ouidio.* Id verò ingenuè factum, nã cum iniquissimè clausuram domesticam ferant foeminae, & domus illis pro cruciabili tormento sint, quidquid libere obambulationi earum impedimentum qualecunque adfert, hoc illis pro duris vinculis, & poenalibus pedicis, & intolerabilibus compedibus, & immani carcere, & carnicina est. Apud illas nulla magis captiua, quam quæ domi clausa, nulla magis libera, quam cui vagari licitum, nulla magis mortua, quam quæ latebricola, nulla æquè viua, ac illa, cui obambulandi, & prodeundi facultas laxa.

Ad Episcopum Thyatiræ legatus à Domino missus Ioannes, iussusque fuit, ut cum de bonis operibus illum commendaret, cum de quibusdam erratis obiurgaret. Ex malefactis illud vnum erat, quod mulierem obscœnam Iezabelem, quæ se prophetidem dicebat, docere permiserat, & inducere alios ad fornicationem, & eum idolothorum. Minabatur ergo supplicium, quo coercere illius mulieris audaciam vellet, ne in aliorum perniciem redundaret. At videamus quam poenam in eam decernat, quæ cum liberrimè quocunque eam sua malicia vocabat, euagaretur, plurimos in deum abducebat. *Ecce mittam eam in lectum,* inquit Apoc. 2. v. 22. faciamq;

ut suum ipsius stratum habeat pro carcere. Glossa ibi ait: *Ego mittam eam in lectum doloris, & alia translatio ponit lectum pro lecto.* Ego sic eam plactam, inquit Dominus, ut à manu mea profectas esse poenas supplicij omnes intelligant. Quale verò supplicium est mulieris, quæ sua perniciosi doctrina, & prauo exemplo homines tam multos in præcipitum abduxit, quod strato affixa fuit, ubi agnitionis, dolorumque compedibus onerata, & constricta, in lecto tanquam in carcere perpetuo versaretur? Non erant poenæ aliæ, quæ reperi à muliere tam insolente, vasa, & fraudulenta possent: Acerbior enim nullam fuisse illud subindicat, quod ab ipso Deo ad e-

am damnata fuit. Quis verò cruciatus, cui addicta fuit? Ille, ut tanquam cochlea, domi moraretur: *Ecce mittam eam in lectum,* hoc est, dolorum catenis vinciam, vindictamque in lecto retinebo, non permittam ut prodeat, publicoque conuentui, gaudiuè ulli intersit. Hæcine verò tam grauis multa, tam cruciabilis animaduersio? Immo verò easpe: Nam adimere mulieri suam excurrendi libertatem, prodeundi licentiam coercere, id, si rem de communis illius sexus conditione, & familiari consuetudine arbitreris, terribilius supplicium est, quam si vitam ipsam eripias. Itaque coniungere mulierem in lectum, & in mortem, vel sepulturam, videtur idem esse: *Ecce mittam eam in lectum, in lectum.*

Peruulgatum est votum illud, quod Israëlitiçi populi dux Iephthe nuncupauit Deo, ut per illum euaderet angustias, in quas se à catholicæ religioni infensis hostibus compactum videbat: Votum suum Iudic. 11. 30. 31. his verbis concepit: *Si tradideris filios Ammon in manus meas, quicunque primus fuerit egressus de foribus domus meae, michi, occurreris reuertenti cum pace à filiis Ammon, eum holocaustum offeram Domino.* Audiuit Dominus deuotum, & religiosum supplicem, tradiditq; Ammonitas in manus illius, à quibus cum triumphator domum rediret, prima illi occurrit filia gaudibunda, ut patri de victoria ante omnes gratularetur. Contristatus fuit inperato euentu pater, & cor illius magno luctu perfusum, & festa triumphi læticia in mortales anxietates versa. Communicauit autem de voto cum filia, eaque humiliter se obulit omnibus, quæcunq; Pater Deo Pollicitus esset, *expletusq; duobus mensibus fecit ei, sicut couerat,* ibid. v. 39.

Non obstantibus his sacri textus verbis dubitatum ab Expositoribus fuit, utrùm filia Iephthe reapse à patre primum ferro obruncata, dein pyræ imposita, & exusta fuerit, ut esset holocaustum, quale ille vouerat.

Nicolaus Lyranus ex sententia Hebræorum sic ait: *Sine præsudicio, & per modum collationis potest dici, quod Iephthe filia non fuit sacrificata Domino per mortem corporalem, sed potius per ciuitatem, seu spirituales.* Itaq; fuit sacrificata Domino per obseruationem virginis, viuendo in orationibus, ac ieiunijs, ac pijs operibus. Quod ergo filiam suam vitæ sollicitæ addixit, & ad hunc modum sacrificauit, perinde fuit, ac si victimam mactasset, idque ex sententia sapientiorum Hebræorum, quos consultauerit Iephthe, ut sine quorum consilio, & approbatione nouate nihil audebat. Vbi videntur illi de re ista in rem

nostram aptè sensisse, vt qui Iephthe authores, suaforesque fuerunt, vt quam gladio non immolaret filiam, eam claustro includeret, & eâ ratione sacrificaret: Nam & reuerà vt sunt plerumque, & maximam partem impatientes latebrarum, infensæ recessui, inimicæ solitarijs parietibus mulieres, ità excludere eas à communi consuetudine hominum, & prorsum è viujs eximere, secretoque viuas addicere, & mortuas tumulo inferre, & humo obruere, videtur perinde esse.

Præclare hæc explicata, & confirmata dabit quoddam epitaphium, seu funebre elogium Claudie insignis matronæ Romanæ, quod Ioannes Kirchmanus de Funerib. Roman. lib. 3. c. 20. his ipsius verbis describit:

*Hospes, quod, deico, paullum est, asta, ac pellege.
Hic est, sepulcrum, haut pulcrum, pulcras, famina,
Nomen, Parentes, nominarunt, Claudiam.
Sous, maritum, corde, dilexit saue.
Natos, duos, creauit, horunc, alterum,
In terra, liquit, alium, sub, terra, locat.
Sermonem lepido, tum, autem, incesit, commodo.
Domum, seruaui, lanam, fecit, dixi, Abei.*

Hactenus ille.

Nonne animaduertitis in his verbis ista, *Domum seruauit, Dixi*? Scitis, quod oratores veteres olim postquam dicendo absoluerant suas orationes, hoc verbo eas velut obsignabant. *Dixi*. Hodiernus mos idem habet, & verbi istius ille est sensus, ac si Orator pluribus diceret: Quidquid in hanc rem meditatus fuero, totum dixi, videturque mihi nihil esse reliquum, quod de tali re amplius dici possit. Sic epitaphium, cum Claudiam post multa ab eo commendasset, quod *domum seruauit*, solitudinem, & recessum amauit, nunquam in compitis, aut plateis visa fuit, denique subiunxit, *Dixi*, ac si dixisset: Nunc abruptum orationis filum, nunc contrahenda vela, nunc Herculis columnæ hic figendæ, non enim est, quod excurram longius, non virtus, à qua posthæc laudem feminam, quam ab eo semel prædicavi, quod domi custos, latebrarum assidua cultrix fuerit: Nam vt plerumque ferè abhorrent à claustris, ità inuenire vnâ, cui solitudo chara, & familiaris fuerit, est autem raram, Phœnicem, inquam, reperisse? Vt enim eruditus quidam scriptor sermonum Didacus de la Vega, quem plurimum amo, & veneror, ait, vnum in totis Hispanijs tantum nouimus Ruisum Diaz, quem Mauri vocarunt Cid, Christiani Campum Martis, siue hominem, qui in campo pugnare amaret. Verum in hac parte muli-

eres per plures numerant Cides, quæq; in campo ment non pugnare, sed liberè vagari, verè ventî campi, quod vt venti ruri, vbi nullo prohibentur obstaculo, liberius in omne latus feruntur, sic & illæ ea loca diligant, in quibus discurrendi maior sit facultas, & licentia.

Dicat hoc nobis, præter alias, vna sola filia, quam Iacob habebat, dicta Dina, cuius iam fecimus mentionem, quæ vix appropinquare ciuitati alicui cœpit, quando egressa est, & videret mulieres regionis illius, Gen. 34. 1. Abulenſis ait: *Quasi furtim de domo patris egressa fuit*; & quanquam tot haberet vitæ, & claustræ suæ custodes, parentes sanctos, fratres piè educatos, famulos benè institutos, nihilominus oculos, studiumque attentionis omnium fugit, solaque in locum se recepit, vbi & videre posset, & videri. Secundum hæc quid mirum est, quod dixi, operosius esse claustram seruare mulierem, quam abscondere ignem? Quis enim vel vnâ aliquam teneat reconditam, nisi ipsa velit? Quis illius pedes ederceat, si detrectet? Quis domi cohibere possit, si fortè nolit?

Quam amantes debeant esse mulieres latebrarum, vide Tomo I. Periocha IV. Fertia IV. post Domum IV. Quadragesima, pag. 353. o. Vide etiam Tomo I. in Indice rerum, Verbo Mulier, quam sit stultum seruare mulierem, qua se ipsam seruare nolit.

C A P V T III.

Nitimur in vetitum, eaq; auidius appetimus, quæ seuerius negantur.

Quod furtim egressa de domo patris sui Dina fuit, vt paulò antè ex Tostato dicebamus, id ex immodica parentum erga filiam cura, & custodiendæ illius nimia solitudine factum multi arbitrantur, tanquam ipsa reclusio cupidam exeundi, & perterram recessus illud fecerit, quod se à multis tam studiosè, cautiisque obseruari cerneret. Quam familiare, vltatumque hoc est nostro humano appetitui! Fortè parentes (quod de illorum pietate facile cogitari potest) filiam suam, quod vnica esset, sollicitè, & diligenter custodiebant, neque egredi in ciuitatem sinebant, & hac ipsa tam studiosâ illius obseruatione, & reclusione excitabant eam, vt vehementius desideraret exire, euagandique cupiditatem acuebant, & inflammabant eò amplius, quod magis restringebant. Denique egressa est, & videret, quantum diu anxie custodita, ne hoc faceret, iustique omnem diligentiam, & vigilantiam excubitorum puellaris

puellaris curiositatis diu impeditæ magnitudo, ac
vehementia. Ex hoc ipso namque, quod cuiquam
rei alicuius, quam appetit, copia denegatur, magis
accenditur illius erga eam cupiditas, ut multo arden-
tius eam suspiret.

Dimisit à se Dominus adolescentem quandam,
qui cum magno, ut videbatur, desiderio frequentandi
scholam illius aduenerat. Accessit ad illum mox al-
lius cum auditate nihilo minore tradendi se in di-
sciplinam eiusdem, ac faciendi eximios in studio vir-
tutis progressus, utque huius voti compos fieret, a-
iebat: *Domine, per mitte me primum ire, & sepelire
patrem meum*; Matth. 8. 21. tanquam dicere voluis-
set: Cælum nouit, quanto flagret pectus meum de-
siderio perdiscendi diuinam Philosophiam, quâ tu
animæ salutem æternam parare doces. Vnum tan-
tùm me impedit pietæ occupationis negotium, illud
nempe ut sepeliam patrem meum, & boni filij offi-
cium exequar, & iuxta funeri illius suprema exsol-
uam. Da ergo, ut cum tua bona venia, & permissi-
one has, quas dixi, exequias curem, sic enim omnibus
alijs impedimentis solutus liberè, promptèque, &
expeditè te sequi potero. Respondit ei cælestis ma-
gister: *Sequere me, & dimitte mortuos sepelire
suos*; ibid. vers. 22. velut pluribus dixisset: Apa-
gete cum istis tumultuarijs curis, & turbida solici-
tudinè, sepeliendorum mortuorum operam mortuis
relinque, nam quod tua nunc refert, illud est, ut me
sequaris. Fecit ita iuuenis ille, oblitusque defunctum
patrem, officium illi parentandi fratribus suis, cæ-
terisque cognatis reliquit.

Euthymius dignum admiratione putat, quod iste
iuuenis non absque petita venia vtrò abierit, ut ex-
tremum illum parenti honorem penderet: *Tu vero
si admiraris*, inquit, *quomodo non sua sponte abieris,
sed petiuit, ut sibi liceret*, aliud tibi hac in causa o-
stendam, quod multò etiam sit mirius. Et quidnam
illud? Hoc, *quomodo prohibitus manserit*. Fuerit ad-
mirabile, quod non vtrò abierit, quod pietatis offi-
cium vocare illum videbatur, illud magis stupen-
dum, quod iussus manere mansit, qui tantâ cupidi-
tate abeundi renebatur: Nam cum eò plurimùm
propendeant homines, ut hoc enixius velint, quod
gravius est prohibendum, & languentissimum, veter-
nosissimumque appetitum, quæ maximè interdicta
sunt, vehementissimè excitant, mirissimum est, quod
hunc iuuenem suæ cupiditatis æstus non abripuit,
eum ire ad inferendum tumulto patrem prohibitus
fuit. Itaque dignum est diligenti notatione, *quo-
modo prohibitus manserit*, nam non appetere, quod

interdicitur, non qualecunque prodigium est.

Cum Propheta regius pernôisset, quanta mala, &
incommoda parere infrenis lingua, quantumque præ-
cipitare fera illa bestia homines alioquin moderatissi-
mos, & modestissimos soleat, obsecrabat Domi-
num, ut is, qui solus eam coercere posset, os, lin-
guamque ipsius optimus custos iræ seruaret, ne quid-
quam loqueretur, quod rationi non maximè esset
consentaneum, inquit: *Pone, Domine, custodiam
ori meo, & osium circumstantia labijs meis*; Psalmo
140. 3.

Hanc Prophetæ orationem sic dilucidauit Hugo
Victorinus in lib. de claustro animæ. *Osium dixit,
non murum, si enim murus poneretur, licentia lo-
quendi negari omnino videretur, sed osium ponitur,
quod loco, & tempore suo clauditur, & aperitur*.

At cum David taciturnitatis amantissimus esset,
& obseruandi silentij cupidissimus, ut qui sciret
quanta damna plerumque ex locutione resul-
tent, cur non petijt grandi saxo sibi os obturari, & obli-
gnari sigillo adamantino labia, sed portâ solum clau-
di rogauit, quæ aperiri, cum res postulat, queat?
Osium circumstantia. Causam Hugo iam exposuit,
dicens: *Si enim murus poneretur, licentia loquendi
negari omnino videretur*. Nouerat ingenij nostri
conditionem Propheta, nouerat quod ardentius ex-
petimus, quæ seuerius prohibita. Et quanquam con-
sideraret, quàm vile sibi esset habere clausa labia,
non muro tamen clausa esse voluit, non si muro in-
terclusa essent, omnis illi adempta loquendi facultas
fecisset, ut linguæ vsum vehementius demoreretur,
licet inter hæc cogitaret, quantum exitij ea illi ad-
ferre posset. Ut ergo felicius euenirent omnia, non
muro, sed foribus labia sibi obturari rogauit, quæ
referari possent, tametsi essent clausæ, ut cum eas ad
loquendum aperiri nonnunquam posse sciret, lo-
quendi cupiditatem prompta facultas mitigaret,
minusque vehementer expeteret, cuius sibi immi-
nura quidem, sed non prorsus ablatam copiam
nôisset.

Huc faciet illud quæsitum Aristotelis sect. 11.
Problem. 35. *cur homines linguâ hesitantes loqui ne-
queant voce submissâ*. Responder philosophorum
Princeps appositè ad rem præsentem, causam eam
esse, quod *offensaculo quodam Cox sistitur, retinetur-
que*. Balbutientes quoddam à natura habent in ner-
uis impedimentum, à quo fit, ut non satis expeditè
mouere linguam possint, ut propterea maiore late-
rum contentione ad loquendum vri debeant, & vi
quâdam per obfessos, & angustos meatus voces edant

subtiliores, & altiores, præcipientque verba, & tributent sermone. Itaque quod se desitutos vident submisit loquendi facultate, quâ valent alij, id ipsum facit, ut eò sic incitator, & turbulentior loquendi impetus, quò impeditior vsus. Quod ergo offensaculo quodam vox sistitur, resineturque, idem causa est, ut maior ad exprimendum verba conatus adhiberi debeat, adeoque vox altior, per arctiores maximè fauces erumpat. Irâ semper vehementior est, ac præcipitior interclusa cupiditas, cum priuario sit incentium appetitus.

Quam multis Scripturæ locis comparantur mali cum fumo! Mihi commemorare omnia per tempus non licet. Davidis, & Salomonis filij eius testimonia huc attulisse sat fuerit. *Sicut deficit fumus, deficient, sic pereant peccatores a facie Dei*, inquit ille Psal. 67. 3. Quæ alij sic legunt: *sicut deficit fumus, deficient, sic perebunt peccatores a facie Dei*. Salomon verò ait Proverb. 10. 26. *Sicut fumus oculis, sic piger his, qui miserunt eum*. Quamobrem peccatores cum fumo potius, quàm re alia comparantur?

Respondet Robertus Holcot in cap. 10. Proverb. *Dicuntur fumus impij, quia contra ventum erigunt sibi etiam, quia in ea parte, ubi est præceptum obedientia, ibi directè se erigunt mali subditi per prauaricationem. Quasi sicut dicit Augustinus lib. 13. de ciuit. cap. 5. ipsa prohibitio pralatorum auget desiderium operis illiciti*. Notoria est fumus conditio, quæ talis ea, ut contra aduersum ventum validius nitatur, perque eam viam erumpere pertinaciùs velit, quàm flamma maximè obstruunt, & intercludunt. Fumum eà in re homines, subditi inprimis imitantur, ut obfistentibus superioribus vehementius repugnent, & quod illi verant fieri, hoc facere ardentius cupiant, tanquam ipsa prohibitio illicitum illiciti sit operis, & interdicto magis inardescat animus ad vetita. Propterea rectè conferuntur cum fumo, qui maiore contentione illos meatus pertentat, quos obstruere ventus contrarius enixius videtur.

Hinc intelligemus quædam Tertulliani non nihil difficultia verba. In suo de pœnitentia lib. cap. 6. agit de illis, qui differunt pœnitentiam, & sic ait: *Interpellat illos ad desiderandum ex pristinis aliquid ipse finis desiderandi. Velut poma cum iam in acorem, vel amaritudinem senescere incipiunt, ex parte aliqua tamen adhuc ipsi gratia sua adulantur*. Quoniam is, qui pœnitentiæ exercitationem suscepturus, & pœnalium operum vsu noxas maleactæ vitæ superioris est expiaturus, scit quòd debeat rerum inconcessarum appetitionibus fores totas occludere, & manet

illi præteritorum desiderium, idque cum vel vnicè, vel maximè impedit, quòd renuntiare voluptatibus superioribus, & finem imponere malis studijs, quibus diu assuevit, ipse sibi debet, & seipsum addicere necessitati deserendi prauas occupationes pristinas, idque per pœnitentiam, cui accingitur, per quam illi omnis mala cupiditas rei illicitæ interdicitur.

Hoc est, quod Tertullianus verbis alijs dixit. Verùm similitudo, quâ illud declarare voluit, subobscura est, & difficilis. *Velut poma*, inquit, *cum iam in acorem, vel amaritudinem senescere incipiunt, ex parte aliqua tamen adhuc ipsi gratia sua adulantur*. Vbi eos, qui tardè ad suscipiendam pœnitentiam accedunt, componit cum pomis, quæ cum accescere, & putrescere paulatim incipiunt, magis assentantur palato, & gustui. Varias interpretationes hæc similitudo passa est, sed quæ receptior, ea causæ nostræ magis congruit, & adminiculatur. Dixerat Tertullianus: *Interpellat illos ad desiderandum ipse finis desiderandi*, hoc est, quòd baptismi susceptionem procrastinant, id fit, quia vident per illum sibi intercludi aditum ad vitæ voluptates superioris. Cum autem cernunt, & cogitant, à baptismo sibi inconcessum fore ire in antiquam syluam, modumque imponi appetitui, & angustis limitibus illum circumscribi, inde nascitur, quòd flagrantius ea desiderant, quibus iamiam renuntiare oporteat, & magis acuit appetitum proximè secutura priuario. Ut in illis cernere liceat, quòd in pomis, visis, alijsque talibus fructibus videmus, quorum cum magna sit per id tempus, quòd primùm maturuerunt, & decerpi solent, copia, exiguum est pretium, verùm posthæc maior æstimatio, cum illud tempus præterijt, minusque sunt obuij, iamque pati cariem, vitium agere, putrescere, & putere incipiunt, tunc enim magis illis esurimus, tunc suauiores illos nobis fingimus, tunc auidius expetimus, qui in horto pènduli, & sani, & viuis coloribus ad omnem oculorum gratiam tincti cum specie visum pascere, nimia affluentia stomacho nauisam adferebant. Talia sunt omnia sæculi oblectamenta, tales carnis voluptates.

Fastidium generant, donec illis liberè frui liceat, & vsus eorum est obuius: Quæ tamen ingens sui desiderium relinquunt, cum ipsa relinquere per tempus est necessum; perinde ac fructus, qui per autumnum, & vindemix dies habentur viles, per hyemem cari, & pretiosi. Sic omnis corporea voluptas voluptuosior videtur, cum est abdicandi, & delectabiliorem, suauior emque se offert auferenda. Familiare hoc appetitus humani malum est, ut inhiatius cupiat,

cupiat, quod magis vetitum, & prohibita ardentius depereat: *Interpellat illos ad desiderandum ipse finis desiderij. Accensæ candelæ similis est appetitus, quæ tunc luculentius lucet, cum extinguitur.*

Magna huius rei exaggeratio mihi videtur id, quod Dominus populo suo, vt post egressionem ex Ægypto faceret, præcepit, estque tale: *Septem diebus azyma comederis, in die primo non eris fermentatum in diebus vestris. Quicumque comederis fermentatum, peribit anima illa de Israël, à primo die & usque ad septimum;* Exodi 12. 24.

Admirabilis lex, inquit sanctus Gaudentius, cuius est illud feru. 3. in Exodum: *Si fermentatum fuerit iussisset, diligenter illuc necessaria esset, ne deesset. Quod iussit, desideria est, non laboris.* Nihil congruentius naturæ humanæ inclinationi, quàm pigritia, socordia, remissio, negligentia, torpor. Testatur id vis illa, ac sollicitudo, quæ Dominus per Scripturam, perque ministros, & prædicatores suos non vrget, vt repellamus somnum, & abijciamus omnem ocitantiam nobis alioquin nimisquam familiarem: Non habere autem fermentum, aut nõ subigere fermento farinam, est feriari, & nihil agere. Cur ergo Dominus, cum illos vult otiosos, ac feriatis, id sub capitis certa pena illis præcipiendum putauit? *Quicumque comederis fermentatum, peribit de Israël.* Itane verò comminatione mortis promouendi erant, vt otiantur, & vacarent! Quorsum tam graui supplicio ad id compellere voluit, ad quod vitiatæ naturæ ponderibus procliuius ferebantur, & vtrò ibant?

Respondet Gaudentius: *Negligentiam subet, & obedientiam probet.* Summa in his paucis exaggeratio posita videtur. Appetitus humanus quietem, otium, vacationem, remissionem amat, nec quicquam est, quod magis fugiat, quàm laborem. Quando ergo Dominus vult, vt homo (quod ita conueniat) certæ causæ ergo superseadeat labore, vt illum ad vacandum obliget, necesse videtur poenâ capitis eum ad otium cogere, apud quem scilicet plus valet prohibitio, & priuatio, quàm alia omnia. Et quamuis inertia, remissio, otium plurimam cum natura coniunctionem habeant, deprauatæ voluntati tamen magis naturale est, cupere vetita. Itaque cum homini vacatio, ad quam natura vehementer propendet, imperatur, necesse est vitæ poenam tali etiam præcepto adiungere, ne laborem, qui per indictum otium est prohibitus, ob hoc ipsum, quod prohibitus, magis appetat, & feriari nolit, ne indictum laborem intermittere debeat: Quamuis enim homo alioquin laborem penæ vt mortem oderit, si ta-

men cessare à labore iubeatur, ne vita quidem illi æquæ cara est, ac labor. Eapropter Dominus *negligentiam subet, & obedientiam probet.* Tamet si enim facillimum homini sit feriari ab opere, ob hoc ipsum tamen, quod id illi præcipitur, & appetendi laboris facultas appetitui adimitur, appetit opus vetitum, & prohibitum laborem, à quo alioquin plurimum abhorret. Tam potens namque est priuatio appetitus, aut coarctatio libertatis illius, vt homo, quod vulgò dicitur, ob solam peccandi libidinem peccaret, si peccare illi interdiceretur, eò quod passim ita fieri soleat, vt nitamur in vetitum semper, cupiamusque negata.

CAPVT IV.

Credere aliquid ei, qui aliquando infidus fuerit, sagax nonnunquam industria est, per quam colere fidelitatem incipiat, qui violare solebat.

Vanquam hæc doctrina communiter ad omnes spectet, ad mulieres tamen specialius dirigitur, quæ sunt infirmiora vascula, personæ imbecilliores, & cum sint procliuius ad querimonias, & suspiciones, prudentiâ, & rationis iudicio minus valent. Quapropter necesse est, vt ad quem mulieris educatio, institutio, gubernatio ex officio pertinet, plurimâ, quantum fieri potest, blanditiâ, mansuetudine, suauitate erga eam vtatur, & neque arctiore disciplinâ constringat, neque austerioribus præceptis coercet. Immodica enim, & immoderata mulierum arctatio solet maiorum malorum esse causa, & efficere, vt peiores euadant, & minimè obtineat, quod maximè sperabat is, qui duriusculè cum eis agendum putauit, vt magis in officio contineret. Faciendum cum eis est, quod cum fure, aut infido agitur, cuius fidei nonnunquam aliquid creditur, vt fidem seruare, colere, amare consuescat. Sic & mulieribus plusculum aliquid aliquando credendum, ita enim incitabuntur, vt magis seruent fidelitatem, & facilius permoueantur ad omnia, quæ ad maiorem Dei cultum faciant.

Pix illæ mulieres, quæ viuentem tenerrimè dixerant Dominum, non remiserunt post mortem de ardore charitatis, vt quæ cum multis, eisque pretiosis aromatibus venerunt ad sepulchrum, vt sacrum cadaver ex Hebræo more vngerent. Cum celeste mausoleum diligentius arbitrata fuissent, inueniunt angelum splendide vestitum, qui aiebat: Scio, quod diuinum omnipotentis Dei corpus exanime queritis, qui tam ignominiosè crucifixus fuit, verum non est hic, suæ namque inuictæ potentie virtute rediuius

diuini factus surrexit, quod ut indubitatus credentis, vacuum sepulchrum irrefragabili vobis testimonio erit: *Cito autem euntes dicite Discipulis eius, quia surrexit*; Matth. 28. 7.

Quid hoc audio! Mulieresne mittuntur nuntiare alti mysterij, quod est vnum ex totius fidei nostrae praecipuis, cum Paulus dicat vanam eam esse, nisi Christus resurrexerit! Itane decuit tam grauem, ac momentosam legationem muliebris sollicitudinis, ac diligentiae iniungere humeris? Aut ita defatigatus ex submouendi lapidis, ac sigilli, quo sepulchrum clausum, signatumque erat, labore fuit Angelus, ut ipse perferre euangelia tam optata Discipulis nequiuert, ideoque mulieribus id committere negotij debuerit? At cum Angelus illud munus obire absque vlllo negotio potuerit, cur mulieribus demandauit?

Respondet Cardinalis Caieranus: *Efficit Angelus mulieres nuntias resurrectionis ad discipulos Iesu, et magis trahat illas ad credendum sibi.* Si Angelus cunctatus fuisset mulieribus aperire veritatem resurrectionis Christi, si cum illis austerius egisset, ægre forsan fidem tanto mysterio accommodassent. Quid verò egit? Non solum iubet eas credere, sed etiam alijs nuntiare, ut credant, tantumque earum fidei tribuit, ut eas ad prædicandum alijs fidem resurrectionis ablegeret. Tanto eas honore ornat, ut summorum Prædicatorum magistras faciat, & quæ olim fuerant nuntiae mendacij, eas constituit prædicatrices veritatis, *et magis trahat illas ad credendum, & facilius fidem dent ei, à quo Euangelistæ mittebantur fidei.* Quando ijs, qui fuerunt de infidelitate suspecti, creditur, & fidetur, neq; nimis austerè cum illis agitur, sit ut illa lætenter, promptè, exactèq; iniuncta officia curent. Videre id licuit in his mulieribus. Nam cum ijs diceretur: *Cito euntes dicite discipulis eius, quia surrexit*; idq; ab Angelo tantæ splendoris maiestate conuictito, ut eas suâ venustate, & incomparabili formæ elegantia non secus ac ferrum magnes faciliè retinere posset, nihilominus exierunt cito de monumento cum gaudio magno currentes nuntiare discipulis, quam iussu fuerant, resurrectionem. Hinc videas, quid efficiat fidere illi, cuius fidem suspectam habebas, & muneris alicuius commissione eum honorare, ac deuincire, ut promptè obedientem habeas. Honor, quem mulieribus Angelus detulit, cum nuntias resurrectionis fecit, & fiducia, quâ hanc eis tutò posse credere legationem putauit, eò illas permouit, ut non solum ipsæ crederent rem omnium maximè arduam, & raram (nem-

pè à seipso in vitam rediisse eum qui mortuus fuerat) verum etiam cursu properanter abirent, ut alijs eandem veritatem indicarent, & persuaderent, nec vllâ difficultate abstergeri sinerent, quominus id facerent. Refert multum, furem (ut dicitur) tantam fidem habere, & non confringere mulieres arctiore disciplinâ, sic enim melius ab eis impetratur, faciliusque permouentur ad omnia, quæcunque ad Dei cultum, gloriamq; eius maiorem pertinent.

Dùm Sponsam suam per singula penè corporis membra Sponsus ille de Canticis dilaudat, de ventre sic illam prædicat: *Venter tuus sicut aceruus tritici & gallatui lilij*; Cant. 7. 2. Vbi Rabbi Salomon ait: *Vallatus lilij, id est, septus sepe liliorum*, tantam Sponsæ venter albicantibus lilij non solum velut coronâ odoriferâ circumdatus, verum etiam ad eum modum septus fuit, quo cingi ab hoste ciuitas solet. Sensus ergo est, Sponsam (cuius pars quædam pro tota ipsa ponitur) in quodam liliorum muro, aut vallo fuisse inclusam.

Doctus quidam modernus miratur, quid muniti præstare Sponsæ tam fragile liliorum sepimentum potuerit. *At qualis sepes liliorum? Lilia non sepiunt, sed suo odore ad rapiendum iuuuant*, inquit Tufus in cap. 9. Ecclesiæ. Quâ gratiâ ergo lilij ad defensionem, munionem, securitatemque valata fuit?

Respondeo. Aut bonam habebat Sponsus de Sponsæ suæ fidelitate opinionem, aut sinistram, ut propterea rigidiuiculè cum illa agendum, austeriusque includendam putaret.

Quamcunq; verò de illa haberet existimationem, nihil aliud, quam liliorum septum erat, quo illam inclusam tenebat. Nam siquidem honorificè de illa, nec aliud quam de integerrima muliere sentiret Sponsus, hæc tam præclara existimatio apud nobilem, & generosum Sponsæ animum efficere poterat, ut septimentum liliorum apud eam valeret, quidquid vallum ex spinis posset, ac tam probè custodita lateret intrâ liliorum claustrum, quam quauis alia intrâ murum ferreum, siue adamantinum: Sio parum fideret illi, suspectamq; haberet eius fidem, adeoque arctius eam cohiberet, inq; latebras abstrusam vix Soli conspiciendam relinqueret, iamq; non spinis tantum obsepiret, verum etiam muro æneo incingeret, collocatisq; ex omni parte excubitoribus vigilantissimè obseruaret, vanus videretur omnis labor, cassum studium, inanis diligentia, & sollicitudo. Nam suspectam se intelligens, per densa spinarum, perque omnia etiam adamantina septa euade,

uaderet; non secus ac alius per ruinofum hian-
temque murum, aut per fepem ex folis lilijs, alijsq;
teneris floribus contextam erumpere folet. Nam vt
Ioannes Cluniacensis ferm. 6. de Concept. To. 1.
ait, *si omnis mulieri custodia adhibeatur, adhuc trans-*
ibit per foramen acus. Si publici perditè amans est,
oblitauitque animum ad euagandum, continere
eam intrà secretum parietum domesticorum non
poteris, vel si totos exercitus custodes adhibeas, vel
si exertos in pectus illius gladios intendas, vel si præ-
pilatà hactà ei commineris, per excubitorum cuneos,
per militum cohortes, per ensium cuspides, per
ferreos muros penetrabit, erumpetque in locum,
quem pertinaci animo sibi designauit, perq; foramen
acus transibit, si hiatum non inueniat alium, idq; illi
pro amplissima, & patentissima porta erit. Hinc se-
quitur, non semper esse consultum seueriore disci-
plinà nimium cohibere mulieres, & prohibere ab
omnibus ijs, ad quæ ingenium illarum, & natua
indoles propendet.

Ioannes de Sancto Geminiano refert ex Aristote-
le de quodam animali (melem, siue taxum vocat)
quod hyeme in specum quandam à necessaria anno-
na intructam cum fœmella sua se recipiat, posthæc
autem timere penuriam, & vereri incipiat ne victus
ante tempus absumatur, adeoq; fœmellam, quan-
tum satis est, comedere non sinit. Hoc ille lib. 5. c. 4.
Comparat, sic reddit: *Timentis ne deficiat, fœminam*
& q; ad saturitatem comedere non permittit. Videns
autem fœmella immodicum illum crudelis masculi
rigorem, fert, dissimulatq; iniuriam, & per partem
alteram latibulum intrat, masculo ignorante, cibosq;
denorat, & consumit, inquit ille, & Barthol. Angli-
cus de propriet. rerum lib. 18. c. 101. ferè totidem
verbis. Vide hic quid efficiat nimia arctitudo,
& immoderata austeritas virorum ergà vxores. Per
seueriorem coërcitionem fœmellæ, & strictiorem
parsimoniam putat melius posse conservare alimo-
niam, vt toti hyemi non tantum sit satis, sed etiam
plus quam sufficiat, & superfluat, & per hanc ipsam
omnia illi pereunt, totaq; vno die absumitur anno-
na. Si beneuolentior se, facilioremq; & largi-
orem fœmellæ exhiberet, neque tam durus, & par-
cus ergà illam esset, duo faceret, nempe vt illam ad-
dictam, fidamq; haberet, & penu abundaret: Quod
verò nimis morosè, ac sordidè cum illa agit, hoc illi
totius victus iacturam parit, reddiq; coniugem in-
sensam, & promptuario adfert inanitatem. Si au-
tem etiam bestia quædam vult blandè, beneuolen-
terque haberi, & immoderatum ferre rigorem ne-

quit: Cur mulier, quam Deus intellectu, & ratio-
ne ornauit, non ferat iniquè, si fortè inhumanius,
duridèque tractetur, & plus quam par est, arctetur?
Nonne videt, qui hoc agit, fieri posse, vt eueniat,
quod ne accidat, timetur, vestitumq; & victum sibi
aliundè parat, quem difficilis, & tetricus maritus
vel prorsum negat, vel non pro dignitate, & hone-
statis necessitate ministrat?

Non enim otiosè, & absq; certo mysterio factum;
quod Dominus ex costa viri primam effinxit mulie-
rem, de quo sacer Textus sic habet: *Tulit enim de*
costa eius, & edificauit Dominus Deus costam, quam
tulerat de Adam in mulierem; Genes. 2. 21. 22. No-
tandum in his, quod cum Deo constitutum esset ex
parte aliqua corporis virilis excitare mulierem, os
præ alijs huc assumptis, & ex ossibus costam delegit:
Tulit enim de costis. Quamobrem ex costa illud con-
struere ædificium voluit?

Petrus Berchorius lib. 1. Moralit. in Bibl. ait:
Costa est ad modum arcus. Differt hoc ab alijs ossi-
bus costa, quod hæc in formam arcus sit curuata,
cætera ossa non item. Quid obest arcui, ne vltus il-
lius sit diuturnus: *Nimium tensus frangitur.* Fecit
ergò Dominus ex arcuata viri costa mulierem, vt ta-
citè insinuat, non debere maritum ergà vxorem
nimis austerum, difficilem, durum semper esse; ne
vt arcum immoderata contentio rumpit, sic illam
intemperans rigor, & immodica asperitas frangat.

Tale quoddam consilium æterna Veritas per si-
limum Siracidis conscriptum reliquit, apud quem ita
habes: *Non zeles mulierem sinu tuo, ne ostendas suæ*
per te malitiam doctrinæ nequam; Ecclesi. 9. 1.

Quid sit doctrina nequam, quam timere iubet
Spiritus Sanctus eum, qui zeler suam vxorem, non-
dum est communi Expositorum sententiâ defini-
tum. Oliuerus Bonarcus secutus Palarium, & Dio-
nysum Carthusianum vult, quod Ecclesiasticus ait,
Ne ostendas super te malitiam doctrinæ nequam, eius-
modi esse, ac si dixisset, *Ne improbitatem, quam edo-*
cta est à masculis, facis, & huiusmodi mulierculis, in
se primum experiat; & *Seneno propinato interfi-*
ciat. Non est sanum consilium, suspectam habere
vxoris fidem, ac proinde omnes illius notare passus,
obseruare actiones, attendere verba, explorare di-
uerticula. Fieri enim potest, vt tot agitata mole-
stijs, fracta rigoribus, subpudèfacta, atque in confu-
sionem, desperationemq; adducta obseruationibus
faciat, quod nunquam illi vel cogitare in animum
ante venit, veneficasque adeat, atque ab illa conscie-
ratissimarum vetularum colluie malè docta cu-

ret, vt maritus cum paucis cibo multam mortem sumat. Sæpe in tale præcipitum coniectæ sunt mulieres à viris, qui vel per imprudentiam nimis illas constrinxerunt, vel per animi impotentiam plus satis ausersi, ac morosi erga eas fuerunt. Denique n. ulier est arcus, qui rumpitur, cùm per immoderatum rigorem nimium contenditur.

Pulchrè, & aptè ad rem, quam versamus, dixit Menander apud Tufum in c. 9. Ecclis. *Hoc quidem maximum, nunquam oportet virum sapientem nimis cuffedire & uxorem in penetralibus domus. Quisquis autem repagulus, & per sigilla custodit uxorem, si videatur sapiens, vanus est. & nihil sapit. Si quæ enim mulier animo foras spectat, velocius quidem sagittâ, & pennâ separatur, ita & lateat. Argi multoculas pupillas. Non ergo maritus uxori domum in carcerem vertat, non illi oppellat, non obfignet ostium cubilis, in quo moretur, nam qui hoc facit, intelliget non intellexisse quid egerit, nam si cui mulieri semel certum, deliberatumque est prodire, & liberum captare ærem, id velocius perficiet, quam vel iaculum ex contentissimo arcu emissum volet, vel vlla pernibus alis ærem, volucris secet, tametsi centoculus sit maritus, & omnia sua in vnam illam lumina conuertat: *Velocius quidem sagittâ, & pennâ separatur, ita & lateat. Argi multoculas pupillas.* Quare necessum est, vt maritus non sit immodicè rigidus, non importune strictus, & rerum quarumvis minutularum nimis acris censor, sed prudenter quadam nonnunquam dissimulet, ad ineptias, quæ ad rem parùm faciunt, conniveat, fieri enim potest, vt rumpatur arcus, si nimium tendas.*

Constabiliamus hanc doctrinam quadam ignorantia, de qua Vegetius vimperatione magnâ reprehendit imperitos quosdam belli duces, lib. 3. de re milit. c. 21. iniquens: *Plerique rei militaris ignari plenioris & victoriam credunt, si aduersarios aut locorum angustijs, aut armatorum multitudine circumdederint, & aditum non inueniant abscedendi. Sed clausis ex desperatione crescit audacia, & cùm spes nihil est, sunt arma formido.* Itanè verò ignorantia est! itanè rei imperitia militaris! Ego magis dixero, hanc insignem esse solertiam, & proximum, præcluentem ad victoriam gradum, ita conclusum tenere hostem, vt quâ fugiat, aut euadat, videre nequeat. Vegetius autem contradicit, & ait, erroneam esse eiusmodi cogitationem, & periclitari victoriam, cùm hoc agitur: *Nam clausis ex desperatione crescit audacia, & cùm spes nihil est, sumis arma formido, timorq; non audaces modò, verum & temera-*

rios facit, vt non secus ac feroces leones, & fera tigrides pugnacissime pugnent, & plus vilitatis desperatio nonnunquam illis adferat, quam spes proficit. Hinc sequitur, inquit Vegetius, hostem non sen per nimium virgendum, ac premendum, experientia enim docet, hallucinari eos, qui in extremam desperationis necessitatem reducendum illum putant. At si ne inimicus quidem in supremas angustias est cogendus, si ferocius neque cum hoste agendum, qui sanguinem nostrum sariat, & honoris exstimatione nobis adimere omnem velit, quare aduersus uxorem durius agat maritus, quam illi sociam vitæ dedit Dominus?

Blandè ergò, & humanè, beneuolenter quæ, & admanter habeatur, sic enim melius ab ea obtinebitur, quod petitur, nempe vt sit per omnia fidelis, & rei domesticæ impigra, strenua, assidua curatrix. Illud magnoperè mariti omnes difficiles, & morosi timeant, ne hoc vxoribus accidat, quod Dinæ euenit, quia nimium constricta à matre sua Lia fuit, quæ fortè eam in ciuitatem ire non permisisset, & hoc timens Dinæ noluerit indicare, quò irer. Sic ferè Abulensis. Licentiam ergò prodeundi, quàm à matre exorare posse desperabat, ipsa sibi sumpsit, ciuitatemq; illam, inscijs omnibus domesticis, petijt, in qua integritatis suæ dispendium passa, & à filio regis constuprata lamentabili tragediæ octafionem ex se præbuit. Non experiantur filiz nimiam parentum ergà se austeritatem, ne timore eas vehementiore, vt Dinam sua mater, percellant. Non sint importuni, & crudeles mariti in vxores, non difficiles ad concedendam eis exeundi facultatem, alioquin eas inflammaturi, vt ardentius concupiscant, quod asperius sibi negari cernunt. Committant, & permittant earum fidei nonnulla, dissimulent alia, quæ non sint magni momenti. Non sint nimis curiosi, insidiosè quæ dictorum, ac factorum omnium speculatores, & exploratores, non expendant ad trutinam cuncta, quæ eueniunt, ne hoc illis domi suæ contingat, quod alijs foris, qui hostes suos locorum angustijs, armatorumq; copijs circumdatos habent.

Non est hic mihi propositum, consulere cupiam eorum, qui uxorem, filiasq; curandas, & obseruandas habet, vt remissè, aut languidè cum eis agat, quando asperius agere sit necessum. Nam & arcus, cum quo similitudinis affinitatem aliquam mulier trahit à costa, ex qua facta est, neque tendi, neque remitti nimium debet: sic & ergà uxorem maritus neque prorsum incuriosus, neque plus satis asper esse debet, sed prout rei necessitas exegerit, nunc huiusmodi,

manus, & blandus, nuac rigidus, & subausterus. Suauitas nihilominus, & humanitas. sane prudentiæ condita plus boni efficere videtur, faciliusque impetrare quod ad Dei cultum, & coniugum vtilitatem, & rei familiaris vsum pertineat.

CAPVT V.

Spirituales ægrotudines, & corporales illas commune habent, quod ex præuiu malis, si negligantur, mala inmedicabilia nascantur.

Ordini hac occasione possum ab exclamatione, quâ insignis Pacatus Latinus vsus fuit in quodam penegyrico Theodosij maioris, inquires: *O quam prauis sensus summa mala principij!* O quam admirabile prodigium, idque quotidianum, quod à perdebilibus fundamentis valla exsurgunt ædificia, & toti ex tuberculo terræ nascuntur montes! Portentum est, quod in singulos penè dies videmus, ut frequentia illi ferè detraxerit admirabilitatem. Sic etiam è minimis erratis luctuosissimæ nonnunquam excitantur tragœdiæ, & parua sæpè scintilla magnum excitat incendium.

Quando Dominus pro solenni suâ pietate pluuiam triennio, & supra magnis votis expectam reddere terræ voluit, tam diu clausas immensa liberalitatis suæ portas miro modo aperuit, quod Scriptura referens, ait: *Ecce nubecula parua quasi vestigium hominis ascendebat de mari*; 3. Reg. 18. 44. Totum coelum omni ex parte sudum, ac serenum erat, vnica tantum è mari exurgebat nubecula non maior vestigio hominis, quam vix oculis vsurpare potuissēs. Simul hoc vidit Propheta Elias, iussitque dici regi Achab, ut iungeret currum, & citissimis equis inde, vbi erat, se abriperet, nisi ab impendentibus occupari, & obrui aquis velleret. Vix ille talia dixerat, quando celi contenebrati sunt; & nubes, & ventus, & facta est pluuia grandis, ibid. v. 45. ut diluuium in mari terræ videretur.

Ioannes Cluniacensis serm. 43. Tom. 3. ait: *En mirum, quod ferè in mundo peccatoribus accedit. Vnde illè tam horribilis, & violentus ventus? Quis atras illas, & tam latè diffusas nubes, quæ secundæ reparatoris orbis. Noëmi, inquam, seculum reducere velle videbatur, excitauit? Ecce nubecula parua quasi vestigium hominis.* Vna nubecula, quæ penè oculos fugiebat, & magnitudine suâ vestigium hominis vix exæquabat, tam grandem, & grauidam nubem, tam validum, & horridum ventum, nimbium tam densum, repentinamque illam, & præcipitem pluuiam aduexit. His assueta quotidie expe-

rimur. Quoties enim videmus, ex paruis erratulis, & leuiculis peccatis, & exigui momenti defectibus, quibus tempestiue non occurratur, grauissimas consequi ærumnas, & acerbissimas nasci calamitates, stragesque miserandas, & luctuosissimarum tragœdiarum squalidas nubes oriri?

Mirum tale quidpiam repèrire licet in re alia stupenda, quam magnus rerum Naturæ admirabilis scriptor Phinius lib. 19. in Proœmio expendit. Dicit ille, ex omnibus mundi seminibus nullum se vnquam magis miraculum, quam vniui lini semen, propterea, quæ ex illo oriuntur, & conficiuntur. *Quod miraculum maius, herbam esse, quæ admoveat Egyptum Italia; tam paruo semine nasci, quod orbem terrarum Slerò, citròq; porter, tam gracilis auenâ tam non altè à terra tolli?* Quod aliud in toto terrarum orbe par vni lino prodigium? Quod aliud tam grande miraculum, ex humili & tenera herba, quæ vix tantillum supra terram assurgat, rem fieri, quæ faciat, ut mundus superior cum inferiore miscetur, abissi populi maximo temporis compendio coëant, sulcentur maria, cum hominibus homines, fines cum finibus coniungantur? Quomodo agitur hoc miraculum? Linteus. Ex eo namque fiunt nauium velâ, quæ cumidâ ventis, eorumque aspiritu inflata rapiunt per æquora naues; sic vniatrâ breues horas magnam mundi partem pererrent, circumëant maria, & nouas terras aperiant. *Quod maius miraculum, quod magis stupendum prodigium, tam paruo semine nasci, quod orbem terrarum Slerò citròq; porter?*

Talia nos miracula (quæ nostra infelicitas, & miseria) quotidie infinita deploramus. Quoties enim ex verbulo vnicò, ex risu, ex ioco talia seria nascuntur, quæ non solum vicis, & pagis, neque ciuitatibus tantum perturbationes, verum etiam totis regnis vastitatem adferant, & supremum exitium? Vt enim paruo è fonte, nisi obstruatur, copiosum flumen nascitur? Sic exiguum erratum, si negligatur, magnarum & innumerabilium claustrum occasio esse solet.

Veniebat Esau fatigatus à venatione. Habebat frater illius pulmentum coctum, cuius aspectu incitatus famelicus etiam, neque lassus tantum Esau, perijci in partem cibi admittit. Respondit Iacob, velle cibi partem cedere, dum ille primogenita sua venalia econtra exponeret, inquires: *Vende mihi primogenita tua*; Genes. 25. 31.

Angelicus Doctor quærit, quomodo fieri poterit, ut Iacob sub tali pacto suum fratri pulmentum offerret.

offerret. Nam primogenita, quæ emere cupiebat, habebant magnum pretium, plurimisque, & magnificis privilegijs erant coniuncta. Cum autem Esau non esset amens, ut prorsum nihil desiperet, quomodo pro re tam contempibili, pro vilibus leguminibus, pro exili pulmento paucarum lentium rem tantam, tam diuitem, ac momentosam petere ausus fuit?

Respondet magister Angelicus in cap. 25. Genes. *Potest dici, quod Iacob à principio non seruo, sed quasi ioco, & modo tentatuo dixerit, Vende mihi primogenita, sic tamen, quod occulto instinctu Dei ad hoc descendendum fuerit impulsus.* Vel risus ergo fuit, quod Iacob rem tantam pro tantullula exegit, vel certe periclitari voluit, quo vultu Esau oblatam pactionem exciperet. At videamus quid ex illo ioco, & ludo secutum fuerit. Illud, quod Esau pro tenui pulcra omne primogenitorum ius Iacobi cesserit, & interposita religiosi iuramenti autoritate in fratrem suum transulerit. *Iurauit enim es Esau, & vendidit primogenita* ibid. v. 33. Non videtis quid ex ludo illo fuerit natum? *Non seruo, sed quasi pro ioco, & modo tentatuo dixerit, Vende mihi primogenita;* & hinc tamen secuta fuit venditio, qualem mundus vix aliam viderit, quamque sanctus Paulus Apostolus acerrimè perstringit, omnesque cordati damnant, & abominantur. Dicamus nunc, cum Plinio: *Quod miraculum maius, tam paruo semine nasci, quod orbem terrarum & ludo, citiòq; perierit!* Quod magis stupendum prodigium, ex ludo, & ioco tam seria consequi, ut homo quidam bonis tam amplis, & opulentis, quam sunt primogenita cum maximis immunitatibus coniuncta, pro vniuersis, neque laetæ, elee reuola renuntiet? Tale quidpiam hoc est, ut fidem inuenire non posset, nisi Spiritus sanctus ipse narraret. Hoc est, quod in singulos dies videmus, audimus, experimur. Ex rebus enim leuitus, quod eas negligamus, & contemnamus, ex iocis, & ludis, quod eos non curemus, grandia mala, & calamitates immedicabiles oriri solent.

Dicetis mihi scio, nimis accuratè, & anxie rem hanc à me expendi, amplificari etiam, & exaggerari plus quam pro dignitate grandia illa incommoda, quæ de paruis oriuntur exiguorum malorum primordijs. Aietis item, risum vanum, mendaciolum iocosum, facetiosam, verbum inconsideratum, & alia huiusmodi melum aërem esse. Priusquam respondeam, volo vos interrogare quidpiam, nimirum quænam illa bestiarum sanguinolentissima, & crudelissima, & voracissima plures homines, vitas,

opum facultates, ciuitates, provincias, regiones, regnorum que coronas degluciat, & absumat: Quænam illa liberissime, & ferocissime vires superet, & solo effigat adamantinos, sic ut nulla purpura ei obfistere possit, nulla occurrere maiestas auit? Respondetis, bellum bellum talem esse. Verum erratis. Quod si fortè fames vobis talis bestia videatur, etiam ita hallucinamini. Tamei enim bellum, & fames sint duo pernitiabilissimi hostes, alius tamen quidam tam est terribilis, ut cum eo comparati illi superiores magis videantur nobis assentari, quam incommodare, aut stragem adferre. Quis ergo ille tam funestus, & fatalis aduersarius? quis, tam apertus, & mortalis nostri generis hostis?

Respondet Galenus lib. de Theriac. ad Pison. pestem esse illum tam exitialem, & implacabilem, intolerabilemque corporum nostrorum, & vitæ hostem. *Pestis* inquit ille, *tanquam & ipsa existat quædam bestia, haud paucos interimis, verum ciuitates quoque, totas depascens male conficit.* Vndenam verò suam ducit originem bestia, quæ feros ungues suos sanguine imbueret, & cruentare gaudet humano, & tantam ubique exercet carnificinam, ut nec pastoribus parcat, nec regibus deserat, ciuitatesque, & pagos, gustia, & palatia loco eodem habeat? Vnde nascitur? *Præua quædam, & parua ad corruptionem prompta mutatio efficitur, & homines, cum respirationis periculum euitare nequeant, ipsum aërem veluti venenum quoddam ad se per eos attrahunt.* Hæc ille iterum. Ex aëre venit, quidquid de pestis stragibus diximus. Quod sanguinaria illa bestia tantum sanguinem fudit, tot ciuitates depascitur, tot regna depopulatur, aër corruptus facit, qui gladius est, quo tanta hominum strages editur: *Præua quædam aëris ad corruptionem prompta mutatio efficitur, ex qua ingens totis regionibus vastitas nascitur.* Vide te ergo, an parui faciendæ ea, quæ vos aërem vultis esse, & nominatis. Quis crederet, nisi experientia magistra doceret, in aëre supremam corporum perniciem, quæ est pestis, generari? Sic instrumentum, occasio, causa vestri exitij, corporumque & animarum internecionis illud sæpè esse solet, quod vos aërem vocatis.

Quam præclarè hoc dictum à sancto Dorotheo scim. 3. Tom. 2. Biblioth. Ver. PP. ubi sic habet: *Perperoscatur, quod ex manu huius, & naturæ sibilus ad magna, & prægrandia continentia per facile delabatur, cum capere quæpiam dicere, Quid refert, si verum hoc dixerit? quid refert, si in rem hanc intendere? Ex hoc enim, Quid est hoc? Et, Quid est illud?*

lud? Quid refert hoc, quid refert illud, mala ac peruersa, & amara consuetudo admittitur, & imbibitur, & datur initium, & magna, & grauiora contemnimus. Cum homo quispiam incipit dicere, Quid incommodi parere mihi verbum otiosum potest? Quid est, quod minus licentius rideam, & iocer? Quod subesse malum liberiori aspectui, aut facetiori sermone queat? Qui talia dicit, malis magnis à paulatim assuescit, portamque, quā ingenuus pudor, & verecundia erumpant, aperit, ut deinceps in enormia scelera impudenter abeat.

Sic & sanctus Ioannes Chrysostomus homil. 87. in Matth. ait: Dicit aliquis, *Quid est risus, aut quid inquam è risu mali sequitur?* Respondet ille talia interroganti: *Orta ex immoderato risu scurrilitas, à scurrilitate turpilogium, à turpilogio operatio turpis profecta est, ein Schantwort fur ein Hofschlecht.* Videte num conducatur tempestiue occurrere malis etiam non magnis, aut grauib. à quibus velut gradatim ad grandia, & pernitiola ascenditur. Videte num vile sit, à verbis abstinere vanis, & otiosis, à quibus ad obscenos actus sensim, procliuiterque dilabimur. *Sic à minimis ad maxima gradatim diaboli ducit,* inquit Dorotheus. Ille ex multis elephantes verè facit. Ille ex atomis, aut si quid minutius, vastos montes paulatim excitat.

Non prætereamus hic infelicem nostri Patriarchæ filiam, cui sua curiositas ipsi miserandæ prolapsionis, toti autem regæ ciuitati lachrymosissimæ tragœdiæ causa fuit. *Egressa est, & videret mulieres regionis illius, cumque ornatum illarum inornata, & incompta videre nollet, in oculos simul, atque animum filij regis incurrens, dulcemque vim ab eo passa, marcidum temerati pudoris lilium domum retulit, quæ extulerat integrum, ac folgidum.* Hinc factum, ut duotillius ex utroque parente germani fratres vindictam & animo conciperent, & cum nec tum Principi stupratori, tum parenti eius, tum ciuitatis vnus viris omnibus, & masculis inferrent. Hinc in præsentaneum periculum, & extremas angustias coniectus sanctus Patriarcha euadere non potuisset, nisi Deus ipsum, vxoresque, ac liberos, & familiam totam sospicaret. *Quod maius miraculum!* Ex vna curiositatis nubecula, ex paruo semine, ex scintillula quadam, ex leui desiderio videnti mulieres extraneas, lamentabiles tragœdiæ infelicitates plurimæ, innumerabiles neces, strages incomparabiles sunt ortæ. *Quod maius miraculum velis!* Hinc videas, ex paruo errato, eoque neglecto posse immania nasci flagitia, & fatales ruinas, & im-

medicabilia mala. Hinc & noster Politicus accipere potest, cum quanta sollicitudine & vigilantia exigere vitam debeat, ut cui à paruis malis damna irreparabilia oriri possint.

Triumphat in hoc campo Periocha quarta Domini- ca V. post Pentecosten Tomo II. pag. 131. o.

CAPVT VI.

Quod maxime demoritur homo, id illi celeriter adferre mortem solet.

Obsecrabat Sichimorum Princeps Iacobtem, ut sibi filiam vxorem concederet. Principis pater patrem filix idem obsecrabat. Vtque optatum effectum consequeretur matrimonium, commoda exponebat, quæ ex illo coniugio nasci possent, itaque his verbis: *Date filio meo filiam vestram vxorem, & iungamus vicissim connubia, filias vestras tradite nobis, & filias nostras accipite, vnd last vus siebe Schwager vnter ein ander seyn. Et habitate nobiscum, terra in potestate vestra est, exercete, negotiamini, & possidere eam;* Genes. cap. 34. v. 9. 10. Filij Iacob, qui sororis suæ iam nouerant infamiam, aciebant, consentire de matrimonio non posse, nisi circumcisionem subire, & recutiti esse vellent, qui Hebræorum affines. Inierunt illi extemplo pactum, *nec distulit adolescens, quin statim quod petebatur, expleret,* ibid. v. 19. Ut verò accelerationi negotij mora omnis adimeretur, communicato repente cum primarijs ciuitatis consilio, expensisque commodis, quæ nasci ex illo connubio possent, communi sententiâ definitum est, ut masculi omnes circumcisioni se submitterent. Quis non videt, quàm solliciti fuerint rex pater, & filius princeps pro coniugio filix Iacob? Quàm incitato cursu ibant, & redibant, ut voti compotes fierent? Et non videbant miseri, quod quantâ festinatione matrimonium accelerabant, tantâ maturatione mortem sibi accersebant. Tercio namque die, quo vehementissimè ingrauescere, plurimumque impeditos tenere natus de circumcissione dolor solet, ingressi ciuitatem Simeon, & Levi gladio trucidarunt primùm Hemor, & Sichem, dein masculos omnes, & post hanc ab istis editam cædem securi fratres, cæteri oues, asinos, armenta, quæque vel in domibus, vel in agris erant, vastauerunt, vxoresque, & liberos superfires abduxerunt captiuos, atque ita vim illatam sorori vindicarunt. Id plerumque hominibus accidit, ut hoc eis mortem adferre solet, quod maxime appetunt.

Narrat Propheta regius beneficia, quæ Domi-

nus contumaci illi populo, quando liber ab Ægyptia seruitute ibat per desertum, contulit, in quibus hoc non postremum fuit, quoddam celestem cibum manibus Angelorum pistum illis ex aëre superiore pluit. Et huius tamen tam lauri cibi pertadere ingratos Israëlitas sic cepit, ut aliam escam peterent, & carnem pro victu dari roarent. Audite illorum voces Deus, volatilemque, & copiosissimum coturnicum exercitum eis misit, *Et adhuc esca eorum erant in ore ipsorum, & ira Dei ascendit super eos; Psal. 77. v. 30.*

Theodoretus in expositione illius Psalmi ait: *Consecuti sunt, quod desiderarunt, & ingluuiem impleuerunt, Verumtamen satietatis pœnas dependerunt. Quos ira Dei viuos reliquerat, ij cum stragem vidissent cœlorum, vocarunt locum, in quo illi mortem oppetierunt, Sepulchra concupiscentiæ; Num. 11. 34.*

Quare verò non locum satietatis appellarunt, in quo misit eis Dominus cibaria in abundantia, *Et pluit super eos sicut puluerem carnes, & sicut arenam maris volatilia pennata, Psalm. 77. v. 25, 27.* Sed potius sepulchra concupiscentiæ nominarunt? Causa ea sit, quia consecuti sunt quod desiderarunt, ut aiebat Theodoretus, quodq; tam impotenter suspirarunt. Ut ergo intelligeretur, quoddam sæpè moritur homo ex eo, quod demoritur, voluit Dominus loco illi, in quo mortuus fuit populus, manere nomen sepulchrorum concupiscentiæ, ut quisque attendat, ne quid concupiscat, quod Dei voluntati repugnet, aut parùm grauius esse queat. Nam si quid homo anxie ex appetitu proprio desiderat, hoc ipsum illum perdet, quod perdit concupiscit, concupiscentiæque sepulchrum ibi sibi fodit, cui inferatur mortuus ex rebus, quas demoritur, ut illius malo alij sapiant.

Iteratam Asaelis mentionem facere necessitas cogit, superior enim illa perfunctoria fuit. Cursu ille persequeretur ducem exercitus Abner, qui obuerso ad tergum capite ait illi: *Tunc es Asael?* cumque respondisset, esse, semelque, & iterum recedere nequit quàm iussus esset, percussit eum Abner auersa hasta in inguine, *Et transfodit, & mortuus est in eodem loco, 2. Reg. 2. 23.* Notandum, quod de infelici illo iuvene historia regia ibid. v. 18. ait: *Asael cursor velocissimus fuit, quasi ventus de capreis, quæ moventur in sylvis.* Penè cum vento certare de celeritate poterat.

Bachiarus in epist. de recept. lapsum Tomo 3. Biblioth. veterum Patrum, ait: *Scriptura non obliuiscitur, & etiam velocitatem eius, quam ante mortem habebat, non faciat mentionem.* Quamobrem verò

scriptura velocitatem eius ante mortem meminit, eamque cum pernecitate caprearum montanarum comparat, quæ sunt quædam velut animata sagittæ, quando persequentis venatoris iram fugiunt? Causa mihi illa videtur, quam hoc capite tractamus. Sequeretur, & persequeretur Asael magnum ducem Abner. Præsidebat multum suæ velocitati, pedum pernecitas illi alas, & animum addebat, ut impune ludere posset Abnerum speraret, ex qua & factum est, ut semel, & secundo desisteret ab illusione, & persecutione iussus non audiret benè monentem, aded confossus lanceâ miserè occumberet. Volo ergo animaduertant homines, inquit sacer Scriptor, quoddam hic malè consultus iuuenis suæ ipsius velocitatis manibus confectus occubuit, quoddam exanguem illum pedum præfidentia potiùs, quàm iratus Abner fecit. Ut hinc simul intelligant, hoc sæpè mortem consciscere homini, quod vitam illi allaturum videbatur, atque ex eo non raro citius vitam defungi, quoddam vitam vel producendam, vel conseruandam ardentius ab illo desideratur. Asael certè quod incitatore cursu ferebatur, eò celerius fini suo propinquabat, & pedum pernecitate incurrit mortem, per quam effugere posse sperabatur: *Sic scriptura non obliuiscitur, & etiam velocitatem eius, quam ante mortem habebat, non faciat mentionem.*

Non possum hic dissimulare illam, quam nemo ignorat, Midæ regis avari fabulam (fabulam dico, non quoddam commentitium sit, esse aliquem regem, & avarum, communiter enim reges hoc malo laborant, ut sint auidi, & avari) sed propter id, quod rogasse deos fertur, nempe ut quidquid tangeret, aurum fieret, tantà ille auri firi flagrabat. Audierunt illum dii, factumque est, ut ex auro moreretur, qui sic demoriebatur aurum. Sanctus Ambrosius huius rei meminit lib. 6. in cap. 9. Lucæ, dum exponit illud, *Et manducauerunt omnes, & saturati sunt,* inquit: *Ferunt certè Gentilium fabula, fuisse regem quendam, qui quidquid tangebatur, aurum fiebat.* At quo fructu id fiebat? Illo, ut ipsa mantilia digitis apprehensa rigescerent, & cibus in ore crepitaret, ferretque non alimenta, sed inferret vulnera, & in gutture potius hæreret, nec penetrare facilis, nec redire. Hæc ferè Ambrosius ibidem, quæ sic obli-gnat: *Digna beneficia Gloria, digna tanto munera peccatore.* Fictum, sed benè, & ingeniosè excogitatum, quod de auido illo Mida commenti sunt, ut instrua-mur, quid nobis commodi de sidera nostra nostrà immoderata adferant, nimirum ut velut Midæ quidam ex-periamur perniciosum, & exitiabile nobis esse, quod esse

esse aurum optabamus, & citam mortem adferat, ex quo vitam sperabamus longiorem.

O quam illustre huius Veritatis exemplum reliquit nobis formosa Rachel, de qua diximus diu sterilem fuisse, atque ob id tam querulam, vt diceret marito suo: *Da mihi liberos, alioquin moriar*; Gen. 30. 1. vel vt Caietanus ex Hebræo vertit: *En mortua ego*, quod hunc habet sensum: Tanto liberorum, & hæredum desiderio teneor, vt me in mortuis recensere, mi marito, possis, quamdiu infecunda. At videamus, an per liberos vixerit, sine quibus se non morituram, sed mortuam putauit. Peperit Iosephem, & non contenta illo, petijt alterum filium. Secundum itaque parturiens, egrediente animâ præ dolore, & imminente iam morte vocauit nomen filij sui Benoni, id est, *Filius doloris mei*, inquit scriptor sacer Genes. 35. 18. Filium doloris sui vocat, patrem etiam suæ mortis vocare poterat. Nonne Rachel ea est, cui mortem parit filius, quem ipsa parit? Rachel est. Nonne illa est, quæ se in mortuis recenseri volebat, quamdiu illiberis erat, cum marito suo hæc eiulans dicebat: *Da mihi liberos, en ego mortua*? Non illa est, quæ tantoperè demoriebatur hæredes? Ipsissima est. Quid ergo est, quodd filius illi mortem adfert, & ex nato hærede mater denascitur? Illud, vt videamus quàm verum sit, quod diximus, & quàm frequenter eueniat, vt ex illo moriantur homines, cuius desiderium, & expectatio vix illos viuere linebat. In hunc sensum loquitur Honcala in cap. 35. Genes. inquit: *Tanta est humana ignorantia, atque temeritas, vt ea interdum à Deo absidua improbitate flagitemus, qua postulantis concessa sint maxime nouissima.*

Et accidit sæpè, quod illis, quibus Sulla vir magnus Iulium Cæsarem liberum dimitti importunè rogantibus (quem ille in custodia magis retinendum arbitratur, quodd mala plurima perpetraturum timebat) dixisse fertur, vt Suetonius in Iulio cap. 1. ait, nimirum *vincerent, ac sibi haberent, dummodo scirent, eum, quem incolumem tantoperè cuperent, quandoque optimatum partibus, quas secum simul offendifsent, exitio futurum, nam Cæsari multos Marios inesse.* Conducatur vobis, aiebat Sulla, quodd me vestra precandi contentione superatum eò adduxistis, vt Iulium vobis liberum donem. Habete vobis Iulium, qui pro eo, quod nunc facitis, vos ex liberis seruos faciet, & patris tyrannus ingenuos vinculis addicet, nobiles vicâ exuet, nam iuuenem illum Iulium cetera Mariorum, siue dæmonum, vt hic dicere-

mus, legio occupatum habet. Tale quiddam multis quotdies accidit, vt id, quod vehementer optant, & anxie querunt, maximum illis exitium generet, velut Cæsar grauisissimorum damnorû parens illis fuit, quorum precibus in libertatem affertus.

Hinc Picus Mirandulanus accipit doctrinam admodum salutarem, fundatam in illis Domini verbis, quibus celestis Magister monet, ne hoc, aut illud speciatim, sollicitèque, & anxie à Deo petamus. Nam cum Patrem in cælo habeamus æquè sapientem, ac benevolentem, & omniscientem, nunquàm aliud rogare debemus, quàm quod ille sciat nobis magis conueniens esse, & necessarium. *Sic Pater Gesser celestis, quia his omnibus indigetis*, aiebat ille Matth. 6. 32. *Dicit nunc ætatis suæ phoenix Picus in Orat. Domin. Tom. 1. Sicut infirmus non debet dicere medico, Da mihi valem medicinam, vel valem, sed debet ab eo petere sanitatem, & deinde dimittere iudicio medici, ut det ei illa, per qua ipse medicus cognoscit ipsam melius, seu facilius posse consequi sanitatem.* Nam si infirmo relinqueretur præscriptio medicamentorum, ipsiusque arbitrio permetteretur modus curandæ suæ ægritudinis, quænam in fontibus, fluminibus, mari aqua esse, & conuerti in dulcem liquorem posset, vt ipse eam biberet? Si instaurandæ valetudinis ratio ex propria illius sententia esset instituenda, venenum sæpè esset, quod theriacam putaret, & mortem incurreret, vbi vitam, se reperturum existimaret. Sic ergo agere cum medico nostro, & patre debemus, qui ex immoderatis desiderijs, & intemperantibus cupiditatibus malè habemus, vt nihil petamus, nisi quod illi sit gratum, & ad gloriam, cultumque tanti Domini faciat. Nam si appetitus, ignorantia, temeritatis, & arbitrij nostri consilium exquiramus, & sequamur, in certam perniciem nostram ceder, quidd rogamus, velut accidit ijs, qui absolute aliquid petunt, & ab irato Deo in suum exitium, & supplicium impetrant. Est qui episcopalem ambiat mitram, & suam sibi procurat damnationem, cum sit ex bono sacerdote improbus antistes. Est qui præturam, magistratum, aut aliud quoduis siue in senatu, siue in aulâ publicum appetit, & obtinet officium, & suam sibi perniciem procurauit, nam ex bono Iurisconsulto, & legum studio fit iuris violator, & temerator legum, & iniquus, ac præceptor index, qui fuerat pius, ac iustus amans advocatus, & quitatemque tam multis modis offendit, vt facilius arenas maris, quàm illius errata numerare possis. Coniugati, qui liberos petunt, neque Dei voluntati suam hac in re submitunt, si voti compotes fiant, sit etiam,

atiam, neque raro, vt molestias, cruciatus, dolorem, mororem, probra, infamiam ab eis habeant, à quibus leuamen, consolationem, honorem, voluptatem, que ingentem sibi promittebant.

Politicus ergo noster omnium desideriorum moderatorem Deum constituat, vt is tanquam pater, & Dominus, quicquid ipsi magis gratum, supplicii autem conducibilis fuerit, concedat, voluntariique eius in omnibus se accommodet, hoc enim nobis semper commodissimum. Nunquam petat hoc fieri, quod appetit, ne moriatur ex eo, quod demoritur, quemadmodum Sichem filio Hemoris accidit, cui hoc vitam ademit, ex quo longam, & quietam vitam expectauit.

CAPVT VII.

Dum rectus iustitie ordo in plectendis secleratis seruetur, tam grata est oculis Dei punitio flagitiorum, vt quodammodo æquè obiectetur spectaculo pendulæ patibulo furis, atque sacrificantis ad aram sacerdotis.

Quod duo illi fratres struprum forori à Sichem illatum vindicauerunt, id moraliter monet Principes, & alios Superiores, vt acriter animaduertant in facinorosos omnes, qui Rempublicam suis flagitijs offendunt, contaminant, aut perturbant. *Zelus filiorum Iacob in elisionem fororis moraliter commonet Pastores fidelium, curam habere animarum sibi commissarum, ne violentur corporali delicto, aut fornicatione spirituali incumbant, parati elici omni inobedientiam.* Ità S. Augustinus, & Glossa Ordinaria. Quicumque ergo superior exemplo istorum fratrum fororis suæ turpem iniuriam vltorum dignas à malefactoribus subditis pœnas expetierit, pergratam Deo victimam mactabit. Nam vt ille sæpè prædicauit, nonnunquam etiam ostendit gloriam, & remunerationem probis præparatam: Sic etiam vult constituta esse sua nefarijs supplicia. Hæ namque sunt duæ bases, quibus totum bonæ gubernationis ædificium incumbit.

Ingredebatur diuinus Magister domum Patris sui æterni, inueniebatque eam infamibus vsuris fœdari, & contaminari turpi quæstu, boues quoque, & oves, & homines, qui re numaria, & sordidâ nundinatione multam loco sacro infamiam affricabant. Zelo ergo honoris diuini, qui plurimum offendeatur, inflammatus, è funibus, quibus boues, & cæteræ pecudes alligatæ erant, quoddam quasi flagellum fecit, eoque armatus homines, & brutas ani-

mantès è templo exegit, numulariorumque, & pecunias, & mensas disiecit. Hæc S. Ioan. 2. 15 ita: *Cum fecisset quasi flagellum de funiculis, omnes eiecit de templo, oves quoque, & boues, & numulariorum effudit as, & mensas subuerit.* Res mira, & rarum spectaculum fuit, videre Dominum, alioquin tam facilem, & indulgentem, nunc flagellum manu vibrantem, & in homines similiter atque bestias inuenientem. Quid sibi vult illa Domini aliàs mitissimi tanta austeritas? Itane decuit illum, qui sublimi regis ritu gaudebat, corripere flagra, eisque homines inuadere, & plectere? Sceptrum, non fustis, virga aurea, non squalidæ funes in manus istas apte cadunt. Quomodo ergo oblitus sceptrum, accepit flagellum?

Respondet doctissimus Claudius Guillaud, in c. 2. Ioan. *De funiculis contexuit sibi flagellum, quo ceu scepro, seu armis regalibus usus est.* Nemo putet Dominum, quid flagellum arripuit, quo male agentes corripere, insignia perdidisse, aut abieciisse regia. Immo verò ad eum modum ostentationem suæ regis dignitatis multò illustriorem fecit. Quando enim flagellum in manus accepit, vt cæderet eos, qui consecratum Dei cultui templum sacrilegè profanabant, tunc tantundem fecit, quantum si virgam auream gestasset. Voluit autem eâ re significare, cum supplicia ex æquo, & bono inferuntur reis, tam decenter à rege præferri manibus flagellum, quo mactet sceleratos, quam virgam auream, quæ remuneret probos: *Contexuit sibi flagellum, quo ceu scepro, seu armis regalibus usus est.*

Non possum, quia hic ad rei præsentis confirmationem commemorem supplicium, quod Dominus ab ingratis illis, & plusquam blasphemis, idololâtris, & brutis bruti vituli cultoribus sumi imperauit. Dicebat populi illius sacer dux audacter, & animosè: si quis Domini partes sectatur, is mihi iungatur, vt iniuriam honori eius illatam coniunctis viribus, paribusque animis, & armis viciemur. Ad vocem religiosi imperatoris accurrerunt Leuiticæ tribus viri, stragemque tam ingentem fecerunt, vt propè viginti tria millia contrucidarint ex ijs, qui scitio numini adgeniculati, falsæ deitati cultum, qui verè debebatur, derulerant. Post fustum idololâtrarum sanguinem dicebat Moyses: *Consecrasti manus vestras, hodie Domino, & nescis, in filio, & in fratre suo, & datur vobis benedictio:* Exod. 32. 29.

In his expendit Oleaster istud, *Consecrasti manus vestras Domino.* Itane verò consecratæ dici possunt manus vel parentum, qui obruncarunt suos filios, vel aliorum, qui fratres suos ferro confosos interemerunt?

merunt? Hocciné fuit consecrassé manus? Epiam fuit, inquit Oleaster in Annotat. moral. in c. 3. Exod. Si iudex, aut tortor, malorum es, non putes te irreligiosum, aut profanum. Quoniam non minus Deum hoc opere colis, quàm si donaria, & sacrificia manibus sacratis offerres. Sacrificium Deo acceptissimum est peccatores punire, quemadmodum sanctos colere, nec minùs benedicere, qui iniustum necat, quàm qui iustum extollit. Nam suo quodam modo tantum placet Deo prator castigans, quantùm sacerdos consecrans, saluti enim Reip. tam conducunt supplicia malorum, quàm præmia bonorum. Et honor Dei non minùs conseruatur punitione nocentium, quàm ueneratione proborum, & iustorum.

Propheta regius, cùm exterrere obstinatos, & cæcos peccatores, & ad uitæ emendationem, errorumq; suorum retractionem excitare uellet, Deum seuerum iudicem illis ob oculos statuebat, qui actæ uitæ rationes ab eis exacturus, & æterno igne culpas eorum, quas ipsi operibus pœnâlibus non expiascent, vindicaturus esset, inquiens: *Deus manifestè Seniet, Deus noster, & non silebit. Ignis in conspectu eius exardescet, & in circuitu eius tempestas valida*; Psal. 49. 3. Valde horribilem, & formidabilem nobis pingit facer Cantor supremum Imperatorem tanquàm iudicem, quem flamma simul, ac tempestas circumdet. Benè habet istud. Verùm titulus Psalmi negotium facesset cuiuscunq; uel mediocriter sapienti. Sic enim habet: *Psalmus Asaph*, hoc est, quem Asaph est cantaturus. Asaph primus cantorum erat, eiusq; hoc in templo officium, ut in choro diuinas laudes præcineret.

Dicit nunc Hugo Cardinalis: *Videtur quòd aquè benè deberet intulari ex nomine alterius, qui non cantandi, sed potius flendis, & terrendi alios haberet officium.* Agit hic Psalmus non de primo tantùm, verùm & de secundo Christi aduentu, inquit idem Hugo, quorum ille suauis, & amabilis fuit, alter erit terribilis, & formidabilis, ille blandum attulit curatorem animarum, alter austerum adducet censo-rem culpârum. Quod cùm ita sit, cur illi, cuius proprium, ac peculiare munus erat cantare laudes Dei, fuit inscriptus Psalmus, qui supplicia irati Dei, terroresque, & minacias implacabilis Iudicis commemorat? Quòd tali homini dedicarentur hymni, aut alia eiusmodi, quæ Dei mansueti, & pueri recens nati, & clementis, atque indulgentis, & ad redigendum captiuos, condonandum peccata venturi vaticinia continerent, id benè factum videretur: At quòd cantorum princeps in choro inflexibilem

Dei iustitiam, & expauendum iudicium cantu celebraret, nescio quomodo cum officio illius coherere. Aptius fieri potuisset uidetur, si res ea illi commendata fuisset, cui alioquin vel deplorare, vel castigare, & vindicare aliorum scelera incumberebat. Cur ergo viro tali talis Psalmus nuncupatus fuit? *Psalmus Asaph!* Ut nobis indicaretur, quàm sit acceptum Deo sacrificium punitio facinorosorum, quod ut sanctus Dauid significaret, Psalmum, qui rigorem, terribilitatem, supplicia supremi Iudicis commemorat, homini diuinis laudibus cantandis consecrato inscribit, ut argumento esset, non minùs placere Deo hominem, qui è tribunali decernit suas flagitiosis pœnas, ac religiosum, qui in choro cantandi illius misericordiæ, & clementiæ operam statuât. Tam gratam enim illi hostiam offert, qui sceleratum mactat, ac is, qui benè meritum remunerat.

Ad hunc sensum sanctus Hildebertus epist. 59. To. 3. Biblioth. Ver. PP. scribens cuidam Principi, qui uidetur vltor scelerum nimis remissus fuisse, aiebat: *Iniquitatis gloriam inter splendiores triumphos annumeres*, & tunc gloriosissimam victoriam regulisse puta, quando per supplicia refrenas peccandi licentiam, quam cõdere per clementiam nõ poteras. Benè enim triumphat, qui benè castigat.

Nam ut illustre totius eruditionis prodigium, & eminentissimus Iureconsultus D. Antonius Cabre-ros, & Auendanno in Tract. de trip. Prælud. 1. n. 2. ait, *magnum respicit Reip. bonum delictorum cõderetio*, conducitque plurimùm bono publico animadu-uertere in criminosos. Et Paulus item Iureconsultus in leg. licit. 9. §. *Quod illicitè*, D. de publ. & vetig. inquit, *disciplina publica vigorem exposcere, & illicitè facta competenti supplicio vindicentur*. Pœna siquidem stultum ad mentem reuocat, flagellum in-frænat duos, carcer flagitiosos cõderet, triremes audacibus timorem incutiunt, gladius, & patibulum effusissimis tremorem adferunt.

In oratione, quam Deo quotidies offerimus, ita precamur: *Pater noster, qui es in calis, sanctificetur nomen tuum*; Matth. 6. 9.

Non parùm difficultatis attulit Interpretibus, quid sibi velit, quòd sanctificari nomen Dei petimus, & exanimitis optamus. Quia cùm ipse sit fons, & origo omnis gloriæ, nos honori nominis illius infinito nihil addere possumus. Quid ergo rogamus nomen illius sanctificari, gloriâque eius augescere, quæ cùm immensa sit, facere incrementa non potest?

Huic quæstioni satisfaci inſignis Mirandulæ Comes Ioannes Picus, dicens, non id à nobis peti, vt nomen Dei in ſeipſo magis ſanctificetur, tanquàm arbitramur, poſſe acceſſionem ad ipſius honorem fieri aliquam (hæc enim vaniſſima opinatio eſſet) ſed *vt manifeſter in creaturâ*, ſic enim ad noſtrum intelligendi modum magnificatur, & extollitur nomen Dei. At videamus quâ ratione ſanctificetur, & glorificetur, & magnificetur nomen Dei. *Per miſericordiam*, inquit ille, *quando reddit præmia æterna, ſed per iuſtitiam, quando ex ſua malitia ipſi rebellantes per ſuam iuſtitiam punit. Patet autem quod & trunq; cedit in gloriam eius, non enim minor Chriſti gloria eſt videre Iudaos in hac tam longa captiuitate plenos omni ignominia, & miſeria, quàm videre Chriſtianos, qui eum ſolunt, & crucifixum adorant.* Tam accepta enim victima, tanq; gratum Deo holocauſtum eſt (ſeruata debitâ paritate) malefactor in patibulo, ac ſacerdos in altari, tam enim placent illi, quòd maſtatur improbi, quàm quòd remunerantur iuſti.

Haud dubito, quin id ita eſſe intelliget, quiſquis attentis auribus Prophetarum regum ad pſalterij ſui harmonicas fides canentem exceperit. Ille inter commemorationem acceptorum à Deo beneficiorum ſic aiebat: *Tues, Domine, qui exaltas me de portis mortis, & annuntiam omnes laudationes tuas in portis filia Sion; Pſal. 9. 15.*

Difficilis videtur locus, ſi portarum nomine, ex Scripturæ more ſoleni, & receptiſſima conſuetudine, ſignificata tribumalia dicamus, vnde ſententiæ capitales contrâ malefactores prodibant, quia Iudæi in portis ſuarum vrbiũ habebant ſua putealia, ſiue iudiciaria ſubſellia, ex quibus contrâ fontes pronuntiabant. Actum agam, ſi hoc probare velim, quod Scriptura tam multis in locis affirmat. Diſcutiamus itaque nunc, quomodo intelligi poſſit, ac debeat, quod ſacer Propheta dicit, exaltatum ſe de portis mortis, vt annuntiaret omnes laudationes Domini in portis, ſiue tribunalibus filia Sion, id eſt, vrbs Ieroſolymitana.

Doctiſſimus Geneſios interpres Benedictus Fernandus in c. 34. Genef. ſect. 5. n. 13. To. 3. exclamât: *En ô bone rex, qui cantus iſti, quæ laudationes in portis Ieruſalem? Ad portas ſedebas pulſando citharam, diuinaſq; laudes dulciſter concinendo? Non plane, ſed in portis iudicabas.* Cùm in portis eſſent tribunalia, certum eſt Dauidem in portis Ieroſolymitanis non tractaſſe citharam, pſalterium, organa, ad cantandas Dei laudes, ſed patibulis, crucibus, e-

quuleis, aliſq; tormentis addixiſſe malefactores, & de pleſtendis conſtituiſſe improbis. Quid ergo ait, renuntiſſe omnes laudationes dominicas in portis filia Sion, è tribunali vrbs Ieroſolymæ?

Reſpondet dubitationi, qui eam excitauit, inquit: *Quia non minus Deum laudabat in iudicijs, quàm in templis, proferendo ſententias, quàm ſtrando, cantandoq; pſalmos. Nec minus Deo ſeruauit, Deumq; colit, & laudat iudex iudicando, quàm Clericus in choro cantando, nec minus Deo placet puniens iuſtitia, quàm deprecans religio.* Magnum ergo myſterium habet, quod Propheta regius ait, annuntiſſe, & cantſſe laudationes Domini tunc, quando pro tribunali iudicabat reos, morti addicebat ſceleratos, & damnabat improbos, quia eodem loco habet Deus iudicem, qui è loco ſuperiore contrâ fontes pronuntiat, quo ſupplicem, qui offenſo Numini contriti cordis hoſtiam in templo maſtat. Quàm amat eos, qui pſalmos in choro deuotè cantant, tam charos habet eos, qui ſclera dignis ſupplicijs iuſtè caſtigant. Vtrumq; Deo gratum, vtrumque Reip. commodum, ad illius laudes, & boni communis vtilitatem tam facit punitio flagitioſorum, quàm remuneratio innoxiorum.

Hæc diximus, vt Politicus noſter, ſi fortè ex officio ad illum pertineat caſtigare malefacta, non ægrè adducatur ad inferenda ſupplicia, neq; manu ad eam rem vtatur remiſſa, quando neceſſitas expetere poenas poſtulet. Iam enim intellexerit, tam gratum eſſe Deo ſacrificium caſtigare fontes, quàm præmia dare benemeritis, & eiſdem oculis videre pendentem furem è patibulo, quibus probum ſedentem in throno, nec minus delectari eum viſu iudicis flagitia caſtigantis, (ſeruata tamen iuſtâ proportione) quàm ſacerdotis incruentam hoſtiam in altari immolantis.

C A P V T VIII.

Optimè nouerunt homines & commemorare ea, quæ ad ipſorum commendationem faciant, & tacere, quæ labeculam qualemcunq; aſpergant. Amant item conſortium lucti, ſed communem tacturæ aliam deſugunt. Sie ſpielen gern mit/ohn auffſetzen.

Vt vidit Patriarcha noſter præcipitem, & cœcum filiorum ſuorum furorem, qui tanto impetu in eum circumciſorum Sichimitarū effuſi ſanguinem illorum effuderant, dixit ad Simeonem, & Leui: *Turbatiſtis pacem, quæ mihi cum huius terræ habitatoribus erat.* Sunt ij permultri, nos pauculi

Fiet

Nec ergo ut coniuati nos inuadant, & opprimant, sicut illis resistere prorsum nequeamus. Huic ob- iurgationi responderunt filij: *Nunquid Et scorto abutis debuisse sorore nostrā!* Genesi. 34. 31. An for- tē soror nostra vilis lupa erat, & putridula meretrix- cula, ut flagitium illi tam indignē inferrent? Quā- nos ignaui, & ignobiles, quā negligentes omnis nostrae existimationis fuissetis, si tantum dedecus, tam turpe probum inultum reliquissetis!

Cum duo essent in illo casu (quod Expositores hic notant) nempe stuprum sorori illatum, & vindi- cta iniuriæ illius, de modo, quo infamiam vlti fue- rant, nihil dixerunt, quia cum rationis, & iustitiæ limites ea in re prætergressi essent, quod ad eum modum probum sororis vindicassent, tacuerunt supplicium, quod ab iniuriis sumperant: quia commemorare sine offensione suæ famæ non pote- rant! At verò ignominiam sororis, & notam illi in- ultam multis verbis magnificē amplificauerunt, hoc enim facinus illorum inumbrare, & extenuare vide- batur. Itaque quod officere causæ illorum poterat, dissimularunt, quod verò prodesse poterat, id auidē arripuerunt. Habet hoc mos hominum communis à Protoparente hæreditariò acceptus, ut studiosē tegant, quidquid derogare existimationi, aut nego- tio, quodcūque sub manibus habent, possit, enu- dent verò, & publico soli exponant, quidquid ad commendationem illorum vtrūque faciat. Deni- que amant facere lucrum, sed fugiunt commune subire dispendij periculum.

Euocabat immanis ille gigas ad singulare certa- men phalaeges Hebræas, barbarèq; arrogans, & in- solenter superbus, ac viribus suis præfusus, diu, ac pertinaciter populum Dei irritabat. Israëlita ex- territi horrendo spectaculo viuæ illius, & portatilis turris, & vistorum membrorum eius enormi, ac for- midabili magnitudine, timuerunt descendere in are- nam, & pedem cum truculento prouocatore con- ferre. Solus quidam iuuenis pastor Dei gratiā exci- tatus, & cœlesti audaciā roboratus duello, & singu- lari confictui intrepidē se obtulit. Consultatum de re ista apud Saulem regem, & post varia vtrūq; citrò- que agitata, & in partem vtramq; disputata decre- tum fuit, ut David cum idololatra Philistæo certa- men iniret. Ille ergo, ut expectatam victoriam con- sequeretur, tulit baculum suum, quem semper habe- bat in manibus, & elegit sibi quinque, lumpidissimos la- pides de torrente, & misit eos in peram pastorem, quam habebat secum, & fundam manu tulit, & pro- cecit nuncius Philistæum; 1. Reg. 17. 40.

Abulensis questio 32. in c. 17. 1. sic habet: *Quomo- do Saul permisi, quod pugnaret David cōtra Goliath, cum nō ferret aliqua arma, sed solā fundā. Et lapides?* Permirum sanē videtur, quod Saul strenuus miles, & fortis pugil concessit, ut pignus cum gigante, cum armato viro adolescens inermis pugnam susci- peret. De gigantis illius armis sic loquitur scriptura, quasi tam onerosa, magna, & multa fuerint, ut in- tegro exercitui armando sufficere possent. In quod ergo iudicium cadere potuit, ut tenerā ætate pasto- rem cum viro non solum armis, sed etiam bellandī peritiā instructissimo concurrere posse putarent?

Respondet Abulensis: *Si David vinceretur, re- deundum erat ad pugnandum in acie, sicut si non effe- citum singulare certamen, Et sic non deteriorabatur conditio Hebræorum ex morte David, Et prosperaba- tur ex eius victoria, idēo permittendum fuit ad om- nē euentum, Et pugnaret.* Prudens fuit ille Saulis cogitatus, nam quomodocūque Davidi sua pugna caderet, lucrum ex ea Saul capere poterat, damnum referre nullum. Si vinceretur David, nihil hoc in- commodabat bello, cum alioquin, tamen nullum gereretur duellum, signa cum hoste conferenda, & conferendæ manus essent. Et facilis erat iactura v- nius adolescentis, qui aptior custodiendis omnibus, quā consociendis, & profligandis hostibus videba- tur. At si iuuenis pastor superbum Goliath rener- ret, id res Israëlitarum incredibiliter iuuabat, valen- tissimo enim Philistinorum cæso, Philistæi totis a- nimis consternati fuissent, quando vidissent ab iner- mi adolescentulo non alio, quā vnus lapidis iactu deiectam, & solo afflic- tam esse illam tam vastam car- nis molem, illam tam firmam columnam, quā spes illorum tota nitebatur. Itaque permittendum fuit ad omnem euentum, quod pugnaret. Saul certē itā ex- istimabat, quod lucrum illi dimicatio Davidis pa- rere poterat, damnum nullum. Propria hominum indoles id habet, ut res suas itā instituant, ut certum sine dispendij periculo quæstum facere, & sine iactu- ræ metu indubitatum habere lucrum queant.

Ibat Dominus resuscitatum filiam Principis sy- nagogæ Iairi, perque viam secretō ad illum accessit mulier, ut ægritudinis quā diuturnæ, tam pudendæ remedium ab eo extorqueret. Frequens hominum caterua Christum comitabatur, cūq; & locus pu- blicus, & turba numerosa miseræ impedimentum afferret mulieri, dicebat intrā se: *Si tei gero tantum Vestimentum eius, salua ero*; Matth. 9. 21. Pugna! at in animo bonæ mulieris spes cum timore, cum pu- dore, & verēcundia necessitas, idque scilicet, quā

concitati maris fluctus concertare in media tempestate soleant. Nam si ægritudinem suam aperiret, turpitudinem euulgabat, si rectam conseruaret infirmitatem, euadere crudeles manus cruciabilis mali non poterat. Corpus sanari, sed absque offensione famæ, optabat. Itaque *retigit simbram vestimenti eius*, ibid. v. 20.

Quod ibat hoc afflicta, & agræ mulieris studium? Respondet S. Rauennatum Archiepiscopus Petrus Chrysologus serm. 34. *Quarebat quomodo faceret occultum de publico, de turba secretum. Agebat ut sibi rediret sanitas, & verecundia non periret.* Ingeniosa solertis, & cordatæ mulieris industria fuit, quodd sanari ab ægritudine citrà dispendium verecundiæ voluit. Propterea retrò accessit, & extremam oram vestimenti, quod tergum tegebat, supplici manu libauit, ut solus inde rediret corpori, & nihil decederet pudori. Non fuerit hæc prima, quæ sic omnia simul procurauerit, ut lucrum sine periculo dispendij referret, & absque vllò existimationis facultatumque impendio compendium honoris, & utilitatis faceret.

Cum Scrii & Pharisei inimicorum Christi Domini nostri inuidentiſſimorum insensissimī, & dictorum, factorumque illius exploratores deterrimī, ac nequissimī indies viderent, quantis incrementis fama eius augesceret, quomodo nomen illius ubique percrebresceret, quàm ingentem sui admirationem doctrina eius excitaret, quàm vehementer miracula illius omnes oblupeſcerent, decreuerunt illi iniicere manus, & victum tradere custodiæ, ut hæc ratione & famam eius obscurarent, existimationemque diminuerent, & vulgi animos ab illo abſtraherent. *Miserunt ergo ministros, ut apprehenderent eum.* Ita S. Ioannes cap. 7. v. 32.

Nemo, ut mihi quidem videtur, hoc Scribarum, & Phariseorum decretum leget, qui sciat quantâ sui sanguinis Christiā dudum æstuarint, ut non arguendos putet, quodd capiendi illius negotium ministris, & satellitibus crediderint, quando ipsi duces adesse, & liſtores ad rem strenuè conficiendam tum verbis, & promissis, tum auctoritate suâ acere debuerunt, ut illorum consilij, & optatis facta certius, feliciusque supperent. At si ita res haberet, cur *miserunt ministros*, perque alios fecerunt, quod per seipsos curare debebant?

Occurrit huic difficultati Theophylactus in c. 7. Ioan. inquit: *Miserunt autem, sed non ipsi venerunt, meuentes turbam, ne tumultuaretur. Et propterea ministros mittunt, seipsos subducentes, ne quid*

pericula suboriretur, illos autem furori populi exponentes. Ita vndeque quod suum erat, seſtabatur. Quantum Principes Scribarum, & Phariseorum abominabantur Christum, doctrinamque illius execrabantur, tantum æstimabant vulgus, & venerabantur communem plebeculam. Et quoniam seditionem populi, vulneraque, & cædes metuebant, idcirco alios delegarunt, qui vadum tentarent, & omnia explorarent, & euentus periculum facerent, qui si Christum prehendiſſent, obtinuisset eorum consilium, & votum, sin minùs, in ministros recideret malum, quodcunque capere volentibus occideret. Ita vndeque quod suum erat, seſtabatur, curabantque ut quæstum facerent, & ab omni iacturæ periculo procul abessent. Habet hoc pars hominum maxima, ut compotes esse amant lucri, damni consortes esse nolint.

Quærit Abulensis, quamobrem veteres illi Patriarchæ, & principes credentium, cum in terra Chanaan affluerent pecoribus, & plurimam haberent familiam, non sibi cõemerint stabiles possessiones, ubi figere sedem, & tum domesticos suos, tum greges tuto seruare, & sustentare possent. Satis hoc indicat sacra Genesios historia. Nam quodd Abraham locum sepulturæ sibi pecuniâ comparauit, & noster Patriarcha centum agnis exiguam hæreditatulam, id nihil obest, nam verumque parui momenti fuit, si cum ijs conferatur, de quibus Abulensis suam instituit quæſtionem. Cur ergo factum dicemus, quodd fixa nulla sibi emere voluerunt bona?

Responder ille in 1. Reg. c. 15. inquit: *Quid videretur frustra esse, quia nesciebant quando Deus daturus esset terram, & forte statim daret, vnde perderent pretium, quod darent.* Non ergo emebant talia immobilia. Gratuitam certò expectabant ex Dei pollicitatione donationem terræ promissæ, quando autem ea explenda esset cum nescirent, & explendam in horas sperarent, noluerunt emere, quæ quando dono accepturi essent, ignorabant, ne frustra prodigendæ pecuniæ periculum subirent. Sic quisque lucrum, quanto potest studio consecratur, & fugit damnum, quæstus consortiū amans, & iacturæ periculum deuittans.

Imperauit Deus Sauli, ut Amalecitas omnes vnâ occidione occideret, resque illorum omnes vastaret, & neque Regi, nec Pastori, nec purpuræ, nec sago, nec basilicæ, nec gurgustio parceret, inquit: *Vade, & percutite Amalec, & demolite vniuersa eius, non parcas ei, & non concupiscas ex rebus ipsius aliquid;* 1. Reg. 15. 3. Amplior, & magis absoluta delegatio nemini

nemini committi potuit, hæc n. complectebatur non solum quæ rationali, sentiente, ac vegetante animâ prædita erant, verum etiam quæ sensu destituta. Non accurauit Saul exactè iniunctum sibi munus. Pepercit n. regi Agag, & opimioribus gregibus, & pretiosioribus vestibus, & alijs nonnullis. Audiebat Samuel mugitum armentorum, balatumq; ouium, & aiebat: Quas ego hæc pecorum voces audio? Respondit Saul: *De Amalec adduxerunt ea, pepercit enim populus melioribus ouibus, & armentis, & immolarentur Domino Deo tuo, reliqua vero occidimus* ibid. v. 15.

Expendamus responsum Saulis, quo se ille excusat, & rationem, quam adfert non expletæ integræ delegationis, siue commissionis. Quod ex iussione Dei confectum fuerat, resque ipsius iurare poterat, id sibi tribuit, inquiens, *Reliqua occidimus*, velut diceret, nostrâ obedientiâ, & diligentia factum est, vt mactarentur, quæcunque Deus mactari voluit: Quod autem quædam non erant vastata, hoc populo adscribit, *Populus* inquiens, *pepercit*, si quid ea res mali haberet, si quid peccati, hoc à vulgo venit. Sed in hac excusatione mentitus fuit Saul. Dicit enim sacer Textus: *Pepercit Saul, & populus optimis gregibus ouium, & armentorum* ibid. v. 9. primus greges, primus vestes, primus suppellectilem opulentiorum, primus monilia pretiosiora expetiit. At si res ita habet, vt certè habet, quomodo se autorem cædis facit, & seruati gregis culpam in populum conijcit, cum ipse pariter ac populus manus à brutorum quorundam interneceione abstinerit? Respondeo ex his, quæ hæc tractamus, nempe quod homo amat lucrum appetere, fugere iacturam, dicere quæ ad sui commendationem faciant, tacere quæ dedecrant! Er quoniam cæcidisse Amalecitas, resque illorum omnes perdidisse, honorificum erat Sauli, idcirco aiebat, *Occidimus*, exussimus, vastauimus, destruximus, quæcunq; iussimus, tanquam ipse inter eos, qui talia fecerunt, primus ac præcipuus fuerit; Verum quia seruasse ea, quæ mactanda, & vastanda fuerant, piaculum erat, omnem in populum culpam confert, inquiens: *Populus pepercit*; cum ipse esset primus, qui ex cæcitate cupiditate pepercerat pecoribus opimioribus, & opulentioribus spolijs. Quod docemur, quam probe sciat homo, & prædicare, ex quo laudem habeat, dissimulare, quod probro esse queat, & quam amer facere lucrum, quamque odierit minimum siue honoris, & existimationis, siue rerum, & facultatum detrimentum pati. Vix quæquam tam rudem habet mundus, qui huius rei non

sit gharus. Omnes sciunt vtilitati propriæ studere, omnes sciunt occasionem quæstus capere. Omnes sciunt muti esse ad ea, quæ honori, & existimationi officiunt. Omnes etiam de vulgo extremo rhetores sunt ad commemorandum, & amplificandum, & extollendum quæ sibi honorifica sint, & fructuosa, & tum famæ, tum rebus conducibilia.

Emundata fuerunt sua Prophetæ urbano labia, lætabaturque ille tam vehementer de sublatis maculis, quam grauiter doluerat, quod tam patente corporis parte turpem næuum diu prætulerat. Dicebat illi Dominus: *Quem mittam? & quis ibi nobis*, vt populo isti prædicet? Et ille exemplò: *Ecce ego, mitte me*; Isaiæ 6. 8. velut dixisset: Vbi me ad manum habes, Domine, otiosum videtur quærere, quem mittas, ego enim volens, lubensque ibo, quod me cunque ablegandum duxeris. Factum est, vt aliâ occasione audiretur illi *vox dicentis, Clama*, Isai. 40. 6. At tunc ille respondit: *Quid clamabo?* ibid. scire volo, quid denuntiare populo, quid clamare debeam.

Origenes, vt refert Glossa, pulchrè hic annotauit, quod priore loco, cum vix dictum esset à Domino, *Quem mittam? & quis ibi nobis?* statim accurrit Isaias, seque singulariter præ alijs obtulit, cum aduocatus particulariter non esset, & ait: *Ecce ego, mitte me*. Nunc autem cum speciatim vocatur, iubeturque clamare, & prædicationis officio singulariter deputatur, videtur reculare officium, cum dicit, *Quid clamabo?* Quid quod est ibi tam promptus excepit, & penè inuasit munus prædicationis, hic autem tam tardè, cunctanterque illud admisit?

Respondet ex magno Adamantio Glossa Ordinaria: *Putabat se bonum nuntiaturum, & ideo dicit, Mitte me, & ideo Elirò se offert. Sed quid audis?* Dic populo huic, Auribus audietis, & non intellegitis, cum postea dicatur sibi *Clama, non statim clamat, sed dicit, Quid clamabo?* Non sciuerat primavice, quid renuntiaturus populo esset, sperabat autem se mera euangelia perlaturum, idcirco sponte, lætanteque profliebat ad prædicandum; Cum vero præter opinionem suam iuberetur intentare minas, prædicare ingrata, cautiore factus scire voluit, quid clamaturus esset, quando ad idem officium deponerebatur, tanquam non ausus illud ante suscipere, quam prædicandi argumentum exploratum haberet. Etiam apud tales homines, tametsi posthæc, quod sui muneris est, faciant, videntur à vitiatæ nature

turæ ponderibus ed inclinari, vt danum defugiant, semper enim res suas ita disponere vellent, vt illis quæsiuosa essent, & lucrosa. Cum se dicenda offerunt, quæ narrantis exsultationem imminuere possunt, curant silentio opprimere: At cum ea commemoranda occurrunt, quæ sint honorifica, & ad lau-

dem vergant, nec tardi sunt ad eloquendum nec ad euulgandum muti.

Hoc idem argumentum non semel tantum, neque ineleganter tractat etiam alibi. Vide etiam Pericham III Dominica XXIII. post Pentecosten, To. 2. pag. 308. Et locum ad calcem ex To. 1. annotatum.

LIBER NONVS.

CAPVT I.

Malo culpæ mala alia omnia cedunt.



Visum de aliquo huius vitæ malo queritur? Quis se aduersitatum mole oppressum deplorat? Quis sub iniquioris fortunæ grauius ictibus gemit? Quis suæ inter ærumnarum angustias calamitati illachrymat? Quis verò in summo felicitatis culmine se collocatum iactat? Quis de imperiali throno superbus gaudet? Quis sibi de mulieris, nescio cuius, amicitia singulari, ac beneuolentia enixior gratulatur, & blanditur, quæ hoc vno solum est constans, quod semper inconstans? Nam si cunctis tum felicitates, tum aduersitates ad rectæ rationis libellam expendas, & ad lucem veritatis examines, videbis, nullum aliud esse malum, quod timere debeamus, præter inimicitiam Dei, nullum bonum, quod expetere possimus, præter amicitiam eiusdem, cæteraque bona, & mala, si cum eis comparentur, hoc nomine indigna esse. Felicitates enim quæcunque excogitari possunt, nisi cum amicitia Dei sint coniunctæ, infelicitates sunt, & quidquid calamitatum occurrere homini mortali potest, id rebus secundis, & prosperis annumerari debet, si Deo gratiofus sit, qui ærumnis pressus.

In hanc rem ita loquebatur olim sanctus Ioannes Chrysostomus 2. Corint. 6. homil. 12. in morali: *Collachrymandum est, non cum in paupertate sumus, sed cum peccamus, hoc quippe est, quod lachrymas meretur. Nam alia eiusmodi sunt & irrisum etiam ciere debeant.* Flere itaque debemus, non cum nos ærumnæ incurfant, non cum affligant aduersa, non cum angit inopia, non cum infensa fortuna in imam miseriarum abyssum nos mergat, sed cum supremi Legislatoris præcepta violasse, cum cœlestis Imperatoris absoluti edicta præterisse recordamur. Hoc solum est, quod ad sinceram nudæ veritatis lucem examinatum tristes lachrymas, & flebilem, acerbum-

que luctum, & penitissimo corde exprompta suspiria mereatur. Cætera omnia ludibrio magis digna sunt, quam vt calamitarum catalogo inferantur. Nam si absolute de re pronuntiare velimus, dicere possumus, ac debemus, nullam esse miseriam, nisi culpam, nullam felicitatem, nisi Dei gratiam.

Inter illas integerrimi, & candidissimi magistrum infidiosissimis auditoribus, & insensissimis hostibus disceptationes, & mutuas altercationes dicebat illis quandoque Dominus: *Si vos manseritis in sermone meo, & eritis discipuli mei eritis, & cognoscetis veritatem, & veritas liberabit vos;* Ioan. 8. 31. 32. Pupugerunt hæc dicta improbos Scribas, ac Phariseos ita vt dicerent: *Nos semen Abrahe sumus, & nemini seruimus inquam, quomodo tu dicis, Liberi eritis?* ibid. v. 33. tanquam verbis alijs dixissent: *Egregius, scilicet, modus, quo nos demereri possis! Nos ab inclita illa prosopia descendimus, & nepotes sumus illius Patriarcharum omnium facile illustrissimi, cuius virtutes mundus totus magnis plausibus celebrat, & tu nos à captiuitate liberos fore prædicas, quod nullus seruituti inquam addictissimus! Quis ergo nos aliquando habuit vel dedititios, vel seruos, vt nos libertate tantoperè inuites? Respondit Dominus, inquit: *Amen, amen dico vobis, quia omnis, qui facit peccatum, seruus est peccati;* ibid. vers. 34.*

Heus Domine, occurrit hæc, quod cum tua bona venia dicere velim. Videris mihi veras rectè argumentandi leges, si dicere fas est, præterire, dum ludæorum quoddam falsissimum pronuntiarum dissimulas, taciturnique prætermittis. Aiunt illi: *Nos nemini seruimus inquam, ne in proavis quidem, & maioribus nostris.* Quod aliud tam ingens mendacium? Quodnam effatum æquè aduerum veritati, ac illud? Nam quod aliud hominum genus sol vidit, quod crebrius grauiusque oppressum genus sol vidit, hodieque sit oppressum, quam vnus ille perfidiosus, & contumax Hebræorum populus? Dicat

hoc

hoc Ægyptus, dicat Babylonia, dicat hoc ætas ea ipsa, quā hoc quā audacter, tā imprudenter affirmabant, & Romani Cæsaris tyrannidi subiecti lugebant. Et hodie per mundum dispersi nonne sunt contempnibilissimi, fabulaque vugi, & ludibrium, & opprobrium omnium? Quid ergo dicam, Domine, quod illos per summam inuerecundiam mentitos dicere audis, Nos nemini seruissimus inquam, & hoc eorum tam falsum pronuntiatum præteris, tantum in eas angustias coniectus esses, unde emergere non posses, & ais, *Qui facit peccatum, seruus est peccati?* Nonne bonum fuerat dicere illis: Si nemini inquam seruissimè ex animo affirmatis, mentimur, quantum qui maximè, quā seruistis & sæpè, & diu, annosque plurimos?

Respondet huic obiectioni Euthymius: *Non conuincit eos, quod sapius seruissent Ægyptijs, Babylonijs, alijsq; diuersis Gentibus, sed hanc quidem prætermisit seruitutem, & quia nihil animi generositatis officiat. De peccato verò ait, quod illi nocet seruitus, eam subiiciens, cuius est miserrima seruitus.* Quando ergo Scribæ, & Pharisæi gloriabantur suā illā inde à maioribus acceptā, & nunquam interruptā libertate, tamen pudendum esset mendacium, vt qui tota scula Ægyptijs, Assyrijs, alijsque duram, diuturnamque seruitutem seruierant, non sine mysterio illud silentio Dominus præteritis, atque hoc solum euincere curauit quod verus seruus est, qui quis peccato se obstringit, vt doceret, in quo vera seruitus consistit, velut dixisset: Possem equidem faciliè conuincere seruitutem vestram, quæ vos varijs gentibus subditos habuit. Verum quænam illa est miseria, & infelicitas? Quid obsunt pauperties, seruitus, captiuitas, & omnis calamitas huius mundi? Illa non incommodant, non offiunt animæ, dum culpæ seruitutem modò coniunctam non habeant, quæ sola misera, & deploranda est seruitus? *De peccato ait, quod illi nocet, seruitus eam subiiciens, cuius est miserrima seruitus.* Immo quando anima est libera, & valet gratia apud Deum, tamen corpore sustineat captiuitatem, ægrotudines, infelicitates quæcunque excogitari possunt, omnia illa in rebus prosperis recenseri debeat, quia pretiosa monilia sunt, quibus anima ornatur, & veniatur, inestimabilis pretij gemmæ sunt, ex quibus ditissima corona conficitur. Ergo nullum aliud malum, nisi peccatum, nullum aliud bonum, nisi gratia. Ergo & verum est, quod initio diximus, omnes alias miseras, & calamitates cedere malo culpæ, nulla enim æruma est, nulla penuria, nullum omnino malum, quod reuera id

nominis mereatur, si cum mortali culpa conferatur, quæ nobis Deum offensum reddit.

Quam præclare dictum à Sapiente: *Non contristabit iustum, quidquid ei acciderit.* Prou. cap. 1. vers. 21.

Hugo Cardinalis pressit ingeniosè illud verbum, *Acciderit*, tanquam dictum fuisset: Nullum accidens dolorem adferre iusto potest. *Quidquid ei acciderit, prosperum, vel aduersum*, non conturbabit illius animum, non interpellabit quietem, non deiciet de suo statu. Ex Hugonis itaque obseruatione *accidens* vocatur quidquid occurrere, & euenire potest animæ, quæ illum felicitatis vnicæ gradum obtinet, vt sit in bona apud Deum gratia. Quid est accidens? Logicorum pueri dicent, qui cum Hugone sic definiunt: *Accidens adest, & abest præter substantiæ corruptionem.* Accidens aduenit homini, destituitque eum absque singulari ipsius impedimento, aut graui detrimento. Quod homo nunc sic viuendo colore, dein pallido, nunc albo, posthæc atro, parū refert, nec enim facit, quin sit animal rationale, & omnia habeat, quæ ad naturæ suæ integritatem spectant. Sic & pannus, siue hoc, siue illo colore tinctus, idem semper est pannus: Dicit nunc Salomon: *Non contristabit iustum, quidquid ei acciderit.* Dum non excidat gratiā, & amicitia Dei, alia omnia pro accidentibus habet. Paupertatem, diuitias, sceptrura regni, seruitutem, & quascunque alias seu felicitates, siue miseras in rebus minimis, & deridiculis numerat, adeo parum illum angunt, parum sollicitudinis illi adferunt, sic vt neque illa exhalarent, neque hæc contristarent, cum sciat, malum esse absq; gratia Dei, quidquid bonum æstimatur, & bonum esse quod malum censetur, si modò sit cum amicitia Dei coniunctum. Apis argumentosa est iustus, qui omnia in mel meritorum vertit, & peccator venenatus araneus, toxicum damnationis: ex omni re conficiens. *Præsens prosperitas, & tribulatio adest, & abest, iusto præter eius corruptionem & conturbationem*, inquit Hugo. Iusti tota substantia est gratia Dei, reliqua pro accidentibus habet, quæ abeunt, & adueniunt, nihilque illi vel mororis, vel ineptiæ lætitiæ adferunt.

Huc facit illud sancti Theodori Studitæ, qui catech. 117. ait: *Quid fugamus, fratres, & ignem? Atq; utinam igni potius, ferro, bestiis, quàm lethali- bus vitijs occumbamus.* Hæc ille, At ego cum bona ipsius venia dixerò, non solum minus formidandas flammæ, ac bestias, quàm lethales noxas, verum etiam neminem vel sauos ignes, vel crudeles carni-

ces, vel horribiles serpentes, vel quoduis perniciosissimi tormenti genus metuere, aut curare debere, ut à peccato mortali perpetrando immunis esse possit. Et quilibet verus Christianus debet malle sanari à bestiis, abtumi flammis, infici veneno à serpentibus, & quamvis carnificinam subire, quàm miserandam, & funestam iacturam amicitiae Dei per noxam lethalem sibi constare.

Videamus vtrum inuenire possimus, qui hoc asseruerit. Propheta regius documentum tam utile, & momentosum nobis tradet, qui piensissimum Dominum, suum ac nostrum sic aliquando appellabat: *In te, Domine, sperant, tu exaudies me, Domine Deus meus, quia dixi, Nequando supergaudeant mihi inimici mei;* Psal. 37. vers. 16. 17. Horum verborum talis est sensus: In te, Deus, spes mea omnis inclinata recumbit, ut quo solo bonum meum, remediumque omne nititur. Hanc autem habeo de immensa pietate tua fiduciam, quod exorari à me fines, facilesque meis precibus aures præbebis, quæ hoc suspirans, ac rogant, ut ne hoc apud me hostes mei obtineant, quod anxie cupiunt, quorum omne studium, viresque totæ eò vertuntur, ut me pulcherrimâ veste, & decentissimâ stolâ tuæ gratiæ nudent. Quid verò mox ad istâ consequitur? *Quoniam ego in flagella paratus sum, & dolor meus in conspectu meo semper;* ibidem vers. 18.

Percutitari nunc sanctum Prophetam possumus, quomodo hæc sibi cohæreant. Dicit sperare in Domino, quod per illum liberandus esset ab hostium suorum insolentia, & seruandus, ne per illos deturbari à felicissimo statu gratiæ posset, statimque subiungit, se vapulare, & verbera subire promptum esse. Quid hoc connexionis habet cum illo? Pulchra, & admirabilis est alterius cum altero coniunctio. Quidnam rogasti, Propheta sancte. Dixi, *Ne quando supergaudeant mihi inimici mei,* & quoniam hostibus meis iucundissimum accideret, si me superare, & de gradu gratiæ deiectionem videre possent, petij ne hanc illis ex me lætitiâ, aut ridendi mei occasionem permitteret, utque id apud illum impetrarem, ad superiores preces adieci: Ecce me promptum, paratumque ad omnia flagra, & infortunia excipienda, ad quasvis ærumnas perferendas, ecce me, cui omnis calamitas, quantumvis dura, & seua, pro singulari consolatione, & magna gloria fuerit, dum hoc tantum dones, ne amicitia tuâ excidam, aut gratiæ tuæ iacturam patiar.

Audiamus pulchram beatissimi Papæ Gregorij Magni hac de re commentationem, quæ in Psal. 2.

Poenit. sic habet: *Quoniam ego in flagella paratus sum, malo enim occidi, quàm vincere, flagella libenter patior, persecutiones amplector, visitationes desidero, corruptiones concupisco.* Habeam te; Domine, beneuolentem, & sim tibi gratus, tumque & largissimè quarumvis ærumnarum imbres in me descendant, & omnia tormentorum genera mihi inferantur, & conscindar frustillatim, & lanietur scorpionibus carnes meæ, & venenosi vermes corpus meum insatiabili importunitate perterebrent, & totus contra me orbis terrarum coniuret, omnia namque ista summæ felicitatis loco mihi erunt, dummodò gratiæ tuæ monile liberum euadat, dummodò illud mihi nemo eripiat. *Malo enim occidi, quàm vincere:* Nam honorem, facultates, sceptrum, vitam, & omnia, saluâ tuâ gratiâ, perdere, est iactura, quâ lucrosior nulla esse possit. Bene itaque dicimus, non esse aliud malum, nec bonum aliud, nisi gratiam.

Nisi res ita haberet, quomobrem mundanarum vanitatum fugiendarum prædicator dixisset: *Laudauit magis mortuos, quàm viuentes, & felicior est viro, qui iudicatus, qui necdum natus est,* Eccles. 4. 2. 3. velut dixisset: Expendi in statera viuos, mortuos, nondum natos, & in altera quidem lance posui viuos, cæteros in altera, & visa sunt mihi grauiora pondera horum, quàm illorum. Possemus hinc iam sciuitari, cur Salomon mortuos supra viuos extulerit, & vtrisque feliciores arbitratus fuerit eos, qui nondum in hanc lucem editi essent. Videtur enim is, qui non est, in cõparationem eorum, qui sunt, vel certe fuerunt, venire non posse.

Sanctus Ambrosius hanc nobis adimit dubitationem, Oñon. 18. in Psal. 118. inquit: *Mortuus præfertur viuenti, quia peccare desinit, mortuo præfertur qui natus non est, quia peccare nesciuit.* Qui nescit quid sit peccare, nescit quid sit esse infelicem, propterea ille verè infelix est, qui viuít, eoque nomine beator illo est, qui mortuus, iam enim cessauit peccare. Et absolute loquendo maior est infelicitas illius, qui actualiter peccator est, quàm eius, qui æternis apud inferos cruciatibus addictus, quia hic iam non est in eo statu, in quo peccare queat (quantum viuenti etiamnum peccatori spes sit reliqua, quod à malo statu suo cum opitulatricis gratiæ Dei auxilio euadere possit) & mortuum, cui vita, simulque potestas peccandi decessit, hac re superat ille, qui nunquam vixit, quia nunquam etiam, quid esse malè agere, sciuit. Itaque tametsi inter non natum, & denatum sit quædam conditionis inæqualitas, alterque alterum excedat, ambo tamen felicitate præstant

stant viuo, quia hic potest delinquere, illi verò vel non possunt, vel prorsum nesciunt quid sit Deum offendere. Hinc arbitrari licet, quanta sit miseria peccare, & quòd hæc sola sit suprema infelicitas. Et videtur Salomon inuenire nō potuisse vnde censeret hominis beatitatem, nisi inde quòd vel peccare nequiret, vel quid sit peccare ignoraret.

Validè constabilius causam istam id, quod Magnus Basilii monuit in ea verba Prophetæ regij ex Psalmo 45. 2. *Deus noster refugium, & virtus, adiutor in tribulationibus, qui inuenerunt nos nimis, ille asylum nostrum, ad quod recipere nos debemus, quoties ærumnis afficiamur, & incursumur aduersis.* Sancti Basilij monitum in illius Psalmi commentario tale est: *Nec fugias, quem non oportet, neq; item confugas, ad quem non oportet, sed vnum tibi tantum citabile sit peccatum, & vnum in malis refugium Deum.* Nam quantisuis exagiteris calamitatibus, quantisuis excrucieris tormentis, nulla te exerrere pœna debet, quam sub propitio, & beneuolente Deo pateris, si enim ille tuum sit perfrugium, auxilium, scutum, ærumnæ tibi vertentur in solatia, in coronas tormenta: At si illum offensum, & insensum habeas, tametsi in summa voluptatum omnium affluentia viuas, delicta tibi pro spinis erunt, mella pro felle, iucunditas pro inferno. Non enim est alia beatitas, quàm Dei gratia, & amicitia, nec infelicitas alia, quàm peccatum, quod istam dirimit, & interimit gratiam. Denique omnia ad vnum malum reuocantur, & ad vnum bonum: *Vnum tibi tantum citabile sit peccatum, & vnum in malis refugium Deum.* Habere Deum per gratiam, est habere omnia, & nihil haberet, si quis sub Deo irato, & alieno totius mundi imperium teneret, nisi quòd omnis boni inopiam habeat, qui non habet Deum, qui est omne, & summum bonum.

Tradat nobis hanc doctrinam noster Patriarcha, qui domesticorum suorum quibusdam sic aiebat: *Abijcite deos alienos, surgite, & ascendamus in Bethel, & faciamus tibi altare Deo;* Genes. 35. 3. Illud *Surgite* est vox acuentis animos ad strenuè agendū, quemadmodum copiarum militarium ductor verbis exhortatorijs incitare, & inflammare suos milites ad fortiter dimicandum solet. Vbi notandum, quòd nunquàm sic locutus fuit familiæ suæ Jacob, in quantocunq; periculo versaretur, ac ne tunc quidem, quando fratrem cum manu armata venturum timebat, & nil nisi certam ab illo necem, extremamq; stragem expectabat. Tametsi enim domesticos suos admodum aciei ordinatæ digessit tanquàm pu-

gnaturos, non tamen eis præcepit arma sumere, neque magno animo esse iussit: Verùm hic, cū eos ad abijciendos deastros plenam excitasset, aiebat, *Surgite*, quod verbum curam, sollicitudinem, diligentiam, ac vigilantiam significat.

Cur verò sanctus Patriarcha suos eā occasione tam vehementer erigere, tam acriter incitare fluauit? Eratne periculi aliquid præ foribus? Aut hostis à tergo fortè imminerebat? Aut buccinarum clangor aures illi, pectusq; perfringebat? Aut splendentium armorum hostilium apparatus, strepitus, aspectus cor illius exterrebat? Nihil horum. Quid ergò illum tam sollicitum, & anxium habebat? Abdicatio falorum deorum, quos vernaculorum quidam colebant: *Abijcite deos alienos*, aiebat, abstinere à peccando, & vnum, solumq; Deum venerari suadens. Hoccinè verò tantum curæ, sollicitudinisque illi adferebat! Hoccinè animum illius discruciat? Hoccinè peruigilem, & insomnem faciebat? Prorsum istud illum sollicitabat vehementer, & premebat grauiter, & torquebat acriter. Nam peccatum est inter hostes maximus, pernitiabilissimus inter inimicos, inter aduersarios omnes maximè formidandus. Nam iratus, & armatus ad necem frater, & furiosus Laban, & totæ ærumnarum cohortes contrà hominem aliquem fœderatæ parui momenti sunt, dummodò à coniuratione illa vnum absit peccatum. Ac propterea Iacob ad hoc abijciendum, fugandum, aut fugiendum tam studiosè excitat suos, & totis animis rem istam agere hortatur. Ad hunc nempe inimicum ex anima eijciendum, & conficiendum, omne animæ robur verti debet, quia illud est sola, & suprema infelicitas, cui mala omnia de via cedunt, & concedunt, & tributa pendunt.

Hoc itaque Politicum nostrum vnicè monitum, studiosèq; ab illo animaduerti velim, quòd vnus solū inimicus sit, quem pertimescere debeamus, puta peccatum, & vnum tantum bonum, quod sperare, quæ est Dei gratia. Hæc est totius politices christianæ summa, his enim duobus polis omne bonum, malumq; nostrum nititur.

De peccati pernitiabilitate habes plurima in libro 1. que Tomo superiore. Vide in ambobus Indicibus rerum verbo Peccatum.

§(o)§

Quantumvis perpolitam se anima quæpiam putet, mueniet tamen semper & quod emundet, & quod emendet.

Quis ille absq; multa admiratione sanctum Patriarcham nostrum talia monentem, dicentemque audiuit, *Abiscite deos alienos?* Nam quis in domo tam sancta, tam religiosa, & præclare instituta relictum fuisse idolum, simulachrumque aliquod vel suspicari potuisset? Itane verò, ô dolor, fuit idololatra, fuit qui deastros coleret etiam in talis viri contubernio, & ædibus! Fuit. Quo docemur, quòd cum idola sint vmbra, & imagines quædam nostrarum passionum, affectuum, appetentiarum, nulla est anima, quantumvis perfectam, consummatamque se putet, quæ non habeat, quod corrigat, emendet, emundet, expoliat, magisque ac magis indies excolat, & perpurget, quò enim studiosius se animo, & ratione homo perlustrauerit, eò luculentius perspiciet, quos habeat affectus reprimendos, quas coercendas passiones, quas appetentias moderandas.

Laborem attulit mellisuo Bernardo quoddam Sponsæ dictum: *En dilectum meum loquatur mihi* aiebat illa Cant. 2. 10. ac si dixisset: O quàm ego felix, & beata, quàm dulcis Sponsus meus tam blandè, ac beneuolenter appellat! At videamus quibus verbis: *Surge, propera, amica mea, columba mea, formosa mea, & veni*; inquebat ille.

Sanctus Bernardus in his illud singulariter notauit, quod Sponsus dixit, *Veni formosa mea*, inquiens: *Cui autem dicitur, Veni, nondum peruenerat.* Sed quomodo nondum peruenerat, quæ Sponso tam formosa erat? Venire Scripturarum autori nihil aliud est, quàm augescere virtutibus, & quò plus quis progreditur in curriculo sanctitatis, eò maior fit ad animæ pulchritudinem accessio (vt enim vanæ mulierculæ fucis, pigmentis, monilibus venustatem sibi parant, sic anima suis passibus condecoratur, & quò amplius progreditur, eò fit elegantior) quomodo Sponsa iubetur venire, proficere, seseq; polire, & ornare, quam Sponsus ipse formosam vocat, inquit. *Veni formosa mea?* Bernardus monet ex alijs Sponsæ verbis accipere huius quæstionis solutionem. *Nigra sum, sed formosa, filia Ierusalem*, inquebat illa Cant. 1. 4. quasi dixisset: Ex omnibus habeo aliquid, & formosa sum, & fusca, & pulchra, & obscura. Dùm ergò illam Sponsus, quâ parte nonnihil nigredinis, & obscuritatis habebat, aspiceret, venire iu-

bebat, ac si dixisset: Quantumcunque formosa sis, veni, quantumcunque venusta, propera, quantumcunque elegans, accelera: *Quamdiu enim in hoc caduco mundo viuitur, quamdiu gemma spiritus in annulo carnis includitur, semper sunt inordinati affectus, quos moderemur, semper vitiosæ passionēs, quas emendemus, semper luxuriantia sarmēta, quæ amputemus.* Audiamus Doctorem sanctum: *Cui autem dicitur, Veni, nondum peruenerat, ne forte quis putet hoc dictum non quidem huic nigra, quæ adhuc laborabat veniendo in Etā, sed beata illi, quæ tam prorsus absq; nigredine regnat in patria.* Hæc ille serm. 25. in Cant.

Causa, ob quam tam crebrò commemorantur leges, tamq; frequenter à parentibus ad liberos de illis habetur sermo, ea est, inquit Propheta regius, vt semper obseruentur, altiusque animo impressæ maneant. *Quanta mandauit patribus nostris nota facere ea filiis suis, vt cognoscat generatio altera! Filij, qui nascuntur, & exurgent, & narrabunt filiis suis;* ait Psal. 77. 6. ac si dixisset apertius: Voluit Dominus sua præcepta velut per manus tradi filiis à parentibus, nepotibus à filiis, vt eorum apud posterōs per continuam successionem perennaret memoria, alijsque alijs indicarent obligationem, quâ ad eorum obseruantiam adstringerentur. Non hîc subditis sanctus Propheta, verum addidit, eo etiam consilio fieri tam crebram dominiceorum mandatorum commemorationem, vt non obliuiscantur operum Dei, & mandata eius exquirant; ibid. v. 7.

Aquila Doctorum sanctus Augustinus ait, vnam hîc super iacaneam videri repetitionem, cum scilicet Propheta dicit, narrari iterum, atque iterum Dei mandata, vt requirantur. *Cum ea iam didicerint, quomodo exquirant?* *Quanta, inquit, mandauit patribus nostris, nota facere ea filiis suis, vt cognoscat generatio altera! Quid cognoscat? Virque mandata, quæ mandauit. Quomodo ergò adhuc exquirant?* Sic ille. Qui rem aliquam inuenit, eamque amplius quærit, stulto, & inani labore fatigari videtur. Quomodo ergò, qui legem Dei iam reperiunt, indagare eam prætereà iubentur? Si nouerunt eam, quomodo cognoscent, vt exquirant? *Vt cognoscat generatio altera, & mandata eius exquirant. Quomodo ergò adhuc exquirant?* Dictum ità, vt intelligamus, quantumvis quis cognoscat, & sciat, quotidie tamen plus cognoscere, & scire posse, quantumvis sublimis quis factus sit, adhuc altius ascendere posse, quantumvis corripisse, & emendasse mores suos putet, semper habere quod prætereà corrigat, & emen-

& emendet, quantumvis se ornârit, plus tamen expolire semper posse.

De marinis aquis ait magnus Philosophus Seneca lib. 4. qq. natural. c. 26. eas perpetuo sese purgandi studio occupatas esse, non secus ac corpora, quæ varijs crebrò vexantur ægritudinibus, curam requirunt continuam. Illius verba sic habent: *Mare cadauera, stramentaque, & naufragorum reliquijs similia ex intimo trahit, nec tantum tempestate, fluctuque, sed tranquillum quoque, placidumq; curatur.* Tantundem faciet, quisquis in huius mundi mari se mare esse cogitabit. Inueniet enim quod porget, & emendet, non solum cum furiosus iræ impetus illum obripit, non solum quando ardens flamma passionis alicuius adurit, non solum quando mare affectuum procellosos fluctus excitar, neque solum quando tumultuarium vulgus contumacium sensuum contrâ rationem, ceu reginam, insurgit: Verum etiam tranquillo mari, & sereno cœlo, cum extinctus ignis, cum coërcita passio, cum sopitus pernicacium sensuum motus, cum altâ pace omnia conquiescunt: *Tranquillum quoque, placidumq; curatur.* Quantumvis enim perfectam, exculemque se anima iudicet, semper inueniet imperfectiones, quas abstergat, semper errata, quæ corrigat.

Nam vt vitæ spiritualis magnus pater sanctus Bernardus serm. 58. in Cant. ait, *quis ita ad vnamquem omnia à se superflua resecavit, ut nihil se habere putet putatione dignum? Credite mihi & putata repullulant, & fugata redeunt, & renascuntur extincta, & sopita denuò excitantur.* Parum est ergo semel putasse, sæpè putandum est, immo si fieri possit, semper, quia semper quod putari oporteat, si non distimulas, inuenis. *Quantumlibet in hoc corpore manens profeceris, erras si vitia putas emortua, & non magis suppressa.*

Non præsumat ergò Politicus noster, se, quamdiu non fruitur Deo, absque omni lolo esse defectuum, & errorum. Nam si in fornacem accurati, attentique examinis se conijciat, videbit quantum scoriam relinquat, & passiones sopitas esse, non extinctas.

In huius rei consideratione sæpè fuit Nissenus. Vide Periocham IV. Dominica V. post Pascha, To. 2. pag. 66. o. & alijs in locis, quæ ad finem adscripsi. Vide etiam suprà Libri Primi c. 5. & quæ ad calcem annotant.

CAPVT III.

Ibi celerius, & maiore studio succurrendum, vbi necessitas contentiore voce opem inelamat.

ERigebat suorum animos sanctus Patriarcha, incitabatq; verbis grauib; vehementer, vt idola abijcerent, eò quòd vero Deo sacra facturi essent, inquires: *Surgite, confirmatisq; animis, & omnibus viribus, totâque ingenij, & nervorum contentione concurrite ad erigendum aram magno, & vero Deo.* Monui iam, quòd nunquàm maiore spiritu, & feruore, nunquàm enixiore studio rem aliquam curauit, quàm istam, neque enim res alia maiorem ardorem, diligentiamque postulauit (quod etiam notauimus) quàm istud negotium persuadendi suis, vt suos à se deastros abdicarent, nisi fortè aliud vel magis, vel æquè necessarium est homini, quàm animæ suæ prospicere, idola ex ea eijcere, exturbare passiones, quæ illam maculant, & obscurant. Propterea noster Patriarcha maiore vi, conatuque ad eam rem utebatur, verbisq; efficacioribus domesticos suos exhortabatur, quàm alioquin solitus fuerit. Docemur eo exemplo, quâ prudentiâ succurrere concurrentibus necessitatibus debeamus, quòdque celeriori auxilio subueniendum illi, cuius magnitudo maioribus vocibus hoc expetere videatur.

S. Ioannes Christi inter Apostolos Benjamin refert, venisse cœlestem medicum ad celebrem illam piscinam, iuxta quàm iacebat frequens multitudo miserorum languentium, qui diligenter, ac sollicitè obseruabant motum aquæ, in quam ab Angelo concitatam qui se ante omnes vel præcipitasset ipse, vel coniectus ab alijs fuisset, vnus, solusque curabatur ex omnibus, quanta suis radices egisset, aut tamen si alioquin incurabilis fuisset infirmitas. Et notandum, quòd Euangelista narrat, fuisse apud illam piscinam inter plurimos ægros ærumnosum, & miserum quendam, ad quem velut præscriptione deuolutus visus fuerit istius mansionis locus, vbi illum triginta & octo annorum ægritudo affixum grabato, & tanquàm moribundum in loculo conditum attrinuerat: *Hunc cum vidisset Iesus iacentem, dicit ei, Vis sanus fieri?* Ioan. 5. 6. Vis ab equuleo solui? Vis relaxari illas longiturnæ paralytis fiducias, quæ tot annos te quàm pertinaciter, tam penâliter dissentium habent?

Notandum, quòd in eodem loco, vt Euangelista monet, iacebat multitudo magna languentium, & eorum, claudorum, aridorum expectantium aquæ mo-

sum, ibid. v. 3. Quid causæ ergo sit, quod vnus ex omnibus languentibus paralyticus Domini ad se oculos rapuit? *Hunc cum vidisset Iesus.* Cum tam ingens esset numerus eorum, qui medicæ Saluatoris manu plurimum egerent, cur hic solus à diuino Magistro delectus fuit, in quo omnipotentis dexteræ suæ virtutem ostentaret?

Respondet venerabilis Pater Dionysius Carthusianus: *Specialiter hunc vnum affatur, & curat, quia miserabilior fuit.* Hanc rationem Euangelista ipse insinuat, quod attentius illum legenti occurret. Sic enim habet: *Cum cognouisset quia iam multum tempus haberet.* Paralyticus ille ergo forsan non solum cruciabilioribus doloribus vexatus fuerat, verum etiam plures annos in illo nosocomio exegerat, triginta scilicet *& octo annos habens in infirmitate sua.* Vitæque nos doceret superus Magister, quemadmodum ferre necessitatibus remedia debeamus, & quod grauiori malo primum sit occurrendum, *specialiter hunc vnum affatur, & curat, quia miserabilior fuit,* opemque præ alijs expetijt.

Fecit ea in re Dominus, quod solent, qui artis medicæ periti gloriuntur, de quibus S. Basilii Mag. homil. in illud, *Attende tibi,* sic ait: *Rei medicæ experientissimi imbecilliora corpora multo ante morbum pramuniunt præseruatiua, & salutaribus monitiua.* Sic cælestis Medicus ante omnes illum sanauit, qui triginta & octo annis laborarat morbo non corporis tantum, verum etiam animæ, grauiusque animæ ægrotauerat, quam corpore. Itaque *specialiter hunc vnum affatur, & curat, quia miserabilior fuit,* exemplo illo suo nos docens, quod grauioribus vtilneribus prius mederi, & calamitati maiori, magisque deploratis rebus celeriore ferre opem debeamus.

Comparat Dominus apud Ieremiam populum suum ficui, quam Ierosolymis ablatam transplantauerit in Babylone, inquit: *Sicut hæ ficus bona, sic cognoscam transmigrationem Iudæ, quam emisi de loco isto in terram Chaldaeorum, & ponam oculos meos super eos;* Ierem. 24. 5. 6. Sensus verborum Domini talis est, ac si dixisset: Ficus similem videre videor populum meum, quæ ex Iudæa in Babylonem translata, atque in illo alieno solo plantata fuerit, eamque ob causam figam in illam oculos meos, & vigilantiori studio rebus illius attendam, qui tam ærumnosam vitam sub duris, & barbaris dominis agit. Cur verò ait Dominus, quod singulari providentiâ saluti suorum prospicere, & oculos suos super eos ponere vellet, velut constitutum habuisset, obtutus suos ab omnibus auocare, & in illos solum figere totos, &

cæteris neglectis illorum vnicè curam habere?

S. Ambrosius, vt hanc soluat quæstionem, monet primum animaduertere, quod Dominus populum suum bonæ, & maturis fructibus oneratæ ficui comparauerit: Tum ait, fecisse hoc cum illo populo (cùm ficus esse similem considerauit) quod eius prouidentia cum ficu, aliisque id genus arboribus agere solet, inquit: *Quantâ Domini prouidentia, & ubi mollior fructus, ibi folij densitudo validius regumenum tuendo deferat pomum! quod videmus in fructu ficulneæ.* Delicatiora itaque validioribus munienda sunt, & *Et ipse quoque Dominus per Ieremiam docet, dicens: sicut ficus bona ista, sic recognoscam translatos Iudæ, & firmabo oculos meos super illos.* Tancum delicatos enim velut quodam misericordiæ suæ validioris sepsit regimine, ne teneri fructus maturius interirent. Supremus naturæ Opifex attentâ suâ prouidentia fecit, vt quarum arborum sunt teneriores, & delicatiores fructus, earundem sint duriora, & ampliora folia, quæ tanquam scuta illis obtendit contra inimicos, à quibus infestari solent. Videre hoc est in viti, & ficulneæ, quarum sunt mollicelli fructus, atque ideo de latioribus folijs obteguntur, & muniuntur, vt infirmitatis, & teneritudinis necessitate par sit cura, & studium seruandî, & impenetrabiliore muro pars infirmior ciuitatis obsessæ valletur. Cùm ergo Dominus recogitaret populum suum quandam habere cum teneris, ac mollibus fructibus ficuum similitudinem, grauioribusque expositum esse periculis, validioribus illum suæ opitulationis, & protectionis folijs ornauit, curæque illius sollicitudinis inuigilauit, cùm in Babylone ageret, quàm cùm Ierosolymis viueret. In Babylone Israëlitarum inter idololatrias, homines barbaros, diuini nominis osiores, & legibus illius infensos debebant, tantis periculis obnoxij, quot iniurijs expositi ficuum fructus, eaque propter ibi eos enixiore curâ custodiuit, & diligentiore operâ iuuuit: *Tancum delicatos enim velut quodam misericordiæ suæ validiori sepsit regimine, ne teneri fructus maturius interirent, fructus enim validius non multo indiget protectionis auxilio!* Populum ergo suum, cùm in Babylone oppressus graui seruitute suo intolerabili onere gemens opem suspiraret, vigilantiori prouidentia muniuit, quàm cùm Ierosolymis securus, ac tranquillius degeret, vt nobis insinuaret, ibi studiosius aduigilandum, ubi necessitas maioribus vocibus auxiliares manus implorat.

Melissui Bernardi in exponendorum Canticorum opere venerabilis successor Gilbertus notauit diuerfos modos, quibus Dominus atrium suum, ac thalamum

thalamum Sponsæ custodisse ait. Atrium apud sanctum Lucam cap. 11. v. 21. *fortis armatus custodit*. At Sponsæ lectus vide quot habeat Cherubinos armatos, & conseruatores: *En lectulus Salomonis sexaginta fortes ambiunt ex fortissimis Israël, omnes tenentes gladios, & ad bella doctissimi; sensus cuiusque ensis super femur suum*; Cant. 3. 7. 8.

Dicit nunc Gilbertus: Quid sibi vult, quod atrij custodiæ vnus tantum armatus deputatur, apud lectum verò, in quo Sponsa somnum capere solita; tam frequens numerus virorum lectissimorum, & bellicis disciplinis excultissimorum excubat, vt omnem ab illo quietis loco temerarium inuasorem sui brachij robore, & animi magnitudine prohibeat, & absterreat?

Respondet Gilbertus serm. 9. in Cantic. *Vberior hic commoratur custodia, quia vberior est gratia lectuli, quam atrij, & Sponsa sollicitudo maior, quam possessionis*. Quod est atrij, & thalami, idem est custodum vtriusque discrimen. Per atrium significatur res terrenæ, temporales, caducæ, pedibus omnium transeuntium; non secus ac domus atrium expositæ. Has custodire, quando necessitas postulat; bonum est, pari studio tamen, & curâ, ac æternæ, & cœlestes seruari non debent. Res enim perituræ vt exiguum habent pretium; sic non magnam requirunt custodiam. Verum lectulus Salomonis, hoc est, anima hominis, in qua diuinus Salomôn suauiter, & beneuolenter quiescit, sexaginta habet excubitores, eosque militari arte instructissimos, & plurimos Angelos custodes, qui illam sui præsidij munimine defendant. Ibi enim validiora debent esse propugnacula, vbi pretiosiora seruantur monilia: Nam cum opulentiora bona crudelioribus soleant esse exposita persecutionibus, & copiosioribus diuitijs versutiores insidari fures: Itaque cum lectus inter omnes res familiares maiorem haberet æstimationem, & venerationem, pluribus etiam custodibus munitus fuit: *Vberior hic commoratur custodia, quia vberior est gratia*. Docemur eo exemplo, vt ijs maius, citiusque feramus subsidium, quorum acerbior casus hoc requirit.

Simile fuit quoddam magni disciplinæ militaris magistri Vegerij consilium, qui lib. 3. cap. 6. sic ait: *Illud præcipue seruandum est, vt ea pars, ad quam hostis venturus creditur, oppositis lectissimis equitibus, & leuis armaturâ, nec non etiam pedestribus sagittarijs munitur*. Contrâ rectam enim pugnandi rationem esset, ibi firmissimum exercitus robur collocare, vbi hostilium copiarum irruptio minimè timeatur, con-

trâque prudentiæ leges ageret, qui suam aciem ita ordinârit. Prudentia namque docet, ibi maiore auxiliorum vi occurrendum, vbi grauior necessitas vocibus maioribus id postulat, & periculosioribus vulneribus velocius adhibendam medicinam.

Admirabilis est cura, & sollicitudo, quam S. Iob, teste Scripturâ, in suos liberos conferebat. Nam *conspiciens dilectulo offerebat holocausta pro singulis*. Dicebat enim: *Ne forte peccauerint filij mei, & benedixerint Deo in cordibus suis*. Sic faciebat Iob cunctis diebus; Iob cap. 1. 5. Quoniam antelucana illa, & quotidiana holocaustorum oblatio ibat? Eo, vt Dominus ijs exoratus liberos eius ab omnibus peccatis, quæ cogitatu perpetrari possent, seruariet. Verum cum & verbo, & opere peccare etiam possent, cur non etque obsecrauit, vt ab omnibus oris, & operum flagitijs simul custodirentur? Cur hoc vnum vnicuique illum sollicitum habuit, ne blasphemis cogitationibus Deum liberi offenderent, & animas suas foedarent?

Respondet S. Basilii Magni in caten. græc. orat. de pauperibus amandis, inquit: *Merito hic iustus de peccato, quod est in latebris, in recessu, verebatur*. Quia enim corpore administrantur, tempore, atque opportunitate opus habent, mentis verò, cogitationisque motiones momento efficiuntur, sine labore absoluuntur, improniso, & absque negotio conformantur, nullum est eis tempus importunum. Vbi autem subitus est casus, & obscurus, illic metum, & cautionem maiorem esse oportet. Id cum Iobus intelligeret, ad hoc peccati genus expiandum sacrificijs crebatur. Non ignorabat S. Iob, in verbis etiam, & factis esse peccata. Sed neque hoc nesciebat, quod illa non tam leuiter perpetrantur, vt à quibus sæpè temporis importunitas, vel aspectus hominum, pudorquæ prohibeant. At cogitationum peccata nullum habent vel impedimentum, vel tempus incommodum, momentoque committuntur, & solum Deum habent arbitrum. Malum verò, quod tam subito fit, & ibi fit, vbi solus Deus videt, metum, cautionemque maiorem requirit. Et ideo sanctus Patiens primulo diluculo è strato suo exiliens Deum supplex cursu petebat, rogabatque, vt ne liberos nefarijs cogitationibus contaminari permitteret. Huc lachrymæ illius conuertebantur, huc iugis holocaustorum oblatio, huc pertinax precandi studium respiciebat, cum sciret maius esse secretis cogitationibus peccandi periculum. Itaque docuit nos, quod vbi subitus est casus, & obscurus, illic metum, & cautionem maiorem esse oportet.

Eandem doctrinam tradidit S. Gregorius Nyssenus in Orat. de pauperibus amand. inquit: *Cum omnes pauperes fouendi, adiuuandiq; sint, tum illi, qui egroti, præcipue sunt complectendi.* Quando penuria opem inlclamat, & multæ simul concurrunt necessitates, tunc rebus magis afflictis promptiore subsidio integra, petit mendicus alius, quem egestas simul, & ægritudo miserum habent. Certum est, quod egenti infirmo citius est opitulandum, quam sano, & incolumi, hic enim varias adire domos potest, & inuenire remedium in aliqua posteriore, quam non reperit fortè in prioribus: At infirmus, quem lecto affixum sua ægritudo tenet, non potest eam adhibere diligentiam, quam alius, qui per vires ebire compita, & vocibus leuamen suæ inopiz deponere valet. Ergo illi manus auxiliares suæ inopiz porrigendæ, quam huic, eò quod rationi maxime consentaneum sit, primam curam habere eorum, quorum necessitas eam requirit.

Hec eò dixi, vt Politicus noster, cum variæ se illi offerunt subleuandæ necessitates, eò primum accurrat, vbi maioribus vocibus misericordia illius, & beneficentia imploratur, certum enim est celeriore studio, & enixiore diligentia periculosioribus malis consulendum.

Parte I. Politici lib. 3. c. 7. & alijs in locis ad finem Capituli annotatu eandem rem tractat.

CAPVT IV.

Tam expeditè, inhianteq; prosequimur res nobis noxias, ac si in illis tota vitæ nostræ salus posita esset, ad salutaria verò tam tardè mouemur, tanquam exitij nostri, interitusq; supremi causa essent.

VT quidam domesticorum sancti Patriarchæ nostri sua idola, falsosque deos à se abdicarent, his eos verbis excitabat: *Abijcite deos alienos, & surgite, & ascendamus in Bethel, & faciamus ibi altare Deo;* Genes. 35. 2. 3. Surgere eos iubebat, tanquam somno pressi decubuissent, & in Bethel ascendere, atque ibi rem saluti animarum conducibilissimam facere. Non miror, quod beatissimus Patriarcha sic fuit locutus ad suos, semper enim homines mortali somno occupatos inueniamus, cum fortè aliquid operis, quod ad Dei cultum, & animarum utilitatem spectat, faciendum, vt necessum sit crebris vocibus eos excitare. Et ascendere iubentur, qui virtutis studio operam sunt nauaturi (*Ascendamus*) quia omnis pro Deo, & anima susceptus labor videtur

mons præcellus, in quem nonnisi per confragosam, & valde accliuem, arduamque viam tam ægrè perueniamus, ac si ingenti saxo prægrauati simus. Aliter sanè, atque cum voluptates, & delicias consecramur, nam tamen multæ sint difficultates, quæ se nobis opponant, multa incommoda, quæ per viam obijciant, omnia facile superamus, omnia contemnimus, omnia leuiter transimus, vt voluptatem consequamur quam prosequimur. Hæc est nostra miseria, vt ad noxia plerumque aquilæ simus, testitudines ad salutaria.

Narrat sanctus Matthæus Euangelista diligentiam, & religiosum studium earum mulierum, quæ venerunt ad sepulchrum, vbi putabant iacere mortuum coelestis Magistri corpus, quò tempore horribilis quidam terræ motus fuit. *Vespere autem sabbati, inquit, quæ lucebat in prima sabbati, venit Maria Magdalene, & altera Maria videre sepulchrum. Et ecce terra motus factus est magnus;* Matth. 28. 1.

Sanctus Petrus Chrysologus diligenter expendit duo, quæ Euangelista refert, nimirum serò venisse illas ad sepulchrum, in quo vira posita erat, & horrendo motu concussam terram, cum in eo itinere illæ posita Dominum requirerent. Iuralem ego, inquit ille, quod velut impeditis pedibus tardæ venturæ, & terræ motus, aliæque tales difficultates illis occurrere essent per viam, quâ ad officium pietatis contendebant. *Serò mulier currit ad veniam, quæ maturè cucurrit ad culpam, & serpere querit Christum, quæ in matutinis conuenerat Adam perdidisse,* ait ille serm. 74. Quantum ex sacro textu colligi potest, primi hominis peccatum, ad quod illum mulier impulit, multo antè vesperum perpetratum fuit, à prandio enim venit Dominus exactum rationem prætermisissæ obedientiæ, & violati præcepti, audierunt namque Protoparentes Vocem Domini Dei deambulanti in paradiso ad auram post meridiem, vt dicitur Genes. 3. 8. Secundum hæc etiam dici potest, quod serpens multo mane fraudem struere mulieri cepit. Notandum præterea quàm tranquilla, & quæra fuerint omnia in illo amoenissimo loco, ubi solus dominicorum pedum subleuans strepitus, & vocis sonus tam facile auditus fuit, qui & fecit, vt inter arborum opaca, & densa frondium transgressores se absconderent.

Dicit nunc Chrysologus: Videte discrimen, quod est inter vitam, & mortem, inter gratiam, & culpam, inter theriacam, & venenum. Ad mortem, ad culpam, ad venenum cum prima luce mulier festinat, ad arborem, vbi erat sepulchrum, diluculo, & antè solem

solem properat. Cum Adam ad fructum vetitum liberam extenderet manum, nihil fuit, quod illum impediret, & neque terra contremuit, neque motus paradisi fuit, omnia in promptu, & ad manum fuerunt, nulloque negotio actum est, ut dæmon per serpentem loqueretur, mulier viro malum suaderet, vir mulieri obtemperaret. At cum velut in imagine representatur damni per dæmonis fraudem illati restauratio, quæ tunc fieri cœpit, quando mulier quærere sepulchrum venit, dicite mihi quo tempore venisse eam putatis? *Vespere sabbati* venit, serò, ac de nocte venit, & tunc vehemens terræ motus, & horrenda concussio fuit. Hæc re significabatur, quod ad cultum Dei, ad curam salutis animarum plerumque tardè, cunctanterque, & plumbis pedibus venimus, quodque terræ motus impedimentorum, variarumque difficultatum excitari solent, cum bonæ vitæ inuendæ consilia concipimus, & perfectionis itinere accingimur. *Serò currit ad ventum, quæ manecurrit ad culpam. Vespere quærit Christum, quæ in matutinis Adam se nouerat perdidisse. Modò terra motus magnus. Sed virtus semper feruunt blandimenta, lenocinantur dulcia delicti, virtutibus serò aspera, & fortia sunt amica.* Hæc iterum Chrysologus. Illud miserum, ac miserandum, quod ad peccatum, ex quo mors nobis nascitur, semper impigri, expediti, vigilantes, hilares sumus, sic vt nihil nobis difficile occurrat, quo ab illo deterreamur: Verum ad opera charitatis, vel cuiuscunque alterius, virtutis, ad remedia animæ conquirenda, & salutem illius curandam tardè accedimus, & agrè adducimur, quia ignauiter, torpenterque progredimur, cumque ad cuiusmodi opera mouere pedes incipimus, mox tremores, motusque terræ excitantur, totique montes difficultatum per viam se nobis obijciunt, vt facillimè, quod cœptum relinquamus.

Philo Iudæus in lib. de Cherub. ait: *Quod fieri debet, sit sapè vt non debet, & quod non est officium, interdum sit officiosè.* Feruenter plerumque agitur, quod remissè, oscitanterque agi satis erat. Sic & sæpè perstudiosè, ac sollicitè fit, quod intermitteri prorsum debet. Ad vitium serè vento celeriores, & aquilis perniciores sumus, ad quod tamen ferro duriores, gratiores plumbo, vel arenâ esse deberemus. Ad virtutem cum expromptissimi, ac velocissimi sumus. O miseræ, & deprauatæ naturæ nostræ commune vitium, quo fit, vt ad pernitentiæ agiles, torpentes ad salutaria remedia sinus!

Apud Oseam explicabat Dominus fauores, qui-

bus animam quandam prosequi, & modum, quo illam oblectare, ac recreare vellet, inquit: *Ecce ego lactabo eam, & ducam eam in solitudinem, & loquar ad cor eius; Ose. 2. 14.*

Benè recepta est, quorundam lectio, apud quos illud, *Ducam*, sic habet, *Seducam eam* in solitudinē, *ich wil sie fuhren/ vnd ver fuhren*, ac, subestque mysterium illi translationi, & hic sensus: Circumueniam fraude animam, quam in solitudine indulenter habere, & recreare volo. Itanè verò illam saltes, ac decipies? *Seducam eam*, inquit. At quoniam charam illam sponsam abduces, mi dulcissime Domine, vt dolo ad hanc rem vt sit necessum? Forrean idcirco in eremi recessus abducis, vt sanguinem eius fundas, & vitam illi adimas. Si excarnificare illam, si tormentis distrahere, donec artuum compages soluantur, propositum habes, non mirabor, quod per fallacias eam abstrahas in locum, vbi tam horrendos est subitura cruciatus. Respondet Dominus: Non eò vadunt mea consilia, vt in solitudinem abductæ mali quidquam irrogem, sed *loquar ad cor eius, lactabo eam*, deliciarum mearum vbera illi præbebo, & torrente voluptatis meæ potabo illam, & suggeram ei, quæcunque è re ipsius, & salute animæ æternâ sunt, commoda illius spiritualia, & profectum vnicè curabo.

Ergone fraus ad eam rem conficiendam adhibenda fuit? Audi Oleatrum in c. 12. Genesi in Annot. morali: *Expende Verbum. seduco*, inquit ille, *& considera, quod etiam adea, quæ nobis maxime vitia sunt, oportet Deum nos seducere.* Res mira! Quemadmodum medici, & nuntices vario artu seducere, & adducere pueros, aliosque ægros debent, vt medicinas salutaris, & instaurandæ salutis pernecessarias hauriant, sæpèq; magnis precibus vix obtinent, vt sumant ægri, quod ipsi vehementer, & pertinaciter, donec exobsecrarent, petere deberent: Ita Deus seducere, circumscribere dolo animam debet, vt ei ad cor loqui, & necessaria salutis æternæ monita dare possit. *Seducam eam*. Via, quæ ad tractandum animæ negotia ducit, tam aspera, & ardua, & accliuus est homini, & omne de procurando spirituali remedio colloquium tam ingratum, & amarum, vt necessarium videatur agere cum illo ad eum modum, quo cum pueris nondum rationis vi præditis, aut cum ægris deliris agi solet, vt hoc agant, quod vitæ conseruandæ nec illas ab eis postulat: *Adea, quæ nobis maxime vitia sunt, oportet Deum nos seducere.*

Magna hæc est miseræ naturæ nostræ infelicitas, quod ad ea, quæ nobis conuenientissima, & ex vltimis nostræ

nostræ salutis æternæ sunt, tam vario artificio, & dolo, & solertia perducere debemus, cum in ea, quæ nobis damnosa sunt, & exitiabilia, nos ipsi haud difficile, se leuiter, ac præcipitanter nos ingurgitemus. In quam rem sanctus Gregorius Nazianzenus Orat. 28. sic ait: *Facilem semper est labefacere, ac perdere, quam conseruare. Et labore quidem homo gignitur, quemadmodum ait Iob, & nauis extruitur, & domus edificatur: Interficere autem, aut euertere, aut incendere quiniis facile potest.* Edere stragem cuius etiam non admodum forci promptum est, ac sospitare interituros vix strenuus quisquam potest. Quanto laborum sumptu educatur homo! quanto lignorum, numerorum, ac temporis impendio excitatur domus, construitur vasa nauis! At quam leuiter eripitur homini vita, vertitur in fauillas domus, & hauritur fluctibus nauis! Vnum vulnus, vna scintilla, vna procella occidit, exurit, sorbet, idq; momento vno, in quæ tantas curas, sollicitudines, impensas collocare necessum fuit. Ità se habent bonum, & malum, virtus, & vitium, inquit Nazianzenus. Ad faciendum aliquod bonum opus tantum aliquando laboris necessarium nobis miseris hominibus videtur, quantum constructio ingentis domus, aut nauis requirit. Pietatis, aut misericordiæ exercitatio tam grauis nobis aliquando accidit, quam molesta matribus educatio liberorum. Sceleris autem perpetratio, & qualiscunque malæ cupiditatis expletio tam leuis nobis videtur, quam facilis est occisio hominis, exultio domus, fractio, & submersio nauis. Nullo negotio euertitur, quod per magno ægrè fuit excitatum. Sic homo leuissimè dissipat substantiam animæ suæ, & prodigit ornamenta gratiæ, cultum virtutum, thesaurum omnium meritorum, quæ sine Deo, quem offendit, nec ægrè quidem recuperare possit, vel si omnes naturæ suæ vires, & totius vitæ studia eo vertat.

Dignum notatu est, quod Redemptori nostro cum Discipulis suis semel, & iterum accidit. Frequens quædam hominum turba coelestis doctrinæ eius suauitate abrepta illum aliquando sequebatur. Volebat illis ministrare alimoniam, & dapilem instruere mensam. Communicabat autem cum Philippo de loco, vnde necessarius victui panis adferri posset. Adducebat humeros, & supercilium Apostolus, & hoc alienum à re, qua de interrogatus fuerat, responsum dabat, inquit: *Ducenorum denariorum panes non sufficiunt eis, & unusquisq; modicum quid accipiat;* Iohā. cap. 6. vers. 7. Non pecuniam à Philippo, sed consilium expetebat Domi-

nus, & ille respondet, ducentos denarios non sat esse coemendis panibus, ex quibus suum vnicuique frustillum obueniat. Andreas monebat, adesse puerum, qui duos pisces, & panes hordaceos quinque haberet, subiungebat tamen: *Sed hac quid inter tantos?* ibid. v. 9. Res mira! Cum de leuanda famelicorum esurie agitur, plerique quidem Apostolorum velut attoniti, & inopes omnis consilij mutant, duo autem, qui ex eis loquebantur, videbantur magis apocare animum Magistri à bono curandæ necessitatis proposito, quam ad ferendam miseris opem excitare.

Hoc ità constituto notate aliud. Nocte cœnæ dicebat Discipulis, nunquam eis defuisse aliquid, & illi ipsi fatebantur, ità rem habere. Addebat autem statim: *Qui habet sacculum, tollat, similiter & peram, & qui non habet, vendat tunicam suam, & emat gladium;* Lucæ 22. v. 36. Vix audierunt talia Discipuli, quando promptè, ac subito omnes succlamantur: *Ecce duo gladij hic;* ibid. v. 38.

Ioannes Cluniacensis dum hæc ab Apostolis vtroque & gesta, & dicta expenderet, aiebat serm. 59. Tom. 3. *Mira professores! Cum de cibo agitur, Discipuli vel tacent, vel difficultates obijciunt, cum vero de gladio, omnes de improviso dicunt, Ecce duo gladij hic.* Quando misericordiæ officio danda opera, quando famelicis ministranda erat annona, quando egenorum subueniendum necessitati, vel prorsum tacent Discipuli, vel talia loquuntur, ac tot obijciunt impedimenta, vt magis remorati velle Domini liberalitatem, quam incitare viderentur. Cum verò ferri, gladij, armorum, quibus cædes eduntur, & damna infliguntur extrema, fieri mentionem audiissent, tam prompti, alacresque effecti sunt, vt simul & gladij vocabulum auribus hauserint, & vociferari certatim cœperint: *Ecce duo gladij hic.* Quid verò dicemus, videntes homines tam impeditos ad ministrandum panem, tam promptos ad corripiendum gladium, tam tardos ad vitam, tam præcipientes ad mortem, vt taceant leuandæ famis consilium rogati, & animosè ad arma profiliant, cum decertandum putarent, auari ad dandum egenis panem, prolixi ad inferendam gladio hostibus necem? Quid dicemus? Aliud ego dicere non possum, quam ab hominibus suæ naturæ conditioni, propensione, & consultationi relictis hoc solum sperari potuisse, quod conciti essent ad inferenda damna, tardi ad conferenda beneficia, prompti ad mortem, impediti ad vitam. Si de vitæ, quam homines ducunt, communi consuetudine censere eos velis, dicere queas, ad vitium

uentis esse leuiore, montibus grauiore ad virtutem.

Conceptionem, & natiuitatem vitiorum describit Propheta Regius verbis, quæ intellectu, & explicatu sunt perdifficilia. Ecce parturisti iniquitatem, concepisti dolorem, & peperisti iniquitatem, inquit Psal.

7. 15.

Sanctus Basilius Magnus in illius Psalmi cōmentario de his verbis sic differt: *Quoad huius sententia ordinem attinet, confusio videtur esse dictionum contextus. Quoniam grauisda primum quidem concipitur, deinde parturit, postremo parit: Hic parturigo primum fortitur locum, dein conceptio, demum partus.* Quomodo hic peruertitur ordo, ut conceptione prior sit parturigo, quæ alioquin sequi illam solet?

Respondet sanctus Doctor: *Ordo hic significans finem explicat cordis conceptionem.* Magno mysterio factum, quod Propheta, dum culpæ natiuitatem describit, esse modum illius contrarium ordini, quo nasci viuientia solent, ostendit, ut indicaret, multo aliter illam ac hominem generari. Dies plures abeunt, priusquam homo animeretur, & menses longuli, antequam in lucem edatur, & priusquam adolescat, & in virilem ætatem proficiat, non anni tantum multi decurrunt, sed & labores plures exantillare est necessum. Culpæ verò generatio tam subitaria est, ac momentanea, tamq; facile, & leuiter perficitur, ut prius nata, quam concepta, ante perfecta, quam inchoata videatur. Hac autem re admirabiliter exprimitur, quanta sit hominum ad perpetrandum scelus, ad committendum culpam promptitudo, & celeritas, ut qui sæpè iam edidisse flagitium videatur, quando illius perpetrandi consilium vix animo conceperit! *Ordo hic significans finem explicat cordis conceptionem, quæ talis sit, ut paritundem, ipsamque adeo partum consequi conceptio sæpè videatur, cum in alijs rebus semper præcedat.* Hinc arbitrari licet nostram miseriam, qui ex vitiatæ nostræ praua inclinatione tam agiles sumus ad vitia, tam languidi, & torpidi ad virtutes.

De quadam planta, cuius fructus admodum sunt amari (cucumeres syluestres vulgo appellant) author anonymus collectaneorum hieroglyphicorum lib. 6. tit. *Laudabilia* refert, hanc admirabilem habere proprietatem, ut iuxta vas olei posita resiliat, & sese contrahat, velut illud fugiat, sic vt tandem prorsum consummatur, sed è vicino vrceoli aqua pleni locata se quasi ad reuerentiam submittat, tantumq; dilaret, & extendat, tanquam omnem aquam

haurire velit. Hoc autor, quem dixi, his verbis reddidit: *Vase aqua pleno fructus applicato non solum sese inclinare dicunt, sed etiam illam quasi absorbere, atque consumere; contra vero, si oleum eodem modo admoneatur, illud, contrahendo se, respuere, ac incuruatum tandem tabescere.*

Naturæ miraculum dignum certè expensione, & consideratione. Fructus itaque est, qui aquam tam vehementer appetit, ut illam inclinatus quasi venteretur, & avidissime appetat, oleum verò quibus potest modis vitet, ac defugiat. Simile quoddam miraculum apud homines videre licet, cui tamen admirationem frequentia ademerit. Quid in sacris literis aqua significat? Delitias mundanas, & fluxas carnis voluptates. Docent hoc ex autoribus sacris, & profanis Pierius, Ricciardus, Ioannes de Sancto Geminiano, & Lauretus. Ratio comparationis ea est, quod velut aquæ celeriter defluunt, ita & vitæ huius voluptates velociter prætereunt. De oleo notorium, quod in libris humanis æquæ, ac diuinis sit symbolum operum charitatis, ac misericordiarum.

Secundum hæc nemo admirabitur illum fructum, quod ad oleum quidem se contrahat, ad aquam verò sese explicet, & cupidè extendat, qui considerauerit, vltimatissimum hoc esse mundanis hominibus, ut ad oleum se contrahant, hoc est, angantur animis, & contrahant, quando alicui charitatis, aut misericordiarum officio danda opera: *Si oleum admoneatur, illud, quasi contrahendo se, respuere, ac incuruatum tabescere videas.* Quam sunt res angustæ domi, ut quidem dicunt homines alioquin peropulenti, cum rogantur, ut opitulentur pauperi, Xenodochio stipem conferant, Missam ad Dei honorem dici curent, nudum aliquem vestiant! Quam varijs, & magnis modis ab erogatione eleemosynarum, & exercitatione in egentes misericordiarum se purgant, & excusant! Perijt mundus, aiunt queruli, patria omnis vastata est, census annuos onerare debitis necessitas propria cogit, grauiora vestigalia, & intolerabilia tributa sæculum superius nullum soluit, caritas rerum omnium, quæ ad victum, vestitumque pertinet, summa vix finit dignam genere vitam degere. Et quis dicendo recensere omnia possit, quæ Religiosis suarum necessitatum remedium petentibus oggrunire tales solent? Ut iam prætermittendorum misericordiarum operum causas comminiscuntur, sic & fingunt rationes, ob quas à ieiuniorum obseruantia, aliorumque pœnalarum operum vñ se immunes volunt. Sic ergo oleum defugiunt. Et quomodo erga aquam se habent? Mirum visu est, quam late se in

illam

illam effundant, quam floccipendant quidquid sumptuum in malas voluptates, in vanitates, & delitias, in ornamenta vilis amiculæ expendant. Ad lufum, ad fumendam vindictam, nunquam vel dolet caput, vel defunt numi, ad obrectandum semper abundat tempus, à murmurando nec hyberna frigora, nec æstiuæ soles impediunt. Verùm vt ne ad Rosario-Marianas comprecationes, Missas, conciones sacras, aliaque exercitia spiritualia pergant, tam multis, & grauibz causis detinentur, vt in nullo Baldo, vel Acurfio pares facile reperire queas. Quot ægritudines prætexunt, quibus se ab operum bonorum studio excusent! Et tamen noctes integras percompita vagari, totumq; annum, & vitam omnem inter tenebrarum opera operosa plerumque, & periculosa exigere non curant, neque timent, verè martyres dæmonis, & misera suarum sordidarum cupiditarum mancipia. Exclamare cum Cassiodoro lib. 5. epist. 45. possumus, ac dicere: *Heu mundi error dolendus!* Heu vani sæculi misera stultitia! Tam impediti sunt ad suam salutem homines, tam citi ad perniciem, vt velut celeribus equis ad suum præcipitium contendant, ad benè agendum autem vix pedetentim progrediantur. Ad procurandam sibi mortem aquilis velocius abripitur homo, ad vitam comparandam, ne testitudineis quidem fertur pedibus.

Non sit Politicus noster talis, vt vili numero cucumerum, siue cucurbitarum syluestrium mereatur adscribi. Caveat ne apud Hispanos *Calabazas*, hoc est, *Concubitas*, siue mentis inops audiat. Stultitiam autem suam nemo euidentius prodit, quam qui ad suum exitium rapidus volat, & ad vitam immortalē lentus, & somnolentus languido passu pergit.

Vide in I. P. Polit. lib. 5. c. 1. & lib. 2. cap. 4. & Tom. 2. Periocham III. Dominica II. post Pentecostem, pag. 98. c. 2. o. & quæ ibi ad calcem annotantur.

C A P V T V.

Adorare, & consueti Deum, qui vnus sit, non solum magis est salutare, sed etiam minus laboriosum.

Edictum illud sancti Patriarchæ, *Abesse deos alienos*, non tantum ad ipsius æternam salutem, verum etiam ad quietem temporalem faciebat. Paullam est, quod absque confessione, & adoratione veri Dei nemo saluari potest. Itaque necessum est omnem à se abdicare falorum deorum cultum, & religionem. Ex hac abdicatione, præter varias vili-

rates, habemus id solarij, quod commodè, perfacileq; vni Deo seruire possumus, cui ex hoc capite etiam leuius, minoreq; negotio famulamur, quod ille omnes suas leges ad amissim rectæ rationis, & iustitiæ fruatur, quarum vt est cognitio obuia, sic & observatio parum operosa. Videre est homines, qui aliquibus in domibus pro exigua mercede seruire mauelint, vbi vnus tantum sit dominus, cuius voluntati obsequi, & obtemperare iussioni debeant, quam in alijs, vbi salarium multo maius, sed plures domini, quibus gratificari oporteat. Inter innumera ergo bona, quæ ex bono Deo nostro habemus, vnum est, quod ipse sit vnus, vnamque habeat & legem, secundum quam viuere debeamus, & voluntarem vnam, quæ nos seruos suos æternum beatos viuere cupiat.

Cum legem Israëlitiçi populi ductor promulgaret, aiebat: *Audi Israël, & observa, & facias, quæ præcepit tibi Dominus*; Deut. 6. 3. & immortalī Deo immortales pro tanto traditæ legis beneficio gratias age. At videamus, in quo istius gratiæ magnitudo posita sit, aut vnde agnosci possit, vt quæ maximā possumus gratitudine illam prosequi valeamus. *Audi Israël, Dominus Deus noster, Dominus vnus est*; ibid. v. 4. Ergone nihil aliud erat, quod validius obligare, aut permouere potentius Israëlitas ad obseruantiam dominicorum præceptorum Moyses poterat, quam vt diceret, *Dominus noster Deus vnus est*? Non poterat illis Deum commendare ab immensitate, infinitate, æternitate, omnipotentia, alijsque eiusdem sacræ essentiz splendidissimis attributis? Non poterat prædicare illius prolixitatem, & condonandorum scelerum facilitatem, & paternam in omnes pieratem? Quamobrem his omnibus prætermis, illud vnum, solum commemorandum ad eorum consolationem putauit, quod Domino seruirent, qui vnus, ac solus esset, vnamque tantum voluntatem haberet, cui parere, & gerere morem deberent. *Dominus Deus noster, Dominus vnus est*.

Ad hoc responderi potest ex dictis, illius esse leuissimum, tole, abiliissimum, facillimum famulatum, qui vnum tantum dominum inuenit, cui seruire debeat, & gratificari. Vt ergo Moyses populum suum excitaret ad seruiendum Deo, seruandumque eius mandata cum alacritate, & hilaritate, quanquam alias causas adferre posset, huius tamen commemoratione vehementissime extimulari, & arctissime obligari posse existimauit, quod vnus tantum Dominus esset, cui seruire deberent. Nam multis seruire,

quan-

quancumque pro diuite remuneratione, intolerabilis seruitus est, vni autem famulari, etiam pro exigua mercedula, lucrosissimum est. Propter eam Moyses, vt illi non grauari disciperent seruitutem Dei, charumque talem Dominum haberent, ait, vnum illum esse, quod perinde fuit, ac si dixisset, tametsi illa sacrosancta Deitas nihil aliud boni haberet, quam quod vna est, id satis esse, vt libentissimè illi, & studiosissimè seruiatur.

Huc inisse Oleastri cogitatio videtur, quando in Annot. morali in c. 6. Deut. ait: *Considera à quot laboribus nos Deus eripuit. Difficile est multis dominis seruire, quanto magis dijs? Ne ergo labores, o homo, in multorum deorum tam diuersa poscentium cultura, ostendis tibi Deum tuum suam suauitatem. Nemo, ait Christus, potest duobus dominis seruire, neq; fortius duobus, aut pluribus dijs, quos triginta milia in orbe fuisse, historia produnt. Vide ergo quomodo pauper homo, qui vni Deo vix sufficit, possit triginta milibus ministrare.* Ergo leuis, & nihil operosa est seruitus, quā vni Deo addicti sumus, cuius vna est voluntas, maximè ea, quā obnoxij vero Deo sumus, cuius tam blandæ sunt leges, & suauia mandata.

Voluit Abimelech tribulibus suis, & consanguineis significare, quā vile ac necessarium eis esset, vnum habere caput, à quo regerentur, vnum belli moderatorem, qui ipsis in pugna præiret. Vt verò sibi ducatum, præfecturamque militarem vrbs Sichem exambiret, aiebat: *Quid vobis est melius, ut dominentur vester septuaginta viri, omnes filij Ieroboam, an ut dominetur vnus vir? Simulq; considera te, quod os vesterum, & caro vestra sum; Iud. 9. 2.*

Abulensis dicit, fuisse hanc præmodum efficacem persuasionem, quæ fecit, vt copiarum suarum ductorem supremum statim illum Sichimitæ renuntiarent, paribusque vocibus dicerent: *Frater noster est, dederuntque illi septuaginta pondo argenti de fano Baalberis; ibid. v. 4.* vt colligere militem posset, quando res exposceret. Territi fuerunt Sichimitæ, quando audierunt, quod septuaginta dominos habituri essent, quibus seruirent. *Habere septuaginta viros* (inquit Tostatus in c. 9. Iud.) *in dominos, laboriosum est, & intolerabile, quia quilibet iubet, etiam quia omnes extorquebant aliquid à populo, & vni omnibus prouideatur, necesse erit fieri magnas extorsiones, & depauperationes.* Non potuit ratione validiore permouere Sichimitas Abimelech, vt ipsum imperatorem sui exercitus supremum facerent, quā vt diceret, vni soli seruituros esse, eiq; fratri, & consanguineo intimo, aut certè nisi ipsi præfectu-

ram militiæ summam concederent, septuaginta dominis obtemperaturos, quod illis durum, & supra quā graue futurum esset. Nam si quilibet dominorum multa vno tempore mandaret, eaque diuersa ab ijs, quæ alter præciperet, diceret mihi quomodo satisfieri voluntati singulorum posset? Quænam tanto labori pares vires essent? Humanæ certè faciendi non essent. Hinc ergo nostra Catholicorum ingens felicitas æstimari potest, & immensum bonum, quo gaudemus, qui vnum solum Deum habemus, cui famulari, vnum solum Dominum, cui gratificari debeamus. *Dominus Deus noster, Dominus vnus est*, cui maiore iure dicere possumus, quā Sichimitæ Abimelecho, *Frater noster est.* Quando a. idem & Dominus noster est, & frater, omnis felicitas concurret, & coeunt societatem ea, ob quæ suauior, beneuolentiorq; noster dominus esse debeat.

Hoc argumento Tertullianus arguit ingratitudeis eos Christianos, qui non promptissimè obsequuntur mandatis Dei, & exequuntur quæcunque ille facere præcepit. In lib. de Patient. c. 4. sic habet: *Meliora ergo nobis erunt in obsequij disciplina, qua nobis Deus subdidit? Agnoscunt denique, qua obediunt, nos, qui soli subditi sumus Domino, scilicet auscultare dubitabimus?* Res sanè deploranda est, quod brutæ pecudes obedientiæ promptitudine homines superant. Ille solum nouerunt obtemperare, nec aliud agunt, quā vt domino cuiusque obsequantur, & cum fiat, quod eodem tempore multos habeant, omnibus seruire debent, vsque dum rumpantur, & amplius non possint: Et nos Christiani, quibus hæc optatissima sors obuenerit, vt præter vnum Dominum non habeamus alium, cur non illi magna cum voluptate, & hilaritate seruiamus?

In hanc rem sic scribit magni Africani insignis interpretis Cerda: *Si bestia, qua nata sunt tantum ad obediendum, non ad imperandum, tamen agnoscunt obsequia, qua præstant infinitis dominis (nam tot habent, quot sunt homines) nos dubitamus vni soli parere, cui subditi tantum sumus? Ah pudor! Certè postquam seruituti ex conditione nostra addicti sumus, commodior, faciliorq; nobis obtingere non potuit, quā quod illi famulamur, qui & vnus est, & amantissimus pater, & perliberalis, & tam discretus, vt hoc solum præcipiat, quod leuiter facere possumus, & sæpè bonam oneris impositi partem leuet, & dissimulet, si quid fortè non satis æquè toleremus.*

Videat ergo Politicus noster, quidnam sibi utilius putet, famularinè vni Domino, an seruire mul-

tis. Beatus illi fuerit, vnus Domini voluntati morem gerere, in quo reperire potest, quidquid expectissere. Qui suis appetitibus seruit, miserimum mancipium est, vt qui se tot tyrannicorum dominorum potestati submittit. Qui ceruicem iugo dæmonis, mundi carnis accommodat, is mediastinorum extremorum infelicissimus est, tot impiorum dominorum voluntati se addicens, qui postquam duris, ac diuturnis laboribus miseros vernas suos obtinuerunt, nihil illis relinquunt, nisi perpetuos dolores, & remorsum conscientie, qui tanquam sæuus carnifex continuo laniatu concepit, & affligat. Summa miseriarum est seruire multum, & proficere parum, quando & ipsa per se seruitus est grandis miseria. At si vni domino seruire magna miseria est, seruire pluribus, nec quidquam obtinere, sed ipsa seruitute consumi quanta erit calamitas, & ærumna? Sed quoniam necessum est seruire, quænam excogitari felicitas maior potest, quam incidere in dominum, qui vnus sit, & vnus voluntatis, & profectum optet eorum, quos habet ab officijs, immo & seruis suis, cum necessitas postulat, ipse seruiat. Et quæ beatitas maior, quam illi famulari, qui breuem seruitutem prolixâ mercede cõpensat, & horarium officium æterno præmio remunerat? Hæc omnia seruus Dei in magno suo Domino habet, qui vnus est, & tam humilis, vt cum esset Creator, creaturæ suæ factus sit minister. In illo reperitur quidquid excogitari, & exoptari potest. Ille namque est salus, saluator, salutaris medicina, vita, cibus, alimonia. Ille tam generosè gratus est, vt præmia sempiterna pro temporalibus, exiguisq; officijs rependat. Quis ergo tam stolidus, & perditus esse possit, qui nolit seruire Domino, à cuius magnitudine alij Domini quos diximus infinitum distant, nisi quoddam sæui carnifices sunt, & crudeles tyranni magis, quam domini, si cum illo comparentur?

Non parum affinis sunt his, quæ I. Parte Politicæ lib. 8. c. 2. & alijs in locis ad finem illius Capituli subscriptis tractantur.

CAPVT VI.

Cum homo suarum opum facultates pro Deo relinquit, hoc à vero, & sincero amore fieri videtur, solet enim homini non alius talis deus esse, qualis diuitiarum.

Ad cognoscendum efficacitatem exhortatorie vocis, quâ S. Patriarcha noster ad suos vsus est, sufficit intelligere effectum, qui ex ea secutus fuit.

Fuit a, iste, quoddam omnes, quicunque ex domesticis illius falsâ deastrorum religione secundum animam laborabant, conualuerunt statim ab illa sua ægritudine, deorumq; suorum scultorum simulachra manibus, ac pedibus à se abdicarunt, ipsasque aded in aures proiecerunt. De quo sacer Scriptor illa: *De derunt es omnes deos alienos, quos habebant, & inanes, quæ erant in auribus eorum*, Genes. 35. 4. Insigne facinus, si probè expendas, quoddam sermonibus sui heri ita permoti fuerunt illius domestici, vt non idola tantum dederint, verum & inanes, hoc est, aurium aurea ornamenta. Magna fuit miraculum, dedisse idola, sed auro quoq; renuntiassè, meo quidem iudicio, maius fuit prodigium. Nam vt cor humanum addicissimum est huius vitæ rebus, & efficitissimè non solum diligit, sed etiam amat pecuniam præsertim, & ex rebus pretiosioribus cumulat thesauros: Sic in miraculis nunquam visis numerari potest, si quem videas illorum contemptorem, numus tantum dederint, verum & inanes, sunt deus, quem homo maximè adorat, & falsum hunc deum relinquere pro vero, videtur opus tale, quo maius pro illius gloria vix fieri aliud possit.

Loquebatur Angelus Zachariæ, & dicebat, vt attolleret oculos, videretque rem, quæ totius mundi oculos post se abriperet, inquit: *Hæc est amphora egrediens*; Zach. 5. 6. Vidit ergo quasi volantem cantharum. Addidit autem Angelus: *Hæc est oculus eorum in vniuersa terra*; ibid. velut dixisset: Hic est scopus, in quem collineant oculi omnium mortalium.

S. Bruno de contempt. diuit. To. 3. ait: *Quid per amphoram, nisi auaritia significatur? Hic oculus eorum. Quorum eorum? Eorum videlicet, quæ eam diligunt in vniuersa terra. Omnes n. ad eam spectant, omnes ad eam tendunt, quoniam sicut scriptum est, pecunia obediunt omnia. Vix quisquam hominum est, quem non sordida opum lutearum cupiditas inuaserit, à minore quippe & quæ ad maiorem omnes auaritia student*, Ierem. 6. 17. *Omnes in viam suam declinauerunt, vnusquisque ad auaritiam suam, à summo & ad nouissimum*, Isaie 16. 11. omnes imperatrici pecuniæ suæ tributa pendunt.

Audiamus quid S. Zenon de hac re dicat, cuius sunt ista ex ser. 2. de auaritia. Hanc mediocres fraudibus excolunt, diuites potentia, iudices gratia, deferti mercenaria, ac duplici lingua, reges superbis, negotiatores astutiâ, inani pauperes voto, cultores Deo odio simulato, tota auge gentes, vniuersaq; nationes gladio. Summi, infimi, medioximi hanc falsam deam,

tyran-

tyrannicam auariciam, aio, colunt, venerantur, adorant, & alij quidem malis dolis, alij vi, alij fauore suz beneuolentiæ, alij technis, alij arrogantia, alij imposturis, alij inanibus machinationibus, alij ficta animi alienatione, demum alij ferro, flammis bello colunt. Non ergo exiguum miraculum est, aut parua mortificatio, auocare oculos à re, in quam omnes reliqui suos attentissimè fixos habent. Et cum homines tam oculis, & exanimis ament mundi huius diuitias, nescio an miraculorum, quotquot hic videre licet, admirabilissimum, & stupendissimum vocari queat, si quis eas fortè contemnat.

Vt hoc dem probatum, necessum est recurrere ad id, quod Israëlitis, cum è dura Egypti seruitute exirent, accidit. De hac re Moyses Exod. 12. 35. 36. ita scriptum reliquit: *Fecerunt filij Israël, sicut praeceperat Moyses, & petierunt ab Egyptijs vasa argentea, & aurea, & vestemque plurimam Dominus autem dedit gratiam populo coram Egyptijs, ut commodarent eis, & spoliauerunt Egyptios.*

Cum de his mutuato acceptis auri, & argenti vasis Propheta regius (vt quidem volunt Hebræi) ageret, inquebat: *Memoriam fecit mirabilium suorum, misericors, & miserator Dominus, & sciam dedit timentibus se*; Psal. 110. 4. 5. Notandum, quod extrema huius sententiæ verba sic possunt ex Hebræo transferri: *Pradam dedit timentibus se.*

Saluè igitur reuerentiâ Ecclesiæ orthodoxæ, quæ hæc verba passim augustissimo Altaris Sacramento iure merito accommodat, quod hic sit illorum sensus præcipuus, dico etiam intelligi posse de historia paulò antè memorata. Affirmat hoc venerabilis P. Franciscus Titelmanus ex sententia quorundam Hebræorum in Psal. 110. in annot. hebraic. inquit: *Quidam Hebræorum, Pradam dedit timentibus se, vertunt, exponentes de prada, quæ ex iussione Domini abstulerunt filij Israël, quando acceperunt ab eis accommodatò, vasa aurea, atque argentea, & omnem suppellectilem.* Quod ergo Dominus permouit Egyptiorum corda, vt absque omni repugnantia finirent se spoliari, permitterentq; ab Hebræis aurum, & totam suppellectilem suam pretiosiore auferrè, id sanctus David, ex Hebræorum opinione, vocat memoriam mirabilem, siue miraculorum Domini: *Memoriam fecit mirabilium suorum.* Hoccine verò merebatur vocari miraculum miraculorum, quod præciserunt tam portentosa plagæ, tam horrenda prodigia, tam terribilia flagra, secutaq; est illa maris rubri diuisio, & apertio semitæ, quam siccis vestigijs transierunt Israëlitar, quos cum persequerentur Æ-

gyptij, submersi sunt quasi plumbum in aquis vehementibus? Cur verò non illa anteriora portentosa, & posterius aperti ad transitum Israëlitarum maris rubri prodigium appellantur miracula miraculorum, quemadmodum vnum illud, quod Ægyptij tam libenter, ac liberaliter commodatò dederunt suum aurum, & argentum, nec quidquam resisterunt, cum illud efferri viderent? Causa ea est, quam ex sanctis Brunone, & Zenone indicauimus. Nam cum id mundi consuetudo communis obtinuerit, vt omnes flexo poplite idolum auri adorent, & adgeniculenter mammonæ, & reginæ Pecuniæ sunt dedititij serui, quod Dominus fecit, vt quidam ita contemnerent aurum, & argentum, vt ne auferentibus quidem illud, & spolio eripientibus repugarent, id tam rarum prodigium fuit, vt in illo viderentur velut recapitulari, & summatim comprehendi omnia miracula Dei, tanquàm potentia illius amplius extolli non possit, quàm cum dicitur facere potuisse, vt corda quorundam omnem rerum vitæ huius affectum exuerent, & deæ Pecuniæ idololatricum cultum, & amorem ab animo suo omnem exigerent: Cuius n. tam robustum brachium, vt cor bonis præsentibus altè infixum exprimere radicibus ille omnia posse merito existimatur. Nihil n. difficilius reperias, quàm hominem, qui vel non addixerit animum suum huius vitæ rebus, vel auocari ab eis sinat, postquàm semel perditè amare cœpit.

Interrogarunt Petrum quidam vedigalium collectores, annon solueret didrachma Magister illius, quod alij vulgò pendebant. Respondit Petrus, etiam non soluere. Deinde cum de hac re communicatò consilio Magister, & Discipulus deliberaissent, & Dominus testaturum dedisset, nullo modo se ad soluendū didrachma teneri, vt qui esset Creator supremus, cui omnes omnia sua deberent, nihilominus vt omne de medio submoueret offendiculum, præcepit Petro his verbis: *Vade ad mare, & mitte hamum, & eum piscem, qui primus ascenderit, tolle, & apertore eius inuenies staterem, illum sumens da eu pro me, & te*; ib. v. 26. Piscis, cuius in ore stater, ex Originis hom. 4. in Matth. & allegorica eius expositione, avarum significat, & qui nil nisi de pecunijs loqui norit, & ex mari, falsisque huius vitæ rebus, & fluctibus sollicitudinum auaritiæ hamo prædicationis extrahitur, quando correptus ponit pecuniæ non solum verba ex ore, sed etiam concupiscentiæ ex mente dimittit, hiantique ore staterem, & plenis manibus offert de suo pauperibus necessariam alimoniam, qui auferre solebat. Et merito sordidi id genus homines piscibus

bus comparantur, de quibus S. Ambrosius lib. 5. Hexam. c. 5. ait, inuicem se deuorare, & suā carne pasci, inquit: *Minor apud illos esca maioris est, rursumque ipse maior a validiore inuaditur, & sit esca alterius. Et hac piscibus quidem sponte accreuit inuisa, in nobis autem non ex natura capis, sed ex auaritia*, ex qua fit, vt imbecilliores potentior emungat, facultatesq; inferiorum in suos thesauros, tanquā in quendam inexplibilem ventriculum superiores traiciunt. Quod ergo Petrus a Christo iussus fuit eiusmodi piscem ē mari extrahere, id quidem secundum literam factum, vt inde acciperet, quo didrachma solueret, & vulgi scandalum præoccuparet, mysticā tamen significatione tacite, ac seorsum illi mandatum, vt auaros a mundi huius curis eximeret, stateremq; eis auferret, sic vt & loqui de diuitijs desuiceret, & concupiscere eas desinerent, & in pauperes liberaliter erogarent. Huic doctrinæ inhærent Octavianus Tufus in cap. 14. Ecclesi. v. 56. agebat: *Petrus a Christo est iussus, vt tributum penderet, piscis interiora extrahere, & aurum inuenire, iam enim tunc miraculis Petrum assuefaciebat, pecuniam nimirum ab auarorum visceribus extrahendo.*

In his notandum illud, quod Christus Petrum miraculis assuefecisse dicitur. Christi virtute patratum erat Petrus miracula maiora, quā Christus per seipsum fecisse legitur. Patrum n. erat, vt vmbra suā sanaret ægros, redanimaret defunctos, & hoc tam magnum prodigium maximus Discipulorum solus faceret, deinde vt solo vocis sono extingueret viuos, aliaque ageret, per quæ suis auditoribus, & toti mundo stuporem adduceret. Vt a Petrus facile crederet, posse sui Magistrum vi, & opitulatione quoduis aliud edere miraculum, voluit vt ante piscem, cuius in ore stater esset, hamo, & miraculo educeret, atque in illo pisce hominem ad liberalitatem ex pecuniæ cupiditate adductum, & ex auaro prolixum factum cerneret, ac tunc illud sibi persuaderet, quodcūque aliud miraculum ab illo expectari posse, cuius tanta fuerit potentia, vt hominem tenacem ad contemptum diuitiarum, lubentemq; eorum dimissionem pertraxerit. Et hoc est, quod dicitur: *Miraculis assuefaciebat.* Qui n. ex auaro largum facit, tantum fecisse videtur, quantum & ab ipsa Dei omnipotentia sperari possit.

Et quoniam Petrum hic habemus præsentem, non dimittamus eum, donec ex alia quadam illius actione aliud causæ nostræ suffragium accersamus. Percunabatur sacer Apostolus Ananiam, cur Ecclesiam fraudasset pretio agri, quem furtiuē, vt frau-

dem faceret, vendiderat. Tum his verbis illum obiurgauit: *Quare posuisti in corde tuo hanc rem? Non es mentitus hominibus, sed Deo, Ad. 5. 4.* Dæmon huius tibi consilij autor, & perfidæ imposturæ suggestor fuit, cuius propterea pœnas lues: *Audiens Anania hæc verba cecidit, & expirauit*, ibid. v. 5. Ingens verborum efficacia, quæ sic illum perstrinxerunt, tanquā irarum cælum fulmine perculisset, aut amentatā hastā toris viribus, lacertisque alijs trausuerberasset, vt momento effusus in terram, terram effuderit animam.

Porro illud idcirco Petrus tam acriter obiurgauit, vt pœnitentiā suam malefactum damnaret, reuersusq; ad Dominum noxæ suæ gratiam deprecaretur? S. Ambrosius, serm. 13. de Sanctis negat, eo consilio tam duriter increpasse, inquit: *Tanta erat infestus auaritiæ pestilentia, & sanctum eum Petrus non tam emendare voluerit, quā damnare.* Itaque qui pestilentissimis hominum Scribis, & Pharisæis non denegabat beneficium suæ prædicationis, quem peccatores alij, quantumvis scelerati, & contaminati non exterebant, quin eis verba exhortationis impenderet, qui nullum alium tam flagitiosum putabat, quem ad frugem meliorem posse adducere desperaret, qui tria, quinque etiam millia hominum varijs sceleribus inquinatum die vnā conuertebat, cum vnum vidisset auaritiæ morbo laborantem, ita exhorruit, vt non alio, quā morte, si non curari, aufferi malum posse putauerit, itaque non tam emendare voluerit, quā damnare. Hinc licet arbitreris, quā grande miraculum sit, adducere auarum a diuitiarum amore, & adducere, vt sua egenis dilargiatur, quāque magnum opus sit, diuitiarum deum, quem colueris, relinquere pro vero Deo, a quo sustentaris, & verum miraculum miraculorum sit, si quis ex auaro liberalem, largum ex stricto, ex parco munificum faciat.

Vide supra lib. 6. c. 5. & quæ ex Tomo 2. ad calcem illius capituli annotata.

CAPVT VII.

Cura, vt quā parte te releuare, recreare, de-mereri, non quā offendere possint, quæq; aspicias.

Peruenimus ad luctuosissimum casum, calamitatumq; & aduersitatum, quæcūque illustri Patriarchæ nostro per omnem vitæ cursum occurrerunt, zymnosissimam, & deplorandissimam, fatalem obitum, dico, & infelicem mortem Rachelis, quæ quā formosa, tam illi chara semper fuerat.

Satis

Satis expensum, & expressum est infortunium, & doloris magnitudinem iactura ipsa, tametsi lingua oratoris taceat, satis prædicat, & exaggerat. Non est mei instituti, amplificare verbis eiusmodi damna, quanquam dolenter accipi, & deplorari posse agnosco. Tantum ad Politicum nostrum erudiendum volo documentum aliquod eruamus ex eo, quod in clypeus vir Iacob egit, quando coniugum dilectissima animam egit. Illa inter partus cruciatu supremos posita, egrediente anima præ dolore, & imminente morte, vocauit nomen filij sui Benoni, id est filius doloris mei, pater vero appellauit eum Benjamin, id est filius dextra, Gen. 35. 18. Cum n. videret delictum suum, & dulcissimam uxorem, quam oculis chariorem semper habuerat, naturæ concedere, ne semper coram haberet, qui suo nomine illi tantæ iacturæ memoriam perpetuo refricaret, & exasperaret tam grandis infelicitatis vulnera, aliud illi nomen indidit, ex quo reuelaretur tristis illius animus, & hauriret consolationem, ut iniqui casus acerbiter minis iniquæ, & acerbè toleraret. Itaque Benjamin illum vocauit, non respiciens dolorem, quem eius filij causa mater exantlaret, sed robur, (dextra vocabulo signatum) cogitans, quod vel generare filios ex alijs vxoribus alios posset, vel tragicum illum successum ipse tolleraret, vel recens natus filius à natura beneuolente, ac Deo ornandus esset. Sic quando res quædam habet, quò exilare possit, & quò contristare, quò releuare, & quò grauare, spectanda est quâ parte consolationem adferre, non quâ merorem regenerare potest.

Deplorabat se Gentium Apostolus, quod à carnis quodam stimulo noctu, atque interdum miserè affligeretur. Intolerabilem putabat illam suam vexationem, eò quod non videret, quò insultantis dæmonis ictus retundere posset. Cælo ergo supplices manus protendens, multis perfusus lachrymis Deum obsecrabat, ut per illum à tam crudeli, & pertinaci aduersario liber euaderet. De hac re sic ipse scribebat 2. Corinth. 12. 7. 8. *Datus est mihi stimulus carnis mee angelus satana, qui me colaphizat, propter quod ter rogaui Dominum, & si discederet à me. Responsum humilibus precibus illius hoc datum fuit. Sufficit tibi gratia mea; ibid. v. 9. velut dictum fuisset: Quid, Pàule, quereris, & ploras? Satis tibi est, quod me beneuolentem habeas, patrocínio, & auxilio meo contentus es.*

S. Ioannes Chrysostomus To. 4. in illud. *Sufficit tibi gratia mea, sic ea Verba dilucidat. Eà, quidem, quæ tibi dura, atq; acerbæ eueniunt, cernis, quæ vero*

tu facis, non animaduertis, quæ inimici tui inferunt, cernis, & quæ ego in te confero, non consideras. Videtur Apostolus inter suas angustias positus eas tantum cogitasse iniurias, quibus satana furor illum onerabat, Dominus autem iubebar in illis iniurijs expendere non quod graues essent, sed quod meritioræ. Respiciebat Paulus faciem formidabilem infestis dæmonis, non gratiam opitulantis Domini, oculatusq; erat ad ea, quæ patiebatur, cæcus autem videbatur ad ea, quæ agebat. Dominus verò aiebat: Non sic, Pàule, sufficit tibi gratia mea, per quam dum superas pericula, mortem, dæmonia, non debes in persecutionibus considerare id, quod te cruciat, sed hoc, quod tibi coronam parat, non pensare ferociam hostium, qui te irritant, sed potentiam brachij, quod propugnat, neque reputare calamitates, quas pateris, sed miracula, quæ operaris. *Quæ tibi dura, atq; acerbæ eueniunt, cernis, quæ vero tu facis, non animaduertis.*

Sana politices verò, & status, ut vocant, ratio postulat, ut qui tranquillam, pacatamque vult ducere vitam, eâ parte, quæ occurrunt, spectet, quâ releuare, consolari, exilare possunt, non quâ turbare, concitare, offendere. Hoc artificio utebatur Seneca, ut Polibium ex morte chari, & præclari, opulenti que fratris sui tristem consolaretur, inquit: *An hoc te mouet, quod videtur ingentibus, & quam maxime circumfusus bonis caruisse? Cum cogitaueris multa, quæ perdidisti, cogita multo plura esse, quæ non timet. Si bene computes, plus illi remissum, quam ereptum est.* Quoties ergo talis in mentem incidit cogitatio, mi Polibi, quæ affligere possit, accersere aliam ad animum considerationem validiorem, quæ te releuet, & oblectet. Etiam hoc, velim, animaduertas, fratrem nunc eò in loco versari, vbi metu omni vacuus, non tam multa hic reliquit, quam ibi non timeat. Et attentè rem exalculanti occurret, plura ibi accepisse, quam hic illi fuere adempta. Abundabat hic thesauris, sed maior erat curarum copia, quam opum, iam verò tranquillam, pacatamque vitam ducit, nec quidquam est, quod illius quietem perturbet, aut interpellat. Itaque felicius est fors illius, quæ fruatur in sepulchro, quam fuit magnitudo, quæ gaudebat in sæculo, sicque ut animum tuum rectes, non quæ reliquit, sed quæ in præsentia habet, cogitare debes, & quæ lucrefecit, non quæ perdidit, reputari. *Si bene computes.* Dictum bene. Cum sunt mala, & boni dolores, & solatia, subductisque calculis inueniunt, maiora esse pondera eorum, quæ acquirimus, quam quæ perdimus, & honori, quem assequimur, imparem esse ignominiam,

gnominiam, quam patimur, semper oculos ad posteriora conuertere, & auocare à vilioribus debemus, vt suauior, pacatiorque nobis vita decurrat.

Hoc argumento vitur Tertullianus aduersus eos, qui scripturæ sacræ corrodunt sententias, quibus effici videtur, quòd amica spiritus nostri focia, & præstantissimæ margaritæ concha; & fulgentissimi adamantis conditorium, & optimi gladij vagina, caro, inquam, nostra prorsum negligi, contemnique debeat. In lib. de resurrect. c. 10. de hac re sic ait: *Tenes Scripturas, quibus caro infuscatur? Tenes etiam, quibus illustratur. Legis tum, quando deprimatur, adige oculos, & tum, quando releuatur. Omnis caro tænum non solum pronuntiat Isaias, sed & omnis caro videbit salutare Dei. Notatur in Genesi dicens Deus, Non manebit spiritus meus in hominibus istis, quia caro sunt, sed & auditur per Isaiam, Effundam de spiritu meo in omnem carnem. Hac ille. Ad eundem modum facere debemus, quories simul occurrunt, quæ vel exasperare, vel demulcere apinim, & excitare siue ad beneficentiam, siue ad vindictam possunt, vt accepti beneficij recordatio mitiget furorem, quando illata iniuria vitionem exposcere suadet, & quando ingraticudo contrahere manum à beneficiendo suggerit, generosa liberalitas eam extendere iubeat, quod lenius efficiet, apud eum, qui recordetur, quantus sit largitatis fructus, quantumque misera, sordida, & vilis auaricia incommodi patere soleat. Qui sic res, quæ parte conducibiles sunt, considerat, ille animæ tranquillitate multâ, & altâ spiritus pace gaudet.*

Cuidam Sponsæ interrogationi responsum Sponsus subacidum, & nonnihil morosum dedit, inquit: *Si ignoras te, ô pulcherrima inter mulieres, egredere, & abi post vestigia gregum, & pascere hædos tuos iuxta tabernacula pastorum;* Cant. c. 7. quod tale videtur, ac si dictum illi fuisset, vt abiret, custodemque pecudum ageret, quæ iam eò ascenderat, vt regina esset. Vix ea dixerat Sponsus, quibus subpudesceri Sponsa poterat, quando mox subiecit: *Equisatus meo in curribus Pharaonis assimilauit te, amica mea;* ibid. v. 8. h. e. ego te aliquando tam robustam feci, & potentem, vt armis nuda currus armatos barbari Egypti regis, qui te durâ oppressam seruitute diu tenuit, omnemque illius exercitum superares.

Quid est, quòd Dominus, postquam synagogam (hæc enim etiam sponsæ nomine intelligitur) tam asperè habuit, vt ad pascendos hædos ablegaret, statim ad memoriâ ei reuocauit celeberrimum illud

beneficium, quo propter ipsam rubri maris fluctibus totam Pharaonis, exercitusque illius submersit, & extinxit superbiam? Cur eam illi victoriam memorauit, quam paulò antè tam austerè obiurgarat?

Respondet mellifluus Abbas sanctus Bernhardus serm. 39. in Cantica, quod Sponsus fecit, tale fuisse, ac si dixisset: *Non agrè feras, amica mea, minime te accipere modò, quod postulas, quæ tanta à me iam accepisti, & maiora horum accipies si in præceptis meis ambulaueris, & in amore meo perseveraueris. Non conueniebat opere respondere interrogationi Sponsæ, quæ maiora petebat, quàm tunc excipere posset. Et cum naturaliter doleamus non consequi, quod rogamus, Sponsusque cerneret agrè accipere Sponsam, quòd non acciperet, quæ petierat, accepta olim beneficia illi ad memoriâ reducit, spem simul faciens maiorum, si modò amare pergeret. Docuit eà re modum, quo se consolari homines debeant, cum vel ab hominibus, vel à Deo etiam non impetrant, quod expectant, & obsecrant. Cum ergò aliquid petimus, nec obtemus, vt ne ob cassas preces contristemur, reputemus nobiscum & quæ antehæc accepimus, & quæ deinceps consequemur, si studiosi cultores Dei, mandatorumque eius assidui, pertinacesque custodes fuerimus. Sic enim, si non quâ parte offendere, sed quâ recreare possunt, quæque aspectauerimus fieri, vt quieto simus animo, & tranquillâ spiritus pace fruamur. Sic & Sponsa, cum oculos conuerteret ad beneficia superiora quæ iam acceperat, simulque ad ea, quæ à munificis illius manibus expectare poterat, dum contristaretur ex negatis, erigebatur, & releuabatur ex acceptis, & obtinendis, recogitabatque, non quòd repulsum passa fuerat, sed aliud quiduis potius, quo ad amorem, obseruantiamque Sponsi potius accendi poterat.*

Fortissimus Patiens omnibus opum facultatibus nudatus, & in gradum extremum à volubili fortuna deiectus, sublati in cœlum oculis aiebat: *Nudus egressus sum de utero matris meæ, & nudus reuertar illuc;* Job. 1. 21. inuestem vt me mater edidit, sic tumulus recipiet, & talis esse desinam, qualis coepi.

Notauit in his beatissimus Papa Gregorius genus solati, quod longanimus Patriarcha arripuit, vt tor cruciarum tempestatem sedaret. Non recurrit animo ad illud tempus, in quo & gregibus penè innumeris, & pretiosissimâ suppellectile affuebat, & gemmarum ingentes cumulos habebat, & familiarum copiosam, & stipatores plurimos, verum ad eam ætatem, quæ illum nudum, & omnium rerum inopem viderat. *Proseruanda patientia illud tempus ad memoriam*

memoriam

meriam reduxit, quo necdum ista, qua perdidit, habebat, inquit ille lib. 1. Moral. cap. 12. Quamobrem verò, ne patientia illius, & constantia naufragaretur, quā nihil pretiosius, nihil antiquius in omni suppellectile sua habebat, eos dies, quibus nudus in lucem effusus fuit, recordari sanctus, & verus stoicus tunc voluit, quando fortunis omnibus nudatus, & vitæ huius bonis cunctis spoliatus, mitigare sæuitiam tempestatis, quā iactabatur, cupiebat, cum malum malo non rectè curetur, & posteriorem egestatem recogitatione prioris inopiæ solari nemo soleat?

Respondet sacer Pontifex: *Dum intuetur, quod aliquando illa non habuit, dolorem temperat, quod amisit. Magna enim consolatio est in rerum amissione illa tempora ad memoriam reducere, quibus nos contigit res, quas perdidimus, non habuisse.* Magne prudentiæ genus est, ut præsentium iacturam leuius quis ferat, si secum reputet, quod ijs aliquando caruit. Sic ergo sanctus Patriarcha, cum se gregibus, liberis, denique rebus omnibus orbatum cerneret, ut doloris tempestatem, quæ exurgere ex tam funestis casus aspectu poterat, anteuertere, conuertit oculos ad illum diem, quo nihil eorum, quæ direpta, cæsa, oppressa, exusta fuerant, habuit, huius enim recordatio tolerabiliorem facit iacturam præsentem. *Dum intuetur, quod aliquando illa non habuit, dolorem temperat, quod amisit.* Itaque non illam sanctus Iob memoriâ repetijt ætatem, quā gregibus, familiâ, & magnâ vi diuitiarum circumfluebat (hoc enim præsentis damni vulnus exasperare poterat) sed eam, quā nudus ab eisdem bonis fuit, quod ad mitigandum dolorem, sedandamque tempestatem, & componendos fluctus non parum faciebat. Sic prudenter semper fit, quando illud in re qualibet consideramus, quod asserre solatiū, non quod moerorem, aut luctum generare potest.

Eodem artificio vsus Tertullianus fuit, quando strenuis Christi athletis scribens adhortatur eos, ut magno animo tolerent persecutiones, & aduersitates, quas illis satanæ ministri inferebant, ut auferrent fidem. Cogitabat illos in squalidis ergastulis, in angustis, tenebrosisque carceribus ferro compeditos, & grauibz catenis vinctos, & aiebat: *Auferamus carceris nomen, secessum vocemus, est corpus includitur, est caro detinetur, omnia spiritui parent. Vagare spiritu, spatium spiritu, Et non stadia opaca proponens tibi, sed illam eam, qua ad Deum ducit, quoties eam spiritu deambulaueris, toties in carcere non eris.* Hæc ille in lib. ad Martyr. cap. 2. velut alijs verbis dixisset: Si vultis inter illas cor-

poris angustias animo esse læto, & latè patente, detrahite arcto loco, in quo degitis, vocabulum custodiæ, & solitudinis, gratæque eremi nomine donare, tolerabilior enim vobis fuerit mansio, fratrem esse cogitaueritis. In carcere non hoc, quod corpora vestra constricta impediatur, considerate, sed illud potius, quod spiritum nulla vincula constringere, nulli nexus remorari possunt, quin expeditissimè, quocunque libet, euolet. Cum autem partem vestri superiorem, ac nobiliorem nihil retardare queat, quid refert quod inferiorem, & obscuriorem locus arctior vincam retineat? Accedit, quod toties à vinculis exoluti estis, quoties animo amplissimam illam, beatissimamque coelestis patriæ regionem pererrare vultis: Semper autem mente illas peragrarè beatorum mansiones potestis; licet ergo vobis, ut liberi sitis, quocunque libet. Prudens, & commoda mitigandæ persecutionum acerbicæ consideratio, aptus alleuiando calamitatum oneri modus, imponere eis nomina, quibus illarum dissimulentur pondera, *auferre carceris nomen, secessum vocare.* Neque carceris solum, verum aliarum quoque rerum infames appellationes commutari cum honorificis possunt, ut si persecutionem voces meritum, hostem, illiusque iniurias coronam, qui æternæ seruitutis gloriæ nobis adornare potest, si quas nobis adfert molestias, non molestè feramus. Sic ingraturum respicere debemus ut proximum, non ut immemorem beneficiorum. Ità si cognatus fortè lædit, sanguinis coniunctionem, non offensionem cogitare debemus. Si pater castigat, non verberum acerbicæ, sed illius intentionem sinceram cogitemus. Si caro, cum austeriore poenitentia emaciatur, ploret, in memoriam illi horribilia, & perpetua vitæ futuræ tormenta reduc, sic fiet, ut vitæ præsentis cruciatus æquanimiter, lætanterque ferat. Denique, si quavis in re id, quod consolationi esse possit, attendas, indoli nostræ ad impatientiam alioquin valde propendenti omnia tolerabilia fient.

Sic faciebat inclutus Patriarcha noster inter omnes aduersitates, & ærumnas, quæcunque illi per longa vitæ ipsius spatia occurrerunt. Meritorum mel ex omnibus rebus tanquam sedula, & studiosa apicula legebat: Nam ut erat prudens, sic in præsentibus calamitatibus, quicquid asperum, & amarulentum habebant, dissimulabat, & hoc solum reputabat, quod patienter toleratæ magna lucra parent, & ingentia commoda adferrent. Si vitam illius meditando percurras, quem mihi scopulum inuenies tam crebris, sæuisque tempestatum fluctibus

conculsum, quàm nostri Patriarchæ pectus crebris, atrocibusque iniquioris fortunæ turbinibus exagitatum fuit? Quem mihi Herculem dabis, qui plures labores exanilaret, & cum efferatioribus monstribus depugnaret? Abijt è patria domo solus, & incomitatus, & qui delitijs ab indulgentiore matre nutritus fuerat, primo statim die non inuenit aliud hospitium, quàm solitudinem, nec aliud cervical, quàm dura saxa. Malè irati fratris sæuam, ac sanguinolentam iram fugiens, ad auunculi sui ædes venit, apud quem cum toto septennio duos pastoritij muneris labores pro formosa Rachele obuiisset, artis veterariæ callentissimus socer pro Rachele inuenustam Liam illi primâ nuptiarum nocte introducit. Hæc fraudis iniuria non aliter illi rescarsa fuit, quàm quod alterum septennium seruire debuit, quod tamen ut hilariter, ac lætanter faceret, amor, quo Rachelem deperibat, facile ei imperare potuit. A socero nimis quàm frequenter circumuentus, cum officias, præstigtas, fallaciasque eius diutius ferre non posset, clam ab eo fugâ dilabitur, quem ille persecutus, & affecutus, tanquàm depeculatorem, & qui rerum alienarum furaci compilatione res suas auxerit, inuidiosissimè, & acerrimè criminatus fuit. Cum in via, quâ lares patrios reuifum ibat, positus esset, validè, pugnaciterque cum Angelo luctatus, ab eoque aduersus fratrem confirmatus fuit, quem cum stipatum plurimis famulis cerneret, tanquàm ad cædem armatum, paratumque venire arbitratus vehementer perterritus. In Sichimorum ciuitate Sichè quidam filius Hemor abreptus turpi libidine Dinâ filiam eius vnicam constuprauit. Simeon, & Leui Ding vitiatæ fratres germani, ut illatum sorori probum vlciscerentur, simulantes communis religionis amorem, omnes ciuitatis masculos occisione vna occiderunt, idq; die à suscepta circumcissione tertio, quo nouos recutitos acrior dolor affixos lecto tenebat. Hic se in præsentaneo vitæ periculo diuinus Patriarcha vidit, à quo illū sola omnipotens Dei manus eximere potuit. In florentissima ætate charissimum oculorū lumen illi extinctū, Rachel, inquam, fato sublata fuit, quam seruitutis tam longiturnæ magno impendio sibi compararat. Post hæc parentum suorum mortem luit. Pro deuorato à fera bestia, ut putabat, Iosephe tota lachrymarum flumina plussculis annis inter longum moerorem fudit. Funesta fames mutare patrium solium, & apud externos querere suæ necessitati remedium coëgit. In Ægyptum cum suis profectus, maximam accepit à

filio maiore Ruben iniuriam, qui inscens cubili patris, stratum eius conspurcavit, & flagitiū noueræ incestum intulit. Itaq; nullum penè infortunij, aduersitatisq; genus fuit, quod non æquo animo exceperit, & fortiter toleraret. Et postquàm annos 147. vixisset, atq; hos partim apud S. auum Abrahamū, partim apud auunculū Ismaëlem, partim apud charum patrem suum Isaac transmisisset (qua de re vide calculationem Iacobi Saliani Tom. I. Annal. Anno 2345.) in longa, & sancta senectute vitam cum morte commutauit. Mundi tunc Annus 1708. fuit. Natus in Chanaan, creuit in Mesopotania, mortuus in Ægypto, sepultus in Hebron fuit. Pro solatio autem eorum, qui in huius mundi procelloso mari variatū miserè iactantur fluctibus ærumnarum, animaduertere vos velim, quemadmodum prouidus, & benivolus Deus etiam in hac vita remunerare solet labores pro ipsius gloria æquanimiter toleratos. Nam in quo libro afflictiones, fatigationesq; heroici Patriarchæ nostri legimus, in eodem variam prosperitatem, quâ illum proluxa beneuolentis Domini manus felicitauit, & cumulauit, inuenire licet. Inter multa Dei erga illū beneficia hæc sunt, quod nepos magis illius credentium patris Abraham, & filius illius fuit, qui cum ligna in humeris, & animum maculationi in ara deuotum in pectore ferret, actionem vniuersi Reparatoris nostri strenuissimā, & stupendissimā præfigurare meruit. Patrem, aumque superauit multitudine filiorum, qui fuerunt duodecim. Ex illo namq; tanquàm è fonte vniuersus populus Dei, gens Hebræorum, & Israëlitarum promanauit. O raram, & inauditam fecunditatem! Quod ad reuelationum copiam, & vaticiniorum, eorum maximè que mundi Saluatorem concernunt, frequentiam attinet, omnibus Patriarchis longè sublimior fuit. Insignis Prophetiæ dono, patientiā magnus, clarus humilitate, perugil in gubernatione, iniuriarum patiens, candidis moribus, intrepidus inter aduersa, generoso animo, ingenio leni, & facili, in familiari consuetudine placidus, & comis, in iudicijs rectus, & syncerus, deniq; ad omnem bonorum operum vsum prudentissimus, & virtutum colendarum exemplar perfectissimum fuit, ad cuius similitudinem si vitæ suæ mores Politicus noster instituerit, æternæ vitæ laurum semper virentem felix consequetur.

In eadem sylua ligna cadit Caput VIII. Libri VI. in parte I. Politici calorū. Vide etiam Periochā III. Domin. III. post Pentecosten Tomo II. pag. 109. o.

Benedicta sit Sancta, & indusdua Trinitas, quia fecit, & facit, & facies nobiscum misericordiam suam.

INDEX

I N D E X

ALPHABETICVS RERVM NOTABILIORVM,

Quæ in hoc Tertio Tomo tractantur.

Numerus paginam indicat, Abr. vitam Abrahe, PPP. primam partem Politici, PP2. secundam Politici partem.

A.

ABEL.



N sacris literis solum de morte Abelis, non verò de morte Caini aperte fit mentio. Quare? Abr. 139. & 140.

ABIMELECH.

Abimelech Dauidi famelico cur panes propositionis dederit. Abr. 9.

Pactum Abimechi cum Isaaco. PPP. 295.

Abimelech simulator. PPP. 407. & seq.

Officiositas Abimelechi fucata. PPP. 407. & seq.

Abimelech homo sanguinarius cur rex à Sichimitis postularus. PP2. 596.

ABNEGARE.

Abnegare seipsum quid. Abr. 199.

Abnegatores suorum corporum Martyres. ibid.

ABRAHAM.

Abrahe præcipitur egressus de terra sua ad ipsius propriam vilitatem. Abr. 7.

Abraham non solum pauperes & peregrinos ad se venientes exceptit, sed etiam in occursum eorum cucurrit. Abr. 109.

Abraham domum cui inhabitaret cur non ædificauerit. Abr. 111.

Abraham vixit in papilionibus ne fabricæ domus impenderet, quæ in pauperes eroganda forent. Abr. 111.

Abraham à perfecta obedientia velut à compendio omnium virtutum commendatur. Abr. 176.

Abrahe multa opera vnum vocantur, quia vnum plurimum instar fuit. Abr. 174.

Abraham diem, quo ablactatus Isaac, epulo celebravit. Cur? Abr. 164. & seq. item 166.

Abraham cur iuramentum à famulo exegit. Abr. 206.

Abraham cum Dei auxilio quatuor regum fudit exercitum. Abr. 203. & seq.

Abraham terram suam, & domum patris sui pro Deo deferens quam abundè remuneratus. Abr. 3. Abraham vt Deo seruiret, è terra sua egredi iussus. Cur? Abr. 3.

Abraham decrepitus filium in matrimonio collocavit. Cur non antè? Abr. 196.

In Abrahe stemmate non aui, proauique, sed virtutes tantum recensentur. Cur? Abr. 169.

Abraham in media pace semper accinctus, velut iuxta hostes vixit. Abr. 191. & seq.

Abraham non habuit iuramentum diuinarum promissionum, quousq; arietem immolaret. Abr. 189.

Abraham diuitem epulonem filium nuncupans, grauius cruciatur. PPP. 297.

Abraham quantus apud Deum fuerit. PPP. 237.

Abrahe sollicitudo & charitas, recipientis Angelos. PPP. 339.

Abraham Ægyptum tempore famis ingredi permittitur, Isaac prohibitus est. PPP. 362.

Abrahe posteris & sublimibus stellis, & humili terræ pulueri comparati. Cur? PPP. 400.

Abraham terram & pedibus, & oculis obire iussus. Cur? PPP. 415.

Abraham ipse bona sua inter filios distribuit, cum adhuc viueret, pulcherrimo exemplo, quod omnes merito imitari debeant, qui habent bona, quæ à morte relinquunt. PP2. 532.

Abraham onustus debitis. PP2. 542.

Abrahamum eduxit Dominus foras, non extraxit. PP2. 595.

Abraham præ omnibus Patriarchis de hospitalitate prædicatur. Cur? PP2. 613.

Abraham hospites exceptit, & domicilij nescius domus omnium fuit. 614.

ABSAŁON.

Cur præ reliquis corporis partibus Absalonis cor transfixum. Abr. 140.

ABSTINENTIA.

Abstinentia aut nulla est, si modica, aut inordinata, Pppp 2 si ni-

INDEX ALPHABETICVS

- si nimia. Abr. 193.
- ABUNDANTIA.**
Abſtinentiam alijs, alijs vini potum Paulus ſuadebat. Abr. 193.
Abundantia rerum eas viles facit. PPP. 274.
Abundare, & timere literis, & ſyllabis differunt, reape nihil. PP2. 597. o.
- ACCIPITER.**
Accipiter pectori admoendus, blanditijsque demulcendus. PP2. 606.
Laudem & vituperationem intelligit. ibid.
- ACHAB.**
Regi Achab vinea quam Naboth Iezrahelitæ per vim eripuit, quot damna intulerit. Abr. 113.
- ACHILLES.**
Achillis arma Uliſſes vi eloquentiæ ſuæ obtinuit. PPP. 402.
- ACTIO.**
Actiones quædam ab animo officioſo naſci videntur, & ad officias tendunt. PPP. 404. o.
- ADAM.**
Adam mox à peccato in exilium actus. Cur? PP2. 453.
- ADVERSITAS, ÆRVMNA.**
AFFLICTIO.
Adverſitas eſt mare tranquillum, at vitæ proſperitas ventus contrarius & validus. Abr. 60.
Adferre alteri mœrorem, niſi iuſta cauſa id poſtulet, ſultorum eſt proprium. Abr. 102.
Abſque cauſa nullus dicto vel facto alium affligere debet. Abr. 103.
Nec murmurandum inter ærumnarum anguſtias, neq; ſuperbiendum inter felicitatum illecebras. Abr. 147.
Inter ærumnas, & adverſitates multi multa, & magna promittere ſolent, deinde retractare promiſſa. PP2. 602.
- ADVOCATVS.**
Advocati ne committant alieno labori ſtudium, quod cauſæ, quarum ſunt patroni, requirunt. PP2. 531.
- ÆDIFICIVM.**
Ædificare civitatem in ſanguinibus quidnam ſit. Abr. 112.
Sanguis pro pecunia ſumitur & victu, quibus hominum vita ſuſtentatur. Abr. 112.
In ſanguinibus ædificant, qui nimijs tributis & alijs iniuſtitijs ædificiorum impendia comparant. Abr. 112.
Magnifica ædificia vix ſine conſcientiæ discrimine & pauperum iniuria eriguntur. Abr. 111.
Inſtar vermis continuò rodentis, ſuperba ædificia eadem erigentium conſcientias commorſcabant. Abr. 112.
- TURRIS DAVID.**
Turris David ædificata cum propugnaculis, ſeu, ut alij legunt, ad doctrinas, ædificia cum maxima cautela erigenda ſignificat. Abr. 113.
Ex afflictorum ſubditorum ſumptibus ſuperflua palatia & vana recreationum loca erigere, maximæ eſt inſaniæ, & perdiſſimæ conſcientiæ. Abr. 113.
Acceptæ ſunt Deo fabricæ, quæ ſine rerum publicarum damno, & ſubditorum oppreſſione eriguntur. Abr. 114.
Animas Romam ædificaturas cur Virgilius apibus comparavit. Abr. 114.
Qui apum inſtar ædificia non conſtruunt, in iuſtitiz leges impingunt. Abr. 114.
Hirundinum inſtar ædes conſtruendæ. Abr. 114.
- ÆER.**
Æerem in ſuo loco quid tam conſtanter retineat. PP2. 547.
- ÆTAS.**
Ætas & vitæ probitas pari paſſu crefcere debent. Abr. 15.
- AFFABILITAS.**
Affabilitas ſermonis incantamentum efficaci, quod placare ſtomachoſiſſimum queat. PP2. 604.
Affabilitate verborum David ex homicida patrem, ovem è lupo fecit. PP2. 606.
Blando ſermone delinire murmurantes, turbulentos, lividos Sponſa docuit. PP2. 605.
Blando ſermone offe duriores facilè vincuntur. PP2. 605.
- AGAR.**
Agar fugit ob modicam reprehentionem. PPP. 336.
Agar ſuo exemplo docuit diuturna eſſe non poſſe, quæ per vim alicubi detinentur. PP2. 547.
- AGESILAVS.**
Ageſilaus lætabatur periurijs ſuorum hoſtium. Cur? Abr. 203.
- AGRICOLA.**
Agricolarum ſagaciſſimus Deus. PP2. 517.
- AIAX.**
Aiæcis, & Ulyſſis de armis Achillis concertatio. PPP. 402.
- AMBITIO.**
Ambitio in comitatu vitiatorum totum ſibi hominem vendicat. PPP. 312.
Ambitionis accurata delineatio. PPP. 312.
Ambitionem qualiter Deus exhorreſcat. PPP. 313.

Amant natura 312
316

RERVM NOTABILIORVM.

Ambitiosi similes animum feminarum. PP2. 603.

AMOR, AMICITIA, AMANS.

Amoris febrem vt explores, arteriam memoriz tenta. Abr. 15.

Qui amicitias conseruare desiderant, de iure suo & honore mutuo cedant necessum est. Abr. 28.

Amorem qui profundas egerit radices euellere difficillimum. Abr. 29.

Amans sincere dici non potest, quem spes remunerationis ad operandum mouet. PPP. 397.0.

Amans verè, ac sincere, qui & longè positos non relinquit. PPP. 399.

Amor fucatus est, & mutua beneuolentia nundinatio, soli præsenti se officiosum exhibere. PPP. 399.

Amor paternus quis. PPP. 399.

Amor dulcis tyrannus. PPP. 434.

Amoris debita amore soluuntur. PPP. 440.

Amoris nutrices timor, & spes. PP2. 463.

Amoris affectio, & ardor non semper æqualis. PP2. 460.

Amoris accommodatissimum nomen *Annuens*. PP2. 493.

Amor quid sit, nescit, qui laborem sentit. PP2. 491.

Amanti nullus labor durus, aut diuturnus. PP2. 491.

Amor nihil difficile spectat. PP2. 494.

Amoris pedissequa audacia. PP2. 494.

Amoris vis est machina cordis. PP2. 494.

Amor Dei igni comparatur. Quare? PP2. 500.

Amat Deum verè, qui suas opes pro illo relinquit. PP2. 660.

AMYGDALA.

Amygdalarum fructus fieri dulces possunt ex amarioris. Quo artificio? PP2. 517.

ANGELVS.

Angelus ardet Dei præsentiâ, homo memoriâ. Abr. 17.

Cur Angelus Domini descendens in piscinam mouebat aquas. Abr. 122.

Angeli in die iudicij contremiscent. Abr. 128.

Angelorum suprema perfectio in obedientia consistit. Abr. 177.

Angeli refutarunt hospitium Loth, cum primo ab illo inuitari. Cur? PPP. 418.

Angeli per scalam Iacob vel ascendebant, vel descendebant, quiescebat nullus. Quo documento? PP2. 455.

Angeli quidnam Christo, aut quo officio ministrarint, incertum. PP2. 563.

Angeli Deum benedicunt, etiam cum aliud quiduis ipsius iussu faciunt. PP2. 589.

ANIMA.

Anima ab imperfectionibus paulatim ad perfectiora ascendens hominibus & Angelis est admirationi. Abr. 11.

Anima est hortus conclusus, & in horto fons signatus esse debet. Abr. 207.

Anima, quæ Deo gratæ esse velint, neque nimis pueriles, neque nimis rugosæ, seniculaque esse debent. Abr. 194.

Anima emolumenta quàm tardè homo curat. PPP. 234.

Anima quibus committenda. PP2. 534.

Anima negotia ante mortem disponenda. ibid.

Anima vestimenta opera profecta ex charitate. PP2. 588.

Anima Deo gratæ inditium libertas loquendi. PPP. 401.

Anima sæpè puteus, nonnunquam fons. PP2. 460.

Anima suæ domui quisque provideat. PP2. 522.

Erga animas suas etiam sunt quidam sistè comes. PP2. 561.

Animam non deploras mortuam, qui defunctum amicum desles! PP2. 567.

Anima quâcumvis perpolitâ, inueniet semper quod emundet & emendet. PP2. 650.

ANIMAL.

Animal nullum quod non aliquam sui corporis partem habeat infirmam. Abr. 122.

Animalium maiorum cur diuturnior in vtero gestatio. PPP. 221.

A brutis multas institutiones homo accepit. PPP. 224.

ANNA.

Annæ prolem deposcens qualis oratio. PPP. 315.

S. ANTONIVS.

Antonius mundum domum tenebrosam, ac prælijs plenam vocabat. PP2. 624.

APOSTOLVS.

Apostoli maximè securi erant, quando minimè securos se putabant. Abr. 192.

Apostolorum incredulitas candidâ confessione obliteratur. PPP. 306.

Apostoli nihil mali de proditore cogitare sunt ausi. Cur? PPP. 381.

Apostoli in horto dormientes cur de somno obiurgati. PPP. 387.

Apostoli etiam victi terrori erant Iudæis. PPP. 400.

Apostoli personati quinam. PPP. 407. & seq.

APPETITVS.

Appetitus humani familiare vitium, inbiantius cupere,

Pppp 3

Amica quæ Deum habet, omnia habet. p. 62

INDEX ALPHABETICVS

pere, quod magis vetitum. PPz. 630. & seq.
Appetitus ventorum tam est vehemens, vt homo
ne orium quidem feruaret, nisi poenâ capitis ad
id cogereetur. PPz. 631.

Quod appetitur vehementius, nocere vehementius
solet. PPz. 557.

AQUA.

Aliud est aquarum scaturigo & effluxus, aliud earun-
dem è fontibus haustus. Abr. 6.

Aquæ, quæ super cælos sunt, quales sint. PPP. 217.

Aquæ ex paradiso profluentes in proprio solo dul-
ces, in nostro autem acridinem contrahunt.
PPP. 325.

Aqua in hoc flore rubescit, cærulea, purpurea, albida
in alio. PPP. 422.

ARABES.

Arabes non dant ex myrrha portiones Deo. PPz.
p. 614.

ARBITRIUM LIBERVM.

Ex libero nostro arbitrio plurima quandoq; damna
oriuntur. Abr. 30.

Proprio arbitrio non pertinaciter inhaerendum.
Abr. 30.

ARBOR.

Arbores diuersimodo irrigantur. PPP. 379.

Arboris signum ARMA.

Armorum vita libri & litteræ. PPP. 335.

ASAEEL.

Asaël mortuus cogebat omnes subsistere. PPP. 253.

AUARITIA.

Auaritia quantum malum. PPP. 357.

Auaritia, dum plura possidentur, accrescit. PPP.

357.

Auari quàm difficilis saluatio. PPP. 358.

Auari quomodo curandi. PPP. 359.

Auaritia ignis, eleemosyna aqua est. PPP. 359.

Auaritia omnium hominum oculus. PPz. 660.

Ex auaro qui largum facit, ingens miraculum facit.
PPz. 662.

Auarus Ananias tantâ peste infectus erat, vt Petrus
eum non tam emendandum, quàm dammandum
putauerit. PPz. 662.

AVIS.

Aues suam ex aquis trahunt originem. Abr. 148.

Aues fœminæ, quousq; conceperint, admittunt
mares, posthæc auersantur. PPz. p. 603.

Auium fœminarum similes ambitiosi. PPz. p. 603.

AVRES.

Aures alicui perfici, nil aliud quàm obedientem fi-
eri. Abr. 176.

Aures humilis & perfectæ obedientiæ, corpus & eius
membra reliquarum virtutum sunt symbolum.
Abr. 176.

AURVM.

Auro, & muneribus ne sunt venales honores. PPz.
491.

AUXILIVM.

Auxilium Dei facere potest, vt sanctitatem eius
quadamtenus imitemur. PPz. p. 571.

Auxilium Dei non excludit semper studium huma-
num. PPz. 572.

Auxilium spiritus sancti B. 7278

BALBVTIENS.

Balbutientes submissè loqui non possunt. Cur?
PPz. p. 629.

BARBA.

Barba non facit Sophum. PPP. p. 394.

S. BASILIVS MAGNVS.

S. Basilij Magni iudicium incredibiliter pertimuit
Libanius. PPz. p. 541.

BEATITVDO.

Beatitudo vi expugnatur. Meritò illud. Nam & cor-
poris salus plerumq; sine vi non obinetur.
PPz. p. 565.

Beatitudinis obtinendæ pactum sic tractatur, vt ma-
trimonium solet. PPz. p. 573.

Beatus nemo erit, qui non fuerit ante accinctus.
PPz. p. 592.

E spinoso dumo malum punicum expectat, qui be-
atitudinem absq; afflictione & labore. PPz. p. 593.

BELLVM.

Bellum Hebræis Milhamah ab edendo, siue voran-
do dicitur. PPz. p. 472.

Belli duces, quo tempore ineunda pugna, sint maxi-
mè solliciti. PPz. p. 540.

Bello etiam confectio debet perstare vigil, & solici-
tus miles Christi. PPz. p. 623.

BENEFICIVM.

Qui beneficijs mutuas vices rependit, hic aliorum
beneuolentiam acquirit. Abr. 91.

Beneficia gratuita Deus tribuit voluntate, at pœnas
pro merito infert eorum qui peccauerunt. Abr.

124.

Beneficij dilatio acuit petentis desideria. PPP. 272.

Beneficia priora, subsequenti ingratitude non o-
bliterantur. PPP. 307.

Beneficia sua Deus pensionib; onerat. PPz. p. 495.0.

Homines cum beneficium prestant, humiles esse so-
lent, ingrati, cum sunt assecuti. PPz. p. 601.0.

Beneficia

RERVM NOTABILIORVM.

Beneficia prestantium officiosa voces. PP2. p. 602.
Beneficia qui ambiunt, importuni sunt, ut accipiant; ingrati ubi acceperint. PP2. p. 601. & seq.
Beneficium adeptus David non obliuiscatur benefactorem. PP2. p. 604.
Beneficio nihil carius, quamdiu petimus, nihil vilis, cum accipimus. ibid.

S. BERNARDVS.

Bernardus inconstantiam suae deuotionis deplorat. PP2. p. 460.
Bernardi ætas vidit Catholicos idololatrias. PP2. p. 467.

BIBLI.

Biblij furtum arbitrantur, si quid in via inuentum auferant. PP2. p. 505.

BONVS, BONVM.

Nullum aliud bonum præter Dei gratiam, nec malum præter culpam. Abr. 35.
Boni quò magis honorantur, magis se deiiciunt, mali laudibus extolluntur, & insolecunt. Abr. 100.
Christianis optanda pro Deo bonorum suorum iactura. Abr. 103.
Pro Deo aliquod bonum perdere lucrum est non damnum. Abr. 104.
Qui pro Deo exigua bona perdunt, plurima ab ipsius liberalitate recipiunt. Abr. 104.
Bona tua viuens diuide, ita duo mala cauebis. PP2. p. 533.
Bona æterna non vel eodem loco habentur, quo cauduca. Factum indignè. PP2. p. 566. o.
Bonis omnibus destituitur, qui Deo. Abr. 202. o.

C.

CAIN.

Cain longiturno timore acerbius multatus est, quam si cità morte ablatuſ è vita fuisset. PP2. p. 576.

CALAMITAS.

Calamitatum nomen non merentur, quæ simul cum vita expirant. Abr. 74.
Non videntur esse calamitates, quarum non est perpetua duratio. Abr. 75.
Calamitates nostras beneficij donatione Deus mitigat, leuatque. PP2. p. 495. o.

CAMELVS.

Camelus adgeniculatus pulchrum hieroglyphicum ambitiosi. PP2. p. 603.

CANDELABRVM.

Candelabrum illud vetus cur in parte australi collocatum. PP2. p. 623.

CANIS.

Canis cæcus nascitur. PPP. 374.
Canes non gaudent odoribus leporum, sed comestione. PPP. p. 437.

CANITIES.

Canities homini exultimationem non facit, sed virtutes. PPP. 289.

CAPILLI.

Capilli mulierum titulus illarum seruitutis caput, impositus. PP2. p. 470.

CAPVT.

Capitis obruncatio præ reliquis supplicijs æquissima in legum diuinarum contemptores poena. Quare? Abr. 139.
Capite velut arce sapientiæ iure priuatur, qui sapientiæ non tenuit rationem. Abr. 139.

CARMENTA.

Carmentis larario scortea inferre nefas. PPP. p. 409.

CAROLVS QVINTVS.

Caroli Quinti lemmata insignibus Burgundicis appensa, elucidata. PPP. 367.

CASTITAS.

Eelix exercitus ductor, si sobrius sit & castus. Abr. 48.
Castra non casta citò sequitur interitus, & ruina. Abr. 46.
Nullum vitium plus vires extenuat, quam obscenum carnis flagitium. Abr. 46.
Milites ut fortiter dimicent, parum commercij cum mulieribus habere debent. Abr. 47.

CEDRVS.

Cedri Libani quinam. PP2. p. 504.

CERES.

Cerem permittere vxorem Marti Proserpina noluit. Cur? PP2. p. 473.

CHALEB.

Caleb filiam suam addixit vxorem ei, qui vastaret, hoc est, vastare primus inciperet urbem Cariath. Quo mysterio? PP2. p. 442.

CHAMÆLEON.

Chamæleon bestia tardigrada. Vnde? PPP. p. 428. & seqq.

CHVSAL.

Chusai nunc Arachites, nunc filius Iemini dictus. Cur? Abr. 167.

CHRISTVS.

Christus in horto tribus discipulis dormituri- bus somnum capere non solum mittebat, sed & suadebat. Cur? Abr. 7.
Christum

INDEX ALPHABETICVS

Christum Samaritanam à luxurie morbo curasse
reliqua excedit miracula. Abr. 48.
Christus duo in peccatores spicua iecit, vnum mi-
serationis, alterum indignationis, illo naturam,
hoc culpam impetijt. Abr. 89.
Christus in cruce quasi violenter, in Sacramento al-
taris suauiter attrahit homines. Abr. 110.
In cruce nos Christum, in Sacramento altaris Chri-
stus nos inquit. Cur? Abr. 111.
Christus cur tribus solum diebus, & noctibus morti
subiectus esse voluit. Abf. 148.
Christus abiturus in cœlum, cur benedixit Discipu-
los. Abr. 161.
Christi genealogia nullam habet sanctam mulie-
rem. Cur? Abr. 168. & seqq.
Christo puero cur myrrha oblata. Abr. 171. & seq.
Christus à resurrectione nullum miraculum fecit.
Cur? Abr. 175.
Christus cur induendos virtute ex alto dixit Disci-
pulos. Abr. 191.
Christus cur in montem Oliueti à cenâ inuit. Abr.
192. & seqq.
Christus cur interrogatus, vnde esset. Abr. 199.
Christus cur vnam mortis horam sciuisse speciali-
ter dicitur, qui omnes sciuit. Abr. 201.
Christus cur medicum se vocat. Abr. 205.
Christus alios celeriter, tardius alios curabat. Cur?
Abr. 208. & seqq.
Christus cur dicitur in agonia factus? PPz. p. 450.
Christum à transfiguratione reuersum salutauit
turba solito reuerentiùs. Cur? PPz. p. 479. & seqq.
Christum cognati illius confessi sunt, postquam ab
illo episcopi facti. PPz. p. 481.
Christus adulteræ Euangelicæ & misericordiam
pollicitus, & iudicium comminatus fuit. PPz.
p. 497.
Christi carnem manducare, & sanguinem bibere,
est communicare passionibus eius. PPz. p. 504.
Christus Apostolorum iudicium arbitrio totius
mundi potius habuit. PPz. p. 518. & seqq.
Christus Discipulos suos diu apud vnum hospitem
morari voluit. Cur? PPz. p. 546.
Christus de rebus ad salutem animarum spectanti-
bus differens, non ferebat vel matris mentionem
addire. PPz. p. 566. & seqq.
Christus nobiscum cenat, & nos cum illo, collatis
vtrinque sumptibus. PPz. p. 573. & seqq.
Christus non absque mysterio magister noster di-
ctus. Quo illo? PPz. p. 574.
Christus ab oratione ad somniculosos discipulos se-

mel, iterumque, & iterum abiit. Quo documento?
PPz. p. 590.
Christus quod maxillam alteram alteri alapa non
obtulit, mysterium fuit, non imbecillitas. PPz.
p. 594.
Christus Prophetam Phariseo se probauit. Quo-
modo? PPz. p. 612.
Christus puer responsis suis stuporem adferebat au-
ditoribus. ibid.
Christus modum vlciscendi docuit. PPz. p. 618.
Christus post fatigationem sedebat. Quo docu-
mento? PPz. p. 621.
Christus flagello, ceu sceptro, & funiculis tanquàm
armis regalibus usus. PPz. p. 640.
Christus apud piscinam illum ante alios curabat,
cuius fuerat morbus diuturnior. PPz. p. 651.
Christus iubendo vt afferrentur quinque pisces, &
duo panes, quid nos doceat. PPP. 220.
Christus proximus passioni suorum commodis in-
tendebat. PPP. 275.
Christus quare natus, dum Iudæa à diuersis Princi-
pibus occupabatur. PPP. 278.
Christus in monte Thabor gloriosus, post mortem
glorificatus, peregrinus apparet. PPP. 296.
Christus in ieiunio occumbit & triumphat. PPP. 356.
Christus increpat Principem, qui eum bonum ap-
pellat. PPP. 360.
Christus cur Petræ ab Apostolo comparatus. PPP.
366.
Christus cur in aurora surrexerit. PPP. 372.
Christus dæmoniosum sibi oblatum statim liberauit,
à cæcis fidem antè exegit, quàm eos illuminârit.
PPP. p. 388.
Christus ad omnia cætera tormenta sua taciturnus,
ad solum colaphum os in verba laxauit. Cur?
PPP. p. 392.
Christus cur desiderio desiderasse pascha dixit. PPP.
p. 417.
Christus cur se lucem mundi nominauit. PPP. 403.
Corpus Christi & panis vitæ est, & aqua sapientiæ.
Quo mysterio? PPP. p. 422.
CHRISTIANVS.
Christiani à cœpto virtutum itinere resistentes quo-
rundam odorum, qui mane sinceriores, die sene-
scente minus, & meridie minimè sentiuntur, sunt
similes. Abr. 12.
Christiani à seruore spiritus deficientes arcui pra-
uo & paulatim remittenti æquiparantur. Abr. 12.
Christianus scenicus seu histrionicus esse non debet.
Cur? Abr. 14.
Christia-

Christianus qui fuit, et
huius officium eius, et
inde huiusmodi p. 13.

RERVM NOTABILIORVM.

Christianus scenicæ representationi dans operam,
non alium quàm Deum ipsum repræsentabit.

Abr. 14.

Christianus in studio virtutum semper vnus sit, si-
cut Deus vnus est.

Abr. 14.

Christianus debet in operibus Christum imitari.

PPP. 321.

Sunt Christiani plurimi similes Herculis mulierosi.

PP2. 510.

Christianus nemo nascitur, sed fit quisque.

PP2. 576.

Christianorum felicitas, quòd vni Domino seruiunt.

PP2. 659.

CIBVS.

Panem tantum pro cibo cur petamus.

PPP. 345.

Bonum & malum non in cibo, sed in intemperante
illius desiderio positum est.

PPP. 348.

CIRCVMCISIO.

Circumcisio Hebræis data velut perpetuum frenan-
dæ libidinis memoriale.

Abr. 33.

CIVITAS.

Cinitatum optimum propugnaculum custodia le-
gum, studium orationis, & virtutum.

Abr. 202.

& seqq.

CLEMENTIA.

Inter maximam furoris diuini austeritatem semper
aliquod pietatis & clementiæ signum relucet.

Abr. 54.

Clementia Domini punientis.

PPP. 364.

COELVM.

Motus cælorum velocissimus.

Abr. 157.

Eidem assimilatur ira diuina.

ibid.

Cælum quomodo Magnates obtinere queant.

PPP. 267.

Cælum quàm exiguo pretio emitur.

PPP. 268.

Cælum propriâ voluntate ascendente tenere ac
sistere oportet.

PPP. 376.

Cæli similitudinem quis in sinapis granulo quaesit-
set?

PPP. 394.

COLLV M.

Collum Sponsæ primum monilibus, dein turri, ei-
quæ benè vallatæ, & ab armis instructæ comparatur.

Quo mysterio?

PP2. 556.

COMMODA.

Res quæq; nobis bona, dum vsibus nostris commo-
da.

PP2. 607.

CONFESSARIVS.

Confessarij aliter cum peccatore recens lapsos, aliter
cum inueterato procedere debent.

Abr. 69.

Tom. III.

CONSIDERATIO.

Considerationem diligentem, & attentam meretur
opus, quod semel factum malè, est inemendabile.

PP2. 525. o.

CONSILIARVS.

A Regibus & Principibus consiliarij recti, integri, &
passionibus vacui eligendi.

Abr. 153.

A Consiliarijs bonis Principum felicitas, à malis e-
orundem infelicitas, dependet.

Abr. 153.

Dolor laterum ex quo ægrè habere solent Prin-
cipes, mali sunt Consiliarij.

Abr. 154.

Consiliariorum bonorum & malorum diuersi effe-
ctus.

Abr. 154.

Satis est regem esse improbum & Consiliarios bo-
nos, quàm Consiliarios malos & regem probum.

Abr. 155.

Consiliarij Principum non vertant munus suum ad
suz familiæ splendorè amplificandum.

PP2. 599.

CONSILIVM.

Loth non Angeli sed proprio consilio montem con-
scendens, ibidem in peccatum incidit.

Abr. 32.

Sicut ex Dei acta consilio in bonum, sic ex proprio,
plerumque in malum cooperantur.

Abr. 32.

CONSVETVDO.

Vitium malâ consuetudine inueteratum maxima cū
difficultate emendatur.

Abr. 135.

Consuetudinis & inclinationis æqualis violentiæ.

Abr. 148.

Inclinationem naturalem & inueteratam vincere
consuetudinem difficillium.

Abr. 148.

Consuetudinem inueteratam & propensionem na-
turalem vincere res ardua.

Abr. 148.

Consuetudo molestiam ferendi laboris mitigat.

PP. 2.

Consuetudo mollimentum calamitatum beneficio
singulari naturæ nobis data.

PP. 2. 454.

CONVERGIO.

Conuersionis remedio ætas nulla inepta, vel fera.

PPP. p. 394.

S. CORNELIVS.

S. Cornelius Papa vim passus, vt Episcopatum acci-
peret.

PP2. p. 564.

CORONA.

Corona non datur nisi legitime certanti.

PPP. 266.

CORRECTIO.

Correctio sic instituenda, vt peccata deiiciantur &
peccatores erigantur.

Abr. 88.

COSTA.

Costa arcus figuram habet.

PP2. 633.

Costa cur mulier facta.

Ibid.

INDEX ALPHABETICVS

D.

DÆMON, DÆMONIOSVS.

Maximè hominì ignominia, à dæmone hoste adeo imbecilli superari. Abr. 70.

Muscarum similes sunt dæmones, non solum ten- tandi importunitate, sed etiam imbecillitate. Abr. 70.

Dæmon technis valet, non viribus. Abr. 70.

Dæmonis infirmitas, & imbecillitas ostenditur. Abr. 71.

Dæmon non peccatoris emendationem, sed peccati vult perseuerantiam. Abr. 88.

Maximum diaboli tormentum quod de futuris suis, tormentis sit dubius. Abr. 179.

Solus dæmon incorrigibilis. Abr. 138.

Dæmones nullum verbum in scripturis magis hor- rent, quam initium Psalmi sexagesimi septimi. PPP. 354.

Dæmonia quare à Christo petierunt facultatem in- trandi porcos. PPP. 284.

Diaboli vnum ex illis duodecim, qui suscitabant mortuos, abripere potuit. Abr. 169.

Deus mane & vespere tantum vnum agnum quare offerri voluerit. PPP. 344.

Diaboli vnum totum coelum motibus intestinis im- plere posset. Abr. 196.

Dæmoni homo suâ oscitantia otium permittit, & tempus vt zizania superfeminet. PP2. p. 500. & seqq.

Dæmon stultissimus fuit, cum Christo pro vnus a- dorationis officio dominiū totius mundi ob- tulit. PP2. p. 509. & seqq.

Dæmonis peccatū incurabile. PP2. p. 515. & seqq.

Dæmon satis astutus non fuit, cum per vnum Pila- tum Christi mortem, & mundi salutem impedire voluit. PP2. p. 519.

Diaboli verbum apud Dauidem quod. PP2. p. 534.

Diaboli satellites sunt illi palpones, qui iuuenibus suadent licentius viuere, tanquam qui poeniten- tiam agere possint, cum senuerint. ibid. ad finē

Dæmoni præsumptio de bonitate Dei occasio libe- ritus peccandi, & damnationis fuit. PP2. p. 536.

Dæmon magis effertur in moribundos. PP2. p. 537. o.

Dæmon crudelis dominus. PPP. p. 391.

Dæmoniosus à diabolo mox eiiciendo cruciabilif- sine afflictabatur. Quo documento? PP2. p. 539.

Dæmoni, vt pro Iobis anima excubaret, non man- dauit Dominus. PP2. p. 554.

Dæmon pios crudelius persequitur. PP2. p. 555. o.

Dæmon peccatores non quatit capere. PPP. p. 557.

Dæmon magno studio, & astu Christum in pinnam templi extulit. Quoniam illo? PP2. p. 563.

Dæmon vaserimine Sancto Iobis suas nuntiavit cala- mitates. PP2. p. 579.

Dæmon homines sequitur, quantum non vmbra corpus. PP2. p. 537.

Dæmonem vigilanter obseruare, cur ad horam Completorii maximè iubemur? PP2. p. 538.

Dæmones abituram è corpore animam circumpo- sita obsidione custodiunt. PP2. p. 538.

Dæmon animæ nostræ arcem ex omni parte tentat. PP2. p. 625.

Dæmon aurum præripit, & lutum reponit. PPP. p. 412.

DAMNATIO.

Damnatio æterna, quàm exigua delectationculâ in- curritur. PPP. 267.

DAMNUM INCOMMODYM.

Damnum nullum felicius quod pro Deo toleratur. Abr. 1.

Vult damnum ipsum, qui illud prospicit & dissimu- lans non auertit. Abr. 87.

Damnum illud leuius, quod timore ante non cru- ciat. PP2. p. 578.

DARDANENSES.

Dardanenses ter in vita solum lauabantur. Abr. 197.

DARE.

Dare debet qui vult recipere. Abr. 91.

DAVID.

Propheta David hostibus circumdatus inuictam Do- mini dextram implorauit. Abr. 6.

Dauid non hostes suos puniri, sed solum de manibus eorum se liberari petijt. Abr. 6.

Propheta Dauid petit, vt Deus ipse gladio se cingat. Quare? Abr. 8.

Dauid cur Deum volebat suum esse adiutorem. Abr. 205.

Dauid petebat liberari à peccato, quo se contamina- tum non sciebat, sed tantum suspicabatur. Ab. 191.

Dauid quare in choris Deum laudare suadet. Abr. 193.

Dauid veritatem celans Abimelechum. Quare? PPP. 236.

Dauid cur occiso Goliath, caput attulerit Hebræis. PPP. 230.

Dauid in regem vinctus quanta passus sit, priusquam honore, & commodis regijs gauderet. PPP. 264.

Dauidis planctus Absolone mortuo. PPP. 207.

Dauid

RERVM NOTABILIORVM.

David natus Parentibus Dei cultoribus. PPP. 327.
 Davidi Deus etiam erat, qui Dominus. PP2. p. 468.
 David carnis suæ debita in carne eadem ipse luit. PP2. p. 531.

David beneficium consecutus perstabat apud benefactorem. PP2. p. 604.

David in maxima felicitate recensuit, quod posteros habuit sanctos. Abr. 164.

David blandis verbis Saulem ex homicida patrem, ouem ex lupo fecit. PP2. p. 606.

David iurauit, & statuit custodire iudicia, & mandata quæcunque illa Dei. Quâ fiducia? PPP. 390.

David Propheta maior à Nathane minore quædam didicit. PPP. p. 394.

David cur ostio, non muro sibi claudi labia rogauit. PP2. 629.

David Sauli quamuis reconciliato non credidit. Cur? PP2. p. 554.

David non minus laudabat Deum in iudicijs profereundo sententias, quàm in templo struendo, & cantando Psalmos. PP2. p. 642.

David promptus fuit ad omnia mala subeunda, dum ne gratiâ Dei excideret. PP2. p. 648.

DECEPTIO, DOLVS, FRAVS.

Deceptio felicissima. PPP. p. 409.

Deceptio sensuum nostrorum in Sacramento altaris fructuosa. PPP. p. 411.

Dolus bonus quis. PPP. p. 411.

DEMOSTHENES.

Demosthenes quomodo oratorum Græcorum princeps effectus. PPP. 240.

DESPERATIO.

Desperationis foeda grauitas. PPP. 255.

Desperare peccator nullus debet. PPP. 392.

DESIDERIVM.

Tolerabilior euadet dilatio eorum, quæ petimus, si non desideria, sed merita nostra consulamus. Abr. 82.

Desiderium longum adfert rebus pretium. Ab. 159.

DEVOTIO.

Solent plerique viam virtutis feruenter ingredi, at facile à cæpto itinere deficere. Abr. 10.

Quò quis longæuior, eò & sit deuotior. Abr. 92.

DEVS.

Remunerare consuevit Deus permagnificè officia sibi exhibita licet exigua. Abr. 2.

Pro costa ex latere Adami desumpta Deus carnem repleuit. Quare? Abr. 2.

Pro ære aurum, pro ferro argentum, pro lignis æs, & pro lapidibus ferrum donat Deus. Abr. 3.

Quid lucri sit perdere, aut periculo aliquis propior Deum exponere. Abr. 3.

Deus non illic ubi perditur, sed alibi inquirendus. Abr. 3.

Deus bonorum nostrorum non indiget. Abr. 6.

Deo ex nostris operibus nihil vilitatis accedit. Abr. 7.

Deus in seipso perfectè beatus nullius alterius est indigus. Abr. 7.

Requieuit Deus ab omni opere, non in opere, quod parârat. Abr. 7.

Deus requiescere, seu feriari ab opere qualiter dicatur. Abr. 7.

Deus inexhaustus est oceanus omnis boni, ceteri homines exigui riuuli, & minutæ guttulæ. Ab. 8.

Deum iustorum recordari, & eosdem amare idem sunt. Abr. 15.

Deo obligationes, plerumque eidem ingratiore. Abr. 34.

Deus non ita claudit fores misericordiæ clauis iustitiæ, ut non aliquam rimam relinquat misericordiæ. Abr. 54.

Deus semper ad subueniendum paratus, dummodò illius opem admittere velimus. Abr. 81.

Ira Dei in peccatum sua torquet spicula, non in peccatorem. Abr. 88.

Cum Deus nunquàm cesset benefacere, etiam nos ab illius cultu nunquàm debemus desistere. Abr. 92.

Si Deo placeas, non est quòd hominum dicta factaque cures. Abr. 97.

Deum habere propitium, & contentum, summa felicitas. Abr. 98.

Qui Deo viuunt, etsi alijs rebus mortui, verè viuunt. Abr. 100.

Nullus locus ita absconditur, quin ibidem peccantes Deus clarissimè videat. Abr. 120.

Nihil quantumuis occultum, Dei oculis absconditur. Abr. 120.

Videri à Deo, & ab eodem amari, seu iuari, idem sunt. Abr. 119.

Oculi diuini soles, qui pervident vniuersa. Abr. 120.

Tenebræ apud Deum nullæ, cum tam clarè videat in densa caligine, quàm in medio sole. Abr. 120.

Castigare peccatores à Deo Deo iniussim, ut vnicuique momentum, quo eos castigat, totius æternitatis duratio ei videatur. Abr. 128.

Beneficia præstare Dei proprium, punire ab eo alienum. Abr. 129.

Quantum Deus ad benefaciendum propendet, tantum ab infligendis pœnis abhorret. Abr. 129.

INDEX ALPHABETICVS

Adeo alienum à Deo punire, vt miraculo tribui possit cū infert supplicia. Abr. 129.

Deus hominibus benefaciens ad amplius benefaciendum quasi incitatur. PPP. 226.

Deus omnia videt. PPP. 236.

Pati & ridere in domo Dei iunguntur. PPP. 263.

Deus quare subinde beneficia tardius det. PPP. 271.

Dei cognitio vera olim Hierosolymis. PPP. 283.

Deus benefacit manu propriā, plectit alienā. PPP. 366.

Dei ingenium ex se aliquando æstimant homines. PPP. 380.

Deus cuiq; id est, quod præcipue colit. PP2. 467.

Deus cur ex toto corde vult diligi. ibid.

Deus neminem supra vires grauatur. PPP. 387. o.

Deus nos fallit, vt amorem suum prodatur. PPP. 411.

Deus sextiduum creationi mundi dedit, qui momento condere eum potuit. Cur? PP2. 466.

Deus meus es, tu dicere pauci possunt. PP2. 468.

Dei ordinationi submisit hilariterq; obtemperato. PP2. 497.

Deus prolixius eos remunerat, qui diligentius ei inserviunt. Abr. 129.

De misericordia diuina nunquam desperandum. Abr. 138.

Solet Deus similia peccatis supplicia irrogare. Abr. 138.

Qui Deo in sola prosperitate seruit, hic Deum sincero amore non diligit. Abr. 147.

Dei solum in prosperis memor suam potius commo- ditatem quam Dei querit honorem. Abr. 148.

Deus dedit nobis posse fieri filios Dei, non statim fecit. Cur? Abr. 160.

Differt quæ petimus, vt ardentius petamus. Abr. 160.

Carnes Hebræis nō antè dedit, quàm rogassent. 161.

Quos miseratur Deus, citò castigat, vt non diutius affligantur futuri expectatione iudicij. Abr. 179.

Deus vult nos habere cooperatores. Abr. 204. o.

Deus qui dat maiora, minora non negat. Abr. 201.

Deo qui destituitur, bonis omnibus nudus est. Abr. 202.

Deus hominum adiutor. Abr. 205.

Deus fidus amicus vices cumulatur reddens. Abr. 207.

Deus nobis talis, quales nos Deo. Abr. 209.

Deum, quiscunq; ille esset, dignum honore puta- uit gentilis Eglon. PP2. 498.

Vt Deo quiscunq; seruit, ita & proficit. PP2. 500. o.

Deus in medio suorum est, quia omnibus commu- nis. PP2. 506.

*Quo agni 228 sufficit dicitur q. Jaci
fuit et diabolus nō consentit.
p. 377.*

Dei gratia communis omnibus hominibus. ibid.

Deus curam totius orbis terrarum communem ha- bet. PP2. 508.

Deus cū imperat laborem, etiam perficiendi vires ministrat. PP2. 569. o.

Dei auxilium semper præstet his, qui pro eius nomi- ne, & iussu aliquid vel faciunt, vel tolerant. PP2. 570.

Deus nostram cooperandi sollicitudinem requirit. PP2. 572. o.

Deus nos sibi desponsat. Quo mysterio? PP2. 573.

Deus eorum pedes à lapsu eruit, qui ipsi cauent à lapsu. PP2. 575.

Deum pro Deo relinquere aliquando consultum, & consulendum. PP2. 588. o.

Deus negligentiam iubet, vt obedientiam probet. PP2. 631.

Deus penduli è paribulo furis spectaculo quodam- modo & que oblectatur, ac Sacerdotis ad aram sa- crificantis, dum rectus iustitiæ ordo in plectendis sceleribus seruetur. PP2. 640. o.

Deus agricola est, qui palmitibus, non radici curam confert. PPP. 430.

DIGITVS.

Digitus virorum perfectorum symbolum. Abr. 101.

DILIGENTIA.

Diligentia abundans non nocet. Abr. 205. o.

DINA.

Dinam ynam custodes plurimi seruare non potue- runt. PP2. 628.

Dinæ curiositas quantorum malorum causæ. PP2. 628.

Dinam nimia reclusio cupidam exeundi fecit. PP2. 634.

DISCIPVLVS.

Discipuli cū magnam Christi potestatem seasse- runt, augeri sibi fidem rogauerunt. Quo documen- to? PP2. p. 479.

DISCRETIO.

Discretione moderare tuum iter, vt profectio tua possit esse diuturna. PP2. 619. o.

Discretio omni virtuti ordinem ponit. PP2. p. 620.

Discretio moderatrix actionum nostrarum esse debet, vt sint viles. Abr. 193.

DISSIMVLATIO.

Vbi occurrunt quæ & offendere, & recreare te pos- sint, hæc cogita, illa dissimula. PP2. 662. o.

DISTRACTIO.

Multas & Missas audire, & fundere preculas, & au- dire exhortationes cum multa distracçãoe par- uam

RERVM NOTABILIORVM.

nam adfert vtilitatem.

Abr. 175.

Elias morti succumbere maluit, quam timori. PP2.

DIVITIÆ.

Subitam diuitiarum affluentiam examinare non erit vana curiositas. Abr. 21.

Eliæ alimonia vnde allata. PPP. 223.

Opulentia & concordia simul stare nequeunt. Abr. 23.

Eliæ oratio tunc efficacior fuit, cum Deum à benefaciendo prohibuit, quam cum ad dandam pluuiam permouit. PP2. 586.

Nulla calamitas maior diuitiarum cupiditate. Abr. 23.

Elias de rudi, & vili habitu omnibus notus. PP2. 600.

Diuitiarum cupiditas bellorum omnium origo. Abr. 23.

Elias paupertatis Euangelicæ ante Euangelium promulgatum cultor. ibid.

Animalia terrestria diuitijs inhiant, & volatilia terrena despitentium sunt hieroglyphica. Abr. 24.

Eliam paupertas sua intrepidum fecit. ibid.

Diuitiæ non solum habitæ, sed etiam nondum occupatæ inquietem & dissidia generant. Abr. 24.

Eliæ sub vili habitu potestatem plusquam regiam occultabat. PPP. 394.

Diuitiarum desideria nunquam satiantur. Abr. 93.

Eliæ lingua frænum cæli. PPP. 395.

Diuitiæ quomodo excæcent hominem. PPP. 349.

Eliæ lingua frænum cæli. PPP. 395.

Diuitiæ quando non sint noxiæ? PPP. 350.

Eliæ lingua frænum cæli. PPP. 395.

DOMINVS.

Dominandi libido quanta. PPP. 310.

Eliseus à quibusdam militibus primum infans, posthæc verus vates habitus. Cur? PP2. 607.

Dominus noster si non sit etiam noster Deus, non satis id nobis. PP. p. 466. o.

Ephraim columba seducta cur dicitur. PP2. 552.

Dominum supremo soli seruire & maxime debemus, & facillime possumus. PP2. p. 505. o.

Episcopus quis deligendus? PPP. 290.

Dominis multis seruire difficile. PP2. 658.

Episcopi propriæ functiones. PPP. 320.

DUBITATIO, HESITATIO, & FLUCTVATIO ANIMI.

Pænalius tormentum est animi, dubium & perplexum hære, quam duro ligno affigi. Abr. 178. o.

Esaü nascens totus pilosus. PPP. 315.

Fluctus & dubitatio, procella & animi hæsitatio, rempestas & consilij inopia idem sunt. Abr. 178.

Esaü quam impatiens famis. PPP. 339.

Malunt quidam citâ morte, quod male fecerunt lucere, quam diu animo suspensi hære. Abr. 178.

Esaü intemperatus ac inordinatus appetitus. PPP. 348.

E.

ECCLESIA.

Qui instar lapidis se cædi & expoliri non finit, aptè in Ecclesiæ ædificio collocari non potest. Abr. 27.

Esaü in delectatione vxorum cur errauit. PPP. 374.

Ecclesia & fons est, & puteus. Abr. 204.

Esaü seruus, sed fratris, neque perpetuus. Quo ny-sterio? PP2. 496.

Ecclesiæ grauissimum detrimentum direptio librorum. PPP. 328.

Esaü seruus, sed fratris, neque perpetuus. Quo ny-sterio? PP2. 496.

Ecclesia Christiana in pluribus vna, in singulis tota. PP2. 528.

ELEEMOSYNA.

Eleemosynæ virtus oleum. Abr. 200.

Eucharistia Sacramentum affectu antè præcipiendum, quam affectu. PPP. 413. o.

ELEPHAS.

Elephas proboscide abscissa moritur. PPP. 341.

Eucharistia refectus, hymnis, & precibus munitus, debet nihilominus ad misericordiam Dei fugere. Abr. 192.

ELIAS.

Elias filium viduæ resuscitaturus, è sinu matris sublatus in lecto suo reposuit, quare? Abr. 5.

Eucharistia mors malis, vita bonis. PPP. 432.

Eucharistia est baculus, sed instar dolonis. PPP. 423.

Eucharistia damna non ab illa veniunt, sed à nostra indignitate nascuntur. PPP. 426. o.

Eucharistiam aliqui tanquam stipula ignem addunt. PPP. 427.

Eucharistica mensa est amabilis ex cruciatio voluntatis. PPP. 434. o.

Eucharistia lac. Cur? PPP. 428.

Eucharisticus panis suauissima intellectus defatigatio est. PPP. 431. o.

Eucharistia mensa est amabilis ex cruciatio voluntatis. PPP. 434. o.

Eucharistia lac. Cur? PPP. 428.

Eucharisticus panis suauissima intellectus defatigatio est. PPP. 431. o.

Eucharistia mensa est amabilis ex cruciatio voluntatis. PPP. 434. o.

Eucharistia lac. Cur? PPP. 428.

Eucharisticus panis suauissima intellectus defatigatio est. PPP. 431. o.

INDEX ALPHABETICVS

Eucharisticum conuiuium potentissimè torquet
memoriam. PPP. 437. o.

EXACTIO.

Rex Ioaachim de immoderatis exactionibus & ergà
subditos crudelitibus à Propheta reprehendi-
tur. Abr. 111.

Nimijs exactionibus, velut sectione venæ & sangui-
nis emissionem subditi consumuntur & deficiunt.
Abr. 112.

EXEMPLVM.

Exempli quanta efficacia. PP2. 518. o.

Exempla Sanctorum damnant nostram ignauiam.
PP2. 616.

Exempla Sanctorum spem nobis faciunt. PP2. 617.

EXISTIMATIO.

Præclaram apud homines habere existimationem &
Deum offensum summa infelicitas. Abr. 98.

EXPECTATIO.

Expectationis molestia tanta, vt numerari in mar-
tyribus queat, qui diu expectat. Abr. 161. o.

Expectabundos Apostolos vi singulari confirmavit
Christus. Abr. 162.

Expectare, & expirare videntur idem esse. ibid.

Expectatione rei desiderata extenditur, & torque-
tur animus. ibid.

EZECHIEL.

Ezechiel in cincto capitis apprehensus, eleuatus
inter celum & terram, adducitur in Hierusalem,
quid designet. PPP. 221.

F.

FACERE.

Cura de factis aliorum non habenda sed de pro-
prijs. Abr. 5.

Imperatorum proprium est ad facta aliorum atten-
dere. Abr. 5.

Inertium est factis aliorum sua inumbrare. Abr. 5.

Facere potest quilibet, quod potuerunt omnes, &
fecerunt multi. PP2. 614. o.

Facere maiora, & intermittere minora, vel est inopia
ingenij, vel infirmitas voluntatis. Abr. 200. o.

FAMES.

Fames sub Abrahamo, ab ea quæ sub Isaaco orta est,
centum annis præcessit. PPP. 364.

FELICITAS.

Caduca mortalis vitæ pro gloria Domini contemne-
re, summa felicitas. Abr. 1.

Felicitate intumescere vel frangi calamitate insignis
stultitia. Abr. 146.

Felicissima deceptio. PPP. 409.

FESTINATIO.

Festinatio nimia damnosa.

PP2. 619. o.

Festinatio nimia facit, vt antè deficias animo, quàm
absoluas opus. PP2. 621.

FIDES.

Fidere censum debitori, & credere deceptor nemo
solet. PP2. 553.

Hominum fucatorum liberalitas auaritia est, fides
perfidia. PPP. 405.

Per fidem in captiuitatem, & obsequium Christi re-
ductus intellectus plus quodammodo cognoscit,
quàm beati videant in gloria. PPP. 433.

Fides cur animosa appellatur. PPP. 433.

FICTIO.

Ficta est quorundam etiam ergà suas animas comi-
tas. PP2. 561.

FICVS.

Ficus hieroglyphicum est Ecclesiæ. Abr. 92.

Ficus molliores densiore, ac validiore tegumento
foliorum natura munivit. Quo mysterio? PP2. 652.

FILIVS PRODIGVS.

Prodigus filius cur stolâ primâ antè vestitus, quàm
ad esum vituli saginati admissus. PPP. 421.

FOENVM.

Fœnum sponte nascitur. PP2. 586.

FONTES.

Fontes & putei quod discrimen? PP2. 450.

FORTVNA.

Rex victorij non debet extolli, sed fortunæ volubi-
litem perpendere & extimescere. Abr. 55.

Fortunæ prosperitate sublimes maioribus egent au-
xiliorum copijs, quàm grauiori calamitate op-
pressi. Abr. 58.

Fortunæ sola constans inconstancia. Abr. 191.

Fortunæ mutabilitas. PPP. 294.

FRAGILITAS.

Fragilitatis propriæ memores compati debemus a-
lienæ. Abr. 52.

Qui lapsibus aliorum non compatitur rationis ino-
piâ laborat. Abr. 53.

Culpæ ex ignorantia seu fragilitate commissæ de fa-
cili remittuntur. Abr. 151.

Peccantibus ex ignorantia seu fragilitate facile, ex
malitia peccantibus difficulter conceditur remis-
sio. Abr. 152.

Seuerè castigatur peccatum quod præmeditatè
committitur. Abr. 152.

FVMVS.

RERVM NOTABILIORVM

FVMVS.

Fumus contrā aduersum ventum fortius nititur. PP2. 630.
Fumus contabesceret mœrore, si rationis compos esset. Cur? PPP. 435.
Fumo nihil comburi potest. ibid.

G.

GENVS, PROSAPIA, STEMMA, &c.

Generis vilitas neminem contristare debet. Abr. 167. o.
Genus proprium quisque sibi facit. Abr. 168.

GIGAS.

Violentes gigantes, & cadentes scriptura pro eisdem habet. PP2. 548.

GLORIA COELESTIS.

Qui volens presentem quietem & gloriam contem-
pserit, inueniet futuram. Abr. 97.
Corona gloriæ non datur incipientibus, sed fortiter
vsque in finem perseuerantibus. Abr. 12.
Cœlestis gloriæ magnitudo & dignitas. PPP. 270.
Nemo confors gloriæ, qui non socius poenæ. PP2. 593.

GRATIA DEI.

De gratia non nimium fidendum. Abr. 60.
Gratia Dei eiusdemque beneficia sunt bona mobi-
lia non fixa & perdurabilia. Abr. 60.
Nemo sibi securitatem de gratia diuina valet pro-
mittere. Abr. 60.
Gratia Dei communis omnibus hominibus. PP2. 507.
Gratiarum, & virtutum thesauros cum inanis gloriæ
leui aura commutare, stultissimum. PP2. 509.

GRUES.

Grues vigilantiae hieroglyphicum. Abr. 20.
Grues docent suo exemplo fugere praefecturas. PP2. 564.

GULOSITAS.

Gulositas quantum malum. PPP. 346.

H.

HÆRES.

Hæredes defunctis suis hoc faciunt, quod Hebræi
illis ab Angelo trucidatis Assyrijs militibus. PP2. 433.

Hæredibus ergo noli tua curanda relinquere. ibid.

HÆRESIS.

Hæresis primò languorem, posthæc interitum ad-
fert. PP2. 464.

HEBRÆVS.

Hebræi in ipso portu, hoc est, terræ promissæ con-
spectu naufragati quos significant. PP2. 523.

HELI.

Heli à Domino castigatus, retinet ex posteris in al-
taris ministerio. PPP. 298.

HERCVLES.

Hercules effœminatus, & deridiculus habet sui fi-
miles multos Christianos. PP2. 510.

HERODES.

Herodis simulata deuotio. PPP. p. 406.
Herodis sepulchrum in modum mammæ constru-
ctum, quid signet. PPP. 249.

HISPANVS.

Hispani ex suæ terræ victu astuti, & iudicio præstan-
tes. PPP. p. 429.

HISTORIA.

Historiæ laus & utilitas. PPP. 333.

HOMICIDIVM.

Homicidium Cain à quo didicerit. PPP. 244.

HOMO.

Si homo velit, nil adeò difficile quod non possit.
Abr. 20.
Nihil infelicius homine in cunctis prospero. Abr. 538.

Hominum fortunatorum status periculosissimus,
miserorum & infeliciū turissimus. Abr. 596.

Homo ipse suæ sibi perditionis est architectus. Abr. 804.

Sterilitas spiritualium profectuum ex propria ani-
mæ culpa oritur. Abr. 804.

Homines procul posita despiciunt etiam quæ proxi-
ma; nisi proximè eos attingant. Abr. 198. o.

Homines operantur cibum, quem Deus dat. Abr. 204.

Hominis poenitentis pulchrum speculum filius pro-
digus. Abr. 205.

Homo luti liquor vocatus. Quare? PPP. 250.

Hominis vita quasi candela. PPP. 251.

Homo nascens morti initiatur. PPP. 251.

Hominis ad malum procliuuitas. PPP. 316.

Hominis ad bonum segnitias. PPP. 317.

Homo cur à Deo vltimò creatus. PPP. 369.

Homines ex sese plurimum æstimant cum alios sui
similes, tum etiam aliquando Deum. PPP. 380.

Hominum mores tales sunt, vt maximè cibo pere-
ant. PPP. p. 428.

Homo durus, & obstinatus ferrum. PPP. p. 427.

Homo sumpturus eucharistiam seipsum probare de-
bet, non cibum, quem sumet. PPP. p. 430.

Homi-

INDEX ALPHABETICVS

Homines illud scire auidius concupiscunt, quod ingenio minus assequi possunt. PPP. p. 431.
 Homo qualem Deo hostiam pro sacrosancta corporis, & sanguinis hostia offerat. PPP. p. 440.
 Hominem delicatum, & qui diu felix fuerit, quauis molestiola deijcit. PP2. p. 454.
 Homo cur microcosmus dictus. PP2. p. 465.
 Hominis magnitudo, & præstantia non de primo aspectu æstimanda. PP2. 475. o.
 Homines erga virtutem avari, erga vitia prodigi. PP2. p. 487.
 Homo ad mala facilis, difficilis ad bona. PP2. 487.
 Homines ad consonantiam salutis composuit Deus multis modis. ibid.
 Homines pleriq; diuites ad luxum, pauperes ad misericordiam. PP2. p. 488.
 Homines astuti, & sordidi tunc solent sua offerre, quando vident non posse esse vsui. PP2. p. 558. o.
 Homo felix esset, si pari sollicitudine curaret spiritualia, ac temporalia. PP2. p. 484.
 Homines ingeniosi ad vitia, rudes ad virtutum exercitia. Indignum! PP2. p. 569.
 Homo quilibet Christianus maximis debitis prægrauatus. PP2. p. 542.
 Homo ne otium quidem obseruaret imperatum, nisi mortis pœna ad præceptum accederet. PP2. p. 631.
 Homini mortem adferre celeriores solet, quod ille maxime demoritur. PP2. p. 637. o.
 Hominum ea est ignorantia, vt ea maxime a Deo flagitent, quæ si concedantur, sint maxime nocitura. PP2. p. 639.
 Homines amant dicere, quæ sibi honorifica, & tacere, quæ parum deceant. PP2. p. 642. o.
 Homines commune lucrum, sed non dispendium amant. ibid.

HONOR.

Honori, directo capite sacrificatum. Quare? PPP. 311.
 Honores auro venales quot malorum causa. PP2. p. 491.
 Homini cur Deus alimenta exteriora dederit. PPP. 372.
 Iuri suo & honori quandoque cedendum, ne pax dissoluatur & concordia. Abr. 26.
 Qui iuri suo & honori nouit cedere, facili quæcunque libent obtinebit. Abr. 27.
 Hortulani industrij blanda manus quid possit. PP2. p. 605.

HORTVVS.

HORTVS.

Hortus hieroglyphicum est animæ sanctæ. Abr. 107.
 Hortum flos vnus non facit, nec virtus vna sanctum. PP2. p. 477.

HOSPITALITAS.

Hospitalitas & mortis recordatio Abrahamum excoxit. PPP. 352.

HOSTIS.

Stultus est, qui sospitatem ab hostibus expetit. PP2. p. 553.
 Hosti clauso ex desperatione crescit audacia. PP2. p. 634.
 Hostem vigilem, & agrum incultum nemo dormiens vnquam subegit. PP2. p. 592.
 Hoste cum infirmi qui pugnat, non dormiat. PP2. p. 622. o.
 Cum hoste fugato non fugit nostrum periculum. PP2. p. 623.
 Hostis vnde irruat, vigilanter attendendum. PP2. p. 624.

HVMANVS.

Amentia laborat, qui putat omnes erga se fore largos & humanos, cum ipse in neminem sit prolixus & humanus. Abr. 90.

HVMILITAS.

Autoritatis iacturam aut dignitatis imminutionem ex humilitate nemo fecit. Abr. 115.
 Abiectionum officiorum administrationem nemo debet refugere. Abr. 115.
 Humilitas simulata. PPP. p. 407.

HYDRIA.

Hydras nuptiarum ab alijs impleri aqua, aquam autem ipse Dominus vertere in vinum voluit. PPP. p. 388.

I.

IACOB.

Iacob quare non admissus est ad osculum Patris, nisi post tactum, post prandium. PPP. 265.
 Iacob scientiam suam hauit ex frequentatione scholæ Melchisedech & Heber. PPP. 327.
 Iacob Dominus Esau quia dabat operam sapientiæ. PPP. 335.
 Iacob temperantiori victu primogenita consecutus est. PPP. 351.
 Iacob delicatè educatus duro solo lassa membra affixit. Quo documento? PP2. p. 452.
 Iacobis illud votum, *Erit mihi Dominus in Deum*, quale. PP2. p. 467.
 Iacob

RERVM NOTABILIORVM.

Iacob licite desiderauit pulchritudinem Rachelis.

PP2. p. 482.

Iacob sibi tribuit, quod non maiora Dei beneficia accepit.

PP2. p. 501.

Iacob Iordani proximus totam noctem duxit insonnem. Quo mysterio?

PP2. p. 524.

Iacob denique credidit amplius labantia, quo tam crebriam fraudem fuerat passus.

PP2. p. 552.

Iacobtri ad patriam tendendi multa peruiam obstituerunt.

PP2. p. 555.

Iacob praelatorum exemplar.

PP2. p. 561.

Iacob cum patriam repetijt, obuiam habuit castra Dei. Quo mysterio?

PP2. p. 569.

Iacob quamuis certum haberet, Deum sibi adfuturum adiutorem, curam tamen propriam, quam euadere fratrem iratum saluus posset, pratermisit.

PP2. p. 572.

Iacob voluit spatium esse inter gregem, & gregem. Cur?

PP2. p. 578.

Iacob fratrem muneribus placauit, & cecauit.

PP2. p. 581.

Iacob oratione, & lachrymis cum Deo colloctatus.

PP2. p. 585.

Iacob intermittere orationem, cum diluisceret, iussus.

PP2. p. 588.

Iacob fuit mericulofus, quando copiofus.

PP2. 597.

Iacob dictus postea Israel. Quo mysterio?

PP2. p. 591.

Iacob ut irato fratri suo supplex erat, ita eiusdem placati, & iam beneuolentis humiliter obseruans fuit.

PP2. p. 605.

Iacob blandiloquentiam verborum ferreum fratris pectus expugnauit.

PP2. p. 605.

Iacob dixit, uidisse faciem fratris, quasi vultum Dei.

PP2. p. 607.

Iacobtri periculum aliud ex alio natum.

PP2. p. 625.

Iacob roco primum petijt primogenita sibi pro pulcra vendi.

PP2. 635. & seqq.

Iacob quanto studio vernaculos suos a deastrorum cultu & peccato deterruit.

PP2. p. 649.

Iacob cur Benjamin filium suum sic vocauit.

PP2. p. 663.

Iacob cur fleuit, cum Rachelem osculatus.

PP2. 438. & seqq.

IEHOVA.

Nomen Iehoua solus sacerdos magnus proferebat, idque tantum in nuptijs.

Abr. 197.

IEIUNIUM.

Ieiunantes ungere caput, & lauare faciem iussi. Cur?

PP2. p. 579.

Ieiunij laus & utilitas.

Ieiunij vires ac robur.

Ieiunans Dominus quasi aciem ad quatuor mundi plagas adornauit.

PPP. 340.

PPP. 354.

PPP. 355.

IEPHTE.

Iephthe Galaaditis ducatum militie offerentibus non statim credidit. Cur?

PP2. p. 553.

Iephthe filia clauetro inclusa spiritualiter sacrificata fuit.

PP2. p. 527.

IERICHO.

Ierichuntis pradam cur milites contingere prohibiti, Hai vero diripere iussi sint.

PPP. 265.

IGNIS.

Ignis contra naturam propriam descendit in Sodomam. Cur?

Abr. 139.

Ignis tribus pueris ieiunio ornatis nil nocet.

PPP. 355.

IGNORANTIA.

Ignorantia quamuis peccatum non extinguat, extenuat tamen.

Abr. 134.

IMAGINATIO.

Imaginatio nostra multum conuenit cum hyperbole.

Abr. 17.

IMBECILLITAS.

Imbecillitas virium humanarum absque diuino auxilio quanta.

PPP. 258.

Stulti sunt, qui cum sint imbecilles, non timent incurrere, ubi fortissimi ceciderunt.

PP2. p. 534.0.

INCONSTANTIA.

Actus scenicus inconstantiam adumbrat.

Abr. 14.

INFANS.

Infantes cum parentibus in Sodoma cremati, ne diu viuentes grauius peccarent, & durius punirentur.

Abr. 142.

Infantium ab Herode interfectorum felicitas.

Abr. 144.

INFELICITAS.

Infelicitas summa est, mortem inde haurire, vnde alij vitam accipiunt.

PPP. p. 422. 0.

INFERNVS.

Inferni ianuam pulsant, qui se libidini tradit.

Abr. 49.

Inferorum cruciatus si quis momento degustaret, omnia vitæ huius mala libenter toleraret.

Ab. 198.

INFIDVS.

Infido aliquid aliquando fidere, sagax nonnunquam industria est.

PP2. p. 631. 0.

INGRATITVDO.

Nil æquè excruciat atque ingratitudo.

Abr. 84.

Rrrr

INI-

INDEX ALPHABETICVS

INIMICVS.

Diligens inimicos congerit carbones super caput eius. PP2. p. 618.
Inimicos diligens congerit carbones super caput eius. Quomodo? PP2. p. 619.

INIURIA.

Iniuriarum condonatio, & obliuio operosissimum opus. PP2. p. 609. o.
Iniuriarum æquanimis tolerantia res est mirissima, & memorabilissima. PP2. p. 610. & seqq.
Iniuriarū septuagies septies condonandarum commemoratio Petrum in stuporem adduxit. PP2. p. 611.
Iniurias viciscendi modum Christus docuit. PP2. p. 617. & seqq.

INNOCENS.

Innocentis à Sancto discrimin. Abr. 130.
Innocentia per gradus discedit. PP2. p. 464.

INOBEDIENTIA.

Inobedientia est peccatum mundi, quod Ioannes Christum tollere dicit. Abr. 10.
Nullum in mundo vitium præter inobedientiam, nec virtus vlla præter obedientiam. Abr. 10.
Inobedientem omnibus vitijs contaminatum præsumendum. Abr. 10.
Inobedientia omnia peccata includit. Abr. 10.

INTELLECTVS.

Intellectus bonitas non in præceptorum diuinorum intelligentia, sed in eorundem obseruatione consistit. Abr. 7.
Præceptorum diuinorum intelligentia non exiguit misericordiz diuinæ beneficium. Abr. 7.
Intellectus voluntatis in operando diuersitas, & qui intellectui, qui voluntati assimilantur. Abr. 110.
Ingenij Vena non æquè semper currit. PP2. p. 460.
Ingenij luxuria restringenda. PPP. 432. & seqq.

INVIDIA.

Inuidiosus qui non fuerit, felix censi non potest. PPP. 382. o.
Inuidere se omnes negant. Cur? PPP. p. 384. & seqq.
Inuidiz aptum symbolum ignis. Cur? PPP. p. 383.
Inuidere alicui est magnificare illum. PPP. p. 385.
Inuidus primitias quasdam poenæ perpetuæ habet. PPP. p. 385.

Immo demonem in seipso nutrit. PPP. 386.
Inuidi vitam oculos ubique haberent. PPP. p. 387.

IOANNES BAPTISTA.

Ioannes Christum Dei agnū bis demonstrant. Cur? Abr. 206. & seqq.

Ioannes Baptista in carceres, non de suo periculo, sed aliena salute sollicitus est. PPP. 275.

Ioannes Baptista in flore ætatis obtruncatus. PPP. 292.

Ioannes Baptista prudens concionator. Cur? PP2. pag. 445.

Baptista pauper vnus, solusque Herodem arguerat ausus. PP. 2. p. 597. & seqq.

S. IOANNES EVANGELISTA.

Ioannes Euangelista Historiæ suæ, initium & finem librum ponit. PPP. 330.

I O B.

Iob pro tribus amicis orare iubetur? PPP. 301.

Iob à sancto Hieronymo latinitate donatus recepit duplicia pro iis quæ amiserat. PPP. 334.

Iob à patria laudatus. PPP. 374.

Iob pater, non patronus, non adiutor tantum pauperum fuit. PPP. p. 399.

Iob ex omnibus sanctis solus exemplum patientiæ datus. Cur? PP. 2. p. 454.

Iob quare cunctis diebus sacrificia offerebat? PP. 2. p. 457.

Iobis vxor virum obiurgans, Deum non accusat. Cur? PP. 2. p. 498.

Iobri recordationem Dei adimere dæmon voluit. PP. 2. p. 498.

Iob docuit, quantum formidare iudicem Deum debemus. PP. 2. p. 541.

Iobis amici serò illum inuiserunt. Cur? PP. 2. p. 550.

Iobis animam non commisit Deus diabolo custodiendam. Cur? PP. 2. p. 554.

Iob vxorem primam, vt quidam volunt, repudiavit. Cur? PP. 2. p. 592. & seqq.

Iob cur in terra Hus habitasse fertur? PP. 2. p. 616.

Iob Deum semper quasi rumentes, sibi que imminentes fluctus cur timuit? Abr. 192.

Iob quotidie diluculò sacrificia offerebat Deo, vt liberos à cogitationum peccatis seruari. PP. 2. p. 653.

Iob cogitabat se nudum exiisse ab utero matris, cum rebus omnibus nudum videbat. Cur? PP. 2. 664.

I O N A S.

Ionas Deum, quem in terra perdidit, in mari inuenit. Abr. 3. & 4.

Ionas in terra contumax, & refractarius, in mari humilis, & obsequens. Abr. 4.

Ionæ ex ventre ceti oratio. PPP. 304.

Ionam in mare coniecturi nauæ cur tam diu cunctari. PP2. p. 525.

Ionam

R E R V M N O T A B I L I O R V M .

Jonam esse religiosum nauæ de veste sunt arbitrati.
PP. 2. p. 551.

I O N A T H A S .

Jonathæ sagitta nunquàm redijt retrorsum. Quo
mysterio? PP. 2. p. 582.

I O S E P H Æ G Y P T I V S .

Ioseph inquirens fratres errat in via. PPP. 374.

Ioseph cur mundi saluator dictus à Pharaone, qui
solam saluauit Ægyptum? PP. 2. p. 529.

Ioseph fratribus autor fuit, vt dicerent vnã pasto-
ritiam vitam à pueris egisse. Cur? PP. 2. p. 545.

I O S E P H A R I M A T H E V S .

Ioseph ab Arimathia an aurum dederit pro Corpo-
re Christi Pilato. PPP. 269.

De Ioseph Arimathæo nulla sit in Scriptura mē-
tio, nisi cū petiisse corpus IESV à Pilato
ferretur. Cur? Abr. 189. & seq.

I O S U E .

Iosue quàm diu filius Nun dictus. Abr. 166. & seq.

Iosue vnde animatus vt solem sisteret. PPP. 228.

Iosue cur monitus, quoddà Hethæos subacturus esset.
PP. 2. p. 595.

Iosue prudens milicū ductor. PP. 2. pag. 446.

I R A .

Iraisci quandoque necessarium, at peccato non pec-
catori. Abr. 89.

Ira violentus, & tyrannicus affectus. PP. 2. p. 609.

I S A A C .

Isaac habitasse iuxta puteum, quid designet. PPP. 218.

Isaac cur tam ardentè orarit absente seruo Eleiezer
PPP. 263.

Isaac quadraginta annorum ducit vxorem. PPP. 263.

Isaaci studium in imitando Patre. PPP. 373.

Isaac formidabilis Palæstinis. Cur? PPP. p. 399.

Isaac, & Rebecæ iocus qualis. PPP. 380.

Isaac patris sui puteos refodit. Cur? PPP. p. 414.

Isaac ordinationi Dei humillimè, & promptissimè
subiectus fuit. PP. 2. p. 499.

Isaac cur tam anxie inquirebat in eum, cui benedi-
cere volebat? PP. 2. p. 526.

Isaacum sic felicitauit Dominus, vt etiam inuidio-
sum illum faceret. PPP. p. 383.

Isaac hæredem suum longis ante obitum suum annis
renuntiavit, meritò imitandus. PP. 2. p. 532.

I S A I A S .

Isaias clamabat, prædicabat, benè monuerat, & quan-
quàm nihil effecerat apud auditores, mercedem
tamen à Deo expectabat. PPP. p. 389 & seq.

Isaias ex charitate periculosa prædicationi se obtu-
lit. PP. 2. p. 493.

Isaias semel prædicationi promptè sese obtulit, post-
hæc non item. Cur? PP. 2. p. 645.

I S M A E L .

Ismael quomodo mortuus. PPP. 252.

Ismaëlis cur præter liberorum numerum vix fiat
vltior mentio. PPP. 246.

Ismaelem exercuisse latrocinia, nugamentum, Qua-
re? PP. 2. p. 541.

I S R A E L I T Æ .

Israëlites non pugnarunt priusquàm panem de coe-
lo, & aquam è petra acceperunt. Quo mysterio?
PP. 2. p. 556.

Israëlites persæpe abluti priusquàm panem Angelo-
rum consecuti. Quo mysterio? PPP. p. 420.

I U D A S P R O D I T O R .

Iudas suâ sponte abiit ad prodicionem, & laqueū.
PP. 2. p. 502.

Iudæ intemperans in vxorem amor fecit, vt reculas
suæ fidei creditas depecularetur. PP. 2. p. 600.

I U D E V S .

Iudæi Cæsarem dixerunt suum regem, qui tyrannū
experiebantur. Cur hoc? PP. 2. p. 527.

Iudæi quomodo tam subito illam longam passionis
Christi tragœdiâ adornare potuerunt. PPP. p. 416.

Iudæorum primores cur ministros submiserunt, &
non ipsi abierunt, vt Christum caperent. PP. 2.
p. 644.

I V D E X .

Iudicibus non Regibus saluatorum nomen concess-
um, quare? Abr. 31.

Supplicia cunctanter maturoque consilio infe-
renda. Abr. 123.

A iudice sententia non nisi præuio maturo con-
silio contrà reum ferenda. Abr. 124.

Deus diabolū inauditum damnare noluit, iudi-
cibus in hoc præbens exemplum. Abr. 131.
& 132.

Condemnare inauditum, & reo defensionis nega-
re locū, tam iuri diuino, quàm naturali & hu-
mano contrarium. Abr. 131.

Non castigauit Deus primos parentes nisi præuia
propria ipsorum confessione. Abr. 132.

Iudices imitari debet citharædos & quare? Abr. 132.

Iudex prius bonis æternam beatitudinem, deinde
reprobis æternū supplicium decernit. PPP. 363.

Iudex cunctator esse debet, cū de vita pronunti-
aturus. PP. 2. p. 525.

Iudicem Deum qui non timet, nã ille rationis la-
borat iudicio. PP. 2. p. 540.

R E F F .

Iudex

INDEX ALPHABETICVS

Iudex Deus quàm formidabilis, Iob docet. PP. 2. p. 542.

Iudicé deû Ezechiel vehementer timuit. PP. 2. 542.

Iudex malorum, aut reorum torior non putet irreligiosum, aut prophanum. PP. 2. p. 641.

IUDICIUM.

De secretis cordium iudicare, soli Deo reservatum. Abr. 126.

In totam sanctissimam Trinitatem peccant, qui proximum temerè iudicant. Abr. 126.

Temerè iudicandi peccatum adeò graue, vt quasi solum requirat redemptorem. Abr. 126.

Iudicium temerarium adeò graue peccatum, vt ad alia sit qualis trabs ad festucam. Abr. 127.

Iudicium temerarium omnia alia peccata excedit. Abr. 127.

Iudicia hominum vnde tam diuersa. PPP. 380.

IURAMENTUM.

Iuramentum per nomen Dei non leuiter sed magna cum reuerentia faciendum. Abr. 56.

Tanta quodammodo requiritur dispositio ad iurandum, quanta ad communicandum. Abr. 58.

Horribile per sacrosanctum nomen Dei iurare. Abr. 57.

Iuramentum antiquitùs non nisi à ieiuno fiebat. Abr. 58.

IURISPRUDENTIA.

Iurisprudentiæ tyronibus primo loco magis perspicua, & leuiora proponenda. PP. 2. pag. 447.

IUSTVS.

Iusti sunt robusti athlantes, quorum humeris nititur machina mundi. Abr. 156.

Sunt fulcra humani generis. ibid.

Iusti meritorum suorum opulentia reliquos homines locupletant. Abr. 156.

Quod columna domui, quod ratio animo, hoc vir iustus mundo. Abr. 157.

Pro longæua iustorum vita Deus exorandus. Abr. 157.

Iustus cur super aspides, basiliscos, leones, draconesq; ambulaturus dicitur. Abr. 173. & seq.

Iusti etiam à morte ab iniustis separari voluerunt. Abr. 194. & seq.

Iustorum Virtutes, & actiones tam variæ ac multiplices, cur ex SS. Scripturis nobis referantur? PPP. 220.

Iusto nullus formidabilior leo. PPP. 399. o.

Iustus etiam mortuus viuentibus est terrori. PPP. p. 400.

Iustitia, & veritas tandem obtineat. PPP. p. 402.

Iusto nihil meritoris adfert, quidquid accidat. PP. 2. p. 647.

Sola gratia Dei illi pro substantia est, cætera pro accidentibus. Ibid.

L.

LABAN.

Laban nepotis sui mores explorauit antè, quàm illi curam gregum commendaret. Quo documento? PP. 2. p. 478. & seq.

Laban iniustus in Iacobtem. PP. 2. p. 488.

Laban nimis leuiter credulus. PP. 2. pag. 549.

Laban Iacobtem fugitiuum persecutus. PP. 2. 555.

Labani ergà Iacob ficta, & simulata vrbalitas. PP. 2. p. 558.

LABOR.

Labori non assuetus, quicquid operatur, graue, & durum opinatur. PPP. 336.

LAC.

Lac ex se nunquam amarum efficitur. PPP. p. 428.

LACEDÆMONES.

Lacedæmones & Spartiæ natos mox frigidâ, ablucere & soli exponere soliti. PPP. 335.

Lacedæmones, non admittebant coquos nisi folius carnis. PPP. 346.

Coqui, mortis satellites. PPP. 347.

LACHRYMÆ.

In hac vitâ lachrymæ seminandæ, vt metamus laticiam in futura. Abr. 96.

Præsenti frui gloriâ & futurâ impossibile. Abr. 96.

LAIUS.

Lais etiam Axine dicta sauo ingenio lupa. Qua in re? PP. 2. p. 539.

LAPSVS.

Post lapsum stantes lapsibus aliorum compati debent. Abr. 54.

LATRO.

Latro in cruce quomodo obtinuerit regnum cælorum. PPP. 278.

Latronis etiam beneficia suspecta. PP. 2. p. 555.

LAZARVS.

Lazarus dormiens peccatoris recenter lapsi est symbolum, idem mortuus inueterati. Abr. 136.

LECTVS.

Sponsa in lectulo suo sponsum quærens non inuenit. Cur? Abr. 4.

Lectus in scripturis voluptatis & deliciarum est symbolum. Abr. 4.

Deus in voluptate perditus, in asperitate doloris inueniendus. Abr. 4.

LENI.

RERVM NOTABILIORVM.

L E N I T A S VERBORVM.

Lenibus verbis Roboam suum regnum seruasset, si
viti voluisset. PP 2. p. 606.

L E P R O S Y S.

Leprosi naturaliter curati Deo grati esse iubentur.
PPP. 371.

L E X.

Legum vtilitas in easdem obseruationes redundat.
Abr. 7.

Lex Dei ignea. Cur? PP 2. p. 456. & seq.

L I A.

Lia diu foecunda, postea sterilis quid significet. PP. 2.
495.

Lia cur postea sterilis, quae diu foecunda. PP. 2.
495.

Lia reddidit suam foecunditatem illius in famulam
beneuolentia. PP 2. p. 511. & seqq.

L I B E R A L I T A S.

Largitatis laus, & praedicatio. PPP. 219.

Liberalitas Dei & hominis quam diuersa. PPP. 227.

L I B I D O M A L A.

L A S C I V I A.

Facile succumbit armis exercitus qui dat manus
lasciuis mulieribus. Abr. 48.

Cetera vitia carceres, carnis lasciuia infernus.
Abr. 47.

Ceteris vitiis facilius, at lasciuiae difficulter reme-
dium adferri potest. Abr. 48. o.

Luxuria diffuere & mortem oppetere idem viden-
tur. Abr. 49.

L I B R I.

Mortui optimi viuorum libri. PPP. 252.

Librorum & literarum inuentum in Deum refert
originem suam. PPP. 327.

Librorum Scriptores quam gratum Deo sacrifici-
um offerant. PPP. 331.

Librorum vtilitas ac necessitas. PPP. 328.

L I L I V M.

Liliorum septo cur sponsa vallata, & inclusa. PP. 2.
p. 632.

L I N G V A.

Quomodo de proximo nostro loqui oporteat. PPP. 247.

L I N V M.

Ex lino herba parua nascitur, quod orbem ter-
rarum vltro, citroque portet. PP. 2. p. 635.

L I S.

Lenius est iacturam omnium bonorum sustinere,
quam litigare. Abr. 25.

Maiores lucri est deserta lina perdere, quam diu
contendendo quassum facere. Abr. 25.

Lis & diabolus idem sunt. Abr. 25.

Calamitosius nihil esse potest quam litigare. Abr. 25.

Lis in sacra scriptura idem quod bellum, pugna &
certamen. Abr. 25.

Maiores felicitas est regno carere, quam illud per li-
tes obrinere. Abr. 26.

L I T E R A E.

Literae armis praestantiores. PPP. 332.

L O C V S.

Locus non facit virtuosum, aut sanctum, sed morum
ac vitae mutatio. PPP. 215.

Quid obseruandum in electione loci, vbi quis habi-
taturus est. PPP. 217.

L O T H.

Loth cur tam zgre diuelli a Sodomitae poterat. Abr.
196. & seq.

Quod Loth inter Sodomitae viuens ab eorum vitijs
se illa sum seruauerit, omnium ab eo gestorum
praeclarissimum. Abr. 119.

Loth quam sollicitus pro aliena salute. PPP. 277.

Filia Loth maior minus honesta. PPP. 325.

Filia eiusdem minor magis verecunda. ibid.

L V C I F E R.

Luciferi casus reliquos Angelos cautos reddidit.
PPP. 233.

L V C R V M.

Absque lucris spe omnes claudi, pedem nemo mo-
uet. PP. 2. 478. o.

Lucrum accipere pro eo, quod iure debeas, malitia
maxima. PP. 2. 488. o.

L V X.

Lucem mundi solem nemo exsufflando extinguere,
nemo de cadelabro suo deicere potest. PPP. 403.

L V D V S.

Ludi puerorum Iudaicorum quales olim. Abr. 199.

M.

M A G I R E G E S.

Magi ad praesepe Christi venientes quare virtus Da-
maei vocentur. PPP. 333.

Magi lumen requisierunt lumine. PPP. 414.

M A G I S T E R.

Magistri doctrina, non vita consideranda. PPP. 225.

M A G N I F I C E N T I A.

Quando magnificentia est suspecta, consultum est
diligenter inquirere, qua ex re quisq; splendeat.
Abr. 23.

Rrrr 3

M A

INDEX ALPHABETICVS

MAGNVS.

Magnus est, quisquis officium suum qualecunq; rectè procurat. PP2. 469. o.

MALAGRANATA.

Malagranata flores suos citò amittunt, quia nexus eorum debilissimus est. Quid mysterij habet. Abr. 288.

MALVS. MALVM.

Malum non in rebus sed in personis positum est. Abr. 6.

Omnia mala suum habent remedium, sola fluctuabundi & incerti animi agritudo incurabilis. Abr. 180.

Mali citius crescunt, quam boni. Cur? PPP. 246.

Pessimus nemo repente. PP2. 465.

Mali Pharisæi primum, dein adulteri. ibid.

Malo culpæ mala alia omnia cedunt. PP2. 646. o.

MANNA.

Manna appetitum Filiorum Israël postmodum grauius afflixit, quam antè recreauit. PPP. 299.

MANVS.

Manum suam ipsius osculari quid. PP2. 603.

MARE.

Mare & procellosum, & tranquillum purgare se nunquam cessat. PP2. 651.

Mari etiam tranquillo nemo prudens credit. Abr. 192.

S. MARIA SANCTISSIMA DEI PARENS.

Vultus B. V. Iesum in utero gestantis adedò relucebat, ut eam Ioseph nequiret aspicere. Abr. 22.

Beatissima Virgo Maria cur in sermone Angeli turbata. PPP. 223.

Deiparam desponsatam fuisse Ioseph, cum ad eam salutadam Angelus venit, cur Lucas dicendum putauit. PPP. 418.

S. MARIA MAGDALENA.

Maria Magdalena cur pedes & non caput Christi lacrymis suis rigauit? PPP. 369.

Magdalene spes cur non cum illius fide, & charitate commemoratur? PP2. 481.

Magdalena cur à contactu pedum Christi prohibita? PP2. 513.

Magdalene ardens ergà sacrum Christi cadaver amor pulchrè expensus. PP2. 492.

Magdalena ut ad peccandum malè impudens, sic & ad salutem benè inuerecunda fuit. PP2. 568. & seqq. ubi multa de illa.

MARITVS.

Mariti nimis curiosè obseruantes suas vxores in de-

sperationem, & veneficia eas impellunt. PP2. 634.

Mariti vxores ne durius habent. PP2. 634.

Mariti morosi timeant ne hoc vxoribus suis accidat, quod Dinæ. ibid.

Mariti ergà vxores subausteri similes sunt meli. PP2. 633.

MARS.

Marti vxorem permittere Cererem Proserpina noluit. Cur? PP2. 473.

Mars Venerem, non Venus Martem sequitur. PP2. 494.

MARTYR.

Martyres in suis corporibus velut alienis dimicant. Abr. 199.

MATER.

Mater lasciuia vix castas habet filias. PP2. 421.

MATRIMONIUM.

Matrimonij status omnibus simul prægrauatur molestijs. Abr. 196. o.

In solis nuptorum benedictionibus proferebatur nomen Dei tetragrammaton. Cur? Abr. 197.

Matrimonij molestias si ante nuptias experiri possent homines, nemo coniugari vellet. Abr. 198.

Matrimonij molestiæ nullà ferè coniecturà perspicere possunt. Abr. 198.

Coniugium à iugo dictum. PPP. 259.

Matrimonij molestiæ. PPP. 260.

Matrimonium seruus Dei nulli conciliet. PPP. 260.

Vita eorum qui matrimonio iuncti sunt tragedia à quibusdam dicitur. PPP. 261.

Matrimonium nubes gravis est. PPP. 262.

S. MATTHEVS.

Matthæus cur suum Euangelium librum generationis Christi vocat? PP2. 444.

Matthæo plus aliquid debet Ecclesiæ, quam cæteris Euangelistis. Cur? PP2. 443.

MEDICVS.

Medicus ægrum nec præidentem faciat, nec desperandum. PP2. 463. & seqq.

Medicæ rei experti imbecilliora corpora ante morbum muniunt præseruatiuis. PP2. 652.

Meditatio frequentior valde necessaria. PPP. 232.

MELIS.

Melis maritorum nimis austerorum ergà vxores symbolum. PP2. 633.

MEMORIA.

Crebra dilecti recordatio ardentem indicat dilectionem. Abr. 15.

Memoriam verbi Dei ex ore prædicatorum accepti perdidisse, grauissimum supplicium. Abr. 16.

Vbi

R E R V M N O T A B I L I O R V M.

Vbi memoria esse definit, bona voluntas diu super-
esse non potest. Abr. 17.

Sponsæ languentis amorem ex tenaci Sponsi me-
moriam filiæ Ierusalem colligebant. Abr. 15.

Innumera confert commoda iugis Dei memoria.
Abr. 94.

M E N D A C I V M.

Mendacium veritatem licet oppugnet, non oppu-
gnat. PPP. 401. o.

Mendacium nouaculæ simile. PPP. 402.

Mendacij characteres sunt velut incurui, & non
quadrati. Quo mysterio? PPP. 402.

Mendacio veritatem qui vult deicere, idem durum
siliem molli, & inermi manu vult confringere.
PPP. 404.

M E N S A.

Mensæ alienæ sectator vilis. Abr. 166.

M E R I T V M.

Meritorum in domo Dei, non antiquitatis anno-
rum ratio habetur. PPP. 287.

In Ecclesia Dei plûs meretur qui plûs laborat. Abr.
130.

M I L E S.

Miles qualis legendus? PPP. 338.

Miles diu feriatuſ pro tyrone habendus. PP2. 456.

Milites vt nec desperent, nec prædant, monendi.
PP2. p. 461.

Milites Christi etiam post confectum bellum per-
stant vigiles, & expediti. PP2. p. 623.

M I L V V S.

Milui esus Iudæis veritus, eo quod inconsistentiæ, so-
cordiæ, & inertæ symbolum. Abr. 15.

M I N E R V A.

Minerua inuentrix nauium. PPP. 224.

M I R A C V L V M.

Miraculum est, quod homo pro modica corporali
oblectatiuncula vult perdere lætitiâ perpetu-
am. PP2. p. 511.

Nec qualecunque miraculum, sed quod suum cho-
rum seorsim habeat. PP2. p. 511.

Miraculum miraculorum fuit, quod Ægyptij sua
vasa aurea, atque argentea tam facile concesser-
unt Israëlitis. PP2. p. 661.

M I S E R I A.

Miseriæ vitæ præsentis non timendæ, sed in futura
vitâ æternâ duraturæ. Abr. 75.

Miserum est non posse frui bono, quod ob oculos ha-
beas. PPP. p. 434.

M I S E R I C O R D I A.

Misericordia Dei nulli præclusa. PPP. 255.

Misericordia citius præstanda magis indigentibus.
PPP. 278.

Misericordiæ & miserationis differentia. PPP. 320.

M O D V S.

Rerum dignitas non tam in earum substantia, quàm
in modo, quo fiunt, posita est. PP2. p. 578. o.

M O N E T A.

Moneta æqualem cum incantationibus vim obtinet.
PP2. p. 582.

M O R B V S, Æ G R I T V D O.

Aquis piscinæ probaticæ non morbi quilibet, sed
tantum graues & diurni curabantur. Abr. 18.

Ægritudines animæ dissimiles infirmitatibus cor-
poris. Abr. 137.

Morbi corporis quidam incurabiles, animæ nullus.
Abr. 137.

Animæ morbi maiore studio curandi, quàm corpo-
ris. PP2. p. 566.

Animæ morbi & corporis hoc commune habent,
quod neglecti mala immedicabilia generent.
PP2. p. 635. o.

M O R E S.

Mores eorum, quibus cum consueſcimus, facili com-
bibimus. Abr. 195.

M O R S, M O R T V V S.

Morti nullum ab Ethnicis templum erectum. Cur?
Abr. 91.

Mors ipsâ vitâ dulcior quæ omnem adimit dubitati-
onem, & perplexitatem. Abr. 179.

Mortis meditatio quantum vilitatis habeat. PPP.
252.

Causa mortis hominis est ipsa vitâ. PPP. 249.

Mortis memoria est fortissimum amuletum contra
omnia vitia. PPP. 353.

Mortis obliuio dæmonium meridianum. PPP. 353.

Mors per Saulem adumbrata. PPP. 364.

Moyſes cur petijt Domini faciem sibi ostendi, cum
quo facie ad faciem loquebatur. PPP. 436.

Ex morte omnis vitæ felicitas pender. PP2. p. 522. o.

Mortis bonæ prima semper habenda ratio. PP2.
p. 522.

Mors, seu conclusio vitæ maximam postulat confi-
derationem. ibid. 523.

Morti vicini maximè egemus auxilio Dei. PP2.
p. 524.

Mortuos amici viui facili obliuiscuntur, vixque re-
cordantur, vt ferant defunctis. Fac ergo viuus i-
pse, quæ facta vult mortuus. PP2. p. 531. & 533.

Mortis horæ supremis magis ferocit dæmon. PP2.
p. 537. o.

Mortem

INDEX ALPHABETICVS

- Mortem bonā à mala vita sperare, est dulces fructus à radice amara expectare. PP2. p. 543. o.
- Mori in pace, qui perpetuò in bello vixit, nemo nisi miraculo potest. PP2. p. 545.
- Ad mortem bonam à bona vita consecutio bona. PP2. p. 545.
- Mors, medicina timoris. PP2. p. 576.
- Mortì, quàm timori succumbere Elias voluit. PP2. p. 577.
- Mortis mysterium terribile, cuius timor sufficit ad cruciatum. PP2. p. 575.
- Mortui viuum spectaculum faciliè timorem, & dolorem excitat. PP2. p. 617.
- Mortui quā moderatione deplorandi. Abr. 193.
- Mortui viventibus fortunatiores, vtrisque autem feliciores, qui nondum nati. Cur? PP2. p. 648. & seqq.
- Mors in olla fuit admirationi Israëlitis. Cur? PPP. p. 425.
- M O Y S E S.
- Moyſes negauit se filium filia Pharaonis. Cur? Ab. 1.
- Moyſes pluriſ fecit improprium Christi, quàm theſaurus Ægyptiorum. Abr. 2.
- Moyſes Deus effectus est, qui pro Deo rex eſſe renuit. Abr. 2.
- Moyſes diuinas leges populo promulgaturus duodecim lapideas ſtatuas erexit. Quare? Abr. 13.
- Moyſi nihil amplius promittere potuiſſe videtur, quàm quòd eum ſanctorum liberorum parentem facere voluit. Abr. 163.
- Moyſes typus animæ, deuotè concionatoris inſtructionem ſuſcipientis. PPP. 226.
- Moyſes eadem virgā, quā fluuium in ſanguinem vertit, è petra aquam excurit. PPP. 361.
- Moyſes cur fugit, cum in colubrum verſam virgam vidit. PPP. p. 424.
- Moyſen prodigij nunquā viſi magnitudo mouit, vt magis videre cuperet. PPP. p. 432.
- Moyſi ſanctitas aliquando remittebat. PP2. p. 458.
- Moyſis mater pro pretio illum laſcrauit, quem nutricari fruſtrā tenebatur, peccaſſetque, niſi neceſſitas excuſaſſet. PP2. p. 490.
- Moyſes iuſſit Ægyptium occidi. PP2. p. 550. & ſeq.
- Inexcusaſilis videtur cædes, quā Moyſes patrauit. Vnde? PP2. p. 570. & ſeq.
- Moyſes octogenarius præſecturam ſui populi capeſſere iuſſus, vt Dei virtus ſplenderet in ipſius præceptis. PP2. p. 571.
- Moyſes aberat, cum ſoror ipſius Maria perſuaſa leprā fuit. Cur? PP2. p. 585.
- Moyſes cum duos increpaſſet, aſter eorum ſolum iniquè accepit obiurgationem. PP2. p. 608.
- Moyſiſne in populum, an Pauli maior erga ſuos cognatos dilectio? Abr. 190.
- Moyſes quare ſecundas tabulas laeuigare, & perpolire iuſſus, poſtquā fregerat primas. PP2. p. 403.
- M U L I E R.
- Mulieres ſtudioſè virorum oculos debent fugitare, ob præſentaneum quod inde conſequi ſolet periculum. Abr. 118.
- Mulieres cur emerunt aromata, vt vngerent Ieſum, ad cuius corpus vngendum centum libras myrrhæ, & aldès Nicodemus iam verterat. Abr. 164.
- Matronæ pleræque illuſtiores veteris teſtamenti fuere ſteriles. PPP. 257.
- Mulierum capilli inſigne ſeruientis. PP2. p. 470.
- Mulieribus glorioſum humiliter ſeruire. PP2. 470.
- In mulieribus reperit Dominus ſimilitudinem regnæ cælorum, æquè ac in viris. PP2. p. 507.
- Mulieres ſeuiter, immò vehementer ed ſeruntur, quò eas ſua natura propenſio trahit. In Agare hoc videas. PP2. p. 547.
- Mulieres carnis cultui, delitijs deditæ non faciliè Martyres faciunt. PP2. p. 399.
- Mulierem cuſtodire difficilius, quàm abſcondere ingnem. PP2. p. 625.
- Mulieres amant publicum. PP2. p. 626.
- Mulier quæ prodire negligit, cum poſſit, ardentiffimè amare illum, propter quem domi manet, oſtendit. PP2. p. 627.
- Mulieribus calcei pro vinculis, pro carceribus ſunt domus. PP2. p. 627.
- Mulieri grauiffimum luctum lectus adfert, cui eſta morbus affigit. ibid.
- Mulier ſeptis incluſa, & obruncata, idem. PP2. p. 628.
- Mulieris laus ſuprema amare reſeſſum. PP2. p. 628.
- Mulieres cur miſſæ, vt nuntiarent reſurrectionem. PP2. p. 632.
- Mulier, quæ fidem apud maritum habere ſcit, fragili liliſorum ſepto non ſecus ac muro adamantino cuſtoditur. PP2. p. 632.
- Mulieres non ſerunt nimium arctari. PP2. p. 633.
- Mulierem cur è coſta Deus formauit. ibid.
- Mulier, quæ oculis foras ſpectat, argi multoculas ſugit pupillas. PP2. p. 634.
- Mulieres, quæ nimis accuratè obſeruantur à maritis, ad veneficia ſe recipere ſolent. PP2. p. 633. & ſeq.
- Mulier,

RERVM NOTABILIORVM.

Mulier, quæ suam fidem viro suo suspectam vider,
muro æreo non magis custoditur, quàm liliorum
sepimento, tamen etiam excubitores ex omni
parte adhibeas. PP2. 632.

Mulier per foramen acus erumpit, quantisvis custo-
dibus eam obserues. ibid.

MUNDVS.

Mundus comedix seu scænaz similis. Abr. 146.

Mundus vniversus dudum funditus euersus fuisset, ni
iusti precibus suis obstitissent. Abr. 157.

Mundus theatrum scænicum est. PP2. p. 471. & seq.

Mundus domus tenebrosa, in qua cum hostibus in-
uisibilibus, sed oculatissimis periculose viuimus.
PP2. p. 624.

Mundus seruos suos decipit. PPP. p. 412.

MVNERA, DONA.

Qui libenter admittit munera, hilariter rependat.
Abr. 90.

Arma nulla muneribus validiora. Abr. 158.

Philippo Macedoni nullus locus inexpugnabilis, ad
quem asinus onustus auro accedere posset. ib.

Munera exerceant, subuertunt, detorqueant. ib.

Munera quod non superant, illud inexpugnabile.
PP2. 581. o.

Munera conspiciolorum diuersorum similia. ibid.

Munera qui fert, quidquid optat, refert. PP2. 582.

Munera dans, tamen si fortè columba sit, & simplex,
& indoctus, Cicerone sit eloquentior. ibid.

Munera cæcos, murosque faciunt. PP2. 583.

Quod frænum bruto, quod capistrum equo, hoc iu-
dicibus aurum, & dona. ibid.

Munera fluctus excitant, quibus ab æquitate indices
abripunt. PP2. 584.

Munera etiam odor corrumpit iudices. ibid.

Damnorum, quæ munera pariunt, prolixam enu-
merationem habes. ibid.

N.

NABUCHODONOSOR.

Nabuchodonosor voluit suum sibi somnium ab ario-
lis suis indicari. Cur? PP2. 544.

Nabuchodonosor in pecudem conuersus. PPP. 367.

NATIVITAS.

Natales illustres, homini magnum ornamentum.
PPP. 327.

Natiuitatis Christi festum festorum metropolis.
Cur? PP2. 444.

NATURA HUMANA.

Natura hominis paucis contenta. PPP. 344.

Naturæ humanæ ad malum procliuas. PPP. 243.

Tom. III.

NAVIS.

Nauem vnâ plures nautæ securius gubernant.
Abr. 132.

NECESSITAS.

Necessitati maiori citius occurrendum. PP2. 651.

NEGLIGENTIA.

Negligentia ea grauis est, quæ grauium damnorum
ocasio esse potest. Abr. 172. o.

NEGOTIVM.

Feliciter negotiari desiderans omnibus omnia fi-
eri debet. Abr. 27.

Negotia animæ suæ curet quisque ipse, non com-
mittat fidei, aut industriæ alienæ. PP2. p. 530. o.

NOBILITAS.

Nobilitas vera non tam à sanguine, quàm à virtuti-
bus originem trahit. PPP. 241.

NOE.

Noë cum tribus filiis quomodo tam vastum arcæ
ædificium fabricare potuerit. Abr. 5.

Noë mirabiliter benedixit Sem. PPP. 229.

Noë inebriatus, non quòd bibax esset, sed quòd bi-
bere vinum non solitus. PP2. p. 453.

NUMERVS.

Duodenarius numerus sacramentum vniversita-
tis. Abr. 201.

O.

OBIEDIENTIA.

Vt quem perfectum & consummatum pronun-
tias satis si obedientem dixeris. Abr. 8.

Vbi obedientia regnat nulla virtus abesse potest.
Abr. 9.

Abraham ab obedientia præ reliquis virtutibus
commendatur. Abr. 9.

Ab obediente omnes virtutes & gratiæ sperandæ.
Abr. 9.

In hoc quòd Iesus subditus fuisse parentibus di-
citur, omne virtutum genus comprehenditur.
Abr. 9.

Dauid per obedientiam se dignum reddidit cui
panes propositionis in cibum darentur. Abr. 9.

In perfecta obedientia velut in còpendio omnes
aliæ virtutes includuntur. Abr. 9.

Perfectè obediens tutò cum Iesu loqui potest.
Abr. 10.

Perfectè obediens certius reliquis salutem spera-
re potest. Abr. 10.

Solis obedientibus æterna salus hæreditario iure
debetur. Abr. 10.

Ssss

Obe-

INDEX ALPHABETICVS

Obediens supra petram firmitatis & perseverantiæ fundatus in caelis coronabitur. Abr. 13.

Qui solam possidet obedientiam, omnibus virtutibus affluere, totumque perfectionis curriculum consecisse videtur. Abr. 176.

Perfecta obedientia eam colentem omnino sanctum & perfectum reddit. Abr. 176.

Vniuersalis est in omnibus virtutibus, ergo obediens, obediens est, ergo vniuersalis in omnibus virtutibus, sunt propositiones conuertibiles. Abr. 177.

Obedientia lapis fundamentalis reliquarum virtutum. Abr. 177.

Maximæ dignitatis & incomparabilis pretii obedientia. Abr. 177.

Obedientiæ virtus vera quonam ostendatur. PPP. p. 207.

Obedientiam ut probet Deus, iubet negligentiam. PP2. p. 631.

OBLIVIO.

Oblivionem prædicatoribus vel subitus timor, vel aliud quid insperato occurrens adferre solet. PP2. p. 536.

Oblivisci in morte, quod per omnem vitam feceris, difficile. PP2. p. 537.

OCCASIO.

Pugnare cum inimica occasione, & promittere sibi triumphum, id soli Deo est seruatum, & illi quem speciali auxilio confirmavit. Abr. 119.

Occasione nullus aduersarius horribilior. Abr. 119.

Occasione habita peccandi in peccatum non incidere, idem est, ac viuere in xta ignem & non incallescere, proximum esse niui & frigus non contrahere. Abr. 119.

Vix pectus tam validum, quod occasionem male faciendi citra offensionem excipiat. Abr. 118.

ODIVM.

Odium hominum in suas animas tale est, ut quod frequentius cernitur, & auditur, eo magis attonitum reddat. PP2. p. 508.

OFFICIOSITAS.

Officiositas simulata Ephronis. PPP. p. 406.

OFFICIUM.

Officio suo satisfacere cupiens, non facta aliorum, sed quid i. semet facere teneatur, consideret. Abr. 5.

Prudentes officium suum explere debent non attendendo ad facta aliorum. Abr. 6.

Commune vitium, ut sua officia curent negligenter, qui diligentius debent. Abr. 33.

Officia magna non faciunt magnos, sed procuratio eorum recta. PP2. p. 469. o.

Officium, opemque perficiendi Deus simul tradit. PP2. p. 569. o.

OPPORTUNITAS.

Plerumque tamdiu sumus prohi quamdiu deest opportunitas mali. Abr. 118.

Fructuosa est omnis negotiatio quæ opportuno tempore instituitur. Abr. 73.

Non adfert salutem medicina nisi opportune exhibita. Abr. 72.

Opportune quæque facienda ut bonum sortiantur effectum. Abr. 72.

Opportune occasionis prætermisio plurimorum malorum origo. Abr. 73.

OPVS.

Operum discretio in hac vita, erit discretio præmiorum in altera. Abr. 130.

Operis principium velut rota illius summa. PP2. p. 442.

Opus magno animo susceptum facilliter perficitur. PP2. p. 441.

Operum suorum quisque est filius. Abr. 168.

Opera Scriptura crebro vocat filios. Abr. 166.

Operarius remissus est, cuius opera plura plus vno non valent. Abr. 174.

Operarius strenuus est, cuius vnum opus pluribus par est. Ibid.

Ignauus est, cuius multa opera vix vnum exquant, ille vero strenuus & heroicus, qui vnum facit quo multis par sit. Abr. 176.

ORATIO.

Oratio assidua quidvis obtinet. PPP. 280.

Oratio ut sit efficax, qualis esse debeat. PPP. 281.

Oratio humilis aurum est, quo Deus expugnatur. PP2. p. 585. o.

Oratio propria quantum præstet alienæ. PP2. p. 503.

Dei vox cur L. bani cedris magis insensa, quam arboribus aliis. PP2. p. 504.

Orationis congressum pertimuisse Deus visus. PP2. p. 586.

Orationis vim Elias eo magis probatam dedi, quod coelum clausit, quam quod pluuiam impetravit. Ibid. 586.

Orationis efficacitatem Christus quam maxime extulit. PP2. p. 586.

Ut orationis vim effugeret Deus, fugit orantem Abrahamum. PP2. p. 587.

Orationis commoda plurima habes. Ibid. 588.

Qui

R E R V M N O T A B I L I O R V M.

P A T I E N T I A.

Qui per orationem non se coniungit Deo, ab illo
recedit. *ibid.*

Orationis loco sunt opera, cum ab illa ad hæc tran-
sire necessitas postulat. PP2. p. 588. & seq.

Orationis loco est angelis quodvis aliud opus, cui
Dei iussu vacant. PP2. p. 589.

Orationis loco potest esse religiosus etiam somnus,
quem Superiorum imperio capeffunt. PP2. p. 590.

Oratio pro utilitate proximorum intermitteri vtiliter
potest. PP2. p. 590.

Oratio multorum est similis siti. PP2. p. 601.

O R D O.

Ordo rebus dignitatem, efficacitatemque adfert.
Diabolus hoc suo exemplo docet. PP2. p. 580.

Ordinatio neglecta numeratissimo exercitui supre-
mam adferre perniciem potest. *ibid.*

Ordo commodus & rebus, & actis appositus oble-
stat spectantes, & res ipsa servat. PP2. p. 581.

Ordinis neglecti incommoda vide *ibid.* ad finem ca-
pitis.

O V I S.

Oves appetente hyeme pabulum copiosius, auidi-
usque ventri ingerunt. Quemobrem, & quo my-
sterio? PP2. p. 538.

P.

P A L L I V M.

Pallium passionum & affectuum humanorum est
symbolum. Abr. 106.

P A L M A.

Palmæ arbor, masculus & foemina reperitur. PPP.
371.

Palma arbor falsum solum diligit. Quo mysterio!
PP2. 613.

P A N I S.

Panes cur Christus bis tantum multiplicauit. PPP.
361.

P A T E R. P A R E N S.

Parentes liberorum sanctorum quam felices! Abr.
163. o.

Parentes multorum proborum filiorum vixalibi,
quam in fabulis reperias. Abr. 164.

Parentes nobiles habere non est honorificum, nisi
nobilitate viuas. Abr. 166. o.

Patres nostri nos ipsi quodammodo. Abr. 168.

Pater non minus is vocari dignus, qui ad virtutem
erudit quam qui genuit. PPP. 239.

Patris impij similes plerumque filij. PP2. p. 521.

Parentes honorandi & consulendi. PPP. 374.

Parentes erga filias ne nimis austeri sunt. PP2. 634.

*Caute despicientes, saluam filiorum
oculos populi effundant. p. 112*

Patienter ferendum, si Deus, quæ petimus, conce-
dere differat. Abr. 82.

Patientia identidem obuerso capite respicit dæmo-
nem. PP2. p. 624.

P A T R I A R C H A.

Patriarchæ veteres cur non stabiles sibi emerūt pos-
sessiones. PP2. p. 644.

S. P A V L V S.

Pauli semicinctio & sudario cur tam prodigiosa per-
petrata miracula. Abr. 116.

Paulus Apostolus ex omnibus suis reculis solam pe-
nulam & libros afferri curabat. PPP. 329.

Pauli maior fuit erga suos cognatos charitas, quam
Moysis in populum. Cur? Abr. 190. & seq.

Paulus ignauorum societatis impatiens. Abr. 195.

Pauli sollicitudo erga confirmandas Ecclesias. Abr.
206.

Paulus per misericordiam Dei potius, quam per vir-
tutem, aut maiestatem obsecrauit Romanos. Cur?
PPP. p. 381.

Paulus in monte, compitis, pratis piscabatur. PPP.
p. 396.

Paulus cur se Apostolum Christi nominauit, cum
vocaret seruum Dei. PP2. p. 476.

Paulus domum hospitalem sibi parari voluit abstam
à loco spectaculorum. Cur? PP2. p. 485.

Paulus duplici cum iuramento affirmandum puta-
uit, ut fidem inueniret, quod gratis prædicare
aiebat. PP2. p. 488. & seq.

Paulus adulteris pares censebat eos, qui pecunias
vendunt, quod facere gratuite tenebantur. *ibid.*
489.

Paulus iussus considerare, quæ Deus illi conferebat,
non quæ inferebat mundus. PP2. 663.

P A V P E R T A S. P A V P E R.

In paupertate tanquam in suo centro pax conquie-
scit. Abr. 24.

Pauperibus opem nostram implorantibus subueni-
re magna liberalitas, at maxima eisdem etiam ob-
uiam occurrere. Abr. 109.

Non expectandum quousque pauperes nos requi-
rant, sed vltro eis occurrendum. Abr. 111.

Indagare pauperem & inquirere anxie cui benefaci-
as, sublimissima charitas. Abr. 111.

Supplicia horrenda imminet his, qui opprimunt
pauperes. Abr. 111.

Paupere qui tegit, se magis tegit. PP2. p. 512. & seq.

Pauper calamitosus ut aurum amplectendus. PP2.
p. 513.

INDEX ALPHABETICVS

- Pauper numis parum valens leo est. PP2. 597.
 Pauper vnus, solusque Baptista Herodem increpare ausus. PP2. p. 598.
 Paupertas religiosa Eliam intrepidum fecit. PP2. p. 600.
 Pauperum pater quis, quisque aduocatus. PPP. p. 399.
- P A X.**
- Pax & diuitiæ non se compatiuntur. Abr. 23.
 Pax & concordia vbi terrenarum rerum contemptus. Abr. 24.
 Pacis statua ad mulieris Pluteum diuitiarum Deum manu ferentis speciem efficta Athenis. Quo mysterior? PP2. 473. & seq.
 Pax omnia bona complectitur. PP2. p. 472. o.
 Pacis nomine bona omnia intelligunt Hebræi. ibid.
 Abraham ex pace omnem sibi abundantiam promissit. PP2. p. 473.
 Pace etiam agri lätari videntur. ibid.
 Pacem Christus Discipulis dono supremo concedens concessit omnia. PP2. p. 474.
 Pax honorum maximum, quo terra constat. ibid.
 Pacem Hebræi optant his, quibus bona omnia precari volunt. PP2. p. 474. & seq.
 Pax bonorum omnium vinculum. ibid. 475.
 Pace nihil grauius, præstabiliusque quisquam optare potest, quia esse timore vacuum præstat. PP2. p. 578.
- PECCATOR. PECCATVM.**
- Culpam peccantium numerus non minuit. Abr. 6.
 Culpe aliorum neminem inculpatum reddunt. Abr. 6.
 Peccator vt oburgationem effugiat, defectus proprios factis aliorum excusat. Abr. 6.
 Peccata in initio statim succidenda, ne consuetudo necessitatem pariat. Abr. 28.
 Peccatum adeo tyrannicum animam Dominum exerceat, vt magis coacte quam sponte imposterum peccare videatur. Abr. 28.
 Promptius exurgit peccator qui statim à lapsu erigunt. Abr. 30.
 Peccatum recenter commissum euellere facillimum, at inueteratum difficillimum. Abr. 29.
 Deus peccatori pia monita submittit, ne ignorantiam prætendat. Abr. 32.
 Nullus peccatorum ignorantiam prætendere, aut de pænis sibi irrogatis iuste queri potest. Abr. 33.
 Nullum est crimen quantumuis graue, cui venia denegetur. Abr. 33.
 Nil præter peccatum ab amicitia Dei nos sperat. Abr. 36.
- Supra.*
- Nullum iter malum quam quod ad peccandum ducit. Abr. 36.
 Peccatum quodlibet suprema hominis infelicitas. Abr. 37.
 Dolores à quibus abest peccatum dolorum nomen non merentur. Abr. 37.
 Peccatum omnia bona sic peruerit, vt conuertat in mala. Abr. 37.
 Nec ob vnum virtutis actum quempiam sanctum, nec ob actum vitiosum perditum peccatorem reprobos. Abr. 65.
 Dissimulare vitia idem est quod eadem fouere. Abr. 87.
 Peccator castigandus, homo fouendus. Abr. 88.
 Nihil indecorum in domo Dei, nisi solum peccatum. Abr. 116.
 Ex nullo nisi peccato honoris iacturam facimus. Abr. 117.
 Seruitus nulla probrosa nisi peccati. Abr. 118.
 Sola peccata hominem vilem sordidumque faciunt. Abr. 117.
 Peccatori ad tegenda iudici scelera nil doli profuturum. Abr. 121.
 Duplicis generis peccatores, alij terræ, alij cœli. Abr. 133.
 Peccatores terræ sunt qui Deum ignorantes, cœli qui eundem agnoscetes offendunt. Abr. 134.
 Peccatores cœli grauius quam terræ puniuntur. Abr. 134.
 Nulli ita digni commiseratione ac peccatores. Abr. 134.
 Deum agnitiu deferere peccatorum grauissimum. Abr. 134.
 Et si omnis peccator deplorandus, ille tamen vel maxime qui Deum offendit quem nouit. Abr. 134.
 Differunt peccare coram Deo & in cœlum. Abr. 134.
 Peccatum diuturnâ consuetudine inueteratum, quasi in necessitatem vertitur. Abr. 136.
 Peccatum cum in anima radices egerit, vix se eradicari finit. Abr. 136.
 Peccatorum nullus adeo grauis quin respicere queat. Abr. 137.
 Peccatum lethiferum animæ toxicum. Abr. 136.
 Filius hominis dicitur habere potestatem in terra dimittendi peccata, ad significandum quamdiu in terra sumus, nullam esse culpam quæ condonari nequeat. Abr. 137.
 Arbitrari ad mentem non posse redire, qui semel illam peccando amiserit summa infania. Abr. 137.
 Seruat plerumque Deus modum in irroganda poena, quem

quē peccator tenuit in perpetranda culpa. Abr. 138.
 Per ea quisque castigatur per quæ offendit. Abr. 139.
 Ex conditione peccati accipit Deus modum supplicij. Abr. 139.
 Instrumentum sceleris à Deo vertitur in flagellum punitionis. Abr. 140.
 Peccator ut culpæ sic & poenæ suæ sibi ipsi est autor. Abr. 140.
 Peccatores sagittis iræ iustos spiculis charitatis configit Deus. Abr. 141.
 Propriâ cuiusque culpâ accidit quod poenas luat. Abr. 141.
 Peccator Deum ad castigandum etiam quasi notentem incitat. Abr. 141.
 Non Deus sed ipse peccator poenæ autor. Abr. 142.
 Peccatoribus conducibilior mors quam vita, quod enim minus viuunt eo minus delinquant. Abr. 143.
 Minores dabit poenas peccator, qui dies paucioris vixit. Abr. 144.
 Peccata etiam ludicra non sunt per ludum ferenda. Abr. 172.
 Ex atrocitate poenarum quibus iusti sua peccata etiam leuissima castigant, peccatores quid pro suis facere debeant, addiscant. Abr. 180.
 Peccatum cur non magis horreat homo. PPP. 231.
 Peccatum regnare, quid designet. PPP. 302.
 Peccatum bombyci comparatur. PPP. 362.
 Peccatum est chyrographum æternæ damnationis. PPP. 362.
 Peccator nullus desperet. PPP. p. 392.
 Peccator poenam. Quæ ratio talis nominis? PP2. p. 485. & seq.
 Peccator quouis bruto magis brutus. PP2. p. 511.
 Peccator nunquam desperet, quantumcumque in flagitia se ingurgitauit. PP2. p. 514. o.
 Peccatorum desperabundorum figura Rachel. PP2. p. 514.
 Peccator nemo desperandus, quamdiu viuunt. PP2. p. 515.
 Peccatum dæmonis non habet remedium hominum habet. ibid. 516.
 Peccatores poenitentia facit admirabiles Angelis. PP2. p. 517.
 Peccator stultissimus est, qui pro momentaneæ voluptatû vsura regno cælorû renūciat. PP2. 510.
 Peccatoris spes alit Deus, non societati. PP2. p. 535.
 Peccatores suâ malè agendi pertinaciâ, & contentione docent quo studio colendæ virtutes. PP2. 566. & seq.

Peccatore nullus meticulosior lepus. PPP. p. 399. o.
 Peccator etiam mortuos timet. PPP. p. 400.
 Ex paruis peccatis generantur magna. PP2. p. 633.
 Peccatum solum, nulla alia miseria lachrymas meretur. PP2. p. 646.
 Peccatum vitandum, ut fugitari coluber solet. Cur? PP2. p. 567.
 Peccare qui nesciuit, mortuo, ac viuentē felicior. PP2. p. 649.
 Peccatum solum vitabile, aliud nihil. PP2. p. 649.
 Peccata qui non magis mortua, quam suppressa in hac vita putat, errat. PP2. 651.
 Peccata cogitationû quantopere fugiebat Iob. PP2. 653. 172.

PECVNIA.

Pecuniam quidam ut ignem fugiunt, ut copiosiores corradant. PPP. p. 407.

PERFECTIO. PERFECTVS.

Nullus adeo mundus & perfectus quin semper plius queat mundari & perfici. Abr. 105.
 Quia multa pauperibus dare non possumus, manum ex toto retrahere non licet. Abr. 77.
 Qui supremum perfectionis fastigium attingere nequit, saltem in mediū peruenire conetur. Abr. 77.
 Qui totum facere non potest, propterea omne studium deponere non debet. Abr. 78.
 Quilibet quantumvis perfectus semper inueniatur aliquid quod corrigat & emendet. Abr. 105.
 Perfectionis studiosus scripturarum contemplationi inhæreat. PPP. 229.
 Perfectionis studiosus ita vultum Christi contempletur, quemadmodum Abraham Saræ defunctæ. PPP. 230.
 Perfectionis fastigium nemo repente inuadit. PP2. p. 464.

PERICVLVM.

Pusilli animi est quæuis imaginata pericula timere. Abr. 17.
 Pericula nobiliora nulla, quam quæ pro salute suscipiuntur aliena. Abr. 189. o.
 Pericula maiora qui euasit, potest minora intrepide aggredi. PP2. p. 594. o.

PERSECVTIO.

Persecutiones hominem terrere non tamen opprimere possunt. PPP. 304.
 Persecutiones iustis, beneficia & officia sunt. PPP. 305.

PERSEVERANTIA.

Perseuerantia discipulorum Christi in oratione linguarum dono remuneratur. Abr. 2.

INDEX ALPHABETICVS

- Iter virtutum ingredienti excitandi, ne à cæpto itinere deficiant. Abr. 21.
 Perseuerantia sola virtutum coronatur. Abr. 14.
 Diebus virtutes, anno virtutum perseuerantia significatur. Abr. 14.
 Ex perseueranti honorum operum exercitio sanctitas coniecturanda. Abr. 65.
 Ex primis actibus neque optimus, neque pessimus quisquam æstimari debet. Abr. 66.
P E S T I S.
 Pestis ferarum efferatissima. PP2. 636.
P E T R U S.
 Petri negatio vnde acciderit. PPP. 377.
 Petrus cur se iactauit in mare, in quo de vita paulò antè periclitatus fuerat. PP2. 492.
 Petrum & Christi aspectus, & galli cantus ad pœnitentiam permouit. Quo documento? PP2. 463.
 Petrus Christum à passione detertere volens, miserationis larnâ suam ignauiam texit, & simulatit beneuolentiam esse, quod erat timor. PPP. 405.
 & seqq.
 Petrus hianti ore obstupuit, cum septuagies septies ignoscendum iniurioso audiuit. PP2. 611.
 Petrus è piscis ore flaterem extrahere iussus ad miracula assuescebat. PP2. 662.
P H A R A O.
 Pharaon cur non subito iuari precibus Moysis petijt? PP2. 548.
 Pharaon inter ærumnas largus promissor, parcus reditor, quando liberatus. PP2. 602.
 Pharaon plagis induratus, mortis contemplatione emollitus. PPP. 255.
P I L A T U S.
 Pilatus cur interrogauit Christum, vnde esset? Abr. 199.
 Pilatus mirabatur tam citò obiisse Christum. Cur? PP2. 550.
P I S C I N A.
 Piscinam probaticam primus intrans sanatur. Quid mysterij? PPP. 289.
P O E N A.
 Omnium tormentorum compendium, inde haurire dolores, vnde venire oblectamenta solebant. Abr. 86.
 Ad irrogandas pœnas prouidum adhibendum consilium, ad beneficia dispensanda non ita. Abr. 123.
 Diu & diligenter deliberandum, si quid austerius in alios statuendum. Abr. 124.
 Ad pœnas inferendas lento ad beneficia eroganda agili pede pergendum. Abr. 124.
 Deus homines castigaturus lentis incedit gradibus, ac beneficia exhibiturus latis saltibus aduolat. Abr. 124.
P O E N I T E N T I A.
 Pœnitentiæ opera suscipientes non quouis malo aut periculo frangi debent. Abr. 19.
 Pœnitentiæ opera verè non sunt aspera. PPP. 339.
 Pœnitentiæ edificium. PP2. 449.
 Pœnitentia moderata neminem occidit. PP2. 450.
 Pœnitentia alijs fons, pureus alijs. PP2. 451.
 Pœnitentiæ fructus facere debent, qui florem tulerunt voluptatis. PP2. 505.
 Pœnitentia parum iuuat aliena, nisi accedat propria. PP2. 505.
 Pœnitentia liberare hominem potest, etiam qui in profundum vitij venerit. PP2. 516.
 Pœnitentia reddit peccatores Angelis admirabiles. PP2. 516.
 Pœnitentiæ procrastinationem qui suadent, dæmonis oratores sunt. PP2. 535.
 Pœnitentiam ergò ne differto. ibid.
 Pœnitentiam diaboli ne expectato. ibid.
 Pœnitentiæ fructum fert omnis terra humana, quantumuis sterilis. PPP. 391. o.
 Pœnitentiæ studium abdicatio consuetarum voluntatum impedire solet. PP2. 630.
P R A E C E P T U M D E I.
 Tota præcepti Diuini utilitas ad eum cui mandatur redundat. Abr. 7.
 Quæ Deus præcipit non in ipsius, sed in nostrum cédunt commodum. ibid.
P R A E D I C A T O R, P R A E D I C A T I O.
 Prædicationis officium intermitteri non debet ob infruosam auditorum auscultationem. Abr. 6.
 Concionis fructus frequenter nullus. Cur? PPP. 232.
 Concionator cautus sit in perstringendis vitijs, ex quibus autores innotescant. PPP. 247.
 Prædicator salutem aliorum, & suam eadem operâ procurat. PP2. 514.
 Prædicatoribus vnde obliuio inter concionandum quandoque nascitur? PP2. 536.
 Concionatores ad suum studium adhibeant moderationem, vt sit durabile. PP2. 620.
P R A E L A T U S.
 Superiores non semper blandos sed quandoque & asperos se subditis exhibeant. Abr. 67.
 Nil efficacius ad fouenda flagitia quàm superioris coniunctis taciturnitas. Abr. 86.
 Vnde etiam sic q. se. Prælati

RERVM NOTABILIORVM.

Prælati subditorum vitia non corrigentes quam
male faciant. Abr. 87.

Prælati postquam subditorum vitia corripuerint,
eorundem animos humanitate demulceant. Abr.
89.

Superior primum mobile ad cuius exemplum sub-
diti se componunt. Abr. 108.

Superiorum factis subditi conformantur. Abr. 108.

Superioris præsentia subditos ad studia & labores
excitat. Abr. 108.

Vbi incurius abest superior, facile languescunt &
torpescunt subditi. Abr. 109.

Prælati vt dignitate sublimiores sic & perfectione
debent esse superiores. Abr. 149.

Vt horologium semper est regularissimum, sic supe-
riores æquissimam semper vitæ rationem habere
debent. Abr. 150.

Lucerna Prælatorum tenebræ subditorum sunt
symbolum. Abr. 151.

Vt lux tenebras, sic Prælati subditos vitæ sanctitate
superare debent. Abr. 151.

Prælati ciuitates, subditi velut quidam pagi. Abr.
151.

Superiores magis quam subditi ad vitæ sanctitatem
obstringuntur. Abr. 151.

Prælati boni bonos faciunt subditos. PP2. 519.

Prælatorum onus oneribus alijs omnibus grauius.
PP2. 561. o.

Prælatorum exemplar Iacob. PP2. 561.

Prælatum qui aliquem faciunt, bello lacesunt. PP2.
562.

Cui præfectura, eidem facultas datur, quâ posset
esse miser, & omnis quietis expertus. PP2. 562.

Vel si stipes, aut truncus sit Prælatum, virescet, & flo-
rebit, si à Deo constitutus, aut ex eius voluntate
electus. PP2. 570.

Prælati non debent excitandis sumptuosius ædificijs
studere. PP2. 598.

Prælatum subditi Angelum vocant, si voluntati eo-
rum, voluptatiq; obsequatur, tyrannum, dæ-
monem etiam, si malefacta castiget. PP2. 609.

Præfecturas ab hominibus decrepitis ambitiosè
queri, turpe. PP2. 565.

Quicunq; eas expetunt, quanta sunt animarum pon-
dera, nesciunt. ibid.

Prælatum esse, & ex officio imperare pœna est o-
mnium cruciatuum acerbissima. PP2. 563.

P R E M I V M

Quæ præmia promittat Deus his, qui prolixâ manu
egessati miserorum succurrunt. Abr. 109.

P R E S E N T I A.

Nullò validius quam Dei præsentia à peccatis auo-
camur. Abr. 94.

Insolens est inuerecundia præsentē Deo perperam
agere. Abr. 94.

Spes certa veniæ remanet quamdiu diuinæ præsen-
tiæ viget recordatio. Abr. 95.

Qui præsentis diuinæ non reminiscitur, omni salu-
tis remedio videtur destitui. Abr. 95.

Validissimum frænum Dei præsentia ad quoscunq;
prauos appetitus cohibendos. Abr. 95.

P R E S U M P T I O.

Præsumptio de misericordia Dei dæmoni occasio
damnationis fuit. PP2. 536.

P R I N C E P S.

Princeps & amari & timeri procuret. Abr. 67.

Principium rei dimidium illius. PP2. 443.

Principium viuendi licentiam procliuiter sequuntur
subditi. PP2. 520.

Principium consiliarij quæ fugere debeant. PP2. 599.

Princeps iniquitatis vltionem inter splendiores
triumphos numeret. PP2. 641.

P R I N C I P I V M.

Principium cuiusque rei pars illius potissima. PP2.
pag. 441. & 442. & 444.

Principium operis velut tota illius summa. PP2. 441.

P R O H I B I T I O.

Prohibitum ille sepelire mortuos parentes quod
mansit, id mirissimum. PP2. 629.

Prohibita appetimus audius. PP2. 628.

P R O P E N S I O.

Plerumque eo feruntur homines, quod eos sua pro-
pensio ducit. Abr. 149.

P R O S P E R I T A S.

Animi moderatio in prosperitatibus adhibenda.
Abr. 53.

Nec prosperitatibus superbire, nec aduersitatibus
deijci debemus. Abr. 144.

Nec prosperitatum nec calamitatum perpetua du-
ratio. ibid.

Prosperitatum & miseriæ humanarum variabi-
litas & inconstantia. Abr. 145.

Æquè in prosperitatibus ac aduersitatibus Deo in-
seruiendum. Abr. 146.

Prospera & aduersa æquali animo toleranda. Abr.
147.

Oriens prosperitatis, occidens aduersitatis est sym-
bolum. Abr. 146.

P R O X I M V S.

Proximorum errata excusantes Deo ad instar filio-
rum.

INDEX ALPHABETICVS

- rum gratissimi. Abr. 122. & 123.
 Proximorum peccata non reuelanda, cum Deus ipse difficulter scelera detegat humana. Abr. 123.
 Pro Angelis habendi qui proximorum tegunt vitia. Abr. 123.
 Proximorum tegentes vitia niui similes quæ omnia immunda non solum tegit, sed etiam pulchra apparere facit. Abr. 123.
 Proximo inter angustias posito non succurrens, fera potius quam homo iudicandus. Abr. 50.
 Insigni flagitij genus fratri in afflictione posito non succurrere. Abr. 51.
 Virtutes proximorum publicandæ, noxæ verò et si publicæ occultandæ. Abr. 122.
 Proximus noster est speculum nostrum. PPP. 232.
PRVDENS. PRVDENTIA.
 Prudentum est silentio inuoluere quæ alijs adferre queant molestiam. Abr. 101.
PSALMVS.
 Psalmi 118. singuli octonarij inchoantur per singulas Hebræorum ex ordine litteras ab Alpha vsq; ad Tau. Cur? PPP. 221.
PVER.
 Puerorum educatio bona quam necessaria. Abr. 169. o.
 A puero malum quod dæmon abripiat, nihil mirum. Abr. 170.
 Quam quis puer tenuit viam, eam & senex terit. Abr. 170.
 Puer ab adolescentia innouari cur iubetur. ibid.
 Iugum Domini facilius portat, qui à puero assuevit. ibid.
 Puero Christo cur myrrha oblata? ibid. & seq.
 Puer assuescat doctrinā, quam etiam non intelligit. Abr. 171.
 Item missas audiat, rosarium legat, & ebalbuiat, ieiunet, vel aliquando. ibid.
 Puerorum doctor numerator est turrium. ib. & seq.
 Pueris in foro ludentibus quidam similes. Abr. 199.
 Pueri longæui quinam. PPP. 287.
 Puer centum annorum morietur. PPP. 292.
PVGNA.
 Corona illi, qui vsque in finem pugnaverit, seruatur. Abr. 15.
 Pugna quomodo adornanda hoste appropinquante. PPP. 355.
PVLCHRITVDO.
 Pulchritudinem Rachelis licitè desiderauit Iacob. PP2. p. 482.
 Pulchritudo principatus naturæ, & potior omnibus epistolis commendatitijs. ibid. & seq.
 Pulchritudo, & venustas fortia arma. PP2. p. 482. o.
 Pulchritudo regnum sine custodibus. PP2. p. 483.
 Pulchritudo ferit, vulnerat, triumphat. PP2. p. 483.
 Pulchritudo hebetat enses. ibid. 484.
 Pulchritudo animæ vrbana vestis. ibid.
PUTEVS.
 Puteus in sacra Scriptura, cuius rei symbolum sit. PPP. 221.
 Puteus viuientis & videntis ab Agar primo nominatus. PPP. 226.
 Putei, & fontis quod discrimen? PP2. p. 450.
 Putei, & fontis quæ differentia. Abr. 204.
PYTHAGORAS.
 Pythagoræ ingens apud auditores autoritas. PP2. p. 500.
R.
RACHEL.
 Rachel cur in via sepulta, & erectus ei titulus. PPP. 253.
 Rachel pascere gregem cur dicta? PP2. p. 470.
 Rachel formosa, sed sterilis. Cur? PP2. p. 495.
 Rachel suam qualemcumque voluptatū ex liberis habuit, quos famula peperit. Quo mysterio? PP2. p. 502.
 Rachel mariti sui honestæ consuetudini pro vili plantula renuntiavit. Quo mysterio? PP2. p. 508.
 Rachel, quæ se mortuam putabat, quod tam diu improlis esset, symbolum peccatorum desperabundorum. PP2. p. 514. & seqq.
 Racheli mortem peperit filius, quem ipsa peperit. Quo mysterio? PP2. p. 639.
RANA.
 Ranæ quædam species *mimus* vocatur, quæ canes mutos efficit. PP2. p. 583.
 Ranæ ossiculum feruorem bullientis aquæ sedat. ibid.
RAPHAEL.
 Archangeli Raphaélis, responsum Tobie interroganti, elucidatur. PPP. 225.
RATIONALE.
 Rationale summi Sacerdotis, exercitu ad bellum procedente, splendidius fulgebat. PPP. 332.
REBECCA.
 Rebecca, inauribus aureis ornata, mox amplioribus muneribus aucta, quid designet. PPP. 222.
 Elizæ minister Cornus, symbolum Doctoris. PPP. 223.
 Rebecca in vtero collisio paruulorum. PPP. 284.
 Rebec,

RERVM NOTABILIORVM

Rebecca, quæ desperauerat prolem, populos in vtero gestarit. Quo mysterio? PPP. p. 393.
 Rebecca prudentia quæ ex re eluxit. PP2. p. 448.
 Rebecca in vtero cur fetus collidebantur. PP2. p. 496.

RECORDATIO.

Crebra Dei recordatio signum est flagrantis erga eum charitatis. Abr. 17.

RECREATIO.

Spiritus honestâ recreatione nonnunquam est relaxandus. Abr. 78.
 Honestæ recreationes non solum licitæ, sed & quandoque necessariæ. Abr. 78.
 Nulla exercitia sine quietis intercapedine perdurabilia esse possunt. Abr. 79.
 Recreationes licitæ permittendæ. PPP. 377.

RELIGIOSVS

Religiosorum quorundam stultitia. Abr. 202.
 Religiosus quis diuturnior in Ordine? PPP. 293.
 Religiosus lubenter maneat in monasterio. PPP. 322.

Religiosis per plateas discursatio peregrinam speciem inducit. PPP. 323.
 Religiosus intrâ septa Monasterij sui rariùs cadit. PPP. 324.

Religiosis quare foris venientibus pedes lauentur. PPP. 326.

Paschatis & diebus solennioribus largiùs, copiosiore cibo Religiosi reficiendi. PPP. 348.

Colloquia Religiosis conceduntur. PPP. 378.
 Religiosorum recreationes sint sicut hortus conclusus. PPP. 379.

Novitij seu vitæ religiosæ, seu literarum tyrones non terrendi statim difficilioribus. PP2. p. 445.

Religiosus quidam candidus, & syncerus ex optimo suæ mentis statu optimè de omnibus iudicabat. PPP. p. 382.

Sacerdotibus, & religiosis nemo facilè detrahat. PP2. p. 551.

RESPUBLICA.

Vt felix sit Respublica timore & amore gubernanda. Abr. 67.

Facilius est errare naturam, quàm dissimilem sui Princeps possit formare rempublicam. PP2. 520. & seq.

REX, REGNVM.

Reges plurimùm attendere debent conseruationi suorum subditorum. Abr. 39.

Regum salus & vita in subditis est posita. Abr. 39.
 Deus in suo regimine nullius, Rex subditorum sub-

Tom. III.

sidij est indigus.

Abr. 40.

Quod absque vnguibus aquila, hoc absque milite & subditis Princeps. Abr. 40.

Regiæ maiestatis conseruatio ex subditorum pendet salute. Abr. 40.

Deus sibi est consiliarius, at Principes agendi consilia à sapientioribus postulant. Abr. 41.

Regem prodesse etiam solum oportet, nocere non nisi cum pluribus. Abr. 125.

Naturæ corruptæ grauissima pestis libito regnandi. PPP. 308.

Regum terrenorum imbecillitas ex ministrorum relucet multitudine. PPP. 370.

Regnum Christi non indiget ministris. PPP. 370.

RHETORICA.

Artificiosa Rhetorices industria silentio rem prætere, vt hinc maior æstimetur. Abr. 63.

RISVS.

Risus quid mali pariat. PP2. 637.

ROBOAM.

Roboam si lenia verba dare sciuisset, seruassit suum regnum. PP. p. 606.

Roboam cur tridui inducias petijt, cum tributorum minuere onera rogatus fuit? PP2. p. 527.

ROBUR.

Robur non in vociferatione, sed in operibus & executione consistit. Abr. 71.

ROSA.

Rosa cur facilè citòque marcescit? PP2. p. 621.

RUBEN.

Ruben fictè pius in fratrem. PP2. p. 560.

S.

SACERDOS.

Sacerdos quare in memento repetit memoriam eorum, quos iam Deo commendarat. PPP. 288.

Sacerdotes cur vult Ecclesiâ iniuges? PP2. p. 599.

SACRAMENTVM EVCHARISTIÆ.

Sacramentalis corporis dominici susceptio sine spiritali parùm prodest. PPP. p. 417.

Sacramentum eucharistiæ sumpturus ex æquæ puritate recens baptizatum debet. ibid.

Deo à summo cælo ad terram digresso qualisnam domus apparanda. PPP. 418.

SALOMON.

Salomon ex mille vxoribus filium vnicum habuit. Abr. 174.

Admirabilior fuisset, si ex vna liberos mille genuisset. ibid.

Tit

SALVA

INDEX ALPHABETICVS.

SALVATIO.

Saluationis causa studio quærare alieno, est refocillare vulnus, sed non quærare curationem. PP2. 502. o.
 Hominum quisque sic quærare saluationem, sic fugere damnationem debet, tanquam idem sit ipsum saluari, aut damnari, ac totum mundum saluari, aut damnari? PP2. p. 528. o.
 Salus æterna non curatur solis verbis, vt quædam vulnera. PP2. p. 502. o.

SANCTVS, SANCTITAS.

Sanctitati propriæ non nimium tribuendū. Abr. 59.
 Virtus & sanctitas est homini vestimentum mutuitium. Abr. 59.
 In sanctitatis itinere semper progrediendum, & nunquam retrocedendum. Abr. 93.
 Sanctus esse quis potest quamuis non sit innocens. Abr. 130.
 Tam sanctus nemo, quin aliquando insepescat. PP2. p. 458. o.
 Sancti suas habent quandoque animi ægitudines. PP2. p. 458.
 Sancti nunc alacrius, nunc segnius agunt. PP2. 459.
 Sanctitatem diu simulare difficile. PP2. p. 547.
 Stellæ sunt, qui sanctitatem colunt. PPP. p. 401.
 Sanctos crudelius diabolus infestatur. PP2. p. 555. o.
 Sanctitatem Dei cum auxilio illius imitari vt cumq; possumus. PP2. p. 571.

SARA.

Sara senicula primum peperit, vt partus serus ex tardatione maiorem haberet æstimationem. Abr. 161.
 Sara longos annos vixit, vt filio, quem nonagenaria ediderat, gaudere aliquamdiu posset. Abr. 161.
 Sara de famula apud maritum querula, cur ad diuinæ iustitiæ tribunal prouocârit. PPP. 276.

SARDIVS.

Sardius aptum hominis libidinosi hieroglyphicum Abr. 48.

SAVL.

Saul vix oculis suis credebatur, vt crederet esse Dauidem illum, quocum loquebatur. Cur? PP2. 610.
 Saul cur inermem Dauidem cum gigante pugnam ire permisit. PP2. p. 643.
 Saul se autorem czdis Amaleitarum fecit, seruati gregis culpam in populum coniecit. Cur? PP2. p. 645.

SCANDALVM.

Scandala quandoque præbent maiora, qui sanctitate eminere deberent sublimiori. Abr. 35.

SCIENTIA.

Scientia vnius rei licet perfectissime illam calleas nulla est. PPP. 361.

SCINIPHES.

Sciniphes pusillulæ musculæ magnos suo stimulo adferunt dolores. Quo mysterio? Abr. 172.

SCRIPTVRA.

Scripturæ artificium opus digitorū Dei. PPP. 328.
 Scriptura sacra cur post Pentateuchum historiam Iudicum narrat. PP1. p. 615.

SECVRITAS.

Securitas hominis maxima nihil putare securum. Abr. 191.
 Securitatem vita præsens nullam habet. Abr. 192.

SENEX.

Senes & virtuosus carent verecundiâ. Quare? Abr. 117.

SEPTENARIVS NUMERVS.

Septenarius numerus in sacris literis pro infinito ponitur. Abr. 120.

SEPVLCHRVM.

Sepulchreta Veterum Hebræorum, Romanorumq; ruri erant. Abr. 194.
 Sepulchra concupiscentiæ quænam, & cur sic dicta? PP2. p. 638.

SERAPHIM.

Duo Seraphim laudes Dei decantantes sunt Angelus, & homo. Abr. 17.

SERVVS.

Seruorum non est, dominorum consilia discutere, sed tantum iussa exequi. Abr. 5.
 Seruus Euangelicus cur talentum Domini sui absconderit. Abr. 6.
 Fidelis seruus, & prudens iudicatur, qui à Domino in fidelitate perseuerasse inuenitur. Abr. 12.
 Seruus fidelis nec arrogare sibi, nec erogare prodigè aliena debet. Abr. 194.
 Seruitus homini libero maximus cruciatus. PPP. 303.

Seruus cras, qui hodie Dominus in mundi scena. PP2. p. 472.

Serui talentorum imparium dispensatores par habuerunt præmium. Quo mysterio? PP2. p. 471.

SERVVS DEI.

Studium Deo seruiendi nunquam etiam in extrema senectute dimittendum. Abr. 92.
 Seruo Dei in stadio virtutis nunquam quiescendum, sed semper ad perfectiora tendendum. Abr. 93.
 Seruus Dei generosus equi sit similis. Abr. 93.
 Vti instrumenta musica in omnibus manum sequuntur.

RERVM NOTABILIORVM.

tur artificis, sic veri serui Dei voluntati diuinæ in omnibus tam prosperis, quàm aduersis conformare debent.

Abr. 147.

Seruitium Dei est quasi cantus.

PPP. 377.

Non omnis qui seruus Dei, etiam statim Apostolus.

PP2. p. 476.

Seruum Dei non vna, sed multa patientia facit.

PP2. p. 477.

Seruos Dei habere de malo suspectos minimè debemus.

PP2. p. 549. o.

SILENTIVM.

Silentium breue discipulorum linguarum omnium scientiæ remuneratum.

Abr. 2.

Silentium perpetuum, si præcepto exigas, vix obtinebis.

PP2. p. 629.

SIMVLATIO.

Simulata officiositas Abimelechi.

PP2. 407. & seq.

Simulata humilitas.

PPP. 407.

Simulata Ephraimitarum officiositas.

PP2. p. 558. & seq.

Simulata Israëlitarum querimonia, expositulantium, quòd ex Ægypto educti essent vnde nata.

PP2. p. 559.

Simulauit vrbaneitatem Anna Didonis soror.

ibid. & seq.

Finxit pietatem Ruben ergà fratrem Simeonem, cum filios pro illo obruncandos patri obtulit.

PP2. 560.

Simulatitiarum rerum infensissimus hostis est vis ipsa, quæ finguntur.

PP2. p. 548.

Simulatitiz, siue adscititiz pulchritudinis, & natiuz quodnam discrimen.

ibid.

Simulata officiositas Ephronis.

PPP. p. 406.

Simulata deuotio Herodis.

PPP. p. 407.

SITIS.

Sitis in abundantia aquarum intolerabilis.

PPP. p. 412.

SOCIETAS.

Societas malorum contagiosa.

Abr. 194. o.

Societatem ignauorum non ferebat S. Paulus.

Abr. 195.

Societas malorum generorum penè fecit, vt Lot cum Sodomitis periret.

Abr. 195.

Societate malà quia vacuum cælum, idèò tranquillum.

ibid.

SODOMITE.

Sodomitiz idèò grauissimè puniti, quia Deum quem per Lot agnouerant malitiosi offenderunt.

Abr. 139.

SOL.

Sol & Luna cum oriuntur maiores videntur.

PPP. p. 273.

Sol non patitur naturale deliquium in proprio domicilio, nec Religiosus in suo conclaustro.

PPP. p. 224.

Solem nemo vel extinguere, vel ex orbe suo deicere potest.

PPP. p. 403.

SOMNVS.

Somnum fugiat, qui cum hoste semper in somni pugnat.

PP2. p. 622. o.

SPE S.

Spes vana, quæ studijs nititur alienis.

Abr. 164. o.

Spes nostra sæpè fallitur, sitque, ibi multa, & magna reperiamus, vbi pauca, & parua expectabamus.

PPP. p. 294. o.

Spes, & timor sunt duo molares lapides.

PP2. 461.

Spe, ac timore fulciri debet, qui virtutis cacumen petit.

PP2. 461. o.

Spes, & timor amoris flammam enutrient.

PP2. p. 463.

Spes eorum, qui solis verbis aliorum saluari possè putant, aërea est.

PP2. p. 503.

Spem nobis faciunt exempla sanctorum.

PP2. 617.

SPIRITVS.

Quandoque magis algent spiritu, qui ardentius flagrare deberent.

Abr. 35.

STATVS.

Statu, & gradu suo quisque contentus viuato.

PP2. p. 471.

STERILITAS.

Sterilitas remedium.

PPP. 279.

SVBDITVS.

Omnium iurium & legum nexibus adstringuntur subditi ad subueniendum suis regibus in necessitatibus.

Abr. 38.

Vita etiam subditorum pro Regum suorum sospitatione profundenda.

Abr. 39.

Sicut vinea humo, sic rex subditis eget.

Abr. 41.

Interitus regum non auri, sed amicorum, subditorumque inopiz adscribendus.

Abr. 42.

Superiorum exemplo facillè mouentur subditi.

Abr. 109.

Superiorum errores pernitiabilissimi subditis.

PP2. 519 & seq.

Subditi fumo esse similes solent.

PP2. 630.

SVSPICIO.

Susplicari malos, cum alios nullos, cum seruos Dei minimè debemus.

PP2. p. 549. o.

Suspectum semper debet nobis esse, quòd semel est.

Tttt 2

xiii

INDEX ALPHABETICVS

xiij causa fuit. PP2. 552.
SYMMACHVS.
 Symmachus aliorum gratulationem sibi exposce-
 bat, eò quòd inuidiosus esset. PPP. 384.

T.

TABACVS SORDIDA HERBA.
 Tabaci damnatio. PPP. 272.

TABERNACVLVM.
 Tabernaculum veteris Testamenti mundi est typus. Abr. 120.

TENTATIO.
 Tentatio Christi, vt è lapidibus panes efficeret. PPP. 368.

TESTAMENTARIVS.
 Testamentarijs tua curanda ne commiseris, quæ cu-
 rare ipse potes. PP2. 530.
 Testamentarij sibiipsis aliquando vsurpant hæredi-
 tates pupillorum. PP2. 532.
 Stultum est sperare à testamentarijs, quod tibi ipse
 non præstes. ibid.

THARE.
 Thare qui petere terram Chanaan coeperat, per
 viam in Haran conqueuit. Quid mysticè signifi-
 cet? Abr. 10.

TIGRIS.
 Tigridis natura circa prædam. PPP. 281.
 Tigris flumen initio pigre fluit, nec cum suo nomi-
 ne. Quo documento? PP2. 466.

TIMOR.
 Id solum timendum quod prudentia formidandum
 consulit. Abr. 18.

Ignauia est mortem ex dubia valetudine nimis an-
 xie timere. Abr. 19.

Homines plerique magis timore quàm amore du-
 cuntur. Abr. 69.

Plus cruciat timor poenæ futuræ iam præconceptæ,
 quàm præsens affligat. Abr. 180.

Timor Dei solus fugat crimina, innocentiam seruat.
 Abr. 188.

Timor est fundamentum salutis, præsumptio da-
 mnationis. PPP. 375.

Timore ac spe fulciri debet, qui virtutis fastigium
 petit. PP2. 461. o.

Timor & spes duæ molæ. ibid.

Timor & spes nutrices amoris. PP2. 463.

Timere & abundare, literis & syllabis differunt, re-
 apse nihil. PP2. 597.

Timoris passio quàm crudelis. PP2. 575. o.

Timorem mortis sublatum Christus venit. PP2.
 576.

Timor vbi adest, ibi nihil formidabile mors habet.
 PP2. 576.

Timoris medicina mors. PP2. 572.

Timor intolerabilior Eliæ, quàm mors fuit. PP2.
 577.

Timore vacuum esse optat, qui pacem, quare nihil
 etiam præstabilius precari potest. PP2. 578.
Thubalis Ind. Aduersitas.

TRIBVTVM.
 Tributa moderata conceduntur, prægrandia pluri-
 morum malorum sunt seminaria. Abr. 42.

Tributa moderata Deus miraculis comprobauit.
 Abr. 42.

Vt arbores quæ nimio studio ad maiorem fructuum
 copiam edendam coguntur citius exarescunt, sic
 Respublicæ à quibus nimia extorquentur tribu-
 ta, facilius opprimuntur. Abr. 43.

Non possunt non perire reges, qui iniquis extorsio-
 nibus subditos exhauriunt. Abr. 44.

Sicut iumentum fræno & stimulo, sic populus tri-
 buto cogitur. Abr. 45.

Quæstio & tributum eodem dragmæ nomine signi-
 ficantur. Abr. 46.

TOBIAS.
 Tobiam calida Hirundinum stercorea excæcarunt.
 PPP. 349.

TYPOGRAPHIA LAUDATA.
 Laus Typographorum. PPP. 330.

V.

VENETI.
 Venetorum dux mari desponsatur. Quo mysterio?
 PP2. 563. & seqq.

VENVS.
 Venerem Mars sequitur, non Martem Venus. PP2.
 594.

VERBVM DOMINI.
 Cur verbum Domini super Ioannem magis, quàm
 ad illum factum dicitur? PP2. 506.

VERITAS.
 Indagare rei nunquam auditæ veritatem non solum
 à culpa alienum, sed & quandoque necessarium.
 Abr. 22.

Veritas

RERVM NOTABILIORVM.

Veritas de mendacio tandem triumphat. PPP. 401. o.

Veritas improbitate depressa emergit. PPP. 402.

Veritatis characteres ad quadraturam tendunt. Quo mysterio? PPP. 402. & seqq.

Veritas laborat sæpè, nunquàm extinguitur. PPP. p. 403.

Veritatem mendacio qui expugnare vult, idem durissimum filicem inermis manù vult confringere. PPP. 404.

Veritas & iustitia tandem obtinent. PPP. 402.

Veritati nihil præscribere potest. PPP. 404.

VIA.

Ambulantes per viam planam, cur magis fatigantur, quàm incedentes per inæqualem. PPP. 377.

VICTORIA.

Victoria pugnae difficilioris illustrior. PPz. 611. o.

VINDICTA.

Vindictæ genus nullum sublimius, quàm exhibere bona his, à quibus acceperis mala. PPz. p. 617.

VINVM.

Vinum corruptum quandoque mutatione loci curatur. Abr. 4.

VIOLENTVM.

Violentum nullum perpetuum. PPz. 546. o.

VIR.

Vir & mulier colloquia miscentes non oculis miscant, sed plurimam modestiæ habeant rationem. Abr. 109.

VIRGA.

Virgæ, quas Iacob venientibus ad potandum omnibus proposuit, quid significant? PPz. p. 518.

VIRGO.

Virginēs satux cur sic dictæ. Abr. 200.

Virgines, quæ sponso exierunt obuiam, altius honoratæ, quàm serui, qui domi illum expectarunt. Abr. 209.

Virgo primo non facillè cedit, aut concedit inuafori. PPz. p. 526. & seqq.

Virgines religiosæ sacrificium Dei. PPz. p. 627.

VIRTVS.

Virtutes plerumque reperies apud rusticos & pauperes, quàm apud nobiles & diuites. Abr. 35.

Virtus proponenda quâ parte amabilis spiritui, non quâ formidabilis carni. PPz. 445. o.

Virtuti amaritudinem, & asperitatem nostra ignorantia affingit. PPz. 445. o.

Virtutes ex se cicures, & placidæ. ibid.

Virtutem qui immanem opinantur, somniiatores sūt. PPz. p. 451.

Virtutum cessatio redit ad improbitatē. PPz. p. 457.

Virtutibus qui inferior, ille apud Deum viliior. PPz. p. 469.

Nec virtus vna sanctum, nec flos vnus hortum facit. PPz. p. 476.

Virtutis bonum opus vnum non facit sanctum, sic nec vnus crinis senem. PPz. p. 478.

Virtus imperat, & rogat, nec auditur, vixit annuit solum, & accurrimus. PPz. p. 487.

Virtutum thesauros cum vani ambitus aura commutare, insignis amentia est. PPz. p. 508. o.

Virtutes nostræ ex misericordia Dei & studio nostro crescunt. PPz. p. 573.

Virtus studium esto moderatum. PPz. p. 627.

Virtutis fundamenta nulla vnquam superflua. Abr. p. 206.

VISIO.

Visio nostra parua suam exiguitatem rebus visis communicat. PPP. p. 427.

VITA.

Vitæ huius ærumnas absque omni allevatione & intercedente tolerare impossibile. Abr. 80.

Vitam illi eripi qui eam ad Dei offensam videretur, maximæ benevolentia Diuinæ indicium. Abr. 142.

Vita hominis quanta sit. PPP. 291.

De acta vita clausulam illius arbitrari possumus. PPz. 543. & seqq.

VITIS.

Vites insanæ quæ, & cur sic dictæ? Abr. 201.

VITIVM.

Deum nostra vitia faciunt parcum. PPz. p. 501.

VOLVNTAS. VOLENS.

Voluntas suauiter disponenda, ut suas operationes promptius exerceat. Abr. 19. o.

Volenti omnia facilia, nolenti cuncta difficilia. Abr. 20.

Vbi promptæ voluntas ibi nulla difficultas. Abr. 20.

Se & alios saluare facillè potest, qui voluntatem suam iudicio submittit aliorum. Abr. 31.

Semper nobis suspecta esse debent, quæ sunt propriæ voluntatis consilio. Abr. 32.

Qui non valet quod velle, faciat quod potest. Abr. 76.

VOLVPTAS.

PPP. 341.

PPP. 342.

342.

p. 402.

PP 2. p. 487.

PP2, p. 511. Q.

Abr. 197.

ibid.

ibid.

Z.

Abr. 129.

PPP, p. 426.

PPP. 319.

PP2. P. 5920

duplate mund. nōs dēuū ex illis et quid 241.
Attēdie a falsis yphor. qui ponat pag. 412
F I N I S.



quia id
quod non
quibus
bit eos,
eorum,
non tra-
ducat in
in finem
ur, idem
iam in-
Spiritus

cit,


am,
efia
am
i-



Biblioteka Jagiellońska



stdr0029460



VITA TABRAKE

R. P. NISSEN

TOM. III. ET IV.